


Jag₁ 'mî₂
a₂ma₂li' ₅₄ quian' ₅₄
Diu₄



New Testament in Chinantec, Tepetotutla (MX:cnt:Chinantec,
Tepetotutla)

Jag₁ 'mí₂ a₂ma₂li' quian' ₅₄ Diu₄
New Testament in Chinantec, Tepetotutla
(MX:cnt:Chinantec, Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 30 Dec 2021

5c52af9e-3086-5d57-9b7e-2e495fea8899

Contents

SAN MATEO	1
SAN MARCOS	83
SAN LUCAS	133
SAN JUAN	215
HECHOS	278
ROMANOS	352
PRIMERA CORINTIOS	385
SEGUNDA CORINTIOS	416
GÁLATAS	437
EFESIOS	449
FILIPENSES	460
COLOSENSES	468
PRIMERA TESALONICENSES	475
SEGUNDA TESALONICENSES	481
PRIMERA TIMOTEO	485
SEGUNDA TIMOTEO	494
TITO	500
FILEMÓN	504
HEBREOS	506
SANTIAGO	532
PRIMERA PEDRO	540
SEGUNDA PEDRO	550
PRIMERA JUAN	556
SEGUNDA JUAN	564
TERCERA JUAN	566
JUDAS	568
APOCALIPSIS	571

Jág₁ Dse₃ quió'₅ Diú₄ a₂ca₂tó'₂ San Mateo ne₄ Si₂

Dsa₂ can'₅₄ quián₅ Jesucristo i₂jme₁chan₂ ma₂líg'₂
(Lucas 3:23-38)

¹ A₂la₂ bá₄ caun₂ lista ja₁le₁ton₅ dsa₂ can'₅₄ quián₅ Jesucristo i₂jme₁lín₄ tsi₁jon₂ quián₅ David* quian'₅₄ Abraham.

² Abraham ca₂lin₃ jmei₂ Isaac,

Isaac guë'₂ ca₂lin₃ jmei₂ Jacob;

Jacob guë'₂ ca₂lin₃ jmei₂ Judá quian'₅₄ riin'₅₄.

³ Judá guë'₂ ně₃ ca₂lin₃ jmei₂ Fares quian'₅₄ Zara
 tē₂le₃ quian'₅₄ Tamar.

Fares guë'₂ ca₂lin₃ jmei₂ Esrom;

Esrom guë'₂ ca₂lin₃ jmei₂ Aram.

⁴ Aram guë'₂ ca₂lin₃ jmei₂ Aminadab;

Aminadab guë'₂ ca₂lin₃ jmei₂ Na'asón;

Na'asón guë'₂ ca₂lin₃ jmei₂ Salmón;

⁵ Salmón guë'₂ ca₂lin₃ jmei₂ Bo'oz

tē₂le₃ quian'₅₄ Rahab.

Bo'oz guë'₂ ca₂lin₃ jmei₂ Obed

tē₂le₃ quian'₅₄ Ruth.

Obed guë'₂ ca₂lin₃ jmei₂ Isaí;

⁶ Isaí guë'₂ ca₂lin₃ jmei₂ Rag₅₄ David.

Rag₅₄ David guë'₂ ně₃ ca₂lin₃ jmei₂ Salomón,

(tē₂le₃ quian'₅₄ i₂jme₁lín₄ dsa₂ mí₂

quián₅ Urías le₂jñiá₅).

⁷ Salomón guë'₂ ca₂lin₃ jmei₂ Roboam;

Roboam guë'₂ ca₂lin₃ jmei₂ Abías;

Abías guë'₂ ca₂lin₃ jmei₂ Asa;

⁸ Asa guë'₂ ca₂lin₃ jmei₂ Josafat;

Josafat guë'₂ ca₂lin₃ jmei₂ Joram;

Joram guë'₂ ca₂lin₃ jmei₂ Usías;

⁹ Usías guë'₂ ca₂lin₃ jmei₂ Jotam;

Jotam guë'₂ ca₂lin₃ jmei₂ Acáz;

Acáz guë'₂ ca₂lin₃ jmei₂ Ezequías;

¹⁰ Ezequías guë'₂ ca₂lin₃ jmei₂ Manasés;

Manasés guë'₂ ca₂lin₃ jmei₂ Amón;

Amón guë'₂ ca₂lin₃ jmei₂ Josías;

¹¹ Josías guë'₂ ca₂lin₃ jmei₂ Jeconías quian'₅₄ riin'₅₄,

(lia'₂ con'₂ jmi₄ jme₁ca₂i₃lén₂ dsa₂ israelitas

a₂ca₂tág₃ dsa₂ jui₅ 'uë₃ Babilonia).

* 1:1 Rag₅₄ David i₂ca₂rë₃chán₃ con'₂ co₂mei₅ ñi₂ né'₃ a₂ca₂rë₃chán₃ Jesús.

¹² Cang₂ jme₁ma₂tág₃ dsa₂ 'uë₃ Babilonia jaun₂,
ca₂lin₃ Jeconías jmei₂ Salatiel;
i₂ca₂lin₃ jmei₂ Zorobabel;

¹³ Zorobabel ně₃ ca₂lin₃ jmei₂ Abiud;
Abiud guë'₂ ca₂lin₃ jmei₂ Eliaquim;
Eliaquim guë'₂ ca₂lin₃ jmei₂ Azor;

¹⁴ Azor ně₃ ca₂lin₃ jmei₂ Sadoc;
Sadoc guë'₂ ca₂lin₃ jmei₂ Aquim;
Aquim guë'₂ ca₂lin₃ jmei₂ Eliud;

¹⁵ Eliud guë'₂ ca₂lin₃ jmei₂ Eleazar,
i₂ca₂lin₃ jmei₂ Matán;
Matán guë'₂ ca₂lin₃ jmei₂ Jacob;

¹⁶ Jacob ně₃ ca₂lin₃ jmei₂ José, dsi₂i₂gu₂ María;
María guë'₂ ně₃ ca₂lin₃ chog₅₄ Jesús
i₂tě'₂ dsa₂ Cristo*.[†]

¹⁷ Jaun₂ ně₃, con'₂ guia₃-quén₂ tsi₁jon₂ dsa₂ ca₂ñí₂ ca₂le₃
jme₁chan₂ Abraham ca₂tě₂ jmi₄ jme₁ca₂rě₃chán₃ David, ján₃
bá₄ le₂jaun₂ guia₃-quén₂ tsi₁jon₂ dsa₂ ca₂ñí₂ ca₂le₃ jme₁chan₂
David, ca₂tě₂ jmi₄ jme₁ca₂tág₃ dsa₂ dsa₂ israelitas jui₅ 'uë₃
Babilonia; cang₂ jaun₂ guë'₄ ně₃, con'₂ guia₃-quén₂ tsi₁jon₂ dsa₂
ca₂ñí₂ ca₂le₃ ca₂tág₃ dsa₂, ca₂tě₂ jmi₄ jme₁ca₂rě₃chán₃ dsa₂
I₂rě₂'in₁ quián₅ Diú₄.[‡]

'A₂ lia'₂ ca₂lě₃ a₂ca₂rě₃chán₃ Jesús
(Lucas 2:1-7)

¹⁸ Le₂la₂ bá₄ ca₂lě₃ a₂ca₂rě₃chán₃ Jesús: chog₅₄ jme₁chen₂
María jme₁ma₂li'₅₄ jág₁ a₂jéin'₂ gu₂ quian'₅₄ José; la₁ né'₃ guë'₄
a₂tiain'₃, María ně₃ ca₂can₃ guein₂ tě₂le₃ quian'₅₄ jui₅bí₂ quió'₅
Jme₂dsí₂ Jnió₅. ¹⁹ José dsa₂ ŋe'₂ quiáin₅ ně₃ jme₁lín₄ jan₂ dsa₂
dsen₃, jaun₂ tsá₃ jme₁'nio₃ chein'₃ o₂guí'₃ María jua'₅₄ le₃ñi₅
dsa₂ juin₅; ŋñia'₅₄ lia'₂ a₂jaun₂ bá₄ jme₁dsi₂jio₅ dsí₅ a₂jme₁téi₂
bá₄ con'₂ tsá₃ 'ein₂ ŋi₅. ²⁰ Le₂jaun₂ bá₄ jme₁ma₂ca₂'náu'₃ dsí₅
jmo₃, jme₁ca₂qui₃ a₂ca₂jme₃ñia₅ jan₂ ángel quián₅ Te₁gui'₅₄ ne₅₄
ca₂juá'₂:

—Sě₄, tsi₁jon₂ David, tsá₃ lě₁jmo₂ gang'₃ jua'₅₄ cán'₁ o₂guí'₃
a₂guéng'₄ María a₂lěin₂ dsi₂i₂gog'₂, ia₁ guein₂ i₂le₃chan₂ quiáin₅
já₅ ja₁con₂ Jme₂dsí₂ Jnió₅. ²¹ Jaun₂ le₃chan₂ jan₂ guein₂ dsa₂ ŋe'₂
quiáin₅, jaun₂ quiaín'₅₄ 'ne₂ JESÚS. § Le₃chein₂ le₂ně₅ ia₁ a₂lióin₂
dsa₂ juig₂ quiáin₅ 'uig₅₄ dsáu₁.

† **1:16** Co₂rě₂ bá₄ jein₅ jág₁ “Cristo” quian'₅₄ “I₂rě₂'in₁ quián₅ Diú₄.” Quian'₅₄ jág₁
jmei₅ hebreo guë'₂ táng₃ juá'₂ dsa₂ Meshíaj: “Mesías” quian'₅₄ jág₁ ŋi'₅₄. ‡ **1:17**
Co₂rě₂ bá₄ jein₅ jág₁ “Cristo” quian'₅₄ “I₂rě₂'in₁ quián₅ Diú₄.” Quian'₅₄ jág₁ jmei₅
hebreo guë'₂ táng₃ juá'₂ dsa₂ Meshíaj: “Mesías” quian'₅₄ jág₁ ŋi'₅₄. § **1:21** Lia'₂
chen₂ Jesús (hebreo: Yeshua) jein₅ jág₁: Lió₂ bá₄ Te₁gui'₅₄.

²² Ca₂lě₃ ca₂le₃jě₃ a₂ně₅ ia₁jaun₂ le₃ti₃ jui₁lia'₂ ca₂juá'₂ Te₁gui'₅₄ tē₂le₃ quian'₅₄ dsa₂ i₂jme'₁ě₂ já₁ quiáin₅, jme₁ca₂juá'₂:

²³ Cán₂ jan₂ dsa₂ m₁i₄ guein₂,

jaun₂ le₃chan₂ jan₂ guein₂ dsa₂ ɲe'₂ quiáin₅,

jaun₂ le₃chein₂ Emanuel,*

co₂'nió'₄ a₂juá'₂: Quiong'₅₄ Diú₄ jniog₄.

²⁴ Jaun₂ jme₁ca₂ɲé₃ Sě₄ a₂jme₁rě₂güi₃ jaun₂, le₂jaun₂ bá₄ ca₂jmo₃ lia'₂ con'₂ lě₅ ca₂juá'₂ ángel quián₅ Te₁gui'₅₄, jaun₂ ca₂guein₃ bá₄ María a₂lén₂ 'éi₂ dsi₂igu₂. ²⁵ La₁ia₁ tsá₃ ca₂tián'₂ dsi₂jui₅ jme₁né₄, jua'₅₄ a₂ca₂rě₃cui₃in₂₃ riin'₅₄, ca₂lia'₂ jme₁ca₂rě₃chán₃ guein₂ i₂le₂'uig₅₄ 'éi₂ quián₅ bá₄ María; jaun₂ ca₂quiain₃ guein₂ Jesús.

2

Ca₂o₃lén₂ dsa₂ can'₅₄ i₂dsi₂jág₁

¹ Ca₂rě₃chán₃ Jesús jě₄ juig₂ Belén, ja₁tén₄ 'uě₃ Judea, jmig₄ lia'₂ con'₂ jme₁lín₄ Herodes rag₅₄ 'uě₃ jaun₂. Jaun₂ ca₂o₃lén₂ co₂nió'₃ dsa₂ i₂chan₂ uing₂ tē₂le₃ ja₁'ia₂* 'iog₂, jaun₂ ca₂dsi₃lén₂ juig₂ Jerusalén. ²Jaun₂ ca₂ɲag₃:

—¿Na₅ Rag₅₄ quián₅ dsa₂ judíos i₂ca₂rě₃chán₃? Ia₁ 'uě₃ tē₂le₃ ja₁'ɲia₂ 'iog₂, ma₂ně₂jín₄ jnia'₅₄ nei₅ quiáin₅, jaun₂ ja₂náu₅ jnia'₅₄ a₂jme₁juin'₂.

³ Jme₁ca₂rě₃ɲi₅ Rag₅₄ Herodes já₁g₁ ně₅, 'ɲio₅ lín₃ tsá₃ ma₃tei₄ ca₂'ág₂ dsí₅, já₁n₃ bá₄ le₂jaun₂ ca₂le₃jín₃ dsa₂ juig₂ Jerusalén.

⁴ Jaun₂ ně₃ ca₂tě'₃ rag₅₄ ca₂le₃jín₃ juig₅₄ jme₂dsa₂ quian'₅₄ ca₂le₃jín₃ tē₅juá'₅ quián₅ dsa₂, jaun₂ ca₂ɲag₃ a₂já'₄ dsón'₂ lě₅ já₁g₁ le₃chan₂ dsa₂ I₂rě₂'ín₁ quián₅ Diú₄. ⁵Jaun₂ ca₂juá'₂ dsa₂ 'éi₂:

—Juig₂ Belén, ja₁tén₄ 'uě₃ Judea. Ia₁ le₂la₂ ca₂tó'₂ ne₄ si₂ dsa₂ i₂jme₁ě₂ já₁g₁ o₄quió'₄ Diú₄:

⁶ Jaun₂ 'ne₂, Belén, juig₂ tén₅ 'uě₃ Judá,

on₃jua'₅₄ 'ne₂ líng'₅ juig₂ i₂me'₂ guě₄

tē₂le₃ ne₄ jui₁lia'₂ dsa₂ i₂qui₂dsi₅ 'éi'₃ 'uě₃ ně₅;

ia₁ ja₁con'₂ 'ne₂ bá₄ o₃'in₅ jan₂

i₂gon₂, cán₂ ne₄ jui₅,

jmo₃ 'í₁ dsa₂ juig₂ Israel quiáng₃.†

⁷ Jaun₂ Herodes ně₃ ca₂tě'₃ dsa₂ can'₅₄ 'éi₂ con'₂ jě₄ tē₃co'₅₄, jaun₂ ca₂ɲag₃ líg'₂ 'e₂ jmig₄ tē₃dsón'₂ ca₂rě₃jniá₂ nei₅ jaun₂.‡

⁸ Jme₁ma₂ně₂ɲag₃ dsa₂ 'éi₂ jaun₂ guě₄ ca₂chei₃ jui₅ juig₂ Belén, jaun₂ ca₂tsí'₃ dsa₂:

* **1:23** Isaías 7:14. * **2:1** Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃

Diú₄. 'Nio'₂ ja₁ton₅ Salmo 8:3; Romanos 1:25. † **2:6** Miqueas 5:2. ‡ **2:7**

Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃, Diú₄. 'Nio'₂ ja₁ton₅ Salmo 8:3; Romanos 1:25.

—O₂nó'₅ 'nia'₂ ja₁jaun₂, o₂quion₂ de'₂ 'nia'₂ 'í₁ rē₂ tē₂le₃ quió'₅ chi'₂ bē'₅₄ i₂'in'₅ 'nia'₂ nē₅; jaun₂ jē₁ma₂ca₂dsáin'₂ 'nia'₂, i₂con'₄ 'nia'₂ jág₁ ia₁jaun₂ nei₅₄ jniá₂ ján₃ i₂jme₁juiin'₂.

⁹ Jme₁ma₂nē₂néi₂ dsa₂ 'éi₂ jág₁ quió'₅ rag₅₄, jaun₂ ca₂i₃léin₂. Jaun₂ nē₃, nei₅ a₂ma₂ca₂jág₃a tē₂le₃ 'uē₃ ja₁'ia₂a 'iog₂, ca₂hó₃ ne₄ jui₅ quió'₅, ca₂lia'₂ ca₂'ág₂ tei₄ ne₄ ja₁jme₁'en₅₄ guein₂.

¹⁰ Jme₁ca₂jág₃ jaun₂,^S ca₂jmo₃ 'io'₂ 'hio₅ lin₃; ¹¹ jaun₂ jme₁ca₂i₃toin'₅₄ dsi₂néi₂, ca₂jíin₂ guein₂ bē'₅₄ quiaín'₅₄ chog₅₄ i₂chen₂ María. Jaun₂ nē₃, ca₂chi₃jnē₃ ca₂jme₃juiin'₂ guein₂. Jaun₂ dsi₂jui₅ le₂jaun₂ qui₂ca₂niá₃ tsi₁gu₅ quió'₅, ca₂cuē₃ cu₄nió₄, chen₂, no'₅₄ mirra nē₃. ¹² Cang₂ guē₄ jaun₂ ca₂qui₃ dsa₂ 'éi₂ a₂ca₂jmo₃ Diú₄ jág₁ a₂tsá₃ ma₃dsi₃lein₃ jui₅ ja₁con₂ Rag₅₄ Herodes, jaun₂ jui₅ siá'₂ bá₄ ca₂i₃lein₃ jui₅ go₅₄.

Ca₂cuíng₃ Sē₄ quiaín'₅₄ María jui₅ 'uē₃ Egipto

¹³ Cang₂ guē₄ jaun₂, jme₁ma₂i₂len₃ dsa₂ can'₅₄ 'éi₂, ca₂qui₃ Sē₄ a₂ca₂jme₃jniá₅ jan₂ ángel quián₅ Te₁gui'₅₄ ja₁coin₂, a₂ca₂juá'₂:

—Nau₂, jniá₅ i₂bē'₅₄ quiáng'₂, chog₅₄ nē₃, cuíng₅ 'nia'₂ jui₅ 'uē₃ Egipto. Ja₁jaun₂ o₂'ú₅ ca₂lia'₂ ca₂juá'₃ jniá₂. Ia₁ 'nau'₂ Herodes 'nai'₂ guein₂ a₂jñag'₃.

¹⁴ A₂ca₂nau₂ jaun₂ Sē₄, ca₂tág₃ guein₂ quian'₅₄ chog₅₄ a₂'uē₂ jaun₂, ca₂i₃léin₂ jui₅ Egipto. ¹⁵ Ja₁jaun₂ ca₂tóin'₂ ca₂lia'₂ ca₂jon₃ Herodes. Ca₂lē₃ le₂nē₅ ia₁jaun₂ le₃ti₃ jág₁ a₂ca₂juá'₂ Te₁gui'₅₄ tē₂le₃ quian'₅₄ dsa₂ i₂jme₁'ē₂ jág₁ o₄quió'₄, jme₁ca₂juá'₂: “Tē₂ Egipto bá₄ ca₂tē₃ jniá₂ jón₃ quiáng₃.”*

Jmo₅ Herodes 'éi'₃ a₂jme₃dsiain₂₃ guein₂

¹⁶ Jme₁ca₂rē₃lí'₄ Herodes ca₂jme₃gau₅ dsa₂ can'₅₄ 'éi₂ quió'₅, ca₂rē₃'néi₃ 'hio₅ lin₃. Jaun₂ ca₂chein₃ dsa₂ a₂jme₃dsiain₂₃ ca₂le₃jín₃ guein₂ i₂con'₂ ma₂tion'₅₄ tin₃ hio₂, guein₂ i₂pí'₁ guē₄ nē₃ i₂chan₂ ma₂quián₅ Belén, lia'₂ con'₂ tí₅ ma₂ne₁hó₄ jmig₄ a₂ca₂juá'₂ dsa₂ can'₅₄ 'éi₂. ¹⁷ Jaun₂ le₂nē₅ ca₂rē₃ti₃ jág₁ a₂ca₂tó'₂ ne₄ si₂ Jeremías i₂jme₁'ē₂ jág₁ o₄quió'₄ Diú₄:

¹⁸ Ca₂né'₂ tē₁tsi'₅₄ co₂mí'₅₄ jē₄ juig₂ Ramá,

a₂'o₅ dsa₂ a₂qui'₂ dsí₅ guē₄ lin₃;

Raquel bá₄ 'éi₂ ca₂'o₃†

o₄quió'₄ chí'₂-guein₂ quiaín₅,

jaun₂ tsá₃ ca₂gue₃ jua'₅₄ 'ein₂ guē₃ jmo₃ lián'₂ dsí₅,

ia₁ ma₂ca₂dsan₃ bá₄ guein₂.‡

¹⁹ La₁ cang₂ guē₄ jaun₂, jme₁ma₂ca₂jon₃ Herodes, ca₂qui₃ Sē₄ a₂ca₂jme₃jniá₅ táng₃ jan₂ ángel quián₅ Te₁gui'₅₄ ja₁coin₂ 'ein₅₄ Egipto, ²⁰ Ca₂juá'₂ ángel:

^S 2:10 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. * 2:15 Oseas 11:1. † 2:18 Raquel: 'io₅₄ quián₅ Jacob, Génesis 29. ‡ 2:18 Jeremías 31:15.

—Nau₂, jñia₅ táng₃ i₂bě'₅₄ quiáng'₂, chog₅₄ ně₃, jaun₂ o₂nó'₅ táng₃ 'nia'₂ jui₅ 'uě₃ Israel, ia₁ ma₂ca₂dsan₃ bá₄ i₂jme'₁nio₃ jme₁jñi'₃ guein₂.

²¹ A₂ca₂nau₂ jaun₂ táng₃ Sě₄, ca₂tág₃ chi'₂ quiáin₅, quian'₅₄ chog₅₄, jui₅ 'uě₃ Israel. ²² La₁ jme₁ca₂rě₃ñi₅ Sě₄ a₂ma₂lín₅ ta₁ Arquelao 'uě₃ Judea, ta₁ a₂jme₁lín₄ Herodes jmei₂, jaun₂ ca₂rě₃gó'₅ dsó₃ ja₁jaun₂. Ia₁ ca₂'ě₂ táng₃ Diú₄ jág₁ jě₄ qui₂₃, jaun₂ jui₅ 'uě₃ Galilea bá₄ ca₂ñó₃. ²³ Jme₁ca₂dsióg₃ ja₁jaun₂, ca₂ñó₃ ca₂i₁gua₂ juig₂ ja₁chei₂ Nazaret. Le₂ně₅ bá₄ ca₂rě₃ti₃ jág₁ quió'₅ dsa₂ i₂ca₂'ě₂ jág₁ quián₅ Diú₄ ma₂líg'₂: “A₂quiong₃ dsa₂ nazareno.”

3

*'Ē₂ Juan₅₄ jág₁ caun₂ 'uě₃ quein₂ ja₁co₂'ñiog₅
(Marcos 1:1-8; Lucas 3:1-18; Juan 1:19-28)*

¹ Jmíg₄ jaun₂ guan₃ Juan₅₄ i₂chon₅ dsa₂ jmíg₂, caun₂ 'uě₃ quein₂ co₂'ñiog₅ ja₁tén₄ 'uě₃ Judea, a₂'ě₂ jág₁, ² a₂juá'₂:

—Jei_n'₅₄ 'nia'₂ 'au'₂, ia₁ ma₂ja₂quián₃ jmíg₄ jě₄gon₃ Diú₄.

³ Juan₅₄ la₂ bá₄ 'éi₂ i₂ca₂'in₃ Isaías i₂jme₁juá'₂ o₄quió'₄ Diú₄ jme₁ca₂tó'₂ ne₄ si₂ a₂juá'₂ le₂la₂:

Né'₂ a₂táun₂ dsa₂ tiá₂ jág₁

caun₂ 'uě₃ quein₂ ja₁co₂'ñiog₅, a₂juá'₂:

“Jmo₄ 'nia'₂ co₂jñia₅₄ jui₅ quió'₅ Te₁gui'₅₄;

nia₄ 'nia'₂ caun₂ jui₅ co₂dsau₅.”*

⁴ Ni₁tsin'₅₄ Juan₅₄ 'éi₂ jme₁lě₄ 'mi'₂ a₂rě₂ta₄ quian'₅₄ jñi₄ já'₂ camello; a₂jme₁jén'₅ tú'₅ guě'₂ quian'₅₄ lo₄ já'₂; má₃ a₂jme₁guě'₅ guě'₂, jmá'₃ i₁ni'₂ tia₄ quian'₅₄ jmí₁tá'₄ cha₂ ja₁nau₂. ⁵ Jme₁ja₂lén₂ dsa₂ chan₂ Jerusalén, quian'₅₄ dsa₂ i₂tián'₅ 'uě₃ Judea quian'₅₄ dsa₂ i₂tián'₅ cau₅ Cuá₃ Jordán ně₃, jme₁qui₂ja₂néi₃ jág₁ a₂cuě'₅ 'éi₂. ⁶ Jme₁ma₂ca₂lě₃ jmo₂₃ qui₂ñí₃ quió'₅ ne₄ Diú₄ ca₂le₃jě₃ dso₄ a₂qui₂rě₂cáin'₄, jaun₂ guě₄ ca₂cho₃ Juan₅₄ jmíg₂† Cuá₃ Jordán.

⁷ La₁ jme₁ca₂jág₃ Juan₅₄ juin₅ lín₃ dsa₂ fariseos ja₂lén₂ quian'₅₄ dsa₂ saduceos ně₃, a₂mi₂₃ cho₃ Juan₅₄ jmíg₂,‡ jaun₂ ca₂juá'₂ Juan₅₄:

—i'Nia'₂ tsi₁jon₂ dsi₂mi'₂! ¿Ein₂ bá₄ ně₂chí'₃ 'nia'₂ a₂cuing'₂ long'₅₄ a₂i'₄ 'nei₂ dsí₅ Diú₄ a₂ja₂quián₃? ⁸ Jmo₄ 'nia'₂ jaun₂ jui₁le₂jniá₂ a₂léi₄ tě₃dsón'₂ a₂ma₂ca₂jein'₅₄ 'nia'₂ 'au'₂. ⁹ Tsá₃ o₁len'₂ 'nia'₂ jua'₅₄ lé₂ le₃jua'₅₄ 'nia'₂: “Lág₅ jnia'₅₄ tsi₁jon₂ Abraham”; ia₁ jniá₂ juá'₅, ca₂tě₂ ni₁cang₁ tio'₅₄ la₂, lé₂ le₃jmo₃ Diú₄ jmói'₂ tsi₁jon₂ Abraham. ¹⁰ Ia₁ ma₂lě₅ co₂jñia₅₄ ñi₁dsi₁ a₂qui₂uín'₂ 'ma₂. Ca₂le₃jě₃ 'ma₂ a₂tsá₃ dse₃ míg₂ 'ag₅, uín'₂ bá₄, dsi₂to'₅₄ si₂. ¹¹ Jniá₂ ně₃, dsau₅ bá₄ ně₂tiáng₃ 'nia'₂ jmíg₂ co₂'nió'₄ a₂jáng'₅ léi₄ a₂jein'₅₄ 'nia'₂ 'au'₂; la₁ i₂já₅ chi₁co'₅₄ quió₃ ně₃, 'éi₂ bá₄

* 3:3 Isaías 40:3. † 3:6 lit. “ca₂tióg₃ Juan₅₄ jmíg₂.” ‡ 3:7 lit. “tióg₂ Juan₅₄ jmíg₂.”

i₂'uan'₂ guě₄ lia'₂ con'₂ guě₄ jniá₂, ca₂lia'₂ jnia'₅₄ lau₂ ton₅ tag₅₄ bá₄ tsá₃ ca₂tíng₂ i₁quian₃. 'Éi₂ guě₄ ně₃, tióg₂ Jme₂dsí₂ Jñió₅, dsi₂si₂ ně₃. ¹² Nē₂jag₄ bá₄ a₂ma₂chi₁chan'₂ ñí₁ a₂quió'₅ mīg₂ trigo, dsia₃ jma₃quén₅ quian'₅₄ jme₁qui₅. Jmá'₃ mīg₂ bá₄ cág'₃, 'ma₃ dsi₂néi₂, la₁ qui₂dsí'₂ bá₄ jme₁qui₅ dsi₂si₂ ja₁tsá₃ ma₃o₁líg'₂ jmig₄ éi₃.[§]

Ca₂jñó₂ Jesús jmig₂

(Marcos 1:9-11; Lucas 3:21-22)

¹³ Jaun₂ ně₃, Jesús, o₂'ín₃ 'uě₃ Galilea, ca₂dsióg₃ tē₂ Cuá₃ Jordán ia₁jaun₂ cho₃ Juan₅₄ jmig₂.^{*} ¹⁴ Tsá₃ jme₁gue₅ Juan₅₄ le₂'uig₅₄, jaun₂ ca₂juá'₂ tsí'₅ Jesús:

—Jniá₂ bá₄ i₂'nió'₅ quió₃ tsón'₄ 'ne₂ jmig₂.[†] ¿'A₂ bá₄ lia'₂ 'ne₂ ñe'₃ ja₁con₂ jniá₂?

¹⁵ La₁ ca₂juá'₂ Jesús:

—Jui₁le₅₄ bá₄ le₂ně₅ tē₂ně₃, ia₁ dsi₂ten₅₄ de'₂ jmó₁ jniog₄ le₂ně₅ ia₁jaun₂ jme₁ti₁ ca₂le₃jě₃ a₂dse₃.

Jaun₂ bá₄ ca₂gue₃ Juan₅₄.

¹⁶ Jme₁ma₂lě₅ cho₅ Juan₅₄ jmig₂,[‡] jaun₂ ca₂o₃'ín₃ Jesús dsi₂jmig₂. Jaun₂ dsi₂jui₅ le₂jaun₂ ca₂niá₃ dsi₄ mi₂güig₃ ca₂lě₃, jaun₂ ca₂jín₂ Jesús Jme₂dsí₂ quián₅ Diú₄ ca₂sión₃ ne₄ quió'₅, i₂lín₅ lia'₂ lín₅ jan₂ i₁ju₂. ¹⁷ Jaun₂ ca₂né'₂ jág₁ guei'₅₄ a₂ca₂juá'₂:

—I₂la₂ bá₄ jón₃ quiáng₃ i₂ñí₄ lě₃ 'nióg₃ guě₄ lín₃. 'E₂ bá₄ 'ñio₂ dsi₃ quiaín'₅₄.

4

Ca₂caun₃ i₂sě₃dsen₃ táu₂ quió'₅ Jesús

(Marcos 1:12-13; Lucas 4:1-13)

¹ Dsi₂jui₅ jaun₂ ca₂tě₃ Jme₂dsí₂ quián₅ Diú₄ ca₂tě'₃ Jesús caun₂ 'uě₃ queín₂ co₂'ñiog₅ ia₁jaun₂ ja₁jaun₂ cáun₂ táu₂ i₂sě₃dsen₃.

² Tē₂láu₃ jmig₄ tē₂láu₃ nei₅, ca₂jme₃'ín₅₄ Jesús; cang₂ guě₄ jaun₂ ca₂lě₃ i₁cón'₅ 'ñio₅ lín₃. ³ Jaun₂ ca₂jme₃quián₃ i₂sě₃dsen₃ ja₁coin₂, a₂cáun₂ táu₂, jaun₂ ca₂juá'₂ tsí'₅ Jesús:

—Chi₂jua'₂ dsón'₂ líng'₅ Ja₁ñi'₅₄ Diú₄, jmo₄ jui₁le₅₄ i₁ñí'₄ ni₁cang₁ tio'₅₄ ně₅.

⁴ La₁ ca₂ñag₃ Jesús:

—Chi₁ton₅ ne₄ Si₂: “On₃jua'₅₄ jmá'₃ quian'₅₄ i₁ñí'₄ le₃tan₅₄ dsa₂ mi₂güig₃ le₃chain₂, ján₃ bá₄ 'nió'₅ jme₃tan₅₄ dsa₂ quian'₅₄ ca₂le₃jě₃ jág₁ a₂'uě'₂ mi₂'o₄ Diú₄.”^{*}

§ 3:12 'Nio₂ ja₁ton₅ Mateo 13:30.

† 3:14 lit. “tían'₄ 'ne₂ jmig₂.”

* 3:13 lit. “ia₁jaun₂ tióg₂ Juan₅₄ jmig₂.”

‡ 3:16 lit. “tióg₂ Juan₅₄ jmig₂.”

Deuteronomio 8:3.

* 4:4

⁵ N₃ jaun₂, ca₂jio₃ táng₃ i₂sě₃dsen₃ tē₂ juig₂ Jerusalén ciudad
j₁ió₅, jaun₂ ca₂jio₃ tē₂ guei'₅₄ guá'₅ templo ja₁nei₅ 'nio₅ lin₃.

⁶ Jaun₂ ca₂juá'₂ ca₂tsí'₃ Jesús:

—Chi₂jua'₂ 'ne₂ líng'₅ Ja₁ni'₅₄ Diú₄, tian'₅₄ ja₁nē₅; ia₁ juá'₂ ne₄
Si₂:

Chen₃ Diú₄ ángeles quiáin₅

ia₁jaun₂ jmo₃ 'í₁;

chó'₂ quian'₅₄ gu₂

ia₁jaun₂ tsá₃ jéng'₂ uig₅ nióg'₃ quian'₅₄ cang₄.†

⁷ Jaun₂ ca₂ṇag₃ Jesús:

—Ján₃ bá₄ juá'₂ ne₄ Si₂: “Tsá₃ tang'₅₄ Te₁gui'₅₄ Diú₄ quiáng'₂.”‡

⁸ Con'₂ guě₄ siá'₂ táng₃ ca₂jio₃ i₂sě₃dsen₃ juí₅ caun₂ má'₂
ja₁nei₅ 'nio₅ lin₃. Jaun₂ ca₂ě₃ le₃jě₃ juig₂ a₂cha₂ mi₂güig₃ quian'₅₄
ca₂le₃jě₃ a₂jlá'₁ cha₂. ⁹ Jaun₂ ca₂tsí'₃ Jesús:

—Dsia₅₄ jniá₂ gog'₂ 'ne₂ ca₂le₃jě₃ a₂nē₅, nē₁jua'₂ ca₂chi₁jne'₄
ne₃ a₂jme₁juag'₂.

¹⁰ Jaun₂ ně₃ ca₂ṇag₃ Jesús:

Guan'₂ Satanás, ia₁ ne₄ Si₂ juá'₂: “Jme₁juin'₂ Te₁gui'₅₄ Diú₄
quiáng'₂, j₁ia'₅₄ lia'₂ ne₄ 'éi₂ bá₄ jme₁ti₁.”§

¹¹ Jaun₂ ně₃ ca₂ṇá'₃ i₂sě₃dsen₃, jaun₂ ca₂o₃lén₂ ángeles
ca₂jme₃ti₃ ta₁ ne₄ Jesús.

Ca₂jme₃lióg₃ Jesús ta₁ quió'₅, 'uě₃ Galilea

(Marcos 1:14-15; Lucas 4:14-15)

¹² Jme₁ca₂rě₃ṇi₅ Jesús a₂'en₅₄ Juan₅₄ né'₃ 'má₃, jaun₂ ṇó₃ juí₅
'uě₃ Galilea. ¹³ Tsá₃ ca₂j₁ia₃ jě₄ juig₂ Nazaret, ṇó₃ bá₄ ca₂i₁'i₅
tē₂ Capernaum, caun₂ juig₂ a₂niog₅ chei'₅₄ jmi₁ṇí'₄ 'uě₃ ja₁tén₄
Zabulón quian'₅₄ Neftalí. ¹⁴ Jaun₂ le₂nē₅ ca₂rě₃ti₃ jág₁ a₂ca₂tó'₂
ne₄ si₂ Isaías i₂jme₁'ě₂ jág₁ o₄quió'₄ Diú₄:

¹⁵ 'Uě₃ ja₁tén₄ Zabulón quian'₅₄ Neftalí

a₂niog₅ le₃quióng₄ Cuá₃ Jordán, chei'₅₄ jmi₁ṇí'₄,

'uě₃ Galilea le₃quió'₅ dsi₂nau₂:

¹⁶ dsa₂ i₂jme₁tián'₄ jě₄ qui₁né'₃

ma₂ca₂jág₃ caun₂ si₂ juě'₂;

dsa₂ i₂jme₁tián'₄ 'uě₃ ja₁'ei₅ 'én'₁ 'mú₃,

ne₄ quió'₅ ma₂ca₂'ág₂ si₂.*

¹⁷ Tě₂le₃ ne₄ juí₅ jaun₂ ca₂jme₃lióg₃ Jesús ca₂'ě₂ jág₁, ca₂juá'₂:

—Jein'₅₄ 'nia'₂ 'au'₂, ia₁ ma₂ja₂quián₃ guá'₂ 'éi'₃ quió'₅ Diú₄.

Ca₂tě'₃ Jesús quén₂ dsa₂ i₂tsán'₂ ju₄

(Marcos 1:16-20; Lucas 5:1-11)

¹⁸ Co₂ráun₂ ṇó₃ Jesús i₁ṇi₂ chei'₅₄ jmi₁ṇí'₄ Galilea. Ja₁jaun₂,
ca₂j₁in₂ Si₂mu₅₄ i₂tě'₂ dsa₂ Pe₄, quia₁in'₅₄ dsó₂ riin'₅₄ i₂chen₂ Drě₄.

† 4:6 Salmo 91:11-12. ‡ 4:7 Deuteronomio 6:16. § 4:10 Deuteronomio 6:13.

* 4:16 Isaías 9:1-2.

Dsa₂ i₂tsán'₂ ju₄ bá₄ 'éi₂, jaun₂ hora jaun₂ dé₄ ně₃ jme₁tioin'₅₄ táun₂ 'má₅ dsi₂jmi₂g₂. ¹⁹ Jaun₂ ca₂juá'₂ Jesús:

—'Éin₃ jniá₂, jaun₂ cuē₅₄ ta₁ a₂chi₁liang'₂ dsa₂ mi₂güig₃, jui₁lia'₂ chi₂liáng'₁ ju₄ ně₅.

²⁰ Dsi₂jui₅ le₂jaun₂ bá₄ ca₂dsia₃ cau₅ 'má₅ quió'₅, jaun₂ i₃léin₂ quiong'₅₄.

²¹ Me'₂ guē₄ ne₄ jui₅ ja₁i₃léin₂ jaun₂, ca₂jín₂ con'₂ guē₄ on₃ dsó₂: Jacobo quian'₅₄ Juan₅₄ riin'₅₄, ja₁ni'₅₄ Zebedeo. Jme₁tioin'₅₄ 'ñió'₃ tsi₁mu₅ qui₂'méi₅ 'má₅ quió'₅, quian'₅₄ jmei₂. Jaun₂ ca₂tě₃ Jesús, ²² jaun₂ dsi₂jui₅ le₂jaun₂ bá₄ ca₂tí₂ tsi₁mu₅ quió'₅ ca₂téin₂ jmei₂, jaun₂ ca₂i₃léin₂ ca₂jme₃quian'₅₄ Jesús.

Ca₂jme₃tin₅ Jesús juin₅ lin₃ dsa₂

(Lucas 6:17-19)

²³ I₂ni₅₄ Jesús le₂tan₅₄ 'uē₃ Galilea, qui₂jme₂tiin₂₃ dsa₂ dsi₂néi₂ guá'₅ sinagogas lia'₂ caun₂ ja₁qui₂ñi₅. Qui₂'ě₂ jág₁ dse₃ jui₁lia'₂ ja₁gon₂ Diú₄, ján₃ bá₄ qui₂jme₂'lióin₂ dsa₂ ca₂le₃jě₃ ne₅₄ dso₄ 'e₂ niog₅ lín₅ dsa₂. ²⁴ Le₂tan₅₄ 'uē₃ Siria ca₂i₃ág₃ jág₁ 'a₂ lia'₂ lě₅ jmo₅ Jesús ni₂₃, jaun₂ ca₂o₃jñi₃ dsa₂ ca₂le₃jín₃ dsa₂ i₂le₁quian₅ ca₂le₃jě₃ ne₅₄ jmi₁uig₅, quian'₅₄ jui₁'ein₂ guē₃ i₂qui'₂ uig₅ quió'₅. Ca₂i₁quian'₅₄ ca₂le₃jín₃ dsa₂ i₂tion'₅₄ jme₂dsí₂ je₂na'₅₄, dsa₂ i₂lín₅ dso₄ 'ei₂, quian'₅₄ dsa₂ 'lian'₂ ně₃. Ja₁jaun₂ ca₂jme₃'lión₂ Jesús ca₂le₃jín₃ dsa₂ 'éi₂.

²⁵ Juin₅ lin₃ dsa₂ i₂chan₂ Galilea, dsa₂ i₂chan₂ ta₁guia₃ juig₂ ja₁tě'₂ dsa₂ Decápolis, quian'₅₄ dsa₂ i₂chan₂ Jerusalén, dsa₂ i₂tián'₅ 'uē₃ Judea quian'₅₄ dsa₂ i₂tián'₅ le₂'ño'₅₄ Cuá₃ Jordán ně₃, ca₂jme₃quiong'₅₄ ca₂jme₃quian'₅₄ Jesús.

5

Jág₁ a₂ca₂cuē₃ Jesús má'₂

(Lucas 6:20-23)

¹ Jín₂ Jesús dsa₂ juin₅ 'éi₂, jaun₂ ca₂uig₂ caun₂ dsi₂con'₂ ja₁nei₅ guē₄, jaun₂ ca₂guá₂. Jaun₂ ca₂ñi'₂ dsa₂ i₂quian'₅₄ le₃lág'₃ quió'₅.

² Jaun₂ ca₂jme₃lióg₃ ca₂jme₃tiin₂₃ dsa₂, ca₂juá'₂ le₂la₂:

¿'Ein₂ dsa₂ 'éi₂ i₂jmo₅ 'io'₂?

³ —'E₂ guē₄ dsen₃ jui₁lia'₂ dsa₂ i₂rě₂lí'₄ qui₂chi₁quian'₁₂ jmi₂g₄ o₄quió'₄ jme₂dsí₂ quió'₅, ia₁ i₂le₂'éi₂ bá₄ ca₂tín₂ ja₁gon₂ Diú₄.

⁴ 'E₂ guē₄ dsen₃ jui₁lia'₂ dsa₂ i₂ta'₂ 'lia'₂ dsí₅, ia₁ cuē₃ bá₄ Diú₄ lián'₂ dsí₅.

⁵ 'E₂ guē₄ dsen₃ jui₁lia'₂ dsa₂ i₂jmo₅ me'₂, ia₁ gua'₅₄ 'uē₃ bá₄ tiin₅₄, cuē₃ Diú₄.

⁶ 'E₂ guē₄ dsen₃ jui₁lia'₂ dsa₂ i₂ñi₄ lě₃ 'ín₅ dsí₅ jmo₃ a₂'ño₂ dsí₅ Diú₄, ia₁ lě₂ dsí₅ ně₂jag₄ bá₄ a₂i₁cón'₅, a₂rě₂quein₂ dsí₅ ně₃; ia₁ 'ág'₄ bá₄ dsí₅, jmo₃ Diú₄.

7 "E₂ guē₄ dsen₃ jui₁lia'₂ dsa₂ i₂ñéi₂ dsí₅ dsa₂ sián'₂, ia₁ dsia₃ bá₄ Diú₄ ñéi₂ dsí₅ guioin₅₄.

8 "E₂ guē₄ dsen₃ jui₁lia'₂ dsa₂ i₂qui₂le₁jě₃ dsí₅, ia₁ jín₂ bá₄ Diú₄.

9 "E₂ guē₄ dsen₃ jui₁lia'₂ dsa₂ i₂quín'₅ bí₂ 'no'₂ jui₅ 'a₂ lia'₂ 'ag₃ tei₄, ia₁ quiong₃ Diú₄ chí'₂-guein₂ quiáin₅.

10 "E₂ guē₄ dsen₃ jui₁lia'₂ dsa₂ i₂qui₂co₂'ein₅ dsa₂ 'uig₅₄ ia₁ a₂jmo₂₃ a₂ñio₂ dsí₅ Diú₄, ia₁ ja₁gon₂ Diú₄ bá₄ ca₂tín₂.

11 "E₂ guē₄ dsen'₃ 'nia'₂, jē₁ma₂tē₂ rē₁qui₃jnaú'₂ dsa₂ jág₁, qui₂co₂jmo₂g'₂, a₂juá'₂ ca₂le₃jě₃ ne₅₄ jág₁ a₂tsá₃ tí₅ ja₁con'₂ 'nia'₂ o₄quió₃ jniá₂; ¹²jmo₄ 'nia'₂ 'io'₂, jui₁le₁'ág₄ bá₄ dse₃ 'au'₂, ia₁ guéi'₁ 'nia'₂ 'liang'₅₄ jó₄ guei'₅₄ i₂juíg₃. Ia₁ le₂nē₅ bá₄ ján₃ qui₂ca₂co₃'ein₃ dsa₂ quió'₅ dsa₂ i₂jme₁'ě₂ jág₁ quián₅ Diú₄, i₂ma₂ca₂rě₃chán₃ le₂jniá₅ con'₂ guē₄ 'nia'₂.

Jág₁ a₂jáng'₅ léi₄ jui₁lia'₂ tsi₁ñi₁ quian'₅₄ si₂ a₂tág₅ jin₄ dsa₂ mi₂güig₃ (Marcos 9:50: Lucas 14:34-35)

13 'Tén'₅ 'nia'₂ ta₁ ne₄ gua'₅₄ 'uē₃ jui₁lia'₂ jmo₅ tsi₁ñi₁ jē₄ má₃. La₁ nē₁jua'₂ ma₂ca₂'en₃ ñi'₅₄ tsi₁ñi₁, ¿'a₂ bá₄ lia'₂ lé₂ le₃lei₂ táng₃? Tsá₃ ma₃'e₂ ta₁ jmo₃, a₂jñia'₅₄ lia'₂ a₂dsi₃ga'₅₄ bá₄ jaun₂, qui₃tsó'₃ dsa₂.

14 'Ján₃ bá₄ rē₂jniá'₁ 'nia'₂ co₂'nió'₄ a₂líng'₅ si₂ quió'₅ dsa₂ mi₂güig₃. Jui₁lia'₂ caun₂ juig₂ a₂nio₅ dsi₂con'₂ tsá₃ lé₂ le₃dsi₃'ma₄, ¹⁵ján₃ bá₄ tsá₃ guí'₅ dsa₂ si₂ caun₂ ni₁tsí₅ a₂chí'₃ né'₃ tsi₁gu₅; guei'₅₄ bá₄ chí'₂ dsa₂ ia₁jaun₂ tág'₅ si₂ ja₁con₂ ca₂le₃jín₃ i₂tion'₅₄ dsi₂néi₂. ¹⁶Le₂nē₅ bá₄ 'nia'₂ nē₃, jmo₄ tág₅ si₂ quiáng'₂ jin₄ dsa₂ mi₂güig₃, ia₁jaun₂ tē₅₄ ne₄ dsa₂ a₂dse₃ a₂jmo'₂ 'nia'₂, jaun₂ jme₃juin'₂ Néi'₅ 'nia'₂ i₂guá₅ guei'₅₄ i₂juíg₃.

Jme₂tag₅ Jesús jui₁lia'₂ 'Éi'

17 'Tsá₃ o₁len'₂ 'nia'₂ jua'₅₄ a₂guio₃ jniá₂ a₂jñiá'₄ Si₂ 'Éi'₃ quió'₅ Moisés, on₃ guē'₂ jág₁ a₂jme₁jme₂tag₅ dsa₂ i₂jme₁'ě₂ jág₁ quián₅ Diú₄. On₃jua'₅₄ ta₁ jaun₂ guio₃ jniá₂ a₂jñiá'₄, tē₂le₃ a₂jme₁'ñia₅ bá₄ jniá₂ guio₃. ¹⁸Ia₁ a₂dsi₂jó'₃ juá'₅ jniá₂, tē₁lia'₂ niog₅ mi₂güig₃, tē₁lia'₂ jniá₂ dsi₄ guei'₅₄ nē₅, 'i₁caun₂ punto, on₃ guē'₂ 'i₁caun₂ letra pí'₁ quió'₅ Si₂ 'Éi'₃ tsá₃ dsi₃'én₂ ca₂lia'₂ ca₂rě₃ti₃ ca₂le₃jě₃ a₂niog₅ lé₂. ¹⁹Uig₅₄ jaun₂, jui₁lia'₂ i₂jmo₅ cau₅ caun₂ 'Éi'₃ Juá'₅ ne₄ Si₂ 'Éi'₃, o₁jñia'₅₄ lín₂ caun₂ 'éi'₃ tsá₃ lín₄ quen₅, nē₁jua'₂ le₂jaun₂ jme₁tín₂₃ dsa₂ rñin'₅₄, le₂jaun₂ bá₄ lén₂ dsa₂ 'éi₂ jan₂ dsa₂ i₂tsá₃ lín₄ quen₅ ja₁gon₂ Diú₄. La₁ jui₁lia'₂ dsa₂ i₂nag₅ gau₂, jme₂ti₃, le₂jaun₂ jme₂tín₂₃ i₂sián'₂ nē₃, le₂jaun₂ bá₄ lén₂ dsa₂ 'éi₂ juin'₂ ja₁gon₂ Diú₄. ²⁰Ia₁ a₂dsi₂jó'₃ juá'₅ jniá₂ juíg₂ 'nia'₂, nē₁jua'₂ tsá₃ ca₂jmo'₅₄ 'nia'₂ a₂dse₃ guē₄ con'₂ guē₄ tē₅juá'₅ quian'₅₄ dsa₂ fariseos, lia'₂ o₁líg'₂ jmíg₄ tsá₃ lé₂ dsi₁no'₃ 'nia'₂ ja₁gon₂ Diú₄.

Jme₂tag₅ Jesús jui₁lia'₂ a₂rē₂'ne₂ dsa₂
(Lucas 12:57-59)

21 'Ma₂ŋi'₅₄ bá₄ 'nia'₂ 'a₂ lia'₂ lě₅ ma₂nág₂ dsa₂ can'₅₄ quián'₂ 'nia': "Tsá₃ jŋíg'₄ dsa₂, * ia₁ nē₁jua'₂ 'ein₂ ca₂ŋi'₃ rin'₅₄, tion₅₄ tē₃dsi₅₄ bá₄ 'éi'₃ ja₁coin₂." 22 La₁ jniá₂ juá'₅ juíg₂ 'nia'₂, chi₂jua'₂ 'ein₂ ca₂rē₃'né₃ quian'₅₄ rin'₅₄, † ján₃ bá₄ le₂jaun₂jióg'₂ 'í₁ ja₁coin₂, tē₃dsi₅₄ 'éi'₃. Ján₃ bá₄ le₂jaun₂ jui₁lia'₂ i₂tē₂'on'₂ rin'₅₄, ne₄ dsi₂tan₅₄ quián₅ guá'₅ bá₄ dsi₁léin₂, la₁ jui₁lia'₂ i₂quian₅ tonto[†] rin'₅₄, go'₂ 'lián'₃ quióin'₄ dsi₂si₂ ja₁'lig'₅₄.

23 'Uig₅₄ jaun₂ ně₃, nē₁jua'₂ dsi₂can'₅₄ 'e₂ dsi₂can'₅₄ ne₄chei₂, a₂jen'₅₄ ne₄ Diú₄, nē₁ca₂dsáu'₃ 'au'₂ tsá₃ 'ei₅ caun₂ jág₁ quian'₅₄ ríng'₂, 24 ja₁jaun₂ de'₂ dsia₄ a₂jaun₂ cau₅ ne₄chei₂, jaun₂ guě₄ guan'₂ jme₁dsian₅ mi'₅₄ o₂'éi₂ caun₂ jág₁ quian'₅₄ ríng'₂. Jaun₂ guě₄ ŋe'₅₄ táng₃ i₂dsia₄ a₂cuě'₅₄ Diú₄.

25 'Chi₂jua'₂ 'ein₂ 'nio₃ 'nag₃ ne₄ dsi₂tan₅₄, ŋi'₅₄ ta₁ 'nio'₂ jui₅ 'éi₂ caun₂ jág₁ quian'₅₄ né₃ a₂jmo₃ le₂jaun₂, ia₁jaun₂ tsá₃ jáng'₂ ne₄ dsi₂tan₅₄ i₂qui₂dsi₅ 'éi'₃; ia₁ dsi₂tan₅₄ ně₃, con'₂ tsá₃ ŋó₅ nē₁ca₂jáng'₂ o₄gú₃ chi'₂ 'í'₅₄; i₂'éi₂ guě₄ ně₃ 'liog'₃ né₃ 'má₃. 26 A₂dsi₂jó'₃ juá'₅ jniá₂, tsá₃ a₁jaun₂ o₃'ing'₂ ja₁jaun₂ ca₂lia'₂ ca₂qui'₅₄ ca₂le₃jě₃ 'a₂ con'₂ mi₅ dsa₂ quiáng'₂.

Jme₂tag₅ Jesús a₂tsá₃ nió'₃ dsa₂ jág₁ quian'₅₄ dsa₂ on₃jua'₅₄
dsi₂i₂gu₂

27 'Ma₂ŋi'₅₄ bá₄ 'nia'₂ ján₃ 'a₂ lia'₂ lě₅ ma₂juá'₂ dsa₂ le₂ŋjiás:
 "Tsá₃ nióg'₄ jág₁ quian'₅₄ dsa₂ on₃jua'₅₄ dsi₂i₂gog'₂." § 28 La₁ jniá₂ guě'₂ juá'₅ juíg₂ 'nia'₂, chi₂jua'₂ 'ein₂ dsi₂jio₅g₅ dsí₅ 'lig'₅₄ qui₂jín₂ jan₂ dsa₂ mi₂, co₂'nió'₄ ma₂nē₂'nióg₂ dso₄ quiong'₅₄ jui₅ tē₂dsí₅.

29 'Nē₁jua'₂ mi₂ne'₅₄ jmo₅ a₂tang'₂ dso₄, co₂dsia₅ dsi₄, tion₂g₂ uíng₂; ia₁ dse₃ guě₄ a₂dsi₃'én₂ ca₂jne₄ quiáng'₂, con'₂ guě₄ jme₁o₁'ú'₃ ta₁jang'₂ ja₁'lig'₅₄. 30 Ján₃ bá₄ le₂ně₅ nē₁jua'₂ mi₂gog'₂ jmo₅ a₂tang'₂ dso₄, co₂dsia₅ ti₄, tion₂g₂ uíng₂; ia₁ dse₃ guě₄ a₂dsi₃'én₂ ca₂jne₄ ni₁ŋi'₁ con'₂ guě₄ jme₁o₁'ú'₃ ta₁jang'₂ ja₁'lig'₅₄.

Jme₂tag₅ Jesús jui₁lia'₂ dso₄ a₂tén₂ dsa₂ dsi₂i₂gu₂
(Mateo 19:9; Marcos 10:11-12; Lucas 16:18)

31 'Ján₃ bá₄ ma₂juá'₂ dsa₂ le₂ŋjiás: "Chi₂jua'₂ 'ein₂ ca₂tén₂ dsa₂ mí₂ quián₅, ca₂tín₂ cho₃ caun₂ si₂ a₂jáng'₅ léi₄ a₂ma₂ca₂tén₂ dsón'₂ riin'₅₄."* 32 La₁ jniá₂ juá'₅ juíg₂ 'nia'₂, chi₂jua'₂ 'ein₂ ca₂tén₂ dsa₂ mí₂ quián₅, on₃jua'₅₄ cha₂ 'uig₅₄, jua'₅₄ a₂ma₂nió'₅ jág₁ quian'₅₄ i₂sián'₂, jmo₂₃ a₂'no₃ 'io₅₄ quián₅ dso₄. Ján₃ bá₄

* 5:21 Éxodo 20:13. † 5:22 A₂lin'₅₄ chog₅₄ si₂ juá'₂ ján₃: "on₃jua'₅₄ cha₂ 'uig₅₄."

† 5:22 griego: raza; caun₂ jág₁ tē₂'o'₅₄ arameo co₂'nió'₄ a₂juá'₂: "Tsá₃ 'e₂ tio'₅₄ mi₂dsei'₂." § 5:27 Éxodo 20:14. * 5:31 Deuteronomio 24:1.

le₂jaun₂ jui₁lia'₂ dsa₂ ɲe'₂ i₂cán₂ 'io₅₄ i₂ma₂téi₂ dsa₂, já₃ bá
le₂jaun₂ 'no₂₃ dso₄.

Jme₂tag₅ Jesús jui₁lia'₂ já₃ a₂'in₅ dsa₂ Diú₄

³³ 'Ma₂nei'₂ bá₄ 'nia'₂ já₃, 'a₂ lia'₂ lě₅ ca₂nág₂ dsa₂ can'₅₄
ma₂líg'₂: “Tsá₃ jmó'₂ jua'₅₄ a₂tsá₃ jme₁ti'₄ já₃ quiáng'₂
a₂ma₂cuē'₅₄ a₂'ing'₅ Te₁gui'₅₄.” ³⁴ La₁ jniá₂ juá'₅ juíg'₂ 'nia'₂ tsá₃
'e₂ 'uig₅₄ cha₂ jua'₅₄ a₂'ing'₄ Diú₄; tsá₃ 'ě'₁ guei'₅₄ i₂juíg'₃, ia₁ ne₄ta₁
quió'₅ Diú₄ bá₄ jaun₂; ³⁵ on₃ guē'₂ 'ě'₁ gua'₅₄ 'uē₃, ia₁ co₂'nió'₄
ja₁tióng₂ tag₄ bá₄ Diú₄; on₃ guē'₂ 'nió'₅ 'ě'₁ 'nia'₂ Jerusalén, ia₁
juíg'₂ quió'₅ Rag₅₄ Juin'₂ bá₄ jaun₂. ³⁶ Tsá₃ lě₁'ě₂ 'nia'₂ mi₂dsei'₂
guióng'₅₄ ně₃, ia₁ 'i₁ca₂mi'₂ ni₁jñi₂ dsei'₂ 'nia'₂ tsá₃ lé₂ le₃jmó'₂
tiog₂, on₃ guē'₄ a₂lia'₂ ně₃. ³⁷ Jua'₅₄ bá₄ 'nia'₂ quian'₅₄ ca₂jon₄ já₃,
“ján₅”, o₃ “jan₂'ón₄” 'e₂, ia₁ ně₁jua'₂ 'ein₂ ca₂juá'₂ ɲag₅₄ guē'₄ con'₂
lě₅ ně₅, já₅ ja₁con₂ i₂sě₃dsen₃ bá₄ jaun₂.

Jme₂tag₅ Jesús já₃ jui₁lia'₂ a₂con₂ dsa₂ 'ma'₅₄ ja₁con₂ riin'₅₄
(Lucas 6:29-30)

³⁸ 'Ma₂nei'₂ bá₄ 'nia'₂ a₂ma₂juá'₂ dsa₂ le₂jñiá₅: “Ně₁jua'₂
'ein₂ ca₂'én₂ ca₂míg'₂ mi₂ne₄ rin'₅₄, le₂jaun₂ bá₄ lé₂ 'éi'₃ dsi₃'én₂
ca₂míg'₂ mi₂ne₄ jui₁lia'₂ i₂ca₂jmo₃ já₃; o₃ ně₁jua'₂ 'ein₂ ca₂tia'₃
ca₂míg'₂ mi₂jan₄ rin'₅₄ ně₃, le₂jaun₂ bá₄ lé₂ táng₃ 'éi'₃, tiá'₃ ca₂míg'₂
quió'₅.”† ³⁹ La₁ jniá₂ guē'₂ juá'₅ juíg'₂ 'nia'₂, tsá₃ lě₁nau₂ 'nia'₂
queng'₂ quian'₅₄ dsa₂ 'lin'₅₄. Ně₁jua'₂ 'ein₂ ca₂quein₃ rě₂jog'₂,
jein'₅₄ tě₂le₃ ca₂ton₂, jui₁quein₂₃ ta₁tin₃ ton₂. ⁴⁰ Chi₂jua'₂ 'ein₂
'nag₅ quiáng'₂, a₂'nio₃ jñiá'₂ ni₁tsín'₂, le₂jio₅ tsi₁'mi'₂ dsiog₂ qui'₅₄
cuē'₅₄ jui₁quion₂. ⁴¹ Ně₁jua'₂ 'ein₂ ca₂chi₃quióng₂ jmig₄ a₂caun'₅₄
lio₅₄ caun₂ kilómetro, o₂con₄ tin₃ kilómetros. ⁴² Jui₁'ein₂ guē₃ mi₅
'e₂ mi₅ quiáng'₂ a₂dsi₂, cuē'₅₄; 'a₃ lě₁jein'₅₄ le₃mi₂ca'₅₄ quió'₅.

Jme₁'nió₄ bá₄ 'nia'₂ jui₁lia'₂ dsa₂ i₂'iog₅₄ quián'₂ 'nia'₂
(Lucas 6:27-28, 32—36)

⁴³ Já₃ bá₄ ma₂nei'₂ 'nia'₂ a₂ma₂juá'₂ dsa₂ le₂jñiá₅: “Jme₁'nió₄
a₂mei₅₄ quiáng'₂, jme₁'ɲia₅₄ jui₁lia'₂ dsa₂ i₂'iog₅₄.” ⁴⁴ La₁ jniá₂
guē'₂ juá'₅ juíg'₂ 'nia'₂: Jme₁'nió₄ bá₄ 'nia'₂ jui₁lia'₂ dsa₂ i₂'iog₅₄,
mi₄ ne₄ Diú₄ o₄quió'₄ jui₁lia'₂ dsa₂ i₂co₂'ein₅.† ⁴⁵ Jaun₂ le₂ně₅ bá₄
a₂rě₂jñiá'₁ 'nia'₂ a₂líg'₅ chi'₂-guein₂ quián₅ Néi'₅ i₂guá₅ guei'₅₄
i₂juíg'₃; ia₁ 'éi₂ bá₄ cuē'₅ 'iog₂ cuē'₅ lia'₂ dsa₂ 'lin'₅₄ lia'₂ dsa₂ dsen₃;
já₃ bá₄ chein₁₂ jmí₅ cuē'₅ lia'₂ dsa₂ i₂cuin₅ Diú₄ lia'₂ dsa₂ i₂tsá₃
Diú₄ cuin₅ ně₃. ⁴⁶ Ia₁ ně₁jua'₂ 'nió'₃ 'nia'₂ jmá'₃ lia'₂ dsa₂ i₂'nio₃
'nia'₂, ¿'e₂ 'lian'₅₄ 'nia'₂ guéi'₁ le₂jaun₂? Le₂jio₅ dsa₂ i₂cán₂
'lia'₅₄ quián₅ dsi₂tan₅₄ tin₂ le₂jaun₂. ⁴⁷ Chi₂jua'₂ cuín₅ 'nia'₂

† 5:38 Éxodo 21:24; Levítico 24:20; Deuteronomio 19:21. ‡ 5:44 A₂lin₅₄ chog₅₄ si₂
juá'₂: “Jua'₅₄ a₂dse₃ ja₁con₂ jui₁lia'₂ dsa₂ i₂juá'₂ uig₅, jmo₄ a₂dse₃ ja₁con₂ jui₁lia'₂ dsa₂
i₂'iog₅₄.”

Diú₄ jmá'₃ lia'₂ dsa₂ ríng'₂, ĩ'e₂ a₂ŋag₅₄ guě₄ a₂dse₃ jmo'₂ 'nia'₂ nē₁jua'₂ le₂jaun₂? Ia₁ le₂nē₅ bá₄ jmo₅ dsa₂ i₂tsá₃ Diú₄ cuin₅ ján₃.
 48 Jui₁dsi₂can'₅₄ bá₄ 'nia'₂ a₂dsi₂nóg'₅ léng'₂ dsa₂ dsen₃ jui₁lia'₂ dsen₃ Néi'₅ 'nia'₂ i₂guá₅ guei'₅₄ i₂juíg₃.

6

Jme₂tag₅ Jesús jág₁ jui₁lia'₂ a₂jmo₅ dsa₂ dse₃

1 'Jmo₄ 'nia'₂ 'í₁ tsá₃ lē₁jmo₂ 'nia'₂ a₂líng'₅ dsa₂ dsen₃ jñia'₅₄ lia'₂ jmá'₃ jē₄ jág₃ dsa₂. Nē₁jua'₂ le₂nē₅ jmo'₂ 'nia'₂, Néi'₅ 'nia'₂ i₂guá₅ guei'₅₄ i₂juíg₃ tsá₃ 'e₂ 'lian'₅₄ 'nia'₂ cuē₃ 'i₁caun₂.

2 "Uig₅₄ jaun₂, jē₁ma₂tē₂ rē₁jme₁'on'₁ 'nia'₂ 'ein₂ jme₁'ong'₁ jui₁lia'₂ i₂'nió'₅ quió'₅, tsá₃ jmó'₂ jua'₅₄ uíng₂ ma₂dsi₂'ag₅ jág₁ jui₁lia'₂ jmo₅ dsa₂ i₂lē₁jmo₅ o₁ne₁ dsi₂néi₂ guá'₅ sinagogas jui₁lia'₂ jē₄ calles nē₃. Jmo₂₃ le₂jaun₂ a₂chein'₂ dse₃ guioin₅₄ ia₁jaun₂ 'ag₃ dsa₂ dse₃; la₁ia₁ a₂tē₃dsón'₂ juá'₅ jniá₂ i₂ma₂gue₃ 'lian'₅₄ bá₄ i₂le₂'éi₂. 3 La₁ 'ne₂ nē₃, jē₁ma₂tē₂ rē₁jme₁'ong'₁ jui₁lia'₂ 'ein₂ jme₁'ong'₁, jmo₄ ca₂lia'₂ jñia'₅₄ a₂mei₅₄ dsen₃ quiáng'₂ tsá₃ ŋi₅. 4 Ja₂lin₃ guě₄ dse₃ jmó'₂ jē₄ tē₃co'₅₄. Jaun₂ Néi'₅ i₂jág₅ a₂dse₃ jmo'₂ jē₄ tē₃co'₅₄ jaun₂, cuē₃ 'liang'₅₄. *

Jme₂tag₅ Jesús 'a₂ lia'₂ chi₃lén'₂ dsa₂ Diú₄
(Lucas 11:2-4)

5 'Jē₁ma₂tē₂ rē₁chi₁len'₄ 'nia'₂ Diú₄, tsá₃ lē₁jmo₂ 'nia'₂ jui₁lia'₂ jmo₅ dsa₂ i₂lē₁jmo₅-dsáu₅ o₁ne₁, a₂tē₅ dsí₅ chi₂lén'₂ Diú₄ tē₃ tióin₂ dsi₂néi₂ guá'₅ sinagogas jē₄ calles nē₃, ia₁jaun₂ jág₃ dsa₂. A₂dsi₂jó₃ juá'₅ jniá₂, i₂ma₂gue₃ 'lian'₅₄ bá₄ i₂le₂'éi₂. 6 La₁ jē₁ma₂tē₂ rē₁mí'₁ 'ne₂ ne₄ Diú₄, jne₅₄ dsi₂néi₂ quiáng'₂. Ja₁jaun₂ chi₁len'₄ 'ne₂ Diú₄ Néi'₅ i₂tsá₃ jniá₂. Jaun₂ nē₃ Néi'₅ i₂ŋi₅ 'e₂ a₂jmo'₂ jē₄ tē₃co'₅₄, cuē₃ 'liang'₅₄.

7 'Jē₁ma₂tē₂ rē₁juig'₅₄ Diú₄, tsá₃ jmó'₂ 'nia'₂ jua'₅₄ a₂lē₁tē₁'í'₁ jág₁ a₂tsá₃ ta₁ tí₄, jui₁lia'₂ jmo₅ dsi₂nau₂ i₂tsá₃ 'én₂, ia₁ lín₂ nag₃ Diú₄ tē₂le₃ ia₁ a₂'líong₂ jág₁ juá'₂. 8 Tsá₃ lē₁o₁len'₅₄ 'nia'₂ jui₁lia'₂ lín₅ dsa₂ le₂'éi₂. Ia₁ i₂ma₂ŋi₅ bá₄ Néi'₅ 'nia'₂ 'e₂ a₂'nió'₅ quián'₂ 'nia'₂ né'₃ guě₄ a₂mí'₁. 9 Jaun₂ nē₃, le₂la₂ bá₄ juig'₅₄ 'nia'₂ Diú₄:

Tia₅₄ quián₂ jniog₄, 'ne₂ i₂ŋéi'₂ guei'₅₄ i₂juíg₃,
 jui₁jme₂go₃ bá₄ dsa₂ a₂rē₂jñió₄ a₂cheng'₂.

10 Jui₁le₅₄ bá₄ 'éi'₃ quiáng'₂,
 jui₁le₅₄ bá₄ a₂'ŋio₂ 'au'₂ 'ne₂ ne₄ gua'₅₄ 'uē₃,

jui₁lia'₂ lē₅ guei'₅₄ i₂juíg₃.

11 Cuē₄ a₂'nió'₅ que₅₄ jñia'₅₄ jmig₄ nē₃.

12 'Én₃ dso₄ quián₂ jñia'₅₄,
 jui₁lia'₂ 'én₅ jñia'₅₄ dsáu₁ rin'₅₄.

* 6:4 Juá'₂ a₂lin₅₄ chog₅₄ si₂le₂la₂ ján₃. "tē₃ jin₄ juin₅ dsa₂."

13 'A₃ cuē₂ jmīg₄ jiá₃ jui₅bí₂ a₂caun₂ táu₂,
tē₂le₃ lio₄ bá₄ o₄gú₃ i₂sē₃dsen₃.†

14 'Ia₁ nē₁jua₂ 'én₅ 'nia₂ dsáu₁ ríng₂ jē₁ma₂'náu₂ dso₄
ja₁cong₂, ján₃ bá₄ le₂jaun₂ Néi₅ 'nia₂ i₂guá₅ guei₅₄ i₂juíg₃ 'éin₂
dsáu₂ 'nia₂ guiong₅₄. 15 La₁ nē₁jua₂ tsá₃ 'éng₅ dsáu₁ ríng₂, ján₃
bá₄ le₂jaun₂ tsá₃ 'én₂ Néi₅ dsáu₂ 'nia₂.

Jme₂tag₅ Jesús jág₁ jui₁lia₂ a₂jme₂'in₅₄ dsa₂

16 'Jē₁ma₂tē₂ rē₁jme₁'in₄ 'nia₂, tsá₃ jme₁tsín₄ 'nia₂ o₄-ne₅₄
jua₅₄ a₂jmó₂ lē₁ág₄ 'lia₂ 'au₂ jui₁lia₂ jmo₅ dsa₂ i₂lē₁jmo₅-dsáu₅
o₁ne₁. Jmo₅ dsa₂ le₂'éi₂ le₂jaun₂ ia₁jaun₂ jág₃ dsa₂ a₂dsón₂ bá₄
jme₂'in₅₄. A₂dsi₂jó₃ juá₅ jniá₂, i₂ma₂gue₃ 'lian₅₄ bá₄ 'éi₂. 17 La₁
'ne₂ nē₃, jē₁ma₂tē₂ rē₁jme₁'ing₄, sio₅ rē₂ dsei₂, rang₂ ne₅₄ nē₃,
18 ia₁jaun₂ tsá₃ 'ein₂ le₃l'4 a₂jme₂'ing₄. Jniá₅₄ lia₂ Néi₅ i₂tsá₃
jniá₂ bá₄ ŋi₅. Jaun₂ Néi₅ i₂jág₅ ca₂le₃jē₃ a₂jmo₂ jē₄ tē₃co₅₄ jaun₂,
'éi₂ bá₄ cuē₃ 'liang₅₄.

*Jui₁lia₂ a₂quen₅ lín₃ a₂rē₂'ma₄ guei₅₄ i₂juíg₃
(Lucas 12:33-34)*

19 'Tsá₃ lē₁dsia₂ 'nia₂ lo₂ le₁má₂ a₂jmo₂ 'nia₂ a₂quen₅ lín₃
quiáng₂ ne₄ gua₅₄ 'uē₃ la₂, ia₁ ja₁lá₃ ja₁lē₁qui₂rē₂jui₁ tón₅ i₁cá₁
qui₂'éin₂, ján₃ bá₄ ja₁lá₃ ja₁qui₂dsi₂'én₂ qui₂rē₃'áu₁ cosas nē₃;
ja₁lá₃ bá₄ chan₂ dsa₂ qui₂juin₂₃ 'e₂ qui₂juin₂₃ a₂tóin₅ 'ang₂₃.
20 Guei₅₄ i₂juíg₃ bá₄ 'nió₅ dsiá₁ 'nia₂ lo₂ quiáng₂, ja₁tsá₃ 'e₂ lé₂
jua₅₄ a₂qui₃'én₂ cá₁, on₃ guē₂ 'e₂ rē₂'áu₁, on₃ guē₄ lé₂ dsi₃ton₅₄
'ang₂. 21 Ia₁ jui₁lia₂ jē₁tio₅₄ a₂quen₅ quiáng₂, ja₁jaun₂ bá₄ 'i₄ a₂'i₅
'au₂.

*Jui₁lia₂ jme₁ne₁ dsa₂
(Lucas 11:34-36)*

22 'Lē₅ jme₁ne₁ dsa₂ jui₁lia₂ lē₅ caun₂ si₂ nī₁tsí₅ quió₅ nī₁ŋi₁
dsa₂; 'uig₅₄ jaun₂ nē₃, nē₁jua₂ dse₃ jme₁ne₁, ján₃ bá₄ le₂jaun₂
co₂'nió₄ tág₅ bá₄ si₂ ta₁jang₂; 23 la₁ nē₁jua₂ tsá₃ dse₃ jme₁ne₁,
ta₁jang₂ bá₄ lē₅ qui₁né₃. Nē₁jua₂ si₂ quiáng₂ nē₃, chí₅ chí₁liá₃,
i₁'e₂ guē₄ 'ŋio₅ juē₂ lē₅ qui₁né₃ nē₁jua₂ le₂jaun₂!

*Jui₁lia₂ a₂'nio₃ dsa₂ Diú₄, a₂'in₅ guē₂ dsi₅ cu₄ nē₃
(Lucas 16:13)*

24 "I₁jan₂ tsá₃ 'ein₂ lé₂ jme₃ti₃ ta₁ ne₄ on₃ juig₅₄; ia₁ jme₃'ŋiai₅₄
jan₂, i₂jan₂ guē₂ jme₃'nioi₃. O₃ náu₃ tiá₂ quian₅₄ jan₂, i₂jan₂ guē₂
tsá₃ le₃jein₅₄. Tsá₃ 'ein₂ lé₂ jme₃ti₃ ne₄ Diú₄, le₂jio₅ ne₄ a₂'in₅ dsi₅
cu₄ nē₃.

*Jmo₅ Diú₄ 'í₁ chí₂-guein₂ quiáin₅
(Lucas 12:22-31)*

† 6:13 A₂lín₅₄ chog₅₄ si₂ juá₂: “lio₄ bá₄ jniá₅₄ ne₄ a₂'lig₅₄,” a₂siá₂ juá₂ bá₄ ján₃: “ia₁,
'ne₂ bá₄ ca₂ting₂ gong₂, qui₂dsi₂ 'éi₃, a₂jme₃juag₂ dsa₂ nē₃, co₂tan₅₄.”

25 'Jaun₂ ně₃ juíg₂ jniá₂ 'nia'₂: Tsá₃ lē₁can₂ 'nia'₂ o₂i₁ dsi₅ jua'₅₄ a₂ŋí₄ 'i₅ 'au'₂ 'e₂ quē'₅₄, o₃ 'e₂ 'ag'₅₄ tē₁lia'₂ chang'₂, on₃ guē'₂ o₄quió'₄ ni₁ŋi'₁ 'nia'₂, 'e₂ 'mi'₂ a₂qui'₅₄. ¿Tsa₁ quen₅ guē₄ jme₂dsi₂ a₂chan₂ dsa₂ lia'₂ con'₂ guē₄ má₃? 26 Jin₄ de'₂ 'nia'₂ juí₁lia'₂ i₁tan₅ i₂i₂nio₄ guei'₅₄: tsá₃ 'e₂ jne₂₃, on₃ guē'₂ 'e₂ cág'₅, jua'₅₄ a₂dsia₂₃ lo'₂; la₁ Néi'₅ 'nia'₂ i₂guá₅ guei'₅₄ i₂juíg₃ qui₂jme₂tau₅₄. Jaun₂ ně₃, ¿Tsa₁ quen'₅ guē₄ 'nia'₂ lia'₂ con'₂ guē₄ já'₂ 'éi₂? 27 ¿Ein₂ 'nia'₂, tē₂le₃ ia₁ a₂ŋí₄ 'i₅ 'au'₂, lé₂ le₃jmo'₂ 'nia'₂ a₂lé₂ le₃chang'₂ caun₂ hora ŋag₅₄ guē₄?†

28 '¿E₂ 'ui_g₅₄ a₂ŋí₄ lē₃ 'i₅ 'au'₂ 'nia'₂ juí₁lia'₂ o₄quió'₄ 'mi'₂ a₂qui'₅₄? Jag₄ de'₂ 'nia'₂ juí₁lia'₂ 'a₂lia'₂ dsi₂cón₃ lí₁ a₂cha₂ ja₁nau₂; on₃jua'₅₄ i₂jmo₅ ta₁ 'ua'₂, on₃ guē'₂ 'me₂₃; 29 la₁ juíg₂ jniá₂ 'nia'₂, ca₂lia'₂ jniá'₅₄ Rag₅₄ Salomón lia'₂ con'₂ jme₁quí'₅ tsin'₅₄ a₂jlá'₁ guē₄, tsá₃ ca₂rē₃jláin'₁ juí₁lia'₂ jlá'₁ lí₁. 30 Jaun₂ ně₃, chi₂jua'₂ Diú₄ le₂nē₅ jmo₂₃ jlá'₁ nau₂ a₂cha₂ jmig₄ ně₃, la₁ 'ióg₃ guē'₂ dsi₃én₂ dsi₂si₂, i'ē₂ guē₄ bá₄ 'nia'₂ dsa₂ tsá₃ lin₄ 'én₂ jmo₃ 'í₁ qui₃chein'₃ 'nia'₂ dse₃! 31 Jaun₂ le₂nē₅, tsá₃ lē₁can₂ 'nia'₂ o₂i₁ dsi₅, jua'₅₄ a₂qui₁ŋag'₅₄ 'nia'₂: “¿E₂ que₅₄ jniog₄?” o₃ “¿E₂ 'ne'₅₄ jniog₄?” o₃ “¿E₂ 'mi'₂ qui'₅₄ jniog₄?” 32 Ia₁ dsa₂ mi₂güig₃ bá₄ i₂nio₄ qui₂'en₅ 'ín₅ dsi₅ ca₂le₃jē₃ a₂nē₅. I₂ŋi₅ bá₄ Néi'₅ 'nia'₂ i₂guá₅ guei'₅₄, a₂'nió'₅ quián'₂ 'nia'₂ le₃jē₃ a₂nē₅. 33 La₁ jmo₄ de'₂ jniá₅ 'nia'₂ 'ín₅ 'au'₂ a₂jiá₃ 'éi'₃ quió'₅ Diú₄ ja₁cong'₂, quian'₅₄ a₂jmo'₂ 'nia'₂ ca₂le₃jē₃ a₂dse₃ a₂tē₅ dsi₅ 'éi₂, jaun₂ guē₄ guéi'₁ 'nia'₂ le₃jē₃ a₂nē₅ a₂ŋag₅₄ guē₄. 34 Tsá₃ lē₁can₂ 'nia'₂ o₂i₁ dsi₅ jaun₂, o₄quió'₄ jmig₄ 'ióg₃, ia₁ jma₃quén₅ o₂i₁ dsi₅ cha₂ bá₄ lia'₂ co₂jmig₄ lia'₂ co₂jmig₄.

7

Tsá₃ lē₁caun₂ 'nia'₂ 'í₁ quió'₅ i₂sián'₂
(Lucas 6:37-38, 41—42)

1 'Tsá₃ lē₁caun₂ 'nia'₂ 'í₁ quió'₅ ríng'₂, ia₁jaun₂ tsá₃ con₂ Diú₄ 'í₁ ja₁con'₂ 'nia'₂ guiong'₅₄. 2 Ia₁ le₂nē₅ bá₄ con₂ Diú₄ 'í₁ ja₁con'₂ 'nia'₂ guiong'₅₄ juí₁lia'₂ cáun'₂ 'nia'₂ 'í₁ ja₁con₂ ríng'₂. Quian'₅₄ 'éi'₃ a₂dsia'₂ 'nia'₂, 'éi'₃ jaun₂ bá₄ dsiog₃ Diú₄ quián'₂ 'nia'₂ guiong'₅₄.

3 '¿A₂ lia'₂ jniag'₃ 'ne₂ jag'₅₄ jme₁qui₅ pí'₁ a₂i₄ jme₁ne₁ ríng'₂, ton'₂ tsá₃ leng'₅₄ guē'₂ a₂i₄ ca₂'nau₅₄ ni₁chá₅ pa₁ jme₁ne₁ 'ŋiag'₂? 4 ¿O₃ 'a₂ lia'₂ lé₂ le₃juig'₅₄ ríng'₂: “Cuē₄ jmig₄ dsi₄ jniá₂ jme₁qui₅ pí'₁ a₂i₄ jme₁ne₁,” ton'₂ nē₅ bá₄ chi₁i₁ ca₂'nau₅₄ ni₁'ma₂ chá₅ jme₁ne₁ 'ŋiag'₂? 5 i'Ne₂ dsa₂ i₂lē₁jmo₅ o₁ne₁! Dsi₄ de'₂ jniá₅ ni₁'ma₂ chá₅ mi₂ne'₅₄ 'ŋiag'₂, jaun₂ guē₄ lé₂ le₃jag'₅₄ rē₂, jaun₂ guē₄ lé₂ dsi'₁ qui₅ pí'₁ jme₁ne₁ ríng'₂.

† 6:27 A₂lin₅₄ chog₅₄ si₂ juá'₂: “a₂lé₂ le₃i₃con'₅₄ 'nia'₂ caun₂ lē₂,”

⁶ 'Tsá₃ cuē'₂ 'nia'₂ jui₁lia'₂ dsi₂ji'₅₄ a₂lē₅ a₂jñi₅ quió'₅ jme₂dsí₂,
ia₁ con'₂ tsá₃ ñó₅ nē₁jua'₂ ja₂dsi₂n₂ a₂jmo₃ le₁jui₁g₁ quiáng'₂. Ján₃
bá₄ tsá₃ dsia₂ 'nia'₂ jui₁lia'₂ mǐg₂ jlá'₁ a₂quen₅ quiáng'₂ ne₄ i₁ñí₅,
con'₂ tsá₃ ñó₅ nē₁jua'₂ qui₂ca₂tsó'₃, jme₃ióg₃.

Jui₁lia'₂ dsa₂ i₂mi₅, i₂'no'₂, i₂tě₂ ně₃.

(Lucas 11:9-13; 6:31)

⁷ 'Mi₄ 'nia'₂ ne₄ Diú₄, jaun₂ guéi'₁ 'nia'₂; 'nio'₂ 'nia'₂, jaun₂ bá₄
dsiang'₂; té₃ 'nia'₂ o₄'né₄, jaun₂ bá₄ niá₂. ⁸ Ia₁ jui₁lia'₂ i₂mi₅,
gue₃ bá₄; jui₁lia'₂ i₂'no'₂, dsio'₂ bá₄ ján₃; ján₃ bá₄ le₂jaun₂, quió'₅
jui₁lia'₂ i₂tě₂ o₄'né₄, niá₂ bá₄.

⁹ 'ǵO₃ chan₂ jui₁lia'₂ 'ein₂ 'nia'₂, jme₁mi₅ chi'₂ quiáng'₂ i₁ñí'₄,
cuē'₂ 'nia'₂ ca₂mǐg₂ ni₁cang₁? ¹⁰ ǵO₃ chan₂ 'nia'₂ jě₁ma₂ca₂mi₃
chi'₂ quiáng'₂ quió'₅ ju₄, cuín'₄ 'nia'₂ dsi₂mi'₂? ¹¹ Jaun₂ ně₃,
chi₂jua'₂ 'nia'₂ dsa₂ i₂rě₂cán'₄ dso₄ tǐng'₂ cuē'₂ cosa dse₃ chi'₂-
guein₂ quiáng'₂, i'ě₂ guě₄ bá₄ Néi'₅ 'nia'₂ i₂guá₅ guei'₅₄ cuě₃ a₂dse₃
cuě'₃ jui₁lia'₂ i₂mi₅ ja₁coin₂!

¹² 'Uig₅₄ jaun₂ ně₃, jmo₄ bá₄ 'nia'₂ quian'₅₄ dsa₂ mi₂güig₃ rǐng'₂
jui₁lia'₂ 'e₂ a₂'niog'₂ 'nia'₂ jmo₃ 'éi₂ quian'₅₄ 'nia'₂; ia₁ a₂ně₅ bá₄
ta₁ quí'₅ ca₂le₃jě₃ Si₂ 'Éi'₃, quian'₅₄ guě₄ Si₂ a₂qui₂ca₂jmo₃ dsa₂
i₂jme₁'ě₂ jág₁ quián₅ Diú₄.

O₄jui₅ dsag₂

(Lucas 13:24)

¹³ 'Tión'₂ 'nia'₂ tē₂le₃ o₄jui₅ dsag₂. Ia₁ a₂'í₂ juě'₂ bá₄ ja₁dsi₂ton'₅₄
dsa₂ jui₅ a₂jio₅ ja₁dsi₃'éin₂. Ja₂lín₃ guě₄ juin₅ dsa₂ i₂dsi₂ton'₅₄
jui₅ jaun₂; ¹⁴ ia₁ caun₂ o₄jui₅ dsag₂ rě₂quí'₅ bá₄ ja₁i₂nio₄ dsa₂
a₂dsi₁lein₅ ja₁le₃chan₂ jme₂dsí₂, jaun₂ tsá₃ lín₄ juin₅ i₂dso'₂ jui₅
jaun₂.

Tě₂le₃ quian'₅₄ mǐg₂ a₂'ag₅ bá₄ ni₁'ma₂, jáng'₅ léi₄

(Lucas 6:43-44)

¹⁵ 'Jmo₄ 'nia'₂ 'í₁ jaun₂ tsá₃ jme₃gau₅ dsa₂ i₂i₂nio₄ 'ě₂ jág₁
a₂jui₁gain₂, i₂ja₂lén₂ ja₁con'₂ 'nia'₂ qui₂rě₂lín₅₄ a₂lín₅ já'₂ cha'₂,
la₁ tē₂le₃ né'₃ tē₂dsí₅ lín₅ jui₁lia'₂ lín₅ dsi₂ji'₅₄ náu₂ tsau₂ dsí₅.
¹⁶ La₁ tē₂le₃ 'a₂ lia'₂ jmo₅-dsáu₅ bá₄ le₃cuín'₂ 'nia'₂; ia₁ tsá₃ guei'₅₄
chi₁uǐng₃ taun₅ quín₅ dsa₂ jui₁lia'₂ mǐg₂ uvas. On₃ guě'₂ lé₂
le₃quin₃ dsa₂ mǐg₂ higos guei'₅₄ 'ma₂ taun₅ jmi'₅₄. ¹⁷ Jaun₂ ně₃,
ca₂le₃jě₃ 'ma₂ dse₃, mǐg₂ dse₃ bá₄ 'ag₅; ján₃ bá₄ le₂jaun₂ jui₁lia'₂
ni₁'ma₂ 'lig'₅₄, mǐg₂ 'lig'₅₄ bá₄ 'ag₅. ¹⁸ Jui₁lia'₂ ni₁'ma₂ dse₃, tsá₃
lé₂ le₃'ag₃ mǐg₂ 'lig'₅₄; ján₃ guě'₂ le₂jaun₂ tsá₃ lé₂ le₃'ag₃ mǐg₂ dse₃
jui₁lia'₂ ni₁'ma₂ 'lig'₅₄. ¹⁹ Ca₂le₃jě₃ ni₁'ma₂ a₂tsá₃ 'ag₅ mǐg₂ dse₃,
jñia'₅₄ lia'₂ a₂uín'₂ bá₄, dsi'₂ dsi₂si₂. ²⁰ Jaun₂ le₂ně₅ bá₄ le₃cuín'₂
'nia'₂; tē₂le₃ 'a₂ lia'₂ lě₅ jmo₂₃.

*Tsá₃ ca₂le₃jín₃ tín₄ ja₁gon₂ Diú₄.
(Lucas 13:25-27)*

²¹ 'Tsá₃ ca₂le₃jín₃ i₂tě₂ jniá₂: “Te₁gui₁'₅₄, Te₁gui₁'₅₄,” dsi₁lein₅ guei₁'₅₄ i₂juíg₃ ja₁gon₂ Diú₄; jnia₁'₅₄ lia₂' jmá₃' i₂jmo₅ a₂ηio₂ dsí₅ Ne₃' i₂guá₅ guei₁'₅₄ bá₄ dsi₁len₅. ²² Juin₅ dsa₂ lé₂ jmi₂g₄ jaun₂ i₂juá₂' tság₃ jniá₂: “Te₁gui₁'₅₄, Te₁gui₁'₅₄, ma₂qui₂ca₂'ě₄ jnia₁'₅₄ jág₁ o₄quián₂'₂ 'ne₂. Quian₁'₅₄ bí₂'éi₃ quiáng₂'₂ ně₃, ma₂qui₂ma₂'uin₁'₅₄ jnia₁'₅₄ je₂na₁'₅₄, ma₂qui₂ma₂jmo₁ jnia₁'₅₄ 'lióng₂ léi₄ juě₂'₂ ně₃.” ²³ La₁ jaun₂ guě₄ ně₃ juig₅₄ jniá₂: “O₁líg₂'₂ tsá₃ 'nia₂' ca₂rě₃cuíng₅. Cau₅ jnia₁'₃ 'nia₂' i₂jmo₂'₂ a₂'lig₁'₅₄.”

*Ta₁tín₃ ne₅₄ 'uig₅₄
(Marcos 1:22; Lucas 6:47-49)*

²⁴ 'Jaun₂ ně₃, ca₂le₃jín₃ jui₁lia₂' dsa₂ i₂nag₅ jág₁ quió₃, jmo₂₃ a₂juíg₂ jniá₂, lín₅ jui₁lia₂' lín₅ jan₂ dsa₂ i₂ηí₂'₂ dsí₅ i₂ca₂jmo₂g₃'₃ 'ne₄ ne₄ 'lau₂. ²⁵ Ca₂já₃ jmí₅, qui₂ca₂juě₂'₂ jmi₂g₂ cuá₃, ca₂'ág₂ dsí₂ tiá₂ lín₃ ca₂jná₃'₃ 'né₅ jaun₂; la₁ tsá₃ ca₂qui₁'₃, ia₁ jme₁chí₄'₄ bá₄ 'uig₅₄ ne₄ 'lau₂. ²⁶ La₁ ca₂le₃jín₃ jui₁lia₂' dsa₂ i₂nag₅ jág₁ quió₃, tsá₃ jmo₂₃ guě₂'₂ a₂juíg₂ jniá₂, lín₅ jui₁lia₂' lín₅ jan₂ dsa₂ co₄ i₂tsá₃'₃ en₅₄ dsí₅, ca₂chí₃'₃ 'né₅ quió₅'₅ ne₄ ti₁tsag₁. ²⁷ Jme₁ca₂já₃ jmí₅, ca₂juě₂'₂ jmi₂g₂ cuá₃, ca₂'ág₂ dsí₂ tiá₂ ca₂jná₃'₃ dso₂'₂ tsi₁'₃ né₅ jaun₂; jaun₂ ca₂qui₁'₃ ca₂gon₃ gau₂ lín₃.

²⁸ Jme₁ca₂lě₃ juá₂' Jesús jág₁ le₂ně₅, 'ηio₅ lín₃ qui₂dsi₂gó₃'₃ dsí₅ dsa₂ 'a₂ lia₂'₂ lě₅ jág₁ a₂jme₂tag₂₃, ²⁹ ia₁ jme₂tag₂₃ jui₁lia₂'₂ jan₂ i₂quian₅'₃ 'éi₃ dsón₂, on₃jua₁'₅₄ rě₂'₂ lia₂'₂ tě₅juá₅'₅ quiáin₅.

8

*Ca₂jme₃'lión₂ Jesús jan₂ dsa₂ i₂lín₅ 'mé₅ 'iog₅
(Marcos 1:40; Lucas 5:12-16)*

¹ Jme₁ca₂sión₃ Jesús má₂, juin₅ lín₃ dsa₂ jme₂quiong₁'₅₄. ² Jaun₂ ca₂jme₃quián₃ jan₂ dsa₂ dso₁'₅₄ i₂lín₅ 'mé₅ 'iog₅, ca₂chi₃jné₃ ne₄ Jesús, jaun₂ ca₂juá₂'₂:

—Chi₂jua₂'₂ 'niog₂'₂ 'ne₂, Te₁gui₁'₅₄, lé₂ bá₄ jme₁'lio₁'₅₄ jniá₂.

³ Jaun₂ Jesús ně₃ ca₂néi₃'₃ gu₂, ca₂jña₁'₃ quió₅'₅ dsa₂ 'éi₂, jaun₂ ca₂juá₂'₂:

—'Nio₃ bá₄ jniá₂. Jme₁'liong₅₄'₅₄ 'ne₂.

Dsi₂jui₅ jme₁ca₂juá₂'₂ le₂ně₅, ca₂'lón₂ dsa₂ 'éi₂ 'mé₅ 'iog₅ a₂jme₁lín₄. ⁴ Jaun₂ ca₂juá₂'₂ Jesús:

—Ně₃ jaun₂, tsá₃ lě₁'ein₂ juig₂'₂ 'i₁jan₂; jnia₁'₅₄ lia₂'₂ guan₂'₂ o₂jme₁jnia₅ ne₄ jme₂dsa₂, jaun₂ o₂jen₁'₅₄ a₂'nió₅'₅ jme₁ti₄'₄ con₂'₂ lě₅ 'Éi₃'₃ quió₅'₅ Moisés, ia₁jaun₂ le₃ηi₅ dsa₂ a₂ma₂le₁jíng₃'₃.*

* 8:4 'Í₂ Levítico 14.

'A₂ lia'₂ jme'₁ én₂ jan₂ juig₅₄ 'lióg₂ romano
(Lucas 7:1-10)

⁵ Jme₁ca₂í₃ Jesús jë₄ juig₂ Capernaum, ca₂jme₃quián₃ jan₂ juig₅₄ 'lióg₂ romano coin₂, jaun₂ ca₂mi₃ a₂jme₃o₅₄ 'éi₂, ca₂juá'₂:

⁶ —Te₁gui'₅₄, jan₂ dsó₂ i₂jme₂ti₃ ta₁ ne₃, ron₅ dso'₅₄ nág₅ uig₅ ja₁quió₃; a₂'ua'₂ quió'₅, tsá₃ lé₂ jë'₂ gu₂-tag₅₄. ⁷ Jaun₂ ca₂juá'₂ Jesús:

—Nei₅₄ bá₄ jniá'₂ i₁jme₁'lioin₁₂.

⁸ Jaun₂ ca₂ηag₃ juig₅₄ 'lióg₂:

—Te₁gui'₅₄, tsá₃ ca₂tín₂ jniá'₂ jua'₅₄ o₁'ú'₃ 'ne₂ dsi₂néi₂ quió₃; jnia'₅₄ lia'₂ a₂jme₁jmó'₂ 'éi'₃ bá₄, jaun₂ 'lión₂ dsa₂ 'éi₂ quiáng₃. ⁹ Ia₁ le₂në₅ bá₄ jniá'₂ 'ñiós, chéng'₅ a₂jme₂ti₅₄ 'éi'₃ quió'₅ juig₃, ján₃ bá₄ le₂në₅ te₁neg'₅₄ 'lióg₂ i₂niog₅ gu₃, 'e₂ caun₂ 'nio₃ jniá'₂ lé₂. Në₁jua'₂ ca₂juig₂ jniá': "Gua₂ jó", ja₁jaun₂ dsó₃ bá₄; në₁jua'₂ ca₂juig₂ jniá'₂ i₂sián'₂ guë'₂ táng₃: "Ñia₅", jiá₃ bá₄. Në₁jua'₂ ca₂juig₂ jniá'₂ dsa₂ sián'₂ quiáng₃: "O₂jmo₄ a₂la₂ a₂ó₃", a₂jaun₂ dsi₃jmó₂ bá₄.

¹⁰ Jme₁ca₂nág₂ Jesús a₂juá'₂ dsa₂ 'éi₂, ca₂i₃gó'₃ dsí₅, jaun₂ ca₂tsí'₃ dsa₂ i₂jme₁quian'₅₄:

—A₂dsi₂jó'₃ juá'₅ jniá'₂ juig₂ 'nia'₂, ca₂lia'₂ 'i₁jan₂ dsa₂ juig₂ Israel, tsá₃ i₂ma₂jín₄ jniá'₂ i₂'én₂ guë'₄ lín₃ lia'₂ 'én₂ dsa₂ la₂. ¹¹ Jniá'₂ juig₂ 'nia'₂, juin₅ dsa₂ i₂qui₂ja₃lén₂ ca₂le₂con₂ gua'₅₄ 'uë₃, a₂tian'₃ co₂lë₅ guë'₃ quian'₅₄ Abraham, quian'₅₄ Isaac, Jacob në₃ ja₁gon₂ Diú₄ guei'₅₄ i₂juig₃; ¹² la₁ dsa₂ i₂jme₁ca₂tín₂ tón'₃ ja₁gon₂ Diú₄, dsi₃toin'₅₄ jë₄ qui₁né'₃ uíng₂, qui₂dsi₃'áu₃, quíg'₃ jan₅₄.

¹³ Jaun₂ ca₂juá'₂ Jesús ca₂tsí'₃ juig₅₄ 'lióg₂:

—Guan'₂ dsi₂néi₂ quiáng'₂. Lé₂ bá₄ con'₂ lë₅ 'éng'₂.

Dsón'₂ rë'₂ hora jaun₂ ca₂'lón₂ dsó₂ mozo quián₅ dsa₂ 'éi₂.

Ca₂jme₃'lión₂ Jesús ma₂chog₅₄ Pe₄.

(Marcos 1:29-31; Lucas 4:38-39)

¹⁴ Co₂ráun₂ ηó₃ Jesús ja₁quió'₄ Pe₄. Ja₁jaun₂ jme₁rë₂quian₅ ma₂chog₅₄ Pe₄ a₂dso'₅₄ 'i₄ dséi₂. ¹⁵ Jaun₂ ca₂ηa'₃ Jesús gu₂ dsa₂ dso'₅₄, jaun₂ dsi₂jui₅ le₂jaun₂ bá₄ ca₂o₃'ág₃ dséi₂. Jaun₂ ca₂nau₂ ma₂chog₅₄ Pe₄ ca₂jme₃lióg₃ ca₂jme₃ti₃ ta₁ ne₄ mesa, a₂ag'₃.

Ca₂jme₃'lión₂ Jesús juin₅ lín₃ dsa₂ dso'₅₄

(Marcos 1:32-34; Lucas 4:40-41)

¹⁶ Le₃ca₂nei₂ jaun₂, juin₅ lín₃ dsa₂ i₂jio₅ jme₂dsí₂ je₂na'₅₄, ca₂o₃jñia₃ dsa₂ ne₄ Jesús; jaun₂ quian'₅₄ ca₂jón₄ jág₁ bá₄ ca₂'uín'₂ jme₂dsí₂ 'lín'₅₄. Jaun₂ ca₂jme₃'lióin₂ ján₃ ca₂le₃jín₃ dsa₂ dso'₅₄. ¹⁷ Le₂në₅ bá₄ ca₂rë₃ti₃ jág₁ quió'₅ Isaías i₂jme₁'ë₂ jág₁ o₄quió'₄ Diú₄ jme₁ca₂juá'₂:

'Éi₂ bá₄ ca₂jñiá'₂ a₂jme₁'uau₅₄ jniog₄,

'éi₂ bá₄ ca₂can₃ guei₂ jmi₁uig₅ quián₂ jniog₄.†

Dsa₂ i₂jme₁'nio₃ jme₃quian'₅₄ Jesús
(*Lucas 9:57-62*)

18 Jme₁ca₂jág₃ Jesús juin₅ lin₃ dsa₂ le₁lio₃, jaun₂ ca₂jmo₃ 'éi'₃ a₂ñí₃ dsa₂ quiáin₅ tē₂le₃ 'ño'₅₄ jmi₁ñí'₄. 19 Jaun₂ ca₂jme₃quián₃ jan₂ tē₅juá'₅ coin₂, jaun₂ ca₂juá'₂:

—Tē₅, nei₅₄ jniá₂ quian'₅₄ 'ne₂ ca₂le₂con₂ ja₁gog'₅₄.

20 Jaun₂ ca₂ñag₃ Jesús:

—I₂cha₂ tē₂'lau₂ quió'₅ bá₄ jui₁lia'₂ i₁güi₅, ján₃ bá₄ le₂jaun₂ jui₁lia'₂ i₁tan₅ i₂'in₅ guei'₅₄, i₂tio'₅₄ tsag₄ bá₄ 'éi₂. La₁ Jaun₅ dsa₂ mi₂güig₃ nē₃, tsá₃ ja₁cha₂ jua'₅₄ ja₁quióg₃ ca₂tiá₂.

21 Jan₂ guē'₂ i₂sián'₂ i₂jme₁ma₂ñó₅ quiong'₅₄ ca₂juá'₂:

—Te₁gui'₅₄, ħtsa₁ cuē'₁ jmig₄ a₂nég'₄ i₁'ong₃ de'₂ jniá₅ ñe'₃?

22 La₁ ca₂ñag₃ Jesús:

—Éin₃ 'ne₂ jniá₂, jui₁dsi₂'ón₃ bá₄ 'lag₄, 'lag₄ riin'₅₄.

Ca₂jmo₃ Jesús ca₂'ág₂ tei₄ jmi₁ñí'₄, ca₂jñia'₃ dsí₂ nē₃
(*Marcos 4:35-41; Lucas 8:22-25*)

23 Jaun₂ nē₃, ca₂'í₃ Jesús 'ñió'₃ tsi₁mu₅, quian'₅₄ dsa₂ i₂ma₂quaiin'₅₄. 24 Jme₁ma₂tioin'₅₄ ne₄ jmig₂, ca₂'ág₂ dsí₂ tiá₂ lin₃ con'₂ tsá₃ jáin₅. Ca₂lia'₂ ma₂dsi₂jein₃ jmig₂ 'ñió'₃ tsi₁mu₅. La₁ jme₁rē₂güin₃ bá₄ Jesús ñó₅. 25 Jaun₂ ca₂i₁ñei₅₄ bá₄ dsa₂ quiáin₅, jaun₂ ca₂juá'₂:

—iTe₁gui'₅₄, lio₄! ¡Ia₁ dsi₃'éin₂ jnia'₅₄† ja₁lá₃!

26 Jaun₂ ca₂ñag₃ Jesús:

—ħ'E₂ lē₃ ñí₄ lē₃ gan'₃ 'nia'₂ dsa₂ i₂tsá₃ lin₄ 'én₂?

Jaun₂ ca₂nau₂ ca₂jéin₂ dsí₂, jmi₁ñí'₄ nē₃, jaun₂ co₂ñei'₅₄ ca₂tē₁tsi'₅₄ táng₃ tei₄. 27 Jaun₂ ca₂i₃gó'₃ dsí₅ dsa₂, qui₂ca₂ñí'₃ riin'₅₄:

—ħ'i₂'ein₂ bá₄ dsa₂ nē₅, le₂jjiog₅ dsí₂ le₂jjiog₅ jmi₁ñí'₄ nag₅ gau₂ jág₁ quió'₅?

Dsa₂ i₂chan₂ Gadara i₂jme₁tion'₅₄ je₂na'₅₄ tē₂dsí₅
(*Marcos 5:1-20; Lucas 8:26-39*)

28 Jme₂ca₂dsióg₃ Jesús le₃ca₂ton₂ jmi₁ñí'₄, tē₂le₃ 'uē₃ Gadara, § jaun₂ ca₂'uin₂ on₃ dsa₂ jē₄ le₁on₅ 'lag₄, jaun₂ ca₂jme₃quiáin₃ con₂ Jesús. Le₃on₃ dsa₂ 'éi₂ jme₁jjiog₅ je₂na'₅₄, jaun₂ 'ñio₅ lin₃ jme₁tsau₂ dsí₅, 'i₁jan₂ dsa₂ tsá₃ 'ein₂ lé₂ le₃ñí₃ jui₅ jaun₂. 29 Jaun₂ ca₂tóin'₂ co₂mi'₅₄ ca₂juá'₂ tiá₂:

—ħ'E₂ 'uig₅₄ tián'₅ 'ne₂ jē₄ quian'₅₄ jnia'₅₄, Jesús Ja₁ñi'₅₄ Diú₄? ħA₂ñe'₃ 'ne₂ ja₁lá₃ a₂jmog'₅₄ jnia'₅₄ tē₃jñiá₅?

30 Me'₂ cau₅ jaun₂, jme₁tion'₅₄ juin₅ i₁ñí₅ guē'₅; 31 jaun₂ qui₂ca₂mi₃ je₂na'₅₄ ne₄ Jesús, ca₂juá'₂:

† 8:17 Isaías 53:4. ‡ 8:25 o₃, “jniog₄.” § 8:28 A₂lin₅₄ chog₅₄ si₂juá'₂: “Gerasa”; a₂siá'₂ guē'₂ nē₃, juá'₂: “Gergesa.”

—Chi₂jua'₂ 'uag'₅₄ jnia'₅₄ ja₁lá₃, chei₅ jnia'₅₄ dsi₁tió'₄ quió'₅ i₁ñí₅ 'o₃.

³² Jaun₂ ca₂juá'₂ Jesús:

—O₂nó'₅ 'nia'₂.

Jaun₂ ca₂'uin₂ jme₂dsí₂ 'lin'₅₄ tē₂dsí₅ dsa₂ 'éi₂, jaun₂ ca₂i₃toin'₅₄ tē₂dsí₅ i₁ñí₅. Dsi₂jui₅ le₂jaun₂ bá₄ ca₂i₁nio₁ co₂chi'₅₄ i₁ñí₅ cuñg₂₃ jui₅ siá₅, jaun₂ ca₂i₁sein'₃ tē₂ jmi₁ñí'₄. Ja₁jaun₂ ca₂dsain₃ ca₂'in'₃ jmi₂.

³³ Dsa₂ i₂jme₁jmo₅ 'í₁ i₁ñí₅ nē₃ ca₂cuñg₃. Jme₁dsi₃lein₃ jē₄ juig₂ ca₂dsia₃ a₂ca₂lē₃ jaun₂, quian'₅₄ a₂ca₂lē₃ quian'₅₄ dsa₂ i₂jme₁tion'₅₄ je₂na'₅₄ nē₃. ³⁴ Ca₂le₃jín₃ dsa₂ chan₂ juig₂ jaun₂ nē₃ ca₂'uiin₂ i₃léin₂ ja₁'en₅₄ Jesús. Jaun₂ jme₁ca₂jín₂ Jesús nē₃, ca₂chi₃quióng₂ jmi₂g₄ a₂o₃'iín₅ le₂con₂ jaun₂.

9

Ca₂jme₃'lión₂ Jesús jan₂ dsa₂ 'lian'₂

(Marcos 2:1-12; Lucas 5:17-26)

¹ Jaun₂ ca₂'í₃ Jesús 'ñi₁ó'₃ tsi₁mu₅, ca₂ñí₃ le₃ 'ño'₅₄ jmi₁ñí'₄, jaun₂ ca₂dsiáin'₃ juig₂ ja₁jme₁guá₄. ² Jaun₂ ca₂o₃jñia₃ dsa₂ jan₂ dsa₂ 'lian'₂, dsi₁in₂ ne₄ tsi₁jein₁. Jme₁ca₂jág₃ Jesús a₂'én₂ dsa₂ 'éi₂ 'ñio₅ lin₃, ca₂tsí'₃ dsa₂ dso'₅₄:

—Jmo₄ lían'₂ 'au'₂, jón₃; ma₂rē₂'én₄ bá₄ dsáu'₂.

³ Jaun₂ ca₂i₃jio₅ dsí₅ i₂lin₅₄ tē₅juá'₅: “A₂'in₅ 'lig'₅₄ Diú₄ bá₄ i₂nē₅ a₂juá'₂ le₂nē₅.”

⁴ La₁ i₂ñi₅ rē₂ bá₄ Jesús a₂dsi₂jio₅ dsí₅ dsa₂ 'éi₂, jaun₂ ca₂juá'₂:

—¿'E₂ lē₃ dsi₂jio₅ 'au'₂ 'nia'₂ 'lig'₅₄ le₂nē₅? ⁵ ¿Na₂ a₂'ua₁ guē₄ ta₁ jua'₅₄ a₂jme₁juig₅₄ jniá₂ dsa₂ la₂: “Ma₂rē₂'én₄ bá₄ dsáu'₂”, o₃ a₂jme₁juig₅₄ 'e₂ jniá₂: “Nau₂, ñi₄?” ⁶ Dse₃ jaun₂. La₂ jmo₅₄ jniá₂ jaun₂ le₃ñi'₅₄ 'nia'₂ a₂'io₅ 'éi'₃ Jaun₅ dsa₂ mi₂güig₃ ne₄ gua'₅₄ 'uē₃ a₂qui₃'éin₂ dsáu₁ dsa₂.

Jaun₂ guē₄ ca₂juá'₂ ca₂tsí'₃ dsa₂ 'lian'₂:

—Nau₂, quion₂ tsi₁jein₁ quiáng'₂, guan'₂ ja₁quiáng'₂.

⁷ Jaun₂ ca₂nau₂ bá₄ dsa₂ 'éi₂, ca₂ñái'₃ ja₁quió'₄. ⁸ Jme₁ca₂jág₃ dsa₂ a₂ca₂lē₃ jaun₂, ca₂i₃gó'₃ dsí₅, jaun₂ ca₂jme₃juin'₂ Diú₄ ne₄ 'uig₅₄ ia₁ a₂ma₂cuē₃ bí₂ jaun₂ ma₂cuē'₃ jan₂ dsa₂ mi₂güig₃.

Ca₂tē'₃ Jesús Mateo

(Marcos 2:13-17; Lucas 5:27-32)

⁹ Ca₂o₃'in₃ bá₄ Jesús ja₁jme₁'ein₅₄ jaun₂. Ja₁ñó₄ jaun₂, ca₂jín₂ jan₂ dsa₂ i₂chen₂ Mateo, guá₅ caun₂ dsi₂néi₂ cán₂ 'lia'₅₄ o₄quió'₄ dsi₂tan₅₄. Jaun₂ ca₂juá'₂ Jesús ca₂tsí'₃ 'éi₂:

—'Éin₃ jniá₂.

Jaun₂ ca₂nau₂ bá₄ Tē₅₄, ca₂jme₃quiong'₅₄.

¹⁰ Ca₂lě₃ jme₁ma₂'en₅₄ Jesús guě'₅ dsi₂néi₂ quió'₅ Tě₅₄, ca₂dsi₃lén₂ juin₅ guě₄ dsa₂ i₂cán₂ cu₄ riin'₅₄, dsa₂ “i₂le₁cán'₄ dso₄” sián'₂ guě₄ ně₃, ca₂i₃toin'₅₄ i₁guě'₂ quiaín'₅₄ Jesús, quiaín'₅₄ dsa₂ i₂ma₂quiaín'₅₄ ně₃. ¹¹ Dsa₂ fariseos ně₃, jme₁ca₂jág₃ a₂ně₅, jaun₂ ca₂ñi'₃ dsa₂ quián₅ Jesús:

—Ĉ'A₂ lia'₂ guě'₅ tě₅ quián'₂ 'nia'₂ co₂lě₅ quian'₅₄ dsa₂ i₂cán₂ 'lia'₅₄ quián₅ dsi₂tan₅₄, dsa₂ i₂le₁cán'₄ dso₄ ně₃?

¹² Ca₂nág₂ Jesús jág₁ jaun₂, jaun₂ ca₂juá'₂:

—On₃jua'₅₄ dsa₂ i₂qui₂le₁'ág₄ dse₃ dsí₅ i₂'nió'₅ tě₅mí₅ quió'₅; tě₂le₃ ja₁con₂ dsa₂ i₂le₁dso'₅₄ bá₄ 'nió'₅ quió'₅. ¹³ O₂nó'₅ 'nia'₂ o₂jme₁tin₅ 'e₂jein₅ jág₁ la₂ tio'₅₄ ne₄ Si₂: “A₂'nio₃ jniá'₂ dsiá'₁ 'nia'₂ ģéi₂ 'au'₂ dsa₂ mi₂güí₃ ríng'₂, on₃jua'₅₄ rē'₂ a₂jñia'₅₄ qui₁jen'₄ 'nia'₂ 'e₂ qui₁jen'₄ ne₃.”* Ia₁ tsá₃ ta₁ jaun₂ guio₃ jniá'₂ jua'₅₄ a₂tě₄ dsa₂ dsen₃; a₂tě₄ dsa₂ i₂le₁cán'₄ dso₄ bá₄ jniá'₂ guio₃.

Ca₂ñi'₃ dsa₂ Jesús jui₁lia'₂ jág₁ a₂jme₂'in₅₄ dsa₂

(Marcos 2:18-22; Lucas 5:33-39)

¹⁴ Jaun₂ ca₂dsi₃lén₂ dsa₂ i₂jme₁i₂nio₄ quian'₅₄ Juan₅₄ i₂chon₅ dsa₂ jmig₂ ca₂jme₃quián₃ ne₄ Jesús, jaun₂ ca₂ñag₃:

—Ĉ'A₂ lia'₂ jme₂'in₅₄ bá₄ dsa₂ fariseos, le₂jaun₂ guě'₂ jnia'₅₄ ně₃, la₁ dsa₂ i₂quian'₅₄ 'ne₂ guě'₂ tsá₃ jme₂'in₅₄?

¹⁵ Jaun₂ ca₂ñag₃ Jesús:

—ĈLé₂ le₃tón'₃ 'lia'₂ dsí₅ jui₁lia'₂ dsa₂ i₂té₁ ja₁niog₅ jmig₄ ja₁jen'₂ gu₂ dsa₂, chi₂jua'₂ jaun₂ bá₄ guá₅ guě'₂ dsa₂ ģe'₂ i₂jen'₂ gu₂? Já₅ jmig₄ jě₁tsá₃ ma₃dsa₂ i₂jen'₂ gu₂ 'éi₂ chan₂ lé₂; jaun₂ guě₄ tóin'₃ jme₃'in₅₄.

¹⁶ 'Ma₁ tsá₃ 'ein₂ tin₂ tíong₅ tsi₁'mi'₂ gui'₅₄ quian'₅₄ 'nau₅₄ tsi₁'mi'₂ 'mí₂. Ia₁ dsán'₅ tsi₁'mi'₂ 'mí₂, jaun₂ juě'₂ guě₄ ja₁gag₂ lě₂.

¹⁷ Ján₃ bá₄ le₂jaun₂ tsá₃ tia'₂ dsa₂ vino 'mí₂ 'ñiό'₃ ni₁lau₂ gui'₅₄, ia₁ ne'₂. Ně₅ bá₄ téin₃ vino, ton'₂ dsi₃én₂ ni₁lau₂ ně₃ ně₁jua'₂ ca₂jmo₃ dsa₂ le₂jaun₂. Jaun₂ lě₃, 'ñiό'₃ lau₂ 'mí₂ bá₄ 'niό'₅ tia'₃ dsa₂ vino 'mí₂, ia₁jaun₂ le₃tin₃ bá₄ lě₂ 'í₁.

Ja₁míg₄ Jairo, quian'₅₄ 'io₅₄ i₂ca₂ñi'₃ tsin'₅₄ Jesús

(Marcos 5:21-43; Lucas 8:40-56)

¹⁸ Tě₃ 'en₅₄ Jesús dsia₂₃ jág₁, jme₁ca₂dsiό₃ jan₂ i₂niog₅ gu₂ guá'₅ sinagoga. Ca₂chi₃jné₃ ne₄ Jesús, jaun₂ ca₂juá'₂:

—Lia'₂ ca₂jon₃† jan₂ chi'₂ dsa₂ mí₂ quiáng₃. La₁ ně₁jua'₂ gog'₅₄ 'ne₂ quian'₅₄ jniá'₂ o₁quiog'₂ gog'₂ ne₄ quió'₅, le₃chain₂ bá₄ táng₃.

¹⁹ Jaun₂ ca₂nau₂ Jesús, jaun₂ ca₂ñό₃ quiaín'₅₄ dsa₂ 'éi₂, lia'₂ jma₃quiaín'₅₄ dsa₂ i₂ma₂ja₂lén₂ quiong'₅₄. ²⁰ Tě₃jě₄ jaun₂, ñό₃ jan₂ dsa₂ mí₂ i₂dso'₅₄ ma₂guia₃-tín₂ ģi₂ a₂tin₂. Ca₂jme₃quián₃ tě₂le₃ chi₁co'₅₄ quió'₅ Jesús, jaun₂ ca₂níi'₂ chei'₅₄ tsin'₅₄ 'éi₂. ²¹ Ia₁

* 9:13 Oseas 6:6. † 9:18 o₃, “ma₂i₁jón₂”, lě₂ le₃jein₃ jág₁.

líin₂: “Tsá₃ nag₅₄ ně₁jua'₂ jñia'₅₄ níg'₄ ca₂juig₄ tsin'₅₄, jñia₃ quió₃.”

²² Jaun₂ ca₂jén'₃ Jesús, ca₂jíin₂ 'io₅₄, jaun₂ ca₂juá'₂:

—Jmo₄ lián'₂ 'au'₂, jón₃. Ma₂'lóng'₂ bá₄, ia₁ 'éng'₂.

Dsi₂jui₅ le₂jaun₂ bá₄ ca₂jñia₃ co₂ñei'₅₄ quió'₅.

²³ Jme₁ca₂dsióg₃ Jesús ja₁quió'₄ dsa₂ juig₅₄ sinagoga 'éi₂, jaun₂ ca₂jág₃ ma₂tion'₅₄ dsa₂ i₂jmo₅ son₅₄, ma₂tion'₅₄ dsa₂ juin₅ go₂'i₃ ně₃, qui'₂-o₂₃. ²⁴ Jaun₂ ca₂juá'₂:

—Úin'₂ 'nia'₂ ja₁lá₃; tsá₃ rě₂jon₅₄ i₂bě'₅₄ ně₅. Jñia'₅₄ lia'₂ a₂rě₂güin₃ bá₄.

La₁ jñia'₅₄ ca₂ñág₂ bá₄ dsa₂. ²⁵ Jme₁ma₂'uin'₂ dsa₂, jaun₂ ca₂'í₃ Jesús dsi₂néi₂, ca₂jña'₃ mi₂gu₂ i₂bě'₅₄, jaun₂ ca₂nau₂ bá₄ 'éi₂. ²⁶ Ca₂le₂con₂ juig₂ tio'₅₄ 'uě₃ jaun₂, ca₂i₃'ág₃ jág₁ a₂ca₂lē₃ jaun₂.

Ca₂jme₃'lión₂ Jesús on₃ dsa₂ ten₄

²⁷ Jme₁o₂'ín₃ Jesús ja₁jaun₂, ca₂'ein₃ on₃ dsa₂ ten₄, ja₂léin₂ tě₂ tiá₂:

—jDsia₄ ñéi₂ 'au'₂ jñia'₅₄, 'ne₂ tsi₁jon₂ David!

²⁸ Jme₁ca₂'í₃ Jesús dsi₂néi₂, ca₂jme₃quián₃ dsa₂ ten₄ 'éi₂ cau₅ quió'₅. Jaun₂ ca₂ñag₃ Jesús:

—Ď'Én'₂ 'nia'₂ a₂lé₂ le₃jme₁'lio₅₄ jniá'₂?

Jaun₂ ca₂ñag₃:

—'Éin₂ bá₄ jñia'₅₄, Te₁gui'₅₄.

²⁹ Jaun₂ ca₂ní'₃ Jesús gu₂ jme₁ne₁₂ jaun₂ ca₂juá'₂:

—Ju₁le₅₄ bá₄ con'₂ lě₅ 'én'₂ 'nia'₂.

³⁰ Jaun₂ ca₂lág₃ bá₄ mi₂ne₄ dsa₂ 'éi₂. Jaun₂ ca₂jmo₃ Jesús 'éi'₃ ca₂juá'₂:

—Tě₃ñi'₅₄ 'nia'₂ jnag₅₄ tsá₃ 'ein₂ ju₁le₂ñi₅ a₂ně₅.

³¹ La₁ 'éi₂ ně₃, jme₁ca₂'u₁in₂ jaun₂, ca₂dsia₃ ca₂le₂con₂ ja₁tén₄ 'uě₃ jaun₂ 'e₂ a₂ca₂jmo₃ Jesús.

Ca₂jme₃'lión₂ Jesús jan₂ dsa₂ con₄

³² Jme₁ma₂'uin₂ dsa₂ i₂jme₁ten₄ 'éi₂, ca₂o₃lén₂ i₂sián'₂ táng₃ jñia₁₂₃ jan₂ dsa₂ con₄ i₂'en₅₄ jme₂dsí₂ je₂na'₅₄. ³³ Dsi₂jui₅ jme₁ca₂dsen₅ Jesús je₂na'₅₄, jaun₂ ca₂jme₃lióg₃ dsa₂ con₄ 'éi₂ ca₂dsia₃ jág₁. Dsa₂ juin₅ i₂jme₁tion'₅₄ ca₂tě₂ ne₅₄, ca₂i₃gó'₃ dsí₅, jaun₂ ca₂dsia₃:

—Ca₂le₂con₂ 'uě₃ Israel la₂, tsá₃ 'ein₂ ma₂ca₂jág₃ a₂le₂ně₅.

³⁴ La₁ dsa₂ fariseos guě'₂ ně₃, ca₂juá'₂:

—Tě₂le₃ quian'₅₄ ju₁i₅bí₂ quió'₅ 'ñiog₅ juig₅₄ je₂na'₅₄ bá₄, jmo₅ i₂ně₅ 'u₁in'₂ je₂na'₅₄.

Dsia₅ Jesús ñéi₂ dsí₅ dsa₂

³⁵ Ca₂ñi₃ Jesús ca₂le₂con₂ juig₂ ca'₅₄, ca₂le₂con₂ juig₂ pí'₁ ně₃, jme₂tiin₂₃ dsa₂ dsi₂néi₂guá'₅ sinagogas. Jme₁'ě₂ jág₁ dse₃ ju₁lia'₂ ja₁gon₂ Diú₄. Jme₁jme₂'lióin₂ dsa₂ ca₂le₃jě₃ ne₅₄ dso₄, quian'₅₄

ca₂le₃jě₃ jmi₁uig₅ a₂jme₁le₁quian₅ dsa₂. ³⁶ Jme₁ca₂jín₂ dsa₂,
ca₂tá'₂ nēi₂ dsí₅, ia₁ jme₁chain₂ o₂i₁ dsi₅ ca₂lia'₂ ma₂ja₂'ú'₃ dsí₅
chain₂, nē₂jag₄ bá₄ já'₂ cha'₂ i₂tsá₃ chan₂ jmo₃ 'í₁. ³⁷ Jaun₂ nē₃
ca₂tsí'₃ dsa₂ i₂jme₁quian₅:⁵⁴

—Dsón'₂ bá₄ dsau₅ 'lióng₂ a₂ca₂rau₂, la₁ tsá₃ juin₅ dsa₂ i₂jmo₅
ta₁ja₁nau₂. ³⁸ Jaun₂ lē₃, mi₄'nia'₂ ne₄ juig₅₄ ja₁nau₂ a₂chein₃ guē₄
juin₅ dsa₂ i₂jmo₃ ta₁ja₁nau₂ quió'₅.

10

Ca₂quión'₂ Jesús guia₃-tín₂ dsa₂ jē₄ quió'₅ dsa₂ quiáin₅
(Marcos 3:13-19; Lucas 6:12-16)

¹ Jaun₂ ca₂tě'₃ Jesús chi'₂ dsi₂guia₃-tín₂ quiáin₅, jaun₂ ca₂cuē₃
bí₂ 'éi'₃ a₂'uín'₂ jme₂dsí₂ 'lín'₅₄, a₂qui₂jme₃'lióin₂ ca₂le₃jě₃ ne₅₄
dso₄ a₂nio₅ lín₅ dsa₂, ca₂le₃jě₃ jmi₁uig₅ nē₃.

² Le₂la₂ bá₄ chen₂ ta₁guia₃-tín₂ dsa₂ i₂ca₂quión'₂ Jesús 'éi₂
quiáin₅: Si₂mu₅₄, i₁tě'₂ dsa₂ Pe₄; quian₅'⁵⁴ Drē₄ riin'₅₄; Jacobo^{*}
quian'₅₄ Juan₅₄ riin'₅₄, ja₁ñí'₄ Zebedeo; ³ Fe₂li₄ quian'₅₄ Bar-
tolomé; To₁má₄ nē₃ quian'₅₄ Tē₅₄ i₂jme₁cán₂ 'lia'₅₄ a₂ca₂tín₂
dsi₂tan₅₄; Jacobo i₂lín₅ ja₁ñí'₄ Alfeo; Tadeo nē₃; ⁴ Si₂mu₅₄ nē₃
i₂tě'₂ dsa₂ cananista;† Judas Iscariote nē₃, i₂ca₂jín'₂ Jesús.

Ca₂chen₃ Jesús dsa₂ guia₃-tín₂ quiáin₅ a₂ca₂i₁'ē₄ jág₁ dse₃
(Marcos 6:7-13; Lucas 9:1-6)

⁵ Dsa₂ guia₃-tín₂ nē₅ bá₄ ca₂chen₃ Jesús jme₁ma₂nē₂cuē₃ jág₁
la₂:

—Tsá₃ o₁nó'₅ 'nia'₂ jui₅ 'uē₃ go₄ dsi₂nau₂, on₃ guē'₂ o₂ton'₅₄
'nia'₂ 'i₁caun₂ juig₂ a₂tén₅ 'uē₃ Samaria. ⁶ Ja₁jaun₂ bá₄ o₂nó'₅
'nia'₂ ja₁tion'₅₄ dsa₂ i₂lín₅ co₂'nió'₄ já'₂ cha'₂ i₂ma₂i₂cón'₅ i₂chan₂
juig₂ Israel. ⁷ O₂nó'₅ 'nia'₂ qui₂o₂'ē₃ jág₁ dse₃ la₂ chei'₅₄ 'nia'₂ dsa₂,
ma₂ja₂quian₃ 'éi'₃ quió'₅ Diú₄. ⁸ O₂jmo₄ 'nia'₂ le₁jín₃ dsa₂ i₂lín₅
'mé'₅ 'iog₅; ca₂le₃jín₃ guē'₂ i₂lín₅ dso₄ siá'₂ nē₃, o₂jme₁'lioin₅₄;
o₂jme₁jen'₅₄ 'nia'₂ 'lag₄; o₂'uín'₅₄ 'nia'₂ je₂na'₅₄ quió'₅ dsa₂ nē₃.
Jaun₂ le₂nē₅ ju₁lia'₂ nē₂gue'₅₄ 'nia'₂ bí₂ la₂ on₃jua'₅₄ a₂cha₂ 'lia'₅₄,
le₂nē₅ o₂jmo₄ 'nia'₂ ján₃, o₂cuē'₅₄ dsa₂ bí₂ tsá₃ 'lia'₅₄ cán'₁. ⁹ Tsá₃
'e₂ cán'₁ 'nia'₂, ju₁lia'₂ a₂'nió'₅ le₂i₄ jui₅, on₃ guē'₂ cu₄nióg₄,
on₃ guē'₂ cu₄tiog₂, on₃ guē'₂ ní₁ guéin₂ tē₂lau₂ quiáng'₂, ¹⁰ on₃
guē'₂ tē₂'mi'₂ jua'₅₄ a₂to'₅₄ lio₅₄ cán'₁. Jmá'₃ co₂dsán'₃ tsín'₂ bá₄
'nia'₂ cán'₁, tsá₃ cán'₁ 'nia'₂ lau₂ ton₂ tag'₅₄ a₂ηag₅₄ guē₄ con'₂
a₂ma₂le₁ton₅ tag'₅₄, on₃ guē'₂ 'ma₂'i₅₄; ia₁ ju₁lia'₂ dsa₂ i₂jmo₅ ta₁,
ca₂tín₂ bá₄ gue₃ má₃ quió'₅.

* **10:2** Jacobo: ján₃ bá₄ chein₂ Santiago. † **10:4** cananista: partido quió'₅ dsa₂
i₂nio₃ táun₂ 'uē₃ 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ñí₄ lē₃
mei'₂ tsá₃ ca₂ne₅₄ a₂chein₂.

11 'Jē₁ma₂ca₂dsi₃nó'₅ 'nia'₂ lia'₂ caun₂ juig₂ ca'₅₄ o₃ juig₂ pí'₁ 'e₂, ja₁jaun₂ jñia₄ 'nia'₂ ja₁quió'₄ dsa₂ i₂léi₄ dsen₃ 'ua₁ dsí'₅, quió'₅ 'éi₂ tión'₂ 'nia'₂ ca₂lia'₂ ca₂tě₂ jmig₄ i₁'uín'₃ táng₃. 12 Jē₁ma₂tě₂ rē₁tóng'₁ dsi₂néi₂ quió'₅, cuin₅₄ 'nia'₂ Diú₄ jua'₅₄ 'nia'₂: “Jui₁'ei₅ bá₄ tei₄ dsi₂néi₂ la₂.” 13 Nē₁jua'₂ dsa₂ dsi₂néi₂ jaun₂ léi₄ gue₂₃ bá₄ lia'₂ i₁rē₂ jág₁, jág₁ quián'₂ 'nia'₂ a₂cuin₅ Diú₄, jui₁tě₂'ñiá₄ bá₄ 'ei₅ tei₄ ja₁con₂ dsa₂ 'éi₂ dsi₂néi₂ jaun₂. La₁ nē₁jua'₂ léi₄ tsá₃ dse₃ le₁ág₄ dsí'₅ dsa₂ gue₂₃ jág₁ quián'₂ 'nia'₂, jui₁tě₂'ñiá₄ bá₄ jág₁ 'ei₅ tei₄ jaun₂ ja₁con₂ 'nia'₂ guiong'₅₄. 14 Nē₁jua'₂ cha₂ ja₁lin₅₄ tsá₃ 'nio₃ dsa₂ guein₃ 'nia'₂, on₃ guě'₂ 'nio₃ nag₃ jág₁ quián'₂ 'nia'₂ ně₃, co₂ñei₅₄ 'uín'₂ 'nia'₂ dsi₂néi₂ jaun₂, o₃ juig₂ jaun₂, séi'₃ 'nia'₂ 'liog₂ tag'₅₄. 15 Ia₁ a₂dsi₂jó'₃ juá'₅ jniá₂, jē₁ma₂tě₂ rē₁qui₃dsi₅ Diú₄ 'éi'₃, 'ñio₅ guě₄ uig₅ gue₃ dsa₂ juig₂ jaun₂ con₂ guě₄ dsa₂ i₂jme₁chan₂ Sodoma quian'₅₄ Gomorra.†

Qui₂co₃'ein₃ dsa₂

(Marcos 13:9-13; Lucas 21:12-17)

16 'Tsín₂ jniá₂ 'nia'₂ jaun₂, a₂líng'₅ nē₂jag₄ bá₄ já'₂ cha'₂ jin₄ co₂'nió'₄ já'₂ tsau₂ dsí'₅. Jmo₄ 'nia'₂ jaun₂ a₂líng'₅ dsa₂ i₂'io₅ mai₅₄ jui₁lia'₂ dsi₂mi'₂, ton'₂ 'ua₁ 'au'₂ 'nia'₂ jui₁lia'₂ lín₅ i₁ju₂. 17 Rē₂ján'₁ 'nia'₂ jaun₂ ia₁ qui₃jáng'₂ dsa₂ ne₄ dsi₂tan₅₄, qui₃bóg₂ dsa₂ ně₃ dsi₂néi₂ guá'₅ sinagogas. 18 Lia'₂ ne₄ dsi₄má'₂ lia'₂ ne₄ rag₅₄ ně₃, dsi₁jñia₃ dsa₂ 'nia'₂ 'uig₅₄ quió₃ jniá₂; jaun₂ le₂ně₅ bá₄ lé₂ le₃o₁jang'₄ 'nia'₂ jág₁ dsau₅ ne₄ 'éi₂, quian'₅₄ ja₁con₂ dsi₂nau₂ sián'₂ ně₃. 19 La₁ jē₁ma₂tě₂ rē₁qui₃jáng'₂ dsa₂ ne₄ta₁, tsá₃ lē₁jmo₂ 'nia'₂ 'i₅ 'au'₂ 'e₂ jua'₅₄ o₃ 'a₂lia'₂ ñag'₅₄; ia₁ jē₁ma₂tě₂ rē₁jua'₅₄ 'nia'₂ jág₁, Diú₄ bá₄ cuě₃ jág₁ a₂ñi'₅₄ 'nia'₂ 'a₂lia'₂ ñag'₅₄ juig'₅₄ dsa₂. 20 Ia₁ on₃jua'₅₄ guion'₅₄ 'nia'₂ jua'₅₄ jág₁; 'ñiog₅ bá₄ Jme₂dsi₂ quián₅ Nēi'₅ 'nia'₂ juá'₂ jui₅ tē₂'au'₂.

21 'Ia₁ lé₂ táng₃, jui₁lia'₂ rin'₅₄ dsa₂ qui₃jín'₂ riin'₅₄ jaun₂ jñag'₃ dsa₂, jui₁lia'₂ jmei₂ guě'₂ dsa₂ qui₃jín'₂ chi'₂ quiáin₅; chi'₂ guě'₂ ně₃ qui₃náu₃ 'nei₂ jmái'₃ chog₅₄-jmei₂, qui₃jáng'₂ a₂jme₃dsiog₅ dsa₂. 22 Ca₂le₃jín₃ jui₁lia'₂ dsa₂ mi₂güig₃ jme₃'ñiai₅₄ 'nia'₂ 'uig₅₄ quió₃ jniá₂; la₁ia₁ jui₁lia'₂ i₂tión₂ tiá₂ ca₂tě₂ jē₁ca₂tó'₂, i₂'éi₂ bá₄ i₂lión₂. 23 Jē₁ma₂qui₂co₃'ein₃ dsa₂ jui₁lia'₂ caun₂ juig₂, cuing₅ 'nia'₂ jui₅ juig₂ siá'₂ táng₃; a₂dsi₂jó'₃ juá'₅ jniá₂, tē₃ tsá₃ ma₂lě₅ quen'₄ 'nia'₂ i₁niog'₄ ca₂le₃jě₃ juig₂ ja₁tén₄ 'uě₃ Israel, a₂guan'₂ táng₃ Jaun₅ dsa₂ mi₂güig₃.

24 'Jui₁lia'₂ jan₂ i₂jme₂tin₅, tsá₃ juiin'₂ con₂ guě₄ tē₅ quiáin₅; ján₃ bá₄ le₂jaun₂ jui₁lia'₂ jan₂ dsa₂ i₂jme₂ti₃, tsá₃ juiin'₂ con₂ guě₄ juig₅₄. 25 Tió'₅ jui₁lia'₂ i₂jme₂tin₅ léin₂ jui₁lia'₂ lín₅ tē₅ quiáin₅; jui₁lia'₂ dsa₂ i₂jme₂ti₃ guě'₂ ně₃, dsi₁léin₂ jui₁lia'₂ lín₅

† 10:15 Sodoma quian'₅₄ Gomorra: 'Í₂ Génesis 18 - 19.

jui₅₄. Chi₂jua'₂ 'ŋiog₅ dsa₂ juin'₂ caun₂ dsi₂néi₂ ma₂quion₅ dsa₂
Be'elzebú, i'ë₂ guë₄ bá₄ 'in₃ dsa₂, jui₁lia'₂ i₂tion'₅₄ dsi₂néi₂ quió'₅!

'Ein₂ 'nió'₅ jme₃gan₃ dsa₂
(Lucas 12:2-7)

²⁶ 'Uig₅₄ jaun₂, tsá₃ lë₁jmo₂ 'nia'₂ gang'₃ dsa₂ mi₂güig₃. Ia₁
'i₁caun₂ jui₁lia'₂ a₂rë₂jle₅ tsá₃ cha₂ jua'₅₄ a₂tsá₃ le₃jniá₂, ján₃
bá₄ le₂jaun₂ jui₁lia'₂ a₂rë₂'ma₄ tsá₃ cha₂ jua'₅₄ a₂tsá₃ le₃ŋi₅ dsa₂.

²⁷ Jui₁lia'₂ a₂jui₂gniá₂ 'nia'₂ la₂ jë₄ tē₃co'₅₄, jua'₅₄ 'nia'₂ tē₃jín₄
dsa₂ juin₅; ján₃ bá₄ le₂jaun₂ jui₁lia'₂ a₂jui₂gniá₂ 'nia'₂ con'₂ tei₄,
jua'₅₄ 'nia'₂ co₂mi'₅₄ jui₁lia'₂ ja₁ŋei₅. ²⁸ Tsá₃ lë₁jmo₂ 'nia'₂ gang'₃
quian'₅₄ i₂jŋi'₃ ni₁ŋí₅, la₁ tē₂'au'₂ 'nia'₂ tsá₃ 'e₂ lé₂ le₃jmo₃; i₂'éi₂ bá₄
ca₂tín'₂ 'nia'₂ jme₁gang'₃ jui₁lia'₂ i₂lé₂ le₃jŋi'₃ ni₁ŋí₅ quian'₅₄ guë'₂
tē₂'au'₂ 'nia'₂ a₂jeng'₃ ja₁'lig'₅₄.

²⁹ 'Tsa₁ 'ni₅ dsa₂ on₃ i₁tan₅ pí'₁ quian'₅₄ caun₂ ní₁ guéin₂? La₁
'i₁jan₂ i₁tan₅ tsá₃ tián'₃ 'uë₃ jua'₅₄ tsá₃ ŋi₅ Néi'₅ 'nia'₂. ³⁰ Ia₁ le₂jio₅
ni₁jŋi₂ dsei'₂ 'nia'₂ le₁'í₁ je₂liá'₂ mi'₂ tí₅ ján₃. ³¹ Tsá₃ lë₁jmo₂ 'nia'₂
gang'₃, ia₁ 'ŋio₅ lín₃ guë₄ quen'₄ 'nia'₂ lia'₂ con'₂ guë₄ juin₅ lín₃
i₁tan₅.

Jui₁lia'₂ i₂jme₂jniá₅ a₂cuin₂₃ Jesucristo jin₄ dsa₂ mi₂güig₃
(Lucas 12:8-9)

³² 'Jui₁lia'₂ i₂jme₂jniá₅ tē₂le₃ quió₃ jniá₂ jin₄ dsa₂ mi₂güig₃, ján₃
bá₄ le₂jaun₂ jniá₂ ně₃ jme₁jniag₅ tē₂le₃ quió'₅ 'éi₂ ne₄ Ne'₃ i₂guá₅
guei'₅₄ i₂jui₂g₃; ³³ la₁ jui₁lia'₂ i₂jme₂jniá₅ a₂tsá₃ cui₂₃ jniá₂ jin₄ dsa₂
mi₂güig₃, ján₃ bá₄ le₂jaun₂ jme₁jniá₅ jniá₂ a₂tsá₃ cui₂₃ ne₄ Ne'₃
i₂guá₅ guei'₅₄ i₂jui₂g₃.

Jesús bá₄ i₂'uin₄ a₂lë₂ le₁dson'₅₄ dsa₂
(Lucas 12:51-53; 14:26-27)

³⁴ 'Tsá₃ o₁len'₂ 'nia'₂ jua'₅₄ a₂guio₃ jniá₂ a₂i₃'ei₃ tei₄ mi₂güig₃;
ia₁ tsá₃ ta₁ jaun₂ guio₃ jniá₂ a₂i₃'ei₃ tei₄. Mi'₅₄ 'nei₂ bá₄ a₂quian₄
jniá₂. ³⁵ A₂jaun₂ bá₄ guio₃ jniá₂ a₂i₃dsia₃ mi'₅₄ dsi₂néi₂:

Chi'₂ jme₃'ŋiai₅₄ jmei₂,

chi'₂ ja₁míg₄ dsa₂ ně₃

jme₃'ŋiai₅₄ chog₅₄;

i₂lín₅ mi₂lo₅₄ ně₃

tóin'₃ mi'₅₄ quian'₅₄ ma₂chog₅₄.

³⁶ Dsa₂ i₂lín₅ jmei₂ dsi₂néi₂

qui₂jme₃'iog₅₄ chi'₂ quiáin₅, §

³⁷ 'Jui₁lia'₂ i₂'nio₃ guë₄ 'ŋio₅ lín₃ chog₅₄-jmei₂ lia'₂ con'₂ guë₄
jniá₂, tsá₃ ca₂tín₂ lén₂ dsa₂ quiáng₃; le₂ně₅ bá₄ ján₃, jui₁lia'₂
i₂'nio₃ 'ŋio₅ lín₃ guë₄ ja₁ŋi'₅₄ o₃ ja₁míg₄ 'e₂, lia'₂ con'₂ guë₄ jniá₂,
tsá₃ ca₂tín₂ lén₂ dsa₂ quiáng₃; ³⁸ jui₁lia'₂ i₂tsá₃ ca₂'ág₂ caun₂

dsí₅ ca₂join₃ chi₂jua'₂ ca₂join₃, * a₂jiá₃ chi₁co'₅₄ quió₃, tsá₃ ca₂tín₂ léin₂ dsa₂ quiáng₃. ³⁹ Jui₁lia'₂ i₂ñí₄ lě₃ 'nio₃ lí'₂ le₃chain₂ dse₃, dsí₃'én₂ quió'₅; já₃ bá₄ le₂ně₅, jui₁lia'₂ i₂ca₂guen₃ 'mú₃ o₄quió₃ jniá₂, lí'₂ bá₄.

Co₂'nió'₄ 'lian'₅₄ dsa₂
(*Marcos 9:41*)

⁴⁰ 'Jui₁lia'₂ i₂guen₅ 'nia'₂, guei₂₃ jniá₂; jui₁lia'₂ i₂guei₅ jniá₂ guein₂₃ i₂ca₂chei₃ jniá₂ ně₃. ⁴¹ I₂guen₅ jui₁lia'₂ jan₂ dsa₂ i₂'ě₂ já₃ o₄quió'₄ Diú₄ ia₁ a₂lín₅ i₂chen₄ quián₅ Diú₄, co₂jaun₂ bá₄ 'lia'₅₄ gue₃ já₃ jui₁lia'₂ 'lian'₅₄ jan₂ i₂'ě₂ já₃ quián₅ Diú₄. Le₂ně₅ bá₄ já₃, jui₁lia'₂ i₂guen₅ jan₂ dsa₂ dsen₃ ia₁ lín₅ dsa₂ dsen₃, gue₃ 'liain'₅₄ já₃ con'₂ 'lia'₅₄ a₂ca₂tín₂ jan₂ dsa₂ dsen₃. ⁴² Jui₁'ein₂ guě₃ dsa₂ i₂cuě₅ caun₂ vaso jmi₂ güí₂ 'cuě'₅ jan₂ dsa₂ me'₂ le₂ně₅ quiáng₃ 'uig₅₄ ia₁ a₂'ein₂₃ jniá₂, a₂dsi₂jó'₃ juá'₅, tion₅₄ bá₄ gue₃ 'liain'₅₄.

11

Dsa₂ i₂chen₄ quián₅ Juan₅₄ i₂chon₅ dsa₂ jmi₂g₂
(*Lucas 7:18-35*)

¹ Jme₁ca₂dsan₃ cuě₅ Jesús já₃ ně₅ cuě'₅ chi'₂ dsi₂guia₃-tín₂ quián₅, ca₂o₃'iin₃ táng₃ ja₁jaun₂, ca₂'í₃ jui₅ ca₂i₁'ě₄ já₃, i₂jme₁tín₂₃ dsa₂ juig₂ tio'₅₄ con'₂ ma₂quián₅ jaun₂.

² Juan₅₄ ně₃, tē₃ 'ein₅₄ né'₃ 'má₃, ca₂rě₃ñi₅ 'a₂ lia'₂ lě₅ jmo₅ I₂rě₂'ín₁ quián₅ Diú₄. Jaun₂ ca₂chein₃ i₂lín₅₄ dsa₂ i₂jme₁quiain'₅₄ ³ a₂ca₂i₁ñag₁₂:

—¿'Ne₂ líng'₅ dsa₂ i₂lě₅ já₃ jiá₃, o₃ jñia₄ jnia'₅₄ i₂sián'₂ 'e₂?

⁴ Jaun₂ ca₂ñag₃ Jesús:

—O₂nó'₅ 'nia'₂ o₂chei'₅₄ Juan₅₄ 'e₂ a₂tě₅ ne'₅₄ 'nia'₂ la₂, 'e₂ a₂ñag'₂ 'nia'₂ ně₃. ⁵ O₂dsia₄ 'nia'₂ 'a₂ lia'₂ lě₅ qui₂jág₅ dsa₂ ten₄; dsa₂ i₂jme₁guian'₅₄ guě'₂ ně₃, ma₂i₂nioi₅₄ rě'₂ táng₃; dsa₂ i₂jme₁lín₄ 'mé'₅ 'iog₅ ma₂le₁jíin₃ táng₃ dso₄ a₂jme₁lín₄; dsa₂ i₂jme₁guin₄ guě'₂ ně₃ ma₂ñag₂₃; dsa₂ i₂ma₂dsan₃, jein'₅₄ táng₃; ja₁con₂ dsa₂ te₂ñé₂ ně₃ dsi₂'ag₅ já₃ dse₃ la₂ a₂lión₂ dsa₂. ⁶ 'E₂ guě₄ dsen₃ dsa₂ i₂tsá₃ 'ag₅ caun₂-tín₃ dsí₅ ja₁con₂ jniá₂.

⁷ Jme₁ma₂i₂len₃ dsa₂ 'éi₂, jaun₂ ca₂jme₃lióg₃ Jesús ca₂tsí'₃ dsa₂ a₂'iin₂₃ Juan₅₄:

—¿'E₂ jme₁lín'₂ 'nia'₂ jme₁tě₃ ne'₅₄ lia'₂ con'₂ jme₁i₁nóg'₄ 'uě₃ quein₂ co₂ñiog₅ jaun₂? ¿O₃ bá₄ jme₁lín'₂ 'nia'₂ a₂jme₁jing'₄ jan₂ dsa₂ i₂lín₅ jui₁lia'₂ lě₅ ca₂'nau₂ ni₁ 'ma₂ ta₅ a₂lě₁qui₂bí₂ dsí₂ jui₅ la₂ jui₅ ně₅? ⁸ Chi₂jua'₂ tsá₃ le₂jaun₂ ně₃, ¿'e₂ guě'₂ ca₂i₁jag'₄ 'nia'₂? ¿O₃ bá₄ a₂jme₁lín'₂ 'nia'₂ a₂jme₁jing'₄ jan₂ dsa₂ i₂qui'₂ tsin'₅₄ jlá'₁? La₁ on₃jua'₅₄ le₂jaun₂. Ia₁ jui₁lia'₂ dsa₂ i₂quí'₅ tsin'₅₄ jlá'₁, i₂tón₅

* 10:38 lit. "i₂tsá₃ cán₂ cróg₄ quió'₅."

dsi₂néi₂ quió'₅ rag₅₄ bá₄ i₂le₂'éi₂. ⁹ ¿'E₂ guë'₂ ca₂i₁jag'₄ 'nia'₂ jaun₂ nē₃? ¿O₃ bá₄ jan₂ dsa₂ i₂'ē₂ jág₁ quián₅ Diú₄ 'e₂? Dsón'₂ bá₄ jaun₂ juá'₅ jniá₂. I₂lín₅ tson₂ guë'₄ jan₂ dsa₂ i₂'ē₂ jág₁ quián₅ Diú₄ bá₄ 'éi₂. ¹⁰ Juan₅₄ 'éi₂ bá₄ i₂'in₅ Si₂ quió'₅ Diú₄ ja₁juá'₂:

Tsing₅₄ jan₂ dsa₂ quiáng₃ ne₄ jui₅ quiáng'₂, jón₃,

a₂dsi₃can₅ jág₁, jmo₃ co₂jnia₅₄ jui₅. *

¹¹ A₂dsi₂jó'₃ juí₂ jniá₂ 'nia'₂, 'i₁jan₂ dsa₂ i₂ma₂can₅ dsa₂ mí₂ i₂chan₂ mi₂güig₃, tsá₃ 'ein₂ ma₂lín₅ i₂juin'₂ guë'₄ i₂'ē₂ jág₁ o₄quió'₄ Diú₄, lia'₂ con'₂ guë'₄ Juan₅₄ i₂chon₅ dsa₂ jmi₂g₂. La₁ia₁, i₂lín₅ i₂me'₂ guë'₄ ja₁gon₂ Diú₄, i₂'éi₂ bá₄ lín₅ i₂juin'₂ guë'₄ lia'₂ con'₂ guë'₄ Juan₅₄ 'éi₂. ¹² Ca₂le₃ ca₂guan₃ Juan₅₄ i₂chon₅ dsa₂ jmi₂g₂, ca₂tē₂ jmi₂g₄ nē₃, con'₂ 'i₄ jui₅ bá₄ ma₂já₅ tiá₂ ja₁gon₂ Diú₄. Jaun₂ dsa₂ con'₂ i₂tiá₂ dsí₅ bá₄ chan'₂ tiá₂ jui₅ jaun₂.[†] ¹³ Ca₂le₃jín₃ dsa₂ i₂jme₁'ē₂ jág₁ quián₅ Diú₄, quian'₅₄ 'Éi'₃ quió'₅ Moisés nē₃, a₂jnia'₅₄ con'₂ ca₂'ē₂ jág₁ ja₁gon₂ Diú₄ bá₄ jaun₂, ca₂lia'₂ ca₂tē₂ jmi₂g₄ jme₁ca₂guan₃ Juan₅₄. ¹⁴ Ján₃ bá₄ chi₂juá'₂ 'niog'₂ 'nia'₂ guéi'₁ jág₁ la₂, Juan₅₄ 'éi₂ bá₄ i₂ca₂jme₃ti₃ jág₁ a₂lě₅ a₂jme₁jiá₃ Elías. ¹⁵ Jui₁lia'₂ i₂le₁dsi₅₄ rē₂gua₄, jui₁nei₅₄.

¹⁶ ¿'E₂ quian'₅₄ lé₂ le₃quíng₄ a₂lín₅ dsa₂ i₂chan₂ jmi₂g₄ nē₃? Lín₅ jui₁lia'₂ lín₅ i₂bē'₅₄ i₂tion'₅₄ co₅ jē₄ 'ma'₅₄, tioen'₅₄ co₂mi'₅₄ qui₂quió'₅ tsí'₅ riin'₅₄:

¹⁷ Nē₂jéi₄ jnia'₅₄ te₁fi₁ o₄quián'₂ 'nia'₂,

la₁ tsá₃ nē₂dsián'₃ guë'₂ 'nia'₂;

ján₃ guë'₂ nē₂jmo₁ jnia'₅₄ son₅₄ quió'₅ 'lag₄

a₂ta'₂ 'lia'₂ dsí₅ dsa₂,

la₁ tsá₃ ca₂tá'₂ guë'₂ qui'₂ 'au'₂ 'nia'₂.

¹⁸ Ia₁ ca₂guan₃ Juan₅₄, i₂tsá₃ 'e₂ 'lióng₂ jme₁guë'₅ on₃ guë'₂ 'e₂ jme₁ín'₂ nē₃, jaun₂ ca₂'ag₃ dsa₂ a₂'ein₅₄ je₂na'₅₄. ¹⁹ Ca₂guan₃ guë'₂ táng₃ Jaun₅ dsa₂ mi₂güig₃ i₂guë'₅ i₂'ín'₂, 'ag₅ táng₃ dsa₂ a₂lín₅ jlé₂ 'í₅ quian'₅₄ má₄ jmi₂g₃, a₂lín₅ a₂mei₅₄ quián₅ dsa₂ cha₂ dsáu₁, quian'₅₄ dsa₂ i₂cán₂ 'lia'₅₄ quián₅ dsi₂tan₅₄ nē₃. La₁ tion₅₄ bá₄ le₃lí₄ dsa₂ a₂dsau₅ jág₁ a₂ñí'₂ dsí₅ Diú₄, 'uig₅₄ ia₁ ñí'₂ bá₄ dsí₅ dsa₂ i₂gue₅ jág₁ nē₅.

Jui₂g₂ jē₁tsá₃ ne'₅₄ dsa₂

(Lucas 10:13-15)

²⁰ Jaun₂ nē₃, ca₂jme₃lióg₃ Jesús qui₂ca₂jéin₂ dsa₂ ja₁'lióng₂ guë'₄ léi₄ juë'₂ ma₂qui₂ma₂jmo₃, ia₁ tsá₃ ma₂jéin'₃ dsa₂ dsí₅. Jaun₂ ca₂juá'₂:

* **11:10** Malaquías 3:1. [†] **11:12** o₃, “ca₂tē₃ jmi₂g₄ nē₃, ma₂já₅ ja₁gon₂ Diú₄ nē₂jag₄ bá₄ a₂lě₅ 'nei₂, Jaun₂ dsa₂ i₂con₂ qui₂jmo₂₃ 'nei₂ nē₃, 'nio₃ join₅₄ jui₁lia'₂ dsa₂ i₂i₂nio₄ jui₅ jaun₂.”

21 —i'E₂ gué₄ juí_g'₂ 'nia'₂ dsa₂ juig₂ Corazín! i'E₂ gué₄ juí_g'₂ 'nia'₂ i₂chan₂ Betsaida! Ia₁ jua'₅₄ mei'₂ gué₃ jniá₂ ma₂jmo₃ léi₄ jué'₂ ně₅ jē₄ juig₂ Tiro quian'₅₄ juig₂ Sidón jui₁lia'₂ a₂ma₂jmo₃ jniá₂ jē₄ quián'₂ 'nia'₂, líg'₂ bá₄ tsá₃ ma₂ca₂jéin'₃ dsa₂ 'éi₂ dsí₅, jme₁cuē₃ léi₄ a₂qui'₂ dsí₅ jme₁i₁₃nioi₅₄ le₁qui'₂ 'mí'₂ taun₅ qui₂le₁séin₅ ti₁juá₃ ně₃. 22 La₁ juí_g'₂ jniá₂ 'nia'₂, jmi_g₄ i₁qui₃dsi₅ Diú₄ 'éi'₃, ja₂lin₃ gué₄ tson₂ uig₅ a₂guéi'₁ 'nia'₂ con'₂ gué₄ dsa₂ i₂jme₁chan₂ Tiro quian'₅₄ Sidón. 23 'Nia'₂ gué'₂ dsa₂ i₂chan₂ juig₂ Capernaum, ĺlín'₂ 'nia'₂ a₂uig'₅₄ guei'₅₄ lin₃? On₃jua'₅₄ le₂jaun₂. Tē₂ ja₁jí'₂ lin₃ ja₁tion'₅₄ 'lag₄† bá₄ sēn'₂ 'nia'₂. Ia₁ jua'₂ mei'₂ gué₃ jniá₂ ca₂jmo₃ léi₄ jué'₂ jē₄ juig₂ Sodoma jui₁lia'₂ a₂ma₂ca₂jmo₃ jniá₂ jē₄ quián'₂ 'nia'₂, a₂niog₅ bá₄ juig₂ jaun₂ ca₂tē₂ jmi_g₄ ně₃. 24 Jaun₂ juá'₅ jniá₂, jmi_g₄ jē₁ma₂tē₂ rē₁qui₃dsi₅ Diú₄ 'éi'₃, 'nio₅ gué₄ uig₅ guéi'₁ 'nia'₂ con'₂ gué₄ dsa₂ i₂jme₁chan₂ juig₂ Sodoma.

Ja₁jnia₅ dsa₂ i₂ma₂'ú'₃

(Lucas 10:21-22)

25 Jmi_g₄ jaun₂ ca₂juá'₂ Jesús:

—Jme₁juín'₁ jniá₂ 'ne₂, Tia₅₄, i₂líng'₅ juig₅₄ gua'₅₄ 'uē₃ quian'₅₄ guei'₅₄ i₂juí_g, ia₁ ca₂'ma'₅₄ a₂nē₅ ja₁con₂ dsa₂ i₂tin₂ si₂, i₂ñí'₂ dsí₅, a₂ma₂ca₂jme₁jniag'₂ ja₁con₂ dsa₂ i₂lín₅ lia'₂ lín₅ guein₂, i₂tsá₃ 'e₂ cuí'₅. 26 Dsón'₂ bá₄ jaun₂, Tia₅₄, ia₁ le₂nē₅ ca₂rē₃ 'ñió₃ 'au'₂.

27 Jaun₂ ca₂tsí'₃ dsa₂:

—Ogu₃ jniá₂ ma₂ca₂dsia₃ Ne'₃ ca₂le₃jě₃. 'I₁jan₂ tsá₃ 'ein₂ cuin₅ Ja₁ñi'₅₄ Diú₄ 'a₂ lia'₂ tē₃dsón'₂ lín₅, jñia'₅₄ lia'₂ 'niog₅ bá₄ Jmei₂; ján₃ bá₄ 'i₁jan₂ tsá₃ 'ein₂ cuin₅ Jmei₂ 'a₂ lia'₂ tē₃dsón'₂ lín₅, jñia'₅₄ lia'₂ 'niog₅ bá₄ Ja₁ñi'₅₄ táng₃, ján₃ bá₄ jme₃jñiai₂₃ ja₁con₂ i₂'nio₃ le₃ñi₅. 28 I₂nó'₅ 'nia'₂ ja₁con₂ jniá₂, ca₂le₃jín'₃ 'nia'₂ i₂qui₂ma₂'ú'₃ dsí₅, i₂qui₂le₁quian₅ guei₂, jaun₂ cuē₅₄ jniá₂ ja₁jan'₄ 'nia'₂. 29 Gue₄ 'nia'₂ ta₁ quió₃ a₂cuē₅ jniá₂ 'nia'₂, jme₁tin₅ 'nia'₂ jmó'₂ ján₃, 'a₂ lia'₂ lín₅ jniá₂, ia₁ juín'₂ dsi₃ líng₅, meg'₂ bá₄ lē₅ dsi₃; jaun₂ le₂nē₅ bá₄ dsi₁nó'₅ 'nia'₂ dsiang'₂ ja₁jñia₃ tē₂'au'₂. 30 Ia₁ ta₁ a₂cuē₅ jniá₂ 'nia'₂, on₃jua'₅₄ a₂'ua'₂ ta₁; ján₃ bá₄ le₂jaun₂ on₃jua'₅₄ a₂guei₂ cán'₁ 'nia'₂ a₂cuē₅ jniá₂ 'nia'₂.

12

Jesús bá₄ i₂quian₅ 'éi'₃ ne₄ quió'₅ jmi_g₄ sa₅₄

(Marcos 2:23-28; Lucas 6:1-5)

1 Jmi_g₄ jaun₂ ca₂ñi₃ Jesús ja₁lē₄ ja₁nau₂ quió'₅ dsa₂ caun₂ jmi_g₄ sa₅₄. Dsa₂ i₂quai₁n'₅₄ ně₃ ca₂tá'₂ i₁cón'₅, jaun₂ qui₂ca₂gág₃ mí'₂ trigo, jaun₂ ca₂gué'₃. 2 Jme₁ca₂jág₂ dsa₂ fairseos, jaun₂ ca₂O₃lén₂ ca₂tsí'₃ Jesús:

† 11:23 griego: hades, co₂'nió'₄ a₂juá'₂, ja₁quió'₄ 'lag₄.

—Jag₄ 'a₂ lia'₂ tion'₅₄ dsa₂ quiáng'₂ jmo₂₃ ta₁ a₂ tsá'₃ 'i₄ 'éi'₃ jmo₃ dsa₂ jmi₄ sa₅₄.

³ Jaun₂ ca₂ ñag₃ Jesús:

—¿Tsa₁ ma₂ ca₂ 'í'₂ 'nia'₂ ne₄ Si₂ 'a₂ lia'₂ lě₅ ca₂ jmo₃ David co₂ ráun₂ jme₁ ca₂ lě₃ i₁ cón'₅ quiain'₅₄ riin'₅₄? ⁴ Ca₂ 'í₃ dsi₂ néi₂ quió'₅ Diú₄, ca₂ guě'₃ i₁ ñí'₄ ñi₅, a₂ tsá'₃ jme₁ 'i₄ 'éi'₃ guě'₃, a₂ 'i₄ 'éi'₃ guě'₃ jmá'₃ jme₂ dsa₂. ⁵ ¿O₃ tsa₁ ma₂ ca₂ 'í'₂ 'nia'₂ ne₄ Si₂ 'Éi'₃ quió'₅ Moisés, jui₁ lia'₂ jme₂ dsa₂ tsá'₃ jme₂ gó'₃ jmi₄ sa₅₄? La₁ tsá'₃ 'ein₂ bón'₂ guě'₂ dso₄ 'éi₂ ně₃. ⁶ Juí₂ jniá'₂ 'nia'₂, ja₁ lá₃ chén'₅ jan₂ i₂ juin'₂ guě'₄ con'₂ guě'₄ guá'₅ templo. ⁷ Jua'₅₄ mei'₂ guě'₃ ma₂ ñí'₂ 'nia'₂ 'e₂ jein₅ jág₁ la₂: “A₂ 'nio₃ jniá'₂ a₂ dsiá'₁ 'nia'₂ 'néi₂ 'au'₂, on₃ jua'₅₄ rě'₂ a₂ jniá'₅₄ qui₁ jen'₅₄ 'nia'₂ 'e₂ qui₁ jen'₅₄ ne₃”, * tsá'₃ jua'₅₄ jme₁ bong'₅₄ dso₄ dsa₂ i₂ tsá'₃ 'e₂ dso₄ rin₂. ⁸ Ia₁ le₂ ně₅ jaun₂, jniá'₂, Jaun₅ dsa₂ mi₂ güí₃, jmo₂₃ 'éi'₃ jui₁ lia'₂ jmi₄ sa₅₄.

Jan₂ dsa₂ jle₅ caun₂ gu₂

(Marcos 3:1-6; Lucas 6:6-11)

⁹ Ca₂ o₃ 'ín₃ bá₄ Jesús ja₁ jaun₂, jaun₂ ca₂ 'í₃ táng₃ dsi₂ néi₂ guá'₅ sinagoga. ¹⁰ Ja₁ jaun₂ jme₁ 'en₅₄ jan₂ dsa₂ i₂ jle₅ caun₂ mi₂ gu₂. Dsa₂ fariseos ně₃ jme₁ 'nio₃ 'no'₂ jui₅ bóin'₂ dso₄ Jesús, jaun₂ ca₂ ñag₃:

—¿'I₄ 'éi'₃ jme₃ 'lión₂ dsa₂ jan₂ dsa₂ dso'₅₄ jme₁ jmi₄ sa₅₄?

¹¹ Jaun₂ ca₂ ñag₃ Jesús:

—¿'Ein₂ 'nia'₂, i₂ 'ño₅ jan₂ já'₂ cha'₂, ně₁ jua'₂ ca₂ bain₃ siá₅ jui₁ lia'₂ caun₂ jmi₄ sa₅₄, tsa₁ dsó₅ dsi₃ dsein₂₃ já'₂ quiáin₅? ¹² 'Ē₂ guě'₄ bá₄ quen₅ jan₂ dsa₂ con'₂ guě'₄ jan₂ já'₂ cha'₂! Jaun₂ lě₃, 'i₄ bá₄ 'éi'₃ jmo₃ dsa₂ a₂ dse₃ jui₁ lia'₂ jmi₄ sa₅₄.

¹³ Jaun₂ guě'₄ ca₂ tsí'₃ dsa₂ dso'₅₄ 'éi₂:

—Nei'₅₄ gog'₂.

Jaun₂ ca₂ néi'₃ 'éi₂ gu₂, ca₂ ñia₃ quió'₅, jaun₂ ca₂ lě₃ co₂ rě₂ quian'₅₄ a₂ caun₂. ¹⁴ Ca₂ 'uin₂ bá₄ dsa₂ fariseos 'éi₂ ně₃, jaun₂ ca₂ jmo₃ jág₁ a₂ ñi₃ Jesús.

Jui₁ lia'₂ dsa₂ i₂ ca₂ quión'₂ Diú₄ a₂ jme₃ ti₃ ta₁ ne₅₄, jág₁ a₂ ca₂ 'ě₂ dsa₂ i₂ ca₂ juá'₂ o₄ quió'₄ Diú₄

¹⁵ Jme₁ ca₂ rě₃ ñi₅ Jesús jág₁ jaun₂, ca₂ o₃ 'ín₃ bá₄. Jaun₂ juin₅ lin₃ dsa₂ i₃ lén₂ chi₁ co'₅₄ quió'₅ 'ein₂₃. Jme₁ jme₂ 'lión₂ Jesús ca₂ le₃ jín₃ dsa₂ i₂ le₁ dso'₅₄, ¹⁶ jaun₂ ca₂ juá'₂ a₂ tsá'₃ 'e₂ dsia₃ dsa₂ jua'₅₄ a₂ 'ag₃ 'ein₂ lín₅. ¹⁷ Le₂ ně₅ bá₄ ca₂ lě₃ ia₁ jaun₂ le₃ ti₃ jág₁ a₂ ca₂ 'ě₂ Isaías, dsa₂ i₂ jme₁ 'ě₂ jág₁ quián₅ Diú₄, jme₁ ca₂ juá'₂ le₂ la₂:

¹⁸ I₂ la₂ bá₄ dsa₂ i₂ jme₃ ti₃ ta₁ ne₃,

i₂ ma₂ ca₂ quiong'₅₄, i₂ 'nióg₃ guě'₄ lin₃,

jaun₂ 'io'₂ jéin₅ jniá'₂ quiain'₅₄.

Tón₁ jniá'₂ Jme₂ dsí₂ quiáng₃ tē₂ dsí₅,

* 12:7 Oseas 6:6.

jaun₂ jme₃jniai₂₃ ca₂le₃jě₃ juig₂
jin₄ dsi₂nau₂ 'ě₃ jui₅ dsau₅ tě₃dsón'₂.

19 Tsá₃ quein₅ náu₃, on₃ guě'₂ guió'₃,
on₃ guě'₂ né'₂ jág₁ quió'₅ jě₄ calle,

20 Lia'₂ 'i₁ca₂tag₄ ni₁'ma₂ ta₅ tsá₃ jio₃,
on₃ guě'₂ ei₃ ni₁mecha a₂ca₂juig₄ 'ia₂ guě₄ jme₁ŋi₁.

Jmo₃ le₂ně₅ ca₂lia'₂ ca₂tió'₃
a₂lí'₂ a₂dsi₂ten₅₄ dsón'₂.

21 Jaun₂ caun₂ ja₁con₂ 'éi₂ bá₄
'ag₃ dsa₂ caun₂ dsí₅

ca₂le₃jín₃ dsa₂ i₂chan₂ ca₂le₃jě₃ juig₂.†

Juá'₂ dsa₂ a₂'io₅ Jesús jui₅bí₂ quió'₅ Be'elzebú

(Marcos 3:19-30; Lucas 11:14-23, 12:10)

22 Jaun₂ ca₂o₃jñia₃ dsa₂ ja₁coin₂ jan₂ dsa₂ ten₄ i₂con₄ ně₃
i₂jme₁'en₅₄ jan₂ jme₂dsí₂ je₂na'₅₄. Jesús ně₃ ca₂jme₃'lió₂, ca₂jág₃
táng₃ dse₃, ca₂dsia₃ dse₃ jág₁ ně₃. 23 Ca₂i₃gó'₃ dsí₅ ca₂le₃jín₃ dsa₂,
jaun₂ ca₂juá'₂:

—¿On₁jua'₅₄ i₂ně₅ lín₅ tsi₁jon₂ David?

24 La₁ jme₁ca₂nág₂ dsa₂ fariseos jág₁ jaun₂, ca₂dsia₃ jág₁
quian'₅₄ riin'₅₄:

—A₂'uin'₂ i₂ně₅ je₂na'₅₄ quió'₅ dsa₂ tě₂le₃ quian'₅₄ jui₅bí₂ quió'₅
Be'elzebú, juig₅₄ je₂na'₅₄ bá₄.

25 La₁ i₂ŋi₅ rě₂ bá₄ Jesús 'e₂ dsi₂jio₅ dsí₅ dsa₂ 'éi₂, jaun₂ ca₂juá'₂:

—Ju₁lia'₂ dsi₂tan₅₄ tion'₅₄ le₁dsoin'₅₄, nió'₅ mi'₅₄, tsá₃ uě₂ tió'₅
jua'₅₄ tsá₃ dsi₃'én₂ 'éi'₃ quió'₅. Le₂ně₅ bá₄ ján₃ ju₁lia'₂ dsa₂ caun₂
dsi₂néi₂, ně₁jua'₂ lě₅ le₁dsoin'₅₄, niog₅ mi'₅₄, ján₃ bá₄ tsá₃ uě₂ tió'₅.

26 Já₃ bá₄ le₂ně₅, ně₁jua'₂ ca₂jmo₃ Satanás mi'₅₄ dsein₂₃ jan₂
i₂quiáin₅ 'ŋiog₅, co₂'nió'₄ 'ŋiog₅ bá₄ jmo₂₃ le₁dsoin'₅₄. ¿'A₂ lia'₂ lě₂
le₃'io₃ guě₄ bí₂ 'éi'₃ quió'₅, chi₂jua'₂ le₂jaun₂? 27 Chi₂jua'₂ jniá₂
'uing'₅₄ je₂na'₅₄ quian'₅₄ bí₂ quió'₅ Be'elzebú ju₁lia'₂ juá'₂ 'nia'₂,
¿'ein₂ bá₄ guě'₂ cuě₅ bí₂ cuě₅ dsa₂ quián'₂ 'nia'₂ a₂'uin'₂ je₂na'₅₄
jaun₂ ně₃? 'Uig₅₄ jaun₂, guion₅₄ bá₄ dsa₂ quiáng'₂ jme₃li₅₄ a₂lín'₅
'nia'₂ guiong'₅₄. 28 La₁ jniá₂ ně₃ ně₂'uing'₅₄ je₂na'₅₄ tě₂le₃ quian'₅₄
bí₂ quió'₅ Jme₂dsí₂ quián₅ Diú₄. Jaun₂ ně₃ le₂ně₅ bá₄ cuě₅ jniá₂
léi₄ a₂ma₂gua₅ 'éi'₃ quió'₅ Diú₄ ja₁con₂ 'nia'₂.

29 'Jaun₂ ně₃, ¿'a₂ lia'₂ lě₂ le₃'í₂ jan₂ dsa₂ dsi₂héi₂ quió'₅ ju₁lia'₂
jan₂ dsa₂ i₂'uan'₂, a₂jñiá'₃ a₂te₁'i₁ quió'₅, chi₂jua'₂ le₂'uig₅₄ tsá₃
ma₂ně₂'nei'₂ de₂ dsa₂? Jñia'₅₄ lia'₂ le₂jaun₂ bá₄ lě₂ le₃jñiá'₃ a₂cha₂
quió'₅.

30 'I₂tsá₃ tión₂ le₃quió₃ jniá₂, dsa₂ i₂'iog₅₄ jniá₂ bá₄ 'éi₂; le₂jaun₂
guě'₂ i₂tsá₃ quian'₅₄ jniá₂ cág'₅, jñia'₅₄ jmo₂₃ tsi₁rě₂ja₅₄ bá₄. 31 Juig₂
jniá₂ 'nia'₂ jaun₂ ně₃, a₂lě₂ le₃'én₂ bá₄ ca₂le₃jě₃ dsáu₁ dsa₂,
ca₂le₃jě₃ 'e₂ a₂'lig'₅₄ juá'₂ ně₃. La₁ ně₁jua'₂ ca₂'iin₃ 'lig'₅₄ Jme₂dsí₂

† 12:21 Isaías 42:1-4.

quián₅ Diú₄, a₂nē₅ guē₄ tsá₃ ma₃o₂'én₂ dso₄ cha₂. ³² La₁ nē₁jua'₂ chan₂ i₂ca₂'in₃ 'lig'₅₄ Jaun₅ dsa₂ mi₂güig₃, lé₂ bá₄ le₂'én₂ dsá_{u1}; la₁ jui₁lia'₂ i₂'in₅ 'lig'₅₄ Jme₂dsí₂ Jñi₀5, tsá₃ ma₃o₂'én₂ dso₄ cha₂ quió'₅, mi₂güig₃ la₂, on₃ guē'₂ mi₂güig₃ caun₂ nē₃.

Tē₂le₃ 'a₂ lia'₂ lē₅ mig₂ a₂'ag₅ bá₄ ni₁'ma₂, jáng'₅ léi₄
(Lucas 6:43-45)

³³ 'Chi₂jua'₂ jmo'₂ 'nia'₂ a₂le₃dse₃ ni₁'ma₂, mig₂ dse₃ bá₄ 'ag₃; la₁ chi₂jua'₂ jmo'₂ 'nia'₂ a₂le₃'lig'₅₄ ni₁'ma₂, mig₂ 'lig'₅₄ bá₄ 'ag₃ ján₃. 'Uig₅₄ jaun₂, tē₂le₃ quian'₅₄ mig₂ a₂'ag₅ bá₄ ni₁'ma₂, jáng'₅ léi₄ chi₂jua'₂ dse₃ o₃ a₂'lig'₅₄ 'e₂. ³⁴ 'Nia'₂ tsi₁jon₂ dsí₂mi₂'! ¿'A₂ bá₄ lia'₂ lé₂ le₃dsiá'₁ 'nia'₂ jág₁ dse₃, ton'₂ 'lin'₅₄ bá₄ guē'₂ 'nia'₂ guiong'₅₄? Ia₁ lia'₂ con'₂ lē₅ a₂'lióng₂ ñag₅₄ cha₂ tē₂dsí₅ dsa₂, a₂jaun₂ bá₄ 'uē₂ mi₂'o₅₄. ³⁵ Jui₁lia'₂ dsa₂ dsen₃, jág₁ dse₃ bá₄ dsia₂₃, ia₁ jmá'₃ lia'₂ a₂dse₃ bá₄ rē₂'ma₄ tē₂dsí₅; le₂nē₅ bá₄ jui₁lia'₂ dsa₂ 'lin'₅₄, jág₁ 'lig'₅₄ bá₄ dsia₂₃, ia₁ jmá'₃ lia'₂ a₂'lig'₅₄ bá₄ rē₂'ma₄ tē₂dsí₅. ³⁶ Jaun₂ juá'₅ jniá₂, jáng'₃ bá₄ dsa₂ mi₂güig₃ cuenta quió'₅ jē₁ma₂tē₂ jmig₄ i₁con₂ Diú₄ 'í₁, qui₃dsi₂₃ 'éi'₃ ne₄ ca₂le₃jē₃ jág₁ a₂tsá₃ ta₁ tí₄. ³⁷ Ia₁ tē₂le₃ 'a₂ lia'₂ lē₅ jág₁ quián'₂ bá₄ 'nia'₂, jióg'₂ 'í₁, ring'₂ o₃ tsá₃ ring'₂.

Mi₅ dsa₂ fariseos a₂jmo₃ Jesús caun₂ léi₄ juē'₂
(Marcos 8:12; Lucas 11:29-32)

³⁸ Jaun₂ nē₃ i₂lin₅₄ dsa₂ fariseos quian'₅₄ tē₅juá'₅ ca₂tsí'₃ Jesús: —Tē₅, 'niog₂ jnia'₅₄ jag₅₄ caun₂ léi₄ juē'₂ a₂jmo'₂ 'ne₂.

³⁹ Jaun₂ ca₂ñag₃ Jesús:

—Tsi₁jon₂ dsa₂ 'lin'₅₄ i₂tsá₃ nag₃ la₂ mi₂₃ a₂jmo₅₄ jniá₂ caun₂ léi₄ juē'₂. La₁ tsá₃ ma₃'e₂ léi₄ lé₂ le₃cuē₅₄ jniá₂ ja₁con'₂ 'nia'₂, jnia'₅₄ lia'₂ con'₂ léi₄ jui₁lia'₂ a₂ca₂i₃ñí₂ Jonás i₂jme₁'ē₂ jág₁ o₄quió'₄ Diú₄ bá₄. ⁴⁰ Ia₁ jui₁lia'₂ ca₂'í₃ Jonás 'ni₅ jmi₄, 'ni₅ nei₅ tē₂dsí₅ já'₂ jmi₂gon₂ 'éi₂, le₂jaun₂ bá₄ 'í₂ Jaun₅ dsa₂ mi₂güig₃ né'₃ 'uē₃ 'ni₅ jmi₄, 'ni₅ nei₅. ⁴¹ Jmi₄ jē₁ma₂tē₂ rē₁con₂ Diú₄ 'í₁, dsa₂ i₂jme₁chan₂ juig₂ ciudad Nínive, dsa₂ 'éi₂ bá₄ náu₃ qui₃dsi₂₃ 'éi'₃ ján₃ ja₁con'₂ 'nia'₂ dsa₂ chang'₂ jmi₄ nē₃. Ia₁ dsa₂ 'éi₂ ca₂jéin'₃ dsí₅ lia'₂ con'₂ jme₁ca₂'ē₂ Jonás jág₁ quió'₅ Diú₄. La₁ nē₃ nē₃ la₂ chén'₅ jan₂ i₂juin'₂ guē₄ lia'₂ con'₂ guē₄ Jonás 'éi₂. ⁴² 'Io₅₄ rag₅₄ i₂jme₁gon₂ 'uē₃ tē₂le₃ sur, ján₃ bá₄ náu₃ 'éi₂ jmi₄ i₁qui₃dsi₅ Diú₄ 'éi'₃, ján₃ guē'₂ 'liog'₃ 'éi₂ 'liain'₃ 'nia'₂ i₂chang'₂ jmi₄ nē₃. Ia₁ 'éi₂ nē₃ ca₂já₃ uíng₂ lin₃ ca₂'í₃ jui₅ a₂ca₂o₃néi₃ jág₁ quió'₅ Salomón 'a₂lia'₂ jme₁ñí'₂ dsí₅ 'éi₂ a₂ñí₄ lē₃ jme₁tiin₂;† la₁ nē₃ nē₃, la₂ chén'₅ jan₂ i₂juin'₂ guē₄ con'₂ guē₄ Salomón 'éi₂.

† 12:42 'í₂ 1 Reyes 10; 2 Crónicas 9:1-12.

Jme₂dsí₂ 'lín'₅₄ i₂jón'₂ táng₃
(Lucas 11:24-26)

⁴³ 'Jē₁ma₂o₂'ín₃ jan₂ jme₂dsí₂ 'lín'₅₄ quió'₅ jan₂ dsa₂, jaun₂ dsi₂ŋí₃ le₂tan₅₄ ja₁quein₂ 'no'₂ ja₁ŋia₃. Nē₁jua'₂ tsá₃ ca₂dsó'₂ ja₁ŋia₃ ně₃, jaun₂ 'no'₂ táng₃ dsí₅: ⁴⁴ “Nég'₄ táng₃ dsi₂néi₂ quió₃ ja₁ca₂o₃'íng₃.” Jē₁ma₂ca₂dsiáin'₃ jaun₂, dsain'₂ táng₃ dsa₂ 'éi₂ lín₅ co₂'nió'₄ bá₄ caun₂ dsi₂néi₂ a₂rē₂jē₄, rē₂'ia'₅₄, rē₂ chí'₅. ⁴⁵ Jaun₂ ně₃ o₂'iín₅₄ táng₃ dsó₅ chi₂liain'₂ con'₂ guē₄ guion₃ jme₂dsí₂ 'lín'₅₄ riin'₅₄ i₂lē₁'ŋio₅ guē₄ con'₂ guē₄ 'ŋiog₅. Dsi₂lein₅ dsi₂tiain'₂ tē₂dsí₅ dsa₂ 'éi₂. Jaun₂ dsa₂ 'éi₂ ně₃, dsióg₄ lēin₂ le₃'lín'₅₄ guē₄ lín₃ guē₄ con'₂ guē₄ jme₁lín₄ le₂'uig₅₄. § Le₂nē₅ bá₄ dsi₃ŋí₂ tsi₁jon₂ 'lín'₅₄ i₂chan₂ rē₂ně₃.

Chi'₂ rin'₅₄ Jesús quian'₅₄ chog₅₄
(Marcos 3:31-35; Lucas 8:19-21)

⁴⁶ Tē₃ 'en₅₄ Jesús dsia₂₃ jág₁ tsí'₅ dsa₂, jme₁ca₂dsi₃lén₂ chí'₂ riin'₅₄ quian'₅₄ chog₅₄ ně₃. Ca₁'né₄ bá₄ ca₂tiáin'₂ a₂'nio₃ dsia₃ jág₁ quian'₅₄ Jesús. ⁴⁷ Jaun₂ ca₂i₁con₂ jan₂ jág₁, ca₂juá'₂:

—Chog'₂ quian'₅₄ chí'₂ ríng'₂ tiáin'₅ ca₁'né₄, a₂'nio₃ dsia₃ jág₁ quian'₅₄ 'ne₂.*

⁴⁸ Jaun₂ ca₂ŋag₃ Jesús:

—'Eín₂ 'éi₂ cha₃ jniá₂, 'ein₂ 'éi₂ rín'₃ jniá₂ ně₃?

⁴⁹ Jaun₂ ně₃ ca₂'iín₃ chí'₂ dsi₂guia₃-tín₂ quiáin₅, jaun₂ ca₂juá'₂:

—I₂la₂ bá₄ lín₅ co₂'nió'₄ cha₃ jniá₂, quian'₅₄ ríng'₃ ně₃. ⁵⁰ Ia₁ jui₁'ein₂ guē₃ i₂jmo₅ a₂'ŋio₂ dsí₅ Ŋe'₃ jniá₂ i₂guá₅ guei'₅₄ i₂juíg₃, i₂'éi₂ bá₄ lín₅ jui₁lia'₂ dsó₂ ríng'₃, 'io₅₄ ríng'₃, cha₃ ně₃.

13

Jág₁ a₂jáng'₅ léi₄ ju₁lia'₂ dsa₂ i₂séi₂ mīg₂ jon₂
(Marcos 4:1-9; Lucas 8:4-8)

¹ Jmīg₄ jaun₂ ca₂o₃'ín₃ Jesús dsi₂néi₂ ja₁jme₁'ein₅₄, ca₂ŋó₃ ca₂i₁gua₂ chei'₅₄ jmi₁'ŋí'₄. ² Ia₁ ca₂ŋi'₂ táng₃ juín₅ lín₃ dsa₂ le₃lág'₃ quió'₅ ja₁guá₄, jaun₂ ca₂'í₃ 'ŋió'₃ tsi₁mu₅, jaun₂ ca₂guá₂. Jaun₂ dsa₂ guē'₂ ně₃ ca₂tóin'₂ ca₂le₃jíin₃ chei'₅₄ jmīg₂. ³ Jaun₂ ně₃ ca₂jme₃tíin₂₃ dsa₂ 'lióng₂ lín₃ jág₁ tē₂le₃ quian'₅₄ jág₁ a₂jáng'₅ léi₄. Ca₂juá'₂:

—Jan₂ dsa₂ ca₂ŋe₄ ja₁nau₂ ca₂i₁séi₄ mīg₂ jon₂; ⁴ jme₁ma₂'ein₅₄ séi₂ ně₃, a₂lín₅₄ mīg₂ jon₂ ca₂i₃ga'₅₄ le₂'i₄ jui₅, jaun₂ ně₃ i₁tan₅ bá₄ ca₂o₃lén₂ ca₂cág'₃. ⁵ A₂lín₅₄ guē'₂ mīg₂ jon₂ ca₂i₃to'₅₄ jē₄ ni₁cang₁, ja₁tsá₃ lín₄ gua'₅₄ lē₅. A₂jaun₂ ně₃ tsá₃ uē₂ ca₂rē₃ag₄ ca₂'ia₂, ia₁ tsá₃ jì'₂ gua'₅₄ ja₁i₃to'₅₄. ⁶ La₁ jme₁ca₂tē₂ 'iog₂, ca₂rē₃juing₅,

§ 12:45 'Nio'₂ ja₁ton₅ 2 Pedro 2:20.

* 12:47 A₂lín₅₄ chog₅₄ si₂ tsá₃ chi₁ton₅

ca₂cáu₂ bá₄ a₂jaun₂, ia₁ tsá₃ jmú₄ 'lióng₂ jme₁ma₂cha₂. ⁷ A₂lin₅₄ guë'₂ i₃ga'₅₄ ja₁lě₄ ni₁taun₅. Jme₁ca₂i₃cón₃ ni₁taun₅ ně₃, ca₂jlě₃ bá₄ jon₂ jaun₂ táng₃. ⁸ La₁ a₂lin₅₄ guë'₂ ně₃ ca₂tín₂ ja₁'o'₅₄ 'uë₃; a₂jaun₂ ca₂rau₂ dse₃; a₂lin₅₄ mīg₂ jon₂ ca₂'ág₂ jma₃cáun₃ 'ñiá₂-láu₂ mīg₂ lia'₂ ca₂mīg₂ jon₂ a₂i₃jnia₄; a₂lin₅₄ guë'₂ jma₃'nag'₂ ne₂guióg₂ mīg₂, a₂lin₅₄ guë'₂ jma₃guióg₂-guiá₂ mīg₂. ⁹ Chi₂jua'₂ 'ein₂ 'nia'₂ i₂dsi₅₄ rě₂gua₄, nei₂ 'nia'₂.

Ta₁ qui'₅ jág₁ a₂jáng'₅ léi₄

(Marcos 4:10-12; Lucas 8:9-10)

¹⁰ Jaun₂ ca₂jme₃quián₃ chi'₂ dsi₂guia₃-tín₂ con₂ Jesús, jaun₂ ca₂jag₃:

—č'E₂ lě₃ jme₂tíng'₁ dsa₂ jmá'₃ lia'₂ quian'₅₄ jág₁ a₂jáng'₅ léi₄?

¹¹ Jaun₂ ně₃ ca₂jag₃ Jesús:

—Diú₄ bá₄ jmo₅ a₂rě₃ñí'₂ 'au'₂ 'nia'₂ jág₁ rě₂'ma₄ jui₁lia'₂ 'a₂lia'₂ lě₅ ja₁goin₂ guei'₅₄ i₂juíg₃. La₁ ja₁con₂ dsa₂ ně₅ ně₃, tsá₃ le₂jaun₂.

¹² Ia₁ jui₁lia'₂ dsa₂ i₂ñí'₂ dse₃, Diú₄ bá₄ jmo₃ le₃ñí'₂ guě₄ 'lióng₂, jaun₂ dsi₁lén₂ lén₂ dsa₂ i₂niog₅ dsi₄. La₁ jui₁lia'₂ i₂tsá₃ 'nio₃ le₃ñí'₂ ně₃, Diú₄ bá₄ jmo₃ co₂dsia₅ tsá₃ le₃ñí'₂ co₂nei'₅₄. ¹³ 'Uig₅₄ jaun₂ bá₄ a₂jme₂tín₂ jniá₂ dsa₂ tē₂le₃ quian'₅₄ jág₁ a₂jáng'₅ léi₄:

Ia₁jaun₂ i₂jag₃,

la₁ tsá₃ le₃lí'₄ 'e₂ a₂ně₂jag₃;

i₂ně₂néi₂ guě'₂ ně₃,

la₁ tsá₃ ca₂rě₃lí'₄ 'e₂ a₂ně₂néi₂,

on₃ guě₄ ca₂ñí'₂.

¹⁴ Jaun₂ le₂ně₅ rě₂ti₃ tē₂le₃ quió'₅ dsa₂ ně₅ jui₁lia'₂ ca₂juá'₂ Isaías i₂ca₂'ě₂ jág₁ quián₅ Diú₄:

Dsón'₂ bá₄ nág'₁ 'nia'₂,

la₁ tsá₃ le₃ñíg'₂ 'e₂ a₂nág'₁;

Caun₂ qui₁jag'₅₄ 'nia'₂ ně₃,

la₁ tsá₃ le₃len'₅₄ 'nia'₂.

¹⁵ Ia₁ a₂ma₂'ua'₂ dsi₄ bá₄ dsa₂ la₂,

ja₂lag₃ bá₄ nag₂₃,

ně₂jag₄ bá₄ i₂ma₂rě₂jni₅ rě₂gua₄;

ján₃ bá₄ le₂ně₅, ně₂jag₄ bá₄ a₂tsá₃ jniá₂ mi₂ne₅₄,

ia₁jaun₂ tsá₃ jág₃ quian'₅₄ mi₂ne₅₄,

on₃ guě'₂ nag₃ quian'₅₄ rě₂gua₅₄,

on₃ guě₄ le₃ñí'₂ dsi₅,

ia₁jaun₂ tsá₃ jén'₃ dsi₅ ja₁con₂ jniá₂

ia₁jaun₂ jme₁'lioin₁₂ jniá₂.*

¹⁶ 'La₁ 'e₂ guě₄ dsen'₃ 'nia'₂ ia₁ jniá₂ mi₂ne'₅₄, nag'₂ bá₄ 'nia'₂ ně₃ quian'₅₄ rě₂guá'₂. ¹⁷ A₂dsi₂jó'₃ juíg₂ jniá₂ 'nia'₂, juin₅ dsa₂ i₂jme₁'ě₂ jág₁ quián₅ Diú₄ ma₂líg'₂, juin₅ dsa₂ dsen₃, jme₁'nio₃

* 13:15 Isaías 6:9-10.

tě₃ ne₅₄ a₂jág'₂ 'nia'₂ rě₂ně₃, la₁ tsá₃ ca₂jág₃; jme₁'nio₃ nag₃ ně₃ jui₁lia'₂ a₂nag'₂ 'nia'₂ rě₂ně₃, la₁ tsá₃ ca₂nág₂.

Juá'₂ Jesús tsí'₅ dsa₂ lia'₂ tí₅ jág₁ 'e₂ jág₁ dsau₅ jáng'₅ jui₁lia'₂ jág₁ quió'₅ dsa₂ i₂séi₂ mi₂jon₂

(Marcos 4:13-20; Lucas 8:11-15)

18 'Nei₂ 'nia'₂ jaun₂, 'e₂ jág₁ dsau₅ jáng'₅ jui₁lia'₂ jág₁ quió'₅ dsa₂ i₂séi₂ mǐg₂ jon₂. 19 Jui₁lia'₂ dsa₂ i₂nag₅ jág₁ dse₃ a₂já₅ guei'₅₄ i₂juíg₃ ja₁gon₂ Diú₄, ně₁jua'₂ tsá₃ ŋí'₂, lín₅ jui₁lia'₂ mǐg₂ jon₂ a₂ca₂séi'₂ dsi₂jui₅. I₂sě₃dsen₃ bá₄ ja₂ ja₁coin₂, jaun₂ ŋjiá'₂ táng₃ jág₁ dse₃ a₂jme₁ma₂jnia₄ tě₂dsí₅. 20 Mǐg₂ jon₂ a₂ca₂séi'₂ guē'₂ jě₄ ni₁cang₁, lě₅ jui₁lia'₂ lín₅ dsa₂ i₂gue₅ 'ŋio₂ dsí₅ jág₁ dse₃ a₂nag₂₃, 21 la₁ia₁ tsá₃ cha₂ guē'₂ jě₄dsi₃'má₂ jmú₄ né'₃ 'uē₃, tsá₃ uē₂ tió'₅; jaun₂ jě₄ma₂já₅ o₂i₁ dsí₅ a₂dsi₂ŋí₂ 'e₂ dsí₂ŋí₂, o₃ qui₂co₂'ein₅ dsa₂ o₄quió'₄ jág₁ quió'₅ Diú₄, guei₂₃ tí₂ bá₄ táng₃ jág₁. 22 Jui₁lia'₂ mǐg₂ jon₂ a₂i₃ga'₅₄ jě₄ ni₁taun₅ guē'₂ táng₃, jáng'₅ jág₁ dsau₅ jui₁lia'₂ dsa₂ i₂nag₅ jág₁ dse₃, la₁ia₁ 'ŋio₅ lín₃ guē₄ 'i₅ dsí₅ o₂me'₅₄ dsí₅ a₂cha₂ mi₂güí₃ la₂, a₂'ín₅ dsí₅ a₂le₃cha₂ cu₄ a₂le₃chain₂ dse₃ ně₃, a₂ně₅ bá₄ a₂jme₂gau₅ táng₃ quió'₅. Ca₂le₃jě₃ a₂ně₅ jlě₂ bá₄ táng₃ jág₁ dse₃ a₂jme₁ma₂nág₂, jaun₂ tsá₃ ma₂'e₂ a₂dse₃ ráu₃ ja₁con₂ dsa₂ 'éi₂. 23 La₁ jui₁lia'₂ mǐg₂ jon₂ a₂ca₂séi'₂ ja₁dse₃ gua'₅₄, jáng'₅ táng₃ jág₁ dsau₅ tě₂le₃ ja₁con₂ dsa₂ i₂nag₅ jág₁, ton₂ 'ŋí'₂ ně₃; jaun₂ jmá'₃ lia'₂ ca₂ne₅₄ a₂dse₃ bá₄ rau₂ ja₁coin₂. I₂lín₅₄ guē'₂ dsa₂ 'éi₂ tě₂le₃ quian'₅₄ a₂dse₃ rě₂jniá₂ a₂jmo₂₃, lín₅ jui₁lia'₂ lě₅ lia'₂ ca₂cho'₅₄ mǐg₂ a₂ca₂i₃jnia₄, rau₂ caun₂ 'ŋiá₂-láu₂ mǐg₂ lia'₂ ca₂mǐg₂; i₂lín₅₄ guē'₂ jma₃'nag'₂ co₂ne₂guióg₂; i₂lín₅₄ guē'₂ jma₃guióg₂-guiá₂ mǐg₂.

Jág₁ a₂jáng'₅ léi₄ jui₁lia'₂ ni₁nau₂ 'lig'₅₄ a₂ca₂'ia₂ jě₄ trigo

24 Ca₂juá'₂ Jesús táng₃ ca₂tsí'₃ dsa₂ caun₂ jág₁ a₂jáng'₅ léi₄ siá'₂:

—A₂lě₅ guei'₅₄ i₂juíg₃ ja₁gon₂ Diú₄ lia'₂ lín₅ jan₂ dsa₂ i₂ca₂séi₂ ca₂ne₅₄ mǐg₂ jon₂ dse₃ 'uē₃ quió'₅; 25 la₁ caun₂ 'uē₂ jme₁ma₂le₁güín₃ dsa₂ le₃jín₃, ca₂guan₃ jan₂ dsa₂ 'lín'₅₄ i₂'iog₅₄ ca₂jmo₃ uig₅ dsí₅ ca₂guia'₃ jon₂ ni₁nau₂ 'lig'₅₄ jě₄ trigo, jaun₂ ca₂ŋái'₃ táng₃. 26 Jme₁ca₂i₃cón₃ trigo, jme₁ma₂tio'₅₄ mí'₂ ně₃, jě₄ jaun₂ ca₂'ia₂ ni₁nau₂ 'lig'₅₄ ján₃. 27 Jaun₂ ně₃, dsa₂ i₂jme₂ti₃ ta₁ ne₄ juig₅₄ ja₁nau₂, ca₂i₁con₂ jág₁ ne₄ juig₅₄, ca₂juá'₂: “Gui'₅₄, ζon₁jua'₅₄ jmá'₃ ca₂ne₅₄ mǐg₂ jon₃ dse₃ ca₂ŋí'₂ ja₁nau₂ quiáng'₂ jme₁ca₂ŋí'₂? ζ'A₂ guē'₂ lia'₂ ca₂lě₃ a₂ca₂'ia₂ ni₁nau₂ 'lig'₅₄ jaun₂ ně₃?” 28 Jaun₂ ca₂ŋag₃ dsa₂ juig₅₄: “An₁ jan₂ dsa₂ 'lín'₅₄ i₂'iog₅₄ bá₄ ca₂jmo₃ a₂ně₅.” Jaun₂ ca₂ŋag₃ dsa₂ i₂jme₂ti₃ ta₁ ne₅₄: “ζTsa₁ 'niog'₂ jua'₅₄ co₂dsia₅ dsí₁guéi₁ jnia'₅₄ ni₁nau₂ 'lig'₅₄ jaun₂?” 29 Jaun₂ ca₂ŋag₃ táng₃ 'éi₂, ca₂juá'₂: “Jan₂'ón₄. Tió'₅ bá₄. Ia₁ con₂

tsá₃ ɲó₅ ně₁jua'₂ le₂jio₅ tag₄ trigo dse₃ bá₄ ca₂cang₅. ³⁰ Ja₂lin₃ guě₄ dse₃ ju₁le₁dsi₅₄ me'₂ jaun₂, ju₁dsi₂cón₃ bá₄ co₂lě₅, ca₂lia'₂ ca₂tě₂ jmig₄ i₁ráu₃; jaun₂ guě₄ tsing₅₄ dsa₂ a₂dsi₃cang₅₄ de'₂ le₂'uig₅₄ ni₁nau₂ 'lig'₅₄, jaun₂ cág'₃ jmá'₃ co₂dsong'₅₄ ia₁jaun₂ 'nei₃, dsi'₂, jaun₂ guě₄ cág'₃ trigo tó'₃ caun₂ ja₁tó'₃ dsi₂néi₂ quió₃.”

Jág₁ a₂jáng'₅ léi₄ ju₁lia'₂ mǐg₂ jon₂ quió'₅ ni₁'ma₂ mostaza
(Marcos 4:30-32; Lucas 13:18-19)

³¹ Ca₂dsia₃ Jesús ján₃ caun₂ jág₁ a₂jáng'₅ léi₄ le₂la₂:

—Ja₁gon₂ Diú₄ guei'₅₄ i₂juíg₃, lě₅ ju₁lia'₂ lě₅ mǐg₂ jon₂ quió'₅ ni₁'ma₂ mostaza† a₂ca₂jné₂ jan₂ dsa₂ ja₁nau₂ quió'₅. ³² Dsón'₂ mǐg₂ jon₂ jaun₂ lě₅ mǐg₂ a₂pi'₁ tei₄ guě₄ 'ɲio₅ lin₃ lia'₂ con'₂ guě₄ mǐg₂ jon₂ siá'₂; la₁ia₁ jě₁ma₂ca₂i₃cón₃ ně₃, lě₂ caun₂ ni₁'ma₂ pa₁ guě₄ lia'₂ con'₂ guě₄ rín'₅₄ a₂cha₂ ja₁nau₂ quió'₅, ca₂tě₂ i₁tan₅ lě₂le₃tiain'₃ gu'₂ nei'₅₄.

Jág₁ jáng'₅ léi₄ ju₁lia'₂ 'a₂ lia'₂ rón'₂ i₁ɲí'₄
(Lucas 13:20-21)

³³ Ca₂dsia₃ Jesús jág₁ a₂jáng'₅ léi₄ le₂la₂ táng₃:

—Lě₅ guei'₅₄ i₂juíg₃ ja₁gon₂ Diú₄, ju₁lia'₂ lě₅ levadura a₂co₂güín'₂ jan₂ 'io₅₄ quian'₅₄ 'ni₅ tio'₅₄ ɲí₁ ca'₅₄† ti₁jui₁ harina, ia₁jaun₂ ron'₂ dse₃ ca₂le₃jě₃ ti₁can₁.

Ta₁ a₂quí'₅ jág₁ a₂jáng'₅ léi₄ a₂ca₂jme₃tag₅ Jesús
(Marcos 4:33-34)

³⁴ Ca₂le₃jě₃ jág₁ la₂ ca₂juá'₂ Jesús ca₂tsí'₃ dsa₂ tē₂le₃ quian'₅₄ jág₁ a₂jáng'₅ léi₄; 'i₁co₂ráun₂ tsá₃ jme₁jme₂tag₂₃ jua'₅₄ tsá₃ tē₂le₃ quian'₅₄ jág₁ a₂jáng'₅ léi₄. ³⁵ Le₂ně₅ ca₂jmo₃ ia₁jaun₂ le₃ti₃ jág₁ a₂jme₁ma₂rě₂'ě₂ quió'₅ dsa₂ i₂jme₁'ě₂ jág₁ quián₅ Diú₄ ma₂líg'₂ jme₁ca₂juá'₂:

'Uě'₅₄ jniá₂ jág₁ 'o₃

tē₂le₃ quian'₅₄ jág₁ a₂jáng'₅ léi₄;

dsia₅₄ jniá₂ jág₁ a₂tsá₃ ma₂ca₂rě₃jniá₂

ca₂le₃ ca₂jmo₃ Diú₄ mi₂güíg₃. §

Dsia₅ Jesús lia'₂ tí₅ jág₁ 'e₂ jág₁ dsau₅ jáng'₅ ju₁lia'₂ ni₁nau₂ 'lig'₅₄ a₂ca₂'ia₂ jě₄ trigo

³⁶ Jaun₂ ně₃, ca₂o₃'ín₃ Jesús jin₄ dsa₂ ju₁n₅ ja₁jme₁'ein₅₄ jaun₂ ca₂'í₃ táng₃ caun₂ dsi₂néi₂. Jaun₂ ca₂o₃lén₂ táng₃ chí'₂ dsi₂guia₃-tín₂ ja₁coin₂, ca₂juá'₂:

—Dsia₄ lia'₂ tí₅ jág₁ 'e₂ jág₁ dsau₅ jáng'₅ ju₁lia'₂ jág₁ quió'₅ ni₁nau₂ 'lig'₅₄ a₂ca₂'ia₂ jě₄ trigo.

† **13:31** mostaza: On₃jua'₅₄ mi₁ján'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ jaun₂ a₂tě₂ tē₅sí₃ Brassica nigra. ‡ **13:33** griego: “ni₅ tio'₅₄ ɲí₁ sata”, a₂tio'₅₄ con'₂ 22 litros le₂caun₂ ɲí₁. § **13:35** Salmo 78:2.

37 Jaun₂ ca₂ŋag₃ Jesús:

—Dsa₂ i₂ŋi₅ séi₂ mīg₂ jon₂ dse₃, Jaun₅ dsa₂ mi₂güig₃ bá₄ 'éi₂;
38 ja₁nau₂ guē₂ lě₅ co₂'nió₄ mi₂güig₃ la₂. Jon₂ dse₃ guē₂ nē₃,
co₂'nió₄ lín₅ chi₂'-guein₂ i₂tion₅₄ 'éi₃ quió₅ Diú₄. Ni₁nau₂ 'lig'₅₄
guē₂ nē₃, co₂'nió₄ dsa₂ i₂tion₅₄ jui₅ 'éi₃ quió₅ i₂sē₃dsen₃. 39 Dsa₂
'lin'₅₄ i₂'iog₅₄ i₂ca₂jné₂ jon₂ ni₁nau₂ 'lig'₅₄, i₂sē₃dsen₃ bá₄ 'éi₂.
I₁ráu₃ guē₂ nē₃, lě₅ jmig₄ jē₁ca₂tó₂; i₂ja₃lén₂ ja₃cag₅₄ guē₄ nē₃,
áŋeles quián₅ bá₄ Diú₄. 40 Jaun₂, jui₁lia₂ 'cág'₅ dsa₂ ni₁nau₂
'lig'₅₄, a₂tó₅ dsi₂si₂, le₂nē₅ bá₄ lé₂ ján₃ jmig₄ jē₁ca₂tó₂ mi₂güig₃ la₂.
41 Chen₃ Jaun₅ dsa₂ mi₂güig₃ áŋeles quiáin₅ ia₁jaun₂ 'uúin'₂ jē₄
quió₅ dsa₂ quiáin₅ ca₂le₃jín₃ i₂jmo₅ qui₂sén₂ 'rin'₅₄ a₂'no₂₃ dso₄,
ca₂le₃jín₃ guē₄ i₂ca₂rē₃chán₃ i₂tsá₃ ca₂tí₂ jui₅ 'lig'₅₄. 42 Jaun₂ to₂
ja₁néi₅ tsí₄ si₂, ja₁tóin₃ qui₂'-o₂₃, qui₃quí₃' ja₅₄ nē₃. 43 Jaun₂,
dsa₂ dsen₃ quián₅ Diú₄ guē₂ dsi₃lein₅ dsi₃tian₂ ja₁jniai₅₄ tág₅
jui₁lia₂ jniá₂ 'iog₂ ja₁jmo₅ Diú₄ Jmei₂ 'éi₃. Chi₂jua₂ 'ein₂ 'nia'₂
i₂dsi₅₄ rē₂gua₄, rē₂ nei₂ 'nia'₂.

Jág₁ a₂jáng₅ léi₄ jui₁lia₂ caun₂ a₂quen₅ guē₄ 'ŋio₅ lín₃ a₂rē₂'ma₄

44 'Guei'₅₄ i₂jui₃ ja₁gon₂ Diú₄ ján₃ bá₄ lě₅ jui₁lia₂ caun₂
a₂quen₅ 'ŋio₅ lín₃ a₂rē₂'ma₄ rē₂'o₅ né₃ 'uē₃. La₁ jui₁lia₂ jan₂ dsa₂
i₂dso₂ nē₃, ja₁jaun₂ bá₄ 'ma₂₃ táng₃; ia₁ a₂ŋi₄ lē₃ 'io₂ jén₅, jaun₂
dsáin₅ dsi₂'nág₂ ca₂le₃jē₃ 'e₂ a₂cha₂ quió₅, jaun₂ lá₅ 'uē₃ jaun₂.

Jág₁ a₂jáng₅ léi₄ jui₁lia₂ mīg₂ perla a₂quen₅ lín₃

45 'Ján₃ bá₄ lě₅ guei'₅₄ i₂jui₃ ja₁gon₂ Diú₄ jui₁lia₂ lín₅ jan₂ dsa₂
i₂ŋi₅ 'no₂ perlas jlá₁ ia₁jaun₂ jmo₃ 'ma'₅₄. 46 Jē₁ma₂ca₂dsó₂
ca₂mīg₂ a₂quen₅ lín₃, dsáin₅ dsi₂'nág₂ ca₂le₃jē₃ 'e₂ a₂cha₂ quió₅,
jaun₂ lá₅ mīg₂ jlá₁ jaun₂.

Jág₁ a₂jáng₅ léi₄ jui₁lia₂ tsí₁ 'má₅

47 'Ján₃ bá₄ le₂jaun₂ lě₅ guei'₅₄ i₂jui₃ ja₁gon₂ Diú₄ jui₁lia₂ lě₅
caun₂ tsí₁'má₅ a₂táun₂ dsa₂ ne₄ jmi₁ŋí₄ jaun₂ 'uúin'₂ ca₂le₃jín₃
ne₅₄ já₂. 48 Jē₁ma₂ca₂rin₅ tsí₁'má₅, dsa₂ nē₃ 'ín₅ tē₂le₃ chei'₅₄
jmi₁ŋí₄; jaun₂ quióin₂ jmá₃ lia₂ ju₄ dsen₃ caun₂ ja₁to₂, jaun₂
guiain₂ bá₄ jui₁lia₂ já₂ i₂tsá₃ dsen₃. 49 Ján₃ bá₄ le₂jaun₂ lé₂
jmig₄ jē₁ca₂tó₂ mi₂güig₃ la₂: 'uúin₃ áŋeles ja₃jmo₂ jma₃quén₅ dsa₂
'lin'₅₄ jē₄ quió₅ dsa₂ dsen₃ 50 jaun₂ toin₂ i₂'lin'₅₄ ja₁néi₅ tsí₄ si₂
ja₁dsi₃toin₅₄ qui₂'-o₂₃ qui₃quí₃' ja₅₄ nē₃.”

Jui₁lia₂ cu₄nióg₄ 'mí₂ quian'₅₄ cu₄nióg₄ gui'₅₄

51 Jaun₂ ca₂ŋi₃ Jesús chi₂ dsi₂guia₃-tín₂ quiáin₅:

—¿ŋíg₂ 'nia'₂ ca₂le₃jē₃ jág₁ a₂juá₅ jniá₂ nē₅?

Jaun₂ ca₂ŋag₃:

—Nág₂ bá₄ jnia'₅₄.

⁵² Jaun₂ ca₂juá'₂ Jesús ně₃:

—Ju₁lia'₂ jan₂ tē₅juá'₅ i₂ma₂ca₂jme₃tin₅ 'a₂ lia'₂ lě₅ guei'₅₄ i₂juíg₃ ja₁gon₂ Diú₄, lín₅ jui₁lia'₂ lín₅ jan₂ juig₅₄ tsi₁'né₅ i₂'uě'₅ a₂quen₅ a₂te₁'i₁ le₁'ma₁ dsi₂néi₂ quió'₅, lia'₂ cosas 'mí₂ lia'₂ cosas gui'₅₄ ně₃.

'En₅₄ Jesús jě₄ juig₂ Nazaret

(Marcos 6:1-6; Lucas 4:16-30)

⁵³ Jme₁ca₂dsan₃ jme₂tin₅ Jesús dsa₂ jág₁ a₂jáng'₅ léi₄ ně₅, ca₂o₃'iín₃ bá₄ ja₁jaun₂, nái'₃ juig₂ go₅₄. ⁵⁴ Jme₁ca₂dsiáin'₃ jaun₂ ně₃, ca₂jme₃lióg₃ ca₂jme₃tiin₂₃ dsa₂ jág₁ dse₃ quió'₅ Diú₄ dsi₂néi₂ guá'₅ sinagoga quió'₅ dsa₂ ja₁jaun₂, jaun₂ dsa₂ ně₃, ca₂i₃gó'₃ dsí₅ jág₁ a₂ca₂nág₂, jaun₂ ca₂dsia₃:

—¿A₂já'₄ ca₂i₁jme₁tin₅ i₂ně₅ jág₁ a₂ní₄ lě₃ tiin₂₃ ně₅? ¿'A₂ bá₄ lia'₂ 'io₂₃ bí₂ a₂tiin₂ jmo₃ o₂dsain₂ ně₃? ⁵⁵ ¿On₁jua'₅₄ i₂ně₅ ja₁ñi'₅₄ tē₅'má₃? ¿On₁jua'₅₄ chog₅₄ i₂chen₂ María? ¿On₁jua'₅₄ i₂ně₅ i₂lín₅ rin'₅₄ Santiago* quian'₅₄ Sě₄, Si₂mu₅₄, Judas ně₃? ⁵⁶ ¿On₁jua'₅₄ jě₄ quián₂ jniog₄ la₂ tián'₅ 'io₅₄ riin'₅₄ ně₃? ¿'A₂ bá₄ já'₄ já₅ a₂ní₄ lě₃ cuí'₅ i₂ně₅ ca₂le₃jě₃ jág₁ a₂tiin₂ ně₅?

⁵⁷ Jaun₂ tsá₃ dse₃ ca₂tin₂ dsa₂ jág₁ jaun₂ quió'₅, tsá₃ jui₅ ca₂tón'₃ dsa₂. La₁ ca₂juá'₂ Jesús:

—Ca₂le₂con₂ bá₄ juig₂ siá'₂ jme₂gan₃ dsa₂ jui₁lia'₂ jan₂ dsa₂ i₂'ě₂ jág₁ quián₅ Diú₄; jñia'₅₄ lia'₂ dsa₂ go₅₄ bá₄, tsá₃ jei₅₄, quian'₅₄ dsa₂ dsi₂néi₂ quió'₅ 'ñiog₅ ně₃.

⁵⁸ Jaun₂ tsá₃ ma₃léi₄ juě'₂ lin₅₄ ca₂jmo₃ ja₁jaun₂, ia₁ tsá₃ guě'₂ 'én₂ dsa₂.

14

Ca₂jon₃ Juan₅₄ i₂chon₅ dsa₂ jmi₂g₂

(Marcos 6:14-29; Lucas 9:7-9)

¹ Jmi₂g₂ jaun₂ Herodes, i₂jme₁lín₄ dsi₄má'₂ 'uě₃ Galilea, ca₂rě₃ñi₅ jág₁ a₂ñi₅ Jesús le₂con₂ jaun₂. ² Jaun₂ dsia₂₃ tsí'₅ dsa₂ i₂jme₂ti₃ ta₁ ne₅₄:

—Juan₅₄ i₂chon₅ dsa₂ jmi₂g₂ bá₄ ně₅ ñi₅; ma₂ca₂jein'₅₄ táng₃. 'Uig₅₄ jaun₂ 'io₂₃ jui₅bí₂ a₂jmo₂₃ léi₄ juě'₂.

³ Ia₁ le₂jñiá₅ ma₂ca₂jñá'₃ dsa₂ Juan₅₄ 'éi'₃ quió'₅ Herodes, ca₂'nei'₂, ca₂to'₂ dsa₂ né'₃ 'má₃ ně₃. Ca₂jmo₃ le₂ně₅ 'uig₅₄ quió'₄ 'io₅₄ Herodías i₂jme₁lě₄ dsa₂ mí₂ quián₅ Fe₂li₄ riin'₅₄. ⁴ Ia₁ 'lióng₂ ráun₂ ma₂qui₂ma₂juá'₂ Juan₅₄ ma₂qui₂ma₂tsí'₃ Herodes: “Tsá₃ 'i₄ 'éi'₃ cáng'₄ 'io₅₄ ně₅.”

⁵ 'Uig₅₄ jág₁ jaun₂, jme₁'nio₃ Herodes jñi'₃ Juan₅₄, la₁ tsá₃ tiá₂ dsí₅, ia₁ jme₁gain₃ dsa₂; ia₁ ca₂le₃jín₃ bá₄ dsa₂ jme₁'éin₂

* 13:55 Santiago: ján₃ bá₄ chein₂ Jacobo.

a₂lín₅ Juan₅₄ jan₂ dsa₂ i₂ě₂ jág₁ quián₅ Diú₄. ⁶ La₁ caun₂ jmig₄ ně₃, jme₁ca₂dsí₃ Herodes ŋi₂, ca₂o₃ín₃ ja₁míg₄ 'io₅₄ Herodías, ca₂dsáin₂ jin₄ dsa₂ i₂té₁ jmig₄. A₂ně₅ ně₃ ca₂tě₂ dsí₅ 'ŋio₅ lin₃ Herodes, ⁷ ca₂lia₂ ca₂cuě₃ jág₁ quió₅, ca₂le₃jě₃ 'iin₂₃ Diú₄ a₂cuě₃ 'e₂ caun₂ a₂mi₃ 'io₅₄ bē₅₄ 'éi₂. ⁸ Jaun₂ ně₃, jme₁ma₂ně₂tio₂ chog₅₄ jág₁, ŋó₃, ca₂juá₂:

—Cuě₄ mi₂dsi₄ Juan₅₄ i₂chon₅ dsa₂ jmig₂, tě₂ně₃, 'i₄ 'ŋió₃ uing₅.*

⁹ Jaun₂ ca₂tá₂ 'lia₂ dsí₅ rag₅₄ jme₁ca₂nág₂ le₂ně₅, la₁ tsá₃ ma₃'e₂ ŋi₅ jmo₃, ia₁ ma₂ně₂cuě₃ jág₁ quió₅ a₂'iin₂₃ Diú₄, tě₃nag₅ dsa₂ i₂tion₅₄ dsi₂néi₂ ja₁niog₅ jmig₄. ¹⁰ Jaun₂ lě₃, ca₂jmo₃ 'éi₃ a₂ca₂i₁qui₂ dsa₂ mi₂dsi₄ Juan₅₄ dsi₂néi₂ tsi₁'né₅ 'má₃. ¹¹ Dsi₂jui₅ jaun₂ bá₄ ca₂o₃can₅ dsa₂ mi₂dsi₄ Juan₅₄ rě₂'i₄ 'ŋió₃ uing₅,† jaun₂ ca₂cuě₃ 'io₅₄ bē₅₄ 'éi₂, jaun₂ 'éi₂ ně₃ ca₂i₁con₂ ne₄ chog₅₄.

¹² Jme₁co₂lág₂ jaun₂ ně₃, ca₂o₃lén₂ dsa₂ i₂jme₁quian₅₄ Juan₅₄, jaun₂ ca₂tág₃ 'lag₄ 'éi₂ ca₂i₁'ó₄. Jaun₂ guě₄ ca₂i₁lein₅₄ ca₂i₁chi₄ Jesús.

Ca₂jme₃tan₅₄ Jesús 'ŋiá₂ mei₅ dsa₂

(Marcos 6:30-44; Lucas 9:10-17; Juan 6:1-14)

¹³ Jme₁ca₂rě₃ŋi₅ Jesús jág₁ ně₅, ca₂o₃'iin₃ ja₁jme₁'ein₅₄, ca₂'í₃ 'ŋió₃ caun₂ tsi₁mu₅, a₂jme₁i₂'i₅ caun₂ ja₁co₂'ŋiog₅. La₁ juin₅ dsa₂ juig₂ te₁'i₁ con₂ ma₂quián₅ jaun₂ ca₂rě₃ŋi₅, jaun₂ ca₂'uiin₂, ca₂i₁lein₅₄ ca₂i₁'ein₂₃ Jesús jui₅ tag₅₄. ¹⁴ Jme₁ca₂dsióg₃ Jesús le₂'ŋo₅₄ jmig₂, ca₂jág₃ juin₅ lin₃ dsa₂ ma₂tión₂ le₁jŋiog₅. Jaun₂ ca₂dsia₃ ŋéi₂ dsí₅ dsa₂ 'éi₂, ca₂jme₃'lióin₂ dsa₂ i₂jme₁qui₂le₁dso₅₄ quián₅ dsa₂. ¹⁵ Tě₂le₃ ca₂'láu₂ jaun₂, ca₂o₃lén₂ chi₂ dsi₂guia₃-tín₂ ca₂juá₂ ca₂tsí₃ Jesús:

—Ca₂'láu₂ bá₄ la₂, ton₂ caun₂ ja₁co₂'ŋiog₅ bá₄ la₂ ja₁tsá₃ 'ein₂ tián₅. 'Ei₂ jág₁ dsa₂ ia₁jaun₂ dsi₃lén₂ le₂con₂ juig₂ ma₂quián₅ ně₅, qui₂dsi₃lia₅ ca₂la₂ a₂guě₃.

¹⁶ Jaun₂ ca₂ŋag₃ Jesús:

—Tsá₃ tion₅₄; cuě₅₄ 'nia₂ dsa₂ guiong₅₄ a₂guě₃.

¹⁷ Jaun₂ ca₂ŋag₃ chi₂ dsi₂guia₃-tín₂:

—Tsá₃ 'e₂ a₂siá₂ cha₂ ja₁lá₃, jŋia₅₄ lia₂ 'ŋiá₂ i₁ŋí₄ bá₄, quian₅₄ on₃ i₁ju₁.

¹⁸ Jaun₂ ca₂juá₂ táng₃ Jesús:

—O₂quian₂ 'nia₂ ja₁lá₃.

¹⁹ Jaun₂ ně₃, ca₂tsí₃ dsa₂ a₂tiain₃ ne₄ 'uě₃. Jaun₂ ca₂jŋa₃ ta₁'ŋiá₂ i₁ŋí₄ quian₅₄ le₃on₃ i₁ju₁, jaun₂ ca₂chóg₃ ne₅₄ guei₅₄ i₂juíg₃, ca₂cuě₃ ti₁'mag₄ Diú₄. Jaun₂ ca₂dsioin₃ le₂caun₂ le₂caun₂ i₁ŋí₄, ca₂cuě₃ chi₂ dsi₂guia₃-tín₂. Jaun₂ 'éi₂ guě₄ ně₃

* **14:8** lit. “rě₂dsí₂ ne₄ caun₂ ni₁ŋí₁ charola.” † **14:11** lit. “rě₂dsí₂ ne₄ caun₂ ni₁ŋí₁ charola.”

ca₂dsi^ó'₃ jin₄ dsa₂. ²⁰ Ca₂le₃jín₃ bá₄ dsa₂ ca₂guě'₃ ca₂lia'₂ ca₂'ág'₃ dsí₅. Jme₁ca₂lě₃ guě'₅, jaun₂ ca₂cág'₃ bá₄ guě₄ guia₃-tín₂ tsi₁mí'₂ 'nau₅₄ a₂ca₂chóng₃. ²¹ Dsa₂ i₂ca₂guě'₃ 'éi₂ jme₁tén₄ 'ñiá₂ mei₅ jmá'₃ lia'₂ dsa₂ ñe'₂, i₂sián'₂ bá₄ dsa₂ mí₂, chi'₂ ně₃.

Ca₂ñi₃ Jesús ne₄ jmi₁ñí'₄

(Marcos 6:45-52; Juan 6:16-21)

²² Dsi₂jui₅ jme₁ca₂lě₃ jaun₂, ca₂jmo₃ Jesús 'éi'₃ a₂tón'₃ chi'₂ dsi₂gua₃-tín₂ 'ñi^ó'₃ tsi₁mu₅, a₂ñí₃ de'₂ 'éi₂ jmi₂ le₁ñiá₄ lia'₂ con'₂ guě₄ 'ñiog₅ a₂dsi₃lein₃, tē₁lia'₂ 'í₂ 'ñiog₅ 'ág'₅ jág₁ dsa₂. ²³ Jme₁ca₂lě₃ 'ág'₅ jág₁ dsa₂, ca₂ñó₃ jui₅ má'₂ i₁chi₂i₁lein'₄ Diú₄. Ca₂tó'₂ nei₂ jme₁ca₂tó'₂, jaun₂ bá₄ 'ein₅₄ 'ñiog₅. ²⁴ Tsi₁mu₅ a₂tion'₅₄ chi'₂ dsi₂gua₃-tín₂ ně₃, jme₁ma₂dsi^ó'₃ dsi₂jo₂ jmi₁ñí'₄. Jmi₂ ně₃, qui₂ñá'₅ tiá₂ lin₃ dso'₂ tsi₁mu₅, ia₁ 'ei₅ tiá₂ dsí₂ 'liog'₂ le₃ca'₃. ²⁵ Le₁né₃ tē₂le₃ ca₂jnia₃ jaun₂, ca₂jme₃quián₃ Jesús ja₁ñáu'₄ tsi₁mu₅ tioen'₅₄. ²⁶ Jaun₂ ně₃ jme₁ca₂jág₂ chi'₂ dsi₂gua₃-tín₂ jóin'₅ ñi₂₃ ne₄ jmi₁ñí'₄, ca₂jui_{in}'₂ ca₂tóin'₂ co₂mí'₅₄ ca₂gui^ó'₃ ca₂juá'₂:

—jme₂dsí₂ 'lin'₅₄† bá₄ ó₃!

²⁷ La₁ dsi₂jui₅ bá₄ ca₂juá'₂ Jesús ně₃:

—iDsi₄ 'nia'₂ tiá₂ 'au'₂! iñiá₂ bá₄ la₂; tsá₃ lē₁juín'₂ 'nia'₂!

²⁸ Jaun₂ Pe₄ ně₃ ca₂ñag₃:

—Te₁gui'₅₄, chi₂jua'₂ 'ne₂ ně₅, jmo₄ 'éi'₃ a₂nei₅₄ ñi₅₄ ne₄ jmi₂ a₂dsi^ó'₄ tē₂ ja₁chéng'₄ ně₅.

²⁹ —Ñia₅ jaun₂ —ca₂juá'₂.

Jaun₂ ca₂sión₃ Pe₄ 'ñi^ó'₃ tsi₁mu₅, ca₂ñi₃ ne₄ jmi₂ jme₁ñó₄ ja₁chén'₄ Jesús. ³⁰ La₁ jme₁ca₂tón'₃ jui₅ ca₂jág₃ 'a₂ lia'₂ 'ei₅ tiá₂ dsí₂, ca₂ja₃gó'₃ dsí₅, jaun₂ guě₄ ca₂rě₃lióg₃ ca₂i₃óin'₅ jmi₂. Ca₂gui^ó'₃ tiá₂, ca₂juá'₂:

—iLio₄ jniá₂, Te₁gui'₅₄!

³¹ Dsi₂jui₅ jaun₂ ca₂néi'₃ Jesús gu₂, ca₂tíin₂ qui^ó'₅ Pe₄, jaun₂ juá'₂:

—i'E₂ guě₄ ca₂juig₄ 'én'₂ 'ne₂! i'E₂ lě₃ ně₂'éi'₂ caun₂-tín₃ 'au'₂?

³² Jme₁ca₂i₃toin'₅₄ 'ñi^ó'₃ tsi₁mu₅, ca₂'ág₂ táng₃ tei₄ dsí₂.

³³ Jaun₂ i₂jme₁tion'₅₄ 'ñi^ó'₃ tsi₁mu₅ ca₂jmo₃ i₁'áin₃ ne₄ Jesús, ca₂jme₃juag'₂. Jaun₂ ca₂juá'₂:

—Dsón'₂ bá₄ líng'₅ Ja₁ñi'₅₄ Diú₄.

Ca₂jme₃'lión₂ Jesús dsa₂ dso'₅₄ 'uě₃ Genesaret

(Marcos 6:53-56)

³⁴ A₂ca₂ain₂ jmi₂ jaun₂, ca₂dsi₃lein₃ 'uě₃ Genesaret. ³⁵ Dsa₂ chan₂ ja₁jaun₂ ně₃, jme₁ca₂rě₃cuin₂₃ Jesús, jaun₂ ca₂i₁nioi₁₂ ca₂i₁can₅ jág₁ ca₂le₃jě₃ juig₂ te₁'i₁ le₃lág'₃ jaun₂, jaun₂ ca₂O₃jñia₃

† 14:26 griego: fantasma.

dsa₂ ca₂le₃jín₃ dsa₂ i₂jme₁le₁dso'₅₄ ja₁'en₅₄ Jesús. ³⁶Jaun₂ ca₂mi₃ tsá₃ a₂nag₅₄ o₁jñia'₅₄ 'ág₃ tag₄ tsin'₅₄ bá₄ cuë₃ jmig₄ ní'₃ dsa₂ i₂le₁dso'₅₄; jaun₂ ně₃, ca₂le₃jín₃ dsa₂ dso'₅₄ i₂qui₂ca₂ní'₃ tsin'₅₄ Jesús, ca₂'lói₂ co₂ñei'₅₄ dso₄ a₂jme₁lín₄.

15

Jme₂tag₅ Jesús jui₁lia'₂ 'e₂ jaun₂ a₂jmo₅ a₂rë₂'ñio₅ dsa₂
(Marcos 7:1-23)

¹Jaun₂ ně₃ ca₂o₃lén₂ i₂lín₅₄ dsa₂ fariseos quian'₅₄ të₅juá'₅ i₂ja₂lén₂ Jerusalén, ca₂jme₃quiáin₃ ja₁con₂ Jesús, jaun₂ ca₂ñag₃:

²—¿'E₂ lë₃ tsá₃ jme₂tí₃ dsa₂ i₂quiang'₅₄ tag₄ 'éi'₃ a₂chí'₅ quió'₅ dsa₂ can'₅₄? Tsá₃ rang₂₃ gu₂ né'₃ guë₄ a₂guë'₃.

³Jaun₂ ca₂ñag₃ Jesús:

—'Nia'₂ guë'₂ ně₃, ¿'E₂ lë₃ qui₂tsó'₂ 'nia'₂ 'éi'₃ quió'₅ Diú₄ a₂jme₂tí'₁ 'nia'₂ jmá'₃ lia'₂ tag₄ quián'₂ 'nia'₂ guiong'₅₄? ⁴Ia₁ ca₂juá'₂ Diú₄: “Jme₁gan₃ 'nia'₂ chog'₂-ñéi'₅.”* Ján₃ bá₄ ca₂juá': “I₂të₂'on'₂ jmei₂, o₃ i₂të₂'on'₂ chog₅₄, ca₂tín₂ jóin₂.”†

⁵La₁ 'nia'₂ ně₃ jme₂tín'₁ dsa₂, në₁'ein₂ cha₂ quió'₅ a₂lé₂ le₃jme₃'oin₅₄ chog₅₄-jmei₂, la₁ lag₃ ně₁ca₂tsí'₃ dsa₂ chog₅₄-jmei₂: “A₂ma₂rë₂jen'₅₄ ne₄ Diú₄ bá₄ a₂jaun₂”, ⁶jaun₂ ně₃, jme₂tín'₂ 'nia'₂ dsa₂ 'éi'₃ a₂tsá₃ ma₃tion₅₄ 'nió'₅ jme₃'on₅₄ dsa₂ chog₅₄-jmei₂. O₄quió'₄ tag₄ quián'₂ 'nia'₂ guiong'₅₄ bá₄ ma₂ja₂nó'₅ 'nia'₂ jmo'₂ tsá₃ ma₃'e₂ quen₅ 'éi'₃ quió'₅ Diú₄. ⁷¡'Nia'₂ dsa₂ i₂lë₁jmo₅-dsá_u₅ o₁ne₁ a₂jmo'₂ 'nia'₂ a₂jme₂juíng'₁ Diú₄ quian'₅₄ tag₄ quiáng'₂ ja₂nóg'₅! Dsón'₂ bá₄ dsau₅ a₂ca₂juá'₂ Isaías i₂jme₁'ë₂ jág₁ quián₅ Diú₄, jme₁ca₂tióng₃ ne₄ si₂, 'iin₂₃ 'nia'₂, jme₁ca₂juá'₂:

⁸Dsa₂ juig₂ la₂ jme₂juag'₂ jniá'₂
jmá'₃ lia'₂ quian'₅₄ mi₂'o₅₄ bá₄,

la₁ia₁ uíng₂ bá₄ 'i₄ dsí'₅
ja₁con₂ jniá'₂.

⁹La₁ tsá₃ 'e₂ ta₁ tí₄ a₂jme₂juag'₂,
ia₁ jág₁ a₂jme₂tag₂₃

jmá'₃ 'éi'₃ quió'₅ dsa₂ mi₂güíng₃ bá₄ jaun₂,†

¹⁰Jaun₂ ca₂të'₃ Jesús dsa₂ juín₅ i₂ma₂quiain'₅₄ a₂jme₃quián₃ 'éi₂ ja₁coin₂, jaun₂ ca₂juá'₂:

—Rë₂ nei₂ 'nia'₂ a₂la₂; jui₁le₂ñí'₂ 'nia'₂: ¹¹Jui₁lia'₂ a₂dsi₂to'₅₄ jui₅ mi₂'o₄ dsa₂, on₃jua'₅₄ a₂jaun₂ jmo₅ a₂rë₃'iog₅ jme₂dsí₂ quió'₅ dsa₂. Ca₂le₃jë₃ a₂'uë₂ jui₅ mi₂'o₄ dsa₂, a₂jaun₂ bá₄ jmo₅ a₂rë₂'iog₅ jme₂dsí₂ quió'₅ dsa₂.

¹²Jaun₂ ca₂jme₃quián₃ chi'₂ dsi₂guia₃-tín₂, jaun₂ ca₂juá'₂:

* 15:4 Éxodo 20:12; Deuteronomio 5:16. † 15:4 Éxodo 21:17; Levítico 20:9.

‡ 15:9 Isaías 29:13.

—ǵTsa₁ ɲi'₅₄, 'ɲio₅ lɪn₃ tsá₃ dse₃ ca₂tɪn₂ dsa₂ fariseos jág₁ a₂ně₂chei'₅₄?

¹³ La₁ ca₂ɲag₃ Jesús:

—Ca₂le₃jě₃ ni'₁ma₂ a₂tsá₃ ca₂chéin'₃ ɲe'₃ jniá₂ i₂guá₅ guei'₅₄ i₂juíg₃, guéi₃ le₂jio₅ jmu₄. ¹⁴ O₁lě₄ me'₂; ia₁ dsa₂ ten₄ bá₄ ně₅ quian₅ ne₄ jui₅. Š Ia₁ ně₁jua'₂ jan₂ dsa₂ ten₄ ɲɲia₂₃ dsa₂ ten₄ riin'₅₄, le₃oin₃ bá₄ tsi₃séin'₂ siá₅.

¹⁵ Jaun₂ ca₂juá'₂ Pe₄ ca₂tsí'₃ Jesús:

—Jua'₅₄ 'e₂ jág₁ dsau₅ jáng'₅ jág₁ ně₅.

¹⁶ Jaun₂ ca₂ɲag₃ Jesús:

—ǵján₃ bá₄ tsá₃ ɲí'₂ 'au'₂ 'nia'₂? ¹⁷ Ia₁, ǵtsa₁ ɲí'₂ 'nia'₂, jui₁lia'₂ ca₂le₃jě₃ a₂dsi₂to'₅₄ jui₅ rě₂'o₄ dsa₂, dsi₂lé₂ rě₂tú'₅ bá₄ dsa₂, cang₂ jaun₂ 'uě₂ táng₃? ¹⁸ La₁ jui₁lia'₂ a₂'uě₂ jui₅ mi₂'o₄ dsa₂, a₂jaun₂ a₂já₅ tě₂dsí₅ bá₄ dsa₂. A₂jaun₂ bá₄ jmo₅ a₂rě₂'iog₅ jme₂dsí₂ quió'₅ dsa₂. ¹⁹ Ia₁ tě₂dsí₅ bá₄ dsa₂ já₅ ca₂le₃jě₃ a₂'lig'₅₄ a₂dsi₂jio₅ dsí₅: jui₁lia'₂ a₂jme₂dsian₅ dsa₂ dsa₂ mi₂güí₃ riin'₅₄: jui₁lia'₂ a₂nió'₅ dsa₂ jág₁ quian'₅₄ dsa₂ i₂tsá₃ lín₅ dsi₂i₂gu₂, jui₁lia'₂ a₂lě₁i₂nio₄ dsa₂ tiáin'₅, tsá₃ gu₂ le₁jen'₂; jui₁lia'₂ a₂'ang₅ dsa₂; jui₁lia'₂ a₂nau₂ dsa₂ a₂jáng'₅ jág₁ dsau₅ a₂jmo₂₃ tě₂jíin₁; jui₁lia'₂ a₂jmo₅ dsa₂ a₂lě₁bóin'₂ dso₄ riin'₅₄ ně₃. ²⁰ Ca₂le₃jě₃ a₂ně₅ bá₄ jmo₅ a₂rě₂'iog₅ jme₂dsí₂ quió'₅ dsa₂; la₁ a₂guě'₅ dsa₂ tě₃ tsá₃ ma₂ně₂jme₃ti₃ 'éi'₃ tag₄ a₂chí'₅ a₂rang₂₃ gu₂, on₃jua'₅₄ a₂jaun₂ jmo₅ a₂rě₂'ɲio₅ dsa₂.

Jan₂ i₁náu₃ i₂ca₂rě₃'én₂ tě₂le₃ quió'₅ Jesús

(Marcos 7:24-30)

²¹ O₂'ín₃ bá₄ Jesús ja₁jaun₂, ca₂ɲó₃ táng₃ jui₅ juíg₂ Tiro quian'₅₄ Sidón. ²² Ja₁jaun₂ jan₂ 'io₅₄ cananea i₂guá₅ jě₄ juíg₂ jaun₂, ca₂guain₃ con₂ Jesús 'o₂₃ co₂mi'₅₄, juá'₂ tiá₂:

—iTe₁gui'₅₄, jaun₅ David, dsia₄ ɲéi₂ 'au'₂ jniá₂! Jan₂ chi'₂ ja₁míg₄ jniá₂ 'en₅₄ jan₂ jme₂dsí₂ je₂na'₅₄ tě₂dsí₅, 'ɲio₅ lɪn₃ ɲág₅ uig₅.

²³ La₁ tsá₃ 'e₂ ca₂ɲag₃ Jesús 'i₁caun₂. Jaun₂ o₃lén₂ chi'₂ dsi₂guia₃-tín₂ quiáin₅, jaun₂ ca₂juá'₂:

—Chei'₅₄ i₂ně₅ ju₁dsiain'₅₄, ia₁ já₅ guió'₅ co₂mi'₅₄ chi₁co'₅₄ quián₂ jniog₄.

²⁴ Jaun₂ ca₂ɲag₃ Jesús ca₂tsí'₃ 'io₅₄ 'éi₂:

—Ca₂chei₃ Diú₄ jniá₂ a₂guio₃ jmá'₃ lia'₂ ca₂ne₅₄ o₄quió'₄ já'₂ cha'₂ i₂ma₂i₂cón'₅ chan₂ juíg₂ Israel.

²⁵ La₁ caun₂ já₅ bá₄ 'io₅₄ 'éi₂, ca₂chi₃ɲné₃ ne₄ Jesús, ca₂juá'₂:

—iTe₁gui'₅₄, jme₁'o₄ jniá₂!

²⁶ Jaun₂ ca₂ɲag₃ Jesús:

—Tsá₃ dsi₂ten₅₄ jua'₅₄ a₂ɲɲiá'₄ jniá₂ i₁ɲí'₄ quió'₅ chi'₂-guein₂ a₂cuě₄ dsi₂ji'₅₄.

Š 15:14 A₂lɪn₅₄ chog₅₄ si₂ juá'₂: “ia₁ i₂ɲɲia₅ dsa₂ ten₄ bá₄ ně₅.”

27 Jaun₂ ca₂ɲag₃ táng₃ 'io₅₄:

—Dsón'₂ bá₄ dsau₅, Te₁gui'₅₄; la₁ cág'₅ bá₄ dsi₂jí'₅₄ ni₁jne₁ a₂tsi₂séi'₂ ne₄ mesa ja₁gué'₅ juig₅₄.

28 Jaun₂ ca₂ɲag₃ táng₃ Jesús:

—i'E₂ gué₄ tson₂ 'én'₂ 'ne₂, dsa₂ mí₂! Jui₁le₅₄ bá₄ lia'₂ con'₂ lě₅ a₂mí'₂ ně₅.

Dsi₂jui₅ le₂jaun₂ bá₄ ca₂'lón₂ chi'₂ ja₁míg₄ 'io₅₄ 'éi₂.

Ca₂jme₃'lión₂ Jesús juin₅ dsa₂ dso'₅₄

29 O₂'ín₃ bá₄ táng₃ Jesús ja₁jaun₂, jaun₂ ca₂ɲí₃ jui₅ chei'₅₄ jmi₁ɲí'₄ Galilea; jaun₂ ca₂uíg₂ jui₅ ne₄ má'₂, jaun₂ ca₂guá₂ jme₁dsióg₃. 30 Juin₅ dsa₂ ca₂dsi₃lén₂ táng₃ cau₅ quió'₅ ja₁jaun₂, le₁ɲia₁i₂₃ dsa₂ guian'₅₄, dsa₂ i₂le₁já'₂ gu₂-tag₄, dsa₂ ten₄, dsa₂ con₄, juin₅ gué₄ dsa₂ sián'₂ i₂jme₁le₁dso'₅₄ ně₃. Qui₂ca₂dsiog₃ ja₁chén'₄ Jesús, jaun₂ ca₂jme₃'lió₂ 'éi₂. 31 Jaun₂ gué₄ ca₂i₃gó'₃ dsí₅ dsa₂ jme₁ca₂tě₂ ne₅₄ ma₂dsia₅ jág₁ dsa₂ i₂jme₁con₄, ma₂i₂nio₄ dsa₂ i₂jme₁qui₂le₁já'₂ quió'₅, quian'₅₄ dsa₂ guian'₅₄ ně₃; dsa₂ ten₄ ně₃ qui₂ca₂jág₃. Jaun₂ ca₂tón'₂ dsa₂ ca₂jme₃juin'₂ Diú₄ quián₅ dsa₂ Israel.

*Ca₂jme₃tan₅₄ Jesús quén₂ mei₅ dsa₂
(Marcos 8:1-10)*

32 Jaun₂ ca₂tě'₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

—'Nio₅ ɲéi₂ dsi₃ jing₅₄ dsa₂ ně₅, ia₁ ma₂'ni₅ jmi₁g₄ tioen'₅₄ ja₁lá₃ quian'₅₄ jniá₂, 'i₁ca₂juig₄ tsá₃ 'e₂ cha₂ a₂gué'₃ ja₁lá₃. Jaun₂ ně₃, tsá₃ 'nio₃ jniá₂ dsiain'₅₄ tě₃ tsá₃ ma₂ně₂gué'₃, ia₁ con'₂ tsá₃ ɲó₅ ně₁ca₂'uáin₂ le₂'i₄ jui₅.

33 Jaun₂ ca₂juá'₂ chi'₂ dsi₂guia₃-tín₂ quiáin₅:

—ǂA₂já'₄ lé₂ dsi₁liá'₄ i₁ɲí'₄ ja₁co₂'ɲiog₅ la₂ a₂gué'₃ dsa₂ juin₅ ně₅?

34 Jaun₂ ca₂ɲag₃ Jesús ca₂ɲí'₃ chi'₂ dsi₂guia₃-tín₂:

—ǂJe₂liá'₂ i₁ɲí'₄ 'i₄ gué₄ quián'₂ 'nia'₂?

Jaun₂ ca₂ɲag₃ 'éi₂:

—Guio₃ i₁ɲí'₄ bá₄ 'i₄, quian'₅₄ gué'₂ on₃-ún₂ ju₄ pí₁.

35 Jaun₂ ca₂jmo₃ 'éi'₃ a₂tian'₃ dsa₂ 'uě₃, 36 jaun₂ ca₂ɲa'₃ ta₁guio₃ i₁ɲí'₄ quian'₅₄ i₁ju₁ ně₃, ca₂cuě'₃ ti₁'mag'₄ Diú₄. Jaun₂ ca₂dsioin₃ le₂caun₂ le₂caun₂ i₁ɲí'₄, ca₂cuě'₃ chi'₂ dsi₂guia₃-tín₂ quiáin₅, jaun₂ 'éi₂ gué₄ ně₃ ca₂dsi₃ó'₃ jin₄ dsa₂. 37 Ca₂le₃jín₃ bá₄ dsa₂ 'éi₂ ca₂gué'₃ ca₂lia'₂ ca₂'ág'₃ dsí₅. Jaun₂ ca₂cág'₃ chi'₂ dsi₂guia₃-tín₂ guio₃ tsi₁mí'₂ jmá'₃ ni₁jne₁ a₂ca₂chóng₃. 38 Dsa₂ i₂ca₂gué'₃ 'éi₂ jme₁lě₂ quén₂ mei₅ jmá'₃ dsa₂ ɲe'₂, i₂sián'₂ bá₄ dsa₂ mí₂ quian'₅₄ chi'₂ ně₃. 39 Jme₁ca₂lě₃ jaun₂, ca₂'ág'₃ Jesús jág₁ dsa₂, jaun₂ ca₂'i₃ 'ɲió'₃ tsi₁mu₅ a₂ɲó₃ jui₅ jě₄ juig₂ Magadán.*

* 15:39 o₃, Magdala, ja₁chan₂ María Magdalena.

16

Dsa₂ fariseos quian'₅₄ dsa₂ saduceos mi₂₃ ne₄ Jesús a₂jmo₃ 'éi₂ caun₂ léi₄ juë'₂

(Marcos 8:11-13; Lucas 12:54-56)

¹ Dsa₂ fariseos quian'₅₄ dsa₂ saduceos i₁lein₅₄ i₁j₁in₅₄ Jesús, ia₁ a₂'no'₂ jui₅ 'a₂ lia'₂ tiain'₃ Jesús quian'₅₄ jág₁; jaun₂ ca₂mi₃ a₂jmo₃ 'éi₂ caun₂ léi₄ a₂já₅ guei'₅₄ i₂juig₃.

² La₁ ca₂ηag₃ Jesús:

—['Nia'₂ t₁ng'₂ jág'₁ tē₂le₃ ca₂'láu₂ jme₁lin₅₄, juá'₂ 'nia'₂: “Dse₃ bá₄'ei₅ táng₃ 'ióg₃, ia₁ guéin₂ bá₄jniá₂ guei'₅₄ mi₂güig₃. ” ³ Já₃ bá₄ juá'₂ 'nia'₂ jme₁lin₅₄ jui₁lia'₂ tē₃ o₃'iog₂, “Tiá'₃ jmí₅ nē₃, ia₁ guéin₂ jniá₂ jnei₅ tio'₅₄ guei'₅₄. ” Nj'₅₄ bá₄ 'nia'₂ 'a₂ lia'₂ jua'₅₄ 'e₂ jein₅ jág₁ 'a₂ lia'₂ jniá₂ guei'₅₄, njia'₅₄ lia'₂ 'e₂ a₂tē₅ ne'₅₄ 'nia'₂ jmig₄ nē₃ bá₄, tsá₃ nj'₅₄ 'nia'₂ 'e₂ jein₅ jág₁.]* ⁴ Tsi₁jon₂ dsa₂ 'lin'₅₄ i₂tsá₃ nag₃ la₂, mi₂₃ a₂jmo₅₄ jniá₂ caun₂ léi₄ a₂o₂dsang₂. La₁ 'i₁caun₂ léi₄ siá'₂ tsá₃ 'e₂ ηe'₂ 'nia'₂, njia'₅₄ lia'₂ caun₂ léi₄ jui₁lia'₂ a₂ca₂i₃η₂ Jonás bá₄.

Jaun₂ ca₂tén₂ bá₄ Jesús dsa₂ 'éi₂, ca₂ηái'₃.

Levadura quió'₅ dsa₂ fariseos

(Marcos 8:14-21)

⁵ Jme₁ca₂'an₂ chi'₂ dsi₂guia₃-tín₂ jmi₁ηí'₄, ca₂dsáu'₃ dsi₅ tsá₃ 'e₂ i₁ηí'₄ le₁quian₅ guë'₃. ⁶ Jaun₂ ca₂juá'₂ Jesús:

—Jmo₄ 'nia'₂ 'í₁ jaun₂ tsá₃ le₃tín₂ 'nia'₂ juá'₅ a₂jme₂tag₅ dsa₂ fariseos, dsa₂ saduceos nē₃. Ia₁ juá'₅ quió'₅ lē₅ lia'₂ lē₅ jui₁ levadura.

⁷ Jaun₂ ca₂dsia₃ chi'₂ dsi₂guia₃-tín₂ jág₁ tsí'₅ riin'₅₄:

—Ia₁ tsá₃ i₁ηí'₄ le₁quian₁ bá₄ jniog₄, jaun₂ bá₄ juá'₂ le₂nē₅.

⁸ La₁ ca₂rē₃lí'₄ bá₄ Jesús 'e₂ jág₁ dsia₂₃, jaun₂ ca₂juá'₂:

—¿ 'E₂ lē₃ juá'₂ 'nia'₂ tsá₃ le₁quian₄ i₁ηí'₄? ¡ 'E₂ guë₄ ca₂juig₄ 'én'₂ 'nia'₂! ⁹ ¿ 'E₂? ¿ Tsa₁ ma₂ca₂rē₃ηí'₂ 'nia'₂? ¿ Tsa₁ ma₃dsá₂ 'au'₂ 'nia'₂ lia'₂ con'₂ ca₂dsio'₄ jniá₂ 'niá₂ i₁ηí'₄ ca₂lin₅ quió'₅ 'niá₂ mei₅ dsa₂, on₃ guë'₂ dsá₂ 'au'₂ 'nia'₂ je₂liá'₂ tsi₁mi'₂ 'nau₅₄ a₂ca₂cag'₅₄ táng₃ 'nia'₂? ¹⁰ ¿ On₃ guë'₂ dsá₂ 'au'₂ 'nia'₂ lia'₂ con'₂ ca₂dsio'₄ jniá₂ guio₃ i₁ηí'₄ ca₂lin₅ quió'₅ quén₂ mei₅ dsa₂, on₃ guë'₂ dsá₂ 'au'₂ 'nia'₂ je₂liá'₂ tsi₁mi'₂ 'nau₅₄ a₂ca₂chóng₂ a₂ca₂cag'₅₄ 'nia'₂ nē₃? ¹¹ ¿ 'A₂ bá₄ lia'₂ ηí₄ tsá₃ rē₂len'₅₄ 'nia'₂? On₃jua'₅₄ i₁ηí'₄ 'ē₅ jniá₂ jme₁nē₂juá'₃ jmo₄ 'nia'₂ 'í₁ quian'₅₄ levadura quió'₅ dsa₂ fariseos quian'₅₄ dsa₂ saduceos.

¹² Jaun₂ guë₄ ca₂ηí'₂ dsi₅ 'éi₂ a₂'ē₅ Jesús jaun₂, on₃jua'₅₄ a₂ca₂tín₂ jmo₃ 'í₁ jui₁lia'₂ jui₁ levadura a₂cón'₂ dsa₂ i₁ηí'₄, a₂ca₂tín₂ jmo₃ 'í₁ 'a₂ lia'₂ lē₅ juá'₅ a₂jme₂tag₅ dsa₂ fariseos quian'₅₄ dsa₂ saduceos bá₄.

* 16:3 A₂lin₅₄ chog₅₄ si₂ gui'₅₄ guë₄ tsá₃ chi₁ton₅ jág₁ a₂tio'₅₄ 'ηi₃ó'₃ corchetes [le₂la₂].

Ca₂juá'₂ Pe₄ lia'₂ tí₅ jág₁ dsau₅ a₂lín₅ Jesús dsa₂ I₂rě₂'ín₁ quián₅ Diú₄

(Marcos 8:27-30; Lucas 9:18-21)

¹³ Jme₁ca₂dsióg₃ Jesús ma₂quián₅ juig₂ Cesarea ja₁tén₄ Filipino, jaun₂ ca₂ñí₁'₃ chí₂ dsi₂guia₃-tín₂ quián₅:

—¿'Ein₂ lín₅ Jaun₅ dsa₂ mi₂güí₃, juá'₂ dsa₂?

¹⁴ Jaun₂ ca₂ñag₃ 'éi₂:

—I₂lín₅₄ dsa₂ juá'₂ a₂lín₅ Juan₅₄ i₂chon₅ dsa₂ jmi₂g₂; i₂sián'₂ guě'₂ juá'₂ a₂lín₅ Elías; i₂lín₅₄ guě'₂ juá'₂ táng₃ a₂lín₅ Jeremías, o₃ jan₂ i₂sián'₂ i₂já₅ 'ě₂ jág₁ quió'₅ Diú₄.

¹⁵ Jaun₂ ca₂ñag₃ Jesús:

—¿'Nia'₂ guě'₂ ně₃? ¿'E₂ juá'₂ 'nia'₂ 'ein₂ lín₅ jniá'₂?

¹⁶ Jaun₂ ca₂ñag₃ Si₂mu₅₄ Pe₄:

—'Ne₂ lín₅ dsa₂ I₂rě₂'ín₁, Ja₁ñi'₅₄ Diú₄ jén'₃.

¹⁷ Jaun₂ ca₂ñag₃ Jesús:

—'E₂ guě₄ dsen'₃ 'ne₂, Si₂mu₅₄, ja₁ñi'₅₄ Jonás, ia₁ 'i₁jan₂ dsa₂ mi₂güí₃ tsá₃ nē₂jme₃jnia₅ ne'₅₄ a₂ně₅, jñia'₅₄ lia'₂ Ne'₃ jniá₂ i₂guá₅ i₂juí₃ bá₄. ¹⁸ Jaun₂ juá'₅ jniá₂ juí₂ 'ne₂, a₂ma₂cheng'₂ Pedro,† jaun₂ ne₄ ni₁'lau₂ la₂† jmóg'₄ jniá₂ guá'₅ quió₃, jaun₂ ca₂lia'₂ jñia'₅₄ i₂'io₅ bí₂ 'mú₃ tsá₃ le₃qui'₅₄ jmi₂g₄ jua'₅₄ a₂tió'₃ quiong'₅₄ quian'₅₄ mai₅₄ quió'₅. ¹⁹ Jaun₂ o₄gog'₂ 'ne₂ dsia₅₄ jniá₂ jág₁ dse₃ quió₃ a₂lě₅ co₂'nió'₄ ñí₁ llave a₂niá₃ ja₁dsi₃tion'₅₄ dsa₂ ja₁gon₂ Diú₄. Ca₂le₃jě₃ 'e₂ a₂tsá₃ cuě'₂ 'ne₂ jmi₂g₄ ne₄ gua'₅₄ 'uě₃ la₂ lia'₂ con'₂ lě₅ jág₁ quió₃, ján₃ bá₄ le₂jaun₂ tsá₃ lé₂ guei'₅₄ i₂juí₃; ján₃ bá₄ le₂jaun₂ jui₁lia'₂ a₂cuě'₂ 'ne₂ jmi₂g₄ gua'₅₄ 'uě₃ la₂ lia'₂ con'₂ lě₅ jág₁ quió₃, a₂jaun₂ bá₄ lé₂ guei'₅₄ i₂juí₃ ján₃.

²⁰ Jaun₂ ca₂tsí'₃ chí₂ dsi₂guia₃-tín₂ quián₅ a₂tsá₃ 'ein₂ tsí'₃ 'i₁jan₂ a₂lín₅ I₂rě₂'ín₁ quián₅ Diú₄.

Ca₂'ě₂ Jesús jág₁ a₂jóin₂

(Marcos 8:31--9:1; Lucas 9:22-27)

²¹ Tě₂le₃ ne₄ jui₅ ja₁ñó₄ jaun₂, ca₂jme₃lióg₃ Jesús ca₂'ě₂ jág₁ ca₂tsí'₃ chí₂ dsi₂guia₃-tín₂ quián₅, a₂tion₅₄ dsó₃ jui₅ Jerusalén, ja₁dsi₃ñí₂ 'lióng₂ ne₅₄ jmi₁ui₅ a₂jmóg'₂ dsa₂ can'₅₄ quián₅ guá'₅, quian'₅₄ juig₅₄ jme₂dsa₂, tě₅juá'₅ ně₃. Jaun₂ ca₂juá'₂ a₂jñag'₃ dsa₂, la₁ a₂'ni₅ jmi₂g₄ jaun₂, jein'₅₄ bá₄ táng₃.

²² Jaun₂ Pe₄ ně₃ ca₂jio₃ le₃cau₅, jaun₂ ca₂jme₃lióg₃ a₂tě₂néi'₂ a₂jme₁jnéi₂ jui₅, ca₂juá'₂:

—iTsá₃ o₁le₅₄ le₂ně₅, Te₁gui'₅₄! iO₁líg'₂ bá₄ tsá₃ jui₁dsi₂ñí'₂ 'ne₂ le₂ně₅!

²³ La₁ Jesús ně₃, ca₂jéin'₃ le₂ca'₃, jaun₂ ca₂juá'₂ ca₂tsí'₃ Pe₄:

† 16:18 griego: Petros, co₂'nió'₄ le₃jua'₅₄ ni₁cang₁. † 16:18 'Nio'₂ ja₁ton₅ 1 Pedro 2:7.

—[ŋiag'₃ cau₅ quió₃, Satanás! ŋia'₅₄ jni'₂ bá₄ 'ne₂ jui₅ quió₃, ia₁ tsá₃ le₂jaun₂ dsi₂jio₅ 'au'₂ jui₁lia'₂ dsi₂jio₅ dsi₅ Diú₄. Ia₁ lia'₂ dsi₂jio₅ dsi₅ dsa₂ mi₂güig₃ bá₄ dsi₂jio₅ 'au'₂.

²⁴ Jaun₂ ca₂juá'₂ Jesús ca₂tsí'₃ ca₂le₃jín₃ chi'₂ dsi₂guia₃-tín₂ quiáin₅:

—Chi₂jua'₂ 'ein₂ 'nio₃ 'éin₃ jniá₂, co₂dsia₅ jui₁dsi₂'én₂ dsi₅ guioin₅₄, jui₁jmo₁₂ co₂ŋiai₅₄ a₂jóin₂,^S jui₁jia₂ chi₁co'₅₄ quió₃.
²⁵ Ia₁ jui₁'ein₂ guě₃ i₂tsá₃ 'nio₃ jón₂ ia₁ a₂'ín₅ dsi₅ le₃chain₂ dse₃ mi₂güig₃ la₂, dsi₂'én₂ quió'₅. La₁ jui₁'ein₂ guě₃ i₂tén'₂ dsi₅ gue₃ 'mú₃ 'uig₅₄ quió₃ jniá₂, le₃chain₂ dse₃ mi₂güig₃ caun₂.
²⁶ Ia₁, ħ'e₂ bá₄ ta₁ jmo₃ a₂lí'₂ dsa₂ 'ŋio₅ lín₃ ne₄ gua'₅₄ 'uě₃ la₂, ně₁jua'₂ dsi₃'én₂ bá₄ guě'₂ jme₂dsi₂ quió'₅ mi₂güig₃ caun₂? ħO₃ je₂liá'₂ lé₂ le₃quí₃ dsa₂ 'lia'₅₄ ia₁jaun₂ tén'₄ jme₂dsi₂ quió'₅?
²⁷ Ia₁ Jaun₅ dsa₂ mi₂güig₃ jnió'₂ quian'₅₄ jui₅bí₂ jlá'₁ quió'₅ Jmei₂, quian'₅₄ ángeles quiáin₅, ja₃quí₅ 'lian'₅₄ dsa₂ 'a₂ con'₂ ŋia'₅₄ niog₅ ca₂jmo₃.
²⁸ A₂dsi₂jó'₃ juá'₅ jniá₂ juig₂ 'nia'₂, chan₂ i₂lín₅₄ jui₁lia'₂ i₂tion'₅₄ ja₁lá₃ tsá₃ dsián₃ ca₂lia'₂ ca₂tě₂ ne₅₄ jín₂ Jaun₅ dsa₂ mi₂güig₃ a₂jnió'₂ lín₅ rag₅₄ a₂qui₃dsi₂₃ 'éi'₃.

17

*Ca₂rě₃tsín₃ 'a₂ lia'₂ jniá₂ Jesús
(Marcos 9:2-13; Lucas 9:28-36)*

¹ Jnéi₂ jmig₄ cang₂ jaun₂, ca₂jnia₃ Jesús Pe₄, Jacobo,^{*} quian'₅₄ Juan₅₄ rin'₅₄ Jacobo ně₃, ca₂i₃lén₂ con'₂ guioin₅₄ caun₂ má'₂ ŋei₅.
² Ja₁jaun₂ ca₂rě₃tsín₃ 'a₂ lia'₂ jniá₂ Jesús tē₃ jág₅ 'éi₂. Ne₄ Jesús ca₂jnia₃ tág₅ jui₁lia'₂ jniá₂ 'iog₂; tsin'₅₄ guě'₂ ně₃ ca₂jnia₃ tiog₂ jau₂ ca₂lia'₂ tág₅ lín₃.
³ Jaun₂ dsi₂jui₅ jaun₂ ca₂jnia₃ Moisés quian'₅₄ Elías, tióin₂ dsia₂₃ jág₁ quian'₅₄ Jesús.
⁴ Jaun₂ ca₂juá'₂ Pe₄ ca₂tsí'₃ Jesús:

—Te₁gui'₅₄, ħ'e₂ guě₄ dse₃ lia'₂ tio'₅₄ jniog₄ ja₁lá₃! Chi₂jua'₂ niog'₂, jmo₅₄ jniá₂ 'ni₅ tsi₁'io₅ láu₃: caun₂ quiáng'₂, caun₂ quió'₅ Moisés, caun₂ guě'₂ quió'₅ Elías ně₃.

⁵ Tě₃jě₄ dsia₅ Pe₄ jág₁ jaun₂, ca₂lioin₂ caun₂ jnei₅ tág₅; jaun₂ jě₄ jnei₅ jaun₂ ca₂ně'₂ jág₁ a₂juá'₂:

—I₂la₂ bá₄ jón₃ quiáng₃, i₂ŋí₄ lě₃ 'nióg₃ guě₄ lín₃. 'E₂ bá₄ 'ŋio₂ dsi₃ quian'₅₄. Nei₂ 'nia'₂ jág₁ quió'₅.

⁶ Jme₁ca₂nág₂ chi'₂ dsi₂guia₃-tín₂ jág₁ jaun₂, ca₂rě₃gó'₅ ca₂le₃jě₃ ca₂i₃gain'₅₄ 'uě₃ le₁'éin₂,
⁷ Jaun₂ ca₂guán'₃ táng₃ Jesús cau₅ quió'₅, ca₂jŋau'₃, jaun₂ ca₂juá'₂:

—Nau₂ 'nia'₂; Tsá₃ lě₁jmo₂ 'nia'₂ gang'₃.

^S 16:24 lit. “jui₁quian₅₄ cróg₄ quió'₅.” ^{*} 17:1 ján₃ bá₄ chein₂ Santiago.

⁸ Jaun₂ jme₁ca₂jág₃ táng₃, tsá₃ ma₂'ein₂ i₂sián'₂ ca₂jín₂; jñia'₅₄ lia'₂ 'ñiog₅ bá₄ Jesús ma₂chéin'₅.

⁹ Jme₁ja₂lein₃ sióin₅ táng₃ má'₂ jaun₂, ca₂jmo₃ Jesús 'éi'₃, ca₂juá'₂:

—Tsá₃ 'ein₂ juig'₅₄ 'nia'₂ a₂ně₂jag'₅₄ 'nia'₂ ně₅, ca₂lia'₂ ca₂tě₂ jmig₄ jě₁ma₂ca₂jen'₅₄ táng₃ Jaun₅ dsa₂ mi₂güig₃ ne₄ 'mú₃.

¹⁰ Jaun₂ ca₂ñag₃ chi'₂ dsi₂guia₃-tín₂ ca₂ñí'₃ Jesús:

—Chi₂jua'₂ le₂ně₅, ħ'E₂ lě₃ juá'₂ tě₅juá'₅, Elías bá₄ i₂jia₃ le₂'uig₅₄?

¹¹ Jaun₂ ca₂ñag₃ Jesús:

—Dsón'₂ Elías bá₄ jia₃ le₂'uig₅₄, jaun₂ 'éi₂ bá₄ jme₃rě₃ ca₂le₃jě₃.

¹² La₁ juá'₅ jniá₂, i₂ma₂guan₅ bá₄ Elías, la₁ tsá₃ 'ein₂ ca₂rě₃cuig₅. Jaun₂ qui₂ca₂j móg'₂ dsa₂ lia'₂ lě₂ dsí₅ ca₂le₃jě₃ guě₄ 'a₂ lia'₂ 'nio₃ jmóg'₂. Ján₃ bá₄ le₂ně₅, Jaun₅ dsa₂ mi₂güig₃ dsi₃ñí₂ uig₅ o₄gú₃ dsa₂ 'éi₂.

¹³ Jaun₂ guě₄ ca₂rě₃lí₄ chi'₂ dsi₂guia₃-tín₂, Juan₅₄ i₂ca₂chon₃ dsa₂ jmig₂ bá₄ 'in₅ Jesús, a₂juá'₂ le₂jaun₂.

Ca₂jme₃'lión₂ Jesús jan₂ chi'₂ i₂'en₅₄ jme₂dsí₂ 'lín'₅₄ dsí₅
(Marcos 9:14-29; Lucas 9:37-43)

¹⁴ Jme₁ca₂dsi₃lein₃ ja₁tion'₅₄ dsa₂ juin₅, jaun₂ ca₂jme₃quián₃ jan₂ dsa₂ ja₁chén'₄ Jesús, jaun₂ ca₂chi₃jné₃ ne₅₄, jaun₂ ca₂juá'₂:

¹⁵ —Te₁gui'₅₄, dsia₄ ñéi₂ 'au'₂ chi'₂ quiáng₃, 'ñio₅ lín₃ ñág₅ uig₅ lín₅ dso₄ 'ei₂; 'lióng₂ ráun₂ ma₂ca₂táin'₂ dsi₂si₂, dsi₂jmig₂ ně₃. ¹⁶ Ma₂i₁jñia₅₄ jniá₂ ne₄ chi'₂ dsi₂guia₃-tín₂ quiáng'₂, la₁ tsá₃ ca₂tió'₃ jme₃'lió₂.

¹⁷ Jaun₂ ca₂ñag₃ Jesús:

—i'En₁ jmá'₃ tsá₃ 'e₂ 'én'₂ 'nia'₂! ħJe₂liá'₂ jmig₄ jmá'₃ 'nió'₅ 'ú₄ quian'₅₄ 'nia'₂? ħJe₂liá'₂ jmig₄ jmá'₃ 'nió'₅ jmo₅₄ tió'₅ dsi₃ quian'₅₄ 'nia'₂? I₂jñia₅ chi'₂ ja₁lá₃.

¹⁸ Jaun₂ ca₂jí₂ Jesús ca₂jéin₂ je₂na'₅₄. Jaun₂ ca₂o₃'íin₃ tě₂dsí₅ chi'₂ 'éi₂, jaun₂ guě₄ ně₃ ca₂'lóin₂ dsi₂jui₅ le₂jaun₂.

¹⁹ Jme₁co₂lág₂ jaun₂ ca₂dsia₃ chi'₂ dsi₂guia₃-tín₂ jág₁ quian'₅₄ Jesús jě₄ con'₂ guioin₅₄, jaun₂ ca₂ñí'₃ 'éi₂:

—ħ'E₂ 'uig₅₄ tsá₃ ca₂tián₃ jñia'₅₄ dsén₄ i₂'lín'₅₄?

²⁰ Jaun₂ ca₂ñag₃ Jesús:

—Ne₄ ia₁ a₂ñí₄ lě₃ ca₂juig₄ 'én'₂ bá₄ 'nia'₂. A₂dsi₂jó'₃ juá'₅ jniá₂, jua'₅₄ mei'₂ guě₃ 'én'₂ 'nia'₂, tsá₃ a₂ñag₅₄ o₁jñia'₅₄ con'₂ tí₅ ca₂míg₂ mi₂jon₂ mostaza,† lě₂ le₃jme₁juig'₅₄ 'nia'₂ jui₁lia'₂ má'₂ ó₃. “Jñiag'₃ ja₁ně₅, gua₂ tě₂le₃ ca₂taun₂”; má'₂ jaun₂ ně₃ jñiog'₃

† 17:20 mostaza: On₃jua'₅₄ mi₁ján'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ bá₄ jaun₂ a₂tě'₂ tě₅sí₃ Brassica nigra.

ja₁'è₂ 'nia'₂. 'I₁caun₂ tsá₃ 'e₂ cha₂ jua'₅₄ a₂tsá₃ lé₂ le₃jmó'₂ 'nia'₂ jua'₅₄ mei'₂ guě₃ le₂jaun₂.†

Ca₂'ě₂ táng₃ Jesús jág₁ a₂jóin₂

(Marcos 9:30-32; Lucas 9:43-45)

22 Tē₁lia'₂ i₂nioi₅₄ co₂lě₅ le₂con₂ ja₁tén₄ 'uě₃ Galilea, jaun₂ ca₂juá'₂ táng₃ Jesús a₂jáng'₂ dsa₂ jíin'₂ Jaun₅ dsa₂ mi₂güig₃ o₄gú₃ dsa₂ mi₂güig₃. 23 Jaun₂ jñag'₃ dsa₂, la₁ a₂'ni₅ jmig₄ jaun₂, jein'₅₄ bá₄ táng₃. Ca₂tá'₂ 'lia'₂ bá₄ dsí₅ chi'₂ dsí₂guia₃-tín₂ jme₁ca₂nág₂ jág₁ jaun₂.

Ca₂quí₃ 'lia'₅₄ ja₁con₂ dsi₂tan₅₄ quián₅ guá'₅

24 Jme₁ca₂dsióg₃ Jesús juig₂ Capernaum quiaín'₅₄ chi'₂ dsi₂guia₃-tín₂, jaun₂ ca₂o₃lén₂ dsa₂ i₂cág'₅ jma₃tín₃ 'éi'₃ cu₄ dracma a₂'nió'₅ quió'₅ guá'₅ templo, jaun₂ dsa₂ 'éi₂ ca₂jme₃quiaín₃ con₂ Pe₄, ca₂ñag₃:

—¿Tsa₁ qui₅ tē₅ quián'₂ 'nia'₂ 'lia'₅₄ quió'₅ guá'₅?

25 Jaun₂ ca₂ñag₃ Pe₄:

—Ján₅. Qui₅ bá₄.

Jme₁ca₂'i₃ Pe₄ dsi₂néi₂, jaun₂ 'ñiog₅ Jesús de'₂ jñiá₅ ca₂juá'₂ ca₂tsí'₃ Pe₄:

—¿'A₂ lia'₂ lín'₂ 'ne₂, Si₂mu₅₄? Jui₁lia'₂ jan₂ rag₅₄ dsa₂ mi₂güig₃, ¿'Ein₂ quió'₅ mi₂₃ 'lia'₅₄? ¿Quió'₅ dsa₂ go₅₄, o₃ quió'₅ jmá'₃ dsi₂nau₂ 'e₂?

26 Jaun₂ ca₂ñag₃ Pe₄:

—Quió'₅ dsi₂nau₂ bá₄.

Jaun₂ ca₂juá'₂ táng₃ Jesús ca₂tsí'₃ 'éi₂:

—Tsá₃ ca₂tín₂ dsa₂ go₅₄ qui₃ jaun₂ ně₃. 27 La₁, jaun₂ tsá₃ tñin₃ 'lig'₅₄, gua₂ o₂'éi₂ mi₂cu₄ dsi₂jmig₂, O₂dsen₅₄ i₁ju₁ i₂nág'₃ le₂'uig'₅₄ mi₂cu₄. Mi₂'o₄ i₁ju₁ 'éi₂, dsiang'₂ caun₂ cu₄ 'ua'₂. A₂jaun₂ qui'₅₄ quián₂ jniog₄ le₃ó₃.

18

'Ein₂ lín₅ i₂dsen₅₄ guě₄ ja₁gon₂ Diú₄

(Marcos 9:33-37; Lucas 9:46-48)

1 Ján₃ bá₄ jmig₄ jaun₂ táng₃ ca₂jme₃quián₃ chi'₂ dsi₂guia₃-tín₂ con₂ Jesús jaun₂ ca₂ñag₃:

—¿'Ein₂ lín₅ i₂dsen₅₄ guě₄ guei'₅₄ i₂juig₃ ja₁gon₂ Diú₄?

2 Jaun₂ ca₂tě'₃ Jesús jan₂ i₂bě'₅₄, jaun₂ ca₂chei'₃ dsi₂jo₂ ja₁tián'₄, 3 jaun₂ ca₂juá'₂:

—A₂dsi₂jó'₃ juig₂ jniá₂ 'nia'₂, ně₁jua'₂ tsá₃ ca₂jme₁tsín'₄ 'nia'₂ 'au'₂, a₂lég'₂ lia'₂ lín₅ jan₂ i₂bě'₅₄, o₁líg'₂ jmig₄ tsá₃ lé₂ le₃dsi₁no'₃

† 17:20 A₂lín₅₄ chog₅₄ si₂ chi₁ton₅ versículo 21 bá₄ ján₃, a₂juá'₂ le₂la₂: “La₁ jui₁lia'₂ i₂lín'₅₄ le₂ně₃, tsá₃ o₂'iñ₅ ně₁jua'₂ tsá₃ chi₂lén'₂ dsa₂ Diú₄ a₂jme₂'iñ₅₄.”

'nia'₂ guei'₅₄ i₂juíg₃. ⁴ Jaun₂ ně₃, i₂'éi₂ bá₄ i₂lén₂ i₂dsen₅₄ guě₄ guei'₅₄ i₂juíg₃ jui₁lia'₂ i₂jmo₅ me'₂ lia'₂ lín₅ chi'₂ bē'₅₄ la₂. ⁵ Con'₂ siá'₂ táng₃, jui₁lia'₂ dsa₂ i₂guen₅ jan₂ guein₂ o₄quió₃ jniá₂ jui₁lia'₂ i₂la₂, jniá₂ bá₄ guei₂₃.

A₂go'₂ tsi₃sén'₂ dsa₂ dso₄

(Marcos 9:42-48; Lucas 17:1-2)

⁶ 'Jui₁'ein₂ guě₃ i₂jmo₅ tsi₂sén'₂ jui₁lia'₂ chi'₂ bē'₅₄ i₂le₂la₂ i₂'én₂ tē₂le₃ quió₃ jniá₂, ja₂lin₃ guě₄ co₂nei'₅₄ dse₃ tón₂ dsa₂ ne₄ jmi₁ñí'₄ rē₂quein₅ ca₂míg₂ ni₁to₂ dsi₂lag₅₄. ⁷ 'E₂ guě₄ juíg₂ dsa₂ mi₂güig₃ ia₁ tsá₃ caun₂ a₂ja₂lé₂ ja₁coin₂ a₂jmo₅ a₂tsi₂sén'₂! La₁ le₂jaun₂ dsón'₂ dsi₃ñi₂ bá₄, la₁ 'e₂ guě₄ juíg₂ jui₁lia'₂ dsa₂ i₂ton'₂ jág₁ rin'₅₄ jaun₂ jén'₃ dsí₅ 'éi₂ a₂'no₃ dso₄.

⁸ 'Uig₅₄ jaun₂, chi₂jua'₂ mi₂gog'₂ o₃ mi₂tag'₅₄ 'e₂, jmo₅ a₂tang'₂ dso₄, co₂dsia₅ dse₃ 'nia₄, tiong₂ uíng₂; ia₁ ja₂lin₃ guě₄ dse₃ a₂dsiáng'₄ ja₁le₃chang'₂ co₂tan₅₄ a₂rē₂'liáng'₃, con'₂ guě₄ a₂jme₁o₁'ú'₃ a₂rē₂'ñia₅ gog'₂-tag'₅₄ dsi₂si₂ ja₁tsá₃ ton₅ jmi₂g₄ éi₃. ⁹ Nē₂jua'₂ mi₂ne'₅₄ jmo₅ a₂tang'₂ dso₄, dsi₄ ján₃, tiong₂ uíng₂: ia₁ ja₂lin₃ guě₄ dse₃ a₂dsiáng'₄ ja₁le₃chang'₂ co₂tan₅₄ a₂teng'₅₄ ca₂míg₂ mi₂ne'₅₄, lia'₂ con'₂ guě₄ a₂jme₁gog'₅₄ a₂rē₂'ñia₅ ta₁tin₃ mīg₂ mi₂ne'₅₄ dsi₂si₂ guio₃-juíg₃.

Jág₁ a₂jáng'₅ léi₄ ju₁lia'₂ jan₂ já'₂ cha'₂ i₂ca₂i₃cón'₅

(Lucas 15:3-7)

¹⁰ 'Tsá₃ jmo₂ 'nia'₂ jua'₅₄ a₂tsá₃ jen'₅₄ jui₁lia'₂ jan₂ chi'₂ bē'₅₄ le₂la₂. Ia₁ juíg₂ jniá₂ 'nia'₂, ia₁ ángeles i₂jmo₅ 'í₁ quiáin₅ co₂tan₅₄ bá₄ jñin₂ Ne'₃ i₂guá₅ guei'₅₄ i₂juíg₃.*

¹² '¿'A₂ lia'₂ lín'₂ 'nia'₂? Jua'₅₄ mei'₂ guě₃ jan₂ dsa₂ 'ñio₅ caun₂ 'ñiá₂-lón₂ já'₂ cha'₂, nē₁jua'₂ ca₂i₃cón'₅ jan₂, ¿tsa₁ ja₁jaun₂ chein'₂ ne₄ dsi₂con'₂ i₂quéin'₂ co₂ne₂guión₂ rē₂dsí₂ guia₃-né₂ (99) con'₂ i₂te₂ 'éi₂, jaun₂ dsó₅ táng₃ dsi₂'niai'₂ i₂tsá₃ chan₂ 'éi₂? ¹³ Jē₁ma₂ca₂dsáu'₂ ně₃, a₂dsi₂jó'₃ juá'₅ jniá₂, 'ñio₅ lín₃ guě₄ 'io'₂ jmo₂₃ o₄quió'₄ i₂jan₂ 'éi₂ con'₂ guě₄ i₂quéin'₂ co₂ne₂guióg₂ rē₂dsí₂ guia₃-né₂ i₂tsá₃ i₂cón'₅. ¹⁴ Le₂nē₅ bá₄ ján₃, Néi'₅ 'nia'₂ i₂guá₅ guei'₅₄ i₂juíg₃ tsá₃ 'nio₃ jua'₅₄ dsi₃cón'₅ ca₂lia'₂ 'i₁jan₂ i₂lín₅ guein₂ bē'₅₄ jui₁lia'₂ i₂la₂.

'A₂ lia'₂ 'nió'₅ 'én₂ dsa₂ dsáu₁ rin'₅₄

(Lucas 17:3)

¹⁵ 'Chi₂jua'₂ 'e₂ caun₂ a₂ca₂jmo₂g'₂ jan₂ ríng'₂, dsia₄ de'₂ 'nia'₂ jág₁ ja₁con'₂ guiong'₅₄, ja₁jaun₂ jme₁jniag'₂ ne₅₄ 'e₂ a₂ca₂jmo₂g'₂. Nē₁jua'₂ ca₂tón'₃ jui₅ jág₁ quiáng'₂, ja₁jaun₂ ca₂dsan₃ bá₄ mī'₅₄, ca₂lē₃ bá₄ táng₃ ríng'₂ quiain'₅₄. ¹⁶ La₁ nē₁jua'₂ tsá₃ ca₂tón'₃ jui₅

* **18:10** A₂lin₅₄ chog₅₄ si₂ chi₁ton₅ versículo 11 a₂juá'₂ le₂la₂: "Ta₁ jaun₂ bá₄ já₅ Jaun₅ dsa₂ mi₂güig₃, a₂ja₂'niai'₂ dsa₂ i₂ma₂i₂cón'₅."

jág₁ quiáng'₂ ně₃, te'₂ on₃-ún₂ dsa₂ sián'₂ ia₁jaun₂ “ca₂le₃jě₃ 'e₂ niog₅ lé₂jióg'₂ 'í₁ quian'₅₄ on₃-ún₂ dsa₂ i₂jáng'₃ jág₁ dsau₅, ně₁jua'₂ tí₅ jág₁ jaun₂.”† 17 Nē₁jua'₂ tsá₃ ca₂tón'₃ jui₅ jág₁ quió'₅ dsa₂ 'éi₂, chei'₅₄ guá'₅; ně₁jua'₂ tsá₃ ca₂tón'₃ jui₅ on₃ guè'₂ jág₁ quió'₅ guá'₅ ně₃, tē₂le₃ ja₁ŋó₄ jaun₂, jmo₄ 'au'₂ jīn'₅₄ lia'₂ ja₁jīng'₄ jan₂ dsi₂naun₂, o₃ jui₁lia'₂ jan₂ i₂cág'₅ cu₄ a₂ca₂tīn₂ dsi₂tan₅₄ 'e₂.

18 'A₂dsi₂jó'₃ juíg₂ jniá₂ 'nia'₂, ca₂le₃jě₃ 'e₂ a₂tsá₃ cuè'₂ 'nia'₂ jmig₄ ne₄ gua'₅₄ 'uē₃ la₂, lia'₂ con'₂ lě₅ jág₁ quió₃, ján₃ bá₄ tsá₃ lé₂ guei'₅₄ i₂juíg₃; ján₃ bá₄ le₂jaun₂ jui₁lia'₂ a₂cuè'₂ 'nia'₂ jmig₄ ne₄ gua'₅₄ 'uē₃ la₂, lia'₂ con'₂ lě₅ jág₁ quió₃, a₂jaun₂ bá₄ lé₂ guei'₅₄ i₂juíg₃.

19 'Ján₃ bá₄ juá'₅ jniá₂, ně₁jua'₂ on₃ 'nia'₂ jmo'₂ caun₂ jág₁ ne₄ gua'₅₄ 'uē₃ la₂, a₂mí'₁ 'nia'₂ 'e₂ a₂'niog'₂ mí'₁, cuē₃ bá₄ Ne'₃ jniá₂ i₂guá₅ guei'₅₄ i₂juíg₃. 20 Ia₁ jē₁le₁ŋi'₂ on₃-ún₂ o₄quió₃ jniá₂, jē₄ jaun₂ bá₄ 'eng₅₄.

21 Jaun₂ Pe₄ ně₃ ca₂ŋag₃:

—Te₁gui'₅₄, ¿con'₂ je₂liá'₂ ráun₂ 'nió'₅ 'én₄ jniá₂ dsáu₁ rīng'₃ ně₁jua'₂ 'e₂ caun₂ a₂ca₂j móg'₂? ¿'A₂ lia'₂? ¿Guió₃ ráun₂?

22 Jaun₂ ca₂ŋag₃ Jesús:

—Ma₁ tsá₃ juá'₅ jniá₂ jñia'₅₄ guio₃ ráun₂. Ta₁'nag'₂ co₂ne₂guióg₂ rē₂dsí₂ guia₃ ráun₂ a₂jma₃guio₃ (70 X 7 = 490)‡ bá₄ juá'₅ jniá₂.

Jág₁ a₂jáng'₅ léi₄ ju₁lia'₂ jan₂ dsa₂ i₂tsá₃ ca₂'én₂ dsáu₁ rīn'₅₄

23 'Ui₅₄ jaun₂, lě₅ guei'₅₄ i₂juíg₃ jui₁lia'₂ lín₅ jan₂ rag₅₄ i₂ca₂mág₃ cuentas quió'₅ ca₂le₃jín₃ dsa₂ i₂jme₂tí₃ ta₁ ne₅₄.

24 Jaun₂ jme₁ma₂jme₂lióg₃ chein'₂ cuentas, jme₁ca₂dsi₃lén₂ dsa₂ le₁jñiai₂₃ jan₂ dsa₂ i₂rīn₅ guia₃ mei₅ talentos. 25 La₁, ia₁ tsá₃ 'e₂ cha₂ quian'₅₄ a₂quí₃, jaun₂ ca₂jmo₃ rag₅₄ 'éi'₃ a₂dsi₃'ni₄ dsa₂ 'éi₂ lia'₂ jma₃quian'₅₄ 'io₅₄ quiáin₅, chi'₂ quiáin₅ ně₃, ca₂le₃jě₃ 'e₂ a₂jme₁cha₂ quió'₅ ně₃, ia₁jaun₂ le₂jaun₂ jme₁dsian₅ a₂rīn₂. 26 La₁ dsa₂ 'éi₂ ně₃, ca₂já₃ ca₂chi₃jné₃ ne₄ rag₅₄ juig₅₄, jaun₂ ca₂mi₃ tion₅₄ ca₂juá'₂: “Gui'₅₄ quiáng₃, jmo₄ juin'₂ 'au'₂ quian'₅₄ jniá₂, a₂quí₄ bá₄ jniá₂ quiáng'₂, ca₂le₃jě₃.” 27 Jaun₂ juig₅₄ ně₃ ca₂dsia₃ bá₄ ŋéi₂ dsí₅ ja₁coin₂, jaun₂ ca₂'éin₂ bá₄ ca₂le₃jě₃ a₂jme₁rīn₂, jaun₂ ca₂lió₂ bá₄.

28 'La₁ dsi₂jui₅ jme₁o₂'iīn₃ jaun₂ ně₃, ca₂jein'₂ jan₂ dsa₂ i₂jme₂tí₃ rīn'₅₄ i₂rīn₂ caun₂ 'ñiá₂-láu₂ cu₄ denarios quió'₅. Jaun₂ ca₂tīn₂ dsi₂lag₄ rīn'₅₄, ca₂gūi'₃ tiá₂, ca₂juá'₂: “¡Qui₄ a₂rīng'₂ quió₃!” 29 Jaun₂ rīn'₅₄ 'éi₂ ně₃ ca₂chi₃jné₃ ne₅₄, jaun₂ ca₂mi₃ tion₅₄ ca₂juá'₂: “Jmo₄ juin'₂ 'au'₂ quian'₅₄ jniá₂, a₂quí₄ bá₄ jniá₂

† 18:16 Deuteronomio 19:15.

‡ 18:22 o₃, “ta₁'nag'₂ co₂ne₂guióg₂ rē₂dsí₂ guia₃-guio₃ (77) ráun₂.”

quiáng'₂, ca₂le₃jě₃.” ³⁰ La₁ i₂jan₂ ně₃ tsá₃ ca₂gue₃, jaun₂ jui₅ 'né₅ 'má₃ bá₄ ca₂i₁tio'₂. Ca₂lia'₂ jaun₂ ca₂'mag'₂ dsí₅ ca₂lia'₂ ca₂quí₃ riin'₅₄ ca₂le₃jě₃. ³¹ Jaun₂ jme₁ca₂jág₃ riin'₅₄ i₂jme₂ti₃ ta₁ sián'₂, ca₂tá'₂ 'lia'₂ dsí₅, jaun₂ ca₂i₁con₂ jág₁ ne₄ juig₅₄ ca₂i₁jua'₄ ca₂le₃jě₃ a₂ca₂lě₃ jaun₂. ³² Jaun₂ ca₂jmo₃ juig₅₄ 'éi'₃ ca₂i₁quiong₅₄ táng₃ dsa₂, jaun₂ ca₂tě₃ juig₅₄ dsi₂néi₂ quió'₅, jaun₂ ca₂juá'₂: “Ne₂ i₂jme₂ti₃ ta₁ ne₃, i'e₂ guě₄ 'ŋio₅ 'lin'₅₄ 'ne₂ ca₂'uíng'₂! Jua'₂ ně₂'én₃ bá₄ jniá₂ ca₂le₃jě₃ a₂jme₁ring'₂ quió₃, ia₁ ně₂mi'₅₄ tion₅₄-jan₃. ³³ ¿Tsa₁ dse₃ jua'₅₄ le₂jaun₂ bá₄ ně₂dsia'₅₄ néi₂ 'au'₂ ríng'₂, jui₁lia'₂ ně₂dsia₃ jniá₂ néi₂ dsi₃ 'ŋiag'₂?” ³⁴ Tě₃ ma₂'ne₂ jaun₂ juig₅₄, ca₂jíin'₂ dsa₂ 'éi₂ o₄gú₃ dsa₂ i₂niog₅ ne₄ 'né₅ 'má₃, ca₂jmo₃ ca₂lia'₂ ca₂quí₃ jě₂ a₂jme₁riin₂.

³⁵ Jaun₂ ca₂juá'₂ Jesús guě₄ ně₃:

—Ján₃ bá₄ le₂ně₅ jmo₃ Ne'₃ jniá₂ i₂guá₅ guei'₅₄ i₂juíg₃ quian'₅₄ 'nia'₂ le₂jang'₂ le₂jang'₂ ně₁jua'₂ tsá₃ ca₂'én'₃ 'nia'₂ ca₂le₃jě₃ 'au'₂ dsáu₁ ríng'₂.

19

*Jme₂tag₅ Jesús jui₁lia'₂ 'a₂ lia'₂ lě₃ a₂tén₂ dsa₂ dsi₂i₂gu₂
(Marcos 10:1-12; Lucas 16:18)*

¹ Jme₁ca₂dsan₃ juá'₂ Jesús jág₁ ně₅, jaun₂ ca₂o₃'iin₃ 'uě₃ Galilea, jaun₂ ca₂dsióg₃ tě₂le₃ quióng₄ Cuá₃ Jordán. ² Juin₅ lin₃ dsa₂ ca₂jme₃quiong'₅₄, jaun₂ ca₂jme₃'lióin₂ dsa₂ i₂qui₂le₁dso'₅₄.

³ Jaun₂ ně₃, i₂lin₅₄ dsa₂ fariseos ca₂jme₃quiáin₃ con₂ Jesús a₂jŋia'₅₄ con'₂ cáun₂ táu₂. Jaun₂ ca₂ŋag₃:

—¿'I₄ 'éi'₃ a₂tén₂ dsa₂ dsi₂i₂gu₂ ne₄ 'uig₅₄ ně₁'e₂ caun₂ a₂lě₃?

⁴ Jaun₂ ca₂ŋag₃ Jesús:

—¿Tsa₁ ma₂ca₂'i'₂ 'nia'₂ ne₄ Si₂, ja₁juá'₂ i₂ca₂jmo'₂ dsa₂ mi₂güig₃ le₂ne₁: “Ca₂jmo'₂ dsa₂ ŋe'₂ dsa₂ mí₂ ně₃”?* ⁵ Ca₂juá'₂ ně₃: “Uig₅₄ jaun₂ ca₂tín₂ dsa₂ ŋe'₂ téin₂ chog₅₄-jmei₂ jaun₂ con'₂ tiain'₃ quiaín'₅₄ dsi₂i₂gu₂, jaun₂ jě₂le₃oin₃ léin₂ caun₂ bá₄ ni₁ŋí₅.”†

⁶ Jaun₂ dsióg₄ léin₂ jan₂ bá₄, tsá₃ ma₃lě₂ oin₃. Jaun₂ tsá₃ 'i₄ 'éi'₃ jua'₅₄ jmo₃ dsa₂ mi₂güig₃ jma₃quén₅ a₂ma₂ca₂dsia₃ Diú₄ rě₂.

⁷ Jaun₂ ca₂ŋag₃ táng₃ dsa₂ fariseos:

—¿'E₂ guě'₂ lě₃ ně₃ ca₂jmo₃ Moisés 'éi'₃ a₂lě₂ le₃jmo₃ dsa₂ ŋe'₂ caun₂ si₂ tě₃ron₅₄ cuě'₃ 'io₅₄ ja₁juá'₂ a₂téin₂ riin'₅₄, jaun₂ guě₄ ma₂lě₂ dsei₂₃?

⁸ Jaun₂ ca₂juá'₂ Jesús:

—Uig₅₄ ia₁ a₂ŋí₄ tsá₃ nág'₁ 'nia'₂ guiong'₅₄ bá₄ jaun₂ ca₂cuě₃ 'éi₂ jmig₄ a₂tén₂ dsa₂ dsi₂i₂gu₂; la₁ lia'₂ con'₂ le₂'uig₅₄ tsá₃ le₂ně₅ jme₁lě₄. ⁹ La₁ jniá₂ juá'₅, jui₁'ein₂ guě₃ i₂lě₁tén₂ dsi₂i₂gu₂, on₃jua'₅₄ a₂cha₂ lě₃, ně₁jua'₂ on₃ guě'₂ jua'₅₄ ia₁ a₂nió'₅ jág₁

* 19:4 Génesis 1:27; 5:2. † 19:5 Génesis 2:24.

quian'⁵⁴ i₂sián'²; nē₁jua'² jē₁ma₂ca₂lē₃ jaun₂, cáin₂ táng₃ 'io⁵⁴ sián'², 'no₂₃ dso₄ ne₄ Diú₄; ján₃ bá₄ le₂nē₅ quian'⁵⁴ dsa₂ ŋe'² i₂jén'² gu₂ quian'⁵⁴ jan₂ 'io⁵⁴ i₂ma₂téi₂ dsa₂ ně₃, ján₃ bá₄ le₂jaun₂ 'no₂₃ dso₄ ne₄ Diú₄.

¹⁰ Jaun₂ lē₃, ca₂juá'² chí'² dsi₂guia₃-tín₂ quiáin₅:

—Nē₁jua'² le₂nē₅ cha₂ o₂me'⁵⁴ dsi₅ quió'⁵ dsa₂ ŋe'² dsa₂ mí₂, ħtsa₁ dse₃ jua'⁵⁴ a₂tsá₃ jéin'² co₂ŋei'⁵⁴ gu₂?

¹¹ Jaun₂ ca₂juá'² táng₃ Jesús:

—Tsá₃ ca₂le₃jín₃ lé₂ le₃ŋí'² dsi₅ jua'⁵⁴ lé₂ le₃jmo₃ le₂nē₅; ŋjia'⁵⁴ lia'² i₂ma₂cuē₃ Diú₄ bí₂ a₂le₃ŋí'². ¹² 'Lióng₂ bá₄ 'uig⁵⁴ cha₂ a₂tsá₃ le₃jén'² dsa₂ ŋe'² i₂lín⁵⁴ gu₂; ia₁ i₂lín⁵⁴ le₂jaun₂ ma₂lín⁵ lia'² con'² jme₁ca₂rē₃cháin₃ a₂tsá₃ lé₂ le₃jéin'² gu₂; i₂lín⁵⁴ guē'² ně₃, ia₁ a₂ma₂ca₂j móg'² dsa₂ mi₂güig₃ riin'⁵⁴ té'₃; i₂lín⁵⁴ guē'² ně₃, ia₁ a₂co₂ŋei'⁵⁴ ma₂quí'³ dsi₅ a₂tsá₃ jéin'² gu₂ ne₄ o₄quió'⁴ ja₁gon₂ Diú₄. Ju₁lia'² i₂tió'⁵ jme₃tí₃ jág₁ la₂, ju₁jmo₁₂.

Ca₂jme₃gon'⁵⁴ Jesús chí'²-guein₂

(Marcos 10:13-16; Lucas 18:15-17)

¹³ Jaun₂ ca₂o₃ŋjia₃ i₂lín⁵⁴ dsa₂ ca₂o₃ŋjia₃ guein₂ quiáin₅ ne₄ Jesús ia₁jaun₂ qui₃ni'² gu₂, tsí'₃ Diú₄ o₄quió'⁴ ně₃. La₁ chí'² dsi₂guia₃-tín₂ ně₃ ca₂jéin₂ dsa₂. ¹⁴ La₁ Jesús ně₃, ca₂juá'²:

—Cuē₄ 'nia'² jmig₄ ju₁ja₂lén₂ chí'²-guein₂ cong₂; tsá₃ lē₁jmo₂ 'nia'² le₂nē₅ jua'⁵⁴ jnig'⁵⁴, ia₁ ju₁lia'² i₂le₂nē₅ bá₄ guē'² i₂ca₂tín₂ ja₁gon₂ Diú₄.

¹⁵ Jme₁ca₂lē₃ chí₂lái₂n'² le₂jan₂ le₂jan₂ guein₂ a₂jme₂gu'⁵⁴, ca₂ŋái'³ bá₄ jaun₂.

Jan₂ dsó₂ chí'² cha₂ cu₄ ca₂dsia₃ jág₁ quiain'⁵⁴ Jesús

(Marcos 10:17-31; Lucas 18:18-30)

¹⁶ Jan₂ dsó₂ chí'² ca₂jme₃quián₃ con₂ Jesús, jaun₂ ca₂ŋag₃:

—Tē₅ dsen₃, ħ'e₂ jmo₅₄ jniá₂† ia₁jaun₂ léi₂ ja₁le₃chang₂ co₂tan⁵⁴?

¹⁷ Jaun₂ ca₂juá'² Jesús:

—ħ'E₂ lē₃ tē'₅ jniá₂ dsen₃?§ Jn₁ia'⁵⁴ lia'² jan₂ bá₄ i₂chan₂ i₂lín⁵ i₂dsen₃, i₂éi₂ lín⁵ Diú₄. La₁ nē₁jua'² 'niog'² 'ú'₄ ja₁le₃chang'² co₂tan⁵⁴, jme₁ti₁ 'éi'₃ quió'⁵ Diú₄.

¹⁸ Jaun₂ ca₂ŋag₃ táng₃ dsó₂ 'éi₂:

—ħ'E₂ 'éi'₃?

Jaun₂ ca₂ŋag₃ táng₃ Jesús:

—Tsá₃ jnig'⁴ dsa₂ mi₂güig₃ ríng'²; tsá₃ nióg'⁴ jág₁ quian'⁵⁴ dsa₂ i₂tsá₃ lín⁵ dsi₂i₂gog'²; tsá₃ 'áng'₁ a₂cha₂ quió'⁵ ríng'²; tsá₃ jmó'²

† 19:16 o₃, “Tē₅, ħ'e₂ a₂dse₃ a₂jmo₅₄ jniá₂...” § 19:17 o₃, “ħ'E₂ lē₃ ŋag'⁵⁴ jniá₂ ju₁lia'² a₂dse₃?

jua'₅₄ jang'₅₄ jág₁ të₂jág₁ a₂jmag'₅₄ ríng'₂; ¹⁹ a₂jme₁gang'₃ chog'₂-
 ɲéi'₅; * a₂jme₁'nióg'₄ dsa₂ mi₂güüg₃ ríng'₂ jui₁lia'₂ 'nióg'₃ 'ɲiag'₂
 ně₃.†

²⁰ Jaun₂ ca₂ɲag₃ táng₃ dsó₂ 'éi₂ ca₂tsí'₃ Jesús:

—Ca₂le₃jě₃ a₂ně₅ ma₂guio₃ jme₂tí₂. ǀ'E₂ guě₄ a₂siá'₂ 'nió'₅
 jmo₅₄?

²¹ Jaun₂ ca₂ɲag₃ táng₃ Jesús:

—Ně₁jua'₂ 'niog'₂ léng'₂ jan₂ dsa₂ i₂rě₂'ɲia₅ të₂le₃ quió'₅
 jme₂dsí₂, guan'₂ o₂'nag₄ ca₂le₃jě₃ a₂cha₂ quiáng'₂, jaun₂ o₂dsio'₅₄
 ja₁con₂ dsa₂ te₂ɲé₂, jaun₂ le₂ně₅ le₃cha₂ a₂jlá'₁ quiáng'₂ guei'₅₄
 i₂juíg₃; jaun₂ guě₄ ɲe'₅₄ quian'₅₄ jniá₂.

²² La₁ jme₁ca₂nág₂ dsó₂ jág₁ ně₅, ca₂ɲái'₃ 'lia'₂ dsí₅, ia₁ 'ɲio₅ lín₃
 jme₁cha₂ cu₄.

²³ Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—A₂dsi₂jó'₃ juíg₂ jniá₂ 'nia'₂, 'e₂ guě₄ quian₅ ta₁ quió'₅ jan₂ dsa₂
 cha₂ cu₄ a₂'í₂ guei'₅₄ i₂juíg₃ ja₁gon₂ Diú₄. ²⁴ Juá'₅ jniá₂, tsá₃ guě₄
 'e₂ ta₁ quian₅ a₂lé₂ le₃ɲí₃ jan₂ já'₂ camello jui₅ tau₂ mi₂cu₄, lia'₂
 con'₂ guě₄ jan₂ dsa₂ cha₂ cu₄ a₂'í₂ ja₁gon₂ Diú₄.

²⁵ Jme₁ca₂nág₂ chi'₂ dsi₂guia₃-tín₂ quiáin₅ jág₁ ně₅, 'ɲio₅ lín₃
 ca₂i₃gó'₃ dsí₅, jaun₂ qui₂ca₂ɲí'₃ riin'₅₄ con'₂ guioin₅₄:

—ǀ'e₂ ein₂ bá₄ guě'₂ jaun₂ ně₃ i₂lé₂ le₃tín'₄?

²⁶ Jaun₂ ca₂jág₃ Jesús ca₂jín₂ 'éi₂, jaun₂ ca₂juá'₂:

—Dsón'₂ bá₄ jaun₂, të₂le₃ quió'₅ dsa₂ mi₂güüg₃ o₁líg'₂ tsá₃ lé₂
 le₃lé₂. La₁ të₂le₃ quió'₅ Diú₄, ca₂le₃jě₃ bá₄ lé₂ le₃lé₂.

²⁷ Jaun₂ ca₂juá'₂ Pe₄ ně₃:

—Te₂gui'₅₄, ca₂le₃jě₃ 'e₂ a₂jme₁cha₂ quián₂ jnia'₅₄ ma₂ca₂tén'₃
 dsi₅ jnia'₅₄ ma₂qui₂ca₂tí₄ ia₁ a₂'én₅ jnia'₅₄ 'ne₂. ǀ'E₂ a₂tag₃ jnia'₅₄
 ně₃?

²⁸ Jaun₂ ca₂ɲag₃ Jesús ca₂juá'₂:

—A₂dsi₂jó'₃ juá'₅ jniá₂ juíg₂ 'nia'₂, jě₁ma₂ca₂tě₂ jmi₂g₄
 i₁le₃'mag'₂ ca₂le₃jě₃ 'a₂ lia'₂ niog₅ lě₅ mi₂güüg₃, jě₁ma₂ca₂tě₂
 rě₁guá₃ Jaun₅ dsa₂ mi₂güüg₃ ne₄ta₁ jlá'₁ quió'₅, jaun₂ 'nia'₂ ně₃
 i₂ma₂ja₂nóg'₅ quiong'₅₄ jniá₂, nio₃ gog'₂ 'nia'₂ jma₃cáun₃ ta₁
 a₂tiáng'₄ jmó'₂ gong'₂ qui₂dsí'₂ 'éi'₃ ta₁guia₃-tín₂ nió'₃ dsa₂ juig₂
 tsi₁jon₂ Israel. ²⁹ Ján₃ bá₄ le₂jaun₂ ján₃, ca₂le₃jín₃ i₂ma₂ca₂tén'₃
 dsí₅ dsi₂néi₂ quió'₅, i₂ma₂ca₂tén'₃ dsí₅ chi'₂ rin'₅₄, o₃ chog₅₄-jmei₂,
 o₃ dsa₂ mí₂ quiáin₅, o₃ chi'₂ quiáin₅, i₂ca₂tén'₃ dsí₅ ca₂tí₂ ja₁nau₂
 quió'₅ ně₃, 'ui₂g₅₄ quió₃ jniá₂, ia₁ gue₃ caun₂ 'ɲiá₂-láu₂ ɲag₅₄ guě₄
 lia'₂ con'₂ guě₄ a₂ma₂ca₂tí₂, ton'₂ gue₃ ján₃ a₂le₃chain₂ co₂tan₅₄.
³⁰ La₁ rě₂ně₃ juin₅ lín₃ i₂lín₅ i₂quen₅, la₁ jmi₂g₄ jaun₂ léin₂ dsa₂

* **19:19** Éxodo 20:12-16; Deuteronomio 5:16-20. † **19:19** Levítico 19:18.

tě₂le₃ jě₁ca₂tó'₂; le₂jaun₂ bá₄ ján₃ jui₁lia'₂ i₂tsá'₃ 'e₂ quen₅ rě₂ně₃ lia'₂ con'₂ niog₅ lín₂ dsa₂ mi₂güí₃, léin₂ i₂le₂'uig₅₄.

20

Jág₁ jáng'₅ léi₄ jui₁lia'₂ dsa₂ i₂jmo₅ ta₁ caun₂ ja₁nau₂

¹ 'Lě₅ guei'₅₄ i₂juí₃ ja₁gon₂ Diú₄ jui₁lia'₂ jan₂ dsa₂ juig₅₄ ja₁nau₂ i₂o₂'in₅ tē₃ o₃'iog₂, ca₂i₁tioin₁₂ dsa₂ i₂jmo₃ ta₁ ja₁nau₂ quió'₅ ja₁jnia₄ cho'₅₄ uing₂ uvas. ² Ca₂lí'₃ bá₄ jág₁ quian'₅₄ dsa₂ i₂jmo₃ ta₁ a₂'liain'₅₄ jma₃ca₂éi'₃ cu₄ denario lia'₂ co₂jmi₃g₄, jaun₂ ca₂chein₃ dsa₂ 'éi₂ jui₅ ja₁nau₂ quió'₅. ³ Jme₁co₂lág₂ jaun₂ o₂'iin₃ táng₃ con'₂ hora n₁i₃ tē₂le₃ o₃'iog₂, * jaun₂ ca₂jīn₂ dsa₂ sián'₂ i₂tió₂n₂ jīn₅₄ jě₄ 'ma'₅₄. ⁴ Jaun₂ ca₂tsí'₃ dsa₂ 'éi₂: “O₂nó'₅ 'nia'₂ ján₃ o₂jmo₄ ta₁ ja₁nau₂ quió', quí₄ bá₄ jniá₂ 'liang'₅₄ 'nia'₂ con'₂ dsi₂ten₅₄.” Jaun₂ i₃lén₂ bá₄ dsa₂ 'éi₂. ⁵ Jaun₂ o₂'iin₃ táng₃ con'₂ dsi₂n₁i'₃, † con'₂ siá'₂ hora n₁i₃ 'ni₅ tē₂le₃ ca₂'láu₂ ně₃; ‡ le₂jaun₂ bá₄ ca₂jmo₃ ján₃. ⁶ Con'₂ siá'₂ o₂'iin₃ bá₄ guě₄ con'₂ hora n₁i₃ 'niá₂ tē₂le₃ ca₂'láu₂, § n₁o₃ jui₅ jě₄ 'ma'₅₄, jaun₂ ca₂dsáin'₂ táng₃ dsa₂ i₂jīn₅₄ tió₂n₂. Jaun₂ ca₂tsí'₃ 'éi₂: “¿'E₂ lě₃ tió₂n'₂ 'nia'₂ ja₁lá₃ ta₁ne₁jmi₃g₄ tsá'₃ 'e₂ ta₁ jmo'₂?” ⁷ Jaun₂ ca₂ṇag₃ dsa₂ 'éi₂ ca₂juá'₂: “Ia₁ 'i₁jan₂ tsá'₃ 'ein₂ tio₅.” Jaun₂ ca₂ṇag₃ dsa₂ juig₅₄ ja₁nau₂ ca₂juá'₂: “O₂nó'₅ 'nia'₂ ján₃, o₂jmo₄ ta₁ ja₁nau₂ quió'; quí₄ bá₄ jniá₂ 'lian'₅₄ 'nia'₂ con'₂ dsi₂ten₅₄.”

⁸ 'Jme₁ca₂nei₂ jmi₃g₄ jaun₂, ca₂juá'₂ juig₅₄ ja₁nau₂ ca₂tsí'₃ dsa₂ i₂niog₅ ne₄ i₂te₂né'₂ dsa₂ ta₁: “Te'₂ dsa₂ i₂ma₂ně₂jmo₃ ta₁, jaun₂ qui'₅₄ 'liain'₅₄. Jme₁lióg₄ de'₂ jniá₅ quian'₅₄ dsa₂ i₂ně₂tió₂n'₂ jě₁ca₂tó'₂, jaun₂ dsian₅ quian'₅₄ i₂ně₂tió₂n'₂ le₂'uig₅₄.” ⁹ Jaun₂ dsi₃lén₂ dsa₂ i₂ca₂tón'₂ ca₂jmo₃ ta₁ hora n₁i₃ 'niá₂ tē₂le₃ ca₂'láu₂, jaun₂ le₂jain₂ le₂jain₂ ca₂gue₃ 'liain'₅₄ jma₃ca₂éi'₃ cu₄ denario. ¹⁰ Jme₁co₂lág₂ jaun₂, ca₂tín₂ dsa₂ i₂ca₂i₃ton'₅₄ le₂'uig₅₄, i₃jio₅ dsí₅ a₂jme₁gue₃ guě₄ ṇag₅₄ 'liain'₅₄; la₁ co₂rě₂ bá₄ 'liain'₅₄ ca₂gue₃ jma₃ca₂éi'₃ cu₄ denario le₂jain₂ le₂jain₂. ¹¹ La₁ jme₁ma₂ně₂gue₃ 'liain'₅₄, i₃lén₂ i₃chog'₄ dso₄ ne₄ juig₅₄, ¹² jaun₂ ca₂juá'₂: “Dsa₂ i₂o₃lén₂ jě₁ca₂tó'₂, caun₂ hora bá₄ nē₂tió₂n'₂ nē₂jmo₃ ta₁; co₂jaun₂ bá₄ 'liain'₅₄ nē₂gue₃ ján₃ con'₂ 'liog'₅₄ jnia'₅₄ i₂nē₂tió'₄ nē₂jmo₁ ta₁ ta₁ne₁jmi₃g₄ nē₂ṇag₅₄ 'iog₂ dséi₂ 'nio₅ lín₃.” ¹³ La₁ ca₂ṇag₃ juig₅₄ ca₂tsí'₃ jan₂: “A₂mei₅₄ quiáng₃, tsá'₃ 'e₂ jua'₅₄ a₂tsá₃ dsi₂ten₅₄ jmo₅ jniá₂ ja₁cong'₂. ¿Tsa₁ ca₂lě₃ jág₁ a₂'liang'₅₄ ca₂éi'₃ cu₄ denario guě'₂? ¹⁴ Jui₁le₂ 'nio₂ 'au'₂ con'₂ ma₂'liang'₅₄ ně₅, guan'₂ quiáng'₂. Nē₁jua'₂ jniá₂ le₂ně₅ ca₂lě₃ dsi₃ quí₄ 'lian'₅₄ dsa₂ i₂ně₂tong₅₄ jě₁ca₂tó'₂ con'₂ 'lian'₅₄ 'ne₂, ¹⁵ ¿o₃ tsa₁ ca₂tín₂ jniá₂ jmo₅₄ quian'₅₄

* 20:3 lit. “hora 'ni₅.” † 20:5 lit. “hora jnéi₂.” ‡ 20:5 lit. “hora n₁i₃.”

§ 20:6 lit. “hora gua₃-cáun₃.”

cu₄ quió₃ 'a₂ lia'₂ jñia'₅₄ 'nio₃ jmo₅₄? ¿O₃ ja₂ uig₅ 'au'₂ 'e₂, ia₁ a₂ 'ua₁ dsi₃?"

16 'Jaun₂ ně₃ jui₁lia'₂ dsa₂ i₂lín₅ tē₂le₃ jē₁ca₂tó'₂ rē₂ně₃, léin₂ i₂le₂ 'uig₅₄ jmi₄ jaun₂; le₂ně₅ bá₄ ján₃, jui₁lia'₂ i₂lín₅ i₂le₂ 'uig₅₄ rē₂ně₃, léin₂ dsa₂ tē₂le₃ jē₁ca₂tó'₂.

Con'₂ siá'₂ táng₃ ca₂'ě₂ Jesús jág₁ a₂jóin₂
(Marcos 10:32-34; Lucas 18:31-34)

17 Jme₁ma₂'en₅₄ Jesús jui₅ uig₂ tso₄ a₂dsióg₄ Jerusalén, jaun₂ ca₂tē'₃ cau₅ chi'₂ dsi₂guia₃-tín₂ quiáin₅, jaun₂ ca₂juá'₂:

18 —Jui₁lia'₂ jág'₂ 'nia'₂, tio'₅₄ jniog₄ jui₅ tso₄ la₂ a₂dsi₁náu₅ Jerusalén. Ja₁jaun₂ jáng'₂ dsa₂ jín'₂ Jaun₅ dsa₂ mi₂güig₃ o₄gú₃ jui₅₄ jme₂dsa₂, ne₄ tē₅juá'₅ ně₃; 'éi₂ guē₄ ně₃ cuē₃ 'éi'₃ a₂jñag'₃ dsa₂. 19 Jáng'₂ dsa₂ ně₃ o₄gú₃ dsi₂nau₂ ia₁jaun₂ jmóg'₂ burlas, qui₃bóg₂ dsa₂, jaun₂ guē₄ tío_{in}₃ cróg₄ jñag'₃; la₁ a₂ 'ni₅ jmi₄g₄ jaun₂, jein'₅₄ le₃chain₂ bá₄ táng₃.

Jui₁lia'₂ a₂ca₂mi₃ chog₅₄ Jacobo quian'₅₄ Juan₅₄
(Marcos 10:35-45)

20 Jaun₂ ca₂jme₃quián₃ chog₅₄ Jacobo quian'₅₄ Juan₅₄, ja₁ñi'₅₄ Zebedeo, ja₁'en₅₄ Jesús. Jaun₂ ca₂chi₃jné₃ ca₂mi₃ a₂jmo₃ 'éi₂ dse₃ dsi₅. 21 Jaun₂ ca₂ñag₃ Jesús:

—¿'E₂ 'niog'₂ 'ne₂?

Jaun₂ ca₂ñag₃ chog₅₄ chi'₂ 'éi₂:

—¿Tsa₁ cuē'₁ jmi₄g₄ a₂tian'₃ jma₃jan₂ chi'₂ quiáng₃ cong'₂, jē₁ma₂tē₂ rē₁ne'₅₄ gong'₂ ne₄ta₁ quiáng'₂, jan₂ tē₂le₃ gog'₂ ne₁, jan₂ guē'₂ tē₂le₃ gog'₂ jen₅?

22 La₁ Jesús ně₃ ca₂ñag₃:

—Tsá₃ ñi'₅₄ 'nia'₂ 'e₂ a₂mi'₂. ¿Tian'₃ 'nia'₂ dsi₃ñíg'₂ ca₂le₃jě₃ jui₁lia'₂ a₂dsi₃ñí₂ jniá₂ guē'₂?*

Jaun₂ ca₂ñag₃ 'éi₂:

—Tián₂ bá₄ jnia'₅₄.

23 Jaun₂ ca₂juá'₂ táng₃ Jesús:

—Dsón'₂ bá₄ jaun₂ dsi₃ñí'₂ 'nia'₂ jui₁lia'₂ 'a₂ lia'₂ niog₅ dsi₃ñí₂ jniá₂, † la₁ jui₁lia'₂ a₂juá'₂ 'nia'₂ ně₅ a₂tiáng'₄ jma₃ca₂ton₂ cau₅ quió₃, on₃jua'₅₄ jniá₂ ca₂tíng₂ cuē₅₄ a₂jaun₂. Ja₁jaun₂ ma₂jmo₃ Ne'₃ jniá₂ co₂jñia₅₄ a₂tian'₃ con'₂ i₂ca₂tín₂ bá₄.

24 Rñn'₅₄ i₂guian₃ guē₄ 'éi₂ ně₃ ca₂rē₃ 'néi₃ quian'₅₄ i₂on₃ 'éi₂ jme₁ca₂nág₂ jág₁ jaun₂. 25 La₁ ca₂tē₃ Jesús, jaun₂ ca₂juá'₂:

—Ñi'₅₄ bá₄ 'nia'₂, jui₁lia'₂ dsi₂tan₅₄ dsa₂ can'₅₄ i₂tián'₅ gon₂ ca₂le₃jě₃ juig₂, ‡ qui₂toin'₂ dsa₂ 'éi'₃ bēn₂. Le₂jaun₂ bá₄ jmo₅

* 20:22 A₂lín₅₄ chog₅₄ si₂ juá'₂ le₂la₂ ján₃: “¿Tian'₃ 'nia'₂ cán'₁ o₂i₁ dsi₅ jui₁lia'₂ o₂i₁ dsi₅ a₂can₅₄ jniá₂?” † 20:23 A₂lín₅₄ chog₅₄ si₂ juá'₂ le₂la₂ ján₃: “ján₃ bá₄ cán'₁ 'nia'₂ o₂i₁ dsi₅ jui₁lia'₂ o₂i₁ dsi₅ can₅₄ jniá₂.” ‡ 20:25 o₃, “i₂tián'₅ gon₂ jin₄ dsi₂nau₂.”

jui₁lia'₂ dsi₂tan₅₄ i₂sion₅ guě₄, tián'₅ goin₂ jmo₂₃ 'éi'₃. ²⁶ La₁ jin'₄ 'nia'₂, tsá₃ le₂jaun₂ lé₂. Chi₂jua'₂ 'ein₂ 'nio₃ jmo₃ juin'₂, ca₂tín₂ jme₃ti₃ ta₁ ne₄ riin'₅₄; ²⁷ chi₂jua'₂ 'ein₂ 'nia'₂ 'nio₃ cán₂ ne₄ jui₅, 'nió'₅ jme₃ti₃ ne₄ ca₂le₃jín₃ dsa₂. ²⁸ Ia₁ le₂ně₅ bá₄ Jaun₅ dsa₂ mi₂güig₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ co₂'nió'₄ 'lia'₅₄ ia₁jaun₂ tín'₄ juin₅.

Ca₂jme₃'lión₂ Jesús on₃ dsa₂ ten₄

(Marcos 10:46-52; Lucas 18:35-43)

²⁹ Jme₁ma₂tioin'₅₄ jui₅ 'u₁in₂ juig₂ Jericó, juin₅ dsa₂ ja₁jaun₂ ca₂jme₃quian'₅₄ Jesús. ³⁰ Jui₅ ja₁ñó₄ jaun₂, jme₁tián'₄ on₃ dsa₂ ten₄ cau₅ jui₅. Dsa₂ 'éi₂ ně₃ jme₁ca₂nág₂ a₂ñó₅ Jesús cau₅ jaun₂, ca₂juá'₂ tiá₂:

—iTe₁gui'₅₄, tsi₁jon₂ David, dsia₄ néi₂ 'au'₂ jnia'₅₄!

³¹ Jaun₂ ca₂jí₂ bá₄ dsa₂ ia₁jaun₂ dsi₃lén₂ tei₄. La₁ tē₂le₃ i₂jui'₂ guě₄ co₂mi'₅₄ ca₂tóin'₂ bá₄, ca₂juá'₂:

—iTe₁gui'₅₄, tsi₁jon₂ David, dsia₄ néi₂ 'au'₂ jnia'₅₄!

³² Jme₁ca₂nág₂ Jesús, jaun₂ ca₂nau₂, jaun₂ ca₂tě'₃ le₃on₃ dsa₂ 'éi₂, jaun₂ ca₂ñag₃:

—č'E₂ 'niog'₂ 'nia'₂ jmo₅₄ jniá₂ o₄quían'₂ 'nia'₂?

³³ Jaun₂ ca₂ñag₃ dsa₂ 'éi₂:

—Te₁gui'₅₄, a₂jnia₅₄ mi₂ne₄ bá₄ jnia'₅₄ 'niog₂.

³⁴ Jaun₂ ca₂dsia₃ bá₄ Jesús néi₂ dsí₅, jaun₂ ca₂tí₂ gu₂ jme₁ne₁ dsa₂ 'éi₂. Jaun₂ dsi₂jui₅ le₂jaun₂ ca₂jnia₃ jme₁ne₁ dsa₂, jaun₂ i₃lén₂ bá₄ jaun₂ ca₂jme₃quian'₅₄ Jesús.

21

Ca₂'í₃ Jesús jě₄ juig₂ Jerusalén

(Marcos 11:1-11; Lucas 19:28-40; Juan 12:12-19)

¹ Jme₁ma₂quían₅ dsi₁lén₂ Jerusalén, dsi₃lén₂ quían₅ juig₂ Betfagé a₂niog₅ cau₅ Má'₂ Olivos, ja₁jaun₂ ca₂chen₃ Jesús on₃ chi'₂ dsi₂guia₃-tín₂ quían₅, ² ca₂juá'₂:

—O₂nó'₅ 'nia'₂ juig₂ pí'₁ niog₅ tē₂le₃ ne₄ jui₅ ja₁dsau₅₄ ně₅. Ja₁jaun₂ dsian'₂ 'nia'₂ jan₂ i₂bú'₄ mí₂ rě₂'ñe'₅₄, chéin'₅ quian'₅₄ guein₂ quían₅. O₂chein'₅₄ 'nia'₂ jaun₂ tē'₅₄ ja₁lá₃. ³ Nē₁jua'₂ 'ein₂ ñag₅ 'e₂ lě₃ tsiin'₅₄, jaun₂ juig₅₄ 'nia'₂: “Te₁gui'₅₄ bá₄ 'nio₃ ca₂tiá₂.” Jaun₂ ně₃ cón'₅ bá₄ cuag₃.

⁴ Ca₂lě₃ le₂ně₅ ia₁jaun₂ le₃ti₃ jág₁ a₂ca₂tó'₂ ne₄ si₂ dsa₂ i₂jme₁'ě₂ jág₁ quían₅ Diú₄ ma₂líg'₂, jme₁ca₂juá'₂:

⁵ Chei'₅₄ dsa₂ juig₂ i₂tián'₅ Sión:

“Jag₄, ně₅ jón'₅ Rag₅₄ quían'₂ 'nia'₂ ja₁cong'₂,

a₂lín₅ jan₂ dsa₂ me'₂, tsá₃ jláin'₁,

jóin'₅ co₂dsin₅₄ jan₂ bú'₄,

jóin⁵ quian⁵⁴ jaun⁵ já² i₂cán₂ lio⁵⁴ bá⁴”.*

⁶ Jaun₂ ca₂i₃lén₂ bá₄ i₂on₃ 'éi₂, ca₂jmo₃ bá₄ con² lě₅ já₁g₁ a₂ca₂cuē₃ Jesús. ⁷ Jaun₂ ca₂i₁te₂ bú⁴ lia² jma₃quian⁵⁴ guein₂ quiáin₅, ca₂i₁jio₃ ja¹en⁵⁴ Jesús. Jaun₂ ca₂jlag₂ ni₁tsin⁵⁴ mi₂ca⁴ já², jaun₂ guē₄ ca₂co₃dsag⁵⁴ Jesús. ⁸ Jaun₂ dsa₂ juin₅ i₂quian⁵⁴ nē₃ i₂jñiá₅ le₃ne₄ jui₅ qui₂ca₂néi³ 'mi² le₂i₄ jui₅ ja₁ní₃ Jesús; i₂lin⁵⁴ guē² qui₂ca₂'nia₃ mog⁵⁴ 'ma₂tsín₅, qui₂ca₂jó₃ dsi₂jui₅. ⁹ Dsa₂ i₂i₃lén₂ le₃ne₄ jui₅, quian⁵⁴ i₂ja₂lén₂ le₃chi₁co⁵⁴ nē₃, qui₂ca₂tóin² co₂mi⁵⁴ ca₂juá²:

¡Jui₁le₂juin²† bá₄ tsi₁jon₂ David!

¡Jui₁le₂jñió₃ bá₄ i₂nē₅ i₂já₅ o₄quió⁴ Te₁gui⁵⁴!‡

¡Jui₁le₂juin² bá₄ i₂guá₅ guei⁵⁴ i₂juíg₃!

¹⁰ Jme₁ca₂'í₃ Jesús jē₄ juig₂ Jerusalén, jaun₂ qui₂ca₂tón² go₂'i₃ dsa₂ juig₂, juin₅ i₂qui₂ca₂ñag₃:

—¿Ein₂ bá₄ nē₅?

¹¹ Jaun₂ qui₂ca₂ñag₃ dsa₂ juin₅ i₂quian⁵⁴ Jesús, ca₂juá²:

—Jesús bá₄ la₂, dsa₂ i₂'ě₂ já₁g₁ quián₅ Diú₄, i₂chan₂ juig₂ Nazaret ja₁tén₄ Galilea.

Ca₂'uín² Jesús dsa₂ i₂jme₁tion⁵⁴ dsia₅ 'ma⁵ i₁dsi₅ guá⁵

(Marcos 11:15-19; Lucas 19:45-48; Juan 2:13-22)

¹² Ca₂dsióg₃ Jesús jme₁ca₂dsióg₃ i₁dsi₅ guá⁵ templo, jaun₂ qui₂ca₂'uín² ca₂le₃jín₃ dsa₂ i₂jme₁ma₂tion⁵⁴ dsia₅ 'ma⁵⁴ i₁dsi₅ guá⁵, dsa₂ i₂'nag₅, i₂qui₂lá₅ nē₃, qui₂ca₂jéin³ ni₁mesa ja₁jme₁jmo² dsa₂ ta₁ jme₂tsín₃ cu₄, qui₂ca₂quí² 'ma₂si₅₄ ja₁jme₁tián⁴ dsa₂ i₂'ni₅ i₁ju₂; ¹³ jaun₂ ca₂juá²:

—Ne₄ Si₂ juá²: “Né₅ quió₃ lě₅ ca₂ne₅₄ 'né₅ ja₁tē₁ja₂lén₂ dsa₂ ja₂chi⁵⁴ Diú⁴”; Š la₁ 'nia² nē₃ ma₂jmo⁵⁴ nē₂jag₄ bá₄ tē₂'lau₂ quió⁵ dsa₂ 'ang₂.*

¹⁴ Jaun₂ ca₂jme₃quián₃ i₂lin⁵⁴ dsa₂ ten₄ quian⁵⁴ dsa₂ guian⁵⁴ nē₃ con₂ Jesús i₁dsi₅ guá⁵, jaun₂ ca₂jme₃'lióin₂ bá₄ dsa₂ 'éi₂.

¹⁵ La₁ jme₁ca₂jág₃ juig⁵⁴ jme₂dsa₂ quian⁵⁴ tē₅juá⁵ léi₄ jlá¹ a₂ca₂jmo₃ Jesús jaun₂, ton² ia₁ ca₂nág₂ nē₃ tion⁵⁴ chi² co₂mi⁵⁴ qui₂guió⁵ i₁dsi₅ guá⁵, a₂juá²: “¡Jui₁le₂juin² tsi₁jon₂ David!”, jaun₂ ca₂rē₃'néi₃. ¹⁶ Jaun₂ ca₂juá² ca₂tsí₃ Jesús:

—¿Tsa₁ nag² 'e₂ juá² chi²?

Jaun₂ ca₂ñag₃ Jesús:

—Ján₅, nag₅ bá₄ jniá₂. Ia₁, ¿tsa₁ ma₂'í² 'nia² ne₄ Si₂ ja₁juá²: Te₁gui⁵⁴, 'ne₂ bá₄ ma₂ca₂jmo⁵⁴ 'e₂ a₂'uē₂ mi₂'o₄ chi² bē⁵⁴

* 21:5 Zacarías 9:9. † 21:9 lit. “Hosana”, a₂jein₅ já₁g₁ quian⁵⁴ já₁g₁ jmei₅ arameo: “Lio₄ jnia⁵⁴”, co₂'nió⁴ a₂qui₂mi₅ dsa₂ ne₄ Diú₄ a₂jíá₄ i₂rē₂'ín₁ quiáin₅; la₁ cang₂ jaun₂ táng₃ ca₂jein₅ já₁g₁, a₂jme₂juin² dsa₂ jan₂ dsa₂. Ján₅ bá₄ le₂nē₅ ‡ 21:9 Salmo 118:26.

Š 21:13 Isaías 56:7. * 21:13 Jeremías 7:11.

quian'⁵⁴ mi'²o⁴ guein² tei⁴i²guén'⁵ dsi'⁵⁴,
'uē² jág¹ a²jme²juin'² 'ne²?†

17 Jaun² ca²o³'ín³ bá⁴ ja¹tion'⁵⁴ 'éi², jaun² ca²ñái'³ táng³ juig²
Betania. Ja¹jaun² ca²jñia² caun² nei⁵.

Ca²juá'² Jesús caun² jág¹ a²ca²cuē'³ uig⁵ caun² ni¹'ma² higuera
a²tsá³ mīg² cha²

(Marcos 11:12-14, 20—26)

18 Jme¹jñia³ jaun², jme¹ma²tioin'⁵⁴ jui⁵ a²i²lein³ táng³ jui⁵ jē⁴
juig² Jerusalén. Jesús nē³ ca²tá'² i¹cón'⁵. 19 Jaun² ca²jág³ caun²
ni¹'ma² higuera a²dsi⁵⁴ cau⁵ jui⁵, jaun² ca²jme³quiáin³ 'uig⁵⁴, la¹
tsá³ 'e² mīg² ca²dsó'² guē'² guei'⁵⁴ ni¹'ma²; jñia'⁵⁴ lia'² jmá'³ mog'⁵⁴
bá⁴ cha². Jaun² nē³ ca²juá'² Jesús ca²tsí'³ ni¹'ma²:

—iLia'² o¹líg'² jmīg⁴, tsá³ ma³jui¹'ag⁵⁴ mīg² quiáng'²!

Dsi²jui⁵ jaun² bá⁴ ca²rē³quéin³ ni¹'ma² jaun². 20 Jme¹ca²tē²
ne⁴ chí'² dsi²guia³-tín² a²ca²lē³ jaun², ca²i³gó'³ dsí⁵, jaun² ca²ñí'³
Jesús:

—¿'A² bá⁴ lia'² con'² tan⁵⁴ lia'² dsi²jui⁵ ca²rē³quéin³ ni¹'ma²
nē⁵?

21 Jaun² ca²ñag³ Jesús:

—A²dsi²jó'³ juig² jniá² 'nia'², nē¹jua'² tsá³ ca²'éi'² 'nia'² caun²-
tín³ 'au'² lia'² 'éng'², on³jua'⁵⁴ jmá'³ jui¹lia'² a²nē²jmo³ jniá²
quian'⁵⁴ ni¹'ma² higuera nē⁵, lé² le³jmó'² 'nia'², ia¹ lé² le³jua'⁵⁴
'nia'² ján³ juig'⁵⁴ ni¹má'² ó³: “Jñiag'³ ja¹nē⁵, o³ o²ú⁵ jmí¹ñí'⁴”,
le²jaun² dsón'² lé² bá⁴. 22 Le²jaun² bá⁴ ján³ ca²le³jē³ 'e² a²mi'²
'nia'² jme¹mi'² ne⁴ Diú⁴, nē¹jua'² 'én'² tē³dsón'² 'nia'², guéi'¹ bá⁴
'nia'².

Jesús bá⁴ i²'io⁵ 'éi'³

(Marcos 11:27-33; Lucas 20:1-8)

23 Jaun² ca²'í³ táng³ Jesús i¹dsi⁵ guá'⁵ templo, jaun² tē¹lia'²
'ein⁵⁴ jme²tín²³ dsa², jaun² ca²jme³quián³ juig⁵⁴ jme²dsa²
quian'⁵⁴ i²lín⁵ dsa² can'⁵⁴ quián⁵ dsa² juig², con² Jesús, jaun²
ca²ñag³:

—¿'E² ta¹ lín'⁵ 'ne², 'e² lē³ jmo'² ca²le³jē³ 'e² a²jmo'² ñí'²? ¿'Ein²
ca²cuē³ bí² 'éi'³ nē⁵?

24 Jaun² ca²ñag³ Jesús:

—Ján³ bá⁴ ñag⁴ jniá² caun² 'nia'²: nē¹jua'² ca²ñag⁵⁴ 'nia'² lia'²
tí⁵, jaun² guē⁴ juá'⁴ jniá² 'ein² cuē⁵ bí² 'éi'³ a²jmo²³ ca²le³jē³
a²jmo²³. 25 Jui¹lia'² a²ca²chon³ Juan⁵⁴ jmīg² dsa², ¿'ein² quió'⁵ 'éi'³
jaun²? ¿Quió'⁵ Diú⁴, o³ quió'⁵ dsa² mi²güig³ 'e²?

Jaun² ca²dsia³ dsa² can'⁵⁴ jág¹ con'² guioin⁵⁴, ca²juá'²:

—Nē¹jua'² ca²chei⁵⁴ jniog⁴ 'éi'³ quió'⁵ Diú⁴ bá⁴ jaun², nē³
cón'⁵ bá⁴ ñag³: “¿'E² lē³ tsá³ ca²rē³ 'én'² 'nia'² jág¹ quió'⁵ 'éi'²?”

²⁶ La₁ ně₁jua'₂ ca₂ŋag₄ guē'₂ jniog₄ 'éi'₃ quió'₅ dsa₂ mi₂güig₃ ně₃, le'₃ne₂ dsa₂ juig₂ quian'₅₄ jniog₄, ia₁ ca₂le₃jín₃ bá₄ dsa₂ jmo₂₃ dsí₅ a₂jme₁lín₄ Juan₅₄ jan₂ dsa₂ i₂ca₂'ě₂ jág₁ quián₅ Diú₄. ²⁷ Jaun₂ ně₃, ca₂ŋag₃ dsa₂ can'₅₄ 'éi₂ ca₂tsí'₃ Jesús:

—Tsá₃ a₂jaun₂ ne₄ jnia'₅₄ 'ein₂ ca₂chen₃ 'éi₂.

Jaun₂ ně₃, ca₂ŋag₃ Jesús:

—Ján₃ bá₄ le₂ně₅ tsá₃ juá'₄ jniá₂ 'ein₂ cuē₅ bí₂ a₂jmo₂₃ ca₂le₃jě₃ a₂jmo₂₃ ŋi₂₃.

Jág₁ jáng'₅ léi₄ jui₁lia'₂ on₃ ja₁ŋi'₅₄ jan₂ dsa₂

²⁸ Jaun₂ ca₂juá'₂ Jesús ca₂tsí'₃ dsa₂ 'éi₂:

—ǵ'A₂ lia'₂ lín'₂ 'nia'₂ jui₁lia'₂ jág₁ la₂? Jan₂ dsa₂ jme₁chan₂ on₃ ja₁ŋi'₅₄. Jaun₂ ca₂tsí'₃ chi'₂ quián₅ i₂lín₅ i₂juin'₂ guē₄: “Jón₃, gua₂ o₂jmo₄ ta₁ ja₁nau₂ quián₂ jmig₄ ně₃.” ²⁹ Jaun₂ ca₂ŋag₃ chi'₂ quián₅: “ǵTsá₃ nei₅₄!” La₁ jme₁co₂lág₂ jaun₂ ca₂jme₃tsín₃ 'a₂lia'₂ dsi₂jio₅ dsí₅, jaun₂ ŋó₃ bá₄ i₁jmo₅₄ ta₁. ³⁰ Jaun₂ ca₂ŋe₄ táng₃ jme₂ i₁chi'₄ chi'₂ jan₂ quián₅. Ján₃ bá₄ le₂jaun₂ ca₂tsí'₃ 'éi₂. I₂'éi₂ ně₃ ca₂ŋag₃: “Nei₅₄ bá₄ jniá₂, tia₅₄, i₁jmo₃ ta₁.” La₁ tsá₃ ŋei₅₄ guē'₂ jaun₂ ně₃. ³¹ Jě₄ le₃oin₃ le₂jaun₂, ǵ'ein₂ ca₂jmo₃ a₂'ŋio₂ dsí₅ jme₂?

Jaun₂ ca₂ŋag₃:

—Chi'₂ i₂le₂'uig₅₄ bá₄.

Jaun₂ ca₂juá'₂ Jesús:

—A₂dsi₂jó'₃ juig₂ jniá₂ 'nia'₂, dsa₂ i₂cán₂ 'lia'₅₄ quián₅ dsi₂tan₅₄, o₃ jui₁lia'₂ 'io₅₄ i₂'nag₅ quió'₅ ně₃, i₂le₂'éi₂ bá₄ tiá₂ le₂'uig₅₄ dsi₃ton'₅₄ ja₁gon₂ Diú₄ lia'₂ con'₂ guē₄ 'nia'₂. ³² Ia₁ lia'₂ con'₂ jme₁guan₃ Juan₅₄ i₂chon₅ dsa₂ jmig₂, ca₂jme₃jniai₂₃ ja₁con'₂ 'nia'₂ 'a₂lia'₂ dsón'₂ ca₂tíng'₂ 'nia'₂ tiáng'₄. La₁ tsá₃ a₂jaun₂ ca₂rě₃'én'₂ 'nia'₂. Ia₁ a₂dsau₅ bá₄ jui₁lia'₂ dsa₂ i₂cán₂ 'lia'₅₄ quián₅ dsi₂tan₅₄, quian'₅₄ 'io₅₄ i₂'nag₅ quió'₅ ně₃, ca₂rě₃'éi₂ jág₁ quió'₅ Juan₅₄. La₁ a₂dsau₅ bá₄ o₁jŋia'₅₄ a₂ca₂tě₂ ne'₅₄ 'nia'₂ jaun₂, tsá₃ ca₂tá'₂ jén₂ 'au'₂ 'nia'₂, on₃ guē'₂ ca₂rě₃'éng'₂.

Jág₁ jáng'₅ léi₄ jui₁lia'₂ co₂nió'₃ dsa₂ 'lín'₅₄ i₂jmó'₂ ta₁ ja₁nau₂

(Marcos 12:1-12; Lucas 20:9-19)

³³ 'Nei₂ 'nia'₂ jág₁ a₂jáng'₅ léi₄ siá'₂ la₂: Jan₂ dsa₂ ca₂chéin'₃ cho'₅₄ uing₂ uvas ja₁nau₂ quió'₅. Jaun₂ ca₂jmo₃ jní₁ le₃lág'₃; ca₂jmo₃ co₂jnia₅₄ ja₁lein'₃ mǐg₂ ně₃; caun₂ guē'₂ tsi₁'né₅ ŋei₅ ca₂chi'₃ ja₁guá₃ jmo₃ 'í₁. Jaun₂ ca₂lí₃ jág₁ quian'₅₄ dsa₂ sián'₂ i₂nio₃ ne₄ ja₁nau₂, jaun₂ ca₂ŋó₃ bá₄ 'ŋio₅ i₁ŋi₂ juig₂ siá'₂.

³⁴ Jme₁ca₂tě₂ jein₂ a₂ca₂rau₂ mǐg₂, jaun₂ dsa₂ juig₅₄ ja₁nau₂ ca₂chein₃ co₂nió'₃ dsa₂ mozo quián₅, a₂jme₁i₂mí₃ a₂jáng'₃ dsa₂ i₂niog₅ gu₂ ja₁nau₂ ca₂dsio₄ mǐg₂ con'₂ a₂ca₂tín₂ juig₅₄. ³⁵ La₁ dsa₂ i₂tion'₅₄ jmó'₂ ta₁ ja₁nau₂ ně₃, ca₂jŋai'₃ bá₄ dsa₂ mozo i₂chen₄ quián₅ juig₅₄. Ca₂cuē'₃ bá₄ jan₂ tioin'₅₄; jan₂ guē'₂ ca₂jŋi₃; jan₂

guě'₂ ca₂cuě'₃ quian'₅₄ ni₁cang₁. ³⁶ La₁ juig₅₄ ja₁nau₂ ně₃, juin₅ guě'₄ i₂ca₂chein₃ cang₂ jaun₂ con'₂ guě'₄ le₂'uig₅₄; la₁ dsa₂ 'lin'₅₄ i₂tion'₅₄ jmo₅ ta₁ ja₁nau₂ ně₃, le₂jaun₂ bá₄ qui₂ca₂jmaí'₂ ca₂le₃jín₃ dsa₂ mozo i₂chen₄ 'éi₂.

³⁷ La₁ jē₁ca₂tó'₂ ně₃, dsa₂ juig₅₄ ja₁nau₂ ca₂chein₃ ja₁ñi'₅₄, ia₁ lín₂: “Jme₃go₃ dsa₂ jme₃gain₃ chi'₂ quiáng₃.” ³⁸ La₁ jme₁ca₂jág₃ dsa₂ i₂jmo₅ ta₁ ja₁nau₂ ca₂jín₂ ja₁ñi'₅₄ dsa₂ juig₅₄ ca₂dsióg₃, jaun₂ ca₂dsia₃ jág₁ tioin'₅₄: “I₂ně₅ bá₄ tñ₃ ja₁nau₂ la₂ cang₂; ně₃ o₁jñí'₄ jniog₄ ia₁jaun₂ jniog₄ bá₄ lé₂ quián₂.” ³⁹ Le₂jaun₂ bá₄ ca₂jmo₃. Ca₂jñai'₃ bá₄ 'éi₂ tioin'₅₄, jaun₂ ca₂dsei₂₃ le₃co'₅₄ jñí₁; ja₁jaun₂ ca₂jñag'₃.

⁴⁰ Jaun₂ ně₃, jē₁ma₂tě₂ jmig₄ rē₁jñió'₂ dsa₂ juig₅₄ ja₁nau₂, ċ'e₂ lín'₂ 'nia'₂ jmo₃ quian'₅₄ dsa₂ i₂jmó'₂ ta₁ ja₁nau₂ 'éi₂?

⁴¹ Jaun₂ ca₂ñag₃ dsa₂ 'éi₂:

—A₂jme₃dsiain₂₃ dsa₂ 'lin'₅₄ 'éi₂ ca₂lia'₂ tsá₃ néi₂ dsí₅, jaun₂ cuě'₃ dsa₂ sián'₂ ja₁nau₂ con'₂ i₂léi₄ jáng'₃ ca₂dsio₄ con'₂ ca₂tñin₂ jē₁ma₂tě₂ jein₂ a₂ráu₃.

⁴² Jaun₂ ně₃, ca₂juá'₂ Jesús ca₂tsí'₃ dsa₂:

—ċTsa₁ ma₂'í'₂ 'nia'₂ ne₄ Si₂ ja₁juá'₂:

Ni₁cang₁ a₂tsá₃ ca₂rě₃jí'₅₄ tē₅'ia'₂,
ca₂dsióg₃ ca₂lē₃ ni₁cang₁ a₂dsen₅₄ guě'₄
tē₁ron₅₄ qui'₅₄ 'ia'₂;

a₂ca₂jmo₃ Te,gui'₅₄ bá₄ jaun₂,

jaun₂ 'ñio₅ lín₃ bá₄ jlá'₁, lág₂ jniog₄?†

⁴³ "Uig₅₄ jaun₂ juíg₂ jniá'₂ 'nia'₂, co₂dsia₅ jñiá'₂ Diú₄ o₄gog'₂ 'nia'₂ 'éi'₃ quió'₅, o₄gú₃ i₂sián'₂ bá₄ dsia₃ con'₂ i₂léi₄ jáng'₃ a₂ráu₃.

⁴⁴ La₁ jui₁lia'₂ ni₁cang₁ la₂ ně₃, jui₁'ein₂ guě'₃ i₂ca₂tán'₂ ne₄, lé₂ le₁juig₁ le₁dsog'₅₄ quió'₅; o₃ ně₁jua'₂ ca₂jllín₃, lé₂ ti₁'liog₂ quió'₅, Š

⁴⁵ Jme₁ca₂nág₂ juig₅₄ jme₂dsa₂ quian'₅₄ dsa₂ fariseos jág₁ a₂jáng'₅ léi₄ ně₅, ca₂rě₃lí'₄ bá₄ guioin₅₄ a₂'in₅ 'éi₂ bá₄ Jesús.

⁴⁶ Jaun₂ jme₁'nio₃ jme₁tsáun'₂, la₁ ca₂rě₃gain₃ bá₄ dsa₂ juin₅ i₂quian'₅₄ Jesús, ia₁ ca₂le₃jín₃ bá₄ dsa₂ jmo₂₃ dsí₅ a₂lín₅ 'éi₂ jan₂ i₂ě₂ jág₁ quián₅ Diú₄ bá₄.

22

*Jág₁ jáng'₅ léi₄ jui₁lia'₂ ja₁niog₅ jmig₄ a₂ca₂jen'₂ gu₂ dsa₂
(Lucas 14:15-24)*

¹ Ca₂jme₃lióg₃ táng₃ Jesús ca₂tsí'₃ dsa₂ tē₂le₃ quian'₅₄ jág₁ a₂jáng'₅ léi₄, le₂la₂:

² —Lě₅ guei'₅₄ i₂juíg₃ ja₁gon₂ Diú₄ jui₁lia'₂ jan₂ rag₅₄ i₂ca₂jmo₃ co₂jñia₅₄ caun₂ má₃ a₂ca₂jmo₃ jmig₄ ja₁jen'₂ gu₂ chi'₂ ja₁ñi'₅₄.

† 21:42 Salmo 118:22-23. Š 21:44 A₂lín₅₄ chog₅₄ si₂ tsá₃ rě₂ton₅ versículo 44.

³ Jaun₂ ca₂chein₃ dsa₂ i₂jme₂ti₃ ta₁ ne₅₄ a₂dsi₃quiáin₂ dsa₂ i₂ma₂lě₅ jág₁ ja₃lén₂ ja₃guě₃. La₁ dsa₂ 'éi₂ ně₃ tsá₃ ma₃ca₂gue₃ ja₃lén₂. ⁴Jaun₂ ca₂chein₃ táng₃ i₂sián₂, jaun₂ ca₂tsí₃ 'éi₂: “Chei₁ 'nia₂ dsa₂ i₂ma₂lě₅ jág₁ ja₃lén₂ jmig₄, ma₂lě₅ bá₄ co₂jnia₅₄ má₃. Ca₂jme₁dsiang₂₃ bá₄ ca₁jui₅ 'on₅₄ quiáng₃; ma₂lě₅ bá₄ co₂jnia₅₄ ca₂le₃jě₃. Jaun₂ jui₁ja₂lén₂ bá₄ jmig₄ quió₅ 'chi₂ quiáng₃.” ⁵La₁ tsá₃ jui₅ ca₂tón₃ dsa₂ i₂jme₁ma₂lě₅ jág₁ rě₂té₄ 'éi₂. Jui₅ siá₂ bá₄ i₃lén₂: jan₂ nó₃ jui₅ ja₁nau₂ quió₅ bá₄; jan₂ guě₂ nó₃ i₃dsiá₃ 'ma₁ ⁵⁴. ⁶Rin₅₄ dsa₂ 'éi₂ ně₃, ca₂jñai₃ bá₄ dsa₂ i₂jme₂ti₃ ta₁ ne₄ rag₅₄ 'éi₂, ca₂cuě₃, ca₂jme₃dsiog₂₃ bá₄. ⁷Jaun₂ ně₃, ca₂rě₃'né₃ rag₅₄ 'ñio₅ lín₃, jaun₂ ca₂chein₃ 'lióg₂ quiáin₅ ca₂i₁jme₁dsiain₂₃ dsa₂ 'éi₂ qui₂ca₂i₁dsi₄ 'lióg₂ 'né₅, co₂dsia₅ ca₂'éin₂ go₄ dsa₂ 'éi₂. ⁸Jaun₂ ca₂juá₂ rag₅₄ ca₂tsí₃ dsa₂ i₂jme₂ti₃ ne₅₄: “Ca₂le₃jě₃ ma₂lě₅ co₂jnia₅₄ a₂jen₂ gu₂ 'chi₂ quiáng₃ a₂nio₃ jmig₄, la₁ dsa₂ i₂jme₁lě₄ jág₁ rě₂té₄ 'éi₂, tsá₃ ma₃ca₂tíin₂ ja₃lén₂. ⁹O₂nó₅ 'nia₂ ně₃, o₂nau₂ jě₄ calle juě₂ ja₁i₂nio₄ guě₄ dsa₂ juin₅, o₂chei₁ ca₂le₃jín₃ dsa₂ i₂jeng₂ jui₁ja₂lén₂ jmig₄ jě₁jen₂ gu₂ 'chi₂ quiáng₃.” ¹⁰Jaun₂ ca₂'uin₂ bá₄ dsa₂ 'éi₂ ně₃ ca₂i₁lein₅₄ jě₄ calle, jaun₂ chi₂ca₂liain₃ ca₂le₃jín₃ dsa₂ i₂ca₂jein₂ lia₂ dsa₂ dsen₃ lia₂ dsa₂ 'lín₅₄ ně₃; jaun₂ ca₂can₂ bá₄ dsi₂néi₂ ca₂lě₃, quian₅₄ dsa₂ 'éi₂.

¹¹'Jaun₂ guě₄ ca₂'í₃ rag₅₄ dsi₂néi₂ ca₂i₁jín₁₂ dsa₂ i₂tion₅₄ 'éi₂, jaun₂ ca₂jín₂ jan₂ i₂'en₅₄ jě₄ jaun₂, tsá₃ jme₁rě₂lín₅₄ jua₅₄ a₂qui₂ 'mi₂ a₂quí₅ dsa₂ dsi₂lén₂ ja₁nio₅ jmig₄ jen₂ gu₂ dsa₂. ¹²Jaun₂ ca₂tsí₃ dsa₂ 'éi₂, ca₂juá₂: “A₂mei₅₄, ¿'a₂ bá₄ lia₂ ně₂'ú₃ 'ne₂ ja₁lá₃ tě₃ tsá₃ rě₂lín₅₄ con₂ dsi₂ten₅₄ a₂gog₅₄ ja₁nio₅ jmig₄ jen₂ gu₂ dsa₂?” Jaun₂ tei₄ bá₄ ca₂nau₂ dsa₂ 'éi₂, tsá₃ 'e₂ ñi₅ ñag₃. ¹³Jaun₂ bá₄ ca₂juá₂ rag₅₄ ca₂tsí₃ dsa₂ i₂tion₅₄ jme₂ti₃ ne₄ mesa: “Quéin₂ 'nia₂ gu₂-tag₄ i₂ně₅, dsein₅₄ ca₁'né₄, qui₂dsi_{in}₅ 'nia₂ güig₂, 'liain₅₄ jě₄ qui₁né₃ ja₁qui₂-o₃, qui₃quí₃ jan₅₄.” ¹⁴Ia₁ juin₅ lín₃ dsa₂ i₂rě₂té₄, la₁ me₂ bá₄ i₂rě₂quion₅₄.

Jág₁ jui₁lia₂ 'lia₅₄ a₂ca₂tín₂ dsi₂tan₅₄

(Marcos 12:13-17; Lucas 20:20-26)

¹⁵Jme₁co₂lág₂ jaun₂ ca₂i₃len₃ dsa₂ fariseos ca₂i₁jmo₅₄ jág₁ 'a₂ lia₂ join₅₄ Jesús jui₁lia₂ bá₄ 'ñiá₃ ca₂jon₄ jág₁ 'lia₂, ia₁jaun₂ cuin₃ jmig₄ a₂bóg₂ dso₄. ¹⁶Jaun₂ ca₂chein₃ táng₃ i₂lín₅₄ dsa₂ quiáin₅ quian₅₄ i₂lín₅₄ dsa₂ i₂quian₅₄ Herodes, a₂ca₂i₁chi₄ Jesús:

—Tě₅, ne₄ bá₄ jnia₅₄, a₂dsón₂ bá₄ juá₂ 'ne₂ lia₂ tí₅ jág₁, qui₂jme₂tíng₁ dsa₂ jui₅ dse₃ quió₅ Diú₄, jaun₂ tsá₃ can₂ 'ne₂ jág₁ jua₅₄ a₂quian₅₄ o₂i₁ dsi₅ 'e₂ a₂'ag₅ dsa₂, ia₁ tsá₃ gang₃ jmag₅₄ jui₁lia₂ dsa₂ dsen₅₄ ně₃. ¹⁷Jaun₂ 'niog₂ jnia₅₄ jua₅₄ 'ne₂ 'a₂ lia₂ dsi₂jio₅ 'au₂: ¿Dsióg₅ guě₂ jua₅₄ a₂caun₂ qui₅₄ 'lia₅₄ a₂ca₂tín₂ dsi₂tan₅₄ César? ¿'Nió₅ qui₅₄, o₃ tsá₃ qui₅₄ 'e₂?

18 La₁ ca₂rē₃lí₄ bá Jesús a₂dsi₂jio₅ dsí₅ dsa₂ 'éi₂ 'lig'₅₄, jaun₂ ca₂juá'₂:

—i'Nia'₂ dsa₂ i₂lē₁co₂jmo₅ o₁ne₁! ħ'E₂ lē₃ 'niog'₂ 'nia'₂ jo'₅₄ jniá₂ jui₁lia'₂ tsán'₂ dsa₂ jan₂ já'₂ quian'₅₄ liá'₂? 19 Ē₄ de'₂ 'nia'₂ caun₂ cu₄ 'ua'₂ jui₁lia'₂ a₂quí₅ dsa₂ 'lia'₅₄ a₂ca₂tín₂ dsi₂tan₅₄.

Jaun₂ ca₂o₃can₅ dsa₂ caun₂ cu₄ denario. 20 Jme₁ma₂nē₂jág₃ Jesús, jaun₂ ca₂ñí'₃ dsa₂ 'éi₂:

—ħ'Ei₂ dsi₂ne₄ ħi₁ton₅ ja₁lá'₃? ħ'Ei₂ guē'₂ quió'₅ letra nē₃?

21 Jaun₂ ca₂ñag₃:

—Quió'₅ gui'₅₄ emperador César.

Jaun₂ ca₂juá'₂ táng₃ Jesús:

—Jang'₅₄ guē'₂ 'nia'₂ jaun₂ ne₄ César con'₂ a₂ca₂tín₂ César; ne₄ Diú₄ nē₃ jang'₅₄ 'nia'₂ con'₂ a₂ca₂tín₂ Diú₄.

22 Dsa₂ 'éi₂ nē₃, jme₁ca₂nág₂ jág₁ nē₅, ca₂i₃gó'₃ dsí₅. Ca₂téin₂ bá₄ ca₂juē'₂ Jesús, ca₂i₃lein₃ bá₄.

Ca₂ñag₃ dsa₂ saduceos jui₁lia'₂ a₂jen'₅₄ 'lag₄

(Marcos 12:18-27; Lucas 20:27-40)

23 Jmíg₄ jaun₂ ca₂o₃lén₂ i₂lín₅₄ dsa₂ saduceos ca₂o₃jín₅₄ Jesús. Ia₁ tsá₃ 'én₂ dsa₂ 'éi₂ a₂jen'₅₄ táng₃ dsa₂ jē₁ma₂dsain₃. Jaun₂ jág₁ nē₅ ca₂ñí'₃ Jesús ca₂juá'₂:

24 —Tē₅, le₂la₂ ca₂juá'₂ Moisés: nē₁jua'₂ ca₂jon₃ jan₂ dsa₂ ñe'₂ tē₃ tsá₃ ca₂can₃ 'io₅₄ quiáin₅ guein₂, tion₅₄ 'nió'₅ jén'₂ gu₂ dsó₂ rin'₅₄ dsa₂ ñe'₂ i₂ca₂jon₃ quian'₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió'₄ tsi₁jon₂ 'lag₄ riin'₅₄. 25 Dse₃ jaun₂. Jē₄ quián₂ jnia'₅₄ la₂, jme₁chan₂ guion₃ dsa₂ ñe'₂ i₂lín₅ rin'₅₄. Ca₂jen'₂ gu₂ i₂le₂'uig₅₄, la₁ ca₂join₃ bá₄, tē₃ tsá₃ guein₂ ca₂can₃ 'io₅₄ quiáin₅. Jaun₂ ca₂tē₁'ñiá₄ bá₄ 'io₅₄ 'nág₂ 'éi₂ o₄gú₃ dsó₂ riin'₅₄ i₂jē₁ca₂tē₂ on₃. 26 La₁ ján₃ bá₄ le₂jaun₂ ca₂i₃ñí₂, ca₂join₃ bá₄ ján₃. Jaun₂ ca₂guá₂ táng₃ 'io₅₄ 'éi₂ quian'₅₄ i₂jē₁ca₂tē₂ ún₂ dsó₂; ján₃ bá₄ le₂jaun₂ ca₂lē₃ quian'₅₄ 'éi₂. Jaun₂ le₂nē₅ bá₄ ca₂lē₃ quian'₅₄ ta₁guion₃ dsó₂ 'éi₂ con'₂ i₂jme₁lē₄ rin'₅₄, ca₂dsain₃ bá₄ tē₃ tsá₃ guein₂ ca₂can₃ 'io₅₄. 27 Jaun₂ ca₂jon₃ bá₄ 'io₅₄ jme₁ca₂jon₃ nē₃.

28 Jaun₂ nē₃, jmíg₄ jē₁ma₂tē₂ rē₁jen'₅₄ 'lag₄, ħ'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guē'₂ dsa₂ ñe'₂ ca₂guá₂ quiáin'₅₄.

29 Jaun₂ ca₂ñag₃ Jesús:

—Tsá₃ le₂jaun₂ lia'₂ ñí'₂ 'au'₂ 'nia'₂, ia₁ tsá₃ cuin'₂ 'nia'₂ 'a₂ lia'₂ juá'₂ Si₂, on₃ guē'₂ cuin'₂ 'nia'₂ 'a₂ lia'₂ lē₅ jui₅bí₂ quió'₅ Diú₄ nē₃. 30 Jē₁ma₂tē₂ jmíg₄ a₂jen'₅₄ 'lag₄, on₃jua'₅₄ a₂le₃chain₂ jua'₅₄ a₂qui₃jén'₂ guē'₄ gu₂, on₃ guē'₂ nē₅ tóin'₃ guē'₄ jua'₅₄ a₂qui₃cuin₃ ħi'₂ quiáin₅ a₂jén'₂ gu₂, ia₁ i₂lén₂ jui₁lia'₂ lín₅ ángeles i₂tion'₅₄ guei'₅₄ i₂juíg₃ bá₄ 'éi₂ jmíg₄ jaun₂. 31 La₁ jui₁lia'₂ a₂jen'₅₄ táng₃ 'lag₄, ħtsa₁ ma₂'í'₂ 'nia'₂ ne₄ Si₂ jui₁lia'₂ a₂ca₂juá'₂ 'ñiog₅ Diú₄ jme₁ca₂juá'₂: 32 “Jniá₂ bá₄ líng₅ Diú₄ quián₅ Abraham, quián₅

Isaac, quián₅ Jacob ně₃?”* A₂lín₅ Diú₄ quián₅ dsa₂ jén'₃ bá₄, on₃jua'₅₄ rē'₂ Diú₄ quián₅ 'lag₄.

33 Jme₁ca₂nág₂ dsa₂ jág₁ ně₅, ca₂i₃gó'₃ dsí₅ 'a₂ lia'₂ jme₂tag₅ Jesús.

*'Éi'₃ Juá'₅ a₂dsen₅₄ guě₄ quió'₅ Diú₄
(Marcos 12:28-34; Lucas 10:25-28)*

34 Jme₁ca₂rē₃ñi₅ dsa₂ fariseos ca₂l'í'₃ bá₄ táng₃ Jesús jág₁ a₂ca₂tsín₂ quian'₅₄ dsa₂ saduceos, jaun₂ ca₂ñi'₂ ca₂jmo₃ jág₁.

35 Jaun₂ jan₂ riin'₅₄ i₂lín₅ tē₅juá'₅, jme₁'nio₃ jme₁jo₅₄ quian'₅₄ jág₁, jaun₂ ca₂ñi'₃ Jesús:

36—Tē₅, ¿e₂ 'Éi'₃ Juá'₅ a₂dsen₅₄ guě₄ con'₂ guě₄ ca₂le₃jě₃ Si₂ 'Éi'₃ quió'₅ Diú₄?

37 Jaun₂ ca₂ñag₃ Jesús:

—“Jme₁'nió₄ Te₁gui'₅₄ Diú₄ quiáng'₂, ca₂le₃jě₃ 'au'₂, ca₂le₃jě₃ jme₂dsí₂ quiáng'₂, ca₂le₃jě₃ 'a₂ lia'₂ niog₅ ñi'₂ dsei'₂.”† 38 A₂nē₅ bá₄ 'Éi'₃ Juá'₅ a₂le₂'uig₅₄ a₂dsen₅₄ guě₄ con'₂ guě₄ ca₂le₃jě₃. 39 Jē₁ca₂tě₂ tin₃ 'Éi'₃ ně₃, mei'₂ tsá₃ co₂rē₂ quian'₅₄ a₂le₂'uig₅₄: “Jme₁'nió₄ dsa₂ mi₂güí₃ ríng'₂ jui₁lia'₂ 'nióg'₃ 'ñiag'₂.”‡ 40 Tin₃ 'éi'₃ ně₅ bá₄ lě₅ 'uig₅₄ cho'₅₄ ca₂le₃jě₃ 'Éi'₃ quió'₅ Moisés quian'₅₄ ca₂le₃jě₃ jág₁ a₂ca₂'ě₂ dsa₂ i₂chen₄ quián₅ Diú₄ ma₂líg'₂.

¿Ein₂ tsi₁jon₂ quián₅ lín₅ I₂rē₂'ín₁ quián₅ Diú₄?

(Marcos 12:35-37; Lucas 20:41-44)

41 Tē₃ tion'₅₄ dsa₂ fariseos le₁ñi'₂, 42 jaun₂ ca₂ñag₃ Jesús ca₂juá'₂:

—¿'A₂ lia'₂ lín'₂ 'nia'₂? ¿Ein₂ tsi₁jon₂ quián₅ lín₅ I₂rē₂'ín₁ quián₅ Diú₄?

—Tsi₁jon₂ David —ca₂ñag₃ dsa₂ 'éi₂.

43 Jaun₂ ca₂juá'₂ táng₃ Jesús:

—¿'A₂ lia'₂ jaun₂? Ia₁ 'ñiog₅ bá₄ guě'₂ David ca₂juá'₂ lia'₂ con'₂ jme₁ca₂'í₃ Jme₂dsí₂ Jñi₂ó₅ tē₂dsí₅, ca₂tē₃ “Te₁gui'₅₄.” ¿'A₂ lia'₂ lě₅ jaun₂? Ia₁ 'ñiog₅ bá₄ guě'₂ David ca₂juá'₂:

44 Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

ca₂lia'₂ ca₂tē₂ jmig₄

a₂tón'₁ jniá₂ dsa₂ i₂'iog₅₄ o₄tag'₄.”§

45 ¿'A₂ bá₄ lia'₂ lě₅ a₂lín₅ tsi₁jon₂ David, ton'₂ 'ñiog₅ bá₄ guě'₂ David ca₂tē₃ “Te₁gui'₅₄ quiáng₃?”

46 Jaun₂ tē₂le₃ ne₄ jui₅ guě₄ jaun₂, tsá₃ ma₃'ein₂ ca₂tiá₂ dsí₅ jua'₅₄ a₂ñag₃ guě₄ 'e₂ ñag₃.

* 22:32 Éxodo 3:6. † 22:37 Deuteronomio 6:5. ‡ 22:39 Levítico 19:18.

§ 22:44 Salmo 110:1.

23

Chóg⁵ Jesús dso⁴ juá'² 'a² lia'² niog⁵ lín⁵ dsa² fariseos quian'⁵⁴ tēs⁵juá'⁵ nē³

(Marcos 12:38-40; Lucas 11:37-54; 20:45-47)

¹ Jaun² nē³ ca²ton³ Jesús jág¹ ca²tsí'³ dsa² juin⁵ i²quian'⁵⁴, ca²tsí'³ chi'² dsi²guia³-tín² quiáin⁵ nē³, ca²juá'²:

² —Dsa² fariseos quian'⁵⁴ tēs⁵juá'⁵ nē³, tián'⁵ ta¹ a²jme¹lín⁴ Moisés. ³ Jaun² lē³ ca²tín'² 'nia'² nág'¹ gau² jág¹ quió'⁵, jme¹ti'⁴ 'nia'² 'e² a²te²nēi'². La¹ tsá³ can² 'nia'² jui⁵ jua'⁵⁴ a²jmo'² jui¹lia'² a²jmo²³ guioin⁵⁴, ia¹ jui¹lia'² jme²tag²³, tsá³ jme²ti³ guioin⁵⁴; tē²le³ siá'² bá⁴ jmo²³ dsó⁵. ⁴ Qui²'nei²³ lio⁵⁴ guei² 'ñio⁵ lín³ qui²dsi²³ mi²ca⁴ dsa², la¹ guioin⁵⁴ nē³ ca²lia'² jnia'⁵⁴ caun² chi¹gú³ bá⁴ tsá³ 'nio³ tí² jua'⁵⁴ a²jme³o⁵⁴ cán². ⁵ Ca²le³jē³ 'e² a²jmo²³, jmo²³ a²jnia'⁵⁴ con'² 'nio³ jág² dsa² bá⁴. Ia¹ tín² dsí⁵ i³quian⁵⁴ le¹ton⁵ jma³ca²tsín'⁵ tsi¹'mi'² 'í² le²con² chi¹quí³ quian'⁵⁴ mi²cu⁵ nē³ qui²le¹ton⁵ 'éi'³ quió'⁵ Diú⁴;^{*} a²ta¹ dsí⁵ i²noi⁵⁴ le¹qui'² tsi¹'mi'² chen⁵⁴ jang⁴ qui²le¹ág⁴ a²lē⁵ lí¹ ca'⁵⁴ a³tag⁴. ⁶ 'Ñio⁵ tēs⁵ dsí⁵ qui²dsi²toin'⁵⁴ jmá'³ lia'² ja¹jlá'¹ bá⁴ ja¹qui²dsi²guē'³, qui²dsi²tiain'² ja¹dsen⁵⁴ guē⁴ jui¹lia'² dsi²néi² guá'⁵ sinagoga nē³. ⁷ Ton'² 'ñio⁵ tēs⁵ dsí⁵ qui³cuag³ dsa² Diú⁴ jē⁴ 'ma'⁵⁴, qui³tē² dsa² “tēs”† nē³.

⁸ 'La¹ 'nia'² nē³, tsá³ ca²tíng'² jua'⁵⁴ tē² dsa² “tēs”, ia¹ ca²le³jín'³ bá⁴ 'nia'² lē⁵ ríng'²; ia¹ jan² bá⁴ Tēs quián'² 'nia'² chan². ⁹ Tsá³ tē⁵⁴ 'nia'² “tia⁵⁴” 'i¹jan² dsa² mi²güig³, ia¹ jan² bá⁴ Nēi'⁵ 'nia'² i²chan², i²guá⁵ guei'⁵⁴ i²juíg³. ¹⁰ Tsá³ cuē'¹ 'nia'² jmig⁴ a²tē² dsa² 'nia'² guiong'⁵⁴ a²líng'⁵ juig⁵⁴ dsa², ia¹ jan² I²rē²'ín¹ quián⁵ Diú⁴ bá⁴ i²lín⁵ juig'² 'nia'². ¹¹ Jui¹lia'² i²jme³ti³ ta¹ ne⁴ rin'⁵⁴, i²'éi² bá⁴ i²juin'² guē⁴. ¹² Ia¹ jui¹lia'² i²jme²can⁵⁴ guion⁵⁴ jin⁴ rin'⁵⁴, tē²le³ sióin², lé² mei'²; la¹ jui¹lia'² i²jmo⁵ me'² jin⁴ rin'⁵⁴, i²'éi² bá⁴ lén² i²juin'² guē⁴ con'² guē⁴ ca²le³jín³.

¹³ 'i'E² guē⁴ juíg'² 'nia'² tēs⁵juá'⁵, 'nia'² dsa² fariseos nē³, i²lē³jmo⁵-dsáu⁵ o¹ne¹! Ia¹ jnág'² 'nia'² o⁴né⁴ guei'⁵⁴ i²juíg³ ja¹gon² Diú⁴, tsá³ cuē'² 'nia'² jmig⁴ tón'³ i²sián'². Ia¹ on³ guē'² tón'² 'nia'² guiong'⁵⁴, on³ guē'² cuē'² 'nia'² jui⁵ tón'³ jui¹lia'² i²'nio³ tón'³.†

¹⁵ 'i'E² guē⁴ juíg'² 'nia'² tēs⁵juá'⁵, 'nia'² dsa² fariseos nē³, i²lē³jmo⁵-dsáu⁵ o¹ne¹! Ia¹ qui²i²nio'⁴ 'nia'² ca²le²con² mi²güig³

* **23:5** 'Nio'² ja¹ton⁵ Deuteronomio 6:4-9. † **23:7** o³, Rabbí. ‡ **23:13** A²lín⁵⁴ chog⁵⁴ si² chi¹ton⁵ versículo 14 ján³, a²juá'² le²la²: “i'E² guē⁴ juíg'² 'nia'² tēs⁵juá'⁵, 'nia'² dsa² fariseos nē³, i²lē³jmo⁵-dsáu⁵ o¹ne¹! Ia¹ ja¹nó'⁵ 'nia'² qui²jñiá'² 'ne⁴ 'io⁵⁴ 'nág², jaun² jmo'² 'nia'² chi²leng'⁵⁴ Diú⁴ uē² lín³, ia¹jaun² tsá³ 'ein² le³lí'⁴. 'Uig⁵⁴ jaun² ja²lín³ guē⁴ 'ñio⁵ uig⁵ guéi'¹ 'nia'².

qui₁'ang'₄ jmi₁ŋí'₄, a₂qui₂jme₂tíng'₁ dsa₂ lia'₂ lě₅ 'én'₂ 'nia'₂ guiong'₅₄. Jě₁ma₂ca₂jon'₃ 'nia'₂ dsa₂ a₂dsi₃lěin₂ jui₅ quiáng'₂, qui₂jme₂tín'₁ 'nia'₂ a₂jñia'₅₄ con'₂ a₂jme₃'liin'₅₄ guě₄ lia'₂ con'₂ guě₄ guion'₅₄ 'nia'₂.

16 'i'E₂ guě₄ juíg'₂ 'nia'₂, dsa₂ ten₄ i₂quian₅ ne₄ jui₅! Ia₁ juá'₂ 'nia'₂ jme₂tíng'₁ dsa₂: “Ně₁jua'₂ 'ein₂ ca₂cuě₃ jág₁ quió'₅ 'ě₂₃ guá'₅, tsá₃ 'e₂ quen₅ jág₁ jaun₂; la₁ ně₁jua'₂ ca₂'ě₃ cu₄nióg₄ a₂te₁'i₁ guá'₅, a₂jaun₂ guě₄ dsón'₂ quen₅ jág₁ quió'₅”, tion₅₄ 'nió'₅ jme₃tí₃ jág₁ a₂ně₂cuě₃. 17 'i'Nia'₂ dsa₂ ten₄, dsa₂ co₄! ¿'E₂ a₂quen₅ guě₄ 'ñio₅ lin₃? ¿Cu₄nióg₄, o₃ guá'₅ ja₁rě₂jñi₃ cu₄nióg₄ jaun₂ 'e₂? 18 Juá'₂ 'nia'₂ ján₃: “Ně₁jua'₂ 'ein₂ cuě₅ jág₁ quió'₅ a₂'ě₂₃ ne₄chei₂, ján₃ bá₄ tsá₃ 'e₂ quen₅ jág₁ jaun₂; la₁ ně₁jua'₂ ca₂'iin₃ já'₂ i₂rě₂jen'₅₄ ne₄ ne₄chei₂, jaun₂ guě₄ dsón'₂ tion₅₄ 'nió'₅ jme₃tí₃ jág₁ quió'₅.” 19 'i'Nia'₂ dsa₂ ten₄! ¿'E₂ jaun₂ a₂lě₅ a₂dsen₅₄ guě₄? ¿já'₂ i₂rě₂jen'₅₄ ne₄ Diú₄, o₃ ne₄chei₂ a₂rě₂jñi₃ já'₂ 'ěi₂ 'e₂? 20 Jaun₂ lě₃, jui₁lia'₂ jme₁cuě₅ dsa₂ jág₁ quió'₅ a₂'ě₂₃ ne₄chei₂, on₃jua'₅₄ jmá'₃ ne₄chei₂ 'ě₂₃; a₂'ě₂₃ ca₂le₃jě₃ 'e₂ a₂te₁'i₁ ne₄chei₂ bá₄ jaun₂. 21 Le₂ně₅ bá₄ ján₃, jui₁lia'₂ i₂'ě₅ guá'₅, on₃jua'₅₄ jmá'₃ ca₂ne₅₄ guá'₅ 'ě₂₃, a₂'iin₂₃ le₂jio₅ Diú₄ i₂guá'₅ dsi₂něi₂ jaun₂ bá₄. 22 Ján₃ bá₄ le₂ně₅ jui₁lia'₂ i₂'ě₅ guei'₅₄ i₂juíg'₃, a₂ma₂ně₂'ě₃ le₂jio₅ ne₄ta₁ quió'₅ Diú₄, ton'₂ a₂ma₂ně₂'iin₃ le₂jio₅ 'ñio₅ Diú₄ i₂guá'₅ ne₄ta₁ jaun₂ bá₄ ján₃.

23 'i'E₂ guě₄ juíg'₂ 'nia'₂ tě₅juá'₅, 'nia'₂ dsa₂ fariseos ně₃, i₂lě₁jmo₅-dsáu₅ o₁ne₁! Ia₁ qui₂jáng'₂ 'nia'₂ caun₂ qui'₅₄ a₂guia₃ quió'₅ mi₁'au₂ mi₂juig₂, jui₁lia'₂ menta, anís, quian'₅₄ qui₂má₃ ně₃. La₁ tsá₃ tón'₂ guě'₂ 'nia'₂ jui₅ 'Éi'₃ Juá'₅ a₂dsen₅₄ guě₄ quió'₅ Diú₄ ron₅, jui₁lia'₂ ja₁juá'₂ a₂'nió'₅ jmo₃ dsa₂ a₂dse₃, a₂dsia₃ dsa₂ ŋéi₂ dsí₅ dsa₂ mi₂güig₃ riin'₅₄, a₂jmo₃ dsa₂ tí₅ jág₁ quió'₅ quian'₅₄ riin'₅₄. A₂ně₅ bá₄ a₂dsen₅₄ guě₄ a₂ca₂tín'₂ 'nia'₂ jmó'₂, la₁ on₃jua'₅₄ a₂tsá₃ ma₃jme₁tí'₄ 'nia'₂ 'Éi'₃. 24 'i'Nia'₂ dsa₂ ten₄ i₂quian₅ ne₄ jui₅! Qui₁ŋí'₄ 'nia'₂ quió'₅ i₁lu₂ pí'₁, la₁ ní'₅ bá₄ guě'₂ 'nia'₂ guiong'₅₄ jui₁lia'₂ já'₂ camello.

25 'i'E₂ guě₄ juíg'₂ 'nia'₂ tě₅juá'₅, 'nia'₂ dsa₂ fariseos ně₃, i₂lě₁jmo₅-dsáu₅ o₁ne₁! Ia₁ lín'₅ 'nia'₂ jui₁lia'₂ lě₅ ni₁vaso, ni₁uĩng₅ ně₃, qui₁rin'₄ 'nia'₂ jmá'₃ lia'₂ le₃co'₅₄. La₁ tě₂le₃ jui₅ tě₂'au'₂ 'nia'₂, qui₂rě₂can'₂ ca₂le₃jě₃ ne₅₄ a₂'lig'₅₄ a₂qui₂dsi₂jñia₅ 'au'₂ 'nia'₂, 'niog'₂ 'nia'₂ jua'₅₄ jmá'₃ lia'₂ guiong'₅₄ bá₄ qui₂le₃cha₂ quiáng'₂; qui₂ja₂nó'₅ 'nia'₂ 'ang'₂ quió'₅ dsa₂. 26 'i'Nia'₂ dsa₂ fariseos ten₄! Rang₂ 'nia'₂ de'₂ jñiá₅ le₃'ñi₃ ni₁vaso quian'₅₄ ni₁uĩng₅, jaun₂ guě₄ lě₂ le₁jě₃ le₂tan₅₄ le₃co'₅₄ ně₃.

27 'i'E₂ guě₄ juíg'₂ 'nia'₂ tě₅juá'₅, 'nia'₂ dsa₂ fariseos ně₃, i₂lě₁jmo₅-dsáu₅ o₁ne₁! Ia₁ lín'₅ 'nia'₂ jui₁lia'₂ lě₅ tau₂ 'ñio₅ a₂jñia'₅₄ con'₂ jniá₂ tiog₂, jniá₂ jlá'₁ jmá'₃ lia'₂ le₃co'₅₄ bá₄, la₁ le₃'ñi₃ qui₂rě₂can'₂ ni₁mu₅, chí'₅ ma₂'lig'₅₄. 28 Le₂ně₅ bá₄ lín'₅ 'nia'₂;

'e₂ guě₄ dsen'₃ 'nia'₂ jniág'₂ jmá'₃ lia'₂ le₃co'₅₄ tē₃jě₄ jág₅ dsa₂, la₁ tē₂'au'₂ guě'₂ 'nia'₂ qui₂rě₂can'₂ ca₂le₃jě₃ ne₅₄ a₂'lig'₅₄, a₂jmo'₂ dsáu'₂ 'nia'₂ o₁ne₁ 'e₂ a₂jmo'₂.

29 'i'E₂ guě₄ juíg'₂ 'nia'₂ tē₅juá'₅, 'nia'₂ dsa₂ fariseos ně₃, i₂lě₂jmo₅-dsáu₅ o₁ne₁! Ia₁ qui₂jmo₃'₂ 'nia'₂ tau₂ 'ñio₅ quió'₅ dsa₂ i₂ca₂'ě₂ jág₁ quián₅ Diú₄ ma₂líg'₂, qui₂jmo₃'₂ 'nia'₂ jlá'₁ qui₂rě₂lag₄ jui₁lia'₂ ja₁le₁'on₅ dsa₂ dsen₃ i₂ma₂dsan₃. 30 Jaun₂ jag'₅₄ 'nia'₂: “Jua'₅₄ mei'₂ bá₄ ca₂rě₃chóng₃ jniog₄ jmig₄ jaun₂ lia'₂ con'₂ jme₁chan₂ dsa₂ can'₅₄ quián₂ ma₂líg'₂, tsá₃ jme₁jme₁quai₁in'₅₄ jniog₄ lia'₂ con'₂ jme₁ca₂jmo₃ a₂ca₂i₃'o₅₄ jmi₂ 'an₅₄ dsa₂ i₂chen₄ 'éi₂ quián₅ Diú₄.” 31 Jaun₂ le₂ně₅, quian'₅₄ jág₁ quián'₂ 'nia'₂ guiong'₅₄, jáng'₂ 'nia'₂ jág₁ dsau₅ a₂lín'₅ tsi₁jon₂ dsa₂ i₂ca₂jme₃dsian₅ dsa₂ i₂ma₂chen₃ Diú₄. 32 Jaun₂ ně₃, jme₁'ñia₅ 'nia'₂ dso₄ a₂ca₂jme₃lióg₃ dsa₂ can'₅₄ quián'₂ 'nia'₂.

33 'jJá'₂ 'lin'₅₄! iTsi₁jon₂ dsi₂mi'₂! ċ'A₂ bá₄ lia'₂ le₃lon'₅₄ 'nia'₂ 'éi'₃ uig₅ a₂já₅ ja₁con'₂ 'nia'₂ a₂dsi₁nog'₃ guio₃-juíg₃? 34 'Uig₅₄ jaun₂, tsin₅₄ jniá₂ ja₁con'₂ 'nia'₂ dsa₂ i₂'ě₂ jág₁ o₄quió₃, dsa₂ i₂ñí'₂ niog₅ dsi₄, i₂lín₅ tē₅ ně₃. I₂lin₅₄ 'éi₂ jme₁dsiain'₂ bá₄ 'nia'₂, i₂lin₅₄ guě'₂ qui₁tóin'₄ 'nia'₂ cróg₄. I₂sián'₂ guě'₂ ně₃ qui₁cuě'₅₄ 'nia'₂ dsi₂néi₂ guá'₅ sinagogas quiáng'₂, qui₂co₁'éin'₄ 'nia'₂ ně₃ le₂'í₁ juig₂. 35 Jaun₂ lě₃, 'nia'₂ bá₄ le₁cáng'₄ jmi₄ ca₂le₃jín₃ dsa₂ dsen₃ i₂qui₂ma₂dsan₃ mi₂güí₃, ca₂tě₂ jmi₄ Abel i₂jme₁lín₄ dsa₂ dsen₃, ca₂tě₂ jmi₄ Zacarías ja₁ñi'₅₄ Berequías, i₂ca₂jñí'₃ 'nia'₂ i₁dsi₅ guá'₅ jě₄ ja₁lě₄ ja₁jñi₅ quian'₅₄ ja₁chí'₄ ne₄chei₂. 36 A₂dsi₂jó'₃ juíg₂ jniá₂ 'nia'₂, dsa₂ chan₂ jmig₄ ně₃ bá₄ rě₂cán'₄ ca₂le₃jě₃ dso₄ jaun₂.

'O₅ Jesús o₄quió'₄ juig₂ Jerusalén
(Lucas 13:34-35)

37 'i'Nia'₂ dsa₂ juig₂ Jerusalén! i'Nia'₂ dsa₂ juig₂ Jerusalén, 'nia'₂ i₂jme₂dsiáng'₁ dsa₂ i₂'ě₂ jág₁ quián₅ Diú₄, 'nia'₂ i₂qui₂jnag'₅₄ cang₄ dsa₂ i₂chen₅ Diú₄ jin'₄ 'nia'₂! i'Lióng₂ ráun₂ jme₁'ín₅ dsi₃ jme₁chi₁liang'₂ guein₂ dsa₂ juig₂ quiáng'₂, jui₁lia'₂ jmo₅ i₁tsín'₃ a₂chi₂lain'₂ guein₂ quián₅ to'₂ né'₃ tsi₁rě₂cu₅, la₁ guion'₅₄ 'nia'₂ tsá₃ ca₂gue'₅₄! 38 Jag₄ jaun₂, dsi₂néi₂ quiáng'₂ ně₃ tē₃'ñiá₄, tē₃tsi'₅₄ tei₄, tsá₃ 'ein₂ chan₂ lě₂. 39 Ia₁ juá'₅ jniá₂, tsá₃ ma₃la₂ jag'₅₄ 'nia'₂ jniá₂, ca₂lia'₂ ca₂tě₂ jmig₄ jě₁ma₂tě₂ rě₁jua'₅₄ 'nia'₂: “Jui₁le₂jñi₅ bá₄ i₂ně₅ i₂jón'₅ o₄quió'₄ Te₁gui'₅₄.”Š

24

Ca₂'ě₂ Jesús jág₁ a₂dsi₃'én₂ bá₄ guá'₅ templo
(Marcos 13:1-2; Lucas 21:5-6)

1 Jaun₂ ca₂o₃ín₃ Jesús i₁dsi₅ guá'₅ templo ja₁jme₁'ein₅₄.
Jme₁ma₂'ein₅₄ jui₅ nái'₅, ca₂jme₃quián₃ chi'₂ dsi₂guia₃-tín₂
quiáin₅ tē₂, ca₂juá'₂:

—Jag₄ 'a₂ lia'₂ lē₅ guá'₅.

2 La₁ jaun₂ ca₂ηag₃ Jesús:

—ǂág'₂ 'nia'₂ ca₂le₃jē₃ a₂nē₅? A₂dsi₂jó'₃ juíg₂ jniá₂ 'nia'₂, já₅
jmig₄ lia'₂ 'i₁ca₂míg₂ ni₁cang₁ tsá₃ ma₃'e₂ jua'₅₄ a₂le₁juí₄ guē₄ lé₂
quian'₅₄ rin'₅₄. Ca₂le₃jē₃ bá₄ 'én₂.

Léi₄ a₂lé₂ jmig₄ jē₁ca₂tó'₂

(Marcos 13:3-23; Lucas 21:7-24; 17:22-24)

3 Jme₁ca₂dsióg₃ Jesús Má'₂ Olivos; ja₁jaun₂ ca₂guá₂. Jaun₂
ca₂i₁len₅₄ chi'₂ dsi₂guia₃-tín₂ con'₂ jē₄ jmá'₃ guioin₅₄, ca₂nii'₃
Jesús:

—'Niog₂ jnia'₅₄ le₃ne₄ líg'₂ lé₂ a₂juá'₂ 'ne₂ nē₅. ǂ'E₂ léi₄ lé₂
jē₁ma₂tē₂ rē₁neg'₅₄ táng₃? ǂ'E₂ bá₄ léi₄ lé₂ jē₁ma₂tē₂ rē₁tē₅₄ jmig₄
jaun₂?

4 Jaun₂ ca₂ηag₃ Jesús:

—Jmo₄ 'nia'₂ 'í₁ ia₁jaun₂ tsá₃ 'ein₂ jme₃gau₅. 5 Ia₁ juin₅
i₂tē₁i₃nio₄ a₂juá'₂ i₂nioi₅₄ o₄quió₃ jniá₂, juá'₂: “Jniá₂ bá₄ líng₅
I₂rē₂'ín₁ quián₅ Diú₄”; jaun₂ juin₅ dsa₂ i₂qui₂jme₃gain₂₃.
6 Jē₁ma₂nei'₂ 'nia'₂ 'ei₅ jág₁ a₂nio₃ 'nei₂ a₂quín'₂ dsa₂ ja₁lá₃
ja₁ó₃, la₁ tsá₃ jmó'₂ 'nia'₂ gang'₃, ia₁ le₂jaun₂ dson'₂ lé₂ bá₄. La₁
'nió'₅ bá₄ guē₄ a₂ηí₂ jein₂ jaun₂. 7 Ia₁ nio₃ 'nei₂, qui₃quín'₂ dsa₂
le₂caun₂ le₂caun₂ juig₂ nación; dsi₂tan₅₄ guē'₂ nē₃ qui₃tóin'₃ mī'₅₄
quín'₂ quian'₅₄ dsi₂tan₅₄ riin'₅₄ i₂chan₂ juig₂ siá'₂. Jaun₂ guē₄
nē₃ 'lióng₂ ja₁qui₂i₂nio₄ dsa₂ 'oin₅₄ lé₂, ton'₂ 'lióng₂ ja₁qui₂dsi₃bi₅₄
'uē₃ nē₃. 8 Ca₂le₃jē₃ a₂nē₅ lé₂ a₂le₂'uig₅₄ jmi₁uig₅ jui₁lia'₂ jan₂ 'io₅₄
i₂rē₂chan₂ guein₂ quián₅.

9 'Jaun₂ guē₄ nē₃, qui₃jín'₂ dsa₂ 'nia'₂ ne₄ dsi₂tan₅₄ ia₁jaun₂ cuē₃
dsa₂ uig₅, jaun₂ guē₄ jme₃dsian₅ dsa₂ 'nia'₂. Le₂con₂ mi₂güig₃
bá₄ jme₃ηia₅₄ dsa₂ 'nia'₂ 'uig₅₄ quió₃ jniá₂. 10 Jmig₄ jaun₂, juin₅
dsa₂ i₂tí₂ jui₅ quió'₅ Diú₄ a₂jme₁'éin₂, qui₂jme₃ηia₅₄ bá₄ riin'₅₄,
qui₃jáng'₂ nē₃. 11 Juin₅ dsa₂ le₃chan₂ i₂'ē₂ jág₁ i₂jui₁gan₂, jaun₂
juin₅ dsa₂ i₂jme₃gain₂₃. 12 'Uig₅₄ ia₁ a₂ηí₄ lē₃ jui₁si ηag₅₄ le₃'lin'₅₄
dsa₂, co₂dsia₅ le₃güig'₂ bá₄ 'a₂ lia'₂ jme₁'nio₃ dsa₂ riin'₅₄ le₂jain₂
le₂jain₂. 13 La₁ jui₁lia'₂ i₂náu₃ tiá₂ tē₂ jē₁ca₂tó'₂, 'éi₂ bá₄ líón₂.
14 Jág₁ dse₃ la₂ jui₁lia'₂ 'a₂ lia'₂ lē₅ ja₁gon₂ Diú₄ qui₂dsi₃'ag₅
ta₁caun₂ mi₂güig₃, ia₁jaun₂ le₃ηi₅ ca₂le₃jē₃ juig₂ te₁'i₁ gua'₅₄ 'uē₃
jág₁ dse₃ jaun₂; jaun₂ guē₄ nē₃ tē₅₄ jmig₄ jē₁ca₂tó'₂.

15 'Jaun₂ nē₃, já₅ jmig₄ a₂tē₅₄ ne'₅₄ 'nia'₂ a₂náu₃ jan₂ dsa₂
i₂'lin'₅₄ guē₄ lin₃, a₂jme₃ióg₃ ja₁jnió₅, a₂le₃ti₃ jág₁ a₂ca₂'ē₂ Daniel

i₂jme₁'ē₂ jág₁ quián₅ Diú₄,* (jaun₂ jui₁le₂ñí'₂ bá₄ i₂'i₅ si₂ la₂),
 16 jaun₂ ně₃, dsa₂ i₂tián'₅ le₂tan₅₄ 'uě₃ Judea, jui₁cuíng₁₂ jui₅ má'₂.
 17 Jui₁lia'₂ i₂'en₅₄ guei'₅₄ 'ne₄, tsá₃ ma₃jui₁sióin₄ jua'₅₄ a₂'uě'₃ 'e₂
 'uě'₃ dsi₂néi₂ quió'₅; 18 jui₁lia'₂ i₂'en₅₄ ja₁nau₂ quió'₅ táng₃, tsá₃
 ma₃jui₁jñioi'₅₄ jua'₅₄ a₂ja₃quián₂ tsi₁'mi'₂ dsiog₂ quió'₅. 19 Juíg₂
 bá₄ jui₁lia'₂ dsa₂ mǐ₂ i₂le₁quian₅ guein₂, jui₁lia'₂ i₂le₁jñia₅ guein₂
 i₂'ín'₂ dsi'₅₄ ně₃, jmig₄ jaun₂! 20 Mi₄ 'nia'₂ ne₄ Diú₄ ia₁jaun₂
 tsá₃ o₁le₅₄ jua'₅₄ a₂cuíng'₂ 'nia'₂ jein₂ güig₂, on₃ guē'₂ jmig₄
 sa₅₄ ně₃. 21 Ia₁ juá'₅ jniá₂, caun₂ o₂i₁ dsi₅ lin₃ a₂le₃chan₂ dsa₂
 jmig₄ jaun₂, caun₂ jmi₁uig₅ a₂tsá₃ ma₂ca₂rě₃chá₃ ca₂le₃ ca₂nio₃
 mi₂güig₃, on₃ guē'₂ ma₃nio₅ jmig₄ jua'₅₄ a₂le₃cha₂ guē'₄ cang₂.
 22 Jua'₅₄ mei'₂ guē'₃ Diú₄ tsá₃ ma₂ca₂jme₃tě₃ jmig₄ jaun₂, 'i₁jan₂
 tsá₃ 'ein₂ jme₁lión₂ jua'₅₄ mei'₂ guē'₃ tsá₃ le₂jaun₂. La₁ o₄quió'₄
 i₂rě₂quion'₅₄ quián₅, jme₃tě₃ bá₄ jmig₄ jaun₂.

23 'Ně₁jua'₂ chan₂ i₂ca₂juá'₂ tsí'₅ 'nia'₂ jmig₄ jaun₂: “Jag₄ 'nia'₂!
 jLa₂ bá₄ chén'₅ I₂rě₂'ín₁ quián₅ Diú₄!” o₃ ně₁jua'₂ 'ein₂ ca₂juá'₂:
 “Jó₄ 'ein₅₄”, tsá₃ o₁'en₅₄ 'nia'₂ jág₁ jaun₂. 24 Ia₁ juin₅ dsa₂
 i₂jui₁gan₂ ja₃lén₂ a₂juá'₂ a₂lín₅ I₂rě₂'ín₁ quián₅ Diú₄, a₂juá'₂ ně₃
 a₂lín₅ dsa₂ i₂'ē₂ jág₁ quián₅ Diú₄; 'lióng₂ léi₄ juē'₂ a₂o₂dsain₂ jmo₃
 a₂jme₃gain₂₃ dsa₂. Jua'₅₄ mei'₂ guē'₃ lé₂, ca₂tě₂ dsa₂ i₂quion'₅₄
 quián₅ Diú₄ jme₃gain₂₃. 25 Jaun₂ ně₅ ma₂ně₂juíg₂ jniá₂ 'nia'₂
 tě₃jñiá₅. 26 Jaun₂ ně₃, ně₁jua'₂ 'ein₂ ca₂tsí'₃ 'nia'₂: “Nǐ₂ 'nia'₂, jó₄
 'ein₅₄ ja₁lě₄ 'uě₃ quein₂ co₂'ñiog₅”, tsá₃ lě₁o₂nó'₅ 'nia'₂ ja₁jaun₂; o₃
 ně₁jua'₂ 'ein₂ ca₂juá'₂: “Nǐ₂ 'nia'₂, ja₁lá₃ rě₂'mai₅₄ dsi₂néi₂”, tsá₃
 jui₁le₂'én'₂ 'nia'₂. 27 Ia₁ jui₁lia'₂ jme₁lě₂ si₁ñí'₃ ca₂taun₂ ca₂taun₂,
 le₂jaun₂ bá₄ lé₂ jě₁ma₂tě₂ rě₁guan₂ Jaun₅ dsa₂ mi₂güig₃. 28 Ia₁
 jui₁lia'₂ ja₁ron₅ 'lag₄, ja₁jaun₂ bá₄ ñi'₂ i₁tú₃ tsin'₅₄.

'A₂ lia'₂ guan'₂ Jaun₅ dsa₂ mi₂güig₃

(Marcos 13:24-37; Lucas 21:25-33; 17:26-30, 34—36)

29 'Dsi₂jui₅ jě₁ma₂ca₂ñag₅ jmig₄ o₂i₁ dsi₅ jaun₂,
 'iog₂ ně₃ co₂dsia₅ le₃lia'₂,
 tsi'₂ ně₃ tsá₃ ma₃tág₅ jnia₅₄;
 nei₅ guē'₂ ně₃ qui₂tsi₃séi'₂,
 ca₂le₃jě₃ guē'₄ 'e₂ bí₂ cha₂ guei'₅₄ mi₂güig₃
 qui₃guan'₃.†

30 'Tě₃jě₄ jaun₂ guē'₄ ně₃, le₃jniá₂ guei'₅₄ dsi₂güig₂ léi₄ quió'₅
 Jaun₅ dsa₂ mi₂güig₃, ca₂le₃jě₃ juig₂ te₁'i₁ le₂con₂ mi₂güig₃ tóin'₃
 qui₃'-o₃. Jín₂ Jaun₅ dsa₂ mi₂güig₃, guain'₂ guei'₅₄ jě₄ jnei₅
 quian'₅₄ ca₂le₃jě₃ jui₅bí₂ a₂'io₂₃ jláin'₁. 31 Jaun₂ qui₃chein₃ ángeles

* 24:15 'Í₂ Daniel 9:27; 11:31; 12:11. † 24:29 Isaías 13:10; 34:4.

quiáin₅ jéi₂ nǐ₂ trompeta tiá₂ lin₃ a₂tē₂ dsa₂ i₂quion'₅₄ quiáin₅ i₂chan₂ ca₂le₃jě₃ juig₂ te₁'i₁ ta₁caun₂ mi₂güig₃.

32 'Jme₁tin₅ 'nia'₂, jui₁le₂nǐ'₂ 'au'₂ jág₁ a₂jáng'₅ léi₄ jui₁lia'₂ ni₁'ma₂ a₂'ag₅ mǐg₂ higos: jme₁chéi'₂ gu'₂ nei'₅₄, a₂ja₂'nio₃ mog'₅₄, nǐ'₅₄ 'nia'₂ a₂ma₂ja₂quián₃ jein₂ 'iog₂ bá₄ jaun₂. 33 Le₂ně₅ bá₄ 'nia'₂ jaun₂ ně₃, jě₁ma₂tě₅ ne'₅₄ a₂lě₂ ca₂le₃jě₃ a₂ně₅, jui₁le₂nǐ'₅₄ bá₄ 'nia'₂ a₂ma₂ja₂quián₃, ně₂jag₄ bá₄ i₂ma₂chén'₅ o₄'né₄ bá₄ 'éi₂.

34 A₂dsi₂jó'₃ juá'₅ jniá₂ juig₂ 'nia', tsá₃ dsi₃nǐ₂ tsi₁jon₂ la₂, † ca₂lia'₂ ca₂lě₃ ca₂le₃jě₃ a₂ně₅. 35 Já₅ jmi₂g₄, guei'₅₄ dsi₂güig₂ quian'₅₄ mi₂güig₃ la₂ nǎg₅, la₁ jág₁ quió₃ o₁lǐg'₂ tsá₃ nǎg₅ jua'₅₄ a₂tsá₃ le₃ti₃.

36 'La₁ 'i₁jan₂ tsá₃ 'ein₂ nǐ₅ 'e₂ 'ió'₄, 'e₂ hora lé₂ a₂jaun₂, on₃ guē'₂ ángeles i₂tion'₅₄ guei'₅₄ i₂juig₃, on₃ guē'₂ 'niog₅ Ja₁nǐ'₅₄ Diú₄. § Jnia'₅₄ lia'₂ 'niog₅ bá₄ Diú₄ Jmei₂ nǐ₅.

37 'Ia₁ jui₁lia'₂ ca₂lě₃ jmi₂g₄ lia'₂ con'₂ jme₁chan₂ Noé, le₂jaun₂ bá₄ lé₂ ján₃ jě₁ma₂tě₂ rē₁guan'₂ Jaun₅ dsa₂ mi₂güig₃. 38 Ia₁ jmi₂g₄ jaun₂, né'₃ a₂can'₂ mi₂güig₃ quian'₅₄ jmi₂g₂, jme₁chan₂ dsa₂ qui₂guē'₅, qui₂'ín'₂, qui₂jéin'₂ gu₂, qui₂cuiin₂₃ ja₁mǐg₄ jme₁jéin'₂ gu₂ ně₃, ca₂lia'₂ ca₂tě₂ jmi₂g₄ jme₁ca₂'í₃ Noé 'nió'₃ ni₁barco; 39 la₁ con'₂ tsá₃ 'ein₂ rē₁ján₁ jme₁ca₂dság'₃ jmi₂g₂ ca₂jio₃ quió'₅ ca₂le₃jǐin₃. Le₂jaun₂ bá₄ lé₂ táng₃ jě₁ma₂tě₂ rē₁guan'₂ Jaun₅ dsa₂ mi₂güig₃. 40 Jmi₂g₄ jaun₂, on₃ dsa₂ nǐ'₂ tion'₅₄ ja₁nau₂; jan₂ i₂dsán'₃, jan₂ guē'₂ i₂tě₃ 'niá₄. 41 On₃ guē'₂ dsa₂ mǐ₂ tioin'₅₄ éi'₅ ne₄ ni₁to₂; jan₂ i₂dsán'₃, jan₂ guē'₂ i₂tě₃ 'niá₄.

42 'Jme₁jnio₂ 'nia'₂ ne'₅₄ jaun₂, ia₁ tsá₃ nǐ'₅₄ 'nia'₂ 'e₂ hora jnió'₂ juig'₂. 43 La₁ jui₁le₂nǐ'₂ 'au'₂ 'nia'₂ a₂la₂: jua'₅₄ mei'₂ guē₃ nǐ₅ dsa₂ juig₅₄ caun₂ dsi₂néi₂ 'e₂ hora jiá₃ dsa₂ 'ang₂ tē₂le₃ ca₂nei₂, jme₃jnio₅₄ ne₅₄, tsá₃ cuē₃ jmi₂g₄ a₂'í₂ dsa₂, 'ang₃ dsi₂néi₂ quió'₅. 44 Le₂ně₅ bá₄ 'nia'₂, rē₂ján'₁ 'nia'₂ chang'₂; ia₁ con'₂ tsá₃ nǐ'₅₄ bá₄ 'nia'₂ guan'₂ Jaun₅ dsa₂ mi₂güig₃.

Dsa₂ dsen₃ i₂jme₂ti₃, quian'₅₄ dsa₂ i₂tsá₃ jme₂ti₃

(Lucas 12:41-48)

45 'ǾEin₂ dsa₂ i₂nǐ'₂ dsí₅ jme₂ti₃ con'₂ dsi₂ten₅₄ ne₄ juig₅₄? Juig₅₄ ně₃ ca₂dsia₃ o₄gú₃ 'éi₂ dsi₂néi₂ quió'₅ lia'₂ jma₃quian'₅₄ ca₂le₃jǐin₃ riin'₅₄ i₂jme₂ti₃, a₂nǐ'₃ riin'₅₄ jě₁ma₂tě₂ hora a₂guē'₃. 46 'E₂ guē₄ dsen₃ 'éi₂ jě₁ma₂tě₂ rē₁jo₅₄ juig₅₄ jě₁ma₂guáin'₅ jme₂ti₃ bá₄ ta₁ a₂chéin'₅. 47 A₂dsi₂jó'₃ juá'₅ jniá₂, cuē₃ juig₅₄ ta₁ a₂nio₃ ne₅₄ ca₂le₃jě₃ 'e₂ a₂cha₂ quió'₅. 48 La₁ jua'₅₄ mei'₂ guē₃ dsa₂ i₂jme₂ti₃ lǐin₅ jan₂ dsa₂ 'lin'₅₄ i₂tsá₃ tón'₂ jui₅ ta₁ a₂chéin'₅, ia₁ lǐin₂, “i₂le₃'in₄ bá₄ juig₃”, 49 jaun₂ jme₂lióg₃ qui₂cuē'₅ bá₄ riin'₅₄, dsó₂ qui₂dsi₂guē'₃ qui₂dsi₂'én'₃ quian'₅₄ dsa₂ 'en₅ ně₃. 50 La₁ caun₂

† 24:34 o₃, “né'₃ a₂dsián₃ dsa₂ i₂lǐn₅ raza la₂.”

§ 24:36 A₂lin₅₄ chog₅₄ si₂ tsá₃

chi₁ton₅ “on₃ guē'₂ 'niog₅ Ja₁nǐ'₅₄ Diú₄.”

jmig₄ con'₂ tsá₃ rē₂jáin₁, caun₂ hora con'₂ tsá₃ lí'₄ bá₄, dsián'₄ juig₅₄. ⁵¹ Juig₅₄ ně₃ cuē₃ uig₅, * 'liog'₃ ja₁jaun₂ bá₄ ján₃, ja₁ca₂tín₂ dsi₁len₅ i₂lēj₁jmo₅-dsáu₅ o₁ne₁, ja₁qui'₂-o₃, qui₃quí₃'₃ jan₅₄.

25

Jág₁ jáng'₅ léi₄ jui₁lia'₂ guian₃ chi'₂ dsa₂ mi₄

¹ 'Jmig₄ jaun₂ jui₁lia'₂ ja₁gon₂ Diú₄, lé₂ jui₁lia'₂ ca₂jmo₃ guian₃ chi'₂ dsa₂ mi₄ jme₁ca₂can₃ ni₁tsí₅ le₁guí'₂ si₂ quió'₅. Ca₂i₃lén₂ ca₂i₁jme₁jein'₂ dsa₂ ŋe'₂ i₂jen'₂ gu₂. ² 'Njá₂ chi'₂ dsa₂ mi₄ 'éi₂ jme₁coin₅₄; 'ŋjá₂ guē'₂ i₂'ŋio₄, i₂dse₃ niog₅ dsi₄. ³ Dsa₂ mi₄ i₂co₄ 'éi₂ ně₃, jmá'₃ ni₁tsí₅ chi₁guí'₂ si₂ bá₄ ca₂can₃; tsá₃ ca₂can₃ guē'₂ ni₁dsig₁ a₂'a₄ aceite. ⁴ La₁ dsa₂ mi₄ i₂niog₅ dse₃ dsi₄ ně₃ ca₂jmo₃ co₂jŋia₅₄ quió'₅, jme₁le₁quian₅ ni₁tsí₅ le₁guí'₂ si₂, ton'₂ jme₁le₁quian₅ rē₂tsón₂ aceite 'a₄ ni₁dsig₁. ⁵ La₁ ca₂rē₃'in₄ bá₄ guē'₂ dsa₂ ŋe'₂ i₂lēs₅ jág₁ jen'₂ gu₂, jaun₂ le₃jín₃ bá₄ dsa₂ mí'₂ 'éi₂ ně₃ ca₂tá'₂ i₁güin₃, jaun₂ ca₂güin₂ bá₄. ⁶ Jaun₂ jme₁ca₂tē₂ dsi₃nei₅, ca₂né'₂ tiá₂ i₁juá'₄ dsa₂: “iNē₅ jón'₅ dsa₂ ŋe'₂ i₂jen'₂ gu₂! 'iUin'₂ 'nia'₂ o₂jme₁jein'₂!” ⁷ Jaun₂ qui₂ca₂nau₂ ca₂le₃jín₃, ca₂jmo₃ dse₃ mecha tsí₅ quió'₅. ⁸ Jaun₂ ca₂juá'₂ dsa₂ mí'₂ i₂'ŋjá₂ i₂co₄ 'éi₂ ca₂tsí'₃ riin'₅₄ i₂'ŋio₄: “Cuē'₁ 'nia'₂ ca₂juig₄ aceite quiáng'₂, ia₁ ma₂i₁ei₃ si₂ tsí₅ quián₂ jnia'₅₄.” ⁹ La₁ ca₂ŋag₃ dsa₂ mí'₂ i₂'ŋio₄: “Jan'₂ón₄. Ia₁ con'₂ tsá₃ ŋó₅ nē₁juá'₂ tsá₃ ca₂tín'₂ quián₂ jnia'₅₄ guio₅₄, on₃ guē'₂ quián'₂ 'nia'₂ tín'₂ ně₃. Co₂ŋei'₅₄ guē'₄ dse₃ o₂nó'₅ 'nia'₂ guiong'₅₄ o₂liá₃ quiáng'₂ ja₁'nag₅ dsa₂.” ¹⁰ La₁ tē₁lia'₂ i₂lén₂ 'éi₂ i₂lia₅ aceite, tē₃jē₄ jaun₂ ca₂guán'₃ dsa₂ ŋe'₂ i₂lēs₅ jág₁ jen'₂ gu₂. Dsa₂ mí'₂ i₂tián'₅ lēs₅ co₂jŋia₅₄ ca₂i₃toin'₅₄ bá₄ co₂lēs₅ quiong'₅₄ i₁guē'₂ ja₁niog₅ jmig₄ a₂jen'₂ gu₂ dsa₂. Jaun₂ ca₂jnág₃ o₄'né₄ jme₁ca₂jnág₃. ¹¹ Jme₁co₂lág₂ jaun₂, o₃len₅ i₂'ŋjá₂ 'éi₂, jaun₂ ca₂tóin'₂ ca₂tē₃, ca₂juá'₂: “iTe₁gui'₅₄, Te₁gui'₅₄! iNia₄ o₄'né₄ jaun₂ tió'₄ jnia'₅₄!” ¹² La₁ jaun₂ ca₂ŋag₃ dsa₂ ŋe'₂: “A₂dsi₂jó'₃ juá'₅, tsá₃ cúing₅ 'ein₂ 'nia'₂.”

¹³ 'Jaun₂ le₂nēs₅, chan'₂ 'nia'₂ co₂jŋia₅₄, ia₁ tsá₃ ŋi'₅₄ 'nia'₂ 'e₂ 'ió'₄, 'e₂ hora guan'₂ Jaun₅ dsa₂ mi₂güig₃.

Jág₁ jáng'₅ léi₄ jui₁lia'₂ 'a₂ lia'₂ lē₅ ca₂jmo₃ ún₂ dsa₂ quian'₅₄
a₂ca₂dsia₃ juig₅₄ o₄gú₃

(Lucas 19:11-27)

¹⁴ 'Con'₂ siá'₂ lē₅ ja₁gon₂ Diú₄ jui₁lia'₂ jan₂ dsa₂ i₂'en₅₄ jui₅ dsó₃ dsi₃ŋí₃ úing₂ juig₂ siá'₂. Jaun₂ ca₂tē'₃ dsa₂ i₂jme₁jme₂ti₃ ta₁ ne₅₄, jaun₂ o₄gú₃ 'éi₂ ca₂dsia₃ cu₄. ¹⁵ Jan₂ i₂ca₂cuē'₃ 'ŋjá₂ mei₅ 'éi'₃ cu₄ talentos; jan₂ guē'₂ i₂ca₂cuē'₃ tin₃ mei₅, jan₂ guē'₂ caun₂ mei₅. Ca₂cuē'₃ le₂jan₂ dsa₂ 'éi₂ 'a₂ con'₂ jnia'₅₄ qui'₅₄ jmig₄. Jaun₂ guē'₄

* 24:51 lit. “dsia₃ juig₅₄ le₁juig₁ le₁dsog'₅₄ quió'₅.”

ηό3 i1ηί3. 16 Dsa2 i2ca2gue3 'ηιά2 mei5 'éi'3 cu4 ně3, ca2jmói'2 ta1 cu4 jaun2, jaun2 ca2lí'3 con'2 guě4 'ηιά2 mei5 jmá'3 a2dsí2. 17 Ján3 bá4 le2jaun2 ca2jmo3 i2ca2gue3 tin3 mei5, ca2lí'3 con'2 guě4 tin3 mei5 táng3 a2tē1dsi54. 18 La1 dsa2 i2ca2gue3 caun2 mei5 ně3, ca2'ma3 bá4 a2caun2 mei5 a2ca2cuě3 juig54, ca2i1'ó4 né'3 'uě3.

19 'Uě2 lin3 bá4 i1ηi2 juig54 ně3; la1 ca2guáin'3 jme1ca2guáin'3 cang2. Jaun2 ca2cáun3 'í1 ca2chein'3 cuentas quió'5 dsa2 i2jme2ti3 i2ca2cuě'3 cu4. 20 Jaun2 ca2dsióg3 i2le2'ui54 i2ca2gue3 'ηιά2 mei5, jaun2 ca2jín'2 juig54 con'2 guě4 'ηιά2 mei5 a2tē1dsi54 a2ca2lí'3, jaun2 juá'2 tsí'3 juig54: "Te1gui'54, ca2cuě'54 'ne2 'ηιά2 mei5; jag4, la2 ron5 con'2 guě4 'ηιά2 mei5 táng3 a2ca2lág3." 21 Jaun2 ca2juá'2 juig54: "Nio5 dse3 ca2jmo'54. Líng'5 bá4 jan2 dsa2 dsen3 i2ca2rě3ti'54; ca2rě3teng'54 bá4 quian'54 a2ca2juig4 a2ca2dsia3 jniá2 gog'2, ně3 ně3 'lióng2 guě4 a2dsia54 jniá2 gog'2. 'Ú5 dsi2néi2, o1quián1 o2'ηiό3 dsi5 co2dsia5." 22 Jme1co2lág2 jaun2 ca2dsióg3 i2ca2gue3 tin3 mei5, jaun2 ca2juá'2: "Te1gui'54, ca2cuě'54 'ne2 tin3 mei5; jag4, la2 ron5 con'2 guě4 tin3 mei5 táng3 a2ca2lág3." 23 Jaun2 ca2juá'2 juig54, "Nio5 dse3 ca2jmo'54. Líng'5 bá4 jan2 dsa2 dsen3 i2ca2rě3ti'54; ca2rě3teng'54 bá4 quian'54 a2ca2juig4 a2ca2dsia3 jniá2 gog'2, ně3 ně3 'lióng2 guě4 a2dsia54 jniá2 gog'2. 'Ú5 dsi2néi2, o1quián1 o2'ηiό3 dsi5 co2dsia5."

24 'La1 jme1ca2dsióg3 i2ca2gue3 caun2 mei5, ca2juá'2 tsí'5 juig54: "Te1gui'54, guion4 jniá2 a2lín'5 jan2 dsa2 i2tsá3 'e2 ηéi2 dsí5, 'aun'2 ja1tsá3 'e2 ca2jñi'2, ton'2 cag'54 ja1tsá3 'e2 ca2séi'3. 25 'Uig54 jaun2 ca2rě3gó5 jniá2, ca2i1'ó4 bá4 jniá2 cu4 quiáng'2 né'3 'uě3. La1, la2 bá4 ron5 quiáng'2." 26 Jaun2 ca2ηag3 juig54: "jDsa2 'lin'54 juí'5! 'An1, ηi'54 bá4 jaun2 ně3 a2'on23 ja1tsá3 'e2 ca2jan3, ton'2 cag'54 ja1tsá3 'e2 ca2séi3. 27 'Uig54 jaun2, jua'54 banco bá4 co2nei'54 ca2i1tio'2 cu4 quió3, ia1jaun2 jme1guéi'4 cu4 quió3 jē1ma2guáng'3 lia'2 jma3quian'54 a2tē1dsi54. 28 Jñiá'3 'nia'2 a2caun2 mei5 chan'2 i2ně5 jaun2 ně3, o2cuě'54 i2chan'2 guia3 mei5. 29 Ia1 jui1lia'2 i2ma2le1'io5 'lióng2, tē2le3 'lióng2 guě4 ηei2 bá4, ia1jaun2 le3cha2 quió'5 lia'2 qui2rě2tsón2; la1 jui1lia'2 i2tsá3 'e2 le1'io5, le2jiog5 a2ca2juig4 a2ma2le1'io23, co2dsia5 jñia'3 bá4. 30 Jaun2 dsa2 i2tsá3 ta1 tén4 la2, dsein54 ca1'né4 tioen'2 'nia'2 jē4 qui1né'3, ja1qui'2-o3 quíg'3 jan54 ně3."

Jē1ma2tē2 rē1tē3dsi54 'éi'3 ja1con2 dsa2 mi2güig3.

31 'Jē1ma2tē2 rē1guan'2 Jaun5 dsa2 mi2güig3 a2lín5 rag54 jlán'1 lin3, a2qui2le1io3 ángeles quiáin5, jaun2 guě4 guá3 ne4ta1 quió'5 a2'uain'2 lin3, 32 jaun2 ηi'2 ne54 ca2le3jín3 dsa2 chan2 juig2 ca2le2con2 mi2güig3. Jaun2 guě4 ně3 jmo3 jma3quén5 con'2 ca2tín2 le2jan2 le2jan2 dsa2 quian'54 rin'54, jui1lia'2 jmo5 dsa2 i2jmo5 'í1 já'2

cha₂' jmo₂₃ jma₃quén₅ já₂' cha₂' quian'₅₄ chein₄ lau₂. ³³ Tě₂le₃ gu₂ ne₁ quió'₅, chein'₃ já₂' cha₂'; chein₄ lau₂ guē'₂ tē₂le₃ gu₂ jen₅. ³⁴ Jaun₂ ně₃, juá'₂ Rag₅₄ tsí'₅ i₂tión₂ tē₂le₃ gu₂ ne₁: “I₂no'₄ 'nia'₂ i₂ma₂rē₂gon'₅₄ quián₅ Ne'₃; gue₄ 'nia'₂ a₂ca₂tíng'₂ ja₁gon₂ Diú₄, ja₁ma₂lē₅ co₂jñia₅₄ quián'₂ 'nia'₂ ca₂le₃ ca₂nio₃ mi₂güí₃. ³⁵ Ia₁ ca₂ñi₃ jniá₂ 'ong₅₄, 'nia'₂ bá₄ i₂ca₂cuē'₅₄ a₂ca₂guē'₃; ca₂ñi₃ a₂rē₂quein₂ dsi₃ i₁gui'₄ jmi₂g₂, 'nia'₂ bá₄ i₂ca₂cuē'₅₄ jmi₂g₂ ca₂gui'₃; ca₂ñi₃ jniá₂ 'no₂₃ ja₁jan₁₂, 'nia'₂ bá₄ i₂ca₂cuē'₅₄ dsi₂néi₂ quiáng'₂ ca₂jan₅₄. ³⁶ Ca₂ñi₃ jniá₂ 'in₂ tsín'₅, 'nia'₂ bá₄ i₂ca₂cuē'₅₄ tsín'₅ ca₂quí'₃; ca₂tsán₂ dsong₅₄, 'nia'₂ bá₄ i₂ca₂jmo'₅₄ 'í₁; ca₂i₁'ú₄ né'₃ 'má₃, ca₂i₁jag'₄ bá₄ 'nia'₂.” ³⁷ Jaun₂ ně₃, ñag₃ dsa₂ dsen₃ 'éi₂: “Te₁gui'₅₄, líg'₂ bá₄ jaun₂ ca₂né₄ jnia'₅₄ 'ne₂ a₂ñi'₂ i₁cuang'₃ jaun₂ ca₂cuē'₁ jnia'₅₄ a₂ca₂qué'₂? ¿O₃ líg'₂ jaun₂ ca₂né₄ jnia'₅₄ 'ne₂ a₂ñi'₂ rē₂quein₂ 'au'₂, jaun₂ ca₂cuē'₁ jnia'₅₄ jmi₂g₂ ca₂én'₂? ³⁸ ¿O₃ líg'₂ jaun₂ ca₂né₄ jnia'₅₄ 'ne₂ a₂ñi'₂ 'náu'₂ ja₁jan₄, jaun₂ jnia'₅₄ bá₄ ca₂cuē'₁ dsi₂néi₂ ca₂jñia'₅₄, o₃ ca₂ñi'₅₄ 'in₂ tsín'₂, jaun₂ jnia'₅₄ bá₄ ca₂cuē'₁? ³⁹ ¿O₃ líg'₂ jaun₂ ca₂né₄ jnia'₅₄ 'ne₂ a₂rong'₂ dsong'₅₄ o₃ lia'₂ con'₂ ca₂ú'₃ né'₃ 'má₃, jaun₂ ca₂i₁jag₅₄ jnia'₅₄?” ⁴⁰ Jaun₂ ně₃, ñag₃ Rag₅₄: “A₂dsi₂jó'₃ juá'₅ jniá₂, ca₂le₃jě₃ a₂dse₃ a₂'ua₁ 'au'₂ 'nia'₂ ca₂jmo'₅₄ ja₁con₂ le₂jan₂ le₂jan₂ ríng'₃ la₂ i₂jín₂ dsa₂ mi₂güí₃ 'uin₃, o₄quió₃ jniá₂ bá₄ a₂ca₂jmo'₅₄ 'nia'₂.”

⁴¹ 'Jaun₂ juá'₂ táng₃ Rag₅₄ tsí'₃ i₂tión₂ tē₂le₃ gu₂ jen₅: “Jñia'₃ 'nia'₂ ja₁con₂ jniá₂, 'nia'₂ i₂tiong'₅₄ 'éi'₃ o₁nóg'₅ dsi₂si₂ ja₁tsá₃ ton₅ jmi₂g₄ éi₃, ja₁lē₄ co₂jñia₅₄ quió'₅ i₂sě₃dsen₃ quian'₅₄ ángeles quiáin₅. ⁴² Ia₁ ca₂ñi₃ jniá₂ i₁cón₅, 'nia'₂ ně₃ tsá₃ 'e₂ ca₂cuē'₅₄ a₂guē'₅₄; ca₂ñi₃ rē₂quein₂ dsi₃ i₁gui'₄ jmi₂g₂, tsá₃ 'e₂ jmi₂g₂ ca₂cuē'₅₄ 'nia'₂. ⁴³ Ca₂ñi₃ jniá₂ 'no₂₃ ja₁jan₁₂, tsá₃ ja₁ca₂cuē'₅₄ 'nia'₂ jan₅₄. Ca₂ñi₃ 'in₂ tsín'₅, tsá₃ 'e₂ tsín'₅ ca₂cuē'₅₄ 'nia'₂. Ca₂tsán₂ dsong₅₄, jme₁ca₂ú₃ né'₃ 'má₃ ně₃, tsá₃ ca₂i₁jag'₄ 'nia'₂.” ⁴⁴ Jaun₂ ně₃, ñag₃ dsa₂ 'éi₂: “Te₁gui'₅₄, líg'₂ bá₄ jaun₂ ca₂né₄ jnia'₅₄ 'ne₂ a₂ñi'₂ i₁cuang'₃, o₃ rē₂quein₂ 'au'₂ o₃ ca₂ñi'₅₄ 'náu'₂ ja₁jan₄, o₃ ca₂ñi'₅₄ tsá₃ tsín'₂ cha₂ qui'₅₄, o₃ jme₁ca₂rě₃dsong'₅₄, o₃ lia'₂ con'₂ ca₂ú'₃ né'₃ 'má₃, tsá₃ ca₂jme₁o₁ jnia'₅₄?” ⁴⁵ Jaun₂ ñag₃ Rag₅₄: “A₂dsi₂jó'₃ juá'₅ jniá₂, ca₂le₃jě₃ a₂dse₃ a₂tsá₃ ca₂jmo'₅₄ 'nia'₂ ja₁con₂ le₂jan₂ le₂jan₂ ríng'₃ la₂ i₂jín₂ dsa₂ mi₂güí₃ 'uin₃, o₄quió₃ jniá₂ bá₄ tsá₃ 'e₂ ca₂jmo'₅₄ 'nia'₂.” ⁴⁶ Jaun₂ dsa₂ 'éi₂ dsi₃lěin₂ ja₁dsi₃ñag₅₄ uig₅ co₂tan₅₄, la₁ dsa₂ dsen₃ ně₃, dsi₃lein₅ ja₁le₃chain₂ co₂tan₅₄.

26

Ca₂quin'₃ dsa₂ jág₁ a₂tsáin'₂ Jesús

(Marcos 14:1-2; Lucas 22:1-2; Juan 11:45-53)

¹ Jme₁ca₂dsan₃ juá'₂ Jesús ca₂le₃jě₃ jág₁ ně₅, jaun₂ ca₂tsí'₃ chí'₂ dsi₂guia₃-tín₂:

² —Ma₂ŋi'₅₄ 'nia'₂ jaun₂, a₂tín₃ jmig₄ ně₃ te₅₄ Jmig₄ Tě₂'in₅₄, ja₁jáng'₂ dsa₂ jín'₂ Jaun₅ dsa₂ mi₂güig₃ a₂tion₃ ne₄ cróg₄.

³ Jaun₂ ně₃, juig₅₄ jme₂dsa₂, quian'₅₄ tě₅juá'₅, dsa₂ can'₅₄ quián₅ dsa₂ judíos ně₃, ca₂ŋi'₂ i₁dsi₅ ne₄ta₁ quió'₅ i₂lín₅ jme₂dsa₂ dsen₅₄, i₂chen₂ Caifás. ⁴ Ja₁jaun₂ ca₂quin₃ jág₁ quió'₅ a₂jmo₃ tě₂le₃ quian'₅₄ caun₂ mai₅₄ ia₁jaun₂ cuin₃ jmig₄ tsáun'₂, jaun₂ jŋang'₃. ⁵ Jaun₂ tioin'₅₄ ca₂dsia₃ jág₁ ca₂juá'₂:

—La₁ tsá₃ 'nió'₅ jmó₁ jniog₄ tě₃ niog₅ jmig₄, jme₁né₄, ia₁ con'₂ tsá₃ ŋó₅ ně₁jua'₂ ca₂tó'₂ dsa₂ juig₂ mi'₅₄.

*Jan₂ 'io₅₄ ca₂tsín₂ Jesús no'₅₄ mi₂juig₂
(Marcos 14:3-9; Juan 12:1-8)*

⁶ Lia'₂ con'₂ 'en₅₄ guě₄ Jesús juig₂ Betania ja₁quió'₄ i₂tě'₂ dsa₂ Si₂mu₅₄ 'mé'₅ 'iog₅, ⁷ jaun₂ ca₂dsióg₃ jan₂ 'io₅₄ quian₅ caun₂ tsí₅ no'₅₄ mi₂juig₂ a₂'mu'₅₄. Jme₁ma₂guá₅ Jesús ne₄ mesa guě'₅, jaun₂ ca₂ág₂ 'io₅₄ 'éi₂ no'₅₄ mi₂juig₂ mi₂dsi₄ Jesús. ⁸ Jme₁ca₂jág₃ chí'₂ dsi₂guia₃-tín₂ a₂jaun₂, tsá₃ dse₃ ca₂tín₂, jaun₂ ca₂tsí'₃ riin'₅₄ tioin'₅₄:

—Tsá₃ ne₄ 'e₂ lě₃ ně₂'éin₂ a₂ně₅. ⁹ Jua'₅₄ co₂ŋei'₅₄ bá₄ ně₂'nag₃ ia₁jaun₂ jme₁jme₂'oin₅₄ dsa₂ te₂ŋé₂.

¹⁰ Jme₁ca₂nág₂ Jesús jág₁ a₂dsia₂₃ tioin'₅₄, jaun₂ ca₂juá'₂:

—ǂ'E₂ lě₃ cuě'₂ 'nia'₂ o₂me'₅₄ dsi₅ 'io₅₄ la₂? A₂ně₂jmóg'₂ la₂ caun₂ a₂dse₃ bá₄. ¹¹ Ca₂le₃jě₃ jmig₄ bá₄ i₂nio₄ dsa₂ te₂ŋé₂ jin'₄ 'nia'₂, la₁ jniá₂ ně₃ tsá₃ ma₃uě'₂ 'en₅₄ jniá₂ quian'₅₄ 'nia'₂.

¹² Ju₁lia'₂ no'₅₄ mi₂juig₂ a₂ně₂tsáng₂ ni₁ŋi₃, jua'₂ a₂ma₂ně₂jmóg'₂ co₂jŋia₅₄ jě₁ma₂tě₂ rě₁'ong₃ bá₄. ¹³ A₂dsi₂jó'₃ juig₂ jniá₂ 'nia'₂, ca₂le₂con₂ mi₂güig₃ ja₁'ě₂ dsa₂ jág₁ dse₃ quió₃, ján₃ bá₄ le₂jaun₂ dsio₂g'₂ dsi₅ dsa₂ 'iin₃ 'io₅₄ ně₅.

*Jmo₅ Judas caun₂ jág₁ a₂'ni₂₃ Jesús
(Marcos 14:10-11; Lucas 22:3-6)*

¹⁴ Jaun₂ ně₃, jan₂ i₂lín₅ dsa₂ guia₃-tín₂, i₂chen₂ Judas Iscariote, ŋei₅₄ i₁dsia₂ jág₁ quian'₅₄ juig₅₄ jme₂dsa₂, ¹⁵ jaun₂ ca₂i₁jua'₄:

—ǂJe₂liá'₂ cuě'₁ 'nia'₂ ně₁jua'₂ jin'₄ jniá₂ Jesús o₄gog'₂?

Jaun₂ ně₃, ca₂quí₃ juig₅₄ jme₂dsa₂ guióg₂-guiá₂ 'éi'₃ cu₄tio₂g₂. ¹⁶ Jaun₂ ně₃ tě₃ne₄ ju₁i₅ ja₁ŋó₄ jaun₂, ca₂'náu'₃ Judas dsi₅ 'a₂ lia'₂ cuin₃ jmig₄ jín'₂ Jesús.

Má₃ jě₁ca₂tó'₂ quió'₅ Te₁gui'₅₄

(Marcos 14:12-25; Lucas 22:7-23; Juan 13:21-30; 1 Corintios 11:23—26)

17 Jmíg₄ le₂'uig₅₄ a₂niog₅ Jmíg₄ Tě₂'in₅₄ a₂guě'₅ dsa₂ i₁ńí'₄ a₂tsá₃ quian'₅₄ levadura, chi'₂ dsi₂guia₃-tín₂ ně₃ ca₂jme₃quái_{in3} ja₁con₂ Jesús ca₂ɲag₃:

—¿A₂já'₄ 'niog'₂ dsi₁jmó₁ jnia'₅₄ co₂jnia₅₄ má₃ Jmíg₄ Tě₂'in₅₄ quiáng'₂?

18 Jaun₂ ca₂juá'₂ Jesús:

—O₂nó'₅ 'nia'₂ jě₄ juig₂, ja₁quió'₄ jan₂ dsa₂, jaun₂ juig'₅₄ 'nia'₂: "Le₂la₂ juá'₂ tě₅: Ma₂ja₂quái_{in3} hora quió₃, jaun₂ ja₁quiáng'₂ i₁guě'₃ Jmíg₄ Tě₂'in₅₄ co₂lě₅ quian'₅₄ chi'₂ dsi₂guia₃-tín₂ quiáng₃."

19 Jaun₂ ně₃ i₃lén₂ bá₄ chi'₂ dsi₂guia₃-tín₂, jaun₂ ca₂jmo₃ con'₂ lě₅ jág₁ ca₂juá'₂ Jesús. Jaun₂ ca₂tóin'₂ ca₂jmo₃ co₂jnia₅₄ a₂guě'₃ Jmíg₄ Tě₂'in₅₄ ja₁jaun₂.

20 Jme₁ca₂nei₂ jaun₂, jme₁ma₂guá₅ Jesús ne₄ mesa co₂lě₅ quai_{in5}'₅₄ ta₁guia₃-tín₂ chi'₂ dsi₂guia₃-tín₂ quái_{in5}'. 21 Tě₃jě₄ tiái_{in4}'₄ guě'₅ jaun₂, ca₂juá'₂ Jesús:

—A₂dsi₂jó'₃ juá'₅ jniá₂, jan'₂ 'nia'₂ i₂'en₅₄ jě₄ la₂ bá₄ i₂jáng'₂ jniá₂.

22 Jaun₂ ně₃ ca₂tá'₂ 'lia'₂ dsí₅ 'ɲio₅ lín₃ bá₄ tiái_{in5}'₅, jaun₂ ca₂jme₃lióg₃ ca₂ɲí'₃ Jesús le₂jain₂ le₂jain₂ ca₂juá'₂:

—Te₁gui'₅₄, ¿On₁jua'₅₄ jniá₂ 'ág'₅?

23 Jaun₂ ca₂ɲag₃ Jesús:

—I₂tiá₂ gu₂ co₂lě₅ 'ɲió'₃ uing₅ quian'₅₄ jniá₂, i₂'éi₂ bá₄ i₂jáng'₂.

24 Dsón'₂ bá₄ dsau₅ Jaun₅ dsa₂ mi₂güig₃ 'ein₅₄ jui₅ lia'₂ con'₂ lě₅ juá'₂ ne₄ Si₂; la₁ i'e₂ guě₄ juig₂ dsa₂ i₂jáng'₂! Dse₃ quió'₅ jua'₅₄ co₂ɲei'₅₄ bá₄ tsá₃ ca₂rě₃chái_{in3}.

25 Jaun₂ ně₃ Judas, dsa₂ i₂ma₂lě₂ dsí₅ jáng'₂, ca₂juá'₂:

—Tě₅, ¿On₁ jniá₂ bá₄ 'ág'₅ 'ne₂?

Jaun₂ ca₂ɲag₃ Jesús:

—'Niag'₂ bá₄ ma₂ně₂jua'₅₄.

26 Tě₁lia'₂ tiái_{in5}'₅ guě'₅, ca₂jɲa'₃ Jesús i₁ńí'₄, ca₂cuě'₃ ti₁'mag'₄ Diú₄, jaun₂ guě₄ ca₂dsioin₃, ca₂cuě'₃ chi'₂ dsi₂guia₃-tín₂ quái_{in5}', jaun₂ ca₂juá'₂:

—Qué'₂ 'nia'₂, ia₁ ɲi₃ bá₄ jniá₂ i₁ńí'₄ la₂.

27 Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cuě'₃ ti₁'mag'₄ Diú₄, jaun₂ guě₄ ca₂cuě'₃ chi'₂ dsi₂guia₃-tín₂, jaun₂ ca₂juá'₂:

—'Én'₂ 'nia'₂ ca₂le₃jíng'₃ a₂la₂, 28 ia₁ jmi₃ bá₄ jniá₂ la₂, a₂li'₅₄ jág₁ 'mí₂ a₂tě₃ron₅₄, * a₂niog₅ dsi₃'o₅₄ o₄quió'₄ juin₅ dsa₂, ia₁jaun₂ 'én₂ dsáu₁. 29 Dsón'₂ juá'₅ jniá₂, tsá₃ ma₃líg'₂ jmíg₄ jua'₅₄ a₂gui'₅₄ guě₄ táng₃ vino ca₂lia'₂ ca₂tě₂ jmíg₄ i₁gui'₄ táng₃ caun₂ vino 'mí₂ co₂lě₅ quian'₅₄ 'nia'₂ ja₁gon₂ ɲe'₃.

* 26:28 'Nio'₂ ja₁ton₅ Éxodo 24:8; Hebreos 10:29; 13:20.

Ca₂juá'₂ Jesús a₂tsá₃ tion₃ Pe₄ a₂cuig₂₃

(Marcos 14:26-31; Lucas 22:31-34; Juan 13:36-38)

³⁰ Jme₁ca₂lē₃ 'ē₂₃ jme₂juin'₂ Diú₄, jaun₂ guē₄ i₃lén₂ jui₅ Má'₂ Olivos. ³¹ Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—Ca₂le₃jín'₃ bá₄ 'nia'₂ tiá'₃ jén₂ 'au'₂ o₄quió₃ jniá₂ a₂uē₂ nē₃, 'ág'₁ 'nia'₂ caun₂-tín₃ 'au'₂; ia₁ rē₂ton₅ ne₄ Si₂, juá'₂: “Jñí'₄ jniá₂ dsa₂ i₂jñia₅ já'₂ cha'₂, jaun₂ já'₂ cha'₂ nē₃ dsi₃lén₂ tsi₁rē₂jain₅₄.”†
³² La₁ cang₂ jē₁ma₂ca₂jeng'₅₄ táng₃, nei₅₄ jniá₂ jñiág₅ jui₅ Galilea lia'₂ con'₂ guē₄ 'nia'₂.

³³ Jaun₂ nē₃ ca₂ñag₃ Pe₄:

—O₁jñia'₅₄ la₂ ca₂ág₂ caun₂-tín₃ dsi₅ ca₂le₃jín₃ ríng'₃, la₁ jniá₂, o₁líg'₂ jmig₄ tsá₃ 'ag₅₄ caun₂-tín₃ dsi₃.

³⁴ Jaun₂ ca₂juá'₂ Jesús:

—A₂dsi₂jó'₃ juá'₅ jniá₂, a₂uē₂ nē₃, né'₃ a₂o₃ tē₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.

³⁵ Jaun₂ ca₂ñag₃ táng₃ Pe₄:

—O₁jñia'₅₄ la₂ ca₂dsau₃ jniog₄ co₂lē₅, o₁líg'₂ jmig₄ jua'₅₄ a₂tsá₃ 'ín₄ jniá₂ 'ne₂.

Le₂jaun₂ bá₄ ca₂juá'₂ ca₂le₃jín₃ rín'₅₄ ján₃.

Ca₂chi₃lén'₂ Jesús Diú₄ caun₂ ja₁chei₂ Getsemaní

(Marcos 14:32-42; Lucas 22:39-46)

³⁶ Jaun₂ ca₂dsióg₃ Jesús jme₁ca₂dsióg₃ quiaín'₅₄ chi'₂ dsi₂guia₃-tín₂ quiáin₅ caun₂ ja₁chei₂ Getsemaní, jaun₂ ca₂juá'₂:

—Ja₁lá₃ tián'₂ 'nia'₂ tē₁lia'₂ nei₅₄ jó₄ i₁chi₁leng'₄ Diú₄.

³⁷ Jaun₂ ca₂jñiai₃ Pe₄, quian'₅₄ le₃on₃ ja₁ñi'₅₄ Zebedeo, jaun₂ Jesús nē₃ ca₂tá'₂ quian₅ o₂i₁ dsi₅ 'ñio₅ lín₃. ³⁸ Jaun₂ ca₂juá'₂ ca₂tsí'₃ i₂ún₂ i₂quiaín'₅₄:

—'Ñio₅ lín₃ quian₅₄ o₂i₁ dsi₅, ca₂lia'₂ jmá'₃ le₃jóng₂ tē₂nē₃. Ja₁lá₃ tián'₂ 'nia'₂, jme₁jñio₂ 'nia'₂ ne'₅₄, jme₁quiong'₅₄ jniá₂.

³⁹ Ca₂juig₄ bá₄ ca₂ñó₃ guē₄ ne₄ jui₅. Ja₁jaun₂ ca₂lia'₂ ca₂i₃'ín₃ chi₁'ín₅ ne₅₄ ca₂tē₂ 'uē₃, ca₂mi₃ ca₂tsí'₃ Diú₄, ca₂juá'₂:

—Tia₅₄ quiáng₃, jua'₅₄ mei'₂ bá₄ lé₂ le₃lé₂, lió₄ jniá₂ jm₁uig₅ la₂. La₁ tsá₃ jui₁le₅₄ con'₂ 'nio₃ jniá₂, jui₁le₅₄ bá₄ a₂'ñio₂ 'au'₂ 'ne₂.

⁴⁰ Jaun₂ nē₃, ca₂nau₂ Jesús, jaun₂ ca₂ñái'₃ ja₁tián'₄ i₂ún₂ i₂quiaín'₅₄, la₁ ma₂le₁güín₃ bá₄ guē'₂ 'éi₂ tiáin'₅; jaun₂ ca₂tē'₃ Pe₄, ca₂juá'₂:

—¿Tsa₁ ma₃tian'₃ guē₄ 'nia'₂ jua'₅₄ caun₂ hora bá₄ jme₁jñio₂ guē₄ 'nia'₂ ne'₅₄ quian'₅₄ jniá₂? ⁴¹ Jme₁jñio₂ 'nia'₂ ne'₅₄, chi₁len'₄ 'nia'₂ Diú₄, ia₁jaun₂ tsá₃ tsi₃sén'₂ 'nia'₂. Dsón'₂ bá₄ jaun₂ 'ñio₂ bá₄ dsi₅ jme₂dsí₂ quián'₂ 'nia'₂, la₁ ni₁ñi'₁ guion'₅₄ bá₄ 'nia'₂ 'uan₅₄.

⁴² A₂ca₂tē₂ tín₃ ráun₂ ñó₃ táng₃ i₁chi'₄ Diú₄ le₂la₂:

—Tia₅₄ quiáng₃, chi₂jua'₂ tsá₃ lé₂ jua'₅₄ a₂tsá₃ jme₁ŋag₅₄ jniá₂ uig₅ la₂, jui₁le₅₄ bá₄ a₂ŋio₂ 'au'₂ 'ne₂.

⁴³ Jaun₂ ca₂guáin'₃ táng₃ ja₁tián'₄ chi'₂ dsi₂guia₃-tín₂, la₁ le₁güín₃ bá₄ táng₃ 'éi₂ tián'₅, ia₁ a₂ŋí₄ lě₃ ma₂i₁güín₃. ⁴⁴ Jaun₂ ŋó₃ bá₄ táng₃ jě₁ca₂tě₂ 'ni₅ ráun₂, a₂chi₂i₁lein'₄ Diú₄; ján₃ bá₄ le₂jaun₂ ca₂juá'₂ tsí'₅ Diú₄. ⁴⁵ Jaun₂ guáin'₃ ně₃ ja₁tián'₄ chi'₂ dsi₂guia₃-tín₂, jaun₂ ca₂juá'₂:

—¿'E₂? ¿Lia'₂ ma₂tián'₅ jaun₂ bá₄ 'nia'₂ le₁güíng'₃? Ní₂ 'nia'₂, ca₂tě₂ bá₄ hora ně₃. Ma₂rě₂jín'₅₄ bá₄ Jaun₅ dsa₂ mi₂güíng₃ o₄gú₃ dsa₂ i₂le₁cán'₄ dso₄. ⁴⁶ Nau₂ 'nia'₂ ně₃, ma₃; ia₁ ně₅ ma₂já₅ i₂jáng'₂.

Ma₂le₁te₂ dsa₂ Jesús

(Marcos 14:43-50; Lucas 22:47-53; Juan 18:2-11)

⁴⁷ Tě₃jě₄ dsia₂₃ jág₁ jaun₂, jme₁ca₂dsióg₃ Judas, i₂lín₅ jan₂ dsa₂ i₂guia₃-tín₂. Juín₅ lín₃ dsa₂ i₂ja₂lén₂ quiong'₅₄ quile₁quian₅ ŋi₁tág₂, i₂le₁quian₅ ni₁'ma₂ ně₃, i₂chen₄ quián₅ juig₅₄ jme₂dsa₂ quian'₅₄ dsi₂gui'₅₄ can'₅₄ quián₅ dsa₂ juig₂. ⁴⁸ Jaun₂ Judas ně₃, ia₁ ma₂ca₂jmo₃ bá₄ jág₁ le₂jniá₅ 'e₂ léi₄ jmo₃ jě₁ma₂tě₂ rě₁jáng'₂, jme₁ma₂juá'₂:

—I₂chen'₄ jniá₂ quió'₅, i₂'éi₂ bá₄ jma'₅₄ 'nia'₂.

⁴⁹ Jaun₂ dsi₂juí₅ jme₁dsióg₃ Judas, ca₂jme₃quiáin₃ con₂ Jesús, jaun₂ ca₂juá'₂:

—iSiang'₃, tě₅!

Jaun₂ ca₂chen'₃ rě₂jú'₅ Jesús.

⁵⁰ Jaun₂ ca₂jéin'₃ Jesús jág₁ quió'₅, ca₂juá'₂:

—A₂mei₅₄, ¿'E₂ ta₁ ŋi'₂?

Jaun₂ guě₄ ca₂jme₃quián₃ ca₂le₃jín₃ dsa₂ ca₂ŋai'₃ Jesús, jaun₂ ca₂tág₃.

⁵¹ Tě₃jě₄ jaun₂, jan₂ dsa₂ i₂jme₁quian'₅₄ Jesús ca₂dsi₂ ŋi₁tág₂, ca₂ti₃ caun₂ rě₂gua₄ dsa₂ i₂jme₂ti₃ quián₅ jme₂dsa₂ dsen₅₄. ⁵² Jaun₂ ca₂juá'₂ Jesús:

—Tiá₃ táng₃ ŋi₁tág₂ quiáng'₂ ja₁jme₁'i₄. Ia₁ ca₂le₃jín₃ i₂quín'₂ quian'₅₄ ŋi₁tág₂, ján₃ bá₄ quian'₅₄ ŋi₁tág₂ dsiáin₃. ⁵³ ¿'E₂ líng'₂? ¿A₁tsá₃ lé₂ le₃jme₁mi₁₂ ne₄ Ne'₃, a₂chein₃ ja₁cong₂ guia₃-tín₂ mei₅ ángeles quián₅? ⁵⁴ La₁ jua'₅₄ mei'₂ guě₃ le₂jaun₂, ¿'A₂ bá₄ lia'₂ le₃ti₃ jág₁ a₂tio'₅₄ ne₄ Si₂ja₁juá'₂ a₂dsi₃ŋíg₂ le₂la₂?

⁵⁵ Jaun₂ juá'₂ Jesús tsí'₅ dsa₂:

—¿'E₂? ¿Ja₁nó'₅ 'nia'₂ le₁quian'₅₄ ŋi₁tág₂, ni₁'ma₂, ja₂chong'₂ jniá₂, ně₂jag₄ bá₄ líng₅ dsa₂ 'ang₂? Jua'₂ ca₂le₃jě₃ jmig₄ bá₄ 'eng₅₄ jme₁tíng₂ dsa₂ jin'₄ 'nia'₂ i₂dsi₅ guá'₅ templo, tsá₃ ma₂chong'₂ guě'₂ 'nia'₂ ja₁jaun₂. ⁵⁶ La₁ ca₂le₃jě₃ a₂lě₂ la₂ rě₂ti₃ jág₁ quió'₅ dsa₂ i₂jme₁'ě₂ jág₁ quián₅ Diú₄ ma₂líg'₂.

Jaun₂ guě₄ qui₂ca₂cuing₃ ca₂le₃jín₃ chí₂ dsi₂guia₃-tín₂, ca₂téin₂ bá₄ Jesús.

Dsián₃ Jesús ne₄ dsi₂tan₅₄ quián₅ guá₅

(Marcos 14:53-65; Lucas 22:54-71; Juan 18:12-24)

⁵⁷ Jaun₂ dsa₂ i₂ca₂i₁chan₅₄ Jesús ca₂i₁jo₅₄ ne₄ Caifás, i₂lín₅ jme₂dsa₂ dsen₅₄. Ja₁jaun₂ ma₂le₁ñi₂ tē₅juá₅ quian₅₄ guě₄ dsa₂ can₅₄. ⁵⁸ Pe₄ ně₃ ca₂ñó₃ uíng₂ tē₂quíin₃ 'ein₂₃ Jesús ca₂tē₂ i₁dsi₅ quió₅ jme₂dsa₂ dsen₅₄. Ja₁jaun₂ ca₂í₃ ca₂guá₂ quiaín₅₄ 'lióg₂, ia₁ 'nio₃ tē₅ ne₅₄ 'a₂ lia₂ 'ñia₅₄ dsióg₄ quian₅₄ Jesús.

⁵⁹ Jaun₂ juig₅₄ jme₂dsa₂, quian₅₄ ca₂le₃jín₃ dsi₂tan₅₄ quián₅ guá₅ ně₃, qui₂ca₂'náu₃ jui₅ 'a₂ lia₂ jme₃cáin₂ Jesús dso₄ quian₅₄ jág₁ tē₂jág₁ ia₁jaun₂ ñag₃. ⁶⁰ La₁ tsá₃ dso₂ guě₂ 'a₂ lia₂ jme₃cáu₂, o₁ñia₅₄ juín₅ i₂qui₂ca₂nau₂ jmo₂₃ jág₁ tē₂jág₁. Dsi₃lén₂ jme₁dsi₃lén₂ on₃ dsa₂, ⁶¹ jaun₂ ca₂juá₂:

—I₂ně₅ ma₂ca₂juá₂, “Qui₅₄ jniá₂ jmig₄ lé₂ le₃éng₄ guá₅ templo quió₅ Diú₄, quian₅₄ 'ni₅ jmig₄ bá₄ lé₂ le₃jmóg₄ táng₃.”

⁶² Jaun₂ ca₂nau₂ jme₂dsa₂ dsen₅₄, jaun₂ ca₂tsí₃ Jesús:

—¿Tsa₁ 'e₂ ñag₅₄ 'i₁caun₂? ¿I₂'e₂ bá₄ jág₁ ně₅ a₂jáng₅ dsa₂ a₂rě₂cáng₄?

⁶³ La₁ tei₄ bá₄ ca₂nau₂ Jesús. Jaun₂ ca₂ñag₃ táng₃ jme₂dsa₂ dsen₅₄, ca₂juá₂:

—Dsi₅₄ jniá₂ 'éi₃ a₂jua₅₄ 'íng₅ Diú₄ jén₃ ne₄ jnia₅₄, chi₂jua₂ tē₃dsón₂ líng₅ Ja₁ñi₅₄ Diú₄, I₂rě₂ 'ín₁ quiáin₅.

⁶⁴ Jaun₂ ca₂ñag₃ Jesús:

—Ján₅, jniá₂ bá₄ 'éi₂, jui₁lia₂ i₁juá₂ 'ne₂ ně₅. La₁ juá₅ jniá₂ juíg₂ 'nia₂ ján₃, ca₂le₃jíng₃, a₂já₅ jmig₄ a₂jag₅₄ 'nia₂ jìng₅₄ Jaun₅ dsa₂ mi₂güí₃ guá₃ tē₂le₃ gu₂ ne₁ Diú₄ i₂'uan₂ guě₄ lín₃, a₂jñiói₂ jē₄ jnei₅ guei₅₄ dsi₂güig₂ ně₃.

⁶⁵ Jme₂dsa₂ dsen₅₄ ně₃, jme₁ca₂nág₂ jág₁ jaun₂, ca₂chein₃ ni₁tsin₅₄ 'ñiog₅,[†] jaun₂ ca₂juá₂:

—i₁'E₂ guě₄ 'ñio₅ 'lig₅₄ juá₂ i₂ně₅ 'iin₂₃ Diú₄ quian₅₄ jág₁ ně₅ quió₅! ¿'E₂ guě₄ jmá₃ jág₁ 'lióng₂ 'niog₂ jniog₄ jua₅₄ a₂jáng₅ guě₄ dsa₂ sián₂ jág₁ dsau₅? Ma₂ně₂nei₂ bá₄ 'nia₂ guiong₅₄ jág₁ 'lig₅₄ a₂ma₂ně₂juá₂ i₂ně₅ 'iin₂₃ Diú₄. ⁶⁶ ¿'A₂ lia₂ lín₂ 'nia₂?

Jaun₂ ca₂juá₂ ca₂le₃jín₃ tióin₅₄:

—I₂ca₂tín₂ jón₂ bá₄ ně₅.

⁶⁷ Jaun₂ qui₂ca₂'ñéi₃ dsa₂ dsi₂ne₄ Jesús tióin₅₄, tsá₃ caun₂ a₂qui₂ca₂jmóg₂. I₂lín₅₄ guě₂ qui₂ca₂quein₃ tióin₅₄, ⁶⁸ jaun₂ ca₂juá₂:

[†] 26:65 Jme₁chí₄ tag₄ quió₅ dsa₂ judíos jmig₄ jaun₂ a₂gág₅ dsa₂ ni₁tsin₅₄ cuě₂₃ léi₄ jē₁ma₂ 'í₅ 'nei₂ dsí₅, o₃ jme₁ 'i₄ qui₂ dsí₅.

—'Ne₂ guē'₂ i₂juá'₂ líng'₅ I₂rē'₂ín₁ quián₅ Diú₄: i₁Dsi₄ jág₁ jua'₅₄ 'ein₂ nē₂quein₃ quiáng'₂!

Tsá₃ ca₂tion₃ Pe₄ a₂cuín₂₃ Jesús

(Marcos 14:66-72; Lucas 22:56-62; Juan 18:15-27)

⁶⁹ Tē₃jē₄ jaun₂ jme₁guá₄ Pe₄ i₁dsi₅; jaun₂ ca₂dsióg₃ jan₂ 'io₅₄ i₂jme₂ti₃ ta₁ ja₁jaun₂, jaun₂ ca₂tsí'₃ Pe₄:

—ǂján₃ guē'₂ jme₁quian'₄ 'ne₂ Jesús i₂chan₂ Galilea?

⁷⁰ La₁ jin₄ dsa₂ ja₁guá₄ jaun₂ tsá₃ ca₂tioin₃, jaun₂ ca₂juá'₂:

—Tsá₃ guion₅₄ 'e₂ a₂juá'₂ 'ne₂ nē₅.

⁷¹ Ca₂nau₂ Pe₄ nō₅ tē₂le₃ o₄'né₄, jaun₂ ca₂jág₂ táng₃ jan₂ 'io₅₄ sián'₂. 'Éi₂ nē₃ ca₂tsí'₃ dsa₂ i₂tion'₅₄:

—I₂jme₁quian'₅₄ Jesús Nazareno bá₄ nē₅.

⁷² La₁ jme₁ca₂nág₂ Pe₄, tsá₃ ca₂tioin₃ táng₃ jē₃ 'iin₂₃ Diú₄, ca₂juá'₂:

—i₁Tsá₃ dsa₂ 'éi₂ cuín₅ jniá'₂!

⁷³ Jme₁co₂lág₂ jaun₂, ca₂jme₃quián₃ dsa₂ i₂tion'₅₄ con₂ Pe₄, jaun₂ ca₂juá'₂:

—Tē₃dsón'₂ bá₄ líng'₅ jan₂ rin'₅₄ 'éi₂, ia₁ nē₅ rē₂jniág'₂ 'a₂ lia'₂ né'₂ jag'₅₄.

⁷⁴ Jaun₂ nē₃, Pe₄ ca₂'iin₃ Diú₄ ca₂mi₃ a₂dsi₃nji₂ 'e₂ ds₃nji₂, ca₂juá'₂:

—i₁Tsá₃ dsa₂ 'éi₂ cuín₅ jniá'₂!

Tē₃jē₄ jaun₂ ca₂'o₃ jan₂ tē₁guí₄ dsó₂. ⁷⁵ Jaun₂ guē₄ nē₃ ca₂dsáu'₃ dsí₅ Pe₄ a₂ca₂juá'₂ Jesús le₂jniá₅: “Né'₃ a₂'o₃ tē₁guí₄ dsó₂; hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.” Jaun₂ guē₄ o₂'ín₃ Pe₄ tē₂le₃ ca₁'né₄, ca₂tá'₂ qui'₂ dsí₅, ca₂'o₃ 'ñio₅ lin₃.

27

Ca₂jín'₂ dsa₂ Jesús o₄gú₃ Pilato

(Marcos 15:1; Lucas 23:1-2; Juan 18:28-32)

¹ Jme₁jnia₃ jaun₂, ca₂le₃jín₃ juig₅₄ jme₂dsa₂ quian'₅₄ gui'₅₄ can'₅₄ quián₅ dsa₂ juig₂ ca₂jmo₃ caun₂ jág₁ a₂jñi'₃ Jesús.

² Qui₂ca₂'néi₂ tioin'₅₄, jaun₂ ca₂tág₃ ca₂i₁jang'₂ ne₄ Dsi₄má'₂ Poncio Pilato.

Ca₂jon₃ Judas

(Hechos 1:18-19)

³ Jme₁ma₂tē₅ ne₄ Judas i₂ca₂'nag₃, a₂ma₂nē₂dsí₃ dsa₂ 'éi'₃ a₂jñi'₃ Jesús, jaun₂ ca₂tá'₂ qui'₂ dsí₅. Jaun₂ ca₂i₁con₂ táng₃ ta₁guiog₃-guiá₂ 'éi'₃ cu₄tio₂g jaun₂, ca₂jín₃ juig₅₄ jme₂dsa₂ quian'₅₄ gui'₅₄ can'₅₄. ⁴ Jaun₂ ca₂juá'₂:

—Ma₂nē₂'no₃ jniá₂ dso₄, ia₁ nē₂jing'₅₄ ne₄ 'mú₃ jan₂ i₂tsá₃ dso₄ rin₂.

La₁ ca₂ηag₃ dsa₂ 'éi₂:

—Tsá₃ 'e₂ a₂jaun₂ dsa_n₂ dsi₅ jnia'₅₄. A₂ca₂tín'₂ 'ne₂ bá₄ jaun₂.

⁵ Con'₂ ca₂i₁guia'₂ jaun₂ bá₄ Judas cu₄ jaun₂ dsi₂néi₂ ja₁jñi₅ guá'₅ templo, jaun₂ ca₂o₃ 'iin₃ ca₂i₁tiá₄ ché₂ dsi₂lag₅₄ ca₂jñi'₃ 'ñiog₅. ⁶ Juig₅₄ jme₂dsa₂ ně₃ ca₂i₁cag'₂ cu₄ jaun₂, jaun₂ ca₂juá'₂:

—Tsá₃ 'i₄ 'éi'₃ dsi₃to'₅₄ cu₄ la₂ 'ñi₅ gu₅ ja₁tio'₅₄ cu₄ quió'₅ guá'₅, ia₁ cu₄ a₂ca₂quín₂ jmi₂ bá₄ la₂.

⁷ Jaun₂ ca₂jmo₃ caun₂ jág₁ a₂lá₃ caun₂ 'uē₃ quian'₅₄ cu₄ jaun₂ quió'₅ jan₂ dsa₂ i₂jme₁jmo₅ ni₁dsig₁ gua'₅₄, ja₁jmo₃ 'uē₃ ja₁óin₂ jmá'₃ lia'₂ dsi₂nau₂. ⁸ 'Uig₅₄ jaun₂ chei₂ ja₁jaun₂ ca₂tē₂ jmig₄ ně₃, 'Uē₃ Jmi₂. ⁹ Le₂nē₅ ca₂rē₃ti₃ jág₁ a₂ca₂juá'₂ Jeremías, dsa₂ i₂jme₁'ē₂ jág₁ quián₅ Diú₄ ma₂líg'₂, jme₁ca₂juá'₂: “Ca₂can₃ dsa₂ guióg₂-guiá₂ cu₄tio₂, con'₂ 'ma'₅₄ a₂ca₂dsi₂ dsa₂ juig₂ Israel quió'₅ 'éi₂. ¹⁰ Quian'₅₄ cu₄ jaun₂ ca₂lá₃ caun₂ 'uē₃ quió'₅ dsa₂ i₂jmo₅ ni₁dsig₁, lia'₂ con'₂ lē₅ 'éi'₃ quió'₅ Te₁gui'₅₄.”*

Chén'₅ Jesús ne₄ Pilato

(Marcos 15:2-5; Lucas 23:3-5; Juan 18:33-38)

¹¹ Tē₁lia'₂ jaun₂, chén'₅ Jesús ne₄ dsi₄má'₂, jaun₂ 'éi₂ ně₃ ca₂ηag₃:

—¿Dson'₂ líng'₅ Rag₅₄ quián₅ dsa₂ judíos?

Jaun₂ ca₂ηag₃ Jesús:

—Le₂nē₅ bá₄, jui₁lia'₂ juá'₂ 'ne₂ ně₅.

¹² Jaun₂ caun₂ qui₂ca₂'nag₃ bá₄ juig₅₄ jme₂dsa₂ quian'₅₄ gui'₅₄ can'₅₄ tioin'₅₄. La₁ tsá₃ ma₃'e₂ ca₂ηag₃ Jesús. ¹³ Jaun₂ ca₂juá'₂ Pilato:

—¿Tsa₁ nag'₂ ca₂le₃jě₃ 'e₂ i₁juá'₄ dsa₂ ně₅ 'ni₂₃ 'ne₂?

¹⁴ La₁ tsá₃ ma₃'e₂ ca₂ηag₃ Jesús 'i₁caun₂; jaun₂ ca₂i₃g₃ dsi₅ Pilato.

Ca₂o₃'áq₃ 'éi'₃ a₂jón₂ Jesús

(Marcos 15:6-20; Lucas 23:13-25; Juan 18:38 — 19:16)

¹⁵ Jmíg₄ jaun₂ jme₁chí'₄ tag₄ quió'₅ dsi₄má'₂ a₂lióin₂ ca₂le₃jě₃ ni₂, jan₂ dsa₂ i₂'en₅₄ né'₃ 'má₃, jme₁tē₅ Jmíg₄ Tē₂'in₅₄, 'ein₂ ca₂'in₃ dsa₂ juig₂ i₂lión₂. ¹⁶ Jmíg₄ jaun₂ jme₁rē₂jñí₅ jan₂ dsa₂ i₂chen₂ Barrabás, ca₂le₂con₂ bá₄ 'ei₅ jág₁ quió'₅ a₂'liin₅₄. ¹⁷ Tē₃jē₄ le₁ñi'₂ dsa₂ jaun₂, ca₂ηag₃ Pilato ca₂jñi'₃ dsa₂ juig₂:

—¿I₂'ein₂ 'niog'₂ 'nia'₂ lon₄ jniá₂ quián₂ 'nia'₂? ¿Barrabás, o₃ Jesús i₂tē₂ dsa₂ I₂rē₂'ín₁ quián₅ Diú₄ 'e₂?

¹⁸ Ia₁ ca₂rē₃lí₄ bá₄ Pilato 'ñiog₅, a₂'iog₅₄ uig₅ dsi₅ bá₄ dsa₂ ca₂jñi'₂ Jesús ne₅₄.

¹⁹ Tē₁lia'₂ guá₅ Pilato ne₄ta₁ quió'₅, ja₁qui₂dsi₂₃ 'éi'₃, tē₃jē₄ jaun₂ ca₂chen₃ 'io₅₄ quián₅ jág₁ ne₅₄ a₂ca₂juá'₂: “Tsá₃ lē₁tián₅

* **27:10** Jeremías 32:6-9; Zacarías 11:12-13.

'ne₂ cuente quió'₅ dsa₂ i₂tsá₃ 'e₂ rin₂ nē₅. Ia₁ 'ñio₅ gau₂ qui₂chóg₂ i₃ñí₂ ca₂néi₃ o₄quió'₄.”

²⁰ La₁ juig₅₄ jme₂dsa₂ quian'₅₄ gui'₅₄ can'₅₄ nē₃, ca₂toin'₂ jág₁ dsa₂ juig₂ ia₁jaun₂ mi₃ dsa₂ tsí'₃ Pilato a₂lióin₂ Barrabás bá₄, jaun₂ jñi'₃ bá₄ Jesús. ²¹ Jaun₂ ca₂juá'₂ Pilato ca₂tsí'₃ dsa₂:

—¿I₂'ein₂ dsa₂ on₃ la₂ 'niog'₂ 'nia'₂ lon₄ jniá'₂?

Jaun₂ ca₂ñag₃ dsa₂ juig₂ tioin'₅₄:

—Barrabás bá₄.

²² Jaun₂ ca₂ñag₃ táng₃ Pilato ca₂jñi'₃ dsa₂ juig₂:

—¿E₂ guē'₂ 'niog'₂ 'nia'₂ jmo₅₄ jniá₂ quian'₅₄ Jesús i₂tē'₂ dsa₂ I₂rē₂'in₁ quián₅ Diú₄?

Jaun₂ ca₂ñag₃ co₂dsia₅ ca₂le₃jín₃ tioin'₅₄:

—¡Tióin₃ cróg₄!

²³ Jaun₂ ca₂ñag₃ táng₃ Pilato:

—¿E₂ 'uig₅₄ nē₃? ¿E₂ guē'₂ dso₄ ma₂'náu₂?

La₁ tē₂le₃ i₂juí'₂ guē₄ co₂mi'₅₄ ca₂tóin'₂, ca₂juá'₂:

—¡Tióin₃ cróg₄!

²⁴ La₁ ca₂rē₃lí'₄ bá₄ Pilato tsá₃ 'e₂ ta₁ jmo₃ jág₁ quió'₅, ia₁ tē₂le₃ 'ñio₅ lin₃ guē₄ jui₁si co₂mi'₅₄ ca₂tóin'₂. Jaun₂ lē₃, ca₂chein₃ jan₂ dsa₂ i₁quian'₅₄ jmi₂, jaun₂ ca₂rang₃ gu₂ tē₃ne₄ dsa₂ juig₂, jaun₂ ca₂juá'₂:

—Tsá₃ 'e₂ rē₃cán'₄ jniá₂ jmi₄ dsa₂ nē₅; guion'₅₄ bá₄ 'nia'₂ rē₂cáng'₄ nē₁'e₂ ca₂jmai'₅₄.

²⁵ Jaun₂ ca₂ñag₃ ca₂le₃jín₃ dsa₂ juig₂ tioin'₅₄:

—¡Jmi₄ 'mú₃ quió'₅ i₂nē₅, jui₁dsi₂ñag₂ jnia'₅₄ 'e₂ dsi₃ñág₂, quian'₅₄ tsi₁jon₂ quián₂ jnia'₅₄ i₂nē₃ guē₄ tē₁ja₃lén₂!

²⁶ Jaun₂ ca₂lión₂ bá₄ Pilato Barrabás i₂mi₅ dsa₂ lión₂; jaun₂ ca₂jmo₃ 'éi'₃ a₂bán₂ dsa₂ Jesús, jaun₂ guē₄ ca₂jáng'₂ o₄gú₃ dsa₂ juig₂ jaun₂ tion₃ cróg₄.

²⁷ Jme₁co₂lág₂ jaun₂, 'lióg₂ quián₅ dsi₄má'₂ ca₂jñiai₃ Jesús jui₅ i₁dsi₅ ne₄ta₁ jaun₂. Jaun₂ ca₂jñi'₂ ca₂le₃jín₃ 'lióg₂ le₃lág'₃ quió'₅ Jesús. ²⁸ Jaun₂ guē₄ ca₂dsi₂ tsin'₅₄ Jesús, ca₂quei'₃ caun₂ tsi₁'mi'₂ guéin₂ 'ui'₃,† ²⁹ jaun₂ ca₂jmo₃ caun₂ corona quian'₅₄ chi₁uíng₃ taun₅, ca₂tó'₂ mi₂dsi₄ Jesús. Ca₂chong'₂ ca₂'nau₅₄ guē'₂ ni₁'ma₂ ta₅ gu₂ ne₁. Jaun₂ guē₄ ca₂chi₃jné₃ ne₄ Jesús tioin'₅₄, a₂lē₁qui₂co₂j móg'₂, ca₂juá'₂:

—¡Sian'₃ 'ne₂, Rag₅₄ quián₅ dsa₂ judíos!

³⁰ Ján₃ qui₂ca₂'néi₂ dsa₂, qui₂ca₂bá₂ dsa₂ mi₂dsi₅₄ quian'₅₄ ni₁'ma₂ a₂ca₂chong'₃ jaun₂. ³¹ Jme₁ca₂lē₃ a₂lē₁co₂j móg'₂ jaun₂, ca₂dsei₂₃ táng₃ tsi₁'mi'₂ 'ui'₃ a₂jme₁ca₂quei'₃, jaun₂ ca₂quei'₃ táng₃ ni₁tsin'₅₄ a₂jme₁qui'₂. Jaun₂ guē₄ ca₂jiog₃ ca₂tē₂ ja₁tē₃toin'₅₄ cróg₄.

† 27:28 Guéin₂ 'ui'₃ jme₁jniá₂ tsin'₅₄ rag₅₄ jme₁quí'₅ jmi₂g₄ jaun₂.

*Ca₂tion₃ dsa₂ cróg₄ Jesús**(Marcos 15:21-32; Lucas 23:26-43; Juan 19:17-27)*

³² A₂ca₂'ui_{in}₂ jaun₂, ca₂jein₂'₂ jan₂ dsa₂ i₂chan₂ Cirene, i₂chen₂ Si₂mu₅₄. Jaun₂ ca₂chi₃quiáin₂ jmi_g₄ 'éi₂ a₂cán₂ cróg₄.

³³ Jaun₂ ca₂dsi₃léin₂ jme₁dsi₃léin₂ caun₂ ja₁chei₂ Gólgota, co₂'nió₄ ja₁tē₂' dsa₂ Dsi₂con₂' Ni₁mu₅ Mi₂dsi₄ 'Lag₄. ³⁴ Ja₁jaun₂ ca₂jén₃' dsa₂ ne₄ Jesús vino a₂rē₃cón₅' quian₅₄ dsi₁'₁ já₂'₂† la₁ dsi₂jui₅ jme₁ca₂tí₂ Jesús 'o₅₄, tsá₃ ma₃ca₂'in₃'.

³⁵ Jme₁ca₂lē₃ tion₂₃ cróg₄, 'lióg₂ nē₃ ca₂jmo₃ dsióg₁ tsin₅₄ Jesús, ca₂co₃ o₁ne₄ 'ein₂ lí₂'₂. ³⁶ Ja₁jaun₂ ca₂tiáin₂' jmo₂₃ 'í₁. ³⁷ Dsi₄ cróg₄ ca₂tióng₃ dsa₂ letra ja₁juá₂' 'e₂ dso₄ a₂bóin₂' Jesús, a₂juá₂' le₂la₂:' "I₂LA₂ BÁ₄ JESÚS, I₂LIN₅ RAG₅₄ QUIÁN₅ DSA₂ JUDÍOS".

³⁸ Já₃n bá₄ ca₂tioin₃ guē₄ on₃ dsa₂ 'ang₂ co₂lē₅ quiong₅₄, jan₂ tē₂le₃ gu₂ ne₁, jan₂ guē₂' tē₂le₃ gu₂ jen₅. ³⁹ Jaun₂ ca₂le₃jín₃ dsa₂ i₂qui₂ca₂ñi₃ jui₅ jaun₂ qui₂ca₂jnaú₂' já_g₁ uig₅, qui₂bí₂ dsi₅₄, ⁴⁰ ca₂juá₂':

—'Ne₂ guē₂' i₂juá₂' a₂'éng₄ guá₅, con₂' siá₂' tìng₂' jmog₅₄ táng₃ quian₅₄ 'ni₅ jmi_g₄, nē₃ nē₃, lion₄ 'ñiag₂'. Sió₅n ja₁tong₂' nē₅, chi₂jua₂' dsón₂' 'ne₂ líng₅ Ja₁ñi₅₄ Diú₄.

⁴¹ Já₃n bá₄ le₂jaun₂ a₂lē₁qui₂co₂jmo_g₂' jui_g₅₄ jme₂dsa₂ quian₅₄' tē₅juá₅, gui₅₄ can₅₄' nē₃, dsia₂₃ já_g₁ qui₂tsí₅ riin₅₄, juá₂':

⁴² —Ca₂lióin₂ bá₄ i₂sián₂', la₁ 'ñiog₅ bá₄ tsá₃ lé₂ le₃lióin₂. Chi₂jua₂' i₂nē₅ lín₅ Rag₅₄ quián₅ dsa₂ jui_g₂ Israel, jui₁sióin₄ cróg₄ ia₁jaun₂ bá₄ le₃'éin₂ jniog₄ le₃quió₅'. ⁴³ I₂nē₅ guē₂' juá₂' 'ei₅ caun₂ dsi₅ ne₄ Diú₄; nē₃ nē₃ 'éi₂ jui₁lio₅₄ chi₂jua₂' tē₃dsón₂' bá₄ 'nioi₃ i₂nē₅; ia₁ 'ñiog₅ guē₂' ma₂juá₂' lín₅ Ja₁ñi₅₄ Diú₄.

⁴⁴ Le₂jio_g₅ dsa₂ 'ang₂ i₂le₁ton₅ quian₅₄' Jesús qui₂ca₂juá₂' uig₅.

*Ca₂jón₃ Jesús**(Marcos 15:33-41; Lucas 23:44-49; Juan 19:28-30)*

⁴⁵ Jme₁ca₂tē₂ dsi₂ñi₃',* ca₂'ág₂ nei₂ le₂tan₅₄ le₂con₂' uē₃ jaun₂ ca₂lia₂' ca₂tē₂ hora ñi₁'ni₅† tē₂le₃ ca₂'láu₂. ⁴⁶ Hora jaun₂, ca₂'ñia₂ guē₄ Jesús, já_g₁ ca₂juá₂' tiá₂:

—Elí, Elí, ¿lama sabactani? —co₂'nió₄ a₂juá₂': Diú₄ quiáng₃, Diú₄ quiáng₃, ¿'e₂ lē₃ ma₂nē₂téi₃' jniá₂?†

⁴⁷ I₂lin₅₄ dsa₂ i₂jme₁tió₂n cau₅ jaun₂ ca₂nág₂, jaun₂ ca₂dsia₃ já_g₁ tsí₅ riin₅₄:

—Nei₂ 'nia₂'. Elías, i₂jme₁'ē₂ já_g₁ quián₅ Diú₄ ma₂líg₂' tē₂'.

† 27:34 co₂'nió₄ caun₂ mí₅ a₂jñia₃' uig₅ quió₅' dsa₂. § 27:35 A₂lin₅₄ chog₅₄ si₂ a₂ca₂lē₃ guē₄ cang₂ juá₂' le₂la₂ já₃n; "Le₂nē₅ ca₂lē₃ ca₂rē₃ti₃ já_g₁ a₂ca₂juá₂' dsa₂ i₂'ē₂ já_g₁ quián₅ Diú₄ ma₂líg₂'₂, ja₁juá₂': 'Ca₂dsión₂' dsa₂ ni₁tsín₅'; ca₂co₃ dsa₂ o₁ne₄ 'ein₂ lí₂' 'mi₂' quió₃.' Salmo 22:18. * 27:45 lit. "hora jñéi₂." † 27:45 lit. "hora ñi₃."

† 27:46 Salmo 22:1.

48 Jaun₂ dsi₂jui₅ le₂jaun₂ ɲó₃ jan₂ co₂chi' ₅₄ i₁quian₅₄ caun₂ ni₁jau₂ guion₅ jmi₂g₂. Jaun₂ ca₂guioin₃ vino dsi' ₃, jaun₂ ca₂chi₃dsí₂ nei' ₅₄ caun₂ ni₁'ma₂ ta₅, jaun₂ ca₂jén' ₃ ne₄ Jesús ia₁jaun₂ jme₁'ín' ₂. 49 La₁ ca₂juá' ₂ riin' ₅₄:

—Tsá₃ lein' ₅₄; o₁ne₄ chi₂jua' ₂ jiá₃ Elías ja₃lio₅₄ quió' ₅.

50 Con' ₂ bá₄ ca₂'ɲióg₂ gué₄ Jesús tiá₂ lin₃, jaun₂ gué₄ ca₂jáng' ₃ jme₂dsí₂ quió' ₅. 51 Hora jaun₂ dé₄ dsón' ₂ co₂dsia₅ ca₂chen₃ ca₂tē₂ guei' ₅₄ ca₂tē₂ 'uē₃ ca₂lē₃ tin₃ tsín' ₅ tsi₁'mí' ₂ pa₁ a₂jme₁'ei₅ dsi₂néi₂ guá' ₅ templo. 'Uē₃ guē' ₂ ně₃ ca₂i₁bi₅₄, ni₁'lau₂ a₂te₁'i₁ ja₁jaun₂ qui₂ca₂dsón' ₂; 52 tau₂ 'ɲio₅ ně₃ qui₂ca₂niá₃ ca₂lē₃; ján₃ bá₄ qui₂ca₂jen' ₅₄ juin₅ 'lag₄ ɲi₁ó₅ quián' ₅ Diú₄ i₂ma₂dsan₃ le₂ɲiá₅. 53 Qui₂ca₂'u₁in₂ tau₂ 'ɲio₅; ca₂i₃toin' ₅₄ Jerusalén ciudad ɲi₁ó₅ jme₁ca₂jen' ₅₄ Jesús, ton' ₂ ca₂jme₃jni₂₃ai₂₃ ně₃ ne₄ juin₅ dsa₂.

54 Jaun₂ juig₅₄ 'lióg₂ quian' ₅₄ gué₄ dsa₂ i₂jme₁quian' ₅₄ jmo₂₃ 'í₁ Jesús, jme₁ma₂tē₅ ne₅₄ dsi₂bi₅₄ 'uē₃ ma₂lē₂ ca₂le₃jé₃ gué₄ 'e₂ a₂ca₂lē₃ jaun₂, jaun₂ gué₄ ca₂rē₃gó' ₅ 'ɲio₅ lin₃; jaun₂ gué₄ ca₂juá' ₂:

—Tē₃dsón' ₂ bá₄ jme₁lín₄ i₂nē₅ Ja₁ɲi' ₅₄ Diú₄.

55 Jme₁tion' ₅₄ juin₅ 'io₅₄ ja₁jaun₂ jág₅, tióin₂ uíng₂. 'Éi₂ ma₂ja₂léin₂ jme₂ti₃ ne₄ Jesús le₂tan₅₄ 'uē₃ Galilea. 56 Jin₄ 'io₅₄ 'éi₂ jme₁'en₅₄ María i₂chan₂ Magdala, quian' ₅₄ María chog₅₄ Jacobo quian' ₅₄ Sē₄; quian' ₅₄ chog₅₄ chi' ₂ quián' ₅ Zebedeo.

Ca₂'on₃ Jesús

(Marcos 15:42-47; Lucas 23:50-56; Juan 19:38-42)

57 Jme₁ca₂tó' ₂ nei₂ jmi₂g₄ jaun₂, guan₃ jan₂ dsa₂ cha₂ cu₄ i₂chen₂ José, i₂chan₂ juig₂ Arimatea, ia₁ ján₃ bá₄ ca₂rē₃'éin₂ le₃quió' ₅ Jesús. 58 'Éi₂ ně₃, ɲei₅₄ i₂jin₁₂ Pilato, ca₂i₁mi' ₄ 'lag₄ Jesús. Jaun₂ ca₂jmo₃ Pilato 'éi' ₃ a₂jáng' ₂ dsa₂. 59 Jaun₂ ně₃ ca₂tág₃ Sē₄, ca₂lio₃ rē₂ quian' ₅₄ caun₂ tsi₁'mí' ₂ le₁jé₃. 60 Jaun₂ ca₂i₁tio' ₂ 'ɲi₁ó' ₃ caun₂ tau₂ 'ɲio₅ 'mí₂ quió' ₅ 'ɲio₅, a₂jme₁ma₂guéi₃ dso' ₂ ni₁'lau₂. Jaun₂ ca₂ɲi₁ó' ₃ ca₂mí₂g₂ ni₁cang₁ li' ₂ pa₁, ca₂jilē₂ 'o₄ tau₂ 'ɲio₅, jaun₂ gué₄ ca₂ɲái' ₃. 61 La₁ María i₂chan₂ Magdala quian' ₅₄ María jan₂ 'éi₂, jaun₂ bá₄ jme₁tiáin' ₄ tē₂le₃ ja₁jniá₂ o₄'né₄ tau₂ 'ɲio₅.

Jmo₅ 'lióg₂ 'í₁ tau₂ 'ɲio₅

62 Jme₁jni₃ táng₃ jaun₂, co₂'nió' ₄ jme₁ca₂dsan₃ tion' ₅₄ dsa₂ jmo₂₃ co₂ɲia₅₄ a₂'nió' ₅ quió' ₅ jmi₂g₄, jaun₂ ca₂i₁len₅₄ juig₅₄ jme₂dsa₂ quian' ₅₄ dsa₂ fariseos ně₃ ca₂ɲi' ₂ ne₄ Pilato, 63 ca₂i₁jua' ₄:

—Gui' ₅₄, dsáu' ₅ dsi₅ jnia' ₅₄, a₂ca₂juá' ₂ tē₂jág₁ 'éi₂ lia' ₂ con' ₂ jme₁chain₂ gué₄, a₂jein' ₅₄ táng₃ a₂'ni₅ jmi₂g₄. 64 'Uig₅₄ jaun₂, chen' 'lióg₂ jui₁dsi₂jmo₂ 'í₁ tau₂ 'ɲio₅ ca₂lia' ₂ ca₂tē₂ jmi₂g₄ 'ni₅, ia₁ con' ₂ tsá₃ ɲó₅ ně₁juá' ₂ ja₂lén₂ dsa₂ i₂jme₁quian' ₅₄ tē₂, jaun₂ táun₂ jág₁

cang₂, lé₂ le₃juá'₂: “Ma₂ca₂jein'₅₄ bá₄ táng₃.” Ia₁ nē₁juá'₂ ca₂lē₃ le₂jaun₂, ja₂lin₃ guē₄ juē'₂ lé₂ jág₁ tē₂jág₁ jē₁ca₂tó'₂ nē₅, con'₂ guē₄ jág₁ tē₂jág₁ le₂'uig₅₄.

⁶⁵ Jaun₂ ca₂juá'₂ Pilato:

—Nē₅ tió₂n₂ co₂nió'₃ i₂nē₅. O₂nó'₅ 'nia'₂ quiaín'₅₄, o₂jmo₄ 'nia'₂ 'í₁ 'a₂ con'₂ jnia'₅₄ tian'₃ 'nia'₂ jmo'₂.

⁶⁶ Jaun₂ ca₂i₃léin₂ jaun₂ nē₃, i₁jmo₅₄ 'í₁ dse₃ lin₃ tau₂ 'nio₅, ca₂tióng₃ caun₂ sello dso'₂ ni₁cang₁ a₂chi₁jni₅, jaun₂ ca₂chein'₃ co₂nió'₃ 'lióg₂ i₂jmo₃ 'í₁.

28

Jmig₄ a₂ca₂jen'₅₄ Jesús

(Marcos 16:1-8; Lucas 24:1-12; Juan 20:1-10)

¹ Ca₂ñí₂ bá₄ jmig₄ sa₅₄. Jaun₂ nē₃, tē₂le₃ ca₂jnia₃ jmig₄ le₂'uig₅₄ semana, ca₂ñe₄ María i₂chan₂ Magdala quiaín'₅₄ María jan₂; ca₂i₁lein₅₄ i₁jag₅₄ tau₂ 'nio₅ quió'₅ Jesús. ² Con'₂ tsá₃ rē₂jáin₁ dsi₂jui₅ le₂jaun₂ ca₂i₁bi₅₄ 'uē₃ tiá₂ lin₃ ia₁ a₂ca₂sión₃ guei'₅₄ i₂juig₃ jan₂ ángel quián₅ Te₁gui'₅₄. Ca₂tē₁tsin'₅₄ o₄'né₄ tau₂ 'nio₅, ca₂mói₂ ni₁cang₁ a₂jme₁chi₁jni₅, jaun₂ ca₂guá₂ ne₄ jaun₂. ³ Ca₂lia'₂ tág₅ 'nio₅ lin₃ jniái₂ juí₁lia'₂ tág₅ si₁ñí'₃. Tsin'₅₄ a₂qui'₂ guē'₂ tiog₂ jau₂ lin₃. ⁴ Jme₁ca₂jág₂ 'lióg₂ i₂tion'₅₄ jmo₅ 'í₁, ca₂rē₃gó'₅ 'nio₅ lin₃ ca₂jlein₃ nē₂jag₄ bá₄ tsá₃ dsí₅ chan₂ ca₂jén'₃. ⁵ Jaun₂ ca₂juá'₂ ángel ca₂tsí'₃ 'io₅₄:

—Tsá₃ jmo₂ 'nia'₂ gang'₃. Ia₁ guion₄ jniá₂ a₂'na'₂ Jesús i₂ca₂tion₃ dsa₂ cróg₄ bá₄ 'nia'₂ i₂niog'₅₄. ⁶ Tsá₃ 'éi₂ ma₃chan₂ ja₁lá₃; ma₂ca₂jein'₅₄ bá₄ táng₃ juí₁lia'₂ lē₅ ca₂juá'₂ 'nio₅. La₂ i₂jag₄ de'₂ 'nia'₂ ja₁jme₁rē₂quiaín₂₃. ⁷ O₂nó'₅ 'nia'₂ i₂ñáu'₂ o₂chei'₅₄ chí'₂ dsi₂guia₃-tín₂ quiáin₅ a₂ma₂ca₂jein'₅₄ táng₃ ne₄ 'mú₃; ma₂'ein₅₄ juí₅ nō₅ jniái₅ lia'₂ con'₂ guē₄ 'nia'₂ juí₅ Galilea. Ja₁jaun₂ o₂jñin'₄ 'nia'₂. Jág₁ nē₅ ma₂nē₂juig₂ 'nia'₂.

⁸ Jaun₂ nē₃ ca₂'uin₂ 'io₅₄ i₂ñáu'₂, tē₃ ma₂gó'₅, ton'₂ jén'₅ rē'₂ 'io'₂ ján₃. Jaun₂ ca₂i₃lein₃ co₂chí'₅₄ i₁con₂ jág₁ ne₄ dsa₂ guia₃-tín₂. ⁹ Tē₃jē₄ i₂lein₃ jaun₂, con'₂ tsá₃ jáin₅ ca₂jme₃jnia₅ Jesús ne₅₄, ca₂juá'₂:

—iSiang'₃!

Jaun₂ nē₃ ca₂jme₃quiaín₃ con₂ Jesús, ca₂chi₃jné₃ ca₂jmo₃ i₁'áin₃ ca₂tē₂ 'uē₃, ca₂quí'₃ cu₅ tag₄ Jesús. ¹⁰ Jesús nē₃ ca₂juá'₂:

—Tsá₃ lē₁jmo₂ 'nia'₂ gang'₃. O₂nó'₅ 'nia'₂ o₂con₄ jág₁ ne₄ ríng'₃ o₂chei'₅₄ 'nia'₂ juí₁dsi₂lein₅ juí₅ Galilea, jaun₂ ja₁jaun₂ jág₂ jniá₂.

Jág₁ a₂ca₂dsia₃ 'lióg₂

¹¹ Tē₁lia'₂ i₃len₃ 'io₅₄ 'éi₂ i₂con₃ jág₁, i₂lin₅₄ 'lióg₂ i₂jme₁jmo₅ 'í₁ i₃lein₃ jē₄ juig₂ i₁con₂ jág₁ ne₄ juig₅₄ jme₂dsa₂ ca₂i₁lua'₄ ca₂le₃jē₃

'a₂ lia'₂ niog₅ ca₂lě₃. ¹² Juig₅₄ jme₂dsa₂ ně₃ ca₂ŋi'₂ quian'₅₄ gui'₅₄ can'₅₄ ca₂jmo₃ jág₁, jaun₂ ca₂cuě'₃ 'lióng₂ cu₄ 'lióg₂ 'éi₂, ¹³ ca₂juá'₂:

—Le₂la₂ dsiá'₁ 'nia'₂ juig'₅₄ dsa₂: tē₁lia'₂ jme₂rě₂güin'₃ 'nia'₂ a₂'uě₂ ca₂dsi₃lén₂ dsa₂ i₂jme₁quian'₅₄, jaun₂ ca₂tág₃ 'lag₄. ¹⁴ Nē₁juá'₂ ca₂rě₃ŋi₅ dsi₄má'₂ jág₁ ně₅, la₂ bá₄ ne₄ jnia'₅₄ 'a₂ lia'₂ jme₁uan₅₄ dsí₅ ia₁jaun₂ tsá₃ cán'₁ 'nia'₂ o₂i₁ dsi₅. ¹⁵ Jaun₂ ca₂gue₃ bá₄ 'lióg₂ cu₄, jaun₂ le₂jaun₂ bá₄ ca₂jmo₃ con'₂ lě₅ jág₁ ca₂to'₂ dsa₂ 'éi₂. Jaun₂ le₂ně₅ bá₄ jág₁ 'ei₅ ca₂le₂con₂ le₁ŋi₅ dsa₂ judíos ca₂tē₂ jmig₄ ně₃.

Ca₂chen₃ Jesús chi'₂ dsi₂guia₃-tín₂ a₂dsi'₃ě₃ jág₁

(Marcos 16:14-18; Lucas 24:36-49; Juan 20:19-23; Hechos 1:6-8)

¹⁶ Jaun₂ ně₃ i₃len₃ bá₄ ta₁guia₃-ján₃ chi'₂ dsi₂guia₃-tín₂ jui₅ Galilea, ca₂i₃lén₂ ja₁lě₄ caun₂ má'₂, lia'₂ con'₂ lě₅ ma₂ca₂juá'₂ Jesús le₂ŋiá₅. ¹⁷ Jaun₂ dsi₂jui₅ jme₁ca₂jín₂ Jesús, ca₂chi₃jnë₃ ca₂jmo₃ i₁áin₃, la₁ i₂lín₅₄ ně₃ tsá₃ caun₂ jme₁ma₂le₁ág₄ dsí₅. ¹⁸ Jaun₂ ca₂jme₃quian'₂ Jesús ja₁tióin₂, jaun₂ ca₂juá'₂:

—Ca₂le₃jě₃ bí₂ 'éi'₃ lia'₂ guei'₅₄ i₂juíg₃ lia'₂ ne₄ gua'₅₄ 'uě₃ ně₃ ma₂ca₂ŋig₂. ¹⁹ Jaun₂ lě₃, o₂nó'₅ 'nia'₂ ně₃ ca₂le₂con₂ mi₂güíg₃, o₂jme₁tín₅ 'nia'₂ dsa₂ a₂lén₂ dsa₂ quiáng₃, o₂qui₂o₂chon₄ 'nia'₂ dsa₂ jmig₂, lia'₂ con'₂ lě₅ 'éi'₃ quió'₅ Ne'₃, quian'₅₄ lia'₂ con'₂ lě₅ 'éi'₃ quió'₅ Ja₁ŋi'₅₄, * quian'₅₄ lia'₂ con'₂ lě₅ 'éi'₃ quió'₅ Jme₂dsí₂ Jŋió₅, ²⁰ o₂jme₁tiín₅ 'nia'₂ a₂nag₃ gau₂ ca₂le₃jě₃ 'éi'₃ a₂ma₂cuě₃ jniá₂ 'nia'₂. Jaun₂ ŋi'₅₄ 'nia'₂ ně₃, la₂ bá₄ 'eng₅₄ quian'₅₄ 'nia'₂ ca₂le₃jě₃ jmig₄, ca₂lia'₂ ca₂'ŋia₅ jmig₄ jě₁ca₂tó'₂.

Co₂ně₅.

* **28:19** 'Nio'₂ ja₁ton₅ Romanos 6:3; 1 Corintios 1:13; Gálatas 3:27.

Jág₁ Dse₃ quió'₅ Diú₄ a₂ca₂tó'₂ San Marcos ne₄ Si₂

'Ē₂ Juan₅₄ jág₁ quió'₅ Diú₄ caun₂ 'uē₃ co₂'ñiog₅
(Mateo 3:1-12; Lucas 3:1-9, 15—17; Juan 1:19-28)

¹ Le₂la₂ bá₄ ca₂rē₃lióg₃ jág₁ dse₃ quió'₅ Jesucristo, Ja₁ñi'₅₄ Diú₄.

² Jui₁lia'₂ lē₅ tio'₅₄ ne₄ si₂ quió'₅ dsa₂ i₂jme₁'ē₂ jág₁ quián₂ Diú₄
ma₂líg'₂, ja₁juá'₂ le₂la₂:

Tsing₅₄ jan₂ dsa₂ quiáng₃
ne₄ jui₅ quiáng'₂, jón₃,

a₂dsi₃can₅ jág₁ dse₃ jin₄ dsa₂ mi₂güig₃,

jaun₂ jmo₃ co₂jñia₅₄ jui₅ quiáng'₂.†

³ Jaun₂ né'₂ 'ē₂ dsa₂ 'éi₂ jág₁ co₂mi'₅₄

caun₂ 'uē₃ quein₂ co₂'ñiog₅, jaun₂ i₂'éi₂ juá'₂:

“Jmo₄ 'nia'₂ co₂jñia₅₄

jui₅ quió'₅ Te₁gui'₅₄ i₂jiá₃.

Nia₄ 'nia'₂ caun₂ jui₅ co₂dsau₅.”‡

⁴ Jaun₂ le₂la₂ ca₂rē₃ti₃ jág₁ nē₅: Ca₂guan₃ Juan₅₄ caun₂ ja₁lē₄
'uē₃ co₂'ñiog₅ ca₂choin₃ jmi₂g₂ dsa₂, qui₂ca₂'ē₂ jág₁ a₂tsón₃ dsa₂
jmi₂g₂, jē₁ma₂ca₂dsi₃quén'₅ dsí₅ ia₁jaun₂ le₃'én₂ dsáu₁. ⁵ Jaun₂
ca₂le₃jín₃ dsa₂ chan₂ juig₂ Judea quian'₅₄ dsa₂ i₂chan₂ Jerusalén
nē₃, ca₂i₁lein₅₄ ja₁jme₁'en₅₄ Juan₅₄. Qui₂ca₂jmo₃ dsa₂ qui₂ñi₃
quió'₅ ca₂le₃jē₃ dsáu₁. Jaun₂ guē₄ ca₂cho₃ Juan₅₄ jmi₂g₂§ Cuá₃
Jordán.

⁶ Ni₁tsin'₅₄ Juan₅₄ 'éi₂ jme₁lē₄ quian'₅₄ ni₁jñi₁ já'₂ camello.
A₂jme₁jén'₅ tú'₅ guē'₂ nē₃, lo₄ já'₂. Má₃ a₂jme₁guē'₅ guē'₂, jmá'₃
i₁ni'₂ tia₄ quian'₅₄ jmi₁tá'₄ cha₂ ja₁nau₂. ⁷ Caun₂ ca₂jñi₃ bá₄ 'ē₂ jág₁
dse₃, juá'₂:

—I₂jiá₃ chi₁co'₅₄ quió₃, i₂'éi₂ bá₄ i₂'uan'₂ i₂tin₂ guē₄ lia'₂ con'₂
guē₄ jniá₂, ca₂lia'₂ jñia'₅₄ lau₂ ton₅ tag₅₄ tsá₃ ca₂tíng₂ tsi'₅₄. ⁸ Jniá₂
nē₂tiáng₃ 'nia'₂ jmi₂g₂; la₁ 'éi₂ guē'₂ nē₃ tióg₂ Jme₂dsí₂ Jñi₁ó₅.

Ca₂chon₃ Juan₅₄ jmi₂g₂ Jesús

(Mateo 3:13-17; Lucas 3:21-22)

⁹ Jmi₂g₄ jaun₂ o₂'ín₃ Jesús juig₂ Nazaret, ja₁tén₄ Galilea. Nó₃
ja₁'en₅₄ Juan₅₄. Ja₁jaun₂ ca₂cho₃ Juan₅₄ jmi₂g₂ ca₂choin₃ Jesús*
Cuá₃ Jordán. ¹⁰ Jaun₂ dsi₂jui₅ jme₁ca₂'ñio₂ Jesús ne₄ jmi₂g₂,
ca₂jág₃ ca₂niá₃ dsi₄ mi₂güig₃. Jaun₂ ca₂sión₃ Jme₂dsí₂ quián₅ Diú₄

* 1:1 A₂lin₅₄ chog₅₄ si₂ tsá₃ chi₁ton₅ “Ja₁ñi'₅₄ Diú₄.” † 1:2 Malaquíás 3:1. ‡ 1:3
Isaías 40:3. § 1:5 lit. “ca₂tióg₃ Juan₅₄ jmi₂g₂” * 1:9 lit. “ca₂tióg₃ Juan₅₄ ca₂tián₂
jmi₂g₂ Jesús.”

i₂lín₅ lia'₂ lín₅ jan₂ i₁ju₂, ne₄ quió'₅. ¹¹ Jaun₂ ca₂né'₂ jág₁ a₂já₅ guei'₅₄ i₂juíg₃ a₂juá'₂:

—'Ne₂ bá₄ líng'₅ jón₃ quiáng₃, i₂ñí₄ lě₃ 'nióg₃ guě₄ lín₃; 'E₂ bá₄ 'ñio₂ dsi₃ quian'₅₄ 'ne₂.

Ca₂caun₃ i₂sě₃dsen₃ táu₂ quió'₅ Jesús

(Mateo 4:1-11; Lucas 4:1-13)

¹² Dsi₂jui₅ jaun₂ ca₂jio₃ Jme₂dsi₂ quián₅ Diú₄ caun₂ jui₅ 'uě₃ co₂ñiog₅. ¹³ Jaun₂ ja₁jaun₂ ca₂'₃ tē₂láu₃ jmi₄ ia₁jaun₂ cáun₂ táu₂ i₂sě₃dsen₃. Ja₁jaun₂ jme₁tion'₅₄ já'₂ tsau₂ dsí₅. La₁ ca₂o₃lén₂ ángeles ca₂jme₃'o₅₄.

Ca₂jme₃lióg₃ Jesús jme₂tiin₂₃ dsa₂ jág₁ dse₃

(Mateo 4:12-17; Lucas 4:14-15)

¹⁴ Jme₁ma₂ca₂ton'₂ dsa₂ Juan₅₄ né'₃ 'má₃, Jesús ně₃ ca₂ñei₅₄ jui₅ Galilea i₁'ě₄ jág₁ dse₃ quió'₅ Diú₄, ¹⁵ juá'₂ ñi₂₃:

—Ca₂dsin₃ jmi₄ a₂ja₂quián₃ a₂jme₃gón₃ Diú₄. Jaun₂ lě₃ jui₁dsi₂quén'₅ 'au'₂, jui₁le₂'én'₂ 'nia'₂ jág₁ dse₃.

Ca₂tě'₃ Jesús quén₂ dsa₂ i₂jme₁tion'₅₄ tsán'₂ ju₄

(Mateo 4:18-22; Lucas 5:1-11)

¹⁶ Co₂ráun₂ ca₂ñi₅ Jesús chei'₅₄ jmi₁ñí'₄ Galilea. Ja₁jaun₂ ca₂jín₂ Si₂mu₅₄ quiaín'₅₄ Drě₄ riin'₅₄. Jme₁tioin'₅₄ táun₂ 'má₅ dsi₂jmi₄, ia₁ jme₁lín₄ dsa₂ i₂jmo₅ ta₁ tsán'₂ ju₄. ¹⁷ Jaun₂ ca₂juá'₂ Jesús:

—I₂nó'₅ 'nia'₂, jme₁quiong'₅₄ jniá₂, jaun₂ cuě₅₄ ta₁ a₂chi₁liang'₂ dsa₂ mi₂güí₃, jui₁lia'₂ chi₂lián'₁ 'nia'₂ ju₄.

¹⁸ Jaun₂ dsi₂jui₅ bá₄ i₃lén₂ quiong'₅₄; ja₁jaun₂ ca₂dsia₃ bá₄ tsi₁'má₅ quió'₅.

¹⁹ Me'₂ bá₄ ja₁i₃lén₂ guě₄ jme₁ca₂jín₂ i₂chen₂ Jacobo quiaín'₅₄ Juan₅₄ riin'₅₄, ja₁ñi'₅₄ Zebedeo. Jme₁tioin'₅₄ 'ñió'₃ tsi₁mu₅ jmóg'₅ 'má₅ quió'₅. ²⁰ Dsi₂jui₅ ca₂tě'₃ i₂'éi₂ ján₃; ca₂tén₂ bá₄ guě'₂ 'éi₂ ně₃ Zebedeo jmei₂ 'ñió'₃ tsi₁mu₅ quian'₅₄ mozo quiaín₅.

Jan₂ dsa₂ i₂jme₁'en₅₄ jme₂dsí₂ 'lín'₅₄ tē₂dsí₅

(Lucas 4:31-37)

²¹ Jaun₂ dsi₃lén₂ juig₂ Capernaum. Caun₂ jmi₄ sa₅₄, ca₂'₃ Jesús guá'₅ sinagoga. Jaun₂ ca₂jme₃lióg₃ ca₂jme₃tiin₂₃ dsa₂ jág₁ dse₃. ²² Ca₂le₃jín₃ i₂ca₂nág₂ ně₃ ca₂i₃gó'₃ dsí₅ jág₁ quió'₅, ia₁ ca₂jme₃tag₂₃ jui₁lia'₂ jē₁jme₂tag₅ jan₂ i₂'io₅ 'éi'₃, on₃jua'₅₄ rē'₂ jui₁lia'₂ jme₂tag₅ tē₅juá'₅. ²³ Jē₄ jaun₂ ca₂dsióg₃ jan₂ dsa₂ i₂'en₅₄ jme₂dsí₂ 'lín'₅₄, ca₂juá'₂ quió'₅ tiá₂:

²⁴ —Ġ'E₂ lě₃ tián'₅ 'ne₂ Jesús Nazareno† jē₄ quián₂ jnia'₅₄? A₂jnia'₅₄ 'niog'₂ 'éng'₄ jnia'₅₄ bá₄ 'ne₂ ñe'₃. Guion₄ jniá₂ 'ein₂ líng'₅. 'Ne₂ líng'₅ dsa₂ jñiós quián₅ Diú₄.

† 1:24 o₃, “i₂chan₂ Nazaret.”

25 Jaun₂ ca₂jén₂ Jesús i₂'lin'₅₄ i₂'en'₅₄ tē₂dsí₅ dsa₂ 'éi₂, ca₂juá'₂:

—Tei₄ jmo₄. Jú₅ quió'₅ dsa₂ nē₅.

26 Jaun₂ ca₂jmo₃ i₂'lin'₅₄ ca₂ba₂ca₂lín'₂ dsa₂ 'éi₂ 'uē₃, ca₂guió'₃ tiá₂. Jaun₂ guē₄ o₂'iin₃ jaun₂ nē₃. 27 Jaun₂ ca₂le₃jín₃ dsa₂ i₂ca₂tē₂ ne₄ ca₂i₃gó'₃ dsí₅, qui₂ca₂ñí'₃ riin'₅₄, ca₂juá'₂:

—¿'E₂ bá₄ nē₅? ¿'An₁ a₂nē₅ bá₄ juá'₅ 'mí₂? ¡'Io₅ 'éi'₃ i₂nē₅ ca₂tē₂ ne₄ quió'₅ i₂'lin'₅₄, jaun₂ 'éi₂ nē₃ nag₂₃ gau₂ jág₁ quió'₅!

28 Jaun₂ dsi₂jui₅ bá₄ ca₂i₃ág₃ jág₁ quió'₅ ca₂le₂con₂ ja₁tén₄ Galilea.

*Ca₂jme₃'lión₂ Jesús ma₂chog₅₄ Si₂mu₅₄
(Mateo 8:14-15; Lucas 4:38-39)*

29 Jaun₂ dsi₂jui₅ jme₁ca₂'uüin₂ guá'₅, ca₂ñó₃ quiain'₅₄ Jacobo, Juan₅₄ nē₃, ja₁quió'₄ Si₂mu₅₄ quian'₅₄ Drē₄. 30 Ma₂chog₅₄ Si₂mu₅₄ nē₃ jme₁roin₂₃ dso'₅₄, 'i₄ dséi₂. Jaun₂ dsi₂jui₅ ca₂'in₃ dsa₂ dsa₂ dso'₅₄ 'éi₂ ca₂tsí'₃ Jesús. 31 Jaun₂ nē₃ ca₂jme₃quiáin₃ con₂ dsa₂ dso'₅₄, ca₂jña'₃ gu₂, ca₂chó'₂ jaun₂ nē₃. Jaun₂ dsi₂jui₅ bá₄ ca₂o₃'ág₃ dséi₂ dsa₂. Jaun₂ 'io₅₄ 'éi₂ nē₃ ca₂jme₃lióg₃ ca₂jme₃ti₃ ta₁ ne₄ 'éi₂ tioin'₅₄.

*Ca₂jme₃'lión₂ Jesús juin₅ dsa₂ dso'₅₄
(Mateo 8:16-17; Lucas 4:40-41)*

32 Jme₁ma₂rin₂ 'iog₂ jmi₂g₄ jaun₂, ca₂o₃jña₃ dsa₂ ne₅₄ ca₂le₃jín₃ dsa₂ dso'₅₄, dsa₂ i₂tion'₅₄ jme₂dsí₂ je₂na'₅₄ nē₃. 33 Ca₂le₃jín₃ dsa₂ juig₂ bá₄ ca₂ñi'₂ o₄'né₄. 34 Jaun₂ Jesús nē₃ ca₂jme₃'lióin₂ dsa₂ ca₂le₃jē₃ ne₅₄ dso₄ a₂jme₁lín₄. Qui₂ca₂'uüin'₂ rē₂ juin₅ je₂na'₅₄ nē₃. La₁ tsá₃ ma₃ca₂cuē₃ Jesús jmi₂g₄ jua'₅₄ a₂juá'₂ guē₄ je₂na'₅₄ jág₁, ia₁ ñi₅ bá₄ je₂na'₅₄ 'ein₂ 'éi₂.

*Ca₂'ē₂ Jesús jág₁ dse₃ dsi₂néi₂ guá'₅ sinagogas le₂tan₅₄ juig₂
ja₁tén₄ Galilea*

(Lucas 4:42-44)

35 Le₁né₃ guē₄ jme₁jña₃ jaun₂, ca₂nau₂ Jesús o₂'iin₃ 'ni'₂ juig₂, caun₂ ja₁lē₄ co₂'ñiog₅, i₁chí'₄ Diú₄. 36 Jaun₂ ñó₃ Si₂mu₅₄ quiain'₅₄ riin'₅₄ i₁'niong'₂. 37 Jme₁ca₂dsáu'₂ nē₃, ca₂juá'₂:

—Ca₂le₃jín₃ dsa₂ i₂ñioi₅₄ 'nai'₂ 'ne₂.

38 La₁ Jesús nē₃ ca₂ñag₃:

—Ma₃dsau₅₄ dsi₂i₁nio₁ le₂tan₅₄ juig₂ ma₂quián₅ nē₅, dsi₁'ē₄ jág₁ dse₃, ia₁ ta₁ jaun₂ bá₄ guio₃ jniá₂.

39 Jaun₂ le₂nē₅ ca₂i₁ñi₂ Jesús le₂tan₅₄ juig₂ tio'₅₄ ja₁tén₄ 'uē₃ Galilea, qui₂i₁'ē₄ jág₁ dse₃ dsi₂néi₂ guá'₅ sinagogas le₂caun₂ juig₂. Qui₂ca₂'uüin'₂ je₂na'₅₄ tē₂dsí₅ dsa₂ nē₃.

*Ca₂jme₃'lión₂ Jesús dsa₂ i₂lín₅ 'mé'₅ 'iog₅
(Mateo 8:1-4; Lucas 5:12-16)*

40 Ca₂guan₃ jan₂ dsa₂ dso'₅₄ i₂lín₅ 'mé'₅ 'iog₅ coin₂. Jaun₂ ca₂chi₃jnë₃ ne₅₄, ca₂juá'₂:

—Chi₂jua'₂ 'nio₂ 'au'₂, jña'₅₄ lia'₂ 'ne₂ bá₄ qui'₅₄ jmig₄ jmó'₂ le₁jě₃ quió'₃.

41 Jaun₂ ca₂dsia₃ Jesús nēi₂ dsí₅ dsa₂ 'éi₂, ca₂nēi'₃ gu₂ ca₂nī'₂ quió'₅, jaun₂ ca₂juá'₂:

—'Nio₂ bá₄ dsi₃. Jui₁le₅₄ le₁jě₃ quiáng'₂.

42 Dsi₂jui₅ le₂jaun₂ ca₂jña'₃ 'mé'₅ 'iog₅, ca₂'lón₂ dsa₂ 'éi₂.

43 Jaun₂ ca₂dsióg'₂, ca₂juá'₂:

44—La₁ tē₃ñi'₅₄ tsá'₃ 'ein₂ i₂jui_g'₂ 'i₁jan₂. Jña'₅₄ gua₂ o₂jme₁jña₅ ne₄ jme₂dsa₂, o₂jen'₅₄ ne₄ Diú₄ o₂jmo₄ con'₂ lě₅ 'Éi'₃ quió'₅ Moisés,[†] o₂jang'₅₄ jág₁ dsau₅ jin₄ dsa₂ jui_g₂ a₂ma₂'lóng'₂.

45 La₁ dsa₂ 'éi₂ nē₃ tē₂le₃ i₂jui'₂ guē₄ ca₂dsia₃ bá₄ jme₁o₂'ín₃, qui₂ca₂'ē₂ jág₁ ca₂le₂con₂. 'Uig₅₄ jaun₂ tsá₃ ma₂lé₂ 'í₂ Jesús jē₄ jui_g₂ tē₃ jág₅ dsa₂; jmá'₃ lia'₂ ja₁co₂ 'nio₅ bá₄ jme₁jña₂₃. La₁ tion₅₄ bá₄ jme₁dsi₂lén₂ dsa₂ coin₂ i₂ja₂lén₂ ca₂le₂con₂ jaun₂.

2

Ca₂jme₃'lión₂ Jesús jan₂ dsa₂ i₂rē₂já'₃ quió'₅

(Mateo 9:1-8; Lucas 5:17-26)

1 Cang₂ jaun₂ ca₂'í₃ táng₃ Jesús jē₄ jui_g₂ Capernaum. Jaun₂ ca₂rē₃ñi₅ dsa₂ a₂ma₂dsiáin'₃. 2 Jaun₂ dsi₂jui₅ bá₄ ca₂ñi'₂ dsa₂ juin₅ lin₃, ca₂lia'₂ jña'₅₄ tsá₃ ma₃tē₂ ja₁'éin'₄ dsi₂nēi₂, le₂tan₅₄ o₄'né₄ nē₃. Jaun₂ ca₂ton₃ jág₁ dse₃ ca₂tsí'₃ dsa₂. 3 Jaun₂ ca₂dsi₃lén₂ co₂nió'₃; jē₄ jaun₂ i₃lén₂ quén₂ le₁jñiai₂₃ jan₂ dsa₂ i₂rē₂já'₃ quió'₅. 4 Ia₁ tsá₃ lé₂ nē₃ tē₂ dsi₂nēi₂ ja₁'en₅₄ Jesús, ia₁ juin₅ dsa₂ tion'₅₄, jaun₂ jui₅ co₂'₅₄ tsi₁'né₅ bá₄ ca₂niá₃ caun₂ tau₂ pa₁, co₂dsau₅ ja₁chén'₄ Jesús. Jui₅ jaun₂ ca₂sióin₂ dsa₂ 'lian'₂ 'éi₂, dsi₁n₂ caun₂ tsi₁jein₁. 5 Jme₁ca₂rē₃lí'₄ Jesús 'a₂ lia'₂ 'én₂ dsa₂ 'éi₂, jaun₂ ca₂tsí'₃ dsa₂ 'lian'₂:

—Jón₃, ma₂rē₂'én₄ bá₄ dsáu'₂.

6 Jaun₂ i₂lin₅₄ tē₅juá'₅ i₂jme₁tián'₄ jē₄ jaun₂, ca₂i₃jio₅ dsí₅: 7 “¿'E₂ lē₃ juá'₂ i₂nē₅ le₂nē₅? A₂'in₅ 'lig'₅₄ Diú₄ bá₄ i₂nē₅. 'I₁jan₂ tsá₃ 'ein₂ lé₂ le₃'én₂ dsáu₁ dsa₂, jña'₅₄ lia'₂ jan₂ Diú₄ bá₄.” 8 La₁ ma₂ñi₅ bá₄ Jesús dsi₂jui₅ a₂dsi₂jio₅ dsí₅ dsa₂ 'éi₂ tián'₅, jaun₂ ca₂juá'₂:

—¿'E₂ lē₃ dsi₂jio₅ 'au'₂ 'nia'₂ le₂nē₅? 9 ¿'E₂ a₂quian₅ guē₄ ta₁, a₂jui_g₅₄ jniá₂ dsa₂ 'lian'₂ nē₅: “Ma₂rē₂'én₄ dsáu'₂”, o₃ a₂jui_g₅₄ 'e₂ jniá₂: “Nau₂ guan'₂ ñi₄ quion₂ tsi₁jein₁ quiáng'₂?” 10 La₁, ia₁jaun₂ le₃ñi'₅₄ 'nia'₂ a₂'io₅ bí₂ 'éi'₃ Jaun₅ dsa₂ mi₂güig₃ ne₄ gua'₅₄ 'uē₃ a₂lé₂ le₃'éin₂ dsáu₁ dsa₂ —jaun₂ ca₂tsí'₃ dsa₂ 'lian'₂ 'éi₂:

11 —'Ne₂ jui_g₂ jniá₂, nau₂ quion₂ tsi₁jein₁ quiáng'₂, guan'₂.

[†] 1:44 'Éi'₃ quió'₅ Moisés: 'Í₂ Levítico 14.

12 Jaun₂ ca₂nau₂ 'éi₂, ca₂cáun₃ tsi₁jei₁ quió'₅, tē₃ jág₅ dsa₂.
Jaun₂ ca₂i₃gó'₃ dsí₅ ca₂le₃jín₃, qui₂jme₂juin'₂ Diú₄, tsí'₅ riin'₅₄:
—'I₁co₂ráun₂ tsá₃ 'ein₂ ma₂jág₃ jniog₄ le₂nē₅.

Ca₂tē'₃ Jesús Leví

(Mateo 9:9-13; Lucas 5:27-32)

13 Con'₂ siá'₂ táng₃ ca₂ηó₃ Jesús chei'₅₄ jmi₁ηí'₄. Jaun₂ dsi₃lén₂
dsa₂ juin₅ ca₂ηí'₂. Jaun₂ qui₂ca₂jme₃tag₅ Jesús jág₁ dse₃.
14 Jme₁ca₂ηi₅ ja₁jaun₂, ca₂jín₂ Leví* ja₁ηi'₅₄ Alfeo, guá₅ 'éi₂
gue₂₃ 'lia'₅₄ a₂ca₂tín₂ dsi₂tan₅₄ romano. Jaun₂ ca₂juá'₂ Jesús:
—Jme₁quiong'₅₄ jniá₂.

Jaun₂ ca₂nau₂ 'éi₂, ca₂ηó₃ quiong'₅₄.

15 Jme₁ma₂'en₅₄ Jesús guē'₅ ja₁quió'₄ Leví; ja₁jaun₂ jme₁le₁ηi'₂
juin₅ dsa₂ i₂cán₂ 'lia'₅₄ quián₅ dsi₂tan₅₄ ján₃, quian'₅₄ dsa₂ sián'₂
“i₂le₁cán'₄ dso₄” ně₃, tián'₅ co₂lē₅ guē'₅ quian'₅₄ Jesús quian'₅₄
dsa₂ quián₅, ia₁ i₂juin₅ lin₃ i₂le₂'éi₂ ma₂quian'₅₄ ηi₂₃. 16 Jaun₂
jme₁ca₂jág₃ tē₅juá'₅ quián₅ dsa₂ fariseos a₂guē'₅ Jesús co₂lē₅
quian'₅₄ dsa₂ le₂'éi₂, jaun₂ ca₂tsí'₃ dsa₂ quián₅ Jesús:

—¿A₂ bá₄ lia'₂ guē'₅ tē₅ quián'₂ 'nia'₂ quian'₅₄ dsa₂ 'lin'₅₄
i₂le₁cán'₄ dso₄, quian'₅₄ i₂cán₂ 'lia'₅₄ quián₅ dsi₂tan₅₄ ně₃? 17 Jaun₂
jme₁ca₂nág₂ Jesús jág₁ ně₅, jaun₂ ca₂ηags:

—Tsá₃ tē₅mí₅ 'nió'₅ quió'₅ dsa₂ dsen₃ i₂tsá₃ le₁dso'₅₄, jñia'₅₄ lia'₂
dsa₂ i₂le₁dso'₅₄ bá₄ 'nió'₅ tē₅mí₅ quió'₅. Ia₁ tsá₃ ta₁ jaun₂ guio₃
jniá₂ a₂tē₄ dsa₂ dsen₃, a₂tē₄ dsa₂ i₂qui₂le₁cán'₄ dso₄ bá₄ jniá₂
guio₃.

Ca₂ηí'₃ dsa₂ Jesús jui₁lia'₂ jág₁ a₂jme₂'in₅₄ dsa₂

(Mateo 9:14-17; Lucas 5:33-39)

18 Co₂ráun₂ dsa₂ i₂jme₁i₂nio₄ quian'₅₄ Juan₅₄, quian'₅₄ dsa₂
i₂tén₅ le₃quió'₅ dsa₂ fariseos ně₃, jme₁jme₂'in₅₄. Jaun₂ dsi₃lén₂
i₂lin₅₄ ca₂ηí'₃ Jesús:

—¿E₂ 'uig₅₄ jme₂'in₅₄ dsa₂ i₂i₂nio₄ quian'₅₄ Juan₅₄, dsa₂ quián₅
fariseos ně₃, ton'₂ tsá₃ jme₂'in₅₄ guē'₂ dsa₂ quián'₂ 'ne₂?

19 Jaun₂ ca₂ηags Jesús:

—¿Lé₂ le₃jme₃'in₅₄ jui₁lia'₂ dsa₂ i₂té₄ ja₁niog₅ jmi₂g₄ ja₁jen'₂ gu₂
dsa₂, tē₁lia'₂ quiong'₅₄ dsa₂ ηe'₂ i₂jén'₂ gu₂? Ma₁ tsá₃ le₂jaun₂
jmo₅ dsa₂, tē₁lia'₂ quiong'₅₄ 'éi₂. 20 La₁ jiá₃ caun₂ jmi₂g₄ a₂jñia'₃
dsa₂ i₂jén'₂ gu₂ 'éi₂. Jaun₂ guē₄ lé₂ le₃jme₃'in₅₄.

21 'Ma₁ tsá₃ jmo₅ dsa₂ jua'₅₄ a₂tióng₅ quian'₅₄ 'nau₅₄ 'mi'₂ 'mí₂
tsi₁'mi'₂ gui'₅₄, ia₁ dsáu'₅ tsi₁'mi'₂ 'mí₂ jē₁ma₂jñi₂. Jaun₂ juē'₂ guē₄
jē₁gag₂ lē₂ tsi₁'mi'₂ gui'₅₄. 22 On₃ guē₄ jmo₅ dsa₂ jua'₅₄ a₂tia'₂ vino
'mí₂ 'ñió'₃ ni₁lau₂ gui'₅₄. Ia₁ guē₃ ni₁lau₂ gui'₅₄ quian'₅₄ dsió'₁

* 2:14 Leví i₂tē'₂ Mateo ján₃.

vino 'mí₂. Dsi₂'én₂ bá₄ vino, lia'₂ ni₁lau₂ ně₃. Jaun₂ 'ñió'₃ ni₁lau₂ 'mí₂ bá₄ 'nió'₅ tia'₃ dsa₂ vino 'mí₂ ia₁jaun₂ tsá₃ dsi₃'én₂.

Ca₂gág₃ dsa₂ quián₅ Jesús mí'₂ trigo jmi_g₄ sa₅₄

(Mateo 12:1-8; Lucas 6:1-5)

²³ Caun₂ jmi_g₄ sa₅₄ ca₂ñi₅ Jesús quiain'₅₄ dsa₂ quiáin₅ caun₂ ja₁nau₂ ja₁jnia₄ trigo. Dsa₂ i₂jme₁quiain'₅₄ ně₃ ca₂jme₃lióg₃ qui₂ca₂gág₃ mí'₂ trigo jme₁ca₂ñi₅ ja₁jaun₂. ²⁴ Jaun₂ ně₃, ca₂juá'₂ dsa₂ fariseos:

—¿'E₂ lě₃ jmo₅ dsa₂ i₂quiang'₅₄ ta₁ a₂tsá₃ 'i₄ 'éi'₃ jmo₃ jmi_g₄ sa₅₄?

²⁵ Jaun₂ ca₂ñag₃ Jesús:

—¿Tsa₁ ma₂'í'₂ 'nia'₂ 'i₁cón'₂ a₂ca₂jmo₃ David ma₂líg'₂ quian'₅₄ riin'₅₄ lia'₂ con'₂ jme₁ca₂rě₃'ín₂ quió'₅, a₂ca₂lě₃ i₁cón'₅?† ²⁶ Ca₂'í₃ David dsi₂néi₂ quió'₅ Diú₄, lia'₂ con'₂ jme₁lín₄ Abiatar juig₅₄ jme₂dsa₂. Ca₂guě'₃ i₁ñí'₄ jñió₅ a₂'i₄ 'éi'₃ a₂guě'₅ jmá'₃ jme₂dsa₂. Jaun₂ ca₂cuě'₃ dsa₂ i₂jme₁quiain'₅₄ ně₃.

²⁷ Ján₃ bá₄ ca₂juá'₂ Jesús ca₂tsí'₃ dsa₂:

—O₄quió'₄ dsa₂ mi₂güig₃ bá₄ ca₂lě₃ jmi_g₄ sa₅₄, on₃jua'₅₄ rě'₂ o₄quió'₄ jmi_g₄ sa₅₄ ca₂jmó'₂ Diú₄ dsa₂ mi₂güig₃. ²⁸ Jaun₂ lě₃, Jaun₅ dsa₂ mi₂güig₃ bá₄ i₂'io₅ 'éi'₃ ne₄ quió'₅ jmi_g₄ sa₅₄.

3

Jan₂ dsa₂ i₂'lia'₂ caun₂ mi₂gu₂

(Mateo 12:9-14; Lucas 6:6-11)

¹ Con'₂ siá'₂ táng₃ ca₂'í₃ Jesús guá'₅ sinagoga. Ja₁jaun₂ jme₁'en₅₄ jan₂ dsa₂ i₂'lia'₂ caun₂ mi₂gu₂. ² Jaun₂ ca₂tio_g₃ dsa₂ ca₂tiaín₃ Jesús, o₁ne₄ chi₂jua'₂ jme₃'lióin₂ dsa₂ 'éi₂, tě₃ jmi_g₄ sa₅₄, ia₁jaun₂ chain₂ bí₂ a₂bóin'₂ dso₄ Jesús. ³ Jaun₂ ca₂tsí'₃ Jesús dsa₂ i₂'lia'₂ mi₂gu₂:

—Nia₅, dsi₂jo₂ la₂ nau₂.

⁴ Jaun₂ ca₂ñag₃ Jesús ca₂ñi₃' dsa₂ i₂tion'₅₄ jág₅:

—Ju₁lia'₂ jmi_g₄ sa₅₄, ¿'e₂ 'i₄ 'éi'₃ jmo₃ dsa₂? ¿A₁dse₃, o₃ a₂'lig'₅₄ 'e₂? ¿A₂lión₂ dsa₂ jme₂dsí₂ riin'₅₄, o₃ a₂jñi'₃ dsa₂ riin'₅₄ 'e₂?

Jaun₂ jñia'₅₄ lě₁tióin₂ tei₄ le₂jaun₂ bá₄ dsa₂. ⁵ Jaun₂ 'ne₂ Jesús ca₂jñin₂ dsa₂ i₂tion'₅₄, co₂'na₂ guě'₂ qui'₂ dsí₅, ia₁ a₂ñí₄ lě₃ tsá₃ ñí'₂ dsí₅ dsa₂. Jaun₂ ca₂tsí'₃ dsa₂ dso'₅₄:

—Nei'₅₄ gog'₂.

Jaun₂ ca₂néi'₃ 'éi₂ gu₂; ca₂lág₃ bá₄ jaun₂ ně₃. ⁶ Dsi₂jui₅ le₂jaun₂ ca₂'uin₂ dsa₂ fariseos ca₂i₁jmo₅₄ jág₁ quian'₅₄ dsa₂ quián₅ Herodes a₂jñi'₃ Jesús.

Jui₅ dsa₂ tion'₅₄ chei'₅₄ jmi_g₂

† 2:25 'Nio'₂ ja₁ton₅ 1 Samuel 21:6.

⁷ Jaun₂ ca₂ŋó₃ táng₃ Jesús jui₅ chei'₅₄ jmi₁ŋí'₄ quian'₅₄ dsa₂ i₂quian'₅₄. Jaun₂ juin₅ lin₃ dsa₂ chan₂ Galilea ca₂jme₃quiong'₅₄ ně₃. ⁸ Jme₁ca₂rě₃ŋi₅ dsa₂ ca₂le₃jě₃ 'e₂ a₂niog₅ lě₂ a₂jmo₅ Jesús, ca₂O₃lén₂ juin₅ lin₃ dsa₂ chan₂ Judea, dsa₂ chan₂ Jerusalén, dsa₂ chan₂ Idumea, dsa₂ chan₂ le₂'ŋo'₅₄ Cuá₃ Jordán, dsa₂ chan₂ Tiro, dsa₂ chan₂ Sidón ně₃, a₂ca₂O₃jii₅₄ Jesús. ⁹ Jaun₂ ca₂tsí'₃ Jesús dsa₂ quiáin₅, a₂jmo₃ co₂jŋia₅₄ caun₂ tsi₁mu₅, ia₁ con₂ tsá₃ ŋó₅ ně₁jua'₂ ca₂quín'₃ jin₄ dsa₂. ¹⁰ Ia₁ juin₅ lin₃ dsa₂ dso'₅₄ ma₂ca₂jme₃'lióin₂ le₂jŋiá₅. Jaun₂ ně₃, ca₂le₃jín₃ dsa₂ dso'₅₄ tioen'₅₄ co₂'liain₂ rii₅₄ ca₂lia'₂ qui₂co₂dsi₅₄ Jesús, ia₁ a₂'nio₃ qui₃hí'₃ quió'₅. ¹¹ Jme₁ca₂jág₂ jme₂dsí₂ 'lin'₅₄ i₂tion'₅₄ tē₂dsí₅ dsa₂, jaun₂ ca₂chi₃jné₃, tioen'₅₄ co₂mi'₅₄, juá'₂:

—i'Ne₂ líng'₅ Ja₁ŋi'₅₄ Diú₄!

¹² Jaun₂ lě₃ ca₂jmo₃ Jesús 'éi'₃ a₂tsá₃ jme₃jniog₂₃.

Ca₂quión'₂ Jesús chi'₂ dsi₂guia₃-tín₂
(Mateo 10:1-4; Lucas 6:12-16)

¹³ Cang₂ jaun₂ ca₂i₃lén₂ caun₂ ja₁lě₄ dsi₂con₂'. Ja₁jaun₂ ca₂quión'₂ Jesús dsa₂ i₂'nioi₃ jme₃quiong'₅₄. Jaun₂ ca₂O₃lén₂ 'éi₂ ja₁chéin₄'. ¹⁴ Jaun₂ ca₂'iin₃ guia₃-tín₂ dsa₂ 'éi₂, ia₁jaun₂ jme₃quiong'₅₄ ton₂' ia₁jaun₂ chei₃ a₂dsi₃lén₂ 'éi₂ a₂qui₂dsi₃'ě₃ jág₁, ¹⁵ ia₁jaun₂ 'io₃ 'éi₂ bí₂ ján₃* a₂le₃'uúin₂ je₂na'₅₄ dsí₅ dsa₂. ¹⁶ I₂la₂ bá₄ dsa₂ i₂guia₃-tín₂ i₂ca₂'in₃ Jesús: Si₂mu₅₄ i₂tě'₂ Jesús Pe₄; ¹⁷ Le₂on₃ ja₁ŋi'₅₄ Zebedeo: Jacobo quian'₅₄ Juan₅₄, i₂ca₂tě'₃ Jesús Boanerges, co₂'nió'₄ a₂juá'₂, jaun₅ ŋí'₃; ¹⁸ Drě₄, Fe₂li₄, Bartolomé, Tě₅₄, To₁má₄ ně₃; Jacobo ja₁ŋi'₅₄ Alfeo. Tadeo, Si₂mu₅₄ i₂lín₅ cananista;† ¹⁹ Judas Iscariote ně₃, dsa₂ i₂ca₂jín₂ Jesús.

Juá'₂ dsa₂ a₂'io₅ Jesús jui₅bí₂ quió'₅ Be'elzebú
(Mateo 12:22-32; Lucas 11:14-23; 12:10)

Jaun₂ ca₂dsián'₃ Jesús jme₁ca₂dsiáin'₃ caun₂ dsi₂néi₂. ²⁰ Con₂ guě'₂ siá'₂, ca₂ŋi'₂ táng₃ dsa₂ juin₅ lin₃, jŋia₅₄ tsá₃ jii₅₄ guě'₃ quian'₅₄ chi'₂ dsi₂guia₃-tín₂. ²¹ Jme₁ca₂rě₃ŋi₅ o₁riin'₅₄, jaun₂ ca₂O₃lén₂ a₂jme₁tsáun₂ tē₂, ia₁ 'ei₅ jág₁ a₂lě₁ma₂tě₂ i₂₃ ŋi₂₃.

²² Ján₃ bá₄ le₂jaun₂ tē₅juá'₅ i₂ja₂lén₂ Jerusalén, ca₂juá'₂:

—Quian₅ dsa₂ ně₅ Be'elzebú, i₂lín₅ juig₅₄ je₂na'₅₄. A₂jaun₂ bá₄ qui'₅₄ jmig₄ 'uúin₂ je₂na'₅₄ tion'₅₄ dsí₅ dsa₂.

²³ Jaun₂ lě₃ ca₂tě'₃ Jesús tē₅juá'₅ 'éi₂, jaun₂ ca₂juá'₂ tē₂le₃ quian'₅₄ jág₁ a₂jáng₅ lěi₄:

* **3:15** A₂lin₅₄ chog₅₄ si₂ juá'₂ ján₃: “a₂jme₃'lióin₂ dsa₂ dso'₅₄.” † **3:18** cananista: partido quió'₅ dsa₂ i₂'nio₃ táun₂ 'uě₃ 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ŋí₄ lě₃ mei'₂ tsá₃ ca₂ne₅₄ a₂chein₂.

—ǵ'A₂ lia'₂ le₃lé₂ jua'₅₄ jmo₃ Satanás a₂dsein₂₃ 'ñiog₅ quió'₅ dsa₂? ²⁴Nē₁jua'₂ co₂nió'₃ dsi₂tan₅₄ ca₂nió'₃ mī'₅₄ quaiain'₅₄ rīn'₅₄, dsi₂tan₅₄ 'éi₂ tsá₃ uē₂ lé₂ le₃tóin'₃. ²⁵Nē₁jua'₂ dsa₂ dsi₂néi₂ tioin'₅₄ mī'₅₄ quiin'₂, já₁₃ bá₄ le₂jaun₂ tsá₃ uē₂ tió'₅. ²⁶Nē₁jua'₂ ca₂dsia₃ Satanás 'nei₂ a₂jmo₃ le₁dsoin'₅₄ 'ñiog₅, já₁₃ bá₄ le₂jaun₂ tsá₃ uē₂ 'oin₅₄ bí₂ quió'₅; ja₁jaun₂ ca₂dsan₃ bá₄ quió'₅ nē₁jua'₂ le₂jaun₂.

²⁷'I₁jan₂ tsá₃ 'ein₂ lé₂ le₃'í₂ tion₅₄ dsi₂néi₂ quió'₅ jui₁lia'₂ jan₂ dsa₂ 'uan'₂, jua'₅₄ a₂jniá'₂ dsa₂ a₂te₁'i₁ quió'₅, jñia'₅₄ lia'₂ a₂'nei'₂ bá₄ de'₂ jñiá₅ dsa₂. Jaun₂ bá₄ lé₂ le₃jñia'₃ a₂cha₂ quió'₅.

²⁸'A₂dsi₂jó'₃ juá'₅ jniá₂, a₂lé₂ le₃'én₂ ca₂le₃jé₃ bá₄ dsáu₁ dsa₂, ca₂le₃jé₃ 'e₂ a₂'lig'₅₄ juá'₂ ně₃. ²⁹La₁ nē₁jua'₂ ca₂juá'₂ 'lig'₅₄ 'iin₂₃ Jme₂dsí₂ Jñi₀₅, tsá₃ ma₃a₁jaun₂ lé₂ le₃'én₂ dsáu₁. A₂rē₂cáin'₄ ca₂le₃jé₃ jmi₄ chain₂ bá₄ jaun₂.

³⁰Le₂nē₅ ca₂juá'₂ ia₁ dsia₅ dsa₂ 'ag₂₃ 'ein₅₄ jme₂dsí₂ 'lin'₅₄.

Chi'₂ rin'₅₄ Jesús quian'₅₄ chog'₅₄
(Mateo 12:46-50; Lucas 8:19-21)

³¹Jaun₂ ca₂dsi₃lén₂ chi'₂ rin'₅₄ Jesús, quian'₅₄ chog₅₄ ně₃. La₁ ca₁'né₄ bá₄ ca₂tóin'₂. Jaun₂ ca₂chein₃ já₁ a₂té'₂ Jesús. ³²Jaun₂ ca₂juá'₂ dsa₂ i₂jme₁tián'₄ cau₅ quió'₅ Jesús:

—Chog'₂ quian'₅₄ chi'₂ ríng'₂, nē₅ tián'₅ ca₁'né₄, a₂'nai'₂ 'ne₂.

³³Jaun₂ ca₂ñag₃:

—ǵ'Ei₂n 'éi₂ lín₅ cha₃ jniá₂, rín'₃ jniá₂ ně₃?

³⁴Jaun₂ ca₂jín₂ dsa₂ i₂tián'₅ cau₅ quió'₅, jaun₂ ca₂juá'₂:

—iJag₄! I₂la₂ bá₄ lín₅ cha₃, ríng'₃ ně₃. ³⁵Ia₁ jui₁'ein₂ gué₃ i₂jmo₅ a₂'ñio₂ dsí₅ Diú₄, i₂'éi₂ bá₄ lín₅ jui₁lia'₂ ríng'₃, cha₃ ně₃.

4

Jág₁ jáng'₅ léi₄ jui₁lia'₂ dsa₂ i₂séi₂ mīg₂ jon₂
(Mateo 13:1-9; Lucas 8:4-8)

¹Con'₂ siá'₂ táng₃, co₂ráun₂ ca₂jme₃lióg₃ Jesús ca₂jme₃tiin₂₃ dsa₂ chei'₅₄ jmi₁ñi'₄. Ia₁ juin₅ lin₃ dsa₂ ca₂lē₃ ně₃ ca₂ñi'₂ ja₁chéin'₄, jaun₂ ca₂'í₃ 'ñi₀₃ tsi₁mu₅ 'ei₅ chei'₅₄ jmi₂; jaun₂ ja₁jaun₂ ca₂guá₂. Dsa₂ gué'₂ ně₃ ca₂tóin'₂ chei'₅₄ jmi₂. ²Lióng₂ já₁ dse₃ ca₂jme₃tag₂₃ tē₂le₃ quian'₅₄ já₁ a₂jáng'₅ léi₄. Jē₄ juá'₅ quió'₅ a₂jme₂tag₂₃, ca₂juá'₂:

³—Nei₂ 'nia'₂: Jan₂ dsa₂ ca₂ñe₄ ja₁nau₂ ca₂i₁séi₄ mīg₂ jon₂.

⁴Jme₁ma₂'ein₅₄ séi₂ ně₃, a₂lin₅₄ mīg₂ jon₂ i₂ga'₅₄ le₂'i₄ jui₅. I₁tan₅ bá₄ ca₂dsi₃lén₂ ca₂cág'₃ a₂jaun₂. ⁵A₂lin₅₄ gué'₂ mīg₂ jon₂ táng₃, ca₂i₃to'₅₄ jē₄ ni₁cang₁, ja₁tsá₃ gua'₅₄ lin₄ cha₂. A₂jaun₂ ně₃ tsá₃ uē₂ ca₂rē₃'ag₄, ca₂'ia₂, ia₁ tsá₃ ji'₂ gua'₅₄ ja₁i₃to'₅₄. ⁶La₁ jme₁ca₂jnióg₃ 'iog₂ ně₃, ca₂rē₃jung₅ ca₂rē₃quéin₃ bá₄, ia₁ tsá₃ jmú₄ 'lióng₂ jme₁cha₂. ⁷A₂lin₅₄ gué'₂ ca₂séi'₂ ja₁lē₄ ni₁taun₅. Jme₁ca₂i₃cón₃ ni₁taun₅ ně₃, ca₂jlē₃ bá₄ a₂jaun₂, tsá₃ 'e₂ ca₂rau₂. ⁸La₁ a₂lin₅₄

guë'₂ ně₃ ca₂tin₂ ja₁dse₃ 'uë₃. A₂jaun₂ ca₂rau₂ bá₄ dse₃. A₂lin₅₄ ca₂'ág₂ jma₃guióg₂-guiá₂ mīg₂, lia'₂ ca₂mīg₂ jon₂. A₂lin₅₄ guë'₂ jma₃'nag'₂ ne₂guióg₂ mīg₂; a₂lin₅₄ guë'₂ jma₃caun₂ 'ŋiá₂-láu₂ mīg₂.

⁹Jaun₂ ně₃, ca₂juá'₂ Jesús:

—Ca₂le₃jín'₃ 'nia'₂ i₂le₁dsi₅₄ rē₂gua₄, rē₂ nei₂ 'nia'₂.

Ta₁ qui'₅ jág₁ a₂jáng'₅ léi₄

(Mateo 13:10-17; Lucas 8:9-10)

¹⁰Jme₁ma₂len₃ dsa₂, jme₁ma₂tē₁'ŋiá₄ quiain'₅₄ chi'₂ dsi₂guia₃-tin₂, quiain'₅₄ i₂lin₅₄ guë'₄ dsa₂ sián'₂, jaun₂ ca₂ŋag₃ 'éi₂ 'e₂ jág₁ dsau₅ jáng'₅ jág₁ jaun₂. ¹¹Jaun₂ ca₂juá'₂ Jesús:

—Diú₄ bá₄ jmo₅ a₂rē₂ŋi'₂ 'au'₂ 'nia'₂ jág₁ a₂rē₂'ma₄ 'a₂ lia'₂ lě₅ ja₁goin₂, la₁ dsa₂ i₂tsá₃ i₂nio₄ quian'₅₄ jniá₂ ně₃, 'nió'₅ juá'₂ dsa₂ tē₂le₃ quian'₅₄ jág₁ a₂jáng'₅ léi₄:

¹²ia₁jaun₂ i₂nē₂jág₃,

la₁ tsá₃ ca₂rē₃lí'₄ 'e₂ nē₂jág₃.

I₂nē₂néi₂ ně₃,

la₁ tsá₃ ca₂rē₃lí'₄ 'e₂ nē₂néi₂,

on₃ guë'₂ ca₂ŋi'₂;

con'₂ tsá₃ ŋó₅ nē₁ca₂jéin'₃ dsí₅,

ia₁jaun₂ jme₁'lio₁₂ jniá₂.*

Juá'₂ Jesús 'e₂ jág₁ dsau₅ jein₅ jág₁ jui₁lia'₂ dsa₂ i₂séi₂ mīg₂ jon₂

(Mateo 13:18-23; Lucas 8:11-15)

¹³Ca₂juá'₂ ján₃:

—¿Tsa₁ ŋi'₂ 'nia'₂ jág₁ a₂jáng'₅ léi₄ ně₃? ¿'A₂ bá₄ guë'₂ lé₂ le₃ŋi'₂ 'nia'₂ jui₁lia'₂ jág₁ a₂jáng'₅ léi₄ siá'₂? ¹⁴Jui₁lia'₂ lín₅ dsa₂ i₂séi₂ mīg₂ jon₂, le₂jaun₂ bá₄ lín₅ jui₁lia'₂ dsa₂ i₂ě₂ jág₁ dse₃ quió'₅ Diú₄. ¹⁵I₂lin₅₄ dsa₂ lín₅ jui₁lia'₂ mīg₂ jon₂ a₂i₃ga'₅₄ le₂'i₄ jui₅. Nag₂₃ jág₁ dse₃, la₁ dsi₂jui₅ jaun₂ ja₂ Satanás ŋniá'₂ jág₁ a₂ma₂jnia₄ tē₂dsí₅ dsa₂. ¹⁶I₂lin₅₄ guë'₂ dsa₂ lín₅ jui₁lia'₂ lě₅ mīg₂ jon₂ a₂i₃ga'₅₄ jē₄ ni₁cang₁. Nag₂₃, gue₂₃ jág₁ a₂ŋio₂ dsí₅. ¹⁷La₁ia₁ tsá₃ uě₂ tió'₅, ia₁ tsá₃ lín₄ jmú₄ cha₂ jua'₅₄ a₂chan'₂ tiá₂ jág₁. Jaun₂ jē₁ma₂ca₂can₃ o₂i₁ dsi₅, a₂co₂'ein₅ dsa₂ 'ui₅₄ jág₁ dse₃, dsi₂jui₅ bá₄ tí₂ táng₃ jág₁. ¹⁸I₂sián'₂ guë'₂ ně₃ lín₅ co₂'nió'₄ mīg₂ jon₂ a₂i₃ga'₅₄ jē₄ ni₁taun₅. Nag₂₃ jág₁ dse₃, ¹⁹la₁ 'ŋio₅ guë'₄ 'i₅ dsí₅ o₂me'₅₄ dsi₅ a₂cha₂ mi₂güig₃ la₂; ne₄ 'ui₅₄ ia₁ a₂'ín₅ dsí₅ jui₅ ja₁le₃cha₂ cu₄, ja₁ně₅ bá₄ ja₁rē₂gain₂ táng₃; tsá₃ caun₂ a₂'ín₅ dsí₅. Ca₂le₃jě₃ a₂jaun₂ ně₃ jmo₅ jlě₅ jág₁ dse₃, tsá₃ ma₃cuë₂₃ jmig₄ a₂ráu₃. ²⁰La₁ i₂lin₅₄ guë'₄ ně₃ nag₂₃, gue₂₃ bá₄ jág₁, chan'₂ tiá₂. Lín₅ jui₁lia'₂ lě₅ mīg₂ jon₂ a₂i₃ga'₅₄ ja₁dse₃ gua'₅₄. 'Lióng₂ rau₂.

*

4:12 Isaías 6:9-10.

I₂lin₅₄ guë'₂ lín₅ co₂'nió'₄ mǐg₂ a₂qui₂ca₂'ág₂ guióg₂-guiá'₂; i₂lin₅₄ guë'₂ co₂'nió'₄ a₂qui₂ca₂'ág₂ 'nag'₂ ne₂guióg₂, o₃ caun₂ 'ñiá₂-láu₂ mǐg₂ lia'₂ ca₂mǐg₂ mǐg₂ jon₂ a₂i₃jnia₄.

Jág₁ jáng'₅ léi₄ jui₁lia'₂ ni₁tsí₅ chi₁guí'₂ si₂

(Lucas 8:16-18)

²¹ Jaun₂ ca₂juá'₂ táng₃ Jesús:

—Në₁jua'₂ quian₅ dsa₂ caun₂ ni₁tsí₅ a₂guí'₂ si₂, ¿a₂ chi'₃? ¿né'₃ tsi₁mi'₂, o₃ né'₃ tsi₁cama? Jan₂'ón₄. A₂'ag₅ guei'₅₄ bá₄ dsa₂ si₂.

²² Ia₁ 'i₁caun₂ cosa tsá₃ cha₂ jua'₅₄ a₂lín₂ dsa₂ rē₂'ma₄, a₂tsá₃ le₃jniá₂; tion₅₄ bá₄ rē₂jniá₂. Ján₃ guë'₂ 'i₁caun₂ jág₁ tsá₃ cha₂jua'₅₄ lín₂ dsa₂ a₂tsá₃ 'ein₂ le₃ñi₅; tion₅₄ bá₄ rē₂ñi₅ dsa₂. ²³ Chi₂jua'₂ 'ein₂ dsi₅₄ rē₂gua₄, ju₁nei₅₄ rē₂.

²⁴ Con'₂ siá'₂ táng₃ ca₂juá'₂ Jesús:

—Tion'₂ 'nia'₂ jui₅ 'e₂ a₂nag'₂. Quian'₅₄ 'éi'₃ a₂cau'₂ 'nia'₂ guiong'₅₄, 'éi'₃ jaun₂ bá₄ quióg₃ Diú₄ quián'₂ 'nia'₂ ján₃, jñia'₅₄ tē₂le₃ lē₅guē₄. ²⁵ Ia₁ jui₁lia'₂ dsa₂ i₂'ñio₂ dsí₅ le₃ñi₁'₂, Diú₄ bá₄ jmo₃ le₃ñi₁'₂ guē₄ dse₃. La₁ i₂tsá₃ 'nio₃ le₃ñi₁'₂ ně₃, Diú₄ bá₄ jmo₃ a₂tsá₃ ma₃le₃ñi₁'₂ co₂ñei'₅₄.†

Jág₁ jáng'₅ léi₄ jui₁lia'₂ 'a₂ lia'₂ 'ia₂ mǐg₂ jon₂

²⁶ Jaun₂ ca₂juá'₂ Jesús:

—Le₂jaun₂ bá₄ lē₅ ja₁gon₂ Diú₄, jui₁lia'₂ lē₅ quian'₅₄ dsa₂ i₂jne₅ 'e₂ jne₂₃. ²⁷ Jē₁ma₂ca₂'ia₂, qui₂dsi₂cón₃ a₂jaun₂. La₁ jui₁lia'₂ dsa₂ i₂jne₅ 'éi₂ ně₃, o₁jñia'₅₄ a₂'uē₂-jmi₂ güi_{in}₂, nau₂ ně₃, la₁ tsá₃ jaun₂ ñi₅ 'a₂ lia'₂ lē₂ a₂dsi₂cón₃. ²⁸ 'Uē₃ bá₄ lia'₂ lē₅, jaun₂ bá₄ rau₂. Le₂'uig₅₄, tag₄ de'₂ jñiá₅ 'ia₂; ñó₅ jaun₂ 'ia₂ ni₁la₁, lē₂ ni₁guein₂. Nó₅ jaun₂ lē₂ ni₁cuig₂ lá₅ ně₃. ²⁹ Jē₁ma₂ca₂ron₂, jaun₂ guē₄ dsi₂'áun₂ dsa₂; ia₁ ca₂tē₂ jmi₄ a₂ca₂rau₂.‡

Jág₁ jáng'₅ léi₄ jui₁lia'₂ mǐg₂ jon₂ quió'₅ ni₁'ma₂ mostaza

(Mateo 13:31-32; Lucas 13:18-19)

³⁰ Con'₂ siá'₂ táng₃ ca₂juá'₂ Jesús.

—¿A₂ lia'₂ lē₅ ja₁gon₂ Diú₄, o₃ 'e₂ quian'₅₄ lé₂ le₃quin₃? ³¹ Lē₅ jui₁lia'₂ lē₅ mǐg₂ ni₁'ma₂ mostaza.Š Mǐg₂ jon₂ jaun₂ lē₅ a₂pi'₁ guē₄ 'ñio₅ lin₃, lia'₂ con'₂ guē₄ ca₂le₃jē₃ jon₂ a₂jne₅ dsa₂. ³² Jē₁ma₂ca₂i₃jnia₄ ně₃, dsi₂cón₃ dsiog₅ lē₂ caun₂ ni₁'ma₂ pa₁, ca₂lia'₂ qui₂rē₂já₂ ni₁gu'₂ quió'₅. Jaun₂ tian₅ i₁tan₅ ja₁lē₄ 'en'₂ quió'₅.

† 4:25 lit. “Ia₁ jui₁lia'₂ dsa₂ i₂cha₂ quió'₅, ñei₂; la₁ i₂tsá₃ cha₂ quió'₅ ně₃, le₂jio₅ a₂cha₂ quió'₅, jñia'₃.” ‡ 4:29 lit. “‘Uē₃ bá₄ lia'₂ lē₅, jaun₂ bá₄ rau₂. Le₂'uig₅₄, tag₄ de'₂ jñiá₅ 'ia₂; ñó₅ jaun₂ 'ia₂ mi'₂. Nó₅ jaun₂ tó'₅ mǐg₂ mi'₂ trigo. Jē₁ma₂ca₂ron₂, jaun₂ guē₄ dsi₂cag'₅₄ dsa₂ quian'₅₄ ñí₁ hoz; ca₂tē₂ jmi₄, a₂ca₂rau₂.” Š 4:31 mostaza: On₃jua'₅₄ mi₂jáng'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ jaun₂ a₂tē₂ tē₅sí₃ Brassica nigra.

Ta₁ a₂quí' ₅ jág₁ a₂jáng' ₅ léi₄ a₂ca₂jme₃tag₅ Jesús
(Mateo 13:34-35)

³³ Ca₂jme₃tin₅ Jesús dsa₂ jág₁ dse₃ tē₂le₃ quian'₅₄ 'lióng₂ jág₁ a₂jáng' ₅ léi₄ le₂nē₅. ³⁴ 'I₁caun₂ jág₁ tsá₃ jme₁cuē₂₃ jua'₅₄ tsá₃ tē₂le₃ quian'₅₄ jág₁ a₂jáng' ₅ léi₄. La₁ jē₁ma₂tē₁ 'ñiá₄ con'₂ guioin₅₄ quiaín'₅₄ chí'₂ dsi₂guia₃-tín₂ quiaín₅, jme₁juá'₂ lia'₂ rē₂jiá₃ jág₁.

Ca₂jmo₃ Jesús ca₂'ág₂ tei₄ jmi₁ñí'₄, ca₂jñia'₃ dsí₂ ně₃
(Mateo 8:23-27; Lucas 8:22-25)

³⁵ Le₃ca₂nei₂ jmi₂g₄ jaun₂ ca₂tsí'₃ chí'₂ dsi₂guia₃-tín₂ quiaín₅:

—Ma₃ le₃ 'ño'₅₄ jmi₁ñí'₄ le₃ó₃.

³⁶ Tion'₅₄ jaun₂ dsa₂ chei'₅₄ jmi₁ñí'₄, ca₂ñó₃ Jesús ca₂jio₃ chí'₂ dsi₂guia₃-tín₂ 'ñió'₃ tsi₁mu₅ ja₁jme₁'ein₅₄ táun₂ jág₁. Ján₃ bá₄ i₂lé₂ guē₄ tsi₁mu₅ siá'₂ quiong'₅₄, tion'₅₄ dsa₂. ³⁷ Jme₁co₂lág₂ jaun₂ ca₂'ág₂ dsí₂ tiá₂ lín₃, jaun₂ qui₂ca₂jná'₃ jmi₂g₄ 'ñio₅ lín₃ ca₂lia'₂ ca₂i₃'a₄ jmi₂g₄ 'ñió'₃ tsi₁mu₅, jñia'₅₄ mei'₂ tsá₃ ca₂can'₂. ³⁸ Jme₁rē₂güín₃ bá₄ Jesús ñó₃ le₃chi₁co'₅₄ rē₂dsin₅ 'mí'₂ dsi₁₅₄. Jaun₂ ca₂ñei₃ dsa₂, ca₂juá'₂:

—jTē₅! ¿Tsa₁ dsa₂ 'au'₂ jua'₂ dsi₃'éin₂ jnia'₅₄ ja₁láš?

³⁹ Ca₂na₂u₂ Jesús jaun₂ ně₃, ca₂jéin₂ dsí₂, ca₂jéin₂ jmi₁ñí'₄ ně₃, ca₂juá'₂:

—jme₁'ua₅₄! jTei₄ jmo₄!

Jaun₂ dsi₂jui₅ jaun₂ bá₄ ca₂'ág₂ táng₃ tei₄ jmi₁ñí'₄, dsí₂ ně₃ ca₂jñia'₃. ⁴⁰ Jaun₂ ca₂juá'₂ Jesús ca₂tsí'₃ chí'₂ dsi₂guia₃-tín₂ quiaín₅:

—¿E₂ lē₃ ñí₄ 'ñio₅ gan'₃ 'nia'₂? ¿A₂ bá₄ lia'₂ ñí₄ tsá₃ rē₂'én'₂ 'nia'₂?

⁴¹ Jaun₂ i₃gó'₃ dsí₅ 'ñio₅ lín₃, qui₂ca₂tsí'₃ riin'₅₄:

—¿Ein₂ bá₄ lín₅ i₂nē₅ ca₂tē₂ jmi₁ñí'₄, ca₂tē₂ dsí₂ ně₃ qui₂nag₅ gau₂ jág₁ quío'₅?

5

Jan₂ dsa₂ i₂'en₅₄ jme₂dsí₂ 'lín'₅₄
(Mateo 8:28-34; Lucas 8:26-39)

¹ Jaun₂ dsi₃léin₂ jme₁dsi₃léin₂ 'ño'₅₄ jmi₁ñí'₄, go₄ dsa₂ Gadarenos.* ² Jaun₂ dsi₂jui₅ jme₁ca₂o₃'ín₃ Jesús 'ñió'₃ tsi₁mu₅, dsió₃ jan₂ dsa₂ i₂o₂'ín₃ ja₁le₁'on₅ 'lag₄, dsa₂ i₂'en₅₄ jme₂dsí₂ 'lín'₅₄ dsí₅. ³ Jme₁guá₄ dsa₂ 'éi₂ jē₄ tau₂ 'ñio₅; jaun₂ tsá₃ ma₃'ein₂ jme₁quí'₅₄ jmi₂g₄ tió'₅ 'nei'₂ quian'₅₄ ñí₁ cadena, ⁴ ia₁ 'lióng₂ ráun₂ jme₁ma₂'nei'₂ dsa₂ le₂jñiá₅, jme₁ma₂tó'₂ dsa₂ cadena mi₂tag₅₄, mi₂gu₂ ně₃. La₁ jē₂ bá₄ jñia'₅₄ ma₂gág₃, ma₂juin₃ ñi₁ñí₁ jme₁chi₁quí'₅ mi₂tag₅₄ ně₃. Jaun₂ 'i₁jan₂ tsá₃ ma₃'ein₂ jme₁tio₃. ⁵ Jaun₂ ně₃, jme₁i₂ñi₅₄ lia'₂ 'uē₂-jmi₂ dsi₂guio'₂ ja₁le₁'on₅ 'lag₄ lia'₂

* 5:1 A₂lín₅₄ chog₅₄ si₂juá'₂: “uē₃ Gerasa.”

jui₅ má'₂ ně₃, qui₂jmaí'₂ uig₅ 'ŋiog₅ qui₂uig₂ quió'₅ quian'₅₄ ni₁cang₁. ⁶ La₁ jme₁ca₂jín₂ Jesús já₅ uing₂, ŋó₃ jaun₂ ně₃ co₂chi'₅₄ le₃ne₄ ja₁ŋó₄ Jesús, jaun₂ ca₂chi₃jné₃. ⁷ Jaun₂ ca₂'í₃ co₂mi'₅₄ ca₂juá'₂:

—ǵ'E₂ lě₃ tián'₅ 'ne₂ jě₄ quió'₃ jniá'₂, 'ne₂ Jesús Ja₁ŋi'₅₄ Diú₄ juin'₂? Ca₂Diú₄, jnag₅₄, mi₅ jniá'₂ ne'₅₄ tsá₃ lě₁'ě₅ uig₅.

⁸ Ca₂juá'₂ le₂ně₅, ia₁ jme₁ma₂ně₂chí'₃ Jesús jme₂dsí'₂ 'lin'₅₄, ca₂juá'₂: “jU₅ quió'₅ dsa₂ ně₅, 'ne₂ jme₂dsí'₂ 'lin'₅₄!”

⁹ Jaun₂ ca₂ŋag₃ Jesús:

—ǵ'A₂ lia'₂ cheng'₂?

Jaun₂ ca₂ŋag₃:

—Juin[†]₅ bá₄ cheng₂, ia₁ a₂juag₅ jnia'₅₄ lě₂.

¹⁰ Jaun₂ ca₂mi₃ tion₅₄-jan₃ ne₄ Jesús a₂tsá₃ chein₂ jme₂dsí'₂ 'lin'₅₄ ja₁siá'₂. ¹¹ Ia₁ jme₁tion₅₄ juin₅ i₁ŋí₅, guě'₅ quián₅ 'uig₅₄ má'₂, ¹² jaun₂ qui₂ca₂mi₃ i₂'lin'₅₄ ne₄ Jesús, ca₂juá'₂:

—Chei₅ jnia'₅₄ ja₁tion₅₄ i₁ŋí₅, jaun₂ dsi₁tió'₄ jnia'₅₄ quió'₅ 'éi₂.

¹³ Jaun₂ ca₂cuě₃ bá₄ Jesús jmi₄. Jaun₂ ca₂'uin₂ ca₂i₃lén₂ i₃toin'₅₄ quió'₅ i₁ŋí₅. Jme₁lě₂ con'₂ tin₃ mei₅ i₁ŋí₅ jme₁tion₅₄. Ca₂le₃jín₃ 'éi₂ ca₂i₁noi₁₂ co₂chi'₅₄ cuing₂₃ ca₂sein₃ siá₅ i₃toin'₅₄ jmi₁ŋí'₄, ca₂dsain₃.

¹⁴ Jaun₂ ca₂i₃len₃ dsa₂ i₂jme₁jmo₅ 'í₁ cuing₂₃ ca₂i₁chi'₄ dsa₂ jě₄ juig₂, quian'₅₄ i₂tion₅₄ ja₁nau₂ ně₃. Jaun₂ i₃lén₂ dsa₂ i₁jag₅₄ 'e₂ ca₂lě₃ ja₁jaun₂. ¹⁵ Jme₁ca₂o₃lén₂ ja₁'en₅₄ Jesús, ca₂jín₂ dsa₂ i₂jme₁tion₅₄ juin₅ jme₂dsí'₂ je₂na'₅₄ quió'₅. Jaun₂ ma₂guá₅ ma₂qui'₂ tsin'₅₄, ma₂'en₅₄ bá₄ dsí₅. Tioin'₅₄ ca₂jág₂ dsi₂gó'₃ dsí₅. ¹⁶ Jaun₂ dsa₂ i₂ca₂jág₃ ca₂dsia₃ 'e₂ ca₂lě₃ quian'₅₄ dsa₂ i₂jme₁tion₅₄ je₂na'₅₄ quió'₅, 'e₂ ca₂lě₃ quian'₅₄ i₁ŋí₅ ně₃. ¹⁷ Jaun₂ ca₂jme₃lióg₃ qui₂ca₂mi₃ tion₅₄ ne₄ Jesús a₂o₃'iin₅ 'uě₃ go₅₄.

¹⁸ Jme₁ma₂ŋó₅ Jesús 'í₂ tsi₁mu₅, jaun₂ jme₁mi₅ dsa₂ i₂jme₁tion₅₄ je₂na'₅₄ quió'₅, jme₁mi₂₃ jág₁ ne₄ Jesús a₂dsó₃ quiong'₅₄. ¹⁹ La₁ tsá₃ ca₂cuě₃ 'éi₂ jmi₄. Jaun₂ ca₂tsí'₃ dsa₂ 'éi₂:

—Guan'₂ ja₁quiáng'₂, ja₁tián'₄ ríng'₂, o₂dsia₄ ca₂le₃jě₃ 'e₂ ně₂jmo₃ Te₁gui'₅₄ o₄quiáng'₂, 'a₂lia'₂ ně₂dsia₃ ŋéi₂ dsí₅.

²⁰ Jaun₂ ŋá'₃ bá₄ dsa₂ 'éi₂ dsi₂néi₂ quió'₅, jaun₂ ca₂jme₃lióg₃ ca₂i₁dsia₂ jě₄ juig₂ tén₅ Decápolis ca₂le₃jě₃ 'e₂ ca₂jmo₃ Jesús o₄quió'₄. Ca₂le₃jín₃ dsa₂ i₂ca₂nág₂ ca₂i₃gó'₃ dsí₅.

Ja₁míg₄ Jairo, quian'₅₄ 'io₅₄ i₂ca₂ní'₃ tsin'₅₄ Jesús

(Mateo 9:18-26; Lucas 8:40-56)

²¹ Jme₁ca₂dsián'₃ táng₃ Jesús le₃'ŋo'₅₄ jmi₁ŋí'₄ quian'₅₄ tsi₁mu₅, juin₅ lin₃ dsa₂ i₂ca₂dsi₃lén₂ táng₃ jme₁dsián'₃. Tě₁lia'₂ 'ŋi₂₃ chei'₅₄ jmi₄, ²² jaun₂ ca₂dsióg₃ jan₂ dsa₂ i₂niog₅ gu₂ guá'₅ sinagoga,

[†] 5:9 griego: legión

i₂chen₂ Jairo. Jme₁ca₂jín₂ Jesús, jaun₂ ca₂chi₃jnë₃ ne₄ 'éi₂.
²³ Ca₂mi₃ ca₂juá'₂:

—Ma₂i₁jón₂ jan₂ chi'₂ quiáng₃. ¿Tsa₁ gog'₅₄ o₁jín'₁ o₁quióg'₂ gog'₂ ne₄ quió'₅, jaun₂ 'lióin₂, le₃chain₂?

²⁴ Jaun₂ ně₃ ca₂ňó₃ Jesús quiong'₅₄; juin₅ lin₃ guě₄ dsa₂ sián'₂ i₃lén₂ ca₂lia'₂ co₂'liain'₂ bá₄ Jesús. ²⁵ Jě₄ jaun₂, ŋó₃ jan₂ 'io₅₄ i₂ma₂tě₂ guia₃-tín₂ ŋi₂ a₂dso'₅₄ a₂tiin₂. ²⁶ 'Lióng₂ a₂ma₂i₃ŋí₂ o₄gú₃ juin₅ tē₅mí₅; jme₁ma₂'éin₂ ca₂le₃jě₃ cu₄ a₂jme₁cha₂ quió'₅. La₁ tsá₃ 'e₂ ta₁ jmo₃, ia₁ tē₂le₃ ca₂i₃ja₃ bá₄ quió'₅. ²⁷ La₁ jme₁ca₂nág₂ a₂'in₅ dsa₂ Jesús, jaun₂ ŋó₃ ca₂jme₃quiáin₃ le₃ja₁ňó₄ 'éi₂, jin₄ dsa₂. Jme₁ca₂dsióg₃ cau₅ quió'₅ Jesús ně₃, jaun₂ ca₂ňí'₃ ni₁tsin'₅₄ 'éi₂. ²⁸ Ia₁ lín₂: “Tsá₃ a₂nag₅₄ a₂jŋia'₅₄ níg'₄ ca₂juig₄ tsin'₅₄, jŋia₃ quió₃.” ²⁹ Co₂tan₅₄ dsi₂jui₅ le₂jaun₂ bá₄ ca₂'ná₂ tein₂₃ jmi₂, ca₂rě₃lí'₄ ca₂'lóin₂ dso₄ quió'₅. ³⁰ Jaun₂ dsi₂jui₅ bá₄ ca₂rě₃lí'₄ Jesús a₂o₃'ág₃ bí₂ quió'₅. Jaun₂ ca₂jéin'₃ jin₄ dsa₂, ca₂ŋag₃:

—¿'Ein₂ bá₄ ně₂ní'₃ tsín'₅?

³¹ Jaun₂ ca₂ŋag₃ chi'₂ dsi₂guia₃-tín₂ quiáin₃:

—Jua'₂ jág'₂ bá₄ 'ne₂ 'a₂ lia'₂ co₂'liog'₂ dsa₂ ja₂léin₂. ¿'E₂ lě₃ juá'₂ “ein₂ ně₂ní'₃ quió₃?”

³² La₁ qui₂ja₂né₂ Jesús jin₄ dsa₂ a₂'nai'₂ 'ein₂ ně₂ní'₃ quió'₅. ³³ 'Io₅₄ 'éi₂ ně₃ ma₂jlein₂₃ bá₄ chéin'₅ gó'₅, ia₁ ŋi₅ bá₄ 'e₂ ma₂i₂ŋí₂. Ca₂ňó₃ co₂ŋei'₅₄ ne₄ Jesús, ca₂chi₃jnë₃, ca₂juá'₂ ca₂le₃jě₃ lia'₂ tí₅ jág₁ dsón'₂. ³⁴ Jesús ně₃ ca₂juá'₂:

—Jón₃, ia₁ 'éng'₂, ca₂'lóng'₂ bá₄. Guan'₂ tei₄ quiáng'₂. Co₂ně₅ ca₂jŋia₃ dso₄ quiáng'₂.

³⁵ Tě₃ dsia₅ bá₄ guě₄ Jesús jág₁ jaun₂ jme₁ca₂dsi₃lén₂ dsa₂ i₂tion'₅₄ ja₁quió'₄ Jairo i₂lín₅ ta₁ quió'₅ guá'₅ 'éi₂. Jaun₂ ca₂juá'₂ tsí₅ Jairo:

—Ma₂ca₂jon₃ bá₄ ja₁míg'₄. ¿'E₂ ta₁ ma₂cuě'₂ o₂me'₅₄ dsi₅ tē₅?

³⁶ La₁ tsá₃ ca₂tón'₃ Jesús jui₅ jág₁ quió'₅ dsa₂ 'éi₂, jaun₂ ca₂tsí'₃ Jairo:

—Tsá₃ lě₁jmo₂ gang'₃; jŋia'₅₄ lia'₂ 'én₃ bá₄.

³⁷ Tsá₃ ca₂cuě₃ jmig₄ Jesús a₂dsi₃lén₂ juin₅ dsa₂ quiong'₅₄. Jŋia'₅₄ lia'₂ Pe₄, Jacobo, quian'₅₄ Juan₅₄ riin'₅₄ bá₄ i₃lén₂. ³⁸ Jme₁ca₂dsi₃lén₂ ja₁quió'₄ Jairo, ca₂jág₃ tion'₅₄ dsa₂ go₂'i₃ qui'₂- 'o₂₃ co₂mi'₅₄, 'lia'₂ dsí₅. ³⁹ Ca₂'í₃ Jesús dsi₂néi₂, ca₂juá'₂:

—¿'E₂ lě₃ ŋí₄ lě₃ tó'₂ 'nia'₂ mi'₅₄, 'au'₂ 'nia'₂ le₂ně₅? Tsá₃ rě₂jon₅₄ guein₂ ně₅. Jŋia'₅₄ lia'₂ a₂rě₂güin₃ bá₄.

⁴⁰ La₁ jŋia'₅₄ ca₂ŋí₂ bá₄ dsa₂ Jesús tioin'₅₄. Jaun₂ ně₃ ca₂'uín'₂ Jesús ca₂le₃jín₃ dsa₂ 'éi₂ ca₁'né₄. Jaun₂ ca₂jŋia₃ chog₅₄-jmei₂ 'lag₄, dsa₂ ún₂ i₂jme₁quiain'₅₄ ně₃. Ca₂i₃toin'₅₄ ja₁rě₂quian₅ guein₂ 'lag₄. ⁴¹ Jaun₂ ca₂jŋa'₃ gu₂ i₂bě'₅₄, jaun₂ ca₂juá'₂:

—Talita, cumi —co₂'nió'₄ a₂juá'₂: 'Io₅₄ bē'₅₄, 'ne₂ juíg₂ jniá'₂, nau₂.

⁴² Dsi₂jui₅ le₂jaun₂ bá₄ ca₂nau₂, ca₂ŋi₃. Jme₁ma₂'ein₅₄ guia₃-tín₂ ŋi₂. Jaun₂ ca₂i₃gó'₃ dsi₅ tíoín'₅₄. ⁴³ La₁ Jesús ně₃ ca₂jmo₃ 'éi'₃ a₂tsá₃ 'ein₂ tsí'₃ 'i₁jan₂. Jaun₂ ca₂juá'₂ a₂cuē₃ dsa₂ a₂guē'₃ i₂bē'₅₄ 'éi₂.

6

*Ca₂dsián'₃ Jesús juig₂ Nazaret go₅₄ ja₁tsá₃ ca₂guei₃ dsa₂
(Mateo 13:53-58; Lucas 4:16-30)*

¹ Jaun₂ ca₂o₃'ín₃ bá₄ Jesús ja₁jaun₂. Jaun₂ ca₂dsián'₃ táng₃ juig₂ go₅₄ quiaín'₅₄ chi'₂ dsi₂guia₃-tín₂ quiaín₅. ² Jme₁ca₂tē₂ jmig₄ sa₅₄, jaun₂ ca₂jme₃lióg₃ ca₂jme₃tīn₂₃ dsa₂ dsi₂néi₂ guá'₅ sinagoga. Juín₅ bá₄ dsa₂ i₂ca₂nág₂ dsi₂gó'₃ dsi₅, jaun₂ ca₂tsí'₃ riín'₅₄:

—¿A₂já'₄ ca₂i₁jme₁tín₅ i₂nē₅ jág₁ ca'₅₄ a₂juá'₂ ně₅? ¿I₂'e₂ bá₄ jág₁ a₂ŋi'₂ dsi₅ a₂ma₂ŋi₂ ně₅, ca₂tē₂ léi₄ juē'₂ ně₃ tīn₂ jmo₃? ³ ¿On₁jua'₅₄ i₂nē₅ tē₅'má₃ ja₁ŋi'₅₄ Marí₁a, dsó₂ rín'₅₄ Jacobo, quiaín'₅₄ José, quiaín'₅₄ Judas, quiaín'₅₄ Si₂mu₅₄ ně₃? Ně₅ bá₄ tián'₅ 'io₅₄ riín'₅₄ ja₁lǎ₃ ján₃.

Jaun₂ tsá₃ ca₂rē₃jei₅₄ dsa₂ ja₁jaun₂. ⁴ Jaun₂ ca₂juá'₂ Jesús:

—Ca₂le₂con₂ bá₄ ja₁siá'₂ guen₅ dsa₂ dsa₂ i₂'ē₂ jág₁ quiaín₅ Diú₄. Jñia'₅₄ lia'₂ dsa₂ go₅₄ bá₄ tsá₃ guei₅, on₃ guē'₂ o₁riín'₅₄, on₃ guē'₂ riín'₅₄ dsi₂néi₂ ně₃.

⁵ Jaun₂ tsá₃ 'lióng₂ léi₄ juē'₂ lé₂ le₃jmo₃ juig₂ go₅₄. Jñia'₅₄ lia'₂ i₂lín₅₄ bá₄ dsa₂ dso'₅₄ ca₂dsia₃ gu₂, jaun₂ ca₂jme₃'lió₂. ⁶ Jaun₂ i₃gó'₃ dsi₅ ia₁ a₂ŋi₄ lē₃ tsá₃ 'e₂ 'én₂ dsa₂.

*Ca₂chen₃ Jesús dsa₂ guia₃-tín₂ quiaín₅ ca₂i₁'ē₄ jág₁ dse₃ juig₂ siá'₂
(Mateo 10:5-15; Lucas 9:1-6)*

⁷ Jaun₂ ca₂tē'₃ chi'₂ dsi₂guia₃-tín₂, jaun₂ ca₂chei₃ jma₃on₃ jma₃on₃. Ca₂cuē₃ bí₂ 'éi'₃ a₂'uín'₂ 'éi₂ jme₂dsi₂ 'lín'₅₄ quió'₅ dsa₂.

⁸ Jaun₂ ca₂tsí'₃ 'éi₂ a₂tsá₃ 'e₂ cán₂ 'i₁caun₂ le₁'i₄ jui₅, jñia'₅₄ lia'₂ jma₃caún₃ 'ma₂'i₅₄ bá₄. 'I₁caun₂ a₂siá'₂ tsá₃ cán₂, on₃ guē'₂ tē₂'mi'₂, on₃ guē'₂ i₁ŋi'₄, on₃ guē'₂ cu₄ 'ŋió'₃ ni₁lau₂ le₁jén'₅ tú'₅ ně₃. ⁹ Jñia'₅₄ lia'₂ jma₃co₂dsán'₃ ni₁lau₂ con'₂ a₂ma₂le₁ton₅ tag₅₄ bá₄ cán₂, ton'₂ tsá₃ cán₂ tīn₃ dsán'₃ tsin'₅₄ ně₃. ¹⁰ Jaun₂ ca₂juá'₂ ně₃:

—Jē₁ma₂tē₂ rē₁tón'₄ 'nia'₂ lia'₂ caun₂ dsi₂néi₂ quió'₅ dsa₂ ja₁o₁nóg'₅, ja₁jaun₂ jñia₄ 'nia'₂ ca₂lia'₂ ca₂tē₂ jmig₄ i₁'uín'₃ 'nia'₂ táng₃ juig₂ jaun₂. ¹¹ Ně₁jua'₂ cha₂ ja₁lín₅₄ tsá₃ guei₅ dsa₂, on₃ guē'₂ 'nio₃ dsa₂ nag₃ jág₁ quiaín'₂ 'nia'₂, 'uín'₂ 'nia'₂ ja₁jaun₂, séi'₄

'nia'₂ 'liog₂ tag'₅₄ co₂'nió'₄ jmó'₂ 'nia'₂ léi₄ co₂jaun₂ ma₂le₁cán'₄ dsa₂ 'éi₂ guioin₅₄. *

¹² Jaun₂ ca₂'uin₂ bá₄ chi'₂ dsi₂guia₃-tín₂ ně₃, ca₂i₃léin₂ ca₂i₁'ě₄ jág₁ a₂dsi₃quén'₅ dsí₅ dsa₂. ¹³ Jaun₂ qui₂ca₂'uín'₂ juín₅ je₂na'₅₄, qui₂ca₂tsiin₂ no'₅₄ juín₅ dsa₂ dso'₅₄, qui₂ca₂jme₃'lóin₂ dsa₂ ně₃.

Ca₂jon₃ Juan₅₄ i₂chon₅ dsa₂ jmi_g₂

(Mateo 14:1-12; Lucas 9:7-9)

¹⁴ Ca₂rě₃ñi₅ Rag₅₄ Herodes jág₁ a₂'ei₅ quió'₅ Jesús, ia₁ ca₂le₂con₂ bá₄ ma₂le₁ñi₅ dsa₂ 'e₂ a₂jmo₅ Jesús ñi₂₃. Jaun₂ juá'₂ Rag₅₄ Herodes:

—Ma₂ca₂jen'₅₄ Juan₅₄, dsa₂ i₂jme₁chon₅ dsa₂ jmi_g₂; 'uig₅₄ jaun₂ qui'₅₄ jmi_g₄ jmo₂₃ 'e₂ a₂jmo₂₃.

¹⁵ I₂lín₅₄ guě'₂ dsia₅ táng₃:

—Elías bá₄ 'éi₂ ñi₅.

La₁ i₂sián'₂ guě'₂ juá'₂:

—Jan₂ i₂chen₄ quián₅ Diú₄ bá₄ 'éi₂, jui₁lia'₂ dsa₂ i₂jme₁'ě₂ jág₁ quián₅ Diú₄ ma₂líg'₂.

¹⁶ Jme₁ca₂nág₂ Rag₅₄ Herodes, jaun₂ ca₂juá'₂:

—Juan₅₄ bá₄ ně₅ ñi₅, i₂ca₂'nia₃ dsa₂ dsi₂lag₄, 'éi'₃ quió₃ jniá₂. Ma₂ca₂jein'₅₄ táng₃.

¹⁷ Ia₁ 'ñiog₅ bá₄ Herodes ma₂jmo₅ 'éi'₃ le₂jniá₅ a₂ca₂i₁chan'₅₄ dsa₂ Juan₅₄ ca₂i₁tio'₂ né'₃ 'má₃ rě₂'ñei'₅₄ 'uig₅₄ quió'₅ 'io₅₄ Herodías i₂lín₅ dsi₂i₂gu₂ Fe₂li₄ riin'₅₄. La₁ Herodes ně₃ ma₂jmo₂₃ quiáin₅. ¹⁸ Ia₁ jme₁ma₂qui₂ma₂juá'₂ Juan₅₄ tsí'₅ Herodes:

—Tsá₃ 'i₄ 'éi'₃ jmó'₂ quiáng'₂, 'io₅₄ quián₅ dsó₂ ríng'₂.

¹⁹ 'Uig₅₄ jaun₂ jme₁'i₄ 'nei₂ dsí₅ 'io₅₄ Herodías jñin₂ Juan₅₄. Jaun₂ jme₁'nio₃ jñag'₃, la₁ tsá₃ ca₂dsó'₂ jui₅ 'a₂ lia'₂ jmo₃. ²⁰ Ia₁ jme₁ñi₅ bá₄ Rag₅₄ Herodes a₂lín₅ Juan₅₄ dsa₂ dsen₃, jaun₂ jme₁jme₂go₃ bá₄; jaun₂ jme₁jmo₂₃ 'í₁. Lia'₂ con'₂ jme₁nag₂₃ jág₁ quió'₅ Juan₅₄, jme₁tě₂tsiin'₅₄ tsá₃ 'e₂ ñi₅ jmo₃, la₁ 'ñio₂ bá₄ dsí₅ jme₁nag₂₃. ²¹ La₁ ca₂cuin₃ jmi_g₄ ně₃ jme₁ca₂jmo₃ Herodes jmi_g₄ a₂ca₂dsí'₃ ñi₂: ca₂jmo₃ má₃, ca₂tě'₃ dsa₂ can'₅₄ con'₂ dsa₂ i₂jmo₅ 'éi'₃ juig₂, i₂lín₅ juig₅₄ 'lióg₂ quiáin₅ ně₃, ca₂le₃jín₃ guě'₄ con'₂ dsa₂ dsen₅₄ quián₅ juig₂ ja₁tén₄ Galilea. ²² Jaun₂ ca₂guan₃ ja₁míg₄ Herodías ja₁niog₅ jmi_g₄, jaun₂ ca₂dsáin₂. A₂jaun₂ ca₂tě₂ dsí₅ Rag₅₄ Herodes, ca₂le₃jín₃ dsa₂ i₂té₄ i₂tion'₅₄ guě'₅ quaiain'₅₄ ně₃. Jaun₂ ca₂juá'₂ rag₅₄ ca₂tsí'₃ 'io₅₄ bě'₅₄ 'éi₂:

—Mi₄ ca₂le₃jě₃ 'e₂ 'niog'₂, jaun₂ cuě₅₄ jniá₂.

²³ Jaun₂ ca₂cuě₃ jág₁ quió'₅ ca₂le₃jě₃ ca₂'iin₃ Diú₄, ca₂juá'₂:

* **6:11** A₂lín₅₄ chog₅₄ si₂ juá'₂ le₂la₂ ján₃: “A₂dsi₂jó'₃ juá'₅ jniá₂, jě₁ma₂tě₂ jmi_g₄ i₁qui₃dsi₅ Diú₄ 'éi'₃, tsá₃ jua'₅₄ ñi₄ uig₅ gue₃ dsa₂ jme₁chan₂ Sodoma quian'₅₄ Gomorra, con'₂ guě₄ dsa₂ i₂tsá₃ guen₅ 'nia'₂.”

—Chi₂jua'₂ 'e₂ caun₂ a₂mí'₁ 'ne₂, cuë₅₄ bá₄ jniá₂, jnia'₅₄ ca₂dsio₄ 'uë₃ ja₁gong₂.

²⁴Jaun₂ ca₂o₃ 'ín₃ 'io₅₄ bē'₅₄ 'éi₂ ca₂i₁ηag₁₂ chog₅₄, ca₂i₁jua'₄:

—¿'E₂ mi₅₄ jniá₂, mag₅₄?

Jaun₂ ca₂juá'₂ chog₅₄:

—Mi₄ mi₂dsi₄ Juan₅₄ i₂chon₅ dsa₂ jmig₂.

²⁵Jaun₂ ca₂ 'í₃ táng₃ 'éi₂ dsi₂jui₅ ja₁guá₄ rag₅₄, jaun₂ ca₂juá'₂:

—'Nio₃ cuë'₁ tē₂nē₃ mi₂dsi₄ Juan₅₄ i₂chon₅ dsa₂ jmig₂, a₂ 'i₄ 'ñió'₃ uing₅.†

²⁶Jme₁ca₂nág₂ rag₅₄ jág₁ nē₅, ca₂jén₂ dsí₅. La₁ tsá₃ a₂ηi₅ jmo₃, ia₁ ma₂nē₂cuë₃ jág₁ quió'₅ le₂jñiá₅ a₂cuë₃ chi₂jua'₂ 'e₂ 'nio₃ 'io₅₄ 'éi₂, ton'₂ ia₁ ma₂nē₂néi₂ a₂mei₅₄ quiáin₅ i₂tián'₅. ²⁷Jaun₂ dsi₂jui₅ jaun₂ ca₂chein₃ jan₂ 'lióg₂ a₂dsi₃quián₂ mi₂dsi₄ Juan₅₄. ²⁸Jaun₂ ca₂ηó₃ 'lióg₂ jui₅ 'ñió'₃ 'nē₅ 'má₃, jaun₂ ca₂i₁qui'₂ dsi₂lag₄ Juan₅₄, jaun₂ quian₅ rē₂'i₄ 'ñió'₃ uing₅, ca₂cuë'₃ 'io₅₄ 'éi₂. Jaun₂ 'io₅₄ nē₃ ca₂gue₃, jaun₂ ca₂i₁cuë'₂ táng₃ chog₅₄.

²⁹Jme₁ca₂rē₃ηi₅ dsa₂ i₂jme₁quian'₅₄ Juan₅₄, jaun₂ ca₂o₃lén₂, ca₂tág₃ 'lag₄, jaun₂ ca₂i₁'ó₄.

Ca₂jme₃tan₅₄ Jesús 'ñiá₂ mei₅ dsa₂

(Mateo 14:13-21; Lucas 9:10-17; Juan 6:1-14)

³⁰Cang₂ jaun₂ ca₂o₃len₃ dsa₂ i₂chen₄† 'éi₂, ca₂ñii'₂ táng₃ quiaín'₅₄ Jesús, jaun₂ ca₂dsia₃ 'e₂ niog₅ ca₂jmo₃ ja₁i₁lein₅₄, 'a₂ lia'₂ i₂ca₂jme₁tín₂₃ dsa₂. ³¹Jaun₂ ca₂juá'₂ Jesús:

—I₂nó'₅ 'nia'₂ con'₂ guiong'₅₄ caun₂ ja₁co₂ηiog₅, i₂jñia₄ ca₂tiá₂.

Ia₁ juín₅ lin₃ dsa₂ i₂o₂lén₂, lia'₂ i₂dsi₂len₃ nē₃, ca₂lia'₂ jñia'₅₄ tsá₃ cuín₅ jmig₄ guē'₃. ³²Jaun₂ nē₃ ca₂tóin'₂ tsi₁mu₅ ca₂i₁lén₂ caun₂ ja₁lē₄ co₂ηiog₅ con'₂ guioin₅₄. ³³Jaun₂ qui₂ca₂'uin₂ dsa₂ le₂caun₂ le₂caun₂ juig₂, i₃lén₂ co₂chi'₅₄ jui₅ tag₅₄ a₂'ein₂₃ Jesús. Jaun₂ jñiá₅ bá₄ dsi₃lén₂ lia'₂ con'₂ guē'₄ 'éi₂. ³⁴Jme₁ca₂sió₃n Jesús 'ñió'₃ tsi₁mu₅, ca₂jñin₂ juín₅ lin₃ dsa₂, ma₂tion'₅₄ le₁jñiog₅, ca₂tá'₂ ηéi₂ dsí₅ dsa₂ 'éi₂, ia₁ i₂nio₄ dsa₂ lia'₂ jē₁i₂nio₄ já'₂ cha'₂ i₂tsá₃ juig₅₄ chan₂, jiog₃, jmo₃ 'í₁. Jaun₂ ca₂jme₃lióg₃ ca₂jme₃tín₂₃ dsa₂ 'lióng₂ lin₃ jág₁. ³⁵Jme₁ca₂'láu₂ jaun₂ ca₂o₃lén₂ chi'₂ dsi₂guia₃-tín₂ quiaín₅, jaun₂ ca₂juá'₂:

—Caun₂ ja₁co₂ηiog₅ bá₄ la₂, ton'₂ ca₂'láu₂ guē'₄ má'₃. ³⁶Ei'₂ jág₁ dsa₂, ia₁ jaun₂ dsi₃lein₅ dsi₃'nióg₂ a₂guē'₃ lia'₂ con'₂ juig₂ ja₁nau₂ ma₂quiaín₅ nē₅.

³⁷Jaun₂ ca₂ηag₃ Jesús:

—Cuë'₅₄ 'nia'₂ dsa₂ a₂guē'₃.

Jaun₂ ca₂ηag₃ táng₃ 'éi₂:

—¿Lé₂ le₃dsi₁liá₄ tín₃ 'ñiá₂-láu₂ 'éi'₃ denario i₁ñí'₄ ia₁ jaun₂ dsio'₂ a₂guē'₃ dsa₂?

† 6:25 lit. “rē₂dsí₂ ne₄ caun₂ ni₁ñí₁ charola.” ‡ 6:30 griego: apóstolous.

38 Jaun₂ ca₂juá'₂ táng₃ Jesús:

—O₂jag₄ 'nia'₂ je₂liá'₂ i₁ñí'₄ 'i₄ quián'₂ 'nia'₂.

Jaun₂ ca₂i₁jag₅₄ 'éi₂ jaun₂ ně₃, jaun₂ ca₂o₃léin₂ táng₃, ca₂juá'₂:

—'Níá₂ i₁ñí'₄ bá₄ 'i₄, on₃ guě'₂ i₁ju₁.

39 Jaun₂ ca₂chein₃ jág₁ a₂tian'₃ dsa₂ jma₃co₂niói'₃ ne₄ ñi₂ma'₂ rē'₂, 40 jaun₂ ca₂tián'₂ dsa₂ jma₃co₂niói'₃ ja₁lě₂ caun₂ 'ñiá₂-lón₂, i₂ca₂tián'₂ jma₃co₂niói'₃ jma₃tě₂lón₃-guián₂ ně₃. 41 Jaun₂ ně₃ ca₂jña'₃ Jesús le₃'ñiá₂ i₁ñí'₄, le₃on₃ guě'₂ i₁ju₁ ně₃, ca₂jág₃ guei'₅₄ i₂juíg₃, ca₂cuě'₃ ti₁'mag'₄ Diú₄. Jaun₂ ca₂jmo₃ le₁'nau₅₄ i₁ñí'₄, jaun₂ guě₄ ca₂cuě'₃ chi'₂ dsi₂guia₃-tín₂ quián₅, ia₁jaun₂ dsia₃ 'éi₂ ne₄ dsa₂. Ján₃ guě'₂ ca₂jmo₃ dsióg₁ quió'₅ i₁ju₁ on₃ 'éi₂, ca₂cuě'₃ ca₂le₃jín₃. 42 Jaun₂ le₃jín₃ dsa₂ ca₂guě'₃ ca₂lia'₂ ca₂rě₃tain₅₄. 43 Jaun₂ ca₂cág'₃ bá₄ guě₄ dsa₂ guia₃-tín₂ tsi₁mi'₂ 'nau₅₄ i₁ñí'₄, a₂ca₂chóng₃ quió'₅ i₁ju₁ ně₃. 44 'Níá₂ mei₅ jme₁lě₂ ca₂le₃jín₃ dsa₂ ñe'₂ i₂ca₂guě'₃ 'éi₂.

Ca₂ñi₃ Jesús ne₄ jmi₁ñí'₄

(Mateo 14:22-27; Juan 6:16-21)

45 Jaun₂ dsi₂jui₅ le₂jaun₂ ca₂jmo₃ Jesús 'éi'₃ a₂i₃ton'₅₄ chi'₂ dsi₂guia₃-tín₂ quián₅ 'ñiói'₃ tsi₁mu₅, jaun₂ jñiá₅ de'₂ 'éi₂ ñi₃ jmi₂g₂ con'₂ guě₄ 'ñiog₅, a₂dsi₁léin₂ Betsaida, tē₁lia'₂ 'í₁ guě₄ 'ñiog₅ 'ág'₃ jág₁ dsa₂. 46 Jme₁ma₂ca₂lě₃ 'ág'₅ jág₁ dsa₂, ca₂ñó₃ jaun₂ ně₃ jui₅ má'₂ i₁chi₂i₁lein'₁ Diú₄. 47 Jaun₂ con'₂ ca₂tó'₂ nei₂ dé₄, ma₂ñó₅ tsi₁mu₅ dsi₂jo₂ jmi₁ñí'₄, 'ñiog₅ guě'₂ Jesús jaun₂ bá₄ 'ein₅₄ 'uě₃. 48 Jaun₂ ca₂jág₃ Jesús 'ñio₅ cán₂ ta₁ tióin'₅₄ a₂jein₂₃ ni₁'ma₂ a₂gag₂ jmi₂g₂, ia₁ 'liog'₂ dsí₂ le₂ca'₃. Jaun₂ con'₂ le₁né₃ tē₂le₃ ca₂jñia₃, ca₂jme₃quián₃ Jesús ñi₂₃ ne₄ jmi₂g₂ ja₁ñó₄ tsi₁mu₅. Jaun₂ ca₂jmo₃ ně₂jag₄ bá₄ i₂jme₁ma₂ñi₃ co₂dsau₅ ja₁tion'₅₄ 'éi₂. 49 Jme₁ca₂jág₂ jóin'₅ ñi₂₃ ne₄ jmi₁ñí'₄, dsa₂ 'lin'₅₄ bá₄ 'éi₂ lín₂, jaun₂ ca₂tóin'₂ co₂mi'₅₄ ca₂guió'₃, 50 ia₁ ca₂le₃jín₃ bá₄ ca₂rě₃gó'₅ 'ñio₅ lín₃ jme₁ca₂jág₂. La₁ dsi₂jui₅ bá₄ ca₂juá'₂ Jesús:

—i₁Tiá₂ dsia₄ 'nia'₂ 'au'₂; jñiá₂ bá₄ la₂, tsá₃ lě₁jmo₂ 'nia'₂ gang'₃!

51 Jaun₂ ca₂uíg₂ 'ñiói'₃ tsi₁mu₅ ja₁tion'₅₄ 'éi₂. Jaun₂ ca₂'ág₂ táng₃ tei₄ ca₂jñia'₃ dsí₂, jaun₂ i₃gó'₃ dsí₅ 'éi₂ 'ñio₅ lín₃. 52 Ia₁ tsá₃ 'e₂ ca₂ñí'₂ dsí₅ dsa₂ 'éi₂ jui₁lia'₂ léi₄ juě'₂ a₂ma₂ně₂jág₃ jmo₅ Jesús quian'₅₄ i₁ñí'₄, ně₂jag₄ bá₄ cha₂ a₂jmo₅ jnág₅ a₂tsá₃ rě₂ñi'₂.

Ca₂jme₃'lión₂ Jesús dsa₂ dso'₅₄ 'uě₃ Genesaret

(Mateo 14:34-36)

53 Jme₁ca₂'ain₂ jmi₂g₂, ca₂dsi₃léin₂ 'uě₃ Genesaret. Ja₁jaun₂ ca₂'néi₂ tsi₁mu₅ chei'₅₄ jmi₂g₂. 54 Dsi₂jui₅ jme₁ca₂'uiin₂ tsi₁mu₅, co₂tan₅₄ lia'₂ ca₂rě₃cuin₅ bá₄ dsa₂ Jesús. 55 Jaun₂ ca₂i₁niói₁₂ co₂chi'₅₄ le₂tan₅₄ juíg₂ te₁'i₁ ma₂quián₅ jaun₂. Jaun₂ ca₂i₁quian₅₄

dsa₂ dsa₂ i₂le₁dso'₅₄ quian'₅₄ tsi₁jein₁ 'a₂ guě₃ já'₄ 'en₅₄ Jesús.
⁵⁶ Ca₂le₂con₂ ja₁jme₁ŋi₅ Jesús, jē₁ma₂'í₅ jē₄ juig₂, jē₄ ciudad,
 o₃ le₂'i₄ jui₅ ja₁ŋó₄ 'e₂, jme₁qui₂dsi₂jŋia₃ dsa₂ dsa₂ dso'₅₄,
 qui₂ca₂dsiog₃ ja₁niog₅ 'ma'₅₄. Qui₂ca₂mi₃ dsa₂ tsá₃ a₂nag₅₄
 o₁jŋia'₅₄ a₃tag₄ tsin'₅₄ bá₄ cuě₃ jmig₄ a₂ní'₃. Jaun₂ ca₂le₃jín₃ dsa₂
 dso'₅₄ i₂qui₂ca₂ní'₃ tsin'₅₄ Jesús, qui₂ca₂'lón₂.

7

Jme₂tag₅ Jesús jui₁lia'₂ 'e₂ jaun₂ a₂jmo₅ a₂rē₂'ŋio₅ dsa₂
(Mateo 15:1-20)

¹ Jaun₂ ně₃ dsa₂ fariseos quian'₅₄ i₂lin₅₄ tē₅juá'₅ i₂ja₂lén₂
 Jerusalén, ca₂o₃lén₂ ca₂ŋi'₂ ja₁'en₅₄ Jesús. ² Ca₂jág₃ dsa₂ 'éi₂
 ca₂jín₂ i₂lin₅₄ chí'₂ dsi₂guia₃-tín₂ a₂guě'₅ tē₃ tsá₃ “le₁jě₃” gu₂, tsá₃
 jme₂ti₃ jua'₅₄ a₂rang₂₃ lia'₂ con'₂ lē₅ 'éi'₃.^{*} ³ (Ia₁ ca₂le₃jín₃ dsa₂
 fariseos, quian'₅₄ ca₂le₃jín₃ dsa₂ chan₂ Judea ně₃, jme₂ti₃ lia'₂
 con'₂ lē₅ tag₄ chí'₅ quió'₅ dsa₂ can'₅₄, a₂tsá₃ guě'₃ ně₁jua'₂ tsá₃
 ma₂nē₂rang₃ 'lióng₂ ráun₂ gu₂. ⁴ Jē₁ma₂o₃lein₃ 'ma'₅₄, tsá₃ guě'₃
 ně₁jua'₂ tsá₃ ma₂nē₂jme₃ti₃ con'₂ tag₄ chí'₅ a₂rang₃ quió'₅. Jaun₂
 'lióng₂ bá₄ guě₄ tag₄ siá'₂ a₂jme₂ti₃ dsa₂ jui₁lia'₂ a₂rang₅ dsa₂
 ni₁vaso, jui₁lia'₂ a₂rang₅ dsa₂ ni₁taza, ni₁dsig₁, tsi₁cama ně₃).†
⁵ Jaun₂ ně₃ ca₂ŋag₃ dsa₂ fariseos quian'₅₄ tē₅juá'₅, ca₂ŋi'₃ Jesús:
 —'E₂ lē₃ tsá₃ jme₂ti₃ chí'₂ dsi₂guia₃-tín₂ quiáng'₂ tag₄ chí'₅
 quió'₅ dsa₂ can'₅₄? Guě'₅ bá₄ tē₃ tsá₃ ma₂nē₂rang₃ gu₂.

⁶ Jaun₂ ca₂ŋag₃ 'éi₂:

—Dsón'₂ bá₄ dsau₅ ca₂juá'₂ Isaías ca₂'iin₃ 'nia'₂ dsa₂ i₂lē₁jmo₅-
 dsáu₅ o₁ne₁, jui₁lia'₂ tio'₅₄ ne₄ Si₂:

Dsa₂ juig₂ la₂ jme₂juag'₂ jniá₂
 jmá'₃ lia'₂ quian'₅₄ mi₂'o₅₄ bá₄,

la₁ia₁ uing₂ bá₄ 'i₄ dsí₅ ja₁con₂ jniá₂.

⁷ La₁ tsá₃ 'e₂ ta₁ tí₄ a₂jme₂juag'₂,

ia₁ jág₁ a₂jme₂tag₂₃,

'éi'₃ a₂lē₁lē₅ quió'₅ dsa₂ mi₂güig₃ bá₄.†

⁸ Ia₁ co₂dsia₅ ma₂ca₂tí'₃ bá₄ 'nia'₂ 'éi'₃ quió'₅ Diú₄,
 a₂ma₂ja₂nóg'₅ chan'₅₄ tiá'₂ 'éi'₃ tag₄ quió'₅ dsa₂ mi₂güig₃.§

⁹ Ca₂juá'₂ ján₃:

—'Ŋio₅ tín₂ 'nia'₂ jmo'₂ cau₅ 'éi'₃ quió'₅ Diú₄, a₂jme₂tí'₁ 'nia'₂
 tag₄ quián'₂ 'nia'₂ guiong'₅₄. ¹⁰ Ia₁ ca₂juá'₂ Moisés a₂jme₃gan₃
 dsa₂ chog₅₄-jmei₂.^{*} Jaun₂ juá'₂, chi₂jua'₂ 'ein₂ ca₂juá'₂ uig₅ ne₄

^{*} 7:2 A₂lin₅₄ chog₅₄ si₂ juá'₂ le₂la₂ ján₃: “jaun₂ lē₃ ca₂chi₂ca₂'ag₃.” † 7:4 A₂lin₅₄
 chog₅₄ si₂ juá'₂: “ni₁taza, ni₁dsig₁, ni₁ŋi₁ ně₃.” ‡ 7:7 Isaías 29:13. § 7:8 A₂lin₅₄
 chog₅₄ si₂ juá'₂ ján₃: “jui₁lia'₂ a₂qui₂rang'₂ 'nia'₂ ni₁dsig₁, ni₁vaso a₂'ág'₂ jmig₂, ca₂le₃jě₃
 guě₄ 'e₂ cosa a₂qui₂jmo'₂ 'nia'₂ ně₃.” ^{*} 7:10 Éxodo 20:12; Deuteronomio 5:56.

chog₅₄-jmei₂, jui₁join₅₄.[†] 11 La₁ 'nia'₂ ně₃ juá'₂ a₂lé₂ le₃juá'₂ dsa₂ tsí'₃ chog₅₄-jmei₂: “Tsá₃ 'nia'₂ lé₂ le₃jme₁'ong₁₂, ia₁ ca₂le₃jě₃ a₂cha₂ quió'₃ a₂lē₅ Corbán”, (co₂'nió'₄ a₂juá'₂, a₂ma₂lē₅ quió'₅ Diú₄ bá₄). 12 Nē₁jua'₂ le₂ně₅ jaun₂ tsá₃ ma₃cuē'₂ 'nia'₂ jmig₄ a₂jme₃'on₅₄ guě₄ dsa₂ chog₅₄-jmei₂. 13 Jaun₂ le₂ně₅ bá₄ tsá₃ ma₃'e₂ quen₅ jág₁ quió'₅ Diú₄, jmo'₂ 'nia'₂, tē₂le₃ quian'₅₄ tag₄ a₂chí'₅, a₂ca₂ḡag₃ dsa₂ can'₅₄ quiáng'₂. 'Lióng₂ bá₄ guě₄ a₂siá'₂ jmo'₂ 'nia'₂.

14 Jaun₂ ca₂tě'₃ Jesús dsa₂, ca₂juá'₂:

—Nei₂ 'nia'₂ dse₃ ca₂le₃jíng'₃ a₂juá'₄ jniá₂ la₂. 15 'I₁caun₂ a₂dsi₂to'₅₄ quió'₅ dsa₂, on₃jua'₅₄ a₂jaun₂ jmo₅ a₂rē₂'iog₅ jme₂dsí₂ quió'₅. Cosa a₂'uē₂ dsí₅ dsa₂ guoin₅₄, a₂jaun₂ bá₄ jmo₅ a₂rē₂'iog₅ jme₂dsí₂.[‡]

17 Jme₁o₂'iin₃ jin₄ dsa₂, ḡái'₃ dsi₂néi₂, jaun₂ ca₂ḡag₃ chí'₂ dsi₂guia₃-tín₂ quiáin₅ 'e₂ jág₁ dsau₅ jáng'₅ jág₁ ca₂cuē'₃ dsa₂ jaun₂. 18 Jaun₂ ca₂juá'₂:

—Ján₃ bá₄ tsá₃ ḡí'₂ 'nia'₂ a₂juá'₅ jniá₂? Ca₂le₃jě₃ 'e₂ a₂guě'₅ dsa₂, on₃jua'₅₄ a₂jaun₂ jmo₅ a₂rē₂'iog₅ jme₂dsí₂. 19 Ia₁ on₃jua'₅₄ dsí₅ dsa₂ dsi₂to'₅₄ a₂guě'₅. Rē₂tú'₅ bá₄ dsa₂ dsi₂to'₅₄ a₂jaun₂. Cang₂ jaun₂ dsi₂'uē'₅₄ táng₃ dsa₂ ca₁'né₄.

(Ca₂'ē₃ co₂'nió'₄ a₂le₁jě₃ ca₂le₃jě₃ bá₄ má₃, jme₁ca₂juá'₂ le₂ně₅). 20 Ca₂juá'₂ ján₃:

—Ca₂le₃jě₃ a₂'uē₂ dsí₅ dsa₂, a₂jaun₂ bá₄ a₂jmo₅ a₂rē₂'iog₅ jme₂dsí₂. 21 Tē₂dsí₅ bá₄ dsa₂ 'uē₂ ca₂le₃jě₃ ne₅₄ a₂'lig'₅₄: jui₁lia'₂ a₂lē₅ dsí₅ dsa₂ nió'₃ jág₁ quian'₅₄ dsa₂ i₂tsá₃ lín₅ dsi₂i₂gu₂; a₂'ang₅ dsa₂; a₂jme₂dsian₅ dsa₂ riin'₅₄; 22 a₂'ín₅ dsí₅ dsa₂ jmo₃ quió'₅ a₂cha₂ quió'₅ riin'₅₄; 'e₂ caun₂ a₂tsá₃ dsi₂ten₅₄ jmái'₂ riin'₅₄; a₂qui₂jme₂gain₂₃ riin'₅₄; a₂jmo₂₃ o₂guí'₃ 'lig'₅₄, a₂jmo₂₃ uig₅ dsí₅, a₂qui₂chi₂'in₅ dsa₂ riin'₅₄; a₂jme₂róin₂ jmái'₂ dsa₂; ca₂le₃jě₃ guě₄ 'e₂ a₂tsá₃ 'en₅₄ dsí₅ dsa₂ lín₅. 23 Ca₂le₃jě₃ a₂ně₅, tē₂dsí₅ bá₄ dsa₂ lē₂, a₂ně₅ bá₄ a₂jmo₅ a₂rē₂'iog₅ jme₂dsí₂ quió'₅ dsa₂.

Jan₂ i₁náu₃ i₂ca₂rē₃'én₂ tē₂le₃ quió'₅ Jesús
(Mateo 15:21-28)

24 A₂'ein₅₄ ja₁jaun₂, ca₂o₃'iin₃ ḡó₃ 'uē₃ ma₂quián₅ juig₂ Tiro.Š Jaun₂ ca₂'í₃ con'₂ tē₃co'₅₄ bá₄ dsi₂néi₂ quió'₅ dsa₂ ja₁jaun₂. La₁ tion₅₄ bá₄ ca₂rē₃lí'₄ dsa₂, tsá₃ ma₃ca₂cuin₃ jmig₄ a₂'mai₃. 25 Dsi₂jui₅ jaun₂ ca₂nág₂ chog₅₄ jan₂ 'io₅₄ bē'₅₄ i₂'en₅₄ jme₂dsí₂ 'lín'₅₄. Ca₂dsióg₃, jaun₂ ca₂chi₃jné₃ ne₄ Jesús. 26 'Éi₂ jme₁lín₄

† 7:10 Éxodo 21:17; Levítico 20:9. ‡ 7:15 A₂lín₅₄ chog₅₄ si₂ chi₁ton₅ versículo 16 bá₄ ján₃, a₂juá'₂: “Ca₂le₃jín'₃ 'nia'₂ i₂le₁dsí₅₄ rē₂gua₄, nei₂ 'nia'₂.” Š 7:24 A₂lín₅₄ chog₅₄ si₂ juá'₂ ján₃: “quian'₅₄ Sidón.”

jan₂ 'io₅₄ griega, i₂chan₂ Sirofenicia. Jaun₂ ca₂mi₃ ca₂tsí₃ 'éi₂ a₂dsi₃dsein₂₃ je₂na'₅₄ quió'₅ chi'₂ quiáin₅. ²⁷ Jaun₂ ca₂ḡag₃ Jesús:

—Ju₁le₂tan₅₄ de'₂ ḡiá₅ chi'₂ quiáng₃; ia₁ tsá₃ dsi₂ten₅₄ jua'₅₄ a₂ḡiá₄ ḡiá₂ i₁ḡí'₄ quió'₅ chi'₂, a₂ton₅₄ ne₄ dsi₂ji'₅₄.

²⁸ Jaun₂ ca₂ḡag₃ táng₃ 'io₅₄ 'éi₂:

—Dsón'₂ bá₄ dsau₅, Te₁gui'₅₄, la₁ia₁ le₂jioḡ₅ dsi₂ji'₅₄ bá₄ guě'₅ né'₃ ni₁mesa 'nau₅₄ a₂tsi₂séi'₂ guein₂.

²⁹ Jaun₂ ca₂ḡag₃ táng₃:

—Dse₃ ně₂ḡag'₅₄. Ma₂lé₂ guang'₅₄. Ma₂o₂'ín₃ bá₄ je₂na'₅₄ i₂jme₁'en₅₄ tē₂dsí₅ chi'₂ quiáng'₂.

³⁰ Jaun₂ ca₂ḡái'₃ bá₄; jme₁dsiáin'₃, ca₂ḡi₂in₂ ja₁míg₄ roin₂₃ tei₄ ne₄ tsi₁cama, ma₂o₂'ín₃ bá₄ je₂na'₅₄ tē₂dsí₅.

Ca₂jme₃'lión₂ Jesús jan₂ dsa₂ güin₄ i₂tsá₃ lin₄ lé₂ dsia₃ jág₁

³¹ Ca₂o₃'ín₃ táng₃ Jesús juig₂ Tiro, ca₂ḡi₃ jui₅ juig₂ Sidón, jaun₂ ca₂dsióg₃ chei'₅₄ jm₁i₁ḡí'₄ Galilea, jaun₂ ca₂'í₃ 'uě₃ Decápolis.

³² Ja₁jaun₂ ca₂o₃ḡi₃ia₃ dsa₂jan₂ dsa₂ i₂tsá₃ lin₄ lé₂ dsia₃ jág₁. Jaun₂ ca₂mi₃ dsa₂ a₂quióg₃ Jesús gu₂ ne₄ quió'₅ dsa₂ 'éi₂. ³³ Jaun₂ ca₂jioḡ₃ Jesús ca₂ḡi₃ai₃ dsa₂ 'éi₂ caun₂ ja₁co₂'ḡiog₅, jaun₂ ja₁jaun₂ ca₂tiá₂ chi₁gú₃ rē₂gua₄ dsa₂ 'éi₂, jaun₂ ca₂'ḡéi₃ chi₁gú₃, jaun₂ ca₂ḡi₂'₂ le₁tsi'₂ dsa₂ 'éi₂. ³⁴ Jaun₂ ca₂chóg'₃ ne₅₄ guei'₅₄ i₂juíg₃, ca₂choin₃ dsí₅, jaun₂ ca₂juá'₂:

—iEfata! —co₂'nió'₄ a₂juá'₂: iNia₄!

³⁵ Jme₁ma₂nē₂juá'₂ le₂nē₅, ca₂niá₃ rē₂gua₄ mi₂'o₄ dsa₂ 'éi₂ ně₃, ca₂'lón₂, ca₂dsia₃ dse₃ jág₁. ³⁶ Jaun₂ ca₂juá'₂ Jesús ca₂tsí'₃ ca₂le₃jín₃ dsa₂ i₂jme₁tion'₅₄ a₂tsá₃ 'ein₂ tsí'₃. La₁ tē₂le₃ i₂jui'₂ guě₄ ca₂dsia₃ bá₄ dsa₂. ³⁷ Jaun₂ 'ḡio₅ lin₃ ca₂i₃gó'₃ dsí₅ dsa₂ jme₁ca₂rē₃ḡi₅. Jaun₂ qui₂ca₂dsia₃ dsa₂:

—Dse₃ bá₄ ca₂le₃jě₃ a₂jmo₂₃. Jmo₂₃ a₂nag₅ dsa₂ i₂güin₄, lia'₂ dsa₂ i₂con₄ ně₃, lé₂ le₃dsia₃ jág₁.

8

Ca₂jme₃tan₅₄ Jesús quén₂ mei₅ dsa₂

(Mateo 15:32-39)

¹ Jmíg₄ jaun₂ ca₂ḡi'₂ juin₅ lin₃ dsa₂. Ia₁ tsá₃ ma₃'e₂ cha₂ guě'₃, jaun₂ ca₂tě'₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

² —Néi₂ dsi₃ jing₅₄ dsa₂ ně₅, ia₁ ma₂'ni₅ jmíg₄ tioin'₅₄ ja₁lá₃ quiong'₅₄, tsá₃ ma₃'e₂ cha₂ guě'₃. ³ Nē₁juá'₂ dsiain'₅₄ guě'₂ jniá₂ quió'₅ tē₃ tsá₃ ma₂nē₂guě'₃, 'uáin₂ bá₄ le₂'i₄ jui₅, ia₁ uing₂ bá₄ ja₂lén₂ i₂lin₅₄ ně₅.

⁴ Jaun₂ ca₂ḡag₃ chi'₂ dsi₂guia₃-tín₂ quiáin₅:

—iA₂já'₄ bá₄ lé₂ le₃dsi₁'nióg₂ ca₂le₃jě₃ i₁ḡí'₄ a₂'nió'₅ le₂tan₅₄ dsa₂ ně₅ ja₁co₂'ḡiog₅ la₂?

⁵ Jaun₂ ca₂ḡag₃ táng₃ Jesús:

—ǵe₂liá'₂ i₁ní'₄ 'i₄ quián'₂ 'nia'₂?

—Guio₃ bá₄ —ca₂ṇag₃.

6 Jaun₂ ca₂jmo₃ Jesús 'éi'₃ a₂tian'₃ dsa₂ ca₂le₃jín₃ 'uē₃. Jme₁ma₂chan'₂ le₂guio₃ i₁ní'₄, ca₂cuē'₃ ti₁'mag'₄ Diú₄, jaun₂ ca₂jmo₃ le₁'nau₅₄, jaun₂ guē₄ ca₂cuē'₃ chi'₂ dsi₂guia₃-tín₂ quiáin₅, ia₁jaun₂ 'éi₂ dsia₃ ne₄ dsa₂. Jaun₂ le₂jaun₂ bá₄ ca₂jmo₃. 7 Jme₁tion'₅₄ on₃-ún₂ i₁ju₁ pí'₁, jaun₂ ca₂jme₃jnió'₃ quió'₅ 'éi₂ ján₃, jaun₂ ca₂jmo₃ 'éi'₃ a₂dsión'₂ 'éi₂. 8 Jaun₂ qui₂ca₂guē'₃ ca₂le₃jín₃ dsa₂ ca₂lia'₂ ca₂rē₃tain₅₄. Jme₁ca₂lē₃ jaun₂, ca₂cág'₃ dsa₂ guio₃ tsi₁mi'₂ 'nau₅₄ a₂ca₂chóng₃. 9 Ca₂le₃jín₃ dsa₂ 'éi₂ jme₁lē₂ con'₂ quén₂ mei₅. Jaun₂ guē₄ qui₂ca₂'ág'₃ jág₁ dsa₂. 10 Dsi₂jui₅ le₂jaun₂ ca₂'í₃ táng₃ 'ñió'₃ tsi₁mu₅ quiaín'₅₄ chi'₂ dsi₂guia₃-tín₂ quiáin₅, ca₂dsi₃léin₂ 'uē₃ Dalmanuta.

Mi₅ dsa₂ fariseos a₂jmo₃ Jesús caun₂ léi₄ juē'₂

(Mateo 16:1-4; Lucas 12:54-56)

11 Jaun₂ ca₂o₃lén₂ dsa₂ fariseos ca₂jme₃lióg₃ ca₂tsín₂ quiong'₅₄, a₂mi₂₃ jmo₃ 'éi₂ caun₂ léi₄ juē'₂ a₂já₅ guei'₅₄ i₂juíg₃.

12 Jaun₂ ca₂chon₃ Jesús dsí₅ 'ñio₅ lin₃, jaun₂ ca₂juá'₂:

—ǵ'E₂ bá₄ lē₃ 'nio₃ dsa₂ chan₂ jmig₄ nē₃ a₂jmo₅₄ jniá₂ léi₄? A₂dsi₂jó'₃ juíg₂ jniá₂ 'nia'₂, tsá₃ léi₄ jaun₂ le₃guéi'₁ 'nia'₂.

13 Tión₂ jaun₂ bá₄ dsa₂ 'éi₂, ca₂'í₃ táng₃ 'ñió'₃ tsi₁mu₅ ca₂ñó₃ le₃'ño'₅₄ jmi₁ní'₄ le₃ó₃.

Levadura quió'₅ dsa₂ fariseos

(Mateo 16:5-12)

14 Ca₂'en₃ dsí₅ chi'₂ dsi₂guia₃-tín₂ cán₂ a₂guē'₃, jñia'₅₄ lia'₂ caun₂ i₁ní'₄ bá₄ quian₅ i₃léin₂ 'ñió'₃ tsi₁mu₅. 15 Jaun₂ ti₁ca₂néi'₂ Jesús jág₁, ca₂juá'₂:

—Tē₃ñi'₅₄ quián'₂ 'nia'₂ quian'₅₄ juá'₅ quió'₅ dsa₂ fariseos, quian'₅₄ jág₁ quió'₅ Herodes nē₃. Ia₁ lē₃ lia'₂ lē₃ jui₁ levadura.

16 Jaun₂ ca₂dsia₃ chi'₂ dsi₂guia₃-tín₂ quian'₅₄ riin'₅₄:

—An₁ juá'₂ le₂nē₅ ia₁ tsá₃ i₁ní'₄ cha₂ quián₂ jniog₄.

17 Ca₂rē₃lí'₄ bá₄ Jesús jág₁ a₂dsia₅ 'éi₂ i₃léin₂, jaun₂ ca₂juá'₂:

—ǵ'E₂ lē₃ juá'₂ 'nia'₂ a₂tsá₃ i₁ní'₄ cha₂ quián'₂ 'nia'₂? ǵ'E₂ lē₃ ṇí₄ tsá₃ rē₂ñí'₂ 'nia'₂? ǵO₃ a₂tsá₃ len'₅₄ 'e₂ 'nia'₂, o₃ a₂cang₄ dsei'₂ 'e₂ 'nia'₂? 18 ǵO₃ bá₄ a₂lē₁tio'₅₄ mi₂ne'₅₄ 'e₂ 'nia'₂, la₁ tsá₃ jniag'₃? ǵO₃ bá₄ a₂lē₁le₁dsi₅₄ bá₄ rē₂guá'₂ 'nia'₂, la₁ tsá₃ nag'₂ guē'₂ 'nia'₂? ǵO₃ bá₄ tsá₃ ma₃dsá₂ 'e₂ 'au'₂ 'nia'₂? 19 Lia'₂ con'₂ jme₁ca₂dsio'₄ jniá₂ quian'₅₄ 'ñiá₂ i₁ní'₄ bá₄ ca₂lin₅ ca₂guē'₃ con'₂ 'ñiá₂ mei₅ dsa₂, ǵe₂liá'₂ mi'₂ ca₂lē₃ ni₁'nau₅₄ a₂ca₂chóng₃ guē₄ ca₂cag'₅₄ 'nia'₂?

Jaun₂ ca₂ṇag₃ 'éi₂:

—Guia₃-tín₂.

20 Con² siá² táng³, lia² con² jme¹ca²dsio⁴ jniá² guio³ i¹ní⁴ ca²lin⁵ ca²gué³ quén² mei⁵ dsa², ¿je²liá² mi² 'nau⁵⁴ a²ca²chóng³ ca²cag⁵⁴ gué⁴ táng³ 'nia²?

Jaun² ca²ṇag³ táng³ 'éi²:

—Guio³.

21 Jaun² ca²juá² táng³:

—¿Tsa¹ rē²len⁵⁴ bá⁴ gué⁴ 'nia² jaun²?

Ca²jme³ 'lión² Jesús jan² dsa² ten⁴ juig² Betsaida

22 Jaun² dsi³lén² juig² Betsaida. Jaun² ca²o³jñi³a³ dsa² jan² dsa² ten⁴, jaun² ca²mi³ dsa² a²téi² gu². 23 Jaun² ně³ ca²jñ³a³ gu² dsa² ten⁴ 'éi², ca²jio³g jui⁵ 'ni² juig². Jaun² ja¹jaun² ca²tsáng² jmi¹'ě⁵ quió⁵, jme¹ne¹ dsa² 'éi², ca²téi² gu², jaun² ca²ṇag³ chi²jua² ma²lé² jág³. 24 Jaun² ca²chóg³ ne⁵⁴ ca²jág³, jaun² ca²juá²:

—Jin⁴ jniá² dsa² i²nio⁴, i²jniá² lia² jniá² ni¹ma².

25 Con² siá² ca²tí² táng³ Jesús gu² jme¹ne¹ dsa² 'éi², jaun² gué⁴ ca²jág³ i¹ca⁵⁴ mi²ne⁵⁴, jaun² gué⁴ ca²rē³jniá² dse³ jme¹ne¹², ca²lóin². 26 Jaun² ca²dsióg² Jesús co²dsau⁵ ja¹quió⁴, ca²juá²:

—Tsá³ 'ú⁵ jē⁴ juig² tē³ jág⁵ dsa².

Ca²cuē³ Pe⁴ jág¹ dsau⁵ a²lín⁵ Jesús I²rē² 'ín¹ quián⁵ Diú⁴
(Mateo 16:13-20; Lucas 9:18-21)

27 Cang² jaun² ca²ṇó³ Jesús quiain⁵⁴ chi² dsi²guia³-tín² quiáin⁵ le²tan⁵⁴ juig² Cesarea ja¹tén⁴ Filipino. Jaun² le²i⁴ jui⁵ ja¹i³lén², ca²ṇag³ Jesús ca²ñí³ chi² dsi²guia³-tín²:

—¿Ein² lín⁵ jniá², juá² dsa²?

28 Jaun² ca²ṇag³ chi² dsi²guia³-tín²:

—I²lín⁵⁴ dsa² juá² a²lín⁵ Juan⁵⁴ i²jme¹chon⁵ dsa² jmi². I²lín⁵⁴ gué² juá² a²lín⁵ Elías. I²lín⁵⁴ gué² juá² táng³ a²lín⁵ jan² i²sián² i²chen⁴ quián⁵ Diú⁴.

29 Jaun² ca²ṇag³ táng³:

—¿'Nia² gué² ně³? ¿'E² juá² 'nia² 'ein² lín⁵ jniá²?

Jaun² ca²ṇag³ Pe⁴:

—'Ne² lín⁵ I²rē² 'ín¹ quián⁵ Diú⁴.

30 Jaun² ca²jmo³ Jesús 'éi³ a²tsá³ dsia³ tsí³ 'i¹jan² jua⁵⁴ a²ag³.

Ca²'ě² Jesús jág¹ a²jóin²
(Mateo 16:21-38; Lucas 9:22-27)

31 Jaun² ně³ ca²jme³lióg³ Jesús ca²'ě² jág¹ ca²tsí³ chi² dsi²guia³-tín², a²ca²tín² Jaun⁵ dsa² mi²güí³ dsi³ñí² 'lióng² uig⁵, a²tsá³ le³jei⁵⁴ dsa² can⁵⁴ quián⁵ guá⁵, juig⁵⁴ jme²dsa², tē⁵juá⁵ ně³. Ca²le³jín³ quiin³ jág¹ a²jñag³. La¹ jein⁵⁴ bá⁴ táng³ a²ni⁵ jmi⁴ jaun². 32 Ca²juá² lia² rē²jiá³ jág¹. Jaun² Pe⁴ ně³ ca²jio³g le²cau⁵, jaun² ca²jme³lióg³ ca²ti²ca²néi² a²jme¹jnéi² jui⁵.

³³ Jaun₂ ca₂jén'₃ Jesús ca₂jín₂ ca₂le₃jín₃ chi'₂ dsi₂guia₃-tín₂, jaun₂ ca₂jéin₂ Pe₄ ca₂juá'₂:

—[ŋiag'₃ cau₅ quió'₃, 'ne₂ Satanás! Ia₁ tsá₃ dsi₂jio₅ 'au'₂ jui₁lia'₂ dsi₂jio₅ dsí₅ Diú₄; lia'₂ dsi₂jio₅ dsí₅ dsa₂ mi₂güig₃ bá₄ dsi₂jio₅ 'au'₂.

³⁴ Jaun₂ ca₂tě'₃ Jesús chi'₂ dsi₂guia₃-tín₂, ca₂le₃jín₃ guě₄ dsa₂ i₂jme₁tion'₅₄ ně₃. Jaun₂ ca₂juá'₂:

—Chi₂jua'₂ 'ein₂ 'nio₃ 'ein₃ jniá₂, co₂dsia₅ jui₁dsi₂'én₂ dsí₅ guoin₅₄, jui₁jmo₁₂ co₂jñiai₅₄ a₂jóin₂,* jui₁'ein₁₂. ³⁵ Ia₁ jui₁'ein₂ guě₃ i₂tsá₃ 'nio₃ jón₂ ia₁ 'ín₅ dsí₅ le₃chain₂ dse₃ mi₂güig₃ la₂, dsi₃'én₂ quió'₅. La₁ jui₁'ein₂ guě₄ i₂tén'₂ dsí₅ gue₃ 'mú₃ 'uig₅₄ quió'₃ jniá₂, 'uig₅₄ quió'₄ jág₁ dse₃ ně₃, tín'₄, le₃chain₂ dse₃ mi₂güig₃ caun₂. ³⁶ ¿'E₂ bá₄ ta₁ jmo₃ a₂lí'₂ dsa₂ 'ñio₅ lín₃ ne₄ gua'₅₄ 'uě₃ la₂, ně₁jua'₂ dsi₃'én₂ bá₄ guě'₂ jme₂dsi₂ quió'₅ mi₂güig₃ caun₂? ³⁷ ¿O₃ je₂liá'₂ lé₂ le₃quí₃ dsa₂ 'lia'₅₄ ia₁jaun₂ tín'₄ jme₂dsi₂ quió'₅? ³⁸ Ia₁ jui₁'ein₂ guě₃ i₂gui'₅₄ jmóg'₂ jniá₂, quian'₅₄ jág₁ dse₃ quió'₃, tē₃jín₄ dsa₂ i₂qui₂rě₂cán'₄ dso₄ i₂tsá₃ ne'₅₄ chan₂ jmig₄ ně₃, ján₃ bá₄ le₂jaun₂ Jaun₅ dsa₂ mi₂güig₃ gui'₅₄ jmóg'₂ jē₁ma₂tě₂ rē₁guain'₂ quian'₅₄ ángeles jñio₅ quian'₅₄ ca₂le₃jě₃ bí₂jlá'₁ quió'₅ jmei₂.

9

¹ Jaun₂ ca₂tsí'₃ dsa₂ le₂la₂ ján₃:

—A₂dsi₂jó'₃ juá'₅ jniá₂, ia₁ chan₂ i₂lín₅₄ 'nia'₂ i₂tióin₂ ja₁láš i₂tsá₃ tñ₅₄ dsián₃ né'₃ a₂tě₅₄ ne₅₄ a₂guá₂ jmig₄ a₂jme₃gón₃ Diú₄ quian'₅₄ jui₅bí₂ quió'₅.

Ca₂rě₃tsín₃ Jesús lia'₂ jniái₂

(Mateo 17:1-13; Lucas 9:28-36)

² Jñéi₂ jmig₄ cang₂ jaun₂ ca₂jñia₃ Jesús Pe₄, Jacobo, Juan₅₄ ně₃, jaun₂ ca₂i₃léin₂ con'₂ guoin₅₄ jui₅ caun₂ má'₂ ñei₅. Ja₁jaun₂ ca₂jme₃tsín₃ Jesús lia'₂ jniái₂ tē₃ jág₅ riin'₅₄. ³ Jaun₂ ni₁tsin'₅₄ ca₂jñia₃ tág₅ co₂'né'₅ tiog₂ jau₂ ca₂lia'₂ 'i₁jan₂ dsa₂ chan₂ mi₂güig₃ tsá₃ tiin₂ rang₃ 'mi'₂ a₂jñia₅₄ tiog₂ le₂jaun₂. ⁴ Jaun₂ ca₂jág₃ ca₂jñia₃ coin₂, Elías quian'₅₄ Moisés, tióin₂ dsia₂₃ jág₁ quian'₅₄ Jesús. ⁵ Jaun₂ ně₃ ca₂juá'₂ Pe₄ ca₂tsí'₃ Jesús:

—Tě₅, i'e₂ guě₄ dse₃ lia'₂ tio'₅₄ jniog₄ ja₁láš! Ně₃ o₁jmog'₅₄ 'ni₅ tsi₁'io₅ láu₃: caun₂ quiáng'₂, caun₂ quió'₅ Moisés, caun₂ guě'₂ quió'₅ Elías ně₃.

⁶ (On₃jua'₅₄ jaun₂ ca₂rě₃lí'₄ rě'₂ Pe₄ 'e₂ a₂ca₂'ñiai₂, tē₂'i₂₃ le₂jaun₂, ia₁ a₂gó'₅ 'ñio₅ lín₃ tióin'₅₄). ⁷ Tē₃jě₄ jaun₂ ně₃ ca₂'ág₂ jnei₅ ja₁tióin'₅₄, ca₂lioin₂. Jaun₂ jě₄ jnei₅ jaun₂ ca₂né'₂ jág₁ a₂ca₂juá'₂:

—I₂la₂ bá₄ jón₃ quiáng₃, i₂'nióg₃ guě₄ lín₃. Nei₂ 'nia'₂ jág₁ quió'₅.

* 8:34 lit. “jui₁quian₅₄ cróg₄ quió'₅.”

⁸ Dsi₂jui₅ le₂jaun₂ jme₁ca₂jág₃ táng₃, tsá₃ ma₃'ein₂ chan₂, njia'₅₄ lia'₂ jan₂ 'njog₅ bá₄ Jesús quiong'₅₄ gué₄.

⁹ Jme₁ma₂tioin'₅₄ jui₅ ja₂lein₃ sióin₅ má'₂, jaun₂ ca₂jmo₃ Jesús 'éi'₃ a₂tsá₃ 'ein₂ tsí'₃ 'i₁jan₂ 'e₂ a₂ca₂jág₃ jaun₂, a₂jmo₃ tei₄ ca₂lia'₂ ca₂jen'₅₄ táng₃ Jaun₅ dsa₂ mi₂güig₃ ne₄ 'mú₃.

¹⁰ Jaun₂ ně₃ tei₄ bá₄ ca₂jmo₃, tsá₃ 'ein₂ ca₂tsí'₃, njia'₅₄ lia'₂ qui₂ca₂ñí'₃ riin'₅₄ 'e₂ jein₅ jág₁ jaun₂ a₂jein'₅₄ ne₄ 'mú₃. ¹¹ Jaun₂ ca₂ñí'₃ Jesús:

—¿'E₂ lě₃ juá'₂ tē₅juá'₅, Elías bá₄ i₂ca₂tín₂ jiá'₃ le₂'uig₅₄?

¹² Jaun₂ ca₂ñag₃:

—Dsón'₂ bá₄ jaun₂ Elías bá₄ i₂jiá'₃ le₂'uig₅₄, a₂j móg'₃ ca₂le₃jě₃. ¿'E₂ gué'₂ lě₃ jaun₂ chi₁ton₅ ne₄ Si₂ a₂ca₂tín₂ Jaun₅ dsa₂ mi₂güig₃ a₂tsá₃ caun₂ dsi₃ñí₂, tsá₃ guei₃ dsa₂, 'liog'₃ dsa₂ 'uē₃ co₂ñí₂? ¹³ La₁ jniá'₂ juá'₅, i₂ma₂guan₅ bá₄ Elías, qui₂ca₂j móg'₂ dsa₂ ca₂lia'₂ lě₂ dsí₅, lia'₂ con'₂ lě₅ chi₁ton₅ ne₄ Si₂.

*Ca₂jme₃'lión₂ Jesús jan₂ chi'₂ i₂jme₁'en₅₄ i₂'lin'₅₄ tē₂dsí₅
(Mateo 17:14-21; Lucas 9:37-43)*

¹⁴ Jme₁co₂lág₂ jaun₂, ca₂dsi₃lein₃ ja₁tion'₅₄ riin'₅₄. Jaun₂ ca₂jín₂ juin₅ dsa₂ sián'₂ tion'₅₄ le₃lág'₃ jaun₂. Tion'₅₄ tē₅juá'₅ ně₃, tsiin₂₃ quian'₅₄ 'éi₂. ¹⁵ Jaun₂ dsi₂jui₅ jme₁ca₂jág₃ dsa₂ ca₂le₃jín₃ ca₂jín₂ Jesús, ca₂i₃gó'₃ dsí₅ 'ñio₅ lin₃, jaun₂ i₃léin₂ i₁cuag₃ Diú₄. ¹⁶ Jaun₂ ca₂ñag₃ Jesús:

—¿'E₂ jág₁ tsi₂jín'₂ 'nia'₂ quian'₅₄ dsa₂ ně₅?

¹⁷ Jaun₂ ca₂ñag₃ jan₂ dsa₂ i₂'en₅₄ jě₄ jaun₂:

—Tē₅, la₂ jniag₅₄ chi'₂ quiáng₃ a₂'ein₅₄ jme₂dsí₂ 'lin'₅₄ i₂tsá₃ cuē₅ jmig₄ dsia₃ chi'₂ jág₁. ¹⁸ Chi₂jua'₂ 'a₂ gué'₂ já'₄ jmóg'₂, jmo₂₃ tón₂ 'uē₃. Qui₂'uē'₅ chi'₂ jan₅ mi₂'o₅₄, qui₂quig'₂ mi₂jan₅₄ ně₃. Jmo₂₃ a₂rē₂'uá'₃ rē₂juí₂ quió'₅ ně₃. Jaun₂ jme₁ma₂nē₂juíg₂ jniá'₂ dsa₂ i₂quiang'₅₄ a₂jme₁dsein₂₃ i₂'lin'₅₄, la₁ tsá₃ tió'₅, juá'₂.

¹⁹ Jaun₂ ca₂ñag₃ Jesús:

—i'En₁ jmá'₃ tsá₃ 'e₂ 'én'₂ 'nia'₂ dsa₂ chan₂ jmig₄ ně₃! ¿Je₂liá'₂ jmig₄ jmá'₃ 'nió'₅ jmo₅₄ jniá'₂ tió₅ dsi₃ ñi₅₄ quian'₅₄ 'nia'₂? O₂quian₅ 'nia'₂.

²⁰ Jaun₂ ca₂i₁quian₅₄ dsa₂ chi'₂ ca₂o₃jio₃ ne₅₄. Jaun₂ dsi₂jui₅ jme₁ca₂jág₃ i₂'lin'₅₄ ca₂jín₂ Jesús, ca₂jmo₃ táng₃ i₃'ín₃ i₂bě'₅₄ qui₂ca₂ba₂ca₂lín'₂ 'uē₃, 'uē'₅ jan₅ mi₂'o₅₄. ²¹ Jaun₂ ca₂ñí'₃ jmei₂ chi'₂:

—¿Jma₂je₂liá'₂ jmig₄ jén'₅ le₂ně₅?

Jaun₂ ca₂ñag₃:

—Lia'₂ con'₂ bin'₅₄ bá₄ i₂ně₅. ²² 'Lióng₂ ráun₂ ma₂jmo₃ a₂'nio₃ 'í₂ né'₃ si₂, 'nio₃ 'í₂ né'₃ jmíg₃ ně₃, a₂j móg'₂ i₂'lin'₅₄ a₂'nio₃ jñag'₃. La₁ ně₁jua'₂ cha₂ a₂lé₂ le₃j mó'₂, dsia₄ ñéi₂ 'au'₂ jnia'₅₄.

23 Jaun₂ ca₂juá'₂ Jesús:

—ǵ'A₂ bá₄ lia'₂ jaun₂ “chi₂jua'₂ cha₂ a₂lé₂?” Lé₂ bá₄, quió'₅ ca₂le₃jín₃ i₂én₂.

24 Dsi₂jui₅ le₂jaun₂ ca₂ηag₃ jmei₂ i₂bě'₅₄ ca₂juá'₂ tiá₂:

—i'Én₂ bá₄ jniá₂! iJme₁'o₁ jaun₂ le₃éng₂ guě₄!

25 Jme₁ca₂jág₃ Jesús caun₂ qui₂ca₂ηi'₂ juin₅ lin₃ guě₄ dsa₂, jaun₂ guě₄ ca₂jéin₂ i₂'lin'₅₄, ca₂juá'₂:

—Jú₅ ja₁ně₅, 'ne₂ jme₂dsi₂ i₂jmo'₂ con₄ güin₄ chi'₂. Ca₂lia'₂ o₁lig'₂ jmig₄ tsá₃ ma₃'ú₄ ja₁ně₅, ia₁ jniá₂ juá'₅.

26 Jaun₂ jme₁ca₂o₃'ín₃ i₂'lin'₅₄, ca₂jmo₃ guě₄ cón'₂ ca₂guió'₃ chi'₂ 'éi₂, ca₂i₃'iin₃, ca₂ba₂ca₂lín'₂ 'uě₃, ca₂quiog₂ tsá₃ lí₄. “Ca₂join₃ bá₄”, ca₂juá'₂ mei'₂ tsá₃ ca₂le₃jín₃ dsa₂ i₂ca₂jág₂. 27 Jaun₂ ca₂'ín₃ Jesús mi₂gu₂, ca₂chó'₂, jaun₂ ca₂nau₂ chi'₂.

28 Jaun₂ jme₁ma₂'í₅ Jesús caun₂ dsi₂néi₂, ja₁jaun₂ ca₂ηag₃ chi'₂ dsi₂guia₃-tín₂ con'₂ guioin₅₄:

—ǵ'E₂ 'uig₅₄ tsá₃ ca₂tián₃ jnia'₅₄ a₂dsén₄ i₂'lin'₅₄?

29 Jaun₂ ca₂ηag₃ Jesús:

—Jme₂dsi₂ 'lin'₅₄ i₂le₂ně₅ lé₂ le₃'uín₃ jmá'₃ lia'₂ quian'₅₄ a₂chi₂lén'₂ dsa₂ Diú₄.*

Ca₂'ě₂ táng₃ Jesús jág₁ a₂jóin₂

(Mateo 17:22-23; Lucas 9:43-45)

30 Jme₁ca₂'uín₂ juig₂ jaun₂, ca₂i₃lein₃ táng₃, ca₂ηi₅ jui₅ 'uě₃ Galilea, tsá₃ jme₁'nio₃ Jesús le₃ηi₅ dsa₂, 31 ia₁ jme₁jme₂tiin₂₃ chi'₂ dsi₂guia₃-tín₂, ca₂juá'₂:

—Ja₂quián₃ jmig₄ a₂jáng'₂ dsa₂ jín'₂ Jaun₅ dsa₂ mi₂güig₃ o₄gú₃ dsa₂ i₂'iog₅₄ jaun₂ ηag'₃ dsa₂. La₁ a₂'ni₅ jmig₄, jein'₅₄ bá₄ táng₃.

32 La₁ chi'₂ dsi₂guia₃-tín₂ ně₃, tsá₃ ca₂ηi'₂ 'e₂ jein₅ jág₁ a₂juá'₂ le₂jaun₂, ton'₂ tsá₃ ma₃ca₂tiá₃ dsi₅ jua'₅₄ a₂ηag₃ guě₄ 'e₂ ηag₃.

Tsin₅ chi'₂ dsi₂guia₃-tín₂ 'ein₂ bá₄ i₂lín₅ i₂dsen₅₄ guě₄ con'₂ quiaín₅₄ riin'₅₄

(Mateo 18:1-5; Lucas 9:46-48)

33 Jaun₂ ca₂dsi₃lén₂ juig₂ Capernaum. Jme₁ma₂tiáin'₅ dsi₂néi₂, jaun₂ ca₂ηi'₃ Jesús chi'₂ dsi₂guia₃-tín₂, ca₂juá'₂:

—ǵ'E₂ jág₁ tsín'₂ 'nia'₂ ja₂nóg'₅ le₂'i₄ jui₅?

34 La₁ tei₄ bá₄ ca₂tiáin'₂, tsá₃ 'e₂ ca₂ηag₃, ia₁ le₂'i₄ jui₅ ja₂lein₃ tsiin₂₃ 'ein₂ dsón'₂ i₂lén₂ i₂dsen₅₄ guě₄ jě₄ quió'₅ riin'₅₄. 35 Jaun₂ ca₂guá₂ Jesús, jaun₂ ca₂tě'₃ ta₁guia₃-tín₂ 'éi₂, jaun₂ ca₂juá'₂:

—Chi₂jua'₂ 'ein₂ 'nia'₂ 'nio₃ lén₂ i₂le₂'uig₅₄, cán₂ ne₄ jui₅, 'nió'₅ lén₂ i₂jě₁ca₂tó'₂ quió'₅ ca₂le₃jín₃, jme₂ti₃ ta₁ ne₄ ca₂le₃jín₃ riin'₅₄.

* 9:29 A₂lin₅₄ chog₅₄ si₂ juá'₂: “a₂chi₂lén'₂ dsa₂ Diú₄, a₂jme₂'iin₅₄ ně₃.”

³⁶Jaun₂ ně₃ ca₂cain₃ jan₂ guein₂ quián₅ dsa₂, jaun₂ ca₂dsiain₃ 'éi₂ jě₄ quió'₅, jaun₂ ca₂ɲau'₃, ca₂juá'₂:

³⁷—Jui₁'ein₂ guě₃ i₂guen₅ jan₂ guein₂ bě'₅₄ le₂la₂ o₄quió₃ jniá₂, jniá₂ bá₄ guei₂₃. I₂guei₅ jniá₂, on₃jua'₅₄ jmá'₃ jniá₂ guei₂₃. Guein₂₃ le₂jio₅ i₂ca₂chei₃ jniá₂.

“I₂tsá₃ 'iog₅₄ jniog₄, tē₂le₃ quián₂ jniog₄ bá₄ chéin'₅”

(Mateo 10:42; Lucas 9:49-50)

³⁸Jaun₂ ca₂juá'₂ Juan₅₄:

—Tē₅, ně₂jín₄ jniá'₅₄ jan₂ dsa₂ i₂ně₂'uín'₂ je₂na'₅₄ quian'₅₄ bí₂ 'éi'₃ quiáng'₂. Tsá₃ ma₃ně₂cuě₁ jniá'₅₄ jmig₄ jua'₅₄ a₂jmo₃ guě₄ le₂jaun₂, ia₁ tsá₃ ɲi₂₃ guě'₂ quian'₅₄ jniog₄.

³⁹Jaun₂ ca₂juá'₂ Jesús:

—Tsá₃ jmó'₂ 'nia'₂ le₂jaun₂, jua'₅₄ a₂jni₃g'₅₄. Ia₁ 'i₁jan₂ tsá₃ jmo₅ caun₂ ta₁ juě'₂ lia'₂ con'₂ lě₅ 'éi'₃ quió₃ jniá₂, jua'₅₄ a₂lé₂ le₃dsia₃ 'ag₃ 'lig'₅₄ dsi₂jui₅ le₂jaun₂. ⁴⁰Ia₁ jui₁'ein₂ guě₃ jui₁lia'₂ i₂tsá₃ 'iog₅₄ jniog₄, i₂tió₂n₂ tē₂le₃ quián₂ jniog₄ bá₄ 'éi₂. ⁴¹Ia₁ ně₁jua'₂ 'ein₂ ca₂cuě'₃ 'nia'₂ tsá₃ a₂léi'₂ o₁jnia'₅₄ caun₂ vaso jmig₂ bá₄, ia₁ a₂tén'₅ 'nia'₂ tē₂le₃ quió'₅ I₂rē₂'ín₁ quián₅ Diú₄, a₂dsi₂jó'₃ juá'₅ jniá₂, lí'₂ bá₄ 'liain'₅₄.

A₂go'₂ tsi₃sén'₂ dsa₂ dso₄

(Mateo 18:6-9; Lucas 17:1-2)

⁴²'Jui₁'ein₂ guě₃ i₂jmo₅ tsi₂sén'₂ dso₄ jui₁lia'₂ i₂me'₂ le₂la₂ i₂én₂ tē₂le₃ quió₃ jniá₂, ja₂lin₃ guě₄ dse₃ co₂ɲei'₅₄ jua'₅₄ a₂tón₂ dsa₂ ne₄ jmi₁ɲi'₄ rē₂quein₅ ca₂míg₂ ni₁to₂ dsi₂lag₅₄. ⁴³Ně₁jua'₂ mi₂gog'₂ jmo₅ a₂tang'₂ dso₄, co₂ɲei'₅₄ guě₄ dse₃ 'nia₄, ia₁ ja₂lin₃ guě₄ dse₃ dsiáng'₄ 'nau₅₄ caun₂ gog'₂ ja₁le₃chang'₂ co₂tan₅₄, con'₂ guě₄ a₂jme₁dsiáng'₄ guio₃-juíg₃ a₂rē₂'ɲia₅ ta₁tin₃ gog'₂ ja₁tsá₃ líg'₂ jmig₄ éi₃ si₂.† ⁴⁵Ně₁jua'₂ mi₂tag'₅₄ jmo₅ a₂tang'₂ dso₄, 'nia₄ ján₃, ia₁ ja₂lin₃ guě₄ dse₃ dsiáng'₄ guiang'₅₄ ja₁le₃chang'₂ co₂tan₅₄, lia'₂ con'₂ guě₄ a₂jme₁dsiáng'₄ a₂rē₂'ɲia₅ le₃tin₃ tag'₅₄ guio₃-juíg₃, ja₁tsá₃ líg'₂ jmig₄ éi₃ si₂.† ⁴⁷Chi₂jua'₂ mi₂ne'₅₄ jmo₅ a₂tang'₂ dso₄, co₂ɲei'₅₄ guě₄ dse₃ dsi₄ ján₃, ia₁ ja₂lin₃ guě₄ dse₃ a₂dsiáng'₄ a₂teng'₅₄ ca₂míg₂ mi₂ne'₅₄ ja₁gon₂ Diú₄, lia'₂ con'₂ guě₄ a₂jme₁dsiáng'₄ a₂rē₂'ɲia₅ ta₁tin₃ mi₂ne'₅₄ guio₃-juíg₃:

⁴⁸ja₁tsá₃ líg'₂ jmig₄ dsián₃ i₁ja'₅₄,

on₃ guě'₂ si₂ éi₃ ně₃.§

⁴⁹'Ia₁ ca₂le₃jín₃ bá₄ 'nió'₅ lé₂ 'í₁ tē₂le₃ quian'₅₄ uig₅ a₂lē₅ lia'₂ lě₅ si₂. * ⁵⁰Dse₃ bá₄ tsi₁ɲi₁ tē₁lia'₂ ɲi'₅₄, la₁ ně₁jua'₂ ca₂'en₃ ɲi'₅₄ tsi₁ɲi₁ ně₃, ċ'A₂ bá₄ lia'₂ lé₂ le₃lei₂ táng₃? Jaun₂ jui₁len'₅₄ bá₄ 'nia'₂ jui₁lia'₂

† 9:43 A₂lin₅₄ chog₅₄ si₂ chi₁ton₅ versículo 44, ja₁juá'₂ co₂rē₂ quian'₅₄ versículo 48.

‡ 9:45 A₂lin₅₄ chog₅₄ si₂ chi₁ton₅ versículo 46, ja₁juá'₂ co₂rē₂ quian'₅₄ versículo 48.

§ 9:48 Isaías 66:24. * 9:49 lit. “Ia₁ ca₂le₃jín₃ 'nió'₅ le₃ɲi'₅₄ quió'₅ quian'₅₄ si₂.”
'Nio'₂ ja₁ton₅ 1 Pedro 1:7; 4:12.

lě₅ tsi₁ŋi₁. Jui₁le₂chan'₂ bá₄ 'nia'₂ 'ei₅ tei₄ quian'₅₄ ríng'₂ le₂jang'₂ le₂jang'₂.

10

Jme₂tag₅ Jesús jui₁lia'₂ 'a₂lia'₂ lě₅ a₂tén₂ dsa₂ dsi₂i₂gu₂
(Mateo 19:1-12; Lucas 16:18)

¹ Jaun₂ ca₂o₃'ín₃ Jesús juig₂ Capernaum ja₁jme₁'ein₅₄, ca₂ŋó₃ táng₃ ja₁tén₄ Judea quian'₅₄ jui₅ 'uě₃ tē₂le₃ 'ŋo'₅₄ Cuá₃ Jordán. Ja₁jaun₂ ca₂o₃lén₂ táng₃ dsa₂ juin₅ ja₁'ein₅₄. Con'₂ siá'₂ táng₃ ca₂jmo₃ jui₁lia'₂ jmo₂₃ tián₂, ca₂jme₃tiin₂₃ dsa₂. ² Jaun₂ ca₂dsi₃lén₂ i₂lin₅₄ dsa₂ fariseos, ca₂ŋi'₃ Jesús a₂jŋia'₅₄ con'₂ 'nio₃ cáun₂ táu₂ chi₂jua'₂ 'i₄ 'éi'₃ a₂tén₂ dsa₂ dsa₂ mí₂ quiáin₅. ³ Jaun₂ ca₂ŋag₃ 'éi₂:

—'E₂ 'éi'₃ ca₂cuě₃ Moisés guě'₂?

⁴ Jaun₂ ca₂ŋag₃ táng₃ dsa₂ 'éi₂:

—Ca₂cuě₃ Moisés jág₁ a₂lě₂ le₃jmo₃ dsa₂ ŋe'₂ caun₂ si₂ tē₃ron₅₄, jaun₂ guě₄ ma₂lě₂ dsei₂₃.

⁵ Jaun₂ ca₂ŋag₃ Jesús:

—'Uig₅₄ ia₁ a₂ŋi'₄ tsá₃ nág'₁ 'nia'₂ guiong'₅₄ bá₄ ca₂cuě₃ Moisés 'éi'₃ jaun₂, ⁶ La₁ le₂'uig₅₄ lia'₂ con'₂ jme₁ca₂dsia₃ Diú₄ mi₂güig₃, “ca₂jmoí'₂ dsa₂ ŋe'₂, dsa₂ mí₂”. ⁷ “'Uig₅₄ jaun₂ ně₃ dsa₂ ŋe'₂, ca₂tiin₂ tēin₂ chog₅₄-jmei₂, con'₂ tiain'₃ quiain'₅₄ dsa₂ mí₂ quiáin₅. ⁸ Jaun₂ jē₂le₃oin₃ lēin₂ caun₂ bá₄ ni₁ŋi₅.”* Jaun₂ dsió₄ lé₂ co₂'nió'₄ jan₂ dsa₂ bá₄, tsá₃ ma₂lě₂ oin₃. ⁹ Jaun₂ tsá₃ 'i₄ 'éi'₃ jua'₅₄ dsa₂ mi₂güig₃ a₂jmo₃ jma₃quén₅ a₂ma₂dsia₃ Diú₄ rě₂.

¹⁰ Jme₁ma₂tioin'₅₄ táng₃ dsi₂néi₂, ca₂ŋag₃ chi'₂ dsi₂guia₃-tín₂ ca₂ŋi'₃ Jesús jág₁ ně₅. ¹¹ Jaun₂ ca₂juá'₂ Jesús:

—Dsa₂ i₂tén₂ 'io₅₄ quián₅, a₂guá₃ táng₃ quiain'₅₄ i₂sián'₂, 'no₂₃ dso₄ ja₁con₂ 'io₅₄ quián₅ i₂le₂'uig₅₄. ¹² Con'₂ guě'₂ siá'₂ táng₃ ně₁jua'₂ tēn₂ 'io₅₄ dsi₂i₂gu₂ a₂guá₃ táng₃ quiain'₅₄ dsa₂ ŋe'₂ sián'₂, ján₃ bá₄ le₂jaun₂ 'no₂₃ dso₄ ja₁con₂ dsi₂i₂gu₂.

Ca₂jme₃gon'₅₄ Jesús chi'₂-guein₂
(Mateo 19:13-15; Lucas 18:15-17)

¹³ Jaun₂ ca₂dsi₃lén₂ dsa₂ le₁jŋiai₂₃ chi'₂ quiáin₅ ja₁guá₄ Jesús, ia₁jaun₂ qui₃téi₂ Jesús gu₂. La₁ chi'₂ dsi₂guia₃-tín₂ ně₃ ca₂jí₂. ¹⁴ Jme₁ca₂jág₃ Jesús, jaun₂ ca₂i₃méi'₂ dsi₅ quian'₅₄ chi'₂ dsi₂guia₃-tín₂, jaun₂ ca₂juá'₂:

—Cuě₄ 'nia'₂ jmig₄ jui₁ja₂lén₂ chi'₂-guein₂ cong₂. Tsá₃ jmó₁ 'nia'₂ le₂ně₅ jua'₅₄ a₂jŋig'₅₄, ia₁ jui₁lia'₂ i₂le₂la₂ bá₄ guě'₂ i₂dsi₂len₅ ja₁gon₂ Diú₄. ¹⁵ A₂dsi₂jó'₃ juíg₂ jniá₂ 'nia'₂, ia₁ jui₁'ein₂ guě₃ i₂tsá₃

gue₅ 'éi'₃ quió'₅ Diú₄, jui₁ lia'₂ gue₅ jan₂ i₂ bē'₅₄, o₁ líg'₂ tsá₃ dsi₁ lein₅ ja₁ gon₂ Diú₄.

¹⁶ Jaun₂ qui₂ ca₂ jñai'₃ guein₂ 'ein₅₄, ca₂ quiog₂ gu₂ ne₄ quió'₅, ca₂ jme₃ jñi₃.

Jan₂ dsó₂ chi'₂ cha₂ cu₄ ca₂ dsia₃ jág₁ quiain'₅₄ Jesús
(Mateo 19:16-30; Lucas 18:18-30)

¹⁷ Jme₁ ma₂ 'en₅₄ Jesús jui₅ nō₅ táng₃, jaun₂ já₃ jan₂ dsó₂ co₂ chi'₅₄ ca₂ jme₃ jein'₂ ca₂ chi₃ jné₃ ne₅₄. Jaun₂ ca₂ ñag₃:

—Tē₅ dsen₃, ċ'e₂ 'nió'₅ jmo₅₄ jniá₂ ia₁ jaun₂ tīng₅₄ ja₁ le₃ chang₂ co₂ tan₅₄?

¹⁸ Jaun₂ ca₂ ñag₃ Jesús:

—ċ'E₂ lē₃ quiong'₅₄ jniá₂ a₂ dseng₃? 'I₁ jan₂ i₂ dsen₃ tsá₃ chan₂, jñia'₅₄ lia'₂ jan₂ Diú₄ bá₄. ¹⁹ Cuñg'₂ bá₄ 'Éi'₃ Juá'₅ quió'₅ Diú₄, ja₁ juá'₂ tsá₃ jme₁ dsiang'₂ dsa₂ mi₂ güig₃ ríng'₂; on₃ guē'₂ nióg'₄ jág₁ quian'₅₄ dsa₂ i₂ tsá₃ lín₅ dsi₂ i₂ gog'₂; on₃ guē'₂ 'áng'₁. Tsá₃ jmó₁ jua'₅₄ jang'₅₄ jág₁ tē₂ jág₁; tsá₃ jme₁ gan₅ dsa₂ jua'₅₄ a₂ jñiá'₄ a₂ cha₂ quió'₅; a₂ jme₁ gang'₃ chog'₂ 'ñéi'₅ nē₃.†

²⁰ Ca₂ ñag₃ táng₃ dsa₂ 'éi₂:

—Tē₅, ca₂ le₃ jē₃ a₂ nē₅, lia'₂ con'₂ bin'₅₄ bá₄ jniá₂ jme₂ tí₁.

²¹ Jaun₂ ca₂ jág₂ Jesús ñéi₂ dsí₅, ca₂ juá'₂:

—Caun₂ guē'₄ a₂ 'nió'₅ quiáng'₂. Guan'₂ o₂ 'nag₄ ca₂ le₃ jē₃ a₂ cha₂ quiáng'₂, o₂ dsio'₅₄ cu₄ jaun₂ o₂ cuē'₅₄ dsa₂ te₂ ñé₂. Jaun₂ guē'₄ le₃ cha₂ a₂ jlá'₁ quiáng'₂ guei'₅₄ i₂ juíg₃. Jaun₂ guē'₄ ñia₅, 'éin₃.‡

²² Jaun₂ ca₂ tá'₂ jén₂ dsí₅ dsa₂ 'éi₂ jme₁ ca₂ nág₂ le₂ nē₅; ñái'₅ bá₄ jaun₂ 'lia'₂ dsí₅, ia₁ 'ñio₅ lín₃ jme₁ cha₂ cu₄.

²³ Jaun₂ ca₂ jén'₃ Jesús qui₂ ca₂ jñin₂ chi'₂ dsi₂ guia₃-tín₂ quiáin₅. Jaun₂ ca₂ juá'₂:

—i'E₂ guē'₄ 'ñio₅ quian₅ ta₁ quió'₅ dsa₂ cha₂ cu₄ a₂ tñin'₄ ja₁ gon₂ Diú₄!

²⁴ Jaun₂ i₃ gó'₃ dsí₅ chi'₂ dsi₂ guia₃-tín₂ jág₁ jaun₂, la₁ ca₂ juá'₂ táng₃ Jesús:

—'Nia'₂ jón₃, i'e₂ bá₄ 'ñio₅ quian₅ ta₁ a₂ dsi₁ len₅ dsa₂ ja₁ gon₂ Diú₄.§ ²⁵ Tsá₃ guē'₄ 'e₂ ta₁ quian₅ a₂ lé₂ le₃ ñi₅ jan₂ já'₂ camello jui₅ tau₂ mi₂ cu₄, con'₂ guē'₄ dsa₂ cha₂ cu₄ a₂ 'í₂ ja₁ gon₂ Diú₄.

²⁶ Jme₁ ca₂ nág₂ chi'₂ dsi₂ guia₃-tín₂ a₂ nē₅, i₃ gó'₃ dsí₅ 'ñio₅ lín₃. Qui₂ ca₂ ñi₃ 'rñin'₅₄:

—ċI₂ 'ein₂ bá₄ guē'₂ jaun₂ nē₃ i₂ lé₂ le₃ tñin'₄?

²⁷ Jaun₂ ca₂ jág₂ Jesús, jaun₂ ca₂ juá'₂:

† 10:19 Éxodo 20:12-6; Deuteronomio 5:16-20. ‡ 10:21 A₂ lín₅₄ chog₅₄ si₂ juá'₂:

“Jmo₄ co₂ jñiag'₅₄ a₂ jóng'₂,” (lit. quian₂ cróg₄ quiáng'₂), “éin₃ jniá₂.” § 10:24 Cha₂ a₂ lín₅₄ chog₅₄ si₂ a₂ juá'₂ le₂ la₂: “a₂ dsi₁ len₅ dsa₂ cha₂ cu₄ ja₁ gon₂ Diú₄.”

—Dsón'₂ bá₄ jaun₂, tē₂le₃ quió'₅ dsa₂ mi₂güí₃, o₁líg'₂ tsá₃ lé₂ le₃lé₂. La₁ tē₂le₃ quió'₅ Diú₄, ca₂le₃jě₃ bá₄ lé₂ le₃lé₂.

²⁸ Pe₄ ně₃ ca₂jme₃lióg₃ ca₂juá'₂:

—Te₁gui'₅₄, ca₂le₃jě₃ 'e₂ a₂jme₁cha₂ quián₂ jnia'₅₄, ma₂ca₂tén'₂ dsi₅ jnia'₅₄ ma₂qui₂ma₂tí₄, ia₁ a₂'én₅ jnia'₅₄ 'ne₂.

²⁹ Jaun₂ ca₂ḡag₃ Jesús:

—A₂dsi₂jó'₃ juá'₅ jniá₂ juí₂ 'nia'₂, ca₂le₃jín₃ i₂táun₂ 'ne₄, i₂tén₂ rin'₅₄, chog₅₄-jmei₂, chi'₂ quiáin₅, i₂tí₂ ja₁nau₂ quió'₅, 'uig₅₄ quió₃ jniá₂, quian'₅₄ 'uig₅₄ quió'₄ jág₁ dse₃ ně₃, ³⁰ gue₃ mi₂güí₃ la₂ 'líong₂ guě₄ 'né₅, juin₅ guě₄ riin'₅₄, juin₅ guě₄ chog₅₄, juin₅ guě₄ chi'₂-guein₂ quiáin₅ ně₃ le₃chan₂; ton'₂ 'líong₂ guě₄ ja₁nau₂ quió'₅ le₃cha₂, o₁jnia'₅₄ la₂ chain₂ mi'₅₄ co₂'ein₅ dsa₂. La₁ia₁ gue₃ ja₁le₃chain₂ co₂tan₅₄ mi₂güí₃ caun₂. ³¹ La₁ rē₂ně₃, juin₅ i₂lín₅ i₂quen₅, la₁ jmig₄ jaun₂ léin₂ dsa₂ tē₂le₃ jē₁ca₂tó'₂; le₂jaun₂ bá₄ ján₃, jui₁lia'₂ i₂tsá₃ 'e₂ quen₅ rē₂ně₃ lia'₂ con'₂ niog₅ lín₂ dsa₂ mi₂güí₃, léin₂ i₂le₂ 'uig₅₄.

Con'₂ siá'₂ táng₃ ca₂'ě₂ Jesús jág₁ a₂jóin₂

(Mateo 20:17-19; Lucas 18:31-34)

³² Tioin'₅₄ jui₅ uig₂ tso₄ a₂dsi₁léin₂ Jerusalén. Jesús ně₃ ḡó₃ dsi₂jniá'₄ ne₄ jui₅. Chi'₂ dsi₂guia₃-tín₂ guě'₂ i₂léin₂ dsi₂gó'₃ dsí₅. Ca₂le₃jín₃ guě₄ dsa₂ i₂jme₁quian'₅₄ ně₃ i₂léin₂ gó'₅. Jaun₂ ně₃ ca₂tě'₃ Jesús le₃cau₅ jui₅ jmá'₃ dsi₂guia₃-tín₂, jaun₂ ja₁jaun₂ ca₂juá'₂ 'e₂ niog₅ dsi₃ḡi₂, ³³ ca₂juá'₂:

—Ní₂ 'nia'₂ jaun₂, tio'₅₄ jniog₄ jui₅ uig₂ tso₄ a₂dsi₁náu₅ Jerusalén. Ja₁jaun₂ jín'₂ dsa₂ Jaun₅ dsa₂ mi₂güí₃ o₄gú₃ juig₅₄ jme₂dsa₂, ne₄ tē₅juá'₅ ně₃. I₂'éi₂ dsí₃ 'éi'₃ a₂jḡag₃ dsa₂, jaun₂ jáng'₂ dsa₂ o₄gú₃ dsi₂nau₂ ně₃. ³⁴ 'Éi₂ ně₃ a₂lē₁qui₃jmóg'₂, qui₃cuě₃, qui₃'ḡéi₂ dsa₂ ně₃. Jaun₂ guě₄ jḡag₃. La₁ a₂'ni₅ jmig₄, jein'₅₄ bá₄ táng₃.

A₂ca₂mi₃ Jacobo quian'₅₄ Juan₅₄

(Mateo 20:20-28)

³⁵ Jaun₂ ně₃, Jacobo quian'₅₄ Juan₅₄, le₃on₃ ja₁ḡi'₅₄ Zebedeo, ca₂jme₃quiáin₃ ja₁chén'₄ Jesús, jaun₂ ca₂juá'₂:

—Tē₅, 'niog₂ jnia'₅₄ jmó'₂ 'ne₂ dse₃ 'au'₂ a₂jmó'₂ jui₁'e₂ caun₂ a₂mí₁ jnia'₅₄.

³⁶ Jaun₂ ca₂juá'₂ Jesús:

—'E₂ 'niog'₂ 'nia'₂ jmo₅₄ jniá₂ guě'₂?

³⁷ Jaun₂ ca₂juá'₂ táng₃ 'éi₂:

—Jmó'₂ 'io₄ jnia'₅₄ jma₃jáu₃ lia'₂ ca₂ton₂ cau₅ quiáng'₂ jē₁ma₂tě₂ rē₁ne'₅₄ jláng'₁ ne₄ta₁ quiáng'₂.

³⁸ Jaun₂ ca₂ḡag₃ Jesús:

—Tsá₃ a₂jaun₂ ŋi'₅₄ 'nia'₂ a₂mí'₂. ¿Tián'₃ 'nia'₂ dsi₃ŋí'₂ ca₂le₃jě₃ jui₁lia'₂ a₂dsi₃ŋí'₂ jniá₂ guě'₂? ¿Tián'₃ 'nia'₂ cán'₁ o₂l₁ dsi₅ jui₁lia'₂ o₂l₁ dsi₅ can₅₄ jniá₂?

³⁹ Jaun₂ ca₂ŋag₃ táng₃ 'éi₂:

—Tián₂ bá₄ jniá'₅₄.

Ca₂juá'₂ táng₃ Jesús:

—Dsón'₂ bá₄ jaun₂ dsi₃ŋí'₂ 'nia'₂ 'e₂ niog₅ dsi₃ŋí'₂ jniá₂. Ján₃ bá₄ cán'₁ 'nia'₂ o₂l₁ dsi₅ jui₁lia'₂ o₂l₁ dsi₅ can₅₄ jniá₂. ⁴⁰ La₁ jui₁lia'₂ a₂juá'₂ 'nia'₂ a₂tiáng'₄ jma₃ca₂ton₂ cau₅ quió₃, on₃jua'₅₄ jniá₂ ca₂tíng₂ cuě₅₄ a₂jaun₂. Ja₁jaun₂ lě₅ co₂jnia₅₄ a₂tian'₃ con'₂ i₂ca₂tín₂ bá₄.

⁴¹ Riin'₅₄ i₂guian₃ guě₄ 'éi₂ ně₃, ca₂rě₃ 'néi₃ quian'₅₄ Jacobo quian'₅₄ Juan₅₄, jme₁ca₂nág₂ juá'₂ 'éi₂ le₂ně₅. ⁴² Jaun₂ ca₂tě₃ Jesús cau₅ quió'₅ ca₂tě₃ 'éi₂ ca₂le₃jín₃. Jaun₂ ca₂juá'₂:

—Ŋi'₅₄ bá₄ 'nia'₂ jui₁lia'₂ dsa₂ can'₅₄ i₂tián'₅ gon₂ juig₂ go₄ dsi₂nau₂, i₂jín₂ dsa₂ co₂'nió'₄ dsi₂tan₅₄ quiáin₅, qui₂toin'₂ dsa₂ 'éi'₃ bėn₂. Le₂jaun₂ bá₄, jui₁lia'₂ dsi₂tan₅₄ i₂sion₅ guě₄ quiáin₅ ně₃, tián'₅ goin₂ jmo₂₃ 'éi'₃. ⁴³ La₁ jin'₄ 'nia'₂, tsá₃ le₂jaun₂ lé₂. Chi₂jua'₂ 'ein₂ 'nio₃ jmo₃ juin'₂, ca₂tín₂ jme₃ti₃ ta₁ ne₄ riin'₅₄; ⁴⁴ chi₂jua'₂ 'ein₂ 'nia'₂ 'nio₃ cán₂ ne₄ juí₅, 'nió'₅ jme₃ti₃ ne₄ ca₂le₃jín₃ dsa₂. ⁴⁵ Ia₁ le₂ně₅ bá₄ Jaun₅ dsa₂ mi₂güí₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ 'lia'₅₄ ia₁jaun₂ tín'₄ juin₅.

Ca₂jme₃'lión₂ Jesús jan₂ dsa₂ ten₄ i₂chen₂ Bartimeo

(Mateo 20:29-34; Lucas 18:35-43)

⁴⁶ Dsi₃léin₂ juig₂ Jericó. Jme₁o₂'iin₃ juig₂ jaun₂ quiaín'₅₄ chi'₂ dsi₂guia₃-tín₂ quiáin₅, juin₅ guě₄ dsa₂ sián'₂ ně₃ quiong'₅₄, jaun₂ jan₂ dsa₂ ten₄ i₂chen₂ Bartimeo, (co₂'nió'₄ le₃jua'₅₄ ja₁ŋi'₅₄ Timeo), guá₅ 'éi₂ cau₅ juí₅ mi₂₃ a₂jme₃'o₅₄ dsa₂ cu₄. ⁴⁷ Jme₁ca₂nág₂ juá'₂ dsa₂ ŋó₅ Jesús i₂chan₂ Nazaret cau₅ jaun₂, jaun₂ ca₂'í₃ co₂mi'₅₄ tě'₂ Jesús:

—iJesús, tsi₁jon₂ David, dsia₄ néi₂ 'au'₂ jniá₂!

⁴⁸ Jaun₂ ca₂jí₂ bá₄ dsa₂ ia₁jaun₂ dsó₃ tei₄. La₁ tě₂le₃ i₂juí'₂ guě₄ co₂mi'₅₄ ca₂'í₃ bá₄, ca₂juá'₂:

—iTsí₁jon₂ David, dsia₄ néi₂ 'au'₂ jniá₂!

⁴⁹ Jaun₂ ca₂nau₂ Jesús jme₁ca₂nág₂, jaun₂ ca₂tsí'₃ dsa₂ i₂quiaín'₅₄:

—Te'₂ 'nia'₂ o₁jia₂ ja₁lá₃.

Jaun₂ ca₂tě₃ dsa₂, ca₂juá'₂:

—Jmo₄ 'io'₂. Nau₂, ia₁ ó₃ tě₂.

⁵⁰ Jaun₂ ca₂ton₃ cau₅ 'mi'₂ dsió₂ jme₁chi₁bóin'₅, jaun₂ con'₂ ca₂nau₂ jaun₂ bá₄ co₂chi'₅₄, ca₂ŋó₃ ja₁chén'₄ Jesús.

⁵¹ Jaun₂ ca₂ŋag₃ 'éi₂:

—ǵ'E₂ 'niog'₂ jmo₅₄ jniá₂ o₄quiáng'₂?

Jaun₂ ca₂ŋag₃ táng₃ dsa₂ ten₄:

—Të₅, a₂jnia₅₄ jme₁ne₃ bá₄ jniá₂ 'nio₃.

⁵² Jaun₂ ca₂juá'₂ Jesús:

—Ma₂lé₂ guang'₅₄. Ma₂'lóng'₂ ia₁ 'éng'₂ bá₄.

Dsi₂jui₅ jaun₂ bá₄ ca₂jnia₃ mi₂ne₄ dsa₂ 'éi₂. Jaun₂ ca₂ŋó₃ quiaín'₅₄ Jesús.

11

Ca₂'í₃ Jesús jë₄ juig₂ Jerusalén

(Mateo 21:1-11; Lucas 19:28-40; Juan 12:12-19)

¹ Jme₁ma₂quián₅ dsi₁lén₂ Jerusalén, dsi₃lén₂ quián₅ juig₂ Betfagé quian'₅₄ juig₂ Betania ně₃, a₂niog₅ cau₅ Má'₂ Olivos. Ja₁jaun₂ ca₂chen₃ Jesús on₃ dsa₂ i₂guia₃-tín₂ quiaín₅, ² ca₂juá'₂:

—O₂nó'₅ 'nia'₂ juig₂ pí'₁ niog₅ të₂le₃ ne₄ jui₅ ja₁dsau₅₄ ně₅. Jë₁ma₂ca₂dsi₃nó'₅ 'nia'₂ ja₁jaun₂, dsian'₂ 'nia'₂ jan₂ bú'₄ 'mí₂ i₂rë₂'ŋe'₅₄ i₂tsá₃ 'ein₂ ma₂co₁dsag₅₄. O₂chein'₅₄ 'nia'₂ jaun₂ të'₅₄ ja₁lá₃. ³ Në₁ja₂ 'ein₂ ca₂juá'₂: “ǵ'E₂ lë₃ jmo'₂ 'nia'₂ le₂në₅?” jaun₂ juig'₅₄ 'nia'₂: “Te₁gui'₅₄ bá₄ 'nio₃ ca₂tiá₂, la₁ ně₃ cón'₅ bá₄ jáng'₂ táng₃.”

⁴ Jaun₂ i₃lén₂ dsa₂ 'éi₂. Jme₁ca₂dsi₃lén₂ ja₁chén'₄ bú'₄ rë₂'ŋe'₅₄ jë₄ calle cau₅ o₄'né₄ quió'₅ dsa₂, jaun₂ ca₂chéi'₂ jaun₂ ně₃. ⁵ Jaun₂ ca₂juá'₂ i₂lin₅₄ dsa₂ i₂ca₂jág₃, i₂tión₂ cau₅ jaun₂:

—ǵ'E₂ jmo'₂ 'nia'₂ ja₁në₅? ǵ'E₂ lë₃ tsing'₅₄ bú'₄?

⁶ Jaun₂ ca₂jéin'₃ bá₄ guë'₂ 'éi₂ jág₁ lia'₂ lë₅ jág₁ ca₂cuë₃ Jesús. Jaun₂ ca₂cuë₃ bá₄ dsa₂ jmig₄ të₂ já'₂. ⁷ Jaun₂ jme₁o₃lein₃ te₂ bú'₄, ca₂i₁jio₃ ja₁'en₅₄ Jesús, jaun₂ ca₂jmo₃ dse₃ qui₂ca₂lág₂ 'mi'₂ mi₂ca'₄ já'₂. Jaun₂ guë'₄ ca₂co₃dsag₅₄ Jesús. ⁸ Juin₅ dsa₂ qui₂ca₂néi'₃ 'mi'₂ le₂'i₄ jui₅ ja₁ŋí₃ Jesús. I₂lin₅₄ guë'₂ ca₂dsia₃ gu'₂-nei'₅₄ 'ma₂ a₂ca₂i₁'niai₁₂ ja₁nau₂.

⁹ Jaun₂ dsa₂ i₂lén₂ le₃ne₄ jui₅ quian'₅₄ i₂ja₂lén₂ le₃chi₁co'₅₄ ně₃, qui₂ca₂tóin'₂ co₂mi'₅₄, ca₂juá'₂:

—jui₁le₂juin'₂ bá₄ i₂në₅!* jui₁le₂jñi₃ bá₄ i₂në₅ i₂já₅ o₄quió'₄ Te₁gui'₅₄!† ¹⁰ jui₁le₂jñi₃ bá₄ 'éi'₃ a₂já₅ quió'₅ jmei₂ jniog₄ David ně₃! jui₁le₂juin'₂ bá₄ i₂guá₅ guei'₅₄ i₂juíg₃!

¹¹ Jme₁ca₂'í₃ Jesús juig₂ Jerusalén, jaun₂ ca₂'í₃ i₁dsi₅ guá'₅ templo. Jme₁ma₂në₂jág₃ 'a₂ lia'₂ lë₅ ja₁jaun₂, ca₂o₃'ín₃, ca₂ŋái'₃ táng₃ jui₅ Betania quiaín'₅₄ ca₂le₃jín₃ chi'₂ dsi₂guia₃-tín₂ quiaín₅, ia₁ ma₂ca₂'láu₂.

* **11:9** lit. “Hosana”, a₂jein₅ jág₁ quian'₅₄ jág₁ jmei₅ arameo: “Lio₄ jnia'₅₄”, co₂'nió'₄ a₂qui₂mi₅ dsa₂ ne₄ Diú₄ a₂jíá₃ I₂rë₂'ín₁ quiaín₅; la₁ cang₂ jaun₂ táng₃ ca₂jein₅ jág₁ a₂jme₂juin'₂ dsa₂ jan₂ dsa₂. † **11:9** Salmo 118:25-26.

Ca₂juá'₂ Jesús jág₁ uig₅ ca₂tsí'₃ ni₁'ma₂ higuera a₂tsá₃ míg₂ cha₂
(Mateo 21:18-19)

¹² Jme₁nia₃ jaun₂, con'₂ ma₂'u_iin₂ táng₃ juig₂ Betania, ca₂tá'₂ i₁cón'₅ Jesús. ¹³ Jaun₂ ca₂jág₃ tē₂ uíng₂ caun₂ ni₁'ma₂ higuera, lia'₂ rē₂can'₂ mog'₅₄ jniá₂ chí'₅. Jaun₂ ŋó₃ 'uig₅₄ ja₁dsi₅₄, ia₁ lín₂ jme₁dsio'₂ míg₂. La₁ jme₁dsióg₃ ně₃, jmá'₃ mog'₅₄ bá₄ cha₂, ia₁ on₃jua'₅₄ jein₂ a₂'ag₅ míg₂ higos jaun₂. ¹⁴ Jaun₂ ně₃ ca₂juá'₂ Jesús ca₂tsí'₃ ni₁'ma₂:

—Ju₁le₅₄ ca₂lia'₂ o₁líg'₂ jmig₄ tsá₃ ma₃'ein₂ guě'₃ co₂ŋei'₅₄ míg₂ quiáng'₂.

Ca₂nág₂ bá₄ chí'₂ dsi₂guia₃-tín₂ jme₁ca₂juá'₂ le₂ně₅.

Ca₂'u_in'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅
(Mateo 21:12-17; Lucas 19:45-48; Juan 2:13-22)

¹⁵ Jme₁ca₂dsi₃lén₂ táng₃ juig₂ Jerusalén, ca₂'í₃ Jesús i₁dsi₅ guá'₅ templo, ca₂jme₃lióg₃ ca₂'u_in'₂ ca₂le₃jín₃ dsa₂ i₂jme₁tion'₅₄ 'nag₅, i₂lá₅ ně₃. Jaun₂ qui₂ca₂jéin'₃ ni₁mesa jme₁jmo'₂ dsa₂ ta₁ ja₁jme₂tsiín₃ cu₄, qui₂ca₂quí'₂ 'ma₂si₅₄ ja₁jme₁tián'₄ dsa₂ i₂'ni₅ i₁ju₂; ¹⁶ tsá₃ ma₃ca₂cuě₃ jmig₄ jua'₅₄ a₂dsi₃can₅ guě₄ dsa₂ lio₄ quió'₅ i₁dsi₅ guá'₅.

¹⁷ Jaun₂ ca₂jme₃tiín₂₃ dsa₂ 'éi₂, ca₂juá'₂:

—Ne₄ Si₂ juá'₂: “Né₅ quió₃ lě₅ ca₂ne₅₄ 'né₅ ja₁chi₂lén'₂ dsa₂ Diú₄, dsa₂ chan₂ ca₂le₃jě₃ juig₂.”† La₁ 'nia'₂ ně₃ ma₂jmo'₅₄ ně₂jag₄ bá₄ tē₂'lau₂ quió'₅ dsa₂ 'ang₂.§

¹⁸ Jaun₂ juig₅₄ jme₂dsa₂ quian'₅₄ tē₅juá'₅ ně₃ ca₂nág₂ jág₁ ně₅. Jaun₂ ca₂jme₃lióg₃ ca₂'náu'₃ ju₁₅ 'a₂ lia'₂ jñag'₃, ia₁ gó'₅ con'₂ tsá₃ ŋó₅ ně₁jua'₂ 'éi₂ bá₄ jme₃gón₃ lé₂, ia₁ ju₁₅ lín₃ dsa₂ nag₅ dsi₂gó'₃ dsí₅ jág₁ a₂jme₂tag₅ Jesús. ¹⁹ Tē₂le₃ ca₂nei₂ jmig₄ jaun₂, ca₂'u_in₂* juig₂ jaun₂.

Ca₂rě₃quéin₃ ni₁'ma₂ higuera
(Mateo 21:20-22)

²⁰ Jme₁nia₃ jaun₂, ca₂ŋi₅ táng₃ ju₁₅ ja₁dsi₅₄ ni₁'ma₂ higuera. Jaun₂ ca₂jág₃ co₂dsia₅ ma₂quein₂ ca₂tē₂ cho'₅₄. ²¹ Jaun₂ ca₂dsáu'₃ dsí₅ Pe₄, jaun₂ ca₂tsí'₃ Jesús:

—Tē₅, jag₄ ni₁'ma₂ a₂ca₂chei'₅₄ uig₅. Co₂dsia₅ ma₂ca₂rě₃quéin₃.

²² Jaun₂ ca₂ñag₃ Jesús ca₂tsí'₃ dsa₂:

—Én₃ 'nia'₂ tē₂le₃ quió'₅ Diú₄. ²³ A₂dsi₂jó'₃ juig₂ jniá₂ 'nia'₂, ju₁'ein₂ guě₃ juá'₂ tsí'₃ ni₁má'₂ ně₅: “Jñag'₃ ja₁ně₅, o₂'ú₅ jm₁i₁ŋí'₄”, le₂jaun₂ dsón'₂ le₃ti₃ bá₄, ně₁jua'₂ tsá₃ ca₂'ág₂ caun₂-tín₃ dsí₅. ²⁴ Jaun₂ lě₃, juá'₅ jniá₂, ju₁'e₂ guě₃ a₂mi'₂ 'nia'₂ jme₁chi₂leng'₅₄ Diú₄, ně₁jua'₂ jmo'₂ 'nia'₂ 'au'₂ ně₂jag₄ bá₄ a₂ma₂ně₂gue'₅₄ 'e₂

† 11:17 Isaías 56:7. § 11:17 Jeremías 7:11. * 11:19 A₂lin₅₄ chog₅₄ si₂ juá'₂: “ca₂o₃'iín₃.”

a₂mi'₂, le₂jaun₂ dsón'₂ le₃ti₃ bá₄ ja₁con'₂ 'nia'₂. ²⁵ Jē₁ma₂tě₂ rē₁náu'₁ 'nia'₂ chi₁léng'₄ Diú₄, nē₁jua'₂ cha₂ 'nei'₂ 'au'₂ 'nia'₂ ja₁con₂ ríng'₂, 'én₃ 'nia'₂ dsáu₁ ríng'₂, ia₁jaun₂ bá₄ Néi'₅ 'nia'₂ i₂guá₅ guei'₅₄ i₂juíg₃ 'éin₂ dsáu'₂ 'nia'₂ guiong'₅₄.†

Jesús bá₄ i₂'io₅ 'éi'

(Mateo 21:23-27; Lucas 20:1-8)

²⁷ Ca₂dsi₃léin₂ táng₃ juig₂ Jerusalén. Jaun₂ jme₁ma₂ŋi₅ Jesús i₁dsi₅ guá'₅ templo, jaun₂ ca₂jme₃quián₃ juig₅₄ jme₂dsa₂, tē₅juá'₅, dsi₂gui'₅₄ can'₅₄ ně₃. ²⁸ Jaun₂ ca₂ŋag₃ dsa₂ 'éi₂ ca₂ŋi'₃ Jesús:

—¿'E₂ ta₁ lín'₅ 'ne₂ a₂jmo'₂ ca₂le₃jě₃ 'e₂ a₂jmo'₂ ŋi'₂? ¿'Ein₂ cuē₅ bí₂ 'éi'₃ a₂jmo'₂ le₂ně₅?

²⁹ Jaun₂ ca₂ŋag₃ Jesús:

—Ján₃ bá₄ ŋag₄ jniá₂ caun₂ 'nia'₂. Nē₁jua'₂ ca₂ŋag'₅₄ 'nia'₂ lia'₂ tí₅, jaun₂ guē₄ juá'₄ jniá₂ 'ein₂ cuē₅ bí₂ a₂jmo₂₃ ca₂le₃jě₃ a₂jmo₂₃. ³⁰ Jui₁lia'₂ a₂ca₂chon₃ Juan₅₄ jmig₂ dsa₂, ¿'ein₂ quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂ mi₂güig'₃ 'e₂? ŋag₄ 'nia'₂.

³¹ Jaun₂ ca₂dsia₃ dsa₂ can'₅₄ jág₁ con'₂ guioin₅₄, ca₂juá'₂:

—Nē₁jua'₂ ca₂chei₅₄ jniog₄ 'éi'₃ quió'₅ Diú₄ bá₄, ně₃ cón'₅ bá₄ ŋag₃: “¿'E₂ lē₃ tsá₃ ca₂rē₃'én'₂ 'nia'₂ jág₁ quió'₅ 'éi'₂?” ³² ¿La₁ nē₁jua'₂ ca₂chei₅₄ jniog₄ 'éi'₃ quió'₅ dsa₂ mi₂güig'₃ bá₄...?

La₁ ca₂rē₃gain₃ ca₂le₃jín₃ dsa₂ i₂quian'₅₄ Jesús. Ia₁ ca₂le₃jín₃ dsa₂ jme₁'éin₂ a₂jme₁lín₄ Juan₅₄ tē₃dsón'₂ jan₂ dsa₂ i₂'ē₂ jág₁ quián₅ Diú₄. ³³ Jaun₂ ca₂ŋag₃ dsa₂ can'₅₄ ca₂tsí'₃ Jesús:

—Tsá₃ a₂jaun₂ ne₄ jnia'₅₄.

Jaun₂ ca₂ŋag₃ táng₃ Jesús:

—Ján₃ bá₄ tsá₃ juá'₄ jniá₂ 'ein₂ cuē₅ bí₂ 'éi'₃ a₂jmo₂₃ ca₂le₃jě₃ 'e₂ a₂jmo₂₃ ŋi'₂₃.

12

Jág₁ jáng'₅ léi₄ jui₁lia'₂ co₂nió'₃ dsa₂ 'lín'₅₄ i₂jmó'₂ ta₁ ja₁nau₂

(Mateo 21:33-46; Lucas 20:9-19)

¹ Jaun₂ ca₂jme₃lióg₃ Jesús ca₂juá'₂ quian'₅₄ jág₁ a₂jáng'₅ léi₄. Ca₂juá'₂:

—Jme₁chan₂ jan₂ dsa₂ ca₂chéin'₃ uing₂ a₂'ag₅ mīg₂ uvas ja₁nau₂ quió'₅. Jaun₂ ca₂jmo₃ jni'₁ le₃lág'₃. Jaun₂ ca₂jmo₃ co₂jŋia₅₄ ja₁jlein'₃ mīg₂. Jaun₂ ca₂chi'₃ caun₂ tsi₁'né₅ ŋei₅ ja₁guá₃ jmo₃ 'í₁.

Jaun₂ ca₂lí'₃ jág₁ quian'₅₄ dsa₂ sián'₂ i₂nio₃ ne₄ ja₁nau₂, Jaun₂ ca₂ŋó₃ bá₄ 'ŋiog₅ i₂ŋi'₃ juig₂ siá'₂. ² Jme₁ca₂tě₂ jein₂ a₂ca₂rau₂

† 11:25 A₂lín₅₄ chog₅₄ si₂ chi₁ton₅ versículo 26 ján₃, a₂juá'₂ le₂la₂: “Ia₁ nē₁jua'₂ tsá₃ 'én'₅ 'nia'₂ dsáu₁ ríng'₂, ján₃ bá₄ le₂jaun₂ tsá₃ 'én₂ Néi'₅ 'nia'₂ i₂guá₅ guei'₅₄ i₂juíg₃ dsáu'₂ 'nia'₂ guiong'₅₄”.

míg₂, jaun₂ ca₂chen₃ dsa₂ juig₅₄ ja₁nau₂ jan₂ dsa₂ mozo quiáin₅
 a₂jme₁i₂mí₃ a₂jáng'₃ dsa₂ ca₂dsio₄ mīg₂ con'₂ a₂ca₂tín₂ dsa₂
 juig₅₄. ³ Dsa₂ jmó'₂ ta₁ ja₁nau₂ ně₃, 'nió'₄ a₂jme₁cuě₃ a₂mi₅ dsa₂
 'éi₂, ca₂jñau'₃, ca₂cuě'₃ dsa₂ 'éi₂ tioin'₅₄, ca₂dsióg'₂ bá₄, tsá₃ 'e₂
 ca₂jáng'₃ a₂jme₁mi₅ 'éi₂. ⁴ Dsa₂ juig₅₄ ja₁nau₂ ně₃ ca₂chein₃ táng₃
 jan₂ dsa₂ mozo sián'₂. I₂'éi₂ ně₃, ca₂cuí'₂ mi₂dsi₅₄, ca₂jmóg'₂ dsa₂
 'éi₂, jě₂ bá₄ ca₂tě₂ca₂'o'₂. ⁵ Jaun₂ dsa₂ juig₅₄ ja₁nau₂ ně₃ ca₂chein₃
 bá₄ guě₄ jan₂ dsa₂ sián'₂ táng₃, la₁ i₂'éi₂ guě₄ ně₃ ca₂jñi'₃. Juin₅
 guě₄ i₂sián'₂ ca₂i₁len₅₄ ján₃. I₂lin₅₄ 'éi₂ qui₂ca₂cuě'₃, i₂lin₅₄ guě'₂
 ca₂jme₃dsiain₂₃ tioin'₅₄.

⁶ 'Dsa₂ juig₅₄ ja₁nau₂ ně₃ jme₁chan₂ guě₄ jan₂ ja₁ñi'₅₄
 i₂jme₁'noi₃ guě₄ lin₃. Jaun₂ ca₂chein₃ 'éi₂, ia₁ llin₂: "Jme₃gan₃
 dsa₂ chi'₂ quiáng₃." ⁷ La₁ dsa₂ tion'₅₄ ja₁nau₂ ně₃, ca₂dsia₃: "I₂ně₅
 bá₄ tin₃ ja₁nau₂ la₂ cang₂; ně₃ o₁jñi'₄ jniog₄, ia₁jaun₂ jniog₄ bá₄
 lé₂ quián₂". ⁸ Jaun₂ le₂jaun₂ bá₄ ca₂jmo₃. Ca₂jñi'₃ bá₄ 'éi₂ tioin'₅₄.
 Jaun₂ ca₂dsei₂₃ le₃co'₅₄ jñi₁.

⁹ 'Jaun₂, ċ'e₂ jmo₃ dsa₂ juig₅₄ ja₁nau₂? Jñiói'₂ jme₃dsiain₂₃
 ca₂le₃jín₃ dsa₂ i₂tion'₅₄ jmó'₂ ta₁ ja₁nau₂ quió'₅, jaun₂ dsia₃ gu₂
 dsa₂ sián'₂ táng₃.

¹⁰ 'ċTsa₁ ma₂'í'₂ 'nia'₂ Si₂ ja₁juá'₂:
 Ni₁cang₁ a₂tsá₃ ca₂rě₃jí'₅₄ tě₅'ia'₂,
 ca₂dsióg₃ ca₂lě₃ ni₁cang₁ a₂dsen₅₄ guě₄
 a₂tě₁ron₅₄ qui'₅₄ 'ia'₂;

¹¹ con'₂ ně₅ lě₅ ca₂jmo₃ Te₁gui'₅₄,
 jaun₂ 'ñio₅ lin₃ bá₄ jlá'₁, lág₂ jniog₄?*

¹² Jaun₂ jme₁'no'₂ dsa₂ jui₅ a₂jme₁tsáun'₂, ia₁ ca₂rě₃lí'₄ bá₄
 guioin₅₄ a₂juá'₂ Jesús jág₁ jáng'₅ léi₄ ně₅ a₂'iin₂₃ 'éi₂ bá₄. La₁
 ca₂rě₃gain₃ bá₄ dsa₂ juin₅ i₂quian'₅₄ Jesús. Jaun₂ i₂lein₃ bá₄, tsá₃
 ma₃ca₂jñau'₃.

Jág₁ jui₁lia'₂ 'lia'₅₄ a₂ca₂tín₂ dsi₂tan₅₄
(Mateo 22:15-22; Lucas 20:20-26)

¹³ Jaun₂ ca₂chen₃ dsa₂ can'₅₄ i₂lin₅₄ dsa₂ fariseos, quian'₅₄
 i₂lin₅₄ dsa₂ quián₅ Rag₅₄ Herodes a₂dsi₃chi'₅₄ 'e₂ dsi₃chi'₅₄ Jesús,
 ia₁jaun₂ cuin₅ jmig₄ jo₅₄ jui₁lia'₂ bá₄ 'ñiá₃ ca₂jon₄ jág₁ 'lia'₂.
¹⁴ Jaun₂ ca₂o₃lėin₂ ca₂juá'₂:

—Tě₅, ne₄ bá₄ jnia'₅₄ a₂dsón'₂ bá₄ juá'₂ 'ne₂ lia'₂ tí₅ jág₁. Jaun₂
 tsá₃ can'₂ 'ne₂ jág₁ jua'₅₄ a₂quian'₅₄ o₂i₁ dsi₅ 'e₂ 'ag₅ dsa₂, ia₁ tsá₃
 gang'₃ jmag'₅₄ jui₁lia'₂ dsa₂ dsen₅₄ ně₃. Caun₂ qui₂jme₂tíng'₁ bá₄
 dsa₂ jui₅ quió'₅ Diú₄. ċ'I₄ 'éi'₃ qui₅₄ 'lia'₅₄ a₂ca₂tín₂ dsi₂tan₅₄ César?
 ċ'Nió'₅ qui₅₄ o₃ tsá₃ qui₅₄ 'e₂?

¹⁵ La₁ ñi₅ rě₂ bá₄ Jesús a₂lě₁i₂nio₄ juá'₂ o₁ne₁ bá₄ dsa₂ 'éi₂. Jaun₂
 ca₂juá'₂:

* 12:11 Salmo 118:22-23.

—¿E₂ lē₃ cáun¹₂ 'nia'₂ táu₂ jniá₂? O₂ quian₂ de²₂ 'nia'₂ caun₂ cu₄ denario jaun₂ jág₄ jniá₂.

16 Jaun₂ ca₂i₁quian₅₄ dsa₂. Jaun₂ jme₁ca₂jág₃ Jesús, jaun₂ ca₂ḡag₃:

—¿Ein₂ dsi₂ne₄ chi₁ton₅ ja₁lá₃? ¿Ein₂ quió'₅ letra ně₃?

Jaun₂ ca₂ḡag₃:

—Quió'₅ gui'₅₄ emperador César bá₄.

17 Jaun₂ ca₂juá'₂ táng₃ Jesús:

—Jang'₅₄ 'nia'₂ ne₄ César con²₂ a₂ca₂tín₂ César; ne₄ Diú₄ ně₃ jang'₅₄ 'nia'₂ con²₂ a₂ca₂tín₂ Diú₄.

Jaun₂ ca₂i₃gó'₃ dsí₅ jīn₂ 'éi₂.

Ca₂ḡag₃ dsa₂ saduceos ju₁lia'₂ a₂jen'₅₄ 'lag₄

(Mateo 22:23-33; Lucas 20:27-40)

18 Jaun₂ ca₂o₃lén₂ i₂lín₅₄ dsa₂ saduceos ca₂o₃jīn₅₄ Jesús. Ia₁ tsá₃ 'én₂ dsa₂ 'éi₂ a₂jen'₅₄ táng₃ dsa₂ jē₁ma₂dsain₃. Jaun₂ ca₂tsí'₃ Jesús:

19—Tē₅, ca₂quiog₂ Moisés si₂ a₂juá'₂, ně₁jua'₂ ca₂jon₃ jan₂ dsa₂ ḡe'₂ tē₃ tsá₃ ca₂can₃ 'io₅₄ quiáin₅ guein₂, tion'₅₄ 'nió'₅ jén'₂ gu₂ dsó₂ rin'₅₄ dsa₂ ḡe'₂ i₂ca₂jon₃ quiain'₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió'₄ tsi₁jon₂ 'lag₄ riin'₅₄.†

20 'Ia₁ jme₁chan₂ guion₃ dsa₂ ḡe'₂ i₂lín₅ jmá'₃ lia'₂ rin'₅₄. Ca₂jen'₂ gu₂ i₂le₂uig₅₄, la₁ ca₂join₃ bá₄ tē₃ tsá₃ guein₂ ca₂can₃ 'io₅₄ quiáin₅. 21 Jaun₂ ca₂jen'₂ táng₃ gu₂ 'io₅₄ 'nág₂ 'éi₂ quiain'₅₄ jē₁ca₂tē₂ on₃. Ján₃ bá₄ le₂jaun₂ ca₂jon₃ táng₃ dsó₂ 'éi₂, tsá₃ guein₂ ca₂can₃ 'io₅₄. Ján₃ bá₄ le₂jaun₂ ca₂lē₃ quian'₅₄ jē₁ca₂tē₂ ún₂.

22 Le₂jaun₂ bá₄ ca₂lē₃ quian'₅₄ ta₁guion₃ dsa₂ ḡe'₂ con²₂ i₂jme₁lē₄ rin'₅₄: ca₂dsain₃ bá₄ tē₃ tsá₃ guein₂ ca₂can₃ 'io₅₄ 'i₁jan₂ quiain'₅₄ 'i₁jan₂ dsó₂ 'éi₂. Jaun₂ ca₂jon₃ 'io₅₄ jme₁ca₂join₃ ně₃. 23 Jaun₂ ně₃, jmig₄ jē₁ma₂tē₂ rē₁jen'₅₄ 'lag₄, ¿ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guē'₂ dsa₂ ḡe'₂ ca₂guá₂ quiain'₅₄.

24 Jaun₂ ca₂ḡag₃ Jesús:

—'E₂ guē₄ tsá₃ rē₂ ḡí'₂ 'au'₂ 'nia'₂, ia₁ a₂tsá₃ cuin'₂ 'nia'₂ 'a₂ lia'₂ juá'₂ Si₂, on₃ guē'₂ cuin'₂ 'nia'₂ 'a₂ lia'₂ lē₅ jui₅bí₂ quió'₅ Diú₄. 25 Jē₁ma₂tē₂ jmig₄ a₂jen'₅₄ 'lag₄, on₃jua'₅₄ a₂le₃chain₂ jua'₅₄ a₂qui₃jén'₂ guē₄ gu₂, on₃ guē'₂ ně₅ tóin'₃ guē₄ jua'₅₄ a₂qui₃cuin₃ chi'₂ quiáin₅ a₂jén'₂ gu₂, ia₁ i₂lén₂ ju₁lia'₂ lín₅ ángeles i₂tion'₅₄ guei'₅₄ i₂juig₃ bá₄ 'éi₂ jmig₄ jaun₂. 26 La₁ jui₁lia'₂ a₂jen'₅₄ táng₃ 'lag₄, ¿tsa₁ ma₂í'₂ 'nia'₂ Si₂ quió'₅ Moisés jui₁lia'₂ ja₁juá'₂ 'ē₂₃ ni₁'ma₂ taun₅, ja₁ca₂juá'₂ Diú₄ ca₂tsí'₃ Moisés: “Jniá₂ bá₄ líng₅ Diú₄ quián₅ Abraham, quián₅ Isaac, quián₅ Jacob ně₃?”‡

† 12:19 'Nio'₂ ja₁ton₅, Deuteronomio 25:5-6. ‡ 12:26 Éxodo 3:6.

27 A₂lín₅ Diú₄ quian₅ dsa₂ jén'₃ bá₄, on₃jua'₅₄ rē'₂ Diú₄ quián₅ 'lag₄. Jaun₂ 'nio₅ lin₃ tsá₃ rē₂ nī'₂ 'au'₂ 'nia'₂.

‘Éi'₃ Juá'₅ a₂dsen₅₄ guě₄ quió'₅ Diú₄

(Mateo 22:34-40)

28 Jaun₂ ca₂guan₃ jan₂ tē₅juá'₅, ca₂nág₂ jág₁ a₂tsin₅ Jesús quian'₅₄ dsa₂, ca₂rē₃lí'₄ bá₄ a₂ca₂ḡag₃ Jesús lia'₂ tí₅ jág₁. Jaun₂ ca₂ḡag₃:

—Ĉ'E₂ 'Éi'₃ Juá'₅ a₂le₂'uig₅₄ a₂lē₅ a₂dsen₅₄ guě₄ con'₂ guě₄ ca₂le₃jě₃ juá'₅?

29 Jaun₂ ca₂ḡag₃ Jesús:

—‘Éi'₃ Juá'₅ le₂'uig₅₄ con'₂ guě₄ ca₂le₃jě₃, juá'₂: “Nei₂ 'nia'₂ dsa₂ chan₂ juig₂ Israel. Jan₂ Te₁gui'₅₄ bá₄ lín₅ Diú₄ quián₂ jniog₄. 30 Jme₁'nió₄ 'nia'₂ Te₁gui'₅₄ Diú₄ quiáng'₂ ca₂le₃jě₃ 'au'₂, ca₂le₃jě₃ jme₂dsí₂ quiáng'₂, ca₂le₃jě₃ 'a₂ lia'₂ nī'₂ dsei'₂, ca₂le₃jě₃ bí₂ quiáng'₂.” Š 31 Jē₁ca₂tē₂ tin₃ juá'₅ nē₃ juá'₂: “A₂jme₁'nióg'₄ dsa₂ mi₂güig₃ ring'₂ jui₁lia'₂ 'niog'₂ 'ḡiag'₂.”* Jnia'₅₄ lia'₂ a₂tin₃ nē₅ bá₄ juá'₅ a₂lē₅ a₂dsen₅₄ guě₄ con'₂ guě₄ ca₂le₃jě₃ 'Éi'₃ Juá'₅ quió'₅ Diú₄.

32 Jaun₂ ca₂ḡag₃ tē₅juá'₅ 'éi₂:

—Tē₅, 'nio₅ dse₃ lia'₂ nē₂ḡag'₅₄; a₂dsón'₂ bá₄ dsau₅ jan₂ bá₄ Diú₄ i₂chan₂, tsá₃ ma₃ein₂ diú₄ sián'₂ chan₂. 33 A₂jaun₂ bá₄ a₂dsen₅₄ guě₄ a₂jme₃'nio₃ dsa₂ Diú₄ ca₂le₃jě₃ dsí₅, ca₂le₃jě₃ jme₂dsí₂, ca₂le₃jě₃ bí₂ quió'₅; a₂jme₃'nio₃ dsa₂ riin'₅₄ jui₁lia'₂ 'nioi₃ 'ḡiog₅. A₂jaun₂ bá₄ a₂quen₅ guě₄ con'₂ guě₄ ca₂le₃jě₃ 'e₂ niog₅ jén'₅ dsa₂ ne₄ Diú₄, o₃ 'e₂ a₂qui₂dsí'₂ dsa₂ ne₄chei₂ nē₃.

34 Jaun₂ jme₁ca₂nág₂ Jesús ca₂ḡag₃ bá₄ dsa₂ 'éi₂ a₂nī'₂ dse₃ dsí₅, jaun₂ ca₂juá'₂:

—Tsá₃ uing₂ nī'₂ ja₁gon₂ Diú₄.

Jaun₂ tē₂le₃ ne₄ jui₅ guě₄ jaun₂, tsá₃ ma₃ein₂ ca₂tiá₂ dsí₅ jua'₅₄ a₂ḡag₃ guě₄ 'e₂ ḡag₃.

Ĉ'Ei₂ tsi₁jon₂ quián₅ lín₅ I₂rē₂'ín₁ quián₅ Diú₄?

(Mateo 22:41-46; Lucas 20:41-44)

35 Jaun₂ ca₂jéin'₃ Jesús jág₁ jē₄ jme₂tiin₂₃ dsa₂ i₁dsi₅ guá'₅ templo, jaun₂ ca₂juá'₂:

—Ĉ'A₂ lia'₂ lē₅ juá'₂ tē₅juá'₅ a₂lín₅ tsi₁jon₂ David I₂rē₂'ín₁ quián₅ Diú₄, 36 ton'₂ 'ḡiog₅ bá₄ guē'₂ David ca₂juá'₂ lia'₂ con'₂ jme₁ca₂'í₃ Jme₂dsí₂ Jnió₅ tē₂dsí₅:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

ca₂lia'₂ ca₂tē₂ jmig₄

a₂tón'₁ jniá₂ dsa₂ i₂'iog₅₄ o₄tag'₄”?†

³⁷ ʔ_{A2} bá₄ lia'₂ lě₅ jaun₂ a₂lín₅ tsi₁jon₂ David, ton'₂ 'ŋiog₅ bá₄ guě'₂ David ca₂tě₃ “Te₁gui'₅₄ quiáng₃?”

Ca₂le₃jín₃ dsa₂ juin₅ 'éi₂ jme₁na₂₃ 'ŋio₂ dsí₅ já_{g1} quió'₅.

Chóg'₅ Jesús dso₄ juá'₂ 'a₂ lia'₂ niog₅ lín₅ tē₃juá'₅

(Mateo 23:1-36; Lucas 11:37-54; 20:45-47)

³⁸ Tě₃jě₄ jme₂tiin₂₃ dsa₂, ca₂juá'₂:

—Ŋí₂ 'nia'₂, jmo₄ 'nia'₂ 'í₁ tsá₃ i₂can₂ 'nia'₂ jui₅ jui₁lia'₂ niog₅ lín₅ tē₃juá'₅. Ia₁ tē₅ dsí₅ i₂noi₅₄ le₁qui'₂ 'mí'₂ chen'₅₄ jang₄, ton'₂ tē₅ dsí₅ qui₂cuag₃ dsa₂ Diú₄ jě₄ 'ma'₅₄, ³⁹ ton'₂ jmá'₃ lia'₂ ja₁dsen₅₄ bá₄ qui₂dsi₂tiain'₂ jui₁lia'₂ dsi₂néi₂ guá'₅ sinagoga, ton'₂ jmá'₃ lia'₂ ja₁dsen₅₄ bá₄ dsi₂toin'₅₄ ja₁dsi₂guě'₃ jui₁lia'₂ ja₁niog₅ jmig₄. ⁴⁰ Qui₂jniá'₂ 'ne₄ 'io₅₄ 'nág₂ ně₃, jaun₂ a₂ŋia'₅₄ con'₂ 'ma₂₃ jlě₅ a₂jmo₂₃ jaun₂, chi₂lén'₂ Diú₄ uě₂ lín₃ tē₃jín₄ dsa₂. La₁ 'e₂ guě₄ uig₅ cuě₃ Diú₄ quió'₅ i₂le₂'éi₂.

Ca₂tó'₂ 'io₅₄ 'nág₂ te₂ŋé₂ cu₄ quió'₅

(Lucas 21:1-4)

⁴¹ Co₂ráun₂ guá'₅ Jesús i₁dsi₅ guá'₅ cau₅ tsi₁gu₅ ja₁tó'₅ dsa₂ cu₄ ofrenda. Jaun₂ guá'₅ jín₂ dsa₂ i₂dsi₂lén₂ dsi₂tio'₂ cu₄ 'ŋió'₃ tsi₁gu₅. Jaun₂ ně₃, juin₅ dsa₂ cha₂ cu₄ dsi₂lén₂ dsi₂tio'₂ 'lióng₂ cu₄. ⁴² La₁ tē₃jě₄ jaun₂ ca₂dsióg₃ jan₂ 'io₅₄ 'nág₂ te₂ŋé₂. Jaun₂ ca₂tó'₂ tin₃ ŋí₁ guéin₂.[‡] ⁴³ Jaun₂ ca₂tě'₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

—A₂dsi₂jó'₃ juíg₂ jniá₂ 'nia'₂, 'lióng₂ guě₄ ně₂tió'₂ 'io₅₄ 'nág₂ te₂ŋé₂ ně₅, lia'₂ con'₂ guě₄ ca₂le₃jín₃ i₂ma₂ně₂tió'₂ 'ŋió'₃ tsi₁gu₅. ⁴⁴ Ia₁ 'éi₂ ně₃ cu₄ a₂ma₂qui₂rě₂tsón₂ bá₄ jaun₂ quió'₅ cuě₂₃. 'Io₅₄ 'nág₂ ně₅ ně₃, ca₂le₃jě₃ bá₄ ně₂cuě₃, con'₂ a₂jme₁ron₅ quió'₅, 'nió'₄ a₂jme₁lá₃ a₂guě'₃.

13

Ca₂'ě₂ Jesús já_{g1} a₂dsi₃'én₂ bá₄ guá'₅ templo

(Mateo 24:1-2; Lucas 21:5-6)

¹ Con'₂ jme₁ma₂'ein₅₄ jui₅ o₂'iin₅ i₁dsi₅ guá'₅, jaun₂ ca₂juá'₂ jan₂ chi'₂ dsi₂guia₃-tín₂ quiáin₅:

—jTě₅, jag₄ 'e₂ guě₄ jlá'₁ ni₁cang₁ a₂le₁juí₄ a₂lě₅ guá'₅!

² Jaun₂ ca₂ŋag₃ Jesús:

—jág'₂ 'né₅ ca'₅₄ a₂te₁'i₁ ně₅? Já₅ caun₂ jmig₄, 'i₁ca₂míg₂ ni₁cang₁ tsá₃ ma₃'e₂ le₁juí₄ lé₂.

Léi₄ a₂lé₂ jmig₄ jě₁ca₂tó'₂

(Mateo 24:3-28; Lucas 21:7-24; 17:22-24)

[‡] 12:42 lit. “tin₃ ŋí₁ lepta.”

³ Jme₁ca₂dsi₃óg₃ Jesús má'₂ Olivos a₂chí'₅ quióng₄ guá'₅, ja₁jaun₂ ca₂guá'₂. Jaun₂ ca₂guan₃ Pe₄, Jacobo, quia₁in'₅₄ Juan₅₄, Drē₄ ně₃, ca₂tsí'₃ Jesús con'₂ jē₄ tē₃co'₅₄:

⁴—Jua'₅₄ líg'₂ bá₄ le₃ti₃ a₂juá'₂ 'ne₂ ně₅. 'Niog₂jnia'₅₄ le₃ne₄. ¿'E₂ léi₄ a₂lé₂ né'₃ a₂tē₅₄ jmig₄ jaun₂?

⁵ Jaun₂ ca₂ḡag₃ Jesús:

—Jmo₄ 'nia'₂ 'í₁ ia₁jaun₂ tsá₃ 'ein₂ jme₃gau₅. ⁶ Ia₁ juin₅ i₂tē₁i₃nio₄ a₂juá'₂ i₂nioi₅₄ o₄quió₃jniá₂, juá'₂: “Jniá₂ bá₄ líng₅ 'éi₂,” jaun₂ juin₅ dsa₂ i₂qui₂jme₃gain₂₃.

⁷ 'Jē₁ma₂nei'₂ 'nia'₂ 'ei₅ jág₁ a₂nio₃ 'nei₂ a₂quín'₂ dsa₂ ja₁lá₃ ja₁ó₃, la₁ tsá₃ jmó'₁ 'nia'₂ gang'₃, ia₁ le₂jaun₂ dsón'₂ lé₂ bá₄. La₁ on₃jua'₅₄ jmig₄ jē₁ca₂tó'₂ jaun₂. ⁸ Ia₁ nio₃ 'nei₂, qui₃quín'₂ dsa₂ le₂caun₂ le₂caun₂ juig₂ nación; dsi₂tan₅₄ guē'₂ ně₃ qui₃tóin'₃ mi'₅₄ quín'₂ quian'₅₄ dsi₂tan₅₄ riin'₅₄ i₂chan₂ juig₂ siá'₂. 'Lióng₂ ja₁qui₂dsi₃bi₅₄ 'uē₃ lé₂, ton'₂ le₃cha₂ 'líóng₂ ja₁qui₂i₂nio₄ dsa₂ 'oin₅₄. A₂le₂'uig₅₄ jmi₁uig₅ bá₄ guē'₄ ně₅, ju₁lia'₂ jan₂ 'io₅₄ i₂rē₂chan₂ guein₂ quián₅.

⁹ 'Rē₂ján'₁ 'nia'₂ chang'₂, ia₁ qui₃jín'₂ dsa₂ 'nia'₂ ne₄ dsi₂tan₅₄ quián₅ guá'₅ ia₁jaun₂ bóg₂ dsa₂ dsi₂néi₂ guá'₅ sinagogas. Jaun₂ dsi₁nó'₅ 'nia'₂ tē₃ne₄ dsi₁má'₂, ne₄ rag₅₄ ně₃, 'uig₅₄ quió₃jniá₂; ja₁jaun₂ o₁jang'₄ 'nia'₂ jág₁ dsau₅. ¹⁰ Jág₁ quió'₅ Diú₄ de'₂ jniá₅ 'nió'₅ dsi₃ag₅ le₂con₂ mi₂güig₃. ¹¹ Jē₁ma₂tē₂ rē₁qui₃tē₂ dsa₂ 'nia'₂ a₂dsi₁jó₂ ne₄ dsi₂tan₅₄, tsá₃ jmó'₂ 'nia'₂ 'i₅ 'au'₂ tē₃jniá₅ 'e₂ ḡag'₅₄, La₁ ḡag₄ bá₄ 'nia'₂ con'₂ jág₁ a₂ma₂ca₂ḡi'₂ 'nia'₂ hora jaun₂, ia₁ on₃jua'₅₄ guion'₅₄ 'nia'₂ a₂ḡag'₅₄ jág₁ jaun₂; Jme₂dsi₂ Jnió₅ bá₄ i₂jmo₃. ¹² Ia₁ tón'₃ dsa₂ qui₃jín'₂ riin'₅₄ jmig₄ jaun₂, jaun₂ jḡag'₃ dsa₂; ju₁lia'₂ jmei₂ qui₃jín'₂ chi'₂ quiáin₅. Chi'₂ guē'₂ ně₃, jme₃'ḡiai₅₄ chog₅₄-jmei₂; chan₂ guē'₂ i₂qui₂jme₃dsian₅ chog₅₄-jmei₂ ně₃. ¹³ Ca₂le₃jín₃ dsa₂ jme₃'ḡia₅₄ 'nia'₂ 'uig₅₄ quió₃jniá₂, la₁ ju₁lia'₂ i₂tió'₃ náu₃ tiá₂ tē₂ jē₁ca₂tó'₂, tīin'₄ bá₄.

¹⁴ 'Jaun₂ ně₃, já₅ jmig₄ a₂tē₅₄ ne'₅₄ 'nia'₂ a₂náu₃ jan₂ dsa₂ i₂ju₁si 'lin'₅₄ ja₁tsá₃ 'i₄ 'éi'₃ náu₃,* —jaun₂ ju₁le₂ḡi'₂ bá₄ i₂'i₅ si₂ la₂—; jaun₂ ně₃, dsa₂ i₂tián'₅ le₂tan₅₄ 'uē₃ Judea, ju₁cuing₁₂ ju₁ má'₂. ¹⁵ Ju₁lia'₂ i₂'en₅₄ guei'₅₄ 'ne₄, tsá₃ ju₁sióin₄ jua'₅₄ a₂'uē'₃ 'e₂ 'uē'₃ dsi₂néi₂ quió'₅; ¹⁶ ju₁lia'₂ i₂'en₅₄ ja₁nau₂ quió'₅ táng₃, tsá₃ ma₃ju₁jḡioi'₅₄ jua'₅₄ a₂ja₃quián₂ tsi₁'mi'₂ dsióg₂ quió'₅. ¹⁷ Ju₁ig₂ bá₄ ju₁lia'₂ dsa₂ mí₂ i₂le₂quian₅ guein₂, ju₁lia'₂ i₂chan₂ guein₂ bē'₅₄ i₂'ín'₂ dsi'₅₄ quió'₅ ně₃, jmig₄ jaun₂! ¹⁸ Mi₄ 'nia'₂ ne₄ Diú₄ tsá₃ ju₁dsi₂ḡi'₂ 'nia'₂ a₂jaun₂ ju₁lia'₂ jein₂ güig₂. ¹⁹ Ia₁ juá'₅ jniá₂, caun₂ o₂i₁ dsi₅ lin₃ a₂le₃chan₂ dsa₂ jmig₄ jaun₂, caun₂ jmi₁uig₅ a₂tsá₃ ma₂ca₂rē₃chá₃ ca₂le₃ ca₂nio₃ mi₂güig₃, on₃ guē'₂ ma₃nio₅

* 13:14 'Nio'₂ ja₁ton₅ Daniel 9:27; 11:31; 12:11.

jmig₄ jua'₅₄ a₂le₃cha₂ guě₄ cang₂. ²⁰ Jua'₅₄ mei'₂ guě₃ Te₁gui'₅₄ tsá₃ ma₂ca₂jme₃tě₃ jmig₄ jaun₂, 'i₁jan₂ tsá₃ 'ein₂ jme₁lión₂ jua'₅₄ mei'₂ guě₃ tsá₃ le₂jaun₂. La₁ ma₂ca₂jme₃tě₃ bá₄ jmig₄ jaun₂ o₄quió'₄ i₂quion'₅₄ quiáin₅.

²¹ 'Ně₁jua'₂ chan₂ i₂ca₂juá'₂ tsí'₅ 'nia'₂ jmig₄ jaun₂: “Jag₄ 'nia'₂! La₂ bá₄ chén'₅ I₂rě₂'ín₁ quián₅ Diú₄”, o₃ ně₁jua'₂ 'ein₂ ca₂juá'₂: “Jó₄ 'ein₅₄”, tsá₃ o₁'en'₅₄ 'nia'₂ jág₁ jaun₂. ²² Ia₁ juin₅ dsa₂ i₂jme₃gau₅ ja₃lén₂ a₂juá'₂ lín₅ I₂rě₂'ín₁ quián₅ Diú₄, a₂juá'₂ ně₃ a₂lín₅ dsa₂ i₂ě₂ jág₁ quián₅ Diú₄; 'lióng₂ léi₄ juě'₂ a₂o₂dsain₂ jmo₃ a₂jme₃gain₂₃ dsa₂. Jua'₅₄ mei'₂ guě₃ lé₂, ca₂tě₂ dsa₂ i₂quion'₅₄ quián₅ Diú₄ jme₃gain₂₃. ²³ La₁ chan'₂ 'nia'₂ rě₂jáng'₁,† jaun₂ le₂ně₅ ma₂ně₂juíg₂ jniá'₂ 'nia'₂ ca₂le₃jě₃ tě₃jhiá₅.

'A₂ lia'₂ guan'₂ Jaun₅ dsa₂ mi₂güig₃
(Mateo 24:29-35, 42—44; Lucas 21:25-36)

²⁴ Jě₁ma₂ca₂ŋag₅ jmig₄ o₂i₁ dsi₅ jaun₂,
'iog₂ ně₃ co₂dsia₅ le₃lia'₂,
tsi'₂ ně₃ tsá₃ ma₃tág₅ jnia₅₄;
²⁵ Nei₅ guě'₂ ně₃ qui₂tsi₃séi'₂,†
ca₂le₃jě₃ guě₄ 'e₂ bí₂ cha₂ guei'₅₄ mi₂güig₃
qui₃guan'.§

²⁶ 'Tě₃jě₄ jaun₂ guě₄ ně₃, jín₂ dsa₂ Jaun₅ dsa₂ mi₂güig₃, jhióí'₂ guei'₅₄ jě₄ jnei₅ quian'₅₄ ca₂le₃jě₃ jui₅bí₂ a₂'io₂₃ jláin'₁. ²⁷ Jaun₂ qui₃chein₃ ángeles quiáin₅, a₂tě₂ dsa₂ i₂quion'₅₄ quiáin₅ i₂chan₂ ca₂le₃jě₃ juig₂ te₁'i₁ ca₂taun₂ ca₂taun₂ mi₂güig₃.

²⁸ 'Jme₁tin₅ 'nia'₂, jui₁le₂ŋí'₂ 'au'₂ jág₁ a₂jáng'₅ léi₄ jui₁lia'₂ ni₁'ma₂ a₂'ag₅ míg₂ higos; jme₁chéi'₂ gu'₂-nei'₅₄, qui₂ja₂'iá₃ mog'₅₄ ně₃, ŋi'₅₄ bá₄ 'nia'₂ a₂ma₂ja₂quián₃ jein₂ 'iog₂ bá₄ jaun₂. ²⁹ Le₂ně₅ bá₄ 'nia'₂ jaun₂ ně₃, jě₁ma₂tě₅ ne'₅₄ a₂lě₂ ca₂le₃jě₃ a₂ně₅, jui₁le₂ŋi'₅₄ bá₄ 'nia'₂ a₂ma₂ja₂quián₃, ně₂jag₄ bá₄ i₂ma₂chén'₅ o₄'né₄ bá₄ 'éi₂. ³⁰ A₂dsi₂jó'₃ juá'₅ jniá'₂ juíg₂ 'nia'₂, tsá₃ dsi₃ŋí'₂ tsi₁jon₂ la₂,* ca₂lia'₂ ca₂lě₃ ca₂le₃jě₃ a₂ně₅. ³¹ Jaun₂ já₅ jmig₄, guei'₅₄ dsi₂güig₂ quian'₅₄ mi₂güig₃ la₂ ŋag₅, la₁ jág₁ quió₃, o₁líg'₂ jmig₄ tsá₃ ŋag₅ jua'₅₄ a₂tsá₃ le₃ti₃.

³² La₁ 'i₁jan₂ tsá₃ 'ein₂ ŋi₅ 'e₂ 'ió'₄, 'e₂ hora lé₂ a₂jaun₂, on₃ guě'₂ ángeles i₂tion'₅₄ guei'₅₄ i₂juíg₃, on₃ guě'₂ 'ŋiog₅ Ja₁ŋi'₅₄ Diú₄. Jhia'₅₄ lia'₂ 'ŋiog₅ bá₄ Diú₄ Jmei₂ ŋi₅.

³³ 'Chan'₂ 'nia'₂ rě₂jáng'₁, jme₁jnio₂ 'nia'₂ ne'₅₄, ia₁ tsá₃ ŋi'₅₄ 'nia'₂ 'e₂ jmig₄ lé₂. ³⁴ Lé₂ jui₁lia'₂ jan₂ dsa₂ i₂o₂'in₅ dsi₂néi₂ quió'₅, dsó₅ dsi₂ŋí₃ uíng₂; dsia₂₃ gu₂ dsa₂ i₂jme₂ti₃ ne₅₄ dsi₂néi₂ quió'₅,

† 13:23 o₃, “ŋí₂ 'nia'₂”. ‡ 13:25 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsi₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. § 13:25 Isaías 13:10; 34:4.

* 13:30 o₃, “né'₃ a₂dsián₃ dsa₂ i₂lín₅ raza la₂.”

le₂jan₂ le₂jan₂ 'éi₂ jma₃quén₅ ta₁ cué'₅ con'₂ ca₂tíin₂, tsí'₅ mozo i₂jmo₅ 'í₁ o₄'né₄ a₂chain₂ rē₂jáin₁. ³⁵ Jaun₂ le₂nē₅ bá₄ 'nia'₂ ján₃, rē₂jáng'₁ 'nia'₂ chang'₂, ia₁ tsá₃ ŋi'₅₄ 'nia'₂ 'e₂ 'ió'₄ guan'₂ dsa₂ i₂quió'₅ dsi₂nēi₂, tē₂le₃ ca₂nei₂, o₃ dsi₃nei₅, o₃ jē₁ma₂ca₂'o₃ i₁tú₃, o₃ tē₂le₃ ca₂jnia₃ 'e₂, ³⁶ ia₁ con'₂ tsá₃ ŋó₅ nē₁jua'₂ ca₂guáin'₃ co₂tiá₂, jo₅₄ rē₂güín'₃ 'nia'₂. ³⁷ Jaun₂ jág₁ a₂juíg₂ jniá₂ 'nia'₂ la₂, juíg₂ ca₂le₃jín₃: “iChan'₂ 'nia'₂ rē₂jáng'₁!”

14

Ca₂quin'₃ dsa₂ jág₁ a₂tsáin'₂ Jesús

(Mateo 26:1-5; Lucas 22:1-2; Juan 11:45-53)

¹ Tin₃ jmig₄ né'₃ a₂tē₅₄ Jmig₄ Tē₂'in₅₄, a₂guē'₅ dsa₂ i₁ŋí'₄ 'ua'₂ a₂tsá₃ jui₁ levadura quian'₅₄, jaun₂ juíg₅₄ jme₂dsa₂, tē₅juá'₅ nē₃ ca₂'náu'₃ jui₅ 'a₂ lia'₂ tsáin'₂ Jesús quian'₅₄ caun₂ mai₅₄, jaun₂ jŋag'₃. ² Jaun₂ ca₂dsia₃ jág₁, juá'₂:

—La₁ tsá₃ 'nió'₅ jmó₁ jniog₄ tē₃ niog₅ jmig₄, jme₁né₄, ia₁ con'₂ tsá₃ ŋó₅ nē₁jua'₂ ca₂tó'₂ dsa₂ juíg₂ mi'₅₄.

Jan₂ 'io₅₄ ca₂tsíin₂ no'₅₄ mi₂juíg₂ Jesús

(Mateo 26:6-13; Juan 12:1-8)

³ Lia'₂ con'₂ 'ein₅₄ guē₄ juíg₂ Betania ja₁quió'₄ i₂tē'₂ dsa₂ Si₂mu₅₄ 'Mé'₅ 'Iog₅, jaun₂ ca₂dsióg₃ jan₂ 'io₅₄ quian₅ caun₂ tsí₅ no'₅₄ mi₂juíg₂ a₂'mu'₅₄, a₂lē₅ jmá'₃ no'₅₄ quió'₅ mi₁'au₂ nardo. Jaun₂ ca₂niá₃ ni₁tsí₅, jaun₂ ca₂'ág₂ no'₅₄ mi₂dsi₄ Jesús. ⁴ Jaun₂ i₂lin₅₄ dsa₂ i₂tion'₅₄ ja₁jaun₂, dséin₂ ca₂tíin₂, jaun₂ ca₂dsia₃:

—Tsá₃ ne₄ 'e₂ lē₃ nē₂'éin₂ no'₅₄ mi₂juíg₂ quió'₅. ⁵ Jua'₅₄ co₂ŋei'₅₄ bá₄ nē₂'nag₃ quian'₅₄ 'ni₅ 'ŋiá₂-láu₂ 'éi'₃ cu₄ denario, jaun₂ jme₁jme₂'oin₅₄ dsa₂ te₂ŋé₂.

Jaun₂ ca₂dséin₃ quiaín'₅₄ 'io₅₄ 'éi₂.

⁶ Jaun₂ ca₂juá'₂ Jesús:

—Tsá₃ lē₁lein₅₄. ¿'E₂ lē₃ cué'₂ 'nia'₂ o₂me'₅₄ dsi₅? A₂nē₂jmóg'₂ nē₅, caun₂ a₂dse₃ bá₄ nē₅. ⁷ Ca₂le₃jē₃ jmig₄ bá₄ i₂nio₄ dsa₂ te₂ŋé₂ jin'₄ 'nia'₂; lé₂ bá₄ jme₁'oin₁, chi₂jua'₂ líg'₂ 'niog'₂ 'nia'₂ jme₁'oin₁. La₁ jniá₂ nē₃ tsá₃ ma₃uē₂ 'en₅₄ jniá₂ quian'₅₄ 'nia'₂. ⁸ 'Io₅₄ nē₅, nē₂jmo₃ 'a₂ con'₂ jnia'₅₄ le₃qui'₅₄ jmig₄ jmo₃. Ma₂nē₂tsáng₂ tē₂jniá₅ no'₅₄ mi₂juíg₂ quió₃, ma₂nē₂jmóg'₂ co₂jnia₅₄ jē₁ma₂tē₂ rē₁'ong₃. ⁹ A₂dsi₂jó₃ juíg₂ jniá₂ 'nia'₂, ca₂le₂con₂ mi₂güíg₃ ja₁'ē₂ dsa₂ jág₁ dse₃ quió₃, ján₃ bá₄ le₂jaun₂ dsiog'₂ dsí₅ dsa₂ 'in₃ 'io₅₄ nē₅.

Jmo₅ Judas caun₂ jág₁ a₂'ni₂₃ Jesús

(Mateo 26:14-16; Lucas 22:3-6)

¹⁰ Jaun₂ nē₃ Judas Iscariote i₂jme₁lín₄ jan₂ chi'₂ dsi₂guia₃-tín₂ quían₅ Jesús, ŋei₅₄ i₁dsia₂ jág₁ quian'₅₄ juíg₅₄ jme₂dsa₂ a₂jáng'₂.

¹¹ Jaun₂ 'io'₂ jmo₅ dsa₂ can'₅₄ jme₁ca₂nág₂, jaun₂ ca₂jén'₃ cu₄.

Jaun₂ guě₄ ně₃ ca₂'náu'₃ Judas dsí₅ 'a₂ lia'₂ cuin₅ jmig₄ a₂jíin'₂ Jesús, jaun₂ tsáun'₂ dsa₂.

Má₃ jě₁ca₂tó'₂ quió'₅ Te₁gui'₅₄

1 Corintios 11:23-26)

¹² Jm₄ le₂'uig₅₄ a₂niog₅ Jm₄ Tě₂'in₅₄ a₂guě'₅ dsa₂ i₁ńí'₄ a₂tsá₃ quian'₅₄ levadura, jm₄ a₂jme₁jme₂dsian₅ dsa₂ já'₂ cha'₂ quián₅ jm₄, jaun₂ ca₂ńag₃ chi'₂ dsi₂guia₃-tín₂ ca₂ńí'₃ Jesús:

—¿A₂já'₄ 'niog'₂ dsi₁jmó₁ ńia'₅₄ co₂ńia₅₄ má₃ Jm₄ Tě₂'in₅₄ quiáng'₂?

¹³ Jaun₂ ca₂chein₃ on₃ chi'₂ dsi₂guia₃-tín₂ quián₅, ca₂juá'₂:

—O₂ńó'₅ 'nia'₂ jě₄ juig₂. Ja₁jaun₂ jen'₂ 'nia'₂ jan₂ dsa₂ ńe'₂ i₂quion₂ jm₄ quian'₅₄ ńi₁dsig₁. Jaun₂ o₁'én'₃ 'nia'₂ dsa₂ 'éi₂.

¹⁴ Dsi₂ńéi₂ ja₁'í₂ 'éi₂, juig'₅₄ dsa₂ juig₅₄ dsi₂ńéi₂: “Le₂la₂ juá'₂ tě₅, ¿Na₂ dsi₂ńéi₂ ja₁guě'₄ Jm₄ Tě₂'in₅₄ co₂lě₅ quian'₅₄ chi'₂ dsi₂guia₃-tín₂ quiáng'?” ¹⁵ Jaun₂ 'éi₂ ně₃, 'ě₃ caun₂ dsi₂ńéi₂ juě'₂ ja₁lě₄ guei'₅₄ a₂ma₂lě₅ co₂ńia₅₄. Ja₁jaun₂ o₂jmo₄ 'nia'₂ co₂ńia₅₄ má₃ que₅₄ jniog₄.

¹⁶ Jaun₂ ca₂i₃lén₂ bá₄ dsa₂ on₃ 'éi₂. Jme₁ca₂dsi₃lén₂ jě₄ juig₂ ně₃, ca₂dsó'₂ lia'₂ con'₂ lě₅ jág₁ ca₂juá'₂ Jesús. Jaun₂ ja₁jaun₂ ca₂jmo₃ co₂ńia₅₄ má₃ a₂guě'₃ Jm₄ Tě₂'in₅₄.

¹⁷ Jme₁ca₂nei₂ jaun₂, ca₂dsióg₃ Jesús quian'₅₄ ta₁guia₃-tín₂ chi'₂ dsi₂guia₃-tín₂. ¹⁸ Jme₁ma₂tiáin'₅ guě'₅, jaun₂ ca₂juá'₂ Jesús:

—A₂dsi₂jó'₃ juá'₅ ńiá₂ la₂, jan'₂ 'nia'₂ i₂guě'₅ ńiá₂ co₂lě₅ quiang'₅₄ bá₄ i₂jang'₂ ńiá₂.

¹⁹ Jaun₂ ně₃ ca₂tá'₂ 'lia'₂ dsí₅ 'ńio₅ lín₃ tiáin'₅, jaun₂ ca₂jme₃lióg₃ ca₂ńí'₃ Jesús le₂jain₂ le₂jain₂, ca₂juá'₂:

—¿On₁jua'₅₄ ńiá₂ 'ág'₅?

²⁰ Jaun₂ ca₂ńag₃ Jesús:

—Jan'₂ 'nia'₂ i₂lě₂ guia₃-tíng'₂ i₂tiá₂ mi₂gu₂ co₂lě₅ 'ńio'₃ uing₅ quian'₅₄ ńiá₂. ²¹ Dsón'₂ bá₄ dsau₅ Jaun₅ dsa₂ mi₂güí₃ 'ein₅₄ jui₅ dsó₃ lia'₂ con'₂ lě₅ juá'₂ ne₄ Si₂; la₁ 'e₂ guě₄ juí₂ dsa₂ i₂jáng'₂! Jme₁dse₃ quió'₅ jua'₅₄ co₂ńei'₅₄ bá₄ tsá₃ ca₂rě₃cháin₃.

²² Tě₁lia'₂ tiáin'₅ guě'₅, ca₂ńa'₃ Jesús i₁ńí'₄, ca₂cuě'₃ ti₁'mag'₄ Diú₄, jaun₂ guě₄ ně₃ ca₂dsioin₃, ca₂cuě'₃ chi'₂ dsi₂guia₃-tín₂ quián₅. Jaun₂ ca₂juá'₂:

—Qué'₂ 'nia'₂, ia₁ ńi₃ bá₄ ńiá₂ i₁ńí'₄ la₂.

²³ Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cuě'₃ ti₁'mag'₄ Diú₄, jaun₂ guě₄ ca₂cuě'₃ chi'₂ dsi₂guia₃-tín₂. Jaun₂ ca₂le₃jíin₃ bá₄ ca₂'in'₃. ²⁴ Ca₂juá'₂ Jesús:

—Jm₃ bá₄ ńiá₂ la₂, a₂l'i'₅₄ jág₁ 'mí₂ a₂tě₃ron₅₄,* a₂niog₅ dsi₃'o₅₄ o₄quió'₄ juin₅ dsa₂. ²⁵ Dsón'₂ juá'₅ ńiá₂, tsá₃ ma₃líg'₂ jm₄ jua'₅₄

* 14:24 'Nio'₂ ja₁ton₅ Éxodo 24:8; Jeremías 31:31-34; Hebreos 10:29; 13:20.

a₂gui'₅₄ guě₄ táng₃ vino ca₂lia'₂ ca₂tě₂ jmig₄ i₁gui'₄ táng₃ caun₂
vino 'mí₂ co₂lě₅ quiang'₅₄ 'nia'₂ ja₁gon₂ Diú₄.

Ca₂juá'₂ Jesús a₂tsá₃ tion₃ Pe₄ a₂cuig₂₃

(Mateo 26:30-35; Lucas 22:31-34; Juan 13:36-38)

²⁶ Jme₁ca₂lě₃ 'ě₂₃ jme₂juin'₂ Diú₄, jaun₂ guě₄ i₃lěin₂ jui₅ Má'₂
Olivos. ²⁷ Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—Ca₂le₃jín'₃ bá₄ 'nia'₂ tiá'₃ jén₂ 'au'₂, 'ág'₁ 'nia'₂ caun₂-tín₃
'au'₂; ia₁ rě₂ton₅ ne₄ Si₂ ja₁juá'₂: “Jńí'₄ jniá₂ dsa₂ i₂jnia₅ já'₂
cha'₂, jaun₂ já'₂ cha'₂ ně₃ dsi₃lěin₂ tsi₁rě₂jain₅₄.”† ²⁸ La₁ cang₂
jě₁ma₂ca₂jeng'₅₄ táng₃, nei₅₄ jniá₂ jniág₅ jui₅ Galilea lia'₂ con'₂
guě₄ 'nia'₂.

²⁹ Jaun₂ ně₃ ca₂ŋag₃ Pe₄:

—O₁jnia'₅₄ la₂ ca₂'ág₂ caun₂-tín₃ dsi₅ ca₂le₃jín₃ ríng'₃, la₁ jniá₂,
o₁líg'₂ jmig₄ tsá₃ 'ag₅₄ caun₂-tín₃ dsi₃.

³⁰ Jaun₂ ca₂juá'₂ Jesús:

—A₂dsi₂jó'₃ juá'₅ jniá₂, a₂'uě₂ ně₃, né'₃ a₂'ó₃ jě₁ca₂tě₂ tін₃ ráun₂†
tě₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂
a₂cuig'₂ jniá₂.

³¹ Jaun₂ ca₂ŋag₃ táng₃ Pe₄:

—O₁jnia'₅₄ la₂ ca₂dsau₃ jniog₄ co₂lě₅, o₁líg'₂ jmig₄ jua'₅₄ a₂tsá₃
'in₄ jniá₂ 'ne₂.

Le₂jaun₂ bá₄ ca₂juá'₂ ca₂le₃jín₃ riin'₅₄ ján₃.

Ca₂chi₃lén'₂ Jesús Diú₄ caun₂ ja₁chei₂ Getsemani

(Mateo 26:36-46; Lucas 22:39-46)

³² Jaun₂ ca₂dsi₃lěin₂ caun₂ ja₁chei₂ Getsemaní. Jaun₂ ca₂juá'₂
ca₂tsí'₃ chi'₂ dsi₂guia₃-tín₂:

—Ja₁lá₃ tián'₂ 'nia'₂, tě₁lia'₂ i₁chi₁leng'₄ Diú₄.

³³ Jaun₂ ca₂jniai₃ Pe₄, Jacobo, Juan₅₄ ně₃. Jaun₂ ca₂rě₃lióg₃
ca₂tá'₂ quian₅ o₂i₁ dsi₅ 'ŋio₅ lín₃. ³⁴ Jaun₂ ca₂juá'₂ ca₂tsí'₃ i₂ún₂
i₂quian'₅₄:

—'ŋio₅ lín₃ quian₅₄ o₂i₁ dsi₅, ca₂lia'₂ jmá'₃ le₃jóng₂ tě₂ně₃. Ja₁lá₃
tián'₂ 'nia'₂ jme₁jnio₂ 'nia'₂ ne'₅₄.

³⁵ Ca₂juig₄ bá₄ ca₂ŋó₃ guě₄ ne₄ jui₅. Ja₁jaun₂ ca₂tóin₂ tě₂ 'uě₃,
ca₂mi₃ ca₂tsí'₃ Diú₄, jua'₅₄ lé₂ bá₄ le₃lé₂ a₂tsá₃ dsi₃ŋí₂ uig₅ 'e₂ niog₅
dsi₃ŋí₂ hora jaun₂. ³⁶ Tě₃jě₄ chi₂lěin'₂ Diú₄, ca₂juá'₂:

—Abba, Š Tia₅₄ quiáng₃, ca₂le₃jě₃ bá₄ lé₂ le₃jmó'₂ 'ne₂. Lio₄
jniá₂ 'e₂ a₂dsi₃ŋíg₂ ně₃. La₁ tsá₃ ju₁le₅₄ con'₂ 'nio₃ jniá₂; ju₁le₅₄
bá₄ a₂'ŋio₂ 'au'₂ 'ne₂.

† 14:27 Zacarías 13:7. ‡ 14:30 A₂lín₅₄ chog₅₄ si₂ tsá₃ chi₁ton₅ “jě₁ca₂tě₂ tін₃ ráun₂.”

Š 14:36 Abba: co₂'nió'₄ le₃jua'₅₄: “Tia₅₄” quian'₅₄ jág₁ jmei₅ arameo.

³⁷Jaun₂ ca₂dsiáin'₃ táng₃ ja₁tián'₄ 'éi₂, la₁ le₁güín₃ bá₄ 'éi₂ tián'₅ ně₃. Jaun₂ ca₂tě'₃ Pe₄, ca₂juá'₂:

—ǵRē₁güín'₃ bá₄ 'ne₂, Si₂mu₅₄? ǵTsa₁ tiang'₃ jua'₅₄ caun₂ hora bá₄ jme₁jniog'₂ guě₄ ne'₅₄? ³⁸Jme₁jnio₂ 'nia'₂ ne'₅₄, chi₁len'₄ 'nia'₂ Diú₄, ia₁jaun₂ tsá₃ tsi₃sén'₂ 'nia'₂ dso₄. Dsón'₂ bá₄ 'ñio₂ dsí₅ jme₂dsí₂ quián'₂ 'nia'₂, la₁ ni₁ñi'₁ guion'₅₄ bá₄ 'nia'₂ 'uan₅₄.

³⁹Jaun₂ ñó₃ bá₄ táng₃ i₁chi₂i₁lein'₄ Diú₄. Ján₃ bá₄ jág₁ le₂jaun₂ ca₂juá'₂ táng₃. ⁴⁰Jaun₂ guáin'₃ táng₃ ja₁tián'₄ chi'₂ dsí₂guia₃-tín₂, la₁ le₁güín₃ bá₄ táng₃ 'éi₂ tián'₅, ia₁ a₂ñí₄ lě₃ 'ñio₅ lín₃ ma₂i₁güín₃. Jaun₂ tsá₃ 'e₂ ñi₅ ñag₃. ⁴¹Jaun₂ jme₁dsiáin'₃ táng₃ ja₁tián'₄ 'éi₂ jě₁ca₂tě₂ 'nag'₂ ráun₂, jaun₂ ca₂juá'₂:

—ǵ'E₂? ǵLia'₂ ma₂tián'₅ jaun₂ bá₄ 'nia'₂ le₁güíng'₃? Co₂ně₅ bá₄ ně₃. Ca₂tě₂ bá₄ hora ně₃. Ní₂ 'nia'₂. Ma₂rě₂jín'₅₄ bá₄ Jaun₅ dsa₂ mi₂güíng'₃ o₄gú₃ dsa₂ i₂le₁cán'₄ dso₄. ⁴²Nau₂ 'nia'₂ ně₃, ma₃, ia₁ ně₅ ma₂jás₅ i₂jáng'₂.

Ma₂le₁te₂ dsa₂ Jesús

(Mateo 26:47-56; Lucas 22:47-53; Juan 18:2-11)

⁴³Dsi₂jui₅ tě₃jě₄ dsia₂₃ jág₁ jaun₂, ca₂dsióg₃ Judas, i₂lín₅ jan₂ dsa₂ i₂guia₃-tín₂. Juín₅ lín₃ dsa₂ i₂ja₂lén₂ quiong'₅₄ qui₂le₁quian₅ ñi₁tág₂, i₂le₁quian₅ ni₁'ma₂ ně₃, i₂chen₄ quián₅ juig₅₄ jme₂dsa₂, quian'₅₄ tě₅juá'₅, ca₂le₃jín₃ guě₄ dsí₂gui'₅₄ can'₅₄ ně₃. ⁴⁴Jaun₂ Judas ně₃, ia₁ ma₂ca₂jmo₃ bá₄ jág₁ le₂jñiá₅ 'e₂ léi₄ jmo₃ jě₁ma₂tě₂ rě₂jáng'₂, jme₁ma₂juá'₂: “I₂chen'₄ jniá₂ quió'₅, i₂'éi₂ bá₄ jma'₅₄ 'nia'₂, jaun₂ tě'₅₄ 'nia'₂, lě₅ 'í₁.”

⁴⁵Jaun₂ dsi₂jui₅ jme₁dsióg₃ Judas, ca₂jme₃quiáin₃ con₂ Jesús, jaun₂ ca₂juá'₂:

—ǵTě₅! —Jaun₂ ca₂chen'₃ quió'₅. ⁴⁶Jaun₂ dsi₂jui₅ le₂jaun₂ ca₂jñau'₃ dsa₂, ca₂tág₃.

⁴⁷La₁ jan₂ i₂jme₁chén'₄ cau₅ ně₃, ca₂dsi₂ ñi₁tág₂, ca₂ti₃ caun₂ rě₂gua₄ dsa₂ i₂jme₂ti₃ quián₅ jme₂dsa₂ dsen₅₄. ⁴⁸Jaun₂ ca₂juá'₂ Jesús ca₂tsí'₃ dsa₂:

—ǵDsa₂ 'ang₂ lín₅, 'e₂ ja₂nó'₅ 'nia'₂ le₁quian'₄ ñi₁tág₂, 'ma₂ ně₃, a₂tě'₅₄ jniá₂? ⁴⁹Jua'₂ ca₂le₃jě₃ jmi₄ bá₄ 'eng₅₄ jin'₄ 'nia'₂, jme₂tíng₁ dsa₂ i₁dsi₅ guá'₅, tsá₃ ma₂ca₂chong'₂ guě'₂ 'nia'₂ ja₁jaun₂. La₁ lě₂ le₂ně₅, ia₁jaun₂ le₃ti₃ con'₂ lě₅ juá'₂ ne₄ Si₂.

⁵⁰Jaun₂ qui₂ca₂cuíng₃ bá₄ ca₂le₃jín₃ chi'₂ dsí₂guia₃-tín₂, ca₂téin₂ bá₄ Jesús.

Dsó₂ i₂ca₂cuíng₃ tě₃rě₂ñí₅

⁵¹Tě₃jě₄ jaun₂, ñó₃ jan₂ dsó₂ rě₂bóin'₅ caun₂ tsi₁'mí'₂ tióg₃, 'ein₂₃ Jesús. ⁵²Jaun₂ jme₁ca₂jñau'₃ dsa₂, la₁ ca₂lóin₂ bá₄, jmá'₃ tsi₁'mí'₂ bá₄ ca₂lí'₃ dsa₂. Jaun₂ ñái'₃ bá₄ tě₃ rě₂ñí₅.

Ma₂chén'₅ Jesús ne₄ dsi₂tan₅₄ quián₅ guá'₅

(Mateo 26:57-68; Lucas 22:54-55, 63—71; Juan 18:12-14, 19—24)

⁵³ Jaun₂ ca₂tag₃ dsa₂ Jesús i₁jo₅₄ ne₄ jme₂dsa₂ dsen₅₄, jaun₂ ca₂ñi'₂ ca₂le₃jín₃ juig₅₄ jme₂dsa₂, quian'₅₄ dsi₂gui'₅₄ can'₅₄, tē₅juá'₅ ně₃. ⁵⁴ Pe₄ ně₃ ca₂ñó₃ uíng₂ tē₂quíin₃ 'ein₂₃ Jesús ca₂tē₂ i₁dsi₅ quió'₅ jme₂dsa₂ dsen₅₄. Ja₁jaun₂ ca₂guá₂ cau₅ si₂ quiaín'₅₄ 'lióg₂, ca₂jme₃dsioin'₂.

⁵⁵ Jaun₂ juig₅₄ jme₂dsa₂, quian'₅₄ ca₂le₃jín₃ dsi₂tan₅₄ quián₅ guá'₅ ně₃, qui₂ca₂'náu'₃ jui₅ 'a₂ lia'₂ bóin'₂ dso₄ Jesús ia₁jaun₂ jñag'₃. La₁ tsá₃ dso'₂ guē'₂ jui₅ 'e₂ dso₄ jme₃cáu'₂, ⁵⁶ ia₁ juin₅ i₂qui₂ca₂jmo₃ jág₁ tē₂jág₁ a₂bóin'₂ dso₄ Jesús, la₁ tsá₃ tē₃tsi'₅₄ guē'₂ jág₁ quió'₅ tioin'₅₄. ⁵⁷ Jaun₂ i₂lin₅₄ ně₃ qui₂ca₂nau₂ ca₂jmo₃ jág₁ tē₂jág₁ a₂ñi₂₃ Jesús, ca₂juá'₂:

⁵⁸ —Ma₂néi₁ jnia'₅₄ juá'₂ i₂ně₅: “A₂'éng₄ guá'₅ templo a₂ca₂jmo₃ dsa₂ mi₂güig₃, jaun₂ quian'₅₄ 'ni₅ jmig₄ jmóg'₄ táng₃ 'ñió₃ caun₂ guá'₅ siá'₂, on₃jua'₅₄ lia'₂ lě₅ guá'₅ ně₅ a₂ca₂jmo₃ dsa₂ mi₂güig₃.”

⁵⁹ On₃ guē'₂ quian'₅₄ jág₁ jaun₂ ca₂lí'₃ jág₁ rē₂.

⁶⁰ Jaun₂ ca₂nau₂ jme₂dsa₂ dsen₅₄ tē₃jē₄ tioin'₅₄ jaun₂, jaun₂ ca₂ñi'₃ Jesús ca₂juá'₂:

—¿Tsa₁ 'e₂ ñag'₅₄ 'i₁caun₂? ¿I₂'e₂ bá₄ jág₁ ně₅ jme₂cáu'₂ dsa₂ quiang'₂?

⁶¹ La₁ tei₄ bá₄ ca₂nau₂ Jesús, tsá₃ ma₃'e₂ ca₂ñag₃. Con'₂ siá'₂ ca₂ñag₃ táng₃ jme₂dsa₂ dsen₅₄, ca₂juá'₂:

—¿Dsón'₂ 'ne₂ líng'₅ dsa₂ I₂rē₂ 'ín₁, Ja₁ñi'₅₄ I₂jñió₅?

⁶² Jaun₂ guē'₄ ca₂ñag₃ Jesús:

—Ján₅, jniá₂ bá₄ líng₅. Ján₃ bá₄ tē₃ ne'₅₄ 'nia'₂ jē₁ma₂tē₂ rē₁guá₃ Jaun₅ dsa₂ mi₂güig₃ tē₂le₃ gu₂ ne₁ quió'₅ i₂'uan'₂, jaun₂ ján₃ bá₄ jag'₅₄ 'nia'₂ jē₁ma₂tē₂ rē₁jñió₁'₂ táng₃ jē₄ jnei₅ guei'₅₄.

⁶³ Jaun₂ jme₂dsa₂ dsen₅₄ ně₃, jme₁ca₂nág₂ jág₁ jaun₂, ca₂chein₃ ni₁tsin'₅₄ 'ñiog₅, * jaun₂ ca₂juá'₂:

—¿'E₂ guē'₄ jmá'₃ jág₁ 'lióng₂ 'niog₂ jniog₄ jua'₅₄ a₂jáng'₃ guē'₄ dsa₂ sián'₂ jág₁ dsau₅? ⁶⁴ Ma₂nē₂nei'₂ bá₄ 'nia'₂ guiong'₅₄ a₂ma₂nē₂juá'₂ i₂ně₅ 'iin₂₃ Diú₄. ¿'A₂ lia'₂ juá'₂ 'nia'₂?

Jaun₂ ca₂le₃jín₃ dsa₂ ca₂juá'₂ tioin'₅₄, ca₂tíin₂ jóin₂ bá₄.

⁶⁵ Jaun₂ ca₂jme₃lióg₃ i₂lin₅₄ qui₂ca₂'ñéi₃ quió'₅ Jesús, qui₂ca₂lio₃ dsa₂ dsi₂ne₅₄, jaun₂ qui₂ca₂jno₂ ně₃ tioin'₅₄, jaun₂ juá'₂:

—¿Dsi₄ jág₁ jua'₅₄ 'ein₂ ně₂quein₃ quiáng'₂!

Chi'₂ 'i'₅₄ quián₅ guá'₅ ně₃, ján₃ bá₄ qui₂ca₂cuē₃ ja'₂ tioin'₅₄.

* **14:63** Jme₁chí'₄ tag₄ quió'₅ dsa₂ judíos jmig₄ jaun₂ a₂gág₅ dsa₂ ni₁tsin'₅₄ cuē₂₃ léi₄ jē₁ma₂'í₅ 'nei₂ dsí₅, o₃ jme₁'i₄ qui₂' dsí₅.

Tsá₃ ca₂tion₃ Pe₄ a₂cu_{iin}₂₃ Jesús

(Mateo 26:69-75; Lucas 22:56-62; Juan 18:15-18, 25—29)

⁶⁶ I₁dsi₅ ca₁'né₄ 'uě₃ bá₄ jme₁guá₄ Pe₄. Jaun₂ ca₂dsióg₃ jan₂ 'io₅₄ i₂jme₂ti₃ ta₁ ne₄ jme₂dsa₂ dsen₅₄, ⁶⁷ jaun₂ ca₂jíin₂ Pe₄ guá₅ jme₂dsioin'₂, jaun₂ ca₂jág₂ 'io₅₄ tiá₂, ca₂juá'₂:

—¿Ján₃ guě'₂ jme₁quian'₄ 'ne₂ Jesús Nazareno ó₃?

⁶⁸ La₁ tsá₃ ca₂tion₃ Pe₄.

—Tsá₃ guion₅₄, on₃ guě₄ ŋíg'₂ 'e₂ a₂juá'₂ 'ne₂.

Jaun₂ ca₂nau₂ Pe₄ ca₂o₃ 'iín₃ ca₂i₁nau₂ tē₂le₃ ca₁'né₄ ja₁lě₄ corredor. Tē₃jě₄ jaun₂ ca₂'o₃ tē₁guí₄ dsó₂. ⁶⁹ Con'₂ siá'₂ ca₂jág₃ táng₃ 'io₅₄ ca₂jíin₂ Pe₄, jaun₂ ca₂juá'₂ ca₂tsí'₃ dsa₂:

—Jan₂ rin'₅₄ 'éi₂ bá₄ nē₅.

⁷⁰ La₁ ján₃ bá₄ le₂jaun₂ tsá₃ ca₂tion₃ Pe₄. Jme₁co₂lág₂ jaun₂, dsa₂ i₂tián'₅ quian'₅₄ Pe₄ ca₂juá'₂:

—Dsón'₂ rin'₅₄ 'éi₂ bá₄ líng'₅, ia₁ ján₃ bá₄ Galilea chang'₂.

⁷¹ Jaun₂ nē₃, Pe₄ ca₂'iín₃ Diú₄ ca₂mí₃ a₂dsi₃ŋíi₂ 'e₂ dsi₃ŋíi₂, ca₂juá'₂:

—¿Tsá₃ cúing₅ dsa₂ i₂'ín'₅ 'nia'₂!

⁷² Dsi₂jui₅ jaun₂ ca₂'o₃ táng₃ tē₁guí₄ dsó₂ a₂ca₂tě₂ tin₃ ráun₂. Jaun₂ guě₄ nē₃ ca₂dsáu'₃ dsí₅ Pe₄ a₂ca₂juá'₂ Jesús le₂ŋiá₅: “Né'₃ a₂'o₃ jē₁ca₂tě₂ tin₃ ráun₂ tē₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cui_g'₂ jniá₂.” Jme₁ca₂dsáu'₃ dsí₅ jág₁ nē₅, jaun₂ guě₄ ca₂'o₃ 'ŋio₅ lín₃.

15

Chén'₅ Jesús ne₄ Pilato

(Mateo 27:1-2, 11—14; Lucas 23:1-5; Juan 18:28-38)

¹ Dsi₂jui₅ jme₁jnia₃ táng₃ jaun₂, ca₂ŋi'₂ jui_g₅₄ jme₂dsa₂ quian'₅₄ dsi₂gui'₅₄ can'₅₄, quian'₅₄ ca₂le₃jín₃ tē₅juá'₅, ca₂le₃jín₃ guě₄ i₂lín₅ dsi₂tan₅₄ quián₅ guá'₅ nē₃. Qui₂ca₂ŋíi'₃ riin'₅₄ ca₂jmo₃ caun₂ jág₁. Ca₂'néi'₂ Jesús tioin'₅₄, jaun₂ ca₂i₁jio_g₃ ne₄ Pilato. ² Jaun₂ ca₂ŋag₃ Pilato:

—¿Dsón'₂ líng'₅ Rag₅₄ quián₅ dsa₂ judíos?

Jaun₂ ca₂ŋag₃ Jesús:

—Le₂nē₅ bá₄, jui₁lia'₂ juá'₂ 'ne₂ nē₅.

³ Jaun₂ caun₂ qui₂ca₂'ŋag₃ guě₄ jui_g₅₄ jme₂dsa₂ 'líong₂ ne₅₄ dso₄ ca₂bóin'₂ Jesús. ⁴ Jaun₂ con'₂ siá'₂ táng₃ ca₂ŋag₃ Pilato ca₂ŋi'₃ Jesús, ca₂juá'₂:

—¿Tsa₁ a₂ŋag'₅₄? Nē₅ bá₄ nag'₂ 'ŋiag'₂ 'líong₂ dso₄ a₂bóg'₂ dsa₂.

⁵ La₁ tsá₃ ma₃'e₂ ca₂ŋag₃ Jesús 'i₁caun₂. Jaun₂ jě₃ ca₂i₃gó'₃ dsí₅ Pilato.

Ca₂o₃'ág₃ 'éi'₃ a₂jón₂ Jesús

(Mateo 27:15-31; Lucas 23:13-25; Juan 18:38--19:16)

⁶Jm_{ig4} jaun₂ jme₁chí'₄ tag₄ a₂lióin₂ ca₂le_{j3}ñi₂ jan₂ dsa₂i₂'en₅₄ né'₃ 'má₃, jme₁tē₅ Jm_{ig4} Tē₂'in₅₄, 'ein₂ ca₂'in₃ dsa₂ juig₂ i₂lión₂.
⁷Jaun₂ jme₁'en₅₄ né'₃ 'má₃ jan₂ dsa₂ i₂chen₂ Barrabás, quian'₅₄ dsa₂ i₂ma₂ca₂jme₃dsian₅ dsa₂ jme₁ca₂nau₂ 'nei₂. ⁸Jaun₂ ca₂mi₃ dsa₂ juig₂ ca₂tsí'₃ Pilato a₂jmo₃ con'₂ lē₅ tag₄ chí'₅. ⁹Jaun₂ ca₂ñag₃ Pilato ca₂tsí'₃ dsa₂ juig₂:

—¿'Niog'₂ 'nia'₂ lon₄ jniá₂ Rag₅₄ quián₅ dsa₂ judíos?

¹⁰Ia₁ ca₂rē_{l1}'₄ bá₄ Pilato 'ñiog₅ a₂'iog₅₄ uig₅ dsí₅ bá₄ juig₅₄ jme₂dsa₂ ca₂jín'₂ Jesús ne₅₄. ¹¹La₁ juig₅₄ jme₂dsa₂ ně₃ ca₂toin'₂ jág₁ dsa₂, jaun₂ toin'₃ co₂mi'₅₄ a₂mi₃ lión₂ Barrabás bá₄. ¹²Jaun₂ ca₂ñag₃ táng₃ Pilato ca₂tsí'₃ dsa₂ juig₂:

—¿'E₂ guē'₂ 'niog'₂ 'nia'₂ jmo₅₄ jniá₂ quian'₅₄ i₂tē'₂ 'nia'₂ rag₅₄ quiáng'₂?

¹³Jaun₂ ca₂ñag₃ dsa₂ juig₂ co₂mi'₅₄ tioen'₅₄, ca₂juá'₂:

—¡Tióin₃ cróg₄!

¹⁴Jaun₂ ca₂juá'₂ táng₃ Pilato:

—¿'E₂ 'uig₅₄? ¿'E₂ guē'₂ dso₄ ma₂'náu₂?

La₁ tē_{le3} i₂juí'₂ guē'₄ co₂mi'₅₄ ca₂toin'₂, ca₂juá'₂:

—¡Tióin₃ cróg₄!

¹⁵La₁ Pilato ně₃, ia₁jaun₂ dsi₃lén₂ dsa₂ tei₄, ca₂lióin₂ bá₄ Barrabás i₂mi₅ dsa₂ lión₂. Jme₁ma₂nē₂dsi₃ Pilato 'éi'₃ a₂bán₂ dsa₂ Jesús, jaun₂ ca₂jáng'₂ o₄gú₃ dsa₂ juig₂ jaun₂ tion₃ cróg₄.

¹⁶Jaun₂ ca₂tág₃ 'lióg₂ Jesús tē_{le3} i₁dsi₅ ne₄ta₁, (co₂'nió'₄ caun₂ ja₁chei₂ Praetorio), jaun₂ ca₂ñí'₂ 'lióg₂ ca₂le₃jín₃ riin'₅₄.

¹⁷Jaun₂ ca₂quei'₃ dsa₂ caun₂ capa 'ui'₃, * jaun₂ ca₂jmo₃ caun₂ corona quian'₅₄ chi₁uín₃ taun₅, ca₂tó'₂ mi₂dsi₄ Jesús. ¹⁸Jaun₂ ca₂jme₃lióg₃ qui₂ca₂cuag₃ Diú₄ tioen'₅₄, ca₂juá'₂:

—¡Sian'₃ 'ne₂ Rag₅₄ quián₅ dsa₂ judíos!

¹⁹Jaun₂ qui₂ca₂bá₂ mi₂dsi₄ Jesús quian'₅₄ ni₁'ma₂ ta₅, qui₂ca₂'héi₂ ně₃ tioen'₅₄, qui₂ca₂chi₃jné₃ ně₃, a₂jme₂juag'₂.

²⁰Jme₁ca₂lē₃ a₂lē₁co₂j móg'₂ jaun₂, ca₂dsein₂₃ táng₃ Jesús tsi₁'mi'₂ 'ui'₃ a₂jme₁ca₂quei'₃. Jaun₂ ca₂quei'₃ táng₃ ni₁tsin'₅₄ a₂jme₁qui'₂. Jaun₂ guē'₄ ca₂jñiai₃ Jesús a₂dsi₃tion₃ cróg₄.

Ca₂tion₃ dsa₂ cróg₄ Jesús

(Mateo 27:32-44; Lucas 23:26-43; Juan 19:17-27)

²¹Jaun₂ ca₂chi₃quián₂ jmig₄ jan₂ dsa₂ i₂'en₅₄ jui₅ jón'₅ ja₁nau₂, i₂chen₂ Si₂mu₅₄ i₂chan₂ juig₂ Cirene, i₂lín₅ jmei₂ Alejandro quian'₅₄ Rufo, a₂cán₂ 'éi₂ cróg₄ quió'₅ Jesús.

²²Jaun₂ ca₂jñia₃ dsa₂ Jesús caun₂ ja₁chei₂ Gólgota, (co₂'nió'₄ jein₅ jág₁ chei₂ Dsi₂con'₂ Ni₁mu₅ Mi₂dsi₄ 'Lag₄.) ²³Jaun₂ ca₂jén'₃ ne₄ Jesús vino a₂rē₂cón'₅ quian'₅₄ mirra, la₁ tsá₃ ca₂gue₃ 'éi₂.

* 15:17 Color 'ui'₃ jui₁liá'₂ 'mi'₂ a₂qui'₅₄ rag₅₄.

24 Jaun₂ guě₄ ca₂tion₃ cróg₄. Dsi₂'lióg₂ guě'₂ ně₃ ca₂jmo₃ dsióg₁ tsin'₅₄ Jesús, ca₂co₃ o₁ne₄ 'ein₂ lí'₂.

25 Con'₂ hora nj₁ nj₃ tē₂ o₃'iog₂,† ca₂tion₃ dsa₂ cróg₄. 26 Jaun₂ ca₂tióng₃ letra dsi₄ cróg₄ co₂'nió'₄ a₂juá'₂ 'e₂ dso₄ a₂bóin'₂ Jesús, a₂juá'₂: “RAG₅₄ QUIÁN₅ DSA₂ JUDÍOS.” 27 Ján₃ bá₄ ca₂tioin₃ guě₄ on₃ dsa₂ 'ang₂ co₂lē₅ quiong'₅₄, jan₂ tē₂le₃ gu₂ ne₁, jan₂ guě'₂ tē₂le₃ gu₂ jen₅.‡

29 Jaun₂ ca₂le₃jín₃ dsa₂ i₂qui₂ca₂ní₃ jui₅ jaun₂ qui₂ca₂jnaú'₂ jág₁ uig₅, qui₂bí₂ dsi₅₄, ca₂juá'₂:

—Ia₁, ζon₁ 'ne₂ i₂juá'₂ a₂'éng'₄ guá'₅ con'₂ siá'₂ ting'₂ jmog'₅₄ táng₃ quian'₅₄ 'ni₅ jmig₄? 30 Nē₃ ně₃, lion₄ 'njag'₂, ja₁tong'₂ ně₅.

31 Ján₃ bá₄ le₂jaun₂ a₂lē₁qui₂co₂jmóg'₂ juig₅₄ jme₂dsa₂, quian'₅₄ tē₅juá'₅, dsia₂₃ jág₁ qui₂tsí'₅ riin'₅₄, juá'₂:

—Ca₂lión₂ bá₄ i₂sián'₂, la₁ 'njog₅ bá₄ tsá₃ lé₂ le₃lióin₃. 32 Jui₁sión₄ cróg₄ I₂rē₂'ín₁ quián₅ Diú₄ ně₅, i₂juá'₂ lín₅ Rag₅₄ quián₅ dsa₂ juig₂ Israel, ia₁jaun₂ tē₅₄ ne₄ jniog₄, ia₁jaun₂ le₃'éin₂.

Le₂jio₅ dsa₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jon₃ Jesús

(Mateo 27:45-56; Lucas 23:44-49; Juan 19:28-30)

33 Jme₁ca₂tē₂ dsi₃ní'₃,§ ca₂'ág₂ nei₂ le₂con₂ 'uē₃ jaun₂, ca₂lia'₂ ca₂tē₂ hora nj₁ 'ni₅ tē₂le₃ ca₂'láu₂. * 34 Hora jaun₂, ca₂'nja₂ guě₄ Jesús jág₁, ca₂juá'₂ tiá₂:

—Eloi, Eloi, ζlama sabactani? —co₂'nió'₄ a₂juá'₂: Diú₄ quiáng₃, Diú₄ quiáng₃, ζ'e₂ lē₃ ma₂nē₂téi'₃ jniá₂?†

35 I₂lín₅₄ dsa₂ i₂jme₁tión₂ cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—iNei₂! Elías i₂jme₁'ē₂ jág₁ quián₅ Diú₄ ma₂líg'₂ tē'₂.

36 Jaun₂ ně₃ njó₃ jan₂ co₂chi'₅₄ i₁quian₅₄ caun₂ ni₁jau₂ guion₅ jmig₂. Jaun₂ ca₂guioin₃ vino dsi'₃. Jaun₂ ca₂chi₃dsi₂nei'₅₄ caun₂ ni₁'ma₂ ta₅, jaun₂ ca₂jén'₃ ne₄ Jesús ia₁jaun₂ jme₁'ín₂. Jaun₂ juá'₂:

—O₁ne₄ chi₂jua'₂ jiá₃ Elías jaun₂ sió₂ quió'₅.

37 Cón'₂ bá₄ ca₂'njíog₂ guě₄ Jesús tiá₂ lín₃, co₂tan₅₄ ca₂join₃.

38 Hora jaun₂ dé₄ dsón'₂ co₂dsia₅ ca₂chen₃ ca₂tē₂ guei'₅₄ ca₂tē₂ 'uē₃ ca₂lē₃ tin₃ tsín'₅ tsi₁'mi'₂ pa₁ a₂jme₁'ei₅ dsi₂néi₂ guá'₅ templo.

39 Jaun₂ juig₅₄ 'lióg₂ i₂jme₁chén'₄ cau₅ cróg₄, jme₁ca₂jág₃ 'a₂ lia'₂ ca₂jon₃ Jesús, jaun₂ ca₂juá'₂:

—Tē₃dsón'₂ bá₄ jme₁lín₄ dsa₂ ně₅ Ja₁ní'₅₄ Diú₄.

† 15:25 lit. “hora 'ni₅,” ‡ 15:27 A₂lín₅₄ chog₅₄ si₂ chi₁ton₅ versículo 28, a₂juá'₂ le₂la₂: “Jaun₂ le₂jaun₂ ca₂rē₃ti₃ con₂ lē₅ juá'₂ Si₂ quió'₅ Diú₄: ‘Aj₂má'₂ dsa₂ 'éi₂ jui₁lia'₂ jē₁jmái'₂ dsa₂ i₂rin₂ dso.” ’.” Isaías 53:12. § 15:33 lit. “hora njéi₂.” * 15:33 lit.

“hora nj₃,” † 15:34 Salmo 22:1.

⁴⁰ Jaun₂ bá₄ jme₁tió_{n2} i₂lin₅₄ 'io₅₄, jág₅ úing₂ já_{n3}. Jë₄ jaun₂ jme₁chén_{'4} María chan₂ Magdala, quian_{'54} María chog₅₄ i₂chen₂ José, quian_{'54} i₂chen₂ Jacobo[†] i₂lín₅ i₂me_{'2} guě₄, quian_{'54} guě₄ jan₂ i₂chen₂ Salomé. ⁴¹ 'Io₅₄ 'éi₂ ma₂ja₂léin₂ le₂tan₅₄ 'uě₃ Galilea jme₂ti₃ ne₄ Jesús. Juin₅ bá₄ guě₄ 'io₅₄ sián_{'2} i₂ma₂ja₂lén₂ 'ein₂₃ Jesús tē₂ Jerusalén.

Ca₂'on₃ Jesús

(Mateo 27:57-61; Lucas 23:50-56; Juan 19:38-42)

⁴² Jme₁ca₂tó_{'2} nei₂ jmig₄ jaun₂, tion_{'54} dsa₂ jmo₂₃ co₂jñia₅₄ jui₁lia_{'2} 'ióg₃ jmig₄ jñi_{ó5}. ⁴³ Jaun₂ ca₂dsi_{óg3} José i₂chan₂ Ari-matea, i₂lín₅ jan₂ dsa₂ dsen₅₄ i₂quian_{'54} dsi₂tan₅₄ quián₅ guá_{'5}. Ia₁ 'éi₂ já_{n3} jme₁chi₁jñia₂₃ a₂'ín₂ dsí₅ a₂guá₂ 'éi_{'3} quió_{'5} Diú₄. Jaun₂ ca₂dsia₃ tiá₂ dsí₅ ně₃, n_{ó3} ja₁con₂ Pilato, ca₂i₁mii₁₂ 'lag₄ Jesús. ⁴⁴ Jaun₂ ca₂i₃g_{ó3} dsí₅ Pilato jme₁ca₂nág₂ a₂ma₂jon₅ Jesús, jaun₂ ca₂tě_{'3} juig₅₄ 'lióg₂ ca₂ñag₃ chi₂jua_{'2} dsón_{'2} ma₂join₂₃. ⁴⁵ Jme₁ca₂rě₃jñi₅ ca₂juá_{'2} 'lióg₂, “Dsón_{'2} bá₄ le₂jaun₂ ma₂ca₂lě₃”, jaun₂ ca₂jñin_{'2} 'lag₄ o₄gú₃ Sě₄ 'éi₂. ⁴⁶ Jaun₂ Sě₄ ně₃ ca₂i₁lia₅ 'mi_{'2} tióg₃; quian_{'54} a₂jaun₂ ca₂lioin₃ 'lag₄ Jesús jme₁ca₂si_{ó2} cróg₄. Jaun₂ ca₂to_{'2} 'ñi_{ó3} tau₂ 'ñio₅ a₂jme₁ma₂lě₅ dso_{'2} ni₁lau₂. Jaun₂ ca₂mói₂ ca₂míg₂ ni₁cang₁ 'í₂ pa₁, ca₂jne₃ 'o₄ tau₂ 'ñio₅. ⁴⁷ Jaun₂ María i₂chan₂ Magdala quian_{'54} María chog₅₄ José, ca₂tě₂ ne₅₄ ja₁ca₂'on₃ Jesús.

16

Ca₂jen_{'54} Jesús

(Mateo 28:1-10; Lucas 24:1-12; Juan 20:1-10)

¹ Le₃ca₂gú_{'3} jmig₄ jñi_{ó5}, jaun₂ María i₂chan₂ Magdala quian_{'54} María chog₅₄ Jacobo,* quian_{'54} guě₄ jan₂ i₂chen₂ Salomé, ca₂i₁lia₅ no_{'54} mi₂juig₂ a₂jme₁dsi₃tsáng₃ ni₁jñi₁ 'lag₄ Jesús. ² Jaun₂ le₁né₃ guě₄ jme₁jñia₃ jmig₄ le₂'uig₅₄ semana, ca₂i₃léin₂ ja₁chi₁'on₅ Jesús, ca₂dsi₃léin₂ con_{'2} ma₂'en₅ ca₂la₂ 'iog₂. ³ Jaun₂ dsia₂₃ jág₁:

—¿Ein₂ jme₃'o₅₄ jniog₄ mói₂ cau₅ ni₁cang₁ a₂chi₁jñi₅ 'o₄ tau₂ 'ñio₅?

⁴ La₁ jme₁ca₂jág₃ ně₃, jua_{'2} ma₂rě₂mu₅, cau₅ bá₄ ma₂chí_{'5}. Ia₁ a₂jme₁pa₁ lin₃ bá₄ ni₁cang₁. ⁵ Jaun₂ ca₂i₃toin_{'54} 'ñi_{ó3}, jaun₂ ca₂jñin₂ jan₂ dsa₂ chi_{'2} i₂qui_{'2} 'mi_{'2} chen_{'54} tiog₂, guá₅ tē₂le₃ gu₂ ne₁ ja₁i₃léin₂ jaun₂. Jaun₂ ca₂i₃g_{ó3} dsí₅ 'io₅₄ ně₃. ⁶ La₁ ca₂juá_{'2} dsa₂ 'éi₂:

—Tsá₃ jui₁dsi₂g_{ó3} 'au_{'2} 'nia_{'2}. A₂'na_{'2} Jesús bá₄ 'nia_{'2} i₂niog_{'54} i₂ca₂jon₃ ca₂tion₃ dsa₂ cróg₄. La₁ ma₂ca₂jein_{'54} bá₄. Tsá₃ 'éi₂ chan₂ ja₁lá₃. Ně₅ jag₄ 'nia_{'2} ja₁ca₂quio₅ dsa₂. ⁷ Jaun₂ o₂nó_{'5} 'nia_{'2}

[†] 15:40 o₃, Santiago. * 16:1 o₃, Santiago.

o₂chei'₅₄ chi'₂ dsi₂guia₃-tín₂ quiáin₅, Pe₄ ně₃, a₂ma₂'ein₅₄ jui₅ ḡó₅ jñái₅ lia'₂ con'₂ guě₄ 'nia'₂ jui₅ Galilea. Ja₁jaun₂ o₁jñin'₄ 'nia'₂ con'₂ lě₅ jág₁ quió'₅ ma₂ca₂juá'₂.

⁸ Jaun₂ ca₂'uiin₂ tau₂ 'ñio₅ i₃lein₃ cuing₂₃, dsi₂gó'₃ dsí₅ jlein₂₃. Tsá₃ 'ein₂ ca₂tsí'₃ le₂'i₄ jui₅, ia₁ a₂gó'₅ bá₄ i₃lein₃.

Ca₂jme₃jnia₅ Jesús ne₄ dsa₂ quiáin₅.†
(Juan 20:11-18)

⁹ Jaun₂ tē₂le₃ o₂'iog₂ jmig₄ le₂'uig₅₄ a₂ca₂rě₃lióg₃ semana a₂ca₂jein'₅₄ jaun₂, ca₂jme₃jñiai₂₃ le₂'uig₅₄ ne₄ María chan₂ Magdala, i₂ca₂'uín'₂ Jesús guion₃ je₂na'₅₄ quió'₅ le₂jñiá₅. ¹⁰ Jaun₂ 'éi₂ ně₃ ca₂i₁chi'₄ dsa₂ i₂jme₁quian'₅₄ Jesús. 'Éi₂ ně₃, tioen'₅₄ 'lia'₂ dsí₅, qui'₂-o₂₃ bá₄. ¹¹ Jme₁ca₂nág₂ juá'₂ 'io₅₄ a₂ma₂chan₂ táng₃ Jesús, ia₁ ma₂ně₂jág₂ 'io₅₄, la₁ tsá₃ 'ein₂ ca₂rě₃'én₂ guě'₂ jág₁ jaun₂.

Ca₂jme₃jnia₅ Jesús ne₄ on₃ dsa₂ quiáin₅
(Lucas 24:13-35)

¹² Cang₂ jaun₂ táng₃ ca₂jme₃jnia₅ Jesús le₂siá'₂ ne₄ on₃ dsa₂ 'éi₂ quiáin₅, ja₁jme₁i₂nioi₅₄ ja₁nau₂. ¹³ Jaun₂ ca₂i₃lein₃ táng₃ ca₂i₁chi'₄ riin'₅₄. Ján₃ bá₄ le₂jaun₂ tsá₃ 'ein₂ riin'₅₄ ca₂rě₃'én₂ jág₁ a₂dsia₅ 'éi₂.

Ca₂chen₃ Jesús chi'₂ dsi₂guia₃-tín₂ i₂lě₂ guě₄
(Mateo 28:16-20; Lucas 24:36-49; Juan 20:19:23)

¹⁴ Cang₂ guě₄ jaun₂ ca₂jme₃jnia₅ Jesús jñi₄ ta₁guia₃-ján₃ con'₂ i₂jme₁tén₄ guě'₅. Jaun₂ ca₂jí₂ ia₁ 'e₂ lě₃ njá₄ lě₃ cang₄ dsi₅₄, tsá₃ 'éin₂ a₂juá'₂ riin'₅₄ i₂ma₂ca₂tě₂ ne₄ a₂ma₂ca₂jein'₅₄ táng₃.

¹⁵ Jaun₂ ca₂juá'₂ ca₂tsí'₃ dsa₂ 'éi₂:

—O₂nó'₅ 'nia'₂ le₂con₂ mi₂güig₃, o₂'ě₃ jñi₄ ca₂le₃jñi₃ dsa₂ jág₁ dse₃. ¹⁶ I₂'én₂, i₂jñó₂ jmig₂ ně₃, lióin₂, tñin'₄ bá₄. I₂tsá₃ 'én₂ ně₃, le₃chain₂ tioen'₅₄ 'éi'₃ a₂dsi₃'éin₂. ¹⁷ Jaun₂ léi₄ la₂ jme₃quian'₅₄ dsa₂ 'én₂. Tē₂le₃ quian'₅₄ bí₂ 'éi'₃ quió₃ jñiá₂, 'uín'₂ je₂na'₅₄, ton'₂ dsia₃ dsa₂ jág₁ jmei₅ 'mí₂ ně₃. ¹⁸ Nē₁juá'₂ 'ein₂ ca₂jñi₃ dsi₂mi'₂, o₃ 'ein₂ ca₂'in'₃ mí₅ 'lig'₅₄, la₁ tsá₃ 'e₂ jén'₄. Qui₂quio₃ gu₂ ne₄ quió'₅ dsa₂ dso'₅₄, jaun₂ 'lión₂ bá₄ dsa₂.

Ca₂uíg₂ Jesús guei'₅₄ i₂juig₃
(Lucas 24:50-53; Hechos 1:6-11)

¹⁹ Jme₁ma₂lě₅ juá₂ Te₁gui'₅₄ Jesús le₂ně₅, jaun₂ guě₄ ca₂roin'₂ njái'₃ guei'₅₄ i₂juig₃, jaun₂ ca₂guá₂ tē₂le₃ gu₂ ne₁ quió'₅ Diú₄. ²⁰ Cang₂ jaun₂, dsa₂ i₂jme₁quian'₅₄ ně₃, ca₂'uiin₂ i₁lein₅₄ ca₂le₂con₂ juig₂ i₁'ě₄ jág₁. Jaun₂ 'ñiog₅ bá₄ Te₁gui'₅₄ Jesús ca₂cuě₃ bí₂, ca₂jmo₃ léi₄ a₂dsón'₂ dsau₅ jág₁ quió'₅, tē₂le₃ quian'₅₄ ca₂le₃jě₃ léi₄ juě'₂ a₂qui₂ca₂jmo₃ dsa₂ quiáin₅.

† 16:8 Chog₅₄ si₂ a₂lě₅ gui'₅₄ guě₄ tsá₃ le₁ton₅ versículos 9-20.

Co₂n₅.

Jág₁ Dse₃ quió'₅ Diú₄ a₂ca₂tó'₂ San Lucas ne₄ Si₂

Jág₁ a₂ca₂rë₃lióg₃ Si₂ a₂ca₂jmo₃ San Lucas

¹ Juin₅ bá₄ dsa₂ i₂qui₂ca₂nio₃ ne₄ ca₂can₃ ta₁ ca₂tó'₂ ne₄ si₂ ca₂le₃jë₃ jág₁ 'a₂ lia'₂ dsón'₂ niog₅ ca₂lë₃ jë₄ quián₂ jnia'₅₄,
² lia'₂ con'₂ lë₅ ca₂jme₃tag₅ dsa₂ i₂ca₂të₂ ne₄ lia'₂ con'₂ le₂'uig₅₄
 jme₁ca₂rë₃lióg₃, ton'₂ ca₂jme₃'o₅₄ ca₂'ë₂ jág₁ dse₃. ³ Ján₃
 bá₄ le₂jaun₂, jniá₂ në₃ ma₂cáun₃ 'í₁ dse₃ lín₃ 'a₂ lia'₂ ma₂já₅
 jë₁le₂'uig₅₄, jaun₂ bá₄ líng₂ dsi₂ten₅₄ a₂tó'₄ ne₄ si₂ la₂ ca₂le₃jë₃ lia'₂
 con'₂ lë₅, a₂tsíng₂ ne'₅₄ 'ne₂, gui'₅₄ Teófilo,* ⁴ ia₁jaun₂ ñi'₅₄ dse₃
 a₂dsón'₂ tí₅ jág₁ a₂ma₂ca₂rë₃tíng'₃.

'ë₂ jág₁ ángel quián₅ Diú₄ a₂le₃chan₂ Juan₅₄ i₂chon₃ dsa₂ jmig₂

⁵ Jmig₄ lia'₂ con'₂ jme₁lín₄ Herodes rag₅₄ 'uë₃ Judea,
 jme₁chan₂ jan₂ jme₂dsa₂ i₂jme₁chen₂ Zacarías, i₂jme₁tén₄
 le₃quió'₅ co₂nió'₃ jme₂dsa₂ quián₅ Abías. Dsa₂ mí₂ quián₅
 jme₂dsa₂ 'éi₂ në₃ jme₁chen₂ Elisabet, i₂jme₁lín₄ tsi₁jon₂ quián₅
 jme₂dsa₂ Aarón. ⁶ Le₃oin₃ jme₁lín₄ dsa₂ dsen₃ le₃ne₄ Diú₄,
 jme₁jme₂ti₃ 'éi₃ quió'₅ Te₁gui'₅₄. A₂chain₂ le₂jaun₂ në₃, tsá₃ 'ein₂
 qui₂le₃bóg'₂ dso₄ jua'₅₄ 'e₂ dso₄ le₃bóg'₂. ⁷ La₁ 'i₁jan₂ guein₂ tsá₃
 i₂ma₂ca₂rë₃chán₃ quián₅, ia₁ jme₁lín₄ Elisabet jan₂ 'io₅₄ quen₂.
 Jme₁ma₂cain₅₄ ma₂guein₂ 'ñio₅ lín₃ jain₂ jain₂.

⁸ Co₂ráun₂, ca₂lë₃ jme₁ca₂të₂ jmig₄ a₂tin₅₄ jme₂dsa₂ i₂quian'₅₄
 Zacarías a₂jme₃ti₃ ta₁ a₂tióin₂ ne₄ Diú₄, ⁹ a₂jmo₃ lia'₂ con'₂ lë₅
 tag₄ chí'₅ quió'₅ jme₂dsa₂. Të₃jë₄ jmig₄ jaun₂, ca₂o₃ág₃ jág₁
 ca₂tín₂ Zacarías, a₂'í₂ dsi₂néi₂ ja₁jñió₅ quió'₅ Te₁gui'₅₄ a₂dsí'₂
 chen₂. ¹⁰ Të₁lia'₂ 'ein₅₄ dsí'₂ chen₂ ne₄chei₂ në₃, dsa₂ juig₂ guë'₂
 le₃ca₁'né₄ bá₄ le₁ñi₂ chi₂lén'₂ Diú₄.

¹¹ Të₃jë₄ jaun₂ ca₂jme₃jnia₅ jan₂ ángel quián₅ Te₁gui'₅₄ ne₄
 Zacarías të₂le₃ gu₂ ne₁ ja₁lë₄ ne₄chei₂. ¹² Jme₁ca₂jág₂ Zacarías,
 ca₂ja₃gó'₃ dsí₅ 'ñio₅ lín₃, ca₂lia'₂ tsá₃ a₂ñi₅ jmo₃ ca₂jén'₃. ¹³ La₁
 ca₂juá'₂ ángel:

—Zacarías, tsá₃ lë₁jmo₂ gang'₃, ia₁ ma₂nág₂ Diú₄ jág₁ quiáng'₂
 a₂chi₁lein'₅₄, jaun₂ le₃chan₂ jan₂ guein₂ dsa₂ ñe'₂ quián₅ Elisabet
 dsa₂ mí₂ quiáng'₂. Guein₂ 'éi₂ quiang'₅₄ Juan₅₄. ¹⁴ Jmó'₂
 'io₂ le₃chang'₂, o₂'ñió₃ o₂jñia₃ 'au'₂ në₃, ján₃ bá₄ juin₅ i₂të₃ dsí₅
 jë₁ma₂chain₂. ¹⁵ Ia₁ lén₂ dsa₂ juin'₂ le₃ne₄ Te₁gui'₅₄. Tsá₃
 vino 'ín'₂, on₃ guë'₂ ti₁jmg₃ në₃; Jme₂dsí₂ Jñió₅ bá₄ ma₂rë₂rin₅
 të₂dsí₅ né'₃ a₂le₃chain₂. ¹⁶ Co₃jén'₂ juin₅ lín₃ dsa₂ juig₂ Israel

* 1:3 o₃, "ne₂ i₂nióg₃ Diú₄."

le₃quió'₅ Te₁gui'₅₄ Diú₄ quiáin₅.¹⁷ 'Éi₂ i₂já₅ ne₄ jui₅ quió'₅ Te₁gui'₅₄, 'ein₅₄ jme₂dsí₂, ton'₂ 'io₂₃ jui₅bí₂ jui₁lia'₂ a₂jme₁'io₅ Elías, a₂jme₃dsiain₁₂ mi'₅₄ ja₁con₂ dsa₂, quian'₅₄ chi'₂-guein₂ quiáin₅, a₂co₃jéin'₂ jui₁lia'₂ i₂tsá₃ ne'₅₄, jme₃tag₂₃ le₃tin₂ le₃ñí'₂ a₂dse₃. Le₂ně₅ jmo₃ co₂jñia₅₄ dsa₂ ia₁jaun₂ guein₃ Te₁gui'₅₄.

18 Jaun₂ ca₂ñag₃ Zacarías ca₂ñí'₃ ángel:

—'A₂ bá₄ lia'₂ lé₂ le₃guion₅₄ jniá₂ a₂tí₅ dsón'₂ jág₁ ně₅? Ia₁ dsa₂ ma₂guen'₂ bá₄ jniá₂, le₂jaun₂ guě'₂ dsa₂ mí₂ quiáng₃ i₂ma₂dsi₁jui₅₄ ñi₂ ján₃.

19 Jaun₂ ca₂ñag₃ táng₃ ángel:

—Gabriel bá₄ jniá₂, chéng'₅ le₃ne₄ Diú₄. A₂cheng₅₄ bá₄ guio₃ a₂juá'₄ jág₁ dse₃ la₂ ne'₅₄.²⁰ La₁ tē₂ně₃, cóng'₂, tsá₃ ma₃jág₁ le₃dsiá'₁ ca₂lia'₂ ca₂lē₃ le₂ně₅, 'uig₅₄ ia₁ a₂tsá₃ 'éng'₂ jág₁ quió'₃ a₂le₃ti₃ jē₁ma₂dsin₃ jmig₄ jaun₂.

²¹ Dsa₂ juig₂ ně₃, le₁jñia₂₃ a₂o₃'in₅ Zacarías, dsi₂gó'₃ dsí₅ ia₁ a₂ca₂rě₃'in₄ 'éi₂.²² Jme₁ca₂o₃'iin₃ ně₃, la₁ tsá₃ ma₃jág₁ le₂dsia₃, jaun₂ ca₂rě₃lí'₄ bá₄ dsa₂, cha₂ a₂ca₂jág₃ dsi₂néi₂ guá'₅ templo. A₂jñia'₅₄ qui₂bí₂ gu₂ bá₄ jmo₂₃ léi₄, ia₁ ma₂coin₅₄.

²³ Jme₁ca₂dsin₃ jmig₄ a₂jme₃ti₃ ta₁ jaun₂, jaun₂ ñái'₃ bá₄ ja₁quió'₄.²⁴ Cang₂ jaun₂ ně₃, ca₂can₃ Elisabet dsa₂ mí₂ quiáin₅ guein₂. Tē₂lia'₂ jaun₂, tei₄ bá₄ ca₂'í₃ dsi₂néi₂ quió'₅ con'₂ 'ñiá₂ tsi'₂. 'Ein₅₄ qui₂dsi₂jñia₅ dsí₅, llin₂.²⁵ “Co₂ně₅ ca₂rě₃'ñi₃ó₃ dsí₅ Te₁gui'₅₄ a₂ling₅ le₂la₂, ia₁jaun₂ tsá₃ ma₂'ag₃ dsa₂ 'lig'₅₄.”

'Ē₂ jág₁ jan₂ ángel quián₅ Diú₄ a₂le₃chan₂ Jesús

²⁶ Jñéi₂ tsi'₂ ma₂ne₁ñó₄ a₂quian₅ Elisabet guein₂; Diú₄ ně₃ ca₂chein₃ táng₃ ángel Gabriel caun₂ juig₂ ja₁tén₄ Galilea ja₁chei₂ Nazaret,²⁷ a₂ca₂i₁jme₁jñiai₂₃ ne₄jan₂ dsa₂ mi₄ i₂jme₁ma₂li'₅₄ jág₁ a₂jéin'₂ gu₂ quian'₅₄ i₂chen₂ José, jan₂ dsa₂ tsi₁jon₂ Rag₅₄ David. Dsa₂ mi₄ 'éi₂ jme₁chen₂ María.²⁸ Jaun₂ ně₃, ca₂'í₃ ángel dsi₂néi₂ ja₁'en₅₄ María, jaun₂ ca₂juá'₂:

—iSiang'₃ María! i'E₂ guě₄ dsen'₃ 'ne₂, ia₁ quiong'₅₄ Te₁gui'₅₄!†

²⁹ La₁ jme₁ca₂nág₂ María jág₁ ně₅, 'ñio₅ lin₃ ca₂i₃gó'₃ dsí₅, jaun₂ ca₂'náu'₃ dsí₅ 'e₂ bá₄ jein₅ jág₁ jaun₂.³⁰ Jaun₂ ca₂juá'₂ táng₃ ángel:

—Tsá₃ lē₁jmo₂ gang'₃, María, ia₁ a₂dse₃ dsí₅ Diú₄ jmo₂₃ ja₁cong'₂.³¹ Ní₂, 'í₂ jan₂ guein₂ tē₂'au'₂; le₃chan₂ jan₂ guein₂ dsa₂ ñe'₂ quiáng'₂, jaun₂ quiaín'₅₄ JESÚS.³² 'Nio₅ jui₁n'₂ léin₂; quiong₃ dsa₂ a₂lín₅ Ja₁ñi'₅₄ Diú₄ i₂guá₅ guei'₅₄ lin₃. Te₁gui'₅₄ Diú₄ ně₃, dsio₃ ne₄ta₁ quió'₅ David jme₂gui'₂.³³ Jaun₂ jme₃goin₃ con'₂ tan₅₄ ne₄ chi'₂ dsio₄ Jacob, jaun₂ tsá₃ ma₃líg'₂ jmig₄ dsi₃ñí₂ 'éi'₃ quió'₅.

† 1:28 A₂lin₅₄ chog₅₄ si₂ juá'₂ ján₃: “Ma₂jme₂gu'₅₄ Diú₄ jme₂gon'₅₄ 'ne₂ con'₂ guě₄ ca₂le₃jín₃ dsa₂ mí₂.”

34 Jaun₂ ca₂ŋag₃ María ca₂ŋi'₃ ángel:

—¿'A₂ bá₄ lia'₂ lé₂ a₂ně₅? Ia₁ tsá₃ dsa₂ ŋe'₂ cuíng₅.

35 Jaun₂ ca₂ŋag₃ ángel:

—Jme₂dsí₂ Jñi₂ó₅ bá₄ jmo₃ a₂lé₂ le₂jaun₂ ja₁cong'₂; jui₅bí₂ quió'₅ Te₁gui'₅₄ i₂guá₅ guei'₅₄ bá₄ li₃ 'én'₁ quió'₅. Jaun₂ lě₃, guein₂ jñi₂ó₅ i₂le₃chan₂ 'éi₂, quiong₃ dsa₂ Ja₁ŋi'₅₄ Diú₄.[†] 36 Ján₃ bá₄ le₂ně₅ Elisabet ríng'₂, o₁jñia'₅₄ ma₂guein'₂, ma₂tě₂ jñéi₂ tsi'₂ a₂quiain₂₃ guein₂, jaun₂ le₂ně₅ bá₄ le₃chan₂ jan₂ guein₂ quián₅ i₂tě'₂ dsa₂ 'io₅₄ quen₂. 37 Ia₁ 'i₁caun₂ tsá₃ 'e₂ cha₂ jua'₅₄ a₂tsá₃ qui'₅₄ jmig₄ Diú₄.

38 Jaun₂ ca₂juá'₂ María:

—Ní₂, dsa₂ i₂jme₂ti₃ ta₁ ne₄ Te₁gui'₅₄ bá₄ jniá₂; jui₁le₅₄ ja₁cong₂ con'₂ lě₅ jág₁ quiáng'₂.

Jaun₂ ca₂ŋá'₃ ángel ja₁coin₂.

Ca₂i₁jag₅₄ María ja₁quió'₄ Elisabet

39 Tě₃jě₄ jmig₄ jaun₂, ca₂ŋó₃ María tě₂le₃ dséi₂ jui₅ juig₂ niog₅ má'₂ ja₁tén₄ Judea. 40 Jaun₂ jme₁ca₂dsi₂óg₃, ca₂'í₃ dsi₂néi₂ quió'₅ Zacarías, ca₂cuin₃ Diú₄ Elisabet. 41 Jme₁ca₂nág₂ Elisabet a₂cuag₅ María Diú₄, dsi₂jui₅ jaun₂ bá₄ ca₂jín'₂ guein₂ tě₂dsí₅, jaun₂ ca₂rě₃cain'₂ Jme₂dsí₂ Jñi₂ó₅. 42 Jaun₂ ca₂'í₃ co₂mi'₅₄, juá'₂:

—i'E₂ guě₄ 'ŋi₅ jme₂gu'₅₄ Diú₄ 'ne₂, lia'₂ con'₂ guě₄ 'i₁jan₂ dsa₂ m'í₂ sián'₂, le₂jaun₂ guě'₂ guein₂ quiáng'₂ ně₃! 43 ¿I₂'ein₂ bá₄ jniá₂, já₅ chog₅₄ Te₁gui'₅₄ quiáng₃ ja₂jag₅₄? 44 Ia₁ dsi₂jui₅ jme₁ně₂cuag'₅₄ Diú₄, ca₂jín'₂ 'io'₂ jén'₅ guein₂ quiáng₃ tě₂dsi₃. 45 i'E₂ guě₄ dsen'₃ 'ne₂ a₂ca₂rě₃ 'éng'₂, ia₁ le₃ti₃ ja₁cong'₂ a₂ma₂juá'₂ Te₁gui'₅₄!

46 Jaun₂ María ně₃, ca₂juá'₂:

Jme₂juin'₂ tě₂dsi₃ Te₁gui'₅₄.

47 Jme₂dsí₂ quió'₃ ně₃, 'io'₂ jén'₅
le₃quió'₅ Diú₄ quiáng₃ i₂lió₂.

48 Ia₁ Diú₄ ca₂jéin'₃ ne₅₄ ja₁con₂ jniá₂

dsi₂ŋég₂ i₂jme₂ti₃ quián₅.

Jaun₂ ně₃, le₂tan₅₄ le₃ne₄ jui₅ ja₁ŋó₄,

tě₂ dsa₂ líng₅ i₂rě₂gon'₅₄ quián₅ Diú₄.

49 Ia₁ 'e₂ guě₄ 'uan'₂ Diú₄,

ia₁ ca₂jmo₃ caun₂ a₂juě'₂ ja₁cong₂;

i'e₂ guě₄ jñi₂ó₅ a₂chein₂!

50 Co₂tan₅₄ bá₄ ŋéi₂ dsí₅

le₂tan₅₄ tsi₁jon₂ dsa₂ i₂jme₂go₃.

51 Quian'₅₄ gu₂ bén₂, ca₂jmo₃ caun₂ a₂juě'₂

a₂tsá₃ 'ein₂ qui'₅₄ jmig₄.

Ia₁ co₂ŋei'₅₄ ca₂guiain'₃ 'uě₃

dsa₂ i₂con'₂ ŋí'₂ dsí₅ guion₅₄ jmo₂₃ táin'₅.

[†] 1:35 o₃, “Jaun₂ ně₃, guein₂ i₂le₃chan₂ 'éi₂ quiong₃ dsa₂ guein₂ jñi₂ó₅.”

52 Ca₂'liain'₃ cau₅ i₂jme₁tián'₄ can'₅₄,
a₂ca₂dsiain₃ táng₃ i₂jmo₅ me'₂.

53 Dsa₂ i₂jme₁chan₂ 'on₄,
ca₂jme₃tau₅₄ quian'₅₄ a₂dse₃.

I₂ñí₄ jme₁chan₂ dse₃ guë'₂,
ca₂'uág'₂ ca₂chei'₃ líin₃.

54 Ca₂jme₃oin₅₄ dsa₂ juig₂ Israel i₂jme₂ti₃ quiáin₅,
ca₂dsia₃ ñéi₂ dsí₅ ca₂dsáu'₃ dsí₅

55 con'₂ lě₅ jág₁ quió'₅
ca₂tsí'₃ Abraham jme₂gui'₂ jniog₄
quian'₅₄ ca₂le₃jín₃ tsí₁jon₂ quiáin₅ co₂tan₅₄.

56 Con'₂ 'ni₅ tsí'₂ ca₂dsin₃ ca₂'l₃ María ja₁quió'₄ Elisabet. Cang₂
jaun₂ nái'₃ táng₃ ja₁quió'₄.

Ca₂rě₃chán₃ Juan₅₄ i₂chon₅ dsa₂jmig₂

57 Cang₂ jaun₂ ca₂dsin₃ jmig₄ a₂le₃chan₂ guein₂ quián₅ Elisabet, jaun₂ ca₂rě₃chán₃ jan₂ guein₂ dsa₂ ñe'₂ quiáin₅. 58 Jaun₂ ca₂rě₃ñi₅ o₁ríin'₅₄, quian'₅₄ dsa₂ i₂tián'₅ cau₅ quió'₅ ně₃, 'a₂ lia'₂ ca₂jmo₃ Te₁gui'₅₄ dse₃ dsí₅ ja₁con₂ 'éi₂. Jaun₂ ca₂jmo₃ 'io'₂ quiong'₅₄.

59 Jaun₂ ca₂lě₃ ně₃, jme₁ca₂tě₂ jñia₃ jmig₄, ca₂o₃lén₂ dsa₂ ca₂ti₃ lo₄ guein₂, jaun₂ jme₁'nio₃ quiong₃ Zacarías lia'₂ chen₂ jmei₂.

60 La₁ ca₂juá'₂ chog₅₄ guein₂:

—Jan₂'ón₄. Juan₅₄ bá₄ le₃chein₂.

61 Jaun₂ ca₂ñag₃ táng₃ dsa₂:

—'I₁jan₂ o₁ríng'₂ tsá₃ i₂chen₂ le₂ně₅, jme₁né₄.

62 Jaun₂ ca₂jmo₃ dsa₂ léi₄ quian'₅₄ gu₂ a₂ca₂tsí'₃ jmei₂ guein₂ 'a₂ guë'₂ lia'₂ 'nio₃ 'éi₂ le₃chen₂ guein₂. 63 Jaun₂ ca₂mi₃ 'éi₂ ca₂'nau₅₄ jau₅₄ 'ma₂, jaun₂ ne₄ jaun₂ ca₂tióng₃: “Juan₅₄ bá₄ chein₂.” Jaun₂ ca₂l₃gó'₃ dsí₅ ca₂le₃jín₃ tioen'₅₄. 64 Dsi₂juí₅ jaun₂ ca₂ján₃ mi₂'o₄ Zacarías, ca₂'ág₂ 'ua₁ táng₃ le₁tsi'₂, ca₂dsia₃ jág₁, ca₂jme₃juin'₂ Diú₄. 65 Jaun₂ ca₂l₃gó'₃ dsí₅ ca₂le₃jín₃ dsa₂ i₂tián'₅ cau₅, jaun₂ le₂tan₅₄ juig₂ te₁'i₁ 'uě₃ má'₂ ja₁tén₄ Judea ně₃, ca₂l₃'ag₅₄ jág₁ ca₂le₃jě₃ a₂ca₂lě₃ jaun₂. 66 Dsa₂ i₂qui₂ca₂rě₃ñi₅ a₂jaun₂ ně₃, jme₁'nio'₂ dsí₅ i₂gú'₃ jág₁ ně₅, qui₂ñí'₅ le₂jan₂ le₂jan₂ dsia₂₃: “¿'E₂ bá₄ lén₂ guein₂ 'éi₂?” Ia₁ dsón'₂ bá₄ dsau₅ léi₄ jme₁quiong'₅₄ Te₁gui'₅₄ guein₂ 'éi₂.

Le₂la₂ canto a₂ca₂jme₃juin'₂ Zacarías Diú₄

67 Zacarías jmei₂ guein₂ ně₃, rě₂cain'₂ Jme₂dsí₂ Jñió₅, qui₂ca₂'ě₃ jág₁ ca₂cuě₃ Diú₄, ca₂juá'₂:

68 Juí₁le₂juin'₂ Te₁gui'₅₄ Diú₄

quián₅ dsa₂ juig₂ Israel,

ia₁ ma₂guain₂₃ jě₄ quián₂ jniog₄

- dsa₂ juig₂ quiáin₅, ma₂ca₂lió₂.
 69 Ma₂ca₂cuag₃ jniog₄ jan₂ i₂'uan'₂ lin₃
 i₂lín₅ lia'₂ lě₅ caun₂ mi₁juí₁,
 jan₂ i₂jás₅ jě₄ tsi₁jon₂ David i₂ca₂jme₃ti₃ ta₁ ne₅₄,
 a₂ja₂lioin₅₄ dsa₂ quiáin₅.
 70 Le₂ně₅ jág₁ quió'₅ ca₂cuě₃ ca₃ma₂líg'₂,
 ca₂juá'₂ tē₂le₃ quian'₅₄ dsa₂ i₂jme₁'ě₂ jág₁,
 i₂jme₁lě₄ 'í₁ quiáin₅,
 71 jme₁ca₂juá'₂ a₂lió₂ o₄gú₃ dsa₂ i₂'iog₅₄,
 i₂uig₅ dsí₅ jág₂ ně₃,
 72 ja₁juá'₂ ně₃ a₂tiá'₃ nēi₂ dsí₅
 ja₁con₂ dsa₂ can'₅₄ quián₂,
 ja₁juá'₂ ně₃ dsiog'₂ dsí₅ jág₁ jnió₅ quió'₅ ron₅.
 73 A₂ně₅ bá₄ jág₁ jaun₂ ca₂quio₂
 jme₁ca₂'iin₃ 'n₁iog₅
 ca₂tsí'₃ Abraham jme₂gui'₂ jniog₄:
 74 a₂ca₂juá'₂ a₂lió₂ o₄gú₃ dsa₂ i₂'iog₅₄,
 ia₁jaun₂ dsiá₁ tiá₂ dsi₅ jme₁ti₁ ne₅₄,
 75 ia₁jaun₂ le₂chong₂ rē₂ le₃ne₅₄, lě₅ 'í₁,
 ca₂le₃jě₃ jmig₄ chong₂.
 76 Jaun₂ tē₂le₃ ja₁con'₂ 'ne₂ guē'₂, jón₃,
 tē₂ dsa₂ a₂lín'₅ jan₂ i₂'ě₂ jág₁ quián₅ Diú₄
 i₂guá₅ guei'₅₄ lín₃,
 ia₁gog'₅₄ ne₄ jui₅ quió'₅ Te₁gui'₅₄
 a₂jmó'₂ co₂jnia₅₄ jui₅ quió'₅.
 77 'Ne₂ bá₄ o₁jmo'₄ a₂le₃cuí'₅ dsa₂ juig₂ quiáin₅
 'e₂ jaun₂ a₂lón₂ dsa₂,
 tē₂le₃ quian'₅₄ a₂'én₂ dsáu₁.
 78 Ia₁ nēi₂ bá₄ dsí₅ Diú₄ quián₂ jniog₄.
 Jaun₂ lě₃, tē₂ guei'₅₄ i₂juíg₃ bá₄
 chein₂₃ caun₂ si₂,
 nē₂jag₄ bá₄ ca₂jnia₃ caun₂ jmig₄ 'mí₂
 79 ja₁con₂ dsa₂ i₂tián'₅ jě₄ qui₁né'₃,
 ja₁'ei₅ 'én'₁ 'mú₃ ně₃,
 a₂jio₃ jniog₄ caun₂ jui₅ ja₁'ag₃ tei₄.
 80 Caun₂ ca₂i₃cón₃ bá₄ guein₂ 'éi₂, caun₂ rē₂'uain'₂ bá₄ tē₂le₃
 jui₅ jme₂dsí₂ ně₃; ca₂guá₂ caun₂ ja₁lě₄ 'uě₃ quein₂ co₂'n₁iog₅,
 ca₂lia'₂ ca₂tē₂ jmig₄ a₂ca₂jme₃jniai₂₃ jín₄ dsa₂ juig₂ Israel.

2

Ca₂rě₃chán₃ Jesús
 (Mateo 1:18-25)

¹ Jaun₂ ca₂lë₃ në₃ jmi_g₄ jaun₂ ca₂jmo₃ 'éi'₃ gui'₅₄ Emperador Augusto, a₂cho₃ si₂ tioin₃ ca₂le₃jín₃ dsa₂ ta₁caun₂ mi₂güig₃.
² (Jë₁le₂'uig₅₄ si₂ në₅ ca₂cho₃ dsa₂ lia'₂ con'₂ jme₁lín₄ Cirenio dsi₄má'₂ 'uë₃ Siria.) ³ Jaun₂ jma₃quén₅ ca₂tín₂ dsa₂ ca₂le₃jín₃ dsi₃lein₃ juig₂ go₅₄, a₂qui₂dsi₃tioin₃ si₂.

⁴ Jaun₂ ca₂'í₃ José jui₅ ca₂o₃'íin₃ juig₂ Nazaret ja₁tén₄ 'uë₃ Galilea, ca₂ñái'₃ jui₅ 'uë₃ Judea a₂dsiáin'₄ Belén, go₄ David, ia₁ dsa₂ tsi₁jon₂ David bá₄ jme₁lín₄ José. ⁵ Ca₂i₁tioin₃ si₂ ja₁jaun₂ quian'₅₄ María i₂ma₂li'₅₄ jág₁ jéin'₂ gu₂ quiaín'₅₄; ma₂quiaín₂₃ bá₄ guein₂ ñi₂₃. ⁶ Ca₂lë₃ në₃, con'₂ ma₂tioin'₅₄ ja₁jaun₂, ca₂dsin₃ jmi_g₄ a₂le₃chan₂ guein₂ quiaín₅. ⁷ Ja₁jaun₂ ca₂rë₃chán₃ guein₂ ne₅₄ 'éi₂ quiaín₅, 'ein₅₄ ca₂lio₃ 'mí'₂, ca₂quio₂₃ 'ñi₃ó'₃ tsi₁gu₅ ja₁guë'₅ já'₂, 'uig₅₄ ia₁ a₂tsá₃ ma₃ja₁ca₂tín₂ dsi₂néi₂ ja₁siá'₂ ja₁ñia₃.

Ca₂jme₃nia₅ ángel ne₄ dsa₂ i₂jmo₅ 'í₁ já'₂ cha'₂

⁸ 'Uë₃ jaun₂ jme₁tion'₅₄ ñia₅ ja₁nau₂ co₂nió'₃ dsa₂ i₂jmo₅ 'í₁ já'₂ cha'₂ quiaín₅, a₂'uë₃ jaun₂. ⁹ Ca₂jme₃nia₅ jan₂ ángel quiaín₅ Te₁gui'₅₄ ne₅₄, ca₂ñia₃ co₂tág₅ co₂'né'₅ quió'₅ Te₁gui'₅₄ le₃lág'₃ ja₁tioin'₅₄, jaun₂ ca₂rë₃gó'₅ 'ñio₅ lín₃. ¹⁰ La₁ ca₂juá'₂ ángel:

—Tsá₃ jmo₂ 'nia'₂ gang'₃. Ní₂, a₂i₃'ë₃ jág₁ dse₃ bá₄ ñiá₂ guio₃, caun₂ jág₁ quió'₅ ca₂le₃jín₃ dsa₂, jiá₃ cán₂ o₂'ñi₃ó' dsi₅. ¹¹ Ia₁ jmi_g₄ në₃, ca₂rë₃chan₂ o₄quiaín'₂ 'nia'₂ juig₂ go₄ David, jan₂ i₂lió₂, i₂lín₅ Te₁gui'₅₄ I₂rë₂'ín₁ quiaín₅ Diú₄. ¹² Quian'₅₄ léi₄ la₂ o₁quion'₂ 'nia'₂ 'í₁: dsian'₂ 'nia'₂ guein₂ rë₂bón'₅ 'mí'₂, rë₂quiaín₂₃ 'ñi₃ó'₃ tsi₁gu₅ ja₁guë'₅ já'₂.

¹³ Dsi₂jui₅ con'₂ tsá₃ jáin₅, ca₂jíin₂ juin₅ lín₃ ángeles sián'₂ con₂ ángel 'éi₂, ca₂tóin'₂ jme₂juin'₂ Diú₄ ca₂juá'₂:

¹⁴ [Jui₁le₂juin'₂ Diú₄ guei'₅₄ i₂juig₃!

Ne₄ gua'₅₄ 'uë₃ në₃,

jui₁'ei₅ tei₄ ja₁con₂ dsa₂ mi₂güig₃

i₂ma₂dsia₅ Diú₄ dse₃ dsí₅ o₄quió'₄.

¹⁵ Ca₂lë₃ në₃, jme₁ma₂i₃len₃ ángeles guei'₅₄ i₂juig₃, jaun₂ ca₂jme₃lióg₃ dsa₂ i₂jmo₅ 'í₁ já'₂ cha'₂ 'éi₂ qui₂ca₂tsí'₃ riin'₅₄:

—Ma₃ jniog₄ jui₅ Belén, ma₃ dsi₁jag₅₄ a₂ca₂lë₃ ja₁jaun₂, con'₂ lë₅ jág₁ ma₂në₂'ë₂ Te₁gui'₅₄.

¹⁶ Ca₂i₃lén₂ jaun₂ në₃ tē₂le₃ dséi₂. Dsón'₂ rē₂ ja₁jaun₂ ca₂dsáin'₂ María quian'₅₄ José, guein₂ në₃ rē₂quiaín₂₃ 'ñi₃ó'₃ gu₅ ja₁guë'₅ já'₂. ¹⁷ Jme₁ca₂jág₂, jaun₂ guë₄ ca₂dsia₃ 'a₂ lia'₂ lë₅ jág₁ a₂ca₂nág₂, a₂ca₂'ë₂ ángel a₂'iin₂₃ guein₂, ¹⁸ jaun₂ ca₂i₃gó'₃ dsí₅ ca₂le₃jín₃ dsa₂ i₂ca₂nág₂ jág₁ a₂dsia₅ dsa₂ i₂quiaín₅ já'₂ cha'₂ 'éi₂.

¹⁹ La₁ María në₃, 'no'₂ bá₄ dsí₅ ca₂le₃jé₃, 'e₂ jein₅ a₂lë₂ jaun₂.

²⁰ Dsa₂ i₂jmo₅ 'í₁ já'₂ cha'₂ në₃, ca₂i₃lein₃ bá₄ táng₃ qui₂jme₂juin'₂

Diú₄, qui₂cuë₂₃ ti₁'mag'₄ o₄quió'₄ ca₂le₃jě₃ a₂ca₂tě₂ ne₅₄ quian'₅₄
a₂qui₂ca₂nág₂. Ia₁ ca₂le₃jě₃ bá₄ ca₂rě₃ti₃ con'₂ lě₅ ca₂juá'₂ ángel.

Ca₂i₁jme₁jniai₂₃ guein₂ Jesús guá'₅

²¹ Jme₁ca₂dsin₃ jñia₃ jmig₄, ca₂ti₃ dsa₂ lo₄ guein₂, jaun₂
ca₂quiong₃ JESÚS* lia'₂ con'₂ lě₅ ca₂juá'₂ ángel ca₂tsí'₃ María né'₃
a₂cáun₂.

²² Jme₁ca₂dsin₃ jmig₄ a₂i₄ 'éi'₃ jmo₃ le₁jín₃ a₂jme₂ti₃ lia'₂ con'₂
lě₅ 'Éi'₃ quió'₅ Moisés, ca₂i₁lein₅₄ Jerusalén jñiai₂₃ guein₂ i₁jein'₅₄
ne₄ Te₁gui'₅₄. ²³ Ca₂jmo₃ le₂ně₅ ia₁ ton₅ ne₄ Si₂ quió'₅ Te₁gui'₅₄:
“Ca₂le₃jín₃ guein₂ dsa₂ ŋe'₂ i₂ne₅₄ i₂le₃chan₂, lěin₂ i₂lě₅ 'í₁ quián₅
Te₁gui'₅₄.”† ²⁴ Ja₁jaun₂ ca₂jén'₃ ján₃ con'₂ lě₅ juá'₂ 'éi'₃ quió'₅
Te₁gui'₅₄: “On₃ i₁ju₂, o₃ co₂dsán'₃ i₁ju₂ bě₂ 'e₂.”†

²⁵ Jmig₄ jaun₂, jme₁chan₂ jan₂ dsa₂ jě₄ juig₂ Jerusalén
i₂jme₁chen₂ Simeón. Jme₁lín₄ jan₂ dsa₂ dsen₃ lín₃,
i₂jme₁jme₂gan₃ Diú₄; jme₁chain₂ chi₁jñia₂₃ a₂guán₂ i₂cuě₃ lián'₂
quió'₅ dsa₂ juig₂ Israel. Jme₁quiong'₅₄ Jme₂dsí₂ Jñi₃ó₅; ²⁶ 'éi₂
bá₄ ma₂ca₂'ě₂ jág₁ ne₅₄ a₂tsá₃ jóin₂ ca₂lia'₂ ca₂jín₂ de'₂ I₂rě₂'ín₁
quián₅ Te₁gui'₅₄. ²⁷ Jmig₄ jaun₂ ŋó₃ jiog₅ Jme₂dsí₂ Jñi₃ó₅ jui₅
guá'₅ templo. Ja₁jaun₂ jme₁'ein₅₄ ně₃ jme₁ca₂dsi₃lén₂ chog₅₄-
jme₁2 guein₂ Jesús, jñiai₂₃ guein₂ a₂jmo₃ quiong'₅₄ con'₂ lě₅ tag₄
chí'₅ a₂quí'₅ 'Éi'₃. ²⁸ Jaun₂ ca₂jñau'₃ Simeón ca₂jñai'₃ guein₂,
ca₂jme₃juin'₂ Diú₄, ca₂juá'₂:

²⁹ Ně₃ guě₄ ně₃, 'ne₂ juig₃ quiáng₃,
ma₂lě₂ dsiang'₅₄ tei₄

dsa₂ i₂jme₂ti₃ ne'₅₄,
lia'₂ con'₂ lě₅ jág₁ quiáng'₂.

³⁰ Ia₁ la₂ ca₂tě₂ ne₃ i₂ma₂cheng'₂ lió₂,

³¹ i₂ma₂jmo'₅₄ co₂jñia₅₄ quián₅ ca₂le₃jě₃ juig₂ nación.

³² I₂la₂ bá₄ i₂lín₅ si₂
i₂jmo₃ tág₅ ja₁con₂ dsi₂nau₂;

i₂la₂ bá₄ i₂lín₅ dsa₂ i₂chi'₃ jlá'₁
juig₂ Israel quiáng'₂.

³³ Ca₂i₃gó'₃ dsí₅ bá₄ José quian'₅₄ chog₅₄ guein₂, o₄quió'₄ jág₁
a₂ca₂juá'₂ Simeón jaun₂, 'iñ₂₃ guein₂. ³⁴ Jaun₂ ca₂jme₃gu'₅₄
Simeón quió'₅, jaun₂ ca₂juá'₂ ca₂tsí'₃ María chog₅₄ guein₂:

—Ní₂, 'en₅₄ jui₅ guein₂ la₂ já₅, jmo₃ a₂dsi₃gan'₅₄ 'uě₃ juin₅ dsa₂
juig₂ Israel, o₃ tě₂le₃ ron'₂ juin₅ 'e₂. Já₅ lín₅ caun₂ léi₄ quió'₅ i₂'ag₃
i₂náu₃ quen₅ i₂le₃'iog₅₄. ³⁵ Le₂ně₅ bá₄ jióg'₃ 'í₁ le₃jniá₂ 'a₂ lia'₂
dsi₂jio₅ dsí₅ dsa₂ le₂jan₂ le₂jan₂. La₁ tě₂le₃ ja₁cong'₂ ně₃, dsi₃ñíg'₂
ně₂jag₄ bá₄ caun₂ ŋi₁tág₂ dsi₂tia₃ tě₂'au'₂.

* 2:21 Lia'₂ chen₂ Jesús (hebreo: Yeshua) jein₅ jág₁ “Lió₂ bá₄ Te₁gui'₅₄.” † 2:23

Éxodo 13:2. † 2:24 Levítico 5:11; 12:8.

³⁶ Ján₃ bá₄ jaun₂ jme₁'en₅₄ jan₂ guiong'₂ i₂chen₂ Ana, ja₁míg₄ Fanuel, dsa₂ tsi₁jon₂ Aser. 'Éi₂ ně₃ jme₁'ě₂ jág₁ o₄quíó'₄ Diú₄ ján₃. Jme₁ma₂guein'₂. Mei'₂ bá₄ lia'₂ con'₂ ca₂jen'₂ gu₂. Guio₃ ŋi₂ bá₄ ca₂rě₃quai_{in}'₅₄ dsa₂ ŋe'₂ quai_{in}'₅. ³⁷ Quén'₂ ne₂guióg₂ rě₂dsí₂ quén₂ (84) ŋi₂ a₂ca₂rě₃'ní₂.^S Guiong'₂ 'éi₂ ně₃ jme₁'ein₅₄ tián₂ i₁dsi₅ guá'₅. 'Uě₂-jmi₂ bá₄ jme₁jme₂ti₃ ne₄ Te₁gui'₅₄ chi₂lén'₂ Diú₄ a₂jme₂'in₅₄ ně₃. ³⁸ Hora jaun₂ dé₄ ca₂dsióg₃ ja₁tió_n₂ dsa₂, ca₂cuě'₃ ti₁'mag'₄ Diú₄, ca₂dsia₃ jág₁ 'in₂₃ guein₂ tsí'₅ ca₂le₃jín₃ dsa₂ i₂tion'₅₄ i₂le₁jnia₅ a₂lión₂ dsa₂ juig₂ Jerusalén.

Ca₂i₃lein₃ táng₃ Nazaret

³⁹ Jaun₂ ně₃ jme₁ma₂ca₂lě₃ jmo₂₃ ca₂le₃jě₃ con'₂ lě₅ ta₁ quí'₅ 'Éi'₃ quíó'₅ Te₁gui'₅₄, jaun₂ ca₂i₃lein₃ jui₅ 'uě₃ Galilea, ja₁niog₅ Nazaret, juig₂ go₅₄. ⁴⁰ Guein₂ ně₃, caun₂ ca₂i₃juin'₂ bá₄, caun₂ ca₂rě₃'uáin'₃ ně₃, ton'₂ 'ŋio₅ lin₃ ŋi₅, Diú₄ bá₄ jme₁jme₂gu'₅₄.

Lia'₂ con'₂ me'₂ Jesús ca₂dsióg₃ i₁dsi₅ guá'₅

⁴¹ Ca₂le₃jě₃ ŋi₂ jme₁dsi₂lén₂ chog₅₄-jmei₂ Jmíg₄ Tě₂'in₅₄ a₂tě₅ Jerusalén. ⁴² Jme₁ca₂dsí'₃ Jesús guia₃-tín₂ ŋi₂, ca₂i₃lén₂ táng₃ co₂dsia₅ jui₅ Jerusalén. Ia₁ le₂jaun₂ tin₂ dsa₂ ca₂le₃jě₃ ŋi₂ dsí₃lén₂ jmíg₄ jaun₂. ⁴³ Jme₁ca₂gú'₃ jmíg₄, ca₂i₃lein₃ táng₃. Tsá₃ ca₂rě₃lí'₄ chog₅₄-jmei₂ jnia'₅₄ jaun₂ bá₄ tě₁'ŋia₄ Jesús Jerusalén, ⁴⁴ ia₁ lín₂ ma₂ŋái'₅ bá₄ quai_{in}'₅₄ dsa₂ sián'₂. Caun₂ jmíg₄ ma₂ne₁ŋó₄ tióin'₅₄ jui₅ i₃lein₃ jme₁ca₂'nau'₂ jin₄ o₁riin'₅₄, jin₄ dsa₂ i₂cuin₂₃ ně₃. ⁴⁵ La₁ tsá₃ ca₂dsáu'₂. Jaun₂ ca₂jéin'₃ táng₃ jui₅ ca₂i₃lén₂ Jerusalén ca₂i₁'niog'₂ ja₁jaun₂.

⁴⁶ A₂'ni₅ jmíg₄ jaun₂ jme₁ca₂dsáu'₂ i₁dsi₅ guá'₅, guá'₅ jin₄ tě₅juá'₅, nag₂₃ jág₁, ŋag₂₃ ŋí'₅ 'éi₂ ně₃. ⁴⁷ Jaun₂ ca₂i₃gó'₃ dsí₅ ca₂le₃jín₃ i₂tion'₅₄ nag₅ jág₁ quíó'₅, ia₁ 'ŋio₅ lin₃ ŋi₅ 'a₂ lia'₂ quí₂jéin'₃ jág₁ quíó'₅ dsa₂ 'éi₂. ⁴⁸ Jme₁ca₂jág₂ chog₅₄-jmei₂, ca₂i₃gó'₃ dsí₅, jaun₂ ca₂juá'₂ chog₅₄:

—Jón₃, ě₂ lě₃ jmog'₅₄ le₂ně₅? Néi'₅, jniá₂ ně₃, ma₂ně₂i₁nio₁ 'i₅ dsí₅ 'niog'₂ jnia'₅₄.

⁴⁹ Jaun₂ ca₂ŋag₃ Jesús:

—ě₂ E₂ lě₃ 'nau'₂ 'nia'₂ jniá₂? ě₂Tsa₁ ŋi'₅₄ 'nia'₂ a₂ca₂tíng₂ 'ú₄ ta₁ quíó'₅ ŋe'₃?

⁵⁰ La₁ tsá₃ ca₂ŋí'₂ dsí₅ 'éi₂ 'e₂ jein₅ jág₁ jaun₂.

⁵¹ Jaun₂ ca₂jóin'₃ bá₄ quai_{in}'₅₄ chog₅₄-jmei₂ jui₅ Nazaret. Caun₂ bá₄ ne'₅₄ ca₂le₃jě₃ a₂tě₂néi'₂ chog₅₄-jmei₂. La₁ tei₄ bá₄ 'ma₅ chog₅₄ dsí₅ ca₂le₃jě₃ a₂jaun₂. ⁵² Jaun₂ caun₂ ca₂i₃juin'₂ bá₄ Jesús, rě₂ niog₅ dsí₅₄, rě₂ chéin'₅ le₃ne₄ Diú₄, lia'₂ le₃ne₄ dsa₂ ně₃.

^S 2:37 o₃, “Ma₂'ein₅₄ quén'₂ ne₂guióg₂ rě₂dsí₂ quén₂ (84) ŋi₂.”

3

'Ē₂ Juan₅₄ i₂chon₅ dsa₂ jmi₂g₂ jág₁ caun₂ 'uē₃ quein₂ co₂ 'ŋiog₅
(Mateo 3:1-12; Marcos 1:18; Juan 1:19-28)

¹ Nj₂ guia₃-ŋiá₂ lia' ₂ con' ₂ jme₁lín₄ emperador Tiberio, jmi₂g₄ lia' ₂ con' ₂ jme₁lín₄ táng₃ Poncio Pilato dsi₄má' ₂ 'uē₃ Judea; Herodes guē' ₂ jme₁lín₄ rag₅₄ i₂jmo₅ 'éi' ₃ 'uē₃ Galilea; Felipe riin' ₅₄ guē' ₂ jme₁lín₄ dsi₄má' ₂ le₂tan₅₄ juig₂ Iturea quian' ₅₄ Traconite; Lisantias nē₃ jme₁lín₄ dsi₄má' ₂ quián₅ Abilinia. ² Ján₃ bá₄ jmi₂g₄ jaun₂ jme₁lín₄ jme₂dsa₂ dsen₅₄ Anás quian' ₅₄ Caifás. Con' ₂ jmi₂g₄ jaun₂ dé₄ nē₃, ca₂tē₃ Diú₄ ca₂tē' ₃ Juan₅₄, ja₁ŋi' ₅₄ Zacarías, 'uē₃ co₂ 'ŋiog₅ ja₁jme₁guá₄. ³ Juan₅₄ nē₃ ca₂ŋi₃ le₂tan₅₄ juig₂ te₁'i₁ ma₂quián₅ Cuá₃ Jordán, qui₂tsí' ₅ dsa₂ a₂'nió' ₅ tsóin₃ jmi₂g₂, cuē₃ léi₄ a₂ma₂ca₂dsi₃quén' ₅ dsí₅ ia₁jaun₂ le₃'én₂ Diú₄ dsáu₁. ⁴ Le₂nē₅ bá₄ ca₂lē₃ ca₂rē₃ti₃ con' ₂ lē₅ jág₁ a₂ca₂tó' ₂ Isaías ne₄ si₂, i₂jme₁'ē₂ jág₁ o₄quió' ₄ Diú₄, a₂ca₂juá' ₂:

Nag₃ dsa₂ co₂mi' ₅₄ jág₁

caun₂ 'uē₃ co₂ 'ŋiog₅, a₂juá' ₂:

Jmo₄ 'nia' ₂ co₂jnia₅₄ jui₅ quió' ₅ Te₁gui' ₅₄;

Nia₄ 'nia' ₂ caun₂ jui₅ co₂dsau₅.

⁵ Ca₂le₃jē₃ ji' ₅₄ siá₅ 'nió' ₅ le₃can' ₂,

ca₂le₃jē₃ dsi₂con' ₂, má' ₂, 'nió' ₅ 'ag₃ co₂rē₂;

Ca₂le₃jē₃ jui₅ qui₂rē₂guion' ₂, 'nió' ₅ lé₂ co₂dsau₅,

jui₅ a₂qui₂le₁quin' ₅₄, 'nió' ₅ lei₂.

⁶ Ca₂le₃jín₃ dsa₂ mi₂güig₃ bá₄ jág₃

'a₂ lia' ₂ lē₅ a₂jmo₃ Diú₄ lió₂. *

⁷ Jaun₂ ca₂'uin₂ dsa₂ quió' ₅, ca₂o₃lén₂ mi₂₃ cho₃ Juan₅₄ jmi₂g₂, † jaun₂ ca₂juá' ₂ 'éi₂:

—i'Nia' ₂ tsi₁jon₂ dsi₂mi' ₂! ¿'Ein₂ bá₄ nē₂chí' ₃ 'nia' ₂ a₂cueng' ₂ long' ₅₄ uig₅ a₂ja₂quián₃? ⁸ Cuē₄ 'nia' ₂ léi₄ jaun₂ a₂tē₃dsón' ₂ ma₂ca₂dsi₃quén' ₅ 'au' ₂. 'A₃ lē₁jui₁dsi₂jnia₅ 'au' ₂ 'nia' ₂ jua' ₅₄ a₂jua' ₅₄: “Lág₅ jnia' ₅₄ tsi₁jon₂ Abraham”; ia₁ jniá₂ juá' ₅, Diú₄ qui' ₅₄ jmi₂g₄ jmo₃ ca₂tē₂ ni₁cang₁ tio' ₅₄ la₂, lé₂ le₃jmoí' ₂ chī' ₂-guein₂ quián₅ Abraham. ⁹ Ia₁ ma₂lē₅ co₂jnia₅₄ ŋi₁dsi₁ a₂qui₃uín' ₂ ni₁'ma₂. Ca₂le₃jē₃ 'ma₂ a₂tsá₃ dse₃ mīg₂ 'ag₅, uín' ₂ dsi₃to' ₅₄ si₂.

¹⁰ Jaun₂ ca₂ŋag₃ dsa₂:

—¿'E₂ bá₄ le₃jmoí' ₃ jnia' ₅₄ jaun₂ nē₃?

¹¹ Jaun₂ ca₂ŋag₃ táng₃:

—I₂cha₂ tin₃ dsán' ₃ tsin' ₅₄, jui₁cuē' ₄ co₂dsán' ₃ i₂tsá₃ cha₂ quió' ₅; le₂jaun₂ guē' ₂ jui₁lia' ₂ i₂cha₂ a₂guē' ₃, jui₁jme₂'oin₅₄ jui₁lia' ₂ i₂tsá₃ cha₂ quió' ₅.

* 3:6 Isaías 40:3-5. † 3:7 lit. “tióg₂ Juan₅₄ jmi₂g₂.”

12 Ca₂o₃lén₂ i₂lin₅₄ i₂cán₂ 'lia'₅₄ quián₅ dsi₂tan₅₄ ně₃, a₂'nio₃ tsóin₃ jmig₂, jaun₂ ca₂tsí'₃ Juan₅₄:

—Tě₅, ħ'e₂ bá₄ lé₂ le₃jmó₁ jnia'₅₄?

13 Jaun₂ ca₂jéin'₃ táng₃ 'ei₂ jág₁:

—Tsá₃ jmó'₂ 'nia'₂ jua'₅₄ a₂cán'₁ ηag₅₄ guě₄ 'lia'₅₄ quió'₅ dsa₂, jua'₅₄ a₂dsi₁juin'₅₄ con'₂ 'éi'₃ qui'₅ si₂.

14 Ca₂o₃lén₂ i₂lin₅₄ 'lióg₂ ně₃, ca₂ηag₃:

—Jnia'₅₄ guě'₂ ně₃: ħ'E₂ bá₄ ca₂tág₂ jnia'₅₄ jmó'₁?

Jaun₂ ca₂ηag₃:

—Tsá₃ qui₁quiang'₄ dsa₂ juě'₅, jua'₅₄ a₂qui₁jniá'₄ 'e₂ qui₁jniá'₄ quió'₅, on₃ guě'₂ qui₁'nig'₄ dsa₂ jua'₅₄ a₂lē₁qui₁'ní'₄. Jui₁le₂'ηio₂ bá₄ 'au'₂ 'nia'₂ ján₃, con'₂ ma₂tí₅ 'liang'₅.

15 La₁ dsa₂ ně₃, tsá₃ tei₄ le₁ág₄ dsí₅ tioen'₅₄, le₁jnia₂₃ le₃ηi₅ chi₂jua'₂ Juan₅₄ 'éi₂ bá₄ lín₅ I₂rě₂ 'ín₁ quián₅ Diú₄. 16 Jaun₂ ca₂juá'₂ Juan₅₄ 'ηiog₅, ca₂tsí'₃ ca₂le₃jín₃:

—Jniá₂ ně₂tiáng₃ 'nia'₂ jmig₂; la₁ i₂já₅ chi₂quín₃ ně₅, tióg₂ Jme₂dsí₂ Jnió₅, jě₄ si₂ ně₃. 'Ei₂ bá₄ i₂'uan'₂ guě₄ lia'₂ con'₂ guě₄ jniá₂, ca₂lia'₂ jnia'₅₄ lau₂ ton₅ tag₅₄ bá₄ tsá₃ ca₂tíng₂ tsi'₅₄.

17 Ma₂chi₁chan'₂ si₂jmu₂ a₂jme₂dse₃ míg₂ trigo. Cág'₃ dse₃ lín₃, con'₂ dsia₃ jmá'₃ a₂dse₃, 'ma₃ dsi₂néi₂. Dsí'₂ bá₄ jme₁qui₅ dsi₂si₂ ja₁tsá₃ líg'₂ jmig₄ éi₃.

18 Jaun₂ le₂ně₅ bá₄, 'lióng₂ jág₁ dse₃ siá'₂ ca₂to'₂ Juan₅₄, ca₂jme₃tiin₂₃ dsa₂ jág₁ dse₃.

19 Ján₃ bá₄ ca₂jéin₂ Rag₅₄ Herodes, ia₁ a₂jme₁ma₂guá₅ 'éi₂ quian'₅₄ 'io₅₄ Herodías dsa₂ mί₂ quián₅ riin'₅₄,† ne₄ 'lióng₂ guě₄ a₂'lig'₅₄ siá'₂ a₂jme₁jmo₅-dsáu₅ Herodes; 20 la₁ tē₂le₃ ηag₅₄ guě₄ ca₂jme₃ja₃: né'₃ 'má₃ bá₄ ca₂tiáin₂ Juan₅₄.

Ca₂chon₃ Juan₅₄ jmig₂ Jesús

(Mateo 3:13-17; Marcos 1:9-11)

21 Jme₁ma₂ca₂lē₃ choin₂₃§ jmig₂ ca₂le₃jín₃ dsa₂, jme₁ma₂ně₂chon₃a Jesús jmig₂, a₂ma₂chéin'₅ chi₂lén'₂ Diú₄ ně₃. Tě₃jě₄ jaun₂ ca₂niá₃ dsi₄ i₂juíg₃. 22 Ca₂sión₃ Jme₂dsí₂ Jnió₅ chi₁dsáin₃ jniá'₂ lia'₂ jniá₂ jan₂ i₁ju₂, ne₄ quió'₅. Jaun₂ ca₂né'₂ jág₁ a₂já₅ guei'₅₄ i₂juíg₃ a₂juá'₂:

—'Ne₂ bá₄ líng'₅ jón₃ quiáng₃ i₂'nióg₃ guě₄ lín₃; 'ηio₂ bá₄ dsi₃ 'ηio₅ lín₃ jing₅₄ 'ne₂.*

Dsa₂ can'₅₄ quián₅ Jesús i₂qui₂ma₂ηí₂ ma₂dsi₃jo₃

(Mateo 1:1-17)

† 3:19 A₂lin₅₄ chog₅₄ si₂: “Felipe riin'₅₄.” § 3:21 lit. “tiáin₂.” * 3:22 A₂lin₅₄ chog₅₄ si₂ tsá₃ chi₁ton₅ “i₂'nióg₃ guě₄ lín₃”, a₂chi₁ton₅ táng₃ “jmig₄ ně₃ ca₂líng₃ ηéi'₅.”

23 Con'₂ guióg₂-guiá₂ nj₂ bá₄ jme₁ma₂'en₅₄ Jesús lia'₂ con'₂
jme₁ca₂jme₃lióg₃ ca₂jme₃tiin₂₃ dsa₂ jág₁ dse₃. Dsa₂ ně₃, jmo₂₃
dsí₅ a₂lín₅ 'éi₂ ja₁ni'₅₄ Sě₄.

Jaun₂ Sě₄ 'éi₂ ca₂já₃ ca₂liin₃ ja₁ni'₅₄ Elí.

24 Elí 'éi₂ guě'₂ ně₃ ca₂já₃ ca₂liin₃ ja₁ni'₅₄ Matat;

Matat 'éi₂ guě'₂ ně₃ ca₂já₃ ca₂liin₃ ja₁ni'₅₄ Leví

i₂jme₁lín₄ ja₁ni'₅₄ Melqui;

Melqui ně₃ jme₁lín₄ chi'₂ quián₅ Jana,

i₂jme₁lín₄ chi'₂ quián₅ José;

25 José ně₅ ně₃ ca₂já₃ ca₂liin₃ chi'₂ quián₅ Matatías;

Matatías guě'₂ ně₃ ca₂já₃ ca₂liin₃ ja₁ni'₅₄ Amós;

Amós jme₁lín₄ ja₁ni'₅₄ Nahum;

Nahum guě'₂ jme₁lín₄ ja₁ni'₅₄ Esli,

i₂jme₁lín₄ chi'₂ quián₅ Nagai

26 i₂jme₁lín₄ chi'₂ quián₅ Ma'at;

Ma'at guě'₂ ca₂já₃ ca₂liin₃ ja₁ni'₅₄ Matatías;

Matatías guě'₂ ca₂já₃ ca₂liin₃ chi'₂ quián₅ Semei;

Semei 'éi₂ ně₃ ca₂já₃ ca₂liin₃ ja₁ni'₅₄ i₂chen₂ José;

José guě'₂ ně₃ ca₂já₃ ca₂liin₃ ja₁ni'₅₄ Judá;

27 Judá 'éi₂ guě'₂ ně₃ ca₂já₃ ca₂liin₃ ja₁ni'₅₄ Joana;

Joana 'éi₂ guě'₂ ně₃

ca₂já₃ ca₂liin₃ chi'₂ quián₅ i₂jme₁chen₂ Resa;

Resa guě'₂ ně₃

ca₂já₃ ca₂liin₃ ja₁ni'₅₄ i₂chen₂ Zorobabel;

Zorobabel guě'₂ ně₃

ca₂já₃ ca₂liin₃ chi'₂ quián₅ i₂jme₁chen₂ Salatiel,

i₂jme₁lín₄ ja₁ni'₅₄ Neri,

28 i₂jme₁lín₄ ja₁ni'₅₄ Melqui,

i₂jme₁lín₄ ja₁ni'₅₄ Adi,

i₂jme₁lín₄ chi'₂ quián₅ i₂chen₂ Cosam,

i₂jme₁lín₄ chi'₂ quián₅ Elmodam,

i₂jme₁lín₄ chi'₂ quián₅ i₂jme₁chen₂ Er,

29 i₂jme₁lín₄ chi'₂ quián₅ Josué;

Josué ně₃ ca₂já₃ ca₂liin₃ ja₁ni'₅₄ Eliezer;

Eliezer guě'₂ ně₃ ca₂já₃ ca₂liin₃ ja₁ni'₅₄ Jorim,

i₂jme₁lín₄ ja₁ni'₅₄ Matat;

30 Matat guě'₂ ně₃ ca₂já₃ ca₂liin₃ ja₁ni'₅₄ Leví;

Leví guě'₂ ně₃ ca₂já₃ ca₂liin₃ ja₁ni'₅₄ Simeón;

Simeón guě'₂ ně₃ ca₂já₃ ca₂liin₃ ja₁ni'₅₄ Judá;

Judá guě'₂ ně₃ ca₂já₃ ca₂liin₃ ja₁ni'₅₄ José;

José 'éi₂ guě'₂ ně₃ ca₂já₃ ca₂liin₃ ja₁ni'₅₄ Jonán;

Jonán 'éi₂ guě'₂ ně₃ ca₂já₃ ca₂liin₃ ja₁ni'₅₄ Eliaquim;

31 Eliaquim guě'₂ ca₂já₃ ca₂liin₃ ja₁ni'₅₄ Melea;

Melea guë'₂ ca₂já₃ ca₂liin₃ ja₁ŋi'₅₄ Mainán;
 Mainán guë'₂ ca₂já₃ ca₂liin₃ ja₁ŋi'₅₄ Matata;
 Matata guë'₂ ně₃ ca₂já₃ ca₂liin₃ ja₁ŋi'₅₄ Natán;
³² Natán guë'₂ ca₂já₃ ca₂liin₃ ja₁ŋi'₅₄ David;
 David 'éi₂ guë'₂ ně₃ ca₂já₃ ca₂liin₃ ja₁ŋi'₅₄ Isaí;
 Isaí guë'₂ ně₃ ca₂já₃ ca₂liin₃ ja₁ŋi'₅₄ Obed;
 Obed guë'₂ ca₂já₃ ca₂liin₃ ja₁ŋi'₅₄ Bo'oz;
 Bo'oz guë'₂ ca₂já₃ ca₂liin₃ ja₁ŋi'₅₄ Salmón;
 Salmón guë'₂ ca₂já₃ ca₂liin₃ ja₁ŋi'₅₄ Na'asón;
³³ Na'asón guë'₂ ně₃ ca₂já₃ ca₂liin₃ ja₁ŋi'₅₄ Aminadab;
 Aminadab guë'₂ ca₂já₃ ca₂liin₃ ja₁ŋi'₅₄ Aram;
 Aram guë'₂ ně₃ ca₂já₃ ca₂liin₃ ja₁ŋi'₅₄ Esrom;
 Esrom guë'₂ ca₂já₃ ca₂liin₃ ja₁ŋi'₅₄ Fares;
 Fares guë'₂ ně₃ ca₂já₃ ca₂liin₃ ja₁ŋi'₅₄ Judá;
³⁴ Judá guë'₂ ně₃ ca₂já₃ ca₂liin₃ ja₁ŋi'₅₄ Jacob;
 Jacob guë'₂ ně₃ ca₂já₃ ca₂liin₃ ja₁ŋi'₅₄ Isaac;
 Isaac guë'₂ ně₃ ca₂já₃ ca₂liin₃ ja₁ŋi'₅₄ Abraham;
 Abraham guë'₂ ně₃ ca₂já₃ ca₂liin₃ ja₁ŋi'₅₄ Taré;
 Taré guë'₂ ně₃ ca₂já₃ ca₂liin₃ ja₁ŋi'₅₄ Nacor;
³⁵ Nacor guë'₂ ca₂já₃ ca₂liin₃ ja₁ŋi'₅₄ Serug;
 Serug guë'₂ ca₂já₃ ca₂liin₃ ja₁ŋi'₅₄ Ragau;
 Ragau guë'₂ ca₂já₃ ca₂liin₃ ja₁ŋi'₅₄ Peleg;
 Peleg guë'₂ ně₃ ca₂já₃ ca₂liin₃ ja₁ŋi'₅₄ Heber;
 Heber guë'₂ ca₂já₃ ca₂liin₃ ja₁ŋi'₅₄ Sala;
³⁶ Sala guë'₂ ca₂já₃ ca₂liin₃ ja₁ŋi'₅₄ Cainán;
 Cainán guë'₂ ca₂já₃ ca₂liin₃ ja₁ŋi'₅₄ Arfaxad;
 Arfaxad guë'₂ ca₂já₃ ca₂liin₃ ja₁ŋi'₅₄ Sem;
 Sem guë'₂ ca₂já₃ ca₂liin₃ ja₁ŋi'₅₄ Noé;
 Noé guë'₂ ca₂já₃ ca₂liin₃ ja₁ŋi'₅₄ Lamec;
³⁷ Lamec guë'₂ ně₃ ca₂já₃ ca₂liin₃ ja₁ŋi'₅₄ Matusalén;
 Matusalén guë'₂ ně₃ ca₂já₃ ca₂liin₃ ja₁ŋi'₅₄ Enoc;
 Enoc guë'₂ ně₃ ca₂já₃ ca₂liin₃ ja₁ŋi'₅₄ Jared;
 Jared guë'₂ ně₃ ca₂já₃ ca₂liin₃ ja₁ŋi'₅₄ Mahalale'el;
 Mahalale'el guë'₂ ně₃ ca₂já₃ ca₂liin₃ ja₁ŋi'₅₄ Cainán;
³⁸ Cainán guë'₂ ně₃ ca₂já₃ ca₂liin₃ ja₁ŋi'₅₄ Enós;
 Enós guë'₂ ně₃ ca₂já₃ ca₂liin₃ ja₁ŋi'₅₄ Set;
 Set guë'₂ ně₃ ca₂já₃ ca₂liin₃ ja₁ŋi'₅₄ Adán;
 Adán guë'₂ ně₃ ca₂já₃ ca₂liin₃ co₂'nió'₄ ja₁ŋi'₅₄ Diú₄.

4

Ca₂caun₃ i₂sě₃dse₃n₃ táu₂ quió₅ Jesús
(Mateo 4:1-11; Marcos 1:12-13)

¹ Jaun₂ Jesús ně₃, ma₂rě₂riin₅ Jme₂dsí₂ Jŋi₅, ca₂o₃'i_{in}₃ Cuá₃
 Jordán. Ca₂jio₃g₃ Jme₂dsí₂ caun₂ 'uě₃ quein₂ co₂'ŋio₅. ² Ja₁jaun₂
 ca₂i₁'i₅ tě₂láu₃ jmig₄, ia₁jaun₂ cáun₂ táu₂ i₂sě₃dse₃n₃. Tsá₃ 'e₂

ca₂guě'₃ 'i₁ca₂juig₄ tē₁lia'₂ jmi_g₄ jaun₂. Jme₁ca₂dsan₃ jaun₂, jaun₂ guě'₄ ma₂i₁cón'₅ 'ñio₅ lin₃. ³Jaun₂ ca₂juá'₂ i₂sē₃dsen₃:

—Chi₂jua'₂ dsón'₂ líng'₅ Ja₁ñi'₅₄ Diú₄, jmo₄ jui₁le₅₄ i₁ñí'₄ ni₁cang₁ nē₅.

⁴Jaun₂ ca₂ñag₃ Jesús:

—Chi₁ton₅ ne₄ Si₂: “On₃jua'₅₄ jmá'₃ quian'₅₄ i₁ñí'₄ le₃tan₅₄ dsa₂ mi₂güig₃ le₃chain₂.”* , †

⁵Jaun₂ ca₂jio_g₃ táng₃ i₂sē₃dsen₃ caun₂ má'₂ ja₁ñei₅. Ja₁jaun₂ ca₂'ē₃ ca₂tiá₂ tei₄ ca₂le₃jě₃ juig₂ te₁'i₁ gua'₅₄ 'uě₃. ⁶Jaun₂ ca₂juá'₂:

—Gog'₂ 'ne₂ bá₄ dsia₅₄ jniá₂ ca₂le₃jě₃ juig₂ nē₅; 'ne₂ bá₄ gong'₂ lé₂, 'ó'₄ bí₂, qui₂jme₃juag'₂ dsa₂. Ia₁ a₂niog₅ ne₃ jniá₂ bá₄ nē₅, ton'₂ lé₂ le₃cuě'₄ jniá₂ 'ein₂ 'nio₃ cuě'₄. ⁷Jaun₂ a₂lé₂ quiáng'₂ nē₅jua'₂ ca₂chi₁jne'₄ ne₃ jme₁juag'₂.

⁸Jaun₂ ca₂ñag₃ Jesús:

—Ne₄ Si₂† quió'₅ Diú₄ chi₁ton₅: “Jme₁gan₃ 'nia'₂ Te₁gui'₅₄ Diú₄ quiáng'₂; ne₄ jan₂ 'ei₂ bá₄ ca₂tín'₂ 'nia'₂ jme₁tí'₄.”§

⁹Cang₂ jaun₂ ca₂jio_g₃ táng₃ i₂sē₃dsen₃ juig₂ Jerusalén, jaun₂ ca₂i₁chei'₂ caun₂ ja₁lě₄ ja₁ñei₅ guě'₄ ne₄ ni₁'ia'₂ guá'₅ templo, jaun₂ ca₂juá'₂:

—Chi₂jua'₂ 'ne₂ líng'₅ Ja₁ñi'₅₄ Diú₄, tian'₅₄ ca₂tě₂ 'uě₃; ¹⁰ia₁ chi₁ton₅ ne₄ Si₂:

Dsiog₃ Diú₄ o₄gú₃ ángeles quiáin₅,
jaun₂ jmo₃ 'í₁;

¹¹guéi'₂ quian'₅₄ gu₂

ia₁jaun₂ tsá₃ jéng'₂ uig₅ nióg'₃ ni₁cang₁.*

¹²Jaun₂ ca₂ñag₃ Jesús:

—Ján₃ bá₄ juá'₂ ne₄ si₂: “Tsá₃ tang'₅₄ Te₁gui'₅₄ Diú₄ quiáng'₂.”†

¹³Jme₁ca₂dsan₃ ca₂le₃jě₃ a₂niog₅ ca₂juá'₂ i₂sē₃dsen₃ a₂cáun₂ táu₂ jaun₂, jaun₂ ca₂i₃uín₂ co₂'na₂, nē₁jua'₂ líg'₂ ca₂cuin₃ táng₃ jmi_g₄.

Ca₂jme₃lióg₃ Jesús ca₂jme₃tag₂₃ 'uě₃ Galilea

(Mateo 4:12-17; Marcos 1:14-15)

¹⁴Ca₂ñá'₃ táng₃ Jesús jui₅ 'uě₃ Galilea rē₂can'₂ Jme₂dsí₂ Jñi_ó₅ tē₂dsí₅. Le₂con₂ juig₂ te₁'i₁ ma₂quián₅ jaun₂, ca₂i₃'ag₅₄ jág₁ 'ag₅ dsa₂. ¹⁵Ca₂i₁jme₁tñin₂₃ dsa₂ le₂tan₅₄ guá'₅ sinagogas quió'₅ dsa₂, jaun₂ ca₂le₃jñin₃ bá₄ dsa₂ jme₁jme₂juag'₂.

Dsiáin'₃ táng₃ juig₂ Nazaret

(Mateo 13:53-58; Marcos 6:1-6)

* **4:4** Deuteronomio 8:3. † **4:4** A₂lin₅₄ chog₅₄ si₂ juá'₂ ján₃: “a₂'nió'₅ le₂chain₂ nag₃ jág₁ quió'₅ Diú₄ nē₅.” † **4:8** A₂lin₅₄ chog₅₄ si₂ juá'₂ le₂la₂ ján₃: “Jñiag₃ cau₅ quió'₃ 'ne₂ Satanás, ia₁ ne₄ Si₂.” § **4:8** Deuteronomio 6:13. * **4:11** Salmo 91:11-12. † **4:12** Deuteronomio 6:16.

16 Jaun₂ ca₂ñái'₃ jui₅ Nazaret, ja₁ca₂i₃juin'₂. Caun₂ jmi₄g₄ sa₅₄ ca₂'í₃ dsi₂néi₂ guá'₅ sinagoga, ia₁ le₂jaun₂ tiin₂. Jaun₂ ca₂nau₂ a₂'i₃ Si₂. 17 Jaun₂ ca₂cuë₃ dsa₂ si₂ rë₂bin₅ quió'₅ Isaías i₂jme₁'ë₂ jág₁ o₄quió'₄ Diú₄. Jme₁ma₂në₂néi'₃ si₂, jaun₂ ca₂dsó'₂ ja₁ch₁ton₅ le₂la₂:

18 Dsin₂ Jme₂dsi₂ quián₅ Te₁gui'₅₄ ne₄ quió₃,

ia₁ ma₂ca₂'ag₃ jniá₂

a₂i₁'ë₃ jág₁ dse₃ jin₄ dsa₂ dsi₂ñé₂.

Ca₂chei₃ a₂i₁'ë₃ jág₁ a₂lión₂ dsa₂ i₂qui₂le₁jní₅,

ton₂' ján₃ guë'₂ jmo₅₄ jnia₅₄ jme₁ne₁ dsa₂ i₂ten₄;

qui₁long₁₂ dsa₂ i₂qui₂dsi₂ñí₂ uig₅ qui₂jmo₂'₂ dsa₂;

19 a₂'ë₄ jmi₄g₄ dse₃ a₂lió₂ Te₁gui'₅₄.†

20 Jaun₂ ca₂biin₂ táng₃ si₂; ca₂jíin'₃ dsa₂ i₂jme₂'o₅₄, jaun₂ ca₂guá₂ táng₃. Ia₁ jaun₂ bá₄ tion'₅₄ dsa₂ ca₂le₃jín₃ le₁ñi'₂, jág₂.

21 Jaun₂ ca₂jme₃lióg₃ Jesús ca₂juá'₂:

—Jmi₄g₄ në₃ ca₂të₂ ne'₅₄ 'nia'₂ ca₂rë₃ti₃ a₂juá'₂ Si₂ në₅.

22 Ca₂le₃jín₃ bá₄ dsa₂ 'iin₂₃ dse₃ Jesús, dsi₂gó'₃ dsi₅ ca₂le₃jë₃ jág₁ jlá'₁ a₂'uë'₂ 'o₅₄. Jaun₂ qui₂ca₂ñí'₃ riin'₅₄:

—¿On₁jua'₅₄ i₂në₅ 'éi₂ i₂lín₅ ja₁ñi'₅₄ Së₄?

23 Jaun₂ ca₂juá'₂ Jesús:

—A₂dsi₂jó'₃ já₅ jmi₄g₄ le₃jua'₅₄ 'nia'₂ juig'₅₄ jniá₂ quió₃§ la₂:

“Ne₂ tē₅mí₅ jma'₅₄ mí₅ 'ñiag'₂.” Le₃jua'₅₄ 'nia'₂ në₃: “A₂ca₂rë₃ne₄ jnia'₅₄ a₂ca₂jmo'₅₄ Capernaum, ma₂në₃ jmo₄ ja₁lá₃ go'₅₄ ján₃.”

24 Caun₂ ca₂juá'₂ bá₄:

—A₂të₃dsón'₂ juá'₅ jniá₂ juig₂ 'nia'₂, 'i₁jan₂ dsa₂ i₂'ë₂ jág₁ quián₅ Diú₄, tsá₃ a₁jaun₂ jua'₅₄ a₂guei₃ dsa₂ dse₃ go₅₄. 25 Tí₅ bá₄ jág₁ quió₃ a₂juá'₅ la₂, juin₅ dsa₂ mí₂ 'nág₂ i₂jme₁chan₂ Israel jmi₄g₄ lia'₂ con'₂ jme₁chan₂ Elías i₂jme₁'ë₂ jág₁ o₄quió'₄ Diú₄, lia'₂ con'₂ ca₂rë₃'ín₃ 'ñio₅ lin₃ a₂guë'₃ dsa₂ ta₁caun₂ juig₂ nación, ia₁ tsá₃ ma₃jmi₅ ca₂tang₂ 'ni₅ ñi₂ tē₂ ca₂dsio₄. 26 La₁ ca₂lia'₂ quió'₅ 'i₁jan₂ 'io₅₄ 'nág₂ i₂jme₁chan₂ Israel, tsá₃ ca₂ñe₄ Elías, jnia'₅₄ lia'₂ quió'₅ jan₂ i₁náu₃ i₂jme₁guá₄ Sarepta* a₂nio₅ quián₅ ciudad Sidón bá₄. 27 Já₃ bá₄ le₂jaun₂ jme₁chan₂ juin₅ dsa₂ i₂jme₁lín₄ 'mé'₅ 'iog₅ juig₂ Israel, lia'₂ con'₂ jmi₄g₄ ca₂ñi₃ Eliseo i₂jme₁'ë₂ jág₁ o₄quió'₄ Diú₄ já₃. La₁ ca₂lia'₂ 'i₁jan₂ i₂'éi₂ tsá₃ ca₂'lón₂, jnia'₅₄ lia'₂ jan₂ i₂jme₁chen₂ Na'amán† i₂jme₁chan₂ 'uë₃ Siria bá₄.

28 Jme₁ca₂nág₂ dsa₂ jág₁ në₅, ca₂le₃jín₃ con'₂ i₂tion'₅₄ guá'₅ sinagoga ca₂rë₃'néi₃ 'lig'₅₄. 29 Qui₂ca₂nau₂ tiin'₅₄, ca₂dsei₂₃ juig₂, ca₂i₃lén₂ le₁jio₂₃ ca₂të₂ ne₄ má'₂ ja₁lë₄ ni₁ 'lau₂ dsio'₅₄ juig₂,

† 4:19 Isaías 61:1-2. § 4:23 quió₃: Já₃ quió'₅ dsa₂ Jen'₅₄, co₂'nió'₄ le₃jua'₅₄, caun₂ já₃ a₂ñi'₂ dsi₅ a₂ca₂quiog₂ dsa₂ can'₅₄, a₂dsia₅ dsa₂. *

4:26 'Nio'₂ ja₁ton₅ 1 Reyes 17:7-24. † 4:27 Na'amán: 'í₂ 2 Reyes 5.

ia₁ a₂jme₁dsi₂jio₅ dsí₅ jme₁tón₂ ja₁jaun₂. ³⁰ La₁ con₂ ca₂ñi₅ bá₄ 'éi₂ jë₄ quió₁'₅, ca₂lón₂ ñái₁'₅.

Jan₂ dsa₂ i₂jme₁'en₅₄ jme₂dsí₂ 'lin₁'₅₄

(Marcos 1:21-28)

³¹ Jaun₂ ca₂ñó₃ Jesús juig₂ Capernaum, caun₂ juig₂ tén₅ 'uë₃ Galilea. Ja₁jaun₂ ca₂jme₃ti₂₃ dsa₂ jme₁jmi₄ sa₅₄. ³² 'Ñio₅ lin₃ dsi₂gó₁'₃ dsí₅ dsa₂ quian₁'₅₄ já₁ quió₁'₅, ia₁ a₂'io₂₃ 'éi₁'₃ dsón₁'₂ bá₄ a₂jme₂tag₂₃. ³³ Dsi₂néi₂ guá₁'₅ sinagoga ja₁tioin₁'₅₄ jaun₂, jme₁'en₅₄ jan₂ dsa₂ i₂'en₅₄ jme₂dsí₂ je₂na₁'₅₄ tē₂dsí₅. Jaun₂ ca₂guió₁'₃ 'éi₂, ca₂juá₁'₂:

³⁴ —i'Ne₂ nē₃! ¿'E₂ lē₃ tiáng₁'₅ jë₄ quián₂ jnia₁'₅₄, 'ne₂ Jesús Nazareno?† ¿A₂i₃'éin₁'₃ jnia₁'₅₄ bá₄ 'ne₂ ñe₁'₃? Guion₄ jniá₂ 'ein₂ líng₁'₅: 'ne₂ líng₁'₅ I₂ñio₅ quián₅ Diú₄.

³⁵ Jaun₂ ca₂jí₂ Jesús, ca₂juá₁'₂:

—i'Tei₄ jmo₄; tén₃ dsa₂ nē₅!

Jaun₂ je₂na₁'₅₄ nē₃, ca₂tón₂ 'uë₃ tē₃ já₁g₅ ca₂le₃jín₃, jaun₂ guë₄ ca₂o₃'ín₃, la₁ tsá₃ 'e₂ uig₅ ca₂jmóg₁'₂. ³⁶ Jaun₂ ca₂ja₃gó₁'₃ dsí₅ ca₂le₃jín₃, jaun₂ ca₂dsia₃ já₁ jín₄ riin₁'₅₄, ca₂juá₁'₂:

—¿'E₂ bá₄ já₁g₁ nē₅? I₂nē₅ 'io₂₃ bí₂ jmo₂₃ 'éi₁'₃ lia₁'₂ ma₂'uin₂ bá₄ jme₂dsí₂ 'lin₁'₅₄ jë₁ma₂ca₂juá₁'₂.

³⁷ A₂jaun₂ nē₃, ca₂i₃'ag₅₄ já₁g₁ le₂con₂ juig₂ te₁'i₁ ma₂quián₅ jaun₂.

Ca₂jme₃'lión₂ Jesús ma₂chog₅₄ Si₂mu₅₄ Pe₄

(Mateo 8:14-15; Marcos 1:29-31)

³⁸ A₂ca₂o₃'ín₃ Jesús guá₁'₅ sinagoga jaun₂, ca₂ñó₃ ja₁quió₁'₄ Si₂mu₅₄. Ja₁jaun₂ jme₁rē₂quian₅ ma₂chog₅₄ 'éi₂ dso₁'₅₄ 'i₄ dséi₂ 'ñio₅ lin₃. Jaun₂ ca₂mi₃ dsa₂ ne₅₄ o₄quió₁'₄ dsa₂ dso₁'₅₄. ³⁹ Jaun₂ ca₂jme₃quián₃ cau₅ quió₁'₅ dsa₂ dso₁'₅₄, ca₂jéin₂ dso₄ dséi₂. Jaun₂ ca₂o₃'ág₃ dséi₂. Dsi₂jui₅ le₂jaun₂ bá₄ ca₂nau₂ dsa₂ i₂jme₁dso₁'₅₄, ca₂jme₃ti₃ ne₄ dsa₂ i₂tion₁'₅₄.

Ca₂jme₃'lión₂ Jesús juin₅ dsa₂ dso₁'₅₄

(Mateo 8:16-17; Marcos 1:32-34)

⁴⁰ Tē₂le₃ ca₂nei₂ jmi₄g₄ jaun₂, ca₂le₃jín₃ dsa₂ i₂chan₂ dsa₂ dso₁'₅₄ quián₅ jui₁'e₂ guë₃ dso₄ lín₅, ca₂o₃jio₃g₃ dsa₂ ne₅₄. Jaun₂ qui₂ca₂téin₂ gu₂ le₂jan₂ le₂jan₂ dsa₂ dso₁'₅₄, ca₂jme₃'lió₂. ⁴¹ Juin₅ bá₄ jme₂dsí₂ je₂na₁'₅₄ qui₂ca₂'uín₁'₂ quió₁'₅ dsa₂, qui₂guió₁'₅ juá₁'₂:

—i'Ne₂ líng₁'₅ Ja₁ñi₁'₅₄ Diú₄!

La₁ Jesús nē₃, ca₂jí₂ bá₄, tsá₃ ca₂cuë₃ jmi₄g₄ jua₁'₅₄ a₂juá₁'₂ guë₄, ia₁ a₂ñi₅ rē₂ bá₄ je₂na₁'₅₄ a₂lín₅ 'éi₂ I₂rē₂'ín₁ quián₅ Diú₄.

Ca₂ton₃ Jesús já₁g₁ 'uë₃ Galilea

(Marcos 1:35-39)

† 4:34 o₃, “i₂chan₂ Nazaret.”

⁴² Jme₁jnia₃ jaun₂, ca₂o₃'ín₃ Jesús n₃ caun₂ ja₁lě₄ co₂'n₃og₅.
La₁ ca₂le₃jín₃ dsa₂ ca₂i₁nioi₁₂ ca₂'nau₂. Jaun₂ ně₃ jme₁ca₂dsáu₂,
jme₁jné₂jui₅ tsá₃ jme₁cuē₂₃ jmig₄ dsáin₃. ⁴³ Jaun₂ ca₂juá₂ Jesús:
—Ca₂tín₂ jniá₂ qui₂i'ě₃ jág₁ jui₁lia₂ ja₁gon₂ Diú₄, le₂tan₅₄ juig₂
ja₁siá₂, ia₁ ta₁ ně₅ chen₄ bá₄ jniá₂ guio₃.

⁴⁴ Jaun₂ le₂ně₅ bá₄ ca₂n₃i₃ Jesús ca₂'ě₂ jág₁ le₂con₂ guá₅ sina-
gogas a₂te₁'i₁ ja₁tén₄ Judea. §

5

Ca₂jmo₃ Jesús ca₂jon₃ dsa₂ju₄

(Mateo 4:18-22; Marcos 1:16-20)

¹ Ca₂lě₃ co₂ráun₂ jme₁'en₅₄ Jesús chei₅₄ Jmi₁ní₄ Genesaret.*
Tě₃jě₄ jaun₂ ca₂n₃i' ² juin₅ lín₃ dsa₂, ca₂lia₂' co₂'liog₂ bá₄ tioin₅₄,
ia₁ 'nio₃ nag₃ jág₁ quió₅ Diú₄. ² Jaun₂ ca₂jág₃ Jesús tin₃ tsi₁mu₅
a₂le₁jě₁, le₁'ág₄ chei₅₄ jmig₂, ia₁ dsa₂ i₂tsán₂ ju₄ jme₁ma₂sióin₃
i₂ráng₃ 'má₅ quió₅. ³ Jaun₂ ca₂'i₃ Jesús caun₂ tsi₁mu₅ jaun₂,
a₂lě₅ quió₅ Si₂mu₅₄. Jaun₂ ca₂mi₃ a₂jiog₃ 'éi₂ ca₂juig₄ guě₄ le₃ne₄
jmig₂. Jaun₂ ca₂guá₂ 'n₃io₃ tsi₁mu₅, jaun₂ ja₁jaun₂ ca₂jme₃lióg₃
ca₂jme₃tiin₂₃ dsa₂. ⁴ Jme₁ca₂dsan₃ cuē₂₃ jág₁, ca₂tsí₃ Si₂mu₅₄:

—Jn₃og₅₄ mu₅ quiáng₂ le₃ja₁ji₂ guě₄. Ja₁ně₅ tiong₂ 'má₅
quiáng₂, jaun₂ lén₂ 'nia₂ ju₄.

⁵ Jaun₂ ca₂n₃ag₃ Si₂mu₅₄:

—Tě₅, la₂ tio₅₄ bá₄ jniá₅₄ ta₁jma₃ nei₅ ca₂néi₃, tsá₃ 'ein₂ já₂
ma₂lag₅ jniá₅₄; la₁ i₁tion₃ caun₂ ia₁ a₂juá₂ 'ne₂.

⁶ Jme₁ca₂jmo₃ le₂jaun₂, ca₂lia₂' juin₅ lín₃ ju₄ i₃ton₅₄, njia₅₄
mei₂ tsá₃ ca₂gag₂ bá₄ 'má₅ quió₅ tioin₅₄. ⁷ Jaun₂ ca₂bí₂
gu₂ ca₂tě₃ riin₅₄ i₂jme₁tion₅₄ tsi₁mu₅ caun₂, ia₁jaun₂ ja₃lén₂
jme₃'o₅₄. Jme₁o₃lén₂ 'éi₂ ně₃, ca₂jme₃cain₂ ta₁tin₃ tsi₁mu₅, njia₅₄
mei₂ tsá₃ ca₂l₃guein₅₄ bá₄ tioin₅₄. ⁸ Jme₁ca₂jág₃ Si₂mu₅₄ ně₅,
ca₂n₃io₃ ca₂chi₃jné₃ ne₄ Jesús, ca₂juá₂:

—N₃ia₃ cau₅ quió₃, Te₁gui₅₄, ia₁ dsa₂ cha₂ dsáu₁ bá₄ jniá₂.

⁹ Ia₁ dsi₂gó₃ dsí₅ Si₂mu₅₄ quian₅₄ riin₅₄, ia₁ a₂n₃i₄ lě₃ 'nio₅ juin₅
ju₄ i₂ca₂join₃. ¹⁰ Ján₃ bá₄ le₂jaun₂ Jacobo quian₅₄ Juan₅₄ i₂lín₅
ja₁n₃i₅₄ Zebedeo, ia₁ co₂dsia₅ jme₁i₂nioi₅₄ quian₅₄ Si₂mu₅₄ tsáin₂
ju₄. La₁ Jesús ně₃ ca₂juá₂ ca₂tsí₃ Si₂mu₅₄:

—Tsá₃ jmo₂ gang₃, Ia₁ tě₂le₃ ne₄ jui₅ ja₁dsau₅₄ ně₅, n₃i' jmag₅₄
dsa₂ mi₂güig₃ ju₁lia₂ jmag₂ ju₄.

¹¹ Jme₁ma₂ně₂jn₃io₃g₃ tsi₁mu₅ quió₅ le₃ja₁quein₂ chei₅₄ jmig₂,
ja₁jaun₂ ca₂dsia₅ jě₂, ca₂l₃lén₂ bá₄ quian₅₄ 'éi₂.

Ca₂jme₃'lión₂ Jesús jan₂ dsa₂ i₂lín₅ 'mé₅ 'iog₅

(Mateo 8:1-4; Marcos 1:40-45)

§ 4:44 A₂lín₅₄ chog₅₄ si₂juá₂: “Galilea.”

* 5:1 Ján₃ bá₄ chei₂ “Jmi₁ní₄ Galilea.”

12 Co₂ráun₂ jme₁'en₅₄ Jesús caun₂ juig₂, jaun₂ ca₂dsióg₃ jan₂ dsa₂ dso'₅₄ i₂lín₅ 'mé'₅ 'iog₅, ta₁jain₂. Jme₁ca₂jín₂ Jesús, ca₂tóin₂ tē₂rē₃'éin₂ 'uē₃, ca₂mi₃ tion₅₄-jan₃, ca₂juá'₂:

—Te₁gui'₅₄, chi₂juá'₂ 'nig₂, njia'₅₄ lia'₂ 'ne₂ bá₄ qui'₅₄ jmig₄ chi'₅₄ dso₄ a₂lín₅.

13 Jaun₂ ca₂néi'₃ gu₂, ca₂ní'₃ quió'₅ dsa₂ dso'₅₄, ca₂juá'₂:

—'Nio₃ jniá₂. Jmo₅₄ bá₄ le₁jín₃'.

Dsi₂jui₅ jme₁ca₂juá'₂ jaun₂, ca₂nja'₃ 'mé'₅ 'iog₅ a₂jme₁lín₄.

14 Jaun₂ ca₂jmo₃ Jesús 'éi'₃ a₂tsá₃ 'ein₂ tsí'₃ 'i₁jan₂. Nja'₅₄ lia'₂ ca₂juá'₂:

—La₁ gua₂ o₂jme₁jnia₅ ne₄ jme₂dsa₂, o₄quió'₄ a₂ma₂le₁jín₃'₃, o₂jmo₄ o₂jen'₅₄ ne₄ Diú₄ con'₂ lē₅ 'Éi'₃ quió'₅ Moisés,[†] co₂'nió'₄ a₂jang'₅₄ jág₁ dsau₅ jin₄ dsa₂.

15 La₁ tē₂le₃ lē₅ guē₄ ca₂i₃'ag₅₄ bá₄ jág₁ ca₂le₂con₂ a₂'in₅ dsa₂ Jesús. Jaun₂ i₂juin₅ lin₃ dsa₂ i₂jme₁tē₁ja₂lén₂ nji'₂ ja₂néi₃ jág₁, i₂'nio₃ 'lión₂ ně₃ 'e₂ caun₂ jmi₁uig₅ chain₂. 16 La₁ jme₁dsi₂uín₃ bá₄ 'ni'₂ juig₂ ja₁con'₂ 'njog₅, chi₃lén₂' Diú₄.

Ca₂jme₃'lión₂ Jesús jan₂ dsa₂ 'lian'₂

(Mateo 9:1-8; Marcos 2:1-12)

17 Ca₂lē₃ co₂ráun₂ jme₁'en₅₄ Jesús jme₂tiin₂₃ dsa₂. Le₂con₂ jaun₂, jme₁tián'₄ i₂lín₅₄ dsa₂ fariseos, tē₅juá'₅ ně₃, i₂ja₂lén₂ le₂con₂ 'uē₃ Galilea, Judea, juig₂ Jerusalén ně₃. Ia₁ jui₅bí₂ quió'₅ Te₁gui'₅₄ bá₄ jme₁'io₅ Jesús, a₂jme₂'lión₂ dsa₂. 18 Tē₃jē₄ jaun₂, ca₂dsi₃lén₂ dsa₂ le₁njai₂₃ jan₂ dsa₂ 'lian'₂, dsín₂ ne₄ tsí₁jein₁. Jme₁'no'₂ jui₅ dsi₃toin'₅₄ dsi₂néi₂, jme₁dsi₃quio₂₃ ne₄ Jesús. 19 Ia₁ tsá₃ ca₂dsó'₂ 'a₂ lia'₂ dsi₃toin'₅₄, ia₁ a₂nj₁₄ lē₃ juin₅ dsa₂ tion'₅₄, jaun₂ ca₂uig₂ le₃co'₅₄ tsí₁'né₅. Jaun₂ ca₂niá₃ jē₄ gua'₅₄ lag₁, jaun₂ ca₂sió₂ lia'₂ jma₃quian'₅₄ tsí₁jein₁, dsi₂jo₂ jaun₂, ne₄ Jesús. 20 Jme₁ca₂jág₃ Jesús a₂'én₂ dsa₂ 'éi₂ 'njio₅ lin₃, jaun₂ ca₂juá'₂:

—'Ne₂ dsa₂, ma₂rē₂'én₄ bá₄ dsáu'₂.

21 Jaun₂ ně₃ ca₂jme₃lióg₃ tē₅juá'₅ quian'₅₄ dsa₂ fariseos ně₃ ca₂i₃nja₅ dsí₅: “ǂ₁₂'ein₂ bá₄ ně₅ jmái'₂ mi'₅₄ Diú₄ a₂juá'₂ le₂nē₅? 'I₁jan₂ tsá₃ 'ein₂ lé₂ le₃'én₂ dsáu₁ dsa₂, njia'₅₄ lia'₂ Diú₄ bá₄.” 22 La₁ a₂lí'₄ rē₂ bá₄ Jesús 'e₂ a₂qui₂dsi₂nja₅ dsí₅ dsa₂ 'éi₂, jaun₂ ca₂juá'₂:

—ǂ₁₂'E₂ bá₄ lē₃ dsi₂jio₅ 'au'₂ 'nia'₂ le₂nē₅? 23 ǂ₁₂'E₂ a₂'ua₁ guē₄ ta₁, a₂juá'₄ jniá₂ juig₅₄ dsa₂ la₂: “Ma₂rē₂'én₄ dsáu'₂”, o₃ a₂juig₅₄ 'e₂ jniá₂: “Nau₂, nj₁₄”? 24 Ia₁ dse₃ jaun₂. La₂ jmo₅₄ jniá₂ ia₁jaun₂ le₃nji'₅₄ 'nia'₂ a₂'io₅ bí₂ 'éi'₃ Jaun₅ dsa₂ mi₂güig₃ ne₄ gua'₅₄ 'uē₃ a₂qui₃'éin₂ dsáu₁ dsa₂.

Jaun₂ guē₄ ca₂tsí'₃ dsa₂ 'lian'₂:

—'Ne₂ juig₂ jniá₂, nau₂, quion₂ tsí₁jein₁ quiáng'₂, guan'₂.

[†] 5:14 'Í₂ Levítico 14.

²⁵ Dsi₂jui₅ jaun₂ tē₃ jág₅ ca₂le₃jín₃, ca₂nau₂ ca₂cáun₃ tsi₁jein₁ quió'₅ ca₂ŋái'₃ jme₂juin'₂ Diú₄. ²⁶ Jaun₂ ca₂i₃gó'₃ dsí₅ ca₂le₃jín₃, ca₂jme₃juin'₂ Diú₄ ně₃. Jaun₂ tē₃jē₄ dsi₂gó'₃ dsí₅ jaun₂, qui₂ca₂tsí'₃ riin'₅₄:

—Jmíg₄ ně₃ ca₂tē₂ ne₄ jniog₄ a₂dsi₂gó'₃ dsí₅.

Ca₂tē'₃ Jesús Leví

(Mateo 9:9-13; Marcos 2:13-17)

²⁷ Cang₂ jaun₂ ca₂o₃íin₃ táng₃. Ja₁ŋó₄ jaun₂, ca₂jín₂ jan₂ i₂chen₂ Leví i₂cán₂ 'lia'₅₄ a₂ca₂tín₂ dsi₂tan₅₄, guá₅ ja₁dsi₂qui₅ dsa₂ 'lia'₅₄. Jaun₂ ca₂juá'₂ Jesús:

—Ŋia₅ chi₁co'₅₄ quió₃.

²⁸ Ja₁jaun₂ ca₂dsia₃ jē₂, ca₂nau₂ ŋó₃ quiong'₅₄.

²⁹ Ca₂i₁jmo₅₄ Leví caun₂ má₃ pa₁ dsi₂néi₂ quió'₅ o₄quió'₄ Jesús, jaun₂ ca₂ŋi'₂ juin₅ dsa₂ i₂cán₂ 'lia'₅₄ riin'₅₄. Juin₅ bá₄ dsa₂ sián'₂ ně₃ qui₂ca₂guē'₃ quiaín'₅₄. ³⁰ La₁ dsa₂ fariseos quian'₅₄ tē₅juá'₅ quiaín₅, chi₂ca₂'iín₃ dsa₂ i₂ma₂quian'₅₄ Jesús, ca₂juá'₂:

—ǎ'E₂ lē₃ qui₂quē'₂ qui₂ág'₂ 'nia'₂ co₂dsia₅ quian'₅₄ dsa₂ i₂cán₂ 'lia'₅₄ ně₅, dsa₂ i₂le₁cán'₄ dso₄ ně₃?

³¹ Jaun₂ ca₂ŋag₃ Jesús:

—Ma₁ tsá₃ tē₅mí₅ 'nió'₅ quió'₅ dsa₂ i₂le₁ág₄ dse₃ dsí₅; dsa₂ i₂le₁dso'₅₄ bá₄ 'nió'₅ quió'₅. ³² Tsá₃ ta₁ jaun₂ guio₃ jniá₂ a₂tē₄ dsa₂ dsen₃; a₂tē₄ dsa₂ i₂le₁cán'₄ dso₄ bá₄ jniá₂ guio₃, ia₁jaun₂ dsi₁quén'₅ dsí₅.

Ca₂ŋi'₃ dsa₂ Jesús jui₁lia'₂ a₂jme₂'in₅₄ dsa₂

(Mateo 9:14-17; Marcos 2:18-22)

³³ Jaun₂ dsa₂ 'éi₂ ně₃ ca₂tsí'₃ Jesús:

—ǎ'A₂ guē'₂ lia'₂ i₂gú'₃ jme₂'in₅₄ dsa₂ i₂quian'₅₄ Juan₅₄, jē₂ qui₂tsí'₅ Diú₄, le₂jaun₂ bá₄ dsa₂ quián₅ fariseos ně₃, la₁ dsa₂ quiáng'₂, guē'₅ 'ín'₂ bá₄?

³⁴ Jaun₂ ca₂jéin'₃ Jesús jág₁:

—ǎLé₂ le₃chi₁quian'₄ 'nia'₂ jmíg₄ jme₃'in₅₄ jui₁lia'₂ dsa₂ i₂té₄ ja₁jen'₂ gu₂ dsa₂, chi₂jua'₂ jaun₂ bá₄ guá₅ guē'₂ dsa₂ ŋe'₂ i₂jen'₂ gu₂? ³⁵ La₁ já₅ jmíg₄ jē₁ma₂ŋia'₃ dsa₂ ŋe'₂ 'éi₂; jmíg₄ jaun₂ guē'₄ ma₂lé₂ jme₃'in₅₄.

³⁶ Ján₃ bá₄ ca₂juá'₂ Jesús jág₁ jáng'₅ léi₄ la₂:

—Ma₁ tsá₃ 'ein₂ dsa₂ tíong₅ 'nau₅₄ 'mí'₂ 'mí₂ tsi₁'mí'₂ gui'₅₄. Ia₁ ně₁jua'₂ ca₂jmo₃ le₂jaun₂, a₂jŋia'₅₄ gué₃ bá₄ caun₂ caun₂, ton'₂ tsá₃ ma₃rē₂ quín₅ tsi₁'mí'₂ gui'₅₄ quian'₅₄ 'nau₅₄ 'mí₂. ³⁷ Ján₃ guē'₂ tsá₃ tia'₂ dsa₂ vino 'mí₂ nī₁lau₂ gui'₅₄, ia₁ ně₁jua'₂ ca₂jmo₃ dsa₂ le₂jaun₂, a₂ne'₂ bá₄ nī₁lau₂ gui'₅₄ quian'₅₄ dsió'₁ vino 'mí₂; téin₃ bá₄ vino, ton'₂ dsi₃'én₂ nī₁lau₂ gui'₅₄ ně₃. ³⁸ Jaun₂ lē₃, lau₂ 'mí₂ bá₄ 'nió'₅ tia'₃ dsa₂ vino 'mí₂, ia₁jaun₂ rē₂ lé₂ 'í₁ le₃tín₃. ³⁹ Ján₃ bá₄

le₂jaun₂jui₁lia'₂ i₂ma₂'in'₅ vino gui'₅₄ a₂ma₂ron₂, tsá₃jiá₃dsí₅'ín'₂
vino 'mí₂ a₂tě₂ca₂jlen'₃. “Ia₁ tió'₅ a₂gui'₅₄” bá₄juá'₂.

6

Guén₂ dsa₂ quián₅ Jesús mīg₂ trigo caun₂ jmīg₄ sa₅₄
(Mateo 12:1-8; Marcos 2:23-28)

¹ Caun₂ jmīg₄ sa₅₄, ca₂η₅ Jesús caun₂ ja₁nau₂ ja₁jnia₄ trigo.
Jaun₂ ca₂gág₃ dsa₂ i₂quai₁n'₅₄ mí'₂ trigo, qui₂ca₂gué₁n₂ ca₂gué'₃.

² Jaun₂ jme₁ca₂jág₂ i₂lin₅₄ dsa₂ fariseos, jaun₂ ca₂juá'₂:

—ǵ'E₂ lě₃ jmo'₂ 'nia'₂ a₂tsá₃ 'i₄ 'éi'₃ jmo₃ dsa₂ jme₁jmīg₄ sa₅₄?

Jaun₂ ca₂ηag₃ Jesús:

³ —ǵTsa₁ ma₂'í'₂ 'nia'₂ ja₁juá'₂ a₂ca₂jmo₃ David quai₁n'₅₄ riin'₅₄
jme₁ca₂tá'₂ i₁cón'₅? ⁴ Ca₂'í₃ dsi₂néi₂ quió'₅ Diú₄ ca₂can₃ i₁ηí'₄
jñió₅ a₂'i₄ 'éi'₃ a₂guě'₃ jmá'₃ jme₂dsa₂. Ca₂guě'₃, ca₂cuě'₃ riin'₅₄
i₂jme₁quai₁n'₅₄ ně₃.

⁵ Ca₂juá'₂ Jesús ján₃:

—Jaun₅ dsa₂ mi₂güig₃ bá₄ i₂quian₅ 'éi'₃ ne₄ quió'₅ jmīg₄ sa₅₄.

Dsa₂ i₂rě₂já'₃ caun₂ gu₂
(Mateo 12:9-14; Marcos 3:1-6)

⁶ Co₂ráu₂ táng₃ caun₂ jmīg₄ sa₅₄ ca₂lě₃, ca₂'í₃ Jesús guá'₅ sina-
goga, ca₂jme₃tiin₂₃ dsa₂. Jě₄ jaun₂ jme₁'en₅₄ jan₂ dsa₂ i₂rě₂já'₃ gu₂
ne₁. ⁷ Ca₂tiog₃ dsa₂ fariseos quian'₅₄ tě₅juá'₅ chi₂jua'₂ jme₃'lióin₂
'éi₂ tě₃ jmīg₄ sa₅₄, ia₁ jme₁'no'₂ jui₅ 'a₂ lia'₂ jmo₃ dsáu₁ 'éi₂. ⁸ La₁
a₂η₅ rě₂ bá₄ Jesús 'e₂ a₂dsi₂jio₅ dsí₅ dsa₂ 'éi₂ tióin₂, jaun₂ ca₂tsí'₃
dsa₂ i₂rě₂já'₃ gu₂:

—Nau₂, ηia₅ dsi₂jo₂ la₂.

Ca₂nau₂ bá₄ dsa₂ 'éi₂ ca₂ηó₃. ⁹ Jaun₂ ca₂tsí'₃ Jesús dsa₂ i₂tióin₂
jág₅:

—La₂ ηag₄ jniá₂ caun₂ 'nia'₂: ǵ'E₂ 'i₄ 'éi'₃ jmo₃ dsa₂ jui₁lia'₂
jme₁jmīg₄ sa₅₄? ǵA₁dse₃, o₃ a₂'lig'₅₄ 'e₂? ǵA₂lióin₂ dsa₂ mi₂güig₃
riin'₅₄, o₃ a₂jηag'₃ 'e₂?

¹⁰ Jaun₂ ca₂jñin₂ ca₂le₃jñin₃ dsa₂ i₂tióin₂ le₃lág'₃ quió'₅, jaun₂
ca₂tsí'₃ dsa₂ dso'₅₄:

—Nei'₅₄ gog'₂.

Jaun₂ ca₂néi'₃. Dsi₂jui₅ jaun₂ bá₄ ca₂lág₃ gu₂. ¹¹ La₁ ca₂rě₃'né₃
bá₄ dsa₂ jain₂ jain₂ tióin'₅₄, ca₂jme₃lió₃ ca₂tsí'₃ riin'₅₄ 'e₂ jmái'₂
Jesús.

Ca₂quión'₂ Jesús guia₃-tñ₂ dsa₂ i₂chein₃ 'a₂ guě₃já'₄ chei₃
(Mateo 10:1-4; Marcos 3:13-19)

¹² Ca₂lě₃ tě₃jě₄ jmīg₄ jaun₂, ca₂ηó₃ Jesús jui₅ caun₂ má'₂
a₂chi₂i₁lein'₄ Diú₄. Tě₁jma₃nei₅ bá₄ ca₂ηñ₅ chi₂léin'₂ Diú₄.

¹³ Jme₁jnia₃ táng₃ jaun₂, ca₂tě'₃ dsa₂ i₂quai₁n'₅₄, jaun₂ ca₂quíoin'₂

guia₃-tín₂ 'éi₂. I₂'éi₂ ně₃ ca₂quiain₃, i₂chen₄ quiáin₅.^{*} 14 Le₂la₂jme₁chein₂. Si₂mu₅₄ i₂ca₂quiain₃ Pe₄; Drě₄ rin'₅₄ Si₂mu₅₄; Jacobob quian'₅₄ Juan₅₄ ně₃; Fe₂li₄, Bartolomé, 15 Tě₅₄, To₁má₄, Jacobo† i₂lín₅ ja₁ŋi'₅₄ Alfeo; Si₂mu₅₄ i₂lín₅ cananista.‡ 16 Judas rin'₅₄ Jacobo; quian'₅₄ Judas Iscariote§ i₂ca₂dsióg₃ ca₂'ni₃ Jesús cang₂.

Jme₂tín₅ Jesús juín₅ lín₃ dsa₂

(Mateo 4:23-25)

17 Jme₁ca₂sióin₃ má'₂ jaun₂, quiaín'₅₄ 'éi₂, jaun₂ ca₂nau₂ caun₂ ja₁lě₄ ja₁jo₂. Ja₁jaun₂ ně₃ jme₁ma₂le₁ŋi'₂ juín₅ lín₃ dsa₂ i₂chan₂ta₁caun₂ 'uě₃ Judea, i₂ja₂lén₂ Jerusalén, ca₂le₃jě₃ juíg₂ te₁'i₁ le₂tan₅₄ chei'₅₄ jmi₁ŋi'₄ ja₁nio₅ juíg₂ Tiro quian'₅₄ Sidón ně₃, 18 ia₁ 'nio₃ dsa₂ nag₃ jág₁ quió'₅ Jesús, ton'₂ ia₁ 'nio₃ 'lióin₂ 'e₂ caun₂ dso₄ nio₅ lín₅. Le₂jaun₂ guě'₂ dsa₂ i₂chan₂ uig₅ co₂j móg'₂ jme₂dsí₂ 'lin'₅₄, ja₁jaun₂ qui₂ca₂'lóin₂ bá₄ ján₃. 19 Qui₂ca₂'náu'₃ jui₅ a₂ní'₃ quió'₅ Jesús, ia₁ jme₁'io₅ 'éi₂ bí₂ a₂jme₁jme₂'lióin₂ ca₂le₃jín₃.

Jui₁lia'₂ a₂dse₃, quian'₅₄ a₂tsá₃ dse₃ lia'₂ chan₂ dsa₂

(Mateo 5:1-12)

20 Jaun₂ ca₂jín₂ ca₂le₃jín₃ i₂ma₂quiaín'₅₄, jaun₂ ca₂juá'₂: —'E₂ guě₄ dsen'₃ 'nia'₂ dsa₂ i₂chang'₂ ŋég'₂ le₃ne₄ Diú₄, ia₁ 'nia'₂ bá₄ ca₂tíng'₂ ja₁goín₂.

21 "E₂ guě₄ dsen'₃ 'nia'₂ i₂chang'₂ 'ong'₅₄ rě₂ně₃, ia₁ 'ág'₄ bá₄ 'au'₂. Dsen'₃ 'nia'₂ i₂qui'₂-o₅ jmig₄ ně₃, ia₁ ŋág'₄ bá₄ 'nia'₂.

22 "E₂ guě₄ dsen'₃ 'nia'₂ jě₁ma₂ca₂jme₃'iog₅₄ dsa₂, a₂'uág'₂, jě₁ma₂tě₂ rě₁tě₃'o'₂, quiong₃ dsa₂ a₂'lینگ'₅₄ o₄quió'₄ Jaun₅ dsa₂ mi₂güí₃.

23 'Jmo₄ 'nia'₂ 'io'₂ 'ŋio₅ lín₃, quian₂ 'nia'₂ o₂'ŋió₃ 'au'₂ jě₁ma₂tě₂ jmig₄ jaun₂, ia₁ le₂ně₅ bá₄ guéi'₁ 'nia'₂ juě'₂ 'liang'₅₄ guei'₅₄ i₂juíg₃. Ia₁ le₂ně₅ bá₄ ma₂jmo₃ dsa₂ can'₅₄ quiáin₅ ca₃ma₂líg'₂ ma₂jmaí'₂ dsa₂ i₂jme₁'ě₂ jág₁ quián₅ Diú₄.

24 'La₁ 'e₂ guě₄ juíg'₂ 'nia'₂ dsa₂ cha₂ cu₄, ia₁ ma₂gue'₅₄ bá₄ 'nia'₂ liang'₅₄.

25 "E₂ guě₄ juíg'₂ 'nia'₂ i₂chang'₂ qui₂le₁'ág'₃ 'au'₂, ia₁ já₅ jmig₄ jě₁le₃chang'₂ 'ong'₅₄. 'E₂ guě₄ juíg'₂ 'nia'₂ i₂chan₂ co₂ŋág₂ jmig₄ ně₃, ia₁ já₅ bá₄ jmig₄ jě₁tóng'₁ 'lia'₂ 'au'₂ qui'₁-áu'₂.

26 'Juíg'₂ bá₄ 'nia'₂ jě₁ma₂tě₂ rě₁qui₃'ag₃ dsa₂ dse₃, ia₁ le₂ně₅ bá₄ ca₂jmo₃ dsa₂ can'₅₄ quiáin₅, ca₂'iín₃ dse₃ dsa₂ jui₁gan₂ i₂jme₁'ě₂ jág₁ ma₂líg'₂.

* 6:13 griego: apóstolous (dsa₂ i₂chen₄). † 6:15 o₃, Santiago. ‡ 6:15 griego: Celotes, co₂'nió'₄ dsa₂ i₂nau₂ quen₅; jan₂ i₂'nio₃ táun₂ 'uě₃ 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ŋi₄ lě₃ mei'₂ tsá₃ ca₂ne₅₄ a₂chein₂. § 6:16 o₃, Judas i₂chan₂ Cariot; o₃ Judas i₂tě₂jín₁.

A₂jme₃'nio₃ dsa₂ju₁lia'₂ dsa₂i₂'iog₅₄

(Mateo 5:38-48; 7:12)

27 'La₁ 'nia'₂ dsa₂ i₂na_{g5}, juá'₅ jniá'₂: Jme₁'nió'₄ 'nia'₂ dsa₂ i₂'iog₅₄, jmo₄ a₂dse₃ ja₁con₂ dsa₂ i₂ja₂uin₅₄ dsí'₅ já_{g2}. 28 Caun₂ dse₃ bá₄ qui₁'íng'₄ i₂'ag₅ 'lig'₅₄; chi₁len'₅₄ 'nia'₂ Diú₄ o₄quió'₄ i₂lë₁co₂jmo_{g'}₂. 29 Chi₂jua'₂ 'ein₂ ca₂jnaú₃ ca₂ton₂ rë₂jog'₂, jein'₅₄ le₃ca₂ton₂ táng₃ o₁jnaú₄; chi₂jua'₂ 'ein₂ ca₂jñiá'₂ 'mí'₂ dsiog₂ quiáng'₂, le₂jio_{g5} tsíng'₂ a₂qui₅₄ cuë'₅₄ já_{n3}, o₁quion₂. 30 Jui₁'ein₂ guë'₃ mi₅ 'e₂ mi₂₃, cuë'₅₄; chi₂jua'₂ 'e₂ caun₂ a₂jñiá'₂ quiáng'₂, tsá₃ ma₃mag'₅₄. 31 Jui₁lia'₂ a₂'niog'₂ 'nia'₂ jmo₃ dsa₂ja₁cong'₂, le₂jaun₂ jmo₄ 'nia'₂ ja₁coin₂.

32 'Ia₁ në₁jua'₂ 'nióg'₃ jmá'₃ lia'₂ dsa₂ i₂'nio₃ 'nia'₂ guiong'₅₄, ¿'e₂ ti₁'mag'₄ ca₂tíng'₂ në₁jua'₂ le₂jaun₂? Ia₁ já_{n3} bá₄ le₂në₅ jmo₅ jui₁lia'₂ dsa₂ i₂'no₅ dso₄. 33 Ia₁ chi₂jua'₂ jmo₂ 'nia'₂ dse₃ jmá'₃ lia'₂ ne₄ dsa₂ i₂jmo₅ dse₃ ja₁cong'₂, ¿'e₂ ti₁'mag'₄ ca₂tíng'₂ në₁jua'₂ le₂jaun₂? Ia₁ le₂në₅ bá₄ tion'₅₄ dsa₂ i₂'no₅ dso₄ já_{n3}. 34 Në₁jua'₂ qui₂dsi'₂ 'nia'₂ jmá'₃ lia'₂ le₃quió'₅ i₂lín'₂ 'nia'₂ le₃qui₅₄ jmí_{g4} jéin'₃ quiáng'₂, ¿'e₂ ti₁'mag'₄ ca₂tíng'₂ në₁jua'₂ le₂jaun₂? Ia₁ le₂në₅ bá₄ tion'₅₄ guë'₂ dsa₂ i₂'no₅ dso₄ já_{n3}, qui₂dsi₂ quió'₅ riin'₅₄ jain₂ jain₂, ia₁jaun₂ qui₃gue₃ quió'₅ riin'₅₄. 35 La₁ 'nia'₂ në₃, jme₁'nió'₄ i₂'iog₅₄, jmo₄ a₂dse₃ ja₁coin₂; dsi₄ 'nia'₂ quió'₅, tsá₃ jmo₄ 'nia'₂ jua'₅₄ a₂ñiá'₄ 'i₅ 'au'₂ a₂jaun₂. Jaun₂ le₂në₅ bá₄ guéi'₁ 'nia'₂ juë'₂ 'liang'₅₄, ton₂ léng'₂ chi₂'guein₂ quián₅ Diú₄ i₂guá'₅ guei'₅₄. Ia₁ i₂'ua₁ dsí'₅ 'éi₂ já_{n3} ja₁con₂ dsa₂ 'lín'₅₄, i₂jñia'₅₄ ti₁'mag'₄ tsá₃ cuë'₂₃. 36 Jui₁len'₅₄ 'nia'₂ dsa₂ ñéi₂ dsí'₅, jui₁lia'₂ ñéi₂ dsí'₅ Diú₄ Njéi'₅.

Tsá₃ lë₁caun₂ 'nia'₂ 'í₁ quió'₅ ríng'₂

(Mateo 7:1-5)

37 'Tsá₃ lë₁caun₂ 'nia'₂ 'í₁ ja₁con₂ ríng'₂, jaun₂ tsá₃ con₂ Diú₄ 'í₁ ja₁con₂ 'nia'₂ guiong'₅₄. Tsá₃ 'lián'₅ 'nia'₂ ríng'₂ jaun₂ tsá₃ 'liog'₃ Diú₄ guion'₅₄ 'nia'₂ já_{n3}. 'Én₃ 'nia'₂ dsáu₁ ríng'₂, jaun₂ bá₄ 'én₂ Diú₄ dsáu'₂ 'nia'₂ guiong'₅₄. 38 Qui₂jme₁'on₁ 'nia'₂ ríng'₂, jaun₂ bá₄ jme₃'o₅₄ Diú₄ 'nia'₂, cuë'₃ caun₂ 'éi'₃ tí₅, a₂tó'₅ tiá₂, a₂qui₂rë₂'ñiá'₄ rë₂ lín₃, ca₂lia'₂ tsá₃ ma₃to'₂ ja₁'éi'₄ jmo₃, tó'₃ të₂jmu₂ quián'₂ 'nia'₂. Ia₁ 'éi'₃ jaun₂ bá₄ to'₂ Diú₄ jui₁lia'₂ lë₅ 'éi'₃ a₂dsián'₅ 'nia'₂ ríng'₂ guiong'₅₄.

39 Jaun₂ ca₂cuë'₃ Jesús já_{g1} jáng'₅ léi₄ la₂:

—¿Lé₂ le₃jñia₃ dsa₂ ten₄ jan₂ dsa₂ ten₄ riin'₅₄ a₂'ë₃ jui₅? ¿Tsa₁ tsi₃séin'₂ jua'₅₄ jui₁lia'₂ caun₂ siá'₅? 40 'I₁jan₂ jui₁lia'₂ i₂'i₅ si₂ tsá₃ lín₅ jua'₅₄ a₂juiin'₂ guë'₄ con₂ guë'₄ të₅ quián₅; ca₂lia'₂ ca₂dsó'₃ si₂ quió'₅, jaun₂ guë'₄ lé₂ le₃dsióg₄ léin₂ con₂ lín₅ të₅ quián₅.

41 '¿'A₂ bá₄lia'₂ jñiá'₄ 'ne₂jme₁qui₅ pí'₁ a₂'i₄jme₁ne₁ ríng'₂, ton₂ tsá₃ leng'₅₄ a₂'i₄ ni₁'ma₂ chá₅ jme₁ne'₄ 'ñiag'₂? 42 ¿'A₂ bá₄lia'₂ tiá₂

'au'₂ juig'₅₄ ríng'₂: “Rín'₅₄ jniog₄, cuē₄ jmig₄ o₁dsi₁₂ jme₁qui₅ pí'₁ a₂'í₄ jme₁ne'₄”? i'Ne₂ dsa₂ i₂lē₁jmo₅-dsáu₅ o₁ne₁! Dsi₄ de'₂ jñiá₅ ni₁'ma₂ chá₅ a₂'í₄ jme₁ne'₄ 'ñiag'₂, jaun₂ guē₄ le₃jag'₅₄ rē₂ dsí'₁ qui₅ pí'₁ a₂'í₄ jme₁ne₁ ríng'₂.

Tē₂le₃ 'a₂ lia'₂ lē₅ mīg₂ a₂'ag₅ bá₄ ni₁'ma₂, jáng'₅ léi₄
(Mateo 7:17-20; 12:34-35)

⁴³ Tsá₃ cha₂ ni₁'ma₂ dse₃ jua'₅₄ a₂lé₂ le₃'ag₃ mīg₂ 'lig'₅₄; ján₃ guē'₂ le₂jaun₂ tsá₃ cha₂ ni₁'ma₂ 'lig'₅₄ jua'₅₄ lé₂ le₃'ag₃ mīg₂ dse₃. ⁴⁴ Le₂caun₂ le₂caun₂ bá₄ ni₁'ma₂ jau'₂ 'í₁ tē₂le₃ 'a₂ lia'₂ lē₅ mīg₂ a₂'ag₅: ma₁ tsá₃ quī₅ dsa₂ mīg₂ higos jui₁lia'₂ ni₁'ma₂ taun₅ chei₅₄, on₃ guē'₂ lé₂ le₃cág'₃ dsa₂ mīg₂ uvas jui₁lia'₂ chi₁uíng₃ taun₅. ⁴⁵ Ján₃ bá₄ le₂nē₅ dsa₂ nē₃. Jui₁lia'₂ dsa₂ dsen₃, lia'₂ con'₂ lē₅ a₂dse₃ a₂ma₂rē₂'ma₄ tē₂dsí₅, jmo₂₃ a₂dse₃; dsa₂ i₂'lin'₅₄ nē₃, lia'₂ con'₂ lē₅ a₂'lig'₅₄ a₂ma₂rē₂'ma₄ tē₂dsí₅, jmo₂₃ a₂'lig'₅₄. Ia₁ lia'₂ con'₂ lē₅ a₂'lióng₂ ñag₅₄ cha₂ tē₂dsí₅ dsa₂, a₂jaun₂ bá₄ 'uē₂ mi₂'o₅₄.

Tin₃ né₃ 'uig₅₄ cha₂
(Mateo 7:24-27)

⁴⁶ 'ĉ'E₂ bá₄ lē₃ tē'₅ 'nia'₂ jñiá₂, “Te₁gui'₅₄, Te₁gui'₅₄”, ton'₂ tsá₃ jmo'₂ guē'₂ 'nia'₂ a₂juá'₅? ⁴⁷ Le₂jan₂ le₂jan₂ i₂tē₁ja₂lén₂ ne₃, i₂ja₂néi₃ jág₁ quió₃, ton'₂ ne'₅₄ nē₃, la₂ 'íin₄ 'a₂ lia'₂ lín₅: ⁴⁸ lín₅ jui₁lia'₂ jan₂ dsa₂ i₂ca₂jmóg'₃ 'né₅, ca₂guéi₃ 'ei₄ de'₂ jñiá₅ ca₂lia'₂ ca₂tē₂ ne₄ ni₁'lau₂. Ne₄ jaun₂ ca₂jme₃lióg₃ 'uig₅₄ 'ia'₂. Jme₁ca₂juē'₂ jmig₂, ca₂dság'₃ jmig₂ tiá₂ 'ei₅ dso'₂ tsi₁'nē₅ jaun₂. La₁ ca₂lia'₂ jñia'₅₄ tsá₃ ca₂'ñiá'₂, ia₁ rē₂ jme₁lē₄. ⁴⁹ La₁ jui₁lia'₂ i₂nag₅ jág₁ quió₃, ton'₂ tsá₃ nei'₅₄ guē'₂ nē₃, lín₅ jui₁lia'₂ lín₅ dsa₂ i₂ca₂chi'₃ 'ne₄ jñia'₅₄ dsí₂ ne₄ 'uē₃ bá₄, tsá₃ 'uig₅₄ 'ia'₂ ca₂jmo₃. Jme₁ca₂dság'₃ tiá₂ 'ei₅ jmig₂ dso'₂ tsi₁'nē₅ jaun₂, ca₂qui'₃ bá₄, co₂ñei'₅₄ ca₂'en₃.

7

Ca₂jme₃'lión₂ Jesús jan₂ dsa₂ mozo quián₅ juig₅₄ 'lióg₂ romano
(Mateo 8:5-13)

¹ Jme₁ca₂dsan₃ cuē₂₃ jág₁ le₂nē₅, ca₂le₃jín₃ bá₄ dsa₂ qui₂ca₂nág₂, jaun₂ ca₂ñó₃ jui₅ juig₂ Capernaum. ² Ja₂jaun₂ jme₁guá₄ jan₂ juig₅₄ 'lióg₂ romano i₂jme₁'ñio₅ jan₂ dsa₂ i₂jme₁jme₂ti₃ ne₅₄, i₂jme₁'nioi₃ lín₃. 'Éi₂ nē₃ jme₁dso'₅₄ jme₁ma₂rē₂quiain₂₃ jóin₂. ³ Jme₁ca₂rē₃ñi₅ juig₅₄ 'lióg₂ a₂'in₅ dsa₂ Jesús, jaun₂ ca₂chein₃ jan₂-on₃ dsa₂ can'₅₄ quián₅ dsa₂ judíos a₂i₃léin₂ a₂i₁mi₂ ne₄ Jesús a₂jiá₃ jme₃'lión₂ dsa₂ mozo quián₅. ⁴ Jme₁dsi₃léin₂ ja₁'en₅₄ Jesús, ca₂mi₃ tion₅₄-jan₃, ca₂juá'₂:

—Ca₂tín₂ bá₄ gui'₅₄ juig'₅₄ 'lióg₂ 'éi₂ a₂jme₁'oin'₄, ⁵ ia₁ 'ñio₅ lín₃ bá₄ 'nioi₃ dsa₂ juig₂ go₄ jniog₄. Ia₁ 'éi₂ bá₄ ca₂jmo₃ 'éi'₃ a₂ca₂lág₃ guá'₅ sinagoga quián₂ jnia'₅₄.

⁶ Jaun₂ ca₂ñó₃ bá₄ guë'₂ Jesús quian'₅₄ 'éi₂. La₁ jme₁ma₂ja₂quián₃ dsi₁léin₂ dsi₂néi₂ jme₁ca₂chen₃ táng₃ gui'₅₄ juig'₅₄ 'lióg₂ jan₂-on₃ a₂mei₅₄ quiáin₅, a₂quian₅ jág₁ a₂juá'₂:

—Te₁gui'₅₄, tsá₃ cán'₁ ta₁ jua'₅₄ a₂gog'₅₄ tē₂ ja₁quió₃, ia₁ tsá₃ ca₂tíng₂ jua'₅₄ a₂o₁'ú'₃ dsi₂néi₂ quió₃. ⁷ 'Uig₅₄ jaun₂ i₂jio₅ dsi₃, ħi₂'ein₂ bá₄ jniá₂ jua'₅₄ nei₅₄ 'ñió₃ tē₂ ja₁cong'₂? La₁ tió'₅ jua'₅₄ ca₂jon₄ bá₄ jág₁ quiáng'₂ tē₂nē₅, ia₁jaun₂ jñia₃ dso'₅₄ mozo quiáng₃. ⁸ Ia₁ le₂nē₅ bá₄ jniá₂ 'ñió₃ chéng'₅ jme₂ti₅₄ ne₄ juig₃, ján₃ bá₄ niog₅ gu₃ 'lióg₂ i₂te₁neg'₄. Nē₁jua'₂ ca₂juig₂ jniá₂, “Gua₂jó₄”, ja₁jaun₂ dsó₃ bá₄; nē₁jua'₂ ca₂juig₂ “Ñia₅ ja₁lá₃”, jiá₃ bá₄. Ján₃ guë'₂ le₂jaun₂ nē₁ca₂juig₂ “O₂jmo₄ a₂la₂ a₂ó₃”, a₂jaun₂ dsi₃jmo₂ bá₄.

⁹ Jme₁ca₂nág₂ Jesús jág₁ nē₅, ca₂i₃gó'₃ dsí₅ o₄quió'₄ dsa₂ 'éi₂, jaun₂ ca₂jéin'₃ ca₂jíin₂ dsa₂ i₂quaiin'₅₄, jaun₂ ca₂juá'₂:

—Tē₃dsón'₂ bá₄, ca₂lia'₂ 'i₁jan₂ dsa₂ chan₂ Israel tsá₃ ma₂ca₂dsán'₂ jniá₂ i₂én₂ lia'₂ 'én₂ dsa₂ nē₅.

¹⁰ Jme₁ca₂dsi₃len₃ dsa₂ i₂chen₄ 'éi₂ dsi₂néi₂, ma₂ca₂'lón₂ bá₄ dsa₂ mozo i₂jme₁dso'₅₄.

Ca₂jme₃jen'₅₄ Jesús ja₁ñi'₅₄ jan₂ 'io₅₄ 'nág₂

¹¹ Cang₂ jaun₂ ca₂ñó₃ táng₃ Jesús caun₂ juig₂ ja₁chei₂ Nain, jaun₂ ca₂jme₃quaiin'₅₄ chi'₂ dsi₂guia₃-tín₂ quiáin₅, i₃léin₂ quian'₅₄ juin₅ guë'₄ dsa₂ sián'₂ nē₃. ¹² Jme₁ja₂quián₃ dsióg₄ ja₁dsi₂ton'₅₄ dsa₂ o₄'né₄ juig₂, ca₂jág₃ ca₂'uin₂ dsa₂ i₃'óin₃ jan₂ 'lag₄, i₂jan₂ tan₅₄ 'éi₂ ja₁ñi'₅₄ jan₂ 'io₅₄ 'nág₂. Juin₅ lín₃ bá₄ dsa₂ juig₂ i₂jme₁quiong'₅₄ i₃'o₃. ¹³ Ca₂tá'₂ néi₂ dsí₅ Te₁gui'₅₄ jme₁ca₂jág₂, jaun₂ ca₂juá'₂:

—Tsá₃ 'au₂.

¹⁴ Jaun₂ ca₂jme₃quiáin₃ ca₂níi'₃ tsi₁gu₅. Ca₂jñia₃ bá₄ guë'₂ dsa₂ i₂jme₁le₁te₂, jaun₂ ca₂juá'₂ Jesús ca₂tsi'₃ 'lag₄:

—i'Ne₂ juig₂ jniá₂ chi'₂, nau₂!

¹⁵ Jaun₂ nē₃ ca₂guá'₂ 'lag₄, ca₂jme₃lióg₃ ca₂dsia₃ jág₁, jaun₂ ca₂jáng'₂ Jesús ne₄ chog₅₄. ¹⁶ Jme₁ca₂tē₂ ne₄ dsa₂ a₂ca₂lē₃ jaun₂, ca₂i₃gó'₃ dsí₅ ca₂le₃jíin₃, jaun₂ ca₂jme₃juin'₂ Diú₄, ca₂juá'₂:

—Ma₂ca₂rē₃jniá₂ jan₂ dsa₂ juin'₂ i₂'ē₂ jág₁ quián₅ Diú₄ jē₄ quián₂ jniog₄.

Juá'₂ nē₃:

—Ma₂guan₅ Diú₄ a₂jme₃'oin₅₄ dsa₂ juig₂ quiáin₅.

¹⁷ Le₂con₂ ja₁tén₄ 'uē₃ Judea, le₂con₂ ma₂quián₅ jaun₂ nē₃, qui₂ca₂rē₃ñi₅ dsa₂ a₂ca₂jmo₃ Jesús jaun₂.

Dsa₂ i₂ca₂chen₃ Juan₅₄ i₂chon₅ dsa₂ jmi₂g₂

(Mateo 11:2-19)

¹⁸ Ca₂rě₃ŋi₅ Juan₅₄ ca₂le₃jě₃ a₂jaun₂, ia₁ ca₂dsia₃ dsa₂ i₂jme₁quiai_n⁵⁴. Jaun₂ ca₂tě₃ on₃ dsa₂ 'éi₂, ¹⁹ jaun₂ ca₂chei₃ ne₄ Te₁gui₅₄ a₂dsi₃ŋag₅₄ chi₂jua₂' tě₃dsón₂' lín₅ dsa₂ i₂lě₅ jág₁ jiá₃, o₃ ŋjia₃ i₂sián₂' 'e₂. ²⁰ Jaun₂ dsa₂ 'éi₂ ně₃, ca₂jme₃quiáin₃ con₂ Jesús jaun₂ ca₂juá₂'₂:

—Juan₅₄ i₂chon₅ dsa₂ jmi₂g₂ ně₂chei₃ jnia₅₄ a₂ŋag₄ 'ne₂ chi₂jua₂' tě₃dsón₂' lín₅ i₂lě₅ jág₁ jiá₃, ¿o₃ ŋjia₄ jnia₅₄ i₂sián₂' 'e₂?

²¹ Tě₃jě₄ jaun₂, ca₂jme₃lión₂ Jesús juin₅ lín₃ dsa₂ i₂jme₁le₁dso₅₄, ca₂le₃jě₃ ne₅₄ jmi₁uig₅ a₂jme₁le₁quian₅ dsa₂; lia₂' jme₂dsí₂ 'lín₅₄ ně₃ qui₂ca₂'uín₂; qui₂ca₂j móg₃ jme₁ne₁ dsa₂ i₂jme₁ten₄. ²² Jaun₂ guě₄ ca₂jéin₃ jág₁ quió₅ 'éi₂, ca₂juá₂'₂:

—O₂nó₅ 'nia₂ o₂dsia₄ o₂chei₅₄ Juan₅₄ 'e₂ ca₂tě₂ ne₅₄, 'e₂ a₂qui₂ně₂nei₂ ně₃. Qui₂jág₅ jui₁lia₂' dsa₂ ten₄; tē₁i₂nio₄ táng₃ dsa₂ i₂tsá₃ lé₂ jme₁i₂nio₄; tē₂tsin₅₄ le₁jín₃ i₂jme₁lín₄ 'mé₅ 'iog₅; qui₂nag₅ táng₃ dsa₂ i₂jme₁guin₄ ně₃; le₂jaun₂ guě₂ 'lag₄ ně₃ qui₂jein₅₄ táng₃; ja₁con₂ dsa₂ dsi₂ŋé₂ dsi₂'ag₅ jág₁ dse₃ a₂lión₂ dsa₂. ²³ 'E₂ guě₄ dsen₃ dsa₂ i₂tsá₃ 'ag₅ caun₂-tin₃ dsí₅ o₄quió₃ jniá₂.

²⁴ Jme₁ma₂i₂len₃ dsa₂ i₂ca₂chen₃ Juan₅₄ 'éi₂, jaun₂ ca₂jme₃lióg₃ Jesús ca₂tsí₃ dsa₂ a₂'in₂₃ Juan₅₄, ca₂juá₂'₂:

—¿'E₂ ca₂i₁jag₄ 'nia₂ lia₂' con₂ i₁nóg₄ 'uě₃ quein₂ co₂ŋiog₅ jaun₂? ¿O₃ bá₄ ca₂jag₅₄ 'nia₂ ca₂'nau₂ ni₁'ma₂ ta₅ a₂lě₁qui₂bí₂ dsí₂ ja₁jaun₂? ²⁵ Chi₂jua₂' on₃ jaun₂, ¿'e₂ guě₂ ca₂i₁jag₄ 'nia₂? ¿O₃ bá₄ ca₂jing₅₄ jan₂ dsa₂ i₂qui₂' tsin₅₄ jlá₁ 'e₂? La₁ on₃ le₂jaun₂. Ia₁ ŋi₅₄ bá₄ 'nia₂, ca₂le₃jín₃ dsa₂ i₂tē₁i₂nio₄ jlán₁ i₂qui₂cuě₅ o₂ŋió₃ o₂ŋia₃ dsi₅, i₂tion₅₄ jui₁lia₂ dsi₂néi₂ quió₅ rag₅₄ bá₄ i₂le₂'éi₂. ²⁶ Jaun₂ ně₃, ¿'e₂ guě₂ ca₂i₁jag₄ 'nia₂? ¿O₃ bá₄ jan₂ dsa₂ i₂'ě₂ jág₁ quián₅ Diú₄ 'e₂ ca₂jín₅₄ 'nia₂? Dsón₂' bá₄ jaun₂. Jan₂ i₂lín₅ i₂juin₂ guě₄ lia₂' con₂ guě₄ jan₂ i₂'ě₂ jág₁ quián₅ Diú₄ bá₄ ca₂i₁jín₄ 'nia₂, juá₅ jniá₂. ²⁷ Juan₅₄ bá₄ 'éi₂ i₂'in₅ Si₂ quió₅ Diú₄ ja₁juá₂'₂:

Tsing₅₄ jan₂ dsa₂ quiáng₃ ne₄ jui₅ quiáng₂, jón₃,

a₂dsi₃can₅ jág₁, jmo₃ co₂ŋia₅₄ jui₅.*

²⁸ Juá₅ jniá₂ juíg₂ 'nia₂, ca₂lia₂' 'i₁jan₂ dsa₂ tsá₃ ma₂ca₂rě₃chán₃ i₂juin₂' guě₄ lia₂' con₂ guě₄ Juan₅₄. La₁, i₂lín₅ i₂me₂' guě₄ ja₁gon₂ Diú₄, i₂'éi₂ lín₅ i₂juin₂' guě₄ lia₂' con₂ guě₄ 'éi₂.

²⁹ (Ca₂le₃jín₃ dsa₂ i₂ca₂nág₂, lia₂' dsa₂ i₂cán₂ 'lia₅₄ ně₃, jme₁ca₂jŋói₂ jmi₂g₂ ca₂cho₃ Juan₅₄, le₂ně₅ bá₄ ca₂jme₃jniai₂₃, Diú₄ bá₄ i₂lín₅ i₂qui₂dsi₅ 'éi₃ tí₅. ³⁰ La₁ dsa₂ fariseos quian₅₄ tē₅juá₅

* 7:27 Malaquías 3:1.

ně₃, tsá₃ ca₂gue₃ cho₃ Juan₅₄ jmi₂g₂; le₂ně₅ bá₄ a₂ca₂rě₃jniá₂ ján₃ a₂tsá₃ ji'₅₄ a₂jme'₁nio₃ Diú₄ jmo₃ quiong'₅₄.)

31 —¿'A₂ lia'₂ le₃jua'₅₄ lín₅ dsa₂ i₂chan₂ jmi₂g₄ ně₃? ¿'E₂ bá₄ quian'₅₄ le₃quíng₄ lín₅? 32 Lín₅ ju₁lia'₂ lín₅ i₂bě'₅₄ i₂tón'₅ qui₂quíó'₅ jmái'₂ riin'₅₄ jě₄ 'ma'₅₄, juá'₂:

Ně₂jé₄ jnia'₅₄ te₁fi₁ o₄quián'₂ 'nia'₂,

la₁ tsá₃ ně₂dsián'₃ 'nia'₂;

ján₃ guě'₂ ně₂jmó₁ jnia'₅₄ son₅₄ quió'₅ 'lag₄

la₁ tsá₃ ca₂tá'₂ guě'₂ 'lia'₂ 'au'₂ 'nia'₂.

33 'Ia₁ ca₂guan₃ Juan₅₄ i₂chon₅ dsa₂ jmi₂g₂, i₂tsá₃ jme₁guě'₅ i₁ñí'₄, on₃ guě'₂ vino jme₁ín'₂ ně₃, ca₂íin'₅₄ 'nia'₂ a₂ein₅₄ jme₂dsi₂je₂na'₅₄. 34 Ca₂guan₃ guě'₂ táng₃ Jaun₅ dsa₂ mi₂güig₃ i₂tin₂ guě'₅, 'ín'₂ ně₃; la₁ 'nia'₂ juá'₂ 'ín'₅ a₂lín₅ jlé₂ 'í₅, má₄ jmíg₃ ně₃, a₂lín₅ a₂mei₅₄ quián₅ dsa₂ cha₂ dsáu₁, quian'₅₄ dsa₂ i₂cán₂ 'lia'₅₄ quián₅ dsi₂tan₅₄ ně₃. 35 Rě₂jniá₂ bá₄ a₂ñí₄ lě₃ ñí'₂ dsí₅ Diú₄, a₂tiin₂, tě₂le₃ quian'₅₄ 'a₂ lia'₂ lě₅ jmo₅ chi'₂-guein₂ quián₅.

'En₅₄ Jesús dsi₂néi₂ quió'₅ Si₂mu₅₄ dsa₂ i₂lín₅ fariseo

36 Jaun₂ ca₂tě₃ jan₂ dsa₂ fariseo ca₂tě'₃ Jesús a₂i₁guě'₂ dsi₂néi₂ quió'₅. Ca₂í₃ bá₄ guě'₂ Jesús dsi₂néi₂ quió'₅ dsa₂ fariseo 'éi₂ jme₁dsióg₃, jaun₂ ca₂guá₂ ne₄ mesa. 37 Tě₃jě₄ jaun₂, ca₂dsióg₃ jan₂ 'io₅₄ i₂'no₅ dso₄ i₂jme₁ñí₅ juig₂ jaun₂, ia₁ jme₁ca₂rě₃ñi₅ a₂'en₅₄ Jesús guě'₅ dsi₂néi₂ quió'₅ dsa₂ fariseo 'éi₂. Jaun₂ ca₂dsióg₃ quian₅ caun₂ ni₁tsí₅ pí'₁ jlá'₁ a₂lě₅ quian'₅₄ alabastro, a₂'a₄ no'₅₄ mi₂juig₂. 38 Ca₂guá₂ 'o₂₃ cau₅ ja₁tióng₂ tag₄ Jesús, ca₂jme₃lióg₃ 'ág₂ jmi₂g₂ 'ei₅ jme₁ne₁₂ co'₅₄ tag₄ 'éi₂. Jaun₂ ca₂jme₃quéin₃ táng₃ quian'₅₄ jñi₂ dsi₅₄, jaun₂ ca₂chen'₃, jaun₂ ca₂tsáng₂ no'₅₄ mi₂juig₂. 39 Jme₁ca₂jág₃ dsa₂ fariseo i₂quió'₅ dsi₂néi₂, ca₂i₃jio₅ dsí₅: “Jua'₅₄ mei'₂ guě₃ tě₃dsón'₂ dsa₂ ně₅ lín₅ jan₂ i₂ě₂ jág₁ quián₅ Diú₄, jme₁le₃lí'₄ 'a₂ lia'₂ lín₅ dsa₂ i₂ñí'₅ quió'₅. Ia₁ jan₂ 'io₅₄ i₂'no₅ dso₄ bá₄ ně₅.” 40 Jaun₂ ca₂juá'₂ Jesús ca₂tsí'₃ 'éi₂:

—Si₂mu₅₄, cha₂ caun₂ jág₁ a₂'nio₃ juig₅₄ 'ne₂.

—Jua'₅₄ 'ne₂, Tě₅ —ca₂ñag₃.

41 Jaun₂ ca₂juá'₂:

—On₃ dsa₂ jme₁le₁rín₃ cu₄ quió'₅ jan₂ dsa₂ i₂tin₂ jme₁dsi₂ cu₄. Jan₂ jme₁rín₂ ca₂jau₅₄ mei₅ 'éi'₃ cu₄ denarios, jan₂ guě'₂ jme₁rín₂ tě₂láu₃-guiá₃. 42 Ca₂'én₂ bá₄ guě'₂ dsa₂ juig₅₄ cu₄ dsáu₁ jě₁le₃oin₃ le₂jaun₂, ia₁ tsá₃ guě'₂ qui₅₄ jmi₂g₄ jáng'₃. Jaun₂ tsá₃ ma₃tion₅₄ ca₂mág₃ cú₁. Jaun₂ ně₃, ¿'ein₂ i₂on₃ 'éi₂ i₂'nio₃ guě'₄?

43 Ca₂ñag₃ táng₃ Si₂mu₅₄:

—Dsa₂ i₂jme₁rín₂ guě'₄ 'líóng₂, lín₂ jniá₂.

—Dsau₅ bá₄ le₂ně₅ —ca₂ñag₃ Jesús. 44 Jaun₂ ca₂jíin₂ táng₃ 'io₅₄, ca₂tsí'₃ táng₃ Si₂mu₅₄:

—ǰjɪŋ'₄ dsa₂ mí₂ la₂? Jme₁nē₂'ú₃ dsi₂néi₂ quiáng'₂, tsá₃ jmiǵ₂
 nē₂cuē'₅₄ a₂jɪ₁₃ tag₃; la₁ 'io₅₄ la₂ nē₃ ma₂nē₂rang₃ tag₃ quian'₅₄
 jmiǵ₂ 'ei₅ jme₁ne₁₂, ton'₂ ma₂nē₂chí₃ táng₃ quian'₅₄ jɪ₁₂ dsi₅₄.
 45 Ján₃ bá₄ le₂jaun₂, tsá₃ nē₂chen'₅₄ quió₃ jme₁guang₁₂. 'Io₅₄ la₂
 guē'₂ nē₃, ca₂lia'₂ tsá₃ 'na₂ bá₄ caun₂ chen'₂ tag₃. 46 Tsá₃ no'₅₄
 ma₂nē₂'ág'₂ jua'₅₄ a₂ma₂nē₂tsáng'₃ dsi₃; la₁ 'io₅₄ la₂ guē'₂ nē₃,
 ma₂nē₂'ág'no'₅₄ mi₂juig₂ tag₃. 47 'Uig₅₄ nē₃ nē₃ juá'₅ jniá₂ ia₁ a₂jɪ₁₄
 lē₃ 'líong₂ dso₄ jme₁rē₂cáin'₄, la₁ ma₂rē₂'én₄, a₂jaun₂ bá₄ lē₃ jɪ₁₄
 lē₃ cuē₂₃ léi₄ a₂'nio₃. La₁ ju₁lia'₂ dsa₂ i₂ca₂juig₄ bá₄ dsáu₁ rē₂'én₄,
 me'₂ bá₄ cuē₂₃ léi₄ a₂'nio₃.

48 Jaun₂ guē₄ ca₂juá'₂ ca₂tsí'₃ 'io₅₄:

—Ca₂le₃jē₃ bá₄ dsáu'₂ ma₂rē₂'én₄.

49 Ca₂le₃jɪ₁₃ guē₄ dsa₂ sián'₂ i₂jme₁tián'₄ ne₄ mesa quiaín'₅₄,
 ca₂dsia₃ tsí'₅ riin'₅₄:

—ǰl₂'ein₂ bá₄ nē₃, ca₂tē₂ dsáu₁ dsa₂ qui₂'éin₂?

50 La₁ Jesús nē₃, ca₂tsí'₃ dsa₂ mí₂ 'éi₂:

—Ia₁ a₂'éng'₂, ma₂ca₂lóng'₂ nē₃. Guan'₂ tei₄ quiáng'₂.

8

Dsa₂ mí₂ i₂jme₁i₂nio₄ jme₂'on₅₄ Jesús

1 Cang₂ jaun₂, ca₂i₁jɪ₁₂ Jesús le₂tan₅₄ juig₂ ca'₅₄, le₂tan₅₄
 juig₂ pí'₁ nē₃, qui₂i₁jme₁tiin₂₃ dsa₂ jág₁ dse₃ ju₁lia'₂ ja₁gon₂
 Diú₄. Jme₁quiaín'₅₄ bá₄ chī'₂ dsi₂guia₃-tín₂. 2 Ján₃ guē'₂
 jme₁quiaín'₅₄ dsa₂ mí₂ i₂ma₂ca₂'uín'₂ jme₂dsí₂ 'lín'₅₄ quió'₅,
 i₂ma₂ca₂jme₃'lióin₂ dso₄ a₂jme₁lín₄ nē₃. Jɪn₄ 'éi₂ jme₁jɪ₁₅
 jan₂ i₂chen₂ María i₂tē'₂ Magdalena,* i₂ma₂'uín'₂ Jesús guion₃
 je₂na'₅₄ tē₂dsí₅; 3 ján₃ bá₄ jme₁jɪ₁₅ i₂chen₂ Juana i₂lín₅ dsa₂ mí₂
 quián₅ Cuza, dsa₂ i₂niog₅ ne₄ 'e₂ a₂cha₂ quió'₅ Herodes; ján₃
 bá₄ jme₁jɪ₁₅ i₂chen₂ Susana; i₂juin₅ bá₄ i₂sián'₂ guē₄ i₂jme₁i₂nio₄
 quiong'₅₄, jme₁jme₂'o₅₄ quian'₅₄ 'e₂ a₂cha₂ quió'₅.

Jág₁ jáng'₅ léi₄ ju₁lia'₂ dsa₂ i₂séi₂ míǵ₂ jon₂

(Mateo 13:1-9; Marcos 4:1-9)

4 'Lióng₂ juig₂ ja₁jme₁tón'₅ dsa₂ ju₁ dsi₂léin₂ dsi₂jiin₅₄ Jesús.
 Jē₁ma₂le₁jɪ₁'₂ dsa₂ ju₁in₅ nē₃, jaun₂ ca₂dsia₃ jág₁ jáng'₅ léi₄ la₂,
 ca₂juá'₂:

5 —Jan₂ dsa₂ ca₂je₄ ja₁nau₂ ca₂i₁séi₄ míǵ₂ jon₂. Jme₁ma₂'ein₅₄
 séi₂ nē₃, a₂lín₅₄ míǵ₂ i₂ga'₅₄ le₂'₄ ju₁ qui₂ca₂tsó'₃ dsa₂; i₁tan₅ guē'₂
 nē₃ ca₂guē'₃ ca₂dsio₄. 6 Ca₂dsio₄ guē'₂ nē₃ ca₂i₃to'₅₄ jē₄ ni₁cang₁;
 jme₁ca₂'ia₂, ca₂rē₃quéin₃ bá₄ ia₁ tsá₃ gua'₅₄ cha₂ jua'₅₄ a₂güǵ'₂.
 7 Ca₂dsio₄ guē'₂ ca₂séi'₂ jē₄ ni₁taun₅. La₁ ni₁taun₅ bá₄ tiá₂ ca₂jo₃
 jme₁ca₂'ia₂. 8 La₁ ca₂dsio₄ guē'₂ nē₃ ca₂tín₂ ja₁dse₃ gua'₅₄; a₂jaun₂

* 8:2 o₃, “i₂chan₂ Magdala.”

ca₂i₃cón₃, ca₂rau₂ dse₃ lín₃, caun₂ 'ŋiá₂-láu₂ mǐg₂ lia'₂ ca₂mǐg₂ jon₂ a₂ca₂séi₂.

Jme₁ma₂lē₅ jme₂tag₂₃ le₂ně₅, ca₂juá'₂ tiá₂:

—Chi₂jua'₂ 'ein₂ 'nia'₂ dsi₅₄ rě₂gua₄, nei₂ 'nia'₂ rě₂.

Ta₁ qui'₅ jág₁ a₂jáng'₅ léi₄

(Mateo 13:10-17; Marcos 4:10-12)

⁹ Jaun₂ ca₂ŋag₃ chi'₂ dsi₂guia₃-tín₂ 'e₂ bá₄ jein₅ jág₁ a₂cuē₂₃ jaun₂. Jaun₂ ca₂juá'₂ Jesús:

¹⁰ —Diú₄ bá₄ jmo₅ a₂rě₂ŋí'₂ 'au'₂ 'nia'₂ jág₁ a₂rě₂'ma₄ quió'₅, 'a₂ lia'₂ lě₅ ja₁goin₂. La₁ dsa₂ sián'₂ ně₃, juíg₂ jniá₂ tē₂le₃ quian'₅₄ jág₁ jáng'₅ léi₄, ia₁jaun₂:

I₂ně₂jág₃, la₁ tsá₃ le₃lí'₄ 'e₂ ně₂jág₃;

i₂ně₂néi₂ ně₃, la₁ tsá₃ le₃lí'₄ 'e₂ ně₂néi₂,

on₃ guē'₂ le₃ŋíi'₂.†

Juá'₂ Jesús 'e₂ jág₁ dsau₅ jein₅ jág₁ jui₁lia'₂ dsa₂ i₂séi₂ mǐg₂ jon₂

(Mateo 13:18-23; Marcos 4:13-20)

¹¹ 'A₂la₂ bá₄ jein₅ jág₁ a₂jáng'₅ léi₄: A₂lē₅ co₂'nió'₄ mǐg₂ jon₂, jág₁ dse₃ quió'₅ bá₄ Diú₄ jaun₂. ¹² Jui₁lia'₂ ca₂dsio₄ mǐg₂ jon₂ a₂i₃ga'₅₄ le₂'i₄ jui₅ guē'₂ ně₃, le₂jaun₂ lín₅ jui₁lia'₂ ca₂dsion₄ dsa₂ i₂nag₅ jág₁ dse₃; la₁ i₂sě₃dsen₃ guē'₂ ně₃, ja₂jniá'₃ jág₁ dse₃ jme₁ma₂'i₄ dsí₅, ia₁jaun₂ tsá₃ ma₃le₃'éin₂ jua'₅₄ a₂lióin₂. ¹³ Co₂'nió'₄ mǐg₂ jon₂ a₂i₃to'₅₄ jě₄ ni₁cang₁ guē'₂ ně₃, co₂'nió'₄ lín₅ jui₁lia'₂ dsa₂ i₂guen₅ 'ŋio₂ dsí₅ jág₁ dse₃ jě₁ma₂ca₂nág₂. La₁ cang₂ jaun₂ tsá₃ tiá₂ tióin₂; lín₅ ně₂jag₄ bá₄ a₂tsá₃ jmú₄ cha₂ jui₅ jme₂dsí₂ quió'₅. Co₂'na₂ bá₄ rě₂'éin₂, ia₁ jě₁ma₂ca₂i₃ŋíi'₂ 'e₂ caun₂ jui₅bí₂ a₂cáun₂ táu₂, dsi₂lein₅ táng₃ le₃ca'₃, tí₂ jág₁. ¹⁴ Co₂'nió'₄ jon₂ a₂ca₂séi'₂ jě₄ ni₁taun₅ guē'₂ ně₃, co₂'nió'₄ lín₅ jui₁lia'₂ dsa₂ i₂nag₅ jág₁, la₁ tē₂le₃ ne₄ jui₅ ja₁i₂lén₂ jaun₂, tē₂ ca₂juig₄ bá₄ jme₂gain₂₃ dsí₅ a₂jo₅ bí₂ a₂quian₅ o₂me'₅₄ dsí₅, a₂ja₂ dsí₅ le₃cha₂ cu₄ 'lióng₂, a₂'nio₃ cuē'₅ o₂'ŋio₃ o₂jnia₃ dsí₅; i₂ně₅ ně₃ lín₅ co₂'nió'₄ mǐg₂ a₂tsá₃ ma₃lé₂ rón₃. ¹⁵ La₁ ca₂dsio₄ mǐg₂ jon₂ a₂ca₂séi₂ ja₁dse₃ gua'₅₄, co₂'nió'₄ lín₅ jui₁lia'₂ dsa₂ i₂dse₃ dsí₅ i₂caun₂ ne'₅₄, tsán'₂ tiá₂ jág₁ a₂nag₂₃, caun₂ juin'₂ bá₄ dsí₅, 'lióng₂ a₂dse₃ rě₂jniá₂ a₂jmo₂₃ chain₂.

Jág₁ jáng'₅ léi₄ jui₁lia'₂ ni₁tsí₅ chi₁guí'₂ si₂

(Marcos 4:21-25)

¹⁶ 'I₁jan₂ dsa₂ tsá₃ guí'₅ si₂ caun₂ ni₁tsí₅, jua'₅₄ a₂jlě₂ o₃ a₂chi'₂ ně₃ tsí₁cama 'e₂. A₂'ag₅ guei'₅₄ bá₄ dsa₂ si₂, ia₁jaun₂ jniá₂ quió'₅ i₂dsi₂ton'₅₄. ¹⁷ Ján₃ bá₄ le₂jaun₂, 'i₁caun₂ a₂rě₂'ma₄ jlě₅ cha₂ jua'₅₄ a₂lín₂ dsa₂ a₂tsá₃ le₃jniá₂; tion₅₄ bá₄ rě₂jniá₂. Ján₃ guē'₂ le₂jaun₂

'i₁caun₂ jág₁ tsá₃ cha₂ jua'₅₄ lín₂ dsa₂ a₂tsá₃ 'ein₂ le₃ŋi₅: tion₅₄ bá₄ rē₂ŋi₅ dsa₂.

18 'Quion₂ de'₂ 'nia'₂ 'í₁ rē₂ jaun₂, 'a₂ lia'₂ lě₅ nag'₂, ia₁ jui₁lia'₂ i₂ma₂ŋi'₂, Diú₄ bá₄ jmo₃ a₂le₃ŋi'₂ guě₄. La₁ jui₁lia'₂ i₂tsá₃ 'nio₃ le₃ŋi'₂ guě'₂ ně₃, ca₂tě₂ a₂jme₁ma₂ŋi'₂, lín₂, ŋjia'₃.

Chi'₂ rin'₅₄ Jesús, quian'₅₄ chog₅₄

(Mateo 12:46-50; Marcos 3:31-35)

19 Jaun₂ ca₂dsi₃lén₂ chi'₂ rin'₅₄ Jesús quian'₅₄ chog₅₄, jme₁'nio₃ jme₁ŋi₃ ca₂tě₂ ja₁'en₅₄ 'éi₂, la₁ tsá₃ lě₂, ia₁ jui₁n₅ lín₃ dsa₂ tion'₅₄.

20 Jaun₂ jan₂ dsa₂ sián'₂ bá₄ ca₂ŋag₃ jág₁ ca₂juá'₂:

—Chog'₂ quian'₅₄ chi'₂ ríng'₂ ně₅ tióin₂ ca₁'né₄, 'nio₃ jín₂ 'ne₂.

21 Jaun₂ ca₂ŋag₃:

—Dsa₂ i₂nag₅ jág₁ quió'₅ Diú₄, ton'₂ jme₂ti₃, 'éi₂ bá₄ lín₅ cha₃, ríng'₃ ně₃.

Ca₂jmo₃ Jesús ca₂'ág₂ tei₄ jmi₁ŋi'₄, ca₂ŋjia'₃ dsí₂ ně₃

(Mateo 8:23-27; Marcos 4:35-41)

22 Co₂ráun₂ ca₂'í₃ Jesús caun₂ tsi₁mu₅, jaun₂ ca₂tsí'₃ chi'₂ dsi₂guia₃-tín₂ quián₅:

—Ma₃dsau₅₄ quióng₄ le₃ca₂taun₂.

Jaun₂ ca₂i₃lén₂ bá₄. 23 Tě₁lia'₂ tióin'₅₄ 'ain₂₃ jmi₁ŋi'₄, la₁ 'éi₂ ně₃ ca₂güin₂ bá₄. Tě₃jě₄ jaun₂ ca₂'ág₂ dsí₂ tiá₂ lín₃ ne₄ jmi₂g₂. Ca₂rě₃lióg₃ i₃'a₄ jmi₂g₂ 'ŋió'₃ tsi₁mu₅, ca₂lia'₂ ma₂lě₂ dsi₂guein'₅₄ bá₄, go'₂ lín₃ tióin'₅₄. 24 Jaun₂ ca₂i₁ŋei₂₃ Jesús, ca₂juá'₂:

—iTě₅! iTě₅! iDsi₃'éin₂ jniog₄!

Jaun₂ ca₂nau₂ bá₄ guě'₂ Jesús ca₂tě₂ ca₂jéin₂ dsí₂, a₂jná'₅ jmi₂g₂ ně₃. Dsi₂jui₅ le₂jaun₂ bá₄ ca₂tě₁tsi'₅₄ táng₃ tei₄. 25 Jaun₂ tsí'₅ chi'₂ dsi₂guia₃-tín₂:

—č'A₂ ŋó₅ a₂'én'₂ 'nia'₂?

Ca₂lia'₂ lě₁quian₅ juě'₅ lín₃ bá₄ tióin'₅₄ dsi₂gó'₃ dsí₅, dsia₂₃ tsí'₅ riin'₅₄:

—č'Ei₂n₂ bá₄ lín₅ dsa₂ ně₅, tiin₂ jmo₃ 'éi'₃ tsí'₅ tě₂ dsí₂, jmi₂g₂ ně₃, ne'₅₄ a₂juá'₂?

Dsa₂ chan₂ Gerasa i₂tion'₅₄ jme₂dsí₂ 'lín'₅₄

(Mateo 8:28-34; Marcos 5:1-20)

26 Jaun₂ guě₄ ca₂dsi₃lén₂ 'uě₃ Gerasa† a₂ron₅ le₃'ŋo'₅₄ jmi₂g₂ ja₁ron₅ 'uě₃ Galilea. 27 Jme₁ca₂o₂'ín₃ Jesús a₂tě₁tsi₁n'₅₄ 'uě₃, jaun₂ ca₂jme₃quián₃ jan₂ dsa₂ juig₂ jaun₂ cau₅ quió'₅. Dsa₂ 'éi₂ ně₃, líg'₂ bá₄ qui₂ca₂jo₃ jme₂dsí₂ je₂na'₅₄. Líg'₂ bá₄ ŋi₂₃ tsá₃ ma₃tsin'₅₄ qui'₅, on₃ guě'₂ ma₃jua'₅₄ a₂guá₅ dsi₂něi₂; tau₂ 'ŋio₅ quió'₅ 'lag₄

† 8:26 A₂lín₅₄ chog₅₄ si₂juá'₂: “Gadara”; a₂siá'₂ guě'₂ ně₃, juá'₂: “Gergesa”; ján₃ bá₄ le₂ně₅

bá₄ jme₁ma₂guá₅, ²⁸ Jme₁ca₂jín₂ Jesús, jaun₂ ca₂guió'₃ co₂mi'₅₄, ca₂chi₃jnë₃ ne₄ 'éi₂, ca₂juá'₂ tiá₂ lin₃:

—ǵ'E₂ bá₄ lě₃ ɲe'₃ i₃tiáng'₃ jě₄ quián'₂ jniá₂, 'ne₂ Jesús Ja₁ɲi'₅₄ Diú₄ i₂guá₅ guei'₅₄ lin₃? Mi₂₃ jniá₂ ne'₅₄, tsá₃ cuē₂ uig₅.

²⁹ Ca₂juá'₂ le₂ně₅ ia₁ jme₁ma₂ně₂jmo₃ Jesús 'éi'₃ a₂o₃'in₅ jme₂dsí₂ 'lin'₅₄ quió'₅. 'Lióng₂ ráun₂ bá₄ le₂jniá₅ jme₁ma₂ca₂jɲau'₃ i₂'lin'₅₄. Jaun₂ o₁jɲia'₅₄ ma₂qui₂ma₂'néi₂ dsa₂ mi₂gu₂ mi₂tag₅₄ quian'₅₄ ɲi₁ cadenas ia₁jaun₂ lé₂ 'í₁, la₁ ca₂le₃jě₃ bá₄ jme₁gág₅. Jme₁'liog'₂ je₂na'₅₄ a₂jme₁dsi₂ɲi₃ uíng₂ gua'₅₄ quein₂ ja₁co₂'ɲiog₅.

³⁰ Jaun₂ ca₂ɲag₃ Jesús:

—ǵ'A₂ bá₄ lia'₂ cheng'₂?

Jaun₂ ca₂ɲag₃:

—Juin₅Š bá₄ cheng₂.

Le₂ně₅ ca₂juá'₂ chein₂ ia₁ a₂juin₅ je₂na'₅₄ i₂jme₁tion'₅₄ quió'₅.

³¹ Jaun₂ jme₂dsí₂ 'éi₂ ně₃ qui₂ca₂mi₃ tion'₅₄ ne₄ Jesús ia₁jaun₂ tsá₃ guiog'₃ 'éi₂ ca₂tě₂ ja₁ca₂jein₃ chi₁dsio₅₄. ³² Jaun₂ jme₁tion'₅₄ juin₅ i₁ɲi₅ caun₂ dsi₂con'₂. Jaun₂ ca₂mi₃ jme₂dsí₂ a₂cuē₃ Jesús jmi₄ a₂dsi₃toin'₅₄ quió'₅ i₁ɲi₅. Jaun₂ ca₂cuē₃ bá₄ guē'₂ Jesús jmi₄. ³³ Jaun₂ qui₂ca₂'uin₂ bá₄ je₂na'₅₄ quió'₅ dsa₂ 'éi₂; ca₂i₃lén₂ i₃toin'₅₄ quió'₅ i₁ɲi₅. Ca₂le₃jín₃ i₁ɲi₅ 'éi₂ ně₃ ca₂i₁noi₁₂ co₂'ei₅ 'lig'₅₄, qui₂ca₂sein'₃ tsag₂ siá₅ ca₂séin'₂ tě₂ dsi₂jmi₂g₂. Ja₁jaun₂ ca₂dsain₃ ca₂'in'₃ jmi₂g₂.

³⁴ Jme₁ca₂tě₂ ne₄ dsa₂ i₂jme₁jmo₅ 'í₁ i₁ɲi₅ 'e₂ ca₂lě₃, ca₂i₃lein₃ ca₂cuíng₃ ca₂i₁dsia₂ jě₄ juig₂, ja₁nau₂ ně₃. ³⁵ Jaun₂ ca₂i₁len₅₄ dsa₂ juig₂ i₁jag₅₄ a₂ca₂lě₃ ja₁jaun₂. Jme₁ca₂dsi₃lén₂ ja₁'en₅₄ Jesús, ca₂jín₂ dsa₂ i₂ma₂'uin₂ je₂na'₅₄ tě₂dsí₅. Jaun₂ ma₂guá₅ con₂ Jesús ma₂qui'₂ tsin'₅₄, ma₂'en₅₄ bá₄ dsí₅. Jaun₂ ca₂i₃gó'₃ dsí₅ dsa₂ jme₁ca₂jág₂. ³⁶ Dsa₂ i₂ca₂tě₂ ne₄ a₂ca₂lě₃ jaun₂, ca₂dsia₃ ca₂tsí'₃ táng₃ i₂ca₂dsi₃lén₂ 'éi₂ 'a₂ lia'₂ ca₂'lón₂ dsa₂ i₂jme₁tion'₅₄ je₂na'₅₄ tě₂dsí₅. ³⁷ Jaun₂ ně₃, ca₂le₃jín₃ bá₄ dsa₂ chan₂ le₃lág'₃ juig₂ 'uē₃ Gerasa ca₂tsí'₃ Jesús a₂o₃'iin₅ ja₁jaun₂, ia₁ 'ɲio₅ lin₃ tě₂tsi'₅₄ go₂'i₃ tion'₅₄ dsa₂. Jaun₂ ca₂ɲá'₃ bá₄ 'éi₂ ca₂'í₃ táng₃ tsi₁mu₅. ³⁸ Dsa₂ i₂ca₂'uin₂ jme₂dsí₂ je₂na'₅₄ quió'₅ ně₃, jme₁mi₂₃ ne₄ Jesús a₂jme₁dsó₃ quiong'₅₄. La₁ 'éi₂ ně₃ ca₂jmo₃ 'éi'₃ a₂jɲia₃ bá₄, ca₂juá'₂:

³⁹ —Guan'₂ bá₄ quiáng'₂, o₂dsia₄ ca₂le₃jě₃ 'e₂ ně₂jmo₃ Diú₄ ja₁cong'₂.

Ca₂ɲá'₃ bá₄ guē'₂ dsa₂ 'éi₂ quió'₅, ca₂i₁dsia₂ le₂tan₅₄ jě₄ juig₂ 'e₂ ca₂jmo₃ Jesús quiong'₅₄.

Ja₁míg₄ Jairo, quian'₅₄ 'io₅₄ i₂ca₂ní'₃ tsin'₅₄ Jesús
(Mateo 9:18-26; Marcos 5:21-43)

40 Jme₁ca₂dsián'₃ táng₃ Jesús le₃'ŋo'₅₄ jmig₂, qui₂ca₂guei₃ dsa₂ a₂'ŋio₂ dsí₅, ia₁ ca₂le₃jín₃ bá₄ jme₁ma₂le₁jñiog₂₃ tioen'₅₄. 41 Të₃jë₄ jaun₂, ca₂dsióg₃ jan₂ dsa₂ i₂chen₂ Jairo, i₂nio₅ gu₂ guá'₅ sin-agoga. Dsa₂ 'éi₂ nē₃ ca₂chi₃jné₃ ne₄ Jesús jme₁dsióg₃, ca₂mi₃ tion₅₄-jan₃ ia₁jaun₂ dsó₃ ja₁quió'₄. 42 Ia₁ jme₁chan₂ jan₂ tan₅₄ ja₁míg₄, i₂jme₁ma₂'en₅₄ con'₂ guia₃-tín₂ ŋi₂, i₂jme₁ma₂i₁jón₂. Jme₁ma₂'en₅₄ Jesús jui₅ ŋó₃ ja₁quió'₄ 'éi₂, juin₅ lin₃ dsa₂ i₂l₃lén₂ quiong'₅₄, lia₂ qui₂rē₂quín'₅ bá₄ Jesús ŋó₃.

43 Jë₄ jaun₂, ŋó₃ jan₂ dsa₂ mí₂ i₂dso'₅₄ ma₂guia₃-tín₂ ŋi₂ a₂tiin₂,* la₁ ca₂lia₂ 'i₁jan₂ tsá₃ 'ein₂ ma₂ca₂tió'₃ jme₃'lió₂.

44 'Io₅₄ 'éi₂ nē₃ ca₂jme₃quiáin₃ tē₂le₃ chi₁co'₅₄ quió'₅ Jesús. Jaun₂ ca₂níi'₃ chei'₅₄ tsin'₅₄ 'éi₂. Co₂tan₅₄ dsi₂jui₅ le₂jaun₂ bá₄ ca₂quion₂ jmi₂ 'ain₅₄.

45 Jaun₂ ca₂juá'₂ Jesús:

—'Ein₂ nē₂ní'₃ quió'₃?

Ca₂le₃jín₃ bá₄ dsa₂ ŋag₂₃ juá'₂ tsá₃ ŋi₅.

Jaun₂ ca₂juá'₂ Pe₄.†

—Të₅, jág'₂ bá₄ 'ne₂ chi₁quí'₅ co₂'liog'₂ dsa₂ ca₂taun₂ ca₂taun₂ ja₂náu₅.

46 La₁ caun₂ ca₂juá'₂ bá₄ Jesús:

—Chan₂ i₂nē₂ní'₃ quió'₃, ia₁ ca₂rē₃léi₄ jniá₂ o₂'ág₃ bí₂ quió'₃.

47 'Io₅₄ nē₃, jme₁ca₂rē₃lí'₄ a₂tsá₃ ma₃lé₂ jua'₅₄ a₂'mai₃, já₃ jlein₂₃, ca₂chi₃jné₃ ne₄ 'éi₂. Të₃ jág₅ ca₂le₃jín₃ dsa₂ ca₂juá'₂ lia₂ t₅ jág₁ 'e₂ 'uig₅₄ ca₂níi'₃ quió'₅ 'éi₂, ton'₂ ca₂jáng'₃ jág₁ dsau₅ a₂ca₂'lóin₂ dsi₂jui₅ le₂jaun₂.

48 Jaun₂ ca₂juá'₂ Jesús:

—Jón₃, ne₄ ia₁ a₂'éng'₂, ca₂'lóng'₂ bá₄. Guan'₂ tei₄ quiáng'₂.

49 Të₃jë₄ juá'₂ jág₁ jaun₂ jme₁ca₂dsióg₃ jan₂ dsa₂ i₂chen₄ dsi₂néi₂ quió'₅ i₂nio₅ gu₂ guá'₅, ca₂juá'₂:

—Ma₂jon₅ bá₄ chi'₂ quiáng'₂. 'A₃ ma₃cuē'₂ ta₁ Të₅.

50 La₁ ca₂nág₂ bá₄ Jesús, jaun₂ ca₂juá'₂:

—Tsá₃ lē₁jmo₂ 'lia'₂ 'au'₂. Jñia'₅₄ con'₂ 'én₃ bá₄, jaun₂ nē₃ jag'₅₄ i₂'lión₂ bá₄ chi'₂ quiáng'₂.

51 Jme₁ca₂dsióg₃ dsi₂néi₂, tsá₃ ca₂cuē₃ jmig₄ jua'₅₄ dsi₃ton'₅₄ 'i₁jan₂ i₂sián'₂, jñia'₅₄ lia'₂ Pe₄, Juan₅₄, Jacobo[†] nē₃, quian'₅₄ jmá'₃ chog₅₄-jmei₂ chi'₂ 'éi₂ bá₄ i₃ton'₅₄. 52 Jaun₂ qui'₂-o₅ bá₄ dsa₂ qui'₂ dsí₅ lin₃ tioen'₅₄, o₄quió'₄ chi'₂. Jaun₂ ca₂juá'₂ Jesús:

—Tsá₃ 'au₂ 'nia'₂; on₃jua'₅₄ i₂rē₂jon₅₄ nē₅. Jñia'₅₄ lia'₂ a₂rē₂güin₃ bá₄.

* 8:43 A₂lin₅₄ chog₅₄ si₂ juá'₂ ján₃: “Jme₁ma₂'éin₂ ca₂le₃jë₃ cu₄ a₂jme₁cha₂ quió'₅ quian'₅₄ tē₅mí₅.” † 8:45 A₂lin₅₄ chog₅₄ si₂ juá'₂ ján₃: “Pe₄ quia₁in'₅₄ riin'₅₄.” ‡ 8:51 o₃, Santiago.

⁵³ La₁ njia'₅₄ ca₂nj_{i2} bá₄ 'éi₂ t_ioin'₅₄, ia₁ nj_{i5} rē₂ bá₄ a₂jme₁ma₂rē₂j_{on54} dsón'₂ bá₄ chí'₂.

⁵⁴ Jaun₂ ca₂tín₂ gu₂ chí'₂ 'éi₂, ca₂juá'₂ tiá₂:

—jón₃, nau₂!

⁵⁵ Ca₂gú'₃ táng₃ jme₂dsí₂ quió'₅; ds_{i2}jui₅ jaun₂ bá₄ ca₂nau₂. Jaun₂ ca₂jmo₃ Jesús 'éi'₃ a₂cuē₃ dsa₂ a₂guē'₃. ⁵⁶ Jaun₂ ds_{i2}gó'₃ dsí₅ 'njio₅ lín₃ chog₅₄-jmei₂. La₁ Jesús ně₃ ca₂juá'₂ a₂tsá₃ 'ein₂ tsí'₃ 'i₁jan₂ a₂ca₂lē₃ jaun₂.

9

Ca₂chen₃ Jesús chí'₂ ds_{i2}guia₃-tín₂

(Mateo 10:5-15; Marcos 6:7-13)

¹ Ca₂nj_{i2} Jesús chí'₂ ds_{i2}guia₃-tín₂ quiáin₅ ca₂cuē₃ jui₅bí₂ a₂'io₃ 'éi'₃ ne₄ quió'₅ ca₂le₃jín₃ jme₂dsí₂ je₂na'₅₄, a₂lé₂ qui₂jme₃'lióin₂ dsa₂ jui₁'e₂ guē₃ dso₄ niog₅ lín₅. ² Ca₂chei₃ a₂dsi₃'ě₃ jág₁ jui₁lia'₂ ja₁gon₂ Diú₄, a₂dsi₃jme₁'lioin₅₄ dsa₂ i₂le₁dso'₅₄. ³ Jaun₂ ca₂juá'₂:

—Tsá₃ 'e₂ cán'₁ 'nia'₂ 'i₁caun₂ le₂'i₄ jui₅, on₃ guē'₂ 'ma₂'i₅₄, on₃ guē'₂ tsi₁na'₅₄ on₃ guē'₂ i₁ní'₄, on₃ guē'₂ cu₄, on₃ guē'₂ tsín'₂ 'nia'₂ siá'₂ cán'₁. ⁴ Le₂caun₂ ds_{i2}néi₂ ja₁dsi₁nó'₅ 'nia'₂, ja₁jaun₂ jan'₄ 'nia'₂ ca₂lia'₂ ca₂tě₂ jmi_{g4} a₂o₁nog'₄ táng₃. ⁵ Le₂caun₂ juig₂ ja₁tsá₃ guei₅ dsa₂, co₂dsia₅ 'uin'₂ 'nia'₂ juig₂ jaun₂, séi'₃ 'nia'₂ 'liog₂ tag'₅₄, a₂jmo'₂ léi₄ a₂tsá₃ ma₃'e₂ 'uin'₄ 'nia'₂ quiain'₅₄.

⁶ Jaun₂ qui₂ca₂'uin₂ bá₄ chí'₂ ds_{i2}guia₃-tín₂, ca₂i₃lén₂ le₂tan₅₄ juig₂ i₁'ě₄ jág₁ dse₃, i₁jme₁'lioin₂₃ dsa₂ ně₃.

Ca₂jon₃ Juan₅₄ i₂chon₅ dsa₂ jmi_{g2}

(Mateo 14:1-12; Marcos 6:14-29)

⁷ Jaun₂ ca₂rē₃ni₅ Rag₅₄* Herodes ca₂le₃jě₃ 'e₂ niog₅ lě₂. La₁ tsá₃ caun₂ a₂i₃jio_{g5} dsí₅, ia₁ dsia₅ i₂lín₅₄, Juan₅₄ bá₄ 'éi₂ nj_{i5} a₂ma₂ca₂jein'₅₄ táng₃. ⁸ I₂lín₅₄ guē'₂ dsia₅ a₂ma₂ca₂jme₃jnia₅ Elías; i₂sián'₂ guē'₂ dsia₅ a₂ma₂ca₂jen'₅₄ táng₃ jan₂ i₂jme₁'ě₂ jág₁ quián₅ Diú₄ ma₂líg'₂. ⁹ La₁ Rag₅₄ Herodes 'njio_{g5} guē'₂ ně₃ juá'₂:

—Jua'₂ jniá₂ 'njío₃ ca₂jmo₃ 'éi'₃ a₂ca₂quí'₃ dsa₂ ds_{i2}lag₄ 'éi₂. ħEin₂ guē'₂ ně₅, tsá₃ caun₂ jág₁ guion₁₂ a₂jmo₂₃?

Jaun₂ Herodes ně₃ jme₁'no'₂ jui₅ a₂jme₃jein'₂.

Ca₂jme₃tan₅₄ Jesús 'njá₂ mei₅ dsa₂

(Mateo 14:13-21; Marcos 6:30-44; Juan 6:1-14)

¹⁰ Jme₁ca₂o₃len₃ dsa₂ i₂chen₄ quiáin₅ 'éi₂, jaun₂ ca₂dsia₃ ca₂tsí'₃ Jesús 'e₂ niog₅ ca₂jmo₃ ja₁i₁lein₅₄. Jaun₂ ca₂jio_{g3} Jesús a₂i₃lén₂ con'₂ guioin₅₄ caun₂ juig₂ ja₁chei₂ Betsaida. ¹¹ La₁ tion₅₄ bá₄ ca₂i₃lén₂ dsa₂ sián'₂ jme₁ca₂rē₃ni₅; ca₂guei₃ bá₄ guē'₂ Jesús

* 9:7 griego: tetrarca (i₂gon₂ jmo₅ 'éi'₃ 'uē₃ Galilea).

qui₂ca₂jme₃tag₂₃ jág₁ jui₁lia'₂ ja₁gon₂ Diú₄ ca₂jme₃'lióin₂ dsa₂
i₂jme₁le₁dso'₅₄ ně₃.

12 Tě₂le₃ ca₂'láu₂ jmig₄ jaun₂, ca₂o₃lén₂ chi'₂ dsi₂guia₃-tín₂
ca₂tsí'₃ Jesús:

—'Ei'₂ jág₁ dsa₂, ia₁jaun₂ dsi₃lein₅ dsi₃'nióg₂ a₂guě'₃,
jui₁dsi₂'nio'₂ ja₁jnia₃ le₂con₂ juig₂ pí'₁ ma₂quián₅ ně₅, ia₁ tsá'₃
'e₂ cha₂ ja₁lá₃.

13 La₁ Jesús guě'₂ ně₃ ca₂juá'₂:

—Cuě'₅₄ 'nia'₂ dsa₂ a₂guě'₃.

Jaun₂ ca₂ḡag₃ 'éi₂ táng₃:

—Tsá'₃ 'e₂ cha₂ jua'₅₄ a₂le₃cue₅₄ jnia'₅₄ dsa₂, jnia'₅₄ lia'₂ 'ḡiá₂
i₁ḡi'₄ bá₄ 'i₄; quian'₅₄ on₃ i₁ju₁, jnia'₅₄ lia'₂ ně₁jua'₂ dsi₁liá₄ má₃
con'₂ tín'₂ guě'₃ ca₂le₃jín₃.

14 Con'₂ 'ḡiá₂ mei₅ dsa₂ 'éi₂ jme₁lě₂, jmá'₃ dsa₂ ḡe'₂.

Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quián₅:

—Chei'₅₄ 'nia'₂ dsa₂ jui₁tian'₄ jui₁jmo₁₂ jma₃tě₂lón₃-guián₂ lia'₂
co₂niói'₃.

15 Jaun₂ ca₂jmo₃ bá₄ guě'₂ 'éi₂ 'éi'₃ a₂tian'₃ dsa₂. 16 Jaun₂ ca₂tín₂
Jesús ta₁'ḡiá₂ i₁ḡi'₄, le₃on₃ i₁ju₁ ně₃. Ca₂chóg'₃ ne₅₄ jui₅ guei'₅₄
i₂juíg₃, ca₂jme₃jniói₃ a₂jaun₂. Jaun₂ guě'₄ ca₂'niai₃, ca₂cuě'₃ chi'₂
dsi₂guia₃-tín₂. 'Éi₂ guě'₂ ně₃ ca₂dsiό'₃ jín₄ dsa₂. 17 Ca₂le₃jín₃ bá₄
ca₂guě'₃ ca₂lia'₂ ca₂'ág'₃ dsí₅. Jme₁ca₂lě₃ jaun₂, guia₃-tín₂ tsi₁mí'₂
tá₁ ca₂cág'₃ dsa₂ jmá'₃ 'nau₅₄ a₂ca₂chóng₃.

*Ca₂juá'₂ Pe₄ lia'₂ tí jág₁ a₂lín₅ Jesús I₂rě₂'ín₁ quián₅ Diú₄
(Mateo 16:13-19; Marcos 8:27-29)*

18 Co₂ráun₂ 'en₅₄ Jesús 'ḡiog₅ chi₂lén'₂ Diú₄, i₂jme₁quian'₅₄ bá₄
chi'₂ dsi₂guia₃-tín₂, jaun₂ ca₂ḡag₃ Jesús:

—ǎ'E₂ 'ag₅ dsa₂ jniá₂? ǎ'Ei₂ lín₅ jniá₂, dsia₅ dsa₂?

19 Jaun₂ ca₂ḡag₃ chi'₂ dsi₂guia₃-tín₂:

—I₂lín₅₄ dsa₂ dsia₅ a₂lín'₅ Juan₅₄ i₂chon₅ dsa₂ jmig₂; i₂lín₅₄
guě'₂ dsia₅ a₂lín'₅ Elías; i₂lín₅₄ guě'₂ dsia₅ táng₃ a₂lín'₅ i₂sián'₂
i₂jme₁'ě₂ jág₁ quián₅ Diú₄, a₂ca₂jein'₅₄ táng₃.

20 Jaun₂ ca₂ḡag₃ Jesús:

—ǎ'Nia'₂ guě'₂ ně₃? ǎ'E₂ guě'₂ juá'₂ 'nia'₂ 'ein₂ lín₅ jniá₂?

Jaun₂ ca₂ḡag₃ Pe₄:

—'Ne₂ lín'₅ I₂rě₂'ín₁ quián₅ Diú₄.

'Ē₂ Jesús jág₁ a₂jóin₂

(Mateo 16:20-28; Marcos 8:30--9:1)

21 Jaun₂ ca₂juá'₂ Jesús a₂jmo₃ tei₄, a₂tsá₃ 'ein₂ tsí'₃ jág₁ jaun₂.
22 Jaun₂ ca₂juá'₂ ně₃:

—Co₂nē₅ 'en₅₄ 'éi₃ Jaun₅ dsa₂ mi₂güig₃ a₂dsi₃ñi₂ uig₅ 'ñio₅ lin₃; jme₃'iog₅₄ dsi₂gui₅₄ can₅₄, lia₂ jui₂g₅₄ jme₂dsa₂, tē₃juá₅ nē₃. Quin₃ dsa₂ jág₁ a₂jñag₃, la₁ jein₅₄ bá₄ táng₃ a₂'ni₅ jmig₄ jaun₂.

23 Jaun₂ ca₂tsí₃ ca₂le₃jín₃:

—Nē₁jua₂ chan₂ i₂'nio₃ jiá₃ chi₁co₅₄ quió₃, co₂dsia₅ jui₁dsi₂'én₂ dsí₅ 'ñiog₅, jui₁'ei₅₄ bá₄ caun₂ dsí₅ ca₂le₃jě₃ jmig₄ o₁jñia₅₄ ca₂join₃, † jui₁jia₂ chi₁co₅₄ quió₃. 24 Ia₁ jui₁lia₂ dsa₂ i₂'nio₃ le₃chan₂ dse₃ mi₂güig₃ la₂, dsi₃'én₂ quió₅; la₁ jui₁lia₂ dsa₂ i₂quí₃ dsí₅ jui₁dsi₂ñi₂ 'e₂ dsi₃ñi₂ o₄quió₃ jniá₂, lí₂, tíin₄ bá₄. 25 Ia₁ 'e₂ bá₄ ta₁ jmo₃ a₂lí₄ dsa₂ ca₂le₃jě₃ a₂cha₂ ne₄ gua₅₄ 'uē₃ la₂, nē₁jua₂ dsi₃'én₂ bá₄ guē₂? 26 Ia₁ nē₁'ein₂ gui₅₄ jén₅ o₄quió₃ jniá₂ quian₅₄ o₄quió₄ jág₁ quió₃, ján₃ bá₄ le₂jaun₂ le₃gui₅₄ Jaun₅ dsa₂ mi₂güig₃ 'ag₃ jē₁ma₂tē₂ rē₁jñio₁' ma₂lín₅ Rag₅₄ jlán₁ jui₁lia₂ jlán₁ Jmei₂, quian₅₄ ángeles jñio₅ quiáin₅. 27 A₂dsi₂jó₃ juig₂ jniá₂ 'nia₂, chan₂ bá₄ 'nia₂ i₂lín₅₄ i₂tión₂ jē₄ la₂, i₂tsá₃ dsián₃ ca₂lia₂ ca₂tē₂ ne₅₄ bí₂ 'éi₃ quió₅ Diú₄.

Ca₂rē₃tsín₃ Jesús lia₂ jniái₂

(Mateo 17:1-8; Marcos 9:2-8)

28 Con₂ jñia₃ jmig₄ cang₂ a₂ca₂juá₂ Jesús le₂nē₅, ca₂ñó₃ jui₅ má₂ i₁chi₂i₁lein₄ Diú₄, jme₁quai_{in}₅₄ Pe₄, Jacobo, Juan₅₄ nē₃. 29 Tē₃jē₄ chi₂léin₂ Diú₄, ca₂rē₃tsín₃ lia₂ jniái₂. Tsin₅₄ nē₃ ca₂rē₃tsín₃ ca₂jñia₃ tiog₂ jau₂, ca₂lia₂ tág₅ 'ñio₅ lin₃. 30 Tē₃jē₄ jaun₂, ca₂jñia₃ on₃ dsa₂, dsia₂₃ jág₁ quian₅₄ Jesús. Moisés quian₅₄ Elías bá₄ 'éi₂. 31 Ca₂lia₂ co₂tág₅ co₂'né₅ bá₄ ca₂jñiai₃, tióin₂ dsia₂₃ a₂nio₅ lé₂, 'mú₃ a₂gue₃ jē₄ juig₂ Jerusalén, a₂le₃ti₃ 'éi₃ a₂'ein₅₄. 32 Tē₃ ma₃i₁güín₃ 'ñio₅ lin₃ bá₄ Pe₄ quai_{in}₅₄ riin₅₄, ca₂jme₃jñio₅₄ ne₅₄ ca₂jñin₂ Jesús jniái₂ co₂tág₅ quian₅₄ dsa₂ on₃ i₂quai_{in}₅₄. 33 Jme₁ma₂i₂uín₃ dsa₂ 'éi₂ cau₅ quió₅, jaun₂ ca₂juá₂ Pe₄ ca₂tsí₃ Jesús:

—Tē₅, i₁'e₂ guē₄ dse₃ lia₂ tio₅₄ jniog₄ ja₁lá₃! Nē₃ o₁jmó₁ 'ni₅ tsi₁'io₅ láu₃: caun₂ quiáng₂, caun₂ quió₅ Moisés, caun₂ guē₂ quió₅ Elías nē₃.

La₁ a₂lē₁ca₂juá₂ bá₄ Pe₄, on₃jua₅₄ jaun₂ lí₄ a₂tē₂i₂₃ le₂jaun₂.

34 Tē₃ dsia₂₃ jág₁ le₂jaun₂, jme₁gua₃ jnei₅ ca₂jliin₃, jaun₂ guē₄ ca₂ja₃gó₃ tióin₅₄ jme₁ca₂i₃'én₂ 'éi₂ jē₄ jnei₅. 35 Jē₄ jnei₅ jaun₂ ca₂né₂ jág₁, ca₂juá₂:

—I₂la₂ bá₄ jón₃ I₂rē₂'ín₁ quiáng₃. Nei₂ 'nia₂ jág₁ quió₅.

36 Jme₁ma₂nē₂néi₂ jág₁ jaun₂, jua₂ 'ñiog₅ bá₄ Jesús ma₂chéin₅ jme₁ca₂jág₃. La₁ jmig₄ jaun₂, tei₄ bá₄ ca₂jmo₃ tsá₃ 'ein₂ ca₂tsí₃ 'i₁jan₂ a₂ca₂tē₂ ne₅₄ jaun₂.

† 9:23 lit. “jui₁quian₅₄ cró₄ quió₅ ca₂le₃jě₃ jmig₄.”

*Ca₂jme₃'lión₂ Jesús jan₂ chi₂ i₂jme₁'en₅₄ jme₂dsí₂ 'lín₅₄
(Mateo 17:14-21; Marcos 9:14-29)*

³⁷ Jme₁jnia₃, ca₂sióin₃ táng₃ má'₂ jaun₂, con'₂ guè'₂ juin₅ lin₃ dsa₂ ca₂jme₃jein'₂. ³⁸ Të₃ jin₄ dsa₂ jaun₂, ca₂juá'₂ tiá'₂ jan₂ dsa₂ ca₂tsí'₃ Jesús:

—Të₅, jmo₄ dse₃ 'au'₂, jin₄ co₂nio₄ chi'₂ quiáng₃, i₂jan₂ la₂ bá₄ la₂ quiáng₃ chan₂. ³⁹ Jme₂dsí₂ 'lín₅₄ bá₄ i₂co₂j móg'₂ guió'₅ co₂tiá'₂ jén'₅ dso₄ 'ei₂, qui₂'ué'₅ jan₅ mi₂'o₅₄. I₂'lín₅₄ ně₃, jmóg'₂, ca₂lia'₂ jaun₂ guě₄ téi₂ ca₂lia'₂ ma₂jén'₃ uig₅ 'nio₅ lin₃. ⁴⁰ Jme₁ma₂ně₂juíg₂ chi'₂ dsi₂guia₃-tín₂ quiáng'₂ a₂jme₁dsei₂₃, la₁ tsá₃ ca₂tió'₃.

⁴¹ Jaun₂ ca₂juá'₂ Jesús:

—i'En₁ jmá'₃ 'nia'₂ dsa₂ chan₂ jmig₄ ně₃ tsá₃ 'e₂ 'éng'₂! ¿Je₂liá'₂ jmig₄ jmá'₃ 'nió'₅ jmo₅₄ tió'₅ dsi₃ jin₄ 'nia'₂? Nĩ₅₄ chi'₂ quiáng'₂ le₃la₂.

⁴² La₁ jme₁ma₂ńó₅ chi'₂ le₃ne₄ Jesús, i₃'iin₃ táng₃ ca₂tón₂ jme₂dsí₂ je₂na'₅₄ qui₂ca₂ba₂lág'₂. La₁ dsi₂jui₅ le₂jaun₂ ca₂jí₂ Jesús ca₂jéin₂ i₂'lín₅₄, ca₂jme₃'lióin₂ chi'₂. Jaun₂ ca₂jáng'₂ ne₄ jmei₂.

⁴³ A₂jaun₂ ně₃, ca₂i₃gó'₃ dsí₅ ca₂le₃jín₃ 'a₂ lia'₂ juin'₂ Diú₄.

*Ca₂'ě₂ táng₃ Jesús jág₁ a₂jóin₂
(Mateo 17:22-23; Marcos 9:30-32)*

Të₃ tion'₅₄ dsa₂ dsi₂gó'₃ dsí₅ a₂jmo₅ Jesús, jaun₂ ca₂juá'₂ ca₂tsí'₃ dsa₂ guia₃-tín₂ quiáin₅:

⁴⁴ —Rë₂ nei₂ 'nia'₂ jág₁ quió₃ la₂: ńi'₅₄ ta₁ ja₁dsau₅₄ ně₅, jáng'₂ dsa₂ quió'₅ Jaun₅ dsa₂ mi₂güí₃ o₄gú₃ dsa₂.

⁴⁵ La₁ jág₁ jaun₂ ně₃, tsá₃ ca₂ńí'₂ dsí₅ chi'₂ dsi₂guia₃-tín₂, ia₁ tsá₃ jme₁ma₂'i₄ 'éi'₃ a₂le₃ńíi'₂. Jaun₂ tsá₃ ca₂tiá'₂ dsí₅ a₂ńíi'₃ Jesús 'e₂ 'nio₃ juá'₂ quian'₅₄ jág₁ jaun₂.

*¿'Ein₂ lín₅ i₂dsen₅₄ guě₄?
(Mateo 18:1-5; Marcos 9:33-37)*

⁴⁶ Jaun₂ ca₂tsín₂ chi'₂ dsi₂guia₃-tín₂ con'₂ guioin₅₄, ne₄ jui₁lia'₂ 'ein₂ i₂lén₂ i₂dsen₅₄ guě₄ jë₄ quió'₅. ⁴⁷ La₁ jme₁ca₂rë₃lí₄ Jesús 'e₂ a₂dsia₂₃, jaun₂ ca₂cain₃ jan₂ guein₂ ca₂dsiog₃ cau₅ quió'₅. ⁴⁸ Jaun₂ ca₂juá'₂:

—Jui₁lia'₂ dsa₂ i₂guen₅ guein₂ la₂ o₄quió₃ jniá₂, guei₂₃ jniá₂; jui₁lia'₂ dsa₂ i₂guei₅ jniá₂, ján₃ guě'₂ guein₂₃ i₂ca₂chei₃. Ia₁ jui₁lia'₂ i₂jmo₅ me'₂ guě₄ jë₄ ca₂le₃jín₃ 'nia'₂, i₂'éi₂ bá₄ i₂lín₅ i₂dsen₅₄ guě₄.

*I₂tsá₃ 'iog₅₄ jniog₄, i₂quian'₅₄ jniog₄ bá₄ 'éi₂
(Marcos 9:38-40)*

⁴⁹ Jaun₂ ně₃ ca₂juá'₂ Juan₅₄:

—Të₅, ma₂jīn₄ jnia'₅₄ jan₂ dsa₂ 'uīn'₂ jme₂dsí₂ je₂na'₅₄ quian'₅₄ bí₂ 'éi'₃ a₂'ó'₅ 'ne₂. Tsá₃ ma₃ca₂cuē₅₄ jnia'₅₄ jmīg₄, ia₁ tsá₃ guē'₂ ŋi₂₃ quian'₅₄ jniog₄.

⁵⁰ La₁ Jesús ně₃ ca₂juá'₂:

—Tsá₃ jmó'₂ 'nia'₂ le₂jaun₂ a₂jnig'₅₄. Ia₁ jui₁lia'₂ dsa₂ i₂tsá₃ 'iog₅₄, tē₂le₃ quián₂ jniog₄ bá₄ tiōn₂ i₂le₂'éi₂.

I₃jen₅₄ Jacobo quian'₅₄ Juan₅₄ ca₂jí₂ Jesús

⁵¹ Jme₁ma₂ja₂quián₃ tē₅₄ jmīg₄ a₂dsán'₃ táng₃ Jesús guei'₅₄ i₂juíg₃, ca₂'ág₂ caun₂ dsí₅ ca₂'í₃ jui₅ a₂dsióg₄ Jerusalén.

⁵² Ca₂chein₃ dsa₂ i₃lén₂ ne₄ jui₅ i₃jmó₂ co₂jñia₅₄ ja₁jñia₃ caun₂ juig₂ pí'₁ niog₅ 'uē₃ Samaria. ⁵³ La₁ tsá₃ ca₂guen₃ dsa₂ Jesús ja₁jaun₂, ia₁ ca₂rē₃lí'₄ a₂'ein₅₄ jui₅ ŋó₅ jui₅ Jerusalén bá₄. ⁵⁴ Jaun₂ ně₃, jme₁ca₂rē₃ñi₅ Jacobo quian'₅₄ Juan₅₄ a₂tsá₃ guei₅ dsa₂, jaun₂ ca₂juá'₂:

—Te₁gui'₅₄, tsa₁ dse₃ jmó₁ jniog₄ 'éi'₃ a₂sió₃ si₂ guei'₅₄ i₂juíg₃ ia₁jaun₂ 'én₂ juig₂ la₂?†

⁵⁵ Jaun₂ ca₂jén'₃ Jesús ca₂jí₂.§

⁵⁶ Jaun₂ ca₂i₃lén₂ bá₄ táng₃ juig₂ siá'₂.

Dsa₂ i₂jme₁ 'nio₃ jme₃quian'₅₄ Jesús
(Mateo 8:19-22)

⁵⁷ Ja₁i₃lén₂ jaun₂, ca₂juá'₂ jan₂ dsa₂:

—Te₁gui'₅₄, 'nio₃ jniá₂ jme₁quion₁ 'ne₂ le₂con₂ ja₁gog'₅₄.

⁵⁸ Jaun₂ ca₂ñag₃ táng₃ Jesús:

—Jui₁lia'₂ i₂güi₅, i₂'io₅ to₄ bá₄ 'éi₂; ján₃ bá₄ le₂jaun₂ jui₁lia'₂ i₁tan₅ i₂i₂nio₄ guei'₅₄, tio'₅₄ tsag₄ bá₄ 'éi₂ ján₃. La₁ Jaun₅ dsa₂ mi₂güig₃ ně₃ tsá₃ ja₁cha₂ quió'₅, jua'₅₄ ja₁lé₂ le₃jñia₃.

⁵⁹ Jaun₂ ca₂tsí'₃ i₂sián'₂:

—Ñia₅ quian'₅₄ jniá₂.

La₁ ca₂ñag₃ 'éi₂:

—Te₁gui'₅₄, *jui₁i₁'óng₃ de'₂ ŋe'₃.

⁶⁰ Jaun₂ ca₂ñag₃ táng₃ Jesús:

—Jui₁dsi₂'ón₃ 'lag₄, 'lag₄ riin'₅₄. La₁ 'ne₂, juig₂ jniá₂, gua₂ o₂'ě₃ jág₁ jui₁lia'₂ 'a₂ lia'₂ lē₅ ja₁gon₂ Diú₄.

⁶¹ Jaun₂ ca₂juá'₂ táng₃ jan₂:

—Te₁gui'₅₄, 'nio₃ jniá₂ nei₅₄ quian'₅₄ 'ne₂, la₁ jui₁i₁'éi'₃ de'₂ jág₁ i₂chan₂ quió₃.

⁶² La₁ Jesús ně₃ ca₂juá'₂:

† 9:54 A₂lin₅₄ chog₅₄ si₂ juá'₂ ján₃: “jui₁lia'₂ ca₂jmo₃ Elías.” § 9:55 A₂lin₅₄ chog₅₄ si₂ juá'₂ ján₃: “ca₂juá'₂: —Tsá₃ len'₅₄ 'nia'₂ guiong'₅₄ 'ein₂ jme₂dsí₂ ca₂jio₃ 'nia'₂. Ia₁ tsá₃ ta₁ jaun₂ já₅ Jaun₅ dsa₂ mi₂güig₃ a₂'éin₂ dsa₂, tē₂le₃ a₂lió₂ bá₄.” * 9:59 A₂lin₅₄ chog₅₄ si₂ tsá₃ chi₁ton₅ jág₁ “Te₁gui'₅₄.”

—Dsa₂ i₂ma₂nē₂'éi₂ caun₂ dsí₅ a₂jme₃quiong'₅₄, nē₁jua'₂ ca₂'ág₂ caun₂-tín₃ dsí₅, lín₅ lia'₂ lín₅ jan₂ i₂jme₂lióg₃ quíá'₂ 'uē₃, jéin'₅ le₃ca'₃. Tsá₃ ta₁ tén₄ dsa₂ i₂le₂'éi₂ le₃ja₁gon₂ Diú₄.

10

Chen₅ Jesús 'nag'₂ ne₂guión₂ rē₂dsí₂ guian₃ dsa₂

¹ Cang₂ jaun₂ ca₂quión'₂ Te₁gui'₅₄ 'nag'₂ ne₂guión₂ rē₂dsí₂ guian₃ (70) dsa₂ sián'₂. * Jaun₂ qui₂ca₂chein₃ jma₃on₃ jma₃on₃ 'éi₂ i₃lén₂ ne₄ jui₅ quió'₅, ca₂le₃jě₃ juig₂ ja₁'ein₅₄ jui₅ dsióg₄.

² Ca₂tsí'₃ 'éi₂:

—Jui₅ lín₃ bá₄ dsa₂ 'nio₃ gue₃ jág₁ quió'₅ Diú₄; lě₅ nē₂jag₄ bá₄ 'lióng₂ lín₃ a₂ca₂rau₂, la₁ dsa₂ i₂jmo₃ ta₁ bá₄ tsá₃ jui₅ chan₂. Jaun₂ lě₃, mi₄ 'nia'₂ chei'₅₄ Juig₅₄ ja₁nau₂ jui₁chein₁₂ dsa₂ i₂jmo₃ ta₁ cág'₃. ³ Jag₄ 'nia'₂ jaun₂, 'nia'₂ tsín₂ jniá₂ o₁nóg'₅ líng'₅ co₂'nió'₄ guein₂ já₂ cha'₂ jin₄ dsig₂ náu₂. ⁴ Tsá₃ tsi₁na'₅₄ cán'₁ 'nia'₂, on₃ guē'₂ lau₂ tó'₅ cu₄, on₃ guē'₂ lau₂ ton₅ tag'₄ 'nia'₂ siá'₂ cán'₁. Tsá₃ jme₁'ag'₄ 'nia'₂ le₂'i₄ jui₅ jua'₅₄ a₂dsiá'₁ 'nia'₂ jág₁ uē₂ quian'₅₄ dsa₂. ⁵ Jě₁ma₂tě₂ rē₁tón'₂ 'nia'₂ dsi₂néi₂ quió'₅ dsa₂ ja₁jan'₄, cuin₅₄ de'₂ 'nia'₂ dsa₂ Diú₄ juig'₅₄ le₂la₂: “Jui₁'ei₅ bá₄ tei₄ tion'₄ 'nia'₂ dsi₂néi₂ la₂.” ⁶ Chi₂jua'₂ dsa₂ i₂quió'₅ dsi₂néi₂ jaun₂ 'ua₁ bá₄ dsí₅, tē₃'niá₄ bá₄ jág₁ a₂'ei₅ tei₄ quián'₂ 'nia'₂ ja₁coin₂. La₁ nē₁jua'₂ tsá₃ le₂jaun₂, tē₃'niá₄ bá₄ táng₃ ja₁con'₂ 'nia'₂ guiong'₅₄ jág₁ a₂'ei₅ tei₄ jaun₂. ⁷ Caun₂ bá₄ ja₁o₁jnia'₄ 'nia'₂, qué'₂, 'én'₂ 'nia'₂ 'e₂ caun₂ a₂nio₅ cuē₅ dsa₂; ia₁ a₂co₂jaun₂ ca₂tín₂ bá₄ dsa₂ 'lian'₅₄ ta₁ quió'₅. Jaun₂ tsá₃ i₁nio'₄ 'nia'₂ le₂'í₁ 'né₅. ⁸ Jě₁ma₂dsi₃nóg'₅ le₂caun₂ juig₂ ja₁guei₅ dsa₂, qué'₂ 'nia'₂ jui₁'e₂ guē₃ a₂cuē₅ dsa₂. ⁹ Jme₁'lion₅₄ 'nia'₂ dsa₂ dso'₅₄ i₂chan₂ ja₁jaun₂, chei'₅₄: “Ma₂ja₂quián₃ bí₂'éi₂ quió'₅ Diú₄ ja₁con'₂ 'nia'₂.” ¹⁰ La₁ nē₁jua'₂ ca₂dsi₃nó'₅ 'nia'₂ caun₂ juig₂ ja₁tsá₃ guei₅ dsa₂, 'uin'₂ 'nia'₂ jě₄ calles, chei'₅₄: ¹¹ “Le₂jio₅ 'liog₂ te₁'i₁ go'₄ 'nia'₂, a₂qui₂ca₂quen'₂ tag₄ jnia'₅₄, la₂ séi'₄ jnia'₅₄, a₂jmo₁ léi₄ tsá₃ ma₃'e₂ 'uag₄ jnia'₅₄ quian'₅₄ 'nia'₂. La₁ dsá₂ 'au'₂ 'nia'₂ jmo₄, ma₂ja₂quián₃ bí₂'éi'₃ quió'₅ Diú₄ ja₁cong'₂.” ¹² Juá'₅ jniá₂ juig₂ 'nia'₂, 'nio₅ lín₃ guē₄ uig₅ a₂'ě₂ Diú₄ jmi₄ jaun₂ ja₁con₂ dsa₂ 'éi₂, lia'₂ con'₂ guē₄ dsa₂ juig₂ Sodoma.

Juig₂ ja₁tsá₃ ne'₅₄ dsa₂

(Mateo 11:20-24)

¹³ 'i₂E₂ guē₄ juig'₂ 'nia'₂ dsa₂ juig₂ Corazín! 'i₂E₂ guē₄ juig'₂ 'nia'₂ dsa₂ juig₂ Betsaida! Ia₁ jua'₅₄ mei'₂ guē₃ ca₂le₃jín₃ dsa₂ chan₂ Tiro quian'₅₄ Sidón ca₂tě₂ ne₅₄ jui₁lia'₂ jui₅bí₂ juē'₂ a₂nio₅ lě₂ jě₄ quián'₂ 'nia'₂ jmi₄ nē₃, líg'₂ bá₄ tsá₃ ma₂quí'₂ 'mí'₂ taun₅

* 10:1 A₂lín₅₄ chog₅₄ si₂ chi₁ton₅ “'nag'₂ ne₂guión₂ rē₂dsí₂ gua₃-tín₂ (72) dsa₂ sián'₂.”

jme₁tiain'₃ jē₄ jua₂ nē₃, jme₁jmo₃ léi₄ a₂ca₂dsi₃quén'₅ dsí₅. ¹⁴La₁ jē₁ma₂tē₂ rē₁qui₃dsi₅ Diú₄ 'éi'₃, 'ñio₅ lín₃ guē₄ 'ñio₅ uig₅ guéi'₁ 'nia'₂ con'₂ guē₄ uig₅ a₂ca₂gue₃ dsa₂ i₂chan₂ Tiro quian'₅₄ Sidón.
¹⁵'Ne₂ guē₂ jui₂ Capernaum, ¿a₁rong'₂ ñei₅ tē₂ guei'₅₄ i₂juig₃, líng'?' 'En₁ bá₄ 'ne₂ sióng'₃ ca₂tē₂ ja₁ca₂tín₂ 'lag₄.†

¹⁶'Dsa₂ i₂nag₅ jág₁ quián'₂ 'nia'₂, jág₁ quió₃ jniá₂ bá₄ nag₂₃. Dsa₂ i₂tsá₃ guen₅ 'nia'₂, jniá₂ bá₄ a₂tsá₃ guei₂₃. I₂tsá₃ guei₅ jniá₂, ján₃ bá₄ le₂jaun₂ tsá₃ guein₂₃ i₂ca₂chei₃ jniá₂.

Ca₂dsi₃len₃ táng₃ i₂'nag'₂ ne₂guión₂ rē₂dsí₂ guian₃

¹⁷Ca₂o₃len₃ táng₃ 'io'₂ jén'₅ ta₁'nag'₂ ne₂guión₂ rē₂dsí₂ guian₃ (70)‡ dsa₂ 'éi₂, jaun₂ dsia₂₃, juá'₂:

—Te₁gui₅₄, ca₂lia'₂ jiog₅ je₂na'₅₄ bá₄ nag₅ gau₂ jág₁ quián₂ jnia'₅₄ jē₁ma₂ca₂'ín₂ jnia'₅₄ 'ne₂.

¹⁸Jaun₂ ca₂ñag₃ Jesús:

—Ján₅. Ma₁ jág₅ bá₄ jniá₂ jme₁ca₂tán'₂ Satanás guei'₅₄ i₂juig₃ lia'₂ ja₁ta'₂ caun₂ si₁ñi'₃. § ¹⁹'Éi'₃ jaun₂ bá₄ ma₂cuē₃ jniá₂ 'nia'₂ a₂'ó'₅ 'nia'₂ bí₂ 'éi'₃ a₂lé₂ le₃quit₃song'₅₄ dsi₂mí'₂, i₁'né₅ nē₃, a₂tiang'₃ ne₄ ca₂le₃jē₃ jui₅bí₂ a₂gu₂dsí₂ i₂'io'₅₄, ca₂lia'₂ jñia'₅₄ tsá₃ 'e₂ jén'₄ 'nia'₂ guiong'₅₄. ²⁰La₁ tsá₃ jmo₂ 'nia'₂ 'io'₂ ia₁ a₂nag₅ gau₂ jme₂dsí₂ 'lín'₅₄ jág₁ quián'₂ 'nia'₂. A₂jaun₂ bá₄ jmo₄ 'nia'₂ 'io'₂ ia₁ a₂ma₂le₁tong'₂ ne₄ si₂ guei'₅₄ i₂juig₃.

Jmei₂ quian'₅₄ Ja₁ñi'₅₄

(Mateo 11:25-27; 13:16-17)

²¹Hora jaun₂, ca₂jmo₃ Jme₂dsí₂ Jñio₅ a₂'io'₂ jén'₅ lín₃ Jesús, jaun₂ ca₂juá'₂:

—Jme₂juín'₁ jniá₂ 'ne₂, Tia₅₄, Jui₅₄ guei'₅₄ i₂juig₃, gua'₅₄ 'uē₃ nē₃, ia₁ ma₂ca₂'ma'₅₄ a₂nē₅ ja₁con₂ dsa₂ i₂ñí₄ tñ₂ si₂, i₂ñí'₂ dsí₅ nē₃, a₂ma₂ca₂jme₁jniag'₂ le₃ja₁con₂ dsa₂ i₂lín₅ lia'₂ lín₅ guein₂ i₂tsá₃ 'e₂ cuí'₅. Dsón'₂ bá₄ jaun₂, Tia₅₄ quiáng₃, ia₁ le₂nē₅ 'ñio₂ 'au'₂.

²²Jaun₂ ca₂jén'₃ Jesús, ca₂juá'₂:*

—Ñe'₃ jniá₂ ma₂dsia₃ o₄gu₃ ca₂le₃jē₃. Jaun₂ 'i₁jan₂ tsá₃ 'ein₂ cuín₅ 'ein₂ 'éi₂ i₂lín₅ Ja₁ñi'₅₄, jñia'₅₄ lia'₂ 'ñiog₅ bá₄ Jmei₂. Ján₃ guē₂ le₂jaun₂, 'i₁jan₂ tsá₃ 'ein₂ cuín₅ 'ein₂ 'éi₂ lín₅ Jmei₂, jñia'₅₄ lia'₂ Ja₁ñi'₅₄ bá₄ i₂cuig₅, jaun₂ jme₂jniog₂₃ ne₄ dsa₂ i₂'ñio₂ dsí₅ Ja₁ñi'₅₄ jme₂jniog₂₃.

²³Jaun₂ ca₂jén'₃, ca₂tsí'₃ jmá'₃ chi'₂ dsi₂guia₃-tín₂ guioin₅₄:

—'E₂ guē₄ dsen₃ dsa₂ i₂tē₅ ne₄ jui₁lia'₂ a₂niog₅ jág'₂ 'nia'₂, ²⁴ia₁ a₂dsi₂jó'₃ juá'₅ jniá₂, juín₅ rag₅₄ ma₂líg'₂, lia'₂ dsa₂ i₂jme₁'ē₂ jág₁

† 10:15 griego: hades, co₂'nió'₄ a₂juá'₂, ja₁quió'₄ 'lag₄. ‡ 10:17 A₂lín₅₄ chog₅₄ si₂ chi₁ton₅ “ta₁'nag'₂ ne₂guión₂ rē₂dsí₂ guia₃-tín₂ (72).” § 10:18 'Nio'₂ ja₁ton₅

Isaías 14:12-15; Apocalipsis 9:1; 12:9. * 10:22 A₂lín₅₄ chog₅₄ si₂ tsá₃ chi₁ton₅ “jaun₂ ca₂jén'₃ Jesús, ca₂juá'₂.”

quián₅ Diú₄ ně₃, jme₁'ín₅ dsí₅ jme₁tě₃ ne₅₄ jui₁lia'₂ a₂nio₅ tě₅ ne'₅₄ 'nia'₂ rě₂ně₃, la₁ tsá₃ ca₂jág₃. Ján₃ bá₄ jme₁'ín₅ dsí₅ nag₃ jui₁lia'₂ a₂nio₅ nag'₂ 'nia'₂ jmig₄ ně₃, la₁ tsá₃ ca₂nág₂.

Jág₁ jág₅ léi: a₂dse₃ ca₂jmo₃ jan₂ dsa₂ chan₂ Samaria

²⁵ Co₂ráun₂ ca₂nau₂ jan₂ tě₅juá'₅, a₂jnia'₅₄ con'₂ cáun₂ táu₂ bá₄ ca₂ŋag₃:

—Tě₅, ě₂e₂ 'nió'₅ jmo₅₄ jniá₂, ia₁jaun₂ ting₅₄ ja₁le₃chang₂ co₂tan₅₄?

²⁶ Jaun₂ ca₂ŋag₃ Jesús:

—Ě₂'Ei'₃ tio'₅₄ ne₄ Si₂ guě'₂? ě₂'A₂ lia'₂ ŋí'₂ 'au'₂ a₂'i'₂?

²⁷ Jaun₂ ca₂ŋag₃ táng₃ tě₅juá'₅ 'éi₂:

—“Jme₁'nió₄ Te₁gui'₅₄ Diú₄ quiáng'₂ ca₂le₃jě₃ 'au'₂, ca₂le₃jě₃ jme₂dsí₂, ca₂le₃jě₃ jui₅bí₂, quian'₅₄ ca₂le₃jě₃ a₂ŋí'₂ dsei'₂ ně₃,† ján₃ guě'₂ le₂jaun₂ jme₁'nióg'₄ dsa₂ mi₂güí₃ ríng'₂ jui₁lia'₂ 'nióg'₃ 'ŋiag'₂.”†

²⁸ Jaun₂ ca₂ŋag₃ táng₃ Jesús:

—Dse₃ lin₃ bá₄ ně₂ŋag'₅₄. Ně₁jua'₂ ca₂jmo'₅₄ le₂ně₅, léng'₂ bá₄ ja₁le₃chang'₂ co₂tan₅₄.

²⁹ La₁ tě₅ 'éi₂ jme₁'nio₃ chein'₃ dse₃, jaun₂ ca₂tsí'₃ Jesús:

—Ě₂'Ein₂ 'éi₂ dsa₂ mi₂güí₃ ríng'₃?

³⁰ Jaun₂ ca₂ŋag₃ Jesús ma₂tě₂chan'₂ jág₁ jaun₂, ca₂juá'₂:

—Jan₂ dsa₂ jme₁'en₅₄ jui₅ o₂'iin₃ Jerusalén ca₂sióin₃ a₂dsióg₄ juig₂ Jericó. Dsa₂ 'ang₂ bá₄ ca₂jo₃ ca₂chei'₃ lín₃, ca₂cuě₃ dsa₂ 'ŋio₅ lin₃ jnia'₅₄ mei'₂ tsá₃ ca₂jŋag'₃. Jaun₂ guě₄ ca₂i₃lein₅. ³¹ Jě₂ lia'₂ jui₅ jaun₂ 'en₅₄ jui₅ já₅ jan₂ jme₂dsa₂. La₁ con'₂ ca₂quiá₂ cau₅ bá₄ ca₂ŋi₅ jme₁ca₂jág₂. ³² Ján₃ bá₄ ca₂já₃ táng₃ jan₂ dsa₂ i₂lín₅ tsi₁jon₂ Leví, con'₂ ca₂quiá₂ cau₅ bá₄ ján₃, ca₂ŋi₅. ³³ La₁ jan₂ dsa₂ i₂chan₂ Samaria 'ein₅₄ jui₅, ca₂dsióg₃ ja₁ron₅ dsa₂ dso'₅₄, ca₂tá'₂ ŋéi₂ dsí₅ jme₁ca₂jág₂. ³⁴ Jaun₂ ca₂jme₃quiáin₃ cau₅ quió'₅, ca₂'ág₂ aceite quian'₅₄ vino ja₁rě₂cuí'₃, ca₂lio₃. Jaun₂ ca₂tág₃ co₁lag₁ bú'₄ quiáin₅, ca₂jio₃ caun₂ 'né₅ ja₁jnia₅ dsa₂. Ja₁jaun₂ ca₂jmo₃ 'í₁. ³⁵ Jme₁jnia₃ jaun₂, ca₂dsi₂ tin₃ cu₄ 'ua'₂ ca₂cuě'₃ dsa₂ juig₅₄ dsi₂néi₂, ca₂juá'₂: “Jmo₄ co₂nio₄ 'í₁ dsa₂ ně₅. Ně₁jua'₂ 'e₂ ca₂'éng'₃ guě₄ quiáng'₂, la₂ bá₄ jáng'₄ jě₁ma₂guióng'₃.” Ně₃ ně₃ jaun₂. ³⁶ Ě₂'Ein₂ dsa₂ i₂ún₂ 'éi₂ líng'₂ ca₂jmo₃ dsí₅ a₂lín₅ dsa₂ mi₂güí₃ rin'₅₄ dsa₂ i₂ca₂jma'₂ dsa₂ 'ang₂?

³⁷ Jaun₂ ca₂ŋag₃ táng₃ tě₅juá'₅:

—I₂ca₂tá'₂ ŋéi₂ dsí₅ dsa₂ 'éi₂.

Jaun₂ ca₂ŋag₃ táng₃ Jesús:

—Guan'₂, le₂ně₅ jmo₄ 'ne₂ ján₃.

Ca₂dsióg₃ Jesús dsi₂néi₂ quió'₅ Marta quian'₅₄ María

38 Con² tioen⁵⁴ jui⁵, ca²í³ Jesús caun² juig² pí¹. Ja¹jaun² ca²guei³ jan² dsa² mí² i²chen² Marta dsi²néi² quió⁵. 39 'Éi² ně³ jme¹chan² jan² riin⁵⁴ i²chen² Marí². 'Éi² ně³ tei⁴ bá⁴ ca²guá² cau⁵ mi²tag⁴ Te¹gui⁵⁴, nag²³ já¹ a²juá² 'éi². 40 Marta guē² ně³ 'ein⁵⁴ tsá³ rē²jīn⁵⁴ jmo²³ ta¹ a²cha² dsi²néi², jaun² guain³ o³chi⁵⁴ Jesús, ca²juá²:

—Te¹gui⁵⁴, tsa¹ dsa² 'au² a²tsá³ 'e² jme² 'o⁵⁴ 'io⁵⁴ ríng³? 'Níó³ bá⁴ 'eng⁵⁴ tsá³ rē²jīng⁵⁴ jme²ti⁵⁴. Chei⁵⁴ jui¹jme² 'o⁵⁴.

41 Jaun² ca²ṇag³ Te¹gui⁵⁴:

—Marta, Marta, já⁵ bá⁴ jniá² 'ṇio⁵ tsá³ rē²jīng⁵⁴ 'eng⁵⁴ dsa² 'au² 'líong² ta¹ a²jmo². 42 La¹ caun² bá⁴ a²dse⁵⁴ guē⁴ a²ca²tín² dsa² nag³. Marí² ríng² ně³, ně²quió³ a²dse³ guē⁴, jaun² 'i¹jan² tsá³ 'ein² le³jniá² a²ma²nē²quió³.

11

Jme²tag⁵ Jesús 'a² lia² chi³lén² dsa² Diú⁴

(Mateo 6:9-15; 7:7-11)

1 Co²ráun² jme¹en⁵⁴ Jesús chi²lén² Diú⁴. Jme¹ca²lē³ jaun², ca²juá² chi² dsi²guia³-tín² quiáin⁵:

—Te¹gui⁵⁴, jme¹tag⁵ 'a² lia² chi²lén⁴ jniá⁵⁴ Diú⁴, jui¹lia² ca²jme³tag⁵ Juan⁵⁴ ca²jme³tiin²³ dsa² quiáin⁵.

2 Jaun² ca²juá²:

—Le²la² jua⁵⁴ 'nia² jē¹ma²tē² rē¹chi¹leng⁴ Diú⁴:

Tia⁵⁴, 'ne² i²ṇéi² guei⁵⁴ i²juíg³*

jui¹jme²gó³ dsa² a²rē²jñi⁴ a²cheng².

Jui¹le⁵⁴ bá⁴ 'éi³ quiáng²,

jui¹le⁵⁴ bá⁴ a²'ṇio² 'au² 'ne², ne⁴ gua⁵⁴ 'uē³,

jui¹lia² lē² guei⁵⁴ i²juíg³†

3 Cuē⁴ a²'nió⁵ que⁵⁴ jniá⁵⁴ jmig⁴ ně³.

4 'Én³ dsáu¹ jniá⁵⁴,

jui¹lia² 'én⁵ jniá⁵⁴ dsáu¹ rīn⁵⁴.

'A³ cuē² jmig⁴ jiá³ jui⁵bí² a²cáun² táu²,

tē²le³ lió⁴ bá⁴ o⁴gú³ i²sē³dse³.‡

5 Ca²juá² Jesús ně³:

—Jua⁵⁴ mei² guē³ le³jua⁵⁴, chan² jan² 'nia² i²dsi²óg⁴ a²'uē² quió⁵ a²mei⁵⁴ quián⁵, tē², juá²: “Jmo⁴ dse³ 'au² rīn⁵⁴ jniog⁴, dsi⁴ 'nī⁵ i¹ṇí⁴. 6 Ia¹ lia² guan⁵ quió³ jan² a²mei⁵⁴ quiáng³ 'ein⁵⁴ jui⁵; ia¹ tsá³ 'e² cha² 'i¹caun² quió³ a²le³cuē⁴.” 7 Dsa² dsi²néi² ně³ lé² le³ṇag³ tē³ rē²quiain²³: “Tsá³ cuē² o²me⁵⁴ dsi⁵, ia¹ ma²chi¹jnág⁵ o⁴'né⁴ quió³; chi²'guein² quiáng³ ně³ ma²tián⁵ le¹gū³in³. Jaun²

* 11:2 A²lin⁵⁴ chog⁵⁴ si² tsá³ chi¹ton⁵ “ne² i²ṇéi² guei⁵⁴ i²juíg³.” † 11:2 A²lin⁵⁴ chog⁵⁴ si² tsá³ chi¹ton⁵ “jui¹le⁵⁴ bá⁴ 'éi³ quiáng², jui¹le⁵⁴ bá⁴ a²'ṇio² 'au² 'ne² ne⁴ gua⁵⁴ 'uē³, jui¹lia² lē² guei⁵⁴ i²juíg³.” ‡ 11:4 A²lin⁵⁴ chog⁵⁴ si² tsá³ chi¹ton⁵ “tē²le³ lió⁴ bá⁴ o⁴gú³ i²sē³dse³.”

tsá₃ lé₂ no₅₄ jua'₅₄ cuë₅₄ a₂mi'₂." ⁸ Jaun₂ juá'₅ jniá₂, tion₅₄ bá₄ náu₃ cuë₃ ca₂le₃jě₃ 'e₂ a₂mi₅ 'éi₂, on₃jua'₅₄ jmo₃ ia₁ lě₅ a₂mei₅₄, tē₂le₃ 'uig₅₄ ia₁ a₂ñí₄ lě₃ tion₅₄ mi₃ bá₄. ⁹ Jaun₂ le₂ně₅ bá₄ juí₂g₂ jniá₂ 'nia'₂: Mi₄ 'nia'₂, jaun₂ ñeg'₂ bá₄; 'niai'₂ 'nia'₂, jaun₂ dsiain'₂; quein₄ 'nia'₂ o₄'né₄ té₃, jaun₂ niá₂. ¹⁰ Ia₁ jui₁lia'₂ i₂mi₅ 'e₂ mi₅, gue₂₃. Le₂jaun₂ jui₁lia'₂ i₂'no'₂ 'e₂ 'no'₂, dso'₂ bá₄. Le₂jaun₂ guē'₂ quió'₅ jui₁lia'₂ i₂tě₂, niá₂ bá₄ o₄'né₄.

¹¹ 'O₃ bá₄ chan₂ i₂lin₅₄ 'nia'₂ jmo₅, jē₁ma₂ca₂mi₃ guein₂ quiáng'₂ i₁ñí'₄, ¿cuē'₂ 'nia'₂ ca₂míg₂ ni₁cang₁? O₃ ně₁jua'₂ ca₂mi₃ jan₂ i₁ju₁, ¿cuñin'₅ 'nia'₂ jan₂ dsi₂mi'₂? ¹² O₃ jē₁ma₂ca₂mi₃ ca₂míg₂ mi₂jlag₂, ¿o₃ bá₄ cuñin'₅ jan₂ i₁'né₅ 'e₂? ¹³ Chi₂jua'₂ 'nia'₂ dsa₂ mi₂güig₃ i₂'nau'₂ dso₄ chang'₂, ting'₂ cuē'₂ bá₄ chi'₂-guein₂ quiáng'₂ a₂dse₃, i₁ě₂ guē₄ bá₄ Néi'₅ 'nia'₂ i₂guá₅ guei'₅₄ cuñin₃ Jme₂dsí₂ Jñió₅ quiáin₅ quió'₅ ca₂le₃jín₃ i₂mi₅!

Juá'₂ dsa₂ a₂'io₅ Jesús jui₅bí₂ quió'₅ Be'elzebú

(Mateo 12:22-30; Marcos 3:19-27)

¹⁴ Co₂ráun₂ táng₃ jme₁'en₅₄ Jesús dsein₂₃ jan₂ jme₂dsí₂ je₂na'₅₄ i₂jmo₅ a₂tsá₃ lé₂ dsia₃ dsa₂ jág₁. Jme₁ca₂o₃ 'ín₃ je₂na'₅₄ quió'₅ dsa₂, jaun₂ guē₄ ca₂dsia₃ táng₃ dsa₂ 'éi₂ jág₁. Jaun₂ ca₂i₃gó'₃ dsí₅ dsa₂ tioin'₅₄. ¹⁵ La₁ i₂lin₅₄ guē'₂ ca₂dsia₃ 'iin₂₃ Jesús:

—Qui'₅₄ i₂ně₅ jmig₄ 'uñin'₂ je₂na'₅₄ quian'₅₄ jui₅bí₂ quió'₅ Be'elzebú, i₂lín₅ juig₅₄ je₂na'₅₄.

¹⁶ I₂lin₅₄ guē'₂ ně₃, a₂jñia'₅₄ con'₂ cáun₂ táu₂ bá₄ jme₁mi₂₃ a₂jme₁jmo₃ Jesús a₂sió₃ caun₂ léi₄ guei'₅₄ i₂juíg₃. ¹⁷ La₁ a₂ñi₅ rě₂ bá₄ Jesús 'a₂ lia'₂ dsi₂jio₅ dsí₅ dsa₂ 'éi₂. Jaun₂ lě₃ ca₂juá'₂:

—Jui₁lia'₂ caun₂ juig₂ nación, tioin'₅₄ mi'₅₄ guioin₅₄, tioin'₅₄ le₁dsoin'₅₄, dsi₃'én₂ bá₄ juig₂ jaun₂. Le₂jaun₂ guē'₂ jui₁lia'₂ caun₂ dsi₂néi₂ tion'₅₄ dsa₂ le₁dsoin'₅₄ tsá₃ caun₂ jág₁ 'ei₅, ján₃ bá₄ dsi₃'én₂ dsi₂néi₂ jaun₂. ¹⁸ Le₂ně₅ bá₄ ján₃, ně₁jua'₂ ca₂lě₃ le₁dso'₅₄ jui₅bí₂ quió'₅ i₂sě₃dsen₃, ¿'a₂ guē'₂ lia'₂ lé₂ le₃qui'₅₄ guē₄ jmig₄ jiog₃ ne₄ta₁ quió'₅? Juá'₅ jniá₂ le₂ně₅ ia₁ juá'₂ 'nia'₂, quian'₅₄ bí₂ quió'₅ Be'elzebú bá₄ a₂'uñin'₄ jniá₂ je₂na'₅₄. ¹⁹ La₁ chi₂jua'₂ le₂jaun₂ 'uñin'₄ jniá₂ quian'₅₄ bí₂ quió'₅ Be'elzebú, ¿ein₂ guē'₂ quió'₅ bí₂ quian₅ i₂quian'₅₄ 'nia'₂ a₂lé₂ le₃'uág'₂ ján₃? Jaun₂ jui₁lia'₂ lě₅ jmo₅ dsa₂ 'éi₂ bá₄ jióg'₂ 'í₁ a₂tsá₃ tí₅ jág₁ quián'₂ 'nia'₂. ²⁰ La₁ chi₂jua'₂ jaun₂ quian'₅₄ jui₅bí₂ a₂tin₂ Diú₄ lon₄ jniá₂ dsa₂ o₄gú₃ je₂na'₅₄, jaun₂ le₂ně₅ bá₄ jau'₂ jág₁ dsau₅ a₂ma₂gua₅ bí₂ 'éi'₃ quió'₅ Diú₄ ja₁con'₂ 'nia'₂.

²¹ 'Jui₁lia'₂ jan₂ dsa₂ 'uan'₂ chain₂ rě₂jáin₁, 'io₂₃ ca₂le₃jě₃ a₂'nió'₅ quió'₅ jmo₃ 'nei₂, jaun₂ lě₅ 'í₁ ca₂le₃jě₃ 'e₂ tio'₅₄ dsi₂néi₂. ²² La₁ ně₁ca₂já₃ jan₂ i₂'uan'₂ guē₄ lia'₂ con'₂ guē₄ 'ñiog₅ 'éi₂, ně₁ca₂jo₃ ně₃, i₂'éi₂ guē'₂ ně₃ jniá'₂ ca₂le₃jě₃ a₂ñí₄ lě₃ bein'₂ jmo₂₃ a₂'uain'₂. Jaun₂ jmo₂₃ dsióg₂ ca₂le₃jě₃ a₂ca₂lí₃.

²³ 'Jui₁lia'₂ dsa₂ i₂tsá₃ chén'₅ le₃quió₃ jniá₂, i₂'iog₅₄ bá₄ 'éi₂.
Jui₁lia'₂ i₂tsá₃ cág'₅ co₂lě₅ quian'₅₄ jniá₂, jñia'₅₄ jmo₅ tsi₁rě₂ja₅₄.

Jme₂dsí₂ 'lín'₅₄ i₂dsián'₅ táng₃

(Mateo 12:43-45)

²⁴ 'Jui₁lia'₂ jan₂ jme₂dsí₂ 'lín'₅₄ i₂O₂'in₅ quió'₅ dsa₂, dsi₂ñí₃
le₂tan₅₄ ja₁quein₂ dsi₂'nio'₂ ja₁jñia₃. Ně₁jua'₂ tsá₃ dso'₂
ja₁'í₂ ně₃, 'no'₂ dsí₅: “Nég'₄ táng₃ dsi₂néi₂ quió₃ ja₁O₂'ing₃.”

²⁵ Jě₁ma₂dsiáin'₃, jein'₂ táng₃ dsa₂ 'éi₂ ma₂lín₅ co₂'nió'₄ bá₄
caun₂ dsi₂néi₂ a₂chí'₅ rě₂, rě₂'ia'₅₄, rě₂lag₄ ně₃. ²⁶ Jaun₂ dsó₅
táng₃ dsi₂quiáin₂ guě₄ guion₃ jme₂dsí₂ i₂'lín'₅₄ guě₄ lia'₂ 'ñiog₅,
jaun₂ dsi₂tiaín'₂ ca₂le₃jñin₃ tě₂dsí₅ dsa₂ 'éi₂. Jaun₂ dsa₂ 'éi₂ ně₃
'ñio₅ lín₃ guě₄ le₃'lín'₅₄ dsió₄ lia'₂ con'₂ guě₄ jme₁lín₄ le₂jñiá₅. §

'A₂ lia'₂ 'nió'₅ jmo₃ dsa₂ ia₁jaun₂ le₃chain₂ dse₃

²⁷ Tě₃ 'en₅₄ Jesús dsia₂₃ le₂ně₅, ca₂juá'₂ tiá₂ jan₂ dsa₂ mí₂ tě₃jín₄
dsa₂:

—i'E₂ guě₄ dsen₃ dsa₂ mí₂ i₂ca₂caun₃ 'ne₂, i₂ca₂'éin'₃ dsi'₅₄
quió'₅!

²⁸ Jaun₂ ca₂ñag₃:

iTě₂le₃ja₂lín₃ guě₄ dsen₃ dsa₂ i₂nag₅ 'e₂juá'₂ Diú₄, ton'₂ jme₂ti₃!

Léi₄ a₂lín₅ Jonás

(Mateo 12:38-42; Marcos 8:12)

²⁹ Caun₂ qui₂ñi'₂ bá₄ dsa₂ ja₁chén'₄ Jesús, jaun₂ 'éi₂ ně₃
ca₂jme₃lió₃ ca₂juá'₂:

—'Nio₅ lín₃ ma₂'lín'₅₄ dsa₂ rě₂ně₃, mi₂₃ a₂jmo₅₄ jniá₂ léi₄ juě'₂.
La₁ tsá₃ ma₂'e₂ léi₄ jua'₅₄ a₂jmo₄ guě₄ jniá₂, jñia'₅₄ lia'₂ caun₂ léi₄
a₂ca₂lě₃ quian'₅₄ Jonás bá₄. ³⁰ Ia₁ le₂ně₅ jui₁lia'₂ Jonás ca₂lín₃
caun₂ léi₄ tě₂le₃ ja₁con₂ dsa₂ i₂jme₁chan₂ Nínive jmig₄ jaun₂,
le₂ně₅ bá₄ ján₃, Jaun₅ dsa₂ mi₂güig₃ léin₂ caun₂ léi₄ a₂jáng'₃ jág₁
dsau₅ ja₁con₂ dsa₂ i₂chan₂ jmig₄ ně₃. ³¹ Jě₁ma₂tě₂ rě₁qui₃dsi₅
Diú₄ 'éi'₃, náu₃ 'io₅₄ rag₅₄ i₂jme₁chan₂ tě₂le₃ sur, jein'₅₄ quian'₅₄
dsa₂ ñe'₂ i₂chan₂ jmig₄ ně₃. 'A₂ lia'₂ niog₅ ca₂jmo₃ 'éi₂, jióg'₂ 'í₁
a₂rě₂cán'₄ dsa₂. Ia₁ 'io₅₄ 'éi₂ ca₂'í₃ jui₅ ca₂já₃ uing₂ lín₃ guain₃
ca₂O₃néi₃ jág₁ ca'₅₄, ca₂O₃dso₅₄ dsí₅ 'a₂ lia'₂ niog₅ dsi₄ Salomón.
La₁ ně₃ ně₃, la₂ chén'₅ jan₂ i₂juin'₂ guě₄ lia'₂ Salomón. ³² Ján₃ bá₄
náu₃ i₂jme₁chan₂ Nínive, jein'₅₄ quian'₅₄ dsa₂ ñe'₂ i₂chan₂ jmig₄
ně₃, jě₁ma₂tě₂ rě₁qui₃dsi₅ Diú₄ 'éi'₃. 'A₂ lia'₂ niog₅ ca₂jmo₃ 'éi₂
ma₂líg'₂ jióg'₂ 'í₁ a₂rě₂cán'₄ dsa₂ jmig₄ ně₃. Ia₁ 'éi₂ ca₂jme₃tsiín₃
dsí₅ jme₁ca₂'ě₂ Jonás jág₁ quió'₅ Diú₄. La₁ ně₃ ně₃, la₂ chén'₅ jan₂
i₂juin'₂ guě₄ lia'₂ Jonás.

Dsa₂ i₂lín₅ lia'₂ lě₅ caun₂ si₂
(Mateo 5:15; 6:22-23)

33 'I₁jan₂ dsa₂ tsá₃ guí'₅ caun₂ si₂ ni₁tsí₅ jua'₅₄ chí'₃ ja₁chí₁quion'₅₄. * A₂'ag₅ guei'₅₄ bá₄ dsa₂ si₂, ia₁jaun₂ jág₃ dsa₂ i₂dsi₃ton'₅₄ dsi₂néi₂. 34 Jme₁ne₁ dsa₂ lě₅ co₂'nió'₄ caun₂ ni₁tsí₅ a₂guí'₂ si₂ quió'₅ ni₁ŋi₁ dsa₂. Chi₂jua'₂ dse₃ jme₁ne'₄, ta₁jang'₂ bá₄ tág₅ si₂ quiáng'₂. La₁ ně₁jua'₂ tsá₃ dse₃, ta₁jang'₂ bá₄ chéng'₅ qui₁né'₃. 35 Tě₃ŋi'₅₄ 'nia'₂ jaun₂, ia₁ con'₂ tsá₃ ŋó₅ ně₁jua'₂ si₂ quiáng'₂ tsá₃ jniá₂. 36 Chi₂jua'₂ ta₁jang'₂ tág₅ bá₄ si₂ quiáng'₂, tsá₃ qui₁né'₃ lě₅. Jniág'₂ bá₄ lia'₂ ja₁jniá₂ tág₅ caun₂ si₂.

Jme₂cáun'₂ Jesús quió'₅ dsa₂ fariseos quian'₅₄ tě₅juá'₅

(Mateo 23:1-36; Marcos 12:38-40; Lucas 20:45-47)

37 Jme₁ca₂dsan₃ cuě₂₃ jág₁, ca₂tág₃ jan₂ dsa₂ fariseo a₂i₃guě'₃ quiong'₅₄. Jme₁ca₂dsióg₃ dsi₂néi₂ ca₂guá₂. 38 Dsa₂ fariseo 'éi₂ ně₃, i₃gó'₃ dsí₅ ia₁ tsá₃ ca₂jme₃tí₃ Jesús con'₂ lě₅ tag₄ a₂chí'₅, a₂rang₃ gu₂ né'₃ a₂guě'₃. 39 La₁ Te₁gui'₅₄ ně₃, ca₂juá'₂:

—'Nia'₂ dsa₂ fariseos líng'₅ lia'₂ lě₅ ni₁vaso, ni₁uĩng₅, a₂jñia'₅₄ le₁jě₃ jmá'₃ le₃co'₅₄, la₁ tě₂le₃ jui₅ jme₂dsí₂ quiáng'₂, qui₂rě₂can'₂ ca₂le₃jě₃ a₂'lig'₅₄ a₂jmo'₂: tsá₃ mag'₂ 'au'₂ 'nia'₂ ma₂qui₂ma₂'ang'₂ quió'₅ dsa₂. 40 i'_{E2} bá₄ tsá₃ ŋí'₂ 'au'₂ 'nia'₂! ¿On₁jua'₅₄ i₂ca₂jmo₃ le₃co'₅₄, ca₂jmo₃ le₃'ŋi₂ó'₂ ján₃? 41 Ja₂lin₃ guě₄ dsióg₅ jen'₅₄ de'₂ 'nia'₂ a₂te₁i₁ quiáng'₂, jaun₂ guě₄ lé₂ le₃tě₃tsin'₅₄ 'nia'₂ le₁jĩng'₃ le₃ja₁con₂ Diú₄.

42 i'_{E2} guě₄ juíg'₂ 'nia'₂ dsa₂ fariseos! Ia₁ a₂jme₂tí'₁ 'nia'₂ jmo'₂, cuě'₂ Diú₄ caun₂ qui'₅₄ a₂guia₃ a₂i₄ 'éi'₃ cuě'₅₄, ca₂lia'₂ ca₂le₃jě₃ ne₅₄ ma₁'au₂ a₂lě₂ ma₂juig'₂ má₃ bá₄ jáng'₄ 'nia'₂. La₁ con'₂ ma₂ŋi'₅₄ bá₄ 'nia'₂ jui₅ dse₃ tě₃dsón'₂ ja₁'ŋio₂ dsí₅ Diú₄, ja₁jme₁jme₁'nió'₄ 'nia'₂ Diú₄: a₂ně₅ bá₄ a₂dsen₅₄ guě₄ a₂ca₂tĩn'₂ 'nia'₂ jmó'₂, la₁ on₃jua'₅₄ a₂tsá₃ ma₃jme₁tí'₄ 'nia'₂ 'éi'₃.

43 i'₁juíg'₂ 'nia'₂ dsa₂ fariseos! Ia₁ 'ŋio₅ lin₃ tě₅ 'au'₂ a₂tiáng'₄ jláng'₁ ja₁dsen₅₄ guě₄ jui₁lia'₂ dsi₂néi₂ guá'₅ sinagogas. Já₃ bá₄ tě₅ 'au'₂ 'nia'₂ qui₃cuag₃ dsa₂ Diú₄ jui₁lia'₂ jě₄ 'ma'₅₄ a₂jme₂go₃ dsa₂ 'ŋio₅ lin₃.

44 i'_{E2} guě₄ juíg'₂ 'nia'₂!† Ia₁ líng'₅ jui₁lia'₂ lě₅ tau₂ 'ŋio₅ a₂tsá₃ léi₄ cha₂. Dsa₂ ně₃ qui₂ŋi₅ ne₄, tě₃ tsá₃ ŋi₅."

45 Jaun₂ ca₂ŋag₃ jan₂ tě₅juá'₅:

—Tě₅, a₂juá'₂ 'ne₂ ně₅, a₂tě₂'ó'₁ jnia'₅₄ bá₄ 'ne₂.

46 Jaun₂ ca₂ŋag₃ Jesús:

—Juíg'₂ 'nia'₂ tě₅juá'₅! Ia₁ quian'₄ 'nia'₂ lio₅₄ guei₂ i₂sián'₂, la₁ quion'₅₄ 'nia'₂ ně₃, ca₂lia'₂ jñia'₅₄ gog'₂ tsá₃ 'niog'₂ tí₄.

47 i'₁juíg'₂ 'nia'₂! Ia₁ qui₂chog'₂ 'nia'₂ ni₁'ia'₂ jlá'₁ quió'₅ 'lag₄ i₂jme₁'ě₂ jág₁ quió'₅ Diú₄, ton'₂ dsa₂ can'₅₄ quián'₂ 'nia'₂ guiong'₅₄

* 11:33 A₂lin₅₄ chog₅₄ si₂ juá'₂ ján₃: "on₃ guě'₂ né'₃ tsi₁gu₅." † 11:44 A₂lin₅₄ chog₅₄ si₂ chí₁ton₅ ján₃: "'nia'₂ tě₅juá'₅, 'nia'₂ dsa₂ fariseos ně₃ a₂lě₁jmo'₂ góg'₂ a₂o₁ne₁."

qui₂ca₂jme₃dsiog₂₃. ⁴⁸ Jaun₂ ně₃, lia'₂ lě₅ jmo'₂ 'nia'₂, cuë'₂ léi₄ co₂'nió'₄ caun₂ bá₄ 'ei₅ jág₁ 'nia'₂ quian'₅₄ dsa₂ can'₅₄ quiáng'₂. Ia₁ dsa₂ can'₅₄ ca₂jme₃dsiog₂₃; 'nia'₂ guë'₂ ma₂ja₂nióg'₅ chog'₂ ni₁'ia'₂.

⁴⁹ 'Jaun₂ lě₃ Diú₄, ia₁ a₂tiin₂ a₂ma₂ηi₅ bá₄ a₂lé₂, ca₂juá'₂: “Qui₁tsing₅₄ dsa₂ i₂dsi₃can₅ i₂dsi₃'ě₃ jág₁ quió₃. I₂lin₅₄ 'éi₂ jme₃dsian₅ dsa₂; i₂lin₅₄ guë'₂ qui₃'ein₃.” ⁵⁰ Jaun₂ ně₃ ca₂tě₂ dsa₂ chan₂ jmi₄g₄ ně₃ bá₄ rě₂cán'₄ 'mú₃ quió'₅ ca₂le₃jín₃ dsa₂ i₂'ě₂ jág₁ i₂ma₂dsan₃ ca₂le₃ ca₂nio₃ mi₂güí₃. ⁵¹ Ca₂lia'₂ con'₂ jme₁ca₂jon₃ Abel, ca₂tě₂ jmi₄g₄ i₁ca₂jon₃ Zacarías i₂ca₂ηi'₃ dsa₂ jě₄ja₁lě₄ ne₄chei₂ quian'₅₄ja₁ηi₅ó₅, dsa₂ chan₂ jmi₄g₄ ně₃ bá₄, juá'₅ jniá₂, qui₃ 'mú₃ quió'₅ ca₂le₃jín₃ dsa₂ i₂ma₂dsan₃ 'éi₂.

⁵² 'i₂E₂ guě₄ juí₂' 'nia'₂ tě₅juá'₅! Ia₁ 'nia'₂ bá₄ ma₂rě₂'móg'₄ jág₁ quió'₅ Diú₄ a₂lě₅ co₂'nió'₄ ηí₁ llave quió'₅ o₄'né₄ ja₁jme₁le₃ti₂n₂, le₃ηí'₂ dsa₂. On₃ guë'₂ guion'₅₄ 'nia'₂ tóng'₄, on₃ guë'₂ cuë'₂ 'nia'₂ jmi₄g₄ dsi₃ton'₅₄ i₂'nio₃ tón'₃.

⁵³ Jme₁ca₂dsan₃ juá'₂ Jesús le₂ně₅, ca₂rě₃'né₃ 'lig'₅₄ dsa₂ fariseos, tě₅juá'₅ ně₃. Jaun₂ ca₂jme₃lióg₃ jmóg'₂ mī'₅₄, tsá₃ caun₂ a₂qui₂ca₂ηag₃, a₂jme₁jmo₂₃ tion₅₄ lia'₂ jme₁jéin'₃ 'éi₂ jág₁. ⁵⁴ Ia₁ jme₁'nio₃ jo₅₄ jua'₅₄ ca₂jon₄ bá₄ jág₁ 'lia'₂ jme₁'niá₃ 'éi₂.

12

Ca₂jme₃tag₅ Jesús a₂tsá₃ jmo₃ dsa₂ a₂ηia'₅₄ con'₂ dse₃ le₁'ág₄ o₁ne₁

¹ Tě₃jě₄ jaun₂, tě₂le₃ mei₅ bá₄ dsa₂ i₂ca₂ηi'₂, ca₂lia'₂ qui₂co₂'liain'₂ r'in'₅₄. Jaun₂ Jesús ně₃ ηiá₅ de'₂ dsa₂ i₂quiain'₅₄ bá₄ ca₂tsí'₃:

—Tě₃ηi'₅₄ 'nia'₂ quian'₅₄ jui₅ lia'₂ lě₅ quian₅ dsa₂ fariseos* co₂'nió'₄ i₂lě₂jmo₅-dsáu₅ o₁ne₁. ² Ia₁ 'i₁caun₂ a₂rě₂'ma₄ jua'₅₄ lín₂ dsa₂ a₂tsá₃ le₃jniá₂, tion₅₄ bá₄ rě₂jniá₂; ján₃ bá₄ tsá₃ cha₂ 'i₁caun₂ a₂rě₂jlě₅ jua'₅₄ lín₂ dsa₂ a₂tsá₃ 'ein₂ le₃ηi₅, tion₅₄ bá₄ rě₃ηi₅ dsa₂. ³ Jaun₂ ně₃, ca₂le₃jě₃ 'e₂ a₂dsia₅ dsa₂ jě₄ qui₁'né₃, jiá₃ bá₄ le₃ja₁jniá₂ si₂. Le₂jaun₂ jui₁lia'₂ jág₁ a₂dsia₅ dsa₂ jě₄ tě₃co'₅₄ a₂qui₂le₁jnág₅ 'né₅, a₂dsi₃'ag₅ bá₄ jaun₂.†

I₂'ein₂ ca₂tín₂ dsa₂ jme₃gain₃

(Mateo 10:28-31)

⁴ 'Nia'₂ a₂mei₅₄ quiáng₃, juí₂g₂ jniá₂ 'nia'₂, tsá₃ jmo₂ 'nia'₂ gang'₃ i₂jme₂dsian₅ ni₁ηí₅, ia₁ tsá₃ ma₃a₂siá'₂ jua'₅₄ a₂'io₂₃ guě₄ bí₂ jmo₃. ⁵ Jaun₂ la₂ juá'₅ jniá₂ 'ein₂ dsón'₂ i₂ca₂tín'₂ 'nia'₂ jme₁gang'₃; i₂'éi₂ bá₄ jme₁gan'₃ 'nia'₂ jmo₄ i₂'io₅ bí₂, jme₃dsiog₂₃, ton'₂ 'io₂₃ bí₂ 'liog'₃ ja₁'lig'₅₄ ján₃. ⁶ 'Tsa₁ 'ni₅ dsa₂ 'niá₂ i₁tan₅ tei₄ quian'₅₄ tin₃

* **12:1** lit. “levadura quió'₅ dsa₂ fariseos.” † **12:3** lit. “a₂táun₂ dsa₂ jág₁ tióin₂ guei'₅₄ 'né₅ bá₄ a₂jaun₂.”

ŋ₁ guéin₂? La₁ 'i₁jan₂ 'éi₂ tsá₃ ds₂i₂én₂ ds₁i₅ Diú₄. ⁷Ja₄ 'nia₂ jaun₂, 'ŋio₅ lin₃ guě₄ dsan₂ ds₁i₅ Diú₄ 'nia₂, le₂jio₅ ŋi₂ dsei₂ 'nia₂, ma₂ŋi₅ bá₄ Diú₄ je₂liá₂ mi₂ tí₅. Jaun₂ tsá₃ jmo₂ 'nia₂ gang₃, ia₁ 'ŋio₅ guě₄ quen₄ 'nia₂ lia₂ con₂ guě₄ juin₅ i₁tan₅.

Dsa₂ i₂jme₂jnia₅ cu₁in₂₃ Jesús
(Matt 10:32-33; 12:32; 10:19-20)

⁸ 'Juá₅ jniá₂, ca₂le₃jín₃ i₂jme₂jnia₅ ja₁con₂ dsa₂ mi₂güig₃ a₂cuig₂₃ jniá₂, ján₃ bá₄ le₂jaun₂ Jaun₅ dsa₂ mi₂güig₃ 'ag₃ jme₃jnio₂₃ a₂cuig₂₃ ja₁con₂ ca₂le₃jín₃ ángeles quián₅ Diú₄. ⁹ La₁ jui₁lia₂ 'i₂tsá₃ 'ag₅ a₂cuig₂₃ jniá₂ ja₁con₂ dsa₂ mi₂güig₃, ján₃ bá₄ le₂jaun₂ tsá₃ 'iin₄ jniá₂ a₂cu₁in₅ ja₁con₂ ángeles quián₅ Diú₄. ¹⁰ Ia₁ jui₁'ein₂ guě₃ i₂'in₅ 'lig'₅₄ Jaun₅ dsa₂ mi₂güig₃, cha₂ bá₄ o₂'én₂ dso₄ quió'₅. La₁ jui₁lia₂ 'i₂juá₂ 'lig'₅₄ 'iin₂₃ Jme₂dsi₂ ŋjio₅, tsá₃ ma₃o₂'én₂ dso₄ cha₂. ¹¹ Jē₁ma₂ca₂ŋia₃ dsa₂ 'nia₂ ne₄ ds₂i₂tan₅₄ quián₅ guá'₅, o₃ jē₁ma₂ca₂jio₃ ne₄ i₂con₂ 'í₁, ne₄ dsa₂ i₂qui₂dsi₅ 'éi'₃ ně₃, tsá₃ jmó'₂ 'nia₂ 'i₅ 'au'₂ jua'₅₄ tsá₃ ŋi'₅₄ 'a₂ lia₂ 'ŋag'₅₄, 'o₃ 'e₂ juig'₅₄. ¹² Ia₁ 'ŋio₅ bá₄ Jme₂dsi₂ ŋjio₅ jme₃tag₂₃ 'e₂ a₂ca₂tín₂ 'nia₂ 'ŋag'₅₄, jē₁ma₂ca₂tē₂ hora jaun₂.

Go₂ 'nē₁'ein₂ ca₂dsia₃ le₁má'₂ 'ŋio₅ lin₃ jmo₃ ds₁i₅ jmá'₃ quió'₅ 'ŋio₅

¹³ Jan₂ dsa₂ i₂jme₁'en₅₄ jē₄ jaun₂ ně₃, ca₂tsí'₃ Jesús:

—Tē₅, chei'₅₄ co₂nio₄ dsó₂ ríng'₃ jui₁cuē₁₂ con₂ a₂ca₂tíng₂ a₂cha₂ quió'₅ 'lag₄ ŋe'₃.

¹⁴ Jaun₂ ca₂ŋag₃ Jesús:

—'Ne₂ dsa₂, ħ₂'ein₂ ca₂dsiog₃ jniá₂ a₂líng₅ jan₂ i₂dsi₂o'₅ 'e₂ a₂ca₂tín₂ 'nia₂?

¹⁵ Ján₃ bá₄ ca₂juá'₂:

—Tē₃ŋi'₅₄ 'nia₂ tsá₃ i₂jmo₂ jua'₅₄ a₂ŋí₄ lē₃ 'ín₅ 'au'₂ a₂le₃cha₂ quiáng'₂. Ia₁ on₃jua'₅₄ jmá'₃ a₂ŋí₄ cha₂ quió'₅ dsa₂ le₃chain₂.

¹⁶ Jaun₂ ca₂tsí'₃ táng₃ dsa₂ jág₁ jáng'₅ léi₄ la₂:

—Jme₁chan₂ jan₂ dsa₂ i₂jme₁cha₂ cu₄ 'ŋio₅ lin₃. 'Lióng₂ lin₃ jme₁rau₂ quió'₅. ¹⁷ Jaun₂ ca₂i₃jio₅ ds₁i₅: “ħ₂E₂ bá₄ jmo₅₄ jniá₂ ně₃? Tsá₃ ma₃cha₂ ja₁tó'₄ a₂ca₂rau₂ quió'₃.” ¹⁸ Jaun₂ ca₂i₃jio₅ ds₁i₅: “Le₂la₂ jmo₅₄. Quí'₄ tsi₁'io₅ a₂tióng₂ ně₅, jaun₂ jmo₅₄ a₂ca'₅₄ guě₄. Jaun₂ ja₁jaun₂ tó'₄ trigo, quian'₅₄ ca₂le₃jě₃ guě₄ a₂cha₂ quió'₃. ¹⁹ Jaun₂ guě₄ 'náu'₄ ds₁i₃: 'Lióng₂ ma₂niog₅ le₁má'₂, ma₂len₅ 'lióng₂ ŋi₂; ma₂lé₂ jan₅₄, gua₅₄ tei₄, guē'₅₄, gui'₅₄, cuē₄ o₂'ŋi₃ o₂jnia₃ ds₁i₃.” La₁ Diú₄ ně₃ ca₂juá'₂ ca₂tsí'₃ dsa₂ 'éi₂: ²⁰ “ħ₂E₂ guě₄ con₅₄ 'ne₂ líng'₅! Jua'₂ a₂'uē₂ ně₃ mág₄ jniá₂ 'mú₃ quiáng'₂. Ca₂le₃jě₃ a₂ma₂dsia'₅₄ 'ne₂ rē₂, ħ₂'ein₂ bá₄ quió'₅ lé₂?”

²¹ Le₂nē₅ ds₂i₂ŋi₂ jui₁lia₂ dsa₂ i₂dsia₅ le₁má'₂ jmá'₃ quió'₅ 'ŋio₅, la₁ tē₂tsiin'₅₄ lín₃ le₃ja₁con₂ Diú₄.

I₂jmo₅ 'í₁ bá₄ Diú₄ chi'₂-guein₂ quiáin₅
(Mateo 6:25-34)

²² Jme₁ca₂dsan₃ jaun₂, ca₂tsí'₃ táng₃ chi'₂ dsi₂guia₃-tín₂ quiáin₅:

—Juíg₂ jniá₂ 'nia'₂, tsá₃ jmo₂ 'nia'₂ jua'₅₄ a₂ñí₄ dsan₂ 'au'₂ 'e₂ a₂quē'₅₄ tē₁lia'₂ chang'₂, on₃ guē'₂ o₄quió'₄ niñi'₁, jua'₅₄ dsan₂ 'au'₂ 'e₂ qui'₅₄. ²³ Ia₁ jme₂dsí₂ bá₄ a₂quen₅ guē₄ lia'₂ con'₂ guē₄ má₃. Ján₃ guē'₂ le₂jaun₂ niñi'₁ bá₄ dsa₂ a₂quen₅ guē₄ lia'₂ con'₂ guē₄ 'mi'₂. ²⁴ Ní₂ de'₂ 'nia'₂ jui₁lia'₂ i₁qui₂lia'₂. Tsá₃ 'e₂ jne₂₃, on₃ guē'₂ 'e₂ cha₂ a₂le₃rau₂ quió'₅, on₃ guē'₂ 'io₅ chí'₅ quió'₅. Diú₄ bá₄ i₂jme₂tau₅₄. jJaun₂ 'ñio₅ lin₃ guē₄ bá₄ quen'₄ 'nia'₂ lia'₂ con'₂ guē₄ i₁tan₅ 'éi₂! ²⁵ I₂'ein₂ 'nia'₂ i₂lé₂ le₃jmo₃ le₃chain₂ guē₄ uē₂,† ne₄ ia₁ a₂ñí₄ lē₃ 'is 'au'₂ 'nia'₂ chang'₂? ²⁶ Chi₂jua'₂ tsá₃ quin'₅₄ 'nia'₂ jmi₄ quian'₅₄ a₂ca₂juig₄ nē₅, ¿'e₂ guē'₂ lē₃ ñí₄ dsan₂ 'au'₂ 'nia'₂ quian'₅₄ a₂siá'₂? ²⁷ Ní₂ de'₂ 'nia'₂ ján₃ 'a₂lia'₂ qui₂dsi₂cón₃ lí₁. Tsá₃ tsiñi₅ lé₂ tsē'₃, on₃ guē'₂ lé₂ ta₃. Jaun₂ juíg₂ jniá₂ 'nia'₂, ca₂lia'₂ jñia'₅₄ Rag₅₄ Salomón, quian'₅₄ ca₂le₃jē₃ a₂jlá'₁ a₂jme₁cha₂ quió'₅, tsá₃ ca₂rē₃jláin'₁ bá₄ guē₄ jui₁lia'₂ jlá'₁ lí₁. ²⁸ Chi₂jua'₂ le₂nē₅ chí'₅ Diú₄ jlá'₁ nau₂ a₂cha₂ 'ña₁, a₂jñia'₅₄ jniá₂ jlá'₁ ca₂tiá₂ co₂lág₂, ia₁ jui₁la₂ 'ióg₃ dsí'₂ dsa₂, 'ē₂ guē₄ bá₄ 'nia'₂, dsa₂ i₂'én₂ ca₂juig₄, jmo₃ bá₄ Diú₄ 'í₁. ²⁹ Jaun₂ juá'₅ jniá₂, tsá₃ i₁nio₄g'₄ jua'₅₄ a₂ñí₄ dsan₂ 'au'₂ 'e₂ quē'₅₄ 'ag'₅₄. Tsá₃ can₂ 'nia'₂ o₂i₁ dsi₅ quian'₅₄ a₂jaun₂, ³⁰ ia₁ jmá'₃ a₂nē₅ bá₄ a₂ñí₄ lē₃ 'nio'₃ dsi₂nau₂. Ia₁ i₂ñi₅ bá₄ Néi'₅ a₂'nió'₅ ca₂le₃jē₃ a₂nē₅ quián'₂ 'nia'₂. ³¹ La₁ 'nio'₂ de'₂ jñiá₅ 'nia'₂ ja₁goin₂, jaun₂ ca₂le₃jē₃ a₂nē₅ tē₁ja₃lé₂ a₂ma₂ñag₅₄ cuē₃.

A₂quen₅ lin₃ a₂cha₂ quió'₅ dsa₂ guei'₅₄ i₂juíg₃
(Mateo 6:19-21)

³² 'Nia'₂ já'₂ cha'₂ quiáng₃, tsá₃ lē₁jmo₂ 'nia'₂ gang'₃, o₁jñia'₅₄ la₂ tsá₃ juin'₅ 'nia'₂, la₁ 'ñio₂ dsí₅ Néi'₅ cuē₃ ja₁goin₂. ³³ 'Nag₄ 'nia'₂ a₂cha₂ quiáng'₂; jme₂on₅₄ i₂teñé₂. Jñia'₅₄ lia'₂ le₂nē₅ bá₄ dsióg₄, tē₃ron₅₄ tē₂'mi'₂ a₂tsá₃ ton₅ jmi₄ le₃'áu₂ quián'₂ 'nia'₂; caun₂ a₂quen₅ lin₃ 'ó'₄ 'nia'₂ quiáng'₂ guei'₅₄ i₂juíg₃ a₂tsá₃ ton₅ jmi₄ dsiá₃, ja₁tsá₃ líg'₂ jmi₄ dsióg₄ 'ang₂, on₃ guē'₂ i₁tsan'₅₄ lé₂ le₃'én₂. ³⁴ Ia₁ jui₁lia'₂ ja₁rē₂'mú'₄ 'nia'₂ quiáng'₂, ja₁jaun₂ bá₄ 'i₄ 'au'₂.

'Nió'₅ bá₄ a₂chan₂ dsa₂ rē₂jáin₁

³⁵ 'Rē₂ján'₁ 'nia'₂ chang'₂, le₁ling'₄, le₁guí'₂ si₂ tsí₅ quiáng'₂. ³⁶ Jui₁len'₅₄ 'nia'₂ nē₂jag₄ bá₄ dsa₂ i₂chi₁jñia₅ guan'₂ juig₅₄ ñó₃ ja₁nio₅ jmi₄. Rē₂ján'₁ 'nia'₂ chang'₂, ia₁jaun₂ lé₂ le₃na'₅₄ 'nia'₂ dsi₂jui₅ jē₁ma₂tē₂ rē₁guáin'₃ quein₃ o₄'né₄. ³⁷ 'E₂ guē₄ dsen₃ dsa₂ i₂le₁ne₅₄ jē₁ma₂ca₂guán'₃ juig₅₄. A₂dsi₂jó₃ juá'₅ jniá₂, 'ñiog₅

† 12:25 o₃, "I₂'ein₂ 'nia'₂ i₂lé₂ le₃jmo₃ a₂dsi₃cóin₃ guē₄ caun₂ lē₂."

bá₄ 'éi₂ dsio₃ ne₄ mesa, ton'₂ qui'₃ 'mi'₂ a₂jme₂ti₃ njá₃ má₃.
³⁸ 'E₂ gué₄ dsen₃ dsa₂ i₂tion'₅₄ le₁ne₅₄ jē₁ma₂ca₂jo₃ juig₅₄ o₁jñia'₅₄
 la₂ ca₂guáin'₃ a₂'uē₂ dsi₃nei₅, o₃ ma₂ca₂ñí₂ dsi₃nei₅ 'e₂. ³⁹ La₁
 juí₁le₂ñi'₅₄ 'nia'₂ a₂la₂ ján₃, juá'₅₄ mei'₂ gué₃ ñi₅ dsa₂ quió'₅
 dsi₂néi₂ 'e₂ hora jíá₃ dsa₂ 'ang₂, guá₃ rē₂nei₅₄, jmo₂₃ 'í₁, tsá₃ cuē₃
 jmig₄ 'í₂ dsa₂ 'éi₂, 'ang₃. ⁴⁰ Le₂nē₅ bá₄ 'nia'₂ ján₃, rē₂jáng'₁ chang'₂,
 ia₁ con'₂ tsá₃ 'ein₂ lín₂ bá₄, tē₃tsin'₅₄ Jaun₅ dsa₂ mi₂güig₃.

Ju₁lia'₂ dsa₂ i₂tsá₃ rē₂ti'₅₄ ta₁ quió'₅

(Mateo 24:45-51)

⁴¹ Jaun₂ nē₃ ca₂ñag₃ Pe₄:

—Te₁gui'₅₄, ¿a₁nē₂chei'₅₄ jmá'₃ jñia'₅₄ jág₁ jáng'₅ léi₄ nē₅, o₃
 a₂nē₂chei'₅₄ ca₂le₃jín₃ 'e₂?

⁴² Jaun₂ ca₂juá'₂ Te₁gui'₅₄:

—¿I₂'ein₂ 'éi₂, lín'₂ 'nia'₂, lín₅ dsa₂ dsen₃ i₂rē₂ti'₅₄, niog₅ dsi₄,
 i₂ca₂dsio₃ juig₅₄ nio₃ ne₅₄ jmo₃ ta₁ dsi₂néi₂, a₂ag'₃ ñi'₃ dsa₂ hora
 ca₂tín₂? ⁴³ 'E₂ gué₄ dsen₃ dsa₂ i₂niog₅ ne₄, i₂jo₅ juig₅₄ jme₂ti₃
 bá₄ ta₁ quió'₅, i₁guain'₂. ⁴⁴ A₂dsi₂jó'₃ juá'₅ jniá₂, dsio₃ juig₅₄
 a₂niog₅ ne₅₄ ca₂le₃jē₃ a₂cha₂ quió'₅. ⁴⁵ La₁ nē₁juá'₂ lín₂ dsa₂ i₂niog₅
 ne₄ 'éi₂, le₃'ag₄ bá₄ guan'₂ juig₅₄, chi₂juá'₂ ca₂jme₃lióg₃ ca₂jmaí'₂
 uig₅ dsa₂ ñe'₂, dsa₂ mí₂ nē₃ i₂jme₂ti₃ ta₁, ton'₂ 'ñiog₅ guē'₂ ca₂'í₃
 guē'₅, 'ín'₂, ca₂rē₃'ein₅ bá₄ 'ñiog₅, ⁴⁶ la₁ con'₂ tsá₃ jáin₅, con'₂ caun₂
 hora a₂tsá₃ ñi₅ bá₄ guan'₂ juig₅₄; uig₅ gau₂ 'ñio₅ lín₃ bá₄ cuē₃ 'éi₂,
 co₂jaun₂ bá₄ uig₅ gue₃ con'₂ lē₅ tin₃ dsa₂ i₂tsá₃ 'én₂.

⁴⁷ 'Ju₁lia'₂ dsa₂ i₂ñi₅ 'e₂ 'nio₃ juig₅₄, la₁ tsá₃ 'e₂ co₂jñia₅₄ jmo₂₃,
 on₃ guē'₂ jme₂ti₃ a₂juá'₂ 'éi₂, cán₂ uig₅ dsi₃bain₅₄ ca₂lia'₂ ton₅ 'mi₅
 'líong₂ lín₃ ni₁ñi₁₂. ⁴⁸ La₁ juí₁lia'₂ i₂tsá₃ 'e₂ ca₂rē₃ñi₅ ton'₂ jmo₅-
 dsáu₅ cosa a₂ca₂tín₂ gue₃ uig₅, tsá₃ lín₅₄ 'líong₂ 'mi₅ cán₂. Juí₁lia'₂
 dsa₂ i₂'líong₂ tē₂no₄ gu₂ a₂ca₂tín₂ jme₃ti₃, ján₃ bá₄ 'líong₂ a₂mág₃
 juig₅₄. Ján₃ guē'₂ le₂jaun₂ juí₁lia'₂ i₂ma₂dsia₅ dsa₂ 'líong₂ ne₅₄,
 'líong₂ gué₄ a₂chi₃quíong₂ dsa₂ jmig₄ jáng'₃.

Jesús bá₄ 'uñ₄ a₂lē₂ le₁dson'₅₄ dsa₂

(Mateo 10:34-36)

⁴⁹ 'A₂i₃'ing₅₄ si₂ mi₂güig₃ la₂ bá₄ jniá₂ guio₃. ¡'E₂ gué₄ 'ín₅ dsi₃,
 juá'₅₄ ma₂cau₂ bá₄ co₂ñei'₅₄ tē₂nē₃! ⁵⁰ La₁ tion₅₄ niog₅ tiáng₄
 juí₅ ja₁dsi₃ñig₂ mi'₅₄ 'ñio₅ lín₃. Jaun₂, ¡'e₂ gué₄ 'ñio₅ o₂i₁ dsi₅
 chang₂, ca₂lia'₂ ca₂rē₃ti₃ ta₁ a₂guio₃! ⁵¹ ¿Lín'₂ 'nia'₂ a₂guio₃ jniá₂
 i₃'ei₃ tei₄ mi₂güig₃ la₂? On₃juá'₅₄ le₂jaun₂. A₂i₃jmo₃ le₁dson'₅₄
 dsa₂ bá₄ jniá₂ guio₃. ⁵² Ia₁ tē₂le₃ ne₄ juí₅ ja₁dsau₅₄ nē₅, juí₁lia'₂
 caun₂ dsi₂néi₂ ja₁lē₂ 'ñiá₂ dsa₂, lé₂ le₁dson'₅₄, ⁵³ ún₂ jme₃'ñiai₅₄
 on₃; i₂on₃ jme₃'ñiai₅₄ i₂ún₂ táng₃; juí₁lia'₂ jmei₂ dsa₂ tóin'₃ mi'₅₄
 quian'₅₄ ja₁ñi'₅₄, ja₁ñi'₅₄ guē'₂ 'í₂ mi'₅₄ quian'₅₄ jmei₂; juí₁lia'₂
 chog₅₄ tóin'₃ mi'₅₄ quian'₅₄ ja₁míg₄, ja₁míg₄ guē'₂ 'í₂ mi'₅₄ quian'₅₄

chog⁵⁴. Jui¹lia² i²lín⁵ ma²chog⁵⁴ dsa², tóin³ mi⁵⁴ quian⁵⁴ lo⁵⁴,
jui¹lia² mi²lo⁵⁴ 'í² mi⁵⁴ quian⁵⁴ ma²chog⁵⁴.

Jui¹lia² jme¹cha² léi⁴ guei⁵⁴
(Mateo 16:1-4; Marcos 8:11-13)

⁵⁴Ján³ bá⁴ ca²tsí³ dsa²:

—Jme¹caún² 'nia² 'í¹ guei⁵⁴ jme¹tsau² jnei⁵ le³ja¹rin² 'iog²,
jag⁴ 'nia², jiá³ jmí⁵, dsón² bá⁴ le²jaun² lě². ⁵⁵Jaun² jme¹ja² dsí²
tě²le³ sur, jag⁴ 'nia² dséi³ 'iog² ně³. Jaun² dsón² bá⁴ le²jaun² lě²
ján³. ⁵⁶'Nia² dsa² i²jñia⁵⁴ dse³ le¹ág⁴ o¹ne¹! Ní⁵⁴ 'nia² 'a² lia²
jua⁵⁴ 'e² niog⁵ tē⁵ ne⁵⁴ 'nia² guei⁵⁴, quian⁵⁴ 'e² lě² ne⁴ gua⁵⁴ 'uē³.
¿'A² bá⁴ lia² tsá³ tin² 'nia² caun⁵⁴ 'í¹ léi⁴ a²ma²cha² rě²ně³?

Jme¹jen² jág¹ quian⁵⁴ dsa² i² 'iog⁵⁴
(Mateo 5:25-26)

⁵⁷¿'E² lě³ tsá³ caún² 'nia² 'í¹ jě⁴ quiáng² guiong⁵⁴ a²dsi²ten⁵⁴
jmó²? ⁵⁸Jě¹ma²'eng⁵⁴ jui⁵ dsióg⁴ ne⁴ dsi²tan⁵⁴ quian⁵⁴ dsa²
i²'nag⁵, jme¹jen² 'nia² jág¹ le²'i⁴ jui⁵ jme¹dsian⁵ mi⁵⁴ a²chang²
quian⁵⁴. Ia¹ con² tsá³ njó⁵ ně¹jua² ca²tsag² tē³ne⁴ dsi²tan⁵⁴
i²qui²dsi⁵ 'éi³. 'Éi² ně³ jáng³ ne⁴ 'lióg²; 'lióg² guě⁴ ně³ to² né³
'má³. ⁵⁹Juá⁵ jniá², o¹líg² tsá³ o³'ing² ja¹jaun² ca²lia² ca²qui⁵⁴
jě¹ca²tó² njí¹ guéin² a²ring².

13

A²quen⁵ lín³ bá⁴ a²dsi²quén⁵ dsí⁵ dsa²

¹Jmíg⁴ jaun² i²lín⁵⁴ dsa² i²jme¹tion⁵⁴ guě⁴ ca²dsia³ ca²tsí³
Jesús 'a² lia² ca²jme³dsian⁵ Pilato i²lín⁵⁴ dsa² chan² Galilea.
Ca²cóin² jmi⁴ dsa² 'éi² quian⁵⁴ jmi⁴ já² i²ca²jme³dsian⁵ dsa²
i²jéin² ne⁴ Diú⁴.

²Jaun² ca²juá² Jesús ně³:

—¿Lín² 'nia² ně³, dsa² chan² Galilea 'éi² ca²i³ñi² le²jaun² ia¹
'lióng² guě⁴ dso⁴ jme¹le¹cáin⁴ lia² con² guě⁴ dsa² go⁵⁴? ³Juá⁵
jniá², on³jua⁵⁴ le²jaun²; ia¹ le²ně⁵ bá⁴ 'nia² ján³, ně¹jua² tsá³
ca²dsi³quén⁵ 'au², dsiáng³ ján³. ⁴¿On³ bá⁴ lín² 'nia², 'ñio⁵
lín³ guě⁴ jme¹le¹cán⁴ dso⁴ dsa² i²guia³-jniá² i²ca²dsan³ 'éi², lia²
con² ca²qui³ ni¹'ia² ñei⁵ ja¹chei² Siloé, lia² con² guě⁴ ca²le³jín³
i²tián⁵ Jerusalén? ⁵Juá⁵ jniá², on³jua⁵⁴ le²jaun²; ia¹ ján³ bá⁴
le²ně⁵ 'nia², ně¹jua² tsá³ ca²dsi³quén⁵ 'au², dsiáng³ bá⁴ ján³.

Jág¹ jáng⁵ léi⁴ quió⁵ ni¹ 'ma² higuera a²tsá³ míg² 'ag⁵

⁶Jaun² ca²juá² táng³ Jesús jág¹ jáng⁵ léi⁴ la²:

—Jan² dsa² jme¹jnia⁴ caun² 'ma² a²'ag⁵ míg² higo ja¹nau²
quió⁵, jaun² ca²i¹jag⁵⁴ chi²jua² ma²le¹ág⁴ míg². Tsá³ míg² cha²
guě² ně³, jme¹dsióg³. ⁷Jaun² ca²tsí³ dsa² i²jmo⁵ 'í¹ ja¹nau² jaun²:
“Ma²ni⁵ ñi² guio²³ i²jág³ ni¹'ma² ně⁵ chi²jua² le¹ág⁴ míg², la¹

caun₂ tsá₃ mǐg₂ cha₂ bá₄ lia₂ co₂ráun₂ guio₅₄. Qui₅₄ co₂nei₅₄. Tsá₃ ta₁ jmo₃ jñia₅₄ jme₂dsiá₃ 'o₅₄ 'uë₃ bá₄.” ⁸ La₁ dsa₂ i₂jmo₅ 'í₁ ja₁nau₂ 'éi₂ ně₃ ca₂ɲag₃: “Te₁gui₅₄, cuë₄ jmi₄ o₁dsi₅₄ guë₄ caun₂ ɲi₂ la₂; jmo₅₄ dse₃ le₃lág₃, tó₄ 'mi₄g₄ já₂ ně₃, ⁹ o₁ne₄ chi₂jua₂ 'ag₃ mǐg₂ ɲi₂ caun₂. Nē₁jua₂ tsá₃ 'e₂ mǐg₂ cha₂ i₁jáun₃, jaun₂ guë₄ uín₂.”

Ca₂jme₃'lión₂ Jesús jan₂ 'io₅₄ i₂jme₁quin₅₄ mi₂ca₅₄ caun₂ jmi₄ sa₅₄

¹⁰ Caun₂ sa₅₄, jme₁'en₅₄ Jesús jme₂tiin₂₃ dsa₂ dsi₂néi₂ guá₅ sinagoga.

¹¹ Ja₁jaun₂ jme₁'en₅₄ jan₂ 'io₅₄ i₂ma₂guia₃-jñiá₂ ɲi₂ dso₅₄. Ca₂jmo₃g₂ jme₂dsí₂ 'lin₅₄ rē₂guen₂ mi₂ca₅₄, jme₁ɲi₂₃ tsá₃ lé₂ néi₃ rē₂.

¹² Jme₁ca₂jág₂ Jesús, jaun₂ ca₂tē₃, jaun₂ ca₂juá₂:

—'Io₅₄, ma₂ca₂'lóng₂ bá₄ dso₄ a₂jme₁lǐng₄.

¹³ Jaun₂ ca₂téi₂ gu₂. Dsi₂jui₅ le₂jaun₂ bá₄ ca₂néi₃ mi₂ca₅₄ 'io₅₄, jaun₂ ca₂jme₃juiin₂ Diú₄.

¹⁴ La₁ dsa₂ i₂niog₅ ne₄ guá₅ sinagoga, ca₂rē₃'néi₃ quian₅₄ Jesús ia₁ ca₂jme₃'lióin₂ dsa₂ 'éi₂ tē₃ jmi₄g₄ sa₅₄. Jaun₂ ca₂tsí₃ dsa₂ i₂tion₅₄:

—Jñéi₂ jmi₄g₄ bá₄ ca₂tín₂ dsa₂ jmo₃ ta₁; jui₁ja₂lén₂ 'ein₂ 'nio₃ 'lión₂ jē₄ semana, on₃jua₅₄ rē₂ jme₁sa₅₄.

¹⁵ Jaun₂ ca₂ɲag₃ Te₁gui₅₄ ca₂tsí₃ 'éi₂:

—i'Nia₂ dsa₂ i₂jñia₅₄ dse₃ le₁'ág₄ o₁ne₁! ¿Tsa₁ 'ein₂ 'nia₂ chén₂ ca₂jui₅ o₃ bú₄ quián₅ jua₅₄ tsá₃ dsi₃jio₃ dsi₃'ein₅₄ jmi₄g₄ o₁jñia₅₄ lē₅ sa₅₄? ¹⁶ Ia₁ dsa₂ mǐ₂ la₂, i₂lín₅ jan₂ tsi₁jon₂ Abraham; i₂sē₃dse₃ jme₁ma₂'nei₂ ma₂guia₃-jñiá₂ ɲi₂. Jaun₂ ně₃, ¿tsa₁ ca₂tín₂ chein₂ ján₃ jñia₅₄ tē₃ jmi₄g₄ sa₅₄?

¹⁷ Jme₁ca₂juá₂ Jesús le₂nē₅, ca₂rē₃gui₅₄ bá₄, ca₂le₃jín₃ con₂ dsa₂ i₂'iog₅₄. La₁ 'io₂ jén₅ tē₅ dsí₅ bá₄ dsa₂ i₂tion₅₄, ca₂le₃jē₃ a₂jlá₁ jmo₅ 'éi₂.

Jág₁ jáng₅ léi₄ jui₁lia₂ mǐg₂ jon₂ quió₅ nī₁'ma₂ mostaza

(Mateo 13:31-32; Marcos 4:30-32)

¹⁸ Ca₂juá₂ ně₃:

—¿'A₂ lia₂ le₃juá₄ lē₅ ja₁gon₂ Diú₄? ¿'E₂ quian₅₄ lé₂ le₃quíng₄?

¹⁹ Lē₅ jui₁lia₂ mǐg₂ jon₂ nī₁'ma₂ mostaza* a₂ca₂jne₃ jan₂ dsa₂ ja₁nau₂ quió₅. Jaun₂ ca₂i₃cón₃ ca₂dsióg₃ ca₂lē₃ caun₂ nī₁'ma₂ pa₁; i₁tan₅ ně₃ ca₂tó₂ tsag₅₄ gu₂ nei₅₄ jaun₂.

Jág₁ jáng₅ léi₄ jui₁lia₂ 'a₂ lia₂ ron₂ i₁ɲí₄

(Mateo 13:33)

²⁰ Ca₂juá₂ Jesús le₂la₂ ján₃:

* **13:19** mostaza: On₃jua₅₄ mi₁jáng₅ a₂cuí₅ dsa₂ go₄jniog₄; caun₂ nī₁'ma₂ dsón₂ bá₄ jaun₂ a₂chei₂ Brassica nigra.

—¿E₂ quian'₅₄ lé₂ le₃quíng'₄ lě₅ ja₁gon₂ Diú₄? ²¹ Lě₅ jui₁lia'₂ lě₅ levadura a₂co₂güín'₂ jan₂ 'io₅₄ jě₄ 'ni₅ tio'₅₄ 'ma₂† ti₁can₁ i₁ñí'₄. Quian'₅₄ co₁séin'₄ levadura bá₄ guion'₂ ca₂le₃jě₃ ti₁can₁.

Jág₁ jáng'₅ léi₄ quió'₅ o₄'né₄ dsag₂

(Mateo 7:13-14, 21—23)

²² Lia'₂ con'₂ ma₂'ein₅₄ jui₅ a₂dsióg₄ Jerusalén, qui₂ca₂i₁jme₁tiín₂₃ guě₄ dsa₂ le₂tan₅₄ juig₂ te₁'i₁ ja₁ca₂ñi₅.

²³ Jaun₂ ca₂ñag₃ jan₂ dsa₂:

—Te₁gui'₅₄, ¿me'₂ bá₄ dsa₂ i₂tiín'₅?

Jaun₂ ca₂ñag₃:

²⁴ —Quen'₂ 'nia'₂ bí₂ tióng'₂ jui₅ o₄'né₄ dsag₂; ia₁ juá'₅ jniá₂, juín₅ i₂'nio₃ tón'₃, la₁ tsá₃ le₃qui'₅₄ jmi₄. ²⁵ Ia₁ con'₂ tsá₃ ñó₅ jě₁ma₂tě₂ rě₁náu₃ juig₅₄ dsi₂néi₂, jnéi₃ o₄'né₄, 'nia'₂ ně₃ i₂tě₃tsing'₅₄ le₃ca₁'né₄, jme₁lióg'₄ to'₅₄ mi'₅₄ tě'₄: “¡Te₁gui'₅₄! Nia₄ o₄'né₄, tió'₄ jnia'₅₄.” ‘Ei₂ ně₃ ñag₃: “Tsá₃ cuín₅ jniá₂ 'nia'₂; tsá₃ guion₅₄ a₂já'₄ ja₂nó'₅ 'nia'₂.” ²⁶ Jaun₂ guě₄ jme₁lióg'₄ 'nia'₂ jua'₅₄: “Jnia'₅₄ bá₄ la₂ i₂ma₂que₅₄ ma₂'ne'₅₄ co₂lě₅ quian'₅₄ 'ne₂; jua'₂ 'ne₂ bá₄ guě'₂ ca₂jme₁tag'₂ jnia'₅₄ jin₄ juín₅ dsa₂.” ²⁷ Jaun₂ dsa₂ juig₅₄ dsi₂néi₂ ně₃, ñag₃: “Ma₂ně₂juá'₃ jniá₂ tsá₃ guion₅₄ i₂'ein₂ 'nia'₂. Cau₅ jña'₃ 'nia'₂ ca₂le₃jíng'₃ i₂jmo₅ dsó'₅ a₂'lig'₅₄.” ²⁸ Ja₁jaun₂ qui₂o₁'o'₄ o₁quíg'₃ 'nia'₂ jan'₅₄, jě₁ma₂tě₂ rě₁jíng'₅₄ Abraham, Isaac, Jacob, quian'₅₄ ca₂le₃jín₃ guě₄ dsa₂ i₂jme₁'ě₂ jág₁ quián₅ Diú₄, tioen'₅₄ ja₁gon₂ Diú₄, la₁ 'nia'₂ guě'₂ ně₃, dsi₃gang'₅₄ uíng₂. ²⁹ Ia₁ qui₂ja₃len₅ i₂chan₂ ca₂taun₂ ca₂taun₂ mi₂güíg₃ ja₃tiain'₂ guě'₃ co₂dsia₅ ja₁gon₂ Diú₄. ³⁰ La₁ lé₂, chan₂ i₂lin₅₄ i₂tión₂ le₃jě₁ca₂tó'₂, tě₃tsiin'₅₄ le₃ne₄ jui₅; i₂tión₂ le₃ne₄ jui₅ rě₂ně₃ guě'₂ ně₃, tě₃tsiin'₅₄ le₃jě₁ca₂tó'₂.

Ca₂'o₃ Jesús o₄quió'₄ dsa₂ juig₂ Jerusalén

(Mateo 23:37-39)

³¹ Hora jaun₂ dé₄ dsi₃lén₂ i₂lin₅₄ dsa₂ fariseos, ca₂juá'₂:

—Co₂ñei'₅₄ dse₃ jú₅ ja₁lá₃, quian₂ jui₅ quiáng'₂, ia₁ 'nio₃ Herodes jñag'₃.

³² Jaun₂ ca₂ñag₃ táng₃ Jesús:

—O₂nó'₅ 'nia'₂, o₂chei'₅₄ dsi₂ma₂jág₂† 'éi₂: “Ní₂, la₂ bá₄ 'ú₄, ně₃, 'ióg₃ ně₃; ně₃ bá₄ guě₄ 'uíng'₅₄ jme₂dsi₂ je₂na'₅₄ quió'₅ dsa₂, ně₃ guě₄ qui₂jme₁lióng₅₄ dsa₂. 'Íóg₃ caun₂ guě₄ 'ña₅ quió₃.” ³³ A₂caun₂ jmo₅₄ bá₄ jniá₂ ta₁ a₂ca₂tíng₂ jmo₅₄ tě₁lia'₂ chang₂, ia₁ tsá₃ lé₂ le₃jón₂ jan₂ dsa₂ i₂'ě₂ jág₁ quián₅ Diú₄ uíng₂ ja₁lě₄ juig₂ Jerusalén. ³⁴ ¡'Nia'₂ dsa₂ juig₂ Jerusalén! ¡'Nia'₂ dsa₂ juig₂ Jerusalén, 'nia'₂ i₂jme₂dsiáng'₁ dsa₂ i₂'ě₂ jág₁ quián₅ Diú₄, 'nia'₂ i₂qui₂jñag'₅₄ cang₄ dsa₂ i₂chen₅ Diú₄ jin'₄ 'nia'₂!

† 13:21 griego: sata, (caun₂ tio'₅₄ 'éi'₃ 'ma₂ jaun₂ 'éi₄ con'₂ 22 litros.) ‡ 13:32 lit. “dsi₂güi₅”, co₂'nió'₄ le₃jua'₅₄, dsa₂ i₂'io₅ mai₅₄.

i'Lióng₂ ráun₂ jme₁'ín₅ dsi₃ jme₁chi₁liang'₂ chi'₂-guein₂ juig₂ la₂ quiáng'₂, jui₁lia'₂ jmo₅ i₁tsín'₃ a₂chi₂lain'₂ guein₂ quián₅ to'₂ né'₃ tsi₁rě₂cu₅, la₁ guion'₅₄ 'nia'₂ tsá₃ ca₂gue'₅₄! ³⁵ Ní₂ ně₃, tē₃tsi'₅₄ chi₁güig'₂ dsi₂né₂ quiáng'₂. Juá'₅ jniá₂, o₁líg'₂ tsá₃ ma₃jag'₅₄ jniá₂, ca₂lia'₂ ca₂tě₂ jmig₄ ja₁jua'₅₄ 'nia'₂: “Ju₁le₂jñi₃ó₃ i₂ně₅ i₂já₅ o₄quió'₄ Te₁gui'₅₄.”

14

Ca₂jme₃'lión₂ Jesús jan₂ dsa₂ i₂jme₁guion₂

¹ Co₂ráun₂ guē'₂ ca₂lē₃ táng₃ caun₂ jmig₄ sa₅₄ a₂ca₂ñó₃ Jesús i₃guē'₃ ja₁quió'₄ jan₂ dsa₂ dsen₅₄ quián₅ dsa₂ fariseos; i₂lin₅₄ guē'₂ dsa₂ fariseos sián'₂ a₂jñia'₅₄ tiog₂₃ bá₄ tioin'₅₄.

² Ja₁jaun₂ jme₁'en₅₄ jan₂ dsa₂ dso'₅₄ i₂guion₂.

³ Jaun₂ ca₂ñag₃ Jesús ca₂tsí'₃ tē₅juá'₅ quian'₅₄ dsa₂ fariseos, ca₂juá'₂:

—Ĉ₁'I₄ 'éi'₃, o₃ tsá₃ 'i₄ 'éi'₃ jme₃'lión₂ dsa₂ dsa₂ dso'₅₄ jme₁jmig₄ sa₅₄?

⁴ La₁ tei₄ bá₄ i₃léin₂, tsá₃ 'e₂ ñi₅ ñag₃. Jaun₂ ca₂jñai'₃ dsa₂ dso'₅₄, ca₂jme₃'lió₂. Jaun₂ ca₂dsióg'₂ quió'₅.

⁵ Jaun₂ ca₂juá'₂ ca₂tsí'₃ 'éi₂:

—Ĉ₁'e₂in₂ 'nia'₂, tsá₃ dsi₃dsen₅ dsi₂jui₅ chi'₂ quián₅, * o₃ jan₂ ca₁jui₅ 'e₂ ně₁jua'₂ ca₂táin'₂ né'₃ táu₃ jñia'₅₄ tē₃ jmig₄ sa₅₄?

⁶ La₁ tsá₃ ca₂tió'₃ ñag₃ jág₁ ně₅.

Tsá₃ dsióg₅ jua'₅₄ quió'₃ dsa₂ 'ma₂si₅₄ ja₁dsen₅₄ guē'

⁷ Jme₁ca₂tě₂ ne₄ Jesús 'a₂ lia'₂ quió'₅ dsa₂ i₂té₄ jmá'₃ lia'₂ ja₁dsen₅₄ guē'₄ ja₁tiaín'₂, jaun₂ ca₂cuē₃ jág₁ a₂jáng'₅ léi₄ la₂:

⁸ —Ně₁jua'₂ 'ein₂ tē₂ ja₁niog₅ jmig₄ jen'₂ gu₂ dsa₂, tsá₃ ne'₅₄ jui₁lia'₂ ja₁dsen₅₄, ia₁ con'₂ tsá₃ ñó₅ ně₁jua'₂ ca₂dsióg₃ jan₂ i₂dsen₅₄ guē'₄ lia'₂ 'ne₂. ⁹ Ia₁ Ĉ₁'e₂ bá₄ lé₂ ně₁jua'₂ dsa₂ i₂ně₂tě₂ le₂on'₃ 'nia'₂ juá'₂: “I₂la₂ cuē'₅₄ ja₁ñéi'₂”? Jaun₂ tē₃ ma₂gueng'₅₄ bá₄ gog'₅₄ o₁né'₂ tē₂ jē₁ca₂tó'₂. ¹⁰ La₁ juá'₅ jniá₂, chi₂jua'₂ líg'₂ ně₁'ein₂ ca₂tě₃, tē₂le₃ jē₁ca₂tó'₂ bá₄ ne'₅₄, ia₁jaun₂ dsa₂ i₂ně₂tě₂ lé₂ le₃juá'₂: “A₂mei₅₄ quiáng₃, ja₁dsen₅₄ guē'₄ la₂ i₂né₂.” Jaun₂ le₂ně₅ bá₄ jme₃juag'₂ dsa₂ i₂quē'₂ quiang'₅₄. ¹¹ Ia₁ jui₁lia'₂ dsa₂ i₂jme₂can'₅₄ guion₅₄, sióin₃ tē₂le₃ jē₁ca₂tó'₂; dsa₂ i₂jmo₅ me'₂ guē'₂ ně₃, roin'₂ guei'₅₄.

¹² Jaun₂ ca₂tsí'₃ ján₃, dsa₂ i₂ca₂tě₃ 'éi₂:

—Jē₁ma₂tě₂ rē₁'niog'₂ jmó'₂ caun₂ má₃ a₂ñig'₅₄ dsa₂, tsá₃ tē'₅₄ jui₁lia'₂ dsa₂ a₂mei₅₄ quiáng'₂, on₃ guē'₂ jui₁lia'₂ i₂lín₅ o₁ríng'₂, on₃ guē'₂ jui₁lia'₂ i₂cha₂cu₄ tián'₅ cau₅ quiáng'₂ ně₃. Ia₁ con'₂ tsá₃ ñó₅, dsa₂ le₂'éi₂, lé₂ le₃tě₂, a₂jéin'₃ táng₃ quiáng'₂. ¹³ Jaun₂ ně₃, ně₁jua'₂ 'niog'₂ jmó'₂ caun₂ jmig₄, te'₂ jmá'₃ lia'₂ dsa₂ te₂ñé₂, dsa₂ 'lian'₂,

* **14:5** Cha₂ a₂lin₅₄ chog₅₄ si₂ a₂juá'₂: “dsi₃dsen₅ bú'₄ quián₅.”

dsa₂ ten₄, dsa₂ guian'₅₄ ně₃. ¹⁴ Jaun₂ le₂ně₅ bá₄ le₃chang'₂ dse₃. Ia₁ dsa₂ 'éi₂ ně₃, tsá₃ qui'₅₄ jmi₄g le₃jéin'₃ quiáng'₂, la₁ i₁jaun₃ bá₄ tíng'₄ quiáng'₂, i₁jen'₅₄ ca₂le₃jín₃ dsa₂ dsen₃.

Jág₁ jáng'₅ léi₄ jui₁lia'₂ dsa₂ i₂té₄ ja₁nio₅g jmi₄g
(Mateo 22:1-10)

¹⁵ Jan₂ dsa₂ i₂jme₁guá₄ cau₅ i₂ca₂nág₂ jág₁ ně₅, ca₂tsí'₃ Jesús:

—'E₂ guě₄ dsen₃ i₂tian'₃ guě'₃† ja₁gon₂ Diú₄.

¹⁶ Jaun₂ ca₂juá'₂ Jesús:

—Jme₁chan₂ jan₂ dsa₂ i₂ca₂cuě₃ caun₂ má₃ pa₁, jaun₂ ca₂tě'₃ juin₅ dsa₂. ¹⁷ Jme₁ca₂tě₂ hora a₂nio₃ jmi₄g ně₃, ca₂chein₃ dsa₂ i₂jme₂ti₃ ta₁ ne₅₄, i₁chi'₄ dsa₂ i₂ma₂lě₅ jág₁ dsi₁lén₂: “I₂nó'₅ 'nia'₂, ia₁ ma₂lě₅ co₂nja₅₄ ca₂le₃jě₃.” ¹⁸ La₁ ca₂le₃jín₃ bá₄ ca₂juá'₂ tsá₃ jiin₅₄. I₂le₂'uig₅₄ ca₂nag₃: “Caun₂ 'uě₃ lia'₂ ně₂lá₂; ja₁jaun₂ nei₅₄ i₁jág₃. 'Én₃ dso₄ quió₃ tsá₃ lé₂ nei₅₄.” ¹⁹ I₂sián'₂ guě'₂ táng₃ ca₂juá'₂: “Níá₂ dsán'₃ ca₁jui₅ i₂quia'₂ 'uě₃ i₂tě₂ca₂láng₂, i₂'éi₂ nei₅₄ i₁quió₃ 'í₁ chi₂jua'₂ ma₂téin₅ jmo₃ ta₁. 'Én₃ dso₄ quió₃ tsá₃ lé₂ nei₅₄.” ²⁰ I₂sián'₂ guě'₂ ca₂juá'₂ táng₃: “Gu₃ lia'₂ ně₂jeng'₅₄; jaun₂ lě₃, tsá₃ lé₂ nei₅₄.” ²¹ Jaun₂ jme₁dsián'₃ mozo 'éi₂ ca₂jmo₃g'₃ jág₁ ne₄ juig₅₄, jaun₂ ca₂rě₃'né₃ bá₄ juig₅₄. Jaun₂ ca₂juá'₂ tsi'₅ táng₃ mozo 'éi₂: “Co₂chi'₅₄ o₂n₁i₄ jě₄ calles, le₂tan₅₄ ja₁le₁n₁i'₂ dsa₂ juin₅ jě₄ juig₂, qui₂o₂quian₅ dsa₂ te₂ně₂, dsa₂ 'lian'₂, i₂guian'₅₄, i₂ten₄ ně₃.” ²² Jme₁co₂lág₂ jaun₂, ca₂juá'₂ dsa₂ mozo 'éi₂: “Gui'₅₄, ma₂ně₂jmo₃ con'₂ lě₅ ně₂jua'₅₄. Jo₂ bá₄ guě₄ dsi₂néi₂.” ²³ Jaun₂ ca₂juá'₂ táng₃ juig₅₄: “Gua₂ táng₃ jě₄ calles le₂tan₅₄ ja₁lě₄ o₄jui₅, o₂quian₅ tion₅₄ dsa₂ i₂jeng'₂, jaun₂ can'₂ dsi₂néi₂ quió₃. ²⁴ Ia₁ le₂ně₅ bá₄ juá'₅ jniá₂, 'i₁jan₂ i₂jme₁lě₄ jág₁ ca₂tě₃ le₂'uig₅₄ 'éi₂, tsá₃ quein'₃ jě₄ jmi₄g quió₃.”

'Nio₅ bá₄ 'ua'₂ ta₁ a₂jme₃quian'₅₄ dsa₂ Te₁gui'₅₄
(Mateo 10:37-38)

²⁵ Juin₅ lin₃ dsa₂ i₂jme₁ma₂quian'₅₄ Jesús. Jaun₂ ca₂jéin'₃ ca₂juá'₂:

²⁶ —Chi₂jua'₂ 'ein₂ 'ei₅ dsí₅ jme₃quiong'₅₄ jniá₂, ně₁jua'₂ tsá₃ ca₂tén'₃ dsí₅ téin₂ jmei₂, chog₅₄, dsa₂ mí₂ quiáin₅, chi'₂guein₂ quiáin₅, ca₂le₃jín₃ guě₄ o₁riin'₅₄ ně₃; ně₁jua'₂ tsá₃ ca₂tén'₃ dsí₅ le₂jio₅g jme₂dsí₂ quió'₅ ně₃, tsá₃ lé₂ le₃lén₂ dsa₂ quiáng₃. ²⁷ Jua'₅₄ 'ein₂ tsá₃ ca₂tén'₃ dsí₅ gue₃ 'mú₃,† jiá₃ chi₁co'₅₄ quió'₅, tsá₃ lé₂ le₃lén₂ dsa₂ quiáng₃. ²⁸ Jua'₅₄ mei'₂ guě₃ chan₂ jan'₂ 'nia'₂ i₂'nio₃ chi'₃ caun₂ ni₁'ia'₂ nei₅, ¿on₁ jniá₅ de'₂ con₂ 'í₁ chi₂jua'₂ ma₂len₅ cu₄ quió'₅ ca₂lia'₂ a₂'i₁o'₄ a₂jaun₂? ²⁹ Ia₁ ně₁jua'₂ tsá₃ le₂jaun₂, jme₃lióg₃ 'uig₅₄ 'ia'₂, tsá₃ tió'₅ guě'₂ jme₃'i₁o'₃, ca₂le₃jín₃ dsa₂ i₂jág₃ a₂jaun₂, a₂lě₁co₂jmo₃g'₂ co₃nág₂ bá₄. ³⁰ Dsia₃: “Dsa₂ ně₅ con'₂

† 14:15 lit. “guě'₃ i₁n₁'i₄.” † 14:27 lit. “tsá₃ cán₂ cróg₄ quió'₅.”

jñia'₅₄ ca₂jme₃lióg₃ 'uig'₅₄, la₁ tsá₃ guë'₂ qui'₅₄ jmig₄ jme₃'ió'₃.”
³¹ O₃ jui₁lia'₂ jan₂ rag₅₄ guë'₂, i₂jmo₃ 'nei₂ quian'₅₄ jan₂ rag₅₄
 sián'₂, tsa₁ jñiá'₅ de'₂ guá'₃ con₂ 'í₁ chi₂jua'₂ tió'₅ quian'₅₄ guian₃
 mei₅ 'lióg₂ quiáin₅, dsi₃quiín'₂ quian'₅₄ guió₂ mei₅? ³² Chi₂jua'₂
 ma₂lí'₄, tsá₃ tió'₅ ně₃, tē₁lia'₂ uing₂ guë'₄ já₅ rag₅₄ jan₂, chein₃ dsa₂
 i₂quian₅ já₁ a₂mi₂₃ dsian₅ co₂ñei'₅₄ mi'₅₄. ³³ Le₂ně₅ bá₄ chi₂'ein₂
 'nia'₂ i₂tsá₃ ca₂tén'₃ dsí₅ tí₂ ca₂le₃jě₃ a₂cha₂ quió'₅, tsá₃ lé₂ le₃léin₂
 dsa₂ quiáng₃.

Jág₁ jáng'₅ léi₄ jui₁lia'₂ 'a₂ lia'₂ lě₅ tsi₁ñi₁
(Mateo 5:13; Marcos 9:50)

³⁴ (Jui₁lia'₂ dsa₂ i₂quian'₅₄ jniá'₂ lín₅ jui₁lia'₂ lě₅ tsi₁ñi₁.) A₂dse₃
 bá₄ tsi₁ñi₁ tē₁lia'₂ ñi'₅₄. La₁ ně₁jua'₂ ca₂'en₃ ñi'₅₄ ně₃, t'a₂ bá₄
 lia'₂ lé₂ le₃lei₂ táng₃? ³⁵ Tsá₃ ma₃'e₂ ta₁ tí₄, on₃ guë'₂ lé₂ le₃lé₂
 gua'₅₄, on₃ guë'₂ ma₂tí₅ ta₁ jua'₅₄ a₂le₃lé₂ ca₂bě'₅₄ 'o'₅₄. Jñia'₅₄ lia'₂
 a₂dsi₃ga'₅₄ uing₂ bá₄. I₂dsi₅₄ gua₄, rē₂ jui₁nei₅₄.

15

Jág₁ jáng'₅ léi₄ jui₁lia'₂ jan₂ já'₂ cha'₂ i₂ca₂i₃cón'₅
(Mateo 18:10-14)

¹ Ca₂le₃jín₃ dsa₂ i₂cán₂ 'lia'₅₄ quián₅ dsi₂tan₅₄, quian'₅₄ guë'₄
 dsa₂ i₂le₁cán'₄ dso₄ sián'₂, ca₂o₃léin₂ ja₁'en₅₄ Jesús, a₂o₃néi₃.

² 'Uig₅₄ jaun₂, dsa₂ fariseos quian'₅₄ tē₅juá'₅ ca₂chi₂ca₂'iín₃
 Jesús. Ca₂juá'₂:

—Dsa₂ ně₅ qui₂guein₂₃ bá₄ dsa₂ i₂le₁cán'₄ dso₄, guë'₅ co₂lě₅
 quiong'₅₄.

³ Jaun₂ lě₃ ca₂juá'₂ Jesús já₁ jáng'₅ léi₄ la₂:

⁴ —t'ein₂ 'nia'₂, jui₁lia'₂ i₂ñio₅ caun₂ 'ñiá₂-lón₂ já'₂ cha'₂,
 ně₁jua'₂ ca₂i₃cón'₅ jan₂, tsa₁ ja₁co₂ñiog₅ jaun₂ toin'₂ i₂quēin'₂
 ne₂guión₂ rē₂dsí₂ guia₃-né₂ (99) con'₂ i₂te₂, dsó₃ táng₃
 dsi₂jui₅, dsi₂'niai'₂ i₂jan₂ i₂i₃cón'₅ 'éi₂, 'nau'₂ ca₂lia'₂ ca₂dsáu'₂?

⁵ Jē₁ma₂ca₂dsáu'₂ ně₃, tē₂ jui₅ co₁dsi₁₂, jóin'₅ táng₃ 'io'₂ jén'₅.

⁶ Jē₁ma₂dsiáin'₃ dsi₂néi₂ ně₃, ñi'₂ ca₂le₃jín₃ a₂mei₅₄ quiáin₅,
 quian'₅₄ guë'₄ dsa₂ i₂tián'₅ cau₅ quió'₅. Jaun₂ juá'₂: “Ně₃ o₁tió'₄,
 jmó₁ 'io'₂ quian'₅₄ jniá'₂, ia₁ dsán'₅ bá₄ já'₂ cha'₂ i₂jme₁ma₂i₂cón'₅
 quiáng₃.” ⁷ Juá'₅ jniá'₂, 'ñio₅ lín₃ guë'₄ bá₄ cha₂ o₂'ñi₃ó₃ dsi₅ guei'₅₄
 i₂juíg₃ o₄quió'₄ jan₂ dsa₂ i₂rē₂cán'₄ dso₄, i₂dsi₂quén'₅ dsí₅, lia'₂
 con'₂ guë'₄ o₄quió'₄ i₂quēin'₂ ne₂guión₂ rē₂dsí₂ guia₃-né₂ (99)
 dsa₂ “dsen₃” i₂tsá₃ 'e₂ 'nió'₅ jme₃tsín₃ dsí₅.

Jág₁ jáng'₅ léi₄ jui₁lia'₂ caun₂ cu₄ 'ua'₂ a₂i₃có'₅

⁸ 'O₃ jui₁lia'₂ jan₂ dsa₂ mí₂ i₂'io₅ guia₃ cu₄ 'ua'₂, * ně₁jua'₂
 ca₂i₃có'₅ caun₂, tsa₁ téi₂ si₂, 'iá'₂ dse₃ lín₃ dsi₂néi₂, 'no'₂ ca₂lia'₂

* 15:8 griego: dracma (co₂'nió'₄ 'lian'₅₄ dsa₂ co₂jmi₄ ta₁).

ca₂dsó'₂? ⁹ Jë₁ma₂ca₂dsó'₂ ně₃, jmo₂₃ 'io'₂, ŋi'₂ 'io'₅₄ a₂mei₅₄ quiáin₅, i₂tián'₅ cau₅ quió'₅ ně₃, jaun₂ juá'₂: “Ně₃ o₁jmo₁ 'io'₂ quian'₅₄ jniá₂, ia₁ dsó'₅ bá₄ cu₄ a₂jme₁ma₂i₂ág₃ quió'₃.” ¹⁰ Jaun₂ le₂ně₅ bá₄ juíg₂ jniá₂ 'nia'₂, chan₂ o₂ŋi₃ o₂ŋia₃ dsi₅ ángeles quián₅ Diú₄ o₄quió'₄ jan₂ dsa₂ i₂rě₂cán'₄ dso₄, i₂ma₂ca₂dsi₃quén'₅ dsi₅.

Jág₁ jáng'₅ léi₄ jui₁ lia'₂ jan₂ dsó₂ i₂ca₂dsián'₃ táng₃ quió'₅ jmei₂

¹¹ Ca₂juá'₂ Jesús ján₃:

—Jan₂ dsa₂ jme₁chan₂ on₃ ja₁ŋi'₅₄. ¹² I₂lín₅ i₂me'₂ guě₄ ca₂tsí'₃ jmei₂: “Tia₅₄, cuě₄ ca₂dsio₄ cu₄ quiáng'₂ con'₂ ca₂ting₂.” Jaun₂ jmei₂ ně₃ ca₂dsi₃ 'e₂ a₂cha₂ quió'₅, jma₃quén₅ ca₂cuě'₃ chi'₂ quiáin₅ con'₂ ca₂tiin₂. ¹³ Mei'₂ bá₄ cang₂ jaun₂, dsó₂ i₂me'₂ guě₄ qui₂ca₂'nag₃ a₂jme₁ma₂lě₅ quió'₅. Quian'₅₄ cu₄ jaun₂ ca₂'i₃ jui₅ i₁ŋi₂ uing₂ caun₂ 'uě₃ siá'₂. Ja₁jaun₂ ca₂i₁'éin₄ jě₂ cu₄ quió'₅, tsá₃ 'en₅₄ dsi₅ ca₂rě₃cháin₃. ¹⁴ Jme₁ma₂dsó'₃ jě₂ cu₄ ně₃, 'ŋio₅ lin₃ ca₂rě₃'ín₃ a₂guě'₃ dsa₂ juíg₂ jaun₂. 'Ei₂ ně₃ ma₂ŋi₂₃ 'oin₅₄. ¹⁵ Jaun₂ ŋó₃ i₃'nióg₂ ta₁ a₂jmo₃ quió'₅ dsa₂ juíg₂ jaun₂. Jaun₂ dsa₂ 'éi₂ ně₃ ca₂chei₃ ja₁nau₂ quió'₅ a₂ŋi₃ i₁ŋi₅. ¹⁶ Jë₁ma₂tě₂ rě₂guě'₃ i₁ŋi₅, ca₂lia'₂ ma₂le₃guě'₃ 'ŋiog₅ cuá'₁ tsi₁rě₂jnei₂ a₂guě'₅ já'₂, la₁ 'i₁jan₂ tsá₃ 'ein₂ ca₂cuě₃ a₂guě'₅. ¹⁷ Jaun₂ ca₂i₃ŋia₅ dsi₅: “i₁Tě₁lia'₂ juin₅ mozos i₂'ŋio₅ ŋe'₃, cha₂ qui₂rě₂tsón₂ a₂guě'₅, jniá₂ ně₃ ja₁lá₃ jŋig'₅ dsi₃ 'ong₅₄! ¹⁸ Ag₅₄ caun₂ dsi₃, nég'₄ táng₃ dsi₂néi₂ quió'₅ ŋe'₃. Juig₅₄ le₂la₂: Tia₅₄ quiáng₃, 'e₂ guě₄ juě'₂ dso₄ ca₂'no₃ ne₄ Diú₄ quian'₅₄ ja₁cong'₂; ¹⁹ ŋia'₅₄ tsá₃ ma₃ca₂ting₂ a₂tě'₄ jniá₂ jón₃. La₁ jag₄ jniá₂ lia'₂ ja₁jing'₅₄ jan₂ dsa₂ i₂tion₄ quiáng'₂ bá₄. ²⁰ Jaun₂ ca₂nau₂ ca₂'i₃ jui₅ jóin'₃ táng₃ quió'₅ jmei₂. La₁ uing₂ bá₄ guě₄ jóin'₅, jme₁ca₂jág₂ jmei₂. Ca₂tá'₂ néi₂ dsi₅, ca₂ŋó₃ co₂chi'₅₄, ca₂cág'₃ cu₅ ca₂chen'₃ quió'₅ 'io'₂ jén'₅. ²¹ Jaun₂ guě₄ ca₂juá'₂ ja₁ŋi'₅₄: “Tia₅₄ quiáng₃, 'e₂ guě₄ juě'₂ dso₄ ca₂'no₃ ne₄ Diú₄ quian'₅₄ ja₁cong'₂; ŋia'₅₄ tsá₃ ma₃ca₂ting₂ a₂tě'₄ jniá₂ jón₃.”† ²² La₁ jmei₂ ně₃, ca₂tsí'₃ dsa₂ i₂jme₂ti₃ ta₁ tion'₅₄ quiáin₅: “i₁Ma₂ně₃ co₂chi'₅₄! O₂dsi₄ 'mi'₂ a₂lě₅ a₂dse₃ guě₄, queng'₅₄ chi'₂ quiáng₃; caun₂ guě'₂ anillo tio'₂ chi₁gú₃. Co₂dsán'₃ guě'₂ ni₁lau₂ to'₅₄ 'nia'₂ tag₅₄; ²³ Jaun₂ o₁te'₄ 'nia'₂ ca₁jui₅ i₂ma₂'on'₅₄ chén'₅, jaun₂ jŋi'₄ 'nia'₂. Jaun₂ que₅₄, tió'₄ jmó₁ 'io'₂! ²⁴ Ia₁ chi'₂ ně₅ quiáng₃, ně₂jag₄ i₂jme₁ma₂jón₅ bá₄ ně₅, la₁ chain₂ bá₄; jme₁ca₂i₃cóin'₅, la₁ ma₂dsáin'₅ bá₄.” Jaun₂ ca₂jme₃lióg₃ jmig₄ tioin'₅₄.

²⁵ 'Tě₁lia'₂ jaun₂, chi'₂ ja₁ŋi'₅₄ i₂lín₅ i₂juin'₂ guě₄, jme₁'ein₅₄ ja₁nau₂. Jme₁ma₂ja₂quián₃ guain'₂ dsi₂néi₂, ca₂nág₂ i₁niog₅ son₅₄ i₁dsan₅ dsa₂. ²⁶ Jaun₂ ca₂tě'₃ jan₂ dsó₂ ca₂ŋag₃ 'e₂ niog₅

† 15:21 A₂lin₅₄ chog₅₄ si₂ chi₁ton₅ le₂la₂ ján₃: “La₁ jag₄ jniá₂ lia'₂ ja₁jing'₅₄ jan₂ dsa₂ i₂tion₄ quiáng'₂ bá₄.”

lě₂. ²⁷ Jaun₂ juá'₂ 'éi₂: “Dsó₂ ríng'₂ bá₄ guán'₅, jaun₂ néi'₅ ně₃ nējmo₃ 'éi'₃ nē₂jñi'₃ dsa₂ ca₁jui₅ i₂jme₁chén'₄ 'on'₅₄, ia₁ guán'₅, dsein₃ bá₄, tsá₃ 'e₂ lín₅.” ²⁸ La₁ ca₂rě₃ 'né₃ bá₄ riin'₅₄ i₂juin'₂ 'éi₂. Tsá₃ 'nio₃ 'í₂ dsi₂néi₂; jaun₂ ca₂o₃ 'ín₃ jmei₂, ca₂juá'₂ jág₁ 'ua₁. ²⁹ La₁ 'éi₂ ně₃ ca₂ñag₃ ca₂tsí'₃ jmei₂: “Ca₂le₃jě₃ ñi₂ ma₂gui₃ gua₅₄ jme₃tí₂ ta₁ ne'₅₄, tsá₃ líg'₂ jua'₅₄ ma₂jmo₃ tsá₃ nag₅₄ ja₁cong'₂. Ca₂lia'₂ jñia'₅₄ jan₂ chein₂ lau₂ bá₄ tsá₃ ma₂cuag'₅₄ jniá₂ jua'₅₄ jmo₅₄ jmi₄g₄ quian'₅₄ a₂mei₅₄ quiáng₃. ³⁰ Ně₃ guě₄ tìng'₂ jmó'₂ jmi₄g₄ ia₁ guán'₅ ja₁ñi'₄ ně₅, i₂lě₁qui₂ 'én₄ cu₄ quiáng'₂, qui₂ñi₂ lia'₂ lě₂ dsí₅ quian'₅₄ 'io₅₄ ga₂. Ně₃ ně₃, jmi₄g₄ jmo'₂ o₄quió'₄, jñíg'₅ ca₁jui₅ i₂'on'₅₄ guě₄ jme₁chén'₄.” ³¹ Jaun₂ ca₂ñag₃ jmei₂: “Jón₃, ma₁ co₂tan₅₄ bá₄ néi'₂ 'ne₂ quian'₅₄ jniá₂; a₂quián'₂ 'ne₂ bá₄ ca₂le₃jě₃ a₂cha₂ quió₃. ³² La₁ ně₃ ně₃ co₂ně₅ ca₂tág₂ jmó₁ jmi₄g₄, quián₁ o₂ñió₃ dsí₅, ia₁ guán'₅ ríng'₂, ně₂jag₄ i₂jme₁ma₂jon₅, la₁ ně₃ ma₂chain₂ bá₄ táng₃; jme₁ca₂i₃cóin'₅, la₁ ma₂dsáin'₅ bá₄.”

16

Jág₁ jáng'₅ léi₄ jui₁lia'₂ jan₂ dsa₂ i₂tsá₃ ca₂rě₃tí'₅₄

¹ Ca₂juá'₂ Jesús ján₃ ca₂tsí'₃ dsa₂ i₂quian'₅₄:

—Jme₁chan₂ jan₂ dsa₂ cha₂ cu₄ jme₁ 'ñioi₂₃ jan₂ dsa₂ i₂nio₅ gu₂ dsi₂néi₂ quió'₅; la₁ ca₂i₂dsia₂ jan₂ dso₄, ia₁ juá'₂ a₂lě₂ jme₁qui₂'én₂ 'éi₂ a₂cha₂ quió'₅ juig₅₄. ² Jaun₂ ca₂tě₃ juig₅₄ ca₂juá'₂: “¿I₂'e₂ bá₄ jág₁ ně₅ nag₂₃ quián'₂ 'ne₂? Jang'₅₄ cuentas quiáng'₂, ta₁ a₂líng'₅, ia₁ ja₁lá₃ jñia'₃ ta₁ a₂nio₅ gog'₂.” ³ Jaun₂ dsa₂ 'éi₂ ně₃ ca₂'náu'₃ dsí₅: “¿'E₂ bá₄ jmo₅₄ jniá₂? Jñiá'₂ juig₃ ta₁ quió₃. Tsá₃ bég₂ jua'₅₄ jmo₅₄ ta₁ ja₁nau₂, ján₃ guě'₂ gui'₄ jniá₂ jua'₅₄ a₂lě₂ mi₁₂ jme₃o₅₄ dsa₂. ⁴ Ma₂guion₄ 'a₂lia'₂ jmo₅₄ ia₁ jaun₂ guei₃ dsa₂ sián'₂ dsi₂néi₂ quió'₅ jě₂ma₂tě₂tsing'₅₄ tsá₃ ta₁ cha₂ jmo₅₄.” ⁵ Jaun₂ ca₂tě₃ tě₃ qui₂ján₃ dsa₂ i₂jme₁le₁rín₃ quió'₅ juig₅₄. I₂le₂'uig₅₄ ca₂tsí'₃: “¿Je₂liá'₂ ríng'₂ quió'₅ gui'₅₄?” ⁶ Jaun₂ ca₂juá'₂ 'éi₂: “Caun₂ 'ñiá₂-láu₂ ba₂rig₅₄* no'₅₄.” Jaun₂ juá'₂: “La₂ ron₅ si₂ ja₁ton₅ con'₂ a₂ring'₂. Ně₂, ma₂ně₃ jmo₄ táng₃ caun₂ a₂siá'₂, tió'₃ jñia'₅₄ tē₂láu₃-guiá'₂ bá₄ taun'₅₄ a₂le₃ring'₂.” ⁷ Jaun₂ ca₂tsí'₃ táng₃ jan₂ i₂sián'₂: “Ne₂ guě'₂, ¿je₂liá'₂ ríng'₂?” Jaun₂ juá'₂: “Caun₂ mei₅ 'ma₂ cuig₂.”† Jaun₂ ca₂ñag₃: “Jón₅ si₂ ja₁ton₅ a₂ring'₂; jmo₄ táng₃ caun₂ a₂siá'₂ tió'₃ quéin'₂ co₂ne₂guió₂ bá₄ taun'₅₄.” ⁸ Juig₅₄ ně₃, rě₂ bá₄ ca₂'iin₃ dsa₂ i₂tsá₃ ca₂rě₃tí'₅₄ 'éi₂, ia₁ 'ñioi₅₄ ca₂jmo₃. Ia₁ ja₂lin₃ guě₄ bá₄ 'ñio₅₄ jui₁lia'₂ dsa₂ mi₂güig₃ jmi₄g₄ ně₃, lia'₂ con'₂ guě₄ chi'₂-guein₂ i₂i₂nio₄ ja₁jniá₂ si₂. ⁹ Jaun₂ juig₂ jniá₂ 'nia'₂, 'nio'₂ 'nia'₂ jui₅ 'a₂lia'₂ léng'₂ a₂mei₅₄ quian'₅₄ cu₄

* **16:6** lit. “caun₂ 'ñiá₂-láu₂ batous”, (caun₂ 'éi'₃ a₂jme₁'io₅ dsa₂, a₂'a₄ con'₂ 37 litros le₂caun₂). † **16:7** lit. “caun₂ 'ñiá₂-láu₂ korous míg₂ trigo”, (caun₂ 'éi'₃ a₂'éi₄ con'₂ guí₃ 'ma₂ le₂caun₂).

cha₂ mi₂güig₃ 'lig'₅₄ la₂, ia₁jaun₂ jë₁ma₂ca₂dsa₃ cu₄, chan₂ bá₄ i₂le₃guéi'₂ 'nia'₂ ja₁o₁tiáng'₂ dse₃ co₂tan₅₄. ¹⁰ Jui₁lia'₂ i₂rë₂ti'₅₄ rë₂ quian'₅₄ ca₂juig₄ a₂të₂no₄ gu₂, ján₃ bá₄ le₂jaun₂ rë₂ti'₅₄ quian'₅₄ 'líong₂. Le₂jaun₂ guë'₂ jui₁lia'₂ dsa₂ i₂tsá₃ rë₂ti'₅₄ quian'₅₄ ca₂juig₄, ján₃ bá₄ le₂jaun₂ tsá₃ rë₂ti'₅₄ quian'₅₄ 'líong₂. ¹¹ Jaun₂ në₃, në₁jua'₂ tsá₃ rë₂ten'₅₄ 'nia'₂ quian'₅₄ cu₄ cha₂ mi₂güig₃ 'lig'₅₄ la₂, ç'ein₂ bá₄ i₂lé₂ le₃ág₃ caun₂ dsí₅ ja₁con'₂ 'nia'₂ quian'₅₄ a₂lë₅ a₂quen₅ të₃dsón'₂? ¹² Në₁jua'₂ tsá₃ rë₂ten'₅₄ 'nia'₂ quian'₅₄ a₂lë₅ quió'₅ dsa₂ sián'₂, ç'ein₂ bá₄ dsia₃ gog'₂ 'nia'₂ jui₁lia'₂ a₂ca₂tín'₂ 'nia'₂ guiong'₅₄? ¹³ 'Ijan₂ dsa₂ i₂ma₂'lian'₅₄ tsá₃ lé₂ le₃jme₃ti₃ ta₁ ne₄ on₃ juig₅₄. Ia₁ jme₃'ñiai₅₄ jan₂, jan₂ guë'₂ jme₃'nioi₃; o₃ jme₂gain₃ jan₂, jan₂ guë'₂ tsá₃ jui₅ toin'₂. Tsá₃ 'ein₂ 'nia'₂ lé₂ le₃jme₃ti₃ lia'₂ ne₄ Diú₄, lia'₂ ne₄ Cu₄ në₃.

¹⁴ Dsa₂ fariseos në₃, jme₁tioin'₅₄ 'nag₂₃ jë₂ jág₁ në₅. Jaun₂ jñia'₅₄ ca₂ñág₂ 'nei₂ bá₄ jme₁ca₂nág₂, ia₁ lín₅ dsa₂ i₂ñí₄ dsi₅₄ cu₄.

¹⁵ Jaun₂ ca₂juá'₂ Jesús:

—'Nia'₂ jmo'₂ a₂dseng'₃ të₃ne₄ dsa₂, la₁ cuí'₅ bá₄ Diú₄ dse₃ 'a₂ lia'₂ lë₅ 'au'₂ 'nia'₂. Ia₁ jui₁lia'₂ i₂jmo₅ dsí₅ a₂ñí₄ lë₃ dsein₅₄ 'ñio₅ quein₅, a₂jaun₂ 'io'₅₄ Diú₄.

'Éi'₃ Juá'₅, quian'₅₄ ja₁gon₂ Diú₄

¹⁶ 'Jme₁ron₅ 'Éi'₃ Juá'₅, quian'₅₄ Si₂ quió'₅ dsa₂ i₂jme₁'ë₂ jág₁ quián₅ Diú₄, ca₂lia'₂ ca₂të₂ jmig₄ a₂jme₁chan₂ Juan₅₄. Ca₂le₃jaun₂ qui₂dsi₂'ag₅ jág₁ jui₁lia'₂ ja₁gon₂ Diú₄; ma₂ja₂lén₂ ca₂le₃jín₃ dsa₂ qui₂quín'₅ bí₂ a₂tóin'₃. ¹⁷ Tsá₃ guë'₂ 'e₂ ta₁ quian₅ a₂dsi₃ñí₂ dsi₁ guei'₅₄ quian'₅₄ gua'₅₄ 'uë₃, lia'₂ con'₂ guë'₄ dsi₃'én₂ caun₂ léi₄ pí'₁ a₂le₁ton₅ 'Éi'₃, jua'₅₄ a₂tsá₃ le₃tí₃.

Jme₂tag₅ Jesús 'a₂ lia'₂ lë₅ jui₁lia'₂ a₂tén₂ dsa₂ dsi₂i₂gu₂
(Mateo 19:1-12; Marcos 10:1-12)

¹⁸ 'Në₁jua'₂ jan₂ dsa₂ ñe'₂ ca₂téin₂ dsa₂ mí₂ quiáin₅, a₂jéin'₂ táng₃ gu₂ quian'₅₄ i₂sián'₂, 'no₂₃ dso₄. Ján₃ guë'₂ le₂jaun₂ në₁jua'₂ dsa₂ ñe'₂ ca₂cain₃ dsa₂ mí₂ i₂ma₂téi₂ dsi₂i₂gu₂, ján₃ bá₄ co₂jaun₂ 'no₂₃ dso₄ ján₃.

Jan₂ dsa₂ cha₂ cu₄, quian'₅₄ Lázaro

¹⁹ 'Jme₁chan₂ jan₂ dsa₂ cha₂ cu₄ i₂jme₁quí'₅ jmá'₃ tsin'₅₄ jlá'₁, quian'₅₄ 'mi'₂ 'ui'₃ a₂chein₅₄ ta₁jain₂, në₃. Le₂'o₃ jmig₄ bá₄ jme₁cuë'₅ o₂'ñió₃ o₂jñia₃ dsi₅, jme₁jmo₂₃ jmig₄ jlá'₁. ²⁰ Jme₁chan₂ táng₃ jan₂ dsa₂ te₂ñé₂ i₂jme₁chen₂ Lázaro,† i₂dso'₅₄ jme₁qui₂rë₂can'₂ 'mé'₅ ni₁ñi₁₂. Jme₁dsi₂dsiog₃ dsa₂ o₄'né₄ quió'₅ dsa₂ cha₂ cu₄. ²¹ Dsa₂ te₂ñé₂ 'éi₂ në₃ jme₁'nio₃ jme₃tain'₅₄ quian'₅₄ a₂tsi₂séi'₂ ne₄ mesa. Ca₂të₂ dsi₂ji'₅₄ jme₁ja₂lén₂ ja₂'lí'₃ ne₄ 'mé'₅

† 16:20 Lia'₂ chen₂ Lázaro jein₅ jág₁, dsa₂ i₂jme₂'o₅₄ Diú₄.

quió'₅. ²² Cang₂ jaun₂ ca₂jon₃ bá₄ dsa₂ dsi₂né₂ 'éi₂, ca₂tág₃ ángeles ja₁con₂ Abraham. Cang₂, ca₂jon₃ bá₄ dsa₂ cha₂ cu₄ 'éi₂ ján₃. Ca₂'ó₂ bá₄ dsa₂ ně₃. ²³ Jme₁ma₂'ein₅₄ nág₅ uig₅ ja₁dsi₂len₅ 'lag₄, § ca₂chóg'₃ ne₅₄ ca₂jín₂ uing₂ Abraham quian'₅₄ Lázaro cau₅ quió'₅. ²⁴ Jaun₂ ca₂guío'₃ co₂mi'₅₄ ca₂juá'₂: “Tia₅₄ Abraham, dsia₄ néi₂ 'au'₂ jniá₂, chen₅ Lázaro ně₅ jui₁tia₅₄ chi₁gú₃ né'₃ jmíg₃, jui₁jia₂ jme₃güig'₂ le₁tsi'₃. Ia₁ 'ñio₅ lin₃ uig₅ ñag₅₄ 'eng₅₄ jë₄ si₂ la₂.” ²⁵ Jaun₂ ca₂ñag₃ Abraham: “Jón₃, dsá₂ 'au'₂ jmo₄, ca₂gue'₅₄ bá₄ 'ne₂ a₂dse₃ të₁lia'₂ ca₂rë₃cháng'₃. Lázaro la₂ ně₃, tsá₃ 'e₂ dse₃ ca₂rë₃cháin₃. Jaun₂ rë₂ně₃ ně₃ gue₂₃ lián'₂ chain₂ dse₃ ja₁lá₃. 'Ne₂ guë'₂ ma₂ñag'₅₄ uig₅ ja₁ně₅. ²⁶ Ton'₂ ji'₅₄ ñei₅ lin₃ lë₅ jë₄ quián₂ jniog₄, jaun₂ tsá₃ 'ein₂ lé₂ le₃ñí₃ të₂le₃ ně₅, on₃ guë'₂ i₂tion'₅₄ ja₁ně₅ lé₂ ñí₃ le₃la₂.” ²⁷ Jaun₂ ca₂ñag₃ táng₃: “Mi₅ jniá₂ ne'₅₄ jaun₂, tia₅₄, a₂dsiang'₅₄ i₂ně₅ dsi₃con₅₄ jág₁ dsau₅ dsi₂néi₂ quió'₅ ñe'₃, ²⁸ ia₁ 'ñiá₂ chi'₂ ríng'₃ i₂chan₂ guë₄, ia₁jaun₂ tsá₃ ja₃ñag₅₄ uig₅ ja₁lá₃.” ²⁹ Jaun₂ ca₂ñag₃ táng₃ Abraham: “I₂ma₂rón'₅ si₂ bá₄ ó₃ ca₂quio₂ Moisés quian'₅₄ dsa₂ i₂jme₁'ë₂ jág₁. jui₁tion'₅₄ jui₅ a₂juá'₂ 'éi₂!” ³⁰ Jaun₂ ca₂ñag₃ táng₃: “Jan₂'ón₄, tia₅₄ Abraham, ia₁ ně₁ca₂dsián'₂ jan₂ 'lag₄ dsi₁con₃ jág₁, dsi₃quén'₅ bá₄ dsí₅.” ³¹ La₁ ca₂ñag₃ táng₃ 'éi₂: “Chi₂jua'₂ tsá₃ nag₅ gau₂ a₂juá'₂ Moisés, quian'₅₄ dsa₂ i₂jme₁'ë₂ jág₁ quián₅ Diú₄ ně₃, ján₃ bá₄ le₂jaun₂ tsá₃ 'e₂ gau₂ nag₃ o₁ñja'₅₄ la₂ ca₂jen'₅₄ jan₂ 'lag₄ dsi₁con₃ jág₁.”

17

A₂go'₂ ně₁jua'₂ 'ein₂ ca₂tian'₃ dso₄
(Mateo 18:6-7, 21—22; Marcos 9:42)

¹ Ca₂juá'₂ Jesús ca₂tsí'₃ dsa₂ i₂quian'₅₄:

—Tion₅₄ niog₅ le₃cha₂ bá₄ a₂jmo₃ a₂qui₃nió₃ dsa₂. jLa₁ 'e₂ guë₄ juíg₂ jui₁lia'₂ dsa₂ i₂'uin₄ a₂dsi₂gan'₅₄ riin'₅₄! ² Ja₂lin₃ guë₄ dse₃ juá'₅₄ tón₂ dsa₂ ne₄ jmi₁ñí'₄ chi₁quein₅ ni₁to₂ dsi₂lag₅₄, lia'₂ con'₂ guë₄ jmo₃ tián'₃ dso₄ jan₂ dsa₂ dsi₂né₂ la₂. ³ Të₃ñi'₅₄ 'nia'₂ jaun₂.

'Chi₂jua'₂ 'ein₂ ríng'₂ jmóg'₂ mi'₅₄, jéin₃. Nē₁jua'₂ ca₂jme₃tsíin₃ dsí₅, 'én₃ dsáu₁. ⁴ O₁ñja'₅₄ guio₃ ráun₂ ně₂jmóg'₂ mi'₅₄ co₂jmig₄, ně₁jua'₂ guio₃ ráun₂ ca₂já₃ ne'₅₄, juá'₂: “Tsá₃ ma₃jmo₅₄”, 'én₃ dsáu₁.

Bí₂ a₂'io₅ a₂'éñ₂ dsa₂

⁵ Ca₂juá'₂ chi'₂ dsi₂guia₃-tín₂ ca₂tsí'₃ Te₁gui'₅₄:

—Jmo₄ jui₁le₂'ein₂ guë₄ jnia'₅₄.

⁶ Jaun₂ ca₂ñag₃ táng₃ Te₁gui'₅₄:

—Tsá₃ a₂nag₅₄ njia'₅₄ con'₂ tí₅ ca₂míg₂ mi₂jon₂ quió'₅ ni₁'ma₂ mostaza* bá₄ 'én'₂ 'nia'₂, lé₂ le₃juig'₅₄ ni₁'ma₂ sicómore† chí'₅ nē₅, “Jniag'₃ ja₁nē₅, o₂nau₂ ne₄ jmi₁ní'₄”, le₂jaun₂ dsón'₂ lé₂ bá₄.

'A₂ ca₂tín₂ jmo₃ dsa₂ i₂jme₂ti₃

7'Jua'₅₄ mei'₂ guē₃ jan'₂ 'nia'₂ chan₂ jan₂ dsa₂ i₂jmo₅ ta₁ ja₁nau₂ quió'₅, o₃ jmo₂₃ 'í₂ já'₂ cha'₂ 'e₂, jua'₅₄ mei'₂ guē₃ ma₂guáin'₅ ja₁nau₂, ĩ₀₃ bá₄ juig'₂ 'nia'₂: “Ni₅₄ i₂né₂ jaun₂ quē'₅₄”? 8 Ma₁ tsá₃ le₂jaun₂. ĩ₀₃ juig'₂ le₂la₂ 'e₂: “jmo₄ co₂nia₅₄ a₂guē'₅₄, jmo₄ co₂nia₅₄ quiáng'₂, jaun₂ ñag'₅₄ dsiá'₁ quió₃. Ca₂lia'₂ jē₁ma₂ca₂lē₃ guē'₂, gui'₂ nē₃, jaun₂ guē₄ quē'₅₄, 'ag'₅₄ 'ne₂”? 9 ĩCuē'₅ ti₁'mag'₄ dsa₂ 'éi₂ ia₁ jme₃ti₃ con'₂ lē₅ a₂tē₁néi'₂? Jan₂'ón₄. 10 Le₂nē₅ bá₄ 'nia'₂ ján₃, jē₁ma₂ca₂lē₃ jmo'₂ ca₂le₃jē₃ a₂juá'₂ Diú₄, ca₂tín'₂ 'nia'₂ jua'₅₄: “Tsá₃ 'e₂ ta₁ téi₄ jnia'₅₄ ja₁cong'₂, ia₁ tsá₃ 'e₂ ñag₅₄ jua'₅₄ nē₂jmo₁ jnia'₅₄, njia'₅₄ con'₂ a₂ca₂tág₂ jnia'₅₄ jmó₁ bá₄ nē₂jmo₁.”

Ca₂jme₃'lión₂ Jesús guian₃ dsa₂ i₂jme₁lín₄ 'mé'₅ 'iog₅

11 Con'₂ siá'₂, ca₂'í₃ táng₃ Jesús jui₅ a₂dsióg₄ Jerusalén, qui₂ca₂ñi₅ le₂tan₅₄ 'uē₃ Samaria quian'₅₄ Galilea.

12 Jme₁ca₂dsióg₃ caun₂ juig₂ bē'₅₄, ca₂jme₃jein'₂ guian₃ dsa₂ i₂le₁dso'₅₄ lín₅ 'mé'₅ 'iog₅, la₁ uíng₂ bá₄ ca₂nau₂ ja₁chén'₄ Jesús. 13 Ca₂juá'₂ tiá'₂:

—jJesús, Tē₅, dsia₄ néi₂ 'au'₂ jnia'₅₄!

14 Jme₁ca₂jág₂ Jesús, ca₂juá'₂:

—O₂nó'₅ 'nia'₂ o₂jme₁jnia₅ ne₄ jme₂dsa₂.

Jē₄ i₂lén₂ jaun₂ bá₄, ca₂jñia₃ 'mé'₅ a₂jme₁lín₄.

15 Jaun₂ nē₃ jan₂ 'éi₂, jme₁ca₂rē₃lí'₄ ca₂jñia₃ dso'₅₄, ca₂jéin'₃ táng₃ ne₅₄, jme₂juin'₂ Diú₄ co₂mi'₅₄.

16 Ca₂tóin₂ 'uē₃ cau₅ mi₂tag₄ Jesús, cuē₂₃ ti₁'mag'₄. Jan₂ dsa₂ chan₂ Samaria bá₄ 'éi₂.

17 Jaun₂ ca₂juá'₂ Jesús:

—ĩOn₁jua'₅₄ guian₃ lē₂ i₂ca₂'lón₂? ĩNa₅ guē'₂ i₂ñi₃ 'éi₂? 18 ĩJan₂ dsi₂nau₂ la₂ bá₄ i₂jón'₅ jme₂juin'₂ Diú₄?

19 Jaun₂ ca₂tsí'₃ dsa₂ 'éi₂:

—Nau₂, guan'₂ quiáng'₂. Ca₂'lóng'₂ ia₁ 'éng'₂ bá₄.

'A₂ lia'₂ lé₂ i₂guá'₂ 'éi'₃ quió'₅ Diú₄

(Mateo 24:23-28, 36—41)

20 Jaun₂ ca₂ñag₃ dsa₂ fariseos ca₂ñi'₃ Jesús líg'₂ guá₂ jmig₄ a₂le₃gon₂ Diú₄. Jaun₂ ca₂ñag₃ 'éi₂:

—On₃jua'₅₄ a₂cha₂ léi₄ a₂rē₂jniá₂ guá₂ 'éi'₃ quió'₅ Diú₄. 21 Jaun₂ tsá₃ 'ein₂ lé₂ le₃juá'₂, jua'₅₄ “ñí₂ ja₁láš₃ já₅”, o₃ “jó₄ já₅.” Ia₁ a₂ma₂'i₄ bá₄ 'éi'₃ quió'₅ Diú₄ jin'₄ 'nia'₂.

* 17:6 mostaza: On₃jua'₅₄ mi₁jáng'₅, a₂cuí'₅ dsa₂ go₄ jniog₄; caun₂ ni₁'ma₂ dsón'₂ jaun₂ a₂tē₂ tē₅sí₃ Brassica nigra. † 17:6 sicómore: mei'₂ tsá₃ ni₁'ma₂ Ficus sycomorus. 'Nio'₂ ja₁ton₅ Amós 7:14.

22 Jaun₂ ca₂tsí'₃ táng₃ chí'₂ dsi₂guia₃-tín₂:

—Já₅ jmi₄g₄ ja₁lé₂ 'au'₂ 'nia'₂ 'niog'₂ jag'₅₄ jmi₄g₄ a₂le₃gon₂ Jaun₅ dsa₂ mi₂güig₃, la₁ tsá₃ jaun₂ tē₅₄ ne'₅₄ 'nia'₂. 23 Ia₁ já₅ jmi₄g₄ i₁tsí'₃ dsa₂ 'nia'₂: “ní₂ ja₁lá₃ já₅”, o₃ “jó₄ já₅.” La₁ tsá₃ o₁nó'₅ 'nia'₂, on₃ guē'₂ jui₁le₂'én'₂ 'nia'₂ quió'₅ i₂juá'₂ le₂nē₅. 24 Ia₁ jui₁lia'₂ tē₂tsí'₅₄ si₁ní'₃ ca₂taun₂ ca₂taun₂ guei'₅₄ mi₂güig₃, le₂jaun₂ bá₄ lé₂ jē₁ma₂tē₂ rē₁tē₃tsin'₅₄ Jaun₅ dsa₂ mi₂güig₃. 25 La₁ jniá₅ de'₂ ca₂tín₂ nág₃ uig₅ 'nio₅ lin₃, jme₃'iog₅₄ dsa₂ chan₂ jmi₄g₄ nē₃. 26 Ia₁ jui₁lia'₂ ca₂lē₃ jmi₄g₄ lia'₂ con'₂ jme₁chan₂ Noé, le₂jaun₂ bá₄ lé₂ táng₃ jmi₄g₄ quió'₅ Jaun₅ dsa₂ mi₂güig₃. 27 Ia₁ jme₁tion'₅₄ dsa₂ 'éi₂ jmi₄g₄ jaun₂ qui₂guē'₅, qui₂'ín'₂ nē₃, jme₁qui₂jéin'₂ gu₂, qui₂cuin₂₃ chí'₂ quiáin₅ a₂jéin'₂ gu₂, ca₂lia'₂ jme₁ca₂dsióg₃ jmi₄g₄ i₁ca₂'í₃ Noé 'níó'₃ ni₁barco, a₂ca₂can'₂ rē'₂ jmi₄g₄ ta₁caun₂ mi₂güig₃, ca₂i₃'én₂ ca₂le₃jín₃. 28 Le₂nē₅ bá₄ ca₂lē₃ ján₃ jmi₄g₄ quió'₅ Lot. Jme₁tion'₅₄ dsa₂ qui₂guē'₅, qui₂'ín'₂, i₂tion'₅₄ qui₂lá₅, qui₂'nag₂₃, qui₂jne₂₃ 'e₂ qui₂jne₂₃, qui₂j móg'₅ 'ne₄ nē₃. 29 La₁ jme₁ca₂dsióg₃ jmi₄g₄ a₂o₂'ín₃ Lot juig₂ Sodoma, a₂ca₂tang₂ rē'₂ si₂, ca₂séi'₂ ni₁cang₁ azufre le₂guí'₂ si₂ guei'₅₄, ca₂i₃'én₂ táng₃ ca₂le₃jín₃. 30 Le₂jaun₂ bá₄ lé₂ táng₃ jmi₄g₄ i₁jme₃jnia₅ Jaun₅ dsa₂ mi₂güig₃. 31 Jmi₄g₄ jaun₂, chí₂jua'₂ 'ein₂ 'en₅₄ co'₅₄ 'ne₄, jui₁te₁'i₁ bá₄ 'e₂ te₁'i₁ dsi₂néi₂ quió'₅, tsá₃ o₁sióin₄ jua'₅₄ a₂'uē'₃ a₂jaun₂. Ján₃ bá₄ le₂jaun₂ jui₁lia'₂ i₂'en₅₄ ja₁nau₂, tsá₃ ma₃o₁jnioi'₅₄ jua'₅₄ a₂ja₃quián₂ 'e₂ ja₃quián₂ a₂cha₂ quió'₅. 32 Dsá₂ 'au'₂ 'nia'₂ jmo₄ 'e₂ ca₂i₃ñí₂ 'io₅₄ quián₅ Lot. 33 Ia₁ jui₁lia'₂ dsa₂ i₂'nio₃ le₃chan₂ dse₃, dsi₃'én₂ quió'₅; la₁ jui₁lia'₂ dsa₂ i₂dsi₃'én₂ quió'₅, le₃chain₂ bá₄ dse₃.

34 'Juá'₅ jniá₂, 'uē₂ jaun₂, on₃ dsa₂ i₂tián'₅ caun₂ tsi₁cama; jan₂ i₂dsi₃lén₃, jan₂ guē'₂ i₂tē₃'ñiá₄. 35 Ján₃ guē'₂ le₂jaun₂, on₃ dsa₂ mī₂ i₂tion'₅₄ éi'₅ co₂lē₅; jan₂ i₂dsi₃lén₃, jan₂ guē'₂ i₂tē₃'ñiá₄.†

37 Jaun₂ ca₂ñag₃ dsa₂:

—¿A₂já'₄ bá₄ lé₂ a₂nē₅, Te₁gui'₅₄?

Jaun₂ ca₂ñag₃ táng₃ 'éi₂:

—Jui₁lia'₂ ja₁ron₅ ni₁ñi₁ 'lag₄, ja₁jaun₂ ñi'₂ i₁tú₃ tsin'₅₄.

18

Jág₁ jáng'₅ léi₄ jui₁lia'₂ jan₂ 'io₅₄ 'nág₂ quian'₅₄ jan₂ juē₄

1 Ca₂juá'₂ Jesús caun₂ jág₁ a₂jáng'₅ léi₄, a₂ca₂jme₃tín₂₃ dsa₂ a₂ca₂tín₂ chí₃lén₂ Diú₄ tián₂, tsá₃ o₁'ú'₄ dsí₅.

2 Ca₂juá'₂ le₂la₂:

† 17:35 Chog₅₄ si₂ a₂gui'₅₄ guē₄, tsá₃ chí₁ton₅ versículo 36 a₂juá'₂: “On₃ dsa₂ ñe'₂ i₂tion'₅₄ jmo₅ ta₁ ja₁nau₂; jan₂ i₂dsi₃lén₃, i₂jan₂ guē'₂ i₂tē₃'ñiá₄.”

—Caun₂ juig₂ jme₁guá₄ jan₂ juě₄ i₂tsá₃ Diú₄ gan₃, on₃ guě'₂ dsan₂ dsí₅ dsa₂ mi₂güig₃ ně₃. ³ Ján₃ bá₄ juig₂ jaun₂ jme₁chan₂ jan₂ 'io₅₄ 'nág₂ i₂jme₁ja₂ i₂gú'₃ ja₃jín₅₄ juě₄ 'éi₂, jme₁ja₂jua'₅₄: “Jme₃rě₂ jág₁ quió₃, qui₂dsi₅ 'éi'₃ quió'₅ dsa₂ i₂jmóg'₂ jniá₂.” ⁴ Uě₂ bá₄ tsá₃ jui₅ tón'₂ 'éi₂ jua'₅₄ jme₃rě₃. La₁ cang₂ bá₄ ca₂i₃jnia₅ dsí₅: “O₁jnia'₅₄ la₂ tsá₃ Diú₄ gáng₅, on₃ guě'₂ dsa₂ mi₂güig₃ dsan₂ dsi₃ ně₃, ⁵ la₁ia₁ 'ui₅₄ a₂ñí₄ lě₃ cuě₅ o₂me'₅₄ dsi₃ 'io₅₄ 'nág₂ ně₅, qui₁dsi₅ jniá₂ co₂nei'₅₄ 'éi'₃ o₄quió'₄, con'₂ tsá₃ ñó₅ ně₁jua'₂ caun₂ le₂ně₅ ñi₃, jmo₃ dsi₃me'₂ dsi₃.”

⁶ Jaun₂ ca₂juá'₂ Te₁gui'₅₄:

—Ñí₂ rě₂ a₂juá'₂ juě₄ 'lin'₅₄ 'éi₂. ⁷ ħTsa₁ lín'₂ 'nia'₂, jme₃rě₃ bá₄ Diú₄ 'e₂ a₂mi₅ dsa₂ i₂rě₂quion'₅₄ quiáin₅ i₂qui'₂-áu'₂ ca₂nei₂ ca₂jnia₃? ħTsa₁ lín'₂ 'nia'₂ caun₂ juin'₂ dsí₅ bá₄ quiong'₅₄? ⁸ Juig₂ jniá₂ 'nia'₂, dsi₂jui₅ bá₄ qui₃dsi₅ Diú₄ 'éi'₃ o₄quió'₄ i₂mi₅. La₁, jě₁ma₂tě₂ rě₁guan'₂ Jaun₅ dsa₂ mi₂güig₃, ħdsiain'₂ bá₄ guě₄ dsa₂ 'én₂ ne₄ gua'₅₄ 'uě₃?

Jág₁ jáng'₅ léi₄ jui₁lia'₂ on₃ dsa₂: jan₂ dsa₂ fariseo, jan₂ guě'₂ dsa₂ i₂mi₅ 'lia'₅₄ a₂ca₂tín₂ dsi₂tan₅₄

⁹ Ca₂juá'₂ Jesús caun₂ jág₁ jáng'₅ léi₄ a₂ca₂tín₂ con'₂ i₂lín₂ lín₅ dsa₂ dsen₃, tsá₃ dsáu₅ dsí₅ rin'₅₄ sián'₂. Ca₂juá'₂:

¹⁰ —On₃ dsa₂ ca₂i₃lén₂ guá'₅ templo i₁chi₂i₁lein'₄ Diú₄. Jan₂ 'éi₂ jme₁lín₄ fariseo, jan₂ guě'₂ i₂jme₁lín₄ ta₁ i₂mi₅ 'lia'₅₄ a₂ca₂tín₂ dsi₂tan₅₄. ¹¹ Dsa₂ fariseo ně₃, tě₃ chéin'₅ bá₄ chi₂lí'₂ con'₂ 'ñiog₅, ca₂juá'₂ le₂la₂: “Cuě₅ jniá₂ ti₁'mag'₄, 'ne₂ Diú₄ quiáng₃, ia₁ tsá₃ líng₅ jui₁lia'₂ lín₅ i₂lín₅₄: i₂qui₂'ang₅, i₂tsá₃ dse₃ jmo₅ ja₁con₂ rin'₅₄, i₂nió'₅ jág₁ quian'₅₄ dsa₂ i₂tsá₃ lín₅ dsi₂i₂gu₂, ca₂lia'₂ jnia'₅₄ lia'₂ lín₅ dsa₂ i₂mi₅ 'lia'₅₄ ně₅, tsá₃ líng₅. ¹² Jme₂'ing₅₄ ně₃ tñ₃ ráun₂ lia'₂ caun₂ semana, ton'₂ cuě₅ bá₄ jniá₂ caun₂ qui'₅₄ a₂guia₃ quió₃, jě₂ con'₂ a₂lág₂.” ¹³ La₁ dsa₂ i₂mi₅ 'lia'₅₄ 'éi₂ guě'₂ ně₃, uíng₂ bá₄ chéin'₅, ca₂lia'₂ jnia'₅₄ ne₅₄ bá₄ tsá₃ tiá₂ dsí₅ chóg'₃ guei'₅₄. Jnia'₅₄ con'₂ qui₂quein₂₃ le₁dsí₅ bá₄ chéin'₅, juá'₂: “Diú₄ quiáng₃, dsia₄ ñéi₂ 'au'₂ jniá₂ ia₁ rě₂cáng'₄ dso₄.” ¹⁴ Jaun₂ juig₂ jniá₂ 'nia'₂, dsa₂ i₂mi₅ 'lia'₅₄, 'éi₂ bá₄ tiá₂ rě₂ tě₁tsin'₅₄ ne₄ Diú₄ náí'₅ quió'₅, lia'₂ con'₂ guě₄ i₂jan₂. Ia₁ ca₂le₃jín₃ i₂jme₂can'₅₄ guion₅₄, sióin₃; la₁ i₂jmo₅ me'₂ guě'₂ ně₃, roin'₂ guei'₅₄.

Ca₂jme₃gon'₅₄ Jesús chi'₂-guein₂

(Mateo 19:13-15; Marcos 10:13-16)

¹⁵ Co₂ráun₂ guě'₂, qui₂ca₂o₃jnia₃ dsa₂ guein₂ quiáin₅ ne₄ Jesús, ia₁jaun₂ qui₃téi₂ gu₂. La₁ ca₂jí₂ bá₄ chi'₂ dsi₂guia₃-tín₂ jme₁ca₂jág₂.

¹⁶ Jaun₂ ca₂tě'₃ Jesús guein₂, jaun₂ ca₂tsí'₃ chi'₂ dsi₂guia₃-tín₂:

—Cuē₄ 'nia'₂ jmi₄ ja₃lén₂ chi'₂-guein₂ ja₁cong₂; tsá₃ lē₁jni₅'₅₄ jui₅. Ia₁ jui₁lia'₂ i₂le₂nē₅ bá₄ guē'₂ i₂tín₃ ja₁gon₂ Diú₄. ¹⁷A₂dsi₂jó'₃ juí₂ jniá₂ 'nia'₂, dsa₂ i₂tsá₃ gue₅ ja₁gon₂ Diú₄ jui₁lia'₂ gue₅ jan₂ i₂bē'₅₄, o₁líg'₂ jmi₄ tsá₃ 'í₂ ja₁jaun₂.

Jan₂ dsó₂ chi'₂ i₂cha₂ cu₄ ca₂dsia₃ jág₁ quian'₅₄ Jesús

(Mateo 19:16-30; Marcos 10:17-31)

¹⁸Jan₂ i₂lín₅ dsa₂ dsen₅₄ ca₂ñí'₃ Jesús:

—Tē₅ dsen₃, ħ'e₂ bá₄ 'nió'₅ jmo₅₄ jniá₂ ia₁jaun₂ tīng₅₄ ja₁le₃chang₂ co₂tan₅₄?

¹⁹Jaun₂ ca₂ñag₃ Jesús:

—ħ'E₂ lē₃ quiong'₅₄ jniá₂ a₂dseng₃? 'I₁jan₂ i₂dsen₃ tsá₃ chan₂, jñia'₅₄ lia'₂ jan₂ Diú₄ bá₄. ²⁰Tīng'₂ bá₄ 'Éi'₃ Juá'₅: “Tsá₃ nióg'₄ jág₁ quian'₅₄ dsa₂ i₂tsá₃ lín₅ dsi₂i₂gog'₂; tsá₃ jñíg'₄ dsa₂ mi₂güí₃ ríng'₂; tsá₃ 'áng'₁; tsá₃ jmó'₂ dsá_{u1} ríng'₂ quian'₅₄ jág₁ tē₂jág₁; jme₁gang'₃ chog'₂-ñéi'₅.”

²¹Ca₂ñag₃ 'éi₂:

—Lia'₂ con'₂ bin'₅₄ bá₄ jniá₂ ma₂guio₃ jme₂tí₁ ca₂le₃jě₃ 'éi'₃ nē₅.

²²Jme₁ca₂ñag₂ Jesús a₂nē₅, jaun₂ ca₂juá'₂:

—'Nió'₅ bá₄ guē₄ caun₂ quiáng'₂: 'nag₄ ca₂le₃jě₃ a₂cha₂ quiáng'₂. Jaun₂ dsio'₅₄ quió'₅ dsa₂ te₂ñé₂. Jaun₂ guē₄ le₃cha₂ 'lóng₂ quiáng'₂ guei'₅₄ i₂juí₃. Jaun₂ ñia₅ chi₁co'₅₄ quió₃ o₁ló₄.

²³La₁ jme₁ca₂ñag₂ dsa₂ 'éi₂ jág₁ nē₅, ca₂tá'₂ 'lia'₂ dsí₅ 'ñio₅ lín₃, ia₁ 'ñio₅ lín₃ jme₁cha₂ cu₄.

²⁴Jme₁ca₂jág₂ Jesús, ca₂juá'₂:*

—i'E₂ guē₄ quian₅ ta₁ a₂tón'₃ dsa₂ cha₂ cu₄ ja₁gon₂ Diú₄!
²⁵Ja₂lín₃ guē₄ tsá₃ ta₁ quian₅ a₂lé₂ le₃ñi₅ jan₂ camello jui₅ tau₂ mi₂cu₄, lia'₂ con'₂ guē₄ jan₂ dsa₂ cha₂ cu₄ ñi₅ 'í₂ ja₁gon₂ Diú₄.

²⁶Jme₁ca₂ñag₂ dsa₂ i₂tión₂ jē₄ jaun₂, ca₂juá'₂:

—ħ'E₂ ein₂ bá₄ guē'₂ i₂tín'₄ jaun₂?

²⁷Jaun₂ ca₂juá'₂ táng₃:

—Ca₂le₃jě₃ a₂tsá₃ qui'₅₄ jmi₄ dsa₂ mi₂güí₃ jmo₃, Diú₄ lé₂ le₃jmo₃.

²⁸Jaun₂ ca₂juá'₂ Pe₄:

—Te₂gui'₅₄, ma₁ jñia'₅₄ ma₂ca₂tí₄ ca₂le₃jě₃ a₂jme₁cha₂ quián₂, a₂ma₂ja₂náu₅ 'én₅ 'ne₂.

²⁹Jaun₂ ca₂ñag₃ táng₃:

—A₂dsi₂jó'₃ juí₂ jniá₂ 'nia'₂, 'i₁jan₂ tsá₃ jua'₅₄ a₂lē₁táun₂ 'ne₄, téin₂ chog₅₄-jmei₂, o₁rñin'₅₄, dsa₂ mí₂, chi'₂-guein₂ quián₅ nē₃, o₄quió'₄ ja₁gon₂ Diú₄, ³⁰jua'₅₄ tsá₃ gue₃ tson₂ guē₄ ne₄ gua'₅₄ 'uē₃ la₂, ton₂ le₃chain₂ dse₃ co₂tan₅₄ mi₂güí₃ caun₂.

* **18:24** A₂lín₅₄ chog₅ si₂ juá'₂: “jme₁ca₂jág₃ Jesús chén'₅ dsa₂ 'éi₂ 'lia'₂ dsí₅, ca₂juá'₂.”

Con'₂ siá'₂ táng₃ ca₂'ě₂ Jesús jág₁ a₂jóin₂
(Mateo 20:17-19; Marcos 10:32-34)

³¹Jaun₂ ca₂tě'₃ Jesús cau₅ jmá'₃ lia'₂ chi'₂ dsi₂guia₃-tín₂ quiáin₅, jaun₂ ca₂juá'₂:

—Ně₃ guě₄ ně₃ ca₂tě₂ jmig₄ a₂dsau₅₄ juig₂ Jerusalén, ja₁niog₅ le₃ti₃ ca₂le₃jě₃ con'₂ lě₅ ca₂tó'₂ dsa₂ i₂'ě₂ jág₁ quián₅ Diú₄ ne₄ si₂, a₂'iin₂₃ Jaun₅ dsa₂ mi₂güig₃. ³²Jáng'₂ dsa₂ o₄gú₃ dsi₂nau₂, ja₁lě₁co₃jmóg'₂ dsa₂, qui₃tě₃'o'₂ dsa₂, a₂qui₃'ñéi₂ dsa₂ ně₃. ³³Jaun₂ jě₁ma₂ca₂lě₃ bóg₂, jaun₂ guě₄ jñag'₃. La₁ jě₁ma₂ca₂tě₂ 'ni₅ jmig₄, jein'₅₄ bá₄ táng₃.

³⁴La₁ 'éi₂ ně₃, tsá₃ 'e₂ ca₂ñí'₂ 'i₁caun₂ jág₁ ně₅, ia₁ lě₅ jág₁ a₂rě₂'ma₄ bá₄ guě₄ ja₁coin₂, tsá₃ jein₅ dsi₅ 'e₂ jaun₂.

Ca₂jme₃'lión₂ Jesús jan₂ dsa₂ ten₄ juig₂ Jericó
(Mateo 20:29-34; Marcos 10:46-52)

³⁵Con'₂ jme₁ma₂ja₂quián₃ dsióg₄ Jesús juig₂ Jericó, jme₁guá₄ jan₂ dsa₂ ten₄ cau₅ jui₅, mi₂₃ a₂jme₃'o₅₄ dsa₂ cu₄.

³⁶Jme₁ca₂nág₂ a₂qui₂ca₂ñi₅ juin₅ dsa₂, jaun₂ ca₂ñag₃ 'e₂ niog₅ lě₂.

³⁷Jaun₂ ca₂juá'₂ dsa₂:

—Jesús chan₂ Nazaret bá₄ ně₅ já₅.

³⁸Jaun₂ 'éi₂ ně₃ ca₂juá'₂ tiá₂ ca₂tsí'₃ Jesús:

—Jesús, tsi₁jon₂ David, dsia₄ ñéi₂ 'au'₂ jniá₂!

³⁹Ca₂jí₂ bá₄ dsa₂ i₂ja₂lén₂ ne₄ jui₅ ia₁jaun₂ jmo₃ tei₄, la₁ tē₂le₃ lě₅ guě₄ qui₂ca₂'áu'₂ bá₄ 'ein'₅₄, ca₂juá'₂:

—i'Ne₂ tsi₁jon₂ David, dsia₄ ñéi₂ 'au'₂ jniá₂!

⁴⁰Ca₂nau₂ Jesús, jaun₂ ca₂jmo₃ 'éi'₃ a₂dsi₃quión₂ dsa₂. Jme₁ca₂dsióg₃ cau₅ quió'₅, jaun₂ ca₂ñag₃ Jesús:

⁴¹—¿'E₂ 'niog'₂ jmo₅₄ jniá₂ quiáng'₂?

Jaun₂ ca₂juá'₂:

—Te₁gui'₅₄, a₂jnia₅₄ jme₁ne₃ bá₄ jniá₂ 'nio₃.

⁴²Jaun₂ ca₂juá'₂ Jesús:

—iGue₄, jui₁jnia₅₄ quiáng'₂! Ma₂ca₂'lóng'₂ bá₄, ia₁ 'éng'₂.

⁴³Dsi₂jui₅ jaun₂ bá₄ ca₂jnia₃ mi₂ne₅₄. Jaun₂ ca₂ñó₃ chi₁co'₅₄ quió'₅, jme₂juin'₂ Diú₄. Ca₂le₃jín₃ bá₄ dsa₂ i₂ca₂tě₂ ne₄ a₂ca₂lě₃ jaun₂ ca₂jme₃juin'₂ Diú₄ ján₃.

19

Jesús quian'₅₄ Zaqueo

¹Ca₂'í₃ Jesús juig₂ Jericó. Jaun₂ jme₁ma₂ñó₅ jě₄ juig₂, ²ja₁jaun₂ jme₁chan₂ jan₂ dsa₂ cha₂ cu₄ i₂chen₂ Zaqueo, i₂lín₅ dsa₂ juin'₂ quián₅ dsa₂ i₂cán₂ 'lia'₅₄ quián₅ dsi₂tan₅₄.

³'Éi₂ ně₃, jme₁'no'₂ jui₅ jín₂ 'ein₂ 'éi₂ Jesús. La₁ tsá₃ lě₂, ia₁ a₂ñí₄ lě₃ juin₅ dsa₂ tion'₅₄. Ia₁ jan₂ dsa₂ 'on'₂ bá₄ 'éi₂.

⁴Jaun₂ ca₂ñó₃ co₂chi'₅₄ le₃ne₄ jui₅, ca₂uíg₂ guei'₅₄ caun₂ ni₁'ma₂ sicómoro, * ia₁ 'nio₃ jín₂ Jesús, ia₁ jui₅ jaun₂ jme₁ñí₃.

⁵Jme₁ca₂dsióg₃ Jesús, jaun₂ ca₂jág₃ guei'₅₄, jaun₂ ca₂juá'₂:

—Zaqueo, ma₂ně₃ sión₅, ia₁ ja₁quiáng'₂ ca₂tíng₂ i₁jñia₁₂ ně₃.

⁶Jaun₂ ca₂sióin₃ co₂chi'₅₄, ca₂guei₃ 'io'₂ jén'₅.

⁷Jme₁ca₂jág₃ dsa₂, jaun₂ ca₂chi₂ca₂'ag₃ ca₂juá'₂:

—Dsi₂néi₂ quió'₅ jan₂ dsa₂ cha₂ dsáu₁ bá₄ ñó₅ i₂jñia₅₄.

⁸Zaqueo ně₃, jme₁ca₂nau₂ ne₅₄ jaun₂ ca₂tsí'₃ Te₁gui'₅₄:

—Te₁gui'₅₄, dsio'₄ jniá₂ ca₂dsio₄ a₂cha₂ quió₃, cué₄ dsa₂ te₂ñé₂.

Ján₃ gué'₂ le₂jaun₂ chi₂jua'₂ 'ein₂ quió'₅ ma₂'ang₃ a₂jui₁gang₂, jín₅₄ táng₃ jniá₂ quén₂ ráun₂ lě₅ gué₄ co₂jaun₂.

⁹Jaun₂ ca₂juá'₂ Jesús:

—Jmí₄ ně₃ ca₂lón₂ dsa₂ dsi₂néi₂ la₂. Ia₁ ján₃ bá₄ lín₅ tsi₁jon₂ quián₅ Abraham. ¹⁰Ta₁ ně₅ já₅ bá₄ Jaun₅ dsa₂ mi₂güí₃, a₂ja₂'niai'₂ a₂ja₂lioin₅₄ dsa₂ i₂ma₂i₂cón'₅.

Jág₁ jáng'₅ léi₄ jui₁lia'₂ guia₃ 'éi'₃ cu₄ 'ua'₂

(Mateo 25:14-30)

¹¹Tě₃ tion'₅₄ dsa₂ nag₂₃ jág₁ jaun₂, jaun₂ ca₂juá'₂ táng₃ caun₂ jág₁ jáng'₅ léi₄, ia₁ ma₂quián₅ bá₄ dsióg₄ Jerusalén, ton'₂ ia₁ lín₂ dsa₂ le₃jniá₂ dsi₂jui₅ jaun₂ 'éi'₃ quió'₅ Diú₄. ¹²Jaun₂ ně₃ ca₂juá'₂:

—Jme₁chan₂ jan₂ dsa₂ i₂lín₅ tsi₁jon₂ dsa₂ jlán'₁. Ca₂ñó₃ caun₂ jui₂g₂ úing₂ ja₁'ag₃ dsa₂ a₂léin₂ rag₅₄, jaun₂ gué₄ jñiúi'₂ táng₃. ¹³La₁ né'₃ a₂o₃'iín₅, ca₂tě'₃ guian₃ dsa₂ i₂jme₂ti₃ ta₁ ne₅₄. Jaun₂ le₂jan₂ le₂jan₂ 'éi₂ ca₂cué'₃ jma₃caún₃ cu₄ 'ua'₂ a₂chei₂ mina.† Jaun₂ ca₂juá'₂: “Jmo₄ 'nia'₂ ta₁ cu₄ ně₅ qui₁dsag'₂ 'nia'₂ ca₂lia'₂ ca₂tě₂ jmí₄ i₁guang'₂ táng₃.” ¹⁴La₁ dsa₂ go₅₄ ně₃ ca₂rě₃'iog₅₄, ca₂chein₃ co₂nió'₃ dsa₂ ca₂i₁chi'₄ dsa₂ ja₁jaun₂: “Tsá₃ 'niog₂ jñia'₅₄ jme₃gón₃ i₂ně₅ jě₄ quián₂.” ¹⁵La₁ tion₅₄ bá₄ ca₂lín₃ 'éi₂ rag₅₄. Jme₁ca₂guáin'₃ táng₃ go₅₄, jaun₂ ca₂tě'₃ dsa₂ i₂jme₂ti₃ quián₅ i₂ca₂cué'₃ cu₄ 'éi₂, ia₁ 'nio₃ con₂ 'í₁ jma₃je₂liá'₂ ti₅ a₂ma₂tě₁dsi₅₄ quió'₅ le₂jain₂ le₂jain₂. ¹⁶Jaun₂ ca₂dsióg₃ i₂le₂'uig₅₄, ca₂juá'₂: “Gui'₅₄, con'₂ gué₄ guia₃ co₂jaun₂ ma₂tě₁dsi₅₄ cu₄ mina quiáng'₂.” ¹⁷Jaun₂ ca₂tsí'₃ 'éi₂: “E₂ gué₄ dse₃, téng'₅ bá₄ ta₁; ca₂jme₁ti₄ bá₄ dse₃ quian'₅₄ a₂ca₂jui₂g₄ a₂ca₂dsia₃ jniá₂ gog'₂. Ně₃ ně₃ dsia₄ jniá₂ gog'₂ a₂jmó'₂ 'éi'₃ ne₄ guia₃ jui₂g₂.” ¹⁸Jaun₂ ca₂guan₃ táng₃ i₂ca₂tě₂ on₃, ca₂juá'₂: “Gui'₅₄, 'ñiá₂ gué₄ co₂jaun₂ ma₂tě₁dsi₅₄ cu₄ mina jaun₂ quiáng'₂.” ¹⁹Le₂jaun₂ bá₄ ca₂tsí'₃ i₂'éi₂ ján₃: “Ne₂ gué₄ jmó'₂ 'éi'₃ ne₄ 'ñiá₂ jui₂g₂.” ²⁰Jaun₂ ca₂já₃ táng₃ jan₂ ca₂juá'₂: “La₂ bá₄ ron₅ cu₄ quiáng'₂, gui'₅₄. Ca₂'ma₃ bá₄ jniá₂ dsí₅ pe₁guí₄. ²¹A₂gán₅ 'ne₂ bá₄ jniá₂, ia₁ guion₅₄

* **19:4** sicómoro: meí'₂ tsá₃ ni₁'ma₂ Ficus sycomorus. 'Nio'₂ ja₁ton₅ Amós 7:14.

† **19:13** mina: co₂'nió'₄ 'lian'₅₄ dsa₂ con'₂ 'ni₅ tsi'₂ ta₁.

líng⁵ dsa₂ tsau₂ dsí₅, tē₂le₃ dséi₂ mág² quiáng². Ia₁ cáun² ja₁tsá₃ 'e₂ ca₂qui₁dsag² 'ŋiag², ton² cag⁵⁴ ja₁tsá₃ 'e₂ ca₂ŋí².”
 22 Jaun₂ ca₂ŋag₃ táng₃ 'éi₂: “I²E₂ bá₄ tsá₃ ta₁ téng⁴! Lia² con² lē₅ jág₁ quiáng² qui₁dsí₅ jniá₂ 'éi₃. Chi₂jua² ma₂ŋí⁵⁴ líng⁵ dsa₂ i₂tsau₂ dsí₅, cáun₄ a₂tsá₃ 'e₂ ca₂qui₁dsag² 'ŋi₃, ton² cag⁵⁴ ja₁tsá₃ 'e₂ ca₂jan₃, 23 I²E₂ 'ui_g⁵⁴ tsá₃ ca₂i₁tio² banco cu₄ qui₃ jaun₂ ně₃, ia₁jaun₂ jē₁ma₂guáng⁵ la₂, jme₁guéi⁴ lia² jma₃quian⁵⁴ a₂tē₁dsi⁵⁴?” 24 Jaun₂ ca₂tsí³ i₂jme₁tión² cau₅: “Jniá³ 'nia² cu₄ mina a₂chan² i₂nē₅. Cuē⁵⁴ i₂'io₅ guia₃.” 25 Jaun₂ ca₂juá² 'éi₂: “Gui⁵⁴, ma₁ ma₂'io₅ bá₄ i₂nē₅ guia₃ minas.” 26 Jaun₂ ca₂ŋag₃ rag⁵⁴: “A₂dsi₂jó³ juí₂ jniá₂ 'nia², ca₂le₃jín₃ jui₁lia² i₂ma₂le₁'io₅, ŋei₂ guē₄; la₁ i₂tsá₃ 'e₂ qui₁dsag², ca₂tē₂ a₂jme₁ma₂niog⁵ gu₂, co₂ŋei⁵⁴ jŋia³. 27 La₁, jui₁lia² dsa₂ i₂'iog⁵⁴ i₂tsá₃ 'ŋio₂ dsí₅ gua⁵⁴ jmo⁵⁴ 'éi³ ja₁coin₂, o₂quai₁n⁵ 'nia² ja₁lá₃, jaun₂ jme₁dsiain² 'nia² ne₃.”

Ca₂dsi₃óg₃ Jesús juig₂ Jerusalén

(Mateo 21:1-11; Marcos 11:1-11; Juan 12:12-19)

28 Jme₁ca₂dsan₃ tsí⁵ dsa₂ le₂nē₅, ca₂'ág₂ táng₃ ne₅₄ jui₅, ca₂uí₂g₂ tso₄ a₂dsi₃óg₄ Jerusalén.

29 Jme₁ma₂ja₂quián₃ dsi₃óg₄ juig₂ Betfagé quian⁵⁴ Betania, a₂te₁'i₁ cau₅ má² chei₂ Olivos, ja₁jaun₂ ca₂chein₃ on₃ chi² dsi₂guia₃-tín₂ quai₁n⁵. 30 Ca₂juá²:

—O₂nó⁵ 'nia² juig₂ niog₅ 'ŋo⁵⁴ ó₃. Jē₁ma₂ca₂dsi₃nóg⁵, dsian² 'nia² jan₂ bú⁴ chéin⁵ rē₂'ŋe⁵⁴, i₂tsá₃ 'ein₂ ma₂co₁dsag⁵⁴. Chein⁵⁴ 'nia² jaun₂ tē⁵⁴ ja₁lá₃. 31 Nē₁jua² 'ein₂ ca₂ŋag₃ 'e₂ lē₃ tsiin⁵⁴, jaun₂ juig⁵⁴: “Ia₁ 'nió⁵ quió⁵ Te₁gui⁵⁴.”

32 Ca₂i₃lén₂ bá₄ guē² i₂chen₄ 'éi₂ ně₃. Ca₂lē₃ rē² lia² con² lē₅ jág₁ jaun₂.

33 Jme₁ma₂tioin⁵⁴ chéin² bú⁴, ca₂juá² juig⁵⁴ já²:

—I²E₂ 'ui_g⁵⁴ tsin⁵⁴ 'nia² bú⁴?

34 Jaun₂ ca₂ŋag₃:

—Ia₁ 'nió⁵ quió⁵ Te₁gui⁵⁴.

35 Jaun₂ ja₂lein₃ bá₄ te₂ ja₁'en⁵⁴ Jesús. Qui₂ca₂dsia₃ tsi₁'mí² m₁i₂ca⁴ dsi₂bú⁴, jaun₂ guē⁴ ca₂dsiain₃ Jesús guei⁵⁴.

36 Le₃ne₄ jui₅ ja₁ŋó₄ Jesús, qui₂ca₂já₃ dsa₂ 'mí² le₂'i₄ jui₅.

37 Con² jme₁ma₂ja₂quián₃ jein⁵⁴ Má² Olivos, ca₂jme₃lióg₃ ca₂le₃jín₃ dsa₂ i₂quai₁n⁵⁴ ca₂tóin² co₂mí⁵⁴ jmo₂₃ 'io² jme₂juin² Diú₄ ně₃, o₄quió⁴ ca₂le₃jě₃ jui₅bí₂ a₂ma₂jmo₃ Jesús, a₂qui₂ma₂tē₂ ne⁵⁴.

38 Ca₂juá²:

—Jui₁le₂juin² bá₄ Rag⁵⁴ ně₅ i₂já₅ o₄quió⁴ Te₁gui⁵⁴! Jui₁'ei₅ bá₄ tei₄ guei⁵⁴ i₂juig₃! Jui₁le₂juin² bá₄ Diú₄ le₂tan⁵⁴ ja₁ŋei₅ ně₃!

39 I₂lin⁵⁴ dsa₂ fariseos i₂tion⁵⁴ jē₄ jaun₂ ca₂juá²:

—Tē₅, jén₃ dsa₂ i₂quiang⁵⁴.

40 Jaun₂ ca₂ŋag₃ Jesús:

—Juíg₂ jniá₂ 'nia'₂, jua'₅₄ mei'₂ guě₃ dsi₂lén₂ i₂ně₅ tei₄, ni₁cang₁ guě'₂ tó'₃ mi'₅₄.

41 Jme₁ma₂ja₂quián₃ dsióg₄ 'ni'₂ juig₂ Jerusalén, ca₂'o₃ o₄quió'₄ dsa₂ juig₂, 42 ca₂juá'₂:

—[Jui₁lia'₂ bá₄ ŋi'₂ 'au'₂ 'nia'₂ jmi₄ ně₃ a₂dse₃ já₅ jin'₄ 'nia'₂ a₂jme₁le₃chang'₂ 'ag₃ tei₄! La₁ rē₂'ma₄ jlē₅ le₃ja₁cong'₂. 43 Ia₁ jiá₃ jmi₄ ja₁tsá₃ ma₃'e₂ ŋi'₅₄ 'nia'₂ jmo'₂. Ia₁ cho₃ dsa₂ i₂'iog₅₄ caun₂ ni₁'ia'₂ le₃lág'₃ quián'₂ 'nia'₂, a₂jē₃li'₅₄, qui₃tiog₃ dsa₂ ně₃ le₂tan₅₄ ja₁lě₄ o₄jui₅. 44 Jnáu'₂ dsa₂ 'uě₃ 'nia'₂, jme₃dsiog₂₃ lia'₂ jma₃quian'₅₄ chi'₂-guein₂ quiáng'₂. 'I₁ca₂míg₂ cang₄ tsá₃ ma₃'e₂ le₁juí₄ lé₂ ja₁lá₃. Ia₁ tsá₃ ca₂rē₃len'₄ 'nia'₂ lia'₂ con'₂ jmi₄ jme₁'nio₃ Diú₄ jme₃gu'₅₄.

*Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅
(Mateo 21:12-17; Marcos 11:15-19; Juan 2:13-22)*

45 Jaun₂ ca₂'í₃ Jesús i₁dsi₅ guá'₅ templo, ca₂jme₃lióg₃ qui₂ca₂'uín'₂ dsa₂ i₂jme₁ma₂tion'₅₄ 'nag₅† ja₁jaun₂. 46 Ca₂juá'₂:

—Ne₄ Si₂ juá'₂: “Ně₅ quió₃ lé₂ ca₂ne₅₄ 'né₅ ja₁chi₂lén'₂ dsa₂ Diú₄.”§ La₁ 'nia'₂ ně₃ ma₂jmo'₅₄ ně₂jag₄ bá₄ tē₂'lau₂ quió'₅ dsa₂ 'ang₂.*

47 Ca₂le₃jě₃ jmi₄ bá₄ jme₁jme₂tin₅ Jesús dsa₂ i₁dsi₅ guá'₅. La₁ juig₅₄ jme₂dsa₂ quian'₅₄ tē₅juá'₅, dsa₂ can'₅₄ quián₅ juig₂ ně₃, caun₂ 'no'₂ jui₅ 'a₂ lia'₂ ŋag'₃.

48 La₁ tsá₃ dso'₂ guě'₂ jui₅ 'a₂ lia'₂ jmo₃, ia₁ ca₂le₃jín₃ bá₄ dsa₂ i₂tion'₅₄, nag₂₃ tei₄ lín₃.

20

A₂'io₅ Jesús 'éi'

(Mateo 21:23-27; Marcos 11:27-33)

1 Co₂ráun₂ jme₁ma₂'en₅₄ Jesús jme₂tiin₂₃ dsa₂ já₁ dse₃ i₁dsi₅ guá'₅ templo, jme₁ca₂dsi₃lén₂ juig₅₄ jme₂dsa₂, tē₅juá'₅, quian'₅₄ gui'₅₄ can'₅₄ ně₃. 2 Ca₂juá'₂:

—Jmo₄ já₁ 'e₂ ta₁ lín₅. †Ein₂ ca₂cuě₃ bí₂ 'éi'₃ a₂jmo'₂ le₂ně₅?

3 Jaun₂ ca₂ŋag₃ Jesús, ca₂juá'₂:

—Ján₃ bá₄ ŋag₄ jniá₂ caun₂ já₁ 'nia'₂: 4 †Ein₂ ca₂chen₃ Juan₅₄ a₂o₃choin₃ dsa₂ jmi₄? †Ca₂chei₃ Diú₄, o₃ ca₂chei₃ dsa₂ mi₂güig₃ 'e₂? ŋag₄ de'₂ 'nia'₂ a₂ně₅.

5 Jaun₂ ca₂dsia₃ já₁ guioin₅₄, ca₂juá'₂:

—Ně₁jua'₂ ca₂chei₅₄ jniog₄ i₂chen₄ quián₅ Diú₄ bá₄ 'éi₂, ně₃ cón₅ bá₄ juá'₂: “†E₂ guě'₂ lě₃ tsá₃ ca₂rē₃'én'₂ 'nia'₂ já₁ quió'₅?”

6 Ně₁jua'₂ ca₂ŋag₄ guě'₂ jniog₄ dsa₂ bá₄ i₂ca₂chen₃ 'éi₂, ně₃ cón₅

† 19:45 A₂lín₅₄ chog₅₄ si₂: “i₂jme₁ma₂tion'₅₄ 'nag₅, lá₅ ja₁jaun₂.”

§ 19:46 Isaías

56:7. * 19:46 Jeremías 7:11.

bá₄ ca₂le₃jín₃ dsa₂ juig₂ qui₃dsag₅ cang₄. Ia₁ 'én₂ dsón'₂ bá₄ dsa₂ juig₂ a₂jme₁lín₄ Juan₅₄ jan₂ i₂'ě₂ jág₁ quián₅ Diú₄.

⁷Jaun₂ ca₂ŋag₃:

—Tsá₃ a₂jaun₂ ne₄ jnia'₅₄.

⁸Jaun₂ ca₂juá'₂ Jesús:

—Ján₃ bá₄ le₂ně₅ tsá₃ juá'₄ jniá₂ 'ein₂ cuě₅ bí₂ 'éi'₃ a₂jmo₂₃ ca₂le₃jě₃ 'e₂ a₂jmo₂₃.

*Jág₁ jáng'₅ léi₄ jui₁lia'₂ co₂nió'₃ dsa₂ 'lín'₅₄ i₂jmo'₂ ta₁ ja₁nau₂
(Mateo 21:33-44; Marcos 12:1-11)*

⁹Jaun₂ ca₂jme₃lióg₃ táng₃ Jesús ca₂tsí'₃ dsa₂ juig₂ caun₂ jág₁ jáng'₅ léi₄ la₂, ca₂juá'₂:

—Jme₁chan₂ jan₂ dsa₂ i₂ca₂jmo₃ caun₂ ja₁nau₂ ca₂chéin'₃ uing₂ míg₂ uvas. Cang₂ jaun₂ ca₂o₃'íin₃ bá₄ ca₂ŋó₃ uě₂ ja₁siá'₂. Gu₂ dsa₂ sián'₂ bá₄ ca₂dsia₃ ja₁nau₂ quió'₅. ¹⁰Jme₁ca₂tě₂ jein₂ a₂ca₂rau₂ ja₁nau₂, ca₂chein₃ jan₂ dsa₂ i₂jme₂ti₃ quián₅, a₂i₁mag₂₃ con'₂ a₂ca₂tíin₂ ne₄ dsa₂ i₂jmo₅ ta₁ ja₁nau₂ 'éi₂. La₁ jě₂ bá₄ ca₂cuě₃ tioin'₅₄, ca₂dsióg'₂ lín₃. ¹¹Jaun₂ dsa₂ juig₅₄ ja₁nau₂, ca₂chein₃ táng₃ jan₂ i₂sián'₂, la₁ le₂jaun₂ bá₄ ca₂jmo₂g'₂ táng₃: jnia'₅₄ ca₂tě₂ca₂'o'₂ bá₄ ca₂cuě₃ tioin'₅₄, ca₂dsióg'₂ lín₃ táng₃. ¹²Jě₁ca₂tě₂ 'nag'₂, ca₂chein₃ táng₃ jan₂ i₂sián'₂. La₁ ján₃ bá₄ le₂jaun₂ qui₂ca₂jmo₂g'₂ uig₅, ca₂dsei₂₃ tioin'₅₄.

¹³'Jaun₂ ca₂juá'₂ juig₅₄ ja₁nau₂: “ǵ'E₂ jmo₅₄ jniá₂ ně₃? Chi'₂ quiáng₃ i₂'nió₃guě₄ lín₃ tsing₅₄. 'An₁ jme₃gain₃ bá₄ i₂ně₅.” ¹⁴La₁ jme₁ca₂jág₂ i₂tion'₅₄ jmo₅ ta₁, ca₂quiin'₃ jág₁, ca₂juá'₂: “I₂ně₅ bá₄ tin₃ a₂la₂ cang₂. Ně₃ o₁jñí'₄ jniog₄, ia₁jaun₂ jniog₄ bá₄ lé₂ quián₂.” ¹⁵Jaun₂ ca₂dsei₂₃ ca₂i₁jñag'₂ 'ni'₂ ja₁nau₂. ǵ'E₂ bá₄ jmo₃ dsa₂ i₂quió'₅ ja₁nau₂ ně₃, quian'₅₄ dsa₂ 'éi₂? ¹⁶Guain'₂ jme₃dsiain₂₃ dsa₂ i₂tion'₅₄ ja₁nau₂. O₄gú₃ i₂sián'₂ bá₄ ŋág₃ ja₁nau₂ quió'₅.

Jme₁ca₂nág₂ dsa₂ jág₁ ně₅, ca₂juá'₂:

—ǵTsá₃ jui₁le₅₄ le₂ně₅!

¹⁷Jaun₂ ca₂jág₂ Jesús, jaun₂ ca₂juá'₂:

—ǵ'E₂ guě'₂ 'nió'₄ jein₅ jág₁ ja₁juá'₂ ne₄ Si₂?

Ni₁cang₁ a₂tsá₃ ca₂rě₃ji'₅₄ tě₅'ia'₂,

ca₂dsióg₃ ca₂lě₃ ni₁cang₁ a₂dsen₅₄ guě₄

tě₁ron₅₄ qui'₅₄ 'ia'₂.*

¹⁸Ca₂le₃jín₃ i₂tsi₃sén'₂ ne₄ ni₁cang₁ jaun₂ lé₂ le₂juig₁ le₁dsog'₅₄ quió'₅; ně₁jua'₂ ni₁cang₁ guě'₂ ně₃ ca₂tá'₂ ne₄ quió'₅, lé₂ 'liog₂.

¹⁹Dsi₂jui₅ jaun₂ jme₁'nio₃ juig₅₄ jme₂dsa₂, tě₅juá'₅ ně₃, jme₁tsáun'₂, ia₁ ca₂rě₃lí'₄ a₂'in₅ 'éi₂ bá₄ Jesús, a₂ca₂juá'₂ jág₁ jáng'₅ léi₄ jaun₂.† La₁ dsa₂ juig₂ bá₄ ca₂rě₃gain₃.

* 20:17 Salmo 118:22. † 20:19 'Nio'₂ ja₁ton₅ Isaías 5:7.

Jág₁ jui₁lia'₂ 'lia'₅₄ a₂ca₂tín₂ dsi₂tan₅₄

(Mateo 21:45-46; 22:15-22; Marcos 12:12-17)

²⁰ Cón'₂ ca₂chein₃ dsa₂ i₂jñia'₅₄ con'₂ tiog₅, tsá₃ jme₂li₅₄, jmo₂₃ a₂lín₅ dsa₂ dsen₃, jme₁'no'₂ jui₅ 'a₂lia'₂ jme₁jo₁₂ jua'₅₄ ca₂jon₄ bá₄ jág₁ 'lia'₂ jme₁'ñiá₃ Jesús. Jaun₂ jme₁dsi₁jáng'₂ ne₄ bí₂ 'éi'₃ a₂'io₅ dsi₄má'₂. ²¹ Jaun₂ ca₂ñí'₃ Jesús jág₁ la₂:

—Të₅, ne₄ jñia'₅₄ dsón'₂ bá₄ lia'₂ tí₅ jág₁ jme₂tíng'₁ dsa₂, tsá₃ jua'₅₄ jma₃quén₅ jing'₅₄ dsa₂; jme₂tíng'₁ dsa₂ con'₂ lě₅ jui₅ tí₅ quió'₅ Diú₄. ²² Jua'₅₄: ¿'I₄ 'éi'₃ qui₅₄ 'lia'₅₄ quió'₅ dsi₂tan₅₄ César, o₃ tsá₃ qui₅₄ 'e₂?

²³ La₁ ca₂rě₃lí'₄ bá₄ Jesús mai₅₄ quió'₅ dsa₂ 'éi₂. Jaun₂ ca₂ñag₃:†

²⁴ —'Ē₄ de'₂ 'nia'₂ caun₂ cu₄ 'ua'₂. Š ¿'Ein₂ quió'₅ nió'₄ chi₁ton₅? ¿'A₂lia'₂ chein₂ juá'₂ letras tio'₅₄ ně₅?

²⁵ —Quió'₅ gui'₅₄ emperador César bá₄ —juá'₂ jaun₂ ně₃.

Jaun₂ guě₄ ca₂juá'₂ Jesús:

—Jang'₅₄ guě'₂ 'nia'₂ jaun₂ ně₃, ne₄ César con'₂ a₂ca₂tín₂ César; ne₄ Diú₄ ně₃ jang'₅₄ 'nia'₂ con'₂ a₂ca₂tín₂ Diú₄.

²⁶ Jaun₂ tsá₃ ca₂tió'₃ jua'₅₄ a₂jo₅₄ quian'₅₄ jág₁ tē₃jě₄ jág₅ dsa₂ jaun₂. Tě₂le₃ ca₂i₃gó'₃ dsi₅ bá₄ jág₁ a₂ca₂jéin'₃ Jesús; tei₄ bá₄ co₂ñei'₅₄ ca₂i₃lén₂.

Ca₂ñag₃ dsa₂ saduceos jui₁lia'₂ a₂jen'₅₄ 'lag₄

(Mateo 22:23-33; Marcos 12:18-27)

²⁷ Jaun₂ ca₂jme₃quián₃ i₂lín₅₄ dsa₂ saduceos, i₂jme₂tag₅ a₂tsá₃ jen'₅₄ 'lag₄, ca₂o₃ñag₅₄:

²⁸ —Tě₅, ca₂quiog₂ Moisés si₂ a₂juá'₂, ně₁jua'₂ ca₂jon₃ jan₂ dsa₂ ñe'₂ tē₃ tsá₃ ca₂can₃ 'io₅₄ quiáin₅ guein₂, tion₅₄ 'nió'₅ jén'₂ gu₂ dsó₂ rin'₅₄ dsa₂ ñe'₂ i₂ca₂jon₃ quian'₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió'₄ tsi₁jon₂ 'lag₄ riin'₅₄. ²⁹ Jaun₂ ně₃, jme₁chan₂ guion₃ dsa₂ ñe'₂ i₂jme₁lě₄ rin'₅₄. Ca₂jen'₂ gu₂ i₂le₂'uig₅₄, la₁ ca₂join₃ bá₄ tē₃ tsá₃ guein₂ ca₂can₃ 'io₅₄ quiáin₅.

³⁰ Jaun₂ ca₂caun₃ táng₃ i₂ca₂tě₂ on₃, *³¹ le₂jaun₂ bá₄ i₂ca₂tě₂ ún₂ ně₃, ca₂cain₃ 'io₅₄ 'éi₂. Le₂jaun₂ bá₄ ca₂lě₃ quian'₅₄ ta₁guion₃. Ca₂dsain₃ bá₄; 'i₁jan₂ guein₂ tsá₃ ca₂can₃ 'io₅₄. ³² Jě₁ca₂tó'₂, ca₂jon₃ bá₄ 'io₅₄ ján₃. ³³ Jaun₂ ně₃, jmi₄g₄ jě₁ma₂tě₂ rě₁jen'₅₄ 'lag₄, ¿'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guě'₂ dsa₂ ñe'₂ i₂ca₂guá₂ quiain'₅₄.

³⁴ Jaun₂ ca₂ñag₃ Jesús:

—Dsa₂ i₂chan₂ ne₄ gua'₅₄ 'uě₃ jmi₄g₄ ně₃, tioin'₅₄ qui₂jéin'₂ gu₂, qui₂jéin'₂ gu₂ chi'₂ quiáin₅ ně₃. ³⁵ La₁ i₂ca₂tín₂ tín'₄ ja₁tiaín₃ mi₂güig₃ caun₂, i₂tín₅₄ jen'₅₄ ja₁jme₁rě₂'lín₅₄, ja₁jaun₂ guě₄ tsá₃

† **20:23** A₂lín₅₄ chog₅₄ si₂ chi₁ton₅ ján₃: “¿'E₂ lě₃ cáun'₂ táu₂ 'nia'₂ jniá₂?” Š **20:24**

griego: denario. * **20:30** A₂lín₅₄ chog₅₄ si₂: “ca₂caun₃ táng₃ i₂ca₂tě₂ on₃, la₁ ján₃ bá₄ le₂jaun₂ ca₂join₃, tsá₃ guein₂ ca₂can₃ 'io₅₄.”

ma₃'ein₂jén'₂ gu₂, on₃ guě₄ qui₃jén'₂ guě₄ gu₂ chi'₂ quiáin₅. ³⁶ Ia₁ tsá₃ ma₂'ein₂ lé₂ dsián₃. Ja₁jaun₂ ma₂léin₂ jui₁lia'₂ lín₅ ángeles, léin₂ jaun₅ Diú₄, ia₁ ma₂ca₂rě₃cháin₃ táng₃. ³⁷ La₁ jui₁lia'₂ a₂jen'₅₄ 'lag₄, ca₂tě₂ Moisés ca₂cuě₃ léi₄ jme₁ca₂tó'₂ ne₄ Si₂ a₂ca₂lě₃ quian'₅₄ ni₁'ma₂ taun₅, ja₁juá'₂ 'iin₂₃ Te₁gui'₅₄: “Diú₄ quián₅ Abraham, Diú₄ quián₅ Isaac, Diú₄ quián₅ Jacob.” ³⁸ Jaun₂ ně₃ tsá₃ lín₅ Diú₄ quián₅ 'lag₄; Diú₄ quián₅ dsa₂ i₂jén'₃ bá₄ lín₅, ia₁ o₄quió'₄ 'éi₂ bá₄ chan₂ le₃jín₃.

³⁹ Jaun₂ ca₂ηag₃ i₂lín₅₄ tē₅juá'₅:

—Tē₅, 'ηio₅ jlá'₁ jág₁ quiáng'₂.

⁴⁰ Tsá₃ ma₃ca₂tiá₃ dsí₅ jua'₅₄ a₂ηag₃ guě₄ 'e₂ ηag₃.

¿Ein₂ tsi₁jon₂ quián₅ lín₅ I₂rě₂'ín₁ quián₅ Diú₄?

(Mateo 22:41-46; Marcos 12:35-37)

⁴¹ Ca₂juá'₂ Jesús ca₂tsí'₃ dsa₂:

—¿'A₂ lia'₂ lě₅ ně₃ a₂juá'₂ dsa₂ a₂lín₅ tsi₁jon₂ David I₂rě₂'ín₁ quián₅ Diú₄? ⁴² Jua'₂ 'ηiog₅ bá₄ guě'₂ David ca₂tióng₃ ne₄ si₂ Salmos, ca₂juá'₂:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

⁴³ ca₂lia'₂ ca₂tě₂ jmi₄

a₂tón'₄ jniá₂ dsa₂ i₂'iog₅₄ o₄tag'₄.”†

⁴⁴ Chi₂jua'₂ le₂ně₅ juá'₂ David tē₂ Te₁gui'₅₄, ¿'a₂ bá₄ lia'₂ lě₅ jaun₂ a₂juá'₂ lín₅ jaun₅ 'éi₂?

Jme₂cáun'₂ Jesús quió'₅ tē₅juá'₅

(Mateo 23:1-36; Marcos 12:38-40; Lucas 11:37-54)

⁴⁵ Tē₃ nag₅ ca₂le₃jín₃ dsa₂ i₂tion'₅₄, ca₂tsí'₃ dsa₂ i₂quian'₅₄ le₂la₂:

⁴⁶ —Te₃ηi'₅₄ 'nia'₂ quian'₅₄ tē₅juá'₅, ia₁ 'ηio₅ 'ηio₂ dsí₅ i₂nioi₅₄ jláin'₁ le₁qui'₂ tsi₁'mi'₂ chen'₅₄ jang₄; tē₅ dsí₅ qui₂cuag₃ dsa₂ Diú₄ jui₁lia'₂ jě₄ 'ma'₅₄, jmá'₃ lia'₂ ne₄ 'ma₂si₅₄ dsen₅₄ bá₄ 'no'₂ tiain'₃ jui₁lia'₂ dsi₂néi₂ guá'₅ sinagogas; le₂jaun₂ bá₄ 'no'₂ ja₁jme₂juag'₂ dsa₂ jui₁lia'₂ ja₁niog₅ jmi₄ ně₃. ⁴⁷ Qui₂jniá'₂ 'ne₄ 'io₅₄ 'nág₂; a₂tsá₃ jme₂li₅₄ jmo₂₃ chi₂lén'₂ Diú₄ uě₂. Tson₂ guě₄ uig₅ 'ě₂ Diú₄ quió'₅ i₂le₂ně₅.

21

Ca₂tó'₂ 'io₅₄ 'nág₂ te₂ηé₂ cu₄ quió'₅

(Marcos 12:41-44)

¹ Jaun₂ ca₂chóg'₃ Jesús ne₅₄, ca₂jín₂ dsa₂ cha₂ cu₄ i₂dsi₂lén₂ dsi₂tio'₂ cu₄ 'ηió'₃ tsi₁gu₅ ja₁tio'₅₄ ofrendas.

† 20:43 Salmo 110:1.

² Jaun₂ ca₂jün₂ táng₃ jan₂ 'io₅₄ 'nág₂ te₂ñé₂ ca₂tó'₂ tin₃ nǐ₁ guéin₂. * ³ Jaun₂ ca₂juá'₂ Jesús:

—A₂dsi₂jó'₃ juíg₂ jniá₂ 'nia'₂, 'líong₂ guě₄ nē₂tió'₂ 'io₅₄ 'nág₂ te₂ñé₂ nē₅ lia'₂ con'₂ guě₄ ca₂le₃jín₃ i₂ma₂nē₂tió'₂. ⁴ Ia₁ 'éi₂ nē₃, cu₄ a₂ma₂qui₂rē₂tsón₂ bá₄ jaun₂ quió'₅ cuē₂₃; dsa₂ mí₂ nē₅ nē₃, nē₂cuē₃ ca₂le₃jě₃ a₂jme₁ron₅ quió'₅ bá₄, 'nió'₄ a₂jme₁lá₃ a₂guě'₃.

A₂dsi₃'én₂ bá₄ guá'₅, jág₁ 'ě₂ Jesús

(Mateo 24:1-2; Marcos 13:1-2)

⁵ I₂lin₅₄ dsa₂ jme₁tióin₂ dsia₂₃ jág₁ a₂ja₂né₂ guá'₅ templo, ia₁ a₂nǐ₄ lě₃ jlá'₁ ni₁cang₁ a₂le₁juí₄, ca₂le₃jě₃ guě₄ a₂jlá'₁ tio'₅₄ a₂qui₂ma₂cuē₃ dsa₂ co₂'nió'₄ ofrendas. Jaun₂ ca₂juá'₂ Jesús:

⁶ —Ca₂le₃jě₃ a₂jág'₂ 'nia'₂ tíong'₂ nē₅, já₅ caun₂ jmig₄ jě₁dsi₃'én₂, tsá₃ ma₃'e₂ ni₁cang₁ te₂'niá₄ jua'₅₄ a₂le₁juí₄ guě₄ lé₂.

Léi₄ a₂le₃cha₂ jmig₄ jě₁ca₂tó'

(Mateo 24:3-28; Marcos 13:3-23)

⁷ Jaun₂ ca₂ñag₃ dsa₂ nē₃:

—Tě₅, ħílg'₂ jaun₂ lé₂ a₂nē₅? ħ'E₂ bá₄ léi₄ le₃cha₂ jě₁ma₂ja₂quián₃ lé₂ a₂jaun₂?

⁸ Jaun₂ ca₂ñag₃:

—Jmó₄ 'nia'₄ 'í₁ tsá₃ i₂cuín₅ 'nia'₂ jua'₅₄ a₂jme₃gau₅ dsa₂. Ia₁ i₂juin₅ lin₃ i₂tě₁i₃nio₄ i₂juá'₂ i₂nioi₅₄ o₄quió₃ jniá₂, a₂juá'₂ nē₃: “Jniá₂ bá₄ 'éi₂”; juá'₂ ján₃: “Ma₂ja₂quián₃ jmig₄ jaun₂”. La₁ tsá₃ i₂o₂nó'₅ 'nia'₂ chi₁co'₅₄ quió'₅. ⁹ Ia₁ jě₁ma₂ca₂nei'₂ 'nia'₂ 'ei₅ jág₁ a₂nio₃ 'nei₂, tón'₃ dsa₂ mi'₅₄ nē₃, tsá₃ tón'₁ 'nia'₂ go₂'i₃, ia₁ le₂jaun₂ de'₂ jniá₅ ca₂tín₂ lé₂ bá₄, la₁ on₃jua'₅₄ a₂ma₂dsian₅ dsi₂jui₅ jaun₂.

¹⁰ Jaun₂ ca₂tsí'₃ táng₃ dsa₂:

—Qui₃nio₃ 'nei₂ jui₁lia'₂ caun₂ juig₂, qui₂quín'₂ quian'₅₄ juig₂ siá'₂; jme₃'uán'₃ dsa₂ ca₂taun₂ ca₂taun₂. ¹¹ Qui₂dsi₃bi₅₄ 'uě₃ tiá₂, jiá₃ 'on₅₄ dsa₂ ca₂le₂con₂, 'í₂ jmi₁uig₅ nē₃; jniá₅₄ gau₂ dsi₁ guei'₅₄, 'líong₂ léi₄ ca'₅₄ qui₂le₃jniá₂. ¹² La₁ né'₃ a₂lé₂ ca₂le₃jě₃ a₂nē₅, qui₃tsán'₂ dsa₂ 'nia'₂ qui₂co₃'ein₃ dsa₂. Dsi₁jang'₂ dsa₂ o₄gú₃ dsi₂tan₅₄ quián₅ guá'₅ sinagoga, jaun₂ guě₄ to'₂ né'₃ 'má₃. Dsi₁jó₂ ne₄ rag₅₄ ne₄ dsi₄má'₂ nē₃ 'uig₅₄ quió₃ jniá₂. ¹³ Ja₁jaun₂ cuín₃ jmig₄ a₂jang'₅₄ 'nia'₂ jág₁ dsau₅ a₂'ág'₄ jniá₂. ¹⁴ 'Éi₂ 'nia'₂ caun₂ 'au'₂, tsá₃ 'náu'₂ 'nia'₂ 'au'₂ tē₃jniá₅ 'a₂ lia'₂ long'₅₄, ¹⁵ ia₁ 'ñi₃ bá₄ jniá₂ cuē₅₄ jág₁ a₂ting'₂ a₂ñi'₅₄ 'nia'₂ 'a₂ lia'₂ ñag'₅₄, ca₂lia'₂ jniá'₅₄ tsá₃ ma₃'e₂ ñi₅ ñag₃ ca₂le₃jín₃ dsa₂ i₂'iog₅₄ 'éi₂. ¹⁶ Ca₂tě₂ chog'₂ 'ñéi'₅ 'nia'₂ qui₃jang'₂, ca₂tě₂ chi'₂ ríng'₂, o₁ríng'₂, a₂mei₅₄ quiáng'₂ nē₃. I₂lin₅₄ 'nia'₂ jme₃dsiog₅ dsa₂. ¹⁷ Ca₂le₂con₂ bá₄ jme₃'ñia₅₄ dsa₂ 'nia'₂ o₄quió₃ jniá₂. ¹⁸ La₁ tsá₃ can₂ 'nia'₂ o₂i₁ dsi₅, ia₁ ca₂lia'₂

* 21:2 lit. “tin₃ nǐ₁ lepta.”

jñia'₅₄ 'i₁ca₂mi'₂ jñi₂ dsei'₂ 'nia'₂ tsá₃ dsi₃'én₂. ¹⁹ Nē₁jua'₂ ca₂nau'₂ 'nia'₂ tiá₂, dsi₁no'₃ 'nia'₂ tñ'₄ jme₂dsi₂ quiáng'₂.

²⁰ 'Jē₁ma₂ca₂jag'₅₄ 'nia'₂ ma₂le₁lio₃ 'lióg₂ le₃lág'₃ juig₂ Jerusalén, jaun₂ guē₄ le₃len'₅₄ 'nia'₂ ma₂ja₂quián₃'én₂. ²¹ Dsa₂ i₂tián'₅ 'uē₃ Judea jmi₄ jaun₂, jui₁cuing₁₂ le₃má'₂; i₂tián'₅ jē₄ juig₂ guē'₂ nē₃, jui₁'uiin₂; jui₁lia'₂ i₂tion'₅₄ ja₁nau₂ guē'₂, tsá₃ ma₃jui₁ja₂lein₅. ²² Ia₁ lé₂ jmi₄ a₂le₃chan₂ dsa₂ gue₃ jmi₁uig₅ 'ñio₅ lín₃, a₂le₃ti₃ ca₂le₃jě₃ lia'₂ con'₂ lě₅ juá'₂ ne₄ Si₂. ²³ Juig₂ jui₁lia'₂ dsa₂ mí₂ i₂le₁quian₅ guein₂, jui₁lia'₂ i₂chan₂ guein₂ bē'₅₄ i₂'ín'₂ dsi'₅₄ quió'₅ nē₃, jmi₄ jaun₂! Ia₁ go₂'i₃ 'ñio₅ lín₃ tē₃tsi'₅₄ gua'₅₄ 'uē₃, a₂le₃jniá₂ a₂'ne₂ Diú₄ ne₄ quió'₅ dsa₂ juig₂ la₂; ²⁴ ia₁ dsi₃gan'₅₄ i₂dsián₃ quian'₅₄ ñi₁tág₂; i₂lín₅₄ guē'₂ qui₃tē₂ dsa₂ le₁'ñei'₅₄ ca₂le₂con₂ go₄ dsi₂nau₂. Co₂dsia₅ qui₃tsó'₃ dsi₂nau₂ juig₂ Jerusalén, ca₂lia'₂ ca₂dsin₃ jmi₄ quió'₅ dsi₂nau₂ a₂'i₄ 'éi'₃ tóin'₃ goin₂.

'A₂ lia'₂ lé₂ i₁jñió'₂ Jaun₅ dsa₂ mi₂güig₃

(Mateo 24:29-35, 42—44; Marcos 13:24-37)

²⁵ 'Jmi₄ jaun₂ lé₂ léi₄ tē₂le₃ quian'₅₄ 'iog₂, tsi'₂, nei₅ nē₃. Ta₁caun₂ gua'₅₄ 'uē₃ tón'₃ dsa₂ tiá'₃ qui'₂ dsi₅, tsá₃ a₂ñi₅ jmo₃, jmi₁ñi'₄ guē'₂ nē₃ lé₂ gau₂ qui₃jná'₃. ²⁶ Tón'₃ dsa₂ qui₃nei'₂ a₂le₃gó'₃, 'i₅ dsi₅ ne₄ ca₂le₃jě₃ 'e₂ niog₅ lé₂ mi₂güig₃. Ia₁ ca₂tē₂ jui₅bí₂ a₂cha₂ guei'₅₄ mi₂güig₃ qui₃quian'₃. ²⁷ Jaun₂ guē₄ jín₂ dsa₂ Jaun₅ dsa₂ mi₂güig₃ jiá₃ jē₄ jnei₅ a₂'uain'₂ a₂jláin'₁ 'ñio₅ lín₃. ²⁸ Jē₁ma₂ca₂rē₃lióg₃ lě₂ a₂nē₅, quen'₂ 'nia'₂ bí₂, 'a₃ jlian₅₄ 'nia'₂, † ia₁ ja₃quián₂ jmi₄ a₂lión'₂ 'nia'₂ co₂ñei'₅₄.

²⁹ Jaun₂ ca₂juá'₂ táng₃ caun₂ jág₁ jáng'₅ léi₄ la₂:

—Ñi₂ 'nia'₂ jui₁lia'₂ lě₂ quian'₅₄ ni₁'ma₂ higuera, jui₁'e₂ guē₃ ni₁'ma₂ siá'₂ nē₃; ³⁰ jē₁ma₂ca₂ne'₅₄ mog'₅₄, cáun'₂ 'nia'₂ 'i₂ guiong'₅₄ a₂ja₂quián₃ jein₂ 'iog₂ bá₄ jaun₂. ³¹ Ján₃ bá₄ le₂nē₅, jē₁ma₂tē₂ ne'₅₄ 'nia'₂ lě₂ ca₂le₃jě₃ a₂nē₅, le₃ñi'₅₄ 'nia'₂ a₂ma₂ja₂quián₃ le₃gon₂ Diú₄. ³² A₂dsi₂jó'₃ juá'₅ jniá₂ juig₂ 'nia'₂, tsá₃ dsi₃ñi₂ tsi₁jon₂ jmi₄ nē₃, † ca₂lia'₂ ca₂lě₃ ca₂le₃jě₃ a₂nē₅. ³³ Dsi₃ñi₂ guei'₅₄ mi₂güig₃ quian'₅₄ gua'₅₄ 'uē₃, la₁ jág₁ quió₃ nē₃, o₁líg'₂ tsá₃ dsi₃ñi₂ jua'₅₄ tsá₃ le₃ti₃.

³⁴ 'Tē₃ñi'₅₄ 'nia'₂, tsá₃ i₂jme₂cán'₁ táng₃ 'nia'₂ 'au'₂ a₂i₂niog'₅₄ dsing'₅₄ le₁'eng'₅, tsá₃ caun₂ a₂'i₅ 'au'₂ a₂chang'₂ mi₂güig₃ la₂, con'₂ tsá₃ ñó₅ nē₁jua'₂ ca₂jō₃ jmi₄ jaun₂ 'nia'₂ co₂tiá₂. ³⁵ Jui₁lia'₂ ja₁ta'₂ caun₂ tsi₁liá₂ bá₄ lé₂ jmi₄ jaun₂ ne₄ quió'₅ ca₂le₃jín₃ dsa₂ i₂tián'₅ ne₄ gua'₅₄ 'uē₃. ³⁶ Jaun₂ chan'₂ 'nia'₂ rē₂jáng'₁, chi₁leng'₄ Diú₄ ca₂le₃jě₃ jmi₄, ia₁jaun₂ bá₄ quín'₅₄ 'nia'₂ jmi₄ líóng'₂ ne₄

† 21:28 lit. “nau₂ 'nia'₂ chog'₅₄ ne'₅₄.”

‡ 21:32 o₃, “né₃ a₂dsián₃ dsa₂ i₂lín₅ raza

la₂.”

ca₂le₃jě₃ a₂niog₅ lé₂ ně₅, ia₁jaun₂ dsi₁nóg₅ tē₃tsing₅₄ ne₄ Jaun₅ dsa₂ mi₂güig₃.

³⁷ Ca₂le₃jě₃ jmig₄ bá₄ jme₁jme₂tag₂₃ i₁dsi₅ guá₅ templo, jē₁ma₂ca₂nei₂ dsó₅ dsi₂jñia₅₄ má₂ ja₁chei₂ Olivos.

³⁸ Ca₂le₃jín₃ bá₄ dsa₂ jme₁ja₂léin₂ tē₂ o₃'iog₂ i₁dsi₅ guá₅ a₂ja₂néi₃ jág₁ a₂cuē₂₃.

22

Ca₂jmo₃ dsa₂ jág₁ a₂tsáin₂ Jesús

(Mateo 26:1-5, 14—16; Marcos 14:1-2, 10—11; Juan 11:45-53)

¹ Jme₁ma₂ja₂quián₃ jmig₄ quió₅ i₁ñí₄ a₂tsá₃ levadura rē₂jñia₅, a₂chei₂ Jm_{ig}₄ Tē₂'in₅₄. ² Jaun₂ qui₂ca₂'náu₃ dsí₅ juig₅₄ jme₂dsa₂, tē₂juá₅ ně₃, 'a₂ lia₂ cuin₃ jmig₄ jñag₃, ia₁ a₂gain₃ dsa₂ juig₂ bá₄.

³ Jaun₂ ca₂'í₃ Satanás dsí₅ Judas, i₂tē₂ Iscariote, i₂jme₁lín₄ jan₂ dsa₂ i₂guia₃-tín₂.

⁴ Judas 'éi₂ ně₃ ca₂ñei₅₄ ca₂i₁jmo₅₄ jág₁ quian₅₄ juig₅₄ jme₂dsa₂, quian₅₄ i₂lín₅ 'lióg₂ dsen₅₄ quián₅ guá₅ templo ně₃, 'a₂ lia₂ jáng₂ jñin₂ Jesús o₄gú₃.

⁵ Jaun₂ 'io₂ jén₅ bá₄ dsa₂ 'éi₂, ca₂jmo₃ jág₁ a₂cuē₃ cu₄.

⁶ Jaun₂ ca₂cuē₃ Judas jág₁ quió₅. Jaun₂ ca₂'náu₃ dsí₅ 'a₂ lia₂ jau₂ jui₅ a₂jáng₂ con₂ jme₁tsá₃ juin₅ dsa₂ ma₃quian₅₄.

Má₃ jē₁ca₂tó₂ quió₅ Te₁gui₅₄

(Mateo 26:17-29; Marcos 14:12-25; Juan 13:21-30; 1 Corintios 11:23-26)

⁷ Ca₂tē₂ jme₁ca₂tē₂ jmig₄ quió₅ i₁ñí₄ a₂tsá₃ levadura rē₂jñia₅, con₂ ca₂tín₂ dsa₂ jme₂dsiain₂₃ guein₂ já₂ cha₂ quián₅ Jm_{ig}₄ Tē₂'in₅₄.

⁸ Jaun₂ ca₂chen₃ Jesús Pe₄ quian₅₄ Juan₅₄, ca₂juá₂:

—O₂nó₅ 'nia₂ o₂jmo₄ co₂jñia₅₄ má₃ quián₂ jniog₄ a₂que₅₄ Jm_{ig}₄ Tē₂'in₅₄.

⁹ Jaun₂ ca₂ñag₃ 'éi₂:

—¿A₂já₄ 'niog₂ dsi₁jmo₁ jnia₅₄ co₂jñia₅₄?

¹⁰ Jaun₂ ca₂juá₂:

—Jē₁ma₂dsi₃nó₅ 'nia₂ jē₄ juig₂, jme₃jein₂ jan₂ dsa₂ ñe₂ i₂ñá₅ quion₂ caun₂ ni₁dsig₁ 'a₄ jmig₂. O₁'éin₃ 'nia₂ ca₂tē₂ dsi₂néi₂ ja₁'í₂.

¹¹ Jaun₂ juig₅₄ 'nia₂ dsa₂ juig₅₄ dsi₂néi₂: “Le₂la₂ juá₂ Tē₅ tsí₅ 'ne₂: ¿Na₂ bá₄ dsi₂néi₂ ja₁guē₅₄ má₃ quió₅ Jm_{ig}₄ Tē₂'in₅₄ quiang₅₄ chí₂ dsi₂guia₃-tín₂ quiáng₃?” ¹² Jaun₂ 'ē₃ caun₂ ja₁lē₄ dsi₂néi₂ juē₂ guei₅₄ ja₁ma₂lē₅ co₂jñia₅₄ quió₅. Ja₁jaun₂ jmo₄ co₂jñia₅₄.

¹³ Jaun₂ ca₂lén₂ bá₄ 'éi₂ ně₃. Ca₂lē₃ rē₂ lia₂ con₂ lē₅ jág₁ jaun₂. Ja₁jaun₂ ca₂jmo₃ má₃ quió₅ jmig₄.

14 Jme₁ca₂tě₂ hora jaun₂, ca₂guá₂ Jesús ne₄ mesa, quiain'₅₄ chi'₂ dsi₂guia₃-tín₂* quiáin₅. 15 Jaun₂ ca₂tsí'₃ 'éi₂:

—iLíg'₂ bá₄ 'ín₅ dsi₃ guě'₅₄ má₃ Jmíg₄ Tě₂'in₅₄ la₂ quian'₅₄ 'nia'₂, né'₃ a₂dsi₃ñíg₂ uig₅! 16 Ia₁juá'₅ jniá₂juíg₂ 'nia'₂, tsá₃ma₃líg'₂ jmig₄ jua'₅₄ guě'₅₄ guě'₄ má₃ le₂la₂ ca₂lia'₂ ca₂tě₂ jmig₄ i₁le₃ti₃ ja₁gon₂ Diú₄.

17 Jaun₂ ca₂tíin₂ copa, ca₂cuě'₃ ti₁'mag'₄ Diú₄, jaun₂ ca₂juá'₂:

—Ján'₅ 'nia'₂ a₂la₂; jmo₄ dsióg₁ jin₄ ríng'₂. 18 Ia₁juá'₅ jniá₂, tsá₃ma₃líg'₂ jmig₄ jua'₅₄ a₂gui'₅₄ guě'₄ jmi'₅₄ míg₂ uvas le₂la₂, ca₂lia'₂ ca₂tě₂ jmig₄ i₁le₃ti₃ ja₁gon₂ Diú₄.

19 Jaun₂ ca₂tíin₂ táng₃ caun₂ i₁ñí'₄, ca₂cuě'₃ ti₁'mag'₄ Diú₄. Jaun₂ ca₂'niai₃ ca₂cuě'₃ 'éi₂, ca₂juá'₂:

—Ñi₃ bá₄ jniá₂ i₁ñí'₄ la₂, a₂ma₂rě₂jang'₅₄ o₄quián'₂ 'nia'₂. Jmo₄ 'nia'₂ a₂la₂ a₂dsiog'₂ 'au'₂ jniá₂.†

20 Ján₃ bá₄ le₂ně₅, jme₁ma₂ca₂lě₃ guě'₅ i₁ñí'₄, ca₂can₃ táng₃ copa, jaun₂ ca₂juá'₂:

—A₂'a₄ copa la₂, lě₅ jág₁ 'mí₂ a₂tě₃ron₅₄, a₂li'₅₄ tē₂le₃ quian'₅₄ jmi₃ a₂dsi₃o₅₄ o₄quián'₂ 'nia'₂.‡

21 'La₁ ně₃ ně₃, ne₄ mesa la₂ guá₅ quian'₅₄ jniá₂ i₂jáng'₂.

22 Dsón'₂ bá₄ 'en₅₄ jui₅ Jaun₅ dsa₂ mi₂güí₃ dsióg₄ ja₁'ein₅₄ 'éi'₃ dsióg₄, la₁ i'e₂ guě'₄ juíg₂ dsa₂ i₂jáng'₂!

23 Jaun₂ ca₂jme₃lióg₃ tsi₂ca₂jíin₂ quiain'₅₄ riin'₅₄, 'ein₂ bá₄ 'éi₂ i₂jmo₃ le₂jaun₂.

Ca₂tsíin₂ o₄quió'₄ 'ein₂ i₂lén₂ i₂dsen₅₄ guě₄

24 Ján₃ bá₄ ca₂lě₃ mi'₅₄ jě₄ quió'₅, ne₄ 'uig₅₄ 'ein₂ 'éi₂ i₂lén₂ i₂dsen₅₄ guě₄.

25 Jaun₂ ca₂juá'₂ Jesús:

—Ca₂le₃jín₃ rag₅₄ quián₅ dsi₂nau₂, tiain'₂₃ goin₂ jmo₂₃ 'éi'₃ lia'₂ lě₂ dsí₅. Le₂jaun₂ guě'₂ i₂le₁'io₅ 'éi'₃ i₂le₁'ín₁ quiáin₅, 'ag₅ dsa₂ a₂líin₅ dsa₂ i₂jmo₅ a₂dse₃. 26 La₁ tsá₃ le₂jaun₂ lě₂ quian'₅₄ 'nia'₂. Ju₁lia'₂ i₂can'₅₄ jě₄ quián'₂ 'nia'₂, jui₁jmo₁₂ mei'₂. Le₂jaun₂ guě'₂ i₂cán₂ ne₄ jui₅, jui₁jmo₁₂ ně₂jag₄ bá₄ i₂jme₂ti₃. 27 Jaun₂ ně₃, ¿'ein₂ i₂dsen₅₄ guě₄: i₂guá₅ ne₄ mesa, o₃ i₂dsia₅ má₃ 'e₂? ¿'On₁ i₂guá₅ ne₄ mesa bá₄? La₁ jniá₂ 'eng₅₄ jě₄ quián'₂ 'nia'₂, líng₅ jan₂ i₂jme₂ti₃. 28 'Nia'₂ guě'₂ líng'₅ i₂ma₂ja₂nóg₅ quiong'₅₄ jniá₂ jě₄ uig₅ a₂qui₂ma₂i₂ñíg₂. 29 'Uig₅₄ ně₅ ně₃, dsián₄ jniá₂ 'nia'₂ ja₁o₁tiáng'₂ gong'₂, jui₁lia'₂ ma₂dsiog₃ Ñe'₃ jniá₂, 30 ia₁jaun₂ o₁qué'₂ o₁'én'₂ 'nia'₂ ne₄ mesa quió₃ ja₁gong₂, ja₁jaun₂ o₁tián'₂

* 22:14 griego: apóstolous (dsa₂ i₂chen₄). † 22:19 A₂lin₅₄ chog₅₄ si₂ tsá₃ chi₁ton₅ “a₂ma₂rě₂jang'₅₄ o₄quián'₂ 'nia'₂. Jmo₄ 'nia'₂ a₂la₂ a₂dsiog'₂ 'au'₂ jniá₂”, on₃ guě'₂ versículo 20. ‡ 22:20 'Nio'₂ ja₁ton₅ Éxodo 24:8.

'nia'₂ ne₄ta₁ a₂qui₁dsi'₂ 'éi'₃ quió'₅ ta₁guia₃-tín₂ nió'₃ tsi₁jon₂ dsa₂
juig₂ Israel.

Ni₅ bá₄ Jesús a₂tsá₃ tion₃ Pe₄ a₂cuig₂₃

(Mateo 26:31-35; Marcos 14:27-31; Juan 13:36-38)

³¹ Ján₃ bá₄ ca₂juá'₂ Te₁gui'₅₄:

—Si₂mu₅₄, Si₂mu₅₄ —ca₂tsí'₃ Pe₄—, i₂sě₃dsen₃ ma₂ně₂mag₃
'ñiá'₂ 'nia'₂ lia'₂ ja₁'ñiá'₂ dsa₂ trigo, ³² la₁ jniá'₂ ma₂ně₂mi₃
o₄quián'₂ 'ne₂, ia₁jaun₂ tsá₃ dsiá₃ éi₃ a₂'éng'₂. 'Ne₂ ně₃,
jě₁ma₂ca₂jéin'₃ táng₃ 'au'₂, cuē'₅₄ bí₂ ríng'₂.

³³ Jaun₂ 'éi₂ ně₃ ca₂ḡag₃:

—Te₁gui'₅₄, caun₂ bá₄ ma₂'ei₅ dsi₃ i₁'ú₃ né'₃ 'má₃ co₂lě₅ quian'₅₄
'ne₂, o₁jñia'₅₄ 'mú₃ ca₂quín₂.

³⁴ Jaun₂ ca₂ḡag₃ Jesús:

—Pe₄, jniá'₂ guē'₂ juá'₅, tsá₃ 'o₃ tē₁guí₄ dsó₂ ně₃, ca₂lia'₂
ma₂ně₂juá'₅₄ 'ne₂ 'ni₅ ráun₂ a₂tsá₃ tóng'₄ a₂cuig'₂ jniá'₂.

Ma₂ja₂quián₃ hora gue₃ Jesús uig₅

³⁵ Jaun₂ ca₂juá'₂:

—Lia'₂ con'₂ ca₂tsíng₂ 'nia'₂, lia'₂ con'₂ tsá₃ tsi₁na'₅₄
jme₁le₁quian'₄, on₃ guē'₂ tē₂lau₂, on₃ guē'₂ ni₁lau₂ ton₅ tag'₅₄
ně₃, ċcha₁ a₂ca₂rě₃'nió'₅ quián'₂ 'nia'₂?

'Éi₂ ně₃, ca₂ḡag₃:

—'I₁caun₂ tsá₃ ca₂rě₃'nió'₅.

³⁶ Jaun₂ ca₂juá'₂ táng₃:

—Ně₃ guē'₄ ně₃ i₂'io₅ tsi₁na'₅₄, tē₂lau₂ ně₃ jui₁quian'₅₄. I₂tsá₃ 'io₅
ñi₁tág₂ ně₃, o₁'nag₁₂ mi₂dsióg₂ quió'₅ ia₁jaun₂ lá₃ ñi₁tág₂. ³⁷ Ia₁
juá'₅ jniá'₂, tion₅₄ niog₅ le₃ti₃ ja₁con₂ jniá'₂ ja₁juá'₂ ne₄ Si₂ le₂la₂:
“Nó₃ jě₄ quió'₅ dsa₂ i₂le₁cán'₄ dso₄, ia₁ ca₂jmo₃ dsa₂ dsí₅ ně₂jag₄
bá₄ a₂rě₂cáin'₄ dso₄ ján₃.”Š Ia₁ ca₂le₃jě₃ a₂niog₅ juá'₂ ne₄ Si₂
a₂'ag₂₃ jniá'₂, tion₅₄ niog₅ le₃ti₃.

³⁸ Jaun₂ ca₂juá'₂ 'éi₂:

—Te₁gui'₅₄, la₂ tiá'₅ tñ₃ ñi₁tág₂.

Jaun₂ ca₂ḡag₃ táng₃:

—Tió'₅ bá₄ ně₅.

Ca₂chi₂lén'₂ Jesús Diú₄ caun₂ ja₁chei₂ Getsemani

(Mateo 26:36-46; Marcos 14:32-42)

³⁹ Jaun₂ guē'₄ ně₃ o₂'iñ₃ ḡó₃ jui₅ Má'₂ Olivos, ia₁ le₂jaun₂ tiñ₂
bá₄. Jaun₂ ca₂i₃lén₂ chi'₂ dsi₂guia₃-tín₂ quiong'₅₄.

⁴⁰ Jme₁ca₂dsióg₃ ja₁jaun₂, jaun₂ ca₂juá'₂:

—Chi₁len'₅₄ 'nia'₂ Diú₄ ia₁jaun₂ tsá₃ jo₅₄ jui₅bí₂ a₂cáun₂ táu₂.

⁴¹ Jaun₂ ca₂ḡó₃ Jesús 'ñiog₅ uíng₂ con'₂ ja₁tág'₅ ca₂míg₂
ni₁cang₁ a₂táun₂ dsa₂. Ja₁jaun₂ ca₂chi₃jné₃ ca₂chi₃lén'₂ Diú₄.

⁴² Ca₂juá'₂:

—Tia₅₄, ɬtsa₁ cuin₅ jmi_g jniá'₄ uig₅ dsi₃ñig₂ la₂? La₁ia₁, jui₁le₅₄ bá₄ a₂ñio₂ 'au'₂ 'ne₂, on₃jua'₅₄ con'₂ 'nio₃ jniá₂.

43 Jaun₂ ca₂jme₃jnia₅ jan₂ ángel ne₅₄, i₂ca₂sió_{n3} jui₅ guei'₅₄ i₂jui_{g3}, a₂ca₂cué₃ bí₂.

44 Hora jaun₂ ca₂ñág₃ uig₅ 'ñio₅ lin₃, jaun₂ tē₂le₃ lē₅ guē₄ ca₂chilén'₂ Diú₄; ca₂tein₃ jme₁dsiog₂ nē₂jag₄ bá₄ jmi₂ qui₂ca₂dsá₂ tē₂ 'uē₃.*

45 Jme₁ca₂nau₂ ja₁chilén'₂ Diú₄ jaun₂, guáin'₃ ja₁tián'₄ chi'₂ dsi₂guia₃-tín₂. La₁ le₁güín₃ bá₄ 'éi₂ tián'₅ ca₂jo₃, 'uig₅₄ ia₁ a₂ñí₄ lē₃ 'lia'₂ dsí₅.

46 Jaun₂ ca₂juá'₂:

—¿'E₂ lē₃ le₁güín₃ 'nia'₂ tiáng'₅? Nau₂, chilén'₅₄ 'nia'₂ Diú₄ ia₁jaun₂ tsá₃ jo₃ jui₅bí₂ a₂cáun₂ táu₂.

Ma₂le₁te₂ dsa₂ Jesús

(Mateo 26:47-56; Marcos 14:43-50; Juan 18:2-11)

47 Tē₃jē₄ juá'₂ Jesús jaun₂, jme₁ca₂dsi₃lén₂ juin₅ dsa₂. Jaun₂ ca₂dsiog₃ i₂tē'₂ dsa₂ Judas, i₂jme₁lín₄ jan₂ chi'₂ dsi₂guia₃-tín₂, quian₅ ne₄ jui₅. Jaun₂ ca₂jme₃quiáin₃ con₂ Jesús a₂jme₁chen'₃† quió'₅.

48 La₁ ca₂juá'₂ Jesús:

—Judas, ¿'e₂? ¿Le₁nē₅ bá₄ jing'₅₄ Jaun₅ dsa₂ mi₂güig₃, a₂chén'₁ quió'₅?

49 Jme₁ca₂jág₃ i₂quian'₅₄ Jesús a₂lē₂ jaun₂, ca₂juá'₂:

—Te₁gui'₅₄, ¿qui'₅₄ jnia'₅₄ quian'₅₄ ñi₁tág₂?

50 Jan₂ 'éi₂ nē₃ ca₂quí'₃ quió'₅ i₂jme₂ti₃ ta₁ quián₅ jme₂dsa₂ dsen₅₄, ca₂jniá'₂ rē₂gua₅₄ ne₁.

51 Jaun₂ ca₂juá'₂ Jesús:

—'A₃ ma₃jmai'₅₄.

Jaun₂ ca₂chóng'₃ táng₃ rē₂gua₄ 'éi₂, ca₂jme₃'lió₂. 52 Jaun₂ ca₂tsí'₃ jui_{g54} jme₂dsa₂, 'i'₅₄ guá'₅, gui'₅₄ can'₅₄ nē₃ i₂dsi₃lén₂ tsáun'₂:

—¿'E₂? ¿Jui₁lia'₂ jē₁tsán'₂ dsa₂ 'ang₂ ja₂nóg'₅ qui₂le₁quian'₄ ñi₁tág₂, 'ma₂ nē₃? 53 Líg'₂ bá₄ 'eng₅₄ tián₂ quian'₅₄ 'nia'₂ i₁dsi₅ guá'₅, tsá₃ ma₂chong'₂ 'nia'₂ ja₁jaun₂. La₁ nē₃ guē₄, 'au'₂ 'nia'₂ bí₂ tiá'₂ 'au'₂ jmó'₂, nē₃ lia'₂ chí'₅ qui₁né'₃.

Tsá₃ tion₅ Pe₄ a₂cuin₂₃ Jesús

(Mateo 26:57-58, 69—75; Marcos 14:53-54, 66—72; Juan 18:12-18, 25—27)

54 Jme₁ma₂nē₂chóng'₂, ca₂tág₃ jui₅ ja₁quió'₄ jme₂dsa₂ dsen₅₄. La₁ Pe₄ nē₃, uing₂ bá₄ tē₂quín₃ ñó₃ 'ein₂₃.

* 22:44 A₂lin₅₄ chog₅₄ si₂ tsá₃ chi₁ton₅ versículos 43 quian'₅₄ 44. † 22:47 Jme₁tin₂ quió'₅ dsa₂ judíos a₂chen'₂ jú₅ riin'₅₄ jē₁cuag₃ Diú₄.

⁵⁵ Dsa₂ 'éi₂ ně₃, ca₂dsia₃ si₂ i₁dsi₅, ca₂tiáin'₂ le₃lág'₃ cau₅ si₂; jě₄ jaun₂ ca₂guá'₂ Pe₄ ján₃.

⁵⁶ Tě₃jě₄ jaun₂, ca₂rě₃lí'₄ jan₂ 'io₅₄ i₂jme₂ti₃ ta₁ ja₁jaun₂, a₂guá'₅ Pe₄ cau₅ si₂. Caun₂ ca₂jág₂ tiá'₂, ca₂juá'₂:

—Ján₃ bá₄ jme₁quaiain'₅₄ i₂ně₅.

⁵⁷ La₁ 'éi₂ ně₃, tsá₃ ca₂tioin₃, ca₂juá'₂:

—Tsá₃ 'éi₂ cuín₅ jniá'₂, 'ne₂ 'io₅₄.

⁵⁸ Jme₁co₂lág₂ jaun₂, ca₂guan₃ táng₃ jan₂, ca₂jág₂, jaun₂ ca₂juá'₂:

—Jme₁quaiain'₅₄ 'ne₂ ján₃, ¿lia'₅₄?

—Jan₂'ón₄. Tsá₃ dsa₂ 'éi₂ jme₁quian'₄ jniá'₂, 'ne₂.

⁵⁹ Con₂ caun₂ hora cang₂ jaun₂, tion₅₄ bá₄ tsá₃ jme₁cán₂ jan₂ jág₁, ca₂juá'₂:

—Tě₃dsón'₂ jan₂ i₂jme₁quaiain'₅₄ bá₄ ně₅, ia₁ Galilea bá₄ ja₁chain₂.

⁶⁰ Jaun₂ ca₂juá'₂ táng₃ Pe₄:

—Tě₃dsón'₂ rě'₂ juá'₅ jniá'₂ la₂, ca₂lia'₂ njia'₅₄ tsá₃ cuíng₅ 'ein₂ 'éi₂ 'ín₅ 'nia'₂.

Tě₃jě₄ dsia₂₃ jág₁ jaun₂ jme₁ca₂'o₃ tě₁guí₄ dsó₂. ⁶¹ Jaun₂ ca₂jén'₃ Te₁gui'₅₄ ca₂jín₂ Pe₄, ca₂jmo₃ a₂dsiog'₂ dsí₅ 'éi₂ 'e₂ a₂ma₂ně₂juá'₂ le₂jniá₅: “Tsá₃ 'o₃ tě₁guí₄ dsó₂ ně₃, ca₂lia'₂ ma₂ně₂jua'₅₄ 'ne₂ 'ni₅ ráun₂, a₂tsá₃ tóng'₄ a₂cuig'₂ jniá'₂.”

⁶² Jaun₂ ca₂'o₃ 'iin₃ ca₂tá'₂ qui'₂ dsí₅, ca₂'o₃ 'ñio₅ lin₃.[‡]

A₂lě₁qui₂co₂jma'₂ dsa₂ Jesús

(Mateo 26:67-68; Marcos 14:65)

⁶³ Dsa₂ i₂niog₅ jmo₅ 'í₁ Jesús ně₃, a₂lě₁qui₂co₂j móg'₂ tioin'₅₄, ca₂cuě₃ ně₃.

⁶⁴ Ca₂'néi₂ jme₁ne₁ Jesús, qui₂ca₂quein₃ dsi₂ne₅₄§ jaun₂ ca₂juá'₂:

—iDsi₄ jág₁ 'ein₂ ně₂quein₃ quiáng'₂!

⁶⁵ 'Lióng₂ lin₃ bá₄ ca₂juá'₂ tioin'₅₄, a₂tě₂'o₂.

Ca₂chen'₃ dsa₂ Jesús ne₄ dsi₂tan₅₄ quián₅ guá'₅

(Mateo 26:59-66; Marcos 14:55-64; Juan 18:19-24)

⁶⁶ Jme₁jnia₃ jaun₂, qui₂ca₂ñi'₂ ca₂le₃jín₃ gui'₅₄ can'₅₄ quián₅ dsa₂ judíos, juig₅₄ jme₂dsa₂, tě₃juá'₅ ně₃. Jme₁ma₂le₂ñi'₂, ca₂dsi₁jñia₃ dsa₂ Jesús ne₅₄. Jaun₂ ca₂ñag₃:

⁶⁷ —¿Dsón'₂ 'ne₂ líng'₅ I₂rě₂'ín₁ quián₅ Diú₄?

Jaun₂ ca₂ñag₃:

—O₁jñia'₅₄ ca₂juá'₃ jniá'₂, jniá'₂ 'éi₂, a₂dsón'₂ tsá₃ le₃'én'₂ bá₄ 'nia'₂. ⁶⁸ Ně₁jua'₂ ca₂ñag₄ jniá'₂ 'e₂ ca₂ñag₅₄ ne'₅₄ 'nia'₂, a₂dsón'₂ on₃jua'₅₄ a₂jaun₂ jein'₅₄ 'nia'₂ jág₁ quió₃.^{*} ⁶⁹ La₁ ně₃ ně₃, tě₂le₃

[‡] 22:62 A₂lin₅₄ chog₅₄ si₂ tsá₃ chi₁ton₅ versículo 62. § 22:64 A₂lin₅₄ chog₅₄ si₂ tsá₃

chi₁ton₅, “qui₂ca₂quein₃ dsi₂ne₅₄.” * 22:68 A₂lin₅₄ chog₅₄ si₂ juá'₂ ján₃: “on₃ guě'₂ jaun₂ a₂lo₅₄ 'nia'₂.”

ne₄ jui₅ ja₁ŋó₄ ně₅, guá₃ Jaun₅ dsa₂ mi₂güí₃, tē₂le₃ gu₂ ne₁ Diú₄
i₂'uan'₂ guē₄ lín₃.

⁷⁰ Jaun₂ ca₂ŋag₃ ca₂le₃jín₃:

—ǵla₁ 'ne₂ bá₄ líng'₅ Ja₁ŋi'₅₄ Diú₄, jaun₂?

—Jniá₂ bá₄ líng₅, jui₁lia'₂ ma₂nē₂jua'₅₄ 'nia'₂ ně₅.

⁷¹ Jaun₂ ca₂juá'₂ toin'₅₄:

—ǵ'Eín₂ guē₄ jmá'₃ dsa₂ 'niog₂ jniog₄ jáng'₃ jág₁ dsau₅? Jua'₂
jniog₄ guio₅₄ ma₂nē₂né₁ jág₁ a₂ma₂nē₂'uē'₃ i₂nē₅ 'ŋiog₅ mi₂'o₅₄
chéin'₅.

23

Ca₂dsián'₃ Jesús ne₄ Pilato

(Mateo 27:1-2, 11—14; Marcos 15:1-5; Juan 18:28-38)

¹ Jaun₂ qui₂ca₂nau₂ ca₂le₃jín₃ ca₂ŋiai₃ Jesús ne₄ Pilato.

² Ja₁jaun₂ guē₄ ca₂'náu'₃ dsáu₁ Jesús, ca₂juá'₂:

—Ca₂jon₃ jnia'₅₄ dsa₂ la₂ jme₁'ein₅₄ dsia₂₃ mi'₅₄ jin₄ dsa₂ juig₂
quián₂ jnia'₅₄. Ŋi₂₃ toin'₂ dsa₂ jág₁ a₂tsá₃ ma₂'ein₂ quí₃ 'lia'₅₄
a₂ca₂tín₂ César; a₂jme₂tiin₂₃ dsa₂ juá'₂ a₂lín₅ I₂rē₂'ín₁ quián₅
Diú₄, co₂'nió'₄ a₂lín₅ rag₅₄.

³ Jaun₂ ca₂ŋag₃ Pilato:

—ǵDsón'₂ líng'₅ Rag₅₄ quián₅ dsa₂ judíos?

Jaun₂ ca₂ŋag₃ Jesús:

—Le₂nē₅ bá₄, jui₁lia'₂ juá'₂ 'ne₂ ně₅.

⁴ Jaun₂ ca₂juá'₂ táng₃ Pilato ca₂tsí'₃ juig₅₄ jme₂dsa₂, quian'₅₄
dsa₂ juig₂:

—Tsá₃ 'e₂ dsáu₁ dsa₂ ně₅ dso'₂ jniá₂ 'i₁caun₂.

⁵ La₁ tē₂le₃ lē₅ guē₄ co₂mi'₅₄ ca₂tóin'₂, ca₂juá'₂:

—La₁ 'ŋio₅ lín₃ dsia₂₃ mi'₅₄ ŋi₂₃, jme₂tiin₂₃ dsa₂ ta₁caun₂ 'uē₃
Judea. Ca₂jme₃lióg₃ Galilea, rē₂nē₃ guē'₂ ma₂ŋi₂₃ ja₁láš jmo₂₃
le₂jaun₂.

Ca₂dsián'₂ Pilato Jesús ne₄ Herodes

⁶ Jme₁ca₂nág₂ Pilato a₂nē₅, jaun₂ ca₂ŋag₃ chi₂jua'₂ 'uē₃ Galilea
chan₂ dsa₂ 'éi₂.

⁷ Jme₁ca₂rē₃ŋi₅ ně₃, a₂lín₅ Jesús dsa₂ chan₂ tē₂le₃ 'uē₃ ja₁niog₅
gu₂ Herodes, jaun₂ ca₂dsióg'₂ ne₄ 'éi₂. Ia₁ jme₁ŋi₂₃ juig₂
Jerusalén jmig₄ jaun₂.

⁸ 'Io'₂ jén'₅ bá₄ Rag₅₄ Herodes jme₁ca₂jín₂ Jesús, ia₁ líg'₂ bá₄ 'ín₅
dsí₅ jág₂, ia₁ jme₁ma₂nág₂ bá₄ 'ei₅ jág₁ a₂'ín₅ dsa₂ 'éi₂. Ia₁ jme₁'ín₂
dsí₅ jág₃ 'e₂ caun₂ o₂dsain₂ jmo₃.

⁹ 'Lióng₂ a₂qui₂ca₂ŋi'₃ Jesús, la₁ tsá₃ ma₃'e₂ ca₂ŋag₃ 'éi₂
'i₁caun₂.

¹⁰ Ja₁jaun₂ jme₁tión₂ juig₅₄ jme₂dsa₂ quian'₅₄ tē₂juá'₅ ně₃,
caun₂ qui₂ca₂'náu'₃ tion₅₄ dsáu₁ 'éi₂.

¹¹ Jaun₂ Herodes ně₃, quian'₅₄ 'lióg₂ quiáin₅, lë₁qui₂ca₂jmo₂g'₂ tioin'₅₄, ca₂quei'₃ 'mi'₂ jlá'₁, jaun₂ ca₂dsióg'₂ bá₄ táng₃ ne₄ Pilato.

¹² Jmíg₄ jaun₂ bá₄ ca₂jmo₃ Pilato a₂mei₅₄ quian'₅₄ Herodes, ia₁ jme₁le₁'ñiai₁₂ riin'₅₄ le₂jñiá₅.

Ca₂o₃'ág₃ 'éi'₃ a₂jón₂ Jesús

(Mateo 27:15-26; Marcos 15:6-15; Juan 18:39-19:16)

¹³ Jaun₂ ca₂ñi'₂ Pilato juig₅₄ jme₂dsa₂, quian'₅₄ i₂lín₅ ta₁, quian'₅₄ dsa₂ juig₂ ně₃. ¹⁴ Jaun₂ ca₂tsí'₃ dsa₂:

—O₂jon'₅₄ 'nia'₂ ne₃ dsa₂ la₂, ia₁ juá'₂ 'nia'₂ a₂dsia₂₃ mi'₅₄ jin₄ dsa₂. Tě₃ ne'₅₄ 'nia'₂ ma₂qui₂ně₂ñag₄ jniá₂, tsá₃ 'e₂ dsáu₁ dso'₂ jniá₂ 'i₁caun₂, lia'₂ con'₂ lě₅ dso₄ a₂jme₂cain'₅₄ 'nia'₂. ¹⁵ On₃ guě'₂ Herodes ca₂dsó'₂, jaun₂ la₂ bá₄ ca₂dsióg'₂ táng₃. Jaun₂ 'i₁caun₂ tsá₃ 'e₂ cha₂jua'₅₄ ca₂tíin₂ gue₃ 'mú₃. ¹⁶ La₁ jmo₅₄ 'éi'₃ a₂bóg₂ dsa₂, jaun₂ guě₄ loin₅₄.

¹⁷ Jme₁jmi₄ tě₂'in₅₄, jme₁chí'₄ tag₄ quió'₅ Pilato jme₁lióin₂ jan₂ dsa₂ 'né₅ 'má₃, jme₁chei'₂ le₃jin₄ dsa₂.*

¹⁸ La₁ dsa₂ juig₂ ně₃ co₂ñei'₅₄ ca₂le₃jín₃ ca₂tóin₂ co₂mi'₅₄ ca₂juá'₂:

—iCau₅ jñiá'₃ i₂ně₅! iBarrabás bá₄ lion₄ quián₂ jnia'₅₄!

¹⁹ Barrabás 'éi₂ ca₂to'₂ dsa₂ né₃ 'má₃ 'uig₅₄ ia₁ ca₂dsia₃ caun₂ mi'₅₄ jě₄ juig₂, ton'₂ ia₁ jme₁ma₂jñi'₃ dsa₂ ně₃.

²⁰ Jme₁nio₃ bá₄ Pilato jme₁lióin₂ Jesús, jaun₂ jme₁ca₂tsí'₃ bá₄ guě₄ dsa₂. ²¹ La₁ tě₂le₃ lě₅ guě₄ co₂mi'₅₄ ca₂tón₂ bá₄ dsa₂, guió'₅ juá'₂:

—iTióin₃ cróg₄! iTióin₃ cróg₄!

²² Jě₁ñó₄ 'ni₅ ráun₂ ca₂juá'₂ táng₃ Pilato tsí'₅ dsa₂:

—'E₂ guě'₂ 'lig'₅₄ ma₂jmo₃? Tsá₃ 'e₂ dsáu₁ i₂ně₅ dso'₂ jniá₂ jua'₅₄ a₂ca₂tíin₂ jóin₂. Jmo₅₄ jniá₂ 'éi'₃ a₂bóg₂ dsa₂ jaun₂ guě₄ loin₅₄.

²³ La₁ tion₅₄ ca₂mi₃ dsa₂ tioin'₅₄ co₂mi'₅₄ a₂tion₃ cróg₄. Ca₂lě₃ rě'₂ con'₂ lě₅ 'ín₅ dsí₅ dsa₂ juig₂ lě₂.

²⁴ Jaun₂ co₂ñei'₅₄ me'₂ ca₂jmo₃ Pilato 'éi'₃ a₂lé₂ con'₂ lě₅ mi₅ dsa₂.

²⁵ Jaun₂ ca₂lióin₂ bá₄ dsa₂ i₂jme₁'en₅₄ né₃ 'má₃, i₂jme₁ma₂dsia₃ mi'₅₄, i₂ma₂jñi'₃ dsa₂ ně₃. Jaun₂ ca₂jáng'₂ ca₂jín₂ Jesús o₄gú₃ dsa₂ juig₂ o₁jmo₁₂ quiong'₅₄ con'₂ 'ín₅ dsí₅ jmo₃.

Ca₂tion₃ dsa₂ cróg₄ Jesús

(Mateo 27:32-44; Marcos 15:21-32; Juan 19:17-27)

²⁶ Con'₂ ma₂tioin'₅₄ jui₅ jñiai₂₃ Jesús ja₁dsi₃tion₃ cróg₄, ca₂chi₃quiáin₂ tion₅₄ jan₂ dsa₂ chan₂ 'uě₃ Cirene, i₂chen₂ Si₂mu₅₄, i₂'en₅₄ jui₅ jón'₅ ja₁nau₂, a₂cán₂ cróg₄ dsó₃ le₃chi₁co'₅₄ quió'₅ Jesús.

* **23:17** A₂lin₅₄ chog₅₄ si₂ tsá₃ chi₁ton₅ versículo 17.

²⁷ Juin₅ lin₃ bá₄ dsa₂ juig₂ i₃lén₂ 'ein₂₃, dsa₂ mí₂ ně₃ i₃lén₂ qui'₂-
'o₂₃ 'lia'₂ dsí₅ qui'₂-óin'₂ Jesús.

²⁸ Jaun₂ ca₂jén'₃ Jesús, ca₂juá'₂:

—'Nia'₂ dsa₂ mí₂ chan₂ Jerusalén, 'a₃ ma₃'au₂ 'nia'₂ o₄quió₃
jniá₂. 'O₄ bá₄ 'nia'₂ o₄quiáng'₂ guiong'₅₄, o₄quió'₄ chi'₂-guein₂
quiáng'₂ ně₃. ²⁹ Ia₁ já₅ jmig₄ jě₁juá'₂ dsa₂: “E₂ guě₄ dsen₃
jui₁lia'₂ dsa₂ mí₂ i₂tsá₃ lé₂ cán₂ guein₂; 'e₂ guě₄ dsen₃ jui₁lia'₂ dsa₂
i₂tsá₃ guein₂ ca₂'í₃ tē₂dsí₅, on₃ guě'₂ dsi'₅₄ quió'₅ ca₂guén'₃ guein₂
ně₃.” ³⁰ Jmig₄ jaun₂ jme₃lióg₃ dsa₂ tsí'₃ ni₁má'₂: “Lá'₃ ne₄ quián₂
jnia'₅₄”, juá'₂ ně₃ tsí'₃ dsi₂con'₂: “Mog₅₄ jnia'₅₄.” ³¹ Ia₁ chi₂jua'₂
le₂la₂ jmo₅ dsa₂ jmái'₂ i₂tsá₃ ca₂tín₂ gue₃ uig₅, ċ'ě₂ guě₄ bá₄ dsi₃ní₂
i₂ca₂tín₂ dsón'₂?†

³² Ján₃ bá₄ jme₁le₁jniai₂₃ guě₄ on₃ dsa₂ i₂le₂cán'₄ dso₄,
a₂jme₂dsiog₂₃ co₂lě₅ quian'₅₄ Jesús.

³³ Jme₁ca₂dsi₃lén₂ ja₁tě'₂ dsa₂ Dsi₂con'₂ Ni₁mu₅ Mi₂dsi₄ 'Lag₄,†
ja₁jaun₂ ca₂tion₃ cróg₄ quian'₅₄ le₃on₃ dsa₂ 'lín'₅₄ 'éi₂, jan₂ tē₂le₃
gu₂ ne₁, jan₂ guě'₂ tē₂le₃ gu₂ jen₅.

³⁴ [Jaun₂ ca₂juá'₂ Jesús:

—Tia₅₄, 'én₃ dsáu₁, ia₁ tsá₃ ŋi₅ a₂jmo₂₃.]§

Jaun₂ ca₂co₃ dsi₂'lióg₂ ca₂tóin'₂ ca₂jmo₃ le₁dso'₅₄ ni₁tsin'₅₄
Jesús.*

³⁵ Jaun₂ jme₁tión₂ dsa₂ juig₂ cau₅, jág₅. Dsi₂tan₅₄ ně₃ jme₁tión₂,
qui₂co₂jmog'₂ burlas, ca₂juá'₂:

—Qui₂ma₂lióin₂ i₂sián'₂; ně₃ ně₃, jui₁lioin₅₄ 'ŋiog₅ chi₂jua'₂
dsi₂jó'₃ lín₅ I₂rě₂'ín₁ rě₂quion'₅₄ quián₅ Diú₄.

³⁶ Dsi₂'lióg₂ ně₃ ca₂jmog'₂ burlas ca₂jme₃quiáin₃ ca₂jén'₃ vino
jen'₂, ³⁷ ca₂juá'₂:

—Chi₂jua'₂ líng'₅ Rag₅₄ quián₅ dsa₂ judíos, lion₄ 'ŋiag'₂.

³⁸ Jaun₂ ca₂tióng₃ dsa₂ letras dsi₄ cróg₄ tio'₅₄ 'ni₅ né₃ jág₁ jmei₅:
griego, latín, hebreo ně₃, co₂'nió'₄ a₂juá'₂: “RAG₅₄ QUIÁN₅ DSA₂
JUDÍOS BÁ₄ LA₂.”

³⁹ Jan₂ i₂rě₂cán'₄ dso₄ i₂jme₁rě₂ton₅ cau₅ quió'₅ ca₂tě₂ca₂'o'₂,
ca₂juá'₂:

—ċOn₁ 'ne₂ líng'₅ I₂rě₂'ín₁ quián₅ Diú₄? Ma₂ně₃ lion₄ 'ŋiag'₂,
jaun₂ lo'₅₄ jnia'₅₄ ně₃.

⁴⁰ La₁ ca₂jí₂ bá₄ riin'₅₄ ca₂juá'₂:

—ċ'En₁ jmá'₃ tsá₃ gan'₃ 'ne₂ Diú₄? Jua'₂ uig₅ le₂ně₅ bá₄ guei'₂
ján₃. ⁴¹ La₁ jniog₄ a₂ca₂tág₂ dsón'₂ guei₂ uig₅ la₂, lia'₂ con'₂ lě₅
a₂ma₂jmo₁; la₁ dsa₂ la₂ ně₃, 'i₁caun₂ tsá₃ 'e₂ riin₂.

† 23:31 lit. “ia₁ chi₂jua'₂ ni₁'ma₂ rě'₂ co₂jmo₅ dsa₂ le₂ně₅, ċ'ě₂ guě₄ bá₄ lé₂ quian'₅₄
ni₁'ma₂ quein₂?” ‡ 23:33 ja₁chei₂ “Gólgota” quian'₅₄ arameo; quian'₅₄ latín guě'₂,
chei₂ “Calvario.” § 23:34 A₂lin₅₄ chog₅₄ si₂tsá₃ chi₁ton₅ jág₁ ně₅. * 23:34 'Nio'₂
ja₁ton₅ Salmo 22:18.

42 Jaun₂ ca₂juá'₂:

—Jesús, jui₁dsiog'₂ bá₄ 'au'₂ jniá₂, jë₁ma₂dsiáng'₃ ja₁gong'₂.

43 Jaun₂ ca₂ɲag₃ Jesús:

—A₂dsi₂jó'₃ juig₂ jniá₂ 'ne₂, jmi₄g₄ nē₃ tē₃tsing'₅₄ quian'₅₄ jniá₂ Ja₁jlá'₁.†

Ca₂jon₃ Jesús

(Mateo 27:45-56; Marcos 15:33-41; Juan 19:28-30)

44 Con'₂ dsi₃ní'₃, ‡ tē₁tsi'₅₄ qui₁né'₃ ta₁caun₂ gua'₅₄ 'uē₃, ca₂lia'₂ ca₂tē₂ hora ɲi₁ 'ni₅§ le₃ca₂'láu₂.

45 'Iog₂ co₂dsia₅ ca₂rē₃liá'₃; tsi₁'mi'₂ cortina a₂jme₁'ei₅ dsi₂néi₂ guá'₅ templo, co₂dsia₅ ca₂chen₃ ca₂lē₃ tin₃ dso'₅₄ jo₂.

46 Hora jaun₂, ca₂guió'₃ Jesús, ca₂juá'₂:

—i₁Tia₅₄ quiáng₃, o₄gog'₂ 'ne₂ dsia₅₄ jme₂dsí₂ quió'₃!

Caun₂ jaun₂ bá₄ a₂ca₂juá'₂ guē₄, co₂tan₅₄ ca₂join₃.

47 Jme₁ca₂jág₃ juig₅₄ 'lióg₂ a₂ca₂lē₃ jaun₂, ca₂jme₃juin'₂ Diú₄, ca₂juá'₂:

—Dsón'₂ bá₄ tsá₃ 'e₂ jme₁rin₂ dsa₂ la₂.

48 Ca₂le₃jín₃ bá₄ dsa₂ i₂jme₁tion'₅₄ i₂ca₂jág₃ a₂ca₂lē₃ jaun₂, ca₂ilein₃ quein₂₃ dsí₅.*

49 Ca₂le₃jín₃ dsa₂ i₂jme₁cuin₅ Jesús quian'₅₄ dsa₂ mí₂ i₂jme₁ma₂quiong'₅₄ tē₂ Galilea, jme₁tióin₂ uíng₂ jág₅ ca₂le₃jē₃ a₂nē₅.

Ca₂'on₃ Jesús

(Mateo 27:57-61; Marcos 15:42-47; Juan 19:38-42)

50 La₁ ca₂lē₃ nē₃, jan₂ dsa₂ i₂chen₂ José, i₂jme₁quen'₅₄ lín₅ ta₁ jin₄ dsi₂tan₅₄ quián₅ guá'₅, jme₁lín₄ dsa₂ dsen₃ i₂'ua₁ dsí₅. 51 Sē₄ 'éi₂ nē₃, i₂chan₂ juig₂ Arimatea ja₁tén₄ Judea, tsá₃ ca₂rē₃ɲióg₃ dsí₅ lia'₂ niog₅ ca₂jmo₃ dsi₂tan₅₄ riin'₅₄, ia₁ jme₁chi₁ɲia₂₃ le₃gon₂ Diú₄.

52 Jaun₂ ca₂ɲei₅₄ nē₃ i₁mi₂ jág₁ ne₄ Pilato a₂dsi₃sioin₅₄ 'lag₄ Jesús cróg₄ a₂dsi₃'ó₃.

53 Jme₁ca₂sió₂, ca₂lio₃ caun₂ 'mi'₂ tióg₃. Jaun₂ ca₂i₁quio₂₃ 'ɲióg₃ tau₂ 'ɲio₅ a₂jme₁ma₂lē₅ ca₂jmo₃ dsa₂ dsí₅ ni₁'lau₂, ja₁tsá₃ 'ein₂ 'lag₄ ma₂'í₅.

54 Ia₁ jmi₄g₄ jaun₂ tion'₅₄ dsa₂ jmo₂₃ co₂ɲia₅₄ a₂'nió'₅ quió'₅ jmi₄g₄ sa₅₄ a₂jē₁ca₂ɲia₃ jaun₂.

55 La₁ dsa₂ mí₂ i₂ma₂ja₂lén₂ quian'₅₄ Jesús tē₂ Galilea, ca₂O₃lén₂ ca₂jág₃ 'a₂ lia'₂ ca₂quion₅ dsa₂ 'lag₄ né'₃ táu₂.

56 Jme₁ca₂dsi₃lein₃ quió'₅, ca₂jmo₃ co₂ɲia₅₄ no'₅₄ mi₂juig₂ quian'₅₄ guē₄ ma₁'au₂ nē₃, a₂dsi₃tsiin₅₄ Jesús.

Jme₁ca₂ɲia₃ sa₅₄ jaun₂, ca₂tiáin'₂ ca₂ɲia₃ lia'₂ con'₂ lē₅ 'Éi'₃.

† 23:43 griego: paradeiso (Paraíso). ‡ 23:44 lit. “hora ɲɲéi₂.” § 23:44 lit. “hora ɲi₃.” * 23:48 Co₂'nió'₄ a₂jmo₂₃ léi₄ a₂qui'₂ dsí₅.

24

*Ca₂jen'*₅₄ *táng₃ Jesús*

(Mateo 28:1-10; Marcos 16:1-8; Juan 20:1-10)

¹ Jē₁le₂'uig₅₄ jmi_g₄ semana, ca₂i₃lén₂ táng₃ dsa₂ mí₂ tē₂ o₃'iog₂ lin₃, i₁jag₅₄ tau₂ 'ñio₅ le₁quian₅ no'₅₄ mi₂juig₂ a₂jme₁ma₂lē₅ co₂jñia₅₄ quió'₅; [lē₂ bá₄ guē₄ dsa₂ mí₂ sián'₂ i₂ca₂jme₃quiong'₅₄].*

² Jme₁ca₂dsi₃lén₂ ja₁jaun₂, jua'₂ cau₅ bá₄ ma₂i₂mu₃ ni₁cang₁ a₂jme₁rē₂jñi₅ tau₂ 'ñio₅. ³ Jaun₂ ca₂i₃toin'₅₄, la₁ tsá₃ ma₃ni₁ñi₁ 'lag₄ [Te₁gui'₅₄ Jesús]† ca₂dsó'₂ ja₁jaun₂. ⁴ [Jaun₂ ca₂lē₃],‡ tē₃ tióin₂ dsi₂gó'₃ dsí₅ jaun₂, tsá₃ a₂ñi₅ jmo₃, jme₁ca₂jñin₂ on₃ dsa₂ i₂qui'₂ tsin'₅₄ tág₅, tión₂ cau₅ quió'₅.

⁵ Tē₃ ma₂gó'₅ jaun₂, ca₂i₃in₃ ne₅₄ tē₂ 'uē₃. Jaun₂ ca₂juá'₂ dsa₂ 'éi₂:

—¿'E₂ lē₃ 'na'₂ 'nia'₂ jan₂ i₂jén'₃ jin₄ 'lag₄? ⁶ Tsá₃ 'éi₂ chan₂ ja₁lá₃. Ma₂ca₂jein'₅₄ bá₄. Jui₁dsiog'₂ 'au'₂ 'nia'₂ a₂ca₂juá'₂ lia'₂ con'₂ jme₁ñi₂₃ Galilea, ⁷ jme₁ca₂juá'₂ a₂ca₂tín₂ Jaun₅ dsa₂ mi₂güig₃ jáng'₂ dsa₂ o₄gú₃ dsa₂ 'lin'₅₄, a₂tion₃ dsa₂ cróg₄, la₁ a₂'ni₅ jmi_g₄ jaun₂ jein'₅₄ táng₃.

⁸ Jaun₂ guē₄ ca₂dsáu'₃ dsí₅ 'io₅₄ jág₁ jaun₂ quió'₅ Jesús. ⁹ Jme₁dsi₃lein₃ jaun₂, ca₂dsia₃ ca₂tsí'₃ ta₁guia₃-ján₃ chi'₂ dsi₂guia₃-tín₂ i₂jme₁lē₂ guē₄, ca₂tsí'₃ ca₂le₃jín₃ guē₄ dsa₂ sián'₂ nē₃. ¹⁰ Dsa₂ mí₂ i₂jme₁quion₂ jág₁ nē₅ ne₄ chi'₂ dsi₂guia₃-tín₂: María i₂chan₂ Magdala, Juana, María chog₅₄ Jacobo, quia₁in'₅₄ guē₄ dsa₂ mí₂ sián'₂.

¹¹ La₁ jme₁ca₂nág₂ chi'₂ dsi₂guia₃-tín₂ jág₁ nē₅, a₂lē₁tē₂'i₅ bá₄ 'io₅₄ 'éi₂, lín₂, jaun₂ tsá₃ ca₂rē₃'éin₂.

¹² La₁ Pe₄ nē₃, ca₂o₃'iñ₃ ñó₃ co₂chi'₅₄ ca₂l₁jag₅₄ dsi₂néi₂ tau₂ 'ñio₅. Jaun₂ jmá'₃ tsi₁'mi'₂ tióg₃ bá₄ ca₂jág₃ niog₅. Ca₂ñái'₃ bá₄ táng₃ jaun₂ nē₃, dsi₂gó'₃ dsí₅ 'e₂ ca₂lē₃.

A₂ca₂lē₃ dsi₂ju₅ ja₁ñó₄ juig₂ Emaús

(Marcos 16:12-13)

¹³ Jmi_g₄ jaun₂ dé₄, on₃ dsa₂ 'éi₂ tioin'₅₄ jui₅ i₃lén₂ jui₅ juig₂ ja₁tē'₂ dsa₂ Emaús, a₂niog₅ con'₂ guia₃-cáun₃ kilómetros ja₁niog₅ Jerusalén. ¹⁴ Jaun₂ dé₄ tsí'₅ riñ'₅₄ i₃lén₂ ca₂le₃jē₃ 'e₂ niog₅ ca₂lē₃.

¹⁵ Tē₃ dsia₂₃ i₃lén₂ jaun₂, ca₂jme₃quián₃ Jesús ñó₃ quiong'₅₄.

¹⁶ La₁ jui₁'a₂ guē₃ la₂ jág₂ i₃lén₂, cha₂ a₂jmo₅ a₂tsá₃ rē₂cuig₂₃ 'ein₂ 'éi₂.

¹⁷ Jaun₂ ca₂ñag₃ Jesús:

—¿'E₂ bá₄ jág₁ dsia'₂ 'nia'₂ ja₂nóg'₅?

* **24:1** A₂lin₅₄ chog₅₄ si₂ tsá₃ le₁ton₅ jág₁ nē₅. † **24:3** A₂lin₅₄ chog₅₄ si₂ tsá₃ le₁ton₅ jág₁ nē₅.

‡ **24:4** A₂lin₅₄ chog₅₄ si₂ tsá₃ le₁ton₅ jág₁ nē₅.

Jaun₂ ca₂nau₂ ca₂tiá₂ tei₄, le₁'ág₄ 'lia'₂ dsí₅ bá₄. ¹⁸Jaun₂ ca₂ɲag₃ jan₂ i₂chen₂ Cleofas:

—¿On₁ bá₄ jan'₂ 'ne₂ líng'₅ dsa₂ i₂lia'₂ tē₁ tsin'₅₄ guan₅ Jerusalén, jaun₂ tsá₃ ɲi'₅₄ 'e₂ niog₅ ca₂lē₃ dsióg₂-jo₃ nē₅?

¹⁹Jaun₂ ca₂ɲag₃:

—¿'E₂ ca₂lē₃ guē'₂?

Jaun₂ ca₂ɲag₃ táng₃:

—A₂ca₂lē₃ quian'₅₄ Jesús i₂chan₂ Nazaret, i₂jme₁lín₄ jan₂ i₂jme₁'ē₂ jág₁ quián₅ Diú₄, i₂'uan'₂ tē₂le₃ quian'₅₄ ca₂le₃jē₃ a₂niog₅ ca₂jmo₃, i₂'uan'₂ tē₂le₃ quian'₅₄ jág₁ a₂ca₂jme₃tag₂₃, lia'₂ le₃ne₄ Diú₄ lia'₂ le₃ne₄ dsa₂ mi₂güí₃ nē₃; ²⁰'a₂ lia'₂ ca₂jáng'₂ juí₅₄ jme₂dsa₂ quian'₅₄ dsi₂tan₅₄ quián₂ jnia'₅₄, ca₂dsi₂ 'éi'₃ ca₂jɲag'₃ tioin'₅₄, ca₂tion₃ cróg₄. ²¹Jnia'₅₄ jme₁'ín₂ dsi₅ chong₂, a₂lág₂ jnia'₅₄ 'éi₂ bá₄ lín₅ i₂jme₁lión₂ juí₂ Israel. La₁ nē₃ nē₃, ma₂'ni₅ jmí₄ ca₂lē₃ le₂nē₅. ²²I₂lín₅₄ dsa₂ mí₂ i₂tion'₅₄ jē₄ quián₂ jnia'₅₄ ma₂nē₂quiong₃ jnia'₅₄ juē'₅, ia₁ ma₃i₁jag₅₄ tē₂ o₃'iog₂ ma₂'míg₂ tau₂ 'ɲio₅, juá'₂. ²³Tsá₃ nī₁ɲi₁ 'lag₄ dsó'₅. A₂jaun₂ bá₄ dsia₂₃ o₃leín₃ a₂nē₂jme₃jnia₅ ángeles ne₅₄, a₂nē₂juá'₂ i₂chan₂ bá₄ 'éi₂. ²⁴Jaun₂ nē₃, ma₂i₁len₅₄ i₂lín₅₄ rin'₅₄ jnia'₅₄ ma₂i₁jag₅₄ tau₂ 'ɲio₅. Jua'₂ dsón'₂ bá₄ dsau₅ con'₂ lē₅ jág₁ jmóg'₅ dsa₂ mí₂ 'éi₂, la₁ 'éi₂ guē'₂ nē₃ tsá₃ nē₂jín₂, juá'₂.

²⁵Jaun₂ ca₂ɲag₃ Jesús ca₂tsí'₃ 'éi₂:

—i'En₁ jmá'₃ tsá₃ 'e₂ ca₂ɲi'₂ 'au'₂ 'nia'₂! ¿Líg'₂ bá₄ le₃'én'₂ 'nia'₂ ca₂le₃jē₃ a₂niog₅ ca₂juá'₂ dsa₂ i₂jme₁'ē₂ jág₁ quián₅ Diú₄? ²⁶Ia₁ ¿on₁ le₂jaun₂ 'i₄ 'éi'₃ ca₂tín₂ I₂rē₂'ín₁ quián₅ Diú₄, dsi₃ɲi₂ ca₂le₃jē₃ a₂nē₅ de'₂ jɲiá₅, jaun₂ guē₄ dsiáin'₄ ja₁le₃juin'₂ táng₃?

²⁷Jaun₂ qui₂ca₂juá'₂ 'a₂ lia'₂ niog₅ juá'₂ ne₄ Si₂ quió'₅ Diú₄; ca₂jme₃lióg₃ de'₂ jɲiá₅ ja₁juá'₂ ne₄ si₂ quió'₅ Moisés, ɲó₃ ca₂'ē₃ le₂tan₅₄ si₂ quió'₅ dsa₂ i₂jme₁'ē₂ jág₁ quián₅ Diú₄, ja₁juá'₂ 'iin₂₃ 'éi₂ 'ɲiog₅.

²⁸Jaun₂ ja₂quián₃ dsi₁lén₂ juí₂ pí'₁ ja₁tioin'₅₄ jui₅ dsi₁lén₂. La₁ dsa₂ 'éi₂ con'₂ jme₁ma₂ɲó₅ co₂dsau₅ bá₄ ca₂jmo₃.

²⁹La₁ i₂on₃ 'éi₂ nē₃ ca₂chi₃quióng₂ jmí₄ a₂jɲia₃, ca₂juá'₂:

—Nē₃ o₁jɲia₁ quian'₅₄ jnia'₅₄, ia₁ ca₂rin₂ bá₄ 'iog₂, ca₂'láu₂ ca₂nei₂ bá₄ la₂.

Jaun₂ ca₂'í₃ dsi₂néi₂ ja₁jɲia₃ quian'₅₄ 'éi₂.

³⁰Jaun₂ ca₂lē₃, jme₁ma₂guá₅ ne₄ mesa quian'₅₄ 'éi₂, ca₂can₃ i₁ɲí'₄, ca₂jme₃jɲi₃oí₃, jaun₂ guē₄ ca₂'niai₃ ca₂cué'₃ le₃on₃ i₂quai₂n'₅₄.

³¹Tē₃jē₄ jaun₂ nē₂jag₄ a₂jaun₂ guē₄ ca₂niá₃ jme₁ne₁₂ lín₂, jaun₂ guē₄ ca₂rē₃cuí₂₃. La₁ dsi₂jui₅ jaun₂ ca₂i₃cóin'₅ tē₃ ne₅₄.

³²Jaun₂ guē₄ ca₂dsia₃ jág₁ guioin₅₄:

—Dsón'² bá⁴ lia'² tio'⁵⁴ jui⁵ ja²náu⁵, ca²lě³ dsi⁵ néi¹ ca²le³jě³ 'e² niog⁵ nē²juá'² nē²jme³ñi'² dsi⁵ jniog⁴ a²juá'² Si².

³³ Dsi²jui⁵ le²jaun² bá⁴ ca²tóin'² táng³ jui⁵ ja²lein³ Jerusalén. Jme¹o³lein³ jaun², tion'⁵⁴ ta¹gui³a³-ján³ chi'² dsi²gui³a³-tín² i²lě² guě⁴, le¹ñi'² quian'⁵⁴ guě⁴ dsa² sián'². ³⁴ Jaun² juá'² 'éi² tioin'⁵⁴:

—Tě³dsón'² bá⁴ ma²ca²jen'⁵⁴ Te¹gui'⁵⁴. Ia¹ ma²nē²jme³jniai²³ ne⁴ Si²mu⁵⁴.

³⁵ Jaun² guě⁴ ca²j móg'³ táng³ i²on³ 'éi² jág¹ 'a² lia'² ca²lě³ le²i⁴ jui⁵, 'a² lia'² ca²rě³cuig²³ con'² jme¹ca²'niai³ i¹ñí'⁴.

*Ca²jme³jnia⁵ Jesús jě⁴ quió'⁵ chi'² dsi²gui³a³-tín²
(Mateo 28:16-20; Marcos 16:14-18; Juan 20:19-23)*

³⁶ Tě³ tioin'⁵⁴ dsia²³ jág¹ jaun², jme¹ca²jme³jnia⁵ Jesús ca²nau² jě⁴ quió'⁵, \$

³⁷ Ca²i³gó'³ dsi⁵ tioin'⁵⁴, lín² jan² jme²dsí² bá⁴ 'éi² ñi⁵.

³⁸ Jaun² ca²juá'²:

—¿'E² lě³ ñí⁴ lě³ tion'⁵⁴ 'nia'² chí'⁵ go²i³? ¿'E² lě³ ñí⁴ 'lióng² a²'náu'² 'nia'² 'au'²? ³⁹ La² jag⁴ 'nia'² o⁴gu³ o⁴tag³. Jniá² bá⁴ la². I²nó'⁵ 'nia'² i²ñíg'³ quió'³ i²jag⁴ 'nia'². Jan² jme²dsí², on³jua'⁵⁴ i²ton⁵ ñí⁵ on³ i²'en⁵⁴ mu⁵, jui¹lia'² jág'² 'nia'² lín⁵ jniá².

⁴⁰ Tě³ juá'² le²ně⁵, qui²ca²'ě³ o⁴gú³ o⁴tag¹² nē³.

⁴¹ Tě³ tioin'⁵⁴ jaun² dsi²gó'³ dsi⁵ tsá³ 'éin² o⁴quió'⁴ a²ñí⁴ lě³ 'io'² jén'⁵, jme¹ca²juá'² Jesús:

—¿Cha¹ a²le³que⁵⁴ ca²la² ja¹lá³?

⁴² Jaun² ca²o³can⁵ ca²'nau⁵⁴ quió'⁵ i¹ju¹ cui² ne⁴ si², [quian'⁵⁴ guě² ca²jne⁴ ñi¹tá'⁵ cuing⁵].*

⁴³ Jaun² ca²gue³ ca²guě'³ guá⁵ tě³ne⁴ ca²le³jín³.

⁴⁴ Jaun² ca²juá'² nē³:

—Ma¹ ca²juá'³ jniá² le²jñiá⁵ lia'² con'² jme¹ñi²³ jín'⁴ 'nia'², a²tion⁵⁴ le³ti³ ca²le³jě³ lia'² con'² lě⁵ tio'⁵⁴ ne⁴ Si² 'Éi'³ quió'⁵ Moisés, ne⁴ Si² quió'⁵ dsa² i²jme¹'ě² jág¹ quián⁵ Diú⁴, ne⁴ Salmos nē³, ja¹'ag²³ jniá².

⁴⁵ Jaun² guě⁴ ca²jme³ñi'² dsi⁵ 'éi² a²juá'² Si², ⁴⁶ jaun² ca²juá'²:

—Le²ně⁵ bá⁴ tio'⁵⁴ ne⁴ Si²: a²tion⁵⁴ bá⁴ dsi³ñi² uig⁵ I²rě²'ín¹ quián⁵ Diú⁴, la¹ jein'⁵⁴ bá⁴ táng³ a²'ni⁵ jmig⁴; ⁴⁷ a²tion⁵⁴ dsi³'ag⁵ jág¹ nē³, a²'nió'⁵ qui²dsi³quén'⁵ dsi⁵ dsa² ia¹jaun² bá⁴ lé² le³'én² dsáu¹. Jág¹ nē⁵ dsó³ qui²rě²'ě² o⁴quió³, ne⁴ ca²le³jín³ i²chan² gua'⁵⁴ 'uě³, la¹ Jerusalén de'² jñiá⁵ ja¹le³lióg³. ⁴⁸ 'Nia'² nē³ i²qui²ca²tě² ne'⁵⁴ ca²le³jě³ a²niog⁵ ca²lě³, qui²o¹jang'⁴ 'nia'² jág¹ dsau⁵. ⁴⁹ Jaun² nē³, tsin⁵⁴ jniá² i²ma²lě⁵ jág¹ chen³ Ne'³. La¹ jñia⁴

\$ 24:36 A²lin⁵⁴ chog⁵⁴ si² juá'² ján³: “co²tan⁵⁴ ca²cuag³ Diú⁴, ca²juá'²: —Siang'³. Jui¹'ei⁵ bá⁴ tei⁴ tion'⁵⁴ 'nia'².” * 24:42 A²lin⁵⁴ chog⁵⁴ si² tsá³ chi¹ton⁵ jág¹ nē⁵.

guě₄ 'nia'₂ juig₂ la₂, ca₂lia'₂ ca₂lě₃ le₁lin'₄ 'nia'₂ quian'₅₄ juibí₂
a₂sió₃ guei'₅₄.

Ca₂uíg₂ Jesús guei'₅₄ i₂juíg₃
(Marcos 16:19-20)

⁵⁰ Jaun₂ ca₂jñiai₃ chi'₂ dsi₂guia₃-tín₂ tē₂ juig₂ Betania, jaun₂
ca₂cho₃ gu₂ ne₄ quió'₅ ca₂le₃jín₃, ca₂jme₃gu'₅₄. ⁵¹ Ca₂lě₃ ně₃, tē₃jě₄
jme₂gu'₅₄ jaun₂, ca₂i₃uíin₂.†

⁵² 'Éi₂ ně₃, ja₂lein₃ bá₄ táng₃ Jerusalén, jmo₂₃ 'io'₂ 'ηio₅ lín₃,
⁵³ le₃ó₃ jmíg₄ bá₄ jme₁ñi'₂ i₁dsi₅ guá'₅ jme₂juin'₂ Diú₄.
Co₂ně₅.

† 24:51 A₂lin₅₄ chog₅₄ si₂ juá'₂ ján₃: “ca₂ñái'₃ guei'₅₄ i₂juíg₃.”

Jág₁ Dse₃ quió'₅ Diú₄ a₂ca₂tó'₂ San Juan₅₄ ne₄ Si₂

Jág₁ quió'₅ Diú₄ a₂lín₅ dsa₂ mi₂güig₃

¹ Lia'₂ con'₂ le₂'uig₅₄ jme₁ca₂rë₃lióg₃, jme₁ma₂chan₂ i₂të'₂ Jág₁; jaun₂ i₂'éi₂ i₂lín₅ Jág₁ nê₃, jme₁'ein₅₄ quian'₅₄ Diú₄; Diú₄ bá₄ jme₁lín₄ ján₃. ² Jaun₂ lia'₂ con'₂ le₂'uig₅₄, 'éi₂ nê₃, jme₁'ein₅₄ quian'₅₄ Diú₄. ³ Të₂le₃ quian'₅₄ 'éi₂ bá₄, ca₂lë₃ ca₂le₃jë₃ 'e₂ a₂cha₂; ca₂lia'₂ 'i₁caun₂ tsá₃ ca₂rë₃chá₃ jua'₅₄ tsá₃ ca₂jmo₃ 'éi₂.

⁴ Ja₁con₂ 'éi₂ bá₄ já₅ bí₂ a₂le₃chan₂ dsa₂; bí₂ jaun₂ nê₃, lë₅ Si₂ a₂tág₅ ja₁con₂ dsa₂ mi₂güig₃. ⁵ Tág₅ Si₂ jaun₂ jë₄ qui₁né'₃, la₁ qui₁né'₃ nê₃, tsá₃ ma₂ca₂tió'₃.

⁶ Ca₂rë₃chán₃ jan₂ dsa₂ i₂chen₄ quián₅ Diú₄, i₂chen₂ Juan₅₄.

⁷ Ca₂guain₃ ca₂jáng'₃ jág₁ dsau₅ tē₂le₃ quió'₅ 'éi₂ i₂lín₅ Si₂, ia₁jaun₂ tē₂le₃ quian'₅₄ jág₁ dsau₅ a₂jáng'₅ nê₃, le₃'én₂ ca₂le₃jín₃ dsa₂.

⁸ On₃jua'₅₄ Juan₅₄ 'éi₂ i₂jme₁lín₄ Si₂; njia'₅₄ con'₂ i₂jáng'₅ jág₁ dsau₅ bá₄ jme₁lín₄, jui₁lia'₂ le₃quió'₅ Si₂.

⁹ Jme₁ma₂guán₂ i₂lín₅ Si₂ tē₃dsón'₂, a₂tág₃ ja₁con₂ le₂jan₂ le₂jan₂ dsa₂ mi₂güig₃.

¹⁰ I₂'éi₂ i₂lín₅ Jág₁ jme₁'ein₅₄ mi₂güig₃; jaun₂, o₁nja'₅₄ ca₂lë₃ mi₂güig₃ tē₂le₃ quian'₅₄ 'éi₂, tsá₃ ca₂rë₃cuig₅ dsa₂ mi₂güig₃.

¹¹ Guain₃ jin₄ dsa₂ go₅₄, la₁ dsa₂ go₅₄ nê₃, tsá₃ ca₂guei₃.

¹² La₁ia₁ i₂con'₂ ca₂guei₃, i₂ca₂rë₃'én₂ tē₂le₃ quió'₅, dsa₂ 'éi₂ nê₃ ca₂cuë'₃ bí₂ a₂lén₂ chi'₂-guein₂ quián₅ Diú₄.

¹³ Jui₁lia'₂ chi'₂-guein₂ 'éi₂, on₃jua'₅₄ ca₂rë₃chán₃ lia'₂ con'₂ lë₅ jmi₄ dsa₂ mi₂güig₃, on₃ guë'₂ lia'₂ con'₂ lë₅ dsí₅ dsa₂ mi₂güig₃, on₃ guë'₂ lia'₂ con'₂ lë₅ dsí₅ jan₂ dsa₂ ñe'₂, ton'₂ ca₂rë₃chán₃ le₃quió'₅ Diú₄ bá₄.

¹⁴ I₂'éi₂ nê₃ i₂lín₅ Jág₁, ca₂can₃ ñi₄ dsa₂ mi₂güig₃, ca₂guá₂ jë₄ quián₂ jniog₄. Jnia'₅₄ nê₃ ma₂ca₂jag₅₄ a₂co₂'né'₅ quió'₅, co₂'nió'₄ a₂co₂'né'₅ quió'₅ jan₂ tan₅₄ Ja₁ñi'₅₄ Diú₄, i₂já₅ ja₁con₂ Jmei₂, rë₂rín₅ a₂dse₃ dsí₅, a₂rë₂ti'₅₄ nê₃.

¹⁵ Ca₂jáng'₃ Juan₅₄ jág₁ dsau₅ tē₂le₃ quió'₅ 'éi₂, ca₂juá'₂ tiá₂:

—I₂la₂ bá₄ 'éi₂ i₂'ín₅ jniá₂, lia'₂ con'₂ jme₁ca₂juá'₃: “I₂já₅ cang₂ guë'₄ con'₂ guë'₄ jniá₂, dsein₅₄ guë'₄ con'₂ guë'₄ jniá₂, ia₁ jme₁ma₂chain₂ njia₅ guë'₄ con'₂ guë'₄ jniá₂.”

¹⁶ Ca₂le₃jág₃ bá₄ jniog₄ ma₂qui₂ma₂guéi₂ a₂tson₂ a₂dse₃ dsí₅ 'éi₂, caun₂ qui₂jme₂gu'₅₄ bá₄ Diú₄ jniog₄ lia'₂ i₂gú'₃.

17 Ca₂ŋag₂ jniog₄ Si₂ 'Éi'₃ tē₂le₃ quian'₅₄ Moisés, la₁ia₁ tē₂le₃ quian'₅₄ Jesucristo bá₄ ca₂já₃ a₂dse₃ dsí₅ Diú₄, ca₂rē₃ti₃ já₁g₁ dsau₅ ně₃.

18 Lia'₂ i₁jan₂ tsá₃ 'ein₂ ma₂jín₂ Diú₄ lia'₂ 'i₁cón'₂; la₁ia₁ Ja₁ŋi'₅₄ i₂jan₂ tan₅₄ 'éi₂ quián₅, i₂'en₅₄ ja₁con₂ Jmei₂, i₂'éi₂ bá₄ ma₂jmo₃ já₁g₁ dsau₅ 'a₂ lia'₂ lín₅ Diú₄.

Jáng'₅ já₁g₁ dsau₅ Juan₅₄ i₂chon₅ dsa₂ jmig₂, ju₁lia'₂ i₂'ein₂ 'éi₂ Jesucristo

(Mateo 3:11-12; Marcos 1:7-8; Lucas 3:15-17)

19 Jaun₂ le₂la₂ já₁g₁ a₂ca₂jáng'₃ Juan₅₄ jme₁ca₂chen₃ dsa₂ can'₅₄ quián₅ dsa₂ judíos i₂tion'₅₄ Jerusalén ca₂chein₃ jme₂dsa₂ quiain'₅₄ levitas ne₄ Juan₅₄, a₂i₁ŋag₁₂ i₂'ein₂ 'éi₂.

20 'Éi₂ ně₃ ca₂jmo₃ já₁g₁ lia'₂ rē₂jiá₃, ca₂juá'₂:

—On₃jua'₅₄ jniá₂ líng₅ I₂rē₂'ín₁ quián₅ Diú₄.

21 Jaun₂ ca₂ŋag₃ táng₃ dsa₂:

—¿'Ein₂ 'ne₂ jaun₂? ¿'Ne₂ líng'₅ Elías i₂jme₁'ě₂ já₁g₁ o₄quió'₄ Diú₄?

Jaun₂ ca₂juá'₂ Juan₅₄:

—On₃jua'₅₄ 'éi₂ jniá₂.

Dsi₂jui₅ le₂jaun₂ bá₄ ca₂ŋag₃ táng₃ dsa₂:

—¿On₃ bá₄ 'ne₂ líng'₅ i₂'ě₂ já₁g₁ 'éi₂, i₂lě₅ já₁g₁ jiá₃?

Jaun₂ ca₂ŋag₃ Juan₅₄:

—Jan₂'ón₄.

22 Jaun₂ bá₄ ca₂juá'₂ dsa₂ ca₂tsí'₃ Juan₅₄:

—¿'Ein₂ lín'₅ 'ne₂, jaun₂ ně₃? Jua'₅₄, ia₁jaun₂ dsi₁con₁ jnia'₅₄ já₁g₁ dsau₅ ne₄ dsa₂ i₂ca₂chei₃. ¿'Ein₂ juá'₂ 'ne₂ líng'₅?

23 Jaun₂ ca₂ŋag₃ Juan₅₄:

—Jniá₂ bá₄ líng₅ i₂'éi₂ i₂juá'₂ já₁g₁ tiá₂ caun₂ 'uě₃ quein₂ co₂'ŋiog₅ i₁juá'₄: “Nia₄ 'nia'₂ caun₂ jui₅ co₂dsau₅ quió'₅ Te₁gui'₅₄.”*

24 Dsa₂ i₂i₁len₅₄ i₁dsia₂ já₁g₁ quian'₅₄ Juan₅₄, dsa₂ i₂chen₄ quián₅ dsa₂ fariseos bá₄ 'éi₂, 25 jaun₂ ca₂ŋag₃ ca₂ŋi'₃ táng₃ Juan₅₄:

—Chi₂jua'₂ on₃jua'₅₄ 'ne₂ líng'₅ I₂rē₂'ín₁ quián₅ Diú₄, on₃ guě'₂ Elías, on₃ guě'₂ jan₂ i₂'ě₂ já₁g₁ o₄quió'₄ Diú₄ ně₃, ¿'e₂ ta₁ 'eng'₅₄ tsóng'₅ dsa₂ jmig₂?†

26 Jaun₂ ca₂juá'₂ Juan₅₄:

—Jniá₂ tiáng₅ dsa₂ jmig₂; la₁ia₁ jín₄ 'nia'₂ chan₂ jan₂ i₂tsá₃ cuin'₂ 'nia'₂. 27 Já₅ jan₂ cang₂ guě'₄ con'₂ guě'₄ jniá₂, on₃jua'₅₄ 'ein₂ lín₅ jniá₂ jua'₅₄ ca₂tíng₂ tsi'₅₄ lau₂ ton₅ tag₅₄.

* 1:23 Isaías 40:3. † 1:25 lit. “¿'e₂ ta₁ 'eng'₅₄ tiáng'₅ dsa₂ jmig₂? ”

²⁸ Ca₂le₃jě₃ a₂la₂ ca₂lě₃ caun₂ ja₁chei₂ Betania,[†] a₂nio₅ tē₂le₃ ja₁ia₂ 'iog₂ tē₂le₃ quióng₄ Cuá₃ Jordán, ja₁jme₁'en₅₄ Juan₅₄ choin₂₃ dsa₂ jmig₂.[§]

Jesús i₂lín₅ Guein₂ Já'₂ Cha'₂ quián₅ Diú₄

²⁹ Jme₁jnia₃ jaun₂, ca₂jín₂ Juan₅₄ Jesús a₂já₅ ja₂quiáin₃ ja₁chéin₄, jaun₂ ca₂juá'₂:

—Jag₄ 'nia'₂, i₂ně₅ bá₄ Guein₂ Já'₂ Cha'₂ quián₅ Diú₄, i₂jniá'₂ dsáu₁ dsa₂ mi₂güig₃. ³⁰ I₂ně₅ bá₄ 'éi₂ i₂'ín₅ jniá₂, lia'₂ con'₂ jme₁ca₂juá'₂: “I₂já₅ cang₂ guě₄ con'₂ guě₄ jniá₂, dsein₅₄ guě₄ con'₂ guě₄ jniá₂, ia₁ jme₁ma₂chain₂ jniá₅ guě₄ con'₂ guě₄ jniá₂.”

³¹ Lia'₂ jniá'₅₄ 'ñió₃, tsá₃ jme₁guion₅₄ 'ein₂ 'éi₂; la₁ia₁ chón₅ dsa₂ jmig₂ ma₂guio₃, * ia₁jaun₂ le₃cui₅ dsa₂ juig₂ Israel 'ein₂ 'éi₂.

³² Ján₃ bá₄ ca₂jáng'₃ Juan₅₄ já₁g₁ dsau₅ la₂, ca₂juá'₂:

—Ca₂jín₄ jniá₂ Jme₂dsí₂ Jñió₅ ca₂sióin₃ guei'₅₄ i₂juig₃ i₂jniá₂ lia'₂ jniá₂ jan₂ i₁ju₂, ca₂tē₁gua₁ ne₄ quió'₅ 'éi₂. ³³ Tsá₃ jme₁ma₂guion₄ bá₄ guě₄ jniá₂ i₂'ein₂ 'éi₂; la₁ia₁ i₂ca₂chei₃ jniá₂ a₂chón₄ dsa₂ jmig₂,[†] ca₂tság₃ jniá₂: “Jē₁ma₂ca₂jing'₅₄ Jme₂dsí₂ sióin₅ ne₄ quió'₅ jan₂ dsa₂ ñe'₂, i₂'éi₂ bá₄ qui₃tián₂ dsa₂ Jme₂dsí₂ Jñió₅.” ³⁴ Ma₂ca₂jín₅₄ bá₄ jniá₂, jaun₂ jáng'₅ jniá₂ já₁g₁ dsau₅, a₂lín₅ 'éi₂ Ja₁ñi'₅₄ Diú₄.

I₂le₂'uig₅₄ dsa₂ guia₃-tín₂ quián₅ Jesús

³⁵ Jme₁jnia₃ jaun₂, jme₁'en₅₄ táng₃ Juan₅₄ ja₁jaun₂ quian'₅₄ guě₄ on₃ dsa₂ i₂i₂nio₄ quiaín'₅₄.

³⁶ Jaun₂ jme₁ca₂jág₃ Juan₅₄ ca₂ñi₅ Jesús, jaun₂ ca₂juá'₂:

—Jag₄ 'nia'₂, i₂ně₅ bá₄ Guein₂ Já'₂ Cha'₂ quián₅ Diú₄.

³⁷ Jaun₂ ca₂nág₂ le₃on₃ dsa₂ 'éi₂ a₂ca₂juá'₂, jaun₂ i₃lén₂ chi₁co'₅₄ quió'₅ Jesús.

³⁸ Jaun₂ ně₃ ca₂jén'₃ Jesús tē₂le₃ ca'₃, ca₂jín₂ dsa₂ i₂i₃lén₂ chi₁co'₅₄ quió'₅, jaun₂ ca₂juá'₂ ca₂tsí'₃ 'éi₂:

—Ĳ'E₂ 'náu'₂ 'nia'₂?

Jaun₂ ca₂juá'₂ dsa₂ 'éi₂ ca₂tsí'₃ Jesús:

—Rabbí —co₂'nió'₄ le₃jua'₅₄: Tē₅—, ĲJá'₄ ñéi'₂ 'ne₂?

³⁹ Jaun₂ ca₂ñag₃ Jesús:

—I₂nó'₅ 'nia'₂ i₂jag₄.

Jaun₂ i₃lén₂ i₁jag₅₄ já'₄ guá₅ Jesús, jaun₂ quian'₅₄ 'éi₂ bá₄ ca₂tóin'₂ tē₁lia'₂ ca₂'láu₂ jmig₄ jaun₂; ia₁ jme₁ma₂ca₂tē₂ con'₂ hora ñi₁ quén₂ tē₂le₃ ca₂'láu₂.[‡]

[†] 1:28 A₂lín₅₄ chog₅₄ si₂: “Betábara.” Juig₂ Betania siá'₂ cau₅ Cuá₃ Jordán, uíng₂ ja₁nio₅ Jerusalén; on₃jua'₅₄ Betania ja₁jme₁guá₄ Lázaro quiaín'₅₄ 'io₅₄ riñ'₅₄.

§ 1:28 lit. “ja₁jme₁'en₅₄ Juan₅₄ tián₂ dsa₂ jmig₂.” * 1:31 lit. “la₁ia₁ tiáng₅ dsa₂ jmig₂ ma₂guio₃,” † 1:33 lit. “la₁ia₁ i₂ca₂chei₃ jniá₂ a₂tiáng₄ dsa₂ jmig₂.” ‡ 1:39 lit. “hora guia₃.”

40 Jan₂ i₂on₃ 'éi₂ i₂ca₂nág₂ a₂ca₂juá'₂ Juan₅₄, i₂i₃lén₂ chi₁co'₅₄ quió'₅ Jesús, jme₁chen₂ Drě₄ i₂lín₅ rin'₅₄ Si₂mu₅₄ i₂tě'₂ dsa₂ Pe₄.

41 Dsi₂jui₅ né'₃ guě₄ jaun₂ bá₄ ŋe₄ Drě₄, i₁'nai'₂ Si₂mu₅₄ riin'₅₄, jaun₂ ca₂juá'₂ ca₂tsí'₃ 'éi₂:

—Ma₂dsán'₅ jnia'₅₄ Mesías, (co₂'nió'₄ le₃jua'₅₄, dsa₂ I₂rě₂'ín₁ quián₅ Diú₄).

42 Jaun₂ i₁jñia₃ Drě₄, Si₂mu₅₄ riin'₅₄ ja₁'en₅₄ Jesús, jaun₂ jme₁ca₂jág₂ Jesús ně₃, ca₂juá'₂:

—'Ne₂ líng'₅ Si₂mu₅₄, ja₁ŋi'₅₄ Jonás. La₁ia₁ le₃cheng'₂ Cefas.

Lia'₂ chen₂ Cefas ně₅, co₂'nió'₄ le₃jua'₅₄ Pe₄.§

Tě'₂ Jesús Felipe quian'₅₄ Natanael

43 Jme₁jnia₃ jaun₂, ca₂lě₃ dsí₅ Jesús dsó₃ 'uě₃ Galilea, jaun₂ ca₂dsáin'₂ Felipe, jaun₂ ca₂juá'₂ ca₂tsí'₃ 'éi₂:

—Jme₁quiong'₅₄ jniá₂.

44 Felipe 'éi₂ ně₃, jme₁chain₂ juig₂ Betsaida, ján₃ bá₄ ja₁jme₁chan₂ Drě₄ quian'₅₄ Pe₄ ně₃.

45 Fe₂li₄ 'éi₂ ně₃, ŋei₅₄ i₁'niai'₂ Natanael, jaun₂ ca₂juá'₂ ca₂tsí'₃ 'éi₂:

—Ma₂dsán'₅ jnia'₅₄ dsa₂ 'éi₂ i₂'in₅ Moisés ne₄ Si₂ 'Éi'₃, i₂'in₅ dsa₂ i₂'ě₂ jág₁ quián₅ Diú₄ ně₃. Jesús bá₄ 'éi₂, ja₁ŋi'₅₄ José, i₂chan₂ juig₂ Nazaret.

46 Jaun₂ ca₂juá'₂ Natanael:

—¿Lé₂ le₃o₃'ag₅ caun₂ a₂dse₃ juig₂ Nazaret?

Jaun₂ ca₂ŋag₃ Fe₂li₄:

—Nia₅ de'₂ i₂jag₄.

47 Jaun₂ jme₁ca₂jág₃ Jesús a₂ma₂ja₂quian₃ Natanael, ca₂juá'₂:

—La₂ dé₄ dsón'₂ já₅ jan₂ dsa₂ israelita tē₃dsón'₂, i₂tsá₃ cha₂ mai₅₄ ja₁con₂.

48 Jaun₂ ca₂ŋag₃ Natanael ca₂ŋí'₃ Jesús:

—¿'A₂ lia'₂ cuiğ'₂ jniá₂?

Jaun₂ ca₂juá'₂ Jesús:

—Jniá₂ ně₂jing₅₄ 'ne₂ jniá₅, né'₃ guě₄ a₂dsi₃té₂ Fe₂li₄, lia'₂ con'₂ jme₁ŋéi'₂ né'₃ ni₁'ma₂ higuera.

49 Jaun₂ ně₃ ca₂juá'₂ Natanael ca₂tsí'₃ Jesús:

—Tě₅, 'ne₂ bá₄ líng'₅ Ja₁ŋi'₅₄ Diú₄; 'ne₂ bá₄ líng'₅ Rag₅₄ quián₅ dsa₂ juig₂ Israel.

50 Jaun₂ ca₂ŋag₃ Jesús ca₂tsí'₃ 'éi₂:

—¿A₁jaun₂ 'éng'₂ ia₁ ně₂juá'₃ a₂ně₂jñ₄ jniá₂ 'ne₂, ŋéi'₂ né'₃ ni₁'ma₂ higuera? La₁ia₁ ně₃ guě₄ tē₃ ne'₅₄ 'líong₂ léi₄ juě'₂ guě₄ con'₂ guě₄ a₂la₂.

51 Ján₃ bá₄ ca₂juá'₂ Jesús:

§ 1:42 Co₂'nió'₄ le₃jua'₅₄, “Ni₁cang₁.” Le₂ně₅ juá'₂ jág₁ “Cefas” quian'₅₄ jág₁ jmei₅ arameo; co₂jaun₂ juá'₂ “Petros” (ja₁já₅ jág₁ piedra, Pedro ně₃) quian'₅₄ jág₁ jmei₅ griego.

—A₂dsi₂jó'₃ juig₂ jniá'₂ 'nia'₂, jag'₅₄ 'nia'₂ rē₂na₄ guei'₅₄ i₂juig₃, jin'₅₄ 'nia'₂ ángeles quián₅ Diú₄ ně₃, qui₂tsau₂ qui₂tsi₂sioin₂ ne₄ Jaun₅ dsa₂ mi₂güig₃.

2

Ca₂jen'₂ gu₂ dsa₂ jē₄ juig₂ Caná juig₂ tén₅ Galilea

¹ 'Ni₅ jmig₄ cang₂ guē₄ jaun₂, ca₂nio₃ jmig₄ ca₂jen'₂ gu₂ dsa₂ jē₄ juig₂ Caná, a₂niog₅ 'uē₃ Galilea. Ja₁jaun₂ jme₁'en₅₄ chog₅₄ Jesús ně₃; ² ján₃ bá₄ ca₂tē'₃ dsa₂ Jesús quia₂in'₅₄ dsa₂ i₂quia₂in'₅₄, ja₁jen'₂ gu₂ dsa₂ jaun₂.

³ Jme₁ca₂dsa₃ vino, jaun₂ ca₂juá'₂ chog₅₄ Jesús ca₂tsí'₃ 'éi₂:

—Tsá₃ ma₃cha₂ vino quió'₅ dsa₂ tioin'₅₄.

⁴ La₁ ca₂ṇag₃ Jesús:

—'Io₅₄, ċ'e₂ lē₃ juig'₂ jniá'₂ a₂nē₅? Ia₁ tsá₃ ma₂tē₂ guē₄ hora quió₃.

⁵ La₁ ca₂juá'₂ chog₅₄ ca₂tsí'₃ dsa₂ i₂tion'₅₄ tia'₅:

—Jmo₄ 'nia'₂ chi₂'e₂ juá'₂ i₂nē₅.

⁶ Jme₁tióng₂ ja₁jaun₂ jñéi₂ ti'₂ cang₄, jui₁lia'₂ a₂jme₁jmo'₂ dsa₂ judíos ta₁ a₂jme₁qui₂jmo₂₃ le₁jín₃, con'₂ lē₅ tag₄ jme₁chí'₄ quió'₅. Lia'₂ caun₂ ni₁ti'₂ cang₄ jaun₂ 'a₄ con'₂ tē₂láu₃-guiá₂, o₃ caun₂ 'ñiá₂-láu₂ litro jmig₂.

⁷ Jaun₂ ca₂juá'₂ Jesús ca₂tsí'₃ dsa₂ i₂tia'₅:

—Jme₁can'₂ 'nia'₂ ni₁ti'₂ tióng₂ la₂ quian'₅₄ jmig₂.

Ca₂jme₃can'₂ bá₄ guē'₂ dsa₂ lia'₂ ca₂rin₅ rē₂ lin₃. ⁸ Jaun₂ ca₂juá'₂ Jesús ca₂tsí'₃ dsa₂ 'éi₂:

—Nē₃ ně₃, dsen₅₄ ca₂juig₄, o₂can₄ ne₄ dsa₂ i₂niog₅ ne₄ jmig₄.

Jaun₂ i₁can₅ dsa₂.

⁹ Dsa₂ i₂niog₅ ne₄ jmig₄ jaun₂, ca₂tí₂ 'o₅₄ jmig₂ a₂ca₂lē₃ vino jaun₂, tē₃ tsá₃ ṇi₅ a₂já'₄ já₃; jñia'₅₄ lia'₂ dsa₂ i₂ca₂dsen₅ jmig₂ bá₄ jme₁ṇi₅. Jaun₂ ně₃ ca₂tē₃ dsa₂ i₂niog₅ ne₄ jmig₄, ca₂tē'₃ dsa₂ ṇe'₂ i₂jen'₂ gu₂, ¹⁰ jaun₂ ca₂tsí'₃ 'éi₂:

—Ca₂le₃jín₃ bá₄ dsa₂ tiin₂₃ tia'₃ le₂'uig₅₄ vino dse₃, jaun₂ jē₁ma₂le₁'en₅ dsa₂, jaun₂ guē₄ tia'₃ vino ga₂. La₁ 'ne₂ ně₃ ně₂'ma'₅₄ vino dse₃ ca₂tē₂ jē₁ca₂tó'₂.

¹¹ Jē₄ juig₂ Caná a₂tén₅ 'uē₃ Galilea jaun₂, ca₂jmo₃ Jesús léi₄ juē'₂ le₂'uig₅₄. Le₂nē₅ ca₂jme₃jniai₂₃ 'ein₂ lín₅ tē₂le₃ quian'₅₄ jui₅bí₂ quió'₅, jaun₂ ca₂rē₃'én₂ chi'₂ dsi₂guia₃-tín₂ quiáin₅.

¹² Cang₂ guē₄ jaun₂ ca₂ṇó₃ jē₄ juig₂ Capernaum, lia'₂ jma₃quia₂in'₅₄ chog₅₄, riin'₅₄, chi'₂ dsi₂guia₃-tín₂ quiáin₅ ně₃; ja₁jaun₂ ca₂tóin'₂ tin₃-ni₅ jmig₄.

Ca₂chí₃ Jesús i₁dsi₅ guá'₅

(Mateo 21:12-13; Marcos 11:15-18; Lucas 19:45-46)

13 Jme₁ma₂ja₂quián₃ Jmig₄ Tě₂'in₅₄ quió'₅ dsa₂ judíos, jaun₂ ca₂uig₂ Jesús jui₅ Jerusalén.

14 Ja₁jaun₂ ca₂dsáin'₂ i₁dsi₅ guá'₅ templo dsa₂ i₂'ni₅ ca₁jui₅, i₂'ni₅ já'₂ cha'₂, i₂'ni₅ i₁ju₂ ně₃, quian'₅₄ dsa₂ i₂qui₂jme₂tsín₃ cu₄ quió'₅ dsa₂.

15 Jme₁ca₂jág₃ Jesús a₂jaun₂, ca₂jmo₃ caun₂ látigo a₂lě₅ quian'₅₄ tsi₁'nei₅₄, jaun₂ ca₂'uúin'₂ ca₁'né₄ ca₂le₃jín₃ i₂tion'₅₄ i₁dsi₅ lia'₂ jma₃quian'₅₄ já'₂ cha'₂ quiáin₅, ca₁jui₅ ně₃. Ca₂jein₃ 'uě₃ cu₄ quió'₅ dsa₂ i₂jme₂tsín₃ cu₄, qui₂ca₂jéin'₃ ni₁mesa ně₃.

16 Jaun₂ ca₂tsí'₃ i₂'ni₅ i₁ju₂:

—i'Uě'₅₄ 'nia'₂ ca₂le₃jě₃ a₂ně₅ ja₁lá₃! ¡Tsá₃ lě₁jmo₂ 'nia'₂ ja₁'ma'₅₄ ja₁quió'₄ Nē'₃!

17 Jaun₂ ca₂dsáu'₃ dsí₅ dsa₂ i₂jme₁quian'₅₄, a₂chi₁ton₅ ne₄ Si₂ le₂la₂:

Ně₂jag₄ bá₄ a₂ca₂cóng₂ 'uig₅₄ ia₁ a₂ñí₄ lě₃ dsí'₅ dsí₃

o₄quió'₄ dsí₂néi₂ quiáng'₂.*

18 Jaun₂ ně₃ ca₂ñag₃ dsa₂ judíos ca₂ñí'₃ Jesús:

—č'E₂ léi₄ le₃'ě'₂ jnia'₅₄ a₂jáng'₅ jág₁ dsau₅ a₂ca₂tín'₂ 'ne₂ jmó'₂ le₂ně₅?

19 Jaun₂ ca₂ñag₃ Jesús:

—Ěn₂ 'nia'₂ guá'₅ la₂, jaun₂ tsi'₅₄ táng₃ jniá₂ quian'₅₄ 'ni₅ jmig₄.

20 Jaun₂ ně₃ ca₂juá'₂ dsa₂ judíos ca₂tsí'₃ Jesús:

—Tě₂láu₃-jñéi₂ ñi₂ ca₂rě₃'ín₅ dsa₂ jme₁ca₂chi'₃ guá'₅ la₂. č'En₁ jmá'₃ jaun₂, lé₂ le₃jmog'₅₄ tsi'₅₄ quian'₅₄ 'ni₅ jmig₄?

21 La₁ia₁ guá'₅ a₂'ě₅ Jesús jaun₂, ni₁ñi₄ 'ñiog₅ bá₄ Jesús 'ě₂₃.

22 Jaun₂ lě₃, lia'₂ con'₂ jme₁ca₂jen'₅₄ Jesús a₂jme₁rě₂'liin₅₄, ca₂dsáu'₃ dsí₅ chi'₂ dsí₂guia₃-tín₂ quiáin₅ jág₁ jaun₂. Jaun₂ ca₂rě₃'éin₂ jág₁ a₂juá'₂ ne₄ Si₂ quió'₅ Diú₄, quian'₅₄ jág₁ a₂jme₁ca₂juá'₂ Jesús jaun₂.

I₂cuin₅ bá₄ Jesús ca₂le₃jín₃ dsa₂

23 Lia'₂ con'₂ jme₁'en₅₄ Jesús Jerusalén Jmig₄ Tě₂'in₅₄, ca₂rě₃'én₂ juin₅ lin₃ dsa₂ tě₂le₃ quió'₅ Jesús, jme₁ca₂jág₃ léi₄ a₂ma₂qui₂ma₂jmo₃.

24 La₁ tsá₃ jme₁'én₂ Jesús quió'₅ dsa₂ 'éi₂, ia₁ i₂cuin₂₃ bá₄ ca₂le₃jín₃ dsa₂, 'a₂lia'₂ lě₅ tě₂dsí₅.

25 Tsá₃ 'e₂ ca₂rě₃'nió'₅ quió'₅, jua'₅₄ a₂jáng'₃ dsa₂ jág₁ dsau₅ jui₁lia'₂ quió'₅ 'i₁jan₂, ia₁ ma₂ñi₅ rě₂ bá₄ Jesús 'e₂ a₂qui₂dsi₂jñia₅ dsí₅ dsa₂ mi₂güig₃.

3

Jme₂tag₅ Jesús jme₂tñin₂₃ Nicodemo

* 2:17 Salmo 69:9

¹ Jme₁chan₂ jan₂ dsa₂ fariseo i₂jme₁chen₂ Nicodemo, i₂jme₁lín₄ jan₂ dsa₂ dsen₅₄ quián₅ dsa₂ judíos.

² Ne₄ 'éi₂ ca₂i₁jün₁₂ Jesús tē₂le₃ ca₂nei₂, jaun₂ ca₂juá'₂ ca₂tsí'₃ Jesús:

—Tē₅, ne₄ bá₄jnia'₅₄ a₂lín'₅ 'ne₂ jan₂ tē₅ i₂chen₄ quián₅ Diú₄, ia₁ ca₂lia'₂ 'i₁jan₂ tsá₃ lé₂ le₃jmo₃ léi₄ juē'₂ le₂nē₅, jui₁lia'₂ jmo'₂ 'ne₂, jua'₅₄ tsá₃ quiong'₅₄ Diú₄.

³ Jaun₂ nē₃ ca₂juá'₂ Jesús ca₂tsí'₃ Nicodemo:

—A₂dsi₂jó'₃ juíg₂ jniá'₂ 'ne₂, nē₁jua'₂ tsá₃ rē₂chan₂ táng₃ dsa₂, tsá₃ lé₂ le₃jág₃ ja₁gon₂ Diú₄.

⁴ Jaun₂ ca₂ṇag₃ Nicodemo:

—¿'A₂ bá₄lia'₂ lé₂ le₃chan₂ táng₃, jan₂ dsa₂ ma₂juin'₂? ¿Lé₂ le₃'í₂ táng₃ né'₃ tē₂dsí'₅ chog₅₄, jaun₂ le₃chain₂ táng₃?

⁵ Jaun₂ ca₂ṇag₃ Jesús:

—A₂dsi₂jó'₃ juíg₂ jniá'₂ 'ne₂, jui₁lia'₂ i₂tsá₃ rē₂chan₂ le₃quió'₅ jmi₂, quian'₅₄ le₃quió'₅ Jme₂dsí₂, tsá₃ lé₂ le₃'í₂ ja₁gon₂ Diú₄.

⁶ Jui₁lia'₂ i₂rē₂chan₂ le₃quió'₅ ni₁ṇí₅, jan₂ dsa₂ ni₁ṇí₅ bá₄ 'éi₂; jui₁lia'₂ i₂rē₂chan₂ le₃quió'₅ Jme₂dsí₂, jan₂ dsa₂ i₂gu₂dsí₂ bá₄ lín₅ 'éi₂. ⁷ Tsá₃ jui₁dsi₂gó'₃ 'au'₂ 'ne₂ a₂juá'₅ jniá₂: “Tion₅₄ bá₄ le₃chan'₂ 'nia'₂ táng₃.” ⁸ Ag₅ dsí₂ jui₁'a₂ guē₃ já'₄ 'nio₃ 'ag₃; nag'₂ bá₄ 'ne₂ mi'₅₄ a₂lē₂, la₁ia₁ tsá₃ ṇi'₅₄ a₂já'₄ já₅, on₃ guē'₂ a₂já'₄ dsó₃. Ján₃ bá₄ le₂nē₅ lín₅ ca₂le₃jín₃ i₂rē₂chan₂ le₃quió'₅ Jme₂dsí₂.

⁹ Jaun₂ nē₃ ca₂ṇag₃ táng₃ Nicodemo:

—¿'A₂ bá₄lia'₂ lé₂ le₃lé₂ a₂juá'₂ 'ne₂ nē₅?

¹⁰ Jaun₂ ca₂ṇag₃ Jesús:

—¿'Ne₂ guē'₂ líng'₅ jan₂ tē₅ quián₅ dsa₂ juíg₂ Israel, ton'₂ tsá₃ ṇí'₂ bá₄ guē'₄ 'au'₂ jág₁ nē₅? ¹¹ A₂dsi₂jó'₃ juíg₂ jniá'₂ 'ne₂, jui₁lia'₂ a₂ma₂tag₂ bá₄ jnia'₅₄, dsia₂; ján₃ bá₄ jang'₂ jnia'₅₄ jág₁ dsau₅ jui₁lia'₂ a₂ma₂tē₂ ne₄ jnia'₅₄. La₁ 'nia'₂ nē₃ tsá₃ gue'₂ jág₁ dsau₅ a₂jang'₂ jnia'₅₄. ¹² Chi₂jua'₂ ma₂nē₂juá'₃ jniá₂ a₂'ē₂₃ jui₁lia'₂ a₂cha₂ mi₂güig₃ la₂, ton'₂ tsá₃ 'én'₂ bá₄ guē'₂ 'nia'₂, ¿'a₂ bá₄ guē'₂ lia'₂ le₃'én'₂ 'nia'₂ jág₁ quió₃ nē₁ca₂juá'₃ jniá₂ ca₂juíg₂ 'nia'₂ a₂'ē₂₃ jui₁lia'₂ a₂cha₂ guei'₅₄ i₂juíg₃?

¹³ 'Ca₂lia'₂ 'i₁jan₂ tsá₃ 'ein₂ ma₂uíg₂ guei'₅₄ i₂juíg₃, jnia'₅₄ lia'₂ 'éi₂ i₂ca₂sión₃ guei'₅₄ i₂juíg₃; co₂'nió'₄ 'ṇiog₅ Jaun₅ dsa₂ mi₂güig₃.*

¹⁴ Jui₁lia'₂ ca₂chón'₂ Moisés dsi₂mi'₂ guei'₅₄ ja₁lē₄ 'uē₃ quein₂ co₂'ṇiog₅ jaun₂, ján₃ bá₄ le₂jaun₂ 'i₄ 'éi'₃ chón'₂ dsa₂ guei'₅₄ Jaun₅ dsa₂ mi₂güig₃, ¹⁵ ia₁jaun₂ ca₂le₃jín₃ i₂'én₂ tē₂le₃ quió'₅ 'éi₂, le₃chain₂ co₂tan₅₄.

'Nio₃ Diú₄ dsa₂ mi₂güig₃

* 3:13 A₂lin₅₄ chog₅₄ si₂juá'₂ ján₃: “i₂'en₅₄ guei'₅₄ i₂juíg₃.”

16 'Jaun₂, 'uig₅₄ ia₁ a₂ŋ₄ lë₃ ca₂rë₃'nio₃ Diú₄ ca₂rë₃'nioi₃ dsa₂ mi₂güig₃, ca₂cuin₃ Ja₁ŋi'₅₄ i₂jan₂ tan₅₄ quiáin₅, ia₁jaun₂ ca₂le₃jín₃ i₂'én₂ tē₂le₃ quió'₅ 'éi₂, tsá₃ dsi₃'éin₂, ton'₂ le₃chain₂ bá₄ co₂tan₅₄. 17 Ia₁ on₃jua'₅₄ jaun₂ ca₂chei₃ Diú₄ ca₂chein₃ Ja₁ŋi'₅₄ mi₂güig₃ a₂qui₃'ë₂ uig₅ja₁con₂ dsa₂ mi₂güig₃; a₂jaun₂ bá₄ ca₂chei₃ ia₁jaun₂ lión₂ dsa₂ mi₂güig₃ tē₂le₃ quian'₅₄ 'éi₂. 18 Jui₁lia'₂ dsa₂ i₂'én₂ tē₂le₃ quió'₅ 'éi₂, tsá₃ rē₂'ë₂ uig₅ja₁coin₂; la₁ia₁ jui₁lia'₂ i₂tsá₃ 'én₂ guē'₂ ně₃, ma₂rē₂'ë₂ uig₅ja₁coin₂, 'uig₅₄ ia₁ a₂tsá₃ 'éin₂ tē₂le₃ quió'₅ Ja₁ŋi'₅₄ i₂jan₂ tan₅₄ quián₅ Diú₄. 19 A₂la₂ bá₄ uig₅ a₂rē₂'ë₂ jaun₂: a₂ma₂gua₅ si₂ja₁con₂ dsa₂ mi₂güig₃, la₁ ca₂rë₃'nio₃ guē'₄ dsa₂ jē₄ qui₁né'₃ lia'₂ con'₂ guē'₄ ja₁tág₅ si₂, ia₁ a₂'lig'₅₄ bá₄ jme₁jmo₂₃-dsáu₅. 20 Ca₂le₃jín₃ dsa₂ i₂jmo₅ a₂'lig'₅₄, 'io'₅₄ si₂, jaun₂ tsá₃ jme₂quiáin₃ ja₁tág₅ si₂, ia₁jaun₂ tsá₃ le₃jniá₂ a₂'lig'₅₄ a₂jmo₂₃-dsáu₅. 21 La₁ia₁ jui₁lia'₂ dsa₂ i₂chan₂ caun₂ jui₅ co₂dsau₅, jme₂quiáin₃ ja₁tág₅ si₂, ia₁jaun₂ le₃jniá₂, le₃quió'₅ Diú₄ bá₄ já₅ a₂dse₃ a₂jmo₅ 'éi₂.

Jáng'₅ táng₃ jág₁ dsau₅ Juan₅₄ i₂chon₅ dsa₂ jmi₂g₂ ju₁lia'₂ 'éin₂ 'éi₂ Jesús

22 Cang₂ jaun₂, ŋó₃ Jesús jui₅ 'uē₃ Judea quiaín'₅₄ chi'₂ dsi₂guia₃-tín₂ quiáin₅, jaun₂ ja₁jaun₂ ca₂'í₃ ca₂la₂ uē₂ quiaín'₅₄ 'éi₂, qui₂choin₂₃ jmi₂g₂ dsa₂.†

23 Ján₃ bá₄ le₂jaun₂ jme₁'en₅₄ Juan₅₄ ně₃, choin₂₃ jmi₂g₂ dsa₂,‡ caun₂ ja₁chei₂ Enón, ma₂quián₅ Salim, ia₁ ja₁jaun₂ jme₁cha₂ 'líong₂ jmi₂g₂; jaun₂ jme₁ja₂lén₂ dsa₂ ia₁jaun₂ qui₃cho₃ Juan₅₄ jmi₂g₂.§

24 (A₂la₂ ca₂lë₃ né'₃ guē'₄ a₂ton'₂ dsa₂ Juan₅₄ né'₃ 'má₃.)

25 Jaun₂ ně₃, i₂lin₅₄ dsa₂ i₂quian'₅₄ Juan₅₄ ca₂tsíin₂ quian'₅₄ jan₂ dsa₂ judío ne₄ jág₁ jui₁lia'₂ a₂jmo₅ dsa₂ le₁jín₃.

26 Jaun₂ i₃lén₂ i₁chi'₄ Juan₅₄:

—Tē₅, dsa₂ i₂jme₁'en₅₄ quian'₅₄ 'ne₂ tē₂le₃ ja₁'ia₂ 'iog₂ tē₂le₃ quióng₄ Cuá₃ Jordán, dsa₂ i₂'ín₅ 'ne₂ 'éi₂, jē₂ bá₄ choin₂₃ jmi₂g₂ dsa₂,* jaun₂ ca₂le₃jín₃ bá₄ dsa₂ dsi₂lén₂ ja₁coin₂.

27 Jaun₂ ca₂ŋag₃ Juan₅₄:

—Ca₂lia'₂ 'i₁caun₂ tsá₃ 'e₂ lé₂ le₃cha₂ quió'₅ dsa₂ jua'₅₄ tsá₃ ŋei₂ guei'₅₄ i₂juig₃. 28 Ca₂nei'₂ bá₄ 'nia'₂ guiong'₅₄ jme₁ca₂juá'₃: “On₃jua'₅₄ jniá₂ líng₅ I₂rē₂'ín₁ quián₅ Diú₄; jan₂ dsa₂ i₂chen₄ ne₄ jui₅ quió'₅ 'éi₂ bá₄ líng₅.” 29 I₂ca₂tín₂ dsa₂ ŋe'₂ i₂jen'₂ gu₂ bá₄, dsa₂ mí₂ i₂jen'₂ gu₂ quiaín'₅₄. Jaun₂ dsa₂ a₂mei₅₄ quián₅ dsa₂ ŋe'₂ ně₃,

† 3:22 lit. “qui₂tiáin₂ dsa₂ jmi₂g₂.”

‡ 3:23 lit. “tiáin₂ dsa₂ jmi₂g₂.”

§ 3:23 lit.

“ia₁jaun₂ qui₃tió₃ Juan₅₄ jmi₂g₂.”

* 3:26 lit. “jē₂ bá₄ tiáin₂ dsa₂ jmi₂g₂.”

chi₁jñia₁ nag₂₃. Jaun₂ 'io'₂ jén'₅ jë₁ma₂nág₂ jág₁ quió'₅ 'éi₂. Ján₃ bá₄ le₂jaun₂ jniá₂ ně₃, rë₂'ñia₅ a₂'io'₂ jén'₅ dsí₃.

Jui₁lia'₂ i₂já₅ guei'₅₄ i₂juíg₃

30 "Éi₂ ca₂tín₂ le₃dsein₅₄ guë₄; jniá₂ guë'₂ ca₂tíng₂ le₃meg'₂.
 31 Jui₁lia'₂ i₂já₅ jui₅ guei'₅₄ i₂juíg₃, dsen₅₄ guë₄ ne₄ quió'₅ ca₂le₃jín₃.
 Jui₁lia'₂ i₂já₅ gua'₅₄ 'uë₃, jan₂ i₂chan₂ gua'₅₄ 'uë₃ bá₄ 'éi₂. Jaun₂
 dsia₂₃ jui₁lia'₂ a₂quió'₅ gua'₅₄ 'uë₃. La₁ia₁ jui₁lia'₂ i₂já₅ guei'₅₄
 i₂juíg₃, dsen₅₄ guë₄ ne₄ quió'₅ ca₂le₃jín₃. 32 Jáng'₅ 'éi₂ jág₁ dsau₅
 jui₁lia'₂ a₂ma₂të₂ ne₅₄; jui₁lia'₂ a₂ma₂nág₂ ně₃; la₁ 'i₁jan₂ tsá₃ 'ein₂
 tón'₂ jui₅ jág₁ dsau₅ a₂jáng'₅ 'éi₂. 33 La₁ia₁ jui₁lia'₂ i₂tón'₂ jui₅,
 ma₂caun₅ 'í₁ a₂dsón'₂ bá₄ tí₅ jág₁ a₂juá'₂ Diú₄; 34 ia₁ i₂ca₂chen₃
 Diú₄ ně₃, dsia₂₃ jág₁ quió'₅ Diú₄, ia₁ cuin₅ Diú₄ Jme₂dsí₂ quiáin₅
 ca₂lia'₂ tsá₃ niog₅ 'éi'₃. 35 A₂'nio₃ Diú₄ Jmei₂ 'nioi₃ Ja₁ñi'₅₄, jaun₂
 o₄gú₃ 'éi₂ ma₂dsia₃ ca₂le₃jë₃. 36 Jui₁lia'₂ i₂én₂ të₂le₃ quió'₅ Ja₁ñi'₅₄
 Diú₄, le₃chain₂ bá₄ co₂tan₅₄; la₁ jui₁lia'₂ i₂tsá₃ ne'₅₄ le₃quió'₅
 Ja₁ñi'₅₄ Diú₄, tsá₃ të₃ ne₅₄ a₂le₃chain₂ rë₂'ñiai₂₃, ton'₂ të₂le₃ të₃gua₄
 'nei₂ dsí₅ Diú₄ ja₁coin₂.

4

Dsia₅ Jesús jág₁ quian'₅₄ jan₂ 'io'₅₄ i₂chan₂ Samaria

1 Jme₁ca₂rë₃ñi₅ Te₁gui'₅₄ a₂ma₂nág₂ dsa₂ fariseos jág₁, 'ñio₅
 lin₃ guë₄ juin₅ dsa₂ i₂ma₂quian'₅₄ Jesús, qui₂ma₂cho₃ jmig₂*
 lia'₂ con'₂ guë₄ Juan₅₄; 2 (o₁jñia'₅₄ on₃jua'₅₄ 'ñiog₅ Jesús choin₂₃
 jmig₂ dsa₂,† jñia'₅₄ lia'₂ chi'₂ dsí₂guia₃-tín₂ quiáin₅ bá₄), 3 jaun₂
 ca₂o₃'ín₃ 'uë₃ Judea, a₂ñái'₃ táng₃ jui₅ 'uë₃ Galilea. 4 Ja₁tioin'₅₄
 jui₅ jaun₂, ca₂tíin₂ ñi₃ 'uë₃ Samaria. 5 Jaun₂ ně₃ ca₂dsi₃lén₂
 caun₂ juig₂ ja₁tén₄ Samaria a₂chei₂ Sicar, ma₂quián₅ ca₂jne₄
 'uë₃ a₂jme₁ca₂cuë₃ Jacob ma₂líg'₂ ca₂cuë'₃ ja₁ñi'₅₄ i₂chen₂ Së₄.

6 Ja₁jaun₂ jme₁dsi₅₄ caun₂ tau₂ pozo a₂të'₂ dsa₂ a₂quió'₅ Jacob.
 Jaun₂ ca₂guá₂ Jesús cau₅, ia₁ a₂ca₂'ú'₃ 'ein₅₄ jui₅. Jme₁ma₂ca₂të₂
 con'₂ dsí₂ñi'₃ jaun₂.

7 Të₃ guá₅ jaun₂ ca₂dsióg₃ jan₂ 'io'₅₄ i₂chan₂ Samaria
 a₂i₃dsein₂₃ jmig₂ pozo jaun₂. Jaun₂ ca₂juá'₂ Jesús ca₂tsí'₃ 'io'₅₄
 'éi₂:

—Cuë₄ ca₂juig₄ jmig₂ gui'₅₄.

8 Të₁lia'₂ jaun₂, i₁len₅₄ jë₄ juig₂ chi'₂ dsí₂guia₃-tín₂, i₁lia₅ má₃
 a₂guë'₃.

9 Jaun₂ ně₃ ca₂juá'₂ 'io'₅₄ chan₂ Samaria 'éi₂ ca₂tsí'₃ Jesús:

—¿'A₂ lia'₂ lë₅ jaun₂, 'ne₂ jan₂ dsa₂ i₂lín₅ judío, mi'₂ jmig₂ ne₃
 jniá₂, jan₂ 'io'₅₄ chan₂ Samaria?

* 4:1 lit. "qui₂ma₂tióg₃ jmig₂." † 4:2 lit. "tiáin₂ dsa₂ jmig₂."

(Ia₁ tsá₃ jág₁ 'ei₅ dsa₂ judíos quian'₅₄ dsa₂ chan₂ Samaria.)[†]

¹⁰ Jaun₂ ně₃ ca₂ḡag₃ Jesús:

—Jua'₅₄ mei'₂ guě₃ ḡi'₅₄ 'ne₂ 'e₂ jaun₂ a₂cuē₅ Diú₄, quian'₅₄ 'ein₂ i₂mi₅ jmig₂ ne'₅₄, jme₁mí'₂ ne₃ jniá₂, jaun₂ jniá₂ ně₃ cuē₅₄ jmig₂ jén'₃.

¹¹ Jaun₂ ca₂juá'₂ 'io₅₄ ca₂tsí'₃ Jesús:

—Gui'₅₄, tsá₃ ḡí₁ cubeta cha₂ quiáng'₂ a₂dséng'₄ jmig₂, ton'₂ a₂jí'₂ bá₄ tau₂ pozo. ¿A₂ guē'₂ já'₄ cán'₁ jmig₂ jén'₃ a₂cuē'₂ jniá₂?

¹² ¿E₂, 'ne₂ líng'₅ i₂juin'₂ guē₄ con'₂ guē₄ 'lag₄ jmei₂ jniog₄ Jacob, i₂ca₂cuē₃ pozo la₂? Jme₁cán₂ 'éi₂ jmig₂ a₂'ín'₂ 'ḡiog₅ quian'₅₄ chí'₂ quiáin₅, quian'₅₄ já'₂ quiáin₅ ně₃.

¹³ Jaun₂ ca₂ḡag₃ Jesús:

—Ca₂le₃jín₃ jui₁lia'₂ dsa₂ i₂'ín'₂ jmig₂ la₂, lé₂ táng₃ dsí₅ i₁'ín'₂ jmig₂; ¹⁴ la₁ia₁ jui₁lia'₂ i₂'ín'₂ jmig₂ a₂cuē₄ jniá₂, lia'₂ o₁líg'₂ jmig₄ tsá₃ ma₃lé₂ dsí₅ i₁'ín'₂ jmig₂. Ia₁ jui₁lia'₂ jmig₂ a₂cuē₄ jniá₂, lé₂ ně₂ja₄ bá₄ caun₂ o₄tu₁ jmig₂ tē₂le₃ quió'₅, a₂qui₃'iá₃ jmig₂ a₂gu₂dsí₂ a₂jmo₃ a₂le₃chain₂ co₂tan₅₄.

¹⁵ Jaun₂ ně₃ ca₂juá'₂ 'io₅₄ ca₂tsí'₃ Jesús:

—Gui'₅₄, cuē₄ jmig₂ a₂'ē'₂ ně₅, ia₁jaun₂ tsá₃ ma₃le₃quein₂ dsí₃, on₃ guē'₂ caun₂ guio₅₄ guē₄ ca₂tē₂ la₂ i₁dséng₃ jmig₂.

¹⁶ Jaun₂ ca₂juá'₂ Jesús:

—Guan'₂ o₂te'₂ dsi₂i₂gog'₂, jaun₂ ḡe'₅₄ táng₃ ja₁lá₃.

¹⁷ Jaun₂ ca₂ḡag₃ 'io₅₄ 'éi₂:

—Tsá₃ dsi₂i₂gu₃ jniá₂ chan₂.

Jaun₂ ně₃ ca₂juá'₂ Jesús:

—Tí₅ bá₄ jág₁ quiáng'₂ a₂nē₂jua'₅₄, a₂tsá₃ chan₂ dsi₂i₂gog'₂; ¹⁸ ia₁ 'niá₂ dsi₂i₂gog'₂ i₂ma₂ca₂né'₂ quiang'₅₄, jaun₂ i₂ḡéi'₂ quiang'₅₄ rē₂ně₃ ján₃, on₃jua'₅₄ dsi₂i₂gog'₂ 'éi₂. Dsón'₂ bá₄ tí₅ jág₁ quiáng'₂ a₂nē₂jua'₅₄.

¹⁹ Jme₁ca₂nág₂ 'io₅₄ jág₁ ně₅, ca₂juá'₂ ca₂tsí'₃ Jesús:

—Te₁gui'₅₄, dsón'₂ bá₄ lín'₅ 'ne₂ jan₂ dsa₂ i₂'ē₂ jág₁ quián₅ Diú₄, lín₂ jniá₂. ²⁰ Ja₁chí'₄ má'₂ la₂ ca₂jme₃juin'₂ dsa₂ can'₅₄ quián₂ jnia'₅₄ ca₂jme₃juin'₂ Diú₄ ma₂líg'₂, la₁ia₁ 'nia'₂ i₂líg'₅ dsa₂ judíos ně₃, juá'₂ Jerusalén bá₄ ja₁ca₂tín₂ dsa₂ jme₃juin'₂ Diú₄.

²¹ Jaun₂ ca₂ḡag₃ Jesús:

—Jui₁le₂'éng'₂ bá₄ a₂juá'₅ jniá₂: já₅ caun₂ jmig₄ a₂jme₁juin'₂ 'nia'₂ Diú₄, on₃jua'₅₄ i₁nóg'₅ má'₂ la₂, on₃ guē'₂ o₁nó'₅ 'nia'₂ Jerusalén. ²² 'Nia'₂ jme₂juíng'₁ tē₃ tsá₃ ḡi'₅₄ 'ein₂ jme₂juíng'₁; a₂dsau₅ bá₄ jnia'₅₄, ne₄ jnia'₅₄ 'éin₂ i₂jme₂juín'₂; ia₁ tē₂le₃ quió'₅ dsa₂ judíos bá₄ já₅ jág₁ a₂lión₂ dsa₂. ²³ La₁ já₅ hora, ton'₂ ma₂tē₂ dsón'₂, a₂jme₃juin'₂ dsa₂ Jmei₂, jui₁lia'₂ dsa₂ i₂jme₂juag'₂

[†] 4:9 o₃, “tsá₃ jmó'₂ dsa₂ judíos ta₁ jui₁lia'₂ ni₁uing₅ a₂jmó'₂ dsa₂ chan₂ Samaria ta₁.”

tě₃dsón'₂, jme₃juag'₂ tě₂le₃ gu₂dsí₂ ton'₂ tě₂le₃ quian'₅₄ jág₁ dsau₅.
Ia₁ i₂le₂'éi₂ bá₄ 'na'₂ Jmei₂ jme₃juag'₂. ²⁴ A₂lín₅ Diú₄ jme₂dsí₂;
jaun₂ jui₁lia'₂ i₂jme₂juag'₂, ca₂tín₂ jme₃juag'₂ tě₂le₃ gu₂dsí₂ ton'₂
tě₂le₃ quian'₅₄ jág₁ dsau₅.

²⁵ Jaun₂ ca₂juá'₂ 'io₅₄:

—Guion₄ jniá₂ a₂jiá₃ Mesías, (i₂tě'₂ dsa₂ I₂rě₂'ín₁ quián₅ Diú₄).
Jě₁ma₂guain₂₃, jaun₂ guě₄ juá'₂ ca₂le₃jě₃ lia'₂ rě₂jiá₃.

²⁶ Jaun₂ ca₂juá'₂ Jesús:

—Jniá₂ bá₄ 'éi₂, i₂dsia₅ jág₁ quian'₅₄ 'ne₂.

²⁷ Tě₁lia'₂ jaun₂, ca₂o₃len₃ chi'₂ dsí₂guia₃-tín₂ quiáin₅, jaun₂
ca₂i₃gó'₃ dsí₅ jme₁ca₂jág₃ a₂dsia₅ Jesús jág₁ quian'₅₄ jan₂ 'io₅₄.
La₁ia₁ lia'₂ 'i₁jan₂ tsá₃ ca₂tiá₂ dsí₅ ŋag₃ 'e₂ 'no'₂, 'e₂ jág₁ dsia₂₃
quiain'₅₄ 'io₅₄ 'éi₂.

²⁸ Jaun₂, ja₁jaun₂ ca₂chi'₃ 'io₅₄ ni₁dsig₁ quió'₅, jaun₂ ŋái'₃ jě₄
juig₂, jaun₂ ca₂juá'₂ ca₂tsí'₃ dsa₂:

²⁹ —I₂nó'₅ 'nia'₂ i₂jín₄ jan₂ dsa₂ ŋe'₂ i₂ma₂ně₂juá'₂ ca₂le₃jě₃ 'e₂
a₂ma₂jmo₃ jniá₂. ¿On₁juá'₅₄ mei'₂ tsá₃ 'éi₂ lín₅ I₂rě₂'ín₁ quián₅
Diú₄?

³⁰ Jaun₂ ně₃ ca₂'uin₂ dsa₂ jě₄ juig₂ ca₂i₃léin₂ ja₁guá₄ Jesús.

³¹ Tě₁lia'₂ jaun₂, ca₂chi₃quióng₂ jmig₄ chi'₂ dsí₂guia₃-tín₂
chi₂quiáin₂ jmig₄ Jesús a₂guě'₃, juá'₂:

—Tě₅, qué'₂ ca₂la₂.

³² Jaun₂ ca₂juá'₂ Jesús:

—Cha₂ caun₂ má₃ a₂guě'₅₄ jniá₂, a₂tsá₃ cuin'₂ 'nia'₂.

³³ Jaun₂ ně₃ qui₂ca₂ŋi'₃ chi'₂ dsí₂guia₃-tín₂ riin'₅₄, jain₂ jain₂:

—¿On₃ bá₄ chan₂ jan₂ i₂ma₂o₃can₅ má₃ a₂guě'₃?

³⁴ La₁ ca₂juá'₂ Jesús ca₂tsí'₃ 'éi₂:

—A₂jaun₂ bá₄ má₃ quió₃ jniá₂, a₂jmo₅₄ 'éi'₃ a₂ŋio₂ dsí₅
i₂ca₂chei₃, a₂jme₁ŋiag₅ ta₁ quió'₅ ně₃. ³⁵ ¿'On₁ juá'₂ guě'₂ 'nia'₂:

“‘Ei₅ bá₄ guě₄ quén₂ tsi'₂ a₂ráu₃”? La₁ia₁ jniá₂ juig₂ 'nia'₂, jag₄
'a₂ lia'₂ ma₂tion'₅₄ dsa₂ le₁jnia₂₃, ně₂jag₄ bá₄ a₂le₁chein'₂ ja₁nau₂

ca₂ron₂, ma₂lé₂ bá₄ cág'₃. ³⁶ Jui₁lia'₂ dsa₂ i₂jmo₅ ta₁ ja₁nau₂
ně₃ gue₂₃ 'liain'₅₄. Jui₁lia'₂ a₂ráu₃, a₂cág'₃ ja₁nau₂ jaun₂, a₂jio₃

co₂tan₅₄ bá₄ jaun₂, ia₁jaun₂ co₂lē₅ bá₄ jmo₃ 'io'₂, lia'₂ dsa₂ i₂jne₅,
lia'₂ dsa₂ i₂cág'₅ ně₃. ³⁷ Le₂ně₅ dsón'₂ bá₄ quio₃Š a₂dsia₅ dsa₂:

“Jan₂ i₂jne₅, i₂sián'₂ i₂cág'₅.” ³⁸ Jniá₂ ma₂tsíng₂ 'nia'₂ a₂o₁cag'₄
ja₁tsá₃ ta₁ ma₂jmo₅₄ 'nia'₂ guiong'₅₄, ta₁ ma₂jmo₃ i₂sián'₂; jaun₂
'nia'₂ ně₃ ca₂ling'₃ ta₁ quió'₅ dsa₂ 'éi₂.

³⁹ Juin₅ dsa₂ i₂chan₂ Samaria i₂tián'₅ juig₂ jaun₂ ca₂rě₃'éin₂
tě₂le₃ quió'₅ Jesús jme₁ca₂nág₂ jág₁ dsau₅ a₂ca₂jáng'₃ 'io₅₄,
jme₁ca₂juá'₂: “Ně₂juá'₂ 'éi₂ ca₂le₃jě₃ 'e₂ a₂ma₂jmo₃ jniá₂.”

Š 4:37 quio₃: Jág₁ quió'₅ dsa₂ Jen'₅₄, co₂'nió'₄ le₃juá'₅₄, caun₂ jág₁ a₂ŋi'₂ dsí₅
a₂ca₂quio₂ dsa₂ can'₅₄, a₂dsia₅ dsa₂.

40 'Uig⁵⁴ jaun₂ ně₃, jme₁ca₂o₃lén₂ dsa₂ chan₂ Samaria, ca₂chi₃quiáin₂ jmig₄ Jesús a₂jme₁jnia₃ 'éi₂ quiong'⁵⁴. Jaun₂ ca₂jnia₃ Jesús tin₃ jmig₄ ja₁jaun₂.

41 Jaun₂ tē₂le₃ juin₅ guē₄ dsa₂ ca₂rē₃'én₂ jme₁ca₂nág₂ jág₁ a₂juá'₂ 'njog₅ Jesús.

42 Jaun₂ ca₂juá'₂ dsa₂ ca₂tsí'₃ 'io⁵⁴:

—Nē₃ guē₄ ně₃ 'éin₂ jnia'⁵⁴, on₃jua'⁵⁴ 'uig⁵⁴ jág₁ a₂ca₂jua'⁵⁴ 'ne₂, ia₁ a₂ma₂nē₂néi₁ jnia'⁵⁴ guio⁵⁴ jág₁ quió'⁵, jaun₂ ne₄ jnia'⁵⁴, tē₃dsón'₂ bá₄ 'éi₂ lín₅ dsa₂ i₂lión₂ dsa₂ mi₂güig₃.*

Ca₂jme₃'lión₂ Jesús jan₂ ja₁ñi'⁵⁴ jan₂ dsa₂ dsen⁵⁴ quián₅ dsi₂tan⁵⁴

43 Jme₁ca₂dsan₃ tin₃ jmig₄ jaun₂, ca₂o₃'ín₃ ja₁jaun₂, ca₂'í₃ jui₅ nái'₃ jui₅ 'uē₃ Galilea.

44 Ia₁ jui₁lia'₂ ca₂juá'₂ 'njog₅ Jesús, jui₁lia'₂ jan₂ dsa₂ i₂'ē₂ jág₁ o₄quió'₄ Diú₄, tsá₃ jme₂go₃ dsa₂ juig₂ go⁵⁴.

45 Jme₁ca₂dsiáin'₃ 'uē₃ Galilea ně₃, ca₂guei₃ bá₄ dsa₂ dse₃ ja₁jaun₂, ia₁ jme₁ma₂ca₂jág₃ bá₄ ca₂le₃jě₃ 'e₂ a₂ca₂jmo₃ Jesús juig₂ Jerusalén jme₁ca₂tē₂ jmig₄ Tē₂'in⁵⁴, ia₁ ján₃ bá₄ jme₁i₁len⁵⁴ 'éi₂ jmig₄.

46 Jaun₂ ně₃, ca₂dsióg₃ táng₃ juig₂ Caná a₂tén₅ 'uē₃ Galilea ja₁ca₂jme₃tsíin₃ jmig₂ ca₂jmo₃ vino. Ja₁jaun₂ jme₁'en⁵⁴ jan₂ dsa₂ i₂jme₂ti₃ ta₁ ne₄ rag⁵⁴, i₂chan₂ jan₂ chi'₂ dso'⁵⁴ quiáin₅, jē₄ juig₂ Capernaum.

47 Jme₁ca₂rē₃ñi₅ dsa₂ 'éi₂ a₂ma₂ñi₅ Jesús 'uē₃ Galilea, 'ein⁵⁴ jui₅ a₂o₂'ín₃ 'uē₃ Judea, jaun₂ ñei⁵⁴ ca₂i₁jii₁₂ Jesús, jaun₂ ca₂chi₃quióng₂ jmig₄ tion⁵⁴-jan₃ a₂dsó₃ 'éi₂ ja₁quió'₄ a₂jme₃'lióin₂ ja₁ñi'⁵⁴ i₂ron₅ ma₂i₁jón₂.

48 Jaun₂ ně₃ ca₂juá'₂ Jesús:

—Tsá₃ 'én'₂ 'nia'₂ nē₁jua'₂ tsá₃ ca₂jag'⁵⁴ léi₄ juē'₂ a₂dsi₂gó'₃ 'au'₂.

49 Jaun₂ ca₂juá'₂ dsa₂ i₂jme₂ti₃ ta₁ ne₄ rag⁵⁴ 'éi₂:

—Te,gui'⁵⁴, i₂ñáu'₂ uē₃ ñia₅, né'₃ guē₄ a₂jón₂ chi'₂ quiáng₃.

50 Jaun₂ ně₃ ca₂juá'₂ Jesús:

—Guan'₂ bá₄ quiáng'₂; ia₁ i₂chan₂ bá₄ chi'₂ quiáng'₂.

Ca₂rē₃'én₂ bá₄ dsa₂ jág₁ a₂ca₂juá'₂ Jesús, jaun₂ ca₂ñái'₃.

51 Jaun₂ jme₁ma₂'ein⁵⁴ jui₅ dsiáin'₂, jaun₂ ca₂jme₃jein'₂ dsa₂ i₂jme₂ti₃ ta₁ ne₅₄, jaun₂ ca₂juá'₂ 'éi₂:

—I₂chan₂ bá₄ chi'₂ quiáng'₂.

52 Jaun₂ ca₂ñag₃ 'e₂ hora ca₂tág'₃ dsí₅. Jaun₂ ca₂juá'₂ dsa₂ 'éi₂:

—Dsióg₂ con'₂ hora ñí₁ caun₂ tē₂le₃ ca₂'láu₂,† ca₂jnia₃ dséi₂ a₂jme₁'i₁.

53 Jaun₂ ca₂rē₃lí₄ jmei₂ chi'₂ 'éi₂, hora jaun₂ dé₄ ca₂juá'₂ Jesús: “I₂chan₂ bá₄ chi'₂ quiáng'₂.” Jaun₂ ca₂rē₃'én₂ dsa₂ 'éi₂, quiai₅ ta₁jín₂ dsa₂ dsi₂néi₂ quió'₅.

* 4:42 A₂lin⁵⁴ chog⁵⁴ si₂: “Tē₃dsón'₂ bá₄ 'éi₂ lín₅ I₂rē₂'ín₁ quián₅ Diú₄, i₂lión₂ dsa₂ mi₂güig₃.” † 4:52 lit. “hora guio₃.”

⁵⁴ A₂ně₅ jě₁ca₂tě₂ táng₃ léi₄ juě'₂ a₂ca₂jmo₃ Jesús, jme₁ca₂o₃ 'ín₃ Judea, jme₁guáin'₃ Galilea.

5

Ca₂jme₃'lión₂ Jesús jan₂ dsa₂ 'lian'₂ i₂ron₅ cau₅ Dsiog₅ Betesda

¹ Cang₂ jaun₂ ca₂jmo₃ dsa₂ judíos caun₂ jmig₄, jaun₂ ca₂uig₂ táng₃ Jesús jui₅ Jerusalén.

² Jě₄ juig₂ Jerusalén jaun₂, cau₅ ja₁lě₄ caun₂ o₄'né₄ a₂chei₂ quió'₅ Já'₂ Cha'₂, niog₅ caun₂ dsiog₅ a₂chei₂ Betesda* quian'₅₄ jág₁ arameo, ja₁lě₄ 'njiá₂ corredor.

³ Ja₁jaun₂ jme₁tián'₄ 'uě₃ juin₅ dsa₂ i₂qui₂le₁dso'₅₄, jě₃ dsa₂ ten₄, dsa₂ guian'₅₄ quian'₅₄ dsa₂ 'lian'₂ ně₃, a₂chi₁jnia₂₃ a₂qui₃jě'₂ jmig₂. ⁴ Ia₁ jme₁lin₅₄, sión₅ jan₂ ángel quián₅ Te₁gui'₅₄ ja₁niog₅ dsiog₅ jaun₂, jaun₂ jmo₂₃ qui₂jě'₂ jmig₂. Jaun₂ jui₁lia'₂ dsa₂ dso'₅₄ i₂'í₂ le₂'uig₅₄ jmig₂ jě₁ma₂i₂bi₅₄, jme₁jnia₅ quió'₅, chi₂jua'₂ 'e₂ dso₄ jme₁lin₄.†

⁵ Ja₁jaun₂ jme₁ron₅ jan₂ dsa₂ dso'₅₄, jme₁ma₂tě₂ guióg₂-guiá₂-jniá₂ ni₂ roin₂₃ dso'₅₄.

⁶ Jme₁ca₂jág₃ Jesús ron₅ dsa₂ dso'₅₄ ja₁jaun₂, jaun₂ jme₁ca₂rě₃lí'₄ ma₂líg'₂ bá₄ lín₅ le₂jaun₂, ca₂ṇag₃:

—Ĳ'Niog'₂ 'lióng'₂?

⁷ Jaun₂ ca₂ṇag₃ dsa₂ dso'₅₄:

—Gui'₅₄, tsá₃ 'ein₂ chan₂ to'₂ jniá₂ 'nió'₃ dsiog₅ jě₁ma₂tě₂ rě₁qui₃jě'₂ jmig₂. Lia'₂ co₂ráun₂ 'nio₃ 'ú₄, i₂sián'₂ bá₄ sión₅ le₂'uig₅₄.

⁸ Jaun₂ ca₂juá'₂ Jesús:

—Nau₂, chog'₅₄ tsi₁jein₁ quiáng'₂, ni₄ ně₃.

⁹ Dsi₂jui₅ le₂jaun₂ bá₄ ca₂jnia₃ quió'₅ dsa₂ 'éi₂. Ca₂chóg'₃ tsi₁jein₁ quió'₅, jaun₂ ca₂jme₃lióg₃ ca₂ni₃. A₂jaun₂ ca₂lě₃ caun₂ jmig₄ sa₅₄.

¹⁰ Jaun₂ ca₂juá'₂ dsa₂ judíos ca₂tsí'₃ dsa₂ i₂ca₂'lón₂ 'éi₂:

—Jmig₄ sa₅₄ bá₄ ně₃; tsá₃ 'i₄ 'éi'₃ caun'₅₄ tsi₁jein₁ quiáng'₂ jmig₄ ně₃.

¹¹ Jaun₂ ca₂ṇag₃ dsa₂ 'éi₂:

—I₂ně₂jme₃'lió₂ jniá₂, ně₂juá'₂: “Chog'₅₄ tsi₁jein₁ quiáng'₂, ni₄ ně₃.”

¹² Jaun₂ ně₃ ca₂ṇag₃ táng₃ dsa₂ 'éi₂:

—Ĳ'Ei₂ 'éi₂ ně₂juá'₂ a₂caun'₅₄ tsi₁jein₁ quiáng'₂, a₂ni'₂ ně₃?

¹³ La₁ tsá₃ ni₅ 'ein₂ 'éi₂ i₂ně₂jme₃'lió₂ quió'₅, ia₁ jme₁ma₂i₂cón₅ Jesús jin₄ dsa₂ juin₅ i₂jme₁tion'₅₄ ja₁jaun₂.

¹⁴ Cang₂ jaun₂ ca₂jen'₂ Jesús ca₂jein'₂ dsa₂ 'éi₂ i₁dsi₅ guá'₅ templo, jaun₂ ca₂juá'₂:

* 5:2 A₂lin₅₄ chog₅₄ si₂: “Betzata”; a₂siá'₂ ně₃: “Betsaida.” † 5:4 Chog₅₄ si₂ a₂dse₃ guě₄ tsá₃ chi₁ton₅ versículo 4.

—Jag₄ de'₂, nē₃ lia'₂ ma'₂ lóng'₂, tsá₃ ma₃ lē'₁ nau₂ dso₄, ia₁ jaun₂ tsá₃ dsi₃ níg'₂ caun₂ jmi₁ uig₅ 'ñio₅ guē₄ con'₂ guē₄ a₂ jme₁ lín'₄ le₂ jniá'₅.

¹⁵ Jaun₂ náj'₃ bá₄ dsa₂ 'éi₂, jaun₂ ca₂ i₁ chi'₄ dsa₂ judíos, Jesús bá₄ 'éi₂ i₂ ca₂ jme₃ 'lió₂ quió'₅.

¹⁶ 'Uig₅₄ jaun₂ qui₂ ca₂ co₃ 'ein₃ dsa₂ judíos quió'₅ Jesús,† ia₁ jme₁ tin₂ Jesús jme₁ mo₂₃ le₂ nē₅ jmi₄ sa₅₄.

¹⁷ La₁ ca₂ juá'₂ Jesús ca₂ tsí'₃ dsa₂ judíos:

—Lia'₂ jmo₅ jaun₂ ñe'₃ ta₁ jnia'₅₄ jmi₄ nē₃; ján₃ bá₄ le₂ jaun₂ jmo₅ jniá'₂ ta₁.

¹⁸ 'Uig₅₄ jaun₂, tē₂ le₃ i₂ jui'₂ guē₄ jme₁ 'nio₃ jñag'₃ dsa₂ judíos, ia₁ on₃ jua'₅₄ jmá'₃ 'éi'₃ jmi₄ sa₅₄ jmo₂₃ cau₅, ján₃ bá₄ ca₂ tē₂ jmo₂₃ a₂ lín₅ co₂ rin₂ quian'₅₄ Diú₄, ia₁ a₂ juá'₂ Diú₄ bá₄ lín₅ Jmei₂.

'Éi'₃ a₂ ron₅ quió'₅ Ja₁ ñi'₅₄ Diú₄.

¹⁹ Jaun₂ nē₃ ca₂ juá'₂ Jesús ca₂ tsí'₃ dsa₂ judíos:

—A₂ dsi₂ jó'₃ juíg₂ jniá'₂ 'nia'₂, tsá₃ 'e₂ le₂ le₃ jmo₃ Ja₁ ñi'₅₄ 'i₁ caun₂ 'ñiog₅; a₂ jaun₂ bá₄ jmo₂₃ jui₁ lia'₂ a₂ jág₅ jmo₅ Jmei₂. Jui₁ lia'₂ 'e₂ ta₁ a₂ jmo₅ Jmei₂, a₂ jaun₂ bá₄ jmo₅ Ja₁ ñi'₅₄ ján₃. ²⁰ Ia₁ 'nio₃ Jmei₂ 'nioi₃ Ja₁ ñi'₅₄, jaun₂ 'ē₂₃ 'ē'₅ Ja₁ ñi'₅₄ ca₂ le₃ jē₃ 'e₂ a₂ jmo₂₃. Tē₂ le₃ lē₅ guē₄ juē'₂ ta₁ qui₃ 'ē₃, con'₂ guē₄ a₂ le₂ la₂, ia₁ jaun₂ qui₂ dsi₃ gó'₃ 'au'₂ 'nia'₂. ²¹ Ia₁, jui₁ lia'₂ jme₂ jen'₅₄ Jmei₂ jme₂ jein'₅₄ 'lag₄, cuē₂₃ jme₂ dsi₂ a₂ le₃ chain₂, ján₃ bá₄ le₂ jaun₂ cuē₅ Ja₁ ñi'₅₄ jme₂ dsi₂ cuē'₅ jui₁ lia'₂ i₂ 'nio₃ cuē'₃. ²² Ján₃ guē'₂, tsá₃ con₂ Jmei₂ 'í₁ quió'₅ 'i₁ jan₂; o₄ gú₃ Ja₁ ñi'₅₄ bá₄ ma₂ dsi₃ ca₂ le₃ jē₃ 'éi'₃ a₂ con₂ 'í₁, ²³ ia₁ jaun₂ jme₃ go₃ ca₂ le₃ jín₃ dsa₂ jme₃ gain₃ Ja₁ ñi'₅₄, jui₁ lia'₂ jme₂ gain₃ Jmei₂. Jui₁ lia'₂ i₂ tsá₃ jme₂ gan₃ Ja₁ ñi'₅₄, tsá₃ jme₂ gain₃ Jmei₂ i₂ ca₂ chei₃.

²⁴ 'A₂ dsi₂ jó'₃ juíg₂ jniá'₂ 'nia'₂: jui₁ lia'₂ i₂ nag₅ i₂ tón'₂ jui₅ jág₁ quió₃, ton'₂ 'éin₂ tē₂ le₃ quió'₅ i₂ ca₂ chei₃, le₃ chain₂ bá₄ co₂ tan₅₄. Tsá₃ 'í₁ jióg'₂ ja₁ coin₂, ia₁ ma₂ ca₂ ñi₅ ne₄ 'mú₃, ma₂ ca₂ dsióg₃ ja₁ le₃ chain₂ co₂ tan₅₄. ²⁵ A₂ dsi₂ jó'₃ juíg₂ jniá'₂ 'nia'₂, já₅ jmi₄ g₄ ton'₂ ma₂ tē₂ dsón'₂, jē₁ ma₂ tē₂ rē₁ nag₃ 'lag₄ jág₁ quió'₅ Ja₁ ñi'₅₄ Diú₄. Jui₁ lia'₂ i₂ ne'₅₄ nē₃, le₃ chain₂ bá₄. ²⁶ Ia₁ jui₁ lia'₂ 'io₅ bí₂ Jmei₂ a₂ le₃ chain₂ 'ñiog₅, ján₃ bá₄ le₂ nē₅ ma₂ cuē'₃ Ja₁ ñi'₅₄ jui₅ bí₂ a₂ le₃ chain₂ 'ñiog₅. ²⁷ Ján₃ bá₄ ma₂ cuē₃ jui₅ bí₂ a₂ con₂ 'í₁ qui₃ dsi₂₃ 'éi'₃, ia₁ lín₅ Jaun₅ dsa₂ mi₂ güí₃. ²⁸ Tsá₃ lē₂ jui₁ dsi₂ gó'₃ 'au'₂ 'nia'₂ jág₁ a₂ nē₂ juá'₃ jniá'₂ la₂, ia₁ já₅ hora a₂ nag₃ ca₂ le₃ jín₃ dsa₂ i₂ le₁ on₅ tau₂ 'ñio₅, jág₁ quió'₅, ²⁹ jaun₂ 'uín₃ ja₁ jaun₂. Jui₁ lia'₂ i₂ ca₂ jmo₃ a₂ dsi₂ ten₅₄, jein'₅₄ a₂ dsi₁ lein₅ ja₁ le₃ chain₂ co₂ tan₅₄; la₁ ia₁ jui₁ lia'₂ i₂ ca₂ jmo₃ a₂ 'lig'₅₄, jein'₅₄ a₂ tē₃ dsi₅₄ 'éi'₃ ja₁ coin₂.

Jau'₂ 'í₁ a₂ dsón'₂ 'io₅ Jesús bí₂

† 5:16 A₂ lín₅₄ chog₅₄ si₂ a₂ me'₂ guē₄ juá'₂ ján₃: "a₂ jme₁ 'nio₃ jñag'₃."

30 'Tsá₃ 'e₂ lé₂ le₃jmo₅₄ jniá₂ jua'₅₄ a₂jmo₅₄ con'₂ ting₂ 'ñio₃. Qui₂dsí₂ jniá₂ 'éi'₃ lia'₂ con'₂ lě₅ jág₁ a₂nég'₄ ja₁con₂ Ne'₃, jaun₂ dsí₂ten₅₄ bá₄ 'éi'₃ a₂qui₂dsí₂ jniá₂, ia₁ tsá₃ a₂jaun₂ jmo₅ jniá₂ lia'₂ con'₂ lě₅ a₂'ñio₂ dsí₃ 'ñio₃; a₂jaun₂ bá₄ jmo₅ jniá₂ lia'₂ con'₂ lě₅ a₂'ñio₂ dsí₅ 'éi₂ i₂ca₂chei₃ jniá₂. 31 Nē₁jua'₂ jáng'₅ jniá₂ jág₁ dsau₅ ja₁cong₂ 'ñio₃, jág₁ jaun₂ a₂jáng'₅, tsá₃ quen₅. 32 La₁ia₁ chan₂guē₄ jan₂ i₂sián'₂ i₂jáng'₅ jág₁ dsau₅ tē₂le₃ quió₃ jniá₂, jaun₂ guion₄ jniá₂ jui₁lia'₂ a₂juá'₂ 'éi₂ 'ag₂₃ jniá₂, tí₅ bá₄ jág₁ a₂jáng'₅. 33 Ca₂chen'₂ 'nia'₂ dsa₂ a₂ca₂i₁ñag₁₂ ne₄ Juan₅₄, jaun₂ dsón'₂ tí₅ bá₄ jág₁ dsau₅ a₂ca₂jáng'₃ 'éi₂. 34 La₁ia₁ on₃jua'₅₄ jaun₂ chén'₅ jniá₂ rē₂ ia₁ a₂jáng'₅ dsa₂ mi₂güí₃ jág₁ dsau₅ tē₂le₃ quió₃ jniá₂; a₂jaun₂ bá₄ juí₂ jniá₂ 'nia'₂ jág₁ la₂ ia₁jaun₂ lé₂ le₃lión'₂ 'nia'₂. 35 Jme₁lín₄ Juan₅₄ nē₂jag₄ caun₂ si₂ ni₁tsí₅ a₂cau₂ a₂tág₅. Jaun₂ 'nia'₂ nē₃, jme₁ma₂'éi'₂ caun₂ 'au'₂ a₂jmo'₂ co₂'na₂ 'io'₂ ja₁tág₅ si₂ quió'₅. 36 La₁ia₁ jniá₂ nē₃, 'ñio₅₄ jan₂ i₂jáng'₅ jág₁ dsau₅ i₂juin'₂ guē₄ lia'₂ con'₂ guē₄ Juan₅₄. Ia₁ jui₁lia'₂ léi₄ a₂jmo₅ jniá₂, a₂jaun₂ ca₂cuē₃ Ne'₃ a₂jmo₅₄. A₂jaun₂ bá₄ jáng'₅ jág₁ dsau₅ a₂dsón'₂ bá₄ ca₂chei₃ Ne'₃. 37 Ján₃ bá₄ le₂jaun₂, 'ñiog₅ bá₄ Ne'₃ jniá₂ i₂ca₂chei₃, jáng'₅ 'éi₂ jág₁ dsau₅ tē₂le₃ quió₃ jniá₂. 'Nia'₂ nē₃, lia'₂ 'i₁cón'₂ tsá₃ ma₂nei'₂ 'nia'₂ jág₁ quió'₅, on₃ guē'₂ ma₂jiin'₅₄ 'nia'₂ 'a₂ lia'₂ lín₅, 38 on₃ guē'₂ ma₂tē₁gua₁ jág₁ quió'₅ tē₂'au'₂, ia₁ tsá₃ 'én'₂ 'nia'₂ tē₂le₃ quió'₅ 'ñiog₅ i₂ca₂chein₃. 39 A₂'i'₂ 'nia'₂ Si₂ quió'₅ Diú₄ ca₂lia'₂ dsen₅₄ 'au'₂, ia₁ lín'₂ 'nia'₂ a₂le₃chan₂ 'nia'₂ co₂tan₅₄ tē₂le₃ quian'₅₄ Si₂ jaun₂. Si₂ jaun₂ bá₄ jáng'₅ jág₁ dsau₅ 'ag₂₃ jniá₂. 40 Jaun₂ 'nia'₂ nē₃, tsá₃ 'niog'₂ i₁nóg'₅ ne₃ jniá₂ ia₁jaun₂ le₃chan'₂ 'nia'₂.

41 'Tsá₃ gue₅ jniá₂ a₂jme₂juag'₂ dsa₂ mi₂güí₃. 42 La₁ cuín₅ jniá₂ 'nia'₂, jaun₂ guion₄ jniá₂ a₂tsá₃ jaun₂ le₁'i₁ tē₂'au'₂ 'nia'₂ a₂niog₅ dsí₅ Diú₄ a₂'nioi₃ 'nia'₂. 43 O₄quió'₄ Ne'₃ bá₄ jniá₂ guio₃, 'nia'₂ guē'₂ tsá₃ guéi'₅ jniá₂; la₁ia₁ nē₁jua'₂ ca₂já₃ jan₂ o₄quió'₄ 'ñiog₅, i₂'éi₂ bá₄ guén'₄ 'nia'₂. 44 ¿'A₂ lia'₂ lé₂ le₃'én'₂ 'nia'₂, chi₂jua'₂ jaun₂ 'náu'₂ a₂tíong'₂ rē₂ quiang'₅₄ ríng'₂, tsá₃ guē'₂ 'náu'₂ 'nia'₂ a₂qui₁náu'₂ rē₂ quiang'₅₄ Diú₄? 45 Tsá₃ o₁len'₂ 'nia'₂ jua'₅₄ a₂'nág₄ jniá₂ ne₄ Ne'₃; chan₂ jan₂ i₂'nag₅: Moisés bá₄ 'éi₂. Le₃quió'₅ 'éi₂ bá₄ 'ín₂ 'au'₂ 'nia'₂. 46 Ia₁ jua'₅₄ mei'₂ guē₃ ca₂rē₃'éng'₂ jág₁ quió'₅ Moisés, ján₃ bá₄ le₂jaun₂ jme₁le₃'éng'₂ jág₁ quió₃, ia₁ jniá₂ bá₄ ca₂'ag₃ Moisés ne₄ Si₂. 47 La₁ chi₂jua'₂ tsá₃ 'én'₂ guē'₂ 'nia'₂ jág₁ a₂ca₂tó'₂ 'éi₂ ne₄ Si₂, ¿'a₂ guē'₂ lia'₂ lé₂ le₃'én'₂ 'nia'₂ jág₁ a₂juá'₅ jniá₂?

6

Ca₂ñi'₃ Jesús 'ñiá₂ mei₅ dsa₂

(Mateo 14:13-21; Marcos 6:30-44; Lucas 9:10-17)

¹ Cang₂ jaun₂ ca₂ηó₃ Jesús tē₂le₃ quióng₄ ca₂taun₂ jmi₁ηí'₄ Galilea, (a₂chei₂ jmi₁ηí'₄ Tiberias). ² Jaun₂ ca₂lén₂ juin₅ lin₃ dsa₂ chi₁co'₅₄ quió'₅, ia₁ ma₂jág₃ léi₄ juē'₂ a₂ma₂jmo₃, a₂qui₂ma₂ca₂jme₂'lióin₂ dsa₂ i₂jme₁le₁dso'₅₄. ³ Jaun₂ ně₃ ca₂uig₂ Jesús caun₂ má'₂, jaun₂ ca₂guá₂ ja₁jaun₂ quiaín'₅₄ chi'₂ dsi₂guia₃-tín₂ quiaín₅.

⁴ Jmig₄ jaun₂, jme₁ma₂ja₂quiaín₃ Jmig₄ Tē₂'in₅₄, co₂'nió'₄ jmig₄ quió'₅ dsa₂ judíos.

⁵ Jme₁ca₂jág₃ Jesús ca₂jín₂ juin₅ lin₃ dsa₂ i₂ja₂lén₂, jaun₂ ca₂juá'₂ ca₂tsí'₃ Felipe:

—¿A₂já'₄ dsi₁liá₄ má₃ a₂guē'₃ ca₂le₃jín₃ dsa₂ ně₅?

⁶ A₂jaun₂ bá₄ ca₂juá'₂ Jesús le₂ně₅ o₁ne₄ 'e₂ jme₁ηag₃ Fe₂li₄, ia₁ jme₁ma₂ηi₅ rē₂ bá₄ Jesús 'ηiog₅ 'e₂ a₂jmo₃.

⁷ Jaun₂ ně₃ ca₂ηag₃ Fe₂li₄:

—Tin₃ 'ηiá₂-láu₂ denario i₁ηí'₄ tsá₃ len₅ bá₄ guē₄ a₂ηe₂ jma₃ca₂juig₄ le₂jan₂ le₂jan₂ dsa₂.

⁸ Jaun₂ ně₃ ca₂ηag₃ guē₄ jan₂ chi'₂ dsi₂guia₃-tín₂ quiaín₅ Jesús, i₂jme₁chen₂ Drē₄ rin'₅₄ Si₂mu₅₄ Pe₄:

⁹ —Jē₄ la₂ 'en₅₄ jan₂ i₂bē'₅₄ i₂quian₅ 'ηiá₂ i₁ηí'₄ cebada, quian'₅₄ guē'₂ on₃ ju₄; la₁ia₁, ¿'e₂ bá₄ cha₂ 'e₂ jaun₂, ja₁con₂ dsa₂ juin₅ le₂ně₅?

¹⁰ Jaun₂ ně₃ ca₂juá'₂ Jesús:

—Chei'₅₄ dsa₂ ca₂le₃jín₃ jui₁tiain'₂₃.

'Lióng₂ ηi₂ma'₂ jme₁cha₂ ja₁jaun₂, jaun₂ ca₂tián'₂ dsa₂ ηe'₂, i₂jme₁lē₂ con'₂ 'ηiá₂ mei₅ dsa₂.

¹¹ Jaun₂ ně₃ ca₂can₃ Jesús i₁ηí'₄, jaun₂ jme₁ma₂ně₂cuē'₃ ti₁'mag'₄ Diú₄, qui₂ca₂dsi₁'₃ ca₂cuē'₃ ca₂le₃jín₃ dsa₂ i₂jme₁tián'₄ ja₁jaun₂. * Ján₃ bá₄ le₂jaun₂ ca₂jmo₃ quian'₅₄ dsi₂ju₄ 'éi₂, ca₂cuē'₃ ca₂le₃jín₃ dsa₂ 'a₂ con'₂ jñia'₅₄ 'nio₃.

¹² Jaun₂ jme₁ma₂lí'₃ dsa₂ guē'₅, ca₂juá'₂ Jesús ca₂tsí'₃ chi'₂ dsi₂guia₃-tín₂:

—Cag'₅₄ 'nia'₂ ni₁jne₁ i₁ηí'₄ a₂ca₂chóng₃, ia₁jaun₂ tsá₃ 'e₂ dsi₃'én₂.

¹³ Jaun₂ ca₂cág'₃, jaun₂ ca₂jme₃cain'₂ guia₃-tín₂ tsi₁mi'₂ tá₂, quian'₅₄ ni₁jne₁ a₂ca₂chóng₃ a₂'ηiá₂ i₁ηí'₄ cebada jaun₂.

¹⁴ Jaun₂ ně₃, jme₁ca₂jág₃ dsa₂ léi₄ a₂ca₂jmo₃ Jesús, ca₂juá'₂:

—Dsón'₂ bá₄ lín₅ dsa₂ ně₅ dsa₂ i₂'ē₂ jág₁ quiaín₅ Diú₄, i₂lē₅ jág₁ jiá₃ mi₂güig₃.

* 6:11 A₂lin₅₄ chog₅₄ si₂ a₂me₂' guē₄ juá'₂: “jme₁ma₂ně₂cuē'₃ ti₁'mag'₄ Diú₄, jaun₂ ca₂cuē'₃ chi'₂ dsi₂guia₃-tín₂, jaun₂ chi'₂ dsi₂guia₃-tín₂ ně₃ qui₂ca₂dsi₁'₃ ca₂cuē'₃ ca₂le₃jín₃ dsa₂.”

15 La₁ ca₂rě₃lí'₄ bá₄ Jesús a₂'nio₃ dsa₂ jme₁tě₂ tion₅₄, a₂jme₁jmoí'₂ 'éi₂ rag₅₄, jaun₂ ca₂ñái'₃ bá₄ táng₃ ca₂'í₃ má'₂ con'₂ 'ñiog₅.

Ca₂ñi₃ Jesús ne₄ jmi₂g₂ jmi₁ñí'₄

(Mateo 14:22-27; Marcos 6:45-52)

16 Jme₁ca₂nei₂ jaun₂, ca₂sió₃n₃ chí'₂ dsi₂guia₃-tín₂ quiáin₅ ca₂tě₂ jmi₁ñí'₄.

17 Jaun₂ ca₂tóin'₂ 'ñió'₃ caun₂ tsi₁mu₅, jaun₂ ca₂jme₃lióg₃ ca₂'ain₃ jmi₁ñí'₄ a₂dsi₃léin₂ Capernaum. Jme₁ma₂tó'₂ nei₂ bá₄ jaun₂, tsá₃ jme₁ma₂quiong'₅₄ bá₄ guě₄ Jesús.

18 Jaun₂ ca₂rě₃lióg₃ ca₂'ág₂ dsi₂ tiá₂ lin₃, jaun₂ qui₂ca₂ron'₂ jmi₁ñí'₄.

19 Jme₁ma₂'ain₂ con'₂ 'ñiá₂-ñjéi₂ kilómetros, jaun₂ ca₂jág₃ a₂ja₂quián₃ Jesús cau₅ tsi₁mu₅, a₂ñi₂₃ ne₄ jmi₂g₂; jaun₂ ca₂rě₃gó'₅ 'ñio₅ lin₃.

20 La₁ia₁ ca₂juá'₂ Jesús:

—ñiá₂ bá₄ la₂; tsá₃ lě₁jmo₂ 'nia'₂ gang'₃!

21 Jaun₂ ně₃ ca₂lia'₂ 'io'₂ jén'₅ bá₄ ca₂guein₃† Jesús 'ñió'₃ tsi₁mu₅, jaun₂ quian'₅₄ ca₂tiá₂ co₂lág₂ bá₄ ca₂dsi₃léin₂ chei'₅₄ 'uě₃ ja₁jme₁tioin'₅₄ jui₅ i₃léin₂.

'Nau'₂ dsa'₂ 'nai'₂ Jesús

22 Jme₁ca₂jnia₃ jaun₂, ca₂rě₃lí'₄ dsa₂ i₂tě₁ 'ñiá₄ tě₂le₃ quióng₄ ca₂taun₂ jmi₁ñí'₄, a₂jme₁chí'₄ caun₂ tan₅₄ tsi₁mu₅ ja₁jaun₂, ton'₂ tsá₃ ca₂'í₃ Jesús 'ñió'₃ jaun₂ quiaín'₅₄ chí'₂ dsi₂guia₃-tín₂; guion₅₄ bá₄ chí'₂ dsi₂guia₃-tín₂ i₃léin₂.

23 La₁ tě₁lia'₂ jaun₂, o₃lě₂ tsi₁mu₅ siá'₂ a₂ja₂lei₃ juig₂ Tiberias, ca₂o₃lě₂ quián₅ ja₁ca₂guě'₃ i₁ñí'₄ le₂jñiá₅ jme₁ca₂lě₃ cuě'₅ Te₁gui'₅₄ ti₁'mag'₄ Diú₄.†

24 Jaun₂ ně₃, jme₁ca₂rě₃lí'₄ dsa₂ a₂tsá₃ Jesús chan₂ ja₁jaun₂, on₃ guě'₂ chí'₂ dsi₂guia₃-tín₂ quiáin₅, ca₂i₃toin'₅₄ 'ñió'₃ tsi₁mu₅, ca₂i₃léin₂ jui₅ Capernaum ca₂i₁'niog'₂.

Jesús bá₄ lín₅ i₁ñí'₄ a₂le₃chan₂ dsa₂ co₂tan₅₄

25 Jme₁ca₂dsi₃lén₂ dsa₂ tě₂le₃ quióng₄ ca₂taun₂ jmi₁ñí'₄, ca₂dsáin'₂ Jesús, jaun₂ ca₂ñag₃:

—Tě₅, ě₁lig'₂ guang'₃ ja₁lá₃?

26 La₁ia₁ ca₂ñag₃ Jesús ca₂tsí'₃ dsa₂ 'éi₂:

—A₂dsi₂jó'₃ juig₂ jniá₂ 'nia'₂, a₂'nau'₂ jniá₂ i₂niog'₅₄, ia₁ ca₂qué'₂ 'nia'₂ lia'₂ 'ág'₃ 'au'₂ i₁ñí'₄, on₃jua'₅₄ rě'₂ ia₁ a₂ca₂rě₃ñí'₂ 'nia'₂ léi₄ jaun₂. 27 Tsá₃ lě₁jmo₂ 'nia'₂ ta₁ o₄quió'₄ má₃ a₂jñia'₅₄ con'₂ dsi₃'én₂, tě₂le₃ o₄quió'₄ má₃ a₂jio₅g₅ co₂tan₅₄ bá₄ jmo₄ 'nia'₂

† 6:21 o₃, “jme₁guein₃.” † 6:23 A₂lin₅₄ chog₅₄ si₂ tsá₃ chí₂ton₅ “jme₁ca₂lě₃ cuě'₅ Te₁gui'₅₄ ti₁'mag'₄ Diú₄.”

ta₁, a₂cuë₅ Jaun₅ dsa₂ mi₂güig₃. Ia₁ ne₄ 'éi₂ ma₂tióng₃ 'ñiog₅ bá₄ Diú₄ Jmei₂ léi₄ quió'₅.

²⁸ Jaun₂ ně₃ ca₂ñag₃ dsa₂:

—¿'E₂ 'nió'₅ jmó₁ jnia'₅₄ ia₁jaun₂ lé₂ le₃jmó₁ jnia'₅₄ ta₁ a₂'nio₃ Diú₄ jmó₁?

²⁹ Jaun₂ ca₂ñag₃ Jesús:

—A₂la₂ bá₄ ta₁ quió'₅ Diú₄: a₂le₃'én'₂ 'nia'₂ tē₂le₃ quió'₅ i₂chen₄ quiáin₅.

³⁰ Jaun₂ ně₃ ca₂ñag₃ dsa₂:

—¿'E₂ léi₄ lé₂ le₃'ē'₂ jnia'₅₄, ia₁jaun₂ jag₅₄ jnia'₅₄ jaun₂ le₃'éin₂ jnia'₅₄ quiáng'₂? ¿'E₂ léi₄ jmó'₂? ³¹ Dsa₂ can'₅₄ quián₂ jnia'₅₄ ma₂líg'₂, ca₂guē'₃ i₁ñí'₄ maná, lia'₂ con'₂ jme₁tióin'₅₄ 'uē₃ quein₂ co₂'ñiog₅ jaun₂, jui₁lia'₂ juá'₂ ne₄ Si₂ quió'₅ Diú₄: “Ca₂cuē₃ Moisés ca₂guē'₃ 'éi₂ i₁ñí'₄ a₂ca₂já₃ guei'₅₄ i₂juíg₃.” §

³² Jaun₂ ca₂ñag₃ Jesús:

—A₂dsi₂jó'₃ juíg₂ jniá₂ 'nia'₂: on₃jua'₅₄ Moisés i₂ca₂cuē₃ i₁ñí'₄ a₂já₅ guei'₅₄ i₂juíg₃; Ne'₃ bá₄ jniá₂ i₂cuē'₅ 'nia'₂ i₁ñí'₄ tē₃dsón'₂ a₂já₅ guei'₅₄ i₂juíg₃. ³³ Ia₁ jui₁lia'₂ i₁ñí'₄ a₂já₅ ja₁con₂ Diú₄, i₂'éi₂ bá₄ lín₅, i₂ca₂sión₃ guei'₅₄ i₂juíg₃, i₂jmo₅ a₂le₃chan₂ dsa₂ co₂tan₅₄.

³⁴ Jaun₂ ně₃ ca₂juá'₂ dsa₂ ca₂tsí'₃ Jesús:

—Te₁gui'₅₄, cuē₄ lia'₂ o₂jmi₂g₄ i₁ñí'₄ a₂'ē'₂ 'ne₂ ně₅.

³⁵ Jaun₂ ca₂juá'₂ Jesús:

—Jniá₂ bá₄ líng₅ i₁ñí'₄ a₂jmo₅ a₂le₃chan₂ dsa₂. Jui₁lia'₂ i₂ja₂ ja₁con₂ jniá₂, lia'₂ o₁líg'₂ jmi₂g₄ tsá₃ ma₂lé₂ i₁cón'₅; ján₃ bá₄ le₂jaun₂ jui₁lia'₂ i₂'én₂ tē₂le₃ quió₃ jniá₂, lia'₂ o₁líg'₂ jmi₂g₄ tsá₃ ma₃le₃quein₂ dsí₅. ³⁶ La₁ jui₁lia'₂ ma₂nē₂juíg₂ jniá₂ 'nia'₂, tsá₃ 'én'₂ 'nia'₂ o₁jñia'₅₄ ma₂nē₂jag'₅₄ 'nia'₂ jniá₂. ³⁷ Ca₂le₃jín₃ jui₁lia'₂ dsa₂ i₂cuin₅ Ne'₃ cui₂g₂₃ jniá₂, ja₃léin₂ ja₁con₂ jniá₂; jaun₂ jui₁lia'₂ i₂ja₂ ja₁con₂ jniá₂, lia'₂ o₁'e₂ guē₃ tsá₃ dséin₄ jniá₂. ³⁸ Ia₁ on₃jua'₅₄ jaun₂ guio₃ jniá₂ ca₂sión₃ guei'₅₄ i₂juíg₃ jua'₅₄ a₂jmo₅₄ a₂'ñio₂ dsi₃ 'ñió₃; a₂jaun₂ bá₄ guio₃ a₂jmo₅₄ a₂'ñio₂ dsí₅ i₂ca₂chei₃. ³⁹ A₂la₂ bá₄ a₂'ñio₂ dsí₅ i₂ca₂chei₃: a₂tsá₃ qui₂dsi₃cón'₅ 'i₁jan₂ i₂ma₂cuin₃ 'éi₂ jniá₂, tē₂le₃ a₂jme₁jein'₅₄ bá₄ jniá₂ jmi₂g₄ jē₁ca₂tó'₂. ⁴⁰ A₂la₂ bá₄ a₂'ñio₂ dsí₅ Ne'₃: jui₁lia'₂ ca₂le₃jín₃ i₂jín₂ Ja₁ñi'₅₄ ton'₂ 'éin₂ tē₂le₃ quió'₅, jui₁le₂chain₂ co₂tan₅₄, jaun₂ jniá₂ ně₃ jme₁jein'₅₄ jmi₂g₄ jē₁ca₂tó'₂.

⁴¹ Quian'₅₄ jág₁ ně₅ ca₂jme₃lióg₃ dsa₂ judíos qui₂ca₂dsia₃ guioin₅₄, ca₂chi₃'iin₃ Jesús ia₁ jme₁ma₂nē₂juá'₂: “Jniá₂ bá₄ líng₅ i₁ñí'₄ i₂ca₂sión₃ guei'₅₄ i₂juíg₃.”

⁴² Jaun₂ ca₂juá'₂:

—¿On₃jua'₅₄ i₂nē₅ Jesús ja₁ŋi'₅₄ Sě₄? I₂cuin₅ bá₄ jniog₄ chog₅₄-
jmei₂ i₂nē₅. ¿'A₂ guē'₂ lia'₂ juá'₂ a₂ca₂sióin₃ guei'₅₄ i₂juíg₃?

⁴³ Jaun₂ nē₃ ca₂juá'₂ Jesús:

—Tsá₃ lē₁ma₃chi₂ág₅ 'nia'₂. ⁴⁴ Lia'₂ 'i₁jan₂ tsá₃ lé₂ jiá₃ ja₁con₂
jniá₂, jua'₅₄ tsá₃ o₂jio₃ Ne'₃ i₂ca₂chei₃; jaun₂ jniá₂ jme₁jei'₅₄
jmig₄ jē₁ca₂tó'₂. ⁴⁵ Le₂la₂ ca₂tó'₂ ne₄ Si₂ dsa₂ i₂jme₁ě₂ jág₁
o₄quió'₄ Diú₄: “Diú₄ bá₄ jme₃tag₅ jme₃tin₂₃ ca₂le₃jín₃ dsa₂.”*
Jaun₂ ca₂le₃jín₃ ju₁lia'₂ i₂nag₅ jág₁ quió'₅ Ne'₃, ton'₂ qui₂rē₂tin₂
'e₂ a₂jmo₅ 'éi₂, ja₃léin₂ bá₄ ja₁con₂ jniá₂. ⁴⁶ On₃jua'₅₄ rē'₂ ia₁
'ein₂ ma₂jín₂ Jmei₂. Jniá'₅₄ lia'₂ i₂ca₂já₃ ja₁con₂ Diú₄; i₂'éi₂ bá₄
ma₂jín₂ Jmei₂. ⁴⁷ A₂dsón'₂ juíg₂ jniá₂ 'nia'₂, ju₁lia'₂ i₂'én₂,†
le₃chain₂ co₂tan₅₄. ⁴⁸ Jniá₂ bá₄ líng₅ i₁ŋí'₄ a₂jmo₅ a₂le₃chan₂
dsa₂. ⁴⁹ Qui₂ca₂guē'₃ dsa₂ can'₅₄ quián'₂ 'nia'₂ i₁ŋí'₄ maná, lia'₂
con'₂ jme₁tioin₅₄ 'uē₃ quein₂ co₂ŋiog₅ jaun₂, la₁ ca₂dsain₃ bá₄.
⁵⁰ A₂la₂ bá₄ lē₅ i₁ŋí'₄ a₂ca₂sió₃ guei'₅₄ i₂juíg₃ ia₁jaun₂ nē₁jua'₂
'ein₂ ca₂guē'₃, tsá₃ dsiáin₃. ⁵¹ Jniá₂ bá₄ líng₅ i₁ŋí'₄ jén'₃ i₂ca₂sió₃
guei'₅₄ i₂juíg₃ jaun₂; ju₁lia'₂ i₂guē'₅ i₁ŋí'₄ la₂, le₃chain₂ co₂tan₅₄.
I₁ŋí'₄ ju₁lia'₂ a₂juá'₅ jniá₂ cuē₅₄, ni₁ŋi₃ 'ŋi₃ó₃ bá₄ jniá₂ 'ě₂₃, a₂jáng'₄
jniá₂ ia₁jaun₂ le₃chan₂ dsa₂ mi₂güí₃.

⁵² Jaun₂ nē₃ qui₂ca₂chen₃ dsa₂ judíos guioin₅₄, a₂juá'₂:

—¿'A₂ lia'₂ lé₂ le₃cuē₃ i₂nē₅ ŋi₅₄ 'ŋiog₅ a₂que₅₄ jniog₄?

⁵³ Jaun₂ ca₂juá'₂ Jesús:

—A₂dsi₂jó'₃ juíg₂ jniá₂ 'nia'₂, nē₁jua'₂ tsá₃ ca₂qué'₂ 'nia'₂ ŋi₄
Jaun₅ dsa₂ mi₂güí₃, nē₁jua'₂ tsá₃ ca₂'én'₂ 'nia'₂ jmi₂ 'ain₅₄ nē₃,
tsá₃ jén'₃ 'nia'₂ tē₁lia'₂ chang'₂. ⁵⁴ Ju₁lia'₂ i₂guē'₅ ŋi₃ jniá₂, ton'₂
'ín'₂ jmi₃ jniá₂ nē₃, le₃chain₂ bá₄ co₂tan₅₄; jaun₂ jniá₂ jme₁jei'₅₄
jmig₄ jē₁ca₂tó'₂. ⁵⁵ Ia₁ ni₁ŋi₃ jniá₂ bá₄ lē₅ má₃ a₂tí₅ dsón'₂; ján₃
bá₄ le₂jaun₂ jmi₃ jniá₂ lē₅ jmig₂ a₂'ág'₃ dsi₅ tē₃dsón'₂. ⁵⁶ Ju₁lia'₂
i₂guē'₅ ŋi₃ jniá₂, ton'₂ 'ín'₂ jmi₃ jniá₂ nē₃, tē₂'ŋiai₅₄ le₃quió₃ jniá₂;
jniá₂ guē'₂ le₃quió'₅ 'éi₂. ⁵⁷ Ju₁lia'₂ ca₂chei₃ Ne'₃ jén'₃ ca₂chei₃
jniá₂, jaun₂ chan₂ jniá₂ 'uig₅₄ quió'₅ 'éi₂, ján₃ bá₄ le₂jaun₂, ju₁lia'₂
i₂guē'₅ quió₃ jniá₂, le₃chain₂ 'uig₅₄ quió₃ jniá₂. ⁵⁸ A₂la₂ bá₄ 'ě₂₃
i₁ŋí'₄ i₂ca₂sió₃ guei'₅₄ i₂juíg₃. Qui₂ca₂guē'₃ dsa₂ can'₅₄ quián'₂
'nia'₂ i₁ŋí'₄ maná, la₁ ca₂dsain₃; la₁ ju₁lia'₂ i₂guē'₅ i₁ŋí'₄ la₂,
le₃chain₂ bá₄ co₂tan₅₄.

⁵⁹ Jág₁ nē₅ ca₂juá'₂ Jesús tē₁lia'₂ ca₂jme₃tag₂₃ dsi₂néi₂ guá'₅
sinagoga jē₄ juíg₂ Capernaum.

Jág₁ a₂le₃chan₂ dsa₂ co₂tan₅₄

⁶⁰ Jme₁ca₂nág₂ dsa₂ jág₁ jaun₂ a₂jme₂tag₅ Jesús, ju₁n₅ dsa₂
i₂quian'₅₄ Jesús ca₂juá'₂:

* 6:45 Isaías 54:13. † 6:47 A₂lin₅₄ chog₅₄ si₂ juá'₂: “i₂'én₂ tē₂le₃ quió₃ jniá₂.”

—Jág₁ a₂juá'₂ nē₅ 'ŋio₅ lín₃ juí'₅, quian₅ ta₁ guéi₁. ¿Ein₂ bá₄ lé₂ le₃tón'₂ jui₅ quió'₅?

⁶¹ Jaun₂ nē₃ ca₂rē₃lí'₄ Jesús 'e₂ jág₁ chen₅ dsa₂ tioin'₅₄, o₄quió'₄ jág₁ jaun₂, jaun₂ ca₂juá'₂:

—¿O₃ bá₄ tsá₃ dse₃ ca₂tín'₂ 'nia'₂ jág₁ nē₅? ⁶² ¿E₂ bá₄ lé₂ jaun₂ nē₃jua'₂ ca₂jing'₅₄ 'nia'₂ Jaun₅ dsa₂ mi₂güig₃ a₂uig₂ táng₃ ja₁jme₁'ein₅₄ le₂jniá'₅? ⁶³ Jme₂dsí₂ bá₄ i₂jmo₅ a₂chan₂ dsa₂; jui₁lia'₂ ni₁ŋi₁ dsa₂ nē₃, tsá₃ ta₁ tí₄. La₁ jág₁ a₂ma₂nē₂juig₂ jniá'₂ 'nia'₂, a₂gu₂dsí₂ bá₄ jaun₂, ton'₂ jmo₅ a₂chan₂ dsa₂. ⁶⁴ La₁ tion'₅₄ bá₄ gué₄ i₂lín₅₄ 'nia'₂ i₂tsá₃ 'én₂.

Ia₁ jme₁ma₂ŋi₅ bá₄ Jesús lia'₂ con'₂ le₂'uig₅₄ i₂'ein₂ 'éi₂ tsá₃ 'én₂, i₂'ein₂ gué'₂ i₂jáng'₂ cang₂.

⁶⁵ Jaun₂ ca₂juá'₂:

—'Uig₅₄ jaun₂ ma₂nē₂juig₂ jniá'₂ 'nia'₂, lia'₂ 'i₁jan₂ tsá₃ lé₂ jiá'₃ ja₁con₂ jniá'₂ jua'₅₄ tsá₃ o₂jio₃ Ŋe'₃.

⁶⁶ Ca₂le₃jaun₂, juin₅ dsa₂ i₂jme₁i₂nio₄ quiaín'₅₄ Jesús ca₂i₃uín₂ cau₅, tsá₃ ma₃jme₁i₂nioi₅₄ quiaín'₅₄ 'éi₂.

⁶⁷ Jaun₂ nē₃ ca₂ŋag₃ Jesús ca₂ŋí'₃ chí'₂ dsi₂guia₃-tín₂:

—¿O₃ bá₄ 'niog'₂ 'nia'₂ o₁nog'₁ ján₃?

⁶⁸ La₁ ca₂ŋag₃ Si₂mu₅₄ Pe₄:

—Te₁gui'₅₄, ¿ne₄ 'ein₂ lé₂ dsi₁náu₄ jnia'₅₄? Ia₁ 'ne₂ bá₄ 'au'₂ jág₁ a₂le₃chong₂ jnia'₅₄ co₂tan₅₄. ⁶⁹ Ma₂ca₂rē₃'éin₂ bá₄ jnia'₅₄, jaun₂ ne₄ jnia'₅₄, 'ne₂ bá₄ líng'₅ I₂ŋi₅ quián₅ Diú₄.[‡]

⁷⁰ Jaun₂ ca₂ŋag₃ Jesús:

—¿On₁jua'₅₄ jniá'₂ ca₂quiong'₅₄ 'nia'₂ ta₁guia₃-tín'₂? La₁ia₁, jan₂ i₂'en₅₄ jē₄ quián'₂ 'nia'₂ lín₅ i₂'lín'₅₄.

⁷¹ (A₂ca₂juá'₂ Jesús le₂nē₅ a₂'iín₂₃ Judas bá₄, ja₁ŋi'₅₄ Si₂mu₅₄ Iscariote,[§] ia₁ Judas bá₄ i₂jáng'₂ quió'₅, o₁ŋia'₅₄ lín₅ jan₂ dsa₂ guia₃-tín₂.)

7

Tsá₃ 'én₂ rín'₅₄ Jesús jág₁ quió'₅

¹ Cang₂ jaun₂, ca₂ŋi₃ Jesús 'uē₃ Galilea; a₂tsá₃ 'nio₃ dsi₃ŋi₃ jē₄ 'uē₃ Judea, ia₁ ja₁jaun₂ jme₁'nio₃ dsa₂ judíos jŋag'₃.

² La₁ia₁ jme₁ma₂ja₂quián₃ Jmíg₄ quió'₅ Tsi₁'io₅ Láu₃, jmíg₄ quió'₅ dsa₂ judíos, ³ jaun₂ ca₂juá'₂ rín'₅₄ Jesús:

—Tsá₃ lē₁jan₁ ja₁lá₃; gua₂ jui₅ Judea, ia₁jaun₂ jág₃ dsa₂ i₂quiang'₅₄ léi₄ a₂jmo'₂. ⁴ Ia₁ jui₁lia'₂ i₂'nio₃ a₂le₃cuig₅ dsa₂ quió'₅, tsá₃ jmo₂₃ jui₁lia'₂ a₂tiín₂₃ jē₄ chí₁'ma₁. Chi₂jua'₂ dsón'₂ jmo'₂ léi₄ le₂nē₅, jmo₄ tē₃ jág₅ dsa₂ juín₅.

[‡] 6:69 A₂lín₅₄ chog₅₄ si₂ juá'₂: “Ne₂ bá₄ líng'₅ I₂rē₂'ín₁, quián₅ Diú₄; 'ne₂ bá₄ líng'₅ Ja₁ŋi'₅₄ Diú₄jén'₃.” [§] 6:71 A₂lín₅₄ chog₅₄ si₂ juá'₂: “Judas Iscariote, ja₁ŋi'₅₄ Si₂mu₅₄.”

⁵ Ia₁ ca₂lia'₂ jñia'₅₄ rin'₅₄ bá₄ Jesús tsá₃ jme'₁éin₂ le₃quíó'₅.

⁶ Jaun₂ ně₃, ca₂juá'₂ Jesús ca₂tsí'₃ riin'₅₄:

—Tsá₃ ma₂tě₂ bá₄ guě₄ hora quió₃ jniá₂, la₁ia₁ tē₂le₃ quián'₂ 'nia'₂, jua'₅₄ 'e₂ guě₃ hora bá₄ dse₃. ⁷ Tsá₃ lé₂ le₃jme₃'iog₅₄ dsa₂ mi₂güig₃ jme₃'ñiai₅₄ 'nia'₂; la₁ia₁ 'iog₅₄ bá₄ jniá₂, 'uig₅₄ ia₁ a₂jáng'₅ jniá₂ jág₁ dsau₅ ja₁con₂ 'éi₂, a₂'lig'₅₄ bá₄ a₂jmo₂₃-dsáu₅. ⁸ O₂nó'₅ 'nia'₂ guiong'₅₄ jmig₄; tsá₃ nei₅₄ jniá₂, ia₁ tsá₃ ma₂dsin₃ guě₄ hora quió₃.

⁹ Jme₁ma₂ně₂chí'₃ riin'₅₄ le₂ně₅, ca₂jñia₃ jē₄ 'uē₃ Galilea.

Nó₃ Jesús Jmíg₄ quió'₅ Tsi'₁io₅ Láu₃

¹⁰ La₁ cang₂ guě₄ jaun₂, jme₁ma₂i₂lén₂ rin'₅₄ Jesús, ján₃ bá₄ ca₂ñó₃ 'éi₂ jmig₄ jaun₂, o₁jñia'₅₄ ca₂ñó₃ tē₃ tsá₃ jme₂li₅₄ jin₄ dsa₂ juin₅. Mei'₂ tsá₃ con'₂ tē₃co'₅₄ bá₄ ñó₃.

¹¹ Jaun₂ lē₃, ca₂i₁nio₁ dsa₂ judíos 'nai'₂ Jesús ja₁nio₅ jmig₄, jaun₂ juá'₂:

—¿A₂já'₄ 'en₅₄ dsa₂ 'éi₂?

¹² Jin₄ dsa₂ guē'₂, juin₅ i₂dsia₅ tē₂'ua₁ jin₄ riin'₅₄ a₂'iin₂₃ 'éi₂. I₂lin₅₄ juá'₂: “Dsa₂ dsen₃ bá₄ 'éi₂”, la₁ i₂sián'₂ guē'₂ juá'₂: “On₃jua'₅₄ dsa₂ dsen₃ 'éi₂, ia₁ jme₂gain₂₃ dsa₂.”

¹³ La₁ia₁ lia'₂ 'i₁jan₂ tsá₃ ca₂dsia₃ lia'₂ rē₂jia₃ jág₁ a₂'iin₂₃ 'éi₂, ia₁ a₂gain₃ dsa₂ judíos.

¹⁴ Con'₂ tin₃ dso'₅₄ jmig₄ jme₁ma₂tě₂, jaun₂ ca₂'í₃ Jesús i₁dsi₅ guá'₅ templo, jaun₂ ca₂jme₃lióg₃ ca₂jme₃tiin₂₃ dsa₂.

¹⁵ Jaun₂ ca₂i₃gó'₃ dsí₅ dsa₂ judíos jaun₂ ca₂juá'₂:

—¿'A₂ lia'₂ 'ñí₄ lē₃ ma₂tin₂ si₂ i₂ně₅ tē₃ tsá₃ si₂ ca₂'í₂?

¹⁶ Jaun₂ ca₂ñag₃ Jesús:

—Ju₁lia'₂ a₂jme₂tág₂ jniá₂ la₂, on₃jua'₅₄ jág₁ quió₃ 'ñió₃ juá'₅; jág₁ quió'₅ i₂ca₂chei₃ bá₄ la₂. ¹⁷ Chi₂jua'₂ 'ein₂ jan₂ ma₂'ei₅ dsí₅ jmo₃ a₂'ñio₂ dsí₅ Diú₄, le₃ñi₅ bá₄ 'éi₂ 'a₂ lia'₂ lē₅ jág₁ a₂jme₂tág₂ jniá₂, chi₂jua'₂ já₅ ja₁con₂ Diú₄, o₃ chi₂jua'₂ dsia₂₃ 'a₂ con'₂ ting₂ 'ñió₃. ¹⁸ Ju₁lia'₂ i₂dsia₅ o₄quíó'₄ 'ñiog₅, jmo₂₃ le₂jaun₂ ia₁jaun₂ jme₃juag'₂ dsa₂. La₁ ju₁lia'₂ i₂'no'₂ a₂le₃juin'₂ i₂ca₂chei₃, i₂tē₃dsón'₂ bá₄ 'éi₂; 'i₁caun₂ a₂'lig'₅₄ tsá₃ cha₂ ja₁coin₂.

¹⁹ ¿On₁jua'₅₄ Moisés ca₂cuē₃ 'Éi'₃ ca₂cuē'₃ 'nia'₂? La₁ia₁, ca₂lia'₂ 'i₁jan'₂ 'nia'₂ tsá₃ jme₂tí'₁ Si₂ 'Éi'₃. ¿'E₂ lē₃ 'niog'₂ 'nia'₂ jñág'₄ jniá₂?

²⁰ Jaun₂ ca₂ñag₃ dsa₂:

—'En₅₄ je₂na'₅₄ tē₂'au'₂; ¿'ein₂ 'nio₃ jñi'₃ 'ne₂?

²¹ Jaun₂ ca₂juá'₂ Jesús:

—Caun₂ léi₄ ca₂jmo₃ jniá₂ jmig₄ sa₅₄, jaun₂ ca₂i₃gó'₃ 'au'₂ 'nia'₂ ca₂le₃jíng'₃. ²² Jaun₂ ně₃, ca₂jmo₃ Moisés 'éi'₃ a₂ti₃ dsa₂ ni₁lo₁, (la₁ia₁ on₃jua'₅₄ Moisés i₂ca₂jme₃lióg₃; dsa₂ can'₅₄ bá₄ ca₂jme₃lióg₃ ma₂líg'₂). 'Uig₅₄ jaun₂ ti'₂ 'nia'₂ ni₁lo₄ guein₂, o₁jñia'₅₄ tē₃ lē₅ jmig₄ sa₅₄. ²³ Dse₃ bá₄ jaun₂, chi₂jua'₂ jaun₂ ti'₂

'nia'₂ ni₁lo₄ guein₂ jmig₄ sa₅₄ ia₁jaun₂ tsá₃ dsó₃ 'uë₃ 'Éi'₃ quió'₅ Moisés, ¿e₂ lë₃ 'ne'₂ 'nia'₂ quian'₅₄ jniá₂, ia₁ ca₂jme₁'liong₁₂ jan₂ dsa₂ ta₁jain₂, tē₃ jmig₄ sa₅₄? ²⁴ Tsá₃ lë₃ cáun₂ 'nia'₂ 'í₁ a₂jñia'₅₄ con'₂ jniá₂ le₃co'₅₄. Quion₂ bá₄ 'nia'₂ 'í₁ con'₂ dsi₂ten₅₄.

Dsia₅ Jesús a₂juá'₂ a₂já'₄ já₅

²⁵ Jaun₂ ně₃ ca₂jme₃lióg₃ qui₂ca₂ñag₃ i₂lin₅₄ dsa₂ chan₂ Jerusalén qui₂ca₂ñí'₃ riin'₅₄:

—¿On₁jua'₅₄ i₂ně₅ 'na'₂ dsa₂ a₂jñag'₃ i₂nioi₅₄? ²⁶ Ó₃ bá₄ guë'₂ 'ein₅₄ dsia₂₃ lia'₂ rē₂jíá₃ jág₁ jin₄ dsa₂ juin₅, tsá₃ 'ein₂ juá'₂ 'i₁caun₂ quió'₅. ¿O₃ bá₄ dsón'₂ ma₂ca₂rē₃ñi₅ dsi₂tan₅₄, a₂lín₅ dsa₂ ně₅ I₂rē₂'ín₁ quián₅ Diú₄? ²⁷ La₁ ne₄ bá₄ jniog₄ a₂já'₄ já₅ i₂ně₅; a₂dsau₅, jē₁ma₂tē₂ rē₁jíá₃ I₂rē₂'ín₁ quián₅ Diú₄, lia'₂ 'i₁jan₂ tsá₃ le₃ñi₅ a₂já'₄ já₅.

²⁸ Jaun₂ lë₃, tē₁lia'₂ 'en₅₄ Jesús jme₂tñin₂₃ dsa₂ i₁dsi₅ guá'₅ templo, jaun₂ ca₂juá'₂ tiá₂:

—¿Cui₂g'₂ bá₄ 'nia'₂ jniá₂, jaun₂ ñi'₅₄ bá₄ 'nia'₂ 'a₂ guë'₂ guio₃ jniá₂! La₁ on₃jua'₅₄ o₄quió₃ 'ñi₃o₃ guio₃; tē₂le₃ o₄quió'₄ i₂ca₂chei₃ i₂tē₃dsón'₂ bá₄ guang₃. I₂'éi₂ guë'₂, tsá₃ cuin'₂ 'nia'₂. ²⁹ La₁ia₁ jniá₂ cui₅n₅, ia₁ ja₁con₂ 'éi₂ bá₄ guio₃, jaun₂ 'éi₂ bá₄ ca₂chei₃.

³⁰ Jaun₂ ně₃, jme₁'nio₃ dsa₂ jme₁tsáun'₂; la₁ lia'₂ 'i₁jan₂ tsá₃ ca₂téi₂ gu₂, ia₁ tsá₃ jme₁ma₂tē₂ bá₄ guë'₄ hora quió'₅.

³¹ La₁ia₁ juin₅ dsa₂ 'éi₂ ca₂rē₃'én₂ jág₁ quió'₅, jaun₂ juá'₂:

—Jē₁ma₂tē₂ rē₁jíá₃ I₂rē₂'ín₁ quián₅ Diú₄, ¿O₃ bá₄ le₃qui'₅₄ jmig₄ jmo₃ léi₄ a₂juë'₂ guë'₄ lia'₂ con'₂ guë'₄ a₂jmo₅ i₂ně₅?*

Ca₂chen₃ dsa₂ fariseos chi'₂ 'i'₅₄ quián₅ guá'₅ a₂tsáin'₂ Jesús

³² Ca₂nág₂ bá₄ dsa₂ fariseos jág₁ a₂ca₂juá'₂ dsa₂ a₂'iñ₂₃ Jesús; jaun₂ dsa₂ fariseos 'éi₂ quiaín'₅₄ juig₅₄ jme₂dsa₂, ca₂chein₃ chi'₂ 'i'₅₄ quián₅ guá'₅ a₂tsáin'₂ Jesús jaun₂ tē₂. ³³ Jaun₂ ně₃ ca₂juá'₂ Jesús:

—Me'₂ bá₄ jmig₄ 'ú₄ jniá₂ jin'₂ 'nia'₂, jaun₂ guë'₄ nég'₄ táng₃ ja₁con₂ i₂ca₂chei₃. ³⁴ 'Nau'₅₄ 'nia'₂ jniá₂ i₁niog'₄, la₁ia₁ tsá₃ dsiog'₂ 'nia'₂; ia₁ tsá₃ lé₂ o₁nó'₅ 'nia'₂ ja₁nég'₄.

³⁵ Jaun₂ ně₃, ca₂jme₃lióg₃ dsa₂ judíos qui₂ca₂ñí'₃ riin'₅₄:

—¿A₂já'₄ dsi₂jio₅ dsi₅ i₂ně₅ dsó₃, a₂tsá₃ dsiaín'₂ jniog₄? ¿On₃ bá₄ dsó₃ jin₄ dsa₂ go₄ jniog₄ i₂tián'₅ tsí₁rē₂jan₅₄ jin₄ dsa₂ griegos, ia₁jaun₂ jme₃tñin₂₃ dsa₂ griegos? ³⁶ ¿'E₂ jein₅ jág₁ a₂nē₂juá'₂ ně₅: “'Nau'₅₄ 'nia'₂ jniá₂ i₁niog'₄, la₁ia₁ tsá₃ dsiog'₂ 'nia'₂, ia₁ tsá₃ lé₂ o₁nó'₅ 'nia'₂ ja₁nég'₄”?

Ju₁lia'₂ caun₂ jmig₂ cuá₃ jén'

³⁷ Jm₂ig₄ juë'₂ dé₄ dsón'₂ jē₁ca₂tó'₂ quió'₅ jmig₄, ca₂nau₂ Jesús, jaun₂ ca₂juá'₂ tiá₂:

*

7:31 'Nio'₂ ja₁ton₅ Isaías 35:5-6.

—Në₁jua'₂ 'ein₂ rë₂quein₂ dsí₅, jui₁lia₂ ja₁con₂ jniá₂, jui₁'en'₅₄ jmi₂.³⁸ Jui₁lia'₂ juá'₂ Si₂, jui₁lia'₂ dsa₂ i₂'én₂ tē₂le₃ quió₃ jniá₂, 'iá₃ tē₂tsí₅ nē₂jag₄ bá₄ jmi₂ cuá₃ a₂jén'₃.†

³⁹ La₁ a₂juá'₂ le₂nē₅ a₂'iin₂₃ Jme₂dsí₂ Jnió₅ i₂jme₁ma₂'i₄ 'éi'₃ guen₃ dsa₂ i₂'én₂ tē₂le₃ quió'₅; ia₁ tsá₃ jme₁ma₂guan₅ bá₄ guē₄ Jme₂dsí₂, ia₁ tsá₃ guē₄ jme₁ma₂ca₂rē₃juin'₂ Jesús.

Ca₂lë₃ le₁dson'₅₄ dsa₂

⁴⁰ I₂lin₅₄ dsa₂ i₂jme₁tion'₅₄ ja₁jaun₂, jme₁ca₂nág₂ a₂juá'₂ Jesús, ca₂juá'₂:

—Dsón'₂ bá₄ i₂nē₅ dsa₂ i₂'ē₂ jág₁ quián₅ Diú₄ i₂lë₅ jág₁ jiá₃ 'éi₂.

⁴¹ I₂lin₅₄ guē'₂ juá'₂:

—I₂rē₂'ín₁ quián₅ Diú₄ bá₄ nē₅.

La₁ia₁ i₂sián'₂ guē'₂ ca₂juá'₂:

—¿A₂ bá₄ lia'₂ lé₂ le₃chan₂ Galilea I₂rē₂'ín₁ quián₅ Diú₄?

⁴² ¿Tsa₁ juá'₂ Si₂, tsi₁jon₂ Rag₅₄ David bá₄ tion₅₄ lén₂ I₂rē₂'ín₁ quián₅ Diú₄, jaun₂ jē₄ juig₂ Belén bá₄ le₃chain₂, juig₂ go₄ David 'ñiog₅?

⁴³ Jaun₂ nē₃, le₁dson'₅₄ bá₄ dsa₂ ca₂lë₃ o₄quió'₄ Jesús.

⁴⁴ Jme₁'nio₃ i₂lin₅₄ tsáun'₂, la₁ ca₂lia'₂ 'i₁jan₂ tsá₃ 'ein₂ ca₂téi₂ gu₂.

Tsá₃ 'én₂ dsa₂ can'₅₄ tē₂le₃ quió'₅ Jesús

⁴⁵ Jaun₂ ca₂dsilen₃ táng₃ chi'₂ 'i'₅₄ quián₅ guá'₅ ja₁jme₁tion'₅₄ juig₅₄ jme₂dsa₂ quian'₅₄ dsa₂ fariseos, jaun₂ ca₂ñag₃ 'éi₂ ca₂ñi'₃ chi'₂ 'i'₅₄:

—¿E₂ 'uig₅₄ tsá₃ nē₂te'₅₄ 'nia'₂ 'éi₂?

⁴⁶ Jaun₂ ca₂ñag₃ chi'₂ 'i'₅₄:

—i₁Lia'₂ 'i₁cón'₂ tsá₃ 'ein₂ dsa₂ ma₂juá'₂ jág₁ jui₁lia'₂ juá'₂ dsa₂ 'éi₂!

⁴⁷ Jaun₂ nē₃ ca₂juá'₂ dsa₂ fariseos:

—¿O₃ bá₄ ma₂jme₃gau₅ dsa₂ 'éi₂ quián'₂ 'nia'₂ ján₃?

⁴⁸ 'I₁jan₂ dsa₂ can'₅₄ juig₅₄ jniog₄, on₃ guē'₂ dsa₂ fariseos, tsá₃ ma₂ca₂rē₃'én₂ le₃quió'₅ 'éi₂, jme₁né₄.⁴⁹ La₁ dsa₂ lē₁dsa₂ i₂tion'₅₄ nē₅, tsá₃ cuí'₅ Si₂ 'Éi'₃. Ma₂tioin'₅₄ ne₄ jmi₁uig₅ a₂ma₂rē₂'ē₂ ja₁coin₂.‡

⁵⁰ Jin₄ dsa₂ fariseos 'éi₂ jme₁'en₅₄ Nicodemo, i₂jme₁ma₂ñe₄ i₁jjin₅₄ Jesús le₂jniá₅.§ 'Éi₂ nē₃ ca₂ñag₃:

⁵¹ —Jui₁lia'₂ con'₂ lē₅ juá'₂ Si₂ 'Éi'₃ quián₂, ¿lé₂ le₃qui₁dsi₅ 'éi'₃ ja₁con₂ jan₂ dsa₂, tē₃ tsá₃ ma₂nē₂néi₂ jág₁ quió'₅, a₂juá'₂ 'e₂ a₂ma₂jmo₃?

⁵² Jaun₂ nē₃ ca₂ñag₃ riin'₅₄:

† 7:38 'Nio'₂ ja₁ton₅ Isaías 44:3; 55:1. ‡ 7:49 'Nio'₂ ja₁ton₅ Deuteronomio 27:14-26. § 7:50 A₂lin₅₄ chog₅₄ si₂ juá'₂: "i₁jjin₅₄ Jesús a₂'uē₂ jaun₂."

—ǂján₃ bá₄ lín'₅ 'ne₂ jan₂ dsa₂ i₂chan₂ Galilea? 'Í₂ dse₃ ne₄ Si₂, jaun₂ jag'₅₄, lia'₂ 'i₁jan₂ dsa₂ i₂'ě₂ jág₁ quián₅ Diú₄ tsá₃ já₅ 'uě₃ Galilea.*

⁵³Jaun₂ guě₄ i₃len₃ le₂jan₂ le₂jan₂ dsa₂ ja₁quió'₄.

8

Jan₂ 'io₅₄ i₂ca₂tán'₂ dso₄

¹La₁ ca₂ñó₃ bá₄ Jesús jui₅ Má'₂ Olivos. ²Jme₁jnia₃ jaun₂ táng₃, ca₂guáin'₃ i₁dsi₅ guá'₅ templo. Ja₁jaun₂ ca₂jme₃quián₃ ca₂le₃jín₃ dsa₂. Jaun₂ ca₂guá₂ Jesús, jaun₂ ca₂jme₃lióg₃ jme₂tiin₂₃ dsa₂. ³Jaun₂ ně₃, ca₂o₃jñia₃ tēs₂juá'₅ quian'₅₄ dsa₂ fairseos ca₂o₃jñiai₃ jan₂ 'io₅₄ i₂ca₂join₃ jme₁'ein₅₄ quian'₅₄ dsa₂ ñe'₂. Jaun₂ ca₂chei'₃ dsi₂jo₂ jě₄ quió'₅ dsa₂ i₂tion'₅₄ ja₁jaun₂.

⁴Jaun₂ ca₂juá'₂ ca₂tsí'₃ Jesús:

—Tě₅, ca₂jón₂ 'io₅₄ la₂ nió'₅ jág₁ quian'₅₄ dsa₂ ñe'₂ on₃jua'₅₄ dsi₂i₂gu₂. ⁵Ně₃ ně₃, ne₄ Si₂ 'Éi'₃, juá'₂ Moisés a₂jñi'₄ jnia'₅₄ jan₂ 'io₅₄ le₂la₂, a₂qui₁dsi₅in₅ jnia'₅₄ cang₄. ¿'Ne₂ guě'₂, 'a₂ lia'₂ juá'₂?

⁶Ca₂juá'₂ dsa₂ le₂ně₅ ia₁ a₂cáin₂ táu₂ Jesús, ia₁jaun₂ cuin₃ jmig₄ bóg'₂ dso₄. La₁ ca₂guá₂ Jesús i₁sióg'₅ 'uě₃, jaun₂ ca₂jme₃lióg₃ ca₂jmóg'₃ letras ne₄ 'uě₃ quian'₅₄ nei'₅₄ chi₁gú₃.

⁷La₁ caun₂ tioen'₅₄ qui₂ñag₂₃ qui₂ñi'₂ Jesús, jaun₂ ca₂nau₂, ca₂juá'₂ ca₂tsí'₃ dsa₂:

—Chi₂jua'₂ 'ein₂ jan₂ 'nia'₂ i₂tsá₃ dso₄ rě₂cán'₄, o₁tiong₅₄ le₂'uig₅₄ ca₂míg₂ ni₁cang₁ jui₁qui'₅₄ quió'₅ 'io₅₄.

⁸Jaun₂ ca₂guá₂ táng₃ i₁sióg'₅ 'uě₃, jmóg'₅ letras a₂tsáng₂ 'uě₃.

⁹La₁ jme₁ca₂nág₂ dsa₂ jág₁ a₂ca₂juá'₂ Jesús,* jaun₂ ca₂jme₃lióg₃ qui₂ca₂'u_{in}₂ bá₄ le₂jain₂ le₂jain₂, jñiá₅ de'₂ dsa₂ i₂ma₂guen'₂ ca₂'u_{in}₂ ne₄ jui₅. Jaun₂ jme₁ma₂ca₂'u_{in}₂ ca₂le₃jín₃ dsa₂, 'ñiog₅ bá₄ Jesús tē₁tsi_{in}₅₄ quia_{in}₅₄ 'io₅₄ 'éi₂, i₂chén'₅ dsi₂jo₂ jaun₂.

¹⁰Jaun₂ ně₃ ca₂nau₂ Jesús,† jaun₂ ca₂juá'₂ ca₂tsí'₃ 'io₅₄:

—'Io₅₄, ¿na₅ dsa₂?‡ ¿Tsa₁ 'ein₂ ně₂'ě₂ uig₅?

¹¹Jaun₂ ca₂juá'₂ 'io₅₄:

—Jan₂ón₄. Lia'₂ 'i₁jan₂ dsa₂, Te₁gui'₅₄.

Jaun₂ ně₃ ca₂juá'₂ Jesús:

—On₃ guě'₂ jniá₂ 'ě₄ uig₅ quiáng'₂; guan'₂ ně₃, la₁ tsá₃ ma₃lě₁'nau₂ dso₄.

Lín₅ Jesús si₂ a₂tág₅ quió'₅ dsa₂ mi₂güig₃

¹²Ca₂juá'₂ táng₃ Jesús tsí'₅ dsa₂, a₂juá'₂:

* **7:52** Ne₄ chog₅₄ si₂ a₂gui'₅₄ guě₄, tsá₃ le₁ton₅ Juan 7:53–8:11. * **8:9** A₂lin₅₄ chog₅₄

si₂ juá'₂ ján₃: “ca₂jéin'₃ o₂guí'₃ ia₁ rě₂cáin'₄ dso₄ guoin₅₄.” † **8:10** A₂lin₅₄ chog₅₄ si₂

juá'₂ ján₃: “ia₁ tsá₃ ca₂jág₃ jua'₅₄ tión₂ guě₄ i₂sián'₂, jñia'₅₄ lia'₂ 'io₅₄ 'éi₂.” ‡ **8:10**

A₂lin₅₄ chog₅₄ si₂ juá'₂ ján₃: “i₂'nag₅ quiáng'₂.”

—Jniá₂ líng₅ si₂ i₂jmo₅ tág₅ jui₅ quió'₅ dsa₂ mi₂güig₃; jui₁lia'₂ i₂'ein₅ jniá₂, lia'₂ o₁líg'₂ tsá₃ ma₃ñi₃ jë₄ qui₁né'₃, ton'₂ qui₃'io₃ si₂ a₂jmo₅ a₂chain₂.

¹³Jaun₂ ně₃ ca₂juá'₂ dsa₂ fariseos ca₂tsí'₃ Jesús:

—'Ne₂ jáng'₂ jág₁ dsau₅ tē₂le₃ quián'₂ 'ñiag'₂; 'uig₅₄ jaun₂ tsá₃ quen₅ jág₁ quiáng'₂ a₂jáng'₂.

¹⁴Jaun₂ ca₂ñag₃ Jesús ca₂tsí'₃ dsa₂:

—Jui₁lia'₂ a₂juá'₅ jniá₂, quen₅ bá₄, o₁ñia'₅₄ 'ñió₃ jniá₂ jáng'₅ jág₁ dsau₅ tē₂le₃ quió₃ 'ñió₃. Ia₁ guion₄ bá₄ jniá₂ a₂já'₄ guio₃, a₂já'₄ nég'₄ ně₃; la₁ia₁ 'nia'₂ ně₃, tsá₃ ñi'₅₄ 'nia'₂ a₂já'₄ guio₃, on₃ guē'₂ a₂já'₄ nég'₄. ¹⁵'Nia'₂ guē'₂ cáun'₂ 'í₁ lia'₂ con'₂ lē₅ 'éi'₃ quió'₅ dsa₂ mi₂güig₃. Jniá₂ ně₃ tsá₃ 'í₁ cáun₅ jniá₂ jua'₅₄ a₂qui₂dsí₂ 'éi'₃ ja₁con₂ 'i₁jan₂. ¹⁶La₁ia₁ chi₂jua'₂ cáun₅ jniá₂ 'í₁, dse₃ dsi₂ten₅₄ bá₄ 'éi'₃ a₂qui₂dsí₂ jniá₂, ia₁ on₃jua'₅₄ jniá₂ 'ñió₃ cáun₅ 'í₁; qui₂dsí₂ jniá₂ 'éi'₃ co₂lēs quiang'₅₄ i₂ca₂chei₃ bá₄. ¹⁷Ján₃ bá₄ ca₂tē₂ ne₄ Si₂ 'Éi'₃ quián'₂ 'nia'₂, rē₂ton₅ juá'₂, ně₁jua'₂ on₃ dsa₂ lē₂ i₂jáng'₅ jág₁ dsau₅, a₂quen₅ bá₄ jág₁ quió'₅. ¹⁸Jniá₂ líng₅ i₂jáng'₅ jág₁ dsau₅ tē₂le₃ quió₃ 'ñió₃; Ne'₃ jniá₂ i₂ca₂chei₃ guē'₂, lín₅ táng₃ jan₂ i₂jáng'₅ jág₁ dsau₅.

¹⁹Jaun₂ ně₃ ca₂ñag₃ dsa₂ fariseos ca₂ñí'₃ Jesús:

—¿Na₅ ñéi'₅ 'ne₂?

Jaun₂ ca₂ñag₃ Jesús:

—Tsá₃ cuig'₂ 'nia'₂ jniá₂, on₃ guē'₂ Ne'₃ jniá₂ cuin'₂ 'nia'₂; jua'₅₄ mei'₂ guē₃ cuig'₂ 'nia'₂ jniá₂, ján₃ bá₄ jme₁le₃cuin'₂ 'nia'₂ Ne'₃.

²⁰Ca₂juá'₂ Jesús le₂nē₅ tē₁lia'₂ jme₁'ein₅₄ jme₂tiin₂₃ dsa₂ i₁dsi₅ guá'₅ templo, cau₅ ja₁jme₁tióng₂ tsi₁gu₅ quió'₅ cu₄ guá'₅. La₁ia₁, lia'₂ 'i₁jan₂ tsá₃ 'ein₂ ca₂ñau'₃, ia₁ tsá₃ jme₁ma₂tē₂ bá₄ guē'₄ hora quió'₅.

"Jui₁lia'₂ ja₁né'₄ jniá₂, tsá₃ lé₂ o₁no'₅ 'nia'₂"

²¹Con'₂ siá'₂ táng₃ ca₂juá'₂ Jesús ca₂tsí'₃ dsa₂:

—Né'₄ jniá₂; jaun₂ 'nia'₂ guē'₂, 'náu'₂ jniá₂ i₁niog'₄, la₁ia₁ dsián'₃ 'nia'₂ tē₃ rē₂cán'₄ 'nia'₂ dsáu'₂; ja₁né'₄ jniá₂, tsá₃ lé₂ o₁no'₅ 'nia'₂.

²²Jaun₂ ně₃ ca₂juá'₂ dsa₂ judíos:

—¿O₃ bá₄ a₂ñi'₃ 'e₂ 'ñiog₅, jaun₂ guē'₂ juá'₂ tsá₃ lé₂ dsi₁náu₄ jniog₄ ja₁dsáin'₃?

²³Jaun₂ ca₂juá'₂ Jesús:

—Dsa₂ chan₂ gua'₅₄ 'uē₃ la₂ bá₄ lín'₅ 'nia'₂; jniá₂ ně₃, líng₅ i₂chan₂ guei'₅₄. Dsa₂ i₂tén₅ mi₂güig₃ la₂ bá₄ lín'₅ 'nia'₂; jniá₂ ně₃ tsá₃ téng₅ mi₂güig₃ la₂. ²⁴'Uig₅₄ jaun₂ bá₄ ně₂juig₂ jniá₂ 'nia'₂ a₂dsiáng'₃ tē₃ rē₂cáng'₄ jaun₂ dsáu'₂. Ia₁ chi₂jua'₂ tsá₃ 'én'₂ 'nia'₂, jniá₂ bá₄ líng₅ 'éi₂, dsiáng'₃ 'nia'₂ qui₂rē₂cáng'₄ dsáu'₂.

25 Jaun₂ ně₃ ca₂ŋag₃ dsa₂ judíos ca₂ŋí'₃ Jesús:

—¿'Ein₂ bá₄ lín'₅ 'ne₂?

Jaun₂ ca₂ŋag₃ Jesús:

—Le₂jaun₂ jui₁lia'₂ ma₂qui₂ma₂juíg₂ jniá'₂ 'nia'₂ ca₃le₂'uig₅₄.*

26 'Lióng₂ bá₄ 'uig₅₄ cha₂ a₂le₃juá'₄ jniá'₂ a₂qui₁dsí₅ jniá'₂ 'éi'₃ ja₁con'₂ 'nia'₂. La₁ tí₅ bá₄ jág₁ quió'₅ i₂ca₂chei₃. Jaun₂ jniá'₂ ně₃, jág₁ a₂ma₂nag₃ ja₁coin₂, a₂jaun₂ bá₄ juíg₂ jniá'₂ dsa₂ mi₂güig₃.

27 La₁ tsá₃ ca₂rě₃ŋí'₂ dsa₂, a₂jme₁juá'₂ Jesús tsí'₅ dsa₂ 'éi₂, a₂'iin₂₃ Jmei₂.

28 'Uig₅₄ jaun₂ ca₂juá'₂ Jesús:

—Jě₁ma₂tě₂ rě₁chóng'₄ 'nia'₂ Jaun₅ dsa₂ mi₂güig₃, jaun₂ guě₄ le₃ŋi'₅₄ 'nia'₂ a₂lín₅ jniá'₂ 'éi₂;† le₃ŋi'₅₄ 'nia'₂, a₂tsá₃ jmo₅ jniá'₂ 'i₁caun₂ tē₂le₃ o₄quió₃ 'ŋio₃, jnia'₅₄ lia'₂ a₂jaun₂ bá₄ juá'₅ jniá'₂ jui₁lia'₂ a₂ma₂ca₂jme₃tag₅ Ŋe'₃. 29 Ia₁ i₂ca₂chei₃ 'ein₅₄ quian'₅₄ jniá'₂, tsá₃ jua'₅₄ ma₂téin₂ jniá'₂ 'ŋio₃, ia₁ lia'₂ co₂tan₅₄ bá₄ jmo₅ jniá'₂ a₂'ŋio₂ dsí₅ 'éi₂.

30 Lia'₂ jme₁juá'₂ Jesús jág₁ ně₅, juin₅ lín₃ dsa₂ ca₂rě₃'én₂ le₃quió'₅.

Chi'₂-guein₂ quián₅ Diú₄, quian'₅₄ dsa₂ i₂qui₂le₁'ŋe'₅₄ 'uig₅₄ dsáu₁

31 Jaun₂ ně₃ ca₂juá'₂ Jesús ca₂tsí'₃ dsa₂ judíos i₂ca₂rě₃'én₂ le₃quió'₅:

—Ně₁jua'₂ tē₁'ŋiá'₄ 'nia'₂ le₃quió'₅ jág₁ quió₃, dsón'₂ bá₄ lín'₅ 'nia'₂ dsa₂ i₂quian'₅₄ jniá'₂; 32 jaun₂ le₃cuin'₂ 'nia'₂ jág₁ dsau₅, jaun₂ jág₁ dsau₅ ně₃, jmo₃ qui₃chen'₂ 'nia'₂.

33 Jaun₂ ca₂ŋag₃ dsa₂ 'éi₂ ca₂tsí'₃ Jesús:

—Lág₅ jnia'₅₄ dsa₂ tsí₁jon₂ Abraham, jaun₂ lia'₂ 'i₁cón'₂ tsá₃ ma₂lag₃ jnia'₅₄ dsa₂ i₂le₁'ŋe'₅₄ ne₄ 'i₁jan₂. ¿'A₂ guě'₂ lia'₂ juá'₂ 'ne₂ jaun₂ a₂qui₃chei'₂ jnia'₅₄?

34 Jaun₂ ca₂juá'₂ Jesús:

—A₂dsi₂jó'₃ juíg₂ jniá'₂ 'nia'₂, jui₁lia'₂ ca₂le₃jín₃ dsa₂ i₂'no₅ dso₄, qui₂le₁'ŋe'₅₄ ne₄ dsáu₁. 35 Jui₁lia'₂ jan₂ dsa₂ i₂chi₁'ŋe'₅₄ ně₃, tsá₃ jua'₅₄ tē₃'ŋiá'₄ co₂tan₅₄ dsi₂néi₂ quió'₅ juig₅₄; la₁ia₁ chi'₂ ja₁ŋi'₅₄ ně₃, co₂tan₅₄ bá₄ téin₅ dsi₂néi₂ jaun₂. 36 Jaun₂ ně₃, chi₂jua'₂ ca₂chéi'₂ Ja₁ŋi'₅₄ ca₂chéin'₂ 'nia'₂, jaun₂ bá₄ lén'₂ 'nia'₂ dsa₂ i₂le₁tsin'₁ tē₃dsón'₂. 37 Ma₂guion₄ bá₄ jniá'₂ jaun₂ a₂lín'₅ 'nia'₂ tsí₁jon₂ Abraham; la₁ia₁ 'niog'₂ 'nia'₂ jnág'₄ jniá'₂, ia₁ a₂tsá₃ guei'₂ 'nia'₂ 'e₂ a₂juá'₅ jniá'₂. 38 Jniá'₂ ně₃ juá'₅ juíg₂ 'nia'₂ jui₁lia'₂ 'e₂ a₂ma₂jág₃ ja₁con₂ Ŋe'₃; 'nia'₂ ně₃, jmo'₂ 'e₂ a₂ma₂nei'₂ 'nia'₂ ja₁con₂ ŋéi'₅.

39 Jaun₂ ca₂ŋag₃ dsa₂ 'éi₂ ca₂tsí'₃ Jesús:

* 8:25 o₃, “¿'E₂ jaun₂ ma₂qui₂ma₂juíg₂ jniá'₂ 'nia'₂ ca₃le₂'uig₅₄?” † 8:28 o₃, “le₃ŋi'₅₄ 'nia'₂, jniá'₂ lín₅.”

—Abraham bá₄ jme₁lín₄ jmei₂ jnia'₅₄ ma₂líg'₂.

La₁ ca₂juá'₂ Jesús ca₂tsí'₃ dsa₂ 'éi₂:

—Jua'₅₄ mei'₂ guě₃ lín'₅ 'nia'₂ chi'₂-guein₂ quián₅ Abraham, jaun₂ jme₁jmo'₂ 'nia'₂ jui₁lia'₂ a₂ca₂jmo₃ 'éi₂. ⁴⁰ La₁ia₁ 'nia'₂ ně₃ 'niog'₂ jnág'₄ jniá₂, o₁jnia'₅₄ ma₂ně₂juíg₂ jniá₂ 'nia'₂ jág₁ tí₅ tē₃dsón'₂ a₂ma₂ca₂jme₃tag₅ Diú₄ jniá₂. Tsá₃ le₂ně₅ ca₂jmo₃ Abraham. ⁴¹ 'Nia'₂ ně₃, le₂jaun₂ bá₄ jmo'₂ jui₁lia'₂ jmo₅ jnéi'₅.

Jaun₂ ně₃ ca₂juá'₂ dsa₂ 'éi₂:

—La₁ on₃jua'₅₄ jnia'₅₄ lág₅ guein₂ i₂lě₁chan₂; jan₂ bá₄ jmei₂ jnia'₅₄ chan₂; i₂'éi₂ lín₅ Diú₄.

⁴² Jaun₂ ně₃ ca₂juá'₂ Jesús:

—Jua'₅₄ mei'₂ guě₃ tē₃dsón'₂ Diú₄ lín₅ jnéi'₅ 'nia'₂, jme₁jme₁nió'₄ bá₄ 'nia'₂ jniá₂, ia₁ ja₁con₂ Diú₄ bá₄ 'uín₂ jniá₂; jaun₂ la₂ ma₂guio₃. On₃jua'₅₄ o₄quió₃ 'ñiό₃ guio₃; o₄quió'₄ i₂ca₂chei₃ bá₄ jniá₂ guio₃. ⁴³ ¿'E₂ lě₃ tsá₃ lě₂ le₃jní'₂ 'nia'₂ jág₁ a₂juá'₅ jniá₂? 'Uig₅₄ ia₁ a₂tsá₃ tian'₃ 'nia'₂ nág'₁ jág₁ a₂'ě₅ jniá₂. ⁴⁴ 'Nia'₂ bá₄ rě'₂ tēng'₅ le₃quió'₅ i₂sě₃dsen₃ jnéi'₅ 'nia'₂. Jaun₂ 'ín₅ 'au'₂ jmó'₂ 'e₂ a₂'ñio₂ dsí₅ 'éi₂. Lia'₂ con'₂ le₂'uig₅₄ bá₄ jaun₂ lín₅ jan₂ i₂jme₂dsian₅ dsa₂. Tsá₃ le₃quió'₅ jág₁ dsau₅ chéin'₅, ia₁ 'i₁ca₂míg₂ jág₁ dsau₅ tsá₃ cha₂ ja₁coin₂. Jě₁ma₂ca₂juá'₂ jág₁ tē₂jág₁, juá'₂ bá₄ jui₁lia'₂ tiin₂ 'ñiog₅, ia₁ i₂tē₂jín₁ bá₄ 'éi₂, jaun₂ lín₅ jmei₂ dsa₂ tē₂jín₁. ⁴⁵ La₁ia₁, 'uig₅₄ ia₁ a₂juá'₅ jniá₂ jág₁ dsau₅ ně₃, tsá₃ 'éng'₂ jág₁ quió₃. ⁴⁶ ¿I₂'ein₂ 'nia'₂ qui'₅₄ jmig₄ cáun₂ 'í₁ a₂rín₂ jniá₂ dso₄? Chi₂jua'₂ juá'₅ jniá₂ jág₁ dsau₅, ¿'E₂ lě₃ tsá₃ 'én'₂ 'nia'₂ jág₁ quió₃? ⁴⁷ Jui₁lia'₂ i₂tén₅ le₃quió'₅ Diú₄, nag₂₃ jág₁ quió'₅ Diú₄. 'Uig₅₄ jaun₂ bá₄ tsá₃ nag'₂ 'nia'₂ jág₁: ia₁ tsá₃ tén'₅ 'nia'₂ le₃quió'₅ Diú₄.

Né'₃ guě₄ a₂le₃chan₂ Abraham, jme₁ma₂chan₂ bá₄ Te₁gui'₅₄

⁴⁸ Jaun₂ ně₃ ca₂ñag₃ dsa₂ judíos ca₂ñí'₃ Jesús:

—¿Tsa₁ dsau₅ jág₁ a₂jua'₂ jnia'₅₄, dsa₂ chan₂ Samaria bá₄ lín'₅ 'ne₂; a₂'en₅₄ jan₂ je₂na'₅₄ tē₂'au'₂ ně₃?

⁴⁹ Jaun₂ ca₂ñag₃ Jesús:

—Lia'₂ 'i₁jan₂ je₂na'₅₄ tsá₃ 'en₅₄ tē₂dsi₃. A₂jaun₂ bá₄ jmo₅ jniá₂ a₂jme₂juín'₁ jniá₂ Ne'₃; 'nia'₂ guě'₂, tsá₃ jme₂go'₃ jniá₂. ⁵⁰ Tsá₃ a₂jaun₂ 'náu'₅ jniá₂ a₂jme₃juag'₂ dsa₂, la₁ chan₂ jan₂ i₂'no'₂ a₂jme₃juag'₂ dsa₂ jniá₂, ton'₂ 'éi₂ bá₄ con₂ jág₁ dsau₅. ⁵¹ A₂dsi₂jó'₃ juíg₂ jniá₂ 'nia'₂, chi₂jua'₂ 'ein₂ dsa₂ i₂tón'₂ jui₅ jág₁ quió₃, lia'₂ o₁líg'₂ jmig₄ tsá₃ dsi₃ñi₅₄ 'mú₃.

⁵² Jaun₂ ně₃ ca₂ñag₃ dsa₂ judíos:

—Ně₃ guě₄ dsón'₂ jag₂ jnia'₅₄ a₂'en₅₄ jan₂ je₂na'₅₄ tē₂'au'₂. Ia₁ ma₂ca₂jon₃ Abraham lia'₂ jma₃quian'₅₄ dsa₂ i₂qui₂ca₂'ě₂ jág₁ quián₅ Diú₄; 'ne₂ guě'₂ juá'₂: “Jui₁lia'₂ i₂tón'₂ jui₅ jág₁ quió₃, tsá₃

líg'₂ dsi₃ŋi₅₄ 'mú₃." ⁵³ ¿O₃ bá₄ 'ŋio₅ lin₃ guě₄ juin'₂ 'ne₂ lia'₂ con'₂ guě₄ Abraham 'lag₄ jmei₂ jnia'₅₄? Ca₂jon₃ bá₄ 'éi₂, ján₃ bá₄ le₂jaun₂ qui₂ca₂dsan₃ dsa₂ i₂jme₁'ě₂ jág₁ quián₅ Diú₄. ¿'Ein₂ lín'₂ 'ne₂ líng'₅?

⁵⁴Jaun₂ ca₂ŋag₃ Jesús:

—Chi₂jua'₂ 'ŋio₃ jniá₂ jme₂juíng'₂, tsá₃ 'e₂ quen₅ a₂jaun₂. La₁ia₁ jui₁lia'₂ i₂jme₂juag'₂ jniá₂, Ne'₃ bá₄ jniá₂ 'éi₂, i₂'ín'₅ 'nia'₂ lín₅ Diú₄ quiáng'₂. ⁵⁵O₁jnia'₅₄ tsá₃ cuín'₂ 'nia'₂ 'éi₂, la₁ cuín₅ bá₄ jniá₂ 'éi₂. Jua'₅₄ mei'₂ guě₃ juá'₅ jniá₂ a₂tsá₃ cuín₅, jme₁lén₂ jniá₂ jan₂ i₂tě₂jín₁ jui₁lia'₂ lín'₅ 'nia'₂. La₁ia₁ dsón'₂ bá₄ cuín₅ jniá₂ 'éi₂, jaun₂ tón'₅ bá₄ jniá₂ jui₅ jág₁ quió'₅. ⁵⁶Ca₂jmo₃ 'io'₂ Abraham, 'lag₄ néi'₅ 'nia'₂, ia₁ jme₁'ín₂ dsí₅ jág₃ jmig₄ i₁guan₃ jniá₂; jaun₂ ca₂jág₃, jaun₂ 'ŋio₅ lin₃ 'io'₂ ca₂jén'₃.

⁵⁷Jaun₂ ně₃ ca₂juá'₂ dsa₂ judíos ca₂tsí'₃ Jesús:

—Tsá₃ ma₂'eng'₅₄ bá₄ guě₄ tē₂láu₃-guiá₂ ŋi₂. ¿'A₂ guě'₂ lia'₂ juá'₂ 'ne₂ a₂ma₂jing'₅₄ 'lag₄ Abraham?

⁵⁸Jaun₂ ca₂ŋag₃ Jesús:

—A₂dsi₂jó'₃ juig₂ jniá₂ 'nia'₂, né'₃ guě₄ a₂le₃chan₂ Abraham, jniá₂ líng₅.[†]

⁵⁹Jaun₂ ně₃ qui₂ca₂jŋa'₃ cang₄ a₂jme₁qui'₃ quió'₅. La₁ ca₂'ma₃ bá₄ Jesús, jaun₂ o₂'ín₃ i₁dsi₅ guá'₅ templo.Š

9

Ca₂jme₃'lión₂ Jesús jan₂ dsa₂ i₂ten₄ ca₂rě₃chán₃

¹Jme₁ca₂ŋi₅ jaun₂, ca₂jín₂ jan₂ dsa₂ i₂ten₄ ca₂rě₃chán₃.

²Jaun₂ ca₂ŋag₃ chi'₂ dsi₂guia₃-tín₂ quián₅:

—Tě₅, ¿'ein₂ bá₄ ca₂'náu₂ dso₄? ¿Dsa₂ la₂, o₃ chog₅₄-jmei₂ 'e₂, a₂ca₂rě₃chán₃ tein₅₄?

³Jaun₂ ca₂juá'₂ Jesús:

—On₃jua'₅₄ 'uig₅₄ dsáu₂ 'ŋiog₅, on₃ guě'₂ 'uig₅₄ dsáu₁ chog₅₄-jmei₂; a₂jaun₂ bá₄ ca₂lě₃ ia₁jaun₂ le₃jniá₂ jui₅bí₂ quió'₅ Diú₄ ja₁coin₂. ⁴Ca₂tág₂ jniog₄ jmó₁ ta₁* quió'₅ i₂ca₂chei₃ jniá₂ tē₁lia'₂ jniá₂ guě₄; ia₁ ma₂ja₂quián₃ néi₃, jē₁tsá₃ ma₃'ein₂ lé₂ le₃jmo₃ ta₁. ⁵Tē₁lia'₂ 'en₅₄ jniá₂ mi₂güí₃ la₂, líng₅ si₂ a₂tág₅ ja₁con₂ dsa₂ mi₂güí₃.

⁶Jme₁ca₂dsan₃ juá'₂ le₂ně₅, jaun₂ ca₂'ŋéi₃ 'uě₃, ca₂jmo₃ ca₂juig₄ jein₂ quian'₅₄ jmi₁'ě₅ quió'₅, jaun₂ ca₂tsáng₂ jme₁ne₁ dsa₂ ten₄. ⁷Jaun₂ ca₂juá'₂ ca₂tsí'₃ dsa₂ 'éi₂:

[†] 8:58 Jág₁, “jniá₂ líng₅” co₂'nió'₄ jein₅ jág₁ lia'₂ chen₂ Jehová. 'Nio'₂ ja₁ton₅ Éxodo 3:14. Š 8:59 A₂lín₅₄ chog₅₄ si₂ juá'₂ ján₃: “jaun₂ ca₂ŋi₅ jin₄ dsa₂ 'éi₂, ca₂ŋái'₃.”

* 9:4 A₂lín₅₄ chog₅₄ si₂: Ca₂tín₂ jniá₂ jmo₅₄ ta₁.

—Gua₂ o₂rang₂ quiáng'₂ Dsiog₅ Siloé —co₂'nió'₄ le₃jua'₅₄ jág₁, I₂chen₄, a₂chei₂ dsiog₅ jaun₂.

Jaun₂ ca₂ŋó₃ i₁rang₂ quió'₅, jaun₂ jme₁guáin'₃ táng₃ jaun₂, ma₂jág₅ bá₄.

⁸ Jaun₂ qui₂ca₂ŋag₃ dsa₂ i₂tián'₅ cau₅ quió'₅, quian'₅₄ dsa₂ i₂jme₁ma₂ca₂jág₂ mi₅ 'éi₂ cu₄ le₂jniá₅, ca₂juá'₂:

—¿On₁jua'₅₄ dsa₂ nē₅ 'éi₂ i₂jme₁gua₂ mi₅ a₂jme₃'o₅₄ dsa₂ cu₄?

⁹ I₂lin₅₄ juá'₂:

—'Éi₂ bá₄ nē₅.

I₂sián'₂ guē'₂ juá'₂:

—On₃jua'₅₄ 'éi₂ nē₅, la₁ia₁ mei'₂ tsá₃ le₂jaun₂ jniái₂.

La₁ ca₂juá'₂ dsa₂ 'éi₂ 'ŋiog₅:

—Jniá₂ bá₄ 'éi₂.

¹⁰ Jaun₂ nē₃ ca₂ŋag₃ dsa₂ ca₂ŋí'₃ 'éi₂:

—¿'A₂ guē'₂ lia'₂ lē₃ ca₂jnióg₃ jme₁ne'₄ 'ne₂?

¹¹ Jaun₂ ca₂ŋag₃ dsa₂ 'éi₂:

—Dsa₂ i₂tē'₂ dsa₂ Jesús nē₂jmo₃ ti₁jéin₃, jaun₂ nē₂tsáng₂ jme₁ne₃ jniá₂, jaun₂ nē₂juá'₂ tság₅ jniá₂: “Gua₂ Dsiog₅ Siloé, o₂rang₂ quiáng'₂.” Jaun₂ ŋe₄ jniá₂, jaun₂ jme₁ca₂lē₃ rang₂₃ quió₃, co₂tan₅₄ lia'₂ nē₂jág₃.

¹² Jaun₂ ca₂ŋag₃ dsa₂ ca₂ŋí'₃ dsa₂ i₂jme₁ten₄ 'éi₂:

—¿Na₅ dsa₂ 'éi₂?

Jaun₂ ca₂juá'₂:

—Tsá₃ guion₄ jniá₂.

Ca₂ŋag₃ dsa₂ fariseos jág₁ dsau₅ ne₄ dsa₂ i₂jme₁ten₄ i₂ca₂jme₃'lió₂ Jesús

¹³ Jaun₂ nē₃ ca₂i₁jnia₃ dsa₂ ne₄ dsa₂ fariseos dsa₂ i₂jme₁ten₄ 'éi₂.

¹⁴ La₁ jmi₄g₄ lia'₂ con'₂ jme₁ca₂jmo₃ Jesús ti₁jéin₃ a₂ca₂tsáng₂ mi₂ne₄ dsa₂ i₂jme₁ten₄ 'éi₂, jaun₂ dé₄ jmi₄g₄ sa₅₄ bá₄ jaun₂.

¹⁵ Jaun₂ ca₂ŋag₃ táng₃ dsa₂ fariseos ca₂ŋí'₃ dsa₂ 'éi₂, 'a₂ bá₄ lia'₂ jaun₂ ma₂lé₂ jág₃. Jaun₂ ca₂juá'₂ dsa₂ i₂jme₁ten₄ 'éi₂:

—Nē₂tsáng₂ ti₁jéin₃ jme₁ne₃ jniá₂, jaun₂ nē₂rang₃ jniá₂ quió₃, jaun₂ lē₃ ma₂jág₅ jniá₂.

¹⁶ Jaun₂ nē₃ ca₂juá'₂ i₂lin₅₄ dsa₂ fariseos:

—Dsa₂ i₂nē₂jmo₃ a₂nē₅, on₃jua'₅₄ dsa₂ quián₅ Diú₄ 'éi₂, ia₁ tsá₃ jme₂gó'₃ jmi₄g₄ sa₅₄.

La₁ i₂lin₅₄ guē'₂ juá'₂:

—¿'A₂ lia'₂ lé₂ le₃jmo₃ jan₂ dsa₂ i₂cha₂ dsáu₁ léi₄ juē'₂ le₂nē₅?

Jaun₂ lē₃ ca₂lē₃ le₁dson'₅₄ dsa₂.

¹⁷ Jaun₂ ca₂ŋag₃ táng₃ dsa₂ ca₂ŋí'₃ dsa₂ i₂jme₁ten₄ 'éi₂:

—¿'E₂ guē'₂ juá'₂ 'ne₂ líin₅, ia₁ jme₁ne'₄ 'ne₂ bá₄ nē₂niá₃?

Jaun₂ ca₂ŋag₃ dsa₂ 'éi₂:

—A₂lín₅ jan₂ dsa₂ i₂ē₂ jág₁ quián₅ Diú₄ bá₄.

18 La₁ dsa₂ judíos ně₃, tsá₃ jme₁ 'éin₂ bá₄ guě₄ a₂ dsón₂ jme₁ ten₄ dsa₂ 'éi₂, ton₂ ca₂ t'ín₃ jme₁ ne₁₂, ca₂ lia₂ ca₂ t'ě₃ chog₅₄ jmei₂ dsa₂ 'éi₂.

19 Jaun₂ ca₂ ṇag₃ dsa₂ fariseos ca₂ ṇí₃ chog₅₄ jmei₂ 'éi₂:

—¿Chi₂ ja₂ ṇí₂ 'nia₂ la₂, i₂ juá₂ 'nia₂ i₂ ten₄ ca₂ rě₃ chán₃? ¿'A₂ guě₂ lia₂ ma₂ jág₅ ně₃?

20 Jaun₂ ca₂ ṇag₃ chog₅₄ jmei₂:

—Ne₄ bá₄ jnia₅₄, chi₂ quián₂ bá₄ jnia₅₄ ně₅, i₂ ca₂ rě₃ chán₃ ten₄;

21 la₁ tsá₃ ne₄ jnia₅₄ 'a₂ guě₂ lia₂ ně₃ ma₂ lé₂ jág₃, on₃ guě₂ ne₄ jnia₅₄ 'ein₂ ca₂ jmo₃ ca₂ ṇia₃ mi₂ ne₅₄. ṇag₄ caun₂ 'nia₂ guiong₅₄; i₂ ma₂ juin₂ bá₄ ně₅, jaun₂ lé₂ bá₄ juá₂ 'ṇiog₅ 'a₂ lia₂ ca₂ lě₃.

22 Ca₂ juá₂ chog₅₄ jmei₂ le₂ ně₅ 'uig₅₄ ia₁ a₂ gó₅ gain₃ dsa₂ judíos, ia₁ jme₁ ma₂ ca₂ jmo₃ 'éi₂ caun₂ jág₁ a₂ uág₂ 'uín₂ dsa₂ ja₁ le₁ toin₂₃ ne₄ si₂ guá₅ sinagoga jui₁ 'ein₂ guě₃ i₂ juá₂, Jesús bá₄ lín₅ I₂ rě₂ 'ín₁ quián₅ Diú₄. 23 'Uig₅₄ jaun₂ bá₄ ca₂ juá₂ chog₅₄ jmei₂: “ṇag₄ caun₂ 'nia₂ guiong₅₄, i₂ ma₂ juin₂ bá₄ ně₅.”

24 Jaun₂ bá₄ ca₂ t'ě₃ táng₃ dsa₂ judíos ca₂ t'ě₃ dsa₂ i₂ jme₁ ten₄ 'éi₂, jě₁ ca₂ t'ě₂ táng₃ ráun₂, jaun₂ ca₂ juá₂:

—Jua₅₄ jág₁ dsau₅ t'ě₃ dsón₂ ne₄ Diú₄,† ne₄ bá₄ jnia₅₄ jan₂ dsa₂ i₂ cha₂ dsáu₁ bá₄ 'éi₂.

25 Jaun₂ ně₃ ca₂ ṇag₃ dsa₂ 'éi₂:

—Tsá₃ a₂ jaun₂ guion₄ jniá₂ jua₅₄ jan₂ dsa₂ cha₂ dsáu₁ 'éi₂, o₃ tsá₃ dsáu₁ cha₂ 'e₂. Jniá₅₄ lia₂ a₂ jaun₂ bá₄ guion₅₄, a₂ jme₁ ten₄ bá₄ jniá₂, la₁ ně₃ ma₂ lé₂ bá₄ jág₄.

26 Jaun₂ ca₂ ṇag₃ táng₃ dsa₂ fariseos:

—¿'E₂ ca₂ jmo₃ quiáng₂? ¿'A₂ lia₂ ca₂ jmo₃ dsa₂ 'éi₂ a₂ ca₂ jnia₃ mi₂ ne₅₄?

27 Jaun₂ ca₂ ṇag₃ dsa₂ 'éi₂:

—Ma₂ ně₂ juá₃ guě₂ jniá₂. Tsá₃ tón₂ guě₂ 'nia₂ jui₅ 'e₂ juá₅ jniá₂. ¿'E₂ lě₃ 'niog₂ 'nia₂ nág₂ táng₃? ¿O₃ bá₄ ján₃ guě₂ 'niog₂ 'nia₂ le₃ 'éng₂ le₃ quió₅ 'éi₂?

28 Jaun₂ qui₂ ca₂ jnáu₂ dsa₂ jág₁ uig₅, jaun₂ ca₂ juá₂:

—'Ne₂ 'éng₂ le₃ quió₅ dsa₂ 'éi₂, la₁ ia₁ jnia₅₄ guě₂ 'éin₂ le₃ quió₅ Moisés. 29 Ne₄ jnia₅₄, a₂ ca₂ dsia₃ Diú₄ jág₁ quian₅₄ Moisés, la₁ dsa₂ 'éi₂ guě₂ ně₃, tsá₃ ne₄ a₂ jág₄ jág₅.

30 Jaun₂ ca₂ ṇag₃ dsa₂ 'éi₂ ně₃ ca₂ juá₂:

—jDsón₂ bá₄ jaun₂ dsí₂ gó₃ dsí₅ a₂ jaun₂: a₂ tsá₃ ṇi₅₄ 'nia₂ a₂ jág₄ jág₅, ton₂ ca₂ jme₃ jnio₅₄ jme₁ ne₃! 31 Ma₂ ne₄ rě₂ bá₄ jniog₄ jaun₂, a₂ tsá₃ nag₅ Diú₄ jág₁ quió₅ dsa₂ i₂ cha₂ dsáu₁; jmá₃ lia₂ jág₁ quió₅ dsa₂ i₂ jme₂ gan₃ Diú₄, i₂ qui₂ jmo₅ a₂ 'ṇio₂ dsí₅ 'éi₂: quió₅ 'éi₂ bá₄ nag₂₃. 32 Lia₂ 'i₁ cón₂ tsá₃ 'ein₂ ma₂ nág₂ ca₂ le₂ jniá₅ jua₅₄ chan₂ dsa₂ i₂ lé₂ le₃ jme₃ 'lión₂ jan₂ dsa₂ i₂ ten₄ ca₂ rě₃ chán₃.

† 9:24 lit. “jme₁ juin₂ Diú₄”, co₂ 'nió₄ quian₅₄ jág₁ ně₅ jme₁ jmo₅ dsí₂ tan₅₄ 'éi₃ ja₁ con₂ dsa₂, a₂ juá₂ t'ion₅₄ jág₁ t'is dsón₂. 'Nio₂ ja₁ ton₅ Josué 7:19, Mateo 26:63.

³³ Jua'₅₄ mei'₂ guě₃ tsá₃ já₅ dsa₂ 'éi₂ ja₁con₂ Diú₄, tsá₃ 'e₂ lé₂ jme₁jmo₃.

³⁴ Jaun₂ ně₃ ca₂ṇag₃ dsa₂ fariseos:

—Co₂ṇei'₅₄ bá₄ ne₄ dsáu'₂ ca₂rě₃cháng'₃. ¿I₂'ein₂ bá₄ lín'₅ 'ne₂ jaun₂ jme₁tag'₅ jnia'₅₄?

Jaun₂ ca₂dsei₅ dsa₂.

Jui₁lia'₂ dsa₂ ten₄ tē₂le₃ gu₂dsí₂

³⁵ Jaun₂ ca₂rě₃ṇi₅ Jesús jág₁ a₂ca₂dsen₅ dsa₂ ca₂dsein₂₃ dsa₂ i₂jme₁ten₄ 'éi₂. Jaun₂ jme₁ca₂jēin'₂, ca₂juá'₂:

—¿'Én'₂ 'ne₂ tē₂le₃ quió'₅ Jaun₅ dsa₂ mi₂güig'₃?†

³⁶ Jaun₂ ca₂juá'₂ dsa₂ 'éi₂:

—Gui'₅₄, ¿i₂'ein₂ bá₄ 'éi₂, ia₁jaun₂ lé₂ le₃'én₂ jniá₂ le₃quió'₅?

³⁷ Jaun₂ ca₂ṇag₃ Jesús:

—Ma₂ně₂jīn'₅₄ bá₄, jaun₂ jniá₂ bá₄ 'éi₂ i₂dsia'₂ jág₁ quiang'₅₄.

³⁸ Jaun₂ bá₄ ca₂chi₃jné₃ dsa₂ 'éi₂ ne₄ Jesús, jaun₂ ca₂juá'₂:

—'Én₂ bá₄ jniá₂, Te₁gui'₅₄.

³⁹ Jaun₂ ca₂juá'₂ Jesús:

—A₂qui₁dsi₅ 'éi'₃ bá₄ jniá₂ guio₃ mi₂güig'₃ la₂, ia₁jaun₂ jág₃ jui₁lia'₂ dsa₂ ten₄, ton'₂ ia₁jaun₂ le₃ten₄ jui₁lia'₂ dsa₂ i₂jág₅.

⁴⁰ Jaun₂ qui₂ca₂nág₂ jág₁ jaun₂ i₂lin₅₄ dsa₂ fariseos i₂jme₁tion'₅₄ quian'₅₄ Jesús, jaun₂ ca₂ṇag₃:

—¿O₃ bá₄ dsa₂ ten₄ lág₅ jnia'₅₄ ján₃?

⁴¹ Jaun₂ ca₂ṇag₃ Jesús:

—Jua'₅₄ mei'₂ guě₃ lín'₅ 'nia'₂ dsa₂ ten₄, tsá₃ dso₄ jme₁qui₂le₃cán'₂ 'niá'₂. La₁ia₁, 'uig₅₄ ia₁ a₂juá'₂ 'nia'₂, “ne₄ jnia'₅₄”, jaun₂ tē₂'ṇiá₄ dsáu'₂ 'nia'₂.

10

Jág₁ jáng'₅ léi₄ jui₁lia'₂ dsa₂ i₂jmo₅ 'í₁ já'₂ cha'₂

¹ A₂dsi₂jó'₃ juíg₂ jniá₂ 'nia'₂, jui₁lia'₂ i₂tsá₃ tón'₅ tē₂le₃ jui₅ o₄'né₄ tsij₁ni₂ ja₁tion'₅₄ já'₂ cha'₂, a₂uíg₂ jui₅ siá'₂, dsa₂ 'ang₂ bá₄ 'éi₂.

² La₁ia₁ jui₁lia'₂ i₂'í₂ tē₂le₃ o₄'né₄, dsa₂ i₂jmo₅ 'í₁ já'₂ cha'₂ bá₄ 'éi₂. ³ O₄quió'₄ 'éi₂ bá₄ niá₅ dsa₂ i₂jmo₅ 'í₁ o₄'né₄, jaun₂ já'₂ cha'₂

ně₃, rě₂cuí'₅ jág₁ quió'₅ 'éi₂. Jaun₂ tē'₂ já'₂ cha'₂ quiáin₅ 'ṇiog₅ lia'₂ chein₂, jaun₂ 'uág'₂. ⁴ Jē₁ma₂ca₂lē₃ 'uín'₂ ca₂le₃jín₃ con'₂

i₂quiáin₅ 'ṇiog₅, jaun₂ cán₂ ne₄ jui₅, dsó₅ ne₄ já'₂ cha'₂. Já'₂ cha'₂ ně₃ dsi₂léin₂ chi₁co'₅₄ quió'₅, ia₁ rě₂cuí'₅ bá₄ jág₁ quió'₅. ⁵ La₁ tsá₃

'ein₂₃ jui₁lia'₂ dsa₂ i₂tsá₃ cuin₂₃; tē₂le₃ cuing₂₃ bá₄ ja₁con₂ 'éi₂, ia₁ tsá₃ cuí'₅ jág₁ quió'₅ dsa₂ sián'₂.

⁶ Ca₂juá'₂ Jesús jág₁ a₂jáng'₅ léi₄ ně₅, la₁ tsá₃ ca₂rě₃ṇi'₂ dsa₂, 'e₂ jēin₅ jág₁ jaun₂ a₂juá'₂.

† 9:35 A₂lin₅₄ chog₅₄ si₂ juá'₂: “¿'Én'₂ 'ne₂ tē₂le₃ quió'₅ Ja₁ṇi'₅₄ Diú₄?”

Jan₂ Jesús i₂dsen₃ i₂jmo₅ 'í₁ já'₂ cha'

⁷Jaun₂ ně₃ ca₂juá'₂ táng₃ Jesús ca₂tsí'₃ dsa₂:

—A₂dsi₂jó'₃ juíg₂ jniá₂ 'nia'₂, jniá₂ bá₄ líng₅ o₄'né₄ jui₅ ja₁dsi₂ton'₅₄ já'₂ cha'₂. ⁸Ca₂le₃jín₃ i₂ma₂o₃lén₂ jniá₅ guě₄ con'₂ guě₄ jniá₂, dsa₂ 'ang₂ bá₄ 'éi₂; la₁ já'₂ cha'₂ ně₃, tsá₃ jui₅ ca₂ton'₂ quió'₅. ⁹Jniá₂ líng₅ o₄'né₄; jui₁lia'₂ i₂tón'₅ jui₅ le₃quió₃, tín'₄ bá₄. Jaun₂ qui₃dsi₃toin'₅₄, qui₃'uín₃, jaun₂ dsio'₂ bá₄ ŋi₂ma'₂ a₂guě'₃.

¹⁰'Dsa₂ 'ang₂ ně₃, jmá'₃ ta₁ jaun₂ bá₄ ja₂: a₂'ang₃, a₂jme₃dsiog₂₃, a₂qui₃'éin₂ ně₃; jniá₂ ně₃ guio₃ ia₁jaun₂ le₃chain₂, a₂le₃chain₂ qui₂rě₂tsón₂. ¹¹Jniá₂ bá₄ líng₅ juig₅₄ dsen₃ i₂jmo₅ 'í₁ já'₂ cha'₂. * Guen₅ 'mú₃ juig₅₄ dsen₃ o₄quió'₄ já'₂ cha'₂; ¹²la₁ jui₁lia'₂ dsa₂ i₂jmo₅ ta₁ a₂'liain'₅₄, jě₁ma₂ca₂jág₃ já₅ dsi₂jí'₅₄ náu₂, téin₂ bá₄ já'₂ cha'₂ jaun₂ cuíng₂₃ bá₄ 'ŋiog₅, ia₁ on₃jua'₅₄ juig₅₄ i₂quián₅ já'₂ cha'₂ 'éi₂. Jaun₂ dsi₂jí'₅₄ náu₂ ně₃, tsáin'₂ já'₂ cha'₂, jaun₂ jmo₂₃ le₃jan₅₄ já'₂. ¹³Dsa₂ 'éi₂ ně₃, cuíng₂₃ ia₁ a₂'liain'₅₄ bá₄ jmo₂₃ 'í₁; tsá₃ dsan₂ dsí₅ já'₂. ¹⁴Jniá₂ bá₄ líng₅ juig₅₄ dsen₃; i₂cuín₅ bá₄ jniá₂ já'₂ cha'₂ quiáng₃; 'éi₂ ně₃ cuig₂₃ jniá₂. ¹⁵Le₃jaun₂ jui₁lia'₂ cuig₅ Ne'₃ jniá₂, ján₃ bá₄ cuín₅ jniá₂ 'éi₂ ně₃. Guén₅ jniá₂ 'mú₃ o₄quió'₄ já'₂ cha'₂ quiáng₃. ¹⁶Ján₃ bá₄ tion'₅₄ já'₂ cha'₂ sián'₂ quiáng₃ i₂tsá₃ tion'₅₄ 'ŋió'₃ jni₁ la₂; ján₃ bá₄ ca₂tín₂ jniá₂ i₁te₁ 'éi₂. Ján₃ bá₄ le₃ne'₅₄ 'éi₂ jág₁ quió₃, jaun₂ co₂nió'₃ bá₄ lé₂, jan₂ guě'₂ juig₅₄.

¹⁷'Uig₅₄ jaun₂ bá₄ 'nio₃ Ne'₃ jniá₂: ia₁ jáng'₅ jme₂dsí₂ quió₃, † ia₁jaun₂ títg'₄ táng₃. ¹⁸Lia'₂ 'i₁jan₂ tsá₃ jniá'₂ jme₂dsí₂ a₂chan₂ jniá₂, ia₁ jáng'₅ bá₄ jniá₂ jme₂dsí₂ a₂chang₂ a₂'ŋio₂ dsi₃ 'ŋió₃. Jniá₂ bá₄ 'o₂₃ bí₂ jáng'₅, jaun₂ 'o₂₃ bí₂ títg'₄ táng₃. 'Éi'₃ ně₅ ca₂ŋig₂ ja₁con₂ Ne'₃.

¹⁹Jaun₂ ca₂lě₃ le₁dson'₅₄ táng₃ dsa₂ judíos, jme₁ca₂nág₂ jág₁ ně₅.

²⁰Jui₅ i₂'éi₂ juá'₂:

—I₂'en₅₄ jan₂ jme₂dsí₂ je₂na'₅₄ tě₂dsí₅ bá₄ ně₅, tě₂ 'i₂₃ a₂ŋái₅ ně₃. ě₂E₂ lě₃ tón'₂ 'nia'₂ jui₅ jág₁ quió'₅?

²¹La₁ i₂lin₅₄ guě'₂ juá'₂:

—On₃jua'₅₄ jág₁ quió'₅ jan₂ i₂'en₅₄ je₂na'₅₄ tě₂dsí₅ ně₅. ě₂Lé₂ le₃jmo₃ je₂na'₅₄ a₂jág₃ jui₁lia'₂ dsa₂ ten₄?

Tsá₃ ca₂guen₃ dsa₂ judíos Jesús

²²Jmíg₄ jaun₂, jme₁tion'₅₄ dsa₂ juig₂ Jerusalén jmo₂₃ Jmíg₄ quió'₅ Si₂. Jein₂ güig₂ jme₁lě₄, ²³jaun₂ jme₁i₂ŋi₅₄ Jesús i₁dsi₅ guá'₅ templo ja₁lě₄ corredor a₂chei₂ Quió'₅ Salomón, ²⁴jaun₂ qui₂ca₂o₃lio₃ dsa₂ judíos quió'₅, jaun₂ ca₂juá'₂:

* **10:11** 'Í₂ Ezequiel 34. † **10:17** 'Nio₂ ja₁ton₅ Juan 19:30.

—¿A₂ con₂ j_{mó}'₂ 'ne₂ 'ag₃ guě₄ caun₂-t_{in}₃ dsi₅ j_{nia}'₅₄? Chi₂ j_{ua}'₂ d_{son}'₂ l_{in}'₅ 'ne₂ I₂ rē₂'_{in}₁ quián₅ Diú₄, co₂ η_{ei}'₅₄ j_{ua}'₅₄ rē₂ jiá₃ jág₁.

²⁵ Jaun₂ ca₂ η_{ag}₃ Jesús:

—Ma₂ nē₂ juá'₃ bá₄ j_{niá}₂, la₁ tsá₃ ca₂ rē₃ 'én'₂ guē'₂ 'nia'₂. Qui₂ jáng'₅ bá₄ jág₁ dsau₅ o₄ quió₃, léi₄ a₂ j_{mo}₅ j_{niá}₂; ²⁶ la₁ tsá₃ 'én'₂ 'nia'₂, ia₁ tsá₃ l_{in}'₅ 'nia'₂ já'₂ cha'₂ quiáng₃. ²⁷ Ne'₅₄ bá₄ já'₂ cha'₂ quiáng₃ jág₁ quió₃; i₂ cuig₅ bá₄ 'éi₂ j_{niá}₂, jaun₂ ja₂ 'ein₂₃ chi₁ co'₅₄ quió₃. ²⁸ Cuě₅ j_{niá}₂ j_{me}₂ d_{si}₂ a₂ le₃ chain₂ co₂ tan₅₄, jaun₂ lia'₂ o₁ líg'₂ j_{mi}₄ tsá₃ d_{si}áin₃, on₃ guě₄ lia'₂ 'i₁ jan₂ tsá₃ lé₂ le₃ j_{niá}₂ 'éi₂ o₄ gu₃ j_{niá}₂. ²⁹ Ne'₃ j_{niá}₂, i₂ ma₂ cuag₃ 'éi₂, l_{in}₅ i₂ juin'₂ guě₄ lia'₂ con'₂ guě₄ ca₂ le₃ j_{in}₃; jaun₂ lia'₂ 'i₁ jan₂ tsá₃ lé₂ j_{nió}₂ o₄ gú₃ Ne'₃. ³⁰ J_{niá}₂ quián'₅₄ Ne'₃, ca₂ ne₅₄ bá₄ lág₅ j_{nia}'₅₄.

³¹ Jaun₂ nē₃ ca₂ η_a'₃ táng₃ dsa₂ judíos n_i1 can₁ a₂ qui'₃ quió'₅.

³² Jaun₂ ca₂ juá'₂ Jesús:

—'Lióng₂ l_{in}₃ léi₄ dse₃ ma₂ 'ē₃ j_{niá}₂ 'nia'₂ tē₂ le₃ quián'₅₄ jui₅ bí₂ quió'₅ Ne'₃; ¿o₄ quió'₄ 'e₂ caun₂ a₂ ma₂ j_{mo}₃ j_{niá}₂ jaun₂, a₂ qui₁ j_{nau}'₅₄ 'nia'₂ j_{niá}₂ n_i1 can₁?

³³ Jaun₂ ca₂ η_{ag}₃ dsa₂ judíos:

—Tsá₃ o₄ quió'₄ léi₄ dse₃ qui₁ j_{na}'₅₄ j_{nia}'₅₄ 'ne₂ n_i1 can₁; a₂ jaun₂ bá₄ ia₁ a₂ 'ing'₅ 'lig'₅₄ Diú₄, a₂ j_{mo}'₂ 'ne₂ a₂ líng'₅ Diú₄, ton'₂ jan₂ dsa₂ m_i2 güig₃ bá₄ líng'₅.

³⁴ Jaun₂ nē₃ ca₂ juá'₂ Jesús tsí'₅ dsa₂ judíos:

—¿Tsa₁ chi₁ ton₅ ne₄ Si₂ 'Éi'₂ quián'₂ 'nia'₂: “A₂ ma₂ juá'₃ j_{niá}₂, a₂ l_{in}'₅ 'nia'₂ diú₄?”† ³⁵ Chi₂ j_{ua}'₂ ca₂ tē'₃ “diú₄” dsa₂ i₂ ca₂ η_i₂ jág₁ quió'₅ Diú₄, (jaun₂ tsá₃ lé₂ j_{ua}'₅₄ tsá₃ le₃ ti₃ Si₂); ³⁶ 'ē₂ guě₄ bá₄ 'éi₂ i₂ ca₂ j_{mo}₃ Diú₄ rē₂ tson₄, i₂ ca₂ chein₃ m_i2 güig₃. ¿'Nia'₂ jui₁ g'₂ 'ing'₅ 'lig'₅₄ Diú₄ ia₁ j_{niá}₂ nē₂ juá'₃ a₂ líng₅ Ja₁ ηi'₅₄ Diú₄? ³⁷ Chi₂ j_{ua}'₂ tsá₃ j_{mo}₅ j_{niá}₂ ta₁ quió'₅ Ne'₃, tsá₃ jui₁ le₂ 'én'₂ 'nia'₂ le₃ quió₃ j_{niá}₂. ³⁸ La₁ chi₂ j_{ua}'₂ j_{mo}₅ guē'₂ j_{niá}₂, jui₁ a₂ guē₃ la₂ tsá₃ 'én'₂ 'nia'₂ tē₂ le₃ quió₃ j_{niá}₂, jui₁ le₂ 'én'₂ bá₄ 'nia'₂ tē₂ le₃ quió'₅ ta₁ a₂ j_{mo}₅ j_{niá}₂, ia₁ jaun₂ le₃ ηi'₅₄ bá₄, ia₁ jaun₂ le₃ ηi'₂ 'au'₂ 'nia'₂, § a₂ 'en₅₄ Ne'₃ ja₁ cong₂, le₂ jaun₂ guē'₂ táng₃, a₂ 'en₅₄ j_{niá}₂ ja₁ con₂ Ne'₃.

³⁹ Jaun₂ j_{me}₁ nio₃ táng₃ dsa₂ j_{me}₁ tsáun'₂, la₁ ca₂ lóin₂ bá₄ o₄ gú₃ 'éi₂.

⁴⁰ Jaun₂ nē₃, ηó₃ táng₃ Jesús tē₂ le₃ quióng₄ Cuá₃ Jordán, jaun₂ ca₂ j_{nia}₃ ja₁ jaun₂ ja₁ j_{me}₁ 'en₅₄ Juan₅₄ le₂ j_{niá}₅ choin₂₃ j_{mi}₂ dsa₂.*

⁴¹ Juin₅ l_{in}₃ dsa₂ ca₂ i₁ len₅₄ i₁ jag₅₄, qui₂ ca₂ juá'₂:

—Tē₃ d_{son}'₂ bá₄, o₁ j_{nia}'₅₄ tsá₃ 'e₂ léi₄ juē'₂ ca₂ j_{mo}₃ Juan₅₄, la₁ ca₂ le₃ jē₃ 'e₂ a₂ ca₂ juá'₂ a₂ 'iin₂₃ dsa₂ nē₅, dsau₅ bá₄.

⁴² Ja₁ jaun₂ ca₂ rē₃ 'én₂ juin₅ dsa₂ le₃ quió'₅ Jesús.

† 10:34 Salmo 82:6. § 10:38 A₂ l_{in}₅₄ chog₅₄ si₂ juá'₂: “ia₁ jaun₂ le₃ 'én'₂ 'nia'₂.”

* 10:40 lit. “tiáin₂ dsa₂ j_{mi}₂.”

11

Ca₂jon₃ Lázar_o

¹ Jme₁chan₂ jan₂ dsa₂ dso' ₅₄ i₂jme₁chen₂ Lázar_o, i₂jme₁chan₂ juig₂ Betania, juig₂ ja₁guá₄ María quian' ₅₄ 'io₅₄ riin' ₅₄ i₂chen₂ Marta.

² María nē₅ nē₃ i₂riin' ₅₄ Si₁Lia₁ dsa₂ dso' ₅₄, 'éi₂ bá₄ i₂ca₂'ág₂ no' ₅₄ mi₂juig₂ mi₂tag₄ Te₁gui' ₅₄ jaun₂ ca₂chí₃, ca₂jme₃quéin₃ quian' ₅₄ jji₂ dsi₅₄.

³ Jaun₂ nē₃, ca₂chen₃ le₃on₃ 'io₅₄ jág₁ ne₄ Jesús:

—Te₁gui' ₅₄, a₂ron₅ dso' ₅₄ dsa₂ i₂'nio₄ quiáng' ₂.

⁴ Jaun₂ jme₁ca₂nág₂ Jesús, ca₂juá' ₂:

—On₃jua' ₅₄ dso₄ a₂jig₅ jui₅ 'mú₃ jaun₂; tē₂le₃ ia₁jaun₂ le₃juin' ₂ Diú₄ bá₄, le₂jaun₂ guē' ₂ Ja₁ji' ₅₄ Diú₄ ján₃ le₃juin' ₂ tē₂le₃ quian' ₅₄ dso₄ jaun₂.

⁵ Jesús nē₃, jme₁'nioi₃ 'ñio₅ lin₃ Marta quian' ₅₄ 'io₅₄ riin' ₅₄, quian' ₅₄ Si₁Lia₁. ⁶ Jaun₂ lē₃, jme₁ca₂juá' ₂ dsa₂ a₂dso' ₅₄ Si₁Lia₁, ca₂jñia₃ guē₄ tin₃ jmi₄ ja₁jme₁'ein₅₄ jaun₂. ⁷ Cang₂ jaun₂, ca₂juá' ₂ ca₂tsí' ₃ chí' ₂ dsi₂guia₃-tín₂ quiáin₅:

—Ma₃dsau₅₄ táng₃ jui₅ Judea.

⁸ Jaun₂ nē₃ ca₂juá' ₂ chí' ₂ dsi₂guia₃-tín₂:

—Tē₅, i₁jáun₃ nē₅ cón' ₅ jme₁'nio₃ dsa₂ judíos jme₁qui₃jnaú' ₂ cang₄; ¿con' ₂ guē' ₂ lia' ₂ 'niog' ₂ gog' ₅₄ táng₃ ja₁jaun₂?

⁹ Jaun₂ ca₂ñag₃ Jesús:

—¿On₁ dsón' ₂ quian₅ guia₃-tín₂ horas caun₂ jmi₄? Nē₁jua' ₂ i₂'nio₄ dsa₂ a₂jmi₂, tsá₃ qui₂niói₅, ia₁ jág₅ si₂ a₂tág₅ ja₁con₂ dsa₂ mi₂güig₃; ¹⁰ la₁ nē₁jua' ₂ i₂'nio₄ dsa₂ jē₄ qui₁né' ₃ qui₂niói₅ ia₁ tsá₃ si₂ cha₂ ja₁coin₂.

¹¹ Cang₂ jme₁ma₂nē₂juá' ₂ le₂nē₅, jaun₂ ca₂juá' ₂:

—Ma₂ca₂güin₂ bá₄ Si₁Lia₁ a₂mei₅₄ quián₂ jniog₄; la₁ nei₅₄ jniá₂ i₁nei₁₂.

¹² Jaun₂ nē₃ ca₂juá' ₂ chí' ₂ dsi₂guia₃-tín₂:

—Te₁gui' ₅₄, chí₂jua' ₂ ma₂ca₂güin₂, co₂'nió' ₄ jñia₃ bá₄ quió' ₅.

¹³ La₁ a₂jaun₂ bá₄ jme₁'nio₃ Jesús juá' ₂ a₂jme₁ma₂jon₅ bá₄ 'éi₂; la₁ jaun₂ bá₄ lín₂ chí' ₂ dsi₂guia₃-tín₂ a₂'ē₅ Jesús jui₁lia' ₂ a₂güin₂ dsa₂ jē₂ma₂ca₂nei₂.

¹⁴ Jaun₂ nē₃ ca₂juá' ₂ Jesús lia' ₂ rē₂jia₃ jág₁:

—Ma₂ca₂jon₃ bá₄ Si₁Lia₁. ¹⁵ Jéin₅ jniá₂ 'io' ₂ o₄quián' ₂ 'nia' ₂, a₂tsá₃ jme₁'eng₅₄ ja₁jaun₂, ia₁jaun₂ le₃'én' ₂ 'nia' ₂. La₁ ma₃dsau₅₄ ma₃dsi₁jñin₅₄.

¹⁶ Jaun₂ nē₃ ca₂juá' ₂ To₁má₄ i₂tē' ₂ dsa₂ Dsa₂ Tsín' ₅₄, ca₂tsí' ₃ chí' ₂ dsi₂guia₃-tín₂ riin' ₅₄:

—Ján₃ guē' ₂ dsau₅₄ jniog₄, ia₁jaun₂ dsióg₃ co₂lē₅ quian' ₅₄ i₂nē₅.

Jesús bá₄ i₂jmo₅ a₂jen' ₅₄ dsa₂, i₂cuē₅ jme₂dsí₂ a₂le₃chan₂ dsa₂

17 Jme₁ma₂tě₂ quén₂ jmi₄'en₅₄ Si₁Lia₁ tau₂ 'ŋio₅, jme₁dsi₃óg₃.

18 Juig₂ Betania jaun₂, jme₁niog₅ cau₅ ma₂quián₅ Jerusalén con'₂ tin₃ kilómetros tē₂ ca₂jau₅₄.

19 Jaun₂ ca_{2i}len₅₄ juin₅ dsa₂ judíos ca_{2i}jün₁₂ Marta quian'₅₄ María riin'₅₄, ca_{2i}jmo₅₄ lián'₂ dsí₅ 'éi₂, ia₁ ca₂jon₃ Si₁Lia₁ riin'₅₄.

20 Jaun₂ Marta ně₃, jme₂ca₂rě₃ŋi₅ a₂ma₂já₅ Jesús, jaun₂ ca₂o₃'iin₃ ca_{2i}jme₁jein'₂. La₁ María ně₃ ca₂ŋia₃ bá₄ dsi₂néi₂.

21 Jaun₂ ca₂juá'₂ Marta ca₂tsí'₃ Jesús:

—Te₁gui'₅₄, jua'₅₄ mei'₂ bá₄ jme₁'eng'₅₄ ja₁lá₃, tsá₃ jme₁jón₂ dsó₂ ríng'₃. 22 La₁ia₁ guion₄ jniá₂, o₁ŋia'₅₄ con'₂ lě₅ la₂, chi₂jua'₂ 'e₂ a₂mi'₂ 'ne₂ ja₁con₂ Diú₄, cuě₃ bá₄ 'éi₂.

23 Jaun₂ ca₂juá'₂ Jesús:

—Le₃chan₂ bá₄ táng₃ ríng'₂.

24 Jaun₂ ca₂juá'₂ Marta:

—Guion₄ bá₄ jniá₂ a₂le₃chain₂ táng₃ jē₁ma₂tě₂ rē₁jein'₅₄ jin₄ 'lag₄, jmi₄g₄ jē₁ca₂tó'₂.

25 Jaun₂ ně₃ ca₂juá'₂ Jesús:

—Jniá₂ bá₄ líng₅ i₂jmo₅ a₂jen'₅₄ dsa₂, i₂cuě₅ jme₂dsí₂ a₂le₃chan₂ dsa₂ ně₃. Ju₁lia'₂ i₂'én₂ tē₂le₃ quió₃ jniá₂, o₁ŋia'₅₄ ma₂join₂₃, le₃chain₂ bá₄; 26 jaun₂ chi₂jua'₂ 'ein₂ i₂chan₂ guě₄, nē₁jua'₂ ca₂rě₃'éin₂ tē₂le₃ quió₃ jniá₂, lia'₂ o₁líg'₂ jmi₄g₄ tsá₃ jón₂. ¿'Éng'₂ jág₁ ně₅?

27 Jaun₂ ca₂juá'₂ Marta:

—Ján₅, Te₁gui'₅₄. Ma₂ca₂rě₃'én₂ bá₄ jniá₂ a₂lín'₅ 'ne₂ Ja₁ŋi'₅₄ Diú₄ I₂rě₂'ín₁ quiáin₅, i₂lě₅ jág₁ jiá₃ mi₂güig₃.

Ca₂'o₃ Jesús cau₅ tau₂ 'ŋio₅ quió'₅ Si₁Lia₁

28 Jme₁ca₂lě₃ juá'₂ Marta jág₁ ně₅, ŋái'₃ i₁te'₂ María riin'₅₄; jaun₂ ca₂juá'₂ jág₁ con'₂ tē₃co'₅₄:

—La₂ ma₂'en₅₄ tē₅, jaun₂ 'ne₂ tē'₂.

29 Dsi₂jui₅ jme₁ca₂nág₂ María jág₁ ně₅, ca₂nau₂, jaun₂ ŋó₃ i₁jün₂₃ Jesús.

30 Tsá₃ jme₁ma₂dsi₃óg₃ guě₄ Jesús tē₃jě₄ juig₂; jaun₂ bá₄ jme₁'ein₅₄ ja₁ca₂jein'₂ Marta.

31 Dsa₂judíos i₂tion'₅₄ dsi₂néi₂ i₂cuě₅ lián'₂ dsi₅ ně₃, jme₁ca₂jág₃ ca₂nau₂ María ca₂o₃'iin₃ co₂chi'₅₄, ca_{2i}lén₂ chi₁co'₅₄ quió'₅, ia₁ a₂lín₂ ŋó₅ 'éi₂ tau₂ 'ŋio₅ a_{2i}2'áu₂ ja₁jaun₂.

32 Jaun₂ ně₃, jme₁ca₂dsi₃óg₃ María ja₁jme₁'en₅₄ Jesús, ca₂chi₃jnë₃ ne₄ 'éi₂,* jaun₂ ca₂juá'₂:

—Te₁gui'₅₄, jua'₅₄ mei'₂ bá₄ jme₁'eng'₅₄ ja₁lá₃, tsá₃ jme₁jón₂ dsó₂ ríng'₃.

* 11:32 lit. “ca₂tóin₂ 'uě₃ cau₅ mi₂tag₄ 'éi₂.” 'Nio'₂ ja₁ton₅ Apocalipsis 4:10.

33 Jme₁ca₂jág₃ Jesús 'a₂ lia' ₂ jme₁'o₅ Maríá, 'a₂ lia' ₂ jme₁tion' ₅₄ guë' ₂ dsa₂ judíos 'o₂₃ ně₃, i₂ja₂lén₂ quiaín' ₅₄, jaun₂ ca₂'ñia₃ i₃mé' ₂ dsí₅, ca₂'í₃ qui' ₂ dsí₅ ně₃. 34 Jaun₂ ca₂ñag₃:

—¿A₂já' ₄ ca₂i₁'óin' ₄ 'nia' ₂?

Jaun₂ ca₂juá' ₂ dsa₂:

—Te₁gui' ₅₄, ñia₅ i₂jag₄.

35 Jaun₂ ca₂'o₃ Jesús.

36 Jaun₂ ně₃ ca₂juá' ₂ dsa₂ judíos:

—Jag₄ de' ₂ 'a₂ lia' ₂ jme₁'nioi₃ 'éi₂.

37 La₁ ca₂juá' ₂ i₂lin₅₄:

—¿Tsa₁ cha₂ lé₂ le₃jme₁jmo₃ i₂ně₅ i₂ca₂jme₃'lión₂ dsa₂ ten₄ 'éi₂, ia₁jaun₂ tsá₃ jme₁jón₂ guë' ₂ dsó₂ rin' ₅₄ 'io₅₄ ně₅?

Ca₂jen' ₅₄ Si₁Lia₁

38 Con' ₂ siá' ₂ táng₃ ca₂'ñia₃ Jesús a₂i₃mé' ₂ dsí₅ lia' ₂ con' ₂ ca₂dsióg₃ ja₁dsi₅₄ tau₂ 'ño₅. Caun₂ tsi₁tě₂'lau₂ bá₄ jme₁lē₄ a₂jaun₂, jme₁chí' ₄ ca₂míg₂ ni₁cang₁ a₂rě₂jlě₅ o₄'né₄.

39 Jaun₂ ca₂juá' ₂ Jesús:

—Jñiá' ₃ ni₁cang₁ ně₅.

Jaun₂ ca₂juá' ₂ Marta rin' ₅₄ 'lag₄ ca₂tsí' ₃ Jesús:

—Te₁gui' ₅₄, mei' ₂ tsá₃ ma₂ja₂ ma₂'lig' ₅₄ quió' ₅, ia₁ ma₂tě₂ quén₂ jmig₄ ca₂join₃.

40 La₁ ca₂juá' ₂ Jesús:

—¿Tsa₁ ně₂juá' ₃ jniá₂, ně₁jua' ₂ 'éng' ₂, jag' ₅₄ jui₅bí₂ jlá' ₁ quió' ₅ Diú' ₄?

41 Jaun₂ ně₃ ca₂jñiá' ₂ dsa₂ ni₁cang₁. Jaun₂ ca₂chóg' ₃ Jesús ne₅₄, ca₂juá' ₂:

—Tia₅₄, cuě₅ jniá₂ ti₁'mag' ₄ 'ne₂ ia₁ ma₂nei' ₂ bá₄ jág₁ quió₃.

42 A₂guion₄ bá₄ jniá₂, a₂nag' ₂ co₂tan₅₄. La₁ ně₂juá' ₃ le₂ně₅ o₄quió' ₄ dsa₂ i₂tion' ₅₄ ja₁lá₃, ia₁jaun₂ le₃'éin₂ a₂ca₂chei' ₂ jniá₂.

43 Jme₁ca₂lē₃ juá' ₂ le₂ně₅, ca₂juá' ₂ tiá₂:

—¡Lázaro! ¡Jú₅ ja₁ně₅!

44 Jaun₂ o₂'ín₃ 'lag₄ ja₁jaun₂ qui₂rě₂quein₅ gu₂-tag₅₄ quian' ₅₄ 'nau₅₄ tsín' ₅ tsi₁'mi' ₂ jang₄. Dsi₂ne₅₄ ně₃ jme₁chi₁quein₅ quian' ₅₄ tsi₁'mi' ₂ tióg₃. Jaun₂ ca₂juá' ₂ Jesús ca₂tsí' ₃ dsa₂:

—Chi' ₅₄ quió' ₅, cuě₄ jmig₄ jui₁dsiain' ₅₄.

Ca₂jmo₃ dsa₂ caun₂ jág₁ a₂tsáin' ₂ Jesús

(Mateo 26:1-5; Marcos 14:1-2; Lucas 22:1-2)

45 Jaun₂ ně₃, juin₅ dsa₂ judíos 'éi₂, i₂ca₂i₁len₅₄ quiaín' ₅₄ Maríá, i₂qui₂ca₂tě₂ ne₄ 'e₂ a₂ca₂jmo₃ Jesús jaun₂, ca₂rě₃'éin₂ tě₂le₃ quió' ₅ 'éi₂.

46 La₁ i₂lin₅₄ guë' ₂ ně₃ ca₂i₁lein₅₄ ja₁con₂ dsa₂ fariseos, ca₂i₁juá' ₄ 'e₂ a₂ca₂jmo₃ Jesús.

47 Jaun₂ ně₃, ca₂ñi' ₂ dsa₂ fariseos quiaín' ₅₄ juig₅₄ jme₂dsa₂, quiaín' ₅₄ dsi₂tan₅₄ quián₅ guá' ₅, jaun₂ ca₂juá' ₂:

—¿E₂ bá₄ jmó₁ jniog₄? Ia₁ nē₅ bá₄ η₅ dsa₂ 'éi₂ jmo₂₃ 'líong₂ léi₄ jué'₂. ⁴⁸ Chi₂jua'₂ caun₂ cuē₂ jniog₄ jmig₄ jmo₃ lia'₂ ma₂jmo₂₃ nē₅, le₃'én₂ bá₄ ca₂le₃jín₃ dsa₂ tē₂le₃ quió'₅; jaun₂ qui₂ja₃lén₂ dsa₂ romanos qui₃'éin₂ ja₁ηi₅ quián₂ jniog₄ la₂, lia'₂ jma₃quian'₅₄ juig₂ nación quián₂ nē₃.

⁴⁹ La₁ jan₂ dsa₂ 'éi₂, i₂chen₂ Caifás, i₂jme₁lín₄ jme₂dsa₂ dsen₅₄ η₂ jaun₂, ca₂juá'₂:

—Tsá₃ 'e₂ cuin'₂ 'nia'₂ 'i₁caun₂, ⁵⁰ on₃ guē'₂ len'₅₄ 'nia'₂, a₂jmo₅ bá₄ quián₂ jniog₄,[†] a₂jón₂ jan₂ dsa₂ o₄quió'₄ ca₂le₃jín₃, ia₁jaun₂ tsá₃ dsi₃'én₂ ta₁caun₂ juig₂.

⁵¹ La₁ on₃jua'₅₄ con'₂ tñ₂ 'ηiog₅ Caifás ca₂juá'₂ le₂nē₅; a₂jaun₂ bá₄ ca₂juá'₂ le₂nē₅ ia₁ a₂jme₁lín₄ jme₂dsa₂ dsen₅₄ η₂ jaun₂: ca₂'ē₂ jág₁ o₄quió'₄ Diú₄, a₂'i₄ 'éi'₃ jón₂ Jesús o₄quió'₄ dsa₂ juig₂ judíos.

⁵² La₁ on₃jua'₅₄ rē'₂ jmá'₃ o₄quió'₄ dsa₂ juig₂ judíos, ján₃ bá₄ ia₁jaun₂ chi₃loin'₃ jmói'₂ ca₂ne₅₄ ca₂le₃jín₃ chi'₂-guein₂ quián₅ Diú₄ i₂qui₂i₂nio₄ tsi₁rē₂jan₅₄ nē₃.

⁵³ Jaun₂ nē₃, ca₂le₃ jmig₄ jaun₂, ca₂jmo₃ jág₁ dsi₂tan₅₄ quián₅ dsa₂ judíos a₂ηi₁'₃ Jesús.

⁵⁴ 'Uig₅₄ jaun₂ tsá₃ ma₃jme₁η₅ Jesús dsi₁ne₁ jin₄ dsa₂ judíos, tē₂le₃ ca₂o₃'iín₃ bá₄ ja₁jaun₂. Jaun₂ ηó₃ caun₂ 'uē₃ ma₂quián₅ ja₁lē₄ 'uē₃ quein₂ co₂'ηiog₅, caun₂ juig₂ a₂chei₂ Efraín. Ja₁jaun₂ ca₂ηia₃ quiaín'₅₄ chi'₂ dsi₂guia₃-tín₂.

⁵⁵ Jme₁ma₂ja₂quián₃ Jmig₄ Tē₂'in₅₄ quió'₅ dsa₂ judíos. Jaun₂ juin₅ bá₄ dsa₂ ca₂'uín₂ juig₂ gu'₂, qui₂ca₂uig₂ jui₅ Jerusalén né'₃ a₂tē₅₄ Jmig₄ Tē₂'in₅₄, ia₁jaun₂ qui₃jmo₃ le₁jín₃.

⁵⁶ Jaun₂ jme₁i₂nio₄ dsa₂ 'nai'₂ Jesús, jaun₂ qui₂ηi₁'₂ riin'₅₄ tióin₂ i₁dsi₅ guá'₅ templo:

—¿A₂ lia'₂ lín'₂ 'nia'₂? ¿Jiá₃ jmig₄, o₃ bá₄ tsá₃ jiá₃ 'e₂?

⁵⁷ Jme₁ma₂ca₂cuē₃ 'éi'₃ dsa₂ fariseos quiaín'₅₄ juig₅₄ jme₂dsa₂ nē₃, jme₁ma₂juá'₂, nē₂ja'₂ 'ein₂ ca₂rē₃η₅ a₂já'₄ 'en₅₄ Jesús, ju₁jmo₁₂ jág₁ ia₁jaun₂ cuin₃ jmig₄ tsáun'₂.

12

*Jan₂ 'io₅₄ ca₂tsi₂in₂ no'₅₄ mi₂juig₂ Jesús
(Mateo 26:6-13; Marcos 14:3-9)*

¹ Jηéi₂ jmig₄ né'₃ a₂tē₅₄ Jmig₄ Tē₂'in₅₄, ηó₃ Jesús jui₅ Betania ja₁jme₁chan₂ Lázaro, dsa₂ i₂ca₂jme₃jen'₅₄ Jesús jme₁rē₂lín₄ 'éi₂.

² Ja₁jaun₂ ca₂jmo₃ dsa₂ caun₂ má₃ o₄quió'₄ Jesús, a₂jme₂juag'₂. Ca₂tia'₃ Marta má₃; Si₁Lia₁ guē'₂ jme₁lín₄ jan₂ dsa₂ i₂tián'₅ ne₄ mesa guē'₅ co₂lē₅ quiaín'₅₄ Jesús.

[†] 11:50 A₂lin₅₄ chog₅₄ si₂juá'₂: “a₂jmo₅ bá₄ quián'₂ 'nia'₂.”

³ Jaun₂ ně₃ ca₂can₃ María con'₂ mei'₂ tsá₃ ca₂'nau₅₄ litro no'₅₄ mi₂juig₂ nardo, a₂quen₅ 'mu'₅₄ 'ŋio₅ lin₃, jaun₂ ca₂tsáng₂ mi₂tag₄ Jesús, jaun₂ ca₂chí₃ quian'₅₄ jñi₂ dsi₅₄. Ta₁caun₂ dsi₂néi₂ qui₂ca₂can'₂ dsió'₁ mi₂juig₂.

⁴ Jaun₂ ně₃, ca₂juá'₂ Judas Iscariote,* i₂jme₁lín₄ jan₂ dsa₂ guia₃-tín₂ quián₅ Jesús, i₂'éi₂ dé₄ i₂jáng'₂ quió'₅ Jesús, ca₂juá'₂:

⁵ —ǵ'E₂ 'uig₅₄ tsá₃ ca₂i₃'nag₄ co₂ŋei'₅₄ no'₅₄ mi₂juig₂ ně₅ quian'₅₄ 'ni₅ 'ŋiá₂-láu₂ 'éi'₃ cu₄ denario, a₂jme₁jme₁'on₁ dsa₂ te₂ŋé₂?

⁶ La₁ on₃jua'₅₄ jaun₂ ca₂juá'₂ Judas le₂ně₅ jua'₅₄ a₂dsón'₂ dsa₂ dsi₅ja₁con₂ dsa₂ te₂ŋé₂; a₂jaun₂ bá₄ ca₂juá'₂ le₂ně₅ ia₁ a₂jme₁lín₄ jan₂ dsa₂ 'ang₂ bá₄, ton'₂ jme₁niog₅ gu₂ tsi₁tě₂lau₂ ja₁jme₁tó'₅ cu₄, jaun₂ jme₁cán₂ a₂jme₁tio'₅₄ 'ŋió'₃.

⁷ Jaun₂ ně₃ ca₂juá'₂ Jesús ca₂tsí'₃ Judas:

—Tsá₃ lě₁lein'₅₄; ta₁ jaun₂ bá₄ ca₂'ma₃ a₂ně₅, jaun₂ ma₂lě₅ co₂jñia₅₄ jmig₄ jě₁ma₂tě₂ rě₁'on₃ jniá₂. ⁸ Ca₂le₃jě₃ jmig₄ bá₄ i₂ñio₄ dsa₂ te₂ŋé₂ jin'₄ 'nia'₂, la₁ jniá₂ ně₃ tsá₃ ma₃uě₂ 'en₅₄ jniá₂ quian'₅₄ 'nia'₂.

Ca₂jmo₃ dsa₂ caun₂ jág₁ a₂jñi'₃ Lázaro

⁹ Jaun₂ ně₃, ca₂rě₃ŋi₅ juin₅ dsa₂ judíos a₂'en₅₄ Jesús jě₄ juig₂ Betania, jaun₂ i₁lein₅₄ ja₁jaun₂, on₃jua'₅₄ jmá'₃ ca₂ne₅₄ a₂i₁jñi₁₂ Jesús, ján₃ bá₄ ca₂i₁jñi₁₂ Si₁Lia₁ i₂ca₂jme₃jen'₅₄ Jesús jme₁rě₂'liin₅₄.

¹⁰ Jaun₂ ně₃, ca₂jmo₃ juig₅₄ jme₂dsa₂ caun₂ jág₁ a₂jñi'₃ Si₁Lia₁ ján₃, ¹¹ ia₁ o₄quió'₄ 'éi₂ bá₄ juin₅ dsa₂ ma₂i₂uiin₂ ja₁con₂ dsa₂ judíos, a₂rě₂'éin₂ tē₂le₃ quió'₅ Jesús.

Ca₂dsió₃ Jesús Jerusalén

(Mateo 21:1-11; Marcos 11:1-11; Lucas 19:28-40)

¹² Jme₁jñia₃ jaun₂, ca₂dsi₃lén₂ juin₅ lin₃ dsa₂ Jerusalén, ja₁niog₃ jmig₄. Jaun₂ jme₁ca₂rě₃ŋi₅ a₂dsió₄ Jesús jě₄ juig₄ Jerusalén, ¹³ ca₂can₃ mog'₅₄ 'ma₂tsín₅, jaun₂ ca₂'uiin₂ ca₂i₁jñiai₅₄ Jesús, jaun₂ qui₂ca₂juá'₂ tiá₂:

—[ju₁le₂juin'₂ bá₄ i₂ně₅!† [ju₁le₂jñi₃ i₂já₅ o₄quió'₄ Te₁gui'₅₄!† [ju₁le₂jñi₃ Rag₅₄ quián₅ Israel!

¹⁴ Ca₂dsán'₂ Jesús jan₂ i₂bú'₄ 'mí₂, jaun₂ ca₂co₃dsin₅₄ já'₂, ju₁lia'₂ chi₁ton₅ ne₄ Si₂:

¹⁵ Tsá₃ lě₁jmo₂ gang'₃,
'nia'₂ dsa₂ chan₂ ciudad Si₂ón:
jag₄, já₅ Rag₅₄ quiáng'₂,
co₂dsin₅₄ jan₂ bú'₄.§

* **12:4** A₂lin₅₄ chog₅₄ si₂juá'₂ bá₄ ján₃: “ja₁ñi'₅₄ Si₂mu₅₄.” † **12:13** lit. “Hosana”, co₂'nió'₄ le₃jua'₅₄: “[Li₁o₄ jmig₄ ně₃!” A₂jme₁juá'₂ dsa₂ le₂ně₅ tsí'₅ Diú₄, qui₂mi₂₃ a₂jia₃ dsa₂ I₂rě₂'in₁ quián₅. ‡ **12:13** Salmo 118:25-26. § **12:15** Zacarías 9:9.

¹⁶ Tsá₃ a₂jaun₂ ca₂rě₃ŋí'₂ dsí₅ chi'₂ dsi₂guia₃-tín₂ le₂'uig₅₄; la₁ia₁ cang₂ jaun₂, jme₁ma₂ca₂lē₃ rě₂juin'₂ Jesús, jaun₂ bá₄ ca₂dsáu'₃ dsí₅ guioin₅₄ jág₁ nē₅ a₂tio'₅₄ ne₄ Si₂ a₂'iin₂₃ 'éi₂. Ca₂dsáu'₃ dsí₅ ján₃, dsau₅ bá₄ le₂jaun₂ ca₂jmo₃ dsa₂ juig₂ ja₁con₂ Jesús.

¹⁷ Qui₂ca₂jáng'₃ jág₁ dsau₅ dsa₂ juin₅ i₂jme₁quian'₅₄ Jesús lia'₂ con'₂ jme₁ca₂tě'₃ Si₁Lia₁ né'₃ tau₂ 'ŋio₅, jme₁ca₂jme₃jein'₅₄ 'éi₂ jme₁rě₂'liin₅₄. ¹⁸ 'Uig₅₄ jaun₂ bá₄ ca₂'uin₂ dsa₂ juin₅, a₂ca₂i₁ŋjia₁₂ Jesús, ia₁ ca₂rě₃ŋi₅ a₂ca₂jmo₃ 'éi₂ léi₄ juě'₂ jaun₂.

¹⁹ Jaun₂ nē₃ ca₂juá'₂ dsa₂ fariseos qui₂ca₂tsí'₃ riin'₅₄:

—Nē₅ bá₄ jág'₂ 'nia'₂, tsá₃ 'e₂ qui'₅₄ 'nia'₂ jmig₄ jmó'₂ 'i₁caun₂. Jag₄ de'₂ 'nia'₂, ma₂i₂lén₂ ta₁caun₂ mi₂güig₃ le₃quió'₅ i₂nē₅.

I₂lin₅₄ dsa₂ griegos 'nai'₂ Jesús

²⁰ Jin₄ dsa₂ i₂i₁len₅₄ Jerusalén i₂jme₂juin'₂ Diú₄ ja₁nio₅ jmig₄, jme₁tion'₅₄ i₂lin₅₄ dsa₂ griegos. ²¹ Dsa₂ 'éi₂ nē₃, ca₂jme₃quiáin₃ ja₁con₂ Felipe i₂chan₂ juig₂ Betsaida, ja₁nio₅ 'uē₃ Galilea, jaun₂ ca₂mi₃ ne₄ 'éi₂, ca₂juá'₂:

—Gui'₅₄, 'nio₂gnia'₅₄ né₄ Jesús.

²² Jaun₂ ŋe₄ Fe₂li₄ ca₂i₁chi'₄ Drě₄; jaun₂ le₂oin₃ ca₂i₁dsia₂ a₂ca₂i₁chi'₄ Jesús. ²³ Jaun₂ nē₃ ca₂ŋag₃ Jesús:

—Ma₂ca₂tě₂ hora a₂le₃juin'₂ Jaun₅ dsa₂ mi₂güig₃. ²⁴ A₂dsi₂jó'₃ juig₂ jniá₂ 'nia'₂, nē₁jua'₂ tsá₃ tiá'₃ né'₃ 'uē₃ jui₁lia'₂ ca₂míg₂ mi₂cuig₂,* a₂dsi₃én₂ nē₃, a₂lē₁tě₂ron₅₄ 'ŋiog₅; la₁ia₁ nē₁jua'₂ ca₂jon₃ nē₃, 'lióng₂ rau₂. ²⁵ Jui₁lia'₂ i₂ŋí₄ lě₃ 'nio₃ jme₂dsí₂ a₂chain₂, dsi₂én₂ bá₄ jme₂dsí₂ jaun₂; la₁ia₁ jui₁lia'₂ i₂tén'₂ dsí₅ jme₂dsí₂ quió'₅ a₂chain₂ mi₂güig₃ la₂, a₂lé₂ quió'₅ bá₄ co₂tan₅₄. ²⁶ Jui₁lia'₂ i₂jme₂ti₃ ta₁ ne₃ jniá₂, 'nió'₅ jiá₃ chi₁co'₅₄ quió₃ jniá₂, jaun₂ jui₁lia'₂ ja₁'en₅₄ jniá₂, ján₃ bá₄ ja₁jaun₂ 'en₅₄ guě'₂ i₂jme₂ti₃ ta₁ ne₃. Jaun₂ jui₁lia'₂ i₂jme₂ti₃ ta₁ ne₃, guěi'₂ bá₄ Ŋe'₃ rě₂.

Ca₂'ě₂ Jesús jág₁ a₂jóin₂

²⁷ 'Ŋio₅ lin₃ quian₄ jniá₂ o₂i₁ dsi₅. ¿'E₂ bá₄ juá'₄ jniá₂? ¿Juá'₄ 'e₂: “Tia₅₄, lio₄ jniá₂ 'e₂ nio₅ a₂qui₂dsi₃ŋí₂ jniá₂ hora la₂”? La₁ on₃juá'₅₄ le₂jaun₂, ia₁ ta₁ jaun₂ guio₃ guě'₂ jniá₂ hora la₂. ²⁸ Tia₅₄ jme₁jnia₅ 'a₂ lia'₂ jláng'₁.

Jaun₂ nē₃ ca₂né'₂ caun₂ jág₁ guei'₅₄ mi₂güig₃ a₂ca₂juá'₂:

—Ma₂ca₂jme₁jnia₅ bá₄ jniá₂, jaun₂ con'₂ siá'₂ jme₁jnia₅ táng₃.

²⁹ Jme₁ca₂nág₂ dsa₂ juin₅ i₂jme₁tió₂ cau₅ jaun₂, ca₂juá'₂:

—Ŋí'₃ bá₄ nē₂quiá'₃.

La₁ i₂sián'₂ guě'₂ juá'₂:

—Jan₂ ángel bá₄ nē₂juá'₂ jág₁ quió'₅.

³⁰ Jaun₂ nē₃ ca₂juá'₂ Jesús ca₂tsí'₃ dsa₂:

* 12:24 lit. “trigo.”

—On₃jua'₅₄ o₄quió₃ jniá₂ a₂ca₂né'₂ jág₁ ně₅; o₄quián'₂ 'nia'₂ bá₄ a₂ca₂né'₂. ³¹ Ně₃ guě₄ ně₃ ca₂tě₂ jmig₄ a₂tě₃dsi'₅₄ 'éi'₃ mi₂güig₃ la₂; ně₃ guě₄ dsein₂₃ i₂gon₂ mi₂güig₃ la₂. ³² Jaun₂ jniá₂ ně₃, jě₁ma₂ca₂chó'₂ dsa₂ guei'₅₄ gua'₅₄ 'uě₃, jme₁quián₄ jniá₂ ca₂le₃jín₃ ja₁cong₂.

³³ Ca₂juá'₂ le₂ně₅ a₂'ě₂₃ 'e₂ ne₅₄ 'mú₃ dsi₃ñi₂.

³⁴ Jaun₂ ca₂ñag₃ dsa₂:

—Ma₂néi₂ jnia'₅₄ a₂'i₅ dsa₂ ne₄ Si₂ 'Éi'₃ a₂juá'₂ a₂le₃chan₂ I₂rě₂'ín₁ quián₅ Diú₄ co₂tan₅₄. ¿'A₂ guě'₂ lia'₂ juá'₂ 'ne₂ tion₅₄ chón'₂ dsa₂ Jaun₅ dsa₂ mi₂güig₃? ¿'Ein₂ 'éi₂ i₂lín₅ Jaun₅ dsa₂ mi₂güig₃?

³⁵ Jaun₂ ně₃ ca₂juá'₂ Jesús:

—Jnia'₅₄ lia'₂ co₂'na₂ bá₄ tág₅ guě₄ si₂jín'₄ 'nia'₂. La₁ i₂nio'₄ 'nia'₂ tē₁lia'₂ tág₅ si₂, con'₂ tsá₃ nō₅ ně₁jua'₂ ca₂tó'₂ nei₂. Ia₁ jui₁lia'₂ dsa₂ i₂ñi₅ jě₄ qui₁né'₃, tsá₃ ñi₅ 'a₂ jui₅ dsó₃. ³⁶ Jui₁le₂'én'₂ 'nia'₂ le₃quió'₅ si₂, tē₁lia'₂ cha₂ si₂ jín'₄ 'nia'₂, ia₁jaun₂ lén'₂ 'nia'₂ dsa₂ quián₅ si₂.

Jme₁ca₂dsan₃ juá'₂ Jesús le₂ně₅, nái'₃, jaun₂ ca₂'mai₃ ja₁con₂ dsa₂ 'éi₂.

'E₂ lě₃ tsá₃ jme₁'én₂ dsa₂ judíos le₃quió'₅ Jesús

³⁷ La₁ jui₁'a₂ guě₃ la₂ ca₂jmo₃ Jesús 'lióng₂ léi₄ ne₄ dsa₂ 'éi₂, tsá₃ ca₂rě₃'én₂ bá₄ guě₄ dsa₂ 'éi₂ le₃quió'₅. ³⁸ Le₂ně₅ ca₂rě₃ti₃ jág₁ a₂ca₂'ě₂ Isaías o₄quió'₄ Diú₄, jme₁ca₂juá'₂:

Te₁gui'₅₄, ¿'ein₂ ma₂ca₂rě₃'én₂ jág₁ a₂'ě₅ jniog₄?

¿Ja₁con₂ 'ein₂ ma₂ca₂jme₃jnia₅ Te₁gui'₅₄

jui₅bí₂ quió'₅?†

³⁹ 'Uig₅₄ jaun₂ tsá₃ lé₂ le₃'én₂ dsa₂ 'éi₂, ia₁ con'₂ siá'₂ ca₂juá'₂ táng₃ Isaías:

⁴⁰ “Ma₂ca₂jmo₃ Diú₄ a₂tén₂ dsa₂ 'éi₂,

a₂ca₂lě₃ cang₄ dsi₅₄ ně₃,

ia₁jaun₂ tsá₃ jág₃ quian'₅₄ mi₂ne₅₄,

on₃ guě'₂ le₂ñi'₂ tē₂le₃ tē₂dsí₅,

on₃ guě'₂ qui₃jéin'₃ dsí₅,

ia₁jaun₂ jme₁'lioin₁₂ jniá₂.”‡

⁴¹ Ca₂juá'₂ Isaías le₂ně₅ ia₁ ca₂jág₃ le₂jniá₅ jui₅bí₂ jlá'₁ quió'₅ Jesús, jaun₂ ca₂dsia₃ 'iin₂₃ 'éi₂.

⁴² La₁ia₁ tion₅₄ bá₄ ca₂rě₃'én₂ dsa₂, le₂jio₅ bá₄ i₂lín₅₄ dsa₂ can'₅₄. La₁ tsá₃ ca₂jmo₃ jág₁, ia₁ a₂gó'₅ gain₃ dsa₂ fariseos, con'₂ tsá₃ nō₅ ně₁jua'₂ ca₂'uág'₂ dsa₂ quió'₅, ja₁le₁toin₂₃ ne₄ si₂ guá'₅ sinagoga.

⁴³ Ia₁ a₂'nio₃ guě₄ tē₃tsiin'₅₄ dse₃ quian'₅₄ dsa₂ mi₂güig₃, lia'₂ con'₂ guě₄ a₂jme₁tē₃tsiin'₅₄ dse₃ quian'₅₄ Diú₄.

Jág₁ quió'₅ Jesús bá₄ a₂qui₃dsi₅ 'éi'₃ ja₁con₂ dsa₂ mi₂güig₃

⁴⁴ Ca₂juá'₂ Jesús jág₁ tiá₂:

—Ju₁lia'₂ i₂'én₂ tē₂le₃ quió'₃ jniá₂, on₃jua'₅₄ jmá'₃ le₃quió'₃ jniá₂ 'éin₂; ján₃ bá₄ 'éin₂ le₃quió'₅ Ne'₃ i₂ca₂chei₃ jniá₂. ⁴⁵ Ju₁lia'₂ i₂jág₂ jniá₂, jín₂ i₂ca₂chei₃ jniá₂. ⁴⁶ Ma₂guan₅ jniá₂ mi₂güig₃ la₂, a₂lín₅ si₂, ia₁jaun₂ i₂'én₂ tē₂le₃ quió'₃ jniá₂, tsá₃ tē₃'ñiá₄ jē₄ qui₁né'₃. ⁴⁷ Jaun₂ chi₂jua'₂ 'ein₂ i₂nag₅ jág₁ quió'₃, la₁ tsá₃ guē'₂ tón'₂ jui₅, on₃jua'₅₄ jniá₂ qui₁dsi₅ 'éi'₃ quió'₅ 'éi₂; ia₁ on₃jua'₅₄ ta₁ jaun₂ guio₃ jniá₂ a₂qui₁dsi₅ 'éi'₃ ja₁con₂ dsa₂ mi₂güig₃; tē₂le₃ a₂loin₅₄ bá₄ jniá₂. ⁴⁸ Ju₁lia'₂ i₂tsá₃ jei₅₄ jniá₂, on₃ guē'₂ tón'₂ jui₅ jág₁ quió'₃, cha₂ bá₄ caun₂ a₂qui₃dsi₅ 'éi'₃ quió'₅. Jág₁ a₂ma₂qui₂ma₂juá'₃ bá₄ jniá₂, a₂jaun₂ bá₄ qui₃dsi₅ 'éi'₃ quió'₅, jmig₄ jē₁ca₂tó'₂. ⁴⁹ Ia₁ on₃jua'₅₄ o₄quió'₃ 'ñi₃ ma₂qui₂ma₂juá'₃; Ne'₃ jniá₂ i₂ca₂chei₃ bá₄ ma₂ca₂cuē₃ 'éi'₃ jui₁'e₂ a₂juá'₅ jniá₂ quian'₅₄ 'e₂ a₂jme₂tíng₂ dsa₂. ⁵⁰ Jaun₂ guion₄ jniá₂, a₂jio₅ 'éi'₃ quió'₅ Ne'₃ jui₅ ja₁le₃chan₂ dsa₂ co₂tan₅₄; jaun₂ lē₃, jág₁ a₂juá'₅ jniá₂, juá'₅ lia'₂ con'₂ lē₅ 'éi'₃ ca₂cuē₃ Ne'₃.

13

Ca₂rín'₃ Jesús mi₂tag₄ chi'₂ dsi₂guia₃-tín₂ quiáin₅

¹ Ca₂juig₄ jme₁'nió'₅ guē₄ a₂tē₅₄ Jmig₄ Tē₂'in₅₄. Jme₁ma₂ñi₅ bá₄ Jesús a₂ma₂ca₂tē₂ hora a₂o₃'iin₅ mi₂güig₃ la₂ a₂dsáin'₃ táng₃ ja₁con₂ Jmei₂. Lia'₂ co₂tan₅₄ bá₄ ca₂jme₃'nio₃ 'éi₂ dsa₂ quiáin₅ i₂jme₁tion'₅₄ mi₂güig₃; la₁ nē₃ nē₃, ca₂jme₃jniá₂₃ 'a₂ con'₂ ca₂dsi₃o₃ ca₂rē₃'nioi₃ 'éi₂.*

² Jme₁ma₂lē₅ má₃ tē₂le₃ ca₂nei₂, jaun₂ jme₁ma₂jmo₃ i₂sē₃dsen₃ a₂i₂jio₅ dsí₅ Judas Iscariote, ja₁ñi'₅₄ Si₂mu₅₄, a₂jín'₂ Jesús. ³ Jme₁ma₂ñi₅ bá₄ Jesús a₂ma₂ca₂dsia₃ Jmei₂ ca₂le₃jē₃ o₄gú₃; jme₁ma₂ñi₅ bá₄ ján₃ a₂já₅ ja₁con₂ Diú₄, jaun₂ ja₁con₂ Diú₄ bá₄ dsáin'₃ táng₃. ⁴ Jaun₂ lē₃, lia'₂ con'₂ jme₁tiáin'₄ guē'₅, ca₂nau₂ ja₁jme₁guá₄, jaun₂ ca₂dsia₃ cau₅ tsin'₅₄ a₂jme₁qui'₂ tē₂le₃ co'₅₄, jaun₂ ca₂jén'₃ caun₂ 'mi'₂ toalla o₄'ñei'₂.

⁵ Jaun₂ nē₃ ca₂tia'₃ jmig₂ 'ñi₃o'₃ caun₂ ni₁'í₅, jaun₂ ca₂jme₃li₃o₃g₃ ca₂rang₃ mi₂tag₄ chi'₂ dsi₂guia₃-tín₂. Jaun₂ ca₂jme₃quéin'₂ quian'₅₄ tsi₁'mi'₂ toalla a₂jme₁chi₁jén'₅ o₄'ñei'₂.

⁶ Jaun₂ jme₁ca₂dsi₃o₃g₃ ja₁con₂ Si₂mu₅₄ Pe₄, ca₂juá'₂ 'éi₂ ca₂tsí'₃ Jesús:

—Te₁gui'₅₄, ¿'ne₂ ráng'₂ tag₃ jniá₂?

⁷ Jaun₂ ca₂ñag₃ Jesús:

—Tsá₃ ñí'₂ guē₄ 'au'₂ 'ne₂ 'e₂ a₂jmo₅ jniá₂ nē₃, la₁ cang₂ guē₄ le₃ñíg'₂.

⁸ La₁ ca₂juá'₂ Pe₄:

* **13:1** o₃, “nē₃ nē₃, ca₂rē₃'nioi₃ ca₂tē₂ jē₁ca₂tó'₂.”

—Lia² o₁lí² co₂ŋí² tsá₃ ráng² 'ne₂ tag₃ jniá₂.

Jaun₂ ca₂juá'² Jesús:

—Ně₁jua'² tsá₃ ca₂rang₃ jniá₂ quiáng², tsá₃ quen'⁵⁴ 'ne₂ ja₁con₂ jniá₂.

⁹ Jaun₂ ně₃ ca₂juá'² Si₂mu⁵⁴ Pe₄:

—Chi₂jua'² le₂jaun₂, Te₁gui'⁵⁴, on₃jua'⁵⁴ jmá'³ mi₂tag₃ ráng²; já₁n₃ bá₄ rang₄ mi₂gu₃ quian'⁵⁴ mi₂dsi₃.

¹⁰ La₁ ca₂juá'² Jesús:

—Jui₁lia'² i₂lia'² ca₂lē₃ ló'⁵, jmá'³ mi₂tag⁵⁴ bá₄ 'nió'⁵ rin'², ia₁ ma₂le₁jín₃ bá₄ ta₁jain₂. Ma₂le₁jín'³ bá₄ 'nia'², la₁ia₁ on₃jua'⁵⁴ ca₂le₃jíng³.

¹¹ Ca₂juá'²: “Tsá₃ le₁jín'³ 'nia'² le₃jíng³”, ia₁ ma₂ŋi₅ bá₄ i₂'ein₂ i₂jáng² quió'⁵.

¹² Jme₁ca₂lē₃ rang₅ Jesús mi₂tag₄ chi'² ds₂i₂guia₃-tín₂, jaun₂ ca₂qui'² táng₃ ni₁tsin'⁵⁴ le₃co'⁵⁴, jaun₂ ca₂guá₂ táng₃ ne₄ mesa. Jaun₂ ca₂juá'² ca₂tsí'³ chi'² ds₂i₂guia₃-tín₂:

—¿ŋí'² 'nia'² 'e₂ a₂ně₂jmo₃ jniá₂ quián'² 'nia'²? ¹³ 'Ág'⁵ 'nia'² jniá₂ Tě₅, quian'⁵⁴ Te₁gui'⁵⁴. Tí₅ bá₄ já₁g₁ quián'² 'nia'², ia₁ dsón'² bá₄ le₂jaun₂ líng⁵. ¹⁴ Jaun₂ ně₃, chi₂jua'² le₂ně₅ jniá₂ i₂líng⁵ Tě₅ quian'⁵⁴ Juig'² 'nia'², ně₂rang₃ mi₂tag⁵⁴ 'nia'², já₁n₃ bá₄ le₂jaun₂ 'nió'⁵ jmó'² 'nia'²: a₂qui₁ráng² mi₂tag₄ ríng² le₂jang² le₂jang². ¹⁵ Ia₁ ma₂ně₂can₃ jniá₂ caun₂ jui₅, ia₁jaun₂ jmó'² 'nia'² le₂jaun₂, jui₁lia'² ma₂ně₂jmo₃ jniá₂ ja₁con'² 'nia'². ¹⁶ A₂dsi₂jó'³ juíg² jniá₂ 'nia'², lia'² 'i₁jan₂ dsa₂ i₂jme₂tí₃ ta₁, tsá₃ juiin'² guě₄ con'² guě₄ juig⁵⁴; já₁n₃ bá₄ lia'² 'i₁jan₂ dsa₂ i₂chen₄, tsá₃ juiin'⁵⁴ guě₄ lia'² con'² guě₄ dsa₂ i₂chei₅. ¹⁷ Chi₂jua'² ŋí'² 'au'² 'nia'² a₂ně₅, 'e₂ bá₄ dsen'³ 'nia'² chi₂jua'² le₂jaun₂ qui₂jmo'².

¹⁸ 'On₃jua'⁵⁴ ca₂le₃jín'³ 'nia'² 'ín₅ jniá₂; guion₄ bá₄ jniá₂ i₂'ein₂ 'éi₂ i₂ma₂ca₂quiong'⁵⁴. La₁ia₁, 'nió'⁵ le₃tí₃ lia'² con'² juá'² ne₄ Si₂: “Jui₁lia'² i₂guě₅ co₂lē₅ quian'⁵⁴ jniá₂, ca₂nau₂ quen₅ tē₂le₃ ja₁con₂ jniá₂.”† ¹⁹ Jaun₂ juíg² jniá₂ 'nia'² ně₃, tē₃jniá₅, ia₁jaun₂ jē₁ma₂tē₂ rē₁lé₂, le₃'én'² 'nia'², jniá₂ bá₄ líng⁵ 'éi₂.‡ ²⁰ A₂dsi₂jó'³ juíg² jniá₂ 'nia'², jui₁lia'² i₂guen₅ dsa₂ i₂chen₄ quián₃ jniá₂, guei₂₃ jniá₂; jaun₂ jui₁lia'² i₂guei₅ jniá₂ guein₂₃ i₂ca₂chei₃ jniá₂.

Ca₂juá'² Jesús a₂jáng² Judas quió'⁵

(Mateo 26:20-25; Marcos 14:17-21; Lucas 22:21-23)

²¹ Jme₁ca₂lē₃ juá'² já₁g₁ ně₅, ca₂can₃ o₂i₁ ds₂i₅ ca₂tē₂ jme₂dsí₂, jaun₂ ca₂jáng³ já₁g₁ dsau₅ lia'² rē₂jíá₃ já₁g₁, ca₂juá'²:

—A₂dsi₂jó'³ juíg² jniá₂ 'nia'², jan₂ 'nia'² jáng² jniá₂.

† 13:18 Salmo 41:9. ‡ 13:19 o₃, “jniá₂ líng⁵” co₂'nió'⁴, jein₅ já₁g₁, lia'² chen₂ Jehová. 'Nió'² ja₁ton₅, Éxodo 3:14, Isaías 43:10, Juan 8:58.

22 Jaun₂ ně₃ qui₂ca₂jín₂ chi'₂ dsi₂guia₃-tín₂ riin'₅₄ le₂jain₂ le₂jain₂, i₂gó'₃ dsi'₅ 'nio₃ le₃ñi₅ 'ein₂ bá₄ 'in₅ Jesús.

23 Jan₂ chi'₂ dsi₂guia₃-tín₂ i₂ñí₄ lě₃ jme₁'nio₃ Jesús, jme₁guá₄ le₃jén'₃ quió'₅. 24 Jaun₂ ca₂jmo₃ Si₂mu₅₄ Pe₄ caun₂ léi₄ ne₄ 'éi₂, ca₂juá'₂:

—Chei'₅₄ 'ein₂ bá₄ 'iín₂₃.

25 Jaun₂ ně₃ ca₂jme₃quián₃ 'éi₂ tē₂cau₅ guě₄ quió'₅ Jesús, jaun₂ ca₂ñag₃:

—Te₁gui'₅₄, ¿'ein₂ 'éi₂?

26 Jaun₂ ca₂ñag₃ Jesús:

—I₂'éi₂ bá₄ i₂cuě₄ jniá₂ ca₂jne₄ i₁ñí'₄ la₂, jě₁ma₂ca₂tiá₃ ni₁uñg₅.

Jaun₂ ně₃, jme₁ma₂ně₂tiá₂ i₁ñí'₄, jaun₂ ca₂cuě'₃ Judas Iscariote, ja₁ñi'₅₄ Si₂mu₅₄.

27 Jaun₂ dsi₂jui₅ le₂jaun₂ jme₁ca₂gue₃ Judas i₁ñí'₄ jaun₂, ca₂'í₃ i₂sě₃dsen₃ tē₂dsi'₅. Jaun₂ ně₃ ca₂juá'₂ Jesús:

—A₂jaun₂ a₂niog₅ 'au'₂ jmó'₂, jmo₄ ně₃ cón'₅.

28 La₁ lia'₂ 'i₁jan₂ i₂tián'₅ guě'₅ ne₄ mesa tsá₃ ca₂rě₃ñí'₂ 'e₂ 'uig₅₄ ca₂juá'₂ Jesús ca₂tsí'₃ Judas le₂jaun₂.

29 Ia₁ jme₁niog₅ gu₂ Judas 'éi₂ ni₁lau₂ tio'₅₄ cu₄; jaun₂ ca₂lin₃ i₂lin₅₄, a₂ca₂juá'₂ Jesús tsí'₅ 'éi₂ a₂cha₂ jme₁lá₃ quió'₅ jmig₄, o₃ jme₃'oin₅₄ ca₂la₂ cu₄ dsa₂ te₂ñé₂ 'e₂.

30 Jaun₂ dsi₂jui₅ jme₁ma₂ně₂gue₃ 'éi₂ i₁ñí'₄, o₂'iín₃. Jme₁ma₂ca₂nei₂ bá₄ le₂jaun₂.

Caun₂ 'éi'₃ 'mí₂

31 Jme₁ma₂o₂'iín₃ Judas jaun₂, ca₂juá'₂ Jesús:

—Ně₃ ně₃, jě₁ma₂le₃jniá₂ jui₅bí₂ jlá'₁ quió'₅ Jaun₅ dsa₂ mi₂güí₃; ján₃ bá₄ le₃jniá₂ jui₅bí₂ quió'₅ Diú₄, ja₁con₂ 'éi₂.

32 Chi₂jua'₂ le₃jnia₅ jui₅bí₂ quió'₅ Diú₄ ja₁con₂ 'éi₂, § Diú₄ ně₃, jme₃jnia₅ jui₅bí₂ jlá'₁ quió'₅ Ja₁ñi'₅₄ ja₁con₂ 'ñiog₅, ton'₂ jme₃jniai₂₃ ñi'₅₄ ta₁. 33 'Nia'₂ chi'₂-guein₂ quiáng₃, tsá₃ ma₂uě₂ 'en₅₄ jniá₂ jin'₄ 'nia'₂. Qui₁'nau'₅₄ 'nia'₂ jniá₂; la₁ jui₁lia'₂ ma₂ca₂jui₂g₂ jniá₂ dsa₂ judíos, ján₃ bá₄ le₂jaun₂ jui₂g₂ jniá₂ 'nia'₂ ně₃: tsá₃ lé₂ o₁nó'₅ 'nia'₂ ja₁né'₄ jniá₂. 34 Caun₂ 'éi'₃ 'mí₂ la₂ cuě₄ jniá₂ 'nia'₂: a₂jme₁'nió'₄ 'nia'₂ ríng'₂ le₂jang'₂ le₂jang'₂. Jui₁lia'₂ ca₂jme₁'nió'₄ jniá₂ 'nia'₂, 'nia'₂ ně₃ 'nió'₅ jme₁'nió'₄ 'nia'₂ ríng'₂. 35 Le₂ně₅ bá₄ le₃ñi₅ ca₂le₃jín₃ dsa₂ a₂lín'₅ 'nia'₂ dsa₂ i₂ma₂ca₂rě₃tín₃ quiáng₃: ně₃jua'₂ caun₂ qui₂ca₂jme₁'nió'₄ 'nia'₂ ríng'₂ le₂jang'₂ le₂jang'₂.

Ca₂juá'₂ Jesús a₂tsá₃ tion₃ Pe₄ a₂cuig₂₃

(Mateo 26:31-35; Marcos 14:27-31; Lucas 22:31-34)

§ 13:32 A₂lin₅₄ chog₅₄ si₂, tsá₃ juá'₂ con'₂ táng₃: “chi₂jua'₂ le₃jnia₅ jui₅bí₂ quió'₅ Diú₄ ja₁con₂ 'éi₂.”

³⁶Jaun₂ ca₂ŋag₃ Si₂mu₅₄ Pe₄ ca₂ŋi'₃ Jesús:

—Te₁gui'₅₄, ¿a₂já'₄ guang'₅₄?

Jaun₂ ca₂ŋag₃ Jesús:

—Ja₁né'₄ jniá'₂, tsá₃ lé₂ le₃éin'₄. La₁éin'₄ bá₄nia'₂ cang₂.

³⁷Jaun₂ ně₃ ca₂juá'₂ Pe₄ ca₂tsí'₃ Jesús:

—Te₁gui'₅₄, ¿e₂ lě₃ tsá₃ lé₂ le₃éin₄ jniá'₂ tē₂ně₃? Ma₂chan₂ co₂ŋia₅₄ bá₄ jniá'₂ a₂gue₅₄ 'mú₃ o₄quián'₂ 'ne₂.

³⁸Jaun₂ ca₂ŋag₃ Jesús:

—¿Dsón'₂ ma₂'ei₅ caun₂ 'au'₂ a₂gue'₂ 'mú₃ o₄quió₃ jniá'₂? A₂dsi₂jó'₃ juíg₂ jniá'₂ 'ne₂, né'₃ guě₄ a₂'o₃ tē₁guí₄ dsó₂, hora jaun₂ dé₄ tsá₃ tón'₄ 'ne₂ a₂cuig'₂ jniá'₂, ta₁'ni₅ ráun₂.

14

Jesús bá₄ lín₅ jui₅ a₂dsi₁len₃ dsa₂ja₁con₂ Jmei₂

¹'Tsá₃ lě₁can₂ 'nia'₂ o₂i₁ 'au'₂. Jui₁lia'₂ 'én'₂ 'nia'₂ tē₂le₃ quió'₅ Diú₄, ján₃ bá₄ le₂jaun₂ jui₁le₂'én'₂ 'nia'₂ tē₂le₃ quió₃ jniá'₂.

²Ja₁quió'₄ Ne'₃, 'lóng₂ dsi₂néi₂ cha₂ a₂jo₂; jua'₅₄ mei'₂ guě₃ tsá₃ le₂jaun₂ ně₃, ¿lín'₂ 'nia'₂ a₂jme₁juig₅₄ jniá'₂ 'nia'₂ a₂nég'₄ i₁jmo₃ co₂ŋia₅₄ dsi₂néi₂ quián'₂ 'nia'₂?* ³Cang₂ jě₁ma₂dsián'₃ jniá'₂, jě₁ma₂ca₂lě₃ jmo₂₃ co₂ŋia₅₄ ja₁o₁tión'₂ 'nia'₂, jaun₂ bá₄ guio₅₄ táng₃ a₂i₁te₁₂ 'nia'₂ ja₁cong₂, ia₁jaun₂ ja₁i₁'ú₃ jniá'₂, ján₃ bá₄ lé₂ o₁tión'₂ 'nia'₂. ⁴Ni'₅₄ bá₄ 'nia'₂ a₂já'₄ né'₄ jniá'₂; cuin'₂ bá₄ 'nia'₂ jui₅ ně₃.

⁵Jaun₂ ca₂juá'₂ To₁má:

—Te₁gui'₅₄, tsá₃ ne₄ jnia'₅₄ a₂já'₄ guang'₅₄; ¿a₂ guě'₂ lia'₂ le₃cuag₅ jnia'₅₄ jui₅?

⁶Jaun₂ ca₂ŋag₃ Jesús:

—Jniá'₂ bá₄ lín₅ jui₅, ján₃ bá₄ lín₅ jág₁ dsau₅, ján₃ bá₄ lín₅ i₂jmo₅ a₂le₃chan₂ dsa₂. 'I₁jan₂ tsá₃ dsió₄ ja₁con₂ Ne'₃ jua'₅₄ tsá₃ tē₂le₃ quian'₅₄ jniá'₂. ⁷Jua'₅₄ mei'₂ guě₃ dsón'₂ ŋi'₅₄ 'nia'₂ 'ein₂ lín₅ jniá'₂, ján₃ bá₄ jme₁le₃cuin'₂ 'nia'₂ Ne'₃ ján₃;† jaun₂ ně₃ ně₃, tē₂le₃ ne₄ jui₅, le₃cuin'₂ 'nia'₂, ton'₂ ma₂jín'₅₄ 'nia'₂.

⁸Jaun₂ ně₃ ca₂juá'₂ Fe₂li₄ ca₂tsí'₃ Jesús:

—Te₁gui'₅₄, cuě₄ jmig₄ a₂jín₄ jnia'₅₄ Nėi'₅, jaun₂ co₂jaun₂ guě₄ dsáu₅ dsi₅ jnia'₅₄.

⁹Jaun₂ ca₂ŋag₃ Jesús:

—¿Tsa₁ cuig'₂ 'ne₂ jniá'₂ Fe₂li₄, o₁ŋia'₅₄ ma₂ŋó₅ jmig₄ 'en₅₄ jniá'₂ quian'₅₄ 'nia'₂? Chi₂jua'₂ 'ein₂ dsa₂ ma₂jág₂ jniá'₂, ján₃ bá₄ ma₂jín₂ Ne'₃. ¿A₂ bá₄ lia'₂ juá'₂ 'ne₂: “Cuě₄ jmig₄ a₂jín₄ jnia'₅₄ Nėi'₅”? ¹⁰¿Tsa₁ 'én'₂ 'ne₂ a₂'en₅₄ jniá'₂ ja₁con₂ Ne'₃, ton'₂ 'en₅₄

* **14:2** o₃, “jua'₅₄ mei'₂ guě₃ tsá₃ le₂jaun₂ ně₃, jme₁juig₅₄ guě'₂ jniá'₂ 'nia'₂, Nég'₄ i₁jmo₃ co₂ŋia₅₄ dsi₂néi₂ quián'₂ 'nia'₂.” † **14:7** A₂lín₅₄ chog₅₄ si₂ juá'₂: “chi₂jua'₂ dsón'₂ ma₂cuig'₂ 'nia'₂ jniá'₂, le₃cuin'₂ 'nia'₂ Ne'₃ ján₃.”

guë'₂ Ne'₃ táng₃ ja₁con₂ jniá'₂? Jui₁lia'₂ jág₁ a₂juíg₂ jniá'₂ 'nia'₂, tsá₃ juá'₅ jniá'₂ o₄quió₃ 'ñió₃. Të₂le₃, Ne'₃ jniá'₂ i₂të₁ 'ñiá₄ ja₁con₂ jniá'₂, i₂'éi₂ bá₄ jmo₅ ta₁ quió'₅. ¹¹ Jui₁le₂'én'₂ bá₄ 'nia'₂ a₂juá'₅ jniá'₂, a₂'eng₅₄ ja₁con₂ Ne'₃, a₂'en₅₄ guë'₂ Ne'₃ ja₁con₂ jniá'₂; o₃ nē₁juá'₂ tsá₃ le₂jaun₂, jmá'₃ lia'₂ të₂le₃ quian'₅₄ léi₄ a₂jmo₂₃, jui₁le₂'én'₂ 'nia'₂. ¹² A₂dsi₂jó'₃ juíg₂ jniá'₂ 'nia'₂, jui₁lia'₂ i₂'én₂ le₃quió₃ jniá'₂, ján₃ bá₄ jmo₃ jui₁lia'₂ a₂jmo₅ jniá'₂; jaun₂ të₂le₃ 'ñio₅ guë'₄ juë'₂ a₂jmo₃, ia₁ nég'₄ ja₁con₂ Ne'₃. ¹³ Jaun₂ chi₂juá'₂ 'e₂ a₂mi'₂ 'nia'₂ lia'₂ con'₂ lē₅ 'éi'₃ quió₃ jniá'₂, jmo₅₄ bá₄ jniá'₂, ia₁jaun₂ le₃juin'₂ Jmei₂ o₄quió'₄ Ja₁ñi'₅₄. ¹⁴ Lé₂ bá₄ mí'₁ 'nia'₂ lia'₂ con'₂ lē₅ 'éi'₃ quió₃ jniá'₂, chi₂juá'₂ 'e₂ caun₂ a₂'nio_g'₂ 'nia'₂, jaun₂ jmo₅₄ bá₄ jniá'₂.

Ca₂cuë₃ Jesús jág₁ quió'₅ a₂chein₃ Jme₂dsí₂ Jñió₅

¹⁵ 'Chi₂juá'₂ 'nió_g'₃ 'nia'₂ jniá'₂, nei₂ gau₂ 'éi'₃ quió₃. ¹⁶ Jaun₂ mi₅₄ jniá'₂ ne₄ Ne'₃ a₂cuin₃ jan₂ i₂sián'₂ i₂cuë'₃ bí₂ 'au'₂ 'nia'₂, ia₁jaun₂ 'í₂ 'éi₂ co₂tan₅₄ quian'₅₄ 'nia'₂. ¹⁷ Jme₂dsí₂ quió'₅ jág₁ tí₅ bá₄ 'éi₂. Tsá₃ lé₂ le₃guei₃ dsa₂ mi₂güig₃, ia₁ tsá₃ jág₂, on₃ guë'₂ cui_g₂₃ cui_{in}₂₃ 'éi₂. La₁ 'nia'₂ nē₃, ma₂cuin'₂ bá₄ 'nia'₂, ia₁ guá₅ ja₁con'₂ 'nia'₂, ton'₂ të₃'ñiá₄ le₃quián'₂ 'nia'₂. ¹⁸ On₃juá'₅₄ a₂tén₄ jniá'₂ 'nia'₂ co₂ñei'₅₄ nē₂jag₄ bá₄ chi'₂ 'nág₂. Guio₅₄ bá₄ táng₃ ja₁con'₂ 'nia'₂. ¹⁹ Tsá₃ ma₃uē₂ jág₂ dsa₂ mi₂güig₃ jniá'₂, la₁ia₁ jag'₅₄ bá₄ 'nia'₂. 'Ui_g₅₄ ia₁ a₂chan₂ jniá'₂, le₃chang'₂ bá₄ 'nia'₂. ²⁰ Jm_{ig}₄ jaun₂ le₃len'₅₄ 'nia'₂ a₂'en₅₄ jniá'₂ ja₁con₂ Ne'₃, 'nia'₂ guë'₂ tion_g'₅₄ ja₁con₂ jniá'₂, jaun₂ jniá'₂ guë'₂ nē₃ 'eng₅₄ ja₁con'₂ 'nia'₂. ²¹ Jui₁lia'₂ i₂gue₅, i₂nē'₂ 'éi'₃ quió₃, 'éi₂ bá₄ i₂tē₃dsón'₂ 'nio₃ jniá'₂. Jui₁lia'₂ i₂'nio₃ jniá'₂ nē₃, jme₃'nio₃ Ne'₃. Já_n₃ bá₄ le₂jaun₂ jniá'₂ jme₁'nió₄, jaun₂ jme₁jnia₅ jniá'₂ ja₁coin₂.

²² Jaun₂ ca₂juá'₂ Judas, (on₃juá'₅₄ Iscariote):

—Te_gui'₅₄, ¿'e₂ lē₃ ja₁con₂ jnia'₅₄ jme₁jnag'₅, on₃juá'₅₄ rē'₂ ja₁con₂ dsa₂ mi₂güig₃?

²³ Jaun₂ ca₂ñag₃ Jesús:

—Jui₁lia'₂ i₂'nio₃ jniá'₂, tón'₂ bá₄ jui₅ jág₁ quió₃; jaun₂ jme₃'nio₃ Ne'₃ jme₃'nioi₃ 'éi₂, jaun₂ qui₂ja₁náu₄ jnia'₅₄ ja₁coin₂ ja₁'io₁ quian'₅₄ 'éi₂. ²⁴ Jui₁lia'₂ i₂tsá₃ 'nio₃ jniá'₂, tsá₃ tón'₂ jui₅ jág₁ quió₃. Já_g₁ a₂nag'₂ 'nia'₂ la₂, on₃juá'₅₄ a₂quió₃, a₂quió'₅ Ne'₃ i₂ca₂chei₃ bá₄.

²⁵ 'Ca₂le₃jě₃ a₂la₂ juá'₅ jniá'₂ juíg₂ 'nia'₂ të₁lia'₂ 'eng₅₄ guë'₄ quian'₅₄ 'nia'₂; ²⁶ la₁ia₁ i₂cuë₃ bí₂ 'au'₂ 'nia'₂ 'éi₂, i₂lín₅ Jme₂dsí₂ Jñió₅, i₂chen₃ Ne'₃ o₄quió₃ jniá'₂, 'éi₂ bá₄ jme₃tag₅ jme₃tiin₂₃ 'nia'₂, jaun₂ jmo₃ a₂qui₃dsiog'₂ 'au'₂ 'nia'₂ ca₂le₃jě₃ 'e₂ a₂ma₂qui₂ma₂juíg₂ jniá'₂ 'nia'₂.

²⁷ 'Ág'₅ jniá'₂ jág₁ a₂jmo₃ 'ag₃ tei₄ ja₁con'₂ 'nia'₃. A₂tei₄ a₂'ei₅ ja₁con₂ jniá'₂, a₂jaun₂ bá₄ cuë'₅ jniá'₂ 'nia'₂. La₁ on₃juá'₅₄ lia'₂ cuë'₅ dsa₂ mi₂güig₃, cuë'₅ jniá'₂ 'nia'₂. Tsá₃ lē₁can₂ 'nia'₂ o₂i₁

dsi₅, on₃ guë'₂ jmó'₂ 'nia'₂ gang'₃. ²⁸ Ma₂qui₂ma₂nei'₂ 'nia'₂ a₂juá'₅ jniá₂: a₂nég'₄, jaun₂ guio₅₄ táng₃ ja₁con'₂ 'nia'₂. Nē₃jua'₂ tē₃dsón'₂ 'nióg'₃ 'nia'₂ jniá₂, jme₁jmó'₂ 'nia'₂ 'io'₂ jme₁ca₂rē₃ñi'₅₄ 'nia'₂ a₂né'₄ jniá₂ ja₁con₂ Ñe'₃, ia₁ i₂juin'₂ guë'₄ 'éi₂ lia'₂ con'₂ guë'₄ jniá₂. ²⁹ Jaun₂ ma₂juíg₂ jniá₂ 'nia'₂ a₂la₂ tē₃jniá₅, ia₁jaun₂ le₃'én'₂ 'nia'₂ jē₁ma₂tē₂ rē₁lé₂ a₂jaun₂.

³⁰ 'Tsá₃ ma₂'lióng₂ jág₁ dsia₅₄ jniá₂ quian'₅₄ 'nia'₂; ia₁ ma₂já₅ i₂gon₂ mi₂güí₃ la₂, o₁jñia'₅₄ tsá₃ 'e₂ jui₅bí₂ 'io₅ 'éi₂ ja₁con₂ jniá₂.

³¹ La₁ia₁ 'nió'₅ le₃ñi₅ dsa₂ mi₂güí₃, a₂'nió₃ jniá₂ Ñe'₃, jaun₂ lia'₂ con'₂ lē₅ 'éi'₃ a₂ma₂cuë₃ Ñe'₃ jniá₂, a₂jaun₂ bá₄ jmo₅ jniá₂.

'Nau₂ 'nia'₂. Ma₃dsau'₅₄ jniog₄ ja₁lá₃.

15

Cho'₅₄ chí₁uín₃ uvas, quian'₅₄ gu'₂ nei'₅₄ quió'₅

¹ 'Jniá₂ líng₅ cho'₅₄ ni₁uín₂ uvas, ja₁já₅ bí₂ dsón'₂. Ñe'₃ guë'₂ lín₅ i₂jmo₅ 'í₁ ja₁nau₂. ² Jniá'₂ 'éi₂ ca₂le₃jē₃ ni₁gu'₂ quió₃ a₂tsá₃ míg₂ 'ag₅; la₁ia₁ qui₂jí'₅ qui₂uín₂₃ ni₁gu'₂ a₂'ag₅ míg₂, ia₁jaun₂ ráu₃ guë'₄ 'lióng₂. ³ Ma₂le₁jín'₃ bá₄ 'nia'₂ tē₂le₃ quian'₅₄ jág₁ a₂qui₂ma₂juíg₂ jniá₂ 'nia'₂. ⁴ Caun₂ jui₁tē₂'ñiá'₄ bá₄ 'nia'₂ ja₁con₂ jniá₂, jui₁lia'₂ tē₂'ñiá₄ jniá₂ ja₁con'₂ 'nia'₂. 'I₁caun₂ ni₁gu'₂ tsá₃ lé₂ le₃'ag₃ míg₂ con'₂ 'ñiog₅ le₂jaun₂, nē₁jua'₂ tsá₃ rē₂tsán'₂ quian'₅₄ cho'₅₄; ján₃ bá₄ le₂jaun₂ jui₁lia'₂ 'nia'₂ nē₃, tsá₃ 'e₂ lé₂ le₃ráu₃ quián'₂ 'nia'₂ nē₁jua'₂ tsá₃ tē₂'ñiág'₄ ja₁con₂ jniá₂.

⁵ 'Jniá₂ líng₅ cho'₅₄; 'nia'₂ guë'₂ líng₅ gu'₂ nei'₅₄. Jui₁lia'₂ dsa₂ i₂tē₂'ñiá₄ rē₂tsán'₂ quian'₅₄ jniá₂, jui₁lia'₂ tē₂'ñiá₄ jniá₂ ja₁con₂ 'éi₂, 'lióng₂ ráu₃ quió'₅. Ia₁ 'i₁caun₂ tsá₃ 'e₂ lé₂ le₃jmó'₂ 'nia'₂ jua'₅₄ tsá₃ quiong'₅₄ jniá₂. ⁶ Jui₁lia'₂ i₂tsá₃ tē₂'ñiá₄ ja₁con₂ jniá₂, lín₅ nē₂jag₄ bá₄ caun₂ ni₁gu'₂ a₂dsi₂guia'₂ dsa₂ cau₅, jaun₂ rē₂queín₂. Ni₁gu'₂ le₂nē₅ qui₂cág'₅ dsa₂, qui₂tó'₅ dsa₂ dsi₂si₂, jaun₂ cau₂.

⁷ 'Chí₂jua'₂ tē₂'ñiá'₄ 'nia'₂ ja₁con₂ jniá₂, ton'₂ tē₂'ñiá₄ jág₁ quió₃ ja₁con'₂ 'nia'₂, jaun₂ mi₄ 'nia'₂ chí₂jua'₂ 'e₂ caun₂ 'niog'₂, jaun₂ gué'₁ bá₄ 'nia'₂. ⁸ Le₂la₂ bá₄ rē₂juín'₂ Ñe'₃: a₂qui₂ráu₂ 'lióng₂ 'e₂ a₂jmo'₂ 'nia'₂. * Le₂nē₅ jme₂jniá'₂ 'nia'₂ a₂líng'₅ dsa₂ i₂ca₂rē₃tín₃ quián₃ jniá₂. ⁹ Jui₁lia'₂ 'nio₃ Ñe'₃ jniá₂, ján₃ bá₄ le₂jaun₂ 'nió₃ jniá₂ 'nia'₂; caun₂ jui₁i₂nio₄ bá₄ 'nia'₂ jui₅ a₂'nió₃ jniá₂ 'nia'₂. ¹⁰ Nē₁jua'₂ caun₂ né'₂ 'nia'₂ gau₂ 'éi'₃ quió₃, le₂nē₅ tē₃'ñiá'₄ 'nia'₂ jui₅ a₂'nió₃ jniá₂ 'nia'₂, jui₁lia'₂ caun₂ nag₅ jniá₂ gau₂ 'éi'₃ quió₅ Ñe'₃, ton'₂ tē₂'ñiá₄ jniá₂ jui₅ a₂'nio₃ 'éi₂ jniá₂.

¹¹ 'Jág₁ nē₅ ma₂nē₂juíg₂ jniá₂ 'nia'₂ ia₁jaun₂ a₂ñí₄ lē₃ jéin₅ jniá₂ 'io'₂, cuë'₄ jniá₂ 'nia'₂, ia₁jaun₂ le₃'ñia₅ bá₄ a₂jén'₂ 'nia'₂ 'io'₂.

¹² A₂la₂ bá₄ 'éi'₃ quió₃; a₂jme₁'nió'₄ 'nia'₂ ríng'₂ le₂jang'₂ le₂jang'₂, jui₁lia'₂ ma₂ca₂jme₁'nió₄ jniá₂ 'nia'₂. ¹³ 'I₁jan₂ tsá₃ lé₂ le₃'nio₃

guě₄ lin₃ riin'₅₄ lia'₂ con'₂ guě₄ i₂guein₅ 'mú₃ o₄quió'₄ a₂mei₅₄ quiáin₅. ¹⁴ 'Nia'₂ bá₄ líng'₅ dsa₂ a₂mei₅₄ quiáng₃ chi₂jua'₂ jmo'₂ 'nia'₂ 'e₂ te₂nei'₄ jniá₂. ¹⁵ Tsá₃ ma₃tě₅ jniá₂ 'nia'₂ dsa₂ i₂jme₂ti₃ ne₃, ia₁ tsá₃ ŋi₅ ju₁lia'₂ jan₂ dsa₂ i₂jme₂ti₃ ta₁, 'e₂ a₂jmo₅ juig₅₄. Tě₅ jniá₂ a₂mei₅₄ quiáng₃ bá₄ 'nia'₂, ia₁ ma₂ca₂jme₁nia₅ bá₄ jniá₂ ja₁con'₂ 'nia'₂, ca₂le₃jě₃ 'e₂ a₂ma₂ca₂juá'₂ Ne'₃. ¹⁶ On₃jua'₅₄ 'nia'₂ ca₂quió'₅₄ jniá₂; jniá₂ bá₄ ma₂quion'₄ 'nia'₂, jaun₂ ma₂ca₂dsia₃ jniá₂ gog'₂ 'nia'₂ a₂o₁nó'₅ 'nia'₂ a₂qui₂rau₂ 'líóng₂ quián'₂ 'nia'₂ a₂jio₃g uě₂. Jaun₂ le₂ně₅ cuě₃ Ne'₃ jniá₂ cuě'₃ 'nia'₂ chi₂'e₂ caun₂ a₂mí'₁ 'nia'₂ lia'₂ con'₂ lě₅ 'éi'₃ quió₃ jniá₂. ¹⁷ A₂la₂ bá₄ 'éi'₃ quió₃ jaun₂ ně₃: a₂jme₁'nió'₄ 'nia'₂ ríng'₂ le₂jang'₂ le₂jang'₂.

Tog₅₄ dsa₂ mi₂güig₃ 'ŋiai₅₄ Jesús quian'₅₄ dsa₂ quiáin₅

¹⁸ Chi₂jua'₂ 'iog₅₄ dsa₂ mi₂güig₃ quián'₂ 'nia'₂, ju₁le₂ŋi'₅₄ 'nia'₂, jniá₂ bá₄ ca₂rě₃'iog₅₄ dsa₂ le₂'uig₅₄. ¹⁹ Jua'₅₄ mei'₂ guě₃ lín'₅ 'nia'₂ dsa₂ i₂tén₅ mi₂güig₃, jme₁jme₃'nio₃ bá₄ dsa₂ mi₂güig₃ ju₁lia'₂ 'nio₃ dsa₂ quiáin₅. La₁ 'uig₅₄ ia₁ a₂tsá₃ tén'₅ 'nia'₂ mi₂güig₃, ton'₂ ma₂quion'₄ jniá₂ 'nia'₂ jin₄ dsa₂ mi₂güig₃; 'uig₅₄ jaun₂ ně₃, 'ŋiai₅₄ 'nia'₂. ²⁰ Dsá₂ 'au'₂ 'nia'₂ jmo₄, jág₁ a₂ma₂juig₂ jniá₂ 'nia'₂: “Lia'₂ 'i₁jan₂ dsa₂ i₂jme₂ti₃ ta₁, tsá₃ ju₁in'₂ guě₄ con'₂ guě₄ juig₅₄”. Chi₂jua'₂ ma₂qui₂ca₂co₃'ein₃ dsa₂ jniá₂, ján₃ bá₄ le₂jaun₂ qui₃co₃'en₃ dsa₂ 'nia'₂; chi₂jua'₂ ma₂tón'₂ dsa₂ ju₁ jág₁ a₂ma₂ca₂jme₁tiin₅ jniá₂, ján₃ bá₄ le₂jaun₂ qui₃tón'₂ dsa₂ ju₁ jág₁ quián'₂ 'nia'₂. ²¹ La₁ ca₂le₃jě₃ a₂ně₅ dsi₃ŋí'₂ 'nia'₂ qui₃co₃jmo₃' dsa₂ 'uig₅₄ quió₃ jniá₂, ia₁ tsá₃ cui₂in₂₃ i₂ca₂chei₃ jniá₂.

²² Tsá₃ jme₁le₃cáin'₄ jua'₅₄ mei'₂ guě₃ tsá₃ guan₃ jniá₂ a₂o₂juá'₃ ja₁con'₂ 'éi₂; la₁ ně₃ ně₃, tsá₃ ma₃'e₂ lé₂ le₃juá'₂ jua'₅₄ tsá₃ ŋi₅. ²³ Ia₁ ju₁lia'₂ i₂'iog₅₄ jniá₂, ján₃ bá₄ 'ŋiai₅₄ Ne'₃ jniá₂. ²⁴ Tsá₃ jme₁le₃cáin'₄ jua'₅₄ mei'₂ tsá₃ léi₄ jaun₂ ca₂jmo₃ jniá₂ jin₄ dsa₂ 'éi₂ a₂tsá₃ 'ein₂ sián'₂ ma₂jmo₃; la₁ia₁ o₁ŋia'₅₄ la₂ ma₂ca₂jág₃ bá₄ léi₄ jaun₂, tion₅₄ bá₄ 'iog₅₄ dsa₂ jniá₂, lia'₂ Ne'₃ ně₃, 'ŋiai₅₄. ²⁵ La₁ia₁ qui₂lě₂ ia₁jaun₂ le₃ti₃ jág₁ a₂tio'₅₄ ne₄ Si₂ 'Éi'₃ quió'₅ a₂juá'₂: “Ca₂rě₃'iog₅₄ dsa₂ tě₃ tsá₃ 'e₂ cha₂ lě₃.”†

²⁶ La₁ia₁ jě₂ma₂tě₂ rě₁jiá₃ i₂cuě₃ bí₂ 'au'₂ 'nia'₂, i₂tsin₅₄ jniá₂ ja₁con'₂ 'nia'₂ i₂jiá₃ tě₂le₃ ja₁guá₄ Ne'₃: Jme₂dsi₂ tí₅ dsón'₂ i₂o₂'in₅ ja₁con₂ Ne'₃, i₂'éi₂ bá₄ jáng'₃ jág₁ dsau₅ tě₂le₃ quió₃ jniá₂. ²⁷ Ján₃ bá₄ le₂jaun₂ 'nió'₅ jang'₅₄ 'nia'₂ jág₁ dsau₅, ia₁ ca₂le₃'uig₅₄ bá₄ ma₂qui₂ma₂tión'₂ 'nia'₂ quian'₅₄ jniá₂.

16

¹ Le₂ně₅ juig₂ jniá₂ 'nia'₂ ia₁jaun₂ tsá₃ qui₃dsi₃uín'₂ 'nia'₂ a₂'éng'₂. ² Qui₃'uág'₂ dsa₂ 'uín'₂ 'nia'₂ ja₁lě₁tong'₂ ne₄ si₂ guá'₅

† 15:25 Salmo 35:19; 69:4.

sinagoga, ca₂le₃jě₃ já₅ caun₂ jmig₄, lín₂ jui₁lia'₂ i₂jme₃dsiog₅ 'nia'₂, a₂jén'₃ ta₁ jaun₂ quió'₅ ne₄ Diú₄. ³ Ca₂le₃jě₃ a₂ně₅ jmo₃* ia₁ tsá₃ ma₂ca₂rě₃cuin₂₃ Ne'₃, on₃ guě'₂ jniá₂ ma₂ca₂rě₃cuig₂₃. ⁴ Jaun₂ juíg₂ jniá₂ 'nia'₂ le₂ně₅ ia₁jaun₂ jě₁ma₂tě₂ rě₁tě₅₄ jmig₄ jaun₂, dsiog'₂ 'au'₂ 'nia'₂ a₂ca₂juíg₂ jniá₂ 'nia'₂ jág₁ la₂.

Ta₁ a₂jmo₅Jme₂dsí₂Jhíó₅

'Tsá₃ ca₂juá'₃ jniá₂ le₂ně₅ lia'₂ con'₂ le₂'uig₅₄, ia₁ jme₁'en₅₄ bá₄ jniá₂ quian'₅₄ 'nia'₂. ⁵ La₁ia₁ ně₃ ně₃, ma₂nég'₄ i₁'ú₃ quiang'₅₄ i₂ca₂chei₃; jaun₂ lia'₂ 'i₁jan'₂ 'nia'₂ tsá₃ 'ein₂ ηag₅: “¿A₂já'₄ guang'₅₄?” ⁶ La₁ qui₂ca₂tá'₂ qui'₂ 'au'₂ 'nia'₂ 'uig₅₄ ia₁ a₂ně₂juíg₂ jniá₂ 'nia'₂ a₂ně₅. ⁷ La₁ jág₁ dsau₅ bá₄ juíg₂ jniá₂ 'nia'₂: tē₂le₃ a₂dse₃ quián'₂ 'nia'₂ bá₄ a₂né'₄ jniá₂. Ia₁ ně₁jua'₂ tsá₃ ca₂ňá'₃ jniá₂, tsá₃ jiá₃ i₂cuě₃ bí'₂ 'au'₂ 'nia'₂; la₁ia₁ chi₂jua'₂ né'₄ jniá₂ ně₃, tsin₅₄ jniá₂ 'éi₂ ja₁con'₂ 'nia'₂. ⁸ Jě₁ma₂tě₂ rě₁jiá₃ 'éi₂, jme₃jniai₂₃ a₂rě₂gan₂ dsa₂ mi₂güig₃ cuente quió'₅ dsáu₁, quió'₅ jui₅ dse₃, quió'₅ a₂jáu'₅ 'í₁ ja₁coin₂ ně₃. ⁹ Cuente quió'₅ dsáu₁, 'uig₅₄ ia₁ a₂tsá₃ 'éin₂ le₃quió₃ jniá₂; ¹⁰ cuente quió'₅ jui₅ dse₃, ia₁ a₂nég'₄ ja₁con₂ Ne'₃, jaun₂ tsá₃ ma₃jniá₂ jag'₅₄ 'nia'₂; ¹¹ ján₃ bá₄ cuente quió'₅ a₂jáu'₅ 'í₁, ia₁ ma₂jáu'₅ 'í₁ ja₁con₂ i₂'éi₂ i₂gon₂ mi₂güig₃ la₂.

¹² "Lióng₂ bá₄ jág₁ cha₂ guě₄ a₂juig₅₄ jniá₂ 'nia'₂, la₁ia₁ tsá₃ qui'₅₄ 'nia'₂ jmig₄ le₃ňíg'₂ jě₂ ně₃. ¹³ La₁ jě₁ma₂tě₂ rě₁jiá₃ Jme₂dsí₂ tí₅ dsón'₂, i₂'éi₂ bá₄ jig₃ 'nia'₂ jui₅ a₂tí₅ jág₁; ia₁ tsá₃ a₂jaun₂ juá'₂ 'éi₂ o₄quió'₄ 'ňiog₅; a₂jaun₂ bá₄ juá'₂ ca₂le₃jě₃ a₂nag₃, ton'₂ 'ě₂ jág₁ jui₁lia'₂ 'e₂ niog₅ le₂. ¹⁴ Jme₃juag'₂ 'éi₂ jniá₂, ia₁ ηei₂ jui₁lia'₂ a₂lě₅ quió₃ jniá₂, jaun₂ 'éi₂ ně₃, jmo₃ jág₁ ja₁con'₂ 'nia'₂. ¹⁵ Ca₂le₃jě₃ a₂cha₂ quió'₅ Ne'₃, ján₃ bá₄ lě₅ quió₃ jniá₂; jaun₂ bá₄ lě₃ ně₂juá'₃ jniá₂ a₂ηe₂ 'éi₂ jui₁lia'₂ a₂lě₅ quió₃ jniá₂, jaun₂ jmo₃ jág₁ ja₁con'₂ 'nia'₂.

Jui₁lia'₂ a₂'lia'₂ dsí₅ dsa₂ le₃tsín₃ a₂lě₂ a₂qui₃jmo₃ 'io'₂

¹⁶ 'Ňi'₅₄ ta₁, tsá₃ ma₃jag'₅₄ guě₄ 'nia'₂ jniá₂; la₁ ηi'₅₄ ta₁ bá₄, jag'₅₄ táng₃ jniá₂, ia₁ né'₄ jniá₂ ja₁con₂ Ne'₃.†

¹⁷ Jaun₂ ně₃, qui₂ca₂ηag₃ i₂lin₅₄ chi'₂ dsi₂guia₃-tín₂ quiáin₅ ca₂ňi'₃ řin'₅₄ le₂jain₂ le₂jain₂:

—¿I₂'e₂ 'nio₃ juá'₂ a₂juá'₂ tság₅ jniog₄ le₂ně₅: “Ňi'₅₄ ta₁, tsá₃ ma₃jag'₅₄ guě₄ 'nia'₂ jniá₂; la₁ ηi'₅₄ ta₁ bá₄, jag'₅₄ táng₃ jniá₂, ia₁ né'₄ jniá₂ ja₁con₂ Ne'₃”? ¹⁸ ¿I₂'e₂ 'nio₃ juá'₂: “Ňi'₅₄ ta₁”? Tsá₃ ne₄ i₂'e₂ jaun₂ 'ě₂₃.

¹⁹ Jaun₂ ca₂rě₃lí'₄ Jesús i₂'e₂ 'nio₃ ηag₃ tioin'₅₄, jaun₂ ca₂juá'₂:

—¿A₁qui₂ηi'₄ 'nia'₂ řing'₂ 'uig₅₄ ia₁ a₂ně₂juá'₃ jniá₂: “Ňi'₅₄ ta₁, tsá₃ ma₃jag'₅₄ guě₄ 'nia'₂ jniá₂; la₁ ηi'₅₄ ta₁ bá₄, jag'₅₄ táng₃ jniá₂”?

* **16:3** A₂lin₅₄ chog₅₄ si₂: “jmo₃jmái'₂ 'nia'₂.” † **16:16** A₂lin₅₄ chog₅₄ si₂ tsá₃ le₁ton₅ jág₁: “ia₁ né'₄ jniá₂ ja₁con₂ Ne'₃.”

²⁰ A₂dsi₂jó'₃ juí₂g₂ jniá'₂ 'nia'₂, a₂tóng'₂ 'nia'₂ qui'₁áu'₂, a₂'lia'₂ 'au'₂ ně₃, tē₁lia'₂ jmo₃ dsa₂ mi₂güí₃ 'io'₂. La₁ia₁ le₃tsín₃ bá₄ a₂'lia'₂ 'au'₂ 'nia'₂ jaun₂ a₂qui₃jmo'₂ táng₃ 'io'₂. ²¹ Ju₁lia'₂ lín₅ jan₂ 'io'₅₄ jē₁rē₂chan₂ guein₂ quiaín₅, 'lia'₂ dsí₅ ia₁ ma₂ca₂tē₂ hora quió'₅; la₁ cang₂ jē₁ma₂ca₂rē₃chán₃ guein₂ quiaín₅, tsá₃ ma₃dsau'₂ dsí₅ a₂ca₂rē₃quí'₃ quió'₅, ia₁ a₂ñí₄ lē₃ 'io'₂ jén'₅, ia₁ a₂ca₂rē₃chán₃ jan₂ guein₂ mi₂güí₃ la₂. ²² Ján₃ bá₄ le₂jaun₂ 'nia'₂ ně₃; 'lia'₂ 'au'₂ 'nia'₂ rē₂ně₃, la₁ jing₅₄ bá₄ táng₃ 'nia'₂, jaun₂ guē₄ ně₃ jmó'₂ 'nia'₂ 'io'₂ tē₂'au'₂, a₂'lio'₂ jén'₂ 'nia'₂ jaun₂ ca₂lia'₂ 'i₁jan₂ tsá₃ 'ein₂ lé₂ le₃jñiá'₂.

²³ 'Jmí₄ jaun₂ tsá₃ ma₃'e₂ qui₁ñag'₁ 'nia'₂ jniá'₂ 'i₁caun₂. A₂dsi₂jó'₃ juí₂g₂ jniá'₂ 'nia'₂, chi₂jua'₂ 'e₂ a₂mi'₂ 'nia'₂ lia'₂ con'₂ lē₅ 'éi'₃ quió'₃ jniá'₂, cuē₃ bá₄ Ñe'₃. ²⁴ Ca₂lia'₂ jñi₄ jmí₄ ně₃, tsá₃ 'e₂ ma₂mi'₅₄ 'nia'₂ 'i₁caun₂ lia'₂ con'₂ lē₅ 'éi'₃ quió'. Mi₄ 'nia'₂, jaun₂ guéi'₁ 'nia'₂, ia₁jaun₂ le₃ñia₅ a₂o₂'ñi₃ o₂jñia₃ 'au'₂.

Jesucristo bá₄ ca₂tió'₃ mi₂güí₃ la₂

²⁵ 'Jág₁ la₂ ma₂nē₂juí₂g₂ jniá'₂ 'nia'₂ quian'₅₄ jág₁ a₂jáng'₅ léi₄. La₁ jiá₃ hora a₂tsá₃ ma₃juí₅₄ jniá'₂ 'nia'₂ quian'₅₄ jág₁ a₂jáng'₅ léi₄; lia'₂ rē₂jiá₃ jág₁ bá₄ juá'₄ jniá'₂ juí₅₄ 'nia'₂ a₂'ing₄ Ñe'₃. ²⁶ Jmí₄ jaun₂ mí'₁ 'nia'₂ ne₄ Ñe'₃ lia'₂ con'₂ lē₅ 'éi'₃ quió'₃ jniá'₂. Tsá₃ ma₃tion₅₄ juá'₄ jniá'₂ a₂mi₅₄ jniá'₂ ne₄ Ñe'₃ o₄quián'₂ 'nia'₂, ²⁷ ia₁ ñiog₅ bá₄ Ñe'₃ 'nioi₃ 'nia'₂, ia₁ 'nióg'₃ 'nia'₂ jniá'₂, ia₁ ma₂ca₂rē₃'én'₂ 'nia'₂ a₂guio₃ jniá'₂ ja₁con₂ Diú₄. ²⁸ Ca₂o₃'ín₃ jniá'₂ ja₁con₂ Ñe'₃ a₂ca₂guang₃ mi₂güí₃ la₂; la₁ia₁ ně₃ ně₃ o₃'ing₅ mi₂güí₃ la₂, jaun₂ nēg'₄ táng₃ ja₁con₂ Ñe'₃.

²⁹ Jaun₂ ca₂juá'₂ chi'₂ dsi₂guia₃-tín₂ quiaín₅:

—Nē₃ guē₄ ně₃ juá'₂ 'ne₂ lia'₂ rē₂jiá₃ jág₁; on₃jua'₅₄ quian'₅₄ jág₁ a₂jáng'₅ léi₄. ³⁰ Nē₃ guē₄ ně₃ ma₂ne₄ jnia'₅₄ a₂ñi'₅₄ bá₄ 'ne₂ ca₂le₃jē₃, jaun₂ tsá₃ 'e₂ 'nió'₅ quiáng'₂ jua'₅₄ tsá₃ ñi'₅₄ 'e₂ qui₃ñag₃ dsa₂ qui₃ñi'₃ 'ne₂. 'Uí₅₄ jaun₂ 'éin₂ jnia'₅₄ a₂ñe'₃ 'ne₂ ja₁con₂ Diú₄.

³¹ Jaun₂ ca₂ñag₃ Jesús:

—¿Dsón'₂ jua'₅₄, ně₃ guē₄ 'én'₂ 'nia'₂? ³² Jág₄ 'nia'₂! Ma₂ja₂quián₃ hora, ton'₂ tē₂nē₃ dsón'₂ bá₄, a₂cuíng'₂ 'nia'₂ lé₂, a₂o₁nog'₄ tsi₁rē₂jang'₅₄ le₂jang'₂ le₂jang'₂ o₁nog'₄ jma₃quén₅ quiáng'₂; jaun₂ téi'₄ 'nia'₂ jniá'₂ tē₃tsing'₅₄ 'ñi₃o₃ lé₂. La₁ia₁ tsá₃ 'ñi₃o₃ jniá'₂ tē₃tsing'₅₄, ia₁ quiong'₅₄ bá₄ Ñe'₃ jniá'₂. ³³ Juí₂g₂ jniá'₂ 'nia'₂ le₃jē₃ a₂la₂, ia₁jaun₂ 'ag₃ tei₄ 'au'₂ 'nia'₂ le₃quió'₃ jniá'₂. Mi₂güí₃ la₂ tion₅₄ rē'₂ qui₁cán'₂ 'nia'₂ qui'₂ 'au'₂; la₁ia₁ tiá₂ dsia₄ 'nia'₂ 'au'₂, ia₁ ma₂ca₂tió₃ bá₄ jniá'₂ ja₁con₂ mi₂güí₃ la₂.

17

Ca₂chi₃lén'₂ Jesús Diú₄ Jmei₂ o₄quió'₄ chi'₂ ds₂guia₃-tín₂ quiáin₅

¹ Jme₁ma₂ca₂juá'₂ Jesús le₂ně₅, ca₂chóg'₃ ne₅₄ guei'₅₄ i₂juíg₃, jaun₂ ca₂juá'₂:

—Tia₅₄, ma₂tě₂ hora quió₃. Jme₁jnia₅ 'a₂ lia'₂ jlán'₁ ja₂ñí'₂, ia₁jaun₂ jme₃jnia₅ ja₂ñí'₂ 'a₂ lia'₂ jlán'₁ 'ne₂. ² Ia₁ ma₂ca₂cuě'₅₄ 'éi₂ 'éi'₃ ne₄ quió'₅ ca₂le₃jín₃ dsa₂, ia₁jaun₂ jmo₃ a₂le₃chan₂ co₂tan₅₄ ca₂le₃jín₃ i₂ma₂cuin'₅₄. ³ A₂la₂ lě₅ a₂chan₂ dsa₂ co₂tan₅₄: a₂le₃cuin'₅₄ dsa₂ 'ne₂ i₂lín'₅ i₂jan₂ tan₅₄ Diú₄ tē₃dsón'₂, a₂le₃cuin'₂₃ Jesucristo ně₃ i₂ca₂chen'₂ 'ne₂.

⁴ 'Ma₂ca₂jme₁jnia₅ jniá₂ ne₄ gua'₅₄ 'uě₃ la₂ 'a₂ lia'₂ jlán'₁ 'ne₂, ia₁ ma₂ca₂jme₁'ñia₅ jniá₂ ta₁ a₂ca₂cuě'₅₄ jmo₅₄. ⁵ Ně₃ ně₃, jaun₂, Tia₅₄, jmo₄ jlán'₁ jniá₂ ja₁cong'₂, jui₁lia'₂ jme₁lín₄ jniá₂ ja₁cong'₂ lia'₂ con'₂ né₃ guě₄ a₂nio₃ mi₂güig₃.

⁶ 'Ma₂ca₂jme₁jnia₅ jniá₂ ne₄ dsa₂ i₂ca₂cuag'₅₄ jniá₂ jin₄ dsa₂ mi₂güig₃, i₂'ein₂ lín'₅ 'ne₂. I₂quiáng'₂ bá₄ jme₁lín₄, jaun₂ ma₂ca₂cuag'₅₄ jniá₂; ma₂qui₂ca₂'í₃ tē₂dsí₅ 'éi₂ jág₁ quiáng'₂. ⁷ Ma₂ca₂rě₃ñi₅ 'éi₂, ca₂le₃jě₃ a₂ca₂cuě'₅₄ jniá₂ já₅ ja₁con'₂ 'ne₂; ⁸ ia₁ ma₂ca₂cuě₃ bá₄ jniá₂ jág₁ jaun₂ a₂ca₂cuě'₅₄ 'ne₂ jniá₂, jaun₂ ca₂gue₃ bá₄ 'éi₂ ně₃. Ma₂ca₂rě₃ñi₅ lia'₂ con'₂ tí₅ jág₁, ja₁con'₂ 'ne₂ bá₄ o₂'ín₃ jniá₂, ton'₂ ca₂rě₃ 'éin₂ a₂ca₂chei'₂ 'ne₂ jniá₂.

⁹ 'O₄quió'₄ 'éi₂ bá₄ mi₅ jniá₂, on₃jua'₅₄ o₄quió'₄ dsa₂ mi₂güig₃. O₄quió'₄ dsa₂ i₂ca₂cuag'₅₄ bá₄ mi₅ jniá₂, ia₁ i₂quiáng'₂ 'ne₂ bá₄ 'éi₂. ¹⁰ Ia₁ ca₂le₃jín₃ dsa₂ quiáng₃, ján₃ bá₄ quiáng'₂ 'éi₂; ton'₂ ca₂le₃jín₃ dsa₂ quiáng'₂ ně₃, i₂quiáng₃ bá₄ 'éi₂ ján₃, jaun₂ rě₂jniá₂ a₂jlán'₁ jniá₂ tē₂le₃ quian'₅₄ 'éi₂.

¹¹ 'Tsá₃ ma₃jan₄ jniá₂ mi₂güig₃ la₂; la₁ia₁ 'éi₂ ně₃ tē₂'ñiái₄ mi₂güig₃, jaun₂ nég'₄ ja₁con'₂ 'ne₂. Tia₅₄ Jñiós, jmo₄ 'í₁ 'éi₂ i₂ma₂cuag'₅₄ quian'₅₄ jui₅bí₂ a₂lín'₅,* ia₁jaun₂ ca₂ne₅₄ bá₄ lén₂ co₂tan₅₄, jui₁lia'₂ lág₅ jniog₄. ¹² Lia'₂ con'₂ jme₁en₅₄ jniá₂ quiang'₅₄ 'éi₂ mi₂güig₃ la₂,† ma₂qui₂ma₂jmo₃ jniá₂ 'í₁ i₂ma₂cuag'₅₄ quian'₅₄ jui₅bí₂ a₂lín'₅.‡ Ma₂qui₂ma₂jmo₃ jniá₂ 'í₁, jaun₂ lia'₂ 'í₁jan₂ 'éi₂ tsá₃ ca₂i₃cón'₅, jñia'₅₄ lia'₂ jan₂ bá₄ i₂'í₄ 'éi'₃ ds₂i₃'én₂, ia₁jaun₂ le₃ti₃ Si₂.

¹³ 'Ně₃ ně₃, nég'₄ ja₁cong'₂; la₁ia₁ tē₁lia'₂ 'eng₅₄ guě₄ mi₂güig₃, juá'₅ jniá₂ jág₁ la₂ ia₁jaun₂ le₃'ñia₅ ja₁con'₂ 'éi₂ a₂'io'₂ jéin₅ jniá₂.

¹⁴ Ma₂ca₂cuě₃ bá₄ jniá₂ jág₁ quiáng'₂, la₁ia₁ dsa₂ mi₂güig₃ ně₃, 'iog₅₄ quió'₅, ia₁ tsá₃ tén₅ 'éi₂ mi₂güig₃, jui₁lia'₂ jniá₂ ně₃, tsá₃

* **17:11** A₂lín₅₄ chog₅₄ Si₂: “jmo₄ 'í₁ 'éi₂ quian'₅₄ jui₅bí₂ a₂lín'₅, a₂ma₂jmo'₅₄ a₂lín₅ jniá₂ ján₃.” † **17:12** A₂lín₅₄ chog₅₄ si₂ tsá₃ chi₁ton₅: “mi₂güig₃ la₂.” ‡ **17:12** A₂lín₅₄ chog₅₄ si₂: “ma₂qui₂ma₂jmo₃ jniá₂ 'í₁ quian'₅₄ jui₅bí₂ a₂lín'₅, a₂ma₂jmo'₅₄ a₂lín₅ jniá₂ ján₃.”

téng₅ mi₂güig₃. ¹⁵ On₃jua'₅₄ rë'₂ mi₅jniá₂ jua'₅₄ a₂'uin'₅₄ mi₂güig₃, a₂jaun₂ bá₄ mi₅ jniá₂ a₂jmo'₂ 'í₁ ia₁jaun₂ tsá₃ jo₃ i₂së₃dsen₃. ¹⁶ Tsá₃ mi₂güig₃ téin₅, jui₁lia'₂ jniá₂ ně₃, tsá₃ téng₅ mi₂güig₃. ¹⁷ Chon₄ dsa₂ 'éi₂ tē₂le₃ quian'₅₄ jág₁ tí₅; ia₁ jág₁ quiáng'₂ bá₄ lē₅ jág₁ tí₅. ¹⁸ Jui₁lia'₂ ca₂chei'₂ 'ne₂ jniá₂ jin₄ dsa₂ mi₂güig₃, ján₃ bá₄ le₂jaun₂ tsin₅₄ jniá₂ 'éi₂ jin₄ dsa₂ mi₂güig₃. ¹⁹ O₄quió'₄ 'éi₂ bá₄ tsón₄ jniá₂ 'ñio₃, ia₁jaun₂ ján₃ bá₄ le₂jaun₂ 'éi₂ ně₃, lé₂ rē₂tsoin₅₄ le₃quió'₅ jág₁ tí₅.

²⁰ 'La₁ia₁ on₃jua'₅₄ jmá'₃ o₄quió'₄ 'éi₂ mi₅ jniá₂; ján₃ bá₄ le₂jio₅ o₄quió'₄ i₂le₃ 'én₂ le₃quió₃, tē₂le₃ quian'₅₄ jág₁ quió'₅, ²¹ ia₁jaun₂ lén₂ ca₂ne₅₄ ca₂le₃jín₃, jui₁lia'₂ 'ne₂, Tia₅₄, 'eng'₅₄ ja₁con₂ jniá₂, ton'₂ 'en₅₄ guē'₂ jniá₂ ja₁con'₂ 'ne₂, ia₁jaun₂ 'éi₂ ně₃, dsi₃toin'₅₄ ja₁con₂ jniog₄, ia₁jaun₂ qui₃le₃ 'én₂ dsa₂ mi₂güig₃ a₂ca₂chei'₂ jniá₂. ²² Ma₂ca₂cuē₃ jniá₂ 'éi₂ a₂jlá'₁ quió₃ a₂ca₂cuē'₅₄ 'ne₂ jniá₂, ia₁jaun₂ lén₂ 'éi₂ ca₂ne₅₄, jui₁lia'₂ lág₅ jniog₄ ca₂ne₅₄ ján₃. ²³ Jniá₂ le₃quió'₅ 'éi₂, 'ne₂ guē'₂ le₃quió₃ jniá₂, ia₁jaun₂ le₃ñia₅ 'éi₂ a₂lén₂ ca₂ne₅₄, ia₁jaun₂ le₃ñi₅ dsa₂ mi₂güig₃ a₂ca₂chei'₂ jniá₂, ton'₂ ca₂jme₁ 'nióg'₄ 'éi₂ jui₁lia'₂ ca₂jme₁ 'nióg'₄ jniá₂.

²⁴ 'Tia₅₄, 'nio₃ jniá₂ a₂dsi₃ton'₅₄ 'éi₂ i₂ca₂cuag'₅₄ ja₁cong₂, ia₁jaun₂ tē₃ ne₅₄ a₂jlá'₁ quió₃ a₂ca₂cuē'₅₄ 'ne₂, ia₁ ca₂jme₁ 'nió'₄ 'ne₂ jniá₂, né'₃ guē'₄ a₂nio₃ mi₂güig₃. ²⁵ Tia₅₄ i₂dsen₃ guē'₄ lin₃, tsá₃ cuin₅ dsa₂ mi₂güig₃ 'ne₂, la₁ia₁ jniá₂ cuíng₅ 'ne₂, jaun₂ ma₂ñi₅ bá₄ dsa₂ la₂ quiáng'₂ a₂ca₂chei'₂ 'ne₂ jniá₂. ²⁶ Ma₂ca₂jme₁ jnia₅ jniá₂ ja₁con₂ 'éi₂ 'ein₂ lín'₅ 'ne₂, jaun₂ caun₂ jme₁ jnia₅ bá₄ jniá₂ 'ne₂, ia₁jaun₂ jui₁lia'₂ a₂ 'nióg'₃ 'ne₂ jniá₂ tē₃ 'ñiá₄ ja₁con₂ 'éi₂, ton'₂ 'ú₄ jniá₂ ja₁coin₂.

18

Ca₂ñja'₃ dsa₂ Jesús

(Mateo 26:47-56; Marcos 14:43-50; Lucas 22:47-53)

¹ Jme₁ma₂ca₂dsan₃ juá'₂ Jesús le₂nē₅, ca₂o₃ 'iin₃ quiaín'₅₄ chi'₂ dsi₂guia₃-tín₂, qui₂ca₂'ain₃ Ji'₅₄ Jma₃ Cedrón. Le₂quióng₄ ja₁jaun₂, jme₁cha₂ caun₂ ja₁jme₁cha₂ ni₁'ma₂ 'ag₅ mīg₂, ja₁ca₂'í₃ Jesús quiaín'₅₄ chi'₂ dsi₂guia₃-tín₂ quiáin₅. ² Ján₃ bá₄ le₂jaun₂ Judas i₂jme₁ma₂'en₅₄ jui₅ jáng'₂ quió'₅, jme₁ma₂cuí'₅ bá₄ ja₁jaun₂, ia₁ 'líong₂ ráun₂ ca₂ñi'₂ Jesús ja₁jaun₂ quiaín'₅₄ chi'₂ dsi₂guia₃-tín₂ quiáin₅. ³ Jaun₂ lē₃ ca₂dsióg₃ Judas ja₁jaun₂ quiaín'₅₄ co₂nió'₃ 'líog₂, quiaín'₅₄ co₂nió'₃ guē'₂ chi'₂ 'í'₅₄ quián₅ guá'₅, i₂chen₄ quián₅ juig₅₄ jme₂dsa₂ quian'₅₄ dsa₂ fariseos ně₃. Ca₂dsi₃lén₂ dsa₂ 'éi₂ qui₂le₁quian₅ ñi₁tág₂, ni₁'ma₂, quian'₅₄ si₂ ni₁tsí₅, ni₁qui₂ a₂le₁guí'₃ si₂ ně₃. ⁴ La₁ia₁ Jesús ně₃, jme₁ma₂ñi₅ bá₄ ca₂le₃jē₃

'e₂ a₂dsi₃ŋi₂, jaun₂ o₂'i₃ ja₁jaun₂ ca₂i₁jme₁jei₂' dsa₂, jaun₂ ca₂ŋi₁' dsa₂ 'éi₂:

—ǀL₂'ein₂ 'nag'₂ 'nia'₂?

⁵ Jaun₂ ca₂ŋag₃ dsa₂ 'éi₂:

—Jesús i₂chan₂ Nazaret bá₄ 'nia'₂ jnia'₅₄.

Jaun₂ ca₂ŋag₃ Jesús:

—Jniá₂ bá₄ 'éi₂.

Jaun₂ bá₄ jme₁chén'₄ Judas i₂jáng'₂ quió'₅, quiain'₅₄ dsa₂ 'éi₂.

⁶ Jaun₂ jme₁ca₂juá'₂ Jesús ca₂tsí'₃ dsa₂: “Jniá₂ bá₄ 'éi₂”, jaun₂ i₃lén₂ le₃ca'₃ i₃gain'₅₄ 'uë₃.

⁷ Jaun₂ ně₃ ca₂ŋag₃ táng₃ Jesús ca₂ŋi₁' dsa₂ 'éi₂:

—ǀL₂'ein₂ 'nag'₂ 'nia'₂?

Jaun₂ ca₂ŋag₃ táng₃ dsa₂:

—Jesús i₂chan₂ Nazaret bá₄.

⁸ Jaun₂ ca₂ŋag₃ táng₃ Jesús:

—Ma₂ně₂juíg₂ jniá₂ 'nia'₂, jniá₂ bá₄ líng₅ 'éi₂.^{*} Chi₂jua'₂ jniá₂ 'nau'₂ 'nia'₂, cuë₄ jmi₄g₄ jui₁dsi₂len₅ bá₄ i₂la₂.

⁹ A₂la₂ ca₂lë₃ ia₁jaun₂ le₃ti₃ lia'₂ con'₂ lë₅ a₂jme₁ca₂juá'₂ Jesús tsí'₅ Jmei₂: “Jui₁lia'₂ i₂ca₂cuag'₅₄ 'ne₂ jniá₂, tsá₃ 'ein₂ ca₂i₃cón'₅ 'i₁jan₂.”

¹⁰ Jaun₂ ně₃ jme₁quian₅ Si₂mu₅₄ Pe₄ ŋi₁tág₂, jaun₂ ca₂dsí₃ ca₂qui'₃ rë₂gua₄ ne₁ quió'₅ jan₂ dsa₂ i₂jme₁chen₂ Malco, i₂jme₂ti₃ ta₁ ne₄ jme₂dsa₂ dsen₅₄.

¹¹ La₁ ca₂juá'₂ Jesús ca₂tsí'₃ Pe₄:

—Tio'₂ táng₃ ŋi₁tág₂ ja₁jme₁'i₄. ǀE₂ lín'₂ 'ne₂ a₂tsá₃ ca₂tín₂ jniá₂ dsi₃ŋíg₂ a₂ma₂juá'₂ Ne'₃?†

Nó₃ Jesús ne₄ jme₂dsa₂ dsen₅₄

(Mateo 26:57-58; Marcos 14:53-54; Lucas 22:54)

¹² Jaun₂ ně₃ ca₂ŋau'₃ co₂nió'₃ 'lióg₂ lia'₂ jma₃quiain'₅₄ juig₅₄, quiain'₅₄ chi'₂ 'i'₅₄ quián₅ guá'₅ ně₃, ca₂ŋai'₃ Jesús, jaun₂ qui₂ca₂'nei'₂ ně₃. ¹³ Jaun₂ ca₂i₁jio₃ le₂'ui₅₄ ja₁quió'₄ Anás. Anás 'éi₂ ně₃ jme₁lín₄ dsi₂jmei₂ Caifás, i₂jme₁lín₄ ta₁ jme₂dsa₂ dsen₅₄ ŋi₂ jaun₂.

¹⁴ Caifás 'éi₂ ně₃ i₂jme₁ca₂juá'₂ ca₂tsí'₃ dsa₂ judíos, a₂jmo₅ jón₂ jan₂ dsa₂ o₄quió'₄ dsa₂ juig₂.‡

Tsá₃ ca₂tion₃ Pe₄ a₂cuin₂₃ Jesús

(Mateo 26:69-70; Marcos 14:66-68; Lucas 22:55-57)

¹⁵ Jaun₂ ca₂ŋó₃ Si₂mu₅₄ Pe₄ quiain'₅₄ guë₄ jan₂ dsa₂ i₂guia₃-tín₂ sián'₂ ně₃, chi₁co'₅₄ quió'₅ Jesús. Dsa₂ guia₃-tín₂ jan₂ 'éi₂ ně₃ jme₁cuig₅ bá₄ jme₂dsa₂ dsen₅₄ quió'₅, jaun₂ bá₄ ca₂'í₃ co₂lë₅

^{*} **18:8** lit. “Jniá₂ líng₅”, co₂'nió'₄ jein₅ já₁ lia'₂ chen₂ Jehová. 'Nio'₂ ja₁ton₅ Éxodo 3:14. † **18:11** lit. “ǀE₂ lín'₂ 'ne₂ a₂tsá₃ gui'₅₄ jniá₂ tion₅₄ jmi₂g₂ dsi'₃ a₂ma₂cuë₃ Ne'₃?”

‡ **18:14** Juan 11:50.

quai_{in}'₅₄ Jesús i₁dsi₅ quió'₅ jme₂dsa₂ dsen₅₄. ¹⁶La₁ Pe₄ ně₃, jaun₂ bá₄ ca₂nau₂ o₄'né₄ tē₂le₃ ca₁'né₄. 'Uig₅₄ jaun₂ ca₂o₃'ín₃ dsa₂ guia₃-tín₂ i₂ma₂cuig₅ jme₂dsa₂ dsen₅₄ quió'₅, jaun₂ ca₂juá'₂ ca₂tsí'₃ 'io₅₄ i₂niog₅ ne₄ o₄'né₄, jaun₂ ca₂ñí₂ Pe₄ tē₂le₃ dsi₂néi₂.

¹⁷Jaun₂ ně₃ ca₂ñag₃ 'io₅₄ i₂jmo₅ 'í₁ o₄'né₄ ca₂ñí'₃ Pe₄:

—On₃jua'₅₄ 'ne₂ líng'₅ jan₂ i₂ca₂rē₃tín₃ quián₅ dsa₂ ně₅, ¿lia'₅₄? Jaun₂ ca₂juá'₂:

—Jan₂'ón₄, on₃jua'₅₄ jniá₂ 'éi₂.

¹⁸Ja₁jaun₂ jme₁tió_{n2} dsa₂ i₂jme₂ti₃ ta₁, quai_{in}'₅₄ chi'₂ 'i'₅₄ quián₅ guá'₅. Jme₁ma₂ca₂dsia₃ ca₂jo'₅₄ si₂, ia₁ a₂jme₁güig₂, jaun₂ tió_{n2} qui₂jme₂dsioin'₂. Ján₃ bá₄ jē₄ jaun₂ jme₁chén'₄ Pe₄ jme₂dsioin'₂.

Chén'₅ Jesús ne₄ jme₂dsa₂ dsen₅₄

(Mateo 26:59-66; Marcos 14:55-64; Lucas 22:66-71)

¹⁹Jaun₂ ca₂ñag₃ jme₂dsa₂ dsen₅₄ ca₂ñí'₃ Jesús cuente quió'₅ chi'₂ dsi₂guia₃-tín₂ quián₅, cuente quió'₅ ju₁lia'₂ jág₁ a₂jme₂tag₂₃ ně₃.

²⁰Jaun₂ ca₂ñag₃ Jesús:

—Ma₂qui₂ma₂juá'₃ bá₄ jniá₂ lia'₂ rē₂jiá₃ jág₁ tē₃ne₄ ca₂le₃jín₃ dsa₂; jme₁qui₂jme₁tín₂ jniá₂ tián₂ dsa₂ dsi₂néi₂ guá'₅ sinagoga quian'₅₄ i₁dsi₅ guá'₅ templo ně₃, ja₁qui₂ñí'₂ ca₂le₃jín₃ dsa₂ judíos. Tsá₃ 'e₂ jág₁ ma₂juá'₃ jniá₂ 'i₁caun₂ tē₃ chi₁'ma₁. ²¹¿'E₂ 'uig₅₄ ñag'₅₄ 'ne₂ jniá₂ jaun₂? Ní'₅₄ ju₁lia'₂ dsa₂ i₂qui₂ma₂ñág₂ jág₁ quió₃, 'e₂ ma₂juig₂ jniá₂. Jag₄ de'₂, i₂ñi₅ bá₄ 'éi₂ ju₁lia'₂ i₂'e₂ jág₁ a₂ma₂juá'₃ jniá₂.

²²Jme₁ca₂juá'₂ Jesús le₂nē₅, jan₂ chi'₂ 'i'₅₄ quián₅ guá'₅ i₂jme₁chén'₄ cau₅, ca₂quein₃ dsi₂ne₄ Jesús, jaun₂ ca₂juá'₂:

—¿Le₁nē₅ bá₄ ñag'₅₄ 'ne₂ ne₄ jme₂dsa₂ dsen₅₄?

²³Jaun₂ ca₂ñag₃ Jesús:

—Chi₂jua'₂ 'lig'₅₄ ně₂juá'₃ jniá₂, jua'₅₄, jme₁jnia₅ chi₂jua'₂ já'₄ ca₂'lian'₂ jniá₂ jaun₂. La₁ chi₂jua'₂ dsau₅ bá₄ jág₁ a₂nē₂juá'₃, ¿'e₂ guē'₂ lē₃ quein'₂ quió₃?

²⁴Jaun₂ ně₃ ca₂chei₃ Anás ca₂chein₃ Jesús chi₁'ñei'₅₄ ne₄ Caifás, i₂lín₅ jme₂dsa₂ dsen₅₄.

Con'₂ siá'₂ táng₃ tsá₃ ca₂tion₃ Pe₄ a₂cu₁in₂₃ Jesús

(Mateo 26:71-75; Marcos 14:69-72; Lucas 22:58-62)

²⁵Tē₁lia'₂ jaun₂ ně₃, jaun₂ bá₄ chén'₅ Pe₄ jme₂dsioin'₂ cau₅ si₂, jaun₂ ca₂ñag₃ dsa₂ ca₂ñí'₃ Pe₄:

—¿On₁jua'₅₄ 'ne₂ líng'₅ jan₂ i₂ca₂rē₃tín₃ quián₅ dsa₂ ně₅?

Tsá₃ ca₂tion₃ Pe₄ jaun₂, ca₂juá'₂:

—Jan₂'ón₄. On₃jua'₅₄ jniá₂ 'éi₂.

²⁶Jaun₂ ně₃ ca₂ŋag₃ jan₂ i₂jme₂ti₃ ta₁ ne₄jme₂dsa₂ dsen₅₄, i₂lín₅ jan₂ o₁rin₅₄ dsa₂ i₂ca₂quí₃ Pe₄ rě₂gua₄, ca₂juá'₂:

—¿Tsa₁ ně₂jín₄ jniá'₂ 'ne₂ ja₁cha₂ ni₁'ma₂ jaun₂, co₂lě₅ quian'₅₄ 'éi₂?

²⁷Jaun₂ con'₂ siá'₂ táng₃ tsá₃ ca₂tion₃ Pe₄ a₂cuin₂₃ Jesús. Jaun₂ lia'₂ ma₂tě₂dsi₅₄ jaun₂, ca₂'o₃ tē₁guí₄ dsó₂.

Chén'₅ Jesús ne₄ Dsi₄má'₂ Pilato

(Mateo 27:1-2, 11—14; Marcos 15:1-5; Lucas 23:1-5)

²⁸Jaun₂ ně₃ ca₂dsen₅ dsa₂ Jesús ja₁quíó'₄ Caifás ca₂i₁jio₃g₃ tē₂ ne₄ta₁ quió'₅ dsi₄má'₂. Jme₁ma₂jnia₃ mi₂güig₃, jaun₂ tsá₃ ca₂tón'₂ dsa₂ judíos dsi₂néi₂ ne₄ta₁ quió'₅ dsi₄má'₂, ia₁jaun₂ tsá₃ le₃'iog₅ quió'₅, ia₁'nio₃ jme₁gué'₃ má₃ quió'₅ Jmíg₄ Tě₂'in₅₄.

²⁹'Uig₅₄ jaun₂ ně₃ ca₂o₃'ín₃ Pilato 'ŋiog₅ ja₁tion'₅₄ 'éi₂, jaun₂ ca₂juá'₂:

—¿'E₂ dso₄ bon'₄ 'nia'₂ dsa₂ la₂?

³⁰Jaun₂ ca₂ŋag₃ dsa₂:

—Jua'₅₄ mei'₂ gué₃ tsá₃ rin₅ dsa₂ ně₅ dso₄, tsá₃ o₄gog'₂ 'ne₂ jme₁jín'₅₄ jnia'₅₄.

³¹Jaun₂ ně₃ ca₂juá'₂ Pilato ca₂tsí'₃ dsa₂:

—Te₅₄ 'nia'₂ jaun₂, qui₂dsi₅ 'nia'₂ 'éi₃ quió'₅ lia'₂ con'₂ lě₅ 'Éi'₃ quián'₂ 'nia'₂ guiong'₅₄.

Jaun₂ ca₂ŋag₃ dsa₂ judíos:

—La₁ia₁ tsá₃ 'i₄ 'éi'₃ a₂jñí'₄ jnia'₅₄ jan₂ dsa₂.

³²Le₂ně₅ ca₂rě₃ti₃ jág₁ a₂ca₂juá'₂ Jesús 'e₂ ne₅₄ 'mú₃ a₂dsi₃ñí₂.

³³Jaun₂ ca₂'í₃ táng₃ Pilato tē₂le₃ dsi₂néi₂ ne₄ta₁ quió'₅, jaun₂ ca₂tě₃ Jesús jaun₂ ca₂ñí'₃ 'éi₂:

—¿Lín'₅ 'ne₂ Rag₅₄ quián₅ dsa₂ judíos?

³⁴Jaun₂ ca₂ŋag₃ Jesús:

—¿A₂ŋag'₅₄ 'a₂ con'₂ dsi₂jio₃g₅ 'au'₂ 'ŋiag'₂ a₂juá'₂ ně₅, o₃ chan₂ i₂sián'₂ a₂ma₂juá'₂ 'ag₂₃ jniá'₂?

³⁵Jaun₂ ca₂ŋag₃ Pilato:

—¿O₃ bá₄ dsa₂ judío lín₅ jniá'₂? Dsa₂ juig₂ quiáng'₂, quian'₅₄ juig₅₄ jme₂dsa₂ bá₄ ně₂jáng'₂ quiáng'₂ o₄gu₃ jniá'₂. ¿'E₂ ma₂jmo'₅₄?

³⁶Jaun₂ ně₃ ca₂ŋag₃ Jesús:

—On₃jua'₅₄ mi₂güig₃ la₂ ja₁gon₂ jniá'₂. Jua'₅₄ mei'₂ gué₃ mi₂güig₃ la₂ ja₁gon₂ jniá'₂, jme₁náu₃ 'nei₂ bá₄ dsa₂ i₂quiong'₅₄ jniá'₂ ia₁jaun₂ tsá₃ jme₁jáng'₂ dsa₂ ne₄ dsa₂ judíos. La₁ on₃jua'₅₄ ja₁lá₃ ja₁gon₂ jniá'₂.

³⁷Jaun₂ ně₃ ca₂juá'₂ Pilato ca₂tsí'₃ Jesús:

—¿Dsón'₂ bá₄ lín'₅ 'ne₂ rag₅₄ jaun₂ ně₃?

Jaun₂ ca₂ŋag₃ Jesús:

—Dsau₅ bá₄ juá'₂ 'ne₂, a₂lín₅ jniá'₂ rag₅₄. Ta₁ jaun₂ ca₂rě₃cháng₃, ta₁ jaun₂ guang₃ mi₂güig₃, ia₁jaun₂ jáng'₄ jág₁

dsau₅ o₄quió'₄ jág₁ tí₅. Ca₂le₃jín₃ i₂tió₂n le₃quió'₅ jág₁ tí₅, nag₂₃ jág₁ quió'₃.

³⁸Jaun₂ ca₂juá'₂ Pilato ca₂tsí'₃ Jesús:

—¿I₂'e₂ jaun₂ jág₁ tí₅?

Ca₂o₃'ág₃ 'éi'₃ a₂jón₂ Jesús

(Mateo 27:15-31; Marcos 15:6-20; Lucas 23:13-25)

Jme₁ca₂dsan₃ juá'₂ Pilato le₂ně₅, ca₂o₃'ín₃ táng₃, ca₂dsia₃ táng₃ jág₁ quian'₅₄ dsa₂ judíos. Jaun₂ ca₂juá'₂:

—Tsá₃ dso₄ dso'₂ jniá₂ ja₁con₂ dsa₂ la₂. ³⁹La₁ chí'₅ caun₂ tag₄ quián'₂ 'nia'₂ a₂tén₅ jniá₂ jan₂ dsa₂ ja₁con'₂ 'nia'₂ jme₁tě₅ Jmíg₄ Tě₂'in₅₄. ¿'Niog'₂ 'nia'₂ jaun₂ a₂tén₄ jniá₂ Rag₅₄ quián₅ dsa₂ judíos?

⁴⁰Jaun₂ ně₃, ca₂tóin'₂ co₂mi'₅₄ ca₂juá'₂:

—iOn₃jua'₅₄ i₂ně₅! ¡Barrabás bá₄ tén₃!

Barrabás 'éi₂ ně₃, jme₁lín₄ jan₂ dsa₂ 'ang₂ i₂ca₂nau₂ 'nei₂.§

19

¹Jaun₂ ně₃ ca₂jmo₃ Pilato 'éi'₃ a₂ca₂i₁ban₅ dsa₂ Jesús quian'₅₄ tsi₁'nei₅₄ a₂co₂taun₅. ²Jaun₂ ca₂jmo₃ 'lióg₂ caun₂ ni₁tsag₂ corona a₂lě₅ jméi₁ ni₁uing₂ taun₅, jaun₂ ca₂tó'₂ mi₂dsi₄ Jesús. Jaun₂ ca₂quen'₃ dsa₂ Jesús caun₂ tsi₁'mi'₂ chen'₅₄ a₂jniá₂ 'ui'₃ guéin₂.

³Jaun₂ ně₃ qui₂ca₂jme₃quián₃ ja₁con₂ 'éi₂, a₂juá'₂:

—iSian'₃ 'ne₂, Rag₅₄ quián₅ dsa₂ judíos!

Jaun₂ qui₂ca₂queín₃ dsi₂ne₄ Jesús.

⁴Jaun₂ ně₃ o₂'ín₃ táng₃ Pilato, jaun₂ ca₂juá'₂ ca₂tsí'₃ dsa₂:

—Nei₂ 'nia'₂, dséin₄ jniá₂ ja₁lá₃ le₃ja₁con'₂ 'nia'₂, ia₁jaun₂ le₃len'₅₄ 'nia'₂ ca₂lia'₂ 'i₁caun₂ dso₄ tsá₃ dso'₂ jniá₂ ja₁coin₂.

⁵Jaun₂ o₂'ín₃ Jesús, 'i₄ dsi₅₄ corona lě₅ ni₁uing₂ taun₅, ján₃ bá₄ qui'₂ tsi₁'mi'₂ chen'₅₄ 'ui'₃ jaun₂. Jaun₂ ně₃ ca₂juá'₂ Pilato ca₂tsí'₃ dsa₂:

—iJin₄ 'nia'₂ dsa₂!

⁶Jaun₂ jme₁qui₂ca₂jág₂ juig₅₄ jme₂dsa₂ quian'₅₄ chi'₂ 'i'₅₄ quián₅ guá'₅ ně₃, jaun₂ ca₂jme₃lióg₃ qui₂ca₂tóin'₂ co₂mi'₅₄, ca₂juá'₂:

—iTióin₃ cróg₄! ¡Tióin₃ cróg₄!

Jaun₂ ca₂juá'₂ Pilato:

—Te₅₄ 'nia'₂ jaun₂, tióin₃ 'nia'₂ cróg₄ guiong'₅₄, ia₁ jniá₂ ně₃, 'i₁caun₂ dso₄ tsá₃ dso'₂ jniá₂ ja₁coin₂.

⁷La₁ia₁ ca₂ṇag₃ dsa₂ judíos:

—Ron₅ caun₂ 'éi'₃ quián₂ jnia'₅₄, jaun₂ lia'₂ con'₂ lě₅ juá'₂ 'éi'₃ jaun₂, a₂'nió'₅ jóin₂ bá₄; ia₁ a₂jmo₂₃ a₂lín₅ ja₁ṇi'₅₄ Diú₄.

⁸Jme₁ca₂nág₂ Pilato jág₁ ně₅, 'ṇio₅ lin₃ guě₄ ca₂i₃gó'₃ dsí₅.

⁹Jaun₂ ca₂'í₃ táng₃ tē₂le₃ dsi₂néi₂ ne₄ta₁ quió'₅, jaun₂ ca₂ṇag₃ ca₂ṇi'₃ Jesús:

—¿A₂já'₄ chan'₂ 'ne₂?

La₁ tsá'₃ 'e₂ ca₂ɲag₃ Jesús, 'i₁caun₂, ¹⁰Jaun₂ ně₃, ca₂juá'₂ Pilato:

—¿Tsa₁ ɲag'₅₄ 'ne₂ jág₁ quió'₃ jniá'₂? ¿Tsa₁ ɲi'₅₄ 'ne₂ jaun₂ a₂'o₂ jniá'₂ jui₅bí₂ a₂jmo₅₄ 'éi'₃ a₂tion₃ dsa₂ cróg₄ 'ne₂, ján₃ bá₄ le₂jaun₂ gué'₂ ján₃, a₂'o₂ jniá'₂ jui₅bí₂ a₂long₅₄ 'ne₂?

¹¹Jaun₂ ca₂ɲag₃ Jesús:

—Ca₂lia'₂ 'i₁caun₂ jui₅bí₂ tsá'₃ 'au'₂ 'ne₂ ja₁con₂ jniá'₂, jua'₅₄ tsá'₃ Diú₄ ca₂cué'₃. 'Uig₅₄ jaun₂, jui₁lia'₂ i₂ně₂jáng'₂ jniá'₂ ne'₅₄ 'ne₂, 'ɲio₅ lín₃ gué'₄ jué'₂ dso₄ rě₂cáin'₄ con'₂ gué'₄ 'ne₂.

¹²Ca₂le₃ jaun₂ ca₂'náu'₃ dsí'₅ Pilato 'a₂ lia'₂ cuin₅ jmig₄ a₂jme₁lión₂ Jesús; la₁ dsa₂ judíos ně₃ qui₂ca₂tóin'₂ co₂mi'₅₄ ca₂juá'₂:

—iNě₁jua'₂ ca₂lioin'₅₄, tsá'₃ líng'₅ a₂mei₅₄ quián₅ dsi₂tan₅₄ emperador! ¡Ia₁ ně₁jua'₂ 'ein₂ jmo₅ lín₅ rag₅₄, lín₅ jan₂ dsa₂ i₂'ɲia₅₄ emperador!

¹³Jaun₂ ně₃ jme₁ca₂nág₂ Pilato jág₁ jaun₂, ca₂dsein₂₃ Jesús. Jaun₂ ca₂guá'₂ ne₄ta₁ ja₁qui₂dsi₂₃ 'éi'₃; ja₁jaun₂ ja₁chei₂ Gabata quian'₅₄ jág₁ jmei₅ hebreo, co₂'nió'₄ a₂juá'₂, ja₁lě₄ 'uě₃ cang₄.

¹⁴Jme₁lě₄ jmig₄ a₂jmo₅ dsa₂ co₂jɲia₅₄ Jmig₄ Tě₂'in₅₄; jme₁ma₂tě₂ con'₂ dsi₂ɲí'₃; jaun₂ ca₂juá'₂ Pilato ca₂tsí'₃ dsa₂ judíos:

—jIn₄ 'nia'₂ rag₅₄ quiáng'₂!

¹⁵La₁ ca₂tóin'₂ co₂mi'₅₄ ca₂juá'₂:

—iCau₅ jɲiai'₃! ¡Cau₅ jɲiai'₃! iTióin₃ cróg₄!

Jaun₂ ca₂juá'₂ Pilato:

—¿A₁'niog'₂ 'nia'₂ tóng₄ cróg₄ rag₅₄ quián'₂ 'nia'₂?

La₁ qui₂ca₂ɲag₃ juig₅₄ jme₂dsa₂ ca₂juá'₂:

—Tsá'₃ rag₅₄ sián'₂ chan₂ quián₂ jnia'₅₄, jɲia'₅₄ lia'₂ jan₂ emperador bá₄.

¹⁶Jaun₂ bá₄ ca₂jáng'₂ Pilato ca₂jín'₂ Jesús ia₁jaun₂ tio₃ dsa₂ ne₄ cróg₄. Jaun₂ ca₂tág₃ dsa₂.

Ca₂tion₃ dsa₂ cróg₄ Jesús

(Mateo 27:32-44; Marcos 15:21-32; Lucas 23:26-43)

¹⁷O₂'ín₃ Jesús jaun₂, quian₅ cróg₄ quió'₅, a₂ɲó₃ jui₅ ja₁tě'₂ dsa₂ Dsi₂con'₂ Ní₁mu₅ Mí₂dsi₄ 'Lag₄. Quian'₅₄ jág₁ jmei₅ arameo gué'₂, chei₂ Gólgota. ¹⁸Ja₁jaun₂ ca₂tion₃ dsa₂ ne₄ cróg₄, ján₃ bá₄ ca₂tion₃ gué'₄ dsa₂ on₃ dsa₂ sián'₂ co₂lě₅ quian'₅₄ Jesús, jma₃jan₂ lia'₂ ca₂ton₂ quió'₅; 'ɲiog₅ gué'₂ Jesús tē₁toin₅₄ dsi₂jo₂.

¹⁹Jaun₂ ca₂tióng₃ Pilato letras dsi₄ cróg₄ co₂'nió'₄ a₂juá'₂:

“JESÚS CHAN₂ NAZARET, RAG₅₄ QUIÁN₅ DSA₂ JUDÍOS.”

²⁰Jaun₂ juin₅ dsa₂ judíos ca₂'í₂ letras jaun₂, ia₁ ma₂quián₅ chei'₅₄ juig₂ ciudad bá₄ ja₁ca₂tion₃ dsa₂ cróg₄ Jesús jaun₂. Jme₁chi₁ton₅ letras jaun₂ quian'₅₄ jág₁ jmei₅ hebreo, griego, quian'₅₄ jág₁

jmei₅ latín ně₃. ²¹ 'Uig₅₄ jaun₂, ca₂juá'₂ juig₅₄ jme₂dsa₂ quian'₅₄ dsa₂ judíos, ca₂tsí'₃ Pilato:

—Tsá₃ lē₁taun₂ “Rag₅₄ quián₅ dsa₂ judíos”; ja₂lin₃ guě₄ dse₃ taun'₅₄ “I₂juá'₂ a₂lín₅ Rag₅₄ quián₅ dsa₂ judíos.”

²² La₁ ca₂ηag₃ Pilato:

—Ju₁lia'₂ a₂ma₂nē₂táun₂ jniá₂, co₂nē₅ ma₂nē₂táun₂.

²³ Jme₁ma₂ca₂lē₃ tion₅ 'lióg₂ Jesús ne₄ cróg₄, jaun₂ ca₂can₃ tsi₁'mi'₂ quió'₅ Jesús, jaun₂ ca₂jmo₃ quén₂ dso'₅₄, jma₃jan₂ 'lióg₂ lia'₂ ca₂dso'₅₄. Ján₃ bá₄ le₂jaun₂ ca₂can₃ ni₁tsin'₅₄ Jesús. La₁ ni₁tsin'₅₄ ně₃, tsá₃ jme₁rē₂'me₅; jme₁lē₄ caun₂ 'mi'₂ con'₂ lē₅ ca₂ta₃ dsa₂, ta₁caun₂.

²⁴ Jaun₂ ca₂juá'₂ 'lióg₂ ca₂tsí'₃ riin'₅₄:

—Co₂ηei'₅₄ tió'₅ tsá₃ gué₃. Ně₃ i₁cau₂ co₂ηei'₅₄ dsí₂ suerte, o₁ne₄ 'ein₂ tin₅₄.

Jaun₂ le₂nē₅ ca₂rē₃ti₃ jág₁ a₂rē₂ton₅ ne₄ Si₂ a₂juá'₂:

Qui₂ca₂dsi₂ón'₂ dsa₂ tsín'₅ jniá₂ quiaín'₅₄ riin'₅₄,

ca₂co₃ ca₂dsi₂ suerte o₁ne₄ 'ein₂ tin₅₄.*

Le₂nē₅ bá₄ ca₂jmo₃ 'lióg₂ 'éi₂ tioín'₅₄.

²⁵ La₁ chog₅₄ Jesús ně₃, jaun₂ bá₄ jme₁chéin'₄ cau₅ cróg₄, lia'₂ jma₃quian'₅₄ 'io₅₄ riin'₅₄, quiaín'₅₄ María quián₅ Cleofas, quian'₅₄ María chan₂ Magdala ně₃. ²⁶ Jme₁ca₂jín₂ Jesús chog₅₄, quiaín'₅₄ chi'₂ dsi₂guia₃-tín₂ i₂ηí₄ lē₃ jme₁'nioi₃ 'éi₂, chéin'₅ cau₅, jaun₂ ca₂juá'₂ ca₂tsí'₃ chog₅₄:

—'Io₅₄, nē₅ chén'₅ ja₂ηí'₂.

²⁷ Jaun₂ guě₄ ca₂juá'₂ ca₂tsí'₃ dsi₂guia₃-tín₂ 'éi₂:

—Nē₅ chén'₅ chog₂.

Ca₂le₃ jmig₄ jaun₂, ca₂guei₃ chi'₂ dsi₂guia₃-tín₂ 'éi₂ ca₂guein₃ María dsi₂néi₂ quió'₅.

Ca₂jón₃ Jesús

(Mateo 27:45-56; Marcos 15:33-41; Lucas 23:44-49)

²⁸ Cang₂ guě₄ jaun₂ ně₃, ia₁ jme₁ma₂ηi₅ bá₄ Jesús a₂ma₂ca₂rē₃ηia₅ ca₂le₃jě₃, ia₁jaun₂ le₃ti₃ jág₁ tio'₅₄ ne₄ Si₂, ca₂juá'₂:

—Jmig₂ i₁gui'₁ jniá₂.

²⁹ Jě₄ jaun₂ jme₁chí'₄ caun₂ ni₁dsig₁ a₂'a₄ jmig₂ dsi'₃, jaun₂ ca₂tiá₂ dsa₂ caun₂ ni₁jau₂ 'ηi₃, ca₂guioin₃ quian'₅₄ jmig₂ dsi'₃ jaun₂. Jaun₂ ca₂chi₃dsí₂ dsa₂ nei'₅₄ caun₂ ni₁'ma₂ hisopo jaun₂ ca₂chóg'₃ dsa₂ tē₂ mi₂'o₄ Jesús. ³⁰ Jme₁ma₂nē₂'én'₂ jmig₂ dsi'₃ jaun₂, jaun₂ ca₂juá'₂:

—Ma₂ca₂lē₃.

Jaun₂ ně₃ ca₂sióg₂ mi₂dsi₅₄, ca₂jáng'₃ jme₂dsí₂ quió'₅.

Ca₂'ág'₂ 'lióg₂ ηi₁chen'₂ quió'₅ mi₂dsi₂con₂ Jesús

³¹ Jme₁lě₄ jmi_g₄ a₂jmo₅ dsa₂ co₂jñia₅₄ Jmi_g₄ Tě₂'in₅₄, jaun₂ tsá₃ 'nio₃ dsa₂ judíos jua'₅₄ lia'₂ ma₂le₁ton₅ jaun₂ ni₁ñi₁₂ dso'₂ cróg₄ jmi_g₄ sa₅₄, ia₁ jmi_g₄ juē'₂ lin₃ bá₄ sa₅₄ jaun₂. 'Uig₅₄ jaun₂ ně₃ ca₂mi₃ ne₄ Pilato a₂chein₃ 'lióg₂ a₂qui₂dsi₃jio₅₄ dsi₂tag₄ 'éi₂, jaun₂ guě₄ tě₂. ³² Jaun₂ ně₃ ca₂i₁len₅₄ 'lióg₂ ca₂i₁jio₂ dsi₂tag₄ i₂le₂'uig₅₄; ján₃ bá₄ le₂jaun₂ ca₂jmo₃ quian'₅₄ i₂jan₂ i₂chi₁ton₅ cróg₄ con₂ Jesús. ³³ La₁ jme₁ca₂jme₃quiáin₃ con₂ Jesús, ca₂jág₃ jme₁ma₂join₂₃ bá₄; 'uig₅₄ jaun₂ ně₃ tsá₃ ma₂ca₂jio₃ dsi₂tag₄ 'éi₂. ³⁴ La₁ ca₂'ág'₂ jan₂ 'lióg₂ mi₂dsi₁con₂ Jesús quian'₅₄ ñi₁chen'₂ quió'₅, jaun₂ dsi₂jui₅ le₂jaun₂ ca₂'io₂ jmi₂ quian'₅₄ jmi₂. ³⁵ Jan₂ dsa₂ i₂ca₂tě₂ ne₄ i₂jáng'₅ jág₁ dsau₅ la₂; ton'₂ tí₅ bá₄ jág₁ dsau₅ a₂jáng'₅. Já₃n bá₄ ñi₅ dsa₂ 'éi₂ a₂juá'₂ jág₁ tí₅ tě₃dsón'₂, ia₁jaun₂ le₃'én'₂ 'nia'₂ já₃n. ³⁶ Ia₁ a₂ca₂lě₃ la₂, ca₂lě₃ ia₁jaun₂ le₃tí₃ jág₁ a₂rě₂ton₅ ne₄ Si₂ a₂juá'₂: “Lia'₂ 'i₁caun₂ mu₄ 'éi₂ tsá₃ qui₃jio₃ dsa₂.”† ³⁷ Le₂jaun₂ guě'₂ táng₃ juá'₂ ne₄ Si₂ ja₁siá'₂: “Jág₂ dsa₂ jīn₂ 'éi₂ i₂ca₂'ág'₂ dsa₂ quió'₅.”‡

Ca₂'on₃ Jesús

(Mateo 27:57-61; Marcos 15:42-47; Lucas 23:50-56)

³⁸ Cang₂ guě₄ jaun₂ ně₃, ca₂mi₃ jan₂ dsa₂ i₂chen₂ José, i₂chan₂ juig₂ Arimatea, i₂jme₁lín₄ jan₂ dsa₂ i₂quián₅ Jesús, la₁ia₁ jme₁'éin₂ con'₂ tě₃co'₅₄ bá₄, ia₁ a₂gain₃ dsa₂ judíos; ca₂mi₃ Sě₄ 'éi₂ ne₄ Dsi₄má'₂ Pilato a₂con₂ ni₁ñi₁ 'lag₄ Jesús. Ca₂cuě₃ bá₄ Pilato jmi_g₄, jaun₂ ñe₄ Sě₄ ca₂i₁sioin₅ 'lag₄, jaun₂ ca₂tág₃. ³⁹ Já₃n bá₄ ca₂dsióg₃ Nicodemo i₂jme₁ca₂i₁dsia₂ jág₁ le₂jñiá₅ quian'₅₄ Jesús a₂'uě₂. Jme₁quian₅ 'éi₂ con'₂ guióg₂-guiá₂ kilos mirra quian'₅₄ áloes a₂ma₂rě₂güin'₅. ⁴⁰ Jaun₂ ca₂tág₃ Sě₄ quiaín₅₄ Nicodemo ca₂tág₃ 'lag₄ ca₂lio₃ quian'₅₄ tsi₁'mí'₂ tióg₃ lia'₂ jma₃quian'₅₄ mi₂ro₂ jaun₂, lia'₂ jme₁lě₄ tag₄ chí'₅ quió'₅ dsa₂ judíos a₂jme₁'óin₂ 'lag₄. ⁴¹ Cau₅ ja₁ca₂tion₃ dsa₂ cróg₄ Jesús, jme₁lě₄ caun₂ ja₁cha₂ ni₁'ma₂ a₂'ag₅ mí₂g₂. Jaun₂ jě₄ jaun₂ jme₁dsi₅₄ caun₂ tau₂ 'ñio₅ 'mí₂ ja₁tsá₃ 'ein₂ jme₁ma₂ton'₂ dsa₂ 'i₁jan₂ 'lag₄. ⁴² Jaun₂ 'uig₅₄ ia₁ a₂jme₁lě₄ jmi_g₄ a₂jmo₃ dsa₂ judíos co₂jñia₅₄ quió'₅, ton'₂ 'uig₅₄ ia₁ a₂jme₁lě₄ ma₂quián₅ jaun₂ tau₂ 'ñio₅, jaun₂ ja₁jaun₂ ca₂quio₅ Sě₄ quian'₅₄ Nicodemo ca₂quioin₂₃ Jesús.

20

Ca₂jen'₅₄ Jesús

(Mateo 28:1-10; Marcos 16:1-8; Lucas 24:1-12)

¹ Jě₁le₂'uig₅₄ jmi_g₄ semana, ñe₄ María chan₂ Magdala ja₁dsi₅₄ tau₂ 'ñio₅, tě₂ o₃'iog₂ tě₃ qui₁né'₃ guě₄ le₂jaun₂. Jaun₂ ca₂jág₃, jme₁ma₂rě₃jñia'₅₄ bá₄ ni₁cang₁ 'o₄ tau₂ 'ñio₅ jme₁dsióg₃. ² Jaun₂

† 19:36 Éxodo 12:46; Números 9:12; Salmo 34:20. ‡ 19:37 Zacarías 12:10.

ně₃ ca₂ŋái'₃ co₂chi'₅₄ ja₁jme'_{1en54} Si₂mu₅₄ Pe₄ quiaín'₅ chi'₂ dsi₂guia_{3-tín2} jan₂ i₂ŋí'₄ lě₃ jme'_{1nio3} Jesús 'éi₂, jaun₂ ca₂juá'₂:

—Ma₂ně₂dsen₅ dsa₂ Te₁gui'₅₄ dsi₂néi₂ tau₂ 'ŋio₅ ja₁jme₁roin₂₃, jaun₂ tsá₃ ne₄ a₂já'₄ ně₂quio₅ dsa₂.

³ Jaun₂ ně₃ Pe₄ quian'₅₄ chi'₂ dsi₂guia_{3-tín2} jan₂ 'éi₂ ca₂'u_{in2} jaun₂ i₃lén₂ ja₁dsi₅₄ tau₂ 'ŋio₅. ⁴ Le₃oin₃ bá₄ i₃lén₂ co₂lě₅ co₂'ei₅; la₁ i₂jan₂ 'éi₂ ca₂ŋi₃ guě₄ co₂chi'₅₄ con'₂ guě₄ Pe₄, jaun₂ jŋiái₅ bá₄ ca₂dsióg₃ ja₁dsi₅₄ tau₂ 'ŋio₅. ⁵ Jaun₂ ca₂jmo₃ i₁jín₂ ca₂ŋéi₃ ne₅₄, jaun₂ ca₂jág₃, jaun₂ bá₄ jme₁nio₅ tsi₁'mi'₂ tióg₃, la₁ia₁ tsá₃ ca₂'í₃ dsi₂néi₂. ⁶ Jaun₂ guě₄ ca₂dsióg₃ Si₂mu₅₄ Pe₄ chi₁co'₅₄ quió'₅, jaun₂ ca₂'í₃ dsi₂néi₂ tau₂ 'ŋio₅. Jaun₂ ca₂jág₃ 'éi₂ tsi₁'mi'₂ tióg₃: jaun₂ bá₄ jme₁nio₅ ja₁jaun₂; ⁷ ján₃ bá₄ ca₂jág₃ pe₁guí₄ a₂ca₂lio₃ mi₂dsi₄ Jesús. La₁ tsá₃ jme₁ron₅ co₂lě₅ quian'₅₄ tsi₁'mi'₂ tióg₃ jaun₂; cau₅ bá₄ jme₁ron₅ jme₁rě₂jon'₅. ⁸ Jaun₂ bá₄ ca₂'í₃ chi'₂ dsi₂guia_{3-tín2} jan₂ 'éi₂, i₂dsióg₃ le₂'uig₅₄; ca₂tě₂ ne₅₄, jaun₂ ca₂rě₃ 'éin₂. ⁹ (Ia₁ tsá₃ jme₁ma₂ŋí'₂ guě₄ dsí₅ jág₁ a₂chi₁ton₅ ne₄ Si₂, a₂tion₅₄ niog₅ jen'₅₄ Jesús jin₄ 'lag₄.)

¹⁰ Jaun₂ ně₃, i₂len₃ bá₄ táng₃ chi'₂ dsi₂guia_{3-tín2} 'éi₂ quió'₅.

Ca₂jme₃jnia₅ Jesús ne₄ Marí₂ chan₂ Magdala
(Marcos 16:9-11)

¹¹ La₁ jaun₂ bá₄ jme₁chén'₄ Marí₂ ca₁'né₄ tau₂ 'ŋio₅, 'o₂₃. Tě₁lia'₂ 'o₂₃ jaun₂, ca₂jmo₃ i₁jín₂ a₂ca₂jág₃ tě₂le₃ 'ŋi₃o'₃ tau₂ 'ŋio₅, ¹² jaun₂ ca₂jín₂ on₃ ángeles i₂le₁qui'₂ 'mi'₂ tiog₂, tián'₅ jě₄ jme₁ron₅ ni₁ŋi₁ Jesús; jan₂ jme₁guá₄ tě₂le₃ ja₁lě₄ chi₁gui'₂, i₂jan₂ guě₂ ja₁jme₁lě₄ a₃tag₅.

¹³ Jaun₂ ca₂ŋag₃ ángeles ca₂ŋí'₃ Marí₂:

—'Io₅₄, ċ'e₂ lě₃ 'au'₂?

Jaun₂ ca₂ŋag₃:

—Ia₁ ma₂ně₂te₃ bá₄ dsa₂ Te₁gui'₅₄ quiáng₃, jaun₂ tsá₃ guion₄ jniá₂ a₂já'₄ ně₂quio₅ dsa₂.

¹⁴ Jě₂ bá₄ ca₂'ŋiai₂ jág₁ ně₅, jme₁ca₂jén'₃, jaun₂ ca₂jín₂ Jesús jme₁chén'₄; la₁ tsá₃ jaun₂ jme₁ŋi₅, Jesús bá₄ 'éi₂.

¹⁵ Jaun₂ ně₃ ca₂ŋag₃ Jesús:

—'Io₅₄, ċ'e₂ lě₃ 'au'₂ 'ne₂? ċI₂'ein₂ 'nag'₂?

Jaun₂, ia₁ a₂lín₂ Marí₂ a₂lín₅ 'éi₂ dsa₂ i₂jmo₅ 'í₁ 'uě₃ jaun₂, jaun₂ ca₂juá'₂:

—Gui'₅₄, chi₂jua'₂ 'ne₂ ne₂te'₅₄, jua'₅₄ a₂já'₄ ně₂quioin'₂, ia₁jaun₂ tě₅₄ jniá₂.

¹⁶ Jaun₂ ca₂juá'₂ Jesús:

—iMarí₂!

Jaun₂ ca₂jén'₃ Marí₂ jaun₂ ca₂juá'₂ quian'₅₄ jág₁ jmei₅ hebreo:

—iRaboní! —co₂'nió'₄ a₂juá'₂: Tě₅ quiáng₃.

¹⁷ Jaun₂ ca₂juá'₂ Jesús:

—Tsá₃ lě₁jmá'₂ quió'₃, ia₁ tsá₃ ma₂uig₂ guě₄ jniá'₂ ja₁con₂ Ne'₃.
La₁ guan'₂ o₂chei'₅₄ rín'₃ jniá'₂, a₂uig₂ jniá'₂ ja₁con₂ Ne'₃, ja₁con₂
Néi'₅ 'nia'₂ ně₃, ja₁con₂ Diú₄ quiáng₃, ja₁con₂ Diú₄ quián'₂ 'nia'₂
ně₃.

18 Jaun₂ bá₄ ηó₃ María chan₂ Magdala 'éi₂ ca₂l₁chi'₄ chi'₂
dsi₂guia₃-tín₂ a₂jme₁ma₂ně₂jín₂ Te₁gui'₅₄, a₂jme₁ma₂ně₂juá'₂
'éi₂ jág₁ jaun₂.

Ca₂jme₃jnia₅ Jesús ne₄ chi'₂ dsi₂guia₃-tín₂

(Mateo 28:16-20; Marcos 16:14-18; Lucas 24:36-49)

19 Jme₁ca₂nei₂ jě₁le₂'uig₅₄ jmig₄ semana jaun₂ ně₃, jme₁tioin'₅₄
chi'₂ dsi₂guia₃-tín₂ le₁ηi'₂, qui₂le₁jnág₅ 'né₅ ja₁tioin'₅₄, ia₁ a₂gain₃
dsa₂ judíos. Jaun₂ ca₂'í₃ Jesús, jaun₂ ca₂nau₂ dsi₂jo₂ quió'₅ 'éi₂,
jaun₂ ca₂juá'₂:

—Ju₁'ei₅ tei₄ 'au'₂ 'nia'₂.

20 Jme₁ma₂ca₂juá'₂ le₂ně₅, ca₂'ě₃ mi₂gu₂ quian'₅₄ mi₂dsi₁coin₂.
Jaun₂ ca₂jmo₃ 'io'₂ chi'₂ dsi₂guia₃-tín₂ jme₁ca₂jín₂ Te₁gui'₅₄.

21 Jaun₂ ca₂juá'₂ táng₃ Jesús:

—Ju₁'ei₅ tei₄ 'au'₂ 'nia'₂. Ju₁lia'₂ ca₂chei₃ Ne'₃ jniá'₂, ján₃ bá₄
le₂jaun₂ tsin₅₄ jniá'₂ 'nia'₂.*

22 Jaun₂ ně₃ ca₂jéi₂ dsí₂ ne₄ quió'₅ dsa₂ 'éi₂, jaun₂ ca₂juá'₂:

—Guen'₅₄ 'nia'₂ Jme₂dsí₂ Jñi₁ó₅. 23 Chi₂jua'₂ 'ein₂ i₂ca₂'én'₃ 'nia'₂
dsáu₁, ma₂qui₂ca₂i₃'én₂ bá₄ dsáu₁ 'éi₂; chi₂jua'₂ 'ein₂ tsá₃ ca₂'én'₃
'nia'₂ dsáu₁, tē₃ηiá₄ dsáu₁ ja₁coin₂.

Jág₅ To₁má₄ jín₂ Te₁gui'₅₄ a₂ma₂ca₂jein'₅₄

24 La₁ To₁má₄ ně₃, jan₂ chi'₂ dsi₂guia₃-tín₂ i₂tě'₂ dsa₂ Dsa₂
Tsin'₅₄, tsá₃ jme₁'ein₅₄ jě₄ quió'₅ riin'₅₄ lia'₂ con'₂ jme₁dsi₁óg₃
Jesús. 25 Jaun₂ lě₃, jme₁ca₂juá'₂ chi'₂ dsi₂guia₃-tín₂ riin'₅₄:

—Ma₂ně₂jín₄ jnia'₅₄ Te₁gui'₅₄.

La₁ To₁má₄ ně₃ ca₂juá'₂:

—Ně₁jua'₂ tsá₃ ca₂jág₃ jniá'₂ léi₄ mi₂gu₂ ja₁ca₂i₃ba₅₄ mi₂ηí₁,
ca₂lia'₂ ca₂tiá₃ chi₁gu₃ tau₂ a₂ca₂lě₃ quian'₅₄ mi₂ηí₁, ca₂lia'₂
ca₂tiá₃ mi₂gu₃ mi₂dsi₁coin₂, tsá₃ le₃'éng₂.

26 Jñia₃ jmig₄ cang₂ guě₄ jaun₂, jme₁le₁ηi'₂ táng₃ chi'₂ dsi₂guia₃-
tín₂ quiáin₅ caun₂ dsi₂néi₂, le₂jaun₂ guě₄ ně₃ jme₁'en₅₄ To₁má₄ jě₄
quió'₅ 'éi₂. Jaun₂ ně₃, o₁jñia'₅₄ qui₂le₁jnág₅ 'né₅ ja₁tioin'₅₄, ca₂'í₃
Jesús, ca₂nau₂ dsi₂jo₂ quió'₅ 'éi₂, jaun₂ ca₂juá'₂:

—Ju₁'ei₅ tei₄ 'au'₂ 'nia'₂.

27 Jaun₂ ně₃ ca₂juá'₂ ca₂tsí'₃ To₁má₄:

—'Nia₅ i₂tio'₂ chi₁gog'₂ ja₁lá₃, jag₄ mi₂gu₃; i₂tio'₂ gog'₂
mi₂dsi₁cong₂. Tsá₃ lě₁jmo₂ a₂tsá₃ 'éng'₂, ju₁le₂'éng'₂ bá₄.

28 Jaun₂ ně₃ ca₂ηag₃ To₁má₄:

—iTe₁gui'₅₄ quiáng₃, Diú₄ quiáng₃ ně₃!

* 20:21 'Nio'₂ ja₁ton₅ Juan 17:18.

²⁹ Jaun₂ ca₂juá'₂ Jesús:

—Ně₃ guě₄ 'éng'₂ 'uig₅₄ ia₁ a₂ně₂jag'₅₄ jniá₂. 'E₂ guě₄ dsen₃ jui₁lia'₂ dsa₂ i₂tsá₃ ca₂jág₂, la₁ 'éin₂ bá₄.

Ta₁ a₂quí'₅ si₂ la₂

³⁰ Jaun₂ ně₃, 'lióng₂ bá₄ léi₄ juě'₂ siá'₂ ca₂jmo₃ Jesús ne₄ chi'₂ dsi₂guia₃-tín₂ quiáin₅ a₂tsá₃ tio'₅₄ ne₄ si₂ la₂. ³¹ La₁ia₁ qui₂rě₂ton₅ a₂la₂, ia₁jaun₂ le₃'én'₂ 'nia'₂ a₂lín₅ Jesús I₂rě₂'ín₁ quián₅ Diú₄, ton'₂ lín₅ Ja₁ñi'₅₄ Diú₄, ia₁jaun₂ jě₁ma₂qui₂ca₂rě₃'én'₂ 'nia'₂, le₃chan'₂ bá₄ 'nia'₂ co₂tan₅₄ le₃quió'₅ 'éi₂.

21

Ca₂jme₃jnia₅ Jesús ne₄ guion₃ chi'₂ dsi₂guia₃-tín₂ quiáin₅

¹ Cang₂ guě₄ jaun₂, ca₂jme₃jnia₅ táng₃ Jesús ne₄ chi'₂ dsi₂guia₃-tín₂ quiáin₅ chei'₅₄ Jm₁iñí'₄ Tiberias.* Le₂la₂ bá₄ ca₂lě₃:

² Jme₁tion'₅₄ co₂lě₅ Si₂mu₅₄ Pe₄; To₁má₄, i₂tě'₂ dsa₂ Dsa₂ Tsin'₅₄; Natanael i₂chan₂ juig₂ Caná ja₁tén₄ 'uě₃ Galilea; le₃on₃ ja₁ñi'₅₄ Zebedeo ně₃; quiain'₅₄ on₃ guě₄ chi'₂ dsi₂guia₃-tín₂ sián'₂ quián₅ Jesús. ³ Jaun₂ ca₂juá'₂ Si₂mu₅₄ Pe₄:

—Nei₅₄ i₁cháng'₃ ju₄.

Jaun₂ ca₂ñag₃ 'éi₂:

—Ján₃ bá₄ dsau₅₄ jnia'₅₄ quian'₅₄ 'ne₂.

Jaun₂ i₃lén₂, ca₂uig₂ 'ñió'₃ caun₂ tsi₁mu₅, la₁ a₂'uě₂ jaun₂ tsá₃ ju₄ ca₂join₃ 'i₁jan₂.

⁴ Jme₁ca₂jnia₃ táng₃ jaun₂, jaun₂ jme₁chén'₄ Jesús chei'₅₄ jm₁iñí'₄, la₁ tsá₃ jaun₂ ñi₅ chi'₂ dsi₂guia₃-tín₂ jñia'₅₄ Jesús bá₄ 'éi₂.

⁵ Jaun₂ ně₃ ca₂juá'₂ Jesús:

—'Nia'₂ chi'₂, ħtsa₁ ju₄ chan₂ quián'₂ 'nia'₂?

Jaun₂ ca₂ñag₃ 'éi₂:

—Lia'₂ 'i₁jan₂.

⁶ Jaun₂ ně₃ ca₂juá'₂ Jesús:

—Tiong₂ 'nia'₂ 'má₅ quiáng'₂ tē₂le₃ gu₂ ne₁ tsi₁mu₅, jaun₂ join'₅₄ 'nia'₂.

Jaun₂ le₂jaun₂ bá₄ ca₂jmo₃. Jme₁co₂lág₂ jaun₂ tioen'₅₄ tsá₃ lé₂ dsí₃ tsi₁'má₅ dsi₂jmi₂g₂, ia₁ a₂ñí₄ lě₃ juin₅ i₁ju₁ jme₁tion'₅₄ 'ñió'₃.

⁷ Jaun₂ ně₃ ca₂juá'₂ chi'₂ dsi₂guia₃-tín₂ i₂jme₁'nio₃ Jesús guě₄ lin₃, ca₂tsí'₃ Pe₄:

—iTe₁gui'₅₄ bá₄ ó₃!

Jě₂ bá₄ con'₂ ca₂nág₂ Si₂mu₅₄ Pe₄, Te₁gui'₅₄ bá₄ 'éi₂, ca₂quí'₂ tsin'₅₄ jang₄ le₃co'₅₄ (ia₁ jme₁ma₂ně₂jñiá'₂ a₂jme₁jmo₃ ta₁) jaun₂ ca₂tián₂ dsi₂jmi₂g₂. ⁸ Chi'₂ dsi₂guia₃-tín₂ riin'₅₄ guě'₂ ně₃, ca₂dsi₃lein₃ bá₄ tē₂ chei'₅₄ jm₁iñí'₄ quian'₅₄ tsi₁mu₅ qui₂tsi₂cuín'₅

* 21:1 o₃, Jm₁iñí'₄ Galilea.

tsi₁'má₅, ca₂lia'₂ rē₂can'₂ ju₄. Ia₁ tsá₃ uíng₂ jme₁tiōin'₅₄ ja₁lě₄ chei'₅₄ jmi₁ñí'₄: con'₂ caun₂ 'ñiá₂-láu₂ metros bá₄ jme₁tí₄.
 9 Jme₁ca₂sióin₃ 'uē₃ ně₃, ca₂jág₃ a₂ma₂niog₅ si₂ tá'₃, ján₃ bá₄ jme₁ma₂dsín₂ jan₂ ju₄ ne₄ si₂; ján₃ bá₄ jme₁te₁'i₁ i₁ñí'₄ ně₃.

10 Jaun₂ ca₂juá'₂ Jesús:

—Jñia₅ jan₂-on₃ ju₄ i₂lia'₂ ně₂chan'₂ 'nia'₂.

11 Jaun₂ ca₂uíg₂ Si₂mu₅₄ Pe₄ guei'₅₄ tsi₁mu₅. Jaun₂ ca₂tsě'₃ tsi₁'má₅ ca₂tě₂ chei'₅₄ jmi₂g₂ lia'₂ rē₂can'₂ tion'₅₄ ju₄ ca₁can'₅₄. Con'₂ caun₂ 'ñiá₂-lón₂ rē₂dsí₂ tě₂láu₃-guia₃-ún₂ (153) ju₄ jme₁tion'₅₄. La₁ o₁jñia'₅₄ la₂ ju₄ jme₁tion'₅₄, tsá₃ ca₂gag₂ bá₄ guě₄ tsi₁'má₅. 12 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—I₂nó'₅ 'nia'₂ i₂qué'₂ má₃ tě₂ o₃'iog₂.

Jaun₂ lia'₂ 'i₁jan₂ chi'₂ dsi₂guia₃-tín₂ tsá₃ tiá₂ dsí₅ ñag₃ i₂'ein₂ 'éi₂, ia₁ ñi₅ bá₄ jaun₂ Te₁gui'₅₄ bá₄ 'éi₂. 13 Jaun₂ ně₃ ca₂jme₃quián₃ Jesús, ca₂can₃ i₁ñí'₄, jaun₂ ca₂cuě'₃ chi'₂ dsi₂guia₃-tín₂. Jáñ₃ bá₄ le₂jaun₂ ca₂jmo₃ quian'₅₄ ju₄. 14 A₂ně₅ jē₁ca₂tě₂ 'nag'₂ ráun₂ a₂ca₂jme₃ñia₅ Jesús ne₄ chi'₂ dsi₂guia₃-tín₂ quiáin₅ cang₂ jme₁ca₂jein'₅₄ ja₁jme₁rē₂'liin₅₄.

Dsia₅ Jesús jág₁ quian'₅₄ Si₂mu₅₄ Pe₄

15 Cang₂ jme₁ca₂lě₃ guě'₅ má₃ tě₂ o₃'iog₂, ca₂ñag₃ Jesús ca₂ñíi'₃ Si₂mu₅₄ Pe₄:

—Si₂mu₅₄, ja₁ñi'₅₄ Juan₅₄, † ¿dsau₅ 'nióg'₃ jniá₂ lia'₂ con'₂ guě₄ dsa₂ tión₂ la₂?

Jaun₂ ca₂ñag₃ Pe₄:

—Ján₅, Te₁gui'₅₄. Ñi'₅₄ bá₄ 'ne₂ jaun₂, a₂'nió₃ jniá₂ 'ne₂.

Jaun₂ ca₂juá'₂ Jesús:

—Jme₁tan₅₄ guein₂ já'₂ cha'₂ quiáng₃ jaun₂.

16 Jaun₂ ca₂ñag₃ táng₃ Jesús jē₁ca₂tě₂ táng₃ ráun₂:

—Si₂mu₅₄, ja₁ñi'₅₄ Juan₅₄, † 'nióg'₃ † jniá₂?

Jaun₂ ca₂ñag₃ Pe₄:

—Ján₅, Te₁gui'₅₄. Ñi'₅₄ bá₄ 'ne₂ jaun₂ a₂'nió₃ jniá₂ 'ne₂.

Jaun₂ ca₂juá'₂ Jesús:

—Jmo₄ 'í₁ já'₂ cha'₂ bē'₅₄ quiáng₃ jaun₂.

17 Jaun₂ ca₂ñag₃ táng₃ Jesús jē₁ca₂tě₂ 'nag'₂ ráun₂:

—Si₂mu₅₄, ja₁ñi'₅₄ Juan₅₄, † 'nióg'₃ jniá₂?

Jaun₂ ca₂'í₃ qui'₂ dsí₅ Pe₄ ia₁ ca₂ñag₃ Jesús jē₁ca₂tě₂ 'nag'₂ ráun₂, “¿'nióg'₃ jniá₂?” Jaun₂ ca₂juá'₂:

—Te₁gui'₅₄, ca₂le₃jě₃ bá₄ ñi'₅₄ 'ne₂. Ñi'₅₄ bá₄ 'ne₂ jaun₂ a₂'nió₃ S jniá₂ 'ne₂.

† 21:15 o₃, ja₁ñi'₅₄ Jonás. ‡ 21:16 griego: W0Iagapeo (jui₁lia'₂ 'a₂ lia'₂ 'nio₃ Diú₄ dsa₂ mi₂güí₃). S 21:17 griego: W0Ifileo (jui₁lia'₂ 'a₂ lia'₂ 'nio₃ dsa₂ mi₂güí₃ rin'₅₄ a₂mei₅₄ quiáin₅).

Jaun₂ ca₂juá'₂ Jesús:

—Jme₁tan₅₄ já'₂ cha'₂ bē'₅₄ quiáng₃ jaun₂. ¹⁸ A₂dsi₂jó'₃ juá'₅ jniá₂, lia'₂ con'₂ jme₁líng'₄ guē₄ dsa₂ chí'₂, jme₁ting'₂ jme₁quí'₂ tsíng'₂, jaun₂ jme₁góg'₂ a₂já'₄ 'niog'₂ gog'₅₄; la₁ia₁ jē₁ma₂líng'₅ jan₂ dsa₂ ma₂guen'₂, jaun₂ nei'₅₄ gog'₂, jaun₂ i₂sián'₂ bá₄ quei'₃ tsíng'₂, jaun₂ dsi₃jio₃ ja₁tsá'₃ 'niog'₂ gog'₅₄.

¹⁹ Jme₁ca₂juá'₂ Jesús le₂nē₅, ca₂jmo₃ jág₁ a₂ē₂₃ 'e₂ ne₅₄ 'mú₃ a₂'i₄ 'éi'₃ dsi₃ñí₂ Pe₄, a₂jme₃jniai₂₃ a₂jlán'₁ Diú₄. Jaun₂ ca₂juá'₂ táng₃ ca₂tsí'₃ Pe₄:

—i'Éin₃ jniá'₂!

Chi'₂ dsi₂guia₃-tín₂ i₂'nió₄ guē₄ quián₅ Jesús

²⁰ Jme₁ca₂jén'₃ Pe₄ le₃ca'₃, ca₂jág₃ já₅ chí₁co'₅₄ quió'₅, chí'₂ dsi₂guia₃-tín₂ i₂'nio₃ Jesús guē₄ lín₃; chí'₂ dsi₂guia₃-tín₂ 'éi₂ i₂jme₁guá'₄ cau₅ le₃jén'₃ quió'₅ Jesús ja₁ca₂guē'₃ má₃ tē₂le₃ ca₂nei₂, ján₃ bá₄ 'éi₂ i₂ca₂ñag₃ ca₂ñí'₃ Jesús, jme₁ca₂juá'₂: “Te₁gui'₅₄, ¿i₂'ein₂ 'éi₂ i₂jáng'₂ quiáng'₂?” ²¹ Jaun₂ jme₁ca₂jág₃ Pe₄ ca₂jín₂ 'éi₂, ca₂ñag₃ ca₂ñí'₃ Jesús:

—Te₁gui'₅₄, i₂la₂ guē'₂: ¿'e₂ jén'₄?

²² Jaun₂ ca₂ñag₃ Jesús:

—Chi₂jua'₂ 'nio₃ jniá'₂ a₂chan₂ i₂nē₅ ca₂lia'₂ jē₁ma₂guión'₃ táng₃ jniá'₂, ¿'e₂ bá₄ 'uig₅₄ 'ne₂ 'í₅ 'au'₂? La₁ia₁ 'ne₂ 'éin₃ jniá'₂.

²³ Jaun₂ nē₃ ca₂l₃'ag₅₄ jág₁ nē₅ jín₄ riin'₅₄ a₂tsá'₃ jón₂ chí'₂ dsi₂guia₃-tín₂ 'éi₂. La₁ia₁ on₃jua'₅₄ jaun₂ ca₂juá'₂ Jesús a₂tsá'₃ jón₂ 'éi₂; a₂jaun₂ bá₄ ca₂juá'₂: “Chi₂jua'₂ 'nio₃ jniá'₂ a₂chan₂ i₂nē₅ ca₂lia'₂ jē₁ma₂guión'₃ jniá'₂ táng₃, ¿'e₂ bá₄ 'uig₅₄ 'ne₂ 'í₅ 'au'₂?”

²⁴ Chi'₂ dsi₂guia₃-tín₂ 'éi₂ bá₄ la₂, i₂jáng'₅ jág₁ dsau₅ 'a₂ lia'₂ ca₂lē₃, i₂ca₂tó'₂ jág₁ la₂ ne₄ si₂ nē₃. Jaun₂ ne₄ bá₄ jniog₄, a₂tí₅ bá₄ jág₁ dsau₅ a₂jáng'₅ 'éi₂.

²⁵ Ján₃ bá₄ cha₂ 'líong₂ a₂siá'₂ a₂ca₂jmo₃ Jesús; jua'₅₄ mei'₂ guē₃ dsi₃to'₅₄ ne₄ si₂ le₂caun₂ le₂caun₂, ca₂lia'₂ jnia'₅₄ ta₁caun₂ mi₂güí₃ bá₄ tsá₃ jme₁'éi'₄ si₂ jua'₅₄ ca₂'uē'₃ dsa₂, lín₂ jniá'₂.*

Co₂nē₅.

* 21:25 A₂lín₅₄ chog₅₄ si₂ juá'₂ ján₃: “A₂meí₃.”

Le₂la₂ ca₂jmo₃ dsa₂ i₂chen₄ quián₅ Jesús

Já_{g1} a₂cuě₄ a₂chen₃ Diú₄ Jme₂dsí₂ Jñiós

¹ Ne₄ si₂ a₂ca₂jmo₃ jniá₂ le₂'uig₅₄, gui₅₄ Teófilo,* ca₂juá'₃ jniá₂ ca₂le₃jě₃ a₂ca₂jmo₃ Jesús ca₂le₃ ca₂jme₃lióg₃ ca₂jme₃tag₂₃,
² ca₂lia'₂ ca₂tě₂ jmi_{g4} a₂ca₂ñái'₃ guei'₅₄ i₂juíg₃. Né'₃ a₂dsáin'₃ guei'₅₄ i₂juíg₃, ca₂quióin'₂ dsí₂guia₃-tín₂ i₂chen₄† quiáin₅, ca₂chei₃ dsí₂'ě₂ já_{g1}. Jaun₂ ca₂cuě₃ já_{g1} tē₂le₃ quian'₅₄ Jme₂dsí₂ Jñiós, ca₂le₃jě₃ 'e₂ 'nió'₅ jmo₃ chi'₂ dsí₂guia₃-tín₂ 'éi₂.
³ Cang₂ jme₁ca₂join₃, jme₁ma₂jein'₅₄ táng₃, ca₂ñi₃ tē₂láu₃ jmi_{g4} qui₂jme₂jñiai₂₃ qui₂cuě'₅ já_{g1} dsau₅ chi'₂ dsí₂guia₃-tín₂ a₂tě₃dsón'₂ bá₄ chain₂ ma₂jein'₅₄ táng₃; jaun₂ qui₂ca₂dsia₃ já_{g1} quiáin'₅₄ 'éi₂ jui₁lia'₂ 'a₂ lia'₂ lě₅ ja₁gon₂ Diú₄.

⁴ Jme₁'en₅₄ guě₄ Jesús quiáin'₅₄ chi'₂ dsí₂guia₃-tín₂ quiáin₅, jaun₂ ca₂juá'₂ ca₂tsí'₃ 'éi₂ a₂tsá₃ dsí₃lein₃ dsí₂jui₅ juig₂ Jerusalén. Jaun₂ ca₂juá'₂:

—Jñia₄ 'nia'₂, jui₁le₂ti₃ de'₂ já_{g1} quió'₅ Ne'₃ a₂ma₂juíg₂ 'nia'₂.
⁵ Dsau₅ bá₄ ca₂tióg₃ Juan₅₄ ca₂tiáin₂ jmi_{g2} dsa₂, la₁ 'nia'₂ guě'₂ ně₃ tióg₂ Diú₄ Jme₂dsí₂ Jñiós, tē₃jě₄ la₂.

Ca₂ñá'₃ Jesús guei'₅₄ i₂juíg₃

(Marcos 16:19; Lucas 24:50-53)

⁶ Co₂ráun₂ tion'₅₄ chi'₂ dsí₂guia₃-tín₂ le₁ñi'₂ ja₁'en₅₄ Jesús, jaun₂ ca₂ñi'₃ Jesús:

—Te₁gui'₅₄, ¿ma₂tě₂ ja₁jmo'₂ 'ne₂ a₂lión₂ dsa₂ juig₂ Israel?

⁷ Jaun₂ ca₂ñag₃ Jesús:

—Tsá₃ ca₂tín'₂ 'nia'₂ le₃ñi'₅₄ 'a₂ lia'₂ jmo₃ Diú₄ Jmei₂ 'éi'₃ ca₂le₃jě₃ 'e₂ 'ió'₄, 'e₂ jmi_{g4} ně₃. 'Ñiog₅ bá₄ Diú₄ Jmei₂ ñi₅ a₂jaun₂.
⁸ Jē₁ma₂ca₂guen'₅₄ 'nia'₂ Jme₂dsí₂ quián₅ Diú₄, guéi'₁ 'nia'₂ jui₅bí₂, jaun₂ qui₂o₁nóg₅ qui₂o₁'ě'₃ já_{g1} dsau₅ quió₃ juig₂ Jerusalén, le₂tan₅₄ juig₂ 'uě₃ Judea, 'uě₃ Samaria, ca₂le₃jě₃ juig₂ ta₁caun₂ mi₂güig₃ ně₃.

⁹ Jme₁ma₂dsan₃ juá'₂ Jesús le₂ně₅, ca₂uig₂ jui₅ guei'₅₄ i₂juíg₃, ca₂ñái'₃ ca₂lioin₂ jnei₅.
¹⁰ Tě₃tión₂ jaun₂ chi'₂ dsí₂guia₃-tín₂ já_{g5} guei'₅₄ jme₁ñá'₃ Jesús, con'₂ tsá₃ jáin₅ jme₁ca₂jñin₂ on₃ dsa₂ le₁qui'₂ 'mi'₂ tiog₂ jau₂, tión₂ cau₅ quió'₅.
¹¹ Jaun₂ ca₂juá'₂ dsa₂ on₃ 'éi₂:

* 1:1 Teófilo: o₃, “ne₂ i₂'nióg'₃ Diú₄.” † 1:2 griego: apóstolous.

—'Nia'₂ dsa₂ chan₂ Galilea, tsá₃ ma₃ta₁ jmo₃ tión'₂ guě₄ 'nia'₂ uě₂ jág'₂ guei'₅₄. 'Niog₅ Jesús nē₅ i₂ñá'₅ guei'₅₄ i₂juíg₃ tē₃jín'₄ 'nia'₂, le₂nē₅ bá₄ jiá₃ táng₃ jē₁ma₂tē₂ rē₁jiá₃, jui₁lia'₂ nē₂jín'₅₄ 'nia'₂ ñái'₅ nē₅.

Ca₂quión'₂ dsa₂ Matías a₂jmo₃ ta₁ a₂jme₁lín₄ Judas

¹² Jaun₂ nē₃ ca₂'uiin₂ má'₂ ja₁chei₂ Olivos, ca₂o₃lein₃ táng₃ juig₂ Jerusalén, a₂niog₅ uíng₂ con'₂ ja₁i₄ 'éi'₃ i₃nio₄ dsa₂ jme₁jmi₄ sa₅₄.[†] ¹³ Jme₁ca₂o₃lein₃ Jerusalén jaun₂, ca₂uíg₂ cuarto guei'₅₄ ja₁ca₂jñia₃. Dsa₂ 'éi₂ jme₁chein₂ Pe₄, Jacobo, Juan₅₄, Drē₄, Fe₂li₄, To₁má₄, Bartolomé, Tē₅₄, Jacobo ja₁ñi'₅₄ Alfeo, Si₂mu₅₄ i₂lín₅ cananista, § quian'₅₄ Judas rin'₅₄ Jacobo. ¹⁴ Ca₂le₃jín₃ le₂jaun₂ jme₁ñi'₂ i₂gú'₃ co₂lē₅ quian'₅₄ o₁rin'₅₄ Jesús, María chog₅₄ Jesús, ca₂le₃jín₃ guě₄ 'io₅₄ sián'₂ nē₃, a₂jme₁tsí'₅ Diú₄.

¹⁵ Co₂ráun₂ jme₁lē₂ con'₂ caun₂ 'ñiá₂-lón₂ rē₂dsí₂ guión₂ (120) dsa₂ 'én₂ i₂jme₁le₁ñi'₂. Jaun₂ ca₂nau₂ Pe₄ tē₃jē₄ jaun₂, jaun₂ ca₂juá'₂ ca₂tsí'₃ dsa₂:

¹⁶ —Rin'₅₄ jniog₄, co₂nē₅ lē₅ Si₂, tion₅₄ ca₂rē₃ti₃ jág₁ a₂ma₂'ē₂ Jme₂dsí₂ quian'₅₄ Diú₄ tē₂le₃ quian'₅₄ 'lag₄ David, a₂ca₂'iín₃ Judas i₂ca₂jñia₃ dsa₂ i₂ca₂i₁te₂ Jesús chi₁'ñei'₂. ¹⁷ I₂jme₁quian'₅₄ bá₄ jniog₄ 'éi₂, jme₁lē₄ rin'₅₄ jniog₄, i₂jme₁jmo₅ ta₁ le₂la₂ bá₄ 'éi₂ ján₃. ¹⁸ La₁ quian'₅₄ cu₄ 'lig'₅₄ a₂ca₂lí'₃ Judas a₂ca₂'ni₃ Jesús, ca₂lá₃ 'uē₃. 'Uē₃ jaun₂ ca₂jmo₃ ca₂táin'₂ tē₃ chi₁jín₂, qui₂ca₂'uē₂ ca₂le₃jē₃ a₂jme₁tio'₅₄ tú'₅. ¹⁹ Jme₁ca₂rē₃ñi₅ dsa₂ juig₂ Jerusalén, ca₂tē'₃ 'uē₃ jaun₂ Acéldama, co₂'nió'₄ a₂juá'₂: 'Uē₃ Jm₂, quian'₅₄ jág₁ jmei₅ quió'₅. ²⁰ Ia₁ le₂la₂ juá'₂ ne₄ Si₂ Salmos: jui₁tē₂tsi'₅₄ 'ñiog₅ 'né₅ quió'₅,

ia₁ 'i₁jan₂ tsá₃ 'ein₂ le₃tian'₃. *

Ján₃ guě'₂ juá'₂ táng₃:

Dsa₂ sián'₂ jui₁jmo₅₄ ta₁ a₂jme₁lín₄.[†]

²¹ 'Chan₂ bá₄ dsa₂ jē₄ la₂ quian'₂ jniog₄ dsa₂ i₂ma₂ca₂jme₃quiong'₅₄ ca₂le₃jē₃ jmi₄ lia'₂ con'₂ jme₁quian'₅₄ jniog₄ Te₁gui'₅₄ Jesús, ²² ca₂le₃ ca₂jñó₂ Jesús jmi₄ a₂ca₂cho₃ Juan₅₄, ca₂lia'₂ jme₁ca₂uíg₂ Jesús guei'₅₄ i₂juíg₃. Jaun₂ tion₅₄ 'nió'₅ dsa₂ 'éi₂, jme₃quiong'₅₄ jniog₄, jaun₂ jáng'₃ jág₁ dsau₅ a₂ca₂jen'₅₄ táng₃ Jesús.

²³ Jaun₂ ca₂jmo₃ jág₁ ca₂'iín₃ jan₂ i₂chen₂ José i₂tē'₂ Barsabás i₂tē'₂ Justo nē₃, quian'₅₄ jan₂ i₂chen₂ Matías. ²⁴ Jaun₂ ca₂tsí'₃ Diú₄ ca₂le₃jín₃, ca₂juá'₂ le₂la₂:

[†] **1:12** Con'₂ tí₅ caun₂ kilómetro. § **1:13** griego: celotes, co₂'nió'₄ dsa₂ i₂nau₂ quen₅; jan₂ i₂'nio₃ táun₂ 'uē₃ 'éi'₃ quió'₅ Roma. Jma₃quén₅, ca₂quioin₃ le₃on₃ Si₂mu₅₄ 'éi₂, ia₁ ñá₄ lē₃ mei'₂ tsá₃ ca₂ne₅₄ a₂chein₂. * **1:20** Salmo 69:25. † **1:20** Salmo 109:8.

—Te₁gui' ₅₄, 'ne₂ bá ₁i₂cuing' ₂ tē₂dsí₅ ca₂le₃jín₃ dsa₂, 'in₅₄ jnia' ₅₄ 'ein₂ dsa₂ on₃ la₂ i₂ma₂quion' ₅₄ 'ne₂, ²⁵ ia₁jaun₂ jmo₃ ta₁ léin₂ chi' ₂ dsi₂guia₃-tín₂ quiáng' ₂ a₂jme₁lín₄ Judas, 'uig₅₄ dsáu₁ ca₂i₃'éin₂, ca₂jái' ₃ ja₁ca₂tiin₂.

²⁶ Jaun₂ ca₂tóin' ₂ ca₂co₃, ca₂dsi₂ jág₁. Jaun₂ i₂chen₂ Matías bá₄ ca₂tín₂ ta₁ jaun₂. Dsi₂jui₅ le₂jaun₂ bá₄ ca₂jme₃quiain' ₅₄ dsa₂ guia₃-ján₃ i₂jme₁lě₂ guě₄ dsi₂guia₃-tín₂ i₂chen₄ quián₅ Jesús.

2

Jme₁guan₃ Jme₂dsí₂ quián₅ Diú₄

¹ Jme₁ca₂tě₂ Jmig₄ Tě₂láu₃-guiá₂, caun₂ bá₄ ja₁jme₁tion' ₅₄ le₁ñi' ₂ ca₂le₃jín₃ dsa₂ i₂'én₂. ² Con' ₂ tsá₃ jái₅ jme₁ca₂nág₂, ca₂lě₃ gau₂ ca₂jan₃ guei' ₅₄ lia' ₂ lě₅ jě₁'ei₅ dsí₂ tiá₂ lín₃ ca₂lě₃, ca₂né₂ ta₁caun₂ dsi₂néi₂ ja₁jme₁tion' ₅₄ dsa₂. ³ Jaun₂ co₂tan₅₄ dsi₂jui₅ le₂jaun₂ qui₂ca₂séi' ₂ tsi' ₄ si₂ qui₂tě₁tsi' ₅₄ ne₄ quió' ₅ dsa₂ 'éi₂, le₂jain₂ le₂jain₂. ⁴ Jaun₂ ca₂le₃jín₃ qui₂ca₂cain' ₂ quian' ₅₄ Jme₂dsí₂ Jñió₅. Jaun₂ ca₂jme₃lióg₃ dsa₂ qui₂ca₂dsia₃ jág₁ jmei₅ siá' ₂, lia' ₂ con' ₂ lě₅ ca₂cue₃ Jme₂dsí₂ a₂juá' ₂ dsa₂.

⁵ Jmig₄ jaun₂ jme₁tion' ₅₄ dsa₂ judíos juig₂ Jerusalén, i₂ja₂lén₂ ta₁caun₂ mi₂güig₃, a₂jme₂ti₃ con' ₂ tag₄ chí' ₅ quió' ₅. ⁶ Jme₁ca₂nág₂ mi' ₅₄ a₂ca₂lě₃ jaun₂, qui₂ca₂ñi' ₂ dsa₂, tsá₃ caun₂ ca₂i₃jio₅ dsí₅, ia₁ ca₂le₃jín₃ bá₄ dsa₂ 'éi₂ jma₃quén₅ qui₂ca₂nág₂ jág₁ jmei₅ quió' ₅ a₂qui₂ca₂dsia₃ dsa₂ i₂tion' ₅₄ 'éi₂. ⁷ Jaun₂ dsi₃gó' ₃ dsí₅ 'ñio₅ lín₃, qui₂ca₂dsia₃ jág₁ guioin₅₄ quiain' ₅₄ riin' ₅₄, ca₂juá' ₂:

—¿On₁jua' ₅₄ dsa₂ chan₂ Galilea ca₂le₃jín₃ dsa₂ i₂dsia₅ jág₁ nē₅? ⁸ ¿'A₂ bá₄ lia' ₂ né' ₂ dsia₂₃ jág₁ jmei₅ quió' ₅ juig₂ go₄ jniog₄ le₂jau₂ le₂jau₂? ⁹ Dsa₂ i₂tion' ₅₄ ja₁lá₃ i₂chan₂ juig₂ Partia, dsa₂ chan₂ Media, dsa₂ chan₂ Elam, dsa₂ chan₂ Mesopotamia, i₂chan₂ Judea, i₂chan₂ Capadocia, dsa₂ chan₂ Ponto, dsa₂ chan₂ 'uě₃ Asia, ¹⁰ dsa₂ chan₂ Frigia quian' ₅₄ Panfilia, dsa₂ ja₂lén₂ 'uě₃ Egipto quian' ₅₄ juig₂ 'uě₃ Africa* a₂niog₅ uíng₂ con' ₂ guě₄ Cirene. Ján₃ bá₄ tion' ₅₄ dsa₂ chan₂ Roma i₂ma₂tián' ₅ ja₁lá₃. I₂lín₅₄ 'éi₂ jme₁ma₂lín₅ judíos; i₂lín₅₄ guě' ₂ ma₂gue₃ juá' ₅ quió' ₅ dsa₂ judíos. ¹¹ Ján₃ bá₄ tion' ₅₄ dsa₂ chan₂ 'uě₃ Creta, dsa₂ chan₂ Arabia nē₃. La₁ ca₂le₃jág₃ bá₄ jniog₄ néi₁ quian' ₅₄ jág₁ jmei₅ quián₂ a₂dsia₅ dsa₂ nē₅ ca₂le₃jě₃ a₂jlá' ₁ a₂'io' ₂ a₂jmo₅ Diú₄.

¹² Jaun₂ 'ñio₅ dsi₂gó' ₃ dsí₅ dsa₂, tsá₃ caun₂ qui₂ca₂'ág₂ dsí₅. Jñia' ₅₄ qui₂ñi' ₅ riin' ₅₄:

—¿'E₂ 'nió' ₄ juá' ₂ ca₂le₃jě₃ a₂nē₅?

¹³ I₂lín₅₄ guě' ₂ tsá₃ 'éin₂, jñia' ₅₄ qui₂jmo₃g' ₂ burlas, jaun₂ ca₂juá' ₂:

—I₂le₁'en₅ bá₄ i₂nē₅.

* 2:10 griego: Libia.

Jág₁ a₂ca₂juá'₂ Pe₄ ca₂tsí'₃ dsa₂

¹⁴Jaun₂ ca₂nau₂ Pe₄ jë₄ jme₁guá₄ quiaín'₅₄ guë₄ guia₃-ján₃ chí'₂ dsi₂guia₃-tín₂ riín'₅₄. Jaun₂ ca₂juá'₂ tiá₂ ca₂tsí'₃ dsa₂:

—'Nia'₂ dsa₂ chan₂ Judea quian'₅₄ ca₂le₃jíng'₃ i₂tián'₅ Jerusalén ně₃, jui₁le₂ñi'₅₄ 'nia'₂ jág₁ la₂. Nei₂ 'nia'₂ dse₃ a₂juá'₄ jniá₂ la₂. ¹⁵Tsá₃ le₁'en₅ dsa₂ la₂ jui₁lia'₂ lín'₂ 'nia'₂, ia₁ con'₂ hora ñí₁ ñi₃ tē₂ o₃'iog₂† bá₄ guë₄ la₂. ¹⁶Tē₂le₃ a₂rē₂tí₃ con'₂ lě₅ jág₁ a₂ca₂'ē₂ Joel ma₂líg'₂, lia'₂ con'₂ jme₁ca₂juá'₂:

¹⁷Jë₁ca₂tó'₂ jmig₄, juá'₂ Diú₄,

tsing₅₄ Jme₂dsí₂ quiáng₃ jaun₂ sióin₃

ne₄ quió'₅ ca₂le₃jín₃ dsa₂ mi₂güí₃.

Ja₂ñí'₂ 'nia'₂, ja₁míg'₄ ně₃

qui₃dsia₃ o₄quió₃ jniá₂.

Dsó₂ chí'₂ quián'₂ 'nia'₂ ně₃

a₂lě₁qui₃jág₃ 'e₂ qui₃jág₃,

dsi₂gui'₅₄ can'₅₄ guë'₂ qui₃qui₃.

¹⁸Jmí₄ jaun₂, qui₁'íng₄ Jme₂dsí₂ quiáng₃

ne₄ quió'₅ dsa₂ ñe'₂, dsa₂ mí₂ ně₃

i₂jme₂tí₃ ta₁ ne₃,

jaun₂ guë₄ qui₃dsia₃ o₄quió₃ jniá₂.

¹⁹Dsi₁ guei'₅₄ guë'₂ qui₁'ě₄ jniá₂ dsa₂

cosas a₂dsi₃gó'₃ dsí₅.

Ne₄ gua'₅₄ 'uë₃ guë'₂

jmo₅₄ jniá₂ lé₂ léi₄,

jui₁lia'₂ jmi₂, si₂, jnei₅ lě₅ jme₁ñi₁ ně₃.

²⁰Iog₂ guë'₂ co₂dsia₅ le₃lia'₂.

Tsi'₂ guë'₂ lé₂ guéin₂ lia'₂ lě₅ jmi₂.

Ca₂le₃jě₃ a₂ně₅ lé₂ né'₃ guë₄

a₂guá₂ jmig₄ quió'₅ Te₁gui'₅₄.

Jmí₄ jaun₂ lé₂ caun₂ jmig₄ juë'₂ a₂gau₂.

²¹Jaun₂ ca₂le₃jín₃ dsa₂ i₂mi₅ chí₂lén'₂ Te₁gui'₅₄,

lióin₂ bá₄.†

²²'Nia'₂ dsa₂ chan₂ Israel, nei₂ 'nia'₂ ca₂le₃jě₃ a₂juá'₄ jniá₂ la₂. Jesús chan₂ Nazaret dsa₂ dsen₃ quián₅ Diú₄, i₂ca₂cuë'₃ 'éi'₃ ca₂chein₃ jin'₄ 'nia'₂. Ca₂jmo₃ Diú₄ ca₂le₃jě₃ léi₄ juë'₂, ca₂le₃jě₃ 'e₂ dsi₂gó'₃ dsí₅ dsa₂, qui₂ca₂jmo₃ tē₂le₃ quian'₅₄ Jesús jin'₄ 'nia'₂. A₂ñi'₅₄ rē₂ bá₄ 'nia'₂ jaun₂. ²³La₁ jme₁ca₂jáng'₂ dsa₂ o₄gog'₂ 'nia'₂ con'₂ jme₁ma₂lě₅ jág₁ quió'₅ Diú₄ a₂ma₂ñi₅ le₂jñiá₅, 'nia'₂ ně₃ ca₂chang'₂ i₂'éi₂, ca₂te'₅₄ chí₁'ñei₂₃, ca₂l₁jín₅₄ 'nia'₂ o₄gú₃ dsa₂ 'lín'₅₄ i₂tsá₃ ñéi₂ dsí₅. Jaun₂ ca₂jñag'₃ ca₂tion₃ cróg₄. ²⁴La₁ Diú₄ ca₂jme₃jein'₅₄ táng₃, ca₂lió₂ ne₄ 'mú₃. Ia₁ tsá₃ lé₂ jua'₅₄ a₂tě₃roin₅₄

† 2:15 lit. “hora 'ñi₅.” ‡ 2:21 Joel 2:28-32.

a₂rë₃join₅ co₂tan₅₄ jin₄ 'lag₄. ²⁵ Ia₁ ca₂juá'₂ 'lag₄ Rag₅₄ David
a₂'in₂₃ Jesús, ca₂juá'₂:

Ia₁ jin₄ bá₄ jniá₂ tián₂ Te₁gui'₅₄
cau₅ quió₃.

'Éi₂ bá₄ guá₅ tē₂le₃ gu₃ ne₁,
ia₁jaun₂ 'i₁jan₂ tsá₃ 'ein₂ lé₂ jmóg'₂ jleng₃,
'i₅ dsi₃.

²⁶ Jaun₂ lē₃, 'ñio₅ lin₃ ca₂jmo₃ jniá₂ 'io'₂,
jaun₂ ca₂juá'₃ quian'₅₄ le₁tsi'₃
jág₁ a₂jéin₅ lián'₂.

Jaun₂ lē₃ tsá₃ 'i₅ dsi₃ jē₁ma₂ca₂jón₃ ni₁ñi₃.

²⁷ Ia₁ tsá₃ cuē'₁ jmig₄ a₂jñia₃ jme₂dsí₂ quiáng₃
ja₁tion'₅₄ 'lag₄, Š

on₃ guē'₂ cuē'₁ jmig₄ a₂siá'₃ ni₁ñi₃ jniá₂,
dsa₂ jñiό₅ quiáng'₂ i₂'niόg'₃.

²⁸ Ca₂'ē'₅₄ ca₂jme₁tag'₂ jui₅ ja₁tín'₄ jme₂dsí₂ quiáng₃.
Jaun₂ jmó'₂ jéin₄ lián'₂ jē₁ma₂'eng₅₄ ja₁cong'₂.*

²⁹ 'Rin'₅₄ jniog₄, léi₄ dsón'₂ bá₄ ca₂jón₃ tsi₁jón₂ jmei₂ jniog₄
David, jaun₂ ca₂'oin₃. Nē₅ bá₄ chí'₅ guē'₂ tau₂ 'ñio₅ quió'₅
quian'₅₄ jniog₄ rē₂nē₃. ³⁰ La₁ David 'éi₂ jme₁lín₄ jan₂ i₂jme₁'ē₂
jág₁ quián₅ Diú₄, jaun₂ jme₁ñi₅ rē₂ a₂ca₂cuē₃ Diú₄ jág₁ 'in₂₃
'ñiog₅, a₂le₃chan₂ jē₄ quió'₅ ja₁ñi'₅₄ chí'₂ dsio₅₄, jan₂ i₂lín₅ I₂rē₂'in₁
quián₅ Diú₄. Jaun₂ i₂'éi₂ guá₃ goin₃ ne₄ ne₄ta₁ ja₁jme₁guá₄ 'ñiog₅
David. ³¹ Co₂'niό'₄ a₂ma₂jág₂ bá₄ David le₂jñiá₅, ca₂juá'₂ a₂jen'₅₄
I₂rē₂'in₁ quián₅ Diú₄. Jaun₂ ca₂juá'₂ ján₃ a₂tsá₃ jñia₃ jme₂dsí₂
quió'₅ jin₄ 'lag₄, † on₃ guē'₂ dsi₃'én₂ ni₁ñi₁₂ jua'₅₄ a₂siá'₃. ³² Ia₁
Diú₄ bá₄ ca₂jmo₃ ca₂jen'₅₄ táng₃ 'ñiog₅ Jesús 'éi₂. Ca₂le₃jág₃
bá₄ jñia'₅₄ ca₂tē₂ ne₄, jaun₂ lē₃ cuē₂ jág₁ dsau₅. ³³ Jaun₂
ca₂chó'₂ Diú₄ quian'₅₄ gu₂ ne₁, ca₂jme₃juag'₂. Jaun₂ Diú₄ Jmei₂
ca₂cuin₃ Jme₂dsí₂ quiáin₅ ca₂cuin₃ Jesús, lia'₂ con'₂ lē₅ jág₁
quió'₅ ma₂cuē₃. Jaun₂ ca₂le₃jē₃ a₂nē₅ a₂ma₂jag'₅₄ a₂ma₂nei'₂
'nia'₂, já₅ ne₄ 'éi₂ bá₄. ³⁴ Ia₁ on₃jua'₅₄ David ca₂uíg₂ guei'₅₄ i₂jui₃g₃,
ia₁ 'ñiog₅ David ca₂juá'₃:

Ca₂juá'₂ Diú₄ ca₂tsi'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

³⁵ ca₂lia'₂ ca₂tē₂ jmig₄

a₂tón'₁ jniá₂ dsa₂ i₂'iog₅₄ o₄tag'₄”.†

³⁶ Jui₁le₂ñi₅ rē₂ ca₂le₃jín₃ dsa₂ chan₂ juig₂ Israel, jaun₂ tsá₃
jui₁'ei₅₄ caun₂-tín₃ dsi₅, ia₁ 'ñiog₅ Jesús 'éi₂ bá₄, i₂ca₂tión'₃ 'nia'₂
cróg₄, Diú₄ nē₃ ma₂jmo₃ ma₂lín₅ lia'₂ Te₁gui'₅₄ lia'₂ rē₂ I₂rē₂'in₁
quiáin₅.

Š 2:27 Salmo 16:18-11. * 2:28 Salmo 16:18-11. † 2:31 griego: hades, co₂'niό'₄
a₂juá'₂, ja₁quió'₄ 'lag₄. ‡ 2:35 Salmo 110:1.

37 Jme₁ca₂nág₂ dsa₂ le₂nē₅ tioin'₅₄, qui₂ca₂tá'₂ 'lia'₂ dsí₅ 'ñio₅ lin₃. Jaun₂ ca₂ñí'₃ Pe₄ quiaín'₅₄ chi'₂ dsi₂guia₃-tín₂ riin'₅₄ ca₂juá'₂:

—Rin'₅₄ jniog₄, ¿'e₂ 'nió'₅ jmó₁ jnia'₅₄?

38 Jaun₂ ca₂ñag₃ Pe₄:

—Jme₁tsín₄ 'nia'₂ 'au'₂, jen'₄ 'nia'₂ tē₂le₃ quió'₅ Diú₄, chon₅₄ 'nia'₂ jmig₂ le₂jang'₂ le₂jang'₂ lia'₂ con'₂ lē₅ 'éi'₃ quió'₅ Jesús, cuē'₅₄ léi₄ a₂qui₂ma₂'én₂ dsáu'₂ 'nia'₂. Jaun₂ guē₄ cuin₃ Diú₄ Jme₂dsi₂ Jñió₅ quiaín₅. 39 Jág₁ nē₅ ca₂cuē₃ Diú₄ quián'₂ 'nia'₂ ca₂le₃jín'₃, ca₂le₃jín₃ chi'₂-guein₂ quián'₂ 'nia'₂ nē₃, quian'₅₄ ca₂le₃jín₃ guē₄ dsa₂ i₂chan₂ uing₂. Jág₁ nē₅ quió'₅ ca₂le₃jín₃ dsa₂ i₂'nio₃ Te₁gui'₅₄ Diú₄ quián₂ jniog₄ tē₂.

40 Quian'₅₄ jág₁ la₂, quian'₅₄ 'lióng₂ guē₄ jág₁ siá'₂, ca₂juá'₂ Pe₄ tion₅₄ ca₂tsí'₃ dsa₂:

—Lion₄ 'nia'₂ jin₄ dsa₂ i₂ma₂i₂cón'₅ rē₂nē₃.

41 Jaun₂ ca₂le₃jín₃ i₂ca₂tón'₃ jui₅ ca₂nág₂ jág₁ dse₃ ca₂juá'₂ Pe₄, qui₂ca₂jñói₂ jmig₂. Jmíg₄ jaun₂ con'₂ 'ni₅ mei₅ dsa₂ i₃ton'₅₄ tē₂le₃ jin₄ dsa₂ i₂ma₂'én₂ tē₂le₃ quió'₅ Jesucristo. 42 Ca₂le₃jín₃ dsa₂ ca₂jña'₃ tiá₂ ca₂le₃jē₃ jág₁ a₂jme₂tag₅ chi'₂ dsi₂guia₃-tín₂. Caun₂ bá₄ jág₁ quió'₅ ca₂jmo₃ ca₂le₃jín₃, chi₂lén'₂ Diú₄, qui₂tóin'₅ co₂lē₅, jmo₂₃ dsóg₁ i₁ñí'₄.

'A₂ lia'₂ jme₁chan₂ dsa₂ le₂'uig₅₄ i₂'én₂ jág₁ dse₃

43 'Ñio₅ i₂gó'₃ dsí₅ dsa₂ ca₂le₃jē₃ léi₄ a₂qui₂ca₂jmo₃ Diú₄ tē₂le₃ quian'₅₄ dsi₂guia₃-tín₂ i₂chen₄Š quiaín₅. 44 Ca₂le₃jín₃ dsa₂ i₂ma₂'én₂, caun₂ bá₄ jág₁ 'ei₅ quió'₅, jaun₂ ca₂le₃jē₃ a₂jme₁cha₂ quió'₅, jme₁lē₄ quió'₅ ca₂le₃jín₃ riin'₅₄. 45 Ca₂le₃jē₃ 'e₂ cosa cha₂ quió'₅, qui₂ca₂'nag₃, jaun₂ jme₁qui₂dsió'₅ cu₄ jaun₂ 'ein₂ riin'₅₄ 'nió'₅ quió'₅. 46 Ca₂le₃jē₃ jmíg₄ jme₁ñi'₂ i₁dsi₅ guá'₅ templo. Dsi₂néi₂ quió'₅ nē₃, jme₁dsió'₅ i₁ñí'₄ jme₁guē'₅ co₂dsia₅, ca₂le₃jín₃ jmo₂₃ 'io'₂, caun₂ bá₄ 'ei₅ dsí₅. 47 Ca₂le₃jín₃ jme₁cuē'₅ ti₁'mag'₄ Diú₄, jaun₂ ca₂le₃jín₃ dsa₂ sián'₂ jme₁'nioi₃ dsa₂ 'éi₂. Jaun₂ ca₂le₃jē₃ jmíg₄ bá₄ jmo₅ Te₁gui'₅₄ caun₂ dsi₂juín₂ dsa₂ i₂lón₂.

3

Ca₂'lón₂ jan₂ dsa₂ 'lian'₂

1 Co₂ráun₂ dsióg₃ Pe₄ quiaín'₅₄ Juan₅₄ guá'₅ templo con'₂ hora ñí₁ 'ni₅ tē₂le₃ ca₂'láu₂, *ia₁ hora jaun₂ jme₁ñí'₂ dsa₂ tián₂ chi₂lén'₂ Diú₄. 2 Ca₂le₃jē₃ jmíg₄ jme₁dsi₂jñia₃ dsa₂ jan₂ dsa₂ 'lian'₂ i₂tsá₃ lé₂ ñi₃, le₂jaun₂ jme₁ma₂lín₅ lia'₂ con'₂ jme₁ca₂rē₃cháin₃, jme₁dsi₃jio₃ dsa₂ o₄'né₄ i₁dsi₅ guá'₅, ja₁tē'₂ dsa₂ O₄'né₄ Jlá'₁.

Ja₁jaun₂ jme₁qui₂mi₅ dsa₂ 'lian'₂ 'éi₂ cu₄ quió'₅ dsa₂ i₂dsi₂lén₂ guá'₅. ³ Jme₁ca₂jág₃ dsa₂ dso'₅₄ 'éi₂ ca₂hó₃ Pe₄ quiaín'₅₄ Juan₅₄ a₂dsi₃toín'₅₄ i₁dsi₅ guá'₅, jaun₂ ca₂mi₃ cu₄ quió'₅ dsa₂ on₃ 'éi₂. ⁴ Jaun₂ ca₂nau₂ Pe₄, Juan₅₄ ně₃, ca₂jíin₂ dsa₂ 'éi₂. Jaun₂ ca₂juá'₂ Pe₄:

—Dse₃ jag₄ jnia'₅₄.

⁵ Jaun₂ guá'₅ dsa₂ 'éi₂ qui₂jíin₂ Pe₄ quiaín'₅₄ Juan₅₄, ia₁ líin₂ cuē₃ dsa₂ ca₂la₂ cu₄. ⁶ La₁ jaun₂ ca₂juá'₂ Pe₄:

—Tsá₃ cu₄tio₂g₂, on₃ guē'₂ cu₄nió₄ cha₂ quió'₃ cuē₅₄. La₁ con'₂ a₂cha₂ quió'₃, cuē₅₄. Quiaín'₅₄ 'éi'₃ quió'₅ Jesucristo chan₂ Nazaret, nau₂, ŋi₄.

⁷ Jaun₂ ca₂jña'₃ Pe₄ mi₂gu₂ ne₁ dsa₂ 'éi₂, ca₂jme₃'o₅₄ ca₂chó'₂. Dsi₂jui₅ le₂jaun₂ ca₂rē₃bén₂ mi₂tag₄ dsa₂ 'éi₂. ⁸ Jaun₂ ca₂ráun₂ ca₂nau₂ jaun₂ ca₂jme₃lió₃ ca₂ŋi₃. Jaun₂ ca₂'í₃ i₁dsi₅ guá'₅ quiaín'₅₄ dsa₂ on₃ 'éi₂, qui₂ca₂ŋi₃ qui₂ca₂ráun₂ qui₂ca₂cuē'₃ ti₁'mag'₄ Diú₄. ⁹ Ca₂le₃jín₃ dsa₂ i₂tion'₅₄ ja₁jaun₂, ca₂jíin₂ dsa₂ 'éi₂ ŋi₂₃ cuē'₅ ti₁'mag'₄ Diú₄. ¹⁰ Jaun₂ dsi₂gó'₃ dsi₅ 'ŋio₅ lín₃, ia₁ ma₂ŋi₂₃. Ma₂cuíin₂₃ bá₄ dsa₂ 'éi₂ i₂gua₂ tián₂ o₄'né₄ chei₂ jlá'₁ qui₂mi₂₃ cu₄.

Jág₁ ca₂ton₃ Pe₄ corredor ja₁tě'₂ dsa₂ quió'₅ Salomón

¹¹ Caun₂ 'en₅₄ le₂jaun₂ bá₄ dsa₂ i₂jme₁'lian'₂ 'éi₂ quiaín'₅₄, tsá₃ téin₂ Pe₄, Juan₅₄ ně₃. Jaun₂ ca₂i₃lén₂ co₂chi'₅₄ juín₅ dsa₂ dsi₂gó'₃ dsi₅ ca₂ton₂ guá'₅ ja₁chei₂ Corredor quió'₅ Salomón, ja₁jme₁'en₅₄ Pe₄ quiaín'₅₄ Juan₅₄ ně₃. ¹² Jme₁ca₂jág₃ Pe₄ le₁ŋi'₂ dsa₂ juín₅, jaun₂ ca₂juá'₂ ca₂tsí'₃ dsa₂ 'éi₂:

—'Nia'₂ dsa₂ juig₂ chan₂ Israel, ¿'E₂ lē₃ ŋi₄ dsi₂gó'₃ 'au'₂ 'nia'₂? ¿'E₂ lē₃ jag'₅₄ 'nia'₂ jnia'₅₄ le₂nē₅? On₃jua'₅₄ bí₂ a₂tag₂ jnia'₅₄ guio₅₄ a₂ca₂'lón₂ dsa₂ ně₅ a₂ma₂lé₂ ŋi₃, jua'₅₄ a₂lág₅ jnia'₅₄ dsa₂ o₂dsan₂. ¹³ La₁ia₁ Diú₄ quián₅ tsi₁jon₂ jmei₂ jniog₄ Abraham, Isaac, Jacob ně₃, Diú₄ 'éi₂ ca₂jme₃juín'₂ 'ŋio₅ lín₃ Jesús ja₁ŋi'₅₄, i₂ca₂jín'₅₄ 'nia'₂ ne₄ dsi₂tan₅₄. Jme₁'nio₃ guē₄ Dsi₄má'₂ Pilato jme₁lió₂, la₁ tsá₃ ca₂gue'₅₄ 'nia'₂. ¹⁴ 'Nió'₄ jme₁lon'₄ 'nia'₂ dsa₂ jŋi₅o₅ i₂tsá₃ 'e₂ dso₄ rin₂ 'éi₂, jē₂ bá₄ dsa₂ i₂ma₂jŋi'₃ dsa₂ ca₂mi'₅₄ 'nia'₂ líón₂. ¹⁵ Jaun₂ le₂nē₅ ca₂jŋi'₃ 'nia'₂ dsa₂ i₂cuē₅ jme₂dsi₂. La₁ Diú₄ ca₂jme₃jeín'₅₄ táng₃ jín₄ 'lag₄, jaun₂ ca₂le₃jē₃ a₂nē₅ ca₂tě₂ ne₄ jnia'₅₄. ¹⁶ Quiaín'₅₄ bí₂ quió'₅ 'ŋiog₅ Jesús 'éi₂ ca₂'líón₂ dsa₂ i₂cuín'₂ 'nia'₂ i₂jín'₄ 'nia'₂ ně₅, ia₁ a₂'éin₂ jnia'₅₄ tē₂le₃ quió'₅ Jesús. 'Éi₂ bá₄ ně₂cuē₃ bí₂ quió'₅ dsa₂ ně₅, jaun₂ ca₂'lón₂, co₂ŋei'₅₄, jui₁lia'₂ jín'₅₄ 'nia'₂ ně₅.

¹⁷ 'Guion₄ bá₄ jniá₂ dse₃, rin'₅₄ jniog₄, a₂ca₂jmo'₅₄ 'nia'₂ caun₂ jág₁ quiaín'₅₄ dsa₂ can'₅₄ quián'₂ 'nia'₂, a₂ca₂jŋi'₃ 'nia'₂ Jesús, ca₂jmo'₅₄ 'nia'₂ le₂jaun₂ ia₁ a₂tsá₃ ŋi'₅₄ bá₄ 'nia'₂ 'e₂ jmo'₂. ¹⁸ La₁ ca₂rē₃ti₃ jág₁ a₂ma₂'ě₂ Diú₄ le₂jŋiá₅ tē₂le₃ quiaín'₅₄ dsa₂ i₂jme₁'ě₂ jág₁ quiaín₅, a₂tion₅₄ ŋág₃ uig₅ dsa₂ I₂rē₂'ín₁ quiaín₅. ¹⁹ Jaun₂

ně₃, jme₁tsín₄ 'nia'₂ 'au'₂, jen'₅₄ 'nia'₂ tē₂le₃ quió'₅ Diú₄, ia₁jaun₂ 'én₂ dsáu'₂ 'nia'₂. Jaun₂ bá₄ jiá₃ jmig₄ cuē₃ Te₁gui'₅₄ a₂le₃gün'₂ jme₂dsí₂ quián'₂ 'nia'₂, ²⁰ a₂chein₃ táng₃ Jesús i₂lín₅ I₂rē₂'ín₁ quián₅ Diú₄, i₂ma₂lē₅ jág₁ le₂jníá₅ jiá₃ quián'₂ 'nia'₂, ²¹ o₁jnía'₅₄ la₂ rē₂ně₃ tion₅₄ 'nió'₅ guá₃ Jesús guei'₅₄ i₂juíg₃ ca₂lia'₂ ca₂jmo₃ Diú₄ rē₂ ca₂le₃jě₃ lia'₂ con'₂ lē₅ jág₁ ma₂'ē₂ dsa₂ jnió₅ quiáin₅ ma₂líg'₂. ²² Le₂la₂ ca₂juá'₂ 'lag₄ Moisés ca₂tsí'₃ dsa₂ quián₂ jniog₄ ma₂dsi₃jo₃: “A₂chen₃ Te₁gui'₅₄ Diú₄ jan₂ dsa₂ i₂'ē₂ jág₁ quiáin₅, i₂lín₅ dsa₂ go'₄ 'nia'₂ guiong'₅₄, jui₁lia'₂ ca₂chei₃ jniá₂. Jaun₂ tón'₂ 'nia'₂ jui₅ jme₁ti'₄ 'nia'₂ ca₂le₃jě₃ con'₂ 'éi'₃ a₂jmo₃ 'éi₂. ²³ Ia₁ ca₂le₃jín₃ i₂tsá₃ jui₅ tón'₂ jág₁ quió'₅ dsa₂ i₂chen₄ quiáin₅ 'éi₂, dsi₃'éin₂, 'uín₃ juig₂ Israel.”† ²⁴ Jaun₂ le₂ně₅ ca₂'ē₂ Samuel jág₁ le₂'uig₅₄, ca₂le₃jín₃ guē₄ dsa₂ i₂jme₁'ē₂ jág₁ quián₅ Diú₄ i₂ca₂o₃lén₂ cang₂ guē₄ jaun₂, qui₂ca₂juá'₂ lia'₂ lē₂ jmig₄ ně₃. ²⁵ Jág₁ a₂ca₂cuē₃ Diú₄ tē₂le₃ quian'₅₄ dsa₂ i₂jme₁'ē₂ jág₁ quiáin₅, ca₂cuē₃ 'nia'₂ bá₄. A₂dse₃ quián'₂ 'nia'₂ bá₄ ca₂jmo₃ Diú₄ caun₂ jág₁ quian'₅₄ dsa₂ can'₅₄ quián₂ jniog₄ ma₂líg'₂, jui₁lia'₂ ca₂tsí'₃ Abraham: “Ca₂le₃jín₃ chi'₂-guein₂ dsa₂ mi₂güig₃ le₃chain₂ dse₃ tē₂le₃ quian'₅₄ chi'₂ dsió'₂.”‡ ²⁶ Lia'₂ con'₂ jme₁ca₂chón'₂ § Diú₄ Ja₁ñi'₅₄, ca₂chein₃ le₂'uig₅₄ jin'₄ 'nia'₂, ia₁jaun₂ jme₃gu'₅₄, ia₁jaun₂ tí'₄ 'nia'₂ le₂jang'₂ le₂jang'₂ ca₂le₃jě₃ dso₄ qui₂'nau'₂ 'nia'₂.

4

Pe₄ quiaín'₅₄ Juan₅₄ tióin₂ ne₄ dsi₂tan₅₄

¹ Pe₄ quian'₅₄ Juan₅₄ tsá₃ ma₂dsan₃ bá₄ guē₄ tsí'₅ dsa₂ jág₁, jme₁ca₂dsi₃lén₂ jme₂dsa₂ quiaín'₅₄ juig₅₄ chi'₂ 'i'₅₄ quián₅ guá'₅, dsa₂ saduceos ně₃. ² Le₁'néi₃ 'ñio₅ lín₃, ia₁ jme₂tín₅ 'éi₂ dsa₂ a₂jen'₅₄ dsa₂ jin'₄ 'lag₄ jui₁lia'₂ ca₂lē₃ léi₄ ca₂jen'₅₄ Jesús. ³ Jaun₂ ca₂jñau'₃ chi'₂ 'i'₅₄ ca₂tág₃ ca₂i₁tio'₂ né'₃ 'má₃ ca₂tē₂ jme₁jnia₃, ia₁ ca₂'láu₂ bá₄ jmig₄ jaun₂. ⁴ La₁ juin₅ bá₄ dsa₂ i₂ca₂nág₂ ca₂rē₃'éin₂ jág₁. Con'₂ 'ñiá₂ mei₅ dsa₂ i₂ca₂rē₃'én₂ 'éi₂, jme₁ca₂caun₂ dsa₂ 'í₁ jmá'₃ dsa₂ ñe'₂.

⁵ Jme₁jnia₃ jaun₂, ca₂ñi'₂ ca₂le₃jín₃ dsa₂ dsen₅₄ i₂jmo₅ 'éi'₃ quián₅ dsa₂ judíos, dsi₂gui'₅₄ can'₅₄, tē₅juá'₅ ně₃. ⁶ Ján₃ bá₄ jaun₂ jme₁'en₅₄ Anás i₂lín₅ jme₂dsa₂ dsen₅₄, Caifás, Juan₅₄, Alejandro ně₃, ca₂le₃jín₃ guē₄ i₂lín₅ o₁rín'₅₄ jme₂dsa₂ dsen₅₄. ⁷ Jme₁ma₂le₁ñi'₂ jñin₂, jaun₂ guē₄ ca₂i₁dsein₂₃ Pe₄ quian'₅₄ Juan₅₄, jaun₂ ca₂chei'₃ dsi₂jo₂ ja₁le₁ñi'₂ jaun₂. Jaun₂ ca₂ñag₃:

—¿'Ein₂ ca₂cuē₃ 'éi'₃, o₃ 'ein₂ ca₂cuē₃ jág₁ a₂i₂nio'₄ 'nia'₂ jme₂tíng'₁ dsa₂, a₂jmo'₂ 'nia'₂ 'e₂ jmo'₂ i₂niog'₅₄?

† 3:23 Deuteronomio 18:15,18-19.

‡ 3:25 Génesis 22:18; 26:4.

§ 3:26 o₃,

“jme₁ca₂jme₃jen'₅₄.”

⁸ Jaun₂ ca₂juá'₂ Pe₄, rē₂rin₅ Jme₂dsí₂ Jnió₅ tē₂dsí₅, ca₂tsí'₃ dsa₂ i₂le₁ñi'₂ 'éi₂:

—'Nia'₂ dsa₂ dsen₅₄ quián₅ juig₂, 'nia'₂ dsa₂ can'₅₄ quián₅ juig₂ Israel ně₃: ⁹ Chi₂jua'₂ a₂jaun₂ ñag'₅₄ 'nia'₂ ia₁ ca₂jmo₁ jnia'₅₄ caun₂ a₂dse₃ quió'₅ jan₂ dsa₂ dso'₅₄ i₂tsá₃ lé₂ jme₁ñi₃, chi₂jua'₂ 'niog'₂ 'nia'₂ le₃ñi'₅₄ 'a₂ lia'₂ ca₂lě₃ a₂ca₂'lón₂, ¹⁰ jui₁le₃ñi'₅₄ bá₄ 'nia'₂, jui₁le₃ñi₅ bá₄ ca₂le₃jín₃ dsa₂ juig₂ Israel ně₃, a₂chén'₅ dsa₂ ně₅ jin'₄ 'nia'₂ ca₂'lón₂ quian'₅₄ bí₂ quió'₅ Jesucristo chan₂ Nazaret i₂ca₂tión'₃ 'nia'₂ cróg₄, i₂ca₂jme₁jen'₅₄ táng₃ Diú₄ jin₄ 'lag₄. ¹¹ Jesús 'éi₂:

lín₅ ni₁cang₁ a₂tsá₃ jen'₅₄ 'nia'₂,

i₂lín₅ g₅ tē₅ i₂chì'₅ tsi₁'né₅,

la₁ ca₂dsióg₃ ca₂lě₃ ni₁cang₁ a₂dsen₅₄ guě₄.*

¹² Ia₁ 'i₁jan₂ i₂sián'₂ tsá₃ chan₂ i₂le₃lón₂ dsa₂. Ia₁ 'i₁jan₂ i₂sián'₂ tsá₃ ca₂cuin₃ Diú₄ ne₄ gua'₅₄ 'uě₃ la₂, a₂lé₂ 'i₁n₄ jniog₄ a₂mí₁ ne₄ Diú₄ ia₁jaun₂ tág'₄ guei'₅₄ i₂juíg₃, jnia'₅₄ lia'₂ jan₂ Jesús bá₄.

¹³ Jme₁ca₂jág₃ dsa₂ can'₅₄ dsi₂gó'₃ dsí₅ ca₂jín₂ Pe₄ quian'₅₄ Juan₅₄ 'a₂ lia'₂ tiá₂ dsí₅ 'éi₂ ñag₂₃ ne₅₄ le₂jaun₂, jaun₂ ca₂rě₃lí'₄ a₂lín₅ 'éi₂ dsa₂ tsá₃ lín₄ quen₅, i₂tsá₃ lín₄ si₂ cuí'₅ ně₃, jaun₂ guě₄ ca₂rě₃cuin₂₃ a₂lín₅ 'éi₂ dsa₂ i₂jme₁i₂nio₄ quian'₅₄ Jesús. ¹⁴ Ia₁ jaun₂ bá₄ jme₁chén'₄ dsa₂ i₂ca₂'lón₂ 'éi₂ jě₄ jaun₂, jaun₂ lě₃ tsá₃ cuin₅ jmig₄ jua'₅₄ a₂juá'₂ dsa₂ can'₅₄ a₂tsá₃ dsau₅. ¹⁵ Jaun₂ ca₂'uín'₂ bá₄ Pe₄ quian'₅₄ Juan₅₄ jě₄ jaun₂, jaun₂ ca₂jmo₃ jág₁ guioin₅₄ 'a₂ lia'₂ jmo₃. ¹⁶ Ca₂dsia₃ jág₁, juá'₂:

—¿'A₂ lia'₂ jmó₁ quian'₅₄ dsa₂ ně₅ jaun₂? Ia₁ ca₂le₃jín₃ bá₄ dsa₂ juig₂ Jerusalén ma₂le₁ñi₅ a₂jmo₅ i₂ně₅ léi₄ juě'₂, jaun₂ tsá₃ lé₂ jua'₅₄ a₂jua'₅₄ jniog₄ a₂tsá₃ dsau₅. ¹⁷ La₁ ia₁jaun₂ tsá₃ ma₃caun₂ qui₃dsi₃'ag₅ jág₁ jin₄ dsa₂ juig₂, 'nió'₅ quian₅₄ jniog₄ juě'₅ ia₁jaun₂ tsá₃ ma₃i₃nioi₅₄ qui₃'iín₃ guě₄ Jesús a₂tsí'₃ dsa₂ le₃ne₄ jui₅ ja₁dsau₅₄ ně₅.

¹⁸ Jaun₂ ca₂tě₃ dsa₂ i₂le₁ñi'₂ 'éi₂ ca₂tě'₃ táng₃ Pe₄ quian'₅₄ Juan₅₄, jaun₂ ca₂jmo₃ 'éi'₃ ca₂tsí'₃ dsa₂ on₃ 'éi₂, a₂tsá₃ ma₃dsia₃ co₂ñei'₅₄ on₃ guě'₂ jme₃tiín₂₃ dsa₂ a₂'iín₂₃ Jesús. ¹⁹ La₁ jaun₂ ca₂ñag₃ Pe₄ quian'₅₄ Juan₅₄ ca₂juá'₂:

—'Nio'₄ 'nia'₂ 'au'₂ chi₂jua'₂ 'ñio₅ guě₄ dse₃ jniá₂ ne₄ Diú₄, a₂néi₁ jnia'₅₄ gau₂ jág₁ quián'₂ 'nia'₂, 'nió'₄ a₂jme₁néi₁ jnia'₅₄ gau₂ jág₁ quió'₅ Diú₄. ²⁰ La₁ jnia'₅₄ ně₃ tsá₃ lé₂ tí₄ a₂dsiá₁ ca₂le₃jě₃ a₂ma₂jag₅₄, a₂ma₂néi₁ ně₃.

²¹ Jaun₂ ca₂quiong₃ dsi₂tan₅₄ juě'₅, la₁ ca₂lió₂ bá₄ jaun₂ ně₃. Ia₁ tsá₃ ca₂dsó'₂ 'a₂ lia'₂ 'ě₂ uig₅, ia₁ ca₂le₃jín₃ bá₄ dsa₂ ma₂qui₂cuě'₃ ti₁'mag'₄ Diú₄ a₂ca₂tě₂ ne₅₄ a₂ca₂lě₃ jaun₂. ²² Jaun₂ dsa₂ ñe'₂

* 4:11 Salmo 118:22.

i₂ca₂'lón₂ 'éi₂ quian'₅₄ léi₄ a₂dsi₂gó'₃ dsi₅, jme₁'ein₅₄ lě₅ guě₄ tē₂láu₃ ŋi₂.

Ca₂mi₃ dsa₂ 'én₂ a₂cuē₃ guě₄ Diú₄ bí₂ quió'₅

²³ Jme₁ma₂lón₂ Pe₄ quian'₅₄ Juan₅₄, ca₂i₃lén₂ ja₁tion'₅₄ riin'₅₄, jaun₂ ca₂dsia₃ ca₂le₃jě₃ 'e₂ ca₂juá'₂ juig₅₄ jme₂dsa₂ quian'₅₄ dsi₂gui'₅₄ can'₅₄ a₂ca₂tsí'₃ 'éi₂. ²⁴ Jme₁ca₂nág₂ jág₁ jaun₂, ca₂le₃jín₃ ca₂mi₃ co₂lě₅ ca₂tsí'₃ Diú₄ ca₂juá'₂:

—Te₁gui'₅₄ quián₂ jniog₄, 'ne₂ bá₄ líng'₅ Diú₄ i₂ca₂jmo'₅₄ guei'₅₄ i₂juig₃, quian'₅₄ gua'₅₄ 'uē₃, jmi₁ŋi'₄ ně₃, ca₂le₃jě₃ guě₄ 'e₂ a₂cha₂. ²⁵ 'Ne₂ bá₄ ca₂jua'₅₄ quian'₅₄ Jme₂dsí₂ Jñiós₅ quiáng'₂, jme₁ca₂juá'₂ 'lag₄ David dsa₂ quiáng'₂:

¿'E₂ lě₃ tion'₅₄ dsi₂nau₂ co₂mi'₅₄?

¿'E₂ lě₃ dsi₂jio₅ dsí₅ dsa₂ chan₂ mi₂güig₃

ca₂le₃jě₃ ne₅₄ a₂'lig'₅₄ a₂tsá₃ ta₁ tí₄?

²⁶ Ca₂le₃jín₃ rag₅₄ ne₄ gua'₅₄ 'uē₃

qui₂ca₂quin'₂ jág₁;

Ca₂le₃jín₃ dsi₂tan₅₄ quián₅ juig₂

qui₂ca₂nau₂ 'nei₂ ja₁con₂ Te₁gui'₅₄,

ja₁con₂ I₂rě₂'ín₁ quiáin₅ ně₃.†

²⁷ 'Dsau₅ dsón'₂ bá₄ ca₂jmo₃ caun₂ jág₁ Rag₅₄ Herodes quian'₅₄ Dsi₄má'₂ Poncio Pilato juig₂ la₂ quian'₅₄ dsi₂nau₂, dsa₂ israelitas ně₃. Ca₂quin'₃ jág₁ ca₂jme₃ŋiai₅₄ Jesús Ja₂ŋi'₂ jñiós₅ i₂rě₂'ín₁ quiáng'₂. ²⁸ Quian'₅₄ a₂hě₅, ca₂jme₃ti₃ dsa₂ can'₅₄ 'éi₂ ca₂le₃jě₃ a₂'i₄ 'éi'₃ niog₅ lě₂. ²⁹ Jaun₂ ně₃ Te₁gui'₅₄, jag₄ a₂quiong₅ dsa₂ juě'₅ jnia'₅₄. Cuě₄ bí₂ jnia'₅₄ dsa₂ quiáng'₂ ia₁jaun₂ tián₂ qui₂jme₁tin₅ guě₄ jnia'₅₄ dsa₂ jág₁ quiáng'₂, tsá₃ jui₁le₂go₃. ³⁰ Cuě₄ bí₂ quiáng'₂ a₂lě₂ jme₁'lion₅₄ jnia'₅₄ dsa₂ dso'₅₄, a₂lě₂ jmó₁ léi₄ dsi₂gó'₃ dsi₅ quian'₅₄ bí₂ 'éi'₃ quió'₅ Jesús, dsa₂ jñiós₅ i₂jme₂ti₃ quiáng'₂.

³¹ Jme₁ca₂dsan₃ chi₂lén'₂ Diú₄ le₂ně₅, ca₂i₁bi₅₄ ja₁tiain'₅₄, jaun₂ ca₂le₃jín₃ qui₂ca₂cain'₂ Jme₂dsí₂ Jñiós₅. Jaun₂ tsá₃ ma₃juě'₅ 'i₄ dsí₅ qui₂ca₂'ě₂ jág₁ dse₃ quió'₅ Diú₄.

Ca₂le₃jě₃ 'e₂ cha₂ jme₁lě₄ quió'₅ ca₂le₃jín₃

³² Ca₂le₃jín₃ dsa₂ i₂ma₂'én₂, caun₂ bá₄ a₂dsi₂jio₅ dsí₅, caun₂ bá₄ 'ei₅ jme₂dsí₂ quió'₅ ca₂le₃jín₃. 'I₁jan₂ tsá₃ jua'₅₄ a₂jmo₂₃ quió'₅ 'niog₅ 'e₂ caun₂ a₂cha₂ quió'₅. Jmo₂₃ bá₄ dsí₅ a₂quió'₅ co₂dsia₅ quiaín'₅₄ riin'₅₄ ca₂le₃jě₃ 'e₂ a₂cha₂ quió'₅. ³³ Caun₂ ca₂'ág₂ tiá₂ dsí₅ qui₂ca₂cuē₃ jág₁ dsau₅ dsi₂guia₃-tín₂ i₂chen₄† quián₅ Diú₄ 'éi₂, 'a₂ lia'₂ ca₂jen'₅₄ Te₁gui'₅₄ Jesús. Jaun₂ caun₂ qui₂ca₂cuē₃ Diú₄ bí₂ 'ñio₅ lín₃ quió'₅ ca₂le₃jín₃ dsa₂ i₂'én₂.

³⁴ 'I₁jan₂ tsá₃ 'ein₂ jua'₅₄ cha₂ qui₂ca₂rě₃'nió'₅ quió'₅, ia₁ dsa₂

† 4:26 Salmo 2:1-2. ‡ 4:33 griego: apóstolous.

i₂cha₂ 'uë₃, o₃ i₂tióng₂ 'né₅ quió'₅ ně₃, qui₂ca₂'nag₃. ³⁵ Jaun₂ ca₂o₃can₅ cu₄ jaun₂, ca₂jín'₃ dsa₂ guia₃-tín₂ i₂chen₄ quián₅ Jesús 'éi₂, jaun₂ ca₂dsiό'₃ ca₂cuë'₃ le₂jan₂ le₂jan₂ 'a₂ con'₂ 'nió'₅ quió'₅. ³⁶ Jme₁chan₂ jin₄ dsa₂ 'éi₂ jan₂ dsa₂ levita i₂jme₁chen₂ José i₂chan₂ Chipre. Dsa₂ i₂chen₄ ně₃ ca₂quiain₃ Sě₄ 'éi₂ Bernabé, co₂'nió'₄ a₂juá'₂ dsa₂ i₂jmo₅ lián'₂, i₂jme₂'o₅₄. ³⁷ Bernabé 'éi₂ ca₂'nag₃ caun₂ 'uë₃ quió'₅ a₂jme₁cha₂. Ca₂le₃jě₃ cu₄ jaun₂ ca₂o₃can₅ ca₂cuë'₃ dsa₂ guia₃-tín₂.

5

Dso₄ a₂ca₂'náu₂ Ananías quiain'₅₄ Safira

¹ La₁ jan₂ dsa₂ sián'₂ i₂jme₁chen₂ Ananías quiain'₅₄ Safira 'io₅₄ quián₅, ca₂'nag₃ caun₂ 'uë₃ quió'₅. ² Dsa₂ ηe'₂ 'éi₂ ca₂'ma₃ ca₂dsio₄ cu₄ jaun₂ 'ηiog₅, jaun₂ ca₂dsio₄ bá₄ ca₂i₁cuë'₂ dsa₂ guia₃-tín₂ i₂chen₄ * quián₅ Jesús, lia'₂ jag₄ bá₄ a₂i₁can₅ ta₁jě₂. Ján₃ bá₄ ηi₅ 'io₅₄ quián₅. ³ Jaun₂ ca₂juá'₂ Pe₄ ca₂tsí'₃ Ananías:

—ζ'E₂ lě₃ ca₂'i₃ Satanás tē₂'au'₂ jaun₂ jmo'₂ jág₁ tē₂jág₁ ne₄ Jme₂dsí₂ Jnió₅, a₂ca₂'ma'₅₄ ca₂dsio₄ cu₄ a₂ca₂quí₃ dsa₂ 'lia'₅₄ 'uë₃ quiáng'₂? ⁴ ζOn₁jua'₅₄ quiáng'₂ 'uë₃ a₂ně₂'nag'₅₄? ζOn₁jua'₅₄ quiáng'₂ cu₄ jaun₂ ně₃? ζ'E₂ lě₃ ca₂i₃jio₅ 'au'₂ jmó'₂ le₂ně₅? Díu₄ bá₄ ně₂chei'₅₄ 'ne₂ jág₁ tē₂jág₁, on₃jua'₅₄ dsa₂ mi₂gü₃.

⁵ Dsi₂jui₅ jme₁ně₂néi₂ Ananías le₂ně₅, ca₂quín'₃ ca₂join₃. Jaun₂ ca₂le₃jín₃ dsa₂ i₂ca₂rě₃ηi₅ a₂ca₂lě₃ le₂jaun₂ ca₂rě₃gó'₅ 'ηio₅ lín₃. ⁶ Jaun₂ ca₂o₃lén₂ on₃-ún₂ chi'₂ dsa₂ ηe'₂, ca₂lio₃ 'mi'₂ nī₁ηi₁₂, jaun₂ ca₂i₁'ó₄.

⁷ Tsá₃ jaun₂ ηi₅ 'io₅₄ quián₅ Ananías a₂ca₂lě₃ le₂jaun₂, jaun₂ ca₂dsiό₃ con'₂ 'ni₅ hora cang₂ jaun₂. ⁸ Jaun₂ ca₂ηag₃ Pe₄ ca₂ηíi'₃ 'io₅₄:

—Jua'₅₄ dsón'₂. ζ'Ma'₅₄ jaun₂ ně₂'nag'₅₄ 'nia'₂ 'uë₃ con'₂ lě₅ jág₁ juá'₂ 'nia'₂?

Jaun₂ ca₂ηag₃ 'io₅₄:

—Ján₅. 'Ma'₅₄ jaun₂ dsón'₂ bá₄ i₂'nag₄.

⁹ Jaun₂ ca₂juá'₂ táng₃ Pe₄:

—ζ'E₂ lě₃ ně₂jmo'₅₄ 'nia'₂ caun₂ jág₁ a₂cáng'₄ táu₂ Jme₂dsí₂ quián₅ Te₁gui'₅₄? Ca₁'né₄ ně₅ ma₂ja₂len₃ táng₃ dsa₂ i₂ma₃i₁'ón₄ dsi₂i₂gog'₂. Ně₃ guě₄ tē₂ táng₃ 'ne₂.

¹⁰ Dsi₂jui₅ le₂jaun₂ ca₂quín'₃ 'io₅₄ ca₂join₃ ja₁chén'₄ Pe₄ jaun₂. Jme₁ca₂i₃ton'₅₄ chi'₂ dsa₂ ηe'₂ 'éi₂, ma₂jón₅ bá₄ 'io₅₄, jaun₂ ca₂tág₃ táng₃ jaun₂ ca₂i₁'ó₄ cau₅ ja₁rě₂'on₅ dsi₂i₂gu₂. ¹¹ Jaun₂ ca₂rě₃gó'₅ 'ηio₅ lín₃ ca₂le₃jín₃ dsa₂ 'én₂ i₂lín₅ guá'₅, ca₂le₃jín₃ guě₄ dsa₂ sián'₂ i₂ca₂rě₃ηi₅ a₂ca₂lě₃ jaun₂.

'Lióng₂ léi₄ juě'₂ a₂dsi₂gó'₃ dsi₅ ně₃, ca₂lě₃

¹² Quian⁵⁴ bí² quió⁵ Diú⁴ ca₂jmo³ dsa₂ i₂chen⁴ quián⁵ Jesús 'lióng₂ léi₄ jué'² a₂dsi₂gó³ dsi₅ jin⁴ dsa₂. Jaun₂ jme₁ñi'² dsa₂ i₁dsi₅ guá'⁵ templo ja₁lě₄ corredor ja₁tě'² dsa₂ quió⁵ Salomón.
¹³ 'I₁jan₂ tsá₃ ca₂tiá₂ dsí₅ jme₃quai_{in}'⁵⁴ dsa₂ i₂én₂ 'éi₂, la₁ jme₁jme₂go₃ bá₄. ¹⁴ La₁ juin₅ bá₄ dsa₂ ñe'², lia'² dsa₂ mí₂ ně₃, ca₂rě₃'én₂ tē₂le₃ quió⁵ Te₁gui'⁵⁴. ¹⁵ Ca₂lia'² jme₁dsi₂jñia₃ jě₄ calle dsa₂ dso'⁵⁴ tián'⁵ ne₄ cama, ne₄ tsi₁jein₁ ně₃, ia₁jaun₂ tsá₃ a₂nag₅₄ jñia'⁵⁴ 'én'₁ quió⁵ bá₄ Pe₄ tē₅₄ quió⁵ i₂lin₅₄ dsa₂ dso'⁵⁴ 'éi₂.
¹⁶ Ján₃ bá₄ ca₂o₃lén₂ juin₅ dsa₂ chan₂ juig₂ ma₂quián₅ Jerusalén, le₁jñia₂₃ dsa₂ le₁dso'⁵⁴, dsa₂ i₂tion'⁵⁴ jme₂dsi₂ 'lin'⁵⁴ tē₂dsí₅ ně₃, ca₂o₃lén₂. Jaun₂ ca₂le₃jín₃ dsa₂ 'éi₂ qui₂ca₂'lóin₂.

Ca₂co₃'ein₃ dsa₂ quió⁵ Pe₄ quian'⁵⁴ Juan⁵⁴

¹⁷ Jaun₂ ca₂rě₃'iog₅₄ 'ñio₅ lin₃ jme₂dsa₂ dsen₅₄, quai_{in}'⁵⁴ riin'⁵⁴ i₂jme₁lin₄ saduceos. ¹⁸ Jaun₂ ca₂jñai'³ dsa₂ i₂chen⁴ quián⁵ Jesús, ca₂i₁tio'² 'né₅ 'má₃. ¹⁹ La₁ a₂'uě₂ jaun₂, ca₂ñe₄ jan₂ ángel quián₅ Te₁gui'⁵⁴ ca₂niá₃ 'né₅ 'má₃, ca₂'uín'² dsa₂ i₂chen⁴ 'éi₂, ca₂juá'².
²⁰ —O₂nó'⁵ 'nia'² i₁dsi₅ guá'⁵ templo, o₂nau₂ o₂chei'⁵⁴ 'nia'² dsa₂ jág₁ dse₃ quió⁵ Jui₅ 'mí₂ la₂.

²¹ Jme₁ca₂nág₂ jág₁ ně₅, tē₃ o₃'iog₂ jme₁jnia₃ jaun₂ ca₂i₁lein₅₄ guá'⁵ ca₂i₁jme₁tiin₂₃ dsa₂.

Jmíg₄ jaun₂ ca₂tē₃ jme₂dsa₂ dsen₅₄ ca₂ñi'² dsi₂tan₅₄ quián₅ guá'⁵, jaun₂ ca₂jmo₃ 'éi'₃ i₁tē₂ dsa₂ i₂chen⁴ quián₅ Jesús i₂tion'⁵⁴ 'né₅ 'má₃ 'éi₂. ²² La₁ jme₁ca₂dsi₃lén₂ 'lióg₂† 'né₅ 'má₃, tsá₃ ma₃dsa₂ i₂jme₁tion'⁵⁴ chan₂. Jaun₂ ca₂i₃lein₃ táng₃ i₁con₂ jág₁, ²³ juá'²:

—Jme₁chi₁jnág₅ dse₃ bá₄ o₄'né₄ 'né₅ 'má₃, jme₁tió₂ bá₄ guě'² 'lióg₂ jmo₂₃ 'í₁ cau₅ o₄'né₄ ně₃. La₁ jme₁ně₂tió'⁴ jnia'⁵⁴ dsi₂néi₂, tsá₃ ma₃dsa₂ i₂jme₁tion'⁵⁴ chan₂ 'i₁jan₂.

²⁴ Jme₁ca₂nág₂ juig₅₄ jme₂dsa₂, juig₅₄ chi'² 'i'⁵⁴ quián₅ guá'⁵ ně₃, jaun₂ dsi₂gó³ dsí₅ qui₂ca₂ñi'³ riin'⁵⁴ 'a₂ dsi₁quén'⁵ ca₂le₃jě₃ a₂ně₅.
²⁵ Jaun₂ ca₂dsióg₃ jan₂ dsa₂ quian₅ jág₁, jaun₂ ca₂juá'²:

—Dsa₂ i₂ca₂jne'⁵⁴ 'nia'² 'né₅ 'má₃, ó₃ bá₄ ma₂tióin₂ i₁dsi₅ guá'⁵ jme₂tiin₂₃ dsa₂.

²⁶ Jaun₂ ně₃ ca₂i₃lén₂ chi'² 'i'⁵⁴ quai_{in}'⁵⁴ juig₅₄ quiáin₅, jaun₂ ca₂i₁chong'⁵⁴ táng₃ lia'² 'i₄ rě₂ jág₁. Tsá₃ uig₅ ca₂jmo₃'², ia₁ gó'⁵ qui₃jnáu'² cang₄ dsa₂ i₂le₁ñi'² ja₁jaun₂. ²⁷ Jme₁ca₂dsi₃lein₃ le₁te₂ dsa₂ 'éi₂, jaun₂ ca₂chei'³ dsi₂jo₂ ja₁le₁ñi'² dsi₂tan₅₄ quián₅ guá'⁵. Jaun₂ ca₂juá'² jme₂dsa₂ dsen₅₄ ca₂tsí'³ dsa₂ 'éi₂:

²⁸ —Ca₂jne₅₄ jnia'⁵⁴ co₂ñei'⁵⁴ a₂tsá₃ ma₃jme₁tin'⁵ 'nia'² dsa₂, jua'⁵⁴ a₂'ín'⁴ guě₄ 'nia'² Jesús 'éi₂. ¿'E₂ ma₂jmo'⁵⁴ guě'² 'nia'²? Caun₂ qui₂jme₂tin'¹ 'nia'² dsa₂, tsá₃ jág₁ cán₁, ca₂lia'² ta₁caun₂

† 5:22 o₃, chi'² 'i'⁵⁴ quián₅ guá'⁵.

juig₂ Jerusalén ma₂rë₂rin₅ quian'₅₄ jág₁ a₂jme₂tiin'₁ 'nia'₂.
A₂'niog'₂ 'nia'₂ bog'₅₄ jnia'₅₄ dso₄ a₂ca₂jjon₃ dsa₂ 'éi₂.

²⁹ Jaun₂ ca₂ɲag₃ Pe₄ quiain'₅₄ dsa₂ i₂chen₄ riin'₅₄:

—'Nio₅ guë₄ dsen₅₄ ta₁ jme₁ti₁ jnia'₅₄ 'éi'₃ quió'₅ Diú₄, con'₂ guë₄ 'éi'₃ quió'₅ dsa₂ mi₂güig₃. ³⁰ Diú₄ quián₅ dsa₂ can'₅₄ quián₂ jniog₄ ma₂lig'₂, Diú₄ 'éi₂ bá₄ ca₂jme₃jen'₅₄ Jesús i₂ca₂jñí'₃ 'nia'₂ ca₂tióin'₃ cróg₄. ³¹ Diú₄ ně₃ ma₂ca₂chó'₂ guei'₅₄, jaun₂ ma₂guá₅ cau₅ quió'₅ tē₂le₃ gu₂ ne₁, jaun₂ ma₂dsiog₃ a₂léin₂ juig₅₄ jniog₄ i₂lió₂, ia₁jaun₂ cuin₃ jmi₄g₄ jme₃tsín₃ dsí₅ dsa₂ juig₂ Israel ia₁jaun₂ 'én₂ dsáu₁. ³² Ca₂le₃jág₃ bá₄ jnia'₅₄ ca₂tē₂ ne₄ a₂nē₅, ján₃ bá₄ jáng'₅ jág₁ dsau₅ Jme₂dsí₂ Jñi₅o₅ i₂ma₂cuin₃ Diú₄ quió'₅ dsa₂ i₂nag₅ gau₂ jme₂ti₃ jág₁ quió'₅.

³³ Ca₂rë₃'né₃ 'nio₅ lin₃ dsa₂ can'₅₄ jme₁ca₂nág₂ le₂nē₅, a₂'nio₃ jme₁jme₃dsiain₂₃ dsa₂ i₂chen₄ quián₅ Jesús 'éi₂. ³⁴ La₁ jē₄ quió'₅ dsi₂tan₅₄ jaun₂, jme₁en₅₄ jan₂ dsa₂ fariseo i₂jme₁chen₂ Gamaliel, dsa₂ i₂lín₅ tē₃juá'₅, jaun₂ jme₁jme₂go₃ dsa₂ 'nio₅ lin₃. Jaun₂ ca₂nau₂ dsa₂ 'éi₂ jē₄ quió'₅ dsi₂tan₅₄, ca₂mi₃ a₂'uñn'₂ ca₂tiá₂ dsa₂ i₂chen₄ 'éi₂. ³⁵ Jme₁ca₂'uñn'₂ 'éi₂, jaun₂ ca₂juá'₂ Gamaliel ca₂tsí'₃ dsi₂tan₅₄:

—'Nia'₂ dsa₂ chan₂ juig₂ Israel, jmo₄ 'nia'₂ 'í₁ a₂jma'₅₄ 'nia'₂ dsa₂ nē₅. ³⁶ Dsá₂ 'au'₂ 'nia'₂ jmo₄ a₂ca₂lē₃, ma₂ɲó₃ ca₂la₂ 'líong₂ ɲi₂, ca₂nau₂ Teudas a₂juá'₂ a₂lín₅ dsa₂ 'uan'₂ dsa₂ dsen₅₄. Jaun₂ ca₂jme₃quiong'₅₄ con'₂ quén₂ 'ɲiá₂-lón₂ dsa₂ ɲe'₂. La₁ jme₁ca₂jɲag'₃ dsa₂, ca₂le₃jín₃ dsa₂ i₂jme₁quiain'₅₄ ně₃ ca₂i₃léin₂ jma₃quén₅. ³⁷ Cang₂ jaun₂, jmi₄g₄ jme₁ca₂tion₃ dsa₂ si₂, ca₂nau₂ Judas i₂chan₂ Galilea. Ján₃ bá₄ le₂jaun₂ juin₅ dsa₂ ca₂jme₃quiong'₅₄ quió'₅. La₁ ján₃ bá₄ ca₂jɲag'₃ dsa₂. Ca₂le₃jín₃ bá₄ dsa₂ i₂jme₁quiain'₅₄ ně₃ ca₂i₃léin₂ tsi₁rē₂jain₅₄ táng₃ jme₁ma₂jón₅ 'éi₂. ³⁸ Jaun₂ lē₃, tsá₃ 'e₂ jmag'₅₄ dsa₂ nē₅, tsá₃ lē₁tón'₂ 'nia'₂ mī'₅₄ quiain'₅₄. Ia₁ nē₂juá'₂ jág₁ nē₅ lē₅ cosa quió'₅ dsa₂ mi₂güig₃, a₂lē₁dsi₃'én₂ bá₄ nē₅. ³⁹ La₁ia₁ nē₁juá'₂ lē₅ cosa quió'₅ Diú₄, tsá₃ a₁jaun₂ le₃qui'₅₄ 'nia'₂ jmi₄g₄ a₂'éng'₄. Jaun₂ 'í₁ jmo₄ ia₁ con'₂ tsá₃ ɲó₅ nē₁juá'₂ quian'₅₄ Diú₄ quín'₂ 'nia'₂.

⁴⁰ Jaun₂ ca₂nág₂ jág₁ jaun₂ ca₂le₃jín₃. Jaun₂ ca₂tē₃ táng₃ dsa₂ i₂chen₄ quián₅ Jesús 'éi₂. Jaun₂ ca₂jmo₃ dsi₂tan₅₄ 'éi'₃ a₂bóg₂ dsa₂. Jaun₂ ca₂jné₃ táng₃ tsá₃ cuē₂₃ jmi₄g₄ jua'₅₄ a₂'ē₂ guë₄ dsa₂ 'éi₂ jág₁ a₂'iñ₂₃ Jesús. Jaun₂ ca₂lió₂ bá₄ jaun₂ ně₃. ⁴¹ Jme₁ca₂'uñn'₂ dsa₂ i₂chen₄ quián₅ Jesús 'éi₂, jñi₄ dsi₂tan₅₄, jmo₂₃ 'io'₂, ia₁ ca₂cuē₃ Diú₄ jmi₄g₄ ca₂i₃ɲi₂ o₂guí'₃ o₄quió'₄ Jesús. ⁴² Jaun₂ caun₂ ca₂i₁nioi₁₂ bá₄ jme₂tiin₂₃ dsa₂ jág₁ dse₃ quió'₅ Jesucristo ca₂le₃jē₃ jmi₄g₄, lia'₂ i₁dsi₅ guá'₅ templo, lia'₂ dsi₂néi₂ quió'₅ dsa₂ ně₃.

6

*Ca₂'nai'₂ guion₃ dsa₂ i₂jme₃'o₅₄ **

¹ Jm_{ig4} jaun₂ caun₂ dsi₂juín₂ bá₄ dsa₂ i₂'én₂. Jaun₂ dsa₂ i₂dsia₅ jág₁ jmei₅ griego ca₂jí₂ ca₂tsí'₃ dsa₂ i₂dsia₅ jág₁ jmei₅ arameo. Ca₂juá'₂ 'iín₂₃ 'io₅₄ 'nág₂ chan₂ quiáin₅ tsá₃ lín₄ dse₃ jme₁cuë'₅ dsa₂ jui₁lia'₂ 'e₂ má₃ dsió'₅ ca₂le₃jě₃ jm_{ig4}. ² Jaun₂ ta₁guia₃-tín₂ dsa₂ i₂chen₄† quián₅ Jesús ca₂ñi'₂ ca₂le₃jín₃ dsa₂ i₂'én₂, jaun₂ ca₂juá'₂:

—Tsá₃ dse₃ jua'₅₄ a₂tí₅ jnia'₅₄ a₂'ě₄ jnia'₅₄ jág₁ quió'₅ Diú₄ a₂jme₁tí₁ jnia'₅₄ ne₄ mesas a₂dsio'₅₄ jnia'₅₄ má₃. ³ Jaun₂ lě₃ rín'₅₄ jniog₄, 'in₅₄ 'nia'₂ guion₃ dsa₂ tē₃jín'₄ 'nia'₂, i₂'ei₅ jág₁ a₂'en₅₄ dsí'₅, a₂rě₂rín₅ Jme₂dsí₂ Jnió₅ tē₂dsí'₅, jaun₂ cuë'₅₄ 'nia'₂ ta₁ nē₅. ⁴ Jnia'₅₄ guē'₂ caun₂ qui₁chei₅₄ Diú₄, caun₂ qui₂jme₁tín₅ jnia'₅₄ dsa₂ jág₁ quió'₅ Diú₄.

⁵ Jaun₂ ca₂le₃jín₃ dsa₂ ca₂tě₂ dsí'₅ a₂nē₅, jaun₂ ca₂quióin'₂ dsa₂ i₂chen₂ Esteban i₂'én₂ 'ñio₅ lín₃, i₂rě₂rín₅ Jme₂dsí₂ Jnió₅ tē₂dsí'₅; Fe₂li₄ nē₃, Prócoro, Nicanor, Timón, Parmenas, Nicolás nē₃ i₂lín₅ jan₂ dsa₂ chan₂ Antioquía i₂jme₁ma₂gue₃ le₂jníá'₅ 'Éi'₃ Juá'₅ quió'₅ dsa₂ judíos. ⁶ Jaun₂ ca₂o₃jñia₃ dsa₂ dsa₂ guion₃ i₂ca₂'iín₃ 'éi₂ ja₁tión₂ dsa₂ guia₃-tín₂, jaun₂ qui₂ca₂quiog₂ gu₂ ne₄ quió'₅ dsa₂ guion₃ 'éi₂, ca₂chi₃lén'₂ Diú₄.

⁷ Jaun₂ caun₂ ca₂i₃ág₃ jág₁ quió'₅ Te₁gui'₅₄ jě₄ juig₂ Jerusalén, jaun₂ caun₂ ca₂i₃juín₂ bá₄ dsa₂ i₂ca₂rě₃'én₂, ca₂tě₂ i₂jme₁lín₄ jme₂dsa₂ quián₅ dsa₂ judíos ca₂guein₃ jág₁, ca₂rě₃'én₂ juín₅.

Ca₂jña'₃ dsa₂ Esteban

⁸ Esteban, dsa₂ i₂'ñio₅ lín₃ ma₂cuë₃ Diú₄ jui₅bí₂, ma₂jme₂'o₅₄ nē₃, i₂'éi₂ jme₁jmo₂₃ 'lióng₂ léi₄ dsi₂gó'₃ dsi₅ jin₄ dsa₂ juig₂. ⁹ Jaun₂ i₂lín₅₄ dsa₂ quián₅ guá'₅ sinagoga i₂jme₁tě'₂ dsa₂ Libertinos, quiaín₅₄ i₂lín₅₄ dsa₂ chan₂ Cirene, i₂lín₅₄ i₂chan₂ Alejandría, i₂chan₂ Cilicia, i₂chan₂ juig₂ ja₁tén₄ 'uē₃ Asia nē₃, ca₂jme₃lióg₃ ca₂tsíin₂ quian'₅₄ Té₂. ¹⁰ La₁ tsá₃ ca₂tio₃, ia₁ a₂niog₅ dsi₄ 'éi₂, tiín₂ 'a₂liá'₂ ñag₃, ia₁ Jme₂dsí₂ Jnió₅ bá₄ cuē₅ bí₂. ¹¹ Jaun₂ ca₂lái₂n₂ dsa₂ i₂jáng'₃ jág₁ tē₂jág₁, a₂juá'₂ a₂ma₂nág₂ juá'₂ Té₂ 'iín₂₃ 'lig'₅₄ Moisés, 'iín₂₃ 'lig'₅₄ Diú₄ nē₃. ¹² Jaun₂ le₂jaun₂ ca₂tóin'₂ co₂mí'₅₄ jin₄ dsa₂ juig₂ quian'₅₄ dsi₂gui'₅₄ can'₅₄, tē₅juá'₅ nē₃, ca₂jmái'₂ mí'₅₄ Té₂, ca₂jñau'₃, ca₂i₃jo₅₄ ne₄ dsi₂tan₅₄ quián₅ guá'₅. ¹³ Jaun₂ ca₂'nai'₂ ján₃ dsa₂ i₂jmo₃ jág₁ tē₂jág₁ a₂'nií₃ Té₂. Jaun₂ ca₂juá'₂:

—Dsa₂ nē₅ caun₂ qui₂juá'₂ 'lig'₅₄ 'ě₂₃ guá'₅ jnió₅, 'ě₂₃ 'Éi'₃ Juá'₅ nē₃. ¹⁴ Ján₃ bá₄ ma₂ca₂néi₁ jnia'₅₄ juá'₂ i₂nē₅ a₂'én₂ Jesús chan₂ Nazaret guá'₅ a₂jme₃tsiín₃ tag₄ chí'₅ ca₂quiog₂ Moisés.

* 6: o₃, diáconos. 'Nio'₂ ja₁ton₅ Hechos 21:8; Filipenses 1:1. † 6:2 griego: apóstolous.

15 Jaun₂ dsi₂tan₅₄ quia₁in'₅₄ ca₂le₃jín₃ guě₄ dsa₂ i₂jme₁tion'₅₄ le₁ñi'₂ ja₁jaun₂, ca₂jín₂ Té₂, a₂ma₂jniá₂ dsi₂ne₄ 'éi₂ lia'₂ jniá₂ jan₂ ángel.

7

Já_{g1} ca₂ton₃ Esteban

1 Jaun₂ ca₂ñag₃ jme₂dsa₂ dsen₅₄ ca₂ñi'₃ Té₂:

—¿Dsón'₂ dsau₅ ca₂le₃jě₃ a₂juá'₂ dsa₂ ně₅?

2 Jaun₂ ca₂ñag₃ 'éi₂:

—Rin'₅₄ jniog₄, 'nia'₂ dsa₂ can'₅₄ quián₂ ně₃, nei₂ 'nia'₂ a₂juá'₄ jniá₂ la₂. Diú₄ 'uan'₂ quián₂ jniog₄ ca₂jme₃jniai₂₃ ne₄ jmei₂ jniog₄ Abraham lia'₂ con'₂ jme₁'ein₅₄ 'uě₃ Mesopotamia né'₃ a₂dsi₃guá₃ juig₂ Harán. 3 Jaun₂ ca₂juá'₂ Diú₄: “Tí₃ 'uě₃ quiáng'₂, tén₃ ca₂le₃jín₃ o₁rín₂'₂, gua₂ jui₅ 'uě₃ ja₁i₁'ě₃ jniá₂.”*

4 'Jaun₂ ca₂ñó₃ Abraham ca₂o₃'ín₃ 'uě₃ Caldea jaun₂, ca₂l₁gua₂ juig₂ Harán. Cang₂ jaun₂ ca₂jon₃ bá₄ jmei₂. Jaun₂ Diú₄ bá₄ ca₂o₃jnia₃ Abraham 'uě₃ la₂ ja₁tián'₄ 'nia'₂ rě₂ně₃. 5 La₁ tsá₃ jua'₅₄ 'e₂ ca₂cuě₃ Diú₄ 'uě₃ la₂, on₃ guě'₂ ja₁chi'₃ caun₂ tag₅₄ jua'₅₄ ca₂cuě₃. La₁ ca₂cuě₃ bá₄ Diú₄ já_{g1} quió'₅ a₂cuě₃ 'uě₃ la₂, a₂jmo₃ le₃cha₂ quió'₅ chi'₂ quián₅ bá₄ Abraham jě₁ma₂join₂₃, o₁jnia'₅₄ guě'₂ jmig₄ jaun₂ tsá₃ chi'₂ quián₅ Abraham jme₁chan₂ 'i₁jan₂. 6 Jaun₂ ca₂juá'₂ Diú₄ já₃n₃, ca₂le₃jín₃ chi'₂ dsio₄ Abraham tiain'₃ jui₁lia'₂ ja₁tián'₄ dsi₂nau₂ caun₂ 'uě₃ a₂tsá₃ cuí'₅, qui₃ñág₃ uig₅ con'₂ quén₂ 'ñiá₂-láu₂ ñi₂ a₂lě₁jmo₃ ta₁ jme₂ti₃ ta₁ ne₄ dsa₂. 7 La₁ já₃n₃ bá₄ ca₂juá'₂ Diú₄ ca₂tsí'₃ Abraham: “Jniá₂ bá₄ 'ě₄ uig₅ ne₄ juig₂ i₂jmá'₂ dsa₂ quiáng₃ i₂tion'₅₄ i₂lě₁jme₂ti₃ ta₁ ne₅₄. Cang₂ jaun₂ guion₅₄ dsa₂ juig₂ quiáng₃ 'uín₃ juig₂ jaun₂, jaun₂ ja₃lén₂ jme₃ti₃ ta₁ ne₃ ja₁lá₃.”† 8 Já₃n₃ bá₄ ca₂jmo₃ Diú₄ caun₂ já_{g1} quian'₅₄ Abraham, a₂ti₃ ni₁lo₁ ta₁jín₂ chi'₂ dsa₂ ñe'₂ tsí₁jon₂ quiáin₅, a₂li'₅₄ já_{g1} a₂tě₃ron₅₄. 'Uig₅₄ jaun₂, jme₁ca₂rě₃chán₃ ja₁ñi'₅₄ i₂ca₂rě₃chén₃ Isaac, ca₂ti₃ Abraham ni₁lo₁ Isaac jme₁ma₂'ein₅₄ jnia₃ jmig₄. Já₃n₃ bá₄ le₂jaun₂ ca₂jmo₃ Isaac quian'₅₄ Jacob ja₁ñi'₅₄. Já₃n₃ bá₄ le₂jaun₂ ca₂jmo₃ Jacob quian'₅₄ ta₁guia₃-tín₂ ja₁ñi'₅₄ i₂ca₂lin₃ jmei₂ ta₁guia₃-tín₂ juig₂ ja₁tén₄ Israel.

9 'Ca₂le₃jín₃ chi'₂ ja₁ñi'₅₄ Jacob i₂jme₁lín₄ jmei₂ jniog₄ ma₂líg'₂ 'éi₂, ca₂i₃uig₅₄ dsí₅ jín₂ Sě₄ rin'₅₄. Jaun₂ ca₂'ni₃ 'éi₂ jaun₂ ca₂tág₃ dsa₂ ca₂tě₂ 'uě₃ Egipto. La₁ Diú₄ bá₄ ca₂jmo₃ 'í₁ quió'₅ Sě₄, 10 qui₂ca₂lió₂ ca₂le₃jě₃ 'e₂ ca₂i₃ñi₂ ca₂jmo₃ ca₂rě₃ñi'₂ dsí₅ 'ñio₅ lin₃. Já₃n₃ bá₄ ca₂jmo₃ Diú₄ a₂chén'₅ dse₃ quia₁in'₅₄ i₂tě'₂ dsa₂ Faraón, i₂lín₅ rag₅₄ quián₅ 'uě₃ Egipto. Rag₅₄ 'éi₂ ca₂'iín₃ Sě₄

* 7:3 Génesis 12:1. † 7:7 Génesis 15:13-14.

a₂lén₂ dsi₄má'₂ 'uë₃ Egipto. Ján₃ bá₄ ca₂jmo₃ a₂nio₃ ne₄ 'éi₂ dsi₂néi₂ quió'₅.

11 'Cang₂ jaun₂ ca₂gua₃ nj₂ a₂ca₂ñág₃ uig₅ 'ñio₅ lín₃ a₂ca₂rë₃'ín₃ a₂guë'₃ dsa₂ ta₁caun₂ 'uë₃ Egipto quian'₅₄ 'uë₃ Cana'án. Jaun₂ ca₂le₃jín₃ jmei₂ jniog₄ ma₂líg'₂ tsá₃ ma₃'e₂ jnio'₂ a₂guë'₃. 12 Jme₁ca₂rë₃ñi₅ Jacob a₂cha₂ trigo 'uë₃ Egipto, jaun₂ ca₂chein₃ chi'₂ ja₁ñi'₅₄ ja₁jaun₂, i₂ca₂lín₃ jmei₂ jniog₄ ma₂líg'₂. A₂jaun₂ guë'₄ le₂'uig₅₄ ca₂i₁lein₅₄. 13 Jme₁ca₂të₂ tin₃ ráun₂ i₁len₅₄ rin'₅₄ Së₄ 'uë₃ Egipto, jaun₂ ca₂jmo₃ Së₄ a₂ca₂rë₃ñi₅ a₂lë₅ riin'₅₄ dsa₂ 'éi₂. Jaun₂ guë'₄ ca₂rë₃ñi₅ rag₅₄ quián₅ Egipto 'e₂ tsi₁jon₂ lín₅ Së₄. 14 Jaun₂ guë'₄ ca₂tsí'₃ Së₄ dsó₂ riin'₅₄ a₂dsi₃quián₂ gui'₅₄ Jacob jmei₂, quian'₅₄ ca₂le₃jín₃ o₁riin'₅₄ i₂jme₁lë₂ 'nag'₂ ne₂guióg₂ rë₂dsí₂ guia₃-ñiá₂ (75) dsa₂. 15 Le₂jaun₂ ca₂lë₃ a₂ca₂ñó₃ Jacob ca₂i₁gua₂ 'uë₃ Egipto. Ja₁jaun₂ ca₂join₃ cang₂ jaun₂. Jaun₂ ja₁jaun₂ bá₄ qui₂ca₂dsan₃ chi'₂ quián₅ i₂'nió'₄ jmei₂ jniog₄ ma₂líg'₂. 16 Ni₁mu₁₂ ca₂o₃con₃ dsa₂ cang₂ jaun₂ ja₁chei₂ Siquem. Ca₂o₃ó₃ tau₂ 'ñio₅ a₂ca₂lá₃ Abraham quió'₅ tsi₁jon₂ chi'₂ quián₅ Hamor ja₁chei₂ Siquem jaun₂, quian'₅₄ caun₂ 'ma'₅₄ a₂ca₂lí'₃.

17 'Jme₁ja₂quián₃ jmig₄ le₃ti₃ jág₁ ca₂cuë₃ Diú₄ 'iín₂₃ 'ñiog₅ ca₂cuë'₃ Abraham, ca₂i₃juín₂ 'ñio₅ lín₃ dsa₂ israelitas 'uë₃ Egipto. 18 Jaun₂ ca₂guá₂ jan₂ rag₅₄ i₂tsá₃ cuín₅ Së₄, ca₂jme₃lióg₃ jmo₂₃ 'éi'₃ 'uë₃ Egipto. 19 Rag₅₄ 'éi₂ ca₂jme₃gain₂₃ dsa₂ go₄ jniog₄, ca₂jmái'₂ dsa₂ can'₅₄ quián₂ jniog₄ ca₂jmo₃ 'éi₂ tion₅₄ a₂téin₂ guein₂ dsa₂ ñe'₂ i₂të₂ca₂rë₃chán₃, ia₁jaun₂ dsiáin₃.

20 'Jmig₄ jaun₂ ca₂rë₃chán₃ Moisés. Guein₂ 'éi₂ ca₂të₂ dsí₅ Diú₄, jaun₂ ca₂jme₃juag'₂ chog₅₄-jmei₂ 'ni₅ tsi'₂ dsi₂néi₂ quió'₅. 21 Jme₁ca₂të₂ jmig₄ a₂tóin₂ guein₂ 'éi₂, jaun₂ ja₁míg₄ 'ñiog₅ rag₅₄ quián₅ Egipto ca₂tág₃ ca₂jme₃juag'₂ co₂'nió'₄ ja₁ñi'₅₄ 'ñiog₅. 22 'Uig₅₄ jaun₂, ca₂rë₃tin₃ Moisés ca₂le₃jë₃ a₂ñi₅ dsa₂ chan₂ Egipto, jaun₂ ca₂rë₃'uáin'₃, 'ñio₅ lín₃ ñi₅ 'e₂ jág₁ dsia₃, ñi₅ a₂ca₂jmo₃ në₃.

23 'Jme₁ma₂'ein₅₄ të₂láu₃ nj₂, jaun₂ ca₂ñe₄ Moisés ca₂i₃jiin₁₂ dsa₂ go₅₄ dsa₂ israelitas. 24 Ja₁jaun₂ ca₂jiin₂ jan₂ dsa₂ chan₂ Egipto jmái'₂ uig₅ cuë'₅ jan₂ dsa₂ go₅₄. Jaun₂ ca₂ñau₂ Moisés 'nei₂ quiaín'₅₄ i₂cuë'₅ riin'₅₄, ca₂jñi₃ dsa₂ 'éi₂, ca₂lióin₂ dsa₂ go₅₄. 25 Ia₁ ca₂i₃jiog₅ dsí₅ jaun₂ le₃lí'₄ dsa₂ israelitas riin'₅₄, a₂jmo₃ Diú₄ lió₂ të₂le₃ quian'₅₄ 'éi₂. La₁ tsá₃ ca₂rë₃lí'₄ guë'₂ dsa₂. 26 Jme₁jnia₃ jaun₂, ca₂jen'₂ Moisés on₃ dsa₂ israelitas i₁tion'₅₄ quín'₂. Jaun₂ jme₁'nio₃ Moisés dsioin₃ mi'₅₄. Jaun₂ ca₂juá'₂: “Rín'₂ bá₄ 'nia'₂. ¿'E₂ lë₃ qui₂jma'₅₄ 'nia'₂ uig₅ le₂jang'₂ le₂jang'?”

27 'Jaun₂ i₂jme₁'en₅₄ cuë'₅ rin'₅₄ ca₂'liain'₃ Moisés cau₅, jaun₂ ca₂juá'₂: “¿'Ein₂ ca₂cuë'₃ 'ne₂ ta₁ líng'₅ dsi₂tan₅₄ i₂qui₂dsi₅ 'éi'₃

ja₁con₂ jnia'₅₄? ²⁸ ¿'Niog'₂ jñág'₄ jniá₂ ján₃ jui₁lia'₂ ca₂jñig'₃ dsióg₂ dsa₂ chan₂ Egipto 'éi₂?'† ²⁹ Jme₁ca₂nág₂ Moisés le₂ně₅, co₂tan₅₄ ca₂cuing₃ ca₂ñó₃ jui₅ 'uě₃ ja₁chei₂ Madián. Ja₁jaun₂ ca₂i₁gua₂ co₂'nió'₄ a₂lín₅ dsi₂nau₂. Ja₁jaun₂ ca₂rě₃chán₃ on₃ chi'₂ quiáin₅.

³⁰ 'Tě₂láu₃ ñi₂ cang₂ jaun₂, caun₂ ja₁lě₄ 'uě₃ quein₂ quián₅ má'₂ ja₁chei₂ Sinaí, ja₁jaun₂ ca₂jme₃jnia₅ jan₂ ángel jě₄ si₂ chi₁guí'₂ caun₂ ni₁'ma₂ taun₅ a₂cau₂. ³¹ Jaun₂ ca₂i₃gó'₃ dsi₅ Moisés jme₁ca₂jág₃ a₂ně₅, jaun₂ jme₁ca₂jme₃quiáin₃ guě₄ ia₁ 'nio₃ jme₁jág₃ guě₄ dse₃. Tě₃jě₄ ñó₃ jaun₂ jme₁ca₂nág₂ jág₁ quió'₅ Te₁gui'₅₄ a₂ca₂juá'₂: ³² “Jniá₂ bá₄ líng₅ Diú₄ quián₅ dsa₂ quiáng'₂ ma₂líg'₂, Diú₄ quián₅ Abraham, quián₅ Isaac, quián₅ Jacob ně₃.”§ Jaun₂ ca₂jme₃lióg₃ ca₂jlen₃ Moisés ca₂rě₃gó'₅ 'ñio₅ lín₃, tsá₃ ma₃tiá₂ dsi₅ jág₃.

³³ 'Jaun₂ ca₂juá'₂ táng₃ Te₁gui'₅₄: “Jniá'₃ lau₂ ton₅ tag'₅₄, ia₁ 'uě₃ jñió₅ bá₄ ja₁chéng'₄ ně₅. ³⁴ Jág₅ bá₄ jniá₂ a₂chan₂ uig₅ dsa₂ quiáng₃ 'uě₃ Egipto, qui₂nag₅ bá₄ jniá₂ a₂qui'₂-o₂₃. Jaun₂ lě₃ ca₂síong₃ ia₁ a₂loin₅₄. Nia₅, ia₁jaun₂ tsag₅₄ jniá₂ guang'₅₄ jui₅ Egipto”.*

³⁵ 'O₁jnia'₅₄ la₂ tsá₃ jme₁'nio₃ dsa₂ go₄ Moisés le₂jñiá₅, ia₁ ca₂juá'₂: “¿'Ein₂ ca₂'in₃ 'ne₂ a₂lín₅ dsi₂tan₅₄ i₂qui₂dsi₅ 'éi'₃ ja₁con₂ jnia'₅₄?” la₁ Diú₄ ně₃ ca₂chein₃ Moisés a₂lín₅ co₂'nió'₄ dsi₂tan₅₄ i₂lió₂, tē₂le₃ quian'₅₄ ángel i₂ca₂jme₃jnia₅ jě₄ ni₁'ma₂ taun₅ jaun₂. ³⁶ Moisés bá₄ dsa₂ i₂ca₂'uín'₂ dsa₂ can'₅₄ quián₂ jniog₄ ma₂líg'₂ 'uě₃ Egipto i₂qui₂ca₂jmo₃ ján₃ 'líong₂ léi₄ juě'₂ a₂dsi₂gó'₃ dsi₅ ně₃. Léi₄ jaun₂ ca₂jmo₃ Moisés 'uě₃ jaun₂, quian'₅₄ ne₄ Jmi₁ñí'₄ Guéin₂,† quian'₅₄ 'uě₃ quein₂ co₂'ñiog₅ ja₁ca₂i₁noi₁₂ tē₂láu₃ ñi₂. ³⁷ Jaun₂ 'ñiog₅ Moisés 'éi₂ bá₄ ca₂tsí'₃ dsa₂ israelitas: “A₂chen₃ Diú₄ jan₂ dsa₂ i₂'ě₂ jág₁ quiáin₅, i₂lín₅ dsa₂ go'₄ 'nia'₂ guiong'₅₄, jui₁lia'₂ ca₂chei₃ jniá₂. Jaun₂ tón'₂ 'nia'₂ jui₅ jág₁ quió'₅ 'éi₂.”† ³⁸ Ján₃ bá₄ Moisés 'éi₂ jme₁'en₅₄ quian'₅₄ dsa₂ juig₂ 'uě₃ quein₂ co₂'ñiog₅ jaun₂. Jme₁'ein₅₄ quian'₅₄ ángel i₂ca₂juá'₂ jág₁ má'₂ Sinaí. Ján₃ bá₄ jme₁'ein₅₄ quian'₅₄ 'lag₄ tsi₁jon₂ jmei₂ jniog₄. Moisés 'éi₂ bá₄ ján₃ i₂ca₂gue₃ jág₁ ca'₅₄, jaun₂ guě₄ ca₂ñág₃ tē₂le₃ quián₂ jniog₄ táng₃.

³⁹ 'La₁ dsa₂ quián₂ jniog₄ ma₂líg'₂ ně₃, tsá₃ ma₃ca₂jme₃ti₃, tsá₃ ma₃ca₂nág₂ gau₂ jág₁ quió'₅ Moisés. Ca₂chei'₃ cau₅, jme₁'nio₃ jme₁dsi₃lein₃ táng₃ jui₅ 'uě₃ Egipto. ⁴⁰ Jaun₂ ně₃ ca₂tsí'₃ Aarón§ ca₂juá'₂: “'Niog₂ jnia'₅₄ jmog'₅₄ diú₄ dsa₂ lag₄ i₂dsi₃lén₂ ne₄ jui₅ quián₂ jniog₄. Ia₁ tsá₃ ne₄ 'e₂ ca₂jén'₃ Moisés

† 7:28 Éxodo 2:14. § 7:32 Éxodo 3:6. * 7:34 Éxodo 3:5,7,8,10. † 7:36 Ján₃ bá₄ chei₂ Jmi₁ñí'₄ 'Ma₂ta₅. † 7:37 Deuteronomio 18:15. § 7:40 Jme₁lín₄ Aarón rin'₅₄ Moisés. 'Nio'₂ ja₁ton₅ Éxodo 4:14.

'éi₂ i₂ca₂'uág' jniog₄ 'uë₃ Egipto."* ⁴¹ Jaun₂ ca₂jmoí' j₂ jan₂ guein₂ ca₁jui₅ co₂'nió'₄ i₂lín₅ diú₄, qui₂ca₂jme₃dsian₂₃ já'₂ quiáin₅ qui₂ca₂cuin₃ diú₄ lag₄ 'éi₂. Jaun₂ ca₂jmo₃ 'io'₂ quian'₅₄ a₂ca₂jmo₃ quian'₅₄ gu₂ guioin₅₄. ⁴² Jaun₂ co₂nei'₅₄ ca₂jmo₃ Diú₄ cau₅, tsá₃ ma₃ca₂jme₃quian'₅₄ dsa₂ 'éi₂, jui₁jmo₁₂ bá₄ con'₂ tñin₂ guioin₅₄. Jaun₂ ca₂jme₃lióg₃ dsa₂ 'éi₂ ca₂chi₂ca₂lén'₂ nei₅ a₂le₁ 'ág₄† guei'₅₄. Ia₁ le₂në₅ rë₂ton₅ ne₄ Si₂ a₂ca₂jmo₃ dsa₂ i₂jme₁ 'ë₂ já₁ quián₅ Diú₄ ma₂lig'₂:

'Nia'₂ dsa₂ chan₂ Israel, ç'e₂ lín'₂ 'nia'₂?

çCa₂jme₁dsian'₅ 'nia'₂ já'₂

ca₂dsia'₅₄ ca₂jen'₅₄ 'nia'₂ ne₃ jniá₂

lia'₂ con'₂ jme₁quian'₅₄ jniá₂ 'nia'₂

të₂láu₃ ñi₂ 'uë₃ quein₂ co₂'niog₅ jaun₂?

⁴³ On₃jua'₅₄ le₂jaun₂.

Ia₁ guá'₅ chéi₂ quió'₅ diú₄ Moloc bá₄ ca₂quian'₂ 'nia'₂

quian'₅₄ nei₅ diú₄ Renfán,†

nió'₄ a₂qui₂ca₂jmo'₅₄ 'nia'₂ guiong'₅₄,

a₂jaun₂ bá₄ ca₂chi₂ca₂len'₄ 'nia'₂.

'Uig₅₄ jaun₂, 'uín'₄ jniá₂ 'nia'₂ 'uë₃ quiáng'₂,

tsag₅₄ jniá₂ të₂le₃ ó₃ guë₄ ja₁niog₅ 'uë₃ Babilonia.Š

⁴⁴ "Uë₃ quein₂ jaun₂, dsa₂ can'₅₄ quián₂ jniog₄ ma₂lig'₂ jme₁quian₅ guá'₅ tabernáculo ja₁jme₁rë₂'ma₄ ni₁cang₁ a₂le₁ton₅ ta₁guia₃ 'Éi'₃ Juá'₅. Guá'₅ tabernáculo jaun₂ ca₂lë₃ con'₂ lë₅ já₁ ca₂cuë₃ Diú₄ ca₂cuë'₃ Moisés, jme₁ca₂'ë₃ Diú₄ nió'₄ le₂jniá₅ 'a₂ lia'₂ lé₂. ⁴⁵ Dsa₂ quián₂ jniog₄ ma₂lig'₂ ca₂gue₃ guá'₅ jaun₂ co₂'nió'₄ ca₂ñág₃ dsa₂ can'₅₄ quiáin₅. Jaun₂ dsa₂ i₂jme₁quian'₅₄ Josué në₃ ca₂cáun₃ lia'₂ con'₂ jme₁ca₂l'í₃ 'uë₃ quió'₅ dsa₂ juig₂ siá'₂, i₂ca₂'uín'₂ Diú₄ ia₁jaun₂ cha₂ ja₁tian'₃ 'éi₂. Le₂jaun₂ ca₂lë₃ ca₂lia'₂ ca₂të₂ jmi₄ a₂ca₂rë₃chán₃ David. ⁴⁶ Ca₂jmo₃ Diú₄ dse₃ dsí₅ ja₁con₂ Rag₅₄ David, jaun₂ 'éi₂ në₃ jme₁'nio₃ jmóg'₃ caun₂ ja₁guá₃ Diú₄ quián₅ Jacob. ⁴⁷ La₁ Salomón bá₄ i₂ca₂chi'₃ 'né₅ quió'₅ Diú₄.

⁴⁸ 'La₁ Diú₄ i₂jui₁' guë₄ lín₃ tsá₃ guá₅ dsi₂néi₂ guá'₅ a₂jmóg'₅ dsa₂ mi₂güí₃. Jui₁lia'₂ ca₂juá'₂ Diú₄ të₂le₃ quian'₅₄ dsa₂ i₂jme₁'ë₂ já₁ quiáin₅ ma₂lig'₂:

⁴⁹ Guei'₅₄ i₂juí₃ bá₄ ja₁gua₁₂

ja₁lë₄ ne₄ta₁ quió₃,

gua'₅₄ 'uë₃ në₃ jui₁lia'₂ ja₁tióng₂ tag₃.

ç'E₂ bá₄ 'né₅ jmó'₂ 'nia'₂ quió₃? juá'₂ Te₁gui'₅₄,

çO₃ já'₄ bá₄ lé₂ le₃jan₄ jniá₂?

* **7:40** Éxodo 32:1. † **7:42** nei₅: Lia'₂ chi₁ton₅ ne₄ Si₂ quió'₅ Diú₄, lë₅ caun₂ cosa a₂tsá₃ 'i₄ jme₂dsí₂. ‡ **7:43** Renfán: co₂'nió'₄ a₂jme₁të₂ dsa₂ egipcios planeta Saturno, ca₂jme₃juag'₂ dsa₂. Š **7:43** Amós 5:25-27.

50 ¿On₁ jniá₂ bá₄ ca₂jmo₃ quian'₅₄ gu₃-tag₃
ca₂le₃jě₃ 'e₂ a₂cha₂?*

51 (Jaun₂ caun₂ ca₂juá'₂ bá₄ Té₂ tsí'₅ dsa₂):

—'Nia'₂ ně₃, lia'₂ ma₂ja₂nó'₅ jaun₂ bá₄ 'nia'₂ cang₄ dsei'₂, jaun₂ lě₅ rě₂guá'₄ 'nia'₂ quian'₅₄ tē₂'au'₂ jui₁lia'₂ dsa₂ i₂tsá₃ cuin₅ Diú₄.†
Caun₂ 'nja'₅₄ co₂tan₅₄ bá₄ 'nia'₂ Jme₂dsí₂ Jnió₅. I₂co₂rin'₂ bá₄ 'nia'₂ quiang'₅₄ dsa₂ can'₅₄ quiáng'₂ ma₂líg'₂. 52 ¿'Ein₂ dsa₂ i₂jme₁'ě₂ jág₁ quián₅ Diú₄ jua'₅₄ i₂tsá₃ ca₂jma'₂ dsa₂ can'₅₄ quián'₂ 'nia'₂ ma₂líg'₂? Qui₂ca₂jme₃dsiain₂₃ bá₄ dsa₂ i₂qui₂ca₂'ě₂ jág₁ le₂jniá₅ ca₂'iin₃ jan₂ i₂dsen₃ lin₃, i₂jia₃. La₁ jme₁guan₃ i₂'ěi₂ ně₃, ca₂jijn'₅₄ 'nia'₂ jaun₂ ca₂jñi'₃. 53 'Nia'₂ guě'₂ i₂ca₂gue'₅₄ 'Ēi'₃ Juá'₅ tē₂le₃ quian'₅₄ ángeles, tsá₃ jme₂tí'₁ guě'₂ 'nia'₂ 'Ēi'₃ jaun₂.

Ca₂jon₃ Té₂

54 Jme₁ca₂nág₂ jág₁ a₂ca₂juá'₂ Té₂ jaun₂, ca₂rě₃'néi₃ 'nio₅ lin₃ ca₂lia'₂ qui₂ca₂quig'₂ mi₂jan₅₄ a₂'niai₅₄ Té₂. 55 La₁ Té₂ ně₃, rě₂rin₅ Jme₂dsí₂ Jnió₅ tē₂dsí₅, ca₂chóg'₃ ne₅₄ guei'₅₄ i₂jui₃ jaun₂ ca₂jág₃ a₂co₂tág₅ co₂'né'₅ quió'₅ Diú₄, jaun₂ ca₂jijn₂ Jesús chéin'₅ tē₂le₃ gu₂ ne₁ quió'₅ Diú₄ Jmei₂. 56 Jaun₂ ca₂juá'₂ táng₃ Té₂:

—Jag₁! —juá'₂—. Jág₅ jniá₂ rě₂na₄ guei'₅₄ i₂jui₃. Jin₄ jniá₂ Jaun₅ dsa₂ mi₂güig₃ 'ein₅₄ tē₂le₃ gu₂ ne₁ quió'₅ Diú₄.

57 La₁ dsa₂ 'ěi₂ qui₂ca₂jne₃ rě₂gua₅₄, tsá₃ 'nio₃ nag₃, qui₂ca₂tóin'₂ co₂mi'₅₄ ca₂guió'₃ jmái'₂ Té₂. 58 Jaun₂ ca₂dsei₂₃ 'ni'₂ jui₂. Jaun₂ ja₁jaun₂ ca₂jñag'₃ quian'₅₄ cang₄. Jaun₂ dsa₂ i₂qui₂ca₂jnaú'₂ cang₄ ně₃ ca₂dsia₃ ni₁tsin'₅₄ o₄gú₃ jan₂ dsó₂ chi'₂ i₂jme₁chen₂ Saulo.

59 Tē₂lia'₂ tioin'₅₄ qui₂cuě'₅ Té₂ cang₄, jaun₂ ca₂mi₃ Té₂ ca₂tsí'₃ Diú₄ ca₂juá'₂:

—Te₁gui'₅₄ Jesús, guen'₅₄ jme₂dsí₂ quió₃.

60 Jaun₂ guě₄ ca₂chi₃jné₃, jaun₂ ca₂guió'₃ tiá₂ ca₂juá'₂:

—Te₁gui'₅₄, tsá₃ jme₁cain'₅₄ dso₄ la₂.

Jme₁ca₂lē₃ juá'₂ le₂ně₅, ca₂join₃ jaun₂ ně₃.

8

Co₂'en₅ Saulo dsa₂ i₂ma₂'én₂

1 Jaun₂ caun₂ bá₄ 'ei₅ jág₁ quió'₅ Saulo a₂ca₂jñi'₃ dsa₂ Té₂. Dsi₂jui₅ jmig₄ jaun₂ bá₄, ca₂jme₃lióg₃ dsa₂ qui₂co₂'ein₃ 'nio₅ lin₃ ta₁caun₂ nió'₃ dsa₂ i₂lín₅ guá'₅ jě₄ jui₂ Jerusalén. Ca₂le₃jín₃ dsa₂ 'ěi₂ ca₂l₃léin₂ tsi₁rě₂jain₅₄ le₂tan₅₄ 'uě₃ Judea quian'₅₄ Samaria. Jnia'₅₄ lia'₂ dsa₂ guia₃-tín₂ i₂chen₄ quián₅ Jesús bá₄ ca₂jñia₃ guě₄ jui₂ Jerusalén. 2 I₂lin₅₄ dsa₂ dsen₃ i₂'nio₃ Diú₄ ca₂óin₂ Té₂, qui₂ca₂'o₃ 'nio₅ lin₃ o₄quió'₄ 'ěi₂. 3 Tē₂lia'₂ jaun₂, i₂ñi₅₄

* 7:50 Isaías 66:1-2. † 7:51 lit. “jui₁lia'₂ dsa₂ i₂tsá₃ lo₄ rě₂uing₄.”

Saulo quiaⁱⁿ 54 riⁱⁿ 54 qui²co²eiⁿ 23 dsa² i²én², qui²dsi²toin' 54 tē² dsi²néi² qui²uⁱin' 2 dsa² tsi¹cuiⁿ 2, lia' 2 dsa² ηe' 2 lia' 2 dsa² mí², qui²tē² a²to' 2 'nē⁵ 'má³.

Ca²'ē² dsa² jág¹ dse³ juig² Samaria

4 La¹ ca²le³jín³ dsa² i²ca²'uⁱn² juig² Jerusalén, ca²le³jě³ ja¹ca²i¹lein⁵⁴ qui²ca²'ē² jág¹ dse³. 5 Jan² 'éi², i²chen² Fe²li⁴, ca²ηó³ caun² juig² ja¹tén⁴ 'uē³ Samaria ca²dsia³ jág¹ tsí' 5 dsa² ja¹jaun², 'in²³ Cristo.* 6 Jaun² jme¹ηi' 2 dsa² jmo²³ tei⁴ ca²le³jín³, tē⁵ dsí⁵ nag²³ jág¹ a²juá' 2 Fe²li⁴, ia¹ ján³ bá⁴ ca²jág³ dsa² léi⁴ dsi²gó' 3 dsí⁵ a²jme¹jmo⁵ 'éi². 7 Ia¹ juin⁵ i²tion' 54 jme²dsí² 'lin' 54 tē²dsí⁵ qui²ca²'lóiⁿ. Ca²le³jín³ jme²dsí² 'lin' 54 'éi² qui²ca²'uⁱn² qui²guió' 5. Jáⁿ bá⁴ juin⁵ dsa² 'lian' 2, dsa² guian' 54 ně³, qui²ca²'lóiⁿ. 8 'Uig⁵⁴ jaun² ηio⁵ 'io' 2 ca²jmo³ dsa² juig² jaun².

9 Juig² jaun² jme¹chan² jan² dsa² i²jme¹chen² Si²mu⁵⁴, i²jme¹jmo⁵ ta¹ a²chan² dsí⁵ le²jñiá⁵, jme¹jme²gain²³ dsa² juig² Samaria, a²juá' 2 a²lín⁵ dsa² dseⁿ 54.

10 Ca²le³jín³ dsa², lia' 2 dsa² can' 54 lia' 2 chi' 2 ně³, jme¹nag²³ tē⁵ dsí⁵ jág¹ quió' 5, qui²dsia²³:

—Dsa² ně⁵ tiⁿ 2 quian' 54 jui⁵bí² quió' 5 Diú⁴.

11 Jme¹tón' 2 dsa² jui⁵ jág¹ quió' 5 gui' 54 'éi², ia¹ ma²líg' 2 bá⁴ ma²já⁵ qui²jme²gain²³ dsa² quian' 54 bí² a²chan² dsí⁵.

12 La¹ dsi²jui⁵ jme¹ca²rě³'én² dsa² jág¹ dse³ quió' 5 Jesucristo a²ca²'ē² Fe²li⁴ jui¹lia' 2 ja¹gon² Diú⁴, jaun² qui²ca²ηó² dsa² jmig² lia' 2 dsa² ηe' 2 lia' 2 dsa² mí². 13 Jáⁿ bá⁴ ca²rě³'én² 'ηiog⁵ Si²mu⁵⁴ 'éi², ca²ηó²i² jmig² jáⁿ. Jaun² guē⁴ ca²jme³lióg³ ca²jme³quiaiⁿ 54 Fe²li⁴, qui²jág⁵ dsi²gó' 3 dsí⁵ léi⁴ juē' 2 a²jmo⁵ 'éi².

14 Jme¹ca²rě³ηi⁵ dsa² i²chen⁴ quián⁵ Jesús i²tion' 54 Jerusalén, a²ma²'én² dsa² chan² 'uē³ Samaria jág¹ quió' 5 Diú⁴, jaun² ca²chein³ ja¹jaun² Pe⁴ quian' 54 Juan⁵⁴. 15 Jme¹ca²dsi³lén² 'éi² 'uē³ Samaria, jaun² ca²mi³ ca²tsí' 3 Diú⁴ o⁴quió' 4 dsa² i²ma²'én² ja¹jaun², ia¹jaun² guen³ dsa² 'éi² Jme²dsí² Jñiós jáⁿ. 16 Ia¹ 'i¹jan² dsa² 'éi² tsá³ Jme²dsí² Jñiós ma²guan⁵ guē⁴ ne⁴ quió' 5. Jñia' 54 con' 2 ma²jñói² jmig² bá⁴ lia' 2 con' 2 lě⁵ 'éi' 3 quió' 5 Te¹gui' 54 Jesús. 17 Jaun² ně³ Pe⁴ quiaⁱn' 54 Juan⁵⁴ qui²ca²quiog² gu² ne⁴ quió' 5 dsa² 'éi², jaun² guē⁴ ca²guein³ Jme²dsí² Jñiós.

18 Jme¹ca²jág³ Si²mu⁵⁴ a²ca²sión³ Jme²dsí² Jñiós jme¹ca²quiog² dsa² i²chen⁴ 'éi² gu² ne⁴ quió' 5 dsa², jaun² ca²jen' 2 cu⁴, 19 ca²juá' 2:

—Cuē⁴ jniá² jáⁿ jui¹lia' 2 bí² a²tin' 2 'nia' 2 ně⁵, ia¹jaun² lé² le³jmo⁵⁴ jniá² jáⁿ a²guen³ dsa² Jme²dsí² Jñiós jē¹ma²ca²co³ gu³ ne⁴ quió' 5 chi²jua' 2 'ein².

20 Jaun² ca²ηag³ Pe⁴ ca²tsí' 3 dsa² 'éi²:

* 8:5 o³, i²rě²'in¹ quián⁵ Diú⁴.

—Jui₁dsi₂'éng'₂ co₂dsia₅ quian'₅₄ cú'₂ ia₁ 'e₂ lë₃ dsi₂jio₅ 'au'₂ le₂në₅, a₂líng'₂ a₂lé₂ lá₃ dsa₂ quian'₅₄ cu₄ bí₂ a₂cuë₅ Diú₄. ²¹ Tsá₃ ca₂tín'₂ 'ne₂ a₂në₅, ia₁ tsá₃ dse₃ 'ei₅ 'au'₂ ne₄ Diú₄. ²² Co₂dsia₅ tí₃ ca₂le₃jë₃ a₂'lig'₅₄ a₂dsi₂jio₅ 'au'₂ në₅. Mi₄ ne₄ Te₁gui'₅₄ chi₂jua'₂ 'éin₂ dsáu'₂ 'e₂ lë₃ dsi₂jio₅ 'au'₂ le₂në₅. ²³ Ia₁ léi₄ jniá₂ rë₂rín₅ cosa 'lig'₅₄ të₂'au'₂; quian'₅₄ dsáu'₂ në₅ jmo₅ chi₁'neg'₂.

²⁴ Jaun₂ në₃, ca₂ηag₃ Si₂mu₅₄:

—Mi₄ 'nia'₂ chei'₅₄ Te₁gui'₅₄ o₄quió₃, ia₁jaun₂ tsá₃ jui₁dsi₂ηí₂ a₂ma₂në₂jua'₅₄ 'nia'₂ në₅.

²⁵ Jme₁ca₂dsan₃ jáng'₅ Pe₄ quian'₅₄ Juan₅₄ jág₁ dsau₅ a₂dsia₂₃ jág₁ quió'₅ Diú₄, jaun₂ guë₄ ca₂i₃lein₃ jui₅ Jerusalén. Le₂'i₄ jui₅ ja₁i₃lein₃ jaun₂, qui₂ca₂'ë₂ guë₄ jág₁ dse₃ a₂lión₂ dsa₂ le₂tan₅₄ juig₂ ja₁tén₄ 'uë₃ Samaria.

Fe₂li₄ quiaín'₅₄ dsa₂ chan₂ Etiopía

²⁶ Cang₂ jaun₂, ca₂juá'₂ jan₂ ángel quiaín₅ Te₁gui'₅₄ ca₂tsí'₃ Fe₂li₄:

—Nau₂, gua₂ jui₅ ja₁'uin₂ dsa₂ Jerusalén a₂dsió₄ 'uë₃ Gaza.

Jui₅ jaun₂ dsó₅ jë₄ 'uë₃ quein₂. ²⁷ Jaun₂ ca₂nau₂ Fe₂li₄ ca₂ηó₃. Le₂'i₄ jui₅ ja₁ηó₃ jaun₂, ca₂jein'₂ jan₂ dsa₂ chan₂ Etiopía, i₂jme₁lín₄ jan₂ dsa₂ eunuco, dsa₂ dsen₅₄ i₂niog₅ gu₂ cu₄ quió'₅ 'io₅₄ Candace i₂gon₂ 'uë₃ Etiopía. Dsa₂ 'éi₂ ηei₅₄ i₁chi₂i₁lein'₄ Diú₄ juig₂ Jerusalén. ²⁸ Ma₂'ein₅₄ jui₅ ηái'₄ juig₂ go₅₄ guá₅ ne₄ carroza quió'₅, 'i₂₃ Si₂ quió'₅ Isaías i₂jme₁'ë₂ jág₁ quió'₅ Diú₄ ma₂líg'₂.

²⁹ Jaun₂ ca₂juá'₂ Jme₂dsí₂ quiaín₅ Diú₄ ca₂tsí'₃ Fe₂li₄:

—Gua₂ le₃jén'₃ cau₅ carro në₅.

³⁰ Ca₂dsió₃ Fe₂li₄ cau₅, jaun₂ ca₂nág₂ i₁'i₅ dsa₂ 'éi₂ Si₂ quió'₅ Isaías. Jaun₂ ca₂ηag₃ Fe₂li₄:

—Ç'Níg'₂ 'e₂ juá'₂ si₂ a₂'i'₂?

³¹ Jaun₂ ca₂ηag₃ táng₃ dsa₂ 'éi₂:

—Ç'A₂ bá₄ lia'₂ le₃ηí'₂ jniá₂? Tsá₃ guë'₂ 'ein₂ chan₂ i₂juá'₂ 'e₂ jein₅ jág₁ a₂juá'₂ si₂ la₂.

Jaun₂ ca₂tsí'₃ Fe₂li₄ a₂uíg₂ 'éi₂ guei'₅₄ a₂guá₃ co₂lë₅ quiong'₅₄.

³² Jme₁'i₅ dsa₂ 'éi₂ Si₂ quió'₅ Diú₄ ja₁juá'₂ le₂la₂:

Ca₂jio₃ dsa₂ i₁ηag'₂ jui₁lia'₂ jñi'₅ dsa₂ já'₂ cha'₂.

Ján₃ guë'₂ jui₁lia'₂ tsá₃ guió'₅ guein₂ já'₂ cha'₂

të₁lia'₂ chéi₅ dsa₂ jñí₁,

ján₃ bá₄ le₂jaun₂ tsá₃ 'e₂ ca₂juá'₂ i₂'éi₂.

³³ Ca₂cuë₃ dsa₂ o₂guí'₃,

tsá₃ 'éi'₃ rë₂ ca₂të₁dsi₅₄ quió'₅;

chi'₂ tsi₁jon₂ quiaín₅ guë'₂ në₃,

ç'ein₂ bá₄ lé₂ le₃dsia₃ 'iin₃ chi'₂ dsio₅₄?

ton'₂ ca₂jñióg'₂ bá₄ guë'₂ dsa₂

ne₄ gua' ₅₄ 'uë₃ la₂.†

³⁴ Jaun₂ ca₂juá' ₂ dsa₂ dsen₅₄ 'éi₂ ca₂tsí' ₃ Fe₂li₄:

—Jmo₄ dse₃ 'au' ₂, jua' ₅₄ 'e₂ jein₅ jág₁ a₂juá' ₂ si₂ la₂. ¿'Ein₂ 'in₅ dsa₂ quián₅ Diú₄ i₂ca₂jmo₃ si₂ la₂? ¿A₂ 'iin₂₃ 'niog₅, o₃ a₂ 'iin₂₃ i₂sián' ₂ 'e₂?

³⁵ Jaun₂ ca₂jme₃lióg₃ Fe₂li₄ ca₂juá' ₂ 'e₂ juá' ₂ ne₄ Si₂ ja₁jme' ₁₅ dsa₂ dsen₅₄ 'éi₂, qui₂ca₂cuë₃ jág₁ dse₃ 'iin₂₃ Jesús.

³⁶ Jme₁ca₂dsi₃léin₂ caun₂ ja₁cha₂ jmi₂g₂, jaun₂ ca₂juá' ₂ dsa₂ dsen₅₄ 'éi₂ ca₂tsí' ₃ Fe₂li₄:

—Cha₂ jmi₂g₂ ja₁lá₃, ¿Cha₁ 'e₂ lë₃ jua' ₅₄ tsá₃ lé₂ tsón₄ jniá₂ jmi₂g₂?

³⁷ Jaun₂ ca₂juá' ₂ Fe₂li₄:

—Chi₂jua' ₂ 'éng' ₂ dsón' ₂ ca₂le₃jë₃ 'au' ₂, lé₂ bá₄.

Jaun₂ ca₂ηag₃ táng₃ dsa₂:

—'Én₂ bá₄ jniá₂ a₂lín₅ Jesucristo Ja₁ηi' ₅₄ Diú₄.‡

³⁸ Jaun₂ ca₂jmo₃ 'éi' ₃ ca₂ηia₃ carroza quió' ₅. Jaun₂ ca₂sióin₃ le₂oin₃ chei' ₅₄ jmi₂g₂, jaun₂ ca₂cho₃ Fe₂li₄ jmi₂g₂ § quió' ₅ dsa₂ 'éi₂.

³⁹ Jme₁ca₂'uiin₂ jmi₂g₂, jaun₂ Jme₂dsí₂ quián₅ Te₁gui' ₅₄ ca₂tág₃ Fe₂li₄, jaun₂ dsi₂tan₅₄ 'éi₂ tsá₃ ma₃ca₂jág₂ mei' ₂. La₁ 'io' ₂ bá₄ jmo₂₃ le₂ 'i₄ jui₅ ja₁ñá' ₄. ⁴⁰ Fe₂li₄ në₃ ma₂'ein₅₄ caun₂ juig₂ ja₁chei₂ Azoto, jaun₂ le₂tan₅₄ guë₄ juig₂ te₁ 'i₁ ja₁jaun₂ ca₂ηei₅₄ qui₂ca₂'ë₂ jág₁ dse₃ a₂lión₂ dsa₂, ca₂lia' ₂ ca₂dsióg₃ ca₂të₂ juig₂ Cesarea.

9

Ca₂jme₃tsín₃ Saulo dsí₅

(Hechos 22:6-16; 26:12-18)

¹ Të₁lia' ₂ jaun₂, dsa₂ i₂chen₂ Saulo caun₂ qui₂quiain₂₃ juë' ₅ a₂'nio₃ jme₃dsiáin₃ dsa₂ i₂'én₂ jág₁ quió' ₅ Te₁gui' ₅₄. Jaun₂ lë₃, ca₂ηei₅₄ i₁jii₂₃ jme₂dsa₂ dsen₅₄. ² Ca₂mi₃ ne₄ 'éi₂ caun₂ si₂ a₂cuë₃ bí₂ a₂dsó₃ guá' ₅ sinagogas quió' ₅ dsa₂ juig₂ Damasco a₂dsi₃'niai' ₂ dsa₂ i₂tion' ₅₄ të₂le₃ quió' ₅ Jui₅ quió' ₅ Te₁gui' ₅₄. Jme₁'nio₃ Saulo dsi₃te₅₄ dsa₂ chi₁'nei' ₂ ca₂të₂ Jerusalén, lia' ₂ dsa₂ ηe' ₂ lia' ₂ dsa₂ mí₂. ³ La₁ jme₁ja₂quián₃ dsióg₄ juig₂ Damasco, con' ₂ tsá₃ jáin₅ jme₁ca₂tág₃ caun₂ si₂ tág₅ jmá' ₅ ne₄ quió' ₅. Si₂ jaun₂ a₂já₃ jui₅ guei' ₅₄ i₂juig₃. ⁴ Co₂tan₅₄ ca₂quin' ₃ Saulo, jaun₂ ca₂nág₂ juá' ₂ jág₁ jë₄ si₂ jaun₂:

—Saulo, Saulo, ¿'e₂ lë₃ co₂'éin' ₅ jniá₂?

⁵ Jaun₂ ca₂ηag₃ Saulo:

—¿'Ein₂ 'ne₂, gui' ₅₄?

Jaun₂ ca₂ηag₃ táng₃ jág₁ né' ₂ jë₄ si₂:

—Jesús bá₄ jniá₂ i₂co₂'én' ₅ 'ne₂ ηi' ₂. Jnia' ₅₄ jmag' ₅₄ uig₅ 'ηiag' ₂ bá₄ jmo' ₂ jui₁lia' ₂ jmo₅ ca₁jui₅ jë₁ma₂jnú₃ ni₁'ma₂ chen' ₂.

⁶ Jaun₂ ca₂jlen₃ Saulo, ca₂rë₃gó' ₅, ca₂juá' ₂:

† 8:33 Isaías 53:7-8. ‡ 8:37 A₂lin₅₄ chog₅₄ si₂ tsá₃ chi₁ton₅ versículo 37. § 8:38 lit. “ca₂tióg₃ Fe₂li₄ jmi₂g₂.”

—Te₁gui'₅₄, ɿ'e₂ 'niog'₂ 'ne₂ jmo₅₄ jniá'₂?

Jaun₂ ca₂ɲag₃ táng₃ Te₁gui'₅₄:

—Nau₂, 'ú₅ juig₂ Damasco. Jë₁ma₂dsióg'₃, ja₁jaun₂ bá₄ juá'₂ dsa₂ 'e₂ jmó'₂.

⁷ Dsa₂ i₂jme₁quian'₅₄ Saulo ně₃, 'ɲio₅ lin₃ ca₂rë₃gó'₅, ia₁ ca₂nág₂ jág₁ a₂juá'₂ jë₄ si₂ jaun₂, ton'₂ 'i₁jan₂ guë'₂ tsá₃ 'ein₂ ca₂jín₂.

⁸ Jaun₂ ca₂nau₂ Saulo, la₁ jme₁ca₂nau₂ jaun₂, tsá₃ ma₃lé₂ jág₃, tsá₃ ma₃jniá₂ mi₂ne₅₄. Dsa₂ i₂jme₁quian'₅₄ bá₄ ca₂tág₃ le₁chan'₂ gu₂, ca₂jio₃ tē₂ juig₂ Damasco. ⁹ Ja₁jaun₂ ca₂'í₃ tein₅₄ 'ni₅ jmig₄, tsá₃ 'e₂ ca₂guë'₃, on₃ guë'₂ 'e₂ ca₂'in'₃ 'i₁caun₂.

¹⁰ Juig₂ Damasco jaun₂, jme₁guá₄ jan₂ dsa₂ i₂'én₂ i₂jme₁chen₂ Ananías. I₂'éi₂ ca₂jén'₃ ca₂jín₂ Te₁gui'₅₄ i₂ca₂juá'₂:

—¡Ananías!

Jaun₂ ca₂ɲag₃ 'éi₂:

—Ja₁lá₃ bá₄ 'eng₅₄, Te₁gui'₅₄.

¹¹ Jaun₂ ca₂juá'₂ táng₃ Te₁gui'₅₄:

—Nau₂, gua₂ calle chei₂ Co₂dsau₅ ja₁quió'₄ dsa₂ chen₂ Judas. Ja₁jaun₂ o₂'nia'₂ jan₂ dsa₂ chan₂ Tarso i₂chen₂ Saulo, i₂'en₅₄ chi₂lén'₂ Diú₄ con'₂ lë₅ la₂. ¹² Ia₁ ma₂qui₃ a₂ma₂jín₂ jan₂ dsa₂ i₂chen₂ Ananías ca₂'í₃ ca₂quiog₂ gu₂ ne₄ quió'₅ ia₁jaun₂ jnia₃ táng₃ mi₂ne₅₄.

¹³ Jme₁ca₂nág₂ Ananías le₂në₅, jaun₂ ca₂juá'₂:

—Te₁gui'₅₄, juin₅ dsa₂ ma₂tság₃ jniá₂ ca₂le₃jë₃ 'e₂ 'lig'₅₄ a₂jmo₅ dsa₂ 'éi₂ a₂jmái'₂ dsa₂ chan₂ Jerusalén i₂'én₂ jág₁ quiáng'₂. ¹⁴ Ta₁ jaun₂ já₅ 'éi₂ ja₁lá₃ quian'₅₄ 'éi'₃ quió'₅ juig₅₄ jme₂dsa₂ ia₁jaun₂ tē₂ le₁'ɲe₅ ca₂le₃jín₃ dsa₂ quiáng'₂ i₂'in₅ 'ne₂.

¹⁵ La₁ jaun₂ ca₂juá'₂ táng₃ Te₁gui'₅₄:

—La₁ gua₂, ia₁ i₂ma₂quion'₄ jniá₂ 'éi₂ ia₁ 'nio₃ jniá₂ dsó₃ qui₂dsi₃'ag₃ jniá₂ lia'₂ jin₄ dsi₂nau₂ lia'₂ ne₄ rag₅₄ quiáin₅, jin₄ dsa₂ israelitas ně₃. ¹⁶ Ia₁ jniá₂ bá₄ 'ě₄ 'a₂ lia'₂ tion₅₄ niog₅ ɲág₃ uig₅ 'ɲio₅ lin₃ o₄quió₃ jniá₂.

¹⁷ Jaun₂ guë₄ ɲó₃ Ananías ja₁chí'₄ tsi₁'né₅ ja₁jme₁'en₅₄ Saulo. Ca₂'í₃ dsi₂néi₂, ca₂quiog₂ gu₂ ne₄ quió'₅ Saulo, jaun₂ ca₂juá'₂:

—Saulo rin'₅₄ jniog₄, Te₁gui'₅₄ Jesús i₂ca₂jeng'₂ le₂'i₄ jui₅ lia'₂ con'₂ ɲe'₃, ně₂chei₃ jniá₂ ia₁jaun₂ jnia₅₄ táng₃ mi₂ne'₅₄, jaun₂ guéng'₄ Jme₂dsi₂ Jɲi₁₀ ně₃.

¹⁸ Co₂tan₅₄ dsi₂jui₅ jaun₂ qui₂ca₂séi'₂ jui₁lia'₂ tsi₁ mi₂ne₄ Saulo, co₂tan₅₄ ca₂jág₃ táng₃. Jaun₂ guë₄ ca₂nau₂ Saulo, ca₂i₁choin₃ jmig₂. ¹⁹ Jaun₂ ca₂guë'₃, ca₂tín'₃ táng₃ bí₂. Jaun₂ ca₂'í₃ bá₄ guë₄ tin₃-ni₅ jmig₄ quian'₅₄ dsa₂ 'én₂ i₂jme₁tián'₄ juig₂ Damasco jaun₂.

Ca₂'ě₂ Saulo jág₁ dse₃ juig₂ Damasco

²⁰ Dsi₂jui₅ bá₄ ca₂jme₃lió₃ Saulo ca₂nei₅₄ guá'₅ sinagogas ca₂i₁jme₁tiin₂₃ dsa₂ a₂juá'₂ a₂lín₅ Jesús Ja₁ni'₅₄ Diú₄. ²¹ Ca₂le₃jín₃ dsa₂ i₂ca₂nág₂ ca₂i₃gó'₃ dsi₅, qui₂ca₂dsia₃:

—¿On₃jua'₅₄ dsa₂ nē₅ i₂ñí₄ lē₃ jme₁ni₅ juig₂ Jerusalén qui₂co₂'ein₂₃ dsa₂ i₂'én₂ le₃quió'₅ Jesús? ¿On₃jua'₅₄ i₂nē₅ 'ñiog₅ i₂ma₂guan₅ ja₁lá₃ a₂qui₂tē₂ le₁'ñe₅ dsa₂ jaun₂ qui₂dsi₂jang'₅₄ o₄gú₃ juig₅₄ jme₂dsa₂?

²² La₁ tē₂le₃ lē₅ guē₄ ca₂'ág₂ tiá₂ dsi₅ Saulo, qui₂ca₂'ē₂ jág₁ a₂lín₅ dsón'₂ Jesús I₂rē₂'ín₁ quián₅ Diú₄. Ca₂lia'₂ ca₂i₃cón'₅ dsi₅ dsa₂ judíos i₂jme₁tián'₄ juig₂ Damasco ia₁ ca₂'ē₂ Saulo jág₁ le₂jaun₂.

Ca₂lón₂ Saulo o₄gú₃ dsa₂ judíos

²³ 'Lióng₂ jmi₄ cang₂ jaun₂, ca₂jmo₃ dsa₂ judíos caun₂ jág₁ a₂jme₁jñi'₃ Saulo. ²⁴ A₂jmi₂ a₂'uē₂ qui₂ca₂jñiai₃ Saulo o₄'né₄ o₄jui₅ juig₂ jaun₂, ia₁jaun₂ jñag'₃. La₁ ca₂rē₃ñi₅ bá₄ Saulo. ²⁵ Jaun₂ dsa₂ 'én₂ riin'₅₄ nē₃, ca₂to'₂ 'ñió'₃ caun₂ tsi₁mi'₂ pa₁, jaun₂ a₂'uē₂ ca₂sióin₂ 'éi₂ jui₅ ne₄ ni₁'ia'₂ a₂jme₁lē₄ le₃lág'₃ juig₂. Jaun₂ le₂nē₅ ca₂lón₂.

Ma₂'en₅₄ táng₃ Saulo juig₂ Jerusalén

²⁶ Jme₁dsián'₃ Saulo Jerusalén, jme₁'nio₃ jme₃quiain'₅₄ dsi₂jui₅ dsa₂ 'én₂ ja₁jaun₂. La₁ ca₂le₃jín₃ dsa₂ 'éi₂ nē₃ ca₂rē₃gain₃ 'éi₂, ia₁ tsá₃ jaun₂ lín₂ a₂ma₂'én₂ Saulo jág₁ dse₃. ²⁷ La₁ia₁ dsa₂ i₂chen₂ Bernabé ca₂jio₃ ne₄ dsa₂ guia₃-tín₂ i₂chen₄ 'éi₂. Jaun₂ ca₂dsia₃ 'a₂ lia'₂ ca₂lē₃ a₂ca₂jme₃jein'₂ Te₁gui'₅₄ le₂'i₄ jui₅, 'e₂ jág₁ a₂ca₂juá'₂ nē₃, 'a₂ lia'₂ ca₂dsia₃ Saulo ján₃ tiá₂ dsi₅ juig₂ Damasco ca₂'ē₂ jág₁ 'iin₂₃ Jesús. ²⁸ Jaun₂ bá₄ ca₂'í₃ Saulo juig₂ Jerusalén ca₂jme₃quiain'₅₄ dsa₂ 'éi₂. ²⁹ Caun₂ ca₂dsia₃ tiá₂ dsi₅ bá₄ qui₂ca₂'ē₂ jág₁ 'iin₂₃ Te₁gui'₅₄ qui₂ca₂dsia₃ jág₁ qui₂ca₂tsiín₂ quian'₅₄ dsa₂ judíos i₂dsia₅ jág₁ jmei₅ griego. La₁ dsa₂ 'éi₂ nē₃ caun₂ 'nio₃ jme₁jñi'₃ bá₄ Saulo. ³⁰ Jme₁ca₂rē₃lí₄ rin'₅₄ Saulo a₂jaun₂, jaun₂ ca₂jio₃ jui₅ juig₂ Cesarea. A₂'ein₅₄ guē₄ ja₁jaun₂ ca₂dsióg'₂ riin'₅₄ juig₂ go₅₄ ja₁chei₂ Tarso.

³¹ Jaun₂ ca₂le₃jín₃ guá'₅, dsa₂ i₂'én₂, le₂tan₅₄ ja₁tén₄ 'uē₃ Judea, Galilea, Samaria nē₃, tei₄ bá₄ 'ei₅ tion'₅₄ dsa₂, caun₂ ca₂rē₃béin₂ ján₃. Jme₁jme₂gain₃ bá₄ Te₁gui'₅₄ tioin'₅₄. Quian'₅₄ bí₂ quió'₅ Jme₂dsi₂ Jñió₅, caun₂ qui₂ca₂jui₂ bá₄ dsa₂ i₂'én₂.

Ca₂'lón₂ dsa₂ chen₂ Eneas

³² Lia'₂ con'₂ ni₅ Pe₄ qui₂dsi₂jñin₅₄ riin'₅₄, ca₂i₁jñin₁₂ ján₃ dsa₂ i₂ma₂'én₂ jág₁ dse₃ i₂jme₁tián'₄ juig₂ ja₁chei₂ Lida. ³³ Ja₁jaun₂ ca₂jñin₂ jan₂ dsa₂ 'lian'₂ i₂jme₁chen₂ Eneas i₂ma₂tē₂ jñia₃ ni₂ ron₅, ia₁ tsá₃ lé₂ ni₃. ³⁴ Jaun₂ ca₂juá'₂ Pe₄ ca₂tsí'₃ dsa₂ 'éi₂:

—Eneas, Jesucristo jme₂lió₂. Nau₂, jmo₄ dse₃ tsi₁cama quiáng'₂.

Jaun₂ dsi₂jui₅ le₂jaun₂ ca₂nau₂ Eneas. ³⁵ Jaun₂ ca₂le₃jín₃ dsa₂ i₂tián₅ Lida quian₅₄ juig₂ Sarón ca₂jág₃ a₂ca₂'lón₂ 'éi₂, jaun₂ ca₂jéin₃ le₃quió₅ Te₁gui₅₄.

Ca₂jen₅₄ 'io₅₄ Dorcas

³⁶ Jmig₄ jaun₂ jme₁chan₂ jan₂ 'io₅₄ i₂'én₂ jë₄ juig₂ Jope i₂jme₁chen₂ Tabita. Quian₅₄ jág₁ jmei₅ griego jme₁té₂ dsa₂ Dorcas. 'Io₅₄ 'éi₂ lia₂ con₂ chain₂ jme₁jmo₂₃ dse₃ jme₂oin₅₄ dsa₂ te₂ñé₂. ³⁷ Të₃jë₄ jmig₄ jaun₂, ca₂rë₃dso₅₄ Dorcas, ca₂join₃ bá₄ jaun₂ ně₃. Cang₂ jme₁ca₂lë₃ sei₅ dsa₂, jaun₂ ca₂i₁quió₂₃ caun₂ dsi₂néi₂ jë₁ca₂të₂ tin₃ juín₃. ³⁸ Juig₂ Jope ma₂quían₅ bá₄ ja₁niog₅ juig₂ Lida ja₁'en₅₄ Pe₄. Jaun₂ jme₁ca₂rë₃ñi₅ dsa₂ 'én₂ a₂'en₅₄ Pe₄ ja₁jaun₂, jaun₂ ca₂chein₃ on₃ riin₅₄ ca₂i₁te₂ 'éi₂:

—Ñia₅ të₂në₃ cón₅ jui₅ Jope.

³⁹ Jaun₂ ñó₃ Pe₄ co₂lë₅ quian₅₄ dsa₂ 'éi₂. Jme₁ca₂dsióg₃, ca₂i₁jio₃ dsa₂ ja₁rë₂quian₅ 'lag₄. Ja₁jaun₂ tion₅₄ le₁ñi₂ ca₂le₃jín₃ 'io₅₄ 'nág₂ qui₂'o₂₃, qui₂ca₂'ë₃ Pe₄ 'mi₂ tsin₅₄ dsa₂, ta₁ a₂jme₁jmo₅ Dorcas lia₂ con₂ chain₂. ⁴⁰ Jaun₂ ca₂jmo₃ Pe₄ 'éi₃ ca₂'uin₂ dsa₂ dsi₂néi₂ ja₁rë₂quian₅ 'lag₄. Jaun₂ ca₂chi₃jnë₃ ca₂chi₃léin₂ Diú₄. Jaun₂ guë₄ ca₂jín₂ 'lag₄, ca₂juá₂:

—Tabita, nau₂.

Dsi₂jui₅ jaun₂ ca₂ján₃ 'io₅₄ jme₁ne₁₂. Jme₁ca₂jín₂ Pe₄, ca₂guá₂ 'io₅₄ jaun₂ ně₃. ⁴¹ Jaun₂ ca₂jña₃ Pe₄ mi₂gu₂ 'io₅₄, ca₂chó₂. Jaun₂ ca₂të₃ táng₃ Pe₄ riin₅₄, 'io₅₄ 'nág₂ ně₃, jaun₂ ca₂jín₂ 'io₅₄ 'éi₂, la₁ ma₂jein₅₄ bá₄. ⁴² Ta₁caun₂ juig₂ Jope ca₂i₃'ág₃ jág₁ a₂ca₂lë₃ le₂jaun₂. Jaun₂ juín₅ lin₃ dsa₂ ca₂rë₃'én₂ jág₁ quió₅ Te₁gui₅₄. ⁴³ Ca₂'í₃ bá₄ guë₄ Pe₄ 'lióng₂ jmig₄ jaun₂ ja₁quió₄ jan₂ dsa₂ i₂chen₂ Si₂mu₅₄ i₂jme₂dse₃ lo₄ já₂.

10

Pe₄ quian₅₄ Cornelio

¹ Juig₂ Cesarea jme₁chan₂ jan₂ dsa₂ i₂jme₁chen₂ Cornelio, i₂jme₁lín₄ juig₅₄ co₂nió₃ 'lióg₂ i₂të₂ dsa₂ i₂chan₂ Italia. ² Juig₅₄ 'lióg₂ 'éi₂ jme₁jme₂gain₃ Diú₄ co₂lë₅ quian₅₄ dsa₂ dsi₂néi₂ quió₅. Ján₃ bá₄ jme₁dsiό₅ cu₄ jme₁jme₂oin₅₄ dsa₂ judíos. Ca₂le₃jë₃ jmig₄ ně₃, jme₁chi₁léin₂ Diú₄. ³ Co₂ráun₂ con₂ hora ñí₁ 'ni₅ le₃ca₂'láu₂,* a₂lë₁ca₂jén₃ ca₂jág₃ ca₂jín₂ jan₂ ángel quían₅ Diú₄ ca₂'í₃ dsi₂néi₂ ja₁'ein₅₄. Jaun₂ ca₂juá₂ ángel:

—iCornelio!

⁴ Jaun₂ ca₂jág₃ Cornelio gó₅ 'ñio₅ lin₃ ca₂jín₂ ángel. Jaun₂ ca₂ñag₃ ca₂juá₂:

—¿'E₂ lë₅, gui₅₄?

Jaun₂ guë₄ ca₂juá₂ ángel:

* 10:3 lit. “hora ñi₃.”

—A₂nag₅ bá₄ Diú₄ a₂juig'₂ a₂chi₂lein'₅₄. Jág₅ bá₄ a₂jmo'₂ dse₃ 'au'₂ jme₂'ong'₅₄ dsa₂ te₂né₂. ⁵ Jaun₂ lē₃ chen₅ dsa₂ juig₂ Joep dsi₃quiáin₂ dsa₂ i₂chen₂ Si₂mu₅₄ i₂tě'₂ dsa₂ Pe₄ ján₃. ⁶ I₂'en₅₄ ja₁quió'₄ Si₂mu₅₄ sián'₂ i₂jmo₅ dse₃ lo₄ já'₂, i₂chí'₅ 'ne₄ chei'₅₄ jmi₁ñí'₄.

⁷ Jme₁ma₂ñá'₅ ángel, jaun₂ ca₂tě'₃ Cornelio on₃ dsa₂ mozo quiáin₅, jan₂ guě'₂ 'lióg₂, dsa₂ jme₂tí₃ i₂jme₂gan₃ Diú₄ ján₃. ⁸ Jaun₂ ca₂dsia₃ Cornelio ca₂tsí'₃ dsa₂ a₂ca₂jén'₃, jaun₂ ca₂chein₃ dsa₂ juí₅ juig₂ Joep.

⁹ Jme₁jnia₃ jaun₂, ca₂i₃lén₂ dsa₂ 'éi₂. Pe₄ ně₃ ca₂uíg₂ le₃co'₅₄ tsi₁'né₅ con'₂ dsi₃ñí'₃† a₂chi₃lén'₂ Diú₄. ¹⁰ I₁cón'₅ 'ñio₅ lín₃. Tē₁lia'₂ jmo₅ dsa₂ má₃ ně₃, jaun₂ a₂lē₁ca₂jén'₃ ca₂jág₃ Pe₄ ¹¹ ca₂niá₃ guei'₅₄ i₂juíg₃. Jaun₂ ca₂sió₃ jui₁lia'₂ caun₂ tsi₁'mi'₂ pa₁ a₂rē₂quein₅ ta₁quén₂ qui'₅₄. ¹² 'Nió'₃ jaun₂, jme₁tion'₅₄ ca₂le₃jín₃ ne₅₄ já'₂: já'₂ cha₂quén₂ mi₂tag₄, já'₂ i₂tsě'₅ quió'₅, já'₂ i₂'in₅ guei'₅₄ ně₃. ¹³ Jaun₂ ca₂nág₂ Pe₄ jág₁ ca₂juá'₂:

—Nau₂ Pe₄, jme₁dsian₅ já'₂, quíng'₄.

¹⁴ Jaun₂ ca₂ñag₃ Pe₄:

—Jan₂ón₄, Te₁gui'₅₄. Ia₁ 'i₁co₂ráun₂ tsá₃ ma₂ca₂guě'₃ jniá₂ ni₁ñi₁ já'₂ a₂jmo₅ a₂rē₂'ñio₅ dsa₂.

¹⁵ Jaun₂ ca₂ñag₃ táng₃ jág₁ a₂juá'₂:

—Tsá₃ lē₁juá'₂ 'ne₂ 'lig'₅₄ cosa a₂ma₂jmo₃ Diú₄ le₁jě₃.

¹⁶ 'Ni₅ ráun₂ ca₂lē₃ le₂jaun₂, jaun₂ guě₄ ca₂ñáu'₃ táng₃ tsi₁'mi'₂ juí₅ guei'₅₄. ¹⁷ Tē₁lia'₂ guá₅ Pe₄ 'no'₂ dsi₅ 'e₂ léi₄ jáng'₅ a₂ca₂jág₃ jaun₂, jme₁ca₂dsi₃lén₂ dsa₂ i₂chen₄ quián₅ Cornelio o₄'né₄ quió'₅ Si₂mu₅₄, a₂ñag₂₃ a₂já'₄ chí'₅ 'ne₄ Si₂mu₅₄. ¹⁸ Jme₁ca₂dsi₃lén₂ dsa₂ 'éi₂, ca₂ñag₃ juá'₂ tiá₂ chi₂jua'₂ 'en₅₄ ja₁jaun₂ jan₂ dsa₂ i₂chen₂ Si₂mu₅₄ i₂tě'₂ dsa₂ Pe₄ ján₃. ¹⁹ Tē₁lia'₂ jaun₂ caun₂ qui₂'no'₂ dsi₅ Pe₄ a₂ca₂jág₃, jaun₂ ca₂juá'₂ Jme₂dsí₂ Jñiós₅:

—Jag₄; ún₂ dsa₂ o₂lén₂ 'nau'₂. ²⁰ Nau₂, sión₅, gua₂ quiain'₅₄, tsá₃ lē₁jmo₂ 'i₅ 'au'₂ jua'₅₄ líng'₂ a₂tsá₃ tí₅ jág₁, ia₁ jniá₂ bá₄ ně₂tsín₂.

²¹ Jaun₂ ca₂sión₃ Pe₄ ca₂i₁jín₁₂ dsa₂ i₂chen₄ quián₅ Cornelio, jaun₂ ca₂juá'₂ Pe₄:

—Jniá₂ bá₄ 'éi₂ i₂'na'₂ 'nia'₂. ¿Cha₁ ta₁ ja₂nó'₅ 'nia'₂?

²² Jaun₂ ca₂ñag₃ táng₃ dsa₂:

—Gui'₅₄ juig₅₄ 'lióg₂ Cornelio bá₄ ca₂chei₃ jnia'₅₄ ja₂náu₅. Dsa₂ dsen₃ bá₄ 'éi₂, i₂jme₂gan₃ Diú₄; 'nio₃ dsa₂ judíos 'ñio₅ lín₃, jme₂go₃ ně₃. Jan₂ ángel i₂chen₄ quián₅ Diú₄ ca₂juá'₂ a₂tě'₂ 'ne₂ ja₁quió'₄ jaun₂ nag₃ 'e₂ jág₁ cuě'₅₄.

²³ Jaun₂ ca₂juá'₂ Pe₄ tón'₃ dsa₂ 'éi₂ dsi₂néi₂, jaun₂ ja₁jaun₂ ca₂jñia₃ dsa₂ 'éi₂ quiain'₅₄ Pe₄ a₂'uě₂ jaun₂. Jme₁jnia₃ jaun₂ guě₄

† 10:9 lit. “hora jñéi₂.”

ca₂jó₃ Pe₄ quia₁in'₅₄ dsa₂ 'éi₂. Ca₂jme₃quiong'₅₄ guě₄ i₂lin'₅₄ dsa₂ riin'₅₄ i₂jme₁ 'én₂ i₂jme₁tián'₄ juig₂ Jope.

²⁴ Jme₁jnia₃ jaun₂ guě₄ táng₃, ca₂dsi₃léin₂ juig₂ Cesarea ja₁guá₄ Cornelio. 'Éi₂ guě'₂ ně₃ jme₁ma₂chi₁jniog₂₃ quia₁in'₅₄ co₂nió'₃ o₁riin'₅₄ a₂mei₅₄ quia₁in₅ i₂jein'₂ 'ñio₅ lin₃ quia₁in'₅₄ ně₃, i₂ca₂tě'₃.

²⁵ Jme₁ca₂dsióg₃ Pe₄ o₄'né₄, co₂tan₅₄ ca₂o₃'ín₃ Cornelio ca₂guei₃, ca₂chi₃jné₃ ne₄ 'éi₂, ca₂jme₃juag'₂. ²⁶ La₁ Pe₄ ně₃ ca₂chó'₂, ca₂juá'₂:

—Nau₂, ia₁ dsa₂ mi₂güig₃ bá₄ jniá₂, jui₁lia'₂ 'ne₂ ján₃.

²⁷ Tě₃ dsia₅ jág₁ Pe₄ quiong'₅₄, ca₂'í₃ dsi₂néi₂, jaun₂ ca₂jág₃ juin₅ bá₄ dsa₂ ma₂le₁ñi'₂ dsi₂néi₂. ²⁸ Jaun₂ ca₂juá'₂ Pe₄ ca₂tsí'₃ dsa₂:

—Ñi'₅₄ bá₄ 'nia'₂ jaun₂ tsá₃ cuě₅ jmig₄ 'Éi'₃ Juá'₅ quió'₅ dsa₂ judíos jua'₅₄ a₂jii'₂ quia₁n'₅₄ dsi₂nau₂, on₃ guě'₂ lé₂ ñí₃ dsi₂néi₂ quió'₅. La₁ Diú₄ ma₂'ě₃ a₂tsá₃ tě₄ jniá₂ 'i₁jan₂ dsa₂ tsá₃ le₁jín₃. ²⁹ Jaun₂ lě₃ dsi₂jui₅ bá₄ guio₃ jme₁ca₂dsi₃lén₂ dsa₂ quiáng'₂, tě₂. Tsá₃ ně₂jan₅₄ uě₂. Jaun₂ jme₁'nio₃ le₃guion₅₄ 'e₂ lě₃, 'e₂ ta₁ ně₂tě'₂.

³⁰ Jaun₂ ca₂ñag₃ Cornelio:

—Ma₂quén₂ jmig₄, con'₂ hora la₂ jme₁'eng₅₄ dsi₂néi₂ la₂ quió₃, jme₁jme₂'ing₅₄, tsá₃ ca₂guě'₃. Jme₁'eng₅₄ chi₁leng'₄ Diú₄ tě₂le₃ ca₂'láu₂. Jaun₂ a₂lě₁ca₂jéin₃ ca₂jing₅₄ jan₂ dsa₂ qui'₂ 'mi'₂ tiog₂ jau₂. ³¹ Jaun₂ ca₂juá'₂ ca₂tság₃ jniá₂: “Cornelio, a₂nág₅ bá₄ Diú₄ a₂juig'₂. Jág₅ bá₄ a₂jmo'₂ dse₃ 'au'₂ jme₂'ong'₅₄ dsa₂ te₂ñé₂. ³² Jaun₂ lě₃, chen₅ dsa₂ juig₂ Jope dsi₃quia₁in₂ dsa₂ i₂chen₂ Si₂mu₅₄ i₂tě'₂ dsa₂ Pe₄ ján₃. I₂'en₅₄ ja₁quió'₄ Si₂mu₅₄ sián'₂ i₂jmo₅ dse₃ lo₄ já₂, i₂chi'₅ 'ne₄ chei'₅₄ jmi₁ñi'₄. Jě₁ma₂guain₂₃, dsia₃ jág₁ quia₁n'₅₄ 'ne₂.” ³³ Jaun₂ bá₄ lě₃ ca₂tsíng₂ dsa₂ dsi₂jui₅ a₂i₁'niai'₂ 'ne₂ ně₃. Dse₃ bá₄ lia'₂ ně₂jmo'₅₄ ñe'₃. Jaun₂ lě₃ tio'₅₄ jnia'₅₄ ca₂le₃jág₃ le₁ñag'₂ ne₄ Diú₄ ia₁ 'niog₂ jnia'₅₄ néi₁ jág₁ a₂ma₂cuě₃ Te₁gui'₅₄ a₂juig'₅₄ jnia'₅₄.

Jág₁ a₂ca₂ton₃ Pe₄ dsi₂néi₂ quió'₅ Cornelio

³⁴ Jaun₂ ca₂jme₃lióg₃ Pe₄ ca₂juá'₂ ca₂tsí'₃ dsa₂:

—Ně₃ guě₄ dsón'₂ ma₂ñi'₂ jniá₂, tsá₃ jma₃quén₅ jín₂ Diú₄ dsa₂ mi₂güig₃. ³⁵ Ia₁ ca₂le₃jě₃ juig₂ ja₁jme₂gan₃ dsa₂ Diú₄, nag₅ dsa₂ gau₂ jág₁ quió'₅, jmo₂₃ dse₃ ně₃, dsa₂ le₂'éi₂ bá₄ guén'₂ Diú₄. ³⁶ Ca₂juá'₂ Diú₄ ca₂tsí'₃ tsi₁jon₂ quián₅ Israel, ca₂'ě₂ jág₁ a₂tian'₃ dsa₂ tei₄ tě₂le₃ quia₁n'₅₄ Jesucristo i₂lín₅ Te₁gui'₅₄ quián₅ ca₂le₃jín₃. ³⁷ Ñi'₅₄ rě₂ bá₄ 'nia'₂ 'e₂ ca₂lě₃ ta₁caun₂ juig₂ go₄ dsa₂ judíos, a₂ca₂jme₃lióg₃ 'uě₃ Galilea, cang₂ jme₁ma₂'ě₂ Juan₅₄ jág₁, ca₂choin₃ dsa₂ jmig₂ ně₃. ³⁸ Ñi'₅₄ bá₄ 'nia'₂ 'a₂ lia'₂ ca₂cuě₃ Diú₄ ca₂cuě'₃ Jesús chan₂ Nazaret jui₅bí₂ quió'₅ Jme₂dsí₂ jniós₅, 'a₂ lia'₂ ca₂ñi₃ jmo₂₃ dse₃, jme₂'lióin₂ ca₂le₃jín₃ dsa₂ i₂jme₁chan₂ jmi₁uig₅

jmóg² i₂sě₃dsen₃. Ca₂le₃jě₃ a₂ně₅ ca₂jmo₃ ia₁ jme₁quai_{in}'⁵⁴ Diú₄. ³⁹ Ca₂tě₂ ne₄ jnia'⁵⁴ ca₂le₃jě₃ a₂ně₅ a₂ca₂jmo₃ Jesús, lia'² jě₄ juig₂ Jerusalén, lia'² le₂tan⁵⁴ ja₁tián'⁴ dsa₂ chan₂ Judea. Cang₂ jaun₂ ca₂jag³ dsa₂ ca₂tion₃ cróg₄. ⁴⁰ La₁ jě₁ca₂tě₂ 'ni₅ jmig₄, ca₂jme₃jei_n'⁵⁴ táng₃ Diú₄ Jmei₂, ca₂jmo₃ ca₂jme₃jnia₅ 'éi₂ jin₄ jnia'⁵⁴. ⁴¹ Tsá₃ ca₂jme₃jniai₂₃ jin₄ ca₂le₃jín₃ dsa₂. Jmá'³ lia'² jě₄ quián₂ jnia'⁵⁴ bá₄ con'² dsa₂ i₂ca₂quióin'² le₂jniá₅ i₁tě₃ ne₄. Ca₂que⁵⁴ guě₄ jnia'⁵⁴ co₂lě₅ quai_{in}'⁵⁴ jme₁ma₂jei_n'⁵⁴ táng₃ jin₄ 'lag₄. ⁴² Jaun₂ ca₂jmo₃ 'éi'³ a₂qui₂dsi₁'ě₄ jnia'⁵⁴ jág₁, a₂dsi₁jag'⁵⁴ jág₁ dsau₅ jin₄ dsa₂: Diú₄ ma₂dsiain₃ Jesús a₂qui₃dsi₅ 'éi'³ quió'⁵ dsa₂ i₂chan₂, quió'⁵ i₂ma₂dsan₃ ně₃. ⁴³ Ján₃ bá₄ le₂ně₅ jáng'⁵ jág₁ dsau₅ ca₂le₃jín₃ dsa₂ i₂jme₁'ě₂ jág₁ quiáin₅, a₂qui₃'én₂ Diú₄ dsáu₁ ca₂le₃jín₃ dsa₂ i₂'én₂ jág₁ quió'⁵.

Ca₂guei₃ dsi₂nau₂ ca₂guei_n₃ Jme₂dsí₂ Jñi_ó₅

⁴⁴ Tě₃jě₄ 'ě₂ guě₄ Pe₄ jág₁, jme₁ca₂si_{ón}₃ Jme₂dsí₂ Jñi_ó₅ ne₄ quió'⁵ ca₂le₃jín₃ dsa₂ i₂tion'⁵⁴ nag₅ jág₁. ⁴⁵ Dsa₂ judíos[†] i₂jme₁'én₂ i₂ca₂o₃lén₂ quian'⁵⁴ Pe₄, tióin₂ jág₅ dsi₂gó'³ dsí₅, ia₁ ján₃ guě'² ca₂guen₃ dsi₂nau₂ Jme₂dsí₂ Jñi_ó₅. ⁴⁶ Ia₁ nag₂₃ dsia₅ dsa₂ jág₁ jmei₅ siá'², jme₂juin'² Diú₄. ⁴⁷ Jaun₂ ca₂juá'² Pe₄:

—¿Lé₂ le₃jua'⁵⁴ tsá₃ jmig₂ lé₂ tsón₃ dsa₂ ně₅, ton'² ma₂ně₂guei_n₃ bá₄ guě'² Jme₂dsí₂ Jñi_ó₅, co₂rě₂ bá₄ ju₁lia'² jniog₄?

⁴⁸ Jaun₂ ca₂jmo₃ 'éi'³ a₂tsón₃ dsa₂ 'éi₂ jmig₂, lia'² con'² lě₅ 'éi'³ quió'⁵ Jesucristo. Jme₁co₂lág₂ jaun₂, ca₂mi₃ dsa₂ ca₂tsí'³ Pe₄ a₂jñia₃ guě₄ tin₃-ni₅ jmig₄ quiong'⁵⁴.

11

Jág₁ ca₂'ě₂ Pe₄ jin₄ dsa₂ 'én₂ juig₂ Jerusalén

¹ Ca₂rě₃jñi₅ jág₁ dsa₂ i₂chen₄ quián₅ Jesús, quai_{in}'⁵⁴ riin'⁵⁴ i₂tion'⁵⁴ Judea, a₂ma₂ca₂rě₃'én₂ dsi₂nau₂ jág₁ quió'⁵ Diú₄ ján₃.

² Jme₁ca₂dsián'³ táng₃ Pe₄ juig₂ Jerusalén, jaun₂ ca₂le₃jín₃ dsa₂ judíos i₂'én₂ ca₂jí₂ quió'⁵ ³ ca₂juá'²:

—¿'E₂ lě₃ neg'⁵⁴ ja₁con₂ dsi₂nau₂* i₁que'⁵⁴ quai_{in}'⁵⁴ ně₃?

⁴ Jaun₂ ca₂juá'² Pe₄ ca₂tsí'³ dsa₂ ca₂le₃jě₃ 'a₂ lia'² ca₂lě₃, ca₂juá'²:

⁵ —Juig₂ Jope bá₄ jme₁'eng⁵⁴, chi₁leng'⁴ Diú₄. Tě₃jě₄ jaun₂, ca₂jéin₃ ca₂jág₃ ju₁lia'² caun₂ tsi₁'mi'² tióg₃ pa₁ a₂rě₂quei_n₅ le₃quén₂ qui'⁵⁴, ca₂sió₃ ju₁₅ guei'⁵⁴, ca₂tě₂ cau₅ quió₃.

⁶ Jme₁ca₂jág₃ jniá₂ dse₃ 'e₂ tio'⁵⁴ 'ñi_ó₃, jua'² ca₂le₃jín₃ ne₄ já'² bá₄ tion'⁵⁴: já'² cha₂ quén₂ mi₂tag₄, já'² tsáu₂ dsí₅, já'² i₂tsě'⁵ quió'⁵, já'² i₂'in₅ guei'⁵⁴ ně₃. ⁷ Jaun₂ ca₂nag₃ jág₁ a₂ca₂juá'² ca₂tság₃ jniá₂: “Nau₂ Pe₄, jme₁dsian₅ já'², quíng'⁴.” ⁸ Jaun₂ ca₂jag₄ jniá₂: “Jan₂'ón₄, Te₁gui'⁵⁴. Ia₁ 'i₁co₂ráun₂ tsá₃ ma₂'í₅ 'o₃ 'i₁caun₂

† 10:45 lit. “dsa₂ i₂rě₂uĩng₄ lo₄.”

* 11:3 lit. “ja₁con₂ dsa₂ i₂tsá₃ lo₄ rě₂uĩng₄.”

a₂'lig'⁵⁴ a₂jmo₅ a₂rë₂'nio₅ dsa₂.”⁹ Jaun₂ ca₂ηag₃ táng₃ jág₁ a₂já₅ guei'⁵⁴, ca₂juá'²: “Jui₁lia'² a₂ma₂jmo₃ Diú₄ le₁jë₃, tsá₃ lë₁juá'² 'ne₂ 'lig'⁵⁴.”¹⁰ 'Ni₅ ráun₂ ca₂lë₃ le₂jaun₂, jaun₂ guë₄ ca₂ηáu'³ táng₃ ca₂le₃jë₃ jui₅ guei'⁵⁴.¹¹ Të₃jë₄ jaun₂ ca₂dsi₃lén₂ ún₂ dsa₂ 'né₅ ja₁jme₁'eng⁵⁴, i₂chen₄ quián₅ dsa₂ chan₂ Cesarea a₂'nau'² jniá₂.¹² Jaun₂ Jme₂dsi₂ quián₅ bá₄ Diú₄ ca₂chei₃ ca₂ηó₃ quiang'⁵⁴ dsa₂ 'éi₂, caun₂ bá₄ 'ei₅ dsi₃ ηó₃. Ján₃ bá₄ i₁len⁵⁴ jné₂ rin'⁵⁴ jniog₄ la₂ quiong'⁵⁴ jniá₂. Jaun₂ ca₂tió'⁴ jnia'⁵⁴ ca₂le₃jág₃ dsi₂néi₂ quió'⁵ dsa₂ chan₂ Cesarea 'éi₂.¹³ Dsa₂ 'éi₂ ca₂dsia₃ ca₂tság₃ jnia'⁵⁴ 'a₂ lia'² ca₂jín₂ jan₂ ángel jme₁chén'⁴ dsi₂néi₂ quió'⁵ i₂ca₂juá'²: “Chen₅ dsa₂ juig₂ Jope a₂dsi₃quián₂ Si₂mu⁵⁴ i₂të'² dsa₂ Pe₄ ján₃.¹⁴ Dsa₂ 'éi₂ juá'² 'a₂ lia'² jmó'², ia₁jaun₂ líong'², quiang'⁵⁴ dsa₂ dsi₂néi₂ quiáng'².¹⁵ Jme₁ca₂jme₁lióg₄ jniá₂ juig₂ jág₁, jaun₂ ca₂sión₃ Jme₂dsi₂ Jnió₅ ne₄ quió'⁵ dsa₂ 'éi₂, jui₁lia'² ca₂guain₃ ne₄ quián₂ jniog₄ le₂'uig⁵⁴.¹⁶ Jaun₂ guë₄ ca₂dsáu'³ dsi₃ a₂ma₂ca₂juá'² Te₁gui'⁵⁴ le₂jniá₅: “Dsau₅ bá₄ ca₂tióg₃ Juan⁵⁴ ca₂tián₂ jmig₂ dsa₂, la₁ 'nia'² guë'² në₃ tióg₂ Diú₄ Jme₂dsi₂ Jnió₅.”†¹⁷ Jaun₂ chi₂jua'² co₂rë₂ bá₄ ca₂cuë₃ Diú₄ ca₂cuë'³ dsa₂ 'éi₂ jui₁lia'² a₂ma₂cuë₃ jniog₄ i₂ma₂'én₂ të₂le₃ quió'⁵ Te₁gui'⁵⁴ Jesucristo, ζi₂'ein₂ bá₄ jniá₂ jua'⁵⁴ jniá₂ jni₅g⁵⁴ 'éi'³ quió'⁵ Diú₄?

¹⁸ Jme₁ca₂nág₂ dsa₂ jág₁ në₅, tei₄ bá₄ ca₂jmo₃. Jaun₂ ca₂jme₃juin'² Diú₄, ca₂tsí'³ riin'⁵⁴:

—Ján₃ guë₄ ma₂cuë₃ Diú₄ jmig₄ quió'⁵ dsi₂nau₂, a₂jme₂tsín₃ dsí₅ ia₁jaun₂ tiin'⁴ le₃chain₂ co₂tan⁵⁴!

Dsa₂ 'én₂ i₂chan₂ juig₂ Antioquía

¹⁹ Lia'² con'² jme₁ca₂jñi'³ dsa₂ Esteban, caun₂ qui₂ca₂co₃'ein₃ bá₄ dsa₂ quió'⁵ ca₂le₃jín₃ dsa₂ i₂'én₂. Jaun₂ tion⁵⁴ bá₄ ca₂cuing₃ ca₂lë₃lén₂ ca₂të₂ Fenicia, Chipre, Antioquía në₃. La₁ jmá'³ dsa₂ judíos bá₄ ca₂cuë'³ jág₁ dse₃.²⁰ La₁ i₂lin⁵⁴ dsa₂ 'én₂ i₂chan₂ Chipre quian'⁵⁴ Cirene ca₂dsi₃lén₂ juig₂ Antioquía ca₂dsia₃ jág₁ quian'⁵⁴ dsa₂ chan₂ Grecia, ca₂'ë₂ jág₁ dse₃ ca₂'iin₃ Te₁gui'⁵⁴ Jesús.²¹ Ca₂jme₃'on⁵⁴ Te₁gui'⁵⁴ dsa₂ 'éi₂ ja₁jaun₂ quian'⁵⁴ bí₂ quió'⁵, jaun₂ lë₃ juin₅ lin₃ dsa₂ ca₂jéin'³ le₃quió'⁵ Te₁gui'⁵⁴.

²² Jme₁ca₂rë₃ηi₅ dsa₂ 'én₂ i₂tion⁵⁴ Jerusalén, jaun₂ ca₂chein₃ Bernabé ca₂të₂ Antioquía.²³ Jme₁ca₂dsióg₃ Bernabé ja₁jaun₂, jaun₂ ca₂jág₃ a₂dse₃ dsí₅ Diú₄ a₂ca₂jmo₃ ja₁con₂ dsa₂ 'éi₂, jaun₂ lë₃ ca₂jmo₃ 'io'². Jaun₂ ca₂toin'² dsa₂ jág₁ dsia₃ tiá₂ dsí₅, tsán'² tiá₂ jág₁ 'ein₃ Te₁gui'⁵⁴.²⁴ Ia₁ dsa₂ dsen₃ bá₄ jme₁lín₄ Bernabé, jme₁rë₂rin₅ Jme₂dsi₂ Jnió₅ të₂dsí₅, jme₁'éin₂ 'ηio₅ lin₃. Jaun₂ le₂në₅ juin₅ dsa₂ ca₂jén'³ të₂le₃ ja₁con₂ Te₁gui'⁵⁴.

²⁵ Cang₂ jaun₂ ca₂ηó₃ Bernabé juig₂ Tarso a₂ca₂i₁'niai'² Saulo. Jme₁ca₂dsáin'² 'éi₂, jaun₂ ca₂tág₃ juig₂ Antioquía.²⁶ Ja₁jaun₂

† 11:16 Hechos 1:5.

ca₂tóin'₂ caun₂ ŋi₂ quiaín'₅₄ dsa₂ i₂ 'én₂ ja₁jaun₂, qui₂ca₂jme₃tiín'₂₃ juín₅ lín₃ dsa₂. Juig₂ Antioquía jaun₂ bá₄ ja₁le₂ 'uig₅₄ ca₂quiong₃ dsa₂ ca₂quiaín₃ dsa₂ i₂ 'én₂ “cristianos”.

²⁷ Jmíg₄ jaun₂, i₂lín₅₄ dsa₂ i₂jme₁cuē₅ jág₁ dse₃ a₂ma₂gue₃ quió'₅ Diú₄ ca₂'uiín₂ juig₂ Jerusalén ca₂i₁leín₅₄ Antioquía. ²⁸ Jan₂ i₂chen₂ Agabo ca₂nau₂ jin₄ riín'₅₄. Jaun₂ quian'₅₄ bí₂ quió'₅ Jme₂dsí₂ Jñió₅, ca₂'ě₂ jág₁ a₂le₃'ín₂ a₂guě'₃ dsa₂ ta₁caun₂ mi₂güí₃. Jaun₂ le₂jaun₂ ca₂rě₃ti₃ ně₃ jmíg₄ lia'₂ con'₂ jme₁guá₄ gui'₅₄ emperador Claudio. ²⁹ Jaun₂ ca₂le₃jín₃ dsa₂ 'én₂ i₂chan₂ Antioquía ca₂jmo₃ caun₂ jág₁ ca₂jme₃'oin₅₄ riín'₅₄ i₂jme₁tián'₄ Judea, 'a₂ con'₂ jñia'₅₄ qui'₅₄ jmíg₄ cuē₃ le₂jain₂ le₂jain₂. ³⁰ Jaun₂ le₂ně₅ ca₂jmo₃. Ca₂chein₃ cu₄ ne₄ dsa₂ can'₅₄† quián₅ dsa₂ 'én₂, ca₂i₁can₅ Bernabé quian'₅₄ Saulo.

12

Ca₂jon₃ Jacobo, Pe₄ guě'₂ ca₂jné₂ dsa₂ 'né₅ 'má₃

¹ Jmíg₄ jaun₂ ca₂jme₃lióg₃ Rag₅₄ Herodes qui₂ca₂jmaí'₂ dsa₂ i₂'én₂. ² Ca₂jmo₃ 'éi'₃ ca₂jñi'₃ dsa₂ Jacobo rin'₅₄ Juan₅₄, quian'₅₄ ŋi₁tág₂. ³ Jme₁ca₂jág₃ Herodes a₂ca₂tě₂ dsí₅ dsa₂ judíos, jaun₂ ca₂jmo₃ táng₃ 'éi'₃ ca₂jñá'₃ dsa₂ Pe₄ ján₃. Ca₂le₃jě₃ a₂ně₅ ca₂lě₃ lia'₂ con'₂ jmo₅ dsa₂ jmíg₄ a₂guě'₅ dsa₂ i₁ñí'₄ 'ua'₂ a₂tsá₃ levadura quian'₅₄. ⁴ Jme₁ma₂ně₂chán'₂ dsa₂ Pe₄, jaun₂ ca₂jmo₃ Herodes 'éi'₃ ca₂to'₂ 'né₅ 'má₃, jaun₂ ca₂tón'₂ quén₂ nió'₃ 'lióg₂ i₂lě₂ jma₃quén₂ le₂caun₂ nió'₃, qui₂ca₂jmo₃ 'í₁ Pe₄. Jme₁dsi₂jio₅ dsí₅ Herodes jme₁dsei₂₃ tě₃jín₄ dsa₂ juig₂ jě₁ma₂ca₂ñí₂ Jmíg₄ Tě₂'ín₅₄. ⁵ Jaun₂ le₂ně₅ 'en₅₄ Pe₄ né'₃ 'má₃, lě₅ 'í₁ dse₃ lín₃. La₁ dsa₂ riín'₅₄ ně₃ caun₂ chi₂lén'₂ Diú₄ bá₄ tioín'₅₄ mi₂₃ 'ñio₅ lín₃ o₄quió'₄ 'éi₂.

Ca₂lión₂ Diú₄ Pe₄ 'né₅ 'má₃

⁶ Caun₂ 'uě₂, jui₁lia'₂ 'ióg₃ jme₁ma₂lě₅ jág₁ jme₁dsei₅ Herodes jin₄ dsa₂ juig₂, a₂'uě₂ jaun₂ jme₁rě₂quian₅ Pe₄ rě₂güín₃ rě₂'nei₂₃ dse₃ lín₃ quian'₅₄ tín₃ cadenas jě₄ quió'₅ on₃ 'lióg₂. 'Lióg₂ sián'₂ guě'₂ jme₁tion'₅₄ o₄'né₄ jmo₂₃ 'í₁ 'né₅ 'má₃. ⁷ Tě₃jě₄ jaun₂, ca₂jme₃jñia₅ jan₂ ángel quián₅ Te₁gui'₅₄, jaun₂ ca₂tág₃ si₂ ta₁caun₂ dsi₂néi₂ 'né₅ 'má₃. Jaun₂ ca₂quén'₃ ángel dsi₂con₂ Pe₄ a₂ca₂ñei₃. Jaun₂ ca₂juá'₂:

—Nau₂ tě₂ně₃ cón'₅.

Jaun₂ ca₂séi'₂ 'uě₃ ni₁ñí₁ cadenas a₂jme₁tio'₅₄ gu₂ Pe₄. ⁸ Jaun₂ ca₂juá'₂ táng₃ ángel:

—Dse₃ 'ñéi₂ tog'₂, tio'₂ lau₂ tag'₅₄.

Jme₁ca₂lě₃ jmo₅ Pe₄ a₂jaun₂, jaun₂ ca₂juá'₂ táng₃ ángel:

—Qui'₂ 'mi'₂ dsióg₂ quiáng'₂, 'éin₃ jñiá₂.

† 11:30 griego: presbíteros.

⁹ Jaun₂ ca₂o₃'ín₃ Pe₄ chi₁co'₅₄ quió'₅ ángel. Tsá₃ jaun₂ η₁₅ chi₂jua'₂ dsón'₂ dsi₂jó'₃ a₂ca₂jmo₃ ángel le₂jaun₂, ia₁ a₂lë₁ca₂jág₃ bá₄ lín₂. ¹⁰ Jaun₂ ca₂η₁₅ ja₁le₂'uig₅₄ tion'₅₄ 'lióg₂, ja₁ca₂të₂ táng₃ nê₃. Jme₁ca₂dsi₃léin₂ o₄'né₄ a₂lë₅ quian'₅₄ n₁η₁, ja₁'uin₂ dsa₂ jë₄ calle, a₂lë₁ca₂niá₃ 'ηiog₅ bá₄ o₄'né₄. Ca₂'uin₂ bá₄ jaun₂ nê₃. Jme₁ma₂i₁noi₅₄ caun₂ calle, jaun₂ ca₂ηá'₃ ángel 'éi₂, ca₂téin₂ Pe₄. ¹¹ Jaun₂ guë₄ ca₂rë₃lí'₄ Pe₄, ca₂juá'₂:

—Nê₃ guë₄ dsón'₂ guion₄ jniá₂ a₂në₂chen₃ Te₁gui'₅₄ ángel quiáin₅ a₂në₂lió₂ ja₁con₂ Herodes, ca₂le₃jë₃ guë₄ 'e₂ jme₁'nio₃ dsa₂ judíos jmóg'₂.

¹² Të₃ dsi₂jio₅ dsí₅ le₂jaun₂ Pe₄, ca₂ηó₃ jui₅ ja₁quió'₄ María chog₅₄ Juan₅₄ i₂chen₂ Marcos ján₃. Ja₁jaun₂ jme₁tion'₅₄ dsa₂ le₁ηi'₂ chi₂léin'₂ Diú₄. ¹³ Jme₁ca₂quein₃ Pe₄ o₄'né₄ i₁dsi₅, jaun₂ ca₂o₃'ín₃ jan₂ 'io₅₄ bë'₅₄ i₂chen₂ Rode i₃jág₂ 'ein₂ të₂. ¹⁴ La₁ jme₁ca₂nág₂, ca₂rë₃cu'₅ jág₁ quió'₅ Pe₄ nê₃, jaun₂ tsá₃ ca₂niá₃ dsi₂jui₅, ia₁ η₄ lë₃ ca₂jmo₃ 'io'₂. Jaun₂ ca₂ηái'₃ bá₄ táng₃ dsi₂néi₂ i₁con₂ jág₁, Pe₄ bá₄ 'éi₂ ca₂dsióg₃. ¹⁵ Jaun₂ ca₂juá'₂ dsa₂ ca₂tsí'₃ 'io₅₄ bë'₅₄ 'éi₂:

—[A₂lë₁të₂'i'₂ bá₄ 'ne₂!

La₁ caun₂ ca₂juá'₂ bá₄ 'io₅₄, a₂dsón'₂ bá₄ 'éi₂. Jaun₂ ca₂ηag₃ táng₃ dsa₂, ca₂juá'₂:

—¿A₂ bá₄ lia'₂ jaun₂? On₃jua'₅₄ 'éi₂ nê₅. 'In₁ ángel quiáin₅ bá₄ nê₅.

¹⁶ Të₁lia'₂ jaun₂, caun₂ i₁të₅₄ bá₄ Pe₄ o₄'né₄ i₁chéin'₄. Jme₁ca₂niá₃, ca₂jíin₂ Pe₄, jaun₂ ca₂i₃gó'₃ dsí₅. ¹⁷ La₁ jaun₂ ca₂jmo₃ 'éi₂ léi₄ quian'₅₄ mi₂gu₂ a₂ca₂juá'₂ a₂jmo₃ dsa₂ tei₄. Jaun₂ ca₂dsia₃ 'a₂ lia'₂ ca₂lë₃ ca₂jmo₃ Te₁gui'₅₄ a₂ca₂i₁dsei₂₃ 'né₅ 'má₃. Jaun₂ ca₂juá'₂:

—O₂dsia₄ 'nia'₂ o₂chei'₅₄ Jacobo,* ca₂le₃jín₃ guë₄ rin'₅₄ jniog₄.

Jaun₂ ca₂o₃'ín₃ táng₃, ca₂ηó₃ ja₁siá'₂.

¹⁸ Jme₁jnia₃ jaun₂, ca₂tón'₂ 'lióg₂ go₂'i₃, ia₁ tsá₃ η₁₅ 'e₂ ca₂lë₃ quian'₅₄ Pe₄. ¹⁹ Jaun₂ Herodes ca₂chein₃ dsa₂ dsi₃'niog'₂. La₁ia₁ tsá₃ ma₃ca₂dsáu'₂. Jaun₂ jme₁ca₂cáun₂ jág₁ dsau₅ quió'₅ 'lióg₂ i₂jme₁jmo₅ 'í₁ 'éi₂, ca₂jmo₃ 'éi'₃ ca₂jme₃dsiog₅ dsa₂. Cang₂ jaun₂, ca₂o₃'ín₃ Herodes 'uë₃ Judea, jaun₂ ca₂ηó₃ ca₂i₁gua₂ Cesarea.

Ca₂jón₃ Herodes

²⁰ Jme₁'ne₂ Herodes quian'₅₄ dsa₂ i₂jme₁tián'₄ Tiro quian'₅₄ Sidón. La₁ dsa₂ 'éi₂ nê₃ ca₂jmo₃ caun₂ jág₁ ca₂i₁lein₅₄ ca₂jme₁jniai₂₃ ne₅₄. Ca₂jme₃'uáin₂ dsí₅ jan₂ i₂chen₂ Blasto a₂jmo₃ dse₃ dsí₅. Jme₁lín₄ Blasto jan₂ dsi₂tan₅₄ juin'₂ quián₅ Rag₅₄ Herodes. Ca₂nau₂ ne₄ jág₁, ca₂mi₃ dsian₅ mi'₅₄. Ia₁ juig₂

* **12:17** o₃, Santiago. Rin'₅₄ Jesús. I₂sián'₂ bá₄ Jacobo rin'₅₄ Juan₅₄ (ja₁ηi'₅₄ Zebedeo) i₂ca₂jηag'₃ Herodes, Hechos 12:1.

go₄ rag₅₄ bá₄ jme₁rau₂ a₂guë'₅ dsa₂ chan₂ Tiro quian'₅₄ Sidón.
²¹ Herodes në₃ ca₂të₃, ca₂tióng₃ caun₂ jmig₄ a₂chi₁jñiog₂₃ dsi₁lén₂
 dsa₂. Jme₁ca₂të₂ jmig₄ jaun₂, ca₂quí'₂ Herodes tsin'₅₄ a₂rë₂liin₅₄
 a₂lín₅ rag₅₄, jaun₂ ca₂i₁gua₂ ne₄ ne₄ta₁ quió'₅, jaun₂ ca₂ton₃ jág₁.
²² Jaun₂ ca₂jme₃lióg₃ dsa₂ juig₂ qui₂ca₂guió'₃ ca₂juá'₂:

—i₁juá'₂ në₅, on₃jua'₅₄ dsa₂ mi₂güí₃! Jan₂ diú₄ bá₄ në₅.

²³ Co₂tan₅₄ dsi₂jui₅ le₂jaun₂ ca₂jmo₃ ángel i₂chen₄ quián₅
 Te₁gui'₅₄ a₂ca₂rë₃dso'₅₄ Herodes, ia₁ ca₂cuë₃ jmig₄ a₂jme₃juag'₂
 dsa₂ 'ñiog₅, 'nió'₄ a₂jme₁jme₃juin'₂ Diú₄. Ca₂join₃ bá₄ jaun₂ në₃,
 ca₂dsó'₃ i₁ja'₅₄ quió'₅.

²⁴ La₁ jág₁ dse₃ quió'₅ Te₁gui'₅₄ në₃ caun₂ ca₂i₃ág₃ bá₄,
 qui₂ca₂'ë₂ dsa₂ 'lióng₂ juig₂.

²⁵ Jme₁ca₂lë₃ ta₁ jaun₂ quió'₅ Bernabé quian'₅₄ Saulo,
 jaun₂ ca₂'u₁in₂ Jerusalén ca₂i₃lein₃† jñiai₂₃ i₂jme₁chen₂ Juan₅₄
 i₂jme₁të'₂ dsa₂ Marcos ján₃.

13

Ca₂jme₃lióg₃ Bernabé quian'₅₄ Saulo ca₂jmo₃ ta₁ a₂'ë₂jág₁ dse₃

¹ Co₂nió'₃ dsa₂ i₂'én₂ jág₁ quió'₅ Jesús, i₂jme₁tián'₄ juig₂ Antioquía, jme₁chan₂ dsa₂ i₂jme₁'ë₂ jág₁ quián₅, të₅ në₃, jui₁lia'₂
 Bernabé quian'₅₄ Si₂mu₅₄ (i₂të'₂ dsa₂ dsa₂ lia'₂); Lucio i₂chan₂
 Cirene; Manaén në₃ (i₂co₂lë₅ ca₂can'₅₄ quian'₅₄ Herodes i₂lín₅
 dsi₄má'₂ 'uë₃ Galilea);* quian'₅₄ Saulo në₃. ² Co₂ráun₂ tioin'₅₄
 le₁ñi'₂ jme₂juin'₂ Te₁gui'₅₄, a₂jme₂'i₁n₅₄, jaun₂ ca₂juá'₂ Jme₂dsí₂
 Jñiós:

—Con₂ chén'₂ 'nia'₂ Bernabé quian'₅₄ Saulo, ia₁jaun₂ dsi₃jmo₂
 ta₁ a₂ma₂të₃ jniá₂ jmo₃.

³ Jaun₂ jme₁ca₂lë₃ chi₂lén'₂ Diú₄, a₂jme₂'i₁n₅₄ në₃,
 qui₂ca₂quiog₂ gu₂ ne₄ quió'₅ dsa₂ 'éi₂, jaun₂ guë₄ qui₂ca₂'ág'₃
 jág₁ riin'₅₄.

Dsa₂ i₂chen₄ quián₅ Jesús 'ë₂jág₁ të₂ Chipre

⁴ Jaun₂ ca₂chei₃ Jme₂dsí₂ Jñiós ca₂chein₃ Bernabé quian'₅₄
 Saulo a₂ca₂i₃lén₂ jui₅ Seleucia. Ja₁jaun₂ ca₂tóin'₂ ni₁barco
 a₂ca₂i₃lén₂ caun₂ 'uë₃ a₂nio₅ jë₄ jmi₁ñí'₄, ja₁chei₂ Chipre.
⁵ Jme₁ca₂dsi₃lén₂ ja₁jaun₂, caun₂ juig₂ a₂nio₅ chei'₅₄ jmi₁ñí'₄
 ja₁të'₂ dsa₂ Salamina, ja₁jaun₂ ca₂jme₃lióg₃ qui₂ca₂'ë'₃ dsa₂ jág₁
 dse₃ quió'₅ Te₁gui'₅₄ dsi₂néi₂ guá'₅ sinagogas quió'₅ dsa₂ judíos.
 Jme₁quian'₅₄ bá₄ Juan₅₄ ján₃ i₂lín₅ dsa₂ i₂jme₂'o₅₄ quió'₅.

⁶ Ca₂i₁nioi₂ ta₁caun₂ 'uë₃ jaun₂, ca₂dsi₃lén₂ caun₂ juig₂ ja₁të'₂
 dsa₂ Pafos. Ja₁jaun₂ ca₂jein'₂ jan₂ dsa₂ judío, jan₂ dsa₂ i₂chan₂
 dsí₅, i₂tín₂ jág₁ të₂jág₁, a₂jme₁jme₂gain₂₃ dsa₂ a₂juá'₂ a₂lín₅ jan₂

† 12:25 A₂lín₅₄ chog₅₄ si₂: “jaun₂ ca₂i₃lein₃ Jerusalén.”

* 13:1 griego: Herodes tetrarca.

i₂'ē₂ jág₁ quián₅ Diú₄. Dsa₂ 'éi₂ jme₁tē₂ dsa₂ Barjesús.† ⁷ Jme₁ quiain'₅₄ dsi₄má'₂ i₂chen₂ Sergio Paulo. Dsi₄má'₂ 'éi₂ jme₁lín₄ jan₂ dsa₂ i₂nio₅ dsi₄'ñio₅ lin₃. Co₂ráun₂ ca₂tē₃ Bernabé quián'₅₄ Saulo, ia₁ a₂'nio₃ nag₃ jág₁ dse₃ quió'₅ Diú₄. ⁸ La₁ Barjesús 'éi₂ ně₃, i₂tē₂ dsa₂ Elimas ján₃, tsá₃ jme₁'nio₃ a₂le₃'én₂ dsi₄má'₂. Jaun₂ jme₁jné₅ jui₅. ⁹ Jaun₂ Saulo, i₂tē₂ dsa₂ Pablo ján₃, rē₂rin₅ Jme₂dsi₂ Jnió₅ tē₂dsi₅, ca₂jín₂ tiá₂ dsa₂ 'éi₂, ¹⁰ jaun₂ ca₂juá'₂:

—i'Ne₂ dsa₂ tē₂jág₁, dsa₂ quián₅ i₂sē₃dsen₃, i₂'io'₅₄ ca₂le₃jē₃ cosa dse₃! ¿'E₂ lē₃ qui₁jñig'₄ jui₅ co₂dsau₅ quió'₅ Te₁gui'₅₄? ¹¹ Tē₂nē₃ cón'₅ 'ē₂ Te₁gui'₅₄ jmi₁uig₅ quiáng'₂, co₂dsia₅ tēng'₂, co₂'na₂ tsá₃ ma₃lé₂ jag'₅₄ si₂ quió'₅ 'iog₂.

Dsi₂jui₅ jaun₂ ca₂tēin₂ co₂dsia₅, qui₁né'₃ ca₂jén'₃. Jaun₂ jme₁'nai'₂ jan₂ i₂tē₂ tsán'₂ gu₂. ¹² Jme₁ca₂jág₃ gui'₅₄ dsi₄má'₂ a₂ca₂lē₃ jaun₂, ca₂rē₃'éin₂ ca₂nág₂ dsi₂gó'₃ dsí₅ jág₁ dse₃ quió'₅ Te₁gui'₅₄.

Pablo quián'₅₄ Bernabé tíoin'₅₄ Antioquía ja₁tén₄ Pisidia

¹³ Ca₂'í₃ Pablo quián'₅₄ riin'₅₄ 'ñió'₃ nī₁barco juig₂ Pafos, ca₂l₃léin₂ jui₅ Perge, juig₂ tén₅ 'uē₃ Panfilia. Ca₂tén₂ Juan₅₄ riin'₅₄ ja₁jaun₂, jaun₂ ca₂ñái'₃ jui₅ Jerusalén. ¹⁴ Ca₂'uin₂ riin'₅₄ Perge ca₂dsi₃léin₂ táng₃ Antioquía, juig₂ tén₅ 'uē₃ Pisidia. Jaun₂ ca₂l₃toin'₅₄ guá'₅ sinagoga caun₂ jmi₄g₄ sa₅₄, jaun₂ ca₂tiáin'₂ dsi₂néi₂. ¹⁵ Jme₁ma₂ca₂lē₃ 'i₅ dsa₂ Si₂ 'Éi'₃ quió'₅ Diú₄ quián'₅₄ Si₂ a₂ca₂jmo₃ dsa₂ i₂jme₁'ē₂ jág₁ ma₂líg'₂ ně₃, jaun₂ ca₂chen₃ jág₁ dsa₂ can'₅₄ quián₅ guá'₅ sinagoga, ca₂juá'₂:

—Rin'₅₄ jniog₄, chi₂jua'₂ cha₂ jág₁ dse₃ quián'₂ 'nia'₂ a₂cuē'₅₄ dsa₂, lé₂ bá₄ jua'₅₄ 'nia'₂.

¹⁶ Jaun₂ ca₂nau₂ Pa₄ ca₂jmo₃ léi₄ quián'₅₄ gu₂ a₂mi₂₃ a₂jmo₃ dsa₂ tei₄, jaun₂ ca₂juá'₂:

—Nei₂ 'nia'₂ dsa₂ israelitas, 'nia'₂ guē₄ dsa₂ sián'₂ i₂gan₃ Diú₄. ¹⁷ Diú₄ quián₂ jniog₄ dsa₂ lág₅ juig₂ Israel ca₂quióin'₂ dsa₂ can'₅₄ quián₂ jniog₄ ma₂líg'₂. Ca₂jmo₃ Diú₄ ca₂l₃juín₂ dsa₂ 'éi₂ lia'₂ con'₂ jme₁tián'₄ 'uē₃ Egipto a₂lín₅ dsi₂nau₂. Cang₂ jaun₂ ca₂lē₃ caun₂ juig₂ pa₁. Diú₄ ně₃ ca₂lió₂ quián'₅₄ bí₂ quió'₅, ca₂'uág'₂ 'uē₃ jaun₂. ¹⁸ Ca₂jme₁juín'₂ Diú₄ dsí₅ quiong'₅₄† tē₂láu₃ ñi₂ tē₁lia'₂ jme₁i₂nioi₅₄ gua'₅₄ quein₂, ¹⁹ ca₂'éin₂ guio₃ juig₂ go₄ dsa₂ i₂jme₁tián'₄ 'uē₃ Cana'án, 'uē₃ jaun₂ ně₃ ca₂cuē'₃ dsa₂ can'₅₄ quián₂ jniog₄ i₂jme₁chan₂ ma₂líg'₂.

²⁰ Cang₂ jaun₂ ca₂dsin₃ con'₂ quén₂ 'ñiá₂-láu₂ rē₂dsi₂ tē₂láu₃-guiá₂ (450) ñi₂, ca₂qui₃dsi₅ Diú₄ 'éi'₃ jin₄ dsa₂ 'éi₂ tē₂le₃ quián'₅₄ juē₄ ca₂lia'₂ ca₂tē₂ jmi₄g₄ a₂ca₂rē₃chán₃ Samuel i₂qui₂ca₂'ē₂ jág₁ quió'₅ Diú₄ cang₂ jaun₂. ²¹ Jaun₂ ca₂mi₃ jan₂ rag₅₄. Jaun₂ Diú₄

† 13:6 Barjesús: a₂jein₅ jág₁, “ja₁ñi'₅₄ Jesús” quián'₅₄ jág₁ jmei₅ arameo. ‡ 13:18 A₂lín₅₄ chog₅₄ si₂juá'₂, “ca₂jmo₃ Diú₄ 'í₁ quió'₅.”

ně₃ ca₂cuin₃ Saúl ja₁ŋi'₅₄ Cis, tsi₁jon₂ Benjamín; ca₂jmo₃ 'éi'₃ con'₂ tē₂láu₃ ŋi₂. ²² Cang₂ jaun₂ ca₂jñiá'₂ Diú₄ ta₁ quió'₅ Saúl a₂jme₁lín₄. Jaun₂ David bá₄ ca₂chein'₃ ca₂lín₃ rag₅₄. Jaun₂ ca₂juá'₂ Diú₄ 'i_{in}₂₃ Rag₅₄ David: “Ca₂dsó'₂ jniá'₂ ja₁con₂ David ja₁ŋi'₅₄ Isaí, a₂lín₅ jan₂ dsa₂ i₂lē₅ dsí'₅ lia'₂ lē₅ dsí₃ jniá'₂, jan₂ dsa₂ i₂jmo₃ a₂ŋio₂ dsí₃.”

²³ Jaun₂ ně₃ rin'₅₄ jniog₄, jan₂ chi'₂ dsio₄ David 'éi₂ bá₄ lín₅ Jesús i₂ca₂chen₃ Diú₄ a₂lión₂ dsa₂ juí₂ Israel lia'₂ con'₂ lē₅ jág₁ quió'₅ ma₂cuē₃ le₂jñiá'₅. ²⁴ Né'₃ a₂guán₂ Jesús, ca₂ē₂ Juan₅₄ jág₁ ca₂tsí'₃ ca₂le₃jín₃ dsa₂ Israel a₂'nió'₅ qui₃choin₃ jmig₂, dsí₃quén'₅ dsí'₅ ně₃. ²⁵ Jaun₂ ca₂juá'₂ Juan₅₄ jme₁ja₂quián₃ jóin₂: “On₃jua'₅₄ 'éi₂ jniá'₂ juí₁lia'₂ dsí₂jio₅ 'au'₂ 'nia'₂ lín₅ jniá'₂. La₁ i₂já₅ chi₁co'₅₄ quió'₃ ně₃, 'éi₂ bá₄ i₂'uan'₂ guē₄ lia'₂ con'₂ guē₄ jniá'₂, ca₂lia'₂ jñia'₅₄ lau₂ ton₅ tag₅₄ bá₄ tsá₃ ca₂tíng₂ tsi'₅₄ quió'₅.”§

²⁶ 'Rin'₅₄ jniog₄, ca₂le₃jín₃ guē₄ 'nia'₂ i₂lín₅ chi'₂ dsio₄ Abraham, quian'₅₄ ca₂le₃jín₃ guē₄ 'ein₂ chan₂ quián'₂ 'nia'₂ i₂jme₂gan₃ Diú₄: a₂quián'₂ 'nia'₂ bá₄ jág₁ dse₃ la₂ a₂ca₂ē₂ Diú₄ a₂lión₂ dsa₂. ²⁷ Dsa₂ i₂jme₁tián'₄ Jerusalén quian'₅₄ dsa₂ can'₅₄ quiáin₅, tsá₃ ca₂rē₃ŋi₅ 'ein₂ 'éi₂ jme₁chen₂ Jesús, on₃ guē₄ ca₂rē₃ŋi₂ jág₁ a₂qui₂ca₂ē₂ dsa₂ i₂chen₄ quián₅ Diú₄ le₂jñiá'₅. Jaun₂ lē₃, jág₁ jaun₂ a₂i₂₃ ne₄ Si₂ ca₂le₃jē₃ jmig₄ sa₅₄ ca₂jme₃ti₃ guioin₅₄ jme₁ca₂jmo₃ 'éi'₃ a₂jñi₂'₃ Jesús. ²⁸ 'Icaun₂ dsáu₁ Jesús tsá₃ 'e₂ ca₂dsó'₂ dsa₂ jua'₅₄ a₂i₄ 'éi'₃ a₂jñag'₃, la₁ tion₅₄ bá₄ ca₂mí₃ dsa₂ jág₁ ne₄ Pilato a₂jmo₃ 'éi₂ 'éi'₃ a₂jñag'₃. ²⁹ Jaun₂ ně₃ jme₁ma₂lē₅ 'a₂ con'₂ lē₅ juá'₂ ne₄ Si₂ quió'₅ Diú₄ a₂'i_{in}₂₃ Jesús, jaun₂ ca₂sió₂ dsa₂ ne₄ cróg₄, jaun₂ ca₂i₁ó₄. ³⁰ La₁ Diú₄ ně₃, ca₂jme₃jein'₅₄ táng₃ jin₄ 'lag₄. ³¹ 'Lióng₂ jmig₄ bá₄ qui₂ca₂jme₃jnia₅ Jesús ne₄ dsa₂ i₂jme₁quiain'₅₄ lia'₂ con'₂ jme₁ca₂hó₃ tē₂ Galilea ca₂dsióg₃ tē₂ Jerusalén. Jaun₂ ně₃ dsa₂ 'éi₂ bá₄ i₂jáng'₅ jág₁ dsau₅ tsí'₅ dsa₂ rē₂ně₃.

³² Jaun₂ le₂nē₅ bá₄ a₂cuē₂ jnia'₅₄ jág₁ dse₃ 'nia'₂, jág₁ a₂ca₂cuē₃ Diú₄ ca₂cuē'₃ dsa₂ quián₂ jniog₄ ma₂líg'₂ jaun₂, ³³ ma₂ca₂rē₃ti'₅₄ Diú₄ ja₁con₂ jniog₄ i₂lág₅ chi'₂-guein₂ quián₅ dsa₂ 'éi₂, jme₁ca₂jme₃jein'₅₄ Jesús con'₂ lē₅ jág₁ tio'₅₄ jē₁ca₂tē₂ tin₃ Salmo, a₂juá'₂:

'Ne₂ líng'₅ jón₃ quiáng₃;

jmig₄ ně₃, ca₂lín₃ jniá'₂ ŋéi'₅ 'ne.*

³⁴ 'Ca₂juá'₂ Diú₄ le₂jñiá'₅ a₂jme₃jein'₅₄ jin₄ 'lag₄ ia₁jaun₂ tsá₃ dsí₃'én₂ quió'₅. Jui₁lia'₂ juá'₂ ne₄ Si₂ quió'₅ Diú₄: Ján₃ bá₄ cuē₄ jniá'₂ 'nia'₂ ca₂le₃jē₃ 'e₂ cosa dse₃

a₂jme₁ti₁ jág₁ quió₃ a₂ca₂cuě₃ David.†

³⁵ 'Jaun₂ lě₃, ján₃ guě' ₂ juá' ₂ ne₄ Si₂ Salmos ja₁siá' ₂ táng₃:

Tsá₃ cuě' ₁ jmig₄

a₂dsi₃guí' ₂ quió' ₅ dsa₂ jñi₅ó' ₅ 'éi₂ quiáng' ₂

i₂jme₂ti₃ ta₁ ne' ₅₄.‡

³⁶ 'David ně₃ ca₂jme₃ti₃ bá₄ jág₁ ne₄ dsa₂ quiáin₅ tē₁lia' ₂ ca₂rě₃cháin₃ jmig₄ jaun₂, jui₁lia' ₂ 'éi' ₃ ca₂juá' ₂ Diú₄. La₁ ca₂jon₃ bá₄ David ně₃, jaun₂ ca₂i' ₁ó₄ dsa₂ ja₁le' ₁on₅ dsa₂ can' ₅₄ quiáin₅, ca₂siá' ₃ bá₄ ni₁ñi₁ 'éi₂ ně₃. ³⁷ La₁ ni₁ñi₁ Jesús ně₃, i₂ca₂jme₃jen' ₅₄ Diú₄, tsá₃ 'e₂ ca₂'en₃.

³⁸ 'Jaun₂ ně₃ rin' ₅₄ jniog₄, tion₅₄ 'nió' ₅ le₃ñi' ₅₄ 'nia' ₂ jág₁ a₂'ě₅ jniá₂: tē₂le₃ quian' ₅₄ Jesús bá₄ dsón' ₂ 'én₂ dsáu' ₂ 'nia' ₂. ³⁹ Tē₂le₃ quian' ₅₄ 'éi₂, ca₂le₃jín₃ i₂'én₂ tē₂le₃ quió' ₅, rē₂'én₄ ca₂le₃jě₃ dsáu₁ a₂tsá₃ o₂'én₂ dso₄ cha₂ quián' ₂ 'nia' ₂ tē₂le₃ quian' ₅₄ 'Éi' ₃ quió' ₅ Moisés. ⁴⁰ 'Í jmo₄ 'nia' ₂, ia₁jaun₂ tsá₃ dsi₃ñi' ₂ 'nia' ₂ jui₁lia' ₂ juá' ₂ dsa₂ i₂jme₁' ₂ě₂ jág₁ quián₅ Diú₄, jme₁ca₂juá' ₂ ne₄ Si₂:

⁴¹ Jag₄ 'nia' ₂ dsa₂ i₂táun₂ 'lig' ₅₄,

jui₁dsi₂gó' ₃ 'au' ₂, jui₁dsian' ₂ 'nia' ₂.

Ia₁ jniá₂ i₂lín₅ Diú₄ jmo₅₄ léi₄ juě' ₂

jmig₄ tē₁lia' ₂ chan' ₂ 'nia' ₂.

La₁ léi₄ jaun₂, 'i₁jan' ₂ 'nia' ₂ tsá₃ le₃'én₂,

o₁jñia' ₅₄ 'a₂ guě' ₂ lia' ₂ chan₂ i₂dsia₃, §

⁴² Jme₁ca₂o₃' ₁ñ₃ Pa₄ quiain' ₅₄ riin' ₅₄ guá' ₅ sinagoga quió' ₅ dsa₂ judíos, jaun₂ ca₂mi₃ dsa₂* a₂ja₃lén₂ táng₃ 'éi₂ jmig₄ sa₅₄ caun₂ a₂ja₃' ₂ě₂ jág₁ jaun₂. ⁴³ Jme₁ca₂dsan₃ le₁ñi' ₂ dsa₂ dsi₂néi₂ guá' ₅, jaun₂ juin₅ lín₃ dsa₂ judíos quian' ₅₄ dsa₂ i₂ma₂gue₃ i₂ma₂tión₂ tiá₂ juá' ₅ quió' ₅ dsa₂ judíos, ca₂'ein₃ Pa₄ quiain' ₅₄ Bernabé, ca₂jme₃quiong' ₅₄. Jaun₂ ca₂juá' ₂ dsa₂ i₂chen₄ quián₅ Jesús 'éi₂ ca₂tsí' ₃ dsa₂ ca₂cuě' ₃ bí₂ a₂tion₅₄ 'nió' ₅ tsán' ₂ tiá₂ jág₁ dse₃ quió' ₅ Diú₄ i₂'ua₁ dsí₅.

⁴⁴ Caun₂ semana cang₂ jaun₂, jme₁ca₂tě₂ táng₃ jmig₄ sa₅₄, jaun₂ qui₂ca₂ñi' ₂ mei' ₂ tsá₃ ca₂le₃jín₃ dsa₂ juig₂ a₂ca₂o₃néi₃ jág₁ quió' ₅ Diú₄. ⁴⁵ La₁ jme₁ca₂jág₃ dsa₂ judíos juin₅ lín₃ dsa₂ tion' ₅₄, jaun₂ ca₂rě₃'néi₃ a₂dsí' ₅ 'ñio₅ lín₃, tē₂le₃ jen₅ bá₄ qui₂ca₂ñag₃ jág₁ a₂juá' ₂ Pa₄, qui₂ca₂jñáu' ₂ jág₁ uig₅ ně₃.

⁴⁶ Jaun₂ ca₂juá' ₂ Pa₄ quian' ₅₄ Bernabé, ca₂dsia₃ tiá₂ dsí₅ ca₂tsí' ₃ dsa₂:

—Tion₅₄ 'nió' ₅ jñiá₅ de' ₂ jin' ₄ 'nia' ₂ con' ₂ dsa₂ i₂lín₅ judíos, ca₂tág₂ jnia' ₅₄ 'ě₄ jág₁ dse₃ quió' ₅ Diú₄. La₁ tsá₃ guě' ₂ 'niog' ₂ 'nia' ₂ guéi' ₁, jaun₂ ma₂léi₄ bá₄ a₂tsá₃ lé₂ tín' ₄ 'nia' ₂ guei' ₅₄ i₂juíg₃. Jaun₂

† 13:34 Isaías 55:3. ‡ 13:35 Salmo 16:10. § 13:41 Habacuc 1:5. * 13:42 A₂lín₅₄ chog₅₄ si₂: “ca₂mi₃ dsi₂nau₂.”

lě₃, dsi₁náu₄ jnia'₅₄ ja₁con₂ dsi₂nau₂. ⁴⁷ Ia₁ le₂ně₅ bá₄ 'éi'₃ ca₂cuě₃ Te₁gui'₅₄ jme₁ca₂juá'₂:

Jui₁lia'₂ si₂ bá₄ lín'₅ 'ne₂

i₂ca₂dsiáng₃ quió'₅ dsi₂nau₂,

ia₁jaun₂ 'ě'₅₄ dsa₂ chan₂ ta₁caun₂ mi₂güí₃

jui₅ ja₁tín'₄ dsa₂.†

⁴⁸ Jme₁ca₂nág₂ dsi₂nau₂ jág₁ ně₅, qui₂ca₂jmo₃ 'io'₂, qui₂ca₂dsia₃, dsón'₂ bá₄ dse₃ jág₁ quió'₅ Te₁gui'₅₄. Jaun₂ ca₂rě₃'én₂ ca₂le₃jín₃ i₂con'₂ 'i₄ 'éi'₃ tín'₄ ja₁le₃chain₂ co₂tan₅₄.

⁴⁹ Jaun₂ le₂ně₅ ca₂i₃ág₃ jág₁ dse₃ quió'₅ Te₁gui'₅₄ ta₁caun₂ 'uě₃ jaun₂. ⁵⁰ La₁ dsa₂ judíos ně₃ ca₂jmo₃ jág₁ quian'₅₄ i₂lín₅₄ 'io₅₄ dsen₃ i₂jme₂go₃ dsa₂ juig₂, quian'₅₄ i₂lín₅₄ dsa₂ can'₅₄ ně₃, ia₁jaun₂ jme₃'iog₅₄ jme₃'ñiai₅₄ Pa₄ quiaín'₅₄ Bernabé. Jaun₂ le₂ně₅ bá₄ ca₂jme₃lióg₃ ca₂jmo₃ jág₁ a₂qui₂ca₂co₃'ein₃ Pa₄ quiaín'₅₄ Bernabé ca₂lia'₂ ca₂'uín₂ 'éi₂ juig₂ jaun₂. ⁵¹ Jaun₂

'éi₂ ně₃ qui₂ca₂séi'₂ 'liog₂ mi₂tag₅₄.‡ Ca₂'uín₂ bá₄ jaun₂, ca₂i₃léin₂ jui₅ Iconio. ⁵² La₁ ca₂le₃jín₃ dsa₂ i₂ca₂rě₃'én₂ ně₃, 'io'₂ jmo₂₃, rě₂rín₅ Jme₂dsí₂ Jñi₃o₅ tě₂dsí₅.

14

Pablo quian'₅₄ Bernabé tíoín'₅₄ juig₂ Iconio

¹ Ca₂'í₃ Pablo co₂lě₅ quian'₅₄ Bernabé dsi₂něi₂ guá'₅ sinagoga quió'₅ dsa₂ judíos juig₂ Iconio. Ja₁jaun₂ ca₂jme₃tín₂₃ táng₃ dsa₂ jág₁ dse₃ quió'₅ Diú₄. Juín₅ bá₄ dsa₂ ca₂rě₃'én₂, lia'₂ dsa₂ judíos lia'₂ dsi₂nau₂ ně₃. ² La₁ dsa₂ judíos i₂tsá₃ 'én₂ ně₃, ca₂tsí'₃ dsi₂nau₂ a₂chi₃'iín₃ 'lig'₅₄ dsa₂ i₂'én₂. ³ Jaun₂ lě₃, uě₂ bá₄ ca₂'í₃ Pa₄ quiaín'₅₄ Bernabé. Ca₂dsia₃ tiá₂ dsí₅ quian'₅₄ bí₂ quió'₅ Te₁gui'₅₄, qui₂ca₂'ě₂ jág₁; jaun₂ Diú₄ ně₃ ca₂cuě₃ bí₂ ca₂jmo₃ 'éi₂ léi₄ juě'₂ a₂dsi₃gó'₃ dsi₅, ia₁jaun₂ le₃lí'₄ dsa₂, jág₁ dsau₅ a₂dse₃ dsí₅ Diú₄ bá₄ 'ě₂ 'éi₂. ⁴ La₁ dsa₂ juig₂ 'éi₂ jme₁lě₄ le₁dson'₅₄ i₂jme₁tión₂ le₃quió'₅ dsa₂ judíos, i₂jme₁tión₂ le₃quió'₅ dsa₂ i₂chen₄ quián₅ Jesús 'éi₂ ně₃.

⁵ Jaun₂ ca₂jmo₃ caun₂ jág₁ dsa₂ judíos quiaín'₅₄ dsi₂nau₂, quian'₅₄ dsi₂tan₅₄, a₂tsí'₃ jág₁ uig₅ dsa₂ 'éi₂, a₂qui₃jnáu'₂ cang₄ ně₃.

⁶ La₁ jme₁ca₂rě₃ñi₅ Pa₄ quian'₅₄ Bernabé, ca₂cuíng₃ jui₅ Listra, jui₅ Derbe ně₃, tín₃ juig₂ ja₁tén₄ Licaonia, ca₂i₁nioi₁₂ le₂tan₅₄ 'uě₃ jaun₂, ⁷ qui₂jme₂tín₂₃ dsa₂ jág₁ dse₃ a₂lión₂ dsa₂.

Ca₂cuě₃ dsa₂ cang₄ ca₂cuě'₃ Pablo juig₂ Listra

⁸ Juig₂ Listra jme₁chan₂ jan₂ dsa₂ i₂tsá₃ lé₂ ñi₃. Lia'₂ jaun₂ lín₅, lia'₂ con'₂ jme₁ca₂rě₃cháin₃, guá₅ ja₁jaun₂, 'i₁cón'₂ tsá₃ ma₂ca₂ñi₃

† 13:47 Isaías 49:6. ‡ 13:51 Co₂'nió'₄ a₂ca₂jmo₃ léi₄, guion₅₄ bá₄ dsa₂ juig₂ ma₂rě₂cáin'₄ ia₁ tsá₃ ca₂gue₃ jág₁ quió'₅ Diú₄. 'Nio'₂ ja₁ton₅ Marcos 6:11, Lucas 9:5, 10:11, Hechos 18:6.

ca₂le₃jě₃ jmig₄ a₂chain₂. ⁹ Ca₂nág₂ dsa₂ 'éi₂ jág₁ a₂ca₂dsia₃ Pa₄. Jaun₂ Pa₄ ně₃ ca₂jág₃ tiá₂ ca₂jín₂ dsa₂ 'éi₂, jaun₂ ca₂rě₃lí₄ Pa₄ a₂'én₂ dsa₂ 'éi₂ a₂lé₂ 'lióin₂. ¹⁰ Jaun₂ ca₂juá₂ tiá₂ ca₂tsí₃ dsa₂ 'éi₂: —Rě₂ nau₂. Co₂dsau₅ chí₂ mi₂tag₅₄.

Jaun₂ dsi₂jui₅ ca₂ráun₂ ca₂nau₂ dsa₂ 'éi₂, ca₂jme₃lióg₃ ca₂ñi₃. ¹¹ Jme₁ca₂jág₃ dsa₂ a₂ca₂jmo₃ Pa₄ jaun₂, ca₂tóin₂ co₂mi₅₄, ca₂guió₃ quian₅₄ jág₁ jmei₅ quió₅ dsa₂ chan₂ Licaonia, ca₂juá₂: —iDiú₄ i₂lín₅ dsa₂ ca₂sión₃ jě₄ quián₂ jniog₄!

¹² Juá₂ dsa₂ a₂lín₅ Bernabé diú₄ Júpiter, Pa₄ guě₂ lín₅ diú₄ Mercurio* ia₁ 'éi₂ bá₄ i₂juá₂ guě₄ jág₁. ¹³ Jaun₂ jme₁chí₄ guá₅ quió₅ diú₄ Júpiter ja₁dsi₁lén₂ dsa₂ juig₂ jaun₂. Dsa₂ i₂lín₅ jme₂dsa₂ quián₅ Júpiter ca₂dsióg₃ quiaín₅₄ juín₅ dsa₂ le₁jñia₂₃ ca₁jui₅ le₁quian₅ lí₁ ně₃, a₂jme₁'nio₃ jme₃dsiain₂₃ ca₁jui₅ a₂jme₁jéin₂ ne₄ Pa₄ quian₅₄ Bernabé. ¹⁴ La₁ jme₁ca₂rě₃lí₄ Pa₄ quian₅₄ Bernabé i₂chen₄ quián₅ Jesús, a₂ma₂tion₅₄ dsa₂ jmo₂₃ le₂jaun₂, jaun₂ ca₂jme₃lióg₃ ca₂gág₃ tsín₅₄.† Jaun₂ ca₂tóin₂ jin₄ dsa₂ ca₂guió₃ ca₂juá₂:

¹⁵ —iNei₂ 'nia₂! ¿E₂ lě₃ jmo₂ 'nia₂ le₂ně₅? Dsa₂ mi₂güig₃ bá₄ jnia₅₄, ju₁lia₂ 'nia₂. A₂le₁quian₁ jág₁ dse₃ bá₄ jnia₅₄ ja₂náu₅, a₂chei₅₄ 'nia₂ a₂jñiá₄ 'nia₂ ca₂le₃jě₃ a₂ně₅ a₂tsá₃ 'e₂ ta₁ tí₄, a₂jen₅₄ 'nia₂ tě₂le₃ quió₅ Diú₄ jén₃ i₂ca₂jmo₃ guei₅₄ i₂juig₃, gua₅₄ 'uě₃, jmi₁ñi₄ ně₃, ca₂le₃jě₃ guě₄ 'e₂ a₂cha₂ ja₁jaun₂. ¹⁶ 'Niog₅ Diú₄ ca₂cuě₃ jmig₄ ma₂líg₂ ca₂cuě₃ ca₂le₃jín₃ dsa₂ chan₂ gua₅₄ 'uě₃ a₂jmo₃ con₂ lě₂ dsí₅ guioin₅₄. ¹⁷ La₁ Diú₄ ca₂'ě₃ dsa₂ 'ein₂ lín₅, ca₂jmo₃ bá₄ léi₄ tě₂le₃ quian₅₄ ca₂le₃jě₃ a₂dse₃ a₂qui₂ca₂jmo₃. 'Éi₂ bá₄ jmo₅ a₂tang₂ jmí₅ ia₁jaun₂ qui₃ráu₃ ca₂le₃jě₃ a₂qui₂guě₃ dsa₂. 'Éi₂ bá₄ jmo₅ a₂le₁ ág₄ dse₃ dsí₅ dsa₂.

¹⁸ Ja₂lag₃ le₂jaun₂ bá₄ ca₂tió₃ ca₂jme₃'uáin₂ dsí₅ dsa₂, a₂tsá₃ ma₃qui₃jéin₂ já₂ ne₅₄.

¹⁹ Jaun₂ ca₂dsi₁lén₂ i₂lín₅₄ dsa₂ judíos i₂chan₂ Antioquía, quian₅₄ i₂chan₂ Iconio, qui₂ca₂toin₂ jág₁ dsa₂, ca₂jmo₃ jág₁. Jaun₂ ca₂cuě₃ cang₄ Pa₄, ca₂tsi₂cuang₂ tě₂'ni₂ juig₂, a₂ma₂ně₂jñag₃ bá₄ lín₂. ²⁰ La₁ jme₁ca₂ñi₂ dsa₂ i₂'én₂ riin₅₄ ja₁rě₂quiaín₂₃, ca₂nau₂ Pa₄, ca₂ñó₃ táng₃ jui₅ jě₄ juig₂. Jme₁jñia₃ jaun₂ guě₄, ca₂o₃'íin₃ juig₂ jaun₂ quiaín₅₄ Bernabé, ca₂i₃lén₂ jui₅ Derbe.

²¹ Juín₅ dsa₂ chan₂ juig₂ Derbe ca₂rě₃'éin₂ jme₁ca₂nág₂ ca₂'ě₂ dsa₂ 'éi₂ jág₁ dse₃ a₂tín₄ dsa₂. Jaun₂ ca₂'uín₂ ja₁jaun₂, ca₂i₃lén₂ táng₃ jui₅ Listra, jui₅ Iconio ně₃, a₂ca₂dsi₁lén₂ táng₃ Antioquía. ²² Le₂tan₅₄ juig₂ ja₁jaun₂ qui₂ca₂cuě₃ bí₂ dsa₂ i₂'én₂. Qui₂ca₂toin₂ jág₁ dsa₂ a₂'nió₅ tsán₂ tiá₂ jág₁ dse₃. Ca₂juá₂:

* **14:12** griego: Hermes. † **14:14** ca₂gág₃ tsín₅₄: le₂jaun₂ jme₁jmo₅ dsa₂ léi₄ chi₂juá₂ 'e₂ tsá₃ tě₅ dsí₅.

—Tion⁵⁴ 'nió'⁵ ñag'⁵⁴ de'² 'nia'² jmi¹uig⁵ mi²güí³ la², né'³ gué⁴ a²dsi¹no'³ 'nia'² ja¹gon² Diú⁴.

²³ Já¹n³ bá⁴ ca²'in³ dsa² dsa² can'⁵⁴† lia'² caun² guá'⁵. Jaun² cang² jme¹ca²lě³ chi²lén'² dsa² Diú⁴, a²jme²'iin⁵⁴ ně³, ca²dsiain³ riin'⁵⁴ i²'én² 'éi² o⁴gú³ Te¹gui'⁵⁴, ia¹ tē²le³ quió'⁵ Te¹gui'⁵⁴ bá⁴ ma²'én² dsa².

Pa⁴ quian'⁵⁴ Bernabé ca²i³lein³ táng³ Antioquí⁴ ja¹tén⁴ Siria

²⁴ Cang² jaun² ca²ñi³ jui⁵ 'uē³ Pisidia, jaun² ca²dsi³lén² 'uē³ Panfilia. ²⁵ Qui²ca²'ě² já¹g¹ juig² Perge, jaun² ca²i³lén² juig² Atalia. ²⁶ Ja¹jaun² ca²tóin'² ni¹barco a²ca²i³lein³ táng³ Antioquí⁴, juig² ja¹ca²jáng'² dsa² riin'⁵⁴ o⁴gú³ Diú⁴ le²jñiá⁵, a²jmo³ ta¹, co²'nió'⁴ ta¹ a²ma²ca²lě³ jmo²³. ²⁷ Jme¹ca²dsi³lein³ Antioquí⁴, ca²ñi³'² ca²le³jín³ riin'⁵⁴. Jaun² ca²dsia³ ca²le³jě³ 'e² ca²jmo³ Diú⁴ quiong'⁵⁴, 'a² lia'² ca²niá³ Diú⁴ jui⁵ quió'⁵ dsi²nau², ia¹jaun² le³'én² 'éi² já¹n³. ²⁸ Jaun² uē² bá⁴ ca²'í³ Pa⁴ ja¹jaun², Bernabé ně³ quia¹in'⁵⁴ dsa² i²'én².

15

Ca²ñi'² riin'⁵⁴ Jerusalén

¹ Jmí⁴g⁴ jaun² i²lin⁵⁴ dsa² chan² Judea ca²dsi³lén² juig² Antioquí⁴, ca²jme³lióg³ ca²jme³tiin²³ riin'⁵⁴ ja¹jaun², ně¹jua'² tsá³ ti⁵ dsa² ni¹lo¹ dsa² ñe'² lia'² con'² lě⁵ Si² 'Éi'³ quió'⁵ Moisés, tsá³ lé² tiin'⁴. ² Pablo quian'⁵⁴ Bernabé ca²tsi¹in² 'ñio⁵ lin³ quian'⁵⁴ dsa² 'éi². Jaun² ca²'in³ dsa² Pa⁴ quian'⁵⁴ Bernabé, quia¹in'⁵⁴ i²lin⁵⁴ gué⁴ dsa² sián'² ně³, a²dsi³lén² Jerusalén a²jme³rě³ já¹g¹ jaun² quia¹in'⁵⁴ dsa² riin'⁵⁴ i²chen⁴* quia¹n⁵ Jesús quian'⁵⁴ dsa² can'⁵⁴† quia¹n⁵ dsa² 'én².

³ Co²nió'³ dsa² i²'én² juig² Antioquí⁴ ca²'ág'³ já¹g¹ riin'⁵⁴ i²ca²'in³ 'éi², jaun² 'éi² ně³ ca²i¹nioi¹² 'uē³ Fenicia quian'⁵⁴ 'uē³ Samaria. Ja¹jaun² ca²dsia³ 'a² lia'² ca²rě³'én² dsi²nau². Jaun² lě³, 'ñio⁵ lin³ 'io'² ca²jmo³ dsa² riin'⁵⁴ jme¹ca²rě³ñi⁵.

⁴ Jme¹ca²dsióg³ Pa⁴ quia¹in'⁵⁴ Bernabé juig² Jerusalén, ca²guei³ ca²le³jín³ dsa² 'én² ja¹jaun², dsa² riin'⁵⁴ i²chen⁴ quia¹n⁵ Jesús, dsa² can'⁵⁴ quia¹n⁵ dsa² 'én² ně³. Jaun² ca²dsia³ Pa⁴ quian'⁵⁴ Bernabé ca²tsí'³ riin'⁵⁴ 'a² lia'² ma²jmo³ Diú⁴ quiong'⁵⁴.

⁵ La¹ qui²ca²nau² i²lin⁵⁴ dsa² fariseos i²ma²'én², jaun² ca²juá'²:

—Ca²ti¹n² dsi²nau² ti³ dsa² ni¹lo¹², jaun² 'nió'⁵ nag³ a²jme³ti³ Si² 'Éi'³ quió'⁵ Moisés.

⁶ Jaun² ca²ñi'² dsa² i²chen⁴ quia¹n⁵ Jesús, quian'⁵⁴ dsa² can'⁵⁴ ně³, ia¹jaun² 'no'² dsi⁵ 'a² lia'² jmo³ jui¹lia'² já¹g¹ jaun². ⁷ Jme¹ma²ně²dsia³ já¹g¹ 'ñio⁵ lin³, ca²nau² Pedro jaun² ca²juá'²:

† 14:23 griego: presbíteros. * 15:2 griego: apóstolous. † 15:2 griego: presbíteros.

—Rin'⁵⁴ jniog₄, ηi'⁵⁴ bá₄ 'nia'₂ jaun₂, jniá₂ dsa₂ i₂ca₂quió'n'₂ Diú₄ jin'₄ 'nia'₂ ma₂i₁jáun₃, ia₁jaun₂ cuē₄ jniá₂ jág₁ dse₃ dsi₂nau₂, ia₁jaun₂ le₃'éin₂. ⁸ Jaun₂ Diú₄ ně₃, i₂cuí'⁵ dsi₅ dsa₂, ca₂jmo₃ léi₄ a₂guei₃ bá₄, ca₂cuin₃ Jme₂dsi₂ Jnió₅ quiáin₅, ca₂cuin₃ dsa₂ 'éi₂ jui₁lia'₂ ma₂cuag₃ jniog₄. ⁹ Tsá₃ jma₃quén₅ 'nio₃ Diú₄ jniog₄ quian'₅₄ dsa₂ 'éi₂, ia₁ján₃ bá₄ ca₂rang₃ jme₂dsi₂ quió'₅ dsa₂ 'éi₂ ia₁ ca₂rě₃'éin₂. ¹⁰ Jaun₂ ně₃, ħ'e₂ lě₃ dsi₂jio₅ 'au'₂ 'nia'₂ a₂tsá₃ dsau₅ a₂ma₂jmo₃ Diú₄? ħ'E₂ lě₃ lín'₂ 'nia'₂ a₂tion₅₄ 'nió'₅ jme₃ti₃ dsa₂ i₂'én₂ 'éi₂ Si₂ 'Éi'₃, ton'₂ ca₂lia'₂ njia'₅₄ dsa₂ can'₅₄ quián₂ jniog₄ tsá₃ ca₂tió'₃ jme₃ti₃, on₃ guē'₂ jniog₄ tián₂ jme₁ti₁? ¹¹ La₁ ne₄ jniog₄, a₂dse₃ dsi₅ Te₁gui'₅₄ Jesús bá₄ a₂tág'₄, co₂rě₂ quian'₅₄ dsa₂ 'éi₂.

¹² Jaun₂ ca₂jmo₃ dsa₂ tei₄, jaun₂ ca₂nág₂ tē₁lia'₂ ca₂juá'₂ Bernabé quian'₅₄ Pablo ca₂le₃jě₃ léi₄ juē'₂ a₂ma₂jmo₃ Diú₄ tē₂le₃ quiong'₅₄, jin₄ dsi₂nau₂. ¹³ Jme₁ca₂dsan₃ juá'₂ 'éi₂, jaun₂ ca₂juá'₂ táng₃ Jacobo:

—Rin'⁵⁴ jniog₄, nei₂ 'nia'₂ a₂juá'₄ jniá₂: ¹⁴ Ma₂ně₂dsia₃ Si₂mu₅₄ Pe₄ 'a₂ lia'₂ ca₂jmo₃ Diú₄ dse₃ dsi₅ jē₁le₂'uig₅₄ tē₂le₃ quió'₅ dsi₂nau₂, 'a₂ lia'₂ ca₂quióin'₂ ján₃ jin₄ dsa₂ 'éi₂, co₂nió'₃ dsa₂ i₂lén₂ dsa₂ quiáin₅ 'ηiog₅. ¹⁵ Le₂ně₅ bá₄ lě₅ jág₁ quió'₅ dsa₂ i₂jme₁'ě₂ jág₁ quián₅ Diú₄, jui₁lia'₂ ca₂tióng₃ ne₄ Si₂:

¹⁶ Guio₅₄ táng₃ cang₂, jaun₂ jmóg'₄ táng₃ ne₄ta₁ quió'₅ Rag₅₄ David a₂ma₂qui'₃;

tsi'₅₄ táng₃ ni₁cang₁ a₂ma₂gon₃ quió'₅,

¹⁷ ia₁jaun₂ ca₂le₃jín₃ dsi₂nau₂ 'nai'₂ Te₁gui'₅₄,

ca₂le₃jě₃ juig₂ ně₃,

dsa₂ i₂chen₂ dsa₂ quián₅ Diú₄.

¹⁸ Le₂ně₅ bá₄ juá'₂ Te₁gui'₅₄

i₂jmo₅ ca₂le₃jě₃ a₂ně₅,

a₂ma₂cuí'₅ dsa₂ ca₃ma₂líg'₂.†

¹⁹ 'Jaun₂ ně₃ lín₂ jniá₂ —juá'₂ Jacobo—, tsá₃ dse₃ cue₅₄ jniog₄ o₂me'₅₄ dsi₅ dsi₂nau₂ i₂ma₂jén'₂ tē₂le₃ quió'₅ Diú₄. ²⁰ Tió'₅ me'₂ a₂njia'₅₄ jmó₁ jniog₄ caun₂ si₂ a₂chei₅₄ jniog₄ a₂tsá₃ ma₃guē'₃ má₃ a₂tsá₃ dsi₂ten₅₄ guē'₃ jui₁lia'₂ a₂dsia₅ dsa₂ ne₄ ne₄chei₂ quió'₅ diú₄ lag₄. Dse₃ chei₅₄ jniog₄ a₂tsá₃ nió'₃ jág₁ quian'₅₄ dsa₂ i₂tsá₃ lín₅ dsi₂i₂gu₂, on₃ guē'₂ guē'₃ má₃ a₂tsá₃ dsi₃ten₅₄ guē'₃ dsa₂ judíos, jui₁lia'₂ já'₂ i₂güi'₅ dsa₂ dsi₂lag₄, on₃ guē'₂ jmi₄ já'₂ ně₃. ²¹ Ia₁ ma₂líg'₂ bá₄ ma₂tu₁ja₂lén₂ dsa₂ qui₂'ě₂ 'Éi'₃ Juá'₅ quió'₅ Moisés le₂caun₂ le₂caun₂ juig₂, qui₂'i₂₃ dsi₂néi₂ guá'₅ sinagogas ca₂le₃jě₃ jmi₄ sa₅₄.

²² Jaun₂ ně₃, ca₂tē₁gua₁ jág₁ quió'₅ dsa₂ i₂chen₄ quián₅ Jesús, quian'₅₄ dsa₂ can'₅₄, ca₂le₃jín₃ guē'₄ dsa₂ i₂lín₅ guá'₅ a₂iin₃ i₂lín₅₄

† 15:18 Amós 9:11-12.

jě₄ quió'₅ riin'₅₄, i₂chein₃ quian'₅₄ Pablo, Bernabé ně₃, jui₅ Antioquía. Jaun₂ ca₂in₃ dsa₂ Judas i₂chen₂ Barsabás ján₃, quian'₅₄ i₂chen₂ Silas i₂lín₅ dsa₂ i₂quian₅ ne₄ jui₅ jě₄ quió'₅ dsa₂ i₂én₂.
23 Jaun₂ quian'₅₄ 'éi₂ ca₂chein₃ si₂ carta a₂juá'₂ le₂la₂:

Jnia'₅₄ con'₂ lág₅ dsa₂ chen₄ quián₅ Jesús, quian'₅₄ dsa₂ can'₅₄ quián₂ jnia'₅₄, ca₂le₃jín₃ guě₄ rin'₅₄ jnia'₅₄ i₂én₂, chen₄ jnia'₅₄ si₂ la₂ ne'₅₄ 'nia'₂ dsi₂nau₂ rin'₅₄ jniog₄ i₂tián'₅ juig₂ Antioquía, quian'₅₄ i₂tián'₅ 'uě₃ Siria, quian'₅₄ i₂tián'₅ 'uě₃ Cilicia ně₃. Cuín₅ jnia'₅₄ Diú₄ 'nia'₂.

24 Ma₂ca₂rě₃ne₄ jnia'₅₄ jág₁ a₂i₁len₅₄ i₂lín₅₄ dsa₂ chan₂ ja₁lá₃, on₃juá'₅₄ i₂chen₄ quián₂ jnia'₅₄. Ma₂dsi₃lén₂ cuě'₅ o₂me'₅₄ dsi₅ 'nia'₂ quian'₅₄ jág₁ quió'₅ a₂tsí'₅ 'nia'₂ a₂tion₅₄ 'nió'₅ ti₃ dsa₂ ni₁lo₁ dsa₂ ŋe'₂, a₂jme₁ti'₄ 'nia'₂ 'Éi'₃ quió'₅ Moisés ně₃. 25 Uig₅₄ jaun₂, ca₂jmo₁ jnia'₅₄ caun₂ jág₁, ca₂in₄ jnia'₅₄ rin'₅₄ jě₄ quián₂ jnia'₅₄ a₂dsi₃lén₂ co₂lě₅ quiaín₅₄ Bernabé quian'₅₄ Pa₄ i₂nio₄ lín₃ quián₂ jnia'₅₄, a₂dsi₃jín₅₄ 'nia'₂. Ia₁ le₂jaun₂ bá₄ dse₃, lág₂ jnia'₅₄.
26 Ma₂le₁ág₄ caun₂ dsí₅ gue₃ 'mú₃ o₁quió'₄ Te₁gui'₅₄ Jesucristo quián₂ jniog₄. 27 Jaun₂ chen₄ jnia'₅₄ Judas quian'₅₄ Silas ně₃, jaun₂ i₂ně₅ bá₄ juá'₂ quian'₅₄ jág₁ tio'₅₄ 'o₅₄ ca₂le₃jě₃ a₂juá'₂ jnia'₅₄ la₂. 28 Jaun₂ ně₃, Jme₂dsí₂ Jnió₅ bá₄ ca₂jme₃ 'o₅₄ a₂'niog'₅₄ jnia'₅₄ dsi₅, jaun₂ dse₃ bá₄ lág₂ jnia'₅₄ a₂tsá₃ cuě₅₄ jnia'₅₄ 'nia'₂ 'éi'₃ guei₂, jnia'₅₄ lia'₂ jmá'₃ lia'₂ a₂léi₄ 'nió'₅ quián'₂ 'nia'₂ la₂: 29 A₂tsá₃ quě'₅₄ 'nia'₂ ni₁ŋ₁₅ a₂ma₂dsia₃ dsa₂ ne₄ ne₄chei₂ quió'₅ diú₄ lag₄; ján₃ bá₄ tsá₃ quě'₅₄ 'nia'₂ jmi₄ já'₂, on₃ guě'₂ ni₁ŋ₁₁ já'₂ i₂dsan₂ i₂gü'₅ dsa₂ dsi₂lag₄. Tsá₃ nió'₄ 'nia'₂ jág₁ quian'₅₄ dsa₂ i₂tsá₃ lín₅ dsi₂i₂gog'₂. Ně₁juá'₂ ca₂jme₁ti'₄ 'nia'₂ jág₁ la₂, dse₃ bá₄ le₃chan'₂ 'nia'₂.

Co₂ně₅ bá₄ jág₁.

30 Jaun₂ ně₃, le₂ně₅ bá₄ ca₂tón'₂ 'éi₂ jui₅, ca₂l₃lén₂ jui₅ Antioquía. Jaun₂ ca₂ŋí'₂ dsa₂ i₂én₂ ja₁jaun₂. Jaun₂ ca₂jín'₃ dsa₂ si₂ carta a₂jme₁quian₅. 31 Jme₁ca₂'i₂ riin'₅₄ si₂, qui₂ca₂jmo₃ 'io'₂ o₁quió'₄ jág₁ a₂cuě₅ lián'₂ dsí₅ jaun₂. 32 Ia₁ Judas quian'₅₄ Silas, i₂jme₁'ě₂ jág₁ a₂cuě₅ Diú₄ ján₃, ca₂cuě₃ 'lóng₂ jág₁ dse₃ a₂ca₂jmo₃ ca₂ág₂ dse₃ dsí₅ riin'₅₄, 'ŋio₅ lín₃ ca₂cuě₃ bí₂ ně₃, quian'₅₄ jág₁ quió'₅. 33 Jme₁ma₂tě₂ 'lóng₂ jmig₄ tioen'₅₄ ja₁jaun₂, ca₂dsióg'₂ táng₃ dsa₂ caun₂ tei₄ ja₁con₂ riin'₅₄ i₂ca₂chei₃. § 35 La₁ ca₂jnia₃ Pa₄ quian'₅₄ Bernabé juig₂ Antioquía, qui₂jme₂tiin₂₃ dsa₂, quiaín'₅₄ juin₅ guě₄ i₂sián'₂, qui₂'ě'₅ dsa₂ jág₁ dse₃ quió'₅ Te₁gui'₅₄.

Ca₂ŋó₃ Pa₄ ca₂i₁'ě₄ jág₁ jě₄ca₂tě₂ t₁n₃ ráun₂

36 Cang₂ jaun₂, ca₂juá'₂ Pa₄ ca₂tsí'₃ Bernabé:

—Dsau₅₄ táng₃ dsi₁jín₁ rin'₅₄ ca₂le₃jě₃ juig₂ ja₁ma₂ca₂i₁'ě'₅₄ dsa₂ jág₁ dse₃ quió'₅ Te₁gui'₅₄, dsi₁jag₅₄ ně₁jua'₂ 'a₂lia'₂ chain₂.

³⁷ Bernabé ně₃ jme'₁nio₃ jñia₃ Juan₅₄, i₂chen₂ Marcos ján₃.
³⁸ La₁ Pa₄ guě'₂ ně₃ tsá₃ ca₂gue₃ jiog₃, ia₁ ca₂téi₂ bá₄ 'éi₂lia'₂ con'₂ jme₁i₁nioi₁₂ 'uě₃ Panfilia, * tsá₃ ma₃ca₂jme₃quiong'₅₄ jua'₅₄ a₂jme₃'o₅₄.
³⁹ Jaun₂ ca₂tsiín₂ 'ñio₅ lín₃, ca₂lia'₂ ca₂i₃léin₂ jma₃quén₅. Jaun₂ Bernabé bá₄ ca₂jñia₃ Marcos, ca₂tóin'₂ ni₁barco, ca₂i₃léin₂ jui₅ Chipre.
⁴⁰ Pa₄ guě'₂ ca₂quióin'₂ Silas. Jme₁ma₂ně₂jáng'₂ riin'₅₄ o₄gú₃ Te₁gui'₅₄ i₂'nio₃, jaun₂ qui₂ca₂'ág'₃ jág₁ riin'₅₄, ca₂i₃léin₂.
⁴¹ Jaun₂ ca₂i₁jii₁₂ le₂tan₅₄ 'uě₃ Siria quian'₅₄ Cilicia, qui₂i₁cuě'₂ bí₂ riin'₅₄ i₂tián'₅ ja₁jaun₂.

16

Ca₂jme₃quiong'₅₄ Timoteo ca₂jme₃quian'₅₄ Pa₄ quian'₅₄ Silas

¹ Ca₂dsióg₃ Pa₄ quian'₅₄ Silas juig₂ Derbe, juig₂ Listra ně₃. Ja₁jaun₂ ca₂jein'₂ jan₂ dsa₂ 'én₂ i₂chen₂ Timoteo. Chog₅₄ Timoteo 'éi₂ jme₁lín₄ 'io₅₄ judía i₂ma₂'én₂ jág₁ dse₃. Jmei₂ guě'₂ jme₁lín₄ jan₂ griego.
² Jaun₂ dsa₂ i₂'én₂ i₂jme₁tián'₄ Listra quian'₅₄ Iconio, dse₃ bá₄ jme₁'ag₂₃.
³ Jaun₂ 'nio₃ Pa₄ jiog₃ quiong'₅₄, jaun₂ ca₂ti₃ ni₁lo₁ 'éi₂, * ia₁jaun₂ tsá₃ jén'₄ 'lig'₅₄ dsa₂ judíos i₂tián'₅ ja₁jaun₂. Ia₁ ma₂ñi₅ bá₄ ca₂le₃jín₃ dsa₂, a₂lín₅ griego jmei₂ 'éi₂.
⁴ Ca₂le₃jě₃ juig₂ ja₁ca₂ñi₃, qui₂ca₂jme₃jein'₂ riin'₅₄ ca₂cuě₃ 'éi'₃ con'₂ lě₅ jág₁ quió'₅ dsa₂ i₂chen₄ quián₅ Jesús, jág₁ quió'₅ dsa₂ can'₅₄ i₂tián'₅ Jerusalén ně₃.
⁵ Jaun₂ ně₃, ca₂le₃jín₃ dsa₂ i₂lín₅ guá'₅, ca₂jña'₃ tiá₂ jág₁ dse₃ a₂'éin₂, jaun₂ le₂o₃ jmi₄ bá₄ ca₂i₃juin₂.

Ca₂qui₃ Pablo a₂ca₂jñin₂ jan₂ dsa₂ chan₂ Macedonia

⁶ Tsá₃ ca₂cuě₃ Jme₂dsi₂ Jñi₅o₅ jmi₄ a₂'ě₂ dsa₂ jág₁ dse₃ 'uě₃ Asia. Jaun₂ lě₃ ca₂i₁lein₅₄ ca₂i₁jii₁₂ le₂tan₅₄ 'uě₃ Frigia quian'₅₄ 'uě₃ Galacia.
⁷ Jaun₂ ca₂dsi₃léin₂ ja₁jén₂ 'uě₃ Misia. Ja₁jaun₂ jme₁'nio₃ jme₁dsi₃léin₂ 'uě₃ Bitinia. La₁ tsá₃ ca₂cuě₃ jmi₄ Jme₂dsi₂ quián₅ Jesús dsi₃léin₂ ja₁jaun₂.
⁸ Jaun₂ con'₂ ca₂ñi₃ bá₄ 'uě₃ Misia, ca₂dsi₃léin₂ 'o₄ jmi₁ñi'₄ ja₁chei₂ Troas.
⁹ Ja₁jaun₂ ca₂qui₃ Pa₄ a₂'uě₂ jaun₂ a₂ca₂jñin₂ jan₂ dsa₂ chan₂ 'uě₃ Macedonia, a₂chéin'₅ mi₂₃, a₂juá'₂: “Ñi₅₄ jui₅ 'uě₃ Macedonia i₂jme₁'o₁ jnia'₅₄.”
¹⁰ Dsi₂jui₅ jme₁ca₂qui₃ Pa₄ le₂ně₅, jaun₂ ca₂jmó₁ jnia'₅₄ co₂jñia₅₄ a₂dsi₁náu₄ jui₅ Macedonia. Ia₁ dsón'₂ lág₂ jnia'₅₄ a₂tě₂ Diú₄ ja₁jaun₂ a₂dsi₁'ě₄ jnia'₅₄ jág₁ dse₃.†

Pa₄ quian'₅₄ Silas tioen'₅₄ juig₂ Filipos

* 15:38 'Nio'₂ ja₁ton₅ Hechos 13:15. * 16:3 o₃, “ca₂jmo₃ a₂ca₂ti₃ dsa₂ ni₁lo₁ 'éi₂,”

† 16:10 Ja₁lá₃ ca₂jme₃lióg₃ Lucas ca₂jme₃quian'₅₄ Pa₄ quian'₅₄ riin'₅₄ ja₁jme₁i₂nioi₅₄. Ja₁lá₃ ca₂jme₃lióg₃ juá'₂ “jnia'₅₄” lia'₂ con'₂ jme₁ca₂jmo₃ Si₂ Hechos la₂.

¹¹ Ca₂tió'₄ jnia'₅₄ 'ñio'₃ ni₁barco juig₂ Troas. Ca₂i₃náu₅ jnia'₅₄ co₂dsau₅ jui₅ 'uë₃ Samotracia a₂nio₅ jë₄ jmi₁ñi'₄. Jme₁jnia₃ jaun₂, ca₂dsi₃náu₅ jnia'₅₄ Neápolis. ¹² Tio'₅₄ jnia'₅₄ ja₁jaun₂, i₂náu₅ táng₃ ja₁chei₂ Filipos. Ja₁jaun₂ lë₅ caun₂ colonia romana ja₁lë₄ juig₂ dsen₅₄ guë₄ quió'₅ dsa₂ chan₂ 'uë₃ Macedonia. Ja₁jaun₂ ca₂tió'₄ jnia'₅₄ tin₃-ni₅ jmig₄. ¹³ Caun₂ jmig₄ sa₅₄ ca₂i₁náu₄ jui₅ 'ni'₂ juig₂, cau₅ chei'₅₄ cuá₃, caun₂ ja₁jme₁lë₄ ja₁dsi₂lén₂ dsa₂ a₂chi₂lén'₂ Diú₄. Ja₁jaun₂ ca₂'io₄ jnia'₅₄, ca₂jme₁tin₅ jnia'₅₄ 'io₅₄ i₂ca₂ñi'₂, jág₁ dse₃ quió'₅ Diú₄. ¹⁴ Jan₂ 'io₅₄ i₂jme₁'en₅₄ jë₄ jaun₂ i₂chen₂ Lidia i₂chan₂ juig₂ Tiatira, jme₁lín₄ dsa₂ i₂'nag₅ 'mi'₂ 'ui'₃ jlá'₁. 'Io₅₄ 'éi₂, jme₁jme₂juin'₂ Diú₄. Jaun₂ ca₂jmo₃ Te₁gui'₅₄ ca₂lë₃ dsí₅ 'io₅₄ 'éi₂ a₂nag₃ a₂tón'₂ jui₅ a₂juá'₂ Pa₄. ¹⁵ Jaun₂ ca₂jñói₂ jmig₂ co₂dsia₅ quian'₅₄ ca₂le₃jín₃ dsa₂ dsi₂néi₂ quió'₅. Jme₁co₂lág₂ jaun₂, ca₂mi₃ tság₅ jnia'₅₄:

—Chi₂jua'₂ jmo'₂ 'nia'₂ 'au'₂ a₂lín₅ jniá₂ tē₃dsón'₂ dsa₂ i₂'én₂ jág₁ quió'₅ Te₁gui'₅₄, i₂nó'₅ 'nia'₂ ja₁quió₃ i₁jñia'₄.

Jaun₂ ca₂juá'₂ tion₅₄ a₂ca₂jñia₄ jnia'₅₄.

¹⁶ Co₂ráun₂ ca₂lë₃, lia'₂ con'₂ jme₁i₃náu₅ jnia'₅₄ ja₁chi₂lén'₂ dsa₂ Diú₄, ca₂jen'₂ jnia'₅₄ jan₂ 'io₅₄ chi'₂ i₂jme₁'en₅₄ jme₂dsí₂ 'lin'₅₄ tē₃dsí₅, i₂dsi₂ jág₁.[†] 'Io₅₄ 'éi₂ a₂lë₁jmo₂₃ bá₄ ta₁, ia₁ juig₅₄ bá₄ jme₁cán₂ cu₄ a₂jme₁lí'₂ a₂dsi₂ jág₁. ¹⁷ 'Io₅₄ chi'₂ 'éi₂ ca₂'ein₃ Pa₄, ca₂'ein₃ jnia'₅₄ nē₃, ca₂quió'₃ ca₂tsí'₃ dsa₂ i₂jme₁tion'₅₄:

—Dsa₂ nē₅ i₂jme₂ti₃ ta₁ ne₄ Diú₄ juin'₂ guë₄. Jaun₂ 'ë₂ jág₁ tsí'₅ 'nia'₂ 'a₂ lia'₂ lé₂ lión'₂ 'nia'₂.

¹⁸ Lióng₂ jmig₄ ca₂jmo₃ le₂jaun₂. Ca₂lë₃ jme₁ca₂lë₃ ca₂i₃me'₂ dsí₅ Pa₄. Jaun₂ ca₂jí₂, ca₂juá'₂ ca₂tsí'₃ jme₂dsí₂ 'lin'₅₄ i₂jme₁'en₅₄ quió'₅ 'io₅₄ 'éi₂:

—Quian'₅₄ bí₂ 'éi'₃ quió'₅ Jesucristo, jmo₅₄ jniá₂ 'éi'₃, jú₅ quió'₅ 'io₅₄ nē₅.

Jaun₂ co₂tan₅₄ dsi₂jui₅ jaun₂, ca₂o₃'ín₃ jme₂dsí₂ 'lin'₅₄ ca₂téin₂ 'io₅₄.

¹⁹ Jme₁ca₂rë₃lí'₄ dsa₂ juig₅₄ 'io₅₄ 'éi₂, a₂tsá₃ ma₃cuin₅ jmig₄ a₂lí'₂ guë₄ cu₄ quian'₅₄ 'éi₂, jaun₂ ca₂jñai'₃ Pa₄ quian'₅₄ Silas, ca₂tág₃ jui₅ 'ma'₅₄ ne₄ dsi₂tan₅₄. ²⁰ Jaun₂ ca₂i₁jo₅₄ ja₁tián'₄ juë₄, jaun₂ ca₂juá'₂:

—Dsa₂ la₂, i₂lín₅ judíos, i₂nioi₅₄ tsi₂jñin₂₃ dsa₂ juig₂ go₄ jniog₄. ²¹ Qui₂'ë₅ jme₂tiin₂₃ dsa₂ tag₄ a₂tsá₃ dsi₂ten₅₄ gué₁ jniog₄, on₃ guë'₂ dsi₂ten₅₄ jua'₅₄ a₂jmo₁, ia₁ dsa₂ romanos bá₄ lág₅.

²² Jaun₂ ca₂nau₂ dsa₂ juig₂ 'nei₂ ca₂jmaí'₂ Pa₄ quian'₅₄ Silas. Jaun₂ ca₂dsi₂ dsi₂tan₅₄ a₂dsi₂uig₅ ni₁tsin'₅₄, jaun₂ ca₂jmo₃ 'éi'₃ a₂bóg₂ nē₃ quian'₅₄ ni₁'ma₂. ²³ Jme₁ma₂dsan₃ bóg₂ 'ñio₅ lín₃, jaun₂ guë₄ ca₂to'₂ né'₃ 'má₃. Ca₂jmo₃ 'éi'₃ a₂jmo₃ dsa₂ i₂nio₅

[†] 16:16 lit. “jan₂ 'io₅₄ chi'₂ i₂jme₁jio₅ jme₂dsí₂ quió'₅ dsi₂mi'₂ cua₁ pithón.”

gu₂ 'né₅ 'má₃ 'í₁ dse₃ lin₃. ²⁴ Dsa₂ 'éi₂ ně₃, jme₁ca₂ŋi₂ 'éi₃ jaun₂, ca₂i₁tio₂ ca₂tě₂ quióng₄ tsi₁'né₅ 'má₃, le₁tia₃ mi₂tag₅₄ 'ŋió₃ tau₂ ni₁'ma₂.

²⁵ La₁ con₂ dsi₃nei₅ jme₁ca₂'ě₃ Pa₄ alabanzas quiain₅₄ Silas qui₂ca₂tsí₃ Diú₄, qui₂ca₂nág₂ bá₄ dsa₂ sián₂ i₂tion₅₄ 'né₅ 'má₃. ²⁶ Tě₃jě₄ jaun₂, con₂ tsá₃ ján₅ dsa₂, ca₂i₁bi₅₄ 'uě₃ tiá₂ lin₃, ca₂lia₂ qui₂ca₂jě₂ 'ui₅₄ ni₁'ia₂ tsi₁'né₅ 'má₃, qui₂ca₂niá₃ ca₂le₃jě₃ o₄'né₄, qui₂ca₂gag₂ ŋí₁ cadenas a₂jme₁le₁'ŋe₅₄ ca₂le₃jín₃ dsa₂ i₂jme₁tion₅₄ 'ŋió₃. ²⁷ Jme₁ca₂ŋé₃ dsa₂ i₂jmo₅ 'í₁, ca₂jág₃ ma₂le₁na₁ jě₂ o₄'né₄ 'né₅ 'má₃, jaun₂ ca₂dsi₂ ŋi₁tág₂ quió₅ a₂jme₁ŋi₁'ŋiog₅. Ia₁ lín₂ ma₂ca₂lón₂ jín₂ bá₄ i₂le₁jín₅ né₃ 'má₃. ²⁸ La₁ dsi₂jui₅ ca₂guió₃ Pa₄ ca₂juá₂:

—Tsá₃ lě₁jmag₅₄ ui₅ 'ŋiag₂, ia₁ la₂ bá₄ tio₅₄ jnia₅₄ ca₂le₃jág₃.

²⁹ Jaun₂ ca₂mi₃ dsa₂ 'éi₂ si₂, jaun₂ ca₂'í₃ co₂chi₅₄ dsi₂néi₂ tě₃ gó₅ jlein₂₃ ŋó₃ ca₂chi₃jné₃ ne₄ Pa₄ quian₅₄ Silas. ³⁰ Jaun₂ ca₂'uág₂ tě₂ca₁'né₄, jaun₂ ca₂ŋag₃:

—'Nia₂ dsa₂, ħ'e₂ 'nió₅ jmo₅₄ jniá₂ ia₁ jaun₂ lión₂ jniá₂?

³¹ Jaun₂ ca₂juá₂ 'éi₂:

—'Én₃ tě₂le₃ quió₅ Te₁gui₅₄ Jesucristo, jaun₂ bá₄ tینگ₄, quiang₅₄ ca₂le₃jín₃ dsa₂ dsi₂néi₂ quiáng₂.

³² Jaun₂ ca₂cuě₃ Pa₄ quian₅₄ Silas jág₁ dse₃ quió₅ Te₁gui₅₄ ca₂cuě₃ dsa₂ 'éi₂ quian₅₄ ca₂le₃jín₃ dsa₂ i₂tián₅ dsi₂néi₂ quió₅.

³³ Hora jaun₂ a₂'uě₂, dsa₂ i₂niog₅ gu₂ 'né₅ 'má₃ 'éi₂ qui₂ca₂rín₃ ja₁qui₂le₁cuí₃ quió₅ Pa₄ quiain₅₄ Silas. Jaun₂ 'éi₂ quiain₅₄ ca₂le₃jín₃ dsa₂ dsi₂néi₂ quió₅, ca₂ŋjó₂ jmig₂. ³⁴ Jme₁co₂lág₂ jaun₂, ca₂tág₃ ja₁quió₄, ca₂i₁cuě₂ a₂guě₃. Jaun₂ 'io₂ jmo₂₃ ca₂le₃jín₃, ia₁ ca₂rě₃'éin₂ jág₁ quió₅ Diú₄.

³⁵ Jme₁jnia₃ jaun₂, ca₂chen₃ juě₄ chi₂ 'í₅₄ a₂ca₂i₁chi₄ dsa₂ i₂niog₅ gu₂ 'né₅ 'má₃, a₂lióin₂ dsa₂ 'éi₂. ³⁶ Jaun₂ ca₂juá₂ dsa₂ i₂niog₅ gu₂ 'né₅ 'má₃ ca₂tsí₃ Pa₄:

—Ma₂ŋig₂ 'éi₃ quió₅ juě₄ a₂long₅₄ 'nia₂. Jaun₂ ma₂lé₂ o₁no₄ 'nia₂ tei₄ quiáng₂.

³⁷ Jaun₂ ca₂juá₂ Pa₄ ca₂tsí₃ chi₂ 'í₅₄:

—Ca₂chóng₂ dsa₂ jnia₅₄, qui₂ca₂bóg₂ tě₃jín₄ dsa₂ juin₅ tě₃ tsá₃ ca₂cáun₃ de₂ jág₁ dsau₅ quián₂ jnia₅₄ i₂lág₅ dsa₂ tén₅ juig₂ Roma. Jaun₂ guě₄ ca₂to₂ né₃ 'má₃. ħNě₃ ně₃ 'nio₃ lió₂ jnia₅₄ con₂ tě₃co₅₄? Tsá₃ le₂jaun₂. Jui₁ja₂lén₂ guioin₅₄ jui₁ja₂'uag₅₄, jui₁lia₂ ca₂to₂.

³⁸ Jaun₂ guě₄ ca₂i₁con₂ chi₂ 'í₅₄ jág₁ jaun₂ ne₄ juě₄, jaun₂ ca₂rě₃gó₅ jme₁ca₂rě₃ŋi₅ a₂lín₅ Pa₄ quian₅₄ Silas dsa₂ tén₅ Roma.

³⁹ Jaun₂ ca₂i₁len₅₄ dsi₂tan₅₄ ca₂i₁mi₂ o₂'én₂ dso₄ ne₄ Pa₄ quian₅₄ Silas. Ca₂'uág₂ bá₄ jaun₂ ně₃, jaun₂ ca₂juá₂ a₂'uín₃ 'éi₂ juig₂ jaun₂. ⁴⁰ Jme₁ma₂'uin₂ 'éi₂ 'né₅ 'má₃, ca₂i₃lein₃ ja₁quió₄ 'io₅₄

Lidia. Jme₁ca₂ñi₁'₂ quia₁in'₅₄ ri₁in'₅₄, qui₂ca₂cuë₃ bí₂ ně₃, jaun₂ guë₄ ca₂'u₁in₂ ja₁jaun₂, ca₂i₁le₁n'₅₄ guë₄ juig₂ siá'₂.

17

Ca₂lë₃ mi'₅₄ juig₂ Tesalónica

¹ Ju₁i₅ ja₁ca₂ñe₄ Pa₄ quia₁in'₅₄ Silas jaun₂, ca₂i₁ñi₁₂ juig₂ Anfípolis quia₁n'₅₄ juig₂ Apolonia ně₃. Jaun₂ ca₂dsi₃léin₂ juig₂ chei₂ Tesalónica. Ja₁jaun₂ jme₁chí'₄ guá'₅ sinagoga quió'₅ dsa₂ judíos. ² Pa₄ ně₃, ia₁ le₂jaun₂ tin₂ quió'₅, ca₂ñei₅₄ guá'₅. Të₁lia'₂ ca₂'í₃ tin₃-'ni₅ semana ja₁jaun₂, qui₂ca₂dsia₃ jág₁ quia₁n'₅₄ dsa₂ ca₂le₃jë₃ jmi₄g₄ sa₅₄, ju₁lia'₂ jág₁ a₂juá'₂ ne₄ Si₂. ³ Qui₂ca₂cuë₃ jág₁ dsau₅ 'a₂ lia'₂ dsón'₂ 'i₄ 'éi'₃ ne₄ Si₂ quió'₅ Diú₄ a₂juá'₂ a₂tion₅₄ nág₃ uig₅ I₂rë₂ 'ín₁ quián₅ Diú₄, jaun₂ cang₂ jë₁ma₂join₂₃, a₂tion₅₄ niog₅ jein'₅₄ táng₃. Jaun₂ caun₂ ca₂juá'₂ bá₄:

—Jesús i₂'ín₅ jniá₂, jág₁ a₂'ë₅ juig₂ 'nia'₂, I₂rë₂ 'ín₁ quián₅ Diú₄ bá₄ 'éi₂.

⁴ Jaun₂ ca₂rë₃ 'én₂ i₂lin₅₄ dsa₂ judíos, ca₂jme₃quia₁n'₅₄ Pa₄ quia₁n'₅₄ Silas. Ján₃ bá₄ ca₂rë₃ 'én₂ ju₁n₅ dsa₂ griegos i₂jme₁jme₂ju₁n'₂ Diú₄, ca₂rë₃ 'én₂ ju₁n₅ 'io₅₄ dsen₅₄ ně₃. ⁵ La₁ dsa₂ judíos i₂tsá₃ 'én₂ ně₃, ca₂rë₃ 'néi₃ a₂dsí'₅. Jaun₂ ca₂jme₃quia₁n'₅₄ co₂nió'₃ dsa₂ ju₁'₅ i₂lë₁jme₁i₂nio₄ tsi₁jín₁ jë₄ calle. Ca₂quin'₃ jág₁ quió'₅, ca₂i₁nioi₁₂ ca₂tó'₂ mi'₅₄, tsi₂ji₂n₂₃ dsa₂ juig₂. Jaun₂ ca₂i₁toin'₁ tion₅₄-jan₃ ja₁quió'₄ Jasón, a₂jme₁'nio₃ dsein₂₃ Pa₄ quia₁n'₅₄ Silas, a₂jme₁të₂ 'éi₂ jin₄ dsa₂ juig₂. ⁶ Ia₁ tsá₃ ca₂dsáin'₂ 'éi₂ ja₁jaun₂, Jasón bá₄ qui₂ca₂tsi₃cu₁n'₂ quia₁n'₅₄ guë₄ ri₁n'₅₄ i₂'én₂, jaun₂ ca₂tág₃ ju₁i₅ ne₄ta₁, ca₂i₁jang'₂ ne₄ dsi₂tan₅₄, jaun₂ ca₂juá'₂ ca₂lia'₂ quió'₅ toin'₅₄:

—I₂la₂ bá₄ dsa₂ i₂ñí₄ lë₃ ma₂jmo₃ tsá₃ ma₃caun₂ 'ei₅ jág₁, qui₂ma₂jéin'₂ dsa₂ ta₁caun₂ mi₂güig₃. Le₂jaun₂ bá₄ 'nio₃ jmo₃ ja₁lá₃ ján₃, ta₁jaun₂ bá₄ ja₂léin₂. ⁷ Jasón la₂ ně₂cuë₃ jmi₄g₄ ně₂jñia₃ dsa₂ 'éi₂ ja₁quió'₄. Ca₂le₃jín₃ 'éi₂ jmo₂₃ a₂tsá₃ dsi₂ten₅₄ jmo₃ lia'₂ con'₂ lë₅ 'éi'₃ quió'₅ gui₅₄ emperador. Ia₁ i₂nioi₅₄ tsí'₅ dsa₂ a₂chan₂ guë₄ jan₂ rag₅₄ sián'₂, jan₂ i₂chen₂ Jesús.

⁸ Jme₁ca₂nág₂ dsa₂ le₂në₅, ca₂tóin'₂ go₂'i₃ quia₁n'₅₄ dsi₂tan₅₄.

⁹ La₁ Jasón quia₁n'₅₄ ri₁n'₅₄ ca₂quí₃ cu₄ ne₄ dsi₂tan₅₄, jaun₂ guë₄ ca₂lió₂ dsa₂.

Pablo quia₁n'₅₄ Silas toin'₅₄ juig₂ Berea

¹⁰ Dsi₂ju₁i₅ le₂jaun₂ ca₂jmo₃ ri₁n'₅₄ a₂ñó₃ Pa₄ quia₁n'₅₄ Silas të₃ a₂'uë₂ ju₁i₅ Berea. Jme₁ca₂dsi₃léin₂ ja₁jaun₂, i₁le₁n₅₄ dsi₂ju₁i₅ dsi₂néi₂ guá'₅ sinagoga quió'₅ dsa₂ judíos. ¹¹ Dsa₂ judíos i₂jme₁tián'₄ ja₁jaun₂ jme₁dsein₃ con'₂ guë₄ dsa₂ juig₂ Tesalónica. Lia'₂ 'i₄ rë₂ jág₁ bá₄ ca₂gue₃ jág₁ dse₃ quió'₅ Diú₄. Jaun₂ ca₂le₃jë₃ jmi₄g₄ bá₄ jme₁'no'₂ ne₄ Si₂ quió'₅ Diú₄, ia₁ 'nio₃ le₃ñi₅ chi₂jua'₂ dsón'₂ bá₄ le₂jaun₂ lë₅ jág₁ a₂cuë₅ Pa₄ quia₁n'₅₄ Silas. ¹² Ju₁n₅

bá₄ dsa₂ judíos 'éi₂ ca₂rē₃'én₂. Ján₃ bá₄ le₂jaun₂ juin₅ dsa₂ griegos, lia₂' dsa₂ ηe₂' lia₂' io₅₄ dsen₅₄ ně₃. ¹³ La₁ jme₁ca₂rē₃ηi₅ dsa₂ chan₂ Tesalónica a₂'en₅₄ Pa₄ 'ē₅ dsa₂ jág₁ dse₃ quió₅ Diú₄ juig₂ Berea ján₃, jaun₂ ca₂i₃lén₂ ja₁jaun₂, ca₂chi₂ca₂jain₃ dsa₂. ¹⁴ La₁ co₂tan₅₄ ca₂chei₃ riin₅₄ ca₂chein₃ Pa₄ chei₅₄ jmi₁ηi₄. Ca₂ηia₃ bá₄ Silas quian₅₄ Timoteo juig₂ Berea. ¹⁵ Ca₂i₁jio₃ dsa₂ i₂jme₁quian₅₄ Pa₄ ca₂i₁ηia₃ 'éi₂ ca₂tē₂ juig₂ Atenas. Jaun₂ ca₂i₃lein₃ táng₃ le₁quion₂ jág₁ quió₅ Pa₄ a₂jiá₃ Silas quian₅₄ Timoteo a₂dsi₃jme₃quiong₅₄ dsi₂jui₅.

'En₅₄ Pablo juig₂ Atenas

¹⁶ Tē₂lia₂' en₅₄ Pa₄ chi₁ηia₂₃ Silas quian₅₄ Timoteo juig₂ Atenas, tsá₃ dse₃ 'ei₅ dsí₅, ia₁ ca₂jín₂ juin₅ lin₃ diú₄ lag₄ tió₂ le₂tan₅₄ jē₄ juig₂. ¹⁷ Jaun₂ ca₂i₁'ē₄ jág₁ dse₃ dsi₂néi₂ guá₅ sinagoga, ca₂tsí₃ dsa₂ judíos, dsa₂ sián₂' ně₃ i₂jme₂juin₂' Diú₄ tē₃dsón₂'. Ca₂le₃jē₃ jmi₄ ně₃, qui₂ca₂'ē₂ Pa₄ jág₁ dse₃ jē₄ 'ma₅₄ ca₂tsí₃ ca₂le₃jín₃ dsa₂ i₂jme₁jein₂' ja₁jaun₂. ¹⁸ I₂lin₅₄ dsa₂ i₂jme₁jme₂tag₅ si₂ quió₅ dsa₂ i₂tē₂' dsa₂ epicúreos, i₂lin₅₄ guē₂' i₂jme₁jme₂tag₅ si₂ quió₅ i₂tē₂' dsa₂ estoicos, dsa₂ 'éi₂ ca₂jme₃lió₃ ca₂dsia₃ jág₁ quian₅₄ Pa₄. I₂lin₅₄ guē₂' dsa₅ tsí₅' riin₅₄:

—Tsá₃ ne₄ 'e₂ bá₄ jág₁ quian₅ i₁ten₅₄ ně₅ a₂juá₂' tság₃ jniog₄.

I₂lin₅₄ guē₂' juá₂' táng₃:

—Mei₂ tsá₃ i₂'ē₂ jág₁ quió₅ diú₄ sián₂' i₂quían₅ dsi₂nau₂ bá₄ ně₅.

Jaun₂ bá₄ juá₂' le₂jaun₂, ia₁ 'en₅₄ Pa₄ 'ē₂ jág₁ dse₃ quió₅ Jesús, 'a₂ lia₂' ca₂jein₅₄ táng₃. ¹⁹ Jaun₂ ca₂ηia₃ Pa₄ caun₂ ja₁chei₂ Areópago. Jme₁ca₂dsi₃lén₂ ja₁jaun₂, ca₂ηi₃' Pa₄ ca₂juá₂':

—¿Lé₂ le₃ne₄ jnia₅₄ 'e₂ jág₁ 'mí₂ dsia₂' a₂jme₂tág₂'? ²⁰ 'Niog₂ jnia₅₄ le₃ne₄ 'e₂ jein₅ jág₁ a₁juá₂' 'ne₂ ně₅. Ja₂lin₃ guē₄ siá₂' né₂'.

²¹ Ia₁ ca₂le₃jín₃ bá₄ dsa₂ chan₂ Atenas, quian₅₄ dsi₂nau₂ i₂jme₁tián₄ ja₁jaun₂, jmá₃ a₂jaun₂ bá₄ jme₁tiin₂ qui₂jmo₂₃: qui₂nag₂₃, qui₂dsia₂₃ ně₃, jmá₃ ca₂ne₅₄ jág₁ 'mí₂ a₂cha₂.

²² Jaun₂ ca₂nau₂ Pa₄ dsi₂jo₂ ja₁le₁ηi₂' dsa₂ jaun₂, jaun₂ ca₂juá₂':

—'Nia₂ dsa₂ chan₂ Atenas, jág₅ jniá₂ 'ηio₅ 'én₂ 'nia₂ tē₂le₃ quió₅ diú₄ lag₄ quián₂' 'nia₂. ²³ Ia₁ lia₂' con₂ ca₂ηi₅ jniá₂ ca₂jág₃ ja₁chi₁len₄ 'nia₂ diú₄ lag₄ quiáng₂', ca₂jág₃ caun₂ ja₁lē₄ ne₄chei₂ le₁ton₅ letras la₂, a₂juá₂': "QUIÓ₅ DIÚ₄ I₂TSÁ₃ CUH₅ DSA₂." Ia₁ dse₃ bá₄ guē₂' jaun₂. Diú₄ 'éi₂ i₂chi₁len₄ 'nia₂, Diú₄ i₂tsá₃ cuin₂' 'nia₂, i₂'éi₂ bá₄ 'ín₄ jniá₂, jág₁ quió₅ 'éi₂ bá₄ 'ē₅ jniá₂, juig₂ 'nia₂.

²⁴ 'Diú₄ 'éi₂ i₂ca₂jmo₃ mi₂güí₃, ca₂jmo₃ ca₂le₃jē₃ 'e₂ a₂cha₂ ja₁jaun₂, 'éi₂ bá₄ quió₅ guei₅₄ mi₂güí₃ quian₅₄ gua₅₄ 'uē₃ ně₃. La₁ tsá₃ guá₅ dsi₂néi₂ guá₅ a₂jmo₅ dsa₂ mi₂güí₃, ²⁵ on₃ guē₂ chi₁quian₁₂ jmi₄ jua₅₄ a₂'nió₅ jmo₃ dsa₂ 'e₂ jmo₃ quió₅. Ia₁

'ηiog₅ bá₄ Diú₄ jmo₂₃ cuë₂₃ jme₂dsí₂ quián₂ jniog₄, jmo₂₃ dsí₂ a₂quian₂ jniog₄, ca₂jmo₃ ca₂le₃jě₃ guë₄ 'e₂ a₂cha₂.

²⁶ 'Quian'₅₄ ca₂cho'₅₄ dsa₂ bá₄ ca₂jmo₃ ca₂le₃jě₃ juig₂, ia₁jaun₂ tai₁n'₃ ta₁caun₂ mi₂güig₃. Jaun₂ ca₂jmo₃ Diú₄ 'éi'₃ ca₂'ě₃ ja₁tian'₃ dsa₂ ně₃, 'a₂ con'₂ uë₂ 'io₃ bí₂ le₂caun₂ le₂caun₂ juig₂, ²⁷ ia₁jaun₂ 'nai'₂ Diú₄, a₂jñia'₅₄ chi₂lá'₂ quian'₅₄ gu₂, con'₂ tsá₃ ηó₅ ně₁ca₂dsáu'₂, o₁jñia'₅₄ la₂ tsá₃ uing₂ guá₅ Diú₄ ja₁con₂ jniog₄ le₂jau₂ le₂jau₂. ²⁸ Ia₁ a₂chan₂ Diú₄ bá₄ a₂chong₂ jniog₄ a₂i₂nio₄ jniog₄ ně₃. * Ju₁lia'₂ ma₂ca₂juá'₂ i₂lin₅₄ dsa₂ poetas quián'₂ 'nia'₂ já₁n₃, jme₁ca₂juá'₂: “Chi'₂-guein₂ quián₅ Diú₄ bá₄ lág₅ jniog₄.” ²⁹ Chi₂jua'₂ lág₅ jniog₄ chi'₂-guein₂ quián₅ Diú₄, jaun₂ tsá₃ dse₃ jua'₅₄ a₂jmo₁ jniog₄ dsí₅ a₂lín₅ Diú₄ ju₁lia'₂ lě₅ caun₂ nió'₄ dsa₂ lag₄ cu₄nióg₄, on₃ guë'₂ cu₄tio₂, on₃ guë'₂ ni₁cang₁ a₂tin₂ dsa₂ jmo₂₃ con'₂ lě₅ dsí₂jniog₅ dsí₅ guioin₅₄. ³⁰ Tsá₃ lín₄ ca₂tón'₃ Diú₄ ju₁i₅ 'a₂ lia'₂ ca₂jmo₃ dsa₂ ma₂líg'₂, ia₁ tsá₃ 'e₂ ηi₅ dsa₂. La₁ rě₂ně₃ ně₃, jmo₅ Diú₄ 'éi'₃ quió'₅ dsa₂ chan₂ ta₁caun₂ mi₂güig₃ a₂'nió'₅ dsí₃quén'₅ dsí₅. ³¹ Ia₁ ma₂lě₅ 'éi'₃ quió'₅ Diú₄ a₂já₅ caun₂ jmig₄ jě₁qui₃dsí₂₃ 'éi'₃ rě₂ con'₂ dsí₂ten₅₄ quió'₅ dsa₂ mi₂güig₃, tě₂le₃ quian'₅₄ jan₂ dsa₂ i₂ca₂quióin'₂ quiáin₅. Jaun₂ ma₂ca₂jmo₃ léi₄ lia'₂ con'₂ jme₁ca₂jme₃jein'₅₄ 'éi₂ jin₄ 'lag₄.

³² Jme₁ca₂nág₂ dsa₂ ca₂juá'₂ Pa₄ a₂jen'₅₄ 'lag₄, i₂lin₅₄ dsa₂ jñia'₅₄ ca₂hág₂ bá₄. I₂lin₅₄ guë'₂ ca₂juá'₂:

—Ně₅ néi₁ táng₃ jñia'₅₄ caun₂ jmig₄ siá'₂ quiáng'₂.

³³ Jaun₂ ca₂o₂'ín₃ bá₄ Pa₄ jě₄ jaun₂.

³⁴ La₁ i₂lin₅₄ dsa₂ ca₂rě₃'éin₂ bá₄, jaun₂ ca₂'ein₃ 'éi₂. Jě₄ jaun₂ jme₁'en₅₄ i₂chen₂ Dionisio i₂lín₅ rin'₅₄ dsí₂tan₅₄ quián₅ Areópago; jan₂ guë'₂ 'io₅₄ ně₃ i₂chen₂ Dámaris; lě₂ bá₄ guë'₄ dsa₂ i₂quiong'₅₄.

18

'En₅₄ Pablo juig₂ Corinto

¹ Cang₂ jaun₂ ca₂o₃'ín₃ Pa₄ juig₂ Atenas, ca₂ηó₃ ju₁i₅ Corinto. ² Ja₁jaun₂ ca₂jein'₂ jan₂ dsa₂ judío i₂chen₂ Aquila i₂chan₂ 'uë₃ Ponto. Jme₁guá₄ 'uë₃ Italia le₃jñiá₅, la₁ ca₂jmo₃ 'éi'₃ gui'₅₄ emperador Claudio a₂ca₂'uüin'₂ ca₂le₃jín₃ dsa₂ judíos i₂jme₁tián'₄ juig₂ Roma. 'Uig₅₄ jaun₂ ca₂o₃'ín₃ quiaín'₅₄ Priscila 'io₅₄ quiáin₅, a₂ma₂tiáin'₅ juig₂ Corinto. Jme₁ca₂dsióg₃ Pa₄ ca₂i₁jñin₁₂ dsa₂ 'éi₂, ³ jaun₂ ca₂'í₃ ja₁quió'₄, ca₂jmo₃ ta₁ co₂lě₅ quiong'₅₄, ia₁ já₁n₃ bá₄ tiin₂ 'me₃ tsi₁'mi'₂ a₂jmo₅ dsa₂ tsi₁'né₅. ⁴ Jaun₂ ca₂le₃jě₃ jmig₄ sa₅₄, jme₁dsós Pa₄ guá'₅ sinagoga a₂jme₁tiin₂₃ dsa₂ jág₁ dse₃, a₂jme₁jme₂'uáin₂ dsí₅ dsa₂, lia'₂ dsa₂ judíos lia'₂ dsí₂nau₂ ně₃. ⁵ Jme₁dsióg₃ Timoteo quiaín'₅₄ Silas a₂ca₂'uüin₂ Macedonia,

* 17:28 lit. “a₂chong₂, a₂i₂nio₄ jniog₄, a₂'i₄ jme₂dsí₂ jniog₄.”

a₂dsi₃léin₂ tē₂ ja₁'en₅₄ Pa₄, jaun₂ guē₄ ca₂'ē₂ Pa₄ dsen₅₄ dsí₅ jág₁ quió'₅ Diú₄. Jaun₂ guē₄ ca₂tsí'₃ dsa₂ judíos a₂lín₅ Jesús dsa₂ I₂rē₂'ín₁ quián₅ Diú₄. ⁶La₁ dsa₂ ně₃, 'io'₅₄ ca₂tíin₂ jág₁ jaun₂, jaun₂ ca₂jme₃lióg₃ qui₂ca₂jnáí'₂ jág₁ uig₅ Pa₄. 'Éi₂ ně₃ qui₂ca₂séi'₂ 'liog₂ ni₁tsin'₅₄, jaun₂ ca₂tsí'₃ dsa₂:

—Guion'₅₄ bá₄ 'nia'₂ le₁cáng'₄ a₂dsián'₃ 'nia'₂ lia'₂ jma₃quian'₅₄ dsáu'₂. Tsá₃ ma₃'e₂ le₁cán'₄ jniá₂. Le₃ne₄ jui₅ ně₃ nei₅₄ ja₁con₂ dsin₂nau₂.

⁷Ca₂o₃'ín₃ bá₄ Pa₄ dsi₂néi₂ guá'₅ sinagoga jaun₂ ně₃. Ca₂ηó₃ ja₁quió'₄ jan₂ dsa₂ i₂chen₂ Justo i₂jme₁jme₂juin'₂ Diú₄. Justo 'éi₂ ně₃, jme₁guá'₄ cau₅ guá'₅. ⁸Dsa₂ i₂jme₁lín₄ dsa₂ dsen₅₄ quián₅ guá'₅, dsa₂ i₂chen₂ Crispo, ca₂rē₃'éin₂ tē₂le₃ quió'₅ Te₁gui'₅₄, co₂dsia₅ quian'₅₄ dsa₂ dsi₂néi₂ quió'₅. Juin₅ bá₄ dsa₂ chan₂ Corinto ca₂rē₃'én₂ jág₁ dse₃ jme₁ca₂nág₂, jaun₂ qui₂ca₂choin₃ jmi₂g₂. ⁹Caun₂ a₂'uē₂, a₂lē₁ca₂jén'₃ Pa₄ ca₂jíin₂ Te₁gui'₅₄, a₂juá'₂:

—Tsá₃ lē₁jmo₂ gang'₃ a₂'ē'₄ jág₁. Caun₂ dsia₄ bá₄, tsá₃ lē₁jmo₂ tei₄. ¹⁰Ia₁ quian'₅₄ bá₄ jniá₂ 'ne₂, 'i₁jan₂ tsá₃ téi₂ gu₂ jua'₅₄ a₂j móg'₂ uig₅. Ia₁ juin₅ dsa₂ chan₂ juig₂ la₂ i₂le₃'én₂ quiáng₃.

¹¹Caun₂ ηi₂ tē₂ ca₂'nau₅₄ ca₂'í₃ Pa₄ juig₂ Corinto, qui₂ca₂jme₃tíin₂₃ dsa₂ jág₁ quió'₅ Diú₄.

¹²La₁ jmi₂g₄ jaun₂ ca₂lín₃ dsi₄má'₂ 'uē₃ Acaya jan₂ dsa₂ i₂chen₂ Galión. Jaun₂ ca₂ηi'₂ dsa₂ judíos i₂'ηia₅₄ Pa₄, ca₂tág₃ jui₅ ne₄ta₁.

¹³Jaun₂ ca₂juá'₂ ca₂tsí'₃ dsi₄má'₂ 'éi₂:

—Le₂siá'₂ bá₄ jme₂tag₅ i₂nē₅, toin'₂ jág₁ dsa₂, a₂jme₃juin'₂ Diú₄ on₃jua'₅₄ lia'₂ con'₂ lē₅ 'Éi'₃.

¹⁴Jē₁jme₁ma₂ηag₃ Pa₄, jme₁ca₂juá'₂ Dsi₄má'₂ Galión ca₂tsí'₃ dsa₂ judíos:

—Jua'₅₄ mei'₂ guē₃ dso₄ juē'₂ ca₂rē₃cán'₂ dsa₂ ně₅, jme₁jmo₅₄ bá₄ jniá₂ juin'₂ dsi₃ a₂jme₁nag₅₄ jág₁ quián'₂ 'nia'₂. ¹⁵La₁ tsá₃ le₂jaun₂. Chi₂jua'₂ 'uig₅₄ jág₁ 'éi'₃ juá'₅ siá'₂ quián'₂ 'nia'₂ guiong'₅₄, tsá₃ 'éi'₃ qui₁dsi₅ jniá₂. Jme₁rē₂ bá₄ 'nia'₂ guiong'₅₄ quiáng'₂.

¹⁶Jaun₂ ca₂'uág'₂ ca₂'uín'₂ 'éi₂ ne₄ta₁ jaun₂. ¹⁷Jaun₂ ca₂ηau'₃ ca₂le₃jín₃ dsa₂ griegos ca₂ηai'₃ Sóstenes i₂lín₅ juig₅₄ quián₅ guá'₅ sinagoga, qui₂ca₂bóg₂ tē₃ jág₅ dsi₄má'₂. La₁ tsá₃ ma₃a₂jaun₂ dsan₂ dsí₅ gui'₅₄ Galión, 'i₁caun₂.

Ca₂jón'₃ táng₃ Pablo juig₂ Antioquía, jaun₂ ca₂ηó₃ táng₃ ca₂i'₂ 'ē₄ jág₁ dse₃ jē₁ca₂tē₂ 'nag'₂ ráun₂

¹⁸Uē₂ bá₄ guē₄ ca₂ηia₃ Pa₄ jē₄ juig₂ Corinto. Cang₂ guē₄ jaun₂ ca₂'ág'₃ jág₁ riin'₅₄. Jme₁ma₂tioin'₅₄ juig₂ Cencrea ně₃, ca₂chéi₃ Pa₄ dsi₅₄ ca₂jmo₃ léi₄ a₂ca₂jme₃ti₃ jág₁ a₂ma₂cuē'₃ Diú₄ le₂jniá₅. Jaun₂ ca₂'í₃ ni₁barco ca₂ηó₃ jui₅ ja₁tén₄ Siria quian'₅₄ Priscila, Aquila ně₃. ¹⁹Jme₁ca₂dsi₃léin₂ juig₂ Efeso, ca₂tén₂ Pa₄

Priscila quian'⁵⁴ Aquila, ca₂ñó₃ jui₅ guá'⁵ sinagoga ca₂i₁dsia₂ jág₁ quian'⁵⁴ dsa₂ judíos i₂jme₁tion'⁵⁴ le₁ñi'². ²⁰Jme₁ca₂juá'² guě₄ dsa₂ ja₁jaun₂ a₂jme₁jñia₃ guě₄ uě₂ Pa₄, la₁ tsá₃ ma₃ca₂gue₃ 'éi₂. ²¹Jaun₂ ca₂'ág'³ jág₁ jñi₄ riin'⁵⁴, ca₂juá'²:

—Tion⁵⁴ niog₅ nég'⁴ Jerusalén i₁jmo₃ jmi₄ a₂já₅. La₁ guáng₂ bá₄ táng₃ i₁jing₁₂ 'nia'² nē₁jua'² 'nio₃ Diú₄.

Jaun₂ ca₂'í₃ ni₁barco ca₂o₃'iñ₃ juig₂ Efeso. ²²Jme₁ca₂dsióg₃ Cesarea, ca₂ñe₄ Pa₄ i₁cuñ₃ Diú₄ riin'⁵⁴ i₂tián'⁵ Jerusalén. Jaun₂ ca₂ñái'³ táng₃ jui₅ Antioquía. ²³Jme₁ma₂ñe₁ñó₄ jmi₄ 'ein⁵⁴ ja₁jaun₂, ca₂ñei⁵⁴ táng₃ ca₂i₁ñi₂ le₂caun₂ le₂caun₂ juig₂ ja₁tén₄ 'uě₃ Galacia quian'⁵⁴ Frigia, qui₂ca₂cuě'³ bí₂ ca₂le₃jñ₃ dsa₂ i₂'én₂ riin'⁵⁴.

Ca₂'ě₂ Apolos jág₁ dse₃ juig₂ Efeso

²⁴Jmi₄ jaun₂ ca₂dsióg₃ Efeso jan₂ dsa₂ judío i₂chen₂ Apolos, dsa₂ chan₂ juig₂ Alejandría. 'Ñio₅ lin₃ jme₁tñ₂ dsa₂ 'éi₂ 'ě₂ jág₁ quió'⁵ Diú₄, dse₃ jme₁cuí'⁵ Si₂ quió'⁵ Diú₄. ²⁵Jme₁ma₂ñi₅ Apolos 'éi₂ 'a₂ lia'² lě₅ jui₅ quió'⁵ Te₁gui'⁵⁴. Jaun₂ 'ñio₂ dsí₅ qui₂ca₂dsia₃ jág₁ qui₂ca₂jme₂tiñ₂₃ dsa₂ co₂rě₂ jág₁ quió'⁵ Jesús, ton'² jmá'³ jñia'⁵⁴ a₂jaun₂ bá₄ jme₁ñi₅ Apolos 'a₂ lia'² jme₁jme₂tag₅ Juan⁵⁴ jui₁lia'² a₂choin₂₃ dsa₂ jmi₄. ²⁶Ca₂jme₃lióg₃ Apolos ca₂juá'² dsi₂néi₂ guá'⁵ sinagoga ca₂tsí'³ dsa₂, ca₂dsia₃ tiá₂ dsí₅; la₁ jme₁ca₂nág₂ Priscila quian'⁵⁴ Aquila, ca₂tě'³ Apolos cau₅, ca₂jme₃tag₂₃ guě₄ rě₂ 'a₂ lia'² lě₅ jui₅ quió'⁵ Diú₄. ²⁷Jaun₂ ně₃, lia'² con'² jme₁'nio₃ Apolos jme₁ñi₃ jui₅ Acaya, ca₂cuě₃ riin'⁵⁴ bí₂, ca₂chein₃ si₂ carta ne₄ dsa₂ 'én₂ i₂tián'⁵ ja₁jaun₂, a₂guein₃ 'éi₂. Jme₁ca₂dsióg₃ Apolos 'uě₃ Acaya, ca₂jme₃'oin⁵⁴ 'ñio₅ dsa₂ 'én₂ i₂tián'⁵ ja₁jaun₂. Ia₁ a₂dse₃ dsí₅ Diú₄ ca₂jmo₃ a₂ca₂rě₃'én₂ dsa₂ 'éi₂. ²⁸Jaun₂ qui₂ca₂tsiñ₂ quian'⁵⁴ dsa₂ judíos, jaun₂ ca₂lí'³ bá₄ Apolos ne₄ ja₁tsiñ₂₃ jaun₂, tě₃ jág₅ ca₂le₃jñ₃ dsa₂. Ia₁ lia'² con'² lě₅ Si₂ quió'⁵ Diú₄ bá₄ ca₂'ě'³ dsa₂ 'éi₂, a₂dsón'² bá₄ lín₅ Jesús I₂rě₂'iñ₁ quián₅ Diú₄.

19

'En⁵⁴ Pablo juig₂ Efeso

¹Tē₁lia'² 'en⁵⁴ Apolos juig₂ Corinto, Pa₄ guě'² ca₂ñi₃ le₂tan⁵⁴ jui₅ má'² a₂ca₂dsióg₃ Efeso. Ja₁jaun₂ ca₂jein'² i₂lin⁵⁴ dsa₂ 'én₂. ²Jaun₂ ca₂ñag₃ 'éi₂ ca₂ñi₃ dsa₂ ca₂juá'²:

—¿Ca₂guen'⁵⁴ 'nia'² Jme₂dsí₂ Jñi₅ lia'² con'² jme₁ca₂rě₃'én² 'nia'² jág₁ dse₃?

Jaun₂ ca₂ñag₃ dsa₂:

—Ca₂lia'² jñia'⁵⁴ tsá₃ ma₂ne₄ jñia'⁵⁴ jua'⁵⁴ chan₂ jan₂ Jme₂dsí₂ Jñi₅.

³Jaun₂ ca₂ñag₃ táng₃ Pa₄:

—ĉ'A₂ guë'₂ lia'₂ ca₂jñó'₂ 'nia'₂ jmig'₂?

Ca₂ŋag₃ táng₃ dsa₂:

—Jui₁lia'₂ ca₂jme₃tag₅ Juan₅₄ bá₄.

⁴ Ca₂juá'₂ Pa₄:

—Jme₁chon₅ Juan₅₄ jmig₂ dsa₂ co₂'nió'₄ léi₄ a₂jme₃tsín₃ dsa₂ dsí₅. La₁ jme₁juá'₂ ján₃, a₂'nió'₅ le₃'én₂ dsa₂ le₃quió'₅ i₂jiá₃ chi₁quín₃, a₂'iin₂₃ Jesucristo.

⁵ Jme₁ma₂në₂néi₂ dsa₂ le₂në₅, qui₂ca₂choin₃ jmig₂ lia'₂ con'₂ lë₅ 'éi'₃ quió'₅ Te₁gui'₅₄ Jesús. ⁶ Jaun₂ jme₁ca₂quiog₂ Pa₄ gu₂ ne₄ quió'₅ dsa₂ 'éi₂, dsí₂jui₅ le₂jaun₂ ca₂guan₃ Jme₂dsí₂ Jñió₅ ca₂'í₃ tē₂dsí₅ dsa₂. Jaun₂ qui₂ca₂dsia₃ dsa₂ jág₁ jmei₅ siá'₂, qui₂ca₂juá'₂ jág₁ a₂ca₂cuë₃ Diú₄ në₃. ⁷ Con'₂ guia₃-tín₂ dsa₂ jme₁lë₂ le₃jín₃.

⁸ Con'₂ 'ni₅ tsi'₂ ca₂dsin₃ a₂jme₁dsó₅ Pa₄ guá'₅ sinagoga ca₂dsia₃ tiá₂ dsí₅ ca₂jme₃tiin₂₃ dsa₂ qui₂co₂jéin'₂ dsa₂ tē₂le₃ ja₁gon₂ Diú₄. ⁹ La₁ i₂lin₅₄ dsa₂ ca₂jmo₃ 'ua'₂ dsí₅, tsá₃ ca₂rë₃'éin₂. Jñia'₅₄ qui₂ca₂ton₃ 'lig'₅₄ bá₄ Jui₅ quió'₅ Te₁gui'₅₄ jin₄ dsa₂. Jaun₂ ca₂të'₃ Pa₄ co₂nió'₃ jmá'₃ dsa₂ i₂'én₂ ca₂'u_{in}₂ ja₁jaun₂ ca₂i₃léin₂ caun₂ escuela ja₁të'₂ quió'₅ Tirano ja₁táun₂ dsa₂ jág₁. Ja₁jaun₂ ca₂i₁jme₁tiin₂₃ dsa₂ ca₂le₃o₃ jmig₄. ¹⁰ Ca₂dsin₃ tin₃ ñi₂ ca₂'í₃ ja₁jaun₂, jaun₂ le₃jín₃ dsa₂ i₂jme₁tián'₄ 'lióng₂ juig₂ ja₁tén₄ Asia ca₂nág₂ jág₁ quió'₅ Te₁gui'₅₄ Jesús lia'₂ dsa₂ judíos lia'₂ dsa₂ griegos në₃. ¹¹ Jaun₂ 'lióng₂ léi₄ juë'₂ ca₂jmo₃ Diú₄ tē₂le₃ quian'₅₄ Pa₄, ¹² le₂jio₅ ni₁tsin'₅₄ dsa₂, o₃ pe₁guí₄ 'e₂ a₂qui₂ca₂ní'₃ quió'₅, jme₁qui₂dsí₂con₃ dsa₂ ja₁con₂ dsa₂ dso'₅₄, qui₂ca₂'lón₂ dsa₂ 'e₂ caun₂ dso₄ niog₅ lín₅, qui₂ca₂'u_{in}₂ jme₂dsí₂ 'lin'₅₄ quió'₅ dsa₂ në₃.

¹³ La₁ i₂lin₅₄ dsa₂ judíos i₂jme₁i₂nio₄ jmo₂₃ 'u_{in}₂ jme₂dsí₂ 'lin'₅₄ quió'₅ dsa₂,* dsa₂ 'éi₂ jme₁'nio₃ jme₁'iin₃ Te₁gui'₅₄ Jesús jui₁lia'₂ jē₁'u_{in}₂ jme₂dsí₂ 'lin'₅₄, ca₂juá'₂ tsí'₅ jme₂dsí₂ 'lin'₅₄:

—'Éi'₃ jmo₅ jniá₂ quian'₅₄ bí₂ 'éi'₃ quió'₅ Jesús i₂'in₅ Pa₄ në₅, 'u_{in}₂ 'nia'₂.

¹⁴ Le₂jaun₂ jme₁jmo₅ ta₁guion₃ chi'₂ ja₁ñi'₅₄ jan₂ dsa₂ judío i₂chen₂ Esceva, i₂jme₁lín₄ jan₂ juig₅₄ jme₂dsa₂. ¹⁵ La₁ jme₁ca₂jmo₃ le₂jaun₂, jaun₂ ca₂ŋag₃ jme₂dsí₂ 'lin'₅₄:

—Cuín₅ bá₄ jniá₂ Jesús, ján₃ bá₄ guion₄ bá₄ jniá₂ 'ein₂ 'éi₂ Pa₄. La₁ 'nia'₂ në₃, ĉ'ein₂ bá₄ 'nia'₂ jmo'₂ 'éi'₃ a₂jú₄ jniá₂?

¹⁶ Jaun₂ dsa₂ i₂jme₁'en₅₄ jme₂dsí₂ 'lin'₅₄ quió'₅, ca₂cuë₃ 'ñio₅ lín₃ ca₂cuë₃ ca₂le₃jín₃ dsa₂ 'éi₂, ca₂lia'₂ ca₂i₃lein₃ cuing₂₃ le₁cuáin'₃ qui₂le₁cuín'₂ në₃. ¹⁷ Jaun₂ ca₂le₃jín₃ dsa₂ judíos, quian'₅₄ dsa₂ griegos në₃, i₂jme₁tián'₄ juig₂ Efeso, ca₂rë₃gó'₅ 'ñio₅ lín₃ jme₁ca₂rë₃ñi₅. Jaun₂ ca₂rë₃juin'₂ Te₁gui'₅₄ Jesús 'ñio₅ lín₃.

* 19:13 griego: exorkiston (exorcistas).

¹⁸ Jaun₂ juin₅ dsa₂ i₂ca₂rē₃'én₂, ca₂dsi₃léin₂ ca₂jmo₃ qui₂ñí₃ quió'₅ ca₂le₃jě₃ a₂'lig'₅₄ a₂qui₂ma₂jmo₃. ¹⁹ Jaun₂ juin₅ dsa₂ i₂jme₁jmo₅ ta₁ a₂chan₂ dsí₅ ně₃, ca₂i₁quian₅₄ si₂ lia'₂ quió'₅, jaun₂ ca₂dsí'₂ tē₃ jág₅ dsa₂. Jme₁ca₂chen'₃ dsa₂ cuenta je₂liá'₂ dsin₅ 'i₄ 'ma'₅₄ le₃jě₃ si₂ jaun₂, ca₂dsióg₃ con'₂ tē₂láu₃-guiá₂ mei₅ 'éi'₃ cu₄ tiog₂. ²⁰ Jaun₂ ně₃, quian'₅₄ bí₂ quió'₅ Te₁gui'₅₄ caun₂ ca₂i₃'ág₃ jág₁ quió'₅, caun₂ ca₂lí'₃ bá₄.

²¹ Cang₂ jaun₂ ca₂'ág₂ Pa₄ caun₂ dsí₅ a₂dsi₃jág₂ le₂tan₅₄ juig₂ ja₁tén₄ 'uē₃ Macedonia quian'₅₄ Acaya, lia'₂ ma₂ñó₅ jaun₂ tē₂ Jerusalén. Ján₃ bá₄ ca₂juá'₂ táng₃, jē₁ma₂ca₂dsióg₃ Jerusalén, a₂tion₅₄ dsó₃ ca₂tē₂ Roma ján₃. ²² Jaun₂ ca₂chein₃ on₃ dsa₂ i₂jme₂'o₅₄† quiáin₅: Timoteo, quiaín'₅₄ Erasto, a₂dsi₃léin₂ jui₅ Macedonia. Ca₂rē₃'iin₅₄ bá₄ guē₄ 'ñiog₅, 'uē₃ Asia.

Ca₂nio₃ mi'₅₄ juig₂ Efeso

²³ Jmíg₄ jaun₂, 'ñio₅ lin₃ ca₂nio₃ mi'₅₄ o₄quió'₄ Jui₅ quió'₅ Te₁gui'₅₄. ²⁴ Ia₁ jan₂ dsa₂ i₂chen₂ Demetrio i₂jme₁lín₄ tē₅ñí₁ cu₄tiog₂, jme₁jmo₂₃ chéi₂ a₂rē₂lag₄ lia'₂ lē₅ guá'₅ ja₁chén'₄ 'io₅₄ diú₄ Diana.† 'Nio₅ jme₁tiin₂₃ cu₄ quian'₅₄ ta₁ jaun₂ quió'₅, quian'₅₄ tē₅ñí₁ riin'₅₄ i₂jmo₅ ta₁ le₂jaun₂. ²⁵ Jaun₂ Demetrio ně₃, ca₂ñíi'₂ 'éi₂ quian'₅₄ guē₄ dsa₂ sián'₂ i₂jmo₅ ta₁ le₂jaun₂ ján₃. Jaun₂ ca₂juá'₂:

—'Nia'₂ dsa₂ rin'₅₄ jniog₄, ñi'₅₄ bá₄ 'nia'₂ rē₂, a₂chong₂ jniog₄ dse₃ quian'₅₄ ta₁ quián₂. ²⁶ Jaun₂ jág'₂ bá₄ 'nia'₂ a₂jmo₅ Pa₄ ñi₂₃ juá'₂ tsí'₅ dsa₂, a₂tsá₃ 'e₂ quen₅ diú₄ i₂jmo'₂ dsa₂ mi₂güig₃, ia₁ tsá₃ lín₅ diú₄, juá'₂. Jaun₂ juin₅ dsa₂ i₂ma₂ca₂rē₃'én₂ ně₃, on₃juá'₅₄ jmá'₃ juig₂ Efeso la₂, mei'₂ tsá₃ le₂tan₅₄ 'uē₃ Asia bá₄. ²⁷ Jaun₂ go'₂ tē₂le₃ quián₂ jniog₄, ia₁ dsi₃'én₂ ta₁ quián₂ lé₂. Ján₃ guē'₂ le₂jaun₂, tē₂le₃ quió'₅ guá'₅ quió'₅ diú₄ Diana juin'₂, go'₂ a₂dsi₃'én₂ ján₃. Ia₁ ně₁juá'₂ tsá₃ ma₂'nio₃ dsa₂, jaun₂ dsi₃'én₂ bá₄ bí₂ quió'₅ a₂lín₅ dsa₂ juin'₂. Ia₁ rē₂ně₃ ta₁caun₂ 'uē₃ Asia, ta₁caun₂ mi₂güig₃ ně₃ jme₂go₃ dsa₂ a₂jme₂juag'₂.

²⁸ Jme₁ca₂dsan₃ nag₅ dsa₂ le₂nē₅, ca₂rē₃'néi₃ 'ñio₅ lin₃, ca₂tóin'₂ ca₂guió'₃ ca₂juá'₂:

—i'Nio₅ juin'₂ diú₄ Diana quián₅ dsa₂ juig₂ Efeso!

²⁹ Jaun₂ ca₂lě₃ mi'₅₄ quió'₅ ca₂le₃jín₃ dsa₂ juig₂ jaun₂. Jaun₂ le₃on₃ dsa₂ chan₂ Macedonia i₂chen₂ Gayo quiaín'₅₄ Aristarco i₂jme₁quian'₅₄ Pa₄, ca₂jñau'₃ ca₂i₃toin'₅₄ co₂dsia₅ ca₂tē₂ ja₁ñi'₂ Š dsa₂ juig₂. ³⁰ Jaun₂ jme₁'nio₃ Pa₄ jme₁dsó₃ jin₄ dsa₂ juig₂ a₂jme₁dsi₃chi'₅₄ dsa₂. La₁ tsá₃ ca₂cuē₃ jmig₄ riin'₅₄ i₂'én₂. ³¹ I₂lin₅₄ dsa₂ dsen₅₄ quián₅ 'uē₃ Asia, i₂lín₅ dsa₂ a₂mei₅₄ quián₅ Pa₄, ján₃

† 19:22 griego: diakonous. ‡ 19:24 griego: Artemis; (Diana chein₂ quian'₅₄ latín, jág₁ jmei₅ romano). Š 19:29 griego: theatron (co₂'nió'₄ caun₂ estadio a₂lě₅ dso'₂ dsi₂con'₂).

bá₄ ca₂chein₃ jág₁ a₂tsá₃ dsi₂ten₅₄ jua'₅₄ a₂dsi₃'í₂ Pa₄ ja₁jaun₂.
³² Tē₁lia'₂ jaun₂ ně₃ ja₁tion'₅₄ dsa₂ juig₂ le₁ñi'₂ tioin'₅₄ co₂mi'₅₄,
 lě₅ bá₄ qui₂juá'₂ jan₂-jan₂, tsá₃ caun₂ jág₁ 'ei₅, lě₅ guě₄ ca₂dsion₄
 dsa₂ jñia'₅₄ tsá₃ ñi₅ 'e₂ lě₃ le₁ñi'₂. ³³ La₁ jě₄ jaun₂ jme₁tion'₅₄ bá₄
 i₂lin₅₄ dsa₂ i₂ñi₅. Jaun₂ ca₂juá'₂ 'a₂lia'₂ lě₅ ca₂tsí'₃ jan₂ i₂chen₂ Ale-
 jandro i₂jme₁ca₂'lian'₃ dsa₂ judíos a₂ca₂dsióg₃ tē₂ne₄ dsa₂ juig₂.
 Jaun₂ ca₂jmo₃ Alejandro léi₄ quian'₅₄ gu₂ a₂jme₁mi₂₃ a₂jmo₃
 dsa₂ tei₄, ia₁ a₂jme₁'nio₃ juá'₂ jág₁ a₂jme₁tsí'₃ dsa₂ a₂jme₁lióin₂
 dsa₂ on₃ i₂ca₂jña'₃ dsa₂ 'éi₂. ³⁴ La₁ jme₁ca₂rě₃lí'₄ dsa₂ a₂lín₅
 Alejandro 'éi₂ jan₂ dsa₂ judío, jaun₂ ca₂tóin'₂ co₂mi'₅₄, con'₂ tin₃
 hora qui₂guió'₅ ca₂juá'₂:

—i'Nio₅ juin'₂ diú₄ Diana quián₅ dsa₂ juig₂ Efeso!

³⁵ Jaun₂ dsa₂ i₂lín₅ tē₅sí₃ quián₅ dsa₂ juig₂ jaun₂, ca₂tió'₃
 jme₁ca₂tió'₃, ca₂jmo₃ ca₂i₃lén₂ dsa₂ tei₄. Jaun₂ guě₄ ca₂juá'₂:

—'Nia'₂ dsa₂ chan₂ Efeso, ta₁caun₂ mi₂güig₃ bá₄ le₁ñi₅ dsa₂
 a₂ca₂tín₂ dsa₂ juig₂ Efeso jmo₃ 'í₁ guá'₅ quió'₅ diú₄ juin'₂ Diana,
 ton'₂ jmo₃ 'í₁ nió'₄ quió'₅ a₂ca₂sió₃ guei'₅₄ i₂juig₃. * ³⁶ 'I₁jan₂ jua'₅₄
 le₃juá'₂ a₂tsá₃ ñi₅. Jaun₂ tei₄ jmo₄ 'nia'₂, 'nio'₂ 'nia'₂ 'au'₂ dse₃
 né'₃ guě₄ a₂jmo'₂ 'e₂ jmo'₂. ³⁷ Ia₁ dsa₂ i₂ně₂chan'₂ 'nia'₂, tsá₃
 'ang₂₃ a₂ca₂tín₂ guá'₅, on₃ guě₄ 'iin₂₃ 'lig'₅₄ diú₄ quián₂ jniog₄.
³⁸ Chi₂jua'₂ 'nio₃ Demetrio mi₃ dso₄, quiaín'₅₄ ca₂le₃jín₃ i₂jmo₅
 ta₁ quiaín'₅₄, jaun₂ guě'₂ chan₂ dsi₂tan₅₄ ne₄ta₁ ja₁lé₂ dsi₃mi₃
 dso₄. ³⁹ La₁ ně₃jua'₂ a₂mi'₂ 'nia'₂ lě₅ caun₂ dso₄ juě'₂ guě₄ con'₂
 guě₄ a₂jaun₂, 'nió'₅ le₃rě₂ ne₄ dsi₂tan₅₄ jě₁ma₂le₁ñi'₂ dsa₂ juig₂.
⁴⁰ Ia₁ go'₂ quián₂ jniog₄ a₂jmo'₂ 'nia'₂ le₂ně₅, ně₁jua'₂ ca₂'nag₃
 dsa₂ a₂ñí₄ lě₃ 'niog₂ mi'₅₄, ju₁lia'₂ mi'₅₄ a₂ca₂lě₃ ně₃. Ia₁ ně₁jua'₂
 ca₂ñag₃ dsa₂ 'e₂ 'uig₅₄ ca₂lě₃ mi'₅₄ la₂, tsá₃ 'e₂ cha₂ le₃ñag₄.

⁴¹ Jme₁ma₂ca₂dsan₃ juá'₂ le₂ně₅, ca₂jme₃dsiain₂₃ bá₄ jág₁
 a₂le₁ñi'₂ dsa₂. Jaun₂ ca₂dsiain'₂ bá₄ dsa₂, qui₂ca₂i₃lein₃ quió'₅.

20

Ca₂ñó₃ Pablo 'uě₃ Macedonia quian'₅₄ Grecia

¹ Jme₁ca₂dsan₃ mi'₅₄ jaun₂, qui₂ca₂tě'₃ Pa₄ le₃jín₃ dsa₂ 'én₂,
 qui₂ca₂cuě'₃ bí₂. Jme₁ca₂lě₃ jaun₂, qui₂ca₂'ág'₃ jág₁ riin'₅₄.
 Jaun₂ guě₄ ca₂ñó₃ juí₅ Macedonia. ² Jaun₂ qui₂i₁jag₅₄ le₂tan₅₄
 juig₂ te₁'i₁ ja₁jaun₂. Quian'₅₄ jág₁ quió'₅ qui₂i₁cuě'₂ bí₂ riin'₅₄.
 Cang₂ guě₄ jaun₂ ca₂ñó₃ táng₃ juí₅ Grecia. ³ Ja₁jaun₂ ca₂'í₃
 'ni₅ tsi'₂. Jme₁ma₂'ein₅₄ juí₅ 'í₂ ni₁barco a₂dsó₃ juí₅ Siria,
 jme₁ca₂rě₃ñi₅ a₂ma₂jmo₅ dsa₂ judíos caun₂ jág₁ a₂tsáun'₂. Jaun₂
 co₂ñei'₅₄ tsá₃ ma₃ca₂ñái'₃ juí₅ jaun₂. Ca₂ñái'₃ bá₄ táng₃ juí₅ 'uě₃
 ca₂ñí₃ Macedonia. ⁴ Jaun₂ ca₂jme₃quiong'₅₄ dsa₂ le₂'i₄ juí₅

* 19:35 A₂lin₅₄ chog₅₄ si₂: "a₂ca₂sió₃ ja₁con₂ diú₄ Júpiter."

i₂chen₂ Sópater ja₁ñi'₅₄ Pirro,* i₂chan₂ Berea, Aristarco quian'₅₄ Segundo i₂chan₂ Tesalónica, Gayo i₂chan₂ Derbe; Timoteo, Tíquico quian'₅₄ Trófimo ně₃ i₂chan₂ juig₂ gu'₂ ja₁tén₄ 'uě₃ Asia.
⁵ Jaun₂ ně₃, rin'₅₄ jniog₄ 'éi₂ ca₂i₃jñiái₄ ca₂i₁jñiog₁₂ juig₂ Troas.
⁶ Cang₂ jme₁ca₂gú'₃ jmi₄ a₂guě'₅ dsa₂ i₁ñi'₄ a₂tsá₃ levadura quian'₅₄, jaun₂ ca₂tió'₄ jnia'₅₄ ni₁barco ca₂'uag₂ Filipos. A₂'ñiá₂ jmi₄ jaun₂, ca₂join₃ jnia'₅₄ juig₂ Troas. Ja₁jaun₂ ca₂jñia₄ jnia'₅₄ guio₃ jmi₄.

'En₅₄ Pablo juig₂ Troas

⁷ Jmi₄ jē₁le₂'uig₅₄ semana, ca₂ñag'₂ jnia'₅₄ a₂ca₂dsiό'₄ i₁ñi'₄. Jaun₂ tē₃jē₄ jaun₂ ca₂jme₃tag₅ Pa₄ ca₂jme₃tiin₂₃ dsa₂. Caun₂ ca₂ton₃ jág₁ ca₂lia'₂ ca₂tē₂ dsi₃nei₅, ia₁ a₂ma₂'ein₅₄ jui₅ dsáin'₃ jē₁ma₂jnia₃ jaun₂.
⁸ Jme₁tio'₅₄ jnia'₅₄ le₁ñag'₂ caun₂ dsi₂néi₂ ja₁lē₄ guei'₅₄. 'Lióng₂ tsí₅ jme₁le₁'ág₄ le₁guí'₂ si₂.
⁹ Jan₂ guē'₂ dsó₂ jme₁guá₄ caun₂ o₄'né₄ tau₂ quei₂ i₂jme₁chen₂ Eutico. Ia₁ a₂ñi₄ lē₃ uē₂ qui₂ca₂dsia₃ Pa₄ jág₁, jaun₂ tsá₃ ma₃ca₂tió'₃ 'éi₂ a₂i₁güin₃. Jme₁ma₂rē₂güin₃ tsá₃ ma₃lí'₄ jme₁ca₂táin'₂ ca₂tē₂ ja₁lē₄ 'ni₅ juin₃ guei'₅₄. Ma₂join₂₃ jme₁ca₂i₁cho'₄ dsa₂.
¹⁰ Jaun₂ ca₂sión₃ Pa₄ ján₃, ca₂jñai'₃ 'lag₄ ca₂quilog₂ ne₄ quió'₅, jaun₂ ca₂juá'₂ ca₂tsí'₃ riin'₅₄:
 —Tsá₃ lē₁jmo₂ 'nia'₂ gang'₃, ia₁ 'i₄ bá₄ jme₂dsi₂ quió'₅ chí'₂.

¹¹ Jaun₂ ně₃ ca₂uig₂ táng₃ Pa₄ guei'₅₄. Jaun₂ ca₂dsiό'₃ i₁ñi'₄, ca₂guě'₃ bá₄ jaun₂ ně₃. Caun₂ ca₂dsia₃ bá₄ guě₄ Pa₄ jág₁ ca₂lia'₂ ca₂jnia₃. Ca₂ñái'₃ bá₄ jaun₂ ně₃.
¹² La₁ dsó₂ 'éi₂ ně₃, jéin'₃ bá₄ ca₂tág₃ dsa₂, jmo₅ dsa₂ 'io'₂ ca₂le₃jñin₃.

Ca₂'uin₂ dsa₂ Troas, ca₂i₃lén₂ táng₃ jui₅ Mileto

¹³ Ca₂i₃jñiό₄ bá₄ jnia'₅₄ i₂náu₅ quian'₅₄ ni₁barco ca₂tē₂ Asón ca₂i₁te₁ Pa₄, ia₁ jme₁ma₂lē₅ jág₁ a₂'nio₃ dsó₃ 'ñiog₅ jui₅ tag₅₄.
¹⁴ Jme₁ca₂rē₃quian'₅₄ jnia'₅₄ juig₂ Asón, ca₂'í₃ ni₁barco quian'₅₄ jnia'₅₄ a₂ca₂i₃náu₅ jui₅ Mitilene.
¹⁵ Ca₂'uag₂ jnia'₅₄ ja₁jaun₂. Jme₁jnia₃ jaun₂, ca₂ñag₅₄ cau₅ ja₁tē'₂ dsa₂ Quío, (a₂niog₅ jē₄ jmi₁ñi'₄). Caun₂ jmi₄ cang₂ jaun₂, ca₂dsi₃náu₅ jnia'₅₄ 'o₄ jmi₁ñi'₄ ja₁chei₂ Samos. [Jaun₂ ca₂jñia₁ jnia'₅₄ juig₂ Trogilio].† Jme₁jnia₃ jaun₂ guě₄ ca₂dsi₃náu₅ jnia'₅₄ tē₂ juig₂ Mileto.
¹⁶ Jaun₂ le₂nē₅ ca₂lē₃, ia₁ tsá₃ 'nio₃ Pa₄ 'í₂ uē₂ 'uě₃ Asia, tsá₃ ma₃ca₂ñei₅₄ jui₅ Efeso. Ia₁ 'nio₃ dsáin'₄ ñi'₅₄ ta₁ jui₅ Jerusalén, a₂'nio₃ ñi₅ ja₁jaun₂ Jmi₄ Tē₂láu₃-guiá₂ ně₁juá'₂ ca₂lē₃.

Ca₂ton₃ Pablo jág₁ jñ₄ dsa₂ can'₅₄ quián₅ riin'₅₄ chan₂ Efeso

¹⁷ 'En₅₄ Pa₄ juig₂ Mileto, jaun₂ ca₂ñí'₂ ca₂le₃jñin₃ dsi₂gui'₅₄ can'₅₄ quián₅ riin'₅₄ i₂chan₂ Efeso.
¹⁸ Jme₁ca₂dsi₃lén₂ dsa₂, jaun₂ ca₂juá'₂ Pa₄:

* 20:4 A₂lin₅₄ chog₅₄ si₂ tsá₃ chí₁ton₅ "ja₁ñi'₅₄ Pirro." † 20:15 A₂lin₅₄ chog₅₄ si₂ tsá₃ le₁ton₅ jág₁ ně₅.

—Ŋi'⁵⁴ bá⁴ 'nia'² 'a² lia'² ma²jmo³ jniá² ca²le³ guang³ le²'uig⁵⁴ 'uë³ Asia. ¹⁹ Ca²le³jě³ jmig⁴ bá⁴ lia'² con'² ca²'ú³ jin'⁴ 'nia'², ca²jme¹t¹² ta¹ ne⁴ Te¹gui'⁵⁴. Tsá³ ca²jme¹juing'² 'ñi³. Tsá³ caun² ca²i³ñig² 'uig⁵⁴ ca²le³jě³ a²jme¹'nio³ dsa² judíos jme¹jmóg'². ²⁰ La¹ on³jua'⁵⁴ jaun² tsá³ ma³ca²jme¹t¹⁵ jniá² 'nia'² a²dse³ quián'² 'nia'², ca²i¹'ě⁴ jin⁴ dsa², ca²neg⁵⁴ tē² dsi²néi² quián'² 'nia'² ně³. ²¹ Lia'² dsa² lín⁵ judíos lia'² dsa² griegos ně³, qui²ma²juíg² jniá² a²'nió'⁵ jme³tsín³ dsa² dsi⁵ ne⁴ Diú⁴, a²le³'éin² tē²le³ quió'⁵ Te¹gui'⁵⁴ Jesucristo quián² jniog⁴. ²² Jaun² ně³, ma²'eng⁵⁴ jui⁵ nei⁵⁴ jui⁵ Jerusalén, ia¹ chi²quióng² jmig⁴ Jme²dsí² quián⁵ Diú⁴. Tsá³ a²jaun² guion⁵⁴ 'e² dsi³ñig² ja¹jaun². ²³ Jnia'⁵⁴ lia'² jaun² bá⁴ guion⁵⁴, ia¹ le²caun² le²caun² juíg² ja¹ma²neg⁵⁴, ma²'ě² jág¹ Jme²dsí² Jñi³ a²i¹ñag¹² uig⁵, a²to'² dsa² 'né⁵ 'má³ ně³. ²⁴ La¹ tsá³ a²jaun² 'i⁵ dsi³ jniá², o¹jnia'⁵⁴ ca²quín² 'mú³ quió³, ia¹jaun² bá⁴ le³tei⁵⁴ jniá² ta¹ a²ma²chei'³ Te¹gui'⁵⁴ Jesús a²jmo⁵⁴, a²jme¹ting⁵ dsa² jág¹ dse³ a²'ua¹ dsi⁵ Diú⁴.

²⁵ 'Jaun² ně³ dsón'² lín² jniá², 'nia'² rin'⁵⁴ jniog⁴ i²ma²nei'² jág¹ a²ma²qui²ma²'ě³ jniá² ñi²³, o¹líg'² jmig⁴ tsá³ ma³jag'⁵⁴ 'nia'² jniá² táng³. ²⁶ Jaun² lě³ juíg² jniá² 'nia'² tsá³ ma³'e² rē²cán'⁴ jniá² ja¹con² ca²le³jín³ dsa², ²⁷ ia¹ ma²ca²juíg² bá⁴ jniá² 'nia'² lia'² con'² lě⁵ dsi²jio⁵ dsi⁵ Diú⁴ jmo³, tsá³ 'e² ca²'ma³ jniá² ja¹con'² 'nia'². ²⁸ Jaun² ně³, jmo⁴ 'nia'² 'í¹ guiong'⁵⁴, jmo⁴ 'í¹ ca²le³jín³ dsa² ring'² i²én² ně³. Ia¹ o⁴gog'² 'nia'² bá⁴ ma²dsiog³ Jme²dsí² Jñi³ a²jmo'² 'í¹ dsa² i²lín⁵ guá'⁵ quián⁵ Diú⁴ i²'lian'⁵⁴ tē²le³ quian'⁵⁴ jmi² 'an⁵⁴ 'ñiog⁵ ja¹ñi'⁵⁴. ²⁹ Guion⁴ bá⁴ jniá² a²ja¹lén² dsa² sián'² jē¹ma²ñág'⁵, a²'nio³ 'éin² 'nia'² ca²le³jíng'³, a²jmo³ jui¹lia'² jmo⁵ dsi²ji'⁵⁴ náu² tsau² dsi⁵, jme²dsiain²³ jui¹lia'² já'² cha'². ³⁰ Náú³ jē⁴ quián'² 'nia'² guiong'⁵⁴ dsa² i²jme³tag⁵ le³jen⁵ ia¹jaun² 'ein³ jui⁵ quió'⁵ 'éi² jui¹lia'² dsa² i²ma²'én² jág¹ dse³. ³¹ Jaun² rē²ján'¹ 'nia'², dsá² 'au'² 'nia'² jmo⁴, ia¹ 'ni⁵ ñi² ca²dsin³ ca²cuě³ 'nia'² jág¹ lia'² 'uē²-jmi², ca²le³jě³ ca²'o³.

³² 'Jaun² ně³ rin'⁵⁴ jniog⁴, dsián⁴ jniá² 'nia'² o⁴gú³ Diú⁴, ne⁴ jág¹ dse³ quió'⁵ a²'ua¹ dsi⁵, a²lé² jmo³ a²'uan'² 'nia'², a²lé² jmo³ a²tín'⁵⁴ 'nia'² a²dse³ a²cha² quió'⁵, jui¹lia'² a²tín⁵⁴ ca²le³jín³ dsa² i²lě⁵ 'í¹ quiáin⁵. ³³ Tsá³ 'e² ma²ca²rē³'ín² dsi³ a²jmo⁵⁴ quió³, jui¹lia'² a²cha² quió'⁵ i²sián'², on³ guē'² cu⁴nióg⁴, on³ guē'² cu⁴tio², on³ guē'² tsín⁵⁴ ně³. ³⁴ Ŋi'⁵⁴ bá⁴ 'nia'² rē², tē²le³ ma²jmo³ bá⁴ ta¹ 'ñi³ quian'⁵⁴ gu²-tag³ ma²'no³ a²'nió'⁵ dsi³ñig² quian'⁵⁴ i²quiang'⁵⁴. ³⁵ Ca²le³o³ jmig⁴ bá⁴ ma²'ě³ 'nia'² 'a² lia'² 'nió'⁵ jmo³ dsa² ta¹, a²'nió'⁵ jme³on⁵⁴ dsa² dsa² i²'nió'⁵ quió'⁵. Dsá² 'au'² 'nia'² jmo⁴

† 20:28 griego: (ma²chei'³ Jme²dsí² Jñi³ a²lén'² 'nia'²) epískopos (dsa² i²con² 'í¹).

jág₁ quió'₅ Te₁gui'₅₄ Jesús, jme₁ca₂juá'₂: “Ja₂lin₃ gué₄ dse₃ 'ei₅ dsí₅ dsa₂ i₂cué₅, con'₂ gué₄ dsa₂ i₂gue₅.”

³⁶ Jme₁ca₂dsan₃ juá'₂ Pa₄ le₂nē₅, ca₂chi₃jiné₃ quiaín'₅₄ ca₂le₃jín₃ dsa₂, ca₂chi₃lén'₂ Diú₄. ³⁷ Ca₂le₃jín₃ qui₂ca₂'o₃, qui₂ca₂jñai'₃ Pa₄, ca₂chen'₃ quió'₅. ³⁸ La₁ ja₂lin₃ gué₄ 'lia'₂ dsí₅ dsa₂ ca₂tóin'₂ jme₁ca₂juá'₂ Pa₄, ca₂lia'₂ o₁líg'₂ jmíg₄ tsá₃ ma₃jín₂ gué₄ riin'₅₄. Jaun₂ ca₂jme₃quiong'₅₄ dsa₂, ca₂i₁join₅₄ Pa₄ tē₂ ja₁'ei₅ ni₁barco.

21

Ca₂ñá'₃ Pa₄ jui₅ Jerusalén

¹ Jme₁ca₂tén'₂ dsí₅ jnia'₅₄ dsa₂ rin'₅₄, jaun₂ ca₂i₃náu₅ jui₅ ne₄ jmi₁ñí'₄ co₂dsau₅ tē₂ Cos (a₂niog₅ jē₄ jmi₁ñí'₄). Jme₁jnia₃ jaun₂ táng₃, ca₂ñag₅₄ ja₁chei₂ Rodas, jaun₂ gué₄ dsí₃náu₅ jnia'₅₄ juig₂ Pátara. ² Juig₂ Pátara jaun₂, cane₅₄ táng₃ jnia'₅₄ caun₂ ni₁barco a₂ñó₃ jui₅ 'uē₃ Fenicia, jaun₂ ca₂tió'₄ jnia'₅₄, ca₂i₃náu₅ táng₃. ³ Jaun₂ ca₂ñag₅₄ jnia'₅₄ ja₁jniá₂ Chipre tē₂le₃ gu₂ jen₅, jaun₂ ca₂i₃náu₅ jnia'₅₄ tē₂ Siria. Jaun₂ ca₂dsióg₃ ni₁barco juig₂ Tiro, ia₁ i₁con₂ lio₅₄ ja₁jaun₂. Jaun₂ ca₂sió₄ jnia'₅₄ ja₁jaun₂. ⁴ Jaun₂ ca₂jen'₂ jnia'₅₄ dsa₂ 'én₂ rin'₅₄ tián'₅ ja₁jaun₂. Jaun₂ ca₂tió'₄ jnia'₅₄ guio₃ jmíg₄ quiaín'₅₄. Dsa₂ 'éi₂ nē₃, ca₂'ē₂ jág₁ a₂ca₂cué₃ Jme₁dsí₂ Jñió₅, ca₂tsí'₃ Pa₄ a₂tsá₃ dsi₂ten₅₄ dsó₃ jui₅ Jerusalén. ⁵ Jme₁ca₂dsin₃ guio₃ jmíg₄ tio'₅₄ jnia'₅₄ jaun₂, jaun₂ ca₂'uag₂ táng₃. Jaun₂ ca₂le₃jín₃ dsa₂ i₂'én₂, quiaín'₅₄ 'io₅₄ quiaín₅, chi'₂ quiaín₅ nē₃, ca₂jme₃quiong'₅₄ tē₂ 'ni'₂ juig₂, ca₂i₁jo₅₄ tē₂ chei'₅₄ jmi₁ñí'₄. Ja₁jaun₂ ca₂chi₁jne₁ jnia'₅₄ ca₂le₃jág₃, ca₂chi₁len'₄ jnia'₅₄ Diú₄. ⁶ Jaun₂ qui₂ca₂chan'₅₄ jnia'₅₄ rin'₅₄ ca₂'ei'₅₄ jág₁. Jaun₂ gué₄ ca₂uig₅₄ jnia'₅₄ 'ñi₃ ni₁barco. 'Éi₂ nē₃ ca₂i₃lein₃ bá₄ quió'₅.

⁷ Jme₁ca₂'uag₂ jnia'₅₄ juig₂ Tiro, ca₂i₃náu₅ jui₅ ne₄ jmi₁ñí'₄ a₂ca₂i₃náu₅ jui₅ Tolemaida. Ca₂cuin₅₄ jnia'₅₄ Diú₄ rin'₅₄ i₂tián'₅ ja₁jaun₂, ca₂jñia₄ jnia'₅₄ co₂jmíg₄ quiaín'₅₄. ⁸ Jme₁jnia₃ jaun₂, ca₂le₃jág₃ con'₂ i₂quian'₅₄ Pa₄ ca₂'uag₂ ja₁jaun₂, ca₂dsi₃náu₅ juig₂ Cesarea. Ja₁jaun₂ ca₂i₁náu₄ jnia'₅₄ ja₁quió'₄ Felipe i₂'ē₂ jág₁ dse₃, i₂lín₅ jan₂ rin'₅₄ dsa₂ guion₃ i₂jme₂'o₅₄ ^{*}i₂ca₂quión'₂ dsa₂ le₂jñiá₅. ⁹ Felipe 'éi₂ jme₁chan₂ quén₂ ja₁míg₄ on₃jua'₅₄ i₂ma₂jen'₂ gu₂. 'Io₅₄ quén₂ 'éi₂ jme₁'ē₂₃ 'ē'₅ dsa₂ jág₁ a₂cué₅ Diú₄. ¹⁰ Ma₂ne₁ñó₄ ca₂la₂jmíg₄ tio'₅₄ jnia'₅₄ jme₁ca₂dsióg₃ jan₂ dsa₂ i₂tē'₂ dsa₂ Agabo, i₂'ē₂ jág₁ a₂cué₅ Diú₄, a₂ca₂O₃jag₅₄ jnia'₅₄. ¹¹ Jaun₂ jme₁ca₂guan₃ 'éi₂ nē₃, ca₂can₃ lau₂ jén'₅ tú'₅ Pa₄, jaun₂ qui₂ca₂'néi₂ mi₂tag₅₄ 'ñiog₅ quian'₅₄ mi₂gu₂ nē₃. Jaun₂ ca₂juá'₂:

* 21:8 dsa₂ guion₃ i₂jme₂'o₅₄: 'Nio'₂ ja₁ton₅ Hechos 6:1-7; Filipenses 1:1.

—Le₂la₂ juá'₂ Jme₂dsí₂ Jñi₀₅: “Le₂la₂ jmo₃ dsa₂ judíos jë₄ juig₂ Jerusalén jmái'₂ dsa₂ i₂quió'₅ ni₁lau₂ la₂, jaun₂ jáng'₂ o₄gú₃ dsi₂nau₂.”

¹² Jme₁ca₂néi₁ jnia'₅₄ le₂në₅, jaun₂ ca₂mí₁ jnia'₅₄ quian'₅₄ dsa₂ chan₂ Cesarea ca₂chei₅₄ Pa₄ a₂tsá₃ ma₃dsó₃ Jerusalén. ¹³ La₁ jaun₂ ca₂jag₃ Pa₄:

—¿'E₂ lë₃ qui'₂'au'₂ 'nia'₂, jmo'₂ 'nia'₂ 'ag₅ 'lia'₂ dsi₃? Ia₁ ma₂rë₂ján₁ bá₄ jniá₂, on₃jua'₅₄ jmá'₃ ca₂ne₅₄ a₂'nei₃ dsa₂. Ján₃ bá₄ ma₂'ei₅ caun₂ dsi₃ a₂jóng₂, jñag'₃ dsa₂ juig₂ Jerusalén, o₄quió'₄ Te₁gui'₅₄ Jesús.

¹⁴ Ia₁ tsá₃ jág₁ ca₂can₃ Pa₄ a₂ca₂chei₅₄ jnia'₅₄ a₂tsá₃ dsó₃, jaun₂ ca₂jmó₁ jnia'₅₄ tei₄ jme₁ma₂në₂jua'₅₄:

—Jui₁le₅₄ bá₄ a₂'ñio₂ dsí₅ Te₁gui'₅₄ jaun₂.

¹⁵ Cang₂ jaun₂ ca₂jmó₁ jnia'₅₄ co₂jñia₅₄ quián₂, ca₂tió'₄ jui₅ i₃náu₅ jui₅ Jerusalén. ¹⁶ I₂lin₅₄ dsa₂ 'én₂ i₂chan₂ Cesarea ca₂jme₃quiong'₅₄. Jë₄ jaun₂ ñó₃ jan₂ dsa₂ i₂chen₂ Mnasón i₂chan₂ Chipre. Ma₂líg'₂ bá₄ ma₂já₅ dsa₂ 'éi₂ a₂lín₅ dsa₂ i₂'én₂. Ja₁quió'₄ 'éi₂ ca₂l₁jñia₄ jnia'₅₄ Jerusalén.

Ca₂i₁jñi₁ Pa₄ Jacobo

¹⁷ Jme₁ca₂dsi₃náu₅ jnia'₅₄ juig₂ Jerusalén, jaun₂ rin'₅₄ i₂tián'₅ ja₁jaun₂ ca₂guei₃ ca₂lia'₂ 'io'₂ jén'₅. ¹⁸ Jme₁jñia₃ jaun₂, ñó₃ Pa₄ quiaín'₅₄ jnia'₅₄ a₂ca₂i₁jñi₁ jnia'₅₄ Jacobo. Ja₁quió'₄ 'éi₂ jme₁tion'₅₄ jin₂ gui'₅₄ can'₅₄.† ¹⁹ Jaun₂ qui₂ca₂cuag₃ Pa₄ Diú₄. Jaun₂ ca₂dsia₃ Pa₄ ca₂le₃jě₃ 'e₂ a₂ma₂jmo₃ Diú₄ jin₄ dsi₂nau₂ tē₂le₃ quian'₅₄ 'éi₂. ²⁰ Jme₁ca₂nág₂ dsa₂ jág₁, jaun₂ ca₂jme₃juin'₂ Diú₄. Jaun₂ ca₂juá'₂ ca₂tsí'₃ Pa₄:

—Dse₃ jaun₂ rin'₅₄ jniog₄, la₁ ñi'₅₄ bá₄ 'ne₂, tē₂le₃ mei₅ bá₄ dsa₂ judíos i₂ma₂'én₂. Ca₂le₃jín₃ 'éi₂ nē₃, dsen₅₄ dsí₅ le₃quió'₅ 'Éi'₃ Juá'₅. ²¹ Jaun₂ ma₂juá'₂ dsa₂ a₂ñi'₂ 'ne₂ jme₂ting'₁ dsa₂ judíos i₂tián'₅ go₄ dsi₂nau₂, a₂tsá₃ ma₃tón'₂ jui₅, tsá₃ ma₃jme₃ti₃ 'éi'₃ ca₂jmo₃ Moisés, a₂tsá₃ ma₃ti₃ dsa₂ ni₁lo₁ chí'₂ dsa₂ ñe'₂ quiaín₅, on₃ guē'₂ jmo₃ ju₁lia'₂ tag₄ chí'₅ quiaán₂ jniog₄. ²² ¿'E₂ lé₂ nē₃? Ia₁ tion₅₄ ja₃lén₂ dsa₂ a₂ñi'₂ jë₂ma₂ca₂rë₃ñi₅ a₂'eng'₅₄ ja₁lá₃.‡ ²³ Co₂ñei'₅₄ guē₄ dse₃ jmó'₂ a₂jua'₅₄ jnia'₅₄ la₂: Chan₂ jë₄ la₂ quiaán₂ jnia'₅₄ quén₂ dsa₂ i₂tion₅₄ niog₅ jme₃ti₃ caun₂ jág₁ quió'₅ a₂ma₂cuē'₃ Diú₄. ²⁴ Jñia₅ ju₁dsi₂lén₂ quian'₅₄ 'ne₂, jmo₄ le₁jě₃ quiang'₂ quiaín'₅₄. Jaun₂ 'ne₂ bá₄ qui'₅₄ 'lia'₅₄ ia₁jaun₂ ma₂lé₂ jme₃ti₃ a₂chéi₃ jñi₂ dsi₅₄, ia₁jaun₂ ca₂le₃jín₃ bá₄ dsa₂ le₃lí'₄ a₂tsá₃ dsau₅ jág₁ a₂dsia₅ dsa₂ a₂'iin₂₃ 'ne₂. Jaun₂ le₃ñi₅ dsa₂ a₂jme₂tí'₅₄ bá₄ 'ne₂ ján₃ con'₂ lë₅ 'Éi'₃ Juá'₅ quió'₅ Moisés.Š ²⁵ La₁ ma₂ca₂chen₅₄ bá₄ jnia'₅₄ si₂ ne₄ dsi₂nau₂, a₂ca₂chei₅₄ jnia'₅₄ a₂tsá₃ lin₄ jmo₃ o₂i₁ dsi₅

† 21:18 griego: presbíteros. ‡ 21:22 A₂lin₅₄ chog₅₄ si₂: “Ia₁ tion₅₄ bá₄ le₃ñi₅ dsa₂ a₂'eng'₅₄ ja₁lá₃.” Š 21:24 'Í₂ Números 6. 'Nio'₂ ja₁ton₅ Hechos 18:18.

quian'⁵⁴ 'Éi'³ Juá'⁵, * a₂jñia'⁵⁴ lia'² tsá₃ quíg'³ ñi₄ já'² i₂ma₂cuin₃
 dsa₂ diú₄ lag₄, on₃ guë'² guë'³ jmi₂, on₃ guë'² ñi₄ já'² i₂güí'³ dsa₂
 dsi₂lag₄, tsá₃ nió'³ jág₁ quian'⁵⁴ dsa₂ i₂tsá₃ lín₅ dsi₂i₂gu₂ ně₃.

Ca₂jña'³ dsa₂ Pa₄ i₁dsi₅ guá'⁵ templo

²⁶ Jaun₂ ca₂jñia₃ bá₄ Pa₄ dsa₂ quén₂ 'éi₂. Jme₁jñia₃ jaun₂
 ně₃, Pa₄ quiaín'⁵⁴ dsa₂ quén₂ 'éi₂ ca₂jmo₃ le₁jě₃ quió'⁵. Jaun₂
 ca₂'i₃ i₁dsi₅ guá'⁵ templo ca₂i₁'ě₄ jág₁ i₂líg'² dsian₅ ta₁guio₃ jmi₂g₄
 a₂jmo₂₃ le₁jě₃ quió'⁵, jē₁ma₂tě₂ rē₁dsín'² dsa₂ já'² ne₄ ne₄chei₂
 o₄quió'⁴ le₂jain₂ le₂jain₂.†

²⁷ La₁ jme₁ja₂quián₃ dsin'⁵⁴ ta₁guio₃ jmi₂g₄ jaun₂, jan₂-on₃
 dsa₂ judíos i₂chan₂ 'uě₃ Asia ca₂o₃lén₂, jaun₂ ca₂jñin₂ Pa₄ i₁dsi₅
 guá'⁵. I₂'éi₂ ca₂jmo₃ ca₂tón'² dsa₂ co₂mí'⁵⁴, jaun₂ ca₂jña'³ dsa₂ Pa₄.

²⁸ Jaun₂ qui₂ca₂tóin'² ca₂guío'³ ca₂juá'²:

—i'Nia'² dsa₂ juig₂ Israel, jme₁'o₁ jñia'⁵⁴! I₂la₂ bá₄ dsa₂
 i₂ñi₄ lě₃ ñi₅ ca₂le₃jě₃ juig₂ jme₂tiin₂₃ dsa₂ jág₁ 'lig'⁵⁴ ja₁con₂
 juig₂ go₄ jniog₄, a₂jme₂tiin₂₃ dsa₂ a₂tsá₃ jme₃ti₃ dsa₂ 'Éi'³ Juá'⁵
 quió'⁵ Moisés, a₂tsá₃ 'e₂ quen₅ guá'⁵ templo la₂ quián₂ jniog₄.
 Ně₃ ně₃, ma₂ně₂tióin'² i₂lín₅₄ dsa₂ griegos i₁dsi₅ guá'⁵ templo,
 a₂ma₂ně₂jme₂'ióg₃ ja₁jñiós₅ la₂.

²⁹ Juá'² le₂ně₅, ia₁ ma₂jág₂ dsa₂ le₂jñiá₅ ma₂jñin₂ Trófimo
 i₂chan₂ Efeso a₂i₂ñi₅₄ quiaín'⁵⁴ Pa₄ jē₄ juig₂ Jerusalén, jaun₂ lín₂
 a₂ma₂jñia₃ Pa₄ 'éi₂ i₁dsi₅ guá'⁵.

³⁰ Ta₁caun₂ juig₂ ca₂tón'² dsa₂ co₂mí'⁵⁴, jaun₂ ca₂o₃lén₂ dsa₂
 co₂chi'⁵⁴. Jaun₂ ca₂jña'³ dsa₂ Pa₄ qui₂ca₂tsag'² tē₂le₃ ca₁'né₄
 i₁dsi₅ guá'⁵, jaun₂ ca₂jnéi₃ dsa₂ dsi₂jui₅ o₄'né₄. ³¹ Jme₁ma₂'nio₃
 jme₁jñi₃ bá₄ Pa₄ jme₁ca₂dsióg₃ jág₁ ca₂rě₃ñi₅ juig₅₄ 'lióg₂
 dsen₅₄, ca₂le₃jín₃ bá₄ dsa₂ juig₂ Jerusalén tióin'⁵⁴ co₂mí'⁵⁴.

³² Dsi₂jui₅ jaun₂ ca₂ñi₃'² juig₅₄ 'lióg₂ quian'⁵⁴ ca₂le₃jín₃ 'lióg₂
 quiaín₅, ca₂i₃lén₂ co₂'ei₅ ja₁tion'⁵⁴ dsa₂ co₂mí'⁵⁴. Jaun₂ dsi₂jui₅
 jme₁ca₂jág₃ dsa₂ dsi₃lén₂ 'lióg₂ quiaín'⁵⁴ juig₅₄ 'lióg₂ dsen₅₄, jaun₂
 ca₂téin₂ bá₄ Pa₄, ia₁ jme₁tióin'⁵⁴ cuě₂₃. ³³ Jaun₂ jme₁ca₂dsióg₃
 juig₅₄ 'lióg₂ dsen₅₄, ca₂jñai'³ Pa₄ ca₂jmo₃ 'éi'³ ca₂'néi₂ 'lióg₂

quian'⁵⁴ tin₃ ñi₁ cadenas. Jaun₂ guě₄ ca₂ñi₃'³ dsa₂ 'ein₂ 'éi₂ Pa₄,
 'e₂ ca₂jmo₃. ³⁴ Jaun₂ jma₃quén₅ qui₂ca₂guío'³ dsa₂ juig₂ le₂jain₂
 le₂jain₂. Ca₂lia'² jñia'⁵⁴ tsá₃ ca₂ñi'² juig₅₄ 'lióg₂, ia₁ a₂ñi₄ chí'⁵
 co₂mí'⁵⁴. Jaun₂ ca₂jmo₃ 'éi'³ ca₂tág₃ dsa₂ Pa₄ jui₅ 'né₅ ja₁tion'⁵⁴
 'lióg₂. ³⁵ Jme₁ja₂quián₃ dsi₁len₃ dsa₂ ja₁lě₄ ni₁ta₅ 'né₅ ja₁tion'⁵⁴

'lióg₂, jaun₂ ca₂jio₃ 'lióg₂ ca₂jñiai₃ Pa₄ jui₅ guei'⁵⁴ ia₁ a₂ñi₄ 'ñio₅
 lín₃ 'ne₂ dsa₂ juig₂. ³⁶ Ia₁ ca₂le₃jín₃ bá₄ dsa₂ juig₂ jme₁ja₂lén₂
 chi₁co'⁵⁴ qui₂guío'⁵ qui₂juá'²:

* 21:25 A₂lín₅₄ chog₅₄ si₂ tsá₃ chi₁ton₅ “a₂tsá₃ lín₄ jmo₃ o₂i₁ dsi₅ quian'⁵⁴ 'Éi'³ Juá'⁵.”

† 21:26 'Í₂ Números 6.

—[Jui₁jon₅₄ i₂ně₅!

Ca₂ton₃ Pa₄ jág₁ a₂lióin₂ 'ηiog₅ ne₄ dsa₂ juig₂

³⁷ Jě₁jme₁ma₂to₂ 'lióg₂ toin₂ Pa₄ dsi₂néi₂ ne₄ta₁ quió₅, jaun₂ ca₂juá₂ Pa₄ ca₂tsí₃ juig₅₄ 'lióg₂ dsen₅₄:

—¿Lé₂ le₃juá₄ jniá₂ ca₂jon₄ jág₁?

Jaun₂ ca₂ηag₃ juig₅₄ 'lióg₂:

—¿Tin₂ 'ne₂ dsiá₁ jág₁ jmei₅ griego? ³⁸ Jaun₂, ¿on₃jua₅₄ 'ne₂ líng₅ dsa₂ egipcio i₂ca₂jmo₃ mi₅₄ qui₂ca₂tsi₂jain₃ dsa₂ ma₂i₁jáun₃, ca₂'uín₂ quén₂ mei₅ dsa₂ i₂ma₂ca₂jme₃dsian₅ dsa₂ jui₅ 'uē₃ quein₂?

³⁹ Jaun₂ ca₂juá₂ táng₃ Pa₄:

—Dsa₂ judío bá₄ lín₅ jniá₂, i₂chan₂ juig₂ Tarso, caun₂ juig₂ dsen₅₄ tén₅ 'uē₃ Cilicia. La₁ jmo₄ dse₃ 'au₂ cuē₁ jmig₄ a₂juig₅₄ jniá₂ dsa₂ juig₂ jág₁.

⁴⁰ Ca₂cuē₃ bá₄ jmig₄ jaun₂ ně₃. Jaun₂ ca₂nau₂ Pa₄ ne₄ ni₁ta₅ jaun₂. Jaun₂ ca₂jmo₃ léi₄ quian₅₄ gu₂ ca₂tsí₃ dsa₂ a₂jmo₃ tei₄. Jme₁ma₂chí₅ tei₄, jaun₂ ca₂jme₃lióg₃ ca₂juá₂ jág₁ quian₅₄ jág₁ jmei₅ hebreo,† ca₂tsí₃ dsa₂:

22

¹ —'Nia₂ dsa₂ go₂ rin₅₄ jniog₄, gui₅₄ can₅₄ ně₃, nei₂ de₂ 'nia₂ a₂juá₄ jniá₂ juig₅₄ 'nia₂ a₂jáng₄ jág₁ dsau₅ quió₃.

² Tě₂le₃ tei₄ guē₄ ca₂i₃lén₂ dsa₂ jme₁ca₂nág₂ a₂juá₂ Pa₄ quian₅₄ jág₁ jmei₅ hebreo. * Jaun₂ caun₂ ca₂juá₂ bá₄ 'éi₂:

³ —Dsa₂ judío bá₄ lín₅ jniá₂. Juig₂ Tarso bá₄ chang₂, ja₁tén₄ 'uē₃ Cilicia. La₁ Jerusalén la₂ bá₄ ca₂i₃juing₂. Ca₂'i₃ jniá₂ si₂ a₂ca₂jme₃tag₅ tē₅ Gamaliel. Co₂rě₂ bá₄ ca₂jme₃tag₂₃ con₂ lě₅ Si₂ 'Éi₃ quió₅ dsa₂ quián₂ jniog₄ ma₂líg₂. A₂dsen₅₄ dsi₃ jme₁lín₄ le₃quió₅ Diú₄, jui₁lia₂ jmo₂ 'nia₂ ca₂le₃jíng₃ rě₂ně₃.

⁴ Qui₂ca₂co₃'én₃ jniá₂ dsa₂ i₂tion₅₄ Jui₅ quió₅ Te₁gui₅₄ le₂jniá₅, ca₂lia₂ ca₂quín₂ 'mú₃ quió₅. Qui₂ca₂toin₂ 'né₅ 'má₃ lia₂ dsa₂ ηe₂ lia₂ dsa₂ mí₂. ⁵ Lé₂ bá₄ jáng₃ jág₁ dsau₅ jme₂dsa₂ dsen₅₄, ca₂le₃jín₃ guē₄ dsi₂gui₅₄ can₅₄ ně₃, ia₁ guioin₅₄ bá₄ ca₂jáng₃ si₂ jniá₂ a₂ca₂chein₃ ne₄ riin₅₄ i₂tián₅ Damasco, ca₂jmo₃ 'éi₃ a₂jme₁i₁chán₃ jniá₂ ríng₃ i₂tián₅ ja₁jaun₂, a₂jme₁tě₁₂ le₁ηei₅₄ ia₁jaun₂ gue₃ uig₅ jě₄ juig₂ Jerusalén la₂.

*Ca₂dsia₃ Pa₄ 'a₂ lia₂ jme₁ca₂jéin₃ ca₂rě₃'éin₂ jág₁ dse₃
(Hechos 9:1-19; 26:12-18)*

⁶ 'La₁ia₁ lia₂ con₂ jme₁ηó₃ jniá₂ le₂'i₄ jui₅ né₃ a₂dsióg₄ juig₂ Damasco, con₂ dsi₂ηí₃, con₂ tsá₃ jáng₅ jme₁ca₂téng₃ caun₂ si₂ tág₅ jmá₅ a₂já₃ jui₅ guei₅₄ i₂juíg₃. ⁷ Jaun₂ i₃'íng₃ 'uē₃. Dsi₂jui₅

† 21:40 o₃, arameo. * 22:2 o₃, arameo.

le₂jaun₂ ca₂nag₃ jág₁ a₂juá'₂: “Saulo, Saulo, ¿'e₂ lë₃ co₂'éin'₅ jniá'₂?” ⁸ Jaun₂ ca₂ηag₄ jniá'₂: “¿'Ein₂ 'ne₂ gui'₅₄?” Jaun₂ ca₂juá'₂ tság₅ jniá'₂: “Jesús chan₂ Nazaret bá₄ jniá'₂ i₂co₂'én'₅ 'ne₂.” ⁹ Ján₃ bá₄ ca₂jág₃ dsa₂ i₂jme₁quian'₅₄ jniá'₂ si₂ jaun₂, jaun₂ ca₂rë₃gó'₅. La₁ tsá₃ ca₂nág₂ jág₁ quió'₅ i₂ca₂juá'₂ ca₂tság₃ jniá'₂. ¹⁰ Jaun₂ ca₂ηag₄ jniá'₂ jaun₂ në₃: “Te₁gui'₅₄, ¿'e₂ 'nió'₅ jmo₅₄ jniá'₂?” Jaun₂ ca₂juá'₂ Te₁gui'₅₄: “Nau₂, gua₂ jui₅ juig₂ Damasco. Ja₁jaun₂ juá'₂ dsa₂ ca₂le₃jë₃ 'e₂ 'nió'₅ jmó'₂.” ¹¹ Ia₁ co₂dsia₅ ca₂téng₂ bá₄ quian'₅₄ si₂, jaun₂ dsa₂ i₂quiang'₅₄ bá₄ ca₂jio₃ le₁chan'₂ gu₃ a₂ca₂dsióg₃ tē₂ Damasco. ¹² Ja₁jaun₂ jme₁guá'₄ jan₂ dsa₂ chen₂ Ananías, i₂jme₁jme₂ti₃ con'₂ lë₅ Si₂ 'Éi'₃ Juá'₅ quió'₅ Moisés, jaun₂ ca₂le₃jín₃ dsa₂ judíos i₂tián'₅ Damasco ca₂juá'₂ dse₃ 'iin₂₃ 'éi₂. ¹³ Jaun₂ ca₂dsióg₃ Ananías i₁jag₅₄ ja₁jme₁'eng₅₄. Jme₁ca₂dsióg₃, ca₂juá'₂: “Saulo rin'₅₄ jniog₄, guei'₅₄ táng₃ jme₁ne'₄.” Dsi₂jui₅ jaun₂ bá₄ ca₂lág₃ táng₃ mīg₂ ne₃, jaun₂ ca₂jīn₅₄ jaun₂ në₃. ¹⁴ Jaun₂ ca₂tság₃ táng₃ jniá'₂: “Diú₄ quián₅ dsa₂ can'₅₄ quián₂ jniog₄ ma₂ca₂quióin'₂ 'ne₂ le₂jñiá₅, ia₁jaun₂ le₃cuīng'₂ 'e₂ jaun₂ a₂ηio₂ dsí₅, ia₁jaun₂ jīng'₅₄ i₂qui₂dsi₅ 'éi'₃ rē₂ quián₅, ia₁jaun₂ nág₁ jág₁ quió'₅ 'ηiog₅ a₂tio'₅₄ mi₂'o₅₄. ¹⁵ Jaun₂ 'ne₂ gog'₅₄ a₂chi₂o₁ 'īn'₃ o₁dsia₄ o₁chei'₄ ca₂le₃jín₃ dsa₂ ca₂le₃jë₃ 'e₂ ma₂jag'₅₄ 'e₂ qui₂ma₂nei'₂ në₃. ¹⁶ Jaun₂ në₃, tsá₃ ma₃jme₁'ag₁₂. Nau₂, o₂chon₅₄ jmīg₂, mi₄ ne₄ 'éi₂, ia₁jaun₂ jñi₃ dsáu'₂.”

Ca₂dsia₃ Pa₄ 'a₂ lia'₂ ca₂lë₃ a₂chein₅₄ ηei₅₄ ja₁con₂ dsi₂nau₂

¹⁷ 'Jme₁ca₂guáng'₃ Jerusalén, ηeg₅₄ guá'₅ templo i₂chi₁leng'₄ Diú₄. Jaun₂ a₂lë₁ca₂jéin₃ ca₂jág₃, ¹⁸ ca₂jīng₅₄ Te₁gui'₅₄, jaun₂ ca₂juá'₂: “I₂ñáu'₂ jú₅ tē₂le₃ dséi₂ juig₂ Jerusalén, ia₁ tsá₃ tón'₂ dsa₂ jui₅ jág₁ a₂juig'₅₄ a₂'ág'₄ jniá'₂.” ¹⁹ Jaun₂ ca₂ηag₄ jniá'₂ ca₂juig₂: “Te₁gui'₅₄, ca₂le₃jín₃ bá₄ dsa₂ 'éi₂ le₁ηi₅ a₂jme₁ηi₅ jniá'₂ a₂jme₁nei₂₃ ca₂le₃jë₃ guá'₅ sinagogas a₂co₂'éng₅ qui₂cuē₅ ca₂le₃jín₃ dsa₂ i₂'én₂ jág₁ dse₃ quiáng'₂, a₂jme₁i₂tioin'₂ 'né₅ 'má₃. ²⁰ Jme₁ca₂jñi'₃ dsa₂ Esteban, dsa₂ i₂jme₁jáng'₅ jág₁ dsau₅ quiáng'₂, jaun₂ bá₄ jme₁chén'₄ jniá'₂ ján₃, ia₁ jme₁lë₄ caun₂ jág₁ quió₃ quian'₅₄ dsa₂ i₂ca₂jñi'₃ 'éi₂. Jaun₂ ca₂jmo₃ jniá'₂ 'í₁ nī₁tsin'₅₄ dsa₂ i₂ca₂jñag'₃.” ²¹ La₁ jaun₂ ca₂juá'₂ Te₁gui'₅₄ ca₂tság₃ jniá'₂: “La₁ gua₂, ia₁ tsag₅₄ jniá'₂ uīng₂ quiáng'₂, a₂o₁'ë'₃ jág₁ ja₁con₂ dsi₂nau₂.”

Ma₂nio₅ ne₄ juig₅₄ 'lióg₂ bá₄ Pablo

²² Co₂jaun₂ bá₄ ca₂nág₂ dsa₂ juig₂. Jaun₂ ca₂jme₃lióg₃ ca₂tóin'₂ co₂mi'₅₄ ca₂quió'₃ ca₂juá'₂:

—¡Jui₁jōn₅₄ i₂në₅! ¡Tsá₃ ma₃'nió'₅ le₃chain₂ guë'₄!

23 Jaun₂ dsa₂ juig₂ ně₃, caun₂ qui₂ca₂tě₂ca₂'oin'₂ bá₄ Pa₄, qui₂ca₂gág₃ tsin'₅₄ tiotin'₅₄,† qui₂ca₂cho₃ dsa₂ 'liog₂ jui₅ guei'₅₄.
 24 Jaun₂ ca₂jmo₃ juig₅₄ 'liog₂ dsen₅₄ 'éi'₃ ca₂toin'₂ Pa₄ dsi₂nei₂ ja₁tion'₅₄ dsi₂'liog₂. Jaun₂ ca₂jmo₃ 'éi'₃ a₂báin₂ Pa₄ ia₁jaun₂ jmo₃ jág₁ 'e₂ dso₄ riin₂, 'e₂ 'uig₅₄ ca₂rě₃'né₃ dsa₂ juig₂ quiong'₅₄. 25 La₁ jme₁ma₂rě₂'nei'₅₄ a₂jme₁ma₂bóg₂ dsa₂, ca₂juá'₂ Pa₄ ca₂tsí'₃ jan₂ juig₅₄ 'liog₂ i₂chén'₅ cau₅:

—¿Ca₂tín'₂ 'nia'₂ báng'₄ jan₂ dsa₂ i₂tén₅ Roma tě₃ tsá₃ ma₂ně₂quion'₂ 'nia'₂ jág₁ dsau₅ quió'₅?

26 Jme₁ca₂nág₂ juig₅₄ 'liog₂ a₂ně₅, jaun₂ ca₂nei₅₄ i₁chi'₂ juig₅₄ dsen₅₄ quián₅ ca₂juá'₂:

—Tě₃ni'₅₄ quiáng'₂ ně₁jua'₂ 'e₂ ca₂jmag'₅₄ dsa₂ ně₅, ia₁ dsa₂ tén₅ Roma bá₄ ně₅.

27 Jaun₂ ca₂jme₃quián₃ juig₅₄ 'liog₂ dsen₅₄ ja₁'en₅₄ Pa₄, jaun₂ ca₂ηag₃:

—¿Dsón'₂ lín'₅ 'ne₂ dsa₂ tén₅ Roma?

Jaun₂ ca₂ηag₃ táng₃ Pa₄:

—Ján₅.

28 Jaun₂ ca₂juá'₂ juig₅₄ 'liog₂ jaun₂ ně₃:

—'Lióng₂ cu₄ ca₂quín₂ quió₃ a₂ca₂ling₃ dsa₂ tén₅ Roma.

Jaun₂ ca₂juá'₂ táng₃ Pa₄:

—La₁ jniá₂ ně₃, a₂ma₂lín₅ bá₄ jniá₂ lia'₂ con'₂ ca₂rě₃cháng₃.

29 Dsi₂jui₅ jme₁ca₂nág₂ dsa₂ i₂jme₁bán₂ Pa₄, jaun₂ ca₂i₃lén₂ cau₅, ján₃ bá₄ le₂jaun₂ juig₅₄ 'liog₂ dsen₅₄ ně₃. Ia₁ jme₁ca₂rě₃ni₅ a₂lín₅ Pa₄ dsa₂ tén₅ Roma, ca₂rě₃gó'₅ bá₄ jaun₂ ně₃ ia₁ a₂ca₂'nei'₂ Pa₄.

Ma₂chén'₅ Pa₄ ne₄ dsi₂tan₅₄ quián₅ dsa₂ judíos

30 Jme₁jnia₃ jaun₂, jme₁'nio₃ le₃ni₅ juig₅₄ 'liog₂ dsen₅₄ 'e₂ 'uig₅₄ jme₁cuě'₅ dsa₂ judíos dso₄ Pa₄. Jaun₂ ca₂chén'₂ 'éi₂ ia₁ a₂jme₁chi₁'nei'₅₄ quian'₅₄ ni₁ni₁ cadenas. Jaun₂ ca₂jmo₃ 'éi'₃ a₂ni₂' juig₅₄ jme₂dsa₂ quian'₅₄ ca₂le₃jín₃ dsi₂tan₅₄ quián₅ dsa₂ judíos. Jaun₂ guč₄ ca₂dsein₂₃ Pa₄ ca₂chei'₃ ne₄ dsa₂ 'éi₂.

23

1 Jme₁ma₂chén'₅ Pa₄ ne₄ dsi₂tan₅₄ quián₅ dsa₂ judíos, jaun₂ ca₂jín₂ ca₂le₃jín₃ dsa₂ can'₅₄ 'éi₂, jaun₂ ca₂juá'₂:

—Rin'₅₄ jniog₄, tei₄ bá₄ 'ei₅ dsi₃ ma₂guio₃, chang₂ tě₂ jmig₄ ně₃, ne₄ Diú₄.

2 Jaun₂ Ananías, i₂lín₅ jme₂dsa₂ dsen₅₄, ca₂tsí'₃ dsa₂ i₂jme₁tión₂ cau₅ quió'₅ Pa₄, a₂jnáu₃ mi₂'o₄ 'éi₂. 3 Jaun₂ ca₂ηag₃ Pa₄ ca₂tsí'₃ jme₂dsa₂ dsen₅₄ 'éi₂:

† 22:23 ca₂gág₃ tsin'₅₄: Le₂jaun₂ jme₁jmo₅ dsa₂ léi₄ chi₂jua'₂ 'e₂ tsá₃ tě₅ dsí₅.

—iDiú₄ jnáu₃ quiáng'₂ 'ŋiag'₂, 'ne₂ i₂líng'₅ lia'₂ lě₅ caun₂ ni₁'ia'₂ a₂jñia'₅₄ jniá₂ tiog₂ tē₂le₃ co'₅₄!*" ħ'Néi'₂ 'ne₂ ja₁ně₅ qui₂dsí'₁ 'éi'₃ ja₁con₂ jniá₂ con'₂ lě₅ Si₂ 'Éi'₃? ħJaun₂ 'e₂ lě₃ jmo'₂ 'éi'₃ a₂cuē₃ dsa₂ jniá₂, ton'₂ tsá₃ le₂jaun₂ ta₁ quí'₅ Si₂ 'Éi'₃?

⁴Jaun₂ ca₂ŋag₃ dsa₂ i₂tion'₅₄ guē₄ ja₁jaun₂:

—ħ'E₂ lě₃ ŋag'₅₄ le₂ně₅ ne₄ jme₂dsa₂ dsen₅₄ quián₅ Diú₄?

⁵Ca₂ŋag₃ táng₃ Pa₄:

—Rin'₅₄ jniog₄, tsá₃ jaun₂ guion₅₄ a₂lín₅ jme₂dsa₂ dsen₅₄. Ia₁ juá'₂ ne₄ Si₂ quió'₅ Diú₄: “Tsá₃ chi₁'íng'₄ 'lig'₅₄ dsi₂tan₅₄ juig₂ go'₅₄.”†

⁶Jaun₂ ca₂rě₃lí'₄ Pa₄, i₂lín₅₄ dsa₂ 'éi₂ lín₅ dsa₂ saduceos, i₂lín₅₄ guē'₂ lín₅ dsa₂ fariseos. Jaun₂ guē₄ ca₂juá'₂ Pa₄ tiá₂, ca₂tsí'₃ dsa₂:

—Rin'₅₄ jniog₄, dsa₂ fariseo bá₄ lín₅ jniá₂. Fariseos bá₄ jme₁lín₄ dsa₂ can'₅₄ quiáng₃ ně₃. 'Uig₅₄ ia₁ a₂'éng₂ jág₁ a₂jen'₅₄ táng₃ 'lag₄ bá₄ a₂'iog₅₄ dsa₂, a₂con₂ dsa₂ jág₁ dsau₅ chéng'₅ la₂.

⁷Jme₁ca₂juá'₂ Pa₄ le₂ně₅, dsa₂ i₂lín₅ fariseos, quian'₅₄ dsa₂ i₂lín₅ saduceos ně₃, ca₂jme₃lióg₃ qui₂ca₂tsíin₂ guioin₅₄, ca₂lě₃ le₁dsoin₅₄. ⁸Ia₁ dsa₂ saduceos, tsá₃ 'e₂ 'éin₂ a₂jen'₅₄ dsa₂ jě₁ma₂dsain₃, on₃ guē'₂ 'éin₂ a₂chan₂ ángeles, on₃ guē'₂ 'éin₂ a₂chan₂ jme₂dsí₂. La₁ dsa₂ fariseos guē'₂ ně₃, 'éin₂ bá₄ ca₂le₃jě₃ a₂jaun₂. ⁹Jaun₂ ca₂tóin'₂ ca₂tsíin₂ co₂mí'₅₄. Jaun₂ i₂lín₅₄ dsa₂ i₂lín₅ tē₅juá'₅ i₂tióin₂ tē₂le₃ quió'₅ dsa₂ fariseos, ca₂nau₂ ca₂juá'₂:

—'I₁caun₂ 'lig'₅₄ tsá₃ 'e₂ ma₂jmo₃ dsa₂ ně₅. ħ'E₂ lé₂ chi₂jua'₂ dsón'₂ bá₄ ca₂juá'₂ jan₂ ángel, o₃ jan₂ jme₂dsí₂ 'e₂, ca₂tsí'₃ i₂ně₅?

¹⁰Jaun₂ 'ŋio₅ ca₂tón'₂ dsa₂ ca₂tsíin₂, ca₂lia'₂ ca₂rě₃gó'₅ juig₅₄ 'lióg₂ dsen₅₄ jme₁ca₂jág₃. Ia₁ ně₅ tsá₃ ma₂jmo₃ dsa₂ jma₃quén₅ quió'₅ Pa₄, lín₂. Jaun₂ ca₂jmo₃ 'éi'₃ ca₂o₃lén₂ 'lióg₂ ca₂dsein₂₃ Pa₄ jě₄ quió'₅ dsa₂, ca₂tág₃ jui₅ ne₄ta₁ ja₁tion'₅₄ 'lióg₂.

¹¹Jme₁ca₂tě₂ tin₃ nei₅ 'en₅₄ Pa₄ ja₁jaun₂,‡ ca₂jme₃jnia₅ Te₁gui'₅₄ ne₅₄, jaun₂ ca₂juá'₂:

—Quen'₂ bí₂, Pa₄, ia₁ jui₁lia'₂ ma₂ně₂jang'₅₄ jág₁ dsau₅ ně₂'ag'₅₄ jniá₂ jě₄ juig₂ Jerusalén la₂, le₂ně₅ bá₄ o₁jang'₁ jág₁ dsau₅ o₁'ág'₃ jniá₂ jě₄ juig₂ Roma ján₃.

Ca₂jmo₃ dsa₂ judíos jág₁ a₂jme₁jñi'₃ Pa₄

¹²Jme₁jnia₃ jaun₂, ca₂jmo₃ jág₁ i₂lín₅₄ dsa₂ judíos a₂jñi'₃ Pa₄. Ca₂'iin₃ Diú₄ a₂ca₂juá'₂ a₂tsá₃ 'e₂ guē'₃, a₂tsá₃ 'e₂ 'ín'₂ ně₃, ca₂lia'₂ ca₂lě₃ a₂niog₅ dsí₅ jmo₃. ¹³Jme₁lě₂ lě₅ guē₄ con'₂ tē₂lón₃ dsa₂ i₂jme₁ma₂lí'₅ jág₁ jmo₃ le₂jaun₂. ¹⁴Jaun₂ ca₂i₁lein₅₄ i₁jñi₅₄ juig₅₄

* 23:3 ni₁'ia'₂ tiog₂: 'Nio'₂ ja₁ton₅ Mateo 23:27. † 23:5 Éxodo 22:28. ‡ 23:11 o₃, “A₂'uē₂ jmi₃g₄ jaun₂.”

jme₂dsa₂, ca₂le₃jín₃ guē₄ gui'₅₄ can'₅₄ quián₅ dsa₂ judíos ně₃, a₂ca₂i₁jua'₁:

—Jnia'₅₄ ma₂'ín₃ Diú₄ a₂tsá₃'e₂ tí₄'o₄, ca₂lia'₂ ma₂ně₂jñi'₄ jnia'₅₄ Pa₄. ¹⁵ Jaun₂ 'nia'₂ ně₃, quian'₅₄ dsi₂tan₅₄ quián₅ guá'₅, o₂chei'₅₄ 'nia'₂ juig₅₄ 'lióg₂ a₂ja₂jñiai₃ Pa₄ ne'₅₄ 'nia'₂ 'lióg₃. A₂lě₁juig'₅₄ bá₄ 'nia'₂ a₂caun'₅₄ jág₁ dsau₅ co₂rě₂ quió'₅, ia₁jaun₂ bá₄ ja₃jio₃. Jaun₂ jnia'₅₄ guē'₂ ně₃, ma₂lág₅ co₂jñia₅₄ a₂jñi'₄ né'₃ a₂guáin₂ tē₂la₂.

¹⁶ La₁ ja₁jñi'₅₄ 'io₅₄ rin'₅₄ Pa₄ ca₂rě₃jñi₅ jág₁ jaun₂. Jaun₂ ca₂jñei₅₄ ne₄ta₁ quió'₅ 'lióg₂ ca₂i₁'ē₄ jág₁ ne₄ Pa₄. ¹⁷ Jaun₂ Pa₄ ně₃ ca₂tě'₃ ja₂juig₅₄ 'lióg₂, jaun₂ ca₂juá'₂:

—Jñia₅ chi'₂ la₂ ne₄ juig'₂ 'nia'₂, ia₁ cha₂ jág₁ quian₅ dsi₃'ē₃.

¹⁸ Jaun₂ ca₂jñe₄ 'éi₂ ca₂i₁jñiai₃ chi'₂, jaun₂ ca₂juá'₂:

—Pa₄ i₂lě₅ 'í₁ quián₅ 'lióg₂ ně₂tě₂ jniá₂ a₂ně₂mi₃ a₂i₁jñiag₂ chi'₂ la₂, ia₁ cha₂ jág₁ quian₅ a₂'ē₂ ne'₅₄.

¹⁹ Jaun₂ ca₂jñi'₃ juig₅₄ 'lióg₂ dse_n₅₄ 'éi₂ mi₂gu₂ chi'₂ 'éi₂, con'₂ ca₂jio₃ cau₅, jaun₂ ca₂jñag₃:

—¿E₂ jág₁ quian'₅₄ juig'₅₄ jniá₂?

²⁰ Jaun₂ ca₂jñag₃ chi'₂ 'éi₂:

—Ma₂ně₂jmo₃ dsa₂ judíos caun₂ jág₁ a₂mi₃ ne'₅₄ a₂o₁jñiag'₂ Pa₄ 'ióg₃ ne₄ dsi₂tan₅₄ quián₅ dsa₂ judíos. A₂'nio₃ jme₃gain₂₃ 'ne₂ jmo₃ ně₂jag₄ bá₄ a₂con₂ dsi₂tan₅₄ jág₁ dsau₅ quió'₅ 'éi₂. ²¹ La₁ tsá₃ o₁'eng'₅₄, ia₁ lě₅ guē₄ tē₂lón₃ dsa₂ quián₅ ma₂le₁'mai₅₄ cau₅ jui₅ le₁jñiog₂₃. Ma₂'iin₃ Diú₄ a₂tsá₃ 'e₂ guē'₃, 'ín'₂, ca₂lia'₂ ca₂jñi'₃ Pa₄. Jñia'₅₄ lia'₂ a₂jaun₂ bá₄ le₁jñia₂₃ chi₂jua'₂ 'e₂ jág₁ juig'₅₄ 'ne₂.

²² Jaun₂ ca₂'ág'₃ jág₁ juig₅₄ dse_n₅₄ 'éi₂, ca₂juá'₂ a₂tsá₃ 'ein₂ tsí'₃ jág₁ a₂ca₂dsia₃ jaun₂.

Ca₂dsián'₂ dsa₂ Pa₄ ne₄ Dsi₄má'₂ Félix

²³ Jaun₂ ca₂tě'₃ juig₅₄ 'lióg₂ dse_n₅₄ on₃ juig₅₄ 'lióg₂ quián₅, ca₂jmo₃ 'éi'₃ a₂jmo₃ 'éi₂ co₂jñia₅₄ tñ₃ 'ñiá₂-lón₂ 'lióg₂ a₂dsi₃lén₂ jui₅ tag₅₄; 'nag'₂ ne₂guión₂ rě₂dsí₂ guian₃ guē'₂ (70) dsi₃lén₂ co₁dsin₅₄ cua₁, tñ₃ 'ñiá₂-lón₂ guē'₂ i₂cán₂ njí₁ chen'₂, a₂dsi₃lén₂ jui₅ Cesarea con'₂ hora njí₁ njí₃ le₃ca₂nei₂. ²⁴ Jaun₂ ca₂chein₃ jág₁ a₂jmo₃ dsa₂ co₂jñia₅₄ cua₁ i₂co₃dsin₅₄ Pa₄. Ca₂jmo₃ 'éi'₃ a₂jmo₃ dsa₂ 'í₁, dsi₃jóin₂ 'éi₂ o₄gú₃ Dsi₄má'₂ Félix tē₂dsein₃ jéin'₃ le₂jaun₂. ²⁵ Jaun₂ quian'₅₄ dsa₂ i₂i₁jon₅₄ Pa₄, ca₂chen₃ juig₅₄ dse_n₅₄ si₂ la₂ a₂juá'₂:

²⁶ Jniá₂, Claudio Lisias, tsíng₂ si₂ la₂ ne'₅₄ 'ne₂, gui'₅₄ Dsi₄má'₂ juin'₂ Fé₁. Cúing₅ Diú₄ 'ne₂. ²⁷ Ca₂jñau'₃ dsa₂ judíos ca₂jñai'₃ dsa₂ ně₅, a₂jme₁jñag'₃. La₁ jme₁ca₂rě₃guion₅₄ a₂lín₅ dsa₂ tén₅ Roma, jaun₂ ca₂jñeg₅₄ i₁lio₁₂ quian'₅₄ 'lióg₂ quiáng₃. ²⁸ Ia₁ jme₁'nio₃ le₃guion₅₄ 'e₂ 'uig₅₄ 'nag₅ dsa₂, jaun₂ ca₂i₁jñiá₂ ne₄

dsi₂tan₅₄ quiáin₅. ²⁹ Jaun₂ ca₂rē₃léi₄ jniá₂, 'uig₅₄ quió'₅ Si₂ 'Éi'₃ quió'₅ guion₅₄ bá₄ dsa₂, cuē'₅ i₂nē₅ dso₄. Jaun₂ tsá₃ cha₂ 'e₂ lē₃ jua'₅₄ a₂'i₄ 'éi'₃ a₂jñag'₃ dsa₂, on₃ guē'₂ dsi₂ten₅₄ jua'₅₄ a₂'i₂ 'né₅ 'má₃ nē₃. ³⁰ Jaun₂ jme₁ca₂rē₃guion₅₄ a₂ma₂jmo₃ dsa₂ judíos caun₂ jág₁ a₂jñag'₃, jaun₂ bá₄ lē₃ dsiain'₄ jniá₂ o₄gog'₂ 'ne₂. Jaun₂ ma₂juíg₂ bá₄ jniá₂ ján₃, dsa₂ i₂'nag₅ 'ni₅ i₂nē₅, a₂dsi₃lén₂ ne'₅₄ 'ne₂, a₂dsi₃can₅ dso₄ a₂bóin'₂ i₂nē₅. Co₂nē₅ bá₄.

³¹ Jaun₂ 'lióg₂ nē₃, con'₂ lē₅ 'éi'₃ ma₂ñi₂, ca₂dsein₂₃ Pa₄ ca₂tág₃ tē₃ 'uē₂ ca₂dsi₃lén₂ tē₂ juíg₂ Antípatris. ³² Jme₁jnia₃ jaun₂, 'lióg₂ i₂i₃lén₂ jui₅ tag₄ ca₂jéin'₃ táng₃ jui₅, ja₂lein₃ táng₃. Jmá'₃ 'lióg₂ i₂co₁dsin₅₄ cua₁ bá₄ ca₂i₃lén₂ i₃jón₂ guē'₄ Pa₄. ³³ Jme₁ca₂dsi₃lén₂ tē₂ juíg₂ Cesarea, jaun₂ ca₂jñin'₃ dsi₄má'₂ si₂ carta a₂quian₅. Ca₂jñin'₂ Pa₄ nē₃. ³⁴ Jme₁ma₂nē₂ 'i₂ dsi₄má'₂ si₂, jaun₂ ca₂ñi'₃ Pa₄ a₂já'₄ chain₂. Jme₁ca₂rē₃ñi₅ a₂chan₂ 'éi₂ 'uē₃ Cilicia, ³⁵ jaun₂ ca₂juá'₂.

—Nē₅ nag₅₄ jág₁ quiáng'₂ jē₁ma₂o₂lén₂ dsa₂ i₂'nag₅ quiáng'₂.

Jaun₂ ca₂jmo₃ dsi₄má'₂ 'éi'₃ a₂jmo₃ 'lióg₂ 'í₁ Pa₄ dsi₂néi₂ ne₄ta₁ palacio quió'₅ Rag₅₄ Herodes.

24

Ca₂jáng'₃ Pa₄ jág₁ dsau₅ a₂lióin₂ 'ñiog₅ ne₄ Dsi₄má'₂ Fé₁

¹ A₂'ñiá₂ jmig₄ cang₂ jaun₂, ca₂dsióg₃ Ananías i₂lín₅ jme₂dsa₂ dsen₅₄, quiain'₅₄ i₂lín₅₄ gui'₅₄ can'₅₄ nē₃, quiain'₅₄ Tértulo i₂lín₅ i₂chén'₅ ne₄ jág₁ quiáin₅, ca₂dsi₃lén₂ Cesarea. Jaun₂ ca₂dsi₃lén₂ ne₄ dsi₄má'₂ a₂'ñi₃ Pa₄. ² Jme₁ca₂i₁quian₅₄ dsa₂ Pa₄, jaun₂ ca₂jme₃lióg₃ Tértulo ca₂tsí'₃ dsi₄má'₂ a₂'ñi₂₃ Pa₄, ca₂juá'₂.

—Ti₁'mag'₄ 'ne₂, tei₄ bá₄ 'ei₅ tio'₅₄ jnia'₅₄, jaun₂ dse₃ bá₄ lia'₂ con'₂ lē₅ 'éi'₃ quiáng'₂ a₂ting'₂. ³ Jaun₂ con'₂ lē₅ 'éi'₃ qui'₂ 'ne₂ bá₄ qui₂jmo₅ dsa₂, a₂jmo₂ jnia'₅₄ ján₃. Jaun₂ cuē₂ jnia'₅₄ ti₁'mag'₄ 'ne₂, Fé₁ juin'₂. ⁴ La₁ jaun₂ tsá₃ uē₂ jme₁'ag₁₂ jnia'₅₄ quiáng'₂, mi₂ jnia'₅₄ jmó'₂ dse₃ 'au'₂ a₂nág'₁ jág₁ quián₂ jnia'₅₄ a₂jua'₅₄. ⁵ Ma₂ne₅₄ jnia'₅₄ ca₂le₃jē₃ 'e₂ 'lig'₅₄ jmo₅ dsa₂ nē₅, ñi₂₃ ca₂le₃jē₃ juíg₂ qui₂dsiain₂₃ mi'₅₄ dsa₂ judíos qui₂jmo₃ le₁dson'₅₄ dsa₂. Jaun₂ i₂nē₅ bá₄ lín₅ jan₂ dsa₂ i₂quian₅ ne₄ jui₅ quió'₅ co₂nió'₃ dsa₂ i₂tē'₂ dsa₂ nazarenos. ⁶ Jme₁'nio₃ jme₁jme₂'ióg₃ guá'₅ templo quián₂ jnia'₅₄. Jaun₂ bá₄ lē₃ ca₂chain₅₄ jnia'₅₄, [jme₁'niog₂ jme₁qui₂dsi₂ 'éi'₃ con'₂ lē₅ Si₂ 'Éi'₃ quián₂ jnia'₅₄. ⁷ La₁ jme₁ca₂'i₃ juíg₅₄ 'lióg₂ Lisias, ca₂jñiá'₂ Pa₄ jin₄ jnia'₅₄ quian'₅₄ bí₂ quió'₅ 'lióg₂ quiáin₅, a₂ca₂tág₃. ⁸ Ca₂juá'₂ Lisias 'éi₂ a₂'nió'₅ ja₃lén₂ dsa₂ i₂'nag₅ ne'₅₄ 'ne₂.]* Dse₃ ñag'₅₄ 'ne₂ 'ñiag'₂ ia₁jaun₂ le₃ñi'₅₄ lia'₂ tí₅ jág₁ 'e₂ lē₃ 'níi₅ jnia'₅₄.

* **24:8** A₂lin₅₄ chog₅₄ si₂ tsá₃ le₁ton₅ jág₁ a₂tio'₅₄ 'ñió'₃ corchetes [le₂la₂].

⁹ Jaun₂ ca₂le₃jín₃ guě₄ dsa₂ judíos i₂jme₁tió₂n₂ ja₁jaun₂ ca₂juá'₂ a₂dsón'₂ dsau₅ bá₄ jág₁ nē₅. ¹⁰ Jaun₂ ca₂jmo₃ léi₄ dsi₄má'₂ ca₂tsí'₃ Pa₄ a₂juá'₂ 'éi₂ jág₁. Jaun₂ ca₂juá'₂ 'éi₂ jaun₂ nē₃:

—A₂ηio₂ dsi₃ jáng'₄ jág₁ dsau₅ a₂long₅₄ 'ηi₃o₃ ne'₅₄ 'ne₂, ia₁ guion₅₄ bá₄ jaun₂ a₂lín₂'₅ dsi₂tan₅₄ ma₂ne₁ηó₄ ηi₂ a₂qui₂dsí'₁ 'éi'₃ quió'₅ ta₁caun₂ 'uē₃ la₂. ¹¹ Lé₂ bá₄ le₃caun'₅₄ jág₁ dsau₅, mei'₂ tsá₃ guia₃-tín₂ jmi₂g₄ bá₄ ma₂tě₂ a₂guang₃ Jerusalén a₂chi₁leng'₄ Diú₄. ¹² Tsá₃ jua'₅₄ ca₂jo₃ dsa₂ a₂tsíng₂ quian'₅₄ dsa₂, on₃ guě'₂ jua'₅₄ a₂qui₂dsia₂₃ mi'₅₄ i₁dsi₅ guá'₅ templo, on₃ guě'₂ dsi₂néi₂ guá'₅ sinagogas, on₃ guě'₂ jē₄ juig₂. ¹³ Tsá₃ qui'₅₄ jmi₂g₄ i₂nē₅ jme₃jniai₂₃ ca₂le₃jě₃ a₂'nag₂₃. ¹⁴ La₁ a₂juá'₅ jniá₂ ne'₅₄, a₂jme₂ti₅₄ ne₄ Diú₄ quián₅ dsa₂ can'₅₄, con'₂ lě₅ Jui₅ a₂juá'₂ i₂nē₅ a₂tsá₃ dsau₅. Ia₁ 'éng₂ ca₂le₃jě₃ a₂tio'₅₄ ne₄ Si₂ 'Éi'₃ quian'₅₄ Si₂ quió'₅ dsa₂ i₂jme₁'ě₂ jág₁ quián₅ Diú₄ nē₃. ¹⁵ Le₂jaun₂ bá₄ 'éng₂ le₃quió'₅ Diú₄, jui₁lia'₂ 'éin₂ guioin₅₄ bá₄ ján₃, ia₁ 'éng₂ a₂qui₂jen'₅₄ 'lag₄, lia'₂ dsa₂ dsen₃ lia'₂ dsa₂ 'lin'₅₄ nē₃. ¹⁶ 'Uig₅₄ jaun₂, le₃jě₃ jmi₂g₄ bá₄ quín'₅ jniá₂ bí₂ a₂tsá₃ 'e₂ dsi₃jni₅ dsi₃, lia'₂ ne₄ Diú₄ lia'₂ ne₄ dsa₂ mi₂güig₃ nē₃.

¹⁷ 'Jme₁ca₂dsin₃ tin₃-ni₅ ηi₂ a₂ηi₂₃ juig₂ siá'₂, ca₂guáng'₃ táng₃ Jerusalén a₂jme₁ong₁₂ dsa₂ te₂ηé₂, a₂dsíng'₄ já'₂ ne₄ ne₄chei₂ nē₃. ¹⁸ A₂jaun₂ bá₄ 'eng₅₄ jmo₂₃ i₁dsi₅ guá'₅ templo jme₁ma₂nē₂jmo₃ le₁jě₃ quió'₃ lia'₂ con'₂ lě₅ tag₄ chí'₅ quián₂ jnia'₅₄. La₁ on₃jua'₅₄ a₂jme₁tion'₅₄ dsa₂ juin₅, on₃ guě'₂ jua'₅₄ ca₂dsia₃ jniá₂ mi'₅₄. Jaun₂ ca₂dsi₃lén₂ i₂lin₅₄ dsa₂ judíos i₂ja₂lén₂ juig₂ siá'₂ ja₁tén₄ 'uē₃ Asia. I₂ 'éi₂ bá₄ ca₂jo₃ 'eng₅₄ i₁dsi₅ guá'₅ templo. ¹⁹ I₂ 'éi₂ bá₄ 'nió'₅ ja₃lén₂ ja₁lá₃ ia₁jaun₂ 'nag₃ chi₂jua'₂ cha₂ a₂'nag₃ jniá₂. ²⁰ Nē₁jua'₂ tsá₃ a₂cha₂ 'nag₃ 'éi₂, jaun₂ jui₁'nag₅₄ i₂tió₂n₂ nē₅ chi₂jua'₂ cha₂ dso₄ ca₂'no₃ ja₁con₂ dsi₂tan₅₄ quián₅ dsa₂ judíos. ²¹ O₃ 'uig₅₄ jaun₂ 'e₂, ia₁ a₂'én₂ jniá₂ a₂jen'₅₄ 'lag₄, jui₁lia'₂ ca₂juá'₃ jniá₂ tiá₂ ca₂juíg₂ 'éi₂ lia'₂ con'₂ jme₁'eng₅₄ jē₄ quió'₅, ca₂juíg₂: “A₂caún'₂ 'nia'₂ jág₁ dsau₅ quió'₃ jniá₂, ia₁ a₂'éng₂ a₂jen'₅₄ 'lag₄.”

²² Jme₁ca₂nag₂ gui'₅₄ Dsi₄má'₂ Fé₁ le₂nē₅, jaun₂ tsá₃ ma₃'e₂ ca₂jme₃rě₃. Ia₁ jme₁ma₂ηi₅ rē₂ bá₄ i₂'e₂ jaun₂ a₂tě'₂ dsa₂ “Jui₅”. Jaun₂ ca₂juá'₂:

—Nē₅ bá₄ jme₁rē₂ jniá₂ jág₁ nē₅ quián'₂ 'nia'₂, jē₁ma₂guan₅ juig₅₄ 'lióg₂ dsen₅₄ Lisias.

²³ Jaun₂ ca₂jmo₃ gui'₅₄ dsi₄má'₂ 'éi'₃ ca₂tsí'₃ juig₅₄ 'lióg₂ quián₅ a₂toin'₂ Pa₄ né'₃ 'má₃. La₁ ca₂cuē₃ bá₄ jmi₂g₄ lé₂ bá₄ dsi₃jag₅₄ a₂mei₅₄ quián₅ Pa₄ a₂jme₃'o₅₄ nē₁jua'₂ 'e₂ ca₂rě₃ 'nió'₅ quió'₅.

²⁴ Jme₁ca₂dsin₃ tin₃-ni₅ jmi₂g₄ cang₂ jaun₂, ca₂dsióg₃ táng₃ Fé₁ quiaín'₅₄ 'io₅₄ quián₅ i₂chen₂ Drusila, i₂lín₅ judía. Jaun₂ ca₂jmo₃ Fé₁ 'éi'₃ ca₂i₁quian₅₄ dsa₂ Pa₄, jaun₂ ca₂nág₂ tē₁lia'₂ ca₂dsia₃ 'éi₂ jui₁lia'₂ 'a₂ lia'₂ lě₅ a₂'éin₂ tē₂le₃ quió'₅ Cristo Jesús. ²⁵ La₁

jme₁ca₂dsia₃ Pa₄ a₂'nió'₅ cán₂ dsa₂ caun₂ jui₅ co₂dsau₅, a₂'nió'₅ jme₃'uán₂ dsa₂ dsí₅ 'ñiog₅; jme₁ca₂dsia₃ Pa₄ a₂já₅ caun₂ jmig₄ a₂con₂ Diú₄ jág₁ dsau₅ quió'₅ le₂jan₂ le₂jan₂ dsa₂, jaun₂ gué₄ ca₂rě₃gó'₅ gui'₅₄ Fé₁. Jaun₂ ca₂juá'₂:

—Dse₃ bá₄ guang'₂ táng₃ ja₁jme₁'eng'₅₄. Nē₅ bá₄ tē₄ táng₃ jmig₄ siá'₂ jē₁ma₂jing₅₄.

²⁶ Jme₁'in₂ dsí₅ Fé₁ a₂jme₁jén'₃ Pa₄ cu₄ ia₁jaun₂ jme₁lió₂. Jaun₂ 'lióng₂ ráun₂ jme₁ca₂tē₃ a₂dsia₂₃ jág₁ quiong'₅₄. ²⁷ Tin₃ ñi₂ ca₂ñi₂ le₂jaun₂ jme₁ca₂o₃'in₃ gui'₅₄ Fé₁ ta₁ a₂jme₁lín₄, a₂ca₂'í₃ táng₃ Porcio Festo. Jaun₂ lia'₂ ma₂'en₅₄ jaun₂ bá₄ Pa₄ né'₃ 'má₃ ca₂jmo₃ Fé₁, ia₁jaun₂ tē₃tsin'₅₄ dse₃ quian'₅₄ dsa₂ judíos.

25

Ca₂ñe₄ Pa₄ ne₄ Dsi₄má'₂ Festo

¹ Ma₂'ni₅ jmig₄ a₂ca₂gue₃ Festo ta₁ dsi₄má'₂, ca₂'u_{in}₂ juig₂ Cesarea ca₂uig₂ juig₂ Jerusalén. ² Ja₁jaun₂ ca₂jmo₃ jme₂dsa₂ dsen₅₄ quia_{in}'₅₄ ca₂le₃jín₃ juig₅₄ jme₂dsa₂ quián₅ dsa₂ judíos, ca₂mi₃ dso₄ ne₄ Festo a₂'ni₂₃ Pa₄. ³ Ján₃ bá₄ ca₂mi₃ a₂jmo₃ 'éi₂ dse₃ dsí₅, a₂jmo₃ 'éi'₃ a₂dsi₃quián₂ dsa₂ Pa₄ a₂dsi₃jó₂ juig₂ Jerusalén. Ia₁ a₂jme₁ma₂li'₅₄ jág₁ a₂jme₁ñi₁'₃ Pa₄ le₂'i₄ jui₅. ⁴ La₁ jaun₂ ca₂ñag₃ Festo a₂'ein₅₄ jui₅ dsáin'₃ ñi'₅₄ ta₁ tē₂ juig₂ Cesarea ja₁'en₅₄ Pa₄ né'₃ 'má₃. ⁵ Jaun₂ ca₂juá'₂:

—Jui₁ja₂lén₂ dsa₂ i₂lín₅ ta₁ quián'₂ 'nia'₂ quian'₅₄ jniá₂ jui₅ Cesarea, jui₁'nag₁₂ ja₁jaun₂ chi₂jua'₂ cha₂ a₂ri_{in}₂.

⁶ Jñiá'₅₄ con'₂ jñia₃ o₃ guia₃ jmig₄ bá₄ ca₂'í₃ Festo Jerusalén, jaun₂ ca₂ñái'₃ Cesarea. Jme₁jñia₃ táng₃ jaun₂, ca₂i₁gua₂ ne₄ta₁ ja₁qui₂dsi₂₃ 'éi'₃, jaun₂ ca₂jmo₃ 'éi'₃ a₂ca₂i₁quian'₅₄ dsa₂ Pa₄. ⁷ Jme₁ca₂'í₃ Pa₄ dsi₂néi₂ ne₄ta₁, jaun₂ ca₂jme₃quián₃ dsa₂ judíos i₂ja₂lén₂ juig₂ Jerusalén. Jaun₂ 'lióng₂ ne₅₄ dso₄ juē'₂ qui₂ca₂bóin'₂ Pa₄. La₁ tsá₃ ca₂tió'₃ jme₃jñiai₂₃ a₂dsón'₂ dsau₅ ca₂le₃jě₃ dso₄ a₂bóg'₂ jaun₂. ⁸ Jaun₂ ca₂jáng'₃ Pa₄ jág₁ dsau₅ a₂lión₂ 'ñiog₅, ca₂juá'₂:

—'I,caun₂ dso₄ nē₅ tsá₃ ma₂'no₃ jniá₂, on₃ guē'₂ jua'₅₄ a₂tsá₃ ma₂ca₂rě₃tei₅₄ con'₂ lē₅ Si₂ 'Éi'₃ quió'₅ dsa₂ judíos, on₃ guē'₂ le₃quió'₅ guá'₅ templo jua'₅₄ a₂ma₂'no₃ dso₄, on₃ guē'₂ jua'₅₄ a₂cha₂ dso₄ ma₂ca₂táng'₂ ja₁con₂ gui'₅₄ emperador romano.

⁹ La₁ia₁ jme₁'nio₃ Festo tē₃tsin'₅₄ rē₂ quian'₅₄ dsa₂ judíos, jaun₂ ca₂ñi₁'₃ Pa₄:

—¿'Niog'₂ guang'₅₄ tē₂ juig₂ Jerusalén ia₁jaun₂ ja₁jaun₂ jme₁rē₂ jniá₂ quiáng'₂?

¹⁰ Jaun₂ ca₂ñag₃ Pa₄:

—Jaun₂ guē'₂ ma₂chén'₅ jniá₂ ja₁lá₃ caun₂ ne₄ta₁ ja₁tén₄ gui'₅₄ emperador romano ja₁dsi₂ten₅₄ qui₃dsi₅ dsa₂ 'éi'₃ quió₃. Ia₁

rē₂ bá₄ ŋi'₅₄ 'ne₂, tsá₃ 'e₂ dso₄ rin₂ jniá₂ ja₁con₂ dsa₂ judíos.
 11 Chi₂jua'₂ cha₂ guē'₂ dso₄ a₂ma₂'no₃, a₂ca₂tíng₂ jóng₂, jaun₂
 guén₄ bá₄ jniá₂ 'mú₃ quió₃. La₁ chi₂jua'₂ tsá₃ dsau₅ dso₄ a₂bóg'₂
 dsa₂ nē₅, jaun₂ 'i₁jan₂ tsá₃ 'ein₂ ca₂tín₂ jua'₅₄ a₂jáng'₂ jniá₂ o₄gú₃
 dsa₂ 'éi₂. Jaun₂ mi₅ jniá₂ nég'₄ ne₄ gui'₅₄ emperador, ia₁jaun₂ 'éi₂
 qui₃dsi₅ 'éi'₃ ja₁cong₂.

12 Jme₁ca₂lě₃ dsia₅ Festo jág₁ quian'₅₄ dsa₂ i₂to'₂ jág₁ dse₃
 quiáin₅, jaun₂ ca₂juá'₂ ca₂tsí'₃ Pa₄:

—Ia₁ ma₂nē₂mi'₅₄ guang'₅₄ ne₄ gui'₅₄ emperador, ne₄ 'éi₂
 guang'₅₄ guē'₂ jaun₂.

Ma₂chén'₅ Pa₄ ne₄ Rag₅₄ Agripa

13 Tin₃-ni₅ jmig₄ cang₂ jaun₂, ca₂dsióg₃ Rag₅₄ Agripa
 quiain'₅₄ Berenice ca₂i₁lein₅₄ juig₂ Cesarea i₁cuin₃ Diú₄ Festo.

14 Ca₂tóin'₂ bá₄ tin₃-ni₅ jmig₄ ja₁jaun₂, jaun₂ ca₂dsia₃ Festo
 ca₂tsí'₃ Rag₅₄ Agripa jág₁ jaun₂ quió'₅ Pa₄. Jaun₂ ca₂juá'₂:

—'En₅₄ jan₂ dsa₂ 'né₅ 'má₃ ja₁lá₃, i₂ca₂ton'₂ Fé₁. 15 Lia'₂
 con'₂ jme₁'en₅₄ jniá₂ juig₂ Jerusalén, ca₂mi₃ dso₄ ne₃ jniá₂ juig₅₄
 jme₂dsa₂ quián₅ dsa₂ judíos, dsa₂ can'₅₄ quiáin₅ nē₃, a₂'ni₂₃
 dsa₂ 'éi₂, a₂jme₁mi₂₃ jme₁qui₃dsi₅ jniá₂ 'éi'₃ quió'₅, a₂'ē₄ uig₅
 nē₃. 16 Jaun₂ bá₄ lě₃ ca₂ŋag₄ jniá₂ ca₂juig₂: “Tsá₃ le₂jaun₂ tin₂
 quió'₅ dsi₂tan₅₄ romano jua'₅₄ qui₃dsi₅ 'éi'₃ quió'₅ jan₂ dsa₂,
 tē₃ tsá₃ ma₂nē₂jīn₂ dsa₂ i₂qui₂'nag₅ quió'₅, tē₃ tsá₃ ma₂cuin₅
 jmig₄ lióin₃ 'e₂ dso₄ bóg'₂ dsa₂.” 17 Jaun₂ lě₃, jme₁ca₂o₃lén₂
 ja₁lá₃, dsi₂jui₅ bá₄ ca₂i₁gua₂ ne₄ta₁ quió₃ jme₁jnia₃ jaun₂, jaun₂
 ca₂jmo₃ 'éi'₃ ca₂i₁quian₅₄ dsa₂ dsa₂ 'éi₂. 18 La₁ jme₁ca₂o₃lén₂ dsa₂
 i₂'nag₅, tsá₃ 'e₂ dso₄ ca₂bóg'₂ dsa₂ jui₁lia'₂ dso₄ jme₁lín₂ jniá₂
 a₂jme₁bóg'₂. 19 Jnia'₅₄ lia'₂ a₂jaun₂ bá₄ 'ni₂₃ 'éi₂ lia'₂ con'₂ lě₅ 'Éi'₃
 Juá'₅ quió'₅, ia₁ a₂juá'₂ 'i₂₃ jan₂ i₂chen₂ Jesús i₂ca₂jon₃, jaun₂
 juá'₂ Pa₄ i₂chan₂ bá₄ 'éi₂. 20 Ia₁ tsá₃ guion₅₄ 'a₂ lia'₂ jme₁rē₂
 jág₁ jaun₂, jaun₂ bá₄ lě₃ ca₂juig₂ Pa₄ chi₂jua'₂ 'nio₃ dsó₃ jui₅
 Jerusalén, ia₁jaun₂ qui₃dsi₅ dsa₂ 'éi'₃ ja₁jaun₂. 21 La₁ 'ŋiog₅ nē₃
 ca₂mi₃ a₂qui₃dsi₅ 'éi'₃ gui'₅₄ emperador Augusto, jaun₂ bá₄ lě₃
 ca₂jmo₃ jniá₂ 'éi'₃ lia'₂ ma₂'ein₅₄ nē₅ 'né₅ 'má₃, ca₂lia'₂ ca₂cuin₃
 jmig₄ a₂tsiin₅₄ ne₄ gui'₅₄ emperador.

22 Jaun₂ ca₂juá'₂ gui'₅₄ Agripa ca₂tsí'₃ Festo:

—Ján₃ bá₄ 'nio₃ jniá₂ nag₅₄ jág₁ quió'₅ dsa₂ 'éi₂.

Jaun₂ ca₂ŋag₃ táng₃ Festo:

—'Ióg₃ nág₁ jág₁ quió'₅.

23 Jaun₂ jme₁jnia₃ jaun₂, ca₂dsióg₃ gui'₅₄ Agripa quian'₅₄
 Berenice. 'Nio₅ lín₃ jlá'₁ ca₂i₃toin₅₄ dsi₂héi₂. Ca₂dsi₃lén₂ juig₅₄
 'lióg₂ dsen₅₄, ca₂le₃jín₃ dsa₂ dsen₅₄ quián₅ juig₂ ca₂dsi₃lén₂. Jaun₂
 ca₂jmo₃ Festo 'éi'₃ a₂ca₂i₁quian₅₄ dsa₂ Pa₄. 24 Jaun₂ ca₂juá'₂:

—'Ne₂ Rag₅₄ Agripa, ca₂le₃jín'₃ 'nia'₂ dsa₂ i₂le₁ñi'₂ ja₁lá₃ quian'₅₄ jnia'₅₄, la₂ chén'₅ dsa₂ la₂. Juin₅ dsa₂ judíos i₂chan₂ juig₂ Jerusalén, dsa₂ chan₂ juig₂ Cesarea ja₁lá₃ ně₃, 'ni₂₃ dsa₂ la₂. Jaun₂ ca₂le₃jě₃ jmig₄ tsá₃ cān₂ jág₁, a₂mi₂₃ jón₂ i₂ně₅. ²⁵ La₁ con'₂ lín₂ jniá₂, tsá₃ 'e₂ dso₄ riin₂ jua'₅₄ a₂dsi₂ten₅₄ jóin₂. Ton'₂ mi₂₃ táng₃ 'ñiog₅ a₂dsáin'₃ ne₄ gui'₅₄ emperador Augusto, jaun₂ lě₃ ma₂i₂jio₅ dsi₃ dsiain'₅₄ co₂ñei'₅₄ ne₄ 'éi₂. ²⁶ Ia₁ tsá₃ guion₅₄ 'e₂ jág₁ dsón'₂ tó'₄ ne₄ si₂ a₂juig₅₄ gui'₅₄ emperador a₂'nig₄ i₂ně₅. Jaun₂ bá₄ lě₃ i₂jniái₂ ne'₅₄ 'nia'₂, la₁ 'ñio₅ dsen₅₄ guě₄ le₂'uig₅₄ ne'₅₄ 'ne₂ gui'₅₄ Rag₅₄ Agripa, ia₁jaun₂ caun'₅₄ jág₁ dsau₅ quió'₅, ia₁jaun₂ cha₂ a₂tó'₄ ne₄ si₂ 'e₂ a₂rě₂cáin'₂. ²⁷ Ia₁ tsá₃ dse₃ jniá₂, lín₂ jniá₂, jua'₅₄ a₂dsiang'₅₄ jan₂ dsa₂ chi₁'ñei'₅₄ jua'₅₄ a₂tsá₃ juig₅₄ 'e₂ lě₃ 'nag₅ dsa₂.

26

Ca₂jáng'₃ Pablo jág₁ dsau₅ quió'₅ ne₄ Rag₅₄ Agripa

¹ Jaun₂ ca₂juá'₂ Rag₅₄ Agripa ca₂tsí'₃ Pa₄:

—Lé₂ bá₄ jua'₅₄ jág₁ a₂jang'₅₄ jág₁ dsau₅ o₄quiáng'₂ 'ñiag'₂.

Jaun₂ ca₂chóg'₃ Pa₄ gu₂ ca₂jme₃lióg₃ ca₂juá'₂ le₂la₂:

² —Jmo₅ jniá₂ dsi₃, 'e₂ bá₄ dsen₃ jniá₂, a₂ma₂chéng'₅ ne'₅₄ 'ne₂ Rag₅₄ Agripa, a₂long₅₄, juig₅₄ 'ne₂ 'a₂lia'₂ lě₅ ca₂le₃jě₃ dso₄ a₂bóg'₂ dsa₂ judíos jniá₂. ³ Ia₁ ma₂ñi'₅₄ bá₄ 'ne₂ co₂rě₂ 'a₂lia'₂ lě₅ tag₄ a₂chí'₅ quián₂ jnia'₅₄ dsa₂ judíos, quian'₅₄ jág₁ a₂tság₂ jnia'₅₄ jin₄ rin'₅₄ ně₃. Jaun₂ lě₃ mi₅ jniá₂ ne'₅₄ a₂jmo'₂ juin'₂ 'au'₂ a₂nág'₁ jág₁ quió₃.

Ca₂dsia₃ Pablo, le₂la₂ bá₄ jme₁lín₄ né'₃ a₂jéin'₃ le₃quió'₅ Te₁gui'₅₄

⁴ 'Ca₂le₃jín₃ bá₄ dsa₂ judíos le₁ñi₅ 'a₂lia'₂ jme₁jmo₅ jniá₂ juig₂ go₃ quian'₅₄ jě₄ juig₂ Jerusalén ně₃. Jaun₂ le₁ñi₅ bá₄ dsa₂ 'a₂lia'₂ jme₁ñi₅ jniá₂ lia'₂ bing'₅₄. ⁵ Le₁ñi₅ 'éi₂ ján₃, jaun₂ lé₂ bá₄ jáng₃ jág₁ dsau₅ ně₁jua'₂ 'nio₃, lia'₂ con'₂ jme₁i₃juing'₂ bá₄, ma₂lín₅ bá₄ jniá₂ dsa₂ fariseo. Jaun₂ jnia'₅₄ i₂jme₁lág₄ fariseos jme₁jme₂tí₁ guě₄ 'ñio₅ lín₃ juá'₅ quián₂. ⁶ Ia₁ a₂'éng₂ a₂jme₃jen'₅₄ Diú₄ 'lag₄, jui₁lia'₂ lě₅ jág₁ quió'₅ ca₂cuě'₃ gui'₅₄ can'₅₄ quián₂ jnia'₅₄ ma₂líg'₂, 'uig₅₄ jaun₂ bá₄ a₂chéng'₅ ja₁lá₃, a₂con₂ dsa₂ jág₁ dsau₅ quió₃. ⁷ Ta₁guia₃-tín₂ bá₄ cho'₅₄ tsi₁jon₂ dsa₂ juig₂ jnia'₅₄ jme₂juin'₂ Diú₄, jaun₂ lia'₂ 'uě₂-jmi₂ bá₄ jme₂ti₃ ta₁ ne₄ Diú₄ ia₁ le₁ín₂ dsí₅ a₂jme₂ti₃ Diú₄ jág₁ jaun₂ quió'₅ ca₂cuě₃. 'Uig₅₄ jaun₂ bá₄ ně₃, 'ne₂ gui'₅₄ Rag₅₄ Agripa, 'uig₅₄ ia₁ a₂ín₂ dsi₃ jniá₂ le₂jaun₂ bá₄, a₂'nag₅ dsa₂ judíos jniá₂. ⁸ 'E₂ 'uig₅₄ jmo'₂ 'nia'₂ 'au'₂ a₂tsá₃ qui'₅₄ Diú₄ jmig₄ jme₃jein'₅₄ 'lag₄?

Ca₂dsia₃ Pa₄ 'a₂lia'₂ qui₂ca₂co₃'ein₃ quió'₅ dsa₂ quián₅ Jesús

⁹ 'Jniá₂ 'ñi₃, jme₁dsi₂jio₅ dsi₃ le₂jniá₅ jme₁jmo₅₄ 'lióng₂ ne₅₄ cosas a₂jme₁jmag'₅₄ dsa₂ quián₅ Jesús chan₂ Nazaret. ¹⁰ Jaun₂ le₂nē₅ ca₂jmo₃ jē₄ juig₂ Jerusalén. Quian'₅₄ 'éi'₃ ca₂cuē₃ juig₅₄ jme₂dsa₂, qui₂ca₂tong'₂ 'né₅ 'má₃ juin₅ lin₃ dsa₂ 'én₂. * Caun₂ bá₄ jág₁ jme₁lē₄ quió₃ quian'₅₄ dsa₂ i₂ca₂jme₃dsian₅ i₂lin₅₄ dsa₂ i₂'én₂ 'éi₂. ¹¹ 'Lióng₂ ráun₂ qui₂ca₂'ē₃ jniá₂ uig₅ ia₁jaun₂ jmo₃ tion₅₄ a₂tí₂ a₂'éin₂. Le₂jaun₂ bá₄ qui₂ca₂jmo₃ jniá₂ le₂tan₅₄ guá'₅ sinagogas, ca₂lia'₂ ca₂i₁'éin₄ le₂tan₅₄ juig₂ go₄ dsa₂ sián'₂ nē₃, ia₁ 'ñio₅ lin₃ jme₁'ñia₅₄ jniá₂.

Ca₂dsia₃ táng₃ Pa₄ 'a₂ lia'₂ ca₂lē₃ a₂ca₂jéin'₃

(Hechos 9:1-19; 22:6-16)

¹² 'Ta₁ jaun₂ jme₁ñó₃ jniá₂ jui₅ Damasco ca₂chei₃ dsa₂ quian'₅₄ bí₂ 'éi'₃ ca₂cuē₃ juig₅₄ jme₂dsa₂ a₂jme₁i₂cháng'₃ dsa₂ 'én₂ i₂jme₁tion'₅₄ ja₁jaun₂. ¹³ La₁ lia'₂ con'₂ jme₁ñó₃ le₂i₄ jui₅, 'ne₂ gui'₅₄ rag₅₄, con'₂ dsi₃ñí'₃ bá₄ jaun₂, ca₂jág₃ jniá₂ caun₂ si₂ ajá₃ jui₅ guei'₅₄ i₂juig₃, ca₂tág₃ le₂lág'₃ quió₃, quian'₅₄ dsa₂ i₂jme₁quiang'₅₄. 'Ñio₅ lin₃ guē₄ tág₅ con'₂ guē₄ 'iog₂. ¹⁴ Jaun₂ ca₂le₃jág₃ bá₄ jnia'₅₄ i₂gau'₅₄ 'uē₃ dsi₂jui₅ le₂jaun₂. Jaun₂ ca₂nag₃ caun₂ jág₁ ca₂juá'₂ dsa₂ quian'₅₄ jág₁ jmei₅ hebreo:† “Saulo, Saulo, ¿e₂ lē₃ co₂'éin'₅ jniá₂? A₂jñia'₅₄ jmag'₅₄ uig₅ 'ñia₂ bá₄, jmo'₂ ju₁lia'₂ jmo₅ ca₁jui₅ quia'₂ 'uē₃ a₂jná₅ nei'₅₄ ni₁'ma₂ chen'₂.” ¹⁵ Jaun₂ ca₂ñag₄ jniá₂: “¿Ei₂n bá₄ 'ne₂, gui'₅₄?” Jaun₂ ca₂ñag₃ táng₃: “Jesús bá₄ jniá₂ i₂co₂'én'₅ 'ne₂. ¹⁶ La₁ nau₂, chí'₂ tag'₅₄, ia₁ nē₂jme₁jniag₅ ne'₅₄ 'ne₂, ia₁ 'nio₃ jme₁ti'₄ ta₁ ne₃, ia₁jaun₂ jang'₅₄ jág₁ dsau₅ 'e₂ nē₂jag'₅₄ nē₃, quian'₅₄ a₂jag'₅₄ guē₄ cang₂ a₂jme₁jnia₅ jniá₂. ¹⁷ Tsín₅₄ jniá₂ 'ne₂, jaun₂ gog'₅₄ ja₁con₂ dsi₂nau₂, jaun₂ jmo₅₄ bá₄ jniá₂ 'í₁ 'ne₂ ia₁jaun₂ tsá₃ jmóg'₂ dsa₂ juig₂, on₃ guē'₂ dsi₂nau₂ nē₃. ¹⁸ Jaun₂ jui₅ ja₁con₂ dsa₂ 'éi₂ tsín₅₄ jniá₂ 'ne₂, ia₁jaun₂ le₃jnio₂ ne₄ dsa₂, ia₁jaun₂ 'uí₃n jē₄ qui₁né'₃, qui₃jéin'₃ ne₅₄ ja₁tág₅ si₂; ia₁jaun₂ tsá₃ lē₅ jua'₅₄ tioin'₅₄ guē₄ 'éi'₃ quió'₅ Satanás, ia₁jaun₂ dsi₁lein₃ ja₁con₂ Diú₄, dsi₃'én₂ bá₄ dsáu₁, ia₁jaun₂ gue₃ ju₁lia'₂ a₂ca₂tín₂ dsa₂ i₂lē₅ 'í₁ quián₅ Diú₄, 'uig₅₄ ia₁ a₂'éin₂ le₃quió₃ jniá₂.”

Ca₂jme₃ti₃ Pa₄ a₂ca₂jág₃ jaun₂

¹⁹ 'Jaun₂ le₂nē₅ bá₄, 'ne₂ gui'₅₄ Rag₅₄ Agripa, tsá₃ jua'₅₄ a₂tsá₃ ca₂jme₁ti₁₂ con'₂ lē₅ a₂ca₂jág₃ ajá₃ guei'₅₄. ²⁰ Jaun₂ lē₃, jē₄ juig₂ Damasco ca₂'ē₃ le₂'uig₅₄ jág₁ dse₃. Jaun₂ guē₄ ca₂ñeg₅₄ jui₅ Jerusalén, le₂tan₅₄ juig₂ ja₁tén₄ 'uē₃ Judea nē₃. Ján₃ bá₄ ca₂ñeg₅₄ jin₄ dsi₂nau₂, ca₂i₁chei₁₂ a₂'nió'₅ dsi₃quén'₅ dsí₅, jéin'₃ le₃quió'₅ Diú₄, a₂jme₃li₅₄ a₂ma₂ca₂rē₃tsín₃ dsí₅ tē₂le₃ quian'₅₄ ca₂le₃jē₃ a₂jmo₂₃. ²¹ 'Uig₅₄ jaun₂ bá₄ a₂ca₂jñau'₃ dsa₂ judíos jniá₂ i₁dsi₅ guá'₅ templo a₂jme₁'nio₃ jme₁jñag'₃. ²² La₁ Diú₄ bá₄ jme₂'o₅₄

* 26:10 lit. “juin₅ lin₃ dsa₂ jnió₅.” † 26:14 o₃, arameo.

cuē²³ bí² a₂chan'⁵⁴ tiá² jág¹ quió'⁵ ca₂tē² jmig⁴ ně³, qui₂jáng'⁵ jág¹ dsau⁵ a₂juig² lia'² dsa₂ dsen⁵⁴ lia'² dsa₂ lē₁dsa₂ ně³. 'I₁caun₂ jág¹ siá'² tsá³ juig² jniá² dsa₂, jnia'⁵⁴ con'² lē⁵ jág¹ ca₂juá'² dsa₂ i₂jme₁'ē² jág¹ quián⁵ Diú⁴, ma₂líg'², quian'⁵⁴ a₂ca₂juá'² Moisés, jme₁ca₂juá'² ca₂le₃jě³ 'e₂ niog⁵ lē², ²³ co₂'nió'⁴ a₂tion⁵⁴ 'nió'⁵ njág³ uig⁵ I₂rē₂'ín₁ quián⁵ Diú⁴; jaun₂ 'éi₂ bá⁴ lén₂ i₂le₂'uig⁵⁴ i₂jen'⁵⁴ jin₄ 'lag⁴, ia₁jaun₂ dsi₃'ě₃ jág¹ dse₃ a₂lión₂ dsa₂, jui₁lia'² caun₂ si₂ a₂tág⁵ lia'² jin₄ dsa₂ juig² quián₂ jnia'⁵⁴, lia'² jin₄ dsi₂nau₂ ně³.

Ca₂jmo₃ Pa₄ bí₂ a₂jme₁le₂'én₂ Rag⁵⁴ Agripa tē₂le₃ quió'⁵ Jesús

²⁴ Jme₁ca₂juá'² Pa₄ jág¹ jaun₂ a₂jme₁lióin₂ 'njog⁵ ne₄ dsi₂tan⁵⁴, jaun₂ ca₂guió'³ Dsi₄má'² Festo ca₂juá'²:

—I₂A₂lētē₂'i'² bá⁴ 'ne₂, Pa₄! Ia₁ a₂nj₄ lē₃ 'i'² si₂, jaun₂ ma₂ca₂rē₃njág'⁵.

²⁵ Jaun₂ ca₂njag₃ táng₃ Pa₄:

—Tsá₃ njá₅ jniá₂, 'ne₂ gui'⁵⁴ Dsi₄má'² Festo. Jág¹ dsau⁵ dsón'² bá⁴ a₂juá'⁵ jniá₂ la₂. ²⁶ La₂ bá⁴ guá₅ gui'⁵⁴ Rag⁵⁴ Agripa i₂cuí'⁵ dse₃ 'a₂ lia'² lē⁵ jág¹ ně⁵. A₂jaun₂ bá⁴ lē₃ tiá₂ dsi₃ a₂juá'⁵ ne⁵⁴, ia₁ dsón'² nj₅ ca₂le₃jě₃ jág¹ ně⁵, ia₁ on₃jua'⁵⁴ a₂ca₂lē₃ caun₂ ja₁quióng⁴ con'² tē₃co'⁵⁴. ²⁷ ¿'Én'² 'ne₂ gui'⁵⁴ Rag⁵⁴ Agripa jág¹ a₂ca₂juá'² dsa₂ i₂jme₁'ē² jág¹ quián⁵ Diú⁴? Guion₄ bá⁴ jniá₂ a₂'én'² 'ne₂.

²⁸ Jaun₂ ca₂njag₃ Rag⁵⁴ Agripa:

—Ca₂juig⁴ mei'² tsá₃ jme₂'uang'⁵⁴ dsi₃ a₂lég₂ jan₂ dsa₂ cristiano.

²⁹ Jaun₂ ca₂juá'² táng₃ Pa₄:

—Chi₂jua'² ca₂juig⁴ o₃ tsá₃ ca₂juig⁴ 'e₂, 'e₂ guē₄ dse₃ ně₁jua'² jmo₃ Diú⁴ on₃jua'⁵⁴ jmá'³ 'ne₂, ján₃ bá⁴ le₂jaun₂ ca₂le₃jín₃ dsa₂ i₂nag⁵ jág¹ quió₃ ně³, a₂lén₂ jui₁lia'² lín₅ jniá₂, o₁jnia'⁵⁴ guē₄ on₃jua'⁵⁴ quian'⁵⁴ ni₁nj₁ cadena jui₁lia'² chén'⁵ jniá₂ la₂.

³⁰ Jme₁ma₂ca₂lē₃ juá'² Pa₄ le₂jaun₂, ca₂nau₂ Rag⁵⁴ Agripa quian'⁵⁴ Dsi₄má'² Festo, 'io⁵⁴ Berenice ně³, ca₂'u₁in₂ co₂lē₅ quia₁in'⁵⁴ ca₂le₃jín₃ guē₄ dsa₂ i₂jme₁tion'⁵⁴. ³¹ Con'² ca₂i₂lén₂ cau₅, ca₂i₁dsia₂ 'a₂ lia'² jmo₃ jág¹ jaun₂ quió'⁵ Pa₄, jaun₂ ca₂juá'² ca₂tsí'³ riin'⁵⁴:

—'I₁ca₂juig⁴ tsá₃ 'e₂ ma₂jmo₃ dsa₂ ně⁵, jua'⁵⁴ a₂ca₂tín₂ 'i₄ 'éi'³ joi₂n₂, on₃ guē'² jua'⁵⁴ a₂dsi₂ten⁵⁴ 'ein⁵⁴ né'³ 'má₃ ně³.

³² Jaun₂ ca₂juá'² Rag⁵⁴ Agripa ca₂tsí'³ Dsi₄má'² Festo:

—Jme₁lē₂ bá⁴ jme₁lión₂ dsa₂ ně⁵, jua'⁵⁴ mei'² guē₃ tsá₃ ca₂mi₃ 'njog⁵ a₂jme₃rě₃ gui'⁵⁴ emperador jág¹ quió'⁵.

27

Ca₂dsián'² dsa₂ Pa₄ jui₅ Roma

¹ Jme₁ca₂jmo₃ dsa₂ jág¹ a₂chei₃ jnia'⁵⁴ jui₅ 'uē₃ Italia, jaun₂ Pa₄ quian'⁵⁴ guē₄ dsa₂ i₂le₁'ne'⁵⁴ riin'⁵⁴ ca₂jáng'² dsa₂ o₄gú₃

jan₂ juig₅₄ 'lióg₂ i₂chen₂ Julio, i₂tén₅ tē₂le₃ quió'₅ co₂nió'₃ 'lióg₂ i₂tē'₂ dsa₂ quián₅ Augusto. ² Jaun₂ ca₂tió'₄ jnia'₅₄ caun₂ ni₁barco a₂já₃ jui₅ 'o₄ jmi₁ñí'₄ ja₁chei₂ Adramitio a₂jme₁ma₂chí'₅ dsáu'₃ jui₅ 'o₄ jmi₁ñí'₄ a₂niog₅ 'uē₃ Asia. Jme₁quian'₅₄ jnia'₅₄ Aristarco dsa₂ chan₂ Tesalónica, juig₂ tén₅ 'uē₃ Macedonia. ³ Jme₁jnia₃ táng₃ jaun₂, ca₂dsi₃náu₅ jnia'₅₄ 'o₄ jmi₁ñí'₄ juig₂ Sidón. Ja₁jaun₂ ca₂dsia₃ nēi₂ dsí₅ Julio ja₁con₂ Pa₄, ca₂cuē₃ bá₄ jmi₁g₄ ca₂i₁jiin₁₂ a₂mei₅₄ quián₅, ia₁jaun₂ jme₃'o₅₄ 'éi₂ 'e₂ a₂'nió'₅ quió'₅. ⁴ Jme₁ca₂'uag₂ jnia'₅₄ juig₂ Sidón, ca₂i₃náu₅ jnia'₅₄ jui₅ ja₁jniá₂ Chipre tē₂le₃ gu₂ jen₅, ia₁ tē₂le₃ siá'₂ bá₄ jme₁'ei₅ dsí₂. ⁵ Jaun₂ ca₂ñag₅₄ jnia'₅₄ jmi₁ñí'₄ chei'₅₄ 'uē₃ Cilicia quian'₅₄ Panfilia. Jaun₂ dsi₃náu₅ jnia'₅₄ ja₁chei₂ Mira, juig₂ tén₅ 'uē₃ Licia.

⁶ Ja₁jaun₂ ca₂dsó'₂ juig₅₄ 'lióg₂ caun₂ ni₁barco já₃ juig₂ Alejan-dría, a₂ma₂'i₄ jui₅ dsáu'₅ jui₅ Italia. Jaun₂ ca₂jmo₃ 'éi'₃ ca₂tió'₄ jnia'₅₄ ni₁barco, jaun₂ ca₂i₃náu₅ táng₃. ⁷ 'Lióng₂ jmi₁g₄ ca₂tió'₄ jnia'₅₄ ni₁barco, ia₁ a₂i₃náu₅ tē₂'ua₁. Jaun₂ tē₃ quian₅ ta₁ le₂jaun₂ bá₄ dsi₃náu₅ ja₁chei₂ Gnido. Ia₁ lia'₂ ma₂'ei₅ jaun₂ bá₄ dsí₂ le₃siá'₂, jaun₂ ca₂ñag₅₄ jnia'₅₄ cau₅ ja₁chei₂ Salmón, ca₂i₁jein'₅₄ le₃ja₁chei₂ Creta, 'uē₃ 'i₄ jē₄ jmi₁ñí'₄. ⁸ Jaun₂ tē₃ quian₅ ta₁ le₂jaun₂ bá₄ ca₂dsi₃náu₅ jnia'₅₄ ja₁tē'₂ dsa₂ 'O₄ Jmi₁ñí'₄ Dse₃, ja₁ma₂quián₅ juig₂ Lasea.

⁹ 'Lióng₂ jmi₁g₄ ca₂rē₃'ag₄ jnia'₅₄. Ma₂tē₂ jein₂ a₂ma₂go'₂ i₃nio₄ dsa₂ jui₅ ne₄ jmi₁ñí'₄, ia₁ a₂ma₂ja₂quián₃ jein₂ güig₂. Jaun₂ lē₃, jme₁ca₂juá'₂ Pa₄ ca₂tsí'₃ dsa₂:

¹⁰ —'Nia'₂ dsa₂, jág₅ jniá₂ 'ñio₅ ma₂go'₂ quián₂ jniog₄ tē₂le₃ ja₁dsau₅₄ nē₅, ia₁ dsi₃'én₂ ni₁barco, lió₅₄ nē₃, ca₂tē₂ guio₅₄ jniog₄ go'₂ dsióg₃ nē₁jua'₂ 'e₂ ca₂lē₃.

¹¹ La₁ juig₅₄ 'lióg₂ nē₃, tsá₃ jui₅ ca₂tón'₃ jág₁ jaun₂ quió'₅ Pa₄. Ca₂tón'₃ bá₄ jui₅ jág₁ quió'₅ dsa₂ juig₅₄ ni₁barco quian'₅₄ dsa₂ i₂quian₄ ni₁barco nē₃. ¹² Ia₁ tsá₃ dse₃ 'o₄ jmi₁ñí'₄ jaun₂ jua'₅₄ a₂jñia₃ dsa₂ jein₂ güig₂ ja₁jaun₂, jaun₂ mei'₂ tsá₃ ca₂le₃jín₃ dsa₂ ca₂jmo₃ jág₁ a₂jme₁dsi₁náu₄ jui₅ ja₁tág'₄ juig₂ Fenice, caun₂ 'o₄ jmi₁ñí'₄ quió'₅ Creta ja₁jniá₂ tē₂le₃ noroeste quian'₅₄ tē₂le₃ suroeste, ia₁jaun₂ dsi₁jñia₁ jnia'₅₄ ja₁jaun₂ tē₁lia'₂ ñag₅ jein₂ güig₂.

Ca₂'ág₂ dsí₂ tiá₂ lin₃ ne₄ jmi₁ñí'₄

¹³ Jaun₂ ca₂jme₃lióg₃ ca₂'ág₂ dsí₂ 'ua₁ a₂já₃ tē₂le₃ sur. Jaun₂ caun₂ lé₂ dsi₃lén₂ bá₄ lín₂. Jaun₂ ca₂'uiin₂ jaun₂ nē₃, ca₂i₃lén₂ jui₅ ma₂quián₅ chei'₅₄ 'uē₃ Creta. ¹⁴ La₁ jme₁co₂lág₂ jaun₂, ca₂já₃ dsí₂ tiá₂ lin₃ a₂chei₂ Nordecte ca₂tē₂ ni₁barco. ¹⁵ Jaun₂ ca₂jio₃ dsí₂ le₃siá'₂ quió'₅ ni₁barco, ia₁ tsá₃ ma₃lé₂ jua'₅₄ dsau₅₄ jnia'₅₄ co₂dsau₅, jaun₂ co₂ñei'₅₄ ca₂cuē₁ jnia'₅₄ jmi₁g₄ a₂jio₃ dsí₂.

¹⁶ Jaun₂ ca₂ηag₅₄ jnia'₅₄ le₃co'₅₄ caun₂ 'uē₃ pí'₁ ja₁chei₂ Cauda*
a₂niog₅ jē₄ jmi₁ηí'₄. Ja₁jaun₂ tsá₃ lin₄ ma₃'ei₅ dsí₂ tiá₂, jaun₂
tē₃ quian₅ ta₁ le₂jaun₂, ja₂lag₃ bá₄ ca₂tián₃ jnia'₅₄ a₂ca₂quiong₅₄
táng₃ tsi₁mu₅ a₂jme₁le₁'in₁ le₃chi₁co'₅₄. ¹⁷ Jme₁ca₂lē₃ ca₂tó'₂
dsa₂ tsi₁mu₅ guei'₅₄ 'ηió'₃ ni₁barco, jaun₂ qui₂ca₂'néi₂ dsa₂ dse₃
ni₁barco quian'₅₄ tsi₁'nei₅₄ ia₁jaun₂ jmo₃ bēn₂ guē₄. Jaun₂ ia₁
jme₁gó'₅ dsa₂ a₂'í₂ ni₁barco ne₄ ti₁tsag₁ ja₁tē'₂ dsa₂ Sirte, jaun₂
ca₂sió₂ tsi₁'mi'₂ quió'₅ ni₁barco, jaun₂ ca₂cuē₃ jmi₄ a₂jio₃ dsí₂.
¹⁸ Jme₁jnia₃ jaun₂, ia₁ tiá₂ bá₄ guē₄ 'ei₅ dsí₂, jaun₂ ca₂jme₃lióg₃
qui₂ca₂tó'₂ lió₅₄ ne₄ jmi₁ηí'₄. ¹⁹ Jme₁ca₂tē₂ 'ni₅ jmi₄, jaun₂ guio₅₄
jnia'₅₄ quian'₅₄ gu₂ qui₂ca₂tio'₅₄ dsi₂jmi₂ le₂jio₅ a₂jmo'₂ ta₁
ni₁barco 'ηiog₅. ²⁰ 'Lióng₂ jmi₄ tsá₃ ma₃ca₂jnia₃ 'iog₂, on₃ guē'₂
nei₅ ně₃. Tsá₃ ma₃lág₂ jnia'₅₄ jua'₅₄ a₂tág'₄ guē₄, ia₁ a₂ηí₄ lē₃ tiá₂
jme₁'ei₅ dsí₂.

²¹ Ia₁ ma₂ne₁ηó'₄ 'lióng₂ jmi₄ tsá₃ ma₃'ein₂ jnia'₅₄ guē'₅, jaun₂
ca₂nau₂ Pa₄ jē₄ quió'₅ dsa₂ 'éi₂, jaun₂ ca₂jua'₂:

—'Nia'₂ dsa₂, dse₃ jua'₅₄ co₂nei'₅₄ ca₂tion'₂ bá₄ 'nia'₂ jui₅ jág₁
quió'₃ a₂tsá₃ jme₁'uág₃ Creta. Jnia'₅₄ ca₂i₃'én₂ bá₄ quián₂, ton'₂
ca₂ηag₅₄ rē'₂ uig₅ ně₃. ²² La₁ ně₃ ně₃, quen'₂ 'nia'₂ bí₂, ia₁ 'i₁jan'₂
'nia'₂ tsá₃ 'ein₂ dsián₃, o₁jnia'₅₄ dsi₃'én₂ ni₁barco. ²³ Ia₁ a₂'uē₂ la₂
ně₂jme₃jnia₅ jan₂ ángel ne₃, i₂chen₄ quián₅ Diú₄ i₂jme₂tí₁ jniá₂
ne₅₄. ²⁴ Jaun₂ ně₂jua'₂ ángel ně₂chéi₃ jniá₂: “Tsá₃ lē₁jmo₂ gang'₃
Pa₄, ia₁ tion₅₄ niog₅ bá₄ gog'₅₄ a₂jme₁jniag'₂ ne₄ gui'₅₄ emperador
romano. 'Uig₅₄ quián'₂ 'ne₂ bá₄ a₂lión₂ Diú₄ ca₂le₃jín₃ dsa₂
i₂quiang'₅₄ 'ηió'₃ barco, tsá₃ ma₃dsián₃.” ²⁵ Jaun₂ lē₃, 'nia'₂ rin'₅₄
jniog₄, quen'₂ 'nia'₂ bí₂, tsá₃ jmo₂ 'nia'₂ o₂i₁ dsi₅. Ia₁ dsón'₂ bá₄
'én₂ jniá₂ tē₂le₃ quió'₅ Diú₄ a₂tion₅₄ jmo₃ con'₂ lē₅ jág₁ a₂nē₂jua'₂
ángel ně₂chéi₂ jniá₂. ²⁶ La₁ tion₅₄ niog₅ dsi₁tió'₄ bá₄ jniog₄ caun₂
'uē₃ dsi₂jo₂ jmi₁ηí'₄.

²⁷ Caun₂ 'uē₂ jme₁ma₂tē₂ tin₃ semanas a₂tio'₅₄ jnia'₅₄ jui₅, lia'₂
ma₂jio₅ jaun₂ bá₄ dsí₂ ne₄ Jmi₁ηí'₄ Adria,† jme₁ca₂rē₃lí'₄ dsa₂
i₂quian₅ ni₁barco con'₂ dsi₃nei₅ jaun₂, a₂ja₂quián₃ dsi₁lén₂ 'uē₃.
²⁸ Jaun₂ ca₂can₃ dsa₂ 'éi'₃ 'a₂ con'₂ ji'₂ guē₄ jmi₂. Jme₁ca₂jág₃
dsa₂, con'₂ guióg₂-guiá₂-jnéi₂ (36) metros bá₄ ji'₂ guē₄. Ca₂jui₄
guē₄ le₃cau₅ jaun₂ ca₂can₃ táng₃ dsa₂ 'éi'₃. Jme₁ca₂jág₃ táng₃,
guióg₂-guio₃ (27) metros bá₄ tí₅ guē₄ ji'₂. ²⁹ Ia₁ a₂gó'₅ dsa₂ jná'₃
ni₁barco con'₂ tiá₂ dso'₂ ni₁cang₁ 'lau₂, jaun₂ ca₂sió₂ le₃chi₁co'₅₄
ni₁barco quén₂ ni₁ηí₁ 'lá'₁ guei₂ quian'₅₄ tsi₁'nei₅₄ jui₅ né'₃
jmi₁ηí'₄. Tē₃ tion₅₄ dsa₂ gó'₅ le₂jaun₂, qui₂ca₂chi₃lén'₂ Diú₄
a₂jnia₃. ³⁰ Tē₁lia'₂ jaun₂, jme₁ma₂dsi₂jio₅ dsí₅ dsa₂ i₂quian₅
ni₁barco a₂jme₁cuíng₃. Qui₂ca₂sió₂ tsi₁mu₅ ne₄ jmi₁ηí'₄, a₂jmo₂₃
jui₁lia'₂ a₂tioin'₅₄ tó'₅ ni₁ηí₁ guei₂ tē₂le₃ ne₄ ni₁barco. ³¹ La₁ jaun₂

* 27:16 A₂lin₅₄ chog₅₄ si₂: “Clauda.” † 27:27 o₃, “Jmi₁ηí'₄ Mediterráneo.”

ca₂juá'₂ Pa₄ ca₂tsí'₃ juig₅₄ 'lióg₂ quian'₅₄ ca₂le₃jín₃ guě₄ 'lióg₂ ně₃, ca₂juá'₂:

—Ně₁jua'₂ tsá₃jñia₅ i₂ně₅ 'ñió'₃ ni₁barco, tsá₃jaun₂ líón'₂ 'nia'₂.

³² Jaun₂ qui₂ca₂ti₃ 'lióg₂ 'nei₅₄ a₂jme₁chi₁quian₅ tsi₁mu₅, ca₂tá'₂ jaun₂ ně₃ ne₄jmi₂g₂.

³³ Tě₂ o₃'iog₂ lín₃, ca₂juá'₂ Pa₄ ca₂tsí'₃ ca₂le₃jín₃ dsa₂ a₂'nió'₅ guě'₃. Jaun₂ ca₂juá'₂:

—Ma₂tě₂ tin₃ semanas a₂tsá₃ ma₂gün'₂ 'nia'₂ on₃ guě'₂ ma₂quě'₂. ³⁴ Jaun₂ lě₃ juá'₅ jniá₂, quě'₂ 'nia'₂ ca₂la₂. Tion₅₄ 'nió'₅ quě'₅₄ 'nia'₂ ia₁jaun₂ bá₄ líón'₂ 'nia'₂. 'I₁jan₂ jniog₄ tsá₃ 'ein₂ dsi₂'én₂ ja₁lá₃. Ca₂lia'₂ jñia'₅₄ ca₂mi'₂ jñi₂ dsi₄ jniog₄ tsá₃ 'e₂ dsi₃'én₂.

³⁵ Dsi₂jui₅ jme₁ca₂juá'₂ Pa₄ le₂ně₅, ca₂can₃ i₁ñí'₄ jaun₂ ca₂cuě'₃ ti₁'mag'₄ Diú₄ tě₃ jág₅ dsa₂ ca₂le₃jín₃. Jaun₂ ca₂dsion₃ Pa₄ i₁ñí'₄ ca₂guě'₃ jaun₂ ně₃. ³⁶ Jaun₂ ca₂le₃jín₃ dsa₂ ca₂tíin'₃ táng₃ bí₂ jme₁ma₂ně₂guě'₃. ³⁷ Ca₂le₃jág₃ jñia'₅₄ con'₂ jme₁tio'₅₄ ni₁barco jme₁téi₄ tin₃ 'ñiá₂-lón₂ rě₂dsí₂ 'nag'₂ co₂ne₂guióg₂ rě₂dsí₂ guia₃-jñé₂ (276) dsa₂. ³⁸ Jme₁ca₂lí'₃ guě'₅ dsa₂ con'₂ jme₁'nio₃, jaun₂ ca₂guia'₃ lio₅₄ trigo ne₄ jmi₁ñí'₄ ia₁jaun₂ sión'₂ guě₄ guei₂ ni₁barco.

Ca₂i₃guen'₅₄ ni₁barco né'₃ jmi₁ñí'₄

³⁹ Jme₁jñia₃ jaun₂, dsa₂ i₂quian₅ ni₁barco tsá₃ ca₂rě₃cuí'₅ 'uě₃ jaun₂. La₁ jaun₂ ca₂jág₃ caun₂ dsiog₅ jmi₁ñí'₄ a₂niog₅ jě₄ 'uě₃, ja₁'ei₅ tei₄ guě₄ jmi₂g₂. Chei'₅₄ jaun₂ tio'₅₄ 'líóng₂ ti₁tsag₁ ja₁lě₄ jo₂ guě₄. Jaun₂ ca₂'náu'₃ dsí₅ chi₂jua'₂ lé₂ jñióg'₃ ni₁barco ca₂tě₂ jaun₂. ⁴⁰ Jaun₂ ca₂ti₃ 'nei₅₄ a₂jme₁le₁quian₅ ni₁ñí₁ 'lá'₁. Né'₃ jmi₁ñí'₄ jaun₂ bá₄ ca₂tí₂ dsa₂ ni₁ñí₁ jaun₂. Qui₂ca₂jiá'₂ dsa₂ 'ma₂ a₂jmo₅ dsó₃ ni₁barco 'a₂ jui₅ 'nio₃ dsa₂. Jaun₂ ca₂chóg'₃ tsi₁'mi'₂ le₃ne₄ jui₅ quió'₅ ni₁barco, ia₁jaun₂ tě₃ dsí₂. Jaun₂ dsi₂jui₅ bá₄ ca₂jme₃lióg₃ ca₂ñi₃ ni₁barco ca₂jme₃quián₃ le₃chei'₅₄ 'uě₃ ja₁lě₄ ti₁tsag₁. ⁴¹ La₁ jui₅ ja₁ñó₃ ni₁barco jaun₂ ca₂dsi₃quén'₅ caun₂ ja₁lě₄ tin₃ ne₅₄ la'₅₄ ja₁'ei₅ tiá₂ jmi₂g₂. Tě₂le₃ ja₁lě₄ le₃ne₄ jui₅ quió'₅ ni₁barco ca₂i₃ó'₅ jě₄ ti₁tsag₁, ca₂quí'₃ tiá₂ lín₃, ca₂lia'₂ tsá₃ ma₃ca₂tió'₃ dsa₂ dsí₃. Jaun₂ le₃ja₁lě₄ le₃chi₁co'₅₄, qui₂ca₂juin₃, ia₁ a₂ñí₄ lě₃ tiá₂ qui₂jná'₅ jmi₁ñí'₄. ⁴² Jme₁'nio₃ 'lióg₂ jme₃dsiain₂₃ dsa₂ i₂niog₅ gu₂ 'éi₂ ia₁jaun₂ tsá₃ lióin₂ jě₁ma₂qui₂ca₂'ain₂ jmi₂g₂. ⁴³ La₁ tsá₃ ca₂cuě₃ jmi₂g₄ juig₅₄, ia₁ 'nio₃ lióin₂ Pa₄. Jaun₂ ca₂jmo₃ 'éi'₃ ca₂tsí'₃ ca₂le₃jín₃ dsa₂ i₂tin₂ qui₃dsi₅ jmi₂g₂, jui₁tioin'₅₄ jmi₂g₂ le₂'uig₅₄ ia₁jaun₂ tíin'₄ 'uě₃; ⁴⁴ dsa₂ sián'₂ guě₄ ně₃, jui₁'ain₅₄ jmi₂g₂ le₁chan'₂ jau₅₄ 'ma₂, o₃ ni₁'nau₅₄ quió'₅ ni₁barco 'e₂. Le₂jaun₂ bá₄ ca₂lě₃ qui₂ca₂lót₂ jñia'₅₄ a₂ca₂tág'₃ táng₃ 'uě₃.

28

'En₅₄ Pablo 'uē₃ Malta a₂nio₅ jē₄ jm₁ñí'₄

¹ Jme₁ma₂ca₂lō₂ jnia'₅₄ ca₂le₃jág₃, jaun₂ guē₄ ca₂rē₃ne₄ jnia'₅₄ a₂chei₂ Malta 'uē₃ jaun₂, a₂nio₅ jē₄ jm₁ñí'₄. ² Dsa₂ chan₂ ja₁jaun₂ ca₂jmo₃ bá₄ dse₃ dsí₅ ja₁con₂ jnia'₅₄. Ca₂dsia₃ dsa₂ si₂ pa₁ jaun₂ ca₂tē₃ jnia'₅₄ a₂jme₁dsion'₂, ia₁ a₂ñí₄ lē₃ güí₂, dsó₅ jmí₅ nē₃. ³ Pa₄ guē₂ nē₃ qui₂ca₂cág'₃ nī₁'ma₂ quein₂. Lia'₂ con'₂ jme₁'ein₅₄ tó'₅ dsi₂si₂, con'₂ tsá₃ jáin₅ ca₂o₃'ín₃ jan₂ dsi₂mi'₂ a₂cuí₂g₂₃ jme₁ca₂'ē'₂ dséi₂ quió'₅, ca₂chi₃dséin₂ mī₂gu₂ Pa₄. ⁴ Jme₁ca₂jág₃ dsa₂ chan₂ ja₁jaun₂ 'en₅₄ dsi₂mi'₂ chi₁dsein₅₄ mī₂gu₂ 'éi₂, qui₂ca₂dsia₃ jág₁ guioin₅₄ qui₂ca₂tsí'₃ riin'₅₄.

—I₂ma₂jñí'₃ dsa₂ bá₄ dsa₂ nē₅. O₁jñia'₅₄ la₂ ca₂lōin₂ ne₄ jm₁ñí'₄, la₁ tsá₃ 'i₄ 'éi'₃ a₂le₃chain₂ guē₄.

⁵ La₁ qui₂ca₂bí₂ Pa₄ mī₂gu₂ jaun₂ nē₃, ca₂tán'₂ dsi₂mi'₂ dsi₂si₂. La₁ tsá₃ 'e₂ ca₂jén'₃ Pa₄ 'i₁ca₂juig₄. ⁶ Ca₂le₃jín₃ dsa₂ jme₁le₁jñia₂₃ guíong₃ dsi₂jui₅ quió'₅ Pa₄, o₃ jme₁dsi₃'iin₅ 'e₂, jóin₂ dsi₂jui₅. La₁ jme₁co₂lág₂ jaun₂, ia₁ ca₂jág₃ tsá₃ 'e₂ i₁jén'₄ guē₂ Pa₄, jaun₂ ca₂jjiog₅ dsí₅ tē₂le₃ siá'₂, qui₂ca₂tsí'₃ riin'₅₄ a₂lín₅ Pa₄ jan₂ diú₄.

⁷ Cau₅ jaun₂ jme₁ron₅ 'uē₃ quió'₅ dsa₂ dsen₅₄ quián₅ dsa₂ chan₂ ja₁jaun₂, dsa₂ i₂chen₂ Publio. Ca₂jmo₃ dse₃ dsí₅ ca₂ag'₃ jnia'₅₄, 'ni₅ jmig₄ ca₂tág₃ jnia'₅₄ ja₁quió'₄. ⁸ Jme₁ Publio 'éi₂ jme₁ron₅ dso'₅₄ 'i₄ dséi₂, a₂tag₂₃ jmi₂ nē₃. Pa₄ nē₃ ca₂ñei₅₄ ca₂i₁jñin₁₂ dsa₂ dso'₅₄ 'éi₂. Jme₁ma₂nē₂chi₃lén'₂ Diú₄, jaun₂ guē₄ ca₂quiog₂ gu₂ ne₄ quió'₅ dsa₂ dso'₅₄, ca₂jme₃'lió₂. ⁹ Jme₁ca₂lē₃ le₂jaun₂, caun₂ ca₂dsi₃lén₂ bá₄ dsa₂ dso'₅₄ sián'₂ i₂chan₂ 'uē₃ jaun₂, caun₂ ca₂jme₃'lió₂ bá₄ guē₂ Pa₄. ¹⁰ 'Io'₂ ca₂jmo₃ dsa₂ quian'₅₄ jnia'₅₄. Jaun₂ ca₂cuē₃ dsa₂ ca₂le₃jē₃ 'e₂ 'nió'₅ quián₂ jnia'₅₄ jē₁ma₂tē₂ rē₁tió'₄ táng₃ jnia'₅₄ jui₅.

Ca₂dsióg₃ Pa₄ jē₄ juig₂ Roma

¹¹ Cang₂ jme₁ma₂ca₂ñí₂ 'ni₅ tsi'₂, jaun₂ ca₂tió'₄ táng₃ jnia'₅₄ caun₂ nī₁barco a₂jme₁chí'₄ ja₁jaun₂ tē₁lia'₂ jein₂ güí₂. Nī₁barco jaun₂ ca₂já₃ juig₂ Alejandría. Guei'₅₄ nī₁barco jaun₂ jme₁tióng₂ nió'₅ quió'₅ diú₄ Cástor quian'₅₄ diú₄ Pólux.* ¹² Ca₂dsi₃náu₅ jnia'₅₄ 'o₄ jm₁ñí'₄ juig₂ chei₂ Siracusa. Ja₁jaun₂ ca₂jñia₄ jnia'₅₄ 'ni₅ jmig₄. ¹³ Ca₂'uag₂ jnia'₅₄ ja₁jaun₂, ca₂i₁ñag₅₄ jnia'₅₄ quián₅ chei'₅₄ 'uē₃ ca₂lia'₂ ca₂dsi₃náu₅ tē₂ ja₁chei₂ Regio. Jme₁jñia₃ jaun₂, ca₂'ág₂ dsí₂ a₂já₅ tē₂le₃ sur. Jē₁ca₂tē₂ tin₃ jmig₄ guē₄ ca₂dsi₃náu₅ jnia'₅₄ ca₂tē₂ juig₂ Puteoli. ¹⁴ Ja₁jaun₂ ca₂jen'₂ jnia'₅₄ i₂lín₅₄ dsa₂ rin'₅₄ i₂én₂. I₂'éi₂ ca₂tē₃ jnia'₅₄ ca₂i₁jñia₁ jē₄ quió'₅ caun₂ semana. Jaun₂ guē₄ ca₂i₃náu₅ jnia'₅₄ jui₅ Roma.

* **28:11** griego: Dioskouri, co₂'nió'₄ le₃jua'₅₄ on₃ dsa₂ tsin'₅₄ i₂lín₅ ja₁ñi'₅₄ diú₄ Zeus quian'₅₄ Leda. Co₂'nió'₄ diú₄ patrón quián₅ nī₁barco.

¹⁵ Ca₂le₃jín₃ dsa₂ rin'₅₄ i₂tián'₅ Roma jme₁ma₂le₁ñi₅ a₂dsi₁náu₅ jnia'₅₄. Jaun₂ i₁lein₅₄ i₁jñiog₁₂ le₂'i₄ jui₅ ca₂tě₂ ja₁chei₂ Foro de Apio quian'₅₄ ja₁tě'₂ dsa₂ Las Tres Tabernas. Jme₁ca₂jág₃ Pa₄ ca₂jín₂ dsa₂ 'éi₂, jaun₂ ca₂cuě'₃ ti₁'mag'₄ Diú₄ ca₂tín₂ táng₃ bí₂ ca₂lág₃ dsí₅. ¹⁶ Jme₁ca₂dsi₃náu₅ jnia'₅₄ Roma, [ja₁jaun₂ guě₄ ca₂jáng'₂ juig₅₄ 'lióg₂ ca₂jín'₂ ne₄ juig₅₄ 'lióg₂ i₂jmo₅ 'í₁ ja₁jaun₂ ca₂le₃jín₃ dsa₂ i₂jñiai₂₃ i₂nio₅ gu₂. La₁]† Pa₄ ně₃ ca₂cuě₃ juig₅₄ 'lióg₂ jmig₄ a₂guá₃ 'éi₂ ja₁siá'₂ con'₂ 'ñiog₅ quian'₅₄ jan₂ 'lióg₂ i₂jmo₃ 'í₁ quió'₅.

Ca₂'ě₂ Pa₄ jág₁ dse₃ juig₂ Roma

¹⁷ 'Ni₅ jmig₄ cang₂ jme₁ca₂dsióg₃ Pa₄ juig₂ Roma, ca₂tě'₃ ca₂le₃jín₃ dsa₂ dsen₅₄ quián₅ dsa₂ judíos juig₂ jaun₂. Jme₁ma₂le₁ñi'₂ dsa₂, jaun₂ ca₂juá'₂ Pa₄:

—Rin'₅₄ jniog₄, o₁jñia'₅₄ guě₄ tsá₃ 'e₂ ma₂ca₂jmo₃ jniá₂ ja₁con₂ dsa₂ judíos, on₃ guě'₂ jua'₅₄ cha₂ a₂ma₂ca₂jmo₃ quian'₅₄ tag₄ chí'₅ quió'₅ dsa₂ quián₂ jniog₄ ma₂líg'₂, tion₅₄ bá₄ a₂lě₁ca₂jáng'₂ dsa₂ jniá₂ chi₁'neg₂₃ o₄gú₃ dsa₂ romanos. ¹⁸ Jaun₂ jme₁ca₂ñag₃ dsa₂, tsá₃ 'e₂ dsáu₅ jniá₂ ca₂dsó'₂, jua'₅₄ a₂'i₄ 'éi'₃ jóng₂. Jaun₂ jme₁'nio₃ jme₁lió₂. ¹⁹ La₁ dsa₂ judíos tsá₃ cán₂ jág₁. Jaun₂ bá₄ lě₃ ca₂mi₃ jniá₂ a₂'nio₃ jme₃rě₃ gui'₅₄ emperador, on₃jua'₅₄ ia₁ a₂cha₂ dso₄ jme₂cán'₂ jniá₂ dsa₂ go₃. ²⁰ 'Uig₅₄ jaun₂ bá₄ ně₂tě₃ jniá₂, ia₁ a₂'nio₃ jing₅₄ 'nia'₂, a₂'nio₃ dsia₅₄ jág₁ quian'₅₄ 'nia'₂. Ia₁ 'uig₅₄ jág₁ quió'₅ Diú₄ a₂'éin₂ jniog₄ con'₂ dsa₂ lág₅ israelitas, 'uig₅₄ a₂'ín₂ dsi₅ jniog₄ a₂jme₃ti₃ Diú₄ jág₁ quió'₅ a₂ma₂cuě'₃, 'uig₅₄ jaun₂ bá₄ chi₁'ñe'₅₄ jniá₂ ni₁ñí₁ cadena la₂.

²¹ Jaun₂ ca₂ñag₃ dsa₂ ca₂tsí'₃ Pa₄:

—Tsá₃ 'e₂ si₂ ma₂ca₂gú'₃ ne₄ jnia'₅₄, quió'₅ dsa₂ chan₂ Judea, a₂'in₂₃ 'ne₂. On₃ guě'₂ 'i₁jan₂ dsa₂ rin'₅₄ jniog₄ dsa₂ judíos i₂ja₂lén₂ ja₁jaun₂ jua'₅₄ a₂ma₂juá'₂ 'in₂₃ 'ne₂ 'lig'₅₄. ²² 'Niog₂ jnia'₅₄ néi₁ 'a₂ guě'₂ lia'₂ lě₅ jág₁ quián'₂ 'ne₂ chi₂jua'₂ 'a₂ lia'₂ lín'₂. Ia₁ ne₄ bá₄ jnia'₅₄ jág₁, ta₁caun₂ mi₂güig₃ bá₄ dsia₅ dsa₂ tsá₃ tě₅ dsí₅ jág₁ 'mí₂ ně₅ a₂'én'₂ 'nia'₂.

²³ Jaun₂ ně₃, ca₂jmo₃ dsa₂ jág₁ ca₂tióng₃ caun₂ jmig₄. Jmig₄ jaun₂ ně₃ ca₂dsi₃lén₂ juin₅ dsa₂ ja₁'en₅₄ Pa₄. Jaun₂ ca₂jme₂lióg₃ ca₂'ě₃ dsa₂ tě₃ o₃'iog₂ jág₁ jui₁lia'₂ ja₁gon₂ Diú₄, qui₂ca₂dsia₃ ca₂lia'₂ ca₂jen₃ 'iog₂ tě₂le₃ ca₂'láu₂. Tě₂le₃ quian'₅₄ 'Éi'₃ Juá'₅ quió'₅ Moisés, quian'₅₄ ca₂le₃jě₃ guě₄ Si₂ quió'₅ dsa₂ i₂jme₁'ě₂ jág₁ quián₅ Diú₄ ně₃, qui₂ca₂cuě'₃ dsa₂ jág₁ dsau₅ ia₁jaun₂ le₃'én₂ dsa₂ 'éi₂ tě₂le₃ quió'₅ Jesús. ²⁴ I₂lin₅₄ dsa₂ ca₂gue₃ bá₄ jág₁ a₂ca₂juá'₂ Pa₄ jaun₂, ca₂rě₃'éin₂ bá₄. I₂lin₅₄ guě'₂ tsá₃ ca₂rě₃'én₂, tsá₃ 'nio₃.

† 28:16 A₂lin₅₄ chog₅₄ si₂ tsá₃ le₁ton₅ jág₁ a₂tio'₅₄ 'ñiό'₃ corchetes [le₂la₂].

²⁵ Ia₁ tsá₃ caun₂ jág₁ 'ei₅ quió'₅, i₂lin₅₄ ca₂jme₃lióg₃ ca₂'uiin₂ bá₄ i₃lein₃. Jaun₂ ca₂juá'₂ Pa₄ ca₂tsí'₃ dsa₂ 'éi₂:

—Rē₂ bá₄ jui₁lia'₂ ca₂juá'₂ Jme₂dsí₂ Jnió₅ ca₂tsí'₃ dsa₂ quián₂ jniog₄ ma₂líg'₂ tē₂le₃ quian'₅₄ Isaías, i₂jme₁'ē₂ jág₁ o₄quió'₄ Diú₄, jme₁ca₂juá'₂:

²⁶ Gua₂ o₂chei'₅₄ dsa₂ juig₂ nē₅ le₂la₂:

“Dsón'₂ qui₁nág'₁ bá₄ 'nia'₂,

la₁ tsá₃ le₃ñí'₂ 'nia'₂.

Jag'₅₄ bá₄ 'nia'₂,

la₁ tsá₃ le₃len'₄ 'nia'₂.”

²⁷ Ia₁ a₂ma₂'ua'₂ dsí₅ bá₄ dsa₂ la₂,

ja₂lag₃ bá₄ nag₂₃,

nē₂jag₄ bá₄ i₂ma₂rē₂jni₅ rē₂gua₄;

ján₃ bá₄ le₂nē₅, nē₂jag₄ bá₄ a₂tsá₃ jniá₂ mi₂ne₅₄,

ia₁jaun₂ tsá₃ jág₃ quian'₅₄ mi₂ne₅₄,

on₃ guē'₂ nag₃ quian'₅₄ rē₂gua₅₄,

on₃ guē₄ le₃ñí'₂ dsí₅,

ia₁jaun₂ tsá₃ jéin'₃ dsí₅ ja₁con₂ jniá₂

ia₁jaun₂ jme₁'lioin₁₂ jniá₂.[‡]

²⁸ 'Dsá₂ 'au'₂ 'nia'₂ jmo₄ —ca₂juá'₂ Pa₄—, jág₁ dse₃ la₂ a₂lión₂ dsa₂, a₂jén'₂ Diú₄ le₃ne₄ jui₅ quió'₅ dsi₂nau₂. 'Éi₂ nē₃, tón'₃ bá₄ jui₅.

²⁹ Jme₁ca₂lē₃ juá'₂ Pa₄ le₂nē₅, ca₂i₃len₃ dsa₂ judíos tsin₂₃ 'ñio₅ lin₃ quiaín'₅₄ riin'₅₄.[§]

³⁰ Tin₃ ñi₂ lia'₂ tí₅ ca₂guá₂ Pa₄ 'né₅ ja₁quí₅ 'lia'₅₄. Ja₁jaun₂ ca₂guein₃ ca₂le₃jín₃ dsa₂ i₂jme₁dsi₂lén₂ dsi₂jag₅₄. ³¹ Jaun₂ ca₂jme₃tiin₂₃ dsa₂ qui₂ca₂'ē₂ jág₁ 'a₂ lia'₂ lē₅ ja₁gon₂ Diú₄. Ca₂jme₃tiin₂₃ bá₄ dsa₂ jág₁ quió'₅ Te₁gui'₅₄ Jesucristo. Ja₁jaun₂ ca₂'í₃ tei₄, tsá₃ 'ein₂ ca₂jné₃ jui₅ a₂'ē₂ Pa₄ jág₁ dse₃.

Co₂nē₅.

[‡] 28:27 Isaías 6:9-10. [§] 28:29 A₂lin₅₄ chog₅₄ si₂ tsá₃ chi₁ton₅ versículo 29.

Si₂ carta a₂ca₂jmo₃ San Pablo ne₄ dsa₂ ROMANOS

Jmo₅ Pa₄ si₂ a₂chein₃ ne₄ Guá'₅ i₂chan₂ Roma

¹ Jniá₂ Pa₄, líng₅ dsa₂ i₂jme₂ti₃ ne₄ Jesucristo; Diú₄ ca₂tě₃ jniá₂, jaun₂ ca₂chei'₃ a₂léng₂ dsa₂ i₂chen₄ quiáin₅ ia₁jaun₂ qui₁'ě₄ jág₁ dse₃ quió'₅.

² Ca₂'ě₂ Diú₄ jág₁ dse₃ ně₅ ca₂tó'₂ ne₄ Si₂ jnió₅ quió'₅ ma₂líg'₂, ca₂cuě₃ tě₂le₃ quian'₅₄ dsa₂ i₂jme₁'ě₂ jág₁ quiáin₅, ³ a₂'in₂₃ ja₁ŋi'₅₄, i₂jme₁lín₄ tsi₁jon₂ David lia'₂ con'₂ lín₅ dsa₂ mi₂güig₃; ⁴ lia'₂ con'₂ lě₅ Jme₂dsí₂ Jnió₅ ně₅ ca₂jme₃nia₅ a₂lín₅ 'éi₂ Ja₁ŋi'₅₄ Diú₄ jme₁ca₂jei'₅₄ táng₃ jín₄ 'lag₄, quian'₅₄ jui₅bí₂ quió'₅, a₂'uain'₂. Jesucristo Te₁gui'₅₄ quián₂ jniog₄ bá₄ 'éi₂. ⁵ Tě₂le₃ quian'₅₄ Jesucristo, ton'₂ o₄quió'₄ 'éi₂ bá₄, ma₂jmo₃ Diú₄ dse₃ dsí₅ ja₁con₂jnia'₅₄, jaun₂ ca₂chei₃ jín₄ dsi₂nau₂ ia₁jaun₂ le₃chan₂ dsa₂ ca₂le₂con₂ juig₂ i₂jme₂ti₃ jág₁ quió'₅, ia₁ a₂'éin₂. ⁶ Jín₄ dsa₂ 'éi₂ tián'₅ 'nia'₂ i₂ma₂tě'₃ Diú₄ ján₃, a₂lén'₂ 'nia'₂ i₂quián₅ Jesucristo.

⁷ Jaun₂ tsíng₂ si₂ la₂ ne'₅₄ ca₂le₃jín'₃ 'nia'₂ i₂tián'₅ jě₄ juig₂ Roma, i₂lín₅ i₂nio₃ Diú₄, jaun₂ ma₂tě₂₃ a₂le₃chan'₂ 'nia'₂ líng'₅ dsa₂ i₂lě₅ 'í₁ i₂ma₂quiáin₅. Jui₁jme₂gu'₅₄ bá₄ Diú₄ jui₁le₂chan'₂ bá₄ 'nia'₂ dse₃, jui₁'ag₅₄ bá₄ tei₄ o₄quió'₄ Diú₄ Jmei₂ jniog₄, o₄quió'₄ Te₁gui'₅₄ Jesucristo ně₃.

'Nio₃ Pa₄ dsi₂jág₂ juig₂ Roma

⁸ Jě₁le₂'uig₅₄, tě₂le₃ quian'₅₄ Jesucristo cuě₅ ti₁'mag'₄ Diú₄ quiáng₃ o₄quián'₂ 'nia'₂ ca₂le₃jíng'₃, ia₁ ca₂le₂con₂ bá₄ 'ei₅ jág₁ dsia₅ dsa₂ 'a₂ lia'₂ 'én'₂ 'nia'₂. ⁹ Jaun₂ Diú₄, i₂jme₂tí₁ jniá₂ ne₄ ca₂le₃jě₃ jme₂dsí₂ quió₃, a₂qui₂'ě₅ jág₁ dse₃ quió'₅ Ja₁ŋi'₅₄, 'éi₂ bá₄ i₂lín₅ i₂jáng'₅ jág₁ dsau₅ 'a₂ lia'₂ dsau'₂ dsi₃ 'nia'₂ ca₂le₃jě₃ jě₁chi₂lén'₂ jniá₂ Diú₄. ¹⁰ Co₂tan₅₄ bá₄ mi₅ jniá₂ ne₄ Diú₄ ju₁le₅₄ bá₄ 'a₂ lia'₂ 'ŋio₂ dsí₅, 'a₂ lia'₂ lé₂ a₂cu₃n₃ jmi₂g₄, ca₂lia'₂ ca₂lě₃ a₂nei₅₄ i₁jíng₁₂ 'nia'₂. ¹¹ Ia₁ 'ín₅ dsi₃ i₁jíng₁₂ 'nia'₂, ton'₂ 'nio₃ jme₁ong₁₂ 'e₂ caun₂ 'nió'₅ jme₁ong₁₂ 'nia'₂ tě₂le₃ quió'₅ jme₂dsí₂, ia₁jaun₂ le₃náu'₁ guě₄ 'nia'₂ tiá₂; ¹² co₂'nió'₄ le₃jua'₅₄, ia₁jaun₂ lé₂ le₃cuě₅₄ lián'₂ rin'₅₄ le₂jau₂ le₂jau₂ quian'₅₄ a₂'éin₂ jui₁lia'₂ 'én'₂ 'nia'₂ jui₁lia'₂ 'én₂ jniá₂ ján₃.

¹³ Rin'₅₄ jniog₄, 'nio₃ le₃ŋi'₅₄ 'nia'₂ 'líong₂ ráun₂ bá₄ ma₂lě₅ dsi₃ a₂'nio₃ nei₅₄ i₁jíng₁₂ 'nia'₂, la₁ ca₂lia'₂ jnia'₅₄ rě₂ně₃ tsá₃ ma₂lě₅, ia₁ ma₂rě₂jni₅ jui₅. 'Nio₃ nei₅₄ ia₁jaun₂ chi₁lo'₂ a₂ma₂rau₂ quió'₅ Jme₂dsí₂ jě₄ quián'₂ 'nia'₂, ju₁lia'₂ ma₂cag'₄ jniá₂ ján₃ juig₂ siá'₂, go₄ dsi₂nau₂ sián'₂ ján₃. ¹⁴ Ia₁ jniá₂ bá₄ niog₅ ne₃ ca₂tíng₂ quian'₅₄ ca₂le₃jín₃, ju₁lín₄ dsa₂ 'e₂ lín₅, dsa₂ griego, o₃ dsi₂nau₂ 'e₂, dsa₂

i₂ŋi'₂ dsi'₅ o₃ dsa₂ co₄ 'e₂; ¹⁵ jaun₂ le₂nē₅ bá₄ 'ín₅ dsi₃ a₂qui_{2i}'ē₃ jág₁ dse₃ ja₁con₂ dsa₂ juig₂ go'₄ 'nia'₂ i₂chan₂ Roma ján₃.

Bí₂ a₂'io₅ jág₁ dse₃

¹⁶ Ia₁ tsá₃ 'e₂ o₂guí'₃ jéin₅ jniá₂ quian'₅₄ jág₁ dse₃, ia₁ jui₅bí₂ quió'₅ Diú₄ bá₄ nē₅ a₂lión₂ ca₂le₃jín₃ i₂'én₂: quió'₅ dsa₂ judíos de'₂ le₂'uig₅₄, ján₃ bá₄ le₂jaun₂ quió'₅ dsi₂nau₂. ¹⁷ Ia₁ jág₁ dse₃ la₂ jáng'₅ jág₁ dsau₅ 'a₂ lia'₂ chei'₂ Diú₄ jui₅ co₂rē₂, jui₅ ja₁ma₂dsan₃ dsáu₁ dsa₂, jui₅ a₂jme₂lióg₃ a₂'én₂ dsa₂, ton'₂ a₂'én₂ dsa₂ ca₂lia'₂ jē₁ca₂tó'₂. Le₂nē₅ juá'₂ ne₄ Si₂: “Dsa₂ i₂ŋi₅ jui₅ co₂rē₂ ia₁ a₂'éin₂, 'éi₂ bá₄ le₃chan₂.”*

A₂ma₂rē₂cán'₄ dsa₂ mi₂güig₃ guioin₅₄

¹⁸ A₂juá'₅ jniá₂ le₂nē₅, ia₁ a₂ne₄ bá₄ jniog₄ jaun₂, caun₂ jme₂jnia₅ Diú₄ a₂'nei₂ tē₂ ja₁guá₄ guei'₅₄ i₂juí₃ ja₁con₂ dsa₂ i₂tsá₃ Diú₄ cuin₅, ja₁con₂ dsa₂ i₂tsá₃ tion'₅₄ jui₅ co₂dsau₅, dsa₂ i₂jnéi₅ jui₅ quió'₅ jág₁ dsau₅ tē₂le₃ quian'₅₄ jui₅ 'lig'₅₄ ja_{1i}2nioi₅₄. ¹⁹ Ia₁ rē₂jniá₂ rē₂ bá₄ ca₂le₃jē₃ a₂ŋi₅ dsa₂ 'a₂ lia'₂ lín₅ Diú₄, ia₁ a₂ma₂ca₂jme₃jniai₂₃ tē₂le₃ quian'₅₄ a₂ma₂jmo₃, ²⁰ ia₁ ca₂le₃jē₃ a₂tsá₃ rē₂jniá₂ quió'₅ Diú₄, lé₂le₃cuí'₅ dsa₂ tē₂le₃ quian'₅₄ ca₂le₃jē₃ a₂ma₂jmo₃; ma₂ca₂rē₃jniá₂ dse₃ lín₃ bá₄, ca₂le₃ ca₂jmo₃ Diú₄ mi₂güig₃ a₂lín₅ dsón'₂ Diú₄, ton'₂ a₂'io₂₃ jui₅bí₂ co₂tan₅₄ bá₄; jaun₂ le₂nē₅ bá₄ tsá₃ ma₃'e₂ lé₂le₃juá'₂ dsa₂ jua'₅₄ a₂tsá₃ ŋi₅. ²¹ Ia₁ o₁ŋia'₅₄ ŋi₅ le₂nē₅ a₂chan₂ Diú₄, la₁ tsá₃ ma₂ca₂jme₃juag'₂ lia'₂ con'₂ lē₅ ca₂tín₂ Diú₄ le₃juin'₂, on₃ guē'₂ ma₂cuē'₃ Diú₄ ti₁'mag'₄. Jē₂ bá₄ ma₂ja₂léin₂ qui₂'no'₂ dsi₅ a₂tsá₃ ta₁ tí₄; tsá₃ tē₂tsi'₅₄ dsi₅, jaun₂ ma₂tē₁'ŋiá₄ jē₄ qui₁'né'₃. ²² Jui₁'a₂guē₃ la₂juá'₂ a₂lín₅ dsa₂ i₂cuí'₅, a₂tín₂ a₂ŋi₅, la₁ dsa₂ co₄ bá₄ ca₂lín₃ jē₁ca₂tó'₂. ²³ Jaun₂ nē₃, 'nió'₄ a₂jme₁jme₃juin'₂ Diú₄ i₂tsá₃ ton₄ jmig₄ jón₂, ma₂ca₂jme₃tsiin₃ bá₄ a₂co₂tág₅ co₂'né'₅ quió'₄ Diú₄ quian'₅₄ nió'₄ quió'₅ dsa₂ mi₂güig₃ i₂dsan₂, jui₁lia'₂ nió'₄ quió'₅ já'₂ i₂'in₅, já'₂ i₂tsē'₅ quió'₅, já'₂ i₂lē₂ quén₂ mi₂tag₄ nē₃.

²⁴ 'Uig₅₄ nē₅ nē₃ co₂dsia₅ ma₂jáng'₄ Diú₄ jui₅ 'lig'₅₄ a₂'ín₅ dsi₅ a₂tsá₃ le₁jē₃, ia₁jaun₂ caun₂ i₃nioi₅₄ jmo₂₃-dsáu₅ cosa a₂o₂guí'₃ a₂jmaí'₅ ni₁ŋi₁₂ quiaín'₅₄ riin'₅₄ le₂jain₂ le₂jain₂, ²⁵ ia₁ ca₂jme₃tsiin₃† jág₁ dsau₅ quió'₅ Diú₄ quian'₅₄ jág₁ tē₂jág₃; jaun₂ ma₂ja₂léin₂ jme₂gó'₃ jme₂juin'₂ cosas a₂ca₂jmo₃ Diú₄, 'nió'₄ a₂jme₁jme₃juin'₂ Diú₄ 'ŋiog₅, i₂ca₂tín₂ dsón'₂ a₂jme₃juag'₂ dsa₂ co₂tan₅₄. ¡Le₂nē₅ dsón'₂ bá₄! A₂mei₃.

²⁶ 'Uig₅₄ nē₅ co₂dsia₅ ma₂jáng'₂ jui₅ ja₁cuē'₅ o₂'ŋi₃ o₂ŋia₃ dsi₅ a₂lē₅ o₂guí'₃, ia₁ ca₂le₂jio₅ dsa₂ mí₂ quiaín₅ bá₄ ca₂jme₃tsiin₃ 'a₂ lia'₂ i₂nioi₅₄, a₂tsá₃ ma₃i₂nioi₅₄ lia'₂ con'₂ dsi₂ten₅₄ 'i₄ 'éi'₃

* 1:17 Habacuc 2:4. † 1:25 'Nio'₂ ja₁ton₅ Jeremías 2.11.

i₃ni₀ lia'₂ dsa₂ mí₂ dsa₂ ɲe'₂. ²⁷ Ján₃ bá₄ guè'₂ le₂jaun₂ dsa₂ ɲe'₂ ma₂ca₂tí₂ bá₄ 'a₂ lia'₂ 'í₁ 'éi'₃ le₃chain₂ tiain'₃ quiaín'₅₄ dsa₂ mí₂; ma₂ja₂léin₂ chóg'₅ dséi₂ quiaín'₅₄ dsa₂ ɲe'₂ riin'₅₄, jmo₂₃-dsáu₅ a₂o₂guí'₃ le₂jain₂ le₂jain₂, jaun₂ gue₂₃ uig₅ guioin₅₄ a₂ca₂tíin₂ o₄quíó'₄ jui₅ ja₁ca₂quíá₂ cau₅.

²⁸ Jaun₂, 'uig₅₄ ia₁ a₂lín₂ a₂tsá₃ 'e₂ quen₅ Diú₄, tsá₃ toin'₂ jui₅ 'éi₂, jaun₂ co₂dsia₅ ma₂jáng'₂ Diú₄ jui₅ ja₁dsi₂qui₂dsi₃jio₅ dsí₅ a₂'lig'₅₄, a₂dsi₂qui₂dsi₃coín'₅ a₂'liain'₂, a₂jmo₃ a₂tsá₃ dsi₂ten₅₄. ²⁹ Ca₂lia'₂ qui₂rē₂rin₅ ca₂le₃jě₃ ne₅₄ cosa 'lig'₅₄ jme₂dsí₂ quíó'₅, qui₂'no₂₃ dso₄, jmá'₃ guioin₅₄ bá₄ 'nio₃ jme₁'ɲi₀í'₃, a₂qui₂'no'₂ dsí₅ 'a₂ lia'₂ 'ě'₃ uig₅ riin'₅₄. Rē₂can'₂ dsí₅ a₂uig₅ dsí₅ jín₂ riin'₅₄, a₂jme₂dsiain₂₃ riin'₅₄, a₂lē₁qui₂dsia₂₃ mī'₅₄, a₂qui₂jme₂gain₂₃ riin'₅₄, tsá₃ dsau₅ já₁g₁ quian₅, 'ɲio₅ 'ɲio₄ dsa₂, a₂co₂jmo₅ dsa₂ já₁g₁ tē₂já₁ jē₄ tē₃co'₅₄. ³⁰ Ján₃ bá₄ le₂jaun₂ a₂lē₁chí₂'ag₅ dsa₂, 'ɲiaí₅₄ bá₄ Diú₄, a₂lē₁co₂jmáí'₂ riin'₅₄, a₂jme₂rón₂ guioin₅₄, dsia₂₃ já₁g₁ tá'₅, a₂qui₂'no'₂ dsí₅ 'a₂ lia'₂ jmo₃ a₂'lig'₅₄, on₃ guè'₂ jmá'₃ jme₂gain₃ chog₅₄-jmei₂; ³¹ tsá₃ tē₂tsi'₅₄ dsí₅ ně₃, on₃ guè'₂ jua'₅₄ jme₃tí₃ 'e₂ caun₂ já₁g₁ cuē₂₃ a₂jmo₃; tsá₃ 'ein₂ 'iin₂₃ 'í₁jan₂, tsá₃ tīn₂ dsí₅ 'éin₂ dso₄ quíó'₅ riin'₅₄, on₃ guè'₂ ɲéi₂ dsí₅. ³² I₂ɲi₅ rē₂ bá₄ dsa₂ 'éi₂ 'a₂ lia'₂ lě₅ 'éi'₃ ma₂quí'₃ Diú₄, ia₁ ca₂le₃jín₃ i₂jmo₅ le₂ně₅ ca₂tíin₂ dsiáin₃ bá₄; la₁ jui₁'e₂ guě₃ ɲi₅ a₂jaun₂, on₃jua'₅₄ jmá'₃ guioin₅₄ caun₂ qui₂jmo₂₃, tē₂le₃ tē₅ dsí₅ bá₄ a₂jmo₅ i₂sián'₂ já₁n₃.

2

Diú₄ bá₄ con₂ 'í₁ co₂rē₂ 'a₂ lia'₂ con₂ lě₅ dsón'₂

¹ Jaun₂ ně₃, tsá₃ 'e₂ lē₂ le₃jua'₅₄ 'ne₂ jua'₅₄ a₂tsá₃ 'e₂ dso₄ ring'₂, 'ne₂ guè'₂ i₂con₂ 'í₁ ja₁con₂ i₂sián'₂, tsá₃ a₂nag₅₄ jui₁'ein₂ guě₃ líng'₅. Ia₁ ně₃jua'₂ cáun'₂ 'í₁ ja₁con₂ ríng'₂, jaun₂ co₂'nió'₄ ma₂qui₂dsí'₁ 'éi'₃ ja₁con₂ 'ɲiag'₂, ton'₂ já₁n₃ bá₄ le₂jaun₂ jmo'₂ 'ne₂ 'ɲiag'₂ a₂cáun'₂ 'í₁ jaun₂. ² Ia₁ ne₄ bá₄ jniog₄ jaun₂, Diú₄ bá₄ i₂con₂ 'í₁ rē₂ 'a₂ lia'₂ con₂ lě₅ dsón'₂, ja₁con₂ dsa₂ i₂jmo₅ le₂ně₅. ³ Jaun₂ 'ne₂ ně₃ i₂cáun'₂ 'í₁ ja₁con₂ i₂sián'₂ ton'₂ a₂le₂jaun₂ bá₄ guè'₂ jmo'₂ 'ɲiag'₂, ¿'e₂ líng'₂? ¿A₂líóng'₂ jē₁ma₂tē₂ rē₁con₂ Diú₄ 'í₁ ja₁cong'₂? ⁴ ¿O₃ bá₄ tsá₃ dsáu₅ 'au'₂ ia₁ a₂ɲí₄ lē₃ dse₃ 'ua₁ dsí₅ Diú₄, a₂jmo₂₃ tió'₃ dsí₅, a₂jme₂juiin'₂ dsí₅ ně₃? ¿Tsa₁ len'₅₄ 'ne₂, ta₁ a₂quí'₅ a₂dse₃ dsí₅ Diú₄ a₂jaun₂ bá₄ jio₂₃ a₂dsi₃quén'₅ 'au'₂? ⁵ La₁ 'ɲio₅ 'ua'₂ 'au'₂ tsá₃ 'niog'₂ jme₁tsíng'₄ 'au'₂; 'uig₅₄ jaun₂ ně₃ caun₂ jme₁jui'₁ bá₄ a₂jme₂'ne₅₄ Diú₄ ne₄ quiáng'₂ 'ɲiag'₂ a₂ting'₃ jmig₄ jaun₂ jē₁ma₂tē₂ rē₁jme₃jniai₂₃ a₂'nei₂, jē₁qui₃dsi₂₃ 'éi'₃ co₂rē₂. ⁶ Ia₁ jma₃quén₅ qui₃ bá₄ Diú₄ 'lian'₅₄ le₂jan₂ le₂jan₂

'a₂ lia'₂ con'₂ lě₅ a₂ma₂ca₂jmo₃.^{*} ⁷ Jui₁lia'₂ dsa₂ i₂jmo₅ tió'₃ dsí₅ jmo₂₃ a₂dse₃, a₂qui₂'no'₂ a₂co₂tág₅ co₂'né'₅, ton'₂ 'no'₂ jui₅ 'a₂ lia'₂ jme₃gu'₅₄ Diú₄ quian'₅₄ caun₂ a₂dse₃, ton'₂ 'no'₂ jui₅ a₂tsá₃ dsiáin₃, 'éi₂ bá₄ cuě'₃ Diú₄ a₂le₃chain₂ co₂tan₅₄. ⁸ La₁ quian'₅₄ a₂'nei₂ cuě'₃ uig₅ ca₂le₃jín₃ i₂dsia₅ mi'₅₄, i₂tsá₃ 'nio₃ cán₂ caun₂ jui₅ a₂nag₃ gau₂jág₁ tí₅, i₂jma'₃ jui₅ 'lig'₅₄ bá₄ 'nio₃ cán₂. ⁹ Le₃cha₂ uig₅ o₂i₁ dsi₅ quió'₅ ca₂le₃jín₃ i₂jmo₅ a₂'lig'₅₄, jě₁le₂'uig₅₄ tě₂le₃ quió'₅ dsa₂ judíos, ján₃ guě'₂ le₂jaun₂ le₃ja₁con₂ dsi₂nau₂. ¹⁰ La₁ ja₁con₂ le₂jan₂ le₂jan₂ i₂jmo₅ a₂dse₃, cuě₃ Diú₄ a₂co₂tág₅ co₂'né'₅, ton'₂ cuě₃ caun₂ a₂dse₃, jmo₃ 'ei₅ tei₄, jě₁le₂'uig₅₄ quió'₅ dsa₂ judíos, ján₃ guě'₂ le₂jaun₂ le₃ja₁con₂ dsi₂nau₂.

¹¹ Ia₁ tsá₃ jma₃quén₅ jín₂ Diú₄ dsa₂ lia'₂ ca₂ton₂ ca₂ton₂; ¹² ia₁ ca₂le₃jín₃ i₂'no₅ dso₄ i₂tsá₃ ca₂tín₂ 'Éi'₃ quió'₅ Moisés, dsiáin₃ tě₃ tsá₃ 'Éi'₃ jaun₂ ca₂tín₂; la₁ ján₃ guě'₂ le₂jaun₂ dsa₂ i₂'no₅ dso₄ ně₁jua'₂ ron₅ bá₄ 'Éi'₃ quió'₅ Moisés ně₃, tě₃dsi₅₄ bá₄ 'éi'₃ quió'₅, jióg'₂ 'í₁ lia'₂ con'₂ lě₅ 'Éi'₃ jaun₂. ¹³ Ia₁ on₃jua'₅₄ dsa₂ i₂nag₅ 'Éi'₃ i₂jín₂ Diú₄ a₂lín₅ dsa₂ i₂jme₂tí₃; dsa₂ i₂jmo₅ lia'₂ con'₂ lě₅ 'Éi'₃ bá₄, i₂'éi₂ bá₄ i₂jín₂ Diú₄ a₂lín₅ dsa₂ i₂jme₂tí₃. ¹⁴ Ia₁ jui₁lia'₂ dsi₂nau₂ ně₃, i₂tsá₃ 'Éi'₃ cha₂ ja₁coin₂, la₁ ně₁jua'₂ chain₂ jui₅ a₂jme₂tí₃ con'₂ jaun₂ ma₂tín₂ dsí₅, guion₅₄ bá₄ dsa₂ 'éi₂ ŋi₅ tě₂dsí₅ 'a₂ lia'₂ lě₅ 'Éi'₃ quió'₅ Diú₄, o₁ŋia'₅₄ tsá₃ a₂jaun₂ ron₅ quió'₅. ¹⁵ Ia₁ cuě₂₃ léi₄ 'a₂ lia'₂ lě₅ chain₂, a₂rě₂ton₅ tě₂dsí₅ ta₁ a₂quí₅ 'Éi'₃. Jaun₂ tě₂dsí₅ guoin₅₄ bá₄ jáng'₅ jág₁ dsau₅ o₄quió'₄, jaun₂ tsá₃ quín₅ 'a₂ lia'₂ dsi₂jiog₅ dsí₅ guoin₅₄; a₂lín₅₄ jáng'₂, a₂lín₅₄ guě'₂ tě₂le₃ lió₂. ¹⁶ Le₂ně₅ bá₄ lé₂ jě₁ma₂tě₂ jmig₄ jaun₂ a₂con₂ Diú₄ 'í₁ ca₂le₃jě₃ a₂'ma₄ jlě₅ quió'₅ ca₂le₃jín₃ dsa₂, tě₂le₃ quian'₅₄ Jesucristo, lia'₂ con'₂ lě₅ jág₁ dse₃ a₂qui₂'ě₅ jniá₂.

Dsa₂ judíos, quian'₅₄ 'Éi'₃ quió'₅ Moisés

¹⁷ La₁ chi₂jua'₂ lín₅ 'ne₂ dsa₂ judío jaun₂ dsia'₂ a₂chéng'₅ tiá₂ quian'₅₄ 'Éi'₃ quió'₅ Moisés, jaun₂ jmo'₂ táng'₅ ia₁ a₂cuing'₂ Diú₄; ¹⁸ chi₂jua'₂ ma₂ca₂jme₂tín₅ dsa₂ 'ne₂ 'a₂ lia'₂ lě₅ 'Éi'₃, jaun₂ ŋi'₅₄ 'a₂ lia'₂ 'nio₃ Diú₄, ton'₂ títng'₂ caun₅₄ 'í₁ 'a₂ lia'₂ lě₅ a₂dse₃; ¹⁹ jaun₂ chi₂jua'₂ tě₃dsón'₂ líng'₂ a₂títng'₂ jang'₅₄ dsa₂ ten₄, chi₂jua'₂ ŋi'₅₄ 'a₂ lia'₂ téi'₄ si₂ ja₁con₂ dsa₂ i₂i₂nio₄ jě₄ qui₁'né'₃, ²⁰ chi₂jua'₂ ŋi'₅₄ 'a₂ lia'₂ jme₁rě'₂ jui₅ a₂quian₅ dsa₂ co₄, chi₂jua'₂ ŋi'₅₄ 'a₂ lia'₂ cuě'₅₄ jág₁ i₂'nió'₄ i₂lín₅ chi'₂, ia₁ a₂ron₅ 'Éi'₃ ja₁cong'₂, a₂tén₅ ne₄ 'Éi'₃ 'a₂ lia'₂ 'nió'₅ le₃ŋi₅ dsa₂, 'a₂ lia'₂ lě₅ jág₁ dsau₅; ²¹ 'ne₂ guě'₂ i₂jme₂títng'₂ i₂sián'₂, ċ'e₂ guě'₂ 'uig₅₄ tsá₃ jme₂títng'₁ guě'₂ 'ŋiag'₂? Chi₂jua'₂ 'ne₂ guě'₂ 'ě'₅ jág₁ a₂tsá₃ ca₂tín₂ dsa₂ 'ang₃,

* 2:6 'Nio'₂ ja₁ton₅ Salmo 62:12; Proverbios 24:12.

ʔtsa₁ 'ang'₂ 'ɲiag'₂? ²² Chi₂jua'₂ 'ne₂ juá'₂ tsá₃ ca₂tín₂ dsa₂ nió'₃
 jág₁ quiaín'₅₄ i₂tsá₃ lě₅ dsi₂i₂gu₂, ʔtsa₁ nióg'₅ guě'₂ 'ne₂ jág₁ jaun₂
 'ɲiag'₂? Chi₂jua'₂ 'ne₂ 'ɲio₅ lín₃ 'ɲiag'₅₄ diú₄ lag₄, ʔtsa₁ 'ang'₂ 'ne₂
 a₂quen₅ a₂te₁'i₁ dsi₂néi₂ 'né₅ quió'₅? ²³ 'Ne₂ guě'₂ i₂jmo'₂ táng'₅
 ja₁con₂ 'Éi'₃, ʔtsa₁ 'lig'₅₄ tsíng'₂ Diú₄ ia₁ tsá₃ jme₂tí'₁ 'Éi'₃ jaun₂?
²⁴ Ia₁ jui₁lia'₂ juá'₂ ne₄ Si₂:
 'Ag₅ dsi₂nau₂ 'iín₂₃ 'lig'₅₄ Diú₄
 'uig₅₄ quián'₂ 'nia'₂.†

²⁵ Dsón'₂ bá₄ dsau₅ quen₅ a₂ti₃ dsa₂ lo₅₄ nē₁jua'₂ jme₂ti₃ 'Éi'₃
 quió'₅ Moisés, la₁ nē₁jua'₂ tsá₃ jme₂ti₃ dsa₂ nē₃, tsá₃ 'e₂ ta₁
 jmo₃, nē₂jag₄ bá₄ a₂tsá₃ 'e₂ rē₂uĩng₄ bá₄ quió'₅. ²⁶ Jui₁lia'₂ dsa₂
 i₂tsá₃ 'e₂ ma₂rē₂uĩng₄ quió'₅, la₁ nē₁jua'₂ jme₂ti₃ 'e₂ ta₁ qui'₅
 'Éi'₃, co₂jaun₂ bá₄ jín₂ Diú₄ dsa₂ 'éi₂ nē₂jag₄ bá₄ i₂ma₂rē₂uĩng₄
 quió'₅ o₁jñia'₅₄ tsá₃ ma₂rē₂uĩng₄. ²⁷ Dsa₂ i₂tsá₃ 'e₂ rē₂uĩng₄ lo₄,
 la₁ nē₁jua'₂ jme₂ti₃ 'a₂ lia'₂ juá'₂ 'Éi'₃, i₂'éi₂ bá₄ chen'₅ Diú₄ ne₄
 jui₅ a₂con₂ 'í₁ ja₁con'₂ 'ne₂, ia₁ tsá₃ jme₂tí'₁, jui₁'e₂ guě₃ ron₅
 Si₂ tio'₅₄ 'Éi'₃ quiáng'₂, jui₁'e₂ guě₃ rē₂uĩng₄ quiáng'₂ nē₃. ²⁸ Ia₁
 jui₁lia'₂ jan₂ dsa₂ i₂lín₅ judío dsón'₂, on₃jua'₅₄ rē'₂ jñia'₅₄ lín₅
 dsa₂ léi₄ jmá'₃ le₃co'₅₄, on₃ guě'₂ le₂jaun₂ jui₁lia'₂ ta₁ dsón'₂
 a₂quí'₅ a₂qui₂rē₂uĩng₄ lo₄ dsa₂, on₃jua'₅₄ jñia'₅₄ rē₂uĩng₄ lín₅ léi₄
 jmá'₃ le₃co'₅₄ ni₁ñí₅. ²⁹ Tē₂le₃ a₂ca₂tín₂ bá₄ dsa₂ jmo₃, a₂lín₅
 tē₃dsón'₂ dsa₂ judío, a₂lín₅ ca₂tē₂ dsí₅; ján₃ guě'₂ le₂jaun₂ jui₁lia'₂
 a₂lín₅ dsa₂ léi₄ a₂rē₂uĩng₄ quió'₅, a₂lě₅ ca₂tē₂ dsí₅ bá₄ dsa₂; ton'₂
 a₂gu₂dsí₂ bá₄ a₂jaun₂, on₃jua'₅₄ jmá'₃ lia'₂ con'₂ le₁ton₅ ne₄ Si₂
 'Éi'₃. Dsa₂ i₂lín₅ le₂nē₅ chéin'₅ rē₂ quian'₅₄ Diú₄, on₃jua'₅₄ rē'₂
 quiaín'₅₄ dsa₂ mi₂güí₃.

3

¹ Jaun₂ nē₃, ʔ'e₂ ta₁ jmo₅ a₂quen₅ guě₄ a₂lín₅ dsa₂ dsa₂ judío?
 ʔO₃ 'e₂ ta₁ jmo₅ a₂lín₅ dsa₂ léi₄ a₂rē₂uĩng₄ ni₁lo₁₂? ² 'Lióng₂ bá₄
 'uig₅₄ cha₂. Jē₁le₂'uig₅₄, ca₂dsia₃ Diú₄ jág₁ dse₃ quió'₅ o₄gú₃ dsa₂
 judíos. ³ ʔLa₁ 'e₂ bá₄ lé₂ nē₃ nē₁jua'₂ chan₂ i₂lín₅₄ i₂tsá₃ ca₂rē₃tí'₅₄?*
 ʔO₃ bá₄ lín'₂ 'nia'₂ ján₃ a₂tsá₃ le₃tí'₅₄ Diú₄ jág₁ quió'₅ ia₁ a₂tsá₃
 ca₂rē₃tí'₅₄ dsa₂ 'éi₂? ⁴ ʔDsón'₂ bá₄ tsá₃ le₂jaun₂! Jui₁le₂lei₅₄ bá₄
 jniog₄, Diú₄ nē₃ jmo₃ bá₄ ca₂le₃jě₃ lia'₂ con'₂ lě₅ jág₁ tí₅ quió'₅,
 jui₁'e₂ guě₃ ca₂le₃jín₃ dsa₂ tsá₃ tí₅ jág₁ quió'₅; ia₁ ne₄ Si₂ juá'₂:
 ia₁jaun₂ le₃lí'₄ dsa₂ a₂lín₅ i₂dsen₃
 jui₁lia'₂ jē₁dsia'₂ jág₁,
 ia₁jaun₂ bá₄ léng'₂
 jē₁ma₂tē₂ rē₁con₂ dsa₂ 'í₁ ja₁cong'₂.†

† 2:24 Isaías 52:5; Ezequiel 36:22.
 51:4.

* 3:3 o₃, “i₂tsá₃ ca₂rē₃'én₂.”

† 3:4 Salmo

⁵ La₁ nē₁jua'₂ tí₅ ta₁ dsá_{u1} jniog₄ a₂rē₂jniá₂ Diú₄ a₂lín₅ i₂dsen₃,
 ¿'e₂ le₃jua'₅₄ jniog₄ nē₃? ¿'An₁ tsá₃ rē₂ qui₃dsi₅ Diú₄ 'éi'₃ nē₁jua'₂
 ca₂rē₃'néi₃ 'ē₂ uig₅ ja₁con₂ jniog₄? (A₂lē₁juá'₅ jniá₂ lia'₂ jē₁juá'₂
 dsa₂ mi₂gūig₃ bá₄.) ⁶ ¡Dsón'₂ bá₄ on₃jua'₅₄ le₂nē₅! Ia₁ jua'₅₄ mei'₂
 guē₃ tsá₃ rē₂ qui₂dsi₅ Diú₄ 'éi'₃, ¿'a₂ bá₄ lia'₂ le₃con₂ 'í₁ ja₁con₂ dsa₂
 mi₂gūig₃?

⁷ La₁ nē₁jua'₂ jág₁ tē₂jág₁ quió₃ tí₅ ta₁ ia₁jaun₂ lē₅ a₂rē₂jniá₂
 guē₄ jág₁ dsau₅ quió'₅ Diú₄ ia₁jaun₂ tē₂le₃ dse₃ guē₄ chéin'₅, ¿'e₂
 lē₃ qui₂dsi₅ Diú₄ 'éi'₃ a₂rín₂ jniá₂ dso₄? ⁸ ¿Ja₁lín₃ guē₄ dse₃ jua'₅₄
 caun₂ a₂jmo₅₄ a₂'lig'₅₄, ia₁jaun₂ jiá₃ a₂dse₃? A₂le₂nē₅ bá₄ chi₂'ag₅
 i₂lín₅₄ 'ag₂₃ jnia'₅₄ a₂jme₂tín₂ jnia'₅₄ dsa₂. La₁ gue₃ bá₄ uig₅ dsa₂
 i₂dsi₂jio₅ dsí₅ le₂nē₅ 'a₂ con'₂ ca₂tín₂.

Ca₂le₃jág₃ bá₄ jniog₄ rē₂cáu'₄ dso₄

⁹ ¿'E₂ jaun₂ nē₃? ¿A₂dse₃ guē₄ tíong₂ jnia'₅₄ dsa₂ judíos? ¡Dsau₅
 bá₄ on₃jua'₅₄ le₂jaun₂! Ia₁ ma₂tē₂tsi'₅₄ jág₁, co₂jaun₂ bá₄ dsa₂
 judíos con'₂ dsi₂nau₂, caun₂ bá₄ jui₅ tioin'₅₄ 'uig₅₄ dsá_{u1}. ¹⁰ Lē₅
 jui₁lia'₂ juá'₂ ne₄ Si₂:

Ca₂lia'₂ 'i₁jan₂ dsa₂ tsá₃ chan₂

i₂jme₂ti₃ 'Éi'₃ quió'₅ Diú₄,

ca₂lia'₂ 'i₁jan₂ tsá₃ chan₂;

¹¹ tsá₃ i₂chan₂ jua'₅₄ i₂ñí'₂ dsí₅,

'i₁jan₂ tsá₃ chan₂ jua'₅₄ i₂'nio₃ 'na'₂ Diú₄.

¹² Ca₂le₃jín₃ bá₄ ma₂i₂nio₄ cau₅ jui₅ ma₂i₂cóin'₅,

co₂dsia₅ bá₄ ma₂i₃lén₂ jui₅ ja₁tsá₃ ta₁ tí₄.

Tsá₃ 'ein₂ chan₂ ca₂lia'₂ 'i₁jan₂

jua'₅₄ i₂qui₂jmo₅ a₂dse₃,

ca₂lia'₂ 'i₁jan₂ tsá₃ chan₂.†

¹³ 'Uē'₅ jág₁ 'lig'₅₄ le₂'o₅₄

jui₁lia'₂ ja₂ dsí₂ 'lig'₅₄ a₂'uē'₅ tau₂ 'nio₅ a₂rē₂na₂;

quian'₅₄ le₁tsi'₂ jmo₂₃ a₂jui₁gain₂.§

Nē₂jag₄ bá₄ ná_{u1} dsi₂mi'₂ 'a₄ mi₂'o₅₄.*

¹⁴ Jmá'₃ caun₂ a₂jaun₂ bá₄ juá'₂ dsa₂,

a₂uig₅ dsí₅, a₂jme₃dsi'₃ ja₁con₂ riin'₅₄,†

¹⁵ Ma₂nē₃ bá₄ i₂ñi₂₃ cán₂ tag₅₄

a₂dsi₃jme₁dsiain₂₃ riin'₅₄.

¹⁶ Léi₄ jē₁ca₂ñi₅ ca₂quiog₂ caun₂ jui₅ a₂o₂i₁ dsi₅,

ja₁i₃'én₂ 'a₂ lia'₂ chan₂ dsa₂;

¹⁷ ia₁ tsá₃ cuí'₅ dsa₂ 'éi₂ jui₅ 'ei₅ tei₄,†

¹⁸ Tsá₃ a₂jaun₂ dsi₂jio₅ dsí₅

jua'₅₄ a₂gain₃ Diú₄.§

† 3:12 Salmo 14:1-3; 53:1-3; Eclesiastés 7:20. § 3:13 Salmo 5:9. * 3:13 Salmo

140:3. † 3:14 Salmo 10:7. ‡ 3:17 Isaías 59:7-8. § 3:18 Salmo 36:1.

¹⁹ A₂ne₄ bá₄ jniog₄, ca₂le₃jě₃ jág₁ a₂tio'₅₄ ne₄ Si₂ 'Éi'₃ quió'₅ Diú₄, a₂juá'₂ tsí'₅ ca₂le₃jín₃ i₂ca₂tín₂ 'Éi'₃ jaun₂, ia₁jaun₂ jmo₃ tei₄ mi₂'o₄ ca₂le₃jín₃, ia₁jaun₂ ca₂le₃jín₃ dsa₂ mi₂güig₃ tě₃tsiin'₅₄ rě₂cáin'₄ ne₄ Diú₄. ²⁰ Ia₁ ca₂lia'₂ 'i₁jan₂ tsá₃ 'ein₂ jín₂ Diú₄ a₂tsá₃ dso₄ rě₂cáin'₄ juá'₅₄ a₂jme₃ti₃ a₂juá'₂ 'Éi'₃, ia₁ 'ñiog₅ bá₄ 'Éi'₃ qui'₅ ta₁ a₂le₃ne₄ jniog₄ a₂lág₅ dsa₂ cha₂ dsáu₁.

A₂lión₂ dsa₂ tě₂le₃ a₂jñia'₅₄ quian'₅₄ a₂'éin₂ bá₄

²¹ La₁ ně₃ ně₃, ma₂ca₂jme₃jnia₅ bá₄ Diú₄ jui₅ a₂tsá₃ ma₃dso₄ rě₂cáu'₄ jniog₄, on₃juá'₅₄ tě₂le₃ quian'₅₄ Si₂ 'Éi'₃, jui₁'e₂ guě₃ jáng'₅ jág₁ dsau₅ jui₅ jaun₂ a₂juá'₂ ne₄ Si₂ tio'₅₄ 'Éi'₃, quian'₅₄ Si₂ a₂qui₂ca₂jmo₃ dsa₂ i₂jme₁'ě₂ jág₁ quián₅ Diú₄ ně₃. ²² Jáng'₅ jág₁ dsau₅ jui₅ dse₃ quió'₅ Diú₄ a₂tsá₃ dso₄ rě₂cán'₄ dsa₂, jñia'₅₄ lia'₂ tě₂le₃ quian'₅₄ a₂'éin₂ tě₂le₃ quió'₅ Jesucristo; tsá₃ jma₃quén₅ jmo₂₃ ja₁con₂ jui₁'ein₂ guě₃; ²³ ia₁ ca₂le₃jín₃ bá₄ ma₂qui₂ma₂'náu₂ dso₄, jaun₂ uíng₂ lin₃ bá₄ tióin₂ ja₁qui₂tág₅ co₂'né'₅ quió'₅ Diú₄. ²⁴ La₁ Diú₄ ně₃, ia₁ a₂'ua₁ dsí₅ bá₄ 'ě₂ jág₁ a₂tsá₃ dso₄ rě₂cáin'₄, on₃juá'₅₄ a₂'nió'₅ qui₃ 'lia'₅₄. A₂lě₁lió₂ bá₄ tě₂le₃ quian'₅₄ Cristo Jesús i₂ca₂quí₃ o₄quió'₄ dsáu₁ dsa₂. ²⁵ Ca₂chen'₃ Diú₄ ja₁ñi'₅₄ ia₁jaun₂ dsian₅ dsáu₁ dsa₂ mi₂güig₃ quian'₅₄ jmi₂ 'ain₅₄ a₂ca₂tein₃. A₂lě₁gue₅ bá₄ dsa₂ a₂jaun₂ jmá'₃ tě₂le₃ quian'₅₄ a₂'éin₂. Le₂ně₅ ca₂rě₃jniá₂ Diú₄ i₂lín₅ i₂qui₃dsi₅ 'éi'₃ rě₂, ia₁ a₂ma₂ca₂jme₃juin'₂ dsí₅ a₂ma₂ca₂ñág₃ bá₄ dsáu₁ dsa₂ a₂jme₁'no₂₃ ma₂líg'₂. ²⁶ Le₂ně₅ ca₂jmo₃ Diú₄ a₂ca₂jme₃jniai₂₃ a₂rě₂ qui₃dsi₂₃ 'éi'₃, a₂ca₂jme₃jniai₂₃ a₂jñin₂ dsa₂ i₂'én₂ tě₂le₃ quió'₅ Jesús ně₂jag₄ bá₄ a₂ca₂jme₃ti₃.

²⁷ ¿E₂ bá₄ ca₂lě₃ jaun₂ ně₃ quian'₅₄ a₂jmo₅ dsa₂ táin'₅? Co₂dsia₅ tě₂tsi'₅₄ cau₅ bá₄ a₂jaun₂. ¿E₂ 'uig₅₄? ¿An₁ 'uig₅₄ a₂jme₃ti₃ dsa₂ 'Éi'₃? Jan₂'ón₄. 'Uig₅₄ ia₁ a₂'én₂ bá₄ dsa₂. ²⁸ Ma₂ně₂quiong₅₄ bá₄ jniog₄ 'í₁ jaun₂ ně₃, a₂jín₂ Diú₄ dsa₂ ně₂jag₄ bá₄ a₂ca₂jme₃ti₃, 'uig₅₄ ia₁ a₂'éin₂, jaun₂ tsá₃ 'e₂ 'í₁ con₂ guě₄ juá'₅₄ a₂ca₂jme₃ti₃ o₃ tsá₃ ca₂jme₃ti₃ 'e₂, con₂ lě₅ 'Éi'₃.

²⁹ ¿O₃ bá₄ lín₅ Diú₄ ca₂ne₅₄ jmá'₃ i₂quián₅ dsa₂ judíos? ¿On₁juá'₅₄ i₂quián₅ dsí₂nau₂ján₃? Ján₅. I₂quián₅ 'éi₂ bá₄ ján₃, ³⁰ ia₁ jan₂ tan₅₄ bá₄ Diú₄ chan₂; jaun₂ 'éi₂ bá₄ jág₃ jín₂ dsa₂ i₂rě₂uıng₄ ni₁lo₁ ně₂jag₄ bá₄ a₂ca₂jme₂ti₃, 'uig₅₄ ia₁ a₂'éin₂; ján₃ bá₄ le₂jaun₂ jág₃ jín₂ dsa₂ i₂tsá₃ rě₂uıng₄ ni₁lo₁ ně₂jag₄ bá₄ a₂ca₂jme₃ti₃, o₄quió'₄ a₂'éin₂. ³¹ ¿E₂ juá'₂ jniog₄ jaun₂ ně₃? ¿A₂tsá₃ ta₁ tí₄ 'Éi'₃ ia₁ a₂'éin₂ jniog₄? ¡Dsón'₂ tsá₃ le₂jaun₂! 'Nió'₄ tě₂le₃ cuě₂ bá₄ jniog₄ bí₂ a₂quen₅ 'Éi'₃.

4

'A₂ lia'₂ tē₂tsin'₅₄ Abraham ne₄ Diú₄

1 ¿'E₂ lé₂ le₃jua'₅₄ jniog₄ jaun₂ ně₃? ¿'E₂ ca₂dsó'₂ Abraham dsa₂ juin'₂ quián₂ jnia'₅₄ ma₂líg'₂, lia'₂ jme₁lín₄ dsa₂ mi₂güí'₃?
2 Jua'₅₄ mei'₂ guē₃ Diú₄ ca₂chi'₃ jág₁ jua'₅₄ a₂dsen₃ 'éi₂ tē₂le₃ quian'₅₄ 'e₂ a₂ca₂jmo₃, jua'₅₄ a₂ca₂jme₃ti₃ 'Éi'₃, jaun₂ jme₁cha₂ jui₅ a₂jme₁jmo₃ rói₂. La₁ on₃jua'₅₄ ne₄ Diú₄. 3 Jaun₂, ¿'e₂ juá'₂ ne₄ Si₂? "Ca₂rē₃'én₂ bá₄ Abraham jág₁ ca₂cuē₃ Diú₄; jaun₂ 'uig₅₄ ia₁ a₂ca₂rē₃'éin₂ jaun₂ ně₃, ca₂guéi'₂ Diú₄ ně₂jag₄ bá₄ a₂ca₂jme₃ti₃."*
4 Jaun₂ ně₃, jui₁lia'₂ jan₂ dsa₂ i₂jme₂ti₃ ta₁ quió'₅ jan₂ juig₅₄, cu₄ a₂lí'₂ jaun₂ quió'₅, on₃jua'₅₄ a₂lē₁cuē₃ juig₅₄, ia₁ a₂ma₂rīn₂₃ quió'₅ 'éi₂ 'lia'₅₄ ta₁ quió'₅. 5 La₁ ně₂jua'₂ 'ein₂ tē₃tsá₃ 'e₂ jmo₂₃, 'éin₂ a₂guén'₅ Diú₄ dsa₂ i₂cha₂ dsá_{u1}, Diú₄ guéi'₂ quió'₅ ně₂jag₄ bá₄ dsa₂ dsen₃, o₄quió'₄ a₂'éin₂. 6 'Niog₅ bá₄ David juá'₂ a₂dsen₃ jui₁lia'₂ dsa₂ i₂guéi'₂ Diú₄ ně₂jag₄ bá₄ a₂tsá₃ ma₂'e₂ dsá_{u1} cha₂, tsá₃ 'e₂ 'í₁ con₂ Diú₄ 'a₂ lia'₂ ca₂jme₃ti₃. 7 Ca₂juá'₂ David: 'E₂ guē₄ dsen₃ jui₁lia'₂ dsa₂ i₂ca₂'én₂ Diú₄ dsá_{u1}, i₂ca₂jlē₂ Diú₄ dso₄ a₂ca₂'náu₂.

8 'E₂ guē₄ dsen₃ dsa₂ i₂ca₂jmo₃ Te₁gui'₅₄ dsí₅

a₂tsá₃ dso₄ rīn₂.†

9 A₂dse₃ ně₅ ně₃, ¿a₁dse₃ jmá'₃ lia'₂ ca₂ne₅₄ quió'₅ dsa₂ i₂rē₂uīng₄ nī₁lo₁, o₃ bá₄ le₂jio₅ a₂dse₃ quió'₅ i₂tsá₃ 'e₂ rē₂uīng₄ quió'₅ bá₄ ján₃? Ma₂nē₂jua'₅₄ jnia'₅₄ a₂ca₂guén'₂ Diú₄ Abraham ně₂jag₄ bá₄ a₂ca₂jme₃ti₃ 'éi'₃, 'uig₅₄ ia₁ a₂'éin₂. 10 ¿'A₂ lia'₂ jme₁lín₄ Abraham lia'₂ con'₂ ca₂guéi'₂ jaun₂? ¿Ca₂guéi'₂ cang₂ lia'₂ con'₂ jme₁ma₂ti₃ Abraham quió'₅, o₃ le₂jñiá₅ 'e₂? Le₂jñiá₅ bá₄, on₃jua'₅₄ cang₂. 11 Cang₂ jaun₂ bá₄ ca₂gue₃ Abraham 'éi'₃ jaun₂ a₂ti₃ nī₁lo₁₂, a₂lín₅ léi₄ co₂'nió'₄ caun₂ sello quió'₅ Diú₄ a₂ma₂guéi'₂, ně₂jag₄ bá₄ dsa₂ i₂ca₂jme₃ti₃, 'uig₅₄ ia₁ a₂'éin₂. Le₂nē₅ bá₄ ca₂dsióg₃ Abraham a₂ca₂līn₃ cho'₅₄ ca₂le₃jín₃ i₂'én₂ ján₃, o₁jñiá'₅₄ tsá₃ ma₂gue₃ 'éi'₃ jaun₂ a₂uīng₃ quió'₅. Jaun₂ le₂nē₅ bá₄ guén'₂ Diú₄ ján₃ dsa₂ tsi₁jon₂ 'éi₂ ně₂jag₄ bá₄ a₂lín₅ dsa₂ i₂ca₂jme₃ti₃. 12 Dsau₅ bá₄ a₂lín₅ Abraham cho'₅₄ ca₂le₃jín₃ i₂ma₂gue₃ 'éi'₃ jaun₂ a₂uīng₃ quió'₅, la₁ on₃jua'₅₄ jmá'₃ 'uig₅₄ ia₁ a₂rē₂uīng₄ quió'₅; ján₃ bá₄ 'uig₅₄ ia₁ a₂quian₅ jui₅ a₂'éin₂ jaun₂, jui₁lia'₂ ca₂can₃ Abraham jmei₂ jnia'₅₄ lia'₂ con'₂ tsá₃ ma₂uīng₂ quió'₅.

Tē₂le₃ quian'₅₄ a₂'én₂ bá₄ dsa₂ jme₃ti₃ Diú₄ jág₁ quió'₅ a₂ma₂cuē₃

13 Jaun₂ ca₂cuē₃ Diú₄ jág₁ quió'₅ ca₂cuē'₃ Abraham quian'₅₄ chi'₂-guein₂ quiáin₅, a₂gue₃ gua'₅₄ 'uē₃ a₂cuē₃ Diú₄; la₁ on₃jua'₅₄ ia₁ a₂ca₂jme₃ti₃ Abraham 'Éi'₃, tē₂le₃ ia₁ a₂caun₂ 'éin₂ jág₁ a₂cuē₃

* 4:3 Génesis 15:6. Ján₃ bá₄ le₂nē₅ † 4:8 Salmo 32:1-2.

Diú₄, ton'₂ ca₂guéi'₂ Diú₄ nē₂jag₄ bá₄ a₂ca₂jme₃ti₃ 'Éi'₃. ¹⁴ Jua'₅₄ mei'₂ guē₃ jmá'₃ i₂jme₂ti₃ 'Éi'₃ bá₄ gue₅ a₂dse₃ a₂cuē₅ Diú₄ cuē'₅ chi'₂-guein₂ quiáin₅, jaun₂ tsá₃ ma₃'e₂ ta₁ tí₄ a₂'én₂ dsa₂, ton'₂ ján₃ guē'₂ le₂jaun₂ jág₁ a₂cuē₄ quió'₅ Diú₄ tsá₃ ma₃quen₅. ¹⁵ Ia₁ jui₅ a₂'ne₂ Diú₄ bá₄ jio₅ 'Éi'₃, la₁ ja₁tsá₃ 'Éi'₃ ca₂tín₂, tsá₃ 'ein₂ dsi₂juin₅₄ ja₁jaun₂.

¹⁶ 'Uig₅₄ jaun₂, o₄quió'₄ a₂'én₂ dsa₂ cuē₅ Diú₄ a₂dse₃ cuē'₅ chi'₂-guein₂ quiáin₅, ia₁jaun₂ chi'₃ tiá₂ jág₁ a₂cuē₄ ne₄ a₂'ua₁ dsí₅, ia₁jaun₂ dsón'₂ jaun₂ bá₄ jág₁ a₂gue₃ ca₂le₃jín₃ tsi₁jon₂ Abraham, on₃jua'₅₄ jmá'₃ quió'₅ dsa₂ i₂qui₂rē₂ti'₅₄ 'Éi'₃; quió'₅ ca₂le₃jín₃ i₂'én₂ bá₄ ján₃ jui₁lia'₂ jme₁'én₂ Abraham. Jaun₂ 'éi₂ bá₄ já₅ co₂'nió'₄ lín₅ jmei₂ jniog₄ ca₂le₃jág₃. ¹⁷ Jui₁lia'₂ juá'₂ ne₄ Si₂: “Ne₂ ma₂tsín'₂ jniá₂ a₂lín₅ cho'₅₄ dsa₂ chan₂ 'líong₂ juig₂ nación.” ‡ Jaun₂ 'éi₂ bá₄ i₂lín₅ jmei₂ jniog₄ ne₄ Diú₄, ton'₂ ca₂'éin₃ jág₁ quió'₅ Diú₄ 'éi₂ i₂ton'₂ jme₂dsi₂ dsa₂ i₂ma₂dsan₃, ján₃ guē'₂ tē'₂ a₂tsá₃ ma₂cha₂ nē₂jag₄ bá₄ a₂ma₂cha₂.

¹⁸ Jui₁'e₂ guē₃ tsá₃ ma₃'e₂ jmig₄ jme₁ma₃cha₂ ja₁con₂ Abraham lia'₂ con'₂ lē₅ lín₂ dsa₂ mi₂gūig₃, tē₂le₃ ia₁ a₂ca₂rē₃'éin₂ jág₁ quió'₅ Diú₄, ca₂dsióg₃ “a₂lín₅ jmei₂ dsa₂ chan₂ 'líong₂ juig₂”, lia'₂ con'₂ lē₅ ca₂juá'₂ Diú₄: “co₂nē₅ tén₅ chi'₂-guein₂ dsió'₂ lē₂.” §

¹⁹ Jui₁'e₂ guē₃ jme₁ma₂'en₅₄ Abraham con'₂ 'ñiá₂-láu₂ ñi₂, lí'₄ bá₄ 'ñiog₅ a₂ma₂guen'₂ ni₁ñi₁₂, ján₃ guē'₂ le₂jaun₂ Sara quiáin₅ nē₃ co₂nē₅ a₂ma₂chain₂ dsiáin₃ bá₄, tsá₃ ma₃'ein₂ guein₂ lé₂ le₃cáin₂, la₁ tsá₃ ca₂'uáin₂ quian'₅₄ jág₁ a₂ma₂chan'₂. ²⁰ Tsá₃ ca₂'ág₂ caun₂-tín₃ dsí₅ jua'₅₄ a₂tsá₃ 'éin₂ jág₁ a₂ca₂cuē₃ Diú₄, tē₂le₃ ca₂tsón₂ bá₄ bí₂ a₂'éin₂, ton'₂ ca₂jme₃juin'₂ Diú₄, ²¹ caun₂ bá₄ 'ei₅ dsí₅ a₂'io₅ Diú₄ jui₅bí₂ a₂jme₃ti₃ jág₁ quió'₅ a₂ca₂cuē₃. ²² 'Uig₅₄ jaun₂ ca₂guéi'₂ Diú₄ nē₂jag₄ dsa₂ i₂ca₂jme₃ti₃.

²³ Jág₁ nē₅, “a₂ca₂guéi'₂ Diú₄”, ca₂l₃to'₅₄ ne₄ si₂, on₃jua'₅₄ a₂'iin₂₃ jmá'₃ Abraham; ²⁴ a₂'ag₂₃ jniog₄ bá₄ ján₃. 'Uig₅₄ ia₁ a₂'éin₂ jniog₄, guéi'₂ Diú₄ a₂lág₅ jniog₄ nē₂jag₄ bá₄ dsa₂ dsen₃ i₂ca₂jme₃ti₃ con'₂ i₂'én₂ tē₂le₃ quió'₅ Diú₄ i₂ca₂jme₃jen'₅₄ Jesús jin₄ 'lag₄. Jesús bá₄ i₂lín₅ Te₁gui'₅₄ quián₂ jniog₄, ²⁵ i₂ca₂jín'₂ dsa₂ a₂jóin₂ ne₄ 'uig₅₄ dsáu₁ jniog₄, con'₂ siá'₂ ca₂jein'₅₄ táng₃ ia₁jaun₂ guéi'₂ Diú₄ jniog₄ nē₂jag₄ dsa₂ dsen₃ i₂ca₂jme₃ti₃.

5

Lé₂ le₃chong₂ jniog₄ 'ei₅ tei₄ quian'₅₄ Diú₄

¹ Le₂nē₅ jaun₂, ia₁ a₂ma₂'ē₂ Diú₄ jág₁ a₂tsá₃ 'e₂ dso₄ rē₂cáu'₄ jniog₄, 'uig₅₄ ia₁ a₂'éin₂, ma₂chong₂ jniog₄ 'ei₅ tei₄ quian'₅₄, tē₂le₃ quian'₅₄ Te₁gui'₅₄ Jesucristo quián₂. ² Ia₁ tē₂le₃ quian'₅₄

‡ 4:17 Génesis 17:5. § 4:18 Génesis 15:5.

Cristo 'éi₂ bá₄ ma₂i₁to'₅₄ jniog₄ ja₁jme₂gu'₅₄ Diú₄ ia₁ a₂'ua₁ dsí₅,
tê₂le₃ ia₁ a₂'éin₂. Ja₁dse₃ nê₅ nê₃, tióng₂ jniog₄ tiá₂ 'io'₂ jein₂,
ia₁ 'ín₂ dsí₅ jniog₄ a₂dsón'₂ jme₁quian'₅₄ Diú₄ jê₄ co₂tág₅ co₂'né'₅
quíó'₅. ³ On₃ rê'₂ jua'₅₄ jmá'₃ a₂nê₅; jmo₂ jniog₄ 'io'₂ ne₄ o₂i₁ dsí₅
a₂qui₂dsi₂hág₂; ia₁ ne₄ jniog₄, quian'₅₄ o₂i₁ dsí₅ bá₄ qui₂rê₂juin'₂
dsí₅ jniog₄. ⁴ A₂juin'₂ dsí₅ jniog₄ jaun₂, jmo₅ a₂chei'₂ rê₂ jniog₄ 'a₂
lia'₂ lág₅; a₂tióng₂ jniog₄ rê₂ jaun₂ nê₃, jmo₅ a₂'ín₂ dsí₅ jniog₄ jmig₄
a₂le₃ti₃. ⁵ Jmig₄ a₂'ín₂ dsí₅ jniog₄ jaun₂, tsá₃ lé₂ le₃jmo₃ jua'₅₄ jéin₂
jniog₄ o₂gui'₃, ia₁ 'hio₅ Diú₄ ma₂ca₂jme₃cain'₂ jme₂dsí₂ quián₂
jniog₄ ia₁ a₂hí₄ lē₃ 'nio₃ jniog₄, tê₂le₃ quian'₅₄ Jme₂dsí₂ Jnió₅
i₂ma₂cuin₃.

⁶ Ia₁ lia'₂ con'₂ jme₁lág₄ jniog₄ dsa₂ mi₂güig₃ 'uan'₅₄ i₂tsá₃ cha₂
jui₅ 'a₂ lia'₂ lion₄ guio₅₄, la₁ jme₁ca₂tê₂ jmig₄ a₂ca₂tióng₃ Diú₄,
jaun₂ ca₂jon₃ bá₄ I₂rê₂'ín₁ quiáin₅ o₄quíó'₄ dsa₂ i₂tsá₃ Diú₄ cuin₅.
⁷ A₂quian₅ ta₁ lin₃ bá₄ jua'₅₄ mei'₂ guê₃ jan₂ dsa₂ lé₂ le₃guein₃
'mú₃ o₄quíó'₄ jan₂ dsa₂ mi₂güig₃ riin'₅₄, ca₂lia'₂ jñia'₅₄ o₄quíó'₄
jan₂ dsa₂ i₂jmo₅ rê₂; 'an₁ mei'₂ tsá₃ chan₂ jan₂ i₂lé₂ le₃tiá₂ dsí₅
guen₃ 'mú₃ o₄quíó'₄ jan₂ dsa₂ i₂dse₃ dsí₅ dsón'₂. ⁸ La₁ ma₂ca₂cuê₃
bá₄ Diú₄ léi₄ a₂dsón'₂ 'nio₃ jniog₄, ia₁ a₂ca₂jon₃ Cristo 'uig₅₄
quián₂, lia'₂ con'₂ jme₁lág₄ guê₄ dsa₂ cha₂ dsáu₁. ⁹ A₂jaun₂ nê₃,
'uig₅₄ ia₁ a₂ma₂'ê₂ Diú₄ jág₁ tê₂le₃ quian'₅₄ jmi₄ Cristo a₂ca₂tang₂,
a₂tsá₃ ma₂dso₄ rag₂, jaun₂ tê₂le₃ i₂jui'₂ guê₄ lió₂ jniog₄ tê₂le₃
quian'₅₄ 'éi₂ a₂gau₂ a₂'ne₂ Diú₄ a₂jiá₃ jê₁ca₂tó'₂. ¹⁰ Ia₁ chi₂jua'₂
ma₂ca₂'ág₂ Diú₄ caun₂ jág₁ quian'₅₄ jniog₄ tê₂le₃ quian'₅₄ 'mú₃
a₂ca₂i₃hí₂ Ja₁hí'₅₄ lia'₂ con'₂ jme₁lág₄ guê₄ jniog₄ dsa₂ i₂hí₅₄ 'éi₂,
ján₃ bá₄ le₂jaun₂ tê₂le₃ i₂jui'₂ guê₄ lió₂ jniog₄ 'uig₅₄ ia₁ a₂chain₂,
nê₃ lia'₂ ma₂'ei₅ caun₂ jág₁ quiaín₅₄. ¹¹ Ia₁ on₃ guê'₂ jua'₅₄
jmá'₃ a₂nê₅, ia₁ chong₂ jniog₄ jme₁'híó₄ dsí₅ ján₃ le₃quíó'₅ Diú₄
tê₂le₃ quian'₅₄ Te₁gui'₅₄ Jesucristo, ia₁ tê₂le₃ quian'₅₄ Cristo bá₄
ca₂dsi₃náu₅ jniog₄ 'ei₅ caun₂ jág₁ quian'₅₄ Diú₄.

Adán quian'₅₄ Cristo

¹² Le₂nê₅ jaun₂, jui₁lia'₂ tê₂le₃ quian'₅₄ jan₂ dsa₂ ca₂rê₃chá₃
dsáu₁ dsa₂ mi₂güig₃, 'uig₅₄ nê₅ bá₄ ca₂já₃ 'mú₃, le₂nê₅ bá₄ ján₃
ca₂hag₅ 'mú₃ ja₁con₂ ca₂le₃jín₃ dsa₂ mi₂güig₃, ia₁ ca₂le₃jín₃ bá₄
ca₂'náu₂ dso₄. ¹³ Le₂jñiá₅, lia'₂ con'₂ tsá₃ 'Éi'₃ jme₁ma₂ron₅,
ma₂qui₂'no₅ bá₄ dsa₂ dso₄ mi₂güig₃, la₁ tsá₃ lé₂ le₃jió₂' 'í₁ 'e₂
a₂rin₂ dsa₂ ja₁tsá₃ 'éi'₃ cha₂. ¹⁴ La₁ ca₂le₃ jme₁chan₂ Adán, ca₂lia'₂
ca₂tê₂ jmig₄ a₂jme₁chan₂ Moisés, ca₂'io₃ 'mú₃ jui₅bí₂ ne₄ quíó'₅
dsa₂ i₂qui₂ca₂'náu₂ dso₄, o₁jñia'₅₄ dsáu₁ dsa₂ jaun₂ on₃jua'₅₄
a₂ca₂i₃juin₅₄ dsa₂ caun₂ 'éi'₃ jui₁lia'₂ ca₂jmo₃ Adán; jme₁lín₄ Adán
co₂'nió'₄ caun₂ nió'₄ quíó'₅ i₂jiá₃ chi₁quín₃.

¹⁵ La₁ dsáu₁ Adán ně₃, tsá₃ lé₂ le₃quin₃ quian'₅₄ a₂lě₁cuě₅ Diú₄ jniog₄. Ia₁ jui₁lia'₂ o₄quió'₄ dsáu₁ jan₂ dsa₂, juin₅ i₂ca₂dsan₃, ján₃ bá₄ le₂jaun₂ tē₂le₃ lě₅ guě₄ a₂'ua₁ dsí₅ Diú₄ a₂lió₂ a₂lě₁ma₂cuě'₃ co₂ñí₂ dsa₂ juin₅ tē₂le₃ quian'₅₄ jan₂ tan₅₄ dsa₂ i₂'ua₁ dsí₅. Dsa₂ 'éi₂ lín₅ Jesucristo. ¹⁶ Dso₄ a₂ca₂'náu₂ jan₂ dsa₂ tsá₃ lé₂ le₃quin₃ quian'₅₄ a₂lió₂ Diú₄ a₂cuě₂₃ jniog₄; ia₁ jme₁ca₂caun₂ Diú₄ 'í₁ dso₄ a₂ca₂rě₃cán'₂ jan₂ dsa₂, jaun₂ ca₂já₃ jui₅ a₂ca₂qui₃dsi₅ Diú₄ 'éi'₃ ja₁con₂ dsa₂ mi₂güig₃; la₁ jui₁lia'₂ a₂lión₂ dsa₂ ně₃, a₂lě₁'ě₂ Diú₄ co₂ñí₂ bá₄ jág₁ a₂tsá₃ 'e₂ dso₄ rin₂ dsa₂, jui₁'a₂ guě₃ la₂ qui₂ma₂'náu₂ 'lióng₂ dso₄. ¹⁷ Chi₂jua'₂ ca₂'io₃ bí₂ 'mú₃ ne₄ ca₂le₃jín₃ dsa₂ o₄quió'₄ dsáu₁ jan₂ dsa₂, tē₂le₃ i₂jui'₂ guě₄ 'ñio₅ tson₂ a₂'ua₁ dsí₅ Diú₄ ja₁con₂ dsa₂ i₂guén'₂ nē₂jag₄ bá₄ a₂tsá₃ 'e₂ dso₄ rin₂, a₂'io₂₃ bí₂ a₂le₃chain₂ dse₃ tē₂le₃ quian'₅₄ jan₂ dsa₂, i₂lín₅ Jesucristo.

¹⁸ Jaun₂ lě₃, jui₁lia'₂ dsáu₁ Adán ca₂chein'₃ ca₂le₃jín₃ dsa₂ jui₅ ja₁'ě₃ Diú₄ uig₅, le₂ně₅ bá₄ ján₃, ta₁ a₂quí'₅ a₂dse₃ a₂ca₂jmo₃ Jesucristo ca₂cain₃ ca₂le₃jín₃ dsa₂ jui₅ ja₁lé₂ le₃chain₂ dse₃, ja₁guéi'₂ Diú₄ nē₂jag₄ bá₄ a₂tsá₃ 'e₂ dso₄ riin₂. ¹⁹ Co₂'nió'₄ le₃jua'₅₄, ia₁ jui₁lia'₂ tsá₃ gau₂ ca₂nág₂ jan₂ dsa₂ 'éi₂, jaun₂ juin₅ i₂ca₂rě₃chá₃ dsáu₁, ján₃ bá₄ le₂ně₅, 'uig₅₄ ia₁ a₂ca₂nág₂ gau₂ jan₂ tan₅₄ dsa₂, jaun₂ juin₅ i₂guén'₂ Diú₄ nē₂jag₄ bá₄ i₂ca₂jme₃ti₃.

²⁰ Ca₂tē₁ron₅₄ 'Éi'₃ ia₁jaun₂ dsi₃juin₅₄ guě₄ dso₄; la₁ ja₁'ñio₅ lín₃ guě₄ ca₂i₁juin₅₄ dso₄, jaun₂ 'ñio₅ lín₃ guě₄ ca₂jmo₃ Diú₄ ca₂3tsón₂ a₂'ua₁ dsí₅. ²¹ Jaun₂ le₂ně₅ bá₄ jui₁lia'₂ ca₂tín₂ bí₂ dso₄ jui₅ a₂quian₅ 'mú₃, le₂ně₅ bá₄ ján₃ ca₂'io₃ bí₂ a₂'ua₁ dsí₅ Diú₄ a₂jág₂ jniog₄ nē₂jag₄ bá₄ dsa₂ i₂ca₂jme₃ti₃, a₂cuě₃ a₂le₃chong₂ jniog₄ dse₃ co₂tan₅₄ tē₂le₃ quian'₅₄ Te₁gui'₅₄ Jesucristo quián₂ jniog₄.

6

Ma₂dsau₃ tē₂le₃ quió'₅ dsáu₁, la₁ chong₂ le₃quió'₅ Cristo

¹ ¿'E₂ jua'₅₄ jniog₄ jaun₂ ně₃? ¿A₁caun₂ dse₃ 'nióg₁ bá₄ jniog₄ dso₄ ia₁jaun₂ caun₂ dsi₃tsón₃ a₂'ua₁ dsí₅ Diú₄ quian'₅₄ jniog₄? ² ¿D₂són'₂ bá₄ on₃jua'₅₄ le₂ně₅! Ia₁ ma₂ca₂dsau₃ bá₄ jniog₄ le₃quió'₅ dsáu₁; ¿'a₂ bá₄ lia'₂ lé₂ jaun₂ ně₃ jua'₅₄ a₂caun₂ chong₂ jniog₄ le₃quió'₅ dsáu₁? ³ ¿Tsa₁ ñi'₅₄ 'nia'₂, lia'₂ con'₂ jme₁ca₂tió'₄ jniog₄ jmi₂ le₃quió'₅ Cristo Jesús, ca₂tió'₄ jniog₄ 'mú₃ quió'₅? ⁴ Ia₁ jme₁ca₂tió'₄ jniog₄ jmi₂, co₂'nió'₄ bá₄ ja₁jaun₂ ca₂'o₃ jniog₄ co₂lě₅ quian'₅₄ Cristo nē₂jag₄ bá₄ a₂ca₂dsau₃, ia₁jaun₂ jein'₅₄ táng₃ a₂le₃chong₂ caun₂ jme₂dsí₂ 'mí₂, jui₁lia'₂ ca₂jen'₅₄ Cristo a₂jme₁rě₂join₅₄, tē₂le₃ quian'₅₄ jui₅bí₂ jlá'₁ quió'₅ Jmei₂.

⁵ Ia₁ chi₂jua'₂ ca₂jme₁quai₁in'₅₄ jniog₄ ne₄ 'mú₃ quió'₅, ján₃ bá₄ le₂jaun₂ tion₅₄ bá₄ jme₁quai₁in'₅₄ jē₁ma₂ca₂jei₁n'₅₄ jniog₄ jui₁lia'₂ ca₂jen'₅₄ 'éi₂. ⁶ Ne₄ bá₄ jniog₄, lia'₂ con'₂ lě₅ jme₁lág₄ le₂jñiá₅, ne₄

cróg₄ bá₄ ca₂ñó₃ a₂jaun₂ co₂lě₅ quian'₅₄ Cristo, ia₁jaun₂ dsi₃'én₂ jui₅bí₂ a₂'io₅ dsáu₁ ne₄ ni₁ñi₁ jniog₄, ia₁jaun₂ tsá₃ ma₃lě₅ jua'₅₄ a₂qui₂rě₂'ñei'₅₄ guě₄ a₂chong₂ qui₂jme₂tí₁ ta₁ ne₄ dsáu₁, nē₂jag₄ bá₄ ne₄ jan₂ juig₅₄ jniog₄. ⁷ Ia₁ jui₁lia'₂ i₂ma₂jon₅, tsá₃ ma₂'e₂ rě₂'ñei'₅₄, ma₂lón₂ bá₄ ne₄ dsáu₁. ⁸ Chi₂jua'₂ ma₂ca₂dsau₃ jniog₄ quian'₅₄ Cristo, já₃n₃ bá₄ le₂jaun₂ 'éin₂ a₂le₃chong₂ quian'₅₄ 'éi₂, ⁹ ia₁ ne₄ bá₄ jniog₄, con'₂ jme₁ca₂jen'₅₄ Cristo ne₄ 'mú₃, o₁líg'₂ jmig₄ tsá₃ ma₃lě₅ le₃jón₂; tsá₃ ma₂'e₂ jui₅bí₂ 'io₅ 'mú₃ ne₄ quió'₅ 'éi₂. ¹⁰ Ia₁ jme₁ca₂jon₃ Cristo, co₂ráun₂ bá₄ ca₂join₃ 'uig₅₄ dsáu₁ dsa₂; la₁ nē₃ lia'₂ ma₂chain₂, chain₂ le₃quió'₅ Diú₄. ¹¹ Le₂nē₅ bá₄ 'nia'₂ já₃n₃, jmo₄ bá₄ 'nia'₂ 'au'₂ a₂ma₂dsang₃ tē₂le₃ quió'₅ dso₄, la₁ chan'₂ bá₄ 'nia'₂ le₃quió'₅ Diú₄ tē₂le₃ quian'₅₄ Cristo Jesús.

¹² A₂jaun₂ nē₃, 'a₃ cuē₂ 'nia'₂ jmig₄ jua'₅₄ a₂'io₅ guě₄ jui₅bí₂ dsáu₁ ne₄ ni₁ñi'₁ 'nia'₂ a₂siá'₃, a₂qui₂chi₃quióng₂ jmig₄ a₂jme₁ti'₄ 'nia'₂ a₂mi₅ ni₁ñi₅. ¹³ 'A₃ qui₁jin'₅₄ 'nia'₂ a₂tén₅ ni₁ñi'₁ jua'₅₄ a₂'no₃ guě₄ dso₄, co₂'nió'₄ a₂jmo'₂ ta₁ a₂jmo₃ a₂'lig'₅₄. Tē₂le₃ ne₄ Diú₄ bá₄ jin'₅₄ 'nia'₂ a₂lín'₅ co₂'nió'₄ dsa₂ i₂ma₂dsan₃, i₂ma₂jen'₅₄ táng₃. Jang'₅₄ 'nia'₂ a₂tén₅ ni₁ñi'₁ le₃ja₁con₂ Diú₄, co₂'nió'₄ a₂jmo'₂ ta₁ a₂jmo₃ jmá'₃ a₂dse₃. ¹⁴ Ia₁ tsá₃ 'io₃ guě₄ bí₂ dsáu₁ ne₄ quián'₂ 'nia'₂ nē₂jag₄ bá₄ jan₂ juig₅₄ 'nia'₂, ia₁ tsá₃ o₄gú₃ 'Éi'₃ tion'₅₄ 'nia'₂; tē₂le₃ o₄gú₃ a₂'ua₁ dsí₅ Diú₄ bá₄ tion'₅₄ 'nia'₂.

¹⁵ ¿E₂ bá₄ jaun₂ nē₃? ¿A₁caun₂ 'nióg₁ dso₄ bá₄ ia₁ tsá₃ o₄gú₃ 'Éi'₃ tio'₅₄ jniog₄, ia₁ ja₁'ua₁ dsí₅ Diú₄ bá₄ tíong₂? ¡Dson'₂ bá₄ on₃jua'₅₄ le₂nē₅! ¹⁶ ¿Tsa₁ ñi'₅₄ 'nia'₂, nē₁jua'₂ ca₂jin'₅₄ 'nia'₂ guiong'₅₄ o₄gú₃ jan₂ juig₅₄ a₂jme₁ti'₄ ta₁ ne₅₄, ma₂lín'₅ jan₂ i₂ma₂chi₁'ñe'₅₄ i₂quián₅ dsa₂ 'éi₂? Já₃n₃ bá₄ le₂jaun₂, nē₁jua'₂ ca₂jin'₅₄ 'nia'₂ guiong'₅₄ ne₄ dsáu₁, dsáu₁ jaun₂ i₂ma₂lín₅ juig₅₄ 'nia'₂, jiog₅ jui₅ 'mú₃; o₃ nē₁jua'₂ ca₂jin'₅₄ 'nia'₂ ne₄ a₂nág'₁ gau₂ jág₁ quió'₅ Diú₄, a₂jaun₂ bá₄ i₂ma₂lín₅ juig₅₄ 'nia'₂, jiog₅ jui₅ co₂dsau₅. ¹⁷ Jui₁'e₂ guě₃ jme₁rě₂qui₂rě₂'ñe'₂ 'nia'₂ le₂jniá₅ ne₄ dsáu₁, la₁ rě₂nē₃ nē₃, ti₁'mag'₄ Diú₄, ma₂nei'₂ bá₄ 'nia'₂ gau₂ ca₂le₃jě₃ jme₂dsí₂ quiáng'₂ jág₁ quen₅ a₂ma₂rě₂jin'₅₄ 'nia'₂, a₂jme₂tíng'₂. ¹⁸ Jaun₂ nē₃ ma₂lón'₂ 'nia'₂ o₄gú₃ dsáu₁, ma₂tion'₅₄ bá₄ 'nia'₂ o₄gú₃ jui₅ co₂dsau₅. ¹⁹ (Juá'₅ jniá₂ juíg₂ 'nia'₂ lia'₂ con'₂ lě₅ jág₁ dsia₅ dsa₂ mi₂güí₃, ia₁ dsón'₂ bá₄ quian₅ ta₁ le₃ñi'₂ 'au'₂ 'nia'₂ dse₃ ia₁ tē₂le₃ a₂lín'₅ 'nia'₂ dsa₂ mi₂güí₃.) Ia₁ le₂jaun₂ bá₄ já₃n₃ jui₁lia'₂ qui₂ca₂jin'₅₄ 'nia'₂ le₂jniá₅ a₂tén₅ ni₁ñi'₁ jui₅ ja₁tsá₃ nág'₂ gau₂, ja₁ca₂jme₁ti'₄ 'nia'₂ ta₁ ne₄ ca₂le₃jě₃ ne₅₄ a₂'lig'₅₄, le₂nē₅ bá₄ guě'₂ jang'₅₄ táng₃ 'nia'₂ a₂tén₅ ni₁ñi'₁ ja₁jme₁ti'₄ ta₁ ne₄ jui₅ jnió₅ ja₁caun₂ le₃dsen'₃ 'nia'₂.

²⁰ Lia'₂ con'₂ jme₁lín'₄ guě₄ dsa₂ i₂qui₂rě₂'ñe'₅₄ le₃quió'₅ dsáu₁, tsá₃ jme₁rě₂'ñeg'₅₄ jua'₅₄ a₂jme₂ti'₄ guě₄ 'nia'₂ ta₁ ne₄ jui₅ co₂dsau₅. ²¹ La₁ ¿e₂ bá₄ a₂dse₃ ca₂lín'₃ 'nia'₂ ca₂le₃jě₃ a₂jaun₂,

a₂caun₂ lē₁o₂guí'₃ quián'₂ 'nia'₂ rē₂ně₃? Ia₁ jmá'₃ lia'₂ ca₂ne₅₄
a₂dsióg₄ ne₄ jui'₅ 'mú₃ bá₄ a₂jaun₂. ²² La₁ rē₂ně₃ ně₃, ma₂lón'₂
'nia'₂ jui'₅ ja₁jme₁qui₂rē₂'ñe'₅₄ 'nia'₂ 'nau'₂ dso₄, ma₂l₂ton'₅₄ 'nia'₂
jui'₅ ja₁jme₁ti'₄ ta₁ ne₄ Diú₄, jaun₂ lén'₂ 'nia'₂ jui'₅ jñi₅ ja₁caun₂
le₃dsen'₃ 'nia'₂, jui'₅ ja₁dsióg₄ a₂le₃chan'₂ 'nia'₂ dse₃ co₂tan₅₄.
²³ Ia₁ jñia'₅₄ lia'₂ 'mú₃ bá₄ lí'₂ dsa₂ co₂'nió'₄ 'lia'₅₄ dsáu₁, la₁
a₂lē₁cuē₅ bá₄ Diú₄ a₂le₃chan₂ dsa₂ dse₃ co₂tan₅₄ tē₂le₃ quian'₅₄
Cristo Jesús i₂lín₅ Te₁gui'₅₄ quián₂ jniog₄.

7

Caun₂ jág₁ a₂jáng'₅ léi₄ a₂jau'₂ jui₁lia'₂ ja₁con₂ dsa₂ i₂rē₂jen'₂ gu₂

¹ Rin'₅₄ jniog₄, 'nia'₂ dsa₂ i₂cuí'₅ 'a₂ lia'₂ juá'₂ ne₄ Si₂ 'Éi'₃,
ǵtsa₁ ñi'₅₄ 'nia'₂ a₂'io₅ bí₂ 'Éi'₃ ja₁con₂ jan₂ dsa₂ jmá'₃ tē₁lia'₂
chain₂? ² Jui₁lia'₂ jan₂ dsa₂ mǐ₂ i₂chan₂ dsi₂i₂gu₂, co₂'nió'₄
a₂chi₁'ñei'₅₄ bá₄ quiaín'₅₄ dsi₂i₂gu₂ lia'₂ con'₂ lē₅ ne₄ Si₂ 'Éi'₃,
tē₁lia'₂ chan₂ dsa₂ ñe'₂. La₁ nē₁jua'₂ ca₂jon₃ dsi₂i₂gu₂ ně₃, ca₂tsin'₂
bá₄ dsa₂ mǐ₂ 'éi₂ tē₂le₃ quió'₅ 'éi'₃ a₂jme₁le₁quian'₅ quió'₅ quiaín'₅₄
dsi₂i₂gu₂. ³ Nē₁jua'₂ ca₂guá'₂ 'io₅₄ quiaín'₅₄ dsa₂ ñe'₂ sián'₂ tē₃
chan₂ dsi₂i₂gu₂, dso₄ bá₄ 'no₂₃; la₁ nē₁jua'₂ ca₂jon₃ dsi₂i₂gu₂ ně₃,
ca₂tsin'₂ bá₄ 'io₅₄ tē₂le₃ quió'₅ 'éi'₃, ma₂lé₂ bá₄ jéin'₂ táng₃ gu₂
quiaín'₅₄ dsa₂ ñe'₂ sián'₂, tsá₃ ma₃dso₄ 'no₂₃.

⁴ Le₂ně₅ bá₄ ján₃, 'nia'₂ rin'₅₄ jniog₄, ma₂dsan'₃ 'nia'₂ le₃quió'₅
'Éi'₃ tē₂le₃ quian'₅₄ ñi₄ Cristo, ia₁jaun₂ téng'₄ ja₁con₂ i₂sián'₂:
ja₁con₂ 'éi₂ i₂ca₂jen'₅₄ táng₃ ne₄ 'mú₃. Le₂ně₅ ca₂lě₃ ia₁jaun₂
le₃chong₂ jniog₄ téi₅ ta₁ ne₄ Diú₄. ⁵ Ia₁ lia'₂ con'₂ jme₁chong₂
jniog₄ lia'₂ jme₁jio₅ nǐ₁ñi₁ jniog₄, ta₁ jaun₂ ca₂quí'₃ 'Éi'₃ a₂ca₂ñei₃
jui'₅ nǐ₁ñi₁ jniog₄ a₂ca₂lě₃ dsi₅ jmó₁ a₂'lig'₅₄, ca₂quí'₃ ta₁ a₂ca₂i₁jo₅₄
ne₄ 'mú₃. ⁶ La₁ rē₂ně₃ ně₃, ma₂dsau₃ le₃quió'₅ Si₂ 'Éi'₃ a₂jme₁jio₅
jme₁le₁'ñei'₅₄, a₂jme₁ti₁ ne₄ Diú₄ jui'₅ 'mǐ₂ quió'₅ Jme₂dsí₂ quiáin₅.
Jaun₂ tsá₃ ma₃tio'₅₄ jniog₄ le₁'ñei'₅₄ ne₄ 'Éi'₃ a₂chi₁ton₅ ne₄ si₂.

Dso₄ a₂'i₄ ja₁con₂ jniá₂

⁷ ǵ'E₂ jua'₅₄ jniog₄ jaun₂ ně₃? ǵA₂lě₅ dso₄ bá₄ 'Éi'₃ jaun₂? ǵDsón'₂
bá₄ on₃jua'₅₄ le₂jaun₂! La₁ jniá₂ ně₃ tsá₃ ca₂rě₃guion₅₄ 'e₂ jaun₂
dsáu₅, jua'₅₄ mei'₂ guě₃ tsá₃ 'Éi'₃ ron₅. Co₂'nió'₄ le₃jua'₅₄, tsá₃
'e₂ ca₂rě₃guion₅₄, jui₁lia'₂ a₂'ín₅ dsi₃ a₂cha₂ quió'₅ i₂sián'₂, jua'₅₄
mei'₂ guě₃ tsá₃ a₂juá'₂ 'Éi'₃ ne₄ Si₂: "Tsá₃ lē₁jmo₂ 'ín₅ 'au'₂ a₂quió'₅
dsa₂ sián'₂."*

⁸ La₁ dsáu₁ ně₃ ca₂jme₃'ñi₅ bá₄ jág₁ ně₅; 'ñiog₅ bá₄ 'Éi'₃
ca₂cuē₃ jmig₄ ca₂ñei₃ tē₂dsi₃ ca₂le₃jě₃ ne₅₄ a₂'ín₅ dsi₃ a₂cha₂ quió'₅
i₂sián'₂. Ia₁ jui₁lia'₂ ja₁tsá₃ 'Éi'₃ ron₅, tsá₃ léi₄ jniá₂ a₂cha₂ dsáu₅.
⁹ Ján₃ bá₄ jme₁chang₂ caun₂ jmig₄ lia'₂ con'₂ tsá₃ 'Éi'₃ quió'₅

* 7:7 Éxodo 20:17; Deuteronomio 5:21.

Moisés ma₂ca₂tíng₂. La₁ jme₁ca₂já₃ 'Éi'₃, co₂'nió'₄ a₂ca₂jen'₅₄ bá₄ táng₃ dsáu₁; jniá₂ guë'₂, co₂'nió'₄ a₂ca₂jong₃. ¹⁰ Le₂në₅ bá₄ ca₂lë₃ quian'₅₄ 'ñiog₅ 'Éi'₃ jaun₂; 'nió'₄ a₂jme₁cuë₃ bí₂ a₂le₃chan₂ jniá₂, të₂le₃ ca₂jioğ₃ jui₅ 'mú₃ bá₄ a₂jaun₂. ¹¹ Ia₁ dsáu₁ në₃, ca₂jme₃'ñiío'₃ bá₄ ne₄ 'Éi'₃ ja₁con₂ jniá₂, ca₂jme₃gau₂₃. Jaun₂ quian'₅₄ 'ñiog₅ bá₄ 'Éi'₃, ca₂cuë₃ 'mú₃.

¹² Jaun₂ në₃, a₂jñiío₅ bá₄ Si₂ 'Éi'₃; ján₃ guë'₂ le₂jaun₂ ca₂le₃jë₃ 'éi'₃ tio'₅₄, a₂jñiío₅, con₂ 'í₁ con'₂ dsi₂ten₅₄, a₂dse₃ lin₃ bá₄ a₂jaun₂. ¹³ ¿'E₂ bá₄ jaun₂ në₃? ¿Jui₁lia'₂ a₂dse₃ jaun₂ ca₂lë₃ 'mú₃ ja₁con₂ jniá₂? ¡Dson'₂ on₃jua'₅₄ jaun₂! 'Uig₅₄ dsáu₅ bá₄ jniá₂ jaun₂, ca₂jioğ₃ jui₅ 'mú₃, le₂në₅ ca₂cuë₃ léi₄ a₂lë₅ dso₄ a₂jaun₂ a₂jme₁jmo₅ jniá₂; ca₂jmo₃ të₂le₃ quian'₅₄ a₂dse₃, jaun₂ le₂në₅ ca₂jme₃jnia₅ 'Éi'₃ 'e₂ a₂lë₅ a₂jui₁si 'lig'₅₄ a₂lë₅ dsáu₁.

¹⁴ Ne₄ bá₄ jniog₄ jaun₂ a₂lë₅ a₂gu₂dsi₂ bá₄ 'Éi'₃, la₁ dsa₂ ni₁ñi₅ bá₄ jniá₂; co₂'nió'₄ a₂rë₂'ni₅₄ bá₄ jniá₂ ne₄ dso₄. ¹⁵ Ia₁ tsá₃ ñi'₂ dsi₃ 'e₂ lë₃ jmo₂₃ 'e₂ jmo₂₃, ia₁ tsá₃ lé₂ jmo₅₄ a₂ín₅ dsi₃ jmo₅₄, ia₁ ca₂le₃jë₃ a₂io₄ jniá₂ a₂tsá₃ 'nio₃ jmo₅₄, a₂jaun₂ dé₄ dsón'₂ jmo₂₃. ¹⁶ Ia₁ chi₂jua'₂ jmo₅ jniá₂ a₂tsá₃ të₅ dsi₃ jmo₅₄, jaun₂ jmo₅ jniá₂ dsi₃ a₂dse₃ bá₄ 'Éi'₃. ¹⁷ Le₂në₅ bá₄ jaun₂, on₃jua'₅₄ jniá₂ 'ñiío₃ 'no₂₃ dso₄; dsáu₅ jniá₂ a₂i₄ të₂dsi₃ bá₄, a₂jaun₂ bá₄ jmo₅. ¹⁸ Ia₁ guion₄ jniá₂, 'i₁caun₂ a₂dse₃ tsá₃ cha₂ të₂dsi₃ jniá₂, co₂'nió'₄ le₃jua'₅₄ lia'₂ con'₂ líng₅ dsa₂ ni₁ñi₅, ia₁ 'ín₅ bá₄ dsi₃ jmo₅₄ a₂dse₃, la₁ tsá₃ qui'₅₄ jmig₄ jmo₅₄. ¹⁹ Tsá₃ qui₂jmo₅ jniá₂ a₂dse₃ a₂'nio₃ jmo₅₄; caun₂ jmo₅ bá₄ jniá₂ a₂'lig'₅₄ a₂tsá₃ 'nio₃ jmo₅₄. ²⁰ Jaun₂ në₃, chi₂jua'₂ jmo₅ jniá₂ a₂tsá₃ të₅ dsi₃ jmo₅₄, on₃jua'₅₄ jniá₂ 'ñiío₃ jmo₂₃ a₂jaun₂; dsáu₅ jniá₂ a₂i₄ të₂dsi₃ bá₄, a₂jaun₂ bá₄ jmo₅.

²¹ Jaun₂ ma₂ca₂rë₃léi₄, cha₂ caun₂ 'éi': jë₁ma₂të₂ rë₁'nio₃ jmo₅₄ a₂dse₃, jñia'₅₄ lia'₂ a₂'lig'₅₄ bá₄ cha₂ ja₁cong₂. ²² Né'₃ jme₂dsi₂ quió₃, të₅ bá₄ dsi₃ 'Éi'₃ quió'₅ Diú₄; ²³ la₁ jáğ₅ jniá₂ ja₁con₂ a₂tén₅ ni₁ñi₃, cha₂ caun₂ 'éi'₃ siá'₂ a₂jmo₅ 'nei₂ quian'₅₄ 'éi'₃ 'a₂ lia'₂ dsi₂jioğ₅ dsi₃, a₂të₂ chi₁'neg'₁ ne₄ 'éi'₃ quió'₅ dso₄ a₂jmo₅ ta₁ ja₁con₂ a₂tén₅ ni₁ñi₃.

²⁴ ¡'E₂ guë₄ juíğ₂ jniá₂! ¿'Ein₂ bá₄ jiá₃ lió₂ ne₄ ni₁ñi₃ a₂jioğ₅ 'mú₃ la₂? ²⁵ Ti₁'mag'₄ Diú₄, cha₂ bá₄ jui₅ 'a₂ lia'₂ lé₂ të₂le₃ quian'₅₄ Te₁gui'₅₄ Jesucristo quián₂ jniog₄.

Jaun₂ në₃, 'ñiío₃ bá₄ jniá₂ quian'₅₄ 'a₂ lia'₂ dsi₂jioğ₅ dsi₃, jme₂tí₁ ta₁ ne₄ 'Éi'₃ quió'₅ Diú₄, la₁ lia'₂ con'₂ líng₅ dsa₂ ni₁ñi₅, jme₁tí₁ jniá₂ ne₄ 'éi'₃ quió'₅ dso₄.

8

'A₂ lia'₂ chan₂ dsa₂ con'₂ lë₅ jioğ₅ Jme₂dsi₂ quián₅ Diú₄

¹ Nē₃ nē₃ jaun₂, tsá₃ ma₂'e₂ uig₅ 'ě₂ Diú₄ ne₄ quió'₅ dsa₂ i₂ma₂'ei₅ caun₂ jág₁ quian'₅₄ Cristo Jesús.* ² Ia₁ bí₂ a₂'io₅ 'éi'₃ quió'₅ Jme₂dsí₂ ma₂cuē₅ jmig₄ a₂chan₂ jniá₂ tē₂le₃ quian'₅₄ Cristo Jesús, ia₁ ma₂ca₂lió₂ jniá₂ ne₄ 'éi'₃ quió'₅ dso₄, quió'₅ 'mú₃ nē₃. ³ Ia₁ ma₂ca₂jmo₃ Diú₄ a₂tsá₃ ca₂qui'₅₄ jmig₄ Si₂ 'Éi'₃ jmo₃ ia₁ ca₂'uán₂ bá₄ 'Éi'₃ 'uig₅₄ dsáu₁ dsa₂ ni₁ñí₅: ca₂chein₃ ja₁ñi'₅₄ 'ñiog₅ o₄quió'₄ dsáu₁ dsa₂; ca₂jmo₃ a₂lín₅ 'éi₂ dsa₂ chi₁dsáin₃ lia'₂ lín₅ dsa₂ mi₂güig₃ i₂'no₅ dso₄, jaun₂ le₂nē₅ bá₄ ca₂'ě₂ uig₅ ne₄ dso₄, ia₁ a₂lín₅ dsa₂ chi₁dsáin₃. ⁴ Le₂nē₅ ca₂jmo₃ ia₁jaun₂ le₃ti₃ 'Éi'₃ a₂con₂ 'í₁ con₂ dsi₂ten₅₄, ja₁con₂ jniog₄, i₂i₂nio₄, on₃jua'₅₄ lia'₂ con₂ lē₅ jiog₅ ni₁ñi₁₂, i₂i₂nio₄ lia'₂ con₂ lē₅ jiog₅ Jme₂dsí₂ bá₄.

⁵ Ia₁ dsa₂ i₂chan₂ lia'₂ con₂ lē₅ jiog₅ ni₁ñi₁ qui₂dsi₂jio₅ dsí₅ jui₅ quió'₅ ni₁ñí₅, la₁ jui₁lia'₂ dsa₂ i₂ma₂chan₂ lia'₂ con₂ lē₅ jiog₅ Jme₂dsí₂ quián₅ Diú₄, qui₂dsi₂jio₅ dsí₅ a₂quió'₅ jme₂dsí₂ bá₄.

⁶ Ia₁ jui₁lia'₂ a₂qui₂dsi₂jio₅ dsí₅ dsa₂ jui₅ quió'₅ ni₁ñí₅, a₂lē₅ 'mú₃ bá₄ jaun₂; la₁ jui₁lia'₂ a₂qui₂dsi₂jio₅ dsí₅ dsa₂ le₃quió'₅ Jme₂dsí₂ quián₅ Diú₄, a₂jaun₂ bá₄ jmo₅ a₂le₃chan₂ dsa₂ dse₃, a₂'ag₃ tei₄ dsí₅ dsa₂ nē₃. ⁷ Ia₁ jui₁lia'₂ i₂qui₂dsi₂jio₅ dsí₅ jui₅ quió'₅ ni₁ñí₅, i₂'ñia₅₄ Diú₄ bá₄ i₂le₂'éi₂, ia₁ tsá₃ 'nio₃, on₃ guē₂ lē₂ jme₃ti₃ 'Éi'₃ quió'₅ Diú₄. ⁸ 'Uig₅₄ jaun₂ bá₄, jui₁lia'₂ i₂i₂nio₄ lia'₂ con₂ jiog₅ ni₁ñi₁₂, tsá₃ lē₂ le₃jmo₃ a₂tē₅ dsí₅ Diú₄.

⁹ La₁ jui₁lia'₂ 'nia'₂ nē₃, tsá₃ ma₃i₂nio₅₄ 'nia'₂ lia'₂ con₂ jiog₅ ni₁ñí₅, ia₁ ma₂quian'₅₄ bá₄ 'nia'₂ Jme₂dsí₂, nē₁jua'₂ guá₅ Jme₂dsí₂ quián₅ Diú₄ tē₂'au'₂ 'nia'₂. Ia₁ jui₁lia'₂ dsa₂ i₂tsá₃ 'en₅₄ Jme₂dsí₂ quián₅ Cristo tē₂dsí₅, tsá₃ lín₅ i₂quián₅ 'éi₂. ¹⁰ La₁ nē₁jua'₂ 'en₅₄ Cristo tē₂'au'₂ 'nia'₂, jaun₂ chan₂ bá₄ jme₂dsí₂ quián₅ 'nia'₂ 'uig₅₄ ia₁ a₂ma₂jín₂ Diú₄ 'nia'₂ nē₂jag₄ bá₄ a₂ma₂jme₂tí'₂ 'nia'₂, o₁jñia'₅₄ 'io₅ 'mú₃ ni₁ñi₁ 'nia'₂ o₄quió'₄ dso₄. ¹¹ Chi₂jua'₂ chan₂ ja₁con₂ 'nia'₂ Jme₂dsí₂ quián₅ i₂ca₂jme₃jen'₅₄ Cristo Jesús ne₄ 'mú₃, 'ñiog₅ bá₄ 'éi₂ cuē₃ jme₂dsí₂ 'mí₂ ne₄ ni₁ñi₁ 'nia'₂ a₂ca₂tín₂ 'mú₃, tē₂le₃ quian'₅₄ Jme₂dsí₂ quián₅ Diú₄ i₂guá₅ tē₂'au'₂ 'nia'₂.

¹² Le₂nē₅ bá₄ jaun₂, 'nia'₂ rin'₅₄ jniog₄, cha₂ a₂ca₂tág₂ jniog₄ jmó₁, la₁ on₃jua'₅₄ rē₂' ne₄ ni₁ñí₅ jua'₅₄ a₂'nió'₅ le₃chong₂ jniog₄ 'io₄ táng₃ lia'₂ con₂ lē₅ mi₅ ni₁ñi₁. ¹³ Ia₁ nē₁jua'₂ chan₂ 'nia'₂ lia'₂ con₂ mi₅ ni₁ñi₁, dsíán₃ bá₄ 'nia'₂; la₁ nē₁jua'₂ tē₂le₃ quian'₅₄ Jme₂dsí₂, jñí'₅ 'nia'₂ a₂jmo₅ ni₁ñi₁, jaun₂ le₃chan₂ bá₄ 'nia'₂.

¹⁴ Ia₁ ca₂le₃jín₃ dsa₂ i₂i₂nio₄ lia'₂ con₂ lē₅ jiog₅ Jme₂dsí₂ quián₅ Diú₄, lín₅ chi'₂-guein₂ quián₅ Diú₄. ¹⁵ Ia₁ Jme₂dsí₂ i₂ma₂guen'₅₄ 'nia'₂ on₃jua'₅₄ i₂lín₅ jme₂dsí₂ i₂qui₃'nei'₂ táng₃ jua'₅₄ a₂jmo₃

* 8:1 A₂lín₅₄ chog₅₄ si₂ a₂ca₂lē₃ cang₂ guē₄, juá'₂ le₂la₂ ján₃: "i₂i₂nio₄, on₃jua'₅₄ lia'₂ con₂ lē₅ jiog₅ ni₁ñi₁₂, i₂i₂nio₄ lia'₂ con₂ lē₅ jiog₅ Jme₂dsí₂ bá₄."

a₂le₃gan' ₃ táng₃ 'nia' ₂. Jme₂dsí₂ 'éi₂ bá₄ i₂ma₂guen' ₅₄ 'nia' ₂ i₂jmo₃
a₂lén' ₂ 'nia' ₂ chí' ₂-guein₂ quián₅ Diú₄. Jme₁jua' ₂ jniog₄ të₂le₃
quian' ₅₄ 'éi₂: “¡Abba!† ¡Tia₅₄ quiáng₃!””, ¹⁶jaun₂ 'ñiog₅ bá₄ Jme₂dsí₂
nē₅ jme₂quian' ₅₄ jme₂dsí₂ quián₂ jniog₄, jáng' ₅ jág₁ dsau₅ juá' ₂
a₂ma₂lág₅ jniog₄ chí' ₂-guein₂ quián₅ Diú₄. ¹⁷Jaun₂ chí₂jua' ₂ lág₅
jniog₄ ja₁ñi' ₅₄, ján₃ bá₄ ca₂tág₂ jniog₄ guéi₁ a₂dse₃ a₂ma₂lě₅ jág₁
cuē₃ Diú₄ a₂cuē' ₃ chí' ₂-guein₂ quián₅; guéi₁ jniog₄ a₂nē₅ co₂lě₅
quian' ₅₄ Cristo, chí₂jua' ₂ quein' ₅₄ jniog₄ quian' ₅₄ jmi₁uig₅ quió' ₅
ia₁jaun₂ quein' ₅₄ jniog₄ cang₂ jě₄ co₂tág₅ co₂'né' ₅ quió' ₅.

¹⁸Ia₁ lín₂ jniá₂ on₃jua' ₅₄ cha₂ 'e₂ uig₅ a₂ñag₄ jniog₄ rě₂ně₃
on₃jua' ₅₄ a₂quin₃ quian' ₅₄ a₂co₂tág₅ co₂'né' ₅ a₂jíá₃ a₂le₃jniá₂
ja₁con₂ jniog₄. ¹⁹Ia₁ ma₂chí₁jñia₅ chí₁quian' ₅₄ jmi₄ ca₂le₃jě₃
a₂ca₂jmo₃ Diú₄, a₂'ín₅ dsí₅ jmi₄ jě₁ma₂tě₂ rě₁le₃jniá₂ chí' ₂-guein₂
quián₅ Diú₄. ²⁰Ia₁ ca₂le₃jě₃ a₂ca₂jmo₃ Diú₄ nē₃ ma₂qui₂le₁'ñei' ₅₄
ne₄ jui₅ ja₁tsá₃ ta₁ tí₄, on₃jua' ₅₄ ia₁ a₂ca₂rě₃'ñi₃ dsí₅ guioin₅₄,
ia₁ le₂jaun₂ 'éi' ₃ ca₂jmo₃ Diú₄ 'ñiog₅ bá₄. A₂'ín₂ dsí₅ ca₂le₃jě₃
a₂nē₅, ²¹jmi₄ a₂lió₂ Diú₄ a₂qui₂chí₁'ñei' ₅₄ ne₄ jui₅ a₂siá' ₃
quió' ₅, ia₁jaun₂ jme₃quian' ₅₄ chí' ₂-guein₂ quián₅ Diú₄ jě₄ co₂tág₅
co₂'né' ₅ jui₁lia' ₂ i₂ma₂qui₂ca₂lón₂. ²²Ia₁ ne₄ bá₄ jniog₄, ca₂lia' ₂
jñi₄ jmi₄ nē₃, ca₂le₃jě₃ a₂ca₂jmo₃ Diú₄, qui₂'ñiog₂ qui₂'ñia₂₃
co₂lě₅ chain₂ uig₅. ²³On₃jua' ₅₄ jmá' ₃ a₂jaun₂; ján₃ bá₄ le₂jaun₂
jniog₄ nē₃, i₂'io₅ a₂le₂'uig₅₄ a₂ca₂ráu₃ quió' ₅ Jme₂dsí₂, qui₂'ñiog₅
qui₂'ñia₂ të₂dsi₅ jniog₄ të₁lia' ₂ chí₁jñia₁ a₂'ín₅ dsí₅ jmi₄ jaun₂,
a₂jme₃jñia₅ a₂lág₅ jniog₄ chí' ₂-guein₂ quián₅ Diú₄, jmi₄ a₂lióin₂
ni₁ñi₁ jniog₄ la₂. ²⁴Ia₁ të₂le₃ quian' ₅₄ jmi₄ a₂'ín₂ dsí₅ jniog₄
nē₅ bá₄ ca₂lió₂; la₁ nē₁jua' ₂ ma₂jág₅ dsa₂ a₂'ín₂ dsí₅, on₃jua' ₅₄
ma₃le₃'ín₂ dsí₅ dsa₂ jui₁lia' ₂ a₂ma₂jág₅, tsá₃ ma₃tion₅₄ 'nió' ₅ 'ín₂
dsí₅. ²⁵La₁ nē₁jua' ₂ 'ín₂ dsí₅ jniog₄ caun₂ a₂tsá₃ ma₂ne₅₄, juin' ₂
bá₄ dsí₅ jñia₄ a₂'ín₂ dsí₅.

²⁶Ján₃ bá₄ le₂nē₅ jme₂'o₅₄ Jme₂dsí₂ quián₅ Diú₄ a₂'uan₅₄ dsí₅
jniog₄. Ia₁ tsá₃ tag₂ chí₂len' ₄ Diú₄ 'a₂ con' ₂ dsi₂ten₅₄, la₁ 'ñiog₅
bá₄ Jme₂dsí₂ Jñi₅ nē₃ mi₂₃ ne₄ Diú₄ o₄quián₂ jniog₄, ca₂le₃jě₃
qui₂'ñiog₂ qui₂'ñia₃ on₃jua' ₅₄ a₂lě₂ le₃'ñiog₃ jniog₄ quian' ₅₄ jág₁.
²⁷La₁ Diú₄ nē₃ i₂tě₂li₅ të₂dsí₅ dsa₂ mi₂güig₃, 'éi₂ bá₄ ñi₅ 'e₂ 'nio₃
Jme₂dsí₂ 'éi₂ juá' ₂; ia₁ mi₅ Jme₂dsí₂ Jñi₅ lia' ₂ con' ₂ lě₅ 'ñio₂ dsí₅
Diú₄, o₄quió' ₄ dsa₂ jñi₅ quián₅.

Tě₂le₃ ñag₅₄ guě₄ léi₂ jniog₄

²⁸Ne₄ bá₄ jniog₄, Diú₄ bá₄ i₂jmo₅ ne₄ ca₂le₃jě₃, a₂dse₃ quió' ₅
dsa₂ i₂'nio₃ Diú₄, quió' ₅ dsa₂ i₂ma₂tě' ₃ Diú₄ lia' ₂ con' ₂ lě₅
ma₂l₂jio₅ dsí₅ jmo₃. ²⁹Ia₁ i₂ma₂cui₅ Diú₄ ca₂le₂jñiá₅, ján₃
bá₄ ca₂chei' ₃ ca₂'in₃ 'éi₂ a₂lén₂ jui₁lia' ₂ lín₅ Ja₁ñi' ₅₄, ia₁jaun₂

† 8:15 Abba: co₂'nió' ₄ le₃jua' ₅₄: “Tia₅₄” quian' ₅₄ jág₁ jmei₅ arameo.

lén₂ Ja₁ŋi'₅₄ i₂le₂ne₁ jë₄ quió'₅ riin'₅₄ i₂juin₅. ³⁰ Dsa₂ i₂con'₂ ma₂ca₂chen'₃ Diú₄ lia'₂ ca₂le₂ŋiá₅, ca₂tě'₃ 'éi₂ ján₃; dsa₂ i₂con'₂ ca₂tě'₃ 'éi₂ ně₃, ján₃ bá₄ ca₂jág₂ ně₂jag₄ a₂tsá₃ 'e₂ dso₄ riin₂; dsa₂ i₂con'₂ ca₂jág₂ Diú₄ a₂tsá₃ 'e₂ dso₄ riin₂ ně₃, ján₃ bá₄ ca₂jme₃jláin'₁.

³¹ ¿'E₂ le₃jua'₅₄ jniog₄ ně₃, quian'₅₄ a₂ně₅? Chi₂jua'₂ chén'₅ Diú₄ ne₄ jág₁ quián₂ jniog₄, ¿'ein₂ bá₄ qui'₅₄ jmig₄ jmóg'₂ jniog₄? ³² Tsá₃ ca₂jmo₃ Diú₄ jua'₅₄ tsá₃ jme₁cuin₂₃ Ja₁ŋi'₅₄ 'ŋiog₅, tē₂le₃ ca₂jáng'₂ bá₄, ca₂ŋó₃ 'éi₂ ne₄ 'mú₃ o₄quián₂ jniog₄; ¿'a₂ bá₄ lia'₂ jua'₅₄ a₂tsá₃ cuē₃ jniog₄ ján₃ co₂dsia₅ quian'₅₄ 'éi₂ ca₂le₃jě₃? ³³ ¿'Ein₂ bá₄ lé₂ le₃'ni₃ dsa₂ i₂ma₂quión'₂ Diú₄? Ton'₂ 'ŋiog₅ bá₄ Diú₄ juá'₂ a₂tsá₃ 'e₂ riin₂. ³⁴ ¿'Ein₂ i₂lé₂ le₃'ě₂ uig₅? Ia₁ Cristo Jesús bá₄ i₂ca₂jon₃; tē₂le₃ lě₅ bá₄ guě₄, a₂ca₂jein'₅₄ táng₃, ton'₂ ma₂guá₅ le₃gu₂ ne₁ quió'₅ Diú₄, mi₂₃ o₄quián₂ jniog₄. ³⁵ ¿'Ein₂ bá₄ i₂lé₂ 'liog'₃ jniog₄ cau₅ ne₄ a₂'nio₃ Cristo? ¿O₃ bá₄ qui'₅₄ jmig₄ jui₁lia'₂ caun₂ jmi₁uig₅, o₃ jui₁lia'₂ caun₂ o₂i₁ dsi₅, o₃ jmig₄ jui₁lia'₂ a₂co₂'ein₅ dsa₂, o₃ jmig₄ jui₁lia'₂ jme₁'in₂ a₂que₅₄, o₃ ia₁ a₂tsá₃ cha₂ a₂qui'₅₄ 'e₂ jniog₄, o₃ 'e₂ caun₂ a₂gau₂ cha₂, o₃ a₂go₃ jniog₄ a₂jme₃dsiog₅ dsa₂ quian'₅₄ ŋi₁tág₂? ³⁶ Jui₁lia'₂ rē₂ton₅ ne₄ Si₂:

O₄quián'₂ 'ne₂ bá₄ guei₂ jnia'₅₄ 'mú₃ co₂tan₅₄.

Jmo₅ dsa₂ dsí₅ a₂lág₅ jnia'₅₄

nē₂jag₄ bá₄ já'₂ cha'₂

i₂ma₂le₁te₂ dsa₂ a₂jme₃dsiog₂₃.†

³⁷ La₁ jë₄ ca₂le₃jě₃ a₂ně₅, tson₂ guě₄ léi₂ tián₂ jniog₄ tē₂le₃ quian'₅₄ 'éi₂ i₂ma₂ca₂rě₃'nio₃ quián₂ jniog₄. ³⁸ Ia₁ caun₂ bá₄ 'ei₅ dsi₃, 'i₁caun₂ tsá₃ 'e₂ lé₂ le₃'liog'₃ cau₅ ne₄ a₂'nio₃ Diú₄ jniog₄. Tsá₃ qui'₅₄ jmig₄ 'mú₃, on₃ guě'₂ a₂chong₂, on₃ guě'₂ ángeles, on₃ guě'₂ dsi₂tan₅₄ quián₅ jme₂dsí₂, on₃ guě'₂ a₂cha₂ rē₂ně₃, on₃ guě'₂ a₂cha₂ jmig₄ ne₄ jui₅ ně₃, on₃ guě₄ jui₅bí₂, ³⁹ on₃ guě'₂ i₂tion'₅₄ ja₁ŋei₅ lin₃, on₃ guě'₂ i₂tion'₅₄ ja₁'uin₃ lin₃, on₃ guě'₂ jui₁'e₂ guě₃ a₂siá'₂ a₂ca₂jmo₃ Diú₄, jua'₅₄ le₃qui'₅₄ jmig₄ jmo₃ jua'₅₄ a₂tsá₃ ma₃jme₃'nio₃ Diú₄ jniog₄, tē₂le₃ quian'₅₄ Cristo Jesús Te₁gui'₅₄ quián₂ jniog₄.

9

Ma₂quión'₂ Diú₄ dsa₂ juig₂ Israel

¹ Jág₁ tí₅ dsón'₂ bá₄ juá'₅ jniá₂ le₃quió'₅ Cristo la₂, tsá₃ jme₂gau₅₄ jniá₂; tē₂dsi₃ jniá₂ jiog₅ jme₂dsí₂ Jŋiós juá'₂ tság₅ jniá₂ a₂dsón'₂ bá₄ dsau₅; ² 'ŋio₅ lin₃ chang₂ go₂'i₃ qui'₂ dsi₃ co₂tan₅₄, ³ ia₁ ca₂tē₂ 'ŋiós jniá₂ jme₁'nio₃ jua'₅₄ dsi₃'éng₁, rē₂'na₄ jág₁ ja₁con₂ Cristo jua'₅₄ mei'₂ guě₃ le₂jaun₂, o₄quió'₄ ríng'₃ dsa₂ go₃ jniá₂ le₃quió'₅ ni₁ŋí₅. ⁴ 'Éi₂ bá₄ i₂lín₅ dsa₂ tsi₁jón₂ Israel; * 'éi₂ bá₄ i₂lín₅ dsa₂ i₂ca₂guéi'₂ Diú₄ a₂lín₅ chi'₂-guein₂ quiáin₅; 'éi₂ bá₄ i₂ca₂tě₂

† 8:36 Salmo 44:22. * 9:4 Israel: co₂'nió'₄ le₃jua'₅₄, Jacob. Génesis 35:10.

ne₄ a₂tág₅ co₂'né'₅ quió'₅ Diú₄; 'éi₂ bá₄ i₂ca₂lí'₃ jág₁ quian'₅₄ Diú₄; 'éi₂ bá₄ i₂ca₂gue₃ Si₂ 'Éi'₃ ca₂cuē₃ Diú₄; 'éi₂ bá₄ i₂ca₂tín₂ jme₃ti₃ a₂qui₂jén'₃ ne₄ Diú₄; 'éi₂ bá₄ i₂ca₂cuē₃ Diú₄ jág₁ quió'₅ ně₃. ⁵ 'Éi₂ bá₄ i₂lín₅ tsi₁jon₂ dsa₂ can'₅₄ quián₂ jnia'₅₄ ma₂líg'₂. Jaun₂ tē₂le₃ quian'₅₄ tsi₁jon₂ 'éi₂ ně₃, ca₂guan₃ I₂rē₂'ín₁ quián₅ Diú₄ chi₁dsáin₃, i₂lín₅ Diú₄ ne₄ quió'₅ ca₂le₃jě₃, i₂jme₃juin'₂ dsa₂ co₂tan₅₄, a₂méi₃.

⁶ On₃jua'₅₄ rē'₂ a₂tsá₃ ca₂rē₃ti₃ jág₁ a₂rē₂cuē₄ quió'₅ Diú₄, ia₁ tsá₃ ca₂le₃jín₃ dsa₂ tsi₁jon₂ Israel lín₅ tē₃dsón'₂ dsa₂ i₂tén₅ juig₂ Israel. ⁷ On₃ guē'₂ lín₅ ca₂le₃jín₃ dsa₂ tsi₁jon₂ Abraham tē₃dsón'₂ chi'₂-guein₂ quián₅ 'éi₂; ia₁ jme₁ca₂juá'₂ Diú₄ ca₂tsí'₃ Abraham: “Tē₂le₃ quian'₅₄ Isaac bá₄ ja₃lén₂ tsi₁jong'₂.”† ⁸ Jág₁ ně₅, jein₅ jág₁, on₃jua'₅₄ chi'₂ dsio₄ le₃quió'₅ ni₁ñí₅ i₂lín₅ chi'₂-guein₂ quián₅ Diú₄; ton'₂ con'₂ i₂lín₅ guein₂ i₂ca₂rē₃chán₃ lia'₂ con'₂ lě₅ jág₁ quió'₅ Diú₄ a₂jme₁ma₂cuē₃, jmá'₃ i₂'éi₂ bá₄ i₂jín₂ Diú₄ i₂lín₅ tē₃dsón'₂ tsi₁jon₂ Abraham. ⁹ Ia₁ jág₁ quió'₅ Diú₄ a₂ca₂cuē'₃ Abraham, a₂la₂ bá₄ jaun₂: “Jein₂ rē₂ně₃ ñi₂ caun₂, guio₅₄ jniá₂, jaun₂ le₃chan₂ jan₂ guein₂ quián₅ Sara.”‡ ¹⁰ On₃jua'₅₄ jmá'₃ a₂jaun₂. Qui₂ca₂can₃ Rebeca guein₂ quian'₅₄ jan₂ dsa₂ ñe'₂ i₂lín₅ Isaac jmei₂ jnia'₅₄. ¹¹ La₁ tsá₃ jme₁ma₂ca₂rē₃chán₃ guein₂ quián₅ i₁Bé'₄, on₃ guē'₂ a₂'lig'₅₄ a₂dse₃ jme₁ma₂tíin₂ jmo₃, jme₁ca₂jmo₃ Diú₄ jág₁, ia₁jaun₂ tē₃'ñiá₄ a₂ca₂tín₂ Diú₄ qui₃quió'₂ lia'₂ con'₂ lě₅ niog₅ dsí₅; ¹² on₃jua'₅₄ 'uig₅₄ ia₁ a₂jme₂ti₃ dsa₂, tē₂le₃ 'uig₅₄ ia₁ a₂tē₂ Diú₄; ca₂juá'₂ Diú₄ ca₂tsí'₃ i₁Bé'₄: “I₂lín₅ i₂juin'₂ jme₃ti₃ ne₄ i₂me'₂.”§ ¹³ Ju₁lia'₂ chi₁ton₅ ne₄ Si₂: “Ca₂quio'₄ jniá₂ ca₂jme₁gu'₅₄ quió'₅ Jacob, lě₅ guē₄ con'₂ guē₄ Esaú.”*

¹⁴ ¿'E₂ bá₄ le₃jua'₅₄ ně₃? ¿On₃ bá₄ tsá₃ rē₂ qui₂dsí₅ Diú₄ 'éi'₃? ¿Dsón'₂ on₃jua'₅₄ le₂jaun₂! ¹⁵ Ia₁ ca₂tsí'₃ Moisés: Dsia₅₄ jniá₂ ñeí₂ dsí₃

ja₁con₂ i₂'nio₃ jniá₂ dsia₅₄ ñeí₂ dsí₃ quiaín'₅₄;
ján₃ bá₄ jmo₅₄ jniá₂ 'ua₁ dsí₃

ja₁con₂ i₂'nio₃ jniá₂ jmo₅₄ 'ua₁ dsí₃ quiaín'₅₄.†

¹⁶ Le₂ně₅ bá₄ jaun₂, on₃jua'₅₄ rē'₂ ia₁ 'nio₃ jan₂ dsa₂, o₃ a₂quín'₃ bí₂ 'e₂; ton'₂ ia₁ a₂ñeí₂ dsí₅ Diú₄ bá₄. ¹⁷ Ia₁ chi₁ton₅ ne₄ Si₂ 'a₂ lia'₂ ca₂juá'₂ Diú₄ ca₂tsí'₃ Faraón:‡ “Ta₁ jaun₂ tē₃dsón'₂ bá₄ ca₂tság'₂ jniá₂ a₂lég'₂ rag₅₄; ia₁jaun₂ jme₁jnia₅ jniá₂ jui₅bí₂ quió₃ tē₂le₃ quian'₅₄ 'ne₂, ia₁jaun₂ guē₄ le₃ñi₅ dsa₂ ta₁caun₂ gua'₅₄ 'uē₃ 'a₂ lia'₂ lín₅ jniá₂.”§ ¹⁸ Jaun₂ lě₃, ca₂tín₂ Diú₄ dsia₃ ñeí₂ dsí₅

† 9:7 Génesis 21:12. ‡ 9:9 Génesis 18:10,14. § 9:12 Génesis 25:23. * 9:13

Malaquías 1:2-3; lit. “Ca₂jme₁'nió₄ jniá₂ Jacob, Esaú guē'₂ ca₂jme₁'ñiai₅₄.” † 9:15

Éxodo 33:19. ‡ 9:17 Faraón: co₂'nió'₄ le₃jua'₅₄, rag₅₄ quián₅ 'uē₃ Egipto. § 9:17

Éxodo 9:16.

ja₁con₂ chi₂'ein₂ 'nio₃, ton₂ já₃ guë₂ jme₃'ua₂ dsí₅ chi₂'ein₂ 'nio₃ jme₃'ua₂ dsí₅. ¹⁹ La₁ jaun₂, lé₂ jua₅₄ juig₅₄ jniá₂: “Chi₂jua₂ le₂në₅, ¿'e₂ lë₃ cuë₅ Diú₄ dso₄ dsa₂, jaun₂ në₃? Ia₁, ¿'ein₂ bá₄ qui₅₄ jmig₄ jné₃ a₂niog₅ dsí₅ Diú₄ jmo₃?” ²⁰ ¡La₁ 'ne₂ në₃! ¿I₂'ein₂ bá₄ lín₅ 'ne₂ dsa₂ mi₂güig₃, jua₅₄ a₂tsíng₄ quian₅₄ Diú₄? ¿O₃ bá₄ lé₂ le₃juá₂ jui₁lia₂ ni₁ti₂ gua₅₄, tsí₃ i₂ca₂jmo₃: “¿'E₂ lë₃ ca₂jmog₅₄ jniá₂ le₂la₂?”* ²¹ Jui₁lia₂ jan₂ tē₅ i₂jmo₅ ti₂: ¿Tsa₁ ca₂tíin₂ 'uë₃ quian₅₄ ca₂bë₅₄ ti₁jein₂ caun₂ ni₁ti₂ a₂jmo₂ dsa₂ ta₁ jmá₃ lia₂ a₂jlá₁, caun₂ guë₂ a₂jmo₂ dsa₂ ta₁ lia₂ 'ei₅ ne₅₄ cosa?†

²² ¿'E₂ guë₂ lé₂ le₃jua₅₄ 'ne₂ chi₂jua₂ 'nio₃ Diú₄ jme₃jnia₅ a₂'nei₂, jme₃jnia₅ jui₅bí₂ quió₅ në₃, la₁ ca₂jmo₃ tió₃ ca₂jme₃juin₃ dsí₅ 'nio₅ lín₃ quian₅₄ dsa₂ i₂jme₁ca₂tín₂ gue₃ uig₅ i₂jme₁i₄ 'éi₃ dsi₃én₂? ²³ ¿'E₂ guë₂ chi₂jua₂ ca₂jmo₃ Diú₄ le₂jaun₂, ia₁jaun₂ quile₃ñi₅ dsa₂ a₂jláin₁ a₂'uain₂, a₂jme₂jnia₂₃ a₂ñéi₂ dsí₅ ja₁con₂ dsa₂ i₂ca₂jmo₂ co₂jnia₅₄ tē₃ñiá₅, ia₁jaun₂ tíin₅₄ jē₁tág₅ co₂'né₅ quió₅? ²⁴ Jniog₄ bá₄ 'éi₂ i₂ca₂tē₃ Diú₄, on₃jua₅₄ jmá₃ jē₄ quió₅ dsa₂ judíos; já₃ bá₄ ca₂tē₃ dsa₂ jē₄ quió₅ dsi₂nau₂. ²⁵ Jui₁lia₂ juá₂ ne₄ si₂ quió₅ Oseas:

Dsa₂ i₂tsá₃ jme₁lín₄ dsa₂ juig₂ quiáng₃,
ca₂tē₃ dsa₂ juig₂ quiáng₃;
ján₃ guë₂ co₂'nió₄ 'io₅₄ i₂tsá₃ jme₁'nióg₃,
ca₂tē₃ bá₄ jniá₂ a₂niói₃ guë₄ lín₃.‡

²⁶ Já₃ bá₄ juá₂:
Co₂dsau₅ jaun₂ ja₁jme₁juá₂ dsa₂
a₂tsá₃ lín₅ 'nia₂ dsa₂ quiáng₃,
ja₁jaun₂ nág₁ 'nia₂ a₂tē₂ dsa₂

a₂lín₅ chi₂-guein₂ quián₅ Diú₄ jén₃.§

²⁷ La₁ tē₂le₃ quió₅ dsa₂ israelitas në₃, ca₂juá₂ Isaías a₂dsen₅₄ dsí₅: “Jui₁a₂ guë₃ la₂ juin₅ lín₃ tsi₁jon₂ dsa₂ juig₂ Israel téin₅ jui₁lia₂ tí₅ ti₁tsag₁ cha₂ chei₅₄ jmi₁ñi₄, la₁ me₂ co₂ñi₂ bá₄ dsa₂ i₂juin₅ 'éi₂ tín₄. ²⁸ Ia₁ qui₃dsi₅ bá₄ Diú₄ 'éi₃ ne₄ gua₅₄ 'uë₃, jme₃ti₃ ca₂le₃jē₃ co₂ñei₅₄.”* ²⁹ Jui₁lia₂ ca₂juá₂ 'ñiog₅ Isaías le₂jñiá₅:
Jua₅₄ mei₂ guë₃ Te₁gui₅₄ Juig₅₄ 'Lióg₂

tsá₃ ca₂dsiain₃ tsi₁jon₂ dsa₂ go₂ jniog₄,
le₂jaun₂ bá₄ jme₁dsi₁ñág₂ jniog₄

jui₁lia₂ ca₂i₃ñi₂ dsa₂ juig₂ Sodoma quian₅₄ Gomorra.†

Dsa₂ judíos quian₅₄ já₃ dse₃

³⁰ ¿'E₂ le₃jua₅₄ jniog₄ jaun₂ në₃? Jui₁lia₂ dsi₂nau₂ i₂tsá₃ jme₁'no₂ jui₅ ja₁guei₃ Diú₄ në₂jag₄ bá₄ a₂tsá₃ 'e₂ dso₄ riin₂,

* 9:20 Isaías 29:16; 45:9. † 9:21 'Nio₂ ja₁ton₅ 2 Timoteo 2:20. ‡ 9:25 Oseas 2:23. § 9:26 Oseas 1:10. * 9:28 Isaías 10:22-23. † 9:29 Isaías 1:9.

'éi₂ bá₄ ma₂lí₂ jui₅ jaun₂, caun₂ jui₅ ja₁guéi₂ Diú₄ ně₂jag₄ bá₄
a₂ca₂jme₃ti₃, tē₂le₃ a₂jñia₅₄ con₂ a₂'éin₂ bá₄. ³¹ La₁ dsa₂ juig₂
Israel guē₂ ně₃, i₂jme₁tion₅₄ 'Éi₃ ia₁jaun₂ jme₁guéi₂ Diú₄ 'uig₅₄
ia₁ a₂jme₂ti₃, lín₂, tsá₃ ca₂tió₃ jme₃ti₃ 'Éi₃ jaun₂. ³² ¿'E₂ lē₃? Ia₁
jme₁'no₂ jui₅ ja₁guéi₂ Diú₄ jaun₂, on₃jua₅₄ tē₂le₃ quian₅₄ a₂'éin₂,
tē₂le₃ quian₅₄ a₂jme₁jmo₂₃ guioin₅₄ bá₄. 'Uig₅₄ jaun₂ qui₂ca₂nió₁₃
bá₄ quian₅₄ “Ni₁cang₁ a₂nió₅ dsa₂.” ³³ Jui₁lia₂ rē₂ton₅ ne₄ Si₂:
Ní₂ de₂ 'nia₂, tsin₅₄ jniá₂ jan₂ jē₄ juig₂ Sió₂
i₂lén₂ ně₂jag₄ ni₁cang₁ a₂qui₂nió₅ dsa₂,
ján₃ guē₂ co₂'nió₄ ni₁'lau₂
a₂jmo₃ dsi₂gan₅₄ dsa₂;
jaun₂ jui₁lia₂ i₂'én₂ le₃quió₅ 'éi₂,
tsá₃ dsi₁ñí₂ o₂guí₃.†

10

¹ Rin₅₄ jniog₄, a₂'ín₅ dsi₃ 'ñio₅ lín₃, a₂chi₂leng₅₄ Diú₄ o₄quió₄
dsa₂ israelitas, ia₁jaun₂ tñin₄ bá₄. ² Ia₁ jáng₅ bá₄ jniá₂ jág₁ dsau₅
ja₁coin₂, a₂dsen₅₄ dsí₅ le₃quió₅ Diú₄, la₁ia₁ on₃jua₅₄ jaun₂ ñí₂
dsí₅. ³ 'Uig₅₄ ia₁ a₂tsá₃ ca₂tón₃ jui₅ 'a₂ lia₂ lē₅ jaun₂ a₂guéi₂
Diú₄, jaun₂ qui₂'no₂ jui₅ quió₅ guioin₅₄ bá₄, tsá₃ ca₂jme₃gó₃
jui₅ a₂ca₂cuē₃ Diú₄. ⁴ Ia₁ ca₂jme₃'ña₅ I₂rē₂'ín₁ quián₅ Diú₄ 'Éi₃,
ia₁jaun₂ guéi₂ Diú₄ chi₂jua₂ 'ein₂ i₂'én₂, ně₂jag₄ bá₄ a₂ma₂can₃
caun₂ jui₅ co₂dsau₅.

⁵ Ia₁ jui₁lia₂ a₂guéi₂ Diú₄ quió₅ dsa₂ ia₁ a₂ca₂jme₃ti₃ 'Éi₃, juá₂
Moisés ne₄ Si₂: “Nē₁jua₂ ca₂can₃ dsa₂ caun₂ jui₅ co₂dsau₅ lia₂
con₂ lē₅ chi₂quióng₂ jmig₄ Si₂ 'Éi₃, tē₂le₃ quian₅₄ 'Éi₃ jaun₂
le₃chain₂.”* ⁶ La₁ jui₁lia₂ jui₅ co₂dsau₅ a₂já₅ 'uig₅₄ ia₁ a₂'én₂
dsa₂, juá₂ Si₂ le₂la₂: “Tsá₃ jua₅₄ 'ne₂ tē₂le₃ jui₅ 'au₂: ¿'Ein₂ bá₄
lé₂ le₃uig₂ guei₅₄ i₂juig₃?† —co₂'nió₄ le₃jua₅₄, ia₁jaun₂ sióin₂
I₂rē₂'ín₁ quián₅ Diú₄ ja₁con₂ jniog₄—; ⁷ on₃ guē₂ jua₅₄ 'ne₂ ján₃:
“¿'Ein₂ bá₄ lé₂ le₃sióin₃ ca₂tē₂ ja₁ca₂jein₃ chi₁dsio₅₄?”† —co₂'nió₄
le₃jua₅₄, ia₁jaun₂ chóin₂ táng₃ I₂rē₂'ín₁ quián₅ Diú₄, jin₄ 'lag₄.
⁸ ¿La₁ 'e₂ bá₄ guē₂ juá₂ Si₂?

Cong₂ bá₄ 'nia₂ 'ei₅ jág₁ la₂,

'i₄ mi₂'o₅₄, quian₅₄ jui₅ tē₂'au₂,§
co₂'nió₄ le₃jua₅₄, jág₁ ně₅ bá₄ lē₅ jág₁ a₂'én₂ dsa₂ a₂qui₂'ē₅ jnia₅₄
dsa₂: ⁹ Chi₂jua₂ jmo₂ jág₁ quian₅₄ mi₂'o₅₄ a₂lín₅ Jesús Te₁gui₅₄,
ján₃ guē₂ chi₂jua₂ 'éng₂ jui₅ tē₂'au₂ a₂ca₂jme₃jein₅₄ táng₃ Diú₄
a₂jme₁rē₂'lín₅₄, tít₂g₄ bá₄. ¹⁰ Ia₁ tē₂le₃ jui₅ tē₂dsí₅ bá₄ dsa₂

† 9:33 Isaías 8:14; 28:16. * 10:5 Levítico 18:5. † 10:6 Deuteronomio 30:12.

† 10:7 Deuteronomio 30:13. § 10:8 Deuteronomio 30:14.

rē₂'éin₂, ia₁jaun₂ guéi'₂ Diú₄ nē₂jag₄ bá₄ a₂ca₂jme₃ti₃; já_n₃ guē'₂ le₂jaun₂ tē₂le₃ quian'₅₄ 'o₄ dsa₂jmo₂₃ já_g₁ ia₁jaun₂ tīn'₄ bá₄.

¹¹ Ne₄ Si₂ juá': "Jui₁lia'₂ i₂'én₂ le₃quió'₅ 'éi₂, tsá₃ dsi₃ñi₂ o₂guí'₃."* ¹² Tsá₃ jma₃quén₅ já_g₂ Diú₄ jīn₂ dsa₂ judíos quian'₅₄ guē'₂ dsa₂ griegos; ia₁ 'ñiog₅ bá₄ 'éi₂ lín₅ Te₁gui'₅₄ quián₅ ca₂le₃jín₃, já_n₃ guē'₂ jme₂gu'₅₄ cuē₂₃ ca₂lia'₂ 'lióng₂ a₂dse₃ quió'₅, cuē'₅ ca₂le₃jín₃ i₂chi₂léi'₂. ¹³ Ia₁ juá'₂ le₂la₂: "Ca₂le₃jín₃ i₂chi₂lí'₂ ne₄ Te₁gui'₅₄, tīn'₄ bá₄."† ¹⁴ La₁, ¿'A₂ bá₄ lia'₂ lé₂ chi₃lí'₂ ne₄ jan₂ i₂tsá₃ ma₂ca₂rē₃'éin₂ le₃quió'₅? Já_n₃ guē'₂, ¿'a₂ bá₄ lia'₂ le₃'én₂ dsa₂ le₃quió'₅ nē₁jua'₂ tsá₃ ma₂nág₂ guē'₂ 'ag₅ dsa₂ 'iín₂₃ 'éi₂? ¿'A₂ guē'₂ lia'₂ lé₂ nag₃ dsa₂ nē₁jua'₂ tsá₃ 'ein₂ chan₂ i₂'ē₂ já_g₁ dse₃? ¹⁵ ¿'A₂ bá₄ lia'₂ lé₂ dsi₁lén₂ i₂'ē₂ já_g₁ dse₃ nē₁jua'₂ tsá₃ 'ein₂ chei₅? Jui₁lia'₂ ma₂rē₂ton₅ ne₄ Si₂: "i'E₂ guē'₄ jlá'₁ gu₂-tag₄ i₂quian₅ já_g₁ dse₃!"‡

¹⁶ La₁ tsá₃ ca₂le₃jín₃ dsa₂ ca₂tón'₃ jui₅ já_g₁ dse₃. Jui₁lia'₂ ca₂juá'₂ tá_g₃ Isaías: "¿Te₁gui'₅₄ 'ein₂ bá₄ i₂ma₂ca₂rē₃'én₂ já_g₁ a₂ca₂'ē₂ jniog₄?"§ ¹⁷ Le₂nē₅ bá₄ jaun₂, jui₁lia'₂ a₂'én₂ dsa₂, lē₅ tē₂le₃ quian'₅₄ a₂nag₅ dsa₂; a₂nag₅ dsa₂ jaun₂, lē₅ tē₂le₃ quian'₅₄ já_g₁ quió'₅ I₂rē₂'ín₁ quián₅ Diú₄.

¹⁸ La₁ ñag₄ jniá₂, ¿O₃ bá₄ tsá₃ ca₂nág₂ dsa₂ já_g₁ dse₃? iMa₁ tē₃dsón'₂ bá₄ ca₂nág₂! Ia₁ juá'₂ Si₂:

Ta₁caun₂ gua'₅₄ 'uē₃ bá₄ ca₂dsia₃ dsa₂;

ca₂le₂con₂ quióng₄ mi₂güig₃ bá₄

ma₂ca₂i₃'ág₃ já_g₁ quió'₅.*

¹⁹ La₁ ñag₄ tá_g₃ jniá₂, ¿O₃ bá₄ a₂tsá₃ ma₂ca₂rē₃lí'₄ 'e₂ dsa₂ juig₂ Israel? Ia₁ jē₁le₂'uig₅₄, juá'₂ Moisés:

Jmo₅₄ jniá₂ a₂lén'₂ 'nia'₂ dsa₂ i₂dsí'₅

ja₁con₂ dsa₂ i₂tsá₃ juig₂ nación lín₅;

ján₃ bá₄ jmo₅₄ jniá₂ le₃'ne'₂ 'nia'₂

o₄quió'₄ caun₂ juig₂ i₂tsá₃ ñí'₂ dsí₅.†

²⁰ Con'₂ siá'₂, tiá₂ dsí₅ Isaías a₂juá'₂, o₄quió'₄ Diú₄:

Dsa₂ i₂tsá₃ jme₁'nau'₂ jniá₂,

ca₂dsáu'₂ bá₄;

ca₂jme₁nia₅ jniá₂

ja₁con₂ dsa₂ i₂tsá₃ jme₁ñag₅ jniá₂.‡

²¹ La₁ia₁ dsa₂ israelitas bá₄ jme₁tsí'₅ Isaías, jme₁ca₂juá'₂: "Tē₁ne₁ jmig₄ bá₄ jme₁chén'₄ jniá₂ chi₁jan₁₂ cu₃ ja₁con₂ juig₂ cang₄ mi₂dsi₄ i₂tsá₃ ne'₅₄."§

* **10:11** Isaías 28:16. † **10:13** Joel 2:32. ‡ **10:15** Isaías 52:7. § **10:16** Isaías

53:1. * **10:18** Salmo 19:4. † **10:19** Deuteronomio 32:21. ‡ **10:20** Isaías

65:1. § **10:21** Isaías 65:2.

11

Dsa₂ Israel i₂tín'₄

¹ Jaun₂ ně₃ ŋag₄ jniá₂, ħO₃ bá₄ ma₂chen'₃ cau₅ Diú₄ dsa₂ juig₂ Israel quiáin₅? ¡On₃jua'₅₄ le₂jaun₂! Ia₁ 'ñió₃ bá₄ jniá₂ líng₅ jan₂ dsa₂ israelita, jan₂ chi'₂ dsio₄ Abraham, jan₂ tsi₁jon₂ Benjamín.

² Ca₂le₂jniá₅ ma₂líg'₂ lin₃ bá₄ ca₂quión'₂ Diú₄ dsa₂ juig₂ quiáin₅; jaun₂ rē₂ně₃ ně₃ tsá₃ jua'₅₄ ma₂ca₂téi₂. ħTsa₁ ŋi'₅₄ 'nia'₂ 'a₂ lia'₂ juá'₂ ne₄ Si₂ ja₁ 'iin₂₃ Elías, 'a₂ lia'₂ ca₂chi₃léin'₂ Diú₄ a₂ca₂'ni₃ dsa₂ Israel? Ca₂juá'₂: ³ “Te₁gui'₅₄, ma₂ca₂jme₃dsian₅ bá₄ dsa₂, dsa₂ i₂jme₁'ě₂ jág₁ quiáng'₂, ma₂qui₂ma₂'éin₂ ne₄chei₂ quiáng'₂ ně₃; jnia'₅₄ lia'₂ jan₂ jniá₂ bá₄ chang₂guě₄, qui₂co₂'ein₅ dsa₂, ján₃ guě'₂ 'nio₃ jŋag'₃.”*

⁴ Jaun₂, ħ'E₂ jág₁ ca₂jein'₃ Diú₄? “Ma₂ca₂tsón₃ jniá₂ guion₃ mei₅ dsa₂ tē₂le₃ quió₃ i₂tsá₃ ma₂qui₂ca₂jón'₂ mi₂jne₄ ne₄ Ba'al.”†

⁵ Jaun₂ le₂ně₅ bá₄ ján₃ rē₂tsón₂ ca₂dsion₄ dsa₂ 'éi₂ rē₂ně₃, jaun₂ Diú₄ ně₃ tē₂le₃ ia₁ a₂'ua₁ dsí₅ ma₂quión'₂ 'éi₂. ⁶ Chi₂jua'₂ tē₂le₃ ia₁ a₂'ua₁ dsí₅ Diú₄, on₃jua'₅₄ jaun₂ ia₁ a₂jmo₅ dsa₂ 'e₂ jmo₂₃. Ia₁ jua'₅₄ mei'₂ guě₃ le₂ně₅ ně₃, tsá₃ le₃jua'₅₄ jua'₅₄ a₂'ua₁ dsí₅ Diú₄. ⁷ ħ'E₂ jaun₂ ně₃? Tsá₃ ca₂tió'₃ dsa₂ juig₂ Israel dsio'₂ a₂jme₁'no'₂, la₁ dsa₂ i₂ca₂quión'₂ Diú₄ 'ñiog₅ bá₄ ca₂dsáu'₂. I₂sián'₂ guě'₂ qui₂ca₂rē₃'uá'₃ dsí₅, ⁸ jui₁lia'₂ juá'₂ ne₄ Si₂: Ca₂jmo₃ Diú₄ a₂le₃tín₄ dsa₂ 'éi₂ le₃quió'₅ jme₂dsí₂;

ca₂cuě₃ mi₂ne₅₄ a₂tsá₃ jniá₂,
ca₂cuě₃ rē₂gua₅₄ a₂tsá₃ nag₅,

le₂jñió₄ jmi₂g₄ ně₃.‡

⁹ Já₃ bá₄ ca₂juá'₂ David:
Ca₂le₃jě₃ a₂i₂tsón₃ jme₁cha₂ quió'₅
jui₁le₅₄ co₂'nió'₄ tsi₁liá₂ o₃ 'má₅ 'e₂,
ia₁jaun₂ qui₃nió₃, gue₃ 'liain'₅₄.

¹⁰ Jui₁le₅₄ tsá₃ jnió'₅ mi₂ne₅₄
jui₁guen'₅₄ mi₂ca'₅₄ co₂ŋei'₅₄.§

Dsi₂nau₂ i₂tín'₄

¹¹ Nag₅ jniá₂ ně₃, ħO₃ bá₄ co₂ŋei'₅₄ con'₂ ca₂sén'₂ jaun₂ bá₄ dsa₂ judíos jme₁ca₂nió₃? ¡On₃jua'₅₄ le₂jaun₂! Tē₂le₃ jen₅ bá₄, jme₁ca₂i₃lén₂ dsa₂ judíos ca₂i₁juin₅₄, ca₂jmo₃ Diú₄ a₂ca₂dsó'₂ dsi₂nau₂ jui₅ ja₁tíin'₄, ia₁jaun₂ le₃dsí'₅ 'éi₂.

¹² La₁ chi₂jua'₂ a₂ca₂i₁juin₅₄ 'éi₂ jaun₂, ca₂dsióg₃ tē₂le₃ dse₃ bá₄ o₄quió'₄ dsa₂ mi₂güig₃, ján₃ bá₄ chi₂jua'₂ a₂ca₂i₃'én₂ quió'₅ 'éi₂, ca₂dsióg₃ a₂tē₂dsi₅₄ quió'₅ dsi₂nau₂, i'e₂ guě₄ dse₃ lé₂, jē₁ma₂ca₂rē₃'ñia₅ táng₃ 'éi₂!

* 11:3 1 Reyes 19:10,14. † 11:4 1 Reyes 19:18. ‡ 11:8 Deuteronomio 29:4; Isaías 19:10. § 11:10 Salmo 69:22-23.

¹³ La₁ a₂juá'₅ jniá'₂ juíg'₂ 'nia'₂ i₂lín'₅ dsi₂nau₂. Ia₁ dsón'₂ lín'₅ jniá'₂ jan₂ dsa₂ i₂chen₄ ja₁con₂ dsi₂nau₂, jmo₅ jniá'₂ dsi₃ 'ñio₅ lin₃ dsen₅₄ ta₁ quió'₃, ¹⁴ con'₂ tsá₃ ñó₅ ně₃ja'₂ ca₂rě₃dsí'₅ dsa₂ go₃ jniá'₂ ja₁con'₂ 'nia'₂, jaun₂ lé₂ lión₂ i₂lin₅₄ 'éi₂. ¹⁵ Chi₂ja'₂ jme₁ca₂téi₂ Diú₄ quió'₅ dsa₂ judíos, ca₂l'₃ dsa₂ mi₂güig'₃ a₂ca₂'ág₂ caun₂ jág₁ quian'₅₄ Diú₄, 'e₂ bá₄ lé₂ jaun₂ ně₃ jē₂ma₂tě₂ rē₁guéi'₂ Diú₄ quió'₅ dsa₂ 'éi₂? Lé₂ co₂'nió'₄ ca₂gue₃ táng₃ jme₂dsí₂ dsa₂ i₂jme₁ma₂rě₂'lin₄.

¹⁶ Chi₂ja'₂ lě₅ 'í₁ jui₁lia'₂ i₁ñí'₄ a₂le₂'uig'₅₄ a₂jén'₅ dsa₂ ne₄ Diú₄, ján₃ bá₄ le₂jaun₂ lě₅ 'í₁ ta₁jě₂ ti₁can₁; ján₃ bá₄ chi₂ja'₂ lě₅ 'í₁ le₃quió'₅ Diú₄ jui₁lia'₂ jmú₄ caun₂ ni₁'ma₂, ján₃ bá₄ le₂jaun₂ lě₅ 'í₁ ni₁gu'₂ nei'₅₄ ni₁'ma₂ ján₃.

¹⁷ Dsa₂ judíos i₂ca₂téi₂ Diú₄ 'éi₂ ně₃, lín₅ co₂'nió'₄ gu'₂-nei'₅₄ ni₁'ma₂ olivo a₂chein'₅₄, a₂ca₂lín'₂ a₂lin₅₄ ni₁gu'₂; ně₃ ně₃, chi₂ja'₂ lín'₅ 'ne₂ jan₂ dsi₂nau₂ i₂ma₂rě₂'lión₅, ně₂ja₄ bá₄ caun₂ ni₁gu'₂ olivo a₂cha₂ ja₁nau₂, ma₂qui₂ma₂guión'₃ jmi'₅₄ ni₁'ma₂ olivo a₂qui₂jme₂tan₅₄ ni₁gu'₂, ¹⁸ tsá₃ jmó'₂ táng'₅ ja₁con₂ ni₁gu'₂ siá'₂. Chi₂ja'₂ le₂jaun₂ jmó'₂, dsá₂ 'au'₂ jmo₄, on₃ja'₅₄ 'ne₂ jme₂tang'₅₄ jmú₄; jmú₄ bá₄ jme₂tau₅₄ 'ne₂.

¹⁹ Mei'₂ tsá₃ le₃ñag'₅₄ 'ne₂, jaun₂ ně₃: “Ján₅, dsau₅ bá₄ ně₅. La₁ia₁ a₂ca₂uín'₂ ni₁gu'₂ jaun₂ ia₁jaun₂ lén₂ jniá'₂ jan₂ i₂rě₂'lión₅ ja₁jme₁ca₂tíin₂.” ²⁰ Dse₃, la₁ ca₂uín'₂ ni₁gu'₂ jaun₂ 'uig'₅₄ ia₁ a₂tsá₃ jme₁'éin₂, la₁ 'ne₂ guě'₂ ně₃ tē₂'ñiág'₄ 'uig'₅₄ ia₁ a₂'éng'₂. Le₂ně₅ bá₄ jaun₂, jui₁le₁gan'₃ 'nia'₂, tsá₃ lē₁jmo₂ róng'₂. ²¹ Ia₁ chi₂ja'₂ tsá₃ ca₂dsia₃ Diú₄ néi₂ dsí₅ja₁con₂ ni₁gu'₂ quió'₅ tē₃dsón'₂ ni₁'ma₂ jaun₂, ján₃ bá₄ le₂jaun₂ tsá₃ dsia₃ néi₂ dsí₅ja₁con'₂ 'ne₂ ján₃.

²² Jag₄ jaun₂, 'e₂ guě₄ dsen₃ Diú₄, la₁ ján₃ bá₄ rě₂ qui₂dsi₂₃ 'éi'₃. Ia₁ ma₂qui₂dsi₂₃ 'éi'₃ja₁con₂ i₂ma₂ca₂sén'₂, la₁ dsein₃ bá₄ quian'₅₄ 'ne₂, chi₂ja'₂ caun₂ náu'₁ tiá₂ jui₅ja₁'ua₁ dsí₅ Diú₄. Ia₁ ně₁ja'₂ tsá₃ le₂jaun₂, ján₃ bá₄ quéin'₂ 'ne₂.

²³ Jui₁lia'₂ 'éi₂ ně₃, ně₁ja'₂ ca₂rě₃'éin₂ táng₃, lé₂ bá₄ le₃'lióin₃. Ia₁ 'io₅ Diú₄ bí₂ chón₃g'₃ táng₃. ²⁴ Ia₁ ně₁ja'₂ 'ne₂, jan₂ dsi₂nau₂, co₂'nió'₄ caun₂ ni₁gu'₂ nau₂, ca₂queng'₃ dse₃ quian'₅₄ ni₁'ma₂ olivo a₂chein'₅₄, o₁jñia'₅₄ líng'₅ ni₁gu'₂ ni₁'ma₂ siá'₂, 'e₂ guě₄ tson₂ lé₂ le₃quen'₃ 'éi₂, i₂lín₅ co₂'nió'₄ ni₁gu'₂ a₂caun₂ ne₅₄ quian'₅₄ ni₁'ma₂ olivo jaun₂!

A₂tín'₄ dsa₂ juig₂ Israel

²⁵ Rín'₅₄ jniog₄, tsá₃ 'nio₃ jniá'₂ jua'₅₄ tsá₃ ñi'₅₄ 'nia'₂ jág₁ a₂jme₁rě₂'ma₄ la₂, con'₂ tsá₃ ñó₅ ně₃ja'₂ ca₂jmo'₅₄ 'nia'₂ róng'₂ quian'₅₄ a₂ñí'₂ 'au'₂ 'nia'₂ guiong'₅₄. Jui₁lia'₂ ma₂jmo₃ i₂lin₅₄ dsa₂ juig₂ Israel, ca₂rě₃'uá'₃ dsí₅, ca₂lia'₂ ca₂rě₃'ñia₅ dsi₂nau₂ i₂con'₂

ca₂tín₂ tón'₃. ²⁶ Jaun₂ guě₄ líón₂ ca₂le₃jín₃ dsa₂ juig₂ Israel, ia₁ juá'₂ ne₄ Si₂:

O₃'in₅ dsa₂ i₂lió₂ juig₂ Sión,*

co₂dsia₅ jniá'₂ a₂tsá₃ dse₃ jmo₅ tsi₁jon₂ Jacob.

²⁷ Jaun₂ a₂la₂ bá₄ jág₁ quió₃ jmo₅₄ quiang'₅₄ dsa₂ 'éi₂:

jě₁ma₂tě₂ rě₁'éng₄ dsáu₁.†

²⁸ Jui₁lia'₂ tě₂le₃ quian'₅₄ jág₁ dse₃ a₂líón₂ dsa₂, lín₅ co₂'nió'₄ dsa₂ i₂ñia₅₄ Diú₄, o₄quián'₂ 'nia'₂; la₁ lia'₂ ma₂'nio₃ jaun₂ bá₄ Diú₄ quió'₅ dsa₂ 'éi₂, ia₁ a₂ca₂quióin'₂ dsa₂ can'₅₄ quiáin₅ ma₂líg'₂.

²⁹ Ia₁ tsá₃ dsi₂quén'₅ dsí₅ Diú₄ jui₁lia'₂ a₂cuě₂₃, on₃ guě'₂ jui₁lia'₂ a₂tě₂. ³⁰ Jui₁lia'₂ 'nia'₂ ně₃, i₂tsá₃ jme₁ne'₅₄ ja₁con₂ Diú₄ le₂jñiá₅,

ma₂ca₂tín'₂ 'nia'₂ a₂ñéi₂ dsí₅ Diú₄ rě₂ně₃, 'uig₅₄ ia₁ a₂tsá₃ ne'₅₄ dsa₂ 'éi₂, ³¹ ján₃ bá₄ le₂ně₅ tsá₃ ne'₅₄ dsa₂ 'éi₂ rě₂ně₃, ia₁jaun₂ tě₂le₃

quian'₅₄ a₂ñéi₂ dsí₅ Diú₄ a₂ca₂tín'₂ 'nia'₂, tiin₅₄ ján₃ a₂ñéi₂ dsí₅ Diú₄. ³² Ia₁ Diú₄ ně₃ co₂rě₂ bá₄ 'iin₃ dsa₂ a₂tsá₃ ne'₅₄ dsa₂ le₂jain₂

le₂jain₂, ia₁jaun₂ co₂dsia₅ bá₄ dsia₃ ñéi₂ dsí₅ ja₁con₂ ca₂le₃jín₃.

³³ |'E₂ guě₄ 'ñio₅ 'ei₄ lě₅ ca₂le₃jě₃ a₂jlá'₁ cha₂ quió'₅ Diú₄,

ca₂le₃jě₃ a₂ñí'₂ dsí₅, a₂ñi₅ ně₃!

Ca₂lia'₂ tsá₃ lé₂ le₃quiong₅₄ 'í₁ a₂niog₅ dsí₅,

on₃ guě'₂ lé₂ le₃ñág'₂ dsi₅ jui₅ quió'₅.

³⁴ “'Ein₂ bá₄ cuí'₅ 'e₂ dsi₂jio₅ dsí₅ Te₁gui'₅₄,

o₃ 'ein₂ i₂ma₂tió'₃ cuě₃ jág₁ dse₃ cuě'₃ 'éi₂?”†

³⁵ “'Ein₂ bá₄ ca₂cuě₃ 'e₂ ca₂cuě'₃ 'éi₂ le₂'uig₅₄

ia₁jaun₂ jéin'₃ qui₃ quió'₅?”§

³⁶ Ia₁ ca₂le₃jě₃ a₂niog₅ cha₂, ca₂lě₃

ja₁con₂ 'éi₂, tě₂le₃ quian'₅₄ 'éi₂, o₄quió'₄ 'éi₂ ně₃.

|jui₁jme₂juag'₂ bá₄ dsa₂ co₂tan₅₄! A₂méi₃.

12

'A₂ lia'₂ i₂nio₄ dsa₂ i₂rě₂tson₄ quián₅ Diú₄

¹ Le₂ně₅ bá₄ jaun₂ rin'₅₄ jniog₄, tě₂le₃ quian'₅₄ a₂ñéi₂ dsí₅ Diú₄, mi₅ jniá₂ ne'₅₄ 'nia'₂, co₂dsia₅ jin'₄ 'nia'₂ ni₁ñi'₁ guiong'₅₄,

co₂'nió'₄ a₂rě₂jeng'₅₄ le₁jén'₃ ne₄ Diú₄, a₂rě₂tsong'₅₄, a₂'ñio₂ dsí₅ Diú₄, a₂dsi₂ten₅₄ jme₁ti'₄ ne₅₄. ² Tsá₃ i₁nio'₄ 'nia'₂ lia'₂ con'₂ lě₅

i₂nio₄ dsa₂ mi₂güig₃ la₂. Tě₂le₃ cuě₄ jmig₄ a₂jme₃tsín₃ Diú₄ 'a₂ lia'₂ qui₂dsi₂jñia₅ 'au'₂ 'nia'₂, ia₁jaun₂ bá₄ qui₃le₃'mag'₂ táng₃ 'au'₂,

ia₁jaun₂ lé₂ le₃caun'₅₄ 'nia'₂ 'í₁ 'a₂ lia'₂ lě₅ a₂'ñio₂ dsí₅ Diú₄, a₂dse₃, a₂tě₅ dsí₅, a₂rě₂ñia₅ ně₃.

³ Ia₁ o₄quió'₄ a₂'ua₁ dsí₅ Diú₄ a₂ma₂dsia₃ gu₃ jniá₂, juíg₂ jniá₂ le₂jan'₂ le₂jan'₂ 'nia'₂: tsá₃ lě₁jui₁qui₂dsi₂jñia₅ 'au'₂

* 11:26 Sión: co₂'nió'₄ le₃jua'₅₄, juig₂ Jerusalén. † 11:27 Isaías 59:20-21; 27:9.

† 11:34 Isaías 40:13. § 11:35 Job 41:11.

a₂líng'⁵ dseng'⁵⁴ ηag⁵⁴ guě'⁴ con'² ca₂tín'² 'nia'² dsi₃jñia⁵ 'au'²; tē₂le₃ jui₁qui₂dsi₃jñiog⁵ bá₄ 'au'² a₂'en⁵⁴ 'au'² 'nia'², 'a₂ con'² tí₅ ma₂ca₂rē₃'én'² 'nia'² a₂ma₂cuē₃ Diú⁴. ⁴ Ia₁ le₂nē₅ jui₁lia'² lē₅ caun₂ nī₁ñi₁ jñiog₄ le₂jau₂ le₂jau₂, 'líong₂ a₂chei₂ le₂caun₂ le₂caun₂ a₂tén₅ quió'⁵, tsá₃ ca₂ne⁵⁴ ta₁jme₂tí₃, ⁵ le₂nē₅ bá₄ jñiog₄ ján₃, jui₁'a₂ guě₃ la₂ juag₅ jñiog₄, caun₂ bá₄ nī₁ñi₁₂ jñiog₄ lág₅ le₃quió'⁵ Cristo, téi₅ jñiog₄ le₂jau₂ le₂jau₂ quian'⁵⁴ rín'⁵⁴.

⁶ Jma₃quén₅ bá₄ qui₂'au₂ jñiog₄ bí₂, lia'² con'² lē₅ ma₂cuē₃ Diú⁴ a₂'ua₁ dsí₅. Jaun₂ ca₂tág₂ jñiog₄ jmo'⁴ ta₁ jui₅bí₂ a₂ma₂cuē₃. Jui₁lia'² dsa₂ i₂ma₂cuē₃ Diú⁴ bí₂ a₂tín₂ a₂'ē₂ jág₁ dse₃ a₂gue₂₃ quió'⁵ Diú⁴, jui₁'ē₅₄ bá₄ jág₁ 'a₂ con'² tí₅ a₂'éin₂; ⁷ jui₁lia'² i₂ma₂cuē₃ jui₅bí₂ jme₃'o⁵⁴, jui₁jme₂'o⁵⁴; jui₁lia'² i₂'io₅ bí₂ jme₃tag₂₃, jui₁jme₂tín₂₃ bá₄ dsa₂; ⁸ jui₁lia'² i₂tín₂ jmo₃ lián'² dsí₅ i₂sián'², ca₂tín₂ bá₄ jmo₃ le₂jaun₂; jui₁lia'² i₂jmo₅ dsióg₁, jui₁cuē₁₂ a₂'ua₁ dsí₅, on₃jua'⁵⁴ rē₂' cha₂ a₂'ín₂ dsí₅ 'ñiog₅; jui₁lia'² i₂quian₅ ne₄ jui₅, jui₁jmo₁₂ bá₄ a₂dsen⁵⁴ dsí₅; jui₁lia'² i₂dsia₅ héi₂ dsí₅, jui₁jmo₁₂ bá₄ quian'⁵⁴ o₂'ñió₃ o₂jñia₃ dsí₅.

'A₂ lia'² ca₂tín₂ le₃chan₂ dsa₂ quián₅ Cristo

⁹ Jui₁le₂chan'² 'nia'² tē₃dsón'² bá₄ a₂'nió'³ 'nia'² ríng'² le₂jang'² le₂jang'². Co₂dsia₅ jmo⁴ 'nia'² 'ñiag'⁵⁴ co₂ñei'⁵⁴ a₂'lig'⁵⁴; chan'² bá₄ 'nia'² tiá₂ jui₁lia'² a₂dse₃. ¹⁰ Jme₁'nió'⁴ 'nia'² ríng'² a₂'ñio₂ 'au'²; jmo⁴ 'nia'² a₂dsen⁵⁴ guě₄ ríng'² le₂jang'² le₂jang'².*

¹¹ Tsá₃ jmo₂ 'nia'² juíng'⁵, 'ag₃ caun₂-tín₃ 'au'², tē₂le₃ jme₁ti₁ ne₄ Te₁gui'⁵⁴ ca₂lia'² dsen⁵⁴ jme₂dsí₂ quiáng'².

¹² Jui₁chan'² 'nia'² o₂jñia₃ 'au'², ia₁ ma₂lē₅ bá₄ co₂jñia₅₄ a₂'ín₂ 'au'² 'nia'². Jmo⁴ 'nia'² juín'² 'au'² jmi₄g₄ jme₁chan'² 'nia'² o₂i₁ dsí₅. O₁nió'⁴ bá₄ 'nia'² co₂tan⁵⁴ a₂chi₂leng'⁵⁴ Diú⁴.

¹³ Jme₁'on₁ 'nia'² dsa₂ 'én₂ ríng'² chi₂jua'² 'e₂ niog₅ cha₂ a₂'nió'⁵ quió'⁵. Dse₃ guen⁵⁴ 'nia'² jui₁lia'² 'ein₂ niog₅ qui₂dsi₂jag⁵⁴ 'nia'².

¹⁴ Jme₁gu'⁵⁴ bá₄ 'nia'² jui₁lia'² i₂j móg'². Jua'⁵⁴ bá₄ 'nia'² jág₁ dse₃ on₃jua'⁵⁴ jág₁ uig₅.

¹⁵ Jmo⁴ 'nia'² 'io₂ quian'⁵⁴ jui₁lia'² i₂jmo₅ 'io₂; ján₃ guě'² qui₂'-o₄ 'nia'² quian'⁵⁴ i₂'o₅.

¹⁶ Jui₁le₂chan'² bá₄ 'nia'² a₂jeng'² le₂jang'² le₂jang'². Tsá₃ jmo₂ 'nia'² róng'², co₂rín'² bá₄ 'nia'² jmo⁴ quiang'⁵⁴ dsa₂ te₂ñé₂. Tsá₃ lē₁jmo₂ 'nia'² jua'⁵⁴ a₂ñí₄ lē₃ cuíng'².

¹⁷ Tsá₃ jein'⁵⁴ 'nia'² 'lig'⁵⁴ quian'⁵⁴ a₂'lig'⁵⁴. Quen'² 'nia'² bí₂ jmó'² con'² dsi₂ten⁵⁴ ja₁tē₃ ne₄ ca₂le₃jín₃. ¹⁸ Jmo⁴ 'nia'² bí₂, 'a₂ con'² ca₂tíng'², 'a₂ con'² ja₁qui'⁵⁴ 'nia'² jmi₄g₄, 'nau'⁵⁴ 'nia'² jui₅ ja₁ag₃ tei₄ quian'⁵⁴ ca₂le₃jín₃. ¹⁹ Rín'⁵⁴ jñiog₄, tsá₃ lē₁jen'⁵⁴ 'nia'² guíong'⁵⁴ jui₁lia'² quió'⁵ i₂j móg'², tē₂le₃ dsia₄ 'nia'² o₄gú₃ Diú⁴

* 12:10 o₃, "jme₁li₅₄ tē₃jñiá₅ a₂jme₂gan₃ 'nia'² ríng'² le₂jang'² le₂jang'²."

a₂jaun₂. Ia₁ ma₂rē₂ton₅ ne₄ Si₂: “Jniá₂ bá₄ ca₂tín₂ jein'₅₄ uig₅; jniá₂ bá₄ quiá₄, juá'₂ Te₁gui'₅₄.”† ²⁰ La₁: “Chi₂jua'₂ i₁cón'₅ jui₁lia'₂ dsa₂ i₂'iog₅₄, cuē'₅₄ bá₄ 'nia'₂ a₂gué'₃. Chi₂jua'₂ ŋi₂₃ rē₂quein₂ dsí₅, cuē'₅₄ a₂'ín'₂. Ia₁ jē₁ma₂ca₂jmo'₅₄ le₂nē₅, jmai'₅₄ tsáu₃ dséi₂ dsí₂ne₅₄, ‡ jéin'₄ o₂guí'₃.”§ ²¹ Tsá₃ cuín₅ jmig₄ jua'₅₄ a₂jo₃ a₂'lig'₅₄; tē₂le₃ quen'₂ bí₂, tión₃ 'uē₃ a₂'lig'₅₄ tē₂le₃ quian'₅₄ a₂dse₃.

13

¹ Ca₂le₃jín₃ bá₄ ca₂tín₂ tón'₃ 'éi'₃ quió'₅ dsí₂tan₅₄ i₂gon₂. Ia₁ 'i₁jan₂ dsí₂tan₅₄ i₂chan₂, jua'₅₄ tsá₃ ca₂chei'₃ Diú₄. Jaun₂ ca₂le₃jín₃ dsí₂tan₅₄ i₂chan₂ nē₃, i₂dsián₁ quián₅ Diú₄ bá₄ 'éi₂. ² Jaun₂ le₂nē₅, jui₁lia'₂ i₂nau₂ quen₅ ja₁con₂ dsí₂tan₅₄, nau₂ quein₂₃ ja₁con₂ i₂dsián₁ quián₅ Diú₄ bá₄. Jaun₂ gue₃ uig₅ jui₁lia'₂ i₂jmo₅ le₂jaun₂. ³ Ia₁ tsá₃ ta₁ jaun₂ dsián₄ dsí₂tan₅₄ a₂jmo₃ gó'₅ jui₁lia'₂ i₂jmo₅ a₂dse₃; a₂jmo₃ gó'₅ dsa₂ i₂jmo₅-dsáu₅ a₂'lig'₅₄ bá₄. ¿'Niog'₂ 'ne₂ le₃chang'₂ a₂tsá₃ gang'₃ dsí₂tan₅₄? Jmo₄ bá₄ a₂dse₃, jaun₂ con₂ 'í₁ dsí₂tan₅₄ ja₁cong'₂, a₂líng'₅ dsa₂ dsen₃. ⁴ Ia₁ ta₁ jaun₂ tián'₅ jme₂ti₃ ne₄ Diú₄ bá₄, a₂dse₃ quiáng'₂. La₁ nē₁jua'₂ ca₂jmo'₅₄ a₂'lig'₅₄ nē₃, ca₂tín₂ le₃gang'₃, ia₁ on₃jua'₅₄ a₂lē₁lē₄ 'io₅ dsí₂tan₅₄ 'éi'₃ a₂chain₂ bí₂ cuē₃ uig₅. Jan₂ i₂jme₂ti₃ ne₄ Diú₄ bá₄ 'éi₂, a₂'ē₂ uig₅ ja₁con₂ dsa₂ i₂jmo₅ a₂'lig'₅₄. ⁵ Jaun₂ lē₃, tion₅₄ bá₄ 'nió'₅ tón'₃ dsa₂ 'éi'₃ quió'₅ dsí₂tan₅₄, on₃jua'₅₄ rē'₂ a₂jñia'₅₄ ia₁jaun₂ tsá₃ gue₃ uig₅; tē₂le₃ ia₁ a₂lē₅ dsí₅ le₂jaun₂ jmo₂₃ a₂dse₃. ⁶ 'Uig₅₄ nē₅ bá₄ qui'₂ 'nia'₂ 'lia'₅₄ a₂ca₂tín₂ dsí₂tan₅₄, ia₁ ca₂ne₅₄ jme₂ti₃ dsí₂tan₅₄ ta₁ a₂lín₅ ne₄ Diú₄.

⁷ Cuē'₅₄ bá₄ 'nia'₂ dsa₂ 'e₂ niog₅ qui₂ca₂tín₂. Chi₂jua'₂ ca₂tín₂ dsí₂tan₅₄ 'lia'₅₄, qui₄ 'lia'₅₄; chi₂jua'₂ ca₂tín₂ mi₃ cu₄ te₁'éng'₂, cuē'₅₄ cu₄ jaun₂; chi₂jua'₂ 'ein₂ ca₂tín₂ jme₃go₃ dsa₂, jme₁gan₃ bá₄ 'éi₂; chi₂jua'₂ 'ein₂ ca₂tín₂ jme₃juag'₂ dsa₂, jme₁juin'₂ bá₄. ⁸ Ja₁con₂ 'i₁jan₂ tsá₃ jui₁le₅₄ jua'₅₄ cha₂ a₂qui₂le₂rín'₂ 'nia'₂ uē₂, jñia'₅₄ lia'₂ a₂qui₂le₂ring'₂ a₂'nióg'₃ ríng'₂ le₂jang'₂ le₂jang'₂ bá₄; ia₁ jui₁lia'₂ i₂'nio₃ dsa₂ mi₂güí₃ rín'₅₄, ma₂ca₂jme₃ti₃ 'Éi'₃ quió'₅ Diú₄. ⁹ Juá'₂ 'Éi'₃ quió'₅ Diú₄: “Tsá₃ nióg'₄ jág₁ quian'₅₄ i₂tsá₃ lín₅ dsí₂i₂gog'₂; tsá₃ jñíg'₄ dsa₂ mi₂güí₃ ríng'₂; tsá₃ 'áng'₁; tsá₃ jmó'₂ jág₁ tē₂jág₁; tsá₃ jmó'₂ 'ín₅ 'au'₂ a₂quió'₅ i₂sián'₂.”* 'Éi'₃ nē₅ quian'₅₄ guē₄ ca₂le₃jē₃ 'éi'₃ siá'₂ nē₃, qui₂rē₂tan₅₄ quian'₅₄ jág₁ la₂: “Jme₁'nió₄ dsa₂ mi₂güí₃ ríng'₂ jui₁lia'₂ 'nióg'₃ 'ñiag'₂.”†

† 12:19 Deuteronomio 32:35. ‡ 12:20 lit. “jmó'₂ nio₃ nī₁ta'₂ le₁guí'₂ si₂ ne₄ mi₂dsi₅₄.” § 12:20 Proverbios 25:21-22. * 13:9 Éxodo 20:13-15,17;

Deuteronomio 5:17-19,21. † 13:9 Levítico 19:18.

¹⁰ Jui₁lia'₂ dsa₂ i₂'nio₃ dsa₂ mi₂güig₃ rin'₅₄, tsá₃ 'e₂ 'lig'₅₄ jmo₂₃ ja₁coin₂. Le₂ně₅ bá₄ jaun₂ ja₁'nio₃ dsa₂ riin'₅₄, co₂'nió'₄ ca₂rě₃ti₃ bá₄ 'Éi'₃ qui'₅ Si₂.

¹¹ Jě₄ ca₂le₃jě₃ a₂ně₅ ně₃, jmo₄ a₂ñí'₂ 'au'₂ jui₁lia'₂ jmi₄g₄ chong₂ rě₂ně₃, a₂ma₂ca₂tě₂ hora a₂ñéi'₂ jniog₄ jě₄ le₁guág₃. Ia₁ jě₁lió₂ jniog₄ caun₂ ma₂ja₂quián₃ co₂ñí'₂ bá₄ rě₂ně₃ lia'₂ con'₂ guě₄ jme₁ca₂rě₃'éin₂ jniog₄ le₂'uig₅₄. ¹² Jui₁lia'₂ jě₄ 'uě₂ la₂ caun₂ qui₂dsi₂juin₅₄ bá₄; caun₂ ma₂ja₂quián₃ jnia₅₄ bá₄. 'Uig₅₄ jaun₂ bá₄ ca₂tág₂ jniog₄ tí₄ a₂tsá₃ ma₃jmo'₁ jui₁lia'₂ a₂lě₂ jě₄ qui₁né'₃, a₂quián₁ qui'₅₄ ca₂le₃jě₃ a₂'nió'₅ quián₂, a₂jmo₅ 'í₁, a₂i₁nio₁ jui₁lia'₂ 'lióg₂ i₂i₂nio₄ jě₄ jniá₂ si₂. ¹³ Jui₁i₁nio₁ jniog₄ lia'₂ con'₂ dsi₂ten₅₄, jui₁lia'₂ i₂nio₄ dsa₂ a₂jmi₂. Tsá₃ ma₃'nió'₅ le₃chong₂ i₁nio₁ le₁'ein₅, on₃ guě'₂ o₂'ñió₃ o₂jnia₃ dsi₅, on₃ guě'₂ nió'₄ jniog₄ já₃ quián'₅₄ i₂tsá₃ lín₅ dsi₂i₂gu₂ jniog₄, on₃ guě'₂ jmó₁ a₂tsá₃ dsi₂ten₅₄, on₃ guě'₂ dsiá₁ mi'₅₄, on₃ guě'₂ qui₁jñi₁ uin₅ dsi₅ rin'₅₄ ně₃. ¹⁴ Tě₂le₃ qui'₂ 'nia'₂ co₂'nió'₄ a₂qui₂rě₂lión'₃ 'nia'₂ lě₅ 'í₁ tě₂le₃ quián'₅₄ 'ñiog₅ Te₁gui'₅₄ Jesucristo, tsá₃ ma₃jui₁dsi₂jio₅ guě₄ 'au'₂ 'a₂ lia'₂ mag'₂ dsí₅ a₂mi₅ ni₁ñi'₁ 'nia'₂.

14

Tsá₃ chi₂'ing'₄ uig₅ ríng'₂

¹ Chi₂jua'₂ chan₂ dsa₂ 'uan₅₄ tě₂le₃ quián'₅₄ a₂'éin₂, qui₁guein₅₄ 'nia'₂, la₁ on₃jua'₅₄ ia₁jaun₂ qui₁tsín'₂ 'nia'₂ 'a₂ lia'₂ lě₅ ñí'₂. ² Chan₂ i₂lin₅₄ i₂'én₂ a₂lě₂le₃guě'₃ ca₂le₃jě₃ jui₁'e₂ guě₃, ton'₂ chan₂ guě'₂ táng₃ i₂lin₅₄ i₂'uan₅₄ dsí₅ 'a₂ lia'₂ 'éin₂, i₂guě'₅ jmá'₃ lia'₂ ca₂ne₅₄ mi₂ján'₅. ³ Jaun₂ lě₃ i₂guě'₅ lia'₂ 'ei₅ ne₄ ně₃, tsá₃ ca₂tín₂ jmo₃ jua'₅₄ tsá₃ jein₅₄ i₂tín₂ dsí₅ guě'₅ jmá'₃ lia'₂ a₂lin₅₄ má₃; ton'₂ já₃ guě'₂ le₂jaun₂ jui₁lia'₂ i₂tsá₃ guě'₅ le₃jě₃, tsá₃ lě₁o₁quion₂ 'í₁ ja₁con₂ dsa₂ i₂guě'₅ le₃jě₃. Ia₁ já₃ bá₄ ca₂guéi'₂ Diú₄ quió'₅ dsa₂ 'éi₂.

⁴ 'Ne₂ guě'₂, ċ'ein₂ bá₄ líng'₅ jua'₅₄ a₂caun'₅₄ 'í₁ ja₁con₂ dsa₂ i₂jme₂ti₃ ne₄ i₂sián'₂? Ia₁ juig₅₄ bá₄ 'éi₂ i₂niog₅ ne₄ con₂ 'í₁ chi₂jua'₂ chén'₅ 'éi₂ rě₂, o₃ tě₁tsiin'₅₄ 'lig'₅₄ 'e₂. Jaun₂ tě₃tsin'₅₄ bá₄ rě₂, ia₁ i₂qui'₅₄ jmi₄g₄ Te₁gui'₅₄ jmo₃ a₂tě₃tsin'₅₄ dsa₂ 'éi₂.

⁵ Chan₂ guě'₂ i₂lin₅₄ táng₃ i₂jmo₅ dsí₅, 'ñio₅ guě₄ quen₅ a₂lin₅₄ jmi₄g₄ lia'₂ con'₂ guě₄ jmi₄g₄ siá'₂; chan₂ guě'₂ i₂lin₅₄ i₂'én₂ jmo₂₃ dsí₅ a₂co₂rě₂ bá₄ ca₂le₃jě₃ jmi₄g₄. Le₂jan₂ le₂jan₂ 'nió'₅ jmo₃ 'ei₅ caun₂ dsí₅ lia'₂ con'₂ lě₅ dsi₂jñia₅ dsí₅ 'ñiog₅. ⁶ Jui₁lia'₂ dsa₂ i₂jme₂gó'₃ caun₂ jmi₄g₄, le₃quió'₅ Te₁gui'₅₄ bá₄ jme₂gó'₃ jmi₄g₄ jaun₂. Le₂ně₅ bá₄ jui₁lia'₂ dsa₂ i₂guě'₅ lia'₂ 'ei₅ ne₄ má₃, guě'₅ le₃quió'₅ Te₁gui'₅₄, ia₁ cuě'₅ ti₁'mag'₄ Diú₄. Já₃ bá₄ le₂ně₅ quián'₅₄ jui₁lia'₂ i₂tsá₃ guě'₅ lia'₂ 'ei₅ ne₄ má₃, le₃quió'₅ Te₁gui'₅₄ bá₄ tsá₃ guě'₅; já₃ bá₄ cuě'₅ ti₁'mag'₄ Diú₄.

⁷ Ia₁ 'i₁jan₂ jniog₄ tsá₃ lé₂ le₃chong₂ le₃quián₂ guio₅₄, on₃ guë'₂ lé₂ le₃dsióg₃ le₃quián₂ guio₅₄ ně₃. ⁸ Ia₁ tē₁lia'₂ chong₂ jniog₄, chong₂ le₃quió'₅ Te₁gui'₅₄ bá₄, ně₁jua'₂ ca₂dsau₃ guë'₂ ně₃, dsióg₃ le₃quió'₅ Te₁gui'₅₄ bá₄ ján₃. Le₂ně₅ bá₄, tē₁lia'₂ chong₂ o₃ jē₁ma₂dsau₃ 'e₂, lág₅ i₂quián₅ Te₁gui'₅₄ bá₄. ⁹ 'Uig₅₄ jaun₂ ca₂jon₃ Cristo, ton'₂ ca₂jein'₅₄ táng₃: ia₁jaun₂ lēin₂ Te₁gui'₅₄ quián₅ dsa₂ i₂ma₂dsan₃, lia'₂ dsa₂ i₂chan₂ ně₃.

¹⁰ La₁ 'ne₂ ně₃, ħ'e₂ 'uig₅₄ cáun'₂ 'í₁ ja₁con₂ ríng'₂? ħO₃ 'e₂ lē₃ jing'₅₄ sion₅ ríng'₂? Ia₁ ca₂le₃jág₃ bá₄ jniog₄ dsi₁no₃ dsi₂jme₁jnia₅ ne₄ Diú₄ ia₁jaun₂ con₂ 'éi₂ 'í₁ quián₂. ¹¹ Ia₁ ne₄ Si₂ juá'₂:

Jui₁lia'₂ a₂dsón'₂ dsau₅ bá₄ a₂chan₂ jniá₂,

juá'₂ Te₁gui'₅₄,

le₂ně₅ bá₄ dsau₅ dsón'₂,

ca₂le₃jín₃ bá₄ qui₃jóin'₂ jne₅₄ ne₃ jniá₂,

jaun₂ ca₂le₃jín₃ bá₄ jmo₃ jág₁ quian'₅₄ mi₂'o₅₄

le₃ne₄ Diú₄.*

¹² Le₂ně₅ bá₄ jaun₂, le₂jau₂ le₂jau₂ bá₄ jniog₄ dsi₁jang'₅₄ jág₁ dsau₅ quián₂ ne₄ Diú₄.

Tsá₃ jmó'₂ jua'₅₄ qui₂nió₃ ríng'₂

¹³ Jaun₂ lē₃, tsá₃ ma₃jua'₅₄ qui₁quiong₅₄ jniog₄ 'í₁ le₂jau₂ le₂jau₂ ja₁con₂ rin'₅₄. Tē₂le₃ jmo₄ 'nia'₂ 'í₁, jmo₄ co₂nei'₅₄ tsá₃ 'e₂ jmó'₂ 'i₁caun₂ jua'₅₄ a₂qui₂nió₃ ríng'₂. ¹⁴ Guion₄ bá₄ jniá₂, 'ei₅ caun₂ dsi₃ le₃quió'₅ Te₁gui'₅₄, 'i₁caun₂ tsá₃ cha₂ jua'₅₄ tsá₃ le₁jě₃ con'₂ lē₅ 'ñiog₅. La₁ ně₁jua'₂ chan₂ jan₂ jmo₂₃ dsí₅, cha₂ caun₂ a₂tsá₃ le₁jě₃, le₃quió'₅ 'ñiog₅ bá₄, tsá₃ le₁jě₃. ¹⁵ Ně₁jua'₂ ca₂jén'₃ qui'₂ dsí₅ ríng'₂ o₄quió'₄ a₂quě'₂ 'ne₂, tsá₃ ma₃jmo'₂ a₂'nióg'₃ ríng'₂. Tsá₃ jmo₂ jua'₅₄ cuě'₁ jui₅ o₄quió'₄ a₂quě'₂, a₂dsi₂'én₂ jan₂ ríng'₂, ia₁ ca₂jon₃ Cristo o₄quió'₄ 'éi₂ ján₃. ¹⁶ Tsá₃ cuě₂ 'nia'₂ jui₅ jua'₅₄ a₂qui₃dsia₃ dsa₂ 'lig'₅₄ 'ě₃ jui₁lia'₂ a₂jmo'₂ 'au'₂ a₂dse₃. ¹⁷ Ia₁ jui₁lia'₂ ja₁gon₂ Diú₄, tsá₃ lin₄ quen₅ jui₁lia'₂ a₂guě'₅ dsa₂, a₂qui₂'ín'₂ dsa₂ ně₃; a₂jaun₂ bá₄ a₂quen₅ guě'₄ lin₃: a₂guéi'₂ Diú₄ jniog₄ ně₂jag₄ bá₄ a₂tsá₃ 'e₂ dso₄ rag₂, a₂chong₂ jniog₄ tei₄ o₂'ñió₃ o₂jñia₃ dsi₅ tē₂le₃ quian'₅₄ Jme₂dsí₂ Jñió₅. ¹⁸ Ia₁ jui₁lia'₂ i₂jme₂ti₃ ta₁ ne₄ Cristo le₂ně₅, jmo₂₃ a₂'ñio₂ dsí₅ Diú₄, ton'₂ dse₃ 'ag₅ táng₃ dsa₂ mi₂güig₃.

¹⁹ Le₂ně₅ bá₄ jaun₂, caun₂ jui₁'niog'₅₄ jniog₄ jmá'₃ lia'₂ a₂cuě'₅ jui₅ ja₁'ag₃ tei₄, a₂jme₂'o₅₄ dsi₃cau₅₄ jniog₄ tē₂le₃ jui₅ jme₂dsí₂. ²⁰ Tsá₃ lē₁'én₅ 'ne₂ ta₁ quió'₅ Diú₄ o₄quió'₄ má₃. Dsón'₂ bá₄ jaun₂, a₂le₁jě₃ ca₂le₃jě₃ a₂niog₅ guě'₅ dsa₂. La₁ tsá₃ dse₃ ně₁jua'₂ o₄quió'₄ a₂quě'₂ 'ne₂, tián'₂ dso₄ ríng'₂. ²¹ Ja₂lin₃ guě'₄ dse₃ a₂tsá₃ quíg'₂ nē₅, on₃ guě'₂ 'ag'₅₄ vino, on₃ guě'₂ jmó'₂ jui₁'e₂ guě'₃ a₂lé₂ le₃qui₃nió₃ ríng'₂. ²² Jui₁lia'₂ a₂'én'₂ 'ne₂, a₂'én'₂ 'ne₂ 'ñiag'₂ bá₄ jaun₂ tē₂le₃ ne₄

* 14:11 Isaías 49:18; 45:23.

Diú₄. ¹E₂ gué₄ dsen₃ jui₁lia'₂ dsa₂ i₂con₂ 'í₁ ja₁con₂ 'ŋiog₅, i₂tsá₃ qui₂dsi₂ŋi₅ dsí₅ o₄quió'₄ a₂cuë₂₃ jmig₄ 'ŋiog₅! ²³ La₁ jui₁lia'₂ dsa₂ i₂guë'₅, i₂'ei₅ caun₂-tín₃ dsí₅, ma₂gue₃ uig₅, ia₁ tsá₃ ca₂guë'₃ tē₂le₃ quian'₅₄ a₂'éin₂. Ia₁ ca₂le₃jě₃ a₂jmo₅ dsa₂ a₂tsá₃ lě₅ tē₂le₃ quian'₅₄ a₂'éin₂, dso₄ bá₄ jaun₂.

15

Jmo₄ a₂'ŋio₂ dsí₅ dsa₂ mi₂güig₃ ríng'₂, on₃jua'₅₄ rē'₂ jmá'₃ a₂tě₅ 'au'₂ 'ŋiag'₂

¹ Jniog₄ i₂tióng₂ tiá₂ a₂'éin₂, ca₂tág₂ guéi₁ co₂'nió'₄ caun₂ lio₅₄ quián₂, 'a₂ lia'₂ qui₂ŋí'₂ dsí₅ dsa₂ i₂'uan₅₄ 'a₂ lia'₂ 'éin₂, jaun₂ tsá₃ 'nió'₅ jmó₁ con'₂ a₂tě₅ dsí₅ guio₅₄. ² Le₂jau₂ le₂jau₂ bá₄ jniog₄ ca₂tág₂ jmó₁ a₂tě₅ dsí₅ dsa₂ mi₂güig₃ rín'₅₄, a₂jmó₁ a₂lě₅ a₂dse₃ ja₁coín₂, jui₁lia'₂ jui₅ ja₁lé₂ qui₂dsi₃cóin₃ le₃quió'₅ jme₂dsí₂. ³ Ia₁ ca₂lia'₂ jñia'₅₄ 'ŋiog₅ Cristo tsá₃ ca₂jmo₃ a₂tě₅ dsí₅ 'ŋiog₅. Tē₂le₃ ca₂i₃ŋi₂ jui₁lia'₂ juá'₂ ne₄ Si₂:

Ca₂le₃jě₃ jág₁ uig₅ a₂jme₁tsí'₅ dsa₂ 'nia'₂,

ne₃ jniá₂ bá₄ ca₂tě₁tsi'₅₄.*

⁴ Ia₁ ca₂le₃jě₃ con'₂ lě₅ jág₁ a₂ca₂i₃to'₅₄ ne₄ Si₂, a₂ca₂i₃to'₅₄ ia₁jaun₂ jme₁tag₅ jniog₄ rē₂ně₃, ia₁jaun₂ caun₂ chong₂ jniog₄ 'ín₂ dsí₅ le₃quió'₅ Diú₄, tē₂le₃ quian'₅₄ a₂juin'₂ dsí₅, a₂lě₅ lián'₂ dsí₅ a₂cuë'₅ jág₁ a₂já₅ ne₄ Si₂ jaun₂. ⁵ Jui₁jme₂'o₅₄ bá₄ Diú₄, i₂jmo₅ a₂juin'₂ dsí₅ dsa₂, i₂cuë'₅ lián'₂ ně₃, jui₁jme₂'oin₅₄ 'nia'₂ a₂tiáng'₄ a₂jen'₂ 'nia'₂ le₂jang'₂ le₂jang'₂ con'₂ lě₅ i₂nio'₅₄ 'nia'₂ jui₅ quió'₅ Cristo Jesús,† ⁶ ia₁jaun₂ ca₂le₃jín'₃ 'nia'₂ co₂dsia₅, caun₂ bá₄ jág₁, jme₁juin'₂ 'nia'₂ Diú₄ Jmei₂ Te₁gui'₅₄ Jesucristo quián₂.

Dsi₂'ag₅ jág₁ dse₃ja₁con₂ dsi₂nau₂

⁷ Le₂ně₅ jaun₂, qui₂guen₅₄ 'nia'₂ ríng'₂ le₂jang'₂ le₂jang'₂ jui₁lia'₂ ca₂guéi'₂ Cristo guio₅₄ jniog₄, ia₁jaun₂ le₃juin'₂ Diú₄. ⁸ Ia₁ a₂juá'₅ jniá₂ juíg₂ 'nia'₂, ca₂guan₃ I₂rē₂'ín₁ quián₅ Diú₄, ca₂jme₃ti₃ ja₁con₂ jnia'₅₄ con'₂ lág₅ dsa₂ judíos,† ia₁jaun₂ le₃ti₃ jág₁ ron₅ a₂ca₂ŋi₂ dsa₂ can'₅₄ quián₂ jnia'₅₄ ma₂líg'₂. Jaun₂ le₂ně₅ bá₄ ca₂rě₃jniá₂ ně₃ i₂rē₂tí'₅₄ bá₄ Diú₄ jág₁ a₂cuë'₂₃. ⁹ Guain₃ ján₃ ia₁jaun₂ jme₃juag'₂ dsi₂nau₂ jme₃juin'₂ Diú₄ i₂ŋéi₂ dsí₅, jui₁lia'₂ rē₂ton₅ ne₄ Si₂:

'Uig₅₄ jaun₂ jme₁juin'₂ jniá₂ 'ne₂ jin₄ dsi₂nau₂;

'ě₅₄ jniá₂ ne'₅₄ 'ne₂ a₂jme₁juag'₂.§

¹⁰ Con'₂ siá'₂ juá'₂ táng₃:

Jmo₄ 'io'₂, 'nia'₂ dsi₂nau₂,

* 15:3 Salmo 69:9. † 15:5 'Nio'₂ ja₁ton₅ Filipenses 2:5. ‡ 15:8 lit. "dsa₂ i₂rē₂uig₅, quió'₅." § 15:9 2 Samuel 22:50; Salmo 18:49.

quian'⁵⁴ dsa₂ juig₂ quiáin⁵.*

¹¹ Ja₁siá'₂ táng₃ juá'₂:

Jme₁juin'₂ 'nia'₂ Te₁gui'⁵⁴,

'nia'₂ ca₂le₃jín₃ dsi₂nau₂,

jui₁jme₂juag'₂ bá₄ ca₂le₃jě₃ juig₂.†

¹² Ján₃ bá₄ juá'₂ Isaías:

'Nio₂ tsin₅ cho'⁵⁴ Isaí,

jaun₂ náu₃ jan₂ i₂qui₃dsi₅ 'éi'₃ ja₁con₂ dsi₂nau₂;

le₃quió'₅ 'éi₂ bá₄ qui₃le₃'ín₂ dsí₅

le₂caun₂ le₂caun₂ juig₂.‡

¹³ Jaun₂ Diú₄, i₂jmo₅ 'ei₅ caun₂ dsi₅ a₂'ín₂ dsi₅ jniog₄, jui₁jme₂cain'₂ bá₄ 'au'₂ 'nia'₂, a₂chang'₂ jmó'₂ 'nia'₂ 'io'₂, 'ag₃ tei₄ a₂'éng'₂ le₃quió'₅, ia₁jaun₂ rě₂tsón₂ a₂le₁'ág₄ caun₂ 'au'₂ a₂'ín₂ 'au'₂ 'nia'₂ quian'⁵⁴ jui₅bí₂ quió'₅ Jme₂dsí₂ Jnió₅.

¹⁴ Caun₂ bá₄ 'ei₅ dsi₃ jniá₂, rin'⁵⁴ jniog₄, ma₂qui₂le₁rin₅ 'au'₂ 'nia'₂ a₂héi₂ 'au'₂ ríng'₂, ton'₂ qui₂le₁rin₅ 'au'₂ 'nia'₂ a₂tín'₂ 'nia'₂, jaun₂ qui'⁵⁴ 'nia'₂ jmig₄ tóng'₄ jág₁ ríng'₂ le₂jang'₂ le₂jang'₂.
¹⁵ A₂tiá₂ dsi₃ jniá₂ ma₂ně₂juá'₃ ja₁lin⁵⁴, ma₂ně₂tó'₃ jniá₂ jág₁ ne₄ si₂ la₂ ne'⁵⁴ 'nia'₂, ia₁jaun₂ tsá₃ dsi₃'én₂ 'au'₂ 'nia'₂. A₂'ua₁ dsí₅ bá₄ Diú₄ ma₂dsia₃ gu₃ ta₁ la₂, ¹⁶ a₂jme₂tí₁ ne₄ Jesucristo jě₄ quió'₅ dsi₂nau₂, a₂qui₂jen'₄ jniá₂ ne'⁵⁴ 'nia'₂ jág₁ dse₃ a₂lión₂ dsa₂, ia₁jaun₂ lé₂ qui₁jen'₄ 'nia'₂ i₂lín'₅ dsi₂nau₂, le₃ne₄ Diú₄, ně₂jag₄ bá₄ caun₂ a₂rě₂jen'⁵⁴ a₂guéi'₃, co₂'nió'₄ dsa₂ i₂ma₂rě₂tson₄, ca₂jmo₃ Jme₂dsí₂ Jnió₅.

¹⁷ Jaun₂ lě₃, jmo₅ jniá₂ táng'₅ le₃quió'₅ Cristo Jesús, quian'⁵⁴ ta₁ a₂jmo₅ jniá₂ ne₄ Diú₄; ¹⁸ on₃jua'⁵⁴ rě'₂ a₂tiá₂ dsi₃ jniá₂ le₃juá'₄ lě₅ guě₄ lia'₂ con'₂ guě₄ jui₁lia'₂ a₂ma₂qui₂ma₂jmo₃ Cristo tě₂le₃ quian'⁵⁴ jniá₂, a₂tsin'⁵⁴ jniá₂ dsi₂nau₂ ne₄ jui₅, quian'⁵⁴ jág₁ quió₃, quian'⁵⁴ ta₁ quió₃ ně₃, a₂le₃ne'⁵⁴ 'éi₂ ne₄ Diú₄. ¹⁹ A₂lě₅ ta₁ ně₅ tě₂le₃ quian'⁵⁴ jui₅bí₂ a₂'io₅ léi₄ juě'₂ a₂dsi₂gó'₃ dsí₅ dsa₂, tě₂le₃ quian'⁵⁴ jui₅bí₂ quió'₅ Jme₂dsí₂ Jnió₅ ně₃. Le₂ně₅ bá₄ ma₂ca₂jme₁'ñiag₂₃ ta₁ ma₂qui₂ma₂'ě₃ jág₁ dse₃ quió'₅ Cristo, ca₂jme₁lióg₄ jniá₂ juig₂ Jerusalén, jaun₂ guě₄ neg⁵⁴ ta₁caun₂ jui₅ le₃lág'₃, ca₂lia'₂ ca₂dsióg₃ tě₂ 'uě₃ Ilírico. ²⁰ Le₂ně₅ bá₄ ma₂ca₂jmo₃ dsen⁵⁴ dsi₃ ma₂qui₂ma₂'ě₃ jág₁ le₂tan⁵⁴ juig₂ ja₁'i₁cón'₂ tsá₃ jme₁ma₂nág₂ dsa₂ a₂'ín₅ dsa₂ Cristo, ia₁jaun₂ tsá₃ cho⁵⁴ jniá₂ ta₁ ne₄ 'uig⁵⁴ 'ia'₂ a₂ma₂ca₂jme₃lióg₃ i₂sián'₂. ²¹ La₁ jui₁lia'₂ juá'₂ ne₄ Si₂:

Jág₃ dsa₂ jín₃ 'éi₂

i₂tsá₃ jme₁ma₂gú'₃ jág₁ quió'₅;

jaun₂ le₃ñí'₂ dsí₅

jui₁lia'₂ i₂tsá₃ jme₁ma₂nág₂ a₂'ín₅ 'éi₂.§

* 15:10 Deuteronomio 32:43. † 15:11 Salmo 117:1. ‡ 15:12 Isaías 11:10.

§ 15:21 Isaías 52:15.

Dsi₂jio₅ ds₅ Pa₄ dsó₃ jui₅ Roma

²² 'Uig₅₄ nē₅ ca₂jñ₁₃ jniá₂ jui₅ 'lióng₂ ráun₂ lia'₂ con'₂ jme₁'nio₃ jme₁i₁jing₁₂ 'nia'₂. ²³ La₁ nē₃ guē'₂ lia'₂ tsá₃ ma₃cha₂ ja₁jmo₅₄ ta₁ le₂tan₅₄ juig₂ te₁'i₁ le₃la₂, jaun₂ ma₂ne₁ηó₄ bá₄ 'lióng₂ ηi₂ jme₁'ín₅ dsi₃ jme₁nei₅₄ i₁jing₁₂ 'nia'₂, ²⁴ 'ín₂ dsi₃ jniá₂ ηig₅₄ jui₅ ja₁tion'₅₄ 'nia'₂ jē₁ma₂tē₂ rē₁nei₅₄ jui₅ España, ia₁jaun₂ lé₂ le₃tsag'₅₄ ne₄ jui₅ jaun₂, cang₂ jē₁ma₂ca₂mag'₂ dsi₃ jing₅₄ 'nia'₂. ²⁵ La₁ rē₂nē₃ nē₃, 'eng₅₄ jui₅ nei₅₄ jui₅ Jerusalén, a₂jme₁ti₁ jniá₂ ta₁ ja₁con₂ dsa₂ quián₅ Diú₄ ja₁jaun₂. ²⁶ Ia₁ i₂chan₂ Macedonia quian'₅₄ i₂chan₂ Acaya nē₃, ca₂jmo₃ dsí₅ ca₂cág'₃ cu₄ a₂chein₃ ne₄ rin'₅₄ jniog₄ i₂tē₂ηé₂ i₂chan₂ juig₂ Jerusalén. ²⁷ A₂'ηio₂ dsí₅ ca₂jmo₃ le₂jaun₂, ia₁ dsau₅ bá₄ jaun₂ rin₂ le₃quíó'₅ 'éi₂. Ia₁ chi₂jua'₂ ma₂qui₂ma₂quen'₅₄ dsí₂nau₂ a₂gu₂dsí₂ a₂ca₂cuē₃ dsa₂ judíos, ján₃ bá₄ le₂jaun₂ ca₂tín₂ jme₃'o₅₄ quian'₅₄ a₂'nió'₅ le₃quíó'₅ ni₁ηí₅. ²⁸ Jaun₂ le₂nē₅, jē₁ma₂ca₂dsan₃ jáng'₅ jniá₂ ne₅₄ a₂ma₂ca₂cág'₃ dsa₂ jaun₂, jaun₂ guē₄ 'ú₄ jui₅ a₂nei₅₄ jui₅ España, a₂i₁jing₁₂ 'nia'₂ lia'₂ ma₂'eng₅₄ jui₅. ²⁹ Jaun₂ caun₂ bá₄ 'ei₅ dsi₃, a₂jme₃gu'₅₄ bá₄ Cristo lia'₂ rē₂ηia₅ jē₁ma₂tē₂ rē₁dsióg₄ jniá₂ a₂i₁jing₁₂ 'nia'₂.

³⁰ Rin'₅₄ jniog₄, mi₅ jniá₂ ja₁con'₂ 'nia'₂ lia'₂ con'₂ lé₅ 'éi'₃ quió'₅ Te₁gui'₅₄ Jesucristo quián₂ jniog₄, ton'₂ ia₁ a₂cuē₅ jme₂dsí₂ bí₂, a₂jme₁'nió₄ jniog₄ rin'₅₄: a₂jme₁quiong'₅₄ 'nia'₂ jniá₂, ne₄ 'nei₂ a₂chéng'₅, a₂chi₁len'₄ 'nia'₂ Diú₄ o₄quíó₃. ³¹ Mi₄ 'nia'₂ ne₄ Diú₄ jui₁lio₅₄ jniá₂ o₄gú₃ dsa₂ i₂tsá₃ 'én₂ i₂chan₂ Judea, le₂jaun₂ guē'₂ ján₃ jui₁gue₅₄ bá₄ rin'₅₄ jniog₄ juig₂ Jerusalén caun₂ dse₃ a₂i₁can₁₂ a₂jme₁'oin₁₂, ³² ia₁jaun₂ chi₂jua'₂ 'nio₃ Diú₄ a₂dsióg₄ jniá₂, i₁jing₁₂ 'nia'₂ a₂'io'₂ jmo₂₃, a₂tág'₄ jme₂dsí₂ quió₃ co₂dsia₅ quian'₅₄ 'nia'₂.

³³ Jui₁quiong'₅₄ bá₄ Diú₄ i₂jmo₅ 'ei₅ tei₄, ca₂le₃jín'₃ 'nia'₂. A₂meí₃.

16

Cui₂₃ Diú₄ le₂jan₂ le₂jan₂

¹ Jme₂jnia₄ jniá₂ 'io₅₄ rin'₅₄ jniog₄ Febe, i₂ma₂já₅ jme₂ti₃ ja₁con₂ guá'₅ chan₂ Cencrea. ² Guein₅₄ bá₄ dse₃ o₄quíó'₄ Te₁gui'₅₄, jmo₄ bá₄ con'₂ dsi₂ten₅₄ jmo₃ dsa₂ ja₁con₂ rin'₅₄ i₂'én₂,* ján₃ guē'₂ jme₁'oin₁₂ quian'₅₄ jui₁'e₂ guē₃ a₂ca₂rē₃'nió'₃ quió'₅, ia₁ ma₂ca₂jme₃'o₅₄ bá₄ 'éi₂ 'ηiog₅ ma₂ca₂jme₃'oin₅₄ juin₅, ján₃ guē'₂ le₂jaun₂ ma₂ca₂jme₃'o₅₄ jniá₂.

³ Cui₂₃ Diú₄ Priscila[†] quian'₅₄ Aquila, i₂lín₅ i₂quian'₅₄ jniá₂ jē₄ ta₁ a₂nio₅ quió'₅ Cristo Jesús. ⁴ 'Éi₂ bá₄ ca₂jmo₃ tén'₂ dsí₅ o₄quíó₃ jniá₂, o₁jñia'₅₄ ca₂quí'₃ dsa₂ dsi₂lag₅₄. Jaun₂ cuē₅ jniá₂ ti₁'mag'₄ 'éi₂. On₃ jua'₅₄ jmá'₃ jniá₂; ca₂le₃jín₃ dsi₂nau₂ i₂'én₂ cuē₂₃ ti₁'mag'₄ ján₃.

* 16:2 lit. "dsa₂ jnió₅." † 16:3 griego: Prisca.

⁵ Nē₅ i₂cuíng'₅ Diú₄ ján₃ dsa₂ rin'₅₄ jniog₄ i₂ñi'₂ dsi₂néi₂ quió'₅ Priscila quian'₅₄ Aquila ně₃. Cuñ₅₄ Diú₄ Epeneto a₂mei₅₄ quiáng₃, dsa₂ i₂le₂'uig'₅₄ i₂ca₂rē₃'én₂ le₃quió'₅ Cristo 'uē₃ Acaya.†

⁶ Cuñ₅₄ co₂nio₄ Diú₄ María, ia₁ 'ñio₅ lin₃ ma₂jmo₃ ta₁ o₄quián'₂ 'nia'₂.

⁷ Cuñ₅₄ co₂nio₄ Diú₄ Andrónico quian'₅₄ Junias, dsa₂ go₃ jniá₂ i₂quiáng'₅₄ ca₂'ú₃ né'₃ 'má₃; co₂'nió'₄ dsa₂ i₂lén₄ i₂cuig'₅ guē₄ dsa₂ i₂chen₄ quián₅ Te₁gui'₅₄, co₂'nió'₄ dsa₂ i₂jme₁ma₂tion'₅₄ le₃quió'₅ Cristo le₂jniá₅ guē₄ con'₂ guē₄ jniá₂.

⁸ Cuñ₅₄ Diú₄ Amplias, jan₂ i₂'nió₃ jniá₂ le₃quió'₅ Te₁gui'₅₄.

⁹ Cuñ₅₄ co₂nio₄ Diú₄ ján₃ Urbano, dsa₂ i₂quian'₅₄ jniog₄ jmo₂ ta₁ quió'₅ Cristo Jesús, quian'₅₄ Estaquis ně₃ i₂lín₅ a₂mei₅₄ quiáng₃ i₂'nióg₃ guē₄ lin₃.

¹⁰ Cuñ₅₄ Diú₄ Apeles, i₂ma₂já₅ cuē₂₃ léi₄ a₂ñi₂₃ le₃quió'₅ Cristo, le₂jaun₂ bá₄ jmo₄ co₂nio₄ quian'₅₄ ca₂le₃jín₃ i₂chan₂ dsi₂néi₂ quió'₅ Aristóbulo ján₃.

¹¹ Cuñ₅₄ Diú₄ Herodión, dsa₂ go₃ jniá₂, quian'₅₄ guē'₂ dsa₂ familia quián₅ Narciso i₂'én₂ le₃quió'₅ Te₁gui'₅₄.

¹² Cuñ₅₄ bá₄ co₂nio₄ Diú₄ Trifena quian'₅₄ Trifosa ně₃, on₃ dsa₂ mí₂ i₂jmo₅ ta₁ quió'₅ Te₁gui'₅₄, quian'₅₄ guē'₂ 'io₅₄ rin'₅₄ jniog₄ Pérsida i₂'nió₄ guē₄ lin₃, i₂ñi₄ ma₂jmo₃ ta₁ quió'₅ Te₁gui'₅₄ ján₃.

¹³ Cuñ₅₄ bá₄ Diú₄ Rufo i₂lín₅ dsa₂ i₂ma₂quion'₅₄ quián₅ Te₁gui'₅₄, quian'₅₄ chog₅₄, i₂jing₅₄ ně₂jag₄ bá₄ cha₃ ján₃.

¹⁴ Cuñ₅₄ Diú₄ Asíncrito, Flegonte, quian'₅₄ guē'₂ Hermas, Patrobas, Hermes ně₃, quian'₅₄ guē'₂ dsa₂ rin'₅₄ jniog₄ i₂quaiñ'₅₄ ně₃.

¹⁵ Cuñ₅₄ 'nia'₂ Diú₄ ján₃ i₂chen₂ Filólogo quian'₅₄ Julia, Nereo ně₃, quian'₅₄ 'io₅₄ riñ'₅₄; cuñ₅₄ 'nia'₂ Diú₄ Olimpás quian'₅₄ guē'₂ ca₂le₃jín₃ rin'₅₄ jniog₄ i₂'én₂ S i₂tion'₅₄ quaiñ'₅₄.

¹⁶ Cuñ₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁* 'nia'₂ quió'₅ ríng'₂, a₂lē₅ léi₄ a₂ma₂'ei₅ caun₂ jág₁ a₂le₁jě₃ 'au'₂ quian'₅₄ ríng'₂. Ca₂le₃jín₃ bá₄ guá'₅ quián₅ Cristo dsiáin'₂ jág₁ a₂cuñ₂₃ Diú₄ 'nia'₂.

¹⁷ Rin'₅₄ jniog₄, mi₅ jniá₂ ne'₅₄ 'nia'₂, rē₂ de'₂ quion₂ 'nia'₂ 'í₁, 'ein₂ dsia₅ mi'₅₄ jmo₅ le₁dson'₅₄ guá'₅, 'ein₂ chí'₅ jui₅ a₂qui₂nió₃ dsa₂, a₂tsá₃ dsi₂ten'₅₄ lia'₂ con'₂ lē₅ jág₁ a₂ma₂ca₂rē₃tín'₃ 'nia'₂. Jaun₂ co₂dsia₅ chén'₂ 'nia'₂ cau₅ i₂jmo₅ le₂jaun₂. ¹⁸ Ia₁ on₃jua'₅₄ dsa₂ i₂jme₂ti₃ ne₄ Te₁gui'₅₄ Jesucristo i₂le₂'éi₂; con'₂ jñia'₅₄ jme₂ti₃ ne₄ a₂mi₅ ni₁ñi₁ guioin'₅₄ bá₄, qui₂jme₂gain₂₃ dsí₅ jui₁lia'₂ dsa₂ i₂tsá₃ lin₄ ñi'₂ dsí₅, quian'₅₄ jág₁ 'ua₁, jág₁ rau₂ ně₃.

¹⁹ Ca₂le₃jín₃ bá₄ dsa₂ le₁ñi₅ 'a₂ lia'₂ ma₂ja₂nó'₅ 'nia'₂ a₂neg'₅₄, jaun₂ 'io'₂ jmo₅ jniá₂ o₄quián'₂ 'nia'₂. La₁ia₁ 'nio₃ jniá₂ a₂lén'₂

† 16:5 griego: Asia. § 16:15 lit. “dsa₂ jnió₅.” * 16:16 Caun₂ tag₄ a₂jme₁chí'₄ lia'₂ con'₂ ca₂jmo₃, Pa₄ si₂ la₂.

'nia'₂ 'ŋiog'₅₄ le₃quió'₅ a₂dse₃, já₃ bá₄ le₂ně₅ a₂leng'₂ dsa₂ i₂tsá₃
'e₂ dsi₂ŋia₅ dsi₅ ne₄ a₂'lig'₅₄. ²⁰ Jaun₂ Diú₄ i₂jmo₅ 'ei₅ tei₄, ŋi'₅₄
ta₁ jlein'₃ i₂sě₃dsen₃ o₄tag'₄ 'nia'₂. Jui₁'ei₅ bá₄ a₂dse₃ dsi₅ Te₁gui'₅₄
Jesús quián₂ jniog₄ ja₁con'₂ 'nia'₂.

²¹ Timoteo, i₂quian'₄ jniá₂ jmo₂₃ ta₁, dsiáin'₂ já₁ a₂cuin₂₃ Diú₄
'nia'₂; le₂jaun₂ bá₄ já₃ Lucio quian'₅₄ Jasón, Sosípater, i₂lín₅ dsa₂
go₃ jniá₂.

²² Jniá₂ Tercio i₂tó'₃ já₁ la₂ ne₄ si₂, já₃ bá₄ cuín₅ jniá₂ Diú₄
'nia'₂ o₄quió'₄ Te₁gui'₅₄.

²³ Gayo ně₃ dsiáin'₂ já₁ a₂cuin₂₃ Diú₄ 'nia'₂. Dsi₂néi₂ quió'₅
'éi₂ bá₄ 'eng₅₄. Já₃ bá₄ cuē₂₃ dsi₂néi₂ quió'₅ cuē'₅ ca₂le₃jín₃ dsa₂
quián₅ guá'₅. Erasto dsa₂ i₂niog₅ gu₂ cu₄ quió'₅ dsa₂ juig₂ ně₃,
dsiáin'₂ já₁ a₂cuin₂₃ Diú₄ 'nia'₂ já₃; i₂chen₂ Cuarto rin'₅₄ jniog₄
ně₃.

²⁴ Jui₁jme₂gu'₅₄ bá₄ Te₁gui'₅₄ Jesucristo 'nia'₂ ca₂le₃jíng'₃,
A₂meí₃.†

'Ág'₃ já₁ Pa₄ a₂jme₂juin'₂ Diú₄

²⁵ Ně₃ ně₃, jui₁jme₂juin'₂ jniog₄ Diú₄. 'Éi₂ bá₄ lé₂ le₃jmo₃ a₂náu'₁
'nia'₂ tiá₂ lia'₂ con'₂ lě₅ já₁ dse₃ quió'₅ Cristo a₂'ě₅ jniá₂, lia'₂
con'₂ lě₅ ca₂jme₃jnia₅ Diú₄ já₁ quió'₅ a₂jme₁rě₂'ma₄ ca₃ma₂líg'₂
lín₃. ²⁶ Diú₄ i₂chan₂ co₂tan₅₄ 'éi₂ bá₄ ca₂jmo₃ 'éi'₃ a₂jmo₃ já₁ dsa₂
i₂chen₄ quián₅ ma₂líg'₂, já₁ a₂ca₂tó'₂ 'éi₂ ne₄ Si₂, ia₁jaun₂ le₃ŋi₅
dsa₂ chan₂ ca₂le₃jě₃ juig₂ nación, ia₁jaun₂ le₃'éin₂ já₁ jaun₂,
le₃nei'₅₄ ně₃.

²⁷ i₂Diú₄ i₂jan₂ tan₅₄, i₂tín₂, i₂ŋi₅, jui₁le₂juin'₂ bá₄ tē₂le₃ quian'₅₄
Jesucristo ca₂lia'₂ co₂tan₅₄! A₂meí₃.

Co₂ně₅.

Si₂ carta le₂'uig₅₄ a₂ca₂jmo₃ San Pablo ne₄ dsa₂ CORINTIOS

Jmo₅ Pa₄ si₂ le₂'uig₅₄ a₂chein₂ ne₄ Guá'₅ i₂chan₂ jui₂g₂ Corinto

¹ Jniá₂ Pa₄, co₂nē₅ ca₂rē₃'ñi₃ dsí₅ Diú₄, ca₂tē₃ 'éi₂ a₂lén₂g₂ dsa₂ i₂chen₄ quián₅ Te₁gui'₅₄ Jesucristo; jnia'₅₄ co₂dsia₅ quian'₅₄ Sóstenes rin'₅₄ jniog₄, ² jmo₂₃ si₂ carta la₂ a₂dsian'₄ ja₁con₂ guá'₅ quián₅ Diú₄, dsa₂ chan₂ jui₂g₂ Corinto, dsa₂ i₂ma₂tē₅ Diú₄ a₂lén₂ dsa₂ i₂le₃chan₂ lē₅ 'í₁ le₃quió'₅ Cristo Jesús; co₂dsia₅ bá₄ quian'₅₄ ca₂le₃jín₃ i₂jme₂juin'₂ Te₁gui'₅₄ Jesucristo ca₂le₂con₂ mi₂güig₃, a₂lín₅ 'éi₂ Te₁gui'₅₄ quián₅, jui₁lia'₂ quián₂ jniog₄ táng₃: ³ Jui₁chan'₂ bá₄ 'nia'₂ 'ei₅ tei₄, jui₁jme₂gu'₅₄ bá₄ Diú₄ i₂lín₅ jmei₂ jniog₄, jui₁jme₂gu'₅₄ Te₁gui'₅₄ Jesucristo ján₃.

Jme₂gu'₅₄ Diú₄ tē₂le₃ quian'₅₄ Cristo

⁴ Ca₂le₃o₃ jmig₄ bá₄ cuē₅ jniá₂ ti₁'mag'₄ Diú₄ o₄quián'₂ 'nia'₂, ia₁ ca₂jme₃gu'₅₄ bá₄ Diú₄ tē₂le₃ quian'₅₄ Cristo Jesús. ⁵ Tē₂le₃ ia₁ a₂chan'₂ 'nia'₂ le₃quió'₅ Cristo, Diú₄ bá₄ ma₂ca₂jme₃'o₅₄ 'nia'₂ ca₂le₃jē₃ ne₅₄ a₂dse₃ quió'₅, jui₁lia'₂ jág₁ a₂'ñia'₂ 'nia'₂, jui₁lia'₂ ca₂le₃jē₃ a₂tin'₂ 'nia'₂ ně₃. ⁶ Le₂nē₅ bá₄ ca₂le₃jē₃ 'e₂ niog₅ ca₂jme₁tag₅ jnia'₅₄ tē₂le₃ quió'₅ Cristo, ma₂ca₂rē₃ti₃ bá₄ tē₂le₃ quian'₅₄ 'nia'₂. ⁷ Jaun₂ lē₃, tsá₃ ma₃'e₂ 'nió'₅ quián'₂ 'nia'₂ jua'₅₄ a₂cuē₃ Diú₄ caun₂ bí₂ a₂gu₂dsí₂, tē₁lia'₂ jan'₅₄ 'nia'₂ a₂'ín₂ 'au'₂ a₂jme₃jnia₅ Te₁gui'₅₄ Jesucristo quián₂ jniog₄. ⁸ 'Éi₂ bá₄ jme₃'o₅₄ náu'₁ 'nia'₂ tiá₂ ca₂tē₂ jmig₄ jē₁ca₂tó'₂, ia₁jaun₂ tsá₃ 'e₂ dso₄ rin'₂ 'nia'₂ jē₁ma₂ca₂tē₂ jmig₄ quió'₅ Te₁gui'₅₄ Jesucristo. ⁹ I₂jme₃ti₃ bá₄ Diú₄ ca₂le₃jē₃ jág₁ quió'₅; 'éi₂ bá₄ ma₂ca₂tē₃ 'nia'₂ 'ag₃ caun₂ jág₁ quian'₅₄ Jesucristo ja₁ñi'₅₄, Te₁gui'₅₄ quián₂.

A₂tsi₂jín₅ dsa₂ dsia₂₃ mi'₅₄ jmo₂₃ le₁dsoin'₅₄

¹⁰ Rin'₅₄ jniog₄, mi₅ jniá₂ ja₁con'₂ 'nia'₂ quian'₅₄ 'éi'₃ quió'₅ Jesucristo Te₁gui'₅₄ quián₂, 'éi₂ 'nia'₂ caun₂ jág₁, tsá₃ dsia₂ 'nia'₂ mi'₅₄ a₂jmo₂' le₁dsong'₅₄. Tē₂le₃ ca₂tin'₂ bá₄ 'nia'₂ tóng'₄ 'ei₅ caun₂ jág₁ jen'₂ 'nia'₂, jui₁lia'₂ 'a₂ lia'₂ ñí'₂ 'nia'₂, a₂dsi₂jio₅ 'au'₂ ně₃. ¹¹ Jui₂g₂ jniá₂ 'nia'₂ le₂nē₅, rin'₅₄ jniog₄, ia₁ ca₂rē₃chá₃ jág₁ juá'₂ dsa₂ familia quián₅ Cloé, 'a₂ lia'₂ lē₅ tion'₅₄ 'nia'₂, a₂niog₅ mi'₅₄ jin'₄ 'nia'₂. ¹² Co₂'nió'₄ le₃jua'₅₄ jág₁, jma₃quén₅ bá₄ ma₂lē₅ jag'₅₄ 'nia'₂ tiong'₅₄. I₂lín₅₄ ma₂juá'₂: “I₂quián₅ Pa₄ bá₄ jniá₂”; i₂lín₅₄ guē'₂ juá'₂ táng₃: “Jniá₂ guē'₂ lín₅ i₂quián₅ Pe₄”; sián'₂ guē'₂ juá'₂ táng₃: “Jniá₂ guē'₂ lín₅ dsa₂ i₂quián₅ Apolos”; i₂lín₅₄ guē'₂ juá'₂ táng₃: “Jniá₂ guē'₂ lín₅ i₂quián₅ Cristo.” ¹³ ¿O₃ bá₄ le₁dso'₄

ma₂i₂lé₂ quió'₅ Cristo ne₁jua'₂ le₂jaun₂? ¿O₃ bá₄ Pa₄ i₂ca₂tē₁ton₅₄
 cróg₄ o₄quián'₂ 'nia'₂? Le₂jaun₂ guē'₂ ján₃, ¿O₃ bá₄ lia'₂ con'₂ lē₅
 'éi'₃ quió'₅ Pa₄ ca₂jñó'₂ 'nia'₂ jmig₂?* ¹⁴ Ti₁'mag'₄ Diú₄ tsá₃ jniá₂
 ca₂chóng₃ jmig₂† 'i₁jan'₂ 'nia'₂, jnia'₅₄ lia'₂ Crispo quian'₅₄ Gayo,
¹⁵ con'₂ tsá₃ lē₅ jua'₅₄ a₂dsia₃ dsa₂ a₂ca₂chóin₃ jniá₂ jmig₂‡ lia'₂
 con'₂ lē₅ 'éi'₃ quió'₅. ¹⁶ (Jnia'₅₄ lia'₂ familia quián₅ Estéfanos bá₄
 ján₃, dsá₂ dsi₃ ca₂chón₃ jniá₂ jmig₂. Jaun₂ tsá₃ ma₃dsá₂ dsi₃ jua'₅₄
 chan₂ guē₄ i₂sián'₂ ca₂chón₃ jniá₂ jmig₂.)Š ¹⁷ Ia₁ tsá₃ ta₁ jaun₂
 ca₂chei₃ Cristo jniá₂ jua'₅₄ a₂tsón₄ jniá₂ jmig₂ dsa₂,* con'₂ jnia'₅₄
 lia'₂ a₂qui₁'ē₄ jág₁ a₂tín'₄ dsa₂ bá₄, on₃jua'₅₄ qui₁ton₁ jág₁ jua'₅₄
 a₂jmo₅₄ a₂ñí₄ ting₂, con'₂ tsá₃ lē₅ jua'₅₄ a₂tsá₃ ta₁ tí₄ a₂ca₂guen₃
 Cristo 'mú₃ ne₄ cróg₄.

Cristo i₂lín₅ bí₂ quió'₅ Diú₄

¹⁸ Jág₁ dse₃ la₂, 'a₂lia'₂ ca₂jon₃ Cristo ne₄ cróg₄, lē₅ jág₁ co₄ tē₂le₃
 ja₁con₂ dsa₂ i₂tion'₅₄ jui₅ dsi₃'én₂. La₁ tē₂le₃ quián₅ jniog₄ i₂tio'₅₄
 jui₅ a₂tág'₄, lē₅ jui₅bí₂ quió'₅ Diú₄. ¹⁹ Ia₁ jui₁lia'₂ juá'₂ ne₄ Si₂:
 Co₂dsia₅ 'én₄ jniá₂ jui₁lia'₂ a₂tin₂ dsa₂

i₂ñí₄ lē₃ ñi₅ jmo₅,

ján₃ guē'₂ jmo₅₄ cau₅ jág₁ a₂ñí'₂ dsi₅

dsa₂ i₂jmo₅ a₂ñí₄ lē₃ 'ñioi₅₄.†

²⁰ ¿'E₂ bá₄ ta₁ tén₄ jui₁lia'₂ dsa₂ i₂ñí₄ tin₂ ně₃, jui₁lia'₂ tē₅, o₃
 jui₁lia'₂ dsa₂ i₂ñí₄ ñi₅ dsia₃ ca₂le₃jě₃ 'a₂lia'₂ niog₅ lē₅ mi₂güig₃
 la₂? Ia₁ ca₂le₃jě₃ 'e₂ niog₅ ñí'₂ dsa₂ mi₂güig₃ la₂, 'ñiog₅ bá₄ Diú₄
 ma₂jmo₃ jág₁ jaun₂ a₂tsá₃ ta₁ tí₄. ²¹ Ia₁ jui₁lia'₂ ca₂'náu'₃ dsi₅ Diú₄
 jmo₃, tsá₃ ca₂rě₃cuig₅ dsa₂ mi₂güig₃ tē₂le₃ quian'₅₄ jág₁ a₂ñí'₂ dsi₅
 guioin₅₄, a₂jaun₂ bá₄ ca₂rě₃'ñi₃ dsi₅ Diú₄ a₂lióin₂ dsa₂ i₂'én₂ jág₁
 quió'₅, tē₂le₃ quian'₅₄ jág₁ a₂ca₂'ē₂ dsa₂, caun₂ jág₁ a₂jmo₅ dsa₂
 mi₂güig₃ dsi₅ caun₂ jág₁ co₄.

²² Jui₁lia'₂ dsa₂ judíos ně₃, 'nio₃ tē₃ ne₅₄ léi₄ juē'₂, dsa₂ griego
 ně₃ 'no'₂ jág₁ a₂le₃ñí₂ dsi₅, ²³ la₁ia₁ jnia'₅₄ ně₃, qui₂'ē₅ jág₁ 'ín₅
 jnia'₅₄ Cristo i₂ca₂jon₃ tē₁ton₅₄ cróg₄. Jág₁ ně₅ ně₃, lē₅ caun₂
 a₂jnág₅ jui₅ ja₁jme₁rē₂'én₂ dsa₂ judíos, ján₃ bá₄ lē₅ caun₂ jág₁ co₄
 tē₂le₃ quió'₅ dsi₂nau₂. ²⁴ La₁ tē₂le₃ quió'₅ dsa₂ i₂ma₂tē₅ Diú₄, lia'₂
 dsa₂ judíos lia'₂ dsa₂ griegos táng₃, 'ín₅ jnia'₅₄ Cristo i₂lín₅ jui₅bí₂
 quió'₅ Diú₄, i₂lín₅ jág₁ a₂ñí'₂ dsi₅ Diú₄ ně₃. ²⁵ Ia₁ co₂'nió'₄ jág₁ co₄
 quió'₅ Diú₄, juá'₂ dsa₂ mi₂güig₃, jág₁ ně₅ bá₄ a₂lē₅ a₂dsen₅₄ quen₅
 guē₄ lia'₂ con'₂ guē₄ jág₁ a₂ñí'₂ dsi₅ dsa₂ mi₂güig₃. Ján₃ bá₄ jui₁lia'₂

* **1:13** lit. "ca₂i₂tian'₃ 'nia'₂ jmig₂." † **1:14** lit. "ca₂tióg₃ jmig₂." ‡ **1:15** lit.
 "a₂ca₂tiáin₃ jniá₂ jmig₂." Š **1:16** lit. "ca₂tián₃ jniá₂ jmig₂." * **1:17** lit. "a₂tián₄
 jniá₂ jmig₂ dsa₂." † **1:19** Isaías 29:14.

a₂jmo₅ dsa₂ dsí₅ a₂'uan₅₄ quió'₅ Diú₄, a₂jaun₂ guě₄ dsón'₂ a₂'io₅ guě₄ bí₂ lia'₂ con'₂ guě₄ bí₂ quió'₅ dsa₂ mi₂güig₃.

²⁶ Rin'₅₄ jniog₄, ca₂tín'₂ bá₄ 'nia'₂ 'nau'₅₄ 'au'₂ 'a₂ lia'₂ ca₂tě₃ Diú₄ 'nia'₂. Tsá₃ juin'₅ 'nia'₂ i₂tín₂ ŋi₅ lia'₂ con'₂ lě₅ ŋi₅ dsa₂ mi₂güig₃; ján₃ guě₄ tsá₃ juin'₅ 'nia'₂ 'au'₂ bí₂; tsá₃ juin'₅ 'nia'₂ ca₂rě₃chán'₃ jui₁lia'₂ familia dsen₅₄ ně₃. ²⁷ La₁ia₁ ma₂quió'₂ Diú₄ jág₁ a₂jmo₅ dsa₂ mi₂güig₃ dsí₅ jág₁ co₄, a₂jmo₃ a₂tě₃tsin'₅₄ o₂guí'₃ dsa₂ i₂lín₂ ŋí'₂ guě₄ dsí₅. Ján₃ bá₄ ma₂quió'₂ Diú₄ jág₁ a₂jmo₅ dsa₂ mi₂güig₃ dsí₅ jág₁ 'uan₅₄, a₂jmo₃ a₂tě₃tsin'₅₄ o₂guí'₃ jui₁lia'₂ dsa₂ i₂lín₂ a₂'uain'₂. ²⁸ Ma₂quión'₂ Diú₄ jui₁lia'₂ dsa₂ i₂jín₂ dsa₂ mi₂güig₃ i₂tsá₃ 'e₂ quen₅, i₂sion₅ guě₄, i₂tsá₃ 'e₂ lín₅, a₂tón₂ 'uě₃ jui₁lia'₂ i₂ŋí₄ lě₃ dsen₅₄ lín₂, ²⁹ ia₁jaun₂ tsá₃ 'ein₂ lě₂ dsia₃ jág₁ tá'₅ le₃ne₄ Diú₄. ³⁰ Ŋiog₅ bá₄ Diú₄ ma₂jmo₃ a₂tion'₅₄ 'nia'₂ le₃quió'₅ Cristo Jesús, i₂ma₂lín₅ i₂ŋí'₂ dsí₅ quián₅ Diú₄ o₄quián₂ jniog₄. Co₂'nió'₄ le₃jua'₅₄, tē₂le₃ quian'₅₄ Cristo bá₄ ma₂guei₃ Diú₄ jniog₄ nē₂jag₄ bá₄ a₂tsá₃ 'e₂ dso₄ rag₂; tē₂le₃ quian'₅₄ Cristo bá₄ jág₂ Diú₄ jniog₄ dsa₂ le₁jín₃ i₂lě₅ 'í₁ quián₅; tē₂le₃ quian'₅₄ Cristo bá₄ ján₃, ca₂'ág₂ táng₃ caun₂ jág₁ quián₂ jniog₄ quian'₅₄ Diú₄. ³¹ Jaun₂ lě₃, jui₁lia'₂ juá'₂ ne₄ Si₂, "Jui₁lia'₂ dsa₂ i₂dsia₅ jág₁ tá'₅, jui₁dsia₁₂ jág₁ tá'₅ le₃quió'₅ Te₁gui'₅₄."†

2

Jág₁ quió'₅ Cristo, a₂ca₂ŋó₃ ne₄ cróg₄

¹ Rin'₅₄ jniog₄, lia'₂ con'₂ ŋeg₅₄ ja₁con'₂ 'nia'₂, i₁chei₁₂ 'nia'₂ jág₁ tí₅ la₂ quió'₅ Diú₄, tsá₃ jaun₂ ca₂jmo₃ jua'₅₄ ca₂juig₂ 'nia'₂ jág₁ ca'₅₄ jui₁lia'₂ jmo₅ dsa₂ i₂ŋí₄ tin₂. ² Lia'₂ con'₂ jme₁'eng₅₄ quiang'₅₄ 'nia'₂, tsá₃ 'e₂ jág₁ siá'₂ jme₁'nio₃ le₃guion₅₄, ŋnia'₅₄ lia'₂ ca₂ne₅₄ jág₁ quió'₅ Cristo bá₄, i₂tē₂ton₅₄ cróg₄. ³ Ca₂dsióg₃ jniá₂ ja₁con'₂ 'nia'₂ a₂lín₅ jan₂ dsa₂ 'uan₅₄, gó'₅, jleng₂₃ 'ŋio₅ lín₃. ⁴ Lia'₂ jme₁ca₂jme₁ting₂₃ 'nia'₂ jág₁ dse₃, tsá₃ ca₂jmo₃ jág₁ jui₁lia'₂ jmo₅ dsa₂ i₂tin₂; jmá'₃ lia'₂ quian'₅₄ jág₁ a₂jme₂nia₅ jui₅bí₂ quió'₅ Jme₂dsí₂ Ŋnió₅ bá₄ ca₂'ě₂ jniá₂ jág₁, ⁵ ia₁jaun₂ tē₂le₃ quian'₅₄ jui₅bí₂ quió'₅ Diú₄ bá₄ lě₅ a₂'én'₂ 'nia'₂, on₃jua'₅₄ lia'₂ con'₂ lě₅ tin₂ dsa₂ mi₂güig₃.

Jme₂nia₅ Diú₄ ja₁con₂ dsa₂ mi₂güig₃ tē₂le₃ quian'₅₄ Jme₂dsí₂ quián₅

⁶ La₁ia₁ dsia₂ bá₄ jnia'₅₄ jág₁ ca'₅₄ a₂tag₂ a₂ne₄ jin₄ rin'₅₄ i₂ma₂ron₂, la₁ on₃jua'₅₄ jág₁ ca'₅₄ a₂cha₂ mi₂güig₃ la₂, on₃ quē'₂ jág₁ ca'₅₄ quió'₅ dsa₂ i₂gon₂ mi₂güig₃ la₂, i₂qui₂dsi₃ŋí₂. ⁷ Tē₂le₃ jág₁ a₂jme₁rě₂'ma₄ quió'₅ Diú₄ la₂ bá₄ 'ě₅ jnia'₅₄, qui₂chei₂ jnia'₅₄

† 1:31 Jeremías 9:24.

dsa₂ ca₂le₃jě₃ a₂niog₅ dsí₅ Diú₄ jmo₃ a₂jlá'₁ o₄quián₂ jniog₄ né'₃ guě₄ a₂nio₃ mi₂güig₃. ⁸ Ca₂lia'₂ 'i₁jan₂ dsa₂ can'₅₄ i₂qui₂dsi₅ 'éi'₃ mi₂güig₃ la₂ ma₂ca₂rě₃ñí'₂ jág₁ la₂; ia₁ jua'₅₄ mei'₂ guě₃ ca₂rě₃ñí'₂, tsá₃ jme₁tioin₃ ne₄ cróg₄ Te₁gui'₅₄ 'uan'₂ quián₂.
⁹ La₁ia₁, jui₁lia'₂ juá'₂ ne₄ Si₂:

Tsá₃ ne₄ dsa₂ ma₂tě₂,
 on₃ guě'₂ ma₂nág₂,
 on₃ guě'₂ ma₂i₂jio₅ dsí₅ dsa₂

a₂ma₂jmo₃ Diú₄ co₂jñia₅₄ quió'₅ dsa₂ i₂'nio₃.*

¹⁰ La₁ tē₂le₃ quian'₅₄ Jme₂dsí₂ quián₅, Diú₄ bá₄ ma₂ca₂jme₃jnia₅ a₂jaun₂ ja₁con₂ jniog₄. Ia₁ Jme₂dsí₂ 'éi₂ bá₄ téi₂ si₂ jág₁ juě'₂ a₂niog₅ cha₂ quió'₅ Diú₄ 'ñiog₅.

¹¹ Tē₂le₃ jin₄ dsa₂ mi₂güig₃ guioin₅₄ guě'₂ ně₃, ħ'ein₂ bá₄ qui'₅₄ jmi₄ le₃ñi₅ 'e₂ dsi₂jio₅ dsí₅ riin'₅₄, jñia'₅₄ lia'₂ jme₂dsí₂ quió'₅ 'ñiog₅ bá₄ dsa₂ a₂'i₄ tē₂dsí₅ ñi₅? Le₂jaun₂ bá₄ lě₅ le₃quió'₅ Diú₄. 'I₁jan₂ tsá₃ 'ein₂ ma₂ca₂rě₃ñi₅ 'a₂ lia'₂ dsi₂jio₅ dsí₅ Diú₄; jñia'₅₄ lia'₂ 'ñiog₅ bá₄ Jme₂dsí₂ ñi₅. ¹² Tsá₃ jme₂dsí₂ quián₅ mi₂güig₃ la₂ ma₂guén₄ jniog₄; Jme₂dsí₂ a₂já₅ ja₁con₂ Diú₄ bá₄ i₂ma₂ca₂guén₄ jniog₄, ia₁jaun₂ le₃ñí'₂ dsi₅ jniog₄ ca₂le₃jě₃ 'e₂ a₂ma₂cuě₃ Diú₄ jniog₄ ia₁ a₂'ua₁ dsí₅. ¹³ Jniog₄ ně₃, le₂ně₅ lě₅ ca₂le₃jě₃ jág₁ a₂dsia₂ jniog₄ con'₂ lě₅ ma₂ca₂jme₃tag₅ Jme₂dsí₂ quián₅ Diú₄, on₃jua'₅₄ con'₂ lě₅ jág₁ a₂ñí'₂ dsí₅ dsa₂ mi₂güig₃. Le₂ně₅ bá₄ jme₂jñiá₁ jnia'₅₄ jág₁ a₂gu₂dsí₂ qui₂chei₂ jnia'₅₄ dsa₂ i₂gu₂dsí₂.†

¹⁴ Jui₁lia'₂ dsa₂ i₂tsá₃ lín₅ i₂gu₂dsí₂ ně₃, tsá₃ guein₂₃ jág₁ quió'₅ Jme₂dsí₂, ia₁ lě₅ jág₁ co₄ bá₄ la₂ le₃quió'₅ 'éi₂. Tsá₃ lé₂ le₃ñí'₂, ia₁ ca₂le₃jě₃ a₂ně₅ qui₃jíog'₂ 'í₁ tē₂le₃ quian'₅₄ Jme₂dsí₂ bá₄. ¹⁵ La₁ dsa₂ i₂gu₂dsí₂ ně₃, qui₂con₂ 'í₁ le₃jě₃, la₁ia₁ 'i₁jan₂ tsá₃ lé₂ le₃con₂ 'í₁ ja₁coin₂. ¹⁶ Ia₁:

ħ'Ei₂ bá₄ 'éi₂ i₂ñi₅
 'a₂ lia'₂ dsi₂jio₅ dsí₅ Te₁gui'₅₄,
 jua'₅₄ lé₂ le₃jme₃tiin₂₃ 'éi₂?‡

La₁ jniog₄ ně₃ dsi₂jio₅ dsí₅ jui₁lia'₂ dsi₂jio₅ dsí₅ Cristo.

3

Rin'₅₄ jniog₄ i₂jmo₅ ta₁ jme₂ti₃ ne₄ Diú₄

¹ Rin'₅₄ jniog₄, tsá₃ ca₂lě₃ jua'₅₄ juig₅₄ 'nia'₂ jui₁lia'₂ 'nia'₂ dsa₂ i₂jio₅ con'₂ lě₅ Jme₂dsí₂, tē₂le₃ jui₁lia'₂ 'nia'₂ dsa₂ i₂jio₅ con'₂ lě₅ ni₁ñi₁ bá₄ ca₂juig₂ jniá'₂ 'nia'₂, ně₂jag₄ bá₄ guein₂ le₃quió'₅ Cristo.

² Jmá'₃ lia'₂ jág₁ a₂tsá₃ juí'₅ bá₄ ma₂ca₂jme₁tin₅ jniá'₂ 'nia'₂, ně₂jag₄ bá₄ guein₂ bē'₅₄ i₂'ín'₂ dsi'₅₄ i₂tsá₃ ma₂lé₂ guě'₃ má₃ bēn₂. Dsón'₂

* 2:9 Isaías 64:4. † 2:13 o₃, “qui₂chei₂ jnia'₅₄ dsa₂ a₂gu₂dsí₂.” ‡ 2:16 Isaías 40:13.

bá₄ jaun₂, tsá₃ ma₂lé₂ nág'₁ 'nia'₂ jág₁ bén₂. ³ Ia₁ lia'₂ lín₅ dsa₂ i₂jio₅ con'₂ lě₅ nī₁ñī₁ bá₄ guě₄ lín'₅ 'nia'₂. Ia₁ tē₁lia'₂ tion'₅₄ 'nia'₂ le₂jaun₂ a₂uig₅ 'au'₂ 'nia'₂, a₂quitsín'₂ 'nia'₂ ně₃, ¿Tsa₁ i₂nio'₅₄ 'nia'₂ con'₂ jio₅ nī₁ñī₁? ¿Tsa₁ i₂nio'₅₄ 'nia'₂ jui₁lia'₂ i₂nio₅ dsa₂ mi₂güig₃? ⁴ Ia₁ chi₂jua'₂ chan₂ jan₂ i₂juá'₂: “Dsa₂ quián₅ Pa₄ bá₄ jniá'₂”; i₂lín₅₄ guě'₂ dsia₅ táng₃, juá'₂: “Jniá₂ guě'₂ lín₅ dsa₂ quián₅ Apolos”, ¿on₁jua'₅₄ lia'₂ lín₅ dsa₂ mi₂güig₃ bá₄ lín'₅ 'nia'₂?

⁵ Jaun₂ ně₃, ¿'ein₂ 'éi₂ Apolos? Le₂jaun₂ guě'₂ ¿'Ein₂ 'éi₂ Pa₄? Jñia'₅₄ lia'₂ dsa₂ i₂jme₂ti₃ ta₁ ne₄ Diú₄ bá₄ lág₅ jñia'₅₄ i₂i₂nio₄ jme₂tín₁ dsa₂ jui₁lia'₂ ca₂lě₃ jme₁ca₂rě₃'én'₂ 'nia'₂ tē₂le₃ quió'₅ Te₁gui'₅₄. Le₂jau₂ le₂jau₂ jñia'₅₄ ma₂ja₂náu₅ jmo₂ ta₁ con'₂ lě₅ ma₂cuě₃ Te₁gui'₅₄. ⁶ Jñia'₅₄ con'₂ ca₂jan₃ jon₂ bá₄ jniá'₂; Apolos guě'₂ ca₂séi₂ jmi₂g₂. La₁ia₁ 'ñiog₅ bá₄ Diú₄ ca₂jmo₃ ca₂i₃cón₃. ⁷ Jaun₂ ně₃, dsa₂ i₂jne₅, quian'₅₄ guě'₂ i₂séi₂ jmi₂g₂, tsá₃ 'e₂ tin₂ 'éi₂; jñia'₅₄ lia'₂ 'ñiog₅ bá₄ Diú₄ jmo₂₃ a₂dsi₂cón₃. ⁸ Jui₁lia'₂ dsa₂ i₂jne₅ quian'₅₄ guě'₂ dsa₂ i₂séi₂ jmi₂g₂, co₂rě₂ bá₄ téin₅ ta₁. Jaun₂ le₂jaun₂ bá₄ gue₃ 'liain'₅₄ le₂jain₂ le₂jain₂ lia'₂ con'₂ lě₅ ta₁ quió'₅. ⁹ Jme₁tí₁ jñia'₅₄ ne₄ Diú₄ quian'₅₄ rin'₅₄ jmo₂ ta₁; 'nia'₂ bá₄ lín₅ co₂'nió'₄ 'uě₃ ja₁nau₂ ja₁lě₂ ta₁. O₃ lé₂ le₃jua'₅₄ ján₃, lín'₅ 'nia'₂ ně₂jag₄ caun₂ 'né₅ a₂chí'₅ quió'₅ Diú₄. ¹⁰ 'Uig₅₄ ia₁ a₂'ua₁ dsí₅ Diú₄, ca₂cuě₃ ta₁ a₂tsi'₅₄ 'uig₅₄ 'ia'₂, co₂'nió'₄ jan₂ tē₅'ia'₂ bá₄ lín₅. I₂sián'₂ guě'₂ táng₃ jui₂₃ ne₄ jaun₂. Le₂jan₂ le₂jan₂ i₂jui₅ ně₃, ca₂tín₂ con'₂ 'í₁ rě₂ chi₂jua'₂ rě₂ bá₄ jui₂₃ tioin'₅₄. ¹¹ Ia₁ 'i₁jan₂ tsá₃ ma₃'ein₂ lé₂ chí'₃ 'uig₅₄ siá'₂, jñia'₅₄ lia'₂ con'₂ caun₂ a₂ma₂chí'₅ bá₄; a₂jaun₂ lín₅ Cristo 'ñiog₅. ¹² Ně₃ ně₃, jui₁lia'₂ ja₁jui₅ dsa₂ ne₄ 'uig₅₄ jaun₂ quian'₅₄ cu₄nió₄, cu₄tiog₂, quian'₅₄ nī₁cang₁ tág₅ jlá'₁, o₃ jui₁lia'₂ ja₁jui₅ 'e₂ dsa₂ quian'₅₄ jau₅₄ 'ma₂ o₃ quian'₅₄ nī₁ñei₂, nī₁'ma₂ ta₅ ně₃, ¹³ tion₅₄ bá₄ le₃jniá'₂ ta₁ quió'₅ le₂jan₂ le₂jan₂. Jmi₂g₄ i₁jaun₃, si₂ bá₄ jme₃jñia₅ a₂jaun₂, jióg'₂ 'í₁ ně₃ 'a₂lia'₂ lě₅ ta₁ quió'₅ le₂jan₂ le₂jan₂. ¹⁴ Chi₂jua'₂ ca₂jio₃ a₂ca₂chí'₃ dsa₂ jaun₂, gue₃ bá₄ 'liain'₅₄; ¹⁵ la₁ ně₁jua'₂ ca₂cáu₂ ně₃, dsí₃'én₂ bá₄ quió'₅. La₁ jñia'₅₄ con'₂ lióin₂ jmá'₃ 'ñiog₅, ně₂jag₄ bá₄ jan₂ dsa₂ i₂ja₂lag₃ ca₂lón₂ ne₄ si₂ bá₄ lé₂.

¹⁶ ¿Tsa₁ ñi'₅₄ 'nia'₂, guion'₅₄ bá₄ 'nia'₂ lín₅ guá'₅ quió'₅ Diú₄, ton'₂ guá₅ Jme₂dsí₂ quián₅ Diú₄ tē₂'au'₂ 'nia'₂? ¹⁷ Ně₁jua'₂ 'ein₂ ca₂'én₂ guá'₅ quió'₅ Diú₄, Diú₄ ně₃ co₂dsia₅ 'éin₂ dsa₂ 'éi₂. Ia₁ i₂jñió₅ bá₄ guá'₅ quián₅ Diú₄, jaun₂ guion'₅₄ bá₄ 'nia'₂ lín₅ guá'₅.

¹⁸ 'I₁jan'₂ 'nia'₂ tsá₃ 'ein₂ jui₁le₂gan₂. Chi₂jua'₂ chan₂ i₂lín₂ 'ñio₅ lín₃ ñi'₂ dsí₅ lia'₂ con'₂ lě₅ ñi'₂ dsí₅ dsa₂ mi₂güig₃, jui₁jmo₁₂ co₂dsia₅ ne₂jag₄ bá₄ a₂tsá₃ 'e₂ ñi₅, ia₁jaun₂ guě₄ dsióg₄ léin₂ tē₃dsón'₂ dsa₂ i₂tin₂ i₂ñi₅. ¹⁹ Ia₁ ca₂le₃jě₃ a₂ñi₄ 'ñio₅ tin₂ dsa₂ mi₂güig₃, ca₂le₃jě₃ a₂jaun₂ tsá₃ 'e₂ quen₅ le₃ne₄ Diú₄. Ia₁ ne₄ Si₂ juá'₂: “Diú₄ join₂₃

dsa₂ jë₄ mai₅₄ quió'₅ guioin₅₄.”* 20 Juá'₂ ne₄ Si₂ ján₃: “I₂ñi₅ bá₄ Te₁gui'₅₄ 'a₂ lia'₂ qui₂dsi₂jio₅ dsí₅ dsa₂ i₂tin₂, a₂tsá₃ 'e₂ ta₁ tí₄.”†
 21 Jaun₂ lë₃, 'i₁jan₂ tsá₃ jui₁dsia₁₂ jág₁ tá'₅ le₃quió'₅ dsa₂ mi₂güí₃.
 Ia₁ a₂ca₂tín'₂ 'nia'₂ bá₄ ca₂le₃jë₃ a₂cha₂. 22 Pa₄, Apolos, Pe₄,†
 mi₂güí₃ a₂chong₂ jniog₄, 'mú₃, jmi₃g₄ rë₂në₃, jui₁la₂ jmi₃g₄ 'ió₃
 në₃: ca₂le₃jë₃ bá₄ në₅ lë₅ quián'₂ 'nia'₂. 23 Le₂jaun₂ guë'₂ ján₃,
 i₂quián₅ Cristo bá₄ 'nia'₂; Cristo guë'₂ lín₅ i₂quián₅ Diú₄.

4

Ta₁ a₂ca₂tín₂ dsa₂ i₂chen₄ quián₅ Cristo

1 Jaun₂ bá₄ në₃, con'₂ jnia'₅₄ dsa₂ i₂jme₂ti₃ ta₁ ne₄ Cristo bá₄
 ca₂tín₂ dsa₂ jág₂ jnia'₅₄, a₂niog₅ ne₄ jnia'₅₄ jág₁ a₂jme₁rë₂'ma₄
 quió'₅ Diú₄. 2 Con'₂ siá'₂ táng₃, chi₂jua'₂ le₂në₅, jaun₂ bá₄ tion₅₄
 ca₂tín₂ jui₁lia'₂ dsa₂ i₂niog₅ gu₂ ta₁ le₂'éi₂, jme₃ti₃ quian'₅₄ ta₁
 a₂ca₂ñi₂. 3 Të₂le₃ quió₃ jniá₂ në₃, tsá₃ a₂nag₅₄ jaun₂ në₁jua'₂
 ca₂quion'₂ 'nia'₂ 'í₁ le₃ja₁cong₂, o₃ në₁jua'₂ ca₂cáun₃ 'í₁ dsi₂tan₅₄
 dsa₂ mi₂güí₃ 'e₂. Ca₂lia'₂ jnia'₅₄ 'ñió₃, tsá₃ cáun₅ 'í₁ le₃ja₁cong₂
 'ñió₃. 4 'I₁caun₂ tsá₃ 'e₂ dsi₂jñi₅ dsi₃. La₁ on₃jua'₅₄ le₂në₅ o₂'ag₅ jág₁
 a₂tsá₃ 'e₂ rë₂cáng'₄. 'Niog₅ bá₄ Te₁gui'₅₄ i₂con₂ 'í₁ quió₃. 5 Jaun₂
 tsá₃ lë₁cáun₂ de'₂ 'nia'₂ 'í₁ të₃jñiá₅. Jë₁ma₂guán'₅ Te₁gui'₅₄, téi₂ si₂
 ne₄ a₂rë₂'ma₄ a₂jmo₅-dsáu₅ dsa₂ jë₄ qui₁né'₃; jme₃jñiai₂₃ ca₂le₃jë₃
 a₂niog₅ qui₂dsi₂jñia₅ dsí₅ dsa₂. Jaun₂ guë₄ gue₃ dsa₂ 'liain'₅₄
 a₂cuë₃ Diú₄ a₂'ñio₂ dsí₅ quió'₅ le₂jain₂ le₂jain₂.

6 Rin'₅₄ jniog₄, a₂dse₃ quián'₂ bá₄ 'nia'₂ juá'₅ jniá₂ ca₂le₃jë₃
 a₂në₅, a₂'íng₅ Apolos quian'₅₄ guë'₂ 'ñió₃ jniá₂. Juá'₅ le₂në₅
 ia₁jaun₂ të₂le₃ quian'₅₄ jág₁ jáng'₅ léi₄ në₅ quián₂ jnia'₅₄, le₃tín'₂
 'nia'₂, a₂tsá₃ jmó'₂ 'nia'₂ ñag₅₄ guë₄ con'₂ lë₅ juá'₂ ne₄ Si₂, con'₂
 tsá₃ ñó₅ në₁jua'₂ ca₂jmo₅₄ 'nia'₂ rón'₂ o₄quió'₄ jan₂, a₂jñi'₅₄ 'nia'₂
 sion₅ i₂sián'₂. 7 ¿Ein₂ 'éi₂ 'ag₅ 'ne₂ a₂dseng'₃ guë₄ lia'₂ con'₂ guë₄
 ríng'₂? ¿'E₂ bá₄ bí₂ 'au'₂ jua'₅₄ tsá₃ ma₂cuë₃ Diú₄ në₃? ¿'E₂ guë'₂
 lë₃ dsia₂ jág₁ tá'₅ në₂jag₄ bá₄ a₂ca₂jñag'₂ 'ñiag'₂ a₂cha₂ quiáng'₂
 jmo'₂?

8 Jmo'₂ 'nia'₂ 'au'₂ 'ñio₅ lín₃ dse₃ ma₂chang'₂; ma₂cha₂ quián'₂
 'nia'₂ ca₂le₃jë₃. Ma₂jmo'₂ 'nia'₂ 'au'₂ ma₂tiáng'₅ can'₅₄ bá₄ 'nia'₂,
 tsá₃ ma₃quiong'₅₄ jnia'₅₄. jJua'₅₄ mei'₂ guë₃ dsón'₂ dsi₂jó'₃
 ma₂gon'₂ 'nia'₂! Jaun₂ bá₄ jme₁lë₂ gon₂ jnia'₅₄ co₂lë₅ quian'₅₄
 'nia'₂ jua'₅₄ mei'₂ guë₃ le₂jaun₂. 9 Ia₁ lín₂ jniá₂, lia'₂ lë₅ bá₄
 të₂le₃ jë₁ca₂tó'₂ bá₄ ma₂chei'₃ Diú₄ con'₂ jnia'₅₄ i₂lág₅ dsa₂
 i₂chen₄ quián₅, a₂jág₂ dsa₂ lia'₂ ja₁jín₂ dsa₂ i₂ma₂'í₄ 'éi'₃ dsián₃.
 Ma₂ja₂lén₂ dsa₂ jág₂ jnia'₅₄ në₂jag₄ a₂lë₁'io'₂ të₅ dsí₅ jág₃ ca₂lë₃jín₃
 i₂chan₂, lia'₂ dsa₂ mi₂güí₃ lia'₂ ángeles në₃. 10 Dsa₂ co₄ bá₄

* 3:19 Job 5:13. † 3:20 Salmo 94:11. ‡ 3:22 griego: Cefas.

'ag₅ dsa₂ jnia'₅₄ o₄quió'₄ Cristo; 'nia'₂ guë'₂ ma₂jmo'₂ 'ñio₅ lin₃ ma₂ñi'₂ 'au'₂ jui₁lia'₂ tē₂le₃ quió'₅ Cristo. Ma₂jmo'₂ 'nia'₂ 'ñio₅ lin₃ tiá₂ ma₂tióng'₂; jnia'₅₄ guë'₂ jag'₅₄ táng₃ nē₂jag₄ dsa₂ 'uan₅₄. Jme₂gan₃ dsa₂ 'nia'₂; jnia'₅₄ guë'₂ nē₃ tsá₃ jei₅₄ dsa₂. ¹¹ Ca₂lia'₂ jñio₂ jmig₄ nē₃, ja₂náu₅ jnia'₅₄ a₂'ong₄, qui₂rē₂quein₂ dsi₅, tsá₃ cha₂ a₂qui'₅₄, tsá₃ dsi₂néi₂ cha₂ 'io₁ jnia'₅₄. Dsa₂ guë'₂, con'₂ lē₁co₂jmóg'₂. ¹² Ja₂náu₅ jnia'₅₄ jmo₂ ta₁ quian'₅₄ gu₂-tag₄ guio₅₄. Jui₁lia'₂ jme₁tē₂'o'₂ dsa₂, caun₂ jág₁ dse₃ bá₄ qui₁jein'₄ jniá₂ quió'₅. Jui₁lia'₂ jme₁co₂'ein₅ dsa₂, la₁ jmo₂ bá₄ jnia'₅₄ tió'₃ dsi₅. ¹³ Chan₂ guë'₂ dsa₂ i₂dsia₅ 'ag₅ 'lig'₅₄, la₁ caun₂ jág₁ dse₃ bá₄ cuë'₂ táng₃ jnia'₅₄. Jág₂ dsa₂ nē₂jag₄ ti₁'ñe'₅₄ a₂tsá₃ ta₁ tí₄, nē₂jag₄ bá₄ jme₁qui₅ quió'₅ dsa₂ mi₂güig₃ nē₃, ca₂lia'₂ jñio₂ jmig₄ nē₃.

¹⁴ On₃jua'₅₄ ia₁jaun₂ cán'₁ 'nia'₂ o₂gui'₃ tó'₅ jniá₂ jág₁ la₂ ne₄ si₂. A₂jaun₂ bá₄ jmo₂₃ jág₁ tē₃jñiá₅ ja₁cong'₂, nē₂jag₄ bá₄ chi'₂-guein₂ quiáng₃ i₂'nióg₃ guë'₄ lin₃. ¹⁵ Ia₁ o₁jñia'₅₄ guia₃ mei₅ tē₅ ca₂rē₃chán₃ i₂jme₃tag₅ 'nia'₂ le₃quió'₅ Cristo, la₁ tsá₃ juin₅ ñeí'₅ 'nia'₂ chan₂. Ia₁ le₃quió'₅ Cristo Jesús, tē₂le₃ quian'₅₄ jág₁ dse₃ quió'₅, ca₂lin₃ jniá₂ ñeí'₅ 'nia'₂. ¹⁶ Jaun₂ lē₃, mi₅ jniá₂ ja₁con'₂ 'nia'₂, jaun₂ tón'₂ 'nia'₂ jui₅ i₁nio'₄ 'nia'₂ ja₁ma₂ñi₃ jniá₂.

¹⁷ Uig₅₄ jaun₂ bá₄ tsín₂ jniá₂ Timoteo, i₂jmo₅ jniá₂ dsi₃ co₂'nió'₄ guein₂ quiáng₃ i₂'nióg₃ guë'₄ lin₃, i₂rē₂ti'₅₄ le₃ja₁con₂ Te₁gui'₅₄. 'Éi₂ bá₄ jmo₃ dsiog'₂ 'au'₂ 'nia'₂ 'a₂ lia'₂ lē₅ chan₂ jniá₂ a₂'éng₂ le₃quió'₅ Cristo, lia'₂ con'₂ lē₅ jme₂tíng₁ guá'₅ ca₂le₂con₂ ja₁siá'₂.

¹⁸ I₂lin₅₄ 'nia'₂ ma₂i₂niog'₅₄ jmo'₂ 'nia'₂ róng'₂, a₂lín'₂ 'nia'₂ a₂tsá₃ ma₃dsióg₄ jniá₂ i₁jíng₁₂ 'nia'₂. ¹⁹ La₁ ñi'₅₄ ta₁ la₂ bá₄ 'nio₃ dsióg₄ i₁jág₃ nē₁jua'₂ ca₂cuë₃ Te₁gui'₅₄ jmig₄. Jmíg₄ jaun₂ le₃guion₅₄ jniá₂, on₃jua'₅₄ jmá'₃ jág₁ tá'₅ a₂dsia₅ dsa₂ jin'₄ 'nia'₂ tíoín₅₄, le₃guion₅₄ jniá₂ ján₃ 'a₂ con'₂ bí₂ 'io₂₃. ²⁰ Ia₁ jui₁lia'₂ ja₁gon₂ Diú₄, on₃jua'₅₄ a₂jñia'₅₄ dsi₂lé₂ jmá'₃ jág₁; a₂quian'₅₄ jui₅bí₂ bá₄ ján₃. ²¹ ¿'E₂ 'niog'₂ 'nia'₂: a₂'i₁'ē₃ jniá₂ uig₅ jē₁ma₂dsióg₃, o₃ a₂dsióg₄ jniá₂ caun₂ dse₃ a₂'nió₃ jniá₂ 'nia'₂ a₂'ua₁ dsi₃ 'e₂?

5

Jau'₂ 'í₁ quió'₅ jan₂ dsa₂ i₂ca₂'náu₂ dso₄

¹ 'E₂ ca₂rē₃chá₃ jág₁, a₂chan₂ jan₂ jin'₄ 'nia'₂ 'no₂₃ dso₄, a₂jmo₂₃ a₂lē₅ quiáin₅ bá₄ dsa₂ mí₂ quián₅ jmei₂. Caun₂ dso₄ ca₂lia'₂ jñia'₅₄ dsa₂ i₂tsá₃ cuin₅ Diú₄ bá₄ guë'₄ tsá₃ jmo₂₃ le₂nē₅. ² jmo'₂ guë'₄ 'nia'₂ 'au'₂ a₂tióng'₅₄ dse₃ jmo'₂ róng'₂ tióng'₅₄! ¡'Nió'₄ jme₁tón'₂ 'nia'₂ qui₁'-áu'₂ 'lia'₂ 'au'₂! Dsa₂ i₂ca₂'náu₂ dso₄ nē₅ ca₂tíin₂ o₃ 'iin₅ bá₄ jin'₄ 'nia'₂ nē₅. ³ O₁jñia'₅₄ tsá₃ quian'₅₄ jniá₂ 'nia'₂ dsi₁ne₁, la₁ 'eng₅₄ bá₄ ja₁nē₅ quian'₅₄ 'nia'₂ tē₂le₃ quian'₅₄ jme₂dsí₂; ma₂caun₃ jniá₂ 'í₁ ja₁con₂ dsa₂ i₂ca₂jmo₃ le₂nē₅, nē₂jag₄ bá₄ a₂chéng'₅ 'ñio₃ tē₃dsón'₂. ⁴ Tión'₂ 'nia'₂ long'₂ o₄quió'₄ Te₁gui'₅₄ Jesús, a₂'en₅₄ jniá₂ tē₂le₃ quian'₅₄ jme₂dsí₂ quió₃, quian'₅₄ jui₅bí₂ quió'₅

Te₁gui'₅₄ Jesús, ⁵ a₂jín'₅₄ 'nia'₂ dsa₂ 'éi₂ o₄gú₃ Satanás, ia₁jaun₂ qui₂dsi₃'én₂ ni₁ñi₁₂, ia₁jaun₂ tín'₂ jme₂dsi₂ quió'₅ jmig₄ i₁jaun₃ quió'₅ Te₁gui'₅₄.

⁶ Tsá₃ dse₃ a₂dsia'₂ 'nia'₂ jág₁ tá'₅. ¿Tsa₁ ñi'₅₄ 'nia'₂, “Quian'₅₄ ca₂juig₄ bá₄ levadura guion'₂ ta₁jě₂ ti₁can₁”? ⁷ Jñiá'₃ 'nia'₂ levadura gui'₅₄, ia₁jaun₂ lén'₂ 'nia'₂ co₂'nió'₄ ca₂míg₂ ti₁can₁ a₂tsá₃ levadura quian'₅₄, jui₁lia'₂ tē₃dsón'₂ lín'₅ 'nia'₂. Ia₁ 'ñiog₅ bá₄ Cristo ca₂join₃ ñó₃ a₂rē₂jein'₅₄ ne₄ Diú₄ o₄quián₂ jniog₄; a₂lín₅ já'₂ cha'₂ i₂ca₂jon₃ Jmíg₄ Tē₂'in₅₄ quián₂. ⁸ Jaun₂ lē₃, jme₁go₃ jniog₄ Jmíg₄ jaun₂, on₃jua'₅₄ quian'₅₄ levadura gui'₅₄, on₃ guē'₂ quian'₅₄ a₂'lig'₅₄ qui₂dsi₂jñia₅ dsi₅ jniog₄ ja₁con₂ rin'₅₄, on₃ guē'₂ jmó₁ uig₅ dsi₅ ja₁con₂ rin'₅₄; tē₂le₃ jme₁go₃ jniog₄ quian'₅₄ jág₁ tí₅ dsi₂jó'₃.

⁹ Ne₄ si₂ carta quió'₃ a₂ca₂tsíng₂ ne'₅₄ 'nia'₂ le₂jñiá₅, ca₂juá'₃ a₂tsá₃ jme₁quian'₅₄ 'nia'₂ dsa₂ i₂nió'₅ jág₁ quian'₅₄ dsa₂ i₂tsá₃ lē₅ dsi₂i₂gu₂. ¹⁰ On₃jua'₅₄ jaun₂ rē'₂ juá'₅ jniá₂ a₂qui₂dsi₃uín'₃ 'nia'₂ co₂dsia₅ co₂ñei'₅₄ ja₁con₂ dsa₂ i₂'no₅ dso₄, ja₁con₂ dsa₂ i₂'ua'₂ dsi₅, dsa₂ i₂'ang₅, dsa₂ i₂qui₂jme₂juin'₂ diú₄ lag₄ ně₃. Ia₁ co₂ñei'₅₄ jme₁'uín'₃ 'nia'₂ mi₂güig₃ la₂, jua'₅₄ mei'₂ guē₃ le₂jaun₂. ¹¹ A₂la₂ bá₄ juá'₅, a₂tsá₃ dsi₂ten₅₄ jme₁jen'₂ 'nia'₂ 'ñio₅ lín₃ 'ei₅ caun₂ jág₁ quian'₅₄ jan₂ i₂jmo₅ a₂lín₅ jan₂ rin'₅₄ jniog₄, chi₂jua'₂ ján₃ guē'₂ nió'₅ jág₁ quian'₅₄ i₂tsá₃ lē₅ dsi₂i₂gu₂, chi₂jua'₂ 'ua'₂ dsi₅, chi₂jua'₂ jme₂juin'₂ diú₄ lag₄, chi₂jua'₂ qui₂juá'₂ jág₁ uig₅, chi₂jua'₂ qui₂i₂noi₅₄ le₁'ein₅, chi₂jua'₂ qui₂'ang₂₃ ně₃. On₃ guē'₂ ca₂tín'₂ 'nia'₂ quē'₅₄ quian'₅₄ dsa₂ le₂'éi₂. ¹² Tsá₃ ca₂tín₂ jniá₂ cáun₄ 'í₁ ja₁con₂ dsa₂ i₂tsá₃ quiong'₅₄ jniog₄. Diú₄ bá₄ i₂con₂ 'í₁ ja₁con₂ dsa₂ 'éi₂. ¹³ La₁ia₁ 'nia'₂, ca₂tíng'₂ caun'₅₄ 'í₁ jmá'₃ lia'₂ dsa₂ i₂quiong'₅₄ jniog₄. Jaun₂ ně₃: “Dsen₅₄ 'nia'₂ cau₅ dsa₂ 'lín'₅₄ i₂'en₅₄ jín'₄ 'nia'₂.”*

6

Mi'₅₄ a₂cha₂ jín₄ dsa₂ 'én₂ 'ñi₂₃ riin'₅₄ ne₄ dsi₂tan₅₄ i₂tsá₃ 'én₂

¹ Jui₁lia'₂ jme₁chan₂ 'ein₂ 'nia'₂ 'nio₃ dsia₃ dso₄ 'ñi₃ rin'₅₄, ¿'a₂ bá₄ lia'₂ tiá'₂ 'au'₂ o₁dsia₄ dso₄ ne₄ jui₁lia'₂ dsa₂ i₂tsá₃ Diú₄ cuin₅, 'nió'₄ a₂jme₁juig'₅₄ 'nia'₂ dsa₂ quián₅ Diú₄? ² ¿Tsa₁ ñi'₅₄ 'nia'₂ jua'₂ dsa₂ juig₂ quián₅ Diú₄ bá₄ guē'₂ i₂con₂ 'í₁ quió'₅ dsa₂ mi₂güig₃? Chi₂jua'₂ 'nia'₂ i₂cáun₂ 'í₁ quió'₅ dsa₂ mi₂güig₃ ně₃, ¿'en₁ jmá'₃ guē'₂ tsá₃ 'ein₂ i₂tín₂ chan₂ i₂lé₂ jme₃rē₃ jui₁lia'₂ mī'₅₄ me'₂? ³ ¿Tsa₁ ñi'₅₄ 'nia'₂ jua'₂ le₂jniog₅ ángeles bá₄ quiong₅₄ jniog₄ 'í₁ quió'₅? ¡'Ē₂ guē'₄ bá₄ jaun₂ ca₂tág₂ jniog₄ jme₁rē₂ 'e₂ caun₂ o₂me'₅₄ dsi₅ rē₂cha₂ ne₄ gua'₅₄ 'uē₃ la₂! ⁴ Chi₂jua'₂ 'e₂ caun₂ mī'₅₄ cha₂ quián₂

* 5:13 Deuteronomio 17:7; 19:19; 21:21,24; 24:7.

'nia'₂, rin'₅₄ jniog₄, ¿e'₂ lë₃ o₂nó'₅ 'nia'₂ o₂dsia'₅₄ dso₄ ne₄ dsa₂ i₂tsá₃ 'e₂ quen₅ le₃quíó'₅ guá'₅? ⁵ Juá'₅ jniá₂ le₂në₅ ia₁jaun₂ le₃guen'₅₄ 'nia'₂ ca₂la₂. ¿O₃ bá₄ 'i₁jan₂ jmá'₃ tsá₃ 'ein₂ chan₂ jin'₄ 'nia'₂ i₂quí'₅₄ jmig₄ jme₃rë₃ mī'₅₄ a₂niog₅ jin₄ rin'₅₄? ⁶ ¿Rë₂ guë₄ dsióg₅, lín'₂ 'nia'₂, jui₁lia'₂ jan₂ rin'₅₄ jniog₄ dsi₂dsiá₃ dso₄ ne₄ dsa₂ i₂tsá₃ 'én₂?

⁷ Chi₂jua'₂ ma₂tion'₅₄ 'nia'₂ mī'₅₄ jin'₄ 'nia'₂, co₂dsia₅ ma₂tán'₂ bá₄ 'nia'₂ jág₁ chi₂jua'₂ le₂jaun₂. ¿Tsa₁ dse₃ guë₄ jmo₃ dsa₂ co₂nei'₅₄ tió'₃ dsí₅ a₂caun₂ lë₃dsi₂nji₂ jmóg'₂ riin'₅₄? ¿Tsa₁ dse₃ guë₄ guén₄ jniog₄ jui₁'ang₁₂ 'e₂ 'ang₃ quián₂? ⁸ La₁ 'nia'₂ në₃, jmag'₅₄ dsa₂, 'ang'₂ quió'₅ dsa₂; ca₂të₂ ja₁con₂ rin'₂ 'nia'₂ guiong'₅₄ jmo'₂ le₂në₅. ⁹ ¿O₃ bá₄ tsá₃ nī'₅₄ 'nia'₂, tsá₃ ja₁gon₂ Diú₄ ca₂tín₂ dsa₂ i₂tsá₃ cuín₅ Diú₄? Tsá₃ cuín₅ 'nia'₂ jmig₄ jua'₅₄ a₂le₃gang'₂, ia₁ jui₁lia'₂ dsa₂ i₂i₂nio₄ nó'₅ jág₁ quian'₅₄ dsa₂ i₂tsá₃ lë₅ dsi₂i₂gu₂, jui₁lia'₂ dsa₂ i₂quí₂jme₂juin'₂ diú₄ lag₄, jui₁lia'₂ dsa₂ ne₂ i₂dsi₂nja₅ dsí₅ lia'₂ dsi₂nja₅ dsí₅ 'io₅₄, * jui₁lia'₂ dsa₂ ne₂ i₂nío'₅ jág₁ quian'₅₄ dsa₂ ne₂ riin'₅₄, ¹⁰ jui₁lia'₂ dsa₂ 'ang₂, dsa₂ i₂'ua'₂ dsí₅, dsa₂ i₂i₂nio₄ 'en₅, dsa₂ i₂i₂nio₄ qui₂dsia₂₃ jág₁ të₂jág₁, dsa₂ i₂lí₂ cu₄ të₂le₃ quian'₅₄ a₂ 'njo₁₅₄ jme₂gain₂₃ riin'₅₄: dsa₂ le₂'éi₂ në₃, tsá₃ ca₂tín₂ ja₁gon₂ Diú₄. ¹¹ Le₂në₅ bá₄ jme₁chan'₂ i₂lin₅₄ 'nia'₂ le₂jníá₅. La₁ 'niog₅ bá₄ Diú₄ ma₂qui₂ca₂rin'₃ jme₂dsí₂ quián'₂ 'nia'₂, ma₂lë₅ 'í₁ quiáin₅, ca₂guei₃ Diú₄ 'nia'₂ në₂jag₄ bá₄ a₂tsá₃ 'e₂ dso₄ rin'₂ 'nia'₂, të₂le₃ quian'₅₄ Te₁gui'₅₄ Jesús, quian'₅₄ guë'₂ Jme₂dsí₂ quián₅ Diú₄ quián₂.

A₂'nió'₅ jmo₃ dsa₂ 'í₁ nī₁nī₁₂

¹² Chan₂ dsa₂ i₂juá'₂: “I₄ bá₄ 'éi'₃ le₃jmo₃ dsa₂ 'e₂ 'nio₃ jmo₃.” Dsón'₂ bá₄ dsau₅, la₁ tsá₃ jua'₅₄ ca₂le₃jë₃ jaun₂ jme₂'o₅₄. Dsau₅ bá₄ “I₄ 'éi'₃ le₃jmo₅₄ jniá₂ ca₂le₃jë₃ 'e₂ 'nio₃ jmo₅₄”, la₁ia₁ tsá₃ cuín₄ jniá₂ jmig₄ jua'₅₄ co₂dsia₅ jin'₄ jniá₂ co₂nei'₅₄ ne₄ 'i₁caun₂. ¹³ Dsau₅ bá₄ jui₁lia'₂ juá'₂ dsa₂: “Lë₅ má₃ o₄quíó'₄ rë₂tú'₅ dsa₂; rë₂tú'₅ guë'₂ dsa₂ lë₅ o₄quíó'₄ má₃.” La₁ já₅ jmig₄ a₂'én₂ Diú₄ ta₁tín₃. La₁ tsá₃ ta₁ jaun₂ qui'₅ nī₁nī₁₂ jua'₅₄ a₂'no₃ dsa₂ dso₄ quian'₅₄ i₂sián'₂. Ta₁ a₂quí'₅ nī₁nī₁₂, a₂jme₃tí₃ ta₁ ne₄ Te₁gui'₅₄ bá₄ jaun₂; jaun₂ Te₁gui'₅₄ në₃ i₂cuë₅ bí₂ quió'₅ nī₁nī₁₂. ¹⁴ Ia₁ jui₁lia'₂ ca₂jme₃jen'₅₄ Diú₄ Te₁gui'₅₄ quian'₅₄ jui₅bí₂ quió'₅, le₂jaun₂ bá₄ jmo₃ a₂jein'₅₄ guë'₂ jniog₄ ján₃.

¹⁵ ¿Tsa₁ nī'₅₄ 'nia'₂ jaun₂ a₂tén₅ të₂le₃ quió'₅ Cristo bá₄ nī₁nī₁ 'nia'₂? ¿On₃ bá₄ lë₂ le₃tion₄ jniog₄ jui₁lia'₂ a₂tén₅ nī₁nī₁ Cristo le₃ja₁con₂ jui₁lia'₂ jan₂ 'io₅₄ i₂'nag₅ quió'₅? ¡Tsá₃ jui₁le₅₄ bá₄ le₂jaun₂! ¹⁶ ¿Tsa₁ nī'₅₄ 'nia'₂, jui₁lia'₂ jan₂ dsa₂ ne₂ i₂nío'₅ jág₁ quian'₅₄ jan₂ 'io₅₄ i₂'nag₅ quió'₅, co₂'nió'₄ caun₂ nī₁nī₅ bá₄ lë₅ jë₁le₃oin₃ le₂jaun₂? Ia₁ ne₄ Si₂ juá'₂: “Co₂'nió'₄ caun₂ nī₁nī₅ lë₂

* 6:9 o₃, “dsa₂ ne₂ i₂'nag₅ quió'₅.”

le₃oin₃ le₂jaun₂.[†] 17 La₁ jui₁lia'₂ jan₂ dsa₂ i₂rē₂quian'₅₄ Te₁gui'₅₄, co₂'nió'₄ jan₂ jme₂dsi₂ bá₄ lé₂ quiaín'₅₄.

18 Cuíng₄ 'nia'₂ ja₁con₂ a₂'lig'₅₄ jui₁lia'₂ a₂qui₂'no₅ dsa₂ dso₄ quian'₅₄ i₂sián'₂. Jui₁'e₂ guē₃ dso₄ siá'₂ a₂'no₅ dsa₂, 'no₂₃ le₃co'₅₄ ni₁ñi₁₂ bá₄. La₁ jui₁lia'₂ dsa₂ i₂nió'₅ jág₁ quian'₅₄ i₂tsá₃ lín₅ dsi₂i₂gu₂, 'no₂₃ dso₄ ja₁con₂ ni₁ñi₁ 'ñiog₅ bá₄. 19 ¿Tsa₁ ñi'₅₄ 'nia'₂ a₂lē₅ ni₁ñi'₁ 'nia'₂ caun₂ guá'₅ ja₁'en₅₄ Jme₂dsi₂ Jñió₅ i₂ma₂cuin₃ Diú₄? Jaun₂ tsá₃ lē₅ jua'₅₄ a₂tén'₅ guion'₅₄ 'nia'₂; 20 ia₁ i₂ma₂ca₂lán₂ 'mu'₅₄ lín₃ Diú₄ 'nia'₂. Jaun₂ bá₄ lē₃ ca₂tín'₂ 'nia'₂ jme₁gan'₃ Diú₄ tē₂le₃ quian'₅₄ ni₁ñi'₁ 'nia'₂.

7

A₂to'₂ jág₁ dse₃ tē₂le₃ quió'₅ jui₁lia'₂ dsa₂ i₂jén'₂ gu₂

1 La₂ jein'₄ jniá₂ jág₁ quián'₂ 'nia'₂ a₂juá'₂ 'nia'₂ ne₄ si₂ a₂ca₂chen'₂ 'nia'₂ ne₃. 2 Dsón'₂ bá₄ dse₃ jua'₅₄ mei'₂ guē₃ co₂ñei'₅₄ tsá₃ jén'₂ dsa₂ ñe'₂ gu₂; la₁ 'uig₅₄ ia₁ ñí₄ lē₃ qui₂i₂nio₄ dsa₂ jmo₂₃ 'lig'₅₄ jmi₄g₄ nē₃, jaun₂ bá₄ lē₃ co₂ñei'₅₄ jui₁jen'₅₄ bá₄ dsa₂ mí₂ dsa₂ ñe'₂ gu₂, jui₁le₂chan₂ bá₄ dsi₂i₂gu₂ le₂jain₂ le₂jain₂. 3 Dsa₂ ñe'₂ guē'₂ nē₃ ca₂tín₂ jme₃ti₃ ca₂le₃jē₃ con'₂ a₂ca₂tín₂ jme₃ti₃ le₃ja₁con₂ dsa₂ mí₂ quiáín₅; le₂jaun₂ guē'₂ dsa₂ mí₂ nē₃ ca₂tín₂ jme₃ti₃ táng₃ le₃ja₁con₂ dsi₂i₂gu₂ ca₂le₃jē₃ con'₂ a₂ca₂tín₂ jme₃ti₃. 4 On₃jua'₅₄ a₂ca₂tín₂ 'ñiog₅ dsa₂ mí₂ ni₁ñi₁₂ 'ñio'₂; a₂ca₂tín₂ dsa₂ ñe'₂ quiáín₅ bá₄ ján₃. Ján₃ guē'₂ le₂jaun₂ dsa₂ ñe'₂ táng₃, on₃jua'₅₄ a₂ca₂tín₂ 'ñiog₅ 'éi₂ ni₁ñi₁₂; a₂ca₂tín₂ dsa₂ mí₂ quiáín₅ bá₄ ján₃. 5 Tsá₃ lē₃jmo₂ 'nia'₂ jua'₅₄ a₂tsá₃ guéin'₄ le₂jang'₂ le₂jang'₂, jñia'₅₄ lia'₂ chi₂jua'₂ 'niog'₂ jmó'₂ 'nia'₂ caun₂ jág₁ a₂tsá₃ tiáng'₄ 'nia'₂ co₂lē₅ tin₃-ni₅ jmi₄g₄ ia₁ a₂'niog'₂ jmó'₂ ca₂ne₅₄ chi₁lég'₄ Diú₄, jme₂'ing'₄ tē₁lia'₂ jmi₄g₄ jaun₂. Jē₁ma₂ca₂ñí₂ jmi₄g₄ jaun₂, tián'₂ táng₃ 'nia'₂. Ia₁ con'₂ tsá₃ ñó₅ nē₁ca₂cáun₃ táu₂ i₂sē₃dsen₃ nē₁jua'₂ tsá₃ ca₂tió'₃ 'au'₂ 'nia'₂.

6 Ca₂le₃jē₃ a₂juá'₅ jniá₂ nē₅ cuē₅ jniá₂ 'nia'₂ jmi₄g₄, on₃jua'₅₄ rē'₂ a₂ton'₂ jniá₂ 'nia'₂ caun₂ 'éi'₃. 7 Con'₂ juá'₅ jniá₂ 'ñió₃, 'nio₃ jniá₂ jua'₅₄ ca₂le₃jín₃ bá₄ dsa₂ ñe'₂ lín₅ lia'₂ líng₅ 'ñió₃; la₁ con'₂ nē₅ tin₂ Diú₄ jma₃quén₅ ma₂cuē'₃ dsa₂ 'a₂ lia'₂ niog₅ lín₅ dsa₂ le₂jain₂ le₂jain₂.

8 Jui₁lia'₂ dsa₂ i₂tsá₃ gu₂ le₁jen'₂, jui₁lia'₂ dsa₂ mí₂ i₂ma₂'ní₂ nē₃, juá'₅ jniá₂ 'e₂ guē₄ dse₃ jua'₅₄ co₂ñei'₅₄ bá₄ tsá₃ ma₃jéin'₂ gu₂, tiain'₃ jui₁lia'₂ chan₂ jniá₂ tsá₃ 'ein₂ gua₅₄ quiang'₅₄. 9 La₁ia₁ nē₁jua'₂ tsá₃ qui'₅₄ jmi₄g₄ jmo₃ tió'₃ dsí₅ nē₃, jui₁jein'₅₄ gu₂, ia₁ ja₂lín₃ guē₄ dse₃ bá₄ jéin'₂ co₂ñei'₅₄ gu₂, lia'₂ con'₂ guē₄ a₂ñí₄ dsíin'₂ 'ñiog₅.

† 6:16 Génesis 2:24.

¹⁰ La₁ juá'₅ jniá₂ juíg₂ ca₂le₃jín₃ jui₁lia'₂ i₂ma₂tián'₅ le₁jen'₂ gu₂, tsá₃ ma₃o₁tein₅₄ riin'₅₄ le₂jain₂ le₂jain₂. 'Éi'₃ nē₅ on₃jua'₅₄ 'éi'₃ quió₃ jniá₂ 'ñiό₃; 'éi'₃ quió'₅ Te₁gui'₅₄ 'ñiog₅ bá₄ nē₅. ¹¹ La₁ nē₁jua'₂ chan₂ jan₂ dsa₂ mí₂ ca₂téin₂ dsi₂i₂gu₂, jui₁gua₂ bá₄ tei₄ 'ñiog₅; o₃ jui₁'ei₅₄ bá₄ táng₃ caun₂ jág₁ quian'₅₄ dsi₂i₂gu₂ 'e₂. Le₂nē₅ bá₄ jui₁lia'₂ dsa₂ ñe'₂ táng₃, tsá₃ 'niό'₅ téin₂ dsa₂ mí₂ quiáin₅.

¹² Juíg₂ jniá₂ jui₁lia'₂ i₂sián'₂, (jág₁ quió₃ 'ñiό₃, on₃jua'₅₄ 'éi'₃ quió'₅ Te₁gui'₅₄): Chi₂jua'₂ tsá₃ 'én₂ dsa₂ mí₂ quián₅ jui₁lia'₂ jan₂ dsa₂ 'én₂ rin'₅₄ jniog₄, la₁ nē₁jua'₂ 'ñio₂ bá₄ dsi₅ dsa₂ mí₂ 'éi₂ guá₅ quiong'₅₄, tsá₃ 'niό'₅ téi₂ rin'₅₄ jniog₄ 'éi₂. ¹³ O₃ chi₂jua'₂ dsa₂ ñe'₂ i₂tsá₃ 'én₂ lín₅ dsi₂i₂gu₂ jan₂ dsa₂ mí₂ i₂'én₂, la₁ nē₁jua'₂ 'ñio₂ bá₄ dsi₅ guá₅ quiain'₅₄ dsa₂ mí₂ 'éi₂, ján₃ bá₄ tsá₃ ca₂tín₂ dsa₂ mí₂ téi₂ ján₃. ¹⁴ Ia₁ jui₁lia'₂ dsi₂i₂gu₂ i₂tsá₃ 'én₂ nē₃, ma₂jmo₅ bá₄ Diú₄ a₂lě₅ 'í₁ tē₂le₃ quian'₅₄ dsa₂ mí₂; dsa₂ mí₂ i₂tsá₃ 'én₂ nē₃, lě₅ bá₄ 'í₁ quián₅ Diú₄ tē₂le₃ quian'₅₄ dsa₂ ñe'₂ i₂'én₂ rin'₅₄ jniog₄. Jua'₅₄ mei'₂ tsá₃ le₂jaun₂, 'uín₂ chi'₂-guein₂ quián'₂ 'nia'₂ tsá₃ le₁jín₃. La₁ia₁, lia'₂ con'₂ tí₅ jág₁, ma₂jñiό₅ bá₄ 'éi₂. ¹⁵ La₁ jui₁lia'₂ dsa₂ ñe'₂ o₃ dsa₂ mí₂ i₂tsá₃ 'én₂ nē₃, chi₂jua'₂ tion₅₄ 'nio₃ téin₂ riin'₅₄, jui₁tein₅₄ riin'₅₄. Tsá₃ lě₅ jua'₅₄ rē₂jnág₅ jui₅ quió'₅ dsa₂ i₂'én₂ rin'₅₄ chi₂jua'₂ le₂jaun₂. * Ia₁ ma₂tē₃ Diú₄ jniog₄ a₂le₃chong₂ le₁'ág₄ tei₄ dsi₅. ¹⁶ Ia₁, ¿'a₂ lia'₂ ñi'₅₄ 'ne₂ dsa₂ mí₂, jua'₅₄ lé₂ long'₅₄ dsi₂i₂gog'₂? Le₂jaun₂ guē'₂ 'ne₂ dsa₂ ñe'₂, ¿'a₂ bá₄ lia'₂ ñi'₅₄ jua'₅₄ lé₂ long'₅₄ dsa₂ mí₂ quiáng'₂?

¹⁷ Jñia'₅₄ lia'₂ jui₁i₂ñio₄ dsa₂ le₂jain₂ le₂jain₂ jui₁lia'₂ niog₅ lě₅ jui₅ ma₂chei'₃ Te₁gui'₅₄, lia'₂ con'₂ lě₅ ma₂tē₅ Diú₄. 'Éi'₃ nē₅ cuē₅ jniá₂ ca₂le₃jín₃ guá'₅. ¹⁸ Chi₂jua'₂ i₂lín₅₄ ma₂le₁uín₁ lo₄ lia'₂ con'₂ jme₁ca₂rē₃'éin₂ ca₂tē₃ Te₁gui'₅₄, tsá₃ jui₁jme₂tsín₃ léi₄ jaun₂. O₃ chi₂jua'₂ 'ein₂ ca₂rē₃'én₂ le₃quió'₅ Te₁gui'₅₄ tē₃ tsá₃ rē₂uín₄ quió'₅, tsá₃ jui₁guein₁₂ uín₃ quió'₅. ¹⁹ Ia₁ tsá₃ 'e₂ dsen₅₄ ta₁ jua'₅₄ rē₂uín₄ o₃ tsá₃ rē₂uín₄ quió'₅ dsa₂ te₁i₂ñioi₅₄. A₂jme₃ti₃ 'éi'₃ quió'₅ Diú₄ bá₄ dsa₂ dsen₅₄ ta₁. ²⁰ Le₂jan₂ le₂jan₂ bá₄ dsa₂ ca₂tín₂ le₃chain₂ lia'₂ con'₂ lín₅ 'ñiog₅ lia'₂ con'₂ jme₁ca₂tē₃ Te₁gui'₅₄. ²¹ Chi₂jua'₂ jme₁lín₄ dsa₂ i₂jme₂ti₃ a₂tsá₃ 'liang'₅₄, lia'₂ con'₂ jme₁ca₂tē₃ Te₁gui'₅₄, tsá₃ jmo₂ 'i₅ 'au'₂ a₂jaun₂; la₁ chi₂jua'₂ ca₂cuín₃ jmig₄ a₂tsá₃ ma₂lén₂' dsa₂ i₂jme₂ti₃ ta₁, ja₂lín₃ guē₄ dse₃ quio'₅₄ jui₅ jaun₂. ²² Jui₁lia'₂ dsa₂ i₂jme₁lín₄ i₂jme₂ti₅ ta₁ ne₄ dsa₂ lia'₂ con'₂ jme₁ca₂tē₃ Te₁gui'₅₄, la₁ rē₂nē₃ nē₃ ma₂lín₅ dsa₂ i₂jme₂ti₃ le₃ja₁con₂ Te₁gui'₅₄. Ján₃ bá₄ guē'₂ le₂jaun₂ jui₁lia'₂ dsa₂ i₂tsá₃ 'ein₂ ne₄ jme₁jme₂ti₃ lia'₂ con'₂ jme₁ca₂tē₃ Te₁gui'₅₄ la₁ rē₂nē₃ guē'₂ nē₃, ma₂lín₅ dsa₂ i₂jme₂ti₃ ta₁ ne₄ Cristo.

* 7:15 lit. "Tsá₃ chi₁'ñe'₅₄ dsa₂ i₂'én₂ rin'₅₄ chi₂jua'₂ le₂jaun₂."

23 I₂ca₂quín₁ 'mu'₅₄ lín₃ bá₄ 'nia'₂ ca₂láu₂ Cristo. Jaun₂ tsá₃ ma₃cuín₅ 'nia'₂ jmig₄ jua'₅₄ a₂jme₁tí₄ guě₄ ne₄ dsa₂ mi₂güig₃.
 24 Le₂ně₅ bá₄ jaun₂, 'nia'₂ rin'₅₄ jniog₄, jui₁tió'n'₂ bá₄ 'nia'₂ lia'₂ jme₁líng'₄ lia'₂ con'₂ jme₁ca₂tě₃ Diú₄ 'nia'₂.

25 Ně₃ ně₃, jui₁lia'₂ dsa₂ mi₄ i₂tsá₃ dsa₂ ɲe'₂ ma₂jio₅, tsá₃ 'e₂ 'éi'₃ ma₂ɲi₂ jniá₂ ja₁con₂ Te₁gui'₅₄. La₂ cuě₅₄ jniá₂ jág₁ lia'₂ con'₂ ɲí'₂ dsi₃, co₂'nió'₄ jan₂ i₂tí₅ jág₁ quió'₅ ia₁ a₂ɲéi₂ dsi₅ Te₁gui'₅₄.
 26 Jaun₂ líng₂, ja₂lín₃ guě₄ dse₃ jua'₅₄ co₂ɲei'₅₄ guě₄ jui₁chan'₂ bá₄ 'nia'₂ 'a₂lia'₂ lě₅ chang'₂, 'uig'₅₄ ia₁ 'ɲio₅ lín₃ cha₂ o₂me'₅₄ dsi₅ jmig₄ rě₂ně₃. 27 Chi₂jua'₂ ma₂jen'₂ gog'₂, tsá₃ jmó'₂ 'au'₂ jua'₅₄ téng'₄ ríng'₂. Chi₂jua'₂ tsá₃ ma₂jen'₂ guě'₂ gog'₂, tsá₃ lě₁'nág'₂ dsa₂ mí₂ i₂ne'₅₄ quiang'₅₄. 28 La₁ ně₁jua'₂ ca₂jen'₂ guě'₂ gog'₂, on₃jua'₅₄ 'e₂ dso₄ jaun₂. Le₂jaun₂ bá₄ ján₃ jui₁lia'₂ dsa₂ mi₄, chi₂jua'₂ ca₂jéin'₂ gu₂, on₃jua'₅₄ 'e₂ dso₄ jaun₂ ján₃. La₁ ɲjia'₅₄ lia'₂ a₂jaun₂ bá₄ juá'₅ jniá₂, le₃chain₂ quian₅ o₂me'₅₄ dsi₅ mi₂güig₃ la₂. A₂jaun₂ tsá₃ jme₁'nio₃ jniá₂ dsi₂ɲí'₂ 'nia'₂.

29 A₂la₂ bá₄ 'nio₃ jniá₂ juá'₄, rin'₅₄ jniog₄. Tsá₃ ma₃uě₂ le₃'ag₄ a₂dsióg₄ Jmig₄ quió'₅ Te₁gui'₅₄. 'Uig'₅₄ jaun₂, juig'₂ jniá₂ 'nia'₂: ně₃ tě₂le₃ ne₄ jui₅, ca₂le₃jín₃ i₂ma₂tián'₅ quian'₅₄ dsa₂ mí₂, jui₁le₂chain₂ ně₂jag₄ bá₄ a₂tsá₃ dsa₂ mí₂ quiáin₅ chan₂. 30 Jui₁lia'₂ dsa₂ i₂chan₂ qui₂le₁qui'₂ dsi₅, jui₁jmo₁₂ bá₄ dsi₅ ně₂jag₄ bá₄ a₂tsá₃ 'e₂ o₂i₁ dsi₅ chain₂. Le₂jaun₂ guě'₂ jui₁lia'₂ dsa₂ i₂jmo₅ 'io'₂, ca₂tín₂ bá₄ jmo₃ ně₂jag₄ bá₄ a₂tsá₃ dse₃ chain₂. Le₂jaun₂ guě'₂ ján₃ jui₁lia'₂ dsa₂ i₂qui₂lá₅ 'e₂ lá₅, jui₁jmo₁₂ bá₄ dsi₅ ně₂jag₄ bá₄ on₃jua'₅₄ a₂quió'₅ 'e₂ ma₂lá₃. 31 Le₂jaun₂ guě'₂ jui₁lia'₂ dsa₂ i₂jmo'₂ ta₁ a₂cha₂ mi₂güig₃ la₂, jui₁jmo₁₂ bá₄ dsi₅ ně₂jag₄ bá₄ a₂tsá₃ chi₂quiain₂₃ jmig₄ a₂jaun₂. Ia₁ ma₂ja₂quián₃ dsi₃ɲí₂ bá₄ lia'₂ lě₅ mi₂güig₃ la₂.

32 Jaun₂ 'nio₃ jniá₂ tsá₃ tón'₂ 'nia'₂ qui₂le₁quian'₄ 'nia'₂ o₂i₁ dsi₅. Ia₁ jui₁lia'₂ jan₂ dsa₂ ɲe'₂ i₂con'₂ 'ɲio'₂ i₂tsá₃ dsa₂ mí₂ quian'₅₄, 'i₅ dsi₅ tě₂le₃ quió'₅ Te₁gui'₅₄, ton'₂ jmo₂₃ bá₄ a₂'ɲio₂ dsi₅ 'éi₂. 33 Ia₁ jui₁lia'₂ dsa₂ i₂jen'₂ gu₂ ně₃, 'ɲio₅ lín₃ guě₄ dsa₂ dsi₅ jui₁lia'₂ 'e₂ a₂niog₅ cha₂ mi₂güig₃, 'a₂lia'₂ jmo₃ a₂'ɲio₂ dsi₅ 'io₅₄ quiáin₅. 34 Jma₃quén₅ bá₄ dsi₂jio₅ dsi₅. Jui₁lia'₂ jan₂ 'io₅₄ i₂tsá₃ gu₂ ma₂rě₂jen'₂, o₃ jan₂ dsa₂ mi₄ 'e₂, 'ɲio₅ guě₄ dsa₂ dsi₅ tě₂le₃ o₄quió'₄ Te₁gui'₅₄, a₂'nio₃ léin₂ 'í₁ le₃ja₁con₂ Diú₄, lia'₂ le₃quió'₅ ni₁ɲi₁₂, lia'₂ le₃quió'₅ jme₂dsi₂ ně₃. La₁ jui₁lia'₂ dsa₂ mí₂ i₂ma₂chan₂ dsi₂i₂gu₂ guě'₂ ně₃, 'ɲio₅ lín₃ guě₄ dsa₂ dsi₅ jui₁lia'₂ 'e₂ niog₅ cha₂ mi₂güig₃, 'a₂lia'₂ jmo₃ a₂'ɲio₂ dsi₅ dsa₂ ɲe'₂ quiáin₅.

35 A₂dse₃ quián'₂ bá₄ 'nia'₂ juá'₅ jniá₂ le₂ně₅, on₃jua'₅₄ rě'₂ a₂jni₄ jniá₂ quián'₂ 'nia'₂, tě₂le₃ ia₂jaun₂ le₃chan'₂ 'nia'₂ lia'₂ con'₂

dsi₂ten₅₄, ia₁jaun₂ lé₂jang' ₅₄ 'nia' ₂ 'au' ₂ ne₄ Te₁gui' ₅₄ tē₃ tsá₃ jnág₅ cha₂.

³⁶ La₁ chi₂jua' ₂ 'ein₂ chan₂ jan₂ dsa₂ mi₄ i₂jme₁ma₂li' ₅₄ já₃ a₂jéin' ₂ gu₂ quiaín' ₅₄, ton' ₂ ma₂ca₂ñí₂ jmi₄ i₁jéin' ₂ gu₂, chi₂jua' ₂ lín₂ a₂tsá₃ jmo₂₃ lia' ₂ dsi₂ten₅₄ ja₁con' ₂ 'éi₂, chi₂jua' ₂ le₂jaun₂ dsi₂ten₅₄ lé₂ a₂jéin' ₂ gu₂, jui₁jmo₁₂ bá₄ 'a₂ lia' ₂ 'ñio₂ dsí₅; lé₂ bá₄ qui₂jéin' ₂ gu₂, ia₁ on₃jua' ₅₄ 'e₂ dso₄ jaun₂. ³⁷ La₁ jui₁lia' ₂ dsa₂ i₂ma₂'ei₅ caun₂ dsí₅, on₃jua' ₅₄ a₂'nió' ₅ 'ein₂ qui₂chi₂quióng₂ jmi₄, tē₂le₃ qui' ₅₄ jmi₄ jmo₃ 'í₁ 'ñiog₅, a₂dse₃ bá₄ jaun₂. ³⁸ Jaun₂ le₂nē₅ bá₄, jui₁lia' ₂ dsa₂ i₂jén' ₂ gu₂, a₂dse₃ bá₄ jmo₂₃; la₁ia₁ jui₁lia' ₂ i₂tsá₃ jén' ₂ gu₂ ja₂lin₃ guē₄ dse₃ jmo₂₃.†

³⁹ 'I₄ 'éi' ₃ jiog₃ dsa₂ mí₂ jñia₃ dsi₂i₂gu₂ 'a₂ con' ₂ jñia' ₅₄ jmi₄ chan₂ 'éi₂. Nē₁ca₂jon₃ dsi₂i₂gu₂ guē' ₂ nē₃, jaun₂ guē₄ le₃jñin₅₄ guá₃ táng₃ jéin' ₂ gu₂ chi₂jua' ₂ 'ein₂ quiaín' ₅₄ 'nio₃, la₁ lē₃ jua' ₅₄ lín₅ dsa₂ 'én₂ 'éi₂. ⁴⁰ La₁ ja₂lin₃ guē₄ dse₃ le₃chain₂ jua' ₅₄ co₂ñei' ₅₄ tsá₃ ma₃gu₂ jéin' ₂ táng₃. Le₂nē₅ con' ₂ lín₂ jniá₂ bá₄. Qui₂dsi₂jio₅ dsi₃ con' ₂ lē₅ jio₅ Jme₂dsi₂ quián₅ Diú₄ bá₄, lín₂ jniá₂.

8

Jui₁lia' ₂ ñi₄ já' ₂ a₂qui₂rē₂jen' ₅₄ ne₄ diú₄ lag₄

¹ La₂ juá' ₄ táng₃ jui₁lia' ₂ cuente quió' ₅ ñi₄ já' ₂ a₂qui₂jén' ₅ dsa₂ ne₄ diú₄ lag₄. Dsón' ₂ bá₄ jaun₂ cha₂ a₂ne₄ jniog₄, ca₂le₃jág₃. Jui₁lia' ₂ a₂ñi₅ dsa₂ nē₃, a₂jaun₂ bá₄ jmo₅ a₂róin₂; la₁ jui₁lia' ₂ a₂'nio₃ dsa₂ riin' ₅₄, a₂jaun₂ bá₄ jmo₅ a₂dsi₂cóin₃. ² Chi₂jua' ₂ chan₂ i₂juá' ₂ ma₂tiin₂, tsá₃ bá₄ guē₄ 'e₂ ma₂tiin₂ lia' ₂ con' ₂ dsi₂ten₅₄ le₃tiin₂. ³ Chi₂jua' ₂ 'ein₂ tē₃dsón' ₂ 'nioi₃ Diú₄, i₂cuin₅ bá₄ Diú₄ dsa₂ le₂'éi₂.

⁴ Jaun₂ nē₃, já₃ jui₁lia' ₂ a₂qui₂g' ₂ dsa₂ ñí₅ a₂ma₂tē₁no₁ nē₂jén' ₃ dsa₂ ne₄ diú₄ lag₄: ne₄ bá₄ jniog₄ jaun₂, 'i₁caun₂ tsá₃ 'e₂ quen₅ jui₁lia' ₂ diú₄ lag₄ ne₄ gua' ₅₄ 'uē₃ la₂, ia₁ jñia' ₅₄ lia' ₂ jan₂ bá₄ Diú₄ chan₂. ⁵ Jui₁'a₂ guē₃ la₂ chan₂ i₂tē' ₂ dsa₂ diú₄ guei' ₅₄ i₂juíg₃ quian' ₅₄ ne₄ gua' ₅₄ 'uē₃, (ia₁ tē₃dsón' ₂ lē₅ le₂jaun₂ nē₃, a₂niog₅ chan₂ juin₅ "diú₄", ján₃ guē' ₂ le₂jaun₂ juin₅ i₂gon₂ ján₃), ⁶ la₁ tē₂le₃ quián₂ jniog₄ nē₃, jñia' ₅₄ lia' ₂ jan₂ bá₄ Diú₄ chan₂, i₂lín₅ Jmei₂ jniog₄, i₂ca₂jmo₃ ca₂le₃jé₃ 'e₂ niog₅ cha₂. Le₂jaun₂ guē' ₂ jniog₄ nē₃ chong₂ o₄quió' ₄ 'éi₂. Jñia' ₅₄ lia' ₂ jan₂ tan₅₄ bá₄ i₂gon₂, i₂lín₅

† 7:38 o₃, "La₁ chi₂jua' ₂ 'ein₂ chan₂ jan₂ ja₁míg₄ i₂jē₁ca₂ñi₅ ñi₂ a₂jéin' ₂ gu₂, chi₂jua' ₂ le₂jaun₂ lín₂ dsa₂ a₂dsi₂ten₅₄ guē₄, jui₁jmo₅₄ bá₄ 'a₂ lia' ₂ 'ñio₂ dsí₅, lé₂ bá₄ cuiin₃ ja₁míg₄ a₂jéin' ₂ gu₂, ia₁ on₃jua' ₅₄ 'e₂ dso₄ jaun₂. La₁ nē₂jua' ₂ chan₂ guē' ₂ i₂lín₂ on₃jua' ₅₄ a₂'nió' ₅ 'ein₂ qui₂chi₂quióng₂ jmi₄, 'nio₃ a₂tsá₃ gu₂ jén' ₂ bá₄ ja₁míg₄, caun₂ bá₄ 'ei₅ dsí₅ a₂tē₃gua₄ ja₁míg₄ le₂jaun₂ tē₃ tsá₃ gu₂ jén' ₂, a₂dse₃ bá₄ jaun₂. Jaun₂ le₂nē₅ bá₄, 'ein₂ qui₂cuin₅ ja₁míg₄, qui₂jen₂ gu₂, a₂dse₃ bá₄ jmo₂₃. Le₂jaun₂ guē' ₂ jui₁lia' ₂ i₂tsá₃ cuin₅ ja₁míg₄ a₂jen' ₂ gu₂, ja₂lin₃ guē₄ dse₃ bá₄ ján₃,"

Jesucristo. Tě₂le₃ ne₄ o₄quió'₄ 'éi₂ bá₄ ca₂lě₃ ca₂le₃jě₃ a₂cha₂, ca₂tě₂ jniog₄ guio₅₄ ně₃, chong₂ tě₂le₃ quian'₅₄ 'éi₂.

⁷ La₁ tsá₃ ca₂le₃jín₃ nj₅ a₂ně₅. I₂chan₂ bá₄ guě₄ i₂qui₂ma₂tin₂ dsí₅jme₂gain₃ diú₄ lag₄, jmo₂₃ bá₄ guě₄ dsí₅jui₁lia'₂ jme₁quig'₂ nj₅ a₂ma₂jáu'₅ ne₄ diú₄ lag₄, 'uig₅₄ ia₁ a₂'uan₅₄ jme₂dsí₂ quió'₅, tsá₃ caun₂ a₂qui₂dsi₂jein₃ dsí₅, ma₂ca₂rě₃'iog₅ bá₄ jme₂dsí₂ quió'₅. ⁸ Dsón'₂ bá₄, on₃jua'₅₄ o₄quió'₄ má₃ náu₂ jniog₄ rě₂ ne₄ Diú₄. Ia₁ on₃jua'₅₄ a₂náu₂ rě₂ guě₄ ne₄ 'éi₂, ně₁jua'₂ ca₂que₅₄, on₃ guě'₂ jua'₅₄ a₂tsá₃ rě₂ tióg₂ ně₁jua'₂ tsá₃ ca₂que₅₄ guě'₂ táng₃. ⁹ La₁ia₁ jag₄ de'₂ 'nia'₂, ia₁ con'₂ tsá₃ njó₅ ně₁qui₂ca₂sén'₂ jui₁lia'₂ i₂'uan₅₄, 'uig₅₄ ia₁ a₂rě₂na₄ jui₅ quían'₂ 'nia'₂ a₂lé₂ le₃quio'₅₄. ¹⁰ Chi₂jua'₂ nj'₅₄ 'ne₂ rě₂ 'a₂ lia'₂ dsi₂ten₅₄ jmó'₂, ně₁jua'₂ ca₂jág₂ jan₂ rin'₅₄ i₂'uan₅₄, i₂tsá₃ lin₄ rě₂ nj'₂ dsí₅, a₂néi'₂ quě'₂ ja₁tión₂ diú₄ lag₄, ħ₂e₂ bá₄ lé₂ ně₁jua'₂ ca₂tiá₂ dsí₅ 'éi₂ guě'₃ a₂ma₂rě₂jen'₅₄ ne₄ diú₄ lag₄? ¹¹ O₄quió'₄ a₂nj'₅₄ 'ne₂ jaun₂, dsi₃'én₂ ríng'₂ i₂'uan₅₄ guě₄ ně₃. Ca₂jón₃ Cristo o₄quió'₄ 'éi₂ bá₄ ján₃. ¹² Ia₁ ně₁jua'₂ jmo'₂ 'nia'₂ a₂tsá₃ caun₂ a₂qui₂dsi₂jein₃ dsí₅ ríng'₂ i₂'uan₅₄, 'nau'₂ 'nia'₂ dso₄ tě₂le₃ ne₄ Cristo. ¹³ Jaun₂ lě₃, chi₂jua'₂ léi₄ 'njó₃ bá₄ jniá₂ jmo₂₃ a₂tan'₂ dso₄ ríng'₃ o₄quió'₄ 'e₂ a₂guě'₂, ja₂lin₃ guě₄ dse₃ o₁líg'₂ jmig₄ tsá₃ ma₃quig'₅₄ nj₅, ia₁jaun₂ tsá₃ ma₃tiáin'₃ dso₄.

9

Jui₁lia'₂ a₂ca₂tín₂ jan₂ dsa₂ i₂chen₄ quían₅ Jesús

¹ Dsón'₂ bá₄ rě₂na₄ jui₅ a₂ca₂tíng₂ ca₂le₃jě₃ con'₂ lě₅ ca₂tíng₂ ia₁ líng₅ dsa₂ i₂chen₄, ia₁ ma₂ca₂jíng₅₄ bá₄ Jesús i₂lín₅ Te₁gui'₅₄ quían₂. Guion'₅₄ bá₄ 'nia'₂ ně₃, líng'₅ co₂'nió'₄ ta₁ a₂rě₂jniá₂ quió₃, tě₂le₃ quió'₅ Te₁gui'₅₄. ² 'An₁ chan₂ bá₄ i₂lin₅₄ jmo₅ dsí₅ a₂tsá₃ lín₅ jniá₂ dsa₂ i₂chen₄ quían₅ Te₁gui'₅₄. La₁ 'nia'₂ ně₃, ca₂tín'₂ bá₄ 'nia'₂ jmó'₂ 'au'₂, le₂ně₅ líng₅, ia₁ 'nia'₂ bá₄ líng'₅ i₂jáng'₅ léi₄ ta₁ quió₃, a₂tě₃dsón'₂ líng₅ jan₂ dsa₂ i₂chen₄ quían₅ Te₁gui'₅₄.

³ Jui₁lia'₂ dsa₂ i₂con₂ 'í₁ ja₁con₂ jniá₂, le₂la₂ bá₄ lě₅ jág₁ a₂jein'₅₄ jniá₂ quió'₅: ⁴ ħ₃ bá₄ tsá₃ ca₂tín₂ jniá₂ gue₅₄ ca₂le₃jě₃ 'e₂ cuě₅ dsa₂ a₂guě'₅₄, o₃ 'e₂ cuě₅ dsa₂ a₂gui'₅₄ ján₃? ⁵ ħ₃ bá₄ tsá₃ ca₂tág₂ jnia'₅₄ jniá₂ jan₂ dsa₂ mí₂ i₂'én₂ i₂jen'₄ jnia'₅₄ gu₂ quian'₅₄, jui₁lia'₂ jmo₅ dsa₂ i₂chen₄ sián'₂ quian'₅₄ guě'₂ chi'₂ rin'₅₄ Te₁gui'₅₄ 'njog₅, jui₁lia'₂ chan₂ Pe₄* ně₃? ⁶ ħ₃ bá₄ lín₂ 'nia'₂, jnia'₅₄ lia'₂ jniá₂ quian'₅₄ Bernabé ca₂tág₂ jmó₁ ta₁ a₂'nióg₂ a₂dsi₃njág₂? ⁷ ħ₂'Ein₂ bá₄ 'lióg₂ jme₂ti₃ chi₂jua'₂ 'njog₅ bá₄ quí₃ 'liain'₅₄ a₂dsi₂njí₂? ħ₂'ein₂ bá₄ 'éi₂ i₂chéin'₅ ni₁uিং₂ uvas jua'₅₄ tsá₃ guě'₃ guě'₂ míg₂ jaun₂? O₃ jui₁lia'₂ dsa₂ i₂jmo₅ ta₁ jme₂can'₅₄ chein₄ lau₂, ħ₂ján₃ guě'₂ tsá₃

* 9:5 griego: Cefas.

lé₂ le₃ 'ín'₂ dsí'₁ já'₂? ⁸ Tsá₃ o₁ len'₂ 'nia'₂ jua'₅₄ jniá₂ a₂ lē₁ juá'₅ con'₂ lē₂ dsí₃ 'ñio₃; já₃ bá₄ le₂ nē₅ juá'₂ ne₄ Si₂ 'Éi'₃. ⁹ Ia₁ chi₁ ton₅ ne₄ Si₂ 'Éi'₃ quió'₅ Moisés le₂ la₂: “Tsá₃ tó'₂ 'nia'₂ 'nei₅₄ mi₂ 'o₄ ca₁ jui₅ i₂ jmo₅ ta₁ i₂ chēn₂ mīg₂ trigo.”† ¿A₂ i₅ dsí₅ Diú₄ ca₁ jui₅ a₂ juá'₂ le₂ jaun₂? ¹⁰ ¿O₃ a₂ juá'₂ o₄ quián₂ jniog₄ bá₄? Dsón'₂ bá₄ o₄ quián₂ jniog₄ bá₄ ca₂ i₃ to'₅₄ 'éi'₃ nē₅ ne₄ Si₂. Ia₁ le₂ jaun₂ bá₄ lē₅ jui₁ lia'₂ dsa₂ i₂ quia'₂ 'uē₃ quian'₅₄ guē'₂ dsa₂ i₂ cág'₅ mīg₂ trigo. Tsá₃ a₁ jaun₂ jua'₅₄ a₂ lē₁ jmo₅ dsa₂ 'éi₂ ta₁ a₂ jmo₂₃, jua'₅₄ tsá₃ 'ín₂ dsí₅ a₂ ca₂ tīn₂ a₂ cág'₃ jaun₂. ¹¹ Jaun₂ le₂ nē₅, chi₂ jua'₂ jaun₂ ma₂ jñ₁ jnia'₅₄ jē₄ quián'₂ 'nia'₂ caun₂ jon₂ a₂ gu₂ dsí₂, ¿a₁ lín₃ 'ñio₅ lín'₂ 'nia'₂ jua'₅₄ a₂ cag'₄ ca₂ la₂ ja₁ con'₂ 'nia'₂ jui₁ lia'₂ a₂ dsí₃ jág₂ jnia'₅₄ tē₁ lia'₂ chong₂? ¹² Chi₂ jua'₂ ca₂ tīn₂ dsa₂ sián'₂ a₂ jme₁ 'oin'₄ 'nia'₂, 'ē₂ guē₄ bá₄ ca₂ tág₂ jnia'₅₄.

La₁ tsá₃ 'e₂ ma₂ ca₂ chi₁ quian₁ jnia'₅₄ 'nia'₂ jmi₄ jua'₅₄ a₂ mi₂ a₂ ca₂ tág₂ jnia'₅₄ jaun₂. Ma₂ jmo₁ bá₄ jnia'₅₄ tió'₃ dsí₅ ca₂ le₃ jē₃ ia₁ jaun₂ tsá₃ lē₅ jua'₅₄ cha₂ jnág₅ a₂ qui₂ dsí₃ 'ag₅ jág₁ dse₃ quió'₅ Cristo. ¹³ ¿Tsa₁ ñi'₅₄ 'nia'₂, jui₁ lia'₂ dsa₂ i₂ niog₅ ne₄ a₂ jñio₅ dsí₂ néi₂ guá'₅, guē'₅ jui₁ lia'₂ a₂ cha₂ dsí₂ néi₂ guá'₅; jui₁ lia'₂ dsa₂ i₂ tion'₅₄ qui₂ jme₂ ti₃ ne₄ chei₂ nē₃, já₃ guē'₂ quein'₅₄ gue₂₃ a₂ jén'₅ ne₄ chei₂? ¹⁴ Já₃ bá₄ le₂ jaun₂ ca₂ jmo₃ Te₁ gui'₅₄ 'éi'₃, jui₁ lia'₂ dsa₂ i₂ i₂ nio₄ qui₂ 'ē₂ jág₁ dse₃, quian'₅₄ ta₁ jaun₂ le₃ chain₂. ¹⁵ La₁ jniá₂ nē₃, tsá₃ 'e₂ ma₂ ca₂ chi₁ quian₁ jniá₂ jmi₄ 'nia'₂ jua'₅₄ a₂ tion₅₄ lē₂ a₂ ca₂ tīng₂. On₃ guē'₂ jua'₅₄ jaun₂ jmo₅ jniá₂ si₂ la₂ ne'₅₄ 'nia'₂ jua'₅₄ a₂ 'ín₂ dsí₃ a₂ jmo'₂ le₂ jaun₂ quian'₅₄ jniá₂. ¡Tē₂ le₃ quió₃ jniá₂, ja₂ lín₃ guē₄ dse₃ jua'₅₄ jóng₂, lia'₂ con'₂ guē₄ nē₁ jua'₂ 'ein₂ jné₅ jui₅ a₂ tsá₃ ma₃ jme₁ ti₁₂ guē₄ ta₁ quió₃ a₂ jmo₂₃ tág'₅!

¹⁶ La₁ ia₁, jui₁ lia'₂ jme₁ 'ē₅ jniá₂ jág₁ dse₃, tsá₃ ca₂ tīn₂ jniá₂ dsia₅₄ jág₁ tá'₅, ia₁ tion₅₄ 'nió'₅ ca₂ tīng₂ bá₄ qui₂ 'ē₄ dsa₂ jág₁ dse₃. ¡E₂ guē₄ juí₂ jniá₂ nē₁ jua'₂ tsá₃ ma₃ ca₂ 'ē₃ jniá₂ jág₁ dse₃! ¹⁷ Ia₁ nē₁ jua'₂ 'ē₅ jniá₂ jág₁ dse₃ a₂ 'ñio₂ dsí₃ 'ñio₃, gue₅₄ bá₄ 'liang'₅₄. La₁ nē₁ jua'₂ tsá₃ jmo₂₃ a₂ 'ñio₂ dsí₃ 'ñio₃, a₂ lē₁ jme₂ tī₁ bá₄ jniá₂ ta₁ a₂ niog₅ gu₃ jmo₅₄. ¹⁸ ¿Na₅ bá₄ 'lian'₅₄ jniá₂ jaun₂ nē₃? A₂ jaun₂ bá₄ 'lian'₅₄ jniá₂: a₂ lē₂ qui₁ 'ē₄ jniá₂ jág₁ dse₃ ja₁ con₂ dsa₂, a₂ tsá₃ 'lia'₅₄ can₅₄, on₃ jua'₅₄ chi₁ quiang₁₂ jmi₄ gue₅₄ a₂ ca₂ tīng₂.

¹⁹ O₁ jnia'₅₄ la₂ jñ₅₄ jniá₂, on₃ jua'₅₄ chan₂ 'ein₂ ne₄ jme₂ tī₁, la₁ jmo₅₄ jniá₂ dsí₃ nē₂ jag₄ bá₄ i₂ ma₂ rē₂ 'ñe'₅₄ jniá₂ quián₅ ca₂ le₃ jín₃, ia₁ jaun₂ lē₂ le₃ léi₂ guē₄ juin₅ dsa₂ tē₂ le₃ quió'₅ Cristo. ²⁰ Jui₁ lia'₂ jme₁ 'eng₅₄ quiang'₅₄ dsa₂ judíos, jmo₂₃ dsí₃ nē₂ jag₄ bá₄ lín₅ co₂ 'nió'₄ jan₂ dsa₂ judío, ia₁ jaun₂ cuin₃ jmi₄ a₂ jón₄ jniá₂. Jui₁ lia'₂ ja₁ con₂ dsa₂ i₂ tion'₅₄ 'Éi'₃ quió'₅ Moisés, jmo₅₄ jniá₂ dsí₃ nē₂ jag₄ bá₄ a₂ 'eng₅₄ 'Éi'₃, ia₁ jaun₂ jón₄ jniá₂ jui₁ lia'₂ i₂ tion'₅₄

† 9:9 Deuteronomio 25:4.

'Éi'₃, (o₁jñia'₅₄ la₂ tsá₃ 'Éi'₃ jaun₂ 'eng₅₄ tē₃dsón'₂). ²¹ Tē₂le₃ quió'₅ guē'₂ jui₁lia'₂ dsa₂ i₂tsá₃ tion'₅₄ 'Éi'₃ nē₃, já₃n₃ bá₄ co₂ring₂ quian'₅₄ dsa₂ 'éi₂ jmo₂₃ dsi₃, ia₁jaun₂ jóng₄ jui₁lia'₂ dsa₂ i₂tsá₃ tion'₅₄ 'Éi'₃, (o₁jñia'₅₄ la₂ tsá₃ lon₄ jniá₂ ne₄ 'Éi'₃ quió'₅ Diú₄, a₂'eng₅₄ bá₄ 'éi'₃ quió'₅ Cristo). ²² Jui₁lia'₂ ja₁con₂ dsa₂ 'uan₅₄ i₂tsá₃ lin₄ ma₂'én₂ rē₂, já₃n₃ bá₄ le₂jaun₂ jmo₂₃ dsi₃ líng₅, ia₁jaun₂ jóng₄ jui₁lia'₂ i₂'uan₅₄. Ja₁con₂ ca₂le₃jín₃ dsa₂ ma₂jmo₃ jniá₂ dsi₃ a₂co₂ring₂ quian'₅₄ ca₂lē₃jín₃, ia₁jaun₂ cuin₃ jmig₄ a₂lé₂ le₃lión₂ i₂lin₅₄. ²³ Ca₂le₃jē₃ a₂nē₅ jmo₅ jniá₂ o₄quió'₄ já₁g₁ dse₃, ia₁jaun₂ bá₄ quen'₅₄ jniá₂ tē₂le₃ quian'₅₄ já₁g₁ dse₃.

²⁴ ¿Tsa₁ ñi'₅₄ 'nia'₂ jui₁lia'₂ dsa₂ i₂i₂nio₄ co₂chi'₅₄ jme₁co₂₃, ca₂le₃jín₃ bá₄ 'éi₂ i₂nioi₅₄, la₁ i₂jan₂ tan₅₄ ju₁lia'₂ i₂lí'₂ bá₄, gue₅ premio? Le₂jaun₂ bá₄ 'nia'₂ já₃n₃, quen'₂ bí₂ o₂nóg'₅ co₂chi'₅₄ ia₁jaun₂ guéi'₁ 'nia'₂ premio. ²⁵ Ca₂le₃jín₃ dsa₂ i₂jme₂tin₅ ia₁ cha₂ ja₁lē₄ já₁g₁ a₂dsi₃cáu₂, jmo₂₃ 'í₁ 'ñiog₅, ia₁jaun₂ bá₄ lí'₂ caun₂ corona a₂jio₅ co₂'na₂. La₁ jniog₄ nē₃ quen'₂ bí₂ léi₂ caun₂ corona a₂jio₅ co₂tan₅₄ bá₄. ²⁶ Jaun₂ le₂nē₅, 'ñió₃ jniá₂ nē₃, on₃jua'₅₄ a₂lē₁i₂ñi₄ jniá₂ co₂chi'₅₄; jaun₂ jme₁quín'₂ jniá₂, on₃jua'₅₄ a₂lē₁dsi₂dsi₂ ja₂'. ²⁷ Tē₂le₃ jma'₄ cuē₅ uig₅ ñi₃ 'ñió₃, nē₂jag₄ bá₄ a₂rē₂'ñe'₅₄, con'₂ tsá₃ ñó₅ nē₁jua'₂ tē₁tsing'₄ 'lig'₅₄ 'ñió₃, lia'₂ con'₂ jme₁ca₂jme₁ting₅ i₂sián'₂.

10

To₂ já₁g₁ a₂tsá₃ jme₃gan₃ dsa₂ diú₄ lag₄

¹ Tsá₃ 'nio₃ jniá₂ jua'₅₄ a₂tsá₃ ñi'₅₄ 'nia'₂ rin'₅₄ jniog₄, a₂jme₁tion'₅₄ dsa₂ can'₅₄ quián₂ jnia'₅₄ ma₂líg'₂ né'₃ jnei₅, jaun₂ guē₄ ca₂ñi₃ ca₂le₃jín₃ Jm₁iñi'₄ Guéin₂. ² Ca₂tón'₂ dsa₂ co₂lē₅ ca₂le₃jín₃ quian'₅₄ Moisés jē₄ jnei₅ quian'₅₄ jē₄ jmi₁ñi'₄ nē₃. ³ Le₂jaun₂ bá₄ já₃n₃, ca₂guē'₃ co₂dsia₅ ca₂le₃jín₃ má₃ a₂gu₂dsí₂; ⁴ ca₂'in'₃ jmig₂ a₂gu₂dsí₂ já₃n₃. Ia₁ ca₂'in'₃ jmig₂ a₂ca₂'ia₂ dso'₂ ni₁'lau₂ a₂gu₂dsí₂ jaun₂ a₂ca₂jme₃quiong'₅₄ ca₂le₃jē₃ jmig₄ tioin'₅₄ jui₅. Ni₁'lau₂ jaun₂ nē₃, Cristo bá₄ 'éi₂. ⁵ La₁ia₁, meí'₂ tsá₃ le₃jín₃ dsa₂ 'éi₂ nē₃, tsá₃ ca₂jmo₃ a₂'ñio₂ dsí₅ Diú₄. Jaun₂ ne₄ 'uig₅₄ jaun₂, qui₂i₃ga'₅₄ ni₁ñi₁₂ 'uē₃ quein₂ co₂'ñiog₅ jaun₂.

⁶ Ca₂le₃jē₃ a₂nē₅ ca₂lē₃ ia₁jaun₂ lē₅ caun₂ já₁g₁ a₂jáng'₅ léi₄ quián₂ jniog₄ jmig₄ nē₃, ia₁jaun₂ tsá₃ jmó₁ jniog₄ 'in₅ dsi₅ ja₁con₂ a₂'lig'₅₄, jui₁lia'₂ ca₂jmo₃ dsa₂ 'éi₂ 'in₅ dsí₅. ⁷ Jaun₂ juí₂g₂ jniá₂ 'nia'₂, tsá₃ jme₁gan'₃ 'nia'₂ diú₄ lag₄, jui₁lia'₂ ca₂jmo₃ i₂lin₅₄ dsa₂ 'éi₂; jui₁lia'₂ juá'₂ ne₄ Si₂: “Ca₂tián'₂ dsa₂ ca₂guē'₃ qui₂ca₂'in'₃ nē₃, jaun₂ guē₄ qui₂ca₂nau₂, ca₂co₃.”^{*} ⁸ Tsá₃ ca₂tág₂ jniog₄ 'nió₁g₁ dso₄ jua'₅₄ nió'₄ jniog₄ já₁g₁ quian'₅₄ jui₁'ein₂ guē₃, jui₁lia'₂

* 10:7 Éxodo 32:6.

ca₂jmo₃ i₂lin₅₄ dsa₂ 'éi₂. Ne₄ 'uig₅₄ jaun₂, quian₅₄ co₂jmi_g₄ ca₂dsan₃ con₂ guió_g₂-n₁₅ mei₅ dsa₂ 'éi₂. ⁹ On₃ guë₂ ca₂tág₂ jniog₄ a₂quiong₅₄ táu₂ Te₁gui₅₄ jui₁lia₂ ca₂jmo₃ i₂lin₅₄ dsa₂ 'éi₂, jaun₂ qui₂ca₂dsain₃, qui₂ca₂cag₂ dsi₂mi₂. ¹⁰ On₃ guë₂ chi₁'in₄ 'nia₂ uig₅ Diú₄, jui₁lia₂ ca₂jmo₃ i₂lin₅₄ dsa₂ 'éi₂, jaun₂ ca₂chen₃ Diú₄ ángel i₂quian₅ 'mú₃, ca₂jme₃dsiain₂₃ dsa₂ 'éi₂.

¹¹ Le₂në₅ bá₄ ca₂i₃ñi₂ dsa₂ 'éi₂, ia₁jaun₂ jióg₂ 'í₁ lë₅ léi₄; ca₂i₃to₅₄ ne₄ Si₂ co₂'nió₄ caun₂ jág₁ a₂i₂'ag₅₄ tē₃jñiá₅, ia₁jaun₂ dsiog₂ dsi₅ jniog₄ jmi_g₄ nē₃, ia₁ ma₂ja₂quián₃ bá₄ le₃'ñia₅ jmi_g₄ a₂le₂ti₃ a₂lë₅ dsi₅ Diú₄ jmo₃ ja₁con₂ jniog₄. ¹² Le₂në₅ bá₄, chi₂jua₂ 'ein₂ lín₂ chéin₅ tiá₂ a₂'ein₂, jui₁jmo₁₂ 'í₁ ia₁jaun₂ tsá₃ tiáin₃. ¹³ Tsá₃ 'e₂ táu₂ ma₂i₂ñi₂ 'nia₂, jñia₅₄ lia₂ a₂qui₂dsi₂ñi₂ dsa₂ mi₂güig₃. La₁ i₂rē₂ti₅₄ bá₄ Diú₄, tsá₃ cuē₃ jmi_g₄ jua₅₄ ñi₄ a₂qui₂dsi₂jui₅₄ 'a₂ con₂ jñia₅₄ tiang₃. Tē₂le₃ 'ñiog₅ bá₄ Diú₄ jmo₃ caun₂ jui₅ 'a₂ lia₂ lē₂ jmó₂ a₂tiang₃, jui₁'e₂ guē₃ caun₂ táu₂ já₅.

¹⁴ Jaun₂ juig₂ jniá₂ 'nia₂ rin₅₄ jniog₄, quiá₂ 'nia₂ cau₅ ja₁jme₂jui₅₄ dsa₂ diú₄ lag₄. ¹⁵ Juig₂ jniá₂ 'nia₂ dsa₂ i₂ñi₂ dsi₅: quion₂ de₂ 'nia₂ caun₂ 'í₁ a₂juá₅. ¹⁶ Jui₁lia₂ jme₁quian₅₄ jniog₄ rin₅₄, 'ne₂ jniog₄ a₂'a₄ copa jñió₅, cuē₂ ti₁'mag₄ Diú₄: ¿on₁jua₅₄ a₂quein₄ jniog₄ jmi₄ Cristo? Le₂jaun₂ bá₄ ján₃ jui₁lia₂ jme₁quian₅₄ jniog₄ rin₅₄ jmo₂ dsióg₁ i₁ñi₄: ¿on₁jua₅₄ a₂quein₄ jniog₄ ni₁ñi₁ Cristo? ¹⁷ Jui₁lia₂ caun₂ bá₄ i₁ñi₄ lë₅, ján₃ bá₄ le₂jaun₂ jniog₄ nē₃, o₁jñia₅₄ la₂ juag₅ jniog₄ lē₂, la₁ caun₂ bá₄ ni₁ñi₅ lág₅ jniog₄, ia₁ caun₂ i₁ñi₄ bá₄ que₂ jniog₄.

¹⁸ Quion₂ de₂ 'nia₂ 'í₁ 'a₂ lia₂ lë₅ juig₂ Israel: ¿Tsa₁ lín₂ 'nia₂, jñia₅₄ dsa₂ i₂guē₅ má₃ ñi₄ já₂ a₂qui₂rē₂jen₅₄ ne₄chei₂, le₂jaun₂ bá₄ quein₅₄ guioin₅₄ ne₄chei₂ jaun₂? ¹⁹ Tsá₃ juig₂ jniá₂ 'nia₂ jua₅₄ a₂cha₂ bí₂ 'io₅ diú₄ lag₄, on₃ guë₂ le₂jaun₂ ñi₅ a₂te₁ 'i₁ ne₅₄. ²⁰ Tē₂le₃ juá₅ jniá₂, jme₁jén₅ dsa₂ 'e₂ qui₂jén₅ ne₄ 'éi₂, qui₂jén₅ dsa₂ a₂jaun₂ ne₄ je₂na₅₄, on₃jua₅₄ rē₂ ne₄ Diú₄ tē₃dsón₂. Jaun₂ tsá₃ 'nio₃ jniá₂ jua₅₄ quen₅₄ 'nia₂ quian₅₄ je₂na₅₄. ²¹ Tsá₃ lē₂ 'ag₅₄ 'nia₂ copa quió₅ Te₁gui₅₄, chi₂jua₂ ján₃ guë₂ 'ag₅₄ táng₃ copa quió₅ je₂na₅₄. On₃ guë₂ lē₂ quen₅₄ 'nia₂ ne₄ mesa quió₅ Te₁gui₅₄, chi₂jua₂ ján₃ guë₂ quen₅₄ táng₃ 'nia₂ ne₄ mesa quió₅ je₂na₅₄.

²² ¿'E₂ lē₂ nē₃? ¿O₃ bá₄ lē₂ le₃jmó₁ jniog₄ ia₁jaun₂ le₃dsí₅ Te₁gui₅₄ o₄quián₂ jniog₄? ¿O₃ bá₄ 'uau₂ guë₄ jniog₄ lia₂ con₂ guë₄ 'éi₂?

'A₂ con₂ jñia₅₄ cuē₂₃ jmi_g₄ ia₁ a₂lág₅ jniog₄ dsa₂ quián₅ Cristo

²³ Dsón₂ bá₄ dsau₅: “I₄ bá₄ 'éi₃ le₃jmo₃ dsa₂ 'e₂ 'nio₃ jmo₃”, la₁ tsá₃ jua₅₄ ca₂le₃jē₃ a₂jaun₂ jme₂o₅₄; dsau₅ bá₄: “I₄ 'éi₃ le₃jmo₃ dsa₂ ca₂le₃jē₃ 'e₂ 'nio₃ jmo₃”, la₁ia₁ tsá₃ jua₅₄ ca₂le₃jē₃ a₂jaun₂ jmo₃ a₂dsi₃cón₃ dsa₂ tē₂le₃ quió₅ jme₂dsí₂. ²⁴ Nió₅ bá₄ 'no₂ dsa₂

jui₅ jmo₃ a₂dse₃ le₃ja₁con₂ riin'₅₄, on₃jua'₅₄ rē'₂ jmá'₃ lia'₂ a₂dse₃ ja₁coin₂ 'ŋiog₅.

²⁵ Qué'₂ bá'₄ 'nia'₂ lia'₂ 'ei₅ ne₄ a₂dsi₂'nag₂ 'ma'₅₄, lē₃ jua'₅₄ tsá'₃ 'e₂ cáun'₂ 'nia'₂ 'í₁ o₄quió'₄ a₂qui₂dsi₂jñi₅ 'au'₂ 'nia'₂. ²⁶ Ia₁: “Gua'₅₄ 'uē₃, quian'₅₄ guē₄ ca₂le₃jē₃ 'e₂ niog₅ cha₂ ja₁jaun₂, a₂quió'₅ Te₁gui'₅₄ jē₂ bá₄ jaun₂.”†

²⁷ Nē₁jua'₂ 'ein₂ dsa₂ i₂tsá'₃ 'én₂ ca₂tē₃ 'nia'₂ a₂o₁qué'₂ ja₁quió'₄, nē₁jua'₂ 'niog'₂ 'nia'₂ o₁nóg'₅, jaun₂ qué'₂ bá₄ 'nia'₂ ca₂le₃jē₃ 'e₂ niog₅ dsa₃ dsa₂ ne'₅₄, lē₃ jua'₅₄ tsá'₃ cáun'₂ 'í₁ o₄quió'₄ a₂qui₂dsi₂jñi₅ 'au'₂ 'nia'₂. ²⁸ La₁ nē₁jua'₂ chan₂ guē'₂ 'ein₂ juá'₂: “Má₃ a₂qué'₂ 'nia'₂ nē₅ a₂ma₂jáu'₅ jme₁rē₂jen'₅₄ ne₄ diú₄ lag₄ bá₄ nē₅”, co₂dsia₅ tsá'₃ ma₃qué'₂ 'nia'₂, o₄quió'₄ i₂juá'₂ le₂nē₅, já₃ bá₄ o₄quió'₄ a₂qui₂dsi₂jñi₅ dsí₅ nē₃.† ²⁹ A₂qui₂dsi₂jñi₅ dsí₅ dsa₂ 'éi₂ bá₄ guē'₂, on₃jua'₅₄ rē'₂ 'nia'₂.

La₁ chan₂ guē'₂ i₂le₃juá'₂ táng₃: “¿'E₂ 'uig₅₄ qui₂con₂ dsa₂ 'í₁ tē₂le₃ jui₅ a₂tsá'₃ jnág₅ quió'₃, o₄quió'₄ 'a₂ lia'₂ niog₅ ŋí'₂ dsí₅ i₂sián'₂?” ³⁰ Chi₂jua'₂ cuē₅ jniá'₂ ti₁'mag'₄ o₄quió'₄ caun₂ má₃ a₂quen'₅₄ jniá'₂ jē₄ guē'₅ dsa₂, ¿'e₂ 'uig₅₄ chi₂'ag₅ dsa₂ o₄quió'₄ a₂guē'₂ jaun₂, chi₂jua'₂ cuē₅ ti₁'mag'₄ nē₃? ³¹ Jaun₂ lē₃, chi₂jua'₂ qué'₂, 'ag'₂, já₃ guē'₂ le₂jaun₂ chi₂jua'₂ 'e₂ guē₄ niog₅ jmo'₂ 'nia'₂, jmo₄ bá₄ a₂jaun₂, la₁ jua'₅₄ le₃juin'₂ bá₄ Diú₄ le₃jē₃ a₂jaun₂. ³² La₁ tsá'₃ cuē'₂ 'nia'₂ jmig₄ jua'₅₄ ja₁lé₂ tsi₃sén'₂ dsa₂ judíos, on₃ guē'₂ dsa₂ griegos, on₃ guē'₂ dsa₂ i₂tén₅ le₃quió'₅ guá'₅ quián₅ Diú₄ nē₃. ³³ Jniá'₂ 'ŋió₃ nē₃ quín'₅ bí₂ jmo₂₃ a₂tē₅ dsí₅ ca₂le₃jín₃, tsá'₃ jmo₅ jniá'₂ dsí₃ a₂'náu'₅ jniá'₂ a₂dse₃ le₃ja₁cong₂ 'ŋió₃. Jmo₅ bá₄ jniá'₂ a₂dse₃ le₃ja₁con₂ i₂sián'₂, ia₁jaun₂ lión₂.

11

¹ Quian₂ 'nia'₂ jui₅ a₂ca₂can₃ jniá'₂, jui₁lia'₂ jniá'₂ nē₃, quian₅₄ jui₅ a₂ca₂can₃ Cristo.

'A₂ lia'₂ dsi₂ten₅₄ jmo₃ dsa₂ mí₂ jme₁tioin'₅₄ culto

² Rin'₅₄ jniog₄, a₂'ŋio₂ dsí₃ lín₃ cuē₅ jniá'₂ ti₁'mag'₄ 'nia'₂, 'uig₅₄ ia₁ a₂dsau'₂ bá₄ 'au'₂ jniá'₂, ia₁ chan'₅₄ bá₄ 'nia'₂ tiá₂ já₃ con'₂ lē₅ ma₂ca₂jme₁tin₅ jniá'₂ 'nia'₂. ³ La₁ 'nio₃ jniá'₂ a₂le₃ŋi'₅₄ 'nia'₂: jui₁lia'₂ lín₅ Cristo mi₂dsi₄ le₂jan₂ le₂jan₂ dsa₂ ŋe'₂, já₃ guē'₂ le₂jaun₂ lín₅ dsa₂ ŋe'₂ mi₂dsi₄ dsa₂ mí₂; jaun₂ lín₅ Diú₄ mi₂dsi₄ Cristo. ⁴ Jua'₅₄ mei'₂ guē₃ jan₂ dsa₂ ŋe'₂ jlē₂ dsi₅₄ jme₁chi₂lén'₂ Diú₄ jē₁le₁ŋi'₂ dsa₂, o₃ jme₁ŋág₅ já₃ a₂cuē₅ Diú₄, chein'₂₃ o₂guí'₃ mi₂dsi₅₄ chi₂jua'₂ le₂jaun₂. ⁵ La₁ chi₂jua'₂ jan₂ guē'₂ dsa₂ mí₂ tsá'₃ chi₁jlē₅ dsi₅₄ jme₁chi₂lén'₂ Diú₄, o₃ jme₁ŋág₅ já₃ a₂cuē₅ Diú₄, chein'₂₃ o₂guí'₃ mi₂dsi₅₄ chi₂jua'₂ le₂jaun₂ já₃; co₂jaun₂

† 10:26 Salmo 24:1. ‡ 10:28 A₂lin₅₄ chog₅₄ si₂ juá'₂ já₃: “Ia₁ gua'₅₄ 'uē₃, quian'₅₄ guē₄ ca₂le₃jē₃ 'e₂ niog₅ cha₂ ja₁jaun₂, a₂quió'₅ Te₁gui'₅₄ jē₂ bá₄ jaun₂.”

bá₄ dsió₅ ně₂jag₄ bá₄ rě₂chei₄ jñi₂ dsi₅₄. ⁶ Chi₂jua'₂ tsá₃ 'nio₃ jui₁lia'₂ jan₂ dsa₂ mĩ₂ jlě₂ dsi₅₄, co₂nei'₅₄ o₁chéi₄ jñi₂ dsi₅₄. La₁ chi₂jua'₂ caun₂ o₂guí'₃ jaun₂, a₂chéi₃ jan₂ dsa₂ mĩ₂ jñi₂ dsi₅₄, o₃ a₂téi'₅ 'e₂, jui₁jlě₅₄ bá₄ mi₂dsi₅₄. ⁷ Tsá₃ ca₂tín₂ dsa₂ ñe'₂ jlě₂ dsi₅₄, ia₁ 'éi₂ bá₄ lín₅ co₂'nió'₄ nió'₄ quió'₅ Diú₄, i₂jme₂jnia₅ a₂jlá'₁ quió'₅ Diú₄. La₁ia₁ dsa₂ mĩ₂ ně₃, lín₅ i₂jlán'₁ quián₅ dsa₂ ñe'₂. ⁸ Le₂'uig₅₄ lia'₂ con'₂ jme₁ca₂jmo'₂ Diú₄ dsa₂ ñe'₂, ma₁ on₃jua'₅₄ quió'₅ dsa₂ mĩ₂ ca₂can₃ 'uig₅₄. Dsa₂ mĩ₂ bá₄ 'éi₂ ca₂já₃ ca₂liin₃ quian'₅₄ ni₁ñi₁ dsa₂ ñe'₂. ⁹ O₄quió'₄ dsa₂ ñe'₂ bá₄ ca₂jmo'₂ Diú₄ dsa₂ mĩ₂, jaun₂ on₃jua'₅₄ rě'₂ dsa₂ ñe'₂ ca₂liin₃ o₄quió'₄ dsa₂ mĩ₂. ¹⁰ 'Uig₅₄ jaun₂ guě'₂ ně₃, o₄quió'₄ ángeles, ca₂tín₂ dsa₂ mĩ₂ cán₂ caun₂ léi₄ ne₄ mi₂dsi₅₄, a₂'ein₅₄ 'éi'₃. ¹¹ La₁ tē₂le₃ quió'₅ Te₁gui'₅₄ ně₃, tsá₃ lé₂ le₃chan₂ dsa₂ ñe'₂ jua'₅₄ mei'₂ guě₃ tsá₃ dsa₂ mĩ₂ chan₂. Le₂jaun₂ guě'₂ já₃n tsá₃ lé₂ le₃chan₂ dsa₂ mĩ₂ jua'₅₄ mei'₂ guě₃ tsá₃ dsa₂ ñe'₂ chan₂ táng₃. ¹² Ia₁ jui₁lia'₂ ca₂já₃ dsa₂ mĩ₂ dsi₁con₂ dsa₂ ñe'₂, já₃n bá₄ le₂jaun₂ guě'₂ ně₃ rě₂chan₂ dsa₂ ñe'₂ cáun₂ dsa₂ mĩ₂. La₁ ja₂lé₂ ca₂le₃jě₃ ja₁con₂ Diú₄.

¹³ Quion₂ 'nia'₂ 'í₁ jin'₄ 'nia'₂ guiong'₅₄: ¿Dsi₁ten₅₄ chi₃lén'₂ dsa₂ mĩ₂ Diú₄ jme₁le₁ñi'₂ 'nia'₂ tē₃ tsá₃ chi₁jlě₅ mi₂dsi₅₄? ¹⁴ ¿Tsa₁ léi₄, tsa₁ jág'₂ 'nia'₂ 'a₂ lia'₂ lě₅ dsi₂ten₅₄ i₂nio₄ dsa₂, caun₂ o₂guí'₃ bá₄ jaun₂ quió'₅ jui₁lia'₂ jan₂ dsa₂ ñe'₂, chi₂jua'₂ quian₅ jñi₂ dsi₅₄ jang₄? ¹⁵ La₁ dsa₂ mĩ₂ guě'₂ ně₃, jlá'₁ bá₄ tē₂le₃ quió'₅ 'éi₂ chi₂jua'₂ quian₅ jñi₂ dsi₅₄ jang₄. Ia₁ con'₂ jaun₂ ca₂ñi₂ jñi₂ dsi₅₄ jang₄ co₂'nió'₄ caun₂ 'mi'₂ 'ñiá'₂. ¹⁶ Chi₂jua'₂ chan₂ guě'₂ i₂'nio₃ tsin₃ quió'₅ jág₁ ně₅, jaun₂ juá'₅ jniá₂, ca₂lia'₂ jñia'₅₄ jnia'₅₄ guio₅₄, on₃ guě'₂ 'i₁caun₂ guá'₅ quián₅ Diú₄, tsá₃ tag₄ siá'₂ chí'₅.

Ca₂i₁juin₅₄ ñag₅₄ ca₂guě'₃ dsa₂ ja₁jmo₂g'₅ Má₃ quió'₅ Te₁gui'₅₄

¹⁷ La₁ ne₄ si₂ la₂, 'éi'₃ a₂ně₃ guě₄ jmo₅₄ jniá₂, tsá₃ lé₂ jua'₅₄ juá'₄ jniá₂ a₂dse₃ tion'₅₄ 'nia'₂. Ia₁ jmo'₂ 'nia'₂ dain₅₄ jme₁ñig'₂, 'nió'₄ a₂jme₁jmo'₂ 'nia'₂ a₂dse₃. ¹⁸ Jě₁le₂'uig₅₄ juá'₅ jniá₂, ma₂guion₅₄ jág₁ a₂jmo'₂ 'nia'₂ le₁dsong'₅₄, lia'₂ jme₁ñi'₂ 'nia'₂. Mei'₂ tsá₃ tí₅ bá₄ ca₂la₂ jág₁ ně₅, líng₂. ¹⁹ Dsón'₂ bá₄ jaun₂, tion₅₄ niog₅ qui₃jmo₃ dsa₂ jma₃quén₅ la₂-ně₅, ia₁jaun₂ le₃jniá₂ jin'₄ 'nia'₂ jui₁lia'₂ dsa₂ i₂ma₂guei₃ Diú₄. ²⁰ Jaun₂ lě₃, jme₁ñi'₂ 'nia'₂, tsá₃ ma₂lě₅ quió'₅ Te₁gui'₅₄, má₃ a₂quě'₂ 'nia'₂ jaun₂, ²¹ ia₁ jě₁ma₂ca₂tě₂ hora a₂quě'₅₄ 'nia'₂, jmo₅ dsa₂ i₂lín₅₄ jma₃quén₅ dsi₂jñiá₄ qui₂guě'₅. Chan₂ i₂lín₅₄ tion'₅₄ i₁cón₅; tē₁lia'₂ tion'₅₄ i₂sián'₂ le₁'ein₅. ²² ¿Tsa₁ dsi₂néi₂ quián'₂ 'nia'₂ cha₂ ja₁lé₂ le₃qui₁quě'₅₄ qui₁'ag'₅₄ 'nia'₂ ně₃? ¿O₃ bá₄ ma₂jín'₅₄ 'nia'₂ sion₅ guá'₅ quián₅ Diú₄, já₃n guě'₂ cuě'₂ 'nia'₂ o₂guí'₃ dsa₂ i₂tsá₃ 'e₂ cha₂ quió'₅? ¿'E₂ bá₄ juig₅₄ jniá₂ 'nia'₂? ¿A₁juá'₄ jniá₂ dse₃ lia'₂ tion'₅₄ 'nia'₂ ia₁ a₂jmo'₂ le₂jaun₂? ¿Dsón'₂ bá₄ tsá₃ le₂jaun₂!

Má₃ quió'₅ Te₁gui'₅₄

(Mateo 26:26-29; Marcos 14:22-25; Lucas 22:14-20)

²³ Ia₁ a₂ca₂η₁₂ bá₄ jniá₂ a₂ca₂jme₃tag₅ 'ηiog₅ Te₁gui'₅₄ a₂ma₂ca₂jme₁tin₅ guë'₂ jniá₂ 'nia'₂: lia'₂ con'₂ le₃ca₂nei₂ jmi₄ jme₁ca₂jang'₂ dsa₂, ca₂can₃ i₁ηí'₄. ²⁴ Jme₁ma₂dsan₃ cuë'₅ ti₁'mag'₄ Diú₄, jaun₂ guë'₄ ca₂'niai₃ ca₂dsiö'₃ i₁ηí'₄, jaun₂ ca₂juá'₂: "Qué'₂ 'nia'₂; a₂la₂ bá₄ ηi₃ a₂rë₂'na₄ o₄quián'₂ 'nia'₂. Jmo₄ 'nia'₂ le₂la₂ a₂dsiog'₂ 'au'₂ jniá₂." ²⁵ Ján₃ bá₄ le₂në₅, jme₁ma₂ca₂lë₃ guë'₅ i₁ηí'₄, ca₂can₃ táng₃ copa, jaun₂ ca₂juá'₂: "A₂'a₄ copa la₂, lë₅ jág₁ 'mí₂ a₂li'₅₄ tē₂le₃ quian'₅₄ jmi₃.^{*} Lia'₂ co₂ráun₂ 'ag'₅₄ 'nia'₂, jmo₄ 'nia'₂ a₂dsau'₂ 'au'₂ jniá₂." ²⁶ Jaun₂ le₂në₅ bá₄, lia'₂ co₂ráun₂ tón'₄ 'nia'₂ quë'₅₄ i₁ηí'₄, 'ag'₅₄ 'nia'₂ a₂'a₄ copa, qui₂'ë'₅ 'nia'₂ 'mú₃ quió'₅ Te₁gui'₅₄ ca₂lia'₂ ca₂tē₂ jmi₄ i₁guain'₂ táng₃.

'A₂ lia'₂ dsi₂ten₅₄ tón'₃ dsa₂ jmóg'₂ guë'₃ Má₃ quió'₅ Te₁gui'₅₄

²⁷ Jaun₂ lë₃, chi₂jua'₂ 'ein₂ guë'₅ i₁ηí'₄, 'ín'₂ a₂'a₄ copa jaun₂, on₃jua'₅₄ ia₁ a₂léi₄ dsan₂ dsi₅, a₂rë₂cán'₄ bá₄ 'éi₂ le₃ja₁con₂ ηi₄ jmi₄ Te₁gui'₅₄. ²⁸ 'Uig₅₄ jaun₂ në₃, né'₃ a₂guë'₃ jan₂ dsa₂ i₁ηí'₄, né'₃ a₂'ín'₂ a₂'a₄ copa, jui₁quion₂ 'í₁ ja₁con₂ 'ηiog₅. ²⁹ Ia₁ në₁ca₂guë'₃ ca₂'in'₃, tē₃ tsá₃ rë₂ηí'₂ dsi₅, tsá₃ rë₂cuí'₅ ηi₄ Te₁gui'₅₄, cuë'₅ uig₅ 'ηiog₅ bá₄ në₁ca₂guë'₃ ca₂'in'₃ le₂jaun₂. ³⁰ Ne₄ 'uig₅₄ jaun₂, juin₅ 'nia'₂ i₂le₁dso'₅₄, i₂'uan₅₄ në₃; i₂lin₅₄ guë'₂ ma₂qui₂ca₂dsain₃. ³¹ La₁ në₁jua'₂ ca₂quiong₅₄ jniog₄ 'í₁ dsi₅ guio₅₄, tsá₃ 'e₂ 'í₁ con₂ Te₁gui'₅₄ ja₁con₂ jniog₄. ³² Jme₁con₂ Te₁gui'₅₄ 'í₁ ja₁con₂ jniog₄, jme₂rë₃ jui₅ quián₂ jniog₄, ia₁jaun₂ tsá₃ guéi₁ uig₅ co₂lë₅ quian'₅₄ dsa₂ mi₂güig₃.

³³ Jaun₂ le₂në₅ bá₄, 'nia'₂ rin'₅₄ jniog₄, jui₁lia'₂ juá'₅ jniá₂ chi₂jua'₂ líg'₂ jme₁tón'₂ 'nia'₂ long'₂ quian'₅₄ ríng'₂ a₂jmog'₅₄ 'nia'₂ Má₃ quió'₅ Te₁gui'₅₄, jniá₄ 'nia'₂ ríng'₂ jang'₂ jang'₂ a₂quë'₅₄ co₂dsia₅. ³⁴ Chi₂jua'₂ chan₂ jan₂ i₁cón'₅, jui₁guë'₄ co₂ηei'₅₄ ja₁quió'₄, ia₁jaun₂ tsá₃ 'ë₂ Diú₄ uig₅ jui₁lia'₂ jë₁ηig'₂ 'nia'₂.

Jui₁lia'₂ jág₁ a₂'nió'₅ le₃rë₂, në₅ bá₄ jme₁rë₂ jniá₂ jë₁ma₂të₂ rë₁dsiög₄.

12

Jui₁lia'₂ ta₁ a₂tin₂ dsa₂ a₂cuë₅ Jme₂dsí₂ Jñiós₅ cuë'₅ le₂jan₂ le₂jan₂ dsa₂

¹ Në₃ në₃, rin'₅₄ jniog₄, jui₁lia'₂ tē₂le₃ a₂gu₂dsi₂, tsá₃ 'nio₃ jniá₂ jua'₅₄ tsá₃ le₃ηi'₅₄ 'nia'₂.

² Ma₂ηi'₅₄ bá₄ 'nia'₂, rin'₅₄ jniog₄, lia'₂ con'₂ tsá₃ dsa₂ 'én₂ jme₁ma₂lín'₅ 'nia'₂, jme₁tē₁i₂nio'₄ 'nia'₂ chi₁co'₅₄ quió'₅ dsa₂ lag₄, on₃ i₂lë₂ le₃juá'₂ jág₁. ³ Jaun₂ në₃, juig₅₄ jniá₂ 'nia'₂, 'i₁jan₂ dsa₂ i₂dsia₅ jág₁ lia'₂ con'₂ jiog₅ Jme₂dsi₂ quián₅ Diú₄, tsá₃ juá'₂:

*

11:25 'Nio'₂ ja₁ton₅ Mateo 26:28; Éxodo 24:8; 1 Corintios 10:16.

“Jui₁dsi₂'én₂ Jesús!” Ján₃ guë'₂ le₂jaun₂, 'i₁jan₂ tsá₃ lé₂ le₃juá'₂: “Jesús bá₄ i₂lín₅ Te₁gui'₅₄!” chi₂jua'₂ tsá₃ Jme₂dsí₂ Jñi₅o₅ jiog₅ guë'₂.

⁴ 'Lióng₂ bá₄ jui₅bí₂ cha₂ a₂lé₂ le₃ne₂ dsa₂, la₁ia₁ jan₂ bá₄ Jme₂dsí₂ i₂cuë₅. ⁵ 'Lióng₂ ne₅₄ bá₄ ta₁ a₂cha₂ a₂lé₂ jme₃ti₃ dsa₂, la₁ia₁ jan₂ tan₅₄ bá₄ Te₁gui'₅₄ chan₂. ⁶ Cha₂ 'lióng₂ ne₅₄ bá₄ ta₁ a₂lé₂ le₃jmo₃ dsa₂; jñia'₅₄ lia'₂ jan₂ bá₄ Diú₄ i₂jmo₅ ca₂le₃jě₃ ta₁ jaun₂ ja₁con₂ ca₂le₃jín₃ dsa₂.

⁷ Nē₃ nē₃, a₂dse₃ quió'₅ ca₂le₃jín₃ bá₄ a₂jme₂jnia₅ Diú₄ jui₅bí₂ quió'₅ Jme₂dsí₂ ja₁con₂ le₂jan₂ le₂jan₂. ⁸ Tē₂le₃ quian'₅₄ Jme₂dsí₂ bá₄ cuë₅ Diú₄ jui₅bí₂ cuë'₅ jui₁lia'₂ jan₂ dsa₂ a₂lé₂ le₃cuë₃ jág₁ a₂ñí'₂ dsí₅. I₂sián'₂ guë'₂ nē₃, ñei₂ bí₂ a₂tiín₂ 'a₂ lia'₂ le₃ñi₅ caun₂ jág₁, tē₂le₃ quian'₅₄ jan₂ Jme₂dsí₂ 'éi₂ bá₄. ⁹ Jui₁lia'₂ i₂sián'₂ guë'₂ nē₃, rē₂'éin₂ 'ñio₅ lín₃, a₂jmo₅ 'ñiog₅ Jme₂dsí₂ 'éi₂ bá₄ ján₃. I₂sián'₂ guë'₂ qui'₅₄ jmi₄g₄ a₂lé₂ le₃jme₃'lióin₂ jui₁lia'₂ dsa₂ dso'₅₄ nē₃, tē₂le₃ quian'₅₄ jan₂ Jme₂dsí₂ 'éi₂. ¹⁰ I₂lín₅₄ guë'₂ tin₅ jui₅bí₂ a₂jmo₃ léi₄ juë'₂; i₂lín₅₄ guë'₂ i₂lé₂ le₃'ě₂ jág₁ a₂jme₂jnia₅ Diú₄ ne₅₄; i₂lín₅₄ guë'₂ ñei₂ bí₂ a₂tiín₂ con₂ 'í₁ a₂rē₂lí'₄ dsí₅ jin₄ jme₂dsí₂; i₂lín₅₄ guë'₂ ñei₂ bí₂ a₂lé₂ le₃dsia₃ jág₁ jmei₅ siá'₂; i₂lín₅₄ guë'₂ i₂qui'₅₄ jmi₄g₄ a₂juá'₂ 'e₂ jein₅ jág₁ jmei₅ jaun₂. ¹¹ Ca₂le₃jě₃ jui₅bí₂ nē₅, jan₂ Jme₂dsí₂ quián₅ Diú₄ bá₄ cuë₅ a₂tin₂ dsa₂ le₂jain₂ le₂jain₂, lia'₂ con'₂ lē₅ 'ñio₂ dsí₅.

Ca₂le₃jág₃ bá₄ jniog₄ lág₅ co₂'nió'₄ caun₂ bá₄ ñí₅

¹² Ia₁, jui₁lia'₂ lē₅ caun₂ ni₁ñi₁ dsa₂, 'lióng₂ a₂chei₂ le₂caun₂ le₂caun₂ a₂tén₅ quió'₅, la₁ caun₂ bá₄ ni₁ñi₁₂ lē₅; ján₃ bá₄ le₂jaun₂ lē₅ le₃quió'₅ Cristo. ¹³ Ia₁ ca₂le₃jág₃ bá₄ jniog₄, lia'₂ con'₂ jme₁qui₂ca₂jñó₂* jmi₄g₂, tē₂le₃ quian'₅₄ jan₂ Jme₂dsí₂ 'éi₂ bá₄ ca₂jñó₂ jniog₄ jmi₄g₂, ca₂lag₃ co₂'nió'₄ caun₂ ni₁ñí₅. Tsá₃ a₂lē₅ jaun₂ jui₁la₂ a₂lág₅ jniog₄ dsa₂ judíos, o₃ dsa₂ griegos 'e₂; o₃ jui₁la₂ lág₅ jniog₄ jui₁lia'₂ i₂jme₂ti₃ ta₁ ne₄ jui₅g₅₄, o₃ dsa₂ i₂tsá₃ 'ein₂ ne₄ jua'₅₄ jme₂ti₃; ca₂le₃jág₃ bá₄ jniog₄ qui₂ca₂ñag₂ jan₂ Jme₂dsí₂ 'éi₂ i₂quein'₄ jniog₄, i₂'ne'₅₄ nē₂jag₄ bá₄ jmi₄g₂.

¹⁴ Ia₁ tsá₃ lé₂ le₃jmo₁ jniog₄ dsí₅, jui₁lia'₂ caun₂ ni₁ñi₁ dsa₂ mi₂güí₃, jua'₅₄ cha₂ ca₂ne₅₄ a₂tén₅ quió'₅; ia₁ 'lióng₂ bá₄ a₂cha₂ chei₂ a₂tén₅ quió'₅. ¹⁵ Ia₁ jua'₅₄ mei'₂ guě₃ mi₂tag₄ dsa₂ lé₂ le₃juá'₂: “Uig₅₄ ia₁ tsá₃ mi₂gu₂ líng₅, jaun₂ tsá₃ ca₂tíng₂ téng₃ ni₁ñí₅”, la₁ on₃jua'₅₄ jaun₂ tsá₃ téin₅ ni₁ñí₅. ¹⁶ O₃ jua'₅₄ mei'₂ guě₃ rē₂gua₄ dsa₂ lé₂ le₃juá'₂: “Ia₁ a₂tsá₃ líng₅ mi₂ne₄, jaun₂ tsá₃ téng₅ ni₁ñí₅”, la₁ on₃jua'₅₄ jaun₂ tsá₃ téin₅ ni₁ñí₅. ¹⁷ Jua'₅₄ mei'₂ guě₃ ta₁caun₂ ni₁ñi₁ dsa₂ ca₂lě₃ jmá'₃ mi₂ne₄ dsa₂, ¿'a₂ bá₄ lia'₂ lé₂ jme₁néi₁ jniog₄? O₃ jua'₅₄ mei'₂ guě₃ ta₁caun₂ ni₁ñi₁ dsa₂ ca₂lě₃

* 12:13 lit. “lia'₂ con'₂ jme₁i₂tiog₃ jmi₄g₂.”

jma'3 rē₂gua₄ dsa₂, ζ'a₂ bá₄ lia'2 lé₂ jme₁jén'2 jniog₄? ¹⁸ La₁ 'ñiog₅ bá₄ Diú₄ ně₃, lia'2 con'2 lě₅ 'ñio₂ dsí₅, jma₃quén₅ qui₂ca₂jmo₃ ca₂tíong₃ lia'2 ca₂ne₅₄ a₂cha₂ chei₂ quió'₅ dsa₂ con'2 ja₁ca₂tín₂ ni₁ñi₁ dsa₂. ¹⁹ Jua'₅₄ mei'2 guě₃ ca₂ne₅₄ lě₅ quió'₅ dsa₂, ζ'a₂ lia'2 lé₂ le₃juá'₂ dsa₂ caun₂ ni₁ñi₁₂? ²⁰ La₁ lě₅ ně₃, jui₁'a₂ guě₃ la₂ lě₂ 'líong₂ jma₃quén₅ a₂chei₂ quió'₅ dsa₂, caun₂ bá₄ ni₁ñi₁₂ lě₅.

²¹ Tsá₃ lé₂ le₃juá'₂ jme₁ne₁ dsa₂ tsí'₃ mi₂gu₂: “Tsá₃ 'ne₂ 'nió'₅ quió₃.” Ján₃ bá₄ le₂ně₅, tsá₃ lé₂ le₃juá'₂ mi₂dsi₅₄ tsí'₃ mi₂tag₅₄: “Tsá₃ 'nia'2 'nió'₅ quió₃.” ²² Tē₂le₃ 'ñio₅ guě₄ dsen₅₄ jui₁lia'2 ja₁lín₂ dsa₂ a₂'uan₅₄ quió'₅. ²³ Jui₁lia'2 a₂tén₅ quián₂ jniog₄ ja₁tsá₃ lín₄ quen₅, lág₂ jniog₄, a₂jaun₂ bá₄ guě'₂ 'ñio₅ guě₄ dse₃ lio₂ jniog₄. Le₂jaun₂ bá₄ ján₃, jui₁lia'2 ja₁tsá₃ lín₄ dsi₂ten₅₄ rē₂jniá₂ quián₂ jniog₄, ja₁le₂jaun₂ bá₄ guě'₂ jmo₂ jniog₄ 'í₁, ²⁴ la₁ ja₁dsi₂ten₅₄ rē₂jniá₂ guě'₂ ně₃, tsá₃ lín₄ 'nió'₅ lě₅ 'í₁. Le₂jaun₂ bá₄ ca₂jme₃'ñia₅ Diú₄ ni₁ñí₅, a₂ca₂jme₃dsen₅₄ jui₁lia'2 ja₁tsá₃ lín₄ dsen₅₄ ²⁵ ia₁jaun₂ tsá₃ lé₂ le₁dso'₅₄ ni₁ñí₅, tē₂le₃ jui₁dsian₂ bá₄ dsí₅ o₄quió'₄ rñin'₅₄ le₂jain₂ le₂jain₂. ²⁶ Chi₂jua'2 cha₂ ja₁qui'2 uig₅ quió'₅ dsa₂, ca₂le₃jě₃ guě₄ ja₁siá'₂ quió'₅ dsa₂ chain₂ uig₅ ján₃; chi₂jua'2 cha₂ jui₁lia'2 ja₁rē₂dsen₅₄ quió'₅ dsa₂, le₂ně₅ bá₄ ján₃ lě₂ 'io'2 ca₂le₂con₂ quió'₅ dsa₂.

²⁷ Le₂ně₅ bá₄ jui₁lia'2 'nia'2 ně₃: guion'₅₄ bá₄ 'nia'2 caun₂ bá₄ ja₁téng'₄ ñi₄ Cristo; le₂jan'2 le₂jan'2 'nia'2, líng'₅ lia'2 caun₂ ja₁tén₄ quió'₅. ²⁸ Le₂ně₅ bá₄ ján₃, jma₃quén₅ lě₅ bí₂ ma₂cuě₃ Diú₄ ma₂cuě'₃ le₂jan₂ le₂jan₂ dsa₂ i₂tén₅ guá'₅ quiáin₅. Jē₁le₂'uig₅₄ ca₂'iin₃ dsa₂ i₂chen₄ quiáin₅; jē₁ca₂tě₂ tñn₃, ca₂'iin₃ dsa₂ i₂'ě₂ jág₁ quiáin₅; jē₁ca₂tě₂ 'nag'₂, dsa₂ i₂jme₂tag₅ lín₅ tē₅; nō₅ jaun₂, dsa₂ i₂'io₅ bí₂ jmo₃ léi₄ juě'₂; dsa₂ i₂qui'₅₄ jmi₄ jme₃'lióin₂ dsa₂ dso'₅₄; dsa₂ i₂jme₂'o₅₄ jme₂'oin₅₄ rñin'₅₄; nō₅ jaun₂, jui₁lia'2 dsa₂ i₂cán₂ ne₄ jui₅; dsa₂ i₂dsia₅ 'líong₂ ne₅₄ jág₁ jmei₅. ²⁹ Jaun₂ ně₃, ζ₀₃ bá₄ ca₂le₃jín₃ lín₅ dsa₂ i₂chen₄ quián₅ Te₁gui'₅₄? ζ₀₃ bá₄ ca₂le₃jín₃ 'ě₂ jág₁ a₂ñi₂ cuě₅ Diú₄? ζ₀₃ lín'2 'nia'2 ca₂le₃jín₃ lín₅ tē₅ i₂jme₂tag₅? ζ₀₃ bá₄ ca₂le₃jín₃ tñn₂ jmo₃ léi₄ juě'₂? ³⁰ ζ₀₃ Lé₂ le₃jme₃'lió₂ ca₂le₃jín₃ jme₃'lióin₂ dsa₂ dso'₅₄? ζ₀₃ bá₄ qui'₅₄ jmi₄ ca₂le₃jín₃ dsia₃ jág₁ jmei₅ siá'₂? ζ₀₃ Ján₃ bá₄ lé₂ le₃juá'₂ ca₂le₃jín₃ 'e₂ jein₅ jág₁ jmei₅ jaun₂? Ma₁ tsá₃ le₂jaun₂. ³¹ Jmo₄ 'nia'2 'ín₅ 'au'2 jui₅bí₂ a₂dsen₅₄ guě₄.

La₁ a₂ně₃ guě₄ 'ě₄ jniá₂ 'nia'2 caun₂ jui₅ a₂dse₃ guě₄ lín₃.

13

Jui₁lia'2 a₂jme₂'nio₃ dsa₂ rñin'₅₄

¹ Jui₁'a₂ guě₃ la₂ tñng₂ dsia₅₄ quian'₅₄ jág₁ jmei₅ quió'₅ dsa₂ mi₂güí₃ rñng'₃, o₃ jág₁ jmei₅ quió'₅ ángeles ně₃, la₁ ně₁jua'2 tsá₃

jme₂'nióg₄ guë'₂ ríng'₃ ně₃, tsá₃ 'e₂ ta₁ jmo₃ a₂jmo₅ jniá₂ a₂dseng₃.
 Líng₅ ně₂jag₄ bá₄ caun₂ nj₁ tē₂bong₅ a₂lē₁i₂'ein₅₄, o₃ co₂'nió'₄
 caun₂ ni₁nj₁ tó'₅ mi'₅₄ bá₄. ² Jui₁la₂ qui'₅₄ jniá₂ jmi₄g₄ a₂'ē₄ jág₁
 a₂jme₂jnia₅ Diú₄, jui₁la₂ guion₄ jniá₂ jág₁ ca'₅₄ a₂jme₁rē₂'ma₄
 le₂jniá₅, ján₃ bá₄ jui₁la₂ nj₁'₂ dsi₃ jniá₂ ca₂le₃jě₃, jui₁la₂ 'éng₂ 'ñio₅
 lin₃, ca₂lia'₂ qui'₅₄ jniá₂ jmi₄g₄ le₃jñiog'₅₄ ni₁má'₂ ně₃, la₁ ně₁jua'₂
 tsá₃ jme₂'nióg₄ guë'₂ dsa₂ mi₂güig₃ ríng'₃ ně₃, tsá₃ 'e₂ ta₁ jmo₃
 co₂nj₂ quió₃ a₂jmo₂₃ a₂ting₂. ³ Jui₁la₂ qui₂ca₂dsio'₄ jniá₂ 'e₂ a₂cha₂
 quió₃, quió'₅ dsa₂ ti₂nē₂, o₁jñia'₅₄ la₂ ca₂cuíng₃ ni₁nj₃ 'ñió₃ a₂dsi'₂,
 tsá₃ 'e₂ ta₁ 'i₄ co₂nj₂ a₂jaun₂, ně₁jua'₂ tsá₃ jme₂'nióg₄ guë'₂ dsa₂
 mi₂güig₃ ríng'₃.

⁴ Jui₁lia'₂ dsa₂ i₂tē₃dsón'₂ jme₂'nio₃ rin'₅₄, juin'₂ dsí₅ lín₅; ton'₂
 'ua₁ dsí₅ ně₃; tsá₃ uig₅ dsí₅ quiaín'₅₄ 'i₁jan₂, on₃ guë'₂ jmo₂₃ táin'₅
 ja₁con₂ riin'₅₄; on₃ guë'₂ jmo₂₃ róin₂ ně₃. ⁵ Tsá₃ jmo₂₃ a₂tsá₃
 dsi₂ten₅₄ jmo₃ ja₁con₂ riin'₅₄; tsá₃ 'no'₂ jmá'₃ lia'₂ con'₂ a₂dse₃
 quió'₅ 'ñiog₅; tsá₃ con'₂ lē₁rē₂'nei₂, on₃ guë'₂ jmo₂₃ 'i₄ 'nei₂ dsí₅
 ně₃. ⁶ Jui₁lia'₂ dsa₂ i₂jme₂'nio₃ rin'₅₄, tsá₃ jmo₂₃ tē₅ dsí₅ 'e₂ caun₂
 'lig'₅₄ ca₂jmo₃ i₂sián'₂, tē₂le₃ jmo₂₃ 'io'₂ ja₁con₂ jág₁ tí₅. ⁷ Ca₂le₃jě₃
 bá₄ jlě₂; ca₂le₃jě₃ bá₄ a₂'éin₂ ja₁con₂ riin'₅₄; ca₂le₃jě₃ bá₄ 'ín₂ dsí₅
 a₂dsi₃nj₂ riin'₅₄ caun₂ dse₃; ca₂le₃jě₃ bá₄ jmo₂₃ tió'₅ dsí₅, nau₂ tiá₂.

⁸ Tsá₃ líg'₂ jmi₄g₄ dsian₅ a₂jme₂'nio₃ dsa₂ riin'₅₄. Dsón'₂ bá₄ já₅
 jmi₄g₄ jē₁tsá₃ ma₃'ein₂ 'ē₂ jág₁ a₂nj₂ cuē₅ Diú₄, jē₁tsá₃ ma₃dsia₃
 dsa₂ jág₁ jmei₅ siá'₂, jē₁dsi₃nj₂ le₃jě₃ a₂nj₅ dsa₂ niog₅ dsi₅₄. ⁹ Ia₁
 tsá₃ rē₂'ñia₅ a₂ne₄ jniog₄, jaun₂ tsá₃ rē₂'ñia₅ jág₁ a₂jme₂jnia₅ Diú₄
 a₂qui₂'ē₅ jniog₄. ¹⁰ La₁ jē₁ma₂tē₂ jmi₄g₄ a₂le₃'ñia₅ le₃jě₃, jaun₂ guē₄
 dsi₃'én₂ bá₄ jui₁lia'₂ a₂tsá₃ rē₂'ñia₅ jaun₂.

¹¹ Lia'₂ con'₂ jme₁lín₄ jniá₂ jan₂ chi'₂ bē'₅₄, jme₁dsia₅ jniá₂ jág₁
 lia'₂ dsia₅ jan₂ chi'₂ bē'₅₄, jme₁dsi₂jio₅ dsi₃ jniá₂, lia'₂ dsi₂jio₅
 dsí₅ jan₂ chi'₂ bē'₅₄, ján₃ guë'₂ jme₁qui₂nj₂'₂ dsi₃, lia'₂ nj₁'₂ dsí₅ jan₂
 chi'₂ bē'₅₄; la₁ jme₁ca₂lín₃ jniá₂ dsa₂ juin'₂, ca₂dsia₃ jniá₂ cau₅
 jē₂ a₂ca₂tín₂ quió'₅ chi'₂. ¹² Le₂jaun₂ bá₄ lē₅ jui₁lia'₂ jmi₄g₄ ně₃.
 ne₂ jniog₄ ně₂jag₄ bá₄ caun₂ ni₁'₂ a₂jniá₂ lian₂. La₁ já₅ bá₄ jmi₄g₄
 a₂ne₅₄ jniog₄ dsi₁ne₁ lia'₂ lē₅. Rē₂ně₃ ně₃, tsá₃ rē₂'ñia₅ a₂cuíg₅
 jniá₂; la₁ já₅ bá₄ jmi₄g₄ ja₁le₃cuíg₅ lia'₂ rē₂'ñia₅, jui₁lia'₂ cuíg₅ ñiog₅
 Diú₄ jniá₂.

¹³ Jaun₂ ně₃, 'ni₅ a₂la₂ lē₂ a₂jio₅ guē₄ uē₂: a₂'én₂ dsa₂; a₂'ín₂ dsí₅
 dsa₂; a₂jme₂'nio₃ dsa₂ riin'₅₄. La₁ 'ñio₅ lín₃ guē₄ dsen₅₄ a₂jaun₂
 a₂jme₂'nio₃ dsa₂ riin'₅₄.*

14

Jui₁lia'₂ a₂dsia₅ dsa₂ jág₁ jmei₅ siá'₂

* 13:13 'Nio'₂ ja₁ton₅ Colosenses 3:14.

¹ Quen² 'nia'² bí² a₂dsan² 'au'² jme¹nió⁴ 'nia'² ríng², jaun² jmo⁴ 'nia'² a₂ín⁵ 'au'² cuē³ Diú⁴ jui⁵bí² a₂gu²dsí², la¹ ja₂lin³ guē⁴ dsen⁵⁴ a₂lé² le³ě⁴ 'nia'² jág¹ a₂jme²jnia⁵ Diú⁴. ² Ia¹ jui¹lia² dsa² i₂dsia⁵ jág¹ jmei⁵ siá², tsí⁵ Diú⁴ bá⁴, on³jua⁵⁴ dsa² mi₂güí³, ia¹ tsá³ nág². Jág¹ rē²ma⁴ bá⁴ dsia²³, tē²le³ quió⁵ Jme²dsí². ³ La¹ jui¹lia² dsa² i₂ě² jág¹ tsí⁵ dsa² mi₂güí³, dsia²³ jág¹ a₂jme³o⁵⁴ a₂dsi³cón³ dsa² tē²le³ quió⁵ jme²dsí², cuē⁵ bí² rín⁵⁴, cuē²³ lián² dsí⁵ ně³. ⁴ Jui¹lia² dsa² i₂dsia⁵ jág¹ jmei⁵ siá² ně³, jnia⁵⁴ jme²oin⁵⁴ 'niog⁵ bá⁴ a₂dsi³cón³, la¹ jui¹lia² dsa² i₂ě² jág¹ ně³, jme²o⁵⁴ a₂qui²dsi³cón³ guá⁵.

⁵ 'Nio³ jniá² jua⁵⁴ ta₁jín² bá⁴ 'nia'² ting⁵⁴ a₂lé² le³dsiá¹ 'nia'² jág¹ jmei⁵ siá². La¹ ja₂lin³ guē⁴ dsen⁵⁴ jua⁵⁴ 'ě⁴ 'nia'² jág¹ a₂cuē⁵ Diú⁴. Ia¹ jui¹lia² dsa² i₂ě² jág¹, dsen⁵⁴ guē⁴ lia² con² guē⁴ dsa² i₂dsia⁵ jág¹ jmei⁵ siá², ně¹jua² tsá³ juá² 'e₂ jein⁵ jág¹, ia₁jaun² jme³o⁵⁴ a₂dsi³cón³ guá⁵. ⁶ Ně³ ně³, 'nia'² rín⁵⁴ jniog⁴, jui¹la² ca₂dsióg³ jniá² ja₁con² 'nia'², a₂jnia⁵⁴ con² i₁dsia³ jniá² jág¹ jmei⁵ siá², ě² bá⁴ ta₁ tí⁴ jág¹ jaun², ja₁con² 'nia'², ně¹jua² tsá³ i₂quian⁵⁴ caun² jág¹ a₂jme²jnia⁵ Diú⁴, o₃ jág¹ a₂guion⁵⁴ jniá², o₃ a₂ě⁴ jniá², o₃ a₂jme²tág² 'e₂?

⁷ Jui¹lia² ni₁ńí¹ a₂tsá³ jme²dsí² 'i₄, jui¹lia² te₁fi¹, o₃ caun² tsi₁ton⁵ 'e₂, ě² bá⁴ lia² lé² le³ni⁵ dsa² chi₂jua² 'e₂ son⁵⁴ jéi² dsa², o₃ tsá⁵ 'e₂, chi₂jua² tsá³ jma³quén⁵ i₂ein⁵⁴, cuē⁵ léi⁴ 'a₂ lia² dsó⁵? ⁸ Le₂jaun² bá⁴ ján³ jui¹lia² ne⁴ 'nei². Ně₁jua² tsá³ ca₂né² rē² i₂ein⁵⁴ jéi² dsa² ńí¹ trompeta, ě²ein² bá⁴ jmo³ co₂jnia⁵⁴ quió⁵ a₂qui¹n² ne⁴ 'nei²? ⁹ Le₂ně⁵ bá⁴ lě⁵ jui¹lia² quian⁵⁴ 'nia'² táng³. Ně₁jua² tsá³ ca₂nág² jág¹ a₂uē² mi₂o⁵⁴ 'nia'², ě² bá⁴ lia² lé² le³ni⁵ dsa² 'e₂ juá² 'nia'²? i₂A₂lě₁qui₂dsi₃dsí₂ dsí₃én₂ jág¹ jaun² quiáng²! ¹⁰ Mei² tsá³ 'líóng² bá⁴ jág¹ jmei⁵ cha² mi₂güí³; la¹ tsá³ cha² caun² jua⁵⁴ tsá³ jág¹ jein⁵. ¹¹ Ia¹ jua⁵⁴ mei² guē³ jan² dsa² tság³ jniá² quian⁵⁴ jág¹ jmei⁵ quió⁵ a₂tsá³ ńíg², co²nió⁴ dsi₂nau² bá⁴ 'éi² le₃ja₁con² jniá²; le₂jaun² bá⁴ jniá² táng³, líng⁵ co²nió⁴ dsi₂nau² le₃ja₁con² 'éi². ¹² Le₂ně⁵ bá⁴ lě⁵ jui¹lia² quian⁵⁴ 'nia'² táng³. Ia¹ a₂ńí⁴ lě³ 'ín⁵ 'au'² 'nia'² guéi¹ a₂ting⁵⁴ jui⁵bí² a₂gu²dsí², quen² 'nia'² bí² a₂dsi³tsón³ 'nia'² quian⁵⁴ jui⁵bí² a₂jme²o⁵⁴ a₂dsi³cón³ guá⁵.

¹³ 'Uig⁵⁴ jaun², jui¹lia² i₂dsia⁵ jág¹ jmei⁵ siá², jui¹mi¹² ne⁴ Diú⁴ a₂lé² le₃juá² 'e₂ jein⁵ jág¹ jaun². ¹⁴ Jua⁵⁴ mei² guē³ mi⁵ jniá² ne⁴ Diú⁴ quian⁵⁴ jág¹ jmei⁵ siá², jme²dsí² quió³ bá⁴ chi₂lén² Diú⁴; la¹ a₂ńí² dsi³, tsá³ 'e₂ ta₁ jmo⁵. ¹⁵ ě² A₂ bá⁴ lia² jmo⁵⁴ jniá² jaun² ně³? Ca₂ting² bá⁴ chi₁leng⁴ Diú⁴ jui⁵ jme²dsí² quió³, la¹ ján³ bá⁴ ca₂ting² chi₁leng⁴ Diú⁴ a₂ńí² dsi³ ně³. Le₂ně⁵ bá⁴ ján³, ca₂ting² 'ě⁵⁴ tē²le³ jui⁵ jme²dsí² quió³, la¹ ján³ bá⁴ ca₂ting² 'ě⁵⁴

* 14:7 griego: kithara.

a₂ŋí'₂ dsi₃ ně₃. ¹⁶ Ia₁ chi₂jua'₂ jme₂juín'₂ 'ne₂ Diú₄ jmá'₃ tē₂le₃ jui₅ jme₂dsi₂ quiáng'₂, ¿'a₂ bá₄ lia'₂ lé₂, le₃quió'₅ jui₁lia'₂ jan₂ dsa₂ lē₁dsa₂ i₂'en₅₄, i₂tsá₃ ŋí'₂? ¿'A₂ lia'₂ lé₂ le₃juá'₂ a₂méi₃ jme₁cuē'₂ 'ne₂ ti₁'mag'₄, chi₂jua'₂ ján₃ guē'₂ tsá₃ ŋi₅ 'e₂ juá'₂ 'ne₂? ¹⁷ Dsón'₂ bá₄ jaun₂ jlá'₁ a₂cuē'₂ 'ne₂ ti₁'mag'₄, la₁ia₁ tsá₃ jme₂o₅₄ a₂jaun₂ a₂dsi₃cón₃ i₂sián'₂. ¹⁸ Cuē₅ jniá₂ ti₁'mag'₄ Diú₄ ia₁ a₂qui'₅₄ jniá₂ jmi₄ le₃dsia₅₄ guē₄ jág₁ jmei₅ siá'₂, lia'₂ con'₂ guē₄ ca₂le₃jín'₃ 'nia'₂. ¹⁹ La₁ jui₁lia'₂ jme₁le₁ŋi'₂ dsa₂, ja₂lin₃ guē₄ 'nio₃ juig₅₄ dsa₂ 'ŋiá₂ jon₄ jág₁ a₂ŋíg'₂, ia₁jaun₂ lé₂ jme₁tin₅ i₂sián'₂, lia'₂ con'₂ guē₄ a₂jme₁juig₅₄ dsa₂ guia₃ mei₅ jág₁ a₂tsá₃ 'ein₂ ŋí'₂.

²⁰ 'Nia'₂ rin'₅₄ jniog₄, tsá₃ ma₃jui₁dsi₂jio₅ 'au'₂ 'nia'₂ jui₁lia'₂ dsi₂jio₅ dsi₅i₂bē'₅₄. Jmo₄ bá₄ a₂líng'₅ i₂bē'₅₄ tē₂le₃ ja₁con₂ a₂'lig'₅₄. La₁ jui₁qui₂le₂ŋí'₂ 'au'₂ 'nia'₂ co₂'nió'₄ dsa₂ can'₅₄. ²¹ Juá'₂ bá₄ ne₄ Si₂:

Juig₅₄ jniá₂ dsa₂ juig₂ nación la₂ tē₂le₃ quian'₅₄ dsa₂ i₂dsia₅ jág₁ jmei₅ siá'₂, le₃jui₅ mi₂'o₄ dsi₂nau₂ ně₃; la₁ on₃ bá₄ guē'₂ le₂jaun₂ jua'₅₄ a₂qui₃tón'₂ dsa₂ jui₅ jág₁ quió₃, juá'₂ Te₁gui'₅₄.†

²² Jaun₂ le₂nē₅ bá₄ lē₅ a₂dsia₅ dsa₂ jág₁ jmei₅ siá'₂. Quian'₅₄ jág₁ jmei₅ jaun₂ jáng'₅ caun₂ léi₄ tē₂le₃ ja₁con₂ dsa₂ i₂tsá₃ 'én₂, on₃jua'₅₄ rē'₂ le₃quió'₅ dsa₂ i₂'én₂. La₁ jui₁lia'₂ jme₁ē₂ dsa₂ jág₁ a₂jme₂jnia₅ Diú₄, jág₁ le₂jaun₂ ně₃ jáng'₅ táng₃ caun₂ léi₄ le₃ja₁con₂ dsa₂ 'én₂ bá₄, on₃jua'₅₄ le₃ja₁con₂ dsa₂ i₂tsá₃ 'én₂.

²³ Jaun₂ le₂nē₅ bá₄, jme₁le₁ŋi'₂ guá'₅, jua'₅₄ mei'₂ guē₃ ca₂le₃jín₃ dsia₂₃ jág₁ jmei₅ siá'₂, nē₁jua'₂ tē₃jē₄ jaun₂ ca₂dsi₃lén₂ jui₁lia'₂ dsa₂ i₂tsá₃ lin₄ ŋi₅, o₃ i₂tsá₃ 'én₂ ně₃, ¿tsa₁ lé₂ le₃juá'₂ 'éi₂: “Dsa₂ ŋá₅ bá₄ nē₅ tion'₅₄”, 'iin₃ 'nia'₂? ²⁴ La₁ nē₅jua'₂ ca₂dsi₃óg₃ jan₂ dsa₂ i₂tsá₃ ma₂'én₂, o₃ i₂tsá₃ lin₄ ŋi₅ 'e₂, tē₁lia'₂ tion'₅₄ ca₂le₃jín₃ 'ē₂ jág₁ a₂ma₂cuē₃ Diú₄, jaun₂ guē₄ le₃lí'₄ dsi₅ 'ŋiog₅ 'a₂ lia'₂ chain₂ le₃jniá₂ dsáu₁, co₂'nió'₄ a₂con₂ 'í₁ jág₁ a₂nag₂₃ a₂ē₂ dsa₂ tioin'₅₄. ²⁵ Jaun₂ guē₄ le₃jniá₂ a₂rē₂'ma₄ jlē₅ a₂niog₅ dsi₅. Jaun₂ bá₄ chí₃jné₃ jme₃juín'₂ Diú₄, ton'₂ juá'₂: “Tē₃dsón'₂ bá₄ 'en₅₄ Diú₄ jin'₄ 'nia'₂”.

Jmo₄ bá₄ 'nia'₂ ca₂le₃jē₃ con'₂ dsi₂ten₅₄, dse₃ jniá₂

²⁶ ¿'E₂ bá₄ jaun₂ ně₃, rin'₅₄ jniog₄? Jē₁ma₂tē₂ rē₁tón'₄ 'nia'₂ long'₂, le₂jan'₂ le₂jan'₂ 'nia'₂ quian'₅₄ caun₂ salmo, o₃ caun₂ jág₁ a₂jme₂tág'₂ 'nia'₂, o₃ caun₂ jág₁ a₂jme₂jnia₅ Diú₄, o₃ caun₂ jág₁ a₂juá'₂ quian'₅₄ jág₁ jmei₅ siá'₂, o₃ caun₂ jág₁ dsau₅ jui₁lia'₂ 'e₂ jein₅ jág₁ jaun₂; la₁ jui₁le₅₄ ca₂le₃jē₃ a₂nē₅ o₄quió'₄ a₂dsi₃cón₃ dsa₂ tē₂le₃ quió'₅ jme₂dsi₂. ²⁷ Jē₁ma₂tē₂ rē₁dsia₃ 'ein₂ dsia₃ jág₁ jmei₅ siá'₂, jui₁dsia₁₂ on₃, chí₂jua'₂ ŋí'₄ lē₃ ca₂juē'₃, ún₂ jniá'₄, tē₃

† 14:21 Isaías 28:11-12; Deuteronomio 28:49.

qui₂jáin₃, jaun₂ 'nió'₅ le₃chan₂ jan₂ i₂juá'₂ 'e₂ jein₅ jág₁ jaun₂.
²⁸ La₁ nē₁jua'₂ tsá₃ 'ein₂ chan₂ i₂lé₂ le₃juá'₂ 'e₂ jein₅ jág₁ jaun₂,
 co₂dsia₅ jui₁jmo₁₂ tei₄ dsi₂néi₂ guá'₅, jui₁dsia₁₂ tē₂dsi₅ 'niog₅,
 jui₁chi₂lén'₄ Diú₄.

²⁹ Le₂nē₅ bá₄ ján₃ jui₁lia'₂ i₂'ē₂ jág₁ a₂jme₂jnia₅ Diú₄: jui₁jua'₅₄
 on₃-ún₂, la₁ ma₂tion'₅₄ i₂sián'₂ i₂con₂ 'í₁. ³⁰ La₁ nē₁jua'₂
 ca₂jme₃jnia₅ Diú₄ caun₂ jág₁ ne₄ jan₂ i₂guá₅ jē₄ le₁ñi'₂ dsa₂ jaun₂,
 jui₁jmo₅₄ i₂le₂'uig₅₄ 'éi₂ tei₄. ³¹ Ia₁ lé₂ le₃'ē'₄ ca₂le₃jín'₃ 'nia'₂ jág₁
 tē₃ qui₂jáng'₃, ia₁jaun₂ ca₂le₃jín₃ qui₃le₃tīn₂, gue₃ lián'₂ dsí₅ ján₃.
³² Ca₂tín₂ dsa₂ i₂'ē₂ jág₁ a₂cuē₅ Diú₄ a₂qui'₅₄ jmig₄ jme₃'uáin₂
 jme₂dsí₂ quió'₅. ³³ Ia₁ jmo₅ Diú₄ a₂'ei₅ tei₄, on₃jua'₅₄ rē'₂ a₂gó₂.

Jui₁lia'₂ lē₅ ca₂le₃jē₃ ja₁ñi'₂ dsa₂ rin'₅₄ jniog₄,[†] ³⁴ ca₂tín₂ bá₄ dsa₂
 mí₂ jmo₃ tei₄ dsi₂néi₂ guá'₅. Tsá₃ 'i₄ 'éi'₃ táun₂ jág₁, tē₂le₃ ca₂tīn₂
 nag₃ gau₂ bá₄, jui₁lia'₂ juá'₂ Si₂ 'Éi'₃. ³⁵ Chi₂jua'₂ 'e₂ 'nio₃ le₃ñi₅,
 ca₂tīn₂ ñi'₃ dsi₂i₂gu₂ guioin₅₄, dsi₂néi₂ quió'₅. Ia₁ caun₂ o₂guí'₃
 jaun₂, jua'₅₄ mei'₂ guē₃ dsa₂ mí₂ táun₂ jág₁ dsi₂néi₂ guá'₅.

³⁶ ¿O₃ bá₄ ca₂rē₃lióg₃ jág₁ quió'₅ Diú₄ ja₁con'₂ 'nia'₂? ¿O₃ bá₄
 jmá'₃ lia'₂ ja₁con'₂ 'nia'₂ ca₂dsióg₃ jág₁ dse₃? ³⁷ Chi₂jua'₂ chan₂
 jan₂ i₂lín₂ līn₅ jan₂ i₂'ē₂ jág₁ a₂cuē₅ Diú₄, o₃ i₂'io₅ a₂tīn₂ caun₂
 jui₅bí₂ a₂gu₂dsí₂, jui₁le₂ñi₅ bá₄ rē₂jiá₃ jág₁ a₂tó'₅ jniá₂ ne₄ si₂ la₂
 a₂juíg₂ jniá₂ 'nia'₂, co₂nē₅ lē₅ 'éi'₃ quió'₅ Te₁gui'₅₄ bá₄. ³⁸ Chi₂jua'₂
 chan₂ guē'₂ i₂tsá₃ tón'₂ jui₅ jág₁ nē₅, tsá₃ ton'₅₄ 'nia'₂ jui₅ dsa₂ 'éi₂.[§]

³⁹ Le₂nē₅ bá₄ jaun₂ 'nia'₂ rin'₅₄ jniog₄, quen'₂ 'nia'₂ bí₂ a₂lé₂
 le₃'ē'₄ 'nia'₂ jág₁ dse₃ a₂já₅ le₃ja₁con₂ Diú₄. Tsá₃ jmo₂ 'nia'₂ jua'₅₄
 a₂tsá₃ cuē'₁ 'nia'₂ jmig₄ a₂dsia₃ dsa₂ jág₁ jmei₅ siá'₂. ⁴⁰ La₁ia₁
 jmo₄ 'nia'₂ ca₂le₃jē₃ lia'₂ con'₂ dsi₂ten₅₄, lia'₂ con'₂ lē₅ ca₂tīn₂ jmo₃
 le₂jain₂ le₂jain₂.

15

Jui₁lia'₂ a₂ca₂jen'₅₄ Cristo

¹ Nē₃ nē₃ rin'₅₄ jniog₄, jmo₅ jniá₂ a₂dsiog'₂ 'au'₂ 'nia'₂ 'a₂ lia'₂
 lē₅ jág₁ dse₃ a₂ma₂ca₂'ē₃ jniá₂ jin'₄ 'nia'₂, a₂ma₂ca₂gue'₅₄ 'nia'₂,
 a₂tión'₂ 'nia'₂ tiá₂. ² Tē₂le₃ quian'₅₄ jág₁ dse₃ la₂ bá₄ a₂lión'₂ 'nia'₂,
 chi₂jua'₂ chan'₅₄ 'nia'₂ tiá₂ jág₁ a₂ma₂ca₂'ē₃ jniá₂ 'nia'₂. Chi₂jua'₂
 tsá₃ le₂jaun₂ nē₃, tsá₃ ta₁ tí₄ a₂ma₂ca₂rē₃'én'₂ 'nia'₂.

³ Jē₁le₂'uig₅₄ juá'₅, ca₂jáng'₃ jniá₂ jág₁ a₂ma₂ca₂ñi₂ jniá₂:
 a₂ca₂jon₃ I₂rē₂'in₁ quián₅ Diú₄ 'uig₅₄ dsáu₁ jniog₄, lia'₂ con'₂ lē₅
 juá'₂ ne₄ Si₂; ⁴ a₂ca₂'ó₂ dsa₂, a₂ca₂jein'₅₄ táng₃ ja₁ñáu'₄ 'ni₅ jmig₄,
 lia'₂ con'₂ lē₅ juá'₂ ne₄ Si₂ bá₄ ján₃; ⁵ a₂ca₂jme₃jniai₂₃ ne₄ Pe₄;^{*}
 jaun₂ guē₄ ca₂jme₃jniai₂₃ ne₄ chi'₂ dsi₂guia₃-tín₂. ⁶ Cang₂ jaun₂,

[†] 14:33 lit. “dsa₂ jñiós.” § 14:38 A₂lin₅₄ chog₅₄ si₂ juá'₂: “Chi₂jua'₂ chan₂ guē'₂
 i₂tsá₃ tón'₂ jui₅ jág₁ nē₅, tsá₃ lē₅ jui₁tioin'₅₄ jui₅ guē'₂ jaun₂.” * 15:5 griego: Cefas.

ca₂jág₂ co₂nio₄ lě₅ guě₄ ca₂jau₅₄ mei₅ dsa₂ rin'₅₄ jniog₄; mei'₂ tsá₃ ca₂le₃jín₃ bá₄ dsa₂ i₂ca₂jág₂ 'éi₂ chain₂ bá₄ guě₄ jmig₄ ně₃, o₁jnia'₅₄ la₂ ma₂dsan₃ i₂lin₅₄. ⁷ Cang₂ jaun₂, ca₂jme₃jniai₂₃ ne₄ Jacobo, ŋó₅ jaun₂ ca₂jme₃jniai₂₃ ne₄ ca₂le₃jín₃ dsa₂ i₂chen₄ quiáin₅.

⁸ Jě₁ca₂tó'₂ guě₄ ně₃ ca₂jme₃jniai₂₃ ne₃ jniá₂, o₁jnia'₅₄ jme₁lín₄ jniá₂ ně₂jag₄ bá₄ jan₂ i₂tsá₃ dse₃ ca₂rě₃chán₃. ⁹ Ia₁ lín₅ jniá₂ i₂'uin₃ guě₄ jui₁lia'₂ con'₂ guě₄ ca₂le₃jín₃ dsa₂ i₂chen₄ quiáin₅, ca₂lia'₂ jnia'₅₄ tsá₃ ca₂tíng₂ a₂quiong₃ dsa₂ a₂lín₅ i₂chen₄ quiáin₅. Ia₁ qui₂ca₂co₃'éng₃ dsa₂ 'én₂ le₂jnia₅. ¹⁰ La₁ 'uig₅₄ ia₁ a₂'ua₁ dsí₅ bá₄ Diú₄, lín₅ jniá₂ 'e₂ lín₅; jaun₂ jui₁lia'₂ a₂ca₂dsia₃ Diú₄ dse₃ dsí₅ ja₁cong₂, tsá₃ lě₅ jua'₅₄ a₂tsá₃ ta₁ tí₄. La₁ 'ŋio₅ lín₅ guě₄ ma₂jmo₃ jniá₂ ta₁ lia'₂ con'₂ guě₄ ca₂le₃jín₃ i₂chen₄ quiáin₅; ton'₂ on₃jua'₅₄ ca₂jmo₃ jniá₂ 'ŋió₃, a₂ma₂ca₂jme₃quiong'₅₄ a₂'ua₁ dsí₅ Diú₄ bá₄ ma₂guio₃. ¹¹ La₁ tsá₃ a₂lě₅ jaun₂ jua'₅₄ jniá₂, o₃ 'éi₂ 'e₂ ma₂jmo₃, la₁ caun₂ jág₁ la₂ bá₄ ma₂ja₂náu₅ jnia'₅₄ 'ě₅. Jág₁ ně₃ bá₄ a₂ma₂ca₂nei'₂ ca₂rě₃'én'₂ guě'₂ 'nia'₂.

Jui₁lia'₂ a₂já₅ caun₂ jmig₄ a₂jen'₅₄ 'lag₄

¹² La₁ chi₂jua'₂ ma₂qui₂rě₂'ě₂ jág₁ a₂ca₂jen'₅₄ bá₄ Cristo a₂jme₁rě₂'lín₅₄, ċ₂ a₂ bá₄ lia'₂ lě₅ a₂juá'₂ 'nia'₂ i₂lin₅₄ a₂tsá₃ jen'₅₄ 'lag₄? ¹³ Ně₃ ně₃, chi₂jua'₂ tsá₃ jen'₅₄ 'lag₄, jaun₂ ca₂lia'₂ jnia'₅₄ Cristo tsá₃ rě₂jen'₅₄ chi₂jua'₂ le₂jaun₂; ¹⁴ jaun₂ chi₂jua'₂ tsá₃ ca₂jen'₅₄ guě'₂ Cristo, le₃jua'₅₄ tsá₃ ma₃'e₂ ta₁ tí₄ jág₁ a₂'ě₅ jnia'₅₄, jaun₂ tsá₃ ta₁ tí₄ a₂'én'₂ 'nia'₂. ¹⁵ Chi₂jua'₂ le₂ně₅, jnia'₅₄ ně₃ ma₂ja₂náu₅ jag'₅₄ 'nia'₂ a₂lág₅ dsa₂ tē₂jín₁, tsá₃ tí₅ jág₁ quián₂ jnia'₅₄ a₂'ín₅ jnia'₅₄ Diú₄. Ia₁ ma₂ja₂náu₅ jnia'₅₄ 'ín₅ Diú₄, a₂ca₂jme₃jein'₅₄ Cristo i₂tsá₃ rě₂jen'₅₄ chi₂jua'₂ tsá₃ dsau₅ jág₁ ně₃ a₂jen'₅₄ 'lag₄. ¹⁶ Chi₂jua'₂ le₂jaun₂ tsá₃ jen'₅₄ 'lag₄, le₂jaun₂ guě'₂ ján₃, on₃ guě'₂ Cristo 'ŋiog₅ ca₂jein'₅₄ ně₃; ¹⁷ ně₁tsá₃ guě'₂ ca₂jen'₅₄ 'éi₂, tsá₃ 'e₂ ta₁ jmo₃ a₂'én'₂ 'nia'₂ le₃quió'₅ ně₃, jaun₂ lia'₂ ma₂le₁cán'₄ jaun₂ bá₄ 'nia'₂ dsáu'₂ ně₃. ¹⁸ Ján₃ guě'₂ le₂jaun₂, jui₁lia'₂ dsa₂ i₂ma₂dsan₃ le₃quió'₅ Cristo, i₂rě₂'én₄ bá₄ 'éi₂, chi₂jua'₂ le₂jaun₂. ¹⁹ Jaun₂ jniog₄ ně₃, chi₂jua'₂ a₂jnia'₅₄ 'ín₂ dsí₅ jniog₄ le₃quió'₅ Cristo jui₁lia'₂ jmig₄ tē₂lia'₂ chong₂ la₂, 'e₂ guě₄ juíg₂ jniog₄ con'₂ guě₄ ca₂le₃jín₃ dsa₂.

²⁰ La₁ a₂tě₃dsón'₂ bá₄ dsau₅ a₂ca₂jen'₅₄ Cristo a₂jme₁rě₂'lín₅₄; lín₅ co₂'nió'₄ mīg₂ le₂'uig₅₄ a₂'ag₅ a₂ro'₂ dsa₂, ia₁ lín₅ i₂le₂'uig₅₄ i₂ca₂jen'₅₄ jin₄ dsa₂ i₂ma₂dsan₃. ²¹ Le₂jaun₂ bá₄, jui₁lia'₂ 'uig₅₄ quió'₅ jan₂ dsa₂ ca₂'í₃ 'mú₃ mi₂güí₃, ján₃ bá₄ 'uig₅₄ quió'₅ jan₂ dsa₂ ca₂rě₃lióg₃ a₂jen'₅₄ 'lag₄. ²² Ia₁ jui₁lia'₂ lě₅ a₂dsan₂ ca₂le₃jín₃ ia₁ a₂lín₅ tsi₁jon₂ Adán, ján₃ bá₄ le₂ně₅ le₃chan₂ ca₂le₃jín₃ ia₁ a₂lín₅ i₂quían₅ Cristo, ²³ la₁ia₁ le₂jan₂ le₂jan₂ bá₄ 'a₂ lia'₂ lě₅ niog₅ tiin₃: Cristo le₂'uig₅₄, co₂'nió'₄ jon₂ le₂ne₁ a₂ráu₃; jaun₂

guẽ₄ 'éi₂, dsa₂ quián₅ Cristo, jẽ₁ma₂tẽ₂ rẽ₁guain'₂, ja₃te₅₄ 'éi₂ tẽ₂le₃ ja₁coin₂. ²⁴ Jaun₂ guẽ₄ nẽ₃, jiá₃ jmi₄ jẽ₁dsian₅ ca₂le₃jẽ₃, jẽ₁ma₂tẽ₂ rẽ₁jáng'₃ ta₁ a₂lĩn₅ a₂goin₂, ne₄ Diú₄ Jmei₂, cang₂ jẽ₁ma₂ca₂'éin₂ ca₂le₃jẽ₃ 'éi'₃, ca₂le₃jĩn₃ dsi₃tan₅₄, ca₂le₃jẽ₃ jui₅bí₂. ²⁵ Ia₁ tion₅₄ bá₄ ca₂tĩn₂ 'éi₂ goin₂, ca₂lia'₂ ca₂tẽ₂ jmi₄ i₁guian'₃ Diú₄ o₄tag₁₂ ca₂le₃jĩn₃ i₂'iog₅₄. ²⁶ Ia₁ i₂jẽ₁ca₂tó'₂ i₂'iog₅₄ i₂dsi₃'én₂, 'mú₃ bá₄ jaun₂. ²⁷ Ia₁ Diú₄ bá₄ “ma₂ca₂guiog'₃ o₄tag₄ 'éi₂ ca₂le₃jẽ₃ jui₅bí₂.”† Nẽ₃ nẽ₃, jui₁lia'₂ jme₁juá'₂ Si₂ a₂ca₂guiog'₃ ca₂le₃jẽ₃, jaun₂ nág'₂ rẽ₂jiá₃, tsá₃ quen'₅₄ Diú₄ nio₅ jin₄ dsa₂ i₂le₁gan'₅₄ o₄tag₄ Cristo, ia₁ 'nio₅ bá₄ Diú₄ ca₂guiog'₃. ²⁸ Jẽ₁ma₂ca₂dsi₃og₃ jmi₄ jaun₂ a₂nio₅ ca₂le₃jẽ₃ o₄gú₃ Ja₁ni'₅₄, jaun₂ guẽ₄ nẽ₃ 'nio₅ Ja₁ni'₅₄ jĩn₂ táng₃ o₄gú₃ i₁ca₂guiog'₃ 'éi₂, ia₁jaun₂ lén₂ Diú₄ juig₅₄ ca₂le₃jẽ₃, ne₄ ca₂le₃jẽ₃.

²⁹ Nẽ₃ nẽ₃, nẽ₁juá'₂ tsá₃ jen'₅₄ 'lag₄, ¿'e₂ guẽ'₂ jmo₃ jui₁lia'₂ dsa₂ i₂jno₂ jmi₄ o₄quió'₄ 'éi₂? Chi₂jua'₂ dsón'₂ rẽ'₂ dsau₅ a₂tsá₃ jen'₅₄ 'lag₄, ¿'e₂ guẽ'₂ lẽ₃ jno₂ dsa₂ jmi₄ o₄quió'₄? ³⁰ Jui₁lia'₂ jnia'₅₄ nẽ₃, ¿'e₂ bá₄ ta₁ jmo₃ i₁nio₄ jnia'₅₄ 'ei₅ gau₂ co₂tan₅₄? ³¹ Le₂o₃ jmi₄ bá₄ gue₅ jniá'₂ 'mú₃. Dsón'₂ bá₄ jaun₂, rin'₅₄ jnio₄, jui₁lia'₂ dsón'₂ bá₄ jmo₅ jniá'₂ táng₅ o₄quián'₂ 'nia'₂ i₂'én₂ le₃quió'₅ Cristo Jesús, Te₁gui'₅₄ quián₂ jnio₂. ³² Chi₂jua'₂ ca₂quín'₂ jniá'₂ quian'₅₄ dsa₂ tsau₂ dsí₅ i₂chan₂ juig₂ Efeso, con'₂ dsi₂jio₅ dsí₅ dsa₂ mi₂gũig₃, ¿'e₂ a₂dsí₂ quió'₃? Chi₂jua'₂ dsau₅ jaun₂ a₂tsá₃ jen'₅₄ 'lag₄, jui₁que₅₄ jui₁'en'₅₄ jnio₄,

ia₁ con'₂ tsá₃ no₅ nẽ₁juá'₂
ca₂dsau₃ bá₄ jui₁la₂ 'ióg₃.‡

³³ Jaun₂ juig₂ jniá'₂ 'nia'₂, tsá₃ lẽ₁jme₁gan₅ 'nia'₂ 'au'₂. Tsá₃ i₂jmo₂ 'nia'₂ jui₁lia'₂ juá'₂ caun₂ jág₁ a₂cha₂: “Jui₁lia'₂ dsa₂ i₂jme₂quian'₅₄ dsa₂ i₂con'₂ lẽ₁lín₄, dsi₃'én₂ tag₄ a₂dse₃ a₂'io₂₃.” ³⁴ Jaun₂ juá'₅ jniá'₂, jme₁jnio₂ 'nia'₂ ne'₅₄, jen'₅₄ táng₃ 'nia'₂ jui₅ co₂dsau₅, tsá₃ ma₃'nau₂ 'nia'₂ dso₄. Ia₁ i₂chan₂ bá₄ i₂lín₅₄ 'nia'₂ i₂tsá₃ cuin₅ Diú₄. Juá'₅ jniá'₂ le₂nẽ₅ ia₁jaun₂ cán'₁ 'nia'₂ ca₂la₂ o₂gui'₃.

'A₂ lia'₂ lẽ₂ a₂jen'₅₄ táng₃ 'lag₄

³⁵ Chan₂ bá₄ i₂le₃ñag₃: “¿'A₂ bá₄ lia'₂ lẽ₅ jaun₂ a₂jen'₅₄ 'lag₄? ¿'A₂ lia'₂ lĩn₅, 'a₂ lia'₂ lẽ₅ ni₁ni₁₂ jẽ₁ma₂ja₂lein₃?” ³⁶ iCaun₂ jág₁ co₄ bá₄ nẽ₅! Ia₁ jui₁lia'₂ jme₁jne₅ dsa₂ 'e₂ jon₂ jne₂₃, tsá₃ 'ia₂ jua'₅₄ tsá₃ dsi₃'én₂ jon₂ a₂dsi₂jnia₄. ³⁷ Ia₁ jui₁lia'₂ jme₁jan'₂ 'e₂ jan'₂, on₃jua'₅₄ a₂jan'₂ tag₄ a₂lẽ₂ cang₂. Le₂jaun₂ lẽ₅ jui₁lia'₂ cuig₂, § jui₁'e₂ guẽ₃ jon₂ siá'₂ ján₃. ³⁸ Le₂jaun₂ bá₄ jmo₅ Diú₄: cuẽ₂₃ cho'₅₄ lia'₂ con'₂ lẽ₅ 'nio₂ dsí₅; lia'₂ ca₂ne₅₄ mi₂g₂ 'io₂₃ cho'₅₄ con'₂ a₂ca₂tĩn₂. ³⁹ Le₂jaun₂ bá₄ lẽ₅ quian'₅₄ jui₁lia'₂ ni₁ni₅: tsá₃ le₃jẽ₃

† 15:27 Salmo 8:6. ‡ 15:32 Isaías 22:13. § 15:37 lit. “trigo.”

lě₅ co₂rě₂. Jma₃quén₅ bá₄ lě₅ ni₁ñi₁ dsa₂ mi₂güig₃, quian'₅₄ ni₁ñi₁ já'₂ náu₂, jui₁lia'₂ quió'₅ i₁tan₅; jui₁lia'₂ guē'₂ quió'₅ i₁ju₁ ján₃.
 40 Le₂ně₅ bá₄ lě₅ jui₁lia'₂ a₂cha₂ guei'₅₄ mi₂güig₃, quian'₅₄ a₂cha₂ ne₄ gua'₅₄ 'uē₃. Tsá₃ co₂rě₂ jlá'₁ tág₅ a₂cha₂ guei'₅₄ quian'₅₄ a₂jlá'₁ a₂cha₂ ne₄ gua'₅₄ 'uē₃. 41 Le₂ně₅ bá₄ siá'₂ tág₅ quió'₅ 'iog₂, quian'₅₄ tsí'₂, quian'₅₄ guē'₂ nei₅ táng₃. Ján'₃ bá₄ siá'₂ tág₅ nei₅ jē₄ rin'₅₄. *

42 Le₂ně₅ bá₄ guē'₂ niog₅ lé₂ quian'₅₄ dsa₂, jē₁ma₂ca₂jein'₅₄. Dsi₃'o₃ caun₂ ni₁ñí₅ a₂niog₅ siá'₃; jaun₂ jen'₅₄ táng₃ caun₂ a₂tsá₃ ton₅ jmig₄ siá'₃. 43 Dsi₃'o₃ caun₂ ni₁ñí₅ co₂'nió'₄ a₂lě₅ o₂gui'₃; jaun₂ náu₃ caun₂ ni₁ñí₅ jlá'₁. Dsi₃'o₃ caun₂ ni₁ñí₅ 'uan₅₄; la₁ jen'₅₄ táng₃ caun₂ a₂bén₂. 44 Dsi₃'o₃ caun₂ ni₁ñí₅ a₂lě₅ a₂ca₂tín₂ gua'₅₄ 'uē₃ la₂; jaun₂ guē'₄ jen'₅₄ táng₃ caun₂ ni₁ñí₅ a₂gu₂dsí₂.

45 Jaun₂ bá₄ lě₃ chi₁ton₅ ne₄ Si₂: "Ca₂lin₃ Adán le₂'uig₅₄ jan₂ dsa₂ i₂'i₄ jme₂dsí₂."† La₁ i₂lín₅ Adán i₂co₂'nió'₄ jē₁ca₂tó'₂ guē'₂ ně₃, ca₂lin₃ jan₂ jme₂dsí₂ i₂to'₂ jme₂dsí₂ jniog₄. 46 La₁ on₃jua'₅₄ jme₂dsí₂ ca₂gua₃ de'₂ le₂'uig₅₄. A₂ca₂tín₂ gua'₅₄ 'uē₃ bá₄ ca₂lě₃ le₂'uig₅₄; cang₂ jaun₂ ca₂gua₃ a₂gu₂dsí₂. 47 Dsa₂ i₂le₂ne₁ 'éi₂ jme₁lín₄ quian'₅₄ ti₁gua'₅₄ quió'₅ 'uē₃ la₂; i₂jē₁ca₂tē₂ on₃ dsa₂ ně₃, i₂ca₂já₃ guei'₅₄ i₂juí₃ bá₄ 'éi₂. 48 Ca₂le₃jín₃ dsa₂ i₂chan₂ ne₄ gua'₅₄ 'uē₃, lín₅ jui₁lia'₂ jme₁lín₄ dsa₂ i₂ca₂lin₃ quian'₅₄ ti₁gua'₅₄ 'éi₂; ján₃ bá₄ le₂jaun₂ lín₅ dsa₂ i₂tín₅ guei'₅₄ i₂juí₃, jui₁lia'₂ lín₅ i₂ca₂já₃ guei'₅₄ i₂juí₃. 49 Jui₁lia'₂ quióng₂ jniog₄ quió'₅ dsa₂ i₂ca₂lin₃ quian'₅₄ ti₁gua'₅₄ 'éi₂, ján₃ bá₄ le₂ně₅ quiong₅₄‡ jniog₄ lia'₂ jniá₂ i₂ca₂sión₃ guei'₅₄ i₂juí₃.

50 Juí₂ jniá₂ 'nia'₂, rin'₅₄ jniog₄, tsá₃ ca₂tín₂ dsa₂ i₂quian₅ mu₅-ñí₅ ja₁gon₂ Diú₄; on₃ guē'₂ ca₂tín₂ jui₁lia'₂ a₂siá'₃, caun₂ ja₁tsá₃ ton₅ jmig₄ siá'₃. 51 Nei₂ 'nia'₂. La₂ 'ē₄ jniá₂ caun₂ jág₁ a₂jme₁rē₂'ma₄ le₂jñiá₅: tsá₃ dsióg₃ ca₂le₃jág₃. La₁ ca₂le₃jág₃ bá₄ jniog₄ le₂tság₃, 52 con'₂ tiá₂, ně₂jag₄ bá₄ a₂'méi'₂ dsa₂ co₂ráun₂ jme₁ne₁₂, jē₁ma₂i₁'ein₅₄ ní₂ trompeta jē₁ca₂tó'₂. Ia₁ dsi₃'ein₅₄ ní₁ trompeta, jaun₂ guē'₄ jen'₅₄ ca₂le₃jín₃ dsa₂ i₂ma₂dsan₃, jaun₂ guē'₄ o₁líg'₂ jmig₄ tsá₃ ma₃dsiáin₃. Jaun₂ jniog₄ ca₂le₃jág₃ ně₃, qui₂le₂tság₃. 53 Ia₁ ca₂tín₂ qui'₃ a₂siá'₃ quian'₅₄ caun₂ a₂tsá₃ siá'₃; a₂qui'₃ a₂jón₂ quian'₅₄ caun₂ a₂tsá₃ líg'₂ jmig₄ jón₂. 54 Jē₁ma₂qui'₂ ni₁ñí₅ a₂siá'₃ la₂ quian'₅₄ a₂tsá₃ siá'₃, jē₁ma₂qui'₂ ni₁ñí₅ a₂jón₂ la₂ quian'₅₄ a₂tsá₃ líg'₂ jón₂, jaun₂ guē'₄ le₃ti₃ jág₁ la₂ a₂tio'₅₄ ne₄ Si₂:

Co₂dsia₅ ca₂lí₃ co₂ñei'₅₄ Te₁gui'₅₄ ne₄ 'mú₃. Š

55 ĆA₂já'₄ bá₄ nō₅ a₂jme₁lén'₂ 'ne₂, 'mú₃?

* 15:41 Co₂'nió'₄ le₃jua'₅₄, cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3, Romanos 1:25. † 15:45 Génesis 2:7. ‡ 15:49 A₂lin₅₄ chog₅₄ si₂ gui'₅₄ ja₂': "jui₁quiong₅₄ jniog₄." Š 15:54 Isaías 25:8.

¿'E₂ bá₄ ca₂lě₃, 'ne₂ 'mú₃,

quian'₅₄ uig₅ a₂jme₁'ág'₁ jnia'₅₄?*

⁵⁶ Ně₃ ně₃, jui₁lia'₂ uig₅ a₂jme₁'ág'₁ 'mú₃ jniog₄, dsáu₁ bá₄ jniog₄ jaun₂; jui₁lia'₂ bí₂ a₂'io₅ dsáu₁ jniog₄, Si₂ 'Ēi'₃ bá₄ jaun₂. ⁵⁷ ¡La₁ ti₁'mag'₄ Diú₄ i₂cuē₅ bí₂ a₂lág₂ jniog₄ tē₂le₃ quian'₅₄ Te₁gui'₅₄ Jesucristo quián₂ jniog₄!

⁵⁸ Jaun₂ lě₃, 'nia'₂ rin'₅₄ jniog₄, i₂'nióg₃ guē₄ lin₃, nau₂ bá₄ 'nia'₂ tiá₂, tsá₃ cuín₅ 'nia'₂ jmi₄g₄ jua'₅₄ 'ein₂ guē₃ jnióg'₂ 'nia'₂ cau₅; jui₁dsi₂tsón'₃ bá₄ 'nia'₂ quian'₅₄ ta₁ quió'₅ Te₁gui'₅₄. Ia₁ ma₂ŋi'₅₄ bá₄ 'nia'₂ tsá₃ lě₅ jua'₅₄ a₂lě₁jmo'₂ can'₂ 'nia'₂ ta₁ le₃quió'₅ Te₁gui'₅₄.

16

Ca₂cág'₃ cu₄ a₂jme₃'oin'₅₄ rin'₅₄

¹ Ně₃ ně₃, tē₂le₃ quió'₅ guē'₂ cu₄ a₂cag'₄ 'nia'₂ jme₁'ong'₁ rin'₅₄ i₂'én₂, * le₂jaun₂ bá₄ jmo₄ 'nia'₂ ján₃ con'₂ lě₅ jág₁ ma₂cuē₃ jniá₂ guá'₅ i₂chan₂ 'uē₃ Galacia. ² Le₂caun₂ do₂mei₅₄, † ca₂tín'₂ bá₄ 'nia'₂ le₂jang'₂ le₂jang'₂ cáu'₁ ca₂la₂ 'a₂ con'₂ tí₅ ca₂ling'₃. A₂jaun₂ con'₂ quiog₂ 'ma₄ 'nia'₂, ma₂lě₅ co₂jnia₅₄ ia₁jaun₂ tsá₃ lě₅ jua'₅₄ jaun₂ guē₄ cag'₅₄ 'nia'₂ jē₁ma₂dsióg₃ jniá₂. ³ Jaun₂ bá₄, jē₁ma₂tē₂ rē₁dsióg₄ jniá₂, jaun₂ le₃chen₄ dsa₂ rin'₅₄ i₂'ín'₄ 'nia'₂ guiong'₅₄, dsi₃lén₂ 'éi₂ juig₂ Jerusalén quian'₅ caun₂ si₂ a₂lé₂. Jaun₂ 'éi₂ bá₄ cán₂ cu₄ quián'₂ 'nia'₂ a₂cag'₅₄ ně₅ a₂jme₁'ong'₁ rin'₅₄ ja₁jaun₂. ⁴ Nē₁jua'₂ dsi₂ten₅₄ guē'₂ nei₅₄ 'ŋióg₃ ně₃, jme₃quiong'₅₄ 'éi₂.

Jmo₅ Pa₄ co₂jnia₅₄ a₂'í₂ jui₅

⁵ Jē₁ma₂tē₂ rē₁nei₅₄ i₁ŋig₁₂ le₂tan₅₄ 'uē₃ Macedonia, jaun₂ guē₄ dsióg₄ ja₁con'₂ 'nia'₂. ⁶ Con'₂ tsá₃ ŋó₅ nē₁ca₂jan₄ ca₂la₂ uē₂, o₃ nē₁ca₂lě₃ ŋig₅ le₂tan₅₄ jein₂ güí₂g₂ quian'₅₄ 'nia'₂, ia₁jaun₂ lé₂ tsag'₅₄ 'nia'₂ jui₅ chi₂jua'₂ ja₁ca₂tín₂ jniá₂ nei₅₄. ⁷ Ia₁ tsá₃ 'nio₃ jniá₂ nei₅₄ tē₂ně₃, jua'₅₄ con'₂ ca₂ŋig₅ bá₄ ja₁tion'₅₄ 'nia'₂. Jaun₂ 'ín₂ bá₄ dsi₃ jniá₂ i₁jnia₁₂ ca₂la₂ uē₂ quian'₅₄ 'nia'₂, nē₁jua'₂ ca₂cuē₃ Te₁gui'₅₄ jmi₄g₄. ⁸ La₁ i₁jnia₁ jniá₂ juig₂ Efeso ca₂lia'₂ ca₂tē₂ Jmi₄g₄ Tē₂láu₃-guiá₂. ⁹ Ia₁ 'ŋio₅ bá₄ cuín₅ jmi₄g₄ rē₂na₄ jui₅ lé₂ le₃i₁jmo₃ ta₁ quió'₅ Te₁gui'₅₄, a₂lé₄ a₂tē₃dsi₅₄ dsón'₂; ton'₂ le₂jaun₂ bá₄ juin₅ dsa₂ i₂náu₃ 'io'₅₄ táng₃.

¹⁰ Nē₁jua'₂ ca₂dsióg₃ Timoteo rin'₅₄ jniog₄, jag₄ 'nia'₂ jaun₂, jaun₂ tsá₃ lě₅ jua'₅₄ a₂gó'₅ 'ein₅₄ jē₄ quián'₂ 'nia'₂, ia₁ ma₂já₅ 'éi₂ jmo₂₃ ta₁ quió'₅ Te₁gui'₅₄, jui₁lia'₂ jniá₂ ján₃. ¹¹ Jaun₂ tsá₃ jmó'₂ 'nia'₂ 'au'₂ jua'₅₄ tsá₃ 'e₂ quein₅. Tē₂le₃ chéin'₂ 'nia'₂ jui₅ a₂'ag₃ tei₄

* 15:55 o₃, “¿'E₂ bá₄ ca₂lě₃, 'ne₂ 'mú₃, quian'₅₄ uig₅ a₂jme₁'ág'₁ jnia'₅₄? ¿A₂já₄ bá₄ ŋó₅ a₂jme₁lén'₂ 'ne₂, tau₂ 'ŋio₅?” Oseas 13:14. * 16:1 lit. “dsa₂ jŋióg₃.” † 16:2 lit. “jmi₄g₄ le₂uig₅₄ quió'₅ semana.”

dsí₅, ia₁jaun₂ jiá₃ ja₃jag₅₄ jniá₂. Ia₁ chi₁jain₁₂ jniá₂ quian'₅₄ rin'₅₄ jniog₄.

¹² Nē₃ nē₃, jui₁lia'₂ Apolos rin'₅₄ jniog₄, jme₁chi₂quaiain'₅₄ jniá₂ jmi_g₄ a₂dsó₃ quaiain'₅₄ rin'₅₄ jniog₄ dsi₁iin₁₂ 'nia'₂. Co₂dsia₅ tsá₃ ca₂lē₃ dsí₅ dsó₃ rē₂nē₃, la₁ nē₅ bá₄ dsióg₄ líg'₂ ca₂cuin₃ jmi_g₄ dsó₃.

Jág₁ a₂'ág'₃ jág₁ jē₁ca₂tó'₂

¹³ Jmo₄ 'í₁, nau₂ 'nia'₂ tiá₂ a₂'én'₂ 'nia'₂. Jmo₄ ma₂chang'₂ a₂lē₅ 'au'₂ ma₂ca₂cang'₅₄ ma₂ñi'₅₄, tión'₁ 'nia'₂ a₂'uang'₂. ¹⁴ Ca₂le₃jē₃ 'e₂ niog₅ jmo'₂ 'nia'₂ ja₁con₂ ríng'₂, jmo₄ léi₄ a₂'nióg'₃ tē₃dsón'₂ ríng'₂.

¹⁵ Nē₃ nē₃, jui₁lia'₂ ma₂ñi'₅₄ 'nia'₂, rin'₅₄ jniog₄: Estéfnas, quaiain'₅₄ dsa₂ dsi₂néi₂ quió'₅, ca₂liin₃ dsa₂ i₂le₂'uig₅₄ i₂ca₂rē₃'én₂ jág₁ dse₃ 'uē₃ Acaya. Dsa₂ rin'₅₄ 'éi₂ nē₃ ma₂ja₂léin₂ ca₂ne₅₄ jme₁jme₂ti₃ ja₁con₂ rin'₅₄ jniog₄ dsa₂ 'én₂ ja₁jaun₂. Chi₂quian'₅₄ jniá₂ 'nia'₂ jmi_g₄ jaun₂ nē₃, ¹⁶ jme₁gan'₃ 'nia'₂ jui₁lia'₂ dsa₂ le₂'éi₂, quian'₅₄ guē₄ ca₂le₃jín₃ rin'₅₄ jui₁lia'₂ i₂jme₂'o₅₄ quian'₅₄ ta₁ le₂jaun₂. ¹⁷ 'Io'₂ jmo₅ jniá₂ nē₃, ia₁ ma₂guan₅ Estéfnas, Fortunato, quaiain'₅₄ Acaico; ma₂ca₂jme₃'ñiai₂₃ jui₁lia'₂ a₂jme₁'nió'₅ ja₁con₂ jniá₂ 'uig₅₄ ia₁ a₂tsá₃ 'nia'₂ chan'₂ ja₁lá₃. ¹⁸ 'Éi₂ bá₄ ma₂jmo₃ lián'₂ dsi₃ tē₂le₃ jui₅ jme₂dsí₂, le₂jaun₂ bá₄ ma₂qui₂ma₂jmo₃ lián'₂ 'au'₂ 'nia'₂ ján₃. Jaun₂ 'nió'₅ jme₁gan₃ jniog₄ dsa₂ le₂'éi₂.

¹⁹ Ca₂le₃jín₃ guá'₅ ja₁tén₄ le₂tan₅₄ 'uē₃ Asia, cuiin₂₃ Diú₄ 'nia'₂. Le₂jaun₂ bá₄ Aquila quian'₅₄ Priscila[†] nē₃, quian'₅₄ co₂nió'₃ dsa₂ rin'₅₄ i₂ñi'₂ dsi₂néi₂ quió'₅ nē₃, cuiin₂₃ Diú₄ 'ñio₅ lin₃ 'nia'₂, le₃quió'₅ Te₁gui'₅₄. ²⁰ Ca₂le₃jín₃ rin'₅₄ jniog₄ i₂tion'₅₄ ja₁lá₃, cuiin₂₃ Diú₄ 'nia'₂. Qui₁cuiin₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁ § jú'₅ ríng'₂, a₂lē₅ léi₄ a₂ma₂'ei₅ caun₂ jág₁ a₂le₁jē₃ 'au'₂ quian'₅₄ ríng'₂.

²¹ Jniá₂ Pa₄, cuíng₅ Diú₄ 'nia'₂ ne₄ si₂ la₂, quian'₅₄ gu₃ 'nió₃.*

²² Chi₂jua'₂ chan₂ jan₂ tsá₃ 'nioi₃ Te₁gui'₅₄, co₂dsia₅ bá₄ jui₁dsi₂'éin₂. iñiá'₅ 'ne₂, Te₁gui'₅₄!†

²³ Jui₁jme₂gu'₅₄ bá₄ Te₁gui'₅₄ Jesucristo i₂'ua₁ dsí₅. ²⁴ Ca₂le₃jín₃ bá₄ 'nia'₂ 'nióg₃, le₃quió'₅ Te₁gui'₅₄ Cristo Jesús. A₂méi₃.‡
Co₂nē₅.

† 16:19 griego: Prisca. § 16:20 Caun₂ tag₄ a₂jme₁chí'₄ lia'₂ con'₂ jme₁ca₂jmo₃ Pa₄ si₂ la₂. * 16:21 'Nio'₂ ja₁ton₅ Gálatas 6:11; Colosenses 4:18; 2 Tesalonicenses 3:17; Filemón 19. † 16:22 griego: maranatha, jág₁ arameo a₂juá'₂ "Ñiá'₅ 'ne₂, Te₁gui'₅₄."

‡ 16:24 A₂lin₅₄ chog₅₄ si₂ tsá₃ chi₁ton₅ "A₂méi₃."

Si₂ carta jë₁ca₂të₂ tin₃ a₂ca₂jmo₃ San Pablo ne₄dsa₂ CORINTIOS

Jmo₅ Pa₄ si₂ jë₁ca₂të₂ tin₃ a₂chein₃ ne₄ Guá'₅ i₂chan₂ juig₂ Corinto

¹ Jniá₂ Pa₄, co₂në₅ 'éi'₃ ca₂jmo₃ 'ñiog₅ Diú₄, a₂líng₅ jan₂ dsa₂ i₂chen₄ quián₅ Jesucristo, jmo₂₃ si₂ la₂ co₂lë₅ quián'₅₄ rin'₅₄ jniog₄ Timoteo a₂dsian'₄ ne₄ guá'₅ quián₅ Diú₄ i₂chan₂ juig₂ Corinto, quián'₅₄ ca₂le₃jín₃ guë₄ dsa₂ sián'₂ i₂tén₅ le₃quió'₅ Diú₄* i₂chan₂ le₂tan₅₄ 'uë₃ Acaya. ² Jui₁jme₂gu'₅₄ bá₄ Diú₄ 'nia'₂; jui₁tion'₅₄ bá₄ 'nia'₂ le₁ág₄ tei₄ jmo₅ Diú₄ Jmei₂ jniog₄, jmo₅ Te₁gui'₅₄ Jesucristo në₃.

Ca₂ñág₃ uig₅ Pa₄

³ Jui₁jme₁juin'₂ jniog₄ Diú₄ Jmei₂ Jesucristo Te₁gui'₅₄ quián₂, ia₁ 'éi₂ bá₄ i₂lín₅ Tia₅₄ quián₂ i₂ñí₄ néi₂ dsí₅ jniog₄; i₂'éi₂ bá₄ Diú₄ i₂jmo₅ lián'₂ dsí₅ jniog₄ chong₂. ⁴ 'Éi₂ bá₄ i₂jmo₅ lián'₂ ja₁con₂ jniog₄ jë₄ ca₂le₃jë₃ 'e₂ o₂i₁ dsí₅ cha₂, le₂jaun₂ guë'₂ jniog₄ táng₃ lé₂ le₃jmo₁ lián'₂ dsí₅ jui₁lia'₂ i₂chan₂ o₂i₁ dsí₅ ñág₅ uig₅. Lé₂ le₃cuë₅₄ jniog₄ lián'₂ dsí₅ jui₁lia'₂ jmo₅ Diú₄ ja₁con₂ jniog₄ guio₅₄. ⁵ Ia₁ le₂në₅ jui₁lia'₂ ñag₄ jniog₄ jmi₁uig₅ juë'₂ lín₃ a₂ca₂can₃ Cristo, ján₃ bá₄ le₂në₅ táng₃ të₂le₃ quián'₅₄ Jesucristo guéi'₁ jniog₄ lián'₂ a₂le₃chong₂ dse₃. ⁶ Jaun₂ në₃, chi₂jua'₂ ñag₄ jnia'₅₄ uig₅ chong₂, le₂në₅ le₃cha₂ lián'₂ ja₁con₂ 'nia'₂ jaun₂ líón'₂ 'nia'₂ në₃; o₃ chi₂jua'₂ guei₂ jnia'₅₄ lián'₂ 'e₂, ján₃ bá₄ le₃cha₂ lián'₂ ja₁con₂ 'nia'₂, jaun₂ lé₂ le₃jmo₁ tió'₃ 'au'₂ 'e₂ uig₅ cha₂, jui₁lia'₂ jmo₂ jnia'₅₄. ⁷ Caun₂ bá₄ le₁ág₄ dsí₅ jnia'₅₄ le₃ja₁con₂ 'nia'₂ a₂jmo₁ tió'₃ 'au'₂ a₂lión'₂ 'nia'₂ në₃. Ia₁ ne₄ bá₄ jniog₄, në₁jua'₂ quen'₅₄ 'nia'₂ ñag'₅₄ uig₅ a₂ñag₄ jnia'₅₄, ján₃ bá₄ le₂në₅ guéi'₁ 'nia'₂ lián'₂ a₂guéi'₁ jnia'₅₄ a₂cuë₃ Diú₄.

⁸ Chei₂ jnia'₅₄ 'nia'₂ le₂në₅, rin'₅₄ jniog₄, ia₁ a₂'niog₂ jnia'₅₄ a₂le₃ñi'₅₄ 'nia'₂ 'a₂lia'₂ lë₅ o₂me'₅₄ dsí₅ a₂ca₂quián₁ jnia'₅₄ le₂tan₅₄ juig₂ tio'₅₄ 'uë₃ Asia. 'Ñio₅ lín₃ bá₄ uig₅ ca₂ñag₄ jnia'₅₄; 'ñio₅ lín₃ guei₂ ta₁ a₂tióng₂ jnia'₅₄, ca₂lia'₂ jnia'₅₄ mei'₂ tsá₃ ca₂'uáu₂ co₂ñei'₅₄ a₂tsá₃ ma₃jme₁tián₂. ⁹ Con₂ siá'₂ lág₂ jnia'₅₄ a₂tsá₃ ma₃jmi₄ cha₂ quián₂ jnia'₅₄, në₂jag₄ bá₄ a₂ma₂'i₄ 'éi'₃ dsióg₃. La₁ tsá₃ a₂ñag₅₄, ia₁ ca₂le₃jë₃ a₂i₃ñág₂ jnia'₅₄ jaun₂ ca₂jmo₃ ta₁ a₂ca₂jme₁tin₅ jnia'₅₄ a₂'éin₂ le₃quió'₅ Diú₄, on₃jua'₅₄ le₂quián₂ jnia'₅₄ guio₅₄. Ia₁ i₂'éi₂ bá₄ lín₅ i₂jme₂jen'₅₄ 'lag₄. ¹⁰ Ia₁ ma₂lió₂ bá₄ Diú₄ ne₄ 'mú₃ gau₂ jaun₂, ton'₂ caun₂ lió₂ bá₄ jui₁lia'₂ jmi₄g₄ në₃. Jaun₂ le₃ja₁con₂ 'éi₂

* 1:1 lit. "dsa₂ jnió₅."

bá₄ ma₂'éi₁ jnia'₅₄ caun₂ dsi₅ a₂lió₂ ne₄ jui₅ ¹¹ chi₂jua'₂ jme₁'o'₁ 'nia'₂ chi₂leng'₅₄ Diú₄ o₄quián₂ jnia'₅₄. Chi₂jua'₂ juin₅ dsa₂ i₂mi₅ ne₄ Diú₄ o₄quián₂ jnia'₅₄, já₃ bá₄ juin₅ dsa₂ i₂cué'₃ ti₁'mag'₄ Diú₄ ne₄ ca₂le₃jě₃ a₂dse₃ a₂jme₃'o₅₄.†

'E₂ lě₃ tsá₃ ca₂ŋe₄ Pa₄ jui₂g₂ Corinto

¹² Cha₂ caun₂ cosa ja₂ tē₅ dsi₅ jnia'₅₄ ton'₂ guio₅₄ jnia'₅₄ quiong₂ 'í₁ tē₂ dsi₅, lei₅₄ jnia'₅₄ a₂lě₂ le₃jang'₅₄ já₃ dsau₅ a₂chong₂ jmo₂ a₂dse₃ a₂tí₅ ne₄ gua'₅₄ 'uě₃ la₂, ju₁lia'₂ jme₂ti₃ Diú₄, la₁ 'ŋio₅ lin₃ guě₄ le₃ja₂con'₂ 'nia'₂. Ia₁ a₂'ua₁ dsi₅ bá₄ Diú₄, ma₂ca₂jme₃'o₅₄ a₂chong₂ jnia'₅₄ le₂ně₅; on₃jua'₅₄ ia₁ a₂tag₂ jnia'₅₄ guio₅₄. ¹³ Ca₂le₃jě₃ a₂jua'₂ jnia'₅₄ a₂tio'₅₄ ne₄ si₂ carta quián₂, tsá₃ 'e₂ a₂siá'₂ jua'₂ jnia'₅₄ jua'₅₄ a₂tsá₃ tin'₂ 'nia'₂ 'í'₄, o₃ a₂tsá₃ ŋí'₂ 'nia'₂. ¹⁴ Jaun₂ 'ín₂ dsi₅ jnia'₅₄, ju₁lia'₂ ma₂ca₂rě₃ŋig'₂ 'nia'₂ quián₂ jnia'₅₄ ja₁lin₅₄, já₃ bá₄ le₂ně₅ le₃ŋí'₂ 'nia'₂ lia'₂ rě₂ŋia₅, ia₁jaun₂ lé₂ le₃dsiá'₁ 'nia'₂ já₃ tá'₅ o₄quián₂ jnia'₅₄, ton'₂ lé₂ le₃dsiá'₁ jnia'₅₄ já₃ tá'₅ o₄quián₂ 'nia'₂ já₃, jě₁ma₂ca₂tě₂ jmig₄ quió'₅ Jesús Te₁gui'₅₄ quián₂.

¹⁵ 'Uig₅₄ ia₁ caun₂ bá₄ 'ei₅ dsi₃ ca₂le₃jě₃ a₂ně₅, jaun₂ jme₁ling₂ nei₅₄ i₁jing₁₂ de'₂ jniá₅ 'nia'₂ a₂i₁jmo₃ lián'₂ 'au'₂ 'nia'₂ 'ŋio₅ lin₃, ia₁ dsió₄ i₁jing₁₂ 'nia'₂ ta₁tin₃ ráun₂. ¹⁶ Jme₁dsi₂jio₅ dsi₃ jme₁i₁ŋig₁₂ ja₁tion'₅₄ 'nia'₂ lia'₂ ma₂'eng₅₄ jui₅ guio₃ jui₅ Macedonia; jě₁ma₂tě₂ rě₁nég'₄ táng₃, jaun₂ i₁jing₁₂ táng₃ 'nia'₂. Ia₁ ling₂, 'nia'₂ bá₄ jme₁'o'₁ a₂lě₂ dsió₄ jniá₂ tē₂ Judea. ¹⁷ ¿O₃ bá₄ lín'₂ 'nia'₂ a₂'ei₅ caun₂-tin₃ dsi₃ a₂juá'₅ le₂ně₅? ¿O₃ bá₄ lín'₂ 'nia'₂ a₂lě₅ já₃ quió₃ lia'₂ lě₅ já₃ quió'₅ dsa₂ i₂tsá₃ 'én₂ i₂lě₁qui₂co₅ já₃ quió'₅, nē₃ rě'₂ juá'₂ “ján₅,” nē₃ guě'₂ “jan₂'ón₄” táng₃? ¹⁸ Tí₅ bá₄ já₃ quián₂ jnia'₅₄, ju₁lia'₂ tí₅ já₃ quió'₅ Diú₄; líg'₂ jmig₄ jua'₅₄ a₂lě₁cuě₂ jnia'₅₄ já₃ quián₂, jua'₅₄ a₂jua'₂ jnia'₅₄ “ján₅,” con'₂ siá'₂ “jan₂'ón₄” táng₃. ¹⁹ Ia₁ Cristo Jesús i₂lín₅ Ja₁ŋi'₅₄ Diú₄ i₂qui₂'ín₅ jnia'₅₄ i₂nio₄, chei₂ 'nia'₂ quian'₅₄ Silvano,‡ Timoteo nē₃, 'éi₂ nē₃ tsá₃ líg'₂ jmig₄ jua'₅₄ a₂lě₁qui₂ca₂co₃ já₃ quió'₅ jua'₅₄ nē₃ rě'₂ juá'₂ “ján₅,” nē₃ cón'₅ “jan₂'ón₄” táng₃. Tě₂le₃ quian'₅₄ Cristo, a₂dsau₅ dsón'₂ bá₄ já₃. ²⁰ Ia₁ tē₂le₃ quian'₅₄ 'éi₂ bá₄ rě₂ti₃ ca₂le₃jě₃ já₃ a₂cuě₂₃ quió'₅ Diú₄. Jaun₂ tē₂le₃ quian'₅₄ 'éi₂, jua'₂ jniog₄ a₂měi₃, ia₁ a₂dsau₅ dsón'₂. Jaun₂ le₂ně₅ lé₂ le₃jme₁juin'₂ jniog₄ Diú₄. ²¹ Jaun₂ 'ŋiog₅ bá₄ Diú₄ jmo₂₃ tē₂le₃ ja₁con₂ jnia'₅₄, quian'₅₄ guě'₂ le₃ja₁con'₂ 'nia'₂ nē₃, a₂tióng₂ jniog₄ tiá₂ le₃quió'₅ Cristo. 'Ŋiog₅ bá₄ Diú₄ ma₂ca₂'ag₃ jniog₄ nē₃. ²² Ma₂ca₂jmóg'₂ jniog₄ léi₄ co₂'nió'₄ quian'₅₄ sello quió'₅, ton'₂ ma₂cu₁in₃ Jme₂dsi₂ Jnió₅ quiáin₅ tē₂ dsi₅ jniog₄, nē₂jag₄ bá₄ cu₄ a₂ma₂ron₅ dsi₂jniá₄, a₂ma₂lág₅ jniog₄ léi₄ a₂dsi₁no₃ jniog₄ dsi₁guéi₁ a₂cuě₃.

† 1:11 A₂lin₅₄ chog₅₄ si₂: “o₄quián'₂ 'nia'₂.”

‡ 1:19 Lia'₂ chen₂ Silvano co₂rě₂

quian'₅₄ Silas.

²³ Chi₂jua'₂ tsá₃ ma₂ca₂lě₃ dsió₄ juig₂ Corinto lia'₂ con'₂ lě₅ ma₂i₃jio₅ dsi₃, já₅ bá₄ Diú₄ ia₁ tsá₃ 'nio₃ jniá₂ a₂cán'₂ 'nia'₂ o₂me'₅₄ dsi₅ a₂tsá₃ ca₂dsióg₃; ia₁ nē₁jua'₂ tsá₃ le₂jaun₂, caun₂ bá₄ 'ei₅ dsi₃ o₁jnia'₅₄ 'mú₃ ca₂quín₂ quió₃. ²⁴ On₃jua'₅₄ a₂'niog₂ jnia'₅₄ a₂jme₁gon₂ ne₄ 'a₂ lia'₂ 'én'₂ 'nia'₂, ia₁ ma₂tión'₂ bá₄ 'nia'₂ tiá₂ a₂'éng'₂. Jnia'₅₄ lia'₂ 'niog₂ jnia'₅₄ jmó₁ ta₁ co₂dsia₅ quian'₅₄ 'nia'₂ ia₁jaun₂ le₃cha₂ guě₄ o₂'ñió₃ dsi₅ ja₁con'₂ 'nia'₂, ia₁ o₄quió'₄ a₂'én'₂ bá₄ 'nia'₂, tión'₂ 'nia'₂ tiá₂.

2

¹ Jaun₂ ma₂ca₂dsia₃ jniá₂ dsi₃ a₂tsá₃ ma₃i₁jing₁₂ táng₃ 'nia'₂ tē₃ 'lia'₂ dsi₃. ² Ia₁ nē₁jua'₂ i₁jmo₃ 'lia'₂ 'au'₂ 'nia'₂ bá₄ jniá₂, ħ'ein₂ bá₄ i₂jmo₃ jéin₄ jniá₂ 'io'₂? Jnia'₅₄ lia'₂ 'nia'₂ bá₄ i₂ma₂nē₂jmo₃ jniá₂ 'lia'₂ 'au'₂. ³ Jaun₂ lě₃, ca₂jmo₃ si₂ ca₂juá'₃, ia₁ tsá₃ 'nio₃ jmó'₂ 'nia'₂ 'lia'₂ dsi₃ jē₁ma₂dsióg₃, ia₁ 'nia'₂ dsón'₂ bá₄ ca₂tíng'₂ jmó'₂ a₂jéin₄ 'io'₂ jē₁ma₂dsióg₃. Ia₁ caun₂ bá₄ 'ei₅ dsi₃ ja₁con'₂ 'nia'₂ a₂dsióg₄ 'ei₅ dse₃ dsi₃, le₂jaun₂ a₂'ei₅ rē₂ 'au'₂ 'nia'₂ ján₃. ⁴ Ia₁ a₂jme₁quian₄ o₂i₁ dsi₅, tē₃ ca₂tán'₂ dsi₃, jme₁ca₂jmo₃ jniá₂ si₂ jaun₂, ca₂le₃jě₃ jme₁o₅ jniá₂. La₁ on₃jua'₅₄ jaun₂ ca₂juá'₃ ia₁jaun₂ tiá'₃ 'lia'₂ 'au'₂ 'nia'₂ ján₃; tē₂le₃ ia₁jaun₂ le₃ñi'₅₄ 'nia'₂ 'a₂ lia'₂ lě₅ dsi₃ a₂'nióg₃ 'nia'₂ 'ñio₅ lín₃.

Ca₂'én₂ dsáu₁ jan₂ dsa₂ i₂ca₂'náu₂ dso₄

⁵ Nē₁jua'₂ chan₂ i₂ma₂jmo₃ a₂cha₂ o₂i₁ dsi₅, on₃jua'₅₄ jmá'₃ ja₁con₂ jniá₂ ma₂jmo₃ quian₅₄ o₂i₁ dsi₅; le₂jio₅ ja₁con'₂ 'nia'₂ bá₄ ca₂jmo₃ ca₂la₂ a₂ma₂ca₂quian'₂ 'nia'₂ o₂i₁ dsi₅ ca₂le₃jíng'₃. A₂juá'₅ jniá₂ "a₂ca₂jmo₃ ca₂la₂," ia₁jaun₂ tsá₃ lín₄ uig₅ tin'₅₄ 'nia'₂ já₁ nē₅. ⁶ Co₂'nió'₄ uig₅ a₂ca₂cuē'₅₄ 'nia'₂ dsa₂ 'éi₂ jē₄ le₁ñi'₂ 'nia'₂ ca₂le₃jíng'₃, tió'₅ bá₄ co₂nē₅. ⁷ Ca₂tín'₂ bá₄ 'nia'₂ nē₃ jmó'₂ 'ua₁ 'au'₂ 'éng'₄ dsáu₁, jmó'₂ táng₃ 'nia'₂ lián'₂ dsi₅, ia₁ con'₂ tsá₃ ñó₅ nē₁jua'₂ ca₂tán'₂ co₂ñei'₅₄ dsi₅. ⁸ Jaun₂ chi₂len'₄ jniá₂ 'nia'₂ a₂jme₁jniag'₂ táng₃, a₂dsón'₂ 'nió'₃ 'nia'₂. ⁹ 'Uig₅₄ jaun₂ bá₄ ma₂juá'₃ bá₄ jniá₂ le₂jñiá₅ quian'₅₄ si₂ a₂ma₂tsíng₂ ne'₅₄ 'nia'₂, a₂jñiá'₅₄ con'₂ ca₂cáun₃ 'í₁ bá₄ quián'₂ 'nia'₂ o₁ne₄ nē₁jua'₂ jmó'₂ dsón'₂ 'nia'₂ con'₂ lě₅ ca₂le₃jě₃ já₁ a₂juá'₅ jniá₂. ¹⁰ Jaun₂ nē₃, jui₁'e₂ guě₃ 'a₂ lia'₂ lě₅ dsáu₁ rín'₂ 'nia'₂ a₂'éng'₄, ján₃ bá₄ le₂jaun₂ le₃jmo₅₄ jniá₂ dsi₃, 'én₄ bá₄ jniá₂ dsáu₁ dsa₂ 'éi₂. Ia₁ jui₁lia'₂ dso₄ a₂ma₂'én₃ jniá₂, chi₂jua'₂ 'e₂ caun₂ dso₄ ma₂'éng₃, o₄quián'₂ 'nia'₂ bá₄ ma₂jmo₃, tē₃ne₄ Cristo. ¹¹ Jmo₅ jniá₂ le₂nē₅ ia₁jaun₂ tsá₃ jo₃ i₂sē₃dsen₃, ia₁ a₂ne₄ rē₂ bá₄ jniog₄ 'a₂ lia'₂ lě₅ mai₅₄ 'io₅ 'éi₂.

Tsá₃ rē₂ jme₁'ei₅ dsí₅ Pa₄ juig₂ Troas

¹² Jaun₂ jme₁ca₂dsióg₃ jniá₂ juig₂ Troas a₂'ě₄ já₁ dse₃ quió'₅ Cristo, 'ñio₅ bá₄ jme₁rē₂na₄ jui₅ a₂jme₁jmo₅₄ ta₁ quió'₅ Te₁gui'₅₄ ja₁jaun₂. ¹³ La₁ tsá₃ tei₄ jme₁'ei₅ dsi₃, ia₁ tsá₃ ca₂dsáng'₂ Tito rin'₅₄

jniog₄. Ca₂'ág'₃ bá₄ jniá₂ jág₁ rin'₅₄ jniog₄ ja₁jaun₂, jaun₂ gué₄ guio₃ le₃'uē₃ Macedonia la₂.

A₂léi₂ jniog₄ quian'₅₄ Cristo

¹⁴ La₁ ti₁'mag'₄ Diú₄ ia₁ co₂tan₅₄ bá₄ jiog₂₃ jui₅ a₂léi₂ jniog₄ le₃quió'₅ Cristo Jesús, ia₁ tē₂le₃ quian'₅₄ jniog₄ bá₄ jme₂jniai₂₃ jág₁ dse₃ la₂ quió'₅, ia₁jaun₂ dsa₂ ně₃ le₃cuin₂₃ 'éi₂, co₂'nió'₄ a₂ja₂dsí₂ ma₂juig₂ ca₂le₂con₂. ¹⁵ Ia₁ jniog₄ bá₄ lág₅ co₂'nió'₄ chen₂ a₂cau₂ ja₂dsí₂ ma₂juig₂ ma₂ro₂ ajén'₅ Cristo ne₄ Diú₄, a₂qui₂dsi₂'ag₅ jē₄ quió'₅ dsa₂ i₂l₂nio₄ jui₅ a₂lióin₂, qui₂ja₂dsí₂ ján₃ jē₄ quió'₅ i₂dsi₂'én₂ ně₃. ¹⁶ Tē₂le₃ ja₁con₂ dsa₂ i₂dsi₂'én₂ ně₃, chen₂ la₂ lē₅ a₂ja₂dsí₂ 'lig'₅₄ a₂ma₂le₃dsiáin₃; la₁ tē₂le₃ quió'₅ dsa₂ i₂tín'₄ guē'₂ ně₃, lē₅ caun₂ cosa a₂ja₂ ma₂juig₂ ma₂ro₂ a₂tín'₂ jme₂dsi₂ quió'₅. ¿Ein₂ bá₄ 'éi₂ i₂qui'₅₄ jmig₄ quian'₅₄ ta₁ ně₃? ¹⁷ Jnia'₅₄ bá₄ 'éi₂ i₂qui'₅₄ jmig₄, ia₁ tsá₃ ta₁ jaun₂ i₂nio₄ jnia'₅₄ jua'₅₄ a₂jmo₁ 'ma'₅₄ jág₁ dse₃ quió'₅ Diú₄ jui₁lia'₂ jmo₅ i₂lin₅₄. Tē₂le₃ jág₅ bá₄ Diú₄, chei₂ jnia'₅₄ dsa₂ lia'₂ tí₅ jág₁, lág₅ jnia'₅₄ dsa₂ quián₅ Diú₄ i₂juá'₂ o₄quió'₄ Cristo.

3

Jág₁ 'mí₂ a₂lí'₅₄ quian'₅₄ Diú₄

¹ ¿O₃ bá₄ lín'₂ 'nia'₂ a₂jnia'₅₄ 'ín₅ dse₃ guio₅₄ bá₄ jnia'₅₄ jme₁jua'₂ le₂nē₅? ¿O₃ bá₄ 'niog'₂ 'nia'₂ a₂'ē₄ si₂ a₂jáng'₅ jág₁ dsau₅ o₃ a₂mí₁ 'e₂ jnia'₅₄ ne'₅₄ 'nia'₂ a₂cuē'₁ caun₂ si₂ jui₁lia'₂ jmo₅ dsa₂ i₂lin₅₄? ² Jnia'₅₄ lia'₂ guion'₅₄ bá₄ 'nia'₂ ma₂cuē'₂ jág₁ dsau₅ a₂ma₂léi₄ co₂'nió'₄ caun₂ si₂ tē₂dsi₅ jnia'₅₄ a₂lé₂ le₃con₂ dsa₂ sián'₂ 'í₁ co₂'nió'₄ a₂lé₂ le₃ i₃ dsa₂ ně₃. ³ Guion'₅₄ bá₄ 'nia'₂ lín'₅ co₂'nió'₄ caun₂ si₂ a₂ca₂jmo₃ Cristo 'niog₅, a₂ca₂dsia₃ gu₂ jnia'₅₄. Caun₂ si₂, on₃jua'₅₄ a₂léi₄ a₂qui₂rē₂tsáng₂ quian'₅₄ jmi₁jné₂; lē₅ léi₄ tē₂le₃ quian'₅₄ Jme₂dsi₂ quián₅ Diú₄ i₂chan₂ dsón'₂. Lē₅ caun₂ si₂ carta, on₃jua'₅₄ a₂léi₄ rē₂ton₅ dso'₂ ni₁cang₁; lē₅ léi₄ jui₅ tē₂dsi₅ dsa₂ mi₂gūig₃ bá₄.

⁴ Caun₂ bá₄ le₁'ág₄ dsi₅ jnia'₅₄ a₂'éin₂ jnia'₅₄ le₂nē₅ le₃ja₁con₂ Diú₄ tē₂le₃ quian'₅₄ Cristo. ⁵ On₃jua'₅₄ a₂tag₂ jnia'₅₄ guio₅₄ a₂jmo₂ 'e₂ jmo₂. Ca₂le₃jē₃ 'e₂ niog₅ jmo₂ jnia'₅₄, Diú₄ bá₄ jmo₅ a₂qui'₅₄ jnia'₅₄ jmig₄ quian'₅₄ ta₁ ně₃. ⁶ 'Éi₂ bá₄ ma₂jmo₃ a₂qui'₅₄ jnia'₅₄ jmig₄ a₂i₂quian₄ jnia'₅₄* jág₁ 'mí₂ a₂ma₂lí'₅₄ quian'₅₄ Diú₄: on₃jua'₅₄ tē₂le₃ quian'₅₄ 'éi'₃ a₂ton₅ ne₄ si₂; tē₂le₃ quian'₅₄ Jme₂dsi₂ quián₅ Diú₄ bá₄. Ta₁ a₂quí'₅ 'éi'₃ a₂rē₂ton₅ ne₄ si₂, a₂jio₅ ne₄ 'mú₃ bá₄ jaun₂. La₁ Jme₂dsi₂ quián₅ Diú₄ guē'₂ ně₃ to'₂ jme₂dsi₂ a₂chan₂ dsa₂.

* 3:6 griego: diákonous (ministros).

7 'Éi'3 jaun₂ ca₂tióng₃ Diú₄ dso'2 ni₁cang₁ jë₄ si₂ a₂tág₅ co₂'né'₅. Tsá₃ ma₃ca₂tió'₃ dsa₂ israelitas jág₃ uë₂ ne₄ Moisés, ia₁ a₂ñí₄ lë₃ co₂tág₅ co₂'né'₅ ca₂jnia₃, jui'e₂ guë₃ la₂ jë₁ca₂ag₂ si₂ jaun₂. La₁ chi₂jua'2 le₂në₅ 'ñio₅ jlá'₁ ca₂lë₃ jme₁ca₂lë₃ 'éi'3 a₂tsá₃ jme₁'io₅ bí₂ jua'₅₄ a₂tsá₃ dsián₂ dsa₂ jaun₂,⁸ i'ë₂ guë₄ dse₃ jlá'₁, jág₁ dse₃ a₂quian₅ Jme₂dsí₂ Jñio₅ a₂jmo₅ a₂chan₂ táng₃ dsa₂! ⁹ Co₂'nió'₄ le₃jua'₅₄, chi₂jua'2 lág₂ jniog₄ a₂ñí₄ lë₃ jlá'₁ ca₂lë₃ 'a₂ lia'2 ca₂cuë₃ Diú₄ 'Éi'3 tē₂le₃ quian'₅₄ Moisés, 'éi'3 a₂jme₁bóg'₂ dso₄ jaun₂, i'ë₂ guë₄ jlá'₁ ta₁b quián₂ jnia'₅₄ a₂i₁quian₄ jnia'₅₄ jág₁ dse₃ a₂jme₂jnia₅ Diú₄ a₂tsá₃ ma₂dsá_{u1} jniog₄ cha₂! ¹⁰ Ia₁ jui₁lia'2 'éi'3 a₂jme₁jlá'₁ ma₂líg'₂, tsá₃ ma₂'e₂ quen₅ nē₁ma₂ca₂quin₃ quian'₅₄ jág₁ jlá'₁ guë₄ a₂cha₂ rē₂në₃. ¹¹ Chi₂jua'2 lág₂ jniog₄ a₂ñí₄ lë₃ jme₁jlá'₁ ta₁b quió'₅ a₂tsá₃ uë₂ tió'₅ jaun₂, i'ë₂ guë₄ 'ñio₅ jlá'₁ ta₁† quió'₅ jág₁ 'mí₂ a₂tsá₃ ma₂dsi₃ñí₂ o₁líg'₂!

¹² 'Uig₅₄ ia₁ caun₂ le₁'ág₄ dsi₅ jnia'₅₄ le₂në₅, jua'2 jnia'₅₄ co₂ñei'₅₄ rē₂jíá₃ jág₁. ¹³ Tsá₃ jmo₂ jnia'₅₄ jui₁lia'2 ca₂jmo₃ Moisés; ca₂jllë₂ 'éi₂ ne₅₄ quian'₅₄ 'mí₂ ia₁jaun₂ tsá₃ jág₃ dsa₂ israelitas 'a₂ lia'2 éi₃ a₂co₂tág₅ jaun₂. ¹⁴ La₁ tsá₃ ca₂rē₃ñí'₂ dsí₅ dsa₂ 'éi₂ nē₃, ia₁ cang₄ dsi₅₄. Ca₂lia'2 jñio₄ jmig₄ nē₃ 'i₅ dsa₂ Si₂ 'Éi'3 a₂ron₅ ma₂líg'₂, lia'2 ma₂lín₅ jaun₂ bá₄ 'éi₂, co₂'nió'₄ rē₂jllë₅ ne₅₄, a₂tsá₃ ñí'₂. Ia₁ jmá'₃ tē₂le₃ quian'₅₄ Cristo bá₄ lé₂ le₃jñia'₃ a₂jllë₅ a₂ñí'₂ dsí₅ dsa₂ jaun₂. ¹⁵ Ca₂lia'2 jñio₄ jmig₄ nē₃, jë₁ma₂tóin'₂ i₂₃ si₂ quió'₅ Moisés, jlin₅ ne₄ dsa₂, tsá₃ rē₂ñí'₂. ¹⁶ Ia₁ jui₁lia'2 jan₂ dsa₂ i₂jén'₅ le₃quió'₅ Te₁gui'₅₄, jnia'₅ a₂jmo₅ a₂jlin₅ ne₄ dsa₂ jaun₂. ¹⁷ Te₁gui'₅₄ nē₃, ia₁ i₂lín₅ Jme₂dsí₂ bá₄ 'éi₂; ja₁'en₅₄ Jme₂dsí₂ quián₅ Te₁gui'₅₄, jui₁lia'2 tē₂dsí₅ dsa₂ i₂'én₂, ja₁jaun₂ rē₂na₄ bá₄ jui₅. ¹⁸ Ia₁ ca₂le₃jág₃ jniog₄ tsá₃ ma₃le₁jllë₅ ne₄ jniog₄; lág₅ jniog₄ jui₁lia'2 lë₅ ni₁'i₂ a₂jniá₂ a₂co₂tág₅ co₂'né'₅ a₂jlán'₁ Te₁gui'₅₄. Le₂në₅ bá₄ jniog₄ guio₅₄, caun₂ i₂ne₁ca₂lag₃ jniog₄ jui₁lia'2 lín₅ Cristo 'ñiog₅, ia₁ lia'2 caun₂ jmig₄ caun₂ jmig₄ bá₄ caun₂ i₂ne₁ca₂lag₃ jniog₄ jlán'₁ jui₁lia'2 lín₅ 'éi₂. Ca₂le₃jë₃ a₂në₅ jmo₅ Te₁gui'₅₄, i₂lín₅ Jme₂dsí₂.

4

¹ 'Uig₅₄ jaun₂, o₁líg'₂ jmig₄ tsá₃ tián'₃ dsi₅ jnia'₅₄ dsa₂ i₂quian₅ jág₁ dse₃ quió'₅ Diú₄, ia₁ 'ñiog₅ bá₄ Diú₄ ca₂dsia₃ néi₂ dsí₅ ca₂dsia₃ gu₂ jnia'₅₄ ta₁ la₂. ² Ma₂ca₂tí₄ jnia'₅₄ ca₂le₃jë₃ a₂'lig'₅₄ o₂guí'₃ a₂jmo₅-dsá_{u5} dsa₂ jë₄ rē₂'ma₄; tsá₃ a₂në₅ i₂ñio₄ jnia'₅₄ quian'₅₄ mai₅₄ a₂qui₂jme₂gán₂ jnia'₅₄ dsa₂. On₃ guë'₂ jua'₅₄ jmo₂ jnia'₅₄ caun₂-tín₃ jág₁ jua'₅₄ a₂co₂güin'₄ jnia'₅₄ jág₁ dse₃ quió'₅ Diú₄. Já₁ tí₅ dsón'₂ rē₂jíá₃ já₁ bá₄ jme₂tín₁ jnia'₅₄ dsa₂, ne₄ Diú₄, ia₁jaun₂ le₃lí₄ tē₂dsí₅ dsa₂ a₂dsau₅ bá₄ já₁ a₂i₂quian₄ jnia'₅₄.

† 3:11 griego: diakonía (ministerio).

³ Nē₁jua'₂ rē₂jlē₅ jág₁ dse₃ a₂i₂quian₄ jnia'₅₄, rē₂jlē₅ ja₁con₂ dsa₂ i₂dsi₃'én₂ jme₂dsí₂ quió'₅ bá₄. ⁴ Ia₁ dsa₂ i₂le₂'éi₂ i₂tsá₃ 'én₂, co₂'nió'₄ a₂rē₂jlin₅ dsí₅, nē₂jag₄ bá₄ a₂tein₅₄, a₂jmo₅ diú₄ quián₅ dsa₂ mi₂güig₃ la₂, ia₁jaun₂ tsá₃ tá₃g₃ si₂ a₂le₃ñí'₂ dsí₅ 'a₂ lia'₂ jlá'₁ jág₁ dse₃ quió'₅ Cristo i₂jlán'₁ lia'₂ lín₅ Diú₄ 'ñiog₅. ⁵ Ia₁ on₃jua'₅₄ guio₅₄ jnia'₅₄ 'ín₅ jē₁ma₂tē₂ rē₁'ē₄ jág₁ dse₃; Cristo Jesús bá₄ 'ín₅ jnia'₅₄ a₂lín₅ Te₁gui'₅₄, a₂lág₅ jnia'₅₄ dsa₂ i₂jme₂ti₃ ta₁ ne'₅₄ 'nia'₂ ján₃ o₄quió'₄ Jesús. ⁶ Ia₁ 'ñiog₅ bá₄ Diú₄ ca₂juá'₂ jme₁ca₂jmo₃ mi₂güig₃: “Jui₁jnia₄ tá₃g₃ jē₄ qui₁né'₃”.* Jaun₂ i₂'éi₂ bá₄ ma₂jmo₃ nē₃ a₂tág'₄ si₂ tē₂dsi₅ jnia'₅₄ ia₁jaun₂ jág₃ i₂sián'₂ si₂ jaun₂, ia₁jaun₂ le₃ñi₅ dsa₂ 'a₂ lia'₂ jlán'₁ Diú₄ tē₂le₃ ne₄ Jesucristo.

'A₂ lia'₂ 'nió'₅ le₃chan₂ dsa₂ ia₁ a₂'éin₂

⁷ Ca₂le₃jē₃ a₂jlá'₁ a₂quen₅ 'ñio₅ lín₃ nē₅ nē₃, a₂quian₄ jnia'₅₄ a₂lág₅ lia'₂ lē₅ ca₂míg₂ ni₁ti'₂ tsá₃ quen₅, jē₁rē₂'ma₄ cosa a₂quen₅ 'ñio₅, ia₁jaun₂ le₃jniá₂ a₂já₅ ja₁con₂ Diú₄ bá₄ jui₅bí₂ juē'₂ lín₃ nē₅, on₃jua'₅₄ a₂'niog'₂ jnia'₅₄ dsi₅ guio₅₄. ⁸ Le₂nē₅ nē₃, jui₁'a₂ guē₃ la₂ tē₁ja₂lé₂ o₂me'₅₄ dsi₅ jē₁chong₂ jnia'₅₄, la₁ tsá₃ lē₅ jua'₅₄ a₂tsá₃ dsian₅. Jui₁'e₂ guē₃ já₅ caun₂ jui₅bí₂ a₂'i₅ dsi₅ jnia'₅₄ chong₂, la₁ tsá₃ jua'₅₄ a₂ñí₄ quian₄ jnia'₅₄ o₂i₁ dsi₅. ⁹ Jui₁'e₂ guē₃ qui₂co₂'ein₅ dsa₂, la₁ tsá₃ guio₅₄ jnia'₅₄ tióng₂. Jui₁'e₂ guē₃ ca₂guiog'₃ dsa₂ 'uē₃, la₁ tsá₃ ca₂dsau₃ guē₄ jnia'₅₄. ¹⁰ Tē₁i₂nio₄ jnia'₅₄ le₁quian₁ i₁gú'₃ 'mú₃ quió'₅ Jesús jui₅ ni₁ñi₁ jnia'₅₄, ia₁jaun₂ le₃jniá₂ jui₅ ni₁ñi₁ jnia'₅₄ ján₃ a₂chan₂ Jesús. ¹¹ Ia₁ tē₁lia'₂ chong₂ jnia'₅₄ la₂, le₂o₃ jmig₄ bá₄ go'₂ a₂jme₃dsiog₅ dsa₂ o₄quió'₄ Jesús, ton'₂ ia₁jaun₂ le₃jniá₂ jui₅ ni₁ñi₁ jnia'₅₄ a₂siá'₃ la₂, a₂chan₂ bá₄ Jesús. ¹² Jaun₂ nē₃, 'uig₅₄ ia₁ a₂tio'₅₄ jnia'₅₄ jui₅ 'mú₃, 'nia'₂ nē₃ tiong'₅₄ jui₅ a₂le₃chan₂ jme₂dsí₂ quiáng'₂.

¹³ Le₂la₂ juá'₂ ne₄ Si₂: “Ca₂rē₃'éng₂, jaun₂ bá₄ lē₃ ca₂juá'₃.”† Le₂nē₅ bá₄ jnia'₅₄ ján₃, ia₁ a₂'i₄ jme₂dsí₂ i₂cuē₅ bí₂ a₂'éin₂, jaun₂ bá₄ lē₃ 'éin₂ jnia'₅₄, jaun₂ bá₄ lē₃ jua'₂ jnia'₅₄ ján₃. ¹⁴ Ia₁ ma₂ne₄ bá₄ jnia'₅₄, Diú₄ i₂ca₂jme₃jen'₅₄ Te₁gui'₅₄ Jesús a₂jme₃rē₂join₅₄, le₂jaun₂ bá₄ jme₃jein'₅₄ jnia'₅₄ ján₃, jui₁lia'₂ ca₂jme₃jein'₅₄ 'éi₂, tē₂ co₂dsia₅ quian'₅₄ 'nia'₂ ja₁coin₂. ¹⁵ A₂dse₃ o₄quián'₂ 'nia'₂ bá₄ ca₂le₃jē₃ a₂ma₂ca₂lē₃ nē₅, ia₁ nē₁jua'₂ le₂jaun₂ juin₅ guē₄ dsa₂ i₂tin₅ a₂'ua₁ dsí₅ Diú₄, le₂jaun₂ bá₄ ján₃ juin₅ guē₄ dsa₂ lē₂ i₂cuē₃ ti₁'mag'₄ qui₂le₃juin'₂ Diú₄.

¹⁶ Jaun₂, o₁líg'₂ jmig₄ tsá₃ qui₂'uán₂ dsi₅ jnia'₅₄. Tsá₃ a₂léi'₂ jaun₂ caun₂ ma₂ne₁ca₂dsa₃ bí₂ ni₁ñi₁ jnia'₅₄. La₁ jme₂dsí₂ quián₂ nē₃ caun₂ rē₂'mag'₄ bá₄ lia'₂ caun₂ jmig₄.‡ ¹⁷ Ia₁ jmi₁uig₅ a₂ca₂juig₄ a₂dsi₂ñág₂ jnia'₅₄ rē₂nē₃, a₂ñi'₅₄ ta₁ dsi₃ñí₂,

* 4:6 Génesis 1:3. † 4:13 Salmo 116:10. ‡ 4:16 lit. “Tsá₃ a₂léi'₂ jaun₂ caun₂ ma₂ne₁ca₂dsa₃ quió'₅ dsa₂ le₂co'₅₄; la₁ dsa₂ le₂né'₃ nē₃ caun₂ rē₂'mag'₄ bá₄ lia'₂ caun₂ jmig₄.”

jmo₃ a₂tě₃dsi₅₄ a₂léi₂ ŋag₅₄ guě₄ jnia'₅₄ ja₁jlá'₁ guě₄ 'ŋio₅ lin₃ a₂jio₅ co₂tan₅₄. ¹⁸ Ia₁ tsá₃ jua'₅₄ tion'₂ jnia'₅₄ jui₅ caun₂ cosa a₂jniá₂; a₂jaun₂ bá₄ tion'₂ jnia'₅₄ jui₅ ju₁lia'₂ a₂tsá₃ jniá₂. Ia₁ ca₂le₃jě₃ a₂jniá₂, tsá₃ uě₂ jio₅. A₂dsau₅ bá₄ a₂tsá₃ jniá₂, a₂jaun₂ bá₄ a₂jio₅ co₂tan₅₄.

5

¹ Ia₁ ma₂ne₄ bá₄ jniog₄, jě₁ma₂ca₂dsau₃ ca₂'en₃ ni₁ŋi₁ jniog₄ la₂, a₂lě₅ co₂'nió'₄ caun₂ 'né₅ quián₂ tē₁lia'₂ chong₂ mi₂güig₃ la₂, la₁ Diú₄ ně₃ cuě₃ caun₂ ja₁'io₁ guei'₅₄ i₂juig₃ ja₁lě₄ co₂'nió'₄ caun₂ 'né₅ a₂tsá₃ ma₃ton₅ jmig₄ dsi₃'én₂, on₃jua'₅₄ a₂ca₂jmo₃ dsa₂ mi₂güig₃. ² Dsón'₂ bá₄ tē₁lia'₂ chong₂ jniog₄ jui₅ ni₁ŋi₅ la₂, ca₂le₃jě₃ chon₂ jniog₄ dsi₅, a₂'ín₅ dsi₅ dsi₁'io₁ 'né₅ quián₂ guei'₅₄ i₂juig₃, ³ ia₁jaun₂ jlě₂ quián₂ ně₂jag₄ bá₄ caun₂ 'mi'₂ a₂quei'₂ Te₁gui'₅₄ ia₁jaun₂ tsá₃ dsi₁no₃ rě₂ŋág₅. ⁴ Tē₁lia'₂ chong₂ jniog₄ quian'₅₄ ni₁ŋi₁ la₂, ca₂le₃jě₃ chon₂ jniog₂ dsi₅ a₂le₁quian₁ o₂i₁ dsi₅. On₃jua'₅₄ a₂'niog₂ jniog₄ a₂tsá₃ 'e₂ qui'₄ jniog₄; a₂jaun₂ bá₄ 'niog₂ jniog₄ a₂lió₃ co₂nei'₅₄ ni₁ŋi₁ a₂jón₂ la₂, quian'₅₄ ni₁ŋi₁ 'mí₂ a₂le₃chan₂ co₂tan₅₄. ⁵ Diú₄ bá₄ dsón'₂ i₂ma₂jmo₃ co₂jnia₅₄ jniog₄ i₂ma₂cuin₃ Jme₂dsi₂ quián₅, a₂lě₅ léi₄ a₂jme₃ti₃ jág₁ quió'₅.

⁶ Le₂ně₅ jaun₂ le₁'ág₄ bá₄ caun₂ dsi₅ jniog₄ co₂tan₅₄, ia₁ ne₄ bá₄ jniog₄ jaun₂, tē₁lia'₂ chong₂ jui₅ ni₁ŋi₁ la₂, tsá₃ 'io₄ 'né₅ ja₁guá₄ Te₁gui'₅₄. ⁷ La₁ i₂nio₄ jniog₄ ca₂le₃jág₃ a₂jnia'₅₄ con'₂ 'éin₂ bá₄, on₃jua'₅₄ con'₂ a₂tě₅ ne₄ jniog₄. ⁸ La₁ caun₂ bá₄ le₁'ág₄ dsi₅, lág₂ jniog₄ 'e₂ guě₄ dse₃ jua'₅₄ ně₃ bá₄ 'uág₃ dsi₂néi₂ tsi₁'né₅ ni₁ŋi₁ la₂, a₂dsau'₅₄ dsi₁'io₁ quian'₅₄ Te₁gui'₅₄. ⁹ 'Uig₅₄ jaun₂, co₂tan₅₄ quen'₂ jniog₄ bí₂ jmo₂ a₂tě₅ dsí₅ Te₁gui'₅₄, tē₁lia'₂ chong₂ jui₅ ni₁ŋi₁ la₂, o₃ ně₁tsá₃ ma₂chong₂ 'e₂. ¹⁰ Ia₁ le₃jág₃ bá₄ jniog₄ dsi₁no₃ ne₄ta₁ quió'₅ Cristo, ia₁jaun₂ gue₃ le₂jan₂ le₂jan₂ dsa₂ con'₂ ca₂tíin₂, lia'₂ con'₂ lě₅ ca₂jmo₃ tē₁lia'₂ jme₁chain₂ jui₅ ni₁ŋi₁₂, a₂dse₃, o₃ a₂'lig'₅₄ 'e₂.

Jág₁ dse₃ quió'₅ Diú₄ a₂'ag₃ tei₄ dsí₅ dsa₂

¹¹ 'Uig₅₄ ně₅, ia₁ a₂ne₄ jnia'₅₄ a₂ŋi₄ lě₃ gau₂ lé₂ jě₁ma₂tión₂ dsa₂ ne₄ Te₁gui'₅₄, a₂quen'₂ jnia'₅₄ bí₂ chei₂ jnia'₅₄ dsa₂ jág₁ dsau₅ o₁ne₄ tsa₁ jiá'₂ dsí₅, gue₃ jág₁ dse₃. Jaun₂ ma₂ŋi₅ bá₄ Diú₄ 'a₂ lia'₂ lě₅ chong₂ jnia'₅₄; jaun₂ 'ín₂ dsi₃ jniá₂ a₂ŋi'₅₄ bá₄ 'nia'₂ tē₂'au'₂ ján₃. ¹² Tsá₃ o₁len'₂ 'nia'₂ jua'₅₄ 'niog₂ jnia'₅₄ 'ín₄ rě₂ guio₅₄. Jnia'₅₄ lia'₂ cuě₂ jnia'₅₄ jmig₄ a₂dsiá'₂ 'nia'₂ jág₁ tá'₅ o₄quián₂ jnia'₅₄, ton'₂ ia₁jaun₂ ŋi'₅₄ 'nia'₂ 'a₂ lia'₂ ŋag'₅₄ ne₄ ju₁lia'₂ dsa₂ i₂'nio₃ dsia₃ jág₁ tá'₅, i₂jnia'₅₄ dse₃ le₁'ág₄ o₁ne₁, on₃jua'₅₄ rě'₂ a₂dsi₂jó'₃ le₁jě₃ jme₂dsi₂ quió'₅. ¹³ Ia₁ chi₂jua'₂ quiong₅ dsa₂ a₂lág₅ jnia'₅₄ dsa₂ ŋág₅, lě₁ o₄quió'₄ Diú₄ bá₄. La₁ chi₂jua'₂ tsá₃ lág₅ jnia'₅₄ dsa₂ ŋág₅ ně₃, a₂dse₃ quián'₂ 'nia'₂ bá₄ jaun₂. ¹⁴ Ia₁

a₂ŋí₄ lē₃ 'nio₃ Cristo jnia'₅₄, a₂jaun₂ tion₅₄ bá₄ ca₂tág₂ jnia'₅₄ jme'₁nió₄ dsa₂ mi₂güí₃ rin'₅₄ jui₁lia'₂ ca₂rē₃'nio₃ 'éi₂. Ia₁ caun₂ bá₄ 'éin₂ jnia'₅₄, jan₂ bá₄ i₂ca₂jon₃ o₄quió'₄ ca₂le₃jín₃; 'uig₅₄ jaun₂, nē₂jag₄ bá₄ a₂ma₂dsau₃ le₂jág₃. ¹⁵ Jan₂ Cristo bá₄ i₂ca₂jon₃ ne₄ o₄quió'₄ ca₂le₃jín₃, ia₁jaun₂ tsá₃ ma₃'nió'₅ le₃chain₂ jmá'₃ o₄quió'₄ guioin₅₄; jui₁le₂chain₂ bá₄ le₃quió'₅ i₂ca₂jon₃ o₄quió'₄, le₃quió'₅ i₂ca₂jen'₅₄ táng₃. ¹⁶ Jaun₂ tsá₃ ma₃'ein₂ jin₄ jnia'₅₄ nē₃ tē₂le₃ ne₄ jui₅ lia'₂ con'₂ lē₅ jág₂ dsa₂ mi₂güí₃. Jui₁'e₂ guē₃ le₂jníá₅ jme₁jin₄ jnia'₅₄ Cristo lia'₂ con'₂ lē₅ jág₂ dsa₂ mi₂güí₃, tsá₃ ma₃le₂jaun₂ jin₄ jnia'₅₄ 'éi₂. ¹⁷ Jaun₂ le₂nē₅, jui₁lia'₂ dsa₂ i₂ma₂chén'₅ le₃quió'₅ Cristo, jan₂ dsa₂ 'mí₂ bá₄ 'éi₂. Ca₂le₃jē₃ 'a₂ lia'₂ jme₁lē₄ le₂jníá₅, ca₂ŋí₂ bá₄ jaun₂. ¡Ma₂ca₂rē₃'mag'₄ bá₄ ca₂le₃jē₃!

¹⁸ Ca₂le₃jē₃ a₂nē₅, le₂nē₅ ma₂jmo₃ Diú₄ 'ŋiog₅. Ca₂'ág₂ táng₃ caun₂ jág₁ quian'₅₄ jniog₄ tē₂le₃ quian'₅₄ Cristo. Jaun₂ 'éi₂ nē₃ ma₂cuē₃ ta₁ a₂jme₁tin₅ jnia'₅₄ dsa₂ 'a₂ lia'₂ 'nió'₅ jmo₃ 'ag₃ caun₂ jág₁ quian'₅₄ Diú₄. ¹⁹ Co₂'nió'₄ le₃jua'₅₄, tē₂le₃ quian'₅₄ Cristo bá₄ jme'₁ag₅ Diú₄ caun₂ jág₁ quian'₅₄ dsa₂ mi₂güí₃. Tē₂le₃ quian'₅₄ Cristo bá₄, jín₂ Diú₄ dsa₂ co₂'nió'₄ a₂tsá₃ ma₃'e₂ dso₄ rē₂cán'₄ dsa₂. Jaun₂ tē₂le₃ quian'₅₄ Cristo bá₄ ma₂dsia₃ gu₂ jnia'₅₄ nē₃ a₂qui₁'ē₄ jnia'₅₄ dsa₂ jág₁ dse₃ la₂, ia₁jaun₂ le₃ŋi₅ a₂tsá₃ ma₃mi'₅₄ cha₂ quian'₅₄ Diú₄. ²⁰ Jaun₂ le₂nē₅ bá₄ lē₅ 'a₂ lia'₂ tē₂i₂nio₄ jnia'₅₄ i₂quian₄ jnia'₅₄ jág₁ o₄quió'₄ Cristo, ia₁ co₂'nió'₄ 'ŋiog₅ bá₄ Diú₄ chi₂lén'₂ dsa₂ tē₂le₃ quian'₅₄ jnia'₅₄. Jaun₂ jnia'₅₄ nē₃, chi₂len'₄ jnia'₅₄ 'nia'₂* quian'₅₄ jág₁ 'éi'₃ quió'₅ Cristo: “‘Éi₂ 'nia'₂ caun₂ jág₁ quian'₅₄ Diú₄.” ²¹ 'Icaun₂ dso₄ tsá₃ 'e₂ ca₂'náu₂ Cristo; la₁ 'uig₅₄ dsáu₁ jniog₄ bá₄ nē₃, ca₂'ē₃ Diú₄ uig₅ 'éi₂ nē₂jag₄ bá₄ a₂rē₂cáin'₄ dso₄, ia₁jaun₂ jniog₄ nē₃ jē₁ma₂ca₂rē₃quian'₅₄ Cristo, 'ē₂ Diú₄ jág₁ a₂tsá₃ 'e₂ dso₄ rē₂cáu₄.

6

¹ Jaun₂ le₂nē₅, jnia'₅₄ dsa₂ i₂jmo₂ ta₁ co₂lē₅ quian'₅₄ Te₁gui'₅₄, chi₂len'₄ jnia'₅₄ 'nia'₂ a₂tsá₃ i₂jmo₂ 'nia'₂ jua'₅₄ a₂tsá₃ ta₁ jmo₃ jág₁ a₂'ua₁ dsí₅ Diú₄ a₂ma₂gue'₅₄ 'nia'₂. ² Ia₁ le₂la₂ juá'₂ Diú₄ ne₄ Si₂: Ca₂rē₃chá₃ bá₄ jmíg₄ a₂ca₂jmo₃ 'ua₁ dsí₃, ca₂nag₃ jág₁ quían'₂ 'nia'₂; jmíg₄ a₂jme₁cuín₅ jmíg₄ líón'₂ 'nia'₂ jme₁ca₂jme₁'o₁ jníá₂.*

Jaun₂ rē₂nē₃ bá₄ 'ē₂₃, cuín₅ jmíg₄ a₂jmo₅ Diú₄ 'ua₁ dsí₅. Rē₂nē₃ bá₄ ján₃ cuín₅ jmíg₄ a₂líón₂ dsa₂.

* 5:20 o₃, “chi₂lén'₄ jnia'₅₄ dsa₂.”

* 6:2 Isaías 49:8.

³ 'I₁caun₂ jnág₅ tsá₃ jmo₂ jnia'₅₄ ja₁con₂ dsa₂, ia₁jaun₂ tsá₃ táun₂ dsa₂ 'lig'₅₄ ta₁† quián₂ jnia'₅₄. ⁴ Tē₂le₃ 'niog₂ jnia'₅₄ cuē₅₄ léi₄ jē₄ ca₂le₃jē₃, a₂lág₅ tē₃dsón'₂ dsa₂ i₂jme₂ti₃ ta₁ ne₄ Diú₄: jē₄ a₂jmo₂ jnia'₅₄ tió'₅ dsi₅; jē₄ jmi₁uig₅ a₂ŋag₄ jnia'₅₄ jē₄ jme₁dsi₂ŋag₂ jnia'₅₄, a₂tsá₃ a₂ne₄ jnia'₅₄ jmó₁; jē₄ o₂i₁ dsi₅; ⁵ jē₄ qui₂bóg₂ dsa₂; jē₄ qui₂to'₂ dsa₂ né'₃ 'má₃; jē₄ mi'₅₄; jē₄ ta₁ 'ua'₂; jē₄ tsá₃ guag₂ jnia'₅₄; jē₄ jme₁in₂ a₂que₅₄ jnia'₅₄; ⁶ jē₄ a₂le₁jē₃ jme₂dsi₂ quián₂ jnia'₅₄ ně₃; jē₄ jme₂juín'₁ dsi₅ ja₁con₂ rin'₅₄; jē₄ a₂'ua₁ dsi₅ jnia'₅₄; jē₄ a₂quiong'₅₄ jme₂dsi₂ Jnió₅; jē₄ a₂'nio₃ jnia'₅₄ rin'₅₄ tē₃dsón'₂; ⁷ jē₄ quian'₅₄ jág₁ dsau₅ tē₃dsón'₂; jē₄ quian'₅₄ jui₅bí₂ quió'₅ Diú₄; jē₄ quian'₅₄ jui₅ co₂dsau₅ a₂tsá₃ 'e₂ rē₂cáu₄, quian'₅₄ a₂nē₅ lion₄ jnia'₅₄ co₂'nió'₄ ŋi₁ a₂chan'₂ jnia'₅₄ quian'₅₄ gu₂ ne₁ quian'₅₄ gu₂jen₅ ně₃; ⁸ tē₂le₃ quian'₅₄ a₂jme₂juag'₂ dsa₂; tē₂le₃ quian'₅₄ a₂chei'₂ dsa₂ 'lig'₅₄; tē₂le₃ quian'₅₄ jág₁ 'lig'₅₄ a₂qui₂'ag₅ dsa₂; tē₂le₃ quian'₅₄ jág₁ dse₃ a₂qui₂'ag₅ dsa₂ ně₃; a₂lág₅ jnia'₅₄ dsa₂ i₂tí₅ jág₁ quió'₅ jui₁'a₂ guē₃ la₂ quiong₅ dsa₂ jnia'₅₄ i₂tē₂jín₁; ⁹ ně₂jag₄ bá₄ i₂tsá₃ 'ein₂ cuig₅, la₁ chan₂ bá₄ i₂cuig₅ rē₂; ně₂jag₄ bá₄ a₂ma₂i₁dsióg₃ jnia'₅₄, la₁ j₂jag₄! lia'₂ chong₂ jaun₂ bá₄ jnia'₅₄; qui₂j₂móg'₂ dsa₂ uig₅, la₁ tsá₃ ca₂jme₃dsiog₂₃; co₂'nió'₄ a₂qui'₂ dsi₅, ¹⁰ la₁ i₂gú'₃ bá₄ chong₂ jnia'₅₄ o₂'ŋi₃ dsi₅; co₂'nió'₄ i₂tē₂ŋé₂, la₁ jmo₂ jnia'₅₄ a₂le₃chan₂ dse₃ juín₅ i₂sián'₂; co₂'nió'₄ a₂tsá₃ 'e₂ cha₂ quián₂ jnia'₅₄, la₁ 'io₂ bá₄ jnia'₅₄ ca₂le₃jē₃.

¹¹ 'Nia'₂ rin'₅₄ jniog₄ i₂chan₂ juig₂ Corinto, ma₂nē₂jua'₅₄ jnia'₅₄ rē₂jiá₃ jág₁, ně₂jag₄ bá₄ a₂ma₂rē₂nia₅₄ jnia'₅₄ tē₂dsi₅ ja₁con'₂ 'nia'₂. ¹² 'I₁caun₂ tsá₃ 'e₂ jnág₅ ma₂jmó₁ jnia'₅₄ ja₁con'₂ 'nia'₂; guion'₅₄ bá₄ 'nia'₂ jmo'₂ qui₂nióg₅ tē₂'au'₂, jag'₅₄ jnia'₅₄. ¹³ 'Nia'₂ ně₃, jein'₅₄ 'au'₂ tē₂le₃ ja₁con₂ jnia'₅₄: jaun₂ ně₃ chi₂len'₄ jnia'₅₄ 'nia'₂ ně₂jag₄ bá₄ co₂'nió'₄ ŋéi'₅ 'nia'₂ a₂na'₅₄ 'nia'₂ tē₂'au'₂ ja₁con₂ jnia'₅₄.

Lág₅ jniog₄ guá'₅ quián₅ Diú₄ i₂chan₂ tē₃dsón'₂

¹⁴ Tsá₃ i₁nio'₄ 'nia'₂ jua'₅₄ a₂ling'₅₄ jág₁ quian'₅₄ dsa₂ i₂tsá₃ 'én₂. Ia₁ ně₁jua'₂ le₂jaun₂ ně₃, dsi₁nó'₅ 'nia'₂ léng'₂ jui₁lia'₂ on₃ dsi₂ca₁jui₅ i₂quia'₂ 'uē₃, i₂tsá₃ co₂rin₂.† Ia₁ tsá₃ a₁jaun₂ quin₃ dsi₅ dsa₂ i₂quian₅ jui₅ dse₃ quian'₅₄ dsa₂ i₂quian₅ jui₅ 'lig'₅₄. Ján₃ guē'₂ le₂jaun₂, o₁líg'₂ jmig₄ tsá₃ lé₂ le₃jen'₂ ja₁tág₅ quian'₅₄ jui₁lia'₂ ja₁qui₁né'₃ táng₃. ¹⁵ ¿O₃ lín'₂ 'nia'₂, lé₂ le₃'ag₃ caun₂ jág₁ Cristo quian'₅₄ i₂sē₃dsen₃ táng₃? O₃, ¿'e₂ bá₄ quen'₅₄ jui₁lia'₂ jan₂ dsa₂ 'én₂ quiaín'₅₄ jan₂ i₂tsá₃ 'én₂? ¹⁶ ¿O₃ bá₄ lé₂ le₃'ag₃ caun₂ jág₁ guá'₅ quió'₅ Diú₄ quian'₅₄ diú₄ lag₄? Ia₁ guio₅₄ bá₄ jniog₄ lág₅ guá'₅ quió'₅ Diú₄ jén'₃. Lē₅ jui₁lia'₂ ca₂juá'₂ Diú₄ 'ŋiog₅:

Gua₅₄ ŋi₅₄ quiang'₅₄ dsa₂.

Jniá₂ bá₄ léng₂ Diú₄ quiáin₅.

† 6:3 griego: diakonía (ministerio). ‡ 6:14 'Nio'₂ ja₁ton₅ Deuteronomio 22:10.

Dsa₂ 'éi₂ guë'₂ léin₂ dsa₂ juig₂ quiáng₃.[§]

¹⁷Jaun₂ lë₃:

Co₂dsia₅ 'uin'₂ 'nia'₂ jë₄ quió'₅ diú₄ lag₄ 'éi₂;

con'₂ nau₂ 'nia'₂, juá'₂ Te₁gui'₅₄;

Tsá₃ qui₂tí'₅ 'nia'₂ gog'₂ a₂tsá₃ le₁jë₃.

Jaun₂ bá₄ guen'₄ jniá₂ 'nia'₂, *

¹⁸jaun₂ jan₂ jniá₂ bá₄ léng₂ nêi'₅ 'nia'₂,

jaun₂ 'nia'₂ guë'₂ léng'₂ chi'₂-guein₂ quiáng₃.

juá'₂ Te₁gui'₅₄ i₂'uan'₂ guë'₄ lin₃.†

7

¹ Le₂në₅ bá₄, rin'₅₄ jniog₄, 'uig₅₄ ia₁ a₂ron₅ jág₁ a₂cuë'₁ quió'₅ Diú₄ ja₁con₂ jniog₄, jaun₂ ca₂tág₂ jniog₄ chi₅₄ quián₂ ca₂le₃jë₃ a₂'lig'₅₄ a₂lé₂ le₃'iog₅ jme₂dsí₂ quián₂, le₂jaun₂ ni₁ni₁ nê₃. Ju₁le₂chong₂ bá₄ co₂nei'₅₄ dsa₂ i₂lë₅ 'í₁ i₂jme₂gan₃ Diú₄.

'A₂ lia'₂ ca₂rë₃tsín₃ dsí₅ dsa₂ Corintios, ca₂can₃ táng₃ jui₅ dse₃

²Jmo₄ 'nia'₂ 'au'₂ a₂jag'₅₄ dse₃ jnia'₅₄. Ia₁ tsá₃ 'e₂ 'lig'₅₄ ma₂jma'₅₄ 'i₁jan'₂ 'nia'₂, on₃ guë'₂ 'e₂ jág₁ ga₂ ma₂ché₁₂ jnia'₅₄ 'i₁jan₂, on₃ guë'₂ jua'₅₄ ma₂ca₂jme₁gan₅ jnia'₅₄ 'i₁jan'₂ 'nia'₂ nê₃. ³On₃jua'₅₄ a₂juá'₅ jniá₂ ia₁ a₂bong'₅₄ 'nia'₂ dso. Lia'₂ ma₂juá'₅ jaun₂ bá₄ jniá₂, jing₅₄ 'nia'₂ ca₂le₃jë₃ dsí₃, a₂'nió₃ jniá₂ 'nia'₂. Caun₂ bá₄ 'ei₅ dsí₃ chang₂ co₂lë₅ quiang'₅₄ 'nia'₂, o₃ dsíó₃ co₂lë₅ 'e₂. ⁴Caun₂ bá₄ 'ei₅ dsí₃ jing₅₄ 'nia'₂, 'nio₅ jmo₅ jniá₂ táng'₅ o₄quián'₂ 'nia'₂. Rë₂'nia₅ a₂lián'₂ dsí₃, lia'₂ rë₂tsón₂ a₂'io'₂ jéin₂ jniá₂, jë₄ ca₂le₃jë₃ o₂i₁ dsí₅ a₂chong₂ jnia'₅₄.

⁵Ia₁ lia'₂ con'₂ jme₁o₃náu₅ jnia'₅₄ 'uë₃ Macedonia la₂, tsá₃ ma₂ca₂rë₃jag₅₄ 'i₁ca₂juig₄, ia₁ o₂me'₅₄ dsí₅ bá₄ ma₂ca₂rë₃chá₃ le₂con₂ të₂le₃ la₂: mi'₅₄ bá₄ ca₂já₃ le₃lág'₃ ja₁tio'₅₄ jnia'₅₄, ca₂le₃jë₃ ca₂'í₃ gó'₅ dsí₅ jnia'₅₄. ⁶La₁ Diú₄ i₂j móg'₅ táng₃ dsí₅ dsa₂ i₂'lia'₂ dsí₅, ca₂j móg'₃ bá₄ táng₃ dsí₅ jnia'₅₄ jme₁ca₂guan₃ Tito, ⁷ton'₂ 'éi₂ 'niog₅ guë'₂ nê₃, 'nio₅ lin₃ 'ei₅ dsí₅ o₄quián'₂ 'nia'₂. 'Éi₂ bá₄ dsia₅ nê₃ tság₅ jnia'₅₄, 'nio₅ 'ín₅ 'au'₂ jag'₅₄ jniá₂. Dsia₂₃ a₂qui'₂ 'au'₂. Dsia₂₃ ján₃ a₂tion'₅₄ 'nia'₂ dsen₅₄ 'au'₂ o₄quió₃ jniá₂. Jaun₂ bá₄ të₂le₃ lë₅ guë'₄ 'io'₂ jéin₅ jme₁ca₂rë₃guion₅₄.

⁸Tsá₃ a₂na₅₄ ca₂tión'₂ 'nia'₂ co₂'na₂ qui'₂ 'au'₂ quian'₅₄ si₂ carta a₂ca₂tsíng₂; la₁ tsá₃ dsí₂quén'₅ dsí₃ rë₂nê₃. Dsón'₂ bá₄ ca₂dsí₃quén'₅ dsí₃ co₂'na₂ le₂jniá₅ ján₃ jme₁ca₂rë₃guion₅₄ o₄quió'₄ si₂ jaun₂, ca₂tión'₂ 'nia'₂ qui'₂ 'au'₂ co₂'na₂. ⁹Jaun₂ nê₃ 'io'₂ jéin₅ bá₄ rë₂nê₃, on₃jua'₅₄ ia₁ a₂ca₂tión'₂ 'nia'₂ qui'₂ 'au'₂ jaun₂; a₂jaun₂ bá₄ ia₁ a₂ca₂rë₃tsín₃ bá₄ 'au'₂ 'nia'₂ ia₁ a₂ca₂tión'₂ 'nia'₂ qui'₂ 'au'₂. Ca₂quian'₂ 'nia'₂ o₂i₁ dsí₅ lia'₂ të₅ dsí₅ Diú₄. Jaun₂

§ 6:16 Levítico 26:12; Jeremías 32:38; Ezequiel 37:27. * 6:17 Isaías 52:11;

Ezequiel 20:34-41. † 6:18 2 Samuel 7:14.

tsá₃ le₃jua'₅₄ a₂ca₂jma'₅₄ jnia'₅₄ dain'₅₄ 'nia'₂. ¹⁰ Ia₁ jui₁lia'₂ a₂qui'₂ dsí₅ dsa₂ 'a₂ con'₂ 'nio₃ Diú₄, a₂jaun₂ bá₄ jmo₅ a₂rē₂tsín₃ dsí₅ dsa₂, a₂jio₅ jui₅ a₂lión₂ dsa₂. Jaun₂ tsá₃ cha₂ 'e₂ lē₃ jua'₅₄ dsi₁quén'₅ dsí₅ dsa₂. La₁ia₁ jui₁lia'₂ a₂qui'₂ dsí₅ dsa₂ lia'₂ con'₂ lē₅ a₂qui'₂ dsí₅ dsa₂ mi₂güig₃ nē₃, a₂jaun₂ bá₄ jio₅ jui₅ 'mú₃. ¹¹ Jag₄ 'nia'₂ jaun₂, a₂la₂ bá₄ a₂tē₁dsi₅₄ quián'₂ 'nia'₂, ia₁ ca₂tión'₂ 'nia'₂ qui'₂ 'au'₂ jaun₂ lia'₂ con'₂ 'ñio₂ dsí₅ Diú₄: 'e₁ bá₄ chi₂quian'₁ 'nia'₂ jmig₄; 'e₁ bá₄ dsan₂ 'au'₂ jme₁rē'₂ a₂jaun₂ jē₄ quián'₂ 'nia'₂; 'e₁ bá₄ ca₂i₃mē'₂ 'au'₂ ne₄ dso₄ jaun₂; 'e₁ bá₄ ca₂já₃ gó'₅ 'au'₂ 'nia'₂; 'e₁ bá₄ 'ín₅ 'au'₂ 'nia'₂ guē₄ lin₃; 'e₁ bá₄ dsen₅₄ 'au'₂ 'nia'₂ a₂jme₁'ē'₄ 'nia'₂ uig₅ nē₃. Jē₄ ca₂le₃jē₃ a₂nē₅ ma₂cuē'₅₄ bá₄ 'nia'₂ léi₄ a₂tsá₃ dso₄ rin'₂ 'nia'₂ a₂ca₂lē₃ le₂jaun₂. ¹² Lia'₂ con'₂ ca₂tsing₂ si₂ carta jaun₂, on₃jua'₅₄ jaun₂ ca₂tsing₂ o₄quió'₄ i₂ca₂jmo₃ 'lig'₅₄, on₃ guē'₂ o₄quió'₄ i₂ca₂i₃ñi₂ nē₃. A₂jaun₂ bá₄ ca₂tsing₂ ia₁jaun₂ le₂len'₄ 'nia'₂ tē₂le₃ ne₄ Diú₄ a₂dsan₂ 'au'₂ o₄quián₂ jnia'₅₄. ¹³ 'Uig₅₄ jaun₂, 'io'₂ jein₂ bá₄ jnia'₅₄ nē₃, cha₂ lián'₂ dsi₅.

La₁ 'ñio₅ lin₃ guē₄ 'io'₂ jmo₂ jnia'₅₄ jme₁guan₃ Tito, 'ei₅ dse₃ dsí₅ quion₂ jág₁ ia₁ ca₂le₃jín'₃ bá₄ 'nia'₂ ca₂jme₁'oin'₁, ca₂jmog'₅₄ dsí₅ tē₁lia'₂ ca₂i₁'i₅ quian'₅₄ 'nia'₂. ¹⁴ Jaun₂ tsá₃ jua'₅₄ a₂lē₁ca₂juig₂ jág₁ tá'₅ jme₁ca₂juig₂ 'io'₂ jéin₅ o₄quián'₂ 'nia'₂. Tsá₃ o₂guí'₃ chén'₅ jniá₂. Ia₁ le₂nē₅ bá₄ jui₁lia'₂ dsau₅ ca₂le₃jē₃ jág₁ a₂ma₂ca₂chéi₂ jnia'₅₄ 'nia'₂, ján₃ bá₄ le₂jaun₂ ca₂le₃jē₃ jág₁ a₂ca₂chei₅₄ jnia'₅₄ Tito 'a₂ lia'₂ lē₅ tion'₅₄ 'nia'₂, ca₂rē₃ti₃ bá₄ lia'₂ lē₅ jaun₂. ¹⁵ Jaun₂ nē₃, tē₂le₃ 'ñio₅ lin₃ guē₄ 'ñioi₃ 'nia'₂ ia₁ juá'₂ ca₂jmo'₅₄ bá₄ 'nia'₂ ca₂le₃jē₃ 'e₂ ca₂mi₃, ca₂jmo'₅₄ bá₄ 'nia'₂ 'ua₁ 'au'₂ ca₂guein'₅₄ bá₄ 'nia'₂ caun₂ dse₃ a₂gain'₃. ¹⁶ Jaun₂ tē₅ bá₄ dsi₃; caun₂ bá₄ 'ei₅ dsi₃ quian'₅₄ 'nia'₂.

8

A₂cuē₃ dsa₂ 'e₂ cuē₃ 'a₂ con'₂ 'ñio₂ dsí₅

¹ Nē₃ nē₃, rin'₅₄ jniog₄, 'niog₂ jnia'₅₄ a₂le₃ñi'₅₄ 'nia'₂ 'a₂ lia'₂ ma₂ca₂rē₃jniá₂ a₂'ua₁ dsí₅ Diú₄ ja₁con₂ guá'₅ i₂chan₂ 'uē₃ Macedonia la₂.

² Jui₁'a₂ guē₃ la₂ ma₂ja₂lén₂ quian₅ o₂i₁ dsi₅, tsá₃ caun₂ táu₂ dsi₂ñi₂, la₁ dse₃ bá₄ chain₂ tei₄ bá₄ le₁'ág₄ dsí₅. Jui₁'e₂ guē₃ la₂ te₂ñéi₂ chain₂, la₁ tson₂ guē₄ a₂ma₂cuē₃ con'₂ 'ñio₂ dsí₅ con'₂ guē₄ dsa₂ i₂cha₂ quió'₅. ³ Jniá₂ jáng'₅ jág₁ dsau₅, a₂tē₃dsón'₂ bá₄ ma₂cuē₃ 'a₂ con'₂ tió'₅, tē₂le₃ lē₅ guē₄ ma₂cuē₃ 'a₂ con'₂ cha₂ quió'₅, ia₁ a₂'ñio₂ dsí₅. ⁴ Ca₂tság₃ jnia'₅₄ tion₅₄-jan₃, a₂cuē₅₄ jnia'₅₄ jmig₄ a₂quein'₅₄ quian'₅₄ jnia'₅₄ ta₁ dse₃ a₂jme₁'on₁₂ dsa₂ quián₅ Diú₄.^{*} ⁵ Tē₂le₃ lē₅ guē₄ ca₂cuē₃ bá₄ lia'₂ con'₂ guē₄ jme₁lág₂ jnia'₅₄. Jniá₅ de'₂ o₄gú₃ Te₁gui'₅₄ ca₂dsia₃, jaun₂ guē₄ ca₂dsia₃

* 8:4 lit. "dsa₂ jnió₅."

ne₄ jnia'₅₄, lia'₂ con'₂ 'nio₃ Diú₄. ⁶ Jaun₂ ma₂chi₁ca₂len'₄ jnia'₅₄ Tito jaun₂ jmo₃ dse₃ dsí₅ a₂jme₃'ñia₂₃ ta₁ dse₃ nē₅ jin'₄ 'nia'₂ 'uig₅₄ a₂ma₂'ei₅ le₂jñiá'₅ 'a₂ con'₂ ca₂lē₃ 'au'₂ 'nia'₂ jme₁'o₁. ⁷ Ia₁ jui₁lia'₂ ma₂dsi₂jñiá'₄ 'nia'₂ jē₄ le₂jē₃: a₂'én'₂ 'nia'₂, a₂'ñia'₂ 'nia'₂ jág₁ dse₃, a₂ñi'₂ 'au'₂ 'nia'₂, a₂dsen₅₄ 'au'₂, a₂'nióg'₃ jnia'₅₄ nē₃; ján₃ bá₄ le₂nē₅ ca₂tín'₂ 'nia'₂ dsi₃jñiá'₄ quian'₅₄ a₂la₂, a₂jmo'₂ 'ua₁ 'au'₂.

⁸ Tsá₃ o₁len'₂ 'nia'₂ jua'₅₄ a₂jmo₅ jniá'₂ 'éi'₃ ja₁con'₂ 'nia'₂. Jñia'₅₄ lia'₂ 'nio₃ jniá'₂ cáun₄ 'í₁ tē₂le₃ quian'₅₄ a₂dsen₅₄ dsí₅ i₂sián'₂ chi₂jua'₂ dsón'₂ bá₄ 'nióg'₃ ríng'₂ ján₃. ⁹ Ia₁ ma₂ñi'₅₄ bá₄ 'nia'₂ 'a₂ lia'₂ 'ua₁ dsí₅ Te₁gui'₅₄ Jesucristo quián₂. O₄quíó'₄ a₂'nioi₃ 'nia'₂, ca₂ñi₃ te₂ñéi₂, o₁jñia'₅₄ la₂ jme₁chain₂ dse₃, ia₁jaun₂ le₃chan'₂ 'nia'₂ dse₃ tē₂le₃ quian'₅₄ jui₅ te₂ñé₂ a₂ca₂can₃ 'éi₂.

¹⁰ Cuē₅ jniá'₂ jág₁ dse₃ a₂juíg₂ 'nia'₂, jui₁lia'₂ jág₁ la₂, a₂dse₃ quián'₂ 'nia'₂ guiong'₅₄ bá₄, ia₁ 'nia'₂ bá₄ i₂ca₂jme₁lióg'₄ ma₂ca₂ñi₂, a₂ca₂jme₁'o₁ 'nia'₂, a₂'ñio₂ 'au'₂ 'nia'₂ nē₃: ¹¹ jaun₂ nē₃ nē₃, jme₁'ñia₅ 'nia'₂ ta₁ jaun₂ a₂ca₂jme₁lióg'₂, ia₁jaun₂ le₃ti₃ a₂'ñio₂ 'au'₂ 'nia'₂ jaun₂, lia'₂ con'₂ lē₅ cha₂ quián'₂ 'nia'₂. ¹² Ia₁ jui₁lia'₂ a₂cuē₅ dsa₂ a₂'ñio₂ dsí₅ tē₃dsón'₂ 'e₂ 'nio₃ cuē'₃ Diú₄, a₂le₂jaun₂ bá₄ gue₅ Diú₄ 'ñio₂ dsí₅, lia'₂ con'₂ lē₅ a₂cha₂ quió'₅ dsa₂, on₃jua'₅₄ lia'₂ con'₂ lē₅ a₂tsá₃ cha₂ quió'₅.

¹³ On₃jua'₅₄ a₂jaun₂ guē'₂ juá'₅ jniá'₂ ia₁jaun₂ tón'₃ dsa₂ 'éi₂ a₂rē₂tsón₂ ñag₅₄ quió'₅, ton'₂ tē₂le₃ ja₁con'₂ 'nia'₂ guiong'₅₄ guē'₂ nē₃ tsá₃ cha₂ lé₂. ¹⁴ Tē₂le₃ ia₁jaun₂ dsióg₄ co₂rē₂ bá₄ lē₅ chan₂ dsa₂, 'nia'₂ cuē'₂ 'e₂ niog₅ tsá₃ tín'₂ quió'₅ ríng'₂ jmi₄ nē₃; jui₁la₂ 'ióg₃ guē'₂, 'éi₂ guē'₂ ma₂tión₂ jme₃'o₅₄ cuē'₃ 'e₂ niog₅ tsá₃ tín'₂ quián'₂ 'nia'₂ táng₃. Jaun₂ le₂nē₅ bá₄ dsióg₄ co₂rē₂ bá₄ lē₅ chan₂ dsa₂. ¹⁵ Jaun₂ le₂ti₃ jui₁lia'₂ juá'₂ ne₄ Si₂ quió'₅ Diú₄: "I₂ca₂ro'₂ 'lión₂ tsá₃ 'e₂ jua'₅₄ a₂ca₂chóng₃ quió'₅; le₂jaun₂ guē'₂ le₃ja₁con₂ i₂ca₂ro'₂ me'₂, tsá₃ 'e₂ ca₂lē₃ jua'₅₄ a₂tsá₃ ca₂tín'₂ quió'₅."†

*Tito quiain'*₅₄ riin'₅₄

¹⁶ Ti₁'mag'₄ Diú₄ ca₂jmo₃ a₂ca₂lē₃ dsí₅ Tito a₂ca₂'i₃ dsí₅ 'nia'₂ 'ñio₅ lin₃, jui₁lia'₂ 'i₅ dsi₃ jniá'₂. ¹⁷ Ia₁ dsi₂jui₅ bá₄ ca₂gue₃ jme₁ca₂chéi₂ jnia'₅₄ dsó₃, ton'₂ ia₁ dsan₂ bá₄ dsí₅ 'éi₂ 'ñiog₅ a₂dsó₃ dsi₃jiin₅₄ 'nia'₂ a₂'ñio₂ dsí₅.

¹⁸ Jan₂ rin'₅₄ jniog₄ i₂'ei₅ jág₁ dse₃ quió'₅ le₂con₂ guá'₅ Macedo-
nia la₂, 'éi₂ chen₅₄ jnia'₅₄ dsó₃ co₂lē₅ quiain'₅₄ Tito. ¹⁹ Rin'₅₄ i₂'ín₅
jnia'₅₄ nē₅, ca₂quión'₂ guá'₅ a₂jme₃quiong'₅₄ jnia'₅₄ a₂i₁nio₁ jmó₁
ta₁ dse₃ a₂jme₁'on₁ jnia'₅₄ rin'₅₄ ia₁jaun₂ le₃juin'₂ Te₁gui'₅₄, ton'₂
ia₁jaun₂ léi₄ a₂dsen₅₄ dsí₅ jnia'₅₄ a₂jme₁'on₁ rin'₅₄.‡ ²⁰ Tsá₃ 'niog₂
jnia'₅₄ jua'₅₄ a₂chi₂'ag₃ dsa₂ o₄quíó'₄ cu₄ a₂rē₂tsón₂ jaun₂ a₂niog₅

† 8:15 Éxodo 16:18. ‡ 8:19 A₂lin₅₄ chog₅₄ si₂: "a₂dsen₅₄ 'au'₂ 'nia'₂ a₂jme₁'ong'₁ ríng'₂."

o₄gu₂ jnia'₅₄. ²¹ 'Niog₂ jnia'₅₄ jmó₁ a₂le₁jě₃ jme₂dsí₂ quián₂ tē₃ne₄ dsa₂ lia'₂ quian'₅₄ tē₃ne₄ Te₁gui'₅₄ nē₃.

²² Ján₃ guē'₂ chen₅₄ jnia'₅₄ jan₂ rin'₅₄ sián'₂ i₂ma₂cuē₃ léi₄ a₂dsen₅₄ dsí₅ 'ñio₅ lin₃. La₁ nē₃ nē₃ 'ñio₅ lin₃ guē₄ jmo₂₃ a₂dsen₅₄ dsí₅ ia₁ a₂ñí₄ lē₃ caun₂ 'ei₅ dsí₅ o₄quián'₂ 'nia'₂. ²³ Tito nē₃, lín₅ jan₂ ríng'₃ i₂jmo₅ ta₁ co₂lē₅ quian'₅₄ jniá₂ a₂jme₂ti₃ ta₁ ne'₅₄ 'nia'₂. Rin'₅₄ jniog₄ i₂quian'₅₄ nē₃, i₂chen₄ quián₅ guá'₅ i₂i₂nio₄ cuē₂₃ léi₄ a₂jlán'₁ Cristo. ²⁴ Jaun₂ nē₃, jme₁jnia₅ ne₄ dsa₂ nē₅, lia'₂ le₃ne₄ ca₂le₃jín₃ guá'₅ nē₃, qui₁jang'₅₄ 'nia'₂ léi₄ a₂dsón'₂ 'nióg'₃ 'nia'₂ dsa₂ 'én₂ ríng'₂, qui₁jang'₅₄ léi₄ ján₃, 'e₂ 'uig₅₄ a₂ñí₄ lē₃ dsia₂ jnia'₅₄ jág₁ tá'₅ 'ín₅ 'nia'₂.

9

A₂cág'₃ dsa₂ cu₄ a₂jme₃'oin₅₄ r'in'₅₄ ja₁siá'₂

¹ Jui₁lia'₂ cu₄ a₂jme₂'on'₅₄ 'nia'₂ dsa₂ 'én₂ rin'₅₄, * tsá₃ ma₃tion₅₄ jua'₅₄ a₂qui₂juá'₄ guē₄ ne₄ si₂. ² Ia₁ ma₂guion₅₄ bá₄ a₂le₁'ág₄ 'au'₂ 'nia'₂ a₂jme₁'o₁; o₄quió'₄ a₂nē₅ jmo₅ jniá₂ táng'₅ jin₄ dsa₂ chan₂ 'uē₃ Macedonia. Ia₁ ma₂ca₂ñi₂ bá₄ jme₁ma₂chan₂ co₂jnia₅₄ dsa₂ chan₂ 'uē₃ Acaya, ton'₂ mei'₂ tsá₃ ca₂le₃jín₃ bá₄ ca₂lē₃ dsí₅ jme₃'o₅₄ o₄quió'₄ a₂dsen₅₄ 'au'₂ 'nia'₂ jaun₂. ³ Ia₁jaun₂ tsá₃ lē₅ jua'₅₄ a₂lē₁ca₂cuē₃ jág₁ tá'₅ quió₃, jaun₂ tsíng₂ rin'₅₄ la₂ dsí₃jág₂ ia₁ jág₁ jaun₂ ma₂lē₅, ma₂tión'₂ 'nia'₂ co₂jnia₅₄. ⁴ Ia₁ con'₂ tsá₃ ñó₅ nē₁ca₂i₁lén₂ i₂lin₅₄ rin'₅₄ i₂chan₂ Macedonia quian'₅₄ jniá₂, jaun₂ tsá₃ lé₂ jua'₅₄ caun₂ dé₄ o₂guí'₃ tsá₃ co₂jnia'₅₄ 'nia'₂ chang'₂ jē₁ma₂ca₂dsi₃náu₅ jnia'₅₄. Le₂jio₅ jniá₂ chéng'₅ 'lig'₅₄ (le₂jaun₂ 'nia'₂ táng₃) ia₁ ma₂juíg₂ jniá₂ dsa₂ 'ñio₅ dsen'₃ 'nia'₂. ⁵ 'Uig₅₄ nē₅ ma₂mi₃ jniá₂ ja₁con₂ rin'₅₄ jniog₂, ia₁ 'nió'₅ bá₄ líng₂, ia₁jaun₂ dsí₃léi₂ dsí₃jín₅₄ 'nia'₂ ia₁jaun₂ jme₃'o₅₄ guē₄ rin'₅₄ cu₄, jág₁ a₂ma₂cuē'₅₄ 'nia'₂ quiáng'₂ le₂jniá₅ a₂cuē'₁, ia₁jaun₂ ma₂lē₅ co₂jnia₅₄ 'a₂ con'₂ lē₅ 'ñio₂ 'au'₂ 'nia'₂, on₃jua'₅₄ ia₁ a₂chi₁quiong₅₄ jnia'₅₄ jmíg₄.

⁶ Dsá₂ 'au'₂ 'nia'₂ jmo₄, jág₁ a₂juá'₄ la₂: jui₁lia'₂ dsa₂ i₂jne₅ me'₂, me'₂ bá₄ a₂ráu₃ quió'₅; jui₁lia'₂ dsa₂ i₂jne₅ 'líóng₂ guē'₂ nē₃, ján₃ bá₄ 'líóng₂ ráu₃ quió'₅. ⁷ Le₂jan₂ le₂jan₂ bá₄ ca₂tín₂ cuē₃ 'a₂ con'₂ ma₂ca₂lē₃ dsí₅ cuē₃, tsá₃ ca₂tín₂ dsa₂ cuē₃ jua'₅₄ a₂ma₂dsi₂me'₃ dsí₅, on₃ guē'₂ ca₂tín₂ dsa₂ cuē₃ ia₁ a₂ma₂nē₂chi₃quióng₂ dsa₂ jmíg₄ tion₅₄. Ia₁ Diú₄ 'nioi₃ dsa₂ i₂cuē₅ a₂'io'₂ jén'₅. ⁸ Diú₄ bá₄ i₂qui'₅₄ jmíg₄ jme₃gu'₅₄ 'nia'₂ 'ñio₅ lin₃ ca₂lia'₂ qui₂rē₂tsón₂ quián'₂ 'nia'₂, ia₁jaun₂ le₃cha₂ ca₂le₃jě₃ a₂'nió'₅ quián'₂ 'nia'₂, ia₁jaun₂ rē₂tsón₂ lé₂ le₃jme₁'on'₁ 'nia'₂ ríng'₂ ca₂le₃jě₃ jmíg₄, quian'₅₄ ca₂le₃jě₃ ne₅₄ ta₁ dse₃. ⁹ Jaun₂ le₃ti₃ a₂juá'₂ ne₄ Si₂: Jui₁lia'₂ dsa₂ i₂jmo₅ dsíóg₁,

* 9:1 lit. "dsa₂ jñiós."

cuë₂₃, jme₁'oin₅₄ dsa₂ i₂te₂ñé₂,
lia₂ co₂tan₅₄ bá₄ dsiog₂ dsí₅ dsa₂

ca₂le₃jë₃ ne₅₄ a₂dse₃ a₂'ua₁ dsí₅ ca₂jmo₃,†

10 'Njio₅ bá₄ Diú₄ ca₂cuë₃ jon₂ a₂ca₂i₃jnia₄; ca₂jmo₃ ca₂rau₂
a₂quë₅₄ 'nia₂, ton₂ jmo₃ ján₃ le₃cha₂ ca₂le₃jë₃ ne₅₄ a₂tsá₃ cha₂
quíán₂ 'nia₂; jaun₂ le₃dse₃ ca₂le₃jë₃ 'e₂ a₂ján₄ 'nia₂ nē₃, jmo₃
qui₂dsi₃cón₃ dsi₃ca₅₄, jmo₃ a₂caun₂ ráu₃ a₂'ua₁ 'au₂ 'nia₂ jmo₂.
11 Le₂nē₅ bá₄ le₃chan₂ 'nia₂ dse₃ le₃cha₂ quián₂ 'nia₂, ia₁jaun₂
le₃cha₂ a₂lé₂ le₃jme₁'ong₁ guë₄ juin₅ dsa₂ te₂ñé₂ jmó₂ 'ua₁
'au₂. Le₂jaun₂ bá₄ le₃jme₁'ong₁ 'nia₂ rin₅₄ jniog₄ tē₂le₃ quian₅₄
jnia₅₄, jaun₂ juin₅ i₂lé₂ dsí₅ cuë₃ ti₁'mag₄ Diú₄. 12 Ta₁ a₂jme₂ti₄
jniog₄ ne₄ i₂sián₂ jaun₂, jmo₅ ta₁ on₃jua₅₄ jmá₃ a₂jme₂'o₅₄ cuë₃
a₂'nió₅ quió₅ rin₅₄ jniog₄; ján₃ bá₄ jmo₅ ta₁ ia₁jaun₂ juin₅
i₂rē₂tsón₂ i₂cuë₃ ti₁'mag₄ Diú₄. 13 Tē₂le₃ quian₅₄ ta₁ a₂jme₂ti₄
jniog₄ ne₄ rin₅₄ ja₁siá₂ nē₅, cuë₂ jniog₄ léi₄ a₂tē₃dsón₂ bá₄
jme₂ti₅₄ 'nia₂ jág₁ dse₃ quió₅ Cristo a₂ma₂gue₅₄ 'nia₂, ia₁ a₂'ua₁
'au₂ ja₁con₂ ríng₂, quian₅₄ ja₁con₂ ca₂le₃jín₃. Le₂nē₅ bá₄ juin₅
dsa₂ i₂jme₃juin₂ Diú₄. 14 Le₂nē₅ bá₄ lé₂ dsí₅ mi₃ ne₄ Diú₄ o₄quíán₂
'nia₂, ton₂ 'ín₅ dsí₅ 'ñio₅ lín₃ o₄quíán₂ 'nia₂, ia₁ ma₂rē₂jniá₂
le₃ja₁con₂ 'nia₂ 'a₂ lia₂ ma₂jmo₃ Diú₄ a₂'ua₁ 'au₂ 'nia₂. 15 'E₁
guë₄ ti₁'mag₄ Diú₄ ia₁ ma₂cuag₃ jniog₄ i₂dsen₃ i₂quen₅ guë₄ lín₃,
ca₂lia₂ tsá₃ ne₄ 'a₂ lia₂ le₃jua₅₄!

10

A₂quen₅ jág₁ quió₅ Pa₄ ia₁ a₂lín₅ i₂chen₄ quián₅ Cristo

1 Jniá₂ Pa₄, mi₂₃ juí₂ 'nia₂ quian₅₄ jág₁ 'ua₁, ia₁ a₂'ua₁ dsí₅
Cristo. Cha₂ jág₁ a₂lín₅ jan₂ dsa₂ i₂quian₅ jág₁ 'ua₁ jme₁'eng₅₄
jë₄ quián₂ 'nia₂, la₁ jē₁ma₂'eng₅₄ ja₁siá₂ 'ñio₅ bá₄ ma₂bén₂ jág₁
quió₃. 2 Jaun₂ mi₅ jniá₂ ne₅₄ 'nia₂, tsá₃ jmo₂ jua₅₄ a₂tion₅₄
'nió₅ jmo₅₄ tiá₂ dsi₃ jē₁ma₂dsióg₃, quian₅₄ dsa₂ i₂bóg₂ dso₄,
a₂'ag₂₃ jniá₂ a₂jmo₂₃ lia₂ jmo₅ dsa₂ mi₂güí₃. Ia₁ caun₂ bá₄
ma₂'ei₅ dsi₃ a₂dsia₅₄ jág₁ quian₅₄ dsa₂ i₂le₂'éi₂. 3 Dsón₂ bá₄
jaun₂ dsa₂ mi₂güí₃ bá₄ lág₅ jnia₅₄ tē₁lia₂ chong₂ la₂. La₁
tsá₃ cág₂ jnia₅₄ juí₁lia₂ quín₂ dsa₂ mi₂güí₃. 4 Ia₁ on₃jua₅₄
quian₅₄ ni₁ñí₁ cág₂ jnia₅₄, juí₁lia₂ ni₁ñí₁ a₂qui₂jmó₂ ta₁ dsa₂
mi₂güí₃, juí₁lia₂ jē₁quín₂ jmo₂₃ 'nei₂; quian₅₄ bí₂ quió₅ Diú₄
bá₄ cág₂ jnia₅₄, a₂jaun₂ bá₄ 'nió₄ ñí₁ quián₂ jnia₅₄ a₂'io₅ bí₂
quió₅ Diú₄ a₂qui₂le₃juin₃ ca₂le₃jë₃ a₂bén₂ a₂niog₅ tióng₂ quió₅
i₂sē₃dsen₃. 5 Le₂nē₅ bá₄ ma₂ja₂náu₅ jnia₅₄ ma₂tián₃ ma₂jne₅₄
jnia₅₄ ca₂le₃jë₃ 'e₂ niog₅ 'ag₅ dsa₂ ja₁con₂ Diú₄, juí₁lia₂ dsa₂
i₂jmo₅ rón₂, i₂tsá₃ 'nio₃ le₃cuin₅ Diú₄. Ján₃ bá₄ le₁te₁ jnia₅₄
le₁'ñe₅ ca₂le₃jë₃ a₂dsi₂jio₅ dsí₅ dsa₂, ia₁jaun₂ le₃néi₂ nag₃ gau₂

† 9:9 Salmo 112:9.

jág₁ quió'₅ Cristo. ⁶ Lia'₂ ma₂tióng₂ jaun₂ bá₄ jnia'₅₄, le₃ë₅₄ jnia'₅₄ uig₅ ca₂le₃jín₃ i₂tsá₃ jág₁ cán₂ i₂tsá₃ ne'₅₄. Le₂jaun₂ bá₄ lé₂ jë₁ma₂rë₂'ñia₅ a₂në'₂ 'nia'₂.

⁷ Caun'₅₄ 'nia'₂ 'í₁ a₂ma₂jniá₂ dsi₁ne₁, jui₁lia'₂ jág₁ a₂juá'₄ jniá₂ la₂: chi₂jua'₂ caun₂ 'ei₅ dsí₅ i₂lín₅₄ a₂lín₅ tē₃dsón'₂ i₂quián₅ Cristo, ca₂tín₂ le₃ñi₅, jnia'₅₄ guë'₂ nē₃ dsón'₂ bá₄ lág₅ i₂quián₅ Cristo ján₃.

⁸ Mei'₂ tsá₃ lín'₂ 'nia'₂ a₂juá'₅ jniá₂ ñag₅₄ jui₁lia'₂ con'₂ ta₁ a₂lág₅ jnia'₅₄. La₁ on₃jua'₅₄ a₂gui'₅₄ jniá₂ jág₁ a₂juá'₅, ia₁ a₂ca₂tín₂ bá₄ jniá₂ juá'₄, ia₁ 'ñiog₅ bá₄ Te₁gui'₅₄ ma₂cuë₃ 'éi'₃ a₂qui₂jme₁'an₂ 'au'₂ 'nia'₂ a₂dse₃ jmo₃ ta₁ a₂qui₂dsi₃cón₃ jme₂dsi₂ quián'₂ 'nia'₂. On₃jua'₅₄ rë'₂ tē₂le₃ a₂lé₂ tsi₁rë₂jan'₅₄ 'nia'₂. ⁹ Tsá₃ o₁len'₂ 'nia'₂ jua'₅₄ 'nio₃ jniá₂ quiang₅₄ jué'₅ 'nia'₂ quian'₅₄ si₂ a₂jmo₅ jniá₂.

¹⁰ Juá'₂ bá₄ i₂lín₅₄ 'ñio₅ bën₂ jág₁ quió₃ tio'₅₄ ne₄ si₂, la₁ jan₂ dsa₂ 'uan₅₄ bá₄ lín₅ jui₁lia'₂ jme₁'eng₅₄ jë₄ quián'₂ 'nia'₂, jaun₂ lín₂ a₂tsá₃ lín₄ ta₁ tí₄ jág₁ quió₃ a₂dsia₂₃ dsi₁ne₁. ¹¹ Jui₁le₂ñi'₂ bá₄ dsa₂ i₂le₂'éi₂, jui₁lia'₂ lë₅ jág₁ quián₂ jnia'₅₄ a₂tio'₅₄ ne₄ si₂, jui₁'e₂ guë₃ uíng₂ tio'₅₄ jnia'₅₄, le₂jaun₂ dsón'₂ jmo₂ bá₄ jnia'₅₄ jme₁tio'₅₄ quian'₅₄ 'nia'₂ ján₃.

¹² Ia₁ tsá₃ tiá₂ dsi₅ jnia'₅₄ 'ín₄ dse₃ guio₅₄, on₃ guë'₂ a₂quin₅₄ jnia'₅₄ quian'₅₄ i₂lín₅₄ i₂jme₂juin'₂ guioin₅₄ le₂jaun₂. La₁ 'éi₂ nē₃ jme₁con₂ 'í₁ chi₂jua'₂ co₂riin₂, quin₂₃ guioin₅₄ quian'₅₄ riin'₅₄, tsá₃ 'an₂ dsí₅ chain₂. ¹³ Jaun₂ tsá₃ dsiá₁ jnia'₅₄ jág₁ tá₅ ñag₅₄ guë₄ con'₂ guë₄ ja₁ca₂tag₂. Con'₂ jaun₂ bá₄ jmo₂ jnia'₅₄ con'₂ lë₅ 'éi'₃ ca₂cuë₃ Diú₄ a₂jmo₁. Jaun₂ 'éi₂ bá₄ ca₂jmo₃ 'éi'₃ a₂dsi₁náu₅ jnia'₅₄ tē₂go'₅₄ 'nia'₂. ¹⁴ Jaun₂ tsá₃ o₁len'₂ 'nia'₂ jua'₅₄ jnia'₅₄ i₂nio₄ tē₂ ja₁tsá₃ ma₃dsi₂ten₅₄ i₂nio₁. Le₂nē₅ jme₁lé₂ jua'₅₄ mei'₂ guë₃ tsá₃ ma₂ca₂dsi₃náu₅ jnia'₅₄ ca₂tē₂ ja₁tion'₅₄ 'nia'₂. Dsá₂ 'au'₂ 'nia'₂ jmo₄, jnia'₅₄ bá₄ i₂le₂'uig₅₄ i₂can₁ jág₁ dse₃ la₂ quió'₅ Cristo jin'₄ 'nia'₂. ¹⁵ Tsá₃ dsiá₁ jnia'₅₄ jág₁ tá₅ ñag₅₄ guë₄ quian'₅₄ ta₁ quió'₅ i₂sián'₂. Jnia'₅₄ lia'₂ a₂jaun₂ bá₄ 'ín₂ dsi₅ jnia'₅₄, jë₁ma₂'én'₂ guë₄ 'nia'₂, jaun₂ 'ag₃ caun₂ jág₁ quian'₅₄ 'nia'₂, ia₁jaun₂ lé₂ dsi₃cón₃ guë₄ ta₁ quián₂ jnia'₅₄, o₄quió'₄ Diú₄, ¹⁶ ia₁jaun₂ lé₂ le₃dsau₅₄ uíng₂ a₂ñag₅₄ guë₄ ja₁tion'₅₄ 'nia'₂ qui₂dsi₁'ë₄ jág₁ dse₃. La₁ tsá₃ dsi₁jmo₁ jnia'₅₄ rón₂ quian'₅₄ ta₁ a₂ma₂niog₅ ma₂jmo₃ dsa₂ sián'₂.

¹⁷ La₁ jui₁lia'₂ juá'₂ ne₄ Si₂: “Jui₁lia'₂ dsa₂ i₂dsia₅ jág₁ tá₅, jui₁dsia₁₂ jág₁ tá₅ le₃quió'₅ Te₁gui'₅₄.”* ¹⁸ Ia₁ on₃jua'₅₄ dsa₂ i₂'in₅ dse₃ 'ñiog₅, chén'₅ dse₃, tē₂le₃ i₂'ín₁ dse₃ quió'₅ Te₁gui'₅₄ bá₄.

11

Juá'₂ Pa₄ 'iin₂₃ dsa₂ i₂jme₂tag₅ jág₁ jui₁gain₂

¹ Jme₁'nio₃ jniá₂ jua'₅₄ jmo₁'₂ bá₄ 'nia'₂ tió'₃ 'au'₂ quian'₅₄ jág₁ quió₃ la₂, a₂nē₃ guë₄ juá'₄, a₂lë₅ lia'₂ lë₅ jág₁ quió'₅ dsa₂

* 10:17 Jeremías 9:24.

i₂tsá₃ 'en₅₄ dsí₅. La₁ jmo₄ bá₄ 'nia'₂ juin'₂ 'au'₂. ² Ia₁ 'ñio₅ lin₃ dséi₅ jniá₂ quian'₅₄ 'nia'₂, a₂lě₅ dsí₃ dséi₅ o₄quíó'₄ Diú₄. Ia₁ jniá₂ bá₄ ma₂ca₂jmo₃ jág₁ a₂jme₁jnia₅ jniá₂ 'nia'₂ co₂'nió'₄ dsa₂ dsen₃, i₂le₁jě₃ jme₂dsí₂ quíó'₅, ne₄ Cristo, jui₁lia'₂ jan₂ jmei₂chi'₂ dsa₂ mi₄ jme₂jniai₂₃ ja₁míg₄ ne₄ i₂lě₅ jág₁ i₂lě₂ dsi₂i₂gu₂. ³ La₁ gó₅ jniá₂ ia₁ con'₂ tsá₃ ñó₅ nē₁ca₂rě₃gán'₃ 'nia'₂ jme₃gau₅ dsa₂ quian'₅₄ mai₅₄ quíó'₅, jui₁lia'₂ ca₂i₃ñí₂ Eva ca₂jme₃gau₅ dsi₂mi'₂, nē₁ca₂i₃uín₂ cau₅ 'a₂ lia'₂ dsi₂jio₅ 'au'₂ 'nia'₂, a₂qui₂le₁jě₃ 'au'₂, a₂rě₂teng'₅₄ le₃quíó'₅ Cristo. ⁴ Ia₁ ma₂ja₂nó'₅ 'nia'₂ qui₂guéng'₅ rě₂ dsa₂ i₂tě₁ja₂lén₂ jme₂tag₅, la₁ le₂siá'₂ bá₄ 'iin₂₃ Jesús, tsá₃ lě₅ jág₁ quíó'₅ lia'₂ con'₂ lě₅ jág₁ a₂ma₂gue'₅₄ 'nia'₂ le₂jniá₅ quíó'₅ Jesús. Jaun₂ le₂ně₅ bá₄ ma₂guen'₅₄ táng₃ 'nia'₂ jme₂dsí₂ sián'₂, on₃jua'₅₄ i₂quíán₅ Diú₄ i₂jme₁ma₂guen'₅₄ 'nia'₂. ¡Dse₃ bá₄ jmo'₂ 'nia'₂ tió'₃ 'au'₂ quian'₅₄ jág₁ a₂rě₂tsín₄ guě₄, a₂tsá₃ lě₅ con'₂ lě₅ jág₁ dse₃ a₂lió₂ a₂jme₁ma₂nei'₂ 'nia'₂! ⁵ La₁ jniá₂ ně₃, tsá₃ líng₂ jua'₅₄ a₂jme'₂ guě₄ quen₅ jniá₂, jua'₅₄ ca₂juig₄ guě₄, lia'₂ con'₂ guě₄ dsa₂ 'éi₂ i₂ñí₄ lě₃ jme₂can'₅₄ guion₅₄ a₂jmo₂₃ a₂lín₅ dsa₂ i₂chen₄ quián₅ Cristo. ⁶ O₁jñia'₅₄ tsá₃ lín₄ dse₃ 'ñiag₂ jág₁, la₁ tsá₃ 'e₂ lě₅; la₁ niog₅ bá₄ dsí₃. Ma₂ca₂jme₁jnia₅ bá₄ jniá₂ ca₂le₃jě₃ ja₁con'₂ 'nia'₂.

⁷ ¿O₃ bá₄ lín'₂ 'nia'₂ a₂ca₂'no₃ jniá₂ dso₄ ia₁ ca₂dsióg₃ ca₂jmo₃ meg'₂ a₂ca₂chon'₄ jniá₂ 'nia'₂ jme₁ca₂'ě₃ jniá₂ jág₁ dse₃ a₂lión'₂ 'nia'₂, ia₁ tsá₃ 'lia'₅₄ ca₂can₃ jniá₂? ⁸ Guá'₅ ja₁siá'₂ bá₄ i₂ca₂jme₃'o₅₄, co₂'nió'₄ a₂ca₂can₃ jniá₂ cu₄ quíó'₅, ia₁jaun₂ le₃jmo'₂ ta₁ a₂le₃ti₃ ta₁ ja₁con'₂ 'nia'₂. ⁹ Lia'₂ con'₂ jme₁'eng₅₄ quian'₅₄ 'nia'₂, dsón'₂ bá₄ ca₂rě₃'nió'₅ quíó₃ le₂jaun₂, la₁ tsá₃ 'e₂ guei₂ ca₂cuě₃ jniá₂ 'i₁jan'₂ 'nia'₂. Ia₁ dsa₂ rin'₅₄ jniog₄ i₂chan₂ Macedonia la₂ bá₄ ca₂i₁lein₅₄ juig₂ Corinto nē₅, ca₂i₁can₅ a₂tsá₃ cha₂ quíó₃ lia'₂ con'₂ jme₁chi₁quian₁₂ jniá₂ jmíg₄. Qui₂ca₂jmo₃ bá₄ jniá₂ 'í₁ jaun₂ tsá₃ 'ein₂ 'nia'₂ cán'₁ guei₂ o₄quíó₃ jniá₂, jaun₂ caun₂ jmo₅₄ bá₄ jniá₂ 'í₁ jaun₂. ¹⁰ Jaun₂, o₄quíó'₄ jág₁ tí₅ dsón'₂ quíó'₅ Cristo a₂'i₄ dsí₃, juá'₅ jniá₂, 'i₁jan₂ tsá₃ lě₂ jné₃ jua'₅₄ a₂tsá₃ lě₂ juá'₄ jniá₂ con'₂ 'ñio₂ dsi₃ le₂tan₅₄ 'uě₃ Acaya. ¹¹ ¿'E₂ lě₃ juá'₅ jniá₂ le₂ně₅, lín'₂ 'nia'₂? ¿O₃ bá₄ ia₁ a₂tsá₃ 'nió₃ jniá₂ 'nia'₂? Ní₅ bá₄ Diú₄, a₂'nióg₃ bá₄ 'nia'₂.

¹² Jaun₂ caun₂ jmo₅₄ bá₄ jniá₂ a₂ma₂guio₃ jmo₂₃, ia₁jaun₂ jni₃ jui₅ quíó'₅ jui₁lia'₂ i₂i₂nio₄ nē₅ a₂'nio₃ dsia₃ jág₁ tá'₅ jmo₂₃ dsí₅ a₂lě₅ rě₂ ta₁ quíó'₅, jui₁lia'₂ lě₅ ta₁ quián₂ jnia'₅₄. ¹³ Ia₁ dsa₂ i₂le₂'éi₂ ně₃ lín₅ dsa₂ i₂chen₄ i₂jui₁gan₂. A₂jmo₂₃ ta₁ a₂jñia'₅₄ jme₂gau₂₃, a₂qui₂jmoí'₂ a₂jmo₂₃ lín₅ dsa₂ i₂chen₄ quián₅ Cristo. ¹⁴ On₃jua'₅₄ a₂dsi₂gó'₃ dsí₅, ia₁ le₂jio₅ 'ñiog₅ i₂sě₃dsen₃ qui₂jmoí'₂ a₂jmo₂₃ lín₅ jan₂ ángel i₂jniá₂ tág₅. ¹⁵ 'Uig₅₄ jaun₂ ně₃, le₂jaun₂ bá₄ lě₅ jui₁lia'₂ quian'₅₄ dsa₂ i₂jme₂ti₃ ta₁ ne₄ 'éi₂: qui₂jmoí'₂ a₂jmo₂₃ lín₅ lia'₂ lín₅ i₂jme₂ti₃ ta₁ ne₄ a₂dse₃, con'₂ dsi₂ten₅₄. La₁ jě₁ca₂tó'₂ bá₄

dsi₃guéi₃ con'₂ lě₅ ca₂tíin₂ co₂niog₅ lě₅ jmo₂₃.

A₂ lia'₂ niog₅ lě₅ uig₅ ca₂ηág₃ Pa₄ ne₄ ia₁ a₂lín₅ dsa₂ i₂chen, quián₅ Cristo

¹⁶ Con'₂ siá'₂ juíg₂ 'nia'₂: tsá₃ o₁len'₂ 'nia'₂ jua'₅₄ tē₃dsón'₂ líng₅ dsa₂ co₄. La₁ o₁jñia'₅₄ 'ein₂ guē'₂ jmo₅ dsí₅ a₂líng₅ le₂nē₅, la₁ guei₅₄ jniá₂ nē₂jag₄ bá₄ a₂líng₅ dsa₂ co₄, ia₁jaun₂ lé₂ dsia₅₄ ca₂la₂ jág₁ tá'₅. ¹⁷ Jui₁lia'₂ juá'₅ jniá₂, on₃jua'₅₄ lia'₂ con'₂ lě₅ 'nio₃ Te₁gui'₅₄, lia'₂ jē₁tē₂'₅ jan₂ dsa₂ co₄ bá₄ juá'₅ jniá₂, jmo₅₄ róng₂, co₂'nió'₄ caun₂ bá₄ 'ei₅ dsi₃. ¹⁸ Jui₁lia'₂ juin₅ lín₃ i₂chan₂ dsia₅ jág₁ tá'₅ quian'₅₄ cosa a₂cha₂ mi₂güí₃ la₂, ján₃ bá₄ le₂jaun₂ guē'₂, la₂ dsia₅₄ jniá₂ jág₁ tá'₅. ¹⁹ 'Ui₅₄ ia₁ a₂ηag₅₄ ηi'₅₄ bá₄ 'nia'₂, jaun₂ 'ñio₂ bá₄ 'au'₂ 'nia'₂ jmo'₂ tió'₃ 'au'₂ quian'₅₄ dsa₂ co₄. ²⁰ Ia₁ jmo'₂ bá₄ 'nia'₂ tió'₃ 'au'₂ quian'₅₄ dsa₂ i₂chi₂quióng₂ jmi₄ tion₅₄-jan₃, dsa₂ i₂guē'₅ ta₁ 'ua'₂ quián'₂ 'nia'₂, dsa₂ i₂jo₅ quián'₂ 'nia'₂, dsa₂ i₂jmo₅ can'₅₄ ne₄ quián'₂ 'nia'₂, dsa₂ i₂qui₂jno₂ quián'₂ 'nia'₂ nē₃. ²¹ 'An₁ lín'₂ 'nia'₂ a₂lág₅ jnia'₅₄ dsa₂ 'uan₅₄ ia₁ a₂tsá₃ 'ein₂ jnia'₅₄ tiá₂ dsí₅ jmo₃ le₂nē₅ ja₁con'₂ 'nia'₂. 'An₁ le₃jéin₄ jniá₂ o₂guí'₃ bá₄ ia₁ a₂juá'₅ a₂líng₅ dsa₂ 'uan₅₄.

La₁ chi₂jua'₂ tiá₂ bá₄ guē'₂ dsí₅ i₂sián'₂ dsia₃ jág₁ tá'₅, ján₃ bá₄ tiá₂ dsi₃ jniá₂ jmo₅₄ le₂jaun₂. (La₁ juá'₅ jniá₂ lia'₂ ja₁juá'₂ jan₂ dsa₂ co₄.) ²² ¿'E₂? ¿Jmá'₃ dsa₂ 'éi₂ bá₄ i₂tín₂ dsia₃ jág₁ jmei₅ hebreo? Ján₃ bá₄ tin₂ jniá₂ táng₃. ¿Jmá'₃ dsa₂ 'éi₂ bá₄ lín₅ dsa₂ israelitas? Ján₃ bá₄ 'éi₂ guē'₂ jniá₂ ján₃. ¿'E₂? ¿Jmá'₃ lia'₂ dsa₂ 'éi₂ bá₄ lín₅ tsi₁jon₂ Abraham? Ján₃ bá₄ 'éi₂ guē'₂ lín₅ jniá₂. ²³ ¿Jmá'₃ dsa₂ 'éi₂ lín₅ dsa₂ i₂jme₂ti₃ ja₁con₂ Cristo? Tson₂ bá₄ guē₄ lín₅ jniá₂, ia₁ 'ñio₅ lín₃ guē₄ ma₂guio₃ jme₂ti₅₄ ja₁con₂ Cristo lia'₂ con'₂ guē₄ dsa₂ 'éi₂. (A₂lě₁juá'₅ bá₄ jniá₂, lia'₂ lē₁tē₂'₅ dsa₂ ηá₅.) Ia₁ tson₂ lín₃ guē'₂ ma₂guio₃ jmo₂₃ ta₁ jme₂ti₅₄; ia₁ 'líóng₂ guē₄ 'mi₅ ma₂qui₂ma₂can₃ jniá₂ lia'₂ con'₂ guē₄ dsa₂ 'éi₂; ma₂qui₂ma₂'ú₃ 'líóng₂ lín₃ ráun₂ né'₃ 'má₃ nē₃; 'líóng₂ ráun₂ ma₂i₂ηí₂ jñia'₅₄ mei'₂ tsá₃ ma₂jong₃. ²⁴ Con'₂ 'ñiá₂ ráun₂ ma₂ca₂bóg₂ dsa₂ judíos jmá'₃ guióg₂-guia₃-né₂ ráun₂ lia'₂ co₂ráun₂.* ²⁵ 'Nag'₂ ráun₂ guē'₂ ma₂bóg₂ dsa₂ quian'₅₄ ni₁'ma₂; co₂ráun₂ guē'₂ ca₂cuē₃ cang₄ tioen₅₄. 'Nag'₂ ráun₂ guē'₂ ne₄ jmi₁ñi'₄ ca₂i₃ηí₂ ca₂'en₃ ni₁barco a₂jme₁'eng₅₄. Co₂ráun₂ guē'₂ ca₂ηí₅ co₂jmi₄ co₂nei₅ dsi₂jo₂ jmi₁ñi'₄ nē₃. ²⁶ 'Lióng₂ ráun₂ dsi₂jui₅ ja₁ma₂qui₂i₁ηí₃, ma₂ca₂i₃ηí₂ a₂go'₂ ia₁ te₁'i₁ cuá₃, a₂go'₂ ia₁ a₂chan₂ dsa₂ 'ang₂, a₂go'₂ rē'₂ a₂jo₅₄ dsa₂ go₃, a₂go'₂ jo₅₄ dsi₂nau₂, a₂go'₂ rē'₂ 'eng₅₄ ciudad, a₂go'₂ jē₁ma₂ηí₅ má'₂ ja₁co₂'ñiog₅, a₂go'₂ jē₁ma₂ηí₅ ne₄ jmi₁ñi'₄, a₂go'₂ rē'₂ quian'₅₄ dsa₂ i₂jui₁gan₂ i₂jmo₅ lín₅ rin'₅₄ jniog₄, ²⁷ jē₄ ta₁ 'ua'₂ lín₃, jē₄ ma₂ca₂'ú₃ lín₃, jē₄ jme₁tsá₃ güing₂₃,

* 11:24 lit. "jmá'₃ tē₂láu₃ ráun₂ tsá₃ tí₅ caun₂, lia'₂ co₂ráun₂."

jë₄ i₁ cón₅ rë₂ quein₂ dsi₃, jë₄ jme₁ 'in₂ a₂ tsá₃ cha₂ a₂ guë'₅₄, jë₄ jein₂ güí₂, jë₄ a₂ tsá₃ 'e₂ cha₂ qui'₄ në₃.

²⁸ Cha₂ guë₄ caun₂ siá'₂ táng₃ a₂ chang₂ ca₂ le₃ jë₃ jmig₄ a₂ 'i₅ dsi₃ o₄ quió'₄ ca₂ le₃ jë₃ guá'₅. ²⁹ ¿'Ein₂ 'éi₂ i₂ 'uan₅₄, jniá₂ guë'₂ tsá₃ 'uang₅₄? ¿'Ein₂ 'éi₂ i₂ ca₂ tán'₂ dso₄ a₂ 'uin₄ i₂ sián'₂, jniá₂ guë'₂ tsá₃ 'e₂ i₂ mé'₂ dsi₃? ³⁰ Në₁ jua'₂ ca₂ títg₂ dsia₅₄ jág₁ tá'₅, jaun₂ dsia₅₄ jniá₂ jág₁ tá'₅ të₂ le₃ ne₄ ca₂ le₃ jë₃ a₂ cuë'₅ léi₄ a₂ líng₅ jan₂ dsa₂ 'uan₅₄. ³¹ Diú₄ Jmei₂ Jesucristo Te₁ gui'₅₄ quián₂ jniog₄ bá₄ i₂ ca₂ títg₂ jme₂ juin'₂ dsa₂ co₂ tan₅₄, 'éi₂ bá₄ ηi₅ a₂ dsau₅ bá₄ jág₁ quió₃. ³² Lia'₂ con'₂ jme₁ 'eng₅₄ juig₂ Damasco, i₂ lín₅ dsi₄ má'₂ ja₁ jaun₂ i₂ jme₁ jme₂ ti₃ ne₄ Rag₅₄ Aretas, ca₂ jmo₃ 'éi'₃ a₂ ca₂ jmo₃ dsa₂ 'í₁ o₄ jui₅ ia₁ jme₁ tsáun'₂ jme₁ dsi₃ tióg₃ né'₃ 'má₃. ³³ La₁ jui₅ siá'₂ bá₄ ca₂ sió₂ rin'₅₄ jniog₄, 'eng₅₄ 'ηiό'₃ tsi₁ mi'₂ ca₂ sió₂ të₂ 'ua₁ jui₅ dso'₂ ni₁ 'ia'₂ a₂ rë₂ juí₄ le₃ lág'₃ juig₂; le₂ në₅ bá₄ ca₂ lóng₂ o₄ gú₃ 'éi₂. †

12

Jui₁ lia'₂ a₂ ma₂ ca₂ jme₃ jnia₅ Te₁ gui'₅₄

¹ Tion₅₄ caun₂ dsia₅₄ jniá₂ jág₁ tá'₅. Jui₁ 'e₂ guë₃ tsá₃ ta₁ jmo₃, caun₂ juá'₄ jniá₂ jui₁ lia'₂ a₂ ca₂ jéin₃ jniá₂ a₂ ma₂ jág₃, jui₁ lia'₂ a₂ ma₂ ca₂ jme₃ jnia₅ Te₁ gui'₅₄ në₃. ² Cúíng₅ jan₂ dsa₂ i₂ 'ei₅ caun₂ jág₁ quiaín'₅₄ Cristo, ma₂ guaia₃-quén₂ ηi₂ ca₂ uíg₂ jui₅ guei'₅₄ ca₂ të₂ ja₁ guá₄ Diú₄. * (A₂ jaun₂ bá₄ tsá₃ guion₄ jniá₂ jua'₅₄ a₂ ηe₄ lia'₂ jma₃ quiaín'₅₄ ni₁ ηi₁₂, o₃ jmá'₃ jme₂ dsí₂ quió'₅ 'e₂. La₁ jnia'₅₄ lia'₂ 'ηiog₅ bá₄ Diú₄ ηi₅.) ³ La₁ guion₄ jniá₂, chan₂ jan₂, (jnia'₅₄ lia'₂ a₂ jaun₂ bá₄ tsá₃ guion₄ jniá₂ chi₂ jua'₂ ca₂ ηei₅₄ chi₁ dsáin₃, o₃ jmá'₃ jme₂ dsí₂ quió'₅ 'e₂ ca₂ dsióg'₃ ja₁ jaun₂. Jnia'₅₄ lia'₂ 'ηiog₅ bá₄ Diú₄ ηi₅); ⁴ jan₂ i₂ ca₂ ron'₂ ca₂ të₂ Ja₁ jlá'₁ † ja₁ ca₂ nág₂ jág₁ a₂ tsá₃ lé₂ le₃ jmog'₅₄ on₃ guë₄ 'i₄ 'éi'₃ dsia₃ dsa₂ mi₂ güí₃. ⁵ O₄ quió'₄ jan₂ dsa₂ le₂ 'éi₂ bá₄ lé₂ dsia₅₄ jniá₂ jág₁ tá'₅, on₃ jua'₅₄ o₄ quió₃ 'ηiό₃ jmo₂₃ táng'₅, jnia'₅₄ lia'₂ o₄ quió'₄ a₂ 'uan₅₄ bá₄ jniá₂. ⁶ O₁ jnia'₅₄ la₂ 'nio₃ jniá₂ dsia₅₄ jág₁ tá'₅, on₃ jua'₅₄ dsa₂ co₄ lín₅ jniá₂, ia₁ jág₁ tí₅ dsón'₂ bá₄ a₂ juá'₅ jniá₂. La₁ cáun₄ bá₄ dsi₃ tsá₃ jmo₅₄ le₂ jaun₂, ia₁ jaun₂ tsá₃ le₃ lín₂ dsa₂ jua'₅₄ jniá₂ líng₅ ηag₅₄ guë₄ lia'₂ con'₂ niog₅ a₂ ma₂ nág₂ a₂ qui₂ ma₂ të₂ ne₄ dsa₂ a₂ jmo₅ jniá₂ 'e₂ jmo₂₃.

⁷ Jág₁ a₂ ca₂ rë₃ jniá₂ jaun₂ lë₅ caun₂ jág₁ jlá'₁ jmá'₅ a₂ lé₂ le₃ jme₁ jmo₅₄ jniá₂ róng₂ jua'₅₄ mei'₂ guë₃ le₂ jaun₂. La₁ ca₂ jéin₃ uig₅ në₂ jag₄ bá₄ a₂ i₃ 'i'₅₄ ni₁ taun₅ ca₂ lë₃ ni₁ ηi₃, co₂ 'nió'₄ i₂ chen₄ quián₅ i₂ së₃ dsen₃ bá₄ caun₂ qui₂ bóg₂, ia₁ jaun₂ tsá₃ jmo₅₄ jniá₂ róng₂ i₁ juin₅₄ ηag₅₄. ⁸ 'Ni₅ ráun₂ ma₂ ca₂ chi₁ len'₄ jniá₂ Te₁ gui'₅₄ a₂ jme₃ 'lió₂ jniá'₄ jmi₁ uig₅ a₂ quian₅₄. ⁹ La₁ ca₂ juá'₂ Te₁ gui'₅₄

† 11:33 'Nio'₂ ja₁ ton₅ Hechos 9:25. * 12:2 lit. "ca₂ të₂ guei'₅₄ i₂ juíg₃ jë₁ ca₂ të₂ 'nag'₂." † 12:4 griego: paradeiso (Paraíso).

tság₅ jniá₂: “Tió'₅ bá₄ a₂'ua₁ dsi₃ ja₁con'₂ 'ne₂, ia₁ rē₂'ñia₅ jui₅bí₂ quió₃ jui₁lia'₂ jme₁'uan₅₄ dsa₂.” Jaun₂ 'io'₂ jéin₅ bá₄ ia₁ a₂'uang₅₄, ia₁jaun₂ le₂jniá₂ jui₅bí₂ quió'₅ Cristo le₃ja₁con'₂ jniá₂.
 10 Jaun₂ tē₅ bá₄ dsi₃ a₂'uang₅₄ quian'₅₄ ca₂le₃jě₃ a₂dsi₂ñig₂: a₂juá'₂ dsa₂ uig₅, quian'₅₄ guě₄ ca₂le₃jě₃ a₂chang₂, cha₂ a₂qui₂tsá₃ tín'₂ quió₃. A₂chang₂ a₂co₂'ein₅ dsa₂, ca₂le₃jě₃ guě₄ o₂i₁ dsi₅ a₂dsi₂ñig₂ o₄quió'₄ Cristo. Ia₁ jui₁lia'₂ jme₁'uang₅₄, tē₂le₃ 'uan'₂ bá₄ jniá₂ le₃ja₁con'₂ Diú₄.

'Nio₅ lin₃ 't₅ dsi₅ Pa₄ o₄quió'₄ guá'₅ chan₂ juig₂ Corinto

11 Ma₂nē₂dsia₃ lia'₂ ja₁dsia₅ jan₂ dsa₂ co₄, ia₁ ma₂nē₂'íng₃ dse₃ 'ñió₃, la₁ guion'₅₄ bá₄ 'nia'₂ chi₂quiong'₅₄ jmig₄. Ia₁ 'nia'₂ bá₄ jme₁ca₂tín'₂ jme₁'ág'₄ dse₃ jniá₂, ia₁ tsá₃ 'e₂ me'₂ quen₅ jniá₂ lia'₂ con'₂ guě₄ dsa₂ i₂chen₄ 'éi₂ i₂ñí₄ lē₃ jme₂can'₅₄ guion₅, jui₁'e₂ guě₃ tsá₃ 'e₂ quen₅ jniá₂. 12 Dsón'₂ bá₄ ma₂ca₂rē₃ jniá₂ léi₄ a₂lín₅ dsa₂ i₂chen₄ quián₅ Cristo jē₄ quián'₂ 'nia'₂, jē₄ ca₂le₃jě₃ a₂juin'₂ dsi₃: léi₄ a₂dsi₂gó'₃ dsi₅, quian'₅₄ jui₅bí₂ jlá'₁ nē₃. 13 Tsá₃ sion₅ ma₂jín₄ jniá₂ 'nia'₂ lia'₂ con'₂ guě₄ guá'₅ sián'₂, jñia'₅₄ lia'₂ jniá₂ 'ñió₃ tsá₃ 'e₂ guei₂ ma₂ca₂cuě₃ jniá₂ 'nia'₂. i'Én₃ 'nia'₂ dso₄ quió₃ chi₂jua'₂ tsá₃ dse₃ ca₂jmo₃ jniá₂ ja₁con'₂ 'nia'₂!

14 Ma₂chang₂ bá₄ co₂jñiag₅₄ a₂dsióg₄ i₁jing₁₂ 'nia'₂ jē₁ca₂tē₂ 'nag'₂ ráun₂, jaun₂ tsá₃ lē₅ jua'₅₄ a₂i₁cuě₃ 'nia'₂ guei₂. Ia₁ tsá₃ ta₁ jaun₂ ñi₅ jniá₂ jua'₅₄ a₂'ín₅ dsi₃ a₂cha₂ quián'₂ 'nia'₂; guion'₅₄ bá₄ 'nia'₂ 'nió₃ jniá₂. Ia₁ guion'₅₄ bá₄ jui₁lia'₂ chog₅₄-jmei₂ chi'₂ ca₂tín₂ 'no₃ cu₄ a₂qui₂dsi₃ñí₂ quiaín'₅₄ chi'₂-guein₂ quiáín₅, jaun₂ on₃jua'₅₄ rē₂ chi'₂ ca₂tín₂ 'no₃ a₂dsi₃ñí₂ quiaín'₅₄ chog₅₄-jmei₂. 15 Jaun₂ jniá₂ nē₃, 'ñio₂ bá₄ dsi₃ qui₁'éng₄ a₂cha₂ quió₃, ton'₂ 'ñio₂ bá₄ dsi₃ jme₁dsiang₅ dsi₃ o₄quió'₄ jme₂dsí₂ quián'₂ 'nia'₂. Chi₂jua'₂ jaun₂, ia₁ tē₂le₃ lē₅ guě₄ 'nió₃ jniá₂ 'nia'₂, ¿a₁tē₂le₃ me'₂ bá₄ 'nió'₃ 'nia'₂ jniá₂ jaun₂ nē₃?

16 Jui₁'e₂ guě₃ dsau₅ a₂tsá₃ 'e₂ guei₂ ca₂cuě₃ jniá₂ 'nia'₂, la₁ 'ñio₄ bá₄ jniá₂, juá'₂ 'nia'₂, a₂ca₂jón₃ jniá₂ 'nia'₂ quian'₅₄ mai₅₄ quió₃. 17 ¿O₃ bá₄ lín'₂ 'nia'₂ a₂'lig'₅₄ ca₂lág₃ jniá₂ quian'₅₄ dsa₂ i₂ca₂tsíng₂ ne'₅₄ 'nia'₂? 18 Ca₂mi₃ bá₄ jniá₂ ne₄ Tito a₂jmo₃ dse₃ dsi₅ a₂ca₂ñei₅₄ ja₁con'₂ 'nia'₂, ton'₂ ca₂tsín₂ jniá₂ ján₃ jan₂ rin'₅₄ jniog₄ i₂quiaín'₅₄. Jaun₂, ¿O₃ bá₄ ca₂jme₃gau₅ 'éi₂? ¿O₃ bá₄ tsá₃ 'én'₂ 'e₂ 'nia'₂ a₂ma₂ja₂náu₅ jnia'₅₄ co₂dsia₅ quiaín'₅₄, jmo₂ ta₁ co₂rē₂ quiaín'₅₄, ton'₂ jan₂ bá₄ Jme₂dsí₂ i₂quiong'₅₄ táng₃?

19 'An₁ mei'₂ tsá₃ caun₂ lín'₂ bá₄ guě₄ 'nia'₂ a₂jñia'₅₄ con'₂ 'niog₂ jnia'₅₄ lion₄ guio₅₄ ne'₅₄ 'nia'₂. La₁ jág₅ bá₄ Diú₄ tsá₃ le₂jaun₂ dsi₂jio₅ dsi₅ jnia'₅₄. Jág₁ tí₅ bá₄ chei₂ jnia'₅₄ 'nia'₂ ne₄ Cristo. La₁ jē₄ ca₂le₃jě₃ a₂nē₅ a₂dse₃ ia₁jaun₂ qui₃dsi₂cón'₃ 'nia'₂ tē₂le₃ quió'₅ jme₂dsí₂, 'nia'₂ rin'₅₄ jniog₄ i₂'nió₃ guě₄ lín₃. 20 Ia₁ gó₅ jniá₂ con'₂

tsá₃ ŋó₅ nē₁jua'₂ tsá₃ dse₃ tion'₅₄ 'nia'₂ lia'₂ con'₂ lě₅ 'nio₃ jniá₂,
 jē₁ma₂ca₂dsióg₃, já₃n₃ bá₄ le₂jaun₂ nē₁jua'₂ tsá₃ ca₂jein'₂ 'nia'₂
 jniá₂ lia'₂ con'₂ 'niog'₂ 'nia'₂ guē'₂ tá₃ng₃. Ia₁ gó₅ jniá₂ nē₁jua'₂
 tion'₅₄ 'nia'₂ a₂tsá₃ jen'₂ 'nia'₂ quian'₅₄ rí₃ng'₂; nē₁jua'₂ tion'₅₄ 'nia'₂
 uig₅ 'au'₂ jing'₅₄ rí₃ng'₂; nē₁jua'₂ ca₂rē₃ 'né'₂ 'nia'₂ co₂tiá₂; nē₁jua'₂
 'ua'₂ 'au'₂ 'nia'₂ tiong'₅₄; nē₁jua'₂ qui₂tsín'₂ 'nia'₂ 'lig'₅₄ rí₃ng'₂;
 nē₁jua'₂ qui₂chi₂ín'₅ 'nia'₂ rí₃ng'₂; nē₁jua'₂ chan₂ i₂qui₂jmo₅ rón₂;
 nē₁jua'₂ tion'₅₄ 'nia'₂ mī'₅₄. ²¹ Já₃n₃ bá₄ gó₅ jniá₂ nē₁jua'₂ ca₂jmo₃
 Diú₄ a₂tē₂tsin'₅₄ jniá₂ o₂guí'₃ o₄quián'₂ 'nia'₂ jē₁ma₂dsióg₃; go'₂
 le₃jíá₃ tiá'₃ qui'₂ dsi₃ o₅₄ o₄quió'₄ i₂ma₂qui₂ma₂náu₂ dso₄ le₂jníá₅,
 ton'₂ tsá₃ 'e₂ ma₂ca₂dsi₃quén'₅ dsí₅ o₄quió'₄ a₂ 'lig'₅₄ a₂jmo₅-dsáu₅;
 a₂niói'₅ já₃g₁ quian'₅₄ dsa₂ i₂tsá₃ lín₅ dsi₂i₂gu₂; ca₂le₃jě₃ guē'₄
 a₂ 'lig'₅₄ o₂guí'₃ a₂qui₂ma₂jmo₃.

13

Ág'₅ Pa₄ já₃g₁ ton'₂ 'ě₂ guē'₄ já₃g₁ tē₃jníá₅

¹ A₂dsióg₅ 'nag'₂ ráun₂ a₂i₁jín₁₂ 'nia'₂ la₂. “Ca₂le₃jě₃ 'e₂ niog₅
 lě₂ jióg'₂ 'í₁ tē₂le₃ quian'₅₄ on₃-ún₂ dsa₂ i₂jáng'₃ já₃g₁ dsau₅.”*

² Ma₂ca₂'ě₃ jniá₂ já₃g₁ tē₃jníá₅ ne₄ dsa₂ i₂jme₁tián'₄ 'no₅ dso₄
 le₂jníá₅, ton'₂ ne₄ ca₂le₃jín₃ i₂sián'₂ ně₃, já₃n₃ bá₄ 'ě₅ jniá₂ já₃g₁
 a₂'eng₅₄ uí₃ng₂ ja₁con'₂ 'nia'₂, jui₁lia'₂ ca₂jmo₃ jniá₂ lia'₂ con'₂ ŋeg₅₄
 jē₁ca₂tē₂ tin₃ ráun₂ a₂i₁jing₁₂ 'nia'₂; nē₁jua'₂ con'₂ siá'₂ ca₂dsióg₃
 jniá₂ a₂i₁jing₁₂ 'nia'₂, jaun₂ tsá₃ ma₃jmo₅₄ jniá₂ né₂i₂ dsi₃ nē₁jua'₂
 chan₂ guē'₄ i₂tsá₃ ma₂dsi₂quén'₄ dsí₅. ³ Le₂jaun₂ jmo₅₄ jniá₂
 chi₂jua'₂ a₂jaun₂ 'niog'₂ 'nia'₂ a₂jáng'₄ jniá₂ lé₁₄, a₂dsón'₂ bá₄ juá'₂
 Cristo tsí'₅ 'nia'₂ quian'₅₄ já₃g₁ a₂quian₄ jniá₂. Tsá₃ jua'₅₄ a₂lín₅
 'uain₅₄ ja₁con'₂ 'nia'₂; 'nió'₄ tē₂le₃ jme₂jnia₅ bá₄ 'éi₂ a₂io₂₃ jui₅bí₂
 jē₄ quián'₂ 'nia'₂. ⁴ Dsón'₂ bá₄ jaun₂ ca₂tion₃ cróg₄ dsa₂ nē₂jag₄
 bá₄ a₂lín₅ jan₂ dsa₂ 'uan₅₄, la₁ rē₂ně₃ ně₃ chain₂ tē₂le₃ quian'₅₄
 jui₅bí₂ quió'₅ Diú₄. Le₂ně₅ bá₄ jui₁lia'₂ jnia'₅₄ tá₃ng₃, quian₄ jui₅
 jaun₂ a₂jmo₂ jnia'₅₄ 'uan₅₄ o₄quió'₄ 'éi₂, le₂jaun₂ bá₄ le₃chong₂
 guē'₂ jniá'₅₄ ja₁con'₂ 'nia'₂ quian'₅₄ jui₅bí₂ quió'₅ Diú₄.

⁵ Te₁li₁ 'nia'₂ ja₁con'₂ guiong'₅₄ chi₂jua'₂ dsón'₂ tión'₂ 'nia'₂ jui₅
 quió'₅ Te₁gui'₅₄. Quion₂ de'₂ 'nia'₂ caun₂ 'í₁ le₃ja₁con'₂ 'nia'₂
 guiong'₅₄. ¿Tsa₁ len'₄ 'nia'₂, a₂'en₅₄ bá₄ Jesucristo ja₁con'₂ 'nia'₂,
 jaun₂ bá₄ nē₁jua'₂ tsá₃ tē₁tsin'₅₄ 'nia'₂ 'lig'₅₄ nē₁ma₂ca₂quion'₂
 'nia'₂ 'í₁ jaun₂? ⁶ La₁ 'ín₂ dsi₃ jniá₂ le₃len'₄ 'nia'₂ a₂tsá₃ le₂jaun₂
 lág₅ jniá'₅₄ jua'₅₄ a₂tsá₃ dse₃ tē₃tsag'₅₄ jnia'₅₄ nē₁ma₂ca₂quion'₂
 'nia'₂ 'í₁, jua'₅₄ a₂tsá₃ dsau₅ a₂lág₅ jniá'₅₄ dsa₂ i₂chen₄ quián₅
 Te₁gui'₅₄. ⁷ Qui₂mi₂ jnia'₅₄ chi₂len'₄ Diú₄ o₄quián'₂ 'nia'₂ ia₁jaun₂
 tsá₃ ma₃jmo₄-dsáu'₄ 'nia'₂ a₂ 'lig'₅₄. On₃jua'₅₄ ia₁jaun₂ tē₃tsag'₅₄
 jnia'₅₄ dse₃, tē₂le₃ ia₁jaun₂ jmó'₂ 'nia'₂ a₂dse₃, jui₁'e₂ guē'₃ chan₂

* 13:1 Deuteronomio 19:15.

i₂lín₂ a₂tsá₃ dse₃ tē₃tsag'₅₄ jnia'₅₄. ⁸ Ia₁ tsá₃ lé₂ náu₂ jnia'₅₄ quein₅ ja₁con₂ jág₁ tí₅, tē₂le₃ tíong₂ bá₄ jnia'₅₄ quian'₅₄ jág₁ tí₅. ⁹ Jaun₂ tē₂le₃ 'io'₂ bá₄ jmo₂ jnia'₅₄ jme₁lág₄ jnia'₅₄ dsa₂ 'uan'₅₄, 'nia'₂ guē'₂ lín'₅ dsa₂ 'uan'₂. A₂jaun₂ caun₂ chi₂len'₄ bá₄ jnia'₅₄ Diú₄ ia₁jaun₂ len'₂ 'nia'₂ co₂nei'₅₄. ¹⁰ Jaun₂ lē₃, jmo₂₃ si₂ carta la₂ tsíng₂ ne'₅₄ 'nia'₂ tē₂lia'₂ 'eng'₅₄ uíng₂, ia₁jaun₂ tsá₃ 'nió'₅ jua'₅₄ a₂jmo₅₄ jniá₂ tsau₂ dsi₃ jē₁ma₂dsióg₃, lia'₂ con'₂ lē₅ ta₁ a₂líng₅ a₂ca₂cuē₃ Te₁gui'₅₄, ia₁jaun₂ tē₂le₃ lei₂ bá₄ jme₂dsí₂ quián'₂ 'nia'₂, on₃jua'₅₄ tē₂le₃ qui₃jē'₂.

¹¹ Nē₃ nē₃, rín'₅₄ jniog₄, caun₂ jui₁le₂chan'₂ bá₄ 'nia'₂ dse₃ qui₂jmo'₂ 'nia'₂ 'io'₂. Jmog'₅₄ 'nia'₂ 'au'₂ o₄quió'₄ jme₂dsí₂ quián'₂ 'nia'₂ nē₃; jui₁chan'₂ bá₄ 'nia'₂ rē₂ a₂'ei₅ caun₂ jág₁ quian'₅₄ ríng'₂. Jaun₂ Diú₄ i₂jmo₅ 'ei₅ tei₄ i₂'nio₃ 'nia'₂, 'éi₂ bá₄ jme₃quiong'₅₄ 'nia'₂ ca₂le₃jē₃ jmig₄. ¹² Cuín₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁† 'nia'₂ quió'₅ ríng'₂ a₂lē₅ léi₄ a₂ma₂'ei₅ caun₂ jág₁ a₂le₁jē₃ 'au'₂ quian'₅₄ ríng'₂. ¹³ Ca₂le₃jín₃ bá₄ rín'₅₄ jniog₄† ja₁lá₃ dsiáin'₂ jág₁ a₂cuín₂₃ Diú₄ 'nia'₂.

¹⁴ Jaun₂ jui₁jme₂gu'₅₄ bá₄ Te₁gui'₅₄ Jesucristo; jui₁le₂jniá₂ jē₄ quián'₂ 'nia'₂ a₂'nio₃ Diú₄ 'nia'₂; jui₁'ei₅ caun₂ jág₁ jín'₄ 'nia'₂ quian'₅₄ Jme₂dsí₂ Jnió₅. A₂méi₃.

Co₂nē₅.

† 13:12 Caun₂ tag₄ a₂jme, chí'₄ lia'₂ con'₂ jme₁ca₂jmo₃ Pa₄ si₂ la₂. † 13:13 lit. "dsa₂ jnió₅."

Si₂ carta a₂ca₂jmo₃ San Pablo ne₄ dsa₂ GÁLATAS

Jmo₅ Pa₄ si₂ a₂chein₃ ne₄ Guá'₅ i₂chan₂ 'uë₃ Galacia

¹ Jniá₂ Pa₄, líng₅ i₂chen₄ quián₅ Te₁gui'₅₄ la₁ tsá₃ líng₅ i₂ín₁ quián₅ dsa₂ mi₂güí₃, on₃ guë'₂ i₂chen₄ quián₅ dsa₂ mi₂güí₃ ně₃. Líng₅ jan₂ i₂ín₁ quián₅ Jesucristo, quian'₅₄ Diú₄ Jmei₂ i₂ca₂jme₃jein'₅₄ ja₁jme₂rë₂'lín₅₄. ² Jniá₂, quian'₅₄ ca₂le₃jín₃ rin'₅₄ jniog₄ i₂quiang'₅₄, jmo₂ jnia'₅₄ si₂ carta la₂ a₂dsian'₅₄ jnia'₅₄ ja₁con₂ ca₂le₃jín₃ guá'₅ i₂chan₂ 'uë₃ Galacia. ³ Jui₁jme₂gu'₅₄ bá₄ Diú₄ 'nia'₂, jui₁jmo₅₄ bá₄ Diú₄ Jmei₂ quian'₅₄ Te₁gui'₅₄ Jesucristo ně₃, jui₁'ei₅ bá₄ tei₄ tion'₅₄ 'nia'₂. ⁴ Jesús 'éi₂ bá₄ ca₂gue₃ 'mú₃ 'uig₅₄ dsáu₁ jniog₄, a₂lió₂ jë₄ mi₂güí₃ 'lig'₅₄ la₂, co₂jaun₂ ca₂rë₃ñi₃ó₃ dsí₅ Diú₄ quián₂ i₂lín₅ jmei₂ jniog₄. ⁵ ¡'Éi₂ bá₄ jui₁le₂juin'₂ co₂tan₅₄! A₂mei₃.

Tsá₃ ma₃jág₁ siá'₂ cha₂jua'₅₄ a₂lión₂ dsa₂

⁶ Dsi₂gó₃ dsí₃ ia₁ ma₂'niog'₂ 'nia'₂ téng'₄ cón'₂ Diú₄ i₂ca₂të₃ 'nia'₂ tē₂le₃ ia₁ a₂'ua₁ dsí₅ Cristo. Ia₁ a₂ma₂nag'₂ táng₃ 'nia'₂ jág₁ siá'₂. ⁷ On₃jua'₅₄ a₂dsi₂jó₃ a₂cha₂ guë'₄ jág₁ dse₃ siá'₂ a₂lió₂. La₁ia₁ juá'₅ jniá₂, chan₂ i₂lín₅₄ i₂ni₂o₄ jmo₅ a₂dsi₂cón'₅ 'au'₂ 'nia'₂. A₂'nio₃ jme₃tsiín₃ jág₁ dse₃ la₂ quió'₅ Cristo a₂tín'₄ dsa₂. ⁸ La₁ ně₁jua'₂ chan₂ i₂jme₂tín₅ 'nia'₂ caun₂ jág₁ a₂juá'₂ a₂tín'₄ dsa₂, la₁ ně₁jua'₂ tsá₃ lë₅ con'₂ lë₅ jág₁ a₂ma₂'ë₄ jnia'₅₄, dsa₂ 'éi₂ jui₁të₂tsiín'₅₄ náu₃ a₂dsi₃'éin₂. Tsá₃ a₂nag₅₄ o₁jñia'₅₄ guio₅₄ jnia'₅₄, o₃ o₁jñia'₅₄ jan₂ ángel i₂já₅ guei'₅₄ i₂juí₃. ⁹ Jui₁lia'₂ ma₂jua'₅₄ jnia'₅₄ ně₅, juá'₄ táng₃ siá'₂: ně₁jua'₂ chan₂ i₂'ë₂ jág₁ a₂ma₂rë₂tsiín₄, a₂tsá₃ lë₅ con'₂ lë₅ a₂ma₂gue'₅₄ 'nia'₂, dsa₂ 'éi₂ jui₁të₂tsiín'₅₄ náu₃ a₂dsi₃'éin₂. ¹⁰ ¿'E₂ lín'₂ 'nia'₂? ¿O₃ bá₄ a₂jme₂'uá₁ jniá₂ dsí₅ dsa₂ mi₂güí₃ con'₂ dsi₂ten₅₄? ¿O₃ bá₄ a₂jme₂'uá₁ jniá₂ dsí₅ Diú₄ 'e'₂? ¿O₃ bá₄ jmo₅ jniá₂ a₂'ñio₂ dsí₅ dsa₂ mi₂güí₃ 'e'₂? Tsá₃ ma₃le₃jua'₅₄ a₂líng₅ guë'₄ dsa₂ i₂jme₂ti₃ ja₁con₂ Cristo, jua'₅₄ mei'₂ guë'₃ le₂jaun₂.

'A₂ lia'₂ ca₂lín₃ Pa₄ jan₂ i₂chen₄ quián₅ Jesús

¹¹ Jui₁le₂ñi'₅₄ 'nia'₂ rin'₅₄ jniog₄, jág₁ dse₃ a₂tín'₄ dsa₂ a₂qui₂'ë₅ jniá₂, on₃jua'₅₄ jág₁ a₂le₃jua'₅₄ a₂lë₁'no'₂ dsa₂ mi₂güí₃ dsí₅. ¹² On₃ guë'₂ jua'₅₄ a₂ca₂gue₃ jniá₂ quió'₅ 'i₁jan₂ dsa₂ mi₂güí₃, on₃ guë'₂ jua'₅₄ chan₂ dsa₂ i₂ca₂jme₃tag₅ jniá₂. 'Nio₅ bá₄ Te₁gui'₅₄ Jesucristo ca₂jme₃jniai₂₃ jág₁ ně₅ ja₁cong₂. ¹³ Ia₁ ma₂ca₂rë₃ñi'₅₄ bá₄ 'nia'₂ 'a₂ lia'₂ jme₁líng₄ le₂jñiá₅, lia'₂ con'₂ jme₁'eng₅₄ guë'₄ juá'₅ quió'₅ dsa₂ judíos. Ma₂ñi'₅₄ bá₄ 'nia'₂

ně₃ a₂dséi₂ dsi₃ guě₄ lin₃ ca₂'éng₃ dsa₂ quián₅ Diú₄, 'ñio₅ lin₃ jme₁quín₅ jniá₂ bí₂ a₂co₂dsia₅ jme₁'éng₄ dsa₂ 'éi₂. ¹⁴ Ia₁ jniá₂ bá₄ i₂jme₁dsi₂jniág₄ 'ñio₅ lin₃ guě₄ con₂ guě₄ ca₂le₃jín₃ dsa₂ go₃ i₂co₂ring₂ quiang₅.⁵⁴ Ia₁ jniá₂ 'ñio₅ lin₃ guě₄ jme₁jme₂gó₁ jmo₂₃ 'í₁ tag₄ quió₅ dsa₂ can₅ quián₂ jnia₅ ma₂líg₂. ¹⁵ La₁ lia₂ con₂ né₃ a₂le₃chang₂, ca₂quió₂ Diú₄. A₂'ua₁ dsi₅ guě₄ lin₃ ca₂tě₃ jniá₂. Ca₂rě₃'ñio₃ dsi₅, ¹⁶ ca₂jmo₃ ca₂rě₃cuíng₅ ca₂'iin₃ Ja₁ñi₅, ia₁jaun₂ qui₁'ě₄ jniá₂ jág₁ dse₃ quió₅, jin₄ dsi₂nau₂. Jaun₂ tsá₃ jua₅ ca₂neg₅₄ ca₂i₁'niag₂ dsa₂ mi₂güig₃ i₂to₂ jág₁, ¹⁷ on₃ guě₂ ca₂neg₅₄ juig₂ Jerusalén jua₅ ca₂i₁jing₁₂ i₂ma₂lín₅ dsa₂ i₂chen₄ quián₅ Te₁gui₅, i₂ma₂ja₂lén₂ jniá₅ guě₄ lia₂ con₂ guě₄ jniá₂. Dsi₂jui₅ bá₄ ca₂neg₅₄ le₂'uig₅₄ jui₅ 'uě₃ Arabia. Cang₂ guě₄ jaun₂ ca₂hág₃ jui₅ Damasco. ¹⁸ Jme₁ca₂dsin₃ 'ni₅ ñi₂ cang₂ jaun₂, jaun₂ guě₄ ca₂neg₅₄ Jerusalén ca₂i₁dsia₂ jág₁ quian₅ Pe₄.^{*} Ja₁jaun₂ ca₂jan₅₄ guia₃-ñiá₂ jmig₄. ¹⁹ La₁ 'i₁jan₂ i₂sián₂ i₂lín₅ i₂chen₄ quián₅ Jesús tsá₃ ca₂jing₅₄, jnia₅ lia₂ jan₂ Jacobo dsó₂ rin₅ Te₁gui₅ bá₄. ²⁰ Jág₅ bá₄ Diú₄, jág₁ dsau₅ bá₄ tó₅ ne₄ si₂ la₂, tsá₃ tē₂jing₁. ²¹ Cang₂ jaun₂ guě₄ ně₃, ca₂ñó₃ le₂tan₅₄ juig₂ ja₁tén₄ 'uě₃ Siria quian₅ Cilicia. ²² Rin₅ jniog₄ quián₅ guá₅ chan₂ 'uě₃ Judea ně₃ i₂tión₂ le₃quió₅ Cristo, tsá₃ jme₁ma₂cuig₂₃ dsi₁ne₁. ²³ Jnia₅ lia₂ jme₁ma₂nág₂ bá₄ dsia₅ rin₅ jniog₄ 'ag₂₃juá₂: “Dsa₂ i₂jme₁co₂'ein₅ jniog₄ le₂jniá₅, la₁ rē₂ně₃ ně₃ ma₂ñi₂₃ ján₃ 'ě₂ jág₁ a₂jme₁'nio₃ jme₁'ein₂ le₂jniá₅.” ²⁴ Jaun₂ ca₂jme₃juin₂ Diú₄ bá₄ o₄quió₃.

2

Dsa₂ i₂chen₄ sián₂ guein₂₃ Pa₄

¹ Jme₁ca₂ñi₂ guia₃-quén₂ ñi₂ cang₂, jaun₂ guě₄ ca₂neg₅₄ táng₃ Jerusalén quiang₅ Bernabé. Tito ně₃, ca₂jáng₂. ² Ca₂neg₅₄ ja₁jaun₂ ia₁ ca₂jme₃jnia₅ Diú₄ ne₃ a₂ca₂tíng₂ nei₅₄. Jaun₂ ca₂dsia₃ bá₄ jniá₂ ne₄ dsa₂ i₂tián₅ Jerusalén 'éi₂ jág₁ dse₃ ně₅ a₂'ě₅ jniá₂ jin₄ dsi₂nau₂, la₁ jmá₃ lia₂ quian₅ dsa₂ i₂lia₂ lě₅ i₂quian₅ ne₄ jui₅ bá₄, jě₄ con₂ jmá₃ guio₅₄ bá₄ jnia₅, ca₂dsiá₁ jág₁ ia₁jaun₂ tsá₃ lě₅ jua₅ a₂lě₁ñi₅ jniá₂ jmo₂₃ ta₁ a₂tsá₃ ta₁ tí₄. ³ Ca₂lia₂ jnia₅ Tito, i₂jme₁quian₅ jniá₂, tsá₃ ca₂chi₃quióng₂ dsa₂ jmig₄ jua₅ a₂tion₅₄ jme₃ti₃ 'éi₃ a₂jme₁ti₃ ni₁lo₁₂, o₁jnia₅ jme₁lín₄ 'éi₂ griego. ⁴ Jág₁ ně₅ ca₂ñó₃ ia₁ i₂lín₅₄ dsa₂ i₂jui₁gan₂ i₂juá₂ lín₅ rin₅ jniog₄, ca₂l₃toin₅₄ con₂ tē₃co₅₄ jě₄ quián₂ jnia₅, a₂jme₁'nio₃ tiog₃ con₂ 'í₁ 'a₂ lia₂ lě₅ chong₂ jnia₅ con₂ dsa₂ ma₂lón₂ le₃quió₅ Cristo Jesús, ia₁ tsá₃ ma₃tio₅₄ jniog₄ 'éi₃; la₁ 'éi₂ ně₃ jme₁'nio₃ jme₁to₂ táng₃ 'éi₃ guei₂ jaun₂. ⁵ La₁ tsá₃ 'ein₂ ca₂cuě₃ jnia₅ jmig₄ jnia₅

* 1:18 griego: Cefas.

'i₁ca₂tiá₂ tei₄ jua'₅₄ jme₃gau₅ 'éi₂, ia₁ 'niog₂ jnia'₅₄ a₂caun₂ o₁nóg'₅ cha₂ jág₁ dsau₅ ja₁con'₂ 'nia'₂ jág₁ dse₃ a₂lión₂ dsa₂.

⁶ Ju₁lia'₂ dsa₂ i₂lia'₂ lě₅ lín₅ dsa₂ dsen₅₄ i₂juá'₅ jniá₂, (ton'₂ ján₃ bá₄ tsá₃ a₂jaun₂ tion₅₄ 'ín₅ dsi₃ le₃guion₅₄ 'a₂ lia'₂ ma₂ja₂lén₂ 'éi₂ jmo₂₃ guioin₅₄. Ia₁ tsá₃ 'i₁ jaun₂ con₂ Diú₄ jua'₅₄ 'a₂ lia'₂ jniá₂ dsa₂), ju₁lia'₂ dsa₂ 'éi₂ ně₃, tsá₃ 'e₂ ŋag₅₄ jua'₅₄ a₂ca₂jme₃tag₂₃ guē₄ con'₂ lě₅ jág₁ a₂'ě₅ jniá₂. ⁷ Ia₁ tē₂le₃ ca₂rē₃lí'₄ bá₄ guioin₅₄, co₂jaun₂ bá₄ ta₁ a₂ma₂cuē₃ Diú₄ a₂'ě₄ jniá₂ jág₁ dse₃ jin₄ dsi₂nau₂,* ju₁lia'₂ lě₅ ta₁ ma₂dsia₃ gu₂ Pe₄ a₂'ě₂ jág₁ dse₃ jin₄ dsa₂ judíos.† ⁸ Jaun₂ Diú₄ i₂jan₂ tan₅₄ 'éi₂ bá₄ ca₂chein₃ guē'₂ Pe₄ a₂lín₅ 'éi₂ dsa₂ i₂chen₄ quiáin₅ tē₂le₃ jin₄ dsa₂ judíos, le₂jaun₂ bá₄ ca₂chei₃ guē'₂ jniá₂ ján₃ a₂lín₅ i₂chen₄ quiáin₅ tē₂le₃ jin₄ dsi₂nau₂. ⁹ Jaun₂ lě₃, Jacobo, Pe₄,‡ quian'₅₄ Juan₅₄ ně₃, co₂'nió'₄ i₂lín₅ dsa₂ dsen₅₄ quián₅ guá'₅, ca₂rē₃lí'₄ bá₄ guioin₅₄, 'ŋiog₅ bá₄ Diú₄ ma₂cuē₃ ta₁ ně₅, jaun₂ ca₂cuē₃ gu₂ a₂ca₂jmo₃ léi₄, jniá₂ quian'₅₄ Bernabé co₂'nió'₄ a₂'ei₅ caun₂ jág₁ quiaín'₅₄ a₂dsau₅₄ jnia'₅₄ dsi₁jmo₁ ta₁ ja₁con₂ dsi₂nau₂. Guioin₅₄ guē'₂ táng₃ dsi₂jmo₂ ta₁ jin₄ dsa₂ judíos. ¹⁰ Jnia'₅₄ lia'₂ a₂jaun₂ bá₄ jág₁ a₂ca₂cuē₃ a₂jmo₁ jnia'₅₄ dsiog'₂ dsi₅ dsa₂ te₂ŋé₂, a₂ně₅ bá₄ guē'₂ a₂'ín₅ dsi₃ jniá₂ quín'₅ jniá₂ bí₂ jmo₂₃.

Ca₂jí₂ Pa₄ ca₂jéin₂ Pe₄ juig₂ Antioquía

¹¹ La₁ lia'₂ con'₂ ŋe₄ Pe₄ juig₂ Antioquía, ca₂jéin₂ jniá₂ dsi₁ne₁, 'uig₅₄ ia₁ a₂jmo₂₃ a₂tsá₃ dsi₂ten₅₄ jmo₃. ¹² Ia₁ le₂jniá₅ jme₁guē'₅ co₂dsia₅ quiaín'₅₄ dsi₂nau₂; la₁ jme₁ca₂dsi₃lén₂ i₂chen₄ quián₅ Jacobo, jaun₂ guē₄ ca₂jme₃lióg₃ ca₂ŋó₃ cau₅, tsá₃ ma₃ca₂guē'₃ quiaín'₅₄ dsa₂ 'éi₂, 'uig₅₄ ia₁ a₂gain₃ dsa₂ i₂ti₅ lo₄. ¹³ Jaun₂ dsa₂ judíos i₂'én₂ sián'₂ ca₂jme₃quiaín'₅₄ bá₄ Pe₄ a₂lě₁co₂jmo₂₃ o₁ne₁ quiong'₅₄; ca₂lia'₂ le₂jio₅ Bernabé ca₂ŋó₃ quiong'₅₄ ján₃. ¹⁴ La₁ jme₁ca₂jág₃ jniá₂ tsá₃ jmo₂₃ lia'₂ con'₂ lě₅ tí₅ dsón'₂ juá'₂ jág₁ dse₃, jaun₂ ca₂juig₂ jniá₂ Pe₄ tē₃nag₅ le₃jín₃ dsa₂:

—'Ne₂ guē'₂ lín₅ jan₂ dsa₂ judío, le₂jaun₂ bá₄ guē'₂ chang'₂ jmo'₂ lia'₂ lě₅ chan₂ dsi₂nau₂, on₃jua'₅₄ rē'₂ con'₂ lě₅ jme₁jmo'₂ ia₁ a₂lín₅ dsa₂ judío, ċ'a₂ bá₄ lia'₂ jaun₂ chi₁quiang'₅₄ jmig₄ dsi₂nau₂ a₂le₃chain₂ con'₂ lě₅ chan₂ dsa₂ judíos?

¹⁵ 'Lág₅ jniog₄ judíos con'₂ lě₅ chong₂, —ca₂juig₂ jniá₂ Pe₄—, on₃jua'₅₄ rē'₂ ju₁lia'₂ dsi₂nau₂ i₂qui₂rē₂cán'₄ dso₄. ¹⁶ Jaun₂, a₂ne₄ bá₄ jniog₄, 'i₁jan₂ tsá₃ 'ein₂ guén'₂ Diú₄ ně₂jag₄ i₂tsá₃ 'e₂ dso₄ rin₂, jua'₅₄ a₂jme₃ti₃ 'Éi'₃, jnia'₅₄ lia'₂ a₂le₃'én₂ bá₄ dsa₂ tē₂le₃ quió'₅ Jesucristo. 'Uig₅₄ jaun₂ ca₂tē₂ jniog₄ ján₃ ma₂ca₂rē₃'éin₂ tē₂le₃ quió'₅ Jesucristo ia₁jaun₂ bá₄ guéi'₂ Diú₄ jniog₄ ně₂jag₄

* 2:7 lit. "jin₄ dsa₂ i₂tsá₃ lo₄ rē₂uīg₄." † 2:7 lit. "jin₄ dsa₂ i₂rē₂uīg₄ lo₄"; ján₃ bá₄

‡ 2:9 griego: Cefas; ján₃ bá₄

a₂tsá₃ ma₃'e₂ dso₄ rē₂cáu'₄, tē₂le₃ a₂jñia'₅₄ con'₂ 'éin₂ bá₄, on₃jua'₅₄ rē'₂ a₂'nió'₅ jme₁ti₁ ta₁ quí'₅ 'Éi'₃. Ia₁ 'i₁jan₂ tsá₃ 'ein₂ chén'₅ rē₂ ne₄ Diú₄ tē₂le₃ quian'₅₄ a₂jme₂ti₃ 'Éi'₃. ¹⁷ Nē₃ nē₃, chi₂jua'₂ 'niog₂ jniog₄ tē₂tsag'₅₄ dse₃ tē₂le₃ ne₄ Diú₄, 'uig₅₄ ia₁ a₂ma₂tióng₂ le₃quíó'₅ Cristo, jaun₂ guē₄ ca₂dsióg₃ rē₂jniá₂ a₂lág₅ jniog₄ dsa₂ i₂qui₂rē₂cán'₄ dso₄ bá₄ ján₃, ħon₁ bá₄ 'nió'₄ le₃jua'₅₄ Cristo tē₂le₃ cuē₅ bí₂ bá₄ jniog₄ a₂caun₂ 'nióg₁ dso₄? ħDsón'₂ bá₄ on₃jua'₅₄ le₂jaun₂!

¹⁸ Ia₁ chi₂jua'₂ co₂dsia₅ ma₂ca₂'éng₃ caun₂ cosa, con'₂ siá'₂ guē'₂ 'nió₃ chog'₅₄ táng₃, jaun₂ guē₄ dsón'₂ a₂jme₂jniág₁ 'ñiό₃, a₂ma₂ca₂i₁juing₅₄ 'éi'₃. ¹⁹ Tsá₃ 'io₅ bí₂ 'Éi'₃ jua'₅₄ a₂chei'₃ rē₂ ne₄ Diú₄. Jaun₂ nē₂jag₄ bá₄ i₂co₂dsia₅ ma₂jon₅ bá₄ jniá₂ tē₂le₃ ne₄ 'Éi'₃ ia₁jaun₂ le₃chang₂ táng₃ tē₂le₃ ne₄ Diú₄. ²⁰ Jaun₂ co₂'nió'₄ ca₂tē₁ton₅₄ bá₄ jniá₂ co₂lē₅ quian'₅₄ Cristo ne₄ cróg₄; jaun₂ on₃jua'₅₄ 'ñiό₃ jniá₂ chang₂; 'ñiog₅ bá₄ Cristo i₂chan₂ jui₅ jme₂dsi₂ quió₃, Lia'₂ con'₂ lē₅ chang₂ ni₁ñí₅ la₂, chang₂ tē₂le₃ a₂jñia'₅₄ con'₂ 'éng₂ tē₂le₃ quió'₅ Ja₁ñi'₅₄ Diú₄, i₂ca₂rē₃'nio₃ jniá₂, ca₂jñin'₂ 'ñiog₅ o₄quíó₃ jniá₂. ²¹ Jaun₂ tsá₃ 'nio₃ jniá₂ jua'₅₄ a₂jmo₅₄ cau₅ a₂'ua₁ dsí₅ Diú₄; ia₁ jua'₅₄ mei'₂ guē₃ guion₅₄ dsa₂ lé₂ le₃jmo₃ a₂chein'₃ rē₂ ne₄ Diú₄ tē₂le₃ quian'₅₄ a₂jme₃ti₃ 'Éi'₃, tsá₃ 'e₂ ta₁ tí₄ a₂ca₂jon₃ Cristo jua'₅₄ mei'₂ guē₃ le₂jaun₂.

3

'A₂ lia'₂ guén'₂ Diú₄ dsa₂

¹ ħ'En₁ jmá'₃ tsá₃ rē₂'en₅₄ 'au'₂ 'nia'₂ dsa₂ gálatas! ħ'Eín₂ bá₄ je₂na'₅₄ i₂ca₂jme₃gau₅ 'nia'₂? Jua'₂ ma₂ca₂tē₂ bá₄ ne'₅₄ 'nia'₂ guiong'₅₄ a₂ma₂ca₂jme₁jñia₅ jñia'₅₄ tē₂dsón'₂ 'ñiog₅ Jesucristo i₂tē₁ton₅₄ cróg₄. ² Nág₄ caun₂ 'nia'₂ a₂juá'₄ la₂: ħ'A₂ lia'₂ ca₂guen'₅₄ 'nia'₂ Jme₂dsi₂ quián₅ Diú₄? ħCa₁guein'₅₄ 'nia'₂ ia₁ a₂ca₂jme₁ti'₄ ta₁ quí'₅ 'Éi'₃ quió'₅ Moisés? ħO₃ bá₄ ca₂guein'₅₄ 'nia'₂ jme₁ca₂rē₃'éng'₂ jág₁ a₂ma₂nei'₂ 'e₂ 'nia'₂? ³ ħ'A₂ bá₄ lia'₂ ñí₄ tsá₃ rē₂'en₅₄ 'au'₂ 'nia'₂? ħO₃ bá₄ 'náu'₂ 'nia'₂ 'au'₂ a₂jme₁'ñiag'₂ quian'₅₄ jui₅bí₂ quiáng'₂ guiong'₅₄ a₂ma₂ca₂jme₁lióg'₄ quian'₅₄ Jme₂dsi₂? ⁴ ħO₃ bá₄ tsá₃ 'e₂ ta₁ tí₄ ca₂le₃jē₃ a₂ma₂ca₂i₃ñí'₂ 'nia'₂? Jui₁le₅₄ bá₄ a₂cha₂ ta₁ jmo₃ bá₄ ca₂la₂ a₂jaun₂. ⁵ Jē₁ma₂ca₂cuin₃ Diú₄ Jme₂dsi₂ quián₅ jmo₂₃ léi₄ juē'₂ jin'₄ 'nia'₂, ħ'e₂ lē₃ jmo₂₃? On₃jua'₅₄ a₂jaun₂ guē'₂ jmo₂₃ ia₁ a₂jme₂ti'₅₄ 'nia'₂ 'Éi'₃. A₂jaun₂ bá₄ jmo₂₃ léi₄ juē'₂ tē₂le₃ ia₁ a₂ca₂rē₃'én'₂ 'nia'₂ jág₁ a₂ma₂nei'₂ bá₄. ⁶ Ia₁ Abraham nē₃, ca₂rē₃'éin₂ tē₂le₃ quió'₅ Diú₄. A₂ca₂rē₃'éin₂ jaun₂, ca₂guéi'₂ Diú₄ nē₂jag₄ bá₄ i₂ca₂rē₃ti'₅₄ 'éi'₃. * ⁷ 'Uig₅₄ jaun₂ nē₃, ca₂tín'₂ 'nia'₂ le₃ñi'₅₄: jui₁lia'₂ dsa₂ i₂'én₂, i₂'éi₂ bá₄ i₂lín₅ tē₂dsón'₂ co₂'nió'₄ tsi₁jon₂ Abraham. ⁸ Ne₄

* 3:6 Génesis 15:6.

Si₂ gui'₅₄ jaun₂ ca₂juá'₂ Diú₄ tē₃jñiá'₅ ca₂tsí'₃ Abraham a₂guein₃ le₂jio₅ dsí₂nau₂ tē₂le₃ jñia'₅₄ con'₂ le₃'éin₂ bá₄, co₂'nió'₄ nē₂jag₄ bá₄ i₂le₃ti'₅₄ 'éi'₃, jme₁ca₂juá'₂ le₂la₂: “Ca₂le₃jě₃ juig₂ te₁'i₁ gua'₅₄ 'uē₃ jme₁gon'₅₄ jniá₂ tē₂le₃ quian'₅₄ 'ne₂.”† ⁹Jaun₂ le₂nē₅ bá₄ nē₃, ju₁lia'₂ dsa₂ i₂'én₂ nē₃, i₂'éi₂ bá₄ i₂lín₅ dsa₂ i₂rē₂gon'₅₄ quián₅ Diú₄ co₂dsia₅ quiaín'₅₄ Abraham i₂ca₂rē₃'én₂ 'éi₂.

¹⁰Dsa₂ i₂jmo₅ dsí₅ a₂tioin'₅₄ 'Éi'₃ tióin₂ juí₅ 'éi'₃ a₂dsi₃'éin₂. Ia₁ juá'₂ ne₄ Si₂: “Ca₂le₃jín₃ i₂tsá₃ jme₂ti₃ ca₂le₃jě₃ 'éi'₃ a₂tio'₅₄ ne₄ Si₂ tioin'₅₄ 'éi'₃ a₂dsi₃'éin₂.”‡ ¹¹Rē₂ bá₄ léi₄ jaun₂ nē₃, 'i₁jan₂ tsá₃ 'ein₂ lé₂ le₃náu₃ rē₂ ne₄ Diú₄ tē₂le₃ ia₁ a₂jme₂ti₃ 'Éi'₃. Ia₁ ne₄ Si₂ juá'₂: “Dsa₂ i₂guén'₂ Diú₄ co₂'nió'₄ i₂lín₅ i₂dsen₃, tē₂le₃ a₂jñia'₅₄ con'₂ a₂'éin₂ bá₄ le₃chain₂.”§ ¹²La₁ 'Éi'₃ Juá'₅ quió'₅ Moisés nē₃, on₃jua'₅₄ a₂cha₂ ja₁já₄ 'uig₅₄ a₂'én₂ dsa₂ jaun₂. Ia₁ tē₂le₃ le₂la₂ bá₄ juá'₂: “Dsa₂ i₂jmo₅ lia'₂ con'₂ lē₅ juá'₂ 'Éi'₃, quian'₅₄ 'Éi'₃ jaun₂ le₃chain₂.”* ¹³Cristo ca₂quí₃ ca₂lió₂ jniog₄ uig₅ a₂jme₁ca₂tág₂ guéi₁ con'₂ lē₅ 'Éi'₃. Ia₁ ne₄ Si₂ juá'₂: “Ma₂rē₂'ē₂ uig₅ ja₁con₂ chi₂jua'₂ 'ein₂ i₂tē₂ton₅₄ guei'₅₄ 'ma₂.”† ¹⁴Le₂nē₅ ca₂quí₃ ia₁jaun₂ a₂dse₃ jaun₂ a₂ca₂jme₃gon'₅₄ Diú₄ Abraham, ŋag₅ le₃ja₁con₂ dsí₂nau₂ tē₂le₃ quian'₅₄ Cristo Jesús. Ca₂quí₃ ia₁jaun₂ guéi₁ jniog₄ ca₂le₃jág₃ tē₂le₃ ia₁ a₂'éin₂, guén₄ Jme₂dsí₂ Jñi₀₅ a₂ma₂juá'₂ cuiín₃.

Ju₁lia'₂ 'Éi'₃ Juá'₅, quian'₅₄ jág₁ a₂ma₂cuē₃ Diú₄

¹⁵Rin'₅₄ jniog₄, la₂ cuē₅₄ jniá₂ caun₂ jág₁ jáng'₅ léi₄ 'a₂ lia'₂ lē₅ jmo₅ dsa₂ mi₂güig₃: Ju₁lia'₂ jme₁quiog₂ dsa₂ caun₂ si₂ ja₁tio'₅₄ jág₁ a₂li'₅₄ jaun₂ tio'₅₄ firma quió'₅, jaun₂ 'i₁jan₂ tsá₃ 'ein₂ lé₂ le₃jmo₃ tsá₃ quen₅ si₂ jaun₂, on₃ guē'₂ ma₂lé₂ jua'₅₄ jmo₃ guē₄ ŋag₅₄ 'i₁caun₂ con'₂ lē₅ jaun₂. ¹⁶Jaun₂ le₂nē₅ ca₂cuē₃ Diú₄ jág₁ quió'₅ ca₂cuē'₃ Abraham quian'₅₄ chi'₂ dsio₄ 'éi₂. Ne₄ Si₂ quió'₅ tsá₃ juá'₂ jua'₅₄ a₂'iin₂₃ “juín₅ tsi₁jon₂” 'éi₂. Ca₂juá'₂ “tsi₁jon₂ quiáng'₂,”‡ 'iin₂₃ jan₂ dsa₂ bá₄. I₂jan₂ 'éi₂ lín₅ Cristo. ¹⁷Le₂la₂ bá₄ 'ē₅ jniá₂: Ca₂jmo₃ Diú₄ caun₂ jág₁ quiaín'₅₄ Abraham. Jaun₂ jme₁ca₂gua₃ 'Éi'₃ Juá'₅ nē₃, quén₂ 'ñiá₂-láu₂ rē₂dsí₂ guióg₂-guiá₂ (430) ŋi₂ cang₂ jaun₂, la₁ tsá₃ le₃jua'₅₄ jua'₅₄ a₂tsá₃ quen₅ jág₁ a₂li'₅₄ Diú₄ quiaín'₅₄ Abraham, on₃ guē'₂ le₃jua'₅₄ a₂tsá₃ jma₃quen₅ jág₁ ron₅ a₂rē₂cuē₁ quió'₅ Diú₄. ¹⁸Ia₁ jua'₅₄ mei'₂ guē₃ lé₂ gue₃ dsa₂ a₂ca₂tíin₂ a₂cuē₃ Diú₄ tē₂le₃ ia₁ a₂jme₂ti₃ 'Éi'₃, jaun₂ tsá₃ ma₃le₃jua'₅₄ jua'₅₄ a₂gue₃ guē₄ dsa₂ tē₂le₃ ia₁ a₂ma₂cuē₃ Diú₄ jág₁ quió'₅. La₁ ca₂cuē₃ Diú₄ jág₁ quió'₅ nē₃ ca₂cuē'₃ Abraham a₂ca₂tíin₂ gue₃ a₂lē₁gue₃ co₂ñí₂ bá₄. ¹⁹¿'E₂

† 3:8 Génesis 12:3; 18:18; 22:18. ‡ 3:10 Deuteronomio 27:26. § 3:11 Habacuc 2:4. * 3:12 Levítico 18:5. † 3:13 Deuteronomio 21:23. ‡ 3:16 Génesis 12:7; 13:15; 24:7.

ta₁ qui' ₅ 'Éi' ₃ Juá' ₅ jaun₂ ně₃? Cang₂ jaun₂ bá₄ ca₂já₃, a₂qui' ₃ ta₁ a₂'ě₃ 'a₂ lia' ₂ lě₅ qui₂i₁juin₅₄ dsa₂ 'no₂₃ dso₄. 'Éi' ₃ jaun₂ ca₂gua₃ ca₂lia' ₂ ca₂guan₃ "tsi₁jon₂ i₂jan₂ i₂'iin₂₃ 'éi₂" con' ₂ lě₅ já₁ ma₂cuě₃ Diú₄. 'Éi' ₃ jaun₂ ně₃, ca₂tě₁ron₅₄ tě₂le₃ quian' ₅₄ ángel i₂ca₂'ě₂ já₁. Ca₂tě₁tsin' ₅₄ jan₂ dsa₂ i₂chén' ₅ ne₄ já₁. ²⁰ La₁ jme₁ca₂dsia₃ Diú₄ já₁ quia₁in' ₅₄ Abraham le₂'uig₅₄, 'niog₅ bá₄ ca₂dsia₃ já₁. Tsá₃ 'ein₂ sián' ₂ ca₂nau₂ ne₄ já₁. Ia₁ i₂jan₂ tan₅₄ 'éi₂ bá₄ Diú₄ i₂ca₂juá' ₂ jme₁ca₂juá' ₂.

Ta₁ a₂qui' ₅ 'Éi' ₃ Juá' ₅

²¹ ĆO₃ bá₄ co₂'nió' ₄ juá' ₂ jaun₂ ně₃, a₂qui' ₅ ta₁ 'Éi' ₃ a₂'nio₃ 'éin₂ já₁ a₂ma₂cuě₃ Diú₄? On₃jua' ₅₄ le₂jaun₂. Jua' ₅₄ mei' ₂ guě₃ lě₂ le₃cuě₃ 'Éi' ₃ Juá' ₅ caun₂ jui₅ ja₁lě₂ le₃chan₂ jme₂dsi₂, jaun₂ bá₄ jme₁lě₂ le₃guen₃ Diú₄ dsa₂ tě₂le₃ quian' ₅₄ a₂jme₃ti₃ dsa₂ 'Éi' ₃ jaun₂. ²² La₁ lia' ₂ con' ₂ lě₅ juá' ₂ ne₄ Si₂, ca₂le₃jín₃ bá₄ dsa₂ tioin' ₅₄ le₁'nei' ₅₄ jui₅ ja₁'no₂₃ dso₄, ia₁jaun₂ tě₂le₃ a₂jñia' ₅₄ con' ₂ 'éin₂ bá₄ tě₂le₃ quió' ₅ Jesucristo le₃gue₃ a₂ma₂juá' ₂ Diú₄ cuě₃.

²³ Né' ₃ a₂guá₂ já₁ a₂le₃'én₂ dsa₂ ně₃, jme₁tio' ₅₄ jniog₄ le₁jnág₅ quian' ₅₄ 'Éi' ₃, co₂'nió' ₄ a₂jme₁jmo₂₃ 'í₁ jniog₄, qui₂le₁jñia₁ a₂le₃jniá₂ a₂le₃'éin₂ jaun₂. ²⁴ 'Uig₅₄ jaun₂ bá₄ ně₃, 'Éi' ₃ ca₂jme₃góin₃ ne₄ quián₂ jniog₄, ně₂jag₄ bá₄ jan₂ tě₅ i₂ca₂jio₃ ca₂tě₂ ja₁con₂ Cristo, ia₁jaun₂ jě₁ma₂ca₂rě₃'éin₂ tě₂le₃ quió' ₅ 'éi₂, lě₂ le₃tě₃tsag' ₅₄ jniog₄ rě₂ ne₄ Diú₄. ²⁵ Jaun₂ rě₂ně₃ ně₃ ma₂gua₅ bá₄ a₂'éin₂ jniog₄, tsá₃ ma₃tio' ₅₄ ne₄ 'Éi' ₃ jua' ₅₄ a₂jaun₂ a₂jio₅ guě₄ jniog₄, jmo₅ 'í₁. ²⁶ A₂lín' ₅ 'nia' ₂ ca₂le₃jíng' ₃ chi' ₂-guein₂ quián₅ Diú₄, tě₂le₃ ia₁ a₂'én' ₂ 'nia' ₂ le₃quió' ₅ Cristo Jesús. ²⁷ Jaun₂ ca₂le₃jín' ₃ 'nia' ₂ con' ₂ i₂ma₂tion' ₅₄ 'ei₅ caun₂ já₁ quian' ₅₄ Cristo lia' ₂ con' ₂ jme₁ca₂jñóg' ₂ jmig₂, tión' ₂ 'nia' ₂ a₂rě₂jniág' ₁ rě₂ling' ₅₄ ně₂jag₄ bá₄ Cristo 'niog₅. ²⁸ Tsá₃ ma₃jma₃quén₅ tión₂ dsa₂, tsá₃ a₂nag₅₄ o₁jñia' ₅₄ i₂lín₅ judíos, o₃ griegos, on₃ guě' ₂ i₂lín₅ dsa₂ i₂jme₂ti₃ ta₁ ne₄ juig₅₄, on₃ guě' ₂ dsa₂ i₂tsá₃ 'ein₂ ne₄ jme₂ti₃ ně₃; dsa₂ ŋe' ₂, o₃ dsa₂ mí₂ 'e₂; ia₁ i₂co₂rín₂ bá₄ 'nia' ₂ le₃quió' ₅ Cristo Jesús. ²⁹ Chi₂jua' ₂ tén' ₅ 'nia' ₂ le₃quió' ₅ Cristo, jaun₂ guě₄ líng' ₅ dsa₂ tsi₁jon₂ Abraham, jaun₂ ca₂tín' ₂ 'nia' ₂ guéi' ₁ a₂lě₅ já₁ a₂cuě₃ Diú₄.

4

¹ A₂la₂ bá₄ juá' ₅ jniá₂: Tě₁lia' ₂ bín' ₅₄ guein₂, i₂ca₂tín₂ gue₃ a₂lě₅ já₁ a₂cuě₃ jmei₂, tsá₃ jua' ₅₄ jma₃quén₅ lín₅ quian' ₅₄ dsa₂ i₂'lian' ₅₄ quián₅ jmei₂, o₁jñia' ₅₄ a₂dsau₅ jan₂ i₂'éi₂ bá₄ quió' ₅ ca₂le₃jě₃. ² Chan₂ dsa₂ i₂jmo₅ 'í₁ nio₅ gu₂ ca₂le₃jě₃ a₂cha₂ quió' ₅ 'éi₂, ca₂lia' ₂ ca₂tě₂ jmig₄ a₂'ě₅ jmei₂. ³ Jaun₂ le₂ně₅ bá₄ lě₅ quian' ₅₄ jniog₄. Tě₁lia' ₂ con' ₂ big' ₅₄, jme₁chong₂ jniog₄ le₁'nei' ₅₄ ne₄

'éi'₃, tag₄ a₂jio₅ bí₂ ja₁con₂ dsa₂ mi₂güí₃. ⁴ La₁ jme₁ca₂dsin₃ jmig₄, ca₂chen₃ Diú₄ Ja₁ñi'₅₄, ca₂rë₃cháin₃ ca₂caun₃ jan₂ dsa₂ mí₂ dsa₂ mi₂güí₃, ca₂guain₃ lín₅ jan₂ dsa₂ i₂rë₂'en₅₄ ne₄ 'Éi'₃ Juá'₅. ⁵ Le₂në₅ bá₄ guain₃ a₂quí₃ a₂lió₂ ca₂le₃jág₃ jniog₄ con'₂ dsa₂ jme₁tio'₅₄ 'Éi'₃ jaun₂, ia₁jaun₂ guéi'₂ Diú₄ jniog₄ a₂ma₂lág₅ chi'₂-guein₂ quiáin₅. ⁶ Jaun₂, 'uig₅₄ ia₁ a₂lín'₅ 'nia'₂ chi'₂-guein₂ quiáin₅ në₃, jaun₂ ca₂chein₃ Jme₂dsí₂ quián₅ Ja₁ñi'₅₄ tē₂dsi₅ jniog₄, jaun₂ Jme₂dsí₂ në₃ juá'₂: “iAbba! ^{*} iTia₅₄ quiáng₃!” ⁷ Le₂në₅ jaun₂, tsá₃ ma₂lín'₅ 'ne₂ jan₂ i₂chi₁'ñe'₅₄ ne₄ 'éi'₃; ma₂lín'₅ jan₂ ja₁ñi'₅₄ bá₄. Jaun₂ chi₂jua'₂ lín'₅ jan₂ ja₁ñi'₅₄, ján₃ bá₄ ma₂lín'₅ jan₂ i₂ca₂tín₂ gue₃ a₂lě₅ jág₁ cuē₃.

'I₅ dsí₅ Pa₄ o₄quió'₄ dsa₂ 'én₂

⁸ Le₂jñiá₅, lia'₂ con'₂ tsá₃ Diú₄ jme₁ma₂cuin'₂ 'nia'₂, jme₁tiong'₅₄ le₁'neg'₅₄ ja₁con₂ diú₄ lag₄ i₂tē₃dsón'₂ on₃jua'₅₄ i₂le₃jua'₅₄ diú₄ dsón'₂. ⁹ La₁ rē₂ně₃ ně₃ ma₂cuin'₂ 'nia'₂ Diú₄, co₂'nió'₄ juá'₅, ma₂cuin₅ Diú₄ 'nia'₂. Jaun₂ ně₃, ħ₂ bá₄ lia'₂ lě₅ a₂o₂no'₅₄ táng₃ 'nia'₂ le₃ca'₃ tsá₃ caun₂ a₂qui₂'náu'₂ 'au'₂ a₂tóng'₂ táng₃ ne₄ 'éi'₃ tag₄ 'uan₅₄ a₂tsá₃ ta₁ tí₄? ¹⁰ Ia₁ jmo'₂ bá₄ guē₄ 'nia'₂ 'au'₂ a₂jme₂juē'₁ a₂lín₅₄ jmig₄, tsi'₂, ñi₂, jein₂ ně₃. ¹¹ 'Ñio₅ dsi₂gó'₃ dsi₃ ia₁ con'₂ tsá₃ ñó₅ ně₁jua'₂ tsá₃ 'e₂ ta₁ tí₄ ta₁ a₂ma₂jmo₃ jniá₂ jin'₄ 'nia'₂.

¹² Rin'₅₄ jniog₄, chi₂len'₄ jniá₂ 'nia'₂ jui₁len'₅₄ bá₄ 'nia'₂ lia'₂ lín₅ jniá₂, ia₁ jniá₂ ma₂ca₂jmo₃ dsi₃ ján₃ a₂lín'₅ lia'₂ lín'₅ 'nia'₂. Tsá₃ 'e₂ jua'₅₄ a₂tsá₃ dsi₂ten₅₄ a₂ma₂jmog'₅₄ 'nia'₂. ¹³ Ia₁ ma₂ñi'₅₄ bá₄ 'nia'₂, lia'₂ jme₁ca₂'ě₃ jniá₂ jág₁ dse₃ a₂lión₂ dsa₂ jin'₄ 'nia'₂ le₂'uig₅₄, ca₂lě₃ le₂jaun₂ 'uig₅₄ caun₂ dso₄ a₂jme₁lín'₄. ¹⁴ Dso₄ a₂ca₂jéin₃ jniá₂ jaun₂ ně₃ co₂'nió'₄ a₂ca₂caun₃ táu₂ Diú₄ 'nia'₂ bá₄ jaun₂. La₁ on₃jua'₅₄ a₂jaun₂ tsá₃ ca₂guei'₅₄ 'nia'₂ jua'₅₄ a₂tsá₃ ca₂rě₃jei'₅₄. Tē₂le₃ 'io'₂ guē₄ ca₂guei'₅₄ bá₄ 'nia'₂ jniá₂ ně₂jag₄ bá₄ jan₂ ángel quián₅ Diú₄, ně₂jag₄ bá₄ lín'₅ Cristo Jesús 'ñiog₅. ¹⁵ ħ₂ 'E₂ bá₄ ca₂lě₃ quian'₅₄ a₂ñí₄ lě₃ dse₃ jme₁ca₂'ág₂ 'au'₂ 'nia'₂ le₂jaun₂? Lé₂ le₃juá'₄ jniá₂, jua'₅₄ mei'₂ guē₃ lé₂, jme₁'uē'₄ 'nia'₂ mí₂g₂ ne'₅₄ guiong'₅₄, a₂jme₁cuē'₁ jniá₂. ¹⁶ Jaun₂ ně₃, ħ₂on₃ bá₄ lín'₂ 'nia'₂ a₂'iog₅₄ bá₄ jniá₂ ia₁ a₂juá'₅ lia'₂ tí₅ jág₁?

¹⁷ Dsa₂ 'éi₂ ně₃, 'ñio₅ dsen₅₄ dsí₅ jmo₂₃ quian'₅₄ 'nia'₂, la₁ on₃jua'₅₄ a₂dse₃ dsón'₂ lia'₂ dsi₂jio₅ dsí₅. A₂'no'₂ jui₅ a₂téi'₄ 'nia'₂ jniá'₅₄, ia₁jaun₂ le₃dsen₅₄ 'au'₂ a₂'éin'₄ guioin₅₄. ¹⁸ A₂dsón'₂ a₂dse₃ bá₄ jaun₂ a₂cuē'₅ dsa₂ bí₂ riin'₅₄, chi₂jua'₂ a₂jaun₂ bá₄ a₂dse₃ a₂dsi₂jio₅ dsí₅. La₁ jui₁jmo₁₂ le₂jaun₂ co₂tan₅₄, on₃jua'₅₄ rē'₂ jma'₃ jme₁'en₅₄ jniá₂ quian'₅₄ 'nia'₂. ¹⁹ 'Nia'₂ chi'₂-guein₂ quiáng₃, con'₂ siá'₂ táng₃ ma₂ñag₅₄ uig₅ o₄quián'₂ 'nia'₂, lín'₅ ně₂jag₄ bá₄

* 4:6 Abba: co₂'nió'₄ le₃jua'₅₄: “Tia₅₄” quian'₅₄ jág₁ jmei₅ arameo.

jan₂ 'io₅₄ i₂chan₂ uig₅; caun₂ ηag₅₄ uig₅ le₂nē₅ bá₄ ca₂lia'₂ ca₂lín'₃
'nia'₂ a₂dsi₁nóg'₅ lénɡ'₂ lia'₂ lín₅ Cristo. ²⁰ ¡Jua'₅₄ mei'₂ bá₄ lé₂
le₃dsióg₄ jniá₂ tē₂nē₃ ja₁con'₂ 'nia'₂, ia₁jaun₂ jme tsíng₄ 'a₂ lia'₂
dsia₅₄ jág₁ quian'₅₄ 'nia'₂! Ia₁ 'ηio₅ lín₃ tsá₃ guion₅₄ 'a₂ lia'₂ jmo₅₄
quian'₅₄ 'nia'₂.

Jág₁ jáng'₅ léi₄ jui₁lia'₂ Agar quian'₅₄ Sara

²¹ 'Nia'₂ con'₂ dsa₂ i₂'niog'₂ tón'₄ táng₃ 'Éi'₃ Juá'₅, ηag₄ caun₂
'nia'₂ a₂juá'₄ jniá₂ la₂: ¿Tsa₁ ma₂nei'₂ 'nia'₂ a₂juá'₂ 'Éi'₃ jaun₂?
²² Ia₁ juá'₂ Si₂ 'iin₂₃ Abraham, 'éi₂ nē₃ ca₂rē₃chán₃ on₃ ja₁ηi'₅₄.
Jan₂ i₂ca₂can₃ dsa₂ mí₂ i₂jme₁jme₂ti₃ ta₁ ne₅₄; jan₂ guē'₂
i₂ca₂can₃ dsa₂ mí₂ quiáin₅ dsón'₂ i₂tsá₃ 'ein₂ ne₄ dsa₂ sián'₂
jme₂ti₃. ²³ Guein₂ i₂ca₂can₃ dsa₂ mí₂ i₂jme₂ti₃ ta₁ ne₄ Abra-
ham, ca₂rē₃chán₃ con'₂ lē₅ rē₂chan₂ guein₂ lē₁guein₂, la₁ guein₂
i₂ca₂can₃ dsa₂ mí₂ quián₅ Abraham 'ηiog₅ nē₃ ca₂rē₃chán₃
a₂ca₂rē₃ti₃ jág₁ a₂cuē₁ quió'₅ Diú₄. ²⁴ Jág₁ nē₅, lē₅ caun₂ jág₁
a₂jáng'₅ léi₄. Le₃on₃ 'io₅₄ nē₅ co₂'nió'₄ tin₃ jág₁ a₂li'₅₄ Abraham
quian'₅₄ Diú₄. Caun₂ jág₁ nē₅ lē₅ co₂'nió'₄ Má'₂ Sinaí a₂jáng'₅
léi₄ tē₂le₃ quió'₅ Agar i₂cán₂ guein₂ i₂'i₄ 'éi'₃ jme₃ti₃ ta₁ ne₄ dsa₂.
²⁵ Jaun₂ lín₅ Agar co₂'nió'₄ Má'₂ Sinaí, a₂chí'₅ 'uē₃ Arabia, a₂lē₅
caun₂ nió'₄ quió'₅ Jerusalén jmi₄ nē₃, ia₁ tion'₅₄ dsa₂ chan₂
ciudad jaun₂ jme₂ti₃ 'éi'₃ co₂dsia₅ quaiain'₅₄ chí'₂-guein₂ quiáin₅.
²⁶ La₁ jui₁lia'₂ Jerusalén 'mí₂ quió'₅ guei'₅₄ nē₃, rē₂na₄ bá₄ jui₅;
jaun₂ ja₁jaun₂ bá₄ lē₅ nē₂jag₄ bá₄ chog₅₄ jniog₄. ²⁷ Ia₁ ne₄ Si₂ juá'₂:
Quian₂ o₂'ηiód₃ dsi₅, 'ne₂ 'io₅₄ quen₂,

'ne₂ dsa₂ mí₂ i₂tsá₃ guein₂ ma₂can₅,

'ú₅ co₂mi'₅₄ guio'₅₄ a₂'io'₂ jéng'₂,

'ne₂ i₂tsá₃ 'e₂ jme₁ma₂cuíng'₂ 'e₂ jaun₂ a₂chang'₂ uig₅.

Ia₁ tē₂le₃ juin₅ guē₄ guein₂ le₃chan₂ bá₄

quió'₅ dsa₂ mí₂ i₂ca₂téi₂ dsa₂,

lia'₂ con'₂ guē₄ dsa₂ mí₂ i₂chan₂ dsi₂i₂gu₂.†

²⁸ Rin'₅₄ jniog₄, lín'₅ bá₄ 'nia'₂ jui₁lia'₂ Isaac; lín'₅ 'nia'₂ chí'₂-
guein₂ con'₂ lē₅ jág₁ ca₂cuē₃ Diú₄. ²⁹ Le₂nē₅ bá₄ jui₁lia'₂
jmi₄ jaun₂, ja₁ηi'₅₄ i₂ca₂rē₃chán₃ con'₂ lē₅ rē₂chan₂ ca₂le₃jín₃,
qui₂ca₂co₃'ein₃ bá₄ ja₁ηi'₅₄ Abraham i₂ca₂rē₃chán₃ con'₂ ta₁
quió'₅ jme₂dsi₂, le₂nē₅ bá₄ lē₅ rē₂nē₃ ján₃. ³⁰ ¿La₁ 'e₂ juá'₂ ne₄
Si₂? Juá'₂: “Dsen₅₄ dsi₂néi₂ 'io₅₄ i₂jme₂ti₃ ta₁ ne'₅₄ nē₅ lia'₂
jma₃quaiain'₅₄ ja₁ηi'₅₄, ia₁ lia'₂ o₁líg'₂ jmi₄ jua'₅₄ ja₁ηi'₅₄ 'io₅₄
'lian'₅₄ nē₅ ca₂tín₂ tiin₅₄ a₂dse₃ a₂ca₂tín₂ ja₁ηi'₅₄ 'io₅₄ i₂jín₅₄.”‡
³¹ Jaun₂ nē₃, rin'₅₄ jniog₄, tsá₃ lág₅ jniog₄ chí'₂-guein₂ quián₅ 'io₅₄

† 4:27 Isaías 54:1. ‡ 4:30 Génesis 21:10.

i₂co₂'nió'₄ chi₁'ŋe'₅₄ 'éi₂. Lág₅ bá₄ jniog₄ chi'₂-guein₂ quián₅ 'io₅₄
i₂jín₅₄ § bá₄.

5

Tiá₂ nau₂ 'nia' jui₅ rē₂na₄

¹ Cristo ca₂chéi'₂ jniog₄, ia₁jaun₂ tsá₃ ma₃le₃chong₂ jua'₅₄
a₂le₁'ŋei'₅₄ guě₄. Jaun₂ tiá₂ nau₂ 'nia' jui₅ rē₂na₄, tsá₃ ma₃tón'₂
'nia' táng₃ uig₅ 'éi'₃ guei₂ co₂'nió'₄ a₂jmo₅ a₂rē₂'ŋe'₅₄ dsa₂. ²Jaun₂
rē₂ nei₂ 'nia'. Jniá₂ Pa₄, juíg₂ 'nia': Nē₁jua'₂ cuín'₅ 'nia' a₂ti₃
dsa₂ ni₁lo'₄, jaun₂ dsióg₅ 'i₁ca₂juig₄ tsá₃ 'e₂ ta₁ tén₄ Cristo ja₁con'₂
'nia'. ³'Nio₃ jniá₂ juá'₄ táng₃: nē₁'ein₂ cuín₅ a₂ti₃ dsa₂ ni₁lo₁₂,
ca₂tín₂ jme₃ti₃ ca₂le₃jě₃ 'éi'₃ quí'₅ Si₂ quió'₅ Moisés. ⁴'Nia'₂
i₂'náu'₂ jui₅ a₂guéi'₂ Diú₄ a₂líng'₅ dsa₂ dsen₃ tē₂le₃ 'uig₅₄ ia₁
a₂rē₂ten'₅₄ 'nia' 'Éi'₃, ca₂dsióg₃ táng₃ co₂dsia₅ ma₂ca₂'nia'₅₄ bá₄
'nia' jág₁ quian'₅₄ Cristo; ma₂i₂uín'₃ bá₄ táng₃ 'nia' ja₁dsia₅
Diú₄ 'ua₁ dsí₅ ja₁con'₂ 'nia'. ⁵Ia₁ tē₂le₃ quian'₅₄ Jme₂dsí₂, tē₂le₃
jnja'₅₄ 'a₂ con'₂ 'éin₂ bá₄ jniog₄, chong₂ a₂'ín₂ dsi₅ le₁jnia₁ a₂já₅
caun₂ jmig₄ jē₁léi₂ dsón'₂ jniog₄ dsa₂ dsen₃. ⁶Ia₁ nē₁jua'₂ chong₂
le₃quíó'₅ Cristo Jesús, tsá₃ 'e₂ ta₁ jmo₃ o₁jnia'₅₄ a₂rē₂uig₄ o₃ tsá₃
rē₂uig₄ 'e₂ lo₄ dsa₂. Ia₁ a₂le₃'éin₂ bá₄ tē₃dsón'₂ quen₅, a₂le₃jniá₂
tē₂le₃ quian'₅₄ a₂jme₁'nió₄ jniog₄ rin'₅₄. ⁷Dse₃ bá₄ lia'₂ con'₂
jme₁ma₂ja₂nó'₅ 'nia'. ¿'Ein₂ bá₄ ca₂jmo₃ jnág₅ jui₅ jaun₂ tsá₃
ma₃nág'₁ gau₂jág₁ a₂tí₅ dsón'₂? ⁸On₃jua'₅₄ a₂jaun₂ a₂ma₂tē₅ Diú₄
'nia' jua'₅₄ a₂jmo'₂ le₂nē₅. ⁹Lě₅ jui₁lia'₂ juá'₂ jág₁ quió'₅ dsa₂
ma₂líng'₂: “Quian'₅₄ ca₂juig₄ bá₄ jui₁ levadura, jmo₃ ta₁ guion'₂
ca₂le₃jě₃ ti₁can₁.” ¹⁰Caun₂ bá₄ 'ei₅ dsi₃ tē₂le₃ ja₁con₂ Te₁gui'₅₄,
a₂tsá₃ ma₃dsi₃jio₅ 'au'₂ 'nia' le₂siá'₂; Diú₄ bá₄ 'ě₂ uig₅ quió'₅
dsa₂ i₂chi₂jan₅ chi₂nei₂₃ jág₁ jin'₄ 'nia', tsá₃ a₂lě₅ jaun₂ jui₁'ein₂
guě₃. ¹¹Tē₂le₃ quió₃ guě'₂ rin'₅₄ jniog₄, jua'₅₄ mei'₂ guě₃ ŋi₅
jniá₂ te₁neg'₅₄ dsa₂ a₂ti₃ lo₅₄, ¿'e₂ guě'₂ lē₃ qui₂co₂'ein₅ dsa₂ jniá₂?
Jág₁ dse₃ a₂rē₂'ě₂ quió'₅ Cristo a₂ca₂join₃ ne₄ cróg₄, tsá₃ 'lig'₅₄
jme₁tín₃ jua'₅₄ mei'₂ guě₃ le₂jaun₂. ¹²La₁ jui₁lia'₂ dsa₂ i₂cuē₅
o₂me'₅₄ dsi₅ 'nia' a₂'ě₂₃ a₂ti₃ dsa₂ lo₅₄, ijua'₅₄ co₂ŋei'₅₄ bá₄ ti₃ quió'₅
guioin₅₄!

¹³Ia₁ 'nia', rin'₅₄ jniog₄, ma₂ca₂rē₃té₄ a₂lén'₂ 'nia' dsa₂ i₂i₂nio₄
lon₄. Jnja'₅₄ lia'₂ tsá₃ cuín₅ 'nia' jmig₄ jua'₅₄ a₂jme₁ti'₄ guě₄
'nia' a₂mi₅ ni₁ŋi'₁ ia₁ a₂líng'₅ dsa₂ i₂ma₂lón₂. Tē₂le₃ jme₁ti₁
'nia' ja₁con₂ ríng'₂ le₂jang'₂ le₂jang'₂, tē₂le₃ ia₁ a₂'nió'₃ 'nia'
ríng'₂. ¹⁴Ia₁ quian'₅₄ ca₂jon₄ jág₁ bá₄ a₂rē₂'ŋia₅ ca₂le₃jě₃ 'Éi'₃
Juá'₅: “Jme₁'nió₄ dsa₂ mi₂güig₃ ríng'₂ jui₁lia'₂ 'nióg'₃ 'ŋiag'₂.”*

¹⁵La₁ nē₁jua'₂ tion'₅₄ 'nia' quíng'₅ ríng'₂ quian'₅₄ i₂la₂ i₂ó₃,

tě₃ŋi'⁵⁴ quián'² 'nia'² ia₁ con'² tsá₃ ŋó₅ ně₁jua'² guion'⁵⁴ bá₄ 'nia'² qui₂co₂dsi₃'éng'⁵.

'A₂ lia'² le₃chan₂ dsa₂ tě₂le₃ quió'⁵ Jme₂dsí₂ mi₂güig₃ la₂

¹⁶ A₂la₂ bá₄ a₂juíg₂ jniá'² 'nia'²: Jui₁le₂chan'² bá₄ 'nia'² con'² lě₅ jiog₅ Jme₂dsí₂, jaun₂ bá₄ dsióg₄ a₂tsá₃ ma₃jme₁ti'⁴ 'nia'² a₂mi₅ ni₁ŋi'¹. ¹⁷ Ia₁ ca₂le₃jě₃ a₂'in₅ dsi₅ ni₁ŋi'¹ dsa₂, 'io'⁵⁴ Jme₂dsí₂ quián₅ Diú₄. Ján₃ guě'² le₂jaun₂ a₂'in₅ dsi₅ Jme₂dsí₂ 'io'⁵⁴ ni₁ŋi₅ táng₃. Tsá₃ jein'²; lě₅ 'nei₂. 'Uig⁵⁴ jaun₂ bá₄ tsá₃ lě₂ le₃jmó'² 'nia'² a₂'niog'². ¹⁸ Ia₁ ně₁jua'² jiog₅ Jme₂dsí₂, tsá₃ ma₃tiong'⁵⁴ 'Éi'³ Juá'⁵. ¹⁹ Ia₁ a₂rě₂jniá'² dse₃ bá₄ 'a₂ lia'² lě₅ chan₂ dsa₂ i₂i₂nio₄ con'² lě₅ 'ŋio₂ dsi₅ ni₁ŋi₁₂: nió'⁵ jág₁ a₂tsá₃ dsi₂ten⁵⁴ nió'³; i₂nioi⁵⁴ 'ŋio₅ lě₁'ŋioi₅ 'e₂ guě₃ a₂jmo₅-dsáu₅; tsá₃ con₂ dsi₅; ²⁰ qui₂jme₂gain₃ diú₄ lag₄; jmo₂₃ m₁í₅ a₂chan₂ dsi₅;† i₂'ŋia⁵⁴ dsa₂ mi₂güig₃ rin'⁵⁴; i₂qui₂tsin₅ quian'⁵⁴ rin'⁵⁴; i₂dsí'⁵ 'uin₅ dsi₅; i₂caun₂ lě₁rě₂'ne₂; i₂'ě'² a₂cha₂ quió'⁵; i₂dsia₅ mi'⁵⁴ jmo₅ le₁dson'⁵⁴ dsa₂; i₂jmo₅ jmá'³ co₂nió'³ quian'⁵⁴ rin'⁵⁴; ²¹ i₂uig₅ dsi₅; [i₂jme₂dsian₅ rin'⁵⁴];‡ i₂i₂nio₄ lě₁'en₅; qui₂jmo₂₃ jmig₄ ja₁qui₂jmo₅-dsáu₅ a₂'lig'⁵⁴ ně₃. 'Lióng₂ bá₄ guě₄ a₂siá'² jmo₅ i₂lin⁵⁴ a₂mei'² tsá₃ co₂rě₂ ján₃. Jaun₂ 'ě₅ jniá'² jág₁ tě₃jniá₅, jui₁lia'² ma₂juá'³ jniá'² le₂jniá₅ ma₂juíg₂ 'nia'², ca₂le₃jín₃ dsa₂ i₂qui₂jmo₅-dsáu₅ a₂ně₅ o₁líg'² jmig₄ tsá₃ tīn'⁴ ja₁gon₂ Diú₄. ²² La₁ le₂la₂ bá₄ chan₂ dsa₂ i₂jio₅ Jme₂dsí₂: A₂'nioi₃ riin'⁵⁴; chain₂ o₂'ŋi₃ dsi₅; tei₄ le₁'ág₄ dsi₅ ně₃, ton'² juin'² dsi₅ līn₅; 'ŋio₂ dsi₅ quiaín'⁵⁴ riin'⁵⁴; jmo₂₃ a₂dse₃ dsi₅ ja₁con₂ riin'⁵⁴ ně₃; ti₅ jág₁ quió'⁵ ně₁'e₂ jág₁ jmo₂₃ quiaín'⁵⁴ riin'⁵⁴. ²³ 'Ua₁ dsi₅ līn₅ ja₁con₂ riin'⁵⁴; ŋi₅ 'a₂ lia'² jme₃'uáin₂ dsi₅ 'ŋiog₅ 'e₂ jme₁ja₂ dsi₅ jmo₃. 'I₁caun₂ 'éi'³ tsá₃ cha₂ jua'⁵⁴ a₂lé₂ le₃'liog'³ quió'⁵ dsa₂ i₂chan₂ le₂ně₅. ²⁴ Ia₁ dsa₂ i₂ma₂lín₅ quián₅ Cristo, ně₂jag₄ bá₄ a₂ma₂ca₂i₃lé₂ ne₄ cróg₄ ca₂le₃jě₃ lia'² lě₅ jme₁līn₄ chain₂ mi₂güig₃, co₂dsia₅ quian'⁵⁴ a₂jme₁'ín₅ dsi₅, a₂jme₁qui₂dsi₂jio₅ dsi₅ jmo₃ ně₃. ²⁵ Le₂ně₅ chi₂jua'² chong₂ jniog₄ tě₂le₃ quian'⁵⁴ Jme₂dsí₂, ján₃ bá₄ jui₁i₁nio₁ jniog₄ lia'² jio₅ Jme₂dsí₂. ²⁶ Tsá₃ ca₂tág₂ jniog₄ jmó₁ táu'⁵, on₃ guě'² dsiá₁ mi'⁵⁴ le₂jau₂ le₂jau₂, on₃ guě'² jmó₁ uig₅ dsi₅ quian'⁵⁴ rin'⁵⁴.

6

Jme₁'on₁ 'nia'² ríng'² le₂jang'² le₂jang'²

¹ Rin'⁵⁴ jniog₄, ně₁'ein₂ 'nia'² ca₂tán'² dso₄, 'nia'² guě'² con'² i₂ma₂jio₅ Jme₂dsí₂, ca₂tín'² 'nia'² jme₁'oin'¹, ia₁jaun₂ roin'² táng₃, jmó'² 'nia'² 'ua₁ 'au'² ja₁coin₂. La₁ 'í₁ jmo₄, ia₁ con'²

† 5:20 griego: farmakeía. ‡ 5:21 A₂lin⁵⁴ chog⁵⁴ si₂ tsá₃ le₁ton₅ jág₁ ně₅.

tsá₃ nǒ₅ nē₁le₂jio₅ 'ñiag'₂ ca₂táng'₂ já₃. ² Jme₁'on₁ 'nia'₂ ríng'₂ le₂jang'₂ le₂jang'₂, chi₂jua'₂ 'e₂ caun₂ o₂me'₅₄ dsi₅ guei₂ quian₅ ríng'₂, ia₁ le₂nē₅ bá₄ le₃ten'₅₄ 'nia'₂ 'éi'₃ a₂ca₂quio₂g₂ Cristo.* ³ Ia₁ nē₁jua'₂ chan₂ 'ein₂ lín₂ tiin₂ jmo₂₃, nē₁jua'₂ tsá₃ 'e₂ ta₁ téin₄ guē'₂ nē₃, jme₂gain₂₃ 'ñiog₅. ⁴ Le₂jan₂ le₂jan₂ bá₄ dsa₂ ca₂tíin₂ con₂ 'í₁ 'a₂ lia'₂ jñia'₅₄ ma₂lē₅ chain₂ guioin₅₄. Nē₁jua'₂ ca₂rē₃lí'₄ rē₂ ma₂chain₂, tióin₂ dse₃ guioin₅₄ bá₄, on₃jua'₅₄ jñia'₅₄ 'nio₃ chein'₃ dse₃ o₄quió'₄ i₂sián'₂. ⁵ Ia₁ i₂jma₃quén₅ cán₂ guei₂ o₂me'₅₄ dsi₅ guion₅₄ bá₄ dsa₂ le₂jain₂ le₂jain₂.

⁶ Ju₁lia'₂ dsa₂ i₂rē₂tin₂ já₃ quió'₅ Diú₄, ca₂tíin₂ jme₃oin₅₄ tē₅ quiáin₅ quian'₅₄ ca₂le₃jē₃ ne₅₄ a₂dse₃ a₂cha₂ quió'₅. ⁷ Tsá₃ lē₁jme₂gán₁ 'nia'₂ 'au'₂ guiong'₅₄: ia₁ 'i₁jan₂ tsá₃ 'ein₂ lē₂ lē₁co₃jma'₂ Diú₄, ia₁ chi₂jua'₂ 'e₂ caun₂ a₂jne₅ dsa₂, a₂jaun₂ bá₄ ráu₃ quió'₅. ⁸ Ju₁lia'₂ jan₂ dsa₂ i₂jne₅ a₂'ín₅ dsí₅ ni₁ñi₁ 'ñiog₅, jui₅ ni₁ñi₁₂ jaun₂ bá₄ ro'₂ 'mú₃; la₁ dsa₂ i₂jne₅ tē₂le₃ quió'₅ Jme₂dsí₂, jui₅ Jme₂dsí₂ bá₄ ráu₃ quió'₅ já₃ a₂le₃chain₂ co₂tan₅₄. ⁹ Le₂nē₅ bá₄, tsá₃ lē₁o₁'ú'₄ dsí₅ jñiog₄ a₂jmo₁ a₂dse₃; ia₁ nē₁jua'₂ tsá₃ ca₂'ág₂ caun₂-tin₃ dsi₅ jñiog₄, já₅ bá₄ jmig₄ tē₅₄ a₂ráu₃ quián₂. ¹⁰ Jaun₂ lē₃, lia'₂ co₂ráun₂ lē₂ le₃jmo₁, o₁jmo₁ jñiog₄ a₂dse₃ ja₁con₂ ca₂le₃jín₃, la₁ ja₂lín₃ guē₄ le₃ja₁con₂ rin'₅₄ jñiog₄ i₂'én₂.

'Ē₂ guē₄ já₃g₁ tē₃jñiá₅, jē₁'ág₅ já₃g₁

¹¹ Jag₄ 'nia'₂ quian'₅₄ letras ca₁ca'₅₄ jmo₂₃ quian'₅₄ gu₃ 'ñi₃,† si₂ a₂tsíng₂ ne'₅₄ 'nia'₂. ¹² Dsa₂ i₂jñia'₅₄ 'nio₃ le₃jñia₂ tióin₂ dse₃, chi₂quiáin₂ jmi₃g₄ 'nia'₂ a₂tí'₁ 'nia'₂ lo'₅₄; jmo₂₃ le₂jaun₂ ia₁jaun₂ tsá₃ 'ein₂ co₃'ein₃ 'uig₅₄ ne₄ já₃g₁ quió'₅ cró₄g₄ quió'₅ Cristo. ¹³ Ca₂lia'₂ jñia'₅₄ guion₅₄ dsa₂ i₂tí₅ lo₄ 'éi₂, tsá₃ a₂jaun₂ jme₂ti₃ a₂juá'₂ ca₂le₃jē₃ 'Éi'₃ Juá'₅ jaun₂. La₁ 'nio₃ nē₃ a₂tí'₁ 'nia'₂ quiáng'₂, ia₁jaun₂ le₃jmo₃ táin'₅ ja₁con₂ ni₁ñi₁ 'nia'₂. ¹⁴ La₁ jniá₂ nē₃, o₁lig'₂ tsá₃ 'nio₃ jmo₅₄ táng'₅, jñia'₅₄ lia'₂ le₃quió'₅ 'mú₃ a₂ca₂i₃ñí₂ Te₁gui'₅₄ Jesucristo quián₂ jñiog₄ ne₄ cró₄g₄ bá₄. Ia₁ 'uig₅₄ a₂ca₂jon₃ Cristo ne₄ cró₄g₄, ma₂ca₂ñí₂ bá₄ mi₂güí₃g₃ ja₁con₂ jniá₂; já₃ guē'₂ le₂jaun₂ co₂'nió'₄ ma₂jon₅ bá₄ jniá₂ tē₂le₃ ne₄ mi₂güí₃g₃. ¹⁵ Jaun₂ nē₃, 'i₁caun₂ tsá₃ 'e₂ quen₅ a₂rē₂uing₄ o₃ a₂tsá₃ 'e₂ rē₂uing₄ lo₄ dsa₂; la₁ a₂léi₂ jñiog₄ dsa₂ i₂ma₂ca₂rē₃'mag'₂ tē₂dsí₅, a₂nē₅ bá₄ dsón'₂ a₂quen₅. ¹⁶ Tē₂le₃ ja₁con₂ ca₂le₃jín₃ dsa₂ i₂i₂nio₄ lia'₂ con'₂ lē₅ já₃g₁ nē₅, jui₁le₁'ág₄ bá₄ tei₄ 'au'₂ 'nia'₂, jui₁dsia₅₄ bá₄ Diú₄ néi₂ dsí₅ ja₁con₂ 'nia'₂ i₂lín₃'₅ tē₃dsón'₂ dsa₂ jui₂g₂ quiáin₅. ¹⁷ Nē₃ nē₃, tē₂le₃ ne₄ jui₅ ja₁dsau₅₄ nē₅, 'i₁jan₂ tsá₃ 'ein₂ jui₁cuē₅₄ o₂me'₅₄ dsi₃, ia₁ ma₂quian₄ bá₄ jniá₂ 'ñi₃ó₃ léi₄ tio'₅₄ ni₁ñi₃ a₂jáng'₅ já₃g₁ dsau₅ a₂lín₃g₅ tē₃dsón'₂ jan₂ dsa₂ quián₅ Jesús.

* 6:2 'Nio'₂ ja₁ton₅ Juan 13:34. † 6:11 'Nio'₂ ja₁ton₅ 1 Corintios 16:21; Colosenses 4:18; 2 Tesalonicenses 3:17; Filemón 19.

¹⁸Ju_{i1}jme₂gu'₅₄ bá₄ Te₁gui'₅₄ Jesucristo quián₂ jniog₄ jme₂dsí₂
quián'₂ 'nia'₂, rin'₅₄ jniog₄. A₂méi₃.
Co₂në₅.

Si₂ carta a₂ca₂jmo₃ San Pablo ne₄ dsa₂ EFESIOS

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Efeso

¹ Jniá₂, Pablo, co₂ně₅ ca₂rě₃'ñi₃ó₃ dsí₅ Diú₄, líng₅ jan₂ i₂chen₄ quián₅ Jesucristo. Jmo₅ jniá₂ si₂ la₂ a₂tsíng₂ ja₁con₂ 'nia'₂ i₂tén₅ le₃quió'₅ Diú₄* i₂chan₂ ciudad Efeso,† ja₁con₂ ca₂le₃jín₃ guě₄ i₂'én₂ le₃quió'₅ Cristo Jesús. ² Jui₁jme₂gu'₅₄ bá₄ Diú₄ Jmei₂ jniog₄, quian'₅₄ Te₁gui'₅₄ Jesucristo ně₃. Jui₁jmo₁₂ bá₄ 'ei₅ tei₄ chan'₂ 'nia'₂.

'A₂ lia'₂ jme₂gu'₅₄ Diú₄ le₃quió'₅ jme₂dsí₂, o₄quió'₄ Cristo

³ Jui₁jme₁juin'₂ jniog₄ Diú₄ Jmei₂ Jesucristo Te₁gui'₅₄ quián₂, ia₁ le₃quió'₅ Cristo bá₄ ma₂ca₂jme₃gu'₅₄ 'éi₂ jniog₄ 'ñio₅ lín₃ quian'₅₄ ca₂le₃jě₃ ne₅₄ a₂dse₃ a₂gu₂dsí₂ a₂já₅ guei'₅₄ i₂juíg₃. ⁴ Lia'₂ con₂ né'₃ a₂jmo₃ Diú₄ mi₂güíg₃, ca₂quió'₂ jniog₄ a₂léi₂ dsa₂ i₂náu₁ le₃quió'₅ Cristo, ia₁jaun₂ le₃chong₂ le₃ne₅₄ lě₅ 'í₁ quián₅, tsá₃ ma₃'e₂ dsáu₁ jniog₄ cha₂. 'Uig₅₄ ia₁ a₂'nio₃ bá₄ jniog₄, ⁵ ca₂quió'₂ ca₂le₂jñiá₅, a₂guéi'₂ léi₂ jniog₂ chi'₂-guein₂ quián₅ tē₂le₃ quian'₅₄ Jesucristo, lia'₂ con₂ lě₅ ca₂i₃jio₅ dsí₅. Ia₁ le₂ně₅ ca₂rě₃'ñi₃ó₃ dsí₅ 'ñiog₅. ⁶ 'Uig₅₄ ně₅ ně₃ jme₂juín'₁ jniog₄ Diú₄ ia₁ 'ua₁ dsí₅ 'ñio₅ lín₃, jaun₂ ca₂jme₃gu'₅₄ jniog₄ le₃quió'₅ Ja₁ñi'₅₄ i₂ñi₄ 'nioi₃ lín₃. ⁷ 'Éi₂ bá₄ ca₂quí₃ ca₂láu₂ jniog₄ tē₂le₃ quian'₅₄ jmi₂ 'ain₅₄, ca₂'éin₂ dsáu₁ jniog₄ a₂jme₁le₁cáu'₄, tē₂le₃ ia₁ a₂ñi₄ lě₃ 'ua₁ dsí₅. ⁸ A₂dse₃ dsí₅ lín₃ bá₄ Diú₄ ca₂jmo₃ a₂le₃ñi'₂ dsí₅ jniog₄ a₂le₃tag₂ ca₂le₃jě₃, ⁹ a₂ma₂ca₂jme₃jniai₂₃ ja₁con₂ jniog₄ jág₁ quió'₅ a₂jme₁rě₂'ma₄, a₂i₃jio₅ dsí₅ jmo₃, lia'₂ con₂ lě₅ ca₂rě₃'ñi₃ó₃ dsí₅ jmo₃ a₂dse₃ dsí₅. 'Ñiog₅ bá₄ Diú₄ ca₂lě₃ dsí₅ jmo₃ le₃quió'₅ Cristo. ¹⁰ Lia'₂ con₂ lě₅ jág₁, jme₃ti₃ bá₄ lia'₂ tí₅ jág₁ quió'₅ jē₁ma₂ca₂tě₂ jmig₄ a₂'i₄ 'éi'₃ dsia₃ o₄gú₃ Cristo a₂jmo₃ 'éi₂ 'éi'₃ lia'₂ guei'₅₄ i₂juíg₃ lia'₂ ne₄ gua'₅₄ 'uě₃.

¹¹ Ján₃ bá₄ le₂ně₅, a₂tióng₂ jnia'₅₄ le₃quió'₅ Cristo, ca₂quió'₂ Diú₄ tē₃jñiá₅ lia'₂ con₂ lě₅ ta₁ quió'₅ a₂ma₂i₂jio₅ dsí₅ jmo₃ le₂jñiá₅. Ia₁ Diú₄ bá₄ i₂jmo₅ 'e₂ niog₅ lě₂, lia'₂ con₂ lě₅ dsí₂jio₅ dsí₅ jmo₃. ¹² Le₂ně₅ ma₂ca₂jmo₃ ia₁jaun₂ jnia'₅₄ i₂le₂'uig₅₄ 'éi₁ caun₂ dsí₅ tē₂le₃ quió'₅ Cristo, le₃chong₂ jnia'₅₄ jmó₁ juě'₂ a₂co₂tág₅ quió'₅. ¹³ Ján₃ bá₄ le₂jaun₂ jme₁ca₂nei'₂ 'nia'₂ jág₁ tí₅, jme₁ca₂rě₃'ě₂ jág₁ a₂lión₂ dsa₂, jaun₂ ca₂rě₃'én'₂ bá₄ 'nia'₂. Jaun₂ ca₂jme₁quian'₄ bá₄ 'nia'₂ Cristo ca₂lín₃ 'nia'₂ léi₄ a₂líng₅ i₂quián₅ Diú₄ tē₂le₃ quian'₅₄ Jme₂dsí₂ Jñi₃ó₅ i₂ma₂lě₅ jág₁ cuin₃

* 1:1 lit. "dsa₂ jñi₃ó₅." † 1:1 A₂lín₅₄ chog₅₄ si₂ tsá₃ chi₁ton₅ "ciudad Efeso."

Diú⁴. ¹⁴ Jme₂dsí₂ Jñi₅ 'éi₂ bá₄ ně₃ líi₅ co₂'nió'₄ caun₂ cu₄ a₂ma₂quiog₂ dsa₂ tē₃jñiá₅ co₂'nió'₄ a₂ma₂lē₅ chi₁quian₅ quián₂ jniog₄ a₂tē₃dsón'₂ guéi₁ a₂ca₂tág₂ a₂cuē₃ Diú⁴ jē₁ma₂ca₂'ñia₅ a₂lióin₂ dsa₂ quiáin₅, ia₁jaun₂ jme₃juē'₂ dsa₂ a₂co₂tág₅ quió'₅.

Mi₅ Pa₄ ne₄ Diú⁴ a₂jmo₃ a₂le₃ñí'₂ dsí₅ dsa₂ 'én₂

¹⁵ 'Uig⁵⁴ jaun₂ jniá₂ ně₃, jme₁ca₂rē₃guion⁵⁴ a₂'én'₂ 'nia'₂ tē₂le₃ quió'₅ Te₁gui'⁵⁴ Jesús, con'₂ siá'₂ táng₃ ia₁ 'nió'₃ bá₄ 'nia'₂ ca₂le₃jín₃ i₂tén₅ le₃quió'₅ Diú⁴, ¹⁶ jaun₂ ně₃ ca₂le₃o₃ jmig₄ bá₄ tsá₃ lē₅ jua'⁵⁴ tsá₃ cuē₅ ti₁'mag'₄ o₄quián'₂ 'nia'₂, 'ín₅ jniá₂ 'nia'₂ ne⁵⁴. ¹⁷ Caun₂ qui₂mi₅ jniá₂ juíg₂ Diú⁴ quián₅ Te₁gui'⁵⁴ Jesu-cristo quián₂ jniog₄, i₂lín₅ Tia⁵⁴ juin'₂, jui₁jmo₁₂ bá₄ a₂lén'₂ 'nia'₂ dsa₂ i₂tín₂ i₂niog₅ dsi₄ tē₂le₃ quió'₅ jme₂dsí₂, a₂le₃ñí'₂ 'au'₂ 'nia'₂ a₂jme₃jniai₂₃ ia₁jaun₂ le₃cuin'₂ gué₄ 'nia'₂ dse₃. ¹⁸ Mi₅ jniá₂ ján₃, jui₁jme₂jnio⁵⁴ ne'⁵⁴ 'nia'₂, ia₁jaun₂ le₃ñi'⁵⁴ 'e₂ jaun₂ a₂le₁'ág₄ caun₂ 'au'₂ 'nia'₂ a₂ma₂tē₂₃ a₂cuē₃; a₂quen₅ lín₃ bá₄ ca₂le₃jē₃ a₂jlá'₁ a₂ca₂tín₂ dsa₂ i₂lē₅ 'í₁ quiáin₅;† ¹⁹ mi₅ jniá₂ jui₁le₂ñi'⁵⁴ 'nia'₂ ján₃, 'e₂ gué₄ tson₂ juē'₂ bí₂ quió'₅, a₂niog₅ jmo₂₃ le₃quián₂ jniog₄ i₂'éin₂. Jui₅bí₂ ně₅ ně₃ a₂le₂jaun₂ bá₄ ně₅ jui₁lia'₂ a₂ca₂jme₃jnia₅ Diú⁴ ²⁰ jme₁ca₂jme₃jein'⁵⁴ Cristo ja₁jme₁rē₂liin⁵⁴ a₂ca₂dsiog₃ jaun₂ ně₃ le₃gu₂ ne₁ quió'₅, guei'⁵⁴ i₂juíg₃. ²¹ Ja₁jaun₂ ca₂dsiog₃ ca₂'ag₃ a₂lín₅ ta₁ juē'₂ lín₃ a₂goín₂ ne₄ quió'₅ ca₂le₃jē₃ 'éi'₃, ne₄ quió'₅ ca₂le₃jē₃ jui₅bí₂ a₂cha₂. 'Éi₂ bá₄ juin'₂ ne₄ quió'₅ ca₂le₃jín₃ dsi₂tan⁵⁴ i₂'uan'₂ gon₂, ne₄ ca₂le₃jín₃ i₂juin'₂ i₂lín₅ juig⁵⁴, ján₃ bá₄ 'éi₂ juin'₂ ne₄ ca₂le₃jē₃ ne⁵⁴ ta₁ a₂lé₂ le₃lén₂ dsa₂, on₃jua'⁵⁴ jmá'₃ mi₂güig₃ la₂, nō₅ ně₅ jmo₂₃ 'éi'₃ le₂tan⁵⁴ mi₂güig₃ caun₂. ²² O₄tag₄ Cristo bá₄ ca₂ton'₂ Diú⁴ ca₂le₃jín₃ i₂chan₂, ca₂le₃jē₃ a₂cha₂ ně₃, jaun₂ 'ñiog₅ guē'₂ Cristo ca₂'iin₃ a₂lín₅ mi₂dsi₄ ne₄ ca₂le₃jē₃ le₃quió'₅ guá'₅ quiáin₅. ²³ Jaun₂ guá'₅ quiáin₅ ně₃, lē₅ co₂'nió'₄ ni₁ñi₁₂ 'ñiog₅ a₂rē₂'ñia₅ ta₁jain₂; jaun₂ Cristo 'ñiog₅ bá₄ jme₃'ñiai₂₃ ca₂le₃jē₃ gué₄ a₂'nió'₅ ca₂le₂con₂.

2

Ca₂rē₃chóng₃ jniog₄ le₃quió'₅ Cristo

¹ 'Nia'₂ ně₃, jme₁tiong'⁵⁴ le₂jñiá₅ líng'₅ 'lag₄ ne₄ 'uig⁵⁴ a₂jme₁i₂niog'⁵⁴ i₁juing'⁵⁴, le₁cáng'₄ dsáu'₂, ² lia'₂ con'₂ jme₁chang'₂ tiong'⁵⁴ 'éng'₅ jui₅ con'₂ lē₅ jiog₅ mi₂güig₃ la₂, jme₁jme₂tí'₁ 'nia'₂ con'₂ lē₅ 'ñio₂ dsí₅ jme₂dsí₂ i₂gon₂ ne₄ 'éi'₃ a₂cha₂ jē₄ dsí₂, i₂jmo₅ ta₁ tē₂dsí₅ jaun₅ dsa₂ i₂tsá₃ ne'⁵⁴, i₂tsá₃ gan₃ Diú⁴. ³ Le₂nē₅ bá₄ jme₁i₂nio₄ jniog₄ ján₃, jmig₄ jaun₂, jme₁chong₂ jme₁jme₂tí'₁ 'a₂ con'₂ lē₂ dsi₄ guio⁵⁴, jme₁jme₂tí'₁ a₂mi₅ ni₁ñi₁₂. 'Uig⁵⁴ lia'₂ con'₂ lē₅ jme₁lág₄ jniog₄ jme₁ca₂tág₂

† 1:18 lit. "a₂ca₂tín₂ dsa₂ jñi₅."

gué₁ co₂rē₂ uig₅ gau₂ quió'₅ Diú₄, jui₁lia'₂ lē₅ tīn₃ ca₂le₃jīn₃ i₂sián'₂. ⁴La₁ Diú₄ nē₃, 'uig₅₄ ia₁ a₂ŋ₁₄ lē₃ ŋéi₂ dsí₅ bá₄, ca₂rē₃'nio₃ līn₃ jniog₄. ⁵Ca₂to'₂ jme₂dsi₂ ca₂jme₃jein'₅₄ jniog₄ co₂lē₅ quian'₅₄ Cristo, lia'₂ con'₂ jme₁lág₄ guē₄ jniog₄ 'lag₄ 'uig₅₄ dsáu₁. Ia₁ jmá'₃ lia'₂ quian'₅₄ a₂'ua₁ dsí₅ Diú₄ 'ŋiog₅ bá₄ ma₂lón'₂ 'nia'₂. ⁶Jaun₂ le₂nē₅ ca₂chó'₂ co₂lē₅ quian'₅₄ Cristo Jesús jaun₂ ma₂ca₂dsiog₃ co₂lē₅ quiong'₅₄ guei'₅₄ i₂juig₃. Le₂nē₅ ma₂ca₂jmo₃ ca₂le₃jē₃, ne₄ 'uig₅₄ ia₁ a₂chong₂ jniog₄ rē₂nē₃ le₃quió'₅ Cristo Jesús. ⁷Le₂nē₅ ca₂cuē₃ léi₄ a₂'nio₃ jniog₄ 'ŋio₅ līn₃ ca₂le₃jē₃ jmig₄ ja₁já₄ nē₅, 'a₂ lia'₂ ŋ₁₄ lē₃ tson₂ a₂'ua₁ dsí₅ a₂ca₂jmo₃ dse₃ dsí₅ ia₁ a₂chong₂ le₃quió'₅ Cristo Jesús. ⁸Nē₃ nē₃, tē₂le₃ ia₁ a₂'ua₁ dsí₅ bá₄ Diú₄ ma₂ca₂lón'₂ 'nia'₂, tē₂le₃ ia₁ a₂'éng'₂. A₂ca₂lón'₂ 'nia'₂ nē₅ nē₃, on₃jua'₅₄ ia₁ 'e₂ cha₂ tīn'₂ 'nia'₂ jua'₅₄ a₂ma₂jmo'₅₄ guiong'₅₄; a₂lē₁ca₂ŋi'₂ bá₄ 'nia'₂ nē₅ ca₂cuē₃ Diú₄. ⁹On₃jua'₅₄ tē₂le₃ quian'₅₄ a₂jmo₅ dsa₂ guioin'₅₄ ia₁jaun₂ 'i₁jan₂ tsá₃ 'ein₂ jmo₃ tán'₅. ¹⁰Ia₁ lág₅ bá₄ jniog₄ co₂'nió'₄ ta₁ quió'₅ Diú₄ 'ŋiog₅; ca₂j móg'₂ jniog₄ le₃quió'₅ Cristo Jesús ia₁jaun₂ quián₁ jui₅ jmó₁ a₂dse₃, jui₅ a₂ma₂ca₂jmo₃ 'éi₂ co₂jŋia₅₄ a₂i₁nio₁.

'Ei₅ tei₄ dsí₅ jniog₄ le₃quió'₅ Cristo

¹¹Le₂nē₅ bá₄, jui₁dsiog'₂ 'au'₂ 'nia'₂ 'a₂ lia'₂ jme₁līng'₄ le₂jŋiá₅. 'Nia'₂ con'₂ i₂līng'₅ dsí₂nau₂ i₂tsá₃ rē₂uīng₄ lo₄, quiong₅ dsa₂ i₂rē₂uīng₄ lo₄, (ta₁ jaun₂ a₂jmo₅ dsa₂ mi₂güig₃ quian'₅₄ gu₂); ¹²jui₁dsiog'₂ 'au'₂ 'nia'₂: jmig₄ jaun₂ lia'₂ con'₂ jme₁chang'₂ tsá₃ I₂rē₂'in₁ quián₅ Diú₄ jme₁chan₂ ja₁con'₂ 'nia'₂; uīng₂ bá₄ jme₁tión'₂ 'nia'₂ ja₁lē₄ juig₂ Israel, tsá₃ jme₁cuīn'₂ 'nia'₂ jág₁ a₂jme₁lī'₅₄ dsa₂ juig₂ quián₂ jnia'₅₄ quian'₅₄ Diú₄. Jme₁chan'₂ 'nia'₂ mi₂güig₃ la₂ tsá₃ Diú₄ chan₂ quián'₂ 'nia'₂ on₃ guē'₂ jme₁cha₂ jmig₄ jua'₅₄ a₂jme₁tīn'₄ 'nia'₂. ¹³La₁ rē₂nē₃ nē₃, ma₂quian'₅₄ 'nia'₂ Cristo Jesús, 'nia'₂ i₂jme₁tióng'₂ uīng₂ le₂jŋiá₅. Quián₅ bá₄ ma₂tióng'₂ rē₂nē₃ tē₂le₃ quian'₅₄ jmi₂ 'an₅₄ Cristo. ¹⁴Le₂nē₅ bá₄ ca₂dsióg₃: 'ŋiog₅ bá₄ Cristo i₂jmo₅ 'ei₅ tei₄ quián₂ jniog₄. 'Éi₂ bá₄ ca₂jmo₃ nē₃ ca₂chain'₃ co₂ŋei'₅₄ jnia'₅₄ dsa₂ judíos quian'₅₄ 'nia'₂ dsí₂nau₂, caun₂ juig₂ bá₄ ca₂jmo₃, ca₂góin₂ bá₄ co₂'nió'₄ ni₁'ia'₂ a₂jme₁chí'₄ a₂jáng'₅ léi₄ a₂jme₁jmo₅ jma₃quén₅ jīn₄ jniog₄. ¹⁵Quian'₅₄ ni₁ŋi₁₂ 'ŋiog₅, ca₂jme₃dsiain₂₃ 'Éi'₃ Juá'₅ a₂jme₁tē₂néi'₂ chi₂quióng₂ jmig₄ jmá'₃ 'éi'₃. Ca₂lē₃ bá₄ nē₃ lia'₂ con'₂ lē₅ ca₂l₃jio₅ dsí₅, ca₂jmo₃ caun₂ juig₂ 'mí₂ quió'₅ 'ŋiog₅, ca₂'ág₂ tei₄ quió'₅ dsa₂ le₃tīn₃ juig₂. ¹⁶Le₂nē₅ bá₄ ca₂dsióg₃ ca₂lē₃ co₂nió'₃ dsa₂ jē₁ca₂le₃jīn₃. Tē₂le₃ quian'₅₄ 'mú₃ quió'₅ ne₄ cróg₄, ca₂jme₃dsian₅ Cristo mi'₅₄ a₂jme₁nió'₅ le₃tīn₃ juig₂, ca₂'ág₂ caun₂ jág₁ quian'₅₄ Diú₄. ¹⁷Ca₂guan₃ Cristo quian₅ jág₁ dse₃ a₂'ag₃ tei₄ quió'₅ ca₂le₃jīn₃: le₃quián'₂ 'nia'₂ dsa₂ i₂jme₁tión₂ uīng₂, lia'₂

le₃quián₂ jnia'₅₄ dsa₂ judíos i₂jme'tio'₅₄ quián₅. ¹⁸ Jaun₂ tē₂le₃ quian'₅₄ Cristo, lé₂ le₃jme₁quián₄ jniog₄ ja₁con₂ Tia₅₄ quián₂ tē₂le₃ quian'₅₄ jan₂ Jme₂dsí₂, tsá₃ a₂nag₅₄ o₁jnia'₅₄ la₂ lág₅ jniog₄ dsa₂ judíos o₃ dsi₂nau₂ 'e₂. ¹⁹ 'Uig₅₄ nē₅, ma₂lín'₅ bá₄ 'nia'₂ co₂'nió'₄ dsa₂ i₂'én₂ rin'₅₄ jniog₄ i₂lē₅ 'í₁ quián₅ Diú₄; * tsá₃ ma₃lín'₅ 'nia'₂ dsi₂nau₂ jua'₅₄ tsá₃ cuin₅ jniog₄ rin'₅₄. Ma₂lín'₅ 'nia'₂ chi'₂-guein₂ quián₅ Diú₄ nē₃. ²⁰ Ca₂dsióg₃ lín'₅ 'nia'₂ co₂'nió'₄ caun₂ 'né₅ pa₁; lín'₅ 'nia'₂ ján₃ co₂'nió'₄ ni₁cang₁ a₂jui₅ dsa₂ ne₄ 'uig₅₄ 'ia'₂ a₂ca₂chi'₃ dsa₂ i₂chen₄ quián₅ Jesús, quian'₅₄ dsa₂ i₂jme₁'ē₂ jág₁ o₄quió'₄ Diú₄ ma₂líg'₂. 'Niog₅ guē'₂ Jesucristo lín₅ co₂'nió'₄ ni₁cang₁ a₂dsen₅₄ guē₄. ²¹ Le₃quió'₅ 'éi₂ nē₃, tsau₂ ta₁ ta₁caun₂ tsi₁'né₅, lē₂ rē₂juí₄ rē₂, ca₂lia'₂ ca₂dsióg₃ lé₂ caun₂ guá'₅ a₂lē₅ 'í₁ quió'₅ Te₁gui'₅₄. ²² Le₃quió'₅ 'éi₂ nē₃, 'nia'₂ bá₄ ján₃ líng'₅ co₂'nió'₄ ni₁cang₁ a₂caun₂ jui₅ ni₁'ia'₂, ca₂lia'₂ ca₂dsi₃nó'₅ 'nia'₂ léng'₂ caun₂ dsi₂néi₂ ja₁guá₄ Diú₄ a₂gu₂dsí₂.

3

A₂niog₅ gu₂ Pa₄ qui₃'ē₂ jág₁ dse₃ ja₁con₂ dsi₂nau₂

¹ 'Uig₅₄ nē₅ bá₄ nē₃, jniá₂ Pa₄, jme₂juíng'₁ Diú₄, ton'₂ rē₂'eng₅₄ né'₃ 'má₃ 'uig₅₄ quió'₄ Cristo Jesús a₂dse₃ o₄quián'₂ 'nia'₂ i₂líng'₅ dsi₂nau₂. ² Líng₂ a₂ma₂le₁ñi'₅₄ dsón'₂ bá₄ 'nia'₂ a₂dse₃ dsí₅ Diú₄ ma₂ca₂dsia₃ gu₃ ta₁ la₂, a₂dse₃ o₄quián'₂ 'nia'₂. ³ Ma₂ca₂rē₃ñi'₅₄ bá₄ 'nia'₂ jág₁ a₂jme₁rē₂'ma₄ le₂jñiá₅, 'e₂ a₂niog₅ dsí₅ jmo₃; ca₂jmo₃ ca₂rē₃guion₅₄, jui₁lia'₂ ma₂juá'₃ ca₂jon₄ jág₁ ne₄ si₂ le₂jñiá₅. ⁴ Jē₁ma₂ca₂'í'₂ 'nia'₂ si₂ nē₅, le₃len'₅₄ 'nia'₂ a₂ma₂ñí'₂ dsi₃ jē₂ jág₁ a₂jme₁rē₂'ma₄ quió'₅ Cristo, ⁵ caun₂ jág₁ a₂tsá₃ 'ein₂ ca₂rē₃ñi₅ ca₃ma₂líg'₂, la₁ rē₂nē₃ nē₃ ma₂ca₂jme₃jnia₅ Jme₂dsí₂ quián₅ Diú₄ ja₁con₂ dsa₂ jñi₅ quián₅: dsa₂ i₂chen₄ quián₅ Jesús, quian'₅₄ ja₁con₂ dsa₂ i₂jme₁'ē₂ jág₁ o₄quió'₄ nē₃. ⁶ Jág₁ a₂ma₂ca₂rē₃jniá₂, a₂la₂ bá₄ jaun₂: tē₂le₃ quian'₅₄ jág₁ dse₃ a₂lión₂ dsa₂, tin₃ dsi₂nau₂ gue₃ a₂lē₅ jág₁ cuē₃ Diú₄ co₂rē₂ bá₄ quian'₅₄ a₂tin₃ dsa₂ judíos. Lín'₅ 'nia'₂ dsa₂ i₂tén₅ caun₂ bá₄ ñí₅, ján₃ guē'₂ tin'₃ 'nia'₂ jág₁ a₂ron₅ cuē₁ quió'₅ Diú₄ le₃quió'₅ Cristo Jesús.

⁷ Jág₁ nē₅ ma₂chéng'₅ jmo₂₃ ta₁ a₂'ē₅ jág₁ dse₃, lia'₂ con'₂ lē₅ a₂lē₁ca₂cuē₃ Diú₄ a₂'ua₁ dsí₅, lia'₂ con'₂ lē₅ jmo₅ ta₁ jui₅bí₂ quió'₅. ⁸ O₁jnia'₅₄ la₂ lín₅ jniá₂ jan₂ i₂me'₂ guē₄ con'₂ guē₄ i₂tsá₃ 'e₂ quen₅ jē₄ quió'₅ ca₂le₃jín₃ i₂tén₅ le₃quió'₅ Diú₄, * la₁ 'éi₂ ma₂cuē₃ jniá₂ a₂dse₃ nē₅ a₂'ē₄ jág₁ jin₄ dsi₂nau₂, caun₂ jág₁ dse₃ a₂le₃chong₂ jniog₄ dse₃ guē₄ lín₃ a₂jme₃gu'₅₄ Cristo, ca₂lia'₂ tsá₃ lé₂ le₃jua'₅₄ a₂le₃ñí'₂ dsí₅ dsa₂. ⁹ Ma₂ca₂dsia₃ gu₃ ta₁ la₂ a₂jme₁jniag₅ ja₁con₂ ca₂le₃jín₃, jág₁ dse₃ a₂jme₁rē₂'ma₄, ca₂le₃

* 2:19 lit. "dsa₂ jñi₅."

* 3:8 lit. "ca₂le₃jín₃ dsa₂ jñi₅."

ca₂nio₃ mi₂güig₃, 'a₂ lia'₂ 'nio₃ Diú₄ lé₂. Ia₁ 'éi₂ bá₄ i₂ca₂jmo₃ ca₂le₃jě₃ 'e₂ a₂cha₂. ¹⁰ Ca₂i₃jio₅ dsí₅ jmo₃ tē₂le₃ quian'₅₄ dsa₂ quiáin₅, jui₁le₂ñi₅ ca₂le₃jín₃ i₂'io₅ jui₅bí₂, i₂lín₅ ta₁ tion'₅₄ guei'₅₄, 'líong₂ ne₅₄ 'ñio₅ lín₃ bá₄ a₂ñí'₂ dsí₅ Diú₄; ¹¹ jaun₂ jui₁le₂ñi₅ bá₄, Diú₄ ca₂jmo₃ le₂nē₅ con'₂ lē₅ i₃jio₅ dsí₅ jmo₃ co₂tan₅₄ tē₂le₃ quian'₅₄ Te₁gui'₅₄ Jesucristo. ¹² Tē₂le₃ quian'₅₄ Cristo cha₂ jui₅ quián₂ a₂lé₂ le₃jme, quián₄ jnio₄ dsiá₁ tiá₂ dsi₅ ja₁con₂ Diú₄, caun₂ bá₄ le₁'ág₄ dsi₅ 'uig₅₄ ia₁ a₂'éin₂ le₃quió'₅ 'éi₂. ¹³ Jaun₂ lē₃, chi₂len'₄ jniá₂ 'nia'₂ a₂tsá₃ 'ág'₂ caun₂-tín₃ 'au'₂ 'uig₅₄ ia₁ a₂chang₂ ñag₅₄ uig₅ o₄quián'₂ 'nia'₂, la₁ia₁ dse₃ tē₂le₃ ja₁con₂ 'nia'₂, ia₁ le₂nē₅ bá₄ dsió₅ a₂le₃juin'₂ 'nia'₂.

'A₂ lia'₂ tson₂ ca₂rě₃ 'nio₃ Cristo jnio₄

¹⁴ 'Uig₅₄ nē₅ bá₄, no₂₃ chi₂jne₅₄ ne₄ Diú₄ Jmei₂ Te₁gui'₅₄ Jesucristo, ¹⁵ i₂lín₅ jmei₂ ca₂le₃jín₃ i₂chan₂ guei'₅₄ i₂juí₃ quian'₅₄ i₂chan₂ ne₄ gua'₅₄ 'uē₃. ¹⁶ Mi₅ jniá₂ ne₄ Tia₅₄ a₂jmo₃ tē₂'au'₂ 'nia'₂, cuē₃ jui₅bí₂ bēn₂ jlá'₁ quió'₅ tē₂le₃ quian'₅₄ Jme₂dsí₂ quiáin₅, ¹⁷ ia₁jaun₂ tē₂le₃ jnia'₅₄ 'a₂ con'₂ 'én'₂ bá₄ 'nia'₂, jiá₃ Cristo ja₃guá₃ tē₂'au'₂ 'nia'₂. Le₂nē₅ jē₁ma₂tió'n'₂ 'nia'₂ tiá₂ lé₂ co₂'nió'₄ qui₂le₁'má₂ jmú₄ j'₂ lín₃, jme₁'nió'₄ 'nia'₂ ríng'₂. ¹⁸ Mi₅ jniá₂ a₂lé₂ le₃ñí'₂ 'au'₂ 'nia'₂, quian'₅₄ ca₂le₃jín₃ con'₂ i₂ma₂lē₅ 'í₁ quiáin₅,[†] a₂juē'₂ lín₃, ton'₂ a₂cu₂ lín₃, ton'₂ a₂ñei₅ lín₃, a₂j'₂ lín₃ bá₄, 'a₂ lia'₂ 'nio₃ Cristo jnio₄. ¹⁹ Mi₅ jniá₂ ne₅₄, jui₁le₂cuin'₂ 'nia'₂ a₂nē₅ a₂lē₅ a₂juē'₂ lín₃, on₃jua'₅₄ ia₁ a₂le₃cuí'₅ le₃ñí'₂ dsí₅ dsa₂; mi₅ jniá₂ ia₁jaun₂ le₂nē₅ tiáng'₄ le₃chang'₂ co₂ñei'₅₄ qui₂rē₂rín₅ tē₂'au'₂ ca₂le₃jě₃ 'a₂ lia'₂ lín₅ Diú₄. ²⁰ Jaun₂ nē₃, jui₁le₂juin'₂ bá₄ Diú₄, i₂lé₂ le₃jmo₃ tson₂ guē₄ lia'₂ con'₂ guē₄ a₂mi₂ jnio₄, lia'₂ con'₂ guē₄ dsi₂jio₅ dsi₅ nē₃, tē₂le₃ quian'₅₄ bí₂ a₂jmo₂₃ ja₁con₂ jnio₄. ²¹ jui₁le₂juin'₂ bá₄ Diú₄ ja₁con₂ guá'₅ quiáin₅ tē₂le₃ quian'₅₄ Cristo Jesús, ca₂lia'₂ con'₂ tan₅₄ ca₂le₃jě₃ tsi₁jon₂ dsa₂ i₂ja₃lén₂ chi₁quín₃ ca₂le₃jě₃ ñi₂ co₂tan₅₄! A₂méi₃.

4

Chong₂ jnio₄ 'ei₅ caun₂ jág₁ tē₂le₃ quian'₅₄ Jme₂dsí₂

¹ 'Uig₅₄ nē₅ bá₄ nē₃, rē₂jní₅ né₃ 'má₃ o₄quió'₄ Te₁gui'₅₄, chi₂len'₄ jniá₂ 'nia'₂ a₂tiáng'₄ lia'₂ con'₂ dsi₂ten₅₄ ca₂tín₂ le₃chan₂ dsa₂ i₂té₄ quián₅ Diú₄, ia₁ a₂jaun₂ bá₄ ca₂tě'₃ 'nia'₂. ² Jmo₄ 'nia'₂ meg'₂, 'ua₁ 'au'₂ quiang'₅₄ ríng'₂. Jmo₄ 'nia'₂ juin'₂ 'au'₂, tió'₃ 'au'₂ jmo₄ quiang'₅₄ ríng'₂ le₂jang'₂ le₂jang'₂ ia₁ a₂'nióg'₃ ríng'₂. ³ Dsen₅₄ 'au'₂ 'nia'₂ jmo₄ tiong'₅₄ 'ei₅ tián₂ caun₂ jág₁ tē₂le₃ quian'₅₄ Jme₂dsí₂ Jnió₅, co₂'nió'₄ bá₄ chan'₂ 'nia'₂ qui₂rē₂queng'₅₄ quian'₅₄ ríng'₂ 'ei₅ tei₄. ⁴ Lág₅ jnio₄ caun₂ bá₄

[†] 3:18 lit. "ca₂le₃jín₃ dsa₂ jñiós."

ŋ₁₅ ta₁caun₂ nió'₃, já₃ guë'₂ jan₂ bá Jme₂dsí₂ táng₃, a₂tián'₄ 'nia'₂ le₂ně₅ bá ma₂ca₂tě₃ Diú₄ caun₂ bá jmi₄g₄ a₂'ín₂ 'au'₂ 'nia'₂ chang'₂. ⁵ Jan₂ bá Te₁gui'₅₄ i₂lín₅ juig₅₄ jniog₄ chan₂, caun₂ bá a₂'éin₂ jniog₄, já₃ guë'₂ ca₂le₃jág₃ bá jniog₄ ca₂jñó₂ jmi₄g₂ le₃quíó'₅ jan₂ bá Te₁gui'₅₄. ⁶ Jan₂ bá Diú₄ chan₂ i₂lín₅ Tia₅₄ quián₂ jniog₄ ca₂le₃jág₃. 'Éi₂ bá i₂niog₅ gu₂ jniog₄ ca₂le₃jág₃; 'éi₂ bá i₂jmo₅ ta₁ ja₁con₂ jniog₄ ca₂le₃jág₃; 'ein₅₄ ja₁con₂ jniog₄ ca₂le₃jág₃ ně₃.

⁷ La₁ le₂jau₂ le₂jau₂ bá jniog₄ jma₃quén₅ lě₅ bí₂ a₂ma₂ca₂ŋag₂, lia'₂ con'₂ lě₅ ma₂ca₂dsi₃ó'₃ Cristo quió'₅. ⁸ Jaun₂ lě₃ juá'₂ ne₄ Si₂: Ca₂uíg₂ guei'₅₄ i₂juíg₃
te₂ le₁'ŋe'₅₄ ca₂le₃jín₃ i₂ca₂lí'₃,
jaun₂ ca₂dsi₃ó'₃ bí₂ jma₃quén₅
ca₂cuě'₃ dsa₂ mi₂güí₃g.*

⁹ Jaun₂, ċ'e₂ jág₁ dsau₅ jein₅ jág₁ "A₂ca₂uíg₂" ně₅ ně₃? Jñia'₅₄ lia'₂ juá'₂ le₂'uíg₅₄ ca₂si₃óin₃ ja₁lě₄ ja₁'uin₃ guě'₄ 'ñio₅ lín₃ ne₄ gua'₅₄ 'uě₃. ¹⁰ I₂ca₂si₃ón₃ 'éi₂ bá já₃, i₂ca₂uíg₂ táng₃ ja₁lě₄ ja₁ñei₅ guě'₄ guei'₅₄ i₂juíg₃, ia₁jaun₂ jme₃cain'₂ ca₂le₂con₂ quian'₅₄ Jme₂dsí₂ quiáin₅. ¹¹ Jaun₂ jma₃quén₅ ca₂chein'₃ dsa₂ quiáin₅ ca₂cuě'₃ bí₂ ca₂cuě'₃ le₂jan₂ le₂jan₂; i₂lín₅₄ ca₂chein'₃ a₂léin₂ i₂chen₄ quiáin₅; i₂lín₅₄ guě'₂ ca₂ñi₂ bí₂ a₂lé₂ ŋág₃ jág₁ a₂guéi'₅ quió'₅ Diú₄; i₂lín₅₄ guě'₂ ca₂cuě'₃ bí₂ a₂qui₂dsi₃ě₃ jág₁ dse₃ a₂lión₂ dsa₂; i₂lín₅₄ guě'₂ ca₂cuě'₃ bí₂ a₂léin₂ dsa₂ i₂ě₂ jág₁ i₂jme₂tín₅ guá'₅. ¹² Le₂ně₅ qui₂ca₂chein'₃ dsa₂ guá'₅ ia₁jaun₂ jmo₃ co₂jñia₅₄ dsa₂ quiáin₅ a₂jme₃ti₃ ta₁ a₂'nio₃ 'éi₂ lé₂, ia₁jaun₂ caun₂ qui₂dsi₃cón₃ bá ñi₅₄ 'ñiog₅, ¹³ ca₂lia'₂ ca₂dsi₃náu₅ 'ei₅ caun₂ jág₁ quian'₅₄ rin'₅₄, 'éin₂ rě₂, ŋí'₂ dsi₅ le₃quíó'₅ Ja₁ñi'₅₄ Diú₄. Le₂ně₅ bá dsi₁náu₅ léi₂ dsa₂ i₂ma₂ca₂can'₅₄ co₂ñei'₅₄ lia'₂ con'₂ lě₅ lín₅ Cristo 'ñiog₅. ¹⁴ Jaun₂ tsá₃ ma₃léi₂ jniog₄ lia'₂ lín₅ i₂bě'₅₄ i₂caun₂ lě₁qui₂rě₂gan₂ tsá₃ uin₅ qui₂jme₂tsín₃; ně₂jag₄ bá a₂qui₂tsag'₂ dsí₂ a₂caun₂ 'ñio₂ dsí₅ bá jui'₁e₂ guě'₃ a₂jme₂tag₅ dsa₂, qui₂sě₂sein'₂ jě₁jme₂gau₅ dsa₂ i₂ñí₄ 'ñio₅ 'io₅ mai₅₄, 'nio₃ jiog₃ jui₅ jě₁tsá₃ dsau₅. ¹⁵ Tě₂le₃ 'nió'₅ dsiá₁ jniog₄ jág₁ tí₅ a₂'nio₃ jniog₄ rin'₅₄. Ca₂tág₂ bá jniog₄ qui₂dsi₃cau'₅₄ ne₄ ca₂le₃jě₃ le₃quíó'₅ 'éi₂ i₂lín₅ mi₂dsi₄ quián₂ jniog₄, le₃quíó'₅ Cristo bá guě'₂. ¹⁶ Tě₂le₃ quian'₅₄ 'éi₂ qui₂dsi₃cau'₅₄ jniog₄ 'a₂ lia'₂ jme₁'nió₄ jniog₄ rin'₅₄. Lág₅ jniog₄ ně₂jag₄ bá caun₂ ni₁ñí₅ a₂qui₂rě₂tion'₅₄ rě₂ le₂caun₂ le₂caun₂ ja₁qui₂le₁chan'₂ quió'₅ dsa₂, jma₃quén₅ bá lě₅ ta₁ quió'₅ qui₂jme₂on₅₄ rin'₅₄, ca₂lia'₂ ca₂i₃cón₃ rě₂, dse₃ le₁'ág₄ dsí₅, 'nioi₃ riin'₅₄ ně₃.

* 4:8 Salmo 68:18; 'Nió'₂ ja₁ton₅ Colosenses 2:15.

Jui₅ 'mí₂ le₃quió₅ Cristo

17 A₂la₂ bá₄, juá₅ jniá₂ chi₂quiang₅₄ jmig₄ 'nia₂ o₄quió₄ Te₁gui₅₄: tsá₃ ma₃jui₁le₂chan₂ 'nia₂ jui₁lia₂ chan₂ dsa₂ i₂tsá₃ Diú₄ cuin₅, ia₁ 'éi₂ ně₃ chain₂ lia₂ con₂ lě₅ niog₅ dsi₅₄ tsá₃ 'e₂ ta₁ tí₄. 18 'Nio₅ tē₂le₃ jen₅ bá₄ ma₂ñí₂ dsí₅, uing₂ bá₄ chain₂ ja₁jme₁ca₂tín₂ le₃chain₂ le₃quió₅ Diú₄, ia₁ lín₅ dsa₂ i₂co₂ñei₅₄ tsá₃ 'e₂ tin₂ tsá₃ 'e₂ ñi₅ ia₁ a₂ma₂ca₂rě₃'uá₃ dsí₅. 19 Tsá₃ ma₃lí₄ 'e₂ jaun₂ o₂guí₃, co₂dsia₅ ma₂ca₂jín₂ bá₄ guioin₅₄ ne₄ ca₂le₃jě₃ jmá₃ lia₂ a₂mi₅ ni₁ñi₁₂, caun₂ ma₂ñio₂ dsí₅ bá₄ jmo₂₃ ca₂le₃jě₃ ne₅₄ a₂lě₁'iog₅. 20 La₁ 'nia₂ ně₃, tsá₃ le₂ně₅ ca₂rě₃tíng₃ le₃quió₅ Cristo. 21 Ia₁ dsón₂ bá₄ ma₂ca₂nei₂ 'nia₂ le₃quió₅ 'éi₂ lín₂ jniá₂, jaun₂ ca₂rě₃tíng₃ bá₄ lia₂ con₂ lě₅ ca₂jme₃tag₅ 'éi₂, lia₂ con₂ lě₅ jág₁ tí₅ dsón₂ a₂cha₂ ja₁con₂ Jesús. 22 Ca₂rě₃tíng₃ a₂co₂dsia₅ jniá₄ cau₅ lia₂ con₂ lě₅ jme₁líng₄ le₂jniá₅, ně₂jag₄ bá₄ dsa₂ i₂co₂ñei₅₄ jniá₂ tsin₅₄; a₂jme₁rě₂'én₄ ne₄ a₂jme₁qui₂rě₂gáng₃ ne₄ ca₂le₃jě₃ a₂jme₁'ín₅ 'au₂ 'nia₂, con₂ lě₅ jme₁chang₂. 23 Ca₂rě₃tíng₃, a₂ca₂tín₂ 'nia₂ jme₁'mag₂ lia₂ lě₅ dsi₂jio₅ 'au₂. 24 Ca₂rě₃tíng₃ a₂jmog₅₄ le₁líng₄ a₂líng₅ ně₂jag₄ bá₄ jan₂ dsa₂ 'mí₂ i₂ca₂rě₃chán₃ lia₂ con₂ lě₅ 'nio₃ Diú₄, a₂lěng₂ dsa₂ dsen₃ dsón₂ i₂jñi₁₀ quíain₅. 25 Jaun₂ ně₃, jniá₃ 'nia₂ cau₅ jág₁ tē₂jág₁, le₂jang₂ le₂jang₂, dsia₄ 'nia₂ jág₁ tí₅ quian₅₄ dsa₂ mi₂güig₃ ríng₂, ia₁ ca₂le₃jág₃ bá₄ jniog₄ téi₅ caun₂ ni₁ñí₅. 26 “Chi₂jua₂ ca₂rě₃'né₃ 'nia₂, tsá₃ lě₁'nau₂ 'nia₂ dso₄”; † tsá₃ cuē₂ 'nia₂ jmig₄ jua₅₄ 'í₁ 'nei₂ 'au₂ tē₁ne₁ jmig₄, ca₂lia₂ jnia₅₄ lia₂ ca₂rin₂ 'iog₂; 27 tsá₃ ná₂ 'nia₂ jui₅ quió₅ i₂sě₃dsen₃. 28 I₂jme₁'ang₅ guē₂, tsá₃ ma₃o₁'ang₁₂, tē₂le₃ jui₁jmo₁₂ ta₁ quian₅₄ gu₂-tag₅₄ 'e₂ caun₂ ta₁ dse₃ cha₂, ia₁ jaun₂ le₃cha₂ a₂lě₂ jme₃oin₅₄ ca₂la₂ dsa₂ i₂'nió₅ quió₅. 29 Tsá₃ lě₁'uē₅₄ 'nia₂ jág₁ 'lig₅₄ mi₂'o₅₄; jme₁tin₅ 'nia₂ dsiá₁ jmá₃ lia₂ jág₁ dse₃, ia₁ a₂ně₅ bá₄ jme₃'o₅₄ a₂qui₂dsi₃cón₃ ríng₂ i₂'nió₅ quió₅ le₃quió₅ jme₂dsí₂, ton₂ dse₃ quió₅ i₂nag₅ ně₃. 30 Tsá₃ jmo₂ 'nia₂ jén₂ dsí₅ Jme₂dsí₂ Jnió₅ quían₅ Diú₄, ia₁ tē₂le₃ quian₅₄ 'éi₂ ma₂lín₅ 'nia₂ léi₄ i₂ma₂lě₅ 'í₁ quían₅ Diú₄ ca₂lia₂ ca₂tě₂ jmig₄ i₁lión₂ 'nia₂ co₂ñei₅₄. 31 Co₂dsia₅ jniá₃ 'nia₂ a₂dsi₃ cha₂ tē₂'au₂, ca₂le₃jě₃ guē₄ a₂dsén₂ 'nia₂, 'nei₂ a₂'i₄ 'au₂ ně₃; ca₂le₃jě₃ a₂co₂mi₅₄ co₂dsio₅₄ a₂'ne₂ 'nia₂, ca₂le₃jě₃ guē₄ jág₁ uig₅ a₂qui₂'ín₅ 'nia₂ ríng₂, ca₂le₃jě₃ ne₅₄ a₂'lig₅₄ ně₃. 32 Tē₂le₃ jmo₄ 'nia₂ a₂dse₃ ja₁con₂ ríng₂ le₂jang₂ le₂jang₂, jui₁le₂cha₂ bá₄ a₂ñéi₂ 'au₂ 'nia₂, 'én₃ 'nia₂ dsáu₁ ríng₂ le₂jang₂ le₂jang₂ jui₁lia₂ ca₂'én₂ Diú₄ dsáu₂ 'nia₂ tē₂le₃ o₄quió₄ Cristo.

5

'A₂ lia'₂ 'nió'₅ le₃chan₂ chi'₂-guein₂ quián₅ Diú₄

¹ Ia₁ a₂lín'₅ 'nia'₂ chi'₂-guein₂ i₂-nió₁ quián₅ Diú₄, quen'₂ 'nia'₂ bí₂ léng'₂ lia'₂ lín₅ 'Éi₂. ² Juí₁le₂chan'₂ 'nia'₂ 'nióg'₃ ríng'₂, juí₁lia'₂ ca₂rě₃'nio₃ Cristo jniog₄ jaun₂ ca₂jín'₂ o₄quián₂ jniog₄ a₂lín₅ co₂'nió'₄ já'₂ cha'₂ n₃ó₃ rě₂jen'₅₄ ne₄ Diú₄ jain₂ ma₂juig₂ ma₂ro₂. ³ Ia₁ ma₂lín'₅ 'nia'₂ i₂tén₅ le₃quió'₅ Diú₄, ca₂lia'₂ jñia'₅₄ tsá₃ 'nió'₅ le₃cha₂ jág₁ jín'₄ 'nia'₂ jua'₅₄ chan₂ i₂-nió'₅ jág₁ quian'₅₄ dsa₂ i₂tsá₃ lín₅ dsi₂i₂gu₂, on₃ guě'₂ 'i₁caun₂ a₂siá'₂ a₂lě₁'iog₅ ně₃, on₃ guě'₂ ma₃'nió'₅ le₃chan₂ guě₄ i₂'ua'₂ dsí₅, ia₁ tsá₃ dsi₂ten₅₄ co₂ñ₂ jua'₅₄ dsa₂ i₂ma₂lě₅ 'í₁ quián₅ Diú₄ jmo₃ guě₄ le₂ně₅. ⁴ Tsá₃ lě₁dsia₂ 'nia'₂ jág₁ 'lig'₅₄, on₃ guě'₂ jág₁ ga₂, on₃ guě'₂ juí₁lia'₂ jág₁ n₃ág₄ lě₁'iog₅ ně₃. Ia₁ ca₂le₃jě₃ jág₁ le₂ně₅ tsá₃ dsi₂ten₅₄; ja₂lín₃ guě₄ dse₃ cuě'₅₄ 'nia'₂ ti₁'mag'₄ Diú₄. ⁵ Tsá₃ juí₁dsi₂'én₂ 'au'₂ 'nia'₂ a₂la₂: 'i₁jan₂ juí₁lia'₂ i₂-nió'₅ jág₁ quian'₅₄ i₂tsá₃ lín₅ dsi₂i₂gu₂, on₃ guě'₂ 'i₁jan₂ juí₁lia'₂ i₂jmo₅-dsáu₅ lě₁'iog₅, on₃ guě'₂ juí₁lia'₂ dsa₂ i₂'ua'₂ dsí₅, (ia₁ i₂co₂rín₂ bá₄ dsa₂ i₂'ua'₂ dsí₅ quian'₅₄ juí₁lia'₂ dsa₂ i₂jme₂juín'₂ diú₄ lag₄), o₁líg'₂ tsá₃ lě₂ le₃tiín₃ ja₁gon₂ Cristo quian'₅₄ Diú₄. ⁶ 'I₁jan₂ tsá₃ 'ein₂ juí₁jme₂gau₅ 'nia'₂ quian'₅₄ jág₁ a₂tsá₃ ta₁ tí₄, ia₁ 'uig₅₄ ně₅ bá₄ já₅ uig₅ gau₂ quió'₅ Diú₄ ne₄ quió'₅ jaun₅ dsa₂ i₂tsá₃ ne'₅₄. ⁷ Jaun₂ 'nia'₂ ně₃, co₂dsia₅ tsá₃ lě₁tóng'₂ quian'₅₄ dsa₂ le₂'éi₂. ⁸ Ia₁ le₂jñiá₅ jme₁tén'₄ 'nia'₂ caun₂ mi₂güig₃ qui₁né'₃, la₁ rě₂ně₃ ně₃, ma₂tén'₅ 'nia'₂ le₃quió'₅ Te₁gui'₅₄ ja₁jñiá₂ si₂. Juí₁le₂chan'₂ 'nia'₂ jaun₂, juí₁lia'₂ ca₂tín₂ le₃chan₂ chi'₂-guein₂ i₂tén₅ tě₂le₃ ja₁jñiá₂ si₂. ⁹ Ia₁ ja₁jñiá₂ si₂ ně₃, rě₂jñiá₂ 'ua₁ dsí₅ dsa₂, tí₅ jág₁ quió'₅ dsa₂, a₂rě₂chan₂ dsa₂ quian₅ caun₂ juí₅ co₂dsau₅. ¹⁰ Dsen₅₄ jme₁tín₅ 'nia'₂ 'au'₂ jmó'₂ na₅ a₂tě₅ dsí₅ Te₁gui'₅₄. ¹¹ Tsá₃ quen'₅₄ 'nia'₂ jě₄ 'e₂ a₂tsá₃ ta₁ tí₄ a₂niog₅ jmo₅-dsáu₅ dsa₂ i₂tén₅ jě₄ qui₁né'₃; ja₂lín₃ guě₄ dse₃ jme₁jñia₅ 'nia'₂ a₂jaun₂ tě₂le₃ ja₁jñiá₂ si₂. ¹² Ia₁ caun₂ lě₁o₂guí'₃ bá₄, jua'₅₄ la₂ dsia₃ dsa₂ a₂jmo₅ dsa₂ 'éi₂ jě₄ tě₃co'₅₄. ¹³ La₁ ca₂le₃jě₃ bá₄ rě₂jñiá₂ jě₁ma₂ca₂tág'₃ si₂. ¹⁴ Ia₁ quian'₅₄ si₂ bá₄ jmo₅ a₂rě₂jñiá₂ ca₂le₃jě₃. 'Uig₅₄ jaun₂ guě'₂ juá'₂: Jme₁jnio₂ ne'₅₄, 'ne₂ i₂rě₂güín₃; nau₂, jú₅ jín₄ 'lag₄;

jaun₂ jmo₃ Cristo tág₅ si₂ quió'₅ ja₁cong'₂.

¹⁵ Jaun₂ lě₃, rě₂ de'₂ quion₂ 'nia'₂ 'í₁ 'a₂ lia'₂ i₂niog'₅₄. Jaun₂ tsá₃ ma₃i₁niog'₄ juí₁lia'₂ i₂nio₄ dsa₂ i₂tsá₃ 'e₂ n₃í'₂ dsí₅; juí₁i₂nio'₄ bá₄ 'nia'₂ a₂lín'₅ dsa₂ i₂tín₂, i₂n₃í'₂ dsí₅. ¹⁶ Quen'₂ 'nia'₂ bí₂, ně₃ lia'₂ cuín₅ jmig₄, a₂jmó'₂ 'nia'₂ a₂dse₃, ia₁ 'ñio₅ juí₁si ma₂'lín'₅₄ dsa₂ jmig₄ rě₂ně₃. ¹⁷ Jaun₂ lě₃, tsá₃ jme₁con₅₄ 'nia'₂ 'au'₂; dsen₅₄ 'au'₂ 'nia'₂ jmo₄ juí₁le₂n₃íg'₂ na₅ a₂ñio₂ dsí₅ Te₁gui'₅₄. ¹⁸ Tsá₃ juí₁qui₂le₂'en'₅ 'nia'₂ quian'₅₄ ti₁jmíg₃, ia₁ a₂ně₅ bá₄ jiog₅ juí₅ ja₁dsi₂'én₂ dsa₂; tě₂le₃ juí₁jme₂can'₂ 'nia'₂ quian'₅₄ Jme₂dsí₂

Jñiós. ¹⁹ Dsia₄ 'nia'₂ le₂jang'₂ le₂jang'₂ qui₁juig'₅₄ ríng'₂ quian'₅₄ salmos, quian'₅₄ himnos, quian'₅₄ son₅₄ a₂gu₂dsí₂, 'ë₄ 'nia'₂ jmo₄ son₅₄ juí₅ të₂'au'₂ a₂jme₁juing'₂ Te₁gui'₅₄. ²⁰ Juí₁i₂nio'₄ bá₄ 'nia'₂ co₂tan₅₄ cuë'₅₄ ti₁'mag'₄ Diú₄ i₂lín₅ Tia₅₄ quián₂ o₄quió'₄ ca₂le₃jě₃, lia'₂ con'₂ lě₅ bí₂ quió'₅ Te₁gui'₅₄ Jesucristo quián₂ jniog₄.

'A₂ lia'₂ 'nió'₅ le₃chan₂ dsa₂ 'én₂ ta₁caun₂ nió'₃ lia'₂ caun₂ dsi₂néi₂
²¹ Tión'₂ 'nia'₂ 'éi'₃ quió'₅ ríng'₂ le₂jang'₂ le₂jang'₂, ia₁ a₂gan'₃ 'nia'₂ Cristo. * ²² 'Nia'₂ dsa₂ mí₂, tión'₂ 'nia'₂ 'éi'₃ quió'₅ dsa₂ ñe'₂ quiáng'₂, juí₁lia'₂ tion'₅₄ 'nia'₂ 'éi'₃ quió'₅ Te₁gui'₅₄. ²³ Ia₁ dsa₂ ñe'₂ bá₄ i₂lín₅ mi₂dsi₄ quián₅ 'io₅₄, juí₁lia'₂ lín₅ Cristo mi₂dsi₄ quián₅ guá'₅. Cristo bá₄ ján₃ i₂lín₅ i₂ma₂lió₂ quián₅ guá'₅, ia₁ guá'₅ guë'₂ ně₃ lě₅ co₂'nió'₄ ni₁ñi₁₂ 'ñiog₅. ²⁴ Le₂ně₅ juí₁lia'₂ guá'₅ tioen'₅₄ 'éi'₃ quió'₅ Cristo, ján₃ bá₄ le₂ně₅ juí₁lia'₂ dsa₂ mí₂ ca₂tín₂ tóin'₃ 'éi'₃ quió'₅ dsi₂i₂gu₂ jě₄ ca₂le₃jě₃. ²⁵ 'Nia'₂ dsa₂ ñe'₂ guë'₂ ně₃, jme₁'nió₄ 'nia'₂ dsa₂ mí₂ quiáng'₂ juí₁lia'₂ ca₂jmo₃ Cristo ca₂jme₃'nioi₃ guá'₅, ca₂le₃jě₃ ca₂guein₃ 'mú₃ o₄quió'₄ 'éi₂. ²⁶ Le₂ně₅ ca₂jmo₃ ia₁jaun₂ ma₂lě₅ 'í₁ Guá'₅ ca₂jme₃dse₃ ca₂ráng'₂ ně₂jag₄ bá₄ quian'₅₄ jmig₂ të₂le₃ quian'₅₄ jág₁ quió'₅; ²⁷ ia₁jaun₂ jme₃jniog₂₃ chei'₃ ne₅₄ 'ñiog₅ a₂lág₅ guá'₅ i₂jlán'₁ i₂tsá₃ rě₂'ñi₄ 'i₁caun₂, on₃ guë'₂ cha₂ jua'₅₄ ja₁lě₄ qui₂lě₁tsín'₃ quió'₅, on₃ guë'₂ 'i₁caun₂ guë'₄ jua'₅₄ a₂siá'₂ lě₅, jaun₂ dsióg₄ lín₅ caun₂ guá'₅ i₂lě₅ 'í₁ quián₅ i₂dsen₃ guë'₄ lín₃. ²⁸ Le₂ně₅ bá₄ ján₃, ca₂tín₂ dsa₂ ñe'₂ jme₃'nioi₃ dsa₂ mí₂ quián₅, juí₁lia'₂ 'nio₃ ñi₅₄ 'ñiog₅. I₂'nio₃ dsa₂ mí₂ quián₅, 'nioi₃ 'ñiog₅ bá₄ ján₃. ²⁹ Ia₁ 'i₁jan₂ tsá₃ jua'₅₄ 'io'₅₄ ni₁ñi₁₂ 'ñiog₅, të₂le₃ jme₂tau₅₄, jmo₂₃ 'í₁, juí₁lia'₂ jmo₅ Cristo ján₃ quian'₅₄ guá'₅, ³⁰ ia₁ le₂jau₂ le₂jau₂ jniog₄ téi₅ ni₁ñi₁† 'éi₂. ³¹ “Jaun₂ bá₄ lě₃ ca₂tín₂ dsa₂ ñe'₂ qui₃tén₂ chog₅₄-jmei₂, con'₂ tiain'₃ jme₃quian'₅₄ dsa₂ mí₂ quián₅, ia₁jaun₂ dsióg₄ léin₂ caun₂ bá₄ ñí₅ jě₁le₃oin₃ le₂jaun₂.”† ³² Jág₁ ně₅ lě₅ caun₂ jág₁ juë'₂ a₂ma₂ca₂rě₃jniá₂. La₁ juá'₅ jniá₂ 'íng₅ Cristo quian'₅₄ guá'₅ quián₅. ³³ La₁ ně₃ ně₃, le₂jan'₂ le₂jan'₂ 'nia'₂ jme₁'nió₄ dsa₂ mí₂ quiáng'₂, juí₁lia'₂ 'nióg'₃ guiong'₅₄; ján₃ guë'₂ le₂jaun₂ dsa₂ mí₂ ca₂tín₂ jme₃gain₃ dsi₂i₂gu₂.

6

¹ 'Nia'₂ i₂lín₅g'₅ chi'₂, ca₂tín₂g'₂ le₃quió'₅ Te₁gui'₅₄ nág'₁ gau₂ 'e₂ te₂néi'₂ chog'₂-ñéi'₅ 'nia'₂, ia₁ le₂ně₅ bá₄ dse₃. ² Le₂la₂ juá'₂ jě₁le₂'uig₅₄ 'éi'₃ quió'₅ Diú₄ ja₁juá'₂ cha₂ a₂cuë₃: “Jme₁gan₃ 'nia'₂ chog'₂-ñéi'₅, ³ ia₁jaun₂ bá₄ dse₃ le₃chang'₂ ton'₂ uě₂ le₃chang'₂

* 5:21 A₂lín₅₄ chog₅₄ si₂: “ia₁ a₂gan'₃ 'nia'₂ Diú₄.”

† 5:30 A₂lín₅₄ chog₅₄ si₂: “quian'₅₄ mu₅ 'ein₅₄ ně₃.”

‡ 5:31 Génesis 2:24.

ne₄ gua'₅₄ 'uë₃.^{*} 4 'Nia'₂ guë'₂ jmei₂ chi'₂, tsá₃ jmag'₅₄ chi'₂ quiáng'₂ jua'₅₄ a₂lë₁jmai'₅₄, ia₁jaun₂ tsá₃ uë'₂ 'í₂ 'nei₂ dsí₅, tē₂le₃ 'nió'₅ tsin'₅₄ 'nia'₂ caun₂ jui₅ rē₂, a₂jme₁tiin'₅ le₃quió'₅ Te₁gui'₅₄. 5 'Nia'₂ guë'₂ dsa₂ i₂jme₂ti₃ ta₁ ne₄ dsa₂, jme₁ti₁ 'nia'₂ ta₁ a₂te₂néi'₂ juig'₂ 'nia'₂ ne₄ gua'₅₄ 'uë₃ la₂, jui₁le₂tin₂ 'au'₂ 'nia'₂ 'ei₅ gau₂ ton'₂ tí₅ jág₁ quián'₂ 'nia'₂, jmo₄ 'nia'₂ nē₂jag₄ bá₄ a₂jme₂tí'₁ ta₁ ne₄ Cristo. 6 Jme₁ti₁ 'nia'₂, on₃jua'₅₄ jmá'₃ lia'₂ jme₁jág₅ jua'₅₄ a₂'náu'₂ 'nia'₂ jui₅ a₂jñia'₅₄ con'₂ tíong'₂ dse₃ quaiain'₅₄; jmo₄ 'nia'₂ a₂líng'₅ i₂jme₂ti₃ ne₄ Cristo, jmo₄ 'nia'₂ a₂'nio₃ Diú₄ ca₂le₃jě₃ 'au'₂. 7 Jaun₂ 'ñio₂ 'au'₂ 'nia'₂ jme₁ti₁, co₂'nió'₄ bá₄ a₂jme₂tí'₁ ta₁ ne₄ Te₁gui'₅₄; on₃jua'₅₄ rē'₂ ne₄ dsa₂ mi₂güig₃. 8 Ia₁ ma₂ñi'₅₄ bá₄ 'nia'₂, cuë₃ Te₁gui'₅₄ 'lian'₅₄ dsa₂ ca₂le₃jñin₃ lia'₂ con'₂ lě₅ a₂dse₃ a₂ma₂ca₂jmo₃, o₁jñia'₅₄ dsa₂ i₂jme₂ti₃ ta₁ ne₄ juig'₅₄, o₃ i₂tsá₃ 'ein₂ ne₄ jme₂ti₃ 'e₂.

9 'Nia'₂ guë'₂ i₂lín₅ juig'₅₄, le₂ně₅ bá₄ jmo₄ 'nia'₂ ján₃ quian'₅₄ dsa₂ i₂jme₂ti₃ ta₁ ne'₅₄. Tsá₃ ma₃quaiain'₅₄ 'nia'₂ juě'₅. Ia₁ ma₂ñi'₅₄ bá₄ 'nia'₂, jan₂ Juig'₂ 'nia'₂ chan₂, i₂guá₅ guei'₅₄ i₂juig₃, i₂lín₅ Juig'₅₄, lia'₂ ne₄ 'nia'₂, lia'₂ ne₄ dsa₂ i₂jme₂ti₃ ne'₅₄ 'nia'₂. 'Éi₂ bá₄ tsá₃ jma₃quén₅ jñin₂ dsa₂.

'E₂ quian'₅₄ jmo₅ dsa₂ 'én₂ 'nei₂ a₂gu₂dsí₂

10 Nē₃ ně₃, jē₁ca₂tó'₂ juá'₅ jniá₂ juig'₂ 'nia'₂, rin'₅₄ jniog₄: Nau₂ 'nia'₂ tiá₂ le₃quió'₅ Te₁gui'₅₄, quian'₅₄ jui₅bí₂ bēn₂ quió'₅. 11 Qui'₂ 'nia'₂ ca₂le₃jě₃ 'e₂ a₂cuē₅ Diú₄ le₁lín'₄ 'nia'₂ jmo₄, co₂'nió'₄ bá₄ jan₂ 'lióg₂, ia₁jaun₂ bá₄ tian'₃ 'nia'₂ náu'₁ tiá₂ ne₄ mai₅₄ quió'₅ i₂sē₃dsen₃. 12 Ia₁ on₃jua'₅₄ quian'₅₄ dsa₂ mi₂güig₃ rin'₅₄ jniog₄ cág'₂; quian'₅₄ i₂lín₅ co₂'nió'₄ dsi₂tan₅₄ gu₂dsí₂, quian'₅₄ jme₂dsí₂ i₂'io₅ jui₅bí₂, quian'₅₄ jme₂dsí₂ i₂gon₂ jmo₅ 'éi'₃ i₂jmo₅ qui₁né'₃ mi₂güig₃ la₂, quian'₅₄ guē₄ 'lióg₂ 'lín'₅₄ gu₂dsí₂ i₂i₂nio₄ gon₂ dsi₁güig₂ bá₄ cág'₂ jniog₄. 13 Jaun₂ lē₃, quian₂ le₁lín'₄ 'nia'₂ jmo₄ quian'₅₄ ca₂le₃jě₃ a₂le₃lon'₄ 'nia'₂ a₂cuē₅ Diú₄, ia₁jaun₂ bá₄ tian'₃ 'nia'₂ tíong'₂ tiá₂ jē₁ma₂tē₂ rē₁jmo₂'₂ 'nei₂ i₂sē₃dsen₃, ia₁jaun₂ cang₂jē₁ma₂ca₂lín'₃ 'nia'₂ 'nei₂ ně₃, lia'₂ ma₂tión'₂ jaun₂ bá₄ 'nia'₂ tiá₂. 14 Nau₂ 'nia'₂ tiá₂ jaun₂ ně₃, co₂'nió'₄ a₂qui₂rē₂'ñe'₅₄ tog'₂ quian'₅₄ jág₁ tí₅, a₂lě₅ co₂'nió'₄ lau₂ rē₂jén'₅ tog'₂ 'nia'₂, lě₅ 'í₂; quian₂ 'nia'₂ caun₂ jui₅ co₂dsau₅ a₂lě₅ 'í₁ le₁'au'₂ co₂'nió'₄ bá₄ jui₁lia'₂ jan₂ 'lióg₂ i₂rē₂lióg₃ ñí₁ le₁dsí₅. 15 Chan'₂ 'nia'₂ rē₂jáng'₁ a₂'ě'₄ jág₁ dse₃ a₂'ag₃ tei₄ ja₁con₂ dsa₂, a₂líng'₅ nē₂jag₄ bá₄ jan₂ 'lióg₂ chén'₅ rē₂ján₁ rē₂lín'₅₄ ton₅ lau₂ tag₅₄. 16 Ne₄ ca₂le₃jě₃ a₂ně₅, jui₁le₂cha₂ 'én'₂ 'nia'₂ ia₁jaun₂ lě₅ nē₂jag₄ co₂'nió'₄ caun₂ ñí₁ li'₂ a₂chan'₄ 'nia'₂ a₂rē₂quion'₅₄ 'nia'₂ a₂long'₅₄, co₅₄ a₂jaun₂ qui₂éi₃ 'ma₂chen'₂ le₁guí'₂ si₂ a₂qui₂jnáu'₂ i₂sē₃dsen₃ jnáí'₂ 'nia'₂.

* 6:3 Deuteronomio 5:16.

17 Jui₅ ma₂lón'₂ 'nia'₂ chang'₂ ně₅, jui₁le₅₄ bá₄ jui₁lia'₂ lě₅ nĩ₁ 'i₄ dsi₄ 'lióg₂, lě₅ 'ĩ₁; ton'₂ quian'₂ 'nia'₂ jág₁ quió'₅ Diú₄ a₂lě₅ nĩ₁tág₂ quió'₅ Jme₂dsí₂, a₂cuě'₅ 'nia'₂. 18 Chi₁len'₄ 'nia'₂ Diú₄ le₃quian'₅₄ Jme₂dsí₂, ca₂le₃jě₃ 'e₂ caun₂ a₂lě₅, ca₂le₃jě₃ ne₅₄ a₂mĩ'₂ 'nia'₂ juig'₂ Diú₄. 'Uig₅₄ ně₅ ně₃, chan'₂ 'nia'₂ rě₂jáng'₁ co₂tan₅₄ mĩ₄ 'nia'₂ o₄quió'₄ ca₂le₃jín₃ i₂ma₂tén₅ le₃quió'₅ Diú₄. 19 Chi₁len'₄ 'nia'₂ Diú₄ ján₃, o₄quió₃ jniá₂, ia₁jaun₂ bá₄ jmo₃ Diú₄ dsi₃ 'a₂ lia'₂ juá'₄ jág₁, jaun₂ nio₃ tiá₂ dsi₃ ně₃ a₂ě₄ jág₁ dse₃ a₂jme₁rě₂ 'ma₄ quió'₅ Diú₄. 20 Diú₄ ma₂ca₂chei₃ jniá₂ a₂lín₄ i₂chen₄ quiáin₅ quian₅₄ jág₁ dse₃; 'uig₅₄ ně₅ bá₄ ně₃ dseng₅₄ cadena 'eng₅₄. Chi₁len'₄ 'nia'₂ Diú₄ ia₁jaun₂ nio₃ tiá₂ dsi₃ 'ě₄ jág₁ dse₃ la₂, lia'₂ con'₂ dsi₂ten₅₄ ca₂tíng₂ jmo₅₄.

Cuag₂₃ Diú₄ jě₁ca₂tó'₂

21 Tíquico, rĩn'₅₄ jniog₄ i₂'nióg₃ guě₄ lin₃, i₂jme₂tĩ₃ i₂jme₂o'₅₄ quian'₅₄ ta₁ quió'₅ Te₁gui'₅₄, 'éi₂ bá₄ quian₅ ca₂le₃jě₃ jág₁ tsí'₃ 'nia'₂ ia₁jaun₂ le₃nĩ'₅₄ 'nia'₂ 'a₂ lia'₂ lě₅ chang₂, quian'₅₄ 'e₂ a₂jmo₂₃ ně₃. 22 Jaun₂ bá₄ lě₃ tsín₂ jniá₂ ja₁tion'₅₄ 'nia'₂, ia₁jaun₂ le₃nĩ'₅₄ 'a₂ lia'₂ lě₅ chong₂ jnia'₅₄ ia₁jaun₂ cuě'₅₄ 'nia'₂ lián'₂ 'au'₂.

23 Jui₁jmo₅₄ Diú₄ Tia₅₄ quián₂, quian'₅₄ Te₁gui'₅₄ Jesucristo ně₃, 'ei₅ tei₄ tiong'₅₄, 'nió'₃ 'nia'₂ ríng'₂, 'én'₂ 'nia'₂ ně₃.

24 Jui₁jme₂gu'₅₄ bá₄ Diú₄ ca₂le₃jín₃ i₂tsá₃ líg'₂ jmig₄ téi₂ i₂'nio₃ Te₁gui'₅₄ Jesucristo quián₂ jniog₄.

Co₂ně₅.

Si₂ carta a₂ca₂jmo₃ San Pablo ne₄ dsa₂ FILIPENSES

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Filipos, tē₁lia'₂ 'ein₅₄ né'₃ 'má₃

¹ Jniá₂ Pa₄, quiang'₅₄ Timoteo, lág₅ jnia'₅₄ i₂jme₂ti₃ ta₁ ne₄ Jesucristo; jmo₂ jnia'₅₄ si₂ carta la₂ dsiang'₅₄ ja₁con₂ ca₂le₃jín₃ rin'₅₄ jniog₄ i₂tián'₅ Filipos i₂lě₅ 'í₁ quián₅ Cristo Jesús, ja₁con₂ dsa₂ i₂niog₅ ne₄ guá'₅, * quian'₅₄ ja₁con₂ dsa₂ i₂jme₂'o₅₄† ně₃.
² Jui₁jme₂gu'₅₄ Diú₄, jui₁'ag₅₄ bá₄ tei₄ 'au'₂ 'nia'₂ jmo₃ Diú₄ Tia₅₄ quián₂ jniog₄, jmo₃ Te₁gui'₅₄ Jesucristo ně₃.

Chi₂lén'₂ Pa₄ Diú₄ o₄quió'₄ dsa₂ i₂'én₂

³ Cuě₅ ti₁'mag'₄ Diú₄ quiáng₃ lia'₂ co₂ráun₂ dsau'₂ dsi₃ 'nia'₂.
⁴ Lia'₂ co₂ráun₂ chi₂len'₄ jniá₂ Diú₄, o₄quián'₂ 'nia'₂ ca₂le₃jíng'₃, co₂tan₅₄ lia'₂ 'io'₂ jéin₅, ⁵ ia₁ co₂dsia₅ bá₄ ma₂ja₂náu₅ jniog₄ quen'₂ bí₂ o₄quió'₄ jág₁ dse₃ ca₂le₃ jmig₄ le₂'uig₅₄ ca₂lia'₂ jnió₂ jmig₄ ně₃.
⁶ Caun₂ bá₄ 'ei₅ dsi₃ líng₂, Diú₄ bá₄ i₂ca₂jme₃lióg₃ jmo₂₃ ta₁ dse₃ ja₁con₂' 'nia'₂, jme₃'niai₂₃ ca₂lia'₂ ca₂tě₂ jmig₄ quió'₄ Cristo Jesús.

⁷ Dsi₂ten₅₄ bá₄ 'ag₅₄ dsi₃ le₂ně₅ o₄quián'₂ 'nia'₂ ca₂le₃jíng'₃, ia₁ 'i₄ dsi₃ jniá₂ 'nia'₂. Ia₁ quian'₅₄ jniog₄ rin'₅₄ co₂dsia₅ bá₄ guei₂ jniog₄ a₂jme₂gu'₅₄ Diú₄, tsá₃ a₂nag₅₄ jaun₂ a₂'eng₅₄ né'₃ 'má₃, o₃ jnia'₅₄ ne₄ dsi₂tan₅₄ dsióg₄ jniá₂ ja₁lé₂ le₃long₅₄ jág₁ dse₃, ton'₂ lé₂ le₃jáng'₄ jág₁ dsau₅ a₂tě₃dsón'₂ bá₄ tí₅ jág₁. ⁸ I₂ñi₅ dsi₂jó'₃ bá₄ Diú₄ a₂ñí₄ lě₃ dsen₅₄ dsi₃ jniá₂ 'nia'₂ ca₂le₃jíng'₃, lia'₂ con₂ lě₅ ñí₄ lě₃ Cristo.

⁹ Le₂la₂ bá₄ chi₂len'₄ jniá₂ Diú₄: a₂qui₂dsi₃jón₃ a₂jme₁'nió'₄ 'nia'₂ ríng'₂ 'ñio₅ lín₃, lia'₂ ma₂tě₂dsi₅₄ jaun₂ a₂qui₂rě₂ñí'₂ dsei'₂ 'nia'₂ a₂qui₂le₃quing'₅₄ 'nia'₂ jmig₄, ¹⁰ ia₁jaun₂ lé₂ le₃caun₅₄ 'í₁ 'e₂ jaun₂ a₂dsen₅₄ guě₄. Jaun₂ le₂ně₅ bá₄ le₃chan'₂ 'nia'₂ tsá₃ qui₂le₁ióg₄ jme₂dsi₂ quián'₂ 'nia'₂, jua'₅₄ qui₂le₁cán'₄ 'nia'₂ dso₄ jě₁ma₂tě₂ rě₂tě₃ jmig₄ quió'₄ Cristo. ¹¹ Le₂ně₅ bá₄ ján₃, lé₂ jui₅ a₂i₁nio'₄ 'nia'₂ a₂léi₄ a₂le₃jniá₂ ca₂le₃jě₃ ne₅₄ a₂dse₃ a₂niog₅ qui₂ma₂jmo'₅₄ 'nia'₂ tě₂le₃ quian'₅₄ Jesucristo. Ca₂le₃jě₃ a₂ně₅, Diú₄ bá₄ i₂gue₃ ti₁'mag'₄, qui₂le₃juin'₂ ně₃.

Tě₂le₃ quió'₃ jniá₂, o₄quió'₄ Cristo bá₄ chang₂

¹² Rin'₅₄ jniog₄, 'nio₃ jniá₂ le₃ñi'₅₄ 'nia'₂, ca₂le₃jě₃ a₂niog₅ ma₂i₃ñig₂, tě₂le₃ lě₅ guě₄ dsón'₂ cuě₂₃ bí₂ a₂dsi₃'ag₅ jág₁ dse₃.
¹³ Le₂ně₅ bá₄ le₁ñi₅ ca₂le₃jín₃ 'lióg₂ i₂tion'₅₄ ne₄ta₁ quian'₅₄ ca₂le₃jín₃ guě₄ riin'₅₄ ně₃, a₂'eng₅₄ rě₂jníg₅ 'uig₅₄ ia₁ a₂'éng₂

* 1:1 griego: epískopos. † 1:1 griego: diákonous. 'Nio'₂ ja₁ton₅ Hechos 6:1-7; 21:8.

le₃quió'₅ Cristo. ¹⁴ 'Uig₅₄ ia₁ a₂rě₂jníg₅ ně₃, mei'₂ tsá₃ ca₂le₃jín₃ bá₄ rin'₅₄ jniog₄ le₃quió'₅ Te₁gui'₅₄ ma₂qui₂ma₂tíin₂ bí₂ a₂'ě₂ jág₁ quió'₅ Diú₄ a₂tiá₂ dsi₅, tsá₃ 'e₂ gau₂ cha₂.

¹⁵ A₂dsau₅ bá₄ jaun₂ chan₂ i₂lin₅₄ dsia₂₃ 'iin₂₃ Cristo a₂uig₅ dsi₅, dsia₂₃ mi'₅₄, ton'₂ chan₂ guě'₂ i₂lin₅₄ dsia₂₃ a₂dse₃ dsi₅ 'iin₂₃ Cristo. ¹⁶⁻¹⁷ I₂le₂'ěi₂ ně₃ jmo₂₃ ia₁ a₂'nio₃, ia₁ nj₅ rě₂'eng₅₄ ja₁lá₃ 'uig₅₄ ia₁ a₂long₅₄ jág₁ dse₃. Dsa₂ i₂le₂ne₁ ně₃, dsia₂₃ 'iin₂₃ Cristo cha₂ a₂'ín₅ dsi₅ a₂jñia'₅₄ con'₂ 'ín₂ dsi₅ le₃chain₂ dse₃ guioin₅₄ bá₄, on₃jua'₅₄ rě'₂ a₂tě₃dsón'₂ lě₅ dsi₅; a₂'nio₃ jmóg'₂ jniá₂ cuě₃ o₂me'₅₄ dsi₅ tē₁lia'₂ 'eng₅₄ rě₂jníg₅. ¹⁸ La₁ tsá₃ cha₂ 'e₂ a₂jaun₂. Jñia'₅₄ lia'₂ jui₁'ě₅₄ dsa₂ jág₁ quió'₅ Cristo, ca₂le₃jě₃ ne₅₄ 'a₂ lia'₂ jmo₃ dsa₂, jua'₅₄ a₂dse₃ dsi₅ o₃ a₂tsá₃ dse₃ dsi₅ 'e₂. Tion₅₄ bá₄ jéin₅ jniá₂ 'io'₂.

'A₂ con'₂ dsón'₂ jmo₅₄ jniá₂ 'io'₂, ¹⁹ ia₁ guion₄ bá₄ jniá₂ jaun₂, quian'₅₄ ca₂le₃jě₃ a₂ně₅, o₃'ing₅ a₂lióng₂ con'₂ dse₃, tē₂le₃ ia₁ a₂mi'₂ 'nia'₂ ne₄ Diú₄ o₄quió₃, tē₂le₃ quian'₅₄ bí₂ a₂cuě₅ jme₂'o₅₄ Jme₂dsi₂ quián₅ Jesucristo ně₃. ²⁰ Ia₁ chi₁jan₁ jniá₂ 'ín₂ dsi₃ a₂tsá₃ tē₃tsing'₅₄ o₂guí'₃ quian'₅₄ 'i₁caun₂, jaun₂ tē₂le₃ lě₅ guě₄ 'ag₃ caun₂ dsi₃, ia₁jaun₂ le₃jniá₂ a₂jlán'₁ Cristo jui₅ ni₁ñi₃ jniá₂, o₁jñia'₅₄ la₂ chang₂, o₃ jóng₂ 'e₂. ²¹ Ia₁ tē₂le₃ quió₃ jniá₂, o₄quió'₄ Cristo bá₄ chang₂, ján₃ bá₄ a₂ca₂lág₃ co₂'nió'₄ a₂tē₂dsi₅₄ ně₁ca₂jong₃. ²² Ia₁ ně₁jua'₂ caun₂ chang₂ 'ñiό'₃ ni₁ñi₅ la₂, caun₂ lé₂ le₃jmo₅₄ bá₄ ta₁ a₂dse₃ o₄quió'₄ Te₁gui'₅₄. Jaun₂ lě₃ tsá₃ guion₄ jniá₂ 'e₂ quio'₅₄. ²³ 'Nio₅ juí'₅ líng₂ na₅ bá₄ jaun₂ a₂quio'₄ jniá₂ jě₁le₃tín₃ le₂ně₅: tē₂le₃ ca₂ton₂, 'nio₃ jua'₅₄ jóng₂ nég'₄ i₁gua₃ quian'₅₄ Cristo, a₂ně₅ bá₄ ja₂lin₃ guě₄ dse₃ tē₂le₃ quió₃ jniá₂; ²⁴ la₁ tē₂le₃ ca₂ton₂ guě'₂ ně₃, 'ñio₅ guě₄ dsen₅₄ ta₁ ja₁con'₂ 'nia'₂, 'niό'₅ le₃chang₂ 'ñiό'₃ ni₁ñi₅ la₂. ²⁵ Jaun₂ caun₂ bá₄ 'ei₅ dsi₃ líng₂ le₂ně₅, jaun₂ jan₅₄ bá₄ guě₄ jniá₂ quian'₅₄ 'nia'₂, ia₁jaun₂ lé₂ le₃jme₁'on₁ jniá₂ 'nia'₂ a₂náu'₁ tiá₂ a₂o₁nóg'₅ ne₄ jui₅ a₂jmó'₂ 'nia'₂ 'io'₂ guě₄ a₂'éng'₂, ²⁶ ia₁jaun₂ dsi₃tsón₃ a₂jmó'₂ 'nia'₂ 'io'₂ le₃quió'₅ Cristo Jesús o₄quió₃ jniá₂, 'uig₅₄ ia₁ a₂quian'₄ jniá₂ 'nia'₂.

²⁷ Jñia'₅₄ lia'₂ cán₂ 'nia'₂ caun₂ jui₅ con'₂ dsi₂ten₅₄ lia'₂ con'₂ lě₅ jág₁ dse₃ quió'₅ Cristo. Le₂ně₅ jaun₂, o₁jñia'₅₄ la₂ ca₂dsióg₃ jniá₂ i₁jag₁₂, o₃ tsá₃ ca₂dsióg₃, o₃ chi₂jua'₂ tē₂le₃ ca₂ñó₃ guě₄ uíng₂ 'e₂, la₁ 'nio₃ jniá₂ dsi₁lé₂ jág₁ le₃guion₅₄ a₂chan'₂ 'nia'₂ tióng'₂ tiá₂, 'ei₅ caun₂ jág₁ le₃quió'₅ jme₂dsi₂, jme₂'ñiό'₄ 'nia'₂ ca₂le₃jíng'₃ co₂dsia₅ o₄quió'₄ jág₁ dse₃ a₂'éin₂ jniog₄. ²⁸ Tsá₃ lě₁can₂ 'nia'₂ juě'₅ 'e₂ qui₂quiong₅ jui₁lia'₂ dsa₂ i₂'iog₅₄ 'nia'₂. Ia₁ a₂ně₅ jau'₂ 'í₁ rě₂ a₂lén₄ dsa₂ 'éi₂ a₂tioin₅₄ jui₅ ja₁dsi₃'éin₂; la₁ le₂jaun₂ guě'₂ ján₃ jau'₂ léi₄ rě₂ táng₃ a₂tion'₅₄ 'nia'₂ jui₅ ja₁tíng'₄; a₂ně₅ bá₄ a₂já₅ quió'₅ Diú₄. ²⁹ Ia₁ 'uig₅₄ quió'₄ Cristo ca₂ñi'₂ 'nia'₂, on₃jua'₅₄ jmá'₃ le₃'én'₂ 'nia'₂ le₃quió'₅, ján₃ guě'₂ le₂jaun₂ ñag'₅₄ uig₅ o₄quió'₄, ³⁰ ia₁ co₂rě₂ bá₄ 'nei₂ dsi₂ñi'₂ 'nia'₂ jui₁lia'₂ ma₂tě₂

ne' ₅₄ 'nia' ₂ a₂dsi₂ŋí₂ jniá₂, con' ₂ siá' ₂ táng₃ rē₂ně₃ rē₂ŋi' ₅₄ 'nia' ₂ lia' ₂ ma₂dsi₂ŋí₂ jaun₂ bá₄.

2

'A₂ lia' ₂ ca₂jmo₃ Cristo sioin₅, 'a₂ lia' ₂ ca₂rě₃juin' ₂ táng₃

¹ Jaun₂ le₂ně₅, chi₂jua' ₂ qui₂gue' ₂ 'nia' ₂ lián' ₂ le₃quió' ₅ Cristo, chi₂jua' ₂ 'a₂ lia' ₂ 'nio' ₃ 'éi' ₂ 'nia' ₂ qui' ₂ ag₂₃ bá₄ dse₃ 'au' ₂, chi₂jua' ₂ 'ei' ₅ caun₂ jág₁ quian' ₅₄ Jme₂dsi₂ quián' ₅, chi₂jua' ₂ cha₂ a₂'ua' ₁ ŋéi' ₂ 'au' ₂ 'nia' ₂ ríng' ₂; ² jme' ₁ ŋia' ₅ 'nia' ₂ o₂ ŋi' ₃ dsi₃ jniá₂, a₂tión' ₂ 'nia' ₂ 'ei' ₅ caun₂ jág₁, quian' ₅₄ 'nia' ₂ ríng' ₂ 'nió' ₃ 'nia' ₂, tē₂le₃ quian' ₅₄ jan₂ Jme₂dsi₂, ca₂ne' ₅₄ bá₄ ta₁ tión' ₂ 'nia' ₂. ³ 'I'caun₂ tsá₃ lē₁jmo' ₂ 'nia' ₂ jua' ₅₄ a₂ŋia' ₅₄ dse₃ ja₁con' ₂ 'nia' ₂ guiong' ₅₄ on₃ guē' ₂ jmo' ₂ 'nia' ₂ róng' ₂. Jmo₄ bá₄ 'nia' ₂ meg' ₂, jmo' ₄ 'nia' ₂ 'au' ₂ ja₂lin₃ guē' ₄ dsen₃ rín' ₂ 'nia' ₂ con' ₂ guē' ₄ guion' ₅₄ 'nia' ₂. ⁴ 'I'jan' ₂ 'nia' ₂ tsá₃ ca₂ne' ₅₄ 'no' ₂ jua' ₅₄ a₂ŋia' ₅₄ con' ₂ dse₃ ja₁con' ₂ 'nia' ₂ guiong' ₅₄, 'nio' ₂ bá₄ 'nia' ₂ a₂dse' ₃ quió' ₅ ja₁con' ₂ i₂sián' ₂ ján₃.

⁵ Jui' ₁le' ₅₄ bá₄ 'au' ₂ 'nia' ₂ jui' ₁lia' ₂ ca₂lē₃ dsí' ₅ Cristo Jesús:

⁶ Ia' ₁ o₁ŋia' ₅₄ la₂ lín' ₅ 'éi' ₂ nió' ₄ quió' ₅ Diú₄, on₃jua' ₅₄ jaun₂ ca₂jmo' ₃ dsí' ₅ a₂ca₂tíin' ₂ tion' ₅₄ a₂lén' ₂ co₂rín' ₂ quian' ₅₄ Diú₄,

⁷ tē₂le₃ ca₂jmo' ₃ bá₄ 'éi' ₂ cau' ₅ a₂jme' ₁tíin' ₂ ně₃, ně₂jag' ₄ bá₄ a₂tsá' ₃ 'e' ₂ quein' ₅,

ca₂can' ₃ jui' ₅ ca₂já' ₃ a₂lín' ₅ dsa' ₂ i₂jme' ₂ti₃, jme' ₁ca₂rě₃cháin' ₃ a₂lín' ₅ dsa' ₂ mi₂güig' ₃.

⁸ Jme' ₁ma₂ca₂rě₃jniái' ₂ a₂lín' ₅ dsa' ₂ ně₃, ca₂jmo' ₃ mei' ₂.

Jaun₂ guē' ₄ ca₂lín' ₃ jan' ₂ i₂ca₂rě₃ne' ₅₄, ca₂jme' ₃ti₃ ně₃,

ca₂le₃jě' ₃ ca₂guein' ₃ 'mú' ₃, ca₂lia' ₂ ŋia' ₅₄ lia' ₂ ca₂dsi' ₃ 'mú' ₃ tē₃toin' ₅₄ cróg' ₄.

⁹ 'Uig' ₅₄ jaun₂, Diú₄ ně₃, ja₂lin' ₃ guē' ₄ ŋei' ₅ ca₂jme' ₃juag' ₂, ján' ₃ guē' ₂ ca₂dsiog' ₃ a₂lín' ₅ ta₁ juē' ₂ a₂goin' ₂

a₂quein' ₅ guē' ₄ ŋio' ₅ lin' ₃ con' ₂ guē' ₄ ca₂le' ₃jín' ₃,

¹⁰ ia₁jaun₂ tē₂le₃ ne' ₄ 'éi' ₃ a₂gon' ₂ Jesús,

jui' ₁chi' ₂jnë' ₃ ca₂le' ₃jín' ₃ i₂tion' ₅₄ guei' ₅₄ i₂juig' ₃, quian' ₅₄ i₂tion' ₅₄ gua' ₅₄ 'uē' ₃,

quian' ₅₄ i₂tion' ₅₄ le' ₃né' ₃ 'uē' ₃ ně₃;

¹¹ ia₁jaun₂ tion' ₃ ca₂le' ₃jě' ₃ le' ₁tsi' ₂ dsa' ₂

a₂dsón' ₂ bá₄ lín' ₅ Jesucristo Te' ₁gui' ₅₄,

jaun₂ le₂ně' ₅ le' ₃juin' ₂ Diú₄ Jmei' ₂.

Lín' ₅ dsa' ₂ quián' ₅ Cristo ně₂jag' ₄ bá₄ si' ₂ tē₂le₃ ja₁con' ₂ dsa' ₂ mi₂güig' ₃

¹² 'Uig₅₄ jaun₂ ně₃, 'nia'₂ rin'₅₄ jniog₄, jui₁lia'₂ ma₂ja₂nóg'₅ ma₂rē₂ten'₅₄ tián₂ 'nia'₂ lia'₂ con'₂ jme₁eng₅₄ quian'₅₄ 'nia'₂, tē₂le₃ 'nio₅ lin₃ guē₄ ca₂tín'₂ 'nia'₂ nág'₁ gau₂ rē₂ně₃, tē₂lia'₂ 'eng₅₄ uíng₂. Jme₁le₅₄ bá₄ 'nia'₂ guiong'₅₄ jui₁lia'₂ ta₁ a₂ma₂lóng'₂, jmo₂ 'nia'₂ meg'₂ 'ei₅ gau₂. ¹³ Ia₁ Diú₄ bá₄ i₂jmo₅ ta₁ ja₁con'₂ 'nia'₂, a₂qui₂lě₂ 'au'₂ 'nia'₂ a₂dse₃, a₂qui₂lě₂ ta₁ ján₃, lia'₂ con'₂ lě₅ a₂'nio₂ dsí₅.

¹⁴ Jmo₄ ca₂le₃jě₃, la₁ tsá₃ jmo₂ jua'₅₄ tsá₃ dsáu₅ 'au'₂ 'nia'₂ ríng'₂ a₂chi₂'ín'₄ 'nia'₂, on₃ guē'₂ jmo₂ 'nia'₂ mī'₅₄, ¹⁵ ia₁jaun₂ bá₄ 'i₁jan₂ tsá₃ 'ein₂le₃bóg'₂ dso₄ on₃ guē'₂ jua'₅₄ cha₂ a₂rē₂cán'₄ 'nia'₂, jmo₄ 'nia'₂ a₂lín'₅ chi'₂-guein₂ quián₅ Diú₄ i₂tsá₃ 'e₂ rē₂cán'₄, i₂tsá₃ 'e₂ rē₂'nio₄ jē₄ quió'₄ dsa₂ 'lín'₅₄ i₂rē₂gán₃ dsí₅. 'Nia'₂ bá₄ lín'₅ jui₁lia'₂ nei₅, a₂jmo₂ 'tág₅ ne₄ quió'₅ caun₂ mi₂güig₃ qui₁né'₃, ¹⁶ ja₁o₂can'₄ 'nia'₂ jág₁ dse₃ a₂le₃chan₂ dsa₂. Le₂ně₅, jē₂ma₂tě₂ rē₂guan'₂ Cristo, lé₂le₃jmo₅₄ jniá₂ dsí₃ ně₂jag₄ a₂rē₂tan₅₄ jniá₂ o₄quián'₂ 'nia'₂, jē₁ma₂cha₂ caun₂ léi₄ a₂tsá₃ jua'₅₄ a₂lē₁ca₂ñi₃ co₂chi'₅₄, on₃ guē'₂ jua'₅₄ ca₂jmo₃ ta₁ a₂tsá₃ 'e₂ ta₁ tí₄. ¹⁷ La₁ jui₁'a₂ guē₃ la₂ ca₂quíng₂ a₂lén₂g₂ rē₂jeng'₅₄ ne₄ Diú₄, o₄quió'₄ a₂'én'₂ 'nia'₂, 'nio₅ lin₃ 'io'₂ jéin₅ jniá₂, quian'₅₄ bá₄ jniog₄ rin'₅₄ a₂jmo₁ 'io'₂ ca₂le₃jág₃. ¹⁸ Jmo₄ 'nia'₂ 'io'₂ ján₃, jme₁quiong'₅₄ bá₄ 'nia'₂ jniá₂ a₂jéin'₅ jniá₂ 'io'₂.

Timoteo quian'₅₄ Epafrodito

¹⁹ Nē₁jua'₂ 'nio₃ Te₁gui'₅₄ Jesús, 'ín₂ dsí₃ jniá₂ tsing₅₄ ñi'₅₄ ta₁ Timoteo dsí₃jín₅₄ 'nia'₂, ia₁jaun₂ 'nio₅ lin₃ guē₄ 'io'₂ jmo₅₄ jē₁ma₂ca₂rē₃guion₅₄ jniá₂ 'a₂ lia'₂ chan'₂ 'nia'₂. ²⁰ Ia₁ 'i₁jan₂ i₂sián'₂ tsá₃ chan₂ i₂lě₅ dsí₂jio₅ dsí₅ co₂rē₂ jui₁lia'₂ dsí₂jio₅ dsí₃ jniá₂, jua'₅₄ i₂'i₅ dsí₅ tē₃dsón'₂ a₂dse₃ tē₂le₃ ja₁con'₂ 'nia'₂; ²¹ ia₁ ca₂le₃jín₃ bá₄ dsa₂ 'no'₂ a₂dse₃ quió'₅ guioin₅₄, tsá₃ dsan₂ dsí₅ a₂'ín₅ dsí₅ ja₁con₂ Cristo Jesús. ²² La₁ ca₂le₃jín'₃ bá₄ 'nia'₂ ma₂ñi'₅₄ 'a₂ lia'₂ ma₂ca₂jme₃nia₅ Timoteo a₂tiin₂ a₂ñi₅ a₂ma₂ja₂náu₅ jnia'₅₄ quiaín₅₄ a₂jme₂tí₁ a₂qui₂ě₅ jág₁ dse₃, ma₂já₅ jme₂ti₃ co₂lě₅ ne₄ Te₁gui'₅₄ jui₁lia'₂ jan₂ chi'₂ i₂jme₂'on₅₄ jmei₂. ²³ Le₂ně₅ 'ín₂ dsí₃ caun₂ jmig₄ a₂tsin₅₄ dsí₁jín₁₂ 'nia'₂ jē₁ma₂ca₂rē₃guion₅₄ 'a₂ lia'₂ lě₅ tē₂le₃ quió₃ ja₁láš₃. ²⁴ La₁ia₁ caun₂ bá₄ 'ei₅ dsí₃ ja₁con₂ Te₁gui'₅₄, 'nio₃ bá₄ jniá₂ dsíó₄ ñi'₅₄ ta₁ i₁jíng₁₂ 'nia'₂.

²⁵ La₁ tion₅₄ 'nió'₅ ján₃, lín₂ jniá₂, dsiang'₅₄ Epafrodito, i₂lín₅ i₂quiang'₅₄ jmo₂₃ ta₁ quen'₂ jnia'₅₄ bí₂ co₂dsia₅ quiaín₅₄, i₂ca₂chen'₂ 'nia'₂ guiong'₅₄ o₃can₅ a₂'nió'₅ quió₃. ²⁶ Éi₂ ně₃ 'nio₅ lin₃ 'ín₅ dsí₅ jín₂ ca₂le₃jín'₃ 'nia'₂, 'nio₅ 'i₅ dsí₅ ia₁ ca₂rē₃ñi'₅₄ bá₄ 'nia'₂ a₂ca₂rē₃dso'₅₄ 'éi₂. ²⁷ Dsón'₂ bá₄ jaun₂ ca₂rē₃dso'₅₄, jnia'₅₄ mei'₂ tsá₃ ca₂join₃; la₁ ca₂dsia₃ bá₄ Diú₄ ñéi₂ dsí₅ quió'₅, on₃jua'₅₄ rē₂ jmáš₃ ja₁con₂ 'éi₂, ia₁ ca₂dsia₃ bá₄ ñéi₂ dsí₅ jniá₂ ně₃, ia₁jaun₂

tsá₃ nǐ₄ lě₃ 'lia'₂ dsi₃ tsá₃ len₅ 'a₂ con'₂ ma₂chang₂ quian₅₄ o₂i₁ dsi₅.
²⁸ 'Uig₅₄ jaun₂ nē₃ 'nio₅ guē₄ lě₂ dsi₃ dsiain'₅₄, ia₁jaun₂ jmó'₂ 'nia'₂
 'io'₂ jñin'₅₄ táng₃, ia₁jaun₂ tsá₃ nǐ₄ lě₃ chang₂ 'i₅ dsi₃. ²⁹ Guein₅₄
 'nia'₂ ca₂lia'₂ a₂'nio₂ 'au'₂ guē₄ lín₃, a₂lín₅ 'éi₂ jan₂ rín'₂ 'nia'₂ tē₂le₃
 ja₁con₂ Te₁gui'₅₄, jme₁gon'₃ bá₄ 'nia'₂ jui₁lia'₂ i₂lín₅ lia'₂ lín₅ 'éi₂;
³⁰ ia₁ ca₂jui₄ bá₄ mei'₂ tsá₃ ca₂join₃ 'uig₅₄ ia₁ a₂jme₂ti₃ ta₁ ne₄
 Cristo. Ca₂can₃ caun₂ jui₅ go'₂ ja₁lé₂ le₃quin₃ jme₂dsi₂ quió'₅
 a₂jme₃'ñiai₂₃ jme₃'o₅₄ a₂tsá₃ lé₂ le₃jme₁'o'₁ 'nia'₂.

3

Jui₅ a₂tē₃dsón'₂ dsau₅

¹ Nē₃ nē₃, 'nia'₂ rín'₅₄ jniog₄, jmo₄ 'nia'₂ 'io'₂ le₃quió'₅ Te₁gui'₅₄.
 Tē₂le₃ ja₁con₂ jniá₂, 'i₁ca₂jui₄ o₂me'₅₄ dsi₅ tsá₃ cha₂ jua'₅₄ a₂juá'₄
 táng₃ jniá₂ a₂ma₂juá'₃ ne₄ si₂, ia₁ con'₂ lě₅ co₂jñia₅₄ tē₂le₃ ja₁con'₂
 'nia'₂.

² Jmo₄ 'nia'₂ 'í₁ quian'₅₄ dsa₂ i₂chan₂ jmo₅ lín₅ lia'₂ lín₅ dsi₂ji'₅₄,
 i₂jmo₅ a₂'lig'₅₄, dsa₂ i₂qui₂ti₅ ni₁ñi₁₂; ³ ia₁ jniog₄ bá₄ i₂tē₃dsón'₂ lág₅
 dsa₂ co₂'nió'₄ i₂ma₂qui₂rē₂u_{ing}₄ lo₄, jniog₄ con'₂ i₂jme₂jui₁n'₁ Diú₄
 a₂gu₂dsi₂. Jaun₂ o₂'ñi₃ o₂jñia₃ dsi₅ jniog₄ ia₁ lág₅ i₂quián₅ Cristo
 Jesús, tsá₃ jaun₂ 'ín₂ dsi₅ jniog₄ jui₁lia'₂ a₂jmo₅ dsa₂ co'₅₄ ni₁ñi₅,
⁴ o₁jñia'₅₄ jniá₂ rē'₂ ján₃ jme₁ca₂tíng₂ jme₁jmo₁₂ 'ín₂ dsi₃ a₂nē₅.

Chi₂jua'₂ 'ein₂ lín₂ cha₂ 'uig₅₄ a₂'ín₂ dsi₅ ni₁ñi₅, tē₂le₃ lě₅ guē₄
 tson₂ bí₂ chan₂ jniá₂ 'uig₅₄ a₂jaun₂: ⁵ jme₁ca₂dsin₃ jñia₃ jmig₄ lia'₂
 con'₂ jme₁ca₂rē₃cháng₃ bá₄ ca₂ti₃ dsa₂ lo₃; ia₁ lín₅ dsa₂ tsi₁jon₂
 israelitas, téng₅ le₃quió'₅ co₂'nió'₃ dsa₂ quián₅ tsi₁jon₂ Benjamín;
 lín₅ hebreo ia₁ ja₁jaun₂ chang₂ lín₅ chi'₂ quián₅ dsa₂ hebreos.
 Fariseo bá₄ jme₁lín₄ lia'₂ con'₂ lě₅ jme₁ñi'₂ dsi₃ Si₂ 'Éi'₃; ⁶ jui₁lia'₂
 a₂dsen₅₄ dsi₃ guē'₂, ca₂lia'₂ qui₂ca₂co₃'én₃ jniá₂ dsa₂ quián₅ guá'₅;
 ton'₂ lia'₂ con'₂ lě₅ jme₁chang₂ quian₅₄ jui₅ dse₃ lia'₂ con'₂ lě₅ 'Éi'₃
 Juá'₅, 'i₁jan₂ tsá₃ 'ein₂ lé₂ le₃jme₁bóg'₂ dso₄.

⁷ La₁ ca₂le₃jě₃ a₂nē₅ le₃jua'₅₄ jág₁ a₂tē₁dsi₅₄ le₃quió₃ jniá₂,
 a₂jaun₂ jmo₅ jniá₂ dsi₃ a₂ma₂i₃'én₂ le₃quió'₅ Cristo. ⁸ Dsón'₂
 bá₄ jaun₂, tē₂le₃ lě₅ guē₄ jmo₅ jniá₂ dsi₃ nē₂jag₄ bá₄ a₂ma₂i₂'én₂
 ca₂le₃jě₃, ia₁ tsá₃ quin₅ 'a₂ con'₂ quen₅ a₂ma₂ca₂rē₃cuíng₅ Cristo
 Jesús Te₁gui'₅₄ quiáng₃. 'Uig₅₄ quió'₄ Cristo bá₄ ma₂i₂'én₂ jē₂
 a₂jaun₂ quió₃. Jmo₅ jniá₂ dsi₃ nē₂jag₄ bá₄ jme₁qui₅ a₂jaun₂,
 ia₁ 'nio₃ jniá₂ léi₂ ja₁con₂ Cristo; ⁹ 'nio₃ jniá₂ dsió₄ ja₁con₂
 'éi₂, on₃jua'₅₄ a₂chang₂ quian₅₄ jui₅ co₂dsau₅ a₂tíng₂ 'ñi₃o₃ lia'₂
 con'₂ lě₅ 'Éi'₃ Juá'₅, tē₂le₃ ia₁ a₂quian₄ jniá₂ jui₅ co₂dsau₅ a₂cuē₅
 Diú₄ cuē'₅ i₂'én₂ le₃quió'₅ Cristo. Co₂'nió'₄ le₃jua'₅₄, a₂chan₂ dsa₂
 quian₅ caun₂ jui₅ co₂dsau₅ a₂já₅ le₃quió'₅ Diú₄ 'uig₅₄ cho'₅₄ tē₂le₃
 ia₁ a₂'én₂ bá₄ dsa₂. ¹⁰ A₂'nio₃ jniá₂ le₃cuíng₅ Cristo bá₄, 'nio₃ jniá₂
 can₅₄ jui₅bí₂ a₂ca₂jein'₅₄; ján₃ guē'₂ can₅₄ jui₅ jmi₁uig₅ a₂ca₂can₃

'éi₂, já₃ guē'₂ a₂dsióg₄ jniá₂ léng₂ jui₁lia'₂ jme₁lín₄ 'éi₂ lia'₂ con'₂ jme₁ca₂join₃,¹¹ ia₁jaun₂ caun₂ bá₄ 'ei₅ dsi₃ dsióg₄ jniá₂, chi₂jua'₂ lé₂, a₂jeng'₅₄ jin₄ 'lag₄.

Jui₅ja₁ca₂tág₂ i₁no₁ja₁lě₄ léi₄ dsi₁no₃

¹² On₃jua'₅₄ guē'₂ a₂ma₂ca₂dsióg₃ jniá₂, on₃ guē'₂ ma₂ca₂rě₃ 'nja₅ quió₃. La₁ caun₂ nei₅₄ bá₄ ne₄ jui₅ jme₁'ñió'₄ a₂'ín₂ dsi₃, jui₁lia'₂ ca₂jme₃'ñió'₃ Cristo jniá₂.¹³ Rín'₅₄ jniog₄, tsá₃ jmo₅ jniá₂ dsi₃ jua'₅₄ a₂ma₂ca₂jme₁'ñió'₄ jniá₂ a₂jaun₂. La₁ia₁ caun₂ la₂ bá₄ jmo₅ jniá₂: a₂qui₂dsi₃'én₂ dsi₃ a₂qui₂ma₂ñí₂, a₂quín'₄ bí₂ a₂tió₄ nei₅₄ le₃ne₄ jui₅,¹⁴ a₂dsióg₄ jniá₂ ja₁lě₄ léi₄ ja₁ca₂tíng₂ dsióg₄, ja₁i₁gue₃ jniá₂ premio a₂tě₂ Diú₄ cuē₃ guei'₅₄ i₂juíg₃ a₂cuē'₃ dsa₂ i₂tion'₅₄ le₃quió'₅ Cristo Jesús.¹⁵ Ca₂le₃jág₃ bá₄ jniog₄ i₂ma₂le₁'nja₅ quián₂, ca₂tág₂ dsi₃jnia₅ dsi₅ le₂jaun₂. Nē₁jua'₂ cha₂ja₁lín₅₄ a₂ñí'₂ 'au'₂ 'nia'₂ le₂siá'₂, Diú₄ bá₄ jmo₃ jnio₂ ne'₅₄ 'nia'₂ a₂jaun₂ já₃.¹⁶ Jnia'₅₄ lia'₂ ca₂tág₂ jniog₄ a₂i₁nio₁ lia'₂ ma₂ja₂náu₅.

¹⁷ Rín'₅₄ jniog₄, quian₂ 'nia'₂ jui₅ co₂lě₅ con'₂ lě₅ jui₅ ma₂guio₃ jniá₂, jag₄ 'nia'₂ rě₂ já₃ja₁con₂ ca₂le₃jín₃ i₂ma₂chan₂ lia'₂ con'₂ lě₅ ma₂ca₂jme₁tín₅ jnia'₅₄ 'nia'₂.¹⁸ Ia₁ jui₁lia'₂ ma₂ca₂juíg₂ jniá₂ 'nia'₂ 'líong₂ ráun₂, con'₂ siá'₂ juá'₅ bá₄ guē₄ cón'₂ táng₃ ca₂le₃jě₃ dsá₂ jmíg₂ jme₁ne₃, ia₁ juín₅ i₂chan₂ co₂'nió'₄ i₂'io'₅₄ a₂ca₂jmo₃ Cristo ne₄ cróg₄.¹⁹ Jē₁ca₂tó'₂ dsi₁lein₃ ja₁dsi₃'éin₂. Ia₁ i₂co₂'nió'₄ i₂lín₅ diú₄ quián₅ co₂'nió'₄ a₂lag₃ nē₁rě₂can'₂ tú'₅ bá₄, 'ñio₅ róin₂ jmo₂₃ a₂'nió'₄ jme₁cán₂ o₂guí'₃. Jmá'₃ lia'₂ quió'₅ a₂cha₂ ne₄ gua'₅₄ 'uē₃ la₂ bá₄ dsi₂jio₅ dsí₅.²⁰ La₁ jniog₄ ně₃ lág₅ dsa₂ i₂tén₅ guei'₅₄ i₂juíg₃, jnia'₅₄ lia'₂ a₂jaun₂ bá₄ le₁jnia₁ jniog₄ dsen₅₄ dsi₅ a₂jñió'₂ ja₁jaun₂ jan₂ i₂lió₂, i₂lín₅ Te₁gui'₅₄ Jesucristo.²¹ 'Éi₂ bá₄ jme₃tsín₃ ni₁ñi₁ jniog₄ a₂dsi₃'én₂ la₂, ia₁jaun₂ lé₂ lia'₂ jlá'₁ ni₁ñi₁₂ 'ñiog₅. Jmo₃ bá₄ a₂jaun₂ tě₂le₃ quian'₅₄ bí₂ a₂'io₂₃ a₂tiin₂ dsia₃ o₄gú₃ 'ñiog₅ ca₂le₃jě₃.

4

Jmo₄ 'nia'₂ 'io'₂ co₂tan₅₄ le₃quió'₅ Te₁gui'₅₄

¹ Jaun₂ lě₃, rín'₅₄ jniog₄, 'nia'₂ i₂'nióg₃ guē₄ lín₃, i₂ñí₄ lě₃ 'ín₅ dsi₃ jing₅₄; 'nia'₂ bá₄ líng'₅ a₂ñí₄ dse₃ 'ei₅ dsi₃, 'nia'₂ bá₄ líng'₅ co₂'nió'₄ premio quió₃, ju₁chan'₂ bá₄ 'nia'₂ le₂ně₅ jaun₂ ně₃, tión'₂ 'nia'₂ tiá₂ le₃quió'₅ Te₁gui'₅₄.

² Chi₂len'₄ jniá₂ Evodia quian'₅₄ Síntique já₃n₃, jmo₄ 'nia'₂ caun₂ já₃g₁ jin₄ ríng'₂ o₄quió'₄ Te₁gui'₅₄.³ Quian'₅₄ 'ne₂, rín'₅₄ jniog₄ i₂co₂dsia₅ jmo₂ ta₁, juíg₂ jniá₂ 'ne₂ a₂jme₁'ong'₁ dsa₂ mǐ₂ rín'₅₄ jniog₄ ně₅, ia₁ 'éi₂ ca₂quín'₃ bí₂ i₂quian'₄ jniá₂ jme₁ca₂'ě₃ já₃g₁ dse₃ a₂lión₂ dsa₂, quian'₅₄ Clemente ně₃ quian'₅₄ guē₄ rín'₅₄

sián'₂ ca₂jmo₃ ta₁ quian'₅₄ jniá₂. Ma₂le₁ton₅ lia'₂ chein₂ ne₄ si₂ a₂le₃chain₂ co₂tan₅₄.

⁴ 'To'₂ jmo₄ 'nia'₂ co₂tan₅₄ le₃quió'₅ Te₁gui'₅₄. Cón'₂ siá'₂ juá'₅ táng₃, i'io'₂ jmo₄ 'nia'₂! ⁵ Jui₁le₂jniá₂ a₂'ua₁ 'au'₂ 'nia'₂ jë₄ quió'₅ le₃jín₃ dsa₂, ia₁ ma₂ja₂quián₃ guan'₂ Te₁gui'₅₄.

⁶ Tsá₃ jmo'₂ 'nia'₂ 'i₅'au'₂ 'i₁caun₂. La₁ chi₂jua'₂ 'e₂ lë₅, chi₂len'₄ 'nia'₂ Diú₄; mi₄ 'nia'₂ ne₄ 'éi₂ ton'₂ ján₃ guë'₂ cuë'₅₄ 'nia'₂ ti₁'mag'₄ 'éi₂. ⁷ Jaun₂ Diú₄ bá₄ jmo₃ 'í₁ jme₂dsí₂ quián'₂ 'nia'₂ quian'₅₄ a₂qui₂dsi₂jio₅ 'au'₂ 'nia'₂ në₃, të₂le₃ quian'₅₄ Cristo Jesús. Diú₄ bá₄ jmo₃ a₂'ag₃ tei₄ 'au'₂ 'nia'₂ ñag₅₄ guë₄ lin₃ con'₂ guë₄ a₂lë₂ le₃ñí'₂ dsa₂.

Jui₁dsi₂jio₅ 'au'₂ jmá'₃ a₂dse₃

⁸ Jaun₂ lë₃, rin'₅₄ jniog₄, jui₁dsi₂jio₅ 'au'₂ 'nia'₂ jui₁'e₂ a₂tí₅ dsón'₂, jui₁'e₂ a₂ca₂tín₂ jme₃gó'₃ dsa₂, jui₁'e₂ a₂dsi₂ten₅₄, jui₁'e₂ a₂le₁jë₃, jui₁'e₂ a₂'io'₂, jui₁'e₂ a₂quen₅ jág₁ dse₃; chi₂jua'₂ cha₂ a₂jlá'₁ a₂ca₂tín₂ 'ag₃ dse₃ jág₁, a₂jaun₂ bá₄ jui₁dsi₂jio₅ 'au'₂ 'nia'₂. ⁹ Jme₁dsau₅ 'nia'₂ caun₂ a₂ma₂gue'₅₄ 'nia'₂, a₂ma₂ca₂jme₁tag₅ a₂ma₂nei'₂ 'nia'₂ ma₂juá'₃ quian'₅₄ a₂qui₂ma₂të₂ ne'₅₄ ma₂jag'₅₄ 'a₂ lia'₂ jmo₅ jniá₂: le₂jaun₂ jmo₄ 'nia'₂. Jaun₂ Diú₄ në₃ i₂jmo₅ 'ag₅ tei₄ 'au'₂ 'nia'₂, 'ein₅₄ ja₁con'₂ 'nia'₂.

Cuë₅ Pa₄ ti₁'mag'₄ cuë'₅ dsa₂ Filipenses

¹⁰ 'E₂ guë₄ të₅ dsí₃ 'io'₂ jéin₅ guë₄ lin₃ le₃quió'₅ Te₁gui'₅₄ 'a₂ lia'₂ lë₃ a₂ca₂dsáu'₃ táng₃ 'au'₂ 'nia'₂ jniá₂. Tsá₃ 'nio₃ jniá₂ juá'₄ jua'₅₄ a₂ma₂i₂én₂ 'au'₂ 'nia'₂ jniá₂, të₂le₃ ia₁ a₂tsá₃ ma₂cuin₃ jmi₄g₄ jme₁'o'₁ bá₄. ¹¹ On₃jua'₅₄ rë'₂ juá'₅ jniá₂ ia₁ a₂ca₂rë₃ 'nió'₃ quió₃; ia₁ jniá₂ në₃ ma₂ca₂rë₃tín₃ bá₄ jniá₂ a₂'ei₅ dse₃ dsí₃ chi₂jua'₂ 'a₂ lia'₂ lë₅ a₂chang₂. ¹² Ma₂guion₄ bá₄ jniá₂ 'a₂ lia'₂ lë₅ jme₁rë₂chang₂ te₂ñég₂, ján₃ guë'₂ guion₄ jniá₂ 'a₂ lia'₂ lë₅ a₂qui₂rë₂tsón₂ quió₃. Jaun₂ ma₂ca₂rë₃tín₃ bá₄ a₂chéng'₅ tiá₂ jui₁lë₄ bá₄ 'a₂ lia'₂ lë₅ chang₂. Cha₂ jme₁lin₅₄ qui₂rë₂tang₅₄ dse₃ lin₃, o₃ 'ong₅₄ 'e₂ jme₁lin₅₄. Cha₂ jme₁lin₅₄ qui₂rë₂tsón₂, o₃ a₂tsá₃ 'e₂ cha₂ mei'₂ 'e₂. ¹³ Ca₂le₃jë₃ bá₄ qui'₅₄ jniá₂ jmi₄g₄ të₂le₃ quian'₅₄ Cristo i₂cuë₅ bí₂. ¹⁴ La₁ia₁, dse₃ bá₄ jaun₂ ca₂quen'₄ 'nia'₂ o₂i₁ dsí₅ a₂quian₄ jniá₂.

¹⁵ Jui₁lia'₂ ma₂ñi'₅₄ 'nia'₂, rin'₅₄ jniog₄ i₂chan₂ juig₂ Fili₂pos, lia'₂ con'₂ jme₁ca₂jme₁lióg₄ jniá₂ ca₂'ë₃ jág₁ dse₃ a₂lión₂ dsa₂, jme₁ca₂o₃'ín₃ jniá₂ 'uë₃ Macedonia, 'i₁caun₂ guá'₅ tsá₃ ca₂jme₃quen'₄ të₂le₃ quian'₅₄ cu₄; jnia'₅₄ lia'₂ 'nia'₂ bá₄. ¹⁶ Ia₁ lia'₂ con'₂ jme₁'en₅₄ jniá₂ juig₂ Tesalónica, on₃jua'₅₄ co₂ráun₂ ca₂jme₁'o'₁ 'nia'₂ jniá₂, ca₂chen'₂ 'nia'₂ cu₄ 'uig₅₄ ia₁ a₂ca₂rë₃ 'nió'₃ quió₃. ¹⁷ On₃jua'₅₄ rë'₂ a₂dsi₂jio₅ dsí₃ a₂jñia'₅₄ caun₂ le₃cha₂ a₂ca₂tín₂ jniá₂ a₂qui₁gue₅₄; a₂jaun₂ bá₄ 'nio₃ jniá₂ a₂le₃cha₂ 'uig₅₄ a₂jme₃'mag'₂ Diú₄ quián'₂ 'nia'₂. ¹⁸ La₁ ma₂gue₃ bá₄ jniá₂

le₃jě₃, tē₂le₃ lě₅ guě₄. Quian'₅₄ a₂ca₂chen'₂ 'nia'₂ tē₂le₃ quian'₅₄
 Epafrodito, ma₂rě₂tsón₂ bá₄ quió₃. A₂ca₂chen'₂ 'nia'₂ jaun₂
 quió₃, lě₅ jui₁lia'₂ lě₅ caun₂ a₂rě₂jen'₅₄ ne₄ Diú₄ a₂ja₂ mi₂juig₂
 a₂'ŋio₂ dsi₅ Diú₄ guéi'₅. ¹⁹ Diú₄ quiáng₃ ně₃, 'éi₂ bá₄ cuě₃ ca₂le₃jě₃
 a₂'nió'₅ quián'₂ 'nia'₂ lia'₂ con'₂ lě₅ a₂ŋí₄ lě₃ jlá'₁ a₂rě₂tsón₂ quió'₅,
 cuě'₃ 'nia'₂ tē₂le₃ quian'₅₄ Cristo Jesús. ²⁰ jui₁jme₂juin'₂ bá₄ dsa₂
 Diú₄ Jmei₂ jniog₄ ca₂lia'₂ co₂tan₅₄! A₂méi₃.

²¹ Cuin₅₄ 'nia'₂ Diú₄ o₄quió₃, ca₂le₃jín₃ i₂tén₅a le₃quió'₅ Cristo
 Jesús. Dsa₂ rin'₅₄ * i₂quian'₄ jniá₂ ně₃, cuin₂₃ Diú₄ 'nia'₂. ²² Cuin₅
 'nia'₂ Diú₄ ca₂le₃jín₃ dsa₂ jnió₅, la₁ia₁ ja₂lin₃ guě₄ dsen₅₄ cuag₅
 Diú₄ dsa₂ i₂tián'₅ dsi₂néi₂ quió'₅ gui'₅₄ rag₅₄ emperador.

²³ Jui₁jme₂gu'₅₄ bá₄ Te₁gui'₅₄ Jesucristo jme₂dsi₂ quián'₂ 'nia'₂.
 A₂méi₃.†
 Co₂ně₅.

* 4:21 lit. “dsa₂ jnió₅.” † 4:23 A₂lin₅₄ chog₅₄ si₂ tsá₃ chi₁ton₅ “A₂méi₃.”

Si₂ carta a₂ca₂jmo₃ San Pablo ne₄ dsa₂ COLOSENSES

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Colosas tē₁lia'₂
'ein₅₄ né'₃ 'má₃

¹ Jniá₂, Pa₄, ia₁ co₂nē₅ 'nio₃ Diú₄ bá₄, líng₅ jan₂ i₂chen₄ quián₅
Jesucristo. Co₂lē₅ quiang'₅₄ rin'₅₄ jniog₄ Timoteo, ² jmo₂₃ si₂
carta la₂ a₂dsiang'₅₄ ne'₅₄ 'nia'₂ rin'₅₄ jniog₄ a₂ i₂chang'₂ juig₂
Colosas, dsa₂ i₂lē₅ 'i₁ i₂jme₂ti₃ ja₁con₂ Cristo:

Jui₁jme₂gu'₅₄ bá₄ Diú₄ i₂lín₅ Tia₅₄ quián₂, jui₁jmo₁₂ bá₄ 'ag₃ tei₄
tion'₅₄ 'nia'₂.

Mi₅ Pa₄ ne₄ Diú₄ o₄quió'₄ dsa₂ i₂'én₂

³ Cuē₂ jnia'₅₄ ti₁'mag'₄ Diú₄ Jmei₂ Jesucristo Te₁gui'₅₄ quián₂,
co₂tan₅₄ bá₄ mi₂ jnia'₅₄ ne₅₄ o₄quián'₂ 'nia'₂. ⁴ Ia₁ ma₂ca₂rē₃ne₄
bá₄ jnia'₅₄ 'a₂ lia'₂ lē₅ a₂'én'₂ 'nia'₂ le₃quió'₅ Cristo Jesús,
'a₂ lia'₂ lē₅ 'nió'₃ 'nia'₂ ca₂le₃jín₃ i₂ma₂tén₅ le₃quió'₅ Diú₄,*
⁵ ia₁ cha₂ a₂'ín₂ 'au'₂ 'nia'₂ a₂ma₂rē₂'ma₄ a₂lé₂ quián'₂ 'nia'₂
guei'₅₄ i₂juíg₃, jág₁ dse₃ a₂tí₅ a₂jme₁ma₂nei'₂ 'nia'₂ le₂jniá₅,
⁶ a₂jme₁ma₂dsióg₃ ja₁con'₂ 'nia'₂. Ca₂le₂con₂ ta₁caun₂ mi₂güig₃,
ma₂léi₄ ma₂rē₂rau₂ a₂rē₂'én₂ dsa₂, le₂jaun₂ qui₂dsi₂cón₃ jág₁. Lē₂
jui₁lia'₂ ma₂qui₂ma₂lē₅ quian'₅₄ 'nia'₂ ca₂le₃ jmi₂g₄ jme₁ca₂nei'₂
'nia'₂ jág₁ dse₃ a₂lión₂ dsa₂, jme₁ca₂rē₃ñí'₂ 'au'₂ 'nia'₂ nē₃, 'a₂ lia'₂
lē₅ a₂tē₃dsón'₂ bá₄ dsau₅ 'ua₁ dsí₅ Diú₄. ⁷ A₂nē₅ ma₂ca₂rē₃tín'₃
'nia'₂ ca₂jme₃tag₅ Epafras i₂'nióg₃ guē₄ lín₃, i₂ma₂já₅ co₂lē₅
quian'₅₄ jnia'₅₄ jme₂ti₃ ta₁ ne₄ Cristo. 'Ei₂ bá₄ chén'₅ ja₁con'₂ 'nia'₂
a₂lín₅ dsa₂ rē₂tí'₅₄ i₂jmo₅ ta₁ quió'₅ Cristo, o₄quián'₂ 'nia'₂. ⁸ 'Ei₂
bá₄ ma₂o₃can₅ jág₁ 'a₂ lia'₂ 'nió'₃ 'nia'₂ ríng'₂ le₃quió'₅ Jme₂dsí₂.

⁹ 'Uig₅₄ jaun₂, jnia'₅₄ nē₃, ca₂le₃ jmi₂g₄ jme₁ca₂rē₃ne₄ jnia'₅₄,
ma₂ja₂náu₅ tsá₃ ma₂tí₄ jnia'₅₄ jua'₅₄ tsá₃ chi₂len'₄ jnia'₅₄ Diú₄
o₄quián'₂ 'nia'₂. Mi₂ jnia'₅₄ jui₁jmo₁₂ jui₁qui₂le₂'an₂ 'au'₂ ia₁jaun₂
qui₂le₃ñíg'₂ le₃ñi'₅₄ 'nia'₂ le₃quió'₅ jme₂dsí₂, 'e₂ jaun₂ a₂'nio₃ 'éi₂,
¹⁰ ia₁jaun₂ bá₄ i₁'nio'₄ 'nia'₂ con'₂ dsi₂ten₅₄ jmo₃ dsa₂ quián₅
Te₁gui'₅₄, lia'₂ con'₂ lē₅ 'ñio₂ dsí₅ 'éi₂. Jui₁le₂rau₂ bá₄ con'₂ dse₃
ca₂le₃jē₃ ne₅₄ a₂dse₃ jmo'₂ 'nia'₂, caun₂ dsi₁nó'₅ 'nia'₂ le₃cuíng'₂
guē₄ dse₃ Diú₄. ¹¹ Mi₂ jnia'₅₄ ne₄ 'éi₂ a₂chein'₃ 'nia'₂ tiá₂ quian'₅₄
jui₅bí₂ 'uan'₂ quió'₅, ia₁jaun₂ bá₄ tian'₃ 'nia'₂ ca₂le₃jíng'₃ a₂tió'₃
'au'₂, a₂juín'₂ 'au'₂, ton'₂ o₂'ñió₃ 'au'₂ nē₃. ¹² Mi₂ jnia'₅₄ ia₁jaun₂
bá₄ cuē'₅₄ 'nia'₂ ti₁'mag'₄ Tia₅₄, ia₁ ma₂jmo₃ a₂lén'₄ 'nia'₂† dsa₂
i₂lē₅ 'i₁† quián₅, i₂ca₂tín₂ le₃quen'₄ ja₁tág₅ si₂. ¹³ Ma₂ca₂lió₂ Diú₄

* 1:4 lit. "dsa₂ jñió₅." † 1:12 A₂lín₅₄ chog₅₄ si₂ juá'₂: "ma₂jmo₃ ma₂léi₄ jniog₄."

† 1:12 lit. "dsa₂ jñió₅."

jniog₄ o₄gú₃ i₂gon₂ jë₄ qui₁né₃, a₂ma₂ca₂dsiog₃ táng₃ ja₁gon₂ Ja₁ŋi₅₄ i₂ŋí₄ lë₃ 'nioi₃. ¹⁴ 'Éi₂Š bá₄ ca₂láu₂, ca₂'éin₂ dsáu₁ jniog₄.

'Ei₅ tei₄ quian₅₄ Diú₄ o₄quió₄ a₂ca₂jon₃ Cristo

¹⁵ 'Éi₂ bá₄ lín₅ nió₄ quió₅ Diú₄ i₂tsá₃ jniá₂; 'éi₂ bá₄ i₂ca₂tín₂ lén₂ gon₂ ne₄ ca₂le₃jě₃ a₂ca₂rě₃chá₃. ¹⁶ Tě₂le₃ quian₅₄ 'éi₂ bá₄, ca₂jmo₃ Diú₄ ca₂le₃jě₃ 'e₂ a₂cha₂ guei₅₄ i₂juíg₃ quian₅₄ gua₅₄ 'uě₃, ca₂le₃jě₃ a₂jniá₂ quian₅₄ guě₄ ca₂le₃jě₃ a₂tsá₃ jniá₂ ně₃; co₂'nió₄ a₂ca₂jmoí₂ ca₂le₃jín₃ i₂jmo₅ 'éi₃, ca₂le₃jín₃ i₂'io₅ bí₂, ca₂le₃jín₃ i₂gon₂, ca₂le₃jín₃ i₂lín₅ ta₁ ně₃. Ca₂le₃jín₃ i₂ně₅ ca₂lín₃ tě₂le₃ quian₅₄ 'éi₂, ton₂ o₄quió₄ 'éi₂ ně₃. ¹⁷ 'Éi₂ bá₄ i₂jme₁ma₂chan₂ lia₂ con₂ né₃ guě₄ a₂le₃cha₂ ca₂le₃jě₃; 'éi₂ bá₄ jmo₅ a₂niog₅ lě₂ rě₂ ca₂le₃jě₃. ¹⁸ 'Éi₂ bá₄ lín₅ ján₃ mi₂dsi₄ ni₁ŋi₁₂, co₂'nió₄ le₃jua₅₄ guá₅ quiáin₅. 'Éi₂ bá₄ lín₅ i₂ca₂jme₃lióg₃ ca₂le₃jě₃; ton₂ 'éi₂ bá₄ lín₅ ján₃ i₂le₂'uig₅₄ i₂ca₂jen₅₄ jín₄ 'lag₄, ia₁jaun₂ lén₂ 'éi₂ i₂dsen₅₄ guě₄ ne₄ quió₅ ca₂le₃jě₃. ¹⁹ Ia₁ ca₂rě₃'ŋi₃ dsí₅ Diú₄ ca₂tě₁gua₁ tě₂le₃ ja₁con₂ 'éi₂ ca₂le₃jě₃ 'a₂ lia₂ lín₅ 'ŋiog₅; ²⁰ ca₂rě₃'ŋi₃ dsí₅ ján₃, tě₂le₃ quian₅₄ 'éi₂, ca₂'ág₂ táng₃ caun₂ jág₁ quiain₅₄ 'ŋiog₅, ca₂le₃jě₃ a₂cha₂: lia₂ ta₁caun₂ guei₅₄ mi₂güí₃ lia₂ quian₅₄ ne₄ gua₅₄ 'uě₃, ca₂jmo₃ ca₂'ág₂ táng₃ tei₄ tě₂le₃ quian₅₄ jmi₂ 'ain₅₄ a₂ca₂tein₃ ne₄ cróg₄.

²¹ 'Nia₂ ně₃, tsá₃ jág₁ jme₁nióg₅ quian₅₄ Diú₄ le₂jñiá₅; tě₂le₃ jme₁'ñai₅₄ bá₄ 'nia₂, jui₅ 'a₂ lia₂ jme₁qui₂dsi₂jio₅ 'au₂, jui₅ 'a₂ lia₂ jme₁jmo₂-dsáu₅ 'nia₂ ně₃. ²² La₁ rě₂ně₃ ně₃, ma₂ca₂jmo₃ Diú₄ ca₂'ág₂ táng₃ caun₂ jág₁ 'nia₂ quiain₅₄, tě₂le₃ quian₅₄ 'mú₃ a₂ca₂can₃ Cristo jui₅ ŋi₅₄. A₂ně₅ ca₂jmo₃ ia₁jaun₂ chein₃ 'nia₂ ne₅₄, jme₃jñiai₂₃ 'nia₂ dsa₂ i₂ma₂lě₅ 'í₁,* i₂tsá₃ ma₃'e₂ rě₂'ŋi₃, on₃ guě₂ ma₂'e₂ dso₄ rin₂ 'nia₂. ²³ A₂jaun₂ chi₂jua₂ caun₂ náu₂ 'nia₂ tiá₂ a₂'éng₂, ně₂jag₄ quian₅₄ jmú₄ tio₅₄ 'ei₄; jaun₂ tsá₃ qui₂dsi₃mú₃ 'nia₂ cau₅ a₂'ín₂ 'au₂ tě₂le₃ quian₅₄ jág₁ dse₃ a₂ma₂nei₂ 'nia₂. Jág₁ dse₃ ně₅ ma₂qui₂rě₂'ě₂ ne₄ le₂jan₂ le₂jan₂ i₂chan₂ ne₄ gua₅₄ 'uě₃. Jniá₂ Pa₄, jaun₂ ně₃, líng₅ jan₂ i₂qui₂jme₂'o₅₄ dsi₂'ě₃ jág₁ jaun₂.

Jme₂ti₃ Pa₄ ja₁con₂ guá₅

²⁴ Ně₃ ně₃ 'io₂ jéin₅ jë₄ dsi₂ŋíg₂ uig₅ o₄quián₂ 'nia₂, ia₁ le₂la₂ bá₄ 'eng₅₄ jui₅ a₂jme₁'ŋiag₅, quian₅₄ ŋi₃ 'ŋi₃ a₂'nió₅ guě₄ jui₁lia₂ jmi₁uig₅ a₂ca₂i₃ŋí₂ Cristo o₄quió₄ guá₅ quiáin₅, a₂lě₅ ŋi₅₄. ²⁵ A₂ma₂ca₂dsióg₃ jniá₂ a₂líng₅ jan₂ i₂jme₂ti₃ ja₁con₂ guá₅ ján₃, con₂ lě₅ ca₂dsia₃ Diú₄ gu₃, a₂dse₃ quián₂ 'nia₂, a₂'ě₄ jniá₂ lia₂ qui₂rě₂'ŋia₅ jág₁ quió₅, ²⁶ co₂'nió₄ le₃jua₅₄, jág₁ a₂tsá₃ jme₁ca₂rě₃jniá₂ a₂jme₁rě₂'ma₄ quió₅ Diú₄ ca₂le₃ ma₂líg₂ lín₃

Š 1:14 A₂lín₅₄ chog₅₄ si₂juá₂: “Quian₅₄ jmi₂'an₅₄ 'éi₂.”

* 1:22 lit. “dsa₂ jñi₃.”

ma₂qui₂ma₂ñi₂ ju₁n₅ lin₃ tsi₁jon₂ dsa₂ ně₃. La₁ rē₂ně₃ ma₂cuē₃ a₂le₃cuí₅ dsa₂ i₂lē₅ 'í₁† quiáin₅. ²⁷ Ja₁con₂ dsa₂ quiáin₅ 'éi₂ bá₄ ca₂rē₃'ñi₃ó₃ dsí₅ Diú₄ ca₂jmo₃ a₂le₃cuí₅ dsi₂nau₂ 'e₂ jaun₂ a₂jlá'₁ lin₃ jág₁ a₂jme₂rē₂'ma₄ jaun₂: co₂'nió'₄ le₃jua'₅₄ 'en₅₄ bá₄ Cristo jē₄ quián'₂ 'nia'₂, 'éi₂ bá₄ lín₅ i₂'ín₂ 'au'₂ ja₁dse₃ ja₁jlá'₁ a₂guéi'₁ 'nia'₂. ²⁸ Nia'₅₄ ně₃ qui₂'ě₅ jág₁ a₂'ín₅ 'éi₂, le₂jan₂ le₂jan₂ dsa₂ qui₂tioin'₂ jnia'₅₄ jág₁, le₂jan₂ le₂jan₂ bá₄ dsa₂ qui₂jme₂tíin₁ ia₁jaun₂ le₃ñíi'₂, ia₁jaun₂ lé₂ jme₁jnia₅ jnia'₅₄ le₂jan₂ le₂jan₂ dsa₂ a₂ma₂lín₅ dsa₂ ma₂ron₂ le₃quió'₅ Cristo. ²⁹ 'Uig₅₄ jaun₂ bá₄ ně₃, jmo₅ jniá₂ ta₁, quín'₅ jniá₂ bí₂ lia'₂ con'₂ lě₅ ta₁ bēn₂ a₂jmo₅ 'éi₂ ja₁cong₂.

2

¹ Ia₁ 'nio₃ jniá₂ jui₁le₃ñi'₅₄ 'nia'₂ 'a₂ lia'₂ ñí₄ lě₃ quian₅ ta₁ a₂quíng'₅ bí₂ o₄quián'₂ 'nia'₂, quian'₅₄ o₄quió'₄ i₂chan₂ juig₂ Laodicea, o₄quió'₄ ca₂le₃jín₃ i₂tsá₃ cui₅ i₂tsá₃ jág₂ dsi₁ne₁ ně₃. ² Jmo₅ jniá₂ bí₂ le₂ně₅ ia₁jaun₂ qui₂le₁'ág₄ lián'₂ dsí₅ 'éi₂, caun₂ 'ei₅ jág₁ jme₂'nioi₃ rīin'₅₄; ia₁jaun₂ bá₄ 'io₃ a₂quen₅ lín₃ a₂le₂jaun₂ a₂caun₂ le₁'ág₄ dsí₅ ia₁ a₂qui₂ma₂'an₂ dsí₅; ton'₂ ia₁jaun₂ le₃ñíi'₂ jág₁ a₂rē₂'ma₄ quió'₅ Diú₄. Já₁ jaun₂ ně₃, Cristo 'ñiog₅ bá₄ 'éi₂.^{*} ³ Ia₁ tē₂le₃ ja₁con₂ 'éi₂ bá₄ qui₂rē₂'ma₄ jē₄ jág₁ a₂quen₅ lín₃ a₂lé₂ le₃ñíi'₂ dsí₅ dsa₂, a₂lé₂ le₃ñi₅ dsa₂ ně₃. ⁴ A₂ně₅ juíg₂ 'nia'₂ ia₁jaun₂ 'i₁jan₂ tsá₃ 'ein₂ jui₁jme₂gau₅ 'nia'₂ quian'₅₄ jág₁ a₂'io'₂ quió'₅. ⁵ Jaun₂ o₁jnia'₅₄ la₂ tsá₃ quian'₅₄ jniá₂ 'nia'₂ dsi₁ne₁ 'ñi₃ó₃ dsón'₂, la₁ 'eng₅₄ bá₄ quian'₅₄ 'nia'₂ tē₂le₃ quian'₅₄ jme₂dsí₂, jmo₂₃ 'io'₂, jág₅ 'a₂ lia'₂ tiong'₅₄ rē₂ con'₂ dsi₂ten₅₄, ton'₂ tíong'₂ bá₄ tiá₂ a₂'éng'₂ le₃quió'₅ Cristo. ⁶ Jaun₂ lě₃, le₂ně₅ jui₁lia'₂ ca₂guen'₅₄ 'nia'₂ Cristo Jesús† a₂lín₅ juig'₂ 'nia'₂, caun₂ jui₁i₂nio'₄ bá₄ 'nia'₂ le₃quió'₅ 'éi₂; ⁷ jui₁tē₂ton₅₄ bá₄ jmú₄ jui₅ jme₂dsí₂ quián'₂ 'nia'₂ tē₂le₃ quió'₅ 'éi₂, jui₁qui₂dsi₂cón'₃ bá₄ 'nia'₂ le₃quió'₅ 'éi₂ tē₂le₃ ia₁ a₂'éng'₂, lia'₂ con'₂ lě₅ a₂ca₂rē₂tín'₃ 'nia'₂, a₂rē₂tsón₂ tē₂'au'₂ a₂cuē'₅₄ ti₁'mag'₄ Diú₄.

A₂le₃chan₂ dsa₂ caun₂ jui₅ 'mí₂ le₃quió'₅ Cristo

⁸ 'Í₁ jmo₄ 'nia'₂, ia₁ con'₂ tsá₃ ñó₅ ně₁ca₂tág₃ dsa₂† tē₂le₃ quian'₅₄ jág₁ a₂jnia'₅₄ ñí₂ dsí₅ dsa₂ mi₂güí₃, a₂jme₂gau₅, a₂tsá₃ ta₁ tí₄, lia'₂ con'₂ lě₅ tag₄ chí₅ quió'₅ dsa₂, a₂cha₂ 'uig₅₄ 'a₂ con'₂ jnia'₅₄ lě₂ a₂cha₂ mi₂güí₃ la₂, on₃jua'₅₄ rē'₂ lia'₂ con'₂ lě₅ jág₁ quió'₅ Cristo. ⁹ Ia₁ ja₁con₂ Cristo bá₄ tē₁gua₁ chi₁dsáin₃ ca₂le₃jě₃ lia'₂ con'₂ lě₅ niog₅ lín₅ Diú₄. ¹⁰ Jaun₂ 'nia'₂ ně₃, ma₂le₁'ñia'₅ 'nia'₂ le₃quió'₅

† 1:26 lit. “dsa₂ jñi₃ó₅.” * 2:2 A₂lín₅₄ chog₅₄ si₂: “já₁ a₂rē₂'ma₄ quió'₅ Diú₄ Jmei₂, quió'₅ Cristo ně₃.” † 2:6 o₃, “Jesucristo.” ‡ 2:8 o₃, “ně₁ca₂'ang₃ a₂'én'₂ 'nia'₂.”

'éi₂, i₂lín₅ co₂'nió'₄ mi₂dsi₄ ne₄ quió'₅ ca₂le₃jín₃ i₂gon₂, ca₂le₃jín₃ i₂jio₅'éi'₃ ján₃. ¹¹ Le₂jaun₂ bá₄ ján₃, ia₁ a₂quian'₅₄ 'nia'₂ Cristo, co₂'nió'₄ bá₄ ma₂qui₂rē₂uīng₄ quián'₂ 'nia'₂, ma₂lē₅ léi₄. La₁ on₃jua'₅₄ rē'₂ lia'₂ lē₅ jmo₅ dsa₂ mi₂güīg₃, tē₂le₃ a₂ma₂qui₂ma₂tí'₃ 'nia'₂ 'nau'₄ dso₄ lia'₂ 'ín₅ dsí₅ ni₁ñi'₁; ma₂qui₂le₁lín'₅ 'nia'₂ léi₄ le₃quió'₅ Cristo. ¹² Ia₁ lia'₂ con'₂ jme₁ca₂qui₂ca₂jñó'₂ 'nia'₂ jmi₂g₂, § nē₂jag₄ bá₄ ca₂i₃'on'₃ 'nia'₂ co₂lē₅ quian'₅₄ Cristo, ján₃ guē'₂ le₂jaun₂ ca₂jen'₅₄ 'nia'₂ co₂lē₅ quian'₅₄ 'éi₂, ia₁ ca₂rē₃'én'₂ 'nia'₂ ju₁í₅bí₂ quió'₅ Diú₄ a₂ca₂jme₃jein'₅₄ ja₁jme₁rē₂'līn₅₄. ¹³ Lia'₂ con'₂ jme₁rē₂'līn'₄ 'nia'₂ le₃quió'₅ jme₂dsí₂, jme₁qui₂le₁cán'₂ jme₁qui₂le₁quian'₄ 'nia'₂ dsáu'₂, nē₂jag₄ bá₄ a₂tsá₃ jme₁rē₂uīng₄ lo'₄ 'nia'₂ jme₁chang'₂; la₁ Diú₄ nē₃ ma₂to'₂ táng₃ jme₂dsí₂ 'nia'₂ co₂lē₅ quian'₅₄ Cristo, qui₂ca₂'éin₂ bá₄ jē₂ dsáu'₂ 'nia'₂. ¹⁴ Co₂dsia₅ ca₂'éin₂ bá₄ jág₁ a₂jme₁chi₁ton₅ ne₄ si₂ a₂jme₁ron₅ a₂jme₁juá'₂ a₂jme₁rag₂jniog₄, Si₂ 'Éi'₃ jaun₂ a₂jme₁'liog'₅ jniog₄; ma₂ca₂jñiá'₂ cau₅ co₂ñei'₅₄, nē₂jag₄ bá₄ a₂ca₂i₃ba₅₄ mi₂ñi₁ si₂ jaun₂ dso'₂ cróg₄. ¹⁵ Le₂nē₅ co₂dsia₅ ca₂chein'₃ 'uīn₃ jme₂dsí₂ i₂jme₁gon₂, i₂jme₁jio₅'éi'₃ nē₃, jaun₂ ca₂jio₃ cha₂ juíg₃ tē₃ jág₅ ca₂le₃jín₃ dsa₂, jme₁ca₂tió'₃ ca₂tiain'₃ 'éi₂ jág₁, ne₄ cróg₄.*

'Nio'₂ 'nia'₂ a₂cha₂ le₃quió'₅ guei'₅₄ i₂juíg₃

¹⁶ Jaun₂ lē₃, 'i₁jan₂ tsá₃ 'ein₂ qui₂o₁'ag₅₄ 'nia'₂ o₄quió'₄ 'e₂ má₃ quē'₂, o₃ ju₁í₅lia'₂ 'e₂ qui₂'ág'₂ 'nia'₂, o₃ quian'₅₄ ju₁í₅lia'₂ jmi₂g₄ jme₁niog₅ jmi₂g₄, o₃ ju₁í₅lia'₂ jmi₂g₄ tsí'₂ 'io'₅₄, † o₃ ju₁í₅lia'₂ jmi₂g₄ sa₅₄ nē₃. ¹⁷ Ca₂le₃jē₃ a₂nē₅, lē₅ co₂'nió'₄ caun₂'én'₁ quió'₅ a₂'i₄ 'éi'₃ jiá₃ bá₄ jaun₂, la₁ia₁ ju₁í₅lia'₂ a₂tí₅ tē₃dsón'₂, Cristo bá₄ 'éi₂. ¹⁸ Tsá₃ cuē'₂ 'nia'₂ jmi₂g₄ jua'₅₄ 'liog'₃ dsa₂ cau₅ 'nia'₂, ju₁í₅lia'₂ dsa₂ i₂jmo₅ a₂lín₅ mei'₂, ton'₂ jme₂juīn'₂ ángeles nē₃. Qui₂tiáin₂ 'ñio₅ lín₃ a₂cha₂ tē₅ ne₅₄ a₂lē₁qui₂jág₅, ‡ 'ñio₅ jme₂cain'₅₄ jmo₂₃ róin₂ a₂qui₂ñí'₂ dsí₅ guioin₅₄. ¹⁹ Dsa₂ i₂le₂'éi₂ nē₃, tsá₃ chi₁chain'₅ le₃quió'₅ Cristo, i₂lín₅ mi₂dsi₄ i₂jme₂tau₅₄ ca₂le₃jē₃ ja₁qui₂le₁tion'₅₄ quió'₅, jmo₂₃ qui₂dsi₂cón₃ ta₁caun₂ ni₁ñi₁₂, lia'₂ con'₂ lē₅ 'ñio₂ dsí₅ Diú₄.

²⁰ Chi₂jua'₂ jaun₂ ma₂dsan'₃ bá₄ 'nia'₂ quian'₅₄ Cristo, ja₁con₂ jág₁ le₂'uīg₅₄ lia'₂ ñí'₂ dsí₅ dsa₂ mi₂güīg₃, ¿'e₂ guē'₂ 'uīg₅₄ lē₃ nē₃, qui₂tián'₅ guē₄ 'nia'₂ 'éi'₃ nē₂jag₄ a₂lín'₅ bá₄ guē₄ 'nia'₂ dsa₂ mi₂güīg₃? ²¹ Co₂'nió'₄ a₂juá'₂ 'éi'₃: “Tsá₃ i₂tí₅ gog'₂, tsá₃ i₂quē'₂ má₃ ó₃, tsá₃ i₂jma'₂ a₂ó₃ nē₃.” ²² Tajē₂ bá₄ a₂nē₅ dsiá₃ ju₁í₅lia'₂ jē₂jmo'₂ ta₁. Tē₂le₃ ia₁ con'₂ lē₅ 'éi'₃ a₂jme₂tag₅ dsa₂ mi₂güīg₃ bá₄ jaun₂. ²³ Jág₁ a₂le₃ñí'₂ dsí₅, jág₁ le₂nē₅, lé₂ le₃lín₂ dsa₂, ia₁ qui₂chi₂quióng₂ jmi₂g₄ 'ñio₅ lín₃ a₂jmo₃ dsa₂ a₂ñí₄ cuīn₂₃ Diú₄,

§ 2:12 lit. “lia'₂ con'₂ jme₁ca₂i₃tian'₃ 'nia'₂ jmi₂g₂.”

* 2:15 'Nio'₂ ja₁ton₅ Efesios

4:8. † 2:16 lit. “tsí'₂ guen₂.”

‡ 2:18 A₂lín₅₄ chog₅₄ si₂ juá'₂: “qui₂tiáin₂ 'ñio₅ lín₃ ju₁í₅lia'₂ a₂tsá₃ ma₂jág₃.”

a₂qui₂jmo₂₃ mei'₂, a₂qui₂cuě'₅ uig₅ ni₁ŋi₁₂ ně₃; la₁ 'i₁ca₂juig₄ tsá₃
'e₂ ta₁ jmo₃ jua'₅₄ quian'₅₄ a₂ně₅ lé₂ le₃guia'₃ dsa₂ cau₅ a₂'ág'₄ dsí₅
a₂mi₅ ni₁ŋi₁₂.

3

¹ Le₂ně₅ bá₄ jaun₂, ia₁ a₂ma₂ca₂jen'₅₄ guě'₂ 'nia'₂ quian'₅₄
Cristo, 'nio'₂ 'nia'₂ jaun₂ a₂lě₅ le₃quíó'₅ guei'₅₄ i₂juíg₃, ja₁guá₄
Cristo tē₂le₃ gu₂ ne₁ quíó'₅ Diú₄. ² Jmo₄ bá₄ 'nia'₂ 'i₅ 'au'₂
a₂ca₂tín₂ guei'₅₄ i₂juíg₃, on₃jua'₅₄ rē'₂ a₂ca₂tín₂ ne₄ gua'₅₄ 'uě₃. ³ Ia₁
ma₂dsan'₃ bá₄ 'nia'₂, jaun₂ ma₂rē'₂ma₄ a₂chan'₂ 'nia'₂ quian'₅₄
Cristo ja₁con₂ Diú₄. ⁴ Jē₁ma₂tē₂ rē₁jme₃jnia₅ Cristo ně₃, i₂lín₅
i₂jmo₅ a₂chong₂ jniog₄, jaun₂ ně₃, ján₃ guě'₂ le₂jaun₂ 'nia'₂
le₃jniág'₂ co₂lě₅ quiaín'₅₄ jē₄ co₂tág₅ co₂'né'₅ quíó'₅.

Jui₅ gui'₅₄, quian'₅₄ jui₅ 'mí₂

⁵ Jaun₂ lě₃, co₂dsia₅ jmo₄ 'nia'₂ jui₁dsian₂ gog'₂-tag'₅₄ a₂jmo₅-
dsáu₅ jui₁lia'₂ a₂lě₂ gua'₅₄ 'uě₃ la₂: jui₁lia'₂ a₂nió'₅ dsa₂ jág₁
a₂tsá₃ dsi₂ten₅₄ nió'₃; jui₁lia'₂ a₂jmo₅ dsa₂ cosa lē₁'iog₅, jui₁lia'₂
a₂'ín₅ dsí₅ cosa 'lig'₅₄, jui₁lia'₂ a₂'ín₅ dsí₅ dsa₂ jme₃'ŋiói'₃ a₂ca₂tín₂
i₂sián'₂. Ia₁ a₂co₂jaun₂ bá₄ ně₅ jui₁lia'₂ a₂jme₂gan₃ dsa₂ diú₄ lag₄.
⁶ Ia₁ 'uig₅₄ quíó'₄ a₂le₂ně₅ bá₄ já₅ uig₅ gau₂ a₂'ě₂ Diú₄ ne₄ quíó'₅
jaun₅ dsa₂ i₂tsá₃ ne'₅₄. * ⁷ Jui₅ le₂ně₅ jme₁i₂nio'₄ 'nia'₂ lia'₂ lě₅
jme₁chan'₂ 'nia'₂ le₂jniá₅. ⁸ La₁ rē₂ně₃ ně₃, tí₃ ca₂le₃jě₃ a₂le₂ně₅:
jui₁lia'₂ a₂'i₄ 'nei₂ 'au'₂ 'nia'₂, jui₁lia'₂ a₂lě₁qui₂rē₂'neg'₂, jui₁lia'₂
a₂'lig'₅₄ a₂qui₂dsi₂jnia₅ 'au'₂ 'nia'₂, jui₁lia'₂ a₂'ín₅ 'nia'₂ uig₅ ríng'₂,
jui₁lia'₂ jág₁ ga₂ a₂'uě₂ mi₂'o'₅₄. ⁹ Tsá₃ ma₃dsia₂ 'nia'₂ jág₁ tē₂jág₁
quian'₅₄ rín'₂ 'nia'₂ le₂jang'₂ le₂jang'₂, ia₁ ma₂dsian'₅₄ 'nia'₂ cau₅
dsa₂ 'ón₅ 'a₂ lia'₂ jme₁lín'₄ 'nia'₂ le₂jniá₅, quian'₅₄ guě₄ ca₂le₃jě₃
a₂jme₁jmo₅-dsáu₅, ¹⁰ co₂'nió'₄ ma₂ca₂qui'₂ táng₃ 'nia'₂ caun₂
a₂'mí₂, co₂'nió'₄ a₂lín'₅ dsa₂ 'mí₂; a₂caun₂ qui₂rē₂'mag'₂ 'nia'₂,
ia₁jaun₂ dsi₁nóg'₅ ja₁le₃cuín'₂ 'nia'₂ dse₃ lín₃ Diú₄, ja₁le₃lén'₂
'nia'₂ lia'₂ lín₅ 'éi₂ i₂ca₂jmo'₂ 'nia'₂. ¹¹ Ja₁jaun₂ tsá₃ 'ein₂ jmo₅
jma₃quén₅ jui₁lia'₂ dsi₂nau₂ o₃ dsa₂ judíos 'e₂, jui₁lia'₂ dsa₂
i₂rē₂uín'₄ o₃ tsá₃ rē₂uín'₄ quíó'₅ 'e₂, jui₁lia'₂ dsa₂ i₂chan₂ uín'₂, o₃
i₂chan₂ má'₂ 'e₂, jui₁lia'₂ dsa₂ i₂jme₂tí₃ ta₁ ne₄ juig₅₄, o₃ i₂tsá₃ 'ein₂
ne₄ jme₂tí₃; la₁ Cristo bá₄ quen₅ ne₄ ca₂le₃jě₃, ton'₂ 'ein₅₄ ja₁con₂
ca₂le₃jín₃.

¹² Jaun₂ lě₃, rín'₅₄ jniog₄, jui₁lia'₂ ca₂tín₂ jmo₃ dsa₂ i₂ma₂quíón'₂
Diú₄, i₂ma₂lě₅ 'í₁ quiáín₅, i₂ŋí₄ lě₃ 'nioi₃ 'éi₂: qui'₂ 'nia'₂ a₂rē₂lín'₅₄
a₂ŋéi₂ 'au'₂, a₂'ua₁ 'au'₂, a₂jmo'₂ meg'₂, a₂jme₁gan'₃ 'nia'₂ ríng'₂,
a₂juín'₂ 'au'₂ 'nia'₂ ně₃. ¹³ Jmo₄ 'nia'₂ tió'₃ 'au'₂ quian'₅₄
ríng'₂ le₂jang'₂ le₂jang'₂, ton'₂ 'én₃ 'nia'₂ dsáu₁ ríng'₂, ně₂jua'₂

* 3:6 A₂lín₅₄ chog₅₄ si₂ tsá₃ chí₁ton₅ jág₁: “ne₄ quíó'₅ jaun₅ dsa₂ i₂tsá₃ ne'₅₄.”

chan₂ i₂dsia₅ dsáu₁ rin'₅₄. Jui₁lia'₂ ca₂'én₂ Te₁gui'₅₄ dsáu'₂ 'nia'₂ guiong'₅₄, le₂jaun₂ jmo₄ 'nia'₂ ján₃, ¹⁴ A₂dsen₅₄ guë₄ jë₄ ca₂le₃jë₃, qui'₂ 'nia'₂ quian'₅₄ a₂jme₁'nió'₄ 'nia'₂ ríng'₂, † a₂në₅ bá₄ jmo₃ 'ag₃ co₂dsia₅ caun₂ jág₁ 'nia'₂. ¹⁵ Jui₁le₂gon₂ të₂'au'₂ 'nia'₂ a₂'ei₅ tei₄ quió'₅ Cristo, † ia₁ ta₁ jaun₂ ma₂qui₂rë₂té₄ 'nia'₂ a₂lén'₂ caun₂ bá₄ ñí₅. Jaun₂ jmo₄ 'nia'₂ 'au'₂ cuë'₅₄ ti₁'mag'₄. ¹⁶ Jui₁të₂gua₄ të₂'au'₂ 'nia'₂ lia'₂ rë₂tsón₂ jág₁ dse₃ quió'₅ Cristo; quian'₅₄ ca₂le₃jë₃ a₂ñí'₂ dsí₅ Diú₄, jë₁jme₂tín'₂ 'nia'₂ ríng'₂, jë₁qui₂ton'₂ 'nia'₂ jág₁ ríng'₂ të₂le₃ quian'₅₄ salmos, himnos, son₅₄ a₂gu₂dsí₂ në₃, a₂qui₁'ë'₂ 'nia'₂ a₂cuë'₅₄ ti₁'mag'₄ Diú₄ jui₅ të₂'au'₂ 'nia'₂. ¹⁷ Jui₁'e₂ guë₃ a₂jmo'₂, o₃ 'e₂ jág₁ dsiá'₁ 'nia'₂, jmo₄ 'nia'₂ ca₂le₃jë₃ o₄quió'₄ Te₁gui'₅₄ Jesús, qui₁cuë'₅₄ 'nia'₂ ti₁'mag'₄ Diú₄ Jmei₂ jniog₄ le₃quió'₅ 'éi₂.

A₂ca₂tín₂ dsa₂ quián₅ Cristo jmo₃ quiaín'₅₄ riín'₅₄

¹⁸ 'Nia'₂ dsa₂ mí₂ i₂chan₂ dsi₂i₂gu₂, tión'₂ 'nia'₂ 'éi'₃ quió'₅ dsa₂ ñe'₂ quiáng'₂, jui₁lia'₂ dsi₂ten₅₄ ia₁ líng'₅ dsa₂ 'én₂ le₃quió'₅ Te₁gui'₅₄. ¹⁹ 'Nia'₂ guë'₂ dsa₂ ñe'₂ i₂chan₂ dsa₂ mí₂ quián₅, jme₁'nió₄ 'nia'₂ dsa₂ mí₂ quiáng'₂, tsá₃ jmo'₂ 'nia'₂ 'ua'₂ 'au'₂ ja₁coin₂. ²⁰ 'Nia'₂ chi'₂-guein₂, nei₂ 'nia'₂ gau₂ jág₁ quió'₅ chog'₂-ñéi'₅ jë₄ le₃jë₃, ia₁ a₂në₅ bá₄ të₅ dsí₅ Te₁gui'₅₄. ²¹ 'Nia'₂ guë'₂ në₃, jmei₂ chi'₂, tsá₃ tó'₂ 'nia'₂ 'nei₂ dsí₅ chi'₂-guein₂ quián'₂ 'nia'₂, ia₁jaun₂ tsá₃ jén₂ dsí₅. ²² 'Nia'₂ dsa₂ i₂jme₂ti₃ ne₄ dsa₂, jme₁ti₁ 'nia'₂ ca₂le₃jë₃ 'e₂ ta₁ ti₂néi'₂ juig'₂ i₂lín₅ juig'₂ të₂le₃ ne₄ gua'₅₄ 'uë₃ la₂, on₃jua'₅₄ jmá'₃ jme₁jág₅ ia₁jaun₂ të₂tsin'₅₄ 'nia'₂ dse₃ quiaín'₅₄, la₁ jmo₄ bá₄ jui₅ të₂'au'₂ a₂tí₅ të₂dsón'₂, ia₁ të₂le₃ a₂gang'₃ Te₁gui'₅₄. ²³ Jui₁'e₂ guë₃ caun₂ a₂jmo'₂ 'nia'₂, jmo₄ 'nia'₂ a₂'ñio₂ 'au'₂ co₂'nió'₄ a₂jmo'₂ ta₁ le₃quió'₅ Te₁gui'₅₄, on₃jua'₅₄ le₃quió'₅ dsa₂. ²⁴ Ia₁ ma₂ñi'₅₄ bá₄ 'nia'₂, Te₁gui'₅₄ bá₄ cuë₃ 'liang'₅₄ a₂ma₂lë₅ jág₁ ca₂tíng'₂. Ia₁ ne₄ Te₁gui'₅₄ Cristo jme₂tí'₁ 'nia'₂ ta₁. ²⁵ La₁ jui₁lia'₂ i₂jmo₅-dsáu₅ a₂'lig'₅₄, gue₃ bá₄ 'liain'₅₄ lia'₂ con'₂ lë₅ 'lig'₅₄ a₂jmo₂₃. Ia₁ tsá₃ jma₃quén₅ jín₂ Diú₄ le₂jan₂ le₂jan₂ dsa₂.

4

¹ 'Nia'₂ dsa₂ i₂lín₅ juig'₅₄ quián₅ dsa₂, ca₂tín'₂ 'nia'₂ jmó'₂ lia'₂ con'₂ dsi₂ten₅₄, 'i'₅₄ jág₁ 'nia'₂ quiang'₅₄ dsa₂ i₂qui₂jme₂ti₃ ne'₅₄. Jui₁dsiog'₂ bá₄ 'au'₂ 'nia'₂ a₂chan₂ jan₂ Juig'₂ 'nia'₂ ján₃ i₂guá₅ guei'₅₄ i₂juíg₃.

² Caun₂ chi₂len'₄ 'nia'₂ Diú₄ a₂léi₄ rë₂jnio₄ ne'₅₄ 'nia'₂, cuë'₅₄ ti₁'mag'₄. ³ Mi₄ 'nia'₂ ne₄ Diú₄ o₄quiaín₂ jnia'₅₄ ján₃, ia₁jaun₂ bá₄ cuë₃ Te₁gui'₅₄ jui₅ rë₂na₄ jnia'₅₄ ia₁jaun₂ lé₂ le₃qui₁'ë₄ jág₁ dse₃ a₂qui₁chei₅₄ jnia'₅₄ dsa₂ jág₁ a₂rë₂'ma₄ quió'₅ Cristo; 'uig'₅₄ jág₁

† 3:14 'Nio'₂ ja₁ton₅ 1 Corintios 13:13. ‡ 3:15 o₃, "quió'₅ Diú₄."

ně₅ bá₄ 'eng₅₄ rě₂jní₅. ⁴ Chi₂len₄ 'nia'₂ Diú₄ ia₁jaun₂ lé₂ le₃'ě₄ lia'₂ qui₂rě₂jiá₃ já₃ lia'₂ con'₂ dsi₂ten₅₄ jmo₅₄.

⁵ Tián'₂ 'nia'₂ 'en₅₄ 'au'₂ jmo₄ quian'₅₄ ju₁lia'₂ dsa₂ i₂tsá₃ 'én₂, 'ñio'₄ 'nia'₂ jmo₄ a₂dse₃ jě₁cuin₅ jmig₄. ⁶ Já₃ a₂dsia'₂ 'nia'₂ co₂tan₅₄ bá₄ ca₂tín'₂ 'nia'₂ dsiá'₁ a₂'ua₁ 'au'₂, já₃ a₂'ñio₂ dsi₅ a₂ja₂ mi₂juig₂. Ca₂tín'₂ 'nia'₂ já₃ le₃ñi'₅₄ 'a₂ lia'₂ qui₁jein'₄ já₃ ja₁con₂ le₂jan₂ le₂jan₂ dsa₂.

Cuag₂₃ Diú₄ jě₁ca₂tó'₂

⁷ Tíquico rin'₅₄ jniog₄ i₂nióg₃ guě₄ lín₃, i₂ma₂já₅ jme₂'o₅₄ qui₂rě₂ti'₅₄, jme₂ti₃ quian'₅₄ jniá₂ ne₄ Te₁gui'₅₄, 'éi₂ bá₄ dsia₃ ca₂le₃jě₃ 'a₂ lia'₂ lě₅ chang₂. ⁸ 'Uig₅₄ jaun₂ tsín₂jniá₂ ja₁con'₂ 'nia'₂ ia₁jaun₂ dsia₃ 'a₂ lia'₂ chong₂ jnia'₅₄ ja₁lá₃, ton'₂ ia₁jaun₂ cuě'₃ 'nia'₂ lián'₂; ⁹ quiaín'₅₄ Onésimo ně₃, jan₂ rin'₅₄ jniog₄ i₂rě₂ti'₅₄, i₂lín₅ jan₂ i₂quian'₄ 'nia'₂: i₂ně₅ bá₄ dsia₃ ca₂le₃jě₃ 'e₂ niog₅ lě₂ ja₁lá₃.

¹⁰ Aristarco, i₂quiong'₅₄ jniá₂ né'₃ má₃, dsiáín'₂ já₃ a₂cuin₂₃ Diú₄ 'nia'₂, já₃ bá₄ le₂jaun₂ Marcos, i₂lín₅ chi'₂ rin'₅₄ * Bernabé. Tě₂le₃ quió'₅ Marcos 'éi₂ ně₃, ma₂gue'₅₄ bá₄ 'nia'₂ já₃ 'a₂ lia'₂ jmó'₂; ně₁juá'₂ ca₂dsióg₃ dsi₁jiin₁₂ 'nia'₂, guein₅₄ bá₄ 'nia'₂ dse₃. ¹¹ Já₃ bá₄ cuag₅ Diú₄ i₂chen₂ Jesús i₂tě'₂ dsa₂ Justo já₃. Jnia'₅₄ lia'₂ i₂ně₅ bá₄ lín₅ i₂ún₂ tan₅₄ i₂rě₂uig₄ quió'₅, i₂jmo₅ ta₁ quian'₅₄ jniá₂ o₄quió'₄ ja₁gon₂ Diú₄, i₂ma₂ja₂lén₂ jmo₅ lián'₂ dsi₃. ¹² Epafras ně₃ jan₂ i₂lín₅ rín'₂ 'nia'₂, dsiáín'₂ já₃ a₂cuin₂₃ Diú₄ 'nia'₂, jan₂ rin'₅₄ i₂jme₂ti₃ ne₄ Cristo Jesús. Co₂tan₅₄ bá₄ chi₂lén'₂ 'éi₂ Diú₄ 'ñio₅ lín₃ o₄quián'₂ 'nia'₂, ia₁jaun₂ tón'₂ 'nia'₂ rě₂'ñiag'₅, 'ei₅ caun₂ já₃ 'nia'₂ jě₄ ca₂le₃jě₃ 'a₂ lia'₂ 'ñio₂ dsi₅ Diú₄. ¹³ Lé₂ já₃ng'₄ jniá₂ já₃ dsau₅ 'a₂ lia'₂ ma₂já₅ 'éi₂ dsan₂ dsi₅ 'nia'₂, já₃ bá₄ le₂jaun₂ o₄quió'₄ i₂tián'₅ juig₂ Laodicea quian'₅₄ guě'₂ i₂tián'₅ Hierápolis já₃. ¹⁴ Lucas, i₂lín₅ tě₅mí₅ i₂'nió₄ guě₄ lín₃, cuin₂₃ Diú₄ 'nia'₂; já₃ guě'₂ le₂jaun₂ i₂tě'₂ Demas. ¹⁵ Cuin₅₄ 'nia'₂ Diú₄ rin'₅₄ i₂tián'₅ juig₂ Laodicea. Cuin₅₄ 'nia'₂ Diú₄ já₃ 'io₅₄ Ninfas, quian'₅₄ co₂nió'₃ guá'₅ i₂ñi'₂ dsi₂néi₂ quió'₅ ně₃. ¹⁶ Jě₁ma₂ca₂'í'₂ 'nia'₂ si₂ la₂ jě₄ quián'₂ 'nia'₂, jaun₂ tsing'₅₄ 'nia'₂ guá'₅ chan₂ Laodicea ia₁jaun₂ 'i₃ táng₃ rin'₅₄ jniog₄ ja₁jaun₂; ton'₂ já₃ guě'₂ 'í'₂ 'nia'₂ si₂ a₂ca₂dsióg₃ ne₄ i₂chan₂ Laodicea. ¹⁷ A₂la₂ chei'₅₄ Arquipo: "Tion'₂ 'ne₂ jui₅ ta₁ a₂ma₂gue'₅₄ a₂ma₂dsia₃ Te₁gui'₅₄ gog'₂, a₂jme₁ti'₄ rě₂."

¹⁸ Jniá₂ Pa₄, cuíng₅ Diú₄ 'nia'₂ quian'₅₄ letra quió₃ 'ñi₃.† Ju₁dsiog'₂ bá₄ 'au'₂ 'nia'₂ a₂'eng₅₄ rě₂jní₅. Ju₁jme₂gu'₅₄ bá₄ Diú₄ 'nia'₂.

Co₂ně₅.

* 4:10 o₃, "primo." † 4:18 'Nio'₂ ja₁ton₅ 1 Corintios 16:21; Gálatas 6:11; 2 Tesalonicenses 3:17; Filemón 19.

Si₂ carta le₂'uig₅₄ a₂ca₂jmo₃ San Pablo ne₄ dsa₂ TESALONICENSES

*Pablo quiaín₅₄ riín₅₄ jmo₂₃ si₂ a₂chein₃ ne₄ Guá₅ i₂chan₂ juig₂
Tesalónica*

¹ Jniá₂ Pa₄, quian₅₄ Silvano,* Timoteo ně₃, jmo₂₃ si₂ la₂
a₂dsiang₅₄ ne₄ dsa₂ i₂ma₂'én₂ le₃quíó₅ Jesús, i₂chan₂ juig₂
Tesalónica, dsa₂ i₂'ei₅ caun₂ jág₁ quian₅₄ Diú₄, quian₅₄ Te₁gui₅₄
Jesucristo ně₃. Jui₁jme₂gu₅₄ Diú₄ 'nia₂. Jui₁'ei₅ bá₄ tei₄ tion₅₄
'nia₂ quian₅₄ 'éi₃ quió₅ Diú₄ Jmei₂ jniog₄, quian₅₄ 'éi₃ quió₅
Te₁gui₅₄ Jesucristo ně₃.

Cha₂ léi₄ ja₁con₂ dsa₂ chan₂ Tesalónica ia₁ a₂'éin₂

² Ca₂le₃jě₃ jmig₄ bá₄ cuē₂ jnia₅₄ ti₁'mag₄ Diú₄ o₄quíán₂ 'nia₂
ca₂le₃jíng₃. Jě₂ma₂tě₂ rě₁chi₁len₄ jnia₅₄ Diú₄, dsau₂ bá₄ dsi₅
jnia₅₄ 'nia₂. ³ Dsau₂ bá₄ dsi₅ jnia₅₄ 'nia₂ ne₄ Diú₄ Jmei₂ jniog₄,
ia₁ 'ñio₅ lín₃ ma₂jmo₅₄ 'nia₂ ta₁ cha₂ léi₄ ja₁con₂ 'nia₂ ia₁ 'éng₂,
ia₁ 'ñio₅ lín₃ jme₂ti₅₄ 'nia₂ ta₁ ne₄ Te₁gui₅₄ 'uig₅₄ ia₁ a₂'nió₃ 'nia₂.
Jaun₂ caun₂ bá₄ le₁'ág₄ 'au₂ 'nia₂ a₂'ín₂ 'au₂ le₃quíó₅ Te₁gui₅₄
Jesucristo quián₂ jniog₄. ⁴ Rin₅₄ jniog₄, 'nio₃ bá₄ Diú₄ 'nia₂,
ne₄ bá₄ jnia₅₄ a₂ma₂quíóin₂ 'nia₂. ⁵ Lia₂ con₂ jme₁ca₂jme₁tin₅
jnia₅₄ 'nia₂ jág₁ dse₃, on₃jua₅₄ jmá₃ quian₅₄ jág₁ jaun₂ jme₁né₄.
Ia₁ jme₁quian₅₄ bá₄ jui₅bí₂ quió₅ Jme₂dsí₂ Jñió₅ ján₃, ca₂'ě₄ jág₁
dse₃ la₂ jín₄ 'nia₂. Jaun₂ caun₂ bá₄ 'ei₅ dsi₅ jnia₅₄ ia₁ Jme₂dsí₂
Jñió₅ bá₄ jmo₃ jme₃'uá₂ 'au₂ 'nia₂ a₂le₃'éng₂. Ní₅₄ bá₄ 'nia₂ dse₃
'a₂ lia₂ ca₂tió₄ jnia₅₄ jín₄ 'nia₂ a₂dse₃ quián₂ bá₄ 'nia₂ jaun₂.

⁶ 'Nia₂ ně₃, ca₂quian₂ 'nia₂ jui₅ a₂ca₂quíán₁ jnia₅₄, a₂ca₂can₃
Te₁gui₅₄ ně₃. Ca₂gue₅₄ bá₄ 'nia₂ a₂'ñio₂ 'au₂ jág₁ dse₃. Chan₂
bá₄ 'nia₂ o₂'ñio₃ o₂jñia₃ 'au₂ a₂jmo₅ Jme₂dsí₂ quián₅ Diú₄, tsá₃
a₂nag₅₄ jaun₂ ca₂quí₂ a₂ca₂i₃ñí₂ 'nia₂ uig₅ 'ñio₅ lín₃ 'uig₅₄ jág₁
dse₃. ⁷ Jaun₂ le₂ně₅ bá₄ ca₂dsi₃nó₅ 'nia₂ ca₂cuē₅₄ 'nia₂ caun₂
jui₅ dse₃ jaun₂ ca₂cáun₃ 'í₁ ca₂le₃jín₃ dsa₂ i₂'én₂ le₂tan₅₄ juig₂ te₁'i₁
'uě₃ Macedonia quian₅₄ le₂tan₅₄ 'uě₃ Acaya ně₃. ⁸ Jaun₂ le₂ně₅
ma₂ca₂'ě₅₄ 'nia₂ dsa₂ jág₁ dse₃ quió₅ Te₁gui₅₄, on₃jua₅₄ jmá₃
dsa₂ chan₂ Macedonia quian₅₄ Acaya ma₂qui₂ma₂'ě₅₄ 'nia₂
jág₁, ia₁ ca₂le₂con₂ ja₁siá₂ bá₄ ján₃ le₁ñi₅ dsa₂ a₂lín₂ 'nia₂ dsa₂
i₂'én₂ quián₅ Diú₄. Jaun₂ tsá₃ ma₃'e₂ jua₅₄ 'nió₅ guě₄ chei₅₄ jnia₅₄
'i₁caun₂ 'nia₂. ⁹ Tě₂le₃ dsia₅ bá₄ 'éi₂ guioin₅₄ a₂ca₂guei₅₄ 'nia₂
dse₃ jnia₅₄, dsia₂₃ 'a₂ lia₂ ca₂tí₃ a₂jme₁'éng₂ tē₂le₃ quió₅ diú₄
lag₄, a₂ca₂rě₃'én₂ 'nia₂ tē₂le₃ quió₅ Te₁gui₅₄, ca₂jme₁tí₄ ne₄ Diú₄

* 1:1 Lia₂ chen₂ Silvano, co₂rě₂ quian₅₄ Silas.

jén'₃ dsón'₂ i₂chan₂. 10 Dsia₂₃ bá₄ ján₃ 'a₂ lia'₂ tion'₅₄ 'nia'₂ le₁jan'₄
a₂jñió'₂ táng₃ jui₅ guei'₅₄ i₂juíg₃ Jesús Ja₁ñi'₅₄ Diú₄ i₂ca₂jme₃jein'₅₄
jin₄ 'lag₄. I₂'éi₂ bá₄ lió₂ jniog₄ ne₄ a₂'i₄ 'nei₂ dsí₅ Diú₄.

2

Ta₁ a₂ca₂jmo₃ Pablo jui₂ Tesalónica

1 Ia₁ ñi'₅₄ bá₄ 'nia'₂ guiong'₅₄, rin'₅₄ jniog₄, tsá₃ jua'₅₄
a₂lē₁ca₂i₁náu₄ jnia'₅₄ ca₂i₁jin'₁ 'nia'₂. 2 Ia₁ ma₂ñi'₅₄ bá₄ 'nia'₂, tē₂le₃
ca₂jme₃'o₅₄ bá₄ Diú₄ ca₂nio₃ tiá₂ dsí₅, ca₂'ě₄ jnia'₅₄ ja₁con'₂ 'nia'₂
jág₁ dse₃ a₂lión₂ dsa₂, o₁jñia'₅₄ ca₂jmóg'₂ dsa₂ ca₂tē₂ca₂'o'₂ jui₂
Filipos le₂jñiá₅. 3 Ia₁ jág₁ a₂ca₂tion'₅₄ jnia'₅₄ 'nia'₂, on₃jua'₅₄ a₂já₃
'ui₂g₅₄ ia₁ a₂i₂gon₂ jnia'₅₄, on₃ guē'₂ o₄quió'₄ ia₁ a₂dsi₂jñia₅ dsí₅
a₂'lig'₅₄, on₃ guē'₂ jua'₅₄ ia₁ a₂jme₂gán₁ jnia'₅₄ 'nia'₂. 4 Tē₂le₃ ia₁
Diú₄ bá₄ ca₂cáun₃ 'í₁ a₂jmo₂ jnia'₅₄, ca₂dsia₃ gu₂ jnia'₅₄ a₂qui'ě₄
jág₁ dse₃. Jaun₂ le₂nē₅ jui₁lia'₂ jág₁ a₂jua'₂ jnia'₅₄, on₃jua'₅₄ a₂jua'₂
ia₁jaun₂ 'ñio₂ dsí₅ dsa₂ mi₂güí₃, tē₂le₃ ia₁jaun₂ 'ñio₂ dsí₅ Diú₄
bá₄ i₂con₂ 'í₁ tē₂dsí₅ jniog₄. 5 Ñi'₅₄ bá₄ 'nia'₂, 'i₁cón'₂ tsá₃ jua'₅₄
ca₂dsiá₁ jnia'₅₄ jág₁ rau₂, on₃ guē'₂ jua'₅₄ ca₂'má₂ jnia'₅₄ jág₁ a₂tsá₃
dsi₂ten₅₄ 'má₂ ia₁jaun₂ léi₂ cu₄. Jág₅ bá₄ Diú₄ ca₂le₃jě₃ a₂ca₂jmó₁.
6 Tsá₃ a₂jaun₂ 'niog₂ jnia'₅₄ jua'₅₄ a₂jme₃jua₂'₂ dsa₂ 'ñio₅ lín₃,
on₃ guē'₂ 'nia'₂, on₃ guē'₂ dsa₂ sián'₂ ně₃, o₁jñia'₅₄ jme₁ca₂tág₂
rē'₂ jnia'₅₄ jmó₁ 'éi'₃ jaun₂ ia₁ a₂lág₅ dsa₂ i₂chen₄ quián₅ Cristo.
7 Tē₂le₃ ca₂jmó₁ bá₄ jnia'₅₄ 'ua₁ dsí₅ ja₁con'₂ 'nia'₂, jui₁lia'₂ lín₅
jan₂ chog₅₄ chi'₂, a₂jme₂cain'₅₄ chi'₂ quiáin₅ qui₂jmo₂₃ 'í₁. 8 Jaun₂
lē₃ 'ñio₅ lín₃ ca₂rē₃'niog₃ jnia'₅₄ 'nia'₂, ca₂lia'₂ jñia'₅₄ on₃jua'₅₄ jmá'₃
jág₁ dse₃ quió'₅ Diú₄ ně₅ ca₂tág₂ jnia'₅₄ cuē₁, le₂jio₂₅ jme₂dsí₂
quián₂ jnia'₅₄ 'ñio₂ dsí₅ cuē₁ ján₃. Ia₁ ma₂dsi₂nó'₅ 'nia'₂ léng'₂
dsa₂ i₂'nió₄ lín₃ quián₂ jnia'₅₄. 9 Jua'₂ jnia'₅₄ le₂nē₅, rin'₅₄ jniog₄,
ia₁jaun₂ dsá₂ bá₄ 'au'₂ 'nia'₂ 'a₂ lia'₂ ca₂jmó₁ jnia'₅₄ ta₁ a₂ca₂lag₃
a₂que₅₄. Lia'₂ 'uē₂-jmi₂ bá₄ qui₂ca₂jmó₁ jnia'₅₄ ta₁, ia₁jaun₂
'i₁jan'₂ 'nia'₂ tsá₃ jua'₅₄ 'ein₂ 'ñio₅ guei₂ ca₂can₃ quian'₅₄ jnia'₅₄,
tē₁lia'₂ ca₂tió'₄ ca₂'ě₄ jág₁ dse₃ quió'₅ Diú₄.

10 Ca₂tē₂ bá₄ ne'₅₄ 'nia'₂, jág₅ bá₄ Diú₄ ján₃, ca₂tió'₄ jnia'₅₄
quian'₅₄ 'nia'₂ dsa₂ i₂én₂, a₂lág₅ jnia'₅₄ dsa₂ jñiō₅, dsa₂ dsen₃,
i₂tsá₃ 'ein₂ lé₂ le₃bóg'₂ dso₄. 11 Ñi'₅₄ bá₄ 'nia'₂ ján₃, ca₂jmó₁
jnia'₅₄ jin'₄ 'nia'₂ jui₁lia'₂ jmo₅ jan₂ jmei₂ dsa₂ jmái'₂ chi'₂
quiáin₅, qui₂ca₂cuē₅₄ jnia'₅₄ bí₂ 'nia'₂, ca₂tion'₅₄ jnia'₅₄ jág₁ 'nia'₂
jaun₂ náu'₁ tiá₂ jui₅ dse₃. 12 Jaun₂ qui₂ma₂chei₅₄ bá₄ jnia'₅₄
'nia'₂ a₂i₁niog'₄ lia'₂ con'₂ dsi₂ten₅₄ i₂nio₄ dsa₂ quián₅ Diú₄ i₂tē₂
a₂jme₁quiain'₄ 'nia'₂ ja₁jmo₂₃ 'éi'₃ guei'₅₄ i₂juíg₃ ja₁lē₄ co₂tág₅
co₂'né'₅ quió'₅.

13 Jaun₂ lē₃, ca₂le₃jě₃ jmi₂g₄ bá₄ cuē₂ jnia'₅₄ ti₁'mag'₄ Diú₄. Ia₁
le₂'ui₂g₅₄ jme₁ca₂nei'₂ 'nia'₂ jág₁ dse₃ quió'₅ Diú₄ a₂ca₂jua'₅₄ jnia'₅₄,
ca₂gue'₅₄ bá₄ 'nia'₂ con'₂ lē₅ jág₁ dse₃ quió'₅ Diú₄, on₃jua'₅₄ con'₂

lě₅ jág₁ quió'₅ dsa₂ mi₂güí₃. Ia₁ dsón'₂ bá₄ jág₁ dse₃ quió'₅ Diú₄ nē₅, a₂jmo₃ léi₄ tē₂'au'₂ 'nia'₂ dsa₂ i₂'én₂. ¹⁴ Rín'₅₄ jniog₄, lia'₂ con'₂ ca₂ŋag'₅₄ 'nia'₂ uig₅ qui₂ca₂'ein₃ dsa₂ go'₄ 'nia'₂, ca₂i₃ŋí'₂ 'nia'₂ jui₁lia'₂ ca₂jma'₂ dsa₂ guá'₅ quián₅ Diú₄ i₂tián'₅ Judea i₂ma₂lín₅ quián₅ Cristo Jesús. Le₂jaun₂ bá₄ ca₂qui₂co₂'ein₃ dsa₂ judíos dsa₂ go₅₄. ¹⁵ Dsa₂ judíos 'éi₂ bá₄ i₂ca₂jŋí'₃ Te₁gui'₅₄ Jesús, i₂ca₂jme₃dsian₅ dsa₂ i₂chen₄ quián₅ Diú₄ nē₃. Jaun₂ ca₂'uág'₂ bá₄ jnia'₅₄. Tsá₃ 'nioi₃ Diú₄. 'Ŋiai₅₄ bá₄ ca₂le₃jín₃ dsa₂. ¹⁶ Cha₂jme₁lín₅₄ 'niog₂ jnia'₅₄ chei₅₄ jág₁ dsi₂nau₂, ia₁jaun₂ líón₂ 'éi₂ ján₃. La₁ 'éi₂ bá₄ jné₅ jui₅. Jaun₂ le₂nē₅ caun₂ dsi₂juē'₂ bá₄ dsáu₁. Co₂ŋei'₅₄ ma₂já₅ a₂'i₄ 'nei₂ dsí₅ Diú₄ ja₁coin₂.

Dsi₂jio₅ dsí₅ Pablo dsó₃ táng₃ jui₅ Tesalónica

¹⁷ Rín'₅₄ jniog₄, lia'₂ con'₂ jme₁ca₂tén₄ co₂'na₂ rín'₅₄, o₁jnia'₅₄ tsá₃ né₅ jnia'₅₄ 'nia'₂, la₁ tion₅₄ bá₄ jme₁dsau'₂ dsi₅ jnia'₅₄, 'ŋio₅ lín₃ jme₁'niog₂ jnia'₅₄ dsau₅₄ táng₃ dsi₁né₄ 'nia'₂. ¹⁸ Jaun₂ dsón'₂ bá₄ jme₁'niog₂ jnia'₅₄ dsau₅₄ dsi₁jín₁ 'nia'₂. Jniá₂ Pa₄ 'líóng₂ ráun₂ jme₁ca₂quín'₃ bí₂ a₂nei₅₄. La₁ i₂sē₃dsen₃ bá₄ ca₂jné₃ jui₅. ¹⁹ Jaun₂ ħ'e₂ jaun₂ a₂'ín₂ dsi₅ jnia'₅₄ chong₂, a₂jmo₅ jnia'₅₄ 'io'₂, o₃ premio o₄quió'₄ a₂jmo₁ jnia'₅₄ táu'₅ jē₁ma₂tē₂ rē₁guan₂ Jesús Te₁gui'₅₄ quián₂? ħOn₁jua'₅₄ o₄quián'₂ 'nia'₂ bá₄? ²⁰ 'Uig₅₄ quián'₂ 'nia'₂ bá₄ ŋí₄ 'io'₂ jēin₅ jnia'₅₄; o₄quián'₂ 'nia'₂ bá₄ jme₂go₃ dsa₂ sián'₂ nē₃

3

¹ Jaun₂ nē₃, ia₁ tsá₃ ma₃tián₂ jnia'₅₄, ca₂rē₃'ŋio₃ bá₄ dsi₅ jnia₁ guio₅₄ juig₂ Atenas. ² Jaun₂ ca₂chen₅₄ jnia'₅₄ Timoteo rín'₅₄ ca₂i₁jín₁₂ 'nia'₂, ia₁ i₂ma₂lín₅ quián₅ Diú₄ bá₄ 'éi₂, ia₁ jmo₂₃ ta₁ co₂lě₅ quian'₅₄ jnia'₅₄ a₂jme₂tiñ₂₃ dsa₂ jág₁ dse₃ quió'₅ Cristo. Lé₂ le₃juá'₂ 'éi₂ lia'₂ tí₅ jág₁ cuē'₃ bí₂ 'nia'₂ a₂le₃'én'₂ guē₄ 'nia'₂, ³ ia₁jaun₂ 'i₁jan'₂ 'nia'₂ tsá₃ dsi₃lén₂ cau₅ 'uig₅₄ a₂co₂'ein₅ dsa₂. Ia₁ ŋi'₅₄ bá₄ 'nia'₂ guiong'₅₄, 'éi'₃ nē₅ tio'₅₄. ⁴ Lia'₂ con'₂ jme₁tio'₅₄ jnia'₅₄ quian'₅₄ 'nia'₂ le₂jŋiá₅, ca₂jua'₅₄ jnia'₅₄ a₂tion₅₄ niog₅ ŋag₅₄ 'uig₅₄, jaun₂ le₂jaun₂ ca₂lē₃ nē₃, jaun₂ ma₂ŋi'₅₄ bá₄ 'nia'₂. ⁵ Jaun₂ lē₃, ia₁ tsá₃ ma₃tió₅ 'i₅ dsi₃, ca₂tsíng₂ dsa₂ ca₂i₁ŋag₁₂ 'a₂ lia'₂ lē₅ ma₂'én'₂ 'nia'₂ tióng'₅₄, ia₁ con'₂ tsá₃ ŋó₅ nē₁ca₂'liog'₃ i₂sē₃dsen₃ a₂jmo₂' 'nia'₂ cosa 'lig'₅₄. Tsá₃ ma₃ta₁ tí₄ ta₁ quián₂ jnia'₅₄, jua'₅₄ mei'₂ guē₃ le₂jaun₂.

⁶ La₁ ma₂guán'₅ bá₄ táng₃ Timoteo juig₂ Tesalónica, quion₂ jág₁ dse₃ 'én'₂ bá₄ 'nia'₂ jág₁ quió'₅ Diú₄, 'nió'₃ bá₄ 'nia'₂ ríng'₂ le₂jang'₂ le₂jang'₂. Juá'₂ bá₄ ján₃, jmo'₂ 'nia'₂ 'io'₂ a₂dsau'₂ 'au'₂ 'nia'₂ jnia'₅₄ ca₂le₃jē₃ jmig₄, a₂'ín₅ 'au'₂ 'nia'₂ 'ŋio₅ lín₃ jag'₅₄ jnia'₅₄, le₂jaun₂ bá₄ jnia'₅₄ ján₃ jui₁lia'₂ 'nia'₂ 'ín₅ dsi₅ jín₄ 'nia'₂. ⁷ Jaun₂ le₂nē₅, rín'₅₄ jniog₄, tē₃jē₄ uig₅ chong₂ 'i₅ dsi₅ jnia'₅₄, la₁ ca₂'ág₂ lián'₂ dsi₅ jnia'₅₄ jme₁ca₂rē₃ne₄ 'a₂ lia'₂ lē₅ a₂'én'₂ 'nia'₂. ⁸ Io'₂ jēin₅

jnia'⁵⁴ chong₂ jme₁ca₂rě₃ne₄ tión'₂ bá₄ 'nia'₂ tiá₂ tē₂le₃ quió'₅ Te₁gui'⁵⁴. ⁹ Ca₂lia'₂ tsá₃ ne₄ jnia'⁵⁴ 'a₂ lia'₂ cuē⁵⁴ ti₁'mag'₄ Diú₄ con'₂ dsi₂ten⁵⁴ o₄quió'₄ a₂'io'₂ jmo₂ jnia'⁵⁴ le₃ne₄ Diú₄ quián₂ o₄quián'₂ 'nia'₂. ¹⁰ Ca₂le₃jě₃ dsi₅ bá₄ jnia'⁵⁴ mi₂ lia'₂ 'uē₂-jm₂ne₄ Diú₄ a₂cuē₃ jmig₄ dsi₁jin₁ 'nia'₂, jaun₂ jme₁'ñia₅ guē₄ jnia'⁵⁴ a₂'nió'₅ le₃tin'₂ guē₄ 'nia'₂ a₂le₃éng'₂.

¹¹ 'Niog₂ jnia'⁵⁴, Diú₄ Jmei₂ 'ñiog₅ quian'⁵⁴ Te₁gui'⁵⁴ Jesu-cristo, jme₃'o⁵⁴ cuē₃ jmig₄ dsi₁náu₅ dsi₁jng⁵⁴ 'nia'₂. ¹² Jui₁jmo⁵⁴ bá₄ Te₁gui'⁵⁴ jui₁dsi₂cón₃ a₂jme₁'nió'₄ guē₄ 'nia'₂ ríng'₂ le₂jan'₂ le₂jan'₂ 'nia'₂ quian'⁵⁴ ca₂le₃jín₃ guē₄ jui₁'ein₂ guē₃ dsa₂ jui₁lia'₂ 'nio₃ jnia'⁵⁴ 'nia'₂. ¹³ Jui₁jmo⁵⁴ bá₄ Diú₄ 'ag₃ tiá₂ 'au'₂ 'nia'₂, lén'₂ 'nia'₂ dsa₂ i₂ma₂lē₅ 'í₁ quiáin₅ i₂tsá₃ ma₃'e₂ dsáu₁ cha₂ ne₄ Diú₄ Jmei₂jniog₄ jē₁ma₂tē₂ rē₁jnió'₂ Te₁gui'⁵⁴ Jesús quian'⁵⁴ ca₂le₃jín₃ i₂quiáin₅.*

4

'A₂lia'₂ dsi₂ten⁵⁴ le₃chan₂ dsa₂con'₂ 'ñio₂ dsí₅ Diú₄

¹ Nē₃ nē₃ rin'⁵⁴ jniog₄, mi₂ jnia'⁵⁴ ne'⁵⁴ 'nia'₂ tē₂le₃ o₄quió'₄ Te₁gui'⁵⁴ Jesús, a₂i₁nió'₄ 'nia'₂ lia'₂ con'₂ 'ñio₂ dsí₅ Diú₄, jui₁lia'₂ ca₂jme₁tag₅ jnia'⁵⁴. Le₂jaun₂ caun₂ jmo₄ 'nia'₂ ca₂le₃jě₃ jmig₄.

² Ní'⁵⁴ bá₄ 'nia'₂ 'a₂lia'₂ lě₅ jág₁ ca₂jme₁tag₅ jnia'⁵⁴, 'éi'₃ ca₂cuē₃ Te₁gui'⁵⁴ Jesús. ³ A₂'nio₃ Diú₄ a₂i₁nió'₄ 'nia'₂ líng'₅ dsa₂ i₂ma₂lē₅ 'í₁ ca₂ne⁵⁴ i₂ma₂quiáin₅ 'ñiog₅; 'i₁jan₂ tsá₃ 'ein₂ jui₁nió'₄ jág₁ a₂tsá₃ dsi₂ten⁵⁴ nió'₃. ⁴ Jui₁le₂ñi'⁵⁴ 'nia'₂ le₂jang'₂ le₂jang'₂ 'a₂lia'₂ tiáng'₄ quiang'⁵⁴ dsa₂ mí₂ quiáng'₂, lě₅ 'í₁, jme₁gain'₃ 'nia'₂.* ⁵ On₃jua'⁵⁴ a₂lē₁qui₂dsi₂jein₅ 'au'₂ 'nia'₂ 'lig'⁵⁴ jui₁lia'₂ jmo₅ dsi₂nau₂ i₂tsá₃ Diú₄ cuin₅. ⁶ Jaun₂ 'i₁jan₂ tsá₃ 'ein₂ jui₁qui₂dsi₂jui₁n⁵⁴ jua'⁵⁴ jme₃gain₂₃ riin'⁵⁴, quian'⁵⁴ 'i₁caun₂. Ia₁ Te₁gui'⁵⁴ bá₄ jéin'₃ uig₅ ca₂le₃jě₃ a₂le₂nē₅, jui₁lia'₂ ma₂chei⁵⁴ jnia'⁵⁴ 'nia'₂ le₂jñiá₅. ⁷ Ia₁ on₃jua'⁵⁴ jaun₂ ma₂tē₅ Diú₄ a₂qui₂dsi₂jio₅ dsi₅ 'lig'⁵⁴; a₂jaun₂ bá₄ ca₂tě₃ a₂le₃chong₂ jniog₄ jnió₅. ⁸ Jaun₂ le₂nē₅, jui₁lia'₂ i₂tsá₃ gue₅ jág₁ a₂jme₂tag₁ jnia'⁵⁴ la₂, on₃jua'⁵⁴ dsa₂ tsá₃ guein₂₃; Diú₄ bá₄ tsá₃ guein₂₃, i₂ma₂cuin₃ Jme₂dsí₂ Jnió₅ quiáin₅.

⁹ Tsá₃ 'e₂ tion⁵⁴ 'nió'₅ jua'⁵⁴ a₂juá'₄ jniá₂ tó'₄ ne₄ si₂ la₂, jua'⁵⁴ a₂juá'₄ jniá₂ 'a₂lia'₂ dsi₂ten⁵⁴ jme₁'nió'₄ 'nia'₂ dsa₂ i₂én₂ ríng'₂. Ia₁ ma₂ca₂jme₃tag₅ bá₄ Diú₄ 'ñiog₅ 'a₂lia'₂ jme₁'nió'₃ 'nia'₂ ríng'₂ le₂jang'₂ le₂jang'₂. ¹⁰ Jaun₂ le₂nē₅ bá₄ jmo₂ 'nia'₂ ja₁con₂ rin'₂ 'nia'₂ i₂én₂ i₂tián'₅ 'uē₃ Macedonia. La₁ mi₂ jnia'⁵⁴ ja₁con₂ 'nia'₂, rin'⁵⁴ jniog₄, caun₂ jui₁dsi₂tsón₃ bá₄ a₂'nióg'₃ 'nia'₂ ríng'₂. ¹¹ Quen'₂ 'nia'₂ bí₂ tián'₂ 'nia'₂ 'ei₅ tei₄, jmo₄ 'nia'₂ jmá'₃ con'₂ a₂ca₂tin'₂ 'nia'₂ jmó'₂ guiong'⁵⁴, jmo₄ 'nia'₂ ta₁ quiáng'₂ quian'⁵⁴

* 3:13 lit. "dsa₂ jnió₅ quiáin₅."

* 4:4 o₃, "Jui₁le₂ñi'⁵⁴ 'nia'₂ le₂jang'₂ le₂jang'₂ 'a₂lia'₂ jme₁'uang'⁵⁴ ni₁ñi'₁ guiong'⁵⁴, lě₅ 'í₁, con'₂ dsi₂ten⁵⁴."

gog'₂-tag'₅₄, jui₁lia'₂ qui₂ma₂jua'₅₄ jnia'₅₄ le₂jñiá'₅, ¹² ia₁jaun₂ i₁nio'₄ 'nia'₂ caun₂ jui₅ a₂jme₃go₃ dsa₂ sián'₂ i₂tsá₃ 'én₂, ia₁jaun₂ tsá₃ lě₅ jua'₅₄ cha₂ a₂'nió'₅ quián'₂ 'nia'₂.

A₂jñió'₂ Te₁gui'₅₄

¹³ Rin'₅₄ jniog₄, tsá₃ 'niog₂ jnia'₅₄ jua'₅₄ tsá₃ ñi'₅₄ 'nia'₂ 'e₂ lé₂ quian'₅₄ dsa₂ 'én₂ i₂ma₂dsan₃, ia₁jaun₂ tsá₃ jmó'₂ 'nia'₂ 'lia'₂ 'au'₂ jui₁lia'₂ 'lia'₂ dsí₅ dsa₂ i₂tsá₃ jmig₄ cha₂ quió'₅ jua'₅₄ tñn'₄. ¹⁴ Jaun₂ le₂ně₅, jui₁lia'₂ 'éin₂ jniog₄ a₂ca₂jón₃ Jesús, a₂ca₂jein'₅₄ táng₃ ně₃, le₂jaun₂ bá₄ 'éin₂ jniog₄ ján₃ a₂jme₃jen'₅₄ Diú₄ co₂lě₅ quian'₅₄ Jesús dsa₂ i₂ca₂dsan₃ i₂'én₂ le₃quió'₅.

¹⁵ Jaun₂ lě₃ chei₂ jnia'₅₄ 'nia'₂ jui₁lia'₂ ca₂jme₃tag₅ Te₁gui'₅₄, con'₂ jniog₄ i₂chong₂ ca₂lia'₂ ca₂tě₂ jmig₄ a₂guan'₂ Te₁gui'₅₄, 'i₁jan₂ tsá₃ 'ein₂ jua'₅₄ i₂dsi₃jñiá₄ con'₂ guě₄ dsa₂ i₂ma₂dsan₃. ¹⁶ Ia₁ 'ñiog₅ bá₄ Te₁gui'₅₄ sióin₃ guei'₅₄ i₂jui₃guió'₃ tiá₂ jmo₃ 'éi'₃, quian'₅₄ jág₁ quió'₅ ángel i₂'uan'₂ guě₄, dsi₃'ein₅₄ ñí₁ trompeta quió'₅ Diú₄ ně₃. Jaun₂ guě₄ ca₂le₃jín₃ dsa₂ i₂'én₂ le₃quió'₅ Cristo i₂ma₂dsan₃, qui₃jein'₅₄ le₂'uig₅₄. ¹⁷ Jaun₂ jniog₄ i₂chong₂ guě₄, i₂tě₁'ñiá₄ guě₄ ně₃, chó'₂ co₂lě₅ jě₄ jnei₅ quian'₅₄ dsa₂ i₂ma₂dsan₃ 'éi₂, a₂dsi₂jme₁jen'₂ Te₁gui'₅₄ guei'₅₄ dsi₁guig₂. Jaun₂ le₂ně₅ dsi₁tió'₄ co₂tan₅₄ quian'₅₄ Te₁gui'₅₄. ¹⁸ Jaun₂ lě₃, cuě₅₄ 'nia'₂ lián'₂ ríng'₂ quian'₅₄ jág₁ la₂.

5

¹ La₁ tsá₃ tion₅₄ jua'₅₄ a₂juá'₄ jniá₂ tó'₄ ne₄ si₂ 'e₂ 'ió'₄ 'e₂ jmig₄ a₂lé₂ jaun₂. ² Jaun₂ ma₂le₁ñi'₅₄ bá₄ 'nia'₂ dse₃ guiong'₅₄, jmig₄ a₂jñió'₂ Te₁gui'₅₄ con'₂ tsá₃ ján₅ bá₄ dsa₂, jui₁lia'₂ ja₁já₄ jan₂ dsa₂ 'ang₂ caun₂ 'uě₂. ³ Jě₁ma₂tě₂ rě₁juá'₂ dsa₂: “Ca₂le₃jě₃ lě₅ 'í₁, tei₄ bá₄ 'ei₅”, tě₃jě₄ jaun₂ 'én₂ con'₂ tiá₂ ne₄ quió'₅ dsa₂ 'éi₂. Lé₂ jui₁lia'₂ ja₁jén'₅ 'io₅₄ i₂quian₅ guein₂. Con'₂ tsá₃ rě₂jáin₁ jě₁ma₂tá'₂ qui'₂ uig₅ quió'₅, tsá₃ a₁jaun₂ a₂lióin₂ jua'₅₄ a₂tsá₃ ñág₃ jmi₁uig₅ jaun₂. ⁴ La₁ 'nia'₂ rin'₅₄ jniog₄, tsá₃ tion₅₄ 'nia'₂ jě₄ qui₁né'₃, jaun₂ tsá₃ lě₅ jua'₅₄ jo₅₄ jmig₄ jaun₂ quián'₂ 'nia'₂, jui₁lia'₂ ja₁jo₅ jan₂ 'ang₂. ⁵ Ia₁ ca₂le₃jín'₃ bá₄ 'nia'₂ líng'₅ jaun₅ quián₅ ja₁tág₅ si₂, quian'₅₄ a₂jmi₂ ně₃. Tsá₃ téi₅ jniog₄ a₂'uě₂, on₃ guě'₂ jě₄ qui₁né'₃. ⁶ Jaun₂ tsá₃ 'nió'₅ guág₃ jniog₄ jui₁lia'₂ gūin₂ i₂lin₅₄. Le₁jnio₂ ne₄ bá₄ jniog₄ 'nió'₅ jmó₁, lei₅₄, 'en₅₄ dsi₅. ⁷ A₂'uě₂ bá₄ gūin₂ dsa₂, ján₃ guě'₂ a₂'uě₂ bá₄ 'ín'₂ dsa₂ 'en₅. ⁸ La₁ jniog₄ ně₃, i₂téi₅ a₂jmi₂, 'nió'₅ lei₅₄, 'en₅₄ dsi₅. 'Nió'₅ qui₁jmó₁ 'í₁ quian'₅₄ a₂'éin₂ quian'₅₄ a₂jme₁'nió₄ rin'₅₄ ně₃, ně₂jag₄ bá₄ qui₂rě₂lióg₃ ñí₁ le₁dsi₅, lě₅ 'í₁; a₂'ín₂ dsi₅ jniog₄ a₂tág'₄ ně₃, lě₅ co₂'nió'₄ ñí₁ a₂'i₄ mi₂dsi₄ 'lióg₂, lě₅ 'í₁. ⁹ Ia₁ on₃jua'₅₄ jaun₂ ca₂'ag₃ Diú₄ a₂guéi₁ jniog₄ 'nei₂ a₂'i₄ dsi₅; a₂jaun₂ bá₄ ca₂'ag₃ a₂lió₂ jniog₄ tě₂le₃ quian'₅₄ Te₁gui'₅₄ Jesucristo quián₂. ¹⁰ O₄quián₂ jniog₄ ca₂join₃ ia₁jaun₂ dsi₁'io₁

co₂lě₅ quiaín'₅₄, tē₁lia'₂ chong₂, o₃ jē₁ma₂dsau₃ 'e₂.^{*} 11 Jaun₂ caun₂ dsia₄ 'nia'₂ tiá₂ 'au'₂, cuē'₅₄ bí₂ ríng'₂ le₂jang'₂ le₂jang'₂, jui₁lia'₂ ma₂jmo'₂ nē₅.

Ton'₂ Pablo jág₁ dsa₂ rín'₅₄

12 Rín'₅₄ jniog₄, mi₂ jnia'₅₄ a₂jme₁gang'₃ dsa₂ i₂jmo₅ ta₁ jē₄ quián'₂ 'nia'₂, i₂jio₅ ne₄ jui₅ le₃quíó'₅ Te₁gui'₅₄, i₂to'₂ jág₁ dse₃ nē₃. 13 Ca₂tín'₂ 'nia'₂ jme₁gain'₃ 'ñio₅ lín₃, a₂jme₁'nió₄ nē₃, o₄quíó'₄ ta₁ a₂jmo₂₃. Jui₁'ei₅ bá₄ tei₄ tion'₅₄ 'nia'₂ le₂jang'₂ le₂jang'₂.

14 Ján₃ guē'₂ le₂jaun₂ rín'₅₄ jniog₄, jén₃ 'nia'₂ dsa₂ i₂tsá₃ ta₁ 'nio₃ jmo₃. Cuē'₅₄ 'nia'₂ bí₂ dsa₂ i₂tsá₃ lín₄ niog₅ tiá₂ dsí₅, jme₁'on₁ 'nia'₂ dsa₂ 'uan₅₄, jme₁juín'₂ 'nia'₂ 'au'₂ quian'₅₄ ca₂le₃jín₃ ríng'₂.

15 Jmo₄ 'nia'₂ 'í₁, ia₁jaun₂ 'i₁jan₂ tsá₃ jén'₃ 'lig'₅₄ quió'₅ i₂jmóg'₂ 'lig'₅₄. Tē₂le₃ caun₂ o₂nó'₅ bá₄ 'nia'₂ jmo₄ a₂dse₃ co₂tan₅₄ quian'₅₄ rín'₂ 'nia'₂ le₂jang'₂ le₂jang'₂ quian'₅₄ guē₄ ca₂le₃jín₃ dsa₂.

16 Tián'₂ bá₄ 'nia'₂ 'io'₂ jéng'₂ co₂tan₅₄. 17 Chi₁len'₅₄ 'nia'₂ Diú₄ lia'₂ tsá₃ 'na₂. 18 Cuē'₅₄ 'nia'₂ ti₁'mag'₄ Diú₄ ne₄ ca₂le₃jě₃, ia₁ a₂nē₅ bá₄ 'ñio₂ dsí₅ Diú₄ tē₂le₃ quián'₂ 'nia'₂ o₄quíó'₄ Cristo Jesús.

19 Tsá₃ lē₁ag₂ 'nia'₂ si₂ quió'₅ Jme₂dsí₂ Jñió₅. 20 Nē₁jua'₂ 'ein₂ 'ē₂ jág₁ a₂guéi'₅ quió'₅ Diú₄, tsá₃ lē₁jmo₂ 'nia'₂ jua'₅₄ a₂tsá₃ jeng'₅₄. 21 Quion₂ de'₂ 'nia'₂ 'í₁ ca₂le₃jě₃ a₂nē₅, jaun₂ chan'₂ bá₄ 'nia'₂ jmá'₃ a₂dse₃. 22 Co₂dsia₅ jmo₄ 'nia'₂ cau₅ ca₂le₃jě₃ ne₅₄ a₂'lig'₅₄.

23 'Nio₅ Diú₄ i₂jmo₅ 'ei₅ tei₄, jui₁jmo₁₂ a₂lén'₂ 'nia'₂ dsa₂ jñió₅ co₂ñei'₅₄; jui₁le₅₄ bá₄ 'í₁ 'nia'₂, ta₁jang'₂: lia'₂ jme₂dsí₂, lia'₂ 'au'₂, lia'₂ ñi'₄ 'nia'₂; ia₁jaun₂ tsá₃ 'ein₂ lē₂ le₃bóg'₂ dso₄ jē₁ma₂tē₂ rē₁guan'₂ Te₁gui'₅₄ Jesucristo quián₂. 24 I₂ma₂tē₃ quián'₂ 'nia'₂ tí₅ bá₄ jág₁ quió'₅, jaun₂ jme₃ti₃ bá₄ ca₂le₃jě₃ a₂nē₅.

'Ág'₅ jág₁ jē₁ca₂tó'₂

25 Rín'₅₄ jniog₄, chi₁len'₄ 'nia'₂ Diú₄ o₄quián₂ jnia'₅₄.

26 Cuín₅₄ Diú₄ ca₂le₃jín₃ rín'₅₄ a₂qui₁chén'₁† 'nia'₂ quió'₅ ríng'₂, a₂lě₅ léi₄ a₂ma₂'ei₅ caun₂ jág₁ a₂le₁jě₃ 'au'₂ quian'₅₄ ríng'₂.

27 Mi₅ jniá₂, lia'₂ con'₂ lě₅ 'éi'₃ quió'₅ Te₁gui'₅₄, 'í₂ 'nia'₂ si₂ carta la₂ jin₄ ca₂le₃jín₃ rín'₅₄.

28 Jui₁jme₂gu'₅₄ Te₁gui'₅₄ Jesucristo quián₂ jniog₄ ca₂le₃jín₃ 'nia'₂. Co₂nē₅.

* 5:10 lit. "chi₂jua'₂ le₁jnio₂ ne₄ jniog₄, o₃ le₁guág₃ 'e₂." a₂jme₁chí₄ lia'₂ con'₂ ca₂jmo₃ Pa₄ si₂ la₂.

† 5:26 Caun₂ tag₄

Si₂ carta jë₁ca₂tě₂ tin₃ a₂ca₂jmo₃ San Pablo ne₄ dsa₂ TESALONICENSES

Pablo quiaín'₅₄ riín'₅₄ jmo₂₃ si₂ a₂chein₃ ne₄ Guá'₅ i₂chan₂ juig₂ Tesalónica

¹ Jniá₂ Pa₄, quian'₅₄ Silvano,* quian'₅₄ Timoteo ně₃, dsian'₄ jnia'₅₄ si₂ la₂ ne'₅₄ 'nia'₂ rin'₅₄ jniog₄ i₂chan₂ juig₂ Tesalónica, 'nia'₂ dsa₂ 'ei₅ caun₂ jág₁ quian'₅₄ Diú₄ Jmei₂ jniog₄, quian'₅₄ Te₁gui'₅₄ Jesucristo. ² Jui₁jme₂gu'₅₄ bá₄ Diú₄, jui₁jme₂gu'₅₄ Te₁gui'₅₄ Jesucristo ně₃, jmo₃ 'ua₁ dsí₅ ja₁con'₂ 'nia'₂, jui₁'ei₅ dse₃ 'au'₂, tiong'₅₄ 'ei₅ tei₄.

'Ě₂ Diú₄ uig₅ ja₁con₂ dsa₂ i₂le₁cán'₄ dso₄ jë₁ma₂tě₂ rë₁guan'₂ táng₃ Cristo mi₂güig₃

³ Rin'₅₄ jniog₄, ca₂le₃jě₃ jmig₄ bá₄ ca₂tag₂ jnia'₅₄ cuë'₅₄ ti₁'mag'₄ Diú₄ o₄quián'₂ 'nia'₂, ia₁ le₂jaun₂ bá₄ dse₃ dsióg₅, ia₁ caun₂ dsi₂cón'₃ bá₄ 'nia'₂ a₂rë₂'éng'₂ jág₁ quió'₅ Diú₄, caun₂ jme₂'nióg'₃ bá₄ 'nia'₂ ríng'₂ 'ñio₅ lín₃ le₂jang'₂ le₂jang'₂. ⁴ Jaun₂ lë₃, jmá'₃ lia'₂ jág₁ dse₃ bá₄ dsia₂ jnia'₅₄ 'ín₅ 'nia'₂ jin₄ guá'₅ quián₅ Diú₄, 'a₂ lia'₂ ma₂ca₂tian'₃ 'nia'₂ a₂ma₂ca₂jme₁juing'₂ 'au'₂ a₂'én'₂ 'nia'₂ ne₄ ca₂le₃jě₃ a₂co₂'ein₅ dsa₂, a₂qui₂jmóg'₂ dsa₂ ně₃. ⁵ Jaun₂ le₂ně₅ cuë'₅ léi₄, con'₂ dsi₂ten₅₄ bá₄ qui₂dsi₅ Diú₄ 'éi'₃, ia₁jaun₂ lén'₂ 'nia'₂ dsa₂ i₂ca₂tín'₂ dsi₁niog'₃ ja₁gon₂ Diú₄; o₄quió'₄ a₂jaun₂ ñag'₅₄ 'nia'₂ uig₅.

⁶ Ján₃ bá₄ le₂jaun₂ dsi₂ten₅₄, Diú₄ bá₄ jme₃rě₃ cuë'₃ uig₅ a₂ca₂tín₂ dsa₂ i₂ma₂jmá'₂ 'nia'₂. ⁷ Jaun₂ 'nia'₂ dsa₂ i₂qui₂ma₂ñag'₅₄ uig₅, Diú₄ jmo₃ a₂'ag₃ tei₄ 'au'₂ 'nia'₂, a₂'ag₃ tei₄ dsi₅ jnia'₅₄ ján₃ jë₁ma₂tě₂ rë₁jñió'₂ Te₁gui'₅₄ Jesús jui₅ guei'₅₄ i₂juíg₃ jë₄ si₂ ca₂jo'₅₄, quiaín'₅₄ ángeles i₂'uan'₂ quiáin₅. ⁸ Jñiói'₂ a₂cuë'₃ uig₅ dsa₂ i₂tsá₃ cuín₅ Diú₄, ia₁ on₃ guë'₂ jui₅ ca₂tón'₃ jág₁ dse₃ quió'₅ Te₁gui'₅₄ Jesucristo. ⁹ Ca₂le₃jín₃ 'éi₂ gue₃ 'liain'₅₄ a₂dsi₃'éin₂ co₂ñei'₅₄, co₂dsia₅ jñiai'₃ ne₄ Te₁gui'₅₄, dsi₃toin'₅₄ uíng₂ ja₁tsá₃ ma₃'e₂ bí₂ jlá'₁ quió'₅ Diú₄ jniá₂. ¹⁰ Jmig₄ jaun₂, jë₁ma₂tě₂ rë₁guan'₂ Te₁gui'₅₄, a₂jme₃juag'₂ ca₂le₃jín₃ dsa₂ i₂'én₂ quiáin₅,† jaun₂ dsa₂ i₂'én₂ ně₃ qui₂dsi₃gó'₃ dsí₅ jág₃ jin₂ Te₁gui'₅₄. Ján₃ bá₄ o₁ton'₄ 'nia'₂ ja₁jaun₂, ia₁ a₂ma₂ca₂rě₃'én'₂ 'nia'₂ jág₁ dsau₅ quián₂ jnia'₅₄.

¹¹ 'Uig₅₄ jaun₂ bá₄ ján₃, chi₂len'₄ jnia'₅₄ Diú₄ ca₂le₃jě₃ jmig₄ o₄quián'₂ 'nia'₂, jui₁i₂nio'₄ 'nia'₂ con'₂ dsi₂ten₅₄ i₃nio₄ dsa₂

* 1:1 Lia'₂ chen₂ Silvano, co₂rě₂ quian'₅₄ Silas. † 1:10 lit. "dsa₂ jñiós quiáin₅."

i₂ma₂tě₃ quiáin₅; jui₁jme₂ti₃ tē₂le₃ quian'₅₄ bí₂ quió'₅ ca₂le₃jě₃ a₂dse₃ a₂ŋio₂ 'au'₂ 'nia'₂ jmó'₂, quian'₅₄ ca₂le₃jě₃ ta₁ a₂jmo'₂ 'nia'₂ ia₁ a₂'éng'₂. ¹² Jaun₂ le₂ně₅ bá₄ lé₂ le₃juin'₂ Te₁gui'₅₄ Jesucristo quián₂ ja₁con'₂ 'nia'₂, ján₃ bá₄ le₂jaun₂ 'nia'₂ ja₁con'₂ 'éi₂, lia'₂ con'₂ lě₅ a₂'ua₁ dsí₅ Diú₄ quian'₅₄ Te₁gui'₅₄ Jesucristo.

2

Le₃jniá₂jan₂dsa₂i₂tsá₃'e₂'éi'₃gó'₅

¹ Jaun₂ ně₃, 'nia'₂ rin'₅₄ jniog₄, jui₁lia'₂ jē₁ma₂tě₂ rē₂guan'₂ Te₁gui'₅₄ Jesucristo, jē₁ma₂tě₂ rē₁tió'₄ lo'₂ quian'₅₄, mi₂ jnia'₅₄ chei₂ 'nia'₂, rin'₅₄ jniog₄, ² a₂tsá₃ caun₂ lē₁jme₁tsín₄ 'nia'₂ a₂dsi₃jio₅'au'₂ le₂siá'₂, on₃ guē'₂ can'₂ 'nia'₂ go₂i₃, nē₁'e₂ guē₃ jág₁ a₂já₅ tē₂le₃ quian'₅₄ jan₂ jme₂dsí₂, on₃ guē'₂ jág₁ a₂dsia₅ dsa₂, on₃ guē'₂ nē₁'e₂ si₂ carta a₂chen₅ dsa₂ ne'₅₄ 'nia'₂ nē₂jag₄ bá₄ a₂jmo₂ jnia'₅₄, jē₁juá'₂ dsa₂ a₂ma₂ca₂tě₂* jmi₄g₄ quió'₅ Te₁gui'₅₄. ³ Tsá₃ lē₁cuín₅ 'nia'₂ jmi₄g₄ a₂jme₃gau₅ dsa₂. Ia₁ né₃ a₂te₅₄ jmi₄g₄ jaun₂, jmo₃ dsa₂ caun₂ jág₁ a₂jme₃'ŋiai₅₄ Diú₄, jaun₂ le₃jniá₂ jan₂ dsa₂ i₂tsá₃ 'e₂ 'éi'₃ gó'₅ 'i₁caun₂, i₂ma₂'i₄ 'éi'₃ dsi₃'én₂. ⁴ Dsa₂ 'éi₂ náu₃ quein₅ ne₄ ca₂le₃jě₃ a₂jmo₅ dsa₂ dsí₅ lín₅ Diú₄, o₃ a₂jme₂juag'₂ dsa₂ 'e₂. Ca₂lia'₂ dsió₄ guá₃ tē₂ dsi₂néi₂ guá'₅ templo quió'₅ Diú₄, a₂jmo₂₃ lín₅ Diú₄.

⁵ ¿Tsa₁ dsá₂ 'au'₂ 'nia'₂, lia'₂ con'₂ jme₁'eng₅₄ guē₄ quian'₅₄ 'nia'₂, ca₂juá'₃ jniá₂ le₃jě₃ a₂ně₅? ⁶ Jaun₂ ně₃ ma₂ŋi'₅₄ bá₄ 'nia'₂ 'ein₂ 'éi₂ i₂ŋné₅ jui₅, jaun₂ tsá₃ jme₃jniog₂₃ jniá₅ né₃ a₂tē₅₄ jmi₄g₄ quió'₅. ⁷ La₁ tion₅₄ bá₄ ma₂jmo₅ i₂'lín₅₄ 'éi₂ bí₂ rē₂'ma₄ quió'₅ ia₁jaun₂ tsá₃ le₃jí₅₄ dsa₂ 'éi'₃ quió'₅ Diú₄. Jniá'₅₄ lia'₂ chi₁jŋia₂₃ a₂jŋia'₃ i₂chén₅ dsi₂jo₂ i₂jmo₅ jnág₅ jui₅. ⁸ Jaun₂ guē₄ jme₃jnia₅ dsa₂ 'lín₅₄ 'éi₂. Jaun₂ Te₁gui'₅₄ Jesús ně₃ jŋag'₃ quian'₅₄ dsí₂ tio'₅₄ 'o₅₄, 'éin₂ 'éi₂ quian'₅₄ a₂co₂tág₅ co₂'né₅ quió'₅ ně₃ jē₁jŋiói'₂. ⁹ Satanás bá₄ jmo₃ jiá₃ dsa₂ 'lín₅₄ 'éi₂, ia₁ guáin₂ ján₃ quian₅ bí₂ a₂o₂dsain₂ jmo₃ léi₄ juē'₂ jme₃gau₂₃. ¹⁰ Ca₂le₃jě₃ ne₅₄ cosa 'lig'₅₄ jmo₃ a₂jme₃gain₂₃ dsa₂ i₂tion'₅₄ jui₅ dsi₃'én₂ ia₁ tsá₃ guē'₂ ca₂rě₃'nio₃ gue₃ jág₁ tí₅ dsón'₂ a₂jme₁lió₂. ¹¹ Jaun₂ bá₄ lē₃ cuē₃ Diú₄ jmi₄g₄ a₂le₃gain₂, ia₁jaun₂ jui₁le₂'éin₂ co₂ŋei'₅₄ jág₁ tē₂jág₁, ¹² ia₁jaun₂ 'ē₂ Diú₄ uig₅ quió'₅ ca₂le₃jjin₃ ia₁ tsá₃ guē'₂ ca₂rě₃'éin₂ jág₁ tí₅ dsón'₂, ia₁ ja₂lin₃ guē₄ tē₅ dsí₅ cosa 'lig'₅₄.

Dsa₂i₂ma₂quion'₅₄quián₅Diú₄

¹³ La₁ jniá'₅₄ ně₃, ca₂le₃jě₃ jmi₄g₄ bá₄ cuē₂ ti₁'mag'₄ Diú₄ o₄quián'₂ 'nia'₂, rin'₅₄ jniog₄, i₂'nió₄ quián₅ Te₁gui'₅₄. Jaun₂ lē₃ lia'₂ con'₂ jme₁ca₂rě₃lió₃ jmi₄g₄ bá₄ ca₂quión'₂ Diú₄ 'nia'₂ ia₁jaun₂ tín'₄ 'nia'₂, lén'₂ 'nia'₂ dsa₂ i₂le₃jě₃ tē₂dsí₅ tē₂le₃ quian'₅₄ Jme₂dsí₂ quián₅ Diú₄, tē₂le₃ quian'₅₄ jág₁ dsau₅ a₂ma₂'én'₂ 'nia'₂

* 2:2 o₃, "a₂ma₂ja₂quián₃."

ně₃. ¹⁴ Ta₁ jaun₂ ca₂tě₃ Diú₄ 'nia'₂ tě₂le₃ quian'₅₄ jág₁ dse₃ a₂ca₂jme₁tag₅ jnia'₅₄, ia₁jaun₂ dsi₁nó'₅ 'nia'₂ quen'₅₄ quiang'₅₄ a₂jlá'₁ a₂lín₅ Te₁gui'₅₄ Jesucristo quián₂ jniog₄.

¹⁵ Jaun₂ le₂ně₅, rín'₅₄ jniog₄, caun₂ 'éi₂ 'nia'₂ 'au'₂, chan'₂ tiá₂ jág₁, tsá₃ jui₁dsi₂'én₂ 'au'₂ 'nia'₂ jág₁ a₂qui₂ma₂cuē₁ jnia'₅₄, lia'₂ jág₁ quian'₅₄ si₂ cartas ně₃. ¹⁶ Jaun₂ 'ñiog₅ Te₁gui'₅₄ Jesucristo quian'₅₄ Diú₄ Jmei₂ jniog₄, i₂ma₂jmo₃ 'ua₁ dsí₅ 'nio₃ jniog₄, cuē₂₃ lián'₂ co₂tan₅₄, cuē₂₃ a₂ín₂ dsi₅ jniog₄ tág'₄ ně₃, ¹⁷ jui₁cuē'₄ bí₂ tě₂'au'₂ 'nia'₂ ia₁jaun₂ caun₂ bá₄ 'ag₃ 'au'₂ 'nia'₂, jē₁dsiá'₁ jág₁, jē₁jmo'₂ 'nia'₂ ca₂le₃jě₃ ne₅₄ a₂dse₃.

3

Chī₁len'₄ 'nia'₂ Diú₄ o₄quián₂ jnia'₅₄

¹ Jē₁ca₂tó'₂ rín'₅₄ jniog₄, chī₁len'₄ 'nia'₂ Diú₄ o₄quián₂ jnia'₅₄, ia₁jaun₂ ma₂ně₃ cón'₅ dsió₄ jág₁ dse₃ quió'₅ Te₁gui'₅₄ ca₂le₃jě₃ juig₂. Jui₁gue₅₄ bá₄ dsa₂ 'ñio₂ dsí₅ jui₁jme₂juē'₂ bá₄ dsa₂ jág₁ la₂ jui₁lia'₂ ca₂lě₃ quian'₅₄ 'nia'₂. ² Mi₄ 'nia'₂ o₄quián₂ jnia'₅₄ ján₃, ia₁jaun₂ lió₂ jnia'₅₄ o₄gú₃ dsa₂ 'lín'₅₄ i₂jmo₃g'₂ mī'₅₄, ia₁ tsá₃ 'én₂ ca₂le₃jín₃. ³ La₁ tí₅ bá₄ jág₁ quió'₅ Te₁gui'₅₄ quián'₂ 'nia'₂. Jmo₃ bá₄ 'ag₃ caun₂ 'au'₂ 'nia'₂ qui₂jmo₃ 'lī₁, ia₁jaun₂ tsá₃ jmo₃g'₂ i₂sě₃dsen₃. ⁴ Caun₂ bá₄ 'ei₅ dsi₅ jnia'₅₄ tě₂le₃ quió'₅ Te₁qui'₅₄, a₂jmo₂ ton'₂ a₂jmo'₂ 'nia'₂ ně₃, ca₂le₃jě₃ 'e₂ a₂ma₂jua'₂ jnia'₅₄ jmo'₂ 'nia'₂. ⁵ Jui₁jio₅₄ bá₄ Te₁gui'₅₄ tě₂'au'₂ 'nia'₂ ja₁'nio₃ Diú₄, ja₁jme₁juín'₂ 'nia'₂ 'au'₂ jui₁lia'₂ juín'₂ dsí₅ Cristo ně₃.

Ca₂tín₂ bá₄ dsa₂jmo₃ ta₁

⁶ Rín'₅₄ jniog₄, cuē₂ jnia'₅₄ 'éi'₃ tě₂le₃ o₄quió'₄ Te₁gui'₅₄ Jesucristo, jmo₄ 'nia'₄ cau₅ jui₁'ein₂ guě₃ rín'₅₄ jniog₄ juín'₅ jmo₃ ta₁ on₃ guē'₂ jmo₂₃ con'₂ lě₅ a₂ca₂jme₁tín₅ jnia'₅₄ 'nia'₂. ⁷ Jaun₂ ñi'₅₄ bá₄ 'nia'₂ 'a₂ lia'₂ 'nió'₅ tiáng'₄ a₂jmo'₂ con'₂ lě₅ 'a₂ lia'₂ chong₂ jnia'₅₄. Tsá₃ jua'₅₄ a₂tsá₃ ca₂jmo₁ jnia'₅₄ ta₁ tě₁lia'₂ ca₂tió'₄ quian'₅₄ 'nia'₂, ⁸ on₃ guē'₂ jua'₅₄ ca₂que₅₄ jnia'₅₄ a₂lě₁ca₂que₅₄ quió'₅ rín'₅₄, jua'₅₄ tsá₃ ca₂qui₅₄. Tě₂le₃ qui₂ca₂jmo₁ bá₄ jnia'₅₄ ta₁ 'ñio₅ lín₃ lia'₂ 'uē₂-jmi₂ ia₁jaun₂ tsá₃ cán'₁ 'nia'₂ guei₂ o₄quián₂ jnia'₅₄. ⁹ On₃jua'₅₄ ia₁ a₂tsá₃ ca₂tág₂ jnia'₅₄; a₂jñia'₅₄ lia'₂ ca₂quián₁ jnia'₅₄ caun₂ jui₅ ne₄ 'nia'₂, ia₁jaun₂ 'nia'₂ ně₃ cán'₁ jui₅ jaun₂ a₂ca₂quián₁ jnia'₅₄. ¹⁰ Ia₁ lia'₂ con'₂ jme₁tio'₅₄ jnia'₅₄ quian'₅₄ 'nia'₂, ca₂cuē₁ 'éi'₃ la₂: Jui₁lia'₂ dsa₂ i₂juín'₅ jmo₃ ta₁, tsá₃ jui₁guē'₄. ¹¹ Ma₂ne₄ jnia'₅₄ dsia₅ dsa₂ tság₅ jnia'₅₄, chan₂ 'nia'₂ i₂lín₅₄ tián'₅ tsá₃ ta₁ 'nio₃ jmo₃, 'ñio₅ bá₄ tsá₃ jñin₅₄ qui₂tián₂ ja₁tsá₃ ca₂tíin₂. ¹² Jaun₂ dsa₂ 'éi₂ ně₃ chei₂ jnia'₅₄ le₃quió'₅ Te₁gui'₅₄ Jesucristo quián₂, jui₁jmo₁₂ ta₁ quió'₅ ia₁jaun₂ cha₂ a₂qui₂dsi₃ñi₂.

¹³ Rín'₅₄ jniog₄, tsá₃ jmo₂ 'nia'₂ a₂ca₂'ong'₃ jmo'₂ cosa dse₃. ¹⁴ Chī₂jua'₂ chan₂ i₂tsá₃ tón'₂ jui₅ a₂jua'₂ jnia'₅₄ ne₄ si₂ la₂,

jag₄ 'nia'₂ 'ein₂ 'éi₂ jaun₂ tsá₃ ma₃jme₁quai_{in}'₅₄ 'nia'₂, ia₁jaun₂ le₃gui'₅₄. ¹⁵ La₁ tsá₃ jme₁'ŋiai'₅₄ 'nia'₂, tē₂le₃ cuē'₅₄ tioin'₂ 'nia'₂ jág₁ dse₃ co₂'nió'₄ ríng'₂.

Jui₁jme₂gu'₅₄ bá₄ Diú₄: Jág₁jē₁ca₂tó'₂ quió'₅ Pa₄

¹⁶ 'Niog₅ Te₁gui'₅₄ i₂jmo₅ 'ag₅ tei₄ dsí₅ dsa₂, jui₁jmo₁₂ le₁'ág₄ tei₄ 'au'₂ 'nia'₂ quian'₅₄ ca₂le₃jě₃ a₂jmo'₂ 'nia'₂. Jui₁'en₅₄ bá₄ Diú₄ quian'₅₄ ca₂le₃jín'₃ 'nia'₂.

¹⁷ Jniá₂ Pa₄ jmo₂₃ si₂ la₂ quian'₅₄ gu₃* cúng₅ Diú₄ 'nia'₂, co₂'nió'₄ léi₄ a₂tó'₅ jniá₂ ne₄ ca₂le₃jě₃ si₂ a₂jmo₂₃. Le₂la₂ lě₅ letra quió₃. ¹⁸ Jui₁jme₂gu'₅₄ Te₁gui'₅₄ Jesucristo quián₂ jniog₄ ca₂le₃jín'₃ 'nia'₂.

Co₂ně₅.

* **3:17** 'Nio'₂ ja₁ton₅ 1 Corintios 16:21; Gálatas 6:11; Colosenses 4:18; Filemón 19.

Si₂ carta le₂ 'uig₅₄ a₂ca₂jmo₃ San Pablo ne₄ TIMOTEO

Jmo₅ Pa₄ si₂ a₂chein₃ ne₄ Timoteo

¹ Jniá₂ Pa₄, líng₅ dsa₂ i₂chen₄ quián₅ Jesucristo, 'éi'₃ quió'₅ Diú₄ quián₂ jniog₄ i₂lió₂, quian'₅₄ Te₁gui'₅₄ Jesucristo i₂'ín₂ dsi₅ jniog₄. ² Jaun₂ jmo₂₃ si₂ la₂ tsíng₂ ne'₅₄ 'ne₂ Timoteo, 'ne₂ guë'₂ dsa₂ ma₂líng'₅ co₂'nió'₄ jan₂ jón₃ quiáng₃ tē₃dsón'₂ ia₁ ca₂rē₃'éng'₂ jág₁ quió'₅ Diú₄. Jaun₂ 'nio₃ jui₁jme₂gu'₅₄ bá₄ Diú₄ 'ne₂. Jui₁jmo₅₄ bá₄ Diú₄ Jmei₂ jniog₄ quian'₅₄ Te₁gui'₅₄ Cristo Jesús quián₂ jniog₄ 'ua₁ nēi₂ dsi₅ ja₁cong'₂, a₂'ag₃ tei₄ 'au'₂ nē₃.

Toin'₂ dsa₂ jág₁ a₂tsá₃ tón'₃ jui₅ jág₁ a₂tsá₃ dsau₅

³ Jui₁lia'₂ ca₂juá'₃ jniá₂ né'₃ a₂nei₅₄ jui₅ 'uē₃ Macedonia, a₂jan'₅₄ jui₂ Efeso ia₁jaun₂ jui₂'₅₄ dsa₂ i₂lin₅₄ a₂tsá₃ jme₃tag₂₃ juá'₅ a₂tsá₃ dsau₅, ⁴ on₃ guë'₂ tón'₃ jui₅ 'e₂ jág₁ a₂lē₁dsia₅ dsa₂, o₃ a₂'ín₅ dsa₂ dsa₂ can'₅₄ i₂jme₁chan₂ ma₂líg'₂, jág₁ a₂tsá₃ líg'₂ jmig₄ dsian₅. Jñia'₅₄ con'₂ dsiog₅ mi'₅₄ a₂tsin₅ dsa₂, 'nió'₄ a₂jme₁jme₃'o₅₄ a₂le₃tei₅₄ jniog₄ ta₁ quió'₅ Diú₄, a₂lē₂ tē₂le₃ quian'₅₄ a₂'én₂ dsa₂.

⁵ Jē₁ma₂le₁jē₃ tē₂dsi₅ jniog₄ guio₅₄, léi₄ bá₄ jniog₄ tē₂dsi₅ 'e₂ a₂dse₃ a₂ca₂tág₂ jniog₄ jmó₁, on₃jua'₅₄ a₂lē₁jmo₂ a₂'éin₂ nē₃, jaun₂ guë'₄ lé₂ le₃jiá₃ lé₂ tē₂dsi₅ jniog₄ a₂jme₁'nio₃ rín'₅₄ le₂jau₂ le₂jau₂. Ta₁ jaun₂ qui'₅ 'éi'₃ la₂. ⁶ Ia₁ i₂lin₅₄ dsa₂ ma₂i₂lén₂ tē₂le₃ cau₅ ma₂i₂cóin'₅ jui₅ quian'₅₄ jág₁ a₂tsá₃ ta₁ tí₄. ⁷ 'Nio₃ lén₂ tē₅juá'₅, la₁ jñia'₅₄ guioin₅₄ bá₄ tsá₃ nji'₂ 'e₂ juá'₂ a₂jme₂tiin₂₃ dsa₂, ñag₅₄ rē'₂ 'ei₅ caun₂ dsi₅, nē₂jag₄ bá₄ a₂dsau₅ dsón'₂ a₂jme₂tag₂₃.

⁸ Ma₂ne₄ bá₄ jniog₄ a₂dse₃ bá₄ 'Éi'₃ nē₁jua'₂ ca₂jmó'₂ dsa₂ ta₁ con'₂ dsi₂ten₅₄. ⁹ Ma₂ne₄ jniog₄, 'i₁caun₂ 'éi'₃ tsá₃ ca₂quiog₂ Diú₄ quió'₅ dsa₂ dsen₃. O₄quió'₄ i₂jmo₅ 'lig'₅₄ bá₄ ca₂quiog₂ 'Éi'₃: o₄quió'₄ jui₁lia'₂ dsa₂ i₂tsá₃ nag₃, dsa₂ i₂'no₅ dso₄, dsa₂ i₂tsá₃ jme₂gan₃ Diú₄, i₂tsá₃ jme₂gó'₃ Juá'₅, dsa₂ i₂jme₂dsian₅ chog₅₄-jmei₂, quió'₅ ca₂le₃jín₃ dsa₂ i₂jme₂dsian₅ dsa₂ nē₃; ¹⁰ o₄quió'₄ jui₁lia'₂ dsa₂ i₂nió'₅ jág₁ a₂tsá₃ dsi₂ten₅₄ nió'₃, o₄quió'₄ jui₁lia'₂ dsa₂ ñe'₂ i₂nió'₅ jág₁ 'lig'₅₄ quian'₅₄ dsa₂ ñe'₂ rín'₅₄, o₄quió'₄ dsa₂ i₂'ang₅ 'ín₅ dsa₂, o₄quió'₄ dsa₂ i₂jme₂gan₅ rín'₅₄, o₄quió'₄ dsa₂ i₂co₂jmo₅ jág₁ tē₂jág₁ 'iin₂₃ Diú₄, o₄quió'₄ dsa₂ i₂jmo₅ jui₁'e₂ guë'₄ cosa a₂tsá₃ lē₅ con'₂ lē₅ juá'₅ dse₃. ¹¹ Juá'₅ dse₃ la₂, co₂rē₂ bá₄ quín₅ quian'₅₄ jág₁ jlá'₁ a₂tín'₄ dsa₂, a₂ca₂dsia₃ Diú₄ Jñi₅ o₄gu₃ jniá₂.

Ia₁ 'ua₁ dsi₅ Diú₄ jaun₂ cuë₅ Pa₄ ti₁'mag'₄

¹² Cuē₅ jniá₂ ti₁'mag'₄ Te₁gui'₅₄ Jesucristo quián₂ jniog₄, ia₁ qui₂ma₂cuē₃ bí₂ jmo₅ jniá₂ ta₁ la₂ quió'₅ a₂ma₂dsia₃ gu₃, ton'₂ ia₁ jág₂ bá₄ jniá₂ lia'₂ ja₁jín₂ jan₂ dsa₂ i₂rē₂ti'₅₄. ¹³ Ca₂jmo₃ Cristo ca₂le₃jě₃ nē₅ ja₁con₂ jniá₂, o₁jñia'₅₄ jme₁dsia₅ jniá₂ 'lig'₅₄ jme₁'iin₅ le₂jñiá₅, qui₂ca₂'éng₃ dsa₂ i₂jme₁quiain'₅₄, qui₂ca₂jmai'₄ jniá₂ tsau₂ dsi₃ nē₃. La₁ ca₂dsia₃ Te₁gui'₅₄ nē₂ dsí₅ ja₁con₂ jniá₂ ia₁ a₂tsá₃ jme₁guion₄ bá₄ jniá₂ 'e₂ jme₁jmo₂₃ lia'₂ con'₂ tsá₃ jme₁'éng₂. ¹⁴ Jaun₂ Te₁gui'₅₄ quián₂ jniog₄ 'ñio₅ lin₃ ca₂jmo₃ 'ua₁ dsí₅ ja₁cong₂, a₂ca₂rē₃'éng₂ le₃quió'₅ Cristo Jesús i₂'nio₃ guē₄ lin₃.

¹⁵ Dsón'₂ dsau₅ bá₄ jág₁ la₂, jaun₂ ca₂le₃jín₃ 'nió'₅ le₃'én₂: Ta₁ jaun₂ guan₃ Cristo Jesús mi₂güig₃ la₂, a₂qui₃lióin₂ dsa₂ i₂le₁cán'₄ dso₄; jē₄ quió'₅ 'éi₂, jniá₂ líng₅ i₂le₂'uig₅₄ i₂rē₂cán'₄ guē₄ dso₄. ¹⁶ La₁ Diú₄ ca₂dsia₃ nē₂ dsí₅ jniá₂, ia₁jaun₂ lén₂ jniá₂ i₂jáng'₃ jág₁ dsau₅ 'a₂ lia'₂ dsia₅ Jesucristo nē₂ dsí₅ lióin₂ dsa₂ i₂ñí₄ rin₂ dso₄. Le₂jaun₂ bá₄ ma₂guio₃ jniá₂ quian₅₄ ne₄ jui₅ ia₁jaun₂ jág₃ ca₂le₃jín₃ dsa₂ i₂le₃'én₂ tē₂le₃ quió'₅ Jesucristo ia₁jaun₂ le₃chain₂ co₂tan₅₄. ¹⁷ Jaun₂ lē₃, le₃quió'₅ Rag₅₄ i₂chan₂ co₂tan₅₄, i₂tsá₃ líg'₂ jmig₄ jón₂, on₃ guē'₂ jniá₂, i₂jan₂ tan₅₄ Diú₄ i₂ñí'₂ dsí₅: jui₁jme₂go₃ dsa₂, jui₁jme₂juag'₂ dsa₂ ca₂le₃jě₃ jmig₄ ñi₂ a₂já₅. A₂mē₃.

¹⁸ Jaun₂ 'ne₂ Timoteo, jón₃ quiáng₃, 'éi'₃ la₂ dsia₅ jniá₂ gog'₂, lia'₂ con'₂ lē₅ jág₁ dse₃ a₂ca₂cuē₃ jme₂dsí₂ Jñiós₅ ca₂cuē'₃ dsa₂ rin'₅₄ jniog₄ i₂ca₂'ag₃ ca₂'iin₃ 'ne₂ le₂jñiás: jmo₄ dsen₅₄ 'au'₂ a₂náu'₁ tiá₂ a₂quíng'₄ ne₄ 'nei₂ a₂gu₂dsí₂, tē₂le₃ quian'₅₄ jág₁ a₂ca₂cuē₃ dsa₂ jaun₂: ¹⁹ a₂chan'₅₄ tiá₂ a₂'éng'₂, a₂tsá₃ 'e₂ 'lig'₅₄ qui₂dsi₂jñi₅ 'au'₂ nē₃. I₂lin₅₄ dsa₂, 'uig₅₄ ia₁ a₂ca₂dsia₃ cau₅ a₂nē₅ ca₂i₃'én₂ a₂'éin₂, nē₂jag₄ bá₄ caun₂ ñi₁barco a₂ca₂lē₃ le₁juig₁ le₁dsog'₅₄ ne₄ jm₁ñí'₄. ²⁰ Le₂nē₅ bá₄ ca₂i₃ñí₂ Himeneo quian'₅₄ Alejandro i₂ma₂ca₂jín'₄ jniá₂ ja₁con₂ i₂sē₃dsen₃ ia₁jaun₂ le₃'en₅₄ dsí₅ a₂tsá₃ ma₃juá'₂ 'lig'₅₄ tē₃'oin'₂ Diú₄.

2

Cuē₂₃ jág₁ dsau₅ 'a₂ lia'₂ chi₃lén'₂ dsa₂ Diú₄

¹ Jē₁le₂'uig₅₄, chi₁quian₅₄ jniá₂ jmig₄ a₂mí'₁ 'nia'₂ ne₄ Diú₄, a₂chi₁lein'₅₄ 'nia'₂, a₂cuē'₅₄ 'nia'₂ ti₁'mag'₄ nē₃, o₄quió'₄ ca₂le₃jín₃ dsa₂, ² o₄quió'₄ jui₁lia'₂ rag₅₄, o₄quió'₄ ca₂le₃jín₃ jui₁lia'₂ dsi₂tan₅₄, ia₁jaun₂ bá₄ lé₂ le₃'io₄ jniog₄ 'ei₅ tei₄ tsá₃ mī'₅₄ cha₂, ia₁jaun₂ chong₂ jniog₄ con'₂ dsi₂ten₅₄, le₁jě₃ jme₂dsí₂ quián₂ ne₄ ca₂le₃jě₃, le₃ne₄ Diú₄. ³ Ia₁ le₂nē₅ bá₄ dse₃, 'ñio₂ dsí₅ Diú₄ quián₂ jniog₄ i₂lió₂, ⁴ i₂'nio₃ lión₂ ca₂le₃jín₃ dsa₂, ton'₂ 'nio₃ a₂dsi₁lén₂ ja₁le₃ñí'₂ dsí₅ jág₁ tí₅. ⁵ Jan₂ bá₄ Diú₄ chan₂, ton'₂ jan₂ bá₄ dsa₂ chan₂ i₂ñág₅ jág₁, i₂chén'₅ jē₄ quió'₅ Diú₄ quian'₅₄ dsa₂ mi₂güig₃. Dsa₂ 'éi₂ lín₅

Cristo Jesús.* ⁶ 'Éi₂ ně₃ ca₂jín₂ 'ñiog₅ ca₂quí₃ 'lia₅₄ ia₁jaun₂ líón₂ ca₂le₃jín₃ dsa₂. Jág₁ dsau₅ ně₅ ně₃, ca₂rě₃ñi₅ dsa₂ jme₁ca₂tě₂ jmig₄ a₂le₃ñi₅. ⁷ Ta₁ jaun₂ ca₂rě₃ 'ín₁ jniá₂ ia₁jaun₂ léng₂ jan₂ i₂'ě₂ jág₁, jan₂ i₂chen₄ quián₅ Jesús ně₃, jan₂ tē₅ i₂jme₂tin₅ dsi₂nau₂ jui₁lia₂ 'a₂ lia₂ 'lě₅ a₂'én₂ dsa₂, 'a₂ lia₂ 'lě₅ jág₁ tí₅ ně₃. Jág₁ dsau₅ bá₄ a₂juá₅,† tsá₃ tē₂jíng₁.

⁸ Jaun₂ 'nio₃ jniá₂ a₂chi₃lén₂ dsa₂ Diú₄ ca₂le₂con₂, a₂qui₃chóg₃ gu₂ qui₂le₁jě₃ tē₂dsí₅, on₃jua₅₄ a₂'i₄ 'nei₂ dsí₅, on₃ guē₂ a₂qui₂tsin₂₃ quian₅₄ riin₅₄. ⁹ 'Io₅₄ guē₂ 'ně₃ 'nió₅ qui₃ tsin₅₄ con₂ dsi₂ten₅₄, dse₃ jniá₂, li₅₄ quió₅. Jui₁jmoi₅₄ a₂rě₂lin₅₄, on₃jua₅₄ quian₅₄ a₂ñi₄ lě₃ jlá₁ qui₂rě₂lag₄ dsi₅₄, on₃ guē₂ quian₅₄ cu₄nióg₄, on₃ guē₂ quian₅₄ míg₂ perlas a₂tó₅ lag₅₄, on₃ guē₂ quian₅₄ tsin₅₄ 'mu₅₄ ně₃; ¹⁰ tē₂le₃ quian₅₄ a₂dse₃ a₂qui₂jmo₂₃ bá₄ 'nió₅ jmoi₂, jui₁lia₂ ca₂tín₂ jmo₃ dsa₂ mί₂ i₂ma₂jín₂ ja₁con₂ Diú₄. ¹¹ Dse₃ bá₄ tón₃ 'io₅₄ tei₄, nag₃, gue₃ jág₁ quió₅ Diú₄ a₂jme₂tag₅ dsa₂, a₂caun₂ nei₅₄ jě₄ ca₂le₃jě₃. ¹² Tsá₃ cuē₅ jniá₂ jmig₄ jua₅₄ a₂jme₃tag₅ 'io₅₄, on₃ guē₂ jua₅₄ jmo₃ 'éi₃ ja₁con₂ dsa₂ ñe₂. Jñia₅₄ lia₂ 'nió₅ jmo₃ tei₄ bá₄. ¹³ Ia₁ Adán bá₄ i₂le₂'uig₅₄ ca₂jmo₂ Diú₄; cang₂ bá₄ ca₂jmoi₂ Eva. ¹⁴ Jaun₂ on₃jua₅₄ Adán i₂ca₂rě₃gán₃; 'io₅₄ bá₄ i₂ca₂rě₃gán₃ jaun₂ ca₂táin₂ dso₄. ¹⁵ La₁ia₁, líón₂ bá₄ 'io₅₄ ně₃jua₂ jme₂cain₅₄ chi₂'guein₂ quiáin₅, chi₂jua₂ caun₂ 'éin₂ jág₁ quió₅ Diú₄, caun₂ 'nioi₃ riin₅₄, caun₂ chain₂ le₁jě₃ jme₂dsí₂ quió₅, a₂li₅₄ quió₅ ně₃.

3

'A₂ lia₂ ca₂tín₂ jmo₃ jui₁lia₂ dsa₂ i₂cán₂ ne₄ jui₅ quián₅ guá₅

¹ Dsón₂ bá₄ dsau₅ jág₁ la₂: chi₂jua₂ 'ein₂ 'nia₂ 'nio₃ cán₂ ne₄ jui₅ jñia₃ rin₅₄,* ta₁ dse₃ bá₄ jaun₂ 'ín₅ dsi₅. ² Jaun₂ lě₃ juá₅ jniá₂, dsa₂ i₂chén₅ ne₄ jui₅a tsá₃ 'nió₅ jua₅₄ cha₂ ja₁coin₂ a₂lě₂ le₃bóg₂ dsa₂ dso₄, jua₅₄ a₂'ag₃ 'lig₅₄. Ján₃ guē₂, jan₂ bá₄ 'io₅₄ quiáin₅ i₂guá₅ quiaín₅₄; 'en₅₄ dsí₅ 'nió₅ lén₂; li₅₄ quió₅, i₂ñi₅ con₂ dse₃ jniá₂, qui₂guein₃ dsa₂ dsi₂néi₂ quió₅, qui₅₄ jmig₄ jme₃tiin₂₃ dsa₂. ³ Tsá₃ 'nió₅ ñi₃ 'ein₅, on₃ guē₂ qui₃'no₃ mi₅₄, on₃ guē₂ 'nió₅ jmo₃ 'ín₅ dsí₅ jua₅₄ a₂lě₁ 'nio₃ lí₂ cu₄ quió₅ dsa₂. Tē₂le₃ 'nió₅ ñi₃ caun₂ tei₄ jmo₃ 'ua₁ dsí₅ quian₅₄ riin₅₄, tsá₃ 'nió₅ jmo₃ jua₅₄ a₂ñi₄ lě₃ 'ín₅ dsí₅ cu₄. ⁴ 'Nió₅ ñi₅ 'a₂ lia₂ jñiai₃ dsa₂ dsi₂néi₂ quió₅, 'a₂ lia₂ co₂jéin₂ chi₂ quiáin₅ ia₁jaun₂ bá₄ jme₂go₃ chi₂ quiáin₅ ne₄ ca₂le₃jě₃. ⁵ Ia₁ ně₃jua₂ tsá₃ ñi₅ 'a₂ lia₂ jñiai₃ dsa₂ dsi₂néi₂ quió₅ ně₃, 'a₂ bá₄ lia₂ lě₂ le₃jmo₃ 'í₁ guá₅ quián₅ Diú₄? ⁶ Tsá₃ 'nió₅ cán₂ ne₄ jui₅ quió₅ guá₅ jan₂ i₂tē₂ca₂rě₃'én₂. Ia₁ con₂ tsá₃ ñó₅ ně₃jua₂ 'ñio₅ ca₂jmo₃ róin₂, tiáin₃ jui₁lia₂ ca₂tán₂ i₂sě₃dsen₃. ⁷ Ján₃ bá₄

* 2:5 o₃, “Jesucristo.” † 2:7 A₂lin₅₄ chog₅₄ si₂ juá₂ ján₃: “le₃quió₅ Cristo.”

* 3:1 griego: epískopos.

'nió'₅ 'ei₅ jág₁ dse₃ quió'₅ jin₄ dsa₂ i₂tsá₃ 'én₂, ia₁ con'₂ tsá₃ n_ó₅ nē₁ca₂táin'₂ jág₁ lia'₂ chain₂, a₂tiáin'₂ tsi₁cág'₅ quió'₅ i₂sē₃dsen₃ nē₃.

'A₂ lia'₂ 'nió'₅ jmo₃ dsa₂ i₂jme₂'o₅₄ quián₅ guá'₅

⁸ Le₂nē₅ bá₄ ján₃, 'nió'₅ jmo₃ dsa₂ i₂jme₂'o₅₄a quián₅ guá'₅, 'nió'₅ lén₂ dsa₂ i₂'en₅₄ dsí₅ ján₃, i₂quian₅ caun₂ jui₅ dse₃. Tsá₃ 'nió'₅ lén₂ dsa₂ i₂lē₁qui₂co₅ jág₁ quió'₅, on₃ guē'₂ 'nió'₅ i₃nioi₅₄ 'ein₅, tsá₃ 'nió'₅ jmo₃ 'ín₅ dsí₅ jua'₅₄ a₂lē₁'nio₃ lí'₂ cu₄ quió'₅ dsa₂.
⁹ 'Nió'₅ jmo₃ 'í₁ jág₁ dse₃ a₂rē₂'ma₄ quió'₅ Diú₄ a₂'éin₂ jniog₄, a₂le₁jē₃ tē₂dsí₅.
¹⁰ 'Nió'₅ con₂ de'₂ dsa₂ 'í₁ quió'₅ ca₂le₃jín₃ con'₂ dsa₂ i₂lén₂ i₂jme₂'o₅₄ nē₁jua'₂ 'a₂ lia'₂ lín₅. Nē₁jua'₂ tsá₃ 'e₂ riin₂, jaun₂ guē₄ dsi₂ten₅₄ lēin₂ dsa₂ i₂jme₂'o₅₄a quián₅ guá'₅.
¹¹ Jui₁lia'₂ dsa₂ mí₂ guē'₂ nē₃, ján₃ bá₄ le₂jaun₂ 'nió'₅ lí'₅₄ quió'₅, tsá₃ 'nió'₅ a₂lē₁bóg'₂ dso₄. 'Nió'₅ 'en₅₄ dsí₅ lēin₂, rē₂tí'₅₄ jē₄ ca₂le₃jē₃ nē₃.
¹² I₂jme₂'o₅₄ quián₅ guá'₅a 'nió'₅ jmo₃ ján₃, jan₂ bá₄ 'io₅₄ quiáin₅ i₂rē₂jen'₂ gu₂ quiáin'₅₄. Jaun₂ 'nió'₅ ŋi₅ 'a₂ lia'₂ co₂jéin'₂ con'₂ dsi₂ten₅₄ chi'₂ quiáin₅, quian'₅₄ dsa₂ dsi₂néi₂ quió'₅ nē₃.
¹³ Ia₁ jui₁lia'₂ dsa₂ i₂jme₂'o₅₄† i₂rē₂tí'₅₄ dse₃ ta₁ quió'₅ a₂lín₅, lí'₄ a₂'ag₃ dsa₂ dse₃ quió'₅, ton'₂ ján₃ guē'₂ caun₂ guē₄ 'ag₃ dsí₅ a₂dsia₃ 'a₂ lia'₂ 'éin₂ tē₂le₃ quió'₅ Cristo Jesús.

Le₂la₂ lē₅ jág₁ quió'₅ Diú₄ a₂'éin₂ jniog₄

¹⁴ 'In₂ dsi₃ jniá₂ nei₅₄ ŋi'₅₄ ta₁ i₁jing₁₂ 'ne₂. La₁ né'₃ a₂dsióg₄, jmo₂₃ si₂ la₂,
¹⁵ ia₁jaun₂ nē₁jua'₂ ca₂rē₃'ing₅₄, le₃ŋi'₅₄ bá₄ 'a₂ lia'₂ ca₂tín₂ i₃nio₄ dsa₂ dsi₂néi₂ quió'₅ Diú₄, i₂lín₅ guá'₅ quián₅ Diú₄ jén'₃, co₂'nió'₄ 'ui_g₅₄ 'ia'₂, 'ma₂dsi₅ nē₃, quió'₅ jág₁ tí₅.
¹⁶ Dsón'₂ bá₄ juē'₂ juá'₅ a₂'éin₂ jniog₄, a₂jme₁rē₂'ma₄ le₂ŋiá₅:
Ca₂guan₃ Diú₄ chi₁dsain₂;

ca₂jme₃jniog₅ Jme₂dsí₂ a₂lín₅ i₂dsen₃;

ca₂jág₂ ángeles;

ca₂rē₃'ē₂ jág₁, ca₂'ag₃ dsa₂ jin₄ dsi₂nau₂;

ca₂rē₃'én₂ dsa₂ mi₂güig₃ jág₁ quió'₅;

ca₂guéi'₂ táng₃ Jmei₂ guei'₅₄ i₂juig₃ nē₃.

4

Dsa₂ i₂dsi₃lén₂ cau₅, qui₃tí₂ jág₁ quió'₅ Diú₄

¹ Lia'₂ tí₅ jág₁ dsón'₂ bá₄ ma₂ca₂juá'₂ Jme₂dsí₂ quián₅ Diú₄ 'a₂ lia'₂ lé₂ jmig₄ jē₁ca₂tó'₂. I₂lín₅₄ dsa₂ dsi₃lén₂ cau₅, tí₂ jág₁ a₂'éin₂ jniog₄, tón'₂ jui₅ jág₁ quió'₅ jme₂dsí₂ i₂jui₁gan₂, jág₁ juá'₅ a₂já₅ quió'₅ je₂na'₅₄ nē₃,
² a₂jme₂tag₅ dsa₂ i₂ŋiá'₅₄ qui₂le₁'ág₄ dse₃ o₁ne₁, i₂co₂jmo₅ jág₁ tē₂jág₁, i₂tsá₃ ma₃'e₂ qui₂dsi₂ŋi₅ dsí₅ ia₁ ma₂lē₅ dsí₅ nē₂jag₄ bá₄ a₂ma₂cáu₂ quian'₅₄ ni₁ŋi₁ dséi₂.

† 3:13 griego: diákonous.

³ Jme₃tag₂₃ a₂tsá₃ ma₃jén'₂ dsa₂ gu₂; a₂lin₅₄ má₃ gué'₂ ně₃ tsá₃ ma₃cuē₃ jmig₄ jua'₅₄ a₂guē'₃ guē₄ dsa₂, o₁ñia'₅₄ ca₂jmo₃ Diú₄ ca₂le₃jě₃ ne₅₄ cosa ia₁jaun₂ guē'₃ dsa₂ i₂én₂ i₂cuí'₅ jág₁ dsau₅, a₂cuē₃ ti₁'mag'₄ ně₃. ⁴ A₂dse₃ jě₂ bá₄ a₂ca₂jmo₃ Diú₄. Jaun₂ dse₃ bá₄ gué₁ jniog₄ cuē₅₄ ti₁'mag'₄ Diú₄, tsá₃ 'nió'₅ jua'₅₄ a₂tsá₃ gué₁. ⁵ Ia₁ ma₂ron₅ jág₁ quió'₅ Diú₄, juá'₂ a₂le₁jě₃ bá₄ jaun₂. Jme₂jnió₃ bá₄ Diú₄ jme₁cuē₅ dsa₂ ti₁'mag'₄.

Dsa₂ i₂jme₂ti₃ dse₃ ne₄ Jesucristo

⁶ Chi₂jua'₂ jme₂ting'₁ dsa₂ rin'₅₄ jniog₄ le₂ně₅, léng'₂ dsa₂ dsen₃ i₂jme₂ti₃ ta₁ ne₄ Jesucristo. Qui₂rě₂tang'₅₄, rě₂bei'₂ 'au'₂ quian'₅₄ jág₁ quió'₅ Diú₄ a₂'éng'₂, juá'₅ dse₃ a₂chan'₅₄ ně₃. ⁷ La₁ tsá₃ lě₁tón'₂ jui₅ jág₁ co₄ a₂lě₁dsia₅ dsa₂ mi₂güig₃, on₃ guē'₂ tón'₂ jui₅ cuentos a₂le₁dsia₅ guiong'₂ can'₅₄ ně₃. Caun₂ jme₁dsau₅ quiáng'₂ tē₂le₃ quió'₅ Diú₄. ⁸ Dsón'₂ a₂dse₃ bá₄ jaun₂ jme₂dsau₅ dsa₂ cho₅ dsé₁ n₁i₁₂ jui₁lia'₂ jme₁co₂₃. La₁ 'ñio₅ lin₃ guē₄ dse₃ jme₃dsau₅ dsa₂ tē₂le₃ quió'₅ jme₂dsi₂ quió'₅ a₂'nio₁3 Diú₄. Ia₁ a₂ně₅ bá₄ cuē₃ a₂dse₃ quián₂ jniog₄ mi₂güig₃ caun₂, on₃jua'₅₄ jmá'₃ ne₄ gua'₅₄ 'uē₃ la₂. ⁹ Ca₂le₃jín₃ bá₄ 'nió'₅ le₃'én₂ jág₁ la₂, ia₁ tē₃dsón'₂ bá₄ dsau₅. ¹⁰ A₂jaun₂ bá₄ lě₃ dsen₅₄ dsi₅ jmo₂ jniog₄ ta₁, qui₂jnaú'₂ dsa₂ jág₁ uig₅, ia₁ ma₂ca₂'éi₁ jniog₄ caun₂ dsi₅ tē₂le₃ quió'₅ Diú₄ jén'₃ tē₃dsón'₂ i₂lín₅ i₂lió₂ quián₅ ca₂le₃jín₃ dsa₂, la₁ tē₂le₃ dsen₅₄ guē₄ quián₅ dsa₂ i₂'én₂.

¹¹ Jág₁ ně₅ ca₂ting'₂ juig'₅₄ dsa₂, jme₁tiin'₂ ně₃. ¹² Tsá₃ lě₁cuín₅ jmig₄ jua'₅₄ a₂tsá₃ jme₃go₃ dsa₂ ia₁ a₂meg'₂. Tē₂le₃ 'ñio₅ lin₃ guē₄ ca₂ting'₂ cán'₁ ne₄ jui₅ a₂jmó'₂ a₂dse₃ ia₁jaun₂ jág₃ ca₂le₃jín₃ dsa₂ i₂'én₂: jui₁lia'₂ 'a₂ lia'₂ lě₅ jág₁ quiáng'₂, jme₁dsia'₂ jág₁, jui₁lia'₂ 'a₂ lia'₂ chang'₂ ñi'₂, jui₁lia'₂ 'a₂ lia'₂ 'nió'₃ 'ne₂ dsa₂ ríng'₂, jui₁lia'₂ 'a₂ lia'₂ 'éng'₂, jui₁lia'₂ 'a₂ lia'₂ chang'₂ a₂le₁jě₃ tē₂'au'₂ ně₃. ¹³ Tē₁lia'₂ tsá₃ ma₂dsióg₃ jniá₂, 'í₁ Si₂ quió'₅ Diú₄ jin₄ dsa₂; tioen'₂ jág₁ dse₃ jme₁tiin₅ ně₃. ¹⁴ Tsá₃ jui₁dsi₂'én₂ 'au'₂ a₂ma₂cuē₃ Diú₄ a₂ma₂ting'₂ a₂ca₂ñig'₂ tē₂le₃ quian'₅₄ dsa₂ can'₅₄ rin'₅₄ jniog₄ i₂ca₂quiog₂ gu₂ ne₄ quiáng'₂.

¹⁵ Dsen₅₄ 'au'₂ jmo₄ jme₁dsau₅ quiáng'₂ ca₂le₃jě₃ a₂ně₅, ia₁jaun₂ le₃lí'₄ dsa₂ a₂ma₂dsi₂jñiág'₄ a₂ting'₂. ¹⁶ Jmo₄ 'í₁ 'ñiag'₂, ján₃ guē'₂ le₂jaun₂ quian'₅₄ juá'₅ a₂jme₂ting'₁ dsa₂. Caun₂ jmo₄ bá₄ a₂ně₅. Nē₁jua'₂ ca₂jme₁ti'₄ ca₂le₃jě₃ a₂ně₅, long'₅₄ 'ñiag'₂, ján₃ guē'₂ long'₅₄ ca₂le₃jín₃ i₂nag₅ jág₁ quiáng'₂.

5

'A₂ lia'₂ 'nió'₅ jmo₃ jin₄ dsa₂ 'én₂ riin'₅₄

¹ Tsá₃ lě₁tē₂jén₅ jui₁lia'₂ dsa₂ ma₂guen'₂. Tē₂le₃ 'nió'₅ tioen'₂ jág₁, jmo₄ bá₄ 'au'₂ co₂'nió'₄ ñéi'₅. Ján₃ guē'₂ le₂jaun₂ dsa₂ ñe'₂ chi'₂, jmo₄ 'au'₂ jiin₅₄ lia'₂ ja₁jing'₅₄ ríng'₂. ² Ján₃ guē'₂

le₂jaun₂ jui₁lia'₂ dsa₂ mí₂ ma₂guen'₂ ně₃, jme₁'nió₄ jui₁lia'₂ 'nióg'₃ chog'₂. Le₂jaun₂ guē'₂ jui₁lia'₂ 'io₅₄ chi'₂, jiin₅₄ jme₁'nió₄ jui₁lia'₂ ja₁'nióg'₃ 'io₅₄ ríng'₂ ján₃, a₂le₁jě₃ 'au'₂ co₂ŋei'₅₄.

³ Jui₁lia'₂ 'io₅₄ 'nág₂ guē'₂ ně₃, jme₁'oin₅₄ ně₁jua'₂ léi₄ a₂'nió'₅ dsón'₂ quió'₅. ⁴ La₁ ně₁jua'₂ jan₂ dsa₂ mí₂ 'nág₂ chan₂ chi'₂ quiáin₅ o₃ chi'₂ dsio₅₄ 'e₂, i₂'éi₂ bá₄ le₂'uig₅₄ ca₂tín₂ jme₃tín₅ dsí₅ nio₃ ne₅₄ chog₅₄, a₂jén'₅ dsí₅ jme₃'nioi₃ chog₅₄ ia₁ ma₂ca₂jme₃cau'₅₄. Ia₁ le₂ně₅ bá₄ dse₃, 'ŋio₂ dsí₅ Diú₄. ⁵ 'Io₅₄ 'nág₂ i₂tě₃dsón'₂ tsá₃ 'ein₂ chan₂ quiáin₅, caun₂ a₂jaun₂ bá₄ chain₂ 'ín₂ dsí₅ le₃quió'₅ Diú₄ bá₄, chi₂lén'₂ Diú₄ 'uē₂-jmi₂ mi₂₃ 'e₂ 'nió'₅ quió'₅. ⁶ La₁ ně₁jua'₂ 'io₅₄ 'nág₂ i₂lě₁ŋi₅ cuē'₅ o₂'ŋi₃ o₂ŋia₃ dsí₅ 'ŋiog₅ ně₃, co₂'nió'₄ 'lag₄ bá₄ 'éi₂ chan₂. ⁷ Jaun₂ ca₂le₃jě₃ a₂ně₅ chei'₅₄ dsa₂ jaun₂ tsá₃ 'e₂ cha₂ jua'₅₄ a₂cu₃n₃ jmi₄ 'ag₃ dsa₂ 'lig'₅₄. ⁸ Ně₁jua'₂ chan₂ i₂tsá₃ jui₅ tón'₂ 'e₂ ta₁ chain₂ quiain'₅₄ i₂chan₂ quiáin₅, la₁ 'ŋio₅ lín₃ guē₄ ně₁jua'₂ tsá₃ tóin'₂ jui₅ i₂chan₂ dsi₂néi₂ quió'₅ 'ŋiog₅ ně₃, ma₂dsia₃ cau₅ a₂'éin₂; i₂le₂'éi₂ lín₅ tson₂ guē₄ lia'₂ dsa₂ i₂tsá₃ 'én₂.

⁹ 'Nió'₅ tě₃ton₅₄ ne₄ si₂ jmá'₃ 'io₅₄ 'nág₂ i₂ma₂tion'₅₄ lě₅ guē₄ ma₃'nag'₂ ne₂guióg₂ ŋi₂, i₂ma₂ŋia₃ jan₂ bá₄ dsi₂lě₂gu₂. ¹⁰ 'Nió'₄ dsa₂ i₂ma₂cu₃n₅ dsa₂ dse₃, a₂dsón'₂ bá₄ dsein₃, dse₃ bá₄ ta₁ jě₁ma₂já₅, jui₁lia'₂ chi₂jua'₂ ma₂ca₂jme₃caín'₅₄ chi'₂-guein₂ quiáin₅, chi₂jua'₂ ma₂qui₂ma₂cuē₃ bá₄ 'ŋio₂ dsí₅ dsi₂néi₂ quió'₅ ma₂qui₂ma₂ŋia₃ dsa₂, chi₂jua'₂ ma₂ca₂jme₃tí₃ bá₄ ta₁ 'ŋio₂ dsí₅ ne₄ dsa₂ rin'₅₄ jniog₄ i₂'én₂, * tsá₃ jmo₂₃ dsí₅ jua'₅₄ quein₅ guē₄ con'₂ guē₄ riin'₅₄, chi₂jua'₂ ma₂ca₂jme₃'oin₅₄ bá₄ i₂chan₂ o₂i₁ dsí₅, chi₂jua'₂ ma₂jmo₃ ca₂le₃jě₃ ne₅₄ a₂dse₃ ně₃. ¹¹ La₁ tsá₃ tě₃ton'₅₄ ne₄ si₂ 'io₅₄ 'nág₂ i₂tion'₅₄ me'₂ guē₄ ŋi₂, ia₁ jě₁ma₂ca₂lě₃ dsí₅ 'ŋio₅ lín₃ guē₄ tón'₂ jui₅ a₂mi₅ dsí₅ con'₂ guē₄ a₂jme₃tí₃ ta₁ a₂tióin₂ ne₄ Cristo, gu₂ bá₄ tiá₂ 'nio₃ jén'₃ táng₃. ¹² Le₂ně₅ bá₄ rě₂cáin'₄ ia₁ tsá₃ ca₂rě₃ti'₅₄ jág₁ quió'₅ a₂ma₂cuē₃. ¹³ Ján₃ guē'₂ con'₂ tsá₃ ŋó₅ ně₁jua'₂ ca₂rě₃tín₃ dsí₅ ŋia'₅₄ i₂nioi₅₄ tě₂juin₂ tsi₁jin₁₂. Ján₃ guē'₂ le₂jaun₂, on₃jua'₅₄ rě'₂ ŋia'₅₄ tīn₂ i₂nioi₅₄ tsi₁jin₁₂, dsi₂lěin₂ le₂'i₁ 'né₅ ton'₂ qui₂i₂quian₅₄ jág₁ a₂la₂ a₂ó₃, qui₂tián₂ ja₁tsá₃ ca₂tīn₂. ¹⁴ Jaun₂ lě₃ 'nio₃ jniá₂ co₂ŋei'₅₄ jén'₂ táng₃ gu₂ jui₁lia'₂ 'io₅₄ 'nág₂ chi'₂, jui₁le₂chan₂ chi'₂-guein₂ quiáin₅, jui₁lein₅₄ bá₄ dsa₂ i₂niog₅ gu₂ dsi₂néi₂. Jaun₂ tsá₃ cu₃n₃ jmi₄ jmo₃ i₂sě₃dsen₃ lě₂ dsí₅ dsa₂ 'ag₃ 'lig'₅₄. ¹⁵ Ia₁ i₂lín₅₄ ma₂i₂lén₂ cau₅, 'ein₂₃ Satanás.

¹⁶ Chi₂jua'₂ chan₂ rin'₅₄ jniog₄ dsa₂ ŋe'₂, o₃ dsa₂ mí₂ 'e₂,† chi₂jua'₂ chan₂ dsa₂ 'nág₂ quió'₅, ne₄ 'éi₂ nio₃ 'e₂ 'nió'₅ quió'₅ dsa₂ 'nág₂, ia₁jaun₂ tsá₃ ŋí₄ lě₃ guei₂ cán₂ guá'₅, ia₁jaun₂ bá₄ cu₃n₃

* 5:10 lit. "chi₂jua'₂ ma₂qui₂ma₂rang₃ mi₂tag₄ dsa₂ ŋjió₅." † 5:16 A₂lin₅₄ chog₅₄ si₂: "Chi₂jua'₂ chan₂ dsa₂ mí₂ rin'₅₄ jniog₄."

jmig₄ lé₂ le₃jme₃'o₅₄ guá'₅ jmá'₃ quió'₅ 'io₅₄ 'nág₂ i₂'nió'₅ dsón'₂ quió'₅.

¹⁷ Dsa₂ can'₅₄ i₂jmo₅ 'éi'₃ dse₃ guá'₅, tin₃ ráun₂ lě₅ guě₄ 'nió'₅ jme₃go₃ dsa₂, jág₂ dsa₂ dse₃. La₁ 'ñio₅ lin₃ guě₄ ca₂tin₂ dsa₂ jín₂ dse₃ jme₃'nioi₃ i₂jmo₅ ta₁ i₂cuē₅ jág₁ jme₂tag₂₃. ¹⁸ Ia₁ ne₄ Si₂ quió'₅ Diú₄ juá'₂: “Tsá₃ lě₁tó'₂ 'nei₅₄ mi₂'o₄ ca₁jui₅ i₂jmo₅ ta₁ qui₂tsó'₅ i₂uíg₂ míg₂ trigo.”† Ján₃ guě₂ le₂jaun₂ juá'₂ Si₂: “Ca₂tin₂ bá₄ dsa₂ i₂jmo₅ ta₁ gue₃ 'liain'₅₄.”§

¹⁹ Tsá₃ lě₁tón'₂ jui₅ nē₁jua'₂ chan₂ 'ein₂ dsia₅ dso₄ 'ni₂₃ jan₂ gui'₅₄ can'₅₄ nē₁jua'₂ tsá₃ tión₂ on₃-ún₂ dsa₂ i₂jáng'₃ jág₁ dsau₅.*

²⁰ La₁ jui₁lia'₂ dsa₂ i₂caun₂ 'no₅ dso₄, tē₂jéin₃ tē₃jē₄ ja₁le₁ñi'₂ 'nia'₂ ca₂le₃jíng'₃, ia₁jaun₂ tē₃ ne₄ ca₂le₃jín₃ jaun₂ le₃gó'₃ ján₃. ²¹ O₄quió'₄ Diú₄, quian'₅₄ Te₁gui'₅₄ Jesucristo, quian'₅₄ ca₂le₃jín₃ ángeles i₂ma₂quióin'₂, cuē₅ jniá'₂ 'éi'₃ la₂ ia₁jaun₂ jme₁ti'₄ 'ne₂: Tsá₃ jmó'₂ jua'₅₄ a₂jíng'₅₄ jma₃quén₅ ríng'₂ a₂jmó'₂ i₂lin₅₄ tē₁jéng'₄, i₂lin₅₄ guē'₂ tsá₃ tē₁jéng'₄. Co₂rē₂ bá₄ tē₁jéng'₄ con'₂ i₂ca₂tin₂ dsi₃jen₅₄. ²² Tsá₃ caun₂ lē₁ín₅† de'₂ tē₂le₃ dséi₂ dsa₂ i₂jio₃ cán₂ ne₄ jui₅ guá'₅, con'₂ tsá₃ nō₅ nē₁jua'₂ le₃jio₄ 'ne₂ ca₂rē₃cáng'₂ dsáu₁ i₂sián'₂. Jmo₄ 'Í₁ a₂chang'₂ le₁jē₃ tē₂'au'₂.

²³ Ia₁ a₂rē₂dsong'₅₄ i₂gú'₃ ton₅ dso₄ tog'₂, tsá₃ ma₃'nió'₅ 'ag'₅₄ jmá'₃ jmig₂; 'én'₂ ca₂la₂ vino ján₃.

²⁴ Dso₄ a₂'no₅ dsa₂ i₂lin₅₄ a₂léi₄, jniá'₂ dse₃ bá₄ né'₃ a₂dsi₁lein₃ ja₁jáng'₃ cuenta quió'₅. Quió'₅ i₂lin₅₄ guē'₂ tsá₃ léi₄ dsi₂jui₅. Cang₂ bá₄ rē₂léi₄. ²⁵ Ján₃ guē'₂ le₂jaun₂, chi₂jua'₂ 'e₂ dse₃ jmo₅ dsa₂, rē₂léi₄, jniá'₂ bá₄. O₁jñia'₅₄ tsá₃ qui₂rē₂jniá'₂ dsi₂jui₅, tion₅₄ bá₄ rē₂jniá'₂ jui₁la₂ 'ióg₃.

6

¹ Dsa₂ i₂jme₂ti₃ ta₁ ne₄ juig₅₄ 'nió'₅ jme₃gain₃ juig₅₄ ia₁jaun₂ tsá₃ chi₂'ag₃ dsa₂ 'lig'₅₄ 'iin₃ Diú₄, on₃ guē'₂ 'ē₃ dsa₂ 'lig'₅₄ 'e₂ jme₂tin₁ jniog₄ dsa₂. ² Chi₂jua'₂ chan₂ juig₅₄ i₂'én₂ nē₃, tsá₃ jua'₅₄ jaun₂ 'nió'₅ jme₃go₃ dsa₂ me'₂ guě₄ ia₁lín₅ dsa₂ 'én₂ riin'₅₄. Co₂rē₂ bá₄ 'nió'₅ jme₃gan₃ dsa₂ riin'₅₄ con'₂ riin'₅₄ i₂'én₂ tē₂le₃ quió'₅ Cristo. Tē₂le₃ 'nió'₅ jme₃ti₃ guě₄ dsa₂ dse₃ ta₁ ne₁₂, ia₁ a₂lín₅ dsa₂ 'én₂ rin'₅₄ i₂'nió₄. Le₂nē₅ jme₁tin₅ dsa₂, tioin'₂ jág₁ nē₃.

'Ag₅ dsa₂ dse₃ dsí₅ jmo₂₃ 'io'₂ quian'₅₄ juá'₅

³ Chi₂jua'₂ chan₂ i₂jme₂tag₅ le₂siá'₂, ton'₂ tsá₃ dsáu₅ dsí₅ jág₁ dse₃ quió'₅ Te₁gui'₅₄ Jesucristo, on₃ guě₄ juá'₅ quió'₅ Diú₄ nē₃, ⁴ a₂jñia'₅₄ con'₂ jme₂rón₂ 'ñiog₅ bá₄ dsa₂ 'éi₂, 'i₁ca₂juig₄ tsá₃ 'e₂ ñí'₂ dsí₅. Nē₂jag₄ bá₄ i₂dso'₅₄ bá₄ i₂le₂'éi₂, ia₁ a₂jñia'₅₄ 'nio₃ dsia₃

† 5:18 Deuteronomio 25:4. § 5:18 Lucas 10:7. * 5:19 'Nio'₂ ja₁ton₅ Números

35:30, Deuteronomio 17:6. † 5:22 lit. “Tsá₃ caun₂ dsíá'₁ gog'₂ de'₂ tē₂le₃ dséi₂.”

mi'⁵⁴ quian'⁵⁴ jág₁. 'Uig⁵⁴ jaun₂ ja₂ uig₅ dsí₅ dsa₂, qui₂tsin₅ dsa₂, qui₂iná'₂ dsa₂ jág₁ uig₅ riin'⁵⁴, tsá₃ 'e₂ dse₃ jín₂ dsa₂ riin'⁵⁴ ně₃. ⁵ Lě₅ bá₄ caun₂ jñia'⁵⁴ niog₅ mi'⁵⁴ tsá₃ dsian₅ lě₅ jin₄ dsa₂ i₂tsá₃ dse₃ qui₂dsi₂jio₅ dsí₅. Tsá₃ ma₃'e₂ jág₁ dsau₅ cuí'₅; lín₂ quian'⁵⁴ juá'₅ a₂jme₂tag₂₃, a₂tě₃dsi⁵⁴ quió'₅. [Co₂dsia₅ jñiag'₃ cau₅, tsá₃ lě₅'ú₅ quian'⁵⁴ dsa₂ i₂le₂'éi₂.]* ⁶ Dsau₅ bá₄ jaun₂ a₂quen₅ juá'₅, la₁ia₁ a₂tě₃dsi⁵⁴ guě₄ lín₃ le₃quió'₅ dsa₂ i₂le₁'ág₄ tei₄ dsí₅, i₂chan₂ ma₂dsau₅ dsí₅ 'e₂ cha₂ quió'₅. ⁷ Ia₁ 'i₁caun₂ tsá₃ 'e₂ le₁quian₁ jniog₄ ca₂o₃náu₅ mi₂güig₃ la₂, on₃ guě'₂ cha₂ juá'₅₄ a₂lě₂ le₃quiong⁵⁴ 'i₁caun₂ táng₃. ⁸ Ia₁ ně₁juá'₂ cha₂ bá₄ a₂que⁵⁴, cha₂ bá₄ tsin'⁵⁴ jniog₄ ně₃, co₂jaun₂ bá₄ guě'₂ jñia'⁵⁴ 'nió'₅ le₃'éi₁ jniog₄ tei₄ dsí₅ jmó₁ 'io'₂. ⁹ La₁ jui₁lia'₂ dsa₂ i₂'ín₅ dsí₅ le₃cha₂ cu₄ ně₃, tsi₂séin'₂ dso₄, tsi₂séin'₂ 'ñiό'₃ tsi₁cág'₅ quió'₅ i₂sě₃dsen₃, ne₄ ca₂le₃jě₃ a₂'ín₅ dsí₅ a₂tsá₃ ta₁ tí₄, a₂jmóg'₂ dain⁵⁴, a₂dsi₂'éin₂ ně₃. ¹⁰ Ia₁ a₂ñí₄ lě₃ 'ín₅ dsí₅ dsa₂ le₃cha₂ cu₄, 'uig⁵⁴ jaun₂ lé₂ le₃jio₃ ca₂le₃jě₃ ne⁵⁴ jui₅ 'lig'⁵⁴. Chan₂ i₂lín⁵⁴ ia₁ a₂'ín₅ dsí₅ a₂jaun₂, ma₂i₂lén₂ cau₅ jui₅ a₂jme₁'éin₂; a₂'uín⁵⁴ guioin⁵⁴ ma₂chain₂ jmi₁uig₅ 'ñio₅ lín₃.

Dsa₂ i₂quín'₅ bí₂ ia₁ 'éin₂

¹¹ La₁ 'ne₂, dsa₂ quián₅ Diú₄, co₂dsia₅ cuín'⁵⁴ ca₂le₃jě₃ a₂ně₅. Co₂dsia₅ ñi₄ bá₄ quian₂ caun₂ jui₅ co₂dsau₅, jme₁dsau₅ quiáng'₂ tē₂le₃ quió'₅ Diú₄, caun₂ 'én₂ bá₄, chan'₂ tiá₂ jág₁, caun₂ jme₁'nió₄ ríng'₂, jme₁juín'₂ 'au'₂, jmo₄ meg'₂ ně₃. ¹² Quen'₂ bí₂ dse₃ o₄quió'₄ jág₁ a₂'éin₂ jniog₄, jui₁lia'₂ jan₂ 'lió₂g₂ quín'₅ bí₂ ne₄ 'nei₂. Tio'₂ gog'₂ ja₁le₃chan₂ co₂tan⁵⁴ jme₂dsí₂ quiáng'₂, ia₁ ta₁ jaun₂ ca₂tě₃ Diú₄. Ia₁ dse₃ bá₄ ma₂ñe'₃ jmo'₂ jin₄ dsa₂, a₂cuě'₂ léi₄ a₂'éng'₂. ¹³ Ně₃ ně₃, jág₅ bá₄ Diú₄ i₂jmo₅ jén'₃ ca₂le₃jín₃, jág₅ bá₄ Jesucristo ně₃ i₂ca₂jáng'₃ dse₃ jág₁ dsau₅ ne₄ Poncio Pilato, juíg₂ jniá₂ 'ne₂ ¹⁴ a₂jme₁ti'₄ 'éi'₃ ně₅ tsá₃ qui₂rě₂'ióg₄ ia₁jaun₂ tsá₃ cuín₅ jmi₄g₄ jua'⁵⁴ tē₃jí₂ dsa₂ ca₂lia'₂ ca₂tě₂ jmi₄g₄ i₁guan'₂ Te₁gui'⁵⁴ Jesucristo quián₂. ¹⁵ Jě₁ma₂ca₂tě₂ jmi₄g₄ jaun₂, ia₁ jñia'⁵⁴ lia'₂ 'ñiog₅ bá₄ Te₁gui'⁵⁴ Diú₄ jmo₃. 'Ñiog₅ bá₄ lín₅ i₂jñiό₅ i₂'uan'₂, i₂lín₅ Rag⁵⁴ quián₅ rag⁵⁴, Te₁gui'⁵⁴ quián₅ ca₂le₃jín₃ juig⁵⁴ can'⁵⁴ i₂chan₂ ne₄ gua'⁵⁴ 'uě₃ la₂. ¹⁶ Jñia'⁵⁴ lia'₂ jan₂ 'éi₂ bá₄ i₂chan₂ i₂ca₂lia'₂ o₁líg'₂ jmi₄g₄ tsá₃ jón₂, i₂chan₂ i₂guá₅ ja₁jniá₂ si₂ ja₁ca₂lia'₂ 'i₁jan₂ tsá₃ 'ein₂ qui'⁵⁴ jmi₄g₄ jme₃quián₃, i₂tsá₃ 'ein₂ dsa₂ mi₂güig₃ ma₂jág₂, on₃ guě'₂ qui'⁵⁴ jmi₄g₄ jág₂. i₂Ca₂tín₂ bá₄ Diú₄ ca₂le₃jě₃ bí₂! i₂Quió'₅ 'éi₂ bá₄ jme₃juag'₂ dsa₂ co₂tan⁵⁴! i₂A₂méi₃! ¹⁷ Jui₁lia'₂ i₂cha₂ cu₄ mi₂güig₃ la₂, chei'⁵⁴ tsá₃ lě₁jui₁jmo₁₂ róin₂, on₃ guě'₂ jui₁jmo⁵⁴ 'ín₂ dsí₅ le₃quió'₅ cu₄, ia₁ a₂lě₁lé₂ dsi₃'én₂ bá₄ cu₄. Co₂dsia₅ guě₄

* 6:5 A₂lín⁵⁴ chog⁵⁴ si₂ tsá₃ le₁ton₅ jág₁ ně₅.

jmo₅ jui₁jmo₁₂ 'ín₂ dsí₅ tē₂le₃ quió'₅ Diú₄ jén'₃ i₂jén'₅ ca₂le₃jě₃ lia'₂
 qui₂rě₂tsón₂ ia₁jaun₂ jmó₁ 'io'₂ le₃chong₂. ¹⁸ Chei'₅₄ jui₁jmo₁₂
 a₂dse₃ 'ñio₅ lin₃, jui₁jmo₁₂ 'ñio₂ dsí₅ jui₁jme₂'oin₅₄ riin'₅₄ quian'₅₄
 'e₂ a₂cha₂ ca₂la₂ quió'₅. ¹⁹ Jaun₂ le₂ně₅ qui₂dsi₃tsón₃ 'uig₅₄ ja₁náu₃
 tiá₂ tē₂le₃ ne₄ jui₅ ja₁ñó₄, tó'₃ gu₂ ja₁le₃chain₂ dsón'₂.

Jág₁ a₂ca₂tsí'₃ guě₄ Timoteo jē₁ca₂tó'₂

²⁰ Ne₂ Timoteo, dse₃ jmo₄ 'í₁ a₂ma₂niog₅ ne'₅₄. Tsá₃ lē₁tón'₂
 jui₅ jág₁ a₂tsá₃ ta₁ tí₄ a₂niog₅ dsia₅ dsa₂ mi₂güí₃ i₂tsá₃ 'én₂. Ní₂
 dse₃, tsá₃ tón'₂ jui₅ jág₁ quió'₅ dsa₂ i₂ñí₄ lě₃ 'ñio₅ ñi₅ jmo₅, ia₁
 on₃jua'₅₄ dsau₅ dsón'₂ tin₂ dsa₂ 'éi₂, ia₁ tsá₃ jme₂tag₂₃ lia'₂ con'₂
 lě₅ juá'₅ dse₃ dsón'₂. ²¹ Ia₁ i₂lin₅₄ dsa₂ i₂ca₂rě₃ 'én₂ jág₁ quió'₅ dsa₂
 le₂'éi₂ ma₂i₂cóin'₅ bá₄ táng₃ jui₅ quió'₅ Diú₄ a₂jme₁'éin₂.

Jui₁jme₂gu'₅₄ bá₄ Diú₄ quiáng'₂.

Co₂ně₅.

Si₂ carta jë₁ca₂të₂ tin₃ a₂ca₂jmo₃ San Pablo ne₄ TIMOTEO

Jmo₅ Pa₄ si₂ a₂chein₃ ne₄ Timoteo

¹ Jniá₂ Pa₄, líng₅ dsa₂ i₂chen₄ quián₅ Te₁gui'₅₄ Jesucristo, cheng₅₄ con'₂ nē₅ 'nio₃ Diú₄ bá₄, con'₂ lě₅ jág₁ ca₂cuē₃ Diú₄ jniog₄ a₂le₃chong₂ të₂le₃ quian'₅₄ Cristo Jesús. ² Jmo₅ jniá₂ si₂ la₂ ne'₅₄ 'ne₂ jón₃ quiáng₃ Timoteo, 'nio₃ jniá₂ jui₁chang'₂ bá₄ néi₂ dsí₅ Diú₄, jui₁jme₂gu'₅₄ bá₄, jui₁chang'₂ bá₄ 'ei₅ tei₄, jui₁jmo₅₄ Diú₄ Jmei₂ jniog₄ quian'₅₄ Te₁gui'₅₄ Jesucristo quián₂.

'A₂ lia'₂ dsi₂ten₅₄ jáng'₃ dsa₂ jág₁ dsau₅ të₂le₃ quió'₅ Cristo

³ Dsau'₂ dsi₃ co₂tan₅₄ bá₄ 'ne₂ jë₄ chi₂leng'₅₄ Diú₄ lia'₂ 'uē₂-jmi₂. Jaun₂ lě₃ cuē₅ jniá₂ ti₁'mag'₄ jme₂tí₁ ta₁ ne₅₄ a₂ma₂le₁jě₃ a₂qui₂dsi₂jni₅ të₂dsi₃ jui₁lia'₂ ca₂jmo₃ dsa₂ can'₅₄ quiáng₃ ma₂líg'₂. ⁴ Ca₂le₃jě₃ jmi₄ bá₄ dsau'₂ dsi₃ lia'₂ con'₂ ca₂'o₅₄ le₂jaun₂, jaun₂ jme₁'nio₃ i₁jing₁₂ táng₃ 'ne₂ ia₁jaun₂ jmo₅₄ 'io'₂. ⁵ Dsau'₂ bá₄ dsi₃, ia₁ 'éng'₂ të₃dsón'₂. Chi₁'io'₄ Loida quian'₅₄ chog'₂ Eunice, ján₃ bá₄ le₂nē₅ ca₂rě₃ 'éin₂ le₂'uig₅₄. Jaun₂ të₃dsón'₂ lín₂ jniá₂ ján₃ bá₄ le₂jaun₂ 'én'₂ 'ne₂.

⁶ Jaun₂ lě₃ juá'₅ jniá₂, cuē'₅₄ bí₂ ca₂le₃jě₃ a₂ma₂cuē₃ Diú₄ të₂'au'₂, a₂lě₅ lia'₂ lě₅ si₂ të₂'au'₂ a₂ca₂ñig'₂ lia'₂ con'₂ jme₁ca₂co₃ jniá₂ gu₃ ne₄ quiáng'₂. ⁷ Ia₁ on₃jua'₅₄ jme₂dsí₂ i₂gó'₅ ma₂cuin₃ Diú₄ jniog₄. Jme₂dsí₂ 'éi₂ bá₄ ma₂cuin₃ i₂jmo₃ a₂nio₃ tiá₂ dsi₅ jniog₄, i₂jmo₃ a₂jme₁'nió₄ jniog₄ rin'₅₄, i₂jmo₃ a₂jme₂'uán₄ dsi₅ guio₅₄. ⁸ Tsá₃ lě₁jmo₂ gueng'₅₄ ja₁jang'₅₄ jág₁ dsau₅ o₄quió'₄ Te₁gui'₅₄ quián₂, on₃ guē'₂ jmo₂ gueng'₅₄ o₄quió₃ jniá₂ ia₁ 'eng₅₄ né₃ 'má₃ o₄quió'₄ 'éi₂. Të₂le₃ guen₅₄ bá₄ ján₃ jë₂ jmi₁uig₅ a₂já₅ o₄quió'₄ jág₁ dse₃, con'₂ lě₅ bí₂ a₂cuē₅ Diú₄ ⁹ i₂ca₂lió₂ jniog₄ ton'₂ ca₂tě₃ ia₁jaun₂ le₃chong₂ jniog₄ jnió₅. On₃jua'₅₄ ia₁ cha₂ 'e₂ dse₃ ma₂jmo₁ jniog₄, ia₁ le₂nē₅ ca₂lě₃ dsí₅ 'ñiog₅ ca₂jmo₃ 'ua₁ dsí₅ ca₂rě₃'nio₃ jniog₄ të₂le₃ 'uig₅₄ o₄quió'₄ Cristo Jesús. Ia₁ le₂jaun₂ jme₁ma₂'nio₃ bá₄ Diú₄ jniog₄ ca₂le₂jniá₅ lia'₂ con'₂ tsá₃ mi₂güig₃ ma₂jmo₃. ¹⁰ Diú₄ ma₂ca₂jme₃jnia₂₃ léi₄ ja₁con₂ dsa₂ mi₂güig₃, a₂'nio₃, jme₁ca₂chein₃ Jesucristo i₂lió₂ quián₂ jniog₄, co₂dsia₅ ca₂'éin₂ bí₂ a₂'io₅ 'mú₃; ton'₂ ca₂jme₃jnia₂₃ të₂le₃ quian'₅₄ jág₁ dse₃, 'a₂ lia'₂ le₃chan₂ dsa₂ co₂tan₅₄.

¹¹ 'Uig₅₄ jaun₂ ca₂rě₃'ín₁ jniá₂, ia₁jaun₂ qui₂l'ě₃ jág₁ dse₃ la₂, a₂lěng₂ jan₂ të₅ i₂chen₄ quiáin₅.^{*} ¹² 'Uig₅₄ jaun₂ bá₄ a₂ñag₅₄ ca₂le₃jě₃ ne₅₄ uig₅ la₂. La₁ tsá₃ o₂guí'₃ jéin₅ jniá₂, ia₁ guion₅₄ bá₄

* 1:11 A₂lin₅₄ chog₅₄ si₂ juá'₂ ján₃: "a₂jme₁tin₂₃ dsi₂nau₂."

'ein₂ tē₂le₃ quió'₅ ma₂ca₂'ag₃ caun₂ dsi₃, 'éng₂ bá₄ a₂'io₅ 'éi₂ bí₂ a₂jmo₃ 'í₁ a₂le₃tei₅₄ jniá₂ ta₁ a₂ma₂ca₂dsia₃ gu₃,† ca₂lia'₂ ca₂tē₂ jmig₄ jaun₂.

¹³ Caun₂ jmo₄ bá₄ jui₁lia'₂ ma₂ca₂jme₁ting₂₃ 'ne₂. Jui₁chang'₂ bá₄ 'éng'₂, jme₁'nió₄ ríng'₂ le₃quió'₅ Cristo Jesús. ¹⁴ Quian'₅₄ bí₂ quió'₅ Jme₂dsi₂ quián₅ Diú₄ i₂jio₅ tē₂dsi₅ jniog₄, jmo₄ 'í₁ a₂ma₂dsia₃ Diú₄ gog'₂.

¹⁵ Ma₂ñi'₅₄ bá₄, ca₂le₃jín₃ bá₄ dsa₂ chan₂ 'uē₃ Asia ma₂ca₂téi₂ bá₄ jniá₂, i₂lin₅₄ 'éi₂ Figelo quian'₅₄ Hermógenes nē₃. ¹⁶ Jui₁dsia₅₄ bá₄ Te₁gui'₅₄ ñéi₂ dsi₅ ca₂le₃jín₃ dsa₂ dsi₂néi₂ quió'₅ Onesíforo, ia₁ 'lióng₂ ráun₂ bá₄ ma₂guain₂₃ o₃jag₅₄ ca₂jmo₃ ca₂rē₃güig'₂ jme₂dsi₂ quió₃. On₃jua'₅₄ a₂jaun₂ gui'₅₄ ja₃jag₅₄ ia₁ a₂'eng₅₄ né'₃ 'má₃. ¹⁷ Tē₂le₃ ca₂o₃'niog'₂ bá₄ jniá₂ jme₁guain₃ Roma. Ca₂lia'₂ ca₂dsáu'₂ bá₄ ca₂jmo₃. ¹⁸ Jui₁dsia₅₄ bá₄ Te₁gui'₅₄ ñéi₂ dsi₅ ja₁coin₂ jē₁ma₂tē₂ jmig₄ jaun₂. Dsá₂ bá₄ 'au'₂ 'ne₂, ca₂jme₃'o₅₄ 'ñio₅ lin₃ jniog₄ lia'₂ con'₂ jme₁tio'₅₄ juig₂ Efeso.

2

Jan₂ 'lióg₂ dsen₃ quián₅ Jesucristo

¹ La₁ 'ne₂ nē₃ jón₃ quiáng₃, quen'₂ bí₂ nau₂ tiá₂ ia₁ a₂'ua₁ dsi₅ Diú₄ ca₂jmo₃ tē₂le₃ quian'₅₄ Cristo Jesús. ² Ca₂le₃jē₃ a₂ma₂nei'₂ ma₂juá'₃ jniá₂ tē₃jín₄ juin₅ dsa₂ i₂ca₂tē₂ ne₄, jág₁ jaun₂ dsia₄ gu₂ dsa₂ i₂rē₂ti'₅₄ i₂qui'₅₄ jmig₄ jme₃tin₅ i₂sián'₂ táng₃. ³ 'Ñiag'₂ guē'₂ nē₃, tiang'₃ jmo₄ ñag'₅₄ uig₅ o₄quió'₄ Jesucristo, jmo₄ bá₄ jui₁lia'₂ ja₁jmo₅ jan₂ 'lióg₂ tió'₃ dsi₅ jui₁lia'₂ jme₁'ein₅₄ ne₄ 'nei₂. ⁴ 'I₁jan₂ 'lióg₂ i₂jme₂ti₃ dse₃ ta₁ a₂chéin'₅ jua'₅₄ lé₂ le₃qui₂tián₂ tsi₃nei₃ jág₁ a₂ca₂tín₂ dsa₂ lē₁dsa₂, ia₁jaun₂ bá₄ lé₂ jme₃ti₃ con'₂ 'ñio₂ dsi₅ juig₅₄. ⁵ Ján₃ bá₄ le₂jaun₂ jui₁lia'₂ dsa₂ i₂co₅, tsá₃ a₁jaun₂ jua'₅₄ a₂lí'₂ 'e₂ lí'₂ nē₃jaun₂ tsá₃ ca₂quín'₃ bí₂ co₃ con'₂ dsi₂ten₅₄ qui'₅ 'éi'₃. ⁶ Ján₃ bá₄ le₂jaun₂ jui₁lia'₂ dsa₂ i₂jmo₅ ta₁ ja₁nau₂, ca₂tiín₂ bá₄ gue₃ le₂'uig₅₄ con'₂ ca₂tiín₂ jē₁ma₂rau₂. ⁷ 'Nio'₂ 'au'₂ a₂juá'₅ jniá₂ la₂. Te₁gui'₅₄ bá₄ jmo₃ le₃ñig'₂ ca₂le₃jē₃.

⁸ Dsau'₂ 'au'₂ jmo₄, tsá₃ jui₁dsi₂'én₂ 'au'₂ Te₁gui'₅₄ Jesucristo i₂ca₂jen'₅₄ táng₃ jin₄ 'lag₄, i₂jme₁lín₄ tsi₁jon₂ David; a₂la₂ bá₄ jág₁ dse₃ a₂lión₂ dsa₂, a₂'ē₅ jniá₂. ⁹ 'Uig₅₄ jág₁ dse₃ la₂ bá₄, jmo₅ jniá₂ tió'₅ dsi₃ ñag₅₄ uig₅. Rē₂'neg'₅₄ quian'₅₄ ñí₁ cadena co₂jmóg'₂ dsa₂ jui₁lia'₂ ja₁jmá'₂ dsa₂ jan₂ dsa₂ i₂rē₂cán'₄ dso₄ juē'₂. La₁ jág₁ dse₃ quió'₅ Diú₄ nē₃, tsá₃ rē₂'ñe'₅₄ quian'₅₄ ñí₁ cadena. ¹⁰ Jaun₂ bá₄ lē₃, o₄quió'₄ dsa₂ i₂ma₂quión'₂ Diú₄ jmo₂₃ tió'₅ dsi₃ ca₂le₃jē₃, ia₁jaun₂ bá₄ tín'₄ 'éi₂ ján₃ le₃quió'₅ Cristo Jesús ja₁lē₄ co₂tág₅ co₂'né'₅ co₂tan₅₄.

¹¹ Tē₃dsón'₂ bá₄ dsau₅ a₂la₂:

† 1:12 o₃, "a₂jmo₃ 'í₁ a₂ma₂ca₂dsia₃ jniá₂ gu₂ 'éi₂."

Në₁jua'₂ ca₂dsau₃ jniog₄ quian'₅₄ Jesucristo,
ján₃ bá₄ le₂jaun₂ le₃chong₂ jniog₄ quiaín'₅₄.

12 Në₁jua'₂ ca₂náu₂ jniog₄ tiá₂,
ján₃ bá₄ le₂jaun₂ jme₁gon₂ jniog₄ quiaín'₅₄.

Në₁jua'₂ tsá₃ tión₅ jniog₄ a₂cuín₅,
ján₃ bá₄ le₂jaun₂ tsá₃ 'ag₃ jniog₄ ján₃.

13 Në₁jua'₂ tsá₃ ca₂rë₃tei₅₄ jniog₄,
la₁ le₃ti'₅₄ bá₄ 'ñiog₅,
ia₁ caun₂ jág₁ ma₂juá'₂ Diú₄
tsá₃ a₁jaun₂ lé₂ jua'₅₄ tsá₃ jme₃ti₃.

Jui₁lia'₂ dsa₂ i₂jme₂ti₃ dse₃ ta₁ ne₄ Diú₄

14 A₂la₂ chei'₅₄ dsa₂ i₂jme₂ting'₁: dsá₂ dsí₅ jui₁jmo₁₂ o₄quió'₄
Te₁gui'₅₄ a₂tsá₃ tsin₃ quiaín'₅₄ dsa₂, jág₁ a₂tsá₃ ta₁ tí₄, ia₁ në₁jua'₂
tsin₅ dsa₂ në₃, tsá₃ 'e₂ a₂dse₃ jmo₂₃, jñia'₅₄ con'₂ jmo₂₃ a₂gon₃
a₂'én₂ dsa₂ i₂nag₅ bá₄. 15 Jmo₄ dsen₅₄ 'au'₂ a₂jme₁jñiag'₅ ne₄ Diú₄
a₂léi₄ ma₂ca₂tiang'₃ táu₂ a₂ma₂i₂ñig'₂, a₂ling'₅ jan₂ dsa₂ i₂jmo₅
ta₁, i₂tsá₃ 'e₂ jua'₅₄ cha₂ a₂jéin'₂ o₂gui'₃, i₂jme₂tag₅ rë₂ jág₁ tí₅.
16 Tsá₃ lë₁cuín₅ jmig₄ jua'₅₄ a₂dsiá'₁ jág₁ quió'₅ mi₂güig₃ a₂tsá₃
ta₁ tí₄. Ia₁ dsa₂ i₂co₂jmo₅ le₂jaun₂ caun₂ qui₂dsi₃léin₂ ne₄ jui₅ jë₄
cosa 'lig'₅₄. 17 Cosa a₂jme₂tag₂₃ qui₂dsi₂jón₃ lia'₂ jë₁qui₂dsi₂jón₃
caun₂ dso₄ a₂jmo₅ a₂dsa₂ ni₁ñi₁ dsa₂. Le₂në₅ bá₄ ca₂lë₃ quian'₅₄
Himeneo quian'₅₄ Fileto në₃. 18 Ma₂i₃léin₂ tē₂le₃ cau₅ ja₁tsá₃
tí₅ jág₁, a₂qui₂jme₂tiin₂₃ dsa₂ a₂juá'₂ ma₂ca₂tē₂ bá₄ jmig₄ a₂jen'₅₄
'lag₄, jmo₂₃ a₂qui₂nió₅ i₂lin₅₄ 'a₂ lia'₂ 'éin₂. 19 La₁ Diú₄ ma₂chi'₃
caun₂ cho'₅₄ 'uig₅₄ a₂chí'₅ tiá₂ co₂tan₅₄. A₂jaun₂ jáng'₅ léi₄ a₂juá'₂:
“I₂cuín₅ bá₄ Te₁gui'₅₄ i₂lín₅ dsa₂ quiáin₅”;† jaun₂ në₃: “Ca₂le₃jín₃
i₂quian₅ lia'₂ chen₂ Cristo† ca₂tiín₂ jmo₃ cau₅ ca₂le₃jë₃ ja₁jmo₅
dsa₂ cosa 'lig'₅₄.”

20 Jui₁lia'₂ caun₂ dsi₂néi₂ pa₁, on₃jua'₅₄ jmá'₃ ca₂ne₅₄ cosa
jlá'₁ a₂lë₅ quian'₅₄ cu₄nióg₄ quian'₅₄ cu₄tio₂ tio'₅₄, ia₁ ján₃ bá₄
tio'₅₄ cosa a₂lë₅ quian'₅₄ ni₁'ma₂, a₂lë₅ quian'₅₄ ti₁gua'₅₄ ján₃.
A₂lin₅₄ a₂lë₅ 'í₁ a₂jmó'₂ dsa₂ ta₁ jmá'₃ lia'₂ ne₄ a₂jlá'₁; a₂lin₅₄ guë'₂
qui₂jmó'₂ dsa₂ ta₁ lia'₂ 'ei₅ ne₅₄ cosa. § 21 Në₁jua'₂ ca₂jñiá'₃ 'ne₂
ca₂le₃jë₃ ne₅₄ jui₅ 'lig'₅₄, a₂jmó'₂ jmá'₃ ca₂ne₅₄ cosa dse₃, jaun₂
guë'₄ léng'₂ lia'₂ lë₅ caun₂ ni₁uñg₅ jlá'₁ a₂lë₅ 'í₁, jaun₂ guë'₄ téng'₃
ta₁ cáun₂ Juig'₂ 'ne₂ jmó'₂ ca₂ne₅₄ ta₁ dse₃ quió'₅.

22 Cuín₅₄ 'ne₂ ca₂le₃jë₃ ne₅₄ cosa 'lig'₅₄ a₂ja₂ dsí₅ dsa₂ jmo₃
të₁lia'₂ mei'₂. Quian₂ caun₂ jui₅ co₂dsau₅ a₂'éng'₂, a₂'nióg'₃
ring'₂, a₂'ei₅ tei₄ 'au'₂ quian'₅₄ ca₂le₃jín₃ dsa₂ i₂ma₂le₃jë₃ tē₂dsí₅,
i₂jme₂juín'₂ Te₁gui'₅₄. 23 Tsá₃ lë₁tón₂ jui₅ 'e₂ jág₁ tsá₃ ta₁ tí₄
a₂tsi₂jín₅ dsa₂ i₂tsá₃ ma₂'en₅₄ dsí₅. Ia₁ ma₂ñi'₅₄, a₂jñia'₅₄ dsiog₅

* 2:12 o₃, “Në₁jua'₂ ñag₄ jniog₄ uig₅.” † 2:19 Números 16:5. ‡ 2:19 o₃,

“Ca₂le₃jín₃ i₂mi₅ ne₄ Te₁gui'₅₄.” § 2:20 'Nio'₂ ja₁ton₅ Romanos 9:21.

mi'⁵⁴ bá₄ a₂jaun₂. ²⁴ Jan₂ dsa₂ i₂jme₂ti₃ ta₁ ne₄ Te₁gui'⁵⁴ tsá₃ ca₂tiin₂ tsi₃nei₃ jē₄ mi'⁵⁴, tē₂le₃ 'nió'⁵ jme₃dsein₃ bá₄ quian'⁵⁴ ca₂le₃jín₃. 'Nió'⁵ léin₂ jan₂ dsa₂ i₂qui'⁵⁴ jmi₄g₄ jme₃tiin₂₃ dsa₂, juin'₂ dsí₅, ²⁵ jmo₃ 'ua₁ dsí₅ jē₁chein'₃ jui₅ rē₂ jui₁lia'₂ dsa₂ i₂nau₂ quen₅, con'₂ tsá₃ ŋó₅ nē₁jua'₂ ca₂cuē₃ Diú₄ jmi₄g₄ a₂le₃tsín₃ dsí₅ dsa₂ 'éi₂, ia₁jaun₂ le₂nē₅ le₃cuí'₅ jág₁ tí₅; ²⁶ ia₁jaun₂ lióin₂ 'uúin₃ tsi₁cág'₅ quió'₅ i₂sē₃dsen₃ i₂ca₂jō₃ ia₁jaun₂ jmo₃ a₂'ŋio₂ dsí₅ 'éi₂.

3

'A₂ lia'₂ niog₅ lén₂ dsa₂ jmi₄g₄ jē₁ca₂tó'₂

¹ 'Nió'⁵ le₃ŋi'⁵⁴ 'ne₂ ján₃, jē₁ma₂ja₂quián₃ jmi₄g₄ jē₁ca₂tó'₂, 'ŋio₅ lin₃ le₃gau₂, quian'₅ ta₁ lé₂. ² Jmi₄g₄ jē₁ca₂tó'₂ le₃chan₂ dsa₂ i₂ŋia'⁵⁴ 'nioi₃ guioin⁵⁴ bá₄ quian'⁵⁴ cú₁; le₃chan₂ dsa₂ i₂ŋia'⁵⁴ jme₃jlán'₁ jmo₃ róin₂ guioin⁵⁴; le₃chan₂ dsa₂ i₂lē₁tē₂'o'₂ tē₂'oin'₂ riin'⁵⁴; le₃chan₂ dsa₂ i₂tsá₃ ma₃jme₃gan₃ Diú₄, i₂tsá₃ ma₃jme₃gan₃ chog⁵⁴-jmei₂ nē₃. Le₃chan₂ dsa₂ i₂tsá₃ 'e₂ ti₁'mag'₄ cha₂ ja₁coin₂, on₃ guē'₂ ma₃jme₃gó'₃ juá'₅ quió'₅ Diú₄. ³ Le₃chan₂ dsa₂ i₂tsá₃ 'nio₃ rin'⁵⁴, i₂tsá₃ ma₃'e₂ ŋéi₂ dsí₅ dsa₂ mi₂güí₃ rin'⁵⁴; le₃chan₂ dsa₂ i₂tsá₃ ma₃jme₃ti₃ 'e₂ jág₁ li'⁵⁴ quian'⁵⁴ riin'⁵⁴; le₃chan₂ dsa₂ tē₂jág₁ i₂lē₁qui₃'ni₃ rin'⁵⁴; le₃chan₂ dsa₂ i₂tsá₃ ŋi₅, tsá₃ tiin₂ 'a₂ lia'₂ jme₃'uán₂ dsí₅; le₃chan₂ dsa₂ i₂lén₂ jui₁lia'₂ já'₂ tsau₂ dsí₅; le₃chan₂ dsa₂ i₂le₃'io'⁵⁴ ca₂le₃jē₃ cosa dse₃. ⁴ Le₃chan₂ dsa₂ i₂qui₃jín'₂ rin'⁵⁴; le₃chan₂ dsa₂ i₂tsá₃ 'en⁵⁴ dsí₅ jmo₃ tē₂le₃ dséi₂ nē₁'e₂ caun₂ cosa jmo₃ jui₁le⁵⁴ bá₄ 'e₂ ca₂lē₃; 'ŋio₅ cain'⁵⁴ 'ŋio₅ ŋi₅ jmo₃; le₃chan₂ dsa₂ i₂'no'₂ jmá'₃ jui₅ ja₁le₃chain₂ o₂'ŋió₃ o₂ŋia₃ dsí₅ bá₄ 'nió'₄ jme₁'niai'₂ Diú₄. ⁵ Le₃chan₂ dsa₂ i₂jmo₃ a₂ŋí₄ lē₃ cuin₂₃ Diú₄, la₁ le₃léi₄ bá₄ 'a₂ lia'₂ tē₂i₃nioi⁵⁴ le₃chain₂, tsá₃ 'e₂ bí₂ quió'₅ Diú₄ cha₂ ja₁coin₂.

Co₂dsia₅ jŋia₃g'₃ cau₅, tsá₃ lē₁'ú₅ quian'⁵⁴ dsa₂ i₂le₂'éi₂. ⁶ Jē₄ quió'₅ dsa₂ le₂'éi₂, chan₂ i₂lin⁵⁴ i₂qui₂dsi₂ton'⁵⁴ tsi₁'né₅, qui₂jme₂gain₂₃ 'io⁵⁴ 'uan⁵⁴ i₂qui₂rē₂cán'₄ dsáu₁ 'ŋio₅ lin₃, i₂ma₂lē₅ dsí₅ jmo₃ ca₂le₃jē₃ guē₄ cosa 'lig'⁵⁴. ⁷ Co₂tan⁵⁴ bá₄ jmo₂₃ lia'₂ jmo₅ dsa₂ i₂ŋí₄ lē₃ 'nio₃ le₃tiin₂ jág₁, la₁ tsá₃ a₁jaun₂ qui'⁵⁴ jmi₄g₄ le₃cuí'₅ jág₁ tí₅ dsón'₂. ⁸ Jui₁lia'₂ ca₂jmo₃ on₃ dsa₂ 'lin'⁵⁴ i₂jme₁chen₂ Janes quian'⁵⁴ Jambres ca₂rē₃'ŋiai⁵⁴ Moisés, ján₃ bá₄ le₂jaun₂ 'io⁵⁴ dsa₂ 'éi₂ jág₁ dsau₅ dsón'₂. Dsa₂ i₂le₂'éi₂ nē₃ co₂dsia₅ ma₂ŋí'₂ tē₂le₃ jen₅ bá₄ dsí₅, 'uig⁵⁴ jaun₂ tsá₃ ma₂'e₂ tió'₅ a₂le₃ŋí'₂ dse₃ dsí₅ jui₁lia'₂ ja₁ŋí'₂ dsí₅ dsa₂ i₂'én₂. ⁹ La₁ tsá₃ jua'⁵⁴ ja₁uíng₂ dsi₁léin₂, ia₁ ca₂le₃jín₃ bá₄ dsa₂ le₃cuig₅ a₂lín₅ dsa₂ co₄, jui₁lia'₂ ca₂i₃ŋí'₂ le₃on₃ i₂ca₂jme₃'ŋia⁵⁴ Moisés.

Jág₁ jē₁ca₂tó'₂ a₂ca₂cuē₃ guē₄ Pa₄ ca₂tsí'₃ Timoteo

¹⁰ La₁ 'ne₂ ně₃ ma₂ca₂rě₃tíng'₃ bá₄ dse₃ jě₂ lia'₂ lě₅ juá'₅ a₂ca₂jme₁tag₅ jniá₂; ma₂ŋi'₅₄ 'a₂ lia'₂ líng₅, chang₂ ma₂guio₃; ma₂cuíng'₂ bá₄ 'e₂ ta₁ ma₂guio₃ jniá₂ jmo₂₃; 'éng'₂ bá₄ ján₃ 'a₂ lia'₂ 'én₂ jniá₂; jme₂juíng'₁ bá₄ 'au'₂ jui₁lia'₂ ma₂ca₂jme₁juín'₂ jniá₂ dsi₃; jme₂nióg'₃ bá₄ ríng'₂ jui₁lia'₂ ma₂jmo₃ jniá₂; tiang'₃ bá₄ ján₃ jui₁lia'₂ ca₂tió₃ jniá₂. ¹¹ Ma₂qui₂ma₂ein₃ dsa₂, ma₂qui₂ma₂ŋag₅₄ uig₅, jui₁lia'₂ ca₂i₃ŋíg₂ juig₂ ciudad Antioquía, juig₂ Iconio quian'₅₄ juig₂ Listra ně₃. Qui₂ca₂co₃ein₃ dsa₂, la₁ ne₄ ca₂le₃jě₃ a₂ně₅, ca₂lió₂ bá₄ Te₁gui'₅₄. ¹² Jaun₂ a₂dsón'₂ bá₄ jaun₂, ca₂le₃jín₃ i₂'nio₃ le₃chan₂ lě₅ 'í₁ quián₅ Cristo Jesús, tion₅₄ le₂jaun₂ dsi₃ŋí₂ uig₅ co₂ein₃ dsa₂. ¹³ La₁ dsa₂ 'lin'₅₄ ně₃ quiaín'₅₄ ca₂le₃jín₃ dsa₂ i₂qui₂jme₂gau₅, tsá₃ ma₂'e₂ dse₃ jua'₅₄ le₃chain₂, ia₁ caun₂ le₃'lin'₅₄ bá₄, qui₂jme₃gau₂₃, qui₂rě₂gain₂ guioín₅₄ ně₃.

¹⁴ La₁ 'ne₂ ně₃, nau₂ tiá₂ a₂ma₂ca₂rě₃tíng'₃, caun₂ bá₄ 'ei₅ 'au'₂ jág₁ a₂ma₂ca₂rě₃'éng'₂. 'Ŋiag'₂ bá₄ ŋi'₅₄ 'ein₂ ca₂jme₃tag₅. ¹⁵ Lia'₂ con'₂ bing'₅₄ bá₄ ma₂ŋe'₃ cuíng'₂ Si₂ jnió₅ quió'₅ Diú₄. Si₂ ně₅ bá₄ a₂jio₃ quiáng'₂, a₂tíng'₄ tē₂le₃ quian'₅₄ Cristo Jesús ia₁ 'éng'₂. ¹⁶ Ca₂le₃jě₃ bá₄ Si₂ quió'₅ Diú₄ ca₂lě₃ tē₂le₃ quian'₅₄ Jme₂dsí₂ quiáín₅, a₂tí₅ ta₁ jme₃tag₅ a₂dse₃, tē₂jí₂, cheín'₂ dsa₂ caun₂ jui₅ rě₂, jme₃tag₅ 'a₂ lia'₂ i₂nio₄ dsa₂ jui₅ co₂dsau₅, ¹⁷ ia₁jaun₂ lén₂ dsa₂ quián₅ Diú₄ jan₂ dsa₂ ma₂ron₂, rě₂ rě₂qui₂rě₂'an₂ dsí₅, rě₂'ŋia₅ ca₂le₃jě₃ a₂'nió'₅ quió'₅ jaun₂ jmo₃ ca₂le₃jě₃ ne₅₄ a₂dse₃.

4

¹ Jág₅ bá₄ Diú₄ quian'₅₄ Te₁gui'₅₄ Jesucristo ně₃ i₂lě₅ jág₁ jnió'₂ ja₃goín₂, i₂qui₃dsí₅ 'éi'₃ ne₄ quió'₅ i₂chan₂ lia'₂ i₂ma₂dsan₃ ně₃. Jaun₂ lě₃ chi₂quian₅₄ jniá₂ jmi₄g₄ 'ne₂: ² 'Ě₃ jág₁ dse₃. Ma₂rě₂jáng'₁ 'nio'₂ jui₅ 'a₂ lia'₂ jme₁tíng'₂ dsa₂ jme₁cuín₅ jmi₄g₄ o₃ tsá₃ cuín₅ jmi₄g₄ 'e₂. Jmó'₂ jme₁'uang'₅₄ dsí₅ dsa₂, tē₂jén₃ dsa₂, tióin'₂ jág₁ dse₃, o₁líg'₂ jmi₄g₄ jua'₅₄ a₂j mó'₂ a₂tsá₃ jme₁juín'₂ 'au'₂ quiaín'₅₄ jě₁jme₂tíin'₂. ³ Ia₁ já₅ jmi₄g₄ a₂tsá₃ ma₃jmo₃ dsa₂ tió'₅ dsí₅ quian'₅₄ juá'₅ dse₃. Tē₂le₃ lia'₂ con'₂ lě₅ dsí₅ guioín₅₄ qui₃'nai'₂ jui₅ lín₃ tē₅ i₂jme₃tag₅ jmá'₃ a₂'ín₅ dsí₅ guioín₅₄ nag₃ bá₄. ⁴ Cau₅ bá₄ jéin'₃ táng₃ jui₁lia'₂ ja₁jme₂tag₅ dsa₂ jág₁ tí₅ dsón'₂. Cang₂ jaun₂ ně₃, tóin'₃ jui₅ dsi₃lén₂ nag₃ ca₂lia'₂ 'ei₅ ne₄ jág₁ cuento ga₂ a₂'én₂ dsa₂. ⁵ La₁ 'ne₂ ně₃, 'en₅₄ 'au'₂ jmo₄, tiang'₃ jmo₄ ŋag'₅₄ uig₅. Caun₂ qui₂'ě₃ bá₄ jág₁ dse₃ a₂lión₂ dsa₂. Jme₁ti₁ dse₃ ta₁ quiáng'₂.

⁶ Jniá₂ ně₃, ca₂tě₂ jmi₄g₄ jě₁o₃'ing₅ mi₂güig₃ la₂, ia₁ ně₃ guě₄ ŋag'₃ dsa₂ jui₁lia'₂ ja₁ŋi'₂ dsa₂ já'₂ i₂jén'₂ dsa₂ ne₄ Diú₄. ⁷ Ma₂ca₂quín'₃ jniá₂ bí₂, ma₂jmo₃ a₂dse₃ jui₁lia'₂ ja₁jmo₅ jan₂ 'lióg₂ ne₄ 'nei₂; ma₂ca₂ŋi₃ jniá₂ lia'₂ con'₂ lě₅ jui₅ quió'₅ Te₁gui'₅₄, ca₂dsióg₃ jniá₂ tē₂ jě₁ca₂tó'₂ jui₅; ma₂ca₂jmá'₃ tiá₂ a₂'éng₂. ⁸ Ně₃ guě₄ ně₃ ma₂lě₅ co₂ŋia₅₄ ja₁le₃chang₃ dse₃, co₂'nió'₄ caun₂

corona a₂cuë₃ Te₁gui'₅₄ jmi_g₄ jaun₂. Ia₁ Te₁gui'₅₄ 'éi₂ bá₄ i₂qui₃dsi₅ 'éi'₃ co₂rë₂ jmi_g₄ jaun₂, on₃jua'₅₄ a₂cuë₃ jmá'₃ jan₂ jniá₂ corona; a₂cuë'₃ ca₂le₃jín₃ i₂le₁jniog₅ 'ñio₂ dsí₅ ca₂lia'₂ ca₂të₂ jmi_g₄ jaun₂ a₂guain'₂ táng₃.

Cuë'₅ jág₁ riin'₅₄ con'₂ ca₂tín₂ guioin₅₄

⁹ Jmo₄ dsen₅₄ 'au'₂ a₂i₁jag'₄ jniá₂ ñi'₅₄ ta₁ la₂. ¹⁰ Ia₁ i₂chen₂ Demas ma₂téi₂ bá₄ 'uig₅₄ ia₁ 'ñio₅ lin₃ guë₄ 'ín₅ dsí₅ cosa a₂cha₂ mi₂güig₃ la₂, jaun₂ ma₂ñó₅ jui₅ juig₂ Tesalónica. I₂chen₂ Crescente guë'₂ në₃, ma₂ñó₅ jui₅ 'uë₃ Galacia; Tito guë'₂ në₃ ma₂ñó₅ jui₅ Dalmacia. ¹¹ Jñia'₅₄ lia'₂ jan₂ Lucas bá₄ i₂quian'₅₄ guë₄ jniá₂ ja₁lá₃. 'Nia'₂ Marcos ia₁jaun₂ jain'₅₄ ñe'₅₄ quiaín₅₄, ia₁ téin₅ ta₁ jme₃ti₃. ¹² Tíquico guë'₂ në₃ ca₂tsín₂ jui₅ juig₂ Efeso. ¹³ Jë₁ma₂të₂ rë₁ñe'₅₄, quian₂ co₂ñio₄ tsi₁'mi'₂ dsiog₂ quió₃ a₂ca₂dsia₃ juig₂ Troas ja₁quió'₄ Carpo. Ján₃ bá₄ le₂jaun₂ quian₂ si₂ rë₂bín₅ quió₃. La₁ 'ñio₅ guë₄ dsen₅₄ 'nió'₅ ni₁lo₁ já'₂ a₂lë₅ tsi₁mi₂si₂.

¹⁴ Alejandro i₂lín₅ tē₅ñí₁ 'ñio₅ lin₃ tsá₃ 'e₂ dse₃ ma₂jmóg'₂. Te₁gui'₅₄ bá₄ quí₃ quió'₅ lia'₂ con'₂ lë₅ a₂ma₂jmo₃. ¹⁵ 'Í₁ jmo₄ 'ne₂ ján₃ ia₁jaun₂ tsá₃ jo₅₄, ia₁ 'ñio₅ lin₃ ma₂nau₂ queín₅ a₂'io'₅₄ jág₁ dse₃ quián₂.

¹⁶ Le₂'uig₅₄ con'₂ jme₁ca₂chei'₃ dsa₂ ne₄ dsi₂tan₅₄ jë₁ca₂caún₃ dsa₂ le₂'uig₅₄ jág₁ dsau₅ quió₃, 'i₁jan₂ tsá₃ 'ein₂ ca₂jme₃quiong'₅₄, ca₂téi₂ ca₂le₃jín₃. Tsá₃ jui₁quion₂ bá₄ Diú₄ 'í₁ quió'₅ ia₁ ca₂jmóg'₂ le₂jaun₂. ¹⁷ La₁ 'ñiog₅ bá₄ Te₁gui'₅₄ ca₂jme₃quiong'₅₄ ca₂cuë₃ bí₂ ia₁jaun₂ të₂le₃ quian'₅₄ jniá₂ ca₂rë₃ti₃ ca₂jme₁ting₂₃ dsi₂nau₂, ca₂lia'₂ rë₂'ña₅ jág₁ dse₃. Jaun₂ le₂në₅ bá₄ ca₂lió₂ Te₁gui'₅₄ jniá₂ mi₂'o₄ dsi₂'ia'₂. ¹⁸ La₁ Te₁gui'₅₄ bá₄ caun₂ lió₂ guë₄ ia₁jaun₂ tsá₃ dsi₃ñig₂ ca₂le₃jë₃ cosa 'lig'₅₄, jaun₂ jniá₂ i₂lë₅ 'í₁ quiáín₅, të₂ guei'₅₄ i₂juig₃ ja₁goin₂. ¡Jui₁jme₂juag'₂ bá₄ dsa₂ co₂tan₅₄! ¡A₂meí₃!

'Ág'₅ jág₁ jë₁ca₂tó'₂, cuag₂₃ Diú₄ në₃

¹⁹ Dsian'₄ jniá₂ jág₁ cuíng₅ Diú₄ Priscila* quian'₅₄ Aquila në₃, quian'₅₄ ca₂le₃jín₃ dsa₂ dsi₂néi₂ quió'₅ Onesíforo në₃. ²⁰ Juig₂ Corinto bá₄ ca₂jñia₃ Erasto. I₂chen₂ Trófimo guë'₂ ca₂të₁'ñiá₄ dso'₅₄ jme₁o₃íng₃ juig₂ Mileto. ²¹ Quen'₂ bí₂ ñe'₅₄ ñi'₅₄ ta₁ né'₃ a₂të₅₄ jein₂ güig₂. Eubulo quiaín₅₄ Pudente, Lino quiaín₅₄ Claudia në₃ quiaín₅₄ ca₂le₃jín₃ rin'₅₄ jniog₄ dsiáín₂ jág₁ ne'₅₄ a₂cuín₂₃ Diú₄ 'ne₂.

²² Jui₁'en₅₄ bá₄ Te₁gui'₅₄ Jesucristo ja₁con₂ jme₂dsí₂ quiáng'₂; jui₁jme₂gu'₅₄ bá₄ Diú₄ 'nia'₂.

Co₂në₅.

* 4:19 griego: Prisca.

Si₂ carta a₂ca₂jmo₃ San Pablo ne₄ TITO

Jmo₅ Pa₄ si₂ a₂chein₃ ne₄ Tito

¹ Jniá₂ Pa₄, líng₅ dsa₂ i₂jme₂ti₃ ta₁ ne₄ Diú₄, líng₅ jan₂ dsa₂ i₂chen₄ quián₅ Jesucristo ia₁jaun₂ le₃'én₂ ca₂le₃jín₃ i₂ma₂quió₂'₂ Diú₄, ia₁jaun₂ le₃cuí₅ jág₁ tí₅ a₂jio₅ jui₅ dse₃, ² ia₁jaun₂ jmo₃ 'ín₂ dsí₅ ja₁le₃chain₂ co₂tan₅₄. Diú₄, i₂tsá₃ lé₂ le₃chain₂ tē₂jín₁, ca₂cuē₃ jág₁ quió₅, a₂ca₂i₃jio₅ dsí₅ lia₂' con₂' né₃ guē₄ a₂nio₃ mi₂gü₃g₃, a₂le₃chong₂ jnio₄ co₂tan₅₄. ³ Nē₃ guē₄ nē₃, ca₂tē₂ jmi₄g₄ a₂le₃ne₄ jnio₄ jág₁ dse₃ tē₂le₃ quian₅' jág₁ a₂'ē₄ jniá₂ a₂ma₂dsia₃ Diú₄ quián₂ i₂lió₂ o₄gu₃, lia₂' con₂' lē₅ 'éi₃ quió₅'. ⁴ Jmo₅ jniá₂ si₂ la₂ dsiang₅' ne₅' ne₂ Tito i₂líng₅ co₂'nió₄ jan₂ jón₃ quiáng₃ tē₃dsón₂, ia₁ 'éin₂ jnio₄ le₃o₃. Jui₁jme₂gu₅' Diú₄ 'ne₂, jui₁'ei₅ tei₄ 'au₂, jmo₅ Diú₄ Jmei₂ jnio₄, jmo₅ Te₁gui₅' Jesucristo i₂ma₂ca₂lió₂ jnio₄ nē₃.

Ta₁ quió₅ Tito a₂jmo₃ 'uē₃ Creta

⁵ Ca₂dsián₃ jniá₂ 'ne₂ 'uē₃ Creta ia₁jaun₂ jme₁rē₂' ne₂ a₂'nió₅ lé₂ guē₄ dse₃, a₂dsiáng₄ dsa₂ can₅' * i₂nio₃ ne₄ jmo₃ 'í₁ le₂caun₂ le₂caun₂ guá₅ lia₂' con₂' lē₅ jág₁ a₂ma₂juá₃ jniá₂, ⁶ jui₁lia₂' i₂chan₂ i₂tsá₃ cha₂ jua₅' lé₂ le₃bóg₂' dsa₂ dso₄, i₂'ñio₅ jan₂ bá₄ dsa₂ mí₂, i₂'ñio₅ chi₂' quián₅ i₂'én₂, i₂tsá₃ 'e₂ qui₂rē₂'ni₄ jua₅' a₂lē₁qui₂i₂nio₅, jua₅' nau₂ 'nei₂ nē₃. ⁷ Dsa₂ i₂nio₅ gu₂ guá₅,† ca₂tín₂ ñi₃ le₃ne₄ Diú₄ tsá₃ 'e₂ jág₁ cha₂ jua₅' lé₂ le₃bóg₂' dsa₂ dso₄, on₃jua₅' i₂tsá₃ jág₁ cán₂, on₃ guē₂' i₂caun₂ lē₁rē₂'ne₂, on₃ guē₂'nió₅ lén₂ jan₂ dsa₂ 'en₅, on₃ guē₂' dsa₂ i₂tín₂ dsí₅ 'no₅ mi₅'₅₄, on₃ guē₂' dsa₂ i₂lē₁'nio₃ lí₂ cu₄ quió₅ dsa₂ nē₃. ⁸ Tē₂le₃ 'nió₅ qui₂guein₃ dsa₂ i₂dsi₁lén₂ quió₅. 'Nió₅ lén₂ jan₂ dsa₂ i₂tē₅ dsí₅ jmá₃' a₂dse₃, li₅' quió₅, i₂quian₅ caun₂ jui₅ rē₂, i₂jñi₅, i₂con₂ dsí₅ nē₃. ⁹ 'Nió₅ lén₂ jan₂ dsa₂ i₂chan₂' tiá₂ jág₁ tí₅ dsón₂' lia₂' con₂' lē₅ ca₂rē₃tín₃, ia₁jaun₂ bá₄ lé₂ le₃cuē₃' lián₂' dsí₅ dsa₂ sián₂' jmá₃ lia₂' con₂' lē₅ juá₅' dse₃, lé₂ le₃jme₃'uáin₂ dsí₅ dsa₂ i₂juá₂' 'lig₅'₅₄ 'ē₂₃ jág₁ dse₃.

¹⁰ Ia₁ juin₅ bá₄ dsa₂ i₂tsá₃ ne₅, i₂dsia₅ jág₁ a₂tsá₃ ta₁ tí₄, i₂jui₁gan₂ nē₃, tē₂le₃ lē₅ guē₄ jē₄ quió₅ dsa₂ judíos.‡ ¹¹ Dsa₂ i₂le₂'éi₂'en₄ jne₃ dsa₂ mi₂'o₄, ia₁ ta₁jma₃caun₂ cho₅' dsa₂ dsí₂néi₂ ma₂le₁gáin₃ ma₂le₁ág₄ caun₂-tín₃ dsí₅ a₂jme₁ma₂'éin₂, ia₁ i₂'éi₂ i₂nio₄ jme₂tag₂₃ a₂tsá₃ ca₂tín₂ a₂jñia₅' nio₃ lí₂ cu₄ bá₄. ¹² Dsón₂'

* 1:5 griego: presbíteros. † 1:7 griego: episkopos. ‡ 1:10 lit. "jē₄ quió₅ dsa₂ i₂rē₂uīg₄ lo₄."

bá₄ dsau₅ jui₁lia'₂ ca₂juá'₂ jan₂ dsa₂ go₅₄ guioin₅₄ ma₂líg'₂ jme₁ca₂juá': "Dsa₂ chan₂ Creta 'ñio₅ lin₃ tē₂jín₁, lín₅ jui₁lia'₂ lín₅ já'₂ tsau₂ dsí₅, juín'₅, jléin₂ nē₃." ¹³ Jaun₂ tí₅ bá₄ jág₁ ca₂juá'₂ 'éi₂. Jaun₂ lē₃ juá'₅ jniá₂ tē₂jéin₃ 'ne₂ 'ñio₅ lin₃, ia₁jaun₂ náu₃ táng₃ tsán'₂ tiá₂ jág₁ dse₃, ¹⁴ ia₁jaun₂ tsá₃ ma₃tón'₂ jui₅ jág₁ a₂lē₁'no'₂ dsa₂ judíos dsí₅ guioin₅₄, on₃ guē'₂ 'nió'₅ tón'₂ jui₅ 'e₂ 'éi'₃ cuē₅ dsa₂ i₂tsá₃ jì'₅₄ jág₁ tí₅. ¹⁵ Tē₂le₃ quió'₅ dsa₂ i₂le₁jě₃ tē₂dsí₅, ca₂le₃jě₃ bá₄ cosa ma₂le₁jě₃. La₁ tē₂le₃ quió'₅ i₂dsi₂jio₅ 'lig'₅₄ dsí₅, i₂tsá₃ 'én₂ nē₃, 'i₁caun₂ tsá₃ 'e₂ le₁jě₃. Ia₁ ma₂le₁'ióg₄ a₂dsi₂jio₅ dsi₅₄, le₂jio₅ a₂qui₂dsi₂jñi₅ dsí₅ nē₃. ¹⁶ Juá'₂ bá₄ a₂cuin₂₃ Diú₄, la₁ tē₂le₃ quian'₅₄ a₂jmo₂₃ guē'₂ nē₃, jáng'₅ léi₄ a₂tsá₃ dsau₅. 'Lig'₅₄ lin₃ bá₄ jmo₂₃ ne₄ Diú₄, 'io'₅₄ jág₁ dse₃, 'i₁caun₂ a₂dse₃ tsá₃ ta₁ téin₄ jmo₃.

2

Jui₁lia'₂ juá'₅ tí₅ dsón'₂

¹ La₁ 'ne₂ nē₃, chei'₅₄ dsa₂ lia'₂ con'₂ lē₅ juá'₅ dse₃. ² Jui₁lia'₂ dsa₂ can'₅₄, jui₁jmo₁₂ 'en₅₄ dsí₅, tsá₃ caun₂ lē₁lín₅, jui₁jmo₁₂ lì'₅₄ quió'₅, jui₁le₂'éin₂ bá₄ juá'₅ dse₃, jui₁jme₂'nioi₃ riin'₅₄, jui₁jmo₁₂ bá₄ juin'₂ dsí₅. ³ Ján₃ guē'₂ le₂jaun₂ tē₂le₃ quió'₅ dsa₂ mí₂ ma₂can'₅₄, jui₁i₂nioi₅₄ jñi₁₀, tsá₃ jui₁'in₁₂ riin'₅₄ jua'₅₄ a₂lē₁bóg'₂ dso₄, on₃ guē'₂ 'nió'₅ jme₂tiin₂₃ dsí₅ 'ín'₂ ti₁jímíg₃, tē₂le₃ ca₂tiin₂ 'ē₃ caun₂ jui₅ dse₃, ⁴ ia₁jaun₂ lé₂ le₃jme₃tiin₂₃ jui₁lia'₂ 'io₅₄ chi'₂ 'a₂ lia'₂ jme₃'nioi₃ dsi₂i₂gu₂, a₂jme₃'nioi₃ chi'₂-guein₂ quiáin₅ nē₃, ⁵ 'a₂ lia'₂ jmo₃ 'en₅₄ dsí₅, 'a₂ lia'₂ jmo₃ léi₄ a₂ma₂le₁jě₃ tē₂dsí₅, 'a₂ lia'₂ jmo₃ 'í₁ dse₃ dsi₂néi₂ quió'₅, 'a₂ lia'₂ jmo₃ 'ua₁ dsí₅, 'a₂ lia'₂ tóin'₃ 'éi'₃ quió'₅ dsi₂i₂gu₂ nē₃, ia₁jaun₂ bá₄ tsá₃ 'ein₂ juá'₂ 'lig'₅₄ 'ē₃ jág₁ quió'₅ Diú₄.

⁶ Ján₃ guē'₂ le₂jaun₂ chei'₅₄ dsa₂ ñe'₂ chi'₂ ca₂tiin₂ jmo₃ 'en₅₄ dsí₅. ⁷ Jñiá₅ de'₂ 'ne₂ ca₂tíng'₂ 'ē'₅₄ jui₅ dse₃ 'a₂ lia'₂ ca₂tiin₂ jmo₃: A₂jme₁tiin₅ on₃jua'₅₄ a₂cha₂ 'e₂ 'ín₂ 'au'₂, on₃jua'₅₄ a₂caun₂ lē₁lín₅, ⁸ chei'₅₄ jmá'₃ lia'₂ quian'₅₄ jág₁ rē₂ a₂tsá₃ 'ein₂ lé₂ le₃'ē₃ 'lig'₅₄, ia₁jaun₂ le₃gui'₅₄ jui₁lia'₂ dsa₂ i₂nau₂ quen₅, ia₁ tsá₃ 'e₂ cha₂ a₂'ag₃ 'lig'₅₄ jñiog₄.

⁹ Jui₁lia'₂ dsa₂ i₂jme₂ti₃ ne₄ juig₅₄, tiain'₂ jág₁ dse₃ jui₁jme₂ti₃ ca₂le₃jě₃ 'e₂ ta₁ te₂néi'₂ dsa₂ juig₅₄, jui₁jmo₁₂ bá₄ jē₂ a₂tē₅ dsí₅ juig₅₄, tsá₃ 'nió'₅ a₂caun₂ lē₁qui₂ñag₃ ne₄ 'éi₂. ¹⁰ Tsá₃ 'nió'₅ qui₃jñiá'₂ 'e₂ cha₂ quió'₅ juig₅₄. Ca₂le₃jě₃ bá₄ 'nió'₅ jmo₃ tí₅ jág₁ quió'₅ ia₁jaun₂ bá₄ rē₂ jniá₂ qui₂rē₂lag₄ juá'₅ quió'₅ Diú₄ quián₂ jñiog₄ i₂lió₂.

¹¹ Ia₁ ma₂ca₂jme₃jñia₅ Diú₄ a₂'ua₁ dsí₅, a₂lióin₂ bá₄ ca₂le₃jín₃ dsa₂ mi₂güí₃, ¹² jme₂tag₂₃ a₂tí₄ jñiog₄ ca₂le₃jě₃ a₂'lig'₅₄, ca₂le₃jě₃

a₂'ín₅ dsí₅ dsa₂ mi₂güig₃ la₂; a₂le₃chong₂ jniog₄ mi₂güig₃ la₂ 'en₅₄ dsí₅, quián₁ caun₂ jui₅ co₂dsau₅, qui₂rē₂jín₅₄ jniog₄ ja₁con₂ Diú₄ nē₃. ¹³ Jme₂tag₂₃ ján₃, a₂'io₁ jniog₄ chi₂jñia₁ a₂'ín₂ dsí₅ a₂le₃ti₃ jág₁ jlá₁ jaun₂, a₂le₃jñiá₂ a₂co₂tág₅ co₂'né₅ quió₅ Diú₄ 'uan₂, Cristo Jesús* i₂lió₂ jniog₄. ¹⁴ 'Éi₂ nē₃, ca₂jñín₂ 'ñiog₅ o₄quián₂ jniog₄, ca₂quí₃ ca₂lió₂ jē₄ ca₂le₃jē₃ a₂'lig₅₄, ca₂chéi₂ jniog₄ ia₁jaun₂ léi₂ jniog₄ dsa₂ juig₂ quiáin₅ 'ñiog₅, a₂dse₅₄ dsí₅ jmó₁ jmá₃ a₂dse₃. ¹⁵ Jág₁ nē₅ bá₄ dsia₄ tiá₂ 'au₂ jmo₄ 'éi₃ chei₅₄ dsa₂ qui₁cuē₅₄ bí₂, a₂tē₁jén₄ nē₃. Tsá₃ lē₁cuē₂ jmi₄g₄ jua₅₄ a₂tsá₃ jme₃go₃ dsa₂.

3

Jui₁lia₂ a₂ca₂tín₂ dsa₂ i₂'én₂ jmo₃.

¹ Chei₅₄ 'ne₂ jui₁dsiog₂ bá₄ dsí₅ jui₁tioin₅₄ 'éi₃ quió₅ dsí₂tan₅₄ dsa₂ can₅₄, jui₁nei₅₄ gau₂ jág₁ quió₅, jui₁chain₂ co₂jñia₅₄ a₂jmo₃ ca₂le₃jē₃ ne₅₄ ta₁ dse₃. ² Tsá₃ jui₁'iñ₁₂ 'lig₅₄ 'i₁jan₂ dsa₂, tsá₃ 'ein₂ 'en₄ jmái₂ mī₅₄ nē₃. Jui₁lein₅₄ bá₄ dsa₂ juin₂ dsí₅, 'ua₁ dsí₅ ja₁con₂ ca₂le₃jín₃ dsa₂.

³ Ia₁ le₂nē₅ bá₄ jme₁lág₄ jniog₄ guio₅₄ le₂jñiá₅ ján₃, tsá₃ 'en₅₄ dsí₅, tsá₃ né₂ jniog₄ ja₁con₂ Diú₄. I₂jme₁ma₂i₂cón₅ bá₄ jniog₄ jme₁i₂nio₄. Jme₁i₂nio₄ jniog₄ qui₂rē₂'ñei₅₄ quian₅₄ ca₂le₃jē₃ ne₅₄ cosa 'lig₅₄ jme₁'ín₅ dsí₅ jniog₄ jmó₁. 'Ñio₅ 'lag₅₄ jniog₄ jme₁chong₂. Jme₁uig₅ dsí₅ jniog₄, jme₁'iog₅₄ dsa₂ jniog₄, ton₂ jme₁'ñia₅₄ jniog₄ rin₅₄ le₂jau₂ le₂jau₂. ⁴ La₁ jme₁ca₂jme₃jñia₅ Diú₄ quián₂ i₂lió₂ ca₂jmo₃ léi₄ a₂'ua₁ dsí₅, a₂'nioi₃ dsa₂ mi₂güig₃, ⁵ jaun₂ ca₂lió₂ jniog₄, on₃jua₅₄ ia₁ 'e₂ dse₃ a₂ma₂jmó₁. Tē₂le₃ 'ñiog₅ bá₄ ca₂dsia₃ néi₂ dsí₅ jniog₄ ca₂lió₂ tē₂le₃ quian₅₄ a₂qui₂ca₂chéi₂ jniog₄, a₂ca₂rē₃chóng₃ táng₃, a₂le₃chong₂ quián₁ caun₂ jui₅ 'mí₂, ca₂jmo₃ Jme₂dsí₂ Jñió₅ ⁶ i₂ca₂tein₃ lia₂ rē₂tsón₂ ne₄ quián₂ jniog₄ tē₂le₃ quian₅₄ Jesucristo i₂lió₂. ⁷ Tē₂le₃ ia₁ a₂'ua₁ dsí₅ ma₂ca₂juá₂ nē₃, dsa₂ ma₂le₃jín₃ bá₄ jniog₄, jaun₂ guéi₂ bá₄. Jaun₂ le₂nē₅ bá₄ 'ín₂ dsí₅ jniog₄ guéi₁ ja₁le₃chong₂ co₂tan₅₄.

⁸ Jág₁ dsau₅ dsón₂ bá₄ nē₅, jaun₂ 'nio₃ jñiá₂ caun₂ 'éi₂ 'au₂ caun₂ jme₁tiñ₅ jág₁ nē₅, ia₁jaun₂ i₂'én₂ le₃quió₅ Diú₄ quín₃ bí₂ jmo₃ a₂dse₃. Ca₂le₃jē₃ cosa nē₅ dse₃, tí₅ ta₁ quió₅ ca₂le₃jín₃. ⁹ La₁ tsá₃ lē₁cuē₂ jmi₄g₄ jua₅₄ a₂lē₁qui₂ñag₃ dsa₂ jág₁ a₂tsá₃ 'e₂ ta₁ tí₄, jui₁lia₂ jág₁ a₂'ín₅ dsa₂ dsa₂ i₂qui₂ma₂ñi₂ ma₂líg₂, jui₁lia₂ jág₁ a₂tsin₅ dsa₂ a₂nio₅ mī₅₄, jui₁lia₂ jág₁ a₂já₅ o₄quió₄ Si₂ 'Éi₃ nē₃. Ia₁ tsá₃ 'e₂ ta₁ jmo₃, tsá₃ 'e₂ ta₁ tí₄.

¹⁰ Nē₁jua₂ chan₂ jan₂ i₂jmo₅ le₁dson₅₄ dsa₂, te₂ co₂ráun₂, tin₃ ráun₂, 'ē₃ jág₁ chei₅₄ tsá₃ dse₃ jmo₃ le₂jaun₂. Chi₂jua₂ tsá₃ tón₂ jui₅ jág₁ quiáng₂, co₂dsia₅ dsein₅₄ jē₄ quián₂ 'nia₂. ¹¹ Jñia₅₄ lia₂

* 2:13 o₃, "Jesucristo."

co₂ně₅ bá₄ ma₂ca₂rě₃ŋi'₅₄ 'ne₂, dsa₂ i₂le₂'éi₂ ně₃ tsá₃ ma₃'e₂ dse₃
 dsi₂jei₃ dsi₅; tē₂le₃ quian'₅₄ dsáu₁ 'ŋiog₅ bá₄ a₂'liog'₅ quió'₅.

Cuě'₅ jág₁ riin'₅₄ con'₂ ca₂tīin₂ guioin₅₄

¹² Jě₁ma₂tě₂ rē₁tsin₅₄ jniá₂ i₂chen₂ Artemas ne'₅₄, o₃ i₂chen₂
 Tíquico 'e₂, ně₅ i₂ŋe'₂ dsi₂jui₅ i₁jag'₄ jui₅ Nicópolis, ia₁ ja₁jaun₂
 ma₂i₂jio₅ dsi₃ ŋig₅₄ jei₂ güig₂. ¹³ Zenas i₂chén'₅ ne₄ jág₁,
 quian'₅₄ Apolos ně₃, 'a₂ con'₂ lé₂ quiáng'₂ jme₁'oin₁₂ 'a₂ con'₂
 jŋia'₅₄ len₅ quió'₅ tioin'₅₄ jui₅. ¹⁴ Jui₁le₂tin₂ bá₄ dsa₂ quián₂ jniog₄
 jmo₃ a₂dse₃ jme₂'oin₅₄ riin'₅₄ jui₁lia'₂ jme₁'nió'₅, ia₁ con'₂ tsá₃ ŋó₅
 ně₁tsá₃ 'e₂ dse₃ ca₂rau₂ lia'₂ chain₂.

'Ág'₅ jág₁ jě₁ca₂tó'₂, cuag₂₃ Diú₄ ně₃

¹⁵ Ca₂le₃jín₃ i₂quian'₅₄ jniá₂ ja₁lá₃ chein₂₃ jág₁ a₂cuin₂₃ Diú₄
 'ne₂. Cuin₅₄ Diú₄ ca₂le₃jín₃ i₂'nio₃ jniog₄ i₂'én₂. Jui₁jme₂gu'₅₄ bá₄
 Diú₄ 'nia'₂ ca₂le₃jíng'₃.

Co₂ně₅.

Si₂ carta a₂ca₂jmo₃ San Pablo ne₄ FILEMÓN

Ca₂jmo₃ Pablo si₂ ca₂chein₃ ne₄ Filemón

¹ Jniá₂ Pa₄ 'eng₅₄ né'₃ 'má₃ o₄quió'₄ Cristo Jesús. Jmo₅ jniá₂ si₂ carta la₂ quiang'₅₄ rin'₅₄ jniog₄ Timoteo, ne'₅₄ 'ne₂ Filemón i₂'nió₄, i₂co₂dsia₅ jmo₂ ta₁, ² ne₄ 'io₅₄ rin'₅₄ jniog₄ Apia, quian'₅₄ Arquipo ně₃, co₂'nió'₄ bá₄ jan₂ 'lióg₂ rin'₅₄ jniog₄, quian'₅₄ ne₄ guá'₅ i₂ñi'₂ dsi₂néi₂ quiáng'₂. ³ Jui₁jme₂gu'₅₄ bá₄ Diú₄ 'nia'₂, jui₁tion'₄ bá₄ 'nia'₂ 'ei₅ tei₄, jmo₅ Diú₄ Jmei₂ jniog₄ quian'₅₄ Te₁gui'₅₄ Jesucristo.

'A₂ lia'₂ jme'₁ nio₃ Filemón rin'₅₄ ia₁ a₂'éin₂

⁴ Ca₂le₃jě₃ ráun₂ cuě₅ jniá₂ ti₁'mag'₄ Diú₄, 'ín₅ jniá₂ 'ne₂ jě₁ma₂chi₁ca₂lein'₄ jniá₂. ⁵ Ia₁ ma₂ca₂rě₃guion'₅₄ jág₁ a₂'nióg'₃ Te₁gui'₅₄ Jesús, 'éng'₂ bá₄ tē₂le₃ quió'₅, ján₃ bá₄ le₂jaun₂ 'nióg'₃ ca₂le₃jín₃ i₂ma₂tén₅ tē₂le₃ quió'₅ Diú₄.^{*} ⁶ Mi₅ jniá₂ ján₃ a₂jmo'₂ dsen₅₄ 'au'₂ a₂quen'₅₄ a₂'éng'₂ jin₄ dsa₂ sián'₂, ia₁jaun₂ le₃cuí'₅ ca₂le₃jě₃ a₂dse₃ a₂cha₂ ja₁con₂ jniog₄ o₄quió'₄ Cristo Jesús. ⁷ Nio₅ lín₃ 'io'₂ jéin₅, 'ei₅ lián'₂ dsi₃, ia₁ a₂'nióg'₃ jniá₂, ia₁ 'ui_g₅₄ quián'₂ 'ne₂ bá₄ rin'₅₄ jniog₄, ma₂qui₂le₁'ág₄ tei₄ dsí₅ dsa₂ i₂'én₂.†

Mi₅ Pa₄ ne₄ Filemón a₂jmo₃ 'éi₂ dse₃ dsí₅ le₃quió'₅ Onésimo

⁸ Jaun₂ lě₃, o₁jñia'₅₄ jme₁ca₂tín₂ jniá₂ le₃quió'₅ Cristo a₂jmo₅₄ 'éi'₃ ne'₅₄ 'ne₂, jui₁lia'₂ 'e₂ dsi₂ten₅₄ jmó'₂, ⁹ la₁ tē₂le₃ ia₁ a₂ñi₄ lě₃ 'nió₃ bá₄ jniá₂ 'ne₂, ja₂lín₃ guě₄ dse₃ chi₂len'₄ jniá₂ 'ne₂, lín₂ jniá₂. Jniá₂ Pa₄ ma₂gueng'₂ 'eng₅₄ né'₃ 'má₃ o₄quió'₄ Cristo Jesús. ¹⁰ Mi₅₄ jmó'₂ dse₃ 'au'₂ tē₂le₃ quió'₅ Onésimo i₂ca₂lín₃ co₂'nió'₄ jan₂ chi'₂ quiáng₃ dsi₂néi₂ 'né₅ 'má₃ la₂.

¹¹ Le₂jñiá₅ ně₃ jme₁lín₄ Onésimo† jan₂ dsa₂ i₂tsá₃ ta₁ tén₄ jme₃ti₃ ta₁ ne'₅₄. La₁ rě₂ně₃ ně₃, ma₂tén₅ bá₄ ta₁ jme₃ti₃ ta₁ ne₄ jniog₄ le₃o₃. ¹² Jaun₂ dsiain'₅₄ táng₃ jniá₂ ne'₅₄, jaun₂ guein₅₄ bá₄ co₂nio₄ co₂'nió'₄ bá₄ a₂jme₁guéi'₄ jniá₂ 'ñióg₃. ¹³ O₁jñia'₅₄ jme₁'ín₅ dsi₃ jme₁'i₂ guě₄ ja₁lá₃ jme₃ti₃ ta₁ ne₃ co₂'nió'₄ bá₄ a₂jme₁jme₁ti'₄ 'ne₂ tē₂lia'₂ 'eng₅₄ guě₄ né'₃ 'má₃ 'ui_g₅₄ quió'₅ jág₁ dse₃, ¹⁴ la₁ tsá₃ 'e₂ 'nio₃ jmo₅₄ 'i₁caun₂ jua'₅₄ a₂tíng₂ 'ñióg₃ jua'₅₄ a₂tsá₃ 'ei₅ caun₂ jág₁ quian'₅₄ 'ne₂. Jaun₂ tsá₃ o₁leng'₂ jua'₅₄ a₂chi₂quiong₅₄ jniá₂ jmig₄ a₂jmó'₂ tion₅₄; jaun₂ 'a₂ con'₂ 'ñio₂ 'au'₂ 'ñiag'₂ bá₄ 'ne₂. ¹⁵ An₁ Diú₄ bá₄ ca₂cuě₃ jmig₄ ca₂téi₂ Onésimo co₂'na₂ quián'₂ 'ne₂, ia₁jaun₂ guéin'₄ jme₃quiong'₅₄ co₂tan₅₄, ¹⁶ on₃jua'₅₄ ma₃lín₅

* 1:5 lit. "ca₂le₃jín₃ dsa₂ jñiós." † 1:7 lit. "dsa₂ jñiós." ‡ 1:11 Já_g, jui₁lia'₂ chen₂ Onésimo co₂'nió'₄ a₂juá'₂, Dsa₂ i₂tén₅ ta₁, quian'₅₄ já_g₁ jmei₅ griego.

ca₂ne₅₄ dsa₂ i₂lë₁jme₂ti₃ ta₁ ne'₅₄, ton'₂ tē₂le₃ dse₃ guē₄ ma₂lín₅ jan₂ ríng'₂ i₂'nio₃'₃ tē₂le₃ quian'₅₄ jme₂dsí₂. Jniá₂ 'ñio₅ lín₃ 'nió₃, la₁ 'ne₂ nē₃ 'ñio₅ lín₃ guē₄ ca₂tíng'₂ jme₁'nió₁'₄ jaun₂ tsá₃ ma₃jín'₅₄ jui₁lia'₂ ja₁jíng'₄ jan₂ dsa₂ lē₁dsa₂. Jín₅₄ bá₄ jui₁lia'₂ ja₁jíng'₄ jan₂ ríng'₂ tē₂le₃ quió'₅ Te₁gui'₅₄.

¹⁷ Le₂nē₅ jaun₂, chi₂jua'₂ dsón'₂ jmo'₂ 'au'₂ a₂lín₅ jniá₂ jan₂ dsa₂ i₂jmo'₂ ta₁ quiang'₅₄, jaun₂ guein₅₄ bá₄, jmo₄ 'au'₂ co₂'nió'₄ a₂gué₁'₅ jniá₂ 'ñio₃. ¹⁸ Chi₂jua'₂ 'e₂ dain₅₄ ma₂j móg'₂, o₃ chi₂jua'₂ cha₂ a₂rín₂, quió₃ jniá₂ mī₄. ¹⁹ Jniá₂ Pa₄ jmo₂₃ si₂ la₂ 'ñio₃ tē₃dsón'₂ quian'₅₄ gu₃.[§] Jniá₂ bá₄ qui₄, jñia'₅₄ jme₁'nio₃ jniá₂ jmo₅₄ dsio₂'₂ 'au'₂ a₂ríng'₂ quiáng'₂ 'ñiag'₂ quió₃ ján₃. ²⁰ Jaun₂ le₂nē₅ bá₄, 'ne₂ rín'₅₄ jniog₄, jmo₄ dse₃ 'au'₂ quian'₅₄ jniá₂ jui₁lia'₂ dsi₂ten₅₄ jmo₃ dsa₂ i₂'én₂ le₃quió'₅ Te₁gui'₅₄, jmo₄ jui₁le₂güig'₂ dsi₃ jui₁lia'₂ jan₂ ríng'₂ le₃quió'₅ Cristo.

²¹ Dsian'₄ jniá₂ si₂ la₂ ne'₅₄, ia₁ dsón'₂ bá₄ líng₂ jme₁ti'₄ bá₄ ca₂le₃jē₃, tē₂le₃ lē₅guē₄ jmó'₂ con'₂ guē₄ a₂juá'₅. ²² Jmo₄ dse₃ 'au'₂, jmo₄ co₂jñia₅₄ caun₂ dsi₂né₁₂ ja₁i₁jñia₁₂, ia₁ 'ín₂ dsi₃ jniá₂ a₂ñág'₃ Diú₄ a₂mī'₂ 'nia'₂, jmo₃ bá₄ a₂dsióg₄ jniá₂ i₁jag₁₂.

Ág'₅ jág₁ jē₁ca₂tó'₂, cuag₂₃ Diú₄ nē₃

²³ Ríng'₃ i₂chen₂ Epafras i₂quiang'₅₄ 'eng₅₄ né'₃ 'má₃ 'uig₅₄ quió'₅ Cristo Jesús, dsiáin'₂ jág₁ a₂cuin₂₃ Diú₄ 'ne₂. ²⁴ Ján₃ bá₄ le₂jaun₂ Marcos, Aristarco, Demas quian'₅₄ Lucas nē₃ i₂jme₂'o₅₄ jmo₅ ta₁.

²⁵ Jui₁jme₂gu'₅₄ Te₁gui'₅₄ Jesucristo jme₂dsí₂ quián'₂ 'nia'₂.

Co₂nē₅.

§ 1:19 'Nio'₂ ja,ton₅ 1 Corintios 16:21; Gálatas 6:11; Colosenses 4:18; 2 Tesalonicenses 3:17.

Si₂ a₂chen₄ ne₄ dsa₂ HEBREOS

Ma₂dsia₅ Diú₄ jág₁ quian'₅₄ dsa₂ mi₂güig₃ tē₂le₃ quian'₅₄ Ja₁ñi'₅₄

1 'Lióng₂ ráun₂ ca₂juá'₂ Diú₄ jág₁ jmig₄ ma₂líg'₂ ca₂tsí'₃ dsa₂ can'₅₄ quián₂ jniog₄, tsá₃ ca₂ne₅₄ jág₁ ca₂'ē₂ tē₂le₃ quian'₅₄ dsa₂ i₂ca₂chein₃. 2 La₁ jmig₄ jē₁ca₂tó'₂ rē₂ně₃ ně₃, ma₂ca₂juá'₂ tság₅ jniog₄ tē₂le₃ quian'₅₄ Ja₁ñi'₅₄ i₂ca₂jmo₃ ca₂le₃jě₃ a₂cha₂ mi₂güig₃; ján₃ bá₄ o₄gú₃ 'éi₂ ma₂dsia₃ ca₂le₃jě₃. 3 'Éi₂ bá₄ i₂lín₅ i₂jlán'₁ i₂tág₅ quió'₅ Diú₄; 'éi₂ bá₄ i₂lín₅ nió'₄ tē₃dsón'₂ i₂jáng'₅ léi₄ 'a₂ lia'₂ lín₅ Diú₄. Ján₃ bá₄ lín₅ 'éi₂ i₂jmo₅ 'í₁ ca₂le₃jě₃ quian'₅₄ jág₁ bēn₂ quió'₅. Cang₂ jme₁ca₂rín'₃ 'éi₂ dsáu₁ jniog₄, jaun₂ ca₂guá₂ guei'₅₄ i₂juíg₃ con₂ Diú₄ tē₂le₃ gu₂ ne₁ ne₄ta₁ quió'₅.

Ja₁ñi'₅₄ Diú₄ bá₄ i₂juin'₂ guě₄ lia'₂ con'₂ guě₄ ángeles

4 Ma₂ca₂lín₃ Ja₁ñi'₅₄ Diú₄ i₂juin'₂ guě₄ lia'₂ con'₂ guě₄ ángeles, ia₁ ma₂gue₃ quió'₅ jmei₂ a₂ma₂lín₅ ta₁ a₂dsen₅₄ guě₄ lia'₂ con'₂ guě₄ ángeles.

5 Tsá₃ líg'₂ ca₂juá'₂ Diú₄ ca₂tsí'₃ ángeles quiáin₅ 'i₁jan₂ le₂la₂: Lín'₅ 'ne₂ chi'₂-guein₂ quiáng₃;

jmig₄ ně₃ ma₂lín₅ jniá₂ néi'₅.*

On₃ guě₄ 'i₁jan₂ ángel tsá₃ ca₂'iin₃ jua'₅₄ a₂juá'₂ le₂la₂:

Lén₂ jniá₂ jmei₂ 'éi₂,

'éi₂ guě'₂ lén₂ chi'₂-guein₂ quiáng₃.†

6 La₁ ja₁siá'₂ ně₃, lia'₂ con'₂ jme₁ca₂o₃jñiai₃ Ja₁ñi'₅₄ i₂ne₅₄ mi₂güig₃, jaun₂ juá'₂:

Jui₁jme₂juag'₂ ca₂le₃jín₃ ángeles quián₅ Diú₄.‡

7 Jui₁lia'₂ tē₂le₃ quió'₅ ángeles guě'₂ juá'₂:

Jmo₅ Diú₄ a₂lín₅ ángeles co₂'nió'₄ dsí₂,

jmo₂₃ a₂lín₅ i₂jme₂ti₃ ne₅₄

co₂'nió'₄ le₁tsí'₅₄ si₂.§

8 La₁ jui₁lia'₂ tē₂le₃ quió'₅ Ja₁ñi'₅₄ ně₃, juá'₂:

Jiog₅ ca₂le₃jě₃ jmig₄ ne₄ta₁ quián'₂ 'ne₂,

Diú₄ quiáng₃.

Quian'₅₄ jág₁ tí₅* qui₂dsí'₁ 'ne₂ 'éi'₃.

9 A₂'niog'₂ 'ne₂ a₂tí₅, a₂'ñia'₅₄ 'ne₂ a₂'lig'₅₄;

'Uig₅₄ jaun₂, Diú₄ ně₃, Diú₄ quiáng'₂,

ma₂ca₂chein'₃ 'ne₂

ne₄ jui₅ quió'₅ ca₂le₃jín₃ ríng'₂,

* 1:5 Salmo 2:7. † 1:5 2 Samuel 7:14. ‡ 1:6 Deuteronomio 32:43. § 1:7

Salmo 104:4. * 1:8 lit. "Quian'₅₄ 'ma₂'₅₄ dsau₅."

ca₂jmo₃ Diú₄ a₂rë₂rin₅ 'au'₂ a₂jmo'₂ 'io'₂.†

¹⁰ Ján₃ bá₄ juá'₂:

Lia'₂ ne₁, 'ne₂ Te₁gui'₅₄ quiáng₃,

ca₂jmo'₅₄ 'uig₅₄ tag₄ mi₂güig₃;

guei'₅₄ i₂juig₃ guë'₂ ně₃,

ta₁ a₂ca₂lë₃ quian'₅₄ gog'₂ bá₄ jaun₂.

¹¹ A₂dsi₃ñí₂ ca₂le₃jë₃ a₂në₅,

la₁ 'ne₂ ně₃, con'₂ tan₅₄ bá₄ lín'₅ 'ne₂;

rë₃ 'áu₂ a₂jaun₂ jui₁lia'₂ ni₁tsin'₅₄ dsa₂.

¹² A₂jóng'₅ a₂jaun₂ jui₁lia'₂ jë₁jón'₂ dsa₂ tsi₁'mi'₂.

La₁ 'ne₂ ně₃, lia'₂ ma₂lín'₅ jaun₂ bá₄ 'ne₂.

Tsá₃ o₁líg'₂ jmi₄g dsiá₃ a₂chan'₂ 'ne₂.‡

¹³ Tsá₃ líg'₂ ca₂juá'₂ Diú₄ ca₂tsí'₃ 'i₁jan₂ ángel le₂la₂:

Né₂ con₂ jniá₂ tē₂le₃ gu₃ ne₁,

ca₂lia'₂ ca₂tē₂ jmi₄g

a₂tón'₁ jniá₂ dsa₂ i₂'iog₅₄ o₄tag'₄.§

¹⁴ Ia₁ lín'₅ ángeles jme₂dsí₂ i₂jme₂'o₅₄ i₂chen₄ a₂jme₂ti₃ ta₁ ne₄
i₂ca₂tín₂ gue₃ a₂lió₂ Diú₄.

2

Tion₅₄ 'nió'₅ tón'₂ dsa₂ jui₅

¹ 'Uig₅₄ jaun₂ bá₄ tion₅₄ niog₅ tion'₂ jniog₄ jui₅ 'ñio₅ lín₃ guë₄,
jág₁ a₂ma₂néi₁ jniog₄, ia₁jaun₂ tsá₃ qui₂dsi₃cón'₅ jniog₄ jui₅.

² Ia₁ chi₂jua'₂ tion₅₄ jme₁jme₂ti₃ dsa₂ 'éi'₃ jaun₂ a₂ca₂quiog₂
Diú₄ ma₂líg'₂ tē₂le₃ quian'₅₄ ángeles quiáin₅, jaun₂ chi₂jua'₂
qui₂ca₂gue₃ dsa₂ uig₅ 'a₂ con'₂ ca₂tín₂ jme₁ca₂'náu₂ dso₄, ³ ¿'a₂
bá₄ lia'₂ lé₂ le₃lió₂ jniog₄ ně₁jua'₂ tsá₃ tion'₂ jniog₄ jui₅ jág₁ a₂ñí₄
lë₃ quen₅ a₂lió₂ jaun₂? Ia₁ 'ñiog₅ bá₄ Te₁gui'₅₄ 'éi₂ i₂ca₂juá'₂
le₂'uig₅₄ jág₁ a₂lió₂ jaun₂. Jaun₂ guë₄ qui₂ca₂cuë₃ jág₁ dsau₅ tság₅
jnia'₅₄ dsa₂ i₂ca₂nág₂.

⁴ Ján₃ bá₄ ca₂cuë₃ Diú₄ jág₁ dsau₅ tē₂le₃ quian'₅₄ léi₄ a₂dsi₃gó'₃
dsí₅ dsa₂ ca₂jmo₃ 'lióng₂ ráun₂, ján₃ bá₄ tē₂le₃ quian'₅₄ Jme₂dsí₂
Jnió₅ i₂ma₂qui₂ma₂cui₁n₃ jniog₄ le₂jau₂ le₂jau₂ lia'₂ con'₂ lë₅
a₂'nio₃ 'éi₂.

Ca₂lín₃ Jesús lia'₂ lín₅ riin'₅₄

⁵ On₃jua'₅₄ o₄gú₃ ángeles ca₂dsia₃ mi₂güig₃ a₂já₅, a₂'ë₂ jnia'₅₄.

⁶ La₁ia₁ cha₂ bá₄ caun₂ ja₁ma₂cuë₅ dsa₂ jág₁ dsau₅ le₂la₂;

¿I₂'ein₂ bá₄ dsa₂ mi₂güig₃,

a₂ñí₄ lë₃ dsau'₂ 'au'₂ 'éi₂?

¿I₂'ein₂ bá₄ tsi₁jon₂ dsa₂ mi₂güig₃,

a₂ŋi₄ lē₃ tón' ₂ 'ne₂ jui₅ 'éi₂?

7 Ca₂jmoi' ₅₄ ca₂tiá₂ mei' ₂ guē₄

con' ₂ guē₄ ángeles quiáng' ₂;

la₁ ma₂ca₂jme₃juin' ₂, ma₂ca₂jmo' ₅₄ a₂lín₅ i₂dsen₅₄ guē₄,

[ca₂dsiain' ₅₄ a₂nio₃ gu₂ a₂ca₂jmo' ₅₄ 'ne₂ quian' ₅₄ gog' ₂,]*

8 ma₂dsia' ₅₄ 'ne₂ ca₂le₃jē₃ o₄tag₁₂.†

Jaun₂ nē₃, jme₁ca₂dsia₃ Diú₄ ca₂le₃jē₃ o₄tag₄ dsa₂ mi₂güig₃, tsá₃ ma₂'e₂ cha₂ jua' ₅₄ a₂tsá₃ niog₅ gu₂ 'éi₂. La₁ia₁ rē₂nē₃ nē₃, tsá₃ ma₂léi₄ guē₄ a₂niog₅ gu₂ 'éi₂ le₃jē₃.

9 La₁ia₁ jin₄ bá₄ jniog₄ Jesús i₂ca₂lín₃ ca₂tiá₂ mei' ₂ guē₄ con' ₂ guē₄ ángeles, ca₂rē₃juin' ₂, ca₂lín₃ i₂dsen₅₄ guē₄ nē₃ ia₁ ca₂i₃ŋi₂ uig₅ ne₄ 'mú₃, ia₁jaun₂ le₃cuí' ₅ 'mú₃ o₄quió' ₄ ca₂le₃jín₃, ia₁ a₂'ua₁ dsí₅ Diú₄.

10 Quió' ₅ Diú₄ bá₄ le₃jē₃; tē₂le₃ quian' ₅₄ 'éi₂ ca₂lē₃ le₃jē₃. Jaun₂ 'nio₃ Diú₄ chóin' ₂ ca₂le₃jín₃ chi' ₂-guein₂ quiáin₅, a₂lén₂ 'éi₂ jláin' ₁ co₂lē₅ quiaín' ₅₄. 'Uig₅₄ jaun₂, dsi₂ten₅₄ bá₄ a₂ca₂jme₃'ŋia₅ Diú₄ ca₂jme₃'ŋia₂₃ Jesucristo tē₂le₃ quian' ₅₄ jmi₁uig₅ a₂ca₂i₃ŋi₂ jme₁ca₂niá₃ jui₅ a₂lióin₂ 'éi₂.

11 Ia₁ jui₁lia' ₂ i₂jme₂jnió₃ quian' ₅₄ i₂rē₂jnió₃ nē₃, jan₂ bá₄ Jmei₂ chan₂. 'Uig₅₄ jaun₂, tsá₃ gui' ₅₄ Ja₁ŋi' ₅₄ Diú₄ tē' ₂ dsa₂ 'éi₂ riin' ₅₄.

12 Le₂la₂ juá' ₂ ne₄ si₂;

'ŋn₄ jniá₂ 'ne₂ jin₄ ríng' ₃,

te₂jē₄ ja₁le₁ŋi' ₂ dsa₂

'ē₅₄ jniá₂ son₅₄ a₂jme₁juag' ₂ quiáng' ₂,†

13 Ján₃ bá₄ juá' ₂:

Caun₂ bá₄ 'ag₁₂ dsi₃ ja₁con₂ 'éi₂.§

Con' ₂ siá' ₂ táng₃ juá' ₂;

ja₁lá₃ bá₄ chén' ₅ jniá₂,

ca₂lia' ₂ ma₂quian' ₅₄ chi' ₂-guein₂

i₂ma₂cuin₃ Diú₄ jniá₂.*

14 Jui₁lia' ₂ ca₂tín₂ chi' ₂-guein₂ jan₂ chog₅₄-jmei₂ dsa₂ mi₂güig₃ caun₂ jmi₂ 'ain₅₄, ján₃ bá₄ le₂nē₅ ca₂tín₂ Jesús caun₂ jmi₂ 'ain₅₄ quian' ₅₄ dsa₂ mi₂güig₃, ia₁jaun₂ tē₂le₃ quian' ₅₄ 'mú₃ quió' ₅ lé₂ le₃lí' ₂ ne₄ 'éi₂ i₂'io₅ bí₂ quió' ₅ 'mú₃, co₂'nió' ₄ le₃jua' ₅₄ i₂sē₃dsen₃.

15 Ján₃ bá₄ le₂jaun₂ ca₂jmo₃ ia₁jaun₂ lé₂ le₃qui₂le₃chen' ₂ dsa₂ i₂nē₂jag₄ bá₄ i₂qui₂rē₂'ŋe' ₅₄, ia₁ ca₂le₃jē₃ jmi₂g₄ a₂chain₂, gó' ₅ 'mú₃ quió' ₅.

16 Ia₁ dsón' ₂ bá₄ on₃jua' ₅₄ jaun₂ ca₂guain₃ jua' ₅₄ a₂jme₃'oin₅₄ ángeles; ta₁ jaun₂ bá₄ ca₂guain₃ a₂jme₃'oin₅₄ tsi₁jon₂ Abraham.

* 2:7 Chog₅₄ si₂ a₂dse₃ guē₄ tsá₃ le₁ton₅ jág₁ a₂tio' ₅₄ 'ŋi₂o₃ corchetes [le₂la₂]. † 2:8

Salmo 8:4-6. ‡ 2:12 Salmo 22:22. § 2:13 Isaías 8:17. * 2:13 Isaías 8:18.

17 'Uig₅₄ jaun₂, tion₅₄ bá₄ ca₂lin₃ ca₂le₃jě₃ jui₁lia'₂ lín₅ dsa₂ m_{i2}güig₃ riin'₅₄, ia₁jaun₂ dsióg₄ léin₂ jan₂ jme₂dsa₂ dsen₅₄ i₂ñéi₂ dsí₅, i₂rě₂ti'₅₄ ně₃, ia₁jaun₂ jniá'₂ dsáu₁ dsa₂ tē₂le₃ quian'₅₄ a₂jéin'₂ ne₄ Diú₄.

18 Jaun₂ jui₁lia'₂ ca₂ñág₃ uig₅ 'éi₂ jme₁ca₂caun₃ Diú₄ táu₂, ján₃ bá₄ le₂ně₅ qui'₅₄ jmig₄ jme₃'oin₅₄ jui₁lia'₂ dsa₂ i₂cáun₂ dsa₂ táu₂.

3

Jesús bá₄ i₂dsen₅₄ guě₄ con'₂ guě₄ Moisés

1 Le₂jaun₂ 'nia'₂ rin'₅₄ jniog₄ i₂ma₂rě₂tson₄ quián₅ Diú₄, 'nia'₂ i₂ca₂tín₂ tē₂ Diú₄ guei'₅₄ i₂juíg₃, dsiog'₂ 'au'₂ 'nia'₂ Cristo Jesús i₂chen₄ quián₅ Diú₄, ján₃ bá₄ i₂lín₅ jme₂dsa₂ dsen₅₄ i₂'ín₅ jniog₄.

2 'Niog₅ Jesús ma₂ca₂rě₃ti'₅₄ ja₁con₂ Diú₄ i₂ca₂'ag₃ a₂jmo₃ ta₁ ně₅, jui₁lia'₂ ca₂jme₃ti₃ Moisés con'₂ ta₁ jme₁chéin'₄ ja₁con₂ ca₂le₃jín₃ chi'₂-guein₂ quián₅ Diú₄.

3 La₁ia₁ ca₂tín₂ Jesús jme₃juag'₂ dsa₂ con'₂ guě₄ Moisés, jui₁lia'₂ quen₅ guě₄ dsa₂ i₂jmo₅ 'né₅ con'₂ guě₄ tsi₁'né₅ 'ñiog₅.

4 Jui₁lia'₂ caun₂ 'né₅, tion₅₄ bá₄ chan₂ i₂jmo₃; la₁ 'ñiog₅ bá₄ Diú₄ ca₂jmo₃ ca₂le₃jě₃ 'e₂ a₂cha₂.

5 Ca₂jme₃ti₃ Moisés ja₁con₂ ca₂le₃jín₃ chi'₂-guein₂ quián₅ Diú₄, con'₂ ta₁ a₂jme₁lín₄ ne₄ Diú₄, qui₂ca₂jáng'₃ jág₁ dsau₅ jui₁lia'₂ jág₁ quió'₅ Diú₄ a₂jme₁juá'₂.

6 La₁ia₁ Cristo ně₃, rě₂ti'₅₄ bá₄ a₂lín₅ Ja₁ñi'₅₄ Diú₄ i₂chén'₅ ne₄ ca₂le₃jín₃ chi'₂-guein₂ quián₅ Diú₄. Chi'₂-guein₂ 'éi₂ lág₅ jniog₄ guio₅₄ ně₁juá'₂ chan'₂ jniog₄ tiá₂ a₂caun₂ 'ei₅ dsi₅ jniog₄, jmo₂ jniog₄ 'io'₂, ia₁ cha₂ a₂'ín₂ dsi₅ jniog₄ tag₃; a₂jaun₂ bá₄ 'io'₂ jein₂ jniog₄.

7 'Uig₅₄ jaun₂, lě₅ jui₁lia'₂ juá'₂ Jme₂dsí₂ Jñió₅ ne₄ si₂: Jmíg₄ ně₃ ně₁juá'₂ nag'₂ 'nia'₂ jág₁ quió'₅ Diú₄,

8 Tsá₃ lě₁jme₂'uá'₂ 'nia'₂ 'au'₂ jui₁lia'₂ ca₂jmo₃ i₂lín₅₄ ca₂nau₂ 'nei₂ ca₂cain₃ táu₂ Diú₄ 'uě₃ co₂'ñiog₅ jaun₂.

9 Ja₁jaun₂ ca₂caun₃ táu₂ jniá₂ dsa₂ can'₅₄ quián'₂ 'nia'₂ ma₂líg'₂, o₁jñia'₅₄ ma₂qui₂ma₂jág₃ ta₁ quió₃ ma₂tě₂láu₃ ñi₂.

10 'Uig₅₄ jaun₂ ca₂jén₂ dsi₃ quian'₅₄ dsa₂ i₂jme₁chan₂ jmíg₄ jaun₂, jaun₂ ca₂juá'₃ jniá₂:

“Con'₂ tan₅₄ bá₄ i₂nio₄ dsa₂ ně₅ qui₂dsi₂cón'₅ dsí₅,

tsá₃ 'nio₃ le₃cuí'₅ jui₅ quió₃.”

11 'Uig₅₄ jaun₂ ca₂'ín₃ jniá₂ 'ñió₃

jme₁ca₂'í₃ 'nei₂ dsi₃,
a₂tsá₃ dsi₁len₃ 'éi₂

jua'₅₄ a₂jñia₃ ja₁con₂ jniá₂.*

12 Rin'₅₄ jniog₄, jmo₄ 'nia'₂ 'í₁ ia₁jaun₂ 'i₁jan'₂ 'nia'₂ tsá₃ le₃'ua'₂
dsí₅, jua'₅₄ a₂'nio₃ náu₃ cau₅ ja₁con₂ Diú₄ jén'₃ ia₁ tsá₃ 'éin₂ jág₁
quíó'₅.

13 Tē₂le₃ cuē'₅₄ 'nia'₂ bí₂ ríng'₂ le₂jang'₂ le₂jang'₂ lia'₂ caun₂
jmig₄, tē₁lia'₂ jiog₅ "jmig₄ nē₃" a₂ma₂juá'₂ Si₂, ia₁jaun₂ 'i₁jan'₂
'nia'₂ tsá₃ le₃'ua'₂ 'au'₂ tsá₃ le₃gan'₂ 'nia'₂ quian'₅₄ dso₄.

14 Ia₁ i₂ma₂quián₅ Cristo bá₄ jniog₄, nē₁jua'₂ ca₂tián₃ jniog₄
tē₂ jē₁ca₂tó'₂ caun₂ bá₄ 'ei₅ dsi₅ jniog₄ jág₁ quíó'₅ lia'₂ con'₂ lē₅
jme₁ca₂rē₃'éin₂ le₂'uig₅₄.

15 Jui₁lia'₂ ma₂nē₂juá'₂:
Jmig₄ nē₃, nē₁jua'₂ ca₂nei'₂ 'nia'₂

jág₁ quíó'₅ Diú₄,
tsá₃ jme₁'ua'₂ 'nia'₂ 'au'₂,
jui₁lia'₂ ca₂jmo₃ i₂lin₅₄

ca₂nau₂ 'nei₂ ne₄ Diú₄.†

16 Ć'Eín₂ 'éi₂ i₂ca₂nág₂ jág₁ quíó'₅ Diú₄ jaun₂ ca₂nau₂ 'nei₂ cang₂
jaun₂? Ca₂le₃jín₃ dsa₂ i₂ca₂'uín'₂ Moisés 'uē₃ Egipto, i₂'éi₂ bá₄.

17 Ć'Eín₂ quian'₅₄ ca₂rē₃'né₃ Diú₄ con'₂ tē₂láu₃ ŋi₂? Quian'₅₄ dsa₂
i₂ca₂'náu₂ dso₄ bá₄, i₂ca₂dsan₃ 'uē₃ co₂'ŋiog₅ jaun₂.

18 ĆJa₁con₂ 'ein₂ ca₂cuē₃ Diú₄ jág₁ quíó'₅ a₂tsá₃ dsi₁lein₃ jua'₅₄
jñia₃ quiong'₅₄? Ja₁con₂ dsa₂ i₂tsá₃ ca₂nág₂ gau₂ jág₁ quíó'₅ bá₄.‡

19 Jaun₂ ne₄ jniog₄, le₂jaun₂ bá₄ ca₂i₃ŋi₂: tsá₃ a₁jaun₂
ca₂i₃toin'₅₄, 'uig₅₄ ia₁ a₂tsá₃ ca₂rē₃'éin₂.

4

1 'Uig₅₄ jaun₂, tē₁lia'₂ ron₅ guē₄ jág₁ a₂ma₂cuē₃ Diú₄ a₂dsi₁no₃
jniog₄ ja₁dsi₁jñia₁ ja₁coin₂, 'nió'₅ jmó₁ jniog₄ 'í₁ con'₂ tsá₃ ŋó₅
nē₁jua'₂ 'ein₂ 'nia'₂ tsá₃ ca₂tíng'₂ ja₁jaun₂.

2 Ia₁ ján₃ bá₄ le₂jaun₂ ma₂ca₂rē₃'ē₂ jág₁ a₂lió₂ ja₁con₂ jniog₄
jui₁lia'₂ ma₂ca₂rē₃'ē₂ ja₁con₂ 'éi₂; la₁ia₁ tsá₃ ta₁ ca₂jmo₃ co₂ŋi₂
a₂ca₂nág₂ jág₁, 'uig₅₄ ia₁ a₂tsá₃ ca₂'an₂ dsí₅ jág₁ jaun₂ jua'₅₄
a₂ca₂rē₃'éin₂.

3 La₁ jniog₄ i₂ma₂ca₂rē₃'éin₂ nē₃, dsi₁no₃ bá₄ jniog₄ dsi₁jñia₁₂
ja₁jaun₂ jui₁lia'₂ a₂ma₂juá'₂ Diú₄:

'Uig₅₄ jaun₂ ca₂'ín₃ jniá₂ 'ŋi₃ó₃,

jme₁ca₂'í₃ 'nei₂ dsi₃,
a₂tsá₃ dsi₁len₃ 'éi₂

jua'₅₄ jñia₃ ja₁con₂ jniá₂.*

La₁ia₁ ma₂ca₂'i₃ó₃ ta₁ quíó'₅ Diú₄ ca₂le₃ ca₂'nio₃ mi₂güí₃.

* 3:11 Salmo 95:7-11. † 3:15 Salmo 95:7-8. ‡ 3:18 'Nio'₂ ja₁ton₅ Números
14:22-23. * 4:3 Salmo 95:11; ján₃ bá₄ le₂nē₃

⁴ Ia₁ cha₂ ja₁juá'₂ ne₄ Si₂ le₂la₂, a₂'ë₂₃ jë₁ca₂të₂ guio₃ jmig₄: “Ca₂jñia₃ Diú₄ jë₁ca₂të₂ guio₃ jmig₄, jme₁ca₂lë₃ ca₂le₃jë₃ ta₁ quió'₅.”† ⁵ Con'₂ siá'₂ táng₃ juá'₂ ne₄ Si₂: “Tsá₃ dsi₁le₁n₃ jua'₅₄ a₂jñia₃ ja₁con₂jñiá₂.”

⁶ La₁ jui₁lia'₂ chan₂ i₂lín₅₄ i₂'nió'₅ tón'₃ ja₁jaun₂, i₂sián'₂ guë'₂ tsá₃ ca₂i₁tion'₅₄ le₂jñiá₅ jme₁ca₂nág₂ jág₁, 'uig₅₄ ia₁ a₂tsá₃ ca₂rë₃'éin₂, ⁷ con'₂ siá'₂ ca₂tióng₃ Diú₄ caun₂ jmig₄ ca₂juá'₂ të₂le₃ quian'₅₄ David 'líóng₂ ñi₂ cang₂ jaun₂ ca₂të'₃ “jmig₄ në₃” jme₁ca₂juá'₂ ne₄ Si₂ jág₁ a₂ma₂ca₂juá'₂ le₂jñiá₅: Jmig₄ në₃ në₁jua'₂ ca₂nei'₂ 'nia'₂ jág₁ quió'₅ Diú₄,

tsá₃ lë₁jme₂'uá'₂ 'nia'₂ 'au'₂.‡

⁸ Ia₁ jua'₅₄ mei'₂ guë₃ Josué ca₂cuë₃ caun₂ ja₁jñia₃ dsa₂, tsá₃ jaun₂ jme₁juá'₂ Diú₄ cang₂ jaun₂ jme₁'ë₃ jmig₄ siá'₂.

⁹ Jaun₂ lë₃, lia'₂ ma₂cha₂ jaun₂ bá₄ jmig₄ sa₅₄ ja₁jñia₅ dsa₂ juig₂ quián₅ Diú₄. ¹⁰ Ia₁ jui₁lia'₂ ca₂jñia₃ Diú₄ ta₁ quió'₅ a₂ca₂jmo₃, ján₃ bá₄ le₂jaun₂ jui₁lia'₂ i₂dsi₃ton'₅₄ dsi₃jñia₅₄ ja₁con₂ Diú₄, tí₂ ta₁ quió'₅, jñia₃.

¹¹ 'Uig₅₄ jaun₂ 'nió'₅ 'niog'₅₄ jniog₄ jui₅ a₂quen'₂ bí₂ a₂dsi₁no₃ ja₁jaun₂, ia₁jaun₂ 'i₁jan₂ tsá₃ 'ein₂ tián'₃ a₂cán₂ jui₅ a₂ca₂i₁nio₄ 'éi₂ a₂tsá₃ ca₂nág₂ gau₂ jág₁ quió'₅ Diú₄.

¹² Ia₁ jén'₃ bá₄ jág₁ quió'₅ Diú₄, 'io₅ bí₂ në₃, 'ñio₅ chen'₂ con'₂ guë₄ caun₂ ñi₁tág₂ 'mu₃ le₃tín₃ ton₂, dsi₂tia₃ ca₂të₂ né'₃ jmo₅ le₁dso'₅₄ të₂dsí₅ dsa₂ quian'₅₄ jme₂dsí₂, jmo₅ le₁dso'₅₄ ja₁jón'₅ quian'₅₄ dsí₅ ni₁mu₅ në₃, jme₂jñia₅ ca₂le₃jë₃ 'e₂ dsi₂jio₅ dsí₅ dsa₂, ca₂le₃jë₃ 'a₂ lia'₂ lín₂ dsa₂ në₃.

¹³ Ca₂lia'₂ 'i₁caun₂ a₂ca₂jmo₃ Diú₄ tsá₃ lé₂ le₃'má₂ ne₄ 'éi₂; ca₂le₃jë₃ bá₄ rë₂jñiá₂ rë₂na₄ ne₄ i₂dsi₁jang'₅₄ jniog₄ cuenta quián₂.

Lín₅ Jesús Jme₂dsa₂ Dsen₅₄ i₂juin'

¹⁴ Jaun₂ në₃, jme₂dsa₂ dsen₅₄ i₂juin'₂ quián₂ jniog₄ lín₅ Jesús, Ja₁ñi'₅₄ Diú₄, i₂ca₂uig₂ guei'₅₄ i₂juíg₃. 'Uig₅₄ jaun₂ 'nió'₅ caun₂ chan'₅₄ jniog₄ tiá₂ jág₁ a₂'éin₂ jniog₄.

¹⁵ On₃jua'₅₄ a₂tsá₃ lé₂ dsia₃ ñéi₂ dsí₅ jme₂dsa₂ dsen₅₄ quián₂ jniog₄ jë₁ma₂ca₂'uá₂ jniog₄. Ia₁ ma₂ca₂caun₃ dsa₂ ca₂le₃jë₃ táu₂ quió'₅, jui₁lia'₂ cáun₂ dsa₂ táu₂ jniog₄, la₁ia₁ tsá₃ dso₄ ca₂'náu₂ 'éi₂.

¹⁶ Jaun₂ në₃ ma₃ jme₁quián₄ jniog₄ caun₂ bá₄ 'ei₅ dsi₅ ca₂të₂ ne₄ta₁ ja₁guá₄ Diú₄ i₂'ua₁ dsí₅, ia₁jaun₂ dsia₃ 'éi₂ ñéi₂ dsí₅, a₂jme₃'o₅₄ a₂'ua₁ dsí₅ jë₁ma₂ca₂rë₃'nió'₅ quián₂ jniog₄.

5

¹ I₂rë₂quion'₅₄ jin₄ dsa₂ mi₂güig₃ bá₄ le₂jan₂ le₂jan₂ jme₂dsa₂ dsen₅₄ a₂rë₂'ín₄ a₂chéin'₅ ne₄ jág₁ o₄quió'₄ dsa₂ mi₂güig₃ ne₄ Diú₄

† 4:4 Génesis 2:2. ‡ 4:7 Salmo 95:7-8.

ia₁jaun₂ jén'₃ jui₁lia'₂ 'e₂ 'nió'₅ jén'₃, a₂qui₃dsín'₂ já'₂ ně₃ o₄quió'₄ dsáu₁ dsa₂.

² Jaun₂ jui₁lia'₂ jme₂dsa₂ le₂'éi₂, ján₃ bá₄ lín₅ dsa₂ mi₂güig₃ a₂'uain₅₄; lé₂ bá₄ jme₃'ua₁ dsí₅ ja₁con₂ jui₁lia'₂ dsa₂ i₂tsá₃ ŋi₅, jui₁lia'₂ dsa₂ i₂ma₂i₂nio₄ cau₅ jui₅ ně₃.

³ 'Uig₅₄ ia₁ a₂lín₅ dsa₂ mi₂güig₃ 'uain₅₄, tion₅₄ 'nió'₅ jén'₃ ne₄ Diú₄, lia'₂ o₄quió'₄ dsáu₁ 'ŋiog₅ lia'₂ o₄quió'₄ dsáu₁ dsa₂ juig₂ táng₃.

⁴ 'I₁jan₂ tsá₃ lé₂ le₃lén₂ ta₁ juē'₂ jaun₂ jua'₅₄ a₂le₃'in₃ 'ŋiog₅; tion₅₄ bá₄ 'nió'₅ 'ag₃ Diú₄ jui₁lia'₂ ca₂'in₃ Aarón.*

⁵ Já₃ bá₄ le₂ně₅ lě₅ quian'₅₄ Cristo. Tsá₃ ca₂jme₃juin'₂ 'ŋiog₅ jua'₅₄ ca₂'in₃ 'ŋiog₅ a₂lén₂ jme₂dsa₂ dsen₅₄; Diú₄ bá₄ ca₂'ag₃ ta₁ juē'₂ jaun₂. Jaun₂ ca₂juá'₂ Diú₄:

Lín'₅ 'ne₂ chi'₂-guein₂ quiáng₃;

Jmíg₄ ně₃ ma₂lín₅ jniá₂ ŋéi'₅.†

⁶ Já₃ bá₄ le₂ně₅ juá'₂ ja₁siá'₂ táng₃:

Lín'₅ 'ne₂ jme₂dsa₂ con'₂ tan₅₄,

ca₂ne₅₄ lia'₂ jme₁lín₄ Melquisedec.‡

⁷ Lia'₂ con'₂ jme₁chan₂ Jesús mi₂güig₃ la₂, ca₂mi₃ tiá₂ ne₄ Diú₄ Jmei₂, ca₂'o₃ a₂jme₁mi₂₃ tion₅₄ ne₄ 'éi₂ i₂'io₅ bí₂ a₂jme₁lió₂ ne₄ 'mú₃. Jaun₂ Diú₄ ně₃ ca₂nág₂ bá₄ quió'₅, 'uig₅₄ ia₁ a₂ca₂nág₂ gau₂ jág₁ quió'₅ 'éi₂.

⁸ O₁ŋia'₅₄ jme₁lín₄ Ja₁ŋi'₅₄ Diú₄, ca₂rě₃tín₃ a₂nag₃ gau₂ tē₂le₃ quian'₅₄ uig₅ a₂ca₂i₃ŋi₂.

⁹ Jaun₂ jme₁ca₂rě₃'ŋia₅ quió'₅, jaun₂ guē₄ ca₂lín₃ 'uig₅₄ ja₁lión₂ co₂tan₅₄ ca₂le₃jín₃ i₂nag₅ gau₂ jág₁ quió'₅, ¹⁰ ia₁ Diú₄ bá₄ ca₂'ag₃ a₂lén₂ jme₂dsa₂ dsen₅₄ ca₂ne₅₄ lia'₂ jme₁lín₄ Melquisedec.

Go'₂ ně₃juá'₂ ca₂tí₂ dsa₂ a₂'éin₂

¹¹ 'Lióng₂ bá₄ jág₁ le₂ně₅ cha₂ a₂'nió'₅ jua'₅₄ jnia'₅₄, la₁ia₁ quian₅ ta₁ jua'₅₄ a₂jme₁tín₅ jnia'₅₄ 'nia'₂ jág₁ ně₅, ia₁ a₂ca₂lín₃ 'nia'₂ cang₄ dsei'₂.

¹² Ma₂líg'₂ bá₄ ca₂rě₃'én₂ 'nia'₂ jág₁; rě₂ně₃ le₃juá'₅₄ a₂ma₂ca₂tíng'₂ 'nia'₂ léng'₂ tē₅. La₁ tion₅₄ bá₄ 'nió'₅ jme₃tag₅ táng₃ dsa₂ quian'₅₄ 'nia'₂ jág₁ 'ua₁ le₂'uig₅₄ quió'₅ Diú₄, ně₂jag₄ bá₄ a₂'nió'₅ 'ag₅₄ 'nia'₂ jmá'₃ dsi'₅₄, 'nió'₄ a₂jme₁quíg'₂ 'nia'₂ ŋí₅.

¹³ Jaun₂ jui₁lia'₂ dsa₂ i₂'ín₂ jmá'₃ dsi'₅₄, lín₅ jui₁lia'₂ lín₅ guein₂ i₂tsá₃ lín₄ tén₂ jág₁ quió'₅ jui₅ co₂dsau₅.

¹⁴ Jui₁lia'₂ má₃ quió'₅ dsa₂ can'₅₄ ně₃, lě₅ jmá'₃ quió'₅ dsa₂ ma₂ron₂, quió'₅ dsa₂ i₂ma₂'en₅₄ dsí₅ i₂ca₂rě₃tín₃ i₂ca₂rě₃ŋi₅ na₂ jui₅ dse₃, na₂ jui₅ 'lig'₅₄ 'e₂.

* 5:4 Aarón: 'Nio'₂ ja₁ton₅ Éxodo 4:14. † 5:5 Salmo 2:7. ‡ 5:6 Salmo 110:4.

6

¹ Jaun₂ ně₃, jui₁dsiá₁ jniog₄ cau₅ jág₁ le₂'uig₅₄ quió'₅ Cristo a₂ma₂ca₂jme₁tag₅ jniog₄. Ma₃dsau₅₄ jniog₄ ne₄ jui₅ ia₁jaun₂ lén₂ jniog₄ dsa₂ ma₂ron₂. Tsá₃ ma₂'nió'₅ jua'₅₄ a₂quián₂ táng₃ jniog₄ 'uig₅₄ jág₁ jui₁lia'₂ jē₁jme₂tsín₃ dsa₂ dsí₅ a₂tsá₃ ma₂jmo₂₃ jui₁lia'₂ a₂jio₂₃ jui₅ 'mú₃, jui₁lia'₂ 'a₂lia'₂ rē₂'én₂ dsa₂ jág₁ quió'₅ Diú₄ ně₃; ² tsá₃ ma₃'nió'₅ jua'₅₄ caun₂ jme₁tag₅ jniog₄ jui₁lia'₂ a₂chon₅ dsa₂ jmi₂, jui₁lia'₂ a₂quiog₂ dsa₂ gu₂ ne₄ quió'₅ dsa₂, jui₁lia'₂ a₂jen'₅₄ dsa₂ jin₄ 'lag₄, on₃ guě₄ jui₁lia'₂ a₂qui₃dsi₅ Diú₄ 'éi'₃ co₂tan₅₄ ně₃.

³ Le₂jaun₂ jmó₁ bá₄ jniog₄, a₂dsau₅₄ ne₄ jui₅, chi₂jua'₂ jme₃'o₅₄ Diú₄.

⁴ Ia₁ jui₁lia'₂ dsa₂ i₂ma₂ca₂rě₃ñí'₂ dsí₅, dsa₂ i₂ma₂ca₂rě₃cuí'₅ 'a₂lia'₂ 'ua₁ dsí₅ Diú₄, dsa₂ i₂ca₂tín₂ jma₂me'₂ quió'₅ Jme₂dsí₂ Jnió₅, ⁵ dsa₂ i₂ma₂ca₂rě₃cuí'₅ a₂dse₃ jág₁ quió'₅ Diú₄, dsa₂ i₂ma₂ca₂rě₃cuí'₅ bí₂ quió'₅ mi₂güig₃ a₂jiá₃; ⁶ ně₁jua'₂ ca₂i₃lén₂ táng₃ cau₅ jui₅, * tsá₃ ma₃lé₂ dsi₁te₁ jniog₄ jaun₂ jéin'₃ táng₃ dsí₅, ia₁ ně₂jag₄ bá₄ a₂tioin₂₃ táng₃ cróg₄ Ja₁ñi'₅₄ Diú₄ le₃quió'₅ guioin₅₄, jaun₂ chei'₂₃ tē₃jin₄ dsa₂ ia₁jaun₂ cán₂ 'éi₂ o₂guí'₃.

⁷ A₂lín₅ dsa₂ 'éi₂lia'₂ lě₅ gua'₅₄ 'uě₃ a₂'ín₅ jmí₅lia'₂ co₂ráun₂ téin₃ ne₄ quió'₅. Ně₁jua'₂ ca₂rau₂ dse₃ gua'₅₄ 'uě₃ jaun₂ quió'₅ dsa₂ i₂ca₂jmo₃ ta₁ ja₁jaun₂, jaun₂ lé₂le₃jmó'₂ ta₁ 'a₂con'₂ ca₂rau₂, jaun₂ jme₃gu'₅₄ bá₄ Diú₄.

⁸ La₁ ně₁jua'₂ ca₂'ia₂ ni₁taun₅ quian'₅₄ ni₁nau₂, jaun₂ tsá₃ ma₃ta₁ tí₄ 'uě₃ jaun₂; go'₂ a₂'ě₂ Diú₄ uig₅. Jē₁ca₂tó'₂ jaun₂, dsí'₂ bá₄ dsa₂.

A₂'éin₂ bá₄ jniog₄ jmo₅ a₂tióng₂ tiá₂

⁹ Rin'₅₄ jniog₄, o₁jñia'₅₄ ma₂ně₂jua'₅₄ jnia'₅₄ le₂ně₅, caun₂ bá₄'ei₅ dsi₅ jnia'₅₄ a₂jmo'₂ 'nia'₂ dse₃ guě₄ con'₂ guě₄ a₂jaun₂, a₂chan'₅₄ 'nia'₂ tiá₂ jág₁ a₂lión'₂ 'nia'₂.

¹⁰ Ia₁ dse₃ bá₄ dsí₅ Diú₄, tsá₃ jua'₅₄ a₂dsi₃'én₂ dsí₅ ca₂le₃jě₃ a₂ma₂jmo'₅₄ 'nia'₂, quian'₅₄ ca₂le₃jě₃ 'a₂lia'₂ lě₅ a₂'nióí'₃, a₂rě₂jniá₂ ia₁ a₂ma₂jme₂'on'₅₄ 'nia'₂ dsa₂ rin'₅₄ jniog₄ i₂'én₂, jui₁lia'₂ caun₂ jmo'₂ 'nia'₂ rě₂ně₃.

¹¹ 'In₅ bá₄ dsí₅ jnia'₅₄ a₂jmó'₂ 'nia'₂ le₂jaun₂ a₂dsen₅₄ 'au'₂ le₂jang'₂ le₂jang'₂ ca₂tě₂ jē₁ca₂tó'₂, ia₁jaun₂ lén'₄ 'nia'₂ co₂ñei'₅₄ ca₂le₃jě₃ a₂'ín₂ 'au'₂ 'nia'₂.

¹² Tsá₃ 'niog₂ jnia'₅₄ jua'₅₄ a₂le₃juin'₃ 'nia'₂, la₁ tē₂le₃o₁nó'₅ 'nia'₂ ne₄ jui₅ quió'₅ dsa₂ i₂ma₂'én₂ i₂ma₂juin'₂ dsí₅ ně₃ jaun₂ ca₂tín₂ a₂dse₃ lia'₂ con'₂ lě₅ jág₁ quió'₅ Diú₄ a₂ma₂cuě₃.

¹³ Lia'₂ con'₂ jme₁ca₂cuě₃ Diú₄ jág₁ quió'₅ ca₂cuě'₃ Abraham, ca₂'iin₃ 'ñiog₅, ia₁ ca₂lia'₂ 'i₁jan₂ i₂sián'₂ tsá₃ jme₁chan₂ i₂juin'₂ guě₄ jua'₅₄ i₂'iin₃.

* 6:6 'Nio'₂ ja₁ton₅ 2 Pedro 2:21.

14 Jaun₂ ca₂juá'₂: “Tě₃dsón'₂ bá₄ jme₁gu'₅₄ jniá'₂ 'ne₂ 'ņio₅ lín₃, jaun₂ cuín₄ jniá'₂ 'ne₂ juin₅ tsi₁jon₂.”†

15 Juin'₂ bá₄ dsí₅ Abraham ca₂ņia₃, jaun₂ ca₂gue₃ bá₄ lia'₂ con'₂ lě₅ jág₁ a₂jme₁ma₂cuě₃ Diú₄.

16 Jui₁lia'₂ jě₁'in₅ dsa₂ mi₂güí₃ Diú₄, 'in₂₃ jui₁lia'₂ i₂lín₅ i₂juin'₂ con'₂ guě₄ guioin₅₄, a₂jáng'₅ jág₁ dsau₅ a₂dsón'₂ bá₄ tí₅ jág₁, jaun₂ co₂ně₅ bá₄ dsan₂ mi'₅₄ a₂nió'₅ quian'₅₄ riin'₅₄.

17 Ján₃ bá₄ le₂ně₅ ca₂jmo₃ Diú₄ ia₁ a₂jme₁'nio₃ jme₃ņia₅ ja₁con₂ dsa₂ i₂ca₂tín₂ gue₃ lia'₂ con'₂ lě₅ jág₁ a₂ca₂cuě₃, a₂tsá₃ jme₂tsiin₃ 'a₂ lia'₂ dsi₂jio₅ dsí₅ jmo₃ ja₁coin₂. Ca₂'iin₃ 'ņiog₅ ca₂jáng'₃ jág₁ dsau₅ a₂dsón'₂ bá₄ tí₅ jág₁ quió'₅ a₂ma₂cuě₃.

18 Jaun₂ ně₃, tē₂le₃ quian'₅₄ tin₃ ne₅₄ jág₁ ně₅ a₂tsá₃ lé₂ le₃tsín₃ a₂tsá₃ lé₂ le₃jmo₃ Diú₄ tē₂jīn₁, (co₂'nió'₄ le₃jua'₅₄ jág₁ a₂ca₂cuě₃ Diú₄, quian'₅₄ jág₁ a₂ca₂'iin₃ 'ņiog₅), jaun₂ gué₁ bá₄ jniog₄ lián'₂ bēn₂ jui₁lia'₂ jniog₄ i₂ma₂cuīng₅₄ a₂dsi₁lion₅₄ ja₁coin₂, ia₁jaun₂ chan'₅₄ jniog₄ tiá₂ jág₁ a₂'in₂ dsi₅ jniog₄.

19 A₂bén₂ bá₄ jág₁ jaun₂ a₂jmo₅ a₂tióng₂ tiá₂ tē₂dsi₅ jniog₄, jui₁lia'₂ bēn₂ ni₁'lá'₂ quió'₅ ni₁barco jě₁ma₂ca₂quian₃ tiá₂ ca₂tē₂ 'uig₅₄ jmi₁ņí'₄. Jág₁ a₂'in₂ dsi₅ jniog₄ jaun₂, a₂'í₂ bá₄ ca₂tē₂ ja₁ņi₁ó₅ guě₄ ca₂tē₂ 'ņi₁ó'₃ 'mi'₂ jni₁ó₅, ²⁰ ja₁ca₂'í₃ Jesús o₄quián₂ jniog₄, ca₂dsiáin'₃ ne₄ jui₅ quián₂ jniog₄, ia₁ a₂ca₂lín₃ jme₂dsa₂ dsen₅₄ co₂tan₅₄, ca₂ne₅₄ lia'₂ jme₁lín₄ Melquisedec.

7

Lín₅ Jesús jme₂dsa₂ ca₂ne₅₄ lia'₂ jme₁lín₄ Melquisedec

1 Melquisedec 'ei₂ ně₃ jme₁lín₄ rag₅₄ quián₅ juig₂ Salem, jme₁lín₄ jme₂dsa₂ ně₃ quián₅ Diú₄ i₂juin'₂ guě₄ lín₃. Lia'₂ con'₂ jme₁ca₂jón'₃ Abraham jme₁ca₂lí'₃ 'nei₂ a₂ca₂jmo₃ quian'₅₄ rag₅₄ sián'₂, jaun₂ ca₂o₃'in₃ Melquisedec ca₂jme₃quiong'₅₄ ca₂jme₃gu'₅₄ quió'₅.

2 Ca₂cuě₃ Abraham ca₂cuě'₃ Melquisedec caun₂ qui'₅₄ a₂guia₃ con'₂ tí₅ a₂ca₂lí'₃ jě₄ 'nei₂. Le₂ne₁, jág₁ lia'₂ chen₂ Melquisedec co₂'nió'₄ le₃jua'₅₄, Rag₅₄ Dsen₃, jaun₂ táng₃, ia₁ a₂jme₁lín₄ rag₅₄ quián₅ juig₂ Salem, ja₁'nió'₄ le₃jua'₅₄, ja₁'ei₅ tei₄, ján₃ bá₄ le₂jaun₂ jēin₅ jág₁, rag₅₄ ja₁'ei₅ tei₄.

3 Tsá₃ jág₁ cha₂ jua'₅₄ chan₂ jmei₂ on₃ guě'₂ chog₅₄, on₃ guě'₂ dsa₂ can'₅₄ quián₅; ján₃ bá₄ tsá₃ jág₁ cha₂ 'e₂ jmig₄ ca₂rě₃cháin₃, on₃ guě₄ 'e₂ jmig₄ ca₂join₃ ně₃. Jaun₂ caun₂ lín₅ jme₂dsa₂ co₂tan₅₄ lia'₂ lín₅ Ja₁ņi'₅₄ Diú₄.

† 6:14 Génesis 22:17.

⁴ Nē₃ ně₃, quion₂ 'nia'₂ 'í₁, 'ñio₅ lín₃ jme₁juin'₂ Melquisedec, ca₂lia'₂ jñia₅ 'ñiog₅ Abraham, dsa₂ juin'₂ quián₂ jniog₄, ca₂cuē'₃ 'éi₂ caun₂ qui'₅₄ a₂guia₃ con'₂ tí₅ a₂ca₂lí'₃ quió'₅ rag₅₄ jē₄ 'nei₂.

⁵ Dsau₅ bá₄, lia'₂ con'₂ lē₅ 'Éi'₃ quió'₅ Moisés ně₃, ju₁lia'₂ dsa₂ tsi₁jon₂ Leví i₂ca₂lín₃ ta₁ quió'₅ jme₂dsa₂, ca₂tíin₂ cán₂ caun₂ qui'₅₄ a₂guia₃ quió'₅ dsa₂ juig₂ ca₂le₃jē₃ a₂jme₁cha₂ quió'₅, o₁jñia'₅₄ jme₁lín₄ dsa₂ tsi₁jon₂ Abraham riin'₅₄, ju₁lia'₂ lín₅ guioin₅₄ táng₃.

⁶ La₁ia₁ Melquisedec ně₃, o₁jñia'₅₄ guē₄ tsá₃ jme₁lín₄ tsi₁jon₂ Leví, ca₂gue₃ caun₂ qui'₅₄ a₂guia₃ quió'₅ Abraham, ca₂jme₃gu'₅₄ ně₃ quió'₅ i₂jme₁ma₂ca₂gue₃ jág₁ a₂ma₂cuē₃ Diú₄.

⁷ Tsá₃ 'ein₂ lé₂ le₃juá'₂ a₂tsá₃ tí₅ jág₁ la₂: A₂juin'₂ guē₄ dsa₂ i₂jme₂gu'₅₄ con'₂ guē₄ dsa₂ i₂gue₅ a₂jme₂gu'₅₄ jaun₂.

⁸ Jaun₂ jin₄ jniog₄, ju₁lia'₂ i₂gue₅ caun₂ qui'₅₄ a₂guia₃ lín₅ dsa₂ i₂dsan₂; la₁ia₁ tē₂le₃ quió'₅ Melquisedec juá'₂ ne₄ Si₂ 'iin₂₃ 'éi₂ nē₂jag₄ bá₄ jan₂ dsa₂ i₂caun₂ chan₂.

⁹ Mei'₂ tsá₃ lé₂ le₃jua'₅₄, ju₁lia'₂ Leví quian'₅₄ le₃jín₃ jme₂dsa₂ tsi₁jon₂ 'éi₂, ju₁lia'₂ i₂gue₅ qui'₅₄ a₂guia₃ rē₂ně₃, ján₃ bá₄ ca₂quí₃ caun₂ qui'₅₄ a₂guia₃ ja₁con₂ Melquisedec jme₁ca₂quí₃ Abraham, ¹⁰ ia₁ co₂'nió'₄ a₂jme₁ma₂lín₅ bá₄ Leví tsi₁jon₂ Abraham o₁jñia'₅₄ guē₄ tsá₃ jme₁ma₂chain₂, lia'₂ con'₂ jme₁ca₂cuē₃ Abraham qui'₅₄ a₂guia₃ ca₂cuē'₃ Melquisedec.

¹¹ Ca₂gue₃ dsa₂ juig₂ Israel 'Éi'₃ tē₂le₃ quian'₅₄ jme₂dsa₂ levitas, i₂lín₅ tsi₁jon₂ Aarón. Jaun₂ ně₃, jua'₅₄ mei'₂ guē₃ 'éi₂ ca₂tió'₃ jmo₃ a₂ma₂ron₂ dsa₂ tē₂le₃ quian'₅₄ 'Éi'₃ jaun₂, jaun₂ tsá₃ jme₁ma₃'nió'₅ jua'₅₄ a₂jme₁rē₃jniá₂ táng₃ jan₂ jme₂dsa₂ sián'₂ i₂ca₂ne₅₄ ju₁lia'₂ Melquisedec, on₃jua'₅₄ ju₁lia'₂ Aarón.

¹² Ia₁ jē₁rē₂tsín₃ ta₁ quió'₅ jme₂dsa₂, ján₃ bá₄ le₂jaun₂ 'nió'₅ le₃tsín₃ 'Éi'₃ ján₃.

¹³ Te₁gui'₅₄ quián₂ jniog₄ ně₃, ju₁lia'₂ juá'₂ Si₂ le₂nē₅ 'iin₂₃ 'éi₂, a₂téin₅ tsi₁jon₂ sián'₂, jaun₂ 'i₁jan₂ i₂tén₅ tsi₁jon₂ 'éi₂ tsá₃ ma₂lín₅ ta₁ quió'₅ ne₄chei₂.

¹⁴ Ia₁ ne₄ bá₄ jniog₄, a₂ca₂rē₃chán₃ Te₁gui'₅₄ quián₂ jniog₄ a₂lín₅ jan₂ tsi₁jon₂ quián₅ Judá. La₁ tsá₃ 'e₂ ca₂juá'₂ Moisés 'iin₂₃ tsi₁jon₂ 'éi₂ jme₁ca₂dsia₃ a₂'ē₂₃ ju₁lia'₂ ta₁ quió'₅ jme₂dsa₂.

¹⁵ 'Ñio₅ guē₄ rē₂ léi₄ táng₃ jme₁ca₂rē₃jniá₂ jan₂ jme₂dsa₂ sián'₂ i₂lín₅ ju₁lia'₂ Melquisedec, ¹⁶ tsá₃ ca₂lín₃ jme₂dsa₂ 'uig₅₄ ia₁ a₂quí'₅ 'Éi'₃ a₂juá'₂ 'ein₂ tsi₁jon₂ 'nió'₅ jiá₃, jñia'₅₄ lia'₂ a₂lín₅ jme₂dsa₂ 'uig₅₄ bí₂ quió'₅ jme₂dsí₂ a₂tsá₃ lé₂ dsi₃'én₂.

¹⁷ Ia₁ le₂la₂ bá₄ juá'₂ Diú₄ 'iin₂₃ 'éi₂:

lín'₅ 'ne₂ jme₂dsa₂ con'₂ tan₅₄,

ca₂ne₅₄ lia'₂ jme₁lín₄ Melquisedec.*

18 Jaun₂ ně₃, co₂nei'₅₄ ca₂'ná₂ 'Éi'₃ a₂jme₁lě₄ le₂jñiá₅, ia₁ a₂tsá₃ jme₁bén₂, a₂tsá₃ ta₁ tí₄ ně₃.

19 Ia₁ tsá₃ ca₂tíó'₃ 'Éi'₃ jua'₅₄ a₂jme₃'ñiai₂₃ ta₁. Tě₂le₃ ca₂rě₃chá₃ quián₂ jniog₄ caun₂ jág₁ a₂dse₃ guě₄ a₂'ín₂ dsi₅ jniog₄, tě₂le₃ quian'₅₄ a₂lě₂ jme₁quián₄ jniog₄ ja₁con₂ Diú₄.

20 Tsá₃ ca₂cuě₃ Diú₄ jág₁ jaun₂ quió'₅ a₂'ín₂ dsi₅ jniog₄ jua'₅₄ tsá₃ ca₂'iin₃ 'ñiog₅. Ju₁lia'₂ jme₂dsa₂ le₂jñiá₅ ně₃, ca₂lín₃ ta₁ jaun₂ la₁ia₁ on₃jua'₅₄ chan₂ 'ein₂ ca₂'in₃ Diú₄ jme₁ca₂'ag₃.

21 La₁ tě₂le₃ quió'₅ Te₁gui'₅₄ quián₂ jniog₄ ně₃, chan₂ jan₂ i₂ca₂'in₃ Diú₄ jme₁ca₂lín₃ jme₂dsa₂. Ia₁ ne₄ Si₂ juá'₂ tsí'₅ 'éi₂: Ca₂'in₃ Diú₄ 'ñiog₅,

jaun₂ tsá₃ lé₂ jme₃tsíin₃ dsi₅:

“Lín'₅ 'ne₂ jme₂dsa₂ con'₂ tan₅₄,

[ca₂ne₅₄ lia'₂ jme₁lín₄ Melquisedec].”†

22 'Uig₅₄ jaun₂, Jesús bá₄ i₂jmo₅ 'í₁ jág₁ a₂ma₂li'₅₄ a₂dse₃ guě₄ jaun₂.

23 Ju₁lia'₂ jme₂dsa₂ i₂ca₂rě₃chán₃ gua'₅₄ 'uě₃ ně₃, ju₁in₅ ca₂lín₃, ia₁ tsá₃ ca₂cuě₃ 'mú₃ jmi₄g₄ jua'₅₄ caun₂ lín₅ ta₁ jaun₂.

24 La₁ 'uig₅₄ ia₁ a₂chan₂ Jesús co₂tan₅₄ ně₃, jaun₂ con'₂ tan₅₄ bá₄ lín₅ ta₁ jme₂dsa₂.

25 'Uig₅₄ jaun₂ lé₂ le₃lióin₂ co₂nei'₅₄ le₃jín₃ i₂jme₂quián₃ ja₁con₂ Diú₄ tě₂le₃ quian'₅₄ 'éi₂, ia₁ chain₂ co₂tan₅₄ a₂qui₃mi₃ ne₄ Diú₄ o₄quió'₄ le₃jín₃ 'éi₂.

26 Jaun₂ ně₃, dsi₂ten₅₄ bá₄ a₂lín₅ Jesús jme₂dsa₂ dsen₅₄ i₂jme₁'nió'₅ quián₂ jniog₄. 'Éi₂ bá₄ i₂jñi₅ó₅, 'i₁caun₂ a₂'lig'₅₄ tsá₃ 'e₂ cha₂ ja₁coin₂, on₃ guě'₂ dso₄ rě₂cáin'₄, i₂rě₂jñia'₅₄ cau₅ tsá₃ quia₁in'₅₄ dsa₂ i₂'no₅ dso₄, i₂ca₂ron'₂ guě₄ ñei₅ con'₂ guě₄ guei'₅₄ mi₂güig₃.

27 Tsá₃ lín₅ lia'₂ lín₅ jme₂dsa₂ dsen₅₄ sián'₂. Tion₅₄ 'nió'₅ qui₂jme₃dsiain₂₃ já'₂ a₂jén'₅ ne₄ Diú₄ lia'₂ caun₂ jmi₄g₄, o₄quió'₄ dsáu₁ guioin₅₄ le₂jñiá₅, jaun₂ guě₄ o₄quió'₄ dsáu₁ dsa₂ juig₂. La₁ia₁ Jesús ně₃ co₂ráu₂tan₅₄ bá₄ ca₂jmo₃ jme₁ca₂jén'₂ 'ñiog₅.

28 Jaun₂ Si₂ 'Éi'₃ quió'₅ Moisés ně₃, 'iin₂₃ dsa₂ mi₂güig₃ 'uan₅₄ a₂lén₂ jme₂dsa₂ dsen₅₄. La₁ cang₂ guě₄ jaun₂, ca₂cuě₃ Diú₄ jág₁ quió'₅ ca₂'iin₃ 'ñiog₅ jme₁ca₂'iin₃ Ja₁ñi'₅₄ a₂lén₂ 'éi₂ jme₂dsa₂ dsen₅₄ con'₂ tan₅₄ ia₁ ca₂jme₃'ñiai₂₃ co₂nei'₅₄.

8

Jesús bá₄ i₂chén'₅ ne₄ jág₁ 'mí₂ a₂lí'₅₄ quian'₅₄ Diú₄

* 7:17 Salmo 110:4. Chog₅₄ si₂ a₂dse₃ guě₄ tsá₃ le₁ton₅ jág₁ a₂tio'₅₄ 'ñi₅ó'₃ corchetes [le₂la₂]. † 7:21 Salmo 110:4. Chog₅₄ si₂ a₂dse₃ guě₄ tsá₃ le₁ton₅ jág₁ a₂tio'₅₄ 'ñi₅ó'₃ corchetes [le₂la₂].

¹ A₂la₂ bá₄ jág₁ dsen₅₄ guě₄ a₂ma₂ja₂náu₅ jnia'₅₄ jua'₂: a₂chan₂ bá₄jan₂jme₂dsa₂ dsen₅₄ le'₂éi₂ quián₂ jniog₄, i₂ma₂ca₂guá₂ tē₂le₃ gu₂ ne₁ ne₄ta₁ quió'₅ Diú₄ guei'₅₄ i₂juíg₃.

² Já₃ bá₄ jme₂ti₃ a₂lín₅ jme₂dsa₂ dsen₅₄ dsi₂néi₂ guá'₅ jnió'₅ tē₃dsón'₂ a₂ca₂chi'₃ 'ñiog₅ Te₁gui'₅₄, on₃jua'₅₄ a₂ca₂jmo₃g'₃ dsa₂ mi₂güí₃.

³ Le₃jín₃ jme₂dsa₂ dsen₅₄ rē₂'iín₁ ia₁jaun₂ qui₃jén'₃ 'e₂ cuě'₃ Diú₄, qui₃dsiín'₂ já'₂ ně₃ ne₄ Diú₄. 'Uig₅₄ jaun₂ tion₅₄ 'nió'₅ a₂cha₂ caun₂ 'e₂ a₂jén'₃ Jesucristo ne₄ 'éi₂.

⁴ Jua'₅₄ mei'₂ guě₃ 'éi₂ ně₃, 'ein₅₄ gua'₅₄ 'uě₃, on₃ guě'₂ jme₁lén₂ jme₂dsa₂, ia₁ chan₂ bá₄ guě₄ jme₂dsa₂ i₂qui₂jén'₅ 'e₂ cuě₃ lia'₂ con'₂ lě₅ qui'₅ Si₂ 'Éi'₃ quió'₅ Moisés.

⁵ Jme₂dsa₂ la₂ ně₃ jme₂ti₃ ta₁ a₂lín₅, dsi₂néi₂ guá'₅, a₂lě₅ nió'₄ a₂rē₂'uin₄ quió'₅ ja₁jnió'₅ a₂cha₂ guei'₅₄ i₂juíg₃; a₂lě₅ co₂'nió'₄ 'en'₂ a₂cuě₅ léi₄ quió'₅ a₂ma₂já₅. Ma₂ne₄ bá₄ jniog₄ a₂rē₂'uin₄ bá₄ jaun₂, ia₁ lia'₂ con'₂ jme₁ma₂chi'₃ Moisés guá'₅ tabernáculo jaun₂, ca₂juá'₂ Diú₄: “Jag₄ de'₂ tion'₂ jui₅ jmo₄ con'₂ lě₅ nió'₄ a₂ca₂'ě₃ jniá₂ ne₄ má'₂.”*

⁶ La₁ia₁ jme₂dsa₂ dsen₅₄ quián₂ jniog₄ guě'₂ ně₃, ma₂ca₂'iό'₃ ta₁ a₂jlá'₁ guě₄ lín₃. Já₃ bá₄ le₂ně₅ a₂jlá'₁ guě₄ lín₃ jág₁ a₂li'₅₄ a₂chén'₅ 'éi₂ ne₄, ia₁ a₂'iό'₅ 'uig₅₄ bēn₂ a₂dse₃ guě₄ a₂lě₅ jág₁ a₂ma₂cuě₃ Diú₄.

⁷ Ia₁ jua'₅₄ mei'₂ guě₃ jág₁ a₂jme₁li'₅₄ le'₂'uig₅₄ tsá'₃ 'e₂ jme₁'nió'₅, jaun₂ tsá'₃ 'uig₅₄ cha₂ jua'₅₄ a₂jme₁lé₂ jág₁ jē₁ca₂tē₂ táng₃.

⁸ Ia₁ Diú₄ ně₃ ca₂dsó'₂ ja₁con₂ dsa₂ 'éi₂ caun₂ a₂tsá'₃ rē₂'ñia₅, jaun₂ ca₂juá'₂:

Jiá₃ caun₂ jmig₄, juá'₂ Te₁gui'₅₄,

a₂jmo₅₄ jniá₂ caun₂ jág₁ 'mí₂

a₂li'₅₄ quian'₅₄ dsa₂ juig₂ Israel

quian'₅₄ dsa₂ juig₂ Judá ně₃.

⁹ On₃jua'₅₄ a₂lé₂ lia'₂ lě₅ jág₁

jme₁ca₂jmo₃ jniá₂ quian'₅₄ dsa₂ can'₅₄ quiáin₅

lia'₂ con'₂ jmig₄ jme₁ca₂tē₅₄ jniá₂

ca₂jmá'₃ gu₂ ca₂'uiín₅₄ 'uě₃ Egipto.

La₁ tsá'₃ ca₂jme₃ti₃ con'₂ lě₅ jág₁ quió'₃

a₂jme₁ca₂jmo₃ jniá₂ quian'₅₄.

'Uig₅₄ jaun₂ bá₄ ca₂téin₃ jniá₂,

juá'₂ Te₁gui'₅₄.

¹⁰ Jág₁ a₂jmo₅₄ jniá₂ quian'₅₄ dsa₂ juig₂ Israel

jē₁ma₂ñi₂ jmig₄ jaun₂ lé₂ le₂la₂, juá'₂ Te₁gui'₅₄:

Co₅₄ jniá₂ 'éi'₃ quió'₃ ja₁'i₄ dsi₄ dsa₂.

Ján₃ bá₄ le₂jaun₂ taun₅₄ jniá₂ né'₃ tē₂dsí₅.

Jaun₂ guě₄ lén₂ jniá₂ Diú₄ quiáin₅,

* 8:5 Éxodo 25:40.

dsa₂ 'éi₂ guë'₂ ně₃ léin₂ dsa₂ juig₂ quiáng₃.

11 Tsá₃ 'nió'₅ jua'₅₄ jme₃tiin₂₃

le₂jan₂ le₂jan₂ dsa₂ go₅₄, on₃ guë'₂ riin'₅₄,

ia₁jaun₂ le₃cuin₂₃ Te₁gui'₅₄,

ia₁ le₃jín₃ bá₄ le₃cuig₅ jniá₂

lia'₂ i₂me'₂ guë'₄ lia'₂ i₂juin'₂ ně₃.

12 Jniá₂ ně₃ a₂ñéi₂ dsi₃ 'éng₄

le₃jě₃ a₂'lig'₅₄ a₂qui₂rě₂cáin'₄,

lia'₂ o₁líg'₂ jmig₄ tsá₃ ma₃dsiog'₂ dsi₃

dsáu₁ dsa₂.†

13 Jui₁lia'₂ jě₁'ě₅ Diú₄ jág₁ 'mí₂ a₂lǐ'₅₄, co₂'nió'₄ a₂jmo₂₃ a₂tsá₃ ma₃ta₁ tí₄ jág₁ a₂jme₁lǐ'₅₄ le₂'uig₅₄. Jui₁lia'₂ a₂tsá₃ ta₁ tí₄ ně₃, a₂ma₂'ei₅ ne₄ lě₂ gui'₅₄, a₂ma₂ja₂quián₃ dsi₃'én₂ bá₄ jaun₂.

9

Guá'₅ a₂cha₂ gua'₅₄ 'uě₃ la₂, quian'₅₄ guá'₅ a₂cha₂ guei'₅₄ i₂juíg₃

1 Ně₃ ně₃, jui₁lia'₂ jág₁ a₂jme₁lǐ'₅₄ le₂'uig₅₄, jme₁quian'₅₄ 'éi'₃ jui₁lia'₂ 'a₂ lia'₂ jme₃ti₃ dsa₂ ne₄ Diú₄, ján₃ bá₄ jme₁cha₂ caun₂ ja₁jñiós a₂ca₂jmo₃ dsa₂ mi₂güíg₃. 2 Jui₁lia'₂ guá'₅ tabernáculo jaun₂: dsi₂néi₂ le₂'uig₅₄ jaun₂ jme₁chí'₄ ni₁ñí₁ a₂le₁dsi₅₄ tag₄ ja₁le₁gui'₂ si₂, quian'₅₄ ni₁mesa ja₁niog₅ i₁ñí'₄ jñiós; “ja₁jñiós” jme₁chei₂ dsi₂néi₂ le₂'uig₅₄ jaun₂. 3 Le₃co'₅₄ 'mí'₂ cortina ja₁ca₂tě₂ táng₃, jme₁lě₄ ja₁chei₂ ja₁jñiós Lin₃ Guě₄. 4 Ja₁jaun₂ jme₁chí'₄ caun₂ ne₄chei₂ a₂lě₅ jmá'₃ quian'₅₄ cu₄nióg₄ ja₁qui₂dsi'₂ chen₂, quian'₅₄ tsi₁gu₅ quió'₅ jág₁ a₂lǐ'₅₄ quian'₅₄ Diú₄. Rě₂lióg₃ ta₁caun₂ tsi₁gu₅ quian'₅₄ cu₄nióg₄. 'Nió'₃ jaun₂ jme₁chí'₄ ni₁dsig₁ cu₄nióg₄ a₂jme₁tio'₅₄ i₁ñí'₄ maná, quian'₅₄ 'ma₂'i₅₄ quió'₅ Aarón a₂ca₂'ia₂ tsin₅ ně₃. Já₃ bá₄ jme₁tio'₅₄ ni₁cang₁ 'í₂ a₂le₁ton₅ jág₁ a₂lǐ'₅₄ quian'₅₄ Diú₄. 5 Ne₄ tsi₁gu₅ jaun₂ jme₁tión₂ le₁jné₅ querubines, co₂'nió'₄ léi₄ a₂tág₅ co₂'né'₅ quió'₅ Diú₄. Jme₁le₁jné₅ qui₂rě₂jlě₅ quian'₅₄ tsi₁rě₂cu₅ ja₁'én₂ Diú₄ dsáu₁ dsa₂. La₁ia₁ tsá₃ jě₄ jua'₅₄ le₃jua'₅₄ guě₄ jnia'₅₄ jág₁ 'lióng₂ jui₁lia'₂ ca₂le₃jě₃ a₂ně₅, ne₄ si₂ la₂.

6 Jme₁ma₂lě₅ co₂jnia₅₄ le₃jě₃ a₂jaun₂ ně₃, jaun₂ guě₄ qui₂dsi₂ton'₅₄ i₂gú'₃ jme₂dsa₂ dsi₂néi₂ le₂'uig₅₄ qui₂dsi₂jmó₂ lia'₂ con'₂ lě₅ ta₁ a₂lǐn₅. 7 La₁ia₁ jě₁ca₂tě₂ táng₃ dsi₂néi₂, dsi₂'í₂ jnia'₅₄ lia'₂ jme₂dsa₂ dsen₅₄ co₂ráun₂ lia'₂ caun₂ ñi₂, la₁ tsá₃ 'í₂ jua'₅₄ tsá₃ quian₅ jmi₄ já'₂ a₂qui₂dsi₃jen'₅₄ o₄quió'₄ dsáu₁ 'ñiog₅ quian'₅₄ dsáu₁ dsa₂ juig₂ a₂ca₂'náu₂ tě₃ tsá₃ ñi₅. 8 Le₂ně₅ jme₁jme₂jniá₂ Jme₂dsi₂ Jñiós₅, a₂tsá₃ jme₁ma₂rě₂na₄ guě₄ jui₅ ja₁dsi₃ton'₅₄ dsa₂ ja₁jñiós lin₃ guě₄, tě₁lia'₂ jme₁chí'₄ guě₄ guá'₅ le₂'uig₅₄. 9 Co₂'nió'₄ a₂jáng'₅ léi₄ a₂la₂, jui₁lia'₂ quió'₅ jmig₄ rě₂ně₃, ia₁ le₃jě₃ a₂cuě'₃ dsa₂ Diú₄, quian'₅₄ le₃jín₃ já'₂ a₂qui₂jén'₅ dsa₂ ne₄ Diú₄ ně₃,

† 8:12 Jeremías 31:31-34.

tsá₃ a₁jaun₂ tió'₅ le₃'ña₅ dsa₂ jua'₅₄ a₂jñiá'₂ a₂qui₂dsi₂jñi₅ dsí'₅.
¹⁰ Jñia'₅₄ lia'₂ jaun₂ bá₄ ta₁ quí'₅ le₃jě₃ a₂jaun₂ jui₁lia'₂ 'a₂ lia'₂
 lě₅ má₃ a₂guě'₅ dsa₂, a₂'ín'₂ dsa₂, quian'₅₄ le₃jě₃ guě₄ 'e₂ a₂jmo₂₃
 a₂le₁jín₃, jmá'₃ 'éi'₃ quió'₅ le₃co'₅₄, jaun₂ quen₅ ca₂tiá₂, ca₂lia'₂
 jme₃rě₃ Diú₄ le₃jě₃.

Ta₁ a₂quí'₅ jmi₄ Cristo

¹¹ La₁ia₁ ma₂guan₅ Cristo, jaun₂ 'éi₂ bá₄ ma₂lín₅ jme₂dsa₂
 dsen₅₄ i₂quió'₅ le₃jě₃ a₂dse₃ a₂ma₂o₂lé₂. Ma₂ca₂'í₃ guá'₅ jlá'₁ guě₄
 a₂rě₂'ña₅, on₃jua'₅₄ a₂ca₂jmo₃ dsa₂ mi₂güí₃. Co₂'nió'₄ le₃jua'₅₄,
 on₃jua'₅₄ quió'₅ mi₂güí₃ la₂. ¹² On₃jua'₅₄ a₂ca₂'í₃ tē₂le₃ quian'₅₄
 jmi₄ chein₄ lau₂ on₃ guě₄ quian'₅₄ jmi₄ guein₂ ca₁jui₅ ně₃, la₁
 tē₂le₃ quian'₅₄ jmi₂ 'ain₅₄ 'ñiog₅ bá₄ ca₂'í₃ ja₁jñiós₅ guě₄ co₂ráun₂
 tan₅₄, jaun₂ le₂ně₅ bá₄ ca₂'náu₂ a₂lió₂ jniog₄ co₂tan₅₄. ¹³ Dsón'₂
 bá₄ dsau₅ quí'₅ ta₁ jui₁lia'₂ jmi₄ ca₁jui₅, quian'₅₄ jmi₄ chein₄
 lau₂, quian'₅₄ ti₁juá₃ quió'₅ guein₂ ca₁jui₅ i₂qui₂dsin'₂ ne₄chei₂,
 a₂qui₂rě₂séi₂ ne₄ quió'₅ dsa₂ i₂tsá₃ le₁jín₃. Quí'₅ ta₁ a₂jme₃jñiós₃
 jui₁lia'₂ dsa₂ i₂ma₂le₁jín₃ le₃co'₅₄. ¹⁴ La₁ ja₂lín₃ guě₄ quen₅ jmi₄
 Cristo i₂ca₂jéin'₂ 'ñiog₅ ne₄ Diú₄ tē₂le₃ quian'₅₄ Jme₂dsí₂ i₂chan₂
 co₂tan₅₄, ca₂join₃ tē₃ tsá₃ 'e₂ rě₂cáin'₄. Quian'₅₄ jui₅bí₂ jmi₄ Cristo
 a₂jmo₅ le₁jě₃ tē₂dsi₅ jniog₄, a₂tsá₃ ma₃jmo₂ jniog₄ a₂jio₅ jui₅
 'mú₃ ia₁jaun₂ lé₂ jme₁ti₁ jniog₄ ne₄ Diú₄ jén'₃.

¹⁵ 'Uig₅₄ jaun₂, Jesucristo bá₄ lín₅ i₂chén'₅ ne₄ jág₁ 'mí₂ a₂li'₅₄ *
 quian'₅₄ Diú₄, ia₁jaun₂ jui₁lia'₂ i₂ma₂ca₂tág₃ Diú₄, lé₂ le₃gue₃
 a₂ca₂tín₂ a₂jio₅ co₂tan₅₄ con'₂ lě₅ jág₁ a₂ma₂cuē₃ Diú₄ a₂cuē₃.
 Ia₁ quian'₅₄ 'mú₃ quió'₅ Cristo, ca₂lón₂ dsa₂ i₂ca₂'náu₂ dso₄ lia'₂
 con'₂ jme₁li'₅₄ guě₄ jág₁ le₂'uig₅₄.

¹⁶ Jui₁lia'₂ ja₁ron₅ jág₁ a₂ma₂quiog₂ dsa₂ né'₃ guě₄ a₂jóin₂,
 tion₅₄ 'nió'₅ con₂ dsa₂ jág₁ dsau₅ chi₂jua'₂ ma₂jon₅ bá₄ dsa₂
 i₂ca₂jmo₃, ia₁jaun₂ bá₄ lé₂ le₃ti₃ jág₁ a₂ca₂quiog₂ jaun₂. ¹⁷ Jaun₂
 lě₃, tsá₃ ta₁ tí₄ jág₁ le₂jaun₂ tē₁lia'₂ ně₅ bá₄ chan₂ dsa₂ i₂ca₂jmo₃;
 jñia'₅₄ lia'₂ jē₁ma₂ca₂join₃ bá₄ quí'₅ ta₁. ¹⁸ 'Uig₅₄ jaun₂, jág₁
 a₂jme₁li'₅₄ ně₃, tsá₃ ca₂quí'₃ ta₁ jua'₅₄ tsá₃ ca₂tang₂ jmi₂. ¹⁹ Ia₁
 cang₂ jme₁ma₂ca₂'ě₂ Moisés ca₂le₃jě₃ jág₁ quió'₅ 'Éi'₃ Juá'₅ ca₂'ě'₃
 dsa₂ juig₂, jaun₂ guě₄ ca₂can₃ ni₁jñi₂ guéin₂ quió'₅ já'₂ cha'₂,
 quian'₅₄ caun₂ ni₁gu'₂ ni₁'ma₂ hisopo, jaun₂ ca₂jme₃jlé'₃ quian'₅₄
 jmi₄ guein₂ ca₁jui₅ quian'₅₄ jmi₄ chein₄ lau₂ a₂rě₂cón'₅ quian'₅₄
 jmi₂,† jaun₂ guě₄ ca₂séi₂ lia'₂ ne₄ si₂ a₂rě₂bin₅ ja₁le₁ton₅ 'éi'₃,
 lia'₂ ne₄ quió'₅ le₃jín₃ dsa₂ ně₃. ²⁰ Jaun₂ guě₄ ca₂tsí'₃ dsa₂ juig₂.
 “A₂la₂ bá₄ jmi₂ quió'₅ jág₁ a₂ma₂li'₅₄ quian'₅₄ Diú₄, lia'₂ con'₂
 lě₅ 'éi'₃ a₂ma₂jmo₃ Diú₄ quián'₂ 'nia'₂.”‡ ²¹ Ján₃ bá₄ ca₂séi₂

* 9:15 'Nio'₂ ja₁ton₅ Mateo 26:28, Marcos 14:24, Lucas 22:20, 1 Corintios 11:25.

† 9:19 'Nio'₂ ja₁ton₅ Juan 19:34. ‡ 9:20 Éxodo 24:8.

Moisés quian' ⁵⁴jmi₂ jaun₂, guá' ⁵tabernáculo quian' ⁵⁴le₃jě₃ guě₄ a₂jmó' ²dsa₂ ta₁ guá' ⁵. ²²Dsón' ²bá₄ jaun₂, con' ²lě₅ ta₁ quí' ⁵Si₂ 'Éi' ³, mei' ²tsá₃ le₃jě₃ bá₄ 'nió' ⁵qui₂le₃chí₂ quian' ⁵⁴jmi₂. Jaun₂ tsá₃ o₂'én₂ dso₄ cha₂ jua' ⁵⁴tsá₃ qui₂i₂'o₅₄ jmi₂.

Jmi₂ a₂ca₂jén' ³Cristo bá₄ jjiá' ²dsáu₁ dsa₂

²³Jaun₂ lě₃, tion₅₄ bá₄ qui₂le₃chí₂ le₂ně₅ quian' ⁵⁴jmi₄ já' ²ca₂le₃jě₃ a₂jaun₂ a₂qui₂rě₂'uin₄ jui₁lia' ²quió' ⁵guei' ⁵⁴i₂juíg₃. La₁ia₁ ca₂le₃jě₃ a₂ně₅ a₂cha₂ guei' ⁵⁴i₂juíg₃ ně₃, tion₅₄ 'nió' ⁵séi₂ quian' ⁵⁴jmi₂ a₂dse₃ guě₄ con' ²guě₄ a₂jaun₂. ²⁴Ia₁ on₃jua' ⁵⁴a₂ca₂'í₃ Cristo dsi₂néi₂ ja₁jjió₅ jaun₂ a₂rě₂lag₄ quian' ⁵⁴gu₂-tag₄ dsa₂ mi₂güig₃, a₂rě₂'uin₄ quió' ⁵ja₁jjió₅ 'ñiog₅ dsón' ², la₁ tē₂le₃ co₂dsau₅ guei' ⁵⁴i₂juíg₃ 'ñiog₅ dsón' ²bá₄ ca₂'í₃, ja₁qui₂jme₂jniai₂₃ jmi₄ rě₂ně₃ ne₄ Diú₄ o₄quián₂ jniog₄. ²⁵Tsá₃ jaun₂ qui₂ca₂'í₃ i₂gú' ³jua' ⁵⁴qui₂ca₂jén' ²'ñiog₅ jui₁lia' ²dsi₂'í₂ jme₂dsa₂ dsen₅₄ ja₁jjió₅ guě₄ lia' ²caun₂ ñi₂ a₂qui₂dsi₂jén' ⁵⁴jmi₄ i₂sián' ². ²⁶Jua' ⁵⁴mei' ²guě₃ le₂jaun₂ ně₃, tion₅₄ bá₄ jme₁'nió' ⁵jóin₂ 'lióng₂ ráun₂ ca₂le₃ ca₂nio₃ mi₂güig₃. La₁ia₁ le₂la₂ bá₄ lě₅ jui₁lia' ²rě₂ně₃, a₂jě₁ma₂ca₂dsin₃ jmi₄, ca₂jme₃jniá₂ Cristo co₂ráun₂ tan₅₄ bá₄ ia₁jaun₂ lé₂ le₃jjiá' ²dsáu₁ dsa₂ tē₂le₃ quian' ⁵⁴a₂ca₂jén' ²'ñiog₅. ²⁷Jaun₂ jui₁lia' ²co₂ráun₂ bá₄ ca₂tín₂ dsa₂ mi₂güig₃ dsiáin₃, jaun₂ cang₂ jaun₂ jiá₃ jmi₄ jě₁tě₃dsi₅₄ 'éi' ³, ²⁸ján₃ bá₄ le₂jaun₂, co₂ráun₂ tan₅₄ bá₄ ca₂jon₃ Cristo ia₁jaun₂ qui₃cán₂ dsáu₁ dsa₂ mi₂güig₃. Cang₂ guě₄ jaun₂ jme₃jniai₂₃ jě₁ca₂tě₂ táng₃, la₁ on₃jua' ⁵⁴'uig₅₄ dsáu₁ dsa₂, a₂ja₃lioin₅₄ jui₁lia' ²i₂qui₂le₁jñiog₅ bá₄.

10

¹Ia₁ Si₂ 'Éi' ³quió' ⁵Moisés ně₃, co₂'nió' ⁴caun₂ 'en' ²quió' ⁵a₂dse₃ a₂ja₃lé₂, on₃jua' ⁵⁴rě' ²a₂lia' ²lě₅ dsón' ². 'Uig₅₄ jaun₂, lia' ²o₁líg' ²jmi₄ tsá₃ tió' ⁵'Éi' ³jaun₂ jua' ⁵⁴a₂jme₃'ñiai₂₃ jui₁lia' ²dsa₂ i₂ja₂quián₃ ja₁con₂ Diú₄ tē₂le₃ quian' ⁵⁴a₂caun₂ qui₂jén' ³jmi₄ já' ²le₂jaun₂, lia' ²'í₂ ñi₂.

²Jua' ⁵⁴mei' ²guě₃ tió' ⁵le₂jaun₂, ċtsa₁ jme₁ma₂'ná₃ a₂jén' ³dsa₂ já' ²ne₄ Diú₄, lín' ²'nia' ²? Ia₁ tsá₃ ma₃'e₂ qui₂dsi₂jñi₅ dsí₅ dsa₂ dsáu₁ i₂jme₂ti₃ le₂jaun₂ jě₁ma₂ca₂rín' ²jme₂dsí₂ quió' ⁵.

³Tē₂le₃ qui₂dsau' ²dsí₅ bá₄ dsa₂ lia' ²'í₂ ñi₂ a₂jén' ²já' ²a₂qui₂rě₂cán' ⁴dso₄, ⁴ia₁ tsá₃ lé₂ jjiá' ²dsáu₁ dsa₂ jui₁lia' ²jmi₄ ca₁jui₅ quian' ⁵⁴jmi₄ chein₄ lau₂.

⁵'Uig₅₄ jaun₂, lia' ²con' ²jme₁ca₂'í₃ Cristo mi₂güig₃, ca₂juá' ²ca₂tsí' ³Diú₄:

Tsá₃ 'niog' ²a₂qui₃jén' ²dsa₂ já' ²ne' ⁵⁴,

on₃ guě' ²'niog' ²'e₂ jme₁cuě' ⁵dsa₂ 'ne₂.

La₁ ca₂jmo' ⁵⁴co₂jñia₅₄ quió₃

caun₂ ñi₄ dsa₂ mi₂güig₃.

6 Tsá₃ ca₂tě₂ 'au'₂ a₂qui₂dsín'₂ dsa₂ já'₂,
 on₃ guě₄ ca₂tě₂ 'au'₂ 'e₂ a₂qui₂ca₂cuě'₃ dsa₂ 'ne₂
 o₄quió'₄ dsáu₁ dsa₂.

7 'Uig₅₄ jaun₂ ca₂juá'₃:

“Jag₄, la₂ guio₃, jmo₅₄ a₂'ñio₂ 'au'₂ 'ne₂,

Diú₄ quiáng₃,

jui₁lia'₂ chi₁ton₅ ne₄ si₂ a₂rě₂bín₅,

a₂'ag₂₃ jniá₂.”*

8 Le₂'uig₅₄, juá'₂: “Tsá₃ 'nio₃ Diú₄ on₃ guě'₂ tě₅ dsí₅ a₂qui₃jén'₂
 dsa₂ já'₂ ne₅₄, on₃ guě'₂ jui₁lia'₂ a₂jme₁cuě'₅ dsa₂ Diú₄ o₄quió'₄
 dsáu₁ dsa₂”, (o₁jñia'₅₄ jén'₃ dsa₂ lia'₂ con'₂ qui'₅ 'Ēi'₃ a₂'nió'₅ jmo₃
 dsa₂).

9 Jaun₂ ně₃, cang₂ guě₄ jaun₂, juá'₂: “La₂ guio₃ jmo₅₄ a₂'ñio₂
 'au'₂ 'ne₂, Diú₄ quiáng₃.” Co₂'nió'₄ a₂juá'₂ ca₂dsia₃ cau₅ a₂le₂'uig₅₄
 jaun₂, ia₁jaun₂ ca₂chi'₃ jág₁ jě₁ca₂tě₂ táng₃.

10 'Uig₅₄ ia₁ a₂ca₂jmo₃ Jesucristo a₂'ñio₂ dsí₅ Diú₄ jaun₂,
 ma₂ca₂rě₃jñio₄ jniog₄ jme₁ca₂jén'₃ nñi₁₂ 'ñiog₅ co₂ráun₂ tan₅₄.

11 Caun₂ tión₂ bá₄ jme₂dsa₂ lia'₂ 'í₂ jmig₄ a₂qui₂jmo₂₃ ta₁ a₂lín₅,
 lia'₂ ma₂jmo₂₃ jaun₂ bá₄ a₂qui₂jén'₂ já'₂ 'lióng₂ ráun₂, ton'₂ tsá₃
 tió'₅ guě'₂ 'éin₂ dsáu₁ dsa₂.

12 La₁ Jesucristo ně₃, jme₁ma₂ca₂jén'₂ 'ñiog₅ co₂ráun₂ tan₅₄
 jaun₂ o₄quió'₄ dsáu₁ dsa₂, jaun₂ guě₄ ca₂guá₂ tě₂le₃ gu₂ ne₁ Diú₄.

13 Ja₁jaun₂ guá₅ chi₁jñia₂₃ ca₂lia'₂ ca₂jmo₃ Diú₄ co₂'nió'₄ caun₂
 ja₁chi'₃ tag₅₄ quian'₅₄ quió'₅ dsa₂ i₂'iog₅₄ quió'₅.

14 Ia₁ tě₂le₃ quian'₅₄ a₂ca₂jén'₂ co₂ráun₂ jaun₂, ca₂rě₃'ñia₅
 co₂tan₅₄ dsa₂ i₂lě₅ 'í₁ quiáin₅.

15 Ján₃ bá₄ le₂jaun₂ jáng'₅ jág₁ dsau₅ Jme₂dsí₂ Jñió₅. Ca₂juá'₂
 le₂'uig₅₄:

16 Jág₁ a₂jmo₅₄ jniá₂ a₂l'i'₅₄ quian'₅₄ dsa₂ 'éi₂

cang₂ jmig₄ jaun₂,

lé₂ le₂la₂, juá'₂ Te₁gui'₅₄.

Co₅₄ jniá₂ 'éi'₃ quió₃ tě₂dsí₅ dsa₂ 'éi₂.

Ján₃ bá₄ taun₅₄ jniá₂ ja₁'i₄ dsi₅₄ táng₃.†

17 Cang₂ guě₄ jaun₂ juá'₂ táng₃:

Lia'₂ o₁líg'₂ jmig₄ tsá₃ ma₃dsiog'₂ dsi₃ jniá₂

dso₄ a₂jme₁rě₂cáin'₄,

on₃ guě'₂ 'e₂ a₂'lig'₅₄ a₂ma₂jmo₃.‡

18 Jaun₂ ně₃, chi₂jua'₂ ma₂ca₂'en₃ dsáu₁ dsa₂, jaun₂ tsá₃ ma₂'e₂
 'nió'₅ jén'₃ guě₄ dsa₂ o₄quió'₄ dsáu₁.

Ma₃ jme₁quián₄ jniog₄ ja₁con₂ Diú₄

19 Jaun₂ lě₃, rín'₅₄ jniog₄, 'uig₅₄ ia₁ a₂ma₂lě₂ dsi₁tió'₄ jniog₄
 caun₂ bá₄ 'ei₅ dsi₅ ca₂tě₂ ja₁jñió₅ lín₃ guě₄ tě₂le₃ quian'₅₄ jmi₄

* 10:7 Salmo 40:6-8. † 10:16 Jeremías 31:33. ‡ 10:17 Jeremías 31:34.

Jesucristo, ²⁰ tē₂le₃ quian'₅₄ jui'₅ mī₂ jén'₃ a₂ca₂niá'₃ 'éi₂ nē₂jag₄ bá₄ tē₂le₃ quian'₅₄ 'mī'₂ cortina, co₂'nió'₄ le₃jua'₅₄ tē₂le₃ quian'₅₄ ni₁ñi₁₂ 'ñiog₅, ²¹ ján₃ bá₄ 'uig₅₄ ia₁ a₂chan₂ jme₂dsa₂ dsen₅₄ juin'₂ quián₂ jniog₄ i₂niog₅ gu₂ dsa₂ quián₅ Diú₄, ²² 'uig₅₄ jaun₂ nē₃, ma₃ jme₁quián₄ jniog₄ ja₁con₂ Diú₄ ca₂le₃jě₃ dsi₅ jniog₄, caun₂ bá₄ 'ei₅ dsi₅ a₂'éin₂, a₂tsá₃ ma₃'e₂ qui₂dsi₂jñi₅ dsi₅ jniog₄, nē₂jag₄ bá₄ a₂ma₂qui₂le₁chí₄ a₂ma₂qui₂le₁séi₂ dsi₅ jniog₄. Ján₃ bá₄ le₂jaun₂ co₂'nió'₄ a₂ma₂ca₂rín'₂ ni₁ñi₁ jniog₄ quian'₅₄ jmi₂g₂ le₁jě₃.

²³ Jui₁náu₂ jniog₄ tiá₂ a₂'éin₂, tsá₃ jui₁'éi₂ jniog₄ caun₂-tín₃ dsi₅ jui₁lia'₂ jág₁ a₂'ín₂ dsi₅. Ia₁ i₂rē₂tí'₅₄ bá₄ Diú₄ i₂ma₂cuē₃ jág₁ quió'₅.

²⁴ Ján₃ bá₄ jui₁'niog'₅₄ jniog₄ dsi₅ 'a₂ lia'₂ tion'₅₄ jniog₄ jág₁ rín'₅₄ le₂jau₂ le₂jau₂ a₂jme₁'nio₃ jniog₄ dsa₂, a₂jmo₁ jniog₄ a₂dse₃.

²⁵ Tsá₃ jui₁tí₄ jniog₄ a₂ñag'₂ jniog₄ co₂lē₅, jui₁lia'₂ ma₂tín₂ i₂lin₅₄, tē₂le₃ 'nió'₅ cuē'₅₄ jniog₄ bí₂ rín'₅₄ le₂jau₂ le₂jau₂, tē₂le₃ lě₅ guē₄ ia₁ ma₂léi₄ a₂ma₂ja₂quián₃ jmi₂g₂ jaun₂.

²⁶ Ia₁ nē₁jua'₂ a₂ta₁ dsi₅ jniog₄ caun₂ qui₂'niog₂ dso₄ tē₃ ma₂ne₅₄ jág₁ dsau₅, jaun₂ tsá₃ ma₂'e₂ cha₂ guē₄ jua'₅₄ lé₂ le₂jen'₄ jniog₄ o₄quió'₄ dsáu₁.

²⁷ Jñia'₅₄ lia'₂ a₂jaun₂ bá₄ 'ei₅ guē₄ a₂jñia₅ jniog₄ a₂'ei₅ gau₂ jē₁qui₃dsi₅ Diú₄ 'éi'₃, jui₁lia'₂ jē₁cau₂ si₂ a₂quión₃ i₂'iog₅₄ quió'₅ Diú₄.

²⁸ Jui₁lia'₂ dsa₂ i₂tsá₃ dsáu₅ dsí₅ 'Éi'₃ quió'₅ Moisés, tion₅₄ bá₄ jóin₂ tsá₃ o₂'én₂ dso₄ cha₂ quió'₅, 'uig₅₄ jág₁ dsau₅ a₂jáng'₅ on₃-ún₂.[§]

²⁹ Jaun₂ nē₃, ħ₂e₂ guē₄ uig₅ ca₂tín₂, lín'₂ 'nia'₂, jui₁lia'₂ dsa₂ i₂qui₂tsón'₁ Ja₁ñi'₅₄ Diú₄, jui₁lia'₂ dsa₂ i₂tsá₃ ji'₅₄ jmi₄ 'éi₂ a₂ca₂lí'₃ jág₁ a₂con'₂ ca₂chein'₃ 'éi₂, jui₁lia'₂ dsa₂ i₂tē₂'on'₂ Jme₂dsí₂ quián₅ Diú₄ i₂'ua₁ dsí₅?

³⁰ Ma₂ne₄ bá₄ jniog₄ a₂ca₂juá'₂ Te₁gui'₅₄: “Jniá₂ bá₄ ca₂tíng₂ 'ě₄ uig₅ dsa₂; ján₃ bá₄ jniá₂ qui₄.”* Con'₂ siá'₂ ca₂juá'₂: “Qui₃dsi₅ Te₁gui'₅₄ 'éi'₃ ja₁con₂ dsa₂ juig₂ quiáin₅.”†

³¹ ħ₂A₂gau₂ bá₄ jaun₂ a₂tián'₃ dsa₂ o₄gú₃ Diú₄ jén'₃!

³² La₁ dsá₂ 'au'₂ 'nia'₂ jmo₄ jmi₂g₂ le₂jñiá₅, lia'₂ con'₂ le₂'uig₅₄ jme₁ca₂rě₃ñi'₂ 'au'₂ 'nia'₂, ján₃ bá₄ 'a₂ lia'₂ juin'₂ 'au'₂ 'nia'₂ ca₂tiang'₃ ca₂gueng'₅₄ mī'₅₄ o₂i₁ dsi₅ quian'₅₄ uig₅ a₂ca₂i₃ñi₂g'₂.

³³ I₂lin₅₄ 'nia'₂ qui₂ca₂jñáu'₂ dsa₂ jág₁ qui₂ca₂jmo₂g'₂ tē₃jín₄ dsa₂ juig₂. I₂lin₅₄ guē'₂ ca₂jme₃quiong'₅₄ ca₂jme₃quiain'₅₄ dsa₂ i₂qui₂ca₂ñág₃ uig₅ le₂nē₅.

³⁴ 'Nia'₂ nē₃ ca₂dsia'₅₄ ñéi₂ 'au'₂ i₂jme₁tion'₅₄ né'₃ 'má₃. Ján₃ bá₄ ca₂jmo'₅₄ 'nia'₂ 'io'₂ ca₂tiang'₃ lia'₂ con'₂ jme₁qui₂ca₂jñiá'₂

§ 10:28 'Nio'₂ ja₁ton₅ Números 35:30; Deuteronomio 17:6.

* 10:30

Deuteronomio 32:35. † 10:30 Deuteronomio 32:36; Salmo 135:14.

dsa₂ le₃jě₃ 'e₂ a₂jme₁cha₂ quián'₂ 'nia'₂. Ia₁ ŋi'₅₄ bá₄ 'nia'₂ a₂cha₂ guei'₅₄ i₂juíg₃ caun₂ a₂dse₃ guě₄ a₂jio₅ co₂tan₅₄ a₂ca₂tíng'₂.

³⁵Jaun₂ lě₃, tsá₃ lě₁dsia₂ cau₅ a₂caun₂ 'ei₅ 'au'₂, ia₁ 'ŋio₅ lin₃ bá₄ quen₅ a₂quí₃ Diú₄ 'lia'₅₄ a₂'éng'₂.

³⁶Ia₁ 'nió'₅ quián'₂ 'nia'₂ a₂j mó'₂ tió'₃ 'au'₂, ia₁jaun₂ lé₂ le₃j mó'₂ 'nia'₂ a₂'ŋio₂ dsí₅ Diú₄, ia₁jaun₂ guéi'₁ 'nia'₂ a₂ma₂ca₂juá'₂ 'éi₂ cuě₃.

³⁷Ia₁ ŋi'₅₄ ta₁, 'ŋio₅ ŋi'₅₄ ta₁:

Jiá₃ i₂ma₂lě₅ jág₁ jiá₃,

tsá₃ le₃'iin₅₄.

³⁸La₁ dsa₂ i₂ŋi₅ jui₅ co₂rě₂ ia₁ a₂'éin₂,

'éi₂ bá₄ le₃chan₂.†

Jaun₂ nē₁juá'₂ dsi₂lein₃ le₃ca'₃,

tsá₃ dse₃ 'ag₃ dsi₃ jniá₂ quian'₅₄ 'éi₂.§

³⁹La₁ jniog₄ ně₃, tsá₃ tíong₂ quian'₅₄ dsa₂ i₂dsi₂len₃ le₃ca'₃ i₂qui₂dsi₂'én₂ quió'₅. Le₃jaun₂ bá₄ tíong₂ jniog₄ le₃quió'₅ dsa₂ i₂'én₂, jaun₂ le₂ně₅ bá₄ tín'₄ jme₂dsi₂ quián₂.

11

Jui₁lia'₂ a₂'én₂ dsa₂

¹Ně₃ ně₃, jui₁lia'₂ dsa₂ i₂'én₂ ně₃, caun₂ bá₄ 'ei₅ dsí₅ a₂gue₃ a₂jaun₂ a₂'ín₂ dsí₅; ján₃ bá₄ jáng'₅ léi₄ a₂'éin₂, a₂cha₂ tě₃dsón'₂ jui₁lia'₂ a₂tsá₃ jniá₂.

²Ia₁ le₂ně₅ bá₄ ca₂rě₃'én₂ dsa₂ can'₅₄ ma₂líg'₂, jaun₂ ca₂'ag₃ dse₃ Diú₄.

³Tě₂le₃ a₂'éin₂ bá₄ jniog₄, ŋág'₂ jniog₄ a₂ca₂jmo₃ Diú₄ bá₄ mi₂güí₃g, tě₂le₃ quian'₅₄ jág₁ quió'₅. Jaun₂ lě₃, jui₁lia'₂ a₂jniá₂ rě₂ně₃ ca₂lě₃ tě₂le₃ quian'₅₄ a₂tsá₃ jme₁rě₂jniá₂.

Tě₂le₃ a₂'én₂ dsa₂

⁴Tě₂le₃ a₂'én₂ bá₄ Abel,* ca₂jén'₃ ne₄ Diú₄ caun₂ a₂dse₃ guě₄ con'₂ guě₄ a₂ca₂jén'₃ Caín riin'₅₄. 'Uig₅₄ jaun₂ ca₂'ag₃ dse₃ Diú₄ co₂'nió'₄ dsa₂ dsen₃, lia'₂ con'₂ jme₁ca₂gue₃ a₂ca₂jén'₃ jaun₂. Jaun₂ ně₃, o₁jnia'₅₄ guě₄ ma₂rě₂jon₅₄ Abel, nē₂jag₄ bá₄ a₂caun₂ jáng'₅ jág₁ dsau₅ rě₂ně₃, ia₁ a₂ca₂rě₃'éin₂.

⁵Tě₂le₃ a₂'én₂ bá₄ Enoc,† ca₂ŋái'₃ mi₂güí₃g caun₂ tě₃ tsá₃ ca₂join₃, tsá₃ ma₂'ein₂ ca₂dsáu'₂ quió'₅, ia₁ Diú₄ bá₄ i₂ca₂tág₃ quió'₅. Ne₄ si₂ juá'₂ a₂ca₂'ag₃ dse₃ Diú₄ né'₃ guě₄ a₂tě₂, ia₁ lia'₂ con'₂ jme₁chain₂ ca₂jmo₃ a₂ca₂tě₂ dsí₅ Diú₄.

⁶La₁ia₁ lia'₂ o₁líg'₂ jmi₂g₄ tsá₃ lé₂ le₃jmo₃ dsa₂ a₂jme₂'ŋio₂ dsí₅ Diú₄ nē₁juá'₂ tsá₃ 'éin₂, ia₁ jui₁lia'₂ dsa₂ i₂'nio₃ jme₃quián₃ ja₁con₂

† 10:38 o₃, “La₁ tě₂le₃ quian'₅₄ a₂'én₂ bá₄ dsa₂ le₃chain₂, jág₂ Diú₄ nē₂jag₄ bá₄ dsa₂ dsen₃.” § 10:38 Habacuc 2:3-4. * 11:4 Abel: 'Nio'₂ ja₁ton₅ Génesis 4:4. † 11:5 Enoc: 'Nio'₂ ja₁ton₅ Génesis 5:18-24.

Diú₄, tion₅₄ 'nió'₅ le₃ 'éin₂ de'₂ a₂chan₂ Diú₄, ján₃ bá₄ 'nió'₅ le₃ 'éin₂ a₂quí₅ Diú₄ 'lian'₅₄ jui₁lia'₂ i₂ 'nau'₂ a₂dsen₅₄ dsí₅.

⁷ Tē₂le₃ a₂ 'én₂ bá₄ Noé,[†] lia'₂ con'₂ jme₁ca₂jmo₃ Diú₄ jág₁ 'e₂ niog₅ lé₂, jui₁lia'₂ a₂tsá₃ jniá₂ guē₄, ca₂tón'₃ bá₄ jui₅ a₂ca₂juá'₂ Diú₄, ca₂jmo₃ bá₄ ni₁barco ja₁lióin₃ le₂jio₅ dsa₂ dsi₂néi₂ quiáin₅ ně₃. Jaun₂ le₂nē₅ ně₂jag₄ bá₄ a₂ca₂quí₃dsi₂₃ 'éi'₃ ja₁con₂ dsa₂ mi₂güig₃, jaun₂ le₂nē₅ bá₄ ca₂tíin₂ a₂lió₂ Diú₄ co₂ 'nió'₄ dsa₂ dsen₃, tē₂le₃ a₂ 'éin₂ bá₄ ján₃.

⁸ Tē₂le₃ a₂ 'én₂ Abraham,[§] lia'₂ con'₂ jme₁ca₂tē₃ Diú₄, ca₂nág₂ bá₄. Ca₂o₃ 'ín₃ ca₂ 'í₃ jui₅ a₂dsó₃ ja₁juá'₂ Diú₄ cuē₃ caun₂ 'uē₃ a₂ca₂tíin₂ lé₂ quió'₅. Ca₂o₃ 'ín₃ 'uē₃ go₅₄ tē₃ tsá₃ ŋi₅ a₂já'₄ ŋó₃.

⁹ 'Uig₅₄ ia₁ a₂jme₁ 'éin₂, ca₂guá₂ gua'₅₄ 'uē₃ a₂ca₂juá'₂ Diú₄ cuē₃, co₂ 'nió'₄ a₂lín₅ dsi₂nau₂ jē₄ 'uē₃ siá'₂. Ca₂guá₂ tsi₁ 'né₅ a₂lē₅ quian'₅₄ tsi₁ 'mí'₂; ján₃ bá₄ le₂jaun₂ ca₂jmo₃ Isaac quian'₅₄ Jacob ně₃, ia₁ ján₃ bá₄ ca₂tíin₂ le₂jio₅ quian'₅₄ 'éi₂ a₂jme₁ca₂juá'₂ Diú₄ cuē₃.

¹⁰ Ia₁ jme₁chi₁ŋia₅ Abraham juig₂ ciudad jaun₂ a₂chí'₅ tiá₂, 'uig₅₄ ia₁ Diú₄ bá₄ i₂ca₂ 'náu'₃ dsí₅ jmo₃, ján₃ bá₄ i₂ca₂jmo₃g'₃.

¹¹ Já₃ bá₄ tē₂le₃ a₂ 'én₂ 'ŋiog₅ Sara,^{*} tē₃ ma₂guein'₂ a₂le₃chan₂ guein₂ quiáin₅, ca₂gue₃ bá₄ jui₅bí₂ a₂léin₂ chog₅₄ guein₂ ia₁ lín₂ i₂rē₂ti'₅₄ bá₄ Diú₄ i₂ma₂cuē₃ jág₁ quió'₅.

¹² Jaun₂ ně₃ Abraham, o₁ŋia'₅₄ a₂ma₂l₁jóin₂, ca₂rē₃chán₃ bá₄ guē₄ tsi₁jon₂ i₂juin₅ guē₄ lín₃ jui₁lia'₂ nei₅ a₂jniá₂ guei'₅₄ mi₂güig₃, jui₁lia'₂ mi₂tsag₄ a₂cha₂ chei'₅₄ jmi₁ŋi'₄ a₂tsá₃ lé₂ le₃ 'i₃ dsa₂.

¹³ Ca₂dsan₃ bá₄ le₃jín₃ 'éi₂ tē₃ tsá₃ ca₂gue₃ jui₁lia'₂ a₂jme₁ca₂juá'₂ Diú₄ cuē₃. La₁ia₁ jme₁ 'éin₂ bá₄, jaun₂ ně₂jag₄ bá₄ a₂ca₂jág₃ tē₂ uíng₂ a₂jaun₂ a₂ 'éin₂, tē₅ bá₄ dsí₅ a₂ca₂jág₃. Jaun₂ le₂nē₅ bá₄ ca₂jmo₃ jág₁ a₂lín₅ dsi₂nau₂ i₂con'₂ ca₂ŋi₅ mi₂güig₃ la₂.

¹⁴ Jaun₂ jui₁lia'₂ i₂dsia₅ jág₁ le₂nē₅, jáng'₅ léi₄ a₂i₂nioi₅₄ bá₄ guē₄ a₂qui₂'no'₂ caun₂ juig₂ jē₁tiain'₃.

¹⁵ Jua'₅₄ mei'₂ guē₃ caun₂ qui₂dsau'₂ bá₄ guē₄ dsí₅ gua'₅₄ 'uē₃ ja₁ca₂'u₁in₂, jme₁lé₂ bá₄ jme₁dsi₂lein₃ táng₃ ja₁jaun₂.

¹⁶ La₁ tē₂le₃ jme₁ 'ín₂ dsí₅ caun₂ 'uē₃ a₂dse₃ guē₄, co₂ 'nió'₄ a₂ 'ē₂₃ 'uē₃ a₂cha₂ guei'₅₄ i₂juig₃. 'Uig₅₄ jaun₂ tsá₃ o₂guí'₃ cán₂ Diú₄ a₂quiong₅ dsa₂ Diú₄ quián₅ dsa₂ 'éi₂, ia₁ ma₂ca₂jmo₃ co₂ŋia₅₄ caun₂ juig₂ ciudad quió'₅ 'éi₂.

¹⁷ Tē₂le₃ a₂ 'én₂ bá₄ Abraham, lia'₂ con'₂ jme₁ca₂caun₃ Diú₄ táu₂, ca₂jéin'₂ bá₄ Isaac[†] quiáin₅, ne₄ Diú₄. Jme₁ma₂chéin'₅ co₂ŋia₅₄ a₂jme₁ŋi₁'₃ ja₁ŋi'₅₄ i₂jan₂ tan₅₄ quiáin₅, ¹⁸ o₁ŋia'₅₄

[†] 11:7 Noé: 'Í₂ Génesis 6 - 9. § 11:8 Abraham: 'Í₂ Génesis 12 - 25. * 11:11 Sara:

'Í₂ Génesis 18:1-15; 21:1-7. † 11:17 Isaac: 'Í₂ Génesis 21 - 22.

jme₁ca₂juá'₂ Diú₄ cuag₃ a₂ca₂juá'₂: “Tě₂le₃ quian'₅₄ Isaac le₃chan₂ tsi₁jon₂ quiáng'₂.”†

19 Ca₂i₃jio₅ dsí₅ Abraham, a₂'io₅ Diú₄ jui₅bí₂ a₂jme₃jei₅₄ le₂jio₅ jin₄ 'lag₄. Jaun₂ dsón'₂ bá₄ ca₂guéin'₂ táng₃ ja₁ñi'₅₄, nē₂jag₄ bá₄ a₂ca₂jei₅₄ táng₃ jin₄ 'lag₄.

20 Tě₂le₃ a₂'én₂ Isaac, ca₂jme₃gu'₅₄ quió'₅ Jacob quiaín'₅₄ Esaú, ca₂cuē₃ jág₁ quió'₅ a₂cuē₃ Diú₄ a₂dse₃ tě₂le₃ ne₄ jui₅ jmig₄ a₂le₃chain₂.§

21 Ján₃ bá₄ tě₂le₃ a₂'én₂ Jacob,* jme₁ma₂ja₂quián₃ jóin₂, ca₂jme₃gu'₅₄ quió'₅ le₂jan₂ le₂jan₂ chi'₂ ja₁ñi'₅₄ José. Jaun₂ ca₂jme₃juin'₂ Diú₄, a₂chéin'₅ rē₂dsín₂ ne₄ 'ma₂'i₅₄ quió'₅.

22 Tě₂le₃ a₂'én₂ José,† lia'₂ con'₂ jme₁ma₂ja₂quián₃ jóin₂, ca₂juá'₂ ca₂'iin₃ dsa₂juig₂ Israelitas a₂'uín₃ cang₂guē₄ jaun₂ 'uē₃ Egipto, jaun₂ ca₂quio₂'éi'₃ 'e₂ 'nió'₅ jmo₃ dsa₂ quian'₅₄ ni₁mu₁₂.

23 Tě₂le₃ a₂'én₂ bá₄ chog₅₄-jme₂ Moisés, jme₁ca₂rē₃chán₃ 'éi₂, ca₂'mog₃ con'₂ 'ni₅ tsi'₂. Ia₁ ca₂jág₃ a₂'ñio'₂ guein₂ 'éi₂, tsá₃ jua'₅₄ ca₂ja₃gó'₃ 'a₂ lia'₂ lě₅ 'éi'₃ quió'₅ rag₅₄ a₂jñag'₃ quió'₅.‡

24 Tě₂le₃ a₂'én₂ bá₄ Moisés,§ lia'₂ con₂ jme₁ma₂lín₅ dsa₂ ma₂juin'₂, tsá₃ ca₂gue₃ quiong₃ dsa₂ ja₁ñi'₅₄ quián₅ ja₁míg₄ rag₅₄ quián₅ Egipto.

25 Co₂ñei'₅₄ guē₄ ca₂'náu'₃ dsí₅ ñág₃ uig₅ quiaín'₅₄ dsa₂ juig₂ quián₅ Diú₄, con'₂ guē₄ a₂le₃chain₂ o₂'ñi₃ dsí₅ ca₂tiá'₂ a₂'no₃ dso₄.

26 'Ñio₅ guē₄ quen₅, lín₂, a₂ñág₃ uig₅ a₂tě₃'o'₂ dsa₂, lia'₂ te₃'on'₂ i₂rē₂'ín₁ quián₅ Diú₄, con'₂ guē₄ quen₅ ca₂le₃jě₃ cu₄nióg₄ a₂rē₂'ma₄ 'uē₃ Egipto. Ia₁ 'liaín'₅₄ a₂cuē₃ Diú₄, co₂dsau₅ jaun₂ bá₄ ca₂jág₃.

27 Tě₂le₃ a₂'én₂ Moisés, ca₂o₃'iin₃ 'uē₃ Egipto,* tsá₃ ca₂rē₃gó'₅ a₂'ne₂ rag₅₄; ca₂nau₂ bá₄ tiá'₂ nē₂jag₄ bá₄ a₂jíin₂ Diú₄ i₂tsá₃ jniá₂.

28 Tě₂le₃ a₂'én₂ Moisés, ca₂jmo₃ Jmig₄ Tě₂'in₅₄,† ca₂tsáng₂ jmi₂ o₄'né₄ ně₃, ia₁jaun₂ i₂nio₅ ne₄ jme₃dsiain₂₃ jui₁lia'₂ chi'₂ dsa₂ ñe'₂ i₂le₂ne₁ quián₅ dsa₂, tsá₃ téin₂ gu₂-tag₅₄ chi'₂ i₂le₂ne₁ quián₅ dsa₂ juig₂ Israel.

29 Tě₂le₃ a₂'én₂ dsa₂ juig₂, ca₂ñí₃ Jmi₁ñí'₄ Guéin₂,‡ ne₄ 'uē₃ quein₂. La₁ lia'₂ con'₂ jme₁'nio₃ jmo₃ le₂jaun₂ dsa₂ juig₂ Egipto, ca₂dsain₃ bá₄, ca₂'in'₃ jmig₂.

30 Tě₂le₃ a₂'én₂ bá₄ dsa₂ israelitas, ca₂lia'₂ ca₂gon₃ ni₁'ia'₂ quió'₅ juig₂ Jericó,§ jme₁ma₂ca₂lě₃ i₂ni₅₄ guio₃ jmig₄ le₃lág'₃ quió'₅.

‡ 11:18 Génesis 21:12. § 11:20 'Í₂ Génesis 27. * 11:21 Jacob: 'Í₂ Génesis 48.

† 11:22 José: 'Nio'₂ ja₁ton₅ Génesis 50:24-26. ‡ 11:23 'Nio'₂ ja₁ton₅ Éxodo 2:1-10.

§ 11:24 Moisés: 'Í₂ Éxodo 2 - 11. * 11:27 Noé: 'Í₂ Génesis 6 - 9. † 11:28 Egipto,

Jmig₄ Tě₂'in₅₄: 'Í₂ Éxodo 12 - 13. ‡ 11:29 Ján₃ bá₄ chei₂ “Jmi₁ñí'₄ 'Ma₂ta₅,” § 11:30 Jericó: 'Í₂ Josué 6.

³¹ Ján₃ bá₄ tē₂le₃ a₂'én₂ 'io₅₄ Rahab* i₂jme₁'nag₅ quió'₅ ně₃, tsá₃ ca₂join₃ co₂lě₅ quiaín'₅₄ dsa₂ i₂tsá₃ ca₂né'₂, † ia₁ ca₂guein₃ bá₄ rē₂ dsa₂ israelitas i₂jme₁i₂nio₄ tiog₅.

³² ¿'E₂ guē₄ juá'₄ jniá₂? Tsá₃ jē₄ jmig₄ jua'₅₄ juá'₄ jniá₂ a₂'ing₄ Gedeón, † quian'₅₄ Barac, § Sansón, * Jefté, † David, † Samuel, § quian'₅₄ dsa₂ i₂jme₁'ē₂ jág₁ quián₅ Diú₄ ně₃.

³³ Tē₂le₃ a₂'én₂ bá₄ ján₃, ca₂lí'₃ jui₂g₂ siá'₂ ja₁gon₂ rag₅₄, rē₂ bá₄ ca₂qui₃dsi₂₃ 'éi'₃ ně₃, ján₃ bá₄ ca₂'ió'₃ a₂ca₂jme₃'o₅₄ Diú₄ con'₂ lě₅ jág₁ a₂ca₂cuē₃ a₂jme₃'o₅₄. Ján₃ bá₄ le₂ně₅ ca₂jnéi₃ i₂lin₅₄ 'o₄ dsi₂'ia'₂, ³⁴ ca₂ei₃ si₂ cau₂ ca₂jo'₅₄, qui₂ca₂lón₂ i₂lin₅₄ a₂jme₁dsiáin₃ quian'₅₄ 'o₄ ŋi₁tág₂ ně₃. Ján₃ bá₄ le₂jaun₂ ca₂quín'₃ bí₂ dsa₂ 'uan₅₄ ca₂jme₃'uáin'₃, ján₃ bá₄ ca₂rē₃béin₂ quín'₂ ja₁nio₅ 'nei₂, jaun₂ ca₂tió'₃ bá₄ jme₁ca₂quín'₂ quian'₅₄ 'lióg₂ dsa₂ i₂'iog₅₄ quió'₅. ³⁵ Ján₃ bá₄ le₂ně₅ chan₂ dsa₂ mí₂ ca₂guein₃ táng₃ 'lag₄ quiáin₅ jme₁ca₂jein'₅₄ táng₃. I₂sián'₂ guē'₂ qui₂ca₂jmóg'₂ dsa₂, la₁ tsá₃ ca₂gue₃ a₂lióin₂, ia₁jaun₂ tiin₅₄ a₂jein'₅₄ a₂le₃chain₂ guē₄ dse₃. ³⁶ I₂sián'₂ guē'₂ ca₂ŋág₃ le₃jě₃ jág₁ qui₂ca₂jnáu'₂ dsa₂ qui₂ca₂bóg₂ dsa₂; ca₂lia'₂ ca₂'nei'₂ dsa₂ quian'₅₄ ŋí₁ cadenas, ca₂to'₂ dsa₂ ně₃ 'má₃ ně₃. ³⁷ I₂lin₅₄ guē'₂ ca₂dsan₃ qui₂ca₂jnáu'₂ dsa₂ cang₄, i₂sián'₂ ně₃ ca₂ti₃ dsa₂ ca₂'nói₁ quian'₅₄ ŋí₁ chi₁jan₁, * ca₂jme₃dsiog₅ dsa₂ quian'₅₄ ŋi₁tág₂ ně₃. Qui₂i₂nioi₁₂ i₁jnai'₅₄ a₂la₂-ó₃ le₁qui'₂ jmá'₃ ni₁lo₄ já'₂ cha'₂ quian'₅₄ ni₁lo₄ chein₄ lau₂ ně₃; tē₂ŋéi₂, tsá₃ dse₃ qui₂le₁'ág₄ dsí₅, ján₃ bá₄ qui₂ca₂jmóg'₂ dsa₂. ³⁸ Tsá₃ lé₂ le₃jua'₅₄ jua'₅₄ jme₁ca₂tín₂ dsa₂ mi₂güig₃ le₃chan₂ dsa₂ 'éi₂ quiong'₅₄. Jme₁i₂nioi₅₄ 'uē₃ co₂'ŋiog₅, le₂con₂ má'₂ ně₃, né'₃ cang₄ tē₂'lau₂, né'₃ tau₂ a₂niog₅ né'₃ 'uē₃ ně₃.

³⁹ Le₃jín₃ dsa₂ 'éi₂, ca₂'ag₃ Diú₄ dse₃ 'uig₅₄ ia₁ a₂'én₂, la₁ia₁ tsá₃ ca₂'ió'₃ a₂jme₁ca₂juá'₂ Diú₄ cuē₃. ⁴⁰ Jme₁ma₂i₃jio₅ dsí₅ Diú₄ jmo₃ co₂jŋia₅₄ caun₂ a₂dse₃ guē₄ quián₂ jniog₄, ia₁jaun₂ tsá₃ le₃'ŋia₅ dsa₂ 'éi₂ jua'₅₄ tsá₃ le₃'ŋiai₂₃ co₂lě₅ quian'₅₄ jniog₄.

12

Jin₄ jniog₄ Jesús

¹ Jaun₂ lě₃, ia₁ ŋí₄ lě₃ juin₅ dsa₂ qui₂le₁lio₃ jniog₄ i₂ma₂ca₂jme₃jnia₅ a₂'éin₂, jaun₂ dsiá₁ jniog₄ cau₅ ca₂le₃jě₃ lio₅₄ a₂jmo₅ jnág₅ quián₂, ján₃ bá₄ le₂ně₅ ju₁lia'₂ dso₄ a₂qui₂nió₅ jniog₄ ně₃, jaun₂ dsau₅₄ jniog₄ ne₄ ju₁i₅ a₂juin'₂ dsi₅, ně₂jag₄ bá₄ a₂i₂nio₄ co₂chi'₅₄ a₂tián'₅ jág₁ rin'₅₄.

* **11:31** Rahab: 'Í₂ Josué 2:1-21; 6:25; Mateo 1:5; Santiago 2:25. † **11:31** o₃, “dsa₂ i₂tsá₃ ca₂rē₃'én₂.” ‡ **11:32** Gedeón: 'Í₂ Jueces 6 - 7. § **11:32** Barac: 'Í₂ Jueces 4 - 5. * **11:32** Sansón: 'Í₂ Jueces 13 - 16. † **11:32** Jefté: 'Í₂ Jueces 11 - 12. ‡ **11:32** David: 'Í₂ 1 Samuel 16 - 31 quian'₅₄ 2 Samuel. § **11:32** Samuel: 'Í₂ 1 Samuel.

* **11:37** A₂lin₅₄ chog₅₄ si₂ chi₁ton₅ ján₃: “ca₂cán₃ dsa₂ táu₂.”

² Jaun₂ ně₃, né₄ jniog₄ Jesús, i₂ca₂niá₃ jui₅ a₂éin₂ jniog₄, ján₃ bá₄ i₂jme₂'ñia₅ a₂éin₂ jniog₄. Ca₂jmo₃ 'éi₂ tió'₃ dsí₅ ne₄ cróg₄, tsá₃ ca₂tón'₃ jui₅ a₂o₂guí'₃ a₂ca₂can₃, ia₁ jme₁ma₂ñi₅ bá₄ a₂cán₂ o₂'ñi₃ dsí₅ a₂'io'₂ jén'₅ cang₂ guě₄ jaun₂. Jaun₂ ně₃, ca₂guá₂ tē₂le₃ gu₂ ne₁ ne₄ta₁ quió'₅ Diú₄.

³ 'Nió'₂ 'nia'₂ 'au'₂ jaun₂, 'a₂ lia'₂ ca₂jmo₃ Jesús: ca₂jmo₃ tió'₃ dsí₅ mi'₅₄ a₂ca₂dsia₃ dsa₂ i₂qui₂rē₂cán'₄ dso₄, ja₁coin₂, ia₁ con'₂ tsá₃ ñó₅ ně₁jua'₂ ca₂'ong'₃ 'nia'₂, ca₂lia'₂ ca₂'uáng'₂.

⁴ Ia₁ tsá₃ guě₄ 'ein₂ ma₂qui₂ca₂quín'₂ 'nia'₂ ca₂lia'₂ ca₂tang₂ jmi₂ 'an'₅₄ 'nia'₂ quian'₅₄ mi'₅₄ a₂jmo'₂ quian'₅₄ dsáu₁.

⁵ Jaun₂ ma₂ca₂'en₃ bá₄ 'au'₂ 'nia'₂ jág₁ a₂ma₂chi₂ca₂léi'₁ Diú₄ jui₁lia'₂ jan₂ chi'₂-guein₂ quiáin₅. Le₂la₂ juá'₂ ne₄ Si₂:

Tsá₃ lē₁o₁le₅₄, jón₃,

jua'₅₄ tsá₃ ton'₅₄ 'ne₂ jui₅
jme₁chei'₅ Te₁gui'₅₄ caun₂ jui₅ dse₃,
on₃ guě'₂ tsá₃ lē₁o₁'ag₅₄ i₁tín₄ 'au'₂
jme₁cuē₂₃ uig₅.

⁶ Ia₁ jme₂rě₃ Te₁gui'₅₄ jui₅
quió'₅ jui₁lia'₂ i₂'nioi₃,
ján₃ bá₄ cuē₂₃ uig₅ quió'₅ ca₂le₃jín₃ i₂guein₂₃
jui₁lia'₂ jan₂ chi'₂-guein₂ quiáin₅.^{*}

⁷ Tiang'₃ 'nia'₂ jmo₄ ca₂le₃jě₃ uig₅ a₂ñag'₅₄, ia₁ le₂jaun₂ jme₂tag₅ Diú₄ jme₂tiñ₂₃ 'nia'₂ jui₁lia'₂ jan₂ chi'₂-guein₂ quiáin₅. ¿Ein₂ bá₄ ja₁ñi'₅₄ chan₂ i₂tsá₃ jme₂tag₅ jmei₂?

⁸ Chei'₅ Diú₄ caun₂ jui₅ rē₂ chein'₂₃ ca₂le₃jín₃ chi'₂-guein₂ quiáin₅. Jaun₂ ně₃, jua'₅₄ mei'₂ guě₃ Diú₄ tsá₃ chein'₂₃ 'nia'₂ caun₂ jui₅ dse₃, tsá₃ lé₂ le₃jua'₅₄ a₂lín'₅ 'nia'₂ chi'₂-guein₂ quiáin₅ tē₂dsón'₂, jñia'₅₄ lia'₂ a₂jaun₂ bá₄ lín'₅ 'nia'₂ jui₁lia'₂ jan₂ chi'₂-guein₂ i₂lē₁ca₂rě₃chán₃.

⁹ Ján₃ bá₄ le₂jaun₂ jniog₄ ně₃, lia'₂ con'₂ jme₁lág₄ jniog₄ guein₂, jme₁tē₂jí₂ chog₅₄-jmei₂ jniog₄ i₂chan₂ gua'₅₄ 'uě₃. Jaun₂ jme₁jme₂gain₃ bá₄ jniog₄ ně₃. ¿Tsa₁ dse₃ néi₁ jniog₄ gau₂ ja₁con₂ Diú₄? Tē₂le₃ 'ē₂ guě₄ 'nió'₅ jme₁gan₃ bá₄ jniog₄ Diú₄ jmei₂ jniog₄ tē₂le₃ quió'₅ jme₂dsí₂, ia₁jaun₂ le₂ně₅ bá₄ le₃chong₂.

¹⁰ Jme₁ca₂cuē₃ ca₂tiá₂ uig₅ chog₅₄-jmei₂ jniog₄ i₂chan₂ gua'₅₄ 'uě₃, lia'₂ con'₂ lē₅ ca₂i₃jio₅ dsí₅ a₂dse₃. La₁ia₁ Diú₄ ně₃ cuē₂₃ jniog₄ uig₅ a₂dse₃ quián₂ jniog₄ guio₅₄, ia₁jaun₂ quein'₅₄ jniog₄ a₂jñi₃ a₂lín₅ 'éi₂.

¹¹ Dsón'₂ bá₄ jaun₂, lia'₂ 'i₁caun₂ uig₅ tsá₃ tē₅ dsí₅ jniog₄, tē₂le₃ 'ñio₅ uig₅ bá₄ lág₂ jniog₄. La₁ia₁ cang₂ guě₄ jaun₂, jui₁lia'₂ i₂rē₂tiñ₂ tē₂le₃ quian'₅₄ uig₅ a₂ñág₅, ně₂jag₄ bá₄ caun₂ ni₁'ma₂ a₂le₁'ág₄ mīg₂ dse₃, léi₄ bá₄ rē₂jniá₂ tē₂le₃ 'a₂ lia'₂ dse₃ chain₂ 'ei₅ tei₄ dsí₅.

* 12:6 Proverbios 3:11-12.

A₂go'₂ a₂tí₁ dsa₂jág₁ quió'₅ Diú₄

12 'Uig⁵⁴ jaun₂ chog'⁵⁴ 'nia'₂ táng₃ gog'₂ a₂qui₂le₁ta'⁵⁴, ján₃ bá₄ chí'₁ táng₃ 'nia'₂ tiá₂ mi₂jne'⁵⁴ a₂jlen⁵.

13 “Jmo₄ 'nia'₂ caun₂ jui₅ dsau₅ quió'₅ mi₂tag'⁵⁴ guiong'⁵⁴,”†
ia₁jaun₂ tsá₃ 'e₂ qui₃nió₃ i₂sián'₂ ju₁lia'₂ i₂guian'⁵⁴, tē₂le₃ 'lói₂n₂ bá₄.

14 Quen'₂ 'nia'₂ bí₂ a₂i₁nio'₄ 'nia'₂ 'ei₅ tei₄ quian'⁵⁴ ca₂le₃jín₃,
a₂le₃chan'₂ 'nia'₂ jñi₅ó₅ ně₃. Ia₁ ca₂lia'₂ 'i₁jan₂ tsá₃ lé₂ le₃jín₃
Te₁gui'⁵⁴ ně₃jua'₂ tsá₃ jñi₅ó₅.

15 Quion₂ 'nia'₂ 'í₁ ia₁jaun₂ ca₂lia'₂ 'i₁jan₂ jua'⁵⁴ a₂tsá₃ tñin₃
a₂jme₃gu'⁵⁴ Diú₄ a₂'ua₁ dsí₅, ia₁jaun₂ tsá₃ 'iá₃ jñin'₄ 'nia'₂ co₂'nió'₄
caun₂ tsin₅ ni₁nau₂ dsi'₃ jmo₅ jan₂ i₂quian₅ o₂me'⁵⁴ dsi₅ jmo₅
dain⁵⁴ a₂rē₂'lin'⁵⁴ juin⁵.

16 Jmo₄ 'nia'₂ 'í₁ ia₁jaun₂ tsá₃ 'ein₂ 'nia'₂ i₃nio₄ lia'₂ con'₂ lē₅
mi₅ ni₁ñi₁₂, on₃ guē'₂ i₃nioi⁵⁴ jua'⁵⁴ a₂tsá₃ tón'₂ jui₅ jág₁ quió'₅
Diú₄. Le₂nē₅ bá₄ ca₂jmo₃ Esaú.[‡] O₄quió'₄ caun₂ má₃ bá₄ ca₂'nag₃
ca₂le₃jě₃ a₂jme₁ca₂tñin₂ a₂líin₅ chí'₂ dsa₂ ñe'₂ i₂ne⁵⁴.

17 Ma₂ñi'⁵⁴ bá₄ 'nia'₂, cang₂ guē'₄ jaun₂ lia'₂ con'₂ jme₁'nio₃
táng₃ Esaú gue₃ a₂jme₁ca₂tñin₂, a₂jme₃gu'⁵⁴ jmei₂, tsá₃ ca₂guēi'₂
jmei₂. Jaun₂ ně₃, tsá₃ ma₃ca₂dsó'₂ 'a₂ lia'₂ tñin'₄ táng₃ ju₁lia'₂
a₂jme₁ca₂tñin₂, o₁jñia'⁵⁴ ca₂'náu'₃ 'ñio₅ lin₃ ca₂le₃jě₃ ca₂'o₃.

18 Quion₂ 'nia'₂ 'í₁ jaun₂ ně₃, ia₁ on₃jua'⁵⁴ a₂ma₂ca₂jme₁quián'₄
'nia'₂ má'₂ ñei₅ jaun₂ a₂jniá₂, a₂cau₂ quian'⁵⁴ si₂, ja₁lě₄ qui₁né'₃
'ei₅ nei₂, dsí₂ ně₃, qui₁lě₂ gau₂ 'ñio₅ lin₃.

19 On₃ guē'₂ ca₂ñei'₂ 'nia'₂ a₂i₂'ein⁵⁴ ñí₁ trompeta, on₃ guē'₂ jág₁
quió'₅ Diú₄ a₂juá'₂ jág₁ gau₂ tsí'₅ dsa₂ 'éi₂, ca₂lia'₂ i₂ca₂nág₂ jág₁
jaun₂ ca₂mi₃ a₂tsá₃ ma₂juá'₂ 'éi₂ jág₁.

20 Ia₁ tsá₃ jme₁tíó'₅ nag₃ 'éi'₃ quió'₅ Diú₄ a₂juá'₂: “Ně₃jua'₂ jan₂
já'₂ ca₂'ě₃ má'₂ jaun₂, 'nió'₅ jóin₂ qui₃dsag₅ dsa₂ cang₄.”§

21 'Uig⁵⁴ ia₁ a₂ñí₁₄ lě₃ gau₂ a₂jniá₂ ja₁jaun₂, ca₂lia'₂ ñiog₅ Moisés
ca₂juá'₂, “'Ñio₅ lin₃ jlen₅ jniá₂ a₂gós.”*

22 La₁ia₁ 'nia'₂ ně₃, ma₂ca₂jme₁quián'₄ Má'₂ Sión, co₂'nió'₄
Jerusalén a₂niog₅ guei'⁵⁴ i₂juíg₃, ciudad quió'₅ Diú₄ jén'₃.
Ma₂ca₂jme₁quián'₄ 'nia'₂ ja₁con₂ 'líong₂ lin₃ mei₅ ángeles i₂ñi'₂
jmo₂₃ 'io'₂.

23 Ma₂ca₂jme₁quián'₄ 'nia'₂ ja₁con₂ dsa₂ i₂tion'⁵⁴ lo'₂
a₂jme₃juin'₂ Diú₄, quian'⁵⁴ ca₂le₃jín₃ chí'₂-guein₂ quián₅ Diú₄
i₂ca₂tñin₂ ca₂le₃jě₃ lia'₂ jē₁ca₂tñin₂ ja₁ñi'⁵⁴ i₂ne⁵⁴, i₂ma₂qui₂le₂ton₅
guei'⁵⁴ i₂juíg₃. Ma₂ca₂jme₁quián'₄ 'nia'₂ ja₁con₂ Diú₄ i₂qui₃dsi₅
'éi'₃ quió'₅ ca₂le₃jín₃, ja₁con₂ jme₂dsí₂ quió'₅ dsa₂ dsen₃

† 12:13 Proverbios 4:26. ‡ 12:16 Esaú: 'Í₂ Génesis 25:27-34. § 12:20 Éxodo

19:12-13. * 12:21 Deuteronomio 9:19.

i₂ma₂qui₂le₁'ñia₅, ²⁴ quian'₅₄ ja₁con₂ Jesús i₂chén'₅ ne₄ jág₁
'mí₂ a₂l₁'₅₄ quian'₅₄ Diú₄, quian'₅₄ ja₁con₂ jmi₂ a₂rē₃séi₂, a₂quen₅
guē₄ a₂jáng'₅ léi₄ a₂'ua₁ dsi₅ con'₂ guē₄ quen₅ jmi₄ Abel.

²⁵ Jmo₄ 'nia'₂ 'í₁ a₂tsá₃ jmó'₂ 'nia'₂ jua'₅₄ tsá₃ guén'₄ 'nia'₂
Diú₄ i₂juá'₂ tsá₃ jniog₄. Ia₁ chi₂jua'₂ tsá₃ ca₂lón₂ jui₁lia'₂ i₂tsá₃
ca₂guén'₂ i₂'éi₂ i₂ca₂'ē₂ jág₁ gua'₅₄ 'uē₃ la₂, 'ē₂ guē₄ bá₄ jniog₄ tsá₃
lé₂ le₃lió₂, nē₁jua'₂ tsá₃ ca₂guén₄ jniog₄ i₂juá'₂ tē₂ guei'₅₄ i₂juí₃.

²⁶ Jmí₄ jaun₂, ca₂i₁bi₅₄ 'uē₃ jme₁ca₂juá'₂ Diú₄. La₁ia₁ rē₂nē₃
nē₃, ma₂cuē₃ jág₁ quió'₅, a₂juá'₂: “jmo₅₄ guē₄ jniá₂ con'₂
siá'₂ a₂dsi₃bi₅₄, la₁ia₁ on₃jua'₅₄ jmá'₃ gua'₅₄ 'uē₃, le₂jio₅ guei'₅₄
dsi₂güig₂ bá₄ ján₃.”†

²⁷ Jui₁lia'₂ a₂juá'₂, “con'₂ siá'₂”, dsi₂jein₃ jág₁ a₂jniá'₂ ca₂le₃jē₃
a₂jniá₂ a₂dsi₂bi₅₄ a₂lé₂ qui₂le₃jnia'₃, ia₁jaun₂ tē₃gua₄ co₂tan₅₄
a₂tsá₃ lé₂ dsi₃bi₅₄, on₃ guē'₂ lé₂ le₃jnia'₃.

²⁸ Jaun₂ 'uig₅₄ ia₁ a₂tsá₃ ma₃lé₂ qui₂dsi₃bi₅₄ ja₁gon₂ Diú₄,
ja₁cuē₃ jniog₄, jaun₂ cuē'₅₄ jniog₄ ti₁'mag'₄ jaun₂ nē₃, o₄quió'₄
ca₂le₃jē₃ a₂la₂, jme₁ti₁ jniog₄ ne₄ Diú₄ nē₃ 'a₂ lia'₂ 'ñio₂ dsí₅,
jme₁'nió₄ jniog₄ Diú₄ a₂'ei₅ gau₂ dsi₅ jniog₄.

²⁹ Ia₁ lín₅ Diú₄ quián₂ jniog₄ lia'₂ lē₅ caun₂ si₂ a₂'éin₂ le₃jē₃.‡

13

'A₂ lia'₂ jmo₃ a₂tē₅ dsí₅ Diú₄

¹ Tsá₃ lē₁tí₅ 'nia'₂ a₂'nióg'₃ le₂jang'₂ le₂jang'₂ jui₁lia'₂ ríng'₂
'nia'₂.

² Tsá₃ jui₁dsi₂'én₂ 'au'₂ 'nia'₂ a₂guéng'₄ dsi₂néi₂ quiáng'₂ jui₁lia'₂
dsa₂ i₂chan₂ ja₁siá'₂, ia₁ le₂nē₅ bá₄ ma₂jmo₃ i₂lín₅₄ ma₂ca₂guein₃
ángles tē₃ tsá₃ lí₄.

³ Dsau'₂ 'au'₂ 'nia'₂ jmo₄, jui₁lia'₂ dsa₂ i₂tion'₅₄ né₃ 'má₃, nē₂jag₄
bá₄ a₂tion'₅₄ 'nia'₂ guiong'₅₄ co₂lē₅ quiaín'₅₄. 'Nio'₂ 'au'₂ jui₁lia'₂
i₂ñí₄ lē₃ qui₂ma₂jmóg'₂ dsa₂, ia₁ ján₃ bá₄ dsa₂ chi₁dsán'₃ bá₄ 'nia'₂
i₂lé₂ le₃ñág₃ uig₅.

⁴ Jui₁jme₂gó'₃ bá₄ le₃jín₃ jui₁lia'₂ a₂jén'₂ dsa₂ gu₂, ján₃ bá₄
jui₁le₅₄ bá₄ 'í₁ jui₁lia'₂ ja₁tian'₃ dsi₂i₂gu₂ co₂lē₅, ia₁ qui₃dsi₅ bá₄
Diú₄ 'éi'₃ ja₁con₂ dsa₂ i₂qui₂'no₅ dso₄, jui₁lia'₂ i₂nió'₅ jág₁ quian'₅₄
i₂sián'₂ on₃jua'₅₄ dsi₂i₂gu₂.

⁵ Tsá₃ jui₁chan'₂ 'nia'₂ a₂qui₂chi₁'ñeg'₁ 'nia'₂ jua'₅₄ a₂ñí₄ lē₃ 'ín₅
'au'₂ 'nia'₂ cu₄. Dsau₅ 'au'₂ 'nia'₂ jmo₄ lia'₂ con'₂ tí₅ a₂cha₂ quián'₂
'nia'₂, ia₁ ma₂ca₂juá'₂ Diú₄:

lia'₂ o₁líg'₂ jmí₄ tsá₃ tón₂ jniá₂ 'nia'₂,

on₃ guē'₂ tén₄ jniá₂ 'nia'₂.*

⁶ Jaun₂ nē₃ lé₂ le₃jua'₅₄ a₂ma₂'ei₅ caun₂ dsi₅:

† 12:26 Haggeo 2:6. ‡ 12:29 Deuteronomio 4:24. * 13:5 Deuteronomio 31:6.

Te₁gui'₅₄ bá₄ i₂jme'₂o₅₄ jniá'₂;
tsá₃ gó₅ jui₁lia'₂ 'e₂ lé₂ le₃jmóg'₂
dsa₂ mi₂güí₃.†

7 Dsa₂ 'au'₂ 'nia'₂ jmo₄, jui₁lia'₂ dsa₂ i₂ma₂jio₃ ne₄ jui₅, i₂ma₂juá'₂ já₁ quió'₅ Diú₄ ca₂tsí'₃ 'nia'₂. Quion₄ 'nia'₂ 'í₁ 'a₂ lia'₂ lě₅ ca₂dsióg₃ jui₅ a₂chan₂ dsa₂ 'éi₂, jaun₂ 'én'₄ 'nia'₂ jui₅ jaun₂ jui₁lia'₂ 'én₂ 'éi₂.

8 Lia'₂ ma₂lín₅ jaun₂ bá₄ Jesucristo, dsióg₂, jmig₄ ně₃, lia'₂ con'₂ tan₅₄ bá₄ lín₅.

9 Tsá₃ lě₁cuē₂ 'nia'₂ jmig₄ jua'₅₄ jio₃ i₂sián'₂ i₂jme₂tag₅ 'lióng₂ ne₅₄ juá'₅ siá'₂, a₂tsá₃ lě₅ con'₂ lě₅ juá'₂ já₁ quió'₅ Diú₄. Co₂nei'₅₄ guē₄ dse₃ a₂gue₃ tē₂dsi₅ jniog₄ jui₅bí₂ tē₂le₃ quian'₅₄ a₂'ua₁ dsí₅ Diú₄, con'₂ guē₄ tē₂le₃ quian'₅₄ 'éi'₃ jui₁lia'₂ 'a₂ lia'₂ 'nió'₅ guē₃ dsa₂. Ia₁ tsá₃ ta₁ tí₄ 'éi'₃ jaun₂ jua'₅₄ a₂jme₃'o₅₄ quió'₅ jui₁lia'₂ dsa₂ i₂i₂nio₄ le₂jaun₂.

10 La₁ia₁ cha₂ bá₄ caun₂ ne₄chei₂ quián₂ jniog₄ ja₁tsá₃ ca₂tín₂ guē₃ jui₁lia'₂ i₂jme₂tí₃ ta₁ guá'₅ tabernáculo.

11 Ia₁ ne₄ bá₄ jniog₄, a₂dsi₂can₅ jme₂dsa₂ dse₅₄ jmi₄ já'₂ dsi₂néi₂ ja₁jnió₅ lín₃ guē₄, a₂jén'₄ o₄quió'₄ dsáu₁ dsa₂. La₁ia₁ ni₁ni₄ já'₂ 'éi₂ qui₂dsí'₂ dsa₂ 'ni'₂ ja₁tián'₄ dsa₂ juig₂ Israel.

12 Ján₃ bá₄ le₂jaun₂ ca₂ňág₃ Jesús uig₅ 'ni'₂ juig₂, ia₁jaun₂ qui₂jme₃jnió₃ dsa₂ juig₂ quián₅ tē₂le₃ quian'₅₄ jmi₄ 'ňiog₅.

13 Dsi₁náu₄ jniog₄ jaun₂ ně₃ ja₁con₂ Jesús, co₂'nió'₄ cau₅ ja₁tión₂ dsa₂ juig₂ Israel, a₂quian₂ jniog₄ o₂gui'₃ o₄quió'₄ Jesús.

14 Ia₁ mi₂güí₃ la₂, 'i₁caun₂ juig₂ tsá₃ cha₂ quián₂ jniog₄ jua'₅₄ a₂jio₃ co₂tan₅₄, la₁ a₂jaun₂ bá₄ 'ňiog'₂ jniog₄ ciudad jaun₂ a₂ně₃ guē₄ jiá₃.

15 Tē₂le₃ quian'₅₄ Jesucristo jaun₂ ně₃, ma₃ jme₁juin'₂ jniog₄ Diú₄ co₂tan₅₄, co₂'nió'₄ a₂jen'₄ jniog₄ ne₄ 'éi₂ já₁ a₂'uē'₂ mi₂'o₄ jniog₄ con'₂ dsi₂ten₅₄ jmo₃ dsa₂ i₂tión₂ le₃quió'₅ 'éi₂.

16 Ján₃ bá₄ tsá₃ o₁ló₄ dsi₂'én₂ 'au'₂ 'nia'₂ a₂dse₃ a₂qui₁cuē'₅₄ 'nia'₂ ca₂la₂ ríng'₂, 'e₂ a₂cha₂ quiáng'₂. Ia₁ jui₁lia'₂ a₂jen'₅₄ 'nia'₂ le₂jaun₂ bá₄ a₂tē₅ dsí₅ Diú₄.

17 Né'₂ 'nia'₂ jmo₄ ja₁con₂ jui₁lia'₂ i₂quian₅ ne₄ jui₅, jme₁gan₃ 'nia'₂ 'éi₂. Ia₁ jmo₂₃ 'í₁ jme₂dsí₂ quián'₂ 'nia'₂, a₂lín₅ dsa₂ i₂ca₂tín₂ dsi₃jang'₅₄ cuenta ja₁con₂ Diú₄. Jui₁le₅₄ bá₄ dse₃ ta₁ a₂niog₅ gu₂ 'éi₂ ia₁jaun₂ jmo₃ 'io'₂, on₃jua'₅₄ 'lia'₂ dsí₅, ia₁ tsá₃ ta₁ tí₄ ja₁con₂ 'nia'₂ ně₁jua'₂ le₂jaun₂ ca₂'lia'₂ dsí₅.

18 Chi₁len'₄ 'nia'₂ Diú₄ o₄quián₂ jnia'₅₄, ia₁ caun₂ bá₄ 'ei₅ dsi₅ jnia'₅₄ a₂qui₂le₁jě₃ jme₂dsi₂ quián₂, ia₁ 'niog₂ bá₄ jnia'₅₄ qui₂i₁nio₁ lia'₂ dsi₂ten₅₄ jě₄ ca₂le₃jě₃.

19 Ja₂lin₃ guě₄ dsen₅₄ mi₅ jniá₂ a₂chi₁len'₄ 'nia'₂ Diú₄ ia₁jaun₂ lé₂ nei₅₄ a₂i₁'ú₃ táng₃ ja₁con'₂ 'nia'₂ ŋi'₅₄ ta₁.

Ág'₅ jág₁ jě₁ca₂tó'₂, cui_{in23} Diú₄

20 Jui₁jmo₅₄ Diú₄ i₂jmo₅ 'ei₅ tei₄, i₂ca₂tág₃ táng₃ tē₂le₃ quian'₅₄ jmi₂ a₂li'₅₄ jág₁ a₂jio₅ co₂tan₅₄, ca₂tág₃ Te₁gui'₅₄ Jesucristo quián'₂ jniog₄ ja₁jme₁rē₂'li_{in54}, dsa₂juin'₂ 'éi₂ juig₅₄ já'₂ cha'₂, ²¹jui₁jmo₅₄ bá₄ Diú₄ jui₁jmoi'₅₄ 'nia'₂ dsa₂rē₂'ŋia₅ jě₄ ca₂le₃jě₃ a₂dse₃ ia₁jaun₂ jmó'₂ a₂ŋio₂ dsí₅ 'éi₂. Ján₃ bá₄ jui₁jmo₅₄ 'éi₂ 'e₂ 'nio₃ jmo₃ quian'₅₄ ca₂le₃jág₃ jniog₄ tē₂le₃ quian'₅₄ Jesucristo. Jui₁le₂juin'₂ bá₄ 'éi₂ lia'₂ co₂tan₅₄. A₂méi₃.

22 Rin'₅₄ jniog₄, mi₅ jniá₂ quián'₂ 'nia'₂, jmo₄ bá₄ 'nia'₂ juin'₂ 'au'₂ quian'₅₄ jág₁ dse₃ la₂ a₂chi₁len'₄ jniá₂ 'nia'₂, ia₁ tsá₃ jua'₅₄ ŋí₄ lě₃ 'lióng₂ jág₁ ma₂ně₂táun₂ jniá₂ ne₄ si₂.

23 Jui₁le₂ŋi'₅₄ 'nia'₂ jág₁ jui₁lia'₂ rin'₅₄ jniog₄ Timoteo: ma₂dsei₅ bá₄ dsa₂ né'₃ 'má₃. Nē₁jua'₂ ca₂guáin₂ ŋi'₅₄ ta₁, jaun₂ jain₅₄ jniá₂ jě₁ma₂tě₂ rē₁nei₅₄ jniá₂ i₁jing₁₂ 'nia'₂.

24 Cui_{in54} 'nia'₂ Diú₄ ca₂le₃jín₃ jui₁lia'₂ i₂jio₅ quián'₂ 'nia'₂, quian'₅₄ ca₂le₃jín₃ guě'₂ dsa₂ juig₂ quián₅ Diú₄.[†] Rin'₅₄ jniog₄ i₂chan₂ Italia cui_{in23} Diú₄ 'nia'₂.

25 Jui₁jme₂gu'₅₄ bá₄ Diú₄ ca₂le₃jín'₃ 'nia'₂. A₂méi₃. §
Co₂ně₅.

[†] 13:24 lit. “dsa₂ jŋió₅.” § 13:25 A₂lin₅₄ chog₅₄ si₂ tsá₃ chi₁ton₅ “A₂méi₃.”

Si₂ carta a₂ca₂jmo₃ SANTIAGO

Jmo₅ Santiago si₂ a₂chein₃ ne₄ dsa₂ 'én₂ i₂tián₅ tsi₁rē₂jan₅₄ uíng₂

¹ Jniá₂ Santiago, líng₅ i₂jme₂ti₃ ne₄ Diú₄ quian₅₄ ne₄ Te₁gui₅₄ Jesucristo, cúíng₅ Diú₄ ta₁guia₃-tín₂ nió'₃ tsi₁jon₂ dsa₂ juig₂ Israel i₂tián₅ tsi₁rē₂jan₅₄ ta₁caun₂ mi₂güí₃.

Jui₁lia₂ jme₁jau₂ 'í₁ a₂dsi₂ñí₂ dsa₂ 'én₂ 'e₂ niog₅ dsi₂ñí₂

² 'Nia₂ rin₅₄ jniog₄, jmo₄ 'nia₂ 'au₂ a₂dseng₃ guē₄ lín₃, jme₁dsi₂ñí₂ 'nia₂ ca₂le₃jé₃ ne₅₄ táu₂ a₂jau₂ 'í₁ ja₁con₂ 'nia₂. ³ Ia₁ ma₂ñi₅₄ bá₄ 'nia₂ jē₁ma₂ca₂jáu₃ 'í₁ 'a₂ lia₂ 'én₂ 'nia₂, dsióg₄ lia₂ ma₂tión₂ jaun₂ bá₄ 'nia₂ tiá₂. ⁴ La₁ cuñ₅₄ 'nia₂ jmi₂g₄ a₂le₃ñia₅ a₂nē₅ ja₁cong₂, tió'₃ 'au₂ 'nia₂ jmo₄, jaun₂ dsi₁nóg₅ léng₂ dsa₂ i₂ma₂ca₂can₅₄, i₂ma₂rē₂ñia₅ lia₂ 'ñí₂ dsi₄, tsá₃ ma₃'e₂ 'nió'₅ quián₂ 'nia₂.

⁵ Chi₂jua₂ chan₂ 'nia₂ i₂'nió'₅ le₃ñí₂ dsí₅, jui₁mi₁₂ ja₁con₂ Diú₄, jaun₂ 'éi₂ bá₄ cuē₃. Ia₁ Diú₄ i₂'ua₁ dsí₅ jmo₂₃ qui₂rē₂tín₂ ca₂le₃jín₃, on₃jua₅₄ a₂tē₂jí₂. ⁶ La₁ ca₂tín₂ 'nia₂ a₂mí₁ a₂éng₂ tē₃dsón₂ on₃jua₅₄ a₂ág₁ 'nia₂ caun₂-tín₃ 'au₂; ia₁ jui₁lia₂ dsa₂ i₂'ag₅ caun₂-tín₃ dsí₅, lín₅ jui₁lia₂ lē₅ jmi₂g₂ a₂qui₂ráun₂ ne₄ jmi₁ñí₄, a₂qui₂jná₅ can₂ dsí₂ ca₂taun₂ ca₂taun₂. ⁷ Dsa₂ i₂lín₅ le₂jaun₂, tsá₃ jui₁dsi₂jio₅ dsí₅ jua₅₄ cha₂ a₂gue₃ quió'₅ Te₁gui₅₄. ⁸ Ia₁ jui₁lia₂ dsa₂ i₂'ei₅ tín₃ dsí₅ tsá₃ 'e₂ tiá₂ chén₅ i₂le₂'éi₂ ca₂le₃jé₃ guē₄ 'e₂ a₂jmo₂₃, o₃ 'e₂ jág₁ quió'₅ cuē₂₃. ⁹ Dsa₂ rin₅₄ jniog₄ i₂te₂ñé₂, ca₂tín₂ jmo₃ dsí₅ 'io₂ jén₅, ia₁ tē₃dsón₂ bá₄ quein₅ le₃ja₁con₂ Diú₄. ¹⁰ Jui₁lia₂ i₂cha₂ cu₄ guē₂, ca₂tín₂ bá₄ jmo₃ 'io₂ ján₃ ia₁ tsá₃ 'e₂ quein₅ ja₁con₂ Diú₄ quian₅₄ cú₁. Ia₁ i₂lín₅ jui₁lia₂ lē₅ lí₁ ni₁nau₂ bá₄ dsa₂ i₂cha₂ cu₄ ia₁ i₂dsi₃ñí₂ bá₄ 'éi₂ jui₁la₂ 'ióg₃. ¹¹ Jē₁ma₂ca₂ia₂* 'iog₂ dséi₅ 'ñio₅ lín₃ rē₂juíng₅ bá₄ ni₁nau₂, rē₂quein₂, ta₂ bá₄ lí₁ ján₃, 'én₂ bá₄ 'a₂ lia₂ jlá₁ jme₁jniá₂. Le₂nē₅ bá₄ lē₅ quian₅₄ dsa₂ cha₂ cu₄: qui₂dsi₃ñí₂ bá₄ tē₃ ja₁'no₂₃ cu₄.

On₃jua₅₄ Diú₄ i₂jmo₅ a₂co₂dsi₂'én₅ dsa₂

¹² 'E₂ guē₄ dsen₃ dsa₂ i₂tió'₅ jmo₅ juín₂ dsí₅ jē₁ma₂qui₂i₂ñí₂ 'e₂ táu₂ i₂ñí₂; ia₁ jē₁ma₂ca₂ñi₅ jaun₂, gue₃ ja₁le₃chain₂ dse₃, a₂lē₅ nē₂jag₄ bá₄ caun₂ corona a₂cuē₃ Diú₄ cuē₃ ca₂le₃jín₃ i₂'nio₃ quió'₅. ¹³ Chi₂jua₂ chan₂ i₂lín₅₄ qui₂ja₂ bí₂ 'lig₅₄ dsí₅, tsá₃

* 1:11 Co₂'nió'₄ le₃jua₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio₂ ja₁ton₅ Salmo 8:3; Romanos 1:25.

jui₁dsi₂jio₅ dsí₅ jua'₅₄ Diú₄ i₂jmo₅ a₂dsi₂jio₅ dsí₅ le₂jaun₂; ia₁ 'i₁caun₂ a₂'lig'₅₄ tsá₃ qui'₅₄ jmi₄g₄ jua'₅₄ a₂cáin₂ táu₂ Diú₄, on₃ guë'₂ cáun₂ Diú₄ táu₂ quió'₅ 'i₁jan₂ ia₁jaun₂ jmo₃ dsa₂ a₂'lig'₅₄. ¹⁴ Le₂la₂ bá₄ lě₅: guion₅₄ bá₄ dsa₂ tsi₂cuin'₂ jui₅ ja₁'in₅ dsí₅ jmo₃ a₂'lig'₅₄, ja₁tián'₃ dso₄, lín₅ nē₂jag₄ bá₄ jui₁lia'₂ jan₂ i₁ju₁ i₂nág'₅ mi₂cu₄. ¹⁵ Ne₄ ja₁'in₅ dsí₅ jmo₃ a₂'lig'₅₄ nē₃, tē₂le₃ ne₄ ja₁ñó₄ jaun₂ rē₂jniá₂ dso₄ bá₄ ja₁coin₂; jē₁ma₂ca₂'ñia₅ dso₄ nē₃, rē₃cha₂ 'mú₃.

¹⁶ 'Nia'₂ rin'₅₄ jniog₄ i₂'nió₃, tsá₃ jui₁le₂gan'₂ 'nia'₂, ¹⁷ ia₁ ca₂le₃jě₃ a₂lě₅ a₂dse₃ lín₃ a₂guei₂ jniog₄ já₅ guei'₅₄ quió'₅ Diú₄ Jmei₂ jniog₄ i₂ca₂jmo₃ ca₂le₃jě₃ si₂ cha₂ guei'₅₄ dsi₂güig₂. La₁ ja₁con₂ Diú₄ 'i₁caun₂ tsá₃ 'e₂ jua'₅₄ a₂qui₂rē₂tsín₃, jui₁la₂ qui₂rē₂tsín₃ si₂ le₁'ág₄ guei'₅₄, 'ag₅ 'en'₂. ¹⁸ Lia'₂ ma₂lě₅ jaun₂ bá₄ con'₂ lě₅ ma₂ca₂rē₃'ñio₃ dsí₅ 'ñiog₅, ma₂ca₂jmo₃ a₂ma₂ca₂rē₃chóng₃ jniog₄ tē₂le₃ quian'₅₄ já₁ dse₃ a₂tí₅ quió'₅, ia₁jaun₂ léi₂ jniog₄ i₂le₂'uig₅₄ jui₁lia'₂ caun₂ a₂ca₂rau₂ ca₂le₃jě₃ a₂ma₂jmo₃ 'éi₂.

Jui₁lia'₂ jē₁'én₂ dsón'₂ dsa₂ co₂dsau₅

¹⁹ Jui₁le₂ñi'₅₄ 'nia'₂ a₂la₂, rin'₅₄ jniog₄: le₂jan'₂ le₂jan'₂ 'nia'₂ rē₂jáng'₁ a₂ñia'₅₄ nág'₁ de'₂, tsá₃ 'nió'₅ jua'₅₄ a₂ma₂tē₂chan'₅₄ 'nia'₂ já₁ a₂ñag'₅₄ dsi₂jui₅, on₃ guë'₂ 'nió'₅ tin'₃ 'nia'₂ dséng'₂ nē₃ cón'₅. ²⁰ Ia₁ jui₁lia'₂ quian'₅₄ a₂dsén₂ dsa₂ tsá₃ lé₂ le₃jmo₃ a₂'ñio₂ dsí₅ Diú₄. ²¹ Jaun₂ lě₃, tí₃ 'nia'₂ ca₂le₃jě₃ a₂'lig'₅₄ a₂lě₅ dso₄ a₂ñí₄ 'ñio₅ cha₂ jmi₄g₄ nē₃, jmo₄ 'nia'₂ meg'₂ guen₅₄ co₂ñei'₅₄ já₁ dse₃ a₂ma₂jnia₄ tē₂'au'₂ 'nia'₂; ia₁ já₁ dse₃ nē₅ bá₄ a₂'io₅ jui₅bí₂ a₂lió₂ jme₂dsí₂ quián'₂ 'nia'₂.

²² La₁ jui₁le₂chan'₂ 'nia'₂ lia'₂ con'₂ lě₅ já₁, on₃jua'₅₄ rē'₂ a₂ñia'₅₄ 'nió'₅ nág'₁ 'nia'₂. Ia₁ nē₁jua'₂ tsá₃ jme₂tí'₁ 'nia'₂, guion'₅₄ bá₄ 'nia'₂ jme₂gáng'₁. ²³ Ia₁ jui₁lia'₂ dsa₂ i₂jñia'₅₄ tē₅ dsí₅ nag₂₃, tsá₃ jmo₂₃ guë'₂ a₂nag₂₃, lín₅ lia'₂ lín₅ jan₂ dsa₂ i₂jín₂ 'ñiog₅ ne₄ ni₁'i₂; ²⁴ la₁ jē₁ma₂ñó₅ cau₅ nē₃, dsi₂'én₂ bá₄ táng₃ dsí₅ 'a₂ lia'₂ jniái₂. ²⁵ La₁ 'e₂ guë'₄ dse₃ dsa₂ i₂tsá₃ dsi₂'én₂ dsí₅ 'e₂ nag₂₃ tē₂le₃ 'ñio₅ lín₃ guë'₄ tón'₂ jui₅ rē₂ já₅ 'éi'₃ dse₃ a₂lión₂ dsa₂. Ia₁ jme₃gu'₅₄ bá₄ Diú₄ chi₂jua'₂ jmo₅ dsa₂ 'e₂ ta₁ qui'₅ 'éi'₃ jaun₂, caun₂ nau₂ tiá₂ bá₄.

²⁶ Chi₂jua'₂ chan₂ i₂lín₅₄ lín₂ 'ñio₅ lín₃ jme₂ti₃ ne₄ Diú₄, la₁ nē₁jua'₂ tsá₃ con₂ guë'₂ dsí₅ 'a₂ lia'₂ dsia₂₃ já₁ nē₃, já₁ bá₄ guion₅₄ i₂le₂'éi₂ jme₂gain₂₃, ia₁ a₂'éin₂ jaun₂ tsá₃ 'e₂ ta₁ tí₄. ²⁷ Jui₁lia'₂ dsa₂ i₂'én₂ tē₃dsón'₂ lia'₂ dsi₂ten₅₄ 'nio₃ Diú₄ Jmei₂ jniog₄, le₂la₂ bá₄ jmo₂₃: a₂jme₂'oin₅₄ chi'₂ 'nág₂ quian'₅₄ 'io₅₄ 'nág₂ nē₃, 'e₂ caun₂ o₂i₁ dsi₅ chan₂ 'éi₂, ton'₂ jmo₂₃ 'í₁ a₂tsá₃ jme₃'ñioi₂₃ quian'₅₄ a₂'lig'₅₄ cha₂ mi₂güig₃.

2

¹ Rin'₅₄ jniog₄, i₂'én₂ le₃quió'₅ Te₁gui'₅₄ Jesucristo i₂jlán'₁ quián₂ jniog₄, tsá₃ ca₂tín'₂ 'nia'₂ jing'₅₄ jma₃quén₅ i₂la₂ i₂ó₃.
² Jui₁lia'₂ tē₃jē₄ tion'₅₄ 'nia'₂ le₁ñig'₂, dsióg₄ jan₂ dsa₂ cha₂ cu₄ i₂'i₄ anillo cu₄nióg₄ gu₂, i₂chén'₅ jlá'₁, la₁ nē₁jua'₂ ján₃ guē'₂ tē₃jē₄ jaun₂ dsióg₄ jan₂ dsa₂ te₂ñé₂ i₂chén'₅ 'lig'₅₄,
³ nē₁jua'₂ ca₂guen'₅₄ 'nia'₂ rē₂ lín₃ i₂qui'₂ tsin'₅₄ jlá'₁, nē₁jua'₂ ca₂chei'₅₄ 'nia'₂: “Nia₅ i₂né₂ ja₁dse₃ la₂”, la₁ i₂te₂ñé₂ guē'₂ nē₃ juig'₅₄ 'nia'₂: “Ne₂ jó₄ nau₂”, o₃ “ja₁lá₃ i₂né₂ 'uē₃ cau₅ ja₁tióng₂ tag₃”;
⁴ nē₁jua'₂ le₂nē₅ jmo'₂ 'nia'₂, ma₂jing'₅₄ jma₃quén₅ ríng'₂, ma₂qui₂cáun'₂ 'nia'₂ 'í₁, a₂ma₂dsi₂jio₅ 'lig'₅₄ 'au'₂.
⁵ 'Nia'₂ rin'₅₄ jniog₄, nei₂ 'nia'₂ a₂la₂: Diú₄ ma₂ca₂quióin'₂ i₂lín₅ i₂te₂ñé₂ mi₂güig₃ la₂, ia₁jaun₂ léin₂ dsa₂ jlán'₁ quian'₅₄ a₂'éin₂, ia₁ tiin₃ ja₁gon₂ Diú₄ ja₁ma₂lēs₃ jág₁ cuē'₃ ca₂le₃jín₃ i₂'nio₃ quió'₅.
⁶ La₁ 'nia'₂ nē₃ tē₂le₃ o₂guí'₃ bá₄ tsíng'₂ dsa₂ te₂ñé₂. ¿la₁ on₁jua'₅₄ dsa₂ cha₂ cu₄ guē'₂ i₂jmóg'₂ 'ang₂ quián'₂ 'nia'₂, qui₂tsin'₂ 'nia'₂ dsi₂chei'₂ ne₄ dsi₂tan₅₄ nē₃?
⁷ ¿On₁jua'₅₄ dsa₂ le₂'éi₂ guē'₂ i₂taun₂ 'lig'₅₄ jmá'₅ 'iin₂₃ i₂chen₂ jlán'₁, i₂le₃quió'₅ ja₁tén'₄ 'nia'₂?

⁸ Nē₁jua'₂ dsi₂jó'₃ jme₂tí'₁ 'nia'₂ 'éi'₃ dsen₅₄ lia'₂ con'₂ lē₅ juá'₂ ne₄ Si₂: “Jme₁'nió₄ dsa₂ mi₂güig₃ ríng'₂ jui₁lia'₂ 'nióg'₃ 'ñiag'₂”,* dse₃ bá₄ nē₁jua'₂ jmo'₂ 'nia'₂ le₂jaun₂.
⁹ La₁ nē₁jua'₂ jin'₄ 'nia'₂ jma₃quén₅ i₂la₂ i₂ó₃, 'nau'₂ 'nia'₂ dso₄, ia₁ ma₂tē₁dsi₅₄ 'Éi'₃ ja₁con'₂ 'nia'₂ guiong'₅₄; ma₂tē₁tsin'₅₄ 'nia'₂ ma₂le₁cáng'₄ bá₄.
¹⁰ Ia₁ jui₁lia'₂ dsa₂ i₂jme₂ti₃ ca₂le₃jē₃ 'Éi'₃, la₁ nē₁jua'₂ ca₂'liain'₂ caun₂ 'éi'₃ tio'₅₄ nē₃, ja₁jaun₂ ca₂rē₃cáin'₂ ca₂le₃jē₃ bá₄ 'éi'₃ a₂tio'₅₄ ne₄ Si₂ jaun₂.
¹¹ Ia₁ Diú₄ 'éi₂ bá₄ i₂ca₂juá'₂ jme₁ca₂juá'₂: “Tsá₃ nió'₄ 'nia'₂ jág₁ quian'₅₄ dsa₂ i₂tsá₃ lín₅ dsi₂i₂gog'₂”,† ján₃ bá₄ i₂'éi₂ ca₂juá'₂: “Tsá₃ jñig'₄ dsa₂ mi₂güig₃ ríng'₂”,‡ Jaun₂ le₂nē₅ chi₂jua'₂ tsá₃ ca₂táng'₂ guē'₂ dso₄ quian'₅₄ i₂tsá₃ lín₅ dsi₂i₂gog'₂, la₁ nē₁jua'₂ ca₂jñig'₃ guē'₂ dsa₂ mi₂güig₃ ríng'₂ nē₃, ja₁jaun₂ ca₂rē₃cáng'₂ bá₄ ta₁jē₂ 'Éi'₃.
¹² Ca₂tín'₂ 'nia'₂ jmó'₂ ton'₂ dsiá'₁ jui₁lia'₂ dsa₂ i₂nē₃ guē'₄ tē₃dsi₅₄ 'éi'₃ quió'₅ con'₂ lē₅ 'éi'₃ a₂lió₂.
¹³ Ia₁ jui₁lia'₂ dsa₂ i₂tsá₃ ca₂dsia₃ néi₂ dsí₅ rin'₅₄, ján₃ bá₄ le₂jaun₂ tsá₃ néi₂ dsí₅ Diú₄ dsia₃ ja₁con₂ 'éi₂ jē₂ma₂tē₂ rē₁tē₃dsi₅₄ 'éi'₃ quió'₅; la₁ jui₁lia'₂ i₂ca₂dsia₃ néi₂ dsí₅ rin'₅₄, a₂ñéi₂ dsí₅ jaun₂ bá₄ lí₂ jē₂ma₂tē₂ rē₁tē₃dsi₅₄ 'éi'₃ quió'₅.

'Nió'₅ le₃jniá'₂ a₂'én₂ dsa₂

¹⁴ 'Nia'₂ rin'₅₄ jniog₄, ¿e₂ bá₄ ta₁ jmo₃ nē₁jua'₂ chan₂ i₂juá'₂ ma₂'éin₂, nē₁jua'₂ tsá₃ guē'₂ 'e₂ a₂'ua₁ dsí₅ jmo₂₃? ¿Lé₂ le₃jua'₅₄ jniog₄ a₂tín'₄ dsa₂ le₂'éi₂ quian'₅₄ a₂'éin₂ le₂jaun₂?
¹⁵ Jua'₅₄ mei'₂

* 2:8 Levítico 19:18. † 2:11 Éxodo 20:14; Deuteronomio 5:18. ‡ 2:11 Éxodo 20:13; Deuteronomio 5:17.

guě₃ chan₂ jan₂ dsa₂ ɲe'₂, o₃ jan₂ dsa₂ mí₂ rin'₅₄ jniog₄, 'in₂ tsin'₅₄, 'in₂ a₂guě'₃, 'oin₅₄ ɲi₂₃ le₂o₃ jmig₄; ¹⁶ nē₁jua'₂ chan'₂ 'nia'₂ i₂ca₂chei'₅₄: “Guan'₂ caun₂ dse₃ quiáng'₂”, o₃ “Guan'₂ o₂jme₁dsion'₂”, o₃ “Guan'₂ o₂jme₁tan₅₄ ja₁quiáng'₂”, nē₁jua'₂ tsá₃ ca₂cuě'₅₄ guě'₂ 'nia'₂ a₂dsen₅₄ a₂'nió'₅ quió'₅ ni₁ɲi₁₂, ¿'e₂ bá₄ ta₁ jmo₃ a₂'én'₂ 'nia'₂ le₂ně₃? ¹⁷ Le₂ně₅ bá₄ lě₅ quian'₅₄ a₂'én₂ dsa₂: nē₁jua'₂ tsá₃ léi₄ qui₂rě₂jniá₁ a₂jmo₅ dsa₂ a₂'ua₁ dsí₅, tsá₃ 'e₂ ta₁ tí₄ a₂'éin₂ jaun₂, lě₅ caun₂ co₂'nió'₄ a₂'lag₄ bá₄ jaun₂.

¹⁸ 'An₁ chan₂ bá₄ i₂juá'₂ ně₃: “'Én'₂ bá₄ 'ne₂, la₁ jniá₂ guě'₂ jmo₂₃ a₂dse₃.” Jniá₂ juá'₅: 'Ē₄ a₂'éng'₂, on₃jua'₅₄ quian'₅₄ a₂dse₃ a₂jmo'₂, jaun₂ jniá₂ ně₃ jme₁jniag₅ a₂'éng₂ tē₂le₃ quian'₅₄ a₂dse₃ a₂jmo₂₃. ¹⁹ 'Én'₂ bá₄ 'ne₂ a₂chan₂ jan₂ Diú₄; ¿'e₂ a₂dse₃ jmo'₂ nē₁jua'₂ le₂jaun₂? Ján₃ bá₄ le₂ně₅ guě'₂ je₂na'₅₄ 'éin₂ a₂chan₂ Diú₄, la₁ jlein₂₃ bá₄. ²⁰ La₁ 'ne₂ ně₃ dsa₂ co₄, ¿'niog'₂ cuě₅₄ jniá₂ caun₂ léi₄ a₂tsá₃ 'e₂ quen₅ a₂'én₂ dsa₂ nē₁jua'₂ tsá₃ 'e₂ a₂dse₃ a₂qui₂rě₂jniá₁ jmo₂₃? ²¹ ¿On₃jua'₅₄ ca₂tē₁tsin'₅₄ rě₂ Abraham ne₄ Diú₄ tē₂le₃ quian'₅₄ a₂dse₃ a₂jme₁jme₂jniai₂₃ lia'₂ con'₂ jme₁ca₂jéin'₂ Isaac ja₁ɲi'₅₄ quiáin₅ ne₄ Diú₄ a₂jme₁jɲag'₃ ne₄ ne₄chei₂? ²² Rě₂ de'₂ quion₂ 'nia'₂ 'í₁ 'a₂ lia'₂ ca₂lě₃ quian'₅₄ Abraham: ja₁jaun₂ ca₂rě₃jniá₂ a₂'éin₂ tē₂le₃ quian'₅₄ a₂ca₂jmo₃ jaun₂, ja₁jaun₂ ca₂jáu'₃ 'í₁ ca₂'ɲia₅ a₂'éin₂ tē₂le₃ quian'₅₄ a₂ca₂rě₃jniá₂ a₂ca₂jmo₃ jaun₂. ²³ Le₂ně₅ bá₄ ca₂rě₃ti₃ a₂juá'₂ ne₄ Si₂ 'iin₂₃ Abraham ja₁juá'₂: “Ca₂rě₃'én₂ Abraham ja₁con₂ Diú₄; a₂ca₂rě₃'éin₂ le₂jaun₂ ně₃, ca₂guéi'₂ Diú₄ tē₁tsin'₅₄ lín₅ dsa₂ dsen₃.” ²⁴ Ja₁ně₅ bá₄ rě₂jniá₂ jaun₂ ně₃, 'a₂ lia'₂ tē₂tsin'₅₄ dsa₂ rě₂ ne₄ Diú₄ tē₂le₃ quian'₅₄ a₂dse₃ a₂jmo₂₃, on₃jua'₅₄ rě'₂ a₂jɲia'₅₄ 'nió'₅ juá'₂ a₂'éin₂. ²⁵ Ján₃ bá₄ le₂ně₅ ca₂lě₃ quian'₅₄ Rahab i₂jme₁'nag₅ quió'₅; * ca₂tē₁tsin'₅₄ rě₂ ne₄ Diú₄ tē₂le₃ quian'₅₄ a₂dse₃ a₂ca₂jmo₃: ca₂cuě₃ dsi₂néi₂ quió'₅ ca₂jɲia₃ dsa₂ quián₅ Diú₄, ján₃ guě'₂ ca₂jme₃'oin₅₄ dsa₂ 'éi₂ ca₂'uág'₂ jui₅ siá'₂. ²⁶ Jaun₂ le₂ně₅ bá₄ jui₁lia'₂ ni₁ɲi₁₅ a₂tsá₃ jme₂dsí₂ 'i₄, lě₅ caun₂ ni₁ɲi₁₅ 'lag₄, ján₃ bá₄ le₂ně₅ lě₅ a₂'én₂ dsa₂, nē₂jag₄ bá₄ 'lag₄ ján₃ nē₁jua'₂ tsá₃ rě₂jniá₂ a₂dse₃ a₂jmo₂₃.

3

Jui₁lia'₂ le₁tsi'₂ dsa₂

¹ Rin'₅₄ jniog₄, tsá₃ 'nió'₅ jua'₅₄ juin₅ i₂lén₂ tē₅ jin'₄ 'nia'₂, ia₁ ma₂ɲi'₅₄ bá₄ 'nia'₂, 'ɲio₅ guě₄ bēn₂ 'éi'₃ tē₃dsi₅₄ ja₁con₂ jniog₄ con'₂ lág₅ i₂jme₂tín₁ rin'₅₄. ² Ia₁ ca₂le₃jág₃ bá₄ jniog₄ co₂dsi₂'éin'₅ ne₄ 'lióng₂ ne₅₄. Nē₁jua'₂ chan₂ i₂tsá₃ ma₃dso₄ 'no₅ 'i₁ca₂jui_g₄ ja₁dsia₂₃ jág₁, dsa₂ le₂'éi₂ lín₅ dsa₂ rě₂'ɲia₅, i₂'io₅ bí₂ ne₄ ni₁ɲi₁₂

'ñiog₅, ta₁jain₂. ³ Jui₁lia₂ jme₁tó₅ dsa₂ ni₁ñí₁ mi₂'o₄ dsi₂cua₁ ia₁jaun₂ jme₃ti₃, lé₂ jéin₂ dsa₂ ta₁jain₂ 'a₂ jui₅ 'nio₃ dsa₂ jiog₃. ⁴ Ní₂ de₂ 'nia₂ ján₃ ju₁lia₂ ni₁barco ju₁'a₂ gué₂ lia₂ ca₅₄ pa₁ lin₃, qui₂'lia₂ dsi₂ tiá₂, dsa₂ i₂quian₅ ně₃ lé₂ le₃cán₂ 'a₂ jui₅ 'nio₃, quian₅₄ caun₂ timón pí₁ bá₄. ⁵ Le₂ně₅ bá₄ lě₅ quian₅₄ le₁tsi₂ dsa₂ ján₃; le₁tsi₂ dsa₂ lě₅ caun₂ ni₁ñí₅ pí₁ ton₅ ni₁ñí₁ dsa₂; 'e₂ bá₄ lín₂ lé₂ le₃jmo₃ 'lióng₂ jág₁ ca₅₄. iñí₂ de₂ 'nia₂ ján₃, 'e₂ gué₄ pa₁ 'ña₁ má₂ lé₂ le₃dsi₂ quian₅₄ ca₂míg₂ si₂ pí₁!

⁶ Jaun₂ le₁tsi₂ dsa₂ ně₃, lě₅ co₂'nió₄ caun₂ si₂ a₂quian₅₄ quió₅ dsa₂. A₂lě₅ co₂'nió₄ caun₂ mi₂güí₃ 'lig₅₄ a₂ton₅ ni₁ñí₁ jniog₄, a₂jmo₅ ta₁ a₂qui₂rě₂ 'ñio₅ dsa₂ ta₁jain₂. Quian₅₄ jág₁ dséi₂ a₂'ñiog₂ jniog₄, ně₂jag₄ bá₄ a₂guí₂ si₂ le₁tsi₂ jniog₄ jui₅ quián₂ tē₁lia₂ chong₂, lě₅ ně₂jag₄ bá₄ si₂ a₂ca₂tín₂ bí₂ quian₅₄ tsi₅₄ si₂ a₂já₅ guio₃-juí₃. ⁷ Qui₅₄ jmig₄ dsa₂ mi₂güí₃ jme₃'uáin₂ dsi₅ ca₂le₃jě₃ ne₅₄ já₂ i₂tsau₂ dsi₅, já₂ i₂'in₅, já₂ i₂tsé₅ quió₅, já₂ i₂chan₂ jmi₁ñí₄ ně₃, ⁸ la₁ 'i₁jan₂ dsa₂ tsá₃ 'ein₂ ma₂tió₃ jme₃'uáin₂ le₁tsi₂ guioin₅₄. Lě₅ caun₂ a₂'lig₅₄ a₂tsá₃ tei₄ lé₂ le₃jmo₃, qui₂rě₂can₂ jág₁ dséi₂ ně₂jag₄ bá₄ mί₅ 'lig₅₄ a₂dsan₂ dsa₂. ⁹ Quian₅₄ le₁tsi₂ jniog₄ jme₂juín₁ Te₁gui₅₄ quián₂ i₂lín₅ Jmei₂ jniog₄, ton₂ ján₃ gué₂ 'ín₅ 'lig₅₄ dsa₂ mi₂güí₃ i₂ma₂ca₂jmo₂ Diú₄ lia₂ lě₅ nió₄ quió₅ 'ñiog₅. ¹⁰ Quian₅₄ mi₂'o₄ jniog₄ la₂, 'uē₂ jág₁ a₂jme₂juín₁ Diú₄, ján₃ gué₂ 'uē₂ jág₁ 'lig₅₄ a₂'ín₅ dsa₂ rin₅₄. Rin₅₄ jniog₄, tsá₃ dsi₂ten₅₄ le₂ně₅. ¹¹ ¿'A₂ bá₄ lia₂ chi₂jua₂ caun₂ o₄tu₁ jmig₂ lé₂ le₃'iá₃ jmig₂ ráu₂ lia₂ jmig₂ dsi₃ ně₃? ¹² 'Nia₂ rin₅₄ jniog₄, ¿lé₂ le₃lé₂ jua₅₄ caun₂ ni₁'ma₂ a₂'ag₅ mί₂ higo, jua₅₄ a₂jaun₂ 'ag₃ táng₃ mί₂ aceitunas? O₃, ¿lé₂ le₃lé₂ jua₅₄ ca₂cho₅₄ uing₂ uvas, a₂jaun₂ 'ag₃ táng₃ mί₂ higos? Ján₃ bá₄ le₂ně₅, 'i₁caun₂ tu₄ jmig₂ ja₁'ia₂ jmig₂ ñi₅₄ tsá₃ lé₂ le₃'iá₃ jmig₂ ráu₂ ně₃.

Le₂la₂ dsón₂ bá₄ lě₅ a₂dse₃ lia₂ con₂ dsi₂ten₅₄ le₃ñí₂ dsi₅ dsa₂

¹³ Nē₁jua₂ chan₂ jē₄ quián₂ 'nia₂ jan₂ i₂ñí₂ dsi₅, ju₁jme₂jñiai₂₃ jui₅ dse₃ 'a₂ lia₂ ñi₂₃ tē₂le₃ quian₅₄ a₂jmo₃ a₂dse₃, a₂jmo₃ mei₂ lia₂ con₂ lě₅ ñí₂. ¹⁴ La₁ nē₁jua₂ tion₅₄ 'nia₂ jmo₂ uin₅ 'au₂ cha₂ a₂dsi₃ tē₂'au₂ 'nia₂, tiong₅₄ cha₂ a₂ma₂'ín₅ 'au₂ guiong₅₄; nē₁jua₂ le₂ně₅, tsá₃ ca₂tín₂ 'nia₂ jmó₂ táng₅, on₃ gué₂ jmó₂ tē₂jíng₁ quian₅₄ jág₁ tí₅. ¹⁵ Ia₁ a₂ñí₂ dsi₅ dsa₂ le₂ně₅, on₃jua₅₄ a₂já₅ guei₅₄ ně₅; quió₅ mi₂güí₃ bá₄. A₂lě₅ dsi₅ ni₁ñí₁ dsa₂ guioin₅₄, ta₁ quió₅ je₂na₅₄ bá₄ ně₅. ¹⁶ Ia₁ ju₁lia₂ ja₁tion₅₄ dsa₂ uin₅ dsi₅ quian₅₄ riin₅₄, ton₂ co₂tan₅₄ cha₂ a₂ma₂'ín₅ dsi₅ dsa₂ a₂lí₂ jmá₃ guioin₅₄, ja₁le₂jaun₂ tsá₃ 'e₂ dse₃ chí₅ tion₅₄ dsa₂, ton₂ jmo₅-dsáu₅ dsa₂ ca₂le₃jě₃ ne₅₄ a₂'lig₅₄. ¹⁷ La₁ ju₁lia₂ ja₁ñí₂ dsón₂ dse₃ dsi₅ dsa₂ a₂já₅ guei₅₄ i₂juí₃, jē₁le₂'uig₅₄ de₂

chan₂ dsa₂ quian₅ caun₂ jui₅ le₁jě₃; ɲó₅ jaun₂ táng₃ 'no'₂ jui₅ ja₁'ag₃ tei₄; 'en₅₄ dsí₅ dsa₂ lín₅ ně₃; caun₂ dsáu₅ dsí₅ bá₄ 'e₂ caun₂ a₂lě₂; chain₂ ɲéi₂ dsí₅ dsa₂ mi₂güig₃ riin₅₄; jmo₂₃ jmá'₃ lia'₂ a₂dse₃; ton'₂ tsá₃ 'e₂ qui₂co₂₃ jág₁ quió'₅; ton'₂ tsá₃ jua'₅₄ a₂lě₁co₂jmo₂₃ o₁ne₁ ně₃. ¹⁸ Dsa₂ i₂quín'₅ bí₂ jne₂₃ a₂'ag₃ tei₄, jaun₂ ro'₂ a₂le₃chain₂ caun₂ jui₅ co₂dsau₅.

4

Jui₁lia'₂ jme₁tón'₅ dsa₂ 'én₂ jmo₂₃ ján₃ a₂jmo₅ dsa₂ mi₂güig₃

¹ ¿A₂ jui₅ já₅ mi'₅₄ 'nei₂ a₂cha₂ jin'₄ 'nia'₂? ¿On₁jua'₅₄ 'uig₅₄ ia₁ a₂'niog'₂ 'nia'₂ le₃chang'₂ o₂'ɲió₃ o₂ɲia₃ 'au'₂, cuē₅ 'nei₂ ni₁ɲi'₁ 'nia'₂? ² Cha₂ a₂'niog'₂ 'nia'₂ jui₁lia'₂ a₂tsá₃ cha₂ quiáng'₂. Uin₅ 'au'₂ 'nia'₂ líng'₅. Ia₁ tsá₃ le₃lén'₂ 'nia'₂ a₂'ín₅ 'au'₂. Jmo'₂ 'nia'₂ mi'₅₄, dsia'₂ 'nia'₂ 'nei₂ ně₃, la₁ tsá₃ cha₂ quián'₂ 'nia'₂ ně₃, ia₁ tsá₃ mi'₂. ³ Jui₁lia'₂ jme₁mi'₂ guě'₂ 'nia'₂, la₁ tsá₃ ɲi'₂ guě'₂ 'nia'₂ 'uig₅₄ ia₁ tsá₃ mi'₂ 'nia'₂ con'₂ dsi₂ten₅₄, ia₁ a₂ɲia'₅₄ 'niog'₂ 'nia'₂ 'éng'₄ a₂le₃chang'₂ o₂'ɲió₃ o₂ɲia₃ 'au'₂ bá₄. ⁴ ¡E₂ guě₄ lín'₅ 'nia'₂ jui₁lia'₂ lín₅ dsa₂ mí₂ i₂tsá₃ jen₅₄ dsi₂i₂gu₂, qui₂'no'₂ jui₅ dsó₅ quian'₅₄ i₂sián'₂! ¿Tsa₁ ɲi'₅₄ 'nia'₂, jui₁lia'₂ dsa₂ i₂jen'₂ dsí₅ quian'₅₄ mi₂güig₃, i₂le₂'éi₂ tē₂tsin'₅₄ lín₅ i₂'ɲia₅₄ Diú₄ bá₄? Jaun₂ lě₃, jui₁'ein₂ guě₃ i₂jen'₂ quian'₅₄ mi₂güig₃, i₂'ɲia₅₄ Diú₄ bá₄ 'éi₂. ⁵ ¿O₃ bá₄ lín'₂ 'nia'₂, on₃jua'₅₄ 'e₂ cha₂ jein₅ jág₁ a₂juá'₂ ne₄ Si₂: “Jme₂dsí₂ i₂ma₂cuin₃ i₂'en₅₄ jē₄ quián₂ jniog₄, dsí'₅ 'ɲio₅ lín₃ ia₁ a₂'nio₃ jniog₄”?* ⁶ La₁ tē₂le₃ 'ɲio₅ guě₄ bēn₂ a₂'ua₁ dsí₅ Diú₄ a₂cuē₂₃ jniog₄; 'uig₅₄ jaun₂ juá'₂ ne₄ Si₂: Nau₂ Diú₄ quein₅ ne₄ dsa₂ i₂jmo₅ tán'₅,

la₁ jmo₂₃ 'ua₁ dsí₅ ja₁con₂ dsa₂ i₂jmo₅ me'₂.†

⁷ Tión'₂ 'nia'₂ o₄gú₃ Diú₄. Tsá₃ lē₁cuín₅ 'nia'₂ i₂sē₃dsen₃, jaun₂ i₂cuing₃ bá₄ 'éi₂ ja₁con'₂ 'nia'₂. ⁸ Jme₁quián₄ 'nia'₂ tē₂le₃ ja₁con₂ Diú₄, jaun₂ bá₄ jme₃quián₃ 'éi₂ ja₁con'₂ 'nia'₂ ján₃. 'Nia'₂ dsa₂ i₂qui₂rē₂cán'₄ dso₄, rang₂ 'nia'₂ gog'₂; jmo₄ 'nia'₂ le₁jě₃ tē₂'au'₂, 'nia'₂ dsa₂ i₂le₁'ág₄ caun₂-tín₃ dsí₅. ⁹ Tión'₂ 'nia'₂ quian₂ o₂i₁ dsí₅, qui₂'-o₄. Nág'₄ quián'₂ 'nia'₂, jui₁le₂tsín₃ jui₁le₅₄ a₂qui₂'-áu'₂ 'nia'₂; ján₃ guě'₂ le₂nē₅ nē₁jua'₂ chan'₂ 'nia'₂ i₂'io'₂ jén'₅, jme₁tsín₄, tión'₂ 'nia'₂ 'lia'₂ 'au'₂. ¹⁰ Jmo₄ 'nia'₂ meg'₂ tē₂le₃ ne₄ Te₁gui'₅₄, jaun₂ bá₄ chó'₂ 'éi₂ táng₃.

Diú₄ bá₄ i₂ca₂tín₂ con₂ 'í₁

¹¹ Rin'₅₄ jniog₄, tsá₃ 'ín₅ 'nia'₂ 'lig'₅₄ ríng'₂ le₂jang'₂ le₂jang'₂. Ia₁ jui₁lia'₂ i₂ 'ín₅ 'lig'₅₄ jan₂ rin'₅₄, o₃ ɲi₂₃ qui₂con₂ 'í₁, co₂'nió'₄ 'lig'₅₄ bá₄ 'ē₅ 'éi₂ 'Éi'₃ quió'₅ Diú₄, ton'₂ jmo₂₃ dsí₅ tsá₃ 'e₂ quen₅ 'Éi'₃.

* 4:5 'Nio'₂ ja₁ton₅ Éxodo 20:5. † 4:6 Proverbios 3:34.

Ia₁ nē₁jua'₂ cáun'₂ 'ne₂ 'í₁ ne₄ 'Éi'₃, co₂'nió'₄ bá₄ a₂ma₂jmo'₂ 'au'₂ já₃ a₂líng'₅ jan₂ i₂'io₅ bí₂ con₂ 'í₁ ne₄ 'Éi'₃ 'nió'₄ a₂jme₁ti'₄ 'ñiag'₂.
 12 Jan₂ tan₅₄ bá₄ i₂chan₂ i₂ca₂tín₂ cuē₃ 'éi'₃; i₂'éi₂ bá₄ lín₅ i₂'io₅ bí₂ dsí₃ 'éi'₃, jaun₂ 'ñiog₅ bá₄ 'éi₂ nē₃ lé₂ le₃lió₂ o₃ 'liog'₃ 'e₂. La₁ ħ₂ein₂ bá₄ 'ne₂? ħ₂'E₂ lē₃ cáun'₂ 'í₁ quió'₅ dsa₂ mi₂güig₃ ríng'₂?

13 Nē₃ nē₃, nei₂ 'nia'₂ a₂la₂, 'nia'₂ i₂jag₄ juá'₂: “Nē₃ o₃ 'ióg₃, dsau₅₄ ciudad nē₅, o₃ ciudad ó₃; ja₁jaun₂ dsi₁ñag₅₄ caun₂ ñi₂ dsi₁'ná₁ dsi₁jmo₁ 'ma'₅₄ jaun₂ léi₂ cu₄.” 14 La₁ 'i₁ca₂juig₄ tsá₃ jaun₂ ñi'₅₄ 'nia'₂ 'e₂ lé₂ 'ióg₃, dsi₂jui₅ ja₁o₁nóg'₅. Ia₁ jui₁lia'₂ lē₅ caun₂ bē'₅₄ jnei₅ tei₂ bá₄ lín₅ 'nia'₂, nē₃ jniá₂ 'ei₅, nē₃ cón₅ tsá₃ ma₃cha₂ táng₃. 15 'Nió'₄ a₂jme₁dsiá'₂ 'nia'₂ jág₁ le₂nē₅, le₂la₂ bá₄ ca₂tín₂ 'nia'₂ dsiá'₁: “Chi₂jua'₂ le₂jaun₂ 'nio₃ Te₁gui'₅₄ le₃chong₂ jniog₄, jaun₂ bá₄ dsi₁jmo₁ a₂la₂ a₂ó₃.” 16 La₁ 'nia'₂ nē₃, ting'₂ dsia'₂ jág₁ tá₅ jmo'₂ 'nia'₂ róng'₂; ca₂le₃jē₃ a₂dsia₅ dsa₂ jág₁ le₂nē₅, 'lig'₅₄ bá₄. 17 Jaun₂ nē₃, dsa₂ i₂ñi₅ a₂dse₃ a₂lé₂ le₃jmo₃, la₁ nē₁jua'₂ tsá₃ ca₂jmo₃ nē₃, dso₄ bá₄ jaun₂ le₃quió'₅ 'éi₂.

5

A₂rē₂'ē₂ jág₁ ja₁con₂ dsa₂ cha₂ cu₄

1 ħ₂Nei₂ 'nia'₂ a₂la₂, 'nia'₂ dsa₂ i₂cha₂ cu₄! Qui'₂-o₄, guio'₅₄ 'nia'₂ o₄quió'₄ ca₂le₃jē₃ ne₅₄ jmi₁ui₅ a₂dsi₃ñi'₂ 'nia'₂. 2 Ca₂le₃jē₃ a₂cha₂ quián'₂ 'nia'₂ ma₂'áu₁, le₂jaun₂ guē'₂ 'mi'₂ a₂quí'₂ 'nia'₂ ma₂quí'₅ i₁cá₁. 3 Cu₄nióg₄ cu₄tio₂g quián'₂ 'nia'₂ qui₂ma₂'io₂ juí'₅. Já₅ caun₂ jmi₄ jáng'₃ léi₄ juí'₅. A₂nē₅ bá₄ a₂co₃dsag₅₄ quián'₂ 'nia'₂, a₂dsiá₃ ni₁ñi'₁ 'nia'₂ guiong'₅₄, lé₂ nē₂jag₄ bá₄ si₂. Ia₁ 'ñio₅ lín₃ qui₂ma₂dsia'₅₄ 'nia'₂ le₁má'₂ ca₂le₃jē₃ ne₅₄ a₂cha₂ quiáng'₂, jmi₄ jē₁ca₂tó'₂ la₂. 4 jag₄! 'Lian'₅₄ dsa₂ i₂qui₂ma₂jmo₃ ta₁ ja₁nau₂ quián'₂ 'nia'₂ 'lian'₅₄ dsa₂ a₂tsá₃ ca₂qui'₅₄ 'nia'₂, guió'₅ 'o₂₃, le₂jaun₂ guē'₂ jág₁ quió'₅ guion₅₄ dsa₂ 'éi₂, ma₂dsi₃lé₂ gua₄ Te₁gui'₅₄ Juig₅₄ 'Lióg₂. 5 Ia₁ 'ñio₅ lín₃ dse₃ jlá'₁ ma₂ca₂rē₃chán₃ 'nia'₂ ne₄ gua₅₄ 'uē₃ la₂, ma₂qui₂ma₂quian'₂ 'nia'₂ o₂'ñi₃ o₂ñia₃ dsi₅. Ma₂ca₂jme₁on'₁ 'nia'₂ lia'₂ 'on'₅₄ ca₁jui₅; la₁ já₅ jmi₄ ja₁dsián'₃ 'nia'₂ jui₁lia'₂ dsan₂ ca₁jui₅. 6 'Nia'₂ ma₂qui₂ma₂'liáng'₃ ma₂ca₂jme₁dsiang'₂ dsa₂ i₂tsá₃ 'e₂ rin₂; ħ₂tsa₁ lín'₂ 'nia'₂ ñia'₅₄ dsa₂ 'éi₂ mi₃ tē₃dsi₅₄ 'éi'₃ jmi₄g jaun₂?*

A₂chan₂ dsa₂ juin'₂ dsí₅ lín₅ caun₂ chi₁ñia₂₃ a₂jéin'₃ Diú₄ 'e₂ ma₂mi₃

7 Jaun₂ nē₃, rin'₅₄ jniog₄, jmo₄ 'nia'₂ juin'₂ 'au'₂ ca₂lia'₂ ca₂tē₂ jmi₄g i₁guan'₂ Te₁gui'₅₄. Jui₁lia'₂ jan₂ dsa₂ i₂jmo₅ ta₁ ja₁nau₂ chi₁ñia₂₃ ráu₃ dse₃ lín₃ ta₁ quió'₅, jaun₂ caun₂ jmo₂₃ juin'₂ dsí₅ bá₄ chi₁ñia₂₃ a₂guá₂ le₂'uig₅₄ jmí₅ tiá₄, a₂tē₅₄ jein₂ jmí₅ nē₃.

* 5:6 o₃, “tsá₃ jua'₅₄ a₂jaun₂ tsá₃ ca₂guen₃ 'éi₂.”

⁸ Le₂nē₅ bá₄ 'nia'₂ ján₃, jmo₄ 'nia'₂ juín'₂ 'au'₂, caun₂ 'éi₂ 'nia'₂ 'au'₂, ia₁ ja₂quián₃ bá₄ jmig₄ a₂guan'₂ Te₁gui'₅₄. ⁹ Rin'₅₄ jniog₄, tsá₃ ma₃o₁le₅₄ 'au'₂ 'nia'₂ jua'₅₄ a₂caun₂ qui'₁ní₄ guě₄ 'nia'₂ ríng'₂ le₂jang'₂ le₂jang'₂, ia₁jaun₂ bá₄ tsá₃ tē₃dsi₅₄ 'éi'₃ ja₁con'₂ 'nia'₂ guiong'₅₄. Ia₁ juě₄ i₂qui₃dsi₅ 'éi'₃ nē₂jag₄ i₂ma₂chén'₅ o₄'né₄ bá₄ 'éi₂. ¹⁰ 'Nia'₂ rin'₅₄ jniog₄, quian₂ 'nia'₂ jui₅ jui₁lia'₂ jui₅ a₂ca₂can₃ dsa₂ i₂ca₂'ē₂ jág₁ quián₅ Te₁gui'₅₄ ma₂líg'₂. Ca₂rē₃juín'₃ dsí₅ ne₄ ca₂le₃jě₃ jmi₁uig₅ a₂ca₂i₃ñi₂. ¹¹ Jag₄ jaun₂, jmo₂ jniog₄ dsí₅, 'e₂ guě₄ dsen₃ dsa₂ i₂ca₂nau₂ tiá₂ 'éi₂. Ján₃ bá₄ ñi'₅₄ 'nia'₂ 'a₂lia'₂ ca₂rē₃juín'₃ dsí₅ Job, ca₂nau₂ tiá₂, ton'₂ ñi'₅₄ bá₄ 'nia'₂ ján₃ 'a₂lia'₂ ca₂jme₃gu'₅₄ táng₃ Te₁gui'₅₄ quió'₅ 'éi₂ jē₁ca₂tó'₂. Ia₁ le₂nē₅ bá₄ jau'₂ 'í₁ i₂'ua₁ dsí₅ lín₃ bá₄ Te₁gui'₅₄, ton'₂ ñéi₂ dsí₅.

¹² Le₂nē₅ bá₄, jmo₄ 'nia'₂ ne₄ ca₂le₃jě₃, rin'₅₄ jniog₄, jui₁lia'₂ jme₁dsia'₂ 'nia'₂ jág₁, tsá₃ lē₁'ē₂ 'nia'₂ guei'₅₄ i₂juíg₃, on₃ guě'₂ 'ē₂ 'nia'₂ gua'₅₄ 'uě₃, on₃ guě'₂ 'i₁caun₂ cosa siá'₂ a₂lē₁'ē₁ 'nia'₂ jua'₅₄ a₂'íng'₄ Diú₄. Jē₁ma₂tē₂ rē₁dsiá'₁ 'nia'₂ jág₁, jua'₅₄ 'nia'₂ "ján₅", jui₁le₂ti₃ bá₄ "ján₅" jaun₂; ján₃ bá₄ le₂nē₅ jui₁lia'₂ jme₁jua'₂ 'nia'₂ "jan₂'ón₄", jui₁le₂ti₃ bá₄ "jan₂'ón₄" jaun₂, ia₁jaun₂ tsá₃ tē₃dsi₅₄ 'éi'₃ ja₁con'₂ 'nia'₂.

¹³ Nē₁jua'₂ 'ein₂ 'nia'₂ chan₂ o₂i₁ dsí₅, jui₁chi₂lén'₂ ne₄ Diú₄. Nē₁jua'₂ 'ein₂ guě'₂ chan₂ i₂'ei₅ dse₃ dsí₅, jui₁'ē₁₂ son₅₄ a₂rē₂juín'₂ Diú₄. ¹⁴ Nē₁jua'₂ chan₂ 'ein₂ i₂dso'₅₄, ca₂tíin₂ tē'₂ dsa₂ can'₅₄ quián₅ guá'₅,† ia₁jaun₂ chi₃lén'₂ 'éi₂ Diú₄ ne₄ quió'₅, jaun₂ tsáng₂ no'₅₄ lia'₂ con'₂ lē₅ 'éi'₃ quió'₅ Te₁gui'₅₄. ¹⁵ Ia₁ jē₁chi₂lén'₂ dsa₂ Diú₄ a₂'éin₂ tē₃dsón'₂, 'lión₂ dsa₂ dso'₅₄; chó'₂ bá₄ Te₁gui'₅₄. Nē₁jua'₂ 'e₂ dso₄ ma₂táin'₂ nē₃, 'én₂ bá₄ dsá_{u1}. ¹⁶ Jaun₂ lē₃, jme₁jnia₅ 'nia'₂ ne₄ ríng'₂ 'e₂ ma₂qui₂ma₂'lian'₂ 'nia'₂, ján₃ guě'₂ chi₂len'₄ 'nia'₂ Diú₄ o₄quió'₄ ríng'₂ le₂jang'₂ le₂jang'₂ ia₁jaun₂ 'lión'₂ 'nia'₂. Ia₁ jui₁lia'₂ dsa₂ i₂tión₂ rē₂ ne₄ Diú₄, 'io₅ bí₂ jág₁ quió'₅ 'e₂ caun₂ a₂mi₂₃ ne₄ Diú₄. ¹⁷ Elías jme₁lín₄ jan₂ dsa₂ lia'₂ lág₅ jniog₄; jme₁ca₂mi₃ jē₄ chi₂lén'₂ Diú₄ a₂co₂ñei'₅₄ tsá₃ ma₃téin₃ jmí₅, jaun₂ 'ni₅ ñi₂ tē₂ ca₂dsio₄ tsá₃ ma₃jmí₅ ca₂tang₂ ne₄ gua'₅₄ 'uě₃. ¹⁸ Cang₂ jaun₂, ca₂mi₃ táng₃ ne₄ Diú₄, jaun₂ ca₂tang₂ táng₃ jmí₅, ca₂rau₂ táng₃ ne₄ gua'₅₄ 'uě₃.

¹⁹ 'Nia'₂ rin'₅₄ jniog₄, nē₁jua'₂ chan₂ 'nia'₂ i₂dsi₂cón'₅ dsí₅ jui₅ dsau₅, nē₁jua'₂ jan₂ guě'₂ i₂ca₂jéin'₂ táng₃, ²⁰ dsá₂ 'au'₂ 'nia'₂ jmo₄ a₂la₂: jui₁'ein₂ guě₃ i₂jén'₂ jan₂ dsa₂ i₂rē₂cán'₄ dso₄ jui₅ 'lig'₅₄ a₂jme₁ma₂ñó₅, lióin₂ jme₂dsí₂ quió'₅ 'éi₂ ne₄ 'mú₃, jaun₂ le₂nē₅ jlě₂ 'lióng₂ dso₄ dsi₂'én₂ nē₃.

Co₂nē₅.

† 5:14 griego: presbíteros.

Si₂ carta le₂ 'uig₅₄ a₂ ca₂ jmo₃ SAN PEDRO

Jmo₅ Pe₄ si₂ a₂ chein₃ ne₄ dsa₂ 'én₂ i₂ tián₅ ts₁ rē₂ jan₅₄ uing₂

¹ Jniá₂ Pe₄, líng₅ dsa₂ i₂ chen₄ quián₅ Jesucristo jmo₂₃ si₂ la₂ tsíng₂ ne₄ ca₂ le₃ jín₃ dsa₂ i₂ ts₁ rē₂ jan₅₄ i₂ ma₂ lín₅ co₂ 'nió₄ ds₁ nau₂ i₂ tián₅ uing₂, le₂ tan₅₄ 'uē₃ Ponto, quian₅₄ Galacia, Capadocia, Asia, Bitinia ně₃, ² ne₄ ca₂ le₃ jín₃ dsa₂ i₂ ma₂ quion₅₄ quián₅ Diú₄ Jmei₂ jniog₄ lia₂ con₂ lě₅ ma₂ jniog₅ ds₁ ca₂ le₂ jniá₅. Ca₂ quió₂ Diú₄ tē₂ le₃ quian₅₄ ta₁ quió₅ Jme₂ ds₁ quián₅ ia₁ jaun₂ ma₂ lě₅ 'í₁ 'nia₂, ia₁ jaun₂ le₃ chang₂ jme₂ ti₄ ne₅₄, chan₂ 'nia₂ qui₂ le₁ jě₃ jme₂ ds₁ quiáng₂ ně₃, rē₂ jnióg₄ le₁ séng₅ jm₂ 'an₅₄ Jesucristo. Jaun₂ juá₅ jniá₂, ju₁ chan₂ bá₄ 'nia₂ dse₃ ne₄ ca₂ le₃ jě₃ ne₅₄ a₂ dse₃ jme₂ gu₅₄ Diú₄, 'ei₅ tei₄ ja₁ con₂ 'nia₂ ca₂ le₃ jing₃.

*'A₂ lia₂ chan₂ dsa₂ caun₂ bá₄ a₂ le₁ ág₄ ds₁ a₂ ma₂ rē₂ 'én₄ dsáu₁,
tíin₄ guei₅₄ i₂ juíg₃*

³ Ju₁ le₂ juin₂ bá₄ Diú₄ Jmei₂ Te₁ gui₅₄ Jesucristo quián₂, ia₁ ca₂ dsia₃ néi₂ ds₁ 'nio₅ lín₃ jniog₄, ca₂ cuē₃ jme₂ ds₁ 'mí₂, ma₂ jmo₃ bá₄ a₂ ma₂ ca₂ rē₃ chóng₃ táng₃ jniog₄ tē₂ le₃ quian₅₄ ju₁ bí₂ a₂ ca₂ jen₅₄ táng₃ Jesucristo jin₄ 'lag₄. 'Uig₅₄ ně₅ bá₄ a₂ chong₂ jniog₄ caun₂ bá₄ qui₂ le₁ ág₄ ds₁ a₂ ds₁ no₃ tág₄ guei₅₄ i₂ juíg₃. ⁴ Ton₂ jmo₃ a₂ guéi₁ 'nia₂ a₂ ma₂ lě₅ jág₁ a₂ tǐng₅₄ cuē₃ Diú₄, a₂ lě₅ caun₂ a₂ tsá₃ ton₅ jmig₄ ds₁ 'én₂, on₃ guē₂ lē₂ le₃ lig₅₄, on₃ guē₂ ton₅ jmig₄ le₃ juing₅ ně₃. Ca₂ le₃ jě₃ a₂ ně₅ ma₂ lě₅ co₂ jniá₅₄ rē₂ ma₄ guei₅₄ i₂ juíg₃ quián₂ 'nia₂. ⁵ Tē₂ le₃ ia₁ a₂ 'én₂ 'nia₂ ma₂ jmo₂₃ 'í₁ quian₅₄ ju₁ bí₂ quió₅ a₂ ds₁ no₃ 'nia₂ tǐng₄ a₂ le₃ jniá₂ jmig₄ jē₁ ca₂ tó₂ i₁ líón₂ 'nia₂.

⁶ 'Uig₅₄ ně₅ bá₄ ně₃ ju₁ chan₂ 'nia₂ qui₂ le₁ ág₄ dse₃ 'au₂, 'io₂ jéng₂, tsá₃ a₂ léi₂ ju₁ la₂ 'líóng₂ táu₂ a₂ qui₂ ds₁ ní₂ 'nia₂ co₂ na₂. ⁷ Ia₁ lia₂ lě₅ cu₄ nióg₄ bá₄ lě₅ 'én₂ 'nia₂: jaun₂ tion₅₄ 'nió₅ cáu₃, ηag₅ si₂, jióg₂ 'í₁ le₃ léi₄ chi₂ jua₂ tē₃ dsón₂ bá₄ dse₃. Ju₁ lia₂ jau₂ 'í₁ cu₄ nióg₄ tē₂ le₃ quian₅₄ si₂, ján₃ bá₄ le₂ ně₅ jióg₂ 'í₁ a₂ 'én₂ 'nia₂ tē₂ le₃ quian₅₄ uig₅ a₂ niog₅ qui₂ ds₁ ní₂ g₂. Ia₁ a₂ 'én₂ 'nia₂ ně₅, quen₅ guē₄ 'nio₅ lín₃ lia₂ con₂ guē₄ cu₄ nióg₄, ia₁ cu₄ nióg₄ ně₃, a₂ ds₁ 'én₂ bá₄ jaun₂. Jaun₂ ně₃ jē₁ ma₂ ca₂ o₃ ág₃ jág₁ a₂ 'én₂ 'nia₂ tē₃ dsón₂, jaun₂ guē₄ 'ag₃ Diú₄, 'én₂ bá₄ 'nia₂ dse₃ lín₃, ton₂ qui₂ jme₃ go₃ bá₄ dsa₂, jaun₂ guéin₂ bá₄ 'nia₂ guei₅₄ i₂ juíg₃ jē₁ ma₂ ca₂ rē₃ jniá₂ Jesucristo.

⁸ 'Nió₃ bá₄ 'nia₂ Cristo ju₁ la₂ tsá₃ ma₂ ca₂ tē₂ ne₅₄ 'nia₂. Caun₂ bá₄ qui₂ le₁ ág₄ 'au₂ 'nia₂ le₃ quió₅ 'éi₂, jniá₅₄ la₂ tsá₃ ma₂ ca₂ jin₅₄

'nia'₂ dsón'₂ dsi₁ne₁ la₁ 'ñio₅ lín₃ bá₄ 'io'₂ jén'₂ 'nia'₂ ca₂lia'₂ tsá₃ ne₄ 'a₂lia'₂ le₃jua'₅₄, ⁹ia₁ le₂nē₅ bá₄ ma₂lín'₂ 'nia'₂ jui₅ja₁ma₂lón₂ jme₂dsí₂ quiáng'₂; ia₁ja₁jaun₂ dsi₁no'₃ dsón'₂ bá₄ 'nia'₂ lia'₂ con'₂ lē₅ 'éng'₂.

¹⁰ Jui₁lia'₂ jág₁ a₂lió₂ Diú₄ nē₅, lia'₂ con'₂ lē₅ jme₁'ē₂ dsa₂ quián₅ Diú₄ jág₁ ma₂líg'₂, ca₂juá'₂ tē₃jñiá₅ 'a₂lia'₂ jmo₃ 'ua₁ dsí₅ jme₃goin'₅₄ 'nia'₂, jaun₂ dsa₂ 'éi₂ nē₃ ca₂'náu'₃ jág₁ dsau₅ ca₂caun₃ 'í₁ rē₂ lín₃, ¹¹'ein₂ dsón'₂ 'éi₂, o₃ 'e₂ 'iío'₄ a₂ñág₃ uig₅, a₂le₃jui₁n'₂ táng₃ cang₂ jaun₂. Ca₂jmo₃ bá₄ dsa₂ 'éi₂ nē₃ lia'₂ con'₂ lē₅ ca₂'ē₃ Jme₂dsí₂ quián₅ Cristo jui₅tē₂dsí₅. ¹²Ca₂jme₃jnia₅ Diú₄ jág₁ a₂qui₂ca₂ñí'₂ dsí₅ dsa₂ 'éi₂, la₁ on₃jua'₅₄ a₂dse₃ja₁coin₂ guoin₅₄, a₂dse₃tē₂le₃ja₁con'₂ 'nia'₂ bá₄ a₂ca₂jme₃ti₃ 'éi₂lia'₂ con'₂ jme₁ca₂'ē₂jág₁, co₂rē₂bá₄lia'₂ con'₂ lē₅jág₁a₂ma₂ca₂rē₃'ē₂ja₁con'₂ 'nia'₂tē₂le₃quian'₅₄ Jme₂dsí₂ Jñiós₅i₂chen₄já₅guei'₅₄i₂juíg₃. Ca₂le₂jio₅ ángeles nē₃, jme₁'ín₅dsí₅tē₃ne₅₄ca₂le₃jē₃a₂nē₅.

Diú₄ma₂ca₂tē₃jniog₄a₂le₃chong₂le₁jē₃jme₂dsí₂quián₂

¹³Jaun₂, rē₂ján'₁ 'nia'₂jmo₄, a₂le₃ñí'₂dsei'₂a₂le₃'en₅₄'au'₂'nia'₂. Caun₂bá₄le₁'ág₄'au'₂'nia'₂jmo₄a₂le₁jan'₄a₂jme₃gu'₅₄Diú₄jmi₄jē₁ma₂tē₂rē₁jme₃jnia₅Jesucristo. ¹⁴La₁jui₁len'₅₄'nia'₂chi'₂-guein₂dsen₃quián₅Diú₄i₂qui₂rē₂ti'₅₄. Tsá₃ma₃tián'₂'nia'₂jua'₅₄a₂qui₂dsi₂jnia₅guē₄'lig'₅₄'au'₂, lia'₂jme₁lín₄'le₂jñiá₅lia'₂con'₂tsá₃'e₂jme₁ma₂ñi'₅₄'nia'₂le₃quió'₅Diú₄. ¹⁵Tē₂le₃jui₁le₂chan'₂bá₄'nia'₂qui₂le₁jē₃tē₂'au'₂qui₂rē₂jñiós₄co₂ñei'₅₄jme₂dsí₂quiáng'₂quian'₅₄ca₂le₃jē₃guē₄a₂jmo'₂'nia'₂. Ia₁i₂jñiós₅lín₃bá₄Diú₄i₂ma₂ca₂tē₃'nia'₂. ¹⁶Ia₁juá'₂ne₄Si₂: “Jui₁le₂jñiós₄bá₄'nia'₂, ia₁i₂jñiós₅bá₄jniá₂'ñiós.”*

¹⁷Chi₂jua'₂tē₂'nia'₂“Tia₅₄”i₂qui₂con₂'í₁quió'₅le₂jan₂le₂jan₂dsa₂lia'₂con'₂lē₅ma₂jmo₃, la₁tsá₃jma₃quén₅jín₂ca₂le₃jín₃, jaun₂ca₂tín'₂'nia'₂jme₁gain'₃ca₂le₃jē₃jmi₄tē₂lia'₂chan'₂'nia'₂lín₅nē₂jag₄bá₄dsi₂nau₂ne₄gua'₅₄'uē₃la₂. ¹⁸Ia₁ma₂ñi'₅₄bá₄'nia'₂, on₃jua'₅₄a₂ca₂qui₁n₃quian'₅₄cosa a₂tsá₃uē₂jio₅, quian'₅₄jui₁lia'₂cu₄nióg₄cu₄tiog₂a₂ca₂lióin₂'nia'₂ne₄jui₅a₂tsá₃ta₁tí₄a₂jme₁le₁quian'₄'nia'₂, a₂ca₂rē₂tíng'₃ca₂ñág₃dsa₂can'₅₄quiáng'₂. ¹⁹Ca₂quín'₂'nia'₂tē₂le₃quian'₅₄jmi₂'an₅₄Cristo a₂quen₅guē₄lín₃, a₂ca₂ñó₃qui₂rē₂jein'₅₄ne₄Diú₄nē₂jag₄bá₄já'₂cha'₂i₂tsá₃'e₂'lig'₅₄lín₅'i₁caun₂. ²⁰Ia₁lia'₂con'₂né₃a₂nio₃mi₂güí₃, jme₁ma₂rē₂'íin₁bá₄a₂lióin₂dsa₂mi₂güí₃. Ia₁ma₂ca₂rē₃jniái₂jmi₄jē₁ca₂tó'₂rē₂nē₃, a₂dse₃o₄quián'₂'nia'₂. ²¹Ia₁tē₂le₃quian'₅₄'éi₂bá₄'én'₂'nia'₂le₃quió'₅

* 1:16 Levítico 11:14,45; 19:2; 20:7.

Diú₄ i₂ca₂jme₃jen'₅₄ Cristo ja₁jme₁rē₂'līn₅₄, jaun₂ ca₂jme₃jláu'₁ nē₃. 'Uig₅₄ jaun₂, ju₁le'ág₄ 'au'₂ 'nia'₂ 'éng'₂ tē₂le₃ quió'₅ Diú₄.

22 Nē₃ nē₃ ma₂le₁jín'₃ bá₄ 'nia'₂ ia₁ ma₂jme₂tí'₁ 'nia'₂ jág₁ tí₅, ia₁ tē₃dsón'₂ bá₄ ma₂'nió'₃ 'nia'₂ ríng'₂, jme₁'nió'₄ 'nia'₂ ríng'₂ le₂jang'₂ le₂jang'₂ jaun₂ nē₃ ca₂le₃jě₃ 'au'₂.† 23 Ia₁ ma₂ca₂rē₃chán'₃ 'nia'₂ táng₃, la₁ on₃jua'₅₄ lia'₂ lē₅ rē₃chan₂ jaun₅ dsa₂ i₂dsan₂. A₂ca₂lín'₃ jaun₅ Diú₄ bá₄ i₂tsá₃ líg'₂ jmīg₄ dsián₃. Ca₂rē₃cháng'₃ tē₂le₃ quian'₅₄ jág₁ jén'₃ quió'₅ Diú₄ bá₄ a₂jio₅ co₂tan₅₄. 24 Ia₁ ne₄ Si₂ juá'₂:

Ca₂le₃jín₃ dsa₂ mi₂güig₃

lín₅ jui₁lia'₂ lē₅ ni₁nau₂,

ca₂le₃jě₃ 'a₂ lia'₂ jláin'₁

lē₅ lia'₂ lē₅ lí₁ jlá'₁ quió'₅ ni₁nau₂.

Jē₁ma₂ca₂rē₃quén₃ ni₁nau₂,

ca₂tá'₂ bá₄ lí₁ ján₃.

25 La₁ jág₁ quió'₅ Te₁gui'₅₄ jio₅ co₂tan₅₄ bá₄.†

Jaun₂ jág₁ dse₃ a₂lión₂ dsa₂ nē₅ ma₂ca₂rē₃ 'ē₂ jín'₄ 'nia'₂.

2

1 Jaun₂ nē₃, co₂dsia₅ tí₃ 'nia'₂ ca₂le₃jě₃ ne₅₄ a₂'lig'₅₄, quian'₅₄ 'a₂ lia'₂ lē₅ jme₁chan'₂ 'nia'₂ jmo'₂ o₁ne'₄, o₁gang'₂, jme₁chan'₂ 'nia'₂ jmo'₂ uig₅ 'au'₂, ca₂le₃jě₃ guē₄ a₂lē₁chi₂dsia'₂ 'nia'₂ 'íng'₅ ríng'₂. 2 Jmo₄ 'nia'₂ nē₂jag₄ bá₄ guein₂ pí'₁ i₂'ín₅ dsí₅ 'ín'₂ dsí'₅₄ jmá'₅ a₂gu₂dsí₂, jaun₂ tē₂le₃ quian'₅₄ a₂jaun₂ qui₂dsi₃can'₅₄ 'nia'₂ ca₂lia'₂ ca₂'ña₅ i₁lión'₂ 'nia'₂, 3 chi₂jua'₂ tē₃dsón'₂ bá₄ ma₂ca₂rē₃len'₄ 'nia'₂ jmá₂ a₂dse₃ dsí₅ Te₁gui'₅₄.*

Cristo bá₄ i₂lín₅ ni₁'lau₂ jén'₃

4 Jme₁quián₄ 'nia'₂ ja₁con₂ Te₁gui'₅₄ i₂lín₅ ni₁cang₁ jén'₃. Dsa₂ mi₂güig₃ nē₃ tsá₃ ca₂rē₃jei₅₄, la₁ tē₂le₃ quió'₅ Diú₄ nē₃ lē₅ ni₁cang₁ rē₂quió'₅₄ a₂jlá'₁ a₂quen₅ guē₄ lín₃. 5 Le₂nē₅ bá₄ 'nia'₂ ján₃, jmo₄ 'nia'₂ 'au'₂ a₂lín'₅ co₂'nió'₄ ni₁cang₁ jén'₃ a₂jmó'₂ Diú₄ ta₁ a₂jui₂₃ jmóg'₅ caun₂ 'né₅ a₂gu₂dsí₂, ia₁jaun₂ dsi₁nó'₅ 'nia'₂ léng'₂ co₂'nió'₄ jme₂dsa₂ i₂lē₅ 'í₁ quiáin₅ i₂qui₂jén'₅ 'e₂ qui₂jén'₅ ne₄ Diú₄ a₂gu₂dsí₂ a₂lē₅ a₂'ño₂ dsí₅ 'éi₂ gue₂₃ tē₂le₃ quian'₅₄ Jesucristo. 6 Ia₁ ne₄ Si₂ juá'₂ ján₃:

la₂ dsián₄ jniá₂ ciudad Sión i₂lín₅ ni₁cang₁

quió'₅ qui'₅₄ 'uig₅₄ 'ia'₂.

Ca₂le₃jín₃ i₂'én₂ le₃quió'₅,

o₁líg'₂ tsá₃ 'ag₃ caun₂-tín₃ dsí₅.†

† 1:22 A₂lín₅₄ chog₅₄ si₂: "a₂le₁jě₃ 'au'₂."

† 1:25 Isaías 40:6-8.

* 2:3 Salmo

34:8. † 2:6 Isaías 28:16.

⁷ Tē₂le₃ quián'₂ 'nia'₂ i₂éng'₂, ni₁'lau₂ jaun₂ lě₅ a₂quen₅ 'ñio₅ lin₃. La₁ tē₂le₃ quió'₅ i₂tsá₃ 'én₂ ně₃, rē₂ti₃ jui₁lia'₂ juá'₂ ne₄ Si₂:
 Ni₁cang₁ a₂tsá₃ ca₂rē₃jī'₅₄ dsa₂ i₂jme₁jmo₁g'₅ 'né₅,
 ca₂lē₃ ni₁cang₁ a₂dse_{n54} guē₄ quió'₅ qui'₅₄ 'ia'₂.†
⁸ Rē₂ti₃ ján₃ ja₁juá'₂ ne₄ Si₂:
 ni₁cang₁ a₂qui₂nió₅ dsa₂,
 ni₁'lau₂ a₂jmo₅ a₂dsi₂gan'₅₄ dsa₂.§
 'Uig₅₄ ia₁ a₂tsá₃ 'nio₃ jme₃ti₃ jág₁ dse₃, qui₂nió₅ jui₁lia'₂ ma₂'i₄ 'éi'₃ dsi₃ñi₂.

Dsa₂ i₂tén₅ le₃quió'₅ Diú₄

⁹ Ma₂lín'₅ bá₄ 'nia'₂ ně₃, jon₂ dsa₂ i₂rē₂quion'₅₄ quián₅ Diú₄.
 Lín₅ co₂nió'₃ jme₂dsa₂ i₂jme₂ti₃ ta₁ ne₄ Rag₅₄, caun₂ juig₂ jñi₅,
 dsa₂ juig₂ quián₅ Diú₄ 'ñiog₅. Ca₂le₃jě₃ a₂ně₅ lín'₅ 'nia'₂, ia₁jaun₂
 qui₂jme₁jnia'₅ 'nia'₂, ca₂le₃jě₃ a₂jlá'₁ a₂ma₂jmo₃ Diú₄. Ia₁ 'éi₂
 bá₄ ma₂ca₂'uín'₂ 'nia'₂ jě₄ qui₁né'₃, ca₂tág₃ tē₂le₃ ja₁jniá₂ si₂
 jlá'₁ quió'₅. ¹⁰ Le₂jñiá₅ ně₃, tsá₃ dsa₂ juig₂ jme₁lín'₄ 'nia'₂; la₁
 rē₂ně₃ ně₃ ma₂ca₂dsi₃nó'₅ 'nia'₂ ma₂lín₅ dsa₂ juig₂ quián₅ Diú₄.
 Ca₂le₂jñiá₅, 'i₁jan₂ tsá₃ 'ein₂ jme₁ñéi₂ dsí₅ 'nia'₂; la₁ rē₂ně₃, Diú₄
 ma₂ca₂tá'₂ ñéi₂ dsí₅.

Tián'₂ 'nia'₂ a₂jme₁ti'₄ ne₄ Diú₄

¹¹ 'Nia'₂ rin'₅₄ jniog₄ i₂nióg₃, 'nia'₂ i₂tiáng'₅ uíng₂ i₂ma₂lín₅
 ně₂jag₄ bá₄ dsi₂nau₂, chi₂len'₄ jniá₂ 'nia'₂ co₂dsia₅ tí₃ 'nia'₂
 ca₂le₃jě₃ a₂'lig'₅₄ a₂'ín₅ dsí₅ ni₁ñi'₁ a₂jmo₅ 'nei₂ ja₁con₂ jme₂dsi₂
 quián'₂ 'nia'₂. ¹² I₂nio₄ bá₄ 'nia'₂ con'₂ dsi₂ten₅₄ jñ₄ dsi₂nau₂ juig₂
 ja₁tiáng'₄, ia₁jaun₂ jui₁la₂ 'ag₂₃ 'iin₂₃ 'nia'₂ 'lig'₅₄ a₂jág₂ jín₂ 'nia'₂
 ně₂jag₄ bá₄ dsa₂ i₂le₁cán'₄ dso₄, la₁ jě₁ma₂ca₂tě₂ ne₅₄ a₂dse₃ jmo'₂
 'nia'₂, jme₃juin'₂ bá₄ Diú₄ jě₁ma₂tě₂ rē₁tě₃dsi₅₄ 'éi'₃.

¹³ Ia₁ a₂gan'₃ 'nia'₂ Te₁gui'₅₄, tión'₂ 'nia'₂ ca₂le₃jě₃ 'éi'₃ qui'₅
 jui₁'ein₂ guē₃ dsi₂tan₅₄ i₂dsián₁ quián₅ dsa₂ ne₄ gua'₅₄ 'uē₃ la₂;
 tión'₂ 'nia'₂ 'éi'₃ qui'₅ jui₁lia'₂ gui'₅₄ dsi₂tan₅₄ emperador ¹⁴ lia'₂
 'éi'₃ quió'₅ i₂lín₅ dsi₄má'₂ i₂dsián₁ quián₅, a₂cuē'₃ uig₅ dsa₂ i₂jmo₅
 'lig'₅₄, la₁ dse₃ 'iin₃ dsa₂ i₂jmo₅ a₂dse₃. ¹⁵ Ia₁ a₂ně₅ bá₄ a₂'nio₃ Diú₄:
 a₂jmo'₂ 'nia'₂ ca₂ne₅₄ a₂dse₃, ia₁jaun₂ dsi₃lén₂ tei₄ dsa₂ co₄ i₂'in₅
 'lig'₅₄ 'nia'₂ ia₁ a₂tsá₃ ñi₅.

¹⁶ I₂nio₄ bá₄ 'nia'₂ jaun₂, lia'₂ jě₁i₂nio₄ dsa₂ i₂ma₂ca₂lón₂
 i₂ma₂ca₂niá₃ jui₅ quió'₅, la₁ tsá₃ o₁leng'₅₄ jua'₅₄ a₂ma₂rē₂na₄ jui₅
 ia₁jaun₂ 'náu'₁ dso₄. Ju₁le₂chan'₂ 'nia'₂ a₂lín₅ dsa₂ i₂jme₂ti₃ ta₁
 ne₄ Diú₄. ¹⁷ Jme₁gan₃ 'nia'₂ ca₂le₃jín₃ dsa₂; jme₁'nió₄ 'nia'₂ ríng'₂
 ně₃. Jme₁gan₃ 'nia'₂ Diú₄, ton'₂ jme₁gan₃ 'nia'₂ dsi₂tan₅₄ dsa₂
 juin'₂.*

† 2:7 Salmo 118:22. § 2:8 Isaías 8:14. * 2:17 lit. "jme₁gan₃ 'nia'₂ rag₅₄."

Caun₂ jág₁ dsau₅ 'a₂ lia₂ lě₅ jm₁uig₅ a₂ca₂i₃η₁₂ Cristo

¹⁸ 'Nia₂ guē₂ dsa₂ i₂jme₂ti₃ ta₁ ne₄ dsa₂, tión₂ 'nia₂ 'ei₅ gau₂ ca₂le₃jě₃ 'e₂ te₂néi₂ juig₂ 'nia₂. Ca₂tín₂ 'nia₂ jme₁ti₄, on₃jua₅₄ jmá₃ ne₄ dsa₂ dsen₃ i₂juin₂ dsí₅; ca₂tín₂ bá₄ 'nia₂ jme₁ti₄ le₂jio₅ ne₄ dsa₂ i₂tsau₂ dsí₅ ně₃. ¹⁹ Ia₁ ja₂lin₃ guē₄ dse₃ tē₂tsin₅₄ dsa₂ ne₄ Diú₄ jme₁jmo₂₃ tió₃ dsí₅ ηág₅ uig₅ on₃jua₅₄ a₂cha₂ riin₂, ne₄ ia₁ a₂lí₄ dsí₅ a₂ηio₂ dsí₅ Diú₄ bá₄. ²⁰ Ia₁ nē₁jua₂ jmo₂ 'nia₂ tió₃ 'au₂ jme₁qui₂dsi₂bang₅₄ ne₄ uig₅₄ dsáu₂ 'nia₂ guiong₅₄, ¿'e₂ a₂dse₃ a₂lé₂ le₃guéi₁ 'nia₂ nē₁jua₂ le₂jaun₂? La₁ nē₁jua₂ ηag₅₄ 'nia₂ uig₅ ne₄ uig₅₄ a₂dse₃ a₂jmo₂, ton₂ jmo₂ 'nia₂ tió₃ 'au₂, ia₁ le₂nē₅ bá₄ dsió₄ tē₂tsin₅₄ 'nia₂ dse₃ ne₄ Diú₄. ²¹ Ia₁ ta₁ jaun₂ ma₂ca₂rē₃tē₄ 'nia₂, ia₁ ján₃ bá₄ ca₂ηág₃ Cristo uig₅ o₄quián₂ 'nia₂, a₂ca₂quio₂g caun₂ jui₅ ia₁jaun₂ le₂nē₅ i₁nio₄ 'nia₂ jui₁lia₂ ca₂ηi₃ 'ηiog₅.

²² 'I₁caun₂ dso₄ tsá₃ 'e₂ ca₂'náu₂,

on₃ guē₂ 'i₁ca₂míg₂ jág₁ a₂jui₁gain₂ ca₂o₃'ág₃ mi₂'o₅₄;†
²³ jme₁qui₂ca₂jnáu₂ dsa₂ jág₁ uig₅, tsá₃ le₂jaun₂ ca₂jéin₃ jág₁ jua₅₄ a₂ca₂quain₃ dsa₂ juē₅. Tē₂le₃ caun₂ bá₄ ca₂'ág₂ dsí₅ ca₂dsiain₃ o₄gú₃ i₂qui₂dsi₅ 'éi₃ lia₂ tí₅. ²⁴ Le₂nē₅ bá₄ ca₂caun₃ Cristo jui₅ nē₁ηi₁₂ 'ηiog₅ dsáu₁ jniog₄ jme₁ca₂ηó₃ ne₄ cróg₄ ia₁jaun₂ dsió₃ jniog₄ ne₄ dso₄, a₂le₃chong₂ táng₃, quián₁ caun₂ jui₅ co₂dsau₅; ne₄ a₂qui₂ca₂cuín₂ Cristo ca₂'lón₂ bá₄ 'nia₂. ²⁵ Ia₁ le₂jniá₅ jme₁i₂nio₄ 'nia₂ lia₂ ja₁i₂nio₄ já₂ cha₂ i₂ma₂i₂cón₅,‡ la₁ rē₂nē₃ ma₂ca₂jén₃ bá₄ táng₃ 'nia₂ le₃quíó₅ Cristo. 'Éi₂ bá₄ i₂jio₅, niog₅ gu₂, jmo₅ 'í₁§ jme₂dsí₂ quián₂ 'nia₂.

3

'A₂ lia₂ dsi₂ten₅₄ le₃chan₂ dsa₂ i₂le₁jen₂ gu₂

¹ Le₂nē₅ bá₄ ján₃, 'nia₂ dsa₂ mí₂ i₂le₁jen₂ gu₂, tión₂ 'nia₂ 'éi₃ quió₅ dsi₂i₂gog₂, ia₁jaun₂ nē₁jua₂ chan₂ i₂tsá₃ 'én₂, lé₂ le₃join₅₄ ia₁jaun₂ le₃'éin₂ ján₃, on₃jua₅₄ a₂'nió₅ juig₅₄ 'nia₂ jág₁ 'líong₂, tē₂le₃ quian₅₄ jui₅ 'a₂ lia₂ lě₅ i₂nio₄ bá₄ 'nia₂, ² ia₁ tē₃ ne₅₄ a₂ma₂lín₂ 'nia₂ dsa₂ i₂le₁jě₃ dsí₅, i₂ηi₅ 'a₂ lia₂ jme₃go₃. ³ Tsá₃ jui₁le₅₄ jua₅₄ a₂jniá₅₄ tión₂ 'nia₂ jlá₁ jmá₃ lia₂ le₃co₅₄, quian₅₄ jui₁lia₂ a₂ηí₄ jlá₁ qui₂rē₂lag₄ dsei₂, o₃ a₂qui₂le₁lin₄ 'nia₂ jui₁lia₂ quian₅₄ mí₂ cu₄nióg₄, tsín₂ jlá₁ ně₃. ⁴ Qui₁jmo₅₄ bá₄ 'nia₂ jláng₁ tē₂le₃ quian₅₄ a₂rē₃'ma₄ tē₂'au₂ 'nia₂, a₂rē₂lag₄ quian₅₄ caun₂ jme₂dsí₂ a₂jmo₂ 'nia₂ meg₂. A₂rē₃lin₄ dsa₂ le₂nē₅ bá₄ lě₅ caun₂ a₂jlá₁ a₂tsá₃ líg₂ jmi₄ dsi₃'én₂, ton₂ quen₅ 'ηio₅ lin₃ tē₂le₃ ja₁con₂ Diú₄. ⁵ Ia₁ le₂nē₅ bá₄ jme₁qui₂le₁lin₄ dsa₂ mí₂ i₂jme₁lě₄ 'í₁ quián₅ Diú₄ ma₂líg₂: jme₁i₂nioi₅₄ caun₂ bá₄ jme₁le₁'ág₄ dsí₅

† 2:22 Isaías 53:9. ‡ 2:25 'Nio₂ ja₁ton₅, Isaías 53:5,6. § 2:25 griego: epískopos.

le₃quíó'₅ Diú₄, ton'₂ tioin'₅₄ 'éi'₃ quió'₅ dsi₂i₂gu₂.⁶ Ján₃ bá₄ le₂ně₅ jme₁lín₄ Sara, ca₂nág₂ gau₂ jág₁ quió'₅ Abraham, jaun₂ ca₂tě₃ "Gui'₅₄ quiáng₃". Le₂ně₅ bá₄ dsi₁nó'₅ 'nia'₂ léng'₂ jui₁lia'₂ jme₁lín₄ 'éi₂, ně₂jag₄ bá₄ chí'₂ quiáin₅ bá₄ ján₃, ně₁jua'₂ ca₂jmo'₅₄ con'₂ dsi₂ten₅₄, tsá₃ ma₃'e₂ gau₂ jiá₃'au'₂ 'nia'₂.

⁷ Le₂ně₅ bá₄ ján₃, 'nia'₂ dsa₂ ŋe'₂, jmo₄ 'nia'₂ 'en₅₄ 'au'₂ 'a₂ lia'₂ tiáng'₄ quian'₅₄ dsa₂ mí₂ quiáng'₂, jui₁ŋei₂ bá₄ a₂ca₂tín₂ jme₁gain'₃ 'nia'₂, ia₁ lín₅ i₂'uan₅₄ guě₄ lia'₂ con'₂ guě₄ guiong'₅₄, lín₅ co₂'nió'₄ caun₂ ni₁vaso a₂go'₂ guě₄; ia₁ co₂rě₂ bá₄ lín'₅ 'nia'₂ dsa₂ i₂rě₂gon'₅₄ i₂ca₂tín₂ le₃chan₂ dse₃. Le₂ně₅ jmo₄ 'nia'₂ ia₁jaun₂ 'i₁caun₂ tsá₃ 'e₂ jnág₅ cha₂ jě₁ma₂tě₂ rě₁chi₁len'₄ 'nia'₂ Diú₄.

Dsa₂ i₂ŋág₅ uig₅ ne₄ ia₁ a₂jmo₂₃ a₂dse₃

⁸ Jě₁ca₂tó'₂ rin'₅₄ jniog₄, jui₁chan'₂ bá₄ 'nia'₂ ca₂le₃jíng'₃ 'ei₅ caun₂ jág₁, jeng'₂ quian'₅₄ ríng'₂; 'ua₁ 'au'₂ 'nia'₂ jmo₄; jme₁'nió'₄ 'nia'₂ ríng'₂; jui₁chan'₂ 'nia'₂ ŋéi₂ 'au'₂; jmo₄ 'nia'₂ meg'₂ ně₃.
⁹ Tsá₃ lě₁jein'₅₄ 'nia'₂ 'lig'₅₄ quian'₅₄ a₂'lig'₅₄; tsá₃ tē₁óng'₁ dsa₂ i₂tě₂'o'₂. Tě₂le₃jein'₅₄ jág₁ dse₃ a₂jme₃gu'₅₄ Diú₄ quió'₅ dsa₂ le₂'éi₂. Ia₁ ta₁ ně₅ bá₄ a₂'nio₃ Diú₄ jmó'₂ 'nia'₂ a₂ma₂ca₂tě₃, ia₁jaun₂ bá₄ tin'₃ 'nia'₂ jme₃gu'₅₄ Diú₄.¹⁰ Ia₁:

Ca₂le₃jín₃ dsa₂ i₂'nio₃ le₃chan₂ dse₃

ca₂tín₂ jmo₃ 'í₁ le₁tsi'₂

jaun₂ tsá₃ 'ŋiái₃ jág₁ 'lig'₅₄,

on₃ guě'₂ 'nió'₅ 'uě'₃ jág₁ tē₂jág₁ mī₂'o₅₄.

¹¹ Co₂dsia₅ 'nió'₅ quiá'₂ dsa₂ cau₅

jui₁lia'₂ jui₅ 'lig'₅₄, jmo₃ ca₂ne₅₄ a₂dse₃;

'nió'₅ 'no'₂ dsa₂ jui₅ ja₁'ei₅ tei₄,

jaun₂ jui₅ jaun₂ 'en₃.

¹² Ia₁ jme₁ne₁ Te₁gui'₅₄ tsá₃ 'na₂ jín₂ dsa₂ dsen₃,

ton'₂ rě₂jáin₁ nag₂₃ 'e₂ chi₂léi'₂ dsa₂ quiáin₅,

la₁ tē₂le₃ quió'₅ i₂jmo₅ a₂'lig'₅₄,

le₂cau₅ bá₄ jéin'₅ ne₅₄.^{*}

¹³ ħ₂'ein₂ bá₄ lé₂ le₃jmóg'₂ ně₁jua'₂ dsen₅₄ 'au'₂ 'nia'₂ ca₂jmo'₅₄ a₂dse₃? ¹⁴ La₁ jui₁'a₂ guě₃ la₂ ŋag'₅₄ 'nia'₂ uig₅ ne₄ ia₁ a₂jmo'₂ 'nia'₂ a₂dse₃, la₁ia₁ 'e₂ guě₄ dsen'₃ 'nia'₂ chang'₂ jua'₅₄ le₂jaun₂. Tsá₃ jmo₂ 'nia'₂ gang'₃ 'e₂ a₂gó'₅ dsa₂ 'éi₂ chain₂, on₃ guě'₂ cán'₁ 'nia'₂ juě'.[†] ¹⁵ Tě₂le₃ jmo₄ bá₄ 'nia'₂ 'au'₂ a₂lín₅ Cristo juig'₂ 'nia'₂ i₂jŋiós, a₂lě₅ 'í₁ tē₂'au'₂ 'nia'₂. Chan'₂ 'nia'₂ rě₂jáng'₁, a₂jein'₅₄ jág₁ quió'₅ dsa₂ i₂'nio₃ le₃ŋi₅ 'a₂ lia'₂ lě₅ a₂'ín₂ 'au'₂ 'nia'₂. Jŋia'₅₄ lia'₂ jmo₄ a₂ně₅ jmá'₃ lia'₂ quian'₅₄ a₂'ua₁ 'au'₂, a₂jme₁gan'₃ 'nia'₂ dsa₂ ně₃, a₂qui₂le₁jě₃ a₂qui₂dsi₂jŋi₅ 'au'₂, ¹⁶ ia₁jaun₂ le₃gui'₅₄ dsa₂

* 3:12 Salmo 34:12-16. † 3:14 Isaías 8:12.

i₂chi₂'ag₅ 'lig'₅₄ o₄quió'₄ jui₅ dse₃ a₂i₂nio'₄ 'nia'₂ le₃quió'₅ Cristo.
 17 Nē₁jua'₂ le₂jaun₂ 'nio₃ Diú₄, ja₂lin₃ guē₄ dse₃ a₂ñág₅ dsa₂ uig₅
 ne₄ ia₁ a₂jmo₂₃ a₂dse₃, lia'₂ con'₂ guē₄ ne₄ a₂jmo₂₃ a₂'lig'₅₄.

18 Ia₁ le₂nē₅ bá₄ ján₃, co₂ráun₂ bá₄ ca₂jon₃ Cristo† jme₁ca₂join₃
 ne₄ 'uig₅₄ dsáu₁ jniog₄. I₂jme₁lín₄ jan₂ dsa₂ dsen₃ co₂ñí₂ bá₄
 'éi₂, ca₂join₃ o₄quió'₄ dsa₂ cha₂ dsáu₁, ia₁jaun₂ tē₂ ja₁con₂ Diú₄.
 Ca₂join₃ jui₅ ni₁ñi₁₂, ton'₂ ca₂jein'₅₄ bá₄ táng₃ tē₂le₃ quian'₅₄
 Jme₂dsí₂. 19 Jaun₂ le₂nē₅, ca₂ñei₅₄ ca₂i₁'ē₄ jág₁ ja₁con₂ jme₂dsí₂
 i₂jme₁tion'₅₄ le₁jní₅ 20 i₂tsá₃ ca₂nág₂ gau₂ jmig₄ ma₂líg'₂ jaun₂
 lia'₂ con'₂ jme₁chan₂ Noé. Uē₂ bá₄ ca₂jmo₃ Diú₄ juin'₂ dsí₅
 ca₂jñia₃ tē₂lia'₂ lē₂ ni₁barco.Š Jñia₃ tan₅₄ dsa₂ bá₄ lē₂ i₂ca₂lón₂
 quian'₅₄ a₂jaun₂ jme₁ca₂'a₃ jmig₂ mi₂güí₃. 21 A₂jaun₂ jáng'₅
 caun₂ léi₄ jme₁chó₅ jniog₄ jmig₂ jmig₄ rē₂nē₃, a₂ma₂ca₂lag₃
 jniog₄ dsa₂ i₂ma₂ca₂lón₂; on₃jua'₅₄ a₂jñia'₃ a₂'lian₅₄ dsa₂, tē₂le₃
 a₂jáng'₂ jniog₄ caun₂ léi₄ a₂quián₁ jniog₄ caun₂ jui₅ a₂le₁jē₃
 jme₂dsí₂ quián₂ tē₂le₃ ne₄ Diú₄ bá₄, ton'₂ ca₂lō₂ jniog₄ tē₂le₃
 quian'₅₄ jui₅bí₂ a₂ca₂jen'₅₄ Jesucristo. 22 Ca₂uig₂ táng₃ ñái'₃
 guei'₅₄ i₂juí₃; ja₁jaun₂ guá₅ tē₂le₃ gu₂ ne₁ Diú₄; 'éi'₃ quió'₅ 'éi₂
 bá₄ tion'₅₄ ca₂le₃jín₃ ángeles quian'₅₄ ca₂le₃jín₃ i₂lín₅ ta₁, ca₂le₃jín₃
 guē₄ i₂'io₅ jui₅bí₂ nē₃.

4

A₂jme₂ti₃ dsa₂ lia'₂ con'₂ lē₅ jui₅bí₂ a₂ma₂cuē₃ Diú₄

1 Jaun₂ lē₃, ia₁ ca₂ñág₃ Cristo uig₅ jui₅ ni₁ñi₁₂, le₂nē₅ bá₄ 'nia'₂
 ján₃ chan'₂ 'nia'₂ rē₂lín₅ caun₂ 'éi₂ 'nia'₂ 'au'₂ a₂cán₁ jmi₁uig₅.
 Ia₁ jui₁lia'₂ dsa₂ i₂ma₂ca₂ñág₃ uig₅ jui₅ ni₁ñi₁₂, co₂dsia₅ ma₂tí₂ bá₄
 jui₅ jē₁jme₁'no₂₃ dso₄. 2 A₂le₃chain₂ táng₃ tē₂le₃ ne₄ jui₅ ja₁ñó₄,
 a₂jme₃ti₃ a₂'nio₃ Diú₄ bá₄, tsá₃ ma₃le₃chain₂ jua'₅₄ a₂cuē₃ guē₄
 o₂ñi₃ o₂jñia₃ dsí₅ con'₂ niog₅ mi₅ ni₁ñi₁₂. 3 Tió'₅, a₂ma₂ca₂ñí₂
 juin₅₄ qui₂ma₂jmo'₅₄ 'nia'₂ ja₁ma₂ja₂nóg₅, lia'₂ con'₂ lē₅ jmo₅-
 dsáu₅ ca₂le₃jín₃ dsa₂ i₂tsá₃ cuin₅ Diú₄. Ia₁ jme₁chan'₂ 'nia'₂
 tsá₃ caun₂ a₂jme₁'ín₅ 'au'₂; tsá₃ caun₂ a₂'lig'₅₄ a₂jme₁qui₂lē₂ 'au'₂
 'nia'₂ nē₃; jme₁qui₂i₂niog'₅₄ qui₂le₁'eng'₅; jme₁qui₂quē'₂ 'nia'₂
 tóng'₂ chí₅ co₂mi'₅₄ niog₅ jmig₄. Jme₁'ág'₂ 'nia'₂ ca₂lia'₂ tsá₃
 cuente niog₅; jme₁jme₂juín'₂ 'nia'₂ diú₄ lag₄, caun₂ a₂'io'₅₄ Diú₄.
 4 Dsi₂gó'₃ dsí₅ dsa₂ 'éi₂ a₂tsá₃ jme₂quaiain'₅₄ 'nia'₂ jē₄ ca₂le₃jē₃
 a₂i₂juin₅₄ a₂'lig'₅₄ a₂jmo₅-dsáu₅, jaun₂ 'lig'₅₄ bá₄ 'ag₂₃. 5 La₁ já₅
 bá₄ jmig₄ ja₁jáng'₃ cuenta quió'₅ ne₄ i₂ma₂lē₅ co₂jñia₅₄ con₂ 'í₁
 lia'₂ quió'₅ i₂chan₂ lia'₂ quió'₅ i₂ma₂dsan₃ nē₃. 6 'Uig₅₄ nē₅,
 ca₂rē₃'ē₂ jág₁ dse₃ ca₂lia'₂ ja₁con₂ dsa₂ i₂ma₂dsan₃: ia₁jaun₂
 tē₃dsi₅₄ 'éi'₃ le₃quió'₅ ni₁ñi₁₂, lia'₂ con'₂ lē₅ dsi₂jio₅ dsí₅ dsa₂

† 3:18 A₂lin₅₄ chog₅₄ si₂: “ca₂ñág₃ Cristo uig₅.”

Š 3:20 Noé: 'Í₂ Génesis 6 - 9.

mi₂güig₃, ia₁jaun₂ guë₄ le₃chain₂ jui₅ jme₂dsí₂ ně₃, lia₂ con₂ lě₅ dsi₂jio₅ dsi₅ Diú₄.

⁷ La₁ ja₂quián₃ bá₄ jmi₄ jě₁dsian₅ ca₂le₃jě₃. Jaun₂ ně₃ len₅₄ 'nia'₂ chang₂, 'en₅₄ 'au'₂, ia₁jaun₂ lé₂ chi₁leng₄ Diú₄.

⁸ La₁ a₂dsen₅₄ guë₄ 'ñio₅ lin₃, 'nió'₅ a₂jme₁'nió'₄ 'nia'₂ ríng₂ 'ñio₅ lin₃ le₂jang₂ le₂jang₂. Ia₁ ja₁'nio₃ dsa₂ rin₅₄, 'líong₂ o₂'én₂ dso₄ cha₂ ja₁con₂ rin₅₄ dsa₂.^{*} ⁹ Guen₅₄ 'nia'₂ ríng₂ i₂qui₂dsi₂jag₅₄ dsi₂néi₂ quiáng₂, on₃jua₅₄ a₂qui₂dsi₂mé₂ 'au'₂ quiaín₅₄. ¹⁰ Le₂jan₂ le₂jan₂ 'nia'₂ ca₂tíng₂ jme₁'ong₁ ríng₂ lia₂ con₂ lě₅ ma₂ca₂rě₃tíng₃ a₂'líong₂ ne₅₄ a₂ma₂ca₂jme₃gu₅₄ Diú₄, a₂niog₅ gog₂ 'nia'₂ jmó₂. ¹¹ Nějua₂ 'ein₂ 'nio₃ te₂néi₂ jág₁, jui₁te₂néi₂ bá₄ quian₅₄ jág₁ quió₅ Diú₄. Nějua₂ chan₂ guë₂ 'ein₂ 'nio₃ jme₃o₅₄ jui₁jme₂o₅₄ bá₄ lia₂ con₂ lě₅ jui₅bí₂ a₂ma₂cuë₅ Diú₄, ia₁jaun₂ le₂ně₅ bá₄ le₃juín₂ Diú₄ ne₄ ca₂le₃jě₃ tē₂le₃ quian₅₄ Jesucristo. 'Ēi₂ bá₄ ca₂tín₂ η₂ ca₂le₃jě₃ ti₁'mag₄, ca₂le₃jě₃ jui₅bí₂, ca₂le₃jě₃ jmi₄ co₂tan₅₄. ¡A₂méi₃!

A₂ηág₅ dsa₂ uig₅ ne₄ 'uig₅₄ ia₁ a₂'éin₂

¹² 'Nia'₂ rin₅₄ jniog₄ i₂'nióg₃, tsá₃ lě₁jmo₂ 'nia'₂ go₂i₃ jme₁dsi₂ñí₂ táu₂ a₂lě₅ lia₂ lě₅ si₂ dséi₂ ja₁con₂ 'nia'₂, jua₅₄ a₂le₃jmó₂ 'nia'₂ 'au'₂ jua₅₄ a₂tsá₃ ma₂cuín₂ 'nia'₂, 'a₂ lia₂ lě₅ dsi₂ñí₂. ¹³ Tē₂le₃ jmo₄ 'nia'₂ 'io'₂, ia₁ le₂ně₅ bá₄ can₂ 'nia'₂ ján₃ jmi₁uig₅ jui₁lia₂ a₂ca₂i₃ñí₂ Cristo, ia₁jaun₂ bá₄ cán₁ 'nia'₂ ján₃ o₂'ñió₃ 'au'₂ 'ñio₅ lin₃ jě₁ma₂tě₂ rě₁jme₃jniai₂₃ 'a₂ lia₂ jláin₁. ¹⁴ 'E₂ guë₄ dsen₃ 'nia'₂ jme₁tě₂'o'₂ 'ein₂ tē₂'o'₂ o₄quió₄ Cristo, ia₁ le₂ně₅ bá₄ tē₂'ñiá₄ Jme₂dsí₂ quián₅ Diú₄ i₂tág₅ co₂'né₅ ne₄ quián₂ 'nia'₂. ¹⁵ Chi₂jua₂ 'ein₂ 'nia'₂ dsi₂ñí₂ uig₅, la₁ lag₃ ně₁jua₂ tsá₃ lě₅ dso₄ 'ang₂, o₃ a₂ca₂jñi₃ dsa₂, o₃ chan₂ i₂ca₂cuë₃ dsa₂ mi₂güig₃ rin₅₄, o₃ a₂qui₂tiáin₂ caun₂ ja₁tsá₃ ca₂tín₂. ¹⁶ La₁ ně₁jua₂ ηag₅₄ 'nia'₂ uig₅ ca₂ne₅₄ ia₁ a₂líng₅ dsa₂ “cristianos”, tsá₃ 'nió'₅ jmó₂ 'nia'₂ gueng₅₄. Diú₄ bá₄ 'nió'₅ jme₁juín₂ 'nia'₂ ia₁ a₂quiong₅ dsa₂ le₂jaun₂.

¹⁷ Ia₁ ma₂tě₂ jmi₄ a₂tě₂dsi₅₄ 'éi'₃ le₂'uig₅₄ de₂ ja₁con₂ dsa₂ dsi₂néi₂ quió₅ Diú₄. Chi₂jua₂ le₂'uig₅₄ jme₂lióg₃ quian₅₄ jniog₄, ¿'a₂ bá₄ lia₂ dsióg₄ dsi₁ñí₂ ca₂le₃jín₃ i₂tsá₃ jme₂ti₃ jág₁ dse₃ quió₅ Diú₄? ¹⁸ Chi₂jua₂ quian₅ ta₁ lin₃ a₂tín₅ dsa₂ dsen₃, “¿'ě₂ guë₄ bá₄ dsióg₄ dsi₁ñí₂ dsa₂ i₂tsá₃ Diú₄ cuín₅, i₂le₁cán₄ dso₄?”† ¹⁹ Jaun₂ ně₃, i₂ηág₅ uig₅ lia₂ con₂ lě₅ 'ñio₂ dsí₅ Diú₄, ca₂tín₂ caun₂ jmo₃ a₂dse₃ bá₄, dsia₃ o₄gú₃ Diú₄ jme₂dsí₂ quió₅, ia₁ Diú₄ bá₄ i₂ca₂jmó₂ 'éi₂, i₂rě₂ti₅₄ ně₃.

* 4:8 'Nio'₂ ja₁ton₅ Proverbios 10:12. † 4:18 Proverbios 11:31.

5

*Toin'*₂ *jág*₁ *dse*₃ *dsa*₂ *'én*₂

¹ Jaun₂ ně₃, jág₁ la₂ cuě₅ jniá₂ ca₂le₃jín₃ dsa₂ can'₅₄ i₂quian₅ ne₄ jui₅* quían'₂ 'nia'₂, ia₁ le₂ně₅ bá₄ jniá₂ 'ñio₃ ján₃ líng₅ jan₂ dsa₂ juin'₂ i₂niog₅ ne₄ guá'₅, ton'₂ líng₅ jan₂ i₂ca₂tě₂ ne₄ 'a₂ lia'₂ lě₅ jmi₁uig₅ a₂ca₂i₃ñí₂ Cristo. Jaun₂ le₂ně₅ bá₄ ján₃, líng₅ jan₂ i₂jme₃quian'₅₄ jě₁ma₂tě₂ rě₁jme₃jni₂₃ a₂jláin'₁. Jág₁ la₂ juíg₂ jniá₂ 'nia'₂; ² Dse₃ jmo₄ 'nia'₂ 'í₁ guá'₅ quían₅ Diú₄ i₂lín₅ co₂nió'₃ já'₂ cha'₂ i₂niog₅ gog'₂. Jmo₄ 'nia'₂ ta₁ ně₅ a₂'ñio₂ 'au'₂, lia'₂ con'₂ lě₅ 'nio₃ Diú₄. Tsá₃ jmo₂ 'nia'₂ 'au'₂ jua'₅₄ a₂chan₂ i₂chi₂quióng₂ jmig₄, on₃ guě'₂ jmo₂ 'nia'₂ 'au'₂ jua'₅₄ a₂ñí₄ 'ín₅ 'au'₂ cu₄ ně₃. Jmo₄ 'nia'₂ ta₁ quió'₅ Diú₄ a₂dsen₅₄ 'au'₂. ³ Tsá₃ jmo₂ 'nia'₂ jua'₅₄ guion'₅₄ 'nia'₂ ca₂tíng'₂ jmó'₂ gong'₂ ne₄ quió'₅ guá'₅ i₂niog₅ gog'₂, tě₂le₃ ca₂tín'₂ bá₄ 'nia'₂ cuě'₅₄ caun₂ jui₅ dse₃ já'₂ cha'₂ quían₅ Diú₄. ⁴ Jaun₂ bá₄ jě₁ma₂tě₂ jmig₄ i₁jme₃jni₂₃ i₂lín₅ juig₅₄ dsen₅₄ i₂quían₅ juig₅₄ já'₂ cha'₂, ñe'₂ 'nia'₂ jma₃caun₃ corona a₂tsá₃ líg'₂ jmig₄ le₃juing₅.

⁵ Le₂ně₅ bá₄ 'nia'₂ dsa₂ chi'₂ ján₃, tión'₂ 'nia'₂ 'éi'₃ quió'₅ dsa₂ can'₅₄ quían'₂ 'nia'₂. Ton'₂ jui₁qui₂rě₂lín'₅₄ quian'₅₄ a₂meg'₂ ja₁con₂ ríng'₂ le₂jang'₂ le₂jang'₂, ia₁:

Tsá₃ jen₅₄ Diú₄ jui₁lia'₂ dsa₂ i₂jmo₅ rón₂,

la₁ jme₂oin₅₄ a₂'ua₁ dsí₅ dsa₂ i₂jmo₅ me'₂.†

⁶ Jaun₂ ně₃, le₂ně₅ jmo₄ 'nia'₂ meg'₂ o₄gú₃ bén₂ quió'₅ Diú₄ ia₁jaun₂ bá₄ chó'₂ 'éi₂ jmig₄ jaun₂ quió'₅. ⁷ O₄gú₃ 'éi₂ dsia₄ 'nia'₂ ca₂le₃jě₃ 'e₂ o₂i₁ dsí₅ a₂chan'₂ 'nia'₂, ia₁ dsan₂ bá₄ dsí₅ 'éi₂ 'nia'₂ ján₃.

⁸ 'En₅₄ 'au'₂ 'nia'₂ jmo₄, chang'₂ rě₂jáng'₁, ia₁ i₂sě₃dsen₃ i₂'ñia₅₄ 'nia'₂ ñi₂₃ lín₅ lia'₂ lín₅ 'ia'₂ i₂ñi₅ i₂jme₂'ne₅₄ 'ñiog₂ a₂'nai'₂ 'ein₂ i₂'nio₃ quín'₂. ⁹ Quian'₅₄ a₂'én'₂ 'nia'₂, nau₂ tiá₂ queng'₂ ne₅₄, ia₁ ñi'₅₄ bá₄ 'nia'₂ ta₁caun₂ mi₂güig₃ bá₄ qui₂dsi₂ñí₂ ríng'₂ jmi₁uig₅ le₂ně₅ ján₃. ¹⁰ Ia₁ jě₁ma₂ca₂ñi'₂ 'nia'₂ co₂'na₂ uig₅ le₂ně₅, 'ñiog₅ bá₄ Diú₄ i₂'ua₁ dsí₅ lín₃ chei'₃ táng₃ rě₂ a₂jme₃'ñiai₂₃ a₂'nió'₅ guě₄ quían'₂ 'nia'₂, cuě₃ bí₂ náu'₁ 'nia'₂ tiá₂. Jme₃gu'₅₄ bá₄ 'éi₂ jniog₄ ne₄ ca₂le₃jě₃ ne₅₄ a₂dse₃. Ia₁ ma₂ca₂tě₃ jniog₄ le₃quió'₅ Cristo Jesús, a₂jme₁quian'₄ jniog₄ co₂tan₅₄ ja₁co₂tág₅ co₂'né'₅ quió'₅. ¹¹ 'Éi₂ bá₄ ca₂tín₂ jui₅bí₂ ca₂le₃jě₃ jmig₄ co₂tan₅₄. A₂mei₃.

*Cuag*₂₃ *Diú*₄ *jě*₁*ca*₂*tó*₂ *jě*₁*ág*₅ *jág*₁

¹² Tě₂le₃ quian'₅₄ Silvano† i₂jing₅₄ lia'₂ ja₁jing₁₂ jan₂ ríng'₃ i₂rě₂ti'₅₄, ma₂jmo₃ si₂la₂ja₁juá'₅ tin₃-ñi₅ jon₂jág₁ a₂cuě₃ bí₂'nia'₂. Jág₁ a₂ma₂ně₂juá'₃ jniá₂ ně₅, jáng'₅ léi₄ 'a₂ lia'₂ dsón'₂ 'ua₁ dsí₅

* 5:1 griego: presbíteros. † 5:5 Proverbios 3:34. ‡ 5:12 Co₂'nió'₄ lia'₂ chen₂ Silas.

Diú₄. Jaun₂ nau₂ 'nia'₂ tiá₂ jui₅ ně₅. ¹³ Guá'₅ i₂chan₂ ja₁tě'₂
 dsa₂ jui_g₂ “Babilonia” la₂, dsa₂ i₂ma₂ca₂quióin'₂ Diú₄ jui₁lia'₂
 ma₂ca₂quióin'₂ 'nia'₂, dsiáin'₂ jág₁ a₂cuin₂₃ Diú₄ 'nia'₂, le₂jaun₂
 bá₄ Marcos jón₃ quiáng₃ ně₃. ¹⁴ Cuin₅₄ 'nia'₂ Diú₄ ríng'₂ le₂jang'₂
 le₂jang'₂, chen'₅₄ § 'nia'₂ jú'₅ ríng'₂ ia₁ a₂'nióg'₃ ríng'₂.

Tián'₂ bá₄ 'nia'₂ 'ei₅ tei₄ ca₂le₃jín'₃ 'nia'₂ i₂tén₅ le₃quió'₅ Cristo.
 Co₂ně₅.

Si₂ carta jë₁ca₂të₂ tin₃ a₂ca₂jmo₃ SAN PEDRO

Jmo₅ Pe₄ si₂ a₂chein₃ ne₄ dsa₂ 'én₂

¹ Jniá₂, Si₂mu₅₄ Pe₄, líng₅ dsa₂ i₂jme₂ti₃ ne₄ Jesucristo, ton'₂ líng₅ jan₂ i₂chen₄ quiáin₅. Jmo₂₃ si₂ carta la₂ a₂tsíng₂ ne'₅₄ 'nia'₂ i₂ma₂ca₂rë₃'éng'₂. Ia₁ të₂le₃ a₂ñí₄ lë₃ dsen₃ Diú₄ quián₂ jniog₄ quiain'₅₄ Jesucristo i₂ma₂ca₂lió₂, ma₂ca₂ñi'₂ 'nia'₂ jág₁ dse₃ jlá'₁ a₂ca₂rë₃'éng'₂ jui₁lia'₂ 'éin₂ jnia'₅₄. ² Jui₁chan'₂ bá₄ 'nia'₂ jme₂gu'₅₄ Diú₄, ton'₂ jui₁jmo₁₂ bá₄ 'ei₅ tei₄ lia'₂ qui₂rë₂tsón₂ të₂le₃ ia₁ a₂ma₂ca₂rë₃cuin'₂ 'nia'₂ 'a₂ lia'₂ lín₅ Diú₄ quian'₅₄ Jesucristo Te₁gui'₅₄ quián₂ jniog₄.

'A₂ lia'₂ dsi₂ten₅₄ lén₂ dsa₂ 'én₂

³ Diú₄ ma₂cuë₃ quian'₅₄ bí₂ quió'₅, ca₂le₃jë₃ a₂'nió'₅ quián₂ jniog₄ le₃chong₂, a₂léi₂ jniog₄ dsa₂ jnió'₅ ně₃, ton'₂ ma₂jmo₃ ján₃ a₂ma₂ca₂rë₃cuin'₂ 'nia'₂ 'a₂ lia'₂ lín₅. Ma₂ca₂të₃ jniog₄ të₂le₃ quian'₅₄ jui₅bí₂ jlá'₁ quió'₅, 'uig₅₄ ia₁ a₂ñí₄ dse₃ dsí₅.^{*} ⁴ Le₂në₅ ma₂ca₂quiog₂ 'líong₂ jág₁ ca'₅₄ a₂quen₅ 'ñio₅ lín₃ quió'₅, ia₁jaun₂ të₂le₃ quian'₅₄ jág₁ a₂ma₂cuë₃ jaun₂ dsi₁nó'₅ 'nia'₂ líong'₂ jui₅ ja₁tión₂ dsa₂ mi₂güig₃ ja₁dsi₃'éin₂ 'uig₅₄ ia₁ a₂tsá₃ caun₂ 'ín₅ dsí₅, ton'₂ dsi₁nó'₅ 'nia'₂ léng'₂ lia'₂ lín₅ Diú₄. ⁵ Jaun₂ lë₃, quen'₂ 'nia'₂ bí₂ ne₄ ia₁ a₂'éng'₂, quian₂ 'nia'₂ caun₂ jui₅ dse₃; ia₁jaun₂ ne₄ jui₅ dse₃ jaun₂, jui₁len'₅₄ 'nia'₂ dsa₂ i₂ñí'₂ dsí₅; ⁶ ne₄ ja₁ñó₄ jaun₂ táng₃, jui₁le₂ñí'₂ 'au'₂ 'nia'₂ 'a₂ lia'₂ jme₁'uang'₅₄ 'au'₂ guiong'₅₄; ne₄ ja₁ñó₄ jaun₂ táng₃, jui₁len'₅₄ 'nia'₂ dsa₂ i₂juin'₂ dsí₅; ne₄ jui₅ ja₁ñó₄ jaun₂ táng₃, jui₁len'₅₄ 'nia'₂ dsa₂ i₂qui₂rë₂jín'₅₄ ne₄ Diú₄; ⁷ ja₁ñó₄ jaun₂, jmo₄ 'nia'₂ 'ua₁ 'au'₂; jë₁ca₂tó'₂ guë₄ ně₃, jme₁'nió₄ 'nia'₂ ríng'₂.

⁸ Ia₁ në₁jua'₂ quian'₅₄ 'nia'₂ jui₅ le₂në₅, dsi₂cang'₅₄, tsá₃ lë₅ jua'₅₄ a₂tsá₃ ta₁ tí₄ 'a₂ lia'₂ niog₅ chan'₂ 'nia'₂, tsá₃ jua'₅₄ a₂lë₁ma₂ca₂rë₃cuin'₂ 'nia'₂ Te₁gui'₅₄ Jesucristo quián₂. ⁹ Ia₁ jui₁lia'₂ dsa₂ i₂tsá₃ jme₂tin₅ dsí₅ le₃chain₂ lia'₂ con'₂ lë₅ jág₁ ně₅, lín₅ në₂jag₄ bá₄ jan₂ dsa₂ ten₄, o₃ jan₂ dsa₂ i₂tsá₃ lín₄ uíng₂ jnió'₅, ia₁ ma₂ca₂i₃'én₂ bá₄ dsí₅ a₂jme₁ma₂le₁chí₄ quió'₅, ca₂le₃jë₃ dso₄ a₂jme₁rë₂cáin'₄ le₂jñiá₅. ¹⁰ Jaun₂ ně₃ 'nia'₂ rin'₅₄ jniog₄, dsen₅₄ 'au'₂ 'nia'₂ cuë'₅₄, ia₁jaun₂ bá₄ chi₁dse₃ ta₁ a₂ma₂ca₂të₃ Diú₄ a₂ma₂quióin'₂ 'nia'₂. Ia₁ në₁jua'₂ ca₂tión'₂ 'nia'₂ quian'₅₄ jui₅ ně₅, o₁líg'₂ tsá₃ ma₃tsi₃sén'₂ 'nia'₂. ¹¹ Ia₁ le₂në₅ bá₄ tin'₃ 'nia'₂,

* 1:3 A₂lin₅₄ chog₅₄ si₂: "Ma₂ca₂të₃ jniog₄ a₂jme₁jnia₅ jui₅bí₂ jlá'₁ quió'₅ 'ñiog₅."

caun₂ dse₃ ja₁o₁tong⁴ co₂tan₅₄ guei⁵⁴ i₂juig₃ ja₁gon₂ Te₁gui⁵⁴ Jesucristo quián₂ i₂lió₂.

¹² Jui₁la₂ ma₂ñi⁵⁴ 'nia'₂, la₁ co₂tan₅₄ bá₄ ca₂tín₂ jniá₂ juá⁴ ia₁jaun₂ bá₄ dsiog² 'au'₂ 'nia'₂ náu¹ tiá₂ jui₅ dsau₅ a₂ma₂tión² 'nia'₂ ja₂nóg⁵. ¹³ Ia₁ lín₂ jniá₂ 'ñio₃, 'ñio₅ lín₃ dsi₂ten₅₄, a₂juig₅₄ jniá₂ 'nia'₂ tē₁lia² chang₂ guē₄ ni₁ñi₃ la₂, jaun₂ dsiog² 'au'₂ jág₁ nē₅. ¹⁴ Ia₁ a₂ma₂ca₂rē₃guion₅₄, ñi⁵⁴ ta₁ bá₄ tí₄ ni₁ñi₃† lia² con² lē₅ ma₂ca₂jme₃jnia₅ Jesucristo Te₁gui⁵⁴ quián₂ jniog⁴. ¹⁵ La₁ quín⁵ jniá₂ bí₂ juá⁵ ia₁jaun₂ dsiog² 'au'₂ 'nia'₂ co₂tan₅₄, jē₁ma₂jong₂₃, ca₂le₃jē₃ jág₁ nē₅ ca₂juá³.

Dsa₂ i₂qui₂ca₂tē₂ ne₄ 'a₂ lia² lē₅ jui₅bí₂ quió⁵ Cristo

¹⁶ Ca₂le₃jē₃ a₂ma₂ca₂jme₁tag₅ jnia⁵⁴ 'a₂ lia² lē₅ jui₅bí₂ quió⁵ Te₁gui⁵⁴ Jesucristo, 'a₂ lia² lē₂ i₁guain² táng₃, jaun₂ tsá₃ o₁len² 'nia'₂ jua⁵⁴ a₂lín² jág₁ la₂ a₂lē₁qui₂ca₂'náu³ dsí₅ dsa₂ i₂ñí₄ 'io₅ mai₅₄ 'a₂ lia² jme₃gau₂₃. Ia₁ guio₅₄ dsón² bá₄ jnia⁵⁴ ca₂tē₂ ne₄ ton² ca₂né₄ jnia⁵⁴ 'a₂ lia² lē₅ jui₅bí₂ a₂ca₂jme₃jniai₂₃ a₂jláin¹. ¹⁷ Ca₂jme₃juag² Diú₄ Jmei₂ lia² con² jme₁ca₂né² jág₁ juē² quió⁵ jme₁ca₂juá²: “I₂la₂ bá₄ jón₃ quiáng₃ i₂ñí₄ lē₃ 'nió₃ guē₄ lín₃; 'e₂ bá₄ 'ñio₂ dsi₃ quiaín⁵⁴.”† ¹⁸ Le₂nē₅ ca₂né₁ jnia⁵⁴ guio₅₄ jág₁ nē₅ a₂ca₂já₃ guei⁵⁴ i₂juig₃, lia² con² jme₁quiaín⁵⁴ jnia⁵⁴ ne₄ má² jñio₅ jaun₂.

¹⁹ Le₂nē₅ bá₄ lē₅ chi₁dse₃ 'ñio₅ lín₃ bá₄ jág₁ ron₅ quió⁵ dsa₂ i₂jme₁ē₂ jág₁ quián₅ Diú₄ ma₂líg². Jaun₂ 'nia'₂ nē₃, dse₃ lín₃ bá₄ dsi₁nóg⁵ nē₁jua² ca₂tión² 'nia'₂ jui₅, ia₁ lē₅ lia² lē₅ caun₂ ni₁tsí₅ chi₁gui² si₂ tág₅ jē₄ qui₁né³, ca₂lia² ca₂jnia₃ ca₂lia² ca₂'ñia₂ Nei₅ 'Ióg₁Š i₂jmo₃ tág₅ tē₂'au'₂ 'nia'₂. ²⁰ La₁ ne₄ ca₂le₃jē₃, dsá₂ 'au'₂ 'nia'₂ jmo₄ a₂la₂: 'i₁caun₂ jág₁ a₂rē₂ē₂ ne₄ Si₂ quió⁵ Diú₄ tsá₃ ca₂tó² dsa₂ quián₅ Diú₄ jua⁵⁴ 'a₂ con² ca₂ñí² dsí₅ guioín₅₄. ²¹ Ján₃ bá₄ guē² le₂jaun₂, tsá₃ jág₁ cha₂ jua⁵⁴ ca₂rē₃lióg₃ 'uig₅₄ con² 'ñio₂ dsí₅ dsa₂ mi₂güig₃. Dsa₂ 'éi₂ nē₃, tē₂le₃ ca₂dsia₃ bá₄ o₄quió⁴ Diú₄ lia² con² lē₅ ca₂jio₃ Jme₂dsí₂ Jñio₅.

2

*Dsa₂ i₂jme₂tag₅ jág₁ a₂tsá₃ tí₅
(Judas 4—13)*

¹ Le₂nē₅ bá₄ ca₂rē₃chán₃ dsa₂ i₂jui₁gan₂ ján₃ i₂ca₂ē₂ jág₁ a₂tsá₃ tí₅ jin₄ dsa₂ juig₂ quián₅ Diú₄ ma₂líg², le₂nē₅ bá₄ qui₃'uín₃ jē₄ quián² 'nia'₂ rē₂nē₃ tē₅ i₂qui₂jme₃gau₅. Dsa₂ le₂'éi₂, 'a₂ con² tsá₃ jme₁li₅₄ mei² jme₃tag₂₃ juá⁵ a₂tsá₃ tí₅ a₂jio₅ jui₅ ja₁dsi₃'én₂ dsa₂. Jmo₃ ca₂lia² tsá₃ ma₃le₃ji⁵⁴ 'éi³ quió⁵ Te₁gui⁵⁴ i₂ca₂láu₂.

† 1:14 lit. “tabernáculo la₂.” ‡ 1:17 Mateo 17:5; Marcos 9:7; Lucas 9:35.

Š 1:19 Nei₅ 'Ióg₁ lē₅ caun₂ 'a₂ lia² chen₂ Jesús. 'Nio² ja₁ton₅ Apocalipsis 2:28; 22:16.

La₁ tsá₃ uě₂ le₃léi₄ dsi₃'éin₂ bá₄ guioin₅₄. ² Juin₅ lin₃ dsa₂ i₂'en₃ jui₅ ja₁tió₂n₂ dsa₂ 'éi₂, jmo₅-dsáu₅ lia₂ 'lě₂ dsi₅, jaun₂ 'éi₂ bá₄ 'uin₄ ně₃ a₂qui₃táun₂ dsa₂ 'lig₅₄ jui₅ tí₅. ³ Ne₄ ia₁ a₂tsá₃ o₁jau₅₄ lí₂ cu₄, qui₂jme₃tag₂₃ jág₁ a₂qui₂ma₂'náu₃ dsi₅ guioin₅₄, a₂con₂ 'njia₅₄ lě₁'nio₃ lí₂ quián₂ 'nia₂. La₁ ma₂i₁jaun₃ bá₄ ma₂lě₅ co₂ñia₅₄ jág₁ a₂ma₂tioin₅₄ 'éi₃ a₂dsi₁qui₅ ñi₅₄ ta₁ ja₁dsi₃'éin₂; tion₅₄ bá₄ dsi₃'éin₂.

⁴ Chi₂jua₂ le₂ně₅ tsá₃ ca₂'én₂ Diú₄ dsáu₁ ángeles i₂ca₂sén₂ dso₄ ma₂lig₂, i₃gain₅₄ bá₄ guio₃-juig₃ i₃léin₂ le₁'nei₅₄ jě₄ qui₁né₃, ja₁jaun₂ tioin₅₄ lě₅ co₂ñia₅₄ jmi₄ i₁tě₃dsi₅₄ 'éi₃ quió₅; ⁵ ján₃ bá₄ le₂ně₅ chi₂jua₂ tsá₃ ca₂'én₂ Diú₄ dsáu₁ dsa₂ i₂jme₁chan₂ mi₂güig₃ gui₅₄ ma₂lig₂, tion₅₄ bá₄ ca₂jme₃cain₂ jmi₂ ca₂'éin₂ ca₂le₃jín₃ dsa₂ i₂tsá₃ Diú₄ cuin₅, ñia₅₄ lia₂ Noé bá₄ i₂ca₂lióin₂ i₂jme₁'ě₂ jág₁ a₂'ě₂₃ caun₂ jui₅ co₂dsau₅, quian₅₄ guě₄ guion₃ dsa₂; ⁶ chi₂jua₂ le₂jaun₂ bá₄ ján₃, ca₂'én₂ Diú₄ le₃tin₃ juig₂ Sodoma quian₅₄ Gomorra, ca₂dsi₂ ca₂lia₂ ca₂lě₃ jua₂ li₁, jaun₂ le₂ně₅ jáng₅ caun₂ jág₁ dsau₅ co₂'nió₄ a₂rě₂'ě₂ jág₁ ja₁con₂ dsa₂ i₂tsá₃ Diú₄ cuin₅ i₂qui₂le₃chan₂ cang₂; ⁷ chi₂jua₂ le₂ně₅ ca₂lióin₂ bá₄ jan₂ Lot, i₂jme₁lín₄ guě₄ dsa₂ dsen₃ jme₁chain₂ quian₅ o₂i₁ dsi₅ ia₁ jme₁tě₅ ne₅₄ 'a₂ lia₂ lě₅ jui₅ le₁quian₅ dsa₂ 'lin₅₄ jmi₄ jaun₂, ⁸ (jaun₂ jme₁ta₂ qui₂ dsi₅ bá₄ dsa₂ dsen₃ 'éi₂, ia₁ ca₂le₃jě₃ jmi₄ bá₄ jme₁tě₅ ne₅₄, jme₁nag₂₃ ně₃ ca₂le₃jě₃ ne₅₄ cosa 'lig₅₄ a₂jme₁jmo₅-dsáu₅ dsa₂ juig₂ ja₁jme₁guá₄); ⁹ chi₂jua₂ le₂ně₅, jaun₂ ñi₅ bá₄ Te₁gui₅₄ 'a₂ lia₂ lióin₃ dsa₂ dsen₃ ne₄ 'e₂ táu₂ dsi₂ñí₂, ton₂ ñi₅ 'a₂ lia₂ toin₂ dsa₂ 'lin₅₄ lě₅ 'í₁ ca₂lia₂ ca₂tě₂ jmi₄ i₁gue₃ uig₅ i₁tě₃dsi₅₄ 'éi₃ quió₅.

¹⁰ A₂ně₅ ně₃, lě₅ caun₂ jág₁ tí₅ dsón₂ a₂jáng₅ jág₁ dsau₅ ja₁con₂ jui₁lia₂ dsa₂ i₂i₂nió₄ jme₂ti₃ a₂'lig₅₄ a₂mi₅ ni₁ñi₁₂, co₂'nió₄ quió₅ dsa₂ i₂tsá₃ ji₅₄ 'éi₃. I₂noi₅₄ 'ñio₅ lin₃ táin₅, 'nio₃ jua₅₄ 'éi₃ quió₅ 'éi₂ bá₄ lě₂, ton₂ 'ñio₅ lin₃ tiá₂ dsi₅ 'e₂ caun₂ a₂'nio₃ jmo₃; tsá₃ gó₅ táun₂ 'lig₅₄ 'iin₂₃ jui₁lia₂ i₂jlán₁ chan₂ quián₅ Diú₄, ¹¹ jui₁la₂ ángeles i₂'io₅ guě₄ bí₂, i₂'uan₂ guě₄, tsá₃ le₂jaun₂ tiá₂ dsi₅ jua₅₄ 'ag₃ 'lig₅₄, a₂'ni₃ dsa₂ 'éi₂ ne₄ Te₁gui₅₄.

¹² La₁ dsa₂ 'éi₂, lín₅ jui₁lia₂ lín₅ já₂ náu₂ i₂tsá₃ 'en₅₄ dsi₅, chain₂ tsá₃ 'e₂ ñí₂ dsi₅ 'e₂ jmo₅-dsáu₅, rě₂chain₂ a₂ñia₅₄ con₂ tsáun₂ dsa₂ jme₃dsiog₂₃. Tě₃ñiá₅ bá₄ ma₂'ě₂₃ 'lig₅₄ 'e₂ a₂tsá₃ ma₂ñí₂. La₁ le₂jaun₂ bá₄ dsiáin₃ ján₃ jui₁lia₂ dsa₂ já₂ náu₂. ¹³ Le₃chain₂ ñág₃ uig₅ co₂'nió₄ 'liain₅₄ jui₁lia₂ qui₂ma₂jmaí₂ i₂sián₂. Jmo₂₃ dsi₅ 'ñio₅ lin₃ dse₃ chain₂ lín₂ ia₁ cuě₅ o₂'ñio₃ o₂ñia₃ dsi₅ o₁ñia₅₄ a₂jmi₂. Lín₅ dsa₂ 'éi₂ co₂'nió₄ caun₂ 'mé₅ 'lig₅₄ a₂rě₂'ióg₄ a₂quian₅ o₂guí₃ jě₄ quián₂ 'nia₂, 'ñio₅ tě₅ dsi₅ cuě₅ o₂'ñio₃ dsi₅ a₂jme₂gau₂₃ tóin₅ jmo₂₃ jmi₄ jin₄ 'nia₂.

14 Co₂tan₅₄ lia'₂ ma₂dsi₂jio₅ dsí₅ 'lig'₅₄ bá₄ jē₁ma₂ca₂jīn₂ jan₂ dsa₂ mī₂, tsá₃ mag'₂ dsí₅ jua'₅₄ a₂tsá₃ 'no₂₃ dso₄; 'ñio₅ lin₃ 'io₂₃ mai₅₄ ñi₅ 'a₂ lia'₂ jme₃gain₂₃ dsí₅ jui₁lia'₂ dsa₂ 'uan₅₄ i₂tsá₃ tiá₂ tió₂; 'ñio₅ lin₃ tiin₂ ñi₅ táng₃ 'a₂ lia'₂ jme₃'ñioí'₃ 'e₂ caun₂ 'nio₃ jme₃'ñioí'₃; ia₁ lín₅ jaun₅ i₂ma₂tion'₅₄ jui₅ dsi₃'én₂. 15 Ma₂qui₂ma₂tí₄ jui₅ co₂dsau₅, ton'₂ ma₂i₂cóin'₅, ma₂qui₂le₁quian₅ jui₅ quió'₅ Bala'am* ja₁ñi'₅₄ Beor, i₂'éi₂ jme₁'nio₃ lí'₂ cu₄ quian'₅₄ caun₂ a₂'lig'₅₄ a₂jme₁jmo₃. 16 Jan₂ dsi₂bú'₄ i₂tsá₃ lé₂ dsi₃ jág₁ bá₄ ca₂jí₂ quió'₅ 'uig₅₄ dsáu₁, ia₁ já'₂ 'éi₂ ca₂'ñiai₂ jág₁ lia'₂ lē₅ jag₄ dsa₂ mi₂güig₃. Ca₂jné₃ jui₅ co₄ quió'₅ dsa₂ i₂'ē₂ jág₁ quián₅ Diú₄ 'éi₂.

17 Dsa₂ 'éi₂ lín₅ jui₁lia'₂ lē₅ caun₂ o₄tu₁ jmi₂g₂ a₂tsá₃ 'e₂ jmi₂g₂ cha₂; o₃ le₃jua'₅₄ lín₅ jui₁lia'₂ lē₅ ti₁jnei₅ a₂lē₁qui₂ñag₅ tiá₂ quian'₅₄ dsi₂. Ma₂tioin'₅₄ jui₅ a₂dsi₁lein₅ jē₄ qui₁né'₃ 'ñio₅ lin₃, ja₁ma₂lē₅ co₂jñia₅₄ quió'₅.† 18 Ia₁ qui₂'uē'₅ mi₂'o₅₄ jág₁ tá'₅ a₂tsá₃ ta₁ tí₄, qui₂cáin₂ dsa₂ a₂jmo₃ dsó₃ a₂jme₃ti₃ a₂'ín₅ dsí₅ ni₁ñi₁₂; qui₂jme₂gain₂₃ dsa₂ i₂lag₃ ma₂lión₂ o₄gú₃ dsa₂ i₂le₁quian₅ jui₅ a₂ma₂i₂cóin'₅. 19 Qui₂cuē'₂₃ jág₁ a₂juá'₂ a₂lió₂, la₁ guioin₅₄ guē'₂ nē₃ i₂nioi₅₄ le₁'ñei'₅₄ jui₅ ja₁dsi₃'éin₂. Ia₁ le₂jaun₂ dsón'₂ lē₅ bá₄, lé₂ le₃jua'₅₄ chi₁'ñe'₅₄ dsa₂ ne₄ jui₁'e₂ caun₂ jui₅ 'lig'₅₄ a₂quian₅, ia₁ dso₄ jaun₂ ca₂lē₃ juig₅₄ bá₄ dsa₂. Ia₁ a₂jaun₂ jio₅ jmo₅ 'éi'₃ ja₁coin₂. 20 La₁ jui₁lia'₂ dsa₂ i₂ma₂ca₂rē₃cuin₅ Te₁gui'₅₄ Jesu-cristo i₂lín₅ i₂ma₂ca₂lió₂ quió'₅ ne₄ jui₅ lē₁'iog₅ a₂le₁quian₅ dsa₂ mi₂güig₃, la₁ nē₁jua'₂ siá'₂ ca₂dsi₃lein₅ ca₂guioin'₂ táng₃ quian'₅₄ a₂'lig'₅₄, o₃ nē₁jua'₂ ca₂jme₃gón₃ táng₃ a₂'lig'₅₄ jaun₂ tē₂dsí₅, dsi₁lein₅ tsón₂ guē₄ le₃'lín₅₄ con'₂ guē₄ le₂jñiá₅.‡ 21 Jui₁lia'₂ dsa₂ le₂'éi₂, ja₂lin₃ guē₄ dse₃ jua'₅₄ co₂ñei'₅₄ bá₄ tsá₃ ca₂rē₃cuí'₅ jui₅ co₂dsau₅, lia'₂ con'₂ guē₄ a₂ma₂ca₂rē₃ñi₅, nē₁jua'₂ cang₂ jaun₂ ca₂tí₂ bá₄ táng₃ 'éi'₃ jñio₅ a₂jme₁ma₂ñi₂.§ 22 La₁ ja₁jaun₂ rē₃ti₃ quian'₅₄ dsa₂ le₂'éi₂ jui₁lia'₂ lē₅ caun₂ jag₄ dsa₂ jme₁juá'₂: “Guē'₅ táng₃ dsi₂jí'₅₄ te₁ñi₅₄ quió'₅,”* con'₂ siá'₂ táng₃: “Jui₁lia'₂ i₂ñi₅ i₂lia'₂ ma₂nē₂sei₃ dsa₂, dsó₅ qui₂ba₂lín'₂ táng₃ jē₄ ti₁jéin₃.”

3

Jmi₂g₂ i₁jñio'₂ Te₁gui'₅₄

1 'Nia'₂ rin'₅₄ jñio₄ i₂'nió₃, jē₁ca₂tē₂ tin₃ si₂ bá₄ la₂ tsíng₂ ne'₅₄ 'nia'₂. Jē₁le₃tin₃ si₂ nē₅ ma₂ca₂jme₁jñio₂ jñiá₂ ne'₅₄, ma₂ca₂jmo₃ dsá₂ 'au'₂ a₂dsi₃jio₅ 'au'₂ jmá'₃ lia'₂ a₂le₁jē₃. 2 Jui₁dsiog'₂ 'au'₂ 'nia'₂ ca₂le₃jē₃ jág₁ a₂qui₂ca₂juá'₂ dsa₂ jñio₅ i₂jme₁'ē₂ jág₁ quián₅

* 2:15 Bala'am: 'Í₂ Números 22 - 24. † 2:17 Niog₅ a₂lin₅₄ chog₅₄ si₂ a₂juá'₂: “ja₁ma₂lē₅ co₂jñia₅₄ ja₁dsi₁toin'₄ co₂tan₅₄.” 'Nio'₂ ja₁ton₅ Judas 13. ‡ 2:20 'Nio'₂ ja₁ton₅ Mateo 12:45; Lucas 11:26. § 2:21 'Nio'₂ ja₁ton₅ Hebreos 6:4-6. * 2:22 Proverbios 26:11.

Diú₄ ma₂líg₂ quian₅₄ guě₄ 'éi₃ a₂ca₂quiog₂ Te₁gui₅₄ i₂ma₂lió₂ jniog₄, a₂ma₂ca₂ηag₅ ja₁con₂ 'nia₂ tē₂le₃ quian₅₄ dsa₂ i₂chen₄ quián₅. ³ Jē₁le₂'uig₅₄ jmo₄ 'nia₂ dsá₂ 'au₂ a₂juá₅ jniá₂ la₂. Jmig₄ jē₁ca₂tó₂ tē₁ja₃lén₂ dsa₂ i₂caun₂ lē₁qui₃táun₂ 'lig₅₄, le₃chain₂ jmá₃ lia₂ njia₅₄ con₂ lē₂ 'ín₅ dsí₅ guioin₅₄. ⁴ Dsa₂ 'éi₂ ηag₃, juá₂: “¿'E₂ ca₂lē₃ quian₅₄ jág₁ a₂ron₅, a₂juá₂ 'nia₂ a₂guan₂ táng₃ Cristo? Ia₁ ca₂le₃ ca₂dsan₃ dsa₂ can₅₄ quián₂ jniog₄, jua₂ lia₂ ma₂lē₅ jaun₂ bá₄ mi₂güig₃ lia₂ con₂ lē₅ jme₁ca₂nio₃ le₂'uig₅₄.” ⁵ La₁ a₂ta₁ dsí₅ bá₄ dsa₂ 'éi₂ tsá₃ 'nio₃ le₃ηí₂, a₂ca₂lē₃ tē₂le₃ quian₅₄ jág₁ quió₅ Diú₄ dsi₄ guei₅₄ mi₂güig₃ ma₂líg₂, quian₅₄ gua₅₄ 'uē₃, quian₅₄ jmi₂g₂ a₂ca₂jmo₃ jma₃quén₅ gua₅₄ 'uē₃ quian₅₄ jmi₂g₂ nē₃. ⁶ Ton₂ quian₅₄ jmi₂g₂ bá₄ ján₃, ca₂'én₂ Diú₄ mi₂güig₃ jmi₂g₄ jaun₂. ⁷ Ján₃ bá₄ le₂nē₅, tē₂le₃ quian₅₄ jág₁ quió₅ 'ηiog₅ bá₄ Diú₄, dsi₄ guei₅₄ quian₅₄ gua₅₄ 'uē₃, ron₅ ma₂lē₅ co₂jñia₅₄ a₂cáu₃ jē₁ma₂tē₂ jmi₂g₄ i₁qui₃dsi₅ Diú₄ 'éi₃ i₁'éin₂ co₂ηei₅₄ dsa₂ i₂tsá₃ Diú₄ cuin₅.

⁸ Con₂ siá₂ rín₅₄ jniog₄, tsá₃ jui₁dsi₂'én₂ 'au₂ 'nia₂, ia₁ tē₂le₃ quió₅ Te₁gui₅₄, lē₅ caun₂ jmi₂g₄ co₂'nió₄ caun₂ mei₅ ηi₂; ton₂ caun₂ mei₅ ηi₂ guē₂, lē₅ co₂'nió₄ caun₂ jmi₂g₄. ⁹ La₁ tsá₃ o₁lei₅₄ jniog₄ jua₅₄ a₂jme₂'ag₄ Te₁gui₅₄ a₂jme₃ti₃ jág₁ quió₅, jui₁lia₂ lín₂ i₂lín₅₄; a₂jmo₂₃ juin₂ dsi₅ bá₄ ja₁con₂ 'nia₂, ia₁ 'nio₃ jua₅₄ 'i₁jan₂ bá₄ tsá₃ 'ein₂ dsi₃'én₂, 'nio₃ jua₅₄ ca₂le₃jín₃ bá₄ dsi₁quén₅ dsí₅.

¹⁰ Ia₁ jmi₂g₄ jaun₂ quió₅ Te₁gui₅₄ guá₂ con₂ tsá₃ 'ein₂ rē₂ján₁, lé₂ jui₁lia₂ ja₁'í₂ jan₂ 'ang₂. Jaun₂ guě₄ tē₃tsi₅₄ co₂mi₅₄ gau₂ lín₃ lé₂ dsi₃'én₂ dsi₄ guei₅₄; qui₂dsi₃'én₂ ca₂le₃jē₃ a₂cha₂ qui₃jmag₂ quian₅₄ si₂; lia₂ rē₂cuá₃* gua₅₄ 'uē₃ lé₂, lia₂ jma₃quian₅₄ 'e₂ niog₅ ca₂jmo₃ dsa₂ ja₁jaun₂.

¹¹ Chi₂jua₂ le₂nē₅ dsi₃'én₂ ca₂le₃jē₃, i₁e₂ guě₄ 'ηio₅ lín₃ dsi₂ten₅₄ 'nió₅ jmó₂ 'nia₂ dsen₅₄ 'au₂ le₃chang₂ jñi₅, a₂'nióg₃ Diú₄. ¹² Jmo₄ 'nia₂ co₂jñiag₅₄ rē₂jáng₁ ia₁jaun₂ ηi₅₄ ta₁ guá₂ jmi₂g₄ jaun₂ quió₅ Diú₄. Jmi₂g₄ jaun₂ guei₅₄ mi₂güig₃ qui₂dsi₃'én₂ quian₅₄ si₂, ca₂le₃jē₃ 'e₂ a₂cha₂ qui₃jmag₂ jē₁ma₂ca₂dséi₃ 'ηio₅ lín₃. ¹³ La₁ jniog₄ nē₃, le₁jñia₁ dsi₁no₃ caun₂ guei₅₄ i₂juig₃ 'mí₂ quian₅₄ caun₂ gua₅₄ 'uē₃ 'mí₂ja₁ma₂lē₅ jág₁ cuē₃ Diú₄, ja₁tē₂'ñiá₄ jmá₃ a₂jñi₅.

¹⁴ Le₂nē₅ jaun₂ nē₃ rín₅₄ jniog₄, tē₁lia₂ tsá₃ ma₂tē₂ jmi₂g₄ jaun₂, quen₂ 'nia₂ bí₂ ia₁jaun₂ bá₄ dsiog₂ Diú₄ qui₂le₁'ág₄ bá₄ tei₄ 'au₂ 'nia₂, tsá₃ 'e₂ cha₂ jua₅₄ lē₅ qui₂rē₂'ió₄ jme₂dsi₂ quiáng₂, jua₅₄ a₂rē₂cán₄ 'nia₂ dso₄. ¹⁵ Jmo₄ 'nia₂ 'au₂ a₂juin₂ dsi₅ bá₄ Te₁gui₅₄ ia₁jaun₂ cuin₅ jmi₂g₄ líon₂ 'nia₂. Le₂nē₅ bá₄ ján₃, Pa₄ rín₅₄ jniog₄ ma₂dsiáin₂ si₂ ne₅₄ 'nia₂, con₂ lē₅ ma₂ñí₂ dsi₅ a₂ma₂ca₂cuē₃ Diú₄. ¹⁶ Jē₄ ca₂le₃jē₃ Si₂ quió₅, ma₂ca₂tsí₃ 'nia₂ ján₃ ca₂le₃jē₃

* 3:10 A₂lín₅₄ chog₅₄ si₂: “qui₂dsi₃'én₂ cáu₃,”

a₂ně₅, o₁j₁ηia'₅₄ la₂ juí'₅ le₃ηág'₂ a₂lin₅₄; 'ui_g₅₄ jaun₂ dsa₂ i₂tsá₃ lin₄ ηí'₂ dsí'₅ i₂tsá₃ tiá₂ tión₂, le₃jen₅ bá₄ jme₂tiin₂₃ dsa₂, ján₃ bá₄ le₂jaun₂ ca₂le₃jě₃ guě₄ rin'₅₄ Si₂ quió'₅ Diú₄ ně₃, la₁ a₂'uiin₅₄ guioin₅₄ bá₄ a₂dsi₃'éin₂ ia₁ a₂jmo₂₃ le₂jaun₂.

¹⁷ Jaun₂ lě₃ 'nia'₂ rin'₅₄ jniog₄, ia₁ tē₃j₁ηiá₅ bá₄ ma₂le₁ηi'₅₄ 'nia'₂ 'a₂ lia'₂ niog₅ lé₂, jmo₄ 'nia'₂ 'í₁ ia₁jaun₂ tsá₃ qui₃tsag'₂ dsa₂ 'lin'₅₄ i₂jme₂gau₅, jaun₂ tsá₃ sén'₂ 'nia'₂ jui₅ ja₁tióng'₂ tiá₂. ¹⁸ La₁ jui₁dsi₂can'₅₄ bá₄ 'nia'₂ jui₅ ja₁'ua₁ dsí'₅ Te₁gui'₅₄ Jesucristo quián₂ jniog₄ i₂ma₂lió₂, jaun₂ dsi₁nó'₅ 'nia'₂ le₃cuin'₂ guě₄ dse₃. 'Ēi₂ bá₄ ca₂tín₂ le₃juin'₂, jmig₄ ně₃, co₂tan₅₄. ¡A₂méi₃!

Co₂ně₅.

Si₂ carta le₂'uig₅₄ a₂ca₂jmo₃ SAN JUAN

Jág₁ dse₃ jui₁lia'₂ 'a₂ lia'₂ le₃chan₂ dsa₂

¹ Jmo₂ jnia'₅₄ si₂ la₂ dsiang'₅₄ ne'₅₄ 'nia'₂, ja₁'ín₅ jnia'₅₄ i₂jme₁ma₂chan₂ lia'₂ con'₂ jme₁ca₂rë₃lióg₃ ca₂le₃jě₃ a₂cha₂, ja₁'ín₅ jnia'₅₄ jan₂ i₂qui₂ma₂néi₁ jnia'₅₄ jág₁ quió'₅, ma₂ca₂néi₄ jnia'₅₄ quian'₅₄ jme₁ne₁ guio₅₄, ma₂qui₂ma₂tí₄ jnia'₅₄ gu₂ quió'₅ ně₃. Të₂le₃ quian'₅₄ jág₁ quió'₅ 'éi₂ bá₄ a₂le₃chan₂ dsa₂. ² I₂chan₂ 'éi₂ ně₃ ca₂jme₃jniai₂₃ 'ñiog₅ jë₄ quió'₅ dsa₂ mi₂güig₃. Jaun₂ jnia'₅₄ ně₃, ca₂néi₄, jaun₂ jang'₂ jnia'₅₄ jág₁ dsau₅ quió'₅ 'éi₂. Qui₂'ë₅ jnia'₅₄ ja₁con'₂ 'nia'₂ 'a₂ lia'₂ le₃chan₂ dsa₂ co₂tan₅₄. Jme₁ma₂chain₂ bá₄ quiaín₅₄ Jmei₂, ton'₂ ma₂ca₂jme₃jniai₂₃ jë₄ quián₂ jnia'₅₄. ³ Jaun₂ 'ë₅ jnia'₅₄ jág₁ jui₁lia'₂ a₂ma₂ne₅₄ a₂ma₂néi₁ ně₃, ia₁jaun₂ jme₁quiong'₅₄ 'nia'₂ jnia'₅₄ 'ei₅ caun₂ jág₁, jui₁lia'₂ jnia'₅₄ ně₃ 'ei₅ caun₂ jág₁ quian'₅₄ Diú₄ Jmei₂ jniog₄, quian'₅₄ Jesucristo Ja₁ñi'₅₄ ně₃. ⁴ Jaun₂ bá₄ lë₃ jmo₂ jnia'₅₄ si₂ la₂ dsiang'₅₄ ne'₅₄ 'nia'₂, jua'₂ jnia'₅₄ ca₂le₃jě₃ jág₁ la₂, ia₁jaun₂ rë₂'ñia₅ a₂'io'₂ jein₂ jniog₄.*

Diú₄ i₂lín₅ si₂

⁵ A₂la₂ bá₄ jág₁ dse₃ a₂ma₂ca₂guéi₁ jnia'₅₄ quió'₅, a₂'ë₄ táng₃ jnia'₅₄ ja₁con'₂ 'nia'₂: Lín₅ Diú₄ si₂; 'i₁caun₂ ja₁qui₁né'₃ tsá₃ cha₂ ja₁coin₂. ⁶ Në₁jua'₂ jua'₂ jniog₄ 'ei₅ caun₂ jág₁ quian'₅₄ Diú₄, la₁ në₁jua'₂ i₂nio₄ guë'₂ jniog₄ jë₄ qui₁né'₃, jmo₂ jniog₄ të₂jág₁; tsá₃ jui₅ dsau₅ chong₂. ⁷ La₁ në₁jua'₂ qui₂i₂nio₄ jniog₄ ja₁jniá₂ si₂, jui₁lia'₂ 'en₅₄ 'éi₂ ja₁jniá₂ si₂, 'ei₅ caun₂ jág₁ quian'₅₄ rin'₅₄ jniog₄ le₂jau₂ le₂jau₂, jaun₂ jmi₄ Jesucristo Ja₁ñi'₅₄ qui₂chéi₂ ca₂le₃jě₃ dsáu₁ jniog₄.

⁸ Në₁jua'₂ jua'₂ jniog₄ tsá₃ 'e₂ dso₄ le₁cáu'₄, jme₂gán₁ jniog₄ guio₅₄, tsá₃ tí₅ jág₁ quián₂. ⁹ La₁ në₁jua'₂ jmo₂ jniog₄ jág₁ dsau₅ a₂rë₂cáu'₄ dso₄, rë₂tí'₅₄ bá₄ Diú₄, rë₂ bá₄ qui₂dsi₂₃ 'éi'₃, 'éi₂ bá₄ dso₄ quián₂ jniog₄, qui₃chéi₂ ca₂le₃jě₃ a₂'lig'₅₄. ¹⁰ La₁ në₁jua'₂ jua'₂ jniog₄ tsá₃ 'e₂ dso₄ ma₂'nióg₁, jmo₂ jniog₄ co₂'nió'₄ të₂jín₁ bá₄ Diú₄; tsá₃ 'i₄ jág₁ quió'₅ ja₁con₂ jniog₄.

2

Cristo bá₄ lín₅ i₂chén'₅ ne₄ jág₁ quián₂ jniog₄

¹ 'Nia'₂ chí'₂-guein₂ quiáng₃, jmo₅ jniá₂ si₂ la₂ ja₁juá'₅ ca₂le₃jě₃ ia₁jaun₂ tsá₃ ma₃'náu'₁ 'nia'₂ dso₄. Në₁jua'₂ chan₂ i₂ca₂tán'₂ dso₄, chan₂ bá₄ jan₂ i₂chén'₅ ne₄ jág₁ quián₂ jniog₄ ne₄ Diú₄ Jmei₂. I₂'éi₂

* 1:4 A₂lin₅₄ chog₅₄ si₂: "a₂'io'₂ jén'₂ 'nia'₂."

lín₅ Jesucristo i₂dsen₃. ² 'Éi₂ bá₄ i₂ca₂ηó₃ rē₂jen'₅₄ ne₄ Diú₄ 'uig₅₄ dsáu₁ jniog₄. On₃jua'₅₄ rē'₂ jma'₃ 'uig₅₄ dsáu₁ jniog₄, 'uig₅₄ dsáu₁ ca₂le₃jín₃ dsa₂ mi₂güig₃ bá₄ ján₃.

³ Nē₁jua'₂ jme₂tí₁ 'éi'₃ quió'₅ nē₃, jaun₂ le₂nē₅ bá₄ ne₄ a₂ma₂ca₂rē₃cuin₅ jniog₄. ⁴ La₁ nē₁jua'₂ chan₂ i₂juá'₂: “Cuín₅ jniá₂ Diú₄”, la₁ nē₁jua'₂ tsá₃ jme₂ti₃ guē'₂ 'éi'₃ quió'₅, i₂'éi₂ lín₅ dsa₂ tē₂jág₁, tsá₃ 'i₄ jág₁ tí₅ ja₁coin₂. ⁵ La₁ tē₂le₃ quió'₅ jui₁lia'₂ i₂jme₂ti₃ 'éi'₃ quió'₅ Diú₄, i₂'éi₂ guē'₂ dsón'₂ rē₂'ñia₅ a₂'nioi₃ Diú₄. Jaun₂ le₂nē₅ bá₄ ne₄ jniog₄ chong₂ a₂'ei₅ caun₂ jág₁ quiaín'₅₄. ⁶ Jui₁lia'₂ i₂juá'₂ téin₅ le₃quió'₅ Diú₄, 'nió'₅ i₃'nioi₅₄ jui₁lia'₂ ca₂ηi₃ Jesucristo.

Caun₂ 'éi'₃ mī₂

⁷ 'Nia'₂ rin'₅₄ jniog₄ i₂'nióg₃, on₃jua'₅₄ 'éi'₃ 'mī₂ la₂ tó'₅ jniá₂ ne₄ si₂ juíg₂ 'nia'₂. A₂le₂jaun₂ bá₄ la₂ jui₁lia'₂ 'éi'₃ a₂jme₁ma₂cha₂ ja₁con'₂ 'nia'₂ ca₂le₃ jmi₂g₄ le₂'uig₅₄ jme₁ca₂rē₃'én'₂ 'nia'₂. 'Éi'₃ gui'₅₄ la₂ lē₅ jág₁ a₂ma₂nei'₂ 'nia'₂. ⁸ La₁ia₁ a₂tó'₅ jniá₂ ne₄ si₂ la₂ a₂tsíng₂ ne'₅₄ 'nia'₂, lē₅ co₂'nió'₄ caun₂ 'éi'₃ 'mī₂, a₂dsau₅ tē₃dsón'₂ quió'₅ Cristo, ján₃ guē₄ dsau₅ tē₂le₃ ja₁con'₂ 'nia'₂ nē₃. Ia₁ ma₂ca₂ηí₂ bá₄ jē₄ qui₁né'₃, ma₂tág₅ si₂ a₂dsau₅ tē₃dsón'₂.

⁹ Chi₂jua'₂ chan₂ i₂juá'₂ chain₂ ja₁jniá₂ si₂, la₁ nē₁jua'₂ 'ñia₅₄ bá₄ guē'₂ rin'₅₄ nē₃, i₂le₂'éi₂ 'ein'₅₄ bá₄ guē₄ jē₄ qui₁né'₃. ¹⁰ La₂ i₂'nio₃ rin'₅₄ guē'₂ nē₃, tē₂'ñia₅₄ ja₁jniá₂ si₂, ton'₂ 'i₁caun₂ tsá₃ 'e₂ cha₂ jua'₅₄ jmo₃ a₂qui₃niói'₃. ¹¹ La₁ i₂'ñia₅₄ rin'₅₄ guē'₂ nē₃, 'ein'₅₄ jē₄ qui₁né'₃. Tsá₃ ηi₅ 'a₂ jui₅ dsó₃, ia₁ co₂'nió'₄ tein'₅₄ bá₄ ηi₂₃ jē₄ nei₂.

¹² Tsín₂ jniá₂ si₂ la₂ ne'₅₄ 'nia'₂ i₂líng'₅ chi'₂-guein₂ quiáng₃, ia₁ ma₂rē₂'én₄ bá₄ dsáu'₂ 'nia'₂, ma₂ca₂'én₂ bá₄ Diú₄ tē₂le₃ o₄quió'₄ Jesucristo. ¹³ 'Nia'₂ dsa₂ i₂chan₂ chi'₂ quián₅, tsín₂ jniá₂ si₂ la₂ ne'₅₄ 'nia'₂ ia₁ ma₂ca₂rē₃cuin'₂ bá₄ 'nia'₂ i₂jme₁ma₂chan₂ lia'₂ con'₂ jme₁ca₂rē₃lióg₃ ca₂le₃jē₃. 'Nia'₂ dsa₂ chi'₂, tsíng₂ si₂ la₂ ne'₅₄ 'nia'₂ ia₁ ma₂ca₂tian'₃ bá₄ 'nia'₂ ne₄ quió'₅ i₂sē₃dsen₃.

'Nia'₂ guein₂ quiáng₃, jmo₅ jniá₂ si₂ la₂ tsíng₂ ja₁con'₂ 'nia'₂ ia₁ ma₂ca₂rē₃cuin'₂ 'nia'₂ Diú₄ Jmei₂ jniog₄. ¹⁴ 'Nia'₂ dsa₂ i₂chan₂ chi'₂ quián₅, tsín₂ jniá₂ si₂ la₂ ne'₅₄ 'nia'₂ ia₁ ma₂ca₂rē₃cuin'₂ 'nia'₂ i₂jme₁ma₂chan₂ lia'₂ con'₂ jme₁ca₂rē₃lióg₃ ca₂le₃jē₃. Ján₃ bá₄ tsín₂ jniá₂ si₂ la₂ ne'₅₄ 'nia'₂ dsa₂ chi'₂, ia₁ 'uan'₂ bá₄ 'nia'₂, ia₁ jág₁ dse₃ quió'₅ Diú₄ ma₂'i₄ 'au'₂ 'nia'₂, ia₁ ma₂ca₂tian'₃ 'nia'₂ ne₄ quió'₅ i₂sē₃dsen₃.

¹⁵ Tsá₃ lē₁jmo₂ 'nia'₂ 'ín₅ 'au'₂ jua'₅₄ a₂le₃chang'₂ i₁niog'₄ jui₅ ja₁i₂nio₄ dsa₂ mi₂güig₃, on₃ guē'₂ jmó₁ 'nia'₂ 'ín₅ 'au'₂ 'e₂ niog₅ cha₂ mi₂güig₃. Chi₂jua'₂ chan₂ i₂'ín₅ dsí₅ a₂jén'₅ mi₂güig₃, i₂le₂'éi₂ tsá₃ tē₃dsón'₂ 'nioi₃ Diú₄ Jmei₂. ¹⁶ Ia₁ ca₂le₃jē₃ a₂jén'₅ mi₂güig₃, jui₁lia'₂ ca₂le₃jē₃ a₂'lig'₅₄ a₂mi₅ ni₁ηi₁ dsa₂, a₂'ín₅ dsí₅ dsa₂ jmo₃

ca₂le₃jě₃ 'e₂ niog₅ tē₅ jme₁ne₁₂, a₂jme₂rón₂ dsa₂ 'e₂ niog₅ cha₂ quió'₅ tē₁lia'₂ chain₂: Ca₂le₃jě₃ a₂nē₅, on₃jua'₅₄ já₅ quió'₅ Diú₄ Jmei₂ jniog₄; a₂já₅ quió'₅ mi₂güí₃ bá₄ jaun₂. ¹⁷ La₁ a₂jē₁ca₂ñí₂ bá₄ mi₂güí₃, quian'₅₄ ca₂le₃jě₃ 'e₂ 'lig'₅₄ a₂'ín₅ dsí₅ dsa₂ chain₂ ne₄ gua'₅₄ 'uē₃. La₁ i₂jmo₅ a₂'ñio₂ dsí₅ Diú₄, le₃chain₂ co₂tan₅₄.

Jui₁lia'₂ 'a₂ lia'₂ lē₅ já₁ dsau₅ dsón'₂, 'a₂ lia'₂ lē₅ já₁ tē₂já₁ táng₃
¹⁸ 'Nia'₂ chi'₂-guein₂ quiáng₃, jmi₄g₄ jē₁ca₂tó'₂ bá₄ la₂ chong₂ jniog₄. Ma₂nei'₂ bá₄ 'nia'₂, já₅ jan₂ i₂'ña₅₄ Cristo. Rē₂nē₃ nē₃, juin₅ bá₄ i₂ma₂ca₂rē₃jniá₂ i₂'ña₅₄ Cristo. Jaun₂ bá₄ lē₃ ne₄ jniog₄ a₂ja₂quián₃ jmi₄g₄ jē₁ca₂tó'₂. ¹⁹ I₂ca₂'uin₂ jē₄ quián₂ jniog₄ bá₄ 'éi₂. Dsón'₂ bá₄ dsau₅, on₃jua'₅₄ i₂quián₂ jniog₄ 'éi₂, ia₁ jua'₅₄ mei'₂ guē₃ lín₅ i₂quián₂ jniog₄, jme₁jñia₃ bá₄ quian'₅₄ jniog₄. La₁ le₂nē₅ ca₂lē₃ ia₁jaun₂ le₃jniá₂, 'i₁jan₂ 'éi₂ tsá₃ lín₅ i₂quián₂ jniog₄. ²⁰ La₁ 'nia'₂ nē₃, ma₂ca₂guen'₅₄ bá₄ 'nia'₂ Jme₂dsí₂ Jñió₅, jaun₂ cuíng'₂ bá₄ 'nia'₂ ca₂le₃jíng'₃ * já₁ tí₅. ²¹ Jaun₂ tsíng₂ si₂ la₂ ne'₅₄ 'nia'₂, on₃jua'₅₄ ia₁ a₂tsá₃ cuín'₂ 'nia'₂ já₁ tí₅, tē₂le₃ ia₁ a₂cuín'₂ 'nia'₂. Jaun₂ ma₂le₁ñi'₅₄ bá₄ 'nia'₂, 'i₁caun₂ já₁ tē₂já₁ tsá₃ lē₂ le₃o₃'ag₅ jē₄ já₁ dsau₅. ²² ¿Ein₂ 'éi₂ i₂lín₅ tē₂já₁? I₂'éi₂ bá₄ i₂juá'₂ a₂tsá₃ lín₅ Jesús I₂rē₂'ín₁ quián₅ Diú₄. 'Éi₂ bá₄ i₂'ña₅₄ Cristo, i₂tsá₃ jen₅₄ Diú₄ Jmei₂, on₃ guē'₂ Ja₁ñi'₅₄ nē₃. ²³ Ca₂le₃jín₃ i₂tsá₃ jen₅₄ Ja₁ñi'₅₄ Diú₄, já₁n₃ bá₄ le₂jaun₂ tsá₃ quiaín'₅₄ Diú₄ Jmei₂. La₁ jui₁lia'₂ i₂jme₂jñia₅ já₁ng'₅ já₁ dsau₅ tē₂le₃ quió'₅ Ja₁ñi'₅₄, já₁n₃ bá₄ le₂jaun₂ quiaín'₅₄ Jmei₂ nē₃.

²⁴ Jaun₂ lē₃, 'ma₄ 'nia'₂ tē₂'au'₂ já₁ dse₃ a₂ma₂nei'₂ 'nia'₂ le₂'uig₅₄. Ia₁ nē₁jua'₂ ma₂tē₂'ñiá₄ tē₂'au'₂ 'nia'₂, jaun₂ tē₃'ñiá'₄ bá₄ 'nia'₂ ja₁con₂ Ja₁ñi'₅₄, quiaín'₅₄ Jmei₂ nē₃. ²⁵ Jaun₂ a₂la₂ bá₄ já₁g₁ quió'₅ a₂ca₂cuē₃: A₂le₃chong₂ jniog₄ co₂tan₅₄.

²⁶ Jaun₂ tsín₂ jniá₂ si₂ la₂ ne'₅₄ 'nia'₂ ja₁'íng₅ jui₁lia'₂ i₂'nio₃ jiog₃ cau₅. ²⁷ La₁ quian'₅₄ bá₄ 'nia'₂ Jme₂dsí₂ Jñió₅ i₂ma₂tē₁'ñiá₄ tē₂'au'₂ 'nia'₂ i₂ma₂cuín₃ Cristo. Jaun₂ tsá₃ ma₁sián'₂ 'nió'₅ jme₃tag₅. La₁ jui₁tē₂'ñiá'₄ bá₄ 'nia'₂ le₃quió'₅ 'éi, ia₁ 'ñiog₅ bá₄ Jme₂dsí₂ Jñió₅ jme₃tiín₂₃ 'nia'₂ ca₂le₃jě₃ con'₂ lē₅ já₁g₁ tí₅ dsón'₂, on₃jua'₅₄ já₁g₁ tē₂já₁.

²⁸ Jaun₂ nē₃, 'nia'₂ chi'₂-guein₂ quiáng₃, jui₁tē₂'ñiá'₄ bá₄ 'nia'₂ quiaín'₅₄, ia₁jaun₂ caun₂ bá₄ le₁'ág₄ dsí₅ jniog₄ jē₁ma₂tē₂ jmi₄g₄ i₁jme₃jñiai₂₃ táng₃. Tsá₃ 'nió'₅ jmó₁ jniog₄ gui'₅₄ ne₅₄ jē₁ma₂guáin'₅. ²⁹ Chi₂jua'₂ ma₂ñi'₅₄ 'nia'₂, Cristo bá₄ i₂lín₅ i₂jmo₅ con'₂ dsi₂ten₅₄, jaun₂ jui₁le₂ñi'₅₄ bá₄ 'nia'₂ já₁n₃, ca₂le₃jín₃ i₂jmo₅ con'₂ dsi₂ten₅₄, lín₅ chi'₂-guein₂ quián₅ Diú₄.

3

Chi'₂-guein₂ quián₅ Diú₄

* 2:20 o₃, "ca₂le₃jě₃."

¹ Jag₄ 'nia'₂ jaun₂, 'ŋio₅ lín₃ 'nio₃ Diú₄ Jmei₂ jniog₄, juá'₂ dé₄ jmá'₃ tē₂ jniog₄ a₂lág₅ chi'₂-guein₂ quián₅. 'Uig₅₄ nē₅, dsa₂ mi₂güig₃ tsá₃ cuig₂₃ jniog₄ ia₁ tsá₃ ma₂ca₂rē₃cuin₂₃ Diú₄. ² 'Nia'₂ rin'₅₄ jniog₄ i₂'nióg₃, ma₂lág₅ jniog₄ chi'₂-guein₂ quián₅ Diú₄. O₁jñia'₅₄ la₂ tsá₃ ma₂ne₄ guē₄ jniog₄ 'a₂ lia'₂ léi₂ jē₁ca₂tó'₂, la₁ ne₄ jniog₄, jmig₄ jē₁ma₂tē₂ rē₁jme₃jñia₅ 'éi₂, léi₂ jniog₄ jui₁lia'₂ lín₅ 'ŋiog₅, ia₁ néi₄ jniog₄ ton'₂ le₃cuin₅ jniog₄ 'a₂ lia'₂ jñiái₂. ³ Ca₂le₃jín₃ i₂'ín₂ dsí₅ jág₁ nē₅, jmo₂₃ le₁jē₃ tē₂dsí₅, jui₁lia'₂ le₁jín₃ 'éi₂.

⁴ Dsa₂ i₂caun₂ 'no₅ dso₄, rē₂cáin'₄ 'Éi'₃ quió'₅ Diú₄. Ia₁ jui₁'ein₂ guē₃ i₂ca₂i₁juin₅₄ con'₂ lē₅ 'Éi'₃, dso₄ bá₄ jaun₂. ⁵ Ia₁ ma₂ñi'₅₄ bá₄ 'nia'₂, ta₁ jaun₂ ca₂guan₃ dsa₂ i₂rē₂'ín₁ 'éi₂ quián₅ Diú₄, a₂qui₃'éin₂ dsáu₁ jniog₄. Ia₁ 'i₁caun₂ dso₄ tsá₃ 'e₂ ca₂rē₃cáin'₂ 'ŋiog₅. ⁶ Jaun₂ le₂nē₅, 'i₁jan₂ i₂chan₂ le₃quió'₅ 'éi₂ tsá₃ ma₃ñi₂₃ jua'₅₄ caun₂ qui₂'no₂₃ guē₄ dso₄. La₁ jui₁lia'₂ i₂caun₂ i₂nio₄ 'no₅ dso₄ nē₃, tsá₃ ma₂ca₂jág₂, on₃ guē'₂ ma₂ca₂rē₃cuig₂₃ nē₃. ⁷ 'Nia'₂ chi'₂-guein₂ quiáng₃, tsá₃ 'ein₂ jui₁jniog₅₄ cau₅ quián'₂ 'nia'₂. Jui₁lia'₂ i₂jmo₅ con'₂ dsi₂ten₅₄, dsein₃ bá₄, jui₁lia'₂ dsen₃ 'éi₂ 'ŋiog₅. ⁸ La₁ jui₁lia'₂ i₂caun₂ 'no₅ dso₄, i₂quián₅ i₂sē₃dsen₃ bá₄ 'éi₂, ia₁ i₂sē₃dsen₃ nē₃ ma₂já₅ 'no₂₃ dso₄ ca₂le₃ jme₁ca₂rē₃lióg₃ mi₂güig₃. La₁ Ja₁ñi'₅₄ Diú₄ nē₃, ta₁ jaun₂ ca₂guain₃ a₂qui₂'éin₂ ta₁ quió'₅ i₂sē₃dsen₃.

⁹ 'I₁jan₂ jui₁lia'₂ i₂ma₂ca₂rē₃chán₃ le₃quió'₅ Diú₄, jua'₅₄ caun₂ qui₂'no₂₃ guē₄ dso₄, ia₁ quion₂ quió'₅ Diú₄ Jmei₂. Jaun₂ tsá₃ ma₂lé₂ jua'₅₄ caun₂ 'no₃ guē₄ dso₄, ia₁ ma₂ca₂rē₃cháin₃ ma₂lín₅ guein₂ quián₅ Diú₄ bá₄. ¹⁰ Jaun₂ le₂nē₅ bá₄ lé₂ jióg'₂ 'í₁ 'ein₂ lín₅ i₂quián₅ Diú₄, 'ein₂ lín₅ i₂quián₅ i₂sē₃dsen₃ nē₃. Ia₁ jui₁'ein₂ guē₃ i₂tsá₃ dse₃ jmo₅, O₃ jui₁lia'₂ i₂tsá₃ 'nio₃ rin'₅₄, on₃jua'₅₄ chi'₂-guein₂ quián₅ Diú₄ 'éi₂.

Jui₁jme₁'nió₄ jniog₄ rin'₅₄ le₂jau₂ le₂jau₂

¹¹ Jág₁ dse₃ a₂ma₂nei'₂ 'nia'₂ le₂'uig₅₄, a₂la₂ bá₄ jaun₂: a₂jme₁'nió₄ jniog₄ rin'₅₄ le₂jau₂ le₂jau₂. ¹² Tsá₃ 'nió'₅ jmó₁ jniog₄ jui₁lia'₂ ca₂jmo₃ Caín i₂jme₁lín₄ i₂quián₅ i₂sē₃dsen₃, jaun₂ ca₂jñi'₃ dsó₂ rin'₅₄. ¿'E₂ lē₃ ca₂jñag'₃? Ia₁ a₂'lig'₅₄ bá₄ jme₁jmo₅-dsáu₅ 'éi₂ 'ŋiog₅; riin'₅₄ guē'₂ nē₃, a₂dse₃ bá₄ jme₁jmo₂₃.

¹³ Rin'₅₄ jniog₄, tsá₃ jui₁dsi₂gó'₃ 'au₂ 'nia'₂ nē₁jua'₂ 'iog₅₄ dsa₂ mi₂güig₃, ¹⁴ ia₁ ma₂ca₂ñag₅ bá₄ jniog₄ ja₁jme₁dsióg₃; ma₂ca₂rē₃chóng₃ táng₃ jniog₄ jē₁le₃chong₂ co₂tan₅₄. Ne₄ jniog₄ a₂nē₅ ia₁ 'nio₃ bá₄ jniog₄ rin'₅₄. La₁ i₂tsá₃ 'nio₃ rin'₅₄, i₂caun₂ ñi₅ 'lín₄ bá₄ 'éi₂. ¹⁵ Ca₂le₃jín₃ jui₁lia'₂ i₂'ñia₅₄ rin'₅₄, i₂rē₂cán'₄ dso₄ co₂'nió'₄ i₂jme₂dsian₅ dsa₂ bá₄ 'éi₂. Ñi'₅₄ bá₄ 'nia'₂ jaun₂, 'i₁jan₂ dsa₂ i₂jme₂dsian₅ dsa₂ tsá₃ 'i₄ jme₂dsi₂ a₂chain₂ co₂tan₅₄. ¹⁶ Le₂la₂ bá₄ ne₄ jniog₄ 'e₂ jaun₂ a₂'nio₃ dsa₂ rin'₅₄, ia₁ chan₂ jan₂ i₂ca₂guen₃ 'mú₃ o₄quián₂ jniog₄. Ján₃ bá₄ le₂jaun₂ ca₂tág₂ jniog₄

guén₄ 'mú₃ o₄ quió'₄ rín'₅₄. ¹⁷ Jui₁ lia'₂ i₂ cha₂ quió'₅ ne₄ gua'₅₄ 'uē₃ la₂, nē₁ jua'₂ chan₂ jan₂ rín'₅₄, i₂ ŋi₅ 'in₂ quió'₅, nē₁ jua'₂ tsá₃ ca₂ dsia₃ guē'₂ néi₂ dsí₅ ja₁ coin₂, ċ'₂ a₂ lia'₂ lé₂ le₃ juá'₂ ma₂ tē₁ 'ŋiá₄ tē₂ dsí₅ a₂ 'nio₃ Diú₄? ¹⁸ 'Nia'₂ guein₂ quiáng₃, on₃ jua'₅₄ jmá'₃ quian'₅₄ jág₁ tio'₅₄ 'o₄ jniog₄ dsi₂ ten₅₄ jua'₅₄ a₂ 'nio₃ jniog₄ rín'₅₄. A₂ ca₂ tág₂ jniog₄ jme₁ 'nió₄ tē₃ dsón'₂ rín'₅₄, tē₂ le₃ quian'₅₄ a₂ léi₄ a₂ qui₂ rē₂ jniá'₂ 'e₂ a₂ jmo₂ jniog₄.

'Ei₅ caun₂ dsi₅ jniog₄ tē₂ le₃ quió'₅ Diú₄

¹⁹ Le₂ nē₅ bá₄ ne₄ jniog₄ a₂ téi₅ le₃ quió'₅ jui₅ dsau₅, jaun₂ guē₄ le₃ 'éi₁ jniog₄ caun₂ dsi₅ ne₄ Diú₄. ²⁰ La₁ nē₁ jua'₂ cha₂ a₂ qui₂ dsi₂ ŋi₅ dsi₅ jniog₄ a₂ jme₂ cáu'₂, Diú₄ bá₄ i₂ lín₅ i₂ juin'₂ guē₄ lia'₂ con'₂ guē₄ 'e₂ a₂ qui₂ dsi₂ ŋi₅ dsi₅; 'éi₂ bá₄ ŋi₅ ca₂ le₃ jē₃. ²¹ Le₂ nē₅ jaun₂ rín'₅₄ jniog₄ i₂ 'nióg₃ guē₄ lín₃, chi₂ jua'₂ lei₅₄ jniog₄ tē₂ dsi₅ guio₅₄ tsá₃ 'e₂ rē₂ cáu'₄, caun₂ bá₄ lé₂ le₃ 'éi₁ jniog₄ dsi₅ ne₄ Diú₄, ²² jaun₂ cuē₃ bá₄ 'éi₂ ca₂ le₃ jē₃ 'e₂ a₂ mi₂, tē₂ le₃ ia₁ jme₂ tí₁ jniog₄ 'éi'₃ quió'₅, ton'₂ ia₁ jmo₂ bá₄ jniog₄ ne₄ 'éi₂ a₂ tē₅ dsí₅. ²³ A₂ la₂ bá₄ 'éi'₃ quió'₅; a₂ le₃ 'éin₂ jniog₄ tē₂ le₃ quió'₅ Jesucristo Ja₁ ŋi'₅₄, ton'₂ ján₃ guē'₂ jme₁ 'nió₄ jniog₄ rín'₅₄ le₂ jau₂ le₂ jau₂. Con'₂ nē₅ bá₄ lē₅ 'éi'₃ quió'₅ ca₂ tság₃ jnia'₅₄. ²⁴ Ca₂ le₃ jín₃ i₂ jme₂ ti₃ 'éi'₃ nē₅ nē₃, chain₂ le₃ quió'₅ 'éi₂; ján₃ guē'₂ le₂ jaun₂ 'éi₂ 'ŋiog₅ chain₂ ja₁ con₂ 'éi₂ nē₃. Le₂ nē₅ bá₄ ne₄ jniog₄ a₂ guá₅ 'éi₂ tē₂ dsi₅ jniog₄: tē₂ le₃ quian'₅₄ jme₂ dsí₂ i₂ ma₂ cuin₃.

4

Jme₂ dsí₂ quián₅ Diú₄ quian'₅₄ jme₂ dsí₂ i₂ 'ŋia₅₄ Cristo

¹ 'Nia'₂ guein₂ quiáng₃ i₂ 'nióg₃ guē₄ lín₃, tsá₃ o₁ len'₂ 'nia'₂ jua'₅₄ ca₂ le₃ jín₃ i₂ juá'₂, jiog₅ Jme₂ dsí₂ quián₅ Diú₄. Rē₂ de'₂ quion₂ 'nia'₂ 'í₁ quió'₅, chi₂ jua'₂ tē₃ dsón'₂ lín₅ i₂ quián₅ Diú₄. Ia₁ juin₅ dsa₂ jui₁ gan₂ ma₂ i₂ nio₄ qui₂ 'ē₂ jág₁ mi₂ güí₃ la₂. ² Le₂ la₂ bá₄ lé₂ le₃ caun'₅₄ 'nia'₂ 'í₁ quió'₅ i₂ juá'₂ jiog₅ Jme₂ dsí₂ quián₅ Diú₄: ca₂ le₃ jín₃ jme₂ dsí₂ i₂ jmo₅ jág₁ a₂ ca₂ guan₃ Jesucristo chi₁ dsáin₃ mi₂ güí₃ la₂, i₂ le₂ 'éi₂ bá₄ lín₅ i₂ quián₅ Diú₄. ³ La₁ jui₁ 'ein₂ guē₃ jme₂ dsí₂ i₂ tsá₃ jmo₅ jág₁ le₂ nē₅ 'iin₂₃ Jesús, on₃ jua'₅₄ i₂ quián₅ Diú₄ 'éi₂. I₂ quián₅ i₂ 'ŋia₅₄ Cristo bá₄ i₂ le₂ 'éi₂, i₂ ma₂ nei'₂ 'nia'₂ jág₁ a₂ jiá₃, i₂ ma₂ 'en₅₄ mi₂ güí₃ rē₂ nē₃.

⁴ 'Nia'₂ chi'₂ guein₂ quiáng₃, lín₅ bá₄ 'nia'₂ i₂ quián₅ Diú₄; ia₁ ma₂ ca₂ tian'₃ bá₄ 'nia'₂ dsa₂ i₂ tē₂ jín₁. Ia₁ i₂ 'uan'₂ lín₃ guē₄ bá₄ Jme₂ dsí₂ i₂ quian'₅₄ 'nia'₂, lia'₂ con'₂ guē₄ i₂ quian'₅₄ dsa₂ mi₂ güí₃.

⁵ Dsa₂ mi₂ güí₃ bá₄ 'éi₂, jaun₂ jmá'₃ lia'₂ ca₂ ne₅₄ a₂ cha₂ mi₂ güí₃ bá₄ jme₂ tag₂₃. Jaun₂ lē₃ dsa₂ mi₂ güí₃ nē₃ nag₂₃ jág₁ a₂ jme₂ tag₅ dsa₂ 'éi₂. ⁶ La₁ dsa₂ quián₅ Diú₄ bá₄ lág₅ jniog₄; jaun₂ lē₃, jui₁ lia'₂ dsa₂ i₂ cuin₅ Diú₄ nē₃, nag₂₃ jág₁ quián₂ jniog₄. La₁ dsa₂ i₂ tsá₃

quián₅ Diú₄ ně₃, tsá₃ 'nio₃ nag₃ jág₁ quián₂ jniog₄. Jaun₂ le₂ně₅ bá₄ rě₂cuin₅ jniog₄ jui₁lia'₂ i₂jio₅ jme₂dsí₂ quió'₅ jág₁ tí₅. Ján₃ guē'₂ le₂jaun₂ rě₂cuin₅ jniog₄ jui₁lia'₂ i₂jio₅ jme₂dsí₂ i₂jui₁gan₂.

Diú₄ bá₄ i₂'nio₃ jniog₄

⁷ Rin'₅₄ jniog₄, jui₁jme'₁nió₄ jniog₄ rin'₅₄ le₂jau₂ le₂jau₂, ia₁ ja₁con₂ Diú₄ bá₄ já₅ a₂'nio₃ dsa₂ riin'₅₄. Ca₂le₃jín₃ i₂'nio₃ rin'₅₄ ca₂rě₃cháin₃ tē₂le₃ quió'₅ Diú₄, ton'₂ cuin₂₃ Diú₄. ⁸ I₂tsá₃ 'nio₃ rin'₅₄ ně₃, tsá₃ ma₂ca₂rě₃cuin₂₃ Diú₄, ia₁ Diú₄ lín₅ i₂'nio₃. ⁹ Ca₂jme₃jnia₅ Diú₄ a₂'nio₃ jniog₄ jme₁ca₂chein₃ Ja₁ñi'₅₄ i₂jan₂ tan₅₄ 'éi₂ mi₂güig₃ la₂. ¹⁰ Le₂la₂ bá₄ lě₅ a₂'nio₃ Diú₄: on₃jua'₅₄ a₂ma₂ca₂jme'₁nió₄ jniog₄ ja₁ma₂ja₂náu₅. 'Njio₅ bá₄ Diú₄ ca₂dsia₃ nēi₂ dsí₅ ca₂rě₃'nio₃. Jaun₂ ca₂chein₃ Ja₁ñi'₅₄ ia₁jaun₂ 'éi₂ quí₃ a₂rag₂ jniog₄.

¹¹ Rin'₅₄ jniog₄, chi₂jua'₂ le₂ně₅ ca₂rě₃'nio₃ Diú₄, ján₃ bá₄ le₂ně₅ ca₂tág₂ jniog₄ jme'₁nió₄ rin'₅₄ le₂jau₂ le₂jau₂. ¹² I₂jan₂ tsá₃ 'ein₂ ma₂jín₂ Diú₄. La₁ ně₁jua'₂ 'nio₃ jniog₄ rin'₅₄ le₂jau₂ le₂jau₂, guá₅ bá₄ Diú₄ tē₂dsi₅ jniog₄, ton'₂ qui₂rě₂'ñia₅ bá₄ tē₂dsi₅ a₂'nio₃ Diú₄. ¹³ Le₂ně₅ bá₄ jau'₂ 'í₁ a₂téi₅ jniog₄ tē₂le₃ quió'₅ Diú₄, ton'₂ 'ein₅₄ tē₂dsi₅ jniog₄ ně₃: ia₁ ma₂cuin₃ jme₂dsí₂ quiáin₅. ¹⁴ Jnia'₅₄ guio₅₄ ca₂néi₄, jaun₂ jang'₂ jnia'₅₄ jág₁ dsau₅ la₂: Diú₄ Jmei₂ ca₂chein₃ Ja₁ñi'₅₄ a₂ca₂o₃lioin₅₄ dsa₂ mi₂güig₃. ¹⁵ Jui₁'ein₂ guē₃ i₂'in₅ Jesús, a₂lín₅ 'éi₂ Ja₁ñi'₅₄ Diú₄, quiaín₅₄ bá₄ Diú₄, ton'₂ guá₅ bá₄ Diú₄ quiong'₅₄ táng₃.

¹⁶ Le₂ně₅ ma₂ca₂rě₃ne₄, ma₂ca₂rě₃'éin₂ jniog₄ a₂'nio₃ Diú₄. Diú₄ lín₅ i₂'nio₃; jaun₂ i₂chan₂ 'nio₃ rin'₅₄ ně₃, chain₂ le₃quió'₅ Diú₄, ton'₂ chan₂ Diú₄ ja₁coin₂ ján₃. ¹⁷ Le₂ně₅ bá₄ rě₂'ñia₅ ja₁con₂ jniog₄ a₂jme'₁nió₄ jniog₄ rin'₅₄, ia₁jaun₂ jē₁ma₂ca₂tē₂ jmi₄ i₁qui₃dsi₅ Diú₄ 'éi'₃, lé₂ le₃'éi₁ jniog₄ caun₂ dsí₅. Ia₁ lág₅ jniog₄ chong₂ mi₂güig₃ la₂ lia'₂ lín₅ Jesucristo. ¹⁸ Jui₁lia'₂ jē₁'nio₃ dsa₂ riin'₅₄, tsá₃ 'e₂ gau₂ cha₂. La₁ jui₁lia'₂ jē₁'nio₃ dsa₂ riin'₅₄ lia'₂ rē₂'ñia₅, quian'₅₄ a₂ně₅ jñia'₅ a₂gó'₅ dsa₂. Ia₁ jui₁lia'₂ a₂gó'₅ dsa₂, caun₂ jmi₁uig₅ bá₄ jaun₂ rē₂'ě₄ ja₁coin₂. Ia₁ jui₁lia'₂ i₂gó'₅, tsá₃ ma₂ca₂rě₃'ñia₅ ja₁coin₂ 'a₂ lia'₂ jme₃'nioi₃ riin'₅₄.

¹⁹ 'Nio₃ jniog₄ Diú₄ ia₁ 'ñjio₅ de'₂ le₂'uig₅₄ ca₂rě₃'nio₃ jniog₄. ²⁰ La₁ ně₁jua'₂ chan₂ i₂lín₅₄ juá'₂: “Nió₃ jniá₂ Diú₄”, la₁ ně₁jua'₂ 'ñia₅₄ bá₄ guē'₂ riin'₅₄ ně₃, jan₂ dsa₂ tē₂jág₁ bá₄ 'éi₂. Ia₁ ně₁jua'₂ tsá₃ 'nio₃ dsa₂ riin'₅₄ i₂jíin₂, ħ₂a₂ bá₄ lia'₂ lé₂ jme₃'nioi₃ Diú₄ i₂tsá₃ ma₂jíin₂? ²¹ 'Njio₅ bá₄ Diú₄ ma₂cuē₃ 'éi'₃ la₂: I₂'nio₃ Diú₄, ca₂tíin₂ jme₃'nioi₃ riin'₅₄ ján₃.

5

Ca₂tián₃ jniog₄ ne₄ cosas 'lig'₅₄ a₂jén'₅ mi₂güig₃

¹ Ca₂le₃jín₃ i₂'én₂ a₂lín₅ Jesús tē₃dsón'₂ I₂rē₂'ín₁ quián₅ Diú₄, lín₅ chi'₂-guein₂ quián₅ Diú₄. Jui₁lia'₂ ja₁'nio₃ dsa₂ jan₂ dsa₂, ján₃ bá₄ 'nio₃ chi'₂ quián₅ dsa₂ 'éi₂. ² Le₂nē₅ bá₄ ne₄ jniog₄ 'a₂ lia'₂ jme₁'nió₄ chi'₂-guein₂ quián₅ Diú₄; chi₂jua'₂ dsón'₂ 'nió₃ jniog₄ Diú₄, ton'₂ jme₁tí₁ jniog₄ 'éi'₃ quió'₅. ³ A₂la₂ bá₄ a₂'nio₃ jniog₄ Diú₄, a₂jme₁tí₁ jniog₄ 'éi'₃ quió'₅ bá₄. 'Éi'₃ quió'₅ nē₃, on₃jua'₅₄ 'e₂ ŋí₄ guei₂. ⁴ Ia₁ ca₂le₃jín₃ i₂ma₂lín₅ chi'₂-guein₂ quián₅ Diú₄, lí'₂ ne₄ cosas a₂jén'₅ mi₂güig₃. Jaun₂ quian'₅₄ a₂'éin₂ bá₄ jniog₄, léi₂ ne₄ cosas a₂jén'₅ mi₂güig₃. ⁵ ¿'Ein₂ 'éi₂ i₂lí'₂ ne₄ cosas a₂jén'₅ mi₂güig₃? Ŋia'₅₄ lia'₂ i₂'éi₂ bá₄ i₂'én₂ a₂lín₅ Jesús Ja₁ŋi'₅₄ Diú₄.

Jág₁ dsau₅ 'ein₂ 'éi₂ lín₅ Ja₁ŋi'₅₄ Diú₄

⁶ Lia'₂ con'₂ jme₁guan₃ Jesucristo, ca₂jáng'₃ Diú₄ Jmei₂ jág₁ dsau₅ a₂lín₅ Jesús Ja₁ŋi'₅₄ tē₃dsón'₂. Ia₁ ca₂cuē₃ léi₄ jme₁ca₂jñó₂ 'éi₂ jmi₂g₂. Jaun₂ on₃jua'₅₄ jmá'₃ jme₁ca₂jñó₂ jmi₂g₂ ca₂cuē₃ léi₄. Jme₁ca₂jon₃ Jesús, jme₁ca₂i₃'o₅₄ jmi₂ 'ain₅₄ nē₃, ca₂cuē₃ léi₄ táng₃. Quian'₅₄ le₃tín₃ léi₄ nē₅ ca₂jáng'₃ Jme₂dsí₂ quián₅ Diú₄ jág₁ dsau₅, ia₁ Jme₂dsí₂ 'éi₂ bá₄ i₂lín₅ jág₁ dsau₅. ⁷ Ún₂ i₂lín₅ i₂jáng'₅ jág₁ dsau₅ nē₃. ⁸ Jme₂dsí₂ Ŋñi₅ i₂ŋia₄ jniog₄ tē₂dsi₅, Diú₄ Jmei₂ i₂ca₂cuē₃ léi₄ con'₂ jme₁ca₂jñó₂ Jesús jmi₂g₂, 'ñiog₅ Jesús nē₃ ca₂cuē₃ léi₄ lia'₂ con'₂ jme₁ca₂join₃, ca₂i₃'o₅₄ jmi₂ 'ain₅₄. Le₃ún₂ i₂nē₅ caun₂ bá₄ jág₁ lē₅ quió'₅.^{*} ⁹ Guén₅ bá₄ jniog₄ jui₁lia'₂ 'e₂ caun₂ jág₁ dsau₅ jáng'₅ dsa₂ mi₂güig₃, la₁ 'ñio₅ lín₃ guē₄ quen₅ jág₁ dsau₅ a₂ca₂cuē₃ Diú₄ 'ñiog₅, ia₁ quian'₅₄ jág₁ dsau₅ a₂ca₂jáng'₃ jaun₂ nē₃, ca₂'ē₃ 'ein₂ lín₅ Ja₁ŋi'₅₄. ¹⁰ I₂'én₂ tē₂le₃ quió'₅ Ja₁ŋi'₅₄ Diú₄, 'i₄ jág₁ dsau₅ nē₅ tē₂dsí₅. I₂tsá₃ 'én₂ tē₂le₃ quió'₅ Diú₄ nē₃, jmo₂₃ dsí₅ co₂'nió'₄ tē₂jín₁ bá₄ Diú₄, ia₁ tsá₃ 'éin₂ jág₁ dsau₅ a₂ma₂cuē₃ Diú₄ tē₂le₃ quió'₅ Ja₁ŋi'₅₄. ¹¹ ¿'E₂ jaun₂ a₂ma₂juá'₂ Diú₄? Ma₂ca₂juá'₂ a₂ma₂cuē₃ jág₁ quió'₅ a₂le₃chong₂ jniog₄ co₂tan₅₄. Jaun₂ le₃chong₂ jniog₄ co₂tan₅₄ tē₂le₃ quian'₅₄ Ja₁ŋi'₅₄. ¹² Dsa₂ i₂quian'₅₄ Ja₁ŋi'₅₄ Diú₄, jéin'₃ bá₄. La₁ jui₁lia'₂ i₂tsá₃ quian'₅₄ Ja₁ŋi'₅₄ Diú₄, tsá₃ jéin'₃.

Toin'₂ jág₁ riin'₅₄ jē₁ca₂tó'₂

¹³ Jmo₅ jniá₂ si₂ la₂ tsing₂ ne'₅₄ 'nia'₂ dsa₂ i₂'én₂ tē₂le₃ quió'₅ Ja₁ŋi'₅₄ Diú₄, ia₁jaun₂ ŋi'₅₄ 'nia'₂ chang'₂, a₂'i₄ tē₂'au'₂ jme₂dsí₂ a₂chang'₂ co₂tan₅₄.†

¹⁴ Caun₂ 'ei₅ dsi₅ jniog₄ chong₂ tē₂le₃ quió'₅ Diú₄, ia₁ ne₄ jniog₄ nē₁jua'₂ 'e₂ caun₂ a₂mi₂ jniog₄ lia'₂ con'₂ lē₅ 'ñio₂ dsí₅, nag₃ bá₄ jág₁

* **5:8** A₂lin₅₄ chog₅₄ si₂ a₂ca₂lē₃ cang₂ quian'₅₄ jág₁ jmei₅ latín, juá'₂ le₂la₂: “i₂jáng'₅ jág₁ dsau₅ nē₅ guei'₅₄ i₂juig₅: Diú₄ Jmei₂, Ja₁ŋi'₅₄ i₂lín₅ jág₁ quió'₅, quian'₅₄ Jme₂dsí₂ Ŋñi₅. Le₃ún₂ i₂nē₅ ca₂ne₅₄ bá₄ lín₅. Ján₃ bá₄ ún₂ i₂lín₅ i₂jáng'₅ jág₁ dsau₅ ne₄ gua'₅₄ 'uē₃.”

† **5:13** A₂lin₅₄ chog₅₄ si₂ a₂ca₂lē₃ cang₂ guē₄, juá'₂ ján₃: “ton'₂ ia₁jaun₂ le₃'éng'₂ le₃quió'₅ Ja₁ŋi'₅₄ Diú₄.”

quián₂. ¹⁵ Chi₂jua'₂ ne₄ jniog₄, a₂nag₂₃ jág₁ a₂chi₂lein'₅₄ jniog₄, ne₄ bá₄ jniog₄ ján₃, nē₂jag₄ bá₄ a₂ma₂nē₂guéi₁ 'e₂ mi₂.

¹⁶ Nē₁jua'₂ chan₂ i₂ca₂jín₂ rin'₅₄ 'no₂₃ dso₄, la₁ nē₁jua'₂ tsá₃ lě₅ dso₄ a₂jio₅ jui₅ 'mú₃, 'nió'₅ mi₃ dsa₂ ne₄ Diú₄ ia₁jaun₂ jmo₃ Diú₄ a₂le₃chan₂ táng₃ dsa₂ 'éi₂; co₂'nió'₄ le₃jua'₅₄ dso₄ on₃jua'₅₄ a₂jio₅ jui₅ 'mú₃. Ia₁ cha₂ dso₄ a₂jio₅ jui₅ 'mú₃. Tsá₃ juá'₅ jniá₂ a₂'nió'₅ mi₃ dsa₂ o₄quió'₄ dsa₂ i₂'no₅ dso₄ le₂jaun₂. ¹⁷ Ca₂le₃jě₃ a₂'lig'₅₄, dso₄ bá₄ jaun₂. La₁ cha₂ dso₄ a₂tsá₃ jio₅ jui₅ 'mú₃.

¹⁸ Ne₄ bá₄ jniog₄, jui₁lia'₂ i₂ca₂rě₃chán₃ le₃quió'₅ Diú₄, tsá₃ ma₂ŋi₂₃ jua'₅₄ caun₂ qui₂'no₂₃ guě₄ dso₄; ia₁ Ja₁ŋi'₅₄ Diú₄ bá₄ jmo₅ 'í₁, ‡ jaun₂ tsá₃ téi₂ i₂sě₃dsen₃ gu₂.

¹⁹ Jaun₂ ne₄ bá₄ jniog₄ a₂lág₅ dsa₂ quián₅ Diú₄; ton'₂ ne₄ bá₄ jniog₄ ján₃, a₂ma₂rě₂'i₄ hí₂ quió'₅ i₂sě₃dsen₃ ta₁caun₂ mi₂güí₃.

²⁰ Já₃ bá₄ ne₄ jniog₄, ta₁ jaun₂ ca₂guan₃ Ja₁ŋi'₅₄ Diú₄ a₂jme₃tag₂₃ ia₁jaun₂ le₃ŋág'₂ jniog₄ 'a₂ lia'₂ 'nió'₅ le₃cuín₅ jniog₄ i₂lín₅ tē₃dsón'₂. Jaun₂ chong₂ bá₄ jniog₄ 'ei₅ caun₂ jág₁ le₃quió'₅ i₂lín₅ tē₃dsón'₂, co₂'nió'₄ le₃jua'₅₄ le₃quió'₅ Jesucristo Ja₁ŋi'₅₄ Diú₄. 'Éi₂ bá₄ lín₅ Diú₄ tē₃dsón'₂ i₂cuě₅ a₂le₃chan₂ dsa₂ co₂tan₅₄.

²¹ 'Nia'₂ chi'₂-guein₂ quiáng₃, jmo₄ 'nia'₂ 'í₁ jaun₂ tsá₃ le₃gan'₂ 'nia'₂ quian'₅₄ diú₄ lag₄.

Co₂ně₅.

‡ 5:18 o₃, “jui₁lia'₂ i₂ca₂rě₃chán₃ le₃quió'₅ Diú₄, jmo₂₃ 'í₁ 'ŋio₅.”

Si₂ carta jë₁ca₂të₂ tin₃ a₂ca₂jmo₃ SAN JUAN

Jág₁ dsau₅, quian'₅₄ 'a₂ lia'₂ 'nió'₅ jme₃'nio₃ dsa₂ riin'₅₄

¹ Jniá₂ i₂líng₅ gui'₅₄ juin'₂ quián₅ guá'₅ jmo₂₃ si₂ la₂ tsíng₂ ne'₅₄ 'ne₂ 'io₅₄ * rin'₅₄ jniog₄ i₂ma₂quion'₅₄ quián₅ Diú₄, quian'₅₄ chi'₂ quiáng'₂ i₂'nióg₃ guě₄ lín₃. On₃jua'₅₄ jmá'₃ jniá₂ 'nióg₃ 'nia'₂, ján₃ bá₄ 'nio₃ ca₂le₃jín₃ i₂ma₂le₁ñi₅ jág₁ tí₅. ² O₄quíó'₄ jág₁ dsau₅ bá₄ 'nióg₃ 'nia'₂, jág₁ a₂ma₂të₁'ñiá₄ të₂dsi₅ jniog₄, ton'₂ jiog₅ co₂tan₅₄ ja₁con₂ jniog₄. ³ Diú₄ Jmei₂ quian'₅₄ Te₁gui'₅₄ Jesucristo Ja₁ñi'₅₄, jui₁jme₂gu'₅₄, dsia₃ ñéi'₂ dsí₅, jmo₃ 'ag₃ tei₄ 'au'₂ 'nia'₂, ia₁ a₂dsón'₂ bá₄ 'nioi₃ 'nia'₂.

⁴ 'Ñio₅ të₅ dsi₃ ia₁ ma₂jíng₅₄ i₂lín₅₄ chi'₂ quiáng'₂ tián'₅ bá₄ lia'₂ con'₂ lë₅ jág₁ tí₅, lia'₂ con'₂ lë₅ juá'₂ Diú₄ Jmei₂ jniog₄, 'éi'₃ a₂ma₂cuë₃. ⁵ Në₃ në₃ 'io₅₄ rin'₅₄ jniog₄, mi₅ jniá₂ juig₂ 'ne₂, a₂jme₁'nió₄ jniog₄ rin'₅₄ le₂jau₂ le₂jau₂. A₂juá'₅ jniá₂ ne₄ si₂ la₂, on₃jua'₅₄ 'éi'₃ 'mí₂ la₂, 'éi'₃ jaun₂ bá₄ la₂ jui₁lia'₂ 'éi'₃ a₂jme₁ma₂ron₅ quián₂ jniog₄ le₂'uig₅₄. ⁶ Le₂në₅ bá₄ jme₁'nió₄ jniog₄ rin'₅₄: a₂i₂nio₄ jniog₄ lia'₂ con'₂ lë₅ 'éi'₃ quió'₅ Diú₄. 'Éi'₃ a₂ma₂nei'₂ 'nia'₂ le₂'uig₅₄ bá₄ jaun₂, a₂le₃chang'₂ jme₁'nióg₄ ríng'₂.

Jui₁lia'₂ dsa₂ i₂jme₂gau₅

⁷ Le₂con₂ mi₂güig₃ bá₄ i₂nio₄ juin₅ dsa₂ i₂jme₂gau₅, tsá₃ jág₁ jmo₂₃ jua'₅₄ a₂juá'₂ a₂ca₂guan₃ Te₁gui'₅₄ chi₁dsáin₃. Dsa₂ le₂'éi₂ bá₄ lín₅ i₂jme₂gau₅, i₂'ñia₅₄ Cristo në₃. ⁸ Jmo₄ 'nia'₂ 'í₁ ia₁jaun₂ tsá₃ lë₁dsi₃'én₂ ta₁ quián'₂ 'nia'₂ a₂jmo₂ ia₁ 'éng'₂, jaun₂ bá₄ tin'₃ 'nia'₂ lia'₂ 'ñia₅ 'liang'₅₄ cuë₃ Diú₄.

⁹ Ia₁ jui₁'ein₂ guě₃ i₂dsi₂jñiá₄ jmo₂₃ ñag₅₄ guě₄ jme₂tag₂₃ con'₂ jág₁ a₂ma₂ca₂jme₃tag₅ Cristo, tsá₃ Diú₄ quian'₅₄ dsa₂ 'éi₂. La₁ jui₁lia'₂ i₂juá'₂ jme₂tag₂₃ con'₂ lë₅ ca₂jme₃tag₅ Cristo, chan₂ Diú₄ Jmei₂ ja₁coin₂, ján₃ guě'₂ quiaín'₅₄ bá₄ Ja₁ñi'₅₄ Diú₄ në₃. ¹⁰ Në₃jua'₂ chan₂ i₂ca₂dsióg₃ ja₁con'₂ 'nia'₂, la₁ në₁jua'₂ tsá₃ jme₂tag₂₃ lia'₂ con'₂ lë₅ jág₁ në₅, tsá₃ lë₁guéin₅ 'nia'₂ dsi₂néi₂ quiáng'₂, ca₂lia'₂ jñia'₅₄ Diú₄ tsá₃ 'nió'₅ cuín'₄ 'nia'₂. ¹¹ Ia₁ në₁jua'₂ chan₂ i₂ca₂cuín₃ Diú₄ dsa₂ le₂'éi₂, co₂'nió'₄ quein'₅₄ 'e₂ a₂'lig'₅₄ a₂jmo₅-dsáu₅ 'éi₂.

Jág₁ jë₁ca₂tó'₂

* 1:1 I₂lín₅₄ të₅sí₃ ñí'₂ dsí₅ jui₁lia'₂ jág₁ në₅, co₂'nió'₄ të₂ guá'₅ në₂jag₄ bá₄ jan₂ 'io₅₄; chi'₂ quiáin₅ guě'₂ në₃, co₂'nió'₄ dsa₂ i₂tén₅ guá'₅.

¹² 'Lióng₂ bá₄ jág₁ a₂'nio₃ jniá₂ juig₅₄ 'nia'₂, la₁ tsá₃ 'nio₃ jniá₂ jua'₅₄ a₂juá'₄ tē₂le₃ quian'₅₄ si₂, on₃ guē'₂ quian'₅₄ jmi₁jné₂. Ia₁ 'ín₂ dsi₃ jniá₂ dsióg₄ bá₄ 'ñió₃ ia₁jaun₂ dsiá₁ jniog₄ jág₁ dsi₁ne₁, ia₁jaun₂ le₃ 'ñia₅ a₂'io'₂ jein₂ jniog₄.

¹³ Chi'₂ quián₅ 'io₅₄ ríng'₂ i₂ma₂quion'₅₄ quián₅ Diú₄, dsiáin'₂ jág₁ a₂cuin₂₃ Diú₄ 'nia'₂.
Co₂nē₅.

Si₂ carta jë₁ca₂të₂ 'ni₅ a₂ca₂jmo₃ SAN JUAN

Dsia₅ dsa₂ dse₃ 'iin₂₃ Gayo

¹ Jniá₂ gui'₅₄ juin'₂ quián₅ guá'₅, jmo₂₃ si₂ tsíng₂ ne'₅₄ 'ne₂ Gayo a₂mei₅₄ quiáng₃, ia₁ të₃dsón'₂ bá₄ 'nióg₃ 'ne₂.

² Chi₁len'₄ jniá₂ Diú₄ o₄quián'₂ 'ne₂ rin'₅₄ jniog₄, ia₁jaun₂ jmo₃ le₃chang'₂ dse₃. Jui₁'ei₅ bá₄ dse₃ 'au'₂ ján₃, jui₁lia'₂ 'ei₅ 'au'₂ të₂le₃ quian'₅₄ jme₂dsi₂ quiáng'₂. ³ 'Nio₅ lin₃ 'io'₂ jéin₅ jniá₂ jme₁ca₂o₃lén₂ i₂lin₅₄ rin'₅₄ jniog₄. 'Éi₂ ně₃ ca₂dsia₃ 'a₂ lia'₂ dse₃ ma₂chang'₂ rë₂teng'₅₄ lia'₂ con'₂ lë₅ jág₁ tí₅. ⁴ 'I₁caun₂ a₂siá'₂ tsá₃ cha₂ jua'₅₄ a₂lë₂ le₃jmo₃ 'ag₃ dse₃ dsi₃ 'io'₂ jéin₅, njia'₅₄ lia'₂ a₂le₃guion₅₄ a₂i₂nio₄ bá₄ chi'₂-guein₂ quiáng₃ lia'₂ con'₂ lë₅ jág₁ tí₅. ⁵ A₂mei₅₄ quiáng₃, caun₂ a₂rë₂ti'₅₄ bá₄ jaun₂ a₂jmo'₂ 'ne₂ jme₁cuë'₂ gog'₂-tag'₅₄ o₄quió'₄ rin'₅₄ jniog₄, o₁njia'₅₄ tsá₃ cuiin'₂. ⁶ Të₃ ja₁le₁ñi'₂ guá'₅, ma₂ca₂jáng'₃ 'éi₂ jág₁ dsau₅ 'a₂ lia'₂ ñí₄ lë₃ 'niói'₃. Jmo₄ dse₃ 'au'₂ jme₁oin₁₂ a₂'nió'₅ quió'₅, ia₁jaun₂ caun₂ dsi₃lén₂ bá₄ ne₄ jui₅ ja₁tioin'₅₄ jui₅ dsi₁lén₂. Jmo₄ a₂të₅ dsí₅ Diú₄. ⁷ Ia₁ tioin'₅₄ jui₅ i₂lén₂ dsi₃jmo₂ ta₁ quió'₅ Jesucristo, la₁ tsá₃ 'e₂ ma₂gue₃ 'i₁caun₂ quió'₅ dsa₂ i₂tsá₃ 'én₂. ⁸ Jaun₂ lë₃, jniog₄ ně₃ ca₂tág₂ dsiá₁ gu₂, jme₁oin₁₂ a₂dsi₁lén₂ ja₁tioin'₅₄ jui₅ dsi₃'ë₃ jág₁ tí₅ quió'₅ Diú₄.

Tsá₃ dse₃ jmo₅ Diótrefes

⁹ Ca₂jmo₃ jniá₂ caun₂ si₂ ca₂tsíng₂ ne₄ guá'₅. La₁ Diótrefes tsá₃ gue₂₃ 'éi'₃ quián₂ njia'₅₄, ia₁ 'nio₃ jme₃góin₃ 'ñiog₅ jmo₃ juin'₂ cán₂ ne₄ jui₅ quió'₅ guá'₅. ¹⁰ Jaun₂ lë₃, ně₁jua'₂ ca₂ñó₃ jniá₂, i₁jéin₂ ia₁ 'e₂ lë₃ jmo₂₃ jág₁ të₂jág₁ 'ag₂₃ njia'₅₄. Tsá₃ mag'₂ bá₄ guë₄ dsi₅ a₂jaun₂, ia₁ ján₃ bá₄ tsá₃ guein₂₃ rin'₅₄ jniog₄ i₂dsi₂lén₂ ně₃; qui₂jné₅ bá₄ ně₁jua'₂ chan₂ guë'₂ i₂'nio₃ guei₃, 'uiin'₂ bá₄ 'éi₂ jë₄ quió'₅ guá'₅.

¹¹ Rin'₅₄ jniog₄, tsá₃ can₂ 'nia'₂ jui₅ 'lig'₅₄ quió'₅ 'éi₂. Jmo₄ 'nia'₂ a₂dse₃. Dsa₂ i₂jmo₅ a₂dse₃, i₂quián₅ Diú₄ bá₄ 'éi₂. La₁ i₂jmo₅ a₂'lig'₅₄ ně₃, tsá₃ ma₂ca₂rë₃cuiin₂₃ Diú₄.

Caun₂ jui₅ dse₃ a₂rë₂jniá₂ ñi₅ Demetrio

¹² Ca₂le₃jín₃ bá₄ juá'₂ dse₃ 'iin₂₃ Demetrio. Ia₁ rë₂jniá₂ bá₄ 'a₂ lia'₂ ñi₂₃. Le₂në₅ bá₄ njia'₅₄ ně₃, dsia₂ jág₁ dse₃ 'ín₅ 'éi₂, jaun₂ ñi'₅₄ 'nia'₂, dsau₅ bá₄ jág₁ a₂jang'₂ njia'₅₄.

¹³ 'Lióng₂ bá₄ jág₁ 'nio₃ jniá₂ juá'₄, la₁ tsá₃ 'nio₃ jmo₅₄ quian'₅₄ jmi₁jné₂ on₃ guë'₂ quian'₅₄ pluma; ¹⁴ ia₁ 'ín₂ dsi₃ jniá₂ jag₅₄ dsi₁ne₁ ηi'₅₄ ta₁ la₂ ia₁jaun₂ dsiá₁ jág₁.

¹⁵ Jui₁chang'₂ bá₄ 'ei₅ tei₄ 'au'₂. Dsa₂ a₂mei₅₄ quiáng'₂ i₂chan₂ ja₁lá₃ chein₂₃ jág₁ a₂cuin₂₃ Diú₄ 'ne₂. Jmo₄ dse₃ 'au'₂ cuin₅₄ Diú₄ le₂jan₂ le₂jan₂ a₂mei₅₄ quián₂ ja₁ně₅.

Co₂ně₅.

Si₂ carta a₂ca₂jmo₃ JUDAS

Jmo₅ Judas si₂ ne₄ dsa₂ i₂ma₂quion'₅₄ quián₅ Diú₄

¹ Jniá₂ Judas, líng₅ dsa₂ i₂jme₂ti₃ ne₄ Jesucristo, líng₅ rin'₅₄ Jacobo. Jmo₂₃ si₂ carta la₂ tsíng₂ ne₄ ca₂le₃jín₃ i₂tě₄ i₂nió₄ quián₅ Diú₄ Jmei₂ jniog₄, con'₂ i₂chan₂ lě₅ 'í₁ le₃quió'₅ Jesucristo.

² Jui₁le₂tsón₂ bá₄ ja₁con'₂ 'nia'₂ a₂ñéi₂ dsí₅ Diú₄, a₂'ei₅ tei₄, a₂'nió'₃ 'nia'₂ ríng'₂ ně₃.

*Dsa₂ i₂jme₂tag₅ juá'₅ jág₁ tě₂jág₁
(2 Pedro 2:1-17)*

³ 'Nia'₂ rin'₅₄ jniog₄ i₂'nió₃, lě₂ dsí₃ 'ñio₅ lín₃ a₂jmo₅₄ si₂ tsíng₅₄ ja₁con'₂ 'nia'₂ ja₁juá'₄ jui₁lia'₂ jág₁ a₂lión₂ dsa₂ a₂ma₂le₁ne₁ jniog₄. La₁ia₁, ně₃ ně₃, 'nió'₅ jmo₅₄ si₂ a₂chi₁leng'₄ 'nia'₂, a₂'nió'₅ quín'₅₄ 'nia'₂ bí₂ o₄quió'₄ jág₁ a₂'éin₂ jniog₄, jág₁ a₂ma₂dsia₃ Diú₄ o₄gú₃ dsa₂ i₂lě₅ 'í₁ quián₅.^{*} ⁴ Ia₁ ma₂ca₂i₃ton'₅₄ i₂lín₅₄ con'₂ tě₃co'₅₄ jě₄ quián'₂ 'nia'₂, dsa₂ i₂ma₂ja₂lén₂ rě₂'ín₄ ne₄ Si₂ ca₃ma₂líg'₂ i₂ma₂tion'₅₄ jui₅ dsí₃'én₂. Lín₅ dsa₂ i₂tsá₃ Diú₄ cuín₅, i₂'nio₃ jme₃tsín₃ jág₁ a₂'ua₁ dsí₅ Diú₄ quián₂ jniog₄ con'₂ tsá₃ o₁jau₅₄ jui₅ a₂tóin'₃ jmo₃-dsáu₅ a₂'lig'₅₄ a₂ja₂ dsí₅; tsá₃ tioen₂₃ a₂lín₅ Jesucristo i₂jan₂ tan₅₄ juig₅₄ jniog₄ Te₁gui'₅₄ quián₂.

⁵ Jui₁la₂ ma₂le₁ñi'₅₄ 'nia'₂, la₁ 'nio₃ jniá₂ juá'₄ táng₃ ia₁jaun₂ dsioğ'₂ 'au'₂, ia₁ lia'₂ con'₂ jme₁ca₂'uín'₂ Te₁gui'₅₄† dsa₂ juig₂ Israel ma₂líg'₂ lia'₂ con'₂ jme₁tioin'₅₄ 'uě₃ Egipto, la₁ ca₂jme₃dsiain₂₃ bá₄ i₂lín₅₄ dsa₂ 'éi₂ ia₁ tsá₃ ca₂'éin₃. ⁶ Le₂jaun₂ bá₄ táng₃ quian'₅₄ ángeles i₂tsá₃ 'í₁ ca₂lí₃ ta₁ a₂jme₁lín₄, tě₂le₃ ca₂tí₂ bá₄ ja₁jme₁tiáin'₄. 'Éi₂ ně₃ rě₂ně₃ tioen'₅₄ le₁jní₅ jě₄ qui₁né'₃, ja₁ma₂le₁ñei'₅₄ co₂tan₅₄ quian'₅₄ ní₁ cadenas, lě₅ 'í₁ quió'₅ Jmig₄ Juě'₂ jaun₂. ⁷ Le₂ně₅ bá₄ ján₃ jui₁lia'₂ ca₂jmo₃ dsa₂ i₂jme₁chan₂ juig₂ Sodoma quian'₅₄ Gomorra, ca₂le₃jě₃ guě₄ juig₂ i₂jén₂ ma₂quián₅ jaun₂, ca₂jín₂ qui₂ca₂nió'₃ ca₂le₃jě₃ ne₅₄ jág₁ 'lig'₅₄, qui₂i₃lén₂ chi₁co'₅₄ quió'₅ a₂'ín₅ dsí₅ ni₁ñi₁ i₂sián'₂ a₂tsá₃ dsi₂ten₅₄ jmo₃. Uig₅ a₂ñág₅ jě₄ si₂ a₂jioğ₅ co₂tan₅₄ a₂ca₂gue₃ jaun₂, 'ě₂ jág₁ ja₁con₂ dsa₂ i₂chan₂ jmig₄ ně₃.

⁸ Le₂ně₅ bá₄ ján₃, tě₂le₃ quian'₅₄ 'e₂ a₂niog₅ qui₅ dsa₂ 'éi₂, qui₂jme₂'ióg₃ ni₁ñi₁ guioin₅₄ quian'₅₄ dso₄ a₂qui₂'no₂₃, tsá₃ ji'₅₄ 'éi'₃, 'lig'₅₄ bá₄ táun₂ le₃quió'₅ i₂jlán'₁ chan₂ quián₅ Diú₄. ⁹ Ia₁ ca₂lia'₂ jñia'₅₄ ángel Mi₂gue₅₄ i₂lín₅ i₂dsen₅₄ guě₄ quián₅ Diú₄, lia'₂

* 1:3 lit. “dsa₂ jnió₅.” † 1:5 A₂lín₅₄ chog₅₄ si₂ a₂gui'₅₄ guě₄: “Jesús.”

con'₂ jme₂ca₂tsíin₂ quian'₅₄ i₂sě₃dsen₃ ne₄ o₄quió'₄ ni₁ŋ₁ 'lag₄
Moisés, tsá₃ ca₂tiá₂ dsí'₅ 'éi₂jua'₅₄ 'ag₃ 'lig'₅₄ a₂'nag₃, tē₂le₃ ca₂juá'₂:
“Te.gui'₅₄ bá₄ jui₁qui₂dsí'₅ 'éi'₃ ja₁cong'₂.”

10 La₁ dsa₂ 'éi₂ nē₃ 'ē₂₃ 'lig'₅₄ 'e₂ caun₂ a₂lē₂, tē₃ tsá₃ ma₂ŋi₅ rē₂;
jmo₂₃-dsáu₅ lia'₂ ja₁jmo₅ já'₂ náu₂ i₂tsá₃ 'e₂ ŋi'₂ dsí'₅, ia₁ jui₁lia'₂
a₂cuí'₅ con'₂ lē₅ a₂ŋi'₂ dsí'₅ guioin₅₄ a₂cha₂ mi₂güig₃ la₂, quian'₅₄
a₂jaun₂ bá₄ dsi₃'éin₂.

11 'E₂ guē₄ juig₂ dsa₂ 'éi₂! Ia₁ ma₂ja₂léin₂ quian₅ jui₅ quió'₅
Caín; ne₄ 'uig₅₄ ia₁ a₂dsi'₅₄ cu₄ bá₄ ca₂i₁noi₁₂ tē₂le₃ dséi₂, 'ein₂₃
jui₅ ja₁tsá₃ dsau₅ a₂ca₂can₃ Bala'am. La₁ ca₂i₃'éin₂ jui₁lia'₂
ca₂i₃'éin₂ Coré† jme₁ca₂nau₂ quein₅. 12 Co₂'nió'₄ caun₂ 'mé'₅
a₂quian₅ o₂guí'₃ bá₄ a₂jmo₅-dsáu₅ dsa₂ 'éi₂ jin'₄ 'nia'₂ jme₁tóng'₅
quē'₂ jmo'₂ 'nia'₂ jmig₄ a₂'nióg'₃ ríng'₂. La₁ dsa₂ 'éi₂ quein'₅₄
jin'₄ 'nia'₂ qui₂guē'₅ qui₂'in'₂ 'io'₂ jén'₅ ca₂lia'₂ tsá₃ 'e₂ gó'₃ jmo₂₃.
Lín₅ jui₁lia'₂ jan₂ dsa₂ i₂jmo₅ 'í₁ já'₂ cha'₂, la₁ jnia'₅₄ con'₂ dse₃
jme₂tain₅₄ guioin₅₄ bá₄. Lín₅ jui₁lia'₂ lē₅ jnei₅ a₂lē₁qui₂ŋag₅
quian'₅₄ dsí₂ tsá₃ 'e₂ jmí₅ cha₂ guē'₂; o₃ lín₅ táng₃ jui₁lia'₂
ni₁'ma₂ a₂lē₁le₁dsi₅₄ tó'₅ lí₁ jein₂ quió'₅, la₁ tsá₃ 'e₂ mīg₂ cha₂
guē'₂ jaun₂ nē₃. Lín₅ co₂'nió'₄ ni₁'ma₂ a₂ma₂ca₂cang₅ le₂jiog₅
jmú₄, le₃jua'₅₄ a₂ma₂quian₅ tin₃ ne₅₄ 'mú₃. 13 Lín₅ jui₁lia'₂
lē₅ jmig₂ a₂lē₁qui₂jná'₅ tiá₂ ne₄ jm₁ŋi'₄ a₂ráun₂ quian'₅₄ dsí₂,
qui₂le'ág₄ ne₄ jan₅ ca₂le₃jě₃ a₂lē₁'iog₅ o₂guí'₃ quió'₅. Tioin'₅₄
jui₅ i₂noi₅₄ lín₅ jui₁lia'₂ lē₅ nei₅ a₂lē₁ma₂i₂nio₄, tsá₃ ma₃jui₅
co₂dsau₅ le₁quian₅. Ma₂tioin'₅₄ jui₅ a₂dsi₁lein₃ jē₄ qui₁né'₃ 'ŋio₅
lin₃, ja₁ma₂lē₅ co₂jnia₅₄ ja₁dsi₁toin'₄ co₂tan₅₄.

14 Le₂jaun₂ bá₄ Enoc ján₃, dsa₂ i₂jē₁ca₂tē₂ jné₂ tsi₁jon₂
Adán i₂ca₂rě₃chán₃; 'éi₂ ca₂'ē₂ jág₁ tē₃jñiá₅ ca₂'in₃ dsa₂ le₂'éi₂
jme₁ca₂juá'₂: “Ca₂jñg₅₄ Te₁gui'₅₄ jóin'₅ ca₂sióin₃ quian'₅₄ tē₂le₃
mei₅ bá₄ i₂jñiós quiáin₅, 15 a₂qui₃dsi₂₃ 'éi'₃ ne₄ quió'₅ ca₂le₃jín₃,
a₂'liain'₃ ca₂le₃jín₃ dsa₂ 'lin'₅₄, ne₄ 'uig₅₄ ca₂le₃jě₃ ne₅₄ a₂'lig'₅₄
a₂qui₂ma₂jmo₃, ne₄ ca₂le₃jě₃ jág₁ lē₁'iog₅ a₂qui₂ma₂'in₃ Diú₄
nē₃.” 16 Dsa₂ le₂'éí₂ nē₃ ca₂le₃jě₃ bá₄ 'i₄ dsí₅ jmo₂₃, qui₂'no'₂ dsáu₁
dsa₂, jmá'₃ lia'₂ jui₅ ja₁le₃chain₂ dse₃ ja₁mag'₂ dsí₅ guioin₅₄ bá₄
'no'₂. Tiin₂ dsia₃ jmá'₃ lia'₂ jág₁ tá'₅, ton'₂ 'ŋioi₅₄ 'a₂ lia'₂ jme₃'uáin₂
dsí₅ dsa₂ ia₁jaun₂ lí'₂ 'e₂ a₂'nio₃.

'E₂ guē₄ jág₁ tē₃jñiá₅ tsí'₅ dsa₂ 'én₂

17 La₁ 'nia'₂ nē₃ rin'₅₄ jniog₄, jui₁dsiog'₂ 'au'₂ 'nia'₂, ca₂le₃jě₃ jág₁
a₂ma₂cuē₃ dsa₂ i₂chen₄ quián₅ Te.gui'₅₄ Jesucristo quián₂ jniog₄,
18 ca₂juá'₂ ca₂tsí'₃ 'nia'₂: “Jmīg₄ jē₁ca₂tó'₂ le₃chan₂ dsa₂ i₂jnia'₅₄
lē₁qui₃táun₂ 'lig'₅₄, a₂le₃chain₂ tiain'₃ con'₂ lē₅ mi₅ dsí₅ guioin₅₄,

† 1:11 Core: 'Í₂ Números 16.

ia₁ tsá₃ Diú₄ cui_{in}₂₃.” ¹⁹ Dsa₂ le₂'éi₂ bá₄ i₂jmo₃ le₁dson'₅₄ 'nia'₂; i₂nioi'₅₄ con'₂ dsi₂jio₅ dsi'₅ guioi₅₄, tsá₃ Jme₂dsi'₂ quián₅ Diú₄ quiain'₅₄.

²⁰ La₁ 'nia'₂ ně₃ rin'₅₄ jniog₄, caun₂ jui₁dsi₂cón'₃ bá₄ 'nia'₂ quian'₅₄ a₂'éng'₂ a₂lē₅ a₂jñi₅ guē₄ lín₃. Chi₁len'₅₄ 'nia'₂ Diú₄ con'₂ lē₅ jio₅ Jme₂dsi'₂ Jñi₅. ²¹ Jui₁chan'₂ bá₄ 'nia'₂ lē₅ 'í₁ ja₁'nio₃ Diú₄ 'nia'₂; qui₂le₁jan'₄ a₂dsia₃ néi₂ dsi'₅ Te₁gui'₅₄ Jesucristo quián₂, ca₂lia'₂ ca₂tē₂ jmi₄ i₁cuē₃ ja₁le₃chan'₂ 'nia'₂ co₂tan₅₄.

²² Dsia₄ 'nia'₂ néi₂ 'au'₂ ja₁con₂ jui₁lia'₂ dsa₂ i₂qui₂le₁'ág₄ caun₂-tín₃ dsi'₅, ²³ lion₅₄ 'nia'₂ i₂lín₅₄ ně₂jag₄ bá₄ a₂'ui_{in}₅₄ jē₄ si₂. Dsia₄ 'nia'₂ néi₂ 'au'₂ ja₁con₂ i₂sián'₂, tē₃ gang'₃, tē₃ 'ñiag'₅₄ ca₂le₂jio₅ ni₁tsin'₅₄ a₂rē₂ió₄ quian'₅₄ ni₁ñi₁₂.

Jág₁ a₂rē₂juin'₂ Diú₄ jē₄ca₂tó'₂

²⁴ Ně₃ ně₃, tē₂le₃ quió'₅ i₂qui'₅₄ jmi₄ jmo₃ 'í₁ 'nia'₂ ia₁jaun₂ tsá₃ tsi₃séng'₂, jme₃jñiai₂₃ 'nia'₂ ján₃, ja₁jlá'₁ lín₃ ja₁guá₄ Diú₄ a₂tsá₃ ma₂'e₂ dso₄ rē₂cáng'₄, ja₁jiá₃ 'au'₂ 'nia'₂ 'io'₂ jén'₂ guē₄ lín₃, ²⁵ le₃quió'₅ Diú₄ i₂jan₂ tan₅₄ [i₂ñí'₂ dsi'₅]š i₂lió₂ jniog₄, i'éi₂ bá₄ i₂ca₂tín₂ ca₂le₃jē₃ ti₁'mag'₄, ca₂le₃jē₃ a₂jme₂juag'₂ dsa₂, ca₂le₃jē₃ guē₄ jui₅bí₂, ca₂le₃jē₃ 'éi'₃ ně₃, [tē₂le₃ quian'₅₄ Jesucristo Te₁gui'₅₄ quián₂ jniog₄],* ca₂le₃jē₃ jmi₄ ja₁ma₂já₅, jmi₄ rē₂ně₃, lia'₂ co₂tan₅₄ ně₃! iA₂mei₃!

Co₂ně₅.

Š 1:25 Chog₅₄ si₂ a₂dse₃ guē₄ tsá₃ le₁ton₅ jág₁ ně₅.
le₁ton₅ jág₁ ně₅.

* 1:25 A₂lín₅₄ chog₅₄ si₂ tsá₃

Jág₁ a₂ca₂jme₃jnia₅ Jesucristo ne₄ San Juan₅₄

Jág₁ a₂ca₂jme₃jnia₅ Diú₄

¹ A₂la₂ bá₄ jág₁ a₂ca₂jme₃jnia₅ Diú₄ ne₄ Jesucristo, ia₁jaun₂ 'ei₂ ně₃ 'ě₃ táng₃ dsa₂ i₂jme₂ti₃ ne₅₄, ca₂juá'₂ ca₂le₃jě₃ a₂tion₅₄ niog₅ lé₂ ŋi'₅₄ ta₁. Jaun₂ 'niog₅ bá₄ 'ei₂ ca₂jmo₃ ca₂rě₃ŋi₅ ma₂ca₂jme₃jniai₂₃ tē₂le₃ quian'₅₄ ángel quiáin₅ ne₄ Juan₅₄, jan₂ dsa₂ i₂jme₂ti₃ ta₁ ne₅₄. ² Jniá₂ bá₄ 'ei₂ i₂jáng'₅ jág₁ dsau₅ la₂, ca₂le₃jě₃ lia'₂ con'₂ lě₅ a₂ca₂jág₃ ca₂tě₂ ne₃; ton'₂ jáng'₅ bá₄ jniá₂ jág₁ dsau₅ 'a₂ lia'₂ lě₅ jág₁ dse₃ quió'₅ Diú₄, quian'₅₄ 'a₂ lia'₂ lín₅ Jesucristo.

³ 'E₂ guě₄ dsen₃ i₂'i₅ si₂ la₂, a₂chi₁ton₅ jág₁ a₂'ě₂ Diú₄. Le₂jaun₂ guě'₂ táng₃ jui₁lia'₂ i₂nag₅ jág₁ la₂ a₂'ě₂ Diú₄; dsen₃ i₂tón'₂ jui₅ jág₁ a₂chi₁ton₅, ia₁ ma₂ja₂quián₃ jmi₄.

Jmo₅ Juan₅₄ si₂ a₂ca₂chein₃ ne₄ ta₁guion₃ guá'₅

⁴ Jniá₂ Juan₅₄ jmo₂₃ si₂ a₂dsiang'₅₄ ne₄ ta₁guion₃ guá'₅ i₂chan₂ le₂tan₅₄ 'uě₃ Asia. Jui₁jme₂gu'₅₄ Diú₄ 'nia'₂, jui₁chan'₂ bá₄ 'nia'₂ 'ei₅ tei₄ tē₂le₃ quian'₅₄ Diú₄ i₂lín₅ jmi₄ ně₃, i₂jme₁lín₄ tián₂ le₂jniá₅, i₂lén₂ ca₂lia'₂ co₂tan₅₄; ján₃ bá₄ jui₁jme₂gu'₅₄ Diú₄ 'nia'₂ tē₂le₃ quian'₅₄ ta₁guion₃ jme₂dsí₂ i₂tion'₅₄ le₃ne₄ ne₄ta₁ ja₁guá'; ⁵ ján₃ guě'₂ jui₁jme₂gu'₅₄ Diú₄ 'nia'₂ tē₂le₃ quian'₅₄ Jesucristo, i₂tí₅ jág₁ dsau₅ quió'₅, i₂le₂ne₁ ma₂ca₂jen'₅₄ ne₄ 'mú₃, i₂gon₂ ne₄ rag₅₄ chan₂ gua'₅₄ 'uě₃. Le₃quió'₅ 'ei₂ bá₄ i₂ca₂rě₃ 'nio₃ jniog₄ ton'₂ ma₂ráng'₂ jniog₄ ne₄ 'uig₅₄ dsáu₁ jniog₄ quian'₅₄ jmi₂ 'ain₅₄ 'niog₅; ⁶ le₃quió'₅ 'ei₂ ně₃ i₂ma₂jmo₃ a₂lág₅ jniog₄ rag₅₄, jme₂dsa₂ ně₃, a₂jme₁ti₁ jniog₄ ne₄ Diú₄ quiáin₅ i₂lín₅ Jmei₂. ¡Le₃quió'₅ 'ei₂ bá₄ ca₂tín₂ jme₃juag'₂ dsa₂, ca₂tín₂ goin₃ co₂tan₅₄! A₂méi₃.

⁷ ¡Jag₄! ¡Ma₂jás₅ jě₄ jnei₅!

Ca₂le₃jín₃ bá₄ dsa₂ tē₃ ne₅₄,

ca₂le₂jio₅ dsa₂ juig₂ i₂ca₂'ág'₂;

ca₂le₃jín₃ dsa₂ chan₂ juig₂ ta₁caun₂ mi₂güig₃

tóin'₃ qui'₃-o₃ jě₁ma₂ca₂jág₂.

¡Le₂jaun₂ lé₂, a₂méi₃!

⁸ “Jniá₂ bá₄ 'ei₂ i₂lín₅ le₂'uig₅₄ jui₁lia'₂ letra Alfa jě₁ca₂rě₃lióg₃; jniá₂ bá₄ 'ei₂ i₂lín₅ jě₁ca₂tó'₂ ně₃ jui₁lia'₂ letra Omega”, juá'₂ Te₁gui'₅₄ Diú₄. “Jniá₂ bá₄ lín₅ rě₂ně₃, i₂lín₅ ma₂i₁jáun₃, i₂lín₅ co₂tan₅₄ ne₄ jui₅, * i₂'uan'₂ guě₄ lín₃.”†

* 1:8 'Nio'₂ ja₁ton₅ Éxodo 3:14; Juan 8:58. † 1:8 'Nio'₂ ja₁ton₅ Isaías 41:4; 44:6; 48:12.

Jan₂ i₂lín₅ lia'₂ lín₅ Jaun₅ dsa₂ mi₂güig₃

⁹Jniá₂ Juan₅₄, líng₅ rín'₂ 'nia'₂, ia₁ quein'₅₄ jniog₄ co₂dsia₅ ñag₄ uig₅, le₂jaun₂ chi₁jñia₁ jniog₄ ja₁gon₂ Diú₄, ton'₂ co₂dsia₅ guei₂ bí₂ a₂tián₂ jniog₄ juin'₂ dsi₅ le₃quíó'₅ Jesús. Jme₁'eng₅₄ rē₂jñig₅ caun₂ 'uē₃ a₂rē₂quí'₅ jē₄ jmi₁ñí'₄ ja₁chei₂ Patmos, ne₄ 'uig₅₄ ia₁ a₂ma₂ca₂'ē₃ jág₁ dse₃ quió'₅ Diú₄, ton'₂ ia₁ 'uig₅₄ a₂ma₂cuē₃ jniá₂ jág₁ dsau₅ 'íng₅ Jesucristo. ¹⁰Co₂ráun₂ ně₃ co₂jmi₂g₄ quió'₅ Te₁gui'₅₄ ja₁'eng₅₄ jaun₂, ca₂lē₃ a₂jme₁'en₅₄ jniá₂ le₃quíó'₅ Jme₂dsí₂. Jaun₂ ca₂nag₃ jág₁ a₂ca₂né'₂ le₃co'₅₄ lag₃ ca₂juá'₂ tiá₂ lín₃ jui₁lia'₂ jē₁i₂'ein₅₄ ñí₁ trompeta, ¹¹ca₂juá'₂ tság₅ jniá₂:

—Jniá₂ bá₄ 'éi₂ i₂líng₅ le₂'uig₅₄ jui₁lia'₂ letra Alfa jē₁ca₂rē₃lióg₃; jniá₂ bá₄ 'éi₂ i₂líng₅ jē₁ca₂tó'₂ ně₃ jui₁lia'₂ letra Omega. Ne₄ si₂ rē₂bín₅, tióng₅ a₂jág'₂ ia₁jaun₂ qui₁dsiang'₅₄ ne₄ ta₁guion₃ guá'₅ ja₁tén₄ 'uē₃ Asia, co₂'nió'₄ le₃jua'₅₄ quió'₅ guá'₅ i₂chan₂ juig₂ Efeso, Esmirna, Pérgamo, Tiatira, Sardis, Filadelfia, quian'₅₄ Laodicea ně₃.

¹²Ca₂jen'₄ jniá₂ jaun₂ ně₃, a₂jíng₅₄ 'ein₂ 'éi₂ i₂juá'₂ jág₁ tság₅ jniá₂. Jme₁ca₂jeng'₅₄, ca₂jág₃ tióng₂ guio₃ tag₄ a₂lē₅ jmá'₃ cu₄nióg₄ ja₁le₁gui'₂ si₂. ¹³Jē₄ ta₁guio₃ mi₂tag₄ si₂ jaun₂ ně₃, jme₁chén'₄ jan₂ i₂lín₅ lia'₂ lín₅ Jaun₅ dsa₂ mi₂güig₃, † i₂qui'₂ 'mi'₂ chen'₅₄ jang₄, mei'₂ tsá₃ tsáng₂ co'₅₄ tag₁₂. A₂jme₁rē₂jén'₅ le₁dsí₅ guē'₂ ně₃, jme₁lē₄ jmá'₃ cu₄nióg₄. ¹⁴Jñi₂ dsi₅₄ guē'₂ ně₃, jme₁tiog₂ lia'₂ ja₁tiog₂ jñí₂ já'₂ cha'₂, a₂tiog₂ jui₁lia'₂ tiog₂ 'mu₂. Jme₁ne₁₂ guē'₂ ně₃ jme₁jniá₂ tág₅ jui₁lia'₂ jniá₂ ca₂jo'₅₄ si₂. ¹⁵Mi₂tag₅₄ guē'₂ ně₃ jme₁jniá₂ tág₅ lia'₂ lē₅ jmá'₃ ni₁ñí₁ nióg₂ a₂rē₂ta₄ a₂ma₂jmag₂ né'₃ táu₃ si₂. Jág₁ quió'₅ guē'₂ ně₃ jme₁né'₂ tiá₂ lín₃ jui₁lia'₂ né'₂ caun₂ ja₁ta'₂ la'₅₄ pa₁ lín₃. § ¹⁶Gu₂ ne₁ guē'₂ ně₃ jme₁chan'₂ guio₃ nei₅; mi₂'o₅₄ guē'₂ ně₃ jme₁jniá₂ 'ia₂ lia'₂ lē₅ caun₂ ñi₁tág₂ chen'₂ a₂'mu₃ le₃tín₃ ton₂. Ne₅₄ guē'₂ ně₃ tág₅ jmá'₅, jui₁lia'₂ tág₅ 'iog₂.

¹⁷Jme₁ca₂jág₃, ca₂tón₂ jniá₂ ja₁tióng₂ mi₂tag₅₄, lia'₂ tsá₃ léi₄ mei'₂. Jaun₂ ca₂quiog₂ gu₂ ne₁ ne₄ quió'₃, jaun₂ ca₂juá'₂:

—Tsá₃ jmo₂ gang'₃, ia₁ jniá₂ bá₄ líng₅ i₂le₂ne₁, ton'₂ jniá₂ bá₄ líng₅ i₂jē₁ca₂tó'₂. ¹⁸Jniá₂ bá₄ 'éi₂ i₂chan₂; jme₁rē₂'lín₄ bá₄ jniá₂, la₁ jja₄! ma₂chang₂ bá₄ táng₃ ca₂le₃jē₃ jmi₂g₄, ca₂lia'₂ co₂tan₅₄. * Jniá₂ bá₄ chan'₄ ñí₁ llaves quió'₅ 'mú₃ quian'₅₄ guē'₂ tau₂ 'ñio₅, † ¹⁹Jaun₂ lē₃, ne₄ si₂, tióng₅ jui₁lia'₂ 'e₂ a₂nē₂jag'₅₄, 'a₂ lia'₂ niog₅ lē₅ rē₂nē₃ quian'₅₄ guē'₂ a₂nē₃ guē₄ niog₅ lē₂. ²⁰A₂la₂ bá₄ jág₁ dsau₅ a₂jme₁rē₂'ma₄ le₂jñiá₅: jui₁lia'₂ guio₃ nei₅ a₂nē₂jag'₅₄ chi₁chan'₄ gu₃ ne₁, quian'₅₄ guē'₂ ta₁guio₃ tag₄ a₂lē₅ quian'₅₄ cu₄nióg₄ ja₁le₁gui'₂ si₂. Jáng'₅ jág₁ ta₁guio₃ nei₅ co₂'nió'₄ guion₃

† 1:13 'Nio'₂ ja₁ton₅ Daniel 7:13. § 1:15 o₃, "lia'₂ né'₂ 'lióng₂ jmi₂g₂." * 1:18

A₂lín₅₄ chog₅₄ si₂ juá'₂ ján₃ "A₂méi₃," † 1:18 griego: hades, co₂'nió'₄ a₂juá'₂, ja₁quió'₄ 'lag₄.

dsa₂ i₂i₃quian₄ jág₁[†] quián₅ ta₁guion₃ guá'₅; guio₃ tag₄ ja₁le₁guí'₂ si₂ guè'₂ ně₃, co₂'nió'₄ ta₁guion₃ guá'₅.

2

Jág₁ a₂chen₅ ne₄ le₂guion₃ guá'₅; Jág₁ a₂ñó₃ ne₄ guá'₅ chan₂ Efeso
¹ 'Jmo₄ si₂ ne₄ dsa₂ i₂ě₂ jág₁ guá'₅ i₂chan₂ juig₂ Efeso, chei'₅₄ le₂la₂:

Le₂la₂ juá'₂ i₂chan₂ le₃guio₃ nei₅ quian₅₄ gu₂ ne₁, i₂ñi₅ jě₄ ta₁guio₃ tag₄ a₂lě₅ jmá'₃ cu₄nióg₄ ja₁le₁guí'₂ si₂: ²Guion₄ bá₄ jniá₂ ca₂le₃jě₃ ta₁ 'ua'₂ a₂jmo'₂ 'nia'₂, 'a₂ lia'₂ juin'₂ 'au'₂ ně₃. Guion₅₄ bá₄ ján₃ a₂tsá₃ ma₃tiang'₃ quiang'₅₄ dsa₂ i₂jmo₅ a₂'lig'₅₄. Guion₅₄ bá₄ ján₃ 'a₂ lia'₂ ma₂quion'₂ 'í₁ ja₁con₂ dsa₂ i₂i₂nio₄ a₂juá'₂ lín₅ dsa₂ i₂chen₄ quián₅ Jesús, la₁ tsá₃ guè'₂ lín₅. Ma₂ca₂jme₁jniai'₂ a₂lín₅ dsa₂ těj₂jín₁. ³Juin'₂ bá₄ 'au'₂ lín₅ ma₂ja₂nóg'₅ qui₂ñag'₅₄ uig₅ jmo'₂ ta₁ 'ñio₅ lín₃ o₄quió₃ jniá₂, tsá₃ ma₂qui₂ca₂'ú'₃ 'au'₂ 'nia'₂.

⁴La₁ia₁ cha₂ guè'₄ caun₂ ja₁cong'₂, a₂tsá₃ těj₅ dsi₃: ia₁ tsá₃ ma₃'nióg'₃ jniá₂ lia'₂ jme₁'nióg'₃ le₂ne₁. ⁵Jaun₂ ně₃, dsá₂ 'au'₂ 'nia'₂ jmo₄, a₂já'₄ ma₂qui₂ma₂sén'₂ 'nia'₂. Jui₁dsi₂quén'₅ táng₃ 'au'₂ 'nia'₂, jmo₄ táng₃ lia'₂ jme₁jmo'₂ le₂ne₁. Ia₁ ně₃jua'₂ tsá₃ le₂jaun₂ ně₃, ñi'₅₄ ta₁ la₂ dsióg₄ i₁jniá'₃ tag₄ si₂ quiáng'₂ ja₁chí'₄, ně₃jua'₂ tsá₃ ca₂jme₁tsíng'₄ 'au'₂. ⁶Jñia'₅₄ lia'₂ caun₂ a₂dse₃ la₂ bá₄ cha₂ ja₁cong'₂: a₂'ñia'₅₄ 'nia'₂ 'a₂ lia'₂ lě₅ jmo₅-dsáu₅ dsa₂ nicolaítas, a₂jaun₂ bá₄ 'io₄ guè'₂ jniá₂ ján₃.

⁷Jui₁lia'₂ i₂le₁dsi₅₄ rě₂gua₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅. Jui₁lia'₂ i₂ca₂tió'₃, ñei₂ guè'₃ míg₂ 'ma₂ a₂chan₂ dsa₂ co₂tan₅₄, a₂chí'₅ Ja₁jlá'₁ * quió'₅ Diú₄.

Jág₁ a₂ñó₃ ne₄ guá'₅ chan₂ Esmirna

⁸'Jmo₄ si₂ ne₄ dsa₂ i₂ě₂ jág₁ guá'₅ i₂chan₂ juig₂ Esmirna chei'₅₄ le₂la₂:

Le₂la₂ juá'₂ i₂le₂'uig₅₄, i₂lín₅ jě₁ca₂tó'₂ guè'₂ táng₃; i₂ca₂jón₃ 'éi₂, i₂ma₂ca₂jen'₅₄ guè'₂ táng₃: ⁹Guion₅₄ bá₄ ca₂le₃jě₃ 'a₂ lia'₂ lě₅ chang'₂ ñag'₅₄ uig₅, ton'₂ a₂te₂ñég'₂ guè'₂ ján₃. La₁ on₃jua'₅₄ a₂dsi₂jó'₃ te₂ñég'₂ jme₁né₄, ia₁ chang'₂ bá₄ dse₃ ján₃. Guion₅₄ bá₄ ján₃ 'a₂ lia'₂ 'ag₅ 'lig'₅₄ dsa₂ i₂juá'₂ lín₅ judíos, la₁ tsá₃ guè'₂ lín₅. Dsa₂ i₂tén₅ guá'₅ sinagoga quió'₅ Satanás bá₄ 'éi₂. ¹⁰Tsá₃ jmo'₂ 'nia'₂ gang'₃ 'e₂ niog₅ a₂dsi₁ñíg'₂, ia₁ tsáun'₂ i₂sě₃dsen₃ toin'₂ né'₃ 'má₃ i₂lín₅₄ 'nia'₂ co₂'nió'₄ a₂caun₂ táu₂, jaun₂ ñag'₅₄ 'nia'₂ uig₅ guia₃ jmíg₄. La₁ tiá₂ nau₂ 'nia'₂ o₁jñia'₅₄ ca₂quín₂ 'mú₃, ia₁ jniá₂ bá₄ cuě₅₄ ja₁le₃chan'₂ 'nia'₂ co₂tan₅₄ co₂'nió'₄ caun₂ corona. ¹¹Jui₁lia'₂ i₂le₁dsi₅₄ rě₂gua₄, jui₁nei₅₄ a₂juá'₂ Jme₂dsí₂

[†] 1:20 griego: ángeles, co₂'nió'₄ i₂quian₅ jág₁. 'Nio'₂ ja₁ton₅ “ángel” ne₄ glosario.

* 2:7 griego: paradeiso (Paraíso).

tsí⁵ ca₂le₃jín₃ guá⁵. Jui₁lia² i₂ca₂tió³, 'i₁caun₂ uig⁵ tsá₃ jén⁴ jē₁ca₂tē₂ tīn₂ 'mú₃.

Jág₁ a₂ñó₃ ne₄ guá⁵ chan₂ Pérgamo

¹²Jmo₄ si₂ ne₄ dsa₂ i₂ 'ē₂ jág₁ guá⁵ i₂chan₂ juig₂ Pérgamo, chei⁵⁴ le₂la₂:

Le₂la₂ juá² i₂ 'io₅ ñi₁tág₂ 'mu₃ le₃tīn₃ ton₂: ¹³Guion₄ bá₄ jniá₂ ja₁tián⁵ 'nia², † ja₁lē₄ ne₄ta₁ ja₁gon₂ Satanás. La₁ lia² tión² jaun₂ bá₄ 'nia² tiá₂ quian⁵⁴ jág₁ quió₃. Tsá₃ ma₂tí³ a₂'éng² le₃quió₃, ca₂lia² jñia⁵⁴ jmig₄ lia² con² jme₁ca₂jñi³ dsa₂ Antipas, dsa₂ i₂rē₂ti⁵⁴ quiáng₃ i₂jme₁jáng⁵ jág₁ dsau₅, ca₂lē₃ jē₄ quián² 'nia², caun₂ juig₂ ja₁guá₄ Satanás. ¹⁴La₁ia₁ cha₂ a₂lin⁵⁴ ja₁cong², a₂tsá₃ tē₅ dsi₃: jē₄ nē₅ quián² 'nia² tion⁵⁴ i₂lin⁵⁴ i₂tsá₃ tí₂ a₂'lig⁵⁴ lia² jme₁jmo₅ Bala'ama a₂ca₂toin² jág₁ ca₂tsí³ Balac†, ca₂jmo₃ ca₂tsi⁵⁴sén² dso₄ dsa₂ israelitas a₂ca₂guē³ má₃ a₂rē₂jen⁵⁴ ne₄ diú₄ lag₄ quiáin₅; ca₂jmo₃ ca₂can₃ dsa₂ 'éi₂ jui₅ qui₂ca₂nió³ jág₁ 'lig⁵⁴. ¹⁵Le₂nē₅ bá₄ ján₃, tion⁵⁴ jē₄ quián² 'nia² i₂lin⁵⁴ i₂jme₂tag₅ jág₁ quió⁵ dsa₂ nicolaítas. ¹⁶Jui₁dsi₂quén⁵ 'au² jaun₂ nē₃; ia₁ nē₁jua² tsá₃ ca₂tion² 'nia² jui₅, ñi⁵⁴ ta₁ la₂ dsió₄ jniá₂ ja₁cong² i₁quíng³ quian⁵⁴ dsa₂ 'éi₂ quian⁵⁴ ñi₁tág₂ a₂'ia₂ mi₂o₃. ¹⁷Jui₁lia² i₂le₁dsi⁵⁴ rē₂gua₄, jui₁nei⁵⁴ a₂juá² jme₂dsi₂ tsí⁵ ca₂le₃jín₃ guá⁵. Jui₁lia² i₂ca₂tió³, ñei₂ maná a₂rē₂'ma₄, ton² ñei₂ jma₃ca₂míg₂ ni₁cang₁ tiog₂ ja₁chi₁ton₅ jág₁ 'mí₂ 'a₂ lia² chein₂, a₂tsá₃ 'ein₂ cuí⁵; jmá³ lia² con² i₂gue₃ bá₄ ñi².

Jág₁ a₂ñó₃ ne₄ guá⁵ chan₂ Tiatira

¹⁸Jmo₄ si₂ ne₄ dsa₂ i₂ 'ē₂ jág₁ guá⁵ i₂chan₂ juig₂ Tiatira, chei⁵⁴ le₂la₂:

Le₂la₂ juá² Ja₁ñi⁵⁴ Diú₄ i₂tág₅ jme₁ne₁₂ lia² tág₅ jo⁵⁴ si₂, i₂lē₅ mi₂tag₄ lia² lē₅ ñi₁ nió₂ a₂rē₂ta₄: ¹⁹Guion⁵⁴ bá₄ ca₂le₃jē³ 'e₂ a₂jmo², 'a₂ lia² 'nió₃ ríng², 'a₂ lia² lē₅ a₂'éng² nē₃, ta₁ quiáng² a₂jme₂tí¹, juín² bá₄ 'au² chang² nē₃; guion₄ bá₄ jniá₂, 'ñio₅ guē₄ jmo² 'nia² lia² con² guē₄ le₂ne₁. ²⁰La₁ia₁ cha₂ guē₄ caun₂ ja₁cong² a₂tsá₃ tē₅ dsi₃: ia₁ cuē² 'nia² jmig₄ 'en⁵⁴ jin⁴ 'nia² 'io⁵⁴ Jezabel i₂juá² i₂ 'ē₂ jág₁ o₄quió⁴ Diú₄. Jme₂tag₂₃ a₂jñia⁵⁴ qui₂jme₂gain₂₃ dsa₂ quiáng₃ i₂jme₂ti₃ ne₃ ia₁jaun₂ cán₂ jui₅ jmo₃ dsáu₃ qui₃nió³ jág₁ 'lig⁵⁴, ia₁jaun₂ ján₃ guē₄ qui₃guē³ má₃ a₂rē₂jen⁵⁴ ne₄ diú₄ lag₄ quiáin₅. ²¹Ma₂cuē₃ jniá₂ 'io⁵⁴ 'éi₂ jmig₄ ne₄ tsa₁ dsi₁quén⁵ dsi₅ 'lig⁵⁴ a₂jmo₂₃, la₁ tsá₃ 'nio₃. ²²¡Jag₁! Tóin₂ jniá₂ ne₄ tsi₁cama jaun₂ le₃dso⁵⁴, ján₃ guē² jmo⁵⁴ ñág₃ uig⁵ dsa₂ i₂qui₂'no₅ dso₄ quiáin⁵⁴, nē₁jua² tsá₃ ca₂dsi₃quén⁵ dsi₅ a₂jmo⁵-dsáu₅ 'io⁵⁴ 'éi₂, ²³ton² jme₁dsian₅ jniá₂ chi² quián⁵ 'io⁵⁴ 'éi₂ nē₃. Jaun₂ bá₄ le₃ñi₅ ca₂le₃jín₃ guá⁵, jniá₂ i₂con₂ 'í₁ 'a₂ lia²

† 2:13 A₂lin⁵⁴ chog⁵⁴ si₂: “Guion⁵⁴ bá₄ ca₂le₃jē³ 'e₂ a₂jmo², ján₃ bá₄ guion⁵⁴ ja₁tián⁵ 'nia².” † 2:14 Bala'am, Balac: 'Nio² ja₁ton₅ Números 23 - 24.

lě₅ jme₂dsí₂ quió'₅ dsa₂, ca₂le₃jě₃ a₂qui₂dsi₂jio₅ dsí'₅ dsa₂ ně₃;
jaun₂ jniá₂ bá₄ cuě'₄ 'lian'₅₄ 'nia'₂ lia'₂ con'₂ lě₅ qui₂ca₂jmo'₅₄.

²⁴ La₁ juí₂ jniá₂ ca₂le₃jín₃ guě'₄ 'nia'₂ i₂tián'₅ juí₂ Tiatira i₂tsá₃
ma₂gue₃ jág₁ a₂jme₂tag₅ 'io'₅₄ 'éi'₂, on₃ guě'₂ cuí'₅ a₂tě'₂ dsa₂ 'éi'₂
jág₁ ca'₅₄ a₂rě'₂ma₄ quió'₅ Satanás: co₂ně₅ bá₄ guei₂ a₂cuě'₄ jniá₂
'nia'₂. ²⁵ Jnia'₅₄ lia'₂ caun₂ jmo'₂ 'nia'₂ a₂dse₃ a₂ma₂ja₂nóg'₅ jmo'₂,
ca₂lia'₂ ca₂tě'₂ jmi₄ i₁dsióg₄ táng₃. ²⁶ Juí₁lia'₂ i₂ca₂tió'₃, i₂qui₂jmo'₅
'a₂ con'₂ 'nio₃ jniá₂ lé₂, ca₂lia'₂ i₁ca₂tě'₂ jmi₄ jě₁ca₂tó'₂, cuě'₄ jniá₂
bí₂ jaun₂ jmo'₃ 'éi'₃ ne₄ juí₂ a₂te₁ 'i₁ gua'₅₄ 'uě₃.

²⁷ Goin₃ ne₄ quió'₅ quian'₅₄ 'ma₂'i'₅₄

a₂lě₅ quian'₅₄ ni₁ñí₁;

qui₃dsia₃ le₁juí₁ nē₂jag₄ bá₄ ni₁ti'₂, S

²⁸ lia'₂ con'₂ lě₅ ma₂gue₃ jniá₂ 'éi'₃ ma₂cuě₃ Ne'₃. Cuí₁n₄ jniá₂ ján₃
Nei₅ 'Ióg₁. * ²⁹ Juí₁lia'₂ i₂le₁dsi₅₄ rē₂gua₄, jui₁nei₅₄ a₂juá'₂ Jme₂dsí₂
tsí'₅ ca₂le₃jín₃ guá'₅.

3

Jág₁ a₂ñó₃ ne₄ guá'₅ chan₂ Sardis

¹ 'Jmo₄ si₂ ne₄ dsa₂ i₂ě₂ jág₁ guá'₅ i₂chan₂ juí₂ Sardis, chei'₅₄
le₂la₂;

Le₂la₂ juá'₂ i₂jio₅ ta₁guion₃ jme₂dsí₂ quián₅ Diú₄, i₂chan'₂
guio₃ nei₅ ně₃: Guion₄ bá₄ jniá₂ ca₂le₃jě₃ a₂jmo'₂, a₂dsia₅ dsa₂
a₂jén'₃ 'nia'₂, la₁ia₁ i₂rě'₂lin'₄ bá₄ 'nia'₂. ² Jme₁jnio₂ ne'₅₄, tiong'₂
táng₃ bí₂ a₂jme₁ma₂i₁jón₂ quiáng'₂, ia₁ tsá₃ ma₂dsó'₂ jniá₂ jua'₅₄
a₂rě₂tán₄ a₂qui₂ma₂jmo'₅₄ 'nia'₂ le₃ne₄ Diú₄ quiáng₃. ³ Dsiog'₂
'au'₂ 'nia'₂ jmo₄ jaun₂ ně₃, a₂qui₂ma₂gue'₅₄ 'nia'₂, a₂qui₂ma₂nei'₂
'nia'₂, jui₁dsi₂quén'₅ 'au'₂. La₁ nē₁jua'₂ tsá₃ ca₂jme₁jnio'₂ ne'₅₄,
ñi'₅₄ ta₁ dsióg₄ jniá₂ ja₁cong'₂ con'₂ tsá₃ rē₂jáng'₁, nē₂jag₄ bá₄ jan₂
'ang₂, ca₂lia'₂ jnia'₅₄ tsá₃ ñi'₅₄ 'nia'₂ 'e₂ hora dsióg₄. ⁴ La₁ chan₂
bá₄ guě'₄ i₂lin'₅₄ jin'₄ 'nia'₂ guá'₅ Sardis ně₅ i₂tsá₃ ma₂ca₂jme₃'ióg₃
tsin'₅₄; i₂'éi'₂ ně₃ jme₃quiong'₅₄ jniá₂ i₃nioi₅₄ le₁qui'₂ 'mí'₂ tiog₂,
ia₁ le₂jaun₂ ca₂tiín₂. ⁵ Juí₁lia'₂ i₂ca₂tió'₃, tsin'₅₄ tiog₂ bá₄ qui₃quí'₃,
jaun₂ lia'₂ o₁líg'₂ tsá₃ 'én₄ lia'₂ chein₂ ja₁le₁toin₂₃ ne₄ si₂ a₂chan₂
dsa₂ co₂tan₅₄. Jaun₂ 'ín₄ jniá₂ 'éi'₂ jme₁jniai₂₃ jniá₂ ne₄ Ne'₃, ne₄
ángeles quiáin₅ ně₃. ⁶ Juí₁lia'₂ i₂le₁dsi₅₄ rē₂gua₄, jui₁nei₅₄ a₂juá'₂
Jme₂dsí₂ tsí'₅ ca₂le₃jín₃ guá'₅.

Jág₁ a₂ñó₃ ne₄ guá'₅ chan₂ Filadelfia

⁷ 'Jmo₄ si₂ ne₄ dsa₂ i₂ě₂ jág₁ guá'₅ i₂chan₂ juí₂ Filadelfia,
chei'₅₄ le₂la₂;

Le₂la₂ juá'₂ 'éi'₂ i₂jñi₁ó₅, i₂tě₃dsón'₂ tí₅ jág₁ quió'₅, i₂'io₅ ñí₁
llave quió'₅ Rag₅₄ David. Juí₁lia'₂ a₂niá₅ 'éi'₂, 'i₁jan₂ tsá₃ lé₂

Š 2:27 Salmo 2:9. * 2:28 Nei₅ 'Ióg₁ lě₅ caun₂ 'a₂ lia'₂ chen₂ Jesús. 'Nio'₂ ja₁ton₅ 2
Pedro 2:21; Apocalipsis 22:16.

jnéi₃; já₃ guē'₂ le₂jaun₂, ju₁lia'₂ a₂jnéi₅ 'éi₂, tsá₃ 'ein₂ lé₂ le₃niá₃ táng₃. ⁸ Guion₅₄ bá₄ jē₂ a₂jmo'₂. ¡Ja₄! Caun₂ o₄'né₄ a₂rē₂na₄ ma₂ca₂tsí'₂ jniá₂ ne'₅₄; 'i₁jan₂ tsá₃ 'ein₂ lé₂ le₃jnéi₃. O₁jnia'₅₄ la₂ tsá₃ ma₃lin₄ bēng'₂, *ma₂ca₂tion'₂ ju₁5 jág₁ quió₃, on₃jua'₅₄ jaun₂ a₂tsá₃ ma₂'ag'₅₄ jniá₂. ⁹ ¡Ja₄! Ju₁lia'₂ dsa₂ quián₅ guá'₅ sinagoga quió'₅ Satanás, dsa₂ i₂juá'₂ lín₅ judíos la₁ tsá₃ guē'₂ lín₅, jmo₅₄ jniá₂ chi₃jné₃ 'éi₂ ne'₅₄, ia₁jaun₂ le₃ni₅ a₂'nió₃ jniá₂ 'nia'₂. ¹⁰ 'Uig₅₄ ia₁ a₂ma₂jmo'₅₄ 'nia'₂ 'í₁ 'éi'₃ quió₃ a₂tion'₅₄ 'nia'₂ juin'₂ 'au'₂, jmo₅₄ bá₄ jniá₂ 'í₁ 'nia'₂ a₂tsá₃ jióg'₂ 'í₁ ja₁cong'₂ ju₁lia'₂ a₂dsi₃ni₂ dsa₂ i₂chan₂ ta₁caun₂ gua'₅₄ 'uē₃. ¹¹ Ni'₅₄ ta₁ bá₄ guióng₄. Jmo₄ 'í₁ a₂ma₂ting'₂ ia₁jaun₂ tsá₃ 'ein₂ jniá'₂ corona quiáng'₂. ¹² Ju₁lia'₂ i₂ca₂tió'₃, jmo₅₄ jniá₂ a₂léin₂ nē₂ja₄ bá₄ ni₁dsi₅ a₂chí'₅ dsi₂néi₂ guá'₅ templo quió'₅ Diú₄ quiáng₃. O₁lig'₂ jmig₄ tsá₃ ma₃'uín₃ ja₁jaun₂. Ne₄ quió'₅ 'éi₂, taun₅₄ lia'₂ chen₂ Diú₄ quiáng₃, quian'₅₄ guē'₂ 'a₂ lia'₂ chei₂ juig₂ quió'₅ Diú₄ quiáng₃ ně₃: juig₂ Jerusalén 'mí₂ a₂sió₃ guei'₅₄ i₂juig₃ quió'₅ Diú₄ quiáng₃. Já₃ guē'₂ le₂jaun₂ taun₅₄ jniá₂ ne₄ 'éi₂ jág₁ 'mí₂ lia'₂ cheng₂. ¹³ Ju₁lia'₂ i₂le₁dsi₅₄ rē₂gua₅₄, ju₁nei₅₄ a₂juá'₂ Jme₂dsi₂ tsí'₅ ca₂le₃jín₃ guá'₅.

Jág₁ a₂hó₃ ne₄ guá'₅ chan₂ Laodicea

¹⁴ 'Jmo₄ si₂ ne₄ dsa₂ i₂'ē₂ jág₁ guá'₅ i₂chan₂ juig₂ Laodicea, chei'₅₄ le₂la₂:

Le₂la₂ juá'₂ i₂lín₅ tē₃dsón'₂, † i₂jáng'₅ jág₁ dsau₅ i₂rē₂ti'₅₄, i₂lín₅ juig₅₄ ne₄ ca₂le₃jē₃ a₂ca₂jmo₃ Diú₄: ¹⁵ Guion₅₄ bá₄ jniá₂ ca₂le₃jē₃ 'a₂ lia'₂ lē₅ jmo'₂ 'nia'₂. Guion₅₄ bá₄, a₂tsá₃ güíng'₂, on₃ guē'₂ dséng'₂ ně₃. ¡Jua'₅₄ co₂nei'₅₄ bá₄ guē'₂ güíng'₂, o₃ co₂nei'₅₄ bá₄ guē'₂ dséng'₂! ¹⁶ La₁ 'uig₅₄ ia₁ a₂jnia'₅₄ dsión'₂ 'nia'₂, ia₁ tsá₃ güíng'₂ guē'₂ co₂nei'₅₄, on₃ guē'₂ dséng'₂ ně₃, jaun₂ ráun₂ i₁ni₄ jniá₂ 'nia'₂ ju₁5 mi₂'o₃. ¹⁷ Ia₁ juá'₂ 'nia'₂ a₂ma₂chang'₂ dse₃ a₂ma₂qui₂ma₂dsia'₅₄ 'nia'₂ 'lióng₂ rē₂má'₂, ton'₂ tsá₃ 'e₂ 'nió'₅ quiáng'₂; la₁ tsá₃ jaun₂ len'₅₄ 'nia'₂ a₂líng'₅ dsa₂ i₂lē₁néi₂ dsí₅, i₂te₂hē₂, i₂ten₄, i₂rē₂cuán'₃ ně₃. ¹⁸ 'Uig₅₄ jaun₂ ton'₂ jniá₂ jág₁ 'nia'₂, i₂nó'₅ 'nia'₂ ja₁con₂ jniá₂ i₂liá₃ cu₄nió₄ a₂rē₂lag₄ quian'₅₄ si₂, ia₁jaun₂ guē₄ dsón'₂ le₃chang'₂ dse₃; i₂liá₃ 'nia'₂ tsíng'₂ tiog₂ a₂qui₁qui'₅₄, ia₁jaun₂ tsá₃ le₃jniá₂ a₂o₂guí'₃ a₂rē₂cuáng'₃. I₂liá₃ mí₅ 'ág'₄ jme₁ne'₄ ia₁jaun₂ jnio₂, lé₂ jag'₅₄. ¹⁹ Tē₂jén₅ jniá₂ tsíng'₂ táng₃ ju₁5 dse₃ ca₂le₃jín₃ i₂'nió₃. Ju₁len'₅₄ bá₄ 'nia'₂ dsa₂ i₂dsen₅₄ dsí₅ jaun₂ ně₃, ju₁dsi₂quén'₅ 'au'₂. ²⁰ ¡Ja₄! La₂ chén'₅ jniá₂ o₄'né₄ tē₅; chi₂jua'₂ chan₂ i₂ca₂nág₂ jág₁ quió₃, niá₅ o₄'né₄ ně₃, jaun₂ bá₄ 'ú₄ dsi₂néi₂ quió'₅, guē'₅₄ co₂lē₅ quiaín'₅₄. ²¹ Ju₁lia'₂ i₂ca₂tió'₃, cuē₄ jma₃caun₂ ja₁tiain'₃ cau₅ quió₃ ne₄ta₁ ja₁gua₄ jniá₂, ju₁lia'₂

* 3:8 o₃, “tsá₃ lín₄ juín'₅ 'nia'₂.” † 3:14 lit. “Le₂la₂ juá'₂ ju₁lia'₂ i₂tē₂ A₂méi₃.”

ca₂tió₃ jniá₂, jaun₂ ca₂gua₃ con₂ Ne'₃ ne₄ta₁ quió'₅. ²² Jui₁lia'₂
i₂le₁dsi₅₄ rē₂gua₅₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

4

'A₂ lia'₂ qui₂rē₂juin'₂ Diú₄ guei'₅₄ i₂juíg₃

¹ Cang₂ guē₄ jaun₂, ca₂jág₃ táng₃ jniá₂ caun₂ o₄'né₄ rē₂na₄
guei'₅₄ i₂juíg₃. Jaun₂ ca₂nag₃ jág₁ jaun₂ a₂ca₂nag₃ le₂'uig₅₄ a₂né'₂
nē₂jag₄ bá₄ jē₁i₂'ein₅₄ nj₁ trompeta, ca₂juá'₂ tság₅ jniá₂:

—Uig₂ ja₁lá₃, jaun₂ 'ē₅₄ ca₂le₃jē₃ a₂niog₅ lé₂ cang₂ guē₄
jē₁ma₂lē₅ a₂ma₂nē₂jag'₅₄ nē₅.

² Jaun₂ ca₂lē₃ jme₁'en₅₄ jniá₂ le₃quió'₅ Jme₂dsí₂, jaun₂ ca₂jnia₃
caun₂ ne₄ta₁ chí'₅ guei'₅₄ i₂juíg₃. Ne₄ ne₄ta₁ jaun₂ jme₁guá₄ jan₂
dsa₂. ³ Dsa₂ i₂jme₁guá₄ 'éi₂ nē₃, jme₁jniái₂ tág₅ 'njio₅ lín₃ nē₂jag₄
bá₄ ni₁cang₁ tág₅ jaspe o₃ cornalina. Le₃lág'₃ ne₄ta₁ ja₁guá₄
jaun₂ jme₁jniá₂ mi₂jo'₅₄ si₂ a₂tág₅ lín₃, nē₂jag₄ bá₄ ni₁cang₁
esmeralda. ⁴ Le₃lág'₃ ne₄ta₁ ja₁guá₄ dsa₂, ca₂jág₃ con'₂ guē₄
guióg₂-quén₂ ne₄ta₁ ja₁tián'₄ guión₂-quén₂ gui'₅₄ can'₅₄ i₂le₁lín₁
le₁qui'₂ jmá'₃ 'mi'₂ tiog₂, tio'₅₄ coronas a₂lē₅ jmá'₃ cu₄nióg₄ dsi₅₄.
⁵ Ja₁chí'₄ ne₄ta₁ jaun₂, qui₂lē₂ si₁ní'₃, chí'₅ co₂mi'₅₄, quia'₂ nj₁'₃ nē₃.
Ne₄ ja₁chí'₄ ne₄ta₁ jaun₂, jniá₂ guio₃ si₂ ni₁tsí₅ a₂cau₂. A₂jaun₂ nē₃
lē₅ ta₁guion₃ jme₂dsí₂ quián₅ Diú₄. ⁶ Tē₂le₃ ne₄ jui₅ ne₄ta₁ nē₃,
jniá₂ táng₃ lia'₂ lē₅ jmi₁ní'₄ a₂lē₅ uí'₂ lín₃ jui₁lia'₂ uí'₂ ni₁'i₂.

Dsi₂jo₂, le₂tan₅₄ le₃lág'₃ ja₁chí'₄ ne₄ta₁, jniá₂ táng₃ quén₂ i₂lín₅
lia'₂ lín₅ já'₂ i₂rē₂can'₂ jmá'₃ mi₂ne₄ lia'₂ le₃ne₅₄ lia'₂ le₃co'₅₄ lag₁₂
nē₃. ⁷ Jē₁le₂'uig₅₄ já'₂ quén₂ 'éi₂ nē₃, jniái₂ lia'₂ jniá₂ dsi₂'ia'₂ león.
Jē₁ca₂tē₂ on₃, jme₁lín₄ lia'₂ lín₅ jan₂ guein₂ ca₁jui₅. Jē₁ca₂tē₂ ún₂,
jniá₂ dsi₂ne₅₄ lia'₂ jniá₂ dsi₂ne₄ dsa₂ mi₂güig₃. I₂jē₁ca₂tē₂ quén₂
nē₃, jniái₂ lia'₂ jniá₂ i₁mi₂g₂ i₂'en₅ güig₂. ⁸ Jē₁le₃quén₂ le₂jaun₂ nē₃,
le₁dsi₅₄ jma₃jné₂ tsí₁rē₂cu₅ le₂jain₂ le₂jain₂. Qui₂rē₂lióin₃ mi₂ne₄
le₃co'₅₄ lia'₂ le₃né'₃ nē₃. Lia'₂ 'uē₂-jmi₂ bá₄ tsá₃ 'na₂ i₁juá'₄:
Jnió₅ bá₄, jnió₅ bá₄, jnió₅ bá₄,

Te₁gui'₅₄ Diú₄ i₂'uan'₂ guē₄ lín₃,

i₂jme₁lín₄, i₂lín₅ rē₂nē₃,

i₂lén₂ co₂tan₅₄ bá₄ ján₃.

⁹ Lia'₂ co₂ráun₂ cuē₅ já'₂ 'éi₂ cuē'₅ ti₁'mag'₄ jme₂juin'₂ guē₄ lín₃
i₂guá₅ ne₄ ne₄ta₁, i₂chan₂ co₂tan₅₄ nē₃, ¹⁰ jaun₂ guē₄ qui₂tón₂
'uē₃ ta₁guión₂-quén₂ gui'₅₄ can'₅₄ 'éi₂, ne₄ i₂guá₅ ne₄ ne₄ta₁,
qui₂jme₂juin'₂ i₂chan₂ co₂tan₅₄, qui₂dsia₂₃ coronas quió'₅ 'uig₅₄
ne₄ta₁, juá'₂:

¹¹ Te₁gui'₅₄ Diú₄ quián₂,

'ne₂ bá₄ ca₂tíng'₂ guéi'₁ a₂jme₃juag'₂ dsa₂,

'ne₂ bá₄ ca₂tíng'₂ 'éi'₃, jui₅bí₂ nē₃.

Ia₁ co₂jaun₂ ca₂rē₃ 'njíó₃ 'au'₂

a₂ca₂rë₃chá₃ ca₂le₃jě₃ a₂cha₂.

5

Si₂ a₂rë₂bin₅ quian'₅₄ guë'₂ Guein₂ Já'₂ Cha'₂

¹ Jaun₂ ca₂jág₃ jniá₂ i₂guá₅ ne₄ ne₄ta₁ 'éi₂ chi₁chan'₂ quian'₅₄ gu₂ ne₁ caun₂ mi₂si₂ a₂rë₂bin₅ tio'₅₄ jág₁ lia'₂ le₃co'₅₄ lia'₂ le₃né'₃, a₂chi₁jni₅ dse₃ quian'₅₄ guio₃ bē'₅₄ mi₄cuñg₅. ² Jaun₂ ca₂jñg₅₄ jan₂ ángel i₂'uan'₂ lín₃ quián₅ Diú₄, jniá₂ chéin'₅ ηag₂₃ juá'₂ tiá₂:

—Ĉ'Ei₂ 'éi₂ i₂ca₂tín₂ niá₃ si₂ nē₅, qui₃choin₃ mi₄cuñg₅ quió'₅ nē₃?

³ La₁ on₃ guë'₂ guei'₅₄ i₂juíg₃, on₃ guë'₂ ne₄ gua'₅₄ 'uë₃, on₃ guë'₂ le₃né'₃ guë'₄ gua'₅₄ 'uë₃, tsá₃ chan₂ 'i₁jan₂ i₂ca₂tín₂ niá₃ si₂ jaun₂, on₃ guë'₂ ca₂tín₂ jág₃. ⁴ Nio₅ lín₃ ca₂'o₃ jniá₂ 'uig₅₄ ia₁ a₂tsá₃ 'ein₂ ca₂dsán'₂ 'i₁jan₂, i₂ca₂tín₂ jme₁niá₃ si₂ jaun₂, * on₃ guë'₂ a₂jág₃. ⁵ Jaun₂ nē₃, jan₂ i₂lín₅ gui'₅₄ can'₅₄ 'éi₂ ca₂tság₃ jniá₂:

—Tsá₃ lē₁'au₂ 'ne₂, ia₁ i₂lín₅ 'ia'₂ león quián₅ tsi₁jon₂ Judá, i₂ca₂lín₃ cho'₅₄ Rag₅₄ David, 'éi₂ bá₄ ma₂ca₂tió'₃; 'éi₂ bá₄ ca₂tín₂ niá₃ si₂, le₂jio₅ ta₁guio₃ mi₄cuñg₅ quió'₅ nē₃.

⁶ Jaun₂ ja₁lě₄ dsi₂jo₂ ne₄ta₁, jě₄ quió'₅ le₃quén₂ já'₂ 'éi₂, jě₄ quió'₅ gui'₅₄ can'₅₄ nē₃, ca₂jñg₅₄ jan₂ i₂lín₅ lia'₂ lín₅ Guein₂ Já'₂ Cha'₂ chéin'₅, a₂lěin₄ nē₂jag₄ i₂ca₂jon₃ ca₂jñag'₃ dsa₂. Le₁dsi₅₄ guio₃ mi₂juí₁, guio₃ guë'₂ mi₂ne₅₄. Mi₂ne₅₄ jaun₂ nē₃ co₂'nió'₄ guion₃ jme₂dsi₂ quián₅ Diú₄ i₂ma₂'uin₂ a₂chein₅₄ ta₁caun₂ gua'₅₄ 'uë₃. ⁷ I₂lín₅ Guein₂ Já'₂ Cha'₂ 'éi₂ nē₃, ηó₃ ca₂tín₂ mi₂si₂ rë₂bin₅ a₂jme₁chi₁chan'₂ le₂gu₂ ne₁ i₂guá₅ ne₄ta₁. ⁸ Jme₁ca₂can₃ mi₂si₂, jaun₂ qui₂ca₂tón₂ 'uë₃ le₃quén₂ já'₂ 'éi₂, quian'₅₄ guë'₂ ta₁guión₂-quén₂ gui'₅₄ can'₅₄ nē₃, ca₂tóin₂ ne₄ Guein₂ Já'₂ Cha'₂. Le₂jan₂ le₂jan₂ 'éi₂ nē₃ le₁chan'₂ jma₃cáun₃ tsi₁ton₅ arpa,† le₁chan'₂ jma₃cáun₃ guë'₂ ni₁uñg₅ ji'₂ a₂lě₅ jmá'₃ cu₄nió₄, a₂le₁can'₂ chen₂, a₂co₂'nió'₄ jág₁ a₂qui₂rë₂jen'₅₄ ne₄ Diú₄ a₂qui₂chi₂léi'₂ dsa₂ quián₅.‡ ⁹ Tioin'₅₄ 'ë₂₃ caun₂ canto 'mí₂ la₂:

'Ne₂ bá₄ ca₂tíng'₂ jma'₅₄ mi₂si₂,

a₂chóng'₄ mi₄cuñg₅ quió'₅;

ia₁ 'ne₂ bá₄ i₂ca₂jñag'₃ dsa₂.

Quian'₅₄ jmi₂'ang'₅₄ a₂ca₂tein'₅₄,

ca₂liáng'₃ dsa₂ mi₂güí₃ le₃quió'₅ Diú₄:

ca₂le₃jín₃ ne₅₄ dsa₂ i₂chan₂,

ca₂le₃jě₃ jág₁ jmei₅,

ca₂le₃jě₃ juig₂ te₁'i₁ mi₂güí₃,

ca₂le₃jě₃ tsi₁jon₂ nē₃.

¹⁰ Ma₂ca₂jmoi'₅₄ rag₅₄, jme₂dsa₂ nē₃,

* 5:4 A₂lin₅₄ chog₅₄ si₂ juá'₂ ján₃: “on₃ guë'₂ i₃.”
lit. “dsa₂ ηñió₅.”

† 5:8 griego: kithara.

‡ 5:8

le₃quió'₅ Diú₄ quián₂.

Jaun₂ 'éi₂ bá₄ le₃gon₂ ne₄ gua'₅₄ 'uë₃.

¹¹ Jaun₂ jme₁ca₂jág₃, ca₂nag₃ jniá₂ jág₁ quió'₅ juin₅ ángeles,
i₂lë₂ tē₂le₃ mei₅, i₂lë₂ ca₂lia'₂ juin₅ lin₃. Jme₁tioin'₅₄ le₃lág'₃ ne₄ta₁
jaun₂, quian'₅₄ guë'₂ já'₂ quén₂ 'éi₂, gui'₅₄ can'₅₄ ně₃, ¹² i₁juá'₄ tiá₂
lin₃:

¡I₂ca₂tín₂ Guein₂ Já'₂ Cha'₂ i₂ca₂jñag'₃ dsa₂,

a₂le₂goin₂₃, 'io₃ ca₂le₃jě₃ a₂jlá'₁,

a₂tiin₂ a₂ñí'₂ dśí₅,

a₂gue₃ jui₅bí₂, a₂jme₃juag'₂ dsa₂,

a₂lén₂ tág₅ co₂'né'₅, a₂jme₃go₃ dsa₂!

¹³ Ca₂nag₃ jniá₂ ján₃, ca₂le₃jín₃ i₂chan₂ i₂ca₂jmo'₂ Diú₄ guei'₅₄
mi₂güig₃ quian'₅₄ gua'₅₄ 'uë₃, quian'₅₄ le₃né'₃ 'uë₃; ne₄ jmi₁ñí'₄,
i₂chan₂ le₃né'₃ jmi₁ñí'₄ ně₃, i₁juá'₄:

¡Le₃quió'₅ i₂guá'₅ ne₄ ne₄ta₁,

le₃quió'₅ Guein₂ Já'₂ Cha'₂ ně₃,

jui₁jme₂go₃ dsa₂ jui₁jme₂juag'₂ dsa₂;

jui₁gue₁₂ a₂tág₅ co₂'né'₅,

jui₁gue₁₂ jui₅bí₂ ně₃

ca₂lia'₂ co₂tan₅₄!

¹⁴ Jaun₂ ca₂juá'₂ le₃quén₂ já'₂:

—¡A₂meí₃!

Ta₁guión₂-quén₂ gui'₅₄ can'₅₄ ně₃ qui₂ca₂tóin₂ 'uë₃
qui₂ca₂jme₃juag'₂.š

6

Ca₂niá₃ ta₁guio₃ mi₄cuing₅

¹ Ca₂jág₃ jniá₂ jme₁ca₂niá₃ Guein₂ Já'₂ Cha'₂ jë₁le₂'uig₅₄
mi₄cuing₅ guio₃ jaun₂, ca₂né'₂ i₁juá'₄ jan₂ rin'₅₄ i₂quén₂ já'₂ 'éi₂.
Né'₂ lë₅ jág₁ quió'₅ ně₂jag₄ bá₄ jë₁quia'₂ ñí'₃, a₂juá'₂:

—¡ñia₅, jaun₂ jag'₅₄!

² Jaun₂ jme₁ca₂jág₃ jniá₂, jaun₂ ca₂jñg₅₄ jan₂ i₁cua₁ tion₂.
I₂jme₁co₂dsin₅₄ já'₂ 'éi₂ ně₃ jme₁chan'₂ caun₂ ni₁'ma₂ cág'₅. Jaun₂
ca₂ñi₂ caun₂ corona, jaun₂ ca₂o₃'ín₃ nó₃ ne₄ 'nei₂ a₂tió'₃ a₂lí'₂
'nei₂.

³ Jme₁ca₂niá₃ Guein₂ Já'₂ Cha'₂ jë₁ca₂tě₂ tin₃ mi₄cuing₅, jaun₂
ca₂nag₃ i₁juá'₄ jë₁ca₂tě₂ on₃ já'₂ 'éi₂:

—¡ñia₅, jaun₂ jag'₅₄!

⁴ Jaun₂ ca₂jnia₃ ca₂o₃'ín₃ táng₃ jan₂ dsi₂cua₁ guén₂; dsa₂
i₂jme₁co₂dsag₅₄ guë'₂ ně₃, ca₂ñi₂ bí₂ a₂lë₂ jmo₃ a₂ñia'₃ a₂'ei₅ tei₄
ta₁caun₂ gua'₅₄ 'uë₃, ia₁jaun₂ jme₃dsian₅ dsa₂ riin'₅₄. Jaun₂ 'éi₂
ně₃ ca₂ñi₂ caun₂ ñi₁tág₂ juë'₂.

š 5:14 A₂lin₅₄ chog₅₄ si₂ juá'₂: “qui₂ca₂jme₃juin'₂ i₂chan₂ co₂tan₅₄.”

⁵ Jme₁ca₂niá₃ Guein₂ Já'₂ Cha'₂ jë₁ca₂tě₂ 'ni₅ mi₄cuing₅, jaun₂ ca₂nag₃ táng₃ i₁juá'₄ i₂ca₂tě₂ ún₂ já'₂:

—iŋia₅, jaun₂ jag'₅₄!

Jaun₂ jme₁ca₂jág₃ táng₃ jniá₂, ca₂jnia₃ táng₃ jan₂ dsi₂cua₁ lian'₂; dsa₂ i₂jme₁co₂dsag₅₄ ně₃, caun₂ mi₂gu₂ jme₁chan'₂ caun₂ cua'₅₄ 'éi'₃. ⁶ Jaun₂ ca₂né'₂ jág₁ jë₄ quió'₅ le₃quén₂ já'₂, a₂juá'₂:

—Caun₂ kilo cuig₂ bá₄ le₂caun₂ denario; 'ni₅ kilo cebada le₂caun₂ denario. La₁ tsá₃ i₂én₅ aceite quian'₅₄ vino.

⁷ Jme₁ca₂niá₃ Guein₂ Já'₂ Cha'₂ jë₁ca₂tě₂ quén₂ mi₄cuing₅, jaun₂ ca₂nag₃ i₁juá'₄ jë₁ca₂tě₂ quén₂ já'₂:

—iŋia₅, jaun₂ jag'₅₄!

⁸ Jme₁ca₂jág₃ jniá₂, ca₂jnia₃ jan₂ dsi₂cua₁ nió₂; i₂jme₁co₂dsag₅₄ ně₃, jme₁chein₂ 'Mú₃. Chi₁co'₅₄ quió'₅ 'éi₂ guë'₂ ně₃ já₅ jan₂ i₂tě'₂ Tau₂ 'Nio₅. * Le₃on₃ 'éi₂ ně₃ ca₂ŋi₂ bí₂ ne₄ quió'₅ gua'₅₄ 'uë₃ caun₂ qui'₅₄ quió'₅ quén₂, a₂jme₃dsiain₂₃ dsa₂ quian'₅₄ ŋi₁tág₂, quian'₅₄ a₂le₃'on₄ dsa₂, quian'₅₄ jmi₁uig₅, quian'₅₄ já'₂ tsau₂ dsí₅ ně₃, i₂chan₂ gua'₅₄ 'uë₃.

⁹ Jme₁ca₂niá₃ Guein₂ Já'₂ Cha'₂ jë₁ca₂tě₂ 'ŋiá₂ mi₄cuing₅, ca₂jág₃ jniá₂ né'₃ ne₄chei₂ ja₁tion'₅₄ jme₂dsi₂ quió'₅ dsa₂ mi₂güig₃ i₂ca₂jme₃dsian₅ dsa₂ ne₄ 'uig₅₄ quió'₄ jág₁ dse₃ quió'₅ Diú₄, quian'₅₄ ne₄ 'uig₅₄ quió'₄ jág₁ dsau₅ a₂qui₂ca₂can₃. ¹⁰ Jaun₂ tiá₂ né'₂ jág₁ quió'₅ 'éi₂, i₁juá'₄:

—¿Con'₂ je₂líg'₂ caun'₅₄ 'í₁, Te₁gui'₅₄ i₂ŋi₁ó₅ i₂tí₅ jág₁ quiáng'₂, ja₁con₂ dsa₂ i₂chan₂ gua'₅₄ 'uë₃, jaun₂ caun'₅₄ 'ma'₅₄ jmi₂ 'au₅₄ jnia'₅₄?

¹¹ Jaun₂ qui₂ca₂ŋi₂ le₂jain₂ le₂jain₂ 'mi'₂ tiog₂. Jaun₂ ca₂né'₂ i₁juá'₄ a₂jŋi₃ guë₄ co₂'na₂, tē₁lia'₂ le₃'ŋi₅ riin'₅₄ i₂jme₂ti₃ ta₁ ne₄ Cristo, i₂'l₄ 'éi'₃ dsián₃ guë₄, jui₁lia'₂ ca₂dsan₃ 'éi₂.

¹² Jme₁ca₂niá₃ Guein₂ Já'₂ Cha'₂ jë₁ca₂tě₂ jŋéi₂ mi₄cuing₅, ca₂jág₃ jniá₂ ca₂i₁bi₅₄ 'uë₃ tiá₂ lín₃. Ca₂tě₁tsi'₅₄ qui₁né'₃, ca₂rě₃liá'₃ 'iog₂ ně₂jag₄ bá₄ tsi₁'mi'₂ taun₅ a₂lě₅ quian'₅₄ ni₁jŋi₂, a₂quí'₅ dsa₂ ja₁ron₅ 'lag₄. Tsi'₂ guë'₂ ně₃ ca₂jnia₃ guéin₂, lia'₂ jniá₂ jmi₂. ¹³ Nei₅ guë'₂ ně₃ qui₂tsi₂ca₂séi'₂ 'uë₃ ně₂jag₄ bá₄ tsi₂séi'₂ mīg₂ higo rě'₂ jë₁ma₂ca₂guiong'₃ dsí₂ tiá₂. ¹⁴ Guei'₅₄ dsi₂güig₂ ně₃ co₂dsia₅ ca₂i₃'én₂ ca₂bin₃ lia'₂ ja₁bin₅ mi₂si₂. Ca₂le₃jě₃ ni₁má'₂, ca₂le₃jě₃ 'uë₃ le₁quí'₅ jë₄ jmi₁ŋi'₄ ně₃, qui₂ca₂jŋi₁óg'₃ cau₅ ja₁jme₁nio₅. ¹⁵ Jaun₂ qui₂ca₂'ma₃ jui₅ né'₃ tau₂ 'lau₂, jui₅ jë₄ ni₁'lau₂ cha₂ má'₂, jui₁lia'₂ rag₅₄ i₂gon₂ gua'₅₄ 'uë₃, jui₁lia'₂ dsa₂ dsen₅₄, jui₁lia'₂ dsa₂ juig₅₄ 'lióg₂, jui₁lia'₂ dsa₂ i₂cha₂ cu₄, jui₁lia'₂ dsa₂ 'uan'₂, ca₂le₃jín₃ jui₁lia'₂ i₂jme₂ti₃ ta₁ ne₄ juig₅₄, jui₁lia'₂ dsa₂ i₂tsá₃ 'ein₂ ne₄ jme₂ti₃ ně₃; ¹⁶ qui₂ca₂juá'₂ ca₂tsí'₃ má'₂, ni₁'lau₂:

* 6:8 griego: hades, co₂'nió'₄ a₂juá'₂, ja₁quió'₄ 'lag₄.

—Sen'⁵⁴ 'nia'² ne⁴ quián² jnia'⁵⁴, 'mog'⁵⁴ jnia'⁵⁴ ia¹jaun² tsá³ jág² i²guá⁵ ne⁴ta¹ ó³, tsá³ cuë² jmig⁴ a²'ë² Guein² Já'² Cha'² ó³ uig⁵ a²'nei². ¹⁷ Ia¹ nē³ guë⁴ dsón'² gua⁵ jmig⁴ a²'ñio⁵ jaun² a²'ë² uig⁵ a²'nei². ζ'Ei²n² bá⁴ qui'⁵⁴ jmig⁴ tió'⁵?

7

Dsa₂ tsi₁jon₂ Israel i₂lín₅ léi₄

¹ Jme¹ma²ca²lë³ jaun², ca²jing⁵⁴ quén² ángeles, tióin² le³quén² qui'⁵⁴ mi²güig³, a²jné⁵ le³quén² dsí² quió'⁵ gua'⁵⁴ 'uë³, ia¹jaun² tsá³ ma³lé² 'ag³ dsí² ta¹caun² ne⁴ gua'⁵⁴ 'uë³, on³ guë'² ne⁴ jmi¹ñí'⁴, on³ guë'² ne⁴ 'i¹caun² ni¹'ma². ²Jaun² guë⁴ ca²jing⁵⁴ jan² ángel sián'², já⁵ tē²le³ ja¹'ia²* 'iog², já⁵ 'éi² quian⁵ sello quió'⁵ Diú⁴ jén'³, Ángel 'éi² guë⁴ nē³ ca²tsí'³ le³quén² ángeles i²jme¹ma²ñi² bí² a²jmo³ dain⁵⁴ 'uë³ quian'⁵⁴ guë'² jmi¹ñí'⁴, ca²juá'² tiá² lín³:

³ —'A³ lē¹jmo² de'² dain⁵⁴ 'uë³, on³ guë'² jmi¹ñí'⁴, on³ guë'² ni¹'ma² a²cha² nē³, ca²lia'² ca²tiong⁵⁴ jnia'⁵⁴ léi⁴ quian'⁵⁴ sello ne⁴ chi¹,quí³ dsa² i²jme²ti³ ne⁴ Diú⁴ quián².

⁴ Jaun² ca²nag³ jniá² 'a² con'² tén⁵ i²ca²lín³ léi⁴ 'éi²; lē² caun² 'ñiá²-láu² rē²dsí² tē²láu³-quén² mei⁵ (144,000), jmá'³ dsa² tsi₁jon₂ dsa² juig² Israel.

⁵ Guia³-tín² mei⁵ dsa² i²ca²lë³ lén⁴ dsa² tsi₁jon₂ Judá;

guia³-tín² mei⁵ dsa² tsi₁jon₂ Rubén;

guia³-tín² mei⁵ dsa² tsi₁jon₂ Gad;

⁶ guia³-tín² mei⁵ dsa² tsi₁jon₂ Aser;

guia³-tín² mei⁵ dsa² tsi₁jon₂ Neftalí;

guia³-tín² mei⁵ dsa² tsi₁jon₂ Manasés;

⁷ guia³-tín² mei⁵ dsa² tsi₁jon₂ Simeón;

guia³-tín² mei⁵ dsa² tsi₁jon₂ Leví;

guia³-tín² mei⁵ dsa² tsi₁jon₂ Isacar;

⁸ guia³-tín² mei⁵ dsa² tsi₁jon₂ Zabulón;

guia³-tín² mei⁵ dsa² tsi₁jon₂ José;

guia³-tín² mei⁵ dsa² tsi₁jon₂ Benjamín nē³.

Dsa₂ i₂juin₅ lín₃ le₁qui'₂ 'mi'₂ tiog₂

⁹ Jme¹ca²lë³ jaun², ca²jág³ táng³ jniá², jaun² ca²jnia³ juin⁵ lín³ dsa², ca²lia'² 'i¹jan² tsá³ 'ein² qui'⁵⁴ jmig⁴ 'i³ quió'⁵: dsa² chan² ca²le³jē³ juig², ca²le³jē³ tsi₁jon₂, ca²le³jē³ go⁴ dsa², ca²le³jē³ jág¹ jmei⁵ nē³. Tióin² 'uig⁵⁴ ne⁴ta¹ quian'⁵⁴ ne⁴ Guein² Já'² Cha'², i²le₁qui'₂ 'mi'₂ tiog², i²le₁chan'₂ jma³ca²nei'⁵⁴ mog'⁵⁴ 'ma²tsín⁵.

¹⁰ Tióin'⁵⁴ co²mi'⁵⁴ juá'²:

Jui¹lia'² a²lión² dsa²,

* 7:2 Co²'nió'⁴ le³jua'⁵⁴, caun² cosa a²tsá³ 'i¹ jme²dsí², a²ca²jmo³ Diú⁴. 'Nio'² ja¹ton⁵ Salmo 8:3; Romanos 1:25.

já₅ quió'₅ Diú₄ quián₂ bá₄ jniog₄ i₂guá₅ ne₄ta₁;
 já₅ quió'₅ Guein₂ Já'₂ Cha'₂ ně₃.

¹¹ Jme₁tió₂ ca₂le₃jín₃ ángeles le₃lág'₃ ne₄ta₁, le₃lág'₃ quió'₅
 gui'₅₄ can'₅₄ quian'₅₄ guë'₂ já'₂ quén₂ 'éi₂. Jaun₂ qui₂ca₂tóin₂ 'uë'₃
 rë'₂éin₂ co₂nei'₅₄, ca₂jme₃juin'₂ Diú₄, ¹² a₂juá'₂:

jA₂méi₃!

Le₃quió'₅ Diú₄ quián₂ bá₄ ca₂tín₂
 ca₂le₃jě₃ a₂jme₃go₃ dsa₂,
 ca₂le₃jě₃ a₂léin₂ tág₅ co₂'né'₅,
 ca₂le₃jě₃ a₂ńí'₂ dsí₅,
 ca₂le₃jě₃ ti₁'mag'₄,
 ca₂le₃jě₃ a₂jme₃juag'₂ dsa₂,
 ca₂le₃jě₃ a₂le₃goin₂,
 ca₂le₃jě₃ jui₅bí₂,

ca₂lia'₂ co₂tan₅₄. A₂méi₃.

¹³ Jaun₂ ně₃, jan₂ gui'₅₄ can'₅₄ 'éi₂ ca₂ɲag₃ jniá₂ ca₂juá'₂:

—ǵ'Ei₂n₂ bá₄ i₂le₁qui'₂ tsin'₅₄ tiog₂ tió₂n₂ ně₅? ǵJá'₄ ja₂léin₂?

¹⁴ Jaun₂ ca₂ɲag₄ jniá₂:

—Ńi'₅₄ bá₄ 'ne₂, gui'₅₄.

Jaun₂ ca₂ɲag₃ táng₃ gui'₅₄ 'éi₂:

—I₂ně₅ bá₄ 'éi₂ i₂ma₂ɲi₅ Jm₁ui₅ Juë'₂; ma₂qui₂ca₂rang₃ tsin'₅₄,
 ma₂jmo₃ tiog₂ ně₃ tē₂le₃ quian'₅₄ jm₁i₂ 'an₅₄ Guein₂ Já'₂ Cha'₂.

¹⁵ 'Uig₅₄ jaun₂ ně₃,

tióin₂ ne₄ta₁ ně₅ quió'₅ Diú₄,

jme₂ti₃ ne₅₄ lia'₂ 'uë₂-jm₁i₂ dsi₂néi₂ guá'₅ ně₅ quió'₅;
 i₂guá₅ ne₄ ne₄ta₁ ó₃ ně₃, 'éi₂ bá₄ jmo₃ 'í₁

në₂jag₄ a₂qui₃jlin₂ dsa₂ quian'₅₄ 'mi'₂ 'én'₁ quió'₅.

¹⁶ Tsá₃ ma₃qui₂i₁cón'₅ lé₂,

on₃ guë'₂ ma₃qui₃le₃quein₂ dsí₅, i₁'ín'₂ jmig₂,

on₃ guë'₂ ma₃qui₃ɲág₂ guë'₄ uig₅

jua'₅₄ a₂dséi₂ 'iog₂.

¹⁷ Ia₁ Guein₂ Já'₂ Cha'₂

i₂guá₅ dsi₂jó₂ ne₄ta₁ ně₅ bá₄

jmo₃ 'í₁

në₂jag₄ dsa₂ i₂jmo₅ 'í₁ já'₂ cha'₂ quián₅,

jio₃ jui₅ tu₁ jmig₂ ja₁'ia₂ jmig₂ jén'₃.

Jaun₂ qui₃chí₃ Diú₄ jme₁ne₁₂

ca₂le₃jě₃ jmig₂ a₂le₁'ág₄.

8

Mi₄cuing₅ jë₁ca₂tě₂ guio₃

¹ Jme₁ca₂niá₃ guë'₂ táng₃ Guein₂ Já'₂ Cha'₂ jë₁ca₂tě₂ guio₃
 mi₄cuing₅ quió'₅ mi₂si₂ a₂řë₂bín₅, jaun₂ ca₂tě₁tsi'₅₄ tei₄ guei'₅₄
 i₂juíg₃ con'₂ ca₂jau₅₄ hora. ² Ján₃ bá₄ ca₂jín₄ jniá₂ ta₁guion₃

ángeles i₂tión₂ ne₄ Diú₄. 'Éi₂ guë'₂ ně₃ ca₂ñi₂ guio₃ ñí₂ trompetas. ³ Cang₂ jaun₂ ca₂já₃ táng₃ jan₂ ángel ca₂o₃náu₃ ne₄chei₂, chi₁chan'₂ caun₂ ñí₁ tó'₅ chen₂, a₂lě₅ jmá'₃ cu₄nióg₄. Jaun₂ ca₂ñi₂ 'líong₂ chen₂, jaun₂ jén'₃ co₂dsia₅ quian'₅₄ jág₁ a₂chi₂lí'₂ ca₂le₃jín₃ dsa₂ i₂tén₅ le₃quió'₅ Diú₄, * dsia₃ ne₄ ne₄chei₂ a₂lě₅ cu₄nióg₄ a₂chi'₅ 'uig₅₄ ne₄ta₁. ⁴Jaun₂ ca₂jñáu₂ jme,ñi₁ chen₂ lia'₂ jma₃quian'₅₄ jág₁ a₂chi₂lí'₂ dsa₂ quián₅ Diú₄, qui₂ca₂'uë₂ o₄gú₃ ángel le₃ne₄ Diú₄. ⁵Jaun₂ ca₂tín₂ ángel ñí₁ a₂tó'₅ chen₂, jaun₂ ca₂jme₃cain'₂ mǐg₂ si₂tá'₃ tio'₅₄ ne₄chei₂, jaun₂ ca₂guia'₃ jaun₂ ně₃, ne₄ gua'₅₄ 'uë₃. Jaun₂ ca₂lě₃ gau₂ ca₂quia'₂ ñí'₃, ca₂tě₁tsi'₅₄ co₂mǐ'₅₄, qui₂ca₂'né'₃ si₁ñí'₃, ca₂l₁bi₅₄ 'uë₃ ně₃.

Ñí trompetas

⁶ Jaun₂ ně₃, le₃guion₃ ángeles i₂le₁chan'₂ ñí₁ trompetas, ca₂jmo₃ co₂jñia₅₄ a₂jéi₂ ñí₁ quió'₅.

⁷ Jaun₂ ca₂jéi₂ jě₁le₂'uig₅₄ ángel ñí₁ quió'₅, jaun₂ dsi₂jui₅ le₂jaun₂ ca₂séi'₂ mi₂dsí₅ quian'₅₄ mǐg₂ si₂tá'₃ a₂qui₂rě₂cón'₅ jmi₂, ca₂tang₂ ne₄ gua'₅₄ 'uë₃. Jaun₂ guë₄ ca₂cáu₂ ca₂qui'₅₄ quió'₅ 'ni₅ quió'₅ gua'₅₄ 'uë₃; qui₂ca₂cáu₂ ca₂qui'₅₄ quió'₅ 'ni₅ quió'₅ ni₁'ma₂ a₂cha₂ 'ñá₁; qui₂ca₂cáu₂ guë₄ ca₂le₃jě₃ nau₂ rě'₂.

⁸ Jaun₂ ca₂jéi₂ jě₁ca₂tě₂ on₃ ángel ñí₁ quió'₅, jaun₂ ca₂jnia₃ nój₃ ca₂qui'₃ a₂lě₅ lia'₂ lě₅ má'₂ ne₄ jmi₁ñí'₄, jniá₂ chi₁guí'₂ si₂ nój₃. Jaun₂ ca₂lě₃ jmi₂ ca₂qui'₅₄ quió'₅ 'ni₅ quió'₅ jmi₁ñí'₄. ⁹ Jaun₂ ca₂dsan₃ ca₂qui'₅₄ quió'₅ 'ni₅ jui₁lia'₂ já'₂ i₂chan₂ jmi₁ñí'₄, jaun₂ ca₂'en₃ ca₂qui'₅₄ quió'₅ 'ni₅ jui₁lia'₂ ni₁barcos já₃.

¹⁰ Jaun₂ ca₂jéi₂ jě₁ca₂tě₂ ún₂ ángel ñí₁ quió'₅, jaun₂ ca₂tá'₂ caun₂ nei₅ pa₁a chi₁guí'₂ si₂ ca₂tá'₂ guei'₅₄ dsi₂güig₂, qui₂cau₂ lia'₂ cau₂ ni₁qui₂; ca₂tá'₂ ne₄ ca₂qui'₅₄ quió'₅ 'ni₅ ca₂le₃jě₃ cuá₃, ne₄ ca₂le₃jě₃ o₄tu₁ jmi₂g₂ ně₃. ¹¹ Nei₅ jaun₂ chei₂ Nei₅† Dsi'₃. Jaun₂ ca₂lě₃ dsi'₃ ca₂qui'₅₄ quió'₅ 'ni₅ jui₁lia'₂ jmi₂g₂ cha₂ gua'₅₄ 'uë₃. Jaun₂ juin₅ lin₃ dsa₂ i₂ca₂dsan₃ ia₁ ca₂'in'₃ jmi₂g₂ dsi'₃ jaun₂, 'uig₅₄ ia₁ a₂ca₂lě₃ dsi'₃ jmi₂g₂.

¹² Jaun₂ ca₂jéi₂ jě₁ca₂tě₂ quén₂ ángel ñí₁ quió'₅, jaun₂ ca₂l₃ba₅₄ ca₂qui'₅₄ quió'₅ 'ni₅ quió'₅ 'iog₂, ca₂qui'₅₄ quió'₅ 'ni₅ quió'₅ tsí'₂, ca₂qui'₅₄ quió'₅ 'ni₅ jui₁lia'₂ nei₅ ně₃, ia₁ jaun₂ néi₃ ca₂qui'₅₄ quió'₅ 'ni₅ ca₂le₃jě₃ a₂jaun₂, ia₁ jaun₂ tsá₃ ma₃jnia₃ ca₂qui'₅₄ quió'₅ 'ni₅ a₂jmi₂, já₃ bá₄ le₂jaun₂ a₂'uë₂.

¹³ Jaun₂ ca₂jág₃ jniá₂ táng₃, ca₂jing₅₄ jan₂ i₁mi₂g₂ i₂ñi₅ 'en₅ dsi₂güig₂, ca₂né'₂ tiá₂ jág₁ quió'₅, i₁juá'₄:

—Juí₂g₂! Juí₂g₂! Juí₂g₂ guë₄ lin₃ jui₁lia'₂ i₂chan₂ ne₄ gua'₅₄ 'uë₃, 'uig₅₄ ñí₁ trompetas a₂ně₃ guë₄ dsi₃'ein₅₄ a₂jéi₂ le₃ún₂ ángeles i₂'nió'₅ guë₄ 'éi₂!

* 8:3 lit. "ca₂le₃jín₃ dsa₂ jñiós." † 8:11 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

9

¹Jaun₂ ca₂jéi₂ jē₁ca₂tě₂ 'ñiá₂ ángel ñí₁ quió'₅, jaun₂ ca₂jín₄ jniá₂ jan₂ nei₅ i₂ca₂tán'₂ guei'₅₄ i₂juíg₃ ca₂tě₂ gua'₅₄ 'uē₃. * Ca₂ñi₂ ñí₁ llave a₂ca₂tín₂ quió'₅ ja₁ca₂jein₃ chi₁dsio₅₄. ²Dsi₂jui₅ jme₁ca₂niá₃ 'éi₂ ja₁jaun₂, jaun₂ ca₂'ia₂ jme₁ñi₁ 'ñei₂ jui₁lia'₂ jme₁ñi₁ a₂'uē₂ tau₂ si₂ pa₁ lin₃ ja₁jme₂jmág₂ dsa₂ ni₁ñí₁. Jaun₂ co₂dsia₅ ca₂lě₃ qui₁né'₃ 'iog₂, dsi₄ mi₂güig₃ ně₃ quian'₅₄ jme₁ñi₁ a₂ca₂'ia₂ ja₁jaun₂. ³Jē₄ jme₁ñi₁ jaun₂ ca₂'uin₂ i₁ñi'₂ ca₂l₁nioi₁₂ tsi₁co₂jě'₂ 'uē₃. I₁ñi'₂ 'éi₂, ca₂ñi₂ bí₂ a₂lín₅ jui₁lia'₂ lín₅ i₁'né₅ i₂chan₂ gua'₅₄ 'uē₃. ⁴Jaun₂ ca₂ñi₂ 'éi'₃ a₂tsá₃ dain₅₄ jmo₃ jui₁lia'₂ 'au₂ a₂cha₂ gua'₅₄ 'uē₃, on₃ guē'₂ 'i₁caun₂ a₂rē'₂ jui₁lia'₂ mog'₅₄ 'ma₂ a₂cha₂ ně₃. Bí₂ jaun₂ bá₄ ca₂ñi₂, a₂jmo₃ dain₅₄ jmá'₃ lia'₂ dsa₂ i₂tsá₃ léi₄ quió'₅ Diú₄ le₁quian₅ chi₁quí₃. ⁵La₁ tsá₃ 'éi'₃ jaun₂ ca₂ñi₂ jua'₅₄ a₂co₂dsia₅ jme₃dsiain₂₃ dsa₂; a₂jñia'₅₄ con'₂ 'ē₃ jmi₁uig₅ ca₂lia'₂ ca₂dsin₃ 'ñiá₂ tsi'₂. Uig₅ a₂cuē₂₃ jaun₂ lě₅ lia'₂ lě₅ caun₂ uig₅ qui'₂ jui₁lia'₂ ja₁'í₅ i₁'né₅ quió'₅ dsa₂. ⁶Jmíg₄ jaun₂ qui₃'no'₂ dsa₂ 'mú₃, la₁ tsá₃ a₁jaun₂ dsio'₂. 'In₅ dsí₅ jua'₅₄ dsiáin₃ bá₄ co₂ñei'₅₄, la₁ 'mú₃ ně₃, cuing₃ ja₁coin₂.

⁷I₁ñi'₂ 'éi₂ ně₃, jme₁lín₄ lia'₂ lín₅ dsi₂cua₁ i₂lě₅ co₂jñia₅₄ dsi₃lén₂ ne₄ 'nei₂. Mi₂dsi₅₄ guē'₂ ně₃ jme₁le₁quian₅ a₂lě₅ lia'₂ lě₅ coronas a₂lě₅ cu₄nióg₄. Dsi₂ne₄ guē'₂ jme₁lě₄ lia'₂ lě₅ dsi₂ne₄ dsa₂ mi₂güig₃. ⁸Jñi₂ dsi₅₄ guē'₂ ně₃, jme₁lě₄ lia'₂ lě₅ jñi₂ dsi₄ dsa₂ mí₂. Mi₂jan₅₄ guē'₂ jme₁lě₄ lia'₂ lě₅ mi₂jan₄ 'ia'₂ león. ⁹Guion₅₄ guē'₂ já'₂ qui₂rē₂lióin₃ rē₂, lě₅ 'í₁ quian'₅₄ a₂lě₅ lia'₂ lě₅ ni₁ñí₁. Mi'₅₄ a₂tó'₅ tsi₁rē₂cu₅ jē₁ma₂'ín₂ ně₃, jme₁lě₄ jui₁lia'₂ lě₅ mi'₅₄ a₂tó'₅ 'líong₂ ñí₁ carretas a₂'ín₅ dsi₂cua₁ co₂'ei₅ ne₄ 'nei₂. ¹⁰Ne₁con₅ a₂le₁dsi₅₄ guē'₂ ně₃, jme₁lě₄ jui₁lia'₂ lě₅ ne₁con₅ i₁'né₅ le₁dsi₅₄ táun₂. Jui₅ nei'₅₄ con₅ jaun₂, 'io₅ bí₂ a₂le₃jmái'₂ dain₅₄ dsa₂, con'₂ 'ñiá₂ tsi'₂. ¹¹Ne₄ i₁ñi'₂ 'éi₂ jme₁gon₂ jan₂ rag₅₄, i₂lín₅ ángel i₂niog₅ ne₄ ja₁ca₂jein₃ chi₁dsio₅₄. Jme₁chein₂ Abadón quian'₅₄ jág₁ jmei₅ hebreo. Le₃quian'₅₄ jág₁ jmei₅ griego guē'₂, chei₂n₂ Apolión, co₂'nió'₄ i₂tě₂ I₂qui₂'én₂.

¹²Le₂'uig₅₄ jmi₁uig₅ ma₂ca₂ñag₅; la₁ 'ei₅ guē₄ con'₂ guē₄ tin₃, a₂ně₅ guē₄ ñág₃ dsa₂.

¹³Jaun₂ ca₂jéi₂ jē₁ca₂tě₂ jñé₂ ángel ñí₁ quió'₅. Jaun₂ ca₂nag₃ jág₁ a₂'ia₂ jē₄ ta₁quén₂ gua₄ a₂le₁dsi₅₄ ne₄chei₂ a₂lě₅ cu₄nióg₄ a₂chí'₅ ne₄ Diú₄. ¹⁴Ca₂juá'₂ ca₂tsí'₃ ángel i₂jē₁ca₂tě₂ jñé₂ 'éi₂, i₂chan'₂ ñí₁ trompeta, ca₂juá'₂:

—'Uin'₅₄ le₃quén₂ ángeles i₂le₁'ñe'₅₄ cau₅ cuá₃ juē'₂ Eufrates.

¹⁵Jaun₂ qui₂ca₂'uin'₂ le₃quén₂ ángeles 'éi₂ i₂jme₁lě₄ 'í₁ o₄quió'₄ hora la₂, jmig₄ ně₃, tsi'₂ la₂, ñi₂ la₂ ně₃, i₂jme₁lě₄ co₂jñia₅₄ ia₁jaun₂ i₂jme₁dsiain₂₃ ca₂qui'₅₄ quió'₅ 'ni₅ jui₁lia'₂ dsa₂ mi₂güig₃. ¹⁶Jmá'₃

* 9:1 'Nio'₂ ja₁ton₅ Isaías 14:12-15; Lucas 10:18; Apocalipsis 12:9.

lia₂ 'lióg₂ i₂co₁dsin₅₄ cua₁, tén₅ tin₃ 'nía₂-lón₂ millón. Ca₂nag₃ bá₄ jniá₂ 'a₂ con₂ 'tén₅ lě₂.

¹⁷ Le₂ně₅ bá₄ ca₂jág₃ a₂lě₁ca₂jág₃ jaun₂, qui₂ca₂jing₅₄ cua₁ quian₅₄ dsa₂ i₂co₁dsag₅₄ 'éi₂. Le₁lióg₃ le₁dsí₅ dsa₂ jma₃cáun₃ a₂lě₅ 'í₁ a₂jniá₂ guéin₂, a₂lian₂, quian₅₄ guě₂ a₂nióg₂ lia₂ 'nióg₂ azufre. Mi₂dsi₄ dsi₂cua₁ guě₂ 'ně₃, jniá₂ lia₂ 'jniá₂ mi₂dsi₄ 'ia₂ 'león. Jui₅ mi₂'o₅₄ guě₂ 'ně₃ 'ia₂ si₂, 'ia₂ jme₁ni₁, azufre ně₃. ¹⁸ Jaun₂ ca₂dsan₃ ca₂qui₅₄ 'quíó₅ 'ni₅ jui₁lia₂ 'dsa₂ mi₂güí₃ quian₅₄ 'ni₅ jmi₁ui₅ a₂qui₂ca₂'uě₂ mi₂'o₄ dsi₂cua₁ 'éi₂: a₂lě₅ si₂, jme₁ni₁, quian₅₄ azufre ně₃. ¹⁹ Ia₁ bí₂ a₂jme₁le₁quian₅₄ dsi₂cua₁ jme₁'io₂₃ jui₅ mi₂'o₅₄ quian₅₄ jui₅ ne₁con₅ ně₃. Ia₁ jme₁lě₄ nei₅₄ con₅ 'éi₂ lia₂ 'lín₅ dsi₂mi₂, a₂qui₂le₁dsi₅₄ mi₂dsi₅₄. Quian₅₄ a₂jaun₂ jmo₂₃ dain₅₄.

²⁰ Dsa₂ i₂ca₂chón₂, i₂tsá₃ ca₂dsan₃ quian₅₄ jmi₁ui₅ a₂qui₂ca₂lě₃ jaun₂, tsá₃ jua₅₄ jaun₂ qui₂ca₂tí₂ 'e₂ jmo₅-dsáu₅ gu₂-tag₅₄, jua₅₄ a₂tsá₃ ma₃chi₂lěin₂ 'je₂na₅₄, on₃ guě₂ 'qui₂ca₂tí₂ a₂tsá₃ ma₃jme₂juin₂ 'diú₄ lag₄ i₂lín₅ quian₅₄ cu₄nióg₄ quian₅₄ cu₄tiog₂, quian₅₄ ni₁ni₁ 'nióg₂, quian₅₄ ni₁cang₁, quian₅₄ ni₁'ma₂ ně₃; on₃ i₂lě₂ ni₃, on₃ i₂lě₂ dsia₃ jág₁, on₃ i₂lě₂ jág₃, on₃ guě₂ 'lě₂ nag₃ ně₃. ²¹ On₃ guě₂ 'qui₂ca₂tí₂ jua₅₄ a₂tsá₃ ma₃jme₃dsiain₂₃ dsa₂ mi₂güí₃ riin₅₄, on₃ guě₂ 'qui₂ca₂tí₂ ta₁ a₂jme₁jmo₂₃ mi₅ a₂chan₂ dsí₅.† On₃ guě₂ 'qui₂ca₂tí₂ jua₅₄ tsá₃ ma₃nió₅ jág₁ a₂tsá₃ dsi₂ten₅₄ nió₃, on₃ guě₂ 'qui₂ca₂tí₂ jua₅₄ a₂tsá₃ ma₃'ang₃ ně₃.

10

Mi₂si₂ pí₁ rě₂bin₅

¹ Jaun₂ ca₂jing₅₄ táng₃ jan₂ ángel sián₂, i₂'uan₂ 'lín₃, ca₂jniai₃ já₅ ca₂sióin₃ guei₅₄ i₂juí₃, rě₂lióin₃ jnei₅ rě₂lag₄ lí₁ lia₂ 'jniá₂ mi₂jo₅₄ si₂ mi₂dsi₅₄. Jme₁tág₅ dsi₂ne₅₄ lia₂ 'tág₅ 'iog₂; mi₂tag₅₄ guě₂ 'ně₃, jme₁lě₄ lia₂ 'lě₅ tag₄ dsi₅ ni₁'ia₂, a₂tág₅ si₂. ² Jme₁chi₁chan₂ 'caun₂ mi₂si₂ pí₁ a₂rě₂bin₅, a₂rě₂na₄. Jaun₂ ca₂chi₃ 'mi₂tag₅₄ ne₁ ne₄ jmi₁ni₁, tag₅₄ jen₅ guě₂ 'ca₂chi₃ ne₄ 'uě₃. ³ Jaun₂ ca₂guió₃ 'tiá₂, lia₂ 'jě₁'nióg₁ 'ia₂ 'león. Jaun₂ dsi₂jui₅ jme₁ca₂guió₃, ca₂quia₂ 'ta₁guio₃ ní₃, qui₂ca₂'uě₃ jág₁ quió₅. ⁴ Jme₁ma₂ně₂dsia₃ jág₁ ta₁guio₃ ní₃, jaun₂ guě₄ jme₁ma₂taun₅₄ ne₄ si₂. La₁ ca₂né₂ jág₁ a₂já₃ guei₅₄ i₂juí₃, ca₂juá₂ 'tság₅ jniá₂:

—'Ma₄ jág₁ a₂ně₂juá₂ 'guio₃ ní₃ ně₅, 'a₃ lě₁taun₂ de₂ 'ne₄ si₂.

⁵ Jaun₂ ángel i₂ca₂jing₅₄, i₂chén₅ chí₅ caun₂ tag₅₄ ne₄ jmi₁ni₁ caun₂ guě₂ tag₅₄ ne₄ 'uě₃, ca₂chóg₃ gu₂ ne₁ jui₅ guei₅₄ i₂juí₃. ⁶ Jaun₂ ca₂juá₂ 'ca₂'iin₃ i₂chan₂ co₂tan₅₄, i₂ca₂jmo₃ ca₂dsia₃ mi₂güí₃, quian₅₄ ca₂le₃jě₃ a₂tio₅₄ ja₁jaun₂, i₂ca₂jmo₃ guei₅₄

† 9:21 griego: farmakeía.

mi₂güig₃ quian'₅₄ ca₂le₃jě₃ a₂tio'₅₄ ja₁jaun₂, i₂ca₂jmo₃ jmi₁ñí'₄, quian'₅₄ ca₂le₃jě₃ a₂tio'₅₄ ja₁jaun₂; ca₂juá'₂:

—Tsá₃ ma₂uě₂ le₃'ag₄. ⁷La₁ jě₁ma₂tě₂ jmig₄ jě₁ma₂ca₂jéi₂ ángel i₂ca₂tě₂ guion₃ 'éi₂ ñí₁ trompeta quío'₅, jmig₄ jaun₂ dé₄ dsón'₂ le₃ti₃ jág₁ a₂rě₂'ma₄ quío'₅ Diú₄, a₂ca₂'ě₂ ne₄ dsa₂ i₂jme₁'ě₂ jág₁ quiáin₅, i₂ca₂jme₃ti₃ ta₁ ne₅₄.

⁸Jaun₂ jág₁ a₂ca₂nag₃ a₂já₅ guei'₅₄ i₂juig₃ jaun₂, ca₂juá'₂ táng₃ ca₂tság₃ jniá₂:

—Gua₂, o₂quian₂ mi₂si₂ pí'₁ a₂rě₂na₄ a₂chi₁chan'₂ ángel i₂chén'₅ ne₄ jmi₁ñí'₄, ne₄ gua'₅₄ 'uě₃.

⁹Jaun₂ ñó₃ jniá₂ ja₁chén'₄ ángel, jaun₂ ca₂juig₂ jniá₂ a₂cuě₃ mi₂si₂ pí'₁. Jaun₂ ca₂juá'₂ 'éi₂ ca₂tság₃ jniá₂:

—Ján'₅, tio'₂ mi₂'o'₅₄ co₂dsia₅ jme₁dsia₂ qué'₂. A₂jma₂ rau₂ bá₄ nē₅, la₁ jě₁ma₂dsióg₃ tě₂'au'₂, le₃dsi'₃ bá₄.

¹⁰Jaun₂ ca₂tíng₂ si₂ a₂ca₂cuě₃ ángel 'éi₂. Jaun₂ ca₂tó'₃ mi₂'o₃. Dsón'₂ bá₄ ráu₂ 'ñio₅ lin₃, lě₅ lia'₂ lě₅ jmi₁tá'₄. La₁ jme₁ma₂ně₂nág'₃ jniá₂ ně₃, ca₂rě₃léi₄ 'e₂ bá₄ dsi'₃ ca₂dsióg₃ tě₂dsi₃. ¹¹Jaun₂ ca₂juá'₂ ca₂tság₃ jniá₂:

—Tion₅₄ 'nió'₅ o₁'ě'₃ bá₄ táng₃ 'ne₂ jág₁ ne₄ ca₂le₃jín₃ ne₅₄ dsa₂, ne₄ 'lióng₂ juig₂, ne₄ 'lióng₂ jág₁ jmei₅, ne₄ juin₅ rag₅₄ ně₃.

11

Le₃on₃ dsa₂ i₂jáng'₅ jág₁ dsau₅

¹Jaun₂ ca₂ñig₂ ca₂'nau₅₄ 'ma₂ta₅ a₂lě₅ lia'₂ lě₅ ni₁'ma₂ a₂quiog₂ dsa₂ 'éi'₃. Jaun₂ ca₂nag₃ ca₂juá'₂:

—Nau₂, o₂quiog₂ 'éi'₃ quío'₅ guá'₅ quío'₅ Diú₄, o₂quiog₂ 'éi'₃ ne₄chei₂ ně₃. O₁'én₁ dsa₂ i₂tón'₅ jme₂juin'₂ Diú₄ ja₁jaun₂. ²Tsá₃ cán'₁ 'éi'₃ i₁dsi₅ guá'₅ a₂lě₅ le₃ca₁'né₄, ia₁ a₂ma₂lě₅ quío'₅ dsi₂nau₂ bá₄ ja₁jaun₂; jaun₂ 'éi₂ bá₄ dsa₂ i₂quitsó'₃ ta₁caun₂ juig₂ jñiós jaun₂ con'₂ ca₂dsin₃ tě₂láu₃-tin₃ tsi'₂. ³Tsin₅₄ bá₄ jniá₂ on₃ dsa₂ i₂jáng'₅ jág₁ dsau₅ o₄quío₃, a₂qui₃'ě₂ jág₁ caun₂ mei₅ rě₂dsi₂ tin₃ 'ñiá₂-láu₂ rě₂dsi₂ 'nag'₂ ne₂guióg₂ (1260) jmig₄, le₁qui'₂ 'mi'₂ lia'₂ jui₁lia'₂ a₂quí'₅ dsa₂ ja₁ron₅ 'lag₄.

⁴Co₂'nió'₄ dsa₂ on₃ i₂jáng'₅ jág₁ dsau₅, lě₅ co₂'nió'₄ tin₃ ni₁'ma₂ olivos, quian'₅₄ guě'₂ tin₃ tag₄ ja₁le₁guí'₂ si₂, a₂tíóng₂ ne₄ Te₁gui'₅₄ i₂lín₅ juig₅₄ gua'₅₄ 'uě₃. ⁵Ně₁jua'₂ 'ein₂ 'nio₃ jmóg'₂ dain₅₄, la₁ quian'₅₄ si₂ a₂'uě'₅ 'o₄ bá₄ 'éi₂ co₂dsia₅ dság'₂ dsín'₂ ca₂le₃jín₃ i₂'iog₅₄. Jaun₂ le₂ně₅ bá₄ ca₂tín₂ dsián₃ jui₁lia'₂ i₂'nio₃ jmá'₂ dain₅₄ 'éi₂. ⁶I₂jáng'₅ jág₁ dsau₅ 'éi₂ ně₃ 'io₃ bí₂ a₂lě₂ jnéi₂ guei'₅₄ mi₂güig₃ ia₁jaun₂ tsá₃ ma₃lé₂ téin₃ jmí₅ ca₂le₃jě₃ jmig₄ tě₂lia'₂ tě₂i₃nioi₅₄ qui₃'ě₂ jág₁ o₄quío'₄ Diú₄. Jaun₂ 'io₃ bí₂ ján₃ a₂lě₂ le₃jmo₃ lé₂ jmi₂ jui₁lia'₂ jmig₂, a₂lě₂ qui₃cuě₃ ca₂le₃jě₃ ne₅₄ jmi₁uig₅ ne₄ gua'₅₄ 'uě₃ i₂gú'₃ ráun₂ 'a₂ con'₂ jñia'₅₄ 'nio₃. ⁷La₁ jě₁ma₂dsan₃

ta₁ quió'₅ 'éi₂ ně₃ a₂qui₃jáng'₃ jág₁ dsau₅, jaun₂ guě₄ o₃'in₅ Já'₂
'Lin'₅₄ * ja₁ca₂jein₃ chi₁dsio₅₄. 'Éi₂ guě₄ cuě₃, jo₅₄, jme₃dsiog₂₃.
8 Jē₄ calle juig₂ dsen₅₄ jaun₂, le₁gain₅₄ le₁lin₁₂ lé₂, co₂'nió'₄
ja₁chei₂ quian'₅₄ jág₁ jáng'₅ léi₄, Sodoma quian'₅₄ Egipto, ján₃ bá₄
ja₁ca₂tion₃ dsa₂ cróg₄ Te₁gui'₅₄ quiáin₅.† 9 Con'₂ 'ni₅ jmi₄g₄ rē₂tón₂
con'₂ dsi₃ñí'₃, ca₂le₃jín₃ dsa₂ chan₂ le₂con₂ juig₂, ca₂le₃jín₃ ne₅₄
dsa₂, ca₂le₃jě₃ ne₅₄ jag₄ dsa₂, jág₃ jín₂ 'lag₄ 'éi₂. La₁ tsá₃ 'ein₂ ñe₂
jmi₄g₄ jua'₅₄ a₂dsi₃ó₃. 10 Ca₂le₃jín₃ dsa₂ i₂chan₂ guě₄ gua'₅₄ 'uě₃,
'ñio₅ tóin'₃ jmo₃ 'io'₂ o₄quió'₄ 'éi₂, jmo₃ jmi₄g₄ a₂cha₂ qui₂dsi₃can₅
cuě'₃ riin'₅₄. Ia₁ dsa₂ on₃ quián₅ Diú₄ i₂ca₂dsan₃ 'éi₂, 'ñio₅ lin₃
jme₁le₁quian₅ jmi₁uig₅ ja₁con₂ dsa₂ i₂chan₂ gua'₅₄ 'uě₃. 11 La₁
jme₁ca₂dsin₃ 'ni₅ jmi₄g₄ tón₂ con'₂ dsi₃ñí'₃ jaun₂, Diú₄ ně₃ ca₂tó'₂
táng₃ jme₂dsi₂ quió'₅ dsa₂ 'éi₂, jaun₂ qui₂ca₂nau₂ táng₃. Jaun₂
ca₂i₃gó'₃ dsí₅ 'ñio₅ lin₃ dsa₂ i₂ca₂jág₂. 12 Jaun₂ qui₂ca₂nág₂ jág₁ tiá₂
a₂já₅ jui₅ guei'₅₄ i₂juíg₃ a₂ca₂juá'₂:

—I₂nó'₅ 'nia'₂ guei'₅₄ la₂.

Jaun₂ ca₂i₃lén₂ jui₅ guei'₅₄ i₂juíg₃ rē₂lióin₃ jnei₅, tē₃ jág₅ jaun₂
dsa₂ i₂jme₁'iog₅₄. 13 Hora jaun₂ dé₄ ca₂i₁bi₅₄ 'uě₃ tiá₂ lin₃. Jaun₂
qui₂ca₂gon₃ ca₂qui'₅₄ quió'₅ guia₃ juig₂ ciudad. Guio₃ mei₅ dsa₂
i₂ca₂dsan₃ jme₁ca₂jě'₂ 'uě₃. Dsa₂ i₂ca₂chón₃ guě₄ ně₃, qui₂ca₂can₃
juě'₅ dsí₅ 'ñio₅ lin₃. Ca₂jme₃juin'₂ Diú₄ i₂guá₅ guei'₅₄ i₂juíg₃.

14 Jaun₂ co₂ně₅ ca₂lě₃ jē₁ca₂tě₂ tin₃ jmi₁uig₅ a₂ca₂i₃ñí₂ dsa₂
jaun₂. La₁ ñi'₅₄ ta₁ jiá₃ táng₃ jē₁ca₂tě₂ 'ni₅.

Jē₁ca₂tě₂ guio₃ trompeta

15 Jaun₂ ca₂jéi₂ táng₃ jē₁ca₂tě₂ guion₃ ángel ñí₁ quió'₅, jaun₂
qui₂ca₂né'₂ jág₁ guei'₅₄ i₂juíg₃ qui₂i₁juá'₄ tiá₂ lin₃:

Ja₁gon₂ dsa₂ mi₂güig₃ ne₄ gua'₅₄ 'uě₃,

ma₂ca₂lě₃ ja₁gon₂ Te₁gui'₅₄ quián₂ jniog₄,

ja₂gon₂ dsa₂ I₂rē₂'in₁ quián₅ ně₃.

Jaun₂ 'éi₂ bá₄ i₂gon₃ ca₂lia'₂ co₂tan₅₄.

16 Jaun₂ ta₁guión₂-quén₂ i₂lín₅ dsa₂ can'₅₄ i₂tián'₅ ne₄ta₁ quió'₅
ne₄ Diú₄, qui₂ca₂tóin₂ tē₂ 'uě₃ rē₂'ein₂ co₂ñei'₅₄, ca₂jme₃juin'₂
Diú₄, 17 qui₂ca₂juá'₂:

Cuě₂ jnia'₅₄ ti₁'mag'₄ 'ne₂,

Te₁gui'₅₄ Diú₄ i₂'Uan'₂ guě₄ lin₃,

'ne₂ bá₄ i₂lín'₅, 'ne₂ i₂jme₁lín'₄,†

ia₁ ma₂ca₂jme₁'ñio'₂ 'ne₂ bí₂ juě'₂ quiáng'₂,

ma₂ca₂jme₁lióg'₄ gong'₂.

18 Jme₁qui₂nau₂ 'nei₂ juig₂ gua'₅₄ 'uě₃,

la₁ ně₃ guě₄ já₅ 'nei₂ a₂'i₄ 'au'₂,

* 11:7 'Í Apocalipsis 13; 'Nio'₂ ja₁ton₅ Apocalipsis 20:2-3 ján₃. † 11:8 A₂lin₅₄
chog₅₄ si₂: "Te₁gui'₅₄ quián₂." ‡ 11:17 A₂lin₅₄ chog₅₄ si₂ juá'₂ ján₃: "'ne₂ bá₄ i₂lén'₂
ján₃."

ia₁ ma₂ca₂tě₂ jmig₄ a₂qui₁dsi'₂ 'éi'₃ ja₁con₂ 'lag₄.
 Ton'₂ ca₂tě₂ jmig₄ ja₁qui'₅₄ 'lian'₅₄ dsa₂ quiáng'₂
 i₂ca₂jme₃ti₃ ta₁ ne'₅₄
 i₂qui₂ma₂'ě₂ jág₁ quiáng'₂.
 Le₂jaun₂ guě'₂ i₂jme₂go₃ 'a₂ lia'₂ lín'₅ 'ne₂
 lia'₂ dsa₂ can'₅₄, lia'₂ dsa₂ me'₂.
 Ján₃ guě'₂ ca₂tě₂ jmig₄ a₂'éng'₄
 jui₁lia'₂ i₂qui₂'én₂ ne₄ gua'₅₄ 'uě₃.
 19 Jaun₂ guě₄ ca₂niá₃ dsi₂néi₂ guá'₅ quió'₅ Diú₄ guei'₅₄
 i₂juíg₃. Ca₂jnia₃ tsi₁gu₅ quió'₅ jág₁ a₂li'₅₄ quian'₅₄ Diú₄ dsi₂néi₂
 guá'₅ quió'₅. Tě₃jě₄ jaun₂ qui₂ca₂lě₃ si₁ñí'₃, qui₂ca₂né'₂ jág₁,
 qui₂ca₂quia'₂ ñí'₃, qui₂ca₂i₁bi₅₄ 'uě₃, qui₂ca₂séi'₂ dsí'₅ ca'₅₄.

12

Jan₂ dsa₂ mī₂ quian'₅₄ cua₁ dragón

1 Jaun₂ ca₂jnia₃ guei'₅₄ i₂juíg₃ caun₂ léi₄ juě'₂ a₂dsi₃gó'₃ dsi₅:
 jan₂ 'io₅₄ i₂rě₂lión₃ co₂tág₅ lia'₂ jniá₂ 'iog₂. Le₃né'₃ ja₁chéin'₄
 ton₅ tsi'₂. Caun₂ guě'₂ corona 'i₄ dsi₅₄, le₁ton₅ guia₃-tín₂
 nei₅. 2 'Io₅₄ 'éi₂ quiaín₂₃ guein₂, a₂guió'₅ co₂mí'₅₄ a₂chain₂
 uig₅ a₂le₃chan₂ guein₂. 3 Jaun₂ guě₄ ca₂jnia₃ léi₄ siá'₂ táng₃
 guei'₅₄ i₂juíg₃: jan₂ cua₁ dragón* guén₂ i₂pan₅₄ lín₃ i₂quian₅
 guio₃ mi₂dsi₄ quian'₅₄ guia₃ mi₂juí₁. Jma₃cáun₃ corona tio'₅₄
 lia'₂ ca₂míg₂ mi₂dsi₅₄. 4 Quian'₅₄ ne₁con₅ já'₂ 'éi₂ qui₂ca₂tsě'₃
 ca₂qui'₅₄ quió'₅ 'ni₅ jui₁lia'₂ nei₅ i₂jme₁le₁'i₄ guei'₅₄, jaun₂
 qui₂ca₂guiaín'₃ ne₄ gua'₅₄ 'uě₃. Jaun₂ ca₂nau₂ cua₁ dragón
 ne₄ 'io₅₄ i₂jě₁ca₂rě₃chán₃ guein₂, ia₁jaun₂ quín'₂ guein₂ dsi₂jui₅
 jě₁ma₂ca₂rě₃cháin₃. 5 Ca₂rě₃chán₃ rě'₂ guein₂ quiaín₅, jan₂
 guein₂ dsa₂ ñe'₂ i₂'i₄ 'éi'₃ gon₃ ne₄ ca₂le₃jě₃ juíg₂ quian'₅₄ 'ma₂'i'₅₄
 a₂lě₅ ni₁ñí₁ 'ua'₂.† Jaun₂ ca₂jnia₃ bá₄ guein₂ 'éi₂ ca₂tág₃ Diú₄
 i₃guá₃ ne₄ta₁ quió'₅. 6 Jaun₂ ca₂cuíng₃ 'io₅₄ jui₅ 'uě₃ quein₂
 co₂ñiog₅ ja₁ma₂lě₅ co₂jnia₅₄ quió'₅ Diú₄, ia₁jaun₂ le₃tain₅₄ ca₂lia'₂
 ca₂dsin₃ caun₂ mei₅ rě₂tón₂ tñ₃ 'ñiá₂-láu₂ rě₂dsí₂ 'nag'₂ ne₂guióg₂
 (1260) jmig₄.

7 Jaun₂ ca₂lě₃ 'nei₂ guei'₅₄ i₂juíg₃: ca₂jmo₃ 'nei₂ Mi₂gue₅₄
 quiaín'₅₄ ángeles quiaín₅, ca₂quín'₂ ca₂cuě'₃ cua₁ dragón. Ján₃
 guě'₂ le₂jaun₂ ca₂jén'₃ dragón quiaín'₅₄ ángeles quiaín₅. 8 La₁
 tsá₃ ca₂tió'₃, jaun₂ tsá₃ ma₃ja₁ca₂rě₃chá₃ guě₄ ja₁cuín₅ jmig₄
 tóin'₃ guei'₅₄ i₂juíg₃. 9 Jaun₂ ja₁jaun₂ ca₂jnia₃ cau₅ dragón juín'₂
 'éi₂, dsi₂mi'₂ gui'₅₄ i₂jme₁chan₂ ma₂líg'₂, i₂tě'₂ i₂sě₃dsen₃, i₂chen₂

* 12:3 griego: drakón (dsi₂mí'₂). † 12:5 'Nio'₂ ja₁ton₅ Salmo 2:9.

Satanás ně₃, i₂jme₂gan₅ dsa₂ ta₁caun₂ mi₂güig₃. Ca₂i₃gain'₅₄
ca₂tě₂ gua'₅₄ 'uě₃, lia'₂ jma₃quaiain'₅₄ ángeles quaiain₅.†

10 Jaun₂ ca₂né'₂ jág₁ tiá₂ guei'₅₄ i₂juig₃, i₁juá'₄:

Ně₃ guě₄ ca₂tě₂ jmi₄g₄ quió'₅ Diú₄ a₂lión₂ dsa₂,
ca₂dsióg₃ jmi₄g₄ ja₁lé₂ jui₅bí₂ 'éi'₃ quió'₅ Diú₄ quián₂
a₂gon₂ 'éi₂ quaiain'₅₄ I₂rě₂'ín₁ quaiain₅.

Ia₁ ca₂guaiain'₃ 'uě₃ i₂jme₁bóg'₂ dso₄ quió'₅ rin'₅₄ jniog₄
le₃ne₄ Diú₄ lia'₂ 'uě₂-jmi₂.

11 Ca₂tió'₃ bá₄ 'éi₂
tě₂le₃ quian'₅₄ jmi₂ 'an₅₄ Guein₂ Já'₂ Cha'₂,
tě₂le₃ quian'₅₄ jág₁ dsau₅ ně₃
a₂ma₂qui₂ma₂jáng'₃ 'éi₂;

ia₁ tsá₃ ca₂dsán₃ dsí₅ jme₂dsí₂ quió'₅
o₁jñia'₅₄ ca₂dsain₃.

12 Jaun₂ lě₃, 'io'₂ jmo₄ 'nia'₂ i₂juig₃,
quian'₅₄ guě'₂ 'nia'₂ i₂tián'₅ ja₁jaun₂.

jLa₁ 'e₂ guě₄ juig₂ jui₁lia'₂ i₂chan₂ gua'₅₄ 'uě₃,
quian'₅₄ guě'₂ i₂chan₂ né'₃ jmi₁ñí'₄!

Ia₁ ma₂sión₃ i₂sě₃dsen₃ ja₁con'₂ 'nia'₂;
ma₂'i₄ 'nei₂ dsí₅, ia₁ ma₂ñi₅ rě₂ bá₄,
ca₂juig₄ jmá'₅ jmi₄g₄ cha₂ guě₄ quió'₅.

13 Jme₁ca₂rě₃lí'₄ dragón a₂ma₂ñó₅ jui₅ gua'₅₄ 'uě₃, jaun₂ 'éi₂ ně₃
ca₂'ein₃ 'io₅₄ i₂ca₂rě₃chán₃ guein₂ dsa₂ ñe'₂ quián₅. 14 La₁ 'io₅₄
'éi₂ ně₃, ca₂ñi₂ tsi₁rě₂cu₅ ca₁ca'₅₄ a₂lě₅ lia'₂ lě₅ tsi₁rě₂cu₅ i₁mi₂g₂,
ia₁jaun₂ 'iñ₃ jui₅ ja₁quió'₄, ja₁lě₄ 'uě₃ quein₂ co₂'ñiog₅, ja₁lě₄ 'í₁
'ñi₅ ñi₂ tě₂ ca₂jau₅₄ le₃ne₄ dsi₂mi'₂. 15 Jaun₂ ca₂'uě'₃ dsi₂mi'₂ jmi₂g₂
jui₅ mi₂'o₅₄, ně₂jag₄ bá₄ caun₂ cuá₃ juě'₂, ia₁jaun₂ dsi₃ñi₃ 'io₅₄
'éi₂ quian'₅₄ jmi₂g₂. 16 La₁ ca₂jme₃'o₅₄ gua'₅₄ 'uě₃, ca₂jme₃'oin₅₄
'io₅₄, ca₂niá₃ 'uě₃ ca₂nág'₃ jmi₂g₂ cuá₃ jaun₂ a₂ca₂'uě'₃ dragón
jui₅ mi₂'o₅₄. 17 Jaun₂ ca₂rě₃'né₃ dragón le₃ja₁con₂ 'io₅₄, jaun₂
ñei₅₄ i₁quín'₅₄ quaiain'₅₄ tsi₁jon₂ i₂ca₂chón₃ quián₅ 'io₅₄, co₂'nió'₄
i₂jme₂ti₃ 'éi'₃ quió'₅ Diú₄ i₂le₁quian₅ jág₁ dsau₅ quió'₅ Jesús ně₃.

18 Jaun₂ ca₂nau₂ 'éi₂ chei'₅₄ jmi₁ñí'₄. §

13

Le₃on₃ Já'₂ 'Lin'₅₄

1 Jaun₂ ca₂jág₃ ca₂'ñio₂ ne₄ jmi₁ñí'₄ jan₂ já'₂ i₂jniá₂ gau₂ jmá'₅,
i₂le₁dsi₅₄ guio₃ mi₂dsi₄, guia₃ guě'₂ mi₂juí₁. Ne₄ mi₂juí₁ ně₃,
jme₁le₁dsi₅₄ guia₃ coronas. Ne₄ mi₂dsi₅₄ ně₃, jme₁le₁ton₅ jág₁
lia'₂ chein₂ a₂jmo₂₃ a₂lín₅ Diú₄. 2 Jme₁lín₄ já'₂ i₂ca₂jing₅₄ 'éi₂ lia'₂
lín₅ dsi₂'ia'₂ leopardo. Le₁dsi₅₄ mi₂tag₅₄ lia'₂ lě₅ gu₂-tag₄ oso.

† 12:9 'Nio'₂ ja₁ton₅ Isaías 14:12-15; Lucas 10:18; Apocalipsis 9:1. § 12:18 A₂lín₅₄
chog₅₄ si₂, 'nió'₄ a₂jme₁ton₅ versículo 18, juá'₂ le₂la₂: “Jaun₂ ca₂no₃ chei'₅₄ jmi₁ñí'₄”,
a₂chi₁ton₅ jě₁le₂'uig₅₄ Capítulo 13.

Mi₂'o₅₄ guē'₂ lě₅ lia'₂ lě₅ mi₂'o₄ 'ia'₂ león. Ca₂cuē₃ dragón jui₅bí₂ ca₂cuē'₃ já'₂ 'éi₂ lia'₂ jma₃quian'₅₄ ne₄ta₁ quió'₅ ně₃, a₂qui₃dsi₂₃ 'éi'₃ a₂'uain'₂ lín₃. ³ Ca₂míg₂ mi₂dsi₄ Já'₂ 'Lin'₅₄ 'éi₂, lě₅ lia'₂ lě₅ a₂rē₂cuí'₃ 'ñio₅ lín₃, lě₅ ně₂jag₄ bá₄ a₂chain₂ join₅₄. La₁ia₁ ca₂'láu₂ bá₄. Ta₁caun₂ mi₂güig₃ bá₄ ca₂i₃gó'₃ dsí₅ dsa₂, ca₂'ein₃ Já'₂ 'Lin'₅₄ 'éi₂. ⁴ Jaun₂ ca₂jme₃juag'₂ dsa₂ ca₂jme₃juin'₂ dragón, ia₁ ca₂cuē'₃ 'éi'₃ ca₂cuē'₃ Já'₂ 'Lin'₅₄. Ca₂jme₃juin'₂ Já'₂ 'Lin'₅₄ ně₃, qui₂ca₂juá'₂ ca₂tóin'₂:

—ǵ'Ei₂ chan₂ i₂lín₅ lia'₂ lín₅ i₂ně₅? —'iin₂₃ Já'₂ 'Lin'₅₄ 'éi₂—. ǵ'Ei₂ bá₄ tió'₅ jmo₃ 'nei₂ ja₁coin₂?

⁵ Ján₃ bá₄ ca₂ñi₂ jág₁ a₂le₃róin₂ a₂qui₃jmo₃ a₂lín₅ Diú₄; ca₂ñi₂ bí₂ ně₃ a₂qui₃dsi₂₃ 'éi'₃ con'₂ tē₂láu₃-tin₃ tsi'₂. ⁶ Jaun₂ ca₂jáin₃ mi₂'o₅₄, ca₂ton₃ 'lig'₅₄ le₃quió'₅ Diú₄. Ca₂ton₃ rē'₂ 'lig'₅₄ ca₂'ē₃ ja₁guá₄ Diú₄; ca₂'iin₃ rē'₂ ca₂lia'₂ i₂tion'₅₄ guei'₅₄ i₂juig₃ ně₃. ⁷ Ca₂ñi₂ bá₄ jmi₃g₄ a₂jmo₃ 'nei₂ ja₁con₂ dsa₂ i₂tén₅ le₃quió'₅ Diú₄,* a₂jo₃ ně₃; ca₂ñi₂ bí₂ a₂qui₃dsi₂₃ 'éi'₃ ne₄ quió'₅ ca₂le₃jě₃ tsi₁jon₂, ca₂le₃jě₃ go₄ dsa₂, ca₂le₃jě₃ jág₁ jmei₅, ca₂le₃jě₃ juig₂ ně₃. ⁸ Jme₃juag'₂ ca₂le₃jín₃ dsa₂ i₂chan₂ gua'₅₄ 'uē₃ jme₃juin'₂ Já'₂ 'Lin'₅₄ 'éi₂: ca₂le₃jín₃ i₂con'₂ tsá₃ le₁ton₅ ne₄ si₂ rē₂bin₅ a₂le₃chan₂ dsa₂, a₂ron₅ quió'₅ Guein₂ Já'₂ Cha'₂, i₂jme₁ma₂'i₄ 'éi'₃ a₂jñag'₃ dsa₂, ca₂le₃ ca₂nio₃ mi₂güig₃.

⁹ Nē₁jua'₂ 'ein₂ le₁dsi₅₄ rē₂gua₄, rē₂ jui₁nei₅₄.

¹⁰ Jui₁lia'₂ i₂jñia₅ dsa₂ jui₅ né'₃ má₃,

ján₃ bá₄ jui₅ né'₃ má₃ dsi₃léin₂;

jui₁lia'₂ dsa₂ i₂jme₂dsian₅ dsa₂ quian'₅₄ ñi₁tág₂,

quian'₅₄ ñi₁tág₂ dsiáin₃.†

'Uig₅₄ ně₅ ně₃, ca₂le₃jín₃ i₂tén₅ le₃quió'₅ Diú₄, 'nió'₅ jmo₃ tió'₃ dsí₅, a₂tsá₃ qui₂dsi₃uín₂ a₂'éin₂.

¹¹ Cang₂ jaun₂ ca₂jín₄ táng₃ jniá₂ jan₂ já'₂ 'lin'₅₄ sián'₂, ca₂'ñioi₂ ne₄ gua'₅₄ 'uē₃. 'Éi₂ ně₃ jme₁le₁dsi₅₄ tin₃ mi₂juí₁ lia'₂ lě₅ mi₂juí₁ jan₂ guein₂ já'₂ cha'₂. La₁, lia'₂ lě₅ jág₁ quió'₅ dragón bá₄, jme₁lě₄ jág₁ quió'₅. ¹² Co₂jaun₂ bá₄ jme₁'io₂₃ bí₂ ján₃, jui₁lia'₂ Já'₂ 'Lin'₅₄ i₂le₂'uig₅₄, a₂qui₃dsi₂₃ 'éi'₃ o₄quió'₄; chi₃quióng₂ jmi₃g₄ jme₃juag'₂ ta₁caun₂ mi₂güig₃ quian'₅₄ i₂chan₂ ja₁jaun₂, jme₃juin'₂ Já'₂ 'Lin'₅₄ i₂le₂'uig₅₄ i₂ca₂'lón₂ i₂jme₁rē₂cuín'₃ 'éi₂. ¹³ Lióng₂ léi₄ juē'₂ a₂o₂dsain₂ ca₂jmo₃ ján₃. Ca₂jmo₃ ca₂tá'₂ si₂ guei'₅₄ mi₂güig₃ ně₃, ca₂jmo₃ tē₃ne₄ dsa₂ mi₂güig₃. ¹⁴ Tē₂le₃ quian'₅₄ léi₄ juē'₂ a₂ca₂jmo₃ o₄quió'₄ i₂'lin'₅₄ i₂le₂ne₁'éi₂, ca₂jme₃gain₂₃ dsa₂ i₂chan₂ gua'₅₄ 'uē₃. Ca₂jmo₃ 'éi'₃ a₂chi'₃ dsa₂ caun₂ nió'₄ quió'₅ Já'₂ 'Lin'₅₄ i₂jme₁rē₂cuín'₃ quian'₅₄ ñi₁tág₂ i₂ca₂'lón₂ 'éi₂. ¹⁵ Ca₂ñi₂

* **13:7** lit. “ja₁con₂ dsa₂ jñió₅.” † **13:10** o₃, “Chi₂jua'₂ chan₂ i₂'i₄ 'éi'₃ jnéi₂ dsa₂, jui₅ né'₃, má₃ bá₄, dsó₅; chi₂jua'₂ chan₂ i₂'i₄ 'éi'₃ jñag'₃ dsa₂ quian'₅₄ ñi₁tág₂, quian'₅₄ ñi₁tág₂ guē'₂ jñag'₃ dsa₂.”

bí₂ a₂toin'₂ jme₂dsí₂ nió'₄ quió'₅ Já'₂ 'Lin'₅₄, ia₁jaun₂ juá'₂ jág₁,
ia₁jaun₂ jme₃dsiain₂₃ ca₂le₃jín₃ i₂tsá₃ gue₃ jme₃juin'₂ nió'₄ quió'₅
'éi₂. ¹⁶ Ca₂chi₃quiáin₂ jmig₄ lia'₂ dsa₂ can'₅₄ lia'₂ dsa₂ me'₂, lia'₂
dsa₂ i₂cha₂ cu₄ lia'₂ dsa₂ te₂ñé₂, lia'₂ dsa₂ i₂jme₂ti₃ ta₁ ne₄ juig₅₄
lia'₂ dsa₂ i₂tsá₃ 'ein₂ ne₄ jme₂ti₃ ně₃, a₂guein₃ léi₄ dso'₂ gu₂ ne₁,
o₃ chi₁quí₃ 'e₂. ¹⁷ Jaun₂ tsá₃ ma₃lé₂ lá₃ 'i₁jan₂, on₃ guè'₂ ma₃lé₂
'nag₃, jua'₅₄ tsá₃ lín₅ léi₄, o₃ tsá₃ le₁quian₅ jág₁ lia'₂ chen₂ Já'₂
'Lin'₅₄, o₃ tsá₃ le₁quian₅ número quió'₅ lia'₂ chein₂. ¹⁸ Le₂la₂ bá₄
jág₁ a₂ñí'₂ dsí₅: jui₁lia'₂ dsa₂ i₂i₄ jág₁, jui₁chein'₄ cuentas 'a₂ lia'₂
lē₅ número quió'₅ Já'₂ 'Lin'₅₄. Ia₁ número quió'₅ dsa₂ mi₂güig₃
bá₄ jaun₂. Le₂la₂ lē₅ número quió'₅: jñéi₂ 'ñiá₂-láu₂ rē₂dsí₂ 'nag'₂
ne₂guióg₂ rē₂dsí₂ jñéi₂ (666).

14

*Canto a₂ca₂'ē₃ caun₂ 'ñiá₂-lón₂ rē₂dsí₂ tē₂láu₃-quén₂ mei₅
(144,000) dsa₂*

¹ Cang₂ jaun₂ ca₂jing₅₄ táng₃ Guein₂ Já'₂ Cha'₂ jniái₂ chéin'₅ ne₄
Má'₂ Sión, quiaín₅₄ caun₂ 'ñiá₂-lón₂ rē₂dsí₂ tē₂láu₃-quén₂ mei₅
dsa₂ i₂jme₁le₁quian₅ léi₄, i₂le₁ton₅ chi₁quí₃ lia'₂ chen₂ Guein₂
Já'₂ Cha'₂ quian'₅₄ 'a₂ lia'₂ chen₂ Jmei₂ ně₃. ² Jaun₂ guē₄ ca₂nag₃
caun₂ mi'₅₄ a₂já₅ guei'₅₄ i₂juig₃, a₂lē₅ ně₂jag₄ bá₄ caun₂ la'₅₄ juē'₂
lín₃, * ton'₂ ně₂jag₄ bá₄ ja₁dein₅ quia'₂ tiá₂ lín₃ jí₃. Mi'₅₄ a₂ca₂nag₃
jaun₂ ca₂né'₂ jui₁lia'₂ ja₁jmo₅ dsa₂ son₅₄ quian'₅₄ tsi₁ton₅ arpas
† quió'₅. ³ Qui₂i₁'ē₂₃ caun₂ canto 'mí₂ ne₄ ne₄ta₁, ne₄ le₃quén₂
já'₂, ne₄ gui'₅₄ can'₅₄ ně₃. Ca₂lia'₂ 'i₁jan₂ dsa₂ sián'₂ tsá₃ 'ein₂ lé₂
le₃tin₂ son₅₄ a₂'ē₅ dsa₂ jaun₂, jmá'₃ lia'₂ dsa₂ 'ñiá₂-lón₂ rē₂dsí₂
tē₂láu₃-quén₂ mei₅ i₂rē₂'lian'₅₄ ne₄ gua'₅₄ 'uē₃ 'éi₂ bá₄. ⁴ Ca₂le₃jín₃
dsa₂ 'éi₂ i₂tsá₃ ca₂rē₃'iog₅ jme₂dsí₂ quió'₅ quian'₅₄ 'io₅₄ 'lín'₅₄,
ia₁ qui₂ma₂ca₂rē₃cháin₂ ja₂léin₂ le₁jín₃. Quiaín'₅₄ bá₄ Guein₂
Já'₂ Cha'₂ jui₁'a₂ guē₃ ja₁dsó₃ 'éi₂. Qui₂le₁'liain₅₄ tē₂le₃ jin₄ dsa₂
mi₂güig₃, co₂'nió'₄ i₂le₂'uig₅₄ i₂rē₂jen'₅₄ le₃ne₄ Diú₄, le₃ne₄ Guein₂
Já'₂ Cha'₂ ně₃. ⁵ 'I₁caun₂ jág₁ tē₂jág₁ tsá₃ ca₂'uē₂ mi₂'o₄ 'éi₂; tsá₃
dso₄ qui₂rē₂cáin'₄.†

Jág₁ quió'₅ le₃ún₂ ángeles

⁶ Jaun₂ ca₂jing₅₄ táng₃ jan₂ ángel sián'₂ a₂ñi₂₃ dsi₂jo₂ dsi₄ güig₂,
i₂quian₅₄ jág₁ dse₃ a₂le₃chan₂ dsa₂ co₂tan₅₄, já₅ ja₂'ē₃ ja₂chi'₅₄
dsa₂ i₂tián'₅ ne₄ gua'₅₄ 'uē₃: ca₂le₃jě₃ juig₂, ca₂le₃jě₃ tsi₁jon₂ dsa₂,
ca₂le₃jě₃ jág₁ jmei₅, ca₂le₃jě₃ go₄ dsa₂; ⁷ i₁juá'₄ tiá₂:

—Jme₁gan₃ 'nia'₂ Diú₄; jme₁juin'₂ 'nia'₂ 'éi₂. Ia₁ ma₂gua₅
hora a₂qui₃dsi₂₃ 'éi₃. Jme₁juin'₂ 'nia'₂ i₂ca₂jmo₃ guei'₅₄ mi₂güig₃

* 14:2 o₃ 'lia'₂ né₂ 'lióng₂ jmig₂." † 14:2 griego: kithara. ‡ 14:5 A₂lin₅₄ chog₅₄
si₂ juá'₃ ján₃: "le₃ne₄ ne₄ta₁."

quian'⁵⁴ gua'⁵⁴ 'uë₃, jmi₁ñí'⁴ ně₃, quian'⁵⁴ guë₄ ca₂le₃jě₃ o₄tu₁ jmig₂.

⁸ Chi₁quín₃ guë₄ jaun₂ ján₃, ca₂já₃ jan₂ ángel sián'² i₂ca₂juá'²:

—Ma₂ca₂i₃én₂, ma₂ca₂i₃én₂ Babilonia juë'², 'uig⁵⁴ ia₁ a₂ca₂jmo₃ a₂qui₂ca₂'in'³ ca₂le₃jě₃ juig₂ vino a₂ca₂jme₃cón₂ dsí₅ a₂qui₂nió'³ jág₁ 'lig'⁵⁴ quió'⁵.

⁹ Jaun₂ ca₂guan₃ táng₃ jē₁ca₂tě₂ ún₂ ángel, ján₃ guë'² tiá₂ ca₂juá'²:

—Chi₂jua'² 'ein₂ ca₂guen₃ jme₃juin'² Já'² 'Lin'⁵⁴, quian'⁵⁴ nió'⁴ quió'⁵, o₃ ně₁jua'² ca₂guein₃ cán₂ léi₄ dso'² chi₁quí₃, o₃ co'⁵⁴ gú₃ 'e₂, ¹⁰ ján₃ bá₄ 'ín'² 'éi₂ vino a₂'i₄ 'nei₂ dsí₅ Diú₄ a₂ma₂i₂tang₄ a₂tsá₃ 'e₂ qui₂rě₂cón'⁵ 'ñió'³ copa a₂cha₂ 'uig⁵⁴ a₂le₃'nei₂; qui₃ñág₃ uig₅ quian'⁵⁴ si₂ quian'⁵⁴ azufre tē₃ne₄ ángeles jñió₅ quián₅ Diú₄ quian'⁵⁴ guë'² le₃ne₄ Guein₂ Já'² Cha'², ¹¹ jme₁ñi₁ a₂tsáu₃ ja₁ñág₃ uig₅ ně₃, dsi⁵⁴ co₂tan⁵⁴ lé₂, on₃ guë'² 'uë₂-jmi₂ bá₄ lé₂ jua'⁵⁴ a₂le₃jñia₃ a₂tsá₃ ñág₃ ca₂tiá₂ uig₅ ca₂le₃jín₃ i₂jme₃juin'² Já'² 'Lin'⁵⁴ 'éi₂ quian'⁵⁴ nió'⁴ quió'⁵, ca₂le₃jín₃ i₂ca₂guen₃ cán₂ léi₄ lia'² chein₂ ně₃.

¹² Ja₁ně₅ bá₄ 'nió'⁵ jmo₃ juin'² dsí₅ dsa₂ i₂tén₅ le₃quió'⁵ Diú₄, § dsa₂ i₂tión₂ tiá₂ jme₂ti₃ 'éi'³ quió'⁵, a₂'éin₂ le₃quió'⁵ Jesús ně₃.

¹³ Jaun₂ ca₂né'² táng₃ jág₁ a₂jás guei'⁵⁴ i₂juíg₃, ca₂juá'² tság₅ jniá₂:

—Jmo₄ si₂ tióng₅ ca₂le₃jě₃ a₂ně₅ a₂juá'²: “E₂ guë₄ 'ñio₅ dsen₃ dsa₂ i₂dsián₃ le₃ne₄ jui₅ la₂, i₂'én₂ le₃quió'⁵ Te₁gui'⁵⁴.” Ján₅, juá'² jme₂dsí₂, ia₁jaun₂ jñia₃ ca₂le₃jě₃ ta₁ quió'⁵, jaun₂ qui₃le₃quen₅ 'i₄ ta₁ ca₂le₃jě₃ a₂ca₂jmo₃.”

A₂ráu₃ ne₄ gua'⁵⁴ 'uë₃

¹⁴ Jaun₂ ca₂jág₃ táng₃ ca₂jñia₃ caun₂ jnei₅ tiog₂ jmá'⁵, Ne₄ jnei₅ jaun₂, guá₅ jan₂ i₂lín₅ lia'² lín₅ Jaun₅ dsa₂ mi₂güí₃*, Chi₁'i₁ caun₂ corona a₂lě₅ jmá'³ cu₄nióg₄ mi₂dsi⁵⁴, chi₁chan'² caun₂ ñí₁ hoz a₂'mu₃. ¹⁵ Jaun₂ o₂'ín₃ táng₃ jan₂ ángel dsi₂néi₂ guá'⁵ templo, ca₂juá'² tiá₂ ca₂tsí'³ i₂guá₅ ne₄ jnei₅:

—Tiá₃ ñí₁ hoz quiáng'², cag'⁵⁴; ia₁ ma₂gua₅ hora cag'⁵⁴, ia₁ ma₂ca₂ron₂ a₂ráu₃ ne₄ gua'⁵⁴ 'uë₃. ¹⁶ Jaun₂ ca₂tiá₂ hoz ne₄ gua'⁵⁴ 'uë₃, dsa₂ i₂guá₅ ne₄ jnei₅ 'éi₂, ca₂cág'³ a₂ma₂ca₂rau₂ ja₁jaun₂.

¹⁷ Jaun₂ ca₂o₃'ín₃ táng₃ jan₂ ángel sián'² dsi₂néi₂ guá'⁵ chí'⁵ guei'⁵⁴ i₂juíg₃; ján₃ bá₄ chi₁chan'² caun₂ ñí₁ hoz a₂'mu₃. ¹⁸ Jaun₂ ca₂o₃'ín₃ táng₃ ne₄chei₂ jan₂ ángel sián'² guë₄ táng₃, i₂'io₅ bí₂ ne₄ si₂. Jaun₂ ca₂juá'² tiá₂ ca₂tsí'³ i₂chan'² ñí₁ hoz 'mu₃, ca₂juá'²:

—Tiá₃ ñí₁ 'mu₃ quiáng'²; chi₁lo'² cag'⁵⁴ ni₁'mu'² a₂qui₂le₁'ág₄ ni₁uñg₂ a₂cha₂ gua'⁵⁴ 'uë₃, ia₁ ma₂ca₂juíg₂ míg₂ uvas quió'⁵.

§ 14:12 lit. “dsa₂ jñió₅.” * 14:14 'Nio'² ja₁ton₅ Daniel 7:13.

¹⁹ Jaun₂ ca₂tiá₂ 'éi₂ hoz quió'₅ ne₄ gua'₅₄ 'uë₃, ca₂cág'₃ mīg₂ uvas quió'₅ gua'₅₄ 'uë₃. Ca₂tó'₂ caun₂ ja₁juë'₂ ja₁qui₂jlen'₃ dsa₂, co₂'nió'₄ le₃jua'₅₄, ja₁'i₄ 'nei₂ dsí₅ Diú₄. ²⁰ Jaun₂ ca₂rë₂tso'₄ a₂jaun₂ 'ni₂ juig₂, ca₂'io₂ jmi₂. Jmi₂ jaun₂ nē₃ ca₂i₃'o₅₄ a₂ji'₂ con'₂ 'ei₅ rë₂'o₄ dsi₂cua₁, a₂juë'₂ ja₁ca₂'a₃ tí₅ con'₂ 'ni₅ 'ñiá₂-lá₂u₂ (300) kilómetros.

15

Guion₃ ángeles i₂le₁quian₅ guio₃ jmi₁uig₅ jë₁ca₂tó'₂

¹ Ca₂jág₃ jniá₂ guei'₅₄ i₂juig₃ caun₂ léi₄ juë'₂ a₂dsi₂gó'₃ dsi₅: guion₃ ángeles i₂quian₅ guio₃ guë₄ jmi₁uig₅ ja₁con₂ dsa₂. Co₂'nió'₄ a₂jaun₂ guë₄ lë₅ jë₁ca₂tó'₂, ia₁ co₂jaun₂ ca₂'ñia₅ a₂'i₄ 'nei₂ dsí₅ Diú₄.

² Jaun₂ ca₂jág₃ jniá₂ jui₁lia'₂ caun₂ jmi₁ñí'₄ a₂lë₅ ni₁'i₂ a₂rë₂cón'₅ quian'₅₄ si₂. Ne₄ jmi₁ñí'₄ a₂lë₅ ni₁'i₂ jaun₂, jme₁tió₂n₂ dsa₂ i₂ca₂tió'₃ ne₄ Já'₂ 'Lin'₅₄, ne₄ nió'₄ quió'₅, ne₄ número quió'₅ lia'₂ chein₂ nē₃. Qui₂le₁chan'₂ tsi₁ton₅ arpas* a₂ca₂cuë₃ Diú₄. ³ Tióin₂ 'ë₂₃ canto quió'₅ Moisés† dsa₂ i₂ca₂jme₂ti₃ quián₅ Diú₄, quian'₅₄ canto quió'₅ Guein₂ Já'₂ Cha'₂, a₂juá'₂:

'E₂ guë₄ juë'₂ a₂jlá'₁ lin₃ ca₂le₃jë₃ a₂ma₂jmo'₅₄ 'ne₂,

Te₁gui'₅₄ Diú₄ i₂'Uan'₂ guë₄ lin₃.

A₂dsau₅, a₂tí₅ lin₃ bá₄ jui₅ quiáng'₂,

'Ne₂ Rag₅₄ quián₅ ca₂le₃jë₃ juig₂.

⁴ Ć'Ein₂ bá₄ 'éi₂ i₂tsá₃ jme₃gon₃ 'ne₂, Te₁gui'₅₄?

Ć'Ein₂ bá₄ i₂tsá₃ jme₃juag'₂ guë'₂ já₃?

Ia₁ jan'₂ 'ne₂ bá₄ líng'₅ i₂jñi₅.

Ca₂le₃jë₃ juig₂ qui₂ja₃léin₂ qui₂jme₃juin'₂ 'ne₂,

ia₁ ma₂ca₂rë₃jniá₂ 'éi'₃ a₂qui₂dsí'₂ 'ne₂.

⁵ Cang₂ jaun₂ ca₂jág₃ jniá₂ guei'₅₄ i₂juig₃, ca₂niá₃ guá'₅, co₂'nió'₄ le₃jua'₅₄ ja₁jñi₅ guë₄, ja₁rë₂'ma₄ já₁ dsau₅ a₂li'₅₄ quian'₅₄ Diú₄. ⁶ Guá'₅ jaun₂, ca₂'uin₂ guion₃ ángeles i₂le₁quian₅ le₃guio₃ jmi₁uig₅. Le₁qui'₂ 'mi'₂ lino jlá'₁, a₂tág₅ lin₃. A₂jme₁rë₂jén'₅ le₁dsí₅ guë'₂ nē₃, jme₁lë₄ jmá'₃ cu₄nióg₄. ⁷ Jaun₂ guë₄ jan₂ já'₂ quén₂ i₂tió₂n₂ ne₄ ne₄ta₁, ca₂cuë'₃ le₂jan₂ le₂jan₂ ta₁guion₃ ángeles jma₃caún₃ ni₁uig₅ ji'₂ a₂lë₅ cu₄nióg₄, le₁'a₁ co₂'nió'₄ a₂'nei₂ a₂'i₄ dsí₅ Diú₄ i₂chan₂ ca₂lia'₂ co₂tan₅₄. ⁸ Jaun₂ ca₂can'₂ dsi₂néi₂ guá'₅ quian'₅₄ jme₁ñi₁ a₂já₅ ja₁con₂ a₂jlá'₁ a₂'uan'₂ Diú₄. Ca₂lia'₂ 'i₁jan₂ tsá₃ lé₂ dsi₃ton'₅₄ ja₁jaun₂, ca₂lia'₂ ca₂rë₃'ñia₅ le₃guio₃ jmi₁uig₅ a₂le₁quian₅ ta₁guion₃ ángeles.

16

Ta₁guio₃ jmi₁uig₅ a₂'ë₂ Diú₄

* 15:2 griego: kithara. † 15:3 canto quió'₅ Moisés: 'Nio'₂ ja₁ton₅ Éxodo 15; Deuteronomio 32.

¹ Jaun₂ ca₂nag₃ jniá₂ jág₁ tiá₂ lín₃ i₁juá'₄ dsi₂néi₂ guá'₅, a₂tsí'₅ le₃guion₃ ángeles 'éi₂:

—O₂nó'₅ 'nia'₂ o₂jen₄ ne₄ gua'₅₄ 'uë₃ 'nei₂ a₂ 'i₄ dsi'₅ Diú₄ a₂le₁'a₁ ni₁uing₅ nē₅.

² Jaun₂ ca₂o₃'ín₃ jē₁le₂'uig₅₄ ángel, jaun₂ ca₂jein₃ a₂chi₁'a₄ ni₁uing₅ quió'₅ ne₄ gua'₅₄ 'uë₃. Jaun₂ ca₂le₃jín₃ dsa₂ i₂le₁quian₅ léi₄ quió'₅ Já'₂ 'Lin'₅₄, i₂jme₂juin'₂ nió'₄ quió'₄ nē₃, qui₂ca₂'ηiai₂ 'mé'₅ 'lig'₅₄ a₂qui'₂ guē₄ lín₃.

³ Jaun₂ ca₂jen₃ jē₁ca₂tē₂ on₃ ángel a₂'a₄ ni₁uing₅ quió'₅ ne₄ jmi₁ηí'₄. Jaun₂ ca₂lē₃ jmi₂, nē₂jag₄ bá₄ jmi₂ 'an₅₄ jan₂ 'lag₄. Ca₂dsan₃ ca₂le₃jín₃ já'₂ i₂jme₁chan₂ jmi₁ηí'₄ jaun₂.

⁴ Ján₃ bá₄ le₂jaun₂ ca₂jen₃ jē₁ca₂tē₂ ún₂ ángel a₂'a₄ ni₁uing₅ quió'₅, ne₄ jmi₂g₂ cuá₃, ne₄ o₄tu₁ jmi₂g₂ nē₃; jaun₂ jmá'₃ jmi₂ bá₄ qui₂ca₂lē₃ ján₃. ⁵ Jaun₂ ca₂nag₃ juá'₂ ángel i₂niog₅ gu₂ jmi₂g₂, ca₂juá'₂:

Rē₂ bá₄ cáun'₂ 'ne₂ 'í₁, Diú₄ Jñiós;

'ne₂ i₂lín₅, i₂jme₁lín₄,*

ia₁ a₂nē₂qui₁dsi'₂ 'éi'₃ le₂nē₅.

⁶ Ia₁ ca₂tein₃ 'éi₂ jmi₂ a₂jme₁'an₅₄

dsa₂ i₂jme₁tén₄ le₃quiáng'₂,

dsa₂ i₂jme₁qui₂ca₂'ē₂ jág₁ quiáng'₂ nē₃.

Nē₃ guē₄ nē₃, nē₂'ein'₅₄ jmi₂,

ia₁ le₂nē₅ 'en₄ quió'₅ bá₄.

⁷ Ca₂nag₃ jniá₂ ján₃ jē₄ ne₄chei₂, i₁juá'₄:

Dsón'₂ le₂nē₅, Te₁gui'₅₄ Diú₄ i₂'Uan'₂ guē₄ lín₃,

dsón'₂ bá₄ qui₂dsí'₁ 'ne₂ 'éi'₃ lia'₂ con'₂ dsi₂ten₅₄.

⁸ Jaun₂ ca₂jen₃ jē₁ca₂tē₂ quén₂ ángel a₂'a₄ ni₁uing₅ quió'₅ ne₄ 'iog₂, jaun₂ ca₂ηi₂ 'iog₂ bí₂ a₂dsín'₂ dsa₂ mi₂güig₃ quian'₅₄ si₂.

⁹ Jaun₂ ca₂dsin'₂ ca₂le₃jín₃ dsa₂ quian'₅₄ a₂dséi₂ gau₂ lín₃. Jaun₂ qui₂ca₂'ag₃ dsa₂ 'lig'₅₄ qui₂ca₂'iin₃ Diú₄ i₂'io₅ bí₂ ne₄ jmi₁uig₅ jaun₂. Tsá₃ ca₂jme₃tsín₃ dsi₅, jua'₅₄ ca₂jme₃juin'₂ 'éi₂.

¹⁰ Jaun₂ ca₂jen₃ jē₁ca₂tē₂ 'ηiá₂ ángel a₂'a₄ ni₁uing₅ quió'₅ ne₄ ta₁ quió'₅ Já'₂ 'Lin'₅₄, jaun₂ ca₂tē₂tsi'₅₄ qui₁né'₃ ja₁goi₂ jaun₂. Dsa₂ nē₃ qui₂ca₂qui₂'₂ le₁tsi'₂ a₂ca₂jme₃uí'₃. ¹¹ Con'₂ siá'₂ ca₂'iin₃ 'lig'₅₄ Diú₄ i₂quió'₅ guei'₅₄ i₂juig₃, ne₄ 'uig₅₄ a₂le₁quian₂₃ jmi₁uig₅, 'uig₅₄ ia₁ a₂lín₅ 'mé'₅ nē₃. La₁ tsá₃ ca₂dsi₃quén'₅ dsi₅ jua'₅₄ ca₂tí₂ a₂jmo₂₃-dsáu₅.

¹² Jaun₂ ca₂jen₃ jē₁ca₂tē₂ jñé₂ ángel a₂'a₄ ni₁uing₅ quió'₅ ne₄ cuá₃ juē'₂ Eufates. Jaun₂ co₂dsia₅ ca₂rē₃quén₃ cuá₃ jaun₂, ia₁jaun₂ ma₂lē₅ co₂jñia₅₄ caun₂ jui₅ quein₂ ja₁i₃nio₄ rag₅₄ i₂ja₃lén₂ tē₂le₃ ja₁'ia₂† 'iog₂.

* **16:5** A₂lín₅₄ chog₅₄ si₂ chi₁ton₅ ján₃: “i₂lén₂ co₂tan₅₄.” † **16:12** Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

¹³ Jaun₂ ca₂jág₃ ca₂'uin₂ ún₂ jme₂dsí₂ 'lin'₅₄, i₂jniá₂ lia'₂ jniá₂ i₁jě'₅, ca₂'uin₂ jma₃ján₃ juí₅ mi₂'o₄ já'₂ dragón, mi₂'o₄ Já'₂ 'Lin'₅₄, quian'₅₄ mi₂'o₄ i₂tě'₂ dsa₂ i₂ě₂ jág₁ a₂juí₁gain₂ ně₃. ¹⁴ Jme₂dsí₂ i₂lín₅ je₂na'₅₄ bá₄ 'éi₂, i₂qui₃jmo₃ léi₄ juě'₂, i₂qui₂dsi₃lén₂ uíng₂ ja₁con₂ rag₅₄ quián₅ dsa₂ i₂chan₂ ta₁caun₂ mi₂güig₃, ia₁jaun₂ chi₃lo'₃ a₂dsia₃ 'nei₂ jmig₄ juě'₂ jaun₂ quió'₅ Diú₄ i₂'Uan'₂ guě₄ lin₃.

¹⁵ "Rě₂ján'₁ 'nia'₂ ia₁ guión'₄ jniá₂ con'₂ tiá₂, ně₂jag₄ bá₄ jan₂ 'ang₂. 'E₂ guě₄ dsen₃ juí₁lia'₂ i₂rě₂jnio₄ ne₄, i₂lě₅ 'í₁ tsin'₅₄, con'₂ tsá₃ ŋó₅ ně₁jua'₂ i₃ŋi₅₄ rě₂ŋí₅ tě₃ jág₅ dsa₂ o₂quí'₃ quió'₅."

¹⁶ Jaun₂ qui₂ca₂liain'₃ rag₅₄ caun₂ ja₁chei₂ Armagedón quian'₅₄ jág₁ jmei₅ hebreo.

¹⁷ Jaun₂ ca₂jēn₃ jē₁ca₂tě₂ guion₃ ángel a₂'a₄ ni₁uīng₅ quió'₅, ca₂'éin₂ dsi₂güig₂. Jaun₂ ca₂né'₂ dsi₂néi₂ guá'₅ a₂chí'₅ guei'₅₄ i₂juíg₃, jág₁ a₂juá'₂ tiá₂, a₂já₅ ne₄ta₁, i₁juá'₄:

—iMa₂ca₂lě₃ bá₄.†

¹⁸ Jaun₂ qui₂ca₂lě₃ si₁ŋí'₃, ca₂tě₁tsi'₅₄ co₂mi'₅₄, ca₂quia'₂ ŋí'₃. Ta₁caun₂ gua'₅₄ 'uě₃ qui₂ca₂jě'₂ ca₂i₁bi₅₄ 'uě₃ tiá₂ lin₃, ca₂lia'₂ 'i₁cón'₂ tsá₃ le₂jaun₂ jua'₅₄ a₂ma₂i₁bi₅₄ 'uě₃ ca₂le₃ ca₂rě₃chán₃ dsa₂ ne₄ gua'₅₄ 'uě₃, ia₁ a₂ŋí₄ lě₃ gau₂ ca₂lě₃. ¹⁹ Ca₂lě₃ 'ni₅ dso'₅₄ ciudad dsen₅₄ jaun₂, jaun₂ qui₂ca₂i₃lě₂ juí₅ 'uě₃ ca₂le₃jě₃ juig₂ ciudad jme₁te₁'i₁ mi₂güig₃. Jaun₂ guě₄ ca₂dsáu'₃ dsí₅ Diú₄ Babilonia juě'₂; ca₂cuě'₃ copa a₂'a₄ vino a₂'i₄ 'nei₂ dséi₂ dsí₅. ²⁰ Jaun₂ qui₂ca₂cuīng₃ ca₂le₃jě₃ 'uě₃ a₂qui₂le₁quí'₅ jē₄ jmi₁ŋí'₄; ca₂le₃jě₃ ni₁má'₂ ně₃, co₂dsia₅ ca₂i₃có'₂. ²¹ Qui₂ca₂tang₂ ne₄ quió'₅ dsa₂ mi₂güig₃ dsí₅ ca₁ca'₅₄ 'ŋio₅ lin₃, a₂guei₂ jma₃tě₂láu₃ kilo lia'₂ ca₂míg₂.§ Ján₃ bá₄ le₂jaun₂ qui₂ca₂'ag₃ dsa₂ 'lig'₅₄ 'iin₂₃ Diú₄, 'uig₅₄ ia₁ a₂ca₂séi'₂ dsí₅ jaun₂, ia₁ a₂ŋí₄ lě₃ ca₂i₁juin₅₄ gau₂ jmi₁uig₅ a₂ca₂lě₃.

17

Jě₁ca₂i₃'én₂ 'io₅₄ juin'₂ i₂'nag₅ quió'₅

¹ Jaun₂ ca₂já₃ jan₂ ángel i₂lě₂ guion₃ i₂jme₁le₁chan'₂ ni₁uīng₅ 'éi₂, ca₂tság₃ jniá₂:

—Ŋia₅, la₂ 'ě₅₄ 'a₂ lia'₂ lě₅ jmi₁uig₅ a₂'ě₂ Diú₄ ne₄ 'io₅₄ juin'₂ i₂'nag₅ quió'₅, i₂guá₅ ne₄ ja₁te₁'i₁ 'lióng₂ jmig₂. ² Ca₂le₃jín₃ bá₄ rag₅₄ i₂chan₂ ne₄ gua'₅₄ 'uě₃ ma₂qui₂ca₂nió'₄ jág₁ quiaín'₅₄ 'io₅₄ 'éi₂; ján₃ bá₄ le₂jaun₂ ma₂qui₂ca₂rě₃'en₅ dsa₂ i₂tián'₅ ne₄ gua'₅₄ 'uě₃, quian'₅₄ vino a₂co₂'nió'₄ dso₄ a₂ca₂jmo₃-dsáu₅ 'io₅₄ 'éi₂.

³ Jaun₂ ca₂jio₃ ángel, tē₁lia'₂ 'eng₅₄ le₃quió'₅ Jme₂dsí₂, caun₂ 'uě₃ quein₂ co₂ŋiog₅. Ja₁jaun₂ ca₂tě₂ ne₃ ca₂jing₅₄ jan₂ 'io₅₄, co₂dsiin₅₄ jan₂ já'₂ guén₂ i₂jniá₂ gau₂ jmá'₅, i₂le₁dsi₅₄ guio₃

† 16:17 'Nio'₂ ja₁ton₅ Juan 19:30. § 16:21 lit. "a₂guei₂ caun₂ talento lia'₂ ca₂míg₂."

mi₂dsi₄, gua₃ guē'₂ mi₂juí₁, i₂jme₁quian₅ 'lióng₂ jág₁ 'lig'₅₄ lia'₂ chein₂ a₂jmo₂₃ a₂lín₅ Diú₄ ně₃. ⁴ 'Io₅₄ 'éi₂ ně₃ rē₂lín₅₄ qui'₂ tsin'₅₄ guéin₂ si₂, quian'₅₄ a₂'ui'₃. A₂lě₅ jlá'₁, tio'₅₄ cu₄nióg₄, ni₁cang₁ jlá'₁ quian'₅₄ mīg₂ perlas ně₃. Ján₃ guē₄ chi₁chan'₂ caun₂ copa a₂lě₅ jmá'₃ cu₄nióg₄, rē₂'a₄ a₂'lig'₅₄ a₂jmo₅-dsáu₅, quian'₅₄ jág₁ 'lig'₅₄ a₂nió'₅. ⁵ Le₁ton₅ jág₁ ne₄ chi₁quí₃, a₂juá'₂: JÁG₁ A₂RĚ₂'MA₄ BA-BILONIA JUIN'₂ CHOG₅₄ 'IO₅₄ I₂'NAG₅ QUIÓ'₅ CHOG₅₄ CA₂LE₃JĚ₃ NE₅₄ A₂LĪ₁'IOG₅ NE₄ GUA'₅₄ 'UĚ₃.

⁶ Jaun₂ ca₂jín₄ jniá₂ 'io₅₄, a₂'ein₅ guá₅, quian'₅₄ jmi₂ 'an₅₄ i₂tén₅ le₃quíó'₅ Diú₄, * quian'₅₄ guē'₂ jmi₂ 'an₅₄ i₂ma₂jáng'₃ jág₁ dsau₅ le₃quíó'₅ Jesús. Jaun₂ ca₂i₃gó'₃ dsí₃ guē₄ lín₃ jme₁ca₂tě₂ ne₃ a₂jaun₂. ⁷ Jaun₂ ca₂juá'₂ ángel tság₅ jniá₂:

—č'E₂ lě₃ dsí₂gó'₃ 'au'₂? La₂ juá'₄ jniá₂ jág₁ rē₂'ma₄, co₂'nió'₄ 'e₂ léi₄ jáng'₅ 'io₅₄ ó₃, 'e₂ guē'₂ léi₄ jáng'₅ táng₃ Já'₂ 'Lin'₅₄ i₂jio₅ i₂cha₂ guio₃ mi₂dsi₄, i₂le₁dsi₅₄ guio₃ mi₂juí₁ ně₃. ⁸ Já'₂ 'Lin'₅₄ i₂ně₂jing'₅₄ ně₅, jme₁chan₂ le₂jniá₅, rē₂ně₃ ně₃ tsá₃ ma₃chain₂. La₁ jě₁ma₂o₃ 'iin₅ uíg₂ ja₁ca₂jein₃ chi₁dsio₅₄, jaun₂ dsíog₄ ja₁dsi₃'éin₂. Dsi₃gó'₃ dsí₅ dsa₂ i₂chan₂ ne₄ gua'₅₄ 'uē₃, ca₂le₃jín₃ i₂con₂ tsá₃ le₁ton₅ ne₄ si₂ ca₂le₃ ca₂nio₃ mi₂güig₃, mi₂si₂ a₂rē₂bin₅ a₂le₃chan₂ dsa₂; dsí₂qui₂dsi₃gó'₃ dsí₅ jě₁ma₂jín₂ Já'₂ 'Lin'₅₄, 'uig₅₄ ia₁ a₂jme₁chain₂, tsá₃ ma₃chain₂ rē₂ně₃, la₁ia₁ a₂guáin₂ táng₃.

⁹ 'Jág₁ la₂ cha₂ a₂lě₂ le₃ńí'₂ jui₁lia'₂ dsa₂ i₂ńí'₂ dsí₅: jáng'₅ jág₁ dsau₅ guio₃ mi₂dsi₄ já'₂, co₂'nió'₄ guio₃ dsí₂con₂'₂ ja₁guá₄ 'io₅₄ 'éi₂. ¹⁰ Ján₃ bá₄ co₂'nió'₄ guion₃ rag₅₄ a₂jaun₂. Ma₂i₃gan'₅₄ cau₅ 'ńiá₂ rag₅₄ 'éi₂; jan₂ bá₄ i₂gon₂ rē₂ně₃; jan₂ guē'₂ i₂tsá₃ ma₂guan₅ guē₄. Jě₁ma₂tě₂ rē₁guá₃ 'éi₂ guē'₂ ně₃, ca₂tiá₂ bá₄ ca₂tíin₂ guá₃. ¹¹ Já'₂ 'Lin'₅₄ i₂jme₁chan₂, i₂tsá₃ chan₂ rē₂ně₃ 'éi₂ guē'₂ ně₃, lén₂ i₂gon₂ i₂ca₂tě₂ jńia₃ i₂co₂'nió'₄ rín'₅₄ i₂guion₃ 'éi₂ bá₄. Ján₃ bá₄ dsíog₄ ja₁dsi₃'éin₂.

¹² 'A₂lě₅ gua₃ mi₂juí₁ a₂ně₂jag'₅₄ ně₃, co₂'nió'₄ guan₃ rag₅₄ i₂tsá₃ ma₂ńi₂ ja₁le₃goin₂. La₁ ńei₃ bí₂ 'éi'₃ ca₂tiá₂ le₂jaun₂, ně₂jag₄ caun₂ hora, lia'₂ ma₂quaiain'₅₄ Já'₂ 'Lin'₅₄. ¹³ Tóin'₃ caun₂ ta₁ co₂dsia₅, 'ei₅ caun₂ jág₁, ton'₂ qui₃cuē₃ jui₅bí₂ quian'₅₄ 'éi'₃ quió'₅ cuē'₃ Já'₂ 'Lin'₅₄. ¹⁴ Qui₃jmo₃ 'nei₂ quín'₂ quian'₅₄ Guein₂ Já'₂ Cha'₂. La₁ Guein₂ Já'₂ Cha'₂ bá₄ i₂lí'₂, ia₁ 'éi₂ bá₄ lín₅ Juig₅₄ quián₅ ca₂le₃jín₃ juig₅₄ dsa₂; ton'₂ lín₅ Rag₅₄ quián₅ ca₂le₃jín₃ rag₅₄. Ca₂le₃jín₃ i₂quian'₅₄ Guein₂ Já'₂ Cha'₂ ně₃, lín₅ i₂ma₂quíóin'₂ i₂ma₂tě₃ Diú₄, tióin₂ lín₅ dsa₂ i₂rē₂tí'₅₄ quiáin₅.

¹⁵ Jaun₂ ca₂tság₃ jniá₂:

—Jui₁lia'₂ a₂lě₅ 'lióng₂ jmi₂ ja₁guá₄ 'io₅₄ 'lin'₅₄ a₂ně₂jag'₅₄ ně₅, co₂'nió'₄ ca₂le₃jě₃ go₄ dsa₂, ca₂le₃jě₃ nió'₃ dsa₂, ca₂le₃jě₃ juig₂,

* 17:6 lit. “quian'₅₄ jmi₂ 'an₅₄ dsa₂ jńi₃ó₅.”

ca₂le₃jě₃ jág₁ jmei₅ ně₃. ¹⁶ Jaun₂ jme₃'iog₅₄ dsa₂ i₂co₂'nió'₄
a₂lě₅ gua₃ mi₂juí₁ i₂ně₂jag'₅₄, jme₃'iog₅₄ Já'₂ 'Lin'₅₄ guě'₂ ně₃,
jme₃'ñai₅₄ 'io₅₄ 'éi₂. Co₂dsia₅ qui₃téi₂ co₂'nió'₄ tē₃tsi_{in}'₅₄ rē₃ñí₅;
qui₃quíg'₃ ni₁ñi₁₂, jaun₂ guě₄ dság'₂ quian'₅₄ si₂. ¹⁷ Ia₁ Diú₄
ně₃ ma₂jmo₃ dsí₅ dsa₂ 'éi₂ jui₁jmo₁₂ ca₂le₃jě₃ 'e₂ niog₅ dsí₅ jmo₃,
ia₁jaun₂ jmo₃ caun₂ jág₁ a₂cuě₃ jui₅bí₂ a₂goin₂, cuě'₃ Já'₂ 'Lin'₅₄,
ca₂lia'₂ ca₂dsióg₃ jmi_g₄ a₂le₃ti₃ jág₁ quió'₅ Diú₄ a₂ma₂ron₅. ¹⁸ 'Io₅₄
i₂ně₂jing'₅₄ ně₃, co₂'nió'₄ ciudad juě'₂ ja₁o₂'ag₅ 'éi'₃ ne₄ quió'₅
ca₂le₃jín₃ rag₅₄ i₂chan₂ mi₂güig₃.

18

Jě₁ca₂ηó₃ 'uě₃ bí₂ quió'₅ Babilonia

¹ Cang₂ jaun₂, ca₂jing₅₄ táng₃ jan₂ ángel sián'₂, ca₂sióin₃ guei'₅₄
i₂juíg₃ i₂'io₅ bí₂ 'éi'₃ a₂'uain'₂ lin₃. Ta₁caun₂ mi₂güig₃ bá₄ ca₂tág'₃
a₂co₂tág₅ co₂'né'₅ quió'₅. ² Quian'₅₄ jág₁ tiá₂ lin₃, ca₂juá'₂:
Ma₂ca₂i₃'én₂, ma₂ca₂i₃'én₂ Babilonia juě'₂,

'ne₄ ca₂le₃jín₃ ne₅₄ je₂na'₅₄ bá₄ ca₂lě₃;

'né₅ 'má₃ ja₁ñi'₂ ca₂le₃jín₃ ne₅₄ jme₂dsí₂ 'lin'₅₄,

ca₂le₃jín₃ ne₅₄ i₁tan₅ 'lin'₅₄ lě₁'ñio₅.

³ Ia₁ ma₂qui₂ma₂'in'₃ ca₂le₃jě₃ juig₂

vino a₂ca₂jme₃cón₂ dsí₅ a₂qui₂nió'₃ jág₁ 'lig'₅₄ quió'₅.

Ma₂qui₂ca₂nió'₃ jág₁ rag₅₄ i₂chan₂ gua'₅₄ 'uě₃

quiain'₅₄ 'io₅₄ 'éi₂.

Ca₂le₃jín₃ jui₁lia'₂ dsa₂ i₂i₂nio₄ jmo₂₃ 'ma'₅₄,

ma₂qui₂ca₂rě₃chá₃ cu₄ 'ñio₅ lin₃

tě₂le₃ quian'₅₄ jui₅bí₂ a₂ma₂i₁juin₅₄ ηag₅₄

a₂jlá'₁ jmo₂₃ róin₂.

⁴ Jaun₂ ca₂nag₃ táng₃ caun₂ jág₁ a₂já₅ guei'₅₄ i₂juíg₃, a₂juá'₂:

'Uin'₂ 'nia'₂ jě₄ juig₂ ně₅,

con'₂ 'nia'₂ i₂lín'₅ dsa₂ juig₂ quiáng₃,

ia₁jaun₂ tsá₃ le₃quen'₄ 'nia'₂ dso₄ a₂'no₅ 'io₅₄ ně₅,

on₃ guě'₂ tin'₃ 'nia'₂ jmi₁uig₅ a₂já₅ ja₁coin₂.

⁵ Ia₁ 'lióng₂ lin₃ dsáu₁ 'io₅₄ ně₅ ma₂rě₂juí₄,

ně₂jag₄ bá₄ ma₂tě₂ ca₂tě₂ guei'₅₄ i₂juíg₃.

Jaun₂ Diú₄ ně₃ ma₂dsáu'₅ dsí₅

ca₂le₃jě₃ a₂'lig'₅₄ a₂ma₂rě₂cáin'₄.

⁶ A₂le₂jaun₂ cuě'₅₄ 'nia'₂ 'io₅₄ ně₅

jui₁lia'₂ lě₅ a₂ma₂qui₂ma₂cuě'₃ dsa₂ 'ñiog₅.

Qui'₄ 'nia'₂ tin₃ ju'₂

lia'₂ con'₂ guě₄ a₂ma₂jmo₃.

Co₂gün'₅₄ 'nia'₂ tin₃ ráun₂ a₂'ñio₅ guě₄

ñió'₂ copa quió'₅ 'ñiog₅,

con'₂ guě₄ a₂ma₂cuě'₃ i₂sián'₂.

7 Jui₁lia'₂ a₂ŋí₄ lē₃ ma₂qui₂ma₂chain₂ jlá'₁ a₂róin₂,
co₂jaun₂ cuë'₅₄ 'nia'₂ jmi₁uig₅ a₂qui'₂ dsí₅.

Ia₁ ma₂juá'₂ bá₄ jui₅ tē₂dsí₅:

“La₂ gua₅₄ a₂líng₅ jan₂ 'io₅₄ rag₅₄,
tsá₃ dsa₂ 'nág₂ líng₅.

Tsá₃ o₁líg'₂ ŋag₅₄ uig₅ le₃qui'₂ dsí₃.”

8 'Uig₅₄ jaun₂ ně₃,

co₂nio₄ co₂jmi₄g₄ bá₄ ja₃lé₂ jmi₁uig₅ ja₁coin₂;

'mú₃, qui'₃-o₃, le₃oin₅₄ ně₃;

jaun₂ guě₄ dsiin'₂ co₂ŋei'₅₄.

Ia₁ i₂'uan'₂ lin₃ bá₄ Te₁gui'₅₄ Diú₄

i₂qui₃dsi₅ 'éi'₃ ja₁coin₂ jmi₄g₄ jaun₂.

9 'Cán₂ go₂'i₃, qui'₃-o₃ ca₂le₃jín₃ rag₅₄ quián₅ gua'₅₄ 'uě₃
i₂qui₂ca₂nió'₄ jág₁ quiaín'₅₄ 'io₅₄ 'éi₂, i₂qui₂ma₂ca₂rě₃cháin₃ jlá'₁
quiaín'₅₄, jě₂ma₂ca₂jág₃ tsau₂ jme₁ŋi₁ guei'₅₄ a₂ma₂qui₂cau₂
quíó'₅ 'io₅₄. 10 La₁ uíng₂ bá₄ qui₂dsi₃náu₃, qui₃jág₃ gó'₃ 'ŋio₅ lin₃,
jaun₂ juá'₂:

i'E₂ guě₄ juíg'₂, 'e₂ guě₄ juíg'₂,

'ne₂ ciudad juě'₂,

'ne₂ Babilonia i₂jme₁'uang'₂ lin₃ ně₃!

iQuian'₅₄ ca₂tiá₂ co₂lág₂ bá₄

gua₅ uig₅ a₂rě₂'ě₂ ja₁cong'₂!

11 'Cán₂ go₂'i₃, qui'₃-o₃ dsa₂ i₂jme₁i₂nio₄ jmo₅ 'ma'₅₄ ne₄ gua'₅₄
'uě₃, o₄quíó'₄ 'éi₂; ia₁ tsá₃ ma₂'ein₂ le₃chan₂ qui₃lá₃ guě₄ 'e₂
lio₅₄ i₂quian₅₄: 12 lio₅₄ a₂lě₅ cu₄nióg₄, cu₄tiog₂, cang₄ jlá'₁, míg₂
perlas, ca₂le₃jě₃ ne₅₄ jui₁lia'₂ 'mí'₂ jlá'₁, jui₁lia'₂ lino quian'₅₄ seda
a₂'líong₂ ne₅₄ jniá₂, a₂'uí'₃, a₂guéin₂ ně₃; ca₂le₃jě₃ ne₅₄ 'ma₂ jlá'₁
ně₃ a₂ja₂ mi₂juig₂ ma₂ro₂; líong₂ ne₅₄ cosas jlá'₁ ně₃, jui₁lia'₂
a₂lě₅ ni₁mu₅, a₂lě₅ ni₁'ma₂ jlá'₁ a₂'mu'₅₄, a₂lě₅ ni₁ŋí₁ 'ua'₂, a₂lě₅
ni₁ŋí₁ nióg₂ ně₃, ni₁cang₁ mármol táng₃; 13 lio₅₄ canela, ca₂le₃jě₃
guě₄ a₂ja₂ mi₂juig₂ ma₂ro₂ jui₁lia'₂ chen₂, mirra, no'₅₄ mi₂juig₂
ně₃; vino quian'₅₄ no'₅₄ olivo; cui₂g₂ dse₃ quian'₅₄ trigo; já'₂
ně₃, jui₁lia'₂ ca₁jui₅, já'₂ cha'₂ quian'₅₄ cua₁; ni₁ŋí₁ carrozas ně₃.
Ca₂le₂jio₅ dsa₂ mi₂güig₃ rin'₅₄ dsa₂ i₂jme₂ti₃ ta₁ ne₅₄. 14 'La₁ jmi₄g₄
jaun₂ guě₄ ně₃, juá'₂ tsí'₃ ciudad jaun₂:

iMa₂ca₂jŋia'₃ ja₁cong'₂, míg₂ jlá'₁

a₂ŋí₄ lē₃ jme₁'ín₅ 'au'₂ quě'₅₄!

iA₂co₂dsia₅ ca₂i₃'én₂ jaun₂ bá₄

ca₂le₃jě₃ a₂jlá'₁

a₂jme₁quen₅ cu₄ a₂jme₁cha₂ quiáng'₂!

Tsá₃ ma₃o₁líg'₂ jmi₄g₄ dsiang'₂.

15 'Dsa₂ i₂qui₂ma₂jmo₃ 'ma'₅₄ ca₂le₃jě₃ a₂ně₅, i₂qui₂ca₂rě₃chá₃ cu₄ 'ŋi₅ lín₃ tē₂le₃ quian'₅₄ 'io'₅₄ 'éi₂, qui₂dsi₃náu₃ úíng₂, qui₃jág₃ gó'₃ 'uig'₅₄ jmi₁uig₅ a₂go₂'i₃ jaun₂. 16 Jaun₂ juá'₂ tiá'₂:

i'E₂ guě₄ juíg'₂, 'e₂ guě₄ juíg'₂,
'ne₂ ciudad juě'₂!

¡la₁ jme₁lě₄ jui₁lia'₂ lín₅ jan₂ 'io'₅₄ jlán'₁
i₂jme₁qui'₂ tsin'₅₄ jlá'₁ lín₃

a₂jme₁jniá'₂ 'ui'₃ quian'₅₄ a₂guéin₂,
i₂jme₁rě₂lín₄ jlán'₁ quian'₅₄ cu₄nióg₄,
ni₁cang₁ jlá'₁, míg₂ perlas ně₃!

17 ¡Quian'₅₄ ca₂tiá'₂ co₂lág₂ bá₄,
qui₂ca₂dsa₃ ca₂ag₂ a₂jlá'₁ a₂quen₅ 'líóng₂ lín₃!

'Ca₂le₃jín₃ jui₁lia'₂ i₂i₂quian₅ ni₁barcos, ca₂le₃jín₃ guě₄ dsa₂ i₂i₂nio₄ ne₄ jmi₁ŋí'₄, ca₂le₃jín₃ guě₄ dsa₂ i₂'no₅ a₂dsi₂ŋí₂ ne₄ jmi₁ŋí'₄, qui₂dsi₃náu₃ úíng₂, 18 jě₁ma₂ca₂jág₃ jme₁ŋi₁ a₂ma₂qui₂cau₂ quió'₅, qui₃juá'₂ tiá'₂ tóin'₃:

—¿E₂ bá₄ ciudad lé₂ le₃quin₃ quian'₅₄ ciudad juě'₂ ně₅?

19 Jaun₂ qui₂tó'₃ ti₁jui₁ ne₄ mi₂dsi₅₄ guoin₅₄, qui'₂-o₂₃, a₂juá'₂ tiá'₂:

i'E₂ guě₄ juíg'₂, 'e₂ guě₄ juíg'₂
ciudad juě'₂ ně₅!

Quian'₅₄ ca₂le₃jě₃ a₂jme₁cha₂ quió'₅,
ca₂rě₃chá₃ cu₄ ca₂le₃jín₃ dsa₂
i₂qui₂le₁ 'io₅ barcos ne₄ jmi₁ŋí'₄.

¡Quian'₅₄ ca₂tiá'₂ co₂lág₂ bá₄ ca₂'en₃ jě₂!

20 La₁ 'nia'₂ ně₃,

i₂chan'₂ guei'₅₄ i₂juíg₃,

jmo₄ 'nia'₂ 'io'₂ ne₄ quió'₅ juíg₂ jaun₂.

Ca₂le₃jín₃ guě'₂ 'nia'₂ i₂tén₅ le₃quió'₅ Diú₄,

i₂chen₄ quiáin₅, i₂qui₂ě₂ jág₁ quió'₅ ně₃.

Ia₁ ma₂ně₂qui₃dsi₅ Diú₄ 'éi'₃ ja₁con₂ juíg₂ jaun₂,

ma₂ně₂jme₃rě₃ ca₂le₃jě₃ a₂ma₂jmaí'₂ 'nia'₂ jaun₂.

21 Jaun₂ ca₂chóg'₃ jan₂ ángel 'uan'₂ ca₂míg₂ ni₁cang₁ pa₁, a₂lě₅ jui₁lia'₂ lě₅ ni₁cang₁ éi'₅ cui₂g₂ 'í₅; ca₂ton₃ ne₄ jmi₁ŋí'₄, ca₂juá'₂:

Quian'₅₄ 'nei₂ uig₅ le₂ně₅ bá₄

dsó₃ 'uě₃ ján₃,

Babilonia ciudad juě'₂,

tsá₃ ma₃a₁jaun₂ jua'₅₄ le₃cha₂.

22 O₁líg'₂ jmig₄ tsá₃ ma₃qui₂né'₂ a₂jmo₃ dsa₂ son₅₄

jui₁lia'₂ jě₄ calle quiáng'₂:

jui₁lia'₂ son₅₄ tsi₁ton₅ arpas,*

son₅₄ 'ma₂, son₅₄ ŋí₁ trompeta ně₃.

* 18:22 griego: kithara.

Tsá₃ ma₃ le₃ chan₂ tē₅
 i₂ tin₂ ta₁ 'i₁ jan₂, ja₁ cong'₂;
 tsá₃ ma₃ qui₃ né'₂ mi'₅₄
 ni₁ can₁ éi'₅ cui₂ 'í₅, ja₁ cong'₂;
 23 si₂ nng'₂;
 já₁ quió'₅ 'io₅₄,
 quió'₅ dsa₂ ɲe'₂ i₂ jen'₂ gu₂,
 tsá₃ ma₃ o₁ líg'₂ qui₃ né'₂ ja₁ cong'₂.
 Ia₁ dsa₂ dsen₅₄ jin₄ dsa₂ mi₂ güí₃
 jme₁ lín₄ dsa₂ i₂ qui₂ jme₁ mo₅ 'ma'₅₄ quiáng'₂,
 ia₁ ca₂ jme₁ gang'₂ ca₂ le₃ jě₃ juí₂
 tē₂ le₃ quian'₅₄ a₂ chan₂ 'au'₂.
 24 Ia₁ 'éi₂ bá₄ rē₂ cán'₄ jmi₂ 'an₅₄
 ca₂ le₃ jín₃ dsa₂ i₂ tén₅ le₃ quió'₅ Diú₄,
 i₂ ma₂ 'ě₂ já₁ quió'₅ ně₃,
 quian'₅₄ ca₂ le₃ jín₃ i₂ ca₂ dsan₃
 ca₂ jme₃ dsio₅ dsa₂, ne₄ gua'₅₄ 'uě₃.

19

¹ Cang₂ jaun₂, ca₂ nag₃ lia'₂ lě₅ já₁ quió'₅ juin₅ lín₃ dsa₂ i₂ tion'₅₄
 guei'₅₄ i₂ juí₃, i₁ juá'₄ co₂ mi'₅₄:
 ¡Aleluya!*

Te₁ gui'₅₄ Diú₄ quián₂ bá₄ jniog₄ i₂ lió₂,
 i₂ ca₂ tín₂ gue₃ a₂ jme₃ juag'₂ dsa₂,
 i₂ ca₂ tín₂ jui₅ bí₂ a₂ náu₃ ne₄ 'éi'₃.
² Ia₁ dsau₅, ton'₂ dsi₂ ten₅₄ bá₄ lě₅
 a₂ qui₂ dsi₂₃ 'éi'₃.
 Ia₁ ma₂ ně₂ qui₂ dsi₂₃ 'éi'₃
 ja₁ con₂ 'io₅₄ 'lín'₅₄ juin'₂,
 i₂ ma₂ ca₂ jme₃ 'ió₃ ta₁ caun₂ mi₂ güí₃
 quian'₅₄ já₁ 'lig'₅₄ a₂ ma₂ qui₂ ma₂ nió'₃.
 Jaun₂ 'ɲiog₅ bá₄ Diú₄ ma₂ ně₂ quion₃ 'ma'₅₄
 ja₁ con₂ 'io₅₄ 'éi₂,
 ne₄ quió'₅ jmi₂ 'an₅₄ ca₂ le₃ jín₃ dsa₂ quián₅ Diú₄
 i₂ jme₂ ti₃ ta₁ ne₅₄.
³ Con'₂ siá'₂ táng₃ ca₂ juá'₂:
 ¡Aleluya!
 Tsau₂ jme₁ ɲi₁ a₂ con₂ 'io₅₄ 'éi₂
 ca₂ lia'₂ co₂ tan₅₄.
⁴ Jaun₂ ně₃, le₃ quión₂-quén₂ dsa₂ can'₅₄, quian'₅₄ guě'₂
 le₃ quén₂ já'₂ i₂ tión₂ le₃ ne₄ ne₄ ta₁, qui₂ ca₂ tóin₂ 'uě₃ ca₂ jme₃ juin'₂
 Diú₄ i₂ guá₅ ne₄ ta₁, qui₂ ca₂ juá'₂:
 —¡A₂ méi₃! ¡Aleluya!
⁵ Jaun₂ guě₄ ca₂ né'₂ já₁ tē₂ ne₄ ta₁, i₁ juá'₄:

Jme₁juin'₂ 'nia'₂ Diú₄ quián₂
 ca₂le₃jín'₃ 'nia'₂ i₂jme₂ti₃ ne₅₄
 ca₂le₃jín'₃ 'nia'₂ i₂juin'₂ i₂me'₂
 i₂go₃ gain₃ 'éi₂.

Jmíg₄ ja₁jen'₂ gu₂ Guein₂ Já'₂ Cha'

⁶ Jaun₂ ca₂nag₃ jniá₂ co₂mi'₅₄ a₂né'₂ lia'₂ né'₂ jág₁ ja₁i₁tion'₅₄
 dsa₂ juin₅, lia'₂ né'₂ ja₁ta'₂ la'₅₄ pa₁ lin₃, * jui₁lia'₂ tē₂tsi'₅₄ co₂mi'₅₄
 quia'₂ ní'₃ tiá₂ lin₃, i₁juá'₄:
 ¡Aleluya!

Ia₁ ma₂gon₂ Te₁gui'₅₄ Diú₄ quián₂ jniog₄
 i₂'Uan'₂ guē₄ lin₃.

⁷ jui₁jmo₁ jniog₄ 'io'₂
 o₂'nió₃ o₂jñia₃ dsi₅,
 jui₁jme₁juin'₂ jniog₄ 'éi₂!
 Ia₁ ca₂tē₂ hora a₂jen'₂ gu₂
 Guein₂ Já'₂ Cha'₂.

Dsa₂ m₁i₂ i₂jen'₂ gu₂ quia₁n'₅₄ ně₃
 ma₂chain₂ co₂jñia₁i₅₄.

⁸ Ma₂jñi₂ tsi₁'mi'₂ lino jlá'₁
 a₂tág₅, a₂le₁jē₃ lin₃, a₂rē₂lin₅₄.

(Ia₁ jui₁lia'₂ tsi₁'mi'₂ lino jlá'₁ ně₃, co₂'nió'₄ jui₅ dsau₅
 a₂ma₂quian₅ dsa₂ i₂tén₅ le₃quió'₅ Diú₄.)†

⁹ Jaun₂ ca₂juá'₂ ángel ca₂tság₃ jniá₂:

—Jmo₄ si₂ tiong₅: “E₂ guē₄ dsen₃ ca₂le₃jín₃ dsa₂ i₂tē₄ jmig₄
 ja₁jen'₂ gu₂ Guein₂ Já'₂ Cha'₂.”

Jaun₂ ca₂juá'₂ táng₃:

—Jág₁ tí₅ tē₃dsón'₂ bá₄ la₂ quió'₅ Diú₄.

¹⁰ Jaun₂ ca₂tón₂ jniá₂ ja₁tióng₂ tag₄ ángel 'éi₂ a₂jme₁jme₁juin'₂
 jniá₂. La₁ ca₂juá'₂ ně₃:

—A₃ jmo₂ le₂nē₅. Ia₁ jan₂ rín'₂ 'ne₂ bá₄ líng₅, i₂jme₂ti₃ ta₁ ne₄
 Diú₄, ton'₂ líng₅ jan₂ rín'₅₄ rín'₂ 'ne₂ i₂qui₂ē₂ jág₁ o₄quió'₄ Diú₄,
 quian'₅₄ i₂tón'₂ jui₅ jág₁ a₂rē₂ē₂ quió'₅ Diú₄ a₂tio'₅₄ ne₄ si₂ la₂.
 Jme₁juin'₂ Diú₄. Ia₁ jág₁ dsau₅ quió'₅ Jesús bá₄ a₂'i₄ jme₂dsí₂
 quió'₅ jui₁lia'₂ i₂ē₂ jág₁ o₄quió'₄ Diú₄.

Dsa₂ i₂ñó₅ co₁dsin₅₄ cua₁ tion₂

¹¹ Jaun₂ ca₂jág₃ jniá₂ rē₂na guei'₅₄ i₂juíg₃, jaun₂ ca₂jnia₃ jan₂
 dsi₂cua₁ tion₂. Dsa₂ i₂co₂dsag₅₄ guē'₂ chen₂ I₂rē₂ti'₅₄, I₂dsau₅ ně₃.
 Con'₂ dsi₂ten₅₄ bá₄ qui₂dsi₂₃ 'éi'₃, jmo₂₃ 'nei₂. ¹² Tág₅ jme₁ne₁₂
 lia'₂ tág₅ si₂; tio'₅₄ 'lióng₂ coronas mi₂dsi₅₄ ja₁le₁ton₅ lia'₂ chein₂,
 jñia'₅₄ lia'₂ 'ñiog₅ bá₄ ñí'₂, tsá₃ 'ein₂ i₂sián'₂ ní'₂. ¹³ Qui'₂ caun₂
 'mi'₂ chen'₅₄ a₂nē₂jag₄ bá₄ ma₂i₂tia₃ jmi₂; a₂chen₂ 'éi₂ guē'₂ ně₃

* 19:6 o₃ “lia'₂ né'₂ 'lióng₂ jmig₂.” † 19:8 lit. “a₂ma₂quian₅ dsa₂ jñió'₅.”

Jág₁ quió'₅ Diú₄.[†] ¹⁴ Chi₁co'₅₄ quió'₅ 'éi₂, tē₁ja₂lén₂ juin₅ lin₃ 'lióg₂ quián₅ guei'₅₄ i₂juíg₃. Ca₂le₃jín₃ le₁qui'₂ jmá'₃ 'mí'₂ lino tiog₂ jlá'₁ a₂le₁jě₃, a₂ca₂'u_{in}₂ qui₂co₂dsin₅₄ cua₁ tion₂. ¹⁵ Mi₂'o₄ 'éi₂ dsi₅₄ caun₂ a₂lě₅ lia'₂ lě₅ n₁tág₂ 'mu₃ lin₃ a₂jmái'₂ ca₂le₃jín₃ juig₂ ne₄ gua'₅₄ 'uě₃. “Goin₃ ne₄ 'éi₂ quian'₅₄ 'ma₂'i'₅₄ a₂lě₅ n₁n₁'í'₁ 'ua'₂.” § Qui₂tsó'₃ nē₂jag₄ bá₄ mīg₂ uvas a₂'i₄ 'nei₂ dséi₂ dsí₅ Diú₄ 'Uan'₂. ¹⁶ Ne₄ tsi₁'mí'₂ chen'₅₄, ne₄ mi₂qui₅₄ ně₃, chi₁ton₅ 'a₂ lia'₂ chein₂: RAG₅₄ QUIÁN₅ CA₂LE₃JIN₃ RAG₅₄ JUIG₅₄ CA₂LE₃JIN₃ JUIG₅₄.

¹⁷ Jaun₂ ca₂jing₅₄ jan₂ ángel chéin'₅ dsi₂jo₂ 'iog₂. 'Éi₂ ně₃ ca₂juá'₂ tiá₂ lin₃ qui₂ca₂tsí'₃ ca₂le₃jín₃ já'₂ i₂'in₅ guei'₅₄ dsi₂güig₂: —I₂nó'₅ 'nia'₂, tión'₂ 'nia'₂ lo'₂, ia₁ le₃cha₂ má₃ pa₁ cuě₃ Diú₄, ¹⁸ ia₁jaun₂ tón'₄ 'nia'₂ quē'₅₄ jmá'₃ n₁'í₅: n₁i₄ rag₅₄, n₁i₄ ca₂le₃jín₃ juig₅₄ 'lióg₂, n₁i₄ ca₂le₃jín₃ guě₄ dsa₂ bēn₂ ně₃. Ca₂lia'₂ n₁i₄ cua₁ ně₃, n₁i₄ dsa₂ i₂jme₁co₂dsag₅₄ ně₃; n₁i₄ ca₂le₃jín₃ guě₄ dsa₂: lia'₂ dsa₂ i₂jme₂ti₃ ta₁ ne₄ juig₅₄, lia'₂ dsa₂ i₂tsá₃ 'ein₂ ne₄ jme₂ti₃; lia'₂ dsa₂ i₂juin'₂ lia'₂ dsa₂ me'₂.

¹⁹ Jaun₂ ca₂jing₅₄ i₂tě'₂ Já'₂ 'Lin'₅₄, quaiin'₅₄ ca₂le₃jín₃ rag₅₄ chan₂ ta₁caun₂ gua'₅₄ 'uě₃, quaiin'₅₄ ca₂le₃jín₃ 'lióg₂ quián₅. Ca₂liain'₃ rin'₅₄ ca₂jmo₃ caun₂ jág₁ a₂quín'₂ quaiin'₅₄ i₂co₂dsin₅₄ cua₁ quaiin'₅₄ ca₂le₃jín₃ 'lióg₂ i₂quaiin'₅₄ ně₃. ²⁰ Já'₂ 'Lin'₅₄ ně₃ ca₂'néi'₃ bá₄ co₂dsia₅ quaiin'₅₄ dsa₂ i₂'ě₂ jág₁ a₂juig₁gain₂ i₂ma₂jmo₃ 'lióng₂ léi₄ juě'₂ o₄quió'₄ 'éi₂; ia₁ tē₂le₃ quian'₅₄ tsá₃ caun₂ o₂dsain₂ ca₂jme₃jniai₂₃ jin₄ dsa₂, ca₂jme₃gain₂₃ dsa₂ i₂ma₂lín₅ léi₄ quián₅ Já'₂ 'Lin'₅₄, i₂ma₂ca₂jme₃juin'₂ nió'₄ quió'₅ 'éi₂ ně₃. Le₃on₃ 'éi₂ co₂dsia₅ bá₄ ca₂tē₁dsin₅₄ tē₃jéin'₃ le₂jaun₂ ja₁'a₄ si₂ a₂cau₂ quian'₅₄ azufre, a₂juě'₂ lia'₂ juě'₂ jmi₁n₁'í'₄. ²¹ Ca₂le₃jín₃ guě₄ rin'₅₄ 'éi₂ ně₃ ca₂dsain₃ quian'₅₄ n₁tág₂ a₂o₂'ag₅ mi₂'o₄ i₂co₂dsin₅₄ dsi₂cua₁ 'éi₂. Jaun₂ guě₄ qui₂ca₂guě'₃ ca₂le₃jín₃ já'₂ i₂'in₅, lia'₂ mag'₂ dsí₅, n₁i₄ i₂ca₂dsan₃ 'éi₂.

20

Caun₂ mei₅ n₁i₂

¹ Jaun₂ ca₂jing₅₄ táng₃ jan₂ ángel, ca₂sióin₃ guei'₅₄ i₂juíg₃. Chi₁chan'₂ n₁'í₁ llave quió'₅ ja₁ca₂jein₃ chi₁dsio₅₄, caun₂ guě'₂ cadena pa₁ quian₅. ² Jaun₂ ca₂jnai₃ i₂tě'₂ já'₂ dragón, dsi₂mi'₂ 'ón₅ 'éi₂, i₂lín₅ i₂sē₃dsen₃ i₂chen₂ Satanás, jaun₂ ca₂'néi'₃ caun₂ mei₅ n₁i₂. ³ Ca₂'liog'₃ ja₁ca₂jein₃ chi₁dsio₅₄, ca₂jnéi₃ ja₁jaun₂, ton'₂ ca₂tióng₃ caun₂ sello ia₁jaun₂ tsá₃ ma₃lé₂ jme₃gain₂₃ guě₄ juig₂ a₂cha₂ ne₄ gua'₅₄ 'uě₃, ca₂lia'₂ ca₂dsin₃ caun₂ mei₅ n₁i₂. Cang₂ jaun₂ jē₁ma₂ca₂dsin₃ caun₂ mei₅ n₁i₂, jaun₂ guě₄ chein'₂ táng₃ co₂'na₂.

† 19:13 'Nio'₂ ja₁ton₅ Juan 1:1-14. § 19:15 Salmo 2:9.

⁴ Jaun₂ ca₂jág₃ táng₃ jniá₂ ja₁tióng₂ ne₄ta₁; ja₁jaun₂ tián₅ i₂ma₂ñi₂ jui₅bí₂ a₂qui₃dsi₂₃ 'éi'₃. Ján₃ bá₄ ca₂jág₃ jme₂dsi₂ quió'₅ dsa₂ i₂qui₂ca₂quí'₃ dsa₂ dsi₂lag₄ ne₄ 'uig₅₄ ia₁ a₂qui₂ca₂jáng'₃ jág₁ dsau₅ quió'₅ Jesús, o₄quió'₄ jág₁ quió'₅ Diú₄ ně₃. Tsá₃ ca₂jme₃jui_{in}'₂ Já₂ 'Lin'₅₄, on₃ guē'₂ ca₂gue₃ tē₃ton₅₄ léi₄ quió'₅, dso'₂ chi₁quí₃, on₃ guē'₂ co'₅₄ gú₃ ně₃. Jaun₂ ca₂jen'₅₄ táng₃ 'éi₂, ca₂rē₃goin₂ quia_{in}'₅₄ Cristo caun₂ mei₅ ñi₂. ⁵ (La₁ ca₂le₃jín₃ guē'₄ 'lag₄ sián'₂ guē'₂ ně₃, tsá₃ ca₂jei_{in}'₅₄ ca₂lia'₂ ca₂dsin₃ caun₂ mei₅ ñi₂.) Co₂'nió'₄ a₂jaun₂ bá₄ le₃jua'₅₄ jē₁le₂'uig₅₄ a₂jen'₅₄ 'lag₄. ⁶ ¡E₂ guē'₄ dsen₃, 'e₂ guē'₄ jñi_o₅, jui₁lia'₂ dsa₂ i₂quen'₄ jē₁le₂'uig₅₄ a₂jen'₅₄ dsa₂! Ia₁ ja₁con₂ 'éi₂ guē'₄ ně₃ tsá₃ ma₃jui₅bí₂ 'io₃ jē₁ca₂tē₂ táng₃ 'mú₃. Dsa₂ 'éi₂ guē'₄ ně₃ léi_{in}₂ jme₂dsa₂ le₃ne₄ Diú₄, quian'₅₄ le₃ne₄ Cristo, ton'₂ goin₃ ján₃ quia_{in}'₅₄ 'éi₂ caun₂ mei₅ ñi₂.

⁷ Jē₁ma₂ñi₂ caun₂ mei₅ ñi₂ jaun₂, jaun₂ guē'₄ chen'₂ táng₃ Satanás ja₁rē₂jñi₅, ⁸ a₂o₃'iñ₅, dsi₃jme₃gain₂₃ juig₂ ta₁quén₂ qui'₅₄ quió'₅ gua'₅₄ 'uē₃: ca₂tē₂ ja₁chei₂ Gog quian'₅₄ Magog.* Ja₁jaun₂ guē'₄ ně₃ chi₃liain'₃ a₂jmo₃ caun₂ jág₁ a₂jmo₃ 'nei₂. I₂jui_{in}₅ lin₃ lē₂, lia'₂ ja₁lē₄ mi₂tsag₄ a₂cha₂ chei'₅₄ jmi₁ñi₄.

⁹ Jaun₂ ca₂i₃léi_{in}₂ ta₁caun₂ jui₅ con'₂ lē₅ 'i₂ gua'₅₄ 'uē₃, jaun₂ ca₂jē₂li'₅₄ le₃lág'₃ ja₁tion'₅₄ dsa₂ i₂tén₅ le₃quió'₅ Diú₄, co₂'nió'₄ juig₂ ciudad a₂'nio₃ Diú₄. Jaun₂ qui₂ca₂séi'₂ si₂ guei'₅₄ i₂juig₃, ca₂dsi_{in}'₂ co₂ñei'₅₄. ¹⁰ Jaun₂ i₂sē₃dsen₃ i₂ca₂jme₃gau₅ quió'₅ dsa₂ 'éi₂ ně₃, i₂'iñ₃ ja₁'a₄ si₂ a₂cau₂ quian'₅₄ azufre, ja₁ma₂'en₅₄ Já₂ 'Lin'₅₄ quia_{in}'₅₄ dsa₂ i₂'ē₂ jág₁ a₂jui₁gain₂, a₂ñág₃ uig₅ lia'₂ 'uē₂-jmi₂ ca₂lia'₂ co₂tan₅₄.

Jē₁tē₃dsi₅₄ 'éi'₃ ne₄ta₁ tiog₂ a₂juē'₂

¹¹ Jaun₂ ca₂jág₃ táng₃, ca₂jnia₃ caun₂ ne₄ta₁ juē'₂ tiog₂, jaun₂ ca₂jing₅₄ i₂guá₅ ne₄ta₁. Ne₄ 'éi₂ ca₂cuing₃ gua'₅₄ 'uē₃ quian'₅₄ guei'₅₄ dsi₂güig₂, ca₂lia'₂ tsá₃ ma₃ja₁ca₂dsáu'₂. ¹² Ja₁jaun₂ guē'₄ ca₂jing₅₄ ca₂le₃jín₃ 'lag₄, lia'₂ i₂can'₅₄ lia'₂ i₂me'₂, jniá₂ tióin₂ ne₄ Diú₄. Jaun₂ qui₂ca₂niá₃ mi₂si₂ rē₂bin₅. Con'₂ siá'₂ ca₂niá₃ mi₂si₂ a₂le₃chan₂ dsa₂ co₂tan₅₄. Ca₂tē₁dsi₅₄ 'éi'₃ ja₁con₂ 'lag₄ lia'₂ con'₂ lē₅ ca₂jmo₃ le₂jain₂ le₂jain₂ con'₂ lē₅ le₁ton₅ ne₄ mi₂si₂ jaun₂. ¹³ Ca₂jín'₂ jmi₁ñi₄ ca₂jín'₂ 'lag₄ i₂jme₁tion'₅₄ jē₄ jaun₂; qui₂ca₂jín'₂ 'Mú₃ quian'₅₄ guē'₂ Tau₂ 'Nio₅a qui₂ca₂jín'₂ 'lag₄ i₂jme₁tion'₅₄ ja₁jaun₂. Jaun₂ ca₂tē₁dsi₅₄ 'éi'₃ quió'₅ le₂jain₂ le₂jain₂ lia'₂ con'₂ lē₅ a₂ca₂jmo₃. ¹⁴ Jaun₂ qui₂i₃gan'₅₄ 'Mú₃ quian'₅₄ Tau₂ 'Nio₅† ja₁'a₄ si₂. Co₂'nió'₄ ja₁'a₄ si₂ jaun₂, lē₅ jē₁ca₂tē₂ táng₃ 'mú₃. ¹⁵ Jui₁lia'₂ i₂tsá₃ ca₂dsán'₂ chi₁toin₂₃ ne₄ mi₂si₂ a₂chan₂ dsa₂ co₂tan₅₄, ja₁'a₄ si₂ bá₄ ca₂i₃'iñ₃.

* **20:8** o₃, “Magog ja₁gon₂ Gog”. 'Nio'₂ ja₁ton₅ Ezequiel 38:2 - 39:16. † **20:14** griego: hades, co₂'nió'₄ a₂juá'₂, ja₁quió'₄ 'lag₄.

21

*Caun gua'*₅₄ 'uě₃ 'mí₂, *quian'*₅₄ *caun*₂ *dsi*₄ 'mí₂

¹ Cang₂ jaun₂, ca₂jág₃ táng₃ jniá₂ caun₂ gua'₅₄ 'uě₃ 'mí₂, caun₂ dsi₄ 'mí₂ táng₃, ia₁ jě₁le₂'uig₅₄ dsi₄ quian'₅₄ guě'₂ le₂'uig₅₄ gua'₅₄ 'uě₃ co₂dsia₅ ca₂i₃'én₂ bá₄ jaun₂, on₃ guě'₂ jmá'₃ jmi₁ŋí'₄ ma₃cha₂ ně₃. ² Jaun₂ ca₂jág₃ jniá₂* Juig₂ Ciudad Jñió₅, Jerusalén 'mí₂, a₂ca₂jnia₃ ca₂sio₃ guei'₅₄ i₂juíg₃ ne₄ Diú₄. Jniá₂ ma₂lě₅ co₂jñia₅₄ jlá'₁ lín₃, ně₂jag₄ bá₄ jan₂ dsa₂ mí₂ i₂rě₂lín₄ quián₅ dsa₂ ŋe'₂ i₂lǐ'₅₄ jág₁ quiaín'₅₄. ³ Jaun₂ ca₂nag₃ jág₁ a₂já₅ ne₄ta₁ ca₂juá'₂ tiá₂:

—Jag₄, ma₂guá₅ bá₄ Diú₄ jin₄ dsa₂ mi₂güig₃. Jin₄ 'éi₂ 'í₂ co₂tan₅₄ bá₄. Lén₂ dsa₂ 'éi₂ dsa₂ juig₂ quiaín₅, jaun₂ 'ñiog₅ bá₄ Diú₄ jme₃quiong'₅₄ a₂lén₂ Diú₄ quiaín₅, ⁴ Jaun₂ qui₃chí₃ jme₁ne₁ 'éi₂ ca₂le₃jě₃ jmig₂ a₂le₁'ág₄. Tsá₃ ma₃le₃cha₂ guě₄ 'mú₃, on₃ guě'₂ jua'₅₄ ně₅ qui₃tón'₃ guě₄ dsa₂ qui'₂ 'o₂₃, on₃ guě'₂ ně₅ i₃noi₅₄ guě₄ chain₂ o₂i₁ dsi₅, on₃ guě'₂ le₃cha₂ jua'₅₄ qui'₂ uig₅ quió'₅. Ia₁ co₂dsia₅ ca₂ŋí₂ bá₄ ca₂le₃jě₃ 'e₂ a₂jme₁cha₂ le₂jniá₅.

⁵ Jaun₂ ca₂juá'₂ i₂guá₅ ne₄ta₁:

—La₂ jag₄, jmo₅₄ jniá₂ a₂'mí₂ ca₂le₃jě₃.

Ca₂juá'₂ ján₃:

—Tiong₅ ne₄ si₂, ia₁ jág₁ dsau₅ a₂rě₂ti'₅₄ bá₄ la₂.

⁶ Jaun₂ ca₂tság₃ jniá₂:

—Ca₂lě₃. Jniá₂ bá₄ 'éi₂ i₂lín₅ Alfa quian'₅₄ Omega: i₂lín₅ i₂le₂ne₁, i₂lín₅ jě₁ca₂tó'₂ ně₃. Juí₁lia'₂ i₂rě₂quein₂ dsí₅, cuě₅₄ jniá₂ a₂'ín₂ 'éi₂ jmig₂ a₂'ia₂ o₄tu₁ jmig₂ a₂le₃chan₂ dsa₂, on₃jua'₅₄ a₂cha₂ quin₃ 'i₁caun₂. ⁷ Juí₁lia'₂ i₂ca₂tió'₃, a₂lě₁ŋei₃ cuě₅₄ jniá₂ ca₂le₃jě₃ a₂ně₅, jaun₂ jniá₂ bá₄ léng₂ Diú₄ quiaín₅, 'éi₂ guě'₂ lén₂ chǐ₂'guein₂ quiang₃. ⁸ La₁ juí₁lia'₂ dsa₂ i₂tén'₅, juí₁lia'₂ dsa₂ i₂tsá₃ 'én₂, juí₁lia'₂ i₂lǐ₁'ñio₅, juí₁lia'₂ i₂jme₂dsian₅ rín'₅₄, juí₁lia'₂ i₂nió'₅ jág₁ a₂tsá₃ dsi₂ten₅₄ nió'₃, juí₁lia'₂ i₂tin₂ mí₅ a₂chan₂ dsí₅, juí₁lia'₂ i₂jme₂juin'₂ diú₄ lag₄, ca₂le₃jín₃ i₂co₂jmo₅ jág₁ tě₂jág₁ ně₃; ca₂le₃jín₃ dsa₂ ně₅ tiin₃ dsi₃lén₂ ja₁'a₄ si₂ a₂cau₂ quian'₅₄ azufre, a₂lě₅ jě₁ca₂tě₂ táng₃ 'mú₃.

Caun₂ Jerusalén 'mí₂

⁹ Jaun₂ ca₂guan₃ jan₂ ángel i₂lě₂ i₂guion₃ i₂jme₁le₁chan'₂ guio₃ ni₁uing₅ le₁can'₂ le₃guio₃ jmi₁uig₅ jě₁ca₂tó'₂ 'éi₂, ca₂juá'₂ ca₂tság₃ jniá₂:

—Ŋia₅, la₂ 'ín₄ jniá₂ dsa₂ mí₂ i₂lě₂ dsi₂i₂gu₂ Guein₂ Já'₂ Cha'₂.

¹⁰ Jaun₂ ca₂jio₃ a₂'eng₅₄ le₃quió'₅ Jme₂dsí₂, ca₂tě₂ ja₁lě₄ má'₂ juě'₂ a₂ñei₅. Ja₁jaun₂ ca₂'ě₃ Juig₂ Jñió₅, Jerusalén, a₂sió₅ guei'₅₄ i₂juíg₃ ne₄ Diú₄. ¹¹ A₂jniá₂ tág₅ 'ñio₅ lín₃ quian'₅₄ a₂co₂tág₅ quió'₅

* 21:2 Cha₂ a₂lín₅₄ chog₅₄ si₂ me'₂, a₂juá'₂: “jniá₂, Juan₅₄, ca₂jág₃.”

Diú₄, a₂jníá₂ co₂tág₅ co₂'né₅ jui₁lia₂ jniá₂ ni₁cang₁ jlá₁, jui₁lia₂ ni₁cang₁ Jaspe a₂rě₂jě₃ lia₂ lě₅ ni₁'i₂. ¹² Le₃lág₃ juig₂ jaun₂, chí₅ caun₂ ni₁'ia₂ pa₁ lin₃ a₂nei₅, a₂le₁dsi₅₄ guia₃-tín₂ o₄'né₄, tión₂ guia₃-tín₂ ángeles o₄'né₄. Qui₂le₁ton₅ o₄'né₄ lia₂ chen₂ le₃guia₃-tín₂ tsi₁jon₂ Israel. ¹³ 'Ni₅ o₄'né₄ le₁dsi₅₄ tē₂le₃ ja₁'ia₂† 'iog₂, 'ni₅ guē₂ tē₂le₃ ca₂ton₂ norte, 'ni₅ guē₂ tē₂le₃ ca₂ton₂ sur, 'ni₅ guē₂ táng₃ tē₂le₃ ja₁rín₂ 'iog₂. ¹⁴ Jme₁lě₂ guia₃-tín₂ 'uig₅₄ ni₁'ia₂ juig₂ ciudad jaun₂; ne₄ jaun₂ qui₂le₁ton₅ lia₂ chen₂ dsa₂ guia₃-tín₂ i₂chen₄ quián₅ Guein₂ Já₂ Cha₂. ¹⁵ Chi₁chan₂ ángel i₂dsia₅ jniá₂ jág₁ quiang₅₄ caun₂ ni₁'ma₂ a₂quiog₂ dsa₂ 'éi₃, a₂lě₅ jmá₃ cu₄nióg₄, a₂qui₃quióg₃ 'éi₃ juig₂ jaun₂, ca₂le₃jě₃ o₄'né₄ quió₅, dso₂ ni₁'ia₂ ně₃. ¹⁶ Ta₁caun₂ juig₂ jaun₂ lě₅ cha₂ qui₅₄, co₂jaun₂ bá₄ 'i₂ con₂ cu₂. Ca₂quiog₂ 'éi₃ ta₁caun₂ juig₂ quian₅₄ 'ma₂'éi₃ jaun₂. Jaun₂ jme₁ca₂tē₁ron₅₄ 'éi₃, ca₂dsióg₃ tin₃ mei₅ rě₂dsí₂ tin₃ 'ñiá₂-láu₂ (2,200) kilómetros con₂ tē₂le₃ jang₄ juig₂. Con₂ jaun₂ bá₄ ján₃, ca₂dsióg₃ tē₂le₃ 'i₂ quian₅₄ guē₂ tē₂le₃ ñei₅ niog₅ juig₂. ¹⁷ Jaun₂ ca₂quiog₂ 'éi₃ jmá₃ ni₁'ia₂. Jaun₂ ca₂dsióg₃ caun₂ 'ñiá₂-láu₂ rě₂dsí₂ tē₂láu₃-quén₂ (144) lě₂, 'éi₃ quió₅ dsa₂ mi₂güig₃, 'éi₃ a₂jmó₂ ángel ta₁.†

¹⁸ Ni₁'ia₂ ně₃, jme₁lě₄ jmá₃ quian₅₄ ni₁cang₁ jaspe; ta₁caun₂ ciudad guē₂ ně₃, jmá₃ cu₄nióg₄ jmá₅, a₂tág₅ lia₂ tág₅ ni₁'i₂ rě₂jě₃. ¹⁹ 'Uig₅₄ ni₁'ia₂ ciudad ně₃, qui₂rě₂lag₄ quian₅₄ ca₂le₃jě₃ ne₅₄ ni₁cang₁ jlá₁.

Jě₁le₂ 'uig₅₄ rě₂lag₄ quian₅₄ jaspe;

jě₁ca₂tě₂ tin₃ ně₃, quian₅₄ zafiro;

jě₁ca₂tě₂ 'ni₅ ně₃, quian₅₄ ágata;

jě₁ca₂tě₂ quén₂ guē₂, quian₅₄ esmeralda;

²⁰ jě₁ca₂tě₂ 'ñiá₂ rě₂lag₄ quian₅₄ ónice;

jě₁ca₂tě₂ jñéi₂ guē₂ ně₃, quian₅₄ cornalina;

jě₁ca₂tě₂ guio₃ táng₃, quian₅₄ crisólito;

jě₁ca₂tě₂ jñia₃ ně₃, quian₅₄ berilo;

jě₁ca₂tě₂ ñi₃ ně₃, quian₅₄ topacio;

jě₁ca₂tě₂ guia₃ guē₂ ně₃, quian₅₄ crisoprasa;

jě₁ca₂tě₂ guia₃-cáun₃ ně₃, quian₅₄ jacinto;

jě₁ca₂tě₂ guia₃-tín₂ guē₂ ně₃, rě₂lag₄ quian₅₄ amatista.

²¹ Ta₁guia₃-tín₂ o₄'né₄ ně₃, jme₁lě₄ míg₂ perlas, ia₁ jma₃cáun₃ o₄'né₄ jme₁lě₄ jma₃ca₂míg₂ perla. Calle dsen₅₄ dsi₂jo₂ juig₂ ciudad jaun₂, jme₁lě₄ cu₄nióg₄ a₂le₁jě₃ ně₂jag₄ bá₄ ni₁'i₂ rě₂jě₃.

²² Tsá₃ ca₂jág₃ jniá₂ 'i₁caun₂ guá₅, jua₅₄ chí₅ jě₄ juig₂, ia₁ 'ñiog₅ bá₄ Te₁gui₅₄ Diú₄ i₂'Uan₂ guē₄ lin₃, 'éi₂ bá₄, quiaín₅₄ Guein₂

† 21:13 Co₂'nió₄ le₃jua₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio₂ ja₁ton₅ Salmo 8:3; Romanos 1:25. ‡ 21:17 o₃, “'éi₃ quió₅ dsa₂ mi₂güig₃, co₂'nió₄ 'éi₃ quió₅ ángel.”

Já'₂ Cha'₂, lín₅ guá'₅ quió'₅. ²³ Tsá'₃ si₂ quió'₅ 'iog₂ on₃ guë'₂ si₂ quió'₅ tsi'₂ 'nió'₅ quió'₅ juig₂ jaun₂, ia₁ quian'₅₄ a₂co₂tág₅ co₂'ne'₂ quió'₅ 'ñiog₅ bá₄ Diú₄, jmo₅ jniá'₂ ja₁jaun₂, quian'₅₄ guë'₂ Guein₂ Já'₂ Cha'₂, i₂lín₅ co₂'nió'₄ si₂ ni₁tsí₅. ²⁴ Jaun₂ qui₂i₃nio₄ ca₂le₃jě₃ juig₂ s₁ja₁tág₅ si₂ quió'₅ 'éi₂; qui₂ja₃lén₂ rag₅₄ chan₂ gua'₅₄ 'uë₃, qui₂le₁quian₅ a₂jlá'₁ quió'₅ jë₄ jaun₂. ²⁵ Lia'₂ o₁líg'₂ jmig₄ tsá'₃ jnág₃ o₄'né₄ a₂jmi₂, ia₁ tsá'₃ ma₃a₂'uë₂ le₃cha₂. ²⁶ Ja₁jaun₂ qui₂dsi₃to'₅₄ ca₂le₃jě₃ a₂jlá'₁, a₂quen₅ quió'₅ juig₂ a₂te₁'i₁ gua'₅₄ 'uë₃. ²⁷ La₁ ja₁jaun₂ tsá'₃ qui₂dsi₃to'₅₄ 'i₁caun₂ a₂lë₁'iog₅, on₃ guë'₂ 'i₁jan₂ dsa₂ i₂qui₂jmo₅ a₂o₂guí'₃, i₂jui₁gan₂ ně₃. Jmá'₃ lia'₂ con'₂ i₂ma₂tion'₅₄ le₁ton₅ lia'₂ chein₂ ne₄ mi₂si₂ a₂le₃chan₂ dsa₂ co₂tan₅₄ quió'₅ Guein₂ Já'₂ Cha'₂ bá₄, jmá'₃ lia'₂ i₂'éi₂ bá₄ dsi₁len₃ ja₁jaun₂.

22

Cuá'₃ ja₁ñi₅ jmig₂ a₂chan₂ dsa₂

¹ Jaun₂ ca₂'ë₃ ángel caun₂ cuá'₃ ja₁ñi₅ jmig₂ a₂chan₂ dsa₂, a₂rë₂jě₃ lia'₂ lë₅ ni₁i₂; a₂já₅ ja₁lë₄ ne₄ta₁ quió'₅ Diú₄ quian'₅₄ Guein₂ Já'₂ Cha'₂, ² a₂ñi₅ dsi₂jo₂ jë₄ calle dsen₅₄ quió'₅ ciudad jaun₂. Lia'₂ ca₂ton₂ jmig₂ cuá'₃ ně₃, dsi₅₄ ni₁'ma₂ a₂chan₂ dsa₂;^{*} a₂'ag₅ gua₃-tín₂ ne₅₄ mig₂, jma₃ca₂ne₅₄ mig₂ le₂'í₁ tsi'₂. † Mog'₅₄ guë'₂ ně₃, jmo₅ ta₁ a₂'lón₂ ca₂le₃jě₃ juig₂. ³ Ia₁ ja₁jaun₂ guë'₄ ně₃, tsá'₃ ma₃jág₁ uig₅ le₃cha₂. Jë₄ juig₂ ciudad tē₃tsi'₅₄ ne₄ta₁ quió'₅ Diú₄, quió'₅ Guein₂ Já'₂ Cha'₂ ně₃, jaun₂ qui₂jme₃ti₃ dsa₂ quiáin₅ ne₅₄. ⁴ Ja₁jaun₂ jág₂ dsi₁ne₁, qui₃cán₂ lia'₂ chen₂ 'éi₂ le₁ton₅ chi₁quí₃. ⁵ Tsá'₃ ma₃a₂'uë₂ cha₂ ja₁jaun₂; le₂jaun₂ guë'₂ táng₃ jui₁lia'₂ i₂tián'₅ ja₁jaun₂ tsá'₃ ma₃si₂ ni₁tsí₅ 'nió'₅ quió'₅, on₃ guë'₂ si₂ quió'₅ 'iog₂. Ia₁ 'ñiog₅ bá₄ Te₁gui'₅₄ Diú₄ téi₂ si₂ ja₁coin₂. Jaun₂ qui₃goin₃ ján₃ ca₂lia'₂ co₂tan₅₄.

⁶ Jaun₂ ca₂juá'₂ ángel ca₂tság₃ jniá'₂:

—Jág₁ dsau₅ a₂rë₂ti'₅₄ bá₄ la₂ a₂juig₂ jniá'₂ 'ne₂. 'Ñiog₅ bá₄ Te₁gui'₅₄, i₂lín₅ Diú₄ i₂cuë₅ bí₂ jme₂dsi₂ quió'₅ dsa₂ i₂qui₂'ë₂ jág₁ o₄quió'₄, 'éi₂ bá₄ ma₂ca₂chein₃ ángel quiáin₅ ně₃, a₂ca₂jme₃jniá'₂₃ ne₄ dsa₂ i₂qui₂jme₂ti₃ ne₅₄, ca₂le₃jě₃ 'e₂ niog₅ lë₂ ñi'₅₄ ta₁.

Ni'₅₄ ta₁ guan'₂ bá₄ Te₁gui'₅₄ Jesucristo

⁷ —Jag₄! ñi'₅₄ ta₁ la₂ bá₄ guióng'₄! ¡'E₂ guë'₄ dsen₃ i₂tón'₂ jui₅ jág₁ a₂rë₂'ë₂ quió'₅ Diú₄ a₂tio'₅₄ ne₄ si₂ la₂!

§ 21:24 A₂lin₅₄ chog₅₄si₂: “ca₂le₃jě₃ juig₂ a₂ma₂lón₂.” * 22:2 o₃, “a₂já₅ ja₁lë₄ ne₄ta₁ quió'₅ Diú₄ quian'₅₄ Guein₂ Já'₂ Cha'₂. Dsi₂jo₂ jë₄ calle dsen₅₄ quió'₅ ciudad jaun₂, con'₂ guë'₂ lia'₂ ca₂ton₂ jmig₂ cuá'₃ ně₃, dsi₅₄ ni₁'ma₂ a₂chan₂ dsa₂.” † 22:2 o₃, “a₂'ag₅ mig₂ gua₃-tín₂ ráun₂, co₂ráun₂ le₂'í₁ tsi'₂.”

⁸ Jniá₂, Juan₅₄, jniá₂ bá₄ líng₅ i₂ca₂jág₃, i₂ca₂nag₃ ca₂le₃jě₃ cosa nē₅. Jaun₂ jme₁ma₂nē₂jág₃ ma₂nē₂nag₃, jaun₂ ca₂tón₂ jniá₂ 'uě₃ ja₁tión₂ mi₂tag₄ ángel, a₂jme₁jme₁juin₂'. ⁹ La₁ jaun₂ ca₂tság₃ jniá₂:

—A₃ jmo₂ le₂nē₅. Ia₁ jan₂ rín₂ 'ne₂ bá₄ líng₅, i₂jme₂ti₃ ta₁ ne₄ Diú₄, ton₂ 'líng₅ jan₂ rin₂'₅₄ rín₂ 'ne₂ i₂qui₂'ě₂ jág₁ o₄quió₄ Diú₄, quian₅₄ i₂tón₂ jui₅ jág₁ a₂tio₅₄ ne₄ si₂ la₂. Jme₁juin₂ Diú₄.

¹⁰ Jaun₂ juá₂ tság₅ jniá₂:

—Tsá₃ lě₁ma₂ tei₄ jág₁ a₂rě₂'ě₂ quió₅ Diú₄ a₂tio₅₄ mi₂si₂ rě₂bin₅ la₂. Ia₁ ma₂ja₂quián₃ jmi₄ jaun₂. ¹¹ Jui₁lia₂ i₂jmo₅ a₂'lig'₅₄, caun₂ jui₁jmo₂₃ a₂'lig'₁₂; jui₁lia₂ i₂rě₂'ñi₄, caun₂ jui₁jme₂'ñi₄3. Le₂jaun₂ guě₂ táng₃, jui₁lia₂ i₂ñi₅ jui₅ co₂dsau₅, jui₁ñi₁₂ lia₂ ma₂ñi₂₃ jaun₂, jui₅ co₂dsau₅; jaun₂ jui₁lia₂ i₂lín₅ i₂jñi₄5, caun₂ jui₁lein₅₄ bá₄ rě₂jñi₄5.

¹² —[Dsón₂ bá₄ ñi₅₄ ta₁ guióng₄! Quion₅₄ 'lia₅₄ premio quió₃; dsio₄ cuě₄ le₂jan₂ le₂jan₂ lia₂ con₂ lě₅ ma₂jmo₃. ¹³ Jniá₂ bá₄ líng₅ Alfa quian₅₄ Omega; i₂le₂ne₁, i₂jě₁ca₂tó₂ nē₃; i₂le₂'uig₅₄, i₂jě₁ca₂dsan₃ táng₃. ¹⁴ 'E₂ guě₄ dsen₃ jui₁lia₂ i₂ma₂le₁jě₃ tsin₅₄, ia₁jaun₂ bá₄ ñe₁3 bí₂ a₂tiin₃ ni₁'ma₂ a₂le₃chan₂ dsa₂, a₂tiin₃ dsitoin₅₄ le₃o₄'né₄ juig₂ ciudad nē₃. ¹⁵ Ca₁'né₄ bá₄ tion₅₄ jui₁lia₂ i₂lín₅ lia₂ lín₅ dsij₁'₅₄, jui₁lia₂ i₂tin₂ mί₅ a₂chan₂ dsí₅,† jui₁lia₂ i₂qui₂nió₅ jág₁ 'lig'₅₄, jui₁lia₂ i₂jme₂dsian₅ rin₅₄, jui₁lia₂ i₂jme₂juin₂ diú₄ lag₄, ca₂le₃jín₃ guě₄ i₂tě₅ dsí₅ qui₂jme₂gan₅ rin₅₄, a₂qui₂jmo₂₃ jág₁ tē₂jág₁ nē₃.

¹⁶ 'Jniá₂ Jesús, ma₂ca₂tsíng₂ ángel quiáng₃, a₂jáng₃ jág₁ dsau₅ nē₅ ja₁con₂ 'nia₂ ne₄ ca₂le₃jín₃ guá₅. Jniá₂ bá₄ líng₅ lia₂ cho₅₄ lia₂ tsi₁jon₂ Rag₅₄ David, ján₃ bá₄ líng₅ Nei₅ 'Tóg₁ i₂tág₅ quió₅.

¹⁷ Jme₂dsí₂ Jñi₄5, quian₅₄ dsa₂ mί₂ quián₅ Guein₂ Já₂ Cha₂ juá₂:

—Ñia₅.

Le₂jaun₂ guě₂ jui₁lia₂ i₂nag₅ juá₂ i₂nē₅, jui₁jua₅₄:

—Ñia₅.

Chi₂jua₂ 'ein₂ i₂rě₂quein₂ dsí₅, jui₁jia₂; chi₂jua₂ 'ein₂ 'nio₃, jui₁ja₂'én₃ jmi₂ a₂le₃chain₂, on₃jua₅₄ cha₂ quín₃ 'i₁caun₂.

¹⁸ Ca₂le₃jín₃ i₂nag₅ jág₁ dse₃ a₂rě₂'ě₄ quió₅ Diú₄, a₂tio₅₄ mi₂si₂ la₂, 'ě₅ jniá₂ jág₁ dsau₅ la₂; chi₂jua₂ 'ein₂ ca₂jmo₃ nag₅₄ con₂ lě₅ jág₁ a₂ma₂tio₅₄, Diú₄ bá₄ jme₃juě₂ jmi₁uig₅ quió₅ lia₂ con₂ lě₅ le₁ton₅ ne₄ mi₂si₂ la₂. ¹⁹ Nē₁jua₂ 'ein₂ guě₂ ca₂jñiá₂, ca₂jmo₃ me₂ jág₁ a₂rě₂'ě₂ ne₄ si₂ la₂, Diú₄ bá₄ jñiá₂ a₂jme₁ca₂tiin₂ quió₅ ni₁'ma₂ a₂chan₂ dsa₂, quian₅₄ guě₄ quió₅ ciudad jñi₄5 a₂le₁ton₅ ne₄ si₂ la₂.

²⁰ I₂jáng₅ jág₁ dsau₅ la₂ juá₂:

† 22:15 griego: farmakeía.

—Dsón'₂ bá₄ ñi'₅₄ ta₁ guíong'₄.
 A₂jaun₂ guë'₂ dsón'₂. ¡Ñiá'₅ 'ne₂, Te₁gui'₅₄ Jesús!
 21Jui₁jme₂gu'₅₄ bá₄ Te₁gui'₅₄ Jesucristo ca₂le₃jín'₃ 'nia'₂.
 Co₂në₅.